


Cat. lib.


Aut 67

11 129



THEOLOGIAE
MORALIS
LIBER QVARTVS
DE VIRTVTE
ET
STATV RELIGIONIS.

AVCTORE PAVLO LAYMANN
SOCIETATIS IESV THEOLOGO.



*Corrigere con comisión de
los II. Inquisidores re
gulares de los
fr. Ant. Billaine*

LVTETIÆ PARISIORVM,
Sumptibus Petri Billaine, viâ Iacobæa
sub signo Bonæ Fidei.

M. DC. XXVII.

THEOLOGY
MORALLIS

LIBER QVARTVS
DE VIRTUTE

STATA RELIGIONIS

AVGUSTINVS
CIVILIS

Compositum a ...
in ...
...
...



IN ...
...
...



DE VIRTUTE ET STATV

RELIGIONIS.

PRO O E M I V M.



CIRCA etymologian *Religionis* variae sunt sententiae: Nam S. August. lib. 10. de Ciuitate, c. 4. existimauit, dictam fuisse à *reeligendo*; quasi religiosi vocentur, qui rursus diligendo eligant, quæ negligendo amiserunt. Cicero verò lib. 2. de natura Deorum, quem Isidorus secutus fuit lib. 10. Etymolog. à *relegendo* deriuat: *Qui omnia,* inquit, *quæ ad cultum Dei pertinerent, retractarint, & relegerent, hi dicti sunt religiosi, à relegendo.* Sed melius sentire videtur Lactantius lib. 4. de vera sapient. c. 28. *Hac conditione gignimur, vt generati nos Deo iusta & debita obsequia praebeamus, hunc solum nouerimus, hunc sequamur, hoc vinculo pietatis obstricti Deo, & religati simus: vnde ipsa religio nomen accepit; non vt Cicero interpretatus est à relegendo.* Eandem sententiam postea tenuit S. August. lib. 1. retract. cap. 13. & de vera religione cap. vlt.

Igitur Religio secundum primæuam significationem dicta est, Quia nos Deo vinculo pietatis astringit ac religat, dum ei, vt supremo rerum omnium Domino, cultum & obsequia nostra deferimus. Qua ratione definitur ex S. Th. 2. 2. q. 81. a. 2. & 5. Religio est virtus, exhibens Deo debitum cultum. Alias exinde translatae acceptiones *Religionis* videre potes apud Suarez t. 1. de relig. lib. 1. c. 1.

Notanda est autem doctrina S. Th. q. 81. a. 5. Quod Religio inter Theologicas virtutes non numeretur, propterea quia illæ proximè ac directè versantur circa Deum, tanquam obiectum Quod; eum credendo, sperando, amando. At verò Religio proximè ac directè versatur circa exhibitionem cultus diuini, adeoque hominis actionem, per quam diuinæ excellentiæ contestatio fit, huiusmodi actio est oratio, sacrificium, votum, iuramentum; imò quodlibet opus bonum, propter Dei honorem præstitum, secundum Apost. ad Corinth. 10. *Omnia in gloriam Dei facite.* Et S. Iacob. c. 1. *Religio munda, & immaculata hæc est, visitare pupillos, & viduas in tribulatione earum.* Indirectè autem religio per actionem suam attingit Deum tanquam finem actionis, siue, vt Caiet. loquitur a. 3. tanquam obiectum cui. Nam Deo, siue in honorem Dei, sacrificamus, vouemus, ieiunamus. Quare Religio inter mo-

rales virtutes præstantissima est: quia propinquius, quàm aliæ Deum attingit, teste
 cod. S. Th. 2. 6. Magnam verò hæc virtus affinitatem cum Iustitiæ virtute gerit, vt
 proinde eius pars potentialis censeatur, sicuti edocet S. Th. 2. 1. Deficit tamen à pro-
 prietate; quia licet Religio Deo cultum debitum persoluat, non tamen secundum
 æqualitatem, & vt debito plenè satisfieri possit, sicuti dixi lib. præced. de iust. 1.
 1. c. 3. n. 3.

Hunc verò librum in decem tractatus distinguo I. est de Oratione, & horis Ca-
 nonicis. II. De Ecclesiasticis beneficiis. III. De Iuramento, ac periurio. IV. De Voto
 eiusque relaxatione. V. De statu Religionis VI. De Decimis, primitiis, aliisque
 oblationibus VII. De Festorum obseruatione, Sanctorum canonizatione ac cultu.
 VIII. De Ecclesiastico ieiunio. IX. De Immunitate Ecclesiastica. X. De vitii Reli-
 gionis virtuti oppositis.



LIBRI QVARTI

TRACTATVS

PRIMVS,

DE ORATIONE, ET HORIS

CANONICIS.

CAP. I.

DE ORATIONE VNIVERSIM.

SVMMARIVM.

1. Oratio est actus elicited ab intellectu, supposito actus voluntatis mouentis.
2. Oratio ad Deum homini viatorinecessaria est, necessitate medij ad salutem.
3. Tempora, quibus praeceptum orandi per se obligat, determinari non possunt.
4. Peccatores bene orare possunt, & orando inpetrare.
5. Anima in purgatorio Deum orant non tantum pro se, sed etiam pro aliis.
6. Sanctos in Caelo, ipsamque Christum, quia homo est, pro nobis orare, certum est.
7. Sanctorum apud Deum patrocinium fideles recte inuocant.
8. Pro animabus in purgatorio, & omnibus hominibus viatoribus recte Deum oramus.
9. Quae bona hominis absolute sunt, ea sicuti desiderari, ita & per orationem à Deo absolute peti possunt: quae vero indifferentia, ea non nisi sub conditione, si nobis ad animae salutem expediant.
10. Rem malam, seu auxilium ad peccandum à Deo petere, est peccatum mortale: rem vero indifferentem absque ulteriore honesto fine petere v.g. lucrum ex ludo, potest esse veniale.
11. Oratio infallibilem ex Christi promissione impetrandi vim habet modo ad sint conditiones requisiti.



RATIO interdum accipitur late, pro quouis animi pio motu erga Deum; quo modo S. Damascenus accepit lib. 3. de Fide, ca. 24. Oratio est ascensus mentis in Deum. Et Auctor libri de spiritu & anima, c. 50. in operibus S. August. to. 3. Oratio est conuersio mentis in Deum, per pium & humilem affectum. Interdum vero accipitur strictè, atque ita definiri potest ex doctrina S. Thomae 2. 2. q. 83. a. 1. Medinae de orat. q. 1. in fine, Azor to. 1. lib. 9. c. 29. q. 3. Suarez to. 2. de relig. lib. 1. de orat. c. 1. Bellarm. lib. 1. de bonis operibus, c. 1. Less. lib. 2. c. 37. dub. 2. Actus rationis practicae, desiderium animi coram Deo explicantis, vt aliquid ab ipso impetretur.

Dicitur actus rationis, Quia oratio elicited est ab intellectu seu ratione, supposito actu voluntatis mouen-

tis, sicuti indicat S. Basilius orat. in Tulittam: *Oratio est boni cuiusdam petitio, quae à pijs ad Deum effunditur.* Similiter S. Damasc. in cit. ca. 24. ait. quod oratio est decentium à Deo petitio, conuenienter verbo Christi Marci cap. 11. *Quidquid orantes petitis.* Etenim petitio locutio quaedam est, qua desiderium nostrum illi intimamus, à quo aliquid speramus: quare S. Gregorius Nyssenus ait, in lib. de oratione, princip. quod oratio est conuersatio, sermocinatioque cum Deo. Additur practica, Quia desiderium animi non pandimus coram Deo, vt illud cognoscat, sed vt moueatur ad rem, quam cupimus, praestandam. Etenim desideria rerum, quas speramus, ad effectum duobus modis deducimus; Primò, si in potestate nostra sint, per imperium, *Fac hoc, Fiat hoc*: secundò, si non in nostra, sed in aliena potestate sint, per petitionem seu postulationem, *Rege, vt fiat hoc*: vtraque autem oratio, imperium, inquam, & deprecatio, rationis practicae opus est; sicuti docet S. Th. cit. a. 1. Et quod simili quadam ratione Angeli Deo loquantur, ab ipso petentes vt illuminentur, dum conceptum rei desideratae per voluntatem ordinant ad Deum, docet idem S. Th. 1. p. q. 107. a. 2. Enimvero eadem conceptio, quae secundum se Angeli intellectio est, ad alterum relata locutio est.

Obijcit autem Medina q. 2. existimans, orationem esse actum immediatè elicited à voluntate: Oratio est actus Latria seu Religionis, teste S. Th. cit. q. 83. a. 2. Virtus autem Religionis in voluntate est: ergo & actus orationis. Respond. non docuisse S. Thomam quod oratio sit actus elicited à virtute Religionis, sed quod imperatus: Nam sicuti Religio, quae in voluntate est, aliarum inferiorum potentiarum actus in Dei cultum ac reuerentiam ordinat, ac submissè offert; ita etiam actus elicited ab intellectu, puta orationes, & gratiarum actiones. Vide eundem S. Thomam 2. 2. ad 3. Tamen si igitur affectus orandi, seu per orationem submitendi se Deo, eiusque excellentiam supremam protestandi, actus elicited sit à Religionis virtute; ipsa tamen oratio seu petitio est actus imperatus: quamuis, prout oratio consideratur in genere morali, humilis à Deo tanquam fonte omnis boni petitio, sic absolute dici potest, esse actum elicited à virtute Religionis, sicuti bene monet Suarez cit. lib. 1. cap. 7.

QVÆSTIO PRIMA. An, & qualis necessitas orandi hominibus viatoribus imposita sit? Respondeo, & dico I. Oratio ad Deum homini viatori necessaria est necessitate mediæ, ad salutem. Ita Suarez ca. 28. Intelligitur autem assertio secundum ordinarium à Deo ordinatum modum homines adultos saluandi. Probatur. Quia & rerum naturis, & suavi prouidentiae ac gubernationi Dei, rationalium creaturarum cooperationem exigentis congruit, vt posteaquam homines Deum auctorem, & infirmitatis suae adiutorem agnouerunt, eius necessarium auxilium quærant, desiderent, & humiliter petant. Quare Christus ait apud S. Lucam cap. 11. *Petite & dabitur vobis*, quasi aliter dandum non sit, nisi petatur: *querite & inuenietis: pulsate & aperietur vobis*. Ita de obseruatione mandatorum Dei, eam absque oratione obtineri non posse, indicat S. August. lib. de natura & gratia, cap. 43. interprete Trident. sess. 6. c. 11. *Deus impossibilia non iubet; sed iubendo monet & facere quod possis, & petere quod non possis*. Et lib. 2. de dono perseverantiae, c. 16. ait idem August. *Constat, Deum alia non orantibus sicut initium Fidei; alia non nisi orantibus præparasse, sicut usque in finem perseverantiam*. Etenim quos Deus ad finem vitæ æternæ prædestinat, iis convenientia media ordinat, inter quæ ordinarium est, oratio; ad quam vsurpandam nos ipse excitat, atque adiuvat; vt id assequi possimus, quod sine orationis medio nobis non præparauit, sicuti S. Gregorius explicat lib. 1. dialog. c. 8. relatus causa 23. q. 4. *Obtineri nequaquam possunt, quæ prædestinata non fuerunt: sed ea, quæ sancti viri operando efficiunt, ita prædestinata sunt, vt precibus obtineantur*. Et S. Th. cit. q. 83. a. 2. *Non propter hoc oramus, vt diuinam prouidentiam immutemus: sed vt id impetremus, quod Deus disposuit per orationes Sanctorum esse implendum*.

Dico II. Oratio homini viatori est necessaria necessitate præcepti diuini ac naturalis, Ita S. Th. a. 3. ad 2. Durandus in 4. d. 15. q. 12. Medina de orat. q. 9. aliq. communiter. Sumitur ex verbis Christi: *Petite, & dabitur vobis*. Matth. 28. *Vigilate & orate, ne intretis in tentationem*. Ratio sumi debet ex voluntate Dei, iuste ac salubriter disponentis, vt necessitatibus nostris auxilium atq; medelam consequi non possimus, nisi humili subiectione ab ipso petamus: ex quo colligitur, necessitatem orandi non tantum prouenire ex lege Charitatis erga nos ipsos; sed etiam ex lege virtutis Religionis erga Deum: siquidem Deus vult ac iubet, vt ad salutem nostram cooperemur, adhibentes hoc ipsum medium humilis subiectionis & cultus, per orationem seu petitionem eorum, quæ nobis ab ipso necessaria sunt, sicuti explicat Suarez cap. 29. §. nihilominus & cap. 30. §. hæc obiectiones. Quamuis contrarium senserit Alex. Halensis, p. 4. q. 90. mem. 1. a. 2.

Dico III. Tempora, quibus præceptum orandi per se, & ex Religionis virtute obligat, determinari non possunt: necesse tamen est, vt non nimis diu ab oratione desistamus. Hæc assertio est ex mente S. Thom. in 4. d. 15. q. 4. a. 1. q. 3. Palud. ibid. q. 5. a. 1. Durandi cit. q. 12. Less. lib. 2. c. 37. nu. 11. Suarez ca. 30. num. 15. & 16. Valentia to. 3. disp. 6. q. 2. p. 3. in fine. Quo etiam sensu explicari possunt verba S. Lucæ cap. 18. *Oportet semper orare, & non deficere*. 1. ad Thess. 4. *Sine intermissione orate*. Quia enim continuum nobis cum hostibus spirituale bellum est, vt dixerit S. Iob. ca. 7. *Militiam*, seu tentationem esse vitam hominis super terram; ideo nunquam ab oratione omnino desistendum; quin mox, id est, non longo nimis intervallo (consideratis circumstantiis secundum viri prudentis arbitrium) ad eam redeamus; quandoquidem hoc medium, tanquam præcipuum ad vincendum, Deique gratiam acquirendam, retinendam nobis præscriptum & commendatum est.

Per accidens autem, siue ob occurrentem aliquem euentum, plures orandi obligationes, saltem ex Charitatis virtute prouenientes, à D. D. numerantur: I. est, Si grauis tentatio superanda sit, II. Si eximium à Deo beneficium ad salutem necessarium homini consequendum, v. g. illuminatio in controuersis Fidei, cum homo dubitans veram Ecclesiā quærit. III. Mortis propriæ imminente periculo. IV. Si Communitas in magno periculo constituta sit, vt Dei auxilium ad auertendum malum implorandum esse videatur: quandoquidem constat, Deum sæpe populum ingenti malo liberare nolle, nisi per orationes: ergo ad hoc medium à Deo ordinatum quisquis è populo obligatur, secundum Charitatis legem. V. Addunt Syl. ver. oratio, q. 8. Nauar. c. 13. n. 18. Suarez cit. c. 30. in fine. Si proximus in spiritali necessitate constitutus sit: vt si quis videat duos ad duellum properantes, neq; aliter impedire possit, quod teneatur Deum pro illis orare. Sed bene admonuisse videtur Less. n. 12. eiusmodi obligationem raram esse. Nam conari ad proximum à peccato liberandum non tenemur, nisi probabilis spes sit securæ liberationis: si autem videas duos malitiosè in duellum prouentes, non potes tibi probabiliter polliceri, oratione tua ad Deum fusa à peccato & exitio ereptum iri (cum oratio pro alio, præsertim peccatore obstinato, difficilius exaudiat, quam pro seipso, teste S. August. tr. 102. in Ioan. S. Th. a. 15. & 16.) nisi singulariter ad orandum te excitari sentias, quod, vt dixi, rarum est.

QVÆSTIO SECUNDA. Quinam vtiliter orare possint? Dubitatur autem de hominibus peccatoribus; de animabus in purgatorio; de Sanctis in calo, ipsoque Christo, quæ homo est. Respondeo, & dico I. Peccatores bene orare possunt, & ita orantes exaudiuntur. Ita docet S. Th. a. 16. allegato testimonio S. August. tr. 44. in Ioannem; *Si peccatores Deus non exaudiret, frustra ille publicanus oculos in terram demittens, & pectus suum percutiens diceret, Deus propitius esto mihi peccatori*. Et Auctor operis imperfecti, explicans verba Christi apud S. Matth. c. 7. *Omnis qui petit, accipit; adiecit, siue iustus sit, siue peccator*: modò adsint hæc quatuor conditiones, ait S. Th. in corp. a. 16. *vt pro se petat, necessaria ad salutem, piè, & perseveranter*; tunc Deus secundum misericordiam suam etiam peccatores, ad se accedere incipientes, exaudit.

Neque obstat illud dictum apud S. Ioan. c. 9. *Scimus, quia peccatores Deus non audit*. Nā imprimis respōdet S. August. dictum illud esse cæci qui nondū perfectè instructus & S. spiritus victus erat. Secūdo respondet S. Th. ad 1. Verū esse, quod Deus peccatores, quæ formaliter tales sunt, non audit: Puta si aliquid petant, quo peccatum suum exequi possint: nisi quod interdum Deus, iusto iudicio fieri permittat, quod ita malè petitur, in pœnam petentis, sicuti S. August. annotauit tract. 73. in Ioan. & ep. 162. ad Probam, c. 14. Veli peccator miraculum à Deo petat, non in confirmationē veræ fidei; sed vt sectarius, seu falsarius in confirmationem doctrinæ falsæ, tunc Deus petitionē implere non potest; cum hæc esset contestatio falsi, quæ in Deum veracissimū non cadit atq; hoc est, quod sapiēter cæcus ille animaduertit, Deū tale miraculū per hunc hominē in cōfirmationē suæ doctrinæ facturum non esse, si non à Deo missus, sed falsarius atq; peccator esset. Videri potest Gabr. lect. 59. princip. & lect. 63. §. ex quo sequitur, in can. Missæ.

Dico II. Certum esse debet, quod animæ in purgatorio orent Deum pro seipsis. Ita Alex. in 4. p. q. 91. memb. 4. Valent. c. q. 2. p. 6. Suarez cap. 11. §. sed iam dicendum, Less. lib. 2. c. 37. dub. 5. Cum enim pœnam & miseriam suam cognoscant, & sint in desiderio, ac spe liberationis; quid obstat, quo minus hunc affectum Deo humili petitione explicare possint? sal-

tem vt excitet fidelium in terris existentium animos ad suffragia pro illis ferenda.

An verò pro nobis in terra existentibus animæ orent, maius dubium est: Negant enim S. Th. a. 11. ad 3. Halēsis cit. mem. 4. Nau. de orat. c. 1. n. 22. Sed oppositū probabiliter docuit Gabr. Lect. 58. in can. Missæ, pro-
fitem. Ioan. Medina. C. de orat. q. 4. ver. De anima-
bus de term. li. 2. de purgator. c. 15. Valēt. Suarez. Less. II. c. c. quod animæ in purgatorio pro nobis orēt; seu in-
determinatē pro omnibus seu determinate pro amicis,
cognatis, iisue, qui suffragia ad ipsorū liberationē Deo offerunt. Quia licet non sint in statu merendi; is tamen
ad orandum & impetrandum non requiritur, sicuti tes-
tatur ipse S. Th. a. 16. ad. 2. Et cum sint Deo gratæ,
nostræque miseras saltem in genere, proprias autem
in particulari cognoscant, nihil prohibet, quo minùs
tum pro seipsis, tum etiam pro nobis, saltem vt com-
munibus, quibus nos obnoxios sciunt, miseriis libe-
remur, orare, atque secundum Dei misericordiam im-
petrare possint. Accedit, quod ex scriptura sacra cōstat,
animas Patrum veteris testamenti, dum in limbo deti-
nebantur, pro populo orare solitas, Hier. 15. & 2. Ma-
chab. ult. vbi de Ieremia defuncto dicitur; *Hic est, qui
multum orat pro populo.*

6 Dico III. Certum est, Sanctos in cælo pro nobis
orare, etiam in particulari. Hæc assertio est de Fide,
quam tradit S. Th. a. 11. Probatur primò ex Scriptura
sacra: Zachariæ cap. 1. legimus, quod Angelus afflic-
tionem populi miseratus, ita Dominum deprecatus sit:
*Domine exercituum, usquequo tu non misereberis Hie-
rusalem, & Iherusalem, quibus iratus es? In quem locum S.
Hieron. scribit: Angelus, qui interpellat pro Israel, occasio-
nem accipit pro populo deprecandi: Cū omnis orbis quietus sit, &
pacatus, quare, Domine, non misereberis Hierusalem. Vide
etiam Theodoretum. Deinde Tob. 12. dixit Angelus
ad Tobiam: Quando orabas cum lacrimis, & sepeliebas mor-
tuos, & decemissam dabas, ego orationem tuam obtuli Domi-
no. Quid est, quod orationem Tobie Domino Ange-
lus obtulit, nisi quod deprecationem suam adiunxerit
vt citius exaudiretur; sicuti per familiares aulicos pre-
ces aliorū principi offeruntur. Videri potest S. Hilarius
can. 18. in Matth. *Sancti enim per Christum orationes Ange-
li quotidie Deo offerunt.* Et S. August. epist. 120. c. 29.
*Annuntiant Angeli non solum nobis beneficia Dei, verum
etiam illi peccata nostræ.* Item Andr. Casariensis, Arcas,
& alii, qui scribunt in Apocal. c. 8. Ratio est. Quia An-
geli in cælo, aliiq; beati nostras miseras cognoscunt;
siue in Verbo, vt vult S. Th. q. 83. a. 4. ad. 2. siue per
nouas reuelationes, vt vult S. August. lib. de cura pro
mortuis, c. 15. Et quia charitate nobiscum coniuncti
sunt, auxilium à Deo rogare, atque impetrare non ces-
sant. Sic enim legimus Luc. 15. Gaudium esse in cælo,
si peccator ad pœnitentiam reuertatur: cur? nisi quia
Angeli, aliiq; beati desiderii ac voti sui cōpotes fiunt.
Cui doctrinæ Catholicæ adstipulantur Patres Orige-
nes lib. 8. contra Celsum, vbi ait, quod Angeli, & ani-
mæ beatæ in cælo pro nobis supplicantes, simul & sen-
tiant, quoniam sint Dei benigne voluntatis promeriti.*

S. Cyprianus li. 1. epist. 1. ad Cornel. *si quis hinc nostrum
prior diuinæ dignationis celeritate præcesserit, perseveret apud
Deū nostra dilectio, pro fratribus & sororibus nostris apud miseri-
cordiam Patris non cesset oratio.* Et in lib. 6. de mortalita-
te: *Magnus illic nos charorum numerus expectat, parentum,
fratrum, filiorum frequens nos & copiosa turba desiderat, iam
de sua immortalitate secura, & adhuc de nostra incolumitate
solicita.*

S. Basilii lib. de Virginit. Reuerbitur (Virgo) An-
gelorum infinitas multitudo, & una sanctorum Patrum
beatissimos spiritus. Nullus enim ex his est, qui non singula
vbiq; consideret. Etsi enim oculis carnis minime conspicui
sunt, incorporeis tamen obtutibus ad agnitionem complectuntur

omnia, & comprehendunt.

S. Gregor. Nazianz. orat. 20. in laudem Basilij:
*Tu verò sacrum, & diuinum caput, nos de cælo, quæso, inspi-
ces carnisq; stimulum à Deo nobis ad disciplinam datum, pre-
cibus tuis siste.*

Idem in orat. 18. in laudem S. Cypriani: *At tu nos de
cælo benignus afficias: sermonesque nostros, & vitam gu-
bernes.*

S. Gregor. Nyssenus orat. de S. Theodoro Martyre:
*Etiam si superasti seculum; at nostri afflicti, & rursus necessi-
tatesque humana conditionis: pete pacem, vt hi publici con-
uentus non desinant, ne debacchetur atque grassetur aduersus
templa, altariaque rabiosus & sceleratus Barbarus.*

S. Ambrosius lib. de viduis: *Isti sunt Dei Martyres,
nostri Praefules, speculatores vite, adiutoremque nostrorum.*

S. Hieronymus aduersus Vigilantium: *si Apostoli, &
Martyres adhuc in corpore constituti possunt orare pro cæcis;
quando pro se adhuc debent esse solerti: quando magis post coro-
nas, victorias, & triumphos? Vnus homo Moyses sexcentis
millibus armatarum impetrat à Deo veniam: & Stephanus
imitator Domini, & primus Martyr in Christo, pro persecuto-
ribus veniam deprecatur, & postquam cum Christo esse cape-
rint, minus valebunt?*

Idem argumentum tractat S. Gregor. Nazianzenus
in orat. funebri patris sui: *Nec dubito, quin hoc nunc quo-
que tantò magis deprecatione sua, quàm prius doctrina præstet,
quando nunc magis Deo appropinquat, vt qui corporeas com-
pedes excusserit, &c. ac limo illo, mentis puritatem insensente
liberatus sit, nudusq; cum nuda, principe illa & purissima
Mente versetur.*

Seuerus Sulpitius ad Basul. de transitu S. Martini:
*Martinus hic pauper & medicus, cælum diues ingreditur:
illinc nos, vt spero, custodiens, me hoc scribentem respicit; &
legentem.*

Prudentius hymno de S. Eulalia.

*Illæ Dei sita sub pedibus,
Prospicit hæc, populosque suos,
Carminè propiciata sonat.*

S. Gregor. I. in concione præparat. ad mortem:
*Neque de hoc dubitare quemquam conuenit, se, cum in mortis
periculo est, non solum esse, sed sui curam omnes Angelos age-
re, & omnium sanctorum oculos in se defixos.*

Et lib. 4. Dialog. cap. 33. *Quia illic omnes (Sancti) com-
muni claritate Deum conspiciunt, quid est, quod ibi nesciunt,
vbi scientem omnia vident?*

Exinde autem colligitur; Beatos in cælo rectè à fi-
delibus inuocari, vt opem apud Deum, cui coniuncti
sunt, nobis impetrent. Nam ita legimus, quod Iacob
Patriarcha Gen. 48. Angeli opem implorauit: *Angel-
us, qui eripuit me de cunctis malis, benedicat pueris istis.* Et
hanc semper fuisse Ecclesiæ Catholicæ consuetudi-
nem inuocandi sanctos Dei, testantur Patres: vt Ori-
gen. in lib. Numer. cap. 31. n. 26. & lib. 2. in Iob. Eu-
seb. de præparat. euangel. lib. 13. c. 7. S. Basil. homil.
in 40. Martyres. Cyrillus Hierosolym. catech. 5. Ruf-
inus lib. 2. histor. c. 33. Chrysost. hom. 66. ad popu-
lum Antiochenum S. August. tract. 84. in Ioannem,
lib. 7. contra Donatistas, cap. 1. & lib. 22. de ciuit. c.
8. Seuerus Sulpitius epist. ad Borelium Diaconum.
S. Maximus Taurinensis homil. de S. Agnete. Leo in
Natali Apostol. serm. 1. Theodoret. lib. 8. contra
Græcos, de Martyribus. Victor Vicensis lib. 3. de per-
secut. Africa.

Obiicitur primò: Christus est vnicus mediator no-
ster, per quem accessum habemus ad Deum Patrem,
secundum illud Apost. 1. ad Timoth. 2. *Vnus est Deus,
vnus est mediator Dei, & hominum, homo Christus Iesus.* Er-
go Sanctos adhibere non debemus tanquam mediato-
res. Respondeo ex doctrina Concil. Tridentini sess.
25. Nos Sanctos siue beatos in cælo non inuocare,
tanquam auctores donorum, & beneficiorum; sed tan-

quam apud Deum intercessores, & quidem per passionem ac merita Christi Domini, qui ob excellentiam vnionis hypostaticæ, principali ac singulari modo, & hoc sensu vnicus mediator inter Deum atque homines existit: alii autem Sancti secundarii, & per ipsum Christum, cui proinde nihil gloriæ adimitur, sed potius adiungitur, quando per merita Christi alii Dei sancti accessum habent ad thronum gloriæ, etiam pro aliis deprecando. Videri potest Cyrillus Alexandr. lib. 12. thesauri, cap. 10. Et S. August. in psal. 108. vbi ait. *Oratio, quæ non fit per Christum, non solum non potest delere peccatum, sed etiam ipsa fit in peccatum.*

Corollarium. Oratio, quam ad beatos in cælo fundimus, non est actus elicited a virtute Religionis seu Patriæ, (quippe qua solum Deum colimus) sed est inferioris cultus, quæ *dulia* dici solet. Idque annotauit S. August. lib. 10. de ciuit. c. 10. & lib. 20. contra Faustum, c. 21. Verum quia colendo & inuocando Sanctos, etiam ipsum Deum, & Filium eius Christum colimus ac inuocamus, vti notauit S. Th. q. 82. a. 2. ad 3. & S. Ambr. serm. 6. *Quisquis honorat Martyres, honorat & Christum: & qui spernit Sanctos, spernit & Dominum.* Ideo dicendum est, orationem erga Sanctos esse actum imperatum a virtute Religionis: vel, si malis, esse actum re ipsa, aut virtute duplicem, qui quatenus ad Deum, & Christum Filium eius dirigitur, Patriæ est; quatenus verò ad Sanctum spectat, *Dulix*. Ita enim frequenter oramus: *Concede nobis Deus, intercessione huius sancti &c. per Christum Dominum nostrum.* Cum enim demerita siue peccata nostra nos grauant, releuari nos posse eorum meritis, quos Deus diligit, testatur S. August. lib. 2. super Exod. q. 149. & S. Bernar. de Assumpt. B. Virg. *Opus est mediatione ad mediatorem istum, Christum Dominum: nec alter nobis utilior, quam Maria*

Obiicitur secundò, Dictum Apostoli ad Colossens. 2. *Nemo vos seducat volens in humilitate, & reuerentia Angelorum: quasi abiecta res sit, & indigna Christianis, si Angelicas substantias colant & inuocent.* Respondetur enim cum S. Hieron. in epistola ad Algasiam, q. 10. S. Chrys. hom. 7. in epist. ad Coloss. Theodoret. in cit. cap. 2. Theophyl. in præfat. eiusdem epist. Apostolum loqui contra errorem illum; Mundum a Deo supremo per Angelos, tanquam Deos minores, creatum esse; ideòq; per ipsos, tanquam mediatores, necessariò nobis ad Deum perueniendum. quod vt Gentilium, præsertim Platoniorum commentum, refutat Auctor commentar. in epist. ad Rom. cap. 1. apud S. Ambrosium to. 3. Qui ipse error etiam apud Iudæos idololatrias inualuisse videtur, ita vt Angelos etià adorarent, sicut colligitur ex Deuter. c. 17. & 4. Regum, c. 23. *Adolebant incensum Baal, & Soli, & Lunæ, & duodecim signis, & omni militie cæli. Militia autem cæli, inquit Hieron. loc. cit. non tantum sol appellatur, & luna, & astra vultantia: sed & omnis Angelica multitudo, eorumq; exercitus, qui hebraicè appellatur sabaoth.* Post Christi vero aduentum eundem errorem de Angelis mundi creatoribus excitârunt hæretici, & apostatæ, nominatim Cherinthi, sicuti testatur S. Irenæus lib. 5. aduersus hæres. c. 19. Tertull. lib. de præscript. c. 48. Cherinthi mundum institutum esse ab Angelis dicit: *Christum ex semine Ioseph natum propterea, hominem illum tantummodo sine diuinitate contendens.* Quare cum hæretici isti Christum deprimerent, Angelos vero nimis exaltarent; rectè monuit Apostol. *Nemo vos seducat in humilitate, ob Christi secundam carnem infirmitatem, ac mortalitatem scandalum passus, & religione Angelorum, quasi mundi opifices existant.*

Atque hæc ipsa hæresis, seu potius apostasia in sequentibus etiam sæculis inualuit, sicut colligitur ex constitut. Imperatorum Honorii & Theodosii lib. 16.

tit. 8. Cod. Theodosiani, de Iudæis & cælicolis, l. 19. *cælicolarum nomen inauditum quodammodo, nouum crimen superstitionis vindicauit.* Et Damasus Papa in epist. ad Episc. Thessalonic. Paulinum, apud Theodoretum li. 5. c. 11. *Ve credamus, quia in Patre, & Filio, & Spiritu sancto, baptizamur; & non in Archangelorum nominibus, & Angelorum: quomodo Hæretici, aut Iudæi, aut etiam Gentes dementes.* Huc etiam fortasse spectat can. 35. Laodic. concil. *Quod non oporteat Christianos derelictæ Ecclesiæ Dei abire, & Angelos nominare, vel congregationes facere.* Ita enim hunc locum explicat Bellar. lib. 1. de Sanctor. beatit. Veruntamen cum can. iste de Christianis loquatur; at verò S. Epiphani. hæres. 60. August. lib. de hæresib. hæres. 39. testari non potuerint, inter eos, qui Christianos se appellabant, fuisse Angelicolas, seu Angelorum adoratores; sed hos apostatas fuisse Iudæos, aut Gentiles, satis constat ex cit. l. Honorii; ideo magis placet sententia Cæsaris Baronij canone 35. Laodic. sermonem esse de falsis Angelis, quos Gentiles ac magi religiosè colebant, & genios appellabant; in eorumque cultum natalitios dies celebrantes, amicos suos conuocabant, sicuti sumitur ex Censorin. de die natali, & Macrobio in Saturnal. Vel simpliciter dici posse, ait Baron. Angelorum nomine ibi Dæmones intelligi, quos Magi ad magias suas aduocabant: quamobrem idololatricæ dicti sunt, eod. can. Laodic. Ipsi enim ad imposturas suas honesto nomine velandas, profitebantur se Angelos inuocare, sicuti colligitur ex Tertulliano in Apologet. aduersus Gentes c. 23.

Porro Angelos bonos, perinde vti alios beatos in cælo, ab antiquis Christianis inuocari solitos esse, tanquam nostros apud Deum & Christum patronos, testatur inter alios S. Hilarius in psal. 129. vbi ait, quod in intercessione Angelorum non natura Dei eget, sed infirmitas nostra. S. Ambrosius in lib. de uideis: *videtis, quod magno peccato obnoxia minus idonea sit, quæ pro se precetur, certè quæ pro se impetret. Adhibeat igitur ad Medicum alios precatores.* Et paulò post; *Infirma est caro, mens agra est, & peccatorum vinculis impedita: ad Medicum illius sedem debile non potest explicare vestigium: obsecrandi sunt Angeli pro nobis, qui nobis ad præsidium dati sunt: martyres obsecrandi, quorum videmur nobis quoddam corporis pignore patrociniū vendicare.* S. August. in cap. 19. Iob, to. 4. explicans verba illa, *Miseremini mei, miseremini mei saltè vos amici mei,* ita scribit; *Angelos videtur postulare, vt pro eo deprecantur: aut certè Sanctos, vt pro penitente orent.* De eisdem Angelis tutelariis ac præsidibus rerum humanarum, videri potest Gregor. Nazianz. orat. ad. 150. Episcopos S. Hilarius comment. cap. 18. Matth. & in psal. 129. S. Hieron. ibid. in illa verba. *Quis putas maior est in regno cælorum? & plura apud Baron. in Martyrologio, die VIII. Maij.*

Dico IV. Christus, vt homo, etiam nunc in cælis orat Patrem suum cælestem pro nobis, sicuti colligitur ex verbis Christi Ioann. 14. *Ego rogabo Patrem, & alium paraclitum dabit vobis.* Ad Hebr. 9. *Saluare in perpetuum potest, accedens per semetipsum ad Deum, semper viuens ad interpellandum pro nobis.* Tametsi aliqui interpretantur, hanc interpellationem & intercessionem Christi apud Patrem aliud non esse, quàm continuā exhibitionem passionum ac meritorum suorum. Quare vel propter hanc ipsam causam, quia videlicet Christus peracto redemptionis negotio, nihil iam noui à Deo Patre pro nobis postulat, vel propter scandali periculum, Ecclesia fundere non solet preces suas ad Christum, vt ore pro nobis tanquam homo & mediator; sed vt misereatur nostri, vt tribuat nobis, tanquam Deus. Vide Suar. in 3. p. to. 1. disp. 45. l. 2. Vasq. de adorat. lib. 1. disp. 4. c. 1. n. 91. Less. c. 37. dub. 5.

QVÆSTIO TERTIA. Pro quibus orari pos-

fit, aut debeat? Respondeo, & dico I. Pro damnatis orare nefas est. Cum sint in statu quo: neque dilectionis Dei aut hominum, neque fructus ex oratione nostra capaces esse possint, sicuti monet S. Gregor. li. 4. dialog. c. 44.

Dico II. Pro beatis in celo ferre non oramus, sed potius ipsi pro nobis Deum orant: quia orationibus nostris ipsi non indigent, sed nos potius eorum orationibus indigemus, ac Innoc. III. in cap. cum Martha, de celebrat. Missarum ex S. August. sermone. 17. de verbis Apostoli. & tract. 84. in Ioannem Dixi autem ferre; Quia nihil obstat, quo minus Sancto gloriæ accidentaliter augmentum desideremus atque à Deo petamus; sicuti ex multorum sententia refert, & non improbat Innoc. loco cit. & explicat Suarez. cit. lib. 1. de oratione cap. 14. Vide quæ dicam lib. seq. tract. 5. cap. 2. n. 3.

Dico III. Pro animabus in purgatorio, ut à pœnis liberentur, salubriter nos orare, ex Fide certum est. Atque in veteri quoque lege vstitutum fuisse, constat ex lib. 2. Mach. c. 12. *Sancta, & salubris est cogitatio pro defunctis exorare, ut à peccatis solvantur.* quem locum ad hoc allegat S. August. in lib. de cura pro mortuis, c. 11. & addit: *Et si id nunquam in scripturis veteribus omnino legere, tamen sufficere deberet uniuersa Ecclesia, quæ in hac consuetudine claret, auctoritas.* Et de verbis Apostoli c. 32. *Orationibus sanctæ Ecclesiæ, & sacrificiis saluari, & elemosinis, quæ pro eorum spiritibus erogantur, non est dubitandum mortuos adiuuari, ut cum eis misericordius agatur à Domino, quam eorum peccata meruerunt.* Hoc enim à Patribus traditum uniuersa obseruat Ecclesia.

Quares. Vtrum fideles ex lege charitatis ac misericordiae obligati sint pro mortuis, iis præsertim, qui coniunctiores sunt, puta parentibus, filiis, fratribus, benefactoribus orare, aut sacrificia, vel opera satisfactoria offerre? Responso est affirmatiua. Quia animarum in purgatorio necessitas grauis est, quibus per orationes, & sacrificia facile succurrere possumus: idq; medium à Deo ordinatum est ad illarum facilitatem liberationem.

Dico IV. Pro omnibus hominibus viatoribus, seu in genere, seu sigillatim recte orare possumus. Sumitur tum ex praxi Ecclesiæ, tum ex verbis Apostoli. 1. ad Timoth. 2. *Obsecro vos primum omnium fieri obsecrationes, orationes, postulationes, gratiarum actiones pro omnibus hominibus.* Ratio est: Quia omnes indigent auxilio & gratia Dei, ut salui fiant: ergo omnibus à Deo auxilium desiderare, ac petere possumus, quamdiu eius capaces sunt. Sed etsi aliquis obstinatissimus peccator appareat, nefas tamen est eum à communibus orationibus tanquam reprobum excludere: cum Deo impossibile non sit, etiam durissima corda vel temporis momento emollire, sicuti indicat S. August. lib. de corrept. & gratia, c. 15. *Nescientes, quis pertineat ad prædestinatorum numerum, quis non pertineat, sic affici debemus charitatis affectu, ut omnes velimus saluos fieri.* Vide etiam S. Th. cit. q. 83. a. 7. ad 3. & a. 8. Ex quo generalem regulam colligere possumus: Quotiescunque pro Communitate aliqua sub ratione generali oramus, nefas esse particulares personas excludere. Quia licet pro hoc homine peccatore, inimico tuo orare absolute obligatus non sis, seclusa speciali eius necessitate; si tamen pro Communitate, cuius ille pars est, sub ratione generali ores, non potes eum excludere, sine inordinato affectu odii, aut desperatione salutis illius. Vide etiam Suarez cap. 15. & 16. & quæ dixi lib. 2. tr. 3. c. 4. n. 2.

QVÆSTIO QVARTA. Quamam à Deo petenda sint? In primis sciendum, Bona hominis alia esse, quibus per se nemo male vti potest: cuiusmodi sunt diuina gratiæ dona, & virtutes tum supernaturales aut

infusæ; tum morales aut acquisitæ, earumque actiones. Alia verò sunt hominis bona absolute, quibus tamen male vti potest, ut scientiæ & artes, item corporis vita, sanitas, membrorum integritas. Alia vero sunt indifferentia; quia per se non habent rationem appetibilis secundum honestatem, sed solum vti sunt vtilia, seu instrumenta ad aliud hominis bonum comparandum: talia sunt diuitiæ, honor, gloria, potestas inter homines. Secundo notanda est regula, quam tradit S. Th. q. 83. a. 6. in corp. ex S. August. Ep. 162. ad Probam: *Quidquid licitum est desiderare, id licitum est orare: quod autem licitum non est desiderare, id neq; à Deo petere honestum est.*

His positis, respondeo & dico I. Bona illa spiritualia quibus per se homo male vti non potest, absolute à Deo petenda sunt, ita ut eis opposita petere nefas sit. Nam homo viator quam maximè desiderare ac petere debet finem vitæ æternæ, & media eò per se conducentia; quæ autem ipsis opposita sunt, detestari ac refugere, sicuti colligitur ex doctrina S. August. cit. epist. c. 8. Ad vitam autem æternam per se conducunt spiritualia gratiæ auxilia, virtutes tum supernaturales, tum etiam morales acquisitæ, earumque actus. Ergo &c.

Confirmatur ex oratione Dominica, in qua constituto fine, quem imprimis desiderare ac petere debemus, videlicet Dei gloria, & nostra beatitudine; deinceps oramus, quæ tanquam media ad hunc finem conducere possunt, nobis concedi; mala autem impediencia auerti, sicuti videre est apud S. August. cit. epist. cap. 11. S. Th. a. 11. Suarez lib. 3. de orat. c. 8. Gabriel canon. lect. 64. & seqq. Est autem oratio Dominica omnium aliarum sanctarum orationum veluti exemplar, aut compendium quoddam, teste eodem S. August. in cit. epist. c. 12. *Quamlibet alia verba dicamus: quæ affectus orantis format, nihil aliud dicimus, quam quod in ista Dominica oratione possumus, si recte & congruenter oramus.*

Dico II. Quæ hominis bona absolute sunt, ita tamen ut eis male vti possit, puta scientiæ, & artes, item corporis vita, sanitas, membrorum integritas; talia à Deo absolute, seu nulla expressa conditione tum nobis ipsis, tum aliis recte petimus. Est communis doctrina, apud Suar. c. 17. n. 2. quæ sumitur ex S. August. c. 6. ubi ait, sufficientiam rerum ad victum necessariorum non indecenter appeti, conuenienter Sap. 30. *Paupertatem & diuitias ne dederis mihi; sed tantum vtilium meo tribue necessaria.* Eò quod talis sufficientia propter salutem & incolumitatem corporis appetitur ipsa autem corporis incolumitas per se & absolute appetenda est. Vniuersè autem probatur assertio: quia dicta bona sunt naturales perfectiones hominis: ergo per se & absolute appetibilia secundum rectam rationem consequenter à Deo, tanquam auctore, recte & congruenter petuntur. Confirmatur ex praxi Ecclesiæ, frequenter orantis pro aeris salubritate, fructuum proventu & similibus. Interim tamen negari non debet, quando talia bona recte petuntur, ita animum orantis affectum & comparatum esse oportere, ut si ex ipso quaereretur, num etiam petere velit in casu, quo secundum Dei providentiam non expediret; statim negaturus sit.

Dico III. Licitum est interdum ob bonum finem petere temporalia mala & incommoda; puta corporis mortem, agritudinem, dolorem &c. Ita Suarez cap. 19. Ratio est: Quia licet hæc sint mala hominis secundum naturam, idèque ea ratione non appetibilia; tamen in ordine ad finem altiore virtutis, ac beatitudinis consequendæ, indifferentia, idèque aliquibus, pro ipsorum constitutione, vtiliora ad animi perfectionem consequenter à Deo interdum possunt saltem sub conditione expressa, aut subintellesta, si

ita expedire iudicet. Veruntamen malum corporalis afflictionis, vel tentationis, seu potius probationis ad Spiritus profectum, facilius homo sibi ipsi petere potest quam alteri. I. quia in seipsum maiorem potestatem, libertatemque habet, ut propriis commodis renuntiare possit. II. Quia cum homo erga seipsum naturali ductu magis affectus sit, quam erga alium; minus subest periculum odii, alteriusve pravae affectionis, si sibi ipsi incommoda precetur, quam si alteri. III. Quia suam quisque propensionem, constitutionemque magis cognitam habet, ut sciat quid sibi vtilius sit; quia experientia didicit, v. g. magis se erga res diuinas affectum, & a peccatis immunem esse, si corpore ager sit, quam si sanus. Quapropter ut dicta incommoda, puta aegritudinem, mortem alteri recte imprecari possimus, grauior causa, seu potius certitudo nostra requiritur, id ad maius bonum promouendum aut malum impediendum vtile, ac necessarium fore: vel si id certum non est, conditio exprimi debet, si secundum Dei scientiam ad maius bonum ipsius proximi, aut Reipublicae cessurum sit. Vide quae dixi lib. 2. tr. 3. c. 10. n. 3.

Dico IV. Quae omnino indifferentia sunt, ut abundantia diuitiarum, honores, ac dignitates, ea ob bonum finem sicuti desiderari, ita & a Deo peti possunt: quamuis propter periculum abutendi eiusmodi rebus, non debent peti sine adiuncta conditione, si petenti expediat. Prior pars traditur a Suarez ca. 17. assert. 5. & probatur; Quia hoc ipso quod diuitiarum abundantia, apud homines claritas, dignitas, potestas, secundum se indifferentia sunt, per intentionem finis boni, seu recte iis vtendi ad finem, cohonestantur, bona & desiderabilia redduntur; ideoque recte orationis materia. Altera pars est ex mente S. Th. 2. 2. in corp. Medinae c. de orat. q. 3. Valent. to. 3. disp. 6. q. 2. p. 5. ver. secundo, post S. August. cit. epistola 162. cap. 12. Ratio est: Quia talia, quae dixi, supposita hominis imbecillitate, ita comparata sunt, ut sapientius ad spirituales perniciem, quam salutem eius inferuiant: quam obrem Christus, ob maiorem spiritualis vitae perfectionem, illa contemnere & abiicere nos docuit, potius, quam appetere & quærere. Et si verò aliquis propositum habuit ac spem eiusmodi bonis, v. g. matrimonio diuite, Episcopatu, aliave praelatura aut dignitate bene vtendi, & pericula quae coniuncta esse solent, cauendi; tamen propter hominis mutabilitatem admodum incertum est, utrum executio & euentus sequatur: ut proinde talia sine conditione in Dei scientiam, ac bonitatem relata, expetenda haud sint. Idemque ferè iudicium esto de supernaturalibus donis, quae hominem non sanctificant, puta gratia miraculorum, sanitatis; sine conditione, si expediat, petenda a Deo non esse.

Corollarium primum. Si quis a Deo petat rem malam, seu peccato obnoxiam, non solum non exercet actum Religionis, & propriè dictae orationis, quippe quae est decentium a Deo petitio; sed etià peccat mortaliter; etsi actio, ad quam exercendam auxilium a Deo petitur, tantum venialiter mala sit: puta si ores Deum ut proximum leui mendacio decipere possis. Quamuis hoc loco distinguendum est; Si enim concepto proposito mentiendi ob bonum aliquem finem, roges Deum ut bonus euentus sequatur, iam non petis auxilium tibi praeberi ad mentiendum, quod Deo iniuriosum est; sed ad bonum euentum promouendum, quod illicitum non est, sicut in simili dicam infra tr. 4. c. 2. condit. 2. quaest. 1.

Corollarium secundum. Si quis rem indifferentem, v. g. lucrum ex ludo, ad vltiorem honestum finem non referendo, a Deo petat, non exercet actum orationis religiosae; sed peccat, quamuis non semper morta-

liter. Cum enim lucrum ex ludo secundum se illicitum non sit, sed res indifferens, ideo cum auxilium Dei ad lucrandum petitur, non petitur a Deo concursus ad peccatum, quae est grauis irreuerentia: sed petitur auxilium Dei ad rem indifferentem, seu ut Deus expleat desiderium rei indifferentis: cuiusmodi oratio etiam atque decens non est; non tamen ita irreuerens, ut semper sit mortale peccatum, sicuti dicitur Suarez cit. lib. 1. c. 23. n. 5.

QVÆSTIO QVINTA. Quamvis vim impetrandi a Deo oratio habeat? Responderetur ex communis doctrina; Si debita conditiones adsint, de quibus supra q. 2. habere vim indubitam, & infallibilem. Sumitur ex Christi promissione Marci 24. *Dico vobis, omnia quaecunque orantes petitis, credite quia accipietis, & euenient vobis.* Et Matt. 21. *Omnia quaecunque petieritis in oratione credentes, accipietis:* modo ea quae petimus, secundum ordinatissimam Dei providentiam ac dispositionem, nobis vtilia sint ad salutem: quandoquidem neque alia intentione petimus; alioquin male peteremus, nescientes quid nobis vtile sit. Idque Christus aliquo modo expressisse videtur apud S. Ioan. c. 16. *Amen, amen dico vobis: si quid petieritis Patrem in nomine meo, dabit vobis.* Quid enim est petere in nomine Saluatoris, nisi ea, quae expediunt ad salutem, sicuti ratiocinatur S. August. tr. 102. in Ioan. & tr. 73. *Quod autem videt peti contra salutem, non faciendo potius se exhibet Saluatorem. Noui enim Medicus, quid pro sua, quid contra suam salutem poscat agrotus: & ideo contraria poscentis non facit voluntatem, sed faciat sanitatem.*

Quare hæc est prima conditio orationis secundum Christi promissionem certò impetrantis; ut petantur, quae necessaria, seu vtilia sunt ad salutem.

Alterà conditio, ut sit oratio pia, videlicet actus virtutis Religionis, per quem homo se Deo, tanquam Domino, atque adiutori suo subilicit.

Tertia conditio, ut oratio fiat pro seipso, non pro aliis, iuxta doctrinam S. August. tr. 102. in Io. Sed bene admonet Valent. to. 3. disp. 6. q. 2. p. 4. Toler. in Ioan. c. 16. annot. 30. Suarez li. 1. de orat. c. 27. n. 2. promissionem Christi generalem esse, ut se etiam extendat ad orationes pro aliis fufas, modò illi dispositi sint. Idque sumitur ex S. Iac. c. 5. *Orate pro invicem, ut saluemini: multum enim valet deprecatio iusti assidue.* Et S. Ioan. ep. 1. c. 5. *Hæc est fiducia, quam habemus ad Deum, quia quodcumque petierimus secundum voluntatem eius audit nos.* Cum autem pro fratribus nostris oramus, petimus secundum voluntatem eius. Ergo &c. Veruntamen ideo difficiliorem impetrationem habere censetur oratio pro altero fufa, quam pro seipso, quia ut Dens conferat gratiam seu donum, quod petitur, debet homo esse dispositus ad recipiendum: hæc autem dispositio est in libera potestate orantis, si pro se petat; non item, si pro alia persona.

Quarta conditio est, ut perseveranter oremus, id est, non statim desistamus ab oratione, si nos non exaudiri arbitremur; sed iteratò, sapientius, atque instantè petamus, secundum monitum Christi Luc. 18. *Quoniam oportet semper orare, & non deficere.* Apostoli ad Col. 4. *Orationi instate, 1. ad Theff. 5. Sine intermissione orate.* Sic enim fides, & spes confirmatur, quam Dominus in oratione nostra requirit: quare S. Chrys. hom. 30. in Gen. *Nostrum sit opus, continuis insistere precibus, & non agere ferre, si differatur, quod petimus; sed longanimes esse. Neque enim veniens preces nostras differt, sed hac arte sedulos nos efficiens, ad semetipsum attrahere vult.* Et S. August. serm. 5. de verb. Domini, cap. 5. monet, ideo Deum tardius nonnunquã dare quae petimus, ut tantò feruentius, ac perseverantius orantes, plus etiam impetremus, quam petimus.

Maximè autem hæc perseverantia necessaria est in

oratione peccatoris, iustificationem & salutem suam petentis: quandoquidem is plerumque obicem ponit, quo minùs statim ad Dominum conuertatur. Veruntamen quòd peccator piam ad Deum orationem fundat, id sine gratia præueniente, & adiuuante non accidit: eaque oratione sua vltiorem gratiam impetrat, ad eam si orando perseveret, denique certissimò conuertendus est. Quod ideo etiam moneo, vt caueant Confessarii & Confessionatores, terrere peccatores, quasi omnia ipsorum bona opera, & orationes apud Deum inutiles existant. Etsi enim ipsorum bona nihil ex cò digno apud Deum mereantur, neque vim satisfaciendi, pro peccatis habeant, tamen vtilia sunt per modum impetrationis, si ex fide, ac spe in Deum procedat, teste S. Th. q. 83. a. 16. Quin potius admonendi sunt peccatores, vt non cessent quotidie Deum orare, ne permittat ipsos in peccato decedere, sed ad gratiam & iustitiam, ex qua exciderunt, misericorditer reducere dignetur. Vide de hac re Tolet. in Ioan. cap. 16. annot. 31. Suar. cap. 25.

Quòd si autem peccator in oratione perseverando iustificationem suam, & salutem certissimò impetrat, quantò magis iustus per frequentes orationes finalem perseverantiam impetrabit? Certum enim est, iustum, si gratiæ & virtutis augmentum à Deo petat, quo ipsi magis placere possit, à Deo impetrare: sin autem non semel, sed iteratò, imò quotidie petat, cum oratione etiam Dei gratia perseverabit, augebiturque vsque ad finem vitæ: quare manifestum redditur, perseverantiæ donum per orationes à nobis impetrari posse, sicuti docet S. Aug. lib. 2. de bono perseu. c. 16. Gennad. de Ecclef. dogm. c. 56. Etenim Deus secundum propositum gratiæ voluntatis suæ, prædestinavit homines ad gloriam æternam obtinendam per media, quæ sunt orationes, & alia opera bona, ex auxilio diuinæ gratiæ facta, vti bene explicat Med. C. de orat. q. 4.

CAP. II.

DE HORIS CANONICIS, QVÆ,
& quot sint.

S V M M A R I V M.

1. Oratio alia priuata est, & alia publica, qua nomine totius Ecclesiæ à Ministris eius funditur.
2. Officium Ecclesiasticum diuiditur in diurnum & nocturnum. Diurni officij multis olim ecclesiis septem partes seu hora distinguiebantur; secundum Romanum verò morem sex tantum. Vt proinde totius officij septem hora censentur.

Notandum, quòd oratio alia est interna, seu mentalis, quæ solo iumentis actu fit: quamuis hinc orationis nomen latè accipi debet, vt comprehendat etiã contemplationem Dei, admirationem, laudem, gratiarum actionem &c. quo sensu dicitur Christus per nocte esse in oratione Dei, Luc. 6. Alia verò est oratio externa seu vocalis, cum internus animi actus voce, seu verbo explicatur, secundum illud psal. 141. *Vox mea ad Dominum clamaui, voce mea ad Dominum deprecatus sum.*

Secundò diuiditur oratio, quòd alia est omnino priuata, quam quisque proprio nomine ad Deum fundit seu pro seipso, seu pro aliis: cuiusmodi oratio tum mentalis, tum vocalis esse potest. Alia vero est oratio publica, quæ nomine totius Ecclesiæ seu fidelis populi, fit à Ministris Ecclesiæ ad id deputatis, ideòque externa, seu vocalis esse debet, vt innotescat populo, ait S. Th. q. 83. a. 10. in corp. & sequitur Palud. in 4. d. 15. q. 5. a. 2.

Eiusmodi publicæ orationes sunt litaniz, de quarum antiquitate videri potest Baron. Anno 58. n. 112.

Suarez lib. 3. de orat. ad finem. Item officium B. Virginis: officium, quod propriè canonicum, seu horarum canonicarum appellatur. Etsi vero hæ preces ab Ecclesia institutæ, recitari vtiliter ac fructuosè possint à fidelibus quibuscunque sine obligatione; habent tamen tunc rationem orationis priuatæ: publicæ autem orationis vim sortiuntur, quatenus à personis Ecclesiasticis recitantur, cum obligatione ac deputatione ad eiusmodi orandi officium. Atque hac ratione deinceps de canonico officio dicturi sumus.

Canonicæ horæ dicuntur publicæ ac statæ preces; horis diurnis & nocturnis, ex sacrorum canonum decreto, ab Ecclesiasticis personis, nomine Ecclesiæ, ad Deum, persoluentæ. Aliàs officium diuinum, item Ecclesiasticum dicitur, vt videre est in cap. 1. c. dolentes, de celebratione Missarum, & Clem. 1. eod. tit. Quia præcipuum ac maximè proprium clericorum munus est, diuinis precibus apud Deum nomine Ecclesiæ insistere. Porro consuetudinem illam Ecclesiasticam ad Ecclesiam conueniendi, ac diu noctūque psallendi, esse antiquissimam, & Apostolorum institutione ad nos vsque deriuatam, ac semper in Ecclesia celebratam, inde colligitur, quòd omnium seculorum Patres, aliq; Scriptores eius mentionem fecerint, sicuti videre est apud Lucianum in Philopatro, Plinium lib. 10. Epist. 101. Clementem Roman. lib. 8. Apostol. Constit. c. 34. Iustinum Apol. 2. ad Antoninum Pium, Tertull. in Apologet. c. 39. Et ad uxorem, lib. 2. c. 6. Clement. Alexand. orat. exhortatoria ad gētes. S. Cyprianum serm. de oratione Domin. c. 6. S. Athanas. in lib. de virginis. S. Basil. in regulis fusiùs disputatis, q. 37. S. Ambros. in psal. 118. serm. 8. & Epist. 33. S. Hieron. Epist. ad Eustochium, de custodia Virginis. & de obitu Paulæ, & in epistol. ad Latam, de institut. filia, S. Chrysost. hom. 59. ad pop. Antiochenum, S. August. Epist. 119. c. 18. & serm. 51. de temp. Cassianum lib. 2. de instit. renunt. c. 4. & seqq. & lib. 3. c. 4. S. Benedictum in reg. c. 16. Gregor. Turon. lib. 5. hist. c. 30. Isidorum & Rupertum lib. 1. de offic. Ecclesiastic.

Ecclesiasticum officium diuiditur in diurnum, ac nocturnum, sicut videre est in cit. c. dolentes, ibi: *Precipientes, vt clerici diuinum officium nocturnum pariter, ac diurnum, quantum esset Deus dederit, studiosè celebrent pariter ac deuotè.*

Officium diurnum secundum veterem multarum Ecclesiarum consuetudinem septem partes, siue horas complectebatur; secundum Romanum verò morem sex tantum continet. Cuius discriminis ratio est, quia olim in multis Ecclesiis preces nocturnæ nocte in tempesta dicebantur, separatæ à laudibus; quemadmodum etiam hodie in nocte Natiuitatis Domini dici solent: laudes verò matutinae ad galli cantum, siue solis auroram differebantur, & propria oratione siue collecta terminabantur, sicuti indicant Isidorus de Ecclesiasticis offic. cap. 22. & 23. Amalarius de Ecclesiast. offic. lib. 4. c. 9. 10. & de ordine Antiphonarii, c. 7. Hugo de S. Victore lib. 2. de Ecclesiast. officijs. c. 1. 9. & 10. Thomas Vvaldensis lib. de sacramental. contra Vvicleff. cap. 24. Nau. de orat. & horis canonicis, c. 3. n. 27. & apertè significatur c. 1. de celebrat. Missarum, vbi adducto versu Dauidico ex psal. 118. *Septies in die laudem dixi tibi:* subiungitur: *Qui septenarius numerus à nobis impletur, si matutini, prima, tertia, sexta, nona, vesperæ, & completorii tempore, nostra seruimus officia soluamus:* nam de nocturnis vigilijs idem ipse Prophetas ait; *Media nocte surgebam ad confitendum tibi.* Quæ verba sumpta sunt ex regula Sancti Benedicti, cap. 16. Quare neque hodie quicquam obstat, quo minùs in priuata oratione, ad imitationem moris antiqui, preces nocturnæ à laudibus matutinis separentur; &

nores, in utroque verò æquinoctio æquales horis noctibus diei naturalis. De qua die artificiali intelligenda sunt verba Christi apud S. Ioan. cap. 11. *Nonne duodecim sunt horæ diei?* Similiter verò nox artificialis in 12. horas diuidi solet, quæ hyeme quidem maiores sunt, æstate minores, utroque æquinoctio æquales horis noctibus, siue naturalibus.

Secundum. Si dies naturalis in quatuor quadrantes secetur, verum, non eodem recidit, si tam dies artificialis, quam nox artificialis in duas æquales partes secetur, emergunt quatuor præcipua tempora ad orandi Deum: quæ laudandi officium deputata; videlicet tempus matutinum, meridianum siue diurnum, vespertinum, & nocturnum. Quorum temporum meminit ps. 54. *Vespere, mane, & meridiem narrabo.* & ps. 118. *Memor fui nocte nominis tui, Domine.* Et infra: *Media nocte surgebam ad confitendum tibi.*

3. Tertium Officium, siue tempus orandi, quod propriè diurnum est, tres partes præcipuas & maximè solemnes in se continet, sicuti obseruauit Tertullianus in lib. de ieiunio, Cassianus lib. 3. de instit. renuntiat. cap. 3. videlicet Tertiam, Sextam & Nonam: quæ orandi horæ siue tempora in Scriptura passim nominantur, uti ex superiore cap. liquet: ipsæque tribus temporibus inde flexisse genua sua, & adorasse Daniele, credibile est, Dan. 6. Potrò vnumquodque horum trium temporum tres in se horas diei artificialis continet, idque ob sacramentum siue mysterium SS. & omnimodè perfectæ Trinitatis, sicuti obseruauit S. Cyprianus de orat. Dominica, ad finem, & videri potest Francolin. c. 11. & 12.

Pro inueniendo autem proprio tempore diurnarum horarum, diuidatur dies artificialis, seu ea longa sit, seu brevis, in quatuor quadrantes (sicuti etiam olim Monachos diem diuidere solitos esse testis est S. Chrysostomus hom. 59. ad populum Anthiochenum) tunc verò preces horæ primæ tribuendæ erunt solis ortui; vespere autem occasui, ut infra dicam: Sexta verò assignanda est meridiem: Tertia tribuenda est puncto temporis, quod medium est inter solis ortum & meridiem; videlicet, quod in solstitio æstiuo Monachij, vbi ferme xvi. naturalis diei horæ sunt, incidit in nostram horam octauam, post noctis medium completam. Et in solstitio hyemali Monachij, vbi viii. horæ naturalis diei sunt, incidit in horam nostram decimam. Et in æquinoctijs, in quibus duodecim horæ sunt, incidit in horam nostram nonam. Similiter preces horæ nonæ incidunt Monachij, circa solstitium æstiuale, in horam nostram quartam, post meridiem completam: circa solstitium hyemale in horam nostram secundam; vere denique & autumno in horam tertiam; & ut vno verbo dicam, in punctum temporis, quod est intermedium inter meridiem & occasum.

Existit autem hæc non modica dubitatio, verum hora sacra orationis, v. g. sexta in tali temporis puncto, puta in meridiem, incipiat, an vero finiatur? Quod tunc incipiat, existimat Nau. cit. c. 3. n. 76. Azor. to. 1. lib. 10. c. 2. q. 2. & 9. Suarez c. 3. n. 6. Quod verò tunc finiatur contendit Marcellus Francolinus cap. 10. & 21. Bellarmine. lib. 1. de bonis operibus in particulari, c. 11. §. sed existit dubitatio.

4. Mihi magis placet prior sententia. pro cuius intellectu aduerte, duplices esse horas; prophanas & sacras: Hora prophana artificialis prima in solis ortu incipit, & completur ad initium secundæ horæ; item sexta, v. g. prophana incipit completa quinta, & finitur in meridiem, in quo septima prophana incipit: ac denique duodecima prophana incipit completa vndecima, & finitur in solis occasu. Eademque ratio est in horis nocturnis prophanis, sicuti colligitur ex Gl. in cit. lib. more Romano; vbi dici-

tur, quod dies naturalis incipiat à septima hora noctis artificialis (inchoante) & in sextam horam (completam) noctis sequentis terminetur. Horæ autem sacre orationis incipiunt in suis punctis siue sectionibus quadrantum, puta prima orationis in solis ortu; tertia orationis post expletam tertiam prophanam; sexta orationis in meridiem; nona orationis incipit completam horam nonam prophanam; vespertinum denique officium in solis occasu.

Ratio & probatio huius doctrinæ est, quam refert Suarez cit. cap. 3. num. 6. Nam horæ orationis, puta tertia, sexta &c. ideo sic dicebantur, quia his horis, puta in tertia prophana, sexta prophana officium orationis persoluendum erat. Acqui vñtatissimum est, ut cum dicitur, actionem aliquam tali hora fieri oportere, v. g. hora tertia ad concionem, ad senatum, ad orationem veniendum; intelligatur de tertia completa; non de incipiente. Ergo cum olim dicebatur mane orandum esse (nam vocabulum horæ primæ orationis olim non reperitur usurpatum fuisse) intelligebatur de principio auroræ, vel principio solis ortu, totumque illud tempus quod est primi quadrantis diei artificialis, mane etiam dicebatur. Tertia verò orationis hora significat, orationem inchoari solitam esse post exactam horam tertiam prophanam, siue ad initium alterius diei quadrantis; ab eaque oratione totus ille quadrans protensus vsque ad meridiem, dicebatur hora tertia sacra. Sexta item orationis significat orationem inchoari solitam in principio meridiem siue post exactam sextam prophanam, ab eaque oratione totus ille tertius diei quadrans dicebatur hora orationis sexta. Nona verò orationis significat orationem inchoari solitam post exactam tertiam horam à meridiem; ab eaque oratione totus quartus diei quadrans vsque ad solis occasum dicebatur hora orationis nona. Vespertina denique oratio significat tempus post solis occasum, ut infra dicam. Vide Suarez l. 4. c. 15. Azor. l. 1. c. 2. q. 9.

Ex his facile conciliare poteris dicta Evangelistarum de tempore crucifixionis Christi. Nam S. Ioan. cap. 19. ait, *Erat autem parasceut, hora quasi sexta, & dicit Iudæis Ecce rex vester.* Quæ verba vel explicari possunt de hora prophana; fuisse tunc horam quasi sextam diei incipientem: vel de hora sacra; fuisse quasi sextam orationis horam, quia appropinquabat meridiem, & hora tertia orationis ferme transacta erat. Est enim etiam nobis hodie usurpatum, ut à tempore, quod non longè abest, appellationem faciamus: v. g. vespere dicimus, cum vespere, siue solis occasus non longè abest; & meridiem appellamus horam, quintam diei exactam, siue nostram vndecimam, à medio noctis numeratam. Marcus verò cap. 15. *Erat autem hora tertia, & crucifixerunt eum.* Intellige hora tertia orationis sacra propè iam exacta, siue paulò ante meridiem Christum ad montem Caluarie peruenisse. In ipso autem puncto meridiem Christus cruci iam affixus erat, totisque tribus horis, siue integro diei quadrante; videlicet ab hora sexta vsque ad nonam in cruce viuus pendebat, quod colligitur ex verbis seqq. Marci; *Et facta hora sexta tenebræ factæ sunt per totam terram, usque in horam nonam; & hora nona exclamauit Iesus.* Vide Azor cit. q. 9. & Suarez in 3. p. to. 2. disp. 40. l. 6. & cit. c. 3. lib. 4. de horis Canonicis.

Quartum obseruandum. Simili modo etiam noctem artificialem in quatuor quadrantes, quorum singuli tres in se horas artificiales continebant, antiquitus diuidi solitam fuisse: sicuti testatur S. Hieron. super cap. 14. Matth. in illa verba, *Quarta autem vigilia noctis venit ad eos, ambulans super mare.* Item Auctor apud S. August. to. 10. serm. 14. de ver. Domini: *Quarta vigilia noctis extrema pars noctis est: vigilia vna tres horas*

& preces nocturnæ nocti tribuantur, laudes autem temporis matutino referuentur: imò id magis congruum esse docet. Nau. l. c. n. 28. neque repugnat Suarez to. 2. de relig. 4. de orat. c. 6. n. 9. In publico autem choro cuiusque Ecclesiæ consuetudinem seruari comenit.

At verò in ecclesiâ Romana etiam olim consuetudo viguit, ut laudes matutinæ precibus nocturnis adiungerentur, & cum iis vnica oratione siue collecta clauderentur, sicuti testatur Amalarius lib. de ordine Antiphonarum, in prolog. Hugo Victor. lib. 2. de Ecclesiasticis, c. 9. & aperte indicatur in Clem. vii. ad finem, de reliquiis & venerat. SS. Dicta est autem collecta (ut obiter hic explicem) vel quia plebs in vnum collecta eam ad Deum fundit, sicuti colligitur ex c. conuenit, de consecrat. d. 5. Vel quia Officiator, seu Sacerdos qui legatione fungitur pro populo ad Dominum, omnium petitiones oratione colligat, atque concludat, ait Micrologus lib. de Ecclesiasticis, obseruat. c. 3.

Communiter tamen dici solet, vniuersim esse septem horas canonicas, siue Ecclesiastici officij partes: pro quo numero plures congruentias congerit Gl. in cit. c. 1. de celebrat. Miss. Sunt enim septem dona Spiritus sancti; septem dies creati mundi; septem ætates, quibus completis mundus finietur; septem petitiones orationis Dominicæ; septem psalmi poenitentiales; additu septem mysteria passionis Dominicæ, sicuti versus declarant:

Hæc sunt, septenis poppter quæ psallimus horis:

Matutina ligat Christum, qui crimina purgat.

Prima replet sputis: causam dat *Tertia* mortis:

Sexta cruci nectit, latus eius *Nona* bipartit:

Vespera deponit: tumulo *Completæ* reponit.

Igitur hora noctis, cui nocturni cum matutinis deputati sunt, Christus in monte Oliueti comprehensus atque ligatus fuit idemque post noctis medium vel, quod verisimilius est, ad initium auroræ, (uti videre est apud Francolinum cap. 46. de tempore horar. canonic.) victor resurrexit: sed & eodem tempore in lucem editus fuerat, atque in horum beneficiorum significationem ac figuram, olim Israeliticus populus tempore eodem ex Ægyptiaca seruitute liberatus, per medium sicci maris transiit, Exod. 14. Legimus etiam in actis c. 16. quod Paulus & Silas media nocte surgentes laudabant Deum.

Hora prima, id est, orto iam sole, Christus sanctis mulieribus apparuit, Marc. 16. Item Petro, aliisque discipulis piscantibus, Ioan. 21. Mane item facto populus ad Iesum in templo docentem confluere solebat Luc. 21. in fine. Et David hac hora se orare solitum, testatur psal. 118. *Prauenierunt oculi mei ad te diluculo, ut meditarer eloquia tua.* Et 1. Paralip. c. 23. præcipitur Leuitis, *ut stent mane ad constendum & canendum Domino.* Eiusdemque horæ ad orandum deputatæ meminit Clemens Rom. lib. 8. constit. c. 34. *Precationes facite mane, tertia hora, ac sexta, & nona &c. mane gratias agentes, quod illuminauit nos nocte sublata, & reddito die.* Et indicat S. Athanas. lib. de virginis. S. Basilii in regulis fusè disputatis, cap. 37. Vide Durantum lib. 3. de ritib. c. 7. Francol. cap. 14. Suarezium cit. lib. 4. c. 5. ubi examinat, verumne sit, quod Cassianus scripsit lib. 3. de institut. renuntiantium, c. 4. matutinam illam, quam nunc primæ horæ solemnitatem appellamus, suo tempore primitus in regionibus occiduis introductam fuisse.

Tertia hora Christus ad crucem damnatus est; eademque Spiritus sanctus super Apostolos descendit: quod nobis in memoriam reuocat hymnus eadem hora decantari solitus. Vide Clementem in cit. cap. 34.

Cassianum cit. lib. 3. c. 3. Rupertum Tuitiensem lib. 10. de diuinis officiis, c. 18.

Sexta hora Christus crucifixus est; & Petrus ascendit in superiora, ut oraret circa horam sextam, ubi visionem, & præceptum à Deo accepit de gentibus in Ecclesiam admittendis, Act. 10. Eademque hora sexta, siue media die S. Paulus conuersus est, uti ipsetur Act. 22.

Hora nona Christus in cruce mortuus est; Petrus & Ioannes ascendebant in templum ad horam orationis nonam, Act. 3. Cornelius item Centurio hora nona orans in domo sua exauditus est, Act. 10.

Hora vespertina, siue cum sero factum esset, Christus in vltima cœna SS. Eucharistiam instituit: Eademque hora impetrata à Pilato licentia, Ioseph corpus Iesu de cruce deposuit, Matth. 27. Et cum aduerseretur, cum discipulis in Emaus ingressus est Iesus, Luc. vlt. Eiusdemque temporis ad orandum consueti meminit David, Psal. 140. *Elevatio manuum mearum sacrificium vespertinum.*

Hora completorii, siue ad noctis initium, guttas sanguineas Christus in oratione sudavit, Luc. 22. Eademque hora corpus eius sepulturæ mandatum fuit, Matth. 27.

C A P. III.

IN QVAM DIEI, VEL NOCTIS
partem singulæ horæ siue preces
canonicæ propriè cadant.

S V M M A R I V M.

1. Dies vel accipitur ut naturalis, vel ut artificialis.
2. Si dies naturalis in quatuor æquales partes secetur, quatuor emergunt præcipua orandi tempora: Matutinum, Meridianum seu propriè diurnum, Vespertinum, & Nocturnum.
3. Officij propriè diurni tres partes sunt: Tertia, Sexta, & Nona.
4. Orationis hora sacra incipit post expletam prophanam; v. g. hora sacra tertia post expletam tertiam diei artificialis.
5. Nox artificialis in partes diuiditur, quæ vigilia dici solent.
6. Officium matutinum duas partes in se complectitur: laudes, & horam primam: Illi proportionem quadam responder Officium vespertinum, duas item partes continens: vespersas, & completorium.
7. Consultum est in priuata officij ratione publici chori tempora obseruare: quamuis nihil etiam obstat, quò minus aliquis primæ institutioni ac temporum assignationi conformare se possit.
8. Scitorum temporum metas sine causa iusta notabiliter transgredi, vel horarum ordinem immutare, peccatum veniale est.
9. Qui intra diem naturalem officium eius, culpæ, vel inculpæ intermisit, altero die supplere non cogitur.

DE hac re dupliciter loqui possumus; secundum primæuam horarum canonicarum institutionem; vel secundum consuetudinem in Ecclesijs Occidentis, siue statim ab initio, siue postea introductam.

Pro primæua institutione quædam obseruanda sunt: Primum. Dies alius est naturalis, & alius artificialis, uti obseruauit Gl. in l. more Romano, ff. de feriis. Nau. c. de orat. n. 34. dicto 14. Dies naturalis, in se etiam noctem comprehendens, 24. horas toto anno æquales continet, quæ Romano more à noctis medio numerari incipiunt, sicuti habetur in cit. lib. more. Dies autem artificialis, quatenus à nocte distinguitur, 12. horas continet, ab ortu solis vsque in occasum numeratas: quare pro temporum varietate variæ, & inæquales sunt, æstate quidem maiores, hyeme verò mi-

nores.

habet, ac per hoc vox quatuor vigiliis, ternis horis per singulas vigiliis distribuit. Arnobius iunior psal. 12. q. in illa verba, *A custodia matutina usque ad noctem*, ita inquit: *Custodia una quarta pars noctis est. Ergo prima custodia à vespera incipit: secunda ad medium noctis attingit: tertia gal-lorum cantus transiit: quarta est in vigilia matutina, quæ in or-cum luminis adimpletur.* De quibus vigiliis etiam Christus meminit luc. 12. *si venerit in secunda vigilia, & si in tertia vigilia venerit &c.*

Ad harum igitur militarium vigiliarum similitudi-nem, primi Christiani satagentes (teste S. Cypriano de orat. Dominica) sequi tum exemplum Christi sæpe in oratione pernoctantis, vti legimus, Matth. 14. Marci 6. Luc. 6. & 21. tum eiusdem consilium nobis datum, vt vigilemus, & oremus, Matth. 25. & 26. Luc. 11. & 12. Marci 13. vbi adiecit: *Quod autem vobis dico, omnibus dico, vigilate*, totis noctibus, præsertim fe-storum solemnium, in templo vigilabant, & ora-bant, cuius rei testes sunt antiquissimi PP. quos refert Baron. Anno Christi 71. num. 71. Francol. de temp. ho-rarum canonicarum, cap. 2. Atque eiusce rei causa cle-rici officium nocturnum in festis in tres partes sine no-cturnos diuidere, & diuisis temporibus canere olim in Ecclesia solebant, sicuti indicat Isidor lib. 1. de of-fic. Eccles. cap. 19. & 21. Amalar. lib. de ordine Anti-phonarij, cap. 4. Hugo de S. Victore lib. 2. de off. Ec-cles. c. 9. & expresse testatur S. Th. super 1. ad Corinth. cap. 14. lect. 6. Thom. Vvaldensis lib. de sacramental. cap. 24. Dur. in rational. lib. 3. c. 5. Nau. c. 3. de orat. n. 28. Francol. c. 1. Suar. c. 4. n. 8. tametsi contradicat A-zor to. 1. lib. 10. c. 2. q. 2. Arbitror autem primum no-cturnum dici solitum fuisse ad principium secundæ vi-giliæ: alterum nocturnum statim post noctis medium, siue ad initium tertiæ vigiliæ: tertium verò nocturnum ad initium quartæ vigiliæ.

Haftenus ex instituto tantum dixi de officio pro-priè diurno, ac nocturno, quorum vnumquodque tri-bus partibus distinctum fuit, earumque singula partes tres horas, tres item psalmorum sectiones, ob myste-rium SS. & perfectæ Trinitatis, in se continebant. Dein-ceps verò agendum de officio matutino, & vespertino: quorum vtrumque duas horas siue partes officij Eccl-e-siastici in se complectitur: videlicet matutina oratio continet laudes & primam: vespertina verò oratio con-tinet vespertas & completorium. In quibus horis, ma-tutinis, inquam, & vespertinis, animaduertere licet, eas proportionem quadam, & similitudine inter se responde-re. Nam sicuti olim hora orationis prima laudibus ma-tutinis mox succedebat, ita & completorium vespertis mox annectitur: nam completorium habet se vt clausu-la vespertarum, totiusque Ecclesiastici officij comple-mentum. Quam causam esse arbitratur Suarez c. 5. cur apud scriptores quosdam antiquiores, non satis clara & distincta metio fiat horæ primæ orationis, & cōpletorij; quia binæ horæ, quæ ferme continuo tempore summo manè dicebatur, vno nomine orationis matutinae; & bi-næ item horæ, quæ continuato ferme tempore vespere dicebantur, vno vespertinae orationis vocabulo compre-hendebantur.

Secundò inter se respondent; quòd sicuti laudes ma-tutinae ad initium auroræ, prima autem hora ad solis ortum spectant; ita vespere ad occasum, siue ho-ræ diei duodecimam, vt testatur S. Cyprianus serm. 6. de orat. Dominica, S. Athanas. in lib. de Virginit. S. Basil. in regulis suis disputatis, q. 37. & colligitur ex hymno in vespertis Sabbathi dici solito; *Iam sol recedit igneus: Infunde lucerna cordibus.* Quamobrem hanc ho-ræ veteres *Lucernariam* appellare soliti sunt, vti videre est in Concil. 1. Tolet. c. 9. & apud Cassianum lib. 3. de Instit. renunt. c. 3. S. Hieron. in Epist. ad Letam, de institut. filia. quia eo tempore lucernæ accendebantur.

vti obseruauit etiam Azor c. 2. quæst. 10. & indicat l. c. S. Hieron. *Assuscipiat accensa lucerna reddere sacrificium vespertinum*, & S. Basilus lib. de Spiritu sancto, ad Amphilocho. c. 29. Completorium denique ad noctis principium spectare, antiqui scriptores affirmant apud Bellarm. cit. c. 11. §. porro tempus canonicum.

Tertiò, Quoad modum orandi magnam interse similitudinem gerunt horæ binæ matutinae, & vespertinae, sicuti cuius videre licet, si laudes matutinas cum ves-peris; primam verò horam cum completorio compa-ret.

Atque hæc dicta sunt de antiqua & primæua institu-tione, diuisione, & tempore Ecclesiasticarum precum. Quod verò attinet ad consuetudines Ecclesiarum, su-periore cap. monui, in Romana Ecclesia etiam olim laudes matutinas cum nocturnis coniunctas, & quasi vnā partem siue horam Ecclesiastici officij habitam fuisse. Deinde in Ecclesiis, præsertim occidentalibus, officium vespertinum etiam olim nonnihil anticipa-tum fuisse, vt tempus aliquod ad somni quietem su-peresset, ex Cassiano colligitur lib. 3. de Instit. renun-tiantium, c. 3. tribuente officio vespertino horam diei vndecimam: item ex hymno completorij, *Telucis ante terminum &c.* Hodie verò Completorium circa quartam horam post meridiem; Vespere autem circa secundam vel tertiam in plerisque Ecclesiis decantari solent; con-sequenter etiam Nona, Sexta, & Tertia anticipatur: Ma-tutinum verò (quo nomine in Ecclesia occidentali no-cturnos cum laudibus comprehendimus) in solis ferme Monasterijs mediæ noctis tempus retinet; in alijs verò Cathedralibus & Collegiatis Ecclesijs ad solis occasum, vel summo manè decantari solet Quam cuiusque Eccl-e-siæ consuetudinem in publico choro omnino obseruari decet, sicuti constat ex Clem. 1. de celebratione Missæ, rum. Quamquam, secluso scandalo, raro peccatum mortale committi censendum est, si etiam in publico choro horarij officij tempus interdum mutetur: eò quòd hæc temporis circumstantia ad substantiam materiæ præceptæ non pertineat, teste Caiet. ver. horæ canonice, c. 4. Ratione scandali verò facilius in ea re mortaliter peccari poterit. Quare de Syl. ver. hora, q. 9. Suarez ca. 15. in fine Miranda in man. Prælat. t. 1. q. 37. a. 8. Nau. de orat. & horis, c. 3. n. 71.

Sed quid in priuata oratione, seu potius quæ priua-tim ab Ecclesiæ ministris recitatur? De hac, ex com-muni DD. sententia, hæc dicenda occurrunt: Primum. Consultum est in priuata recitatione publici chori tem-pora obseruare, eisque se conformare: tum quia pri-uata recitatio semper ordinem quendam, siue habitudi-nem ad publicum chorum retinet: (quippe in quo ca-nonice preces secundum primæuam institutionem suā à Clericis omnibus publice decantari deberent) ideo meritò priuata recitatio publico Ecclesiæ choro, quan-tum fieri potest, accommodatur: vt & idem officium priuatim dicatur, eodémque modo, & tempore, sicuti publicè; tum quia in publico Ecclesiæ choro plerum-que horæ anticipari solent, quæ anticipatio laudabilior censetur, quàm dilatio; eò quòd in humanæ vitæ so-cietate sæpe aliquid incidere soleat, quod ab oratione hominem deinde impedire, vel orantem distrahere possit. Quamobrem ex Hugone refert Paid. in 4. d. 15. q. 5. *Ante horam orare prudentia est, post horam negli-gentia, in hora obedientia.*

Adde cum Suarezio cap. 27. n. 14. Azor lib. 10. cap. 9. q. 5. Lessi lib. 2. ca. 17. dub. 12. nu. 79. eam anticipa-tionem, Romanæ Ecclesiæ consuetam, in priuata recita-tione licitam esse; vt nocturni cum matutinis laudi-bus quarta hora post meridiem cōpleta inchoentur: cuius consuetudinis congruam rationem reddit S. Th. quod lib. 5. c. 28 quia solemnitas diei sequentis à vesp-eris incipit; ideo meritò vsus obtinuit, vt post publicū

officium vespertinum, & completorii (quod in plerisque Ecclesijs circa horam quartam post meridiem decantatum est) preces nocturnas inchoare priuatim liceat. Deinde in partibus nostris septentrionalibus, quibus hora quarta post meridiem sol occumbit hyemis tempore, plus aliquantulum matutinum anticipari posse videtur; ante lucernæ accensionem perficiatur.

Secundum. Rectè etiam ac licitè in priuata oratione seu vnus, seu plures, aut omnium horarum, conformare se aliquis potest primarum earum institutioni & temporis assignationi, sicuti ex communi docet Nau. cap. 3. de oratione nu. 75. vt videlicet horæ priuatim dicantur eo tempore, quo hymni earum indicant; videlicet Primam, *Iam lucis orto fidere*. Tertiam cum S. spiritus olim in discipulos visibiliter descendit, videlicet circa horam diei tertiam. Sextam verò, cum meridies ignibus instruitur. Nonam ad principium vltimi quadrantis diei, cum vespertam appropinquare dicimus, sicuti hymnus Nonæ indicat, *Largire clarum Vespere*. Vesperas denique cum Completorio, *Cum sol recedit igneus*.

Excipe à secundo dicendo; quod tres nocturnos diuidere non liceat, præterquam si causa aliqua ita exigat, cum neque in publico officio hodie diuidi, sed continuè cantari soleant: nam ratio, cur olim in aliquibus Ecclesijs diuiderentur, hæc erat præcipua; quia nocturnæ vigiliæ etiam à populo in Ecclesia agebantur, quem repetito psalmorum cantu ad pietatem & orandi studium excitari oportebat. Vide Marcel. Franco. c. 27. n. 9. Suarez. c. 6. n. 12.

Tertium modica, & non inconfusa temporis immutatio omni culpa vacare videtur, vt si Prima dicatur duabus vel tribus horis ante solis ortum, præsertim in hyeme, vel duabus horis post præsertim in æstate: vel tertia, & sexta vnà cum prima dicantur ad solis ortum, præsertim in hyeme: vel vespere cum completorio dicantur non multò post meridiem. Si autem causa aliqua exigat, tunc maior immutatio fieri poterit, v. g. vt omnes minores horæ summo mane, siue ad ortum solis dicantur ob maiorem quietem, ac deuotionem, studendi necessitatem, vel quamuis causam aut occupationem honestam: Si verò diurna eaque necessaria occupatio impendeat, etiam vespere adungi poterunt; non item Completorium, sicuti habetur in cap. 1. de celebrat. missarum, iun. Gl. verbo vespere: nisi maior necessitas urgeat, quæ raro contingere solet.

Quartum. Veniale peccatum est statum temporum metam notabiliter, sine iusta causa transgredi; vel horarum ordinem mutare: veluti si dicas tertiam ante primam; vel completorium ante vespere. Cæterum, si, dum tertiam v. g. aliquis orat. recorderetur, se primam nondum dixisse, prosequi eum posset, & dictæ tertiæ post ponere primam, docet Azor. cap. 10. quæst. 1. Simile est, quod ait Nau. cap. 3. n. 66. Si aliquis ad chorum veniat, cum iam tertia v. g. cantatur, & ipse primam nondum recitauit. Præterea, si ab infirmo, vel amico rogetur, vt cum ipso tertiam v. g. dicas, cui non facillè id denegas, posse te ipsi obsequi, Primam nondum dixeris, affirmat Less. lib. 2. cap. 37. dub. 12. in fine, & Tol. lib. 2. cap. 13. vide etiam Suarez cap. 13. & Ludou. Miranda t. 1. man. Prælat. q. 37. a. 8.

Item veniale peccatum est, sine causa differre horam tertiam post meridiem; aut recitare vespere ante meridiem, excepto tempore quadragesimæ, in quo ex antiqua traditione cibum sumere non licet, ante vespertinum officium peractum, sicuti habetur in cap. solent, d. 1. de consecrat. Sed quia cœna, quam olim ante vespertam capere in quadragesima licitum non erat, nunc ad meridiem per consuetudinem anti-

cipata est; consequenter etiam vespertinum officium à proprio suo tempore ad ante meridianum recessit; huic publici chori consuetudini consultum est etiam in priuata oratione se conformare. Sed vtrum id in præcepto positum sit, adeoque peccet, qui sine iusta causa vespere post cœnam differt ad tempus pomeridianum? Affirmat Tolet. lib. 2. c. 13. Azor cit. c. 9. q. 9. Negant verò non improbabiliè Nau. c. 3. de orat. 41 Suarez c. 27. n. 9. Sa. ver. horæ n. 15. Quia dictum c. solent, in quo præcipitur, vt ante officium vespertinum in quadragesima cibum non sumatur, loquitur solum de publico officio chori.

Quintum. Si absit contemptus, non incurritur peccatum mortale, tametsi per magnam negligentiam canonicarum horarum tempus, vel ordo in priuata recitatione mutetur; dummodo totum officium dicatur intra eundem diem naturalem, qui incipit à medio noctis vsque ad insequentis noctis medium: intra quod temporis spatium omnes & singulæ horæ validè dicuntur; sed non omni tempore licitè, eritque tantò maius peccatū veniale, quò maior mutatio sine causa, aut recepta Ecclesiæ consuetudine acciderit.

Porrò, si aliquis intra dictum diem spatium horam vnā, vel plures culpate vel inculpate recitare neglexit, postea recitandi obligatione solutus est. Cum enim dies certa cuiuslibet officio designata sit, ideo eā transactā, cessat illius obligatio. Quare si aliquis post noctis medium recordetur, se Primam dici antecesseris non recitalle, non tenetur amplius recitare; contra verò sentiendum, si ante noctis medium memor fiat.

Excipiunt verò aliqui primas vespere Sanctorum, quos aiunt sequente die recitandas esse, si pridie culpate, vel inculpate omisse fuerant: Propterea quòd ad sequentis diei officium spectare videantur. Arbitror tamen esse quidem id consultum; sed non in præcepto positum: quia licet primæ vespere ad solemnitatem festi pertineat, eo quòd Ecclesia ob maiorem celebritatem festum anticipat, vt à primis vespere inchoetur, secundum doctrinam S. Thom. quodl. 5. a. vlt. ad 1. non tamen pertinent ad officium sequentis, sed eius diei, in qua dicendæ sunt: cum cuiusque diei officium septem horis constare debeat, quæ est doctrina Azor to. 1. li. 10. c. 9. q. 7. & c. 10. q. a. Suarez lib. 4. c. 24. n. 2. Confirmatur. Qui vespere pridie omisas in ipso festo recitat, vel satisfacit Ecclesiæ præcepto secundum substantiam, vel non satisfacit, si non satisfacit non tenetur recitare ex præcepti obligatione. Sin verò satisfacit, sequitur eum non mortaliter peccaturum, qui primas vespere de industria in diem sequentem differt, quod tamen nemo docet.

Ad extremum resoluendus est casus, quem Canonici Confessario suo proponit: se frequenter ad conuiuia inuitari, & quia experientia didicit, postea ineptum esse ad recitandum officium vespertinum ideo anticipare solitum, ac recitare vespere cum completorio ante prandium; vt ab horario pensato eo die liber sit. Respondeo & dico 1. Nunquam, aut vix vnquam Ecclesiasticis personis suadendum est, vt ob hanc solam causam conuiuiorum, si alix graues occupationes non accedant, vespere, multò verò minùs completorium: ante prandium recitent: quia licet personæ Ecclesiasticæ quandoque ad conuiuia accedere cogantur, tamen decet eos ita moderatè se gerere, ac bibere, vt officio suo vespertino ritè satisfacere queant: Neque verò prætereundum est, se ob conuiuij protractionem, & accedentia colloquia, ludos &c. tempore exclusum iri, quò minùs vespertinum officium postea recitent. Nam nisi grauis aut necessaria rei occupatio interueniant, omnino decet Clericos & Religiosos se subtrahere, tantisper dum vespertinum officium persolvere possit: alioquin homines laici

mirantur, & scandalum accipiunt, si tales toto die nunquam orantes videant, neque præsumere solent eos ob aliquam causam anticipasse.

Dico II. Si aliquis Clericus in confessione dicat, se conuiuia vitare non posse; ita verò rem comparatam esse, ut quamvis sæpe proposuerit se non inebriare, insuper maturè à computationibus, vel lusibus discedere ad vespertinum officium persoluendum; nihilominus sæpe aut plerumque intermiserit, ideòque se ob hanc causam interdum vespertinum officium etiam cum completorio, ante prandium dicere solitum; quia melius esse videatur præuenire, quam omnino intermittere, aut intermittendi periculo se committere; talem hominem Confessarius absolueret poterit: quia etsi ponamus, Clericum illum ea in re peccare, tamen peccatum est tantum veniale, quippe consistens in accidentali temporis immutatione. Deinde considerata hominis fragilitate, & negligendi officij occasione, interdum permitti poterit, ut talem anticipandi consuetudinem retineat; qui ex duobus malis siue peccatis, quorum alterum probabilius euenturum est, præstat permittere, quod est minus. Ille autem homo si vespertinum officium non anteuertat, postea probabilissimè negliget. Accedit, quòd interdum sine peccato anteuertere possit, si non faciat cum proposito liberiùs bibendi, & se inebriandi; sed tantum ut periculum maioris peccati, cui se obnoxium esse videt, anteuertat & caueat.

CAP. IV.

QVÆ PERSONÆ AD OFFICIUM
Ecclesiasticum obligatæ sint.

SUMMARIUM.

- 1 Obligatio canonici officij aliter Communitati seu Capitulo Religiosi Ordinis choro addicti incumbit, & aliter singulis.
- 2 Consuetudo interpretatur, quòd omnes ac singuli Religiosi professi, exceptis laicis seu conuersis, ad canonicum officium sub peccato mortali obligentur, intra vel extra chorum persoluendum.
- 3 Probabile est, quòd Religiosus per sententiam eiectus, si clericus in minoribus tantum est obligatione recitandi officij liber existat.
- 4 Clerici omnes in sacris, etsi beneficiati non sint, ad canonicas horas vniuersali Ecclesiarum consuetudine sub mortali peccato obligantur.
- 5 Clerici in minoribus iure communi non obligantur ad certas preces, atque per diurnam diocesis consuetudinem, veluti sub præcepto acceptam & obseruatam, nihil prohibet eos obligari.

OBLIGATIO orandi horas canonicas ex triplici capite oritur: I. Ex professione Religionis, quæ choro addicta est. II. Ex susceptione sacri ordinis. III. Ex beneficio Ecclesiastico. De obligatione Religiosorum dupliciter loqui possumus: Primò, quatenus ea ex generali consuetudine incumbit toti Communitati, siue Capitulo; inprimis verò Prælato, ut curam adhibeat, in sua Ecclesia cantus canonicarum horarum statis temporibus prætermittatur: quæ obligatio haud dubiè grauis, siue sub mortali peccato est. Ad singulos verò Religiosos obligatio hæc non ita descendit: quare mortalis peccati damnari aliquis non debet, si, aliis in choro ritè canentibus, ipse ob pigrum sileat, vel omnino absit. Quòd enim nemo à choro abesse, & omnes præsententes canere debeant, id solum prouenit ex Abbatis dispositione, ac præcepto, vel regulæ ordinatione, quæ plerumque non sub peccato mortali, sed potiùs sub pœna, secundum Ordinis vel Monasterij consuetudinem infligenda, obligare solent. Qua de re vide Suarez cap. 10. nu. 15.

Secundò loqui possumus de obligatione incumbente singulis, qui Religionem choro addictam professi sunt, quòd Ecclesiasticum officium quocunque tandem loco, siue in choro, siue extra chorum persolvere teneantur. Et de hac obligatione nullum Ecclesiasticum canonem extare, communiter DD. fatentur. Multò minus ex lege naturali, & diuina talis obligatio descendit: cum ad essentiam professionis religiosæ, quæquam pertineat officium canonicum, siue intra, siue extra chorum; & religiosi alijs modis deum colere, atque pro populo orare possint, sicuti ex communi docet Bellarm. c. 19. §. ad priorem. Azor c. 6. q. 2. Less. li. 2. c. 37. dub. 9. n. 49. Suar. 17. licet c. aliter Palud. in 4. d. 15. q. 5. a. 1. Nauar. c. 7. de orat. num. 4.

Quapropter 10. Medina Cod. de orat. q. 7. prope finem, negat Religiosos in sacris non constitutos ad horas canonicas obligari, nisi ordinis regula, vel consuetudo vim regulæ obtinens, ita statuatur. Sed quia non omnium Ordinum regulæ sub peccato obligant, ideò Alph. à Castro lib. 1. de lege pœnali, cap. 8. negat Fratres Prædicatores in sacris non constitutos peccare, si officium canonicum dicere omittant; nisi ex decimis alijsue redditibus Ecclesiasticis alantur. Idem sentire videtur Caiet. verbo horæ, cap. 1. sicuti eum explicat & sequitur Armilla, nu. 4. ubi ait: *Religiosi professi, non existentes in sacris, secundum Caietanum, non tenentur de iure dicere officium, neque ex professione, neque ex victu: fortè ex consuetudine tenentur: de qua dicit Caiet. se nihil scire & hac opinio melior videtur.* Eandemque sequitur Petrus Arragon. 2. 2. q. 83. a. 12. dub. 4. concl. 3. Monachum chorisam, qui sacris non est initiatus, mortaliter non peccare, si semel aut iterum diuinum officium dicere omittat. Quia consuetudo, inquit, quam Doctores contrariæ sententiæ afferunt, solum proficisci videtur ex præcepto, siue regula, quæ ferme in omnibus ordinibus Religiosorum existit, ut non tantum in communi, sed etiam singuli diuinum officium dicere debeant: talis autem regula non obligat sub peccato mortali, neque fortè sub veniali.

Verum, nihil obstante auctoritate horum, quippe quos communis aliorum Doctorum, & piorum hominum persuasio impugnatur, contraria sententia tenenda videtur, cum Palud. in 4. d. 15. q. 5. a. 1. Gabr. ibid. q. 8. a. 2. concl. 3. S. Anton. p. 3. tit. 13. cap. 4. Soto lib. 10. de iust. q. 5. a. 3. Nau. c. 25. man. n. 97. & c. 7. de orat. nu. 5. Barth. Medina in instruct. confess. c. 14. §. 11. Rodriq. to. 2. regul. qq. q. 100. a. 8. Tolet. li. 2. c. 12. ad finem. Valent. t. 3. disp. 6. q. 11. p. 10. §. 2. Bellarm. Azorio, & Suarez li. 2. c. Sa. ver. horæ. n. 1. Lessio li. 2. c. 37. dub. 9. Religiosos omnes ac singulos (exceptis nouitijs, & Laicis conuersis) qui profitentur Religionem choro addictam; non minus, quam clericos maioribus ordinibus initiatos, sub mortali peccato ad canonicum officium obligatos esse; idque vi generalis consuetudinis, quæ in omnibus Religionibus choro addictis cum tanta obligatione acceptata est, scientibus & consentientibus Ecclesiasticis Præsulibus; tametsi in quorundam Religiosorum regula nulla de horis canonicis mentio fiat, uti notant Rodriguez l. c. Canus lib. 12. de locis Theolog. c. 9. ad. 2: ita loquens: *Falluntur multi, existimantes omnes Ecclesie leges à iuris voluminibus petendas esse: Hinc Caietanus labore pene confectus est, dum legem quaereret, quæ Clerici monasticam Religionem professi ad diuinas præscriptas preces exoluendas astringerentur: multa sunt, nam crede, Ecclesie leges, quas non scriptura, sed usus interpretatur: neque iuris volumen omnia Conciliorum, atque Pontificum scripta amplectitur.*

His adde I. Dispensatum legitime, ut chorum non adeat, vel extra Monasteriū perpetuò viuat nihilominus obligari ad horas canonicas priuatim recitandas, teste Nau. cap. 7. de orat. num. 20. Rodriguez to. 1. c. 141.

concl. 13. Suarez c. 17. prope finem. Quia manet Religiosus, ideoque subiectus regulæ, aliisque obligationibus Religionis, quatenus eas obseruare potest. Non est tamen improbable quod docet Azor to. 1. li. 10. c. 6. q. 8. Si Religiosus dispensationem obtinuit, ut perpetuo extra monasterium degat, omnino exemptum censetur à choro monachali, & obligatione orandi officij, quæ ex eo nascitur.

Adde. Etiam fugitiuum eadem recitandi obligatione astrictum esse, teste Azor q. 5. & 6. Nau. & Suarez ll. cc. Lessi. cit. c. 9. n. 50. Ne ex propria iniquitate commodum ferat. Idemque dicendum videtur de eiecto per sententiam; imò & de damnato ad triremes: manent enim verè Religiosi, ideoque astricti obligationibus religionis, quibus, si commodè possunt, satisfacere tenentur. & ita docent Nau. Rodriq. Suarez ll. cc. Azor, cit. q. 6. licet contrarium senserit Sotus lib. 10. q. 1. a. 3. Sanchez lib. 8. de matrim. disp. 8. n. 11. Lessius l. c. quorum sententia in praxi probabilis & tuta est, si eiectus in maioribus ordinibus constitutus non sit.

3. Caterùm de eo, qui Superioris auctoritate ad gradum Conuerforum translatus est, fatentur omnes, à recitando officio liberum esse, quia statum mutauit, cui talis obligatio annexa est. Quare idem rectè docet Sanchez lib. 8. de matrim. disp. 8. n. 11. de dispensato Sum. Pontificis auctoritate, ut ad seculum reuersus, mutato regulari habitu, vxorem ducat: nam simul ac habitum religiosum exuit, statum mutat, & priuilegijs ac commodis Religionis sine culpa aliqua sua carere incipit: ergo neque oneribus subiectum esse conuenit. Licet aliter sentiat Rodriq. loco supra cit. & videri potest Nau. li. 3. consil. 21. de celebrat. Miss. edit. 2.

4. Quod attinet ad alterum caput obligationis communis est D. D. sententia, omnes Clericos, qui in sacris constituti sunt, licet nullum beneficium Ecclesiasticum obtineant, ad horas canonicas priuatim recitandas sub culpa mortali obligatos esse. Sumitur ex cap. 1. de celebrat. Missarum, quod sumptum est ex. c. Presbyter, d. 91. Sed quia in canone isto de solis Presbyteris mentio fit, ideo obligationem hanc, quatenus omnes clericos in maioribus ordinibus constitutos astringit, potius in generali Ecclesiæ consuetudine fundatam esse, notauit Nau. cap. 7. n. 2. Azor cap. 5. q. 1.

Adde, clericum non liberari hac obligatione, tamen si sit excommunicatus, suspensus, depositus, aut degradatus, sicuti ex communi docet Nau. cap. 7. num. 17. Angel. ver. hora, § 5. & ver. degradatio, § 4. Syl. ver. hora, quæst. 3. & ver. degradatio, q. 8. Azor c. 5. q. 6. Couar. 3. resol. cap. 13. nu. 8. ver. duodecimo, Auila de Censuris p. 2. c. 6. disp. 4. dub. 6. concl. 1. & p. 4. disp. n. dub. 1. concl. 2. Rodriq. cit. c. 141. concl. 14. Ne ex propria iniquitate commodum ferat.

5. De Clericis in minoribus duntaxat constitutis, dico I. Eos nullo iure vel consuetudine vniuersali obligatos esse ad officium, vel psalmos, aliæque certas preces recitandas. Ita docet Sotus lib. 10. q. 5. a. 3. Medina de orat. q. 7. in fine, Azor cap. 5. quæst. 2. Tol. lib. 1. cap. 12. princ. Suarez c. 16. ad finem, Lessius n. 46. & 47. aliique communiter, contra Abb. in c. 1. n. 7. de celebrat. Missarum.

Dico II. Si in aliqua diœcesi consuetudo vigeat, tanquam sub peccato obligans Clericos in minoribus, ad recitandum quotidie psalmum *Miserere*, vel aliquid simile, ea utique obseruanda erit: Et ad officium Episcopi, eiusque Suffraganei spectabit ordinandos huius obligationis memores reddere: cui etiam parere, & satisfacere debent, quamdiu in ea diœcesi commorantur. Caterùm cum non pauci Doctores, ut Sotus loco supra citato, Suarez c. 16. in fine, Azor cap. 5. q. 4. contra Pa-

lud. in 4. d. 15. q. 5. a. 1. concl. 3. Nau. c. 7. de orat. n. 13. existiment, Episcopum non posse in ordinatione, præter vniuersalis Ecclesiæ consuetudinem, imponere nouum onus siue obligationem perpetuam recitandi v. g. quotidie psalmos penitenciales; cum talis facultas ad summum Pontificem propriè spectare videatur; ideo ad pariendam obligationem non sufficit, quod Episcopus in ordinatione ita præcipere soleat; nisi etiam consuetudo sit, temporis diuturnitate præscripta, ut ordinati talem præcepti obligationem acceptent, & ipso vsu impleant: quæ videtur esse sententia D. D. quos supra citauimus. Nam sicuti alias facultates, communi aliquin iure non concessas; ita & hanc comparare sibi Episcopus per consuetudinem posse, non dubito: idque docet Medina cit. quæst. 7. in fine. Porro, leuem aliquam obligationem, v. g. ter vel quater orandi psalmos penitenciales, quod Episcopus in ordinatione iniungere possit, fatentur omnes.

De tertio obligationis capite, quod est Ecclesiasticum beneficium seq. tractatu agendum est.

Ad extremū moneo, obligationem hanc recitandi officij Ecclesiastici esse grauem, & sub peccato mortali ex genere suo; quippe ex virtute Religionis, atque in beneficiatis etiam ex Iustitiæ virtute. Quæ est communis D. D. sententia, quidquid contra eam improbabiler dicat Angel. ver. hora, § 10. Requiritur tamen ommissio materiæ notabilis, cuiusmodi est, vel integrum vnus diei officium, vel vna eius pars, siue hora, licet breuissima, & fortasse etiam dimidium talis horæ. qua de re dixi aliquid lib. 1. tract. 3. cap. 5. n. 10. & videri potest S. Anton. p. 3. tit. 13. ca. 4. § 5. Medina in instruct. c. 14. § 11. Sa ver. horæ, n. 13. Suarez cit. li. 4. c. 25. n. 15.

CAP. V.

DE MODO, ET CIRCVMSTANTIIS
recitandi Ecclesiasticum officium.

S V M M A R I V M.

1. Officium tum publicè in choro, tum priuatim extra chorum, dici debet secundum ritum breuiarij Romani reformati.
2. In quibus Ecclesiis vel Monasterijs antiquis & proprijs breuiarij vsus adhuc retinetur, decet Clericos harum Ecclesiarum in priuata recitatione eundem ritum tenere.
3. Clericus beneficiatus, dum ab Ecclesia absens est, vel in alia diœcesi habitat, debet potius recitare officium diœcesis, in qua beneficium obtinet.
4. Qui antiquum suæ Ecclesiæ ritum orandi seruant, debent recitare psalmos penitenciales, officium defunctorum &c. sicuti secundum receptam consuetudinem in breuiario eorum annotatur.
5. Qui aliud officium aquiualens pro eo, quod in breuiario designatur, per errorem recitauit, non obligatur ad repetendum.
6. Ecclesiæ, quæ ritum breuiarij Romani receperunt, possunt tamen officium canonicum de Sanctis suis, idque cum octaua (si patroni sint) recitare.
7. Hora singula officij continuè recitari debent, nisi causa incidens interruptionem postulet.
8. Modus orandi cum socio etiam in priuata recitatione commendatur.
9. attentio in oratione triplex est: superficialis, literalis, ac spiritualis.
10. Qui sine ulla attentione horarum officium recitat, non satisfacit Ecclesiæ præcepto.
11. In decursu orationis sufficit attentio virtualiter manens.
12. Actiones aliquæ sunt cum oratione incompatibiles; alia verò compatibiles.

AS SERTIO I. Officium cum publicè in choro, & tum priuatim extra chorum, dicendum est secundum formam Romani Breuiarij à Pio V. editum, & à Clemēte VIII. reformatū. Permissum tamē est clericis

pauperibus, aliisque Ecclesiasticis personis, breuiaria editionis Pij V. penes se habentibus, vt ea retinere, iſſeque vti poſſint, donec abſumantur. Sed excudere deinceps breuiaria ritus Romani conſeſſum eſt, niſi ſecundum reformationem Clementis VIII. Ita habetur in Bulla eiſdem Pontificis breuiarijs præfixa. Secundò permittitur Eccleſijs, Monafterijs, & Conuentibus quæ ducentis annis ante Pij V. conſtitutionem proprium ritum orandi tenuerunt, vt etiam deinceps retinere iſſis liceat: niſi malint, cum Episcopis ſui & Capituli conſenſu, Romanum breuiarium acceptare. Ita habetur in Bulla Pij V. breuiarijs præfixa. Addit Suar. c. 11. nu. 4. poſtquam dictæ Eccleſiæ breuiarium ſuum cum Romano ſemel commutarunt, non poſſe deinde hoc relicto, ſuum antiquum reaccipere, eò quòd Pontificiæ conſeſſioni antiquum ritum retinendi renuntiaſſe cenſeantur.

2 Aſſertio II. In quibus Eccleſijs, vel Monafterijs vſus breuiarij proprij & antiqui legitimè adhuc viget, decet Clericos talium Eccleſiarum in priuata recitatione eundem ritum tenere, ſicuti docet Sot. lib. 10. q. 5. a. 4. Suar. ca. 23. nu. 8. Bellarm. c. 18. §. qualitas officij. arg. ca. de iis, &c. placuit, d. 12. Non deſunt tamen graues DD. Nau. lib. 3. conſil. 15. de celebrat. Miſſar. edit. 2. Rodriq. to. 1. reg. qq. q. 42. ar. 13. Sa ver. horæ, n. 6. Leſſ. dub. 12. n. 74. qui probabiliter aiunt, ſecluſo ſcandalo, cuius extra chorum licitum eſſe, poſthabito ſuæ Eccleſiæ proprio, Romanum breuiarium recitare. Quòd maxime affirmari poteſt primò, de Clericis & Monachis interim dum in Academia verſantur, in qua Romani breuiarij vſus eſt. Secundò de iis clericis, qui ad titulum patrimonij ordinati, nulli Eccleſiæ ſeruiunt, ſicuti notauit Maior in 4. diſtinct. 12. quaſt. 6. ad 1.

3 Id quoque dubitatur; Si clericus beneficiatus abſens ſit, vel in alia diœceſi domicilium, vel quaſi domicilium habeat, quale breuiarium diœceſanum recitare debeat? Suarez cap. 23. num. 5. arbitrat; potiùs recitandum eſſe breuiarium diœceſis domicilij. Sed contraria ſententia colligitur ex Clem. 2. de celebrat. Miſſarum, vbi tanquam ſpectiale priuilegium conceditur domeſticis commenſalibus Cardinalium & Episcoporum, vt iſſis in dicendo officio conformari poſſint: ergo ſecluſo tali priuilegio, tenentur dicere officium propriæ diœceſis; aut Ordinis ſui, ſi religioſi ſint, vt i. Gl. ibid. notat ver. indulgemus, & videri poteſt Caiet. ca. 2. Angel. ver. horæ, §. 15. Eandem ſententiam ſatis indicat S. Th. quodlib. 6. a. 8. & quodlib. 1. a. 13. vbi docet: Si quis in duabus Eccleſijs præbendam habeat, & ab vtraque abſit, quòd debeat recitare officium Eccleſiæ dignioris: Sin verò æqualis dignitatis ſit, in electione iſſus eſſe, cuius Eccleſiæ breuiarium recitare malit. Ratio huius doctrinæ eſt: Quia conſuetudo & obligatio diuini officij in choro cœpta eſt; ideoque ſemper aliquem ordinem ad chorum publicum retinet, vt tamenſi Clerici regulares, vel ſeculares à choro Eccleſiæ ſuæ ſeu abſentes, ſeu omnino exempti ſint, tamen officium priuatim recitare debent ſecundum morem Eccleſiæ, vel Ordinis, ad quem iſſi pertinent, ſeu in quo beneficiati ſunt, ſicuti bene annotauit Maior loco cit.

Quæres. Si clericus in alia diœceſi beneficiatus, vel profeſſus hoſpitemur Auguſtæ v. g. in feſto S. Vdalrici, quale officium recitare debet? Reſpondeo; Licet non teneatur ſe conformare, tamen id poſſe. Prior pars ex dictis colligitur: altera verò pars inde liquet; quia licitum eſt officium mutare ob iuſtam & rationabilem cauſam: hic autem clericus iuſtam mutandi cauſam habet, tum pietatis ac deuotionis ſuæ erga S. Episcopum Vdalricum. quam iuſtam cauſam eſſe poſſe, teſtatur Philarchus to. 1. li. 1. de offic. ſacerdotis, c. 6. concl. 3. tum vt moribus hominum eius loci, vbi tunc com-

moratur, ſe conformet.

Aſſertio III. Qui vtuntur nouo breuiario Pij V. non obligantur, ne in choro quidem, dicere pſalmos pœnitentiales, graduales, defunctorum &c. quæ notantur in rubricis generalibus ad finem breuiarij Pij V. Præterquam quòd officium B. Virginis, ſaltem in choro recitari debet, iſſe Eccleſijs, quibus hætenus talis conſuetudo obſeruata erat. Vide Bullam Pij V. eò loco ſuprà cit. Rodriq. a. 15. Leſſ. 1. 76. Suar. c. 13. n. 13. & c. 25. n. 8. Azor to. 1. c. 16. q. 2. & 3. Deinde officium defunctorum in die animarum omnes, etiam extra chorum, recitare tenentur: Item litanias omnium SS. in die S. Marci, & diebus Rogationum, quicumque publicæ proceſſioni non interfunt.

Porro in Eccleſijs & Monafterijs, quæ antiquum breuiarij ritum retinent, obſeruanda eſt etiam antiqua eorum conſuetudo certis diebus dicendi Pſalmos pœnitentiales, officium defunctorum &c. quæ etiam à ſingulis, qui choro nō interfunt, priuatim recitanda erunt, ſi conſuetudo, vel ſtatutum exigat. Ita docet Sotus li. 10. q. 5. a. 4. Syl. ver. horæ, q. 5. & 6. Nau. c. 10. de orat. n. 4. Suar. cap. 13. n. 14. poſt S. Th. quodlibet. 6. a. 8. vbi propoſita quaſtione: An Clericus beneficiatus, dum à choro abſit, v. g. in ſcholis exiſtens, teneatur recitare officium mortuorum, ſicuti in choro ſuæ Eccleſiæ conſuetum eſt? Reſpondet; Non eſſe obligatum ad dicendum officium mortuorum, ſi in Eccleſia ſua dicatur extraordinariè ad preces alicuius, vel in funeris deſiſtione: Obligatum verò eſſe, ſi in Eccleſia ſua dicatur ſtatis diebus, v. g. quauis feria ſeunda: quia tale tunc officium inſtitutum eſt pro bonis, ſiue præbendis, quæ à ſudatoribus defunctis iſſi proueniunt. Quare, vt Sotus ibidem notauit, in dubium reuocari poteſt, vtrum etiam alij Clerici, qui beneficiati non ſunt officium defunctorum recitare teneantur iſſdem diebus quibus annotatur in antiquo breuiario, quò iſſi vtuntur: Nihilominus reſpondent Sotus, Nau. & Suarez li. 2. c. eos obligari, ſi conſuetudo vel ſtatutum eius Eccleſiæ ita interpretetur: quòd quidem huiusmodi preces cenſentur quaſi pars Eccleſiaſtici officij, ad quod omnes in maioribus ordinibus conſtituti obligantur.

Aſſertio IV. Officium dicere oportet non quodlibet; ſed ſicuti in Romano, vel diœceſano directorio præſcribitur. Eſt tamen communior DD. ſententia, peccatum tantum veniale eſſe officium ſine neceſſaria cauſa mutare, v. g. dicere de Sancto, cum debeat dici de feria: ita enim docet Caiet. ver. horæ, cap. 2. Syl. q. 12. Sa. n. 14. Azor. c. 10. q. 2. Leſſ. dub. 12. n. 77. & alij contra Angelum ver. horæ, §. 14. Toletum li. 2. c. 13. §. Qualitas, arbitantes eſſe mortale: quorum ſententia ſaltem tunc veriſimilis eſt, ſi officium in multò breuius per fraudem commutetur, v. g. dicatur de Sancto, cum de Dominica dici debet, ſicuti notauit Suar. c. 13. n. 14. Philarchus li. 1. de offic. ſacerdotis, c. 6. Licet contrarium ſentiat Syl. ver. horæ, q. 12. Item, ſi non ſemel atque iterum commutatio fiat; ſed frequenter aut perpetuò mutetur, vel ita mutandi proſiſitum cœpiatur: videtur enim hæc grauis peruerſio, & ſufficiens materia peccati mortalis, & fortallè Angelus atque Toletus non aliud, quam hoc docere intenderunt.

Sed dubium eſt, vtrum qui officium mutauit, poſtea obligatus ſit ad repetendum officium intermiſſum? Negant vniuerſim Syl. ver. horæ, q. 12. Caiet. cit. c. 2. Azor cit. li. 10. c. 10. q. 2. Leſſius cit. n. 77. tam de eo qui culpate, aut data opera, quæ de eo qui inculpate, ſeu bona fide mutationem fecit. Probant: Quia præcepti Eccleſiaſtici ſubſtantia in eo conſiſtit, vt ſeptem horæ canonicæ quotidie dicantur: vt verò tale officium dicatur, puta de feria, de Dominica, de Sancto; pertinet ſolum ad ritum, & accidentalem cit;

circumstantiam. Cum igitur substantia præcepti impleta sit, licet erratum vel peccatum in circumstantia, nihil repetendum est. Sed hoc fundamentum videtur mihi infirmum, imò falsum: nam uti rectè Suárez notauit cit. c. 23. n. 14. lege Ecclesiastica, quatenus ea ad præsentem diem tendit, non quodlibet, sed hoc officium præcipitur; videlicet ut hi psalmi, hæc lectiones recitentur. Qua propter, si aliud quippiam oras, propriè impleas præceptum secundum indiuiduam eius substantiam.

5 Veruntamen si quis æquiualens officium (præsertim non aduertens, licet cum aliqua negligentia & culpa) dixit, existimandum non est, Ecclesiam obligare ad repetendum, cum graui onere: Nihilominus consultum est ea subiungere (si id commodè fieri possit) quæ intermisso officio propria sunt. Sin autem officium non æquiualens; sed multò breuius per errorem (præsertim culpabilem) recitasti, v. g. de Sancto, cum debuisses recitare de Dominica; obligatus esse videris ad compensationem faciendam, dicendo v. g. nouem psalmos ex primo nocturno; ne tanta pars officij, intermissa maneat, sicuti docet Suárez l. c. Porro, si iusta causa mutandi officij urgeat, quia v. g. lectiones de Sancto ad manum non habes, & ob instantes occupationes debes te exoluere orationis penso, nulla tunc erit culpa officium commutare, v. g. de feria dicere, sicuti ex communi docent Azor & Suárez ll. cc.

6 Aliud dubium est: Si Ecclesia aliqua regularis, vel secularis ritum breuiarij Romani accepit, an, & quomodo officium proprium de Sanctis suis recitare possit? Respondeo & dico I. Si Sancti canonizati, sint vel ante morem canonizandi in publicum Ecclesiæ Romanæ cultum recepti; in propria Ecclesia de iis, auctoritate Episcopi, officium canonicum dici potest; idque duplex, cum octaua (si Ecclesiæ patroni sint) vel sine octaua. Ita habetur in rubrica prima breuiarij reformati.

Dico II. Eiusmodi officium proprium de Sancto Ecclesiæ dici debet secundum ritum breuiarij Romani: nisi quibd lectiones accommodatæ deligi possunt, quæ in communi breuiario non continentur. Sed vtrum eiusmodi lectiones à Sede Apostolica approbari debeant? Negat Rodriq. tō. 1. regul. qq. q. 42. a. 21. ubi ait: *Posserecitari officia propria de sanctis, etiamsi à Sede Apostolica approbata non sint; modo digna sint ut approbentur.* Quia non videtur excedere potestatem Episcopi vel similem Episcopali iurisdictionem habentis, quo minus Sancto pro sua Ecclesia colendo lectiones designare, & approbare possit: cum talis approbatio non videatur ex causis grauioribus, quas Sedes Apostolica sibi reseruare solet. Et placet mihi hæc doctrina Rodriq. si lectiones de Sanctis proprijs omni suspitione falsi carentes, antehac in Ecclesiâ recitari consuetæ fuerant. Sin verò lectiones de Sancto nouiter introducuntur, satis apertè significatur in cit. rubr. 1. opus esse approbatione Sedis Apostolicæ.

Dico III. Illud permissum huiusmodi videtur, ut in festo alicuius Sancti, v. g. Iacobi Apostoli cuius officium in ipso Romano breuiario describitur, aliæ lectiones in Ecclesiâ particulari retineantur. Ratio est: Quia Ecclesijs recipientibus breuiarium Romanum non est concessum retinere proprium breuiarium, nisi in defectum: si videlicet de Sanctis Ecclesiæ suæ nullum proprium & accommodatum officium designetur.

7 assertio V. Horæ singulæ recitari debent continuè, ac sine notabili interruptione, uti habetur c. nihil, 7. q. 1. c. nullus, de consecr. d. 1. & in Conc. Basilien. sess. 21. c. qualiter horæ canonice. Nam alioquin vnitæ, & quasi forma orationis ab Ecclesiâ institutæ, quodammodo soluitur: præterquam, quòd non careat aliqua irreuerentia, captam cum Deo colloquutionem

impertinente actione vel locutione leuiter interrompere: eritque tantò grauior culpa, quò diuturnior interpositio; vel actio, quæ interponitur, inutilior vel deformior. Cæterum, si iusta causa, vel necessitas, v. g. incidentis occupationis, quæ differri non possit, interruptionem suadeat, omni culpa caret: quia leges Ecclesiæ ita interpretari conuenit, ut moralem facilitatem seruent.

Sed controuersia est inter DD. Vtrum necesse sit à capite repetere officium, si longa & impertinens interruptio intercessit? Affirmat Azor c. 8. q. 5. Nau. de orat. c. 16. n. 75. & indicat Med. q. 16. de orat. a. 3. §. an autem. Sed probabilius alij negant; Arrag. 2. 2. q. 83. a. 12. ad finem, Theod. Peltanus lib. 3. de bonis operib. c. 6. assert. 4. in finem. Suar. c. 24. nu. 11. Less. c. 37. dub. 10. Ratio est: Quia, ut idem Less. ait, quisque psalmus v. g. continet perfectam orationem, aut laudem Dei, neque habet essentialem cum consequentibus connexionem, sed tantum accidentalem ex Ecclesiæ institutione: quare qui tempus etiam diuturnum interponit, rem tamen præceptam implet secundum substantiam; licet in accidentali modo peccet. Consultum tamen est, si commodè fieri possit, repetitionem facere ab initio saltem nocturni, vel psalmi interruptio magna, licet iusta fuerit, sicuti monet Nau. c. 16. n. 70. Paulus Comitolas lib. 1. moral. respon. q. 66.

Adde I. Si Clericus tardè ad chorum veniat, hora ià cœpta, posse cum alijs cantando pergere, & postea quæ omissa sunt, supplere, sicut ex communi docet Sa ver. horæ, n. 8. Quin imò Henricus quodlib. 11. q. 29. Maior in 4. d. 12. q. 6. probabiliter docent, nihil supplendum esse, si non multum in choro processum est; quia sicut in Missæ auditione, ita & in officio canonico, omissio modici æstimari non solet: præsertim cum propter societatis vinculum, alij cantantes vnus defectum supplere censeantur.

Simile dubium est, vtrum Clericus supplere teneatur, quæ cantare, & audire neglexit, dum v. g. librum parauit, vel altari thurificauit? Affirmat Sal. c. Nau. c. 11. de orat. n. 37. Sed Henricus in quodliberto 11. q. 29. Innoc. in c. dolentes, de celebrat. Miss. Syl. ver. hora q. 12. Azor lib. 10. c. 13. q. 20. Sot. cit. q. 10. a. 3. rectius negant: quia dum aliquis in realiqua ad officij celebritatem pertinente occupatur, totus chorus pro illo supplet: quemadmodum & qui Missæ inseruiunt, audire censentur, dum paranda re necessaria occupantur; sicuti notauit etiam Rodriq. p. 1. sum. c. 143. concl. 2. Tol. lib. 6. c. 7. Nau. quoque c. 21. de orat. n. 15. licet moneat, omissa supplenda esse, non audet tamen aliquem propter omissam suppletionem peccati damnare: Idemque docent Sotus & Nau. Arrag. 2. 2. q. 83. a. 12. concl. 2. Rodriq. cit. c. 143. concl. 2. de eo, qui choro organis musicis, alternis versibus, respondet, non esse obligatum, ut voce etiam proferat.

Adde II. Si quis dictis psalmis matutinis, non habeat sermones ad manum, vel eos, ratione itineris, v. g. legere non possit; atque instet causa, siue necessitas aliqua exoluendi se penso canonico, permissum ei est sermones differre, & cætera, etiam Laudes, persolvere, teste Philarcho p. 1. lib. 1. c. 6. concl. 1. Eademque ratio est, si commemoratio de festo, vel aliquid simile ad manum non sit.

Assertio VI. Officium canonicum etiam priuatim recitari potest cum socio, vno, vel pluribus, alternis versibus: lectiones tamen vel singulas à singulis, vel etiam omnes ab vno, cæteris audientibus, legi sufficit; quæ de re videri potest Palud. in 4. d. 45. quæst. 2. a. 1. concl. 1. Syl. ver. horæ, quæst. 7. Nau. cap. 10. de orat. n. 16. Azor cit. lib. 10. cap. 7. quæst. 5. 7. & seqq. Suarez, cap. 12. nu. 2. Arrag. & Rodriq. ll. suprà cit.

Sa ver. horæ, nu. 9. Maior in 4. d. 12. quæst. 6. qui duo admonent, etsi aliquis quædam distinctè non percipiat, quæ ab altero choro aut socio dicuntur, moraliter satisfacere, neque aliquid propterea scrupulosè repetendum esse.

His adde I. Modum orandi cum socio videri meliorem, per se loquendo: tum quia conformis primæ institutioni canonici officij, & publico orandi ritui, cui priuatam conformari oportet; tum quia labor hac ratione diuisus, delectatione quadam defectionem corporis releuat, (inquit Cassianus lib. 3. institut. renuntiant. c. 8.) atque cessante paululum lingua, cordis meditatio corroboratur.

Adde II. Nihil referre, tametsi socius orationis ad orandum obligatus non sit, vel attentionem nullam adhibeat: quia alter, quocum orat, satisfacit obligationi suæ partim dicendo, partim audiendo deuotè, vti notauit idem Suarez c. 25. n. 2. Azor c. 7. q. 6.

Adde III. Ea, quæ ratione voti, aut pœnitentiæ sacramentalis ab aliquo orari debent, simili modo cum socio orari posse, sicuti ex communi docent Palud. in 4. d. 45. q. 2. a. 2. concl. 2. Nau. de orat. c. 10. nu. 20. Azor c. 7. quæst. 10. Sa n. 12. Suar. lib. 3. de orat. cap. 9. nu. 14.

Assertio VII. Ad officium canonicum rite & decenter perfoluendum pertinet etiam, quod monet Synodus Basiliensis cit. sess. 21. cap. Qualiter horæ canonicæ, quosunque beneficiarios, vel in sacris constitutos, vti si orationes suas Deo acceptas fore cupiunt, non in gutture, vel inter dentes seu deglutiendo aut syncopando dictiones vel verba, sed reuerenter verbis distinctis, siue soli, siue sociati cum alijs, officium diurnum, nocturnumque perfoluant. Idque traditum etiam fuit ab Innoc. III. in c. dolentes, de celebrat. Missar. & à Clem. V. in Clem. I. eodem tit. Quod si eiusmodi verborum absorptio, vel concisio per negligentiam fiat circa notabilem officij partem, ad mortalem culpam pertingere posse, monet Nau. cap. 10. de orat. nu. 9. Rodriq. cit. cap. 143. concl. 1. Suarez cap. 13. nu. 10. & videri potest S. Anton. p. 2. tit. 9. cap. 12. §. 3. neglig. 2. Plerumque tamen est tantum venialis culpa: Sin verò congenitum, vel acquisitum linguæ vitium, quod emendari non possit, orantem impediatur, nulla culpa timenda est. Additur in Synodo Basil. vt officium dicatur prolatione non præcipiti, sed distincta; non festinanter ac cursim: quia alioquin attentio, ac deuotio impeditur, præsertim in publico cantu.

Porro in priuata oratione, quæ ab vno solo fit, necesse non est, vocem tam claram proferri, vt alius propinquè astans, vel ipsemet recitans audiat: quamuis vix fieri posse videtur, vt vox articulata & audibilis ore proferatur, quin proferens, integra audiendi facultate præditus, audiat.

Assertio VIII. Maximè item requiritur, vt officium canonicum dicatur attentè, & sicut Innoc. III. distinctè præcipit in cit. c. dolentes, studiosè pariter ac deuotè. vbi Gl. interpretatur, studiosè quoad officium oris; deuotè quoad officium cordis. Est autem triplex attentio, teste S. Th. 2. 2. q. 83. a. 13. & explicat Nau. c. 13. de orat. n. 4. Superficialis, literalis, ac spiritualis. Superficialis attentio est ad verba, vt rectè & integrè proferantur. Literalis est ad verborum sensum, siue intelligentiam. Spiritualis est ad Deum.

Prima illa attentio, licet imperfectior alijs, valde tamen necessaria est in vocali oratione; tum eâ, quæ ad orantis arbitrium fit, vt verba decencia dicantur, & oratio ad incongrua non deflectat, vti monet Ecclesiasticus c. 5. tum etiam eâ, quæ secundum præscriptam verborum formam fit: v.g. in precibus canonicis, ne error aliquis contingat mutilando, transponendo, omittendo; cuiusmodi erroris maius periculum est, si ex me-

moria recites, quàm si ex libro legas; item si solus oreris, quam si cum socio. Interim tamen verum est, quod docet S. Thom. cit. ar. 13. Caiet. ibid. Nau. c. 13. de orat. nu. 30. Suarez lib. 3. c. 4. nu. 19. Si quis ex lib. orationem legat, vel memoriter recitet, interdum moraliter certum, & ab errandi periculo securum esse, etsi aliquâto tempore ad verba non attendat; sed mens eius tota in contemplatione alicuius mysterij rectè & vtiliter occupetur.

Alterâ attentio, per quam verborum sensus percipitur, eique affectus accommodatur, reliquis quidem perfectior est, non tamen necessaria, vel in præcepto posita etiam doctis; qui licet perfectiorem attentionem habere possint, eam tamen nonnunquam sine culpa intermittunt, & literæ solum superficiali intendunt: vel quia maior ad orandum simpliciter non requiritur, vel ne magna attentio infirmo capiti nocumentum afferat, vti notauit Suarez lib. 3. de orat. c. 4. n. 11. & lib. 4. c. 26. n. 23. & videri potest Medina C. de orat. q. 14. prope finem.

Tertiâ attentio dupliciter accipi potest; Primò strictè, si, dum lingua verba profert, spiritus pia meditatione alicuius mysterij, v. g. circa Christi humanitatem, passionem; vel rei postulandæ necessitatem occupetur. Secundò latè, quatenus ea ad cuiusque orationis essentiam intrinsecè requiritur. Nam oratio definitur, *Assensus siue eleuationis in Deum*, secundum illud S. Ioã. 4. *Veri adoratores adorabunt Patrem in spiritu*; id est, non tantum labijs, sed & mente siue spiritu. Quamobrem hæc ipsa spiritus attentio siue eleuatio ab Ecclesia concomitanter præcipi videtur; eo ipso, quod vera oratio præcipitur, sicuti explicauit lib. 1. tract. de legibus cap. 4. nu. 8. & 13. & videri potest Caiet. ver. horæ, cap. 13. a. 13. Hic autem nota diligenter, hanc eleuationem mentis ad Deum non tantum ad tertiam attentionem orationis requiri; sed etiam ad primam & secundam. Necesse enim est, vt qui ad verba solum attendit, id faciat ex proposito tali modo Deum colendi: & qui ad verborum sensum attendit, is mentis quoque affectum, vt supra dixi, accommodare debet.

Nunc dicendum est primò; Si oratio in a li q vo ca sub obligationem cadat præcepti diuini, tunc nullam attentionem, seu mentis eleuationem erga Deum adhibere, est peccatum mortale. Ita Palud. in 4. d. 15. q. 5. a. 2. concl. 4. & sumitur ex S. Th. ead. d. q. 4. a. 2. ad 2. arg. Ratio est; Quia sine interna mentis attentione nulla est oratio: ergo hoc ipso quod sub mortali peccato ad orandum diuina lege obligaris, attentionem aliquam, siue mentis in Deum eleuationem exercere debes.

Secundò; Non attendere, sed voluntariè distrahi in oratione, quæ sub nullum præceptum cadit, est peccatum; cuiusdam irreuerentiæ aduersus virtutem religionis; licet non mortale, si contemptus absit. Ita Caiet. q. 83. a. 13. ibid. Arrag. assert. 3. Sotus lib. 10. de iust. q. 5. a. 5. ad finem, Medina C. de orat. q. 14. contra Gabr. Lect. 62. in can. Missæ, ante 1. proposit. vbi negat, id vllum esse peccatum. Sed contrâ est, quia licet aliquis ad orandum absolutè obligatus non sit; si tamen orare velit, necesse est vt bene atque cum debitis circumstantiis oret: ne sit, *quasi homo sentans Deum* Eccles. 18. Et Christus apud S. Matth. c. 15. reprehendit populum, qui tantum labijs Deum honorat, cor autem eorum longè abest.

Tertiò probabilius est, Clericum præcepto Ecclesiæ non satisfacere, ideoque mortaliter peccare, si officium canonicum absque vlla attentione recitet, atque mens eius in alienis cogitationibus voluntariè occupetur; tametsi ad verborum externam prolationem attendat, tamen materialiter tantum & sine intentione Deum lau-

claudi, colendi. Hæc videtur esse sententia S. Th. in 4. d. 15. q. 4. a. 2. q. 4. & ad 2. & expressè tenent Ioan. Gerson p. 2. operum, tract. de cognit. peccatorum mortalium, & venial. confid. 9. Sotus lib. 10. q. 5. a. 5. Maior in 4. d. 12. q. 7. Arrag. loco cit. Nau. cap. 13. de orat. n. 19. Caiet. in sum. ver. horæ, cap. 6. Peltanus lib. 3. de operib. cap. 6. assert. 4. §. verum licet Suarez lib. 3. de orat. c. 4. & lib. 4. c. 26. Azor to. 1. lib. 10. cap. 12. q. 2. Sa ver. horæ, n. 19. Less. c. 37. dub. 11. n. 64. Garcias p. 1. n. 187. Ratio est: Quia Ecclesia cum clericis officium horarium præcipit, actum orationis præcipit: non est autem oratio, sed nuda & inanis vociferatio, ubi non est vlla mentis attentio, siue in Deum eleuatio. Confirmatur; Sicut Ecclesia præcipiens sacramentalem Confessionem, concomitanter etiam præcipit internum animi dolorem, sine quo non est vera Confessio; ita etiam præcipiens orationem, concomitanter præcipit animi eleuationem, sine qua non est vera oratio. Vide Maiorem cit. q. 7. in resp. ad arg. contra 1. concl. Caiet. cit. a. 3. Less. n. 69.

Contrariam tamen sententiam defendunt graues Doctores, Gl. in Clem. 1. de celebrat. Missarum, ver. fructum, Durandus lib. 4. sentent. d. 15. q. 12. Palud. ibid. q. 5. a. 2. concl. 4. S. Antoninus p. 3. tit. 13. c. 4. §. 7. Medina C. de orat. q. 15. & 16. Syl. ver. horæ, q. 11. Rosella, §. 3. Angelus §. 27. Gabr. in canonem Missæ, lect. 62. proposit. 1. Agid. Coninck 3. p. q. 83. a. 6. dub. vn. n. 292. Clericos satisfacere Ecclesiæ præcepto, ideòque mortaliter non peccare, si sine vlla interna attentione verba psallendo, aut recitando proferant; modò nulla externa actione, quæ cum oratione incompossibilis est, se occupent.

Hæc sententia non caret omni probabilitate; non quòd existimem, Ecclesiam internam attentionem in oratione concomitanter præcipere non posse: nam si cum Christus fidelibus lapsus præcipit Confessionem sacramentalem, ita Deus omnibus, præsertim clericis, per legem naturæ præcipit orationem veram: Ecclesia autem vtriusque tempora designare potest. Veruntamen non satis nobis constat, virum Ecclesia tanta cum obligatione præcipere voluerit: cum ipsi sufficere videatur, si præcepto suo à Ministris obtineat, vt in choro, vel extra chorum publicas orationes decenter psallant, vel pronuntient; de interna autem deuotione iudicium Deo committat, sicuti S. Anton. ait. Saltem hæc sententia ad id Confessario inseruiet, vt beneficiatis horas canonicas sine vlla interna attentione persoluentibus fructuum restitutionem non imperet, sicuti annotauit etiam Corduba lib. 4. questionarij, q. 13. in fine Tolet. lib. 2. c. 12. Casto de lege pœnali, lib. 2. cap. 5. Henriq. lib. 9. c. 25. n. 5. Quia negari non potest, hoc etiam cantu, vel prolatione externa precum ab Ecclesia institutarum, & populum edificari, & quatenus nomine & imperio Ecclesiæ funduntur, aliquid à Deo impetrari posse, non minùs quàm si sacræ cantiones organis musicis personent, vt Corduba annotauit cit. loco. Quare discrimen videt inter Confessionem annuam, quæ nullum fructum habet, sed sacrilega est, nisi cum animi dolore fiat; & inter cantum publicum, cui priuata recitatio respondet: nam hæc si externè cum dolore fiat, non caret omni fructu, & Ecclesiæ intentione.

Porro notandum est ex S. Thom. cit. a. 13. quòd duplex est attentio mentis in oratione: Actualis, & virtualis. Actualis attentio seu eleuatio mentis in Deum cuiusque veræ orationis initio necessariò requiritur: cuiusmodi attentionem quisque habere censetur, quando accepto v. g. breuiario, Deum laudare, colere; aut officio suo & Ecclesiæ præcepto satisfacere proponit. Quamdiu autem virtute huius propositi, nulla seu directè seu indirectè contraria intentione reuocati, in

verborum recitatione persistitur; tametsi mens natam fragilitatem, ad aliena cogitanda deflectat, cesset prior actualis intentio virtualiter, siue secundum effectum perdurare, sicuti bene inter alios explicant. Maior in 4. d. 12. q. 7. Gabr. cit. lect. 62. proposit. 3. Caiet. ver. horæ, §. 3. Nau. c. 23. man. n. 106. Intentio directè contraria, ideòque destruens vim & essentiam veræ orationis est, si quis cœptam attentionem consultò & expressè abiiciat, nolens videlicet verba proferre animo colendi Deum. Intentio verò indirectè contraria, atque similiter vim & laudem orationis abrumpens est, si quis inter orandum aduertens animo se distrahi, vel actionem exercere attentioni repugnantem, negligat cogitationem distrahentem repellere, actioneue, v. g. scriptionem intermittere qua de se Syl. ver. horæ, §. 14. Monent verò Ioannes Maior cit. q. 7. Nau. c. 13. de orat. n. 30. & seqq. Lud. Miranda in man. Prælat. t. 1. q. 37. a. 11. concl. 4. & 5. Suarez cap. 26. n. 20. non rarò accidere quibusdam, vt distractio omnino inuoluntaria vno vel altero psalmo perseueret, sine culpa: qua distractione postea animaduersa, satius est nihil repetere, sed solùm ab impertinente distractione abstinere, Deòque animum intendere. Idemque sentientium aiunt, tametsi Clericus à distractione se colligens, non recordetur se dixisse versus antecedentes in officio, vel Missa, præsumere enim potest se dixisse, si ex libro, vel etiam ex memoria alioquin errare non solita recitauit. Quod maximè scrupulosè obseruandum est, de quibus Suarez ait: *Nisi eis constiterit euidenter se mutasse propositum; vel aduertendo, & sciendo circa alia vagatos esse, credere possunt suæ obligationi satisfecisse.*

Ad extremum circa actiones impertinentes, quas aliquis inter orandum exercet, notandum est; aliquas esse cum oratione incompatibiles, vt scribere v. g. Fieri enim non posse experimur, vt homo simul & scriptioni attendat & orationi, sicuti notauit Nau. c. 25. n. 107. & videri potest Palud. in 4. d. 15. q. 5. a. 2. concl. 4. Aliquas verò esse cum oratione suapte natura compatibiles; v. g. se vestire, caput lauare: de quibus actionibus Caiet. 2. 2. q. 83. a. 13. simpliciter ait, nullam culpam committi, si eas aliquis inter orandum exerceat, atque interim orationi attendat. Nam Cassianus lib. 2. c. 14. Instit. renunt. testis est, Monachos Ægyptios inter laborandum orare solitos. Et S. Dominicus dixit, orationem statim à lecto inchoatam, esse salubrem contra malignas cogitationes medicinam. Eandemque sententiam tenet Maior in 4. d. 12. q. 7. Nauar. c. 13. nu. 47. Rodriq. to. 1. regular. qq. quæst. 42. a. 2. §. circa eadem verba Valq. tract. de beneficiis, c. 4. n. 107. Quamuis Suarez dicat cit. 26. n. 21. *ordinariè id esse aliquod peccatum, saltem veniale.* Quod dictum vniuersim verum non est. Quia nemo vnquam Monachorum illam orandi consuetudinem reprehendere ausus fuit, quam etiam hodie multi imitantur, vt ante, & post cubitum inter induenda, vel exuenda vestimenta orent. Sin verò specialiter sermo sit de canonico officio, videtur indecens esse, & culpa veniali non vacare, si inter profanos labores, seu actiones persoluantur. Cum enim eiusmodi publicas orationes Minister nomine Ecclesiæ dicat, & quidem cum habitudine aliqua ad chorum publicum, facile apparet, suapte natura maiorem reuerentiam, animæ corporis compositionem requiri. Cæterum si ob necessitatem actio aliqua profana inter dicendum officium exerceatur, & in modica orationis parte, atque cum cura attentionem debitam adhibendi, excusabitur ab omni culpa, vt Suarez ibid. notauit.

CAP. VI.

DE CAUSIS EXCVSAN-
tibus ab officio.

SUMMARIVM.

1. *Causa excusantes ab officio canonico sunt: Naturalis obliuio, grauis infirmitas, necessaria occupatio cum recitatione horarum moraliter non consistens, vel alia impotentia.*
2. *Si certus sis, quod unam horam, v. g. Nonam, aut Vesperas commode recitare possis, etsi reliquum diei officium non possis, ad illud obligaris.*
3. *Qui officium horarium ipsemet persolvere non potest, non tenetur alteri demandare, nec loco eius orationis aliud prestare.*

RIM A causa est naturalis, seu inculcata obliuio recitandi seu vnam, seu plures horas.

Altera causa est grauis infirmitas, vt sine magna difficultate, vel corporis periculo horariae preces recitari non posse videantur. Sumitur ex c. clericus victum, d. 91. & docent Innoc. & Abb. in c. 1. de celebr. Missar. Nau. cap. 25. nu. 100. man. Azor to. 1. lib. 10. ca. 13. q. 1. Suar. cit. lib. 4. ca. 28 nu. 19. In dubio vel Superior, aut Confessarius consulendus; vel prudentis & probi Medici iudicio acquiescendum, sicuti tradit Nau. l. c. de orat. c. 11. n. 3. Armilla ver. hora. n. 16. Azor. & Suar. ll. cc. Tamen enim Medicus (sicut & Confessarius) in lege ieiunij dispensare nequeat; potest tamen infirmum dubio liberare, atque secundum praesentes circumstantias declarare, iustam excusationis causam haberi. Illud porro admonent Nau. Azor, & Suar. locis proximè citatis; Quod leuis tertiana febris, & diuturna quartana ferme non exoluat agrotum horario penso: quia plerumque tempus à morbo liberum relinquit, quod ad orandum eligi possit, saltem anteposendo, vel postponendo, sicuti etiam notat Innoc. in cit. c. 1. ibid. Abb. in fine.

Tertia est grauis, vel repentina occupatio, quae sine scandalo, vel notabili detrimento proprio, vel alieno, omitti, aut differri nequit, cum ea autem diuini officii recitatio, moraliter loquendo, consistere non potest. Qua de re Nau. in man. c. 25. n. 101. & c. 11. de orat. n. 34. Syl. ver. horae, n. 18. Tol. lib. 2. c. 14. causa 2. Arrag. q. 83. a. 12. dub. 4. causa 2. Exempla sunt: Si populi tumultus, subito exortus, sedandus sit, si in sacra hebdomade v. g. non solum Confessiones magno penitentium concursu Sacerdoti excipiendae sint, sed etiam conciones ad populum eidem habendae. Si tamen tali casu preces horariae intra eundem diem naturalem sine magna difficultate anteponi, vel postponi possint, vti-que debent.

Quarta est, recitandi impotentia, quae interdum omnino inculcata est, puta quia breuiarium in itinere amisisti, & aliud acquirere non potes: vel si opportuna tibi subito oblata occasione, beneficium vel ordines maiores accepisti, sed breuiarii recitandi adhuc ignarus es. Qua de re Nau. cit. cap. 11. n. 20. Suar. cit. c. 28. n. 5. Azor cit. c. 13. q. 18. Nicol. Garcias de beneficiis, p. 3. c. 1. n. 97. Interdum verò talis impotentia ex culpa quidem contrahitur, sed postea iustam excusationem praebet: puta si quis breuiarium data opera abiicit, nec aliud habere potest: item si quis beneficium vel ordinem sacrum suscepturus, cum sciret se recitandi horas imperitum, muneri & obligationi susceptae postea satisfacere non posse, prius se aptum & idoneum non reddidit; talis enim licet peccet secundum Nau. Azerium, Suar.

& communem DD. sententiam (quibus repugnat Garcias n. 99.) postea tamen aliquanto tempore, quo curam & diligentiam addiscendi adhibet, recitandi obligatione immunis est. Bene tamen admonet Suarez n. 6. satius esse tali casu plures errores priuata recitatione committere, quam omnino intermittere.

Sed dubitari solet primò: Si aliquis ob aegritudinem vel occupationem, integrum diei officium recitare non possit, sed partem; vtrum saltem habere teneatur; atque similis quaestio est de eo, qui breuiarium amisit, vel caecitate aut lippitudine oculorum laborat, & partem aliquam officii memoria tenet. Nau. cit. c. 11. n. 15. Azor c. 13. q. 4. Rodriq. to. 1. reg. q. 42. a. 10. Garcias cit. c. 1. n. 216. & seqq. existimant, si quis maiorem saltem, vel praecipuam officii partem, v. g. Matutinum cum Laudibus recitare possit, obligandum esse; non item si partem solum minorem, vel minus praecipuam, v. g. paruas horas, vel etiam Vesperas. Haec sententia probabilis est.

Sed retenta doctrina, quam tradidi lib. 1. tr. de legib. c. 19. n. 6. respondeo cum Suar. lib. 4. de horis, c. 28. n. 27. & dico I. Si indubitatum sit, te integram aliquam horam, etiam minimam, v. g. Tertiam recitare posse; licet alias horas non possis, teneris illam recitare; eò quod quauis hora per se sit canonica oratio, à reliquis officii partibus diuidua.

Dico II. Si aliquis horam, v. g. Matutini, vel Vesperarum notabilem partem recitare non possis, omnino ab ea hora excusatus censeris. Quae autem pars notabilis iudicari debeat, ibidem dictum est.

Dico III. Si certum sit, te ob aegritudinem integrum canonicum officium recitare non posse, dubites autem, an vnam aliquam horam possis, praesume te omnino excusatum. Quia praeccepta Ecclesiastica non tanto rigore obligant, vt materiam anxietatis, & scrupulorum pariant.

Dubitatur secundò: An qui horas canonicas recitare solus non potest, sed cum socio, teneatur cum sibi assistere. Affirmant Doctores communiter Nau. cit. ca. 11. nu. 13. & in man. c. 25. nu. 100. Arrag. cit. q. 83. ar. 12. causa 1. Azor c. 13. q. 3. Graff. lib. 2. decision. ca. 54. nu. 3. Suar. cit. ca. 28. nu. 13. Valent. to. 3. disp. 6. q. 2. p. 10. circa septimum, causa 1. Quam tamen doctrinam probabiliter limitat Garcias cit. p. 3. c. 1. n. 215. Si aliquis, qui cum socio recitare solitus ante non fuit, ob incidentem morbum v. g. oculorum, solus recitare non potest; non esse obligatum, vt socium, siue famulum stipendio conducatur, nisi facile id fieri queat. Veruntamen, qui beneficium, vel ordines sacros suscipit, recitandi ignarus, debet socium sibi adiungere, à quo discat, & officio praestando idoneus reddatur, si propria morte non possit.

Dubitatur tertio: Qui horas per se ipsum recitare non potest, vtrum teneatur alteri demandare; vel ab altero recitante audire? aut loco horarum canonicarum alias preces persolvere? Doctores communiter negant, vti videre est apud Syl. ver. hora, q. 4. Tolet. lib. 2. c. 14. causa 1. Nau. c. 11. de orat. n. 6. Azor. c. 13. q. 2. Suar. cit. c. 18. n. 11. Quia praecceptum, siue obligatio canonici officii personalis est, & de certa ac determinata oratione; quam proinde si quis per se ipsum praestare non possit, omnino liberatur, sicuti docet Syl. ver. hora, q. 4. Suarez cit. c. 28. n. 29. contra Angelum ver. hora, §. 9. vbi significat, quod carens breuiario, aut visu, debeat supplere recitando orationem Dominicam, psalmum, & eiusmodi, quae memoria tenet, quod consilium quidem est, sed non in praeccepto, saltem Ecclesiastico: at verò lex diuina obligans beneficiatos & Religiosos ad orandum pro benefactoribus & fundatoribus, nullum certum tempus, aut orandi modum determinat, sicuti bene notat Nau. c. 11. n. 19.

Dubitatur quarto: Vtrum initiatus sacro ordine sub-

diaconatus, eodem die officium recitare obligatus sit? Respondetur cum Azorio to. 1. lib. 10. cit. c. 13. q. 17. Beia p. 1. casu 54. Suarez c. 28. n. 8. Obligari non ad integrum officium dicendum; sed ad eas horas, quæ correspondent tempori, ex quo obligationem recitandi suscepit, videlicet ut incipiat à Nona. Nam iuxta antiquam traditionem, ordinationes Clericorum proximè ante officium vespertinum peraguntur, ut colligitur ex c. 75. Vespertinum autem officium late acceptum, etiam orationem Nonæ comprehendit, ut notauit Gl. in c. ult. d. 92. ver. matutinis, vel vespertinis horis.

Est enim coronidis loco diligenter aduertendum, ad concilianda dicta Patrum & Doctorum circa distributionem horarum canonicarum; quod eadem hora interdum consideratur, quatenus est terminus temporis an-

tecedentis; interdum verò quatenus est principium temporis consequentis. Sic nos suprâ c. 3. n. 3. diximus, officium meridianum seu propriè diurnum tres partes complecti, Tertiam, Sextam, & Nonam. In qua distinctione Nonam accipere debemus ut terminantem temporis meridiani; Tertiam verò, ut eiusdem inchoantem. Aliàs verò passim reperies, Nonam considerari tanquam principium temporis Vespertini, sicut etiam in hymno eius horæ indicatur: *Largire clarum vespere* &c. Et videri potest Hugo de S. Victore lib. 2. de Eccles. offic. c. 3. Simili quodam modo S. Cyprianus serm. de Orat. Dominica, Tertiam orationis horam considerauit tanquam terminantem temporis matutini; cum aliàs plerumque consideretur tanquam pars temporis meridiani seu propriè diurni, quatenus eius inchoans est.

TRACTATUS SECVNDVS DE ECCLESIASTICIS BENEFICIIS.

CAP. I.

DE NOTIONE ET DEFINITIONE beneficij Ecclesiastici.

SVMMARIVM.

1. Ecclesiasticum beneficium est ius perpetuum recipiendi redditus ex bonis Ecclesiæ, ratione spiritualis officij, Ecclesiastica auctoritate constitutum.
2. Bona Ecclesiastica immobilia sunt vniuersitatis, administratores autem sunt Episcopi, alique Prælati ordinarii.
3. In beneficio Ecclesiastico duo continentur; quorum vnum est ius spirituale, & alterum ius reddituum temporale.

BENEFICIUM dici solet omnis gratuita concessio, siue gratia Principis, sicut colligitur ex l. 3. ff. de constitut. Principum, & reg. 16. in 6. Ea propter etiam Ecclesiastica præbenda nomen beneficii sortita est; quia licet ab Ecclesiæ Prælati ex officio conferenda sit; nemini tamen, in particulari, stricto iustitiz iure debetur, sed est gratuita concessio, siue gratia.

Definitur: Ecclesiasticum beneficium est ius perpetuum recipiendi redditus ex bonis Ecclesiæ, ratione spiritualis officij, Ecclesiastica auctoritate constitutum. Dicitur ius, quia beneficium numeratur inter res incorporeales; imò & spirituales, ut infrâ dicam: licet redditus siue proventus ex beneficio corporales ac temporales sint.

Perpetuum. Quæ vocula duobus modis explicari potest: primò, quod beneficium legitimè collatum auferri non possit, nisi graui causâ postulante. Ita Less. lib. 2. c. 34. dub. 1. n. 3. Verùm si ita intelligatur definitio, non comprehendit beneficia manualia, quæ tamen verè beneficia sunt, ut infrâ dicam. Secundo explicari potest, quod beneficium dicatur perpetuum, saltem secundum aptitudinem; quomodo omnia Principis beneficia perpetua esse dicuntur; quia dulant, donec auferantur, seu reuocentur. Quæ de re vide Petrum Rebuffum in praxi beneficiorum, post proœmium, n. 4.

Azorium t. 1. lib. 10. c. 4. q. 2. Nicolaum Garciam de beneficiis Ecclesiasticis, p. 1. cap. 2. §. 1. Syl. ver. dignitas. & Clement. vn. de supplenda neglig. Prælat. ian. Gl. ver. reuocati.

Porro per particulam illam *ius perpetuum*, à definitione beneficii excluditur commenda temporalis; quippe quæ non datur in titulum; neque tribuit ius, siue dominium beneficii; sed solam custodiam, & administrationem ad tempus, sicuti aduertit Nau. lib. 3. consil. 9. de præbend. edit. 2. Nicol. Garcia p. 4. c. 4. n. 6. Multòque magis excluditur vicaria temporalis, & non collatiua; de quibus plura dicam infrâ cap. 5.

Ex bonis Ecclesiæ. Nam bona immobilia, & alia dominia ac iura; ex quibus beneficiorum redditus percipiuntur, ad particulares quasque Ecclesias pertinent: sunt enim bona vniuersitatis. Eorum verò administratores, & curatores sunt Episcopi, alique ordinarii Ecclesiarum tum secularium, tum regularium Rectores, sicuti docet S. Th. 2. 2. q. 43. in corp. a. 8. & habetur in c. expedit, c. Episcopus, & seqq. 12. q. 1. Quare quod in sacris canonibus legimus eadem causa 12. q. 2. Prædia, aliæque bona Ecclesiæ esse res Dei, & Christi; non ita accipiendum est, sicuti intellexit Abb. in c. cum secundum, de præbendis, n. 4. Nau. Apolog. de reddit. Ecclesiast. mon. 21. & 40. quasi in hominum aliorum dominio, atque commercio non sint; sed quia his rebus Ecclesiæ à fidelibus ad cultum Dei & Christi ornate, ac veluti fundatæ fuerunt; eo pacto, ut non ad prophanos vsus, sed ad Ministrorum Ecclesiæ, item pauperum sustentationem, captiuorum redemptionem, Ecclesiæ fabricam, aliūque similem pium, & ad animæ salutem, Deique gloriam proximè cedentem vsus conuertantur, sicuti docet Urbanus Pontifex epist. decret. vn. *Ipsæ res* (Ecclesiæ) *fidelium oblationes dicuntur; quia Domino offeruntur.* Non ergo debent in aliis vsibus, quàm Ecclesiasticis, & Christianorum fratrium, vel indigentium conuertere: quia vota sunt fidelium, & pretia peccatorum, ac patrimonium pauperum, atque ad prædictum opus explendum Domino tradita. Vide Molinam to. 1. tr. 2. disp. 142.

Ratione spiritualis officij. Nam omne beneficium datur propter officium, id est, spirituale & Ecclesiasticum serui-

tium, c. vlt. de rescriptis, in 6. Est autem hoc loco diligenter aduertendum, cum Suarez tom. 1. de relig. lib. 4. de Simon. cap. 24. nu. 1. & 2. In beneficio Ecclesiastico duo iura considerari possent: Primum simpliciter ac per se spirituale est, videlicet ius officij, siue potestas exercendi muneris spiritualis, quatenus ad Ministros Ecclesiæ competit. Alterum verò ius, secundum se præcisè spectatum, temporale est, videlicet ad percipiendum redditus Ecclesiasticos. Veruntamen quatenus hoc ius consideratur respectuè, seu vt annexum spirituali officio, (qua etiam ratione beneficium Ecclesiasticum appellatur, & definitur ius percipiendi redditus ratione spiritualis officij) eatenus, inquam, spiritualitatem quandam per accidens participat, sicuti constat ex c. dilecto, de præbend. & infra explicabitur in materia de simonia.

3 Porro hæc duo iura, quorum vnum dixi esse secundum se spirituale, alterum secundum se temporale; à se mutuo separari possunt: Vt aliquis habeat ius spirituale, v. g. canonicam alicuius Ecclesiæ, & nullos præbendæ redditus accipiat. Non enim præbenda canonicum facit, ait Abb. in c. cum super, n. 2. de concess. præbendæ; sed collatio iuris spiritualis, facta ab eo qui habet potestatem: & in c. relatum, n. 2. de præb. ait, quod ex solo iure canonica aliquis acquirere possit ius suffragij in Capitulo: quamvis talem canonicam sine redditibus consecutus, nondum propriè dicitur habere beneficium, vti notat idem Abb. in c. in nostra, n. 1. de rescript. Contra fieri sæpe solet, vt redditus Ecclesiastici alicui seu clerico, seu laico per modum pensionis assignentur, non ob spirituale munus, siue Ecclesiasticum officium, sed ob aliam causam; puta ad litterarum studia, ad bellum contra infideles, in remunerationem meritorum, propter officium cantandi, organa pulsandi. Qua de re iterum dicam v. c. vlt. huius tract.

Legitima auctoritate constitutum. Cui consonat reg. 1. in 6. Beneficium Ecclesiasticum non potest licitè sine institutione canonica obtineri. Canonica autem institutio siue collatio iuris beneficalis dicitur, quæ ab Ecclesiæ Prælato fit secundum formam & modum à sacris canonibus præscriptum. Quare per hanc particulam excluduntur à beneficii definitione Capellaniæ non collatiuæ, vt infra dicam c. 5. Porro nihil huic rei obstat, quod laici quoque Reges, aliique Principes quædam beneficia conferant, vel idoneum eligant, sicuti videre est apud Azor lib. 6. c. 25. q. 19. Id enim faciunt, non quasi iure ordinario, ac proprio; sed ex speciali priuilegio, & quasi delegatione Papæ.

Ad extremum, circa eandem particulam observa in tellectum c. vn. de eo qui mittitur in possessionem causa seruandæ rei, in 6. Vbi Innoc. IV. respondet; tamen in aliis causis, si Reus ante litem contestatam contumaciter absit, Actor in possessionem bonorum vel iurium, de quibus contendit, mitti Iudicis auctoritate solet, iuxta c. tuæ, Vt lite non contestata non procedatur: tamen in causa beneficiaria petitorum mittendum non esse in possessionem beneficii ob contumaciam aduersarii: sed ius Actoris examinandum, & iuxta illud sententiam ferendam esse, si periculum in mora sit: ne alioquin causa non examinata, sine titulo, siue institutione canonica, vitiosus ingressus ad beneficium accedat.

CAP. II.

DE ORIGINE, ET INSTITUTIONE Ecclesiasticorum beneficiorum.

S V M M A R I V M.

1. In primitiua Ecclesia fideles prædia sua vendebant, & pretia eorum Apostolis afferebant: postea verò visum fuit expedire, vt Ecclesia bona etiam immobilia possideret.
2. Clerici olim sine titulo sustentationis ex redditibus Ecclesiæ non ordinabantur.
3. Quadripartita est Ecclesiasticorum prouentuum diuisio.

CONSTAT ex actis Apost. c. 5. in primitiua Ecclesia Christianos vendere solitos prædia sua; eorumque pretia Apostolis, tanquam Ecclesiæ Prælati afferre; vt exinde, Diaconorum manibus, singulis distribueretur, prout cuique opus erat. Non quod Christiani ad talem bonorum communicationem lege aliqua astringerentur; sed id faciebant ex libero pietatis voluntatis proposito; nonnunquam etiam promissione ac voto intercedente, sicuti colligere licet ex facto Ananiæ & Sapphiræ, de quibus ita scribit S. Chrysost. hom. 12. in Acta: Oportebat initio habere, siue retinere, & non promittere: nunc autem, postquam consecrasti, maius sacrilegium commisisti. Tibi licebat tua retinere: cur ergo sacra fecisti, & postea accepisti? Similia habet S. Hieron. ep. 8. ad Demetriadem, S. August. ep. 27. de verbis Apostoli: Videri potest Baron. to. 1. An. Christi 34. n. 269. & An. 57. n. 72. & 82. Bellarm. lib. 1. de Clericis, c. 26. & lib. 2. de Monachis, c. 20. Domin. Sotus lib. 10. q. 4. a. 3. Postea verò magis expedire visum est, vt ipsamet prædia siue immobilia bona Ecclesiis donarentur & consecrarentur; ex quorum annuis redditibus Ministrorum sustentationi perpetuè prouisum esset, sicuti videre est in ep. 2. decret. Pii I. cum annotationibus Seuerini Bini. & in ep. vn. Urbani, & in c. futuram, & seq. causa 12. q. 1. Quemadmodum etiam in veteri lege Sacerdotes non tantum fructuum decimas; sed etiam certam partem ciuitatum, ac prædiorum in singulis tribubus ex Dei mandato possederunt, sicuti legimus c. 35. Numer.

Porro longo tempore Clerici plerisque in locis, nihil proprium possidentes, ex communibus Ecclesiarum redditibus alebantur; quomobrem Canonici, id est, regulares dicti sunt; quia in commune viucentes ad certam viuendi normam ac regulam adstringebantur. Erantque sacræ ædes, siue collegia Clericorum ædificata, præfixo ipsis titulo, v. g. Sanctæ Crucis, S. Stephani, sicuti colligitur ex ep. 3. Pii I. cum annotat. Bini, aliisque testimoniis, quæ congerit Gratianus causa 12. q. 1. Neque vllus in Clericorum numerum ac ordinem admittebatur, nisi sub titulo alicuius sacræ domus sustentationem haberet, vt constat ex c. sanctorum, d. 70. Quod etiam hodie obseruatur, vt nemo ad maiores ordines sine sustentationis titulo admittatur: alioquin ei Episcopus de suo interim providere debet, donec aliquem beneficii titulum consequatur, sicuti decreuit Alex. III. in Concilio Lateran. c. cum secundum, eod. tit.

Pluribus tamen locis etiam olim permixtum fuit, (sicuti & nunc permittitur) vt Clerici extra communitalitatem viuerent, atque propria, seu patrimonialia bona possiderent, sicuti videre est in c. certè, sumpto ex S. August. ser. 2. de communi Clericorum vita, & seqq. cc. causa 12. q. 1. Qua de causa si Clerici ex patrimonialibus bonis sufficientem sustentationem habeant, etiam sine villo beneficii titulo sacris ordinibus initiari possunt, iuxta c. tuæ, de præb. & dignitat.

Præterea, cessante olim communi Clericorum vita & cohabitatione, redditus siue prouentus Ecclesiastici in quatuor partes diuidi cœperunt, quarum vna pro mensa siue sustentatione Episcopi relicta erat; altera ad Ecclesiæ fabricam deputata; tertia elemosynis in pauperes, ac peregrinos destinata; quarta mensæ Capitulari relicta, vt ea inter Clericos siue Canonicos pro singulorum meritis dispensaretur: cuius quadripartitæ diuisionis

mentis

mentio fit in Concil. Rom. 2. sub Syluestro I. can. 4. in ep. 3. Simplicij Papæ, quæ refertur c. de redditibus, 12. q. 2. & in epist. Gelasii ad Episc. per Lucaniam, quæ refertur c. quatuor, ead. q. & apud Baron. An. 494. n. 24. Item in ep. Gregorii I. ad August. respons. ad 1. & 2. & lib. 3. ep. 11. ad Gregorium Maximianum Episc. & refertur inc. cognouimus, 12. q. 2.

Traque hæc est origo siue institutio Ecclesiasticorum beneficiorum, ius, inquam, tributum Episcopo, aliis, quæ Clerici propter officium & obligationem suam, percipiendi certam portionem reddituum, ex Ecclesia prædijs &c. Quia in re certum est ipsorum prædiorum, siue immobilium bonorum proprietatem ac dominium ad beneficiatos non transire; sed penes Ecclesiam remanere. Dubium autem est de fructibus, siue redditibus beneficiorum; vtrum beneficiati de illis, tanquam veri domini sine cuiusque iniuria liberè disponere possint, quod sequenti c. tractabitur.

CAP. III.

VTRVM BENEFICIATI SINT
veri & absoluti domini Ecclesiasticorum reddituum.

S V M M A R I V M.

- 1 Bona Clericorum alia patrimonialia sunt, alia quasi patrimonialia, & alia Ecclesiastica.
- 2 Bona siue redditus Ecclesiastici, quatenus beneficiatis secularibus ad honestam sustentationem necessarij sunt, pleno domini iure ad ipsos pertinent.
- 3 Beneficiati reddituum Ecclesiasticorum domini sunt non omnino absolute; sed cum annexo onere, ut quæ superflua sunt, pauperibus vel in alium pium usum erogare ex iustitia obligati sint.
- 4 Beneficiatus ex redditibus Ecclesiasticis filios suos, etiam spurios alere tenetur; si indigeant, & ipse patrimonialia bona non habeat.
- 5 Beneficiatus, licet patrimonialia bona habeat, potest ex bonis Ecclesiasticis filio subministrare sumptus ad studia literarum.
- 6 Clerici testari de redditibus Ecclesiasticis etiam ad pias causas iure communi prohibentur.
- 7 Consuetudo, ut Clerici de bonis Ecclesiasticis testentur ad causas prophanas, non videtur esse iusta, neque à Prælati Ecclesiasticis, approbata, sed tantum tolerata. Aliud verò sentiendum de consuetudine testandi ad causas pias.
- 8 Beneficiatus nec merus usufructuarius est, nec propriè usufructuarius, comparatione bonorum stabilium, ex quibus redditus percipit.
- 9 Donatarii, legatarii, & heredes non possunt accipere, aut retinere, quod ipsis ex Ecclesiasticis superfluis redditibus relinquitur, nisi pauperes sint.
- 10 Fructus pendentes tempore mortis, aut renunciationis beneficiati, partim ad ipsum, partim ad successorem spectant, pro rata parte anni.
- 11 Regulares beneficiati plenam suorum reddituum administrationem habent, à SS. canonibus concessam.

SUPPONENDVM est primò ex Nauar. in tract. de re dit. Ecclesiast. q. 1. monito 19. Bona Clericorum, seu beneficiorum secularium triplicis generis esse: Alia, quæ ipsis ex hereditate, arte, donatione, &c. obueniunt, & vno verbo *patrimonialia* vocantur: de quibus nemo dubitat Clericos arbitrari suo, tanquam veros & absolutos dominos, disponere posse donando, legando &c. Alia sunt bona quasi *Patrimonialia*, quæ à fidelibus offeruntur non Ecclesiæ; sed particulariter ipsis Ministris, tanquam laboris & vitæ stipendium, ob quotidianas Missas, Sacramentorum ministrationem, funeralia; nihil obstante, quòd Minister, si curatus sit, ideòque decimas, aliòque redditus Ecclesiasticos habeat, ex iustitiæ lege ministrare teneatur. Atque eiusmodi bona patrimonialibus æquiparari, plenòque & absoluto domini iure ad Clericos pertinere, ex communi rectè docet ibid. Nauar. Maior in 4. d. 24. q. 17. conclus. 4. Couar. c. cum in officiis, n. 14. de testam. contra Innoc. c. quia nos, de testam. Abb. c. cum in officiis, n. 8. cod. tit. Idque probatur:

Nam Ecclesiastici Ministri, cum ratione spiritualis officij & laboris stipendium accipiunt, non debent esse deterioris conditionis, quàm alii Officiales, v. g. Iudex, Tabellio, Aduocatus: *Dignus enim est operarius mercede sua*, Luc. 10. At verò alii Ministri, & Officiales dominium dati sibi stipendij pleno & absoluto iure acquirunt: Ergo etiam Ministri Ecclesiastici. Confirmatur. Quia hæc videtur esse mens fidelium, Clericis cum curatis, tum non curatis stipem & oblationes absolute donandi: neque vllum ius Ecclesiasticum reperitur, quotalis donatio infirmetur.

Alia denique sunt Clericorum bona, quæ propriè dicuntur redditus siue proventus Ecclesiastici; qui secundum originem suam ad Ecclesiam pertinent; sed ab Ecclesia postea Clericis peculiariter deputata sunt, tanquam beneficium siue stipendium, ob spirituale ab eis præstitum officium. Huc spectant annui redditus ex fundis Ecclesiasticis: item decimæ, cum & ipsæ sint veluti pars vsusfructus Ecclesiæ debita, ad Ministrorum sustentationem. Atque de his tantum bonis siue redditibus quæstio est, vtrum ad beneficiatos pleno Domini iure pertineant.

Supponendum secundò: Ex communi Doctorum sententia, S. Th. 2. 2. q. 185. a. 7. ad 2. & 3. Caiet. ibidem. Gabr. in 4. d. 15. q. 8. a. 2. conclus. 4. Maioris in 4. d. 24. q. 17. Soti lib. 10. de iust. q. 4. a. 3. Nau. in tr. de re dit. Ecclesiast. q. 1. mon. 26. 43. & 44. contra Abb. c. cum esses, de testam. n. 27. Reditus Ecclesiasticos, quatenus prudentis viri arbitrio, beneficiato necessarij sunt ad honestam, ac decentem vitæ sustentationem, pleno iure ad ipsum pertinere, non minùs, quàm bona patrimonialia: Ad eò quidem, ut si ex victu, aliisque competentibus impediis aliquid propria parsimonia detrahat; de eo arbitrari suo disponere possit, dando v. g. consanguineis, sicuti idem Nau. docet cit. q. 1. monito 43. Adde, licet beneficiatus propria patrimonialia bona habeat; posse tamen iis, in quemcumque voluerit vsu fructu, ex Ecclesiasticis redditibus competentem sibi sustentationem accipere, sicuti docet Innoc. in c. Episcopus, de præb. S. Th. 1. c. ad 3. ibid. Caiet. Gabr. cit. q. 8. a. 3. dub. 8. Francisc. Sarmientus de re dit. Ecclesiast. p. 1. cap. 1. n. 18. & p. 4. c. 2. Nau. lib. 3. conclus. 1. de vita & honest. Cleric. edit. 2. & in tr. de re dit. Ecclesiast. q. 1. mon. 32. Mol. to. 1. tr. 2. disp. 145. contra Alexandr. de Ales p. 3. q. 52. mem. 6. a. 3. Adrianum in 4. de re titut. postquam egit de pluralitat. beneficiorum §. conformiter huic opinioni. Probat ex Apost. 1. ad Corinth. 9. *Quis militat suis stipendiis unquam?* Et infra: *Qui in sacrario operantur, quæ de sacrario sunt, edunt. Et qui altari deseruiunt, cum altari participant. Ita & Dominus ordinavit iis, qui Euangelium annuntiant, de Euangelio vivere.* Et Luc. 10. *Dignus est operarius mercede sua.* Sed Clericus beneficiatus, licet patrimonium habeat; operarius tamen est, & Ecclesiæ seruit, si officium suum præstet: Ergo ex iustitia debetur ei stipendium. Vide Nau. & Sotum ll. cc.

Supponendum tertio: Nomine stipendij necessarij ad honestam & decentem vitæ sustentationem, comprehendendi in primis ea, quæ requiruntur ad ipsum beneficiatum, eiusque familiam, quam conuenienter suo statui habet, honestè alendam; deinde ad hospitalitatem exercendam erga consanguineos, amicos, peregrinos; tum verò ad præstandas donationes remuneratorias beneficiorum; imò interdum etiam liberales, non prodigas; denique ad alias honestas, & statui conuenienter animi ac corporis relaxationes. quorum omnium quantitas æstimari debet cum ex personæ, & officij dignitate (plus enim Decano permixtum est, quàm simplici Canonico; plus Episcopo, quàm Decano; plus item Episcopo, si etiam Cardinalis sit, vel Imperii Romani Princeps, aut illustri, vel regio stem-

mate ortus) tum vero ex reddituum amplitudine, ac copia, sicuti ex communi docet Nau. q. 1. mon. 28. 29. & 36. Mol. cit. disp. 145.

Insuper æstimanda etiam sunt beneficiati merita, ac labores, quos Ecclesiæ utiliter præstat doctrina, consilio, scripture, sicuti monet Gl. recepta in c. conquirente, ver. sufficientia, de clericis non resid. Gabr. in 4. d. 15. q. 8. ante 1. propos. Nau. q. 3. monit. 34. Nam ob hanc causam eiusmodi beneficiatus, plius, quam alii eiusdem ordinis ac status, sed minus Ecclesiæ utiles, ad sustentationem suam ex redditibus Ecclesiasticis accipere potest, sumpto argumento ex verbis Apost. 1. ad Timoth. 5. *Qui bene præstunt Presbyteri, duplici honore* (id est, munerum largitione, uti S. Hieronymus in cap. 15. Math. interpretatur) *dignihabeantur, maxime qui laborant in verbo & doctrina.* Et ex c. de multa, de præbendis ubi cum Innoc. III. in generali Concilio pluralitatem beneficiorum curatorum, & personatum prohibuisset, adiecit in fine: *Circa sublimes tamen, & literatas personas, quæ maioribus sunt beneficiis honoranda, cum ratio postulauerit, per sedem Apostolicam poterit dispensari.* Quæ tamen dispensatio nihil commodi afferret beneficiatis, nisi ob hanc ipsam generis, vel doctrinæ excellentiam, plus quam alii ex Ecclesiasticis bonis siue redditibus insumere possent, sicuti notavit Nauar. cit. quæst. 1. mon. 36. n. 3. Tamen si verò ipsis beneficiatis longè consultius, atque securius sit, facultatem hanc insumendorum reddituum restringere potius, quam laxare; notamen hic, quam fieri potuit, laxauimus, ad Confessariorum instructionem; ut ne omnino damnent, si aliqua ratione excusare, & absolvere possint. Vide etiam Nauar. in enchirid. de de orat. cap. 22. miscel. 17. Maiorem in 4. d. 24. q. 18. & 22.

His ita suppositis, restat, ut de superfluis beneficiorum redditibus duo inquiramus: Primum, utrum horum dominium ad beneficiatos spectet? Alterum, utrum ex lege iustitiæ eos in pium aliquem usum erogare debeant, adeoque ad restitutionem teneantur, si in prophanum usum insumpserunt? Quæ duæ quæstiones, licet a multis confundantur, valde tamen diuersæ sunt, sicuti rectè animaduertit Palud. in 4. d. 24. quæst. 3. in fine, Nauar. qu. 1. mon. 51. n. 3. Anton. Martini p. 3. de reit. Eccl. c. 21. n. 1. Mol. disp. 143. §. quo loco obserua. Nam sæpe fit, ut aliquis dominium alicuius rei acquirat non omnino liberum; sed restrictum adiectione pacti, vel oneris, quod nisi impleat, contra iustitiam peccat, & ad restitutionem obligatur: sicuti patet in fideicommissis, in legato, donato sub modo & grauamine; idque bene explicat Gabr. in 4. d. 15. q. 8. 2. 2. in fine. Exemplum est: si quis Titio 100. aureos viatici nomine offerat ad peregrinationem, ea tamen conditione, ut quod ipsi superfluerit, pauperibus erogare debeat.

Ad primam quæstionem respondetur; Beneficiatos omnium etiam superfluatorum reddituum dominium comparare. Ita docet S. Th. 2. 2. q. 185. art. 7. & opusc. 6. a. 12. Palud. Adrianus. Sotus II. cc. Couar. c. cum in officiis, de testam. Franc. Sarmienta de reit. Ecclesiast. p. 4. cap. 6. Andre. Fachinaus lib. 3. controuer. c. 89. Mol. disp. 143. Nicol. de Garcia tr. de beneficiis, q. 2. c. 1. Valent. t. 3. disp. 10. q. 3. contra Abb. c. cum secundum, n. 4. c. de multa, n. 17. de præbendis. Nau. toto tract. & apolog. de Eccles. redditibus, Maiorem in 4. d. 24. quæst. 16. & 17. Probat: Si beneficiati seculares (de his enim duntaxat sermo est) acquirunt dominium reddituum, qui ad ipsorum sustentationem requiruntur, sequitur etiam acquirere dominium superfluatorum. Sed prius est verum: ergo & posterius. Probo sequelam. Cum enim redditus omnes suorum beneficiorum promiscue percipiant; dici non potest,

aliquorum dominium eos acquirere, & aliorum non acquirere: Sed si quam obligationem contrahunt superflua in pios vsus erogandi, ea personalis tantum est; sicuti si alicui 100. aurei dentur ad peregrinationem instituendam, eo modo & pacto, ut quod superest, pauperibus erogat; comparat quidem ius & dominium 100. aureorum; sed grauatum, ita ut ad superflui elargitionem ex iustitia obligatus sit: alioquin de restituere cogetur, tanquam datum ob causam, & causa non secuta, sicuti optimè notavit Palud. loco cit. Minorem autem, quam Nauar. implet faterur, inde ostendo: Quia Clerici seculares, cum paupertatem non voverint, capaces sunt domini rerum; & Ecclesia, quæ redditus annuos, ob spirituale officium, ipsis largitur, non reddit eos incapaces; sed potius significat, comparari ab ipsis dominium. Decernit enim beneficiatos ob absentiam, vel intermissum officium canonicum, fructus beneficii suos non facere, id est, eorum dominium non acquirere, sicuti videre est in Concilio Lateran. sess. 9. §. statuimus, & in Trident. sess. 22. c. 2. sess. 24. cap. 12. de reform. Vnde manifestò colligitur, si præsentis sint, & officium præstent dominium reddituum comparare; nam alioquin constitutioni penali seu priuationi ob absentiam, negligentiam &c. nullus locus esset.

Ad alteram quæstionem respondeo, probabiliorem mihi videri sententiam Nauar. quam contra Adrianum in 4. ubi de restitutione, §. pro clariore intelligentia, Sarmientum, Sotum, Couarruiam II. c. propugnat in dicta Apologia q. 1. monito 20. & seqq. q. 2. monit. 7. & in man. c. 17. n. 94. Clericos ex iustitiæ lege obligatos esse, ut superflua suorum reddituum in pium aliquem usum erogent; ideòque si in vsus prophanos expendant, ad restitutionem teneri. Moueor primò: Quia id indicant sacri canones, causa 12. q. 1. c. Episcopi, c. manifesta, & qui sequuntur vsque ad finem. Item c. similiter, c. quia iuxta, c. reuertimini, c. decima, causa 16. q. 1. c. quod autem, 23. q. 7. & videri potest Gratianus causa 14. q. 1. §. 1. Adrian. I. supra cit.

Secundò: Quia hæc est communis sententia antiquorum Doctorum, quorum catalogum videbis apud Abb. in c. cum esses, n. 21. Adrianum cit. loco Nau. in eadem Apolog. q. 2. mon. 7. Couar. cit. c. cum in officiis, n. 2. Vasq. tr. de reit. Ecclesiast. c. 1. §. 2. n. 24.

Tertiò: Doctores communiter fatentur, atque ex sacris canonibus, & Ecclesiæ traditione notissimum est, beneficiatos mortaliter peccare, si redditus superfluos notabili quantitate in prophanos vsus, v. g. ad dandos consanguineos suos expendant: Talis autem obligatio ita generalis, & ordinaria proficisci non potest ex lege charitatis, ac misericordiæ: ergo oritur ex lege iustitiæ propter annexum onus, quo Clerici redditus annuos percipiunt, ut quæ ipsis superflua manent, non nisi in pias causas erogent. Maior est certa, uti videre licet apud Alens. p. 3. q. 36. men. 5. ar. 2. & 3. Maiorem in 4. d. 24. q. 17. Adr. I. c. concl. 2. & 3. Nauar. in tr. de reit. Eccl. q. 1. monit. 48. Vasq. tr. de eleemosyna, c. 4. n. 9. & 10. Minor probatur: Duo enim sunt capita, ex quib. obligatio dandæ eleemosynæ secundum charitatis legem provenit, auctore S. Th. 2. 2. q. 32. a. 5. Vna est ex parte dantis, si habeat bona superflua: atqui sæpe accidit, ut laici plura superflua bona habeant, quam Clerici, sicuti Nauar. notavit, q. 2. monito 9. n. 7. Altera est ex parte patientis, si necessitas eius grauis sit: Ponamus autem hanc abesse, nullòque in locis quib. beneficiati degunt, graui inopia premi; atque multos, ut dixi, esse laicos ditiores, qui communes pauperum miseriae subleuare soleant; nihilominus beneficiati tenebuntur, & quidem sub culpa mortali, redditus suos superfluos in quemcumque usum pium erogare, secundum receptam Doctorum sententiam. Ergo obligatio hæc

non ex sola charitatis, sed iustitiæ lege provenit.

Quod ipsum ita declaratur, & confirmatur: Nam, ut sacri canones aiunt, bona Ecclesiastica sunt res Dei, patrimonium Christi, vota fidelium, pretia peccatorum: Id est, à fidelibus Christianis Deo oblata in manibus Ecclesiæ Prælatorum, ut per hos ad pium aliquem usum, ad Dei honorem, & pro salute offerentium fidelium dispensentur: eoque ipso tacito pacto, & annexo onere Ecclesiæ Prælati decimæ, obligationes, & dona accepta, non in usus prophanos, sed pios ad Dei honorem, conuertantur. Quare neque ipsemet Papa, neque ullus Episcoporum hanc legem transgredi, & bona siue redditus Ecclesiæ in prophanum usum conuerti, aut alteri ita absumendi potestatem dare potest: consequenter cum beneficiatis redditus abundantes atque superflui assignantur, id fit cum annexo onere, ut quod superest, in pium usum conuertatur.

Ideo autem beneficiatis, præsertim Episcopis, abundantes redditus assignati sunt; partim ut ipsis magis prospectum esset, quo pro temporum & annorum varietate decentem sustentationem haberent; partim quia ad Ecclesiæ honorem ac commendationem pertinere videbatur, ut eleemosynæ in pauperes, & alia pia opera ex bonis superfluis, per manus ipsorum beneficiatorum præstarentur: quamobrem Episcopi ex antiqua traditione *Patres pauperum* dicebantur. In eademque sententia S. Bern. fuit epist. 2. ad Canonicum Lugdunensem: *Quidquid præter necessarium victum, & vestitum de altari retinet, tunc non est, (quia aliis debitum) rapina est, sacrilegium est.* Similia habet in epist. 42. Et videri potest Ioan. Driedo lib. 2. de libert. Christiana, c. 4. Maior l. c.

Accedit ad confirmationem auctoritas Concilii Tridentini sess. 25. c. 1. de reformat. Episcopis omnino interdicit (Synodus) ne ex redditibus Ecclesiæ consanguineos, familiaresque suos augere studeant: cum & Apostolorum canones, (39. 40.) prohibeant, ne res Ecclesiasticas, quæ Dei sunt (id est ad pium usum, & Deicultum destinatae) consanguineis donent. Et paulò post: *Quæ verò de Episcopis dicta sunt eadem non solum in quibuscunque beneficiis Ecclesiasticis, tam secularia, quam regularia obtinentibus, pro gradus sui conditione observari; sed & ad sanctæ Romanæ Ecclesiæ Cardinales pertinere decernit.*

Addit verò ibidem Concilium; Si consanguinei pauperes sint, ut pauperibus redditus Ecclesiasticos meritò distribui. Idque intelligendum esse, aiunt Doctores, non tantum si absolute pauperes, siue indigentes sint; sed etiam considerato statu suo, quem honestè sustentare non possunt. Et statum personæ nonnihil inde etiam exrescere, quòd habeat consanguineum Papam, Cardinalem, Episcopum, docent Caiet. 2. 2. qu. 43. ar. 8. Nauar. qu. 1. mon. 27. Mol. disput. 146. qui tamen rectè limitat traditam doctrinam; ex Ecclesiasticis redditibus consanguineis indigentibus succurri posse, si aliæ longè grauioribus aliorum necessitates non occurrant.

4. Potest etiam beneficiatus, imò tenetur ex bonis Ecclesiasticis alere liberos suos non tantum legitimè natos; sed etiam illegitimos ac spurios, sicuti ex communi docent Abb. in c. coniugatus, in fine, de cleric. coniug. Nauar. comment. de spoliis Clericorum, §. 19. n. 21. & consequenter filia competentem dotem conferre: quia *dos succedit loco alimentorum*, secundum Bart. l. uxorem, §. pater naturalis, ff. de legat. 3. Cæterum, si liberi propria sufficientia bona habeant, v.g. aduentitia à matre, ideòque indigentes non sint, vel si pater propria patrimonialia bona possideat: tunc concessum non est, dotem & alimenta ex Ecclesiasticis redditibus largiri. Nisi liberi sint in obsequio, vel familia beneficiati, quam conuenienter suo statui alit. Vide Nauar. l. c.

Mol. cit. disp. 146. Maiorem in 4. d. 24. quæst. 10.

Dubitatur autem; Vtrum beneficiatus, cui patrimonialia bona suppetunt, ex bonis Ecclesiasticis filium suum in studiis alere possit; aut fratrem suum, alimæne consanguineum, cuius pater satis idoneus est ad sumptus illi ministrandos? Respondeo affirmatiuè, cum Nauar. lib. 3. consil. 2. de vita & honestate Cleric. edit 2. Probatur: Cum enim pater non teneatur filio suo præstare sumptus maiores, qui requiruntur ad studendum; sequitur talem filium, si propria bona non habeat, re vera indigentem esse; ideoque ex bonis Ecclesiasticis sumptus ei ministrari posse. Deberet tamen hinc deduci æstimatio alimentorum, quæ pater naturali iure filio suo præstare cogitur: nisi quis sibi persuadeat, cedere id magis ad honorem Ecclesiæ, si integrè, & nulla detractioe facta, ex bonis Ecclesiasticis alterum alat, quò magis is Ecclesiæ ex gratitudinis virtute obligatus existat.

Denique confirmatur nostra sententia: Quia nemo prohibetur testari de bonis, quæ iure absoluto, & sine ullo annexo onere, ad ipsum spectant, l. 1. C. de SS. Ecclesiis. Clerici autem testari de redditibus Ecclesiasticis etiam ad pias causas prohibentur, sicuti videre est in cap. 1. c. quia nos, c. cum in officiis, c. relatum, 2. de testam. & in Authent. licentiam, C. de Episc. & Clericis. Non aliam profectò ob causam, nisi quia redditus Ecclesiastici superflui debentur Ecclesiæ, unde profecti sunt. Quamuis autem Ecclesia potestatem tribuat beneficiatis redditus Ecclesiasticos in pias causas erogandi, dum in viuis sunt; non tamen disponendi de iis in tempus post mortem suam: sed omne ius beneficiati in bonis Ecclesiasticis ipsa morte finitur, & redditus qui supersunt, ad Ecclesiam redeunt, si defunctus ex Clericorum congregatione fuit, puta Canonicus: vel ad successorem, si fuit Parochus, vel similis beneficiatus, iuxta cap. relatum, 2. de testamentis. Quibusdam verò locis ad Episcopum bona deuoluuntur; vel tanquam spolia Camera Apostolicæ applicantur, ubi id receptum est: de quo vide Mol. disput. 147. Idque meritò ita decretum est, ut beneficiati promptiores essent ad bona, quæ ipsis supersunt, in pias causas eroganda, scientes, nullam sibi facultatem superesse de iis post mortem suam disponendi, sicuti notauit Nau. q. 3. mon. 1.

Excipienda tamen sunt minutiora, quæ in remunerationem beneficiorum, famulis, v. g. testamento relinquere, vel mortis causa donare beneficiati non prohibentur, cit. cap. relatum, 2. de testam. Minutiora, inquam: nam maiora dona, etiam remuneratoria beneficiorum, non possunt per dispositionem vltimæ voluntatis relinquere. Si tamen verè debita sint, ita ut, nisi ea munera præstentur, non solum vitium ingratitudinis incuratur; sed etiam actio negotiorum gestorum, vel alia similis intentari possit, quia obsequia non merè gratis exhibita censebantur, tunc successores beneficiati ea soluere debent, arg. l. Aquilius, & l. si pater, §. si quis, ff. de donat. & videri potest Mol. to. 2. disp. 292.

At verò de bonis patrimonialibus beneficiati disponere possunt arbitratu suo: si tamen intestati decedant, & consanguineos non habeant, succedit Ecclesiæ: vel potius applicantur beneficio cui obligati erant, sicuti constat ex c. 1. vbi Abb. n. 3. de success. ab intestato. In dubio autem, vtrum bona relicta patrimonialia sint, an verò ex Ecclesiasticis beneficiis acquisita, quid præsumendum sit, videre potes apud eundem Abbat. c. cum inquirendum, de peculio Clericorum, & c. cum esses, n. 24. de testam.

SVPER SVNT QVÆSTIONES: PRIMA. Vtrum honesta sit consuetudo, quæ multis regionibus, etiam in nostra Germania passim obtinet, ut beneficiati

(exceptis Episcopis, aliisque Prælatiſ redituſ adminiſtrationem tantum habentibus) ad prophanas cauſas, de quibuſcuſque etiam ſuperfluiſ reditib꿿 arbitratu ſuo teſtentur? Affirmat Gl. c. præſenti, ver. reſervari, de offi. Ordinarii, in 6. & alii Canoniſtæ apud Abb. c. cum in officiis, nu. 5. de teſtam. item Couar. Valentia, Fachinæ꿿 Il. ſuprà citatiſ, Azor t. 2. lib. 7. c. 9. Sa ver. Clericus, n. 25. Sed recti꿿 negant non tantum Abb. Maior, Nauar. & alii multi, qui noſtram ſententiam ſequuntur; ſed etiam Mol. diſp. 147. concl. 11. Leſſi꿿 lib. 2. c. 19. dub. 4. Vaſq. de reſcit. Eccleſiæ c. 2. §. 1. n. 83. Nam conſuetudo, quæ legi naturali ac diuini repugnat, corruptela dicenda eſt, c. quæ contra, c. mala conſuetudo, d. 8. Talis autem eſt hæc, quam dixi conſuetudo. Nam omneſ Doctoreſ fatentur, beneficiatiſ mortaliter peccare ſiue contra charitatem, ſeu contra iuſtitiam, ſi Eccleſiaſticiſ redituſ ſuperfluoſ in uſuſ prophanos expendant, v. g. donando conſanguineis: Ergo ſimiliter, imò etiam magiſ fateri coguntur, illoſ mortaliter peccare, ſi de eiſdem boniſ, mortis cauſa in uſuſ prophanos diſponant: ſi quidem facili꿿 alicui facultas permittitur diſponendi in uiuiſ, quàm poſt mortem ſuam. Vide Nauar. commentariis de ſpoliis Clericorum §. 14. & de reſcit. Eccleſiæ qu. 3. mon. 1. & 2.

Exinde rectè inferit idem Nau. de reſcit. Eccleſ. q. 1. mon. 59. n. 3. & q. 3. mon. 6. Maior cit. d. 24. q. 2. concl. 4. ver. nec Papa. Abb. in repet. c. cum eſſeſ, n. 30. de teſtam. contra Sarmientum in 1. part. deſenſ ca. 2. in fine. Neque Sum. Pontificem diſpenſare, aut facultatem concedere poſſe, vt id licitè fiat: quando quidem iuri naturali repugnat, vt deſunctorum voluntateſ, ſeu diſpoſitioneſ ad cauſaſ pias, in alioſ uſuſ prophanos ſine iuſta cauſa conuertantur, vel vt ita conuertendi poteſtaſ detur. Aliud verò ſentiendum, ſi id iuſta cauſa iuadeat, v. g. in remunerationem meritorum, quæ Eccleſia à beneficiatiſ, vel conſanguineis ei꿿 accepiſ, arg. c. vlt. de pecul. Clericorum.

Porro licet Sum. Pontifex non poſſit approbare conſuetudinem, vel dare poteſtatem cuiſlibet beneficiatiſ teſtandi ad cauſaſ prophanas; cum ſit vniuerſaliſ Paſtor, & adminiſtrator Eccleſiæ, à Deo conſtitutus ad diſpenſandum, non diſſipandum, ſicuti bene monet Abb. repet. cap. cum eſſeſ, n. 30. de teſtam. nihilominuſ taleſ conſuetudineſ permittere poteſt non quidem approbando, ſed tolerando. Qua ratione teſtatur Nauar. comment. de ſpoliis Cleric. §. 11. n. 3. facultatem teſtandi etiam ad cauſaſ prophanas de ſpoliis, ſeu relictis Eccleſiaſticiſ fructibuſ à Iulio III. Clericiſ in Curia Romana decedentibuſ conceſſam fuiſſe tantum permiſſiue, & quoad forum externum. Atque eodem modo cenſeri debet, poteſtatem de omnibuſ prouentibuſ Eccleſiaſticiſ ad libitum, & ad quaſlibet, etiam prophanas cauſaſ teſtandi in multiſ Germaniæ noſtræ prouinciis tolerari; quia facile aboleri non poteſt; non verò vt bonam atque laudabilem approbatam eſſe: cum ſacriſ canonibuſ, & primæ, vt dixi, beneficiorum inſtitutioni, ipſorumque fundatorum voluntati prori꿿 repugnet.

Secundò inferit Henric. quodlib. 8. q. 27. Nau. tr. de reſcit. q. 1. monito 40. n. 12. Beneficiari꿿 comparatione bonorum ſtabili꿿, ex quibuſ fructuſ percipiunt, neque eſſe meros uſuari꿿, neque propriè uſufructuari꿿. Nam uſuari꿿 ſolùm capere poteſt fructuſ quaten꿿 indiget ad uſum quotidianum: Beneficiari꿿 autem tum in ſuoſ, tum in alioſ uſuſ pios, dum uiuit, diſponere non prohibetur. Min꿿 verò i꿿 habet beneficiari꿿, quàm uſufructuari꿿: nam iſte fructuſ ſuoſ tam inter uiuoſ, quàm poſt mortem relinquere poteſt, quibuſ vult, ſicuti conſtat ex iuſtit. de uſu & habitatuſ non item beneficiari꿿.

ALTERA QVÆSTIO. Vtrum hæredes, ac legatarij contra iuſtitiam peccent, & reſtituere debeant, ſi aliquid ex ſuperfluiſ reditibuſ accipiant? Negant eoſ quicquam peccare Doctoreſ illi, qui putant redituſ omneſ Eccleſiaſticiſ abſoluto domini iure, & ſine annexo onere iuſtitie ad beneficiatiſ ſpectare: quare (inquiunt) tamenſi hi contra charitatem delinquant, ſi redituſ ſuperfluoſ in diuites transferant donatione, legato; alienatio tamen abſolutè, & ſine villo reſtate valida eſt, perinde ac ſi laicuſ diuiti꿿 done꿿 quod ex lege miſericordiæ pauperibuſ elargiri obligatuſ eſt, ſicuti raciocinatur Mol. cit. diſput. 147. Sed ſecundum alteram ſententiam, quam deſendi, contrarium aſſerendum eſt: Si enim redituſ Eccleſiaſticiſ, qui ſuperflui ſunt, ex naturali iuſtitie lege in pium aliquem uſum erogari debent; quia cum tali onere, ac tacito pacto à fidelibuſ proſecti ſunt; manifeſtò ſequitur, ſi eoſ aliuſ titulo nationiſ aut legati accipiat, in conſcientia tutum non eſſe, ſed reſtituere obligatum, ſicuti bene præter alioſ docet Gabr. cit. qu. 8. art. 3. dub. 6. Angel. ver. Clericus, 3. §. 4. & 13. §. 2. Nauar. de reſcit. Eccleſiæ, qu. 3. mon. 17. nu. 6. & de ſpol. Clericorum, §. 15. Quia tamen prior illa ſententia ob Doctore꿿 auctoritatem probabilis eſt, ideo plurimi eam in praxi bona fide ſequuntur. Accedit, quòd ſapiſſime redituſ Eccleſiaſticiſ, quos beneficiatiſ poſt mortem relinquunt, non ſunt ex ſuperfluiſ; ſed quos propria parſimonia ſeruauit: de quibuſ arbitratu ſuo etiam poſt mortem diſponere poſſunt, ſi diœceſiſ conſuetudo permittat. Deinde excipienda ſunt quæ per teſtamentum, aliâque vitimam voluntatem ad cauſaſ pias relictæ ſunt. Tamenſi enim iure canonico beneficiatiſ de reditibuſ Eccleſiaſticiſ ad quaſcu꿿que etiam pias cauſaſ teſtari interdictum ſit; non tamen ita, vt non contrarium conſuetudini diœceſiſ introduci poſſit: quandoquidem id naturæ & inſtitutioniſ reditu꿿 non repugnat, ſi ad cauſaſ pias, ob honorem Dei, applicentur.

QVÆSTIO TERTIA eſt de fructibuſ pendentibuſ tempore mortis beneficiatiſ, vtrum ad illiuſ credito꿿, vel (ſecundum probabileſ ſententiam, & quarundam diœceſum conſuetudinem) ad hæredes pertineant an ad ſucceſſorem? Item ſi beneficium reſignetur, vtrum fructuſ pendenteſ ad renuntiantem pertineant, an ad ſucceſſorem? Quòd omneſ ad ſucceſſorem pertineant, contendit Nau. de reſcit. Eccleſiaſt. q. 2. mon. 13. & alii multi, apud Couar. 1. reſol. c. 15. nu. 12. cum Gl. in c. ſi propter, §. primi anni, de reſcrip. in 6. Primò: Quia beneficiari꿿 uſufructuari꿿 comparatur: atqui uſufructuari꿿 non comparat ſibi fructuſ niſi à ſolo perceptoſ; pendenteſ autem magiſ ad dominum fundi ſpectant, cum ſint pars fundi, & habetur in l. arboribuſ, §. Iulianuſ, ff. de uſufructu. Secundò. Beneficiari꿿 ita ſe habet ad ſucceſſorem in beneficio; ſicuti hæreſ ad eum cui hæreditateſ reſtituenda eſt: atqui fructuſ nondum percepti omneſ ad fidei commiſſari꿿 ſpectare debent, iuxta l. 42. ff. de uſuriſ: Herenniuſ Mo-deſtinuſ reſpondit, fructuſ, qui poſt acquirentem ex cauſa fidei commiſſiſ dominuſ ex terra percipiuntur, ad fidei commiſſari꿿 pertinere; licet maior pars anni ante diem fidei commiſſiſ cedentem præteruiſſe dicatur: Ergo ita etiam dicendum de ſucceſſore in beneficio.

Contrarium tamen docuit Sarmientuſ de reſcit. Eccleſ. p. 4. c. 6. n. 13. Couar. cit. n. 12. Mol. tr. 2. de iuſt. to. 3. priore, diſp. 635. n. 7. Gutierrez lib. 1. canon. qq. c. 33. Nicol. Garcias p. 2. de benefic. c. 1. n. 69. & ſeqq. Fructuſ diuidendoſ eſſe inter hæredes beneficiari꿿 aut penſionari꿿 deſuncti, & in beneficio ſucceſſorem pro rata parte anni; ita vt ſi beneficiari꿿, aut penſionari꿿 initio ſtatim anni mortu꿿 eſt, aut beneficio ſuo renunciauit, parum ex fructibuſ ipſe, vel hæredes, aut cre-

ditores eius percipere possint; multum vero si prope animi finem, seu cum fructus mox percipiendi essent, beneficio suo, aut vita decessit. Argumentum sumunt ex l. diuortio, si soluto matrimonio, aliàs incipit fructus, ubi hoc ipsum statuitur de marito, soluto matrimonio lucrante pendentes fructus in fundo dotali, habita ratione precedentis temporis, quo mulier in matrimonio fuit: videlicet, si sine mensis Ianuarii diuortium fiat, & quatuor menses matrimonium steterit, vindemix fructus, & quarta portio mensis instantis anni confundi debent, ut ex ea pecunia tertia portio suo relinquatur. Vbi imprimis nota; Sicuti portio fructuum debetur secundum proportionem durantis temporis matrimonij, aut iuris in beneficio; ita similiter deberi portionem pensionis, si fundus dotalis, aut Ecclesiasticus alteri locatus erat: cum enim pensio loco fructuum detur, merito in eorundem locum succedit. Secundò notat Glos. ibid. §. Papinianus, fructus intelligi deductis impendiis, quæ ante omnia restitui ei debet, qui ea fecit, sicuti habetur expressè in cit. l. diuortio: *Fructus in hac re eos esse constat, qui deducta expensa supererunt.* Tertiò nota; Licet maritus non sit dominus fundi dotalis, sed tantum ius percipiendi fructus habeat, dum matrimonium durat; nihilominus concessum ipsi esse, ut etiam de fructibus post finitum matrimonium percipiendis participet, secundum proportionem partis anni, quo onera matrimonij sustinere debuit, ne illud oneris sui tempus sine compensatione maneat, sicuti Gl. annotauit ver. tertia portio. Quare cum eadem ratio etiam in beneficiato, & suo modo in pensionario locum habeat, ideo posterior hæc sententia æquitati consona est, multisque diæcesibus recepta. Atque argumenta pro priorè sententia non conuincunt: cum beneficiarius neque propriè usufructuarius, neque fidei commissio grauatus dici possit; consequenter quæ de his in iure statuta sunt, ad beneficiarium aut pensionarium transferri nequeant. Quin imò si ex ratione similitudinis argumentari volumus, beneficiarius quàm optime stipendiario comparatur: at verò stipendiarius, & quicumque pro opere aut labore præstando salariū annuum habet; id ei, vel hæredibus eius debetur, secundum proportionem temporis anni, quo officium suum præstitit. Ergo id similiter de beneficiario dici debet. Pensionarius autem accipit pensionem instar annui alimentis: ergo secundum proportionem temporis anni in quo vixit, debetur illi portio pensionis.

QVÆSTIO QVARTA. An quæ hoc c. dicta sunt, locum etiam habeant in Regularibus promotis ad Episcopatum, vel Parochiam, aliudue simile beneficiū? Respondeo; Pleraque locum etiam habere, saltem quo ad eundem effectum. Licet enim propter votum paupertatis, dominij reddituum capaces non sint; plenissimam tamen eorum administrationem habent, & facis canonibus concessam, sicuti docent Nauar. de re dit. Ecclesiast. quæst. 1. monito 8. Molina to. 2. disput. 276. ver. Religiosus in conuentu, Sa ver. religio, n. 46. Less. lib. 2. c. 41. dub. 11. n. 93. Sanch. lib. 6. mor. c. 6. n. 14. ita tamen, ut quæ superflua sunt non in alias, quàm pias causas erogare ipsis liceat; alioquin ad restitutionem obligentur: quæ verò propria parsimonia, seu parciùs viuendo acquisierunt, ea in quasunque causas inter viuos donare & absumere ipsis, ex Ecclesiæ benignitate liceat, secundum Nau. cit. q. 1. monito 33. Sanchez cit. nu. 14. At verò mortis causa donare, aut testari de Ecclesiasticis redditibus; aut bonis patrimonialibus, vel quacunque industria acquisitis Regulari beneficiato permissum non est; nisi Papa dispense, seu licentiam tribuat; quam facillè cōcedit euectis ad dignitatem Cardinalitiam, Episcopalem, vel aliam similem.

Addit Nauar. comment. 4. de Regular. n. 70. eumque secutus Sanchez lib. 6. moral. c. 6. nu. 14. quod

Religiosus beneficiarius omnium etiam aliorum ex quibuscunque causis quæstorum liberam administrationem habet, dum viuit; ut proinde extra, & intra iudicium de his disponere, & agere possit absque licentia Prælati. Quod licet spectata quorundam locorum consuetudine rectè dicatur; tamen considerato communi iure canonico, & statu professionis religiosæ, quem beneficiarius retinet, dici non posse videtur. quæ de re vide quæ dicam lib. 4. tr. 5. c. 7. q. 5. dicto 3.

CAP. IV.

QVOTVPLEX SIT BENEFICIUM
Ecclesiasticum.

SVMMARIVM.

1. Beneficium aliud seculare est, & aliud regulare.
2. Canonici regulares sine dispensatione Papa ad Ecclesiam parochialem promoueri non possunt.
3. Si Conuentus regularium deficiat, reformari debet per Religiosos eiusdem ordinis, si fieri possit, & idonei adsint.
4. Beneficium aliud est duplex, & aliud simplex. Inter beneficia duplicia quadam sunt maiora, ut Papatus, Episcopatus, Cardinalatus: quadam media, ut reliqua dignitates, personatus, & officia: denique quadam absolute parochialia dicuntur.
5. Alia diuisio beneficii est in titolare, & manuale.
6. Capellania alia sunt temporales, & non collatiua, alia propriè spirituales, & collatiua.

BENEFICIORVM variæ diuisiones sunt. Prima. Beneficium aliud est seculare, quod Clericis secularibus competit; aliud regulare, quod Regularibus additum ac debitum est. Nam beneficium regulare conferri non potest Clerico seculari; neque vice versa, beneficium seculare Clerico regulari, sicuti colligitur ex c. cum de beneficio, de præb. in 6. c. super eo, de Regularibus. Excipe primò: Si Canonicus regularis, vel Monachus Ordinis non mendicantis eligatur ad Episcopatum, vel aliam prælaturam secularem, sicuti colligitur ex cap. nullus religiosus, de electione, c. quod Dei timorem, de statu Monachorum, ubi id Abb. explicat num. 5. Et Ordinis Prælatus tenetur tunc licentiam dare Professo beneficium accipiendi, si necessitas vel utilitas Ecclesiæ postulet, sicuti docet Abb. cit. c. quod Dei timorem, n. 8. Rodriq. to. 1. regul. q. 34. a. 4. & 5. Less. lib. 2. c. 34. dub. 2.

Excipe secundo: Quod Regularis ob instantam causam, cum consensu Prælati, si ille exemptus est, fieri possit Vicarius Episcopi, secundum Gl. receptam c. cum Pastoris, 2. q. 7. Habitu tamen retento: quia solius Papæ est dare facultatem manendi extra Monasterium sine habitu Ordinis, sicuti docet Nau. lib. 3. cons. 14. n. 5. de Regul. ex cap. 2. Ne Cler. vel Monachi, in 6.

Excipe tertio: Quod Canonicis regularibus concessum est ab Innoc. III. cit. c. quod Dei timorem, secularia beneficia curata obtinere; dummodo, si commodè fieri possit, socium regularem secum habeant. idque notauit Syl. ver. religio, 7. q. 3. & 4. Less. lib. 2. c. 41. n. 98. Neque de hoc dubitari potest, spectato iure antiquo. Sed iure nouo derogatum esse huic licentiæ per concordata Concil. Lateran. cum Leone Papa, significarunt plures sequentes Pontifices, apud Sanch. lib. 7. moral. cap. 29. nu. 71. Garciam pag. 7. de beneficijs c. 10. n. 31. & Cardinales in declar. Trident. sess. 14. c. 10. Quare hodie absque Papæ dispensatione Canonicus regularis ad Parochialem Ecclesiam promouendus non est, quod etiam docet Miranda in man. t. 1. q. 32. a. 5. & significat Syl. ver. religio, 7. q. 6. Iuxta quam præxin curiæ Romanæ, Episcopus Monachos & regulares

Canonicos, si absque Papæ licentia ad parochias seculares, suo Monasterio non unitas, promoti sint, inde remouere potest.

Excipe quartò: Si Ecclesia seu Conuentus regularis deficiat, ita vt consideratis loci, temporis, personarum circumstantiis, per Regulares reformari non possit, tunc Episcopus clericos ibi seculares instituere potest, iuxta c. inter quatuor, de relig. domib. vbi Abbas notat; Conuentum religiosum, si collapsus sit, reformandum esse primò per Regulares eiusdem Ordinis; in horum verò defectum per Religiosos alterius Ordinis; in omnium autem defectum per Clericos seculares; salua tamen plenitudine potestatis Rom. Pontificis, quippe qui supremus omnium Ecclesiasticorum beneficiorum administrator est. Collegium autem Clericorum secularium facilius per auctoritatem Episcopi, cum Capituli consensu, ad statum regularem conformari potest; modò Clericis secularibus, dum vixerint, vitæ necessaria ministrentur, iuxta c. ad audientiam, 2. de Eccles. ædific. vbi Abbas. n. 6. notat; Requirunt etiam consensum Clericorum; si Episcopus talem mutationem ob causam voluntariam facere velit; secus, si ob causam rationabilem; puta si inhonestè ibi vixerunt, tunc etiam iis inuitis fieri posse.

Porro omne beneficium censetur esse seculare; nisi constet, vel probetur regulare. Probari autem potest ex literis foundationis siue erectionis, vel ex continua quadraginta annorum possessione, sicuti ex communi docet Nau. lib. 3. consil. 3. de præben. edit. 2. Azor. to. 2. lib. 3. c. 26. q. 1. Sanchez 7. moral. c. 26. n. 14.

4 Altera diuisio. Beneficium aliud est duplex, & aliud simplex. Beneficium duplex est, quod aliquam eminentiam, iurisdictionem, vel administrationem habet. Inter quæ beneficia primum ac præcipuum est Papæ, iuxta c. 1. de maledicis: quare & ipse canonicè eligi, atque institui debet. Reliqui etiam Episcopi beneficia habere dicuntur in c. felix, §. quod si quis, de pœnis, in 6. Quamquam Episcopatus, sicuti & Patriatus, communi appellatione beneficiorum, præsertim in pœnalibus, aliisque strictæ interpretationis canonibus comprehendendi non solent, sicuti notauit Ioan. de Selua p. 1. de beneficio; quæst. 3. nu. 25. Cum sint culmina beneficiorum, ac dignitatum, sicuti dicitur in c. penult. de præben. & notauit Gl. in cap. 2. eod. in 6. Marsilius Columna p. 2. de reddit. Eccles. c. 11. nu. 17.

Ordo Episcoporum, ait Isidorus relatus in cap. 1. d. 21. quadripartitus est: Sunt enim Patriarchæ, Primates, Metropolitanæ seu Archiepiscopi, & Episcopi. Vide quæ dixi lib. 1. tract. 4. c. 7. n. 4.

Cardinales quoque Sanctæ Rom. Ecclesiæ in præcellenti Ecclesiasticæ dignitatis ac officii gradu constituti sunt; quippe consultores, fratres, & coadiutores Romani Episcopi, sicuti appellantur in c. fundamenta, §. decet, de elect. in 6. De quorum origine & antiquitate lege Anton. Marsil. cit. pag. 2. ca. 13. Et quæ hæcenus numerauimus, appellantur beneficia maiora seu sublimia.

Alia verò dicuntur beneficia media, vt videre est apud Abb. c. maioribus, de præben. & sunt reliquæ dignitates præter illas sublimis; item personatus, & officia, quæ omnia duplicia beneficia censentur. Dignitas est præminencia, ferme cum iurisdictione fori exterioris iuncta, teste Abb. & Innoc. cap. de multa, de præbendis. Nau. consil. 15. de præbendis, edit. 2. Syl. ver. beneficium, 1. q. 1. Petro Rebuffo in praxi beneficiorum, cap. Beneficium seculare quoduplex, n. 7. Cuiusmodi beneficia obtinent Abbates, & alii Prælati tam regulares, quàm seculares. Item Archidiaconus, qui post Episcopum, veluti vicarius eius, in omnes

diocesis Clericos iurisdictionem obtinet; cap. 1. de offic. Archidiaconi. Hodie verò in multis Ecclesiis Vicarius generalis appellatur, qui hanc potestatem exercet, quæ describitur in cit. cap. 1. c. mandamus, & seqq. eod. tit.

Personatus est præminencia in Ecclesia sine iurisdictione fori exterioris; v. g. qui aliis præpositus est in choro, in processione, in suffragiis. Quamquam hæc vocabulorum differentia non semper obseruatur; sed interdum dignitas & personatus pro eodem accipiuntur, sicuti videre est in c. cum accellissent, de constitut. & notauit Abb. in cit. c. de multa, n. 10. Marsilius l. c. cap. 13. n. 1.

Officium dicitur administratio sine iurisdictione fori exterioris: cuiusmodi habet Custos, Thesaurarius, Primicerius, Archipresbyter, qui omnes Archidiacono subiecti sunt. Ipse autem Primicerius Diaconis; Archipresbyter verò, veluti Decanus Presbyteris præfectus erat, tamen sine iurisdictione in foro externo, sicuti colligitur ex c. ult. de officio Archipresbyter &c. vn. de offic. Primicerii. Nihil tamen obstat, quia officium v. g. Archipresbyteri seu Decani, si in Ecclesia iurisdictionem, vel præminenciam habet, inter dignitates aut personatus etiam numeretur. Vide Syl. l. c. q. 5. Parochus quoque siue Plebanus (ita enim appellatur in c. quod Dei timorem, de statu Monachorum) officium, & beneficium duplex [quasi duplici cura & onere constrictum] habere censetur.

Denique simplex beneficium dicitur, quod neque specialem præminenciam, neque iurisdictionem, neque administrationem habet: v. g. canonicatus tum secularis, tum regularis; item capellania, siue altare Episcopi auctoritate constitutum.

Tertia diuisio. Beneficium aliud est simpliciter titolare, quod videlicet in titulum perpetuum confertur, vt beneficiato sine graui, & iusta causa auferri non possit, siue per legem, siue per Iudicis sententiam. Aliud verò est beneficium manuale, quod in titulum quidem confertur, sed reuocabile: quia ad nutum Prælati, vel Patroni beneficiato auferri potest. Talia beneficia manualia sunt ferme omnia regularia, quæ nec curata, nec electiua sunt; vt Prioratus, officium Custodis, Sacristæ siue Thesaurarii, sicut notauit Marsilius l. c. cap. 15. nu. 16. Rodriq. t. 1. reg. qq. q. 34. a. 2. Loquor autem de Priore, qui sub Abbatis obedientia constitutus est, ideòque ab eodem ad nutum remoueri potest, iuxta cap. cum ad Monasterium, §. sed alicui, de statu Monach. Quia impossibile est inquit Abb. in cap. 2. n. 8. eodem tit. quod Monachus sit Monasterii, & inuito Abbate administrationem tenere possit. Alia verò ratio est de Priore conuentuali, qui per electionem Capituli creatus, perpetuam dignitatem obtinet: talis enim remoueri non potest, nisi sit dilapidator bonorum, vel inconuenienter viuat, aut simile delictum committat; vel denique ob necessitatem, vel maiorem vtilitatem aliò transferendus videatur, iuxta cit. c. 2. §. Priores autem. Plura vide apud Sanchez lib. 7. moral. c. 29. n. 118. & seqq.

Beneficia autem secularia, licet ordinariè in titulum perpetuum conferri soleant, ideòque sine graui causa reuocari non possint, sicuti constat ex c. præcepta, d. 55. c. satis peruersum, d. 56. cap. Sanctorum, d. 70. tamen nihil obstat videtur, quo minùs etiam secularia quædam beneficia speciali statuto, vel foundatione, temporalia & ad nutum amabilia instituantur, sicuti pluribus allegatis, docet Nicol. Garcias, p. 1. de beneficio. c. 2. §. 1. contra Nau. consil. 8. de iure patron. & consil. 5. 7. & 27. de præb. edit. 2. vbi significat, Capellaniam non perpetuam, sed manualement non esse propriè beneficium Ecclesiasticum.

Sed rectius distinguitur inter Capellania cum Axo-

ais t. 1. lib. 10. cap. 4. q. 2. Suarez to. 2. de relig. lib. 4. de orat. cap. 22. n. 11. Quædam enim sunt temporales & non collatiuæ videlicet, quæ sine Episcopi auctoritate, quamvis in perpetuum, institutæ sunt, vt à fundatore, eiusue hæredibus conferantur, cui ipsi voluerint: & tales capellaniæ beneficia non sunt; sed merè temporalia stipendia Sacellanorum, sicuti rectè docet Nau. in tit. consil. 5. Aliæ verò sunt Capellaniæ, quæ Episcopi auctoritate institutæ, spirituales & collatiuæ factæ sunt; ideoque propriè dicta beneficia Ecclesiastica, quamvis ad nutum Episcopi, vel Patroni auferri possint: hoc enim ad accidentalem tantum beneficiorum differentiam spectare videtur: quandoquidem ipsemet Nau. cōsil. 8 de iure patronatus, n. 10. fatetur, beneficia Ecclesiastica per voluntatem Papæ, vel consuetudinem immemoriamlem posse fieri manualia, seu ad nutum amabilia. Id tamen fateri nos oportet, spectato iure communi & ordinario, beneficia secularia censeri perpetua; regularia verò beneficia censeri manualia seu reuocabilia: quamobrem hæc qualitates in impetratione beneficiorum necessariò exprimi non debent; cum insint communi iure quod Pontifici cognitum esse præsumitur, iuxta cap. 1. de Constit. sicuti docet Rebuffus de pacificis possess. n. 339. Sanch. lib. 7. moral. c. 29. n. 105. Aliam beneficiorum diuisionem, ex modo conferendi desumptam reperies infra cap. 10. n. 1.

CAP. V.

DE OBLIGATIONE ANNEXA
beneficio Ecclesiastico recitandi
officij Canonici.

S V M M A R I V M.

- 1 Beneficiati si horas canonicas intermittant, post sex menses à beneficio obtento, ad fructuum restitutionem obligantur.
- 2 Hac fructuum restitutio fieri debet non præcisè pro rata omissionis officij, ac temporis, sed quatenus redditus beneficiarij dantur propter officium canonicum; non item propter alias obligationes.
- 3 Solus titulus beneficij non inducit recitandi obligationem; sed requiritur etiam possessio.
- 4 Si beneficiatus sine culpa sua nullos redditus accipit, nec postea accepturus est, ad recitandum non obligatur.
- 5 Iusta esse potest consuetudo beneficia valde tenuia conferendi sine canonicarum precum obligatione.
- 6 Præstimoniam ea, qua in titulum perpetuum dantur, & verò Ecclesiastica beneficia sunt, ad canonicum officium obligant.
- 7 Commenda est duplex; perpetua, & temporalis: illa ad orandum obligat; hac non item, si in Ecclesia utilitatem constituta sit.
- 8 Vicarij alij perpetui sunt, & alij temporales: illi ad recitandas horas obligantur; hi non item: nisi tota beneficij administratio ipsis commissa sit.
- 9 Coadiutor beneficiati, ratione huius muneris ad canonicas horas non astringitur.

BENEFICIATI omnes ad officium canonicarum precum obligantur in Concilio Lateranensi generali, sub Leone X. sess. 9. in Bulla reformatæ statuimus, & ordinamus, quod quilibet habens beneficium cum cura, vel sine cura, si post sex menses ab obtento beneficio, diuini officij non dixerit, legitimo impedimento cessante beneficiorum suorum fructus non faciat suos, pro rata omissionis officij, & temporis; sed eos, tanquam iniuste perceptos, in fabricas ecclesiarum huiusmodi beneficiorum, vel pauperum elemosinas erogare teneatur. Quam constitutionem postea renouauit, & explicauit Pius V. Bulla sua 138. quam

refert Nau. cap. 25. man. num. 122. & de orat. cap. 7. num. 31.

Quædam hic notanda sunt: Primum. Concilium supponit, beneficiatis omnibus ex generali Ecclesiæ consuetudine incumbere obligationem recitandi officij; de nouo autem solum decernit pœnas culpabiliter omitrentibus. Quamobrem ante concilium Lateranense communior erat Doctorum sententia, sicuti videre est apud Innoc. Abb. c. 1. de celebr. Missarum, Sylu. ver. clericus, 4. q. 23. Nau. c. 7. de orat. cit. n. 31. Nicol. Garciam p. 3. c. 1. n. 8. Beneficiatos, propter omissionem officij canonici, olim non fuisse obligatos ad fructuum restitutionem; sicuti neque post Lateranense Concilium, intra primos sex menses ab obtento beneficio, obligantur; licet interim mortaliter peccent sicuti ex communi notauit Tol. lib. 2. c. 12. Pet. Nau. lib. 2. c. 2. n. 184.

Secundum. Obligatio hæc restituendi fructus propter neglectum officium canonicum, secundum substantiam ex iure naturali descendere videtur, sicuti indicat Concilium Lateranense, quando constitutionis suæ rationem affert; quia beneficium datur propter officium, adeoque quasi sub condicione præstandi officij: nam datum ob causam causâ non secutâ, iure repetitur. idque docuit etiam Sotus lib. 10. q. 5. a. 6. concl. 3. Medina in instruct. confess. cap. 14. §. 11. Lopez p. 2. instruct. cap. 98. Pet. Nau. lib. 2. de restit. cap. 1. num. 198. Suarez lib. 4. de horis cap. 29. Quoad determinationem verò ac modum, ex iure Ecclesiastico prouenit: quod ita explicat Suarez l. cap. Quemadmodum Sacellanus, qui stipendium accepit pro Missis legendis si eas legere intermisit, non tenetur stipem restituere; cum possit neglecta compensare, alio tempore sacrificando: Sic etiam Canonicus, qui vno die Canonicum officium omisit, spectato iure naturæ, aliis diebus similem, vel æquiualem spiritualem compensationem facere posset, nisi Ecclesiastico iure statutum esset, vt post sex menses restitutio non aliter, quam in fructibus fieret. Si autem ante primos sex menses officium negligat, compensationem facere tenetur seu in fructibus, seu in spiritali oratione, sicuti ipsa natura & obligatio suscepti beneficii exigat.

Veruntamen Nau. cap. 25. man. num. 123. Garcias num. 17. Azor t. 1. lib. 10. cap. 14. quæst. 3. & 4. Lessi. lib. 2. cap. 34. dub. 32. primo semestri nullam omnino restituendi obligationem agnoscunt; quippe quam ex solo Ecclesiastico iure provenire arbitrantur. Quorum sententia probabilis est, præsertim quod attinet ad beneficia curata, aut capellas, quæ principaliter instituta non sunt propter officium precum, sicuti etiam annotauit Pet. Nau. lib. 2. ca. 2. n. 198. Sed etsi sentiamus, obligationem restituendi secundum substantiam ex iure naturali prouenire; non est improbabile, quod ait Vasq. de benef. cap. 4. §. 1. num. 44. Potuisse Concilium etiam eos beneficiatos, quibus nullum aliud officium, quam precum horarum incumbit, primo semestri liberare à restitutionis obligatione; applicando eis redditus ratione tituli & officij præstandi in futurum.

Tertium. Beneficiatus, post primum semestre, canonicas horas dicere omittens, ante Iudicis sententiam restituere tenetur fructus temporis negligentie correspondentes, eo pacto, vt si v. g. 360. annuos aureos ex beneficio vno, vel pluribus percipiat, vnum aureum in vsum pium erogare cogatur, ob integrum vnus diei intermissum officium; dimidium aurei verò ob intermissum officium Matutinum cum Laudibus. Ita habetur in dictis constitutionibus Concil. Lateran. & Pij V. & consentiunt DD. communiter, contra Syl. ver. clericus, 4. q. 23.

Etsi verò Sotus lib. 10. q. 5. a. 6. Couar. 3. resol. c. 13. num. 10. in fine (quibus fauent Barth. Medina cit.

§. II. Lopez p. 2. instruct. cap. 95.) in ea opinione fuerint, quod beneficiatus vno, aut altero anni die officium canonicum prætermittens, ad nullam fructuum restitutionem obligetur: quia neque pius & clemens dominus de salario famuli detrahit, ob vnus vel alterius diei neglectum seruitium; si reliquo toto anno, sicuti oportebat, præstitum fuit; reliqui tamen Doctores ferè communiter repugnant: quia in constit. Pij V. clarè exprimitur, non tantùm ob vnus diei; sed etiam vnica horæ culpabilem officij omissionem, restituendi obligationem pro rata incumbere.

Illud rectè admonet Nau. cap. 7. de orat. n. 34. aliæque sequuntur: Si ipsemet beneficiatus pauper sit tunc fructus restituendos eidem per modum elemosynæ applicari posse. Tamen consultum erit hoc casu, si Confessarius aliam similem satisfactionem imperet; v. g. vt oret, vel sacrificet pro defuncto fundatore, sicuti monet Suarez cit. c. 30. n. 19.

Quartum Cùm dictæ constitutiones de omnibus beneficiatis, tam curatis, quàm non curatis promiscuè & sine discrimine loquantur; ideo multi Doctores existimant, etiamsi beneficiatus alia officia ritè peragat, v. g. Parochus Sacramenta ministret, Capellanus Missas celebret; nihilominus propter canonici officij neglectum, obligari eum ad omnium fructuum restitutionem pro rata. Ita docet Azor cit. c. 14. q. 5. Vasq. l. 2. disp. 168. c. 4. Pet. Nau. lib. 2. c. 2. n. 198. Garcia cit. p. 3. c. 1. n. 28.

Verùm si hæc fuit mens Lateranensis Concilij tunc constitutio secundùm hanc partem valde pœnalis est, neque vbiq; recepta: præsertim cùm non desint graues Doctores, qui negent, eam fuisse mentem Concilij: si quidem constitutionis causam adiungit, quia beneficium datur propter officium; ergo si redditus beneficii dentur non propter solas preces canonicas, sed etiam propter alia spiritalia munera; his ritè peractis dumtaxat pars reddituum, quæ neglecto officio secundùm proportionem respondet; restituenda erit. Ita docet Sotus, Medina l. c. Lælius Zecchus de benefic. pension. cap. 3. in fine. Io. Bapt. Conradus in resp. casuum conscientiar. q. 240. in addit. Tol. 2. c. 12. Henriq. lib. 3. c. 13. n. 2. Sa ver. beneficium, n. 58. Less. cit. dub. 32. n. 177. Rodriq. in summa, c. 146. n. 4. quorum sententia probabilis, benigna, & in praxi tuta est.

2. Quæres quanta pars reddituum canonico officio correspondere censetur? Toletus ait, non minùs quàm tertiam. Medina quartam partem putat in Curatis, in Sacellano tertiã. Sa verò sufficere inquit, si Curatus quin tam partē restituat, alij quartã vel tertiã. Ego arbitror, attendendū esse partim ad quantitatem officiorū, quæ beneficiatus, præter horarū pœsum, præstare cogitur; v. g. Parochus Sacramenta ministrare, sacrificare, populū docere: quæ seruitia interdū tam multa, & grauiora iunt, vt prudentis viri arbitrio, sextuplo, & interdum etiam decuplo superent officium horarum canonicarum priuatim persoluum: partim verò attendendum esse, ad quantitatem reddituum. Nam fieri interdum solet, vt fructus beneficii vix æquent, vel non multum superent iustum vite stipendium, quod beneficiato naturali iure ob aliorum munerum obligationem deberetur, tamen si canonicum officium non recitaret: v. g. si Parochus, omnibus computatis, 350. Rhenanos florenos, Cappellanus quotidie celebrans 200. florenos annuos accipiat, probabiliter dici potest ad nullā, vel modicā eos restitutionem obligari. Moueor hac ratione: Quod credibile sit, Lateranense Concilium noluisse eo casu imponere obligationem restituendi fructus beneficii, ob neglectum officium; cùm spectato iure naturali, nulla omnino incumbit obligatio restituendi. Atqui in proposito casu, si tam leues redditus beneficiatus habeat, vt non excedant iustum stipendium; quod ei propter alia præstita officia

iuste debetur, tunc iure naturali ad nullam omnino restitutionem obligatur propter neglectum officium canonicum. Ergo neque ex constitutione Concilij. Minor est certa. Maior probatur: Tum quia, vt supra dictum est, non videtur Concilium statuisse nouam restituendi obligationem secundùm substantiam; sed eam, quæ ex naturali iure oriatur, determinasse, vt non aliter, quàm in fructibus fieret: Tum quia credibile est, Concilium ad eam solum fructuum restitutionem obligasse, qui officio canonico secundùm proportionem respondent: Si autem redditus omnes naturali iure debeantur ob alia officia, tunc nulla pars reddituum recitationi canonicarum horarum relinquatur, siue, vt clariùs dicam, nihil propter canonicum officium accipitur, ideoque nihil restituendum est: Tum denique, quia præsumendum non est, legem aliquam pœnalem, ante Iudicis sententiam, & ipso facto aliquem priuare iure suo iam acquisito: Atqui beneficiatus, præstando reliqua Ecclesiastica officia, acquirit ius exigendi & percipiendi stipendij iusti: ergo eo priuari non debet ob neglectum canonicum officium, ante Iudicis sententiam. Adde tamen, huiusmodi etiam beneficiatis, si pauperes non sint, sed propria patrimonialia bona habeant, plerumque expedire, aliquam fructuum restitutionem, saltem per modum sacramentalis satisfactionis, in sacra Confessione imperare, vt ea saltem ratione ad persoluum canonicum officium compellantur.

Porro licet initio capitis ex communi DD. sententia dictum sit, beneficiatos omnes, sub mortali culpa, ad canonicas horas obligari; de multis tamen dubitari solet, vel quia non propriè beneficiati esse videtur, vel quia redditus beneficii non habent, aut nimis tenues habent.

QVÆSTIO PRIMA est de ijs, qui imperio ac minis parentum coguntur ad statum Ecclesiasticum amplectendum, an recitare teneantur? Respondet bene Less. lib. 2. c. 34. dub. 31. n. 174. Obligari ad officium, si redditus ex beneficio ipsi percipiant: si verò, vt interdum fieri solet, pater redditus beneficii auferat, filius liber est ab obligatione; ipsèque solus pater restituendi obligationem contrahit, quæ ipso mortuo, ad hæredes eius transit pro rata.

QVÆSTIO SECUNDA. Vtrum solus titulus beneficii obliget ad recitandum; an verò requiratur etiam possessio? Nau. cap. 7. de orat. num. 29. & cap. 25. man. num. 102. & lib. 3. consil. 17. de celebri. Missarum, in fine, edit. 2. existimat, solum beneficii titulum sufficere, post eius acceptionem: nam ab eo tempore habet beneficiatus ius in re, & quasi dominium beneficii, eique plerumque debentur fructus, licet ante possessionis apprehensionem non tradantur. Contraria verò sententia & in scholis, & in praxi receptior est, quæ tradit Flaminius Parisius de resignat. beneficii, lib. 1. q. 9. num. 15. Rodriq. to. 1. sum. cap. 146. num. 1. Henriq. lib. 13. cap. 13. num. 2. Azor to. 1. lib. 10. cap. 4. quest. 7. Less. cit. cap. 34. dub. 30. Suar. cit. lib. 4. cap. 19. Ante acquisitionem beneficii possessionem non oriri recitandi obligationem: dummodo non stet per beneficiatum, quod minùs possessionem accipiat. Probatur primò: Quia non antè aliquis censetur plenè ac perfectè beneficium consecutus, quàm eius pacificam possessionem acceperit: vel si per eum stat quod minùs accipiat: Nam paria sunt habere possessionem, & per aliquem stare, quod minùs habeat, sicuti colligitur ex c. licet. Episcopus, de præben. in 6. Secundo: Quia multa impedimenta occurrere possunt, vt prouisus beneficii possessionem nunquam acquirat, aut saltè eius temporis fructus non percipiat; vel quia ipsi non debentur, vel aliquo colorato quæsito titulo, denegantur.

QVÆSTIO TERTIA. An, qui beneficium sine titulo iusto possidet, recitare teneatur, interim dum

beneficium administrat, & fructus percipit? Negat Nau. lib. 1. consil. 3. de ætate & qualitat. edit. 2. sed rectius affirmat Azor cit. c. 4. q. 9. Garcias cit. c. 1. n. 90. & indicat Suarez cit. c. 19. n. 10. Cum enim beneficiatus commoda & fructus sibi usurpet, iustitia postulat, ut officium, & onera quoque subeat, arg. c. cum qui, de præben. in 6. Non enim decet, quod inuisor, eo qui iuste ingrediatur, privilegio gaudeat potiori.

QVÆSTIO QVARTA. Vtrum recitare debeat, qui beneficium possidet, sed nullos inde fructus accipit, neque per eum litat, quo minus accipiat? Respondeo, & dico I. Beneficiatus recitare tenetur, si moraliter certus sit, se beneficii fructus postea accepturum; puta quia de beneficio is est, & interim fructus sequestrantur: sed possessor beneficii certo sperat, se causam obtenturum, sicuti tradit Nau. c. 25. n. 104. man. Azor. cit. c. 4. q. 9. Rodriq. p. 1. sum. c. 141. concl. 3. Valq. tr. de beneficijs, c. 4. §. 1. n. 30. & significat Maior in 4. d. 12. q. 6. §. arguitur nono.

Dico II. Si beneficiatus, absque culpa sua, nullos omnino redditus percipiat, neque postea percepturus sit, non tenetur interim officium recitare. Quia beneficium non habent secundum omnem effectum: quandoquidem beneficium estius percipiendi fructus. Ita ex communi Caiet. ver. horarum canonicarum omisso. Sotus lib. 10. de iust. q. 5. a. 3. Nau. c. 25. man. n. 103. Arrag. 2. 2. q. 83. a. 12. dub. 3. concl. 2. §. sed quoniam. Less. dub. 31. Exemplum habes: I. Si fundi, ex quibus Ecclesiastici redditus proueniunt, ab hostibus occupati teneantur. II. Si redditus primi, vel secundi anni subtrahantur Canonico, & ad Ecclesiæ fabricam, vel aliam piam causam applicentur. quæ de re Less. l. c. n. 171. Garcias nu. 70. Azor cit. ca. 4. q. 4.

Sed graue dubium est; Vtrum recitare debeant noui Canonici, si eis primo, vel altero anno redditus subtrahantur, ut antiquioribus accrescant? Licet enim talem consuetudinem reprobet Pius V. Bulla 106. quæ incipit *Durum* Et ante illum Ioan. XXII. in extrauagante *suscepi* de elect. & extrauag. vn. Ne sede vacante, præceperit, ut beneficiatis primo, & secundo anno saltem dimidia pars reddituum relinquatur. Neutra tamen constitutio in quibusdam Germaniæ itémque Hispaniæ Ecclesijs recepta est, teste Nau. de orat. & horis canon. cap. 7. n. 30. Quæ stante consuetudine, affirmant plerique Doctores, inter quos Azor t. 1. lib. 10. cap. 4. q. 4. Suarez lib. 4. de horis, c. 20. n. 7. Lessius lib. 2. cap. 34. num. 170. Nouos Canonicos nihilominus ad recitandum obligari. Quia licet in principio redditus nullos percipiant, postea tamen uberioribus accepturi erunt: quod autem differtur, id non aufertur. Contrarium tamen expressè defendunt Nau. cit. n. 3. & Nicolaus Garcias tract. de benefic. p. 3. c. 1. n. 70. ubi etiam respondet ad fundamentum prioris sententiæ; Non esse certum, eos postea percepturos: cum fieri possit, ut vel interim moriantur, vel canonicatum suum resignent, adeoque fructus nunquam percipiant. Quorum sententia improbabilis non est, si consuetudo, præsertim immemorialis, in Ecclesia existat, ut Canonici pro tempore illo, quo nullos redditus accipiunt, à recitando immunes sint. Fieri enim potuit, ut eiusmodi consuetudo legitimè & cum Sum. Pontificis approbatione introducta fuerit: eo fine, ut Canonici aliis redditus sufficientes maneant ad vitæ, & dignitatis suæ sustentationem. Quæmodum enim ob hanc causam Canonicorum numerus imminui iure potest; ita multò magis prouideri, ut maior quidem Canonicorum numerus sit, sed in principio siue primis annis, sicuti oneribus, ita etiam com modis ac prouentibus careant.

Maius adhuc dubium existit: Vtrum tolerari possit consuetudo, secundum quam in quibusdam Ecclesijs Canonici noui officium non recitant, eò quod redditus nullos

percipiant, sed eis post mortem seruentur, ut vel eorum consanguineis obueniant, vel relicta debita dissoluantur? Respondeo, & dico I. Consultissimum fore, si Episcopus cum Capitulo eiusmodi annum, quem gratia appellat, auctoritate sua tollat; Primum, quia cernitur alia inæqualitas inter eos, qui citò moriuntur, & tamen æquè anno gratiæ gaudent, atque alij, qui Ecclesiæ diu seruiunt. Secundò, quia indecens videtur bona Ecclesiastica immediatè ad consanguineos, de Ecclesia interdum nihil meritos, vel hæreticos deuenire; si Canonicum ab intestato mori contingat.

Dico II. Non auderem damnare Canonicos talium Ecclesiarum, si primo, vel altero anno, quo nihil accipiunt, officium non recitent: eò quod non sit consuetudo & Decanus, ac Capitulum eos ad orandum obligare non soleant: præsertim si redditus post mortem pro anno gratiæ ipsis obuenturos non consanguineis diuitibus relinquere; nec ad aliud prophanum usum, sed ad piam aliquam causam applicare velint. Moueor iisdem fermè rationibus, quibus supra Nau. & Garcias. Non enim stat per eos, quo minus primo anno redditus percipiant, sicuti deberent: neque certum est, quod postea percepturi sunt; quia fieri potest, ut interea moriantur, vel ut postea canonicatum resignent: Accedit, quod in quibusdam Ecclesijs annus earentiæ non idcirco introductus videtur, ut redditus Canonicis post mortem seruentur; sed, ut sup. dictum, quod reliqui Canonici se honestius sustentare possint. Annus autem gratiæ postea institutus fuit, cum experientia doceret, multos Canonicos sine pecuniis, atque ære alieno grauatos decedere, ut neque honestè eorum corpora ad sepulturam deferri possent: quod in Ecclesiæ contemptum cedere videbatur. Quare, cum redditus huius anni ex mensa Capitulari desumantur, & antiquis Canonicis detrahi soleant, ideo de iis perinde, atque de aliis suis redditibus post mortem suam disponere se posse arbitrantur.

QVÆSTIO QVINTA. Vtrum recitare teneatur, qui beneficium valde tenuè habet? Communiter affirmant Doctores, uti videre est apud Nau. in man. c. 25. n. 102. & c. 7. de orat. n. 27. Couar. 3. resol. c. 13. n. 8. Medinam c. de orat. quæst. 7. Tol. lib. 2. c. 14. causa 5. Azor lib. 10. c. 3. quæst. 3. Garciam num. 39. Ratio eorum est: Quia iura distinctè omnibus beneficijs recitandi officij obligationem imponunt: atqui beneficium, quamuis tenuè & insufficiens, verè tamen beneficium est. Contrariam sententiam tenuit Sotus li. 10. quæst. 5. a. 3. quem secutus est Arragonius 2. 2. quæst. 83. a. 12. dub. 3. concl. 2. §. in secundo casu, Rodriq. p. 1. sum. c. 141. num. 3. Less. li. 2. c. 34. dub. 31. Et ipse Nauarrus loc. cit. ait, multos viros doctos ac pios idem sentire. Nam causa obligandi beneficiatos ad horas canonicas ex iustitia ortum habet; quia dantur eis redditus tanquam stipendium vitæ: si ergo stipendium nimis tenuè atque insufficiens sit, non videtur parere obligationem orandi officium.

Ego verò arbitror attendendum esse, utrum Ecclesiæ eius, in qua eiusmodi tenuia beneficia conferri solent, consuetudo postulet ut prouisi officium recitent nec ne. Si enim consuetudo orandi non est, neque Prælati in collatione beneficii præcipere solet, non obligantur ad orandū. Vel enim eiusmodi beneficia aliud seruitium exigunt; tunc præsumi potest, tenues illos redditus fundatos esse tanquam stipendium in compensationem huius tantum seruitii. Neque verò in hoc casu orandi obligationem parit lex Ecclesiastica de omnibus beneficiatis indistinctè lata: cum enim respectu horum beneficiatorum, de quibus loquimur, merè potestiu sit, fieri potest, ut vel non recepta alicubi fuerit, vel per contrariam consuetudinem, aut privilegium sublata; præterquam quod non desint D. D. qui existiment, tenuia talia beneficia sub Ecclesiastica il-

la constitutione non comprehendit. Vel nullum aliud spirituale seruitium postulant; tunc, si Ecclesiæ consuetudo neque orandi officium prouisis imponat, non vera beneficia esse existimandum est, sed pensiones, aut Præstimonias, quæ non ratione officii spiritualis, sed ob aliam causam conferri solent, ut infra dicam.

Sin verò mos Ecclesiæ est, tenuia beneficia cum obligatione orandi conferre, omnino credendum est, Prouisos obligari. Cum enim lex, & consuetudo Ecclesiastica obtinuerit, ut omnes maioribus ordinibus initiati, licet nullos redditus ab Ecclesiâ accipiant, sub mortali peccato officium recitare teneantur; cur non multò magis obtinere possit, ut Clerici qualitercunque beneficiati recitare teneantur? quandoquidem hi non minùs, quàm illi Ecclesiasticis priuilegiis fori, canonis &c. gaudent.

Illud verò addo: Si redditus beneficiati, quos à primâ collatione sufficientes habuit, postea fortuito casu, vel hostium incursione adedò minuantur, ut æstimabilem partem sustentationis non præbeant; neque spes sit breui tempore plus prouenturum esse: tali casu valde probabilem videri sententiam Soti, & Arragonii, non incumbere pro eo tempore orandi obligationem.

QVÆSTIO SEXTA. Vtrum Præstimonias, siue portiones præstimoniales, id est, quæ ab Ecclesiasticis redditibus abstractæ, Clericis adolescentibus v. g. conferuntur ad prosequenda studia litterarum, obligent eos ad recitandum officium? Affirmant Doctores plerique Sotus lib. 10. quæst. 5. a. 3. Nau. de orat. c. 21. nu. 9. Rodriq. cit. c. 141. quæst. 6. Garcias p. 1. c. 2. num. 117. Suar. l. 4. de horis, c. 22. n. 8. Azor l. 10. c. 3. q. 4. Ratio eorum est: Quia Præstimonias sunt verè ac propriè beneficia, sicuti docet Abbas p. 2. consil. 47. Marcellius Columna de Eccles. reit. c. 14. n. 1. aliique plures, quos citat, & sequitur Garcias l. c. Contrarium tamen docet Med. q. 7. de orat. §. inde videtur, Lessius cit. c. 34. dub. 30. nu. 166. & alii, quos citant Garcias nu. 118. Suarez nu. 8. Eò quòd non videantur esse propriè dicta beneficia; cum non conferantur ratione spiritualis officii, seu seruitii: sed principaliter ob aliam causam, v. g. in subsidium studiorum.

Mihi placet distinctio Petri Rebuffi de pacificis possessionibus nu. 105. Ioan. Staphilei de literis expectatiuis gratiæ, tit. de qualitate benefic. §. 1. num. 5. vbi ita scribit: *Considerandam esse naturam Præstimoniorum: nam si Præstimonium datur in titulum perpetuum, & habet annexum aliquod obsequium spirituale, quod per laicum expediri non possit, est beneficium Ecclesiasticum; & de eo debet fieri mentio specialis in impetratione noui beneficii. Aut Præstimonium consistit in sola temporalitate, & nullum seruitium spirituale habet annexum; & tunc procedit opinio Ioan. Andr. in c. vn. de rerum permutatione, in 6. quòd Præstimonias non sunt beneficia Ecclesiastica; sed quadam stipendia de quibus non est necessè facere mentionem in rescripto beneficiati.*

De Præstimoniis prioris generis manifestè loquitur Abb. cit. consil. 47. vbi dicit, licet præstimonias propriū & speciale nomen obtineant, verè tamen & substantialiter beneficia esse: quia omnia cum veris beneficiis communia habent: conferuntur enim à Prælato Ecclesiastico, solis Clericis, absolute, & in perpetuum: & spirituale aliquod officium, saltem horarium precum, annexum habent: quod maximè verum est post constitutionem Pii V. 138. vbi expressè ait, *Præstimoniales portiones, & qualiacunque alia beneficia, etiam nullum omnino seruitium habentia, obtinentes ad horarium officium obligari.* Cuiusmodi Præstimonias multa esse in Hispania, Scriptores testantur.

De Præstimoniis verò posterioris generis, quæ interdum Clericis ab Ecclesiastico Prælato conferuntur, non ratione alicuius spiritualis officii, sed ob aliam cau-

sam, qua cessante, ipsis auferuntur: Exempli causa, dum in litterarum studiis versantur; vsque dum sacerdotes fiant; vel donec beneficium aliquod acquirant, de his, inquam, Præstimoniis intelligendi sunt DD. qui negant, ex iis obligationem nasci horas canonicas recitandi; cum non sunt beneficia Ecclesiastica, sed mera stipendia.

QVÆSTIO SEPTIMA. Vtrum beneficia manualia, de quibus supra dictum fuit cap. 4. recitandū obligent? Resp. affirmatiuè cum Azor. q. 2. Suarez, Garcia ll. cc. Vasq. tract. de beneficiis, c. 4. §. 1. n. 13. & 17. Sunt enim verè ac propriè beneficia, si Ecclesiastica auctoritate conferantur.

QVÆSTIO OCTAVA. Vtrum, qui beneficiū habet in commendam, recitare obligatus sit? Notandum ex doctrina Ioan. Maioris in 4. d. 24. q. 13. argum. 10. Nau. c. 20. de orat. n. 16. & lib. 3. consil. 9. deprehend. edit. 2. Rodriq. p. 1. sum. c. 141. concl. 8. Garcia p. 3. c. 1. n. 105. & p. 4. c. 4. Lælio Zeccho de benefic. & pension. c. 7. Duplicem esse commendam; perpetuam, & temporalem. Perpetua constituitur in vtilitatem personæ: quare æquiparatur beneficio; cum habeat vim & effectum tituli, sicuti colligitur ex Trident. sess. 7. de reform. c. 2. & sess. 24. c. 17. Eiusmodi commendæ beneficiorum, alioquin incompatibilium, à Papa concedi solent per modum tacitæ dispensationis, sicuti notauit Hoieda de incompatibilitate beneficiorum, p. 1. c. 14. n. 14. Garcias cit. c. 4. n. 31. Puta si alicui habenti beneficium, quod residentiam requirit, aliud simile detur in commendam perpetuam à Papa; sicuti Episcopus dare potest in commendam temporalem. iuxta c. dudum, 2. de elect. & videri potest Nau. cap. 23. man. num. 126. Aut si Clerico non Professo commodetur beneficium regulare; vel vice versa, beneficium seculare Clerico regulari. Qua de re Staphileus de gratiis expectatiuis, forma 8. num. 5. Commenda verò temporalis, siue ad certum tempus, ferme sit in Ecclesiæ vtilitatem; ut interim beneficium à Commendatario administraretur, donec persona idonea institueretur, iuxta c. nemo, de elect. in 6. Gl. magna, vbi habetur, quòd commenda Ecclesiæ Parochialis ab Episcopo data, ultra sex menses durare non debeat: Nunc autem post Trident. constit. sess. 24. c. 18. de reformat. *Si opus fuerit, idoneus vicarius, cum congrua fructuum portione assignatione, constitui debet, qui onera Ecclesiæ sustineat, donec ei de Rectore provideatur.*

His positis dico; Quòd commenda perpetua siue titularis haud dubiè obligat ad recitandum officium: quia uti omnes alias proprietates, siue effectus beneficii participat, quos enumerat Lælius Zecchus l. c. num. 2. ita & recitandi obligationem: Commenda autem temporalis, in Ecclesiæ vtilitatem constituta, non videtur obligare ad recitandum, sicuti docet Garcias p. 3. c. 1. num. 106. contra Medinam de orat. q. 7. §. ex dictis apparet. Quia talis commenda solam custodiam siue administrationem beneficii tribuit, non plenum ius de fructibus disponendi: quapropter de eorum administratione rationem reddere debet Commentarius, sicuti testatur Thomas Campegius de commenda beneficiorum, num. 7. post Gl. in cit. cap. nemo, ver. commendare.

QVÆSTIO NONA. Vtrum Vicarij ad recitandum officium canonicum obligentur? Notandum ex doctrina Abb. in c. extirpanda, §. qui verò, num. 5. de præben. Azor to. 2. lib. 3. cap. 6. Lælii Zecchi de benefic. & pension. c. 7. nu. 9. Vicarios alios esse perpetuos, & alios temporales. Perpetui sunt, qui ab Episcopo inuestiuntur, congrua illis reddituum portione constituta ita ut amoueri non possint, nisi per priuationem, aut depositionem, ob causam iure expressam. De quo vide c. adhuc, iun. Gl. ver. remouere, &c. ult. iun. Gl. ver.

perpetuos, de officio Vicarii, & cit. c. extirpandæ, §. qui vero. Alphons. Hoiedam de benefic. incompatib. p. 1. c. 15. n. 8. Petr. Andr. Gambaram de auctor. legati à latere, lib. 5. n. 10.

Tales Vicarii instituendi sunt primò: Si dignitati, vel canonicatui Ecclesiæ Cathedralis annexa sit Ecclesiæ parochialis; tunc beneficiatum oportet in maiore ecclesiæ deferuire, & in parochiali idoneum & perpetuum Vicarium canonicè institutum habere, sicuti dicitur in cit. c. 1. §. 1. in c. vn. de Capellis Monachorum, in 6. Secùdò: Si ecclesiæ parochialis annexa, siue vnita sit Monasterio, debet Clericus secularis eius curæ præfici cuius institutio ac depositio ad loci Episcopum pertinet, cum consilio Monasterii, sicuti explicat Abb. c. 1. de Capellis Monachorum. & videri potest Concil. Trident. sess. 7. c. 7. de reform. vbi permittitur Episcopo, si ipsi ita expedire visum fuerit, in dictis casibus constituere Vicarios manuales & ad nutum amobiles.

Consuetudo tamen multis locis obtinet, vt Monachi, multòque magis Canonici regulares, cum ab Episcopo approbati sunt, eiusmodi ecclesiis præficiantur, & pro voluntate Abbatis alteriusue Regularis præpositi reuocentur: quamobrem *Obedientiary* appellari solent. Neque talis consuetudo improbat, sed potius permittitur in c. vlt. de Capellis Monach. Præcipitur tamen, vt Monachi socium sui Ordinis secum habeant. Vide etiam Gl. in c. quod Dei timorem, ver. regimen, Abb. ibid. de statu Monachorum.

Vicarii autem temporales sunt, qui ad tempus constituuntur; v. g. ob absentiam, infirmitatem, graues occupationes, suspensionem beneficiati; item ob Religionis ingressum, durante tempore Nouitatus, de quibus Greg. Tholos. institut. rei benefic. c. 7. n. 13. Azorl. c. 3. Zecchus cit. n. 9.

His positis dico, vicarios perpetuos ad officium recitandum obligari: quia censentur esse viri beneficiati, sicuti constat ex cap. postulasti, de rescript. quandoquidem omnes proprietates, siue effectus beneficii, vicariæ perpetuæ conueniunt, quos enumerat Zecchus l. cit. Quarre Abb. c. cit. extirpandæ ait; Vicarium perpetuum in Parochiali ecclesiâ constitutum, esse verè curatum, quoad exercitium, & effectum: licet quoad habitum & proprietatem cura sit penes Rectorem principalem. Vide Gl. c. super eo, de præb. in 6. ver. annexæ.

Temporales autem Vicarii: ratione vicariæ, ad horas canonicas non obligantur: cum nullum ius seu titulum beneficii habeant, sed solam administrationem & custodiam ad tempus; sicuti suprâ dixi de commendâ temporali. Excipe primò: Nisi aliquis speciatim deputatus sit ad canonicum officium, vice alterius in choro canendum. Secùdò, Si Vicario tota administratio beneficii, cum consensu & auctoritate Episcopi, tamen ad tempus, vel cum potestate amouendi, committatur: tunc enim ea tacita conditione ac pacto committi censetur, vt omnia officia præstet; si videlicet Principalis, cuius vicarium agit, officium non persoluat. Exempli causa, si alicui commendetur Ecclesiâ, interim dam beneficiatus puer, qui per se orare non potest, adolecat: Aut si Parocho, qui ob incurabilem infirmitatem beneficio præesse nullo modo potest, Vicarius, seu Coadiutor ab Episcopo designetur; ita vt administrationem etiam in temporalibus habeat, & solùm aliquam portionem congruam Parocho infirmo relinquere debeat, iuxta doctrinam Abb. in cap. de rectoribus, numero 5. de instit. Aut si beneficium, quod Monasterio vnitum est, auctoritate Episcopi committatur alicui Vicario, quamuis ad nutum reuocabili. Vide etiam Suarez lib. 4. de horis, cap. 22. num. 15.

QUESTIO DECIMA. Vtrum Coadi-

tores beneficiarum, præsertim quia summo Pontifice instituuntur cum futura successione, ad recitandum obligentur? Respondet Nau. cap. 10. de orat. numero 18. Med. de orat. quæstione 7. Suarez lib. 2. cap. numero 19. Garcias p. 3. cap. 1. numero 107. Azorl. 1. lib. 10. cap. 4. quæst. 1. Coadiutorem non obligari: tum quia beneficium nondum habet, seu in titulum, seu in commendam: tum quia ratione vnus beneficii non obligantur duo ad recitandum: cum igitur Principalis, dum ei administratio beneficii relinquatur, recitare teneatur, sequitur Coadiutorem obligatione immunem esse: nihil obstante, quòd aliqua portio ex redditibus beneficii ipsi propter labores suos obueniat. Eademque ratio est de Cooperatoribus Parochorum, quippe qui ad alia officia, quàm ad horas recitandas, plerumque constituuntur. Interim verum est, hos omnes ad canonicum officium obligari; si maioribus ordinibus initiati sint; sed sine onere restituendi, si intermittant. Præterea excipiendi sunt Coadiutores illi, qui vt perpetui, cum pleno iure administrandi, & futura successione à Papa constituuntur, ob beneficiati amentiam, vel similem infirmitatem: Tales enim institui videntur, cum omnibus obligationibus quæ beneficio incumbunt, vt etiam Medina l. c. significat.

CAP. VI.

DE RESIDENTIA.

SUMMARIUM.

1. Aliud est residere, & aliud interesse.
2. Spectato communi iure, omnia beneficia ad residentiam obligantur, maximè autem curata.
3. Obligatio residendi est de iure diuino; quamuis propter circumstantias cessare possit.
4. Causa à residentia excusantes sunt; Christiana charitas, vrgens necessitas, debita obedientia, & euident Ecclesiæ aut Reipublicæ utilitas.
5. Occupatus in seruitio Papa, quia seruit Ecclesiæ vniuersali, habetur pro residente in beneficio Ecclesiæ particularis.
6. Duo Canonici in seruitio Episcopi occupati, pro residentibus habentur.
7. Episcopi permittitur, vt duorum vel trium mensium spatio, Parochis verò, vt bimestri tantum spatio ab Ecclesiis abesse possint, sine gregis commissi detrimento.

RESIDENTIA dicitur assiduitas cōmorationis in loco beneficii, causa seruitij Ecclesiastici personæ præstandi. Ex quo collige cum Syl. ver. residentia princip. Si Clericus in loco sui beneficii, commoretur quidem, sed officium nunquam præstet, v. g. Canonicus nunquam ad chorum, ad Capitulum veniat, non esse censendum residere: quia frustranea est eius residentia, quippe sine & effectu suo destituta. Nihilominus rectè ait Nau. li. 3. consil. 13. de Cleri. non resident. edit. 2. Couar. 3. resol. cap. 13. numero 1. Aliud esse residere, aliud interesse. Quare licet Canonicus v. g. interdum nō sine culpa sua à diuinis absit, idòque incurrat pœnas siue priuationes fructuum, qui præsentibus deputati sunt; non tamè amittit fructus residentia. Et Præpositus, vel Canonicus, qui iurauit residentiam, etsi sæpius diuina officia negligat, atque peccet, non tamen censetur periturus; modò interdum se sistat, tum in Ecclesiâ, tum in Capitulo; præsertim, si vocatus fuerit, vel eius auxilio opus sit: tunc enim residentia omnino caret sine suo.

QUESTIO PRIMA. Quanam beneficia residentiam requirant? Respondeo: Spectato communi iure, omnia beneficia ad residentiam obligantur, sicuti collige-

gunt DD. ex cap. conquerente, vbi Abbas num. 3. & toto ferme tit. de Cler. non resident. Vide Syl. ver. residentia, q. 1. Ioannem Seluam de beneficijs, p. 4. q. 1. & seqq. Rebuffum in praxi beneficiorum, tit. dispensatio de non residendo, Azor t. 2. lib. 7. cap. 3. Consuetudo tamen obtinuit. vt in simplicibus quibusdam beneficijs non resideatur. Imò Præstimonia, licet ex constitutione Pij V. vel Ecclesiæ alicuius consuetudine, annexam habeant obligationem officij Canonici priuatim recitandi; quia tamen nullum aliud postulant, ideo qui ea obtinent, neque per se, neque per Vicarium Ecclesiæ deferuire tenentur, sicuti notauit Azor cit. c. 3. q. 2. Garcia p. 3. c. 2. n. 1.

De obtinentibus verò in Ecclesijs Cathedralibus, vel Collegiatis dignitates, canonicatus, præbendas, decretum est in Trident. sess. 24. cap. 12. de reform. *Vt non liceat eis, vigore cuiuslibet statuti, aut consuetudinis, ultra tres menses ab Ecclesijs suis abesse; saluis nihilominus earum Ecclesiarum constitutionibus: quæ longius seruitii tempus requirunt.* Et infra: *Omnes verò diuina per se, & non per substitutos compellantur obire officia, & Episcopo celebranti, aut alia Pontificalia exercenti, assistere, & inservire; atque in choro ad psallendum instituto, hymnis & canticis Dei nomen reuerenter, distinctè, deuotèque laudare.* Quæ tamen constitutio in multis Ecclesijs, præsertim nostræ Germaniæ, recepta non est. Nam alicubi tantum medio anno, alicubi tribus tantum mensibus residere coguntur. Imò sunt Ecclesiæ, in quibus Canonici, qui vno certo, v. g. S. Michaelis die resident, & diuinis interfunt, totius anni redditus lucrantur, vt testatur Pet. Nau. lib. 2. cap. 2. num. 201. & 219. Garcia p. 3. cap. 2. numero 330. Illud quoque annotauit idem P. Nau. numero 205. & post eum Lessius cap. 34. dub. 35. numero 185. In quibus Ecclesijs mos viget, vt diuina officia canto figurato peragantur; mirum non esse, quod Canonici à canendo abstineant: cum id multò decentius & magnificentius à substitutis, seu vicariis fiat. quibus Canonici, tanquam maiores clericis, reuerenter assistunt; vel etiam quæ ab iis canuntur, attentè meditantur, atque ob talem præsentiam, distributiones iure percipiunt.

Porro notandum est ex Innocentio in cap. vlt. de Clericis non residentibus, Nau. lib. 3. consil. 2. cod. tit. edit. 2. Duplicem esse necessitatem residentiam: Vna est ad præstandum seruitium: expedit enim magis Ecclesiæ vt beneficiati, officia, ad quæ ratione reddituum suorum obligantur, per seipsos, & personaliter; non per Vicarios exequantur. Altera est solum ad fructus lucrandos Nam in multis Ecclesijs Canonici, siue Capitulares residere simpliciter non tenentur; sed sub conditione, si fructus percipere velint: Interim verò, licet non resideant, suffragium electionis tam passiuum, quam actiuum obtinent. Quod neque à ratione, neque à iure alienum esse, testatur Innocen. ibidem: quare omissa hac posteriore residendi necessitate, de priore tantum agemus, quæ strictior, & absolute dicta est.

QVÆSTIO SECUNDA. Vtrum iure diuino, an solum Ecclesiastico personalis residentia beneficiatorum requiratur? Trident. Concilium sess. 23. cap. 1. de reform. aperte indicat, residentiam in beneficijs, saltem curatis, diuino iure necessariam esse. Cum præcepto diuino mandatum sit omnibus, quibus animarum cura commissæ est, oues suas agnoscere, pro his sacrificium offerre, verbique diuini predicatione, sacramentorum administratione, ac bonorum omnium operum exemplo pascere; pauperum, aliarumque miserabilium personarum curam paternam gerere, & in cætera munia pastoralia incumbere: quæ omnia nequaquam ab iis præstari & impleri possunt, qui gregi suo non inuigilant, neque assistunt, sed mercenariorum more deserunt. Quæ doctrina colligi potest ex cap. 12. Hierem. cap. 3.

Ezech. c. 10. & 21. S. Ioan. cap. 10. Actor. & traditur à Domin. Soto lib. 10. de iust. q. 3. a. 1. Caiet. 2. 2. q. 185. a. 5. Ioan. Maior. in 4. d. 24. q. 11. Couar. 3. resol. cap. 13. num. 9. Nau. in man. cap. 25. num. 121. Corduba lib. 1. quæstionarij, quæst. 19. Less. cit. cap. 34. dub. 29. Azor. t. 2. lib. 7. c. 4. q. 1. Vasq. de benef. c. 4. n. 103. contra Catharinum in Opusc. de residentia. Albinianum tract. de resident. Thomam Candegium tract. de resident. Episcoporum.

Bene autem admonent S. Th. & Caiet. cit. q. 185. a. 5. Cum causa obligandi Ecclesiasticos Pastores ad præsentiam personalem, sit salus animarum, ideo vbi hæc Pastoris præsentiam exigit, non potest Pastor gregem suum deferere, propter aliquod suum commodum temporale; imò nec propter propriæ personæ periculum declinandum: cum bonus Pastor animam suam pro ouibus dare debeat, Ioan. 10. Sin verò Ecclesiæ atque subditis vtilius, vel æquè vtile futurum est, vt episcopatus, vel parochia ab absente viro docto, vel quæ magnæ potestatis, & auctoritatis est, per Vicarium administretur, quàm si ab alio quopiam præsentem; consideratis etiam aliis circumstantijs loci, temporis. hoc casu obligatio residentie personis cessat secundum ius diuinum, & manet tantum obligatio iuris Ecclesiastici, in quo Papa dispensare potest, & sæpe solet; idque vel in casibus specialibus, vel generali lege: Præterquam, quod si causa excusans à personali residentia, saltem ad tempus manifesta sit, non videatur esse opus licentia Superioris, nisi ea speciali lege postuletur. de quo vide Cordubam lib. 1. quæstionarij, q. 19. Vasquez de benef. c. 4. nu. 145. & 188. Sed & consuetudine, saltem immemoriali, obtineri posse, vt in beneficijs, etiam curatis, personaliter non resideatur: dummodo interim Ecclesiæ per Vicarium perpetuum, aut temporalem prospiciatur: ita vt nullum damnum patiatur, respondit Nau. consil. 21. de Cler. non resident. edit. 2. Quia consuetudo temporis immemoralis æquipollens privilegio: & quidquid privilegio induci potest, idem & consuetudine. At privilegio Papæ induci potest, vt aliquis Resor Ecclesiæ parochialis non teneatur exercere curam per semetipsum, sed tantum per alium. Hæc Nau.

QVÆSTIO QVARTA. Quomodo Clericus ad residentiam obligatus, compelli possit vt resideat? Respondeo, per censuram suspensionis, excommunicationis, ac denique priuationis: dummodo, si absens sit personaliter prius citetur, si id fieri possit; alioquin per edictum, & quidem trinum, si nesciatur vbi sit; expectato deinde trium mensium spatio, sicuti habetur in c. ex tua, de Cler. non resident. vbi Abb. notat nu. 14. Beneficiatis, licet in beneficio suo residere non cogantur, tamen concessum non esse longo tempore vagari; alioquin priuari posse. Vide etiam Trident. sess. 6. c. 1. & sess. 23. cap. 1. de reformat.

QVÆSTIO QVINTA. Quanam iustæ causæ sint, à continua residentia excusantes? Respondeo cum Azorio cit. lib. 7. cap. 4. q. 4. posse eas ad quatuor capita reuocari; quorum meminit Concil. Trident. sess. 23. cap. 1. *Cum Christiana charitas, vrgens necessitas, debita obedientia, euident Ecclesiæ, vel Reipub. utilitas alios nonnunquam abesse postulet.* Ad primum caput Christianæ charitatis pertinet, si quis à loco beneficii discedat causa iuuandi proximum, auxilio indigentem; v. g. vt odia & lites componantur.

Ad secundum caput spectat, si beneficiatus absit propter aëris intemperiem, vel corporis infirmitatem, iuxta c. præsentium, 7. q. 1. c. ad audientiam, de Cler. non resident. Vel ob persecutionem Tyranni, ob capitales inimicitias, sicuti notat Gl. in c. vlt. ver. excusationem rationabilem, eod. tit. & in Clem. 1. §. ceterū ver. causa rationabili, de statu Monachorum, Tholos. cit. c. 7. n. 14. Vasq. tr. de benef. ca. 4. nu. 135. Vel ad prosequendam

prosequendam litem super iuribus beneficii, ut docet Nau. l. 3. consil. 14. de Clericis non resident. edit. 2. Vel ob piam peregrinationem, aut similem honestam causam, impetrata tamen licentia Prælati, sicuti habetur in c. relatum, iun. Gl. ver. Prælatorum, de Cler. non resident. & videri potest Garcias p. 3. c. 2. n. 393.

Ad tertium caput pertinet, si beneficiarius absit mandato Papæ, vel in Apostolicæ Sedis seruitio occupatus c. cum dilectus & c. ad audientiam, eod. tit. ubi notant D. D. nominati Abb. in cit. cap. cum dilectus, not. 3. quod occupatus in seruitio Papæ habeatur pro residente in propria Ecclesia; cum seruiat Ecclesiæ vniuersali. Monent tamen Caiet. 2. 2. quæst. 185. art. 5. Azor. cit. cap. 4. quæst. 3. causa quinta, quod iura allegata de Canonicis tantum loquantur: at verò ut Curati, à suis ecclesijs absentes, Romæ longo tempore detineri iure possint; require insuper, ut id Ecclesiæ necessitas, vel maior utilitas cohonestet. quod maxime sentiendum de Episcopis, ut rectè contra quosdam senserit Caiet. cit. a. 5. Sotus lib. 10. q. 3. art. 4. Vasq. de benefic. 4. n. 141. Non esse iustam excusationem à residentia, quod Episcopus sit Romæ Cardinalis, quando tale officium ab alio in curia præstari potest: exceptis tamen sex Episcopis vicinis, quos facile est Cardinalibus in vrbe residentibus administrare.

Ad quartum caput spectat, si Clericus absit ob negotium Ecclesiæ, cit. c. ad audientiam, & c. ex parte, 2. eod. tit. & videri potest Nau. lib. 3. consil. 8. eod. tit. Vel vocatus ad Synodum Ecclesiasticam, aut Imperatoriam. Item studiorum causa, qua ratione concessum est Episcopo in cap. cum ex eo, de elect. in 6. dispen- sare cum promotis ad Ecclesias Parochiales, ut vsque ad septennium, quo in studiis morari possunt, ad sacerdotium promoueri non teneantur; modò intra annum post adeptam Parochiam subdiaconi fiant: interim verò dum in studio fuerint, ecclesiæ eorum per idoneos vicarios administrari debent. Et in c. ult. de Magistris permittitur beneficiatis, ut quinquenni spatio Theologiæ studere; eandem verò, quamdiu voluerint, docere absentes possint sine reditu priuatione. Quod ipsum ad studium iuris canonici plerique extendunt, ut videre est apud Abbat cap. ex parte, num. 51. de Cler. non resident. & c. licet, c. ult. de præb. Nau. c. 25. man. n. 121. Si tamen beneficia curata sint, necessarium esse videtur, ut talem, præsertim diuturnam absentiam, necessitas aliqua (puta quod pauci admodum Doctores reperiantur) vel maior Ecclesiæ utilitas excuset, sicuti ex supra dictis colligitur, & in specie notat Vasq. de benefic. cap. 4. nu. 186. Nisi malis dicere, ideo absolute concessum esse etiam curatis, ut in schola Theologiam docere possint; quia docendo plus Ecclesiæ prostant; quandoquidem facere prædicatores, & ministros Ecclesiæ idoneos melius est, quam prædicare & ministrare, sicuti argumentatur Maior in 4. d. 24. q. 11.

6 Speciatim etiam conceditur in c. de cætero, & c. ad audientiam, de Cler. non resident. ut duo Canonici in seruitio Episcopi occupati, pro residentibus habeantur. Alios autem inferioris Ecclesiæ Canonicos, vel Clericos non ita ab Episcopo ad seruitium assumi posse, annotauit Abb. cit. c. ad audientiam, n. 8. nisi necessitas cogat, ut quia ex Cathedrali Ecclesia idoneos habere non potest. Sed Prælaturum Ecclesiæ Collegiatæ saltem vnum Canonicum in obsequio suo occupare posse, docent Doctores apud Abb. in c. de cætero, eod. tit. & Nau. li. 3. consil. 2. n. 1. eod.

Sed numquid idem sentiendum de Legato Papæ, quod & ipse Canonicos seu Cathedralis, seu Collegiatæ Ecclesiæ assumere possit? Affirmat Azor & alii apud Abbat in cap. cum dilectus, de Cler. non resident. sed ipsemet Abbas magis inclinat in partem negantem. Cum videatur esse specialis ratio de Episcopo vel simili

Prælato, qui cum Canonicis vnum corpus efficit; cui proinde arctius obstricti sunt, & quod ipsi obsequium præstant, quasi propriæ Ecclesiæ præstare censentur, arg: cit. c. ad audientiam.

His duo addenda sunt: Primum. Si Clericus à beneficio residentiam postulante illegitimè absit fructibus priuandus est; sed causâ prius cognita: quare expectari atque citari debet: quod si contumax existat, etiam beneficio spoliari. qua de re vide cap. ex parte 1. & seqq. de Cler. non resident. & Trident. sess. 23. c. 1. de reform. ubi significat, Curatos, fructus absentiae culpabili respondententes, suos non facere, neque tuta conscientia retinere posse, etiam nulla Iudicis declaratione, vel sententia secuta. Quod tamen puto eo rigore receptum non esse, si per absentiam damnum notabile Ecclesiæ illatum non fuit; quia vicarius interim constitutus erat.


Alterum. Tridentina Synodus lo. cit. indulget. Episcopis, ut ab Ecclesijs suis duorum, vel trium mensium spatio, singulis annis, ob iustam causam, & sine gregis detrimento abesse possint, Parochi quoque tempore bimestri tantum. Vtrum verò ad hanc ipsam absentiam Episcopi licentia opus sit, non clarè exprimitur: quam obrem Nau. c. 25. n. 121. negat. Azor verò l. c. & Garcias p. 3. c. 2. n. 21. Less. li. 2. c. 34. dub. 29. n. 160. affirmant. Securius autem est cuiuscunque diocesis consuetudinem hac in re sequi.

CAP. VII.

DE DISTRIBUTIONIBVS QVOTIDIANIS.

S V M M A R I V M.

- 1 Distributiones quotidianas pro omnibus canonicis horis constitui oportet.
- 2 Distributiones presentibus tantum debentur; ijs exceptis, quos vel infirmitas, vel iusta corporalis necessitas excusat.
- 3 Beneficiati ob iustam causam absentes extra locum beneficii, non accipiunt distributiones: si autem in loco beneficii commorantes, ab officio absint, propter Ecclesiæ utilitatem, vel corporalem infirmitatem, recipiunt.
- 4 Qui in Ecclesia duplici beneficio fungitur, videl. Propositus, & Canonici, æquum videtur duplicem distributionem accipiat.
- 5 Distributiones, quas Canonici ob absentiam amittunt, alijs presentibus accrescere debent.
- 6 Vbi consuetudo retinetur, ut Canonici ipsimet in choro cantent; non possunt, saltem integras distributiones accipere, si presentes cantare negligant.
- 7 Si Canonicus à choro frequenter & quasi consuetudine absit, vel cum officio in Ecclesia peragendi iactura, mortaliter peccare censetur.

 VOTIDIANARVM distributionum varia genera refert Greg. Tholos. in Instit. rei beneficiariæ c. 15. prope finem. Azor t. 2. lib. 7. c. 7. q. 3. ex Henrico in c. cum omnes, de Constitutionibus. Sed ad propositum nostrum solum illæ distributiones pertinent, quæ sunt portiones Ecclesiasticorum reddituum, quotidie distribui solitæ ijs beneficiatis, quæ statim horis diuino officio intersunt, de quibus distributionibus mentio habetur in cap. vn. de Clericis non residentibus, in 6. c. licet vobis, de præbendis, & extrauag. cum nonnullæ, inter communes, tit. de præbendis. & in Clem. Vti qui de ætate & qualitate & c. Quibuscum distributionibus similitudinem aliquam gerunt anniuersaria, & alia eiusmodi emolumenta, quæ ex certa fundatione Clericis officio diuino presentibus tantum distribui debent, sicuti constat ex cit. c. vn. de cler. non resident. in 6. & docet Azor l. c. q. 4.

De Canonicis autem distributionibus est QVÆSTIO PRIMA. Pro quibus horis distributiones constitui

debeant? Respondeo, Honestum, & iuri consonum esse, ut pro omnibus horis canonici officii constituentur, sicuti docet Gl. in Clem. vti, de etate & qualitat. ver. certis horis, Garcias p. c. 2. n. 487. Licet Gl. dicta moneat, quarundam Ecclesiarum consuetudinem esse, ut aliquibus tantum horis, item in Missa sacrificio distributiones fiant. In distributionibus autem faciendis cuiusque Ecclesie consuetudinem attendendam, monet Abb. in c. 1. de Cler. agrot. n. 1. Quia possunt Canonici inter se statuere, vel consuetudinem inducere de qualibet quantitate distributionum, & modo distribuendi à iure tamen non reprobari.

QVÆSTIO SECUNDA. Quantæ esse debeant distributiones? Respondeo; In Trident. concil. sess. 21. c. 3. de reformat. ita haberi: Statuit S. Synodus, in Ecclesiis tam Cathedralibus, quàm Collegiatis, in quibus nulla sint distributiones quotidianæ, vel ita tenues, ut probabiliter negligantur; tertiam partem fructuum, & quorumcumque proventuum, & obventionum, tam dignitatum, quàm Canoniciatum, personatum, portionum, & officiorum separari debere, & inter distributiones quotidianas converteri. Quanquam salubris ista constitutio non ubique in praxin deducta sit.

2. **QVÆSTIO TERTIA.** Quibusnam distributiones quotidianæ competere debeant? Extat de hac re constitutio Bonifacii VIII. in cit. c. vn. de Cler. non resident. in 6. Statuimus, ut distributiones quotidianæ, in quibuscumque rebus consistant, Canonici, ac alii beneficiati & Clerici Ecclesiarum ipsarum, qui eisdem officiis in ipsis Ecclesiis adsuerint, tribuantur, iuxta Ecclesie cuiuslibet ordinationem rationabilem iam factam, seu etiam faciendam. Qui vero aliter de distributionibus ipsis quidquam receperit (exceptis illis, quos infirmitas, seu iusta & rationalis corporalis necessitas, aut evidens Ecclesie utilitas excusaret) rerum sic receptarum dominium non acquirat, nec faciat eas suas. Idque renouavit Trident. Concil. sess. 24. c. 12. de reformat. atque observari voluit; quavis ipsorum beneficiatorum collusionem, aut remissionem exclusa. Ratio est: Quia distributiones quotidianæ propriè institutæ sunt divini cultus augendi causa, ob præsentiam & frequentiam Ministrorum.

Sunt verò aliqua hæc observanda: Primum est. Nominè fructuum, qui interdum beneficiatis ob iustam causam absentibus, & non residentibus iure vel privilegio conceduntur, non comprehenduntur distributiones quotidianæ, quæ à fructibus siue redditibus beneficii distinctæ sunt: quod semper accidit, si redditus beneficiatorum non in solis distributionibus consistant. Quæ doctrina sumitur ex c. de cætero, de clericis non residentibus, in quo duob. Canonici, in servitio Episcopi existentibus, fructus beneficii concedantur, sine distributionibus: & ex c. licet, de præbendis, ubi simili modo proventus integri, sine distributionibus relinquuntur absentibus in studio Theologiæ, ubi id admonet Gl. ver. distributiones, & Gl. in c. vn. de Cler. non resident. in 6. ver. reprobantes, Nau. li. 3. consil. 2. n. 3. eod. tit. 2. Couar. 3. resol. cap. 13. num. 1. ubi monet, etsi in impetratione beneficii, quæ à Papa fit, valor eiusdem siue reddituum æstimatio exprimenda sit; tamen in hanc æstimationem non venire distributiones quotidianas.

Alterum observandum In cit. c. vn. excipiuntur aliquæ causæ, ob quas distributiones quotidianæ absentibus quoque competere possint, eò quod pro præsentibus habeantur. Quæ causæ excusationum ad duo capita revocari possunt: I. quos infirmitas, tamen ex propria culpa, v. g. in conflictu contracta sit; seu iusta & rationalis corporalis necessitas excusant; puta, quia Canonicus senio confectus, vel in carcerem iniuste coniectus est, quo minus ad Ecclesiam venire possit, alioquin accedere solitus. quæ de re Abb. in c. 1. n. 7. de Cler. agrot. Couar. l. c. n. 8. Nau. consil. 18. & seqq. de Cler. non resident.

edit. 2. Azor. cit. c. 7. q. 11. & seqq. Atque similis ratio est de eo, qui ob iustam excommunicationem, vel suspensionem à servitio suo impeditur, teste Nau. consil. 11. n. 6. Vasquez de benef. c. 4. n. 231.

II. Caput est: Si evidens Ecclesie utilitas excuset. Cui tamen opponi solet c. cum non deceat, de elect. in 6. ubi idem Bonif. VIII. respondet: Cum Ecclesiarum suarum prosequentes utilitatem, censerì debeant residentes fructus beneficiorum suorum, quæ obtinent in illis Ecclesiis, quarum negotia prosequuntur, & etiam ab aliis recipere, vel possent recipere in ipsis Ecclesiis residendo, integrè (quotidianis tantum distributionibus exceptis) recipiant. Quorum iurium duplex conciliatio est, sicut videre licet apud Gl. in cit. c. vn. ver. utilitas. Prima. Beneficiati absentes extra locum beneficii, communi iure, non accipiunt distributiones v. g. Canonici, qui ob Ecclesie negotia discedunt, vel pestis tempore fugiunt. Quæ de re Garcias pa. 3. cap. 2. num. 359. Couar. cit. num. 8. Absentes autem à choro, ut in eadem Ecclesia administrent Sacramenta, sacrificent, aliòque simili officio occupentur pro præsentibus habentur, & distributiones lucrantur, sicuti colligitur ex Trident. sess. 24. ca. 8. de reform. Idemque consuetudine observatur, tametsi aliquis sine obligatione, solum ex devotione in Ecclesia celebret, sicuti notat Garcias num. 400. Verum, si Canonicus beneficium cappellæ in eadem Ecclesia; vel Parochiale in altera Ecclesia obtineat; interim dum abesse cogitur inseruiendo suo beneficio, distributionibus carere debet, ex cõmuni docet Sa ver. beneficium, n. 25. & declaratio Cardinal. super sess. 24. c. 12. ubi tamen duas limitationes ponunt; Prima est, Si fructus omnes præbendæ in distributionibus consistant. II. Si superior iubeat, ut tempore officij horarij in alia Ecclesia sacrificetur &c. tunc enim censetur abesse in loco beneficii in utilitatem Ecclesie.

Secunda conciliatio est: Quod Beneficiatis, si propter Ecclesie utilitatem, vel corporalem infirmitatem, absentes sint à loco beneficii, de iure communi non debeantur distributiones quotidianæ, sicuti docet Bonifac. VIII. in cit. c. cum non deceat: Interim nihil ob stare, quo minus consuetudine, vel statuto introduci possit, ut ob talem iustam absentiam causam; distributiones acquirantur. quod idem Bonif. asserit in supra cit. c. vn. & explicant ibid. Gl. & DD. Couar. quoque l. c. Azor quæst. 14. Nau. li. 3. confess. 8. §. quinto, de Cler. non resident. edit. 2. Imò non desunt DD. quos citat Garcias num. 248. Azor quæst. 6. Nau. cap. 1. de orat. num. 20. qui univèrsim aiunt, non reprobari consuetudinem, vel constitutionem, ut Canonici quotidianas distributiones percipiant, cum legitime, siue ob causam à iure concessam absentes sunt; v. g. necessariæ recreationis causa, quinque diebus in mense quolibet, aut duobus vel tribus mensibus quolibet anno. Quorum sententia probabilior etiam videri potest post Tridentinam constit. sess. 21. cap. 3. ubi iubet, ut si distributiones quotidianæ tenues sunt, Episcopus tertiam partem reddituum separaret, & in quotidianas distributiones converterat: quod decretum longe saluberrimum, difficile tamen Canonici recipiunt, si intelligant, facta illa separatione, se magna reddituum parte carituros esse, ob absentiam alioquin legitimam: cum tamen rem quæ culpam caret, in damnum vocari non consentiat, c. 2. de Constitut. Probabilis itaque hæc sententia esse videtur; licet contraria communis, uti videre est apud Garciam & Azorium l. proxime citatis.

QVÆSTIO QVARTA. Qui in Ecclesia duo beneficia habet, v. g. dignitatem Archidiaconi vel Præpositi, & canonicatum; utrum simplices, an duplices distributiones recipere debeant quod duplices debeatur,

contendit Abb. in c. cum olim, n. 6. de sent. & rejudicata, Couar. in li. 3. resol. c. 13. n. 6. Vasq. de benefic. cap. 4. n. 229. Si enim, ut ponimus, tam dignitatem aliquam gerentibus, quam simplicem canonicatum habentibus distributio debetur, modò præsentibus sint, consequens esse videtur, ut si aliquis utroque munere fungitur, duplices ei distributiones debeantur: cum verò officio diuino intersit non solum ut Præpositus, sed etiam ut Canonicus. Quæ sententia valde probabilis est; licet contrarium sentiat Azor t. 2. li. 7. c. 7. q. 13. Cuiusque tamen Ecclesiæ consuetudo hac in re retinenda est. Id verò moneo, ubi iuxta decretum Concilii Trident. tertia pars prouentuum ex omnibus beneficiis in quotidianas distributiones conuersa est, æquum omnino esse, ut quibus duplex præbenda in eadem Ecclesia competit, ii duplices etiam distributiones accipiant.

5 **QVÆSTIO QUINTA.** Vtrum distributiones, quas beneficiati ob absentiam amittunt, alijs præsentibus accrescere debeant? Responso est affirmatiua, & cõmunis cum Gl. in Clem. viij qui, De ætate, & qualitate ver. pars dimidia. Quod tamen intelligi debet de communibus & ordinarijs distributionibus quæ vel ex fideiũ fundationibus proueniunt, vel ex cõmuni mensa Capitulari detractæ sunt, uti significat Trident. cit. sess. 23. c. 3. de reform. Sin verò ex proprijs aliquarum dignitatum, vel officiorum fructibus pars aliqua, videlicet tertia, detracta sit, ut per modum distributionum dentur his, qui illas dignitates &c. obtinent, si præsentibus sunt, tunc his absentibus, fabricæ Ecclesiæ, vel alteri loco pio applicandas esse, decernit Trid. Confil. sess. 22. c. 3. de reform. & videri potest Garcias cit. c. 2. n. 464. & seqq.

6 **QVÆSTIO SEXTA.** Vtrum Canonici, qui officio diuino in Ecclesia interfunt, licet non cantent, distributiones lucrari possint? Respondeo & dico I. Vbi antiqua institutio (quam Trident. Concilium iterum præcepit sess. 24. cap. 12. de reform. retinetur, ut ipsimet Canonici in choro cantent, non possunt saltem integras distributiones lucrari, ob meram præsentiam; etsi priuatim, vel submissè in Ecclesia recitent. Sumitur ex Constit. 138. Pij V. & traditur à Caiet. to. 1. opusc. ult. resp. 8. Soto de instit. li. 10. q. 5. a. 4. Nau. c. 10. de orat. nu. 47. & c. 13. n. 17. Lopes p. 2. Instruct. c. 96. Rodriq. t. 1. casuum, c. 146. nu. 5. Lessio cap. 34. dub. 33. Suar. li. 4. de horis, c. 12. n. 10. Vasq. cit. c. 4. n. 234. Azor to. 1. li. 10. cap. 11. q. 5. Graffis li. 2. decis. c. 52. n. 23. Ratio est: Quia distributiones non dantur Canonici ob meram præsentiam, sicuti putat Garcias n. 514. sed præcipuè propter seruitium, quod est in Ecclesia psallendi. Neque obstat, quod canones dicant, distributiones deberi his, qui horis canonicis adsuerint, vel qui in Ecclesiis præsentibus fuerint: intelligitur, enim ad præstandum officium, cuius causa adesse debent. Quia tamen Canonici, tamen in choro non cantant, canentibus tamen assistunt, & præsentia sua officium exornant, aliquid saltem præstant; ideo eius ratione partem distributionum lucrari possunt, quod damus Medina in summa, lib. 1. c. 14. §. 11. & docet Rodriq. l. c. Suar. cit. n. 10.

Dico II. Vbi consuetudo viget, ut Canonici substitutos sibi cantores habeant, sufficit eorum præsentia ad lucrandas distributiones, dummodo horas priuatim recitent. Ita docet Suarez l. c. n. 11. Azor. t. 1. lib. 10. cap. 11. quæst. 6. Petr. Nau. li. 2. c. 2. n. 217. Lessio l. c. n. 185. alijsque communiter. Ratio est: Quia in eiusmodi Ecclesijs distributiones Canonici dantur non ob canendi officium, sed ob moralem præsentiam tantum.

7 **QVÆSTIO SEPTIMA.** Vtrum mortaliter peccent Canonici, si à choro sine iusta causa absint? Respondet Syl. ver. hora, q. 10. Armilla n. 21. Duobus tan-

tum casibus Canonicos mortaliter peccare, si à choro absint; licet priuatim horas recitent. Primò si frequenter absint, & quasi ex consuetudine, vel contemptu. Secundo, si ex eorum absentia Ecclesia graue damnum patiatur: puta quia ipsi officium canere vel celebrare debent idque ob eorum absentiam malè perficitur. Quam doctrinam non improbabilem videri, ait Suar. l. 4. de horis, c. 13. n. 8. Addo, in particulari alias quoque circumstantias personæ, loci, temporis, scandali &c. à Confessario attendendas esse, ut intelligat, num Canonicum, qui priuatim recitare solet, propter absentiam à choro, mortaliter peccati contemnere debeat.

CAP. VIII.

DE PLURALITATE BENEFICIORVM.

S V M M A R I V M.

- 1 Beneficia alia compatiibilia sunt, & alia incompatibilia.
- 2 Plura beneficia, quorum unum ad honestam sustentationem sufficit naturali iuri repugnant: nisi talis pluralitas causa iusta honestetur.
- 3 Specialiter prohibitum est, ne quis plura beneficia curata, vel plures dignitates, aut personatus obtineat: & altero obtento, prius ipso iure vacat.
- 4 Si Episcopo existenti in possessione episcopatus beneficium consecratur collatio irrita est.
- 5 Duo beneficia uniformia sub eodem recto nemo obtinere potest; & vacat primum adeptione secundi.
- 6 Duo beneficia simplicia, quorum ambo personalem perpetuam residentiam postulant, obtinere aliquis non potest.
- 7 Plura beneficia compatiibilia unusquisque habere potest, quatenus ad honestam sustentationem requirantur.
- 8 Duo beneficia regularia eidem conferri non possunt.
- 9 In pluralitate beneficiorum incompatibilium iure ordinario Papa dispensat, non etiam Episcopus: nisi incompatibilitas solùm sit ex iure decessano.
- 10 Nulla consuetudine introduci potest, ut plures eiusdem Ecclesiæ dignitates, personatus, canonicatus eidem conferantur.
- 11 In pluralitate quorundam beneficiorum, aliquem communi iure incompatibilium, vim aliquam habere potest consuetudo immemorialis.
- 12 Obtinens plura beneficia residentiam postulantia in digniore residere debet.

NO T A N D V M est primò. S. Th. quodlib. 9. art. 15. proposita ista quæstione; vtrum habere plura beneficia, sit peccatũ ius mortale contra naturæ; in hanc sententiam respondit: Quædam hominis actiones sunt, quæ habent deformitatem inseparabiliter annexam: ut fornicatio, adulterium, quæ nullo modo bene fieri possunt: & de numero talium non est habere plures præbendas; alijs in nullo casu dispensationem recipere possent. Quædam verò sunt actiones de se indifferentes ad bonum & malum; ut lenare festucam de terra: inter quarum numerum quidam computant habere plures præbendas. Sed non videtur esse verum: cum hoc plurimas in se inordinationes contineat: ut pote, quia non est possibile aliquem in pluribus Ecclesijs discernere, in quibus est præbendus: cum tamen præbenda videatur esse ordinata, quædam stipendia Deo ibidem ministrantur. Sequitur etiam diminutio cultus diuini, dum vnus loco plurimum instituitur: sequitur etiam in aliquibus defraudatio voluntatum testatorum, qui ad hoc bona Ecclesijs contulerunt, ut certus numerus Deo deseruiant ibi esset. Sequitur etiam inæqualitas, dum vnus pluribus beneficijs abundat: & alius nec vnum habere potest. Vnde non potest contineri inter actiones indifferentes, & multò minus inter eas, quæ sunt secundum se bonæ. Sunt verò quædam actiones, quæ absolute considerantur, quæ tamen aliquibus circumstantiis aduenientibus, bonæ actionum videtur esse habere plures præbendas. Quamvis enim aliquas inordinationes contineat, tamen aliæ cir-

circumstantia possunt superuenire ita honestantes actum, ut inordinationes illae totaliter euacuentur: puta, si sit opus in pluribus Ecclesiis alicuius obsequio, & possit is plius seruire Ecclesiae vel tantundem absens, quam alius praesens. Similia habet Nau. c. 25. n. 128.

Notandum secundò. Pluralitas beneficiorum ex duplici capite deformitatem habere potest: Primò, Si vnum beneficium alicui ad vitam honestè sustentandam sufficiat; tunc superfluum, & indecens est habere alterum. Secundò, Si ipsa aliquorum beneficiorum institutio non permittat, vt plura ab eodem ad ministrantur.

Quare notandum est tertio. Beneficia alia incompatibilia dicuntur, alia compatiblea. Incompatibilia imprimis sunt ea, quorum singula per se, vel naturali iure, vel saltem Ecclesiastica constitutione continuè residentiam postulant: vti sunt duo Episcopatus, duae Abbatiae, duae Parochiae, duae perpetuae vicariae, & cetera curata beneficia. Item duae dignitates, siue personatus, quin & duo canonicatus, ob constitut. Trident. sess. 24. c. 12. de reform. Deinde beneficia vniformia sub eodem recto incompatibilia censentur, v. g. duo canonicatus eiusdem Ecclesiae. Reliqua autem beneficia compatiblea sunt, vt infra patebit.

2. Assertio I. Ordinariè non est licitum, sed cum naturali iure pugnat, quòd Clericus habeat plura beneficia qualiacumque, quorum vnum ad honestam eius sustentationem sufficit. Ita sentit S. Bern. epist. 271. ad Comitem Theobaldum, & de considerat. ad Eugen. Papam li. 2. cap. 6. S. Thom. l. c. Abb. in c. extirpandae, §. qui verò, n. 34. de praebendis. Palud. in 4. d. 38. q. 4. a. 2. concl. 3. Adrianus in 4. de restitut. §. Quia in praemissis de dubio, Gabr. q. 8. a. 3. notab. 3. & propof. 1. Syl. ver. beneficium, c. 4. q. 1. in fine. Maior. in 4. d. 24. q. 12. Caiet. in sum. ver. beneficium §. mortale autem. Lopez p. 2. instruct. ca. 101. Ioan. Selua p. 4. q. 8. n. 3. Azorius t. 2. l. 6. c. 10. q. 2. & 7. cum Gl. in c. dudum, 2. de elect. ver. retinere: Notandum, inquit, quòd qui habet plura beneficia, quorum alterum per se sufficeret, non potest sine mortali peccato retinere aliud. Et semitur ex cap. is cui, de praebendis, in 6. Is cui conceditur, vt auctoritate Apostolica possit vni personae idoneae, in sua, vel alia Ecclesia providere, alicui aliud beneficium sufficiens obtinere non potest. Consentit cap. postulasti, de rescriptis; c. cum teneamur, de praebendis. Ratio est: Quia alioquin Ecclesiastici redditus malè & inutiliter dispensantur, diuinus cultus imminuitur. quod & primae beneficiorum institutioni & naturali iustitiae iuri aduersatur vt proinde per nullam dispensationem Episcopi, aut Papae, nisi iusta circumstantia seu causa cohonestante, id licitum fieri possit. sicuti docent S. Th. Palud. & Adrianus. li. cc. Gabr. propof. 2. Abb. in c. adhuc, & c. de multa, in additione, & in c. extirpandae, §. qui verò, num. 43. de praebendis. Ioan. de Lignano tract. de pluralit. beneficiorum, num. 17. Nau. cap. 128. Vasquez tr. de benefic. cap. 4. numero 139. & seqq. Azor. cit. l. 6. cap. 12. quaest. 7. Caietan. loco supra cit. rationem adferens, Quoniam dispensatio Papa cadit super ius positum, & non super ius diuinum; pluralitas autem beneficiorum sine rationabili causa est contra ius diuinum. Vide etiam Trident. sess. 24. cap. 17. de reform.

Dixi autem, Ordinariè talem beneficiorum pluralitatem esse illicitam; nisi videlicet iusta causâ siue circumstantiâ cohonestetur. quae triplex à Doctoribus asserri solet, S. Bern. in cit. epist. Abb. in cit. c. de multa, nu. 7. Gabr. in 4. d. 15. q. 8. a. 3. propof. 3. ad finem. Alphoso Hoieda p. 2. de benefic. compatib. ca. 12. n. 18. Azor. cit. c. 12. quaest. 2. Necessitas Ecclesiae, utilitas Ecclesiae, euident meritorum praerogativa. Necessitas Ecclesiae quandoque postulat, vt alicui plura benefi-

cia, supra necessariam vitae sustentationem, conferantur, si sit idoneorum Ministrorum penuria; v. g. in locis vbi haeretici dominantur, vel beneficiis se intrudere conantur. Secundò, Utilitas Ecclesiae hoc ipsum interdum suadet, si vnus solus doctrina & prudentia, vel auctoritate ac potentia plùs rei Ecclesiasticae profuturus videatur, quàm plures alii, qua ratione in septentrionalibus partibus interdum expedit, vt viri illustres plura beneficia, quamuis alioquin incompatiblea, possideant, quòd potentiores sint ad Ecclesiam defendendam, & haereticos aduersarios repellendos. De tertia verò causa, quae est meritorum in Ecclesiam, satis dictum fuit supra c. 3. supponendo.

Illud verò moneo, non esse iustam causam accipiendi plura beneficia vltra necessariam vitae sustentationem, quòd propositum habeas redditus superfluos in vsus pios bene erogare, sicuti rectè ex communi sententia notauit Azor. quaestione 3. contra Cardinalem in Clem. gratiae, de rescriptis, Nau. c. 25. num. 129. Sed necesse est, vt etiam aliae deformitates tollantur; videlicet inaequalitas distributionis, Ecclesiae damnum, & cultus diuini diminutio: quae si absint, vel maiore, aut aequali utilitate publica, cohonestentur; tum sanè permitti poterit pluralitas beneficiorum, quorum vnum vel pauciora ad vitae sustentationem sufficerent. eòque modo intelligendus est Caietan. l. c. §. Siste gradum.

Assertio II. Plura beneficia curata, item plures dignitates, vel personatus, quamuis sine animarum cura, iure ordinario ab eodem obtineri non possunt. Ita statutum est in Concil. Lateran. sub Alexand. III. cap. 13. & à Greg. IX. in c. dudum, 2. de elect. Innoc. III. c. de multa, de praebendis. Ioann. XXII in extrauagante execrabilis, de praebendis. & in Concil. Trident. sess. 7. c. 4. Ratio, cur eiusmodi beneficiorum pluralitas à sacris canonibus reprobetur, est; quia singula eorum perpetuam residentiam requirunt: non potest autem idem in pluribus ecclesiis residere, sicuti notauit Abb. in c. adhuc, de praeb. Syl. ver. beneficium 4. q. 1.

Additur verò poena in cit. c. de multa; Vt, si habens beneficium curatum, vel personatum, aliud tale receperit, vacet primum ipso iure: quòd si illud retinere contenderit, altero quoque priuetur. Deinde, vt is, ad quem prioris beneficii collatio pertinet, statim illud conferre possit, postquam institutus alterum recepit: quòd si infra sex menses conferre negligat, ad alios deuoluatur collatio. idque cõfirmat Trident. Concil. cit. sess. 7. cap. 2. & 4. Vide etiam ca. cum singula, de praeb. in 6. & cit. extrauag. execrabilis, vbi insuper poena additur, vt talis prius beneficium non dimittens vtroque ipso iure priuatus, atque ad sacros ordines, & quodcunque beneficium accipiendum inhabilis existat.

Circa poenalem hanc constitutionem aliqua aduertenda sunt: I. Cum mentio tantum fiat beneficiorum curatorum, & personatum, quae dici solent beneficia incompatiblea primi generis; ideo extendi non debet constitutio ad alia incompatiblea beneficia, v. g. ad beneficium curatum cum canonicatu; vel duo simplicia quorum vtrumque residentiam requirit: hac enim licet simul absque dispensatione retineri non possint, non tamen ipso iure primum vacat, ademptione secundi: sed cogitur institutus dimittere quod maluerit. quae erat communis D. D. sententia ante Concil. Trident. sicuti videre est apud Abb. c. quia nonnulli, nu. 5. & c. ult. n. 5. de Cler. non resid. eandemque post Tridentinam constitut. sess. 7. c. 4. defendit Nau. consil. 17. de praeb. edit. 2. Zecchus de republ. Eccles. cap. de benefic. num. 4 §. in secundo capite, Lessius lib. 1. cap. 34. dub. 27. Quia à iure antiquo recedendum non est sine necessitate, arg. l. praecipis

mus, C. de appellationibus : neque asserendum est, aliquam poenam ipso facto incurri, nisi in casibus iure expressis, iuxta Gl. in c. ult. de iure patronatus. Tridentinum autem concilium cit. c. 4. nullam poenam de nouo statutam exprimit; sed solum innuat, & confirmat constitutionem Innoc. III. in c. de multa: quamuis contrarium doceat Azor lib. 6. c. 13. quæst. 2. Garcias p. II. c. 5. nu. 83. At verò per adeptionem Cardinalatus vacare debent beneficia curata, vel dignitates prius habitæ: quandoque etiam Cardinalatus est dignitas, & quidem maxima, vti notauit Abb. in c. Ecclesia nostra, 2. n. 3. de elect.

II. Aduertendum. Sunt aliqui casus apud Abb. in cit. c. de multa, num. 13. Læ. Zecchum cit. num. 4. §. In primo capite, Garciam p. II. c. 3. num. 100. & seqq. in quibus primum curatum, dignitas aut personatus non vacat per adeptionem alterius: Primò. Quamdiu huius pacificam possessionem beneficiatus consecutus non est: cum tamen vice versa, beneficium litigiosum per alterius postea obtenti pacificam possessionem ipso iure vacare censetur. qua de re Nauar. l. 3. consil. 14. de præbend. edit. 2.

Secundò. Si fructus posterioris beneficii percipere non possis, quia alteri referuntur. Aut si subito motu iræ petueris te institui in beneficio secundo; sed statim poenitentia ductus eidem renunties, argum. c. diuortium, d. de poenit. ex l. 3. ff. de diuort. *Per calorem misso repudio, si breui uenisset uxor, diuersimode videtur.* Imò vniuersim ait Abb. in cit. c. de multa, nu. 16. Non sufficere possessionem valde breuem, si statim lis intentetur de facto, vel iure.

Tertiò, si Episcopus primi beneficii, collationem secundæ ratam habere nolit; sed Clericum suum repetat: si quidem Prælatus non tenetur ratam habere renuntiationem beneficii, quæ, sine consensu eius, seu expressè seu tacitè facta fuit, iuxta c. quod in dubijs de renuntiatione, ibidem Gl. & Abbas.

Quartò Episcopatus non vacat per adeptionem alterius dignitatis, vel beneficii, sicuti docent DD. nominatim Abb. in c. cum nostris, n. 4. de concess. præb. Cuius ratio est: Quia Episcopatus non potest deferri sine speciali licentia Papæ, c. 2. de translat. Episcoporum. Cæterum, si quis Episcopus propria auctoritate, & sine licentia Papæ ad alterum episcopatum se transfert, priuandus est utroque per iudicis sententiam, iuxta c. quanto, de translat. Episcoporum.

4 III. Aduertendum. Si Episcopo alterum, quamuis simplex beneficium, conferatur, collatio irrita est, sicut colligitur ex c. cum nostris, de præben. vbi id docent DD. nominatim Abb. n. 15. Nicol. Garcias to. 2. de benef. p. II. c. 6. n. 44. Item ex c. cum in cunctis §. cum verò, de elect. vbi habetur, quod beneficia omnia electi in Episcopum, post eius confirmationem, consecrationem, & pacificam possessionem ipso iure vacant ergo nullo minus beneficia de nouo conferri valide possunt, sicuti argumentatur Ioan. Staphileus forma expectatiua 7. n. 2.

Excipe primò: Nisi sit Episcopus tantum titularis, qui possessionem, administrationemque nactus non sit: cuiusmodi sunt Episcoporum suffraganei quibus Episcopatus in terris infidelium conferuntur: horum enim beneficia non vacant per adeptionem eiusmodi episcopatus, sicuti notat Nau. lib. 1. consil. 14. de elect. edit. 2. Azor to. 2. li. 16. q. 12. Garcias p. II. c. 6. nu. 24. Eisdemque aliud postea beneficium, alioquin compatibile, conferri potest; sicuti & illi, qui episcopatu renuntiavit, vti docet Abb. l. c.

Excipe secundo: Si episcopatus pauper sit, vel debitis grauatus; tunc saltem beneficia simplicia & compatiblea conferri possunt; incompatiblea verò, si dispensatio Papæ accesserit, sicuti colligitur ex cit. c. cum no-

stris, vbi id notat Abb. cit. nu. 15. & in c. Ecclesia vestra, 2. num. 3. de elect. Garcias cit. num. 44. Less. li. 2. c. 34. num. 139. Ex quo non improbabiler aliquis inferet quòd Episcopo non habenti sufficientes redditus, beneficia antè obtenta reliqui possint: Cui enim licet quod est plus, licet etiam minus: atqui concessum est ob iustam causam, v. g. paupertatis, Episcopo beneficium alioquin compatibile conferre, sicuti docent DD. in cit. cap. cum nostris: Ergo magis etiam concessum est beneficium antè habitum relinquere; maxime si Ecclesiæ consuetudo accedat. Quare ratione defendi potest quod Archiepiscopi Salisburgenses Episcopatus quosdam, ex Apostolica concessione suæ collationi plenè subiectos, interdum contulerunt Ecclesiæ suæ Canonicis, aliisue beneficiatis, non adimendo ipsis beneficia sua.

IV. Aduertendum. Vt dictæ constitutioni c. ad multa, locus sit, requiritur vtrumque beneficium esse collatum in perpetuum seu titulum, seu commendam, sicuti indicat Trident. sess. 7. c. 4. de reform. Quare rectè respondit Abb. in cit. c. de multa, in addit. concl. 5. Quòd acceptans vicariatum Episcopi non perdat dignitatem, vel beneficium curatum antè habitum: quia Vicarius ad nutum Episcopi amoueri potest. Denique monet Abb. in cit. c. de multa, n. 14. Si beneficiatus, qui alterum curatum consecutus est, in priore expensas fecit de bonis patrimonialibus, seu ijs, quorum liberum ipsi dominium relinquitur, cogi non posse, vt antè illud dimittat, quam expensæ ipsi restituantur, arg. c. quicumque 12. q. 4. Ex quo colligit, quòd etiam hæres eius ab intestato eiusmodi expensas repetere possit: quod ego intelligo, nisi ex coniecturis intelligi possit, factas esse sine animo repetendi, in gratiam Ecclesiæ.

Assertio III. Duo beneficia vniformia sub eodem recto, v. g. duos canonicatus, nemo obtinere potest: imò vacat primum beneficium, adeptione secundi. Ita habetur in cit. c. de multa, c. literas, de concess. præb. Clem. ult. de præbendis, & ex communi docet Hoieda p. 1. de incompatib. benef. c. 20. n. 26. Garcias p. II. c. 5. n. 182. Quin notat Gl. ult. in cit. Clem. Abb. in cit. c. literas, notab. 2. Nau. consil. 23. de præb. n. 3. edit. 2. Quòd iura magis abhorrent à duobus præbendis vniformibus in eadem Ecclesia, quam à duobus curatis. Quia alteram præbendam similem in eadem Ecclesia, neque per modum annexionis consequi aliquis potest, iuxta cit. Clem. ult. in qua dicitur, quòd adeptus pacificè dignitatem, v. g. archidiaconatum, cui præbenda annexa est, ipso facto amittat præbendam suam, quam in eadem Ecclesia prius habuerat. At verò qui beneficium curatum, puta personatum cum cura in Ecclesia obtinet, non impeditur, quo minus simplex beneficium, v. g. canonicatum assequatur cui parochialis Ecclesia annexa est, & quam per Vicarium administrare debet, c. super eo, de præb. in 6.

Assertio IV. Nemo potest obtinere duo beneficia simplicia, quæ ambo personalem residentiam impossibilem requirunt. Ita ex communi docet Abb. in cit. cap. extirpandæ, §. qui verò, num. 30. Hoieda p. 1. c. 17. de incompatibil. n. 30. Rebuffus in praxi benefic. dispensat. ratione ætatis, §. incompatibilia, n. 5. Garcias cit. cap. 5. n. 260. Less. li. 2. c. 34. dub. 27. & traditur à Trident. sess. 24. c. 27. de reform. ibid. *dummodo vtrumque personalem residentiam non requirat.* Tales inprimis sunt duo canonicatus diuersarum Ecclesiarum, in quibus observatur constitutio Tridentini Concilii sess. 24. cap. 12. de reform. vt non liceat Canonicis ultra tres menses ab Ecclesiis suis quolibet anno abesse. Cæterum, in quibus Cathedralibus Ecclesiis Germaniæ nostræ, ex immemoriali consuetudine hætenus retenta, requiritur tantum residentia me-

dii anni, vel trium mensium; earum Canonicatus, siue præbendæ inter compatiblea beneficia numerari debent; cum residentiam non impossibilem exigant.

Tales item sunt duæ Ecclesiarum longè diffitarum Capellania, quarum vtraque ex propria fundatione personale seruitium requirit; ideoque neutra per Vicarium administrari potest: quia iusta fundatoris voluntas ac dispositio seruari debet. Qua de re iterum dicam infra c. 13. q. 6.

7 Assertio V. Licet aliquis obtinere potest plura beneficia secularia compatiblea, si ita necesse sit ad necessariam vitæ sustentationem. Quæ est communis sententia, & colligitur ex Trident. sess. 24. cap. 17. de reform. compatiblea autem beneficia in diuersis quidem Ecclesiis censentur ea, quæ vel nullâ, vel non impossibilem residentiam exigunt, vt supra dictum, & videri potest Sotus lib. 3. quest. 6. a. 3. concl. 4. In eadem autem Ecclesia compatiblea beneficia dicuntur, quæ difformia sunt: v. g. dignitas & simplex canonicatus; quæ proinde simul retineri possunt, nisi alicuius Ecclesiæ specialis constitutio, vel consuetudo repugnet, teste Nau. consil. 21. 24. & 26. de præb. edit. 2. Garcia p. 11. c. 5. n. 235. Less. cit. dub. 27. n. 144. Abb. in c. cum iam dudum, n. 9. de præb. vbi rationem reddit. Quia conferendo alicui duo beneficia conformia eiusdem Ecclesiæ, puta duos canonicatus, minuitur numerus Canonicoꝝ; non ita verò, si quis plura beneficia residentiam non postulantia in diuersis Ecclesiis; vel difformia in eadem Ecclesia obtineat: cum possit aliquis simul Ecclesiæ seruire, vt habes dignitatem v. g. Præposituram, & vt Canonicus.

Probabile item est, quod docet Nau. consil. 16 de præb. edit. 2. Zecch. cit. cap. de beneficiatis n. 4. prope finem, communi iure concessum esse, vt duo altaria, quibus vnus Capellanus satisfacere potest, eidem conferantur: quia difformia beneficia censi debent; cum distincta onera siue officia habeant: v. g. vt in vno altari bis in hebdomada, in altero alijs tribus, vel quatuor diebus sacrificetur. Saltem vbi consuetudo est ita conferendi, dubitari non potest quin licita sit, sicuti fatetur Garcia n. 229. Imò Nau. consil. 22. de præben. docet, vigore consuetudinis immemorialis, duas capellanas sub eodem testamento existentes, conferri posse eiusdem Ecclesiæ thesaurario, vel aliud officium, dignitatem, aut personatum obtinenti.

8 Assertio VI. Duo beneficia regularia, etiam eiusdem Ordinis, aut Monasterii, eidem conferri non possunt, iuxta c. cum singula, de præben. & docet Rebuff. in praxi benef. tit. de dispensat. cum Regularibus facta n. 8. Rodriq. to. 1. regular. q. 34. a. 9. Sanchez lib. 7. mor. c. 29. n. 78. vbi addunt, quod nec capellam, vel pensionem, vel portionem Monachalem Regularis vna cum beneficio habere possit. Quia qualecunque beneficium incompatible est Regulari cum primo: quin neque Summus Pontifex dispensare solet, vt duo habeat in titulum; sed vnum in titulum, & alterum in commendam. Excipi autem debet; Nisi vnum beneficium alteri vnitum sit; ita vt propter annexionem veluti vnicum beneficium censeatur, secundum ea quæ dicam cap. seq. num. 2.

9 RESTANT QVÆSTIONES. PRIMA. Quis in pluralitate beneficiorum dispensare possit? Respondeo & dico I. Si sint incompatiblea, de iure communi solus Papa ob causam iustam dispensat. Ita docet Gl. in c. dudum, 2. de elect. ver. per sedē. c. de multa, de præb. ver. per sedem. & in c. 1. de consuet. in 6. ver. absque dispensatione, Azor. t. 2. lib. 6. c. 12. Less. dub. 28. Garcia cit. c. 5. par. 11. de beneficijs. Probat: Quod enim summus Pontifex ob rationabilem causam dispensare possit, habetur in cit. cap. de multa, & ratio sumitur

ex Clem. 1. Vt lite pendente; Quia ad Rom. Pontificem Ecclesiarum, personatum, dignitatum, aliorumque beneficiorum Ecclesiasticorum plena & libera dispositio, ex sua potestatis plenitudine, noscitur pertinere Idemque habetur in c. licet, de præb. in 6. & c. proposuit de concess. præb. Notat verò Less. cit. dub. 28 num. 152. Si iusta causa dispensandi non fuit validam tamen esse collationem beneficiorum posterius adeptorum; quamuis prouisus in conscientia obligatus maneat, ea, quæ secundum statum suum necessaria non sunt, vel in quibus iusta dispensandi causa non fuit, resignare; fructus tamen interim percepti retinere possunt, si beneficiorum obligationibus saltem per Vicarium satisfactum fuerat.

Quod verò ad Episcopos, aliosque inferiores Papæ non pertineat, contra ius Pontificium, præsertim Generalis Concilii canones, dispensare; notum est ex materia de legibus: quamuis aliqui excipiunt causam necessitatis, vel magnæ utilitatis publicæ, Abb. c. extirpanda, §. qui verò, n. 38. Alphons. Hoieda p. 2. de compatibil. benef. c. 12. n. 22. Rebuff. in praxi, tit. de dispens. ad plura beneficia, n. 33. Gutierrez lib. 1. canon. qq. cap. 23. num. 18. & alijs apud Ioan. de Lignano, de pluralit. benef. n. 19. Sed bene monet Garcia cit. c. 5. n. 340. id locum non habere (saltem iure, quo hodie vtimur) nisi in casu, quo postulante eiusmodi necessitate, Papa consuli, eisque dispensatio peti non possit, secundum receptam DD. sententiam apud Armil. ver. dispensatio, num. 19. Sanch. li. 2. de matr. disp. 40. numero 3. Quamquam id in pluralitate beneficiorum incompatibleum eidem conferenda ob Ecclesiæ utilitatem, rarissimè accidere, monet etiam Less. cit. cap. 34. dub. 28. num. 150. Quamobrem quod Abb. docet in c. cum iam dudum, n. 9. & c. de multa n. 19. de præb. arg. c. Sanctorum, d. 70. Episcopum ob iustam causam dispensare posse super pluralitate beneficiorum simplicium postulantium residentiam; id verum est dumtaxat, si talis residentia iure diocesani, non item vniuersali exigatur.

Dico II. Si sint beneficia compatiblea, tunc duo, vel etiam plura (secundum quosdam) eidem conferri possunt, sine vlla dispensatione: quia ius vel saltem consuetudo id permittit: dummodo prouisus indigeat ad honestam vitæ sustentationem. Ita præter alios docet Abb. in c. dudum, 2. num. 34. de elect. Rebuff. l. c. n. 29. Azor cit. li. 6. c. 11. q. 7. Valentia t. 3. disp. 5. q. 7. p. 2. assert. 4.

QVÆSTIO SECVNDA. Vtrum consuetudine obtineri possit, vt plura beneficia, iure communi incompatiblea, fiant compatiblea, eidemque conferantur? Respondeo, & dico I. Nulla consuetudine introduci posse videtur, vt plures dignitates, vel personatus aut officia eiusdem Ecclesiæ vni, eidemque conferantur. Ita habetur, in c. 1. de consuetudine in 6. vbi talis consuetudo etiam immemorialis reprobatur: quia per eam, vt Gl. ibidem ait; inducitur in Ecclesiā paucitas Ministrorum, & diminutio cultus diuini, quod plane repugnat beneficiorum fundationi, seu institutioni. Quare eadem quoque ratio esse videtur de simplicibus canonicatibus, siue præbendis: quarum pluralitatem in eadem Ecclesia quam maximè canones detestantur, vt supra dictum, & notauit Gl. in c. literas de concess. præb. ver. ex consuetudine, Nau. consil. 24. de præben. n. 5. edit. 2. Garcia cit. c. 5. n. 182.

Dico II. De pluralitate beneficiorum in diuersis Ecclesiis, incompatibleum, eò quod vtrumque personalem residentiam requirat; plerumque distinguunt DD. hanc incompatibilitatem siue obligationem residendi in simplicibus per consuetudinem tolli posse; non item in beneficijs curatis, dignitatibus, ac personatibus, sicuti docet Rebuffus l. c. n. 66. argum. c. de multa de præb. in quo talis consuetudo obtinendi plura curata, vel personatus reprobatur, & præsumptio, atque

cupiditas appellatur. Et Trident. Concil. sess. 24. c. 12. de reform. statuit, ut obtinentibus in Cathedralibus vel Collegiatis Ecclesiis dignitates, canonicatus &c. non liceat, vigore cuiuslibet statuti, aut consuetudinis, ultra tres menses abesse. Vide etiam cap. 17. eadem sess.

Nihilominus Nau. consil. 21. de Cler. non resident. iuncto consil. 24. de præb. edit. 2. affirmat, per consuetudinem immemoriam obtineri posse, ut beneficia etiam curata personalem residentiam non requirant; sed per idoneum Vicarium administrari possint. Nam quidquid privilegio, aut dispensatione S. Pontificis induci potest, idem & consuetudine immemorialis: Atqui constat tum ex c. de multa, tum ex praxi, quod summus Pontifex iusta de causa dispensare possit super residentia in curatis, aut personatibus: Ergo etiam consuetudine immemorialis id obtineri potest: modò interim provideatur, ut Ecclesiæ detrimentum non patiantur; sed nihilominus officium & administratio præstetur, saltem per Vicarios.

Talis in quibusdam Ecclesiis tum Cathedralibus, tum Collegiatis adhuc viget consuetudo, ut personatus v. g. præpositura residentiam non requirat, vel non tam diuturnam, sicuti Trident. Concil. exigit. Consuetudo item passim in Germania viget, ut beneficia curata conferantur Ecclesiarum Cathedralium Canonicis, & Decanis; ita, ut ea per Vicarium perpetuum administrantur, relicta ipsi competente sustentatione. Id verò, si passim sine causa iusta, aut cum detrimento Ecclesiarum fiat, nulla consuetudine excusari posse certum est; cum iuri diuino aduersetur: sin verò causa subsit, quia, v. g. Præpositus, aut Decanus Ecclesiæ Cathedralis, aut Collegiatae exiguus redditus habet; & ob auctoritatem ac prudentiam beneficium curatum per Vicarium bene administrabit; tunc non tam facile damnari potest collatio mixta consuetudine immemorialis: quandoquidem inter iustas causas à residentia excusantes, numerari etiam solet consuetudo rationabilis, apud Nau. c. 25. man. num. 225. Less. dub. 29. n. 163. Nisi quòd Concilium Trident. locis suprà cit. dictas consuetudines reprobare videatur, uti notauit Garcias p. 3. cap. 2. num. 197. tunc verò aliud responderi non potest, quàm Tridentinam constitutionem aliquibus Ecclesiis receptam non esse.

12. **QVÆSTIO TERTIA.** Qui plura beneficia obtinet, quorum singula per se residentiam postulant, in quonam residere debeat? Respondeo cum Abb. c. extirpanda, repet. §. qui verò, de præben. Si sint beneficia æqualia, quæ per dispensationem alicui concessa sunt, positum esse in arbitratu beneficiati residere, in quo maluerit, quo modo intelligenda est Gl. in c. non potest, de præb. in 6. Si autem non sint æqualia, tunc debet residere in maiore, siue digniore, arg. cit. §. qui verò, ubi dicitur, quòd habens dignitatem, vel Canonicatum, cui Ecclesia parochialis annexa est, in maiore Ecclesia deferuire debeat; & parochiam per Vicarium perpetuum administrare.

Notandum etiam est, cum eodem Abb. in c. cum non ignores, n. 8. de præb. Si Canonici, aliiue electores aliquem eligant ad beneficium suæ Ecclesiæ residentiam postulans, qui antè beneficium obtinet, quod similiter residentiam requirat; distinguendum esse, utrum id sciant, an ignorent. Si enim ignorant, possunt resiliere ab electione, nisi electus prius beneficium resignare, vel in eo non residendi dispensationem impetrare velit, sicuti docet Innoc. cap. ult. de Cler. non resident. Si autem scientes talem eligunt, iterum distinguit Abb. Vel enim eligunt ad beneficium æquale, aut minus eo, quod antè obtinet: & tunc si nihil exprimant, censentur renunciare iuri residentie; ideòque contenti esse, ut post dispensationem beneficium absens retineat. Vel eligunt ad beneficium dignius, aut melius eo, quod antè obtinet: & tunc censentur sub conditione eligere, si

prioris residentiam dimittat, & in altero resideat: quod si facere nollit, resiliere poterunt.

CAP. IX.

DE VNIONE BENEFICIORUM.

SUMMARIUM.

- 1 Vnio beneficii alia perpetua est; & alia temporalis, seu ad vitam beneficiati.
- 2 Vnio perpetua operatur quasi extinctionem beneficii accessorii.
- 3 Episcopus ob iustam causam vnire potest beneficia sua diocesis, quæ nec exempta, nec Papa specialiter ac perpetuò reservata sunt.
- 4 Certe casus sunt, quibus Episcopus etiam reservata, vel aliter affecta beneficia vnire potest.
- 5 Ecclesiæ parochiales Monasteriis, & dignitatibus, vel præbendis Ecclesiæ Cathedralis, aut Collegiatae vniri non possunt. Si tamen talis unio à tempore immemorabili constitit, in dubium reuocari non debet. quamobrem cessat in tali beneficio vnio mensis Pontificius.
- 6 Episcopus, vel Capitulum beneficia sua mensa directe ac principaliter vnire non potest, absque Papa consensu.
- 7 Maior est potestas beneficia vniendi, quàm conferendi.
- 8 Causa unionis faciendæ sunt, evidens necessitas, vel utilitas Ecclesiæ.
- 9 Forma & solemnitas ad unionem requisita est, ut antecedit cognitio causæ; vocentur ij quorum interest, adhibeatur Capituli consensus.

VNIO definitur ex Rebuffo in praxi de vniobus, beneficiorum, auctoritate Prælatus Ecclesiastici, facta annexio. Duplex est unio; perpetua, & temporalis. Illa fit ob Ecclesiæ necessitatem, vel utilitatem: hæc in utilitatem beneficiati; ideòque durat tantum ad vitam eius. Neque est propriè dicta unio; sed potius dispensatio, seu reservatio, nomine unionis tacta, sicuti notauit Azor tom. 1. lib. 6. ca. 28. q. 17. Idcirco odiosa est unio ad vitam, atque in dubio non præsumitur, teste Rebuffo nu. 19. Hoieda p. 2. de compatib. beneficiorum, ca. 3. nu. 1. Neque eam Episcopus facere potest in beneficiis incompatibilibus; sed solus Papa, teste eodem Hoieda, & Staphil. de gratiis expectat. de modo prouisionis, nu. 22. Garcia p. 12. ca. 2. de vnione; nu. 84. Azor cit. q. 17. & colligitur ex Trident. sess. 7. ca. 4. de reform. & sess. 24. ca. 17. de reform. Quare, ommissa unione ad vitam, de perpetua tantum & propriè dicta beneficiorum vnione deinceps agemus.

Ea tribus modis fieri potest, uti docet Gl. in cap. 1. ver. vniendo, Ne sede vacante. Gl. in c. & temporis, 16. q. 1. ver. vnire. Rebuff. num. 11. Azor cit. ca. 28. q. 2. Garcia cit. cap. 2. nu. 7. Petr. Greg. Tholos. de benef. cap. 20. nu. 2. Primus modus unionis est, si ex duobus beneficiis fiat vnum: v. g. ex duobus episcopatibus, quorum redditus tenues sunt, vnus episcopatus auctoritate Papæ: vel ex duabus parochiis vna parochia, auctoritate Episcopi, teste Rebuffo nu. 11. & Gratiano ad c. decimas. 16. q. 1.

Alter modus est, si vnum beneficium alteri vniatur tanquam accessorium principali, de quo est textus in c. extirpanda, §. qui verò, de præben. Et hæc unio operatur quasi extinctionem beneficii vniti; ut beneficium per se non censeatur, ideòque nec vacare debeat; quia assumit naturam, qualitates, ac privilegia beneficii principalis, cui adhæret, sicuti docet Gl. in cit. c. & temporis, & alia Gl. c. super eo, ver. non obuiet, de præben. in 6. Rebuff. nu. 12. Selua. pa. 3. de benef. q. 12. num. 64. Cæsar Lambertinus de iure patronatus q. 7. princip. ar. 7. Io. Nicol. Delphinus de iure patr. li. 2. q. 41. nu. 225. Garc. p. 12. c. 2. nu. 13.

Corollarium I. In beneficii impetratione solius principalis mentio faciendæ est; quo concessio, vel collatio

venit etiam accessorium, sicut ex communi docet Ioan. Baptista Caccialupus tract. de vnione, art. 8. q. 7. & late Alphonsus Hoieda p. 2. de compatib. beneficiorum, ca. 3. nu. 2. Garcias p. 12. ca. 2. nu. 12. cum Gl. in c. gratia, ver. de iure, de rescriptis, in 6. vbi docent, quod facta collatione beneficii principalis, habetur etiam alterum vnitum; ita vt eius collatio necessaria non sit: & simili ratione accepta possessione principalis beneficii, habetur etiam possessio vniti.

Corollarium II. Si parochialis Ecclesia vnita sit canonicatui, vel dignitati, non attenditur ætas XXV. annorum, quæ ad Parochiæ curam requiritur; cum eam institutus non per seipsum, sed per vicarium sufficientis ætatis regere debeat: sed sufficit ei ætas, quæ in canonico, vel dignitatem habente postulatur, sicut docet Garcias nu. 26. Vide etiam Petrum de Perusio, de vnione Ecclesiarum, cap. 7.

Corollarium III. ex Rebuffo n. 17. Beneficium minus dignum oportet vnire magis digno, v. g. capellaniam canonicatui Ecclesiæ Cathedralis, iuxta c. postulasti, de præben. Item Ecclesiam parochialem Cathedrali præbendæ, iuxta c. super eo, eod. in 6. Non autem vice versa, magis dignum minus digno vniri debet, seclusa plenitudine potestatis Papalis: Quia non decet, vt quod magis dignum est, accessorium fiat minus digni: licet contrarium senserit Gl. magna in cit. c. super eo, not. 1.

Tertius modus vnionis est, si duo beneficia, puta duæ Ecclesiæ, ita sub eodem Rectore vniantur, vt tamen propriam naturam, qualitates, & priuilegia sua retineant, & neutrum alteri subiiciatur, aut adhæreat; sed vtrumque suum titulum retineat, & ideo de vtroque in impetratione alterius beneficii mentio facienda sit. Deinde, si duo illa beneficia diuersis Episcopis, aut Metropolitanis subsint, nenter eorum ius conferendi per talem vnionem amittit; sed vterque concurrere debet ad collationem, aut confirmationem, sicut ex communi docet Garcias p. 12. c. 2. n. 47. & colligitur ex Gl. in cit. c. & temporis. Attamen in vnione secundi modi, qui est per accessionem, sufficit consensus Prælati maioris beneficii: cum enim beneficium vnitum accessorie, non censeatur vacare, ideo eius collatio secundum se cessat.

Potestas vniendi beneficia, & Ecclesias quascunque in primis ad sum. Pontificem spectat: cum in beneficiis plenam potestatem habeat, c. 2. de præb. in 6. Interim verò potestas reliqua visitandi, subditos puniendi &c. non adimitur Episcopo, sub cuius diœcesi ac iurisdictione ante vnionem, Papæ, vel Legati eius auctoritate factam, beneficium situm erat, c. 2. de relig. domibus.

Secundò, Episcopus ob istam causam in perpetuum vnire potest beneficia suæ diœcesis, quæ neque exempta, neque summo Pontifici specialiter, ac perpetuò reseruata sunt. Prior pars habetur in c. sicut vnire, de excess. Prælatorum: *Sicuti vnire Episcopatus, atque potestati subiicere alienæ ad sum. Pontificem pertinere dignoscitur; ita ad Episcopum Ecclesiarum suæ diœcesis vnio & subiectio.* Eademque ratione ordinariæ potestatis ad Episcopum, vel alium simili iurisdictione præditum spectat, beneficium aliquod iusta de causa omnino extinguere; sicuti & vnum in duo diuidere, sicuti docet Innoc. c. vn. ibid. Abb. n. 20. Vt Ecclesiastica beneficia sine diminut. conferantur. Nau. lib. 3. consil. 27. num. 1. de præb. edit. 1. Garcias p. 12. de benef. in princ. Posterior verò pars exceptiua clara est, quod nimirum Episcopus vnire non potest beneficia exempta à iurisdictione sua; neque ea quæ Papali collationi, seu prouisioni specialiter, & in perpetuum reseruata sunt; cuiusmodi sunt v. g. dignitates maiores in Cathedralibus, & primæ in Collegiatis Ecclesiis. Nam qui beneficium conferre non potest, ob defectum iurisdictionis, multò minus

vnire potest.

Alia verò ratio est, si collatio beneficii ad Papam deuoluta sit, puta ob negligentiam conferendi; nihilominus enim ab Episcopo vniri posse, docent Canonistæ apud Alexan. de Neuo c. sicut vnire, n. 6. de excess. Prælator Nau. lib. 3. consil. 12. de rebus Ecclesiæ non alien. edit. 2. Azor t. 2. lib. 6. c. 28. q. 15. Sanchez lib. 7. moral. c. 29. n. 149. Alia item ratio est, si beneficia generaliter reseruata sint, vt v. g. eorum collatio mensibus alternis ad Papam spectet: tali vnionem Episcopo prohibitam non esse, docet Garcias p. 12. c. 2. n. 104. & sumitur ex doctrina Petr. de Perusio, de vnionib. c. 4. n. 24. Petri Rebuffi in praxi, tit. de vnionibus. n. 31. Facta autem tali vnione ob causam legitimam, extinguitur mensis Pontificius, quem Papa, tanquam supremus ordinarius collator, sibi reseruauit; propterea quod beneficium cum effectu vnitum eo ipso extinctum censeatur, vt deinde amplius non vacet, nec conferri debeat, sicuti supra dixi, & notat Rebuffus ibid. Dummodo talis vnio non fiat in fraudem: puta si ea vacantia non in mense ipsius Ordinarii, sed Pontificio vnire attentet, talis vnio prohibita est. Idemque sentiendum, si statim vacaturum existimetur in mense Pontificio, videlicet instante morte beneficiati, sicuti notauit Rebuff. cit. n. 31.

Altera exceptio: Tempore, quo beneficia affecta sunt, v. g. alicui expectanti specialiter reseruata; item, si sint alicuius Familiarium Papæ, per quorum obitum in curia vacabunt, ordinariè non potest Episcopus vnionem instituere; aut saltem vnio effectum suum non obtinebit, sed suspensa erit, donec beneficium iterum vacauerit per mortem, vel priuationem instituti à Papa; sicuti docent Selua p. 3. quæst. 11. qual. 14. Aneas de Falconibus de reseru. benefic. quæst. 4. Abb. in c. sicut vnire, num. 7. de excess. Prælat. ibidem Alexan. de Neuo, Caccialupus de vnionibus, a. 4. q. 6. Garcias cit. c. 2. num. 93. & 105. Sanchez n. 150. Azor to. 2. li. 5. c. 20. q. 17.

Dixi autem ordinariè: nam in certis casibus ipsum ius talem vniendi facultatem Episcopo tribuit, non obstante reseruacione. Ita in Trident. sess. 21. c. 5. de reform. conceditur Episcopo, vt propter paupertatem Ecclesiarum parochialium, iis vnire possit alia beneficia; quamuis essent generaliter reseruata, aut qualitercunque affecta: idque notauit Garcias num. 100. Et sess. 23. c. 18. vt beneficia qualiacunque simplicia, licet reseruata, & affecta, vnire possit ad erectionem seminarii Clericorum. Et sess. 24. cap. 15. de reform. vt ad augendas præbendas, si nimis tenues sint, Ecclesiarum Cathedralium vel Collegiatarum, liceat Episcopo beneficia simplicia vnire, vel omnino suppressere; non obstante quacunque eorum reseruacione generali vel speciali, aut affectione. Quare in his casibus effectus vnionis propter reseruacionem non impeditur; modò vnio facta sit ante beneficii vacationem: postea enim, cum vacat, eiusque collatio ad Papam spectat, vnionem fieri non posse, ex Cardinal. declarat. sess. 25. c. 15. monet Garcias n. 102.

Tertia exceptio habetur in Trident. sess. 14. c. 9. Ne beneficia vnius diœcesis vniantur cum beneficiis alterius diœcesis.

Quarta exceptio habetur in Trident. sess. 24. cap. 13. de reformat. *Ne Ecclesiæ Parochiales Monasteriis quibuscunque, aut Abbatibus seu dignitatibus, aut præbendis Ecclesiæ Cathedralis vel Collegiæ, alijsue beneficiis simplicibus vniantur:* quæ tamen antea vnita erant, non infirmantur; sed præcipitur, vt reuideantur ab Ordinario. Et notat Garcias num. 87. ex Cardinalium declaratione, vnionem Parochialium Ecclesiarum ad eò prohibitam censeri in Tridentino, vt neque pars fructuum ex iis applicari possit Monasteriis, dignitatibus, alijsue præbendis, sine

licentia Papæ, idque apertè colligitur ex sess. 25. cap. 16. Sed limitatio ibi indicatur, vniuersim in hac materia tanquam regula obseruanda: Si beneficium à tempore, cuius initii nulla extat memoria, sine collatione propria, & vt vnitum alteri possessum fuit, in dubium reuocari non debet; tamen si modò titulus, aut instrumentum vnionis legitime factæ exhiberi nequeat, sicuti tradit etiam Mascardus vol. 1. concl. 179. & vol. 3. concl. 1411. Garcias cit. cap. 2. num. 231. vbi addunt, tempus 40. annorum, cum titulo præsumpto, ad præscribendam vnionem, sufficere, idque colligitur ex Trident. sess. 7. c. 6. de reform. Vide Sanchez lib. 7. moral. c. 29. n. 178.

Corollarium. Si beneficia, quamuis curata, à tempore immemoriali vnita fuerunt Monasteriis, Ecclesiis Collegiatis &c. cessat in iis mensis Pontificius, quem Papa, tanquam collator vniuersalis, secundum concordata, suæ collationi reseruauit: consequenter cessat etiã ius præsentandi Rectorem, aliũque beneficiatum, quod in eisdem alternis mensibus ex Sum. Pontificis concessione competit quibusdam secularibus Principibus in beneficiis non patronatis.

Tertiò; Capitulum, vacante Sede, vnionem beneficiorum cum suprã dictis exceptionibus instituere potest: ita tamen, vt per eam iuri Episcopali nihil derogetur, sicuti ex communi docet Rebuffus num. 36. Garcias n. 67. Sanchez n. 155. Azor to. 2. lib. 6. c. 28. q. 9. Quamquam Capitulum sibi ipsi beneficium vnire non potest, neque eiusmodi vnioni ab Episcopo faciendæ consensum præbere: sicuti nec ipsemet Episcopus suæ mensæ beneficia, sine Papæ licentia, directè ac principaliter vnire potest: sed tales vniones irritæ pronuntiantur in Clem. si vna, de rebus Eccles. non alienan. §. fin. Quia nemo in proprio facto auctoritatem præstat. Dixi autem directè, & principaliter: Etenim Episcopus exigente causâ non prohibetur beneficia vnire fabricæ Ecclesiæ, aut seminario Clericorum; licet per accidens inde vtilitas in ipsummet Episcopum, vel Capitulum Cathedrale deriuetur, sicuti notauit Garcias num. 68. & 169. Deinde, si Canonicorum præbendæ nimis tenues sint, ad earum augmentum, simplicium beneficiorum vnionem ab Episcopo, cum consensu Capituli, fieri posse, habetur in Trident. sess. 24. c. 15. de reform. & videri potest Azor cit. c. 28. q. 17. Garcias, n. 171. Denique, si alicubi consuetudo præscripta sit, vt Episcopus etiam sine Capituli consensu, vniones beneficiorum instituere possit; tunc nihil obstat, quin ea sua auctoritate mensæ Capitulari directè vniat.

Quartò, Legatus à latere vnire potest beneficia suæ prouinciæ non minùs, quàm Episcopus: quia potest omnia quæ Episcopus. Et ita docent Abb. in c. sicuti vnire, num. 5. Rebuffus lo. cit. n. 24. Hoieda de compatibil. beneficiorum p. 2. c. 3. num. 7. Azor cit. c. 28. q. 8. Garcias cit. c. 2. num. 65. Sanchez cit. c. 29. num. 158. & fusè Caccialupus de vnionib. a. 3. Idque facere potest Legatus non requisito consensu Episcopi: quandoquidem concurrat cum eo in potestate, vti constat ex iis quæ dixi lib. 1. tract. 4. c. 7. §. 6. & videri potest Garcias num. 222. Modò vnio non ita instituatur, vt in aliis iuri Episcopali derogetur, vti constat ex c. vlt. de confirmat. vtili, vel inutuli.

Porro, aliæ personæ Ecclesiasticæ, quæ Episcopalem, vel similem, aut maiorem iurisdictionem non habent, communi iure, seu secluso speciali priuilegio, aut legitima præscriptione, beneficia vnire non possunt; etiam si ea conferendi ius habeant. Non enim qui beneficia conferre potest, illicò etiam vnire potest: quia maior censetur esse potestas vniendi, quàm conferendi, sicuti notant DD. in Vicario generali Episcopi, qui accepta etiam potestate beneficiorum conferendi, tamen sine speciali mandato vnionem beneficiorum instituere non potest, teste Hoieda l. cit. Petr. de Perusio de vnion cap.

4. in fine, Rebuff. in praxi de vnionibus, num. 37. Azor cit. lib. 6. c. 28. quæst. 10. Garcia num. 69. Sanchez num. 153. Qui autem beneficia conferre non potest, multò minùs vnire potest; v. g. Legatus Papæ non à latere, sicuti docet Garcias n. 66. ex c. 1. de officio Legati, in 6.

Causæ vnionis faciendæ nominantur duæ in c. exposuisti, de præbend. *Euidens necessitas, vel vtilitas*. Puta, si duæ Ecclesiæ vicinæ pauperes sint, vt ad victum duorum non sufficiant, c. vnio, 10. quæst. 3. Clem. ne in agro, §. adhæc, de statu Monachorum. Si fructus beneficii, v. g. dignitatis alicuius, vel canonicatus nimis tenues sint, vt idoneus non reperiatur qui acceptare velit, cit. c. exposuisti. Si Ecclesia ab hostibus deuastata sit, c. 2. de religiosis domibus, & notat Gratianus ad c. vlt. 25. q. 2. Si populus bello, aut peste imminutus, c. ad audientiam, c. vlt. de Ecclesiis edific. c. & temporis, 16. q. 1. Si status alicuius Monasterii, vel Ecclesiæ deformatus sit, & disciplina non seruetur, arg. c. relatum. Ne Cler. vel Monachi. Vide Caccialupum a. 5. Sanch. n. 161. Rebuffum. num. 38. & seqq. Hoieda cit. c. 3. n. 8. Azor q. 13. Imò, si causâ talis, præsertim necessitatis, suadeat, tenetur Episcopus vnionem instituere, & à Sum. Pontifice cogi potest, arg. c. nullus, de iure patronatus, & docent Caccialupus, Hoieda Rebuffus l. cit. Notat verò Abbas in citat. c. exposuisti, num. 6. licet euidens prærogatiua personæ præbeat causam dispensandi super pluralitate; non tamen vt vnietur vnum beneficium alteri: quia per hoc ipsi beneficio perpetuum præiudicium adfertur, cum fiat accessorium alteri.

Forma, & solemnitas ad vnionem requisita in his consistit: I. Vt antecedat cognitio causæ, sicuti colligitur ex Clem. si vna, de rebus Ecclesiæ non alienandis. Alioquin enim vnio subreptitia censetur, vt, nisi iustitia causæ probetur, rescindenda sit, sicuti docet Rebuff. in praxi, de vnione, Gl. 9. & significat Trident. sess. 7. ca. 6. eiusmodi vniones irritas declarandas esse, nisi quadraginta annorum præscriptione firmatæ sint.

II. requisitum. Vt vocentur ij quorum interest, siue in quorum præiudicium vnio cedere potest, iuxta reg. 29. in 6. *Quod omnes tangit, ab omnibus approbari debet*. Idque indicatur in cit. Clem. si vna, & cit. Clem. ne in agro, §. adhæc, & docent Caccialupus a. 6. Rebuffus Gl. 11. Petr. de Perusio cap. 5. Quamobrem, si beneficium vniendum sit iuri patronatus, requirendus est consensus Patroni seu Ecclesiastici, seu laici, sicut infra dicam cap. 13. q. 5. corol. 2. & indicat Trident. sess. 24. c. 15. ibi. *Cum patronorum consensu*. Deinde requiritur consensus inferioris collatoris, seu Prælati, ad quem talis beneficii collatio, vel administratio alioquin pertinet, sicuti colligitur ex cit. §. Adhæc. Quia non minùs collatori ius conferendi Prælati ius administrandi, quàm Patrono ius præsentandi per vnionem adimitur. At verò beneficiatus, seu immediatus Rector beneficii, quod vniendum est, vocari necessariò non debet, sicuti constat ex cit. Clem. si vna, iun. Gl. ver. vocatus, & docet Abb. in c. consultationibus, n. 2. de donat. cum eius nihil interfit: quandoquidem ante illius mortem vni executioni mandanda non erit; seu, vt aliis verbis dicam, vnio ante beneficii vacationem instituitur, non vt statim sit; sed posteaquam vacauerit, sicuti annotauit Nau. lib. 1. consil. 1. n. 11. de restit. spoliat. Rebuff. Gl. 11. n. 8. Garcias n. 223.

III. Communi iure requiritur consensus Capituli, si vnio ab Episcopo, vel simili Prælati faciendâ sit sicut colligitur ex cit. Clem. si vna, & cit. c. pastoralis, & docet Gl. in cit. Clem. Ne in agro, §. adhæc, ver. assensu, Abb. in c. sicut vnire, n. 2. de præbend. Rebuff. cit. Gl. 11. n. 2. Rodriq. to. 3. regul. q. 80. a. 1. San-

chez n. 164. Garcias n. 145. Verum, si Capitulum, aut si quorum interest, sine iusta causa contrahant, poterunt ad consentiendum à Papa compelli; imò ipsi etià inuitis Episcopus ad vñionem faciendam quandoque procedere, si causa necessitatis notoria sit, sicuti docet Caccialupus cit. a. 6. n. 2. Azor to. 2. lib. 6. cap. 28. q. 12. Sanch. l. c. Exemplum habemus; si Ecclesia patronata nimis tenues redditus habeat, & patronus ad sufficientem Rectoris sustentationem adiuuare nolit, ipso etiam inuito, alteri Ecclesie vniri potest, sicuti declarant Cardinales super sess. 21. cap. 5.

CAP. X.

DE INSTITVTIONE, ET COL-
latione Ecclesiasticorum benefi-
ciorum.

S V M M A R I V M.

- 1 Beneficia Ecclesiastica alia electiua sunt, alia patronata, & alia liberè collatiua.
- 2 Papa tribus potissimum modis beneficia confert: I. Iure prauentionis II. Iure concursus. III. Iure deuolutionis.
- 3 Per Concordata Germania beneficiorum non patronatorum collatio alternis mensibus ad Papam spectat.
- 4 Episcopus, vel simili potestate pradius est ordinarius collator beneficiorum sua diocesis; sed cum consensu Capituli, spectato communi iure. Quomodo etiam susceptio Monachi ad Abbatem spectat, cum consensu Conuentus.
- 5 Capitulum, vacante Sede, non confert beneficia libera, quorum collatio ad Episcopum proprie spectat; instituit tamen presentatos à Patronis, confirmat electos, recipit resignationes causa permutationis, vñi beneficium postulante causa.
- 6 Vicarius generalis, licet beneficia conferre non possit, attamen presentatos instituit, electos confirmare potest: cum hi actus necessitatis ac iustitia sint.
- 7 Legatus à latere concurrebat cum Ordinario in collatione beneficiorum.

NOTANDVM est primò; Institutionem in beneficiis Ecclesiasticis tribus modis fieri, sicuti notauit Abb. in c. auctoritate, n. 7. de Institut. Azor to. 2. lib. 6. c. 25. paulò post principium. Primò, Per electionem v. g. Canonicorum, quam deinde Superior confirmat, si eum, qui electus est, idoneum ac dignum esse intelligat. qua ratione Ecclesiarum Prælati institui solent. Secundò, Ad præsentationem Patroni, Ecclesiasticus Prælati cogitur instituire præsentatum, si idoneus sit, c. decernimus, 16. q. 7. Et hæc beneficiorum collatio facta præsentato, proprie dicitur *institutio*. qua ratione plerique Parochi, & Capellani institui solent. Tertiò, Conferuntur beneficia, v. g. personatus, canonicatus liberè, cui volueritis, ad quem collatio pertinet; modò ille idoneus sit, c. relatum, de præbendis. Quamobrem Ecclesiastica beneficia triplicis generis existunt; *Electiua*, *Patronata*, & *Libera*, siue collatiua.

Notandum est secundò; Quòd omnis collatio fieri debet beneficii vacantis, vt docent DD. in c. 1. & 2. de concessione præb. & videri potest Reb. in praxi beneficii, tit. de reprobata beneficiorum viuientium impetrat vbi ait n. 35. & 41. quòd beneficium non vacans promitti non potest, tamen proxime vacaturum non sit. Et Abb. in c. vlt. num. 6. eod. tit. quòd nec collator, puta Episcopus, promittere possit beneficium vacaturum, nec præsentator seu patronus promittere, præsentationem ad beneficium nondum vacans. Cui consonat Trident. sess. 24. c. 19. vbi omnes gratiæ expectatiue abrogatæ, seu inferioribus Papa collatoribus prohibita sunt. Quo loco Cardinales colligunt, non posse erigi canonicatum supernumerarium ad futuram præbendam: neque Capitula Ecclesiarum posse canonicos supernumera-

rios creare super futura præbenda: Quamuis hoc non in omnibus Ecclesiis receptum est. Ratio autem dictarum constitutionum affertur in cit. c. 2. & c. constitutus, de concess. præben. ne quis mortem alterius desiderare possit, si sciat in eius locum se suffectum iri.

Notandum tertio; Interdum accidit, vt Ecclesiasticum beneficium vacet de iure tantum, & non de facto: quo casu, si possessio beneficii manifestò iniusta sit, nulla eius ratio habenda; sed perinde alteri conferri potest, ac si nemo in possessione existat. Sincedò possessio eius colorata sit, non censetur vacare de facto; esto fortasse vacet de iure: quare in hoc casu possessor prius de possessione amouendus est, quam beneficium alteri conferatur: neque ipse Papa præsumitur alicui beneficium conferre velle, in cuius colorata possessione alius existit, nisi prius de iure possessionis cognoscatur, sicuti docet Abb. in c. cum nostris, de concess. præbenda. His positis, dicendum est, quinam ordinarii beneficiorum collatores sint.

Collator supremus & vniuersalis omnium beneficiorum, seu libera sint, seu non libera, aut electiua, est Papa c. 2. de præb. in 6. Clement. 1. vt lite pendente. Quia ipse est supremus dispensator bonorum Ecclesiasticorum, & Superior omnium Clericorum & Episcoporum. adeoque Ordinarius siue Episcopus Episcoporum, sicuti antiquitus appellari solitus erat apud Baron. Anno Christi 142. n. 4. & An. 216. n. 4. Seuerinum Binium in notis Concilii Carthag. sub Cypriano Episcopo. Vi de etiam c. cuncta per mundum, c. per principalem, 9. q. 3. Gl. in c. felix, ver. priuata, de pœnis, in 6.

Tribus potissimum modis Papa beneficia conferre solet, teste Rebus. in praxi, tit. de deuolutionibus, §. 46. Primò. Iure prauentionis, cum alicui confert gratiam expectatiuam, ad beneficium primò vacaturum, iuxta c. dudum, de præb. in 6. Quòd speciale est priuilegium Papæ, neque alteri concessum, beneficium nondum vacans certæ personæ promittere, & ad illud ius dare, sicuti constat ex c. dilectus, 1. de præb. c. relatum, de concessione præbend. & c. 2. eod. in 6. Idque ne occasio capteretur alteri mortem machinandi, sicuti notauit Abb. in cit. c. dilectus, n. 3. Quo cum non pugnat, quin receptus in canonicum cum promissione præbendæ, eandem exigere possit, cum occasio se obtulerit, iuxta cap. relatum de præb. iun. Gl. ver. in promissis, & altera Gl. c. 2. de concess. præb. in 6. Quia recepto in canonicum de iure præbenda debetur, oblata occasione, iuxta cit. c. dilectus, de præb. & docet Abb. in c. cum super, h. 5. de concess. præb. Ergo meritò eam postulat, non ex vi promissionis præcisæ; sed ratione obtentæ canonicæ: incongruum enim est, vt canonicus sine præbenda sit, ait Abb. in cit. c. relatum, n. 6. Vbi tamen monet, si post illius receptionem, alius receptus fuit ex mandato Papæ, hunc illi in assecutione præbendæ præferendum esse, iuxta c. hi qui, de præb. in 6. Quia licet alter sit prior tempore, non tamen habet ius per se ad directè ad beneficium primò vacaturum, sicuti posterior. Quare in tali casu collatio præbendæ vacantis validè ab Episcopo, vel Capitulo fieri posset ad excludendam personam, quæ ab ipsis recepta fuerat; non item ad excludendam personam, quæ auctoritate Papæ recepta erat, cum expectatione præbendæ primò vacaturæ, sicuti notauit Abb. c. inter cetera, n. 6. de præb.

Præterea, Legatus à latere, licet ius ad beneficium vacaturum nemini dare possit, non tamen prohibetur beneficium vacaturum reseruare suæ collationi, etiam pro certa persona, iuxta c. cum dilectus, de iure patron. c. pen. de offic. Legati, in 6. Quia per talem reseruacionem nihil iuris acquiritur personæ illi: quandoquidem Legatus propositum mutare, & alteri conferre non prohibetur, sicuti notauit Abb. in c. dilectus, 1. n. de præb. & Azor cit. c. 25. q. 6.

Secundo, *iure concursus*: nam Papa concurrat cum quolibet Ordinario in potestate & iurisdictione, ait Rebuf. l. c. nu. 47. Abb. in c. quia diuersitatem. nu. 3. de concess. præb. in quo habetur, Papam vacantia beneficia conferre posse, etiam nulla interueniente defidia, vel negligentia inferioris Ordinarii collatoris. Nam quamuis Papa potestatem conferendi Ordinariis dederit, sibi tamen maiorem reservauit, iuxta c. dudum, §. nos igitur, de elect. in 6. Quia propter inter Papam & reliquos inferiores Ordinarios datur locus præuentioni; ita, ut qui prior contulit, eius collatio rata sit: sin vero dubium, quæ collatio prius facta fuerit, potior erit conditio possidentis. Si autem neuter ex prouisis possideat, is cui Papa, eiusue Legatus contulit, erit alteri, propter conferentis ampliorem prærogatiuam, præferendus. Ita habetur in c. si à Sede, de præb. in 6.

Ad vitandam verò confusionem in concordatis Germaniæ inter Sedem Apostolicam & Fridericum Imperatorem, per constit. Nicolai V. quæ incipit *Ad sacra* & alterni menses Pontificiæ collationi reservantur; videlicet Ianuarius, Martius, Maius, Iulius, September, Nouember; ut beneficia tam curata, quam non curata, si in his mensibus vacent, ab ipso conferri debeant: Reliqui verò menses Ordinariis collatoribus relinquuntur. Permittitur insuper, ut si post tres menses à die notæ vacationis in loco beneficii, nulla dispositio vel gratia Papalis appareat, Ordinarius ad collationem liberè procedere possit. Quamquam si appareat, Papam intra tres menses prouidisse, licet prouisio ad locum beneficii non peruenerit, præsertim sine culpa prouisi, collatio Papæ haud dubiè acceptanda est, sicut colligitur ex declaratione Greg. XIII. in Bulla 42. *Quæ in Ecclesia*. Præterquam, quod Papa ex plenitudine potestatis suæ, etiam derogare possit concordatis, atque post tri mense tempus in mensibus sibi reservatis; quin imò etiam in mensibus Ordinariorum, beneficia conferre: licet id non solet sine grauissima causa; sicut nec præiudicare solet iis, quibus ius quæsitum est. Videri potest Georg. Branden super concordata Germaniæ, q. 8. & q. 12. prope finem, & eiusdem notab. 1. Garcias p. 5. c. 1. num. 15. & seqq.

Cæterum ea beneficia patronata, in quibus ius præsentandi ad laicum pertinet ex constructione, fundatione, dotatione, non solet Papa facili sibi reservare, aut præueniendo conferre: quare necesse est in literis Apostolicis specialem mentionem fieri derogationis iuris patronatus laicorum: alioquin ea non præsumitur, sicut ex communi docet Rebuf. num. 50. Couar. in pract. qq. c. 36. Garcias p. 5. de beneficiis, c. 1. n. 571. Less. c. 34. dub. 8.

Tertiò conferuntur beneficia à Sum. Pontifice iure deuolutionis, de quo dicam c. seqq.

Post Papam, Episcopus est ordinarius collator beneficiorum tam patronatorum, quam liberorum, existentium in diocesi sua, sicuti constat ex c. 1. de capel. Monach. c. cum & plantare, §. in Ecclesiis, de priuileg. c. cum ex iniuncto, in fine, de hæreticis, vbi Abb. n. 2. admonet, quod Episcopus fundatam intentionem habeat super institutione, ac destitutione in beneficiis suæ diocesis: Si autem alius sibi vendicat, probare debet iure speciali id sibi competere. Et quod dico de Episcopis, intelligi etiam debet de Prælati similem Episcopali iurisdictionem continentibus, qui videlicet pleno iure ab Episcopo exempti sunt, etiam quoad populum: nam & his institutio, ac destitutio beneficiorum competit sine dependentia ab Episcopis, sicuti notauit Gl. in c. vn. de Capeliis Monach. ver. ipsis, Abb. c. in Lateranensi, n. 4. de præben.

Porro Episcopus in collatione beneficiorum adhibere debet consilium, imò etiam conferens Capitulum, alioquin irritam fore institutionem, significatur in c.

nouit, de his quæ sunt à Prælati &c. iun. Gl. ver. c. rere. C. ea nōscitur, eod. tit. habetur; Quod Prælati regularis, ad quem ius præsentandi spectat, cum consensu Monachorum repræsentare debeat; alioquin firmitatem non obtineant. Vbi tamen excipitur, nisi legitime præscripta consuetudine, aut priuilegio obtinuerit Prælati, ut sine Capituli consensu præsentare possit. Imò in c. cum Ecclesia, de electione defenditur consuetudo Tusciæ, ut in Cathedralibus Ecclesiis solum Capitulum, irrequisito Episcopo, eligendi Canonicos habeat potestatem. Quia simili ratione ait Abb. in cit. c. cum ecclesia, &c. officij, in fine, de elect. Suspensionem Monachi communi iure pertinere ad Abbatem cum consilio, vel etiam consensu Conuentus, per consuetudinem verò obtineri posse, ut ad solum Conuentum pertineat. Denique quod de Prælati Episcopo subiectis habetur in cit. c. vn. & cit. c. in Lateranensi, &c. ea nōscitur, De his quæ sunt à Prælati &c. ut Clericos ad Ecclesias sibi subiectas cum Capituli sui consensu præsentent Episcopo, à quo instituantur; id limitari debet, nisi institutio, vel collatio iure speciali ad ipsosmet pertineat, sicuti annotauit Abb. c. ex frequentibus, nu. 2. & c. ult. de institut.

Capitulum, vacante Sede Episcopali, tametsi conferre non possit beneficia libera, si eorum collatio ad solum Episcopum spectet, sicuti notat Gl. recepta in c. his quæ, de maior. & obed. & dixi lib. 1. tra. 4. cap. 7. num. 13. Quia talis collatio est veluti species donationis ac gratiæ, iuxta c. relatum, de præben. & notauit Gl. in c. 1. de Instit. in 6. ver. non possit. Abb. in c. cum olim, nu. 2. de maior. & obed. Nihilominus potest Capitulum, vacante Sede, à Patronis præsentatos ad beneficia instituere, ut habetur in cit. c. 1. & electos confirmare, vel ob causam iustam infirmare, iuxta c. cum olim, de maior. & obed. Item recipere beneficii resignationem, non liberam, sed quæ sit causa permutationis, sicuti docet Rebuffus tit. de reuolut. n. 95. Garcias p. 5. c. 7. num. 72. Denique causa exigente, Capitulum beneficia vnire potest, dummodo nihil detrahatur iuri Episcopali, sicuti docet Petrus de Perusio, de vnionibus c. 4. n. 29. Rebuffus n. 100. Horum omnium ratio est: Quia iura, vacante Sede, indulgent Capitulo episcopalem iurisdictionem, causa necessitatis; ne ex defectu Superioris, periculum generetur, sicuti notat Gl. cit. in c. his quæ, ver. pro bono pacis. Abb. in c. 2. Ne sede vacante &c. Rebuff. n. 86. Garcias cit. c. 7. n. 55.

Eademque ratione Vicarius generalis Episcopi, quamuis generale mandatum habeat, beneficia tamen conferre non potest, nisi id speciatim concessum sit, c. fin. de offic. Vicarii, in 6. vbi ratio additur, *quia regulariter donare non potestis, cui bonorum administratio etiam libera commissa est*. Quare neque poterit Vicarius sine speciali mandato præsentare ad beneficium, cuius patronus Episcopus est, sicuti notauit Garcias p. 5. c. 8. n. 82. Nam vtrumque tam conferre, quam præsentare est genus gratiæ & liberalitatis. Nihilominus concessum est Vicario instituere præsentatos, iuxta c. ex frequentibus, de Institution. iun. Gl. Abb. cit. c. cum olim, n. 2. de maior. & obed. Couar. 3. resol. c. 20. n. 7. Et confirmare electos, secundum Gl. in cit. c. fin. ver. non possunt, Garciam n. 84. Item conferre beneficia vacantia ex causa permutationis, si habeat ab Episcopo facultatem recipiendi resignationes, sicut docet Zecchus de benef. & pension. c. 2. Garcias n. 104. arg. c. vn. de rerum permutat. & clem. vn. eod. tit. Quia hi omnes actus sunt necessitatis, & iustitiæ, ut specialem concessionem non desiderent. Veruntamen nihil obstat, quin Episcopus speciale mandatum, vel etiam generale, cum libera, ut vocant, tribuat Vicario suo conferendi beneficia, & alias meras gratias nomine ipsius Episcopi.

Præterea Legati à latere communi iure concurrunt cum Ordinario in collatione beneficiorum, ita ut inter eos locus sit præventioni, iuxta c. si à sede, de præbend. in 6. & c. 1. de officio Legati, in 6. Idque extendendum est primò; Quod conferre possit beneficia vacantia in sua prouincia, etiam si sint de iure patronatus Ecclesiastici, c. dilectus, de offic. Legati, c. cum dilectus, de iure patronatus. Non item quæ sunt iuris patronatus Laicorum, nisi ea deuoluta sint ad Episcopum, propter negligentiam præsentatoris laici, sicuti docet Gl. in Clem. per literas ver. Apostolicis, de præb. Selua p. 2. q. 3. n. 47. Garcias p. 5. c. 3. n. 63. Secundò, etiam ea, quæ spectant ad exemptorum collationem; quippe in quos iurisdictionem habet, iuxta c. 1. de verbor. signif. in 6. Tertiò etiam ea, quæ ad Papam deuoluta; sed eidem non reseruata sunt, teste Gl. communiter recepta in cit. c. 1. de offic. leg. in 6. ver. ampliori. Abb. in c. penult. n. 2. de præb. Syl. ver. delegatus, quæst. 13. Zeccho cit. c. 2. Limitationes verò huius potestatis competentis Legato ad conferenda, aut reseruanda beneficia, vide in c. præsentis, & c. deliberatione, de offic. Legati, in 6. Aliis porro nunciis, siue Legatis non à latere, sine speciali mandato, beneficia conferre concessum non est, sicuti habetur expressè in cit. c. 1. Nisi sint nuncii cum potestate Legati à latere, sicut docet Zecchus ibid. Garcias num. 81.

CAP. XI.

DE BENEFICIORVM RESER-
uationibus, ac deuolutio-
nibus.

SVMMARIVM.

1. Papa reseruata beneficia sunt: I. Dignitates in Ecclesiis maxima post Episcopatum II. Beneficia, quæ vacant per promotionem ad alterum, cuius collatio ad Papam spectat III. Beneficia Cardinalium, Curialium, & Familiarium Papæ, IV. Quæ vacant per obitum legatorum, cursorum, & ad curiam accedentium, vel recedentium, V. Quæ vacant per depositionem, priuationem, translationem auctoritate Pontificis factam.
2. Reseruaciones Papales locum non habent in beneficiis, quæ sunt iuris patronatus laicorum ex fundatione, constructione, dotatione.
3. Imperator Romanus in qualibet Ecclesia preces primarias offerre potest.
4. Si collator beneficium scienter conferat indigno; vel si electores scienter eligant indignum, collatio vel electio irrita est: & collator, vel electores priuantur ea vice potestate conferendi, eligendi.
5. Deuolutio collationis beneficiorum interdum fit immediatè ad Papam; interdum verò fit gradatim ab uno Superiore ad alterum.

V O Ò ad primum attinet; Beneficium reseruatum esse dicitur, cuius collationem Superior, vide licet Papa, sibi propriam vendicat, ut ab aliis Ordinariis conferri non possit. Hac ratione Sum. Pontifex in primis sibi reseruatur collationem dignitatum, quæ post Episcopalem maiores sunt in Ecclesiis Cathedralibus, videlicet apud nos Præposituræ: Item collationem dignitatum principalium (quæ itidem apud nos sunt Præposituræ) in Ecclesiis Collegiatis, sicuti habetur in reg. 3. Cancellariæ, apud Mendosam, q. 21. Garciam p. 5. c. 1. n. 256. Quamquam aliquæ Ecclesiæ speciale indultum Sedis Apostolicæ habent, eligendi Præpositum, ut Augustana Cathedralis.

Secundò reseruatur sibi Papa beneficia quæcunque promouendorum, id est, quæ vacant per ascensionem alterius beneficii, aut dignitatis (v. g. Episcopalis) ab ipso met Papa conferendæ, iuxta reg. Cancellar. & extrauag. Ad regimen, de præben. Neque refert, etsi digni-

tas electiua sit; sicuti in Germania Capitulum Cathedralis habet Episcopum eligendi: si quidem per electionem talem non censetur vacare beneficium prius habitum ab electo; sed primò accedente confirmatione Papali, adepta etiam possessione, sicuti docet Garcias p. 11. cap. 6. n. 5. Georg. Branden super concordata German. q. 7. & 9. & notab. 3. & satis constat ex cit. extrauag. Ad regimen, atque ex Concordatis per Nicolaum V. Quinimò reseruatio ista Papalis locum habet, quotiescunque Papa beneficium confert alicui, habenti alterum incompatible, huius enim ipso iure vacantis collatio Papæ reseruatur, sicuti colligitur ex cit. extrauag. Ad regimen, & notat Garcias p. 11. cap. 5. num. 51.

Tertiò reseruantur omnia beneficia Cardinalium, & Curialium, seu Familiarium Papæ, tametsi extra curiam vacent: ut si Curiales extra curiam moriantur, sicuti colligitur ex cit. extrauag. Ad regimen, & cit. Bulla Nicol. vbi id declarat Georg. Branden. q. 6. idemque sentit Æn. de Falconibus, de reseruatur. q. 3. princip. nu. 15. Adde, in regula Cancellariæ 3. reseruari etiam beneficia familiarium alicuius Cardinalis. Neque refert, etsi tempore obitus non sint amplius officiales; sed dimiserint officium: quia beneficia postquam semel affecta sunt reseruatione Papali, semper manent affecta, sicuti notauit Iacob. Menoch. de arbitrar. qq. cent. 3. casu. 1. num. 111. Gaspar de Perus. de reseruatur. summat. 2. num. 13. Æn. de Falconibus de reseruatur. q. 4. effectu 17.

Quartò, Reseruatur sibi Papa beneficia, quæ vacant per obitum legatorum, & cursorum suorum; item aliorum quorumcunque ad Curiam accedentium, vel inde redeuntium; si in curia, vel in locis ultra dietas à curia non distantibus moriantur. Ita habetur in cit. extrauag. Ad regimen, & cit. c. præsentis, & in cit. Bulla Nicol. V. Ad sacram. Et dicitur tunc beneficium *in curia vacare*, seu apud Sedem Apostolicam, ut specialiter affectum, eiusque collatio Papæ reseruata censetur; adeò quidem, ut facta alicui potestate reseruandi, aut conferendi beneficia, non censentur comprehendi ea, quæ in curia vacant, sicuti habetur expressè in c. 2. de præben. in 6. & docet Æn. de Falconib. de reseruatur. beneficior. q. 4. effectu 6.

Quintò reseruatur sibi beneficia omnia, quæ vacant per depositionem, priuationem, vel translationem auctoritate Sedis Apostolicæ factam: Item ea, ad quæ aliqui in concordia, vel discordia electi, seu postulati sunt; si electio cassata, vel postulatio repulsa, aut renuntiatio ab iis facta, & admissa per eandem Apostolicam auctoritatem fuerit, cit. extrauag. ad regimen, & Bulla concordat Nicol. V. Atque hæc itidem beneficia in curia vacare censentur.

Veruntamen in c. si Apostolica, de præbendis, in 6. specialiter à Bonifacio VIII. constitutum est de beneficiis curatis, seu Parochialibus; ut si ea apud Sedem, siue in curia dictis modis vacare contigerit, vacante Sede Apostolica, Ordinarii liberè conferre possint. Idemque faciendum, licet viuente Pontifice talia beneficia vacarint, si ante obitum suum nihil de iis disposuit. Idque speciale indultum esse, ob fauorem, ne cura animarum d u vacare debeat, notauit Gl. ibid. Ideoque ad alia beneficia reseruata transferri non debet. in quibus proinde regula hæc locum habet: Quæcunque beneficia Papali reseruatione, aut quacunque dispositione seu manus appositione semel affecta sunt, de iis postea disponere Ordinarius omnimode prohibetur, iuxta extrauag. Ad Romani, de præben. & videri potest Gaspar de Perus. de reseruatur. benefic. prælud. 3. Rebus. forma nouæ prouis. §. dummodo tempore datæ. Quamuis Gl. in c. statutum, de præben. in 6. velit, adhuc hodie locum esse constitutioni illi Greg. X. ut si Papa beneficium in

curia

curia vacans intra mensem à die vacationis, non conferat, Ordinarius ad eius collationem procedere possit: Alii tamen apud Garciam p. 5. c. 1. num. 100. notant, dicta extrauag. postea derogatum fuisse per extrauag. Ad regimen, quæ est Benedicti XII.

Denique reseruat sibi Papa alia omnia beneficia in mensibus alternis Pontificiis: vt suprà dictum est, & habetur etiam in reg. Cancellariæ, sicuti videre est apud Garciam p. 5. c. 1. n. 38. Est autem hæc mensium reseruatio personalis, ita vt mortuo Pontifice expiret, atque Ordinarius, dum Sedes Apostolica vacat, omnibus mensibus conferre possit, teste Garcia n. 645.

Porro hæc reseruaciones Papales, quatenus derogatiua sunt ordinariæ collationis Episcoporum, restringi debent: I. Vt locum tantum habeant in beneficiis perpetuis, non in manualibus, seu ad nutum amobilibus, sicuti docet Aen. de Falconib. de reseruati. benef. q. 3. n. 25.

II. Vt locum non habeant in beneficiis Ecclesiæ non numeratis, sed receptiua: id est, in qua non est certus numerus beneficiorum: si quidem talia beneficia nunquam censentur vacare, vt notat Gaspar de Perusio de reseruati. summar. vlt. n. 5. Garcias n. 504.

III. Reseruaciones Papales locum non habent in beneficiis, quæ sunt iuris patronatus laicorum ex foundatione, constructione, dotatione, sicuti ex communi docent Aen. de Falcon. q. 4. effectus 14. Couar. in pract. qq. c. 36. n. 2. Rochus Curtius de iure patron. ver. competens, q. 24. n. 56. Garcias n. 571. Comprehenduntur verò, & reseruantur beneficia, quæ sunt iuris patronatus Ecclesiastici; vel in quibus ius præsentandi laicis competit ex privilegio, aut præscriptione fundata in privilegio, sicuti notat Couar. n. 6. Garcias n. 573. & 580 Gaspar. de Perus. de reseruati. summar. 2. n. 5 ex c. 2. de præb. in 6. Quia Papa non censetur iuri laicorum ex foundatione, vel dotatione acquisito præiudicare velle, nisi id speciatim exprimat.

IV. Sub reseruacione non comprehenduntur beneficia resignata causâ permutationis: quia non censentur propriè vacare, sicuti ex communi docet Gaspar de Perus. loco cit. & summar. 3. n. 4. Aen. de Falconib. q. 3. n. 5. Imò aliqui existimant, neque ea semper sub reseruacione comprehendendi, quæ vacant causa resignationis. Sic enim Georgius Branden q. 12. super concordata existimat, mensem Pontificium locum non habere in beneficiis renunciatis.

Ad extremum scire oportet, etiam Romanum Imperatorem ex Pontificio privilegio, & antiquissima consuetudine, posse in quavis Ecclesia semel preces offerre primarias, quæ admitti debeant ad hoc, vt beneficium in illa vacans, vel proximè vacaturum personæ ab ipso Imperatore nominatæ conferatur. quæ & ipsa species quædam reseruacionis est, ex Pontificio indulto, sicuti notauit Thom. Campegius de reseruati. benefic. nu. 3.

4 Quod ad alterum attinet, videlicet beneficiorum deuolutionem; in primis dicendum: Si collator beneficium indigno scienter conferat; vel electores, puta Capitulum, scienter eligant indignum, id est, incapacem, seu impedimento canonico laborantem, talis collatio seu electio ipso iure irrita est; & collator, vel electores priuantur ea vice potestate conferendi, eligendi; & deuoluitur potestas ad alium, plerumque ad proximum Superiorem. Ita de collatore colligitur ex cap. cum in cunctis, §. Clerici, iun. Gl. ver. conferendis, c. nihil est, ver. canonicam, de elect. & docet Abb. in cit. c. §. Clerici, n. 4. c. dudum, 1. num. 11. eod. tit. De electoribus verò indignum scienter eligentibus, habetur expressè in cit. c. cum in cunctis, §. Clerici, c. innotuit, c. cum Vintoniensis, c. scriptum, de elect. c. si compromissarius, c. quamquam, eod. in 6.

Vt autem in specie sciatur, quid de hac re sentiendum; ita distingue: Si Ecclesiæ Cathedralis Canonici Episcopum indignum scienter elegerunt, collatio deuoluitur ad Papam, sicuti habetur in cit. c. quamquam, Quod limita, nisi pars Canonorum, licet minor, contradicat: tunc penes ipsos pauciores remanebit ius eligendi, iuxta c. gratum, de postulat. Prælat. vbi Abb. n. 5. vniuersim notat: Si plures de Capitulo sint inhabiles, puta excommunicati suspensi, totum ius sine potentia Capitularis residet penes inhabiles. In aliis verò inferioribus beneficiis, in quibus eligendi, vel confirmandi potestas ad Capitulum pertinet, deuolutio fit ad Episcopum, propter negligentiam, vel delictum Capituli, sicut constat ex cit. §. Clerici, cit. c. quamquam, & c. 2. de concess. præb. Idemque dicendum, si alius inferior, puta Abbas non exemptus, beneficia conferre tempore statuto neglexit, vel indigno contulit, deuolui potestatem ad Episcopum, sicuti colligitur ex Clem. vn. de supplen. neglig. Prælat. & docet Abbas cit. n. 5. Quod si etiam Episcopus deficiat, fit deuolutio gradatim ad Superiorem; puta ad Metropolitanum; ab hoc ad Papam, arg. c. Ne pro defectu, de elect. Loquimur de subiectis Episcopo: At verò, si collator, vel electores exēptine negligentiam, aliūmue defectum committant, ob quem iure suo priuantur, potestas deuoluitur ad Papam, sicuti constat ex c. cum singulo, §. prohibemus, de præb. in 6. vbi prohibetur, ne prioratus & administrationes vnius Monasterii alterius Monasterii Monachis committantur; alioquin ordinatores ea vice facultate ordinandi priuati sunt, & potestas ad Episcopum, vel, si ii exempti sunt, ad Sum. Pontificem deuoluatur.

Veruntamen in Clem. vn. de supplenda negligentia Prælatorum, decernitur, vt ad Episcopum, tanquam Sedis Apostolicæ delegatū, deuoluatur beneficia omnia tum secularia, tum regularia, in ipsius diocesi sita, quæ Prælati regulares intra sex menses conferre neglexerūt. Neque in hoc casu deuolutionis, & collationis concurrere potest legatus Papæ: quandoquidem Episcopus habet delegationem specialem, cui non derogat delegatio generalis, sicuti annotauit Petr. Rebuffus in praxi, tit. de deuolution. num. 38.

Sin autem Episcopus negligentiam, vel delictum committat in conferendis beneficiis, quæ ad ipsum spectant iure proprio, & non deuoluto; tunc ius collationis ad Capitulum deuoluitur, iuxta cit. c. cum in cunctis, & c. 2. de concess. præb. Vbi ratio diuersitatis notanda est ex Abb. in cit. §. Clerici, num. 5. inter beneficia spectantia ad Episcopum iure proprio, & iure deuoluto; quod non est tanta communio inter Episcopum & Capitulum in beneficiis deuolutis; sicuti in beneficiis spectantibus iure proprio. Nam in deuolutis Episcopus vtitur potestate, tanquam superior illius, à quo est facta deuolutio: ideo Capitulum non habet in iis communionem; & merito ad alium superiorem fit deuolutio, argum. c. licet, & c. fin. de suppl. neglig. Prælatorum. Sed in beneficiis propriis est communio inter eos: cum Episcopus vnum corpus faciat cum Capitulo suo. Quare idem Abb. annotauit in c. ne pro defectu, num. 6. de elect. Quod Prælatus in expeditione eorum, quæ ad ipsum spectant iure deuoluto, non ita tenetur requirere consilium vel consensum Capituli; sicut in aliis.

Deinde dicendum, quod iam insinuatum fuit, deuolutionem potestatis fieri propter negligentiam, siue conferendi, aut eligendi moram. Si enim beneficia infra episcopatum, & Prælaturam regularem, intra sex menses, à die scientiæ numerandos, cessante legitimo impedimento non conferantur, fit deuolutio ab Episcopo ad Capitulum, & vice versa, & ab his ad Metropolitanum, sicuti suprà dictum est, & habetur in cap. licet, & c. vlt. de suppl. neglig. Prælatorum, cap. 2. cap. dilectus, de concess. præb. iun. e. quia diuersitatem, eod. tit. vbi dicitur: Tempus autem semestre non à tempore

vacationis prebendarum, sed notitia ipsius, volumus computari.

De Cathedralis autem, & regularis Prælatis electione ita habetur in cit. c. ne pro defectu, sumpto ex eod. Lateran. Concilio, c. 23. *Statuimus, ut ultra tres menses Cathedralis, vel regularis Ecclesia Prælato non vacet: Infra quos (iusto impedimento cessante) si electio celebrata non fuerit, qui eligere debuerant, eligendi potestate careant ea vice: ac ipsa eligendi potestas ad eum, qui proximè præf. dignoscitur, deuoluatur.* Fit igitur deuolutio gradatim: sed alia ratio est, si electio Episcopi propter delictum deuoluatur; vel quia ipso iure irrita est, si indignus electus sit; vel per sententiam infirmetur, ob formam electionis non seruata. tunc non ad Metropolitanum, sed statim ad Papam deuolutio fit. vt supra dictum ex c. quamquam, eod. in 6.

Denique adiciamus, causam harum, tum Papalium reservationum, tum deuolutionum, hanc etiam esse, vt Ecclesiarum communicatio ac subordinatio tam inter se, quàm cum Romana omnium matre, & clariùs ostendatur, & faciliùs conseruetur. Vide Lessium cap. 34. dub. 10. num. 48.

CAP. XII.

DE BENEFICIIS ELECTIVIS.

SUMMARIVM.

- 1 Beneficia propriè electiua sunt prælatura; seu in quibus aliquis instituitur, vt sit caput Ecclesiæ.
- 2 Electus ante confirmationem non habet quasi dominium beneficii, ad quod electus est: quare interim administrationem usurpare non debet, neque priora eius beneficia vacare censentur.
- 3 Electio iure communis ad Collegium spectat, ex consuetudine interdum ad alios.
Sufficit electorem esse in quasi possessionem iuris eligendi, licet postea ab eo euincatur.
- 4 Omnes qui ius eligendi habent, ad electionem vocandi sunt.
- 5 Electus intra trimestre spatium confirmationem petere debet; alioquin electio cessat.
- 6 Tres sunt modi seu forma eligendi: I. Per scrutinium. II. Per compromissum. III. Quasi per diuinam inspirationem.
- 7 Compromissum vniui ex se ipsis eligere non prohibentur.
- 8 Postulatio cum electione partiim conuenit; partim autem discrepat.
- 9 Beneficiati Episcopo inferiores ad episcopatum eligi non prohibentur; sed Episcopus ad alium episcopatum postulari debet.
- 10 Postulantes variare possunt, seu mutare consilium, priusquam postulatio Superiori presentata est: cum nullum adhuc ius acquisitum sit ei, in cuius gratiam postulatio concepta est.

DE VPERIUS dictum est de institutionibus beneficiorum generatim; & speciatim de beneficiis collatiuis, seu liberis: nunc autem ex instituto de electiuis agendum.

QVÆSTIO PRIMA. Quid sit electio, aut beneficium electiuum? Respondeo ex doctrina Gl. in c. quia propter, de elect. ver. Ecclesiis viduatis: Beneficium electiuum latè appellatur omne illud, ad quod alicui ius tribuitur per suffragia, & alterius confirmationem: quo modo in quibusdam Ecclesiis non tantum Collegiatis, sed etiam Cathedralibus, dignitas, v. g. Decanatus, electiua est, & confirmatio ad Episcopum pertinet. Verùm talia beneficia nomine electiuorum propriè non comprehenduntur, sicuti notauit Zecchus c. 4. de beneficiis, num. 1. Azor to. 2. lib. 6. cap. 14. quæst. 2. sed solum ea, quæ prælatura sunt, seu in quibus aliquis instituitur, vt sit caput Collegii, & quasi sponsus Ecclesiæ secularis, aut regularis. Quare electio propriè & strictè sumpta definitur ex cit. cap. quia propter, *alicuius personæ ad Ecclesiæ vacantis pastoralem dignitatem canonica vocatio.*

Dicitur *vocatio*, non institutio: quia non tribuit electio ius in re, & quasi dominium beneficii, sed tantum

ius ad rem: quare opus est Superioris confirmatione, per quam plenum ius in beneficio acquiritur. Ex quo sequitur primò; Si electus ante confirmationem moriatur, quod beneficium vacare censetur per mortem non huius; sed prioris Prælati, sicuti videre licet apud Seluam, de beneficiis, p. 3. q. 1. n. 6.

Secundò; Quod electus ante confirmationem, beneficii administrationem usurpare non debeat, c. noli, c. qualiter, vbi Gl. verbo administrationi, de elect. alioquin, priuatur iure ex electione quæsito, cap. auaritia, eod. in 6. Sed neque confirmato, dum alius in possessione est, competit administratio seu episcopalis iurisdictionis exercitium: quia possessorem propria auctoritate spoliare non licet, sicuti notat Abb. in c. transmissam, num. 3. de elect. Adde, quod in exco. 1. de elect. decernitur; vt Episcopi, & Prælati alij omnes, qui à Sede Apostolica promoueri, confirmari; aut consecrari debent, si ante litteras acceptas authenticas, Ecclesiam administrare incipiant, fructuum perceptione priuantur, & eorum acta irrita sunt. Capitula verò, Conuentus, & quicunque alij eiusmodi Prælatos recipiunt, aut eis obediunt, à beneficiis suis suspenduntur.

Tertiò, quod beneficia electi non vacant nisi post confirmationem, imò etiam subsecutam consecrationem, vel saltè post elapsum trimestre tempus à sacris canonibus ad consecrationem definitum, sicuti colligitur ex c. cum in cunctis, §. cum verò, de elect. Quod si confirmatus Episcopus, post eius temporis lapsum, possessionem episcopatus consecutus non est, licet eius alia beneficia vacent quoad titulum; non tamen quoad effectum possessionis & administrationis; quippe quæ interea ipsemet possidet quomodo neque prioris parochialis Ecclesiæ possessio, & iurdictio amittitur, priusquam Parochus capiat possessionem secundi incompatibilis, sicut docet Nau. lib. 1. consil. 14. de elect. edit. 2. Henriq. lib. 10. c. 34. n. 1.

Quartò, percussor Episcopi electi non incurrit excommunicationem XII. Bullæ Cœnæ, imò nec confirmati ante eius consecrationem, sicuti docet Nau. c. 3. man. num. 67. Henriq. lib. 10. c. 34. & videri potest Gl. in Clem. dignum, de celebr. missarum.

Additur in definitione canonica, siue solemnisi vocatio: quia in ea obseruare oportet formam à sacris canonibus præscriptam in c. quia propter, iun. Gl. verbo sanior, de electione. Cæteræ definitionis particule ex supra dictis intelliguntur.

QVÆSTIO SECUNDA. Quibus ius eligendi competat? Respondeo, & dico I. Comuni iure electio ad Collegium spectat. Ita habetur in c. 1. de elect. c. congregatio, 10. q. vlt. Etiam si duo tantum, vel tres in Capitulo, vel Collegio sint, sicuti colligitur ex cit. c. 1. iun. Gl. ver. duo. Quod si nemo adsit præter vnum, aliis mortuis, vel priuatis, etiam in illo vno ius vniuersitatis permanere, testatur Gl. communiter recepta in c. 2. de postul. Prælatorum, ver. pauciores: quamuis seipsum eligere non possit, quia ambitionis notaretur, arg. c. per nostras, de iure patron. & docet Syl. ver. electio, q. 1.

Dico II. Ex consuetudine, vel priuilegio etiam alij, qui non sunt à Collegio, ius eligendi Prælatum consecui possunt, iuxta c. Cumana, iun. Gl. ver. consuetudine, de elect.

Dico III. Qui est in quasi possessione iuris eligendi, conferendi, vel præsentandi, eius electio, collatio, præsentatio rata est; licet postea in iudicio ab illo euincatur, sicuti habetur in cap. querelam, de elect. cap. consultationibus, de iure patronatus, c. cum olim, de causa possess. Qua propter qui à pacifico possessore electus, præsentatus, vel institutus est, præfertur alteri electo, præsentato, instituto à proprietatem habente, sicuti

ex communi docet Abb. in cit. c. quarelam, num. 5. & cit. cap. Cumana, n. 4. Couar. 1. resol. c. 3. n. 6. Ratio esse videtur: Quia bonæ fidei possessor fructus valide alienat: electio autem, institutio, presentatio sunt quasi fructus iuris beneficii, aut patronatus, sicuti notauit Garcias p. 5. c. 5. n. 1. Abb. cit. cap. consultatio- nibus, n. 3.

Dico IV. Potestatem eligendi habere non possunt: I. Excommunicatus, & constitutus, 1. de apell. II. Suspendus ab officio, c. cum dilectus, de consuet. c. cum inter, de elect. III. Irregularis, sicuti colligitur ex c. is qui, §. ult. de sent. excom. in 9. IV. Qui in loco interdicto scienter celebravit, cit. §. ult. V. Eligentes scienter indignum, seu incapacem, c. cum in cunctis, de elect. vbi decernitur, quod eligentes Episcopum, qui trigessimum ætatis annum non exigit; vel ex legitimo matrimonio natus non est; vel vita, aut scientia non commendatus; Item eligentes Decanum, Archidiaconum, aliumue Curatum, qui XXV. ætatis annum non attingit; aut scientia, & moribus commendatus non est, ea vice à iure eligendi, & beneficiis, quæ in eadem Ecclesia obtinent, per triennium suspensi sint. VI. Qui per abusum admittæ secularis potestatis elegerunt: quæ casu ab officiis quoque, & beneficiis in triennium suspendendi sunt, c. quisquis, de elect. iun. Gl. ver. suspendantur, & Abb. n. 8. de elect. Innoc. c. cum in cunctis, §. clerici, eod. tit. VII. Qui tribus mensibus Prælatum eligere neglexerunt, priuati sunt ea vice, c. ne pro defectu, eod. De quo dixi ca. præced. in fine. VIII. Impuberes, c. ex eo quod, de ele. in 6. Imò necesse est eos, qui in Cathedralibus, vel Collegiatis Ecclesiis suffragia dant, vicesimum secundum ætatis annum attingisse; cum debeant esse subdiaconi, Clem. vt ii qui, de ætate & qualitate, qui ordo ante dictam ætatem conferri non debet, post Trident. constit. sess. 23. c. 12. de reformat. IX. Qui in Ecclesiis regularibus, vel Monasteriis expressè, vel tacitè professi non sunt; ite laici conuersi electionibus interesse non possunt, c. ex eo, quod, §. ult. de elect. in 6. Quapropter tales inhabiles ab electione repelli debent: si autem de eorum, habilitate dubitetur, admitti possunt, cum protestatione, quod eorum suffragia non plus valeant, quam de iure debeant, sicuti docent Doctores in c. Cumana, vbi Abb. num. 2. de elect.

QVÆSTIO TERTIA. Quæ formæ, quæque modus in electione obseruandus sit; Respondeo ex cit. c. quia propter, & dico I. Omnes, quibus ius eligendi competit, ad electionem vocandi sunt, c. quod sicut, de elect. Dummodo, qui absentes sunt, commodè vocari possint: spectatis circumstantiis, nec non cuiusque Ecclesiæ consuetudine, sicuti docet Gl. & Abb. in c. coram, de elect. Quod si aliquis in ciuitate vel oppido præsens, propter infirmitatem v. g. accedere non possit, eius suffragium à scrutatoribus nihilominus exquiri debet, sicuti ex communi docet Syl. ver. electio, 1. q. 5. dicto 1. Zechus cit. c. 4. n. 10. arg. l. 5. & seqq. ff. de procurat.

Dico II. Si aliqui ad electionem, legitimo ipsis constituto termino, vocati venire contempnant, vel ab electione iam cæpta exeant; reliqui, sine his, si maior & sanior pars suffragantium est, ad canonicam electionem procedere possunt, arg. c. auditis, de elect. & docet Gl. c. cum nobis, ver. reuocare, eod. tit. Syl. cit. q. 5. dicto 4.

Dico III. Si aliquis existens in possessione iuris eligendi, qui commodè vocari potuit, ac debuit, vocatus non sit, valet quidem electio sine ipso facta: sed potest ille, si velit, contemptum suum prosequi, & electionem infirmare, c. quod sicut c. bonæ, 2. eod. & c. bonæ, 2. de postul. Prælatorum, vbi Abb. n. 7. Syl. cit. q. 5. dicto 5. Cæterum, si quis accedere nolit, iuri electionis pro ea vice renuntiet, ordinatio & communi iure, compelli non potest; nisi eius absentia in præiudicium siue

damnum Ecclesiæ cessura videatur, sicuti docent Abb. & Gl. in cit. c. quia propter, ver. qui volunt, Gutierrez lib. 2. can. qq. c. 11. n. 86. Sotus lib. 4. q. 6. a. 3. in fine. Armilla ver. electio, n. 20.

Dico IV. Si absens, iusto impedimento detentus, accedere non potest, concessum est ei procuratorem, seu mandatarium constituere, qui tamen à Capitulo sit: nā extraneum Canonici recipere non tenentur, iuxta cit. c. quia propter, §. illud, vbi videri potest Gl. ver. venire, & c. si quis iusto, §. porro, de elect. in 6. vbi habetur; Procuratorem, si ex electoribus est, non posse alium suo, & alium nomine mandantis nominare; præterquam si de certa eligenda persona mandatum speciale habeat.

Dico V. Post factam electionem, debet ea, cum primum fieri potest, electo significari, qui nisi intra spatium vnius mensis consensum præbeat, iure consentiendi deinceps priuatus est; modò consentiendi libertatem habuerit. Post consensum verò electioni præstitum, intra trimestre tempus confirmationem petere cogitur; alioquin electio irrita redditur, nisi iusti impedimenti excusatio adsit. Quod si autem electio effectum suum non sortitur; vt quia electus consentire recusat, vel post consensum iuri suo renuntiat, aut vita fungitur, vel propter illud vitium electio irritatur; tunc electoribus ad eligendum de nouo tempus integrum, videlicet, trimestre in Ecclesiis Cathedralibus, & regularibus, sex mensium spatium in aliis Collegiatis conceditur: modò nihil fraudulentum gestum fuerit, c. si Ecclesia, de elect. in 6. iun. Gl. ver. integrum.

Dico VI. Tres sunt modi seu formæ eligendi: Primus est per scrutinium, siue collectionem suffragiorum: in qua necesse est, vt maior, ac sanior pars præsentis Capituli in eundem consentiat, sicuti habetur in cit. c. quia propter, c. In genesi c. Ecclesia vestra, 1. & 2. de elect. Et requiritur vtrumque copulatiuè, sicuti ibidem notat Abb. cit. c. in genesi, notab. 1. & cit. c. Ecclesia, 2. n. 8. Quare si illinc sit maior numerus eligentium; hinc minor numerus, sed tum auctoritate propria, tum verò (quod præcipuè spectari debet) meritis electi sanior; poterunt hi (considerato communi iure) opponere, & infirmare electionem: dummodo excessus ille magnus non sit, sicuti Gl. notat cit. c. Ecclesia, 2. ver. non consenserit. Etenim contra electum à duplo maiore parte, nihil à reliqua parte opponi potest, quod electionem extenuet; quamuis obijci possit, quod electionem irritam reddat, v. g. formam substantialem electionis seruata non esse, electum esse excommunicatum & c. ita habetur in c. si quando, de elect. in 6. iun. Gl. ibid. & in c. Ecclesia, 2. vbi Abb. n. 13. extra, eod.

Hoc adde; Si in scrutinio maior eligentium pars in vnum non consenserit, irritam esse electionem ipso iure communi; ideoque conualescere non posse accessione consensus aliorum; sed nouo scrutinio opus esse, sicut habetur in c. auditis, de elect. vbi Abb. n. 5. & in c. Ecclesia, 2. n. 10. eod. tit. Aliter se res habet in electione Sum. Pontificis: hæc enim conualescere potest per accessum aliorum, si efficiat duas partes eligentium, c. licet de vitanda, vbi Abb. n. 8. eod. tit.

Alter modus eligendi est per compromissum, si omnes à Capitulo præsentis, potestatem eligendi idoneum Pastorem committant vni, vel pluribus viris bonis, ac Deum timentibus, c. causam quæ, c. in causis, de elect. Ethi Clerici esse debent, iuxta c. contingit, de arbitris in quo prohibetur, ne super rebus spiritualibus compromittatur in laicum. Hæc verò potestas data compromissariis reuocari non potest, si res integra non est, siue tractatus iam cæptus, iuxta cit. c. in causis.

Nihil obstat, quominus Compromissarij vnum ex seipsum eligere possint; saltem si forma compromissi id expressit, quæ de re Gl. in c. cum in iure, de elect. in quo ref-

pondetur; Si ex septem compromissariis (debet enim magis eos numero impari constitui) tres eligant quartum, & is electioni consentiat, ratam fore electionem, & electi compromissarii suffragium in numero maioris partis computatum iri: licet contrarium dicendum sit in electione per scrutinium, c. Cumana, de elect. Cuius diuersitatis rationem leges apud Abb. in cit. c. cum in iure, Syl. ver. electio, 2. q. 18. Zecchum cit. c. 4. Quia in compromisso non principaliter se eligit compromissarius; sed aliis prius eligentibus consentit, eorumque voluntatem comprobatur & acceptat. In scrutinio autem secreto, si aliquis seipsum eligeret, censeretur ambitiosus, & eo ipso indignus. Ceterum, si electio palam fiat, tunc aliis te eligentibus, tu consentire potes, ita ut tuum suffragium in numerum computetur, sicuti notauit Abb. in cit. c. per nostras, in fine.

Compromissum duobus modis fieri potest: Primo. limitate, ut compromissarii secreto, & sigillatim voluntatibus singulorum exquisitis cum, in quem maior & sanior pars Capituli consenserit, eligere teneantur, c. cum expediat de elect. in 6. Quae forma eligendi quasi composita ex scrutinio & compromisso, ceteris melior & expeditior est, secundum Gl. ibid. ver. inquisitis. Secundo, simpliciter & absolute commissa potestate compromissariis, ut eligant, quem velint dummodo idoneum: nam alioquin compromittentes recipere non coguntur, c. causa quae, de elect.

Porro, si compromissarius Episcopum indignum eligat, in poenam criminis ipso iure per triennium suspensus est à beneficiis, quae obtinet in Ecclesia, quam offendit. Quod si compromittentes indignam electionem scienter ratam habeant, priuantur ea vice iure eligendi, ac compromittendi, c. si compromissarius, de elect. in 6. Quare deuoluitur hoc casu potestas providendi ad Papam, c. quamquam, eod. in 6. Additur in cit. c. si compromissarius, in fine; Si aliquis electionem, postulationem, aut provisionem Episcopi impugnans in probatione deficiat, quod & is per triennium suspensus manere debeat à beneficiis, quae in ea Ecclesia obtinet. Idque etiam locum habet in oppugnatione electionis, postulationis, aut provisionis ad dignitatem, personatam, canoniam, cap. 1. §. vlt. eod. in 6.

Tertius demum modus eligendi est quasi per inspirationem diuinam: dum omnes electores, tanquam vno corde & ore in eundem, absque vitio, consentiunt, cit. c. quia propter.

QVÆSTIO QVARTA. Quid sit postulatio, & quomodo ab electione differat: Respondeo: Postulatio cum electione in his conuenit: I. Quod quae eligere possunt, iidem etiam postulare, sicuti colligitur ex c. bonae, 2. de postul. Prælatorum c. innotuit, c. bonae, de elect. & docet Syl. ver. postulatio. q. 1. II. Sicut electio fit cum ordine ad Superiorem, qui electum confirmare debet; ita etiam postulatio fit à Superiore, qui postulatum admittere, & approbare potest. Necesse autem est, ut talis Superior potestatem habeat dispensandi super defectu postulati: alioquin postulationem admittere nequit, sicuti colligitur ex cit. c. innotuit, & notauit Abb. in c. vlt. de postul. Prælatorum, n. 10. Syl. ver. postulatio, q. 5. III. Sicuti eligentes, ita & postulantes indignum, seu incapacem, potestate eligendi, aut postulandi priuantur, & potestas ad alios, licet pauciores numero, deuoluitur, iuxta c. cum in cunctis, §. Clerici sancti, c. cum Vintonensis, de elect. c. 2. de postul. Prælat. vbi videri potest Gl. ver. pauciores, Abb. n. 2. & 5. Adde, quod in extrauag. vn. de Postulat. Prælatorum decernitur, ut ii, qui XXVII. ætatis annum necdum ingressum ad Ecclesiam Cathedrali postulant, vel professum Ordinis Mendicantis ad inferiorem Cathedrali, ea vice iure eligendi, ac postulandi priuati sint, & à beneficiis in eadem Ecclesia habitis per triennium suspensi.

Differunt vero in multis electio & postulatio: I. Qui eligi non potest, postulari tamen potest, si non omnino inhabilis sit ad exercendam Prælaturam, sed facile dispensabilem defectum habeat, sicuti docet Abb. c. vlt. de postul. Prælat. n. 10. Puta in ætate legitima, c. cum nobis olim, de elect. Vel in ordine sacro ad Prælaturam requisito, c. dudum 1. de elect. iun. c. à multis, de ætate & qualitat. Vel in natalibus, c. innotuit, de elect. in quo habetur, illegitimum, si ad episcopatum idoneus sit, postulari posse, licet eligi non possit. Denique vnus Ecclesie Episcopus, post confirmationem, ad aliam Ecclesiam, seu Episcopatum eligi non potest; cum spirituali quasi matrimonio Ecclesie suae copulatus sit, sicuti habetur in c. vlt. iun. Gl. ver. promissione de postul. Prælatorum. Postulari tamen potest, cit. c. vlt. vbi Abb. n. 7. notat; Episcopum electum, nondum confirmatum, eligi posse: quia talis electioni suae renuntiare potest, non item post confirmationem. Si tamen Episcopus confirmatus, & consecratus episcopatum legitime renuntiavit, postea eligi poterit, iuxta c. post translationem, de renuntiationibus: quia cessat ratio matrimonii spiritualis, quippe quod insolubile est.

Porro alij beneficiati Episcopo inferiores, in quacunque Prælatura seculari, aut regulari constituti sint, ad episcopatum eligi iure ordinatio non prohibentur, sicuti docet Gl. in cit. vlt. ver. permissione, ibid. Abb. reg. 2. Et de Regularibus habetur in Clem. 1. de elect. c. si Abbatem, eod. in 6. Et si verò decens sit, aliquem capitulariter eligi, qui sit de gremio Ecclesie, si idoneus adsit; ideoque alius ipsis obtundi nequaquam debeat, c. nullus inutilis, d. 16. Si tamen Capitulares huic iuri suo renuntiare volentes, alium idoneum sponte eligant, non ideo electio cassari potest, sicuti notat Gl. in c. ne pro defectu, ver. ipsius, de elect. argum. c. cum inter canonicos, eod. tit. vbi id Abb. notat n. 9. Veruntamen, cum neque Clerici beneficiati sine consensu Episcopi Ecclesias suas dimittere possint, c. si qui verò, c. si quis Presbyter, 7. q. 1. c. admonet, de renunt. Neque Religiosus Monasterium sine consensu Superioris, c. quorundam, §. circa Religiosos, c. si Religiosus, de electione in 6. ideo eiusmodi personae postulari quidem debent, sed postulatione non solemniter, verum ad id solum instituta, ut electus in sui electionem consentire possit, sicuti notauit Gl. c. quam sit, ver. ad ordinandum, 18. q. 2. Rosella ver. Monachus, num. 6. Syl. ver. postulatio, q. 1. Less. lib. 2. c. 41. n. 97. Ad quam licentiam ipsi dandam, si necessitas vel utilitas Ecclesie postulat, Superior etiam cogi poterit, teste Abbate c. quod Dei timorem, n. 12. de statu Monachorum, & Gl. margin. ad eundem Abbatem in cit. c. vlt. de postul. Prælatorum, n. 8. Quod si autem Regularis cum Superioris legitima licentia ad prælaturam, vel beneficium parochiale transatus sit, postea ad aliam Ecclesiam promoueri poterit, non petito consensu Prælati regularis, quippe à cuius obedientia actuali absolutus est, uti docet Sanchez lib. 7. moral. c. 29. n. 64.

His quædam addenda sunt: Primum. Quod Regularis ex vno Monasterio eligi potest in Prælaturam alterius Monasterii, si eiusdem Ordinis sit: non item si diuersi Ordinis, & Prælatura non Episcopalis sit, uti habetur in Clem. 1. de elect. Attamen si talis translatio ad Ecclesiam bonum pertinere videatur, à Sede Apostolica postulari poterit, uti docet Gl. ibid. ver. eligatur, Abb. c. cum Monasterium, num. 1. de elect. Simili ratione si non Professus in Prælaturam regularem eligatur, electio irrita est, c. cum causam, eod. tit. quamuis talis iustam ob causam postulari potest, teste Abb. cit. n. 1.

Alterum. Religiosus Ordinis mendicantium ex electione, postulatione, presentatione ad Prælaturam

extra Ordinem suum, ius nullum acquirere potest, nisi illa facta sit in concordia omnium eligentium, postulantium &c. Sin verò sit Ordinis non mendicantis, requiritur concordia saltem partis mediæ, vti videre licet in c. quorundam, de elect. in 6. & explicat Sanchez lib. 7. moral. c. 29. n. 44. & seqq.

Tertium. In Germaniæ quibusdam locis consuetudo est non improbanda, vt si in Conuentu Regularium nullus idoneus reperitur ad Prælatum, ipse Episcopus, cui Monasterium subiectum est, ex alio eiusdem Ordinis Monasterio Prælaturam instituat. Quia si talis Conuentus sit, vt nullum idoneum habeant ad prælatum, plerumque periculum est, vt ne id quidem diiudicare possint Capitulares, quemnam ex alio Monasterio idoneum postulare debeant.

Differunt secundò electio, & postulatio; quòd electio, si idoneus est, & nullus defectus appareat, vel opponitur, per electionem ius acquiritur, saltem inchoatum, ita vt is, ad quem confirmatio spectat, teneatur eum confirmare: alioquin ad eius Superiorem recurratur, qui confirmatori terminum præfiget, intra quem confirmare debeat: quod si intermittat, tunc ius confirmandi ad ipsum Superiorem deuolueretur, sicuti docet Abb. in c. postquam, de elect. At verò per postulationem ius nullum acquiritur, sicuti constat ex c. bonæ i. & c. postulationem, de postul. Prælatorum.

10 Ex quo sequitur primò; Quòd postulantes variare possint, id est, sine iniuria postulationem reuocare, antequam ea Superiori præsentata est: tunc vero illius iudicium expectari debet, c. bonæ, 2. eod. tit. vbi id docet Abb. n. 10. generalem regulam tradens: Quòd variare, siue consilium mutare licet, si ius alteri nondum acquisitum est; postea verò quàm acquisitum, variare non licet, iuxta iuris reg. 33. in 6. Mutare consilium quis non potest in alterius detrimentum. Vide eundem Abb. in c. postulationem, eod. tit. num. 2. & 5. vbi notat; Etiam si electio facta sit absentis, & electionem nondum acceptantis, non posse electores variare, quia Actus præstiti ex de iure officii, vti sunt electio, collatio beneficii facta ab Episcopo, non possunt per penitudinem reuocari, arg. c. si tibi absentis, de præb. in 6.

Sequitur secundò; Quòd Superior sine cuiusquam iniuria postulationem reuocare potest: cum sit specialis gratia, ad quam dandam nemo cogitur, sicuti habetur in cit. c. postulationem. Si tamen postulatio concors, vel saltem à duabus partibus Capituli propter Ecclesiæ necessitatem vel vtilitatem fiat; tunc quodammodo debita Ecclesiæ est eius concessio, qua de re Gl. in c. cupientes, prope finem, ver. gratia; de elect. in 6. Hostiensis, & Ioan. Andreas in c. cum Monasterium, extra eod. Abb. in cit. c. postulationem, num. 2. Syl. q. 7. Denique si postulatio solemniter apud Prælaturam interposita, ab eo admissa fuit, confert hodie effectum electionis ac confirmationis, sicuti docet Abb. in cap. 1. num. 34. & c. gratum, num. 13. de postul. Prælat.

CAP. XIII.

DE BENEFICIIS PATRONATIS.

SUMMARIUM.

- 1 Ius patronatus ex tribus causis acquiritur, Ecclesiæ fundatione, adificatione, & dotatione.
- 2 Patronus Ecclesiæ tum vnicus esse potest, tum etiam plures. Vide infra q. 6.
- 3 Patronus efficitur etiam, qui post Ecclesiæ consecrationem ei dotem assignauit.
- 4 Duplex est ius patronatus: Ecclesiasticum, & laicum.
- 5 Iuri patronatus laici ex fundatione, constructione, vel dotatione, non tam facile derogatur, quàm iuri patronatus Ecclesiastici.

- 6 In patronata laico patronus variare potest; non item in Ecclesiastico.
- 7 Patronus Ecclesiasticus indignum præsentans, priuatur ea vice iure præsentandi: sed laicus patronus alium præsentare debet.
- 8 Patrono quatuor iura competunt; Instituentes ad beneficia vacantia Episcopo præsentare: Honorem præcipuum in sessionibus, processionibus &c. obtinere: Alimenta in casu inopia ab Ecclesiâ recipere: Ecclesiâ defendere, eiusque sollicitudinem gerere.
- 9 Patronus Ecclesiæ, seruitium seu onus Ecclesiæ imponere non potest, contra sacrorum canonum decreta: si tamen conditio aliqua honesta ante fundationem acceptata fuerat, ea seruari debet.
- 10 Ad reparationem Ecclesiæ indigentis Ministri contribuere debent, si redditus superfluos habeant; alioquin Parochiani.
- 11 Patronus Ecclesiasticus rationem administrationis rerum temporalium exigere potest; laicus non item.
- 12 Episcopus, extra casum necessitatis, non potest disponere circa beneficia cum præiudicio iuris patronatus: secus, si eius nihil intersit.
- 13 Fundationes, & quauis ultima dispositiones, si iusta ac rationabiles sint, mutari non possunt, sine Principis consensu, qui in spiritualibus est Papa.
- 14 Hares siue successor renuntiare potest conditionibus in sui tantum fauorem apposis: non item iis, quæ ob cultum diuinum, ob sui memoriam, familiæ commodum fundator requisit, nisi magna necessitas, aut Ecclesiæ vtilitas mutationem exigat, & Episcopi tunc consensus accedat.
- 15 Sepulchra & insignia eorum benefactorum, qui capellam extraxerunt, tolli non debent, etsi familia extincta sit.
- 16 Episcopus sine causa necessitatis non potest vnius Ecclesiæ redditus pro fabrica deputatos, ad alterius indigentioris subsidium transferre.
- 17 Interpretari voluntatem fundatoris defuncti, vel pro vna vice ob causam rationabilem & Ecclesiæ vtilem dispensare, ad Episcopum, cum hærede fundatoris, pertinet.
- 18 Ius patronatus tum masculo, tum femina; puteri, & impuberi competere potest.
- 19 Possessor iuris patronatus, si bona fidei est, valide præsentat.
- 20 Ius patronatus quatuor modis transferri potest: Successione, donatione, permutatione, venditione vniuersitatis.
- 21 Dominium aliquod propter annexum ius patronatus maiore pretio vendere, simoniacum est.

QVÆSTIO PRIMA. Quid sit ius patronatus, quod & ius aduocationis dicitur in c. quia Clerici, de iure patronatus? Respondeo. Est ius nominandi, seu præsentandi aliquem instituendum ad beneficium Ecclesiasticum vacans. Vel sic: Est ius honorificum, onerosum, & vtile, competens alicui in Ecclesiâ, qui de consensu Ecclesiastici Prælati eam fundauit, construxit, aut dotauit, seu ipsemet, seu is, à quo causam accepit. Vide Syl. ver. ius patron. in princip. & Abb. in rubrica, de iure patron.

QVÆSTIO SECUNDA. Ex quibus causis acquiratur ius patronatus? Respondetur secundum Gl. in c. præmentis, 16. q. 7. & Conc. Trident. sess. 14. c. 12. de reformat. Ex tribus causis; fundatione, adificatione, & dotatione: vnde versus, Patronum faciunt dos, adificatio; fundus.

Fundasse dicitur, qui fundum, siue terræ solum dedit, in quo Ecclesiâ construeretur, sicuti colligitur ex c. discernimus, 16. q. 7. Adificasse, qui Ecclesiâ construxit, c. Monasterium, ead. q. Dotasse dicitur, qui annuos redditus sufficientes assignauit, c. filiis, ead. q. Porro, qui Ecclesiâ construxit, videtur etiam obligare se ad dotandam, si nemo alius dotet: siquidem Ecclesiâ sine dote consecrari non debet, c. cum sicus, de consecr. Ecclesiæ. Alioquin Episcopus eam dotare debebit, in patroni defectum, si sine Ecclesiæ detrimento possit, sicuti docet ibid. Gl. ver. consecranda, arg. c. 2. de præbendis. Videri potest Greg. Tholof. de beneficiis, c. 15. Azor t. 2. lib. 6. c. 19. q. 6.

Exinde sequitur; Quòd & vnus possit esse Ecclesiæ Patronus, si eam fundauit, construxit, & sufficienter dotauit; & plures patroni esse possint, si alius fundauit, alius adificauit, alius dotauit. Imò si plures concurrant ad Ecclesiâ fundandam, construendâ, dotandam, licet inæqualiter, omnes acquirunt ius patronatus in soli

dū, secundum Gl. in summar. d. 63. ver. laici. Dūmodo Ecclesiæ detur dos competens, quæ sufficiat ad necessaria ministrorum, & luminaria, inquit Gl. a. quicumque 30. causa 19. q. 7. ex c. nemo, de consecrat. d. 1. & explicat Abb. in c. ad audientiam, n. 4. de Eccl. ædificandis, ex quo habes, inquit, remedium compellendi ædificatorem ad dandam dotem sufficientem, quia sine ea non acquiritur ius patronatus. Vide Garc. p. 5. c. 9. n. 52. & seqq.

Ex dictis intelligitur responsio Alexandri III. in c. ad audientiam 1. de Ecclesiis ædificandis, in quo dicitur, si intra eandem parochiam, ob locorum & habitationum distantiam, ideoque ob iustam, & urgentem causam, auctoritate Episcopi construat alia Ecclesia minor, quæ maiori tanquam matrici subiecta sit, tunc non solum eum, qui Ecclesiam nouam construxit, aut dotauit, sed etiam Rectorem Ecclesiæ maioris effici patronum; ideoque ad utrumque pertinere præsentationem Sacerdotis pro Ecclesia minori, seu filiali; quando & matrix Ecclesia suos, quos antè acceperat, prouentus minori Ecclesiæ reliquit, & alter patronus eandem fundauit, construxit, aut auxit, sicuti in cit. c. ad audientiam, de eccl. ædificandis docet Abb. n. 10. Pet. Greg. c. 17. n. 3. Idemque ait Abb. seruandum esse, si intra fundum alicuius Ecclesiæ à laico ædificetur & dotetur capella: acquirit enim Ecclesia ius patronatus vnà cum laico ædificatore ac dotatore.

Porro licet Gl. in cit. c. pæ mentis, arbitretur, ius patronatus duntaxat ante ecclesiæ consecrationem constitui posse; quia patronus quasi pater dictus est, qui ad esse produxit: & quia ius patronatus quali seruitus, seu onus esse videtur, quod rei faciæ imponi non potest; tamen contrarium rectius docet Pet. Greg. cit. c. 17. n. 4. Azor cit. c. 19. q. 8. cum Abbate in c. quoniam, n. 9. de iure patronatus; Eum, qui Ecclesiæ, cui dos constituta non est, etiam post consecrationem, dotem assignat, iuxta c. cum sicut, de consecrat. Ecclesiæ, vel altaris, effici ius patronum, & fauore Ecclesiæ quasi retro trahi patronatum, perinde ac si ab initio constitutus fuisset, ad similitudinem c. tanta, Qui filii sint legitimi. Denique si Ecclesia omnino destruat, vel corruat, amittitur ius patronatus, si ex sola constructione ortum habuit, sicuti declarat Abb. l. c. n. 11. Et qui illam reædificat, efficitur nouus patronus. Alia ratio est, si aliquali restauratione indigeat: nam qui eam faciunt, benefactores censentur, non patroni. Imò quicumque etiam ab initio Ecclesiæ aliquid confert, ius patronatus non acquirit, nisi id faciat animo construendi, dotandi, non præcisè donandi, benefaciendi, sicuti notauit Abb. ibid. n. 10.

4 **QUESTIO TERTIA.** Quotuplex sit ius patronatus? Respondetur, esse duplex; Ecclesiasticum & laicum. Ius patronatus Ecclesiastici dicitur, quod Ecclesiasticæ personæ competit; vel ratione dignitatis, aut beneficii sui, puta quia est Ecclesiæ Episcopus, Præpositus, Decanus: vel ratione foundationis, constructionis, dotationis à se factæ ex bonis Ecclesiasticis. Ius patronatus laici est, quod conuenit alicui seu laicæ, seu Ecclesiasticæ personæ, aut Communitati, ratione foundationis, constructionis, vel dotationis ex bonis propriis siue patrimonialibus. Vide Couar. cap. 36. præf. qq. num. 2. Cæterum sicut patronatus, tametsi ab initio fuerit laicus, vel Clerico ex patrimonialibus bonis acquisitus; Ecclesiasticus tamen efficitur, si donatione, testamento, aliâ uel ratione in Ecclesiam vel Monasterium transferatur, vel alicui beneficio, v. g. Decanatu, Præposituræ annectatur, sicuti habetur in cap. vn. §. verum, de iure patron. in 6. & notat Abb. in cap. de Monachis, num. 14. de præb. Couar. in præf. qq. cap. 36. num. 8. Ita etiam patronatus, licet ex redditibus Ecclesiasticis acquisitus sit ab aliquo beneficiario, si tamen is, ex consuetudine regionis, potesta-

tem habeat de superfluis suis redditibus ad causas prophanas testandi, & consanguineis relinquendi, tunc pari ratione ad eisdem ius quoque patronatus transmittere poterit, sicuti notauit Garcias pag. 5. cap. 1. num. 594.

Inter patronatum Ecclesiasticum, & laicum aliqua discrimina sunt: Primum. Si in patronatu laico intra quatuor menses à die vacationis cognitæ, patronus neminem præsentet, amittit ea vice ius præsentandi, & collatio beneficii libera efficitur iuxta cap. quoniam, c. cum propter, de iure patronatus. In Ecclesiastico uero patronatu sex menses conceduntur, uti habetur cap. vn. de iure patronatus, in 6. Sin uero duo sint patroni, qui præsentare debeant, quorum vnus clericus, alter laicus, tunc laicus gaudet priuilegio clerici ob societatem, ut sex menses concedantur, secundum Abb. in cap. eam te, de iure patron. Syl. ver. ius patronatus, q. 6. dicto 2.

Secundum. Tamen si simplici concessione, vnione, vel reservatione alicuius beneficii, facta à Papa censeatur derogatum iuri patronatus Ecclesiastici, tamen patronatu laico, nisi expressa & specialis mentio fiat, nunquam derogatum censetur, iuxta Gl. communiter receptam in Clem. 2. ver. Apostolicis, de præb. Neque sufficit derogatio generalis, *Ad quoscunque collationis, vel presentationis beneficium pertineat.* Adde; licet speciatim addatur, *etiam laicorum*, tamen non comprehenditur ius patronatus Regum, Ducum, Marchionum, & Comitum, nisi exprimatur, sicuti docet Couar. cap. 36. præf. qq. n. 2. Ioan. Staphil. de gratiæ expectatiu. tit. de modo & forma prouidendi, §. sequitur videre, n. 14. Garcias cit. c. 1. n. 575. Quæ tamen omnia intelligi debent de iure patronatus laicis competente ex foundatione, constructione, vel dotatione; non item ex priuilegio, vel consuetudine præscripta: Eiusmodi enim patronatu laico, non minus, quam Ecclesiastico per concessionem, vel reservationem, simpliciter & absolute factam derogatum censetur, sicuti ex communi docet Staphileus loco cit. n. 16. Couar. num. 6. Garcias n. 573. Azor. c. 23. q. 4.

Nota autem hic primò ex Couar. cit. cap. 36. n. 5. Hieron. Gigante de pension. q. 24. Si duo sint patroni, quorum vnus laicus, & alter clericus, non censeri derogatum iuri patronatus, nisi clausula derogatoria exprimitur: quia æquum non est, ut aliquis ratione sui socii incommodum in reindiuia sentiat. Nota secundò ex Garcia num. 614. Si duo sint eiusdem beneficii patroni, laicus & Ecclesiasticus, inter quos est concordia facta de repræsentando vicibus alternis; accadat uero, ut vacatio beneficii generaliter reservati, iuxta concordatam nationis, vel Regulam Cancellariæ, cadat in mensem Pontificium; videndum est, utrum tunc ad Ecclesiasticum patronum præsentatio pertineat; & præsentabit pro ipso Papa, ita ut laico nullum præiudicium generetur: An uero tunc Laicus præsentare debeat; & nihil ei obstat reservationis mensis Pontificii.

Tertium discrimen. Legatus à latere potest conferre beneficium, etiam sine consensu patroni, habentis patronatum Ecclesiasticum, cap. cum dilectus, de iure patronatus. Non ita tamen derogare potest iuri patronatus laici, sicuti ex communi notauit Gl. ibid. ver. præsentare, Abb. n. 11.

Quartum. In patronatu laico patronus potest variare, id est, postquam præsentauit vnum, præsentare etiam alterum: quo casu, iudicio Episcopi relinquitur, utrum eorum tanquam magis idoneum præferre debeat, cap. quòd autem, eodem tit. In patronatu autem Ecclesiastico, qui primò præsentatus est, si idoneus sit, institui debet, c. cum autem, eod. tit. Porro iis casibus, quibus Episcopus legitime præsentatum instituere tenetur, etiam ipsi præsentato ius ad pependum beneficium

competere videtur; ut agere possit, seu contra Episcopum nolentem ipsum instituere; seu contra intrusum ut inde remoucantur, arg. c. cum Bertoldus, ubi id docet Gl. magna, & Abb. n. 7. de re iudicata.

7 Quintum discrimen. Si patronus laicus indignum praesentet, iubendus est alium praesentare: si autem is cui Ecclesiasticus patronatus competit, indignum praesentet, priuatur ea vice iure praesentandi, & libera collatio efficitur, sicuti docet Gl. recepta in c. cum yos, de offic. Ordinat. v. minus idonea, Syl. ver. ius patronatus, q. 7. arg. c. sicuti de suppl. neglig. Praetor. c. cum in cunctis §. Clerici, de elect.

8 QVAESTIO QVARTA. Quae iura competant patrono seu Ecclesiastico, seu laico? Respondeo; Potissimum quatuor, sicuti docent Doctores in c. nobis, de iure patron. Syl. q. 2. Primò, Ad Patronum pertinet praesentare Episcopo instituendos ad beneficia tum simplicia, tum curata, postquam vacauerint. Prius enim quam vacent, non solum praesentatio irrita est, sed etiam promissio praesentandi alicui specialiter facta; quin & commissio facultatis praesentandi, si fiat fauore personae determinatae, ut ea ad proximè vacaturum beneficium praesentetur, irrita est, iuxta cap. ult. de concess. praeb. secus, si potestas praesentandi alicui committatur generatim, sicuti ibid. notat Abb. num. 6.

Ceterum in Collegiatis Ecclesiis Praelatus sine Rector non ad Patroni praesentationem instituitur; sed à Capitulo eligitur, eique electioni Patronus, praesertim laicus, interesse non debet: vel etsi ex speciali consuetudine, aut foundationis lege interfit, libertatem tamen eligentium impedire non potest; neque ius suffragij ferendi aut consensum praestandi habet, sicuti constat ex c. cum terra cap. sacrosancta, c. Mellana, de elect. c. nobis, de iure patron. Quod limitari debet, nisi in ipsa foundatione conditio appositae fuisset de consensu eius requirendo: cuiusmodi conditionem admittere potest Episcopus, si Patronus Ecclesiasticus est: sed patrono laico solus Papa talem facultatem concedit, sicuti docet Gl. in cit. cap. nobis, ver. nisi aliter, Syl. q. 2. Vide etiam Seluam p. 2. de benefic. q. 23. n. 25. & Abb. in cit. c. nobis, ubi n. 6. notat licet iura non concedant fundatori Ecclesiae Collegiatae, ut praesentet Rectorem; competere tamē ipsi praesentationem ad praebendas, siue canonicatus; nisi aliud consuetudine obseruetur.

Post factam autem electionem Praelati, nihil prohibet patroni consensum requirere, iuxta cit. cap. cum terra, &c. sacrosancta, de elect. Quem tamen is, negare non potest, nisi iusta de causa; puta si electum idoneum non esse ostendat, sicuti docet Gl. cit. c. nobis, ver. honestius, ibid. Abb. n. 10. & in cit. c. cum terra n. 4.

Secundò, Honor praecipuus patrono debetur in processibus, sessionibus &c. cit. cap. nobis, ibid. Abb. n. 5. Paulus de Ciudadenis p. 6. a. 1. de commodis iuris patronatus. ubi addit; Ecclesiae Praelatum, aliisque Clericos Patrono reuerentiam debere, tanquam benefactori suo, arg. cap. quicumque, capite filijs, 16. quaest. 6.

Tertiò, Si Patronus, eiusque filii ad inopiam vergant, ab Ecclesia, eiusque beneficiatis alendus est, ex redditibus superfluis, secundum Ecclesiae facultates, & statum siue qualitatem patroni, cit. cap. quicumque; & citat cap. nobis, ubi Gl. ver. modeste, Abbas numero 6. Ciudadenis in cit. p. 6. a. 4. Rochus de Curte, in quartum definit. verbum, de vtilitate iuris patronatus, in princip. Et competit patrono actio ad petenda alimenta in statu inopiae, sicuti ijdem DD. admovent.

9 Verum extra hunc casum, prohibitum est sub po-

na excommunicationis ferenda, ne patronus Ecclesiae seruitium imponat, vel exactionibus quibuscunque grauet, c. 1. de censibus: praeterquam si Patronus in fundatione, cum Episcopi consensu, praestationem aliquam moderatam, (considerata foundationis & reddituum quantitate, ita ut dos Ecclesiae necessaria nequaquam minuat, alteri reseruauit, v. g. alicui capellae, iuxta c. praeterea, 2. de iure patron. & videri potest Abb. in cit. c. 1. de censibus, n. 1. & 6. &c. quanto, n. 1. & 2. eod. tit. Hinc idem Abb. in cit. cap. praeterea, n. 3. ait, se aliquando respondisse, quod populus habens ius patronatus non possit exigere à Presbytero certos cereos, in recognitionem iuris patronatus; quia tempore foundationis conventum non fuerat, & sequitur Rochus lib. cit. numero 6. Syl. quaest. 3. quem vide.

Adde, quod Patronus fundando ecclesiam, non possit ullam aliam conditionem apponere, quae vel sacris canonibus, vel iuri Episcopi, sub cuius iurisdictione ecclesia constituta est prauidet. Si tamen Episcopus consentiat patrono, ut Rector ecclesiae ab alterius diocesis Episcopo confirmationem accipiat, videtur id ratum fore; dummodo id fiat ante factam fundationem: postea enim, cum ius Ecclesiae seu Episcopatus acquisitum est, non potest ei Episcopus prauidere, sicuti singulariter notat Abb. in c. cum dilectus, n. 5. de consuet.

Quartò Patrono competit ius, vel si maius dicere onus tuendi & defendendi ecclesiam, cap. filiis, 16. quaestione 7. ubi habetur quod patronus ecclesiae sollicitudinem gerere debeat, atque ideo Sacerdotem seu Ministrium ecclesiae bona dilapidantem vel honesta monitione compescere, vel Episcopo denuntiare. Et in c. decernimus, ead. q. dicitur, *ut quamdiu fundatores ecclesiarum in hac vita superfluis extiterint, pro eisdem locis curam permittantur habere sollicitam*, v. g. ut redditus ecclesiae patronatae ad alios vsus non conuertantur, quam secundum foundationis praescriptum; & ut officia diuina celebrentur, quae in fundatione constituta fuerunt; quae de re Paulus de Ciudad. de iure patron. p. 6. a. 4. n. 25. Caesar Lambertinus de iure patronat. q. 2. principali, a. 12. Abb. in c. suggestum, n. 3. de iure patron. Item, ut aedes sacrae & parochiales conferuentur, reparentur. Quae tamen non ipsemet suis sumptibus efficere debet; sed, nisi proprii redditus pro ecclesiae fabrica deputati sint, vel loci consuetudo aliud obtineat, ipsimet beneficiati siue ministri ex superfluis redditibus contribuere debent, iuxta c. 1. de ecclesiis adific. c. decernimus, 10. quaest. 1. Quod si ministris redditus superflui non suppetant, sed solum necessarii, compelli debent Parochiani cum enim ibi diuina percipiant, tenentur ad refectionem ecclesiae, ait Abb. in cit. c. 1. n. 4. arg. c. si Episcopus, de officio Ordinarii, in 6. Et in c. de Rectoribus, n. 6. de clerico aegrotante, vniuersim ait; si curatus commode vivere non potest, ex redditibus ecclesiae, & alia ratione ipsi subueniri nequit, Parochianos compelli posse ad subueniendum. Interdum tamen, si ita necessarium Episcopo videatur, ecclesiarum vniorem institui posse, si patronus in tali casu redditus parochiales augere nolit, dixi supra c. 9. in fine.

His adde, quod idem Panormit. admonet in cap. ad sedem, num. 12. de restitut. spoliator. curam illam re-
um temporalium patrono laico non ita competere, ut sibi aliquam iurisdictionem, vel administrationem vendicare, aut rationes exigere possit: cum solum pertineat ad eum cura temporalium quoad defensionem, ac denuntiationem Superiori Ecclesiastico faciendam, si res male administratur. Qua simili ratione etiam in ciuilibus ius patronatus, seu protectionis & aduocatae, non extendit se ad iurisdictionem, aut collectionem erga loci incolas exercendam, sed solum ad protectionem.

& tutelam, sicuti docet Andr. Gaill. libro 2. obseruat. 54.

QVÆSTIO QVINTA. Vtrum Episcopus consensu patroni mutare possit naturam, vel qualitates siue conditiones beneficii? Pro qua quæstione inprimis suppono ex communi Doctorum sententia: Ad Episcopum pertinere ob iustam causam disponere de beneficiis ad suam diocesim, iurisdictionemque pertinentibus, iuxta c. 2. c. decretum, 10 q. 1. modò nihil contra canones agat, neque fundatorum voluntati sine causa necessaria deroget, vt infra dicam. Sic v. g. Episcopus ex ecclesia parochiali facere potest Collegiatam, cultus diuini augendi causa, sicuti docent DD. in cap. dilecta, de excessibus Prælatorum; ecclesias Parochiales, ob plebis multitudinem, diuidere relictâ congrua sustentatione Rectori ecclesiæ antiquæ, iuxta c. 3. de ædific. ecclesiis: Item ob reddituum tenuitatem vnum beneficium alteri vnire; vel ex alterius pinguioris, præsertim vacantis beneficii, redditibus portionem aliquam aut pensionem detrahere; vel aliud nouum beneficium instituere, sicuti singulariter uocat Abb. in c. extirpanda, §. qui verò, num. 7. de præb. Imò potest Episcopus iusta de causa non tantum minuere beneficia, seu præbendas; sed omnino suppressere siue extinguere, sicuti docent DD. in c. cum accessissent, vbi Abb. n. 5. de constitut. Verum, quod dictum est de pensione beneficiis imponenda, id hodie secundum stylum Curie Romanæ, Episcopis non permittitur, vt dicam cap. 18. quæst. 3. Cum aliquin idonei beneficiati maximè in beneficiis curatis non reperirentur, si ea pensionibus grauare licitum foret: quare in tali casu tum plebs, tum patronus Ecclesiarum, se opponere possunt, ne id fiat sine Sedis Apostolicæ auctoritate.

12 His positis respondetur ad quæstionem: Quod sine consensu patroni non possit Episcopus disponere circa beneficia, cum præiudicio siue derogatione iuris patronatus. Habetur in c. Monasterium, iun. Gl. 16. quæstione 7. Excipitur tamen casus necessitatis, in quo etiam contradicente patrono mutatio fieri potest: quia patronus non potest impedire magnam vtilitatem Ecclesiæ cum ius patronatus ipsi ab Ecclesia ex gratia, non absoluto debito, concessum sit, sicuti notauit Abbas citat numero 5. & in cap. nobis, de iure patronatus, num. 10.

Corollarium I. Episcopus non potest, absque consensu patroni, ecclesiam Parochialem conuertere in Collegiatam: quia amitteret ius præsentandi Rectorem quippe electione constituendum, licet alia iura patrono salua remanerent: existimat tamen Glos. in cit. c. nobis, ver. in capella, quam sequitur Abb. in cit. n. 10. Cæsar Lambertinus de iure patronatus, q. 6. princip. a. 1. Patronum non perdere hoc casu ius nominandi Rectorem, si de eo protestetur; vel si eo inuito, mutatio fiat ob causam necessitatis.

Corollarium II. Episcopus non potest vnire beneficium patronatum, sine consensu patroni, sicuti docent DD. in c. cum dilectus, c. suggestum, de iure patroni. Abb. cit. nu. 5. Paulus de Citad. de iure patroni. p. 14. Rochus de iure patronatus, ver. honorificum, quæst. 3. Rebuffus in praxi tit. de vnionibus, in 28. & Gl. 11. num. 6. Lambertinus cit. quæst. 6. art. 2. & quæst. 7. a. 10. Pet. de Perusio tract. de vnione ecclesiarum, cap. 5. quæst. 5. Azor to. 2. lib. 6. cap. 28. quæstione 12. Garcias p. 12. cap. 2. num. 202. Tum quia patronus per talem vnionem perdit ius præsentandi: tum quia beneficium per vnionem patitur aliquam suppressionem, siue diminutionem: non potest autem Episcopus, sine patroni consensu, beneficium imminuere, sicut nec pensione aliqua grauare, aut redditus in alium finem, locum, personam, præterquam institutum est, transferre, sicuti docent DD. in c. pastoralis, de donat. Abb. in cit. c.

suggestum, n. 3. Rochus cit. q. 3. n. 8. Albertinus q. 4. princip. a. 1. & 4.

Corollarium III. Institutus non potest beneficio in fauorem alterius, renuntiare, neque illud permutare sine patroni consensu; excepto casu necessitatis, aut magnæ Ecclesiæ vtilitatis, in quo patronus consentire teneatur. Ita ex communi Abb. c. cum accessissent n. 6. de constit. Couar. cap. 36. præst. qq. num. 9. Azor. to. 2. lib. 7. c. 25. quæst. 4. Less. lib. 2. c. 34. num. 193. Garcias p. 11. cap. 3. num. 19. Verum ad liberam seu simpliciter factam renuntiationem non videtur requiri consensus patroni: cum ei integrum maneat ius præsentandi alterum, ideoque de eius præiudicio non agatur, sicuti notat Garcias l. c. num. 12. quod & praxis confirmat. Quemadmodum neque in aliis casibus, quibus patroni nihil interest, siue de eius præiudicio non agitur, eius consensus requiritur: v. g. si Rector ecclesiæ nouas fundationes altarium recipere velit; Cooperatorem, vel Vicarium temporalem deputare; ad titulum, vel potius sustentationem ecclesiæ suæ ordinandos Episcopo præsentare, sine patroni præiudicio, sicuti fatetur Rochus de iure patronatus, ver. honorificum quæst. 3. num. 8. & 9. Lambertinus q. 5. a. 6. & seqq. Quin & pensionem temporariam, atque ad successores non transcentem ab Episcopo beneficio imponi posse, sine patroni consensu, existimant multi, Gigas de pension. quæst. 23. Azor. lib. 8. c. 8. quæst. 1. Garcias de benefic. p. 1. cap. 5. num. 359. Less. cap. 34. dub. 8. Et enim par ratione concessum est Episcopo ob iustam causam non requisito consensu patroni, res ecclesiæ alienare, vel fructus beneficii ad pium vsum, ad certum tempus applicare, sicuti docent Innocentius Abb. & DD. communiter in c. vn. Vt beneficia Ecclesiastica sine diminutione conferantur, Gigas de pension. quæst. 23. num. 8. Rochus cit. num. 9. Gulielmus Redoanus de reb. ecclesiæ non alienandis, rubr. 28. casu 3.

Hæc tamen intelligi debent primò, Non requiri consensum patroni ex necessitate; licet requiratur ex quadam honestate, & ob maiorem securitatem: quia si alienatio, vel fructuum subtractio sine iusta causa fiat, patronus ecclesiæ eam impugnare poterit; quippe ad cuius officium spectat providere, ne beneficii fructus perperam insumantur. Secundò intelligi debent de patrono laico tantum; non item de Ecclesiastico, sicuti expressè dixit Innocentius l. c. & rationem discriminis tradidit Abbas in c. in Lateranensi, num. 2. de præben. Nota inquit, quod patroni Ecclesiastici habeant pinguius ius in ecclesiis patronatis, quam laici: quia illi possunt exigere rationem administrationis rerum temporalium; non item laici patroni.

13 **QVÆSTIO SEXTA.** Vtrum natura & qualitas beneficii à primo fundatore apposita mutari possit? Respondeo & dico I. Si iusta & rationabilis fuit dispositio fundatoris, ea ab ipso Episcopo, vel alio Papa inferiori Prælato mutari non potest. Sumitur ex c. tua nobis, de testam. vbi dicitur: In omnibus piis voluntatibus per locorum Episcopos providendum, vt secundum defuncti voluntatem vniuersa procedant. Quo loco Abb. n. 5. Couar. n. 11. annotarunt; A solo supremo Principe, qualis in Ecclesiasticis est Papa, vltimis voluntatibus per plenitudinem potestatis, ob causam iustam, derogari posse: iuxta Clem. quia contingit, de religio. domibus, & docet Rochus de iure patronatus, in sextum definit. verbum, q. 15. Cæsar Lambertinus de iure patroni. q. 5. princip. a. 3. num. 6. Nau. de reit. Eccles. quæst. 1. mon. 50. num. 5. & lib. 3. consil. 5. de præb. n. 3. edit. 3.

Nota autem primò; Assertionem esse vniuersalem de omnibus vltimis voluntatibus, modò iustæ, & rationabiles sint; atque insuper certæ seu indubitatæ, sicuti bene admonet Rochus cit. q. 15. ex Baldo & aliis re-

gulam tradens: *Vbiunque dispositio defuncti certa est respectu cause, persona loci &c. ab Episcopo alterari non potest.* Sin-
verò dubium sit de voluntate defuncti, ad loci Episcopum haud dubiè pertinet eam interpretari: Deinde, si voluntas defuncti irrationabilis existat, poterit se Episcopus opponere, ut executio non ita, sed aliter fiat: quandoquidem defunctus Episcopo legem imponere non potuit, quo minus de piis suis foundationibus aut relictis secundum sacros canones, quod rectum & decens est, constitueret, sicuti indicat Gl. cit. cap. tua nobis, ver. voluntatem, & docet Abb. ibid. n. 5. Idque etiam civili iure de relictis prophanis traditum est, l. legatum, ff. de usufr. legato; Quòd legatum ad opus illicitum, v. g. spectaculum in ciuitate non permittitur, hæredibus cedere non debeat, sed publica Magistratus potestate, cum hæredum consensu, ad aliud opus licitum applicari. Quin imò si hæres, aut patronus, aliæque, quorum interest, consentire nolint, etiam ipsis inuitis Prælatus disponere poterit.

Secundò notat, Affectionem maximè locum habere, si mutatio aliqua facienda sit cum præiudicio aliorum, qui etiam consentire recusant: quandoquidem *solius Principis supremi est, auferre vni & alteri dare* ait Gl. in cap. constitutus ver. à quocunque de religios. domibus.

Tertiò nota, dictam assertionem maximè locum habere, si qualitas seu conditio à fundatore appositæ, mutanda sit in totum, seu in perpetuum: nam talem mutationem ab Episcopo institui non posse, fatentur omnes: cum interim Lambertinus, & alii apud Rochum locis cit. permittant Episcopo, ut pro vna vice, aut breui tempore mutationem aliquam dispensatiuè, ob causam rationabilem, efficere possit.

Dico I. Patronus, cuiusque hæres seu successor iuri patronatus renuntiare potest suo arbitratu, & collationem beneficii liberam efficere, sicuti ex communi docet Rochus, ver. pro eo, quod de diocesani consensu, q. 14. Lambertinus de iure patron. q. 3. princ. a. 3. n. 2. Ratio est, quia in hoc casu proprio iuri renuntiat, & renuntiatio cedit in fauorem Ecclesiæ.

Dico II. Eadem ratione patronus minuere, vel tollere potest eas conditiones, quæ in solum suum fauorem, contra, vel præter ius commune, à fundatore appositæ sunt: v. g. ut seruitium aliquod ab Ecclesiæ Patrono præstetur, sicuti docet Lambertinus loco c. Sed & nouas conditiones, quæ Ecclesiæ utiles sint, cum Episcopi consensu, ab hærede, patroni apponi posse, testatur Abb. in c. dilectus, de consuet. Rochus l. c. q. 13.

Dico IV. Conditiones, quas fundator, ob cultum diuinum, vel ob sui memoriam, honorem, & commodum familiæ suæ &c. obseruari voluit: eas hæres vel successor, quamuis consentiente Episcopo, mutare, vel tollere omnino non potest, contra defuncti voluntatem: Nam pia & honesta voluntatem defunctorum obseruari naturalis æquitas postulat, sicuti habetur in l. 1. C. de SS. Ecclesiis, c. vltima voluntas, 13. q. 2. & videri possunt, quæ dixi lib. præc. tra. 5. de iust. cap. 11. quest. 3.

Ex his resolues primò; Quòd hæres, vel successor, ipsæque Episcopus (nisi grauissima causa postulante) auferre non possint insignia fundatoris, posita in capella, vel Ecclesia, quam construxit, aut dotauit: Neque liceat successor, si alterius familiæ sit, sua insignia eo loco ponere: ut nimirum memoria primæ foundationis perpetuetur, qua de re vide Albertinum de iure patron. q. 3. principali, ar. 4. Eademque est ratio de sepulchro fundatoris, tali lege expressa, vel tacita constituto, ut in eo soli descendentes, siue hæredes sanguinis sepeliuntur: cuiusmodi appellantur sepulchra maiorum.

13 Eademque ferme ratio esse videtur eorum benefacto-

rum, qui Cappellam suis sumptibus extraxerunt, positis in memoriam insignibus suis, sepulchro &c. quæ proinde sine magna necessitatis ratione auferri non debent. Neque refert, etsi familia extincta sit, quia nihilominus optat fundator in hominum memoria viuere, præsertim Christianorum, quippe qui hac ratione excitantur ad orandum pro anima illius. Nam alioquin homines pii reuocabuntur ab eiusmodi constructionibus, si eorum iura, & posita memoriæ in animarum suarum utilitatem temere violentur. Possunt verò interim etiam aliorum nouorum benefactorum insignia & sepulchra in cappellam admitti; saltem cum interuentione, ut intelligatur, quis primus constructor fuerit: idque ob receptam D. D. regulam; quòd fundator, vel benefactor non censeatur impedire velle Ecclesiæ utilitatem.

Paulò alia ratio esse videtur de alijs benefactoribus qui ecclesiam, vel capellam non construxerunt, sed tantum in ea ius sepulture sibi comparauerunt: nam licet his, & hæredibus eorum inuitis, extra casum necessitatis vel magnæ utilitatis, alios ibi sepelire non liceat; quia talia sepulchra instar hospitij esse censentur iuxta c. Ebron, 12. q. 2. Atqui in fundo, in quo alter vsum habet, non potest dominus habitare, vsuario inuito, l. si hæres, §. fin. & l. seq. ff. de usu & habitatione legata. Tamen posteaquam tota progenies benefactoris extincta est, multi censent, vsum capellarum, & sepulcratum eiusmodialiter concedi posse, Azor in summa Instit. de usu & habit. §. si vero vsum, & §. illud. Angelus ver. sepultura §. 41. Armilla n. 24. Rodriq. to. 3. reg. qq. q. 59. a. 10. Tum quia sicut morte usufructuarij, cuiusque descendentijs, reddit usufructus ad proprietarium, iuxta l. corruptionem, C. de usufructu; ita etiam ius capellæ, & sepulture mortuo benefactore, cuiusque hæredibus, reddit ad ecclesiam, cuiusque Rectorem, ut alijs concedi possit. Tū quia alioquin impedirentur alij, quominus ecclesiam ornare, & beneficijs suis augere possint. Denique si causa necessitatis vel utilitatis postulet, tunc Ecclesiæ Prælatus etiam inuito benefactore, aut hærede, ad quem ius sepulchri pertinet, alios in eo sepeliri potest, sicuti docet Armilla lo. cit. Sa ver. sepultura, num. 5. Eodemque modo intelligendum puto Syl. cod. ver. q. 3.

Resolues secundò; Si fundator conditionem apposuit aliquem ex familia, ex gente &c. ad beneficium præsentandum, instituendumque esse, si idoneus adsit, non possit tunc alium promoueri. Qua de re vide Nau. l. 2. consil. 7. de constit. 2.

Resolues tertio; Non posse Episcopum redditus vnius 16 ecclesiæ pro frabrica deputatos, quatenus abundantiores videntur, ad alterius pauperioris ecclesiæ subsidium transferre. Quia res legata, vel dotata ad vnum vsum, non potest ad alterum transferri, nisi auctoritate Principis, l. Legata ff. de administrat. rerum ad ciuitat. pertinentium, & Clem. quia contingit, de religios. domib. & docet ex communi Nau. lib. 3. consil. 15. de rebus Eccles. non alien. edit. 2. Quæ doctrina confirmari potest: Quia Ecclesia pupillo comparatur, cum seipsum defendere non possit: quare sicuti tutor non potest alteri bona pupilli, cum eius detrimento, donare; ita neque ecclesiarum tutor seu administrator Episcopus: excepta plenitudine supremæ potestatis Papalis. Deinde excipienda est magna eaque manifesta abundantia reddituum vnius ecclesiæ; item grauis necessitas alterius ecclesiæ, cui ob legem charitatis ac misericordiam subueniendum sit ex redditibus superfluis; ut plebs, & alij, quorum interest, iniquo animo ferre non possint.

Resolues quarto; Si fundatio requirit, ut in certo loco, vel altari sacrificium offeratur, non posse ad alium locum transferri. Verumtamen nihil qb-

stabit, semel aut iterum alibi sacrificari, si patronus velit; vel causa necessitatis postulet. Qua de re Abbas consil. 96. volum. 2. Lambertinus quæst. 6. princ. a. 6. & 7.

Resolues quintò, Neque Episcopum, neque patronum numerum Missarum, vel præbendarum minuire, aut personalem residentiam in fundatione requisitam tollere posse, præterquam ex causa necessitatis, puta si temporis progressu redditus sufficientes non sint, ad tale onus seruitij, vel tantum numerum Capellano- rum, Canonico- rum &c. sustinendum, sicuti docet Abb. cit. consil. 96. & in c. nos quidem, num. 6. de testam. Lambertinus cit. q. 6. a. 7. Garcias de beneficijs p. 7. c. 1. num. 124. Azor. to. 2. lib. 6. c. 24. quæst. 6. & videri potest Trident. sess. 25. c. 4. iun. interpretatione Nau. c. 25. man. n. 130.

17 Ad extremum addo, quotiescunque casus aliquis siue circumstantiæ incidunt, ob quas à conditione beneficij rationabiliter recedendum videatur, talem interpretationem ac mutationem facere partim ad Episcopum pertinere; partim ad hæredem fundatoris, quippe qui ipsum fundatorem repræsentat, vt notauit Lambertinus q. 6. a. 7. n. 8. Neque his obstat, quod canones & DD. significant, ad solum Papam pertinere fundatorum dispositiones ob iustam causam mutare. Respondetur enim; Papam ex plenitudine potestatis suæ, perpetuam mutationem instituere posse, si causa subsit, etiam contra fundatoris voluntatem: Episcopum vero, cum fundatoris hærede, defuncti voluntatem secundum Episcopiam, ob incidentem aliquem casum, interpretari; interdum etiam pro vna, aut altera vice ob iustam causam dispensare posse; non autem penitus tollere, & immutare beneficij conditionem, quod etiam Felinus docuit in c. cum accessissent, ibid. Abbas num. 5. de constitut. Nau. lib. 3. consil. n. 4. de Cleric. non resident. & de orat. c. 3. n. 73. Sa ver. benefic. n. 7.

Contrarium tamen docet Garcias p. 7. c. 1. n. 107. Propter Concilij Trident. sess. 25. c. 5. de reform. Verùm Trident. illa Constitut. non nouum aliquod ius conditum fuit; sed declaratum ac renouatum, quod antè prohibitum erat, ne Episcopis liceret iustis fundatorum voluntatibus derogare. Exigua autem, imò nulla derogatio esse censetur, si pro vna vice Episcopus in qualitate beneficij dispenset ob causam iustam, & ita comparatam, vt si fundator nunc viueret, facile concessurus esset: modò etiam patronus, tanquam fundatoris successor, consentiat, vel talis necessitas sit, vt rationabiliter consentire debeat. Exemplum est: Si fundator clarè expressit, Capellaniam sacerdotio insignitis conferendam esse: modò autem se non offerat idoneus, nisi subdiaconus aliquis, qui intra annum sacerdotium accepturus est; puto, huic conferri posse, cum consensu patroni. Cauendum tamen est, ne dispensatiua mutatio fiat cum diminutione cultus diuini, aut cum præiudicio personæ tertię: vt si beneficium fundatum sit pro certa familia, atque aliquis ex ea idoneus se offerat, non potest illo repudiato, alteri quantumuis digniori conferri.

18 **QVÆSTIO SEPTIMA.** Quibus ius patronatus competere possit? Respondetur; Non tantum masculo, sed etiam femina, c. vlt. de concess. præbenda. Non tantum puberi, sed etiam impuberi: Non tantum legitime nato, sed etiam illegitimo, arg. capite pie mentis, &c. Frigentius, 16. quæstione 7. in quibus habetur, omni Christiano ius patronatus competere posse.

Duo tamen obiter aduerte: I. Si ius patronatus annexum sit bonis à muliere marito in dotē datis probabilius videri, quòd ius præsentandi ad maritum pertineat: quia transit cum vniuersitate rerū ac iurium: secus, si patronatus annexus sit alijs bonis vxoris in dotem non allatis.

tunc enim ad ipsam propriè pertinet præsentatio, sicuti docet Nicol. Garcias p. 5. c. 9. num. 177. contra Azor. to. 2. l. 6. c. 21. n. 16.

II. Quòd præsentatio patroni ætate minoris valida sit, nec reuocari possit; quamuis sine curatoris auctoritate facta. quia curator non datur minori quoad Ecclesiastica, & spiritualia. De pupillo autem paulò alia est ratio: cum tutor constituatur etiam ad actiones personarum regendas: quare æquum est vt ipsius auctoritas adhibeatur, imò tutoris præsentatio loco pupilli admitti potest, nisi is rationis discretionem præditus contradicat. Qua de re idem Garcias n. 188.

QVÆSTIO OCTAUA. Quid agendum sit, si plures existentes patroni in præsentando non consentiant? Respondeo, & dico I. Si ius præsentandi pluribus patronis competat coniunctim, siue vt Vniuersitati, vel Collegio, necesse est consentire maiorem partem totius corporis, sicut supra de elect. dictum est; & docet Abb. in c. quoniam de iure patron. n. 13. Ioan. Nicol. Delphinus de iure patron. lib. 2. q. 30.

Dico II. Si plures ius præsentandi habeant diuim, siue vt personarum singulares, tunc is, in quem plures comparatione aliarum partium consentiunt, alijs præsentatis, præferendus est, iuxta cit. c. quoniam, & c. vlt. d. 63. Verbi gratia, si quatuor patroni sint, quorum duo consentiant in Titium, tertius in Caium, quartus in Sempronium; institui debet Titius. Sin verò vnus eorum, cui ius præsentandi competit, contemptus fuit, is infirmare potest præsentationem, argum. c. venerabilem, de elect. Quamuis, si velit, etiam postea consensu suo eam ratificare poterit, argum. c. cura de iure patronatus, vbi Abbas num. 2. ait: *Si ad actum requiratur alienius consensus, sufficit si superueniat post factum: & quamuis actus ob defectum consensus fuerit nullus, valebit tamen ex quo consensus datus fuerit.* Vide Addit. ad lit. b. Quòd si verò duo, vel plures præsentati paria suffragia habeant, præferri debet, qui magis idoneus est, si maioribus meritis iuuatur, Episcopi iudicio, cit. cap. vlt. d. 63. Sin æquè idonei videantur, is quem Episcopus maluerit: cum enim omnia paria sunt, tunc gratificationi locus est, ait Abbas in cap. cum autem, num. 3. de iure patronatus. Delphin. quæst. 32. Rochus in ver. honorificum, quæst. 14. Imò aliqui apud Abb. ibid. Syl. ver. ius patronatus, quæst. 8. aiunt; Episcopum liberè instituere posse, quem voluerit, si patroni intra tempus ad præsentandum ipsis concessum non consentiant, sed paribus, vt dixi, suffragijs discordent, argum. cit. c. quoniam, vbi duo casus exprimuntur, in quibus libera collatio Episcopo conceditur: Primus, Si ob discordiam patronorum scandalum oriturum sit, si Episcopus vnum ex præsentatis, quamuis pluribus, quam alij, suffragijs aut meritis munitum, instituat. Secundus, Si contentio de iure patronatus oriatur, eaque intra tempus, patronus ad præsentandum concessum, non fuerit definita, cap. si verò, cap. cum propter, eodem tit.

Denique, si lis alicui mota sit de possessione iuris patronatus, interim ab eo præsentatio admittenda non est, argum. cap. ex literis, eod. tit. vbi id docet Abbas n. 7 & Gl. in cap. 2. ver. electionem, de in integr. restitut. Sin verò bonæ fidei possessori lis mota est super proprietate iuris, admittenda quidem est præsentatio, sed præsentatus pendente lite institui non debet. Alia verò ratio est, si possessor ante litem contestationem præsentauit, tunc enim institutio fieri debet, nihil obstante, quòd lis superuenerit. Ita ex communi Abb. in cit. c. ex literis, num. 8. & cit. 2. cap. 2. num. 22. Rochus ver. competens alicui, quæst. 23. Lambertinus p. 6. a. 3. Ratio est: Quia præsentatio est veluti fructus quidam iuris patronatus: Plus autem iuris habet bonæ fidei possessor in fructibus ante litem contestationem, quam postea, sicuti

dixi lib. præced. tract. 2. cap. 3. nu. 1. Vide etiam Abb. in cap. consultationis, num. 9. de iure patronatus ubi ait: Actum præsentationis, cum sit quasi fructus quidam, propriè ad bonæ fidei possessorem pertinere; ut ab ipso præsentatus, & ante litis contestationem institutus, omni iure tuendus sit: quamvis postea appareat, patronatum iure proprietatis ad alium pertinuisse. Sin verò ante institutionem constet de iure proprietatis, tunc possessor, cum mala fidei se incipiat, nullo modo admitendus quia proprietas absorbet causam possessionis iuxta caput cum dilectus, de causa possessor, & propriet.

20 **QVÆSTIO NONA.** Quibus modis ius patronatus transferatur? Respondetur, Quatuor modis, Successione, donatione, permutatione, venditione vniuersitatis. Ita Gl. c. cum seculum, ibid. Abb. n. 3. de iure patron. Syl. quæstione 4. Successione hæreditaria ius patronatus deuolui potest tam ex testamento, quam ab intestato; non solum ad agnatos, sed etiam ad extraneos masculos, & fœminas. Cæterum, si duobus v. g. existentibus patronis, vnus eorum patronatum in plures seu testamentum, seu contractu transmittat; hi plures succedunt in locum vnius, vnamque in præsentatione vocem habent, sicuti decisum est in Clem. 2. de iure patron. iun. Gl. & fusè explicat Rochus de translat. iuris patron. in decimum definitionis verbum. Additur verò in eadem Clement. *Facilius provideatur ecclesiis, conueniens reputamus, patronos ipsos inter se posse libere conuenire, de Rectore ab eis alternis vicibus præsentando.* Addit Gl. prima cõmuniter recepta, quod patroni plurium ecclesiarum inter se iura sua diuidere possint, ut vnus præsentet in vna, alter in alia.

Donatione gratuita patronatum transferri posse, colligitur ex cap. ex insinuatione, de iure patron. Sed refert, vtrum donatio fiat Ecclesiæ Monasterio, & vno verbo, loco pio, seu religioso, an alteri personæ, vel Cõmunitati. Nam in primo casu non requiritur Episcopi consensus, sicuti constat ex cap. vn. de iure patron. in 6. & c. illud, extra, eod. & tradit Abb. ibid. num. 5. & in c. de Monachis, numero 13. de præb. At verò in altero casu adeò requiritur, ut alter facta donatio non valeat. Idque ob eam causam, quod providere Episcopus possit, ne ecclesia detrimentum patiatur, si fortè patronatus in potentiorē, vel asperiorē possessorem transferatur. Sufficiet tamen, consensum Episcopi postea præstari, sicuti annotauit Abb. in cit. c. cum seculum n. 6. de iure patron.

Illud etiam probabile est, si duobus existentibus patronis, vnus ius suum alteri remittat, & condonet, eo casu non requiri Episcopi consensum argum. Clem. 2. de iure patron. iun. Gl. 1. & disputant Gl. & DD. in cit. c. ex insinuatione, eod. tit. Azor tom. 2. lib. 6. ca. 20. q. 6. His adde, quod Abb. notat in cit. c. cum seculum num. 6. quæ de gratuita donatione iuris patronatus dicta sunt, similiter locum habere, si ius patronatus alicui per se & solitariè legatum sit.

Permutatione ita demum concessa est translatio iuris patronatus, si fiat non cum re temporali, sed spirituali; puta alio iure patronatus, sicuti docet Innoc. in rubrica de iure patron. Hostiensis in summa eiusdem, ex c. nemini, 16. q. 7. c. ad quæstionem, & c. ult. de rerum permutat. Potrò, ut in alium patronum laicum, aliãque priuatam personam patronatus permutatione transferri possit, Episcopi consensus equiri videtur: quia, ut supra dictum, interest id Ecclesiæ, ne nouum patronum deteriore acquirit. Quæ de re Abb. in cit. c. illud Rochus l. c. q. 16. Azor q. 7.

Denique ius patronatus transfertur per accidens, siue accessoriè vnâ cum vniuersitate, quæ alicui venditur, legatur, donatur, in feudum datur, c. ex literis, c. cum seculum, de iure patron. Vbi DD. hanc regulam tradunt:

Alienata vniuersitate, transferuntur omnia iura adherentia vniuersitati, quæ ab eo, cui fit alienatio, possideri possunt, nisi excipiantur. Quæ re vide Couar. lib. 2. c. sol. c. 18. n. 6. Suarez t. 1. de relig. tr. 3. l. 4. de Simon. cap. 28. num. 19. Nicol. Garciam p. 5. de benef. cap. 9. Nomine autem *vniuersitatis bonorum*, intelligitur hæreditas, ciuitas, castrum, villa & c. in quibus non tantum res corporales, sed etiam iura contineri solent, sicuti docet Abb. in cit. c. ex literis, num. 12. Azor cit. cap. 20. quæst. 8.

Nota igitur, licet ius patronatus per se vendi nequeat, 21 sicuti habetur in c. de iure, eod. tit. tamen per accidens vendi, seu potius per venditionem transferri posse; modo in venditione, aliãue commutatione rerum temporalium quibus ius patronatus annexum est, nulla eius ratio habeatur in æstimatione; sicuti ex communi monet Palud. in 4. d. 25. q. 5. a. 2. S. Bonau. ibid. a. 1. quæst. 3. Binsfeldius tit. de simon. c. 5. concl. 3. Suarez citat. cap. 28. num. 13. 17. Nam si supra iustum rei temporalis valorem aliquid daretur, vel acciperetur ratione iuris patronatus, tunc ius spirituale per se emeretur, & venderetur, quod simoniacum est: quamvis contrarium doceat Garcias p. 5. c. 9. n. 35. & significat Mol. to. 3. priore, disp. 620. n. 6. in fine. Præterea, licet patronatus per se, ac seorsim, absque consensu Episcopi, aliis, quàm loco religioso donari, legari, permutari non possit, ut supra dictum; tamen per accidens siue accessoriè cum re, cui inhæret, liberrimè transfertur, tam inter viuos, quàm per vltimam voluntatem, sicuti ex communi docet Suarez cit. c. 28. n. 17.

Potrò, præter modos enumeratos, non est alius transferendi ius patronatus: cum neque alius modus iure canonico permissus reperitur. Est enim regula recepta DD. Quod patronus ius patronatus ad alium transferri non potest, nisi in casibus iure expressis: cum sit beneficium & gratia, (sic enim appellatur in Conc. Arausicano l. can. 10.) quæ etiam laicis competere potest: Laici autem in spiritualibus non plus possunt, quàm ipsi in sacris canonibus expresse permissum est, sicuti ex communi notauit Suarez cit. c. 28. num. 15. Ex quo colligitur, quod neque per locationem fundi ad breue tempus ius patronatus conductori acquiratur, sicuti ex communi docet Abb. c. cum Bertoldus, de sent. & re iudic. & c. ex literis, n. 5. de iure patron. Rochus Curtius de iure patron. decimo. definit. verbo, quæst. 26. Neque per fundi oppignationem, sicuti annotauit Gl. in cit. cap. cum Bertoldus, ver. patrono, Rochus cit. ver. quæstione 27. Garcias p. 5. cap. 9. numero 178. Syl. ver. ius patronatus, quæstione 5. dicto 5. Ratio est, quia nec per dictam locationem, nec per oppignationem dominium rei transfertur; idèoque alienationis nomine non comprehenduntur. Interim verò nihil ob stare videtur, quominus debitor creditori fundum hypothecæ nomine possidenti committere possit, ut suo nomine præsentationem faciat, sicuti notat Gl. marginalis in cit. cap. Bertoldus, prope finem, & consequuntur ea, quæ docet Abb. in cap. ult. num. 6. de concess. præb.

CAP. XIV.

DE REQUISITIS QUALITATIBUS eorum, quibus ecclesiastica beneficia conferuntur.

SUMMARIUM.

Ad omnia beneficia simplicia secundum ius Tridentinum requiritur ætas inclinata quatuordecim saltem annorum, ad curata vero maiore ætate opus est.

1. Quædam beneficia sacerdotalia sunt, quædam diaconalia &c. idque vel actu, vel aptitudine, iure communi necesse non est ordinem ad beneficium requisitum actu habere: sed satis est, si instituendus intra annum suscipitur sit.
2. Instituendus ad beneficia ex legitimo matrimonio natus esse debet.
3. Illegitimus dispensatus absolute ad beneficia, non inde censetur habilis ad beneficia curata, aut dignitates.
4. Filius illegitimus in eadem ecclesia, ubi eius pater beneficium obtinet, vel obtinuit, institui, aut ex officio ministrare non potest.
5. Filius legitime natus non potest patri suo in eodem beneficio immediate succedere.
6. Si beneficiatus matrimonium valide contrahat, vel Religionem proficiatur, vacat ipso iure eius beneficium: Sin vero inualide, per iudicis sententiam privandus est, nisi cum eo dispensetur.
7. Per Religionis professionem ipso iure vacare incipiunt omnia beneficia ante habita. Novitio autem pro tempore durantis novitiatus, constituto vicario, beneficia reservari debent.
8. Necesse non est, ut qui beneficium Ecclesiasticum accipit, propositura omnino absolutum habeat in statu clericali permanendi.
9. Qui beneficium curatum suscipit sine proposito intra annum sacerdotium accipiendi, si non promouetur, omnes fructus perceptos restituere debet.
10. Episcopus tamen cum eiusmodi promotio ratione studiorum ad tempus septennij dispensare potest.
11. Qui beneficium non curatum accipit, cui obligatio sacri ordinis annexa est, debet habere propositum (saltem conditionale, nisi aliqua rerum mutatio interveniat) intra tempus iure requisitum se habilem efficiendi: alioquin peccat mortaliter; licet ad fructuum restitutionem non teneatur.
12. Qui simplex beneficium, cui nullus sacer ordo annexus est, eo animo accipit, ut fructus aliquamdiu lucretur, postea ad statum secularem rediturus, peccat quidem, sed non mortaliter, per se loquendo.

IN T E R qualitates requisitas primo loco numeramus ætatem, quæ in omnibus simplicibus beneficiis saltem 14. annorum inchoata esse debet, iure novo Trident. Concilij sess. 23. c. 6. de reform. cum iure antiquo compleri septennij ætas sufficeret, quæ de re Abb. in c. super inordinata, de præb. n. 6. Rebuffus, tit. requisita ad collationem bonam, n. 36. Henricq. lib. 10. c. 19. Zecchus de beneficiis, cap. 3. Azor cit. l. 6. c. 5. Lessius c. 34. dub. 20. Garcias p. 7. c. 4. de beneficiis. Excipe; Nisi in fundatione beneficii aliter cautum sit: id enim servari debet, sicuti ex declaratione Cardinalium refert, & testatur Sa ver. beneficium, n. 30. Garcias l. c. num. 9.

Porro specialiter decretum est in Trident. sess. 24. c. 12. de reform. ut nemo ad canonicatum, vel dignitatem admittatur, nisi eo ordine insignitus sit, quem beneficium illud postulat, Quare cum in Ecclesiis Cathedralibus Canonici omnes saltem subdiaconi esse debeant, ut in eadem Trident. constitutione habetur; sequitur, neminem in Ecclesia Cathedrali canonicatum obtinere posse, nisi eam ætatem assecutus sit, ut intra tempus à iure definitum, videlicet intra annum, subdiaconus fieri possit: quare saltem XXI. ætatis annum inchoasse debet, sicuti indicat Trident. cit. c. 12. §. neminem etiam, iun. sess. 22. cap. de refor. & explicat Azor l. c. quæst. 5. §. Verum, Less. cit. cap. 20. num. 110. Nau. consil. 8. n. 2. de præb. edit. 2. Ad canonicatum verò non habentem annexum ordinem sacrum, in Ecclesia Collegiata sufficit ætas annorum XIV. sicuti ad alia beneficia simplicia, teste Azorio quæst. 6. Henricq. cit. cap. 19. numero 2. Garcia n. 39. Sed interim dum subdiaconi ordinantur, ne quem Cathedrali, neq. in Collegiata seculari vel regulari Ecclesia vocem in Capitulo habere possunt, iuxta Clem. 2. de ætat. & qualitat. Idemque statuit Tridentina Synodus in cit. c. 4. Sed circa hæc attendenda etiam sunt speciales Ecclesiarum constitutiones, consuetudines, ac privilegia.

Quod verò attinet ad beneficia duplicia, si non habeant

annexam curam animarum, cuiusmodi sunt quædam dignitates, vel personatus, viginti duo anni requiruntur in cit. cap. 12. sess. 24. Et quidem completi, secundum communem Doctorum sententiam, apud Less. num. 108. Garciam num. 67. contra Sa num. 31. Nam Concilium requirit, ut non sit minor XXII. annis. quæ loquendi forma anni completi in iure intelligi solent. Ad curata autem beneficia quæcunque, necesse est providendum XXV. ætatis annum attingisse, sicuti habetur in c. cum in cunctis, §. inferiora, de elect. c. licet canon. de elect. in 6. & in Trident. cit. cap. 12. & videri potest Nau. cap. 25. man. num. 116. Quare idem quoque dicendum est de Abbate, posse aliquem eligi, dummodo ætatis annum XXV. attingit, teste Abb. in cit. c. super inordinata, num. 7. Armilla ver. Abb. num. 1. Ad Abbatissam verò, triginta anni completi requiruntur, in cap. indemnitate, de elect. in 6. Nouo autem Tridentino Concil. sess. 23. cap. 7. de Regular. statutum est, ut in Abbatissam, & quamvis Præpositam Regularium non eligatur minor quadraginta annis, quæ octo antè annis professa sit: quod si talis in Monasterio non reperiatur, ex alio eiusdem Ordinis eligi possit: sin verò id Superiori, qui electioni præest, expedire non videatur, tunc demum eligere liceat ex ijs, quæ trigessimum saltem annum exceßerunt, & quinque annis post professionem in illo Monasterio laudabiliter vixerunt. Denique qui in Episcopum eligitur, XX. annos complevisse debet, cit. c. cum in cunctis Trident. sess. 22. c. 2. & sess. 24. c. 1. de reform. Vide etiam de pueris non facile instituendis Henricum Gandavensem quodl. 9. q. 30. Ioan. Maiorem in 4. d. 24. q. 5.

Altera qualitas requisita ad beneficium allequendum est clericatus, sine prima tonsura. Quæ est omnium DD. sententia, & colligitur ex cap. cum aded, de scriptis, ubi id notat Glos. ver. Clericus. Ex quo colligit Garcias p. 7. c. 1. num. 25. quod irrita sit presentatio absolute facta, si presentatus eo tempore, quo Episcopo exhibetur, sit laicus. Carterum aduerte, quædam beneficia esse sacerdotalia, quæ de iure, consuetudine, aut propria fundatione, ordinem sacerdotalem requirunt: Alia diaconalia, quæ ordinem diaconatus postulant &c. Idque duobus modis, vel aptitudine, vel actu ipso. Et quidem iure communi necesse non est instituendum actu habere sacrum ordinem, quem Ecclesiæ beneficium requirit: sed satis est, si intra annum, nullo impedimento cessante, se promoueri fecerit, sicuti dicitur in Clem. 2. de ætat. & qualitat. & docuit Gl. in c. præterea, ver. breve tempus, de ætat. & qualitat. & ordine præficiendorum, & videri potest Trident. sess. 22. cap. 4. de reform. Præterquam, quod Episcopus, cum eligitur, subdiaconus esse debet, c. à multis, eodem tit. Quamobrem si in fundatione alicuius capellanie requiratur Capellanus, qui per seipsum celebret, benignè & conformiter iuri communi cit. Clem. &c. ei cui de præbend. in 6. explicari id posse videtur, satis esse, si intra breve tempus ordinem sacerdotij suscipere possit, nisi aliud fundator expresserit, sicuti docet Zecchus de Republ. Christian. c. de beneficiis, n. 4. in fine.

Porro si fundator solum requirat certum Missarum numerum, vel ut Capellanus, ad tale beneficium promotus, toties sacrificet, non censetur Capellania sacerdotalis, seu actu, seu aptitudine: & nihil obstat, quominus alicui conferatur, qui non per se, sed per Vicarium satisfactorius sit: Nisi aliam fuisse fundatoris voluntatem, liquido appareat, sicuti docet Garcias num. 86. Sa ver. beneficium, num. 28. allegata Cardinalium responsi. Ratio est: Quia si fundator de beneficio expressè nihil disponat, relinquit illud dispositioni Ordinarij.

Tertia qualitas est: Ut promouendus ex legitimo matrimonio natus sit; vel saltem à summo Pontifice, aliòue habente Ecclesiasticam ad id potestatem, dispensatus

satus, vel legitimatus iuxta c. 1. de filiis Presbyterorum in 6. Vbi tria aduertenda sunt, cum Gl. & DD. ibid. Rebuffo in praxi tit. de dispensat. super defectu natalium, Lessio cap. 34. dub. 18. I. Episcopus cum illegitimo, etiam spurio, dispensare potest, vt ad ordines minores, & beneficia simplicia, quibus sacer ordo annexus non est, admittatur; non item ad dignitates, & personatus, neque ad beneficia curata, c. vlt. extra, de filiis presbyterorum.

II. Si illegitimus, dispensationem à Papa, eiusue legato acceperit, vt ad sacros ordines admitti possit, etsi non hoc ipso ad beneficia quoque dispensatus censetur, tamen accedente dispensatione Episcopi, ad quauis simplicia beneficia, etiam Ecclesie Cathedralis canonicatum, admitti potest, nisi Ecclesie consuetudo repugnet.

III. Illegitimus dispensatus ad beneficia simpliciter, non ideo censetur dispensatus ad curata, quippe in quibus maiorabilitas requiritur, iuxta cap. cum in illis, de praebe. in 6. Neque ad dignitates & personatus, quippe quae communi beneficiorum nomine non veniunt. Neque denique ad Ecclesie Cathedralis canonicatum, arg. c. quamuis, 1. de praebe. in 6. Vbi notant DD. quod in odiosis nomine generali Ecclesiarum, Cathedralis Ecclesia, ob specialem eius honorem, non comprehendatur. Neque item dispensatus ad beneficia quacunque, etiam dignitates, censeri debet dispensatus ad Praelaturam, cit. c. cum in illis; nec ad dignitatem in Ecclesia principalem, multoq; minus ad Cardinalitiam, sicut docet Maiolus l. 1. de irregul. c. 9. Quauis talis promoueri possit ad maiores ordines, & ecclesiam parochialem: quia dignitas siue personatus, & eiusmodi beneficium curatum inter se aequiparantur, c. dudum, 2. de elect. & docet Vgol. de irregular. cap. 24. §. 4. Vide Rebuff. l. c. n. 50. Garciam num. 71. vbi aduertit, hodie Rom. Curiae praxin esse, vt cum illegitimis dispensetur ad obtinenda beneficia quacunque, praeter dignitates, ac canonicatus in Cathedralibus, & principalem in Collegiata.

Præterea in Trid. Synodo sess. 25. c. 15. de reform. extensa est antiqua constitutio c. ad praesentiam, & c. cum decorem, de filiis Presbyt. atq; decretum: *Ut paterna incontinentia memoria à locis Deo consecratis, quos maxime puritas sanctitasque decet, longissime arceatur, non liceat filiis Clericorum, qui non ex legitimo nati sunt matrimonio, in Ecclesiis, vbi eorum parres beneficium aliquod Ecclesiasticum habent, aut habuerunt, quodcumque etiam dissimile beneficium obtineret; nec in dictis Ecclesiis quoquo modo ministrare, nec pensiones super fructibus beneficiorum, quae parentes eorum obtinent, vel alias obtinuerunt, habere.* Et habet hæc constitutio etiam locum in filiis Clericorum naturalibus; id est, qui ante clericeatum ex fornicatione nati sunt, sicuti ex Cardinalium declaratione testatur Garcias p. 7. c. 3. n. 15. Non item in nepotibus, ex Clericorum filiis seu legitime, seu illegitime procreatis, sicut cum Gl. communiter recepta in c. 1. d. 56. ver. filios: contra Rebuffum & quosdam alios, docet Nau. lib. 1. consil. 9. de filiis presbyt. edit. 2. Rodriq. to. 1. c. 29. concl. 4. Garc. l. c. Quia appellatione filiorum in materia poenali (qualis hæc constitutio est facta in odium incontinentiae paternae) non comprehenduntur nepotes, sicuti docet Bartol. in l. librorum, ff. de ver. signif. Couar. 2. resol. c. 8. n. 2. arg. l. lege Iulia, §. hoc capite, ff. de ritu nuptiar. Accedit, quod ratio abolendi memoriam incontinentiae paternae magis procedat in filio, quam in nepote ex filio, aut filia.

Præterea, quod Concilium prohibet, quoquo modo ministrare, intelligi debet tanquam ex officio. & ob stipendium, v. g. Cooperatorem, Cantorem agendo: interim verò non prohibetur filius illegitimus ex deputatione ministrare, vel celebrare in ecclesia, vbi pa-

ter beneficium habet, sicuti docet Garcias cit. c. 3. n. 70. contra Nau. lib. 1. consil. 1. quart. 17. de constit. edit. 2. Neque item prohibetur filius illegitimus beneficium accipere in ecclesia, in qua pater eius ministravit, sed sine titulo beneficii, v. g. Capellanum, vel Vicarium temporalem agendo; iuxta c. constitutus, de filiis Presbyt. & docet Garcias numero 71. Vide etiam Nauar. in auctario cap. quando, de rescriptis, vbi resoluit, licet pater beneficium suum resignant, vel mortem obierit, non permittendum tamen secundum Tridentinum, vt filius in eadem ecclesia beneficium obtineat.

Quod verò ad legitimos Clericorum filios attinet, si possunt beneficia in eadem Ecclesia cum patre obtinere, c. adhuc, de filiis Presbyt. dummodo patri in eodem beneficio immediate non succedant, c. constitutus, c. ex transmissa, ad extirpandas, c. dilectus, eod. tit. Cum in beneficiis Ecclesiasticis ea, quae hereditaria successionis imaginem referunt, s. vris constitutionibus sint obiecta, & Patrum decretis contraria, ait Trident. sess. 25. c. 7. de reform. Sed quid sentiendum de nepote, vtrum aucto in eodem beneficio immediate succedere possit? Affirmatiuam partem videntur tenere Gl. in c. Apostolica 8. questione 1. Nauar. cit. consil. 9. de filiis Presbyter. Garcias cit. n. 23. Sed contrarium placet, cum Gl. cit. c. ad extirpandas, ver. filii Presbyterorum, Rebuffo de dispensat. super defectu natalium, num. 27 Syl. ver. beneficium, 3. q. 6. Less. lib. 2. c. 34. n. 91. Nepotem mortuo patre suo, non posse immediate succedere aucto in eodem beneficio: quia nepos, quod ad iura successionis attinet, succedit in locum patris demortui, ideoque instar filii reputantur, sicuti constat ex Instit. de hered. qualitat. & different. §. sui autem, & necessarii. Quare cum ratio tota, ne in beneficiis quasi hereditario iure succedatur, locum etiam habeat in nepote legitimo post mortem patris sui, & alioquin dispositio Ecclesiae fauorabilis sit; dicendum videtur, nomine filiorum etiam nepotes legitimos comprehendere.

Veruntamen vice versa, pater nullo iure prohibetur filio suo legitimo, seu illegitimo, mediate, vel immediate in beneficio succedere. Quamuis non possit obtinere beneficium in Ecclesia, in qua eius filius illegitimus de facto minister, vel beneficiatus est, sicuti notauit Garcias n. 30.

Quarta qualitas est cœlibatus. Nam coniugatus ad Ecclesiastica beneficia admitti non debet: Nisi forte castitatem voueat perpetuam, & qui unicam virginem habuerit uxorem, vt dicitur in c. 2. de clericis coniugatis; quae de re dicam lib. 5. tr. vlt. p. 3. c. 7. n. 3. Adde, si beneficiatus matrimonium valide contrahat, ipso iure amittere beneficium: quippe cum Clericus coniugatus beneficium possidendi incapax sit, perinde ac laicus, sicuti colligitur ex c. 1. & c. diuersis, eodem tit. & docet Gl. cit. c. 1. ver. relinquenda, Nau. c. 25. num. 119. Sanchez lib. 7. de matrim. disp. 42. Less. dob. 21. Azor p. 2. lib. 7. cap. 16. q. 4. & seqq. Garcias p. 11. cap. 8. Etiam si vxor, matrimonio non consummato, Religio, nem ingrediatur: Quia ius semel extinctum non renouatur, etsi causa extinguendi postea cesserit, arg. Clem. gratiae, de rescript. vbi id notat Gl. ver. resignaueris. Abb. cit. c. 1. n. 6. de cleric. coniug. Nau. l. c. Sanchez n. 6. contra Less. li. 2. c. 34. n. 113.

Dixi autem, si valide contrahat: sin verò matrimonium beneficiati ob aliquem defectum valore careat, non videtur beneficium ipso iure vacare; sed ita contrahentem priuandum esse, nisi cum ipso dispensetur, quod de beneficiatis in sacro ordine, si matrimonium contrahere praesumant, satis clarè definitur in cit. cap. De aliis verò Clericis ordinum minorum communis ferme est sententia Doctorum, ipso facto priuatos esse beneficio, si matrimonium, quamuis invalide,

contrahant. Ita Nau. cap. 25. num. 120. Syl. ver. beneficium, 3. q. 22. Armilla n. 10. Rodriq. to. 1. sum. c. 30. concl. ult. Azor to. 1. lib. 13. c. 13. q. 5. & 8. Sed contraria sententia est probabilior, quam tradit Sanchez lib. 7. disp. 43. Less. lib. c. Quia inualidè contrahens, neque ob tacitam renuntiationem ius beneficii amittit; cum nulla renuntiatio, nisi facta sit in manibus Episcopo- rum, vim suam obtineat, c. cum iam pridem, c. cum in dubiis, de renunt. Neque amittit ob iuris dispositionem, quia canones ipso facto priuantes beneficiatum, si uxorem accipiat, loquuntur de matrimonio valido cum dicatur in cit. c. 1. cogendum esse contrahentem, ut uxorem retineat.

Illud verò adhuc certius est, quòd docet idem Sanchez lib. 3. de matrim. disp. 2. num. 8. Garcias de benef. p. 11. c. 8. num. 15. Rodriq. li. c. Si Clericus in rano- ribus sine parochi præsencia contrahat, non amittere ipso iure beneficia, quæ possidet. Cum enim præsencia parochi pertineat ad formam substantialem matrimonii, eâ intermissâ non potest censerî matrimonii contra- ctum celebrasse, sed potius sponsalia de futuro, per quæ beneficia non amittit ipso facto certum est; imò nec priuandum esse, ait Garcias nu. 19. Sanchez lib. 7. disp. 42. n. 1. Certum iterum est, quòd beneficium non vacet ipso iure, matrimonium irritum fuit ob defectum cõsentus voluntarii: cū hoc casu tacita renuntiatio Cle- rici manifestò cesset, sicuti notauit Less. l. c. Garcias n. 10. Azor cit. q. 8. Less. cit. n. 13.

Plurimum autem refert, utrū dicamus, Clericū ma- trimoniū inualidè contrahentem hoc ipso beneficiis pri- uari, necne. Si enim ipso facto non perdit, potest ea resi- gnare in gratiam alterius, antequam per Iudicis senten- tiam priuetur: secus, si ipso iure perdidit, sicut notauit Sanchez cit. disp. 43. n. 9.

8 Porro sicuti matrimonio carnali, ita & spiritali, siue Religionis professione expressa vel tacita, ipso iure vacant beneficia antè habita, iuxta cap. beneficium, de Regular. num. 6. Tempore autem probationis, si- ue nouitiatus reservari debent beneficia: eisque Noui- tius, non nisi intra duos menses professionem antecedentes renuntiare potest, iuxta Trident. sess. 25. cap. 16. de Regular. & dixi libro præced. tract. 5. cap. 7. quæst. 3. dicto 4.

Quinta qualitas est morum probitas, c. cum in cunctis de elect. c. graue nimis, de præb. Clem. de ætate & qua- lit. Eiusque rei quàm maximam rationem habendam esse, monet Less. dub. 23.

Sexta est literarum scientia, pro qualitate ac conditio- ne beneficii, uti constat ex citatis iuribus, iuncto cap. venerabilis, de præbend. & videri potest Io. Maior in 4. d. 24. quæst. 6. Concil. Trident. Sess. 24. c. 12. & 18. de reformat.

Septima. Ut ad beneficium promouendus non sit ir- regularis, aut censura aliqua irretitus. Quæ de re dixi li. 1. tract. 5. p. 2. c. 2. n. 7.

Octaua. Ut beneficium regulare alicui conferatur, de- bet esse eiusdem Ordinis professus, vel qui promittat se intra certum tempus suscepto habitu professionem edi- turum, iuxta Trident. sess. 14. cap. 16. de reformat. iun- cta interpretatione Sanchez lib. 7. moral. c. 4. num. 24. Beneficium autem seculare, curam animarum non ha- bens, conferri non potest Regulari professo, iuxta cap. super eo, de Regular. Clem. vn. de suppl. neglig. Præ- latorum. Imò iure nouo neque curata beneficia Regu- laribus conferri, aut commendari possunt, uti dixi supra c. 4. n. 3.

9 Restat, ut agamus de proposito, quod promouendus habere debet, accipiendi sacros ordines, vel perseue- randi in statu clericali. Quæ de re dico I. necesse non est, ut qui beneficium simplex aut curatum accipit, propo- situm omnino absolutum ac determinatum habeat in

clericali statu permanendi, sacrum ordinem suo tempore accipiendi: sed sufficit voluntas conditionalis perse- uerandi, & ad ordines ascendendi, & nisi noua circum- stantia, siue causa mutandi voluntatem accesserit: puta si clericalis status postea minus conuenire videatur; aut si primogenitus, vel vnicus frater moriatur vel liberos nullos procrearit; si optimum matrimonium ad con- seruandam familiam, extinguendas lites opportunum se offerat. Ita ex communi Nau. cap. 25. man. numero 118. & lib. 3. consil. 1. de præben. edit. 2. Rodriq. to. 1. sum. c. 30. concl. 6. Sanchez li. 7. disp. 45. n. 10. Less. dub. 26. Garcias p. 3. c. 4. num. 46. contra Sotum l. 10. q. 5. a. 6. Gutierrez l. 2. canon. qq. c. 5. n. 22. qui hanc assertionem negant in susceptione beneficii curati. Sed probatur vniuersim: Quia ex vna parte prouisus non dolosum & fictum animum adfert; cum verè habeat vo- luntatem perseuerandi, quamuis conditionalem: ex altera verò parte Ecclesia talem conditionem; siue volunta- tem renutiandi beneficio & statui clericali, si aliquid melius, vel salubrius obigerit, non damnat.

Dico II. Qui beneficium curatum, siue parochiale accipit animo intra annum, à iure præscriptum, sacerdo- tium non suscipiendi, sed ecclesiam parochialem di- mittendi, is non solum mortaliter peccat, sed etiam ad restitutionem fructuum perceptorum obligatur. Ita ha- betur in c. commissâ, §. ceterum, de elect. in 6. Ratio est, quia Ecclesia beneficium curatum Clerico nondum sacerdoti cum hoc onere & tacite annexo pacto confer- re solet, ut is obligatus sit intra annum sacerdotium sus- cipere, alioquin fructus interea perceptos restituere de- beat.

Quædam tamen hoc loco obseruanda. Primum. Quod ex Nauar. bene tradit Sanchez cit. disp. 45. num. 5. contra S. Anton. p. 3. tit. 15. cap. 1. §. 3. Syl. ver. be- nefici. 3. quæstione 2. Sotum cit. a. 6. Eum qui eius- modi fraudulenta intentione lucrandi fructus, & bre- ui post tempore dimittendi, beneficium curatum sus- cipit, nihilominus beneficii titulum, & perceptorum fru- ctuum dominium acquirere; tamen cum annexo onere, etiam ante omnem Iudicis sententiam, fructus post anni lapsum restituendi. Ita enim colligitur ex cit. c. com- missâ.

Alterum. Quod Gl. ait in cit. c. commissâ, ven. non intendens: Si quis intendebat à principio, sed postea mutata voluntate, promotus non fuerit, non tenetur ad restituti- nem fructuum. Quod verum puto; adicit Gl. de perce- ptis ante mutata voluntatem; de aliis postea perceptis cre- derem secus: idemque tenent Sotus cit. art. 6. Tol. lib. 4. capite 18. Gutierrez capite 5. numero 2. Ratio posterioris dicti est: Quia Ecclesia parochialis tali condi- tione conferri censetur clerico non sacerdoti, ut sino- luerit sacerdos fieri intra annum, ex eo tempore per- ceptos fructus restituere cogatur. Quamuis Nauar. cit. numero 118. Sanchez cit. disp. 45. numero 11. Less. cap. 34. num. 134. non improbabiler negant, talem ad vllam fructuum restitutionem obligari: quia in c. commissâ solum mentio fit de eo, qui ab initio non intendens sacerdotium intra annum suscipere, pa- rochialem ecclesiam accipit, quòd fructus interea per- ceptos restituere debeat. quæ constitutio, cum odiosa sit, non debet ad casum diuersum, præsertim minus cul- pabilem, extendi.

Tertium. Quod DD. communiter docent contra Sotum l. c. Si quis ab initio non intendebat promoue- ri, sed intra annum voluntatem mutauit, vel dispen- sationem impetrauit, lucrati eum omnes fructus. Ra- tio est: Quia collatio beneficii ab initio valida fuit, quamuis sub modo, siue obligatione facta, ut proui- sus intra annum sacerdotium suscipere velit, ni- si dispensationem impetret, iuxta cit. c. licet canon. Id- que satis colligitur ex tex. cit. c. commissâ, ibi, nisi ut

*lucrate mutata, promotus fueris: v. g. Gl. ait; Nota, quod
fraus purgatur: sicut & mora interdum.*

Quæres I. Quid de illo sentiendum sit, qui beneficium curatum animo dubio & ancipiti suscipit, num intra annum ad sacerdotium ascendere velit, an, si postea non promoveatur, ad fructuum restitutionem teneatur? Negat Garcias p. 3. c. 4. num. 48. Sed contraria sententia est communis apud Sanchez num. 10. Quia cit. c. commissā, tanquam conditionem requirit ius p̄uiso, vt habeat intentionem intra annum post diem prouisionis sacerdotium suscipiendi. Qui verò dubias & anceps est, non habet intentionem ad sacerdotium ascendendi: Ergo nisi animum postea mutet, fructus perceptos restituere debet; deductis tamen iis, quæ Vicario ecclesiam administranti dati, aut relictī sunt, cuiusmodi deductio semper in hac restituendi obligatione intelligitur, vt notauit Rodriq. cit. c. 30. concl. 6. Longè autem alia ratio est de eo, qui intendit intra annum à die prouisionis ad sacerdotium promoueri, sed cum tacita, & non improbata conditione, nisi postea causa aliqua mutandi voluntatem superueniat. Talis enim sincere agit, neque peccat, vt supra in 1. dicto explicauī.

Quæres II. Quisnam dispensare possit, vt prouiso ad beneficium curatum tempus sacerdotii suscipiendi prorogetur? Respondeo, ad summum Pontificem propriè pertinere. Nisi quod probabiliter docent Nauar. citat. num. 118. Less. lib. 2. cap. 34. num. 104. adhuc hodie Episcopum dispensare posse ex concessione cap. cum ex eo, de elect. in 6. vt ad Ecclesiam parochialem promotus constituto Vicario, septennium in studiis infumat: modò intra annum post tempus promotionis subdiaconus fiat, sicuti dixi etiam supra c. 6. n. 5. ver. Ad quartum.

II Dico III. Qui beneficium non curatum, habens annexam obligationem sacri ordinis, v. g. Capellaniā sacerdotalem accipit, cum intentione intra tempus iure requisitum se habilem non efficiendi, seu ordinem sacrum non suscipiendi, is mortaliter quidem peccat; sed ad fructuum restitutionem non obligatur. Ita Sotus cit. quæst. 5. a. 6. Nau. cit. n. 118. §. decimo. Sa ver. beneficium, numero 38. Rodriq. cit. c. 30. concl. 3. Tol. cit. c. 18. §. alter. qui in minoribus, Sanchez cit. disp. 45. numero 14. Less. cit. dub. 2. n. 132. Prior pars est certa: Quia suscipiens officium, cui obligatio aliqua annexa est, omni iure se habilem efficere tenetur arg. cap. non est putanda, 1. quæst. 1. Altera pars est contra Gabr. in 4. d. 15. quæst. 8. a. 3. dub. 1. Adrian. de restit. vbi de Ecclesiasticis consummentibus redditus §. pro responsione, Rebuff. in praxi, tit. de non promotis intra annum, n. 83. Garciam cit. c. 4. num. 37. Sed probatur ex eo, quia neque ius Ecclesiasticum talem fructuum restitutionem imperat; cum solum de curatis beneficiis id decretum reperiatur, quippe à quibus plūs etiam oportet fraudulentam eiusmodi intentionem abesse: neque ius ipsum naturale dicat, talem fructuum restitutionem faciendam esse ante Iudicis sententiam; quandoquidem collatio beneficii valida fuit, ideòque ius fructuum percipiendorum acquisitum, quo spoliari beneficiatus non debet ante condemnationem; dummodo officium saltem per Vicarium præster.

Dico IV. Qui beneficium simplex, cui sacri ordinis obligatio annexa non est, (v. g. capellaniā, quæ per Vicarium administrari potest) intentione in clericali quidem statu permanendi, sed ad ordines maiores non ascendendi, accipit, is omni culpa vacat. Quæ assertio videtur esse ex terminis clara, & traditur à Sánchez numero 17. Excipi potest cum Nau. lib. 3. consil. 1. de præb. in fine exigente necessitate, vel magna utilitate Ecclesiæ, præcipiatur beneficiato, qui ex beneficii redditibus aliquamdiu sustentatus fuit, vt ad maiores or-

dines ascendat.

Dico V. Qui simplex beneficium, cui nullus ordo facer annexus est, eo animo accipit, vt fructus lucretur, post tempus dimissurus, & ad statum secularem rediturus, damnari non potest mortalis peccati; si interim, dum beneficium obtinet, officio suo satisfaciat. Ita docet Nau. de orat. cap. 21. num. 52. Sanchez cit. disp. 45. num. 18. Vasq. in moral. de benef. c. 3. §. 3. dub. 1. num. 38. Garcias p. 3. c. 4. n. 45. contra Sotum cit. a. 6. Tolet. cit. c. 18. Ratio est: Quia iura eiusmodi beneficiato liberam permittunt licentiam ad statum secularem, & nuptias transeundi, cap. Ioannes, cap. diuersis, de cleric. conjugat. Ergo si hoc ab initio intendat, fraude non vitur, nec Ecclesiam iniuria afficit. Negari tamen non potest, quin susceptio beneficii cum proposito non permanendi in clericatu, aliquam peruersionem contineat: quia aliquo modo repugnat naturæ beneficiorum; quippe cum instituta sint pro iis, qui diuino seruitio se penitus dicant, ceditque in Ecclesiæ aliquod detrimentum, quæ hac ratione ministris idoneis quos longo tempore aluit, spoliatur: quare venialis saltem culpa erit: licet id ab omni culpa exculat Garcias n. 42.

CAP. XV.

DE PECCATO, ALIISQUE INCOMMODIS
MODIS ORIRI SOLITIS EX PROVISIONE INDIGNI.

SUMMARIUM.

- 1 Mortale peccatum est Ecclesiasticum beneficium indigno conferre si indignus haberi potest.
- 2 Inualide prouisus in conscientia obligatus est beneficium resignare, nisi dispensationem, vel tituli reualidationem impetret ab eo, qui potestatem habet.
- Si Episcopus potestatem præditus dispenser in defectu, non ideo semper titulus reualidatur; nisi defectus occultus fuerit.
- 3 Inualide prouisus, donec ei titulus reualidatur, administratione beneficii abstinere debet, ne vitium intrusionis incurrat. Postquā vero titulus reualidatus est, recuperat fructus, si secundum Ecclesiæ morem, vacantis beneficii fructus ad successorem pertineant.
- 4 Inual. de prouisus, si beneficium spatio triennii, cum bona fide, & titulo colorato pacifice possedit, postea tutus etiam in conscientia est.
- 5 Triennalis possessio prodest possessori; si vitiosum beneficii titulum habeat, per ignorantiam facti; non iuris: v. g. si eo ignorante, simonia ab altero commissā est.
- 6 Beneficium conferre digno, prætermisso digniore, nisi causa subsit, est peccatum, licet non semper mortale. Vide post n. 8. q. 1. Peccatum acceptionis persona non committitur, nisi antecedat aliquod debitum iustitiæ.
- 7 Patronus laicus satisfacit muneri suo, si dignum præsentet: sed Ecclesiasticus Prælatas curare debet, vt digniores instruantur.
- 8 Ad prælaturam eligi debent, qui de gremio Ecclesiæ sunt: & ad alia beneficia potius indigena, quam alienigena promouendi.
- 9 Grauitè peccari potest, si officium secularis iurisdictionis, vel administrationem habentia, indignus conferantur.
- 10 Episcopatum, aliamue Prælaturam appetere principaliter propter Dei honorem, atque salutem animarum; secundario vero propter temporalia bona, non est illicitum, si debita conditiones adfuerint.
- 11 Ad prælaturam acceptandam qui idoneus est, à Superiore suo cogi potest: imò interdum naturalis obligatio incumbit ad acceptandum.

SERPTIO I. Mortale peccatum est Ecclesiasticum beneficium conferre indigno, si dignus haberi possit. Est communis sententia apud Ioan. Maiorem in 4. d. 24. quæst. 4. Pet. Nau. l. 2. c. 2. n. 119. Probatur tum ex grauitate pœnarum, quæ canonico iure indignæ electioni, & collationi decreta sunt, capite cum in cunctis, de elect. c. graue nimis, de præb. tum ex incommodis, quæ exinde Ecclesiæ accidere solent. Quod si alicubi dignus reperiri non possit, licebit quandoque

ob necessitatem conferre alicui qui moribus, aut literarum, & rerum imperitia indignus est: ne si nulli conferatur, grauius malum eueniat, sicut bene notauit Less. lib. 2. c. 34. num. 35. Prouisus tamen quam primum operam dare debet, ut se dignum & idoneum reddat.

Est autem hic obseruandum, plerasque qualitates, quas super. cap. enumeravi, aded in prouiso requisitas esse, ut si earum aliqua desit, prouisio non solum illicita, sed etiam ipso iure irrita sit: videlicet legitima aetas, & natiuitas; item clericatus, cœlibatus, ut censura careat &c. De morum autem notoria improbitate seu infamia vitæ dixi lib. 1. tract. 5. p. 5. c. 4. n. 5. Deinde, si quis omnino illiteratus sit, ita ut literas latinas ne legere quidem sciat, haud dubiè eius electio aut prouisio irrita erit; quia veluti irregularis censetur, iuxta c. ult. de tempor. ordinat. in 6. & c. illiteratos, d. 36. quia literis carens sacris non potest esse aptus officijs. Sin vero legere, & scribere sciat, licet non intelligat, valida quidem est collatio, sicut docet Nau. c. si quando, except. 12. & seqq. de rescriptis; attamen rescindi debet, præsertim si sit beneficii curati, iuxta c. ult. de aetate & qualitate, & Trident. sess. c. 7. 3. de reform. Multoque magis, si prouisus vitæ & moribus indignus sit, iuxta ea quæ dixi cit. c. 4. n. 6. & habetur in cap. inter dilectos, de excess. Prælatorum. Si tamen spes manifesta adsit, prouisum breui tempore scientiam beneficii suo conuenientem, morumque probitatem acquisiturum esse quandoque dispensatiue tolerari poterit. Vide insuper, quale examen ante collationem ecclesiarum parochialium requirat Trident. sess. 24. c. 18. de reform. & Bulla Pii V. 32. quæ incipit *In conferendis beneficiis* quæ tamen constitutio pluribus locis recepta non est, vti etiam Less. annotauit l. 2. c. 34. dub. 11. in fine.

Assertio II. Inualidè prouisus tenetur in foro conscientie, ante omnem iudicis sententiam beneficium resignare. Quæ est communis sententia apud Syl. ver. beneficium 3. q. 20 Nau. c. 27. n. 2. Henr. lib. 13. c. 14. n. 1. Quandoquidem nullum in beneficio ius habet. Excepit; Nisi titulus ei reuadatur, per nouam legitimam institutionem, præcedente absolutione, vel dispensatione, si canonicum impedimentum habeat. quæ de re videri potest Nau. c. 27. n. 194. Henr. l. 13. c. 14. n. 2. Suarez to. 5. de censuris, disp. 13. c. 1. Auila p. 2. de censur. c. 6. dispen. 5. dub. 3.

Quæritur autem solet, Vtrum Episcopus (nam de Papa plenissimam in beneficiis potestatem habente dubium esse non potest) hanc tituli reuadationem, seu de nouo institutionem facere possit? Respondeo & dico I. Postquam impedimentum, v. g. excommunicationis, irregularitatis, per absolutionem, vel dispensationem ablatum est ab eo qui potestatem habet; tunc collator ordinarius, puta Episcopus (si extra culpam fuit, & Papa manus non apposuit) iterum conferre potest personæ habili effectæ. Intelligitur ex c. postulastis, iun. Gl. ver. dispensatum, de clerico excom. ministr. & docet Abb. ibid. n. 8. Couar. c. alma, p. 1. §. 7. n. 8. Auila cit. disp. 5. dub. 4. licet aliter Syl. ver. excommunicatio, 3. n. 1. dicto 9.

Dico II. Si collatio ad inferiorem pertinet, v. g. ad Ecclesiæ alicuius Præpositum, licet Episcopus in defectu excommunicationis, suspensionis, aut irregularitatis dispenset, non videtur titulus collationis, quæ iure ipso irrita erat, reuadari posse absque consensu eius, ad quem collatio pertinet. Ita docet Abb. in c. innotuit, num. 11. de elect. Sanchez lib. 8. de matrim. disp. 7. numero. 12. Quod intellige, si collator defectum seu inhabilitatem prouisi ignorauerat: secus enim est, si sciuerat, sicut colligitur ex c. nulli, de elect. in 6. vbi dicitur, quod electores non possint electionem, cui ipsi consenserunt, oppugnare, allegando defectum ipsis tunc cognitum.

Deinde probabiliter saltem ob DD. auctoritatem limitari potest: Si defectus prouisi, ipsaque nullitas collationis occulta sint, quod sublato defectu, v. g. excommunicationis per absolutionem; irregularitatis per dispensationem, factam à quocunque potestate prædito, titulus reuadatur, ut prouisus in conscientia tutus sit, secundum doctrinam Innoc. & Hostiensis in cit. c. innotuit, Abb. in c. postulastis, n. 2. de clerico excom. ministr. Nau. l. 4. consil. 14. n. 6. de sponsal. edit. 2. Sanchez l. 9. cit. vbi addit, idem sentiendum esse, etsi inualidè prouisus administrationi se ingesserat, si etiam hoc intrusionis vitium occultum sit.

Pro maiore intellectu nota, quod inualidè prouisus interion donec titulus reuadatur, administratione beneficii secundum propriam personam abstinere debet: alioquin vitium intrusionis incurrerit; ob quod denuo inhabilis fiet ad beneficium illud, in quod se intrusit, consequendum. Quamobrem, spectato iure ordinario, in postulatione beneficii à Papa specialis mentio intrusionis fieri debet; alioquin impetratio subreptitia censetur, sicut docet Abb. c. cum iam dudum n. 3. de præb. Rebuffus in praxi, regula de subrogandis, Gl. 4. Selua p. 3. q. 11. in 5. qualitate, Syl. ver. beneficium, 3. q. 18. Henr. cit. c. 14. n. 2. Menochius cent. 3. casu, 201. num. 129. & alii DD. in cap. postulastis, de rescriptis.

Assertio III. Inualidè prouisus tenetur beneficii fructus Ecclesiæ restituere, vel successori relinquere. Sumitur ex c. dilecto filio, in fine, de præb. & docent DD. supra citati. Cum enim nullum in beneficio ius habeat, redditum dominium sibi comparare non potest. Quod limita primò cum Angelo ver. beneficium num. 44. Henr. lib. 13. cit. cap. 3. numero 3. in glossa lit. cap. Si beneficium per se, vel per Vicarium administratur, potest, saltem cum Confessarii consensu retinere fructus, quatenus ad vitæ necessariam sustentationem requirebantur.

Limita secundò: Si titulus beneficii inualidè acquisitus, & aliquamdiu administrati postea reuadatur, recuperantur fructus; si ecclesiæ consuetudo sit, ut vacantis beneficii fructus successori reinquantur sicut notauit Henr. l. 10. supra cit. Agid. Connex to. 2. disp. 14. dub. 9. Sa ver. beneficium, num. 21. Alioquin verò necesse est, vñ cum tituli reuadatione remissionem, vel compositionem fructuum petere. quæ de re vide Auilam p. 2. de censuris, c. 6. disp. 5. dub. 4. & Nau. de spoliis Clericorum, §. 12.

Limita tertio: Inualidè prouisus, si in impedimentum ignorauit, & bona fide fructus percipit, non tenetur postea restituere, nisi extantes, aut quatenus locupletior factus est: quamuis & horum ipsorum fructuum dominium vsucapione triennali acquirere sibi potest. Imò si triennii tempore pacificè, ac bona fide, cum titulo colorato, beneficium possideat, plenum in eo ius acquirit; non tantum in ordine ad externum forum, ut neque possessorio, neque petitorio iudicio molestari possit; sed etiam quoad conscientiam: nam alioquin regula illa & beneficium Papale peccandi occasionem pluribus ministraret. Et ita docet Rebuff. de pacif. possess. n. 10. & seqq. Nau. consil. 30. de præb. edit. 2. Less. l. 2. c. 6. dub. 10. in fine.

Contrarium tamen docet Couar. reg. possessor, p. 2. §. 10. num. 10. concl. 6. & alii, propter regul. 1. in 1. Beneficium Ecclesiasticum non potest licitè sine institutione canonica obtineri. Sed responderetur, quod ordinariè tribuit titulus verus canonicæ institutionis, idem conferri extraordinario beneficio pacificæ possessionis cum titulo colorato; idque cum auctoritate & approbatione Papæ, qui generali lege confirmando titulum coloratum in triennali bonæ fidei possessore, censetur beneficium de nouo conferre: ut proinde legitimè

auctoritatis institutio non desit, notavit Rebuff. num. 14. post Gl. reg. Cancell. 55. præreg. 3. arg. c. cura de iure patron.

Requiritur autem ad hanc præscriptionem in primis titulus institutionis coloratus, id est, qui licet in veritate non subsistat, speciem tamen, & quasi colorem veri tituli habeat. Quare locum non habet beneficium præscriptionis huius triennalis, si collatio manifestò iniusta, vel invalida fuit, seu ex parte conferentis; quia profecta ab eo, cui ius conferendi, aut instituendi non competit; seu ex parte promissi, si is per Iudicis, aut iuris sententiam manifestò inhabilis sit; v. g. quia requisita aetate, vel ordine caret; qui irregularis, hæreticus, simoniacus est. Qua de re vide Abb. in c. cum nostris, de præben. num. 23. Rebuff. de pacif. possess. num. 42. & 206. & seqq. Hentic. Canis. super reg. l. in 9.

Sed quid? Si inhabilitas, siue impedimentum probabiliter ignoretur. Respondeo, prodesse tunc regulam possessionis triennalis; si ignorantia fuit facti, quia v. g. simonia commissa fuit ignorante eo, cui beneficium collatum est: si enim triennio cum tali ignorantia possideat, deinde molestari amplius non debet, sicuti notavit Rebuff. l. c. n. 241. Secus dicendum, si fuit ignorantia iuris præsertim manifesti: nam iuris error, in usurpationibus negatur prodesse, l. iuris, ff. de iuris & facti ignorant. maxime quando ad præscribendum, seu usurpandam titulus requiritur, uti docet Couar. reg. possessor, p. 2. §. 7. n. 6. Less. l. 2. c. 5. dub. 5. n. 17.

Exinde collige, verum non esse, quod ait Saver. beneficium num. 14. *Triennio possidens beneficium, etiam si mala fide, sit eius dominus*. Id tamen verum est, quod triennalis possessor allegando, & probando tanti temporis possessionem, intentionem suam fundatam habeat, atque aduersarium exceptione repellere possit, sicuti ex communi docet Couar. cit. n. 10. concl. 4. Interim verò beneficiatus, non obstante illa possessione, Superiori suo, puta Episcopo postulanti, titulum beneficii exhibere semper tenetur, sicuti ibid. notat Couar. concl. 8. Joseph. Mascard. volum. 1. de probat. concl. 180. num. 13.

6 Dico IV. Illicitum est conferre beneficium digno, prætermisso digniore: quamquam collatio subsistit, & ex hoc capite impugnari non potest. Eademque ratio est de electione. Ita docet S. Th. 2. 2. q. 63. a. 2. ad 3. Adrianus in 4. de restitut. §. Quia iam determinatum, Maior in 4. d. 24. quæst. 8. & 9. Posterior pars huius responsionis est extra dubium: prior verò probatur, tum quia id cedit in Ecclesiæ detrimentum; tum quia committitur peccatum acceptionis personarum, de quo mentio fit apud Ecclesiasticum capite 42. *Ne accipias personam, ut delinquas. 1ac. 2. Si accipitis personas, peccatum operamini*. Consistit autem hoc peccatum in eo, quod aliquis vel in iure dicendo, vel in bonorum communium, aut honorum distributione non attendit ad causam, sed personam, vel potius conditionem personæ, ad rem non pertinentem: sicuti dicitur Leuit. 19. *Non consideres personam pauperis, nec honores vulgum potentis: rectè iudica proximo tuo*. In proposito autem nostro ille personam accipit, qui præter dignitatem seu habilitatem eius ad beneficium, etiam aliā qualitatem siue conditionem ad rem hand pertinentem, v. g. consanguinitatem, amicitiam attendit, atque ideo personam hanc eligit, vel instituit. Vide de hac re Gabr. in 4. d. 15. quæst. 7. a. 1. ubi bene notat: Ad peccatum acceptionis personæ necessarium esse, ut res uni potius, quam alteri debeat, qualicunque debito. Sin autem neutri villo modo gratia debeat, sed merè liberaliter donetur, etiam spectata charitatis obligatione, tunc acceptio personarum nulla est, iuxta illud Matth. 20. *An non licet mihi quod volo facere?* Qua-

mobrem apud Deum, qui vnum hominem maioribus, quam alterum gratis præuenit, non est locus acceptioni personarum: quandoquidem ille nullius debitor existit.

Quædam tamen hic aduertenda sunt. Primum, Personæ qualitas non absolute spectanda est, sed cum ordine ad Ecclesiæ commodum, sicuti docet S. Th. loco cit. & quodlibet. 6. a. 9. Gabr. in 4. d. 15. quæstione 7. a. 3. Quare qui minus sanctus est, sed ob potentiam, nobilitatem, agendi industriam regendæ Ecclesiæ magis idoneus iudicatur, is sanctioni mentò præfertur. Interdum tamen contrà accidit, ut sanctior doctiori, vel potentiori præferendus sit: quia *scientia inflat, idemque interdum dici potest de generis, & diuinarum potentia* charitas autem edificat, & ideo imperfectum scientia potest supplere perfectio charitatis, dicitur in c. nisi, de renunciat. & notavit Rodriq. to. 1. sum. c. 106. ante 1. concl.

Alterum. Si in fundatione, statuto, vel consuetudine Ecclesiæ requiratur, ut beneficia certo personarum generi ex tali nobilitate, patria, familia &c. conferantur, ita observandum est, dommodo idonei adsint, qui institui possint, sicuti ex communi docet Garcias p. 7. cap. 15. Vasquez in moral. tr. de beneficiis, cap. 2. numero 70. Vide Couarr. reg. peccatum, p. 2. §. 7. num. 5. & in præf. qq. c. 35. n. 5. Rodriq. l. c. concl. 6. Qui simili ratione probabiliter dicitur, patronum laicum satisfacere plerumque obligationi suæ, si libero præsentandi iure præditus, dignum & idoneum præsentet: siquidem hic specialis fauor, seu privilegium, ratione fundationis ipsi concessum ac reservatum est, ut alicui gratificari possit, & quem voluerit præsentare; dummodo positivè cognoscat dignum & idoneum esse, ut periculum non sit, Ecclesiæ ex illius provisione damnum accepturam esse. Ita colligitur ex c. Monasterium, 16. quæst. 7. iun. Gl. ver. ne malus, & Trident. sess. 24. c. 18. de reform. & docet Garcias li. 7. cap. 16. n. 19. & probabile censet Rodriq. t. 1. sum. c. 106. concl. 6. contra Couar. reg. peccatum, p. 2. §. 7. num. 5. Idemque eadem ratione monet Caiet. ver. beneficium, Less. lib. 2. c. 34. n. 61. Vasq. cit. c. 2. n. 77. sentiendum de resignatore beneficii in gratiam alterius. Alia verò ratio est de Prælati, & patrenis Ecclesiasticis, quibus ex officio incumbit Ecclesiæ, quam optinè possunt, prospicere, & beneficia ex bonis Ecclesiasticis fundata, sine vlla personarum acceptione, dignioribus conferre, sicuti & Trident. requirit in cit. cap. 18.

Tertium. Rectè monet S. Th. l. c. ad 4. iure statutum esse, ut ad præaturam non eligatur, nisi qui est de Ecclesiæ gremio: quia talis magis diligit Ecclesiā, in qua est nutritus, duò arg. ex c. 17. Deut. *Non poteris alterius gentis regem facere, qui non sit frater tuus*. Deniq; inter alios notat Abb. in c. dilecto, n. 2. de præb. Si cetera paria sint, non posse reprehendi Episcopum, quod potius consanguineos suos, quam alios promoveat: tum quia ipsis magis obligatus est ad benefaciendum: tum quia maiore charitate cum illis connexus, tantò facilius Ecclesiā reget. Qua simili ratione expedit magis ad beneficia promoueri indigenas, quam extraneos, sicuti annotavit idem Abb. c. ad decorum, de instit. n. 4.

Sed est QVÆSTIO PRIMA inter DD. Quale peccatum sit eligere, vel liberè conferre beneficium digno prætermisso digniore, siue magis idoneo? Nisi dicendum esse videtur: Habito respectu ad ipsos promouendos, non esse peccatum mortale, sed tantum veniale: cum nemini eorum beneficium propriè debitum sit, ideoque propriè dicta iniuria non fiat. At verò habito respectu ad bonum statum, & regimen Ecclesiæ promouendum, sæpe mortale peccatum esse, saltem contra charitatis legem, si in promotione ad beneficium, quod

Ecclesiasticam iurisdictionem, aliamue non modici momenti administrationem requirit, pratermittatur qui notabiliter dignior, & aptior est: cum ea re Ecclesiæ magnum commodum abscedat, quod tamen electores & collatores beneficiorum, ratione officii sui, promouere atque augere magis, quam alii tenentur. Idque docet Trident. cit. cap. 18. S. Th. quodl. 8. a. 6. Gabr. cit. quæst. 7. a. 3. aliique communiter apud Nicol. Garciam p. 7. c. 16. in princip. Interim probabile est, quod tradit Adrianus cit. loco concl. 1. & 2. Collatorem non obligari ad restitutionem, si ex prouisione digni, pratermissio digniore magisque idoneo, Ecclesiæ aliquod damnum eueniat: quia illud per accidens euenisse censetur, si verè dignus institutus fuit. Quare collator in tali institutione non tam censetur damnum Ecclesiæ intulisse, quam eius maius commodum non prouidisse: ad quod potius ex charitate, quam ex iustitia obligatur. Alia verò ratio est, si indignum promoueat: tunc verè contra iustitiam peccat, siue damnum iniustum Ecclesiæ infert, idèoque ad eius restitutionem obligatur.

In aliis porò simplicibus beneficiis non videtur esse peccatum mortale, pratermittere digniorem, dummodo qui verè dignus atque idoneus est, instituat, sicut docet Sotus libro 3. qu. 6. art. 2. Less. cap. 34. dub. 14. assert. 3. Sa ver. beneficium nu. 42. & alii apud Gabrielem cit. ar. 3. dub. 1. prop. 2. Quia Ecclesiæ plerumque non magnum inde detrimentum accipit. Imò Pet. Nau. lib. 2. ca. 2. nu. 148. Garcias nu. 16. & alii apud Maior. cit. q. 9. nullum in ea re peccatum agnoscunt; sed non rectè. Siquidem & Ecclesiæ aliquod idcirco commodum decedere solet; & iustitia distributiva non nihil violatur, cum beneficia, saltem secundario fine, etiam ob commodum & gratiam promouendorum, qui de Ecclesiâ bene merentur, instituta sint. idque expressè sentit S. Th. q. 63. a. 2.

Ihs adde, grauitèr etiâ peccari posse, si officia secularia, quæ iurisdictionem, vel administrationem adiunctam habent, conferantur indignis, aut minùs idoneis; cum exinde Respublica graue nocumentum accipere soleat, quæ de re tractat Sotus libro 3. quæstione 6. a. 4. Less. lib. 2. c. 32. dub. 3. qui bene etiam monet cap. 34. n. 56. quod in collationibus officiorum, aut beneficiorum non sufficit, si collator nesciat eum, cui confert, indignum esse; sed opus est, vt ex indicis, aut informatione rationabiliter sibi persuaheat, dignum esse: quod quidem ex officio talis ei cura incumbit. Videri etiâ potest Adrianus loco cit. resp. ad primum.

30 QVÆSTIO SECVNDA. Vtrum appetendo episcopatum, aliamue prælaturam aliquis peccet, idèoque ea ipsâ re se minùs idoneum ostendat? Respon. & dico, Episcopatum, aliamue prælaturam appetere, principaliter propter Dei honorem, & salutem animarum promouendam; secundariò verò propter bona temporalia ei annexa, non est illicitum, si aliquæ conditiones adsint: I. Vt qui prælaturam appetit, ea dignus sit. II. Vt alius non adsit ad regendum magis idoneus, ex cuius promotione Ecclesiâ maius commodum acceptura est. Nam alioquin qui prælaturam appetit, non sincère vtilitatem Ecclesiæ, sed potius suum commodum spectare conuincitur, quod tamen commodò Ecclesiæ posthaberi debet. III. Vt sine scandalo, illicita largitione &c. appetat, vel procuret. Ita docet Nau. miscel. 42. de orat. & lib. 7. consil. 17. numero 7. de sent. excommun. edit. 2. Pet. Nau. l. c. num. 27. Sa ver. Episcopus, n. 3. contra Ioan. Maiorem in 4. d. 24. q. 7. concl. 3. Syl. ver. Episcopus, q. 3. Valent. t. 3. disp. 10. q. 3. p. 2. in 3. conclusionibus. Probatur prior assertionis pars: Quia & obiectum huius appetitionis bonum est, testante Apost. 1. ad Timoth. 3. *qui episcopatum desiderat, bonum opus desiderat*. Idque rectè, & ordinatè

appeti potest; videlicet, vt alijs prois, Deique honorem promoueat.

Sed aiunt; Statum episcopatus, aut similis prælaturæ tam magnam perfectionem requirere, tantamque secum obligationem adferre, vt de se, suisque viribus nimis præsumat, atque in periculum animæ suæ temere se conijciat, qui extra casum manifestæ necessitatis (si v. g. nemo alius adsit, qui suscipere possit, aut velit) vel extra legitimam vocacionem à Deo, (siue ea fiat modo ordinario per electionem, seu modo extraordinario per visionem, aliudue signum) tantum in se onus suscipere satagit. Respondeo, non esse præsumptionis peccatum, si quis Dei auxilio confusus, opus tam arduum aggrediatur, studens etiam cooperari, vt sit prudens, sobrius, castus, sicuti requirit Apostolus 1. ad Timoth. Quod verò de periculo annectitur, distinguere debet inter remotum, & propinquum. Qui enim Episcopatum acceptat, non exponit se propinquo peccandi periculo; cum is status bonus & perfectus sit, à Deo peculiariter institutus: alioquin ad eum acceptandum nemo Superioris iussu cogi posset. At verò remota & per accidens coniuncta pericula vitari possunt ab eo, qui & Dei auxilio nititur, & animum erga terrenas illecebras, & peccandi occasiones inordinate affectum non gerit.

Quod ad alteram assertionis partem attinet, tribus modis prælatura appeti potest propter commoda temporalia, videl. honores ac diuitias: Primò principaliter propter illa tanquam finem operis, ita, vt homo referat Episcopatum ad temporalia, tanquam finem eius & consequenter paratus sit relinquere proprium finem episcopatus (quæ est salus animarum iuxta illud Ioan. vlt. *Pasce oves meas*) vt commoda honoris, ac diuitiarum consequatur: & talis affectio, quæ tamen rarissima esse solet, haud dubiè est cum peccato mortali. Secundò appeti potest episcopatus propter temporalia, tanquam finem operis, cuiusmodi finis est, qui vt causa excitat ac mouet hominem ad operandum, seu appetendum; quia nisi talia commoda honorum ac diuitiarum coniuncta essent, episcopatum nolle petere: quamuis re ipsa expetat cum proposito procurandi salutem animarum adeoque propter finem proprium ipsius operis & talis affectio non est cum peccato mortali, sed tantum veniali ambitionis, aut auaritiæ, sicuti docet Sotus lib. 10. quæst. 2. a. 1. Caiet. cit. a. 1. §. ad hoc dicitur. Pet. Nau. num. 33. Valent. l. c. §. de primo dicto. Tertiò appeti potest episcopatus, vel alia prælatura principaliter propter Dei gloriam, & salutem animarum promouendam, tanquam finem operis, ipsiusque operantis; concomitanter verò propter temporalia, puta honores ac diuitias: ita vt tantò feruentius prælaturam appetat & libentius acceptet, talia commoda annexa sunt. Et hæc affectio sine culpa est, sicuti docet Nau. de orat. miscel. 42. num. 73. Quandoquidem etiam temporalia bona Dei dona sint atque media inferuentia ad diuinam gloriam, & hominum salutem promouendam.

Neque verò à tradita doctrina alienus est S. August. lib. 19. de ciuit. c. 19. quia tria ibi docet. I. In episcopatu non esse querendam celsitudinem honoris, sed operis laborem; non vt aliquis præsit sed vt alijs prois. II. Celsitudinem honoris (quæ cum episcopali cura coniuncta est) non decenter appeti, quia ad ambitionem spectat, vt supra etiam dixi. III. Si sacram episcopalis curæ nemo imponat, petenti nã atq. intuenti veritatem otio potius vacandum esse, quod secundum consilium, non autem præceptum intelligi debet.

Neq; S. Th. 2. 2. quæst. 185. a. 1. contrarius est. Duo enim ibi docet: I. Quod episcopatum propter celsitudinem gradus, vel propter adiunctum honorem, ac

diuitias appetere illicitum est; quia ad ambitionem & inordinatam cupiditatem spectat II. Quod appetere episcopatum, aliamue praelaturam seu eminentiam super alios fideles in Ecclesia, etiam boni finis pretextu, videlicet ut Ecclesiae proles, videtur presumptuosum, extra casum necessitatis, vel legitimae vocationis. Non ait, esse presumptionis peccatum per se, & ex natura sua, sed videri presumptuosum, quod videlicet homo de suis viribus nimis confidat, atque erga celsitudinem gradus, honoris, ac diuitiarum commoditates inordinate affectus sit; ideoque ob hanc ipsam causam ad praelaturam idoneus non censeatur. Quo cum non pugnat, quin aliquando aliquis sincero affectu desiderare ac petere possit, ut ad episcopatum assumatur, si idoneum arbitretur, ut multis profit ad Dei gloriam. Vide Caiet. cit. a. 1. concl. 4.

II. **QVÆSTIO TERTIA.** priori affinis est, Vtrum aliquis ad episcopatum, aliamue praelaturam cogi possit? Respondeo, & dico I. Fieri potest, ut aliquis in casu necessitatis, vel magnae utilitatis iure naturali, & diuino obligetur ad praelaturam acceptandam, si persona habilis, & prae aliis Ecclesiae regenda idonea sit.

Dico II. Qui habilis est ad praelaturam, si renitatur, Superioris sui praecepto compelli potest, sicut docet S. Th. cit. quest. 185. a. 2. At vero episcopatum à solo Papa impetrari posse, quippe cuius proprium est Episcopos confirmare, notant Valent. cit. disp. 10. q. 3. p. 3. concl. 6. Sanchez lib. 4. moral. cap. 8. num. 38. & speciatim Praelatum Ordinis Religioso suo praecipere non posse, ut episcopatum acceptet. Quia Praelatus ea solum subdito praecipere potest, quae ad regulam pertinent: episcopatus autem potius subducit subditum à regula, & regulari obedientia. Ergo &c.

Dico III. Episcopus vnius Ecclesiae facilius cogi potest à summo Pontifice ad acceptandam alterius Ecclesiae Episcopatum propter publicam utilitatem, arg. cap. scias, 7. q. 1. in d. episcopatum vacare per translationem à Papa decretam, & confirmatam, ante translationis acceptationem, docet Abb. in c. ult. n. 13. de translat. Episcoporum.

CAP. XVI.

DE NUMERO CANONICORVM, ALIORUMUE CONVENTUALIUM AUGENDO, VEL MINUENDO.

SUMMARIUM.

- 1 Si numerus canonicorum determinatus non est, tot in Ecclesia institui debent, quot ex redditibus honeste alii possunt.
- 2 In Monasteriis, praesertim Monialium, plures suscipi non debent, quam ex redditibus alii possunt.
- 3 Ob modicum reddituum incrementum, aut detrimentum, non debet numerus instituendorum mutari.
- 4 Reditus praebendae abundantioris Episcopus detrahere potest, alteri applicandos.
- 5 Si numerus Canonicorum in aliqua Ecclesia determinatus non est, non vacat canonicatus morte alicuius.

TERTIO I. Si numerus Canonicorum, Monachorum, aut Monialium, alicubi determinatus non est, tot institui, vel suscipi debent, quot ex Ecclesiae redditibus commodè sustentari possunt; habito respectu ad alia etiam Ecclesiae onera, & impendia in fabricam, eleemosynas, hospitalitatis officium. Ita habetur in c. cum M. de constit. & c. 1. de instit. vbi Abb. admonet, Capitula, Rectores, & Abbates à Superiore suo compelli posse ad tantum numerum suscipiendum. Verùm ultra Ecclesiae facultates cogi non debent, ut aliquem recipiant; quare, contra Superioris mandatum excipere possunt, vti habetur in c. auctoritate, eod. tit. & notat Abb. in c. ex parte, num. 4. de

concess. praeben. vbi ait, cum Gl. ver. opponere, quod in tali casu vnus solus Canonicus opponere se possit; quia iusta causa utilitatis Ecclesiae sua nititur.

His adde, quod in cit. cap. 1. de institut. & in Trident. sess. 25. cap. 4. de Regular. expressè praecipitur ut in Monasteriis tam virorum, quam mulierum bona immobilia possidentibus, vel non possidentibus, is tantum numerus constituatur, qui ex redditibus propriis Monasteriorum, vel ex consuetis eleemosynis commodè possint sustentari. Quamuis hoc decretum, quod attinet ad Monasteria virorum, non omnino receptum esse, testatur Sanchez lib. 7. c. 23. moral. n. 6. Cum passim videamus, ob iustam causam plures in Monasteria recipi, quam commodè aliquant. In Monasteriis autem Monialium, (de quibus singulariter decretum est c. vn. 6. sane, de statu Regular. in 6. & à Pio V. in Bulla Circa pastoralis officii, ne plures recipiantur, quam alii possint) satisfieri huic praecepto, ait idem Sanchez n. 5. quandoquidem absque dote recipi non solent, ideoque earum receptione Monasterium non grauatur, sed plerumque subleuatur.

Dico II. Si numerus Canonicorum statuto determinatus est, non debet is ob modicum reddituum augmentum augeri, sicut ex communi docet Gl. & Abb. n. cit. c. 1. Sed redditus ac rescunt mensa Capitula, si bona communiter possidentur, in fine anni inter Canonicos diuidendi: vel accrescant propriis beneficiis, si praebendae, sine redditibus beneficiarum, distincti sunt. Sin vero Ecclesiae redditus multum augentur, tunc etiam numerus augeri debet, tamen si a Papa confirmatus sit, quandoquidem tunc confirmatio facta censetur in fauorem Capituli, seu Canonicorum, recipi renuntiare possunt, sicut docet Gl. c. dilecto, de praeb. arg. c. cum M. de constitut. vbi notat Abb. n. 6. in tali casu, antiquae praebendis in sua integritate remanentibus, ex nouis redditibus nouas praebendas constituendas esse. Sic etiam vice versa, si redditus Ecclesiae nimis decreuant, ut non sufficiant tanto Canonicorum, vel Monachorum numero sustentando, imminui potest, non obstante confirmatione Papae: cum confirmatio Papae intelligatur, si res in eodem statu permancant. Quandoquidem in Ecclesiae dedecus tendit, si Canonici, aliiue Clerici honestè se ex redditibus alere non possint, sicut docet Abb. in cit. c. cum M. n. 1. & in c. cum accessissent, num. 4. de constitut. Casar Lamberinus de iure patronat. quest. 6. principali art. 7. vbi notant, si Ecclesia, vel beneficia patronata sint, patroni etiam consensum adhibendum esse, praesertim in diminutione, vel suppressione alicuius beneficii: si tamen patronus consentire nolit, ipso etiam inuito, Episcopum disponere posse, quatenus Ecclesiae necessitas, vel magna utilitas postulat: quia patronus Ecclesiae utilitatem impedire non debet.

His adde, si redditus vnius praebendae abundantiores sint, posse Episcopum cum Capitulo inde subtrahere ad supplendum defectum alterius praebendae, vel reddituum fabricae, arg. cap. exposuisti, de praebendis, vbi id notat Abb. & in cap. cum M. n. 18. rationem dans: Quia Canonici non possident praebendas sine propriis, sed iure Ecclesiae. Conuenit tamen, ut haec subtractio fiat vacante beneficio: tunc enim etiam alia onera honesta, & sacris canonibus non repugnantia vacanti praebendae imponi possunt, ad quae beneficiati impofterum teneantur, vti colligunt DD. ex c. significatum, de praeben.

Ad extremum nota ex cit. c. ex parte, de concess. praebendae, & c. dilecto, de praeb. plurimum referre, vtrum numerus Canonicorum, in Ecclesiis, in quibus praebendae distinctae non sunt, sed redditus omnes ad communem mensam deferuntur, statuto aliquo determinatus sit, necne. Quia si numerus Canonicorum determinatus non est, non vacat canonicatus alicuius morte; ne-

que deuolutio fit ad Superiorem; ob negligentiam instituenti intra tempus semestre. Nec refert, etsi longo tempore consuetudo fuerit tot Canonicos, tot Monachos suscipiendi: quia consuetudo consistens in actibus meræ facultatis, siue liberæ voluntatis, non inducit legem: v. g. si 40. annis ad tuum molendinum accessi, non ideo obligationem contraho, ait Abb. in cit. c. ex parte n. 7. Interim Superior, puta Episcopus, Papa potestatem habet compellendi inferiorem Prælatum, & Capitulum, vt. novos suscipiant, secundum reddituum facultatem.

Sin autem numerus Canonicorum statuto determinatus est, tum vacat canonicatus morte beneficiarii. Quod si verò Capitulum supra decretum numerum, aliquem de nouo creet, distinguendum est; verum id faciant dispensatione ex gracia speciali, vt pro ea vice sit supernumerarius; vel si recipiant aliquem in Canonicum sine præbenda, vt videre est apud Abb. c. dilectus 1. de præben. his casibus sibi non præiudicat. An verò absolute aliquem Canonicum supra numerum recipiant; tum censentur renuntiare statuto, saltem ad hoc vt illud allegare non possint in præiudicium alterius, ait Abb. c. pro illorum, n. 5. de præb. & colligitur ex cap. cum accessissent, de constitut.

CAP. XVII.

QVIBVS MODIS BENEFICIA
amittantur, & vacent.

SVMMARIVM.

1. Ecclesiastica beneficia vacant, aut amittuntur: I. Per mortem naturalem beneficiarii. II. Ob iuris dispositionem. III. Per iudicis sententiam & priuationem. IV. Per liberam renuntiationem.
2. Non exiguum discrimen est inter priuationem beneficii ipso iure latam, & eam qua per iudicis sententiam inferenda est.
3. Renuntiatio est spontanea beneficii amissio, coram legitime superiore id acceptante.
4. Si alius commissus sit ac deat conferendi beneficia, non idcirco etiam censetur commissus potestus resignationes accipiendi. Sed cui iure ordinario collatio competit, ad eundem ferme etiam pertinet renuntiationes accipere.
5. Duplex est renuntiatio: expressa & tacita. Expressa aut fit pure, aut conditionate. Conditionata vel fit in gratiam certæ personæ; vel causa permutationis.
6. Resignationes beneficiorum coram Episcopis pure fieri debent; & non cum conditione, vt certa persona conferatur. Nam tales renuntiationes in fauorem alterius solus Papa acceptat.
7. Qui beneficia permittant, ius proprium, reale, & pacificum in iis habere debent.
8. Criminosus, aut irregularis, ante sententiam priuationis, valide beneficium suum resignat.
9. Si infirmus beneficium resignet, & intra dies 20. vita decedat, non censetur vacare per resignationem, sed per mortem beneficiarii.

ECCLESIASTICA beneficia vacant primò, per mortem naturalem beneficiarii. Necesse tamen est, vt habuerit ius in re, & quasi dominium beneficii; puta quod in beneficio electio per legitimam electionem confirmatus fuerit, sicuti dixi supra cap. 12. num. 2. In collatione verò beneficiis requiritur, vt non tantum ipsi absenti collatio facta sit, sed etiam vt collationem per se, vel per alium acceptarit: alioquin si ante talem acceptationem mortuus sit, non censetur beneficium de nouo vacare, consequenter si antè reseruatam erat summo Pontifici, adhuc manebit in eum, sicuti annotauit Couar. 3. resol. c. 16. nu. 3. Vasq. tr. de beneficiis, c. 4. nu. 242.

Secundò ex iuris dispositione, decernentis ipso facto beneficium vacare, atque ab altero impetrari posse; puta si beneficiatus episcopatum, vel aliud beneficium

incompatibile accepit, c. cum in cunctis, §. cum vero, de elect. c. de multa, de præben. Vel si matrimonium contraxit, c. 1. c. diuersis, de Cleric. coniugatis. Vel si Religionem professus est, c. beneficium, de Regular. in 6. Aut si crimen patrauit, ob quod priuatio beneficii ipso facto incurritur: quamuis etiam tunc opus sit sententia Iudicis declaratoria criminis; ante quam criminosus non tenetur beneficium dimittere, sicuti ex communiore docet Azor to. 1. lib. 8. c. 13. q. 8. Henr. lib. 14. c. 4. n. 6. Sanchez lib. 2. moral. c. 26. num. 7. Insuper etiam requiritur, vt executio priuationis per Iudicem fiat, sicuti testatur Couar. in epit. 4. de cr. p. 2. c. 6. §. 8. n. 8. Henr. lib. 13. c. 56. n. 3. Sanchez n. 8. Præterquam si Iudex in sententia præcipiat, vt condemnatus statim beneficium dimittat. Præterea, si promotus ad parochiam, quæ residentiam personalem requirit, intra annum sacerdotium accipere negligat, antè omnem iudicis sententiam dimittere cogitur. Quandoquidem tali pacto, & obligatione parochia ei concessa censetur ex dispositione c. licet, de elect. in 6. Porro alia crimina, quæ ipso facto inducunt Ecclesiastici beneficii priuationem, numerantur à Rebuffo, in praxi de modis amittendi beneficia, Lessio cit. dub. 34. Azorio to. 2. lib. 7. c. 17.

Tertio amittitur beneficium per Iudicis sententiam, ob crimen, cui talis inferenda pœna à iure decreta est; Videlicet in homicidam, c. Clericis, Ne clerici, vel Monachi. In periurum, secundum Gl. in c. querelam, de iureiur. In hæreticorum receptores, fautores, c. excommunicamus, 1. §. credentes, de hæreticis. Plura videri possunt apud Rebuffum cit. tit. n. 30. Azor to. 2. lib. 7. c. 18.

Est autem non modicum discrimen inter priuationem beneficii ipso iure latam, & eam qua per Iudicis sententiam inferenda est. Si enim pœna priuationis ipso iure contracta sit, sententia condemnatoria Iudicis retrahitur ad diem commissi criminis, atque non solum omnes fructus ex beneficiis ab illo tempore percepti auferuntur, sicuti docet Couar. l. c. Henr. cit. c. 56. num. 2. Mol. to. 1. tr. 2. disp. 96. Sanchez lib. 2. moral. c. 26. num. 10. sed etiam beneficiorum commutatio, vel resignatio in fauorem tertij post criminis admissionem facta, rescinditur, sicuti ex communi docet Azor to. 1. lib. 8. cap. 13. q. 8. Sanchez num. 9. Less. cit. c. 34. dub. 35. num. 190. At verò si beneficium vacare debeat per sententiam à Iudice ferendam, neque fructus antè percepti condemnatio auferri, neque resignatio aut commutatio beneficii ab eodem facta rescindi potest.

Aliud discrimen est: Si beneficium ob crimen ipso iure alicui adimatur, illud etiam ante declaratoriam sententiam criminis tanquam iure vacans impetrari, & criminoso non vocato, conferri potest quoad titulum, non item quoad possessionem, sicuti docet Azor to. 1. lib. 5. c. 8. q. 3. Sanchez cit. c. 26. num. 12. Flaminius de resignat. benefic. lib. 3. q. 1. num. 33. post Gl. in c. licet, de præb. in 6. ver. te non vocato. Sin verò beneficium per sententiam Iudicis ferendam vacet, non potest impetrari, aut inferri, antequam priuationis sententia in criminosum feratur. Quare de re vide Azor to. 2. lib. 7. c. 17. q. 2. Rebuff. in praxi beneficiorum p. 3. de modis amittendi beneficia, num. 49. Possit tamen à Papa rescriptum gratia impetrari, vt post criminosi condemnationem, ac cessionem, alteri conferatur, sicuti Rebuff. notauit, nu. 12.

Quartò vacat beneficium per liberam renuntiationem, quæ definitur: Spontanea proprii beneficii dimissio, facta coram legitimo superiore, id acceptante. Dicitur dimissio, quia per renuntiationem aliquis perdit ius in beneficio, ita vt vacare censetur, & alteri conferri queat. Spontanea, quia quæ metu extorta, sicut & dolo, fraude elicitæ,

irrita est, vel saltem irritari debet, iuxta c. super hoc, de renuntiatio. c. ad aures, de his quæ vi, metu & causa. Vide Rebuffum in praxi tit. de resignat. metu extorta.

Coram legitimo Superiore, ad quem beneficii collatio spectat, cuiusmodi est Papa, eiusve à latere Legatus, Episcopus, vel Sede vacante Capitulum; imò etiam Prælatus Episcopo inferior, si ad ipsum collatio talis beneficii pertineat, sicuti expressè docet Gl. in Clem. vn. ver. manibus, de renuntiatio. Abb. in c. admonet, n. 3. extra, eod. tit. Less. lib. 2. c. 34. dub. 35. n. 191 contra Garciam p. 11. c. 3. n. 261. Azor to. 2. lib. 7. c. 19. q. 7. qui talem potestatem eiusmodi collatori negant; eò quòd facultas resignationes accipiendi ad eum propriè pertinere debeat, qui & destituere, seu deponere beneficiatum potest, secundum doctrinam Innoc. in c. quod in dubiis, eod. tit. At verò non omnis qui ad beneficia instituere, is etiam destituere potest, secundum doctrinam Abb. in cap. ult. num. 4. de statu Monach. & c. cum ex iniuncto, num. 4. de hæreticis, ubi ait, quòd præscribens potestatem conferendi beneficium, non ideo habet potestatem destituendi: quia hæ potestates diuersæ sunt; ideòque præscriptio in vno non extenditur ad alterum.

Ad hoc respondeo; Esse quidem convenientius, ut resignationes beneficiorum accipiat is, qui & destituendi iurisdictione prædatus est: quamobrem si cui committatur facultas conferendi beneficia, v. g. Vicario generali, non ideo censetur commissa facultas resignationes accipiendi, sicut notat Zecchus de benef. cap. 13. num. 2. quia plus est resignationes accipere, quàm conferre. Nihilominus plerumque accidit, ut quicumque Prælatus, aut præpositus beneficiatus iure proprio instituit (licet ipsos in pœnam priuare non possit) eorundem resignationes accipiat, saltem eas, quæ parè sunt & non causa permutandi: cum enim talis permutatio translationem personarum plerumque postulet, magis opus est auctoritate Episcopi, ut notauit Suarez lib. 4. Simon c. 32. n. 14.

Id acceptante. Requiritur enim consensus Superioris, c. admonet, eod. tit. qui non nisi iusta causa suadente renuntiationem admittere debet, iuxta constit. Pii V. quæ incipit, *Quanta Ecclesia Dei*, quæ in Bullario est 58. & videri potest apud Azorium to. 2. lib. 7. c. 19. q. 5. Sin autem iusta renuntiationis causa adsit, tunc is, ad quem pertinet eam admittere, si malitiosè recuset, à Superiore cogi potest, secundum Gl. cit. c. admonet, ver. inconsultò. Imò ad Religionem solùm petita, quamvis non obtenta licentiâ, transire licet, ut docet Gl. ibid. & Abb. n. 4. arg. c. licet, de Regular. in quo conceditur Religioso transitus ad strictiorem Religionem, petita prius, licet non obtenta Prælati sui licentiâ. Episcopus tamen episcopatus renuntiare non potest, etiam Religionis ingrediendæ causa, nisi post petitam, & obtentam licentiâ Summi Pontificis, iuxta c. nisi prius, de renuntiatione, ubi etiam causæ afferuntur, ob quas eiusmodi renuntiatio admitti debeat: *conscientia criminis, quòd post peractam penitentiam impedit executionem officii, debilitas corporis, defectus scientiæ, malitia plebis, graue scandalum, & irregularitas personæ.*

Porro, licet renuntiatio beneficii coram alio, quàm legitimo Superiore facta, non valeat ex parte Ecclesiæ, valet tamen ex parte renuntiantis: non quòd titulo & iure beneficii sui statim excidat; sed quòd Superior renuntiationem ratam habere, & eum, qui ita renuntiavit, quamuis reluctanter, priuare possit, & alteri conferre; nisi is re adhuc integra renuntiationem reuocarit. qua de re Gl. c. quod in dubiis, de renuntiatio. Binsfeldius in tit. de Simonia, cap. 12. ad finem, Gregorius Tholos. c. 31. de benef. n. 11. Garcias p. 11. c. 3. n. 223. & seqq.

Nota hoc loco, quòd per renuntiationem non minùs vacare beneficium censetur, quàm per mortem beneficiati, arg. c. quàm periculosum, 7. q. 1. & docet Gl. in c. susceptum, de re scriptis in 6. ver. non morte. Adeo, ut si renuntianti idem beneficium postea conferatur, vltimum locum tenere debeat; perinde ac si beneficiatus antea non fuisset, iuxta c. ex insinuatione, de Simonia, & tradit Nau. lib. 5. consil. 97. q. 2. eod. tit. edit. 2. Loquor autem de eo, qui plenum & certum ius in beneficio obtinet: non autem de eo, qui habet ius ad rem, v. g. qui impetrauit à Papa literas ad beneficium vacaturum: is enim sine Superioris auctoritate renuntiare potest; item Episcopus electus, & nondum confirmatus coram eligentibus; & præsentatus ac nondum insinuatus coram patrono suo; multòque magis intrusus beneficio cedere potest, etsi Superioris auctoritas non accedat. Quare his casibus non censetur beneficium de nouo vacare; cum collatio effectum non habuerit. Præterea qui ius dubium ac litigiosum habet, absque Superioris consensu, cedere illud potest aduersario litiganti, non alteri, teste Rebuff. tit. de resign. expressa, num. 12. Vide de his Garciam n. 247. Zecchum cit. c. 13. n. 2.

Duplex est renuntiatio; Vna expressa, seu quæ verbis expressis fit; altera tacita, quæ fit facto aliquo renuntiationem significante, plerumque etiam ex iuris dispositione: puta si beneficiatus matrimonium contrahat, militia nomen det, aliud incompatible beneficium accipiat, si lite super beneficio mota cedat, vel eam intra tres annos non prosequatur; si post curatum acceptum, intra annum ad sacerdotium non promoueatur, sicuti latius videre est apud Rebuffum in praxi, tit. de tacita resignat. Lessium cap. 34. dub. 35. n. 189.

Expressa autem renuntiatio iterum duplex est; vna pura, & simplex, quæ fit sine vlla conditione aut pacto, eaque propriè dicta renuntiatio sine resignatio est. Altera verò conditionalis, cuius duæ sunt species: Vna quæ fit in fauorem certæ personæ, id est, cum conditione, ut personæ nominatæ conferatur: cuiusmodi resignatio in fauorem coram Episcopo, aliisque Ordinariis, excepto Papa, fieri non potest, sicuti docent DD. cum Gl. in c. ex parte, 1. de offic. Legati, Rebuffus in praxi, tit. de resignat. conditionalis in fauorem. Nau. c. 23. man. num. 107. ad decimum, Garcias p. 11. cap. 3. num. 152. Azor to. 2. lib. 7. c. 21. quest. 1. Suarez de Simon c. 35. num. 6. idque Ecclesiarum consuetudo confirmat. Cuius rei hæc præcipua ratio esse videtur: Quia alioquin periculum est, ne beneficiorum resignationes speciem quandam successionis hæreditariæ acquirant, quod iura canonica valde detestantur, sicuti constat ex cap. 1. de præben. ubi rationem reddit Abb. num. 3. Quæ succedens in beneficio non fitur id à defuncto, sed à Superiore conferente. Quare Pius V. in Bulla suprâ citata prohibet, ut ne verbo quidem, aut nudo, vel signo futuri in huiusmodi beneficium successores ab ipsis resignantibus, aut aliis eorum significatione, vel hortatu designentur, aut de his assumentis promissio inter eos, vel etiam intentio qualiscunque intercedat. Papa tamen eiusmodi resignationes in fauorem alterius recipere solet: Tunc verò resignans non antè iure beneficii sui priuatur, quàm is, in cuius fauorem resignatio facta fuit, beneficium legitima auctoritate sibi collatum acceperit: quia, ut suprâ dictum, resignatio in fauorem conditionalis est: dispositio autem conditionalis effectum non sortitur, nisi postquam conditio impleta est, sicuti præter alios notauit Rebuff. cit. tit. num. 15. & seqq. Less. lib. 2. c. 34. dub. 35. & cap. 35. dub. 14. Suarez de Simon. cap. 35. Quæ ipsa causa est, cur Episcopus talem resignationem recipere non possit; quia prius debet beneficium vacare, quàm ab Episcopo alteri conferatur, iuxta c. vn. in 6. & Clem. vn. de rerum permutatione: quamobrem resignatio sub eiusmodi con-

ditione in manibus Episcopi nullius roboris erit, atque beneficium manebit resignanti.

Quæ verò contra hanc communem, & in praxi receptam sententiam afferunt Sotus lib. 9. quæst. 7. a. 2. Couar. resol. c. 5. num. 5. Valent. t. 3. disp. 9. quæst. 16. p. 3. circumstant. 2. solum probant, quod beneficiatus beneficium resignare possit in manibus Episcopi simpliciter, & sine ulla conditione, aut modo obligatorio; quamvis addita deprecatione, ut certæ personæ conferatur. sicuti notavit S. Anton. p. 2. tit. 1. c. 5. §. 11. Nau. cap. 23. man. num. 107. ver. secundo, post Gl. in cap. ordinationes, ver. pretio, 1. quæst. 1. Quare id observari potest, ubi Constitutio Pii V. recepta non est.

Altera est species resignationis conditionalis quæ fit causa permutationis: cum duo beneficiati vnum, vel plura sua beneficia, Papæ non reservata, in manu Ordinarii sui resignant, ea conditione, ut postea vicissim alteri alterius beneficium conferatur eiusmodi resignationem causa permutationis factam, Episcopus aliudve quasi episcopali iurisdictione præditus Prælati, ob causam ad bonum Ecclesiæ pertinentem, admittere potest, iuxta c. quæsitum, de rerum permutat. Imò interdum, si necessitas postulare videatur, motu proprio instituere, vocatis iis, quorum interest, videlicet patrono, collatore inferiore &c. uti videre est apud Abb. cit. c. quæsitum, n. 8. de rerum permutat. Non ita verò Prælati inferiori, & Episcopo subiectus permutationem recipere potest, tamen collatio beneficiorum permutandorum ad ipsum proprio iure spectet, sicuti docet Gl. in Clem. ver. conferantur, de rerum permutat. Abb. in cit. c. quæsitum, n. 4. Nau. lib. 3. consil. 97. n. 2. de Simon. contra Syl. ver. permutatio, 2. q. 2. Sebast. Sapien in cit. c. quæsitum, ver. an permutatio. quam sententiam vero similem iudicat Suarez to. 1. lib. 4. de Simon. c. 32. n. 14. arg. c. vn. de rerum permutat. in 6. Quamobrem in hac re Ecclesiarum consuetudo spectanda est: neque enim negatur, quin etiam facultatem istam resignationes accipiendi causa permutationis collator beneficiorum, iurisdictione destituendi carens, diuturna consuetudine præscribere possit.

Porro necessarium est ad permutationem, ut uterque permutantium habeat ius proprium, reale, pacificum in beneficio quod permutat, licet possessionem eius nactus non sit, sicuti ex communi docet Pet. de Perusio tract. de permut. benefic. p. 1. q. 1. n. 1. Lessius cap. 34. dub. 39. Garcias p. 11. c. 4. n. 15. contra Rebuffum. tit. de permutat. n. 14. & 15. ubi ait, valere interdum permutationem cum beneficio ficto, simulante altero se beneficium habere, quod non habet.

Hinc etiam norant Doctores apud Nau. lib. 5. consil. 43. n. 2. Neque cum Ordinarii consensu, permutari posse ius, quod aliquis habet ratione expectatiuæ, vel præsentationis, cum beneficio alterius: quandoquidem beneficiorum quæditorum, non quærendorum permutatio permittitur, arg. c. 1. ver. beneficia sua, de rerum permutat. in 6. Quod si verò, facta in manu Episcopi resignatione causâ permutationis, ea successum non habuit, quia v. g. alter permutantium mortuus est; tunc superstes restituendus erit ad beneficium pristinum; sed per novam collationem: quia beneficium verè vacavit per resignationem, sicuti docet Abb. in c. penult. in fine, de rerum permutat. arg. c. vn. eod. in 6. Quamvis aliud observari soleat in permutationibus factis in manu Papæ, videlicet, ut permutans statim redire possit ad beneficium suum, si permutatio successum non habuit: quia ius non censetur reuocatum ab eo qui permutare cupit, sicuti docet Garcias p. 11. c. 4. n. 7. & seqq.

RESTAT QVÆSTIO. Quam beneficium suum seu purè, seu cum conditione resignare possint,

coram eo, qui recipiendi potestatem habet? Respondeo, & dico I. Ordinariè omnes beneficiati ob causam iustam resignare possunt; licet resignationes Episcoporum difficilius recipiantur, sicuti constat ex cap. 1. c. nisi cum pridem, de renunt. & docet Nau. consil. 1. eod. tit. edit. 2.

Dico II. Etiam si aliquis crimen commiserit, ob quod beneficio priuandus est, v. g. homicida, factus irregularis; prius tamen, quam a sententia priuationis feratur, validè renuntiat, seu purè, seu conditionatè, sicuti ex communi docet Rebus. in praxi, tit. de modis amittendi beneficia n. 51. Couar. Clem. si furiosus, p. 2. §. 4. n. 7. Azor lib. 7. c. 29. q. 25. Mol. tr. 3. disp. 78. n. 2. Quin imò etsi alius ante latam priuationis sententiam à Sum. Pontifice impetrarat beneficium, adhuc tamen vel alteri resignari, vel ab ipso met irregulari, si Episcopus tali potestate præditus cum ipso dispenset, retineri potest. sicuti docent Couar. & Mol. II. cc. Quæ omnia locum etiam habent, licet criminosus de crimine accusatus sit, sicuti docet Rebuffus in praxi tit. de subrogan. colligant. Gl. 9. n. 6. Garcias p. 11. c. 3. n. 63. Quia tali causa lis non est super beneficio, sed super crimine: quamobrem si accusatus pendente lite decedat, lis finita censetur; adeò, ut beneficium tunc vacet per mortem, non per priuationem, seu depositionem; quia crimina morte extinguuntur, sicut singulariter annotavit Gl. in c. 2. ver. finita, ut lite pendente, in 6. Denique tamen aliquis crimen commisit, ob quod ipso iure beneficii priuationem incurrit, nihilominus valida est renuntiatio facta in fauorem alterius, licet ea postea per Iudicis sententiam rescindi possit, perinde ac si facta non fuisset, sicuti annotavit Less. lib. 2. c. 34. n. 190. atque hæc ferme etiam locum habent in resignatione facta causâ permutationis, sicuti ex multorum sententia docet Garcias n. 67. contra Rebus. cit. Gl. 9. & reg. de infirmis resignantibus, Gl. 12. n. 19. Azor cit. q. 25. in fine, ubi negant accusatum de crimine, lite pendente, permutare posse: profectò Episcopus talem permutationem, nisi ob grauissimam causam, recipere non deberet.

Hoc adde, quod ex communiore tradit Azor cit. q. 25. Licet Parochus, qui toto anno sacerdotium suscipere neglexit, postea commutare illud non possit; quia tunc parochiam dimittere tenetur; sicuti & is qui alterum beneficium incompatible obtinuit; posset tamen Parochum permutare ante finem anni, cum adhuc ius in beneficio obtinet, & non statim illud dimittere cogitur.

Dico III. Hoc speciale est ex regula Cancellariæ de infirmis: Si constitutus in infirmitate beneficium suum quomodocunque in cuiuscunque Ordinarii, vel Collatoris manu resignauit, & intra 20. dies sequentes ea infirmitate mortuus est, beneficium non per resignationem, sed per mortem beneficiati vacare censetur; ideoque liberè conferri potest, non obstante conditione resignationi apposita. Qua de re vide Rebus. reg. de infirmis.

CAP. XVIII.

DE PENSIONIBVS.

SVMMARIVM.

1. Pensio est pars aliqua beneficiorum reddituum, ad tempus alicui legitima autoritate constituta.
2. Pensio alia clericali est: & alia laica, seu non spiritualis. Pensio clericali magnam cum beneficii Ecclesiastici similitudinem habet.
3. Ob causam specialem etiam Episcopus pensionem designare potest.

v. g. ob senium resignantis, ob causam concordia. sed talis pensio morte pensionarij cessare debet

- 4 Episcopus, cum Capitulo, ob causam necessitatis, vel magna utilitatis, fructus ex beneficio abundantius subtrahere non prohibetur.
- 5 Episcopus pensionis designationem, aut fructuum subtractionem facere debet ante beneficij collationem.
- 6 Pensio non nisi moderata constitui debet, quia plerumque est tertia pars fructuum.
- 7 Spectato communi iure, pensionarius obligatur ad subsidium charitativum, & similis genera realia, secundum proportionem reddituum quos accipit: quamvis ferme consuetum est, ut pensiones libere designentur.

QVÆSTIO PRIMA. Quid sit pensio? Respondeo. Est certa portio ex alieno beneficio Ecclesiastico, ad tempus, iusta de causa, detracta, & separata. Ita post Cardinal. in Clem. 1. de suppl. neglig. Prælat. definit Zecchus de benefic. & pension. c. 11 in princip. Azor to. 2. lib. 8. c. 5. q. 1. Less. c. 34. dub. 37. Differt autem pensio a beneficio potissimum in duobus: I. Quod pensio sit pars quædam iuris beneficialium reddituum, alteri constituta & designata: ad eum modum, sicuti lib. præced. dixi, censum consignatum esse veluti partem quandam v. usufructus: II. Beneficium in perpetuum Ministrorum usum suapte natura constituitur: quamobrem morte, vel renuntiatione beneficiati vacat, & alteri conferri debet. Pensio autem ac tempus decernitur, ita ut vel renuntiatione, (quæ etiam sine Superioris auctoritate fieri potest) vel morte pensionarij omnino finiat; sicuti v. usufructus triorte usufructuarij, s. finitur. Instic. de usufructu quamquam, si necesse sit, postea denuo pensio imponi debet, sicuti docet Azor l. c. Zecchus n. 2. in fine. Nihilominus Papa ex plenitudine potestatis constituere potest, ut pensio, præter naturam suam, perpetua sit, & de vno ad alterum eius successorem, vel aliumcunque transferatur, sicuti notavit Less. dub. 38. n. vlt.

Excludimus autem hinc pensiones siue portiones illas, quæ ex beneficiis detractæ, alicui in titulum beneficii, perpetuæ vicariæ, aut commendæ, constituuntur. Eæ enim portiones propriè dicta beneficia censentur, sicuti notavit Azor q. 5. Garcias p. 1. cap. 5. n. 164. Cæteræ autem pensiones, supra definitæ, beneficiorum appellatione non comprehenduntur, licet in multis cum iis conveniant, quæ clericales pensiones sunt, ut postea dicam.

QVÆSTIO SECUNDA. Quotuplex sit pensio? Respondeo, esse duplicem; laicam, & clericalem: 2 Pensio laica seu temporalis dicitur, quæ ob temporalem aliquam causam constituta, laico etiam competere potest: v. g. quæ datur Ecclesiæ Oeconomo, Cantori, Aduocato: Item quæ Ecclesiæ patrono, aut defensori. Pensio verò clericalis appellatur, quæ in solos Clericos cadit. Eæ iterum duplex est; vna simpliciter spiritualis, quia Clerico ob spirituale ministerium datur; v. g. Cōcionatori, Episcopi Coadiutori, Parochi Vicario, aut Cooperatori. Altera media, siue mixta, quæ in clericali quidem statu fundatur; tamen non propter spirituale ministerium confertur, sed ob aliam causam; eamque vel lucrosam, ut quæ Clerico pauperi, vel Parocho seni, loco alimentorum assignatur: vel onerosam; ut quia aliquis lite beneficiaria cedit, c. nisi, de præb. vel quia beneficium alteri resignat, seruata sibi, cum Episcopi auctoritate, pensione, sicuti docet Azor cit. q. 5. vel quia beneficium suum cum altero tenuiore permutat, arg. c. ad quæstiones, de rerum permut.

Porro inter pensionem laicam & clericalem maximum discrimen est; quod illa nihil ferme cum Ecclesiastico beneficio commune habet; hæc autem cum eo multum conuenit: nam & ius spirituale est, vel potius annexum spirituali; statimque clericalem requirit; &

ferme eisdem modis, quibus beneficium, amittitur; saltem si loquamur de pensione simpliciter spirituali, sicuti notarunt Gigas tra. de pension. qu. 54. & seqq. Nau. lib. 5. cons. 47. 59. 61. & 63. Tol. lib. 5. cap. 82. Garcias pa. 1. ca. 5. num. 105. & seqq. Suarez tom. 1. de relig. lib. 4. de Sim. ca. 26. Sanchez 7. moral. ca. 29. nu. 8. vbi notat, quod talis pensio nec emi, nec redimi potest; sed gratis remitti debet: item quod ob contractum matrimonium, vel Religionis professionem, vel assumptionem ad episcopatum, ipso iure vacat pensio; sicuti & beneficium. Adde, quod pensioni simpliciter clericali ex constit. Pii V. apud Nau. cap. 25. num. 122. annexa est obligatio recitandi officii B. Virginis, quam hæc constitutio non vbiq. recepta est, teste Less. cit. c. 35. dub. 22. n. 129.

QVÆSTIO TERTIA. Quisnam pensiones beneficii imponere possit? Respondeo. Certum est, Sum. Pontifici talem potestatem pensiones imponendi ob iustam causam simpliciter competere: cum in beneficiis plenissimam potestatem habeat, cap. 2. de præb. in 6. Non valet tamen, secundum stylum Curie, designatio pensionis in beneficiis patronatus laici, sine clausula derogatoria eius, sicuti docet Conar. in pract. qq. c. 36. nu. 10. ver. primum, Gigas de pension. q. 24. De Episcopo verò dubitant DD. vtrum pensiones imponere possit, uti videre licet apud Rebus. tit. de referuat. tam general. quam special. & de pacific. possessor. num. 123. Lessium ca. 34. dub. 38. Binsfeld. de Simon. ca. 9. q. 2. §. de consuetudine. Tol. lib. 5. ca. 83. in princ. qui aiunt; secundum consuetudinem Curie Romanæ, id Episcopis hodie licitum non esse: idque verum est ordinariè loquendo, quia beneficia Ecclesiastica sine fructuum diminutione conferri debent, iuxta c. vn. Ut Ecclesiastica beneficia &c.

Verum in casibus specialibus, ac necessariis, v. g. propter paupertatem, senium resignantis, ob litis compositionem, aut ad coarctandos fructus in permutatione beneficiorum, adhuc hodie Episcopo competit pensionem beneficio imponere; quamvis non imperpetuum, neque cum facultate transferendi ad alterum; sed solum ad vitam pensionarij, id est, eius cui pensio designatur, sicuti habetur in c. nisi essent, de præbendis, & docent Gigas de pension. q. 6. Caccialupus de pension. q. 5. Suarez tom. 1. de relig. lib. 4. de Sim. ca. 27. nu. 37. & c. 51. nu. 18. Sa ver. pensio, num. 5. Nau. lib. 5. consil. 41. num. 4. de Simon. edit. 2. Garcias pa. 1. ca. 5. nu. 309. 334. 344. Quamobrem in tali casu obligatio pensionis soluendæ ad successorem transit, quamdiu pensionarius viuit, arg. c. de cætero, de transact. & ex communiore docent Gigas, Caccialupus, Suar. ll. cc. contra Azor to. 2. lib. 8. c. 6. q. 1. in fine, Sanchez lib. 7. moral. cap. 29. num. 99.

Excipit hinc Garcias cit. n. 334. Si pensio designetur causa concordie, & ut à lite recedatur: talis enim pensio ad successorem transire non videtur, sed extingui cum persona onerata, arg. cit. c. nisi essent, de præb. vbi Innoc. rationem dat: Quia cum agatur de iure personali, non potest obligari beneficium, vel successor; quippe de cuius utilitate non agitur. Nihilominus contrarium probabilius docet Suarez n. 18. cum neque Gigas, & Caccialupus huius exceptionis meminerint: & ad c. nisi, patet responsio ex cit. c. de cætero, quod iis locis sermo sit de iudiciis arbitris, aut delegatis, quamvis à Papa; non posse eos, sine episcopali auctoritate, pensionem, aut censum beneficiato imponere, qui vitam eius personæ excedat; alioquin enim præiudicaretur iuri Episcopi, qui non posset beneficium alteri sine fructuum diminutione conferre.

Cæterum Episcopus resignanti beneficium in fauorem alterius pensionem designare non potest, commun

iure; cum neque resignationem talem recipere possit, sicuti præter alios notauit Zecchus de benef. & pens. c. 11. n. 5. Suar. cit. lib. 4. de simon. c. 33. n. 3. Garcias n. 340. arg. cit. c. nisi essent, ibi, *non quidem ex pactione paritum*; sed à Superioris solius voluntate prouenire debet, vt pensio ob iustam ac necessariam causam designetur resignanti, v. g. quia valde senex est, & ad onera beneficii ineptus. In resignatione tamen, quæ Papæ offertur, nihil prohibet partes inter se prius de pensione pacisci, vt eam Papa admitrat & approbet, sicuti ex communi docet Zecchus l. c. & Gigas q. 5. n. 3. & q. 6. n. 8.

- 4 Addendum est supra dictis, quod sicuti Episcopus ob iustam, & necessariam causam, beneficio ad tempus pensionem imponere potest, conferendam alteri; ita pariratione statuere potest Episcopus cum Capitulo ob causam necessitatis, vel magnæ utilitatis, vt pars aliqua reddituum beneficii ad certum vsum pium, v. g. Ecclesiæ fabricam, Religiosorum sustentationem; item ad debitorum nomine Ecclesiæ contractuum solutionem applicetur, secundum doctrinam S. Th. 2. 2. q. 100. a. 4. in fine, Gl. Innoc. Abb. n. 15. & alior. DD. in c. vn. Vt beneficia Ecclesiastica sine diminutione conferantur, Pauli Romani in tr. de pensione Eccl. c. 4. n. 10. Dummodo beneficium, cui aliqua detractio fit, seu pensio imponitur, redditibus abundet: nam alioquin *non deet vnum altare discooperire, vt aliud cooperatur*, ait Abb. in c. pastoralis, n. 5. de his quæ fiunt à Prælati &c.

Sed nunquid Patroni consensus requiritur, si beneficium patronatum sit? Respondet Abb. in cit. c. vn. n. 20. Gigas q. 23. ex necessitate non requiri. Idque verum est, spectato communi iure, & secluso speciali privilegio, aut consuetudine. Cum enim pensio ab Episcopo constituta, perpetua non sit, sed tantum ad vitam pensionarii; non censetur exinde præiudicium patrono inferri: modo pensio moderata sit, & non nimis onerosa: alioquin conqueri, eamque reuocare posset. Vt proinde consultum sit, patroni consensum prius requirere, quod si absque iusta causa contradicat, nihilominus Episcopus propositum exequi poterit.

- 5 Insuper duo notanda sunt: I. Episcopus pensionis designationem, aut fructuum subtractionem facere debet ante collationem beneficii, sicuti annotauit Caccialupo q. 5. Gigas, q. 10. Nam si eam faciat in ipsa collatione, requisito consensu beneficiati, periculum est pactionis simoniacæ, quando ex tali fructuum subtractione utilitas aliqua in collatorem directè, vel indirectè redundat; sicuti patet ex cit. c. vn. prope finem II. Posteaquam causa subtractionis fructuum cessauit, iterum beneficia sine diminutione conferri debent, sicuti communi & ordinario iure oportet, iuxta cit. c. vn. vt Ecclesiastica beneficia sine diminutione conferantur.

6 QVÆSTIO QVARTA. Quanta pensio designari debeat? Respondent DD. communiter, Abb. in ca.

conquerente, n. 5. de Cler. non resident. Gigas q. 4. Garcias p. 1. c. 5. n. 366. Vasquez de benefic. c. 2. dub. 12. Oportere esse moderatam, vt tantum maneat beneficiato, præsertim Ecclesiæ Rectori, vt commodè se sustentare, officiumque misericordiæ erga pauperes, & hospitalitatis erga peregrinos exercere; item iura Episcopalia soluere, & alia sibi incumbentia onera præstare possit, iuxta c. cum causam, c. de Monachis, de præbendis. Alioquin si parochiæ in aliqua diocesi nimis tenues redditus habeant, plerique viri docti, & alioquin valde idonei, fugientes tamen laboris & curæ, quæ Parochis præsertim in Germania nostra incumbit, ad otium, & pingues canonicatus aspirabunt: Ecclesiæ autem hominibus indoctis & rerum imperitis committi debent, non sine populi spirituali detrimento. Quamquam etiam è contrario, si redditus parochiarum nimis abundantes sint, occasionem inde Parochi accipiunt luxus & vanitatis sectandæ; & ea, quæ ad plebis salutem, Deique gloriam spectant, negligendi. Igitur mediocritas maximè laudabilis est. Ait verò Corduba lib. 1. quæstion. q. 21. dub. 2. consuetum ferme esse, vt nomine pensionis ex beneficio tertia reddituum pars extrahatur.

QVÆSTIO QVINTA. Vtrum pensionarius pro rata pensionis suæ, obligatus sit ad præstandum subsidium charitativum Episcopo; item collectas cum ordinarias, tum extraordinarias, quæ ob necessitatem, vel publicam causam, à Clericis interdum exiguntur. Resp. & dico I. Si res per se & secundum ius commune spectetur, pensionarius ad id obligatur. Ita Caccialupo q. 17. Gigas q. 38. & 59 de pensionib. Petrus Rebus. de pacif. possessor. n. 138. Nau. lib. 3. consil. 1. de Ecclesiæ edific. edit. 2. Azor lib. 8. c. 9. q. 2. Garcias cit. c. 5. n. 171. Probat. Qui commodum percipit, æquum est eundem & onus perferre: Atqui pensionarius partem aliquam fructuum, siue reddituum ex beneficio percipit: Ergo secundum proportionem eius, onera quoque siue præstationes, beneficio incumbentes, perferre debet.

Dico II. Pensiones frequentissimè designantur liberæ, & exemptæ ab omni præstatione, ita, vt totum onus ad titularem, siue Rectorem beneficii pertineat: idque partim ex consuetudine Romanæ Curie, talem clausulam exemptionis in conferendis pensionibus adficiendis, teste Caccialupo, Gigante, Azorio II. cc. partim verò ex voluntate Ordinarii, ipsiusue titularis siue Rectoris, pensionem tali modo designantium: si quidem eò minor pensio designari potest, quia onera præstationum penes solum Rectorem esse debent. quod quidem ex literis constitutæ pensionis cognoscendum erit; in quibus si nihil expressum sit, cogetur pensionarius pro rata contribuere, vti DD. cit. affirmant; excepto, si loci consuetudo aliud obtineat: nam sicuti contractus, ita & designatio pensionis intelligitur secundum consuetudinem regionis.

TRACTATUS TERTIVS DE IURAMENTO ET PERIVRIO.

CAPVT I.

DE NOTIONE AC DEFINITIONE Iuramenti. SVMMARIVM.

1. Iuramentum est inuocatio diuini nominis, in testimonium alicuius rei.
2. Quod per falsum Deum fit iuramentum, per se loquendo, obligatorium non est.
3. Ad iurandum animus siue intentio requiritur: imò solo animo iurari potest, absque externo signo.
4. Ad rationem iuramenti requiritur, ut non meram assertionem veritatis contineat; sed petitionem, seu inuocationem testimonii diuini.
5. Inuocatio testimonii diuini tum explicite, tum implicite fieri potest, v. g. per creaturas iurando.
6. Tanto decentius est iuramentum per creaturam, quanto illa sanctior, aut excellentior.
7. Cum in sacris canonibus prohibetur iuramentum per creaturam, intelligitur de Gentilium iuramentis per Iouem, Solem &c.

IVRANDI verbum à iure deriuatum est, vt notauit S. Th. 2. 2. q. 89. a. 1. quia quod cum iuramento asseritur, aut promittitur, instat firmissimi iuris, seu decreti haberi debet. Quare & iurandum dici solet: Nullum vinculum, inquit Cicero lib. 3. de officiis, ad stringendam fidem iure iurando artius maiores esse voluerunt. Aliàs sacramentum appellatur, quod sit sacra quædam & religiosa affirmatio, vt Cicero ibidem ait. Vide etiam Abb. Panorm. in rubr. de iureiurando, Couar. in c. quamuis pactum, p. 1. princip. n. 3.

Iuramentum definitur ex eodem S. Th. cit. a. 1. S. August. de serm. Domini in monte cap. 17. Inuocatio diuini nominis, in testimonium alicuius rei. Pro cuius definitionis intellectu notandum est primò: Finis & effectus iuramenti est confirmatio rei dubiæ, seu controuersiæ, testante Apost. ad Hebr. 6. Omnis controuersia finis, inter homines, ad confirmationem, est iuramentum. Et Gaio Iureconsulto in l. 1. ff. de iureiuran. Maximum remedium expediendarum litium in usum venit iurandi religio, quæ vel ex pacitione ipsorum litigantium, vel ex auctoritate Iudicis diuiduntur controuersiæ. Cum enim particularia facta & promissa hominum sæpe incertæ veritatis sint, neque per necessariam rationem confirmari possint; ideo solent confirmari per testes. Verum humanum testimonium sufficiens non est ad eiusmodi confirmationem: partim propter defectum humanæ veritatis: quia sæpe homines mentiuntur, ac fallunt; partim propter defectum cognitionis: quia homines cognoscere non possunt futura contingentia, nec absentia, neque cordium occulta, de quibus tamen loqui solemus, & expedit humanis rebus, vt de his etiam aliqua certitudo habeatur. Quamobrem necessariū fuit recurrere ad diuinū testimonium: quia Deus nec metiri potest, nec eum aliquid latet. Ita S. Th. in corp. cit. a. 1. Quamquam in iuramento absolute non petitur à Deo, vt dicti veritatem actuali aliquo signo statim contestetur (id enim ad tentationem Dei pertineret, si sine vrgentiissima causa, vel speciali motione Spiritus sancti peteretur) sed vt con-

testetur Deus, si voluerit, quando voluerit, saltem cum illuminabit abscondita tenebrarum, & manifestabit consilia cordium 1. ad Corint. 4. & notauit idem S. Th. 2. 2. ad 3.

Notandum est secundò: Iuramentum per solum verum Deum fieri potest, cum sit inuocatio diuini testimonii, idque indicatur cap. 6. Deuter. Dominum Deum tuum timebis, & illi soli seruias, ac per nomen illius iurabis. Nam iuramentum inuentum est ad confirmandam veritatem, quatenus fieri potest, testimonio firmissimo & infallibili, cuiusmodi solius Dei est, sicuti dixi li. 2. tr. 1. de Fide, c. 1. n. 4. Ex quo colligitur, quod per Deum putatum, siue idolum sit, non esse verum iuramentum, sed actum idololatriæ; ideoque, per se loquendo, nullam ex virtute religionis obligationem parere, sed tantum per accidens, ob erroneam conscientiam infidelis iurantis; qua ratione explicari potest S. August. epist. 154 ad Publicolam, relatus in c. mouet, 22. q. 1. Quare deposito errore videlicet infideli ad Fidem conuerso, cessat omnis obligatio iuramenti: licet interim fœdera siue pacta, quibus eiusmodi peruersum iuramentum adiectum fuit, si iusta sint, ex fidelitatis & iustitiæ virtute obseruanda maneant. Quæ est sententia Soti lib. 8. q. 2. a. 3. Mol. tr. 2. to. 3. prior. disp. 579. Less. lib. 2. c. 42. dub. 1. Suarez lib. 2. de iure cap. 3. num. 6. Sanchez l. 3. moral. c. 2. n. 5. contra Innoc. Abb. & alios Canonistas in c. etsi Christus, de iureiurando, vbi aiunt, etiā Christianum per falsos Deos iurantē iuramento obligari sed non ita est, vt mox dicā.

Notandum est tertio: Ad veram rationem iuramenti non sufficit, verba iuramenti significantia materialiter tantum proferre; nisi simul adsit animus siue voluntas iurandi, verumque Deum in testem inuocandi; alioquin erit non verum, sed fictum, vel dolosum iuramentum, quod interdum ratione scandali, aut damni amouendi, non item propriam ex religionis virtute obligationem adfert. Contra verò, si animus siue voluntas interna iurandi adsit, verum coram Deo iuramentum existit, siue vlla signorum expressione; perinde ac votum sola mente conceptum, sicuti docet Couar. c. quamuis pactum, p. 1. princip. n. 5. & 6. Andr. Fachinæus li. 3. cōtrouers. iuris, c. 8. Azor. to. 1. lib. 11. c. 2. quest. 4. Suarez lib. 1. de iuram. c. 1. n. 4. Sanchez lib. 3. c. 1. nu. 2. Io. Malderus 2. 2. tr. 10. cap. 6. dub. 1.

Ex quo inferitur cum Sanchez ca. 2. n. 7. Eum verè iurare, aut peierare, qui animum ac voluntatem habens Deum vt testem inuocandi, adhibet verba, vel alia signa, quæ alioquin talem iuramenti significanti vim non habent. Exempli causa, Si aliquis cum intentione iurandi dicat, *In veritate hoc faciam*. Vel si Christianus cum infideli paciscens, coram lapide iuret, intentionem suam non in lapidem, sed in Deum verum referens qui videtur esse casus S. August. ser. 28. c. 12. de verbis Apostoli. Vide Couarru. c. quamuis pactum, par. 1. §. 1. numero 21. Suarez lib. 2. de iuram. c. 6.

Notandum quartò: Iuramentum debet in se continere non meram assertionem, sed petitionem seu inuocationem diuini testimonii, saltem virtualem. Quare, si modo, sensuque enuntiativo tantum dicatur: *Coram Deo hæc dico: Deus scit me verum dicere: Deus videt ita esse*, non sunt iuramenta, sicuti rectè docent Sotus libro 8. q. 1. art. 1. Caiet. cit. q. 89. a. 1. contra Nau. c. 12. man. n. 2.

Imò neque hæc locutio, *Deus mihi testis est*, iuramenti rationem habebit, si simplicis assertionis sensu proferatur, Deum esse cognitorem eorum quæ dicuntur, uti notavit Sanchez lib. 3. c. 2. num. 21. Azor. to. 1. lib. 11. c. 3. q. 1. & fatetur Suarez lib. 1. c. 13. n. 7.

Veruntamen etiam per modum invocandi divini testimonii, seu ut iuramenta huiusmodi loquendi formulæ frequenter usurpantur, uti videre est apud S. Paulum 1. ad Timoth. 5. 2. ad Timoth. 2. *Testificor coram Deo. ad Gal. 1. Coram Deo, quia non mentior.* Ad Rom. 1. *Testis mihi est Deus, & S. August. epist. 137. ad Clerum, & populum Hipponensem: Fatcor Charitati vestra coram Deo, qui testis est super animam meam.* Et in sermone 28. de verbis Apostoli, cap. 9. *Quantum ad me pertinet, iuro: sed quantum mihi videtur, magna necessitate compulsus: cum videro, non mihi credi, nisi faciam; & ei, qui mihi non credit, hac perpensa ratione, & consideratione librata, cum magno timore dico, Coram Deo, aut, Testis est Deus: aut scit Christus, sic esse in animo meo.* Item S. Th. cit. a. 1. 3. has loquendi formulas inter iuramenta numerat: *Est mihi Deus testis, Coram Deo loquor.* Verum in his, ut supra dixi, spectanda imprimis est intentio loquentis: si verò ea ignota sit, coniectura capi debet, tum ex communi loquentium consuetudine. (Hæc enim forma. *Deus est mihi testis*, frequentius ut iuramentum accipitur; non item hæc, *Deus scit ita esse*) tum verò ex moribus loquentis, utrum is frequenter, aut vix unquam iurare soleat, sicuti notavit Caiet. q. 89. a. 1. ad 3. Azor lib. 11. c. 3. q. 1.

Notandum quintò: Invocatio divini nominis in testimonium, tum explicitè fieri potest, tum implicitè. Explicitè per Deum iuravit S. Apost. Paulus cum aliis, tum 2. ad Corinth. 1. *Testem Deum invoco in animam meam.* Ea quoque iurandi formula, quæ olim Iudæis præscripta erat, cap. 4. Hieremias, *Vivit Dominus*, secundum propriam impositionem, & communem eius acceptionem, expressam divini nominis contestationem præferebat: est enim sensus, *Deus qui perfectissima vita est, & omnia videt, ille iudicet.* Implicita verò seu virtualis divini testimonii invocatio accidit in iuramento per creaturas, non absolute spectatas (sic enim ad blasphemiam, & idololatriam spectaret) sed ut in Deum relatas, prout in iis divina vis seu potentia specialiter elucet. Qua ratione Moyses iuravit Deuter. cap. 3. & 4. *Testes invoco, cælum & terram.* Et Christus apud Matth. cap. 5. mentionem facit iuramenti per cælum, quia thronus Dei est, & per terram, quia est scabellum pedum eius; & per Hierosolimam, quia est civitas magni Regis cœlestis. In quem locum S. August. lib. 1. de serm. Domini in monte, cap. 17. ita ait: *Cum iuras per cælum, aut terram, non te arbitreris, non debere Domino infurandum tuum: quia per eum iurare convinceris, cuius cælum thronus est.* Et ipsemet Christus apud S. Matth. cap. 23. ita explicuit: *Quicumque iuraverit in templo, iuravit in illo, & in eo qui habitat in ipso; & qui iurat in cælo, iurat in throno Dei; & in eo, qui sedet super eum, videlicet potentiam suam clariùs demonstrando.* Simili quoque modo per crucem iurari solet, cum ordine ad eum qui pro nostra salute in cruce mortuus est, e. qui peierat, 22. quæst. 5. Item per sancta Evangelia, c. quoties cordis, 1. quæst. 7. quippe in quibus infallibilis Dei veritas nobis manifestata continetur, sicuti explicat S. Th. q. 89. a. 6. Couar. c. quamvis pactum, p. 1. §. 1. n. 16. Ioan. Selua de iuram. p. 1. quæst. vlt.

Est autem tantò decentius iuramentum per creaturam, quantò ea sanctior atque excellentior est, seu in qua divina vis clariùs & largius resplendet: adeò, ut si quis creaturam ignobilem in testimonium dicti sui adferat, v. g. *iuro per huiusmodi, censeatur debeat iocosum, seu illusorium iuramentum*, teste Nau. cap. 12. num. 5. *Ni-*

latio creature in Deum; v. g. per hanc ignem Dei: quia sic Deus invocatur conditor eius. ait Syl. ver. iuramentum, 1. quæst. 4. & docet Abbas c. et si Christus, n. 6. de iur. iur. Rodrig. t. 1. sum. c. 191. n. 1. Sanch. lib. 3. c. 2. n. 10.

Cum verò in sacris canonibus, c. clericum, 22. quæst. 1. sumpto ex Concil. Carth. 4. cap. 61. & cap. si quis per capillum, ead. q. Christianis sub excommunicatione prohibetur, ne per creaturas iurent, explicandum id est de iuramento Gentilium, puta per Iovem, per Solem, &c. Siquidem talia iuramenta, cum simulatione falsa religionis, vel certè cum scandalo iuncta sunt, sicuti colligitur ex can. 94. Synodi Trullanæ, in quo excommunicantur ii, qui Gentilium sacramenta iurant, & notavit Suarez lib. 1. de iuramento, cap. 5. n. 6.

Porro in iuramento execratorio per creaturam, in quam Deus iudicium suum exercent, nisi verum sit quod dicitur, minus periculi superstitionis, aut scandali subest. Qua ratione Apostolus Deum testem invocavit in animam suam. Et Ioseph Patriarcha Gen. 42. per salutem Pharaonis iuravit, teste S. Th. cit. a. 6. Et Christianos per salutem Caesaris iurare solitos, refert Tertullianus in Apologet. c. 31. Et Christus cap. 5. Matth. meminit iuramenti per caput proprium, aitq; non facile, aut sine necessitate ita iurandum; quia non potest homo unum capillum album facere, vel nigrum, id est, non habet potestatem in caput, aut vitam suam.

CAP. II.

DE QVIBVSDAM IVRANDI

formulis.

SUMMARIUM.

- 1 Verba illa, *ausf. mein And*, plerumque iuramenti formam continent.
- 2 Fides à Sacerdotibus interponi solita per sanctam eorum consecrationem, non est propriè iuramentum; sicuti nec fides à viris principibus interposita: quamvis in foro externo uti iuramenta accipiuntur, & observari iubentur.
- 3 Homagium, quod vasalli domino suo prestare debent, est proprium iuramentum.
- 4 In veritate, in conscientia mea, per conscientiam meam, non videntur esse iuramenta.

¶ N primis certum est, hanc esse veram eamq; expressam iuramenti formam, *Iuro per Deum, vel, Per Deum ita est.* Item, *Deum testem invoco: Deus mihi testis esto.* Addit verò S. August. epist. 89. ad Hilar. in fine; & notavit Syl. ver. iuramentum, 1. q. 5. perinde esse, siue aliquis iurando utatur particula *Per*, siue particula *In*. Qua forma Apostolus iurasse existimatur ad Rom. 9. *Veritatem dico in Christo Iesu.*

Dubitari verò potest de hac formula, *Ausf. mein And*, id est, *volo dictum*, vel promissum meum iuramentum esse: utrum veram iuramenti rationem habeat? Respondeo, & dico I. In foro iudiciali talia verba censeferi iuramentum: puta si Iudex dicat, *Gelobe an ausf. mein And*, id est, *Promitte mihi iuratus*; & alter annuat, vel promittat, censebitur iurare, seu iuratus promittere: quia hæc est Iudicis intentio iuramentum exigentis, sicuti in simili docet Sanchez lib. 3. de iuram. cap. 2. n. 4.

Dico II. si iuramentum non exigatur, sed sponte aliquis talia verba usurpet ad confirmationem dicti, vel promissi sui: tunc arbitror duplicem verborum sensum esse posse: I. Quod actu aliquis per ea iurare intendat: quo casu haud dubiè verum iuramentum continent: quia ad probationem iuramenti, si animus & intentio non desit, sufficit verbum *iuro*; vel *volo iurare*. II. sensus. Tam certum esto dictum, vel promissum, ac si iuratum sit. Quo casu non efficitur iuramentum: quando non adest intentio actu iurandi, sed habendi dictum, vel promissum instar iuramenti. Quæ etiam forma interdum promissio exigi solet: *Gelobe*

Id est, tam firmiter, ac si iurares: cum tamen re vera non iuretur: Sicuti secretum, quod alicui extra Confessionem, perinde ac si sacramentale sit, committitur, re ipsa non sit sigillum sacramenti Confessionis. Quæ doctrina confirmatur ex c. Clericus, de iureiur. in quo habetur: Quod Clericus, qui iurauerat se statuta in Ecclesia sua edita seruaturum, & postea per idem iuramentum promissit, statutum subsecutum fideliter etiam obseruare, teneatur quidem ad posterius statutum ex vi promissionis, sed non ex vi iuramenti, quod rectè explicatur in Rubrica: *Nisi sunt de nouo mandati intentionem habuissent.*

Nihilominus arbitror verba illa *Auff mein And*, in vulgari etiam sermone, plerumque iuramentum continere, si deliberatè preferantur. Quia, ut inquit Sanchez lib. 3. cap. 2. n. 1. ad iurandum satis est, velle verba usurpare in eo sensu, quo secundum aliorum ita iurantium consuetudinem usurpari solent. Hæc autem videtur esse consuetudo apud Germanos, ut formula illa verborum pro iuramento usurpetur, & accipiatur. Ergo tale præsumendum est, nisi de alia usurpantis intentione constet.

Secundò dubitatur. Vtrum promissio facta per interpositionem fidei, *Ben meinen Ehren und Treuen*, vim iuramenti habeat? Plerique Canonistæ affirmant, nominatim Felinus in c. querelam, Abb. ibid. n. 7. de iureiur. argumento c. ad aures, de his quæ vi, vbi habetur, quod renuntiatio electionis, ob laicorum terrorem facta, irrita censeri debeat, nisi iuramento, vel fide interposita confirmata sit. Et in c. peruenit, de fide iussor. Clericos, si reuersionem fidei, vel iuramenti violasse conspicerit, ab officio, & beneficio suspendendos esse. Contrariam vero sententiam sequuntur plerique Theologi, & Couar. c. quamuis pactum, p. 1. §. 2. n. 3. Gutierrez in Auth. Sacramenta puberum, Cod. si aduersus venditionem, n. 149. ob rationem Caiet. 2. 2. q. 89. a. 6. *Qui enim dicit per fidem meam hoc faciam &c. non de Fide Theologica (sive Christiana) sed moraliloquitur, hoc est de fidelitate: & perinde est, ac si diceret, Ita hoc faciam, sicuti fidelis sum, aut haberi volo. Scy sum ergo affert in resem, non Deum. Sicuti Reges promittentes in fide regia, non iurant, sed propriam excellentiam fidelitatem adferunt ad confirmationem.*

Verum hæc sententia omni difficultate caret, propter inaequalem, quæ est distinguere solent inter fidem interpositionem, & iuramentum; tamen in utroque aliquam vim religionis, maioremque obligationem, quam in alianda promissione agnoscunt, sicuti manifestò colligitur ex cit. c. ad aures; & ibi notant Innocent. & alii DD.

Pro solutione notandum, Licet Clerici, ipsique Presbyteri, & Episcopi à Superiore suo in grauib. causis cogi possint ad iurandum, etiam canonicè & sollemniter tactis Evangelis, ut constat ex c. Ego N. de iureiur. c. quodis, & postò de purgat. canon. & c. venerabili, de sentent. excommunicat. at verò in rebus causis seu controuersis non decet Presbyteros, & Episcopos laicorum more iurare, ut habetur in c. si quis Presbyter, 2. q. 4. Latens (quo cum Presbyter controuersiam habet) per iuramentum, si necesse sit, se parari: Presbyter vero vice iuramenti per sanctam consecrationem interrogatur: quia Sacerdotes ex l. c. 1. sa iurare non debent. Manu enim per quam corpus & sanguis Christi consistit iuramento polluitur: aliter. Ex quibus verbis colligitur, in interrogationem illam per sanctam consecrationem, non esse exactionem propriè dicti iuramenti, sed commonitionem, vel exactionem fidei præstandæ, aut veritatis dicendæ, sicuti Sacerdotem debet, *Ben jhren. Eysichen Münden, und Ehren*. Sicuti si Religiosus in fide Religiosi, & Christianus quilibet in fide hominis Christiani aliquid dicat, vel promittat, ut Suarez annotauit lib. 1. de iuram. c. 13. n. 19. & 20. Neq; refert, quod in-

terdum Episcopis, & Presbyteris ita interrogatis Evangelia proponebantur: quia id non semper fiebat causa iuramenti exigendi; sed ut memores essent veritatis dicendæ, sicuti colligitur ex Auth. de sacrosanctis Episcopis Nouel. 123. c. 7. Nulli verò Iudicum, ibi, *ut propositis sanctis Evangelis, secundum quod decet Sacerdotes dicant quæ nouerint.* Quem locum ita intellexit etiam Gratianus in cap. 9. 17. cau. quæst. 1.

Huiusmodi igitur commonitio, aut mentio consecrationis: seu sacerdotalis dignitatis facta in promissis Episcoporum, ac Presbyterorum &c. videtur in sacris canonibus appellata fidei (puta sacerdotalis) præstatio; seu interpositio; ad cuius non minùs, quàm iuramenti, obseruationem in externo Ecclesiastico foro compelli debeant. Idque primò; Quia eiusmodi sacri ordinis commemoratio facta in promissionibus magnam iuramenti similitudinem gerit. II Quia in totius clericalis, aut sacerdotalis status grauem ignominiam cedit, si fides tali modo ac forma data, violetur. III. Quia alioquin priuilegium clericis datù, præcipuè sacerdotibus, ut in causis leuioribus iurare non cogantur, sed vice iuramenti interposita fide sacerdotali respondere; in aliorum præiudiciu cessurum esset, nisi eadem, qua alii verè, ac propriè iurantes, veritatis dicendæ, fideique seruandæ obligatione teneantur.

His affine est, quod Reges & Principes non facile aliorum more iurare solent, sed loco iuramenti, in fide seu per fidem Principis &c. promittere; *Ben unseren Fürstlichen Ehren und Treuen*. Qualis fidei interpositio in externo foro tanquam iurata promissio accipitur, sicuti de consuetudine Imperii testatur Andr. Gaill. lib. 2. obseruat. 59. Myling. centur. 1. obseruat. 17. vbi addit, idem obseruari, si fides data sit à personis illustribus, aut nobilibus in Germania, *Ben meinen adelichen Ehren, Treuen; und guten Elauben*. Quia in eiusmodi personis fidei principalis seu excellentis loco iuramenti esse censetur.

Sed quid sentiendum de homagio, seu hominio? quod vassalli dominis suis, cum inuestituram accipiunt præstare solent, de fidelitate ipsis seruanda, cuius mentio fit in c. grauem, de excell. Prælat. c. ult. de regul. iuris. Respondeo, esse propriè dictum iuramentum, sicuti & nomen ipsum indicat: atque docent Couar. c. quamuis pactum, p. 1. §. 1. num. 3. Per. Greg. Tholosanus lib. 6. Syntag. cap. 14. num. 6. & colligitur ex Gl. in cit. cap. ult. vbi homagium, *sacramentum fidelitatis* appellat, & in c. nimis, de iureiur. vocatur *iuramentum fidelitatis*, quod etiam Clerici, temporale feudum habentes, præstare coguntur dominis secularibus, sicuti ex eod. textu colligitur per sensum contrarium, & notat Gl. & Abb. ibid. Tholosanus l. c. num. 7. & ex c. solita, de maior. & obed. qua occasione Innoc. & alii Doctores ibi notant; Imperatorem esse supremum Iudicem, à quo etiam ab Episcopo appellari possit in causis rerum feudaliu, non item in causis, quæ absoluto iure Ecclesiis donatæ sunt.

Tertiò dubitatur de illa verborum formula, *In veritate ita est*. Respondetur, ex communi apud Sotum lib. 8. q. 1. a. 1. Non esse iuramentum: quia est simplex assertio, seu protestatio hominis vera loquentis, sicuti si dicas, *Verè ita se res habet, ut narro*. Alia verò ratio est, si vel expressè addatur, vel tacitè inuocetur summa & diuina Veritas, puta, *In veritate Dei, in veritate Christi*, ut rectè notauit Suarez lib. 1. cap. 13. num. 21. Idemque dicendum de hac formula, *Tam verum hoc est, quam vere Deus est*; vel, *quam verè Deus uiuit*. Videtur enim his loquendi modis diuina Veritas inuocari, si per eam res occulta, aut contingens consumantur. Sin verò speculatiuè euidenter veritatem

tali loquendi modo astruamus, aliud non intendimus dicere, quam eiusmodi veritatem hominum mentibus à Deo inditam, seu in diuina mente relucentem esse: quod meram assertionem continet, ideoque iuramentum non est. Vt si quis dicat; Quod homini in extrema famis necessitate licitum sit accipere ea; quidus indiget, esse diuinam veritatem. Deinde notant Barthol. Medina lib. 1. instruct. c. 14. §. 2. Sanchez lib. 2. moral. c. 32. num. 31. Suarez to. 1. de relig. tr. 3. lib. 1. cap. 6. num. 12. supradictas loquendi formulas blasphemiam continere posse; si loquentis intentio sit locutionis, scilicet veritatem ac certitudinem ad æquare diuinæ veritati atque infallibilitati: quod tamen ratio præsumendum est, sed tanquam hyperbolica locutio accipienda, vel vt similitudinem exprimens non adæquationis, sed imitationis, seu proportionis, sicuti dicitur Matth. 5. *Perfecti estote, sicuti & Pater vester celestis perfectus est.*

Quartò dubitatur de hac formula, *In conscientia mea. per conscientiam meam*, vt iuramenti vim habeat? Negant Saver. iuramentum, num. 1. Less. cap. 42. dub. 2. num. 4. Sanchez lib. 3. cap. 2. num. 20. Quia qui ita loquitur; non aliud dicere censetur, quam ex conscientia se loqui, vel testem sibi esse conscientiam suam. Affirmant verò esse iuramentum, Nau. c. 12. n. 6. Syl. ver. iuram. 1. q. 4. Azor lib. 11. cap. 3. q. 1. Quorum sententia tunc vera est, si intentionem habeas iurandi per conscientiam, sicuti per animam tuam, iuramento execrationis, vti Syl. loco cit. vult: vel iurandi per conscientiam, quatenus est radius, & participatio quædam diuinæ mentis, ac veritatis. Cuiusmodi tamen intentio in dubio præsumi non debet; nisi vel patrie consuetudo, vel circumstantiæ iuramenti coniecturam faciant.

CAP. III.

VTRVM LICITVM SIT IVRARE.

SUMMARIUM.

1. Iuramentum, si debito modo fiat, est actus virtutis Religionis.
2. Christus docuit, sine necessitate iurandum non esse.
3. Iuramentum religiosum tres comites habere debet; veritatem, iustitiam, & iudicium.

RESPONDEO. Iuramentum, si debito modo fiat, est actus bonus, à virtute Religionis profectus. Ita S. Th. 2. 4. aliique communiter, & sumitur ex cap. 1. Deuter. *Illi soli seruias, & per nomen eius iurabis.* Ratio est, Quia pertinet ad cultum, & venerationem Dei, eius infallibilem veritatem, & auctoritatem agnoscere, ac prædicare. quod fit per iuramentum. Quare & Apost. ad Hebr. 6. ait, quod homines per maiorem se iurant. Et Aristoteles 1. Metaph. c. 3. iuramentum dixit esse honorabilissimum. Cicero lib. 3. de officiis, esse religiosam affirmationem. Denique in iure cum civili, tum canonico, l. 2. C. de rebus creditis, l. 1. ff. de iur. iur. c. tua nos eod. tit. iurifurandi religio appellatur.

Neque his obstat sententia Christi apud S. Matth. cap. 5. *Ego autem dico vobis, non iurare omnino: sit autem sermo vester, est, est: non, non.* quod autem his abundanti-
us est à malo est. Nihil enim aliud significare voluit, quam optandum magis esse, vt nullum iuramentum fieret, nullum iuramento opus foret: siquidem iurandi usus ex naturæ infirmitate, atque ad mentendum, & fallendum propensione, per peccatum acquisita (quod malum quoddam pœnæ est) originem traxit: quamobrem, si inter homines, vti deberet, veritas ac fides constaret, nullum omnino iuramentum opus

esset, sed simplex affirmatio eius, quod est, & simplex negatio eius, quod non est, sufficeret. Quare quod Christus præcipit, *non iurare omnino* (id est, nullo modo, siue nulla iurandi forma) intelligi debet, sine necessitate, aut rationabili causa, interprete S. August. cit. epist. 89. in fine & cit. c. 17. lib. 1. de ferm. Domini in monte S. Bern. ferm. 65. in cantica, S. Th. 2. 2. Innoc. III. in c. Et si Christus de iure iur. partim quia frustra aut leui de causa diuinum nomen, quamuis ad confirmationem veri dicti, assumere, quandam irreuerentiam continet: partim quia frequenter sine necessitate iurando in periculum periculum incidimus, sicuti notauit S. August. cit. cap. 17. & lib. de mendacio, cap. 15. & epist. 154. ad Publicolam, quod refertur c. in nouo, 22. quæst. 1. S. Th. 2. 2. ad 1. conuenienter illi Ecclesiast. cap. 23. v. 9. *Iurationi non assuescat os tuum: multus enim casus in illa.* & ver. 12. *Vt multum iurans implebitur iniquitate.* Adde, quod Christus discipulos suos hortari voluerit, ita vitam suam instituere, vt eorum simplici asseuerationi non minùs, quam aliorum iuramentis credatur. Nam nulli minùs creditur, quam ei qui frequenter iurat: contrà, ei facile fides habetur, qui semper verum loquitur, & nunquam iurare consuevit, sicuti Theophylactus in cap. 5. Matth. annotauit, & consentit. S. Basil in Psalm. 14. *Turpe sane omnino, & stultum seipsum accusare, vt indignum fide, & firmitatem ex iuramentis adferre.*

Verumta nen, vt iuramentum opus bonum Religionis existat, tres conditiones tanquam comites requirit; veritatem, iustitiam, & iudicium, iuxta illud Hierem. cap. 4. *Iurabis, viuisti, Dominus, in veritate, iudicio, & iustitia.* quod ibidem exponens S. Hieronymus ait, *Animaduertendum est, quod iurandum hos habeat comites: veritatem, iudicium, & iustitiam.* Veritas in eo consistit, vt veracissimi numinis testimonium non adducatur in confirmationem falsi, aut mendacii: Iustitia seu æquitas in eo, vt æquissimi numinis testimonium non adducatur in confirmationem rei, aut dicti iniqui, siue peccato obnoxii. iudicii discretio in eo, vt cum prudente intellectus consideratione, pia ac reuerente voluntatis affectione, non sine necessitate aut magna utilitate iuratur; tunc videlicet, si alicuius dicti veritas, aliis non manifesta, sed dubia sit; indubitata vero & explorata esse, publicè, vel priuatim multum intersit. Quamobrem Aristot. in Rhetor. ad Alexandrum definiuit iuramentum, quod sit, cum diuina veneratione dictio, probationis expers, id est, quæ alia quam diuini testimonii allegatione persuaderi non potest. Vide Sotum lib. 8. de iustit. q. 1. a. 2.

CAP. IV.

DE DIVISIONIBVS IVRAMENTI.

SUMMARIUM.

1. Iuramentum aliud necessarium est, & aliud voluntarium: Item aliud iudiciale, & aliud extraiudiciale.
2. Præterea iuramentum aut est verbale, aut reale; simplex, vel solemne.
3. Interdum iuramentum fit per simplicis diuini numinis contestationem; interdum vero per execrationem.
4. Præcipua iuramenti diuisio est in castum, ac promissorium.
5. Iuramentum de opere futuro iuramentum est nudum, ac per se sans interdum verò confirmationem promissionis.
6. Præuicatio iuramenti promissorii erga hominem plures species continet.

PRIMA diuisio. Iuramentum aliud est necessarium, quod à lege, vel Superiore defertur ad litem finiendam, ad criminis purgationem, ad Fidei professionem, ad obedientiam vel subiectionem &c.

Aliud verò est iuramentum voluntarium, quod sponte suscipitur; & interdum ex partium voluntate, seu conventionione, quare *conventionale* tunc appellatur. Vide Syl. ver. iuramentum, l. q. 2.

Altera diuisio. Iuramentum est *iudiciale*; idque subdividitur in necessarium, quod à Iudice parti deferitur, quibus casibus deferendi, ac cogendi potestatem habet. Et *voluntarium*, quod à parte deferitur, parti ad litis decisionem. Aliud verò est iuramentum *extraiudiciale*, id est, extra iudicium delatum, vel susceptum. Ita ex communi Syl. l. c. Vincentius Mancinus de iuram. p. 2. init. Greg. Tholos. lib. 50. Syntag. c. 4.

Tertia diuisio. Iuramentum aliud est verbale, aliud reale tantum, aliud mixtum ex utroque, sicuti videre est apud DD. in rubrica de iureiur. Syl. ver. iuramentum, l. quæst. 1. Suarez lib. 1. de iuram. cap. 12. Verbale iuramentum est, quod fit per verba, diuini numinis contestationem expressè, vel virtualiter significantia. Iuramentum merè reale est, si sola aliqua actione, v. g. tactu Evangeliorum libri, vel digitorum eleuatione, iurandi voluntas exprimitur, videlicet ab eo qui mutus est. Imò etiam in iis, qui loqui sciunt, consuetudine introduci posse, vt promittens se aliquid præstaturum, ad solum tactum crucis sacræ, vel Evangeliorum, iurasse censendus sit, docet S. Anton. p. 2. tit. 10. cap. 3. in princip. Syl. cit. quæst. 1. Couar. c. quamuis pactum, p. 1. in princip. num. 5. Suarez cit. c. 12. Iuramentum mixtum est, quod præter verba, corporalem etiam actionem continet, v. g. tactum sceptri, tactum Evangelii: quamobrem iniure appellatur *iuramentum corporale*, c. vt circa, de elect. in 6. Vide etiam Clementinam primam §. porro, de hæreticis. iuncta. Glossa, verbo *tacta*.

Eiusmodi autem corporalis actio interdum requiritur, vt maiore cum deliberatione, reuerentia, ac timore iuramentum præstetur: quare ex eiusmodi circumstantiis iuramenti obligatio, & violatio aggrauari solet, maioremque pœnam mereri, vti notauit S. August. citat. epist. 154. *quandò id, per quod iuratur, magis sanctum est, tantò magis est pœnale periurium.* Et S. Th. 2. 2. q. 98. a. 3. ad 2. *Gravius est, si quis solemniter iuret per Evangelium, quam si per Deum in communi sermone; tum propter scandalum, tum propter maiorem deliberationem.* Interdum verò eiusmodi actionis solemnitas necessariò requiritur ad certum aliquem iuris effectum, v. g. certam probationem, vel litis decisionem, sicuti colligitur ex cap. hortamur, 3. q. 9. l. non est ratum, ff. de iureiuran. & notant DD. in rubr. de iureiurando, Couar. c. quamuis pactum, p. 1. §. 1. n. 12. Greg. Tholos. cit. lib. 50. c. 8. n. 12.

Quarta diuisio. Iuramentum aliud est simplex & aliud solemne. Simplex dicitur omne id, quod solemne non est. Solemne autem iuramentum dicitur, quod vel certam verborum formulam, vel (vt frequentius fieri solet) corporalem alicuius rei tactum, aut præsentiam requirit, vt maiorem auctoritatem, æstimationemque pariat: tale iuramentum canonicum est, quod fit tactis sacris Evangeliiis, iuxta c. quoties, l. q. 7. & cit. Clem. 1. de hæret. & notat Innoc. c. etsi Christus, de iureiurando Abb. in rubr. de iureiur. Selua tr. de iuram. p. 1. Apud veteres Hebræos sollemnis iurandi ceremonia erat, manus eleuatio, sicuti colligitur ex cap. 14. Gen. Item transitus per diuisionem victimæ in duas partes, sicuti colligitur ex cap. 34. Hierem. Item positio manus sub fœmore exigentis iuramentum, Gen. c. 24. & 47. ad significandum, id fieri in Fide Christi, qui in lumbis Patriarcharum continebatur, vel in pacto fidei cum vero Deo, cuius signum erat circumcisio. Hodie aiunt persuasos esse Iudæos, non obligari se iuramento, nisi iurent manu imposita super librum legis Mosaicæ. Denique apud Gentiles olim solemniter iurare solebant,

vel sceptrum eleuando, vel lapidem manu tenendo; vel eductis, & eleuatis mucronibus, aliisque modis, quos videre potes apud Alexandrum ab Alexandro lib. 5. c. 10. genial. Tholos. cit. c. 8.

Quinta diuisio. Iuramentum aliud est per simplicem diuini numinis contestationem, aliud verò per execrationem, cum iurans sibi ipsi, vel alteri dilecto, mali quippiam à Deo falsitatis vindice imprecatur, nisi verum sit, quod asserit, aut promittit: Sic S. Paulus 2. ad Corinth. 1. testem Deum inuocabat *in animam suam*. Et similis iurandi forma, *sub periculo anime* indicatur in ca. fraternitatis de rigidis. Vñtissimus autem in iure, ac foro Ecclesiastico iurandi modus est, *Sic me Deus adiuet, & hac sancta Evangelia*, vbi habetur in c. Ego, N. de iureiur. Hebræi dicebant, *Hæc faciat mihi Deus, & hæc addat*, Ruth. c. 1. & lib. 1. Reg. cap. 14. & 20. Gentiles apud Tertull. in apologet. cap. 28. *Me conueniat Ianus iratus: Nolo mihi Iouem propitium esse, nisi &c.* Similia habet Greg. Tholos. lib. 50. cap. 8. Couar. §. 2. num. 21. & S. August. in verba illa psal. 7. *Si reddidi retribuētibus mihi mala, decidam mercedem ab inimicis meis inanis*, ita commentatur: *Iurare videtur per execrationem, quod est grauissimum iurandi genus; cum homo dicit, si illud feci, illud patiar.* Alios per execrationem iurandi modos suprà cap. 1. memini, videlicet *per caput, per vitam, per salutem meam, aut Regis mei.*

Sexta diuisio, Iuramentum aliud est *assertorium*, quo confirmatur dictum de præsentem, vel præterito; aliud *promissorium*, quo confirmatur dictum de opere futuro. Ita S. Th. quæst. 89. a. 1. & 7. Quæ iuramenti diuisio valde celebris, & utilis aliquibus notationibus declaranda est: Prima. Materia, circa quam omne iuramentum versatur est actio aliqua contingens, aliis non manifesta, quæ si præsens, vel præterita sit, solet esse obiectum iuramenti assertorij: v. g. iuro me in Deum credere: iuro me hominem non occidisse. Sin autem sit actio iurantem futura, solet esse obiectum iuramenti promissorij: v. g. iuro me opem laturum; hominem non necaturum. Neque obstat, quòd interdum etiam alienum factum iuramento confirmare solemus v. g. Titium vrbe abiisse, vel abiturum: pertinet enim hoc ad assertorium iuramentum, quo iuratus asserit, se saltem probabilem cognitionem, existimationemue habere de illius profectio. Quare, tametsi Titius præter iurantem probabiliter conceptam opinionem non proficiscatur, periurium censeretur haud debet: cuius rei exemplum asseri potest ex 1. Regum, 20. vbi Ionathas Dauidi iurauit, nihil mali eum à Saule passurum esse.

Præterea; licet Clericus de crimine infamatus, cui indicitur purgatio canonica, tactis Evangeliiis, iurare teneatur de veritate, id est, immunem se esse ab hoc crimine; alii tamen, qui vt testes innocentie producuntur, iurant tantum de credulitate, existimare se, illum innocentem esse; præterquam si negativa restricta sit ad tempus certum, aut locum: sic enim absolute iurare possunt, Titium tali loco, & tempore homicidium non commisisse, vti notat Abb. in cap. quoties, n. 2. de purgat. canon. Denique qui veritatem aliquam speculatiuam, vel futurum naturalem euentum, v. g. masculam prolem nascituram, iuramento confirmat, is videtur profiteri certam talium veritatum cognitionem: quamobrem huiusmodi iuramenta sæpe temeraria sunt, sicuti indicat S. Th. quæst. 89. a. 1. Interdum verò ex obiecti conditione, & circumstantiis aliis colligi debet, iurantem intentionem esse, duntaxat opinionis, suæ maiorem probabilitatem seu verisimilitudinem asserere; & iuramento confirmare velle; vt proinde periurus censeretur non debeat, tametsi talis eius persuasio re ipsa incerta vel falsa sit, teste Suarez lib. 3. c. 4. num. 7. Sanchez, cit. c. 4. n. 12. Quæ simili

ratione notat Abb. in c. fraternitatis, n. 12. de frigidis; Peritos artis ad iudicandum secundum artis suae scientiam, iuramentum praestare posse absque periculo periculi: cum non iurent de veritate, sed credulitate sua.

Altera annotatio. In iuramento promissorio includitur etiam assertorium: nam qui iurat se aliquid facturum, is in primis Deum testem adducit, quod impraesentiarum habeat voluntatem opus faciendi: deinde verò Deum testem, vel potius fideiussorem adducit, quod opus re ipsa à se futurum, siue faciendum sit, uti notauit Suarez lib. 1. de iuram. c. 8. num. 3. Loquor autem de iuramento cadente super opus faciendum, siue quo iuras, te opus facturum: nam si solum iurare intendes, te nunc habere faciendi propositum, esset id nunc duntaxat iuramentum assertorium, ad quod sufficeret iuratae praesentis assertionis veritas; id est, quod verè nunc habeas faciendi propositum; tamen illud postea mutare liceat. Cuiusmodi iurandi intentio, quae rarior esse solet, per hæc verba explicari potest, *Iuro, me velle hoc facere.*

Tertia. Licet iuramentum de opere futuro, seu faciendo ab obligatione virtutis Religionis separari non possit, attamen separari potest à propriè dicta promissione, & obligatione ex virtute iustitiae. Ita docet Suarez cit. cap. 8. & lib. 2. cap. 4. 7. & 8. Sanchez lib. 3. cap. 9. num. 6. Less. lib. 2. cap. 42. dub. 11. Prior pars ex eo probatur, quia obligatio assertionem iuratae de futuro veram faciendi est effectus per se, ac necessario consequens ex tali iuramento, ob diuini Numinis reuerentiam; ne videlicet eius auctoritas in confirmationem operis praestandi frustra usurpata sit, quod iurans, quantum in ipso est, ex Religionis virtute impedire tenetur, iuxta illud Exod. 20. *Non assumes nomen Dei tui in vanum: Leuit. 19. Non percrabis in nomine meo, nec pollues nomen Dei tui. Matth. 5. Reddes autem Domino iuramenta tua.* Et c. debitores, de iuram. *Cogendi sunt Domino reddere iuramenta.* Altera vero pars, quod iuramentum de opere faciendo non necessario includat propriè dictam promissionem; manifestum est in iuramento comminatorio, quo alteri poenam commertam minatur, in eo enim nulla propriè promissio, vel obligatio ex virtute iustitiae, aut fidelitatis inest; nihilominus ex virtute Religionis erga Deum obligatur iurans ad poenam inferendam, si licitè ac honestè possit. Simili verò modo fieri potest, ut aliquis nudè ac simpliciter iuret, se eleemosynam v. g. pauperibus daturum, Religionem ingressurum; nihil interim vel Deo, vel homini promittere intendens, uti praeter alios notauit Sanchez lib. 8. de matrim. disp. 13. n. 4.

Quartò notandum, pro pleniore intellectu eorum, quae dicta sunt: Rectè docuisse Bartolum in l. si quis pro eo, ff. de fideiuss. Duplex esse iuramentum de opere futuro; vnum nudum, simplex, ac per se stans; puta si aliquis sine vlla promissione ac pacto erga alterum, simpliciter iuret, se hoc, vel illud facturum, cuiusmodi iuramentum continet vnam ac simplicem obligationem futuro tempore veram faciendi assertionem boni operis, ob reuerentiam diuini Numinis, cuius testimonium inuocatum est: consequenter prauaricatio, seu transgressio eius iuramenti vnicam, eamque ex genere suo mortalem malitiam habet. Alterum verò est iuramentum confirmatorium promissionis; idque vel erga Deum, quod est votum iuratum, continens duplicem obligationem ex virtute Religionis: videlicet promissa Deo fideliter reddenda; & nominis eius testimonium in vanum non assumendum esse: quare prauaricatio talis iuramenti duas diuersae speciei malitias contra Religionis virtutem complectitur. Vel est confirmatorium promissionis erga hominem; quod est pactum iuratum, continens tum obligationem iustitiae & fidelitatis erga promissarium, tum obligatio-

nem propriam iuramenti erga Deum, sicuti indicat S. Th. quæst. 89. a. 7. ad 3. Quare talis iuramenti prauaricatio in duplici specie existit; quarum vna est contra iustitiam, altera contra Religionis virtutem. Vel denique est confirmatorium promissionis tam Deo, quam homini factæ, uti videre est in voto iurato dandi eleemosynam pauperi, promissionem talem acceptanti, in quo actu tres obligationes continentur, duæ religionis erga Deum, tertia iustitiae & fidelitatis erga hominem: consequenter prauaricatio eiusmodi promissorii iuramenti in triplici peccatorum specie existit.

Verum nos, omittis aliis iuramenti diuisionibus ac speciebus; solum agemus in primis de iudiciali iuramento, deinde de promissorio tum latè, tum strictè accepto.

CAP. V.

DE IURAMENTO IUDICIALI.

SUMMARIUM.

1. Iuramenti iudicialis plures sunt species: videlicet iuramentum calumniae, iuramentum in litem, iuramentum litis decisum.
2. Iuramentum litis decisum vel necessarium est, vel voluntarium.
3. Iuramentum necessarium plerumque Reo, & non Actori deferendum est, ad litis decisionem.

IUDICIALE iuramentum dicitur, quod in iudicio praestatur. Eius variae species sunt, quarum principales afferemus: I. Est iuramentum calumniae, quod principio litis, vel postea, alterutra parte exigente, necessario Iudex deferre debet. Actori quidem, ut iuret, non calumniandi animo litem se mouisse, sed existimando bonam causam habere. Reo verò, ut iuret, quod putet se bona instantia vti ad relucendum; id est, resistere Actori, existimando se ius habere, l. 2. C. de iureiur. propter calumniam. Adde, quod vterque iurare debet, non exacturum se probationem, nisi quam pro veritate necessariam esse existimabit. Auth. in isto, C. eod. Et quod nihil penitus causa patrocinii Iudicibus, vel alii personae dederit, aut promiserit, excepto salario Advocati, Authen. Principales, C. eod.

Habet hoc calumniae iuramentum hodie etiam locum in causis spiritualibus, c. 1. de iuram. calumniae, in 6. Et licet in prima instantia semel praestitum fuerit, postea in causa appellationis iterum exigi potest, c. 2. eod. in 6. Deinde si in principio litis exactum non fuit, nihil prohibet in litis progressu quauis iudicii parte interponi, cit. c. 2. in 6. Iuramentum verò malitiae, v. g. quod malitiosè non proponatur exceptio, petatur dilatio, Iudex semper exigere poterit; etsi antea de calumnia, vel dicenda veritate iuratum fuerat. cit. c. 2. §. ult. in 6.

Porro nihil interest, vtrum Actor, vel Reus per se, an per Procuratorem iuret; dummodo id ei specialiter demandatum sit, iuxta cit. l. 2. & c. 2. & 3. eod. in 6. Consentaneum autem tunc est, ut Procurator non tantum in animam domini; sed & in suam iuret: cum & ipse extrahendo processum, vel causam iniustam scienter defendendo, calumniari possit, sicuti notauit Andreas Gall. lib. 1. obseruat. 89. num. 1. Excepto, si sit Procurator generalis, siue Syndicus alicuius vniuersitatis, sicuti & tutores, aut curatores, habentes legitimam administrationem: hi enim in propriam tantum animam iurare debent, si causae cognitionem habeant, sicuti docet Gl. c. in pertractandis, de iuram. calumniae, Abb. in c. Imperatorum, n. 5. eod. tit.

Licet partes inter se expresse convenire non possint, quominus calumnia iuramentum praestetur; quia tale pactum tanquam peccandi occasionem praebens, iure reprobatur, cit. lib. 2. §. sed quia; si tamen iuramentum calumniae neque à Iudice, neque à partibus exigatur, sed tacite remittatur, non ideo iudicialis processus corrumpitur, cap. 1. eod. in 6. Denique poena recusantis hoc iuramentum, cum praestandum fuerit, est, ut Actor ab instituta cadat actione; Reus autem haberi debeat pro confesso, cap. vlt. §. vlt. extra, eod. & tit. Authen. Principales. vide Andr. Gall. l. 1. obser. 84. & seqq.

Alterum est iuramentum, quod dicitur *in litem*; idque triplex, sicuti notant DD. in rubr. ff. de in litem iurando, & explicat Ioan. Selua de iuram. p. 2. q. 1. Vincentius Mancinus tract. de iuram. p. 2. cap. 7. & seqq. I. dicitur iuramentum *veritatis, seu verae aestimationis*, quia deferretur ad intelligendam veram rei, per dolum alterius amissa, quantitatem seu valorem, quando alia probatio deest, l. in actionibus, ff. eod. v. g. si ciista cauponi tradita, ab eodem restituatur, amotis seris aut sigillis; ita ut appareat, vel praesumptio sit de dolo cauponis, l. si quando, C. Vnde vi, & c. vlt. de iis quae metus, & c. vel si damnum passus à fure, aut praedone; probato furto, rei ablatae precium iuramento affirmet, sicuti constat ex l. si quando, C. vnde vi. quae repetitur in c. vlt. de iis quae vi, iun. Glof. ver. per testes, Abb. n. 5. Mynsing. cent. 4. obser. 12. Gaill. lib. 2. obser. 64. n. 9. ex quibus regula habetur: *Si concurrant difficultas probandi quantitatem rei amissa, & odium delinquentis, standum est iuramento petitoris.* Qua simili ratione propter difficultatem probandi etimen, admitti solent testes, puta doctores deponentes de furis in domum ingressu; quamvis in alia causa non admitterentur. Vide Campegium de testib. reg. 104. Mascardum vol. 1. concl. 26. numero 10. & quae dixi libro praec. tractatu 6. capite 4. quaest. 2.

II. Dicitur iuramentum *affectionis*; Si enim dolo vel culpa alterius res tua amissa, vel destructa sit, quae tibi valde chara erat, ob singularem utilitatem: v. g. codex, in quo notationes tuas scripseras, tunc permittitur tibi eius pretium, secundum priuatam affectionem, & utilitatem, iurando in litem, aestimare; praecedente tamen Iudicis taxatione ne in immensum ob affectionem iuret, l. videamus, §. deferre, ff. eod. Nisi imalis dicere, in hoc casu duplum communis aestimationis, & non plus reddendum esse, iuxta l. vn. C. de sentent. quae pro eo & c.

III. Est iuramentum super *interesse singulari, & extra rem*, puta si per accidens damnum incurriti, vel lucrum tibi exinde cessavit, quod numi apud alterum depositi, suo tempore restituti non fuerint; quia v. g. frumentum aut vinum carius emere coactus es, vel alicui pecuniam sub poena debuisti, aut sub pignore, quod ea de causa distractum & c. permittitur tibi hoc damnum tuum, iuramento interposito, aestimare, l. numis, ff. de in litem iurando. Idque in conscientiae foro non tantum in numis locum habet, sed etiam in alijs rebus, si eas debitor non sine dolo, & iniuria restituere intermisit: nam omne damnum, & lucrum cessans, etiam extrinsecum, restituere cogitur, sicuti notavit Mancinus p. 2. de iuram. art. 8. numero 25. & constat ex materia de restitutione, atque consentire videtur cit. l. vn. §. in alijs autem.

Tertia species iuramenti iudicialis est quod dicitur *litis decisum*; & dividitur in necessarium, ac voluntarium. Necessarium est, quod in causa dubia, ob inopiam plenae probationis, à Iudice deferretur; siue ex officio, siue ad instantiam partis. Dicitur autem necessarium partim quia Iudex quandoque deferre cogitur, ut docent DD. in l. admonendi, ff. de iureiur. Abb. in c. vlt.

§. sanè, num. 15. de iureiur. quia delatum partim sine iusta causa recusari non potest, l. generaliter, §. si autem, C. de reb. cred. & iureiur. & cit. c. vlt. extra, eod. Iustae autem recusandi causae sunt; si Actor intentionem suam plenè probavit, vel Reus rem cognitam non habet, aut eius probabilem obliuionem allegat. quae de re DD. in cit. l. admonendi, & l. in bonae fidei, C. de rebus creditis. Abbas in cap. vlt. de iureiur. numero 6. Lancelotus in Instit. iuris canon. libro 3. tit. 14. §. sunt autem iustae. Mancinus pag. 2. articulo 5.

Voluntarium autem iuramentum dicitur, quod à parte parti deferretur: idque simpliciter recusari potest iuxta cit. c. vlt. non minus, quam si extra iudicium deferatur, l. 1. & seqq. ff. de iureiur. Si tamen sponte suscipiatur, parit exceptionem Reo iuranti, §. aequè, Instit. de exception. Actori verò, si iuraverit, actionem tribuit etiam civili iure, l. Actori, C. de rebus creditis, & iureiur. & notavit Abb. cit. c. vlt. num. 1. de iureiur. Ceterum si iuramentum in iudicio à parte parti deferatur, Iudice approbante, tunc quodammodo necessarium est, quia vel iurare debetis, cui delatum est (nisi iusta recusandi causa adsit) vel referre; alioquin lis contra ipsum decisa erit, sicuti docet Gl. communiter recepta in cit. l. in bonae fidei, ver. per Iudicem, Abbas in cit. c. vlt. num. 4. & c. prout. p. 3. quaest. 2. n. 7. Mascardus to. 2. concl. 995. num. 4. & habetur expresse in l. delata, C. de rebus creditis, & in l. 38. ff. de iureiur. *Manifesta turpitudinis est, & confessionis, nolle nec iurare, nec iurandum referre*, quod non tantum de Rectore rectè dici, DD. omnes fatentur, apud Mancinum. par. 2. a. §. num. 5.

Veruntamen in actione famosa, ut furti, & delatum ab Actore iuramentum Reo, non est licitum illi referre; ut habetur in cit. c. vlt. Cuius rationem dat Abb. ibid. num. 12. Quia eiusmodi causis, v. g. clandestino furto, Reus praesumitur melius scire veritatem, quam Actor siue accusator: quare, inquit Abbas, si accadat, Actorem aequè informatum esse, atque Reum; tunc etiam in causa famosa licebit iuramentum eidem referre.

Si quaeras, quid sit iuramentum deferre, & quid referre? Resp. Is dicitur deferre iuramentum, qui primò alteri parti offert, ut iuret: si iurare nolit, ac iuramentum offerat aduersario qui prius detulerat, tunc dicitur referre.

Porro hoc interest inter iuramentum à Iudice delatum, siue simpliciter necessarium, & inter iuramentum iudiciale à parte delatum, Iudice probante; quòd illud non obest, quominus, propter instrumenta de nouo reperia, retractari sententia, & causa ex integro agi possit: Secus est iuramento iudicali, delato à parte: cum enim speciem quasi transactionis habeat, confert ad plenam litis decissionem: ut renouari amplius non possit, cit. l. admonendi, in fine. Excipe primò; Nisi causasti, in qua periculum animae vertitur, non remissibile partium consensu: ut si agatur de valore matrimonij, sicut notat Abb. in cit. c. vlt. n. 8. Hostiensis in c. mulieri, eod. tit. Excipe secundò; Si legatum, vel fideicommissum sibi relictum fuisse, aliquis iuraverit; idque postea producto instrumento falsum esse demonstratur, sicuti habetur in l. vlt. C. de rebus creditis, & docet tibi Gl. & Abb. in c. vlt. n. 9. Cuius ratio est: Quia, uti habetur in l. de his ff. de transact. *De his controuersis, quae ex testamento proficiuntur, neque transigi, neque exquiri veritas aliter potest quam inspectis, cognitisque verbis testamenti.* Ceterum in conscientiae foro haud dubiè idem dicendum est alijs causis, ut quoniescunque veritas aliter, quam in iudicio iuratum est, manifestò appareat, ea praevalere debeat; atque iuramentum solum in ordine ad externum forum oppositionem litis transactae & decisa pariat. Exempli

causa. Titius in iudicio dicebat, Caium sibi debere decē. Caius, ut se à Titio liberaret, ei detulit iuramentū, ille iuravit; si vel tunc, vel postea manifestū sit Caio, Titium falsum iurasse; nihil illi debet in conscientia: Quamvis in foro externo actio cōpetat contra Caium; isque non audiatur, si iuramentū Titii cum suo cōsensu in iudicio editum, falsitatis coarguere velit. æquissimum tamen etiam in illo foro censetur, ut liceat nouo iudicio iurantem de periurio accusare; sicuti etiā transactio quāvis iuramento firmata, retractari potest, si propter falsa instrumenta facta esse cōstet, l. si ex falsis, C. de transact. Eandemq; ob causam res iudicata rescindi potest, l. i. e. si ex falsis instrumentis, l. Diuus, ff. de re iudic.

Sed quæstio est de iuramento necessario, quod in causa dubia, ob inopiam probationis, à Iudice deferretur, utrum Actori potius deferendum sit in probationis supplementum; an Reo ad sui purgationem, siue innocentiz demonstrationem? In qua quæstione, inquit Abb. cit. c. ult. §. sanè, num. 9. *quot capita, tot reperiuntur sententia.* Arbitror tamen satis decisam esse in cit. c. ult. de iureiurando. Sanè si actor omnino in probatione defecerit, Reus debet (et si nihil præstiterit) obtinere. Præsumptione vero faciente pro illo (Actore & contra Reum) Reo deferri potest ad ostendendam suam innocentiam, iuramentum nisi Iudex (inspectis personarum, & causæ circumstantiis) illud Actori videat deferendum.

Iuxta hanc decisionem dico I. cum Glos. Hostiensis, & Abb. ibid. Ordinariè iuramentum deferendum est Reo, & non Actori. Nam *favorabiliores Rei potius, quam Actores habentur*, reg. 125. ff. Et. *promptiora sunt iura ad absolendum, quam ad condemnandum*, c. 3. de probat. Alioquin si in causa dubia Actor per iuramentum causam mox definire liceret, omnis pene legitimæ probationis necessitas, etiam ea quæ omnium gentium iure requiritur, ut in ore duorum, vel trium testium stet omne verbum, per supplementum illud iuramentum tolleretur, non sine multorum innocentium periculo: quia callidi homines eadem facilitate ad peierandum, qua ad calumniandum aggrederentur.

Porro dictum iuramentum purgationis Reo præsumptione aliqua, etiam citra semiplenam probationem, grauato, in omnibus causis, etiam arduis, cum civilibus, tum criminalibus, deferri potest, sicuti colligitur ex cit. §. sanè, & docet Hostiensis supra, Abb. cit. §. sanè, num. 7. Mascardus l. c. n. 39. Andr. Gaill l. 2. de pace publica, cap. 7. num. 12. Imò tamen Actor nihil omnino probauerit, nihilominus, ipso petente, iuramentum purgationis Reo deferri poterit, sicuti colligitur ex l. ius iurandum & ad pecunias, ff. eodem c. de probat. atque ex comtunioe sententia docet Clarus in pract. criminali, quæst. 63. n. 4. Mascardus, n. 41. Fachin. li. i. contr. iuris c. 19. Puta, si pars agens sponsonem matrimonii clam, & nullis testibus adhibitis factam asseueret, sed pars conuenta neget; atque hæc delatum sibi iuramentum nequè subire, neque Actori referre velit, habebitur pro confessâ. Idemque docet Sanchez lib. 7. disp. 113. in fine; Iudicis officio fieri posse in aliis causis, quibus animæ periculum vertitur, ut Reo iuramentum purgationis deferatur ad omnem suspicionem remouendam, arg. c. continebatur, de despons. impuberum. Neque huic obstat l. 4. C. de edendo; Actore non probante reus absolvitur, et si nihil præstiterit: intelligendum enim id est, et si nihil præstiterit probando; quamvis interim delatum sibi iuramentum sine causa recusare non possit.

Dico II. cum Gl. & Abbas in citato c. mulieri, num. 6. & cit. c. ultimo §. sanè num. 4. & 9. Mascardus volam. 2. concl. 954. numero 71. Gall. libro 1. obseruat. 108. num. 12. Menochio de arbitrariis quæstionib. lib. 2. cent. 2. casu 190. Mancino p. 2. de iuram. a. 6. Ad iudicis prudentis arbitrium pertinere, ut consideratis causæ, & personarum circumstantiis, quandoque

Actor iuramentum in probationis supplementum, atque ad litis decisionem deferat. Circumstantiæ personarum, quæ considerari debent, sunt, utrum Actor sit vir probatæ vitæ, omnique susceptione carens, Reus non item. Vtrum Testis, quem Actor adduxit, itidem sit. omni exceptione maior, & cui nihil obici possit. Causæ verò qualitas, quam Iudex attendere debet, in eo consistit, utrum sit criminalis an civilis; famosa, an non famosa; magna & ardua, an minoris momenti. Nam in causis criminalibus, quibus pœna corporalis ob crimen decernenda est, luce meridiana clariores probationes requiruntur, l. sciant cuncti, C. de probat. c. sciant, 2. q. 8. ideoque iuramento suppletorio nullus locus esse videtur, teste Claro l. c. Gaill cit. c. 7. Abb. in cit. c. ult. n. 13. & c. 2. de calumniat. 4. Deinde in causis famosis; item non famosis, sed arduis, cuiusmodi est matrimonialis, requiritur plusquam semiplena probatio, & quæ nulla exceptione, vel coniectura probabili elisa sit; ut proinde maxima, siue violenta præsumptio sit contra Reum, & pro Actore: tunc in defectum plenæ probationis interdum Iudex Actori minimè suspecto iuramentum deferre poterit, sicuti docet Abb. in cit. c. mulieri, n. 6. de iureiur. Andr. Gaill lib. 2. obser. 94. num. 12. Si tamen agatur de matrimonio seu carnali, seu spiritali dissolueno ob aliquod impedimentum, adhuc grauior causa censetur, ut duo minimū testes requirantur; neque in defectum plenæ probationis iuramentum contra matrimonij valorem deferre liceat, sicuti docet Glos. communiter recepta in cit. cap. mulieri, ver. absoluto. Mascardus concl. 954. n. 43. Gaill lib. 2. obser. 94. num. 11. & 16. Quamquam Gl. in c. vidua, de Regular. Abb. in cit. c. mulieri, num. 7. permittunt etiam in hoc casu matrimonij seu spiritalis, seu carnalis dissolueno, iuramentum deferri, si persona quæ impedimentum v. g. violentiæ illatæ, allegat, honesta sit, & præter semiplenam probationem v. g. vnius testis omni exceptione maioris, alias præsumptiones valde vrgentes pro se habeat. Denique in causis non famosis, & pecuniariis non magni momenti, sufficit plerumque semiplena probatio, v. g. per vnum testem omni exceptione maiorem; dummodo reus nulla verisimili coniectura eandem elidat. quod bene docet Andr. Fachin. lib. 1. controu. iuris capite 18. & Gl. in cit. §. sanè, ita ait: Cum Actor habet vnā bonā præsumptionem, siue vnū bonum & honestum testem; tunc habito respectu ad quantitatem causæ & qualitatem personæ, ut non sit præsumptio, quod pro tanto velit peierare, deferatur iuramentum ipsi Actori.

CAP. VI.

DE MATERIA ET OBLIGATIONE promissori iuramenti.

SUMMARIUM.

- 1 Iuramentum de opere illicito nullam obligationem parit.
- 2 Iuramentum illicitum sape seruandum est, si sit de re licita.
- 3 Iuramentum de opere indifferente, nisi ex fine ac circumstantiis co-honestetur, nullam vim obligandi habet.
- 4 Iuramentum de re illicita, tamen si mutata circumstantia licita fiat non ideo conualescit.
- 5 Iuramentum, diuini dumtaxat honoris intuitu conceptum, de opere minus bono, vel ab initio nullum est, vel arbitratu venientis in aliud opus melius commutari potest.
- 6 Iuramentum in gratiam alterius conceptum, semper obligat, si sine peccato præstari possit.
- 7 Iuramentum de faciendo in alterius gratiam opere à civilibus legibus prohibito, vel infirmato, obligationem parit, saltem sub religionis virtute, si legus prohibitio, vel infirmatio non obligat sub culpa.

3 Quotiescunque lex civilis, vel alia quacunque sub peccato obligat, ne tale opus fiat, vel promittatur, tunc iuramentum de eo faciendo irritum est.

9 Iuri publico priuatorum pactis, quamvis iuratis, renuntiari non potest.

ASSERTIO I. Iuramentum de patrandi opere malo mortaliter, aut venialiter, nullam obligationem parit. Nam iuramentum institutum non fuit ut esset vinculum iniquitatis, c. quanto, de iureiur. Consentit reg. 58. in 6. Non est obligatorium contrabonos mores praestitum iuramentum, &c. si vero; c. cum contingat, de iureiur. c. quamvis, de pactis, in 6. quibus habetur, iuramenta observanda esse, nisi eorum observatio vergat in interitum salutis eternae. quod non tantum de mortalibus peccatis iuramento firmatis accipi debet, sed suo, etiam modo de venialibus: siquidem & haec ad mortalia peccata disponunt, & quamdiu durant, ab aeterna salute impediunt, uti notavit Suarez lib. 2. c. 15. num. 3. Sanchez lib. 3. c. 9. num. 19. Alia iura, vel potius Patrum auctoritates de iuramento rei illicitae non observando, congerit Gratianus causa 22. q. 4. Ratio autem est: Quia contradictionem involuit, ut aliquis obligetur ad patrandam rem illicitam, siue quae in se peccatum est, v. g. furtum, mendacium. Si enim peccatum est, tenetur iurans ab eo abstinere siue omittere: non potest autem simul facere opus, & omittere; consequenter neque obligari ad faciendum.

Porro notandum hic est, minus proprie Gratianum l. c. & quosdam Iuristas dicere Iuramentum illicitum servandum non esse; cum potius dicendum sit, de re illicita. Nam saepe accedit, ut aliquis promittendo, ac iurando peccet; vel quia prodigè agit, vel quia lege, aut praecepto prohibitum est, ne iuramentum fiat: cum interim, si res promissa & iurata prohibita non sit, atque siue peccato executioni mandari possit, utique debeat, sicuti notavit Gl. c. 2. ver. sacramentum, de arbitris. ibid. Abb. num. 8. Sanchez cit. c. 9. num. 22. Suarez lib. 2. c. 24. quem legito.

ASSERTIO II. Ex iuramento de faciendo opere indifferente, v. g. festucam teleuaturum, ad molendinum, vel aedes alicuius non accessurum; si alia causa non adiiciatur, nulla oritur obligatio. Ita docet Caiet. 2.2. q. 89. a. 7. §. ad evidentiam & ver. periurium, ver. primum caput. Angelus ver. iuramentum, n. 5. Nat. cap. 12. num. 17. Tol. lib. 4. c. 22. num. 3. Sanchez cit. c. 9. num. 11. Suarez lib. 2. c. 16. nu. 4. Mol. to. 1. tr. 2. disput. 149. §. verum enim verò, Azor lib. 11. cap. 5. quaest. 1. §. si quis praeterea. Ratio est: Quia Actio humana, quae secundum se, siue ex obiecto indifferens est, si in individuo ad nullum finem referatur, manet otiosa, ideòque mala; consequenter non potest esse obiectum iuramenti obligatorii. Vide, quae dixi lib. 1. tract. 2. c. 8. n. 3. Deinde, etsi ponamus verum esse, quod aliqui docent, actionem humanam etiam in individuo indifferentem, id est, moraliter nec bonam, nec malam dari posse; erit tamen talis actio nemini utilis, aut accepta, maiorisque boni, saltem pro eo tempore, quo ipsa exercetur, impediens: ergo non pertinebit ad cultum, & reuerentiam diuini Numinis, ut propter eius adductam auctoritatem seu testimonium perfici debeat. Caeterum, si actio, vel actionis omissio, quae ex se siue ex obiecto indifferens est ad finem, cumque bonum referatur, ea ratione existet opus virtutis, & capax obligationis iuramenti religiosi: v. g. si iures te aedes alicuius non ingressurum, cum tali homine non locuturum, causa peccati vitandi, sicuti annotavit Abb. c. cum quidam, num. 6. de iureiur. vel si in proximi utilitatem referatur, v. g. te alicuius furnum, molendinum, apothecam non accessurum, in gratiam Titij, cuius id interest, siue in cuius utilitatem cedit; habet haec omissio honestatem virtutis, misericordiae, liberalitatis, aut saltem fidelitatis; adòque idonea est, & ca-

pax materiae obligationis ex iuramento, sicuti docent Angelus cit. §. 5. Nauar. cit. numero 17. Suarez cit. c. 16. num. 4. Sanchez cit. cap. 9. Less. lib. 2. cap. 42. numero 20.

Adde supra dictis, Iuramentum de opere inutili, vel illicito, licet postea, mutata circumstantia utile & honestum fiat, non tamen conualescere, iuxta iuris reg. 18. in 6. Non firmatur tractu temporis, quod de iure ab initio non subsistit. Exempla sunt: I. Iuravit Titius sine causa se has aedes numquam ingressurum: postea superuenit iusta causa nunquam ingrediendi; quia inhabitatur a persona, quae peccandi occasionem afferre potest; non ideo ille aedium ingressu abstinere cogitur virtute iuramenti, quod ab initio vanum, & irritum erat, sicuti contra Nau. c. 12. num. 89. rectè docet Suarez lib. 2. c. 19. n. 17. II. Qui contra fidem primorum sponsaliorum, secunda sponsalia iuratus contraxit, priore sponsa ante nuptias mortua cogendus non est ad sponsalia secunda: quippe quae promissionem & iuramentum de re illicita continebant, id eòque ab initio irrita erant, sicuti contra Couar. in epit. 4. decret. p. 1. c. 4. §. 1. n. 10. rectè docet Sanchez lib. 1. de matrim. disp. 50. n. 6. Suarez cit. c. 19. n. 14. III. Qui voto castitatis obstrictus, postea, sponsalia absoluta quavis iuratus contraxit, post obtentam dispensationem in voto, cogendus non est (per se loquendo) ad seruandam fidem sponsaliorum; quippe quae a principio nulla fuerunt, sicuti docet idem Sanchez cit. disp. 50. & lib. 3. moral. c. 9. n. 26. Suarez cit. c. 19. n. 16. arg. c. quidam, & c. placet, de conuers. coniugat. in quibus habetur, si communis inuito, vel ignorante altero coniuge, Religionem professus, & postea ex Monasterio redactus sit; mortuo altero coniuge, cogendum non esse ad Religionis professionem; ut pote quae ab initio irrita fuerat, ubi Abb. n. 4. cit. c. placet, regulam tradit: Quod votum (eademque ratio est de iuramento) emissum tempore inhabili, non obligat tempore habili.

ASSERTIO III. Iuramentum, quod diuini duntaxat honoris intuitu conceptum est de opere minus bono, partim ab initio nullam obligationem adfert, si opus directè ipsi oppositum melius ac praestantius sit v. g. si iurasti te uxorem ducturum: partim verò obligat quidem, sed iurantis arbitratu commutari potest in aliud melius opus v. g. iurasti te hac hora oraturum, postea verò intelligis, gratus Deo futurum, si aegrotò assistas, opemque feras. Quae est sententia S. Th. q. 89. a. 7. Nauar. c. 12. man. n. 16. Caiet. ver. periurium, Couar. c. quamvis pactum, p. 1. §. 6. num. 6. Mol. tom. 1. tr. 2. disp. 149. Sanchez cit. c. 9. n. 11. Suarez cit. lib. 2. c. 12. n. 11. Nam iuramentum suscipit naturam; siue conditionem promissionis, cui adiungitur, c. quemadmodum, de iureiur. Ergo sicuti promissio, seu votum Deo editum de opere minus bono partim ab initio non obligat, Deoque acceptum non est, si videlicet eius directè oppositum melius existat; partim verò obligat quidem, Deoque acceptum est tamen vouentis arbitratu, in opus melius commutari potest; ita etiam dicendum de voto iurato.

Addendum verò est, tametsi iuramentum non sit accessorium, seu confirmatorium voti; sed nudum, & per se stans (v. g. si simpliciter iurasti matrimonium te contrahiturum, vel contractum consummaturum) nullam inde obligationem erga Deum oriri: quia non pertinet ad diuini Numinis reuerentiam, ut fiat opus minus bonum, omissio eius opposito meliore. Eademque ratio est, si iuramentum sit de omissione operis, cuius oppositum in consilio positum est; ut si iures, te non ieiunaturum, non fideiussurum, de qua re Abb. c. si verò, n. 5. de iureiur. Praeterea, si iurasti famulum, aut filium, quamvis ita meritum, verberaturum, saepe non obligaris iuramento si melius postea esse iudices verberibus abstinere: nam eiusmodi iuramentum, sicuti & votum, in me-

lius commutari potest iurantis, aut vouentis arbitrio. Sed & fieri solet, vt postea mutetur status obiecti: quia filius, aut famulus emendauit, veniamque petijt; vel aliquis pro eo rogauit, aut intercessit, qua de re vide, quæ scripsit Caiet. ver. periurium, prope finem; Armilla ver. iuramentum, n. 12. Tol. lib. 4. c. 22. § circa comminatorium, Sanchez cit. c. 9. n. 16.

Item si iurasti, te ad sacram ædem peregrinaturum, potes deinde in opus, quod manifestò melius, Deoque gratius esse intelligis, commutare: v. g. vt patri ægiotanti assistas, opemque feras. Ratio est, tum quia Deus in cuius gratiam iuramentum editum est, censetur remittere eius obligationem, vt opus ipsi acceptius fiat: tum quia iuramentum, in Dei duntaxat honorem conceptum, perinde ac votum, tacitam conditionem habet, nisi ad maiorem Dei honorè cedat opus omittere, aliudque præstare, idque docent DD. in c. peruenit, 2. de iure iur. Suarez cit. c. 12. n. 18.

Assertio IV. Iuramentum, quod in gratiam, vel utilitatem hominis, vel Ecclesiæ, alteriusue Communitatis editum est de opere honesto, semper obligat; neque in aliud, quamuis melius opus, arbitrata iurantis commutari potest. Ita ex communi docet Syl. ver. iuram. 4. q. 20. Mol. to. 1. tr. 2. disput. 149. §. prioris verò partis, Suarez lib. 2. c. 12. num. 14. Sanchez lib. 3. moral. c. 9. nu. 19. Est enim recepta iuris canonici regula, ex c. quamuis pactum, de pactis, in 6. c. cum contingat, de iureiur. vbi eam notat Abb. n. 7. *Iuramentum homini præstitum seruandum est, quotiescunque sine peccato, sine salutis dispendio seruari potest.* Quod intelligi debet non tantum si iuramentum sit propriè promissorium ab homine acceptum; sed etiam si sit sine promissione; quin etiam si solo interno animo conceptum: semper enim obligationem parit ex religionis virtute, ob diuini Numinis reuerentiam, vti ex dictis constat, & docet Suarez cit. c. 12. n. 21.

Addidi verò, arbitrata iurantis mutationem fieri non posse in aliud opus, quamuis melius: v. g. iurasti Titio donaturum decem, et si eos maiore fructu in pauperes erogare possis tamen iuramenti religione obstrictus es; donec tibi Titius sponte remittat: Siquidem omne iuramentum hac tacita conditione fit, nisi is, in cuius gratiam iuratur remittat, vel pro eo aliud opus acceptet. Quamobrem mirum non est, quod iuramentum, Dei duntaxat intuitu editum, in qualecunque opus melius, Deoque gratius commutari possit, quia videlicet Deus contentus esse præsumitur; at verò iuramentum in hominis utilitatem editum, nequeat mutari in opus, quod absolute quidem melius est, sed ei, in cuius gratiam siue utilitatem iuratum, minus utile, vel acceptum: quia contentus esse haud præsumitur.

Exinde patet; Rectè respondisse Nau. l. 3. consil. 4. de Regul. edit. 2. Alumnos collegii Anglicani Romæ, qui iuramentum præstant, se absolutis studiis in Angliam ituros, Fidei Catholicæ propagandæ causa; non posse sine dispensatione Religionem ingredi, in qua voto satisfacere non possint: quandoquidem eorum iuramentum editum fuit in utilitatem Ecclesiæ Anglicanæ. Non tamen audiendus est idem Nau. cum nu. 7. in confirmatione huius ait, Iurantem se ducturum puellam, non posse iuste Religionem ingredi, nisi prius eam ducat, arg. c. commissum, de sponsal. Nam contraria sententia est communis apud Sanchez lib. 1. disp. 43. quæst. 1. Nam iuramentum sortitur naturam actus cui apponitur e quemadmodum, de iureiur. Promissioni autem matrimonii tacita inesse solet conditio, *Nisi Religionem ingressus fuero.* Ergo etiam iuramentum ita intelligitur. Ad tex. v. c. commissum respon. Virum illum iurasse intra biennium nuptias se contracturum; cum autem terminus appropinquaret, & de Religione mox ingredienda nihil certi constituisset, rectè dixisse Pontificem: *Tutus est ei, relis-*

gione iuramenti seruata prius contrahere; & postea, si elegerit, ad Religionem migrare. cum id agere non prohibeatur ante matrimonii consummationem.

Assertio V. Iuramentum de faciendo in alterius gratiam opere, à civili lege prohibito, vel infirmato, nihilominus obligationem, saltem ex religionis virtute, parit, si legis prohibitio, vel infirmatio non obliget sub culpa; siue, si eiusmodi opus facere, vel ad faciendum se obligare non sit peccatum. De hac assertione videri possunt Abb. in c. si verò n. 6. & c. cum contingat, n. 5. & 6. de iureiurando & li. 2. consil. 93. Syl. ver. iuramentum, 4. quæst. 16. Mol. to. 1. tr. 2. disp. 149. & disp. 151. in fol. 1. & to. 2. disp. 271. §. ad id unde, Less. lib. 2. cap. 17. num. 50. Azor to. 1. libro 11. c. 6. & 7. Sanchez lib. 3. eap. 9. numero 30. & lib. 1. de matrim. disp. 32. Suarez lib. 2. ca. 21. Rebellus p. 2. iustit. lib. 1. q. 9. num. 1. vbi aiunt, obligare iuramentum, quod est contra bonos mores ciuiles tantum; id est, cuius materia, licet ciuilibus legibus opposita sit, tamen sine peccato fieri potest: non autem obligare iuramentum, si sit contra bonos mores naturales. Quam distinctionem verbo tenus impugnat Couar. c. quamuis pactum, p. 2. initio, n. 4. Probat autem assertio ex regula canonica cit. c. si verò, c. cum contingat: *Omne iuramentum, editum in alterius utilitatem, seruandum est, si sine salutis dispendio seruari potest.* Exempla plurima in utroque iure occurrunt: I. Licet alienatio fundi dotalis secundum leges ciuiles prohibita sit, si tamen eam mulier, sine vi & dolo, iuramento suo confirmet, obseruandum est, c. cum contingat, de iureiur. & c. 2. eod. in 6.

II. Transactio super relictis in testamento non valet nisi inspectis verbis testamenti, l. de his ff. de transact. At verò iuramento accedente vim obtinet talis transactio, si sine dolo interposita sit in causa dubia: qua de re Mol. tract. 2. disp. 577. Similiter transactio post rem iudicatam nullius momenti est; cum deficiat obiectum transactionis videlicet incertitudo, l. 1. l. post rem, ff. de transactio. Nihilominus iuramento tali transactio confirmari censetur, sicuti notat Mysing. cent. 4. obser. 47.

III. Pactum renuntiationis, siue de non succedendo in paterna hæreditate secundum leges irritum est; accedente tamen iuramento obseruandum, iuxta c. quamuis pactum, de pactis, in 6.

IV. Contractus Minoris sine tutoris auctoritate, vel Iudicis decreto in alienatione rerum immobilium, iure civili minus efficax est; sed accedente iuramento inuolabiliter obseruari debet, iuxta Auth. sacramenta puberum. C. si aduersus venditionem; vt proinde etiam restitutio in integrum Minori iurato denegetur.

V. Donatio facta, sine insinuatione, ultra 500. solidos ciuili iure irrita, iuramento confirmatur, sicuti docet Abb. cit. c. cum contingat, n. 17. Clarus §. donatio, q. 18. Gail lib. 2. obser. 39. Mol. to. 1. tr. 2. disp. 149. & 278. aliisque communiter.

VI. Pactum siue promissio non reuocandi testamentum ciuili iure irritum est: quia liberam de bonis suis vsque ad mortem disponendi libertatem aufert, quod ciuilibus moribus repugnet. Si tamen iuramentum accesserit, absque periurii crimine, violari non potest, nisi eius relaxatio imperretur, sicuti ex communi docent Couar. in rubr. de testam. p. 2. n. 25. Mol. cit. disp. 151. Iulius Clarus §. testamentum, q. 94. contra Andr. Fachinum to. 3. lib. 8. controuers. iuris, c. 72. Quare simili etiam ratione, donatio omnium bonorum præsentium, & futurorum, licet ciuili iure non subsistat, eò quod liberam testandi facultatem auferat; ob iuramenti tamen religionem seruanda est, sicuti docent Couar. p. 2. rubr. n. 13. Mol. to. 2. disp. 280. Tametsi Clarus §. donatio, quæst. 20. & alij Iuristæ apud Couar. contrarium do-

ceant; sed non rectè, cum ipsimet fateantur, eiusmodi donationem factam Ecclesie subsistere: ex quo sequitur, eam peccatum non continere, neque bonis moribus naturalibus, sed tantum civilibus repugnare.

VII. Donatio inter coniuges iure civili non subsistit; sed ex iuramento robur accipit secundum communem DD. sententiam, Abbat. in cap. ultimo num. 9. de donat. inter virum & uxorem, Fachinæum, lib. 3. controu. cap. 77. Gaill. lib. 2. obser. 40. Sanchez lib. 6. de matrim. disp. 11. Idemque dicendum de donatione à patre facta filio emancipato, teste Gaill. lib. 2. obseruat. 38.

VIII. Renuntiatio hereditatis paternæ facta à filio vel filia v. g. nuptui tradenda, irrita est; nisi iuramento firmata sit, cap. quamuis, de pactis, in 6. ubi ratio additur, quia omne iuramentum seruari debet, si nec vi, nec dolo præstitum sit; nec vergat in dispendium salutis æternæ, aut tertii præiudicium. Ex quo rectè contra quosdam colligit Couar. in cit. cap. quamuis, p. 3. §. 2. num. 2. Talem renuntiationem cum iuramento factam à filia Monasterium ingrediente, validam esse.

IX. Si mulier pro altero fideiubeat, non obligatur efficaciter, ob privilegium Senatûs consulti Velleiani; adhibito tamen iuramento cogitur adimplere fideiussionem, arg. cap. ex præscripto, de iureiurando, ubi Gl. ver. & uxorem, Abbas num. 9. Couar. cit. quamuis, p. 2. §. 3. n. 8. Gaill. lib. 2. obser. 41. n. 9. Mol. to. 2. disp. 540.

X. Quod quis ludo alearum perdidit, Cæsareo iure soluere non cogitur, atque soluenti repetitio conceditur: si tamen iurauit se soluturum, iuramento obligatur; sed neque solutum repetere potest, si iurantis intentio fuit confirmare contractum ludi, ut ex eo non minus, quam ex aliis contractibus iure naturali validis, perfecta obligatio oriatur, sicuti rectè docet Mol. to. 2. disp. 515. Suarez libro 2. de iuramento cap. 26. num. 10. Sanchez li. de matrim. disp. 32. num. 25. contra Nau. c. 20. n. 17. ad 5.

XI. Poena sponsalibus adiecta, quæ à violatore fidei soluenda sit, iure, tam civili, quam canonico reprobatur, c. gemma, de sponsal. l. ult. C. eod. si tamen iuramentum accessit, obligationem parit; quia sine peccato seruari potest, ut docet Armilla ver. sponsalian. 11. & indubitatum sibi esse ait Mol. to. 2. disp. 151. licet contrarium defendat Sanchez cit. disp. 32. numero 22. & libro 7. disp. 88. numero 37. & libro 4. moral. cap. 22. numero 8. quibus locis inquit, iuramentum de Religione ingredienda in poenam violatæ sponsaliorum fidei conceptum, nullam violatori obligationem parere, quod mihi non placet: cum sit iuramentum de opere bono, imò meliore, quam est eius oppositum; nullumque peccatum contineat: cur ergo, non obliget?

XII. Pactum legis commissoria iure improbat; sed iuramentum ei accedens obligationem parit, sicuti colligitur ex c. significante, ubi id notat Abbas numero 4. de pignoribus Gl. in cit. cap. contingat, ver. debent, in fine.

XIII. Pactum non vtendi exceptione pecuniæ non numeratæ irritum est, si adiiciatur in eodem instrumento accepti mutui: quia eadem facilitate tum consistendum, tum ad exceptioni renuntiandum aliquis adduci potest, sicuti explicat Molin. to. 2. disp. 302. Nihilominus talis renuntiatio adiecto iuramento confirmatur, uti ex communi Abbas cit. c. cum contingat, num. 21.

XIV. Si filius fam. pecuniam mutuam accepit, efficaciter non obligatur ad solutionem, propter beneficium S. C. Macedoniani; nisi iuramentum accesserit, siue

huic beneficio per iuramentum filius fam. renuntiaret, sicuti docet Couar. cap. quamuis, p. 2. §. 3. numero 5.

Affertio VI. Quotiescunque lex civilis, vel alia quæcunque sub peccato obligat, ne tale opus fiat, vel promittatur, tunc iuramentum de eo faciendo irritum est. Ita DD. citati super asser. Et sumitur ex reg. canonicas *Non obligat iuramentum præstitum contra bonos mores*: quod intelligitur de bonis moribus non merè civilibus; sed quorum oppositum turpe est, seu peccatum coram Deo continens: siquidem iuramentum non potest esse vinculum iniquitatis, seu peccati, sicuti dixi in 1. asser. Exempla habes: Si iurasti, te crimen non manifestaturum Iudici legitime interroganti; non accusaturum de crimine Reipublicæ pernicioso, cap. quemadmodum, §. illud, de iureiur. uxorem, & liberos domo eieciurum, c. Quintauallis, eod. tit. Item si Clericus propria auctoritate, interposito iuramento, renuntiavit privilegio fori, aut Ecclesiasticæ immunitati, c. si diligenti, de foro competente: est enim tam pactio hæc, quam renuntiatio illicita, ut ibidem dicitur. Præterea, si iurasti, quod de dolo contra depositarium, vel rerum amotarum actione contra uxorem &c. agere nolis, siquidem tales conventiones, ante crimen patratum initæ, naturali morum honestati repugnant; eo quod alteri occasionem peccandi præbeant, iuxta l. contractus, ff. de reg. iuris, l. conueniri, ff. de pactis dotalibus, l. si vnus, §. illud, & §. pacta, ff. de pactis, & docet Abbas in cit. c. quemadmodum, §. illud, num. 14. Mol. cit. disp. 271. Licet enim turpe non sit, præteritam iniuriam condonare, seu remittere; pactum tamen, siue promissio condonandi iniuriam, aliudque crimen futurum, scandali turpitudinem continet: quamobrem iuramento confirmari nequit.

Quæres. Qua regula discernendum sit, utrum id quod sit, vel promittitur contra civiles leges, peccatum sit; ideoque incapax obligationis ex iuramento; an vero peccatum non sit, adeoque obligationis capax? Resp. ex communis doctrina quam tradit Abbas in cit. cap. cum contingat, num. 5. & seqq. Nauar. de finibus actuum humanorum c. cum minister, 23. quæst. 5. numero 13. Anton. Corneus de absolut. iuramenti promissorii, p. 3. q. 5. n. 120. Rebellus p. 2. de iustit. lib. 1. q. 9. n. 9. Vasquez de testam. c. 3. dub. 2. Sanchez cit. disp. 32. & lib. 3. moral. cit. c. 9. n. 31. & seqq. Leges prohibentes, vel infirmantes aliquam promissionem seu pactiorem, quarum finis proximus est commodum ipsorum, paciscentium, seu promittentium, ne detrimentum aliquod patiantur, non solent eos obligare sub culpa: nam quod ob gratiam alicuius conceditur, non est in eius dispendium retorquendum, reg. 61. in 6. Tales sunt leges, siue privilegia concessa ætate minoribus, & filiis familias, ne ex contractu; item mulieribus, ne ex fideiussione efficaciter obligentur: quibus proinde renuntiare possunt, si non semper valide, saltem licite: ut insuper accedens iuramentum obligandi vim habeat, ex ipsorum etiam communium iurium dispositione.

At verò leges prohibentes aliquam pactiorem, vel quamuis actionem, quarum finis proximus est commune bonum Reipub. v. g. quibus Clericorum immunitas publicorum iudiciorum integritas, rerum ad communem victum necessariorum copia conseruatur; ex sub peccato obligare solent: quare in iuramento quidem accedente, iis contraveniri potest. Nam ut habetur in l. 1. ff. de iust. & iure; Ius aliud est publicum, aliud priuatum. publicum ius est, quod ad statum Reipub. Romanæ spectat: priuatum quod ad singulorum utilitatem. Sunt enim quædam publicè utilia, quædam priuata. Deinde in l. iuris gentium, §. si paciscar, ff. de pactis, interprete Bartolo, habetur; Pactum, per quod tollitur ius priuati, ipsi paciscenti publica auctoritate concessum, saltem accede-

et iuramento validum esse; secus, si tollatur ius publicum: quia iuri publico priuatorum pactionibus vel iuramentis derogari non potest, l. ius publicum, ff. de pactis, iun. c. si diligenti, de foro compet. Præterea si lex civilis aliquid disponat in fauorem aliorum, quibus tali lege aliquid ius acquiritur; v. g. vt liberis certa bonorum paternorum portio debeat, quæ neque donatione, neque legato inofficioso imminui possit; tunc tali dispositioni legis nullo pacto aut promissione, quamvis iuramento confirmata, derogari potest, sicuti colligitur ex cit. c. cum contingat, ibi, cum in alterius præiudicium non redundat, & cit. c. quamuis pactum, neque redundet in alterius detrimentum; & notauit ibid. Gl. & Sanchez lib. 6 de matrim. disp. 34. n. 2. & lib. 3. moral. cap. 9. n. 38. Ratio est. Quia tale iuramentum iniustitiam, vel similem naturalis obligationis violationem fouet, ideoque irritum & inutile est, sicuti docet Suarez lib. 2. c. 27. n. 5.

CAP. VII.

DE OBLIGATIONE IURAMENTI promissorii ob alterius iniuriam præstiti.

SUMMARIUM.

1. Qui iurauit alteri vsuras soluturum, ex religionis virtute obligatur.
2. Qui iurauit latroni iniquè exigenti pecunias soluturum, iuramentum seruare debet, nisi ei relaxetur. Iuramentum, præsertim vi extortum, strictam interpretationem habet.
3. Qui iurauit in carcerem iniustum se rediturum obligatur iuramento, etiam cum vitæ periculo.
4. Matrimonium ex graui metu celebratum, accedente iuramento non confirmatur, sed irritum manet.
5. Error, vel dolus, quamuis antecedens sit, & causa iurandi, si tamen versetur circa accidentalem conditionem rei promissæ, non infirmat obligationem iuramenti.

QUÆSTIO PRIMA. Vtrum iuramentum vsuras soluendi mutuatori, obligationem aliquam pariat? Responso est affirmatiua, expressa in c. 1. & c. debitores, de iureiur. Debitores ad solvendas vsuras, in quibus se obligauerant cogi non debent: si v. r. de vsurarum solutione iurauerint, cogendi sunt Domino reddere iuramentum. Circa quæ verba notandum, ex promissione vsurarum, quamuis iurata sit, non oriri obligationem iustitiæ erga vsurarium: siquidem is nullum siue titulum accipiendi vsuras habet: quare nec dominium acceptarum acquirit, sicuti colligitur ex c. tuas de vsuris. Oritur tamen ex tali iuramento obligatio religionis erga Deum, vt quod iuratum est re ipsa verum efficiatur, ne nomen Dei in testimonium falsi adductum fuerit, sicuti optimè explicat S. Th. q. 89. a. 7. ad 3. & Abb. in cit. c. 1. numero 3. & c. ult. de pactis numero 2. regulam tradens, quod iuramentum obligat, est turpitudinem contineat tenentem se ex parte recipientis; non autem iurantis. Confirmatur ex regula superius tradita: Omne iuramentum homini præstitum seruandum esse, quod sine peccato seruari potest: nisi vel ab ipso met, cui iuratum est vel à legitimo Magistratu relaxetur. Atqui solutio vsurarum vsurario facta ob promissionem, nullum ex parte soluentis peccatum continet: neque verò est actus otiosus; sed imprimis ipsi promittenti utilis, atque laudabilis, vt cognoscatur, quætopere suorum verborum ac promissorum fidem seruet ipsi quoque promissario siue vsurario commodus, & exoptatus; quia saltem possessione pecuniæ in eum transfertur: ad eum modum, quo in l. 1. § si prædo, ff. de depositi, dicitur, in deposito tantam fidem seruandam esse, vt etiam furi, vel prædoni res furtiua ab eo deposita, ob promissionem restituenda sit.

tionem restituenda sit.

Addendum ex Suarez li. 2: de iuram. c. 9. n. 7. Sanchez l. 3. c. 11. n. 5. tametsi mutuarius promittendo, & iurando vsuras peccaret; vel quia nulla necessitate premebatur, vel quia alterum promissione vsurarum ad mutandum induxit; nihilominus ex iuramento obligatum esse: nam licet promissio & iuramentum illicitum fuerit, non tamen fuit de re illicita; sed quæ sine peccato impleri potest, vsuræ inquam solutio, quamuis contrarium doceat Caiet. cit. a. 7. circa solut. 3. dub. 1. Valent. t. 3. disp. 5. q. 21. p. 4. § iam de secundo.

QUÆSTIO SECUNDA. Vtrum iuramentum iniusto metu extortum obligationem pariat? v. g. si quis iurauit latroni se pecunias daturum. Responso est affirmatiua, expressa in c. si verò, de iureiur. c. ad audientiam de his quæ vi & c. & docet S. Th. q. 89. a. 7. ad 3. q. 98. a. 3. ad 1. Ratio est, quæ affertur in cit. c. si verò, quia eiusmodi iuramentum non vergit in interitum salutis æternæ, sed licet ac honestè seruari potest. Neque obstat c. 2. de iureiur. in quo dicitur; Episcopum Laodicensem ab Arnulpho Comite rebus suis spoliatum, & iurare compulsum, quod ablata non repeteret, nullius iuramenti vinculis posse constringi. Respondet enim ibi Glosa Panormit & alii; Iuramentum præstitum fuisse de rebus Ecclesiæ non repetendis, quod sine peccato seruari non poterat, ideoque nec debebat: quem tamen Episcopum absoluit Pontifex, videlicet ad cautelam: vel potius absolutum declarauit. Aliter verò respondet Suarez lib. 2. capite 10. numero 6. Fuisse Episcopum illum rebus propriis spoliatum; & quamuis iurasset, se eas non repetiturum, non tamen obstitisse tale iuramentum, quominus iniustum spoliatores canonicè denuntiare potuerit domino Papæ, vt is ex officio paternum subsidium afferret. Quo loco notandum; Iuramentum, præsertim iniquè extortum, non ad aliud faciendum obligare, quàm secundum strictam interpretationem promissum fuit. Quare si aliquis iurauit latroni se pecunias soluturum, soluere quidem debet, nisi iuramentum ei relaxetur; sed solutas in iudicio repetere potest, petendo restitutionem in integrum, sicuti habetur in c. ad audientiam, iun. gl. ver. resignandum, & docent S. Thomas cit. a. 7. ad 3. Abb. in cap. 1. & 2. de iureiur. & cit. c. peruenit, num. 4. eod. Si autem soluens iurauit quoque, se in iudicio non repetiturum, tunc obligatur quidem iuramento, quominus civilem actionem instituere possit; veruntamen de crimine accusare non prohibetur, ad publicam vindictam, seu punitiorem. Quod si etiam non accusaturum de crimine iurauit, poterit tamen denuntiare, vt ex officio Iudex procedat, sicuti notauit Gl. in cit. cap. ad audientiam, arg. cit. c. quemadmodum, § illud, in fine. Si denique iurauit quoque, non denuntiaturum se crimen, tunc iuramento non obligatur eo casu, quo Iudici denuntiare necessarium esse videtur ad publicam, & aliis etiam perniciosam latronis iniuriam auertendam: item si iniuriam passus iudicè postea in iudicio interrogetur. Neque obligat tale iuramentum, quominus iniustam vim inferens Prælati canonicè denuntiari queat, si ita necesse sit ad criminis emendationem, teste S. Thoma l. c. nihil obstante, quod indirectè & consequenter etiam pecunia v. g. quam vim passus cum iuram. non repetendi soluit, eidem restitui debeat; cò quod non remittatur peccatum, nisi restituatur ablatum, sicuti Suarez notauit cit. c. 9. n. 18. & videri potest Abb. in c. 1. de iureiur. n. 8. item Gl. & Abb. in c. tuas, de vsuris, vbi eandem doctrinam tradunt de mutuataris, qui creditori iurauerat, se vsuras non repetiturum, quod non obstante tali iuramento, Iudex ad restitutionem vsurarum creditorem compellere possit; & ipse quoque mutuarius vel iuramenti sui relaxationem petere, vel, ea non petita, vsurarium, Iudici denuntiare.

QVÆSTIO TERTIA.

QVÆSTIO TERTIA. Vtrum captivus, qui iurat si dimittatur, in carcerem se rediturum esse, iuramento obligetur, etiam cum vitæ, vel alio gravissimo periculo suo? Respondeo; Inspiciendum esse, an talis re-ditus possit habere rationem virtutis, siue actus honesti: tunc enim iuramentum de eo obligat, quod accidit I. Si carcer iustus sit; & mors quæ timetur, iuste inferenda. II. Si iuramentum redeundi præstitum sit custodi innocenti, quem inde eum servare iustitiæ, aut fidelitatis opus est, uti notavit Vasq. 1. 2. disp. 175. c. 5. III. Si promissus reditus inferuiat ad publicum bonum, v. g. Religionis Catholicæ; vel ad auertendum scandalum & Christianæ Fidei contemptum: his casibus iuramentum omnino obligat; ut neque relaxatio eius concedi debeat, sicuti docet Sotus lib. 8. q. 1. a. 7. solut. 3. Sanchez li. 3. c. 11. n. 35.

Verum, cessantibus his causis, restat difficultas: Si aliquis latroni aut tyranno reditum, causa redimendæ vexationis, iuramento promissit, vtrum cum periculo mortis, vel alterius gravissimi mali iniuste ab illo patien-di, redire obligatus sit? Negant plerique Gl. in Clem. pastoralis, de sent. & re iudicata §. per violentiam, Abb. in c. si verò, num. 7. de iureiur. S. Anthon. p. 2. tit. 10. cap. 6. Syl. ver. iuramentum, 4. quæstione 26. Nau. c. 12. num. 18. Covar. lib. 1. resol. cap. 2. nu. 2. Sa ver. iuramentum, num. 11. Iulius Clarus lib. 5. sentent. §. practica criminalis, q. 21. num. 27. Probant: Quia seipsum, absque causa necessitatis, aut publici boni, ad mortem iniquam offerre, est opus temeritatis, & repugnat legi Charitatis cum erga seipsum, tum erga proximum, videlicet latronem, aut tyrannum, cui quamvis parato, materiam peccati; sine urgente causa de nouo adferre non est licitum; consequenter non potest esse materia capax iuramenti promissorii.

Contrariam verò sententiam probabilius docent Caiet. 2. 2. quæstione 89. art. 7. ad 4. ad finem, Tolet. lib. 4. cap. 22. §. Alterum est, Lessi. cit. cap. 42. dub. 6. num. 28. Suarez cap. 10. num. 14. Sanchez lib. 3. cap. 11. num. 32. Probatur primò: Quia talis reditus est opus fortitudinis, & patientiæ; magis quoque veracitatis, & fidelitatis, ob antecedentem promissionem. Ergo est materia capax obligationis ex iuramento. I. I. Qui iuravit se ex carcere iniusto non fugiturum, obligatur iuramento etiam cum periculo mortis; dummodo iurans id præviderit, ideoque expresse, virtualiter se ad id obligare voluerit, uti notavit Suarez num. 13. Ergo similiter obligatur, qui rediturum se iuravit: siquidem redeundo restituit se in statum, in quo antè fuerat. III. Si tale iuramentum non obligat, quia est de re illicita, sequitur ipsum quoque illicitum esse: consequens est falsum; nititur enim iusta ratione necessitatis, ut captivus iniqua detentione ac vexatione ad tempus liberetur.

Ad fundamentum contrariæ sententiæ respondeo: Quod reditus in carcerem cum vitæ periculo, non sit intrinsecè malum, ut fornicari; sed tale quid, quod iustâ causâ cohonestari possit. Quare si quis simpliciter nihil cuiquam promittendo iuraret, quod Tyranno cogente necessitate in mortem se offerre vellet: is iuramento non obligaretur, quippe cum illud esset de re illicita videlicet temerario accessu ad mortem. At verò, si aliquis postulanti Tyranno promissionem faciat de redeundo, eamque iuramento confirmet, tunc iuramentum obligat; quia habet obiectum honestum, videlicet redire ad implendam promissionis veracitatem. Et videbis id frequenter in eiusmodi obiectis, quæ non intrinsecè mala sunt, sed tantum si temere fiant; ut accedente promissione, iam licitè præstari possint; imò etiam interdum debeant exempli causa: si usurario promissisti usuras, potes licitè implere ad commendationem veritatis uti, ex communi docet Suarez

lib. 2. c. 9. nu. 12. & accedente iuramento, etiam debes implere, obligatione religionis. Si famulo, quamvis non admodum merito, promissisti magnam pecuniæ summam donaturum, obligaris promissione. Licet enim tali homini, nulla exigente causa; tantam pecuniæ summam dare sit peccatum prodigalitatis, desinit verò esse, supposita promissione. Sic igitur etiam in proposito; Licet redire temere cum periculo mortis, sit peccatum: non tamen ita est, supposita tanta promissione, quæ proinde etiam iuramento licitè ac validè confirmari potest. Denique tametsi Princeps Catholicus gra- uiter peccet, si absque maxima cogente necessitate, hæreticis Religionis libertatē, seu liberum suæ sectæ exercitium in provincia permittat, aut promittat, uti dixi li. 2. tr. 2. c. 12. n. 15. Posteaquam tamen publica & iuram. firmata fide pollicitus est, servare omnimodò debet.

Quia permittere hæresin non est ita intrinsecè malum, quominus cohonestari possit necessitate fœderis publici observandi, propter ius gentium: cum alioquin nulla inter homines societas rata esse possit. Quare opera pretium est, hoc loco annotasse, quod ea, quæ non ita intrinsecè mala sunt, ut nulla causa cohonestari queant, interdum ea ipsa circumstantia cohonestentur, si cum iuramenti obligatione promittantur.

QVÆSTIO QVARTA. Si quis gravi metu adactus est ad contractum celebrandum, qui ipso iure ob metum irritus est; puta matrimonium, vtrum accedente iuram. obligationem contrahat? Respondeo & dico I. Matrimonium gravi metu celebratum, accedente iuramento non confirmatur, sed irritum manet. Ita habetur in c. 2. de eo qui duxit &c. ubi respondit Alexander III. Si quis gravi metu cogente nuptias iuratus contraxit cum vna, postea liberè cum altera; posterius, non prius matrimonium ratum esse. Ratio est; Quia non excedit limites potestatis humanæ, contractum aliquem ob publicam utilitatem ad eò infirmare, uti neque iuramento confirmetur: cum alioquin legis latrrix potestas finem suum efficaciter non consequeretur, si vna via contrahendi præclusa, altera via ad eundem contractum perueniri posset. Accedit, quod iuramentum fortitur naturam actus cui adiungitur, l. ult. iun. Gl. C. de non numerata pecunia. Quare iuramentum appositum matrimonio extorto per vim gravem, & iniustam; *utro, quod accipio te in coniugem tacitam conditionem habet, fictitia- lis accipio de iure consistere potest.*

Dico II. Ex iurantis intentione desumendum est, vtrum etiam in futurum quippiam promittere voluerit: videlicet se omni tempore ratum habiturum esse contractum: tunc enim matrimonium secundum se in- ualidum, habet vim sponsaliorum iuratorum. In dubio verò ex parte vim iniustam passi, talis intentio præsumenda non est, sed benignius iuramentum interpretandum, ut nullam obligationem in futurum afferat. Ita docet Egid. Coninck 2. 2. to. 2. disp. 28. dub. 4. concl. 4. & 5. prior pars Probatur ex regula recepta: Quod iuramentum in alterius gratiam servari debet, si sine peccato servari potest; qui autem metu iniusto adactus ad contrahendum matrimonium; iuravit, se illud, quatenus potest postea ratificaturum, is sine peccato ratificare potest, seposito postea metu verè contrahendo. Ergo ad id ob reverentiam sacramenti, ex virtute religionis obligatur, nisi relaxationem impetret. Quamvis contrarium placuerit Thomæ Sanchez lib. 4. de matrim. disp. 20. numero 18. Nam iuramentum non obligat contra publicam utilitatem: ut autem matrimonium & sponsalia metu gravi contracta nullius roboris sint, ob publicam utilitatem constitutum est. Ergo &c. Verum, hæc ratione plus non ostenditur, quam tali iuramento contractum sponsaliorum secundum se non confirmari, ut ex eo ius ali- quod & actio parti alteri acquiratur: non autem ostē-

ditur, iuramentū ex propria religionis virtute non obligare. quamdiu absque peccato seruari potest.

Multo minus huic doctrinæ ob stare debet, e. ex literis, de desponsat. impuberum: Quia in illo casu puella nullo modo consentiens, à parentibus iurata, & desponsata fuit. quare mirum non est, quod omnino libera pronuntietur.

Posterior assertionis pars inde probatur: Quia iuramentum, præsertim vim iniustam passi, strictissimæ interpretationis esse debet: idcirco in dubio præsumendum, iurantem non aliud promississe, quam ad quod cogebatur, videlicet vt præsentem actum confirmaret, seu iuraret, seuerè & ex animo, quantum in ipso est, matrimonium contrahere velle; non autem, quod ad futurum quippiam se obligare voluerit; nisi id quoque ab ipso expresse postulatum sit.

QVÆSTIO QVINTA. Vtrum iuramentum alteri præstitum ob errorem, vel dolum, obligationem iuranti afferat? Respondeo, suppositis iis quæ dixi lib. præced. 4. cap. 5. & dico I. Si error siue antecedens siue concomitans, versetur circa substantiam rei iuramento promissæ, tunc neque promissio, neque iuramentum vllius roboris siue obligationis existit: quia deficit consensus substantialis. Exempli causa, si iures te alteri donaturum anullum, quem putas esse ferreum, cum sit aureus.

Dico II. Si error, vel dolum, quamuis antecedens, & dans causam iurandi, atque ab ipsomet, cui iuratur, non sine iniuria profectus, versetur tantum circa accidentalem rei conditionem, vel circumstantiam, non infirmat obligationem iuramenti; sed eius relaxatione opus est. Ita docent Mol. to. 1. tr. 2. disp. 149. §. quatuor iuribus, Suarez l. 2. c. 11. numero 11. Sanchez lib. 3. cap. 11. prope finem, & sumitur ex cap. 9. Iosue, de iuramento Gabaonitis præstito. Probatur hac ratione: Vel enim tale iuramentum irritum esset ob defectum consensus, vel ob iniuriam. Neutrum dici potest. Nō primum, quia non deest ei consensus substantialis in re, vt ponimus: Neque secundum: quia iniuria non tollit obligationem iuramenti, præsertim eam, quæ ex virtute religionis est, ob inuocati Numinis reuerentiam. Quamquam eiusmodi iniustus dolum, sicuti & metus iniuste incussus, si causam iurandi dedit, faciliorem iuramenti relaxationem suadet. Quare cum in iure canonico dicitur e. cum contingat, de iureiur. cap. de pactis, in 6. *Iuramentum, quod nec vi, nec dolo sponte præstitum est, omnino seruandum esse;* (ex quo per sensum contrarium inferri posse videtur, quod vi, aut dolo præstitum est iuramentum, non ita obseruari oportere) non alium intellectum id habet, quam iuramenta, quæ siue vi, aut dolo sponte & plena animi voluntate concepta, suapte pondere & natura, sine relaxationis remedio seruanda esse, si nulla extrinseca causa impediatur: quæ verò vi, aut dolo iniusto edita sunt, ex se ipsis relaxationis causam præbere.

Porrò limitanda est secunda assertio; Nisi qualitas siue circumstantia, quæ rei quidem accidentalis, aut extrinseca est, secundum intentionem tamen iurantis explicitam, aut virtualem, adeò intrinseca sit obiecto, vt in illud non feratur, nisi quatenus tali conditione aut circumstantia affectum est; tum ea deficiente, deficit etiam obligatio iuramenti. Ratio est: Quia iuramentum non extenditur ultra ea, de quibus iurans cogitauit, secundum Gl. in c. veniens, ver. præsciuit, de iureiur. Syl. ver. iuramentum, 3. quæst. 1. Suarez cit. ca. 11. num. 11. Exempli causa: Iurasti, dotem te daturum puellæ, quia dicebatur esse cognata, vel conciuis tua: postea vero intelligis, te deceptum, non obligaris iuramento, si explicita, vel virtualis & rationabiliter præsumpta voluntas fuit, non nisi tali puellæ, qualis dicebatur, dotem promittendi: Etenim vniuersum loquendo,

actus agentium, præsertim obligatorij, non se extendunt ultra eorum, intentionem.

CAP. VIII.

VTRVM PACTA, ET CONTRACTUS, alioquin irriti, accessione iuramenti confirmantur.

SUMMARIUM.

1. Pacta & contractus, alioquin civili iure irriti, aut minus efficaces interdum accessione iuramenti confirmantur.
2. Si promissio vel pactum ex parte exigentis, vel acceptantis turpitudinem continet, apposto iuramento haud confirmatur.
3. Qui vi iniusta à priuato adactus est ad promissionem iurata, facile liberationem impetrat.
4. Iura civilia interdum adeo resistunt contractui, ut neque accessione iuramenti obligationem parere possit.
5. Actus gestus contra antecedens non agendi iuramentum, validus est modo is pendeat ex mera facultate agentis.

¶ O QVIMVR de pactis & contractibus, non iure naturali irritis, seu circa materiam illicitam versantibus. hæc enim accessione iuramenti confirmari nō possunt; cum iuramentum non sit vinculum iniquitatis: Sed de pactis & contractibus, qui celebrantur iure civili non assistente, aut resistente; vtrum accessione iuramenti confirmentur, ita vt etiam secundum eternum forum, ius, & actionem tribuant, ob iurandi religionem.

Respondeo & dico I. Quibusdam casibus id accidit, vt pacta & contractus, licet civili alioquin iure irriti, aut minus efficaces sint, tamen accessione iuramenti firmantur, actionemque pariant. Sic enim pactum nudum iuramento confirmari ac veluti vesti, dixi lib. præced. tract. 4. capite 2. numero 2. Et contractum Minoris, sine Tutoris auctoritate celebratum, si iuramentum ei accesserit, inuolabiliter seruandum esse, dicitur in Authen. sacramenta puberum, C. si aduersus venditionem. Idem autem, saltem spectato iure canonico, in aliis similibus casibus sentiendum est; puta donationem factam filio emancipato, aut coniugi; vel alteri ultra solidos quingentos; item mutationem filii familias, fideiussionem mulieris, renuntiationem filix de non succedendo, alienationem fundi dotalis &c. accedente iuramento confirmari; vt iurans ad implendum iure compelli possit, ac debeat, sicuti colligitur ex c. quamuis, pactum, iun. Gl. ver. seruare, de pactis, in 6. & c. 2. de iureiur. in 6. Quævis verò iure civili eiusmodi casibus id statutum non reperiatur, vt Innoc. III. significat in c. cum contingat de iureiuran. tamen secundum praxim tribunalium Christianorum Principum, ferme etiam ad imitationem iuris canonici, iurantes ad executionem eorum, quæ ita promiserunt, compelluntur.

Dico II. Si promissio seu pactum turpitudinem contineat ex parte exigentis, aut acceptantis, neque civili, neque canonico iure confirmare, vt exinde actio, & compulsio oriatur. Ita docet Anton. Gomez tom. 2. resol. cap. 14. num. 24. Mol. to. 1. tr. 2. disput. 149. §. quatuor iuribus, Sanchez lib. 4. de matrim. disput. 20. num. 5. & lib. 3. moral. cap. 12. numero 42. Exempli sunt; Si vsurario vsura cum iuramento promissa sit, Iudex in externo foro compellere non debet ad solutionem: cum vsurarius nullum accipiendi ius habeat. Quare potius cogendus est à Iudice iuramentum remittere; aque eo inuito, ipsemet Iudex relaxare poterit, sicuti colligitur ex cap. 1. de iureiur. Præterea, si ad contrahendum, vel quippiam promittendum iniusto metu, aut dolo inductus fuisti, nulla datur externo foro actio & compulsio ad soluendum, sicuti habetur in citat.

Authent. Sacramenta puberum, *Per vim, vel per iniustum metum extorta iuramenta, nullius esse momenti habemus.* Consentit cit. cap. cum contingat, & cit. cap. quamuis, quibus habetur, iuramenta, quæ per vim, aut dolum extorta non sunt, *omnino* seruanda esse: unde à sensu contrariò inferitur; si per vim, aut metum extorta sint, *omnino* siue vt in Authentica dicitur, *inviolabiliter* seruanda non esse; sed à promissorio, seu parte contrahente remitti; vel à legitimo Magistratu relaxari, aut rescindi oportere.

3 Eandem quoque doctrinam non pauci Doctores tradunt Abb. c. cum contingat, num. 5. de iureiur. Valentia to. 3. disp. 6. quæst. 7. p. 4. Andr. Fachin. lib. 3. controu. iuris, cap. ult. & alii, quando proposita quæstione; *Vtrum iuramentum metu extortum obliget?* respondent, obligare in foro conscientie, ob diuini Numinis reuerentiam, non item obligare in foro externo: quia in iudicio non datur actio aduersus eum, qui ita iurauit; quin potius, si iam soluit, in integrum restituitur; idque in odium iniusti actoris, ne ex iniquitate commodum ferat; & quia ita expedit, imò necessarium est ad innocentium defensionem, & Reipublicæ tranquillitatem.

Corollarium. Posteaquam legitimus Magistratus, siue Ecclesiasticus, siue civilis ob dictas causas iudicauit, promissionem, vel contractum, quamuis iuratum seruandum non esse, sed rescindendum, tunc eo ipso cessat etiam obligatio erga Deum, quæ est propria iuramenti ex religionis virtute: quandoquidem promissorium iuramentum hanc tacitam conditionem habere censetur, nisi promissionem vel ipsemet promissarius remittat, vel legitimus Iudex ob iustam causam rescindat, aut retractet. Ita docet Mol. tom. 1. tr. 2. disput. 149. §. aliud accipe, Sanchez 3. moral. cap. 22. num. 15.

Corollarium II. Si iniusto dolo, aut coactione ad iurandam promissionem inductus, (quo casu ait S. Thom. quæstione 89. art. 7. *qui vim intulit, meretur ut ei promissum non seruetur*) postea de solutione conueniatur, statim ad iudiciale forum confugere potest; vt nisi aduersarius iuramentum sponte remittat, à Iudice cogatur; vel, eo etiam inuito, Iudex obligationem relaxet, sicut l. c. docent Sanchez, Mol. disput. 149. §. deinde relaxare, & significat Sa ver. iuramentum, n. 29 *iuramentum factum in alicuius fauorem potest iste relaxare; vel eius Superior.*

4 Dico III. Non tantum propter turpitudinem seu iniuriam promissarii, sed etiam ob aliam causam, ad bonum publicum pertinentem, Magistratus tum Ecclesiasticus, tum civilis ita aliquos contractus pro irritis habere potest, vt ne iuramenti quidem adiectione confirmetur, actionemue pariant; sed nihilominus infirmari possint. Hæc est sententia Couar. in c. quamuis pactum, p. 2. princip. Probatum primò: Quia, vt contractus, qui alioquin minus validi sunt, appositione iuramenti ita confirmantur, vt ius actionemque tribuant, id non prouenit ex virtute iuramenti præcisè; sed ex iure positio, talem iuramento vim tribuente, sicuti notauit Suarez lib. 3. cap. 12. num. 3. Ergo si ius, vel consuetudo vim iuris obtinens, nolit contractum iuramento confirmari, sed ei nihilominus resistat, non potest tunc iuramentum eiusmodi effectum generare. Probatum secundò: Quia quæuis publica potestas debet esse sufficienter instructa ad disponendum de iis, quæ ad finem bonum Reipublicæ spectant: consequenter poterit lege lata ita aliquos contractus, qui publico bono incommodare videntur, penitus infirmare, vt nulla contrahentium arte, formâ, aut modo, adeoque neque iuramenti accessione confirmari, au ius aliquod efficax parti contrahenti parere possint.

Causa autem ita resistendi ea potissima esse solet,

ne ex ex pacto aut contractu ciuilibus moribus repugnante, ansa seu occasio peccandi præbeatur, quod bono publico incommodare censetur. Exempla habemus I. In pacto futuræ successionis, seu promissione vltimæ voluntatis non reuocandæ, quod adeo ciuili iure improbatum, vt neque iuramento confirmetur: eò quod an sam præbeat captandæ mortis alienæ, sicuti ex cõmuni docet Couar. c. quamuis pactum, p. 2. initio, n. 8. Gaill. l. 2. obseru. 125. n. 2.

II. Si duo inter se paciscantur de hæreditate personæ tertie, censetur esse pactum contra bonos mores, atque pœnis obnoxium; vt neque accessione iuramenti confirmetur: quia ansa inde capi potest machinandi eadem illi personæ, de cuius hæreditate conuentum est. Caterum, si eiusmodi conuentioni iuramentum accesserit, obligatio inde confurget saltem ex religionis virtute: quandoquidem tale iuramentum obiectum secundum se illicitum non habet, atque sine peccato executioni mandari potest, vt bene notauit Sanchez lib. 7. moral. c. 2. n. 35.

III. Si quis durante matrimonio iuratus promissit se mortua coniuge cum altera contracturum; talis promissio seu pactio, ex qua peccandi occasio capitur, ad eò in externo foro exola est, vt ne iuramenti quidem accessione confirmari censeatur. de quo iterum dicam cap. 11.

IV. Tametsi non ipsemet contrahens, sed alius per grauem & iniustum metum te compulit ad paciscendum, ac iurandum; arbitror, in foro externo eiusmodi contractum rescissum iri: quia in Authentica Friderici Imperatoris absolute dicitur, iuramentum graui metu extortum nullius momenti esse debere. & in l. si cum ff. quod metus causa; Nihil interesse, vtum is, qui conuenitur, an alius metum fecerit; vtroque enim casu per Iudicis officium succurri.

V. Abb. in c. significante, n. 4. de pignoribus, docet: tametsi iuramentum adiectum pacto legis commissoriæ (quod ob periculum siue occasionem fraudum vtroque iure improbatum) obligationem pariat ex religionis virtute; quia sine peccato iurantem obseruari potest, non tamen eiusmodi pactum iuramento confirmari, vt exinde ius aduersus iurantem, actio competat. Cum enim, vt supra dictum, iurifurandi religio hanc vim suapte natura nō habeat sed adminiculo iuris positiui consequatur, ideo talis confirmatio contractuum alioquin infirmatorum; facile asserenda non est; nisi vel lex exprimat, vel praxis tribunalium ita obseruet. ad quam maximè respiciendum esse arbitror, vt intelligatur; vt si contractus iure ciuili iustè infirmatus, ob iuramenti appositionem, efficaciam accipiat, necne.

Quæ doctrina hæcenus tradita si obseruetur, facile interdum DD. conciliari poterunt, cum alij affirmant, pactum non reuocandi testamentum, pactum legis commissoriæ donationem omnium bonorum, pœnam sponsalibus adiectam, &c. obligationem parere; videlicet eam, quæ est iuramenti propria ex religionis virtute, sicuti supra docui cap. 6. numero 7. Alii verò negant, eiusmodi pacta contra bonos mores, tametsi iurata sint, valida & obligatoria esse, obligatione videlicet iustitiæ, cui ius efficax, & actio in foro externo respondeat. Vide Abb. l. c. Suarez cit. c. 28. n. 3. Sanchez cit. c. 12. n. 3.

RESTAT QVÆSTIO. Vtrum actus, gestus contra antecedens iuramentum, validus sit? Respondetur affirmatiuè; si actus pendeat à mera facultate agentis, tametsi agens contra iuramentum agendo periuratus fiat; valere tamen quod agitur. Abb. c. dilecto, numero 17. de præben. c. intellecto, numero 8. de iureiur. Syl. ver. iuram. 4. q. 12. Rebel. p. 2. de iust. lib. 1. q. 9. n. 13. Azor. to. 1. lib. 11. c. 6. q. 3. Suarez lib. 2. de iuram. c. 19. n. 6. Sanchez cit. c. 12. n. 31. Ratio est, quia

non obstante promissorio iuramento, & personali contracta obligatione non faciendi aliquid, manet nihilominus homo in naturali libertate, per quam possit facere quod non facturum se statuit, promisit, ac iuravit. Exempla sunt: I. Matrimonium de presente validum est, non obstantibus prioribus iuratis sponsalibus cum alia celebratis, c. sicut, de Sponsal.

II. Reuocatio procuratoris valet, tametsi qui reuocat, antea iuravit, se non reuocaturum, teste Gl. communiter receptam c. ult. ver. reuocatus, de Procurat. in 6.

III. Si quis iurauerit, se testamentum non reuocaturum, & postea reuocarit, peritus quidem est; sed reuocatio valet, secundum communem D D. sententiam, apud Couar. rubr. de testam. p. 2. n. 52. Clarum 6. testamentum, q. 94. quibus contradicit Mol. tom. 1. tr. 2. disp. 151. 9. contraria sententia, existimans ex tali iuramento, quatenus in alterius utilitatem conceptum est, ipsi, eiusque heredibus ius & actionem acquiri, quod infra cap. 10. concl. 2. refutabitur. Illud tamen fateri oportet iuramentum appositum testamento de non reuocando, habere vim clausula derogatoria: perinde ac si expressè testato dixisset, si aliud testamentum postea fecerit, nolle se priori derogatum esse, nisi specialiter & expressè reuocet, de qua clausula dixi lib. præced. tr. 5. c. 4. in fine, & videri potest Couar. n. 60. Mol. disp. 153. Eaque simili ratione docet Gl. recepta in c. cum non deceat, de elect. in 6. per generalem statutorum derogationem seu reuocationem non tolli prius statutum iuramento confirmatum; sed opus esse derogatione speciali.

IV. Aliquis iuravit, se votum non editurum inconsulto Confessario; postea temere vouet, nihilominus validum est votum, sicuti notauit Suarez lib. cit. num. 5.

V. Causi iuravit se rem Titio, & non alteri donaturum, postea nihilominus alteri donat, ac tradit; valida est hæc donatio: quia donator, non obstante prior promissione Titio facta, mansit dominus rei, secundum doctrinam Gl. quam in simili tradit de venditione duobus in solidum facta in l. quotiens, ver. priori, Cod. de rei vindicat. Et ita docet Couar. c. quamuis pactum, p. 1. §. 4. num. 5. Sanchez lib. 3. moral. cap. 17. num. 17.

VI. Si Capitulum statutum fecerit, & iuramento confirmarit, de non augendo certo numero Canonicorum; postea verò supra eum numerum nouum canonicum instituat, valida est institutio, sicuti ex communi docet Abb. cit. c. dilecto, n. 17. Azor lo. cit. q. 2. Less. c. 17. dub. 7. n. 57. Sanchez cit. c. 12. n. 35. contra Innoc. Hostiensem, & alios in cit. c. dilecto. Addit ibid. Gl. ver. clausula, idem dicendum fore tametsi statutum à Papa confirmatum fuisset: cum enim talis confirmatio in fauorem Canonicorum facta fuerit, ei renuntiare atque contrauenire possunt; præterquam in clausula prohibitionis adiecta sit, vt si quid contra id fieret, non valeret. Id enim ob Ecclesiæ utilitatem adiectum esse, præsumi debet.

Dixi autem, assertionem locum tantum habere, si actus contra prius iuramentum pendeat à mera facultate agentis: Nam si actus positiuo aliquo iure irritus, & inefficax sit, tunc haud confirmabitur accessione iuramenti editi, contra prius iuramentum non agendi. Exempla sunt: Si mulier iurauerit se non alienaturam bona dotalia; aut Minor se non contracturum sine curatoris auctoritate; postea verò non obstante hoc iuramento, alienent, aut contrahant, quamuis iurati se non contrauenturos; nihilominus contractus siue alienatio rescindi poterit, tanquam civili iure inefficax, sicuti docet Gl. in c. licet, de iureiur. in 6. Abb. cit. c. intellecto, nu. 8. Syluest. cit. quæst. 12. Couar. c. quamuis pactum, p. 2. §. 2. nu. 4. Mancinus de iuram. p. 4.

effectu l. q. 9. n. 2. Sanchez lib. 6. de matrim. disp. 13. nu. 2. & cit. c. 12. n. 38. & cap. 17. nu. 19. Azor. cit. lib. 11. c. 6. q. 3. Rebellus & Less. ll. cc. Ratio est: Cum enim iuramentum posterius peruersum sit & periurij criminis confirmatoriū; non est credibile, quod ei ius assistat velitque eo contractum siue alienationem, alioquin irritam aut inefficacem, confirmari.

CAP. IX.

DE IURAMENTI INTERPRETATIONE, & tacite subintellectis conditionibus.

SUMMARIUM.

1. Iuramentum in dubio strictè interpretandum est.
2. Iuramentum præstitum circa materiam iuris, interpretandum est secundum limites iuris.
3. Iuramentum extendi non debet ultra intentionem iurantis verisimiliter præsumendam.
4. In omni iuramento promissorio tacite conditiones intelliguntur: I. Si posero. II. Saluo iure superioris. III. Nisi is, cui iuratum, obligationem remittat. IV. Si res notabilem mutationem non accipiant.
5. Homo promissorem liberare potest, si promissio principaliter in eius gratiam facta est: secus, si principaliter in Dei honorem.
6. Iuramentum assumit naturam & conditiones promissionis, cui adicitur.

S E R T I O I. Iuramentum in dubio strictè interpretandum est, propter grauem, quam in se continet, religionis obligationem, atque periurij periculum. Sumitur ex c. 1. de iureiur. in 6. l. quidquid alitringenda, ff. de verb. obligat. & docet Abb. c. cum clerici, Qui clerici, vel vouentes, aliq. communiter.

Corollarium I. Iuramentum de seruandis statutis alicuius Communitatis, intelligi debet de statutis editis duntaxat; non item de futuris, seu imposterum de nouo edendis; nisi exprimatur, vel ex indicis constet, tam amplam esse iurantium intentionem. Ita significat Gl. in c. penult. de iureiur. & docet Angel. ver. iuram. 5. §. 25. Syl. ver. iuram. 4. q. 23. Azor t. 1. l. 1. c. 8. q. 7. Sanchez l. 3. c. 14. n. 1. contra Abb. cit. c. penult. de iureiur. n. 2. Rosellam ver. iurare, n. 25. S. Anton. p. 2. tit. 10. c. 6. §. 6. vbi aiunt, iuram. extendi etiam ad statuta futura, si non magni præiudicii sint.

Corollarium II. Iuramentum præstitum circa materiam iuris, interpretandum est secundum limites iuris, neq. ultra extendendum. Ita docet Gl. in cit. c. 1. ver. declaramus, Innoc. in c. per tuas de arbitris, Abb. in c. tua nos, n. 4. de eccles. ædificandis. Syl. ver. iuram. 3. q. 3. Suarez l. 2. c. 33. in fine. Sensus est: Si quis alioquin iure obligatus sit ad quiddam faciendum, vel omittendum, tunc iuramentum accedens non ad aliud se extendit; sed tantum ad ea, quæ sub obligatione iuris comprehenduntur: vt proinde intentio iurantis esse censeatur, se nihil illicitum siue iure inconcessum attentaturum. Exempla habemus. I. Iuramentum Episcopi de alienandis bonis Ecclesiæ, interpretandum est de alienatione illicita, quæ sit sine causa necessitatis, aut utilitatis; vel sine requisita iuris solemnitate, sicuti colligitur ex c. ult. de eccles. ædific. & docet Innocent. c. cum omnes, de Constit. Abb. in c. vt super, n. 15. de rebus eccles. alien. Syl. cit. q. 3. Simili ratione, si Episcopus in sui electione verbis generalibus iuravit, se privilegia non daturum sine consensu Capituli; intelligi debet de concessione priuilegiorum illicita, siue quam Episcopus secundum canones, absque consensu Capituli, facere non potest.

II. Clericus, qui iuravit residentiam, potest tamen

abesse in casibus iure concessis, c. ex parte, 2. de clericis non resident.

III. Qui iuravit, se statutum arbitri sententia, sub certa pœna, is vel stare tenetur, vel pœnam solvere. Si autem pœna adiecta non fuit, tunc secundum probabilem sententiam Glos. & Innoc. in c. per tuas, de arbitris, & alios apud Abbatem in cap. veniens, numero 8. de iureiur. obligatur disunctivè, vel ad servandam sententiam, vel ad præstandum id, quod interest: quandoquidem eiusmodi optio alternativa communi iure cœdi videtur in l. diem, §. ult. ff. de recept. arbitr. Similiter ratione, ait Sanchez cit. c. 14. n. 4. qui iurant, se leges alicuius fraternitatis servaturos, non peccant transgrediendo eas, si tantum sub pœna obligent, modo parati sint, pœnam seu multam solvere.

IV. Iuramentum servandi statuta alicuius Collegii Universitatis, alteriusve Communitatis, intelligitur secundum differentiam statutorum, intentionem legislatoris, & loci consuetudinem, communemque interpretationem. Si enim gravis momenti statuta sunt, & ita accipiuntur, quasi sub mortali obligent, tunc iuramenti transgressio novam mortalem sacrilegii malitiam addit. Sin verò leuioris momenti statuta sunt; vel si ita ea accipi solent, ut sub veniali tantum culpa obligent, vel solum ad pœnam subeundam; tunc iuramenti obligatio similiter intelligi debet, arg. Clem. 1. §. declaramus de verb. signif. & docet Gerson p. 2. in reg. moralib. tract. de superbia, ver. quando aliquis. & p. 3. lib. de vita spirituali animæ, lect. 6. Medina 1. 2. quæst. 96. art. 4. Sanchez cit. c. 14. num. 2. & 4. Quare si Academiae Rector v. g. scholares iubeat obligatione præstiti iuramenti interesse Missæ officio, aut processioni publicæ, non obligat transgressores ad culpam plusquam venialem ob materiam levitatem: præterquam si præcepti eiusmodi contemptores existant, sicuti docet Gerson cit. lect. 6. longè post medium, Coutar. c. quamvis pactum, p. 1. §. 7. in fine; Medina in instruct. l. 1. c. 16. §. 11. Rodriq. t. 2. sum. c. 9. n. ult. l. 11. c. 8. q. 11.

V. Iuramentum de servando secreto, siue non reuelandis ijs, quæ in Capitulo, Concilio &c. tractantur, intelligitur, quatenus materia secretum postulat; ita si thagni momenti existat, & valde intersit non divulgari, eius divulgatio mortalem etiam culpam contra religionis virtutem, propter violatum iuramentum, continet; si autem res levis sit, solum venialem; denique nullam, si divulgatio nullum omnino incommodum afferre possit; vel in ijs casibus quibus commissum secretum revelare ad impediendum maius malum communi iure concessum est. Qua de re Gl. & Abb. in c. Ergo, de iureiur. Sylu. ver. iuramentum, 4. q. 28. Sanchez cit. cap. 14. nu. 5.

VI. Ministri publici, si iurent, se contentos fore stipendio lege taxato, item mercatores, pistores, si iurent, se servaturos taxationem pretij, ponderis &c. intelligitur iuramentum, dum taxatio iusta fuerit; non item si constet, iniustam esse, sicuti notavit Sanchez cit. c. 14. n. 14.

VII. Qui iuravit, se pariturum mandatis Ecclesiæ, eo non obstante, à lata sententia appellare potest, sicuti ei iure communi concessum est, secundum Gl. communiter receptam in c. pro vt nobis, ver. cautionem, de dolo, & contumac. Syl. cit. q. 3.

Corollarium III. Iuramentum bona fide præstitum non est extendendum ultra intentionem iurantis, verisimiliter præsumendam. Ita docet S. Th. 2. 2. quæst. 98. a. 2. ad 3. & Canonista in cap. veniens, cum Glosa ver. præsciisset, de iureiur. Syl. ver. iurament. 4. quæst. 6. Azor lib. 11. Moral. c. 11. q. 3. Sanchez cap. 17. nu. 1. Suarez lib. 2. ca. 11. num. 12. & alii, cum aiunt, quod iuramentum non est extendendum ad incognita, siue quæ iurans in specie non cogitavit, & quæ in mentem si ve-

nissent, verisimiliter exceperisset. Exempli causa: Si iurasti te alteri in omnibus pariturum, interpretandum id est, nisi vel illicita, vel nimis ardua & à statu tuo abhorrentia imperet, sicuti docet S. Thom. lib. cit. & sumitur ex c. Quinta vallis, vbi Glos. ver. exheredarer, de iureiurando &c. cum intellectu, de homicid. Quia in generali promissione non veniunt ea, quæ quis similiter in specie non promississet, aut promittere non potuisset.

Affertio II. In omni iuramento promissorio, quamvis absolute facto, tacite conditiones quædam continentur, sicut docet Gl. & Abb. in c. quemadmodum, de iureiur. Syl. ver. iura. 3. q. 1. Suarez lib. 2. de iuram. cap. 33. Prima conditio *Si potero*: quia ad impossibile nemo obligatur. Idque sumitur ex c. querelam, c. Q. in t. vallis, de iureiur. Quod si una pars rei promissa impossibilis sit, altera possibilis maneat; tunc *utile per inutile non vitiatur*, si utile ab inutili separari possit; & si ne dependentia ab illo promissum fuerat, sicuti docent Doctores in reg. iuris 37. in 6. Vide quæ dicam tract. seq. c. 2. q. 1.

Altera conditio. *Salvo iure & auctoritate Superioris*, si is iuramentum sibi præiudicans irritare, aut ob causam iustam in eo dispensare, vel relaxare velit. Sumitur ex c. venientes, c. ad nostram, 3. de iureiur. &c. non est, de voto: *Non est voti dicendus transgressor, qui, quod vovit, auctoritate sedis Apostolicæ distulit adimplere*. Est enim eadem ratio de iuramento. Adde quod Abb. in cap. ult. numero 10. de eccles. edific. respondit, si Prælati inferior iuravit se non alienaturum bona Ecclesiæ, sine licentia Episcopi; etiam Legatum à latere talem licentiam dare posse: quia, spectato communi iure, intra terminos provincie concurrat cum Episcopo in iurisdictione.

Tertia conditio. *Nisi is, in cuius gratiam, & utilitatem iuratum est obligationem remittat*: seu expresse, seu tacite, puta si filia, posteaquam hereditati paternæ iuramento renuntiavit, à patre hæres instituitur, tum sine alia iuramenti relaxatione, hereditatem capere poterit.

Verum circa hanc conditionem distinctio adhibenda est: Nam interdum promissorium iuramentum fit quidem, saltem secundario, in gratiam alicuius hominis, qui talem obligationem expetit; sed non directe in eius utilitatem: videlicet si alicui iuramento promittas, te Religionem ingressurum, aliudve opus pietatis facturum. Et hoc casu inquit S. Thom. 2. 2. q. 89. art. 9. ad 2. *ille, cui promittitur, non potest absolvere promittentem; quia promissio non est facta ei principaliter; sed Deo*. Interdum verò promissorium iuramentum principaliter fit homini, siue in utilitatem hominis; v. g. si sponsalia iurata contrahas cum Titia, aut si, Titia etiam nesciente, & non acceptante, iures te non aliam ducturum nisi ipsam; tunc consentiunt Doctores, quod homine remittente obligationem, cesset obligatio iuramenti. Qua ratione in congressu v. g. si quis iuret, se alterum non antecessurum, intelligitur, nisi ille honorem talem respuat, vel remittat, uti notavit Tol. libro 4. cap. 22. §. tertius casus. Denique interdum promissorium iuramentum principaliter fit Deo, siue ob honorem Dei, de præstando aliquo opere charitatis, vel misericordiæ erga certum hominem: v. g. si votum iuratum edas, te Titia pauperi dotem daturum, vel eam in uxorem ducturum; tunc certum quidem est, te iuramento absolvi, si persona illa cui benefacturum te iurasti beneficium respuat, siue recipere nolit. Sed controuersum est, si beneficium non respuat tanquam sibi non acceptum; nolit tamen iurantem ad id obligari, sed in gratiam eius obligationem remittat, ytrum sufficiat hoc ad iuramenti relaxationem?

Negant Abb. in c. 2. num. ult. de sponsal. Angel. ver. sponsalia, num. ult. Syluest. quæst. 10. Sotus lib. 8. q. 1. art. 9. ad 2. Azor cit. lib. 11 capite 9. quæstione 11. Suarez lib. 2. de iuramento cap. 39. Affirmat verò Nauar. cap. 22. numero 25. Henric. lib. 11. cap. 14. numero 6. Sanchez lib. 1. de matrim. disput. 52. num. 6. quæ sententia probabilis est. Nam Deus acceptat eiusmodi votum, ac iuramentum in ordine ad hominem, in cuius utilitatem cedit: quare si hominis voluntati satisfactum sit, etiam obligationi erga Deum satisfactum censetur. Confirmatur. Si Deo voui, me huic pauperi elemosynam daturum, is datam mihi iterum donare potest: ergo etiam non datam, quasi per acceptationem, sponte remittere & condonare, si id mihi gratum sit. Nihilominus prior sententia mihi magis placet. Quia Deus eiusmodi promissionem sibi factam, non tantum acceptat ob utilitatem hominis; sed etiam ob proprium honorem & cultum. Quare licet per remissionem, siue condonationem illam satisfactum sit homini; non tamen omnino satisfactum est Deo: quando opus misericordiæ piæ & laudabiliter ob Dei honorem præstari potest, homine illud acceptante, licet non exigente; sed obligationem, quatenus potest ex sua parte, remittente. Ad confirmationem responderetur, cum elemosyna semel absolute data est pauperi, votum siue iuramentum expletum esse, quocum non pugnat, quominus postea danti iterum à paupere donari possit.

Quarta conditio est: Si res in eodem statu permanerint siue notabiliter mutata non fuerint. Sumitur ex c. veniens, & c. breui, ibi, nisi difficultas existat, propter quam requisitus non possit Ecclesia subuenire, &c. quemadmodum, de iure iurando. Ratio est: Quia notabilis mutatio quasi aliud obiectum facit; ad quod, verisimili præsumptione, iurantis & promittentis intentio se non extendebat, sicuti explicat Sanchez l. 4. moral. c. 2. n. 22. & videri potest Molina to. 2. disp. 272. §. Tertium. Exempla sunt: I. in cit. c. quemadmodum; Sponsus post sponsalia etiam iurata, resiliere potest propter subsequentem fornicationem, aut grauem deformitatem sponsæ. II. Promissio gratuita, quamuis iurata sit, reuocari potest ob superuenientem ingratitudinem promissarii, sicuti ex communi docet Sanchez n. 32. III. Qui cum inimico suo pacem iuratus iniit, non obligatur iuramento, si noua illum offendendi causa superueniat: vt si ille iterum iniuriam inferat; vel publico edicto proscribatur, data omnibus eum occidendi potestate, sicuti docet Syl. ver. iuramentum, 3. quæst. 1. casu tertio, Abb. in c. 2. de renunt. n. 10. vbi generalem regulam tradit: Iuramentum renuntiantis iuri suo, interpretandum esse secundum rei statum, & causam tunc subsistentem; non item si noua causa superueniat: excepto, si iurans intenderit renuntiare iuri ex noua etiam causa acquirendo. Quæ regula sumitur ex cit. c. 2. in quo habetur; Eum, qui beneficio iuratus renuntiavit, posse nihilominus illud petere, & obtinere, si post iuramentum de nouo ad id eligatur, vel instituatur. Ex quo infert ibid. Abb. n. 11. Quod iurans se non accepturum Doctoratum, nisi in Academia, in qua licentiam accipit; non prohibetur ex alia licentia, in alia Academia post examen concessa, ibidem Doctoratum petere.

His verò addendum est: Quod iuramentum assumit, seu potius retinet naturam, & conditiones promissionis, aut contractus cui adijcitur, sicuti docent DD. in l. ult. Cod. de non numerata pecunia, Couar. c. quamuis, p. 1. §. 4. n. 4. Ratio est, quia iuramentum adiectum promissioni, aut contractui, non auget eius obligationem extensiuè, cum circa idem obiectum versetur; sed auget obligationem intensiuè, quia intra limites obiecti nouam huius doctrinæ sunt: I. Sicuti promissio interdum con-

ditionē tacitè adiectam habet, nisi notabilis postea mutatio superueniat; ita etiam iuramentum, seu promissio iurata, vt paulò ante dictum fuit.

II. Iuramentum fideiussoris secum trahit exceptionem, quæ fideiussori competit, vt prius principalis debitor conueniatur & excutatur, sicuti docet Couar. c. quamuis pactum, p. 1. §. 4. num. 8. Et iuramentum non expellendi conductorem tacitam conditionem habet, nisi is biennio pensionem soluere intermiserit, teste Syl. cit. quæst. 1. casu 18. Armilla ver. iurament. nu. 24. Sanchez lib. 3. c. 17. n. 14.

III. Qui iurauit se debitum soluturum, is potest ob iustam causam compensatione vt cum alio simili, eoque liquido debito, sicuti docent Bartolus in l. amplius ff. rem ratam haberi, Syluest. ver. iuramentum, 3. quæst. 6. Couar. c. quamuis, par. 1. §. 4. num. 17. Molina tom. 2. disput. 560. §. contrariam, Azor. lib. 11. cap. 8. quæst. 10. Suarez lib. 2. de iuram. cap. 37. Sanchez cit. cap. 17. num. 15. Cum enim debitor ad solvendum obligatus, quibusdam casibus compensatione vt possit (eo quod compensatio sit quædam æquiualens solutio, & satisfactio) sequitur, quod tali compensationis iure non priuetur per iuramenti accessionem: quia, vt rectè docet Couar. cit. §. 4. num. 4. & generalis regula tradi potest; Iuramentum adiectum promissioni, non auget eius obligationem extensiuè, sed intensiuè: quia illi inter limites suos permanenti superaddit nouū religionis vinculum.

Neque his obstat, quod Canonistæ obijciunt c. nostram, 1. de iureiur. apud Abb. nu. 3. vbi debitor, qui iurauit nullum grauamen in re pignoratam creditori se illaturum, donec debitum soluerit, non potest fructus in sortem computare via compensationis; sed debitum integre soluere cogitur, & postea rem pignoratam cum fructibus repetere ei conceditur. Nam respondetur, in illo casu debitorem visum fuisse iurasse, quod neque in pignore, neque in eius fructibus vllum grauamen inferre veller, donec pecuniam mutuo acceptam solueret; ideoque iuri compensationis renuntiare voluisse. Quarrelsum non est, quod iuramentum in eo casu seruandum fuerit in forma solutionis omnino specifica; quia cum tali restrictione iurata promissio facta fuerat.

IV. Si iuramentum reciproce promissioni, vel contractui accedat, eam tacitā conditionem habet, si alter quoque promissis suis steterit, sicuti habetur in c. peruenit, de iureiur. Quia non seruanti fidei, fides seruanda non est, ait Gl. in l. proponas, 2. Cod. de pactis. Idque non improbabiler extendit Sanchez ad casum, quo duo vicissim inter se promissiones faciant, non per modum contractus onerosi, ac reciproci; sed gratuitas, easque iuramento confirmat: v. g. Titius hodie iuratus promittit equum mihi donaturum; ego verò alio tempore absolute ei promitto obsequium aliquod præstaturum; tunc si ille fidem non seruet, neque ego promissionem seruare cogor. Quia accidit notabilis mutatio, ob ingratitudinem promissarii, qui fidem erga me violando, indignū se præbet, cui ego fidem seruem, vt etiam Molina notauit, to. 2. disp. 272. §. dubium est: licet contrarium doceat Abb. in cit. c. peruenit, Syl. ver. iuram. 4. q. 13. Nau. c. 18. n. 7.

Cæterum, si duo mutuo consensu voueant, vel iurent, quod principaliter cedit ad cultum Dei, v. g. coniuges coniugalem continentiam, vel duo socii Religionis ingressum, tunc vno eorum violante, alter nihilominus obligatus manet, sicuti colligitur ex c. quod Deo, 23. q. 5. & notat Syluest. cit. q. 13. Sanchez l. 3. c. 15. n. 8. vbi rectè id limitat, nisi sub conditione expressa, vel tacita voueat quis, vel iuret, se Religionem v. g. ingressurum, & alter ingrediatur.

CAP. X.

UTRUM OBLIGATIO IVRAMENTI
personalis sit; & num actio inde oriatur,
atque ad hæredes transeat?

SUMMARIVM.

1. *Iuramentum per procuratorem fieri potest; sed requiritur mandatum speciale, in causa speciali.*
2. *Ex iuramento confirmatorio promissionis acceptata in externo foro actio conceditur; secus si sit iuramentum per se stans.*
3. *Obligatio, qua est iuramenti propria ex religionis virtute, omnino personalis est.*
4. *Si iuramentum non sit propriè promissorium, sed per se stans, tunc nulla omnino ex eo obligatio ad hæredem iurantis transit.*
5. *Obligatio iuramenti propriè promissorii transit ad hæredes, aut successores eius, cui iuratum est.*

QVÆSTIO PRIMA. Utrum iuramentum per procuratorem fieri possit? Responsio est affirmativa, ex omnium Doctorum sententia, si procurator habeat speciale mandatum iurandi in speciali causa, idque habetur in c. ult. de iuram. calumniæ, in 6. c. vn. §. verum, de statu Regul. in 6. Nam potest qui per alium, quod potest facere per se ipsum, reg. 68. in 6. vbi id notat Gl. ver. potest; sumpto argumento ex matrimonii contractu, qui licet maximè personalem obligationem contineat, tamen per procuratorem celebrari potest, iuxta c. ult. de Procurat. in 6. Confirmatur, sicuti obligat iuramentum per epistolam, siue scripturam iurantis subscriptione munitam, iuxta c. optatum, d. 100. Item per nuntium, siue ministrum deferentem iurantis intentionem, & obligationem, c. metuentes, 17. quæst. 4. ita etiam obligabit iuramentum per procuratorem; quia licet is utatur prima verbi persona *Iuro*, tamen id agit ministraliter, tanquam alienam personam repræsentans, quæ principaliter censetur iurare, & obligari, sicuti docet Caiet. 2. 2. q. 98. a. 2. ad 4. Suarez lib. 2. de iuram. c. 31. num. 4. post Gl. in cit. c. metuentes, ver. de præsent. vbi ait, quod procurator in animam Domini iuret; Syndicus autem, seu administrator in animam propriam, iuxta c. in pertractandis, iun. Gl. ibidem de iuramento calumniæ.

Ex quo sequitur, si iuramento procuratoris falsitas subit, principalem ipsum, cuius mandato, & in cuius animam alter iuravit, periurum esse. Quamvis si procurator quoque conscius doli fuit, & periurii cooperator, eodem crimine, & pœna tenebitur, iuxta c. 1. de officio delegati; *Agentes & consentientes pari pœna (scriptura testimonio) puniuntur*; iun. Gl. ver. pari pœna, & docet Syl. ver. periurium q. 3.

Cæterum tradita doctrina, quod iuramentum per alium præstari possit, intelligi debet; dummodo actus, cui iuramentum apponitur, per alium geri possit: cuiusmodi sunt pacta, contractus, & fœdera. Tunc enim, tamen si lex proprium alicuius iuramentum promissorium exigat, v. g. iuramentum fidelitatis à vasallo; posse tamen per alium cum speciali mandato præstari, si vel dominus consentiat, vel vasallus iuste impeditus sit, colligitur ex c. vn. §. verum, de statu Regul. in 6. & docet Couar. c. quamvis pactum, p. 1. §. 5. n. 19. Azor lib. 11. cap. 7. q. ult. Suarez cit. c. 31. n. 7. Sanchez lib. 3. c. 13. n. 22. Clarus lib. 4. sentent. §. feudum, q. 49. n. 13. Gaill. lib. 1. obseruat. 83. n. 5. Sin autem actus iure per alium geri nequeat, tum neque iuramento per alium præstato confirmari potest; v. g. testimonium iudiciale, sicuti colligitur ex c. 2. de testibus, & docent DD. in c. licet, 2. eod. Couar. Suarez, Sanchez II. cc.

2. **QVÆSTIO SECUNDA.** Utrum ex iuramento

promissorio, in hominis utilitatem edito, actio oriatur? Resp. & dico I. Si iuramentum sit confirmatorium promissionis ab altero acceptatæ actio in externo foro tam ciuili, quam canonico conceditur. Ita Couar. c. quamvis pactum, p. 1. §. 2. n. 8. & p. 2. §. 4. prope finem. Suarez lib. 2. de iuram. cap. 25. n. 7. Ratio est: Quia hoc casu iuramentum non tantum inducit obligationem religionis erga Deum, sed etiam firmat obligationem naturalem fidelitatis, ac iustitiæ erga hominem; quippe quam ius tam ciuile, quam canonicum acceptat & ad eius executionem compellit ob reuerentiam iuramenti. Sic ex contractu puberis sine tutoris auctoritate inito; item ex pacto, sine promissione simplici, si iuramentum accesserit, ciuili iure actio conceditur, quæ alioquin non concederetur. Quod si verò contractus per se ipsum ciuilem obligationem actionemque gignit, v. g. emptio & venditio inter maiores natu celebratus; tunc multò magis talem obligandi vim habet, si iuramentum accesserit.

Dico II. Si iuramentum non sit confirmatorium promissionis, sed per se stans; ideoque solum obligans ex virtute religionis erga Deum; eo casu nullam propriè actionem parit: vt si quis iuravit se ecclesiam ædificaturum, elemosynam daturum, uemine promissionem acceptante. Ita docet Suarez lib. 2. cap. 29. n. 23. Vasq. tr. de testam. cap. 3. n. 34. licet aliter sentire videatur Mol. disp. 150. & disp. 151. §. saluo. Probaturs; Actio est ius persequendi in iudicio, quod sibi debetur, §. 1. Instit. de action. Sed in iuramento per se stante, nulla est obligatio siue debitum ex iustitia, sed tantum ex virtute religionis erga Deum. Ergo non est locus propriè dictæ actioni. Nihilominus in foro externo Ecclesiastico, talis iurans Iudicis officio compellitur ad seruandum iuram. quod Iudicis officium is, in cuius utilitatem iuratum fuit, eiusque etiam hæres implorare poterit.

QVÆSTIO TERTIA. Utrum obligatio iuramenti promissorii ad hæredes transeat? Respondeo, & dico I. Obligatio iuramenti propria ex virtute religionis omnino personalis est, solumque iurantem efficit, & ad hæredem, siue successorem eius non transit. Ita S. Th. 2. 2. q. 98. a. 2. ad 4. Caiet. ibid. Sotus lib. 8. q. 2. a. 2. ad 4. Abb. in c. veritatis, n. 3. de iure iur. Gutierrez in auth. sacramenta puberum, n. 20. C. si aduersus venditionem Syl. ver. iuramentum 4. q. 3. Andr. Gaill. lib. 1. obseruat. 27. Mol. cit. disp. 150. Sanchez lib. 3. cap. 13. Ex quo inferitur I. Si pars maior alicuius Communitatis, v. g. Capituli, iuramento se obstrinxit ad aliquid præstandum, quibusdam contradicentibus, vel non consentientibus, hi non obligantur ex vi iuramenti, & sub periurii reatu; sed interdum ex vi pacti, legis, aut consuetudinis: eò quod minor pars Collegii partis maioris suffragia, aut conuentionem sequi teneatur.

II. Etsi quis pro se, & successoribus suis iurauerit, non obligantur tamen successores ex vi iuramenti; sed tantum ex vi pacti, si nulla turpitudine interuenit ex parte iuratum promissionem exigentis.

III. Si Rex, Episcopus, Canonicus &c. ad suum officium admittantur, sine præstato iuramento, non obligantur ad seruanda iuramenta, quæ antecessores ediderunt, sub religionis virtute; licet interdum teneantur vinculo statuti, aut pacti.

IV. Hæres vasalli, cum inuestitur, nouum fidelitatis iuramentum præstare cogitur; quia ex antecessorum suorum homagio non obligaretur, sicuti docent DD. communiter in cit. c. veritatis, Syl. ver. iuramentum, 4. quæst. 3.

Dico II. Si iuramentum non sit confirmatorium promissionis, sed per se stans, nulla omnino ex eo obligatio ad hæredem transit: propterea quod huiusmodi iuramentum vnā simplicem religionis obligatio-

nem continet, quæ purè personalis est: vt si quis iurauit se vsuras soluturum, pecunias latroni daturum, vel solutas non repetiturum. Constat ex doctrina Couar. c. quamuis, p. 1. §. 2. num. 8. & docet Molina cit. disp. 150. Sanchez cit. cap. 13. num. 3. & 5. Simili ferme ratione dicendum; si aliquis sine vlla promissione homini, aut Deo facta, nudè ac simpliciter iurauerit, se ecclesiam ædificaturum, vel puellæ dotem daturum, non obligari hæredem ad iuramenta præstanda: quia obligatio iuramenti propria cum auctore suo extinguitur. Sin verò defunctus promissionem homini factam, & acceptatam, aut votum Deo editum iuramento firmarit, tunc quia duplicem obligationem contraxit religionis, ac iustitiæ, extincta per mortem eius obligatione priorè, posterior ad hæredem transit; quippe qui omnia onera, seu obligationes reâles secundum vires hereditatis aditæ in se suscipit. qua de re Suarez lib. 2. cap. 25. num. 8. & 9. & cap. 31. num. 13. Gutierrez in cit. auth. num. 15.

Veruntamen probabiliter dicitur, cum Abb. in c. cum contingat, num. 8. de iureiur. Gutierrez num. 16. Si iuramentum per se stans in alicuius gratiam editum fuerit sine turpitudine recipientis; hæredem iurantis conueniri posse, non quidem actione directâ contra eum instituta; sed implorando Ecclesiastici Iudicis officium, vt compellat hæredem reali iuramento satisfacere, ad exonerandam defuncti conscientiam, arg. c. à nobis, in fine, de sentent. excom. vbi id docet Gl. ver. hæredes, & Abbas l. c. ait: *Licet iuramentum non transcat ad hæredes, seruare tamen tenentur, ne ledant animam defuncti.* Neque aliud docuisse videtur Mol. cit. disp. 150. §. Et verò hoc discrimen.

Dico III. Obligatio iuramenti propriè promissorii transit ad hæredes, aut successores eius, cui iuratum est. Ita docent DD. in c. veritatis. vbi Abbas num. 3. de iureiur. Angelus ver. Iuramentum, §. num. 40. Syl. ver. eod. 4. quæst. 3. Couarr. c. quamuis pactum, p. 1. §. 7. num. 7. aliique communiter. Idque probatur partim ex l. si pactum, ff. de probationibus, in qua habetur, pactum siue promissionem tibi factam, ad hæredem quoque extendi, licet expressum non fuerit: quia plerumque tam hæredibus nostris, quàm nobismetipsis cauemus iuramentum autem suscipit naturam, & condiciones promissionis, cui apponitur: partim verò ex cit. c. veritatis, in quo habetur; Vasallum, qui iurauit Prælato fidelitatem, aut obedientiam, eandem etiam sine nouo iuramento debere successoribus; quamuis eorum expressa mentio facta non fuerit, sicuti contra Gl. ibid. docet Abbas num. 2. Sed intelligi id debet, si iuramentum præstitum est Prælato, vt Prælatus est, siue ratione officii ac dignitatis suæ; v. g. promitto, & iuro obedientiam Regi, Episcopo. Quanquam id non tam ex verbis, quibus persona ipsa, vel dignitas seu officium eius nominatum est; sed potius ex materia subiecta cognoscendum: num videlicet promissum sit aliquid, quod ad publicum officium; an verò quod ad priuatam personam pertinet, sicuti docet Sanchez lib. 8. de matrim. disp. 27. num. 3. & 3. moral. cap. 13. num. 8. Interdum tamen nihil obstante, quodd iuramentum alicui præstitum ratione dignitatis, eo mortuo, vel deposito, ad eiusdem successores pertinere possit; præcipitur renouatio iuramenti ob maiorem solemnitatem, ac securitatem, sicuti notatur in c. longinquitate, 12. quæst. 2.

Atque ex his intelligitur commune dictum Doctorum: Iuramentum ex parte iurantis personale est; sed respectu eius cui iuratur, reale, id est, transitorium cum re, puta dignitate, hereditate, sicuti explicat Abb. cit. cap. veritatis, num. 3. Couar. in cit. p. 1. §. 5. num. 7.

CAP. XI.

DE PROMISSORII IURAMENTI
irritatione, dispensatione, relaxatione,
commutatione.

SUMMARIUM.

- 1 Sicuti vota, ita & iuramenta, per dominatiuam potestatem irrita reddi possunt.
- 2 Iuramentum etiam homini præstitum, irritari potest, si versetur circa materiam alterius dispositioni subiectam; aut circa promissionem, quæ dominatiuæ potestati patris, tutoris, Prælati, mariti &c. subdita est.
- 3 Summus Pontifex arbitratus suo irritare potest omnia iuramenta à Clericis edita circa beneficia Ecclesiastica: cum in ijs plenissimam potestatem habeat.
- 4 Quicumque habet potestatem dispensandi, aut commutandi vota, potest tali facultate uti, tametsi vota iurata sint.
- 5 Vota, & iuramenta pia æquiparantur. Quare sicuti vota, ita & iuramenta quinque Sum. Pontifici reseruata censeri debent. Iuramenta continentia perpetua, Religionis, alteriusue materia reseruata, si penalia, aut conditionata sint: perinde vt vota eiusdem conditionis, ab Episcopo relaxari possunt.
- 6 Iuramentum promissorium erga hominem ordinariè relaxari non potest, absque consensu eius, cui præstitum est.
- 7 Iuramentum in hominis utilitatem principaliter editum, si non est propriè confirmatorium promissionis, si per se stans, episcopali, vel quasi episcopali auctoritate relaxari potest.
- 8 Præiudicia dispensandi, aut commutandi vota, & iuramenta dari solent sine præiudicio terrij. quod intelligitur, postquam illi per acceptationem ius acquisitum est.
- 9 Qui habent privilegium dispensandi, vel commutandi vota, possunt etiam commutare iuramenta pia, quæ sine promissione in Dei honorem principaliter concepta sunt: non autem possunt, ut eius privilegij, relaxare iuramenta directè in hominis utilitatem edita, quamuis acceptata non fuerint.
- 10 Directa relaxatio iuramentorum, quæ fit per modum absolutionis, aut dispensationis, ad Ecclesiasticos tantum Prælatos pertinet; indirecta verò etiam laica potestati competere potest.
- 11 Causa iuramenti per se spiritualis est: si tamen super contractu inter laicos interpositum est, ad eius observationem eum Ecclesiasticus, tum laicus Iudex compellere potest.

IR & A iuramenti irritationem (vri vocant) sciendum est; Quodd personæ, quæ alterius potestati subiectæ sunt, vota, & iuramenta edere non possunt, nisi cum dependentia à voluntate eorum, quibus subsumt; ita vt ea irrita reddere possint, quatenus ipsis præiudicant. Est autem duplex talis dependentia, Vna per se, si ipsamet hominis voluntas alienæ potestati subiecta sit, vt accidit in Religioso, & impubere. Altera per accidens, siue ratione materiæ, circa quam votum, seu iuramentum versatur: vt si vxor voueat, vel iuret, se peregrinaturam cum præiudicio mariti sui; Clericus cum præiudicio Episcopi sui. Vide quæ latius dicam tract. seq. cap. 7.

Nunc dico I. Sicuti vota, ita & iuramenta per dominatiuam potestatem irrita reddi possunt, non solum per accidens, seu ratione materiæ promissæ aut iuratæ, quæ alterius potestati subiecta sit: sed etiam per se & simpliciter dicta irritatione, si voluntas vouentis, aut iurantis, & consequenter obligatio, quam sibi vterque, ille per fidem Deo datam, iste per diuini testimonij inuocationem imponunt, alterius potestati subiecta sit: sicut in Religioso, & impubere accidit. Ita colligitur ex c. 30. Numer. & docet expressè S. Th. 2.2. q. 89. a. 9. ad 3. & sequitur S. Anton. p. 2. tit. 10. c. 6. §. 2. Syl. ver. iuramentum, §. q. 7. Tolet lib. 4. cap. 23. Sorus lib. 8. q. 1. a. 9. Sa ver. iuramentum, num. 31. Sanchez lib. 3. moral. c. 9. n. 1. contra Valent. to. 3. disp. 6. q. 7. p. 4. §. Quartum.

Dico II. Iuramentum promissorium soli Deo præstitum de opere aliquo meliøre. per dominatiuam po-

testatem patris, Prælati, domini, mariti &c. similiter irritari potest, sicuti de voto dicturus sum, tract. seq. c. 7. Sumitur ex c. 30. Numer. & docent DD. citati, & alii communiter apud Sanchez lib. 3. c. 19. n. 2. Probatur: Iuramentum promissorium Deo factum aliud non est, quàm votum iuratum. Iuramentum autem accedens promissioni seu voto, assumit naturam & condiciones eius, c. quemadmodum de iureiur. Ergo perinde ac votum tacita ea conditione fit, salvo iure Superioris, irritandi potestate præditi.

Dico III. Iuramentum etiam homini præstitum, irritum reddi potest, si versetur circa materiam, quæ liberæ alterius dispositioni subiecta est, aut si versetur circa promissionem, vel contractum, qui dominativa potestate Prælati, patris, domini, tutoris infirmari potest. Ita colligitur ex S. Th. cit. a. 9. ad 3. Prior pars sumitur ex c. venientes, de iureiurando, ubi dicitur, Quod in iuramento intelligitur ius Superioris exceptum: ut proinde iuramenta in cuiuscunque gratiam edita, per auctoritatem Papæ, Episcopi alteriusve potestatis, etiam laicæ, irritari queant, si sint circa materiam eius dispositioni subiectam: sicuti notat Abb. in cit. c. venientes, n. 2. & in c. constitutus, n. 8. de rescript. Quamobrem Sum. Pontifex suo arbitratu irrita reddere potest omnia iuramenta edita circa beneficia Ecclesiastica distribuenda, augenda, minuenda, quippe in quibus plenissimam potestatem noscitur habere, cap. 2. de præbend. in 6. Item iuramentum non accipiendi Doctoratum, nisi in Academia, ubi licentia data fuit, teste Caiet. cit. q. 89. a. 9. ad 3. Sanch. lib. 3. c. 20. n. 1. Episcopus quoque ea Clericorum iuramenta, quæ versantur circa res suæ dispositioni subiectas, liberè rescindere potest: v. g. si Clericus iuravit, se vestes sacræ commodaturum, aut loco non discessurum, donec debita soluerit: non enim ob id derogatur iuri Episcopi, quominus ob iustam causam eum ad se revocare possit: Excepto, si debita in aliquo loco, cum Episcopi consensu expresso, aut præsumpto contraxit; puta si eum ad Academiam studiorum causa miserat, sicuti docet Abb. in cit. c. venientes, num. 3.

Similiter etiam civilis potestas irritare interdum potest iuramenta suorum subditorum: ut, si non obstante alicuius iuramento, cogat eum ad acceptandum magistratum, iuxta l. ult. ff. de Municipal. vel actionem iuramento promissam; puta longam peregrinationem, immodicam donationem ob iustam causam prohibeat: quia de te dicam infra hoc cap. n. 9.

Altera pars assertionis, Quod Prælati, pater, tutor, dominus; maritus, iuramenta promissoria erga hominem irritare possit, quotiescunque ipsam promissionem seu contractum confirmare eisdem concessum est, traditur à Soto cit. lib. 8. q. 1. a. 9. Suarez lib. 2. c. 38. n. 9. Sanchez lib. 3. cap. 20. n. 3. Ratio est: Quia, ut supra dixi, iuramentum recipit naturam & condiciones actus, qui apponitur. Quapropter ordinis prelati omnes promissiones iuratas suorum Regularium, sine consensu suo factas irritare potest, sicuti docet Sanchez cit. n. 3. Itemque pater, ac tutor omnia pacta iurata impuberis: cum ob ætatis imbecillitatem, etiam eius voluntas & obligationes alienæ potestati subiectæ sint. Quamobrem in Auth. Friderici Imperatoris dicitur, sacramenta puberum inviolabiliter custodienda esse. quo indicatur, aliam esse rationem impuberum. Idque ex probabiliori docet Couar. c. quamvis, p. 3. §. 1. n. 5. Gomez. resol. cap. 14. n. 18. Suarez lib. 2. cap. 38. n. 12. Less. lib. 2. cap. 42. n. 61. contra Sanchez lib. 6. de matrim. disp. 38. n. 17. Dominus verò promissiones iuratas servi; & maritus uxoris eatenus tantum infirmandi ius habent quatenus in ipsorum præiudicium cedunt.

Circa dispensationem, & relaxationem iuramento-

rum, sciendum est; has voces ferme ita usurpari, ut dispensatio fieri dicatur in iuramentis, quæ Deo, seu principaliter in honorem Dei concepta sunt: relaxatio vero sit iuramentorum, quæ homini, siue directè in hominis, vel Communitatis utilitatem edita sunt. Quo posito dico I. Quicumque habet potestatem ordinariam, vel delegatam dispensandi in votis, potest in iisdem dispensare; etiam si iurata sint; imò etiam in iuramentis absolute factis, nullamque promissionem continentibus; modò non versentur circa materiam Papæ reservatam, & eadem ratio est de commutatione.

Hæc assertio tres in se partes complectitur; quarum prima difficultatem non habet, quod attinet ad ordinariam dispensandi potestatem, quæ competit Episcopis, vel similem iurisdictionem obtinentibus. De habentibus verò delegatam potestatem, seu privilegium dispensandi in omnibus votis, quòd possint etiam in iuratis dispensare, probabiliter docent Sanchez lib. 3. de matrim. disp. 2. n. 21. Suarez lib. 6. de voto, cap. 14. n. 14. contra Henric. lib. 7. de Indul. cap. 30. num. 5. Azor lib. 11. cap. 10. quæst. 2. & c. 19. quæst. 19. Rodriq. to. 1. regul. qq. q. 63. a. 5. Sa ver. votum, ubi de dispens. & irritat. n. 16. Probatur. Nam votum, sicuti & quævis alia promissio, licet iurata sit, tetinet tamen naturam suam: quare, nihil obstante iuramento, remittere eam potest vel ipse, cui promissio facta est; vel alius nomine eius, tali potestate præditus: hoc ipsum autem in dispensatione accidit, in qua Prælati Ecclesiæ, vel qui ab eodem potestatem habet, vice Dei, ob iustam causam, voti obligationem remittit, vel in aliud commutat. Tali autem promissoria obligationis remissione facta corrumpitur etiam obligatio iuramenti; quippe quod est accessorium; & confirmatorium promissionis: iurat enim aliquis se fident promissionis Deo servaturum; consequenter, si fide, siue obligatione promissionis legitime liberetur, non obligatur deinde accessorio iuramento. Nihilominus ob maiorem securitatem, ac certitudinem, Privilegium à Paulo III. Societati nostræ concessum est commutandi omnia vota, summo Pontifici non reservata; quod Greg. XIII. extendit ad vota etiam iurata, uti videre est in Compend. privileg. ver. commutatio §. 1.

Altera etiam pars assertionis nullam difficultatem habet quòd attinet ad Ecclesiæ Prælatos, qui uti in votis, ita & in iuramentis piis ordinariam dispensandi potestatem habent. Quod vero attinet ad delegatam potestatem, valde probabilis est sententia Caiet. 2. 2. q. 89. a. 9. Henric. l. c. Viualdi p. 3. Candelab. c. 14. n. 8. Rodriq. to. 1. sum. cap. 102. concl. 10. Sanchez cit. disp. 2. num. 18. Suarez cit. cap. 14. n. 6. contra Nau. cap. 27. num. 275. Sa ver. iuramentum, num. 32. Azor lib. 11. c. 10. q. 2. Quibuscunque privilegium datum est dispensandi vel commutandi vota, censeri etiam datū privilegium dispensandi, & commutandi iuramenta pia, absolute edita. Ratio est: Quia votum & iuramentum piū in iure & apud Doctores æquiparantur; eò quòd ambo ferme similem erga solum Deum ex religionis virtute obligationem contineant, ideoque dispositum de vno censeri etiam debeat dispositum de altero, iuxta regulam Gl. c. si postquam, ver. provisione, de elect. in 6. Abb. cap. 2. de mutuis petit. n. 10. Confirmatur. Nam ob hanc causam mox dicam, communioem, & in praxi magis receptam esse sententiam; Quod Papalis reservatio votorum extendatur etiam ad reservationem piorum iuramentorum circa easdem materias: Ergo multò magis privilegium, siue delegata potestas dispensandi in votis aut illa commutandi, extendenda etiam est ad iuramenta pia: siquidem hæc extensio favorabilis; illa odiosa existit.

Tertia igitur pars assertionis, quòd non tantum quinque vota, de quibus dicam tract. seq. cap. 8. num. 5.

sed pari ratione etiam iuramenta pia, quæ circa easdem materias versantur, per generalem consuetudinem Sum. Pontifici reservata sunt; idcirco que in generali concessione seu privilegio dispensandi, aut commutandi iuramenta, nisi specialiter exprimantur, comprehensa non censeantur, est communior Doctorum sententia. Caiet. 2. 1. quæst. 89. a. 9. ibid. Arragon. assert. 4. Tolet lib. 4. cap. 23. Valent. to. 3. disp. 6. quæst. 7. p. 4. 5. notandum est, Azor to. 1. lib. 11. cap. 10. quæst. 3. contra T. bienam, ver. iurare, num. 32. Nau. lib. 2. consil. 1. de iureiur. edit. 2. qui eandem probabilem censet, & sequitur Sanchez lib. 8. de matrim. disp. 13. & lib. 3. moral. cap. 19. num. 7. & alii apud eundem, existimantes nullum iuramentum absolute editum Papæ reservatum esse: Quia à diverso, inquit, ad diversum non fit bona illatio; præsertim à maiore ad minus, & in materia odiosa, qualis est reservatio Papalis. Atqui voti & iuramenti vincula siue obligationes, & consequenter earundem reservationes diverse rationis sunt; imò maior, & gravior est obligatio voti, quam iuramenti promissorii, ut plerique docent cum S. Th. 2. 2. quæst. 89. a. 8. consequenter maior est ratio, cur vota quadam Papæ sibi reservet, quam iuramenta. Ergo ex Papali quorundam votorum reservatione non rectè inferitur reservatio iuramentorum, circa easdem materias.

Hæc sententia, cuiusque fundamentum subsistere posset nisi Ecclesiæ consuetudo, & æquiparatio illa iuris, de qua supra dictum, ob stare videretur. Sed etsi ponamus, probabilem esse sententiam, si loquamur de ordinaria Episcoporum potestate; ea tamen locum habere non potest in potestate delegata per Bullam Iubilæ, vel Religiosorum privilegia, quippe in quibus per se tantum conferri solet facultas commutandi vota, exceptis reservatis; licet ea postea vel expressè, vel interpretati- uè extendi soleat ad iuramenta; sed cum eadem limitatione, id est, ut extensio maneat inter eosdem limites materię non reservatæ, sicuti notavit Sanchez lib. 5. de matrim. disp. 16. num. 17. & lib. 4. moral. cap. 54. n. 21. Qui tamen hinc excipit iuramenta Religionis, vel alterius materię reservatæ, si pœnalia, vel conditionata sint; quæ perinde, ac vota eiusmodi conditionis, reservata non esse, contendit. Idque mihi placet; & exemplum habes, si vir, absque intentione promittendi, ex magno erga mulierem affectu iuret, se Religionem ingressurum, si nuptiæ successum non habuerint; in hoc casu tum Episcopi auctoritate, tum etiam per Bullam Iubilæ, aut privilegii dispensari posse videtur: propterea quod tale iuramentum non tam ex affectu erga Religionem, & Dei cultum; quam ex affectu erga mulierem conceptum, valde imperfectum voluntarium contineat. Vide, quæ dicam tract. seq. c. 8. vbi de voto pœnali, & conditionato.

Dico II. Iuramentum confirmatorium promissionis erga hominem ordinariè relaxari non potest, sine consensu eius, cui præstitum est. Ita DD. communiter, cum S. Th. cit. quæst. 89. a. 9. ad 3. Ratio est, quam dat Anton. Cornens de absolut. forensi, p. 2. q. 2. ad finem: Quia tali iuramento ius homini acquisitum est: quo proinde, sicuti & aliis bonis, privari non potest. Vbi discrimen advertere licet inter votum iuratum, & promissionem iuramam erga hominem: Nam promissio voti Deo fit, qui obligationem remittere censetur, si Ecclesiæ Prælati iudicet ita expedire ad Salutem votantis, Deique honorem: tunc verò consequenter solvitur etiam obligatio iuramenti. In iuramento autem promissorio, quod homini fit, ipse homo est creditor, cuius proinde in hac re commodum, atque voluntas spectari debet, eoque invito obligatio remitti non potest, per se & ordinariè.

Excipiendi autem sunt aliqui casus: I. si commune

bonum Ecclesiæ, cui prius iuramentum commodum posthaberi debet, iuramenti relaxationem exigit. Quod maxime pertinere videtur ad supremum Prælatum, Papam, teste S. Th. 1. c. quippe qui curam totius Ecclesiæ gerit. Nota autem, quod dicitur *maximè*, quia secundum proportionem, & qualitatem causæ, interdum etiam ad Episcopum pertinet, relaxare iuramentum, v. g. non denuntiandi, non accusandi, si bonum commune diocesis suæ aliud postulet, uti notavit Syl. ver. iuramentum, 5. q. 3. Suarez lib. 2. de iuram. cap. 41. num. 5. & indicat Sanchez lib. 3. c. 21. n. 25. cum ait, Episcopum posse relaxare iuramentum, si sit perniciosum exemplo.

II. In pœnam criminis ab eo commissi, cui iuratum est. Sicuti enim criminosus à Iudice suo pecunia multari potest; ita & iure suo, quod ex promissorio iuramento acquisivit, spoliari. Qua ratione in c. nos sanctorum, & c. iuratos, 15. quæst. 6. absoluuntur ij, qui excommunicatis sacramento fidelitatis obstricti sunt, ne eam observare teneantur, donec illi ad satisfactionem veniant.

III. Ratione gravis iniuriæ, quam iurans passus est; puta, quia iniusto metu, seu à promissario, seu ab altera persona ad iurandum adactus est: vel quia dolus, aut enormis læsio in contractum incidit, v. g. emptor ultra dimidium pretii iusti læsus est; tunc petita, & impetrata ab Episcopo iuramenti relaxatione, agi potest ad contractus rescissionem, vel iusti pretii supplementum. Ita sumitur ex c. Abbas, iun. Gl. ver. coactus, de iis quæ vi, & c. verum de iureiur. & docet Couar. c. quamvis, p. 3. §. 4. Sanchez lib. 3. moral. c. 21. n. 6. Suarez lib. 2. de iuram. cap. 41. num. 6. & 18. Adde, quod in his casibus hæres iniuriam passi non indiget relaxatione iuramenti, quippe quod iurantis personam non egreditur; sed recta via agere potest contra recipientem vel actione iniuriarum, vel ad contractus rescissionem, aut pretii supplementum. Qua de re Gaill. lib. 1. observat. 27.

IV. Secundum doctrinam S. Th. cit. a. 9. ad tertium, communiter receptam; *Quandoque aliquid iuramento promittitur, de quo dubium est; verum scilicet, an illicitum, proficuum, vel noxium. in illo potest quilibet Episcopus dispensare.*

Dico III. Iuramentum in hominis utilitatem principaliter editum, sed per se stans, & non confirmatorium promissionis, ab Episcopo, aliisque Prælati simili iurisdictionem habentibus, ordinario iure relaxari potest. Quæ est communis doctrina. Cum enim huiusmodi iuramenti nullum ius acquiratur ei, in cuius gratiam eduntur, ideo sine cuiusquam iniuria, ob causam ad Dei honorem cedentem, à Prælati relaxari possunt. Porro cum talia iuramenta duplicis generis sint; alia, quæ nullam promissionem acceptatam continent, sed absolute edita sunt: alia, quæ promissionem continent ipso iure irritam, v. g. usurario usuris solvendi. De his posterioribus nullum dubium est, eorum relaxationem ad Episcopum pertinere, sicuti docent DD. in cap. 1. & c. debitores, de iureiur. Couarru. 1. var. resolutio cap. 4. num. 5. Suarez cit. cap. 41. num. 12. Sanchez lib. 1. de matrim. disp. 32. num. 15. Circa iuramenta verò prioris generis est aliqua difficultas, quæ simili ratione moveri potest de votis in alicuius gratiam conceptis. Nam ex eiusmodi votis, & iuramentis, quamvis non acceptatis, ille, in cuius gratiam edita sunt, acquirit ius quoddam, saltem Iudicis officium implorandi, quo iurans, vel vouens compellatur ad executionem, arg. l. 2. ff. de pollicitat. & docet Gl. communiter recepta in c. scimus, 12. quæst. 1. Innoc. & Abb. in c. ex parte, de censibus. Ex quo sequi videtur iniuriam inferri, si sine consensu eius, in cuius utilitatem votum, vel iuramentum editum est, relaxatio fiat, sicuti existimat S. Anton.

p. 2. tit. II. cap. 1. §. 3. Rosella ver. votum, §. num. 6. Sarmientus tract. de relict. Ecclesiast. p. 4. n. 4.

Verum contraria sententia est communior Caiet. in opus. to. tract. II. quæst. 3. Nauar. in Apolog. de relict. Ecclesiast. quæst. 1. monito 60. Syl. ver. votum, 4. quæst. 7. dicto 4. Sa ver. votum, vbi de dispens. & irritat. num. 14. Sanchez lib. 1. de matrim. disp. 6. num. 16. & lib. 4. moral. cap. 41. num. 6. Suarez to. 2. de relig. lib. 2. de iuram. cap. 41. num. 3. & lib. 5. de voto, cap. 15. num. 5. Iuramenta, & vota in hominis, aut Ecclesiæ utilitatem edita, nisi acceptentur, minimè producere aliquam iustitiæ obligationem; consequenter neque conferre alteri parti propriè dictum ius, siue actionem. Interim fatemur, quod Iudex Ecclesiasticus ad obseruationem eiusmodi voti, vel iuramenti hominem compellere debeat; nisi vel ipsemet, vel alius similis, quamuis delegata tantum potestate prædictus; ob iustam causam relaxandum, vel commutandum esse iudicabit.

Dico IV. Quod attinet ad potestatem delegatam consideranda sunt verba commissionis vel priuilegii. Plerumque verò additur, vel etsi non addatur, tamen intelligitur, vt voti, vel iuramenti relaxatio, aut commutatio sine præiudicio tertii fiat. Porro in priuilegiis Societatis nostræ nihil concessum reperitur de relaxatione iuramentorum; sed solum de commutatione votorum, quamuis iurata sint; attamen sine præiudicio tertii, quod tunc propriè censetur, si votum præstandi aliquid certæ personæ, aut Ecclesiæ, ab eadem acceptatum sit. Sin verò votum, vel iuramentum pium acceptatum non fuerit; potest quidem, absolute loquendo, à priuilegiato commutari ob causam iustam, v. g. vt indigentiori conferatur; cauendum tamen est, si votum, vel iuramentum aliis innotuerit, ne ex commutatione scandalum, & animorum offensio oriatur; vel officio Ordinarii præiudicetur.

Insuper hic notanda est valde probabilis sententia 8 Henrici lib. 7. cap. 30. num. 5. Sanchez lib. 8. disp. 2. num. 18. Conink to. 2. disp. 33. dub. 2. num. 27. quod dictum priuilegium commutandi vota sine præiudicio personæ tertie, extenditur etiam ad iuramenta pia, id est, quæ sine promissione & voto principaliter in Dei honorem edita sunt; quamuis materia circa quam, interdum sit certa persona, vel causa pia: v. g. si iures, te in tali ecclesia altare edificaturum. Ratio est, quia vota & huiusmodi iuramenta maximam inter se similitudinem gerunt, difficile inter se discernuntur, & in iure omnino æquiparantur, vt latius explicat Suar. lib. 6. de voto, ca. 14. nu. 11. vbi hoc ipsum tum auctoritatibus, tum rationibus confirmat; quantum prima est: Quia sicuti vota, ita & iuramenta pia fiunt Deo, id est, principaliter ob cultum & honorem Dei. II. Quia per suspensionem Religionis tam vota, quam iuramenta pia pariter extinguuntur. III. Quia sub reservatione quinque votorum censentur etiam comprehendere pia iuramenta, vt supra dictum. IV. Si consideretur finis, ob quem facultates commutandi vota per priuilegia, Bullas, Indultum &c. à Papa concedi solent; idem etiam omnino in iuramentis piis locum habet. Quamquam, vt supra monui, in eiusmodi commutationibus cauendum est scandalum, aut quale quale præiudicium partis, in cuius commodum saltem secundariò & indirectè votum, vel iuramentum pium cessurum esse innotuit, aut innotescet.

Veruntamen dictæ facultates, & priuilegia nullo modo extendenda sunt ad commutationem, vel relaxationem iuramentorum directè in hominis utilitatem cedentium; licet per ea nullum ius efficax parti acquisitum sit seu ob defectum acceptationis, seu ob interuentum iniuriæ. Quia talia iuramenta nullam cum votis similitudinem, vel iuris æquiparationem obtinent quod do-

cet Sanchez lib. 1. de matrim. disp. 37. num. 17. Nau. cap. 27. num. 275. Sa ver. iuramentum, num. 31. Azor cit. cap. 10. quæst. 2. contra Rodriq. t. 1. sum. cap. 131. num. 4. & cap. 244. num. 4. Quamobrem etiam præced. c. dixi eiusmodi iuramenta homini edita, licet nullum ius & actionem ex iustitia tribuant, non posse tamen propria iurantis auctoritate in melius opus commutari, sicuti possunt vota, & iuramenta pia, quæ votis æquiparantur, licet cum ordine ad certam personam, Ecclesiam, Monasterium &c. edita, sed non acceptata sint, sicuti colligitur ex c. peruenit, 2. de iureiur. & de votis docet Sanchez lib. 4. moral. cap. 41. num. 8. Less. lib. 2. cap. 40. dub. 11. num. 90. Suarez lib. 6. de voto, cap. 18. num. 11. contra Syl. ver. votum, 4. quæst. 7. dicto 4. Henrici lib. 7. de indulg. cap. 30. num. 5. Ratio verò discriminis est: Quia omnis promissio, & iuramentum relaxari, vel commutari potest cum consensu eius, cui factum est: cum ergo Deo factum est iuramentum, vel voti promissio, is contentus esse censetur, vt in opus melius, & consequenter ipsi gratius commutetur. Non item si homini facta sit promissio, vel iuramentum contentus ille esse censetur, vt in aliud opus absolute quidem melius, sed non ipsi commodius, & acceptius commutetur. Quare qui promissit, vel iurauit, se Caiam ducturum, iuramento suo obstringitur, quominus propositum cælibatus amplecti possit, sicuti ex communi docet Sanchez lib. 1. de matrim. disp. 46. num. 4. Mol. §. 1. tr. 2. disp. 149. §. hinc oritur.

RESTAT QVÆSTIO. Vtrum ciuilis etiam potestas iuramenta ob iustam causam, v. g. quia metu, vel per aliam iniuriam extorta sunt, relaxare queat? Negant multi, inter quos Couar. c. quamuis, p. 1. §. 3. num. 22. Rodriq. tom. 1. sum. c. 192. num. 9. Affirmant verò Mol. cit. disp. 149. Mynsinger cent. 3. obseruat. 99. Andr. Gaill. lib. 1. obseruat. 25. Sed rectius ita distinguunt, & Doctores conciliant Suarez lib. 2. de iuram. cap. 41. num. 16. Sanchez lib. 3. cap. 22. num. 13. Gutierrez in Auth. sacramenta puberum, num. 46. Directa relaxatio vinculi iuramenti, quæ fit per modum dispensationis, vel absolutionis, ad Ecclesiasticos tantum Prælatos pertinet: cum sit quædam remissio ex parte Dei facta per eius Ministrum, cuiusmodi potestas omnino Ecclesiastica, & spiritualis est: Indirecta autem iuramenti relaxatio, quæ fit ratione materiæ, vel supplendo vicem eius cui iuratum est, & qui remittere debebat, haud dubiè ad ciuilem potestatem pertinere potest: dummodo materia temporalis sit, & persona cui remittitur, subdita.

Ad hunc modum indirectè relaxandi, vel rescindendi iuramenta, pertinet I. Si laica, v. g. Imperatoria potestas, aliquem ob officio, vel dignitate submoueat, ratione cuius subditi iuramento eidem obstricti erant. II. Si laica potestas ob iustam, eamque publicam causam, aliquid præcipiat, vel prohibeat, cui non obstante contrario iuramento suo, subditus obtemperare debet, v. g. vt ciuitatis gubernationem accipiat, l. ult. ff. Ad Municip. ciuitate non egrediatur, ad talem locum non accedat. III. Si is, cui iuramentum est, propter vim, fraudem, vel aliam causam, pertinentem ad Reipublicæ bonum, cogi potest ad relaxandam obligationem iuramenti; tunc, illo etiam inuito, eius Superior, siue legitimus Iudex talem remissionem siue relaxationem facere poterit: quia factum Iudicia in tali casu reputatur factum partis, vt docent Doctores in l. si ob causam, Cod. De euiction. Opus tamen huius partis citatione: nam ea substantialiter requiritur, si actus iudicialis cedat in graue præiudicium partis, l. de vnoquoque, ff. de re iudic. l. nam ita, ff. de adoption. & docet Couar. t. resol. c. 4. num. 5. Sanchez lib. 3. c. 21. n. 28. Gaill. lib. 1. obseruat. 109.

Porro ex his iudicium fieri potest de sententia Molinæ cit. disp. 149. Sanchez cit. cap. 22. num. 10. contra Couarr. 2. §. 1. num. 18. Gutierrez l. c. n. 152. Quod potestas civilis si Reipublicæ bonum ita postulet, adeo aliquam promissionem, vel contractum prohibere possit, ut etsi iuramentum subditi sui accedat, nulla omnino ex eo obligatio oriatur. Quod probant I. Quia potestas civilis debet esse sufficiens ad prohibendum, & remouendum ea, quæ fini suo & bono Communitatis noxia existunt. cuiusmodi etiam sunt quorundam patrum obligationes. Alioquin enim deluderetur publica potestas, & iustitia, si perfidi homines, quod vna via sine obligatione pacti consequi non possunt, alia via sine obligatione iuramenti consequerentur. II. Si civilis potestas iuramenti iam contractam obligationem indirec- tæ relaxare, vel remittere interdum potest, uti suprà dictum; cur non etiam prohibere seu impedire, quominus contrahatur?

Enimvero hæc sententia intelligi non debet de directæ prohibitionis obligationis iuramenti, quippe cum ea spiritualis, laicæ potestati subiecta non sit; sed solum de prohibitionis indirectæ, quæ duobus casibus locum habere videtur; quorum vnus extra controuersiam est: Si laica potestas, iuxta lege lata, executionem siue solutionem rei taliter promissæ prohibeat, illicitamque reddat, ad improborum hominum fraudes & iniurias arcendas, tunc enim eiusmodi iuramentum erit de obiecto illicito; ideoque non obligatorio. Quæ ratione arbitror prodigum, cui bonorum administratio à Magistratu interdicta est, iuramento se obligare non posse ad alienandum, soluendum, sicuti, ex probabilioris docet Couarr. c. quamuis pactum, p. 2. §. 3. n. 11. arg. 1. si quis cum sciret, ff. pro emptore.

Alter verò casus probabiliter defendi potest: Quotiescunque secularis potestas recipientem, seu exigentem, iuramentum, ratione fraudis, violentiæ, vel ob aliam causam iustam compellere potest ad eius relaxationem, etiam lege publica lata impedire poterit, quominus obligatio iuramenti erga eiusmodi homines, saltem efficaciter, aut sine exceptionis, vel actionis remedio, contrahatur. Quæ utraque ratione civilis potestas prohibere posse videtur atque impedire, ne ex contractu tutoris cum pupillo, etiam accedente iuramento, obligatio, vel solutio sequatur.

Ad extremum obseruandum est, quod obligatio iuramenti, perinde ac voti, spiritualis sit; quia vtraque per se, & immediatè ad Deum tendit. Quare si iuramenta, & vota soli Deo, siue intuitu tantum pietatis fiant, ad eorum obseruationem solus Iudex Ecclesiasticus compellere, vel in iisdem ob iustam causam dispensare potest, sicuti ex communi docet Abb. in c. licet. n. 3. de voto. Sanchez lib. 3. moral. c. 13. num. 16. Præterea, quotiescunque de viribus seu valore iuramenti agitur, siue in dubium probabile vertitur, vtrum licitum sit, necne, obligatorium, necne; huius rei cognitio ad solum Ecclesiasticum Iudicem spectat, uti habetur expressè in c. venerabilem §. vtrum verò, de elect. & notatibi Abb. num. 13. Sanchez lib. de matrim. disp. 32. num. 18. Andr. Gaill. lib. 1. obseruat. 25. num. 1.

Cæterum si iuramentum interponatur super contractu, vel alio negotio ad seculare forum pertinente; tunc ratione huius, Iudex laicus compellere potest subditos suos ad iuramenti obseruationem, si de obligatione constet: Item ad eiusdem relaxationem vel simpliciter, vel saltem ad effectum agendi, quatenus id ad terminationem litis, & publicæ iustitiæ conseruationem necessarium est. Quæ ratione testatur Andr. Gaill. cit. obseruat. 23. Cameræ Imperialis consuetudinem esse, ut ipsamet relaxationem iuramenti faciat, præcisè ad effectum agendi contra recipientem actione iniuriarum, dampni dati, &c.

Verum non solum Iudex laicus ad obseruationem iuramenti super contractu, vel simili negotio interpositi, laicos suos compellere potest; sed etiam Iudex Ecclesiasticus, sicuti habetur expressè in c. ult. de foro competent. in 6. vbi Doctores adnotant, quod iuramentum non mutat forum; sed addit forum foro. Sensus est, Si contractus v. g. iuramento confirmatus sit, potest quidem iurans ratione contractus politici, coram seculari Iudice conueniri, ut is totam licem perficiat: sed potest etiam conueniri coram Iudice Ecclesiastico, ratione interpositi iuramenti, cuius obligatio per se ad forum Ecclesiasticum spectat; quare in tali casu materia iuramenti mixti fori est. Similiter si iuramentum propter turpitudinem laici recipientis, v. g. vsurarii, ab eodem remittendum sit, ad id etiam Ecclesiasticus Iudex compellere potest, sicuti constat ex c. 1. iun. Gl. ver. iuramenta, de iureiur. ibid. Abb. num. 3. Couarr. 1. resol. cap. 4. num. 5. §. verum, Sanchez cit. disp. 32. num. 18.

CAP. XII.

QVÆ PERSONÆ IVRARE POSSINT.

SUMMARIUM.

1. Deus secundum quandam metaphoram in Scriptura sacra iurasse memoratur.
2. Omnis creatura intellectualis, ipsèque Christus, quæ homo, propriè iurare potest.
3. Iuramentum impuberis, item periuri, in iudicio non recipitur.
4. Sacerdotes non nisi gravi de causa in iudicio iurare coguntur.
5. Clerici in manu laici prestare non debent iuramentum coactiuum.

ASSERTIO I. Deus veracissimus, qui nec falli, nec fallere potest, non propriè, sed accommodatè ad nostrum intelligendi modum, iurasse in Scriptura sacra commemoratur. Nam iuramentum adhibetur in confirmationem alicuius dicti: dictum autem diuinum nullam confirmationem accipere potest, cum ex seipso omnimodè infallibilem certitudinem contineat.

ASSERTIO II. Omnis creatura intellectualis, adeoque etiam Angeli, ipsèque Christus, quæ homo est propriè iurare possunt; id est, dicta sua, per maioris, altioris, ac perfectioris diuinæ veritatis testimonium confirmare. Videri de his potest Sanchez lib. 1. de iuram. c. 14.

ASSERTIO III. Omnes homines, rationis vsu præditi, etiam pueri ante pubertatem, iuramenti capaces sunt. Est certa assertio, quæ habetur in c. 1. de delictis puerorum, vbi dicitur, pueros ante XIII. annum ætatis periuros esse posse.

ASSERTIO IV. Quarundam personarum iuramenta in iudicio non admittuntur, videlicet impuberum, c. pueri 22. quæst. 5. cuius rationem dat S. Th. 22. quæst. 89. 2. 10. in corp. Quia nondum tantam rationis discretionem obtinere censentur, ut eorum iuramentum cum partis litigantis præiudicio recipi debeat. Item periurus ad iurandum in iudicio non admittitur, iuxta cit. c. paruuli, & docet S. Th. loco cit. Quia quem semel peierasse constat, periculum, atque suspicio est iterum peieraturum. Intelligi autem id debet de iuramento testimonii ferendi, item purgationis vel probationis supplendæ, vel si quod aliud est ad honorem, vel fauorem iurantis spectans: at verò ab iis iuramentis, quæ potius onus continent, uti est iuramentum calumniæ, fidelitatis &c. non liberatur periurus, sicuti neque alii infames: ne ex propria iniquitate commodum ferant, sicuti notauit Sanchez lib. 3. de iuram. cap. 3. nu. 5. His addunt Syl. v. iurament. 2. quæst. 3. Azor lib. 11. cap. 11. q. 6. Quod periurus notorius in re graui, licet in iudicio non conuictus, aut damnatus, ad iurandum in iudicio admittendus

admittendus non sit, cum præiudicio alterius. vel si admittatur, contra eum merito excipi possit, propter periculum, & suspicionem peierandi: licet contrarium sentiat Sotus lib. 8. q. 1. 2. 10. Sanchez cit. n. 5.

Affertio V. Sacerdotes non leui de causa iurare in iudicio compellendi sunt, sed quandoque ob necessitatem, vel magnam vtilitatē, iurare possunt, videlicet ad purgationem sui, vel alterius innocentiam probandam, ne lædatur, vel rem suam perdat, item pro fide, pro obedientia, pro pace, pro indemnitate Ecclesiæ, pro absolutione à vinculo excommunicationis &c. sicuti cit. loco colligit Syl. ex c. significasti, de elect. c. de Syracusanæ, d. 28. c. ad reprimendam, de officio Ordinarii, &c. si quis. Rationem affert S. Th. q. 89. a. 10. Non indiget dictum hominis confirmatione, nisi quia de eo dubitatur, hoc autem derogat personæ, ut dubitetur de veritate eorum, quæ dicit, & ideo personis magnæ dignitatis non convenit iurare propter quod Sacerdotes ex leui causa iurare non debent. Specialiter autem cauetur in c. 1. de iuram. calumniæ, ne Clericus, sine licentia Superioris sui, iuramentum calumniæ per se ipsum in iudicio præstet.

Affertio VI. Clericus iurare non debet in manu laici exigentis iuramentum coactiuum, siue necessarium. Ita intelligendum est c. nullus, 22. quæst. 5. secundum Abb. in cit. cap. 1. num. 21. de iuramento calumniæ, Syluest. cit. quæst. 3. Alioquin non prohibentur Clerici, etiam Sacerdotes, postulante aliqua necessitate, præstare iuramentum coram laico; non tanquam superiore suo; siue non coactiuum, sed voluntarium, sicuti docent Doctores citati argum. c. ex rescripto; de iureiur. & c. peruenit, de fideius. quamobrem rectè ait idem Syl. ver. iuramentum, 3. q. 2. prope finem, & ver. mendacium in fine. Sanchez lib. 3. c. 6. n. 35. Laicos ob suspicionem peccatis, & ad defensionem provinciarum, vel ciuitatis suæ, posse etiam à Clericis & Religiosis exigere iuramentum: quia non est coactiuum simpliciter loquendo, sed tantum ex hypothesi, si ciuitatem ingredi velint. Quamuis magis decet, eos non corporali aliquo tactu, aut manu elevatione &c. iurare, instar Laicorum; sed interrogari tantum, & sponsonem, siue fidem eorum postulari per sanctam consecrationem. Ben ibren Seistlichen Mürden und Ehren, sicuti colligitur ex cit. c. si quis Presbyter. Vide; quæ dixi supra c. 2. num. 2.

CAP. XIII.

DE MENDACIO.

SUMMARIUM.

1. Mentiri est alteri enunciare contra id, quod in animo quis sentit, fallendi causa.
2. Non omnis qui falsum dicit mentitur: neque omnis qui mentitur, re ipsa falsum dicit.
3. Mendacium non tantum verbis, sed etiam aliis signis & actionibus animi interpretibus fieri potest.
4. Mendacium est triplex: Perniciosum, officiosum, & iotosum.
5. Amphibologia seu orationes ambigua mendacia non sunt.
6. Si signum per se, aut per circumstantias determinatè est ad unum, etiamque falsum sensum, non est locus auiuocationi; sed est verum mendacium.
7. Si restrictio mentis omnino aliena sit à loquentium consuetudine, & in externa locutione nec explicite, nec implicite significetur, à mendacio excusari non potest, si animo fallendi fiat.
8. Mendacium per se, & intrinsece malum, & nullo casu licitum est.
9. Olim non ita cognitum erat, omne mendacium peccatum esse.
10. Veritatem verbi auiuocatione, aut facti dissimulatione alterum celare, interdum licitum est, si iustam ob causam fiat.
11. Equiuoca locutio, aut dissimulatio veritatis, si iusta ratione non nitatur, licet mendacium non sit, tamen dolus malus censetur.
12. Calliditas in sermonis ambiguitate, societati humana valde noxia est.

13. Qui absque debita consideratione falsum dicit non ex proposito, peccat contra veritatis virtutem; licet propriè non mentitur.

ASSERTIO PRIMA. Mendacium (quod est sedes periurii, de quo cap. seq. agendum) aliud non est, quàm dictum contrarium: si nimirum aliquid affirmes, quod existimas non esse; vel neges, quod existimas esse, idque fallendi gratia, sicuti & S. August. cap. 22. Enchirid. relatus causa 22. quæst. 2. definit. Is mentitur, qui contra id, quod animo sentit loquitur, voluntate fallendi. Et in libro de mendacio ad Consentium, cap. 4. Nemo dubitat mentiri cum qui volens falsum enuntiat, causa fallendi: Quapropter enuntiationem falsam, cum voluntate ad fallendum prolatam, manifestum est, esse mendacium.

Circa hanc mendacii definitionem notandum est primò; Quod duplex est falsitas; vna materialis, cum res aliter se habet, quam homo enuntiat. quod si per accidens eueniat, seu præter intentionem loquentis, quia credit verum esse, quod loquitur; tunc non est obiectum propriè mendacii, ac periurii. Alia verò est falsitas formalis per se, & secundum intentionem loquentis; quia credit falsum esse, quod loquitur. atque hæc est propriè obiectum mendacii, ac periurii. Neque refert, etsi id re ipsa verum sit; quia in moralibus, siue voluntariis actionibus, quæ speciem suam accipiunt ab obiecto, non prout est à parte rei, sed prout est apprehensum & voluntati ab intellectu propositum, magis spectandum est id, quod est per se, & secundum intentionem, quam quod est per accidens, & præter intentionem. Quæ est doctrina S. August. serm. 28. de ver. Apostoli & in Enchiridio cap. 18. Nemo mentiens iudicandus est, qui dicit falsum, quod putat verum: quoniam, quantum in ipso est, non fallit ipse, sed fallitur. Et in libro de mendacio cap. 3. Non omnis, qui falsum dicit, mentitur; si credit, aut opinatur verum esse, quod dicit. Ille mentitur, qui aliud habet in animo, & aliud verbis, vel quibuslibet significationibus enuntiat.

Ex quo fit, inquit, ut aliquis possit falsum dicere non mentiens; si putat ita esse ut dicit, quamuis non ita sit, ut possit verum dicere mentiens, si putat falsum esse, & ut pro vero enuntiat, quamuis re vera ita sit ut enuntiat: ex animi enim sui sententia, non ex rerum ipsarum veritate, vel falsitate mentiens, aut non mentiens iudicandus est. Potest itaque ille, qui falsum pro vero enuntiat, quod tamen verum esse opinatur, (errore vincibili, & culpabili) errans dici, & temerarius, mentiens autem non rectè dicitur, quia cor duplex, cum enuntiat, non habet, nec fallere cupit, sed fallitur. Culpæ verò mentientis est in enuntiando animo suo, fallendi cupiditas. Idem docet S. Th. quæst. 98. a. 1. ad 3. & quæst. 110. a. 1.

Notandum est secundò; Quod S. Augustinus in mendacii definitione locutionem posuit, hoc ideo fecit, quia vocis sermo præcipuum inter animi signa locum obtinet. Alioquin verò sicuti virtus veritatis; ita & mendacium in aliis quoque signis, & actionibus animi interpretibus, consistere potest, sicuti docet idem S. Doctor. cit. cap. 3. Ille mentitur, qui aliud habet in animo, & aliud verbis, aut quibuslibet significationibus enuntiat. Atque hæc species mendacii, quæ fit signis factorum ad alterum fallendum compositis, simulatio appellatur, de qua ita scribit S. Thom. 2. 2. quæst. 111. a. 1. in corp. Ad virtutem veritatis pertinet, ut quis talem se exhibeat exterius per signa exteriora, qualis est: signa autem exteriora non solum sunt verba, sed etiam facta: sicut ergo veritati opponitur, quod aliquis per verba exteriora aliud significet, quam habet apud se, quod ad mendacium pertinet: ita etiam opponitur veritati, quod aliquis per aliqua signa factorum, vel rerum aliquid significet contrarium eius, quod in eo est: quod propriè simulatio dicitur. Unde simulatio

proprie est mendacium quoddam in exteriorum signis factorum consistens. Non refert autem, verum aliquis enuntiatur verbo vel quocunque alio facto; ut supra habitum est. Unde cum omne mendacium sit peccatum, ut supra dictum: consequens est etiam, quod omnis simulatio est peccatum.

Notandum tertio: A mendacio imprimis excluduntur ioci, qui ita proferuntur, vel aguntur, ut ex ipso agendi, vel pronuntiandi modo satis intelligatur, falsum esse, quod exterius enuntiatur: cum desit animus fallendi; esto quod audiens ob nimiam seu simplicitatem, seu stupiditatem suam, serio accepturus sit. Qua de re S. August. lib. 1. de mendacio, cap. 2. *Ioci nunquam sunt mendacia: habent enim evidentissimam ex pronuntiatione, atque ipso iocantis affectu, significationem nequaquam fallentis; etsi non vera enuntiantis.* Cui doctrinae haud obstat, quod triplex mendacium à DD. assignari solet, uti videre est apud S. August. lib. de mendacio, c. 11. S. Thom. 2. 2. quæst. 110. a. 2. Caiet. ver. mendacium; videlicet perniciosum, officiosum; & iocosum. Perniciosum dicitur, quod cum iniuria profertur, ut obfit. Officiosum, quod sine iniuria, ut proficit. Iocosum, quod cum nulli noceat, profertur, ut delectet. Nam ut istud mendacium proprie sit, necesse est proferri animo audientem fallendi, seu falsam opinionem ingenerandi; siue re ipsa fallatur, siue non, uti docet S. Augustin. lib. 1. de mendac. c. 3.

Deinde à mendacio excluduntur locutiones tropicæ, & figuratæ, ipsæque adeo ironiæ, hyperboles, fabulæ & parabolæ; quia verum sensum continent, quem loquens etiam exprimere intendit; quamvis interdum animaduertat, eum ab audiente non statim apprehendi, sed alium falsum sensum opinionemque concipi, quod tamen ipse non intendit, sed permittit. Qua de re S. August. in lib. contra mendacium, cap. 10. ubi de his figuratis veritatibus ait: *Non inveniuntur discentibus quod his modis obscurantur: sed commendantur magis, ut quasi subtracta desiderantur ardentius, & inveniuntur desiderata incundius. Tamen vera, non falsa dicuntur, quoniam vera, non falsa magnificantur, seu verbo, seu facto. Quia significantur enim, utique ea dicuntur, putantur autem mendacia, quoniam non ea, quæ verè significantur dicta intelliguntur, sed ea quæ falsa sunt, dicta esse creduntur.*

Denique à ratione mendacii excludendæ sunt amphibologiæ seu locutiones ambiguæ; id est, quæ duos sensus habent: quorum vnum, qui verus est, si enuntians animo suo intendat, non mentitur; esto intelligat, audientem alterum sensum, qui falsus est, accepturum, ideoque deceptum iri; quippe quam deceptionem ille sua enunciatione non efficit, sed permittit. Eademque est ratio de signis factorum, quæ præter moralem significationem, quam ex consuetudine, aut institutione hominum accipiunt, naturalem interim vsum commoditatemque retinent, sicuti dixi lib. 2. tr. 1. c. 11. n. 4.

Sed quæstio est: Vtrum is, qui scienter alteri enunciat, aut exhibet signum, seu vocis, seu facti, quod ex se, & secundum omnes circumstantias ad vnum sensum eumque falsum, determinatum est, à mendacio excusari possit, idcirco, quod mente sua aliquid aliud concipiendo adiungat, per quod oratio vera efficiatur? Affirmant Angelus ver. inamentum, 3. §. 9. Syl. Tod. ver. 4. quæst. 7. dicto 3. Nauar. in c. humanæ aures, 22. quæst. 5. in quæst. 2. nu. 12. Mich. Salon. 2. 2. quæst. 89. art. 2. controu. 11. §. quarto Philarchus tom 1. de offic. sacerdot. lib. 3. cap. 14. §. verum, Valentia tom 3. disp. 5. quæst. 13. part. 2. circa 2. concl. ad 1. Sanchez lib. 3. moral. cap. 6. num. 35. Less. lib. 2. cap. 42. dub. 9. num. 47. Nicol. Serar. in Iudith, cap. 13. quæst. 10. Fundamentum huius sententiæ est: Mentiri est contra mentem loqui, seu velle aliquid exterius signi-

ficare, quod in mente scitur, vel putatur falsum: At vero in casu proposito, loquens non vult significare quod falsum est, sed quod verum: propterea enim retinet partem orationis in mente, cum qua externa oratio verum sensum habeat, quem etiam intendit: Ergo non mentitur.

Sed contraria sententia, à mendacio id excusari non posse, mihi vera videtur. quæ est Paludani in 4. d. 21. quæst. 3. a. 3. concl. 1. §. illud quoque. Caiet. 2. 2. q. 87. art. 7. §. ad hoc dicitur Soti lib. 5. de iust. q. 6. a. 2. concl. 7. & de secreto, mem. 3. qu. 3. concl. 1. in fine, Arrag. 2. 2. quæst. 69. a. 2. prope finem, §. sed dubitabilis quibus, Lopez p. 1. instruct. cap. 42. §. Item qui non tenetur, Azor. tom. 1. lib. 11. cap. 4. quæst. 5. reg. 5. Henriq. lib. 6. cap. 19. num. 8. in comment. lit. x. Egid. Coninck de actib. supernatural. lib. 1. disp. 10. dub. 3. concl. 3. Exempla sunt: I. Si tibi de homine innoxio, qui fortè præterit, Titius dicat: *Iste est latro*, talibus circumstantiis, ut ex modo agendi, & loquendi nihil aliud intelligere possis, ac debeas quam verè & absolute latronem esse; mentitur Titius, etsi intra mentem concipiat, *latronem esse, si innocensem iniuste occidit.* Simile est, si herus famulum de fracto nuper vitro arguat; ille autem constanter neget, nunquam se vitrum fregisse, subintelligendo intra se, *mensè præcedente*; verè mentitur: Sicuti & adultera, quæ examinata à marito de commissio adulterio, negat se fidem matrimonii nunquam violasse, subintelligendo *hora præcedente*, quod est exemplum Soti cit. quæst. 3. ante 7. concl. Probatur: Is mentitur, qui contra id, quod animo sentit, alteri loquitur, aut significat, animo fallendi, siue, qui volens alteri falsum enuntiat, causa fallendi, sicuti supra ex S. August. didicimus. Hoc ipsum autem facit is, qui alteri (quem rei ignarum putat) loquitur enuntiationem determinatam ad vnum, eumque falsum sensum. Ergo verè ac proprie mentitur.

Confirmatur. Si restrictio seu limitatio orationis mente retenta, exteriusque nullo modo significata, conduceret ad vitandum mendacium; nullus, qui astutus satis est, mendacium committeret; & consequenter nunquam peieraret; cum periurii proprie dicti unica sedes sit mendacium. Consequens autem est falsum: ergo & antecedens. Maiorem ostendo: Quia homo astutus, quotiescunque orationem, exterius falsam profert, poterit aliquid interna mente concipere, per quod oratio vera fiat. Minor verò probatur: Quia mendacium proprium est hominum astutorum, qui aliud in mente gerunt, & aliud exterius significant, decipiendi causa.

Ad fundamentum prioris sententiæ respondeo; Concessa maiore propositione, assumptionem negandam esse. Quia contradictionem inuoluit, quod aliquis orationem externam, quam scit, aut putat falsam esse, alteri deliberatè loquatur, & nolit significare falsum, siue nolit aliud significare, quam in mente sentit. Ad probationem minoris respondeo; Quod in mente retinetur, ac reticetur, esse quidem partem componentem orationis internæ, seu mentalis, non esse autem partem componentem orationis externæ, seu erga alteram significatiuæ. Quia impossibile est, ut oratio externa ac significatiua ex conceptibus internis, nullo modo externè prolatis, ideoque nec significantibus componatur.

Quod ut plenius intelligatur notanda est doctrina S. August. lib. de mendacio, cap. 3. *Duplex cor dicitur esse mentientis, id est, duplex cogitatio, una rei eius, quam veram esse vel scit, vel putat, & non profert: altera eius rei, quam pro ista profert, sciens falsam esse, vel putans.* Sic verò se res habet in proposito, ut duplicem in mente cogitationem habeas: una est rei, quam exterius loqueris, & significas, videlicet te vitri nuper fracti aucto-

rem non esse: cum enim sciens, ac volens hæc verba, ad significationem falsam omnibus circumstantiis determinata, ad alterum dirigis, profecto illorum falsitatem concipis, ideoque contra mentem loqueris. Alia est cogitatio, quæ in mente retinetur, & per verba nullo modo exprimitur, quod videl. vitrum iam quidem fregisti, sed non mense præcedente: & hac ratione fateor, te falsum non dicere, neque mentiri: cum mendacium debeat esse, signum externum alteri intimatum.

Porro non satis intelligo, quod aliqui, (vti videlicet apud Sanchez loco cit.) profitentur, se loquide enuntiatione, quæ ex seipsa, vel loquendi modo ac circumstantiis, determinata est ad vnum, eumque falsum sensum; fateantur etiam, non esse in arbitrio loquentis eiusmodi enuntiationi alium sensum assignere, quam in se habeat, videl. ex institutione & pacto hominum, nihilominus aliquam in tali locutione æquiuocationem agnoscant. Vbi enim vnus determinatus orationis externæ sensus est, ibi æquiuocatio locum habere non potest: cum æquiuocatio aliud non sit, quam ambigua, seu duplex vocis significatio: At verò locutio ista, vt ponimus, tam secundum se, quam secundum modum, ac circumstantias proferendi, determinata est ad vnum, eumque falsum sensum: Ergo quicum sciens ac volens alteri loquitur, fallendi causa, is non æquiuocationem, sed mendacium proferit.

Interim verò non tollimus, aut negamus omnem mentis restrictionem; sed eam tantum, quæ aliena est ab hominum loquentium consuetudine, seu quæ in externa locutione nec explicitè, nec implicitè significatur. Caterum inusitatum non est apud homines prudentes, præsertim cum interrogantur de rebus, quas edicere nolunt, aut non possunt, vt non integrum animi sensum externo sermone exprimant, sed partem tacitè sine implicitè significant; ita vt audiens, saltem generatim & confusè, id faciliè aduertere possit: nam hoc casu si non apprehendat, propria inscitia decipi permittitur; & quidem interdum iuste, si causa necessitatis postulet. Sic v. g. alicui malitiosè interroganti, quæ edicere non oportet, Principis consiliarius sine mendacio interdum respondebit, *Nescio*: intelligendo, vt dicam, aut reuelem: Sic confessarius à Iudice iniuste, ac sacrilegè interrogatus de iis criminibus, quæ ex sola Confessione cognita habet, rectissime ait, se nihil scire, supple notitia ad reuelandum, sicuti docent Palud. in 4. d. 21. quæst. 3. art. 3. concl. 1. Adrian. in 4. de sacram. confess. vbi de sigillo, dub. 9. §. ad argumenta principalia, ad 2. Maior in 4. d. 15. quæst. 18. quæst. 1. Sotus de sacr. mem. 3. quæst. 3. concl. 2. & 3. Est enim in his locutionibus non inusitata ambiguitas: quandoquidem homo scire aliquid potest vel secundum notitiam priuatam, quæ etiam alteri manifestari queat; vel secundum notitiam publicam, quæ alteri, cuius scire non interest, manifestari non debeat. Quod si verò talis loquendi modus, ac circumstantia adsint; vt verbum *nescio* determinetur ad omnem ignorantiam; puta si Confessarius adigatur, vt dicat, an vilo modo seu ratione sciat; tunc verè ac propriè mentietur, si verbo *nescio* erga alterum vtatur, intra mentem cogitans, quod tibi dicam; sed respondere debet, frustra se de his interrogari: cum seu sciat, seu nesciat, nihil edicere opus sit. Cum qua doctrina consentit S. August. lib. de Mendacio, cap. 13. & lib. contra mendacium cap. 18. vbi ait: Si homo agrotus, ac mortui vicini de salute filii vnici ac charissimi quærat qui paulò ante mortuus est, duo falsi sunt, *vixit*, & *nescio*, nec abs te dici possunt, nisi mentiendo. Quamuis contrarium, præter Doctores, quos supra pro parte affirmante huius

quæst. allegavi, docent etiam Tol. lib. 5. c. 5. adhuc, Rodriq. to. 1. sum. c. 92. concl. 4.

Pro confirmatione eius, quod dixi, subauditionem tacitam & consuetam interdum absque mendacio, imò iuste ac licitè à loquentibus fieri posse, aliqui afferunt dictum Christi apud S. Marcum cap. 13. *De die illa (iudicii) nemo scit neque Angeli in celo, neque Filius, nisi Pater*. Et Matth. 24. *De die illa, & hora nemo scit, neque Angeli celorum, nisi solus Pater*; subintelligendum esse, quod Filius nesciat non absolute, sed ad reuelandum aliis. Verum hoc modo etiam de Patre Christus dicere potuisset, non scire illum, vt aliis reuelare velt; aut debeat.

Facilius igitur explicatur Christum ab Apostolis de tempore iudicii extremi curiose interrogatum, respondisse; neque Filium secundum humanitatem suam id scire, ex se & natura sua; sed solum Deum Patrem suum: interim non negavit, scire aliquem per reuelationem à Deo, sed ita, vt nemini veritatem hanc manifestare debeat; nisi secundum voluntatem eius, à quo profecta est. Quo simili loquendi modo vsus est Christus cap. 20. Matth. *Sedere addexteram meam, vel sinistram non est meum dare vobis, sed quibus paratum est à Patre meo*.

Aliud dictæ subauditionis argumentum sumunt aliqui ex verbis Christi Ioan. 7. cap. vbi fratribus suis ad festum Scenopegiæ Hierusalem ascendere Christum cupientibus, dixit: *Non ascendam ad diem festum istum, vt autem ascenderunt fratres eius, tunc & ipse ascendit ad diem festum, non manifestè, sed quasi in occulto*. Quem locum testatur S. Hieron. lib. 2. aduersus Pelagianos, Porphyrium obieciisse, vt ostenderet Christum mentitum fuisse, aut non satis sibi constituisse. Sed conciliatio verborum ex ipso cõtextu nimis facilis est: Volebāt enim fratres siue consanguinei Christi, vt cum aliis in publico comitatu ascenderet Hierosolymam ad festum: Nam filius Israël, inquit Beda in ca. 12. Lucæ, *moris fuit, vt temporibus festis Hierosolymam confluentes, seorsim viri, & seorsim feminae choros ducentes incederent*. De hoc igitur comitatu Christus locutus est. *Vos ascendite ad diem festum: Ego non ascendam: quia meum non tempus nondum impletum est: vt in manus Iudeorum me offeram. Postea vero, & ipse ascendit ad diem festum non manifestè, sed quasi in occulto*: Id est, non in publico comitatu, vt ab omnibus videretur.

ASSERTIO SECUNDA. Mentiri est per se & intrinsecè malum, vt nullo casu, seu ob nullam necessitatem cohonestari, seu licitum fieri possit. Ita docet Arist. lib. 4. Ethic. cap. 8 S. August. toto lib. de mendacio, & toto altero libro contra mendacium ad Consentium, qui extant tom. 4. operum & in epist. 8. ad Hieronymum, c. 3. S. Basilii regul. 76. ex breuioribus, S. Greg. lib. 18. moral. c. 2. & 3. Magist. in 3. d. 3. d. 38. ibid. Bonau. q. 2. Durandus q. 1. a. 3. Richard. a. 1. q. 2. S. Th. 2. 2. quæst. 110. a. 3. Adrianus quodlib. 1. & alii communiter. Probat ut primò ex facta Scriptura, Leuit. 19. *Non mentimini, nec decipiet vnusquisque proximum suum* Psal. 5. *Perdes omnes, qui loquuntur mendacium*. Sap. 1. *Os quod mentitur occidit animam*. Ecclesiast. 7. *Noli velle mentiri omne mendacium*, & cap. 37. *Ante omnia opera verbum verax præcedet te*. Ad Ephes. 4. *Deponentes mendacium, loquimini veritatem vnusquisque cum proximo suo*. Et ad Collos. 3. *Nolite mentiri inuicem*.

Probat ut secundo ratione S. Basilii cit. loco. Quia nullum mendacium ex Deo est: cum Deus verax sit, & auctor atque amator omnis veritatis. quod S. Ioan. significat Epist. 1. cap. 2. *Quoniam omne mendacium ex veritate non est*. Sed omne mendacium à Diabolo est: cum ipse auctor sit, & inuentor mendacii, iuxta verbum Christi apud S. Ioan. cap. 8. *Mendax est, & pater mendacii*.

Probatur tertio ratione S. August. lib. contra mendacium cap. 3. Sicuti tenebræ luci, pietati impietas, iustitiæ iniquitas; ita veritati opponitur omne mendacium, quidquid autem virtuti contrariè, aut priuatiuè aduersatur, id vitium moris est. Ergo, &c.

Probatur quarto ratione S. August. in Enchirid. cap. 2. S. Thom. quæst. 110. a. 3. in corp. Durandi cit. a. 3. Richar. cit. quæst. 2. Quia vis rationalis loquendi, seu locutionis copia à Deo instituta est, non vt inuicem fallamus, sed vt alter in alterius notitiam cogitationes suas proferat: ergo abusus & peruersio est omne mendacium; id est, dictum contra mentem, alterius fallendi causa prolatum.

Probatur quinto: Qui mentitur, is alteri locutione falsa errorem ingenerare vult: id autem est per se malum, & alienum à ratione. Quia sicut veritas est maxime propria humanæ mentis perfectio; ita falsitas omnis est dehonestatio & dedecus eiusdem: id verò in altero efficere, siue alterius mentem ad Dei similitudinem conditam dehonestare, intrinsecè malum est; ita vt nec Deus veritatis auctor, & falsitatis omnis orator, talem facultatem dare possit. Neque extrinsecè vlla necessitates, aut prouentura commoda, eo ipso quod extrinsecæ sunt, efficere possunt, vt quod in se mendacium, adeoque à veritate, recta ratione, ipsaque diuina mente alienum est, honestum fiat.

Porro dicta assertio generatim intelligi debet de omni mendacio, siue sit oris, siue operis: quæ posterior mendacii species simulatio dicitur, qua aliquis externo opere aliud exhibet, quam in corde sentit, causa fallendi alterum: Cuiusmodi simulatio intrinsecè mala est, nunquam licita, semper & omni casu peccatum aduersus naturæ legem, sicuti docet S. August. li. 1. toto de mendacio. & S. Th. quæst. 111. a. 1. quamuis aliter senserit S. Hieron. apud S. August. epist. 11. & in cap. 2. ad Galat. relatus in c. vtiem; 22. quæst. 2. Probat S. Th. hac ratione: Omne mendacium est peccatum: Omnis autem simulatio est verè ac propriè dictum mendacium. Ergo omnis simulatio est peccatum. Assumptio probatur: Quia nihil refert ad formalem rationem malitiæ mendacii, quæ est velle alteri falsitatem enuntiare, & ingenerare; vtrum talis significatio seu enuntiatio per verborum, an verò factorum signa fiat, sicuti expressè tradit S. August. cit. lib. de mendacio cap. 3. S. Th. quæst. 110. a. 1. ad 2.

9 Contra hanc veritatem senserunt, atque errarunt veteres quidam apud Cassianum collat. 17. cap. 17. Doctrotheum serm. 9. de mendacio vbi aiunt; mendacio sicuti ellebori potu vtendum esse, si inuitabilis necessitas cogat. Et alii apud S. August. vtroque libro de mendacio, in casu necessitatis, seu ob magnum bonum promouendum licitum esse mentiri; idque probarunt auctoritate Sanctorum, qui in sacris literis commendati sunt. Nam Iacob fratrem primogenitum se mentitus est, vt patrem deciperet, Gen. 27. Egyptiæ obstrictes, ne infantes Hebræorum interficerentur mendacio effecerunt, in eoque à Domino commendatæ, & remuneratæ sunt, Exodi c. 1. Iudith quoque laudatissima femina compositis mendaciis ciuitatem obsidione, & excidio liberauit. Sed & Apostoli Petrus, & Barnabas simulauerunt veteris legis cæremonias post Christi passionem adhuc necessarias esse, cit. cap. 2. ad Galat. Et Paulus Timotheum circumcidit, Actor 16. cum tamen circumcisionem nihili faceret, ad Galat. cap. 5. scribens: Si circumcidamini, Christus vobis nihil proderit. Denique Iesus post resurrectionem suam in peregrini habitu finxit se longius irre, Lucæ 24.

Responsio est: Quæ Iacob fiducia matris iubentis, dixerat, sensu mystico seu allegorico dicta fuisse secundum spiritum propheticum; sicuti & euentus

ostendit. Sensus enim verborum à matre & Spiritu sancto intentus, erat: Ego sum primogenitus Esau, id est, alter Esau: quippe cui successurus sum in primogenitura; & cui secundum Dei voluntatem benedictio debetur. Quo sensu etiam Imperator Romanus Cæsar, & Augustus appellatur non propriè, sed figuratè. Tamen si verò Isaac, quo sensu ea dicerentur, non statim intellexerit, id nihil refert: cum & parabola à Christo prolata alio sensu, eoque; verò à Christo dicta fuerint; aloi eoque falso à Iudæis intellecta, ut S. August. libro de mendacio cap. 5. & copiosius in libro contra mendacium, c. 10. vbi addit: Neque illud quod Ioseph velut illudendis locutus est fratribus, Gen. 42. neque quod Dauid simulauit insaniam, 1. Reg. 21. nec cætera huiusmodi mendacia indicanda sunt; sed locutiones, actionesque propheticæ, ad ea, quæ vera sunt, intelligenda, referenda. Quod si verò dicta, aut facta personarum, in veteri testamento laudatarum, (v. g. simulationem Davidis) à mendacio excusare non possumus, dicendum est, sicuti de obstetricibus Hebræorum ait S. August. cit. cap. 5. & lib. contra mendac. cap. 15. fuisse laudatas non propter mendacium; sed ob misericordiam, quam seruandis à nece infantibus præstiterunt. Hoc etiam modo, Iudith, inquit S. Th. quæst. 110. a. 3. ad 3. laudatur, non quia mentita est Holoferni; sed propter affectum, quem habuit ad salutem populi. Quamuis etiam dici possit, quod verba eius veritatem habeant, secundum aliquem sensum mysticum: Sed priorem responsionem sequitur Belarmin. libro 2. de verbo Dei, cap. 15. column. penult.

Veruntamen, licet dicamus David, Iudith, quin & Iacobum Patriarcham mentitos fuisse; cum non omnia ex Dei instinctu locuti sint, sed quædam propria etiam simplicitate addiderint, permittente Deo ipsorum imperfectiones; non tamen sequitur, eos peccasse: quia inuincibili laborantes ignorantia, existimabant tali casu fas esse mentiendi decipere: nam veritas ista, quod mendacium nullo casu licitum sit, nondum eo tempore cognita erat: cum neque Augustini tempore communiter recepta fuerit.

Ad ea, quæ ex nouo Testamento obiciuntur, optime respondet idem S. August. lib. 1. de mendac. cap. 5. aduersus Hieronymum in cap. 2. ad Galat. & cit. epist. 11. Petrum Apostolum simulatione illa peccasse; ideoque à S. Paulo reprehensum esse: quamuis à gravitate culpæ excusari debeat Petrus, quia repentino aduentu Iudæorum perterritus; dum eorum scandalum cauere voluit, minus rem considerauit; quod subducendo se à gentium conuictu, eorum cibos tanquam immundos aspernari videretur, contra quam cælitus edoctus fuerat, Act. cap. 10. At verò S. Paulus, sciens ac docens 1. ad Corinth. 7. cæremonias legis veteris neque post Christi passionem necessarias; neque tamen ita sublatas, vt à Iudæis retineri, & usurpari non possent, donec ex Iudæis, ac Gentibus vna ecclesia constitueretur, circumcidit Timotheum, petentibus Iudæis, quia ex matre Iudæa natus erat, ne illorum cæremonias, tanquam malas & noxias, damnare videretur. Ex Gentibus autem ad fidem conuersis scripsit cap. ad Galat. Si circumcisionem accipiant, tanquam sibi ad salutem necessariam (sicuti à quibusdam pseudoapostolis persuasi erant) Christi fidem ipsis nihil profuturam.

Denique ad locum illum Luc 24. dicitur, Id ad mysterium seu figuram pertinere, quod Christus se peregrinum, & diuertentibus duobus discipulis longius iturum finxit, id est, figurauit: aliquid enim tunc quidem absconditum, postea autem intelligendum, significare intendebat, videlicet se inter eos peregrinantem, mox longius abiturum ad Patrem cælestem. Ita explicat S. August. lib. contra mendac. cap. 13. Si nihil aliud significasset Iesus, in eo, quod (externo agendi modo) longius ire se finxit, merito indicaretur esse mentiturum simulando.

Porro autem si bene intelligatur, & ad id quod voluit significare referatur inuenitur esse mysterium. Alioquin erunt cuncta mendacia, quæ propter quandam rerum significandarum similitudinem, cum gesta non sunt, tanquam gesta narrantur. Et infra: Ille igitur concludat, Christum mentitum esse fingendo, qui negat eum, quod significauit, impleuisse faciendo, puta ad cælos ascendendo. Adde tu, quod cum Christus mysterii causa peregrini habitum eo loco assumpserit, omnia agere debuerit, quæ peregrinantes solent, quicquid & hoc est, ut in via, quæ præceperunt, progrediantur, nisi oblata occasione ad diuertendum inuidentur.

ASSERTIO TERTIA. Veritatem aliquam per verbi æquiocationem, aut facti dissimulationem, alterum celare, non est per se malum; sed interdum licitum si ob iustam causam fiat. Hæc est communis DD. sententia, quam tradidit S. Chrysostomus lib. 1. de sacerdot. ad finem S. Augustini in psal. 5. super illa verba: Perdes omnes, qui loquuntur mendacium, & lib. contra mendacium c. 10. vbi ait, aliud esse occultare veritatem, & aliud proferre mendacium. Quamuis enim omnis qui mentitur, velit celare quod verum est; non tamen omnis qui vult, quod verum est celare mentitur. Et super Gen. q. 26. Quæritur, cur Patriarcha mentiri voluit, ut diceret Sarâm sororem suam: Sed veritatem voluit celari, non mendacium dici: soror enim dicitur, quia filia fratris erat. Et S. Th. q. 110. a. 3. ad 4. ait: Tamen licet veritatem occultare prudenter sub aliqua dissimulatione Ratio assertionis est, quia simulatio mendacium est falsi dissimulatio autem est veri. Atqui falsum scilicet edicere per se malum est; quippe repugnans naturali præcepto negatiuo, Ne mentiare, seu, Ne inducas fratrem tuum in errorem. Sed quod verum est, interdum iuste ac licite celamus seu dissimulamus: quia præceptum affirmatiuum manifestandæ veritatis non semper obligat.

Confirmatur. Sicuti nunquam licitum est actione sua alterum directa intentione, seu ex proposito inducere ad peccatum: quia hoc est scandalum propriè actiui, & intrinsecè malum; quandoque tamè licitum est permittere alterius peccatum, quod ille occasione actionis, quam iustam ob causam exerceas, commissurus putatur. Ita etiam per simulationem, adeoque data opera, & ex proposito alterum inducere in errorem, seu deceptionem animi, semper malum est; utpote species mendacii, quæ dicitur duplicitas: per quam aliquis aliud in corde habet, & aliud foris ostendit, fallendi causa; idque indicat S. Greg. hom. 23. in Euang. super illa verba, Finxit Iesus se longius ire: Nihil simplex veritas per duplicitem egit. Et S. Ambros. lib. 3. offic. c. 12. Vnusquisque simplicem sermonem profert, neque fratrem circumuentione verborum inducat. Interdum tamen licitum, imò etiam necessarium est, veritatem celando, aut dissimulando, verbo, aut opere ambiguo; permittere velle, ut alter falsam opinionem, seu errorem concipiat. Alioquin omnes allegorias, & sermones tropicos, qui ab audientibus simpliciter accipiuntur, ut verba per se ferunt; sed & bellica stratagemata, quæ per dissimulationem veritatis insidiarum causa sunt, tanquam mendacia damnari oportebit. Quod ipsum etiam Vlpian. expressit in l. 1. ff. de dolo, vbi à doli mali definitione exclusit dissimulationem, qua aliquis sua, vel aliena iuste tue-

Prudenter etiam idem Vlpian. annotauit, quod veteres dolum etiam bonum dicebant, pro solertia, maxime si aduersus hostem, latronemue quis machinatur. Seruius autem (sicuti & Cicero lib. 3. de offic.) non plenè definiuit dolum malum esse machinationem quandam alterius decipiendi causa, cum aliud simulatur, & aliud agitur: quia etiam sine simulatione dolus malus committi potest, per quamecunque

calliditatem, machinationem ad alterum decipiendum non iure adhibitam. Enimvero si nulla iusta causa sit celandi veritatem, tunc licet æquiocè loqui, aut per dissimulationem agere non sit mendacium; est tamen dolus malus, atque peccatum contra veritatis virtutem, ob affirmatiuum eius præceptum, quo obligamur, propter vinculum societatis humanæ, & publicum bonum, ut quilibet eam ipsam veritatem loquatur, aut significet proximo, de qua agitur, aut quis interrogatur, qua de re Valentia tom. 3. disp. 5. quæst. 13. p. 2. prope finem. Gl. in cap. ne quis, 22. quæst. 2. vbi ait, quod hostem deludere licitum est.

Veruntamen exemplum Glossæ omni dubitatione non caret: Si innocens, qui in domo mea latitat, ad iniustam necem quæritur, dicere me posse; non est domi mee, intelligendo quod non comedat domi meæ: quandoquidem verbum est eum ambiguum sentum habet. Sed supra monui, tamen si oratio secundum se duos sensus habere possit; tamen ex modo interrogantis, respondentis, aliisque circumstantiis interdum ad vnum sentum certum determinari, videlicet verbum, est ad significandam existentiam: tunc autem mendacium est dicere, Titius non est domi mee, si ibi sit, licet non comedat. Tamen si verbum est absolute, ac quasi materialiter spectatum comestione significet; tamen per antecedentem interrogationem, ac respondendi modum &c. determinatur, ut in tali enuntiatione tam secundum vulgarem loquendi modum, quam secundum sapientes existentiam significet. Alioquin dicere oportebit, mendacium non esse, si quis interrogatus, utrum in Ecclesia sit columna, respondeat, nulla est ibi columna, id est, nulla comedit. Cum enim orationes ad alterum directæ secundum placitum significare debeant; ideo loquens non potest enuntiationi arbitratu suo assignare significationem alienissimam ab omnium, etiam sapientium hominum, conceptione. Sin verò oratio, acceptum, spectatis circumstantiis, ambiguitatem permittat, quæuis ab altero non animaduersam; tunc distingue, ut supra; an ius habeas id loquendi aut agendi, quo alter ob simplicitatem suam decipietur. tunc nihil delinquis: an verò sine causa iustæ necessitatis, callida æquiocatione, aliæque ambiguitate ad alterum decipiendum utaris; tunc licet non mentiaris, perinde tamen peccas contra veritatis ac simplicitatis virtutem, ac si mendacium diceres.

Considerandumque est hoc loco, quandoquidem humano generi nihil magis naturale, atque commodum est; quam ut inter ipsos charitas, fides, & societas consistat, consequens est, quod vitium illud, quo mutua inter homines societas, fides ac charitas violatur, valde noxium & abominabile videri debeat: hæc autem est animi duplicitas, propria hominum non bonorum, ac prudentium, sed callidorum, peruerforum, qui sua tantum commoda sectantur, non quæ Dei sunt; aut Reipublicæ; ac sæpenumero causa existunt odii, dissensionis, perturbationis, & gravium malorum in Communitate: ut merito tales ab omnibus cauendi sint, iuxta monitum Ecclesiastici cap. 37. Qui sophisticè loquitur, odibilis est.

Illud hoc loco in quæstionem vocari potest: Quis ambiguo v. g. sermone proximum sine iusta causa circumueniens, perspicit ipsi exinde damnum prouenturum esse propter simplicitatem & ignorantiam, utrum contra iustitiam peccet, & ad compensationem obligetur ante Iudicis condemnationem? Videtur negandum, si oratio spectatis omnibus circumstantiis, verè ambigua fuit, quia tunc deceptio, ac damnum non loquenti tanquam propriæ causæ: sed potius audientis simplicitati adscribitur. Secus est, si oratio verè non ambigua sit, sed secundum circumstantias ad vnum sen-

sum determinata: v. g. si viatori querenti ex te, vtrum in silua latro sit; respondeas, non est latro in silua; intelligendo, quod non comedat in silua. perniciosum ac iniustum hoc mendacium est, ex quo obligatio oritur damni compensandi.

- Assertio IV.** Qui sine debita consideratione falsum dicit; aut falsi dicendi periculo se committit, is contra veritatis virtutem peccat, licet proprie non mentiatur. Est communis, & certa doctrina, cuius pro pars probatur: Quia ex virtute veritatis obligatur, si loqui alteri velimus, vt vera, non falsa loquamur: ergo peccatis contra virtutem veritatis, qui in cautè & inconsideratè loquitur falsum, aut loquendi falsi se periculo committit. Posterior pars constat ex assert. 1. Nam mendacium, cum sit dictum contra mentem, alterius fallendi causa, directum seu formalem dolum requirit. Attamen fieri etiam potest, vt aliquis existimans dictum suum verum esse, nihilominus mentiatur; si videlicet asserat, sibi certum & exploratum esse; cum tamen de eo non nisi opinatiuum, seu probabilem persuasionem habeat.

CAP. XIV.

DE PERIVRIO, SEV IVRAMENTO falso.

SUMMARIVM.

- 1 Perivrium strictè, est mendacium iuramento confirmatum: latro autem accipitur pro omni iuramento illicito, seu irreligioso.
- 2 Omne perivrium assertorium est peccatum mortale, si cum plena deliberatione fiat.
- 3 Iuramentum incautum est peccatum graue, vel leue, secundum proportionem defectus debita considerationis.
- 4 Iuramentum incautum non continet malitiam proprie dicti perivrii.
- 5 In iuramento assertorio maior, vel minor certitudo requiritur, pro diuersitate rerum iuramento assertarum.
- 6 Non omne promissorium perivrium est peccatum mortale; sed ob leuitatem materiae, veniale fieri potest.
- 7 Iuramentum amphibologicum, licet proprie perivrium non sit; imò omni culpa vacet, si iuxta ita iurandi causa ad sit; est tamen illicitum & quodammodo perivrium, si sine iusta necessitate fiat.
- 8 Amphibologici sermones defendi possunt; nisi locutio ex modo, & circumstantiis ad unicum sensum determinata sit.
- 9 Iuramentum, cui deest iustitia, si sit assertorium tantum, videtur peccatum veniale; si vero promissorium de parrando opere mortaliter malo, est mortale.
- 10 Iuramentum de re indifferente, aut repugnante Evangelicis consiliis, per se loquendo, veniale peccatum est, ob iustitiae defectum.
- 11 Iuramentum, cui iudicii discretio deest, quia sine necessitate fit, venialem tantum culpam continet.
- 12 Crimen perivrii non poenam corporalem, sed aliam arbitrariam habet.
- 13 Homines plebei non satis distinguunt inter iuramentum, blasphemiam, & maledictionem.

- PERIVRIUM** interdum accipitur strictè ac proprie, vt idem sit, quod mendacium iuramento confirmatum, sicuti definit S. Thom. qu. 98. art. 1. & S. Hieron. super cap. 4. Hierem. relatus in ca. 2. causa 22. q. 2. Mentiendo iurare nihil aliud est, quam pererare. Nam perivrium contrariè opponitur iuramento vero, ac religioso: Iuramentum autem (verum ac religiosum) est inuocatio diuini testimonij, in confirmationem alicuius veritatis. Igitur perivrium est inuocatio diuini testimonij in confirmationem falsitatis ac mendacii; ideoque iuramentum proprie falsum.

Interdum verò accipitur perivrium latè pro omni iuramento illicito sed peruerso, id est destituto aliquo reum comitum, quæ sunt veritas, iudicium, ac iustitia

Si enim ista defuerint, inquit S. Hieron. super cap. 4. Hierem. nequaquam iuramentum erit, sed perivrium. Quare triplex est perivrium. Vnum proprie dictum, quod veritate caret. Idque diuidi solet in assertorium, ac promissorium. Alterum, quod iustitia destituitur: puta, si quis rem illicitam, ac prohibitam iuret. Tertium, quod iudicio, seu discretionem vacat; puta, si quis sine iusta causa temere iurat. Atque hæc duo posteriora improprie & quodammodo perivria sunt, quia falsitatem quodammodo in se continent. Nam qui rem illicita n seu iniustam iurat, is obligatus est dictum suum falsum efficere, abstinendo ab opere: qui verò indiscretè iurat, is committit se periculo falsitatem incurrendi. Ita docet S. Th. q. 98. 2. 1.

Corollarium. Secundo præcepto Decalogi, Non assumes nomen Dei in Vanum, prohibetur omne perivrium, sed principaliter id, quod veritate destituitur, alia verò secundariò prohibentur. Nam iuramentum vanum, dicitur, quod sine suo frustratur. Iuramenti autem finis est confirmatio veritatis: Ergo maxime vanum est iuramentum, cui deest veritas. Deinde verò, si quis iuret rem illicitam, quam exequi non potest, vel rem indifferentem aut maioris boni impediendam, vel denique sine necessitatis vel utilitatis ratione, itidem in vanum Dei nomen assumere censetur. Ita Sotus lib. 8. q. 2. 2. 1. & 2. Sanchez lib. 3. c. 4. n. 5.

Assertio I. Omne perivrium assertorium, si cum plena mentis deliberatione fiat, est mortale peccatum, neque ob materiae leuitatem veniale fieri potest. Ita S. Th. quæst. 98. 2. 3. Caiet. ibidem & quæst. 89. a. 7. resp. ad 4. §. ad hoc dicitur, & in sum. ver. perivrium, dub. 1. & 2. Scotus in 3. d. 39. q. vn. dub. 1. & 2. Rich. 2. 3. q. Couar. 1. resol. c. 1. n. 2. Nau. c. 12. n. 6. Tol. lib. 4. c. 21. vet. iurare. Suar. lib. 3. de iuram. cap. 4. Sanchez lib. 3. c. 4. n. 6. & alii communiter. Ex quibus hæc regula traditur: Quotiescunque id quod asseritur, vel negatur, mendacium est, iuramentum illi additum est peccatum mortale. Ratio est, quia Deum veratissimum in confirmationem cuiuscunque falsitatis, testem deliberatè adducere, non vacat grauissima irreuerentia & contemptu. Cum enim veritas latitudinem non habeat, sed in diuisibili consistat, videlicet in adæquatione dicti ad rem, sequitur, omnem assertionem, quæ vera non est, simpliciter & omnimodè falsam esse; vt si dicas v. g. esse viginti nubes, cum tantum sint nouendecim: consequenter, si eiusmodi falsitatem seu mendacium iuramento confirmes, perfecta & integra malitia perivrii in eo reperitur. Ita docet S. Th. l. c. qui addit, in respons. ad 2. Si mendacium iocosum iuramento confirmetur, quodammodo etiam plus irreuerentiæ Deo irrogari, quando quidem sine vlla necessitatis ratione Dei nomen in testimonium falsitatis assumitur.

Assertio II. Iuramentum incautum, id est, prolatum sine debita consideratione, verumne sit quod iuratur, est peccatum graue, vel leue, secundum proportionem defectus considerationis debita. Si enim magna sit negligentia vel defectus, erit peccatum mortale: si parua negligentia vel defectus, veniale tantum. Ita docet S. Bonauen. in 3. d. 39. q. 3. Caiet. Angelus, Syl. ver. perivrium, Nau. c. 12. n. 7. Sotus lib. 8. quæst. 2. art. 3. concl. 6. Valentia disp. 6. quæst. 7. p. 3. vbi de iudicio inquisitionis, non longè à fine, Suarez cit. libro 3. c. 5. Sanchez lib. 3. c. 4. num. 14. & colligitur ex doctrina S. Th. ll. suprà citatis, Probatur: Nam malitia iuramenti incauti in eo consistit, quod aliquis periculo se committat iurandi falsum: Atqui hoc periculum tantò maius & propinquius est, quantò minùs iurans rei iuratae veritatem considerat, & attendit. Ergo &c. Adde, in conscientia foro nihil referre: vtrum iurans postea reperiat se verum iurasse, an falsum: dummodo, cum iurauit, aduerterit ad periculum

falsitatis, ob considerationis seu cognitionis suae defectum.

Sed quaestio est; Vtrum iuramentum incautum contineat malitiam propriè dicti periurii? Ita affirmant Doctores citati, uti viderelicet apud Sanchez n. 10. & 14. Sed rectius negat Vasquez 1. 2. disp. 127. cap. 3. *Quinon videt*, (inquit) *vel dubitat esse falsam, quod iurat, periurus non est.* eumque secutus Luisius Turriarum 2. 2. disp. 58. dub. 2. Ratio est. Quia omne periurium pro fundamento habet mendacium, ut constat ex definitione S. Thom. citat. quaest. 98. art. 1. Sed contra: Qui autem aliquid asserit, minus considerans, vel subdubitans num verum sit, is non mentitur; cum nihil asserat contra mentem, voluntate fallendi. Ergo non propriè peierat.

Respondet aliquis: Imò verò mentiri, & peierare eum, qui incertam, aut minus exploratam veritatem iuramento confirmat: siquidem obiectum iuramenti, ob diuini Numinis reuerentiam, oportet esse veritatem certam, & satis exploratam, pro conditione & qualitate materiae. Ergo iurans hoc ipsum praese fert, & profitetur ac consequenter mentitur & peierat, si rem incertam, vel minus consideratam habeat. Sed hæc responsio non satisfacit. Qui enim assertoriè iurat, is plerumque nihil reflexè asserere vult de sua cognitione num ea certa sit, necne: sed solùm directè de obiecto ita se habere, sicuti enuntiat. Verùm quia non temere, sed re bene considerata iurare oportet; ideo quò magis iurans in consideratione debita deficit, tantò magis à reuerentiâ & religione iuramenti diffidit, ideoquè peccat; sed non, propriè ac formaliter peierat.

Confirmatur ex suprà dictis. Nam omne periurium assertorium est peccatum mortale: Sed iuramentum incautum non semper est mortale: Ergo distinguitur à periurio assertorio.

Idemque dicendum de iis, qui falsum iurant sine ratione, animaduersione ex consuetudine, quam depone re negligunt: non enim propriè peierant; cum non mentiantur. Qui tamen huiusmodi falsa iuramenta deordinationem quandam habent, ideo consuetudo existens causa voluntaria horum iuramentorum aggravatur ab eis, tanquam effectibus indirectè volitis. Ita notavit Turrianus lib. cit. Vide, quæ dixi lib. 1. tract. 2. cap. 3. numero 6. Denique eadem ratione dicendum est de ebriis, eos peierare non posse: Quia ubi non est mendacium, ibi non est periurium: In ebrios autem mendacium non cadit. Mentiri enim est contra mentem loqui, fallendi intentione. Ergo ubi non est mens atque intentio, videlicet in ebriis, non potest habere locum mendacium. Idque notavit Vasquez suprà citat. cap. 3. Vide quæ dixi lib. 2. tr. 1. c. 14. nu. 2.

Porro notandum est, quod suprà dixi, ad assertorium iuramentum requiri, ut res iuranti certa, vel satis explorata sit, pro conditione seu qualitate materiae. Si enim iurans proprium factum iuret; tunc maiore opus est certitudine, & plerumque veritatis eidentia, qualis de propriis actionibus haberi potest, ac solet. Sin verò iurans factum alienum asserat, vel simile aliquid, de quo certa, aut evidens cognitio haberi non potest, sed tantùm verisimilis; tunc maior etiã ad assertorium iuramentum certitudo non requiritur; etsi præter opinionem contingat rem aliter se habere. Veruntamen, si testis de facto alieno iuratus in iudicio deponat; requiritur cognitio certa, quæ habetur per visum &c. iuxta c. testes, 3. quaest. 9. neque sufficit cognitio incerta quæ habeatur ex fama, vel aliorum relatione, uti docet Sanchez cit. c. 4. nu. 13. Sed intelligi hoc debet, si de ipso facto testimonium exigatur; quale ad semiplenam probationem erigi solet. Secus autem est, si testis solùm de

fama, vel alio criminis iudicio examinetur; Deinde interdum tale est factum, vel negotium alienum, ut de eo certa cognitio haberi non soleat, adeoque non requiratur: v. g. cum aliquis testatur, & iurat, alterum esse dignum ad sacrum ordinem vel beneficium Ecclesiasticum; intelligi hoc debet, quantum humana fragilitas nosse sinat, sicuti habetur in c. vn. de scrutinio in ordine faciendo & docet Scotus in 3. d. 39. q. vn. §. quantum ad secundum, Sairus in clau regia, l. 5. c. 4. n. 18. Sánchez l. 3. c. 4. n. 13.

Assertio III. Licet probabilis sit sententia Gabrielis in 3. d. 39. quaest. 2. a. 2. concl. 4. Caiet. in sum. ver. periurium, cap. 2. Armilla ver. iurare, num. 12. Medina lib. 1. instruct. capite 14. §. 4. Lessi lib. 2. cap. 42. dub. 5. num. 23. Valent. tom. 3. disp. 6. quaest. 7. p. 3. concl. 3. omne periurium promissorium esse peccatum mortale, neque ob materiae leuitatem, veniale fieri posse; contraria tamen sententia est probabilior, quam tradit S. Anton. p. 2. tit. 10. cap. 4. §. 1. Sylvest. ver. iuramentum, 4. quaestione 1. Sotus lib. 3. quaestione 1. art. 7. Nauar. cap. 12. man. numero 10. & cap. 18. numero 7. Rodriq. tom. 1. sum. capite 192. numero 5. Sa ver. iuramentum, numero 7. Suarez lib. 3. de iuram. cap. 16. Sanchez lib. 3. cap. 4. numero 23. Connex. tom. 2. disput. 22. dub. 7. numero 53. Prior pars huius assertionis constat tum ex auctoritate Doctorum, tum eorundem ratione. Nam facere, quod Deus in testimonium falsi adductus sit, est grauis irreuerentia, & mortale periurium, uti constat ex dictis assertionibus. Qui autem se aliquid facturum iurauit, siue magnum sit, siue paruum, ac postea intermittit, is facit, ut Deus in testimonium falsi adductus fuerit. Ergo grauem irreuerentiam, ac mortale periurium admittit.

Posterior assertionis pars probatur: Si peccatum ratione materiae augeri, ac monui solet, tum in eo genere etiam venialiter peccari potest. Est autem communis hominum persuasio, tantò maiorem, vel minorem irreuerentiam Deo irrogari, quantò maior, vel minor promissio iurata violatur. Ergo potest etiam venialiter contra virtutem Religionis peccari, si levis promissio iurata violetur; veluti si iurasti, te cum socio animi causatus iturum, & postea tenere intermittas. Ratio huius persuasionis est: Quia in iuramento promissorio Deus ad promissionis, vel cuiuscunque boni operis exequendi confirmationem non propriè ut testis adducitur; (nam alioquin periculum esset, ne sæpe in testimonium falsitatis adduceretur, si postea etiã iusta de causa promissio non impleteretur) sed solùm ut auctoritatem præbens obligationi, quæ ex promissoria, aut quasi promissoria assertionem oritur: ad eum modum, sicuti si sponsalia in præsentia Principis, quasi auctoritatem interponentis, celebrentur. Certum autem est, tantò maiorem, vel minorem irreuerentiam irrogari, quantò maior, vel minor res est, ad quam confirmandam alterius auctoritate usus es; si postea sine iusta causa à te non fiat, quod dixisti, aut promissisti, uti notavit Caiet. q. 89. a. 7.

Confirmatur I. Violatio voti circa materiam leuem non nisi venialem irreuerentiam aduersus Deum continet, ut dicam tract. seq. cap. 3. num. 2. Ergo etiam violatio iuramenti promissorii circa similem materiam. Probatur consequenter. Quia teste S. Tho. q. 89. art. 8. maior est obligatio voti, quam iuramenti promissorii erga hominem; & consequenter grauior illius, quam huius violatio seu transgressio. Ratio est: Quia in promissione voti fides directè Deo datur: in promissorio autem iuramento fides alteri datur interposito nomine & auctoritate Dei: est autem maior irreuerentia erga Deum infidelem esse, quam fidem alteri datam violando, abuti auctoritate Dei, quæ interposita erat, sicuti re-

At explicat Suarez libro 2. capite 3. numero 7. & seqq.

Confirmatur II. Omne propriè dictum periurium fundatur in mendacio: Qui autem promissionem alteri veraciter, & ex animo factam postea violat, is non mentitur; sed infidelis est. Ergo tametsi promissio iurata fuerit, eius violatio non continet propriè dictum periurium; sed alterius speciei irreuerentiam aduersus Deum. Quæ doctrina sumpta est ex S. Th. q. 110. a. 3. ad 5. *Qui aliquid promittit, si habet animi faciendi quod promittit, non mentitur: quia non loquitur contra id, quod gerit in mente. Si vero non faciat quod promittit, tunc videtur infideliter agere, per hoc quod animum mutat.*

Confirmatur III. Qui votum iuratum Deo edidit, quamuis postea non impleat, tamen mentitus propriè non est, cum homo, qui veram Dei falli non potentis cognitionem habet, ipsi mentiri, eumque decipere velle non possit. Ergo propriè non peierat: quandoquidem sine mendacio periurium propriè non est.

Ex his patet solutio contrarii fundamenti; Quod in violatione iuramenti promissorii non fiat, ut Deus in testimonium falsi, aut mendacii adductus sit; sed quod auctoritas Dei in confirmationem infidelis promissionis adhibita fuerit.

Dices primò: Qui promissionem violat, is facit præteritum dictum suum, se daturum, facturum falsum fuisse consequenter facit, quantum in se est, ut Deus in confirmationem falsitatis adductus fuerit. Respondeo duobus modis Primò, Quod hæc sit falsitas materialis tantum, non formalis: sicuti etiam qui rem iniquam se facturum iurat, quodammodo falsum iurat, eo ipso, quia opus iuratum intermittere tenetur. Secundò, & facilius cum Aegid. Coninck. 2. 2. tom. 2. disput. 22. dub. 7. concl. 1. Qui siue iuratus, siue non iuratus promittit se aliquid facturum, is non affirmat se verè facturum esse, (cum hoc ipsum nesciat, quia plane contingens ac variabile sit) sed tantum ad faciendum se obligat.

Dices II. Omnis violatio promissionis aut quasi promissionis obligantis est contra virtutem veracitatis: Ergo si promissio iurata fuerit, censeri debet periurium commissum. Respondeo; Antecedens intelligendum non esse de virtute veracitatis, quæ in eo consistit, ut dicta menti dicentis consentiant, atque pro opposito suo habet mendacium: sed de veracitatis virtute, quæ in eo consistit, ut dictis, aut promissis facta respondeant, atque pro opposito habet inconstantiam in dictis, aut infidelitatem in promissis.

Dices III. Quod violatores iuramenti propriè promissorii in externo foro tanquam periuri grauitè puniri soleant. Respondeo, negari non posse, quin tales contrahant crimen periurij impropriè dicti ex genere suo mortale; ob quod grauitè puniri possunt, nisi materiæ leuitas à gravitate reatus liberet.

Sed quid sentiendum de iuramento non propriè promissorio, habente tamen obiectum honestum, v. g. si pater iurauerit, se puerum ita meritum castigaturum, & postea sine causa intermittat, utrum peccet? Respondeo peccare, quamuis non mortaliter, ob materiæ leuitatem. Est enim irreuerentia quædam aduersus Deum, propositum bonum, diuini Numinis auctoritate firmatum, sine causa immutare. Nam homo per propositum veluti sibi ipsi legem fert libera voluntate, quam iuramento seu auctoritate diuini Numinis veluti sigillo firmat, ac corroborat: est autem irreuerentia Dei auctoritate abuti ad instabilitatem animi, ut veluti Deus instabilitatis humanæ confirmator esse debeat.

Assertio IV. Iuramentum amphibologicum licet propriè periurium non sit, imò omni culpa careat, si iusta iurandi causa subit ad veritatem aliquam dissimulan-

dam; est tamen illicitum, & quodammodo periurium, si sine iusta necessitate fiat. Ita docet Caiet. 2. 2. q. 89. a. 7. §. Ad hoc dicitur, Nau. in cap. humanæ aures, 22. q. 5. in 1. 2. & 3. q. & c. 12. man. numero 8. Valent. t. 3. disp. 5. questione 13, p. 2. Tolet. lib. 4. ca. 21. Rodriq. tom. 1. sum. cap. 191. numero 7. Philarch. de offic. sacerdotis, tom. 1. p. 2. lib. 3. cap. 14. Salon. 2. 2. questione 69. art. 2. controu. 11. Less. lib. 2. cap. 42. dub. 9. Sanchez libro 3. capite 6. numero 3. Hæc assertio tres partes continet: I. patet, quod iuramentum amphibologicum periurium non sit, inde constat, quia, ut pono, alter sensus amphibologiæ verus est: Ergo qui illum iuramento confirmat, periurium propriè non committit. Quin imò, tametsi ponamus locutionem aliquam non esse verè ambiguum: sed vel suapte institutione, vel ex circumstantiis ac modo loquendi determinatam ad vñ, eumque falsum sensum; si tamen iurans animo suo non intendat illum confirmare iuramento; sed alium, quamuis alienum à verborum sensu, verè periurus non est. Quia periurium non est sine proposito inuocandi Deum ut testem in confirmationem falsi: iste autem non intendit Deum inuocare, ut testem enuntiationis eius falsæ, quam exterius profert; sed alterius veræ, quam in animo retinet. Quæ doctrina sumitur ex S. Gregorio lib. 26. moral. cap. 7. ubi excusando sanctum Iob, cuius verba amici eius sinistrè acceperant, ita loquitur: *Humana aures verbo nostra talia iudicant, qualia foris sonant: Diuina verè iudicia talia ea audiunt, qualia ex intus proferuntur.*

Moneo tamen primò: Quod talis dupliciter mentitur, ac decipit: & quia exterius loquitur seu enūtiat aliter quam in animo sentit, sicuti dixi cap. præced. assert. 1. num. 6. 7. & quia exterius simulat, se eam ipsam enūtiationem iuramento confirmare, cum re vera siue ex animo confirmet. Moneo secundo; Quod talis, licet periurus propriè nō sit, tamen grauitè plerumque peccet, etiam contra religionis virtutem: quia utitur iuramento, uti sit quasi instrumentum alterum decipiendi & falsitatem ei obtrudendi: præterquam quod verè periurus esse possit, si iuramento suo asserat & confirmet, se syncerè ac sine dolo verba proferre, aut quippiam promittere.

Altera pars assertionis, quod amphibologicum iuramentum interdum omni culpa careat, eadem ratione probatur; quia amphibologicæ locutionis vnus sensus verus est: ergo secundum illum postulante necessitate, iuramento confirmari potest. Quanquam grauior causa requiritur ad cohonestandam amphibologiam iuratam, quam simplicem, ob reuerentiam iuramenti non facile proferendi. Causa autem necessitatis esse solet, si ex vna parte vel tua ipsius, vel alterius, vel Rei publicæ interfit amphibologicè aliquam veritatem iurando, aliam veritatem celare; ex altera verò parte, is qui interrogat, aut iuramentum exigit, vel non legitime id faciat, v. g. Iudex incompetens, aut non iuridicè interrogans; vel etsi legitime interroget; tamen eius intentioni satisfiat ita respondendo.

Tertia demum pars assertionis, quod sine iusta necessitatis causa amphibologico iuramento veritatem celare, peruersum sit, & quodammodo periurum, inde constat: Quia cum talis dissimulatio, seu verborum circumuentio ac dolus per se vituperabilis sit & humanæ societati incōmodans, multò quidem magis, si iuramentum accesserit: Quapropter si id fiat in re, alioquin momenti, vel cum graui & iniusto damno proximi, erit hoc peccatum mortale, contra religionis virtutem, & quasi periurium in externo foro non immeritò punietur. Cum enim finis iuramenti sit confirmatio veritatis; pastorum item, ac promissorum inter homines; illius vim & efficaciam, non sine humanæ societatis detrimento, valde enervant & destruunt, qui iuramentum

to abutuntur seu ad falsitatem simulandam, seu ad veritatem sine iusta causa dissimulandam: ut hinc nihil dicam de scâdalis, quæ cum huiusmodi iuramentis peruersis coniuncta esse solent.

8 Porro ex secunda huius assert. parte hi casus resoluntur: I. Qui pecuniam mutuâ sibi datam fideliter soluit, is postea in iudicio conuentus, si aliæ probationes & exceptiones desint, iuratus dicere potest, se hunc mutui contractum non instituisse; intellige tali obligatione, ut bis soluere debeat, ita probabiliter docent Couar. 1. resol. cap. 2. num. 4. Azor tom. 1. lib. 11. cap. 4. quæstione 5. reg. 2. Suarez libro 3. cap. 9. num. 6.

II. Qui mulieri graui metu coactus, vel sine villo proposito se obligandi dixerat *Accipiam te in meam*, postea à Iudice sub iuramento interrogatus, negare potest se talia verba dixisse, intelligendo eo sensu, quo existimatur, ut eam in matrimonium accipere liberè consenserit, sicuti probabiliter resoluit Nauar. in c. humanæ aures, 22. quæst. 5. in q. sua 1. Tolet lib. 4. cap. 21.

III. Qui sub iuramento interrogatur, vtrum veniat ex loco, qui falsò existimatur peste infectus, iurare potest, se inde non venire, intelligendo ex loco, qualis existimatur, sicuti docent Syl. ver. iuramentum, 3. quæstione 2. Nauar. cit. cap. humanæ aures, quæst. 2. numero 9. & in man. cap. 12. numero 19. Azor cit. cap. 4. quæstione 5. reg. 3. Suarez citat. cap. 9. numero 7. Tolet. libro 4. cap. 21. Sanchez lib. 3. cap. 6. numero 35. Rodriq. p. 1. sum. cap. 191. concl. 4. Imò plerique addunt, tamen si locus infestus sit, si tamen celeriter transiens certò credat, se peste infectum non esse, iurare eum posse, non transiisse. Quod verisimile est secundum explicationem Syl. si tales circumstantiæ sint, ut si officiales scirent; ingressum concederent, aut saltem concedere deberent. Sæpe tamen iusta solet esse intentio interrogantium, vtrum viatores quacunque moram, longam, aut paruam, in loco infecto traxerint, cum facillè sit, præsertim si aer infectus est, etiam non aduertentem pestilentiam in corpore, aut vestibus corripit. Quo casu interrogatus non iurabit ad iustam intentionem interrogantis, si absolutè neget, se in tali loco fuisse, aut inde venire: profectò in foro externo talis ut periurus non immeritò punietur.

IV. Qui de aliquo facto, tanquam reus criminis, interrogatur, si ob circumstantiam ab omni culpa immunis sit, potest iuratus negare, se id fecisse, intelligendo eo modo ac fine, quo à Iudice interrogatur. Exemplum habes in eo, qui hominem per inculpatam ignorantiam pro fera occidit, vel in iustam compensationem debiti rem alienam subtrahit. Ita Sairus in clau regia lib. 12. cap. 17. num. 26. Lessi lib. 2. ca. 31. nu. 14. Sanchez nu. 14.

V. Scholastici interrogati, an sint collocuti cum aliquo ex iis qui pro cathedra contendunt, iurare possunt, se locutos non esse, intelligendo de rebus pertinentibus ad materiam subornationis; quia hæc sola debet esse iusta mens & intentio interrogantis, sicuti docet Nauar. c. 12. nu. 19. Suarez lib. 3. c. 9. n. 7.

Hæ recentiorum Doctorum resolutiones ea probabili ratione niti debent; quia consuetum est inter homines, ut responsio interrogantis intentioni conformetur; ideòque aliquis non plus, sed hoc ipsum respondere censetur, quod alter interrogat. Iudex autem v. g. solum intendere censetur, an Reus conuentus contractum instituerit, ex quo modò obligatus sit. Sin verò eam intentionem excedat, & plus se interrogare significet, tum interrogantem dictis modis deludere, mendacium foret. Neque hinc distinguere opus est, vtrum Iudex legitime interroget, necne: quia licet ve-

ritatem illegitimè interroganti edicere non cogaris, non tamen debes mendacium dicere: est autem mendacium, si Iudice determinatè interrogante, vtrum nulla vnquam ratione mutuum à Titio acceperis, tu absolutè neges intelligendo intra te, quòd tibi fateri obligatus sis. Ex quibus etiam iudicium ferri potest de doctrina Soti de secr. reg. mem. 3. quæst. 3. concl. 3. & 4. Egid. Coninck de actibus supernatur. lib. 1. disput. 10. dub. 3. numero 51. Azor tom. 1. lib. 11. cap. 4. quæstione 3. reg. 2. vbi aiunt, quòd Reus de occulto crimine præter iuris ordinem interrogatus, si neget, intelligendus sit de tali crimine, quod in iudicium venire debeat.

At verò, si aliquis à te mutuum pecunias petat, aut libros commodatò; tu autem neges te habere, mente tua intelligendo, quòd tibi dare obligatus sis, mendacium committis, non æquiuocationem, sicuti bene contra Nauar. c. 12. numero 18. Rodriq. tom. 1. cap. 193. concl. 4. Philarchum tom. 1. p. 2. lib. 3. cap. 4. prope finem, docent Lopez p. 1. instruct. cap. 42. §. Item qui non tenetur, Henriq. lib. 6. cap. 19. numero 8. in comment. lit. K. & colligitur ex Soto de secret. mem. 3. q. 3. ut eum Corduba explicat. Quia verba cum per intentionem interrogantis, tum per alias circumstantias satis determinantur ad significandum, te non habere quod possis gratis mutuare, aut commodare. Item si latroni v. g. pecunias stipulanti, iuratus promittas te daturum; intra mentem retinendo, *dabo si tibi debeam*, amphibologia non est, sed mendacium: quia verba cum secundum expressam exigientis intentionem tum secundum alias circumstantias determinantur ad absolutam promissionem, sicuti bene docet Caiet. quæstione 89. art. 7. solut. 4. §. Ad hoc dicitur. Arrag. eadem solut. 4. concl. 2. Sotus lib. 8. quæstione 1. art. 7. prope finem contra Syluest. ver. iuramentum, 4. quæstione 7. dicto 2. Nauar. cap. humanæ aures, 22. quæstione 5. q. sua 3. n. 6. Sanchez cit. c. 6. n. 43. Etenim licet interrogatus iniuste, non teneatur semper respondere ad intentionem interrogantis, sed possit secretum per ambiguitatem sermonis celare; quæ in aliquo sensu apud vulgus, aut apud sapientes vera sint; alias mentitur, quod nunquam licitum est.

Quare quod Iuristæ quidam apud Nauar. in citato cap. humanæ aures, quæstione 2. numero 10. de B. Francisco referunt, quòd cum Perusius à Prætore de criminoso quodam interrogaretur, an vidisset illum transire, responderit: *non transiit hac*, intra se intelligens *per manicam meam*; ad id dicit Sotus citato mem. 3. quæstione 3. ante 7. concl. D. *Franciscus vel falsò circumferitur auctor eius responsi, vel putauit vir sanctissimus id esse licitum*. Alter autem sentit S. August. libro de mendacio capite 13. vbi commemorat, & laudat Tagastensis Ecclesiæ Episcopum, qui Firmus nomine, firmior voluntate: nam cum ab eo quæreretur homo iussu Imperatoris per apparitores ab commissos, quem ad se confugientem diligentia, quanta poterat, occultabat, respondit: *quærentibus, nec mentiri se posse, nec hominem prodere; passusque multa tormenta corporis, permansit in sententia*.

Circa tertiam verò assert. partem nota; Quòd dolo, sed iurans alteri se facturum aliquid, duobus modis comparatus esse potest: Primò; Ut non habeat animum faciendi quod promittit; habeat tamen animum iurandi, & iuramento se obligandi: & talis periurium assertoriū committere censetur; quia mendaciter ostendit seu simulat, habere se propositum faciendi, idque iuramento confirmat; atque insuper tanquam ex iuramento promissorio obligatus manet ad exequendum. qua de re vide Caiet q. 89. a. 7. resp. ad 4. Secundò; Ut non habeat animum iurandi id, quod exterius promittere videtur; sed verba iuramenti alio sensu proferat: tunc licet non obligetur per se ratione iuramenti, quippe quod sine

animo iurandi nullum est; per accidens tamen obligatur ad implendam rem exterius promissam, & acceptam: partim ratione scandalii, ne periurus censeatur ac puniatur; partim verò ratione nocimenti alteri personæ prouenturi: ut si quis per iuratam simulationem nuptiarum, puellam deceptit. Quapropter rectè dixit Isidorus lib. 2. sentent. cap. 31. relatus à S. Thom. q. 89. a. 7. ad 4. quòd dupliciter rem sit dolosè iurans, quia & nomen Dei in vanum assumit (est enim irreuerentia, seu irreligiositas non parua, testimonium Dei usurpare ad duplicitem, & dolum tegendum, sicuti Caiet. notat cit. resp. ad 4.) & quia proximum dolo caput. Quod autem dixit S. Thom. cit. respon. ad 4. *Quando non eadem iurantis intentio, & eius cui iurat, si hoc prouenit ex dolo iurantis, debet iuramentum præstari secundum sanum intellectum eius, cui præstatur*, id intelligi non debet secundum se, & virtute iuramenti promissori; sed per accidens ratione iniustæ læsionis, sicuti ipsemet S. Doctor expressius docuerat in 3. d. 39. quæstione 1. art. 3. quæstion. 3. *Qui iurat dolosè, quamuis ex ipsa ratione iuramenti, in quantum iuramentum, non obligetur ad seruandum ipsum, nisi secundum suam intentionem, tamen ex necessitate iuramenti, in quantum fuit dolosum, obligatur ad obseruandum taliter, quòd ex dolo alius non ledatur: & hoc est quando secundum intentionem recipientis implet iuramentum.*

9 Assertio V. Iuramentum, cui deest iustitia, quia est de re iniqua, si assertorium tantum sit, videtur ex genere suo esse peccatum duntaxat veniale: v. g. si crimen occultum proximi sine iusta causa iuratus reueles. Ita docet Suarez l. 3. c. 12. n. 7. & 8. Sanchez c. 4. n. 33. Ratio est: Quia in tali casu iuramentum non confirmat assertionem seu narrationem, ut iniqua est; sed tantum ut vera est: ideoque malitia detractionis per accidens tantum ad iuramentum se habet. Excipe: nisi ea directa intentione detractionem mortalem iuramento confirmes, ut facilius ei fides habeatur: tunc enim nomen Dei assumitur tanquam instrumentum ad grauem iniuriam proximo irrogandam, quod magnam Dei irreuerentiam continere videtur: quare in hoc casu circumstantia iuramenti; quòd inquam iuratus proximo detraxeris, ad maiorem fidem faciendam, in Confessione explicanda est.

Assertio VI. Iuramentum promissorium de re mortaliter mala, continet mortalem irreuerentiam, ob iustitiæ defectum, ut si iures, te hominem occisurum: At verò de re venialiter mala, continet tantum irreuerentiam venialem; ut si iures, te puerum non ita omnino meritum castigaturum. Est communis doctrina apud Syl. ver. iuramentum 2. quæst. 7. & 4. q. 1. Caiet. in sum. ver. periurium, ca. 2. & 2. 2. quæst. 98. a. 2. Sotum in 3. d. 39. q. vn. a. 3. Nauar. cap. 12. num. 13. & 15. Less. c. 42. dub. 4. num. 18. Suar. lib. 3. cap. 19. numero 9. Sanchez cit. cap. 4. numero 26. Ratio est: Quia tantò maior, vel minor irreuerentia Deo irrogatur, quantò maius, vel minus peccatum est cuius committendi propositum Dei auctoritate confirmatur. Ceterum, si aliquis rem malam iuramento confirmet, vel iuratam postea perficiat eo animo, quasi Deo placeat opus peccati mortalis, aut venialis, tum blasphemiam in Deum committitur, per se loquendo. Denique, si quis rem malam, quam iurauerat, postea opere compleat, quasi ex obligatione iuramenti, pertinet id ad superstitionem, & zelum non secundum scientiam, uti docet Suarez libro citato numero 6. Quamquam, si non error cõtra Fidei doctrinam, sed vulgaris quedam ignorantia seu simplicitas id persuadeat, à mortali peccato id excusari potest.

Assertio VII. Iuramentum de opere vel omissione indifferente, aut repugnante Euangelicis consiliis, per se loquendo, est veniale tantum peccatum, ob iustitiæ defectum. Ita Caiet. citato capite 2. Nauar. capite

12. numero 16. Azor lib. 11. capite 5. quæstione 1. Less. dub. 3. numero 17. Sanchez citato capite 4. numero 30. Suarez capite 18. numero 6. Est enim quadam irreuerentia, sed non grauis, iurare aliquam rem, quæ mala quidem non est, attamen incapax obligationis ex iuramento: ut si iures, te hodie non ieiunaturum; Religiosum non futurum Quamuis Angelus ver. iuramentum, s. n. 3. Syluest. eod. ver. 2. quæst. 7. putent id esse mortale.

Porro rectè admonet Sanchez n. 32. Minus malum esse, iurare rem venialem indifferentem, aut contra consilia, animo exequendi, quam absque tali animo. Quia in priore casu veniale tantum peccatum committitur; in posteriore verò mortale periurium. Contrà verò maius in malum est (saltem extensiuè) iurare rem mortalem, v. g. homicidium animo exequendi; quàm sine tali animo: quia in priore casu duplex culpa mortalis: in posteriore vnica & simplex, sicuti docent Caiet. 2. 2. quæstione 89. a. 2. Nauar. cap. 12. nu. 13. Suarez cit. c. 19. prope finem.

11 Assertio VIII. Iuramentum, cui iudicii tantum discretio deest, quia sine necessitatis ratione sit, non excuset culpam venialem; quia leuem irreuerentiam continet: Dummodo iurans sufficientem cautionem adhibeat, ut quod iuramento affirmat, falsum non sit. Quia ratione mercatores excusari possunt à mortali crimine periurij, quando iurare solent, tantidem, vel pluri sibi mercedem constare, quanti diuendunt; licet interim lucrum aliquod reportent. Quia tale iuramentum, licet sine necessitatis ratione, idèque indiscretè prolatum sit, potest tamen habere sententiam veram; videlicet æquum etiam labore, periculo &c. tanti, vel pluri sibi constare. Quare de re vide Sanchez lib. 3. moral. cap. 9. numero 5. Patet tamen debemus, quòd mala consuetudo facit ad quoduis dictum iurandi, collocet hominem in probabili periculo multorum falsorum iuramentorum, quo sensu Isidor. dixit lib. 2. sent. cap. 31. *Dum resum iurandi facimus, periurij crimen incurrimus.* Et lib. 2. Synonym. cap. 10. *Abstinere iurandi periurium facit.* iurandi vsu ad periurium ducit & consentit S. Bernard. de modo bene viuendi, ser. 32. S. August. l. contra mendac. cap. 15. S. Chryl. hom. 4. ad populum Antioch.

Denique cum periurium propriè dictum, tam assertorium, quam promissorium, admodum graue peccatum sit, imò grauius (secundum se, & ex specifico obiecto suo) quàm homicidium, & adulterium, ecce S. Thom. quodlib. 1. a. 18. quia proximè ac directè contra Dei honorem ac reuerentiam tendit, & præstantissimæ religionis virtuti aduersatur; ideo grauem poenam meretur non solum à Deo, uti videre est Malachi. cap. 5. sed etiam ab humano Magistratu cum ciuili, tum Ecclesiastico, uti videre est apud Greg. Tholot. l. 50. Syntag. c. 10.

12 Neque obstat lex 2. Cod. de rebus creditis: *Iuris iurandi contempta religio satis Deum vltorem habet.* Hoc enim ideo dicitur, ut intelligamus, cur periurium corporali pœna, sicuti homicidium &c. Cæsareo iure non puniatur; quia Deum potius vltorem habere debet, in cuius iniuriam præcipuè ac directè cedit, uti notauit Couar. c. quamuis pactam, p. 1. § 7. n. 2. Interim puniri potest pœna arbitraria, sicuti & blasphemia, & similia crimina ad solam diuinæ maiestatis offensam pertinentia.

Id verò maximè locum habet, si periurium sit promissorium, & cum alterius hominis iniuria coniunctum; ut à ciuili etiam Magistratu, tanquam humanæ societati noxium, puniri debeat, sicuti Glos. notauit in cit. lib. 2. Quamobrem in l. quis maior, Cod. de transact. decernitur, ut qui voluntaria pacta vel transactiones iuratas violant, præter alias pœnas, etiam infamiam ciuilem

seu legalem ipso facto incurrat, secundum Glos. ibid. ver. infamia communiter receptam. Quæ tamen pœna ad alia periuria puta assertoria, intra, vel extra iudiciũ; item ea promissoria, quæ contra solum Deum committuntur, extendenda non est, sicut colligitur ex leg. vltima ff. de crimine stellionatus, ex communi docent Abbas cap. querelam, numero 2. de iureiurando. Iulius Clarus lib. 5. sentent. 5. periurium, numero 3. Suarez lib. 3. de iuramento capite 19. numero 15. post S. Thom. quæstione 98. art. 3. ad 3. qui tamen recte admonet, per Iudicis sententiam etiam alios periuros conuictos, aut notorios infamia notari posse.

At verò secundum ius Canonicum decernitur in cap. vltimo 22. quæstione 1. vt pro crimine periurii grauißima pœna imponatur, qualis pro adulterio, homicidio &c. Quamobrem conuictus de periurii crimine deponendus est, cap. Presbyter d. 81. cap. cum non ab homine, de iudiciis: Multoque magis beneficio Ecclesiastico priuari potest; cum hæc sit partialis quædam depositio, idque colligitur ex cit. cap. querelam, & notat ibid. Abb. num. 1. Ioan. Selua tract. de Benef. p. 4. quæ. 7. At verò in c. peruenit, de fideiuss. præcipitur, vt Clerici periuri ab officio, & beneficio suo suspendantur. Quamobrem ad ordinarij Iudicis arbitrium pertinet iudicare, considerata qualitate delicti, quænam ex his pœnis & nam in perpetuum, an ad tempus priuatio imponenda sit, sicuti notauit Suarez cit. c. 20. n. 21.

Cæterum ante Iudicis sententiam, seu ipso iure, nulla censura, vel pœna canonica ob periurium incurritur, sicuti docent II. cc. Suarez. Couarr. Selua, Iulius Clarus, vbi testantur, communem esse DD. sententiam, quod periurus ipso facto non excidat beneficio, vel dignitate; sed à Iudice priuandus sit, vti etiam Abb. docuit cit. c. querelam, num. 5. Vtrum autem institutio seu collatio beneficii facta periuro notorio ipso iure irrita sit, pendet ex alia quæstione; vtrum talis irregularis existat ob adiunctam infamiam? Et certum est, irregularem esse si infamia legalis sit; videlicet à lege aut Iudice lata: sed ob infamiam facti quæ per vitæ emendationem deleri potest, non incurrit propriè dictam irregularitatem, dictum est in lib. 1. tit. 5. p. 5. c. 4. n. 6. & 10.

Coronidis loco aduertendum est, quod homines simplices ac rustici vulgari apud nos idiomate confundere solent iuramenta, blasphemias, & maledictiones: cum maximum discrimen sit. Nam maledictio est mali alicuius imprecatio, quæ si Deo fiat, blasphemia appellatur: semper peccatum mortale, imò vnum ex maximis; dummodo deliberatè fiat, de eo agam infra tractatu vltimo capite 6. Sin verò maledictio hominibus fiat, an, & quatenus licita, vel illicita sit, dixi libro 2. tractat. 3. capite 8. numero 6. Iuramentum autem est explicita, vel implicita diuini Numinis inuocatio, ad alicuius dicti confirmationem. De eo temere prolato si homines in sacra confessione se accusent, intelligere debet Confessarius, vtrum verè, an falso iurauerint. Si dicant, veritatem se iuramento confirmasse, plerumque culpa mortalis iudicanda non est, vti ex dictis constat: sin verè dicant, falsum iuramento se affirmasse, & quidem scienter ac deliberatè, grauis culpæ rei censendi sunt.

Ad grauitatem iuramenti falsi, aut temere concepti etiam pertinet, si aliquis per execrationem iurauerit; Moriar; Deus mihi propitius non sit; Diabolus me rapiat, nisi verum sit, quod dico. Si tamen aliquis tali iuramento confirmet, quod scit, aut certò credit verum esse debet mortalis peccati damnari, per se loquendo, & scandalo cessante. Nisi frequenter ita iurando animaduertat, sibi malam consuetudinem ingenerari, per quam denique ad periuria perueniet.

Ad grauitatem iuramenti falsi, aut temere concepti etiam pertinet, si aliquis per execrationem iurauerit; Moriar; Deus mihi propitius non sit; Diabolus me rapiat, nisi verum sit, quod dico. Si tamen aliquis tali iuramento confirmet, quod scit, aut certò credit verum esse debet mortalis peccati damnari, per se loquendo, & scandalo cessante. Nisi frequenter ita iurando animaduertat, sibi malam consuetudinem ingenerari, per quam denique ad periuria perueniet.

TRACTATUS QVARTVS.

DE

VOTO ET VOTI
RELAXATIONE.

CAP. I.

DE NOMINE, AC DEFINITIONE
voti.

SUMMARIUM.

1. *Votum definitur promissio deliberatè Deo facta de meliore bono.*
2. *Qui vouet animo se obligandi Deo, quamuis non exequendi, vti obligatur.*
Fieri potest, vt aliquis peccatè vouendo, tamen voto obligetur.
3. *Tantum voluntarium requiritur ad voti obligationem, quantum ad mortaliter peccandum.*
4. *Ad votum non sufficit voluntas indirecta in causa sua; sufficit tamen voluntas virtualiter permanens in effectu.*
5. *Votum editum ex ignorantia, aut errore tollente voluntarium, nullius roboris est.*
6. *Votum, propriè loquendo, soli Deo editur.*



NOMEN voti dupliciter accipitur: Interdum pro desiderio, siue prece, vt pron. 31. *Quid dilecte votorum meorum?* id est, desideriorũ. Et in canone Missæ, *Tibi quæ reddunt vota sua*, id est, pia desideria, ac preces. Secundo, ac frequentius, ac magis propriè pro promissione Deo facta, vti apud Ecclesiasten cap. 5. *Si quid vouisti Deo, ne moreris reddere: displicet enim ei infidelis, & stulta promissio.* Et psal. 49. *Redde Altissimo vota tua* Psal. 69. *Reddam tibi vota mea, quæ distinxerunt labia mea* Atque hinc interdum transfertur nomen voti ad rem ipsam voto promissam, vti videre est Deuter cap. 12. *offeretis in loco illo holocausta, & victimas vestras &c. vota, atque donaria.*

Votum secundum posteriorem acceptionem (quæ sola huc pertinet) definitur ex doctrina Scholasticorum in 4. d. 38. vbi S. Bonau. art. 1. quæstione 1. & 2. S. Thom. 2. 2. quæstione 88. art. 1. & 2. S. Anton. p. 2. tit. 11. cap. 2. princ. Nauar. cap. 12. numero 24. *Promissio deliberatè Deo facta, de meliore bono.* Prima definitio

nis particula, *promissio*, significat nobis votū non esse nudum propositum boni operis in Dei honorem præstandi, absque obligationis necessitate, sicuti constat ex cap. literarum, de voto. Etenim promissio, si verè, & non fictè fiat procedit ex volūtate se obligandi, ita ut promissario, videlicet Deo, ius acquiratur. Quod adeo verum est, ut, si aliquis ignorans vim & essentiam voti, vouere velit, non autem voti obligationem contrahere, is reuera nec voueat, nec obligetur: quia incogniti nulla voluntas: & error circa substantiam siue essentiam rei viat actum, sicuti docet Sanchez lib. 1. de matrim. disp. 9. numero 3. & lib. 4. moral. cap. 1. numero 27. Suarez lib. 1. de voto, cap. 3. numero 3. & 7. Valent. tom. 3. disp. 6. quæstione 6. p. 1. Quæ doctrina in duplici casu vera est: I. Si habeat quis actum positivè contrarium obligationi, id est, nolit obligari ad id, quod vouere se putat. II. Si negativè se habeat, id est, nec expresse, nec implicite velit obligari, qui ob inuincibilem ignorantiam nescit voto obligationem annexam esse. Neutro enim casu verum, & obligatorium votum emittit; cum ad id, sicuti etiam ad omnem aliam promissionem, intrinsecè pertineat voluntas obligationis contrahendæ, ut dictum est. Quamvis huic doctrinæ repugnare videatur Sotus lib. 7. q. 1. a. 2. Arrag. 2. 2. q. 88. a. 1. concl. 3. dicto 3.

2. At verò, si vouens animum se obligandi, ac vere votum di habeat, licet non implendi, sed præuaricandi votum, nihilominus voto astringetur, sicuti ex communi docent Sotus lib. cit. Arrag. citato a. 1. concl. 3. Medina 1. 2. instruct. cap. 14. §. 6. princip. Nauatrus in man. cap. 12. num. 27. Suarez cap. 4. num. 2. Sanchez cit. disp. 9. num. 2. & cit. cap. 1. n. 23. contra Valent. cit. p. 1. §. primo, quod per enuntiationem. Nā sicuti re ipsa accidere potest, ut aliquis castitatis voto obstrictus sit, castitatem tamen non seruet; sic etiā hæc duo voluntate separari possunt, ut aliquis votum obligatus esse velit ad seruandam castitatem, non tamen obligationi satisfacere. Cōfirmatur. Nā alioquin sequitur, Clericum, qui domi concubinam alit, neque eiiciendi propositum concepit, si sacris ordinibus initiatur, non obligari castitatis voto; quod nemo dixit.

Obiicit aliquis. Votum est opus bonum, quippe virtutis Religionis: qui autem Deo vouet cum voluntate præuaricandi, is opus bonum non exercet, sed grauius peccat, sicuti ostendit Suarez in fine cit. cap. 4. Ergo non edit verum votum. Respondeo ad maiorem; Votum, secundum speciem & substantiam, quam ex obiecto præcisè accipit, esse actum bonum, ex virtute Religionis: Interim verò fieri posse, ut prauā operantis circumstantiā vitietur, ideòque secundum indiuidualem rationem actus simpliciter vitiosus existat. Pari modo, qui ex repentino motu leuiter vouet. v. g. perpetuam à vino abstinētiā, non sine periculo præuaricandi votum, is peccat ita vouendo: quia sicuti omnis alius actus virtutis; ita & votum, ut sit opus bonum ac religionis, debet esse prudens, non leuiter ac temere editum: Nihilominus votum validum, & obligatorium est: sicuti si prodigè, & non sine peccato homini quippiam promiseris, obligationem contrahis. Quæ est doctrina Caiet. quæstione 88. art. 1. circa 1. conditionem. Valent. cit. p. 1. prope finem, Sanchez cit. lib. 4. cap. 1. num. 9. Suarez cap. 9. numero 15. Item si aliquis, motus desiderio vanam gloriam captandi, elemosynam vouit, religione voti tenetur: quia licet malè vouerit, votum tamen bene implere potest: & licet talis actus vouendi siue promittendi, quā peccatum est, Deo displiceat, res tamen, quæ voto promissa est, eidem placeat, & accepta est.

Altera definitionis particula, *deliberate* explicat nobis, ad votum, sicuti & ad omnem aliam promissionem quæ obligationem pariat, quā maximè requiri

liberum voluntatis consensum. Ex quo colligitur primò; Votum validum non esse, quod ex subitaneo motu, vel animi passione, iudicium ac deliberationem perturbante, concipitur. Nam cum tali animi perturbatione, ac indeliberatione neque mortaliter peccari solet: hæc autem regula communiter traditur à Doctoribus, Caiet. Soto ll. cc. Arrag. cit. art. 1. concl. 3. Palud. in 4. d. 38. q. 1. S. Anton. p. 2. tit. 11. cap. 2. ante §. 1. Nauarro 12. n. 26. 27. & lib. 3. consil. 2. de voto, edit. 2. Sanchez lib. 1. disput. 8. numero 5. & lib. 4. moral. cap. 1. num. 2. Molin. tomo 2. disput. 267. Suarez cit. cap. 9. Tantam animi deliberationem requiri, atque sufficere ad vouendum, quanta ad mortaliter peccandum, testante hoc ipsum Glos. in c. mulier, 32. quæstione 1. ibi: *Qui potest obligare Diabolo, potest etiam obligare Deo*. Quapropter, sicuti ad peccatum mortale, ita & ad votum haud requiritur diuturna, plena, & penitus matura consultatio siue deliberatio intellectus expendentis omnia adiuncta, & quæ inde euenire possunt. Idque sumitur ex c. 2. de voto in quo indicatur, validum esse votum peregrinationis Hierosolymitanæ quod in puerili ætate, facilitate potius, quā discretionis arbitrio, conceptum est: quāuis eam ob causam facilius dispensationem, vel commutationem mereatur, vti ibid. notauit Abb. nu. 3. Sotus Arrag. Nau. ll. cc. Item in c. dudum, de conuers. coniugat. significatur, votum ex calore iracundiæ conceptū validum esse; modò talis passio rationis vsum non auferat; licet plenè ac perfectè deliberandi facultatem non relinquat. Idemque de iuramento sentiendum esse notauit Abb. c. sicut ex literis, numero 2. de iure iur. Et in c. sunt qui opus, 17. q. 4. ex S. Ambrosio lib. 2. de penit. c. 3. vbi reprehenduntur ii, *qui opes suas in mulinario mentis impulsu, non iudicio perpetuo, vbi Ecclesiæ contulerunt, postea renouandas putauerunt*.

Hic duo addenda sunt: Primum. Si aliquis grati metu, adimentē rationis vsum & discretionem, ad vouendum adactus fuit, omni iure etiam naturali votum irritum est. Quod tamen rarò admodum accidere solet, ideòque facile præsumendum non est; nisi externa indicia furoris, amentię &c. in metum, vel similem affectionem passo eo tempore animaduersa fuerit, sicut docet Sanchez lib. 4. cap. 1. numero 13. Sin autem non constet, animum perturbatum fuisse, atque sufficiente deliberatione (qualis etiam ad mortale peccatum requiritur) caruisse, tunc votum omni iure tam naturali, quam positivo, validum est, præterquam si metu graui, eoque iniusto extortum fuerit: v. g. si frater fratris mortem minitatus sit, nisi repudiata hæreditate, Religionem voueat: tale enim votum saltem iure Ecclesiastico irritum censeri debet, sicuti colligitur ex c. perlatum, de iis quæ vi, metu, & ex communi docui lib. 3. tract. 4. cap. 6. numero 3. Adde obiter, quod in Trident. Concil. sess. 25. c. 18. Regular. excommunicatiōnis censura lata sit in eos, qui virginem, aliāque mulierem ad Monasterium ingrediendum, vel Religionem profitendam iniuste coegerint.

Alterum. Ad votum non sufficit voluntas indirecta in causa sua; sufficit tamen voluntas siue intentio virtualiter permanens in suo effectu. Ita ex communi docet Sanchez lib. 1. de matrim. disput. 8. numero 20. Suarez lib. 1. de voto cap. 10. Explico. Si sciens te ebrium stricto gladio in alios ruere solitum, nihilominus te inebries: homicidium in ebrietate commissum, tibi tanquam indirectè voluntarium imputatur: non item si sciens te ebrium hominibus promittere, vel Deo edere vota solitum, nihilominus te inebries, voto, aliāque promissione in ebrietate postea facta astringeris. Cuius discriminis ratio est; quia homicidium in ebrietate factum verè homicidium est; ideòque ad culpam imputatur; si sit aliquo modo, videlicet indirectè & in causa

causa, voluntarium. At verò votum, & quævis alia promissio hominis ebrii, vel dormientis non est verum votum: quandoquidem ad voti substantiam intrinsecè requiritur directæ se obligandi voluntas. Quòd si verò talem voluntatem seu propositum v. g. votum Religionis Deo edendi habuisti, eoque proposito virtualiter per manente ad altare accessisti, os ad loquendum aperuisti &c. quamvis animo ad alia distractus, valet votum; quemadmodum etiam Sacerdos cum tali intentione validè consecrat.

5 Colligitur secundò; Votum editum ex ignorantia siue errore, tollente voluntarium, nullius roboris esse. Sed aduerte duplicem esse ignorantiam, sicuti dixi in 1. lib. tract. 2. c. 4. n. 1. Vna est negativa seu priuatiua; altera prauæ dispositionis siue positius error. De ignorantia negativa duo dicenda sunt: I. Si sit circa substantialia rei promissæ, irritum est votum. II. Si ignorantia tantum sit circa accidentalia rei promissæ, validum est votum. Ratio prioris est; Cum enim in cogniti nulla sit voluntas, ideo qui rei substantiâ ignorat, vouit, non habuit voluntatem eam vouendi, seu ad illam se obligandi. Exemplum habes: Si aliquis sacrum ordinem suscipiat, ignarus ei votum castitatis seruandæ annexum esse; vel Religionem profiteatur, ignarus in ea esse abstinentiam à coniugio, aut rerum proprietate. Limita; nisi generalem, siue implicitam voluntatem obligandi se habeat ad omnia ea, ad quæ alii tali v. g. professione, vel ordinis susceptione obligari solent; licet in particulari nesciat, quænam ea sint. Ratio posterioris est; Cum enim accidentia, siue circumstantiæ sint connexæ rei promissæ, ideo qui hanc voluntariè vouet etiam illas consequenter vouisse censetur; nisi expressè excludat. Exemplum est: si aliquis Carthusianorum Religionem voueat ignarus in ea esse perpetuam à carnibus abstinentiam, tametsi fortasse non voueret, si eam cognitâ haberet, nihilominus voto obligatur, sicuti docent Vasq. 1. 2. disp. 30. c. 4. n. 24. Suar. l. 1. c. 12. n. 3. Sanch. l. 4. c. 2. nu. 6. Valentia cit. qu. 6. in fine.

De errore positio dico; Eum impedire valorem voti, non tantum si circa substantialia rei promissæ versetur (ob rationem, quam supra dixi) sed etiam, si circa accidentalem circumstantiam, quæ secundum falsam existimationem vouentis, notabiliter obiectum immutat. Exempli causa: Qui Ordinem Carthusianorum se ingressurum vouet, existimans in eo permissum esse carnibus vesci; ita, vt talis error sit antecedens. siue causa vouendi; quia eo seposito, minimè voueret; is voto non obligatur. Ratio est, quia talis Religio nem illam non absolutè vouet, sed vt affectam tali conditione, siue circumstantia: quæ licet sit accidens obiecti siue rei promissæ materialiter; pertinet tamen quodam modo ad substantiam obiecti formaliter, siue prout est in intentione vouentis, sicuti bene explicat Suarez capite 11. num. 11. & docui libro 3. tract. 4. c. 5. n. 3. Excipiendum tamen est votum professionis solemnæ, quod instat matrimonii carnalis, ob nullum errorem ad substantiam rei promissæ non pertinentem, infirmatur: Idemque Sanchez cit. c. 2. n. 4. sentiendum ait de votis simplicibus Societatis Iesu, quippe per quæ ver Religiosi constituuntur, & quasi spirituale cū Christo matrimonium contrahunt.

6 Tertia definitionis particula, *Deo facta*, significat nobis votum, si propriè loquendum sit, soli Deo fieri: cum sit actus latræ, siue religionis, qua solum Deum colimus. Quòd si interdum apud Scriptores legatur (vti Bellarminus contendit libro 3. de cultu Sanctorum, cap. 9.) Sanctis, siue beatis in celo vota nuncupari, duobus id modis explicari potest: Primò, ad eum modum, quo dici etiam solet, templa, & altaria Sanctis dedicari: quia Deo dicantur in honorem, siue memoriam Sā-

ctorum, sicuti explicat S. Aug. lib. 20. contra Faustum, c. 27. Simili modo voti promissio Deo propriè fit, ita in honorem alicuius Sancti, teste S. Thoma 2. 2. quæst. 88. a. 5. ad 3.

Secundò promissio immediatè ipsi Sancto fieri potest ad honorem eius & testificationem gloriæ ac beatitudinis ipsius, tunc verò talis promissio sacra quidem est, & ad Dei etiam cultum ordinata; sed non est propriè votum neque elicitiuè à virtute religionis; sed dulciæ, siue obseruantia, sicuti explicat Suarez lib. 1. c. 16. n. 9. Eoque sensu explicari possunt verba Greg. Turon. lib. 2. histor. c. 37. *Deo gratias agentes (satellites) & vota beato confessori Martino promittentes*. Addit idem Suarez n. 17. Quòd in quibusdam Religionibus dicitur *voueo Deo, B. Maria, & Sanctis*, eum sensum habere, quasi dicatur; voueo Deo, coram B. Virgine & Sanctis, tanquam testibus & aduocatis.

Quarta demum definitionis particula, *de maiore bono* materiam voti significat, de qua mox agemus.

CAP. II.

DE MATERIA VOTI.

SUMMARIUM.

- 1 Quod voto promittitur, debet esse in potestate vouentis.
- 2 Irritum est votum, nunquam ne venialiter quidem peccandi. Religiosi cauere maxime debent, ne peccata venialia omnino delibere committant.
- 3 Si pars voti impossibilis sit, quæ in sensu composito seu dependenter à toto promissa fuit, corrumpit totum votum.
- 4 Si quis plura vota, eaque impossibilia edidit, seruari debet, quòd dignius est: alioquin prius praefertur posteriori.
- 5 Qui vouit, aut iurauit, se non editurum vota sine Confessarij consilio; si postea nò adhibito consilio aliquid voueat, nihilominus eo voto obligatur.
- 6 Opus, quod voto promittitur, debet esse mortaliter bonum.
- 7 Finis prauus, & auersus se ex parte rei promissæ, votum vitiat, secus si teneat se ex parte vouentis.
- 8 Opus secundum se indifferens non potest esse materia voti, nisi sine bono cohereatur.
- 9 Opera precepta materia voti esse possunt.
- 10 Votum rei secundum se bona propter finem merè indifferentem inualide concipitur.
- 11 Materia voti debet esse opus melius, quàm sit eius oppositum.
- 12 Matrimonium ordinariè non potest esse voti materia; sed in certis tantum casibus.
- 13 Plerumque illicitum est matrimonium eo animo contrahere, vt postea desertat, ac decepta coniuge, Religionem quis ingrediatur, aut profiteatur.
- 14 Validum est votum non acceptandi episcopatum, nisi necessitas cogat.

N O M I N E materia intelligimus remotè res ipsas, quas ob honorem Dei seu factu os nos, seu omissiones promittimus: propinquè autem ipsam nostram operationem, seu omissionem Deo promissam: v. g. voueo me elemosynam daturum, ieiunaturum, non blasphematurum. V. de Suar. l. 2. de voto, c. 1.

Triplex conditio ad materiam voti requiritur: Prima, vt posita sit in potestate vouentis. Ex quo sequitur primò, Factum alienum voueri non posse. dicam infra c. 3. num. 7.

Sequitur secundò, Factum moraliter, naturaliter impossibile voueri non posse. Quare irritum est votum, nunquam ne venialiter quidem peccandi, ob moralem eius impossibilitatem, sicuti ex communi docet Sotus lib. 7. quæstione 1. art. 3. Arrag. 2. 2. quæst. 88. art. 2. circa 4. cõcl. Nau. c. 12. n. 65. Sa ver. votu, n. 20. Rodriq. p. 2. sum. c. 94. cõcl. 3. Azor 10. l. 1. c. 14. q. 4. Sanch. de matr. l. 9. disp. 35. n. 25. & l. 4. moral. c. 5. Suarez lib. 2. c. 3. Tolet. lib. 4. cap. 17. num. 10. Valentia disp. 6. quæst. 6. p. 2. §. si autè quærat aliquis. Validum tamen est

votum, nullum peccatum cum plena deliberatione committendi, teste Suarez n. 4. Quia licet homini in hac vita, sine speciali privilegio, possibile non sit evitare omnia peccata, quæ sunt ex subreptione, siue cum deliberatione imperfecta: attamen possibile est homini, cum ordinaria Dei gratia, ut numquam in peccatum plena animi deliberatione consentiat. Imò omnes, qui Christianæ vitæ perfectionem sectantur, quales Religiosi sunt cogitare debent, à proposito & recta intentione sua in omnibus Dei gloriam, suamque, & aliorum hominum salutem querendi, quam maximè alienum esse consensum plenè deliberatum in peccata, quamvis exigua: cum probè sciant, peccato nihil peius esse, ut potius omnia mala vitæ prudens tolerare debeat, quam in peccatum, quamvis minimum, cōsentire. Vide Caiet. ver. scrupulorum medicina, in fine, Francisc. Ariam de imitat. B. Virg. c. 14. Deinde validum est votum, certi generis peccati, cuius declinatio non valde ardua est, penitus evitandi; v. g. nunquam ullam rem, ne modicam quidem furandi; nunquam sine causa irrandi. Præterea validum est votum ab omni peccato mortali se continendi, sicuti DD. suprā citati, aliisque communiter affirmant; licet dubitet Navar. l. c. Ratio autē est: Quia tale votum exequi homini impossibile non est, licet multis valde difficile: quomobrem ipsi non expedit talia vota edere.

Est autem **QVÆSTIO PRIMA.** Si votum sit partim de re possibili, partim de impossibili; utrum penitus corruat, an vero validum sit secundum partem possibilem? Respondeo cum Suarez lib. 2. de voto, cap. 2. Sanchez lib. 4. moral. capite 10. Inspiciendum esse utrum partes totius promissæ sint diuisæ, & sine dependentia inter se; ita, ut partes singulæ fuerint per se materia voti, virtute quasi multiplicis. tunc regula iuris 37. in 6. locum habet: *Vtile per inutile non vitiatur*, si utile ab inutili separari possit. An verò partes totius collectiue, & per modum vnius seu individui promissæ fuerint: tunc ruente vna parte, ruunt etiam aliæ: cum non fuerit intentio vouentis observare vnam partem absque altera. Exempla prioris sunt: I. Si voueris ieiunium integræ hebdomadis, & omnibus diebus ieiunare non possis; ieiunare debes, quibus potes: quia singulorum dierum ieiunium sensu diuiso vouisti. Simili ratione docent Rodriq. par. 2. sum. c. 99. num. 8. Sanchez lib. c. 8. Si adolescens vouerit, se ieiunaturum omnibus diebus vitæ suæ, quod difficile executurus sit; obligari nihilominus ad ieiunandum diebus, quibus potest sine detrimento corpori, & officii sui; quamvis consultius ipsi esset petere dispensationem super voto ab Episcopo, vel Religioso privilegiato. Sic etiam sentiendum est de aliis corporis afflictionibus; quæ si aliquis vouit immoderatè, non obligatur secundum excessum, quatenus vel damnum notabile corpori, vel impedimentum officio suo afferunt; sed obligatur quoad reliquum, quatenus commodè præstare potest: excepto, si constet, vouentis intentionem fuisse promittere in sensu copulato; ita ut vel omnes partes præstentur, vel nulla. Vide Sanchez c. 6. n. 4.

II. Si puella perpetuam virginitatem vouerit, sed postea fornicata sit, debet de cætero castitatem seruare; si vouentis intentio fuerat absolutè promittere Deo omnia, & singula, quæ virginitas in se complectitur; videlicet continentiam ab omni actu Venereo, tota vitæ, sicuti constat ex definitione S. Thom. 2. 2. q. 152. a. 1. & q. 88. a. 3. ad 2. iun. Caiet. 9. in eadem resolut. Maior in 4. d. 38. qu. 3. resp. ad 5. Nau. cap. 13. n. 43. ver. decimoquartò. Suarez libro 4. de voto, c. 7. n. 6. Aliud verò dicendum, vouentis intentio tantum fuerat claustrum virginitatis seu carnis puritatem integram Deo seruare: nam ea semel violatâ, votum observari amplius non potest, teste Caietan. & Navar. l. c. Suarez numero 5.

III. Si coniunx, ignorante, vel invito altero coniuge, Religionem professus sit, non est valida quidem professio; quare mortuo coniuge ad Monasterium redire non cogitur: nihilominus & vivente coniuge à petendo debito, & eo mortuo, à secundis nuptiis abstinere debet, sicuti habetur in c. quidam, & c. placet, de conuers. coniugat. vbi etiam ratio adfertur: *Licet votum eius undeque non tenuerit, eatenus tamen fuit obligatorum quatenus se poterat obligare.*

IV. Si rusticus vouerit se ad S. Sebastianum peregrinaturum, & vaccam v. g. oblaturum; postea autem vacca moriatur, nihilominus peregrinationē instituere debet; nisi eam tantum per accedens, siue accessorie promiserit, videlicet causâ offerendæ vaccæ.

V. Qui vouit se peregrinaturum nudo copore, vel sacco, aut cilicio indutum; & tali modo votum exequi non potest; vel quia indecens, vel nimis difficile est; nihilominus peregrinationem, secundum substantiam, perficere tenetur: quia præsumitur eam tanquam principalem, independentem à modo siue circumstantia vouisse: quare impedimentum in accessorio non debet redundare in principale; ne minus dignum maius, aut accessorium principale ad se trahere videatur, sicuti dicitur in c. vn. de consecrat. ecclesiæ in 6. & docet ex communi Navar. cit. nu. 45. Ex his inferetur Rodriq. p. 2. sum. cap. 92. concl. 1. Sa ver. votum. numero 32. Limita primò: Nisi constet, vouentis intentionem fuisse non aliter se obligare, nisi tali modo. Secundo: Nisi modus adiectus sit ad minuendam difficultatem rei promissæ. Si enim propter defectum modi accessorii, res principalis reddatur notabiliter difficilius, cadit simul obligatio eius implendæ: v. g. Si vouisti ad limina Apostolorum te equitaturum; ac postea equitare non potes, ob paupertatem, non es obligatus ut pedibus eas, teste Sanchez cit. cap. 10. num. 11. Suarez lib. 2. de voto, ca. 2. num. 11.

VI. Qui vouit se ieiunaturum in pane & aqua; & votum suum præuicatus est bibendo vinum; tenetur nihilominus seruare ieiunium Ecclesiasticum; quippe quod principaliter vouit, modum autem illum in pane & aqua solum accessorie: nisi constet, aliam vouentis intentionem fuisse, sicuti docet idem Sanchez capite 11. numero 45.

Exempla posterioris partis sunt: I. si voueris, ecclesiam te edificaturum, & postea superueniente paupertate non possis; non teneris ad partem possibilem, v. g. ut capellam ædifices, vel aliam donationem ad templum aliquod conferas, sicuti docet Sanchez cit. lib. 4. cap. 10. num. 7. Suarez ca. 2. num. 5. quamvis aliter docuisse videatur S. Thom. in 4. d. 38. q. 1. a. 3. quæstion. 1. quem refert, & sequitur Syl. ver. votum. 2. quæst. 1. Aliud sentiendum, si mille v. g. aureos voueris ad pias causas te daturum; & postea totum largiri non possis; debes tamen largiri partem, quam potes. Ratio discriminis est: Quia in priore voto materia est individua, videlicet ædificatio ecclesiæ, quæ proinde per modum vnius copulati promissæ præsumitur: In posteriore autē, materia est diuidua, quæ proinde diuisim, & per modum plurium promissæ confertur, nisi de contraria vouentis intentione constet.

II. Qui vouit ieiunium in vigilia Natiuitatis B. Virginis, si ea die ieiunare non possit, non tenetur à carnibus abstinere: quia abstinentiam à carnibus per se non vouit, sed quatenus in forma perfecti Ecclesiastici ieiunij continetur. Similiter, si ea die à carnibus abstinere non possit, neque repetita comestione abstinere cogitur. Nam ille formam Ecclesiastici ieiunij vouit; quæ si observare nequit, non obligatur ad aliam formam abstinentiæ, uti notauit Suarez lib. cit. Nisi existimetur, aliam vouentis intentionem fuisse: in dubio autem benignius vota interpretanda sunt, ut minus obligent.

III. Qui vouit sacramentalem de peccatis Confessionem, causa Iubilei instantis: si postea gratiam Iubilei consequi non possit, neque sacramentaliter confiteri cogitur, sicuti docet idem Suar. n. 13. Ratio est: Quia cessante principali, cessant etiam accessoria: ille autem ut ponimus, principaliter intendebat consequi gratiam Iubilei: ergo si id impossibile reddatur, cessant etiam alia quæ eius gratia promiserat.

IV. Qui vouit se peregrinaturum in cilicio, si peregrinari non possit, neque cilicium aduere obligatus est: quia hoc tanquam accessorium, vouit: ruente autem principali, ruit etiam accessorium; non vice versa.

V. Qui vouit se certa die ieiunaturum pro animabus in purgatorio, sacrificaturum die fidelium animarum; atque eo die impeditus fuit, non tenetur altero die ieiunare, vel sacrificare; si vouendi intentio fuit in sensu composito, seu cum dependentia à tali die, ob singularem rationem. Secus autem est, si vouendi intentio fuit in sensu diuiso, & per modum duorum; ut & simpliciter ieiunare, sacrificare promiserit; & deinde speciatim tali die, vel loco votum suum exequi. In dubio autem, si neque ex verbis, neque ex materia voti, vel circumstantiis coniectura capi possit, hancene, an illam intentionem vouens habuerit, existimat Azor tom. 1. lib. 11. c. 15. quæst. 21. Sanch. c. 14. n. 38. iudicandum esse pro voto, ut obligatio eius perseueret, etiam post transactam diem: quia cum certum sit voti obligationem contractam esse possessio stat pro voto. Sed contrarium sentire videtur Caiet. 2.2. quæst. 88. a. 12. in fine. Idque magis placet: cum votum in dubio strictam interpretationem mereatur. Ad rationem quæ Sanchez vtitur respondeo: Etsi certum sit, quod vouens se obligarit ad ieiunandum, sacrificandum hoc die; interitum dubium esse posse vtrum etiam absolute seu independentem à tali die ieiunium, vel sacrificium vouere intenderit: in hoc autem dubio pro libertate vouentis præsumendum. Sicuti in simili docet ipsemet Sanchez c. 16. n. 32. si quis certus sit, se specialem Religionem vouisse; dubius autem, vtrum hanc solam, an verò absolute & independentem à tali Ordine, loco, vouente intenderit, si in speciali illa Religione non suscipiatur, omnino solutum videri. De quo casu vide quæ dicam. tr. seq. c. 5. q. 2.

4. **QVÆSTIO SECUNDA.** Si aliquis duo vota, quæ incōpossibilia sunt, diuersis temporibus edidit, vtrum eorum seruare debeat? v. g. Titius vouit se peregrinaturum triduo rogationum ad Montem sanctum: postea iterum seu immemor prioris voti, vouit se eodem triduo ieiunaturum, vel ægrotis seruiturum? Respondeo: vel votum posterius conceptum manifestò dignius, Deoque gratius est, quàm prius votum: vel sunt æqualia, seu æquè digna: vel denique dubium est, an votum prius maius, Deoque gratius existat. Si primum, seruari debet votum posterius: Ita docet S. Th. in 4. d. 38. quæstione 1. a. 4. quæstion. 4. Syl. ver. votum 2. q. 17. Armilla n. 22. San. 33. Sanchez lib. 4. c. 5. n. 24. Azor tom. 1. lib. 11. c. 20. q. 5. Ratio est: Cum enim quis rectè & laudabiliter votum suum commutare possit in aliud opus, quod manifestò melius, Deoque gratius est, sequitur, quod edito voto de tali opere, adhuc etià obligetur. Confirmatur I. Nam etiam si homini duo promissa sint, quorum vtrumque præstari non possit, præstandum est id, quod præstantius, ipsiq. gratius est. Confirmatur II. Nam etiam legibus, seu præceptis duob. concurrentibus, quorum vtrūq. impleri non potest, quod minus dignum est, cedit digniori seu grauiori. Votum autem quasi lex quædam est, quam sibi ipsi aliquis imponit.

Sin secundum accadat, ut vtrumque votum æquale videatur, Sanchez n. 28. estimat, in vouentis arbitratu positum esse, implere quod maluerit: sed nititur funda-

mento falso, vouentem propria auctoritate votum suum commutare posse in aliud opus simile, siue æquale. quam sententiam infra refutabo. Igitur in hoc casu dicendum est cum communi, votum posterius irritum esse, & prius seruari oportet.

Sin denique tertium accadat, ut videlicet dubium sit an prius votum maius, Deoque gratius existat; hoc etià casu seruandum erit prius, relicto posteriore, ut fatetur ipsemet etià Sanch. n. 29. Ratio est: Quia in dubio, vtrum votum, quod constat ab alio validè editum fuisse, postea extinctum sit, stat possessio pro voto. atqui obligatio voti prioris non infirmatur à voto posteriore, nisi hoc maius sit. Ergo si dubitetur an maius, seruari debet prius votum.

QVÆSTIO TERTIA. Aliquis expertus, se valde pronum ad vota temere edenda, quorum cum postea pœniteat, vouit se imposterum nullum votum editurum, nisi cum Confessarii consilio. quod tamen postea non seruauit, sed eo inconsulto vouit abstinentioniam à vino; aut Religionis ingressum. Respondeo & dico I. Validum fuisse votum, quod hic homo ad temere vouendū valde pronus per reflexionem quandam edidit, nunquam se imposterum votum editurum, sine Confessarii consilio: quia habuit obiectum bonum. Cum enim talis homo pronus sit ad malè seu temere vouendum, nisi aliorum consiliū adhibeat, bene facit promittendo, non aliter editurum se vota, nisi cum consilio. Et ita docent Richard. in 4. d. 38. a. 2. q. 3. Syl. ver. votum; 2. q. 7. Rodriq. p. 2. sum. c. 94. n. 13. Azor t. 1. lib. 11. c. 14. q. 6. Sanch. l. 4. moral. c. 8. n. 14.

Dico II. Talis homo postea vouendo sine consilio Confessarii, peccat contra religionis virtutem: quia præuaricatur votum suum, quod ante licitè, ac validè contraxerat.

Dico III. Nihilominus posterius votum, quamuis temere, & non sine præuaricatione & sacrilegio quodam conceptum v. g. de abstinentionia vini validum & obligatorium est, uti rectè docet Sanchez numero 16. & 17. Quia ad valorem voti non requiritur, ut prudenter, & sine peccato fiat, sed sufficit, si habeat obiectum bonum, & fiat cum sufficiente deliberatione. Excipe nisi aliquis expressa voluntate secum decreuisset, se nolle imposterum sua vota valida esse, nisi cum tali circumstantia; videl. Confessarii consilio concepta fuerint, tunc posterius sine tali circumstantia editum non valebit: nisi prior illa voluntas retractetur vel expressè, vel virtute. Virtualiter autem retractata censetur, si quis memor propositi prioris, nihilominus posterius votum edat, tunc enim valebit posterius, nihil obstantē priore. Quare licet consultum sit eiusmodi personis ad temere vouendum pronis ut secum decernant, nolle se imposterum sua vota valere, nisi cum Confessarii consilio edita sint; nihilominus valebunt, si postea memores prioris propositi ac voluntatis vouerint, nō adhibito consilio: etenim hoc ipso priorem illam voluntatem retractant, quando contrarium deliberatè agunt.

Venio nunc ad alteram conditionem, ut materia voti opus sit mortaliter bonum. Quare opus seu diuina, seu humana lege prohibitum non potest cadere sub votum: cum enim illud agere homini illicitum, Deoque ingratum sit, non est capax promissionis, obligationisue consequenter irritum seu nullum est votum rei malæ, ut bene docet Tolet. lib. 4. c. 17. numero 15. Quarum autem Doctores primò: Quale peccatum sit rem malam Deo venere? Et respondent plerique dupliciter peccare eum, qui rem illicitam Deo vouet, proposito exequendi, videlicet non tantum contra iustitiam, aliāque virtutem, cui opus promissum secundum se aduersatur; sed etiam contra religionem, & quidem mortaliter, si peccatum mortale Deo promittat se patraturum; venialiter autem, si veniale. Ita docent Syl. ver. votum.

1. quæst. 4. Sotus lib. 7. quæst. 1. a. 3. Rodriq. tō. 2. sum. cap. 94. concl. 1. Tolet. loco cit. & ferme etiam Caiet. ver. votum, cap. 2. Armilla num. 1. Less. lib. 2. c. 40. num. 39. Sanchez libr. 4. moral. ca. 6. numero 9. nisi quod hi excipiant, si quis peccatū veniale Deo promittat, quasi ipsi placeat, & acceptum sit; fore hanc irrisionem Dei, & peccatum blasphemiz mortalis.

Mihi autem ita respondendum videtur: Vel homo scit rem, quam ait se facturum, iniquam, Deoque gratam non esse, vel nescit. Si primum, non habet ille animum vouendi, seu promittendi: quandoquidem omnis promissio debet esse rei acceptæ, vel acceptandæ. Sed interdictum potius iuramenti rationem habet quamuis vocabulo voti conceptum sit: v. g. voueo, id est, iuro me vindictam ab homine sumpturum: interdum vero est votum irrisorium, & contumeliosum Deo, uti rectè Nauar. Armilla & Lessius notarunt. Vel homo nescit rem, quam vouet, iniquam, Deoque gratam non esse; tunc habet vouendi animum; imò voto obligatur ad exequendum, dum durat ignorantia, si ea inuincibilis sit: Sin vero vincibilis, tunc si crassa existat ignorantia, videtur habere locum distinctio; ut si mortale peccatum Deo voueas, mortaliter pecces contra religionis virtutem, non tantum vouendo, sed etiam exequendo, tanquam ex voto debitum sit: Sin vero peccatum veniale ita voueas, tantum venialiter delinquas. Ex quo intelligi potest, quod S. Th. 2. 2. q. 88. a. 2. ad 2. ex S. Hieronymo refert: *Iephie Iudicum c. 11. in uouendo fuit stultus, quia discretionem non habuit; & in reddendo impius.* Aliqui tamen arbitrantur, Iephie ex diuino instinctu tale votum edidisse. Videri potest S. August. lib. 7. q. 49. in Iudices Beccanus in analogia veteris & noui testam. c. 15. n. 35.

Porro opus, cuius votum sine promissionem irritam esse dixi, vel est malum secundum se & ex obiecto; ut homicidium, furtum, priuata vindicta: vel est malum duntaxat ob circumstantiam, v. g. peregrinari die festo, vel die ieiunii; ita ut impediatur bonum maius, idque in Ecclesiastico præcepto positum Missam audiendi, aut ieiunium seruandi. tale enim etiam votum irritum est; excepto, si peregrinatio maioris momenti ad Ecclesiæ utilitatem, Deiq; honorem esse videretur; ut Ecclesiastico præcepto impossibili, ideoque in tali casu non obliganti anteponi possit, sicuti notauit Sanchez c. 6. n. 2.

Præcipua autem ex prauis circumstantiis, quæ votum infirmant, est finis: Oportet autem exactè distinguere, quodd aliū sit finis rei per votum promissæ; aliū verò finis ipsius vouentis. Et prioris quidem prauitas, cum se teneat ex parte obiecti, vitiat materiam voti, & consequenter ipsum votū. Non item prauitas finis posterioris votum infirmat: quia tenens se duntaxat ex parte voluntatis, quā ad vouendum impellit, ipsam voti materiam, & reliqua substantialia bona & integra relinquit, sicuti doctè explicat Caiet. 2. 2. quæstione 88. a. 2. §. Ad euidentiā. Exēplum est: si aliquis vouit se eleemosynā daturum ad vanam gloriam captandā, ita ut eleemosynæ largitio faciendā sit vanæ gloriæ causā, nulla oriatur obligatio voti: quia malum est eleemosynam dare iactantiæ causā. Qui autem gloriæ aucupandæ gratiā coram aliis vouit se eleemosynam daturum, is rem bonam vouit, quamuis malè: ideoque voti religionem tenetur.

Iterum, Si Religionem Carthusianorum vouisti ex inordinato appetitu piscibus vescendi, validum est votum, quippe cuius integrum obiectum bonum est; licet finis, quo voluntas tua ad vouendum excitata fuit, prauus sit. Quemadmodum enim, si impulsus magnifica dote, matrimonium contrahas cum sponsa diuite, consensus tuus in personam, non in dotem dirigitur; licet dos sit causā, seu occasio contentiendi: Ita etiam con-

sensus voti religiosi non dirigitur in pisces; sed in paupertatem, castitatem, & obedientiam sub tali Prælato, regulā; licet pisces vouendo occasionem & incitamentum præbuerint.

Sin autem ad consequendam, vel impetrandam à Deo rem illicitam; vel in gratiarum actionem pro re illicita acquisita, eleemosynam te daturum vouisti; irritum omnino est votum, sicuti docet Caiet. ver. votum, c. 2. & cit. q. 88. a. 2. §. Ex his patet. ibid. Arrag. circa 5. concl. assert. 3. Nau. c. 12. num. 30. Syl. ver. votum, 2. quæst. 2. Sanchez cap. 6. numero 13. Suarez c. 5. num. 8. Quia dare eleemosynam, tanquam medium ad impetrandam à Deo rem illicitam, v. g. homicidium, aut iniustam victoriam, non est bona operatio; sed mala & blasphema, quippe per quem homo, quatenus in ipso est, Deum auctorem peccati facit: similiter dare eleemosynam, tanquam in gratiarum actionem, quod res illicita per Dei auxilium acquisita fuerit, non est bona, sed blasphema operatio: ergo neutra validè, aut licitè voueri potest.

Simile quippiam est, si meretrix voueat Deo partem aliquam quæstus meretricii; vel vsurarius partem aliquam lucri iniqui se pauperibus daturum, ea intentione concepto voto, quod vel Deum ita mouere possint ad maiorem horum prouentum tribuendum; vel in gratiarum actionem pro tali prouentu, sicuti docet Sanchez cit. c. 6. n. 16. & 21. Longè verò alia ratio est, si aliquis per modū pœnæ, vel per modū puræ, & synceræ conditionis voueat se eleemosynam v. g. daturum, si inimicum occiderit; si quæstum ex fornicatione fecerit; re ita eueniente, obligatur voto. Quia post patratum homicidium, vel quæstum acquisitum, eleemosynam dare seu simpliciter, seu per modum pœnitentiæ, bonum est, ideoque voueri potest.

Præterea qui vouet eleemosynam se largiturum, si in duello illicito ab inimico superatus & occisus non fuerit, quasi in gratiarum actionem pro obtento à Deo beneficio, is voto obligatur. Cum enim re vera hoc sit beneficium Dei, conseruari ut in duello non occidaris, in memoriā huius beneficii eleemosynam dare bonum est: igitur voueri potest. Eademque ratio est de eo, qui Deo promittit eleemosynam daturum, si ex fornicatione, vel adulterio prolem susceperit: licet enim fornicarij malum sit, posita tamen fornicatione, prolem progigni, bonum quoddam est, Deique donum; cuius obtinendi gratia votum suscipi possit. Sed & valebit votum ita conceptum, si ex fornicatione, nulla prole concepta, in familiam euita uero. De his videri potest Caiet. cit. q. 88. a. 2. §. Sed quid dicendum. Arrag. ibid. ante §. circa eandem quintam conclus. Nauar. c. 12. num. 31.

Deinde opus ex se indifferens non potest esse materia voti, nisi bono & congruo fine cohonestetur, sicuti docet S. Th. 2. 2. q. 88. a. 2. in corp. Ratio est: Quia tale opus in indiuiduo hoc ipso malum est, quia otiosum, & sine debito destitutum, ut alibi dixi. Deinde, etsi deus actum indifferenter in indiuiduo malum esse; quia tamen vanus, & inutilis est, ideo votum de eiusmodi opere deridendum potius, quàm seruandum. Quāobrem irrita sunt vota, Non nendi die Sabbathi in honorem B. Virginis, Non vescendi capite bouino in honorem S. Baptistæ decollati; Non comedendi in festo S. Laurentii carnes assas; si interim vouenti facultas relinquitur aliis seruilibus operibus eodem die se occupandi, vel aliis carnibus vescendi, sicuti docet S. Anton. p. 2. tit. 11. c. 2. §. 4. Angelus ver. votum, §. 5. Caiet. 2. 2. quæst. 88. a. 2. §. Circa indifferentia Med. l. 1. instruct. confess. c. 14. §. 6. in fine, Nauar. in man. cap. 12. num. 28. & 37. Tol. li. 4. c. 17. n. 14. Bet. p. 1. casu 66. Sanchez. l. 4. moral. c. 7. n. 6. Azor lib. 11. cap. 14. q. 5. Eò quod tales abstinentiæ ad Sanctos honorandos congruæ non

sunt; sed potius superstitioſe. Quod tamen rectè limitat Sanch. Nisi persona vouens nimis affecta sit ad nendum; & ideo sibi hoc opus interdicit, vt magis orationi vacare possit: vel ad tale ciborum genus magis propensa, ideòque mortificationis causa abstinere velit, ad Sancti honorem, & aliquam imitationem. Item irrita sunt vota non ingrediendi certam domum; non ludendi cum certa persona; relicta sibi libertate ludendi cura aliis. Valent tamen huiusmodi vota, si ex tali domo, vel persona specialis occasio, vel periculum peccandi timeatur, quod vouens declinare proponit, sicuti docent Richar. in 4. d. 38. art. 3. Caietan. citato cap. & cit. quæst. 78. a. 2. §. circa indifferentia, Sotus lib. 7. q. 1. a. 3. Nau. cit. c. 12. n. 28. Azor cit. c. 14. q. 5. Sanchez cit. c. 7. num. 5. Adde, votum nunquam ludendi obligatorium esse, si bono fine conceptum sit; v. g. vt animustali oblectatione abstinens, expeditior sit ad vacandum Deo, vel vt bonorum prodigalitas, vel alia damna euitentur, sicuti docet Sanchez lib. 1. de matrim. disp. 4. n. 5. Suarez lib. 2. c. 8. n. 7. & videri potest Nau. lib. 3. consil. 36. de voto, edit. 2.

9. Queritur secundò: Vtrum opera bona, quæ sub præcepto sunt, materia etiam voti esse possint? Affirmandum est cum S. Th. q. 88. a. 2. in corp. & aliis communiter. Cum enim necessitas præcepti non sit simpliciter dicta, sed solum ex suppositione finis, si homo peccatum declinare, vel animæ salutem seruare, aut consequi velit; ac proinde voluntas simpliciter libera maneat ad opus faciendum, vel omittendum; poterit ea magis determinari, & obligari per votum. Siquidem nihil obstat, rem eandem ex diuersis obligationum capitibus debitam esse; & debitorem pluribus ac diuersis vinculis astringi, sicuti notant D. D. in l. scire, §. si à fure, ff. de verborum obligation. Vt puta si quid ex lege naturali, vel positua homini debeo, v. g. vt rem ipsi suam restituam, ad hanc præstandam etiam propria promissione, seu stipulatione me obligare possum.

10. Queritur tertio: Vtrum valeat votum rei bonæ, sed propter finem temporalem, seu indifferentem? Respondet Non esse validum, si finis omnino indifferens sit ipsius rei promissæ, principalis ac totalis: v. g. si quis voueat se ieiunaturum, vt sumptibus parcat; nullum alium finem honestum spectans, sicuti Sanchez cit. lib. 4. cap. 7. numero 25. Cum enim in mortalibus species rei sumatur à fine; ideo si finis rei promissæ sit indifferens, totus actus ex obiecto indifferens erit; adeoque inepta materia voti: Sin autem aliquem rem bonam, v. g. ieiunium, elemosynam voueat, tanquam medium, vt à Deo impetret rem temporalem, seu indifferentem, v. g. officium honorificum, diues matrimonium; vel in gratiarum actionem si obtinerit, obligabitur voto: quia hæc à Deo, tanquam eorum auctore, petere, vel pro impetratis gratias agere bonum, & honestum est. Ita docet Angelus ver. votum, §. 4. Syl. 1. q. 4. Sanchez l. c.

11. Tertia, & vltima conditio est, vt materia voti sit opus melius, quàm eius oppositum, sicuti docent D. D. communiter cum S. Tho. cit. a. 2. Cum enim Deo, cuius voluntas sanctificatio nostra est, i. ad Tessal. 4. magis placeat opus, quod maius & melius, quàm eius oppositum; sequitur Deo placitum, seu acceptum non esse, si homo se obliget ad faciendum minus: quia hoc ipso se obligat ad omittendum oppositum, quod melius est, & vt dixi, Deo magis placitum: Quare talis obligatio siue promissio Deo accepta non est.

Porrò per oppositum oportet intelligere carentiam rei promissæ, vel statum carentiæ eius: hæc enim carentia, vel status carentiæ, si melior sit, Deoque grauior, quàm res promissa, tunc promissum non obligat. Exempli causa: Ludere recreationis causa; item comedere temperatè, sunt actus boni, & virtutum: plerumque ta-

men irritum est votum hodie ludendi, cenandi: validum verò est votum non ludendi, ieiunandi. Quia harum oblectationum voluntaria carentia, siue abstinencia plerumque Deo gratior, maiorisque virtutis ac meriti existit, sicuti notauit Suarez lib. 2. cap. 8. num. 7. Sanchez lib. 1. de matrim. disp. 4. nu. 5. contra Rodriq. t. 1. c. 289. concl. 10. Validum tamen est votum quasi conditionale; si lusero, sine rixa, aut fraude me luserum; si comedero, temperatè comesturum esse. Quare talia vota resoluuntur in negationem, vnde me nihil inhonestè acturum, vt notauit Suarez n. 5.

Præterea matrimonium ordinariè non est materia voti, secundum omnium Doctorum sententiam: Quia status ipsi oppositus continentie melior, ac beatior est, teste Apost. 1. ad Cor. 7. Conc. Trid. sess. 24. can. 10. Siquidem animum à curis secularibus, & carnis voluptatibus liberum, magis expeditum reddit ad seruiendum Domino. Qua de re videri potest Palud. in 4. d. 38. quæstione 1. diffinit. 5. Dixi autem ordinariè matrimonium non esse idoneam voti materiam: Nam excipi debet; Si in aliquo casu præcepti obligatio alicui incumbat, vt quia sine iniuria, aut graui infamatione sponsæ, vel liberorum ex ea conceptorum, à sponsalibus recedere non potest. qua de re Sanchez libro 1. de matrim. disp. 44. Henric. lib. 11. c. 13. §. 3. Suarez lib. 2. de voto, cap. 9. num. 8. Item si matrimonium Rei publicæ maximè utile futurum existimetur; quia ex eo pax inter Christianos Principes, hæreticorum, aut infidelium conuersio, vel Catholicæ religionis conseruatio in aliquo regno, aut prouincia euentura sit, sicuti notauit Suar. l. c. Azor. lib. 11. c. 14. quæstione 9. Sanchez lib. 1. disp. 4. n. 1.

Secundò excipi solet; Si persona aliqua, ob corporis fragilitatè ac inueteratam peccandi consuetudinem, adeò sit ad lapsum carnis prona, vt iudicio virorum prudentum consultum ei sit statum matrimonii amplecti. Ita docent Caiet. quæst. 88. art. 2. §. circa bona quæ sunt præcepta, Molin. to. 1. tr. 2. disp. 149. §. Vtrum enim verò, Nau. cap. 12. num. 43. Bellarm. lib. 2. de Monachis, c. 14. Azor. cit. q. 9. Sanchez cit. disp. 4. n. 7. Suar. cit. c. 9. num. 12. Eius tamen oppositum docent Sotus lib. 7. q. 1. a. 3. Arrag. cit. a. 2. circa 5. concl. assert. 2.

Mihi dicendum videtur primo; Votum matrimonii, ab eiusmodi homine ad peccandum pronò editum absolutè ac simpliciter obligatorium non est. In hoc consentio cum Soto, Arrag. & probo: Votum, vt sit obligatorium, debet esse de meliore bono quàm sit eius oppositum: Sed status matrimonii huic homini absolutè melior non est, quàm continentie status; sed tantum ex hypothesi, vt infra explicabo. Nunc autem probò assumptionem; Nam si respectu huius hominis fragilis, status nuptiarum melior esset, sequitur absurdum hoc; si homo iste seu priuatim, seu publicè continentie votum edat; obligatorium non fore; quia etiam de opere, ac vitæ statu minus bono, quod est contra rationem voti: quam obiectionem soluere conati sunt Valentia t. 3. disp. 6. quæst. 6. p. 2. diff. 4. Sanchez lib. 4. moral. c. 8. num. 10.

Dicendum secundò, cum Lessio lib. 2. cap. 40. dub. 3. num. 44. Coninx in 3. p. tom. 2. disp. 22. dub. 10. Tale votum hominis fragilis obligatorium est secundum virtualem hypothesein, si in tali statu peccandi perseuerem, & non media efficacia adhibeam, quæ cum Dei gratia possum, ad emendationem: Vt proinde talis homo aliud vouere censendus non sit, nisi hoc saltem remedium quod est nuptiarum; peccatis suis adhibuerit; si aliud melius, quod est continentie, non adhibuerit, quamquam etiam hoc melius cum Dei gratia adhibere potest; ideòque si firmum eius rei propositum & conatum præster, voto liberatur. Quare neque Apo-

stolus absolute dixit: Melius esse nubere, quam continere, sed ex hypothesi; si se non continent, nubant: melius enim est nubere, quam vri. Quæ verba interpretatur S. Hieron. in Apolog. aduersus Iovinian. ad Pammach. Melius est maritum ducere, quam fornicari. Et auctor comment. apud S. Ambros. in eundem locum: Vri est desiderijs agi, vel vinci. Cum enim voluntas desiderijs carnis consentit vritur: Nam desideria pati, & non vinci, illustris viri est, & perfecti.

Tertio, si aliquis intuitu pietatis ac misericordiae erga puellam pauperem, vel miserabilem puta meretricem, votum edidit, se eam ducturum, obligari videtur voto. non quidem absolute, vt eam ducat; sed conditionate, si aliquam ducere velit, hanc ducat; siue, quod eodem redit, ne aliam ducat, quam istam, ad quod etiam ab Episcopo compelli potest, si votum publicum fuit. Ita docent Henric. lib. 11. c. 6. n. 5. Suarez citato cap. 9. num. 17. Philarchus tom. 1. de offic. sacerdotis, p. 2. lib. 3. cap. 17. num. 3. contra Sanchez l. 1. de matrim. disput. 4. num. 12. Interim verò tam in externo quam interno foro permissum est huic vouenti non solum Religionem ingredi, aut sacrum ordinem suscipere, sed etiam statum calibatus ac continentiae, tanquam perfectiorem, Deoque gratiorem retinere. Hæc enim regula à Doctoribus traditur, sicut videre est apud S. Anton. p. 2. tit. 11. cap. 2. principio, notab. 4. Syluest. ver. votum, 1. quest. 4. prope finem, Suarez lib. 2. de voto, cap. 7. Votum validum siue obligatorium est, si habeat materiam bonam, Deoque gratam; licet actu excludentem aliud opus dignius, Deoque gratius modò non excludat aptitudine, sed in aliud commutari possit. Sic valet v. g. votum inseruendi tota vita xenodochio: quia licet actu consistere non possit cum statu Religionis, in eum tamen commutari potest. Item qui vouit Religionem laxiorem, obligatur voto: quia impeditus non est, quominus eam cum strictiore commutare possit.

23 Contra dicta obijcies I. Matrimonium ratum nondum consummatum non impedit transitum ad Religionem. Ergo poterit esse idonea materia voti. quod est contra communem doctrinam. Respondeo primò; Pleurumque non posse aliquem siue culpa, & iniuria matrimonium contrahere, ea intentione, vt postea deserta, & decepta vxore, Religionem profiteatur, sicuti ex communiore docet Nauar. c. 16. num. 30. Lopez p. 1. instruct. cap. 50. ad finem, Eman. Rodriq. p. 1. sum. cap. 244. num. 5. Sanchez lib. 1. de matrim. disp. 43. quest. 3. Suarez lib. 2. de voto, cap. 9. nu. 6. Consequenter neque matrimonium tali intentione vouere aliquis potest, Respondeo secundo; Matrimonii contractum, secundum naturalem & ordinariam legem, continere desensum à bono perfectiore ad bonum imperfectius, partim quia conuincit hominem in periculum consummandi matrimonii, adeoque permanendi in statu matrimonii imperfectiore; partim quia licet non adimat facultatem amplectendi statum continentiae religiosæ; adimit tamen alios status continentiae; qui sunt in simplici calibatu, vel sacro ordine suscepto. Ponamus enim, aliquem ad Religionis professionem inhabilem esse; talis profecto per matrimonium impeditus erit à statu meliore continentiae, si vxor eius continere se nolit.

24 Obijcies II. Exinde sequi, quod irritum, & illicitum sit votum non petendi, aut non acceptandi episcopatum, cum hic status perfectionis sit: consequens autem repugnat praxi bonorum virorum. Propter hanc objectionem negant Syluest. ver. iuramentum, 4. q. 1. ver. quinto. Nauar. c. 12. num. 16. Azor c. 5. lib. 11. q. 1. 9. si item iuret, tale votum seu iuramentum obligare. Sed rectius affirmat, vel potius distinguit S. Th. 2. 2. quest. 185. art. 2. ad 3. Eman. Rodriq. p. 2. sum. c. 94. concl. 15. Sanchez lib. 4. cap. 8. n. 37. Suarez lib. 2. c. 11. n. 10.

Si animus vouentis sit non acceptare episcopatum, vel similem prælaturam, quamuis Superiore, ad quem id pertinet, iubente; vel etiam si publica necessitas, & leu charitatis in raro aliquo casu postulet; irritum est votum, & bonis moribus repugnans: alioquin verò validum, & honestum cum propositum, tum votum aut iuramentum nec petendi, nec accipiendi episcopatum, aliamue prælaturam, nisi vel legitimum Superioris præceptum, vel alia huiusmodi necessitas cogat: id enim hominem in humilitatis custodia conseruat, & à periculo ambitionis auocat, argum. c. vn. d. 85. secundum explicationem Caietan. 2. 2. quest. 89. a. 7. circa respons. ad secundum; Suar. t. 2. de relig. lib. 2. de iuramento c. 13. n. 15. Ad objectionem respondetur; episcopatum esse quidem statum perfectissimum; sed non ideo quia ad perfectionem consequendam ex se multum promouet, sed potius quia supponit, & requirit perfectionem in suscipiente.

CAP. III.

DE OBLIGATIONE VOTI.

SUMMARIVM.

- 1 Quod voto promissit, prestare obligatus est. Imò etiam in externo Ecclesiastico foro vouens ad executionem compelli potest.
- 2 Transgressio voti ex genere suo mortalis ratione materia parua venialis efficitur.
- 3 Votum in dubio interpretandum est secundum naturam & conditiones rei promissa.
- 4 In dubio votum interpretandum est, quatenus minorem obligationem afferat.
- 5 Votum sine temporis determinatione editum executioni mandari debet cum primum commodè potest.
- 6 Obligatio voti personalis est, & ad aliam personam non transit. Si communitas votum Deo edidit, posteri eorum non obligantur ex religionis virtute.
- 7 Factum alienum voueri non potest; sed intentio vouentis esse censetur, cumaturum se, vt alius faciat.
- 8 Vouens se ieiunaturum, non satisfacit, si alteri persuasuerit, vt pro ipso ieiunet.
- 9 Si vouens impotens fiat implendi voti sui, non debet aliam personam substituere.
- 10 Triplex est votum, personale, reale, & mixtum.
- 11 In voto mixto ex reali & personali attendi debet, quidnam principaliter promittere animus fuerit.
- 12 Ad vouentis heredem, post aditam hereditatem, transit obligatio votorum realium, non item personalium.
- 13 Hæres non tenetur vota, & legata pia prestare ultra vires hereditatis; imò neque cum diminutione legitima necessariis hereditibus debita.
- 14 Vota mixta non tenentur hæres implere, nisi, quod in eis reale est, per se, ac independenter à personali obligatione, defunctus promiserat.

VESTIGIO PRIMA. Vtrum ex voto obligatio

Coriatur præstandi id; quod voto promissum est: Responso est affirmatiua, & de Fide, quæ sumitur ex locis Scripturæ cap. 1. allegatis, & Ilayæ capite 19. Coleat eum in hostijs, & muneribus, & vota vouebunt Domino, & soluent. Deuter. capite 23. Si nolueris polliceri, absque peccato eris: Quod autem semel egressum est de labijs tuis, obseruabis. Et capite 7. Leuitici: Si voto, vel sponte quispiam obulerit hostiam &c. quibus locis aperte distinguitur inter obligationem liberam, & obligatoriam. Et confirmatur ex cap. 5. Act. Defraudauit Ananias de precio agri. Et infra; Non es mentisus hominibus, sed Deo. Si enim inter homines (ait S. Greg. epist. ad Bonifacium relatus à S. Th. 2. 2. q. 189. a. 3.) bona fidei contractus nulla solent ratione dissolui; quandò magis pollicitatio, quam cum Deo pepigit homo, sine vindicta solui non poterit.

Et si verò obligatio voti non sit ex iustitia proprie dicta; sed ex virtute religionis, quæ est potentialis pars iustitiæ, teste S. Thom. 2. 2. quæst. 80. a. 1. iuncta q. 88. a. 5. habet tamen in se perfectam rationem debiti; licet non ad æqualitatem, cum cultus vel gratiarum actio Deo in recognitionem dominii, ac beneficiorum, voto promissa, vel præstita, minimè respondeat, siue æquetur; atque etiam tota in ipsius hominis utilitatem cedat.

His addendum. In foro etiam externo Ecclesiastico vouentem, ad voti, quod cum edidisse constat, executionem compelli, sicut colligitur ex l. 1. 2. & 3. ff. de pollicitat. c. quod super, de fide instrumentorum, in fine, & c. ex parte, de censibus, & docet S. Thom. quæst. 189. art. 3. ad 1. ibid. Caietan. dub. 1. Sylvest. ver. votum, 2. quæst. 19. Angel. 3. §. 26. Sanchez cap. 11. num. 19. Nam ad Ecclesiastici iudicis, siue Episcopi officium pertinet impedire, ne graua crimina committantur, cuiusmodi est sacrilega voti transgressio, cuius obseruationem tunc maximè imperare Episcopus debet, si Ecclesia, vel alius, in cuius fauorem votum editum fuit, implorato eius officio, exigat; nisi commutatio aliqua vel dispensatio intercesserit. Quod si verò tale votum parti denuntiatum fuerit, ab eaque acceptatum, tum iure actionis personalis rem sibi promissam petere poterit.

QVÆSTIO SECUNDA. Quanta sit obligatio voti? Respondeo; Ex genere suo est grauis, & sub mortali peccato, quippe quæ tendit ad fidelitatem Deo, ex religionis virtute, præstandam, contestante Apostolo 1. ad Timoth. 5. *Habentes damnationem, quia primam fidem irrisam fecerunt.* Nihilominus, ob materiæ leuitatem, efficitur obligatio levis, & sub veniali peccato: v. g. si aliquis vouerit recitaturum ter Pater & Ave. Quæ est communior sententia D. D. Soti lib. 7. q. 2. a. 1. §. conclusio ergo. Nau. c. 12. num. 40. Sa ver. votum, num. 15. Valent. cit. q. 6. p. 4. quæst. 2. Rodriq. to. 2. sum. cap. 99. concl. 1. Sanchez lib. 4. c. 12. num. 5. contra Caiet. quæst. 89. art. 7. dub. 1. Tol. lib. 4. c. 17. num. 20. Armillam ver. iuramentum, num. 12. Ratio est, Quia votum est quasi priuata quædam lex, quam quisque sibi sponte imponit: ideoque eius obligatio ad modum aliarum legum explicanda est; vt ad eius grauitatem tum intentio ferentis obligationem, tum etiam materiæ capacitas requiratur, sicuti dixi lib. 1. tract. 4. cap. 14. num. 2.

QVÆSTIO TERTIA. Qua ratione vota (sicuti & iuramenta) interpretanda sint? Respondeo, In primis, & quàm maximè secundum voluntatem, & intentionem vouentis; quippe ex qua omnis vis & mensura obligationis oritur. Sin autem de vouentis intentione non satis constet, tum materia voti inspicienda est, & secundum eius naturam ac conditiones votum obseruandum: quia quisque promittens præsumitur tali modo se obligare voluisse, sicuti rei promissæ natura postulat.

Si verò etiam voti materia inspecta, de vouentis intentione dubium maneat, tum interpretatio fieri debet secundum verborum, quibus vsus est, proprietatem, vel potius communem & vsitatam acceptionem. Quia verborum proprietate, vel communia acceptione obseruata, neque materia voti repugnante, strictam potius, quàm amplam voti, atque iuramenti interpretationem in dubio fieri conuenit. Hæc est communis doctrina, quam leges apud Abb. c. ex parte num. 3. de censibus, c. Cum Clerici, de verb. signif. c. intellecto, num. 10. de iureiur. Caiet. quæst. 88. art. 2. §. sed quid dicendum Sanchez lib. 1. matrim. disput. 18. & lib. 4. moral. cap. 11. num. 29. Suar. lib. 2. de iuram. cap. 32. & lib. 4. de voto cap. 7.

Hæc responsio quatuor partes continet: quarum

prima, & tertia fusè explicata sunt in lib. 1. tract. 4. c. 18. & confirmatur ex cap. 23. Deuterion. *Facies sicuti promissisti Domino Deo tuo, & propria voluntate, & ore tuo locutus es.* Hic enim locus significat nobis, voluntatem vouentis, quatenus ea plerumque per verba exprimitur, esse mensuram obligationis, & executionis voti. Secundam partem traditæ doctrinæ fusè prosecutus sum lib. 3. de iustit. tract. cap. 5. Hic verò specialibus exemplis circa materiam voti explicanda erit: I. Qui vouit se rosarium B. Virginis recitaturum, debet attentè & pie recitare, sicuti ad naturam orationis, quam ille vouere interit, requiritur, vt notauit Valent. cit. p. 4. quæst. 3. Sanchez cit. cap. 11. num. 30. Suarez cit. lib. 4. cap. 7. num. 14.

II. Qui vouit, se certa die ieiunaturum, debet votum obseruare secundum formam ieiunii Ecclesiastici, quippe quod vouens sibi propositum habuit: quare vnica ciborum absque carnibus comestione contentus esse debet: sin autem formam ieiunii substantialiter violauit seu carnes comedendo, seu aliis cibis iteratò vescendo, de cetero continere se non tenetur; eò quod ieiunii formam amplius obseruare non possit; adeò quidem, vt non improbabile sit, quod docet Sanchez lib. 4. cap. 11. num. 42. contra Suarez cit. cap. 7. num. 12. talem vouentem etiam carnibus deinde vesci posse: in quo differt votum à præcepto Ecclesiastico ieiunii, quippe quod etiam non ieiunantes separatim, atque distinctè obligat ad abstinentionem à carnibus; imò etiam à lacticiis in quadagesima. Votum autem ieiunandi tali die, vtrumque eorum, videlicet à carnibus abstinentionem, & vnica comestione per modum vnius comprehendit: quare si alterum violatum sit, iusta, vel iniusta de causa, obseruatio voti omnino corrumpitur.

Id verò clarius fiet, si ponamus, diem adiectum esse, non ad obligationem finiendam, sed statuendam; id est, non ob specialem eius diei cultum, ita vt eo transacto, & voto non impleto, cesseret obligatio, sed ad moram executionis coarctandam, vt votum diutius protrahere non liceat. Hoc enim casu manifestum est, si vouens tali die carnes v. g. comederit, licet peccauit; postea tamen eo die liberum esse: quia voti executionem amplius implere non potest, sed in alium diem differre tenetur, ob generalem regulam; quod qui debito ad diem constitutum non satisfecit, postea satisfacere teneatur. Quæ est doctrina Palud in 4. d. 15. quæst. 4. a. 5. prope finem, S. Anton. p. 2. tit. 11. cap. 2. §. 2. Nau. cap. 12. num. 54. quæ sumitur ex cap. cum dilecti, de dolo & contumacia, & l. Celsus, §. idem ait, ff. de receptis arbit. vbi habetur: Quod qui obligatus est, intra Kalendas dare, ad duo obligatus est, & ad dandum absolutè, & ad nō differendum vltra Kalendas. Ergo etsi posteriori obligationi non satisfiat; permanet tamen obligatio prior.

Longe alia ratio est, si quis expressè vouit abstinentionem à carnibus, vel à vino in die certa; toties enim peccabit, quoties ea die carnes comederit, aut vinum biberit, sicut docet Sylu. ver. votum 2. quæ 20. Nau. num. 23. Sanchez num. 41. Suarez cit. num. 12. Cuius ratio est, quia votum abstinentionis negatiuum est prædicato distributionem adferens; vt sensus sit, voueo me tali die, aut tali hebdomada nunquam vinum bibiturum, aut nunquam luserum.

Quarta denique pars responsionis; Voti sicuti & iuramenti, strictam interpretationem faciendam esse, quatenus & materia subiecta, & verborum vsus; aut proprietates permittit, à Doctoribus communiter traditur, ea ratione; Quia cum agitur de obligatione, stricta interpretatio facienda est, l. quidquid astringendæ; ff. de verb. obligat. Votum autem, & iuramentum grauissimam obligationem continent: Ergo &c. Neque id est contra voti fauorem, aut iuramenti reuerentiam: si

quidem & iuramenta eò facilius; & frequentius observabuntur, si benignior eorum interpretatio fieri soleat: & ad vota in honorem Dei emittenda magis prouocabuntur homines, si eorum exactio benigna potius, quam rigida fuerit, sicuti indicatur in c. ex parte, de Censibus, vbi habetur; In dubio, de qua mensura maiorene, an minore, vota edita sint, volentes soluere ad minorem, cogendos non esse, ut ad maiorem persoluant: quoniam cum huiusmodi vota gratuita fuerint ab initio, benignius sunt à viris Ecclesiasticis exigenda; ne tanquam exactores videantur lucris temporalibus inhiare. vbi glossa ait: Ideo pro eis bona sit interpretatio, ne ipsorum munificentia erga Ecclesias retardetur. Atque ita explicant Tiraquel. in priuileg. 25. p. 1. causæ, Mol. tom. 1. tract. 2. disp. 198. §. vtrum verò, Sanchez lib. 4. moral. cap. 13. num. 8. Azor. cit. lib. 11. cap. 20. quæst. 10. in fine. licet aliter Abb. in cit. cap. ex parte, num. 5. & aliter Covarruias in cap. indicante, num. 5. de testamento.

De iuramento autem, quòd sit strictè interpretandum significatur in c. ad nostram, 21. & c. penult. vbi id notat Abb. de iureiur. Vide eundem in c. cum Clerici, de ver. signif. in fine, & in c. intellecto, de iureiur. num. 10. Suarez lib. 2. de iuram. cap. 33. num. 7. & quæ dixi tract. præced. c. 9.

Loquimur autem in dubio: Sin autem, vel ex materia voti, aut iuramenti, vel ex verbis, quibus vouens usus est, vel ex circumstantiis coniectura seu præsumptio capi possit, intentionem se extendisse ad rem sub eo genere maiorem, aut pretiosiore; tunc ad eam præstandam vouens obligandus erit, arg. cit. c. ex parte, vbi dicitur, si votum editum sit soluendi aliquam mensuram; & habitatorum regionis eius continua consuetudo fuerit maiorem soluendi, ad eam quoque vouentem obligandum esse. Quod similiter locum habet in legatis, sicuti docui lib. præced. tract. 5. cap. 11. num. 4. argument. l. numis, ff. de legat. 3. & l. Titia §. Scia, ff. de auro, & argento legato, vbi definitur; legatum de signo, siue imagine in sacra æde ponenda, interpretandum esse non de ærea, sed argentea: quod in eo templo non nisi aut aurea, (ita enim legi debet, non ærea) aut argentea dona essent, sicuti explicant Tiraquellus, & Molina l. cc. Similiter si quis calicem ecclesiæ legauerit, interpretare oportet de argenteo: quia præsumitur legatus calix, qui ad cultum diuinum magis idoneus est, ob reuerentiam sacramenti, arg. c. calix, de consecrat. & docet Sa ver. legatum, num. 45. Sanchez cap. 13. n. 23. Azor lib. 11. cap. 20. quæst. 10. Nisi fortè in ecclesia, ad quam legatum est, præsertim ab homine paupere, vel rusticano, stannei calices esse soleant.

QVÆSTIO QVARTA. Quo tempore vota implenda sint, siue quādiu eorum executio differri possit? Respondeo & dico I. Si dies, vel tempus præfixum est, ut ultra illud executio voti non differatur, eo elapso, vouens continuè est in culpa; & tantò quidem maiore, diutius exequi sine causa iusta moratur. Hæc est communis doctrina. Addendum verò est, si vouens præuideat fore, ut tempore præfixo impedimentum incidat, debere eum antè exequi, sicuti docet Suarez lib. 4. cap. 14. num. 7. Sanchez lib. 4. cap. 14. num. 18. Ratio est; Quia cum tempus præfixum sit tanquam terminus, siue finis executionis differendæ; ideo si eo tempore votum impleri nequeat, debet ante istud tempus impleri: ne contra promissionem dilatio fiat ultra tempus præfixum. Idque similiter locum habet in aliis debitis, quæ absolute & simpliciter contracta sunt, adiecta aliquā morā in gratiam debitoris.

Dico II. si nullo definito tempore, votum v. g. elemosynæ dandæ, Religionis ingrediendæ, absolute factum fuerit, debet illud vouens exequi, cum primum

commodè potest, S. Th. 2. 2. quæst. 88. art. 3. ad 3. & quæst. ult. a. 3. S. Anton. p. 2. tit. 11. cap. 1. §. 2. Abb. in c. non est, num. 3. c. licet, num. 13. de voto, Valent. disput. 6. quæst. 6. p. 4. quæst. 3. Syluest. ver. votum, 2. qu. 3. & colligitur ex cit. c. non est, & apertius ex cap. 23. Deut. Cum votum conueris Domino, non tardabis reddere: quia requirit illud Dominus Deus tuus, & si moratus fueris, reparaabitur tibi in peccatum. Vide etiam Paties, quos citat Suarez lib. 1. de voto, cap. 18. num. 4. Ratio est, quia hoc commune est omni promissioni absolutæ, & non limitatæ, ut statim obligationem pariat, & consequenter exigì possit, sicuti habetur in l. promissor, §. 1. ff. de constituta pecuni. Si sine die constitui & c. confestim agi te cum poterit, si statim, ut constitui, non solum. Atqui Deum cui voti promissio facta est, statim exigere executionem, constat ex cit. cap. Deut. & cap. 5. Eccles. Deinde nisi dicamus, obligationem exequendi statim contrahi, non poterit assignari certum tempus, in quo talis exequendi obligatio incipiat. Verum ut in cit. §. dicitur, & Glos. ibid. notat. & in l. ratum, ff. de solut. illud statim siue cum primum, cum quodam temporis spatio accipi debet, quod nec maximum, nec minimum sit, & intellectu potius, id est, boni viri arbitrio, percipi, quam locutione exprimi possit, sicuti habetur etiam in l. continuus, §. cum ita, ff. de verb. obligationibus.

Porro aduertunt DD. irrationabilem dilationem voti Religionis ingrediendæ, aut ordinis sacri suscipiendi, citius ad mortalem culpam pertingere. Cum enim ex vi talis voti homo obligatus sit ad perpetuum Deo obsequium præstandum; ideo quantò diutius eius executionem differt, tantò maiorem partem promissi Deo obsequii aufert, votumque suum non nisi imperfectè, & secundum partem vitæ suæ exequitur: quod non ita accidit in aliis votis, v. g. peregrinandi, ieiunandi. hæc enim tametsi differantur, integre tamè impleri possunt, sicuti docent Palud. in 4. d. 38. quæst. 3. art. 2. Sylu. v. votum, v. 2. quæst. 3. Suarez p. 3. tomo. 3. disp. 31. sect. 2. colum. 3. Sanchez loco citat. n. 22.

Tum verò aliquis rationabiliter voti sui, etiam Religionis ingrediendæ, executionem differt, si spes sit postea commodius, vel utilius exequendum fore, sicuti notauit Syluest. ver. votum 2. quæst. 3. in fine Armil. num. 20. Sanchez cit. cap. 14. num. 8. Exempli causa; Adolescens, qui Religionem vouit, interdum expectare poterit (præsertim Prelati Ordinis, vel Confessarii accedente consensu) donec ætate, & viribus corporis prouectior ad Ordinis asperitatem, vel labores perferendos, idoneus fiat; vel in studiis literarum excultior.

QVÆSTIO QVINTA. Vtrum obligatio voti personalis sit, ita ut solum vouentem, & non aliam personam obliget? Responso est affirmatiua, ex communi Doctorum sententia in 4. d. 38. vbi Palud. quæst. 3. art. 3. Syluest. ver. votum, 2. quæst. 9. Sotus lib. 7. quæst. 2. art. 1. ad 5. Sanchez lib. 4. cap. 15. Suarez de voto lib. 4. cap. 9. & sumi potest ex psal. 65. Reddam tibi vota, quæ distinxerunt labia mea. Ratio est: Quia obligatio voti, & cuiuscunque promissionis ex propriæ voluntatis consensu nasci debet: ergo non alium, quam ipsum vouentem ac consentientem obligat. Sin verò aliquis in se sponte suscipiat obligationem exequendi alterius votum, iam non ex aliena, sed ex propriâ voluntate ac promissione obligatur; saltem secundum virtutem iustitiæ, ac fidelitatis, si rem ab altero promissam se executurum materialiter tantum spondit; vel etiam secundum religionis virtutem, si animus fuit formalem voti obligationem in se suscipere, qui videtur esse casus cit. c. licet: Quia subrogatum sapit naturam eius, in cuius locum subrogatur, sicuti notauit Glos. marginalis in cap. Ecclesia, 1. Ut lite pendente &c.

Corollarium I. Si Communitas v. g. alicuius pagi

votum edat quotannis peregrinationem instituendi, posterius eorum non obligantur ex vi voti in quod ipsi non consenserunt; sed interdum ratione pacti, vel statuti, aut longæ consuetudinis, observandi eiusmodi rem tanquam ex obligatione: dummodo approbatio expressa vel tacita Episcopi accedat, qui etiam eiusmodi leges, vel consuetudines diœcesanorum abrogare potest, quæ de re Vasq. l. 2. tom. 2. disput. 167. num. 36. & disp. 177. n. 12. Sanchez li. 4. moral. cap. 15. num. 19. Suarez cit. c. 9. n. 10.

7 Corollarium II. Factum alienum voueri non potest; v. g. alium ieiunaturum, Missam auditurum, Religionem professurum. Quare irrita omnino sit eiusmodi voti promissio, ita explicari debet; quod animus vouenti fuerit obligare se ad curandum, siue efficiendum, quantum in ipso est, ut alter faciat: sic enim non alienum, sed potius proprium factum promittitur, sicuti notauit Glos. in §. si quis alium, Instit. de inutil. stipulat. & explicat Sanchez lib. 1. de matrim. disput. 24. & lib. 4. moral. cap. 5. num. 9. Quare liberi non obligantur voto parentum offerentium eos Religioni; nisi vel intelligentes consentiant, vel postea ratificent: Alioquin iure contradicere possunt; eo quod Religionis ingressus liberi arbitrii ac voluntatis esse debeat; non minus, quam sponsaliorum ac matrimonii, sicuti Nicolaus Papa notauit, relatus in c. præsens, 20. quæst. 3. cuius rationem adfert: *Quod enim quis non eligit, nec optat, non diligit, quod autem non diligit facile contemnit.* Nullum quippe bonum, nisi voluntarium. Quæ de re Sotus lib. 7. q. 2. ar. 1. in fine, Sanchez cap. 15. num. 21. & cap. 18. num. 26.

8 Corollarium III. Vouens tenetur votum ipsemet implere; & non liberatur, si per alium impleat: v. g. qui vouit se ieiunaturum, peregrinaturum, non satisfacit, si alium roget, ut suo loco ieiunet, peregrinetur. Cuius ratio est: Quia vouens, ut suppono, factum proprium promittit: ergo ad illud obligatur. Neque verò commutare potest, ut alium rogando, sibi substituatur; quia id minoris difficultatis, ac meriti est, quam quod promissum ferat. Quæ doctrina non tantum locum habet in votis personalibus, vti omnes Doctores fatentur; sed suo etiam modo in realibus, vti observauit Suarez lib. 4. cap. 10. num. 10. v. g. qui eleemosynam vouit, debet eam de suo largiri, non de alieno. Quod aded verum est ut qui tale opus vouit; teneatur illud exequi dum in viuis est; neque satis sit executionem hæredi suo committere, ut idem Suarez loco citat. annotauit, & constat ex iis quæ dixi lib. præced. tract. 5. cap. 10. quæst. 3. dub. 2. Quo cum non pugnat, quod probabiliter docet Sanchez lib. 4. moral. cap. 15. num. 6. cum Abulensi cap. 30. Num. quæst. 97. Si alius vouentis nomine, & causa implendi voti, eleemosynam largiatur, voto satisfieri. Nam ille alter, dum obligationem eleemosynæ dandæ ob vouentis gratiam, in se suscipit: perinde facit, ac si pecuniam erogandam vouenti donet; ut proinde eleemosyna iam fiat de vouentis quodammodo substantia, quippe per gratuitam promissionem iure ipsi acquisito: sicuti si aliquis in meam gratiam promiserit, se debita mea soluturum; is obligatus mihi est ad solutionem; quam si impleat, id facit ad exonerationem debiti, siue iuris mihi acquisiti.

9 Corollarium IV. Si quis votum suum ipsemet implere non possit, non tenetur alium rogare, vel substituere, qui impleat, tamen si vouens non absque culpa in eiusmodi impotentiam inciderit. Quæ est communior DD. sententia Syluest. ver. votum, 2. quæst. 6. & 10. Nauarri cap. 12. num. 53. Suarez lib. 4. cap. 10. Sanchez lib. 4. moral. cap. 15. concl. 1. contra S. Anton. p. 2. tit. 11. cap. 2. §. 5. Ratio est: Quia actus non se extendit ultra intentionem agentis; Vouentis autem siue promittentis intentio fuit se facturum; v. g. oraturum, ieiunaturum, eleemosynam daturum: Ergo si id præstare

non possit, non tenetur aliud facere, puta alterum rogare, & substituere. Nisi etiam ad hoc se obligare non intenderit seu expressè, seu implicite. si enim v. g. dum vouerat, propriam eamque perpetuam impotentiam cognouit, ne irritum, & illusorium votum reddatur: ita illud interpretari conuenit, quod propositum fuerit vouenti per alium exequi, sicuti ex Hostiensis tradit Abb. in c. licet, de voto, n. 13.

Deinde à tradita doctrina plerique Doctores Syluest. 10 Sotus ll. c. Rodriq. tomo. 2. cap. 99. concl. 10. Azor lib. 11. cap. 45. quæst. 16. Sanchez l. c. concl. 3. & alii excipiunt vota realia; item mista, quatenus cum realibus participant. Vbi nota: Triplex esse votum, personale, reale, mistum. Personale est promissio, Deo facta alicuius actionis, functionis, siue officii præstandi à vouente, v. g. castitatem seruandi, orandi, ieiunandi. Votum reale est promissio, Deo facta, alicuius rei dandæ vel expendendæ à vouente, v. g. eleemosynæ dandæ, ecclesiæ fundandæ. Votum mistum est, quod ex utroque participat; si aliquis Deo promittat non solum rem aliquam suam, sed etiam propriæ personæ officium, siue functionem, v. g. se propriis manibus templum ædificaturum suis sumptibus peregrinaturum, contra hostes fidei peregrinaturum.

His intellectis, vera videtur esse sententia Suarez cit. cap. 10. num. 10. & seq. supra positum corollarium etiam locum habere in votis realibus Nam in eiusmodi votis, puta eleemosynæ dandæ, ecclesiæ ædificandæ, duo considerare oportet: I. Ut de vouentis substantia erogetur. & hoc omnino in voti promissione includitur: quia factum, aut rem alienam nemo promittere potest, imò neque præstare: quapropter si vouens in paupertatem incidens, de suo largiri non possit, non tenetur alium rogare, vel ab altero entendicare, ut fatetur Sanchez n. 8. quia hoc, ut ponimus, non promissum. II. Num voti realis executio fiat ipsius vouentis officio; an alterius hominis ministerio: puta utrum ipsemet vouens suis manibus, an famuli ministerio eleemosynam largiatur; suis manibus, an aliorum ecclesiæ ædificet; & hoc ad executionem voti, quatenus merè reale, nihil omnino interest; ut proinde mirum non sit, quod in hoc casu, si ipsemet vouens per se exequi non possit, per alium debeat; quia neque obligatus est in propria persona exequi. Si vero hoc ipsum promissum, quod in propria persona votum exequi velit, tum desinit esse merè reale, & fit mistum ex reali ac personali.

De hoc autem quæstio est, an debeat aliquis nihilominus exequi, quod est reale voti; si non possit quod est personale? Respondeo: Si de vouentis intentione non satis constet, num utrumque per modum vnus, siue cum dependentia vnus, ab altero; an verò diuisum, & per modum plurium promiserit, sicuti supra cap. 1. explicauimus; inspiciendum esse, quidnam in eiusmodi votis promissum fuerit principaliter, & quid accessorie. Si enim quod est personale, principaliter promissum fuerit, reale autem accessorie; tum si vouens votum suum per se exequi, v. g. peregrinari; contra hostem militare non possit, neque tenetur sumptus mittere, quos proficiscendo facere debuisset, sicuti docet idem Suarez cap. 11. in fine. Contra autem dicendum, si quod reale est voti, principaliter, personale secundario promissum fuerit: ut si quis vouit, suis manibus daturum se eleemosynam, proprio labore, ac sumptu templum ædificaturum, is nihilominus pecuniam &c. ministrare debet; si laborare, vel stipem ipsemet largiri nequeat. Idemque dicendum, si utrumque eorum per se, atque in sensu diuiso promissum fuerit: v. g. si aliquis promiserit, se ad limina Apostolorum peregrinaturum, & lampadem argenteam oblaturum, vel contra hostes Fidei profecturum, & tot socios secum adducturum, sed postea peregrinari, vel ad bellum proficisci non possit, tenetur

nihilominus promissum donum, vel socios in belli subsidium promissos mittere, si reale hoc votum per se & sine dependentia à personali edidit, sicuti docet Sanchez cit. c. 15. n. 13.

Non placet autem, quod idem n. 9. tradit: Si quis vouerit se ieiunaturum, vel sacrificaturum pro animabus in purgatorio, vel existentibus in alia spirituali necessitate, ad ipsis subueniendum, hoc casu, si ipsemet vouens, ob impedimentum, exequi non possit, obligatum esse, ut per alium exequatur. Non placet, inquam, tum quia tale votum personale est, non reale: alioquin ad heredem transiret eius obligatio, quod nemo dicit: tum quia vouens, ut suppono, promisit se ieiunaturum, v. g. non item se curaturum, ut alius ieiunet. hoc enim distinctum opus est, nouam in se difficultatem continens. Si tamen animus promittentis fuit curare, ut sacrificium pro tali necessitate offeratur, siue per se, siue per alium, tunc rectè docuit Sanchez.

12 **QUESTIO SEXTA.** Vtrum obligatio voti transeat ad heredem defuncti, qui votum suum non impleuit: Respondeo ex communi sententia, & dico I. Ad heredem, post aditam hereditatem, realium votorum obligatio transit. Sumitur ex c. ex parte, de censibus, & l. 2. ff. de pollicitatione. Si forte qui decimam bonorum vouit, decesserit &c. heres ipsius, hereditario nomine, decimæ obstrictus est. Voti enim obligationem ad heredem transire, constat. Ratio est: Quia heres voluntariè adeundo, & acceptando hereditatem defuncti, sicuti commoda eius, & omnia iura acquirit: ita etiam onera & debita, seu reales obligationes in se suscipit: Inter huiusmodi autem obligationes est etiam votum reale, id est, promissio Deo facta, alicuius rei in honorem ipsius præstandæ.

Exinde aliqua corollaria existunt: I. obligatio, qua heres tenetur ad soluenda realia vota defuncti, non est ex virtute religionis; quippe quæ solum vouentem astringit, ut supra dictum, sed ex virtute iustitiæ, ratione acceptatæ hereditatis vnâ cum omnibus eius iuribus & oneribus, quod clarè significatur in cit. l. 2. hereditario nomine obstrictus est.

II. Licet testator prohibuerit heredi, ne realia sua vota persolueret; nihilominus tenetur; atque ad id cogi à Iudice potest sub pœnâ hereditatis amittendæ, arg. c. licet, de voto, vbi id tradit Abb. num. 5. Ratio est: Quia heres voluntaria hereditatis aditione, & tacito quasi contractu suscipit omnes obligationes reales defuncti: ergo sicuti testator ad implenda vota realia compelli poterat, ita & heres; idque docet Nauar. cap. 12. num. 56. Rodriq. p. 1. cap. 99. concl. 11. Sanchez lib. 4. cap. 15. num. 28.

13 III. Non tenetur heres vota defuncti soluere ultra vires hereditatis aditæ; id est, non nisi ex eo, quod deductis debitis, & necessariis expensis funerum &c. super est; quippe de quo solo ille disponere poterat vouendo, aut legando ad causas pias, sicuti lib. præced. tract. 5. c. 6. de legatis dictum fuit, & docent Palud. in 4. d. 38. quæst. 4. a. 3. Syl. ver. votum, 4. quæst. 7. dicto 3. Sanchez lib. 4. moral. ca. 15. nu. 36. Imò probabilius esse videtur, neque legitimam bonorum partem descendantibus vel ascendentibus debitam, votis, vel legatis ad pias causas grauati posse, sicuti docet Rodriq. l. c. Sanchez lib. 6. de matrim. disp. 36. quæst. 1. num. 7. & cit. cap. 15. n. 38. Quare si vota realia defuncti excedant vires hereditatis, siue portionis, de qua liberè disponere potuit, tunc eorum solutio ab herede præstanda erit duntaxat pro rata.

IV. Persolutio votorum præferenda est omnibus legatis, etiam piis. Quia prior est obligatio votorum, quippe quæ defunctum astringebat; non ita obligatio legatorum. At verò debita iustitiæ, votorum, executioni heres præferre debet: quia vota soluenda

sunt ex bonis defuncti sicuti & legata. Bona autem cuiuscunque cēsentur, quæ supersunt, deducto ære alieno, l. mulier, iun. Gl. ver. alieno, ff. de iure dotium, & ita docet Sanchez n. 39.

Dico II. Vota merè personalia defuncti non tenetur heres exequi. Quia heres succedit defuncto, eiusque personam representat tātū in realibus commodis pariter siue iuribus, atque oneribus siue debitis, l. heredem, ff. de regulis iuris; non item in privilegiis & obligationibus personalibus; id est, quæ personæ illius cohærent. Excipe primò, nisi sponte se obligarit ad vota personalia defuncti exequenda. Secundò, nisi sub ea conditione heres non necessarius institutus sit, ut talia vota exequatur. Ita docent DD. in c. licet de voto.

Dico III. Neque vota mixta heres implere tenetur; nisi quod in his reale est; per se, & independentè à personali obligatione defunctus promittere intenderit. Id verò in dubio, & nisi ex rei promissæ natura & c. coniectura capi possit, præsumi non debet. Qua de re post Palud. mox citandum, videri potest S. Anton. p. 2. tit. 15. cap. 2. §. 5. Syl. ver. votum, 2. q. 11.

Exinde soluitur quæstio: Si defunctus vouerat se contra Fidei Christianæ hostes in subsidium belli profecturum esse, vtrum heres eius implere, vel saltem sumptus mittere teneatur? Respondetur: Si defunctus nullam specialem heredi obligationem imposuit; adeoque spectatâ præcisè ipsius voti naturâ, non obligari heredem ad quicquam præstandum. Ita docet Palud. in 4. d. 38. q. 3. a. 3. concl. 4. & 5. quæm sequitur Suarez lib. 4. c. 11. in fine, contra Sanchez n. 29. Idque ex eo probatur, quod supra dictum, si ipsemet vouens impedimentum contrahat, quominus proficisci possit, omnino liberari obligatione. Ergo multò magis heres liber erit, si vouens, voto non persoluto, defunctus sit. Si tamen probabiliter præsumi possit, vouentis intentionem fuisse subsidium bello contra hostes submittere sine dependentia à propria persona, tunc tenebitur heres alium militem, vel sumptus transmittere.

Verum his dictis ob stare videtur c. quod super, de voto, vbi dicitur; Quod habentes votum in subsidium Terræ sanctæ propria persona, suisque impendiis militandi, si ob impedimentum perpetuum v. g. infirmitatis, proficisci non possint, cogi debeant, ut quas facturi erant expensas transmittant, exequentes per alios, quod per se nequeunt expedire. Ex quo sequitur, quod etiam heres, si vouens ipse voto suo non satisfecerat, expensas transmittere cogatur, iuxta iuris reg. 46. in 6. Is qui in ius succedit alterius, eo iure, quo ille, vti debet, Respondeo cum Innoc. in c. licet, de voto, Abb. in cit. c. quod super, num. 5. Nauar. cap. 12. n. 55. Fuisse id tempore illo specialiter constitutum, ob magnum eius voti & recuperationis Terræ sanctæ fauorem; ut qui edito voto crucem sanctam susceperant, quocumque modo possent, siue per se, siue per alios auxilium polliceri censerentur. quæ tamen præsumptio non est ex natura voti præcisè spectati, ideòque in aliis casibus locum non habet. Imò Palud. in cit. concl. 4. considerata natura huius voti, illud inter ea numerat, quæ principaliter personalia sunt, & accessorie tantum realia, ideòque ait: Si defunctus suscepit crucem, non propterea heres tenetur illuc mittere expensas, quas ille facturus erat, nisi hoc ordinauerit.

CAP. IV.

VTRVM MELIUS, MAGISQUE
meritorium sit opus ex voto, quàm
sine voto.

SUMMARIVM.

1. *Melius, magisque meritorium est opus ex voto, quam sine voto.*
2. *Necessitas implendi voti non minuit voluntatis libertatem.*
3. *Pœnitentia voti edicti si efficax non sit, nihil culpa habet.*

RESPONDETUR cum S. Thoma, 2. 2. quæst. 88. a. 6. Henrico Gandauensi quodlib. 13. quæ. 14. Th. Vvaldensi lib. 3. de doctrina Christiana cap. 21. Maiore in 4. d. 38. quæst. 4. Richar. a. 6. quæst. 2. Melius, magisque meritorium esse opus ex voto. Probat 1. Nobilioris virtutis nobilior est opus: Religio autem omnium virtutum moralium nobilissima est. Ergo &c. v. g. opus temperantiæ, si ex voto fiat in Dei honorem concepto, altioris insuper virtutis Religionis, à qua imperatur, laudem & honestatem consequitur. Quare S. Aug. inquit in lib. de sancta Virginit. c. 8. Virginitatem non tam honorari, quia virginitas est; quam quia Deo dicata est II. Qui ex voto bonum operatur, magis Deo se subiicit ac impendit: quia non opus tantum, sed & operandi facultatem Deo consecrat; sicuti plus dat, qui vna cum fructu, etiam arborem donat, uti notauit D. Anselmus in lib. de similitud. cap. 84. Confirmatur I. Sicuti grauius peccat, maioremque pœnam meretur, qui mente obstinata, & omnino ad malum determinata peccat; ita melius agit; & plus à Deo meretur, qui virtutis opera, voluntate per votum obfirmata, exercet. Confirmatur II. Qui opus bonum voto promissum omittit, grauem sacrilegii malitiam, ac pœnam incurrit. Ergo qui obseruat, magnam virtutis laudem, & præmium à Deo meretur. Quia oppositorum eadem est ratio opposita; neque congruit diuinæ iustitiæ ac benignitati, ut voti transgressionem plus puniat, quam eius obseruationem remuneret.

Obiicies. Qui ex voti obligatione operatur, is magis necessitate, quam libera voluntate operatur: unde sæpe accidit, ut eum vouisse pœniteat; ideoque cum rædio, & iustitia operetur bonum, contra consilium Apostoli, 2. ad Corinth. 9. *Non ex tristitia, aut ex necessitate; bilarem enim datorem diligit Deus.* Hæc obiectio tres partes in se continet; ad quarum 1. optimè respondet S. Thomas ad 1. Necessitatem legis, quæ ex voto oritur, non minuere voluntatis libertatem: quia homo iustus sponte ac liberè operatur, quod lex iubet; licet fortè non operaretur, nisi lex iuberet. Qua de re egregiè S. August. epist. 45. ad Armentarium Riparium: *Quia iam vouisti, iam te obstrinxisti, aliud tibi facere non licet. Priusquam esses voti reus, liberum fuit, quo esses inferior: quamuis non sit gratulanda libertas, qua sit, ut non debeatur, quod cum lucro redditur. Nunc vero quia tenetur apud Deum sponso tua, non te ad magnam iustitiam inuito; sed à magna iniquitate deterreo. Non enim talis eris, si non feceris quod vouisti, qualis mansisses, si nihil tale vouisses. Minor enim tunc esses, non peior. Modo autem tanid (quod absit) inferior, si fidem Deo fregeris; quanto beator, si persolueris. Nec ideo te vouisse pœniteat; imo gaude, iam tibi sic non licere, quod cum tuo detrimento licuisset. Aggredere itaque intrepidus, & dicta imple factis: ipse adiuvabit, qui vota tua expetit. Felix est necessitas, quæ in meliora compellit.*

Ad 2. partem respondetur; Votum Deo prudenter factum non præbere homini causam pœnitentiæ, ac dolotis; sed potius materiam gaudii, uti ex S. August. citat. epist. 45. annotauit S. Thomas ad 2. idque exprimitur lib. 1. Paralip. cap. vlt. *Latus est populus, cum vota sponte promitteret; quia corde toto offerebant ea Domino.* Sed etsi aliquem voti sui pœniteat, licet tamen pœnitentia efficax non sit, sed coniuncta cum firmo proposito exequendi votum, nihil culpæ (per se loquendo) admittitur: quia

talis pœnitentia, siue simplex displicentia voti non versatur circa malum, aut prohibitum obiectum: nam sicut ab initio potuit homo nolle vouere; ita postea optare potest, quod non vouisset. Quamquam eiusmodi actus plerumque otiosus & inutilis est: interdum etiam, præsertim in votis granioribus, & perpetuam obligationem inducentibus, cum periculo præuaricandi, seu non perseverandi iunctus: quamobrem veniali culpa, interdum etiam mortali non vacat. uti notauit Caietan. cit. a. 6. §. quoad secundum.

Ad tertiam partem respondetur; Tamen si aliquem pœniteat voti sui, siue optet se non vouisse; nihilominus, quia vouit, potest alacri & prompto animo votum suum exequi superando difficultates, non sine meriti augmento. Sin autem displicentia voti redundet in executionem; ita ut homo remissè, & cum rædio votum exequatur; tunc ratione huius circumstantiæ, adeoque per accidens interdum contingit hominem ex voto operantem minùs bene & meritoriè operari, quam alium sine voto, uti notauit Suarez lib. 1. de voto cap. 17. n. 13. Apostolus autem loco suprâ cit. reprehendit eos, qui eleemosynas tribunt minùs voluntariè, ex timore humano, quia non audent negare viro magno petenti, qualis erat Paulus: vel ne auari iudicentur, si aliis tribuentibus, ipsi nihil, aut non tantumdem tribuant. Vide Bellarm. lib. 2. de Monachis cap. 29.

CAP. V.

DE VOTO PœNALI.

SUMMARIVM.

1. *Votum pœnale dicitur, cum quis minimè affectus est ad rem, quam in pœnam vouet; sed ideo eam promittit, si crimen commiserit, ut retrahatur à crimine.*
2. *Si opus principale illicitum, vel impossibile fiat; aut eius præstandi obligatio per dispensationem tollatur, cadit etiam obligatio pœnæ.*
3. *Ignorantia, vel obliuio excusans à culpa, itidem excusat ab annexa pœna.*
4. *Votum, si impofterum blasphemiam dixerit, dabo in eleemosynam unum aureum; plerumque intelligitur toties, quoties peccatum commissum fuerit.*

VOTUM pœnale definit Sanchez lib. 8. de matrim. disp. 10. num. 1. Cum vouens minimè alioquin affectus est ad rem, quam in pœnam vouet; sed ideo eam ita promittit, si crimen aliquod commiserit; ut illius incurrendæ timore retrahatur à crimine. Quod duobus modis accidit, sicut idem docet li. 4. mor. c. 22. num. 2. Azor lib. 11. cap. 7. quæst. 8. Lopez p. 1. instruct. c. 44. §. vota ista conditionalia. Primò, Si duplex votum aliquis edat; videlicet, rem aliquam absolute faciendi, vel omittendi, ad quam animus inclinatus est: si verò id non præstiterit, tum aliud, ad quod animus inclinatus non est, tanquam in criminis pœnam, præstandi. v. g. si voueas; te non fornicaturum, sin autem fornicatus fueris, Religionem ingressurum: vel voueas, te non lusurum sin autem lusuris, eleemosynam daturum. Secundò si sola pœna promittatur sub conditione, si id, quod animus est præstare, præstitum non fuerit: v. g. Voueo me Religionem ingressurum, si fornicatus fuero: Voueo eleemosynam me daturum, si lusero. Interdum tamen vota tali forma, præsertim posteriore, concepta, pœnalia non sunt, sed merè conditionalia, si videlicet aliquis sub conditione admissæ fornicationis, Religionem voueat; non ut pœnam, sed potius ut medium opportunum ad peccatum declinandum, vel emendandum.

Corollarium I. In voto verè pœnali, si res illa, quam

vouens per se ac principaliter spectabat, impossibilis, vel Deo non accepta sit, aut fiat; tunc cadit etiam obligatio pœnæ, quippe quæ vt accessoria promissa fuit: consequenter, si res principalis præstanda non est, neque pœna locum habet: Exemplum habes: Si aliquis vouit vel iurauit (nam eadem est in his ratio de iuramento) nisi vindictam sumpserit à tali persona; vel si cum hoc homine, quo eum inimicitiam gerit, locutus; vel domum eius ingressus fuerit; in pœnam ieiunaturû, eleemosynam daturum; nulla est obligatio pœnæ præstandæ.

Corollarium II. Si obligatio voti validè emissi, per dispensationem sublata fuit, tunc eò ipso cadit etiam obligatio pœnæ, licet de ea impetratione dispensationis nulla mentio facta sit. Cuius ratio est, quia pœna habet ordinem ad transgressionem: atqui post dispensationem locum non habet transgressio voti: ergo neque pœna. Secus verò est, si præuaticatio voti semel accidit, ideòque pœna contracta est: tunc enim vtrumque vinculum per se obligat; adeò, vt vnus solutio per dispensationem, &c. non trahat secum solutionem alterius: v. g. si vouisti vinum non bibiturum; sin biberis, eleemosynam daturum; postquam bibisti, iam reus es tam voti, quam pœnæ: atque ab vno absolutus non ideo etiam absolutus es ab altero.

Corollarium III. Quotiescunque aliquis ob ignorantiam, seu obliuionem, rem principalem perficere omisit, non tenetur pœnam præstare; quippe quæ locum non habet, vbi voluntaria transgressio non est. Neque refert, vtrum sit ignorantia facti tantum, puta, si vouisti te Missam auditorum diebus festis, & nisi audieris, eleemosynam daturum, sed postea intermittis, quia non recordaris esse festum diem: perinde enim est, ac si alia iusta ratione impeditus esses: An verò sit ignorantia iuris, seu potius obligationis: vt si Missam die festo (quamuis culpate) negligas; sed immemor emissi voti, vtroque enim casu liber es ab obligatione præstandæ pœnæ. Secus verò dicendum, si memor sis, te votum emisisse Missæ non omittendæ, tametsi non recorderis appositæ pœnæ, quorum ratio est, quia voti obligatio est instar alterius humanæ legis: lex autem humana ad decretam pœnam non obligat eum, qui inculpate ignorat, aut non recordatur latam esse: at verò qui legem latam nouit, licet ignoret, vel obliuiscatur annexam pœnam, nihilominus eam incurrit, sicut dixi lib. 1. tract. 4. cap. 20. num. 6. & docet Sanchez lib. 4. moral. cap. 22. n. 17. Etenim pœna videtur habere relationem ad eam culpam, siue transgressionem, cui annexa est: consequenter si annexa est humanæ legi inuincibiliter ignoratæ, adest ratio excusationis tum à culpa transgressionis, tum à pœna: Sin autem non inculpate ignoretur, sed culpate violetur, tunc pœnæ locus est.

RESTAT QVÆSTIO. Si quis vouit, se non temere iuraturum, blasphematurum, sub pœna peregrinationis instituendæ, aut eleemosynæ dandæ, vtrum in dubio censendus sit solum se obligare voluisse ad pœnam ob primam transgressionem, an toties, quoties peccabit? Priorem partem tenet Sa ver votum. num. 26. *Vouens, si aliquid facturum, si contingat fortè peccare, intelligitur de prima vice, nisi intendisset expressè, quoties peccasset.* Contrarium docet Sanchez cit. c. 22. n. 21.

Respondeo, & dico I. Si duplex votum homo edidit & non se blasphematurum; & si blasphemauerit, eleemosynam daturum; tum vera est sententia posterior: quia sicuti votum principale de non blasphemando ad omne tempus refertur; ita & votum ei accessorium de pœna soluenda, intelligendum videtur Qua ratione etiam istud votum accipi debet: *Voueo me omnibus diebus festis Missam auditorum; & nisi audiero, eleemosynam daturum.*

Dico II. Si quis vnicum votum ediderit, videl. de pœna soluenda, si accadat imposterum, vt blasphemia, vel simile peccatum committatur; in primis examinanda est intentio vouentis, quæ plerumque esse solet, in perpetuum sibi interdicere peccandi facultatem sub proposita pœna; ita vt quotiescunque transgressio fiat, toties pœna solvatur, Sin verò, spectatis omnibus circumstantiis, de intentione vouentis constare non possit, sed duplici maneat, doctrina illa Eman. Sa, quæ in correctissima editione hæc est, reprehendi non potest. Quia cum de obligatione voti agitur, benignior pars in dubio amplectenda est, salua verborum proprietate: atqui verba ista voti; *Si imposterum blasphemauero, voueo me peregrinationem instituturum, decem aureos pauperibus daturum*; propria, & non inusitata acceptione intelligi possunt de prima tantum transgressionem: Ergo si vouens de intentione sua dubitet, hanc benigniorem partem, vtpote non abhorrentem à sermonis proprietate, & vsu, præferre potest. Nam eodem modo homini quispiam se obligare potest: *hanc viam lubricam transibo nunquam casurus, si cecidero, promitto me aureum donaturum.* Potest quidem hæc promissio etiam intelligi, vt dandus sit aureus, quotiescunque casus acciderit, sed in dubio, intelligendum erit de primo tantum casu.

CAP. VI.

DE VOTO CONDITIONALI.

SUMMARIUM.

1. *Votum conditionatum imperfectam & suspensam obligationem continet.*
Promissiones & vota, postquam validè edita sunt, conditiones non recipiunt.
2. *Non peccat vouens, si appositam conditionem euitet, vel impediat, ne voti obligationem contrahat. Nisi lege aut præcepto obligatus sit ad conditionem seruandam, tunc peccabit contra religionis virtutem, nisi seruauerit.*
3. *Qui aliquid Deo vouet, vel homini promittit sub conditione consensus paterni, statim obligatur, si pater consensum præbeat; licet postea dissentiat. Contra statim obligatione liberatur, si pater dissentiat; licet postea consentiat.*
4. *Etiamsi aliquis dolo efficiat, vt appositæ voto conditio non impleatur, obligationem superfugere videtur.*

VOTUM conditionatum dicitur, ex quo obligatio oritur imperfecta, & suspensa, pendens nimirum à futuro euentu, in conditionem appposito. Circa quam definitionem aliqua aduertenda: Primum. Votum editum sub conditione euentus præsentis, aut præteriti; v. g. *si pater meus viuus: si pater meus mortuus est*, non est propriè conditionatum; quia statim parit absolutam obligationem, si posita conditio existat; vel nullam obligationem parit, si posita conditio non existat.

Alterum. A definitione voti conditionati excluduntur etiam illa vota, quæ non propriè dictam conditionem continent; sed determinationem temporis, in quo votum impleri debeat: v. g. *Voueo me Religionem ingressurum, si pater meus moriatur*; perinde enim est ac si dicam, quando pater morietur. Quamobrem absoluta obligatio nascitur, licet executionis dilatio aliqua concedatur, sicuti notauit Sotus in 4. d. 29 quæst. 2. a. 1. §. si ergo secunda conclusio. Sanchez lib. 4. moral. c. 23. n. 1. & lib. 8. de matrim. disp. 10. n. 4.

Tertium, Licet votum conditionatum non pariat statim obligationem perfectam; parit tamen imperfectam, & suspensam, quæ eueniente conditione perficitur, & absoluitur. Nam primò, qui vouit conditionatè, seruare tenetur propositum implendi voti, si conditio euenierit. Secundo, non debet se interim, dum euentus

euentus conditionis speratur, inhabile reddere ad executionem voti: v. g. qui vouit se Religionem ingressurum, si pater ex India saluus redierit, is licet matrimonium contrahere non potest, tamen si pater longo tempore absit, donec de eius morte certior factus fuerit, sicuti docet Nau. lib. 3. consil. 15. de voto. edit. 2. Sanchez cit. cap. 23. concl. 6. argum. c. in presentia, c. ex tua, de sponsal. Excipe: Nisi conditio ex libera uoluntate pendeat, tunc euentum illius uolens expectare non tenetur: v. g. vouit aliquis, si luserit intra annum, se Religionem ingressurum: vel, si Religionem aliquam ingressus fuerit, Carthusianum fore, utroque casu, nullo expectato euentu, ad nuptias liberè accedere potest, sicuti bene monet idem Sanchez cap. 22. n. 11.

Quartum. Votum conditionatum interdum accipitur latè, ut comprehendat etiam votum pœnale, de quo præced. cap. dixi. Interdum verò strictè ac propriè, quæ est promissio alicuius rei præstandæ, sub pura conditione alicuius futuri euentus contingentis, non in criminis pœnam: & de hoc voto ex instituto hîc sermo est.

Demum notandum est. Conditionem apponi debere in ipso uouendi seu promittendi actu: nam si semel promissio absolutè facta, adeoque perfecta fuerit; non licet deinde illi conditionem, restrictionem, vel grauamen aliquod adiungere, iuxta l. 4. C. de donat. quæ sub modo: *Perfecta donatio conditiones postea non capit*, & docet ex communi Sanchez lib. 5. de matr. disp. 6. n. 3. & lib. 4. de voto, c. 23. n. 7.

QVÆSTIO PRIMA. Vtrum uolens peccet, si per eum fiat, quominus conditio impleatur? Respondeo, & dico I. Si conditio nulla lege præcepta pendeat ex libera uoluntate, non videtur peccare uolens, licet eam euitet ob hanc solam causam, ne voti obligationem contrahat. Exempli causa: Aliquis vouit eleemosynam se daturum, si iurauerit, si luserit, si talem domum, ciuitatem ingressus fuerit, non peccabit, et si ideo non ingrediatur, vel iuramento, lusu absteineat, ne voto obligetur Ita docet Suarez lib. 4. de voto, cap. 17. assert. 1. Sanchez citat. cap. 23. quæst. ult. Cum enim talis uolens adhuc liber sit à voto; poterit eius obligationem subterfugere, vel impedire, quocunque modo secundum se non illicito: atqui licitum ei est non iurare; non ludere, ciuitatem non ingredi. Ergo &c.

Loquor autem de conditione, quæ nulla lege præcepta est: Nam in primis suppono, uolentē noluisse se obligare ad conditionem implendam, v. g. ciuitatis ingressū, sed solum ad rem præstandam, si conditio, ex libera sua uoluntate dependens, impleta fuerit.

Deinde aliquis ita vouit: Si spatio vnus anni fornicationis peccatum cum Dei gratia euitaui, in gratiarum actionem, Religionem ingrediar: talis, si intra annum fornicetur; ea intentione, ut voti obligationem subterfugiat, videtur non tantum contra castitatem peccare, sed etiam contra Religionis uirtutem, violando quodammodo pactum cum Deo initum: quandoquidem dicto uouendi modo censetur tacitè promississe, quod saltem aliquem euitandi peccati conatum adhibere, vel saltem dolo & fraude non uti, sed sincere agere velit, sicuti notauit Suarez cit. cap. 17. n. 14. Vtrum autem talis uolens Religionem nihilominus ingredi debeat, dicam infra q. 3.

Dico II. Si conditio voti ex naturalibus causis, vel ex alterius hominis libero consensu, aut uoluntate pendeat, non peccat uolens contra votum, tamen si conditionis euentum impediatur, si nihil per vim, aut dolum agat. Ita docet idem Suarez numer. 16. & seqq. Exemplum adfert I. Vouisti Religionem te ingressurum,

si Deus ualeitudinem intra annum restituerit, non peccas contra votum, si comedendo, vel bibendo excedas, modò absit dolo, & non de industria ualeitudinem lædas, quò Religionis ingrediendæ obligationem euitas.

II. Vouisti Religionem te ingressurum, si pater consenserit, vel si frater id suaserit, non peccas, tamen si voti pœnitentia ductus, precibus, vel rationibus propositis id agas, ut pater dissentiat, vel frater dissuadeat, secus est, si vi, aut fraude eos circumuenias. Ratio est: Quia, ut supra dictum, uolens non censetur se obligare ad promouendum, vel nulla ratione impediendum conditionis euentum. Sin verò cogas patrem v. g. vel deceptione circumuenias, quominus consensum præbeat, iam non relinquis ei liberam arbitrii sententiam, ex qua tamen votum tuum pendere uoluisti. Item, si data opera ægritudinem incurras, ne conditio, ad Religionem ingrediendam appositā, impleatur; non sincere pactum cum Deo initum obseruas: perinde ac si cum homine pactus sis, si ualueris, te ei opem bellanti præbiturum; licet ex vi huius pacti obligatus non sis ualeitudinem diligentius, quàm ante solebas, curare; non debes tamen eam de industria lædere: alioquin infidelis promissor censeberis.

QVÆSTIO SECUNDA. Speciatim proponitur de conditione hac, si patri placuerit, quomodo ea censeri debeat impleta, vel non? v. g. uoueo Religionem me ingressurum, si patri placuerit. Quam quæstionem de sponsalibus, & matrimonio tractat Sanchez lib. 5. de matrim. disp. 7. Quo cum respondeo, & dico I. Si pater re cognita, voto vel promissioni primò consentiat, censetur impleta conditio & obligatio, quæ haud tollitur, tamen si postea dissentiat.

Dico II. Si pater re cognita, prius dissentiat, deficit conditio & obligatio; neque reualefcit, etsi postea consentiat. Quod etiam docet Sotus in 4. d. 29. quæst. 2. a. 3. §. Rogas autem; quid si postquam filius. Azor lib. 11. cap. 15. quæst. 9. §. præterea conditio, contra Syluest. ver. matrimonium, 3. quæst. 4. dicto 3. Nauar. cap. 22. num. 63. Veracrux p. 1. speculi, a. 19. §. sed postquam. Quorum tamen sententia in sponsalibus tunc haud dubiè amplectenda est, si sponsi, post patris dissensum, permaneant adhuc in proposito, uerbis, aliisue signis explicato, obligandi se mutuo sub conditione paterni consensus deinceps impetrandi. Deinde si uolens, vel promittentis intentio fuit, obligandi se omnimodè ad exequendum promissum, dummodo sine patris offensione fieri possit, tunc etsi primò ille ægrè ferat, postea verò consensum præbeat, obligatio contrahetur, si interim nulla notabilis mutatio facta.

Dico III. Si pater nec consensum, nec dissensum exprimat, ad alia signa, & coniecturas attendendum est. Nam in quibusdam personis, consideratis circumstantiis, taciturnitas signi fiat mœrorem animi, indignè ferentis; in aliis verò tacitum consensum, vel saltem non repugnandi uoluntatem. Ita notarunt Syl. lo. cit. dicto 4. Nau. cit. n. 63.

Dico IV. Si pater expressè dicat; se quidem non contradicere, nec dissuadere: uerū nec suadere, aut probatum consensum dare uelle, tunc censeri debet conditio impleta, nisi constet, aliam fuisse mentem promittentis. Ita præter Sanchez, docent Syluest. & Veracrux ll. cc. Anton. Cucus lib. 5. Instit. tit. 11. num. 54. Nam qui uouet, vel promittit sub conditione paterni consensus, eius animus esse censetur obligare se, nisi pater ægrè ferat, & contradicat; vel saltem dissuadeat. Qui autem tacet, ait Paulus l. C. reg. 142. ff. non uniusque facietur: sed tamen uerum est, cum non negare, siue contradicere. Confirmatur ex eo, quod doctores docent apud Sanchez li. 4. moral. cap. 23. n. 26. satis esse, si appositā conditio in aequipollenti impleatur, quòd ex fine siue proposito pro-

mittentis estimandum est: v.g. aliquis Religionem vouit se ingressurum, si filia matrimonio locata fuerit; quia non decebat eam deferre in periculo constitutam; postea vero filia moritur; ille voto obligatus censetur. Similiter in nostro casu, si aliquis veritus, ne parens ob suum Religionis ingressum, trinitiam concipiat, vel alienus fiat, votum edat, si pater consentiat; is autem, re intel. ecta, nihil contradicat, neque iniquo animo ferre se ostendat; tunc satis impleta est conditio, secundum vouentis propositum. Eademque ratio est, si pater antequam consensum, vel dissensum præbeat, & viuis excedat; quia spectato fine vouentis, satis est, patrem non contradicere, seu non se opponere.

4. **QVÆSTIO TERTIA.** Si aliquis per fraudem impediat, quominus conditio eueniat, utrum voto obligetur perinde ac si conditio impleta esset? v.g. aliquis vouit se Religionem ingressurum, si spatio anni peccatum fornicationis cum Deigratia vitauerit, vel si morbo liberatus fuerit; postea vero fornicetur, vel iniquo operatè viuat ob eam maximè causam, ne voto teneatur. Talem nihilominus obligari, docent Richard. in 4. d. 38. a. 5. quæst. 4. Angelus ven. votum, l. 5. 10. Nauar. c. 12. num. 42. Azor lib. 11. cap. 10. quæst. ult. Sanchez lib. 4. cap. 23. num. 47. & probant ex l. in executione, §. ult. ff. de verb. obligat. Quicumque sub conditione obligatus curauerit, ne conditio existeret, nihilominus obligatur. Cōsentit reg. 66. in 6. Cum non stat per eum, ad quem pertinet, quominus conditio impleatur, haberi debet perinde, ac si impleta fuisset. Exempli causa: Promissi alicui centum fl. daturum, si forestuas ingressus fuerit; ille autem ingredi paratus, à te per vim, vel fraudem repulsus est, haud dubiè perinde ei obligatus eris, ac si ingressus fuisset: ita etiam seres habet in casibus votiantè propositis.

Contrariam tamen sententiam valde probabiliter defendunt Maior in 4. d. 38. quæst. 1. proposit. 1. coroll. 7. Suarez lib. 4. de voto, cap. 17. num. 20. Vel enim talis vouens, qui fraude postea usus est, ad voti executionem obligatur ratione conditionis impletae, vel ratione peccati commissi. Neutrum dici potest: Non primum: quia re vera conditio impleta non est: siquidem intra annum valetudinem illo consecutus non fuit, neque à fornicatione præseruatus est. Adde, incertum etiam esse, etiam si is fraude usus non esset, utrum conditio, quippe suppte natura contingens, impleta fuisset, necne. Neque secundum dici potest: nam hoc discrimen est inter violationem promissionis Deo factæ, & violationem promissionis homini factæ; quod illa obliget ad pœnitentiam, & satisfactionem pro peccato & iniuria Deo illata; hæc vero ad compensationem siue restitutionem damni homini illati. Quia homini violatione iuris sui damnum inferitur in bonis ei vtilibus, quod compensari potest, ac debet. Deo autem transgressionem voti nulla utilitas decedit, quæ restitui possit, ac debeat; sed tantum honor & cultus debitus aufertur: qui per pœnitentiæ satisfactionem eidem restituitur. Quare generalis regula tradi potest, quod transgressio voti non obligat ad compensationem; v.g. si vouisti certo die, ob specialem deuotionem, te ieiunaturum; atque tunc intermittas culpam, vel inculpam, non teneris alio die compensare, sicuti ex communi docet Suarez lib. 4. cap. 15. Sanchez lib. 4. cap. 14. num. 25. Atque exinde patet responsio ad prioris sententiæ fundamentum.

Illud verò monuerim, spectandā in primis intentionē vouentis, quæ interdū est omnino se obligare ad Relig. v. g. ingressū, nisi pater contradixerit; ut proinde nihil aliud impedire eum debeat, præter patris contradictionem & dissensum. Hoc casu si vouens fraude circumueniat patrem, ut contradicat, qui alioquin non contradiceret; voto nihilominus obligabitur: eo quod cōditio, considerata vouentis intentione, satis impleta censeatur: quando pa-

ter non ex se ipso voluntariè, sed fraude eius circumuentus; contradicit.

CAP. VII.

QUENAM PERSONÆ VOVERE

Cassint.

SUMMARIUM.

- 1 Omnis homo viator, si rationis usum habet, validè vouere potest.
- 2 Ecclesia in quibusdam votis certam formam seu conditionē requirit, quæ non obseruata, irrita sunt.
- 3 Vota non omnino firma sunt, sed irrita reddi possunt, quatenus cedant in præiudicium potestatis alienæ.
- 4 Religiosus, & impubes magis subsunt, ille Pralati, hic patris, vel tutoris potestati, quàm uxor marito filius sibi. pubes patri &c.
- 5 Actiones Religiosæ, quæ secundum se bonæ sunt, partim absolute uolari possunt, partim verò non sine dependentia à consensu Pralati.
- 6 Prelatus Ordinis omnia vota Regularium irritare potest, excepto eo, quod est transseudi ad Ordinem strictiorem, vel quod ipsa Ordinis institutio postulat.
- 7 Si Religiosus opus suum vouit quod sine Pralati licentia exequi non potest, debet eam petere; sed non videtur necesse, ut votum suū explicet.
- 8 Summus Pontifex vota Regularium directe infirmare potest, secularium non item.
- 9 Prelatus Ordinis vota Nouitiorum simpliciter ac directe irritare non potest: quamuis dispensare possit, si à iurisdictione Episcopi exemptus est.
- 10 Vota impuberis omnia pater directe irritare potest, & in eius defectum auus paternus, & mater, vel Ludimagister, secundum quosdam.
- 11 Vota ab impube edita, etiam post pubertatem, à patre irritari possunt, si ea pubes factus non confirmauit: idemque sentiendum de tutore.
- 12 Maritus non omnia uxoris vota, sed ea tantum rescindere potest, quæ, & quatenus iuri suo præiudicium adferunt; similiter & uxor vota mariti.
- 13 Pater non omnia vota filii puberis irrita reddere potest, sed ea tantum, quæ patriæ potestati præiudicium adferunt.
- 14 Etsi Superior licentiam dedit, nihilominus votum rescindere potest, multò magis successor.
- 15 Votum continentis, cum coniugis consensu approbatio editum, irritum deinde reddi non potest.
- 16 Votum uxoris de non petendo coniugii debito, à marito nequit rescindi, quamuis sine eius consensu editum sit.
- 17 Votum impuberis, etsi à patre, vel tutore approbatum sit, nihilominus reuocari, & rescindi potest.
- 18 Si Superior sine iusta causa votū subditi irritum pronuntiet, peccat venialiter; similiter, si datam licentiam voti exequendi reuocet.
- 19 Vota quæ directe & absolute irrita facta sunt, non reuocantur sublato statu subiectionis: secus, si tantum indirectè & per accidens rescissa sunt.

ASSERTIO I. Omnis homo viator tam pubes, quàm impubes, posteaquam rationis usum sufficientem ad voti naturam cognoscendam assecutus fuit, validè vouere potest; nisi aliunde impeditus sit. Ita S. Thom. 2. 2. quæstio. 88. artic. 9. & DD. communiter. Circa hanc assertionem duo aduertenda: I. Vota ante septimum ætatis annum concepta, irrita censentur, nisi probabilissimæ coniecturæ iuadeant, sufficientem rationis usum in tenera illa ætate non defuisse. Contrà, post completum septennium edita vota præsumuntur valida, quatenus est ex parte vouentis, nisi probabilia indicia ostendant, defuisse rationis discretionem. Idque perinde etiam in spōsalibus locum habet, uti docet Sanchez lib. 1. de matrim. disput. 8. & 16. & lib. 4. moral. c. 1. n. 14.

II. Licet omnis homo, ratione præditus, quæcunque vota siue promissiones Deo validè edat, quatenus est ex sua agentis siue vouentis parte, fieri tamē po-

test, ut aliunde impediatur, videlicet ab Ecclesiastica seu Pontificia lege, requirente ad valorem voti certam qualitatem siue conditionem, quæ naturali alioquin iure non requiritur: ad eum modum, quo civilis lex civilibus promissionibus & contractibus certam formam siue conditionem præscribere potest, sine qua valorem non habeant. Neque verò idcirco Ecclesiastica potestas diuino iuri derogat: quia, ut rectè notauit Suarez lib. 3. de voto, cap. 4. num. 9. Deus non accipit vota, quæ ab Ecclesia ob iustam causam infirmantur; sicut etiam remittit obligationem votorum, in quibus Ecclesia ex iusta causa dispensauit. Idque ex vi promissionis factæ S. Petro Matth. 16. Ut quod ipse solueret in terris, esset solutum & in cælis.

Ad hunc igitur modum Ecclesia infirmat vota solemnia, quæ ex graui, eoque iniusto metu fiunt: Item Religionis professionem, quæ ab impubere editur, c. ad nostras, de Regular. cap. 1. & 2. cod. in 6. c. puella, 20. quæst. 2. Hodie verò post Trident. Concil. sess. 25. c. 15. de Regul. irrita est professio, quæ fit ante xvi. completum ætatis annum; vel ante tempus annuæ probationis exactum.

Si obiciamus; Ecclesiam non habere iurisdictionem super actus merè internos; idèoque non posse saltem interna hominum vota infirmare, vel in iis dispensare. Respondeo cum Suarez cit. cap. 4. num. 11. antecedens esse verum de iurisdictione contentiosa, quæ tendit ad vindictam fori externi; non item de iurisdictione non contentiosa, nec punitiua, sed quæ proximè ad salutem animæ tendit.

Assertio II. Sæpe prohibentur homines, quominus valida, aut omnino firma vota edere possint, quatenus ea cedunt in præiudicium potestatis alienæ, cui subiecti vel obligati sunt, v. g. Religiosus suo Prælato; impubes patri, vel tutori, filius familias patri, vel auo, in cuius potestate existit; seruus item domino, coniunx coniugi, debitor creditori, denique omnis subditus Superiori suo. Ita docet S. Thom. q. 88. a. 8. Palud. in 4. d. 38. q. 4. a. 2.

Circa hanc assertionem notandum est primo: Duplex est dependentia voti à voluntate alterius personæ, erga quam est obligatio siue subiectio. Vna per se & simpliciter dicta, tenens se ex parte voluntatis ipsius personæ vouentis, puta Religiosi, & impuberis. Vtriusque enim voluntas, secundum omnes actiones suas, quodammodo subiecta est alienæ voluntati. Nam Religiosus propriæ voluntati sponte renuntiavit, atque alterius, Prælati sui, voluntati per obedientiæ votum se subdidit, sicuti habetur in c. non dicatis, 12. qu. 1. & c. si Religiosus, de elect. in 6. ibi, cum velle, & nolle non habeat; sed ex illius quem vice Dei super caput suum posuit, & cuius imperio se subiecit, voluntate dependeat. Impubes quoque secundum iuris dispositionem, plenum suæ voluntatis dominium non habet; sed patri, vel tutori, in cuius potestate existit, & à quo infirma eius voluntas regi debet, subditur: quamobrem voluntas patris quasi filii voluntas censetur, cap. 1. & 2. causa 20. q. 2. & c. mulier 32. quæst. 2. Altera verò voti dependentia est secundum quid, ac veluti per accidens; videlicet ratione materię: quæ alterius iuri, vel potestati subiecta est. cuiusmodi dependentia eernitur in aliis personis alteri obligatis, puta seruo, coniuge Religionis nouitio, filio familias pubere &c. Ante omnia dicemus de obligatione voti, quæ est prioris generis; postea de altera.

Notandum igitur secundò: Actiones Religiosi, quæ secundum se siue ex obiecto suo spectant, voti materia esse possunt, in quadruplici differentia existunt. Nam quædam sunt positæ in præcepto siue Dei, siue Ecclesiæ: ut non mentiri, die festo Missam audire; quod etiam spectant, quæ in Ordinis regula continentur, ut statis temporibus ieiunare; silentium seruare &c.

Quædam verò actiones sunt positæ in consilio, & omnino concessæ Religioso, ita vt, non petita licentiâ Prælato, eas exercere possit, v. g. orare litanias B. Virginis terram, in cella osculari. Quædam autem actiones ita sunt prohibitæ Religioso, vt ne eas exerceat sine Superioris licentiâ; quam tamen, si petat, non sit insolitum concedi: v. g. supra Ordinis præscriptum ieiunare, item peregrinari ad locum pium, vel elemosynam dare ex iis, quæ religiosus in proprios vsus infumere possit. Quædam denique actiones sunt, quæ licet secundum se, & ex obiecto precisè spectatæ bonæ, & voti capaces existant, tamen Religioso, ob iustam causam, simpliciter prohibitæ sunt, ita vt neque petita licentiâ à Prælato, permitti soleant; v. g. vt Monialis claustralis ad pium locum peregrinetur.

Atque in his vltimi generis actionibus immorandum nobis non est: siquidem vota circa talem materiam, ab initio nulla seu irrita existunt. Nam votum debet esse de opere bono, imò meliore, quam sit oppositum: Sed agere contra Ordinis regulam, vel contra iustum Superioris præceptum, non est bonum. Ergo neque voti materia. Adde, licet Prælatus eiusmodi actionem dispensando in regula interdum permittere soleat, melius tamen esse regulæ, vel iustæ consuetudini Ordinis conformari, quam dispensationem impetrare, sicuti docet Suarez lib. 3. cap. 6. numer. 19. Alia verò tria actionum genera, de quibus mox dicam, possunt esse in Religioso idonæ voti materia.

Assertio III. Omnia ferme vota Religiosi (eademque est ratio de impubere) etiam ea, quæ sunt de actionibus positæ in consilio, & ipsi absolutè concessis; imò & ea, quæ versantur circa actiones in præcepto positas, vel Ordinis regula præscriptas, eam tacitam in se conditionem includunt; Nisi Prælatus, recognita, contradixerit. Cuius ratio est, quia Prælatus potestatem habet omnia eiusmodi vota directè infirmandi, siue irrita reddendi; per quam irritationem omnis eorum obligatio simpliciter tollatur. Ita docet S. Thom. cit. art. 8. ad 3. & 4. Sotus lib. 7. de iust. quæst. 3. articulo 1. Nauarrus capite 12. numer. 165. Medina in sum. par. 1. cap. 14. §. 6. Suarez libro 6. de voto, cap. 7. numer. 7. Sanchez lib. 4. cap. 33. numer. 7. & alii communiter, contra Caietan. cit. art. 8. ad finem, Armillam ver. votum, numer. 9. qui negant votum circa materiam præceptam à Prælato irritum reddi posse. Sed contra eos est; Quia licet materia talis voti secundum se non sit Prælato subdita; quippe necessaria, seu posita sub præcepto, vel saltem sub Ordinis regula; contra quam Prælatus nihil præcipere (potest præterquam si dispensandi facultate præditus ob iustam causam dispensare velit) attamen nouam voluntatis obligationem circa eiusmodi materiam suscipere, non est opus necessarium; sed omnino liberum, & sæpe non expediens, idèoque sub gubernatiuam Prælati potestatem cadens.

Ex quo etiam sequitur, ab initio irrita fore vota Religiosi, si Prælatus antè contradixerat, ne ederentur.

Dixi autem ferme omnia vota Religiosi circa opera præcepta &c. à Prælato simpliciter & directè irrita reddi posse; idèoque tacitam conditionem habere, nisi Prælatus contradixerit; seu irritauerit. Excipiuntur enim ea, quorum obligationes potestati gubernatiuæ Prælatorum subiectæ non sunt; eiusmodi est votum Religionis strictioris ingrediendæ, sicuti docent Nauarr. lib. 3. consil. 40. numer. 2. de voto, edit. 2. Suarez lib. 3. de voto, cap. 6. num. 23. & cit. cap. 7. num. 9. Sanchez cit. cap. 33. numer. 2. Less. lib. 2. cap. 40. dub. 10. & 13. argumento c. licet, de Regular. Quia professio Religiosa intelligitur, nisi eam in melius com-

mutare placuerit, Potest tamen Prælatus in illo voto dispensare, vel commutare; cum non sit ex reservatis Papæ, ut infra dicam. Talia etiam sunt vota, quæ ipsa Ordinis institutio flagitat; quale est in Societate Iesu votum solemne obediendi sum. Pontifici circa missiones, item simplicia quædam vota ab eiusdem Societatis Professis edi solita.

Affertio IV. Vota Religiosi circa actiones bonas, & absolute non prohibitas; sed solum, ne sine Prælati licentia perficiantur, tacite in se hanc quoque conditionem continent, si Superior consenserit, siue licentiam dederit. Ita post S. Thom. cit. art. 8. ad 4. docent Navar. cap. 12. num. 67. Caiet. cit. 2. 8. Suarez citat. cap. 7. numer. 5. Sanchez lib. 4. cap. 25. numer. 14. Ratio est: Quia votum potius ita interpretari oportet, ut valeat, quam ut non valeat: Atqui eiusmodi votum invalidum esse, nisi sub intelligeretur conditio, si Superior faciendi operis, quod alioquin præstare licite non possem, licentiam dederit. Ergo, &c.

Inde ulterius sequitur, Religiosum ex vi eiusmodi voti sui, obligatum esse ad licentiam petendam, sicut ex communi notat Caiet. in sum. cap. 4. §. Conditiones quatuor. post medium, Sotus lib. 7. quæst. 3. a. 1. dub. 2. Armilla ver. votum, num. 7. Azor cit. lib. 11. cap. 16. quæst. 6. Rodriq. to. 2. sum. cap. 89. concl. 3. Suarez lib. 3. cap. 6. num. 11. Sanchez cit. cap. 25. num. 24. Qui enim voluntarie se obligat ad finem, censetur etiam se obligare ad medium, siue quo finis obtineri non potest: Atqui actiones, de quibus loquimur, sine Prælati licentia petita, & obtenta, exerceri non possunt. Ergo dum eas Religiosus promittit, simul etiam promississe censetur, se licentiam petiturum: nam alioquin inanis, & irrita esset voti promissio.

Excipitur, nisi constet, ne virtualem quidem fuisse vouentis intentionem, obligare se ad petendam licentiam; sed solum ad rem promissam, v. g. ieiunium exequendum: ut si tempore voti cuius liberum fuerat ieiunare, & prohibitio postea superveniat: item si vouens ignorabat prohibitum esse ieiunare absque Prælati licentia: neutro enim casu tenetur licentiam petere; sed in priore casu voti obligatio suspenditur siue executio eius impeditur, dum superveniens Prælati prohibitio durat. Posteriore vero casu, videtur votum omnino irritum esse: quia est de re, quæ absolute vouenti licita siue concessa non est. Quæ de re Sanchez lib. 4. cap. 25. num. 6. & seq. Ariag. quæst. 88. art. 8. diff. 1. concl. 3. Suarez lib. 3. cap. 6. num. 13. Et quæ dixi de Religioso, simili modo intelligi debent de coniuge, si vouerit v. g. peregrinationem, quam scit sine coniugis consensu se perficere non posse; tacite censetur se obligasse ad consensum petendum: si vero expresse vouerit, contra voluntatem coniugis peregrinationem ipsius iuri præiudicantem instituere, irritum est votum, sicuti docet Sanchez lib. 9. de matrim. disp. 3. n. 7.

SED QUÆSTIO est: Si religiosus vouens v. g. ieiunium, aut peregrinationem, ad cuius executionem scit necessariam esse Prælati licentiam; debeat postea non solum licentiam petere, sed etiam votum suum explicare. Affirmant Sotus cit. dub. 2. §. At vero rursus, Armilla ver. votum num. 7. Less. lib. 2. cap. 40. dub. 10. num. 72. Azor to. 1. lib. 11. cap. 16. quæst. 6. Nam id est medium magis opportunum ad impetrandam licentiam: si quidem Prælatus eam facilius daturus est, si voti obligationem cognoverit.

Contrarium probabilius docent Caietan. cit. art. 8. §. sed hic occurrit dubium, in resp. Navar. cap. 12. num. 69. Suarez lib. 3. cap. 6. num. 15. Sanchez cit. cap. 25. num. 29. tamen tutius & consultius sit: votum Superiori explicare, non tamen ad id vouentem obligatum esse, si expresse non intenderat se ad id obligare. Ratio

est: Quia vouens peregrinationem v. g. ad cuius executionem scit opus esse superioris licentia, tacite se obligare videtur ad id solum, quod necessarium est, & communiter sufficiens medium ad licentiam impetrandam: ne alioquin eius votum irritum fiat. Cum enim vota strictæ interpretationis esse conveniat, ideo virtualis vouentis intentio extendenda non est ad extraordinaria, & communiter non necessaria media: Atqui communiter, & per se loquendo ad impetrandam boni operis licentiam sufficit voluntatem suam & desiderium Superiori explicare, eiusque consensum rogare. Ergo ad hoc solum censenda est virtualis eius intentio se extendisse. Similiter si religiosus homini quippiam promiserit, ad quod exequendum Superioris licentia requiritur, sufficit licentiam petere, neque opus est promissionem factam Superiori significare, teste Suarez cit. c. 6. num. 16. Sanchez cit. c. 25. num. 34.

Ceterum, si Superior non videatur licentiam absolute denegasse; sed pro illo tempore, postea fortasse concessurus si iterum opportuno tempore petatur, tenebitur ad hoc Religiosus, quod voto siue promissioni suæ non omnino extinctæ satisfaciatur: præterquam, si tempus cui se promittens alligarat, præterit: ut si aliquis ieiunium vouit in vigilia B. Virg. & Superior tunc licentiam denegavit, cessavit omnino voti obligatio. Quæ omnia similiter etiam locum habent in voti vxoris, filii familias, serui, & similium personarum alteri subiectarum, quæ vota solum indirecte rescindi possunt, prohibendo materiam promissam.

Porrò circa iritationem seu rescissionem votorum à Religiosis editorum, quædam addenda sunt: I. Ea etiam à sum. Pontifice directe, & simpliciter rescindi posse: propterea quod ipse sit omnium Religionum caput; & Regularium omnium: etiam Prælatorum, generalis Prælatus; cui principaliter religiosa obedientia professio concipitur, & nomine ac concessione illius; ab inferioribus Prælatis acceptatur. Quæ est doctrina S. Tho. 2. 2. quæst. 186. a. 5. ad 3. Caiet. q. 88. a. 12. §. ad objectionem; Soti lib. 7. q. 3. a. 1. paulo post princip. Navar. cap. 12. num. 66. Suarez lib. 6. cap. 7. num. 19. Sanchez lib. 4. cap. 24. num. 20. At vero vota secularium sum. Pontifex directe irrita reddere non potest; sed solum indirecte, quatenus Ecclesiæ bono, cuius ille supremam curam & iurisdictionem gerit, præiudicium adferre possunt, cuiusmodi est v. g. longior peregrinatio, quam Episcopus sine licentia Papæ vel alius Clericus ad residentiam obligatus, sine consensu Episcopi instituere nequit, sicuti constat ex c. magna, §. ipsum etiam, de voto, vbi Abb. num. 10. & 15. Innoc. in c. scripturæ, cod. tit. S. Anton. p. 2. tit. 11. c. 2. §. 6. Syl. ver. votum, 3. q. 1. Suarez lib. 6. c. 5. n. 6.

II. Prælatus Ordinis non potest vota Novitiorum simpliciter & directe irritare: cum adhuc sui arbitrii sint, neque voluntatem suam per obedientia votum Prælato subiecerint. Indirecte tamen Prælatus irrita reddere potest ea personarum Novitiorum vota, quæ, & quatenus gubernationi Ordinis, cui illi pro tempore subsunt, præiudicium aliquod afferunt: quamvis hæc sit potius suspensio voti, quam propriè dicta irritatio; adeo ut si Novitius Religione egrediatur, obligatio voti redeat, quippe non extincta, sed pro tempore impedita. Ita docet Navar. cap. 12. num. 65. Eman. Rodriq. to. 2. regul. qq. q. 25. art. 8. Llamas in Methodo, p. 3. cap. 4. §. 42. Suarez cit. l. 6. cap. 7. num. 11. Sanchez lib. 4. cap. 33. n. 28.

Præterea dispensare in votis Novitiorum non prohibetur Prælatus exemptus à iurisdictione Episcopi: eo quod Novitii Ordinis suis privilegiis gaudeant, sicuti docet Navar. cap. 12. num. 65. Henriq. lib. 7. c. 22. n. 7. Rodriq. lo. cit. Molina. tomo. 1. ar. 2. disp. 139. Sanchez lib. 4. moral. c. 39. num. 17. Less. lib. 2. c. 40. dub.

13. num. 107. Non exempti autem Abbates, & Præpositi Ordinum neque cum Regularibus suis dispensare possunt, nisi ex consuetudine, vel Episcopi commissione ad eis concessum sit, teste Nauar. cap. 12. num. 75. 5. tertio, Suarez lib. 6. cap. 10. num. 15. Sanchez lib. 4. c. 39. num. 9. Less. cit. num. 107.

III. Qui habent potestatem vota directè irritandi, ut Prælatus Regularium &c. possunt ea etiam antecedenter irrita facere, denegando eis consensum, seu contradicendo, quominus futura eorum vota valida sint, sicuti docet Suarez lib. 3. cap. 3. num. 15. Sanchez lib. 4. cap. 24. num. 49. Si enim vota Religiosorum iam edita arbitrato suo Prælatus infirmare possunt, multò magis edenda. Cæterum si Prælatus solum prohibeat subdito, ne ipso inconsulto voueat, non censetur idcirco vota infirmare; quare, si edantur, valida erunt tametsi illicita, propter præcepti transgressionem. qua de re Sanchez n. 51.

10 Assertio V. Pater, quemadmodum & tutor, omnia omnino vota impuberis simpliciter & directè irritare potest. Sumitur ex cap. 30. Numerorum, & traditur à S. Thom. quæst. 88. art. 9. Palud. cit. d. 38. quæst. 4. art. 2. S. Anton. p. 2. tit. 11. cap. 2. §. 6. Sylvest. ver. votum, 3. quæst. 5. Nauar. cap. 12. num. 64. Suarez lib. 6. cap. 6. aliisque communiter. Ratio est; Quia naturali æquitati valde consentaneum est, ideòque gentium iure introductum videtur, ut homines utriusque sexus in tenera, & impubere ætate, in qua tenuem, imbecilem rationis discretionem obtinent, aliena patris, vel tutoris voluntate regantur; ideòque sine hac, illorum pacta & promissiones non omnem firmitatem obtineant, sed arbitrio Patris, vel tutoris rescindi possint, porro ius eum civile, tum canonicum in masculo ad pubertatem definit annos XIV. completos, in femina XII. quæ ætas simpliciter attendenda est, ut intelligatur utrū pater, vel tutor vota irrita reddere possit, necne; nihil obstante, quòd re ipsa ante dictam ætatem alicui pubertas, & iudicii maturitas aduenerit, vel postea aduentura sit, sicuti monet ex communi Suarez loco citato numer. 5. Sanchez lib. 4. moral. cap. 35. num. 11.

Amplia primò; In defectum patris, si is mortuus sit, vel longissimè absens, aut amens; etiam auum vota impuberis irrita pronuntiare posse; & in defectum ascendentium in sexu virili matrem; non tantum si ea tutrix sit, sed etiam in defectu tam tutoris, quam patris & aui. Tunc enim naturali iure ad ipsam hæc cura spectat, quando alius non est, qui imbecillitati impuberis consulat, sicuti docet Suarez citat. cap. 61. numer. 22. Sanchez citat. cap. 35. numer. 81. Imò non desunt, qui probabiliter arbitrentur in defectum horum omnium etiam Magistrum, aliumue sub cuius gubernatione impubes existit, eius vota directè rescindere, & cassà reddere posse, uti videre est apud Less. cap. 40. dub. 10. num. 78. Suarez citat. cap. 6. numer. 23. Sanchez lib. 4. cit. cap. 35. numer. 83. Necesse tamen est ad propriè dictam irritationem, ut votum v. g. Religionis ingrediendæ patri, vel simili personæ explicetur: si enim impubes, tacito voto, solum explicet voluntatem suam Religionis ingrediendæ, & pater contradicat, non censetur propterea irritum reddere votum; quippe de quo cognitione nullam habet, sicuti notauit Sanchez lib. 9. de matrim. disp. 43. concl. 1. Quamobrem si vouens mutato postea rerum, aut personæ suæ statu, votum suum explere possit, utique debebit.

21 Amplia secundo; Vota ab impubere edita, etiam post adeptam pubertatem, à patre posse rescindi, si pubes factus ea non confirmarat, sicuti docet Caiet. 2. 2. quæst. 89. art. 5. Lopez p. 1. instruct. cap. 74. §. sed appositum. Nauar. cap. 12. num. 71. Sanchez lib.

4. cap. 30. num. 14. Suarez lib. 6. cap. 6. num. 9. Less. lib. 2. cap. 40. num. 8. contra Sotum lib. 7. quæst. 3. art. 2. Angles in 4. p. 2. quæst. de voto, art. 7. diffic. 12. dub. 7. Et sumitur eius rei argumentum ex cap. ult. de sententia excommunic. ubi Episcopis collata potestas absoluendi pueros ab excommunicatione, contracta ob Clerici percussione, extenditur, tametsi grandes sine puberes postea facti absolutionis beneficium petant. Ratio est; Quia in his *primordialis natura & obligatio inficienda est*: votum autem impuberis, ob ætatis, & iudicii imperfectionem, ab initio dependebat à patre. Ergo hanc conditionem, & imperfectionem suam semper retinet, nisi noua confirmatio postea accedat.

Arbitror autem, idem eadem ratione dicendum esse de tutore; quòd nimirum vota ab impubere edita irritare possit, quamdiu is pubes factus, in minore ætate existens, ea non confirmauit, sicuti docent Nauar. & Less. ll. cc. Lopez p. 1. instruct. cap. 48. §. votum religionis, Sa ver. voti irritatio, num. 5. Sanchez num. 15. Nam tutor succedit in locum patris, eiusque personam quodammodo repræsentat.

Contrarium tamen docet Suarez num. 24. Eò quod tutor post annos pubertatis desinat esse tutor, & incipiat esse curator, cui non competat potestas in personam puberis; sed in bona eius. Verum respondetur; Curatorem principaliter quidem præesse administrationi bonorum, sed non carere omni potestate ac directione erga personam Minoris. Quemadmodum etiam patris potestas multum minuitur, postquam filius pubes factus, vel etiam emancipatus est: & tamen ipsemet Suarez cit. cap. 6. numer. 11. fatetur, patrem à filio impubere edita vota infirmare posse, etiam post eius emancipationem, si interea confirmata non fuerint: quia semper retinet quandam potestatem in filium, ob quam illi aliqua reuerentia & obedientia debeatur. Ergo idem de tutore dicendum. Estò igitur hæc regula, quam tradit Sanchez lib. 4. cap. 30. numer. 7. *si potestas Superioris, cuius tempore votum emissum est, non est omnino extincta, aut suspensa, sed quoad aliquid manet, potest irritare votum subiectionis suæ tempore emissum: etsi illud iam transferit, dummodo eo transacto non sit denuo confirmatum. Sin autem potestas Superioris omnino extincta, aut suspensa est, tunc nequit illa vota irritare.*

Quare non placet, quod docet Sa citato numer. 5. Prælatum Ordinis rescindere posse votum in Religione conceptum, etiam postquam Regularis ille factus est Episcopus; si postea in episcopatu non confirmauit. Nam ad irritandum votum requiritur potestas dominativa erga sibi subiectum: Regularis autem adepto episcopatu non est subiectus Prælato Ordinis, sed immediatè sum. Pontifici, non solum ut Episcopo Episcoporum; sed etiam ut supremo Regularium Ordinum Prælato, cui votum obedientiæ edidit, sicuti docet Sanchez loco citato num. 21. Suarez lib. 6. cap. 7. num. 10.

Assertio VI. Maritus non potest omnia vota vxoris irrita reddere, sed ea tantum, quæ, & quatenus iuri suo, quod habet ad coniugii usum, & familiæ gubernationem, præiudicium aliquod asferre possunt. Ita docet Innoc. cap. scripturæ, de voto, S. Anton. 3. p. tit. 1. cap. 22. §. 1. Sylvest. ver. votum, 5. quæst. 1. Nauar. cap. 12. num. 64. 65. Valent. t. 3. disput. 6. quæst. 6. p. 6. Lopez p. 1. instruct. cap. 47. ad finem; Philia: eius tom. 1. de offic. sacerdotis p. 2. lib. 3. cap. 18. §. vndecimò peccat, Azor lib. 11. cap. 17. quæst. 12. Suarez lib. 6. de voto, cap. 4. aliisque multi. Nam mulier non est obligata, aut subiecta viro simpliciter; & in omnibus actionibus, alioquin liberis; sed solum quatenus vinculum matrimonii exigit, ut alter alteri con-

iugii iura tribuat, & in vitæ societate, liberorum educatione, ac familiæ administratione mulier viro tanquam capiti suo subdita existat, secundum Apostolum ad Ephes. 5. Quamobrem mulier absoluta libertate vovere poterit eleemosynam de bonis paraphernis, & similibus, quorum administratio ad ipsam pertinet; item moderatam orationem, alicuius diei ieiunium, sacram Communionem &c. quibus nec iuri coniugali, neque domesticæ gubernationi ullum præiudicium affertur. Quamquam talia vota interdum desinunt obligare, si maritus contradicat, & iniquo animo ferat; non quod contradicentis auctoritate irrita reddantur, sed quia maius tunc bonum pacis impediunt, uti notavit Suarez cit. cap. 4. num. 7.

Huic tamen doctrinæ aduersantur Abb. in c. scripturæ num. 8. de voto, Palud. in 4. d. 38. quæst. 3. art. 1. concl. 6. Sotus lib. 7. quæst. 3. art. 1. post medium. Rosella ver. votum, 2. num. 8. Arrag. 2. 2. quæst. 88. art. 8. post 5. concl. 5. simile dubium, dicto 2. Angles cit. quæst. de voto. art. 1. diffic. 9. Sa. ver. voti irritatio, numero 1. Sanchez lib. 9. de matrim. disput. 3. num. 7. & disput. 39. num. 4. & lib. 4. moral. cap. 34. num. 2. existimantes, omnia vota vxoris, constante matrimonio edita, à marito irritari posse, non minus, quam vota Religiosi à Prælato, & vota impuberis à Patre. Cui sententiæ fauet S. Thomas cit. quæst. 88. art. 8. ad 3. & probari solet tum ex cap. 30. Num. tum ratione, quia mulier ex primæva matrimonii institutione, subditur viro, ut capiti suo, à quo tanquam intellectu, infirmior gubernetur, ad eum modum, quo filius impubes à patre, vel tutore.

Responderetur ad primum; In cap. 30. Numer. fieri tantum mentionem eorum votorum, quibus corpus vxoris affligitur ideoque marito, habenti ius in corpus coniugis, præiudicium aliquod affertur. quamobrem *vota abstinentiæ* appellantur, sicuti indicat S. August. quæst. 59. Numer. & clarius Abulensis quæst. 84. Ad alterum responderetur; Eiusmodi subiectionem siue dependentiam voluntatis, nullo iure fundatam esse: non enim naturalis, aut gentium iure (quo modo filii impuberis voluntas patris sui voluntati subiecta est) quia mulieres, longè maiorem rationis discretionem obtinent, quam impuberes; alioquin etiam ipsæ, si coniugatae non sint, tutoribus subiacerent forent. Neque positivo iure; quia nullum tale extat; vel si in veteri lege extitisset, unà cum reliquis iudicialibus abolutum esset. Nec denique ex mutuo coniugii pacto, & vinculo; quia illud tantum se extendit ad corporis usum, & familiæ administrationem, uti supra dictum est.

His adde, quod etiam vxor vota mariti rescindere possit; quæ iuri suo derogant quod habet in corpus eius ne abstinentia immoderata affligatur, aut longa perfectione abstrahatur; excepta peregrinatione Hierosolymitana in subsidium Terræ sanctæ: nam canones ob publicam Ecclesiæ necessitatem, iuri vxoris in hoc casu derogarunt, ut ea etiam inuita, à marito tale votum edi posset, c. quod super, &c. ex multa de voto, §. in tanta necessitate populi Christiani, ne Terræ sanctæ subsidium impediat, & notavit Innoc. in cit. c. scripturæ, de voto, in fine, Sylvest. cit. quæst. 3. Deinde irritare potest vxor vota realia mariti, si cedant in detrimentum dotis, vel aliorum bonorum suorum, quorum administratio penes maritum est.

Neque pater omnia vota liberorum puberum in potestate sua existentium irrita reddere potest; sed ea tantum, quæ patriæ potestati præiudicium afferunt, id est, quæ liberam & expeditam familiæ gubernationem impediunt, vel filium aut filiam nimis

abstrahunt ab obedientia, & cura patris. Ita docet S. Thom. 2. 2. quæst. 88. art. 8. ad 2. & in 4. d. 38. quæst. 1. art. 1. quæstion. ult. Sylvest. ver. votum, 4. quæst. 2. dicto 5. Nauarrus cap. 12. numer. 64. Canonistæ in cit. c. scripturæ, ubi Abbas num. 7. aliique communiter, contra Tabienam ver. votum, 5. quæst. 5. Angles in 4. part. 2. quæst. de voto, art. 7. diffic. 12. dub. 6. quorum ille ait, omnia vota liberorum non emancipatorum à patre irritari posse, præter votum Religionis: sed non rectè: quia canones ideo specialem mentionem faciunt voti Religionis, cui pater contradicere non possit, si filius, aut filia, cum voueret pubes fuerit; quia hoc votum grauissimum est, & maturiore consilio indigens; ideoque plus de eo dubitari potest, num à parte rescindi queat. Angles verò existimat, omnia omnino vota filie familias, etiam puberis, à patre irritari posse: nititur cap. 30. Numer. *Mulier, si quippiam vouerit, & se obstrinxerit iuramento, quæ est in domo patris sui, & in ætate adhuc puellari, si cognouerit pater votum, & tacuerit &c. vota rea erit: sin autem statim se auerit, contradixerit pater, vota, & iuramenta eius irrita erunt.* Sed non rectè: quia vel lex illa iudicialis est, & ideo cum reliquis abolita; vel si moralis est, loquitur tantum de filia impubere, ut vox illa *ætate puellari* indicat, idque notat Glossa ibi, & docet Suarez lib. 6. de voto, cap. 5. num. 8. Deinde vota realia filii familias puberis ea solum irrita reddi possunt, quæ edita sunt de bonis, quorum administratio ad ipsum non pertinet, sed ad patrem, vel eo mortuo ad curatorem bonorum. quæ de re Sanchez lib. 4. cap. 35. num. 60. Suarez lib. 6. cap. 5. in fine.

Denique eadem ratione sentiendum de votis seruorum, siue mancipiorum, ea à dominis irrita reddi posse, non simpliciter & directè; sed tantum quæ, & quatenus seruitutis obligationi officiant: cuiusmodi est v. g. votum sacri ordinis suscipiendi, Religionis ingrediendæ, longæ peregrinationis instituendæ &c.

SUPERVNT QUÆSTIONES: PRIMA. Vtrum voti irritandi potestate præditus, posteaquam semel licentiam dedit, nihilominus, votum irritare possit, ante eius executionem? Ita affirmandum est de personis, quæ gubernatiuam in alios potestatem obtinent; tanquam Superiores, siue capita: ut Episcopus in Clericos suos; Prælatus ordinis in Regulares; item maritus, pater, tutor, dominus; quod tametsi vouendi licentiam suis dederint, votumque approbârint, nihilominus mutata sententia, & reuocata licentia, illud infirmare possint. Ratio est: Quia dando licentiam, nequaquam à se potestatem gubernandi, adeoque præcipiendi, & vetandi abdicare censentur. Ita docet Innoc. c. scripturæ, de voto, in fine, Sotus, lib. 7. quæst. 3. a. 1. §. Maior autem ambigendi, Arrag. 2. 2. q. 88. a. 8. post. 5. concl. 5. Est aliud dubium, Syl. ver. votum, 4. q. 2. dicto 4. Nau. c. 12. n. 61. Suarez lib. 6. c. 4. n. 19. Sanchez lib. 4. de voto, c. 27. Valent. q. 6. p. 6. q. 3. Less. lib. 2. c. 40. dub. 10. n. 75. contra Richar. in 4. d. 38. a. 4. q. 3. Sumitur ex c. 30. Numer. iuncta interpret. S. August. q. 59. & refertur in c. manifestum, 33. q. 5.

Eaque doctrina ampliatur primò; Quod multò magis succedens Prælatus, maritus, dominus, tutor, vel curator, si æquali potestati præditus sit, vota subditorum, tametsi cum licentia antecessoris edita fuerint, arbitratu suo irritare queat, sicuti docet Suarez lib. 6. c. 8. n. ult. Less. cit. n. 75. Sanchez cit. c. 27. n. 36. Cum enim par in parem non habeat imperium, c. innotuit, de elect. ideo antecessor non potest successoris iuri præiudicium afferre; multò verò minùs iuri superioris Prælati obstare, quominus votum ab inferiore Prælato approbatum, infirmare possit.

Secundò ampliant Arrag. & Lessius locis cit. traditam doctrinam locum etiam habere in promissione homini facta, cum licentia Superioris; quòd nihilominus licentia reuocari, & promissio rescindi queat. Sed contrarium dicendum est cum Suárez cit. c. 8. num. 3. Sanch. n. 23. Ratio discriminis est; Quia, vt inter homines pax, & pactorum firmitas seruetur, tam iura, quàm consuetudo paciscentium cum subditis, ideo Superioris consensum requirunt, ne deinde reuocari non possit. Vota verò subditorum Deo repugnantibus eorum Superioribus non exigunt, aut requirunt, sicut colligitur ex c. 30. Numerorum, & canones significant, atque Doctores communiter testantur.

- 15 Eadem porro doctrina limitatur primò, Quod votum continentie editum etià ab vxore cum viri consensu approbatio, infirmari deinde nequeat. Quae est communis sententia S. Thom. in 4. d. 32. in exposit. litterae, Palud. ibid. quaestione 2. art. 2. S. Anton. p. 3. tit. 1. cap. 22. §. 3. Syluest. ver. votum, §. quaestione 2. Nauar. c. 12. num. 59. Gl. & Gratiani in cap. manifestum, 33 quaestione 5. vbi ait: *Vota vero continentie ita alterius permissu ab altero valent offerri, quòd post permissionem non valent in irritum deduci.* Ratio est: Quia quod attinet ad vsum coniugii, vir non habet potestatem gubernatiuam; imò non maius ius in vxore, quàm ipsa in virum: quare si vnus coniunx alteri semel licentiam dedit, non sine proposito renuntiandi iuri suo, deinde licentiam reuocare non potest: licet contrarium sentiant Abb. in c. charissimus, n. 5. de conuers. coniug. Sotus lib. 7. quaestione 3. art. 1. §. An verò possit alteruter. Pet. Arrag. quaest. 88. art. 8. ante vlt. dubium. Sanchez lib. 9. de matrimonio disp. 40. num. 17. Signare autem dixi, cum proposito renuntiandi. Si enim coniunx, dum ait, contentum se esse, vt alter continentiae votum edat, interim nolit prauidicari iuri suo; non prohibetur postea debitum coniugii exigere. quod notauit Innoc. in cap. 1. de conuers. coniug. Nau. c. 16. man. n. 31. Coninck t. 2. disp. 34. dub. 6. concl. 3. vbi recte ait, si coniunx coniugi dederit facultatem vouendi castitatem absolute & simpliciter; censeri renuntiasse iuri suo: cum absoluta castitas seruari non possit cum debiti redditione.

His alia subicienda sunt: I. Ex dictis consequens videtur, si vxor marito licentiam dedit, iud. quippiam, quod sibi prauidicat, vouendi, v. g. longam peregrinationem, censendam esse iuri suo renuntiasse; vt deinde licentiam reuocare non possit: sicut neque creditor potest, si personae sibi obligatae, vouendae elemosinae v. g. licentiam in prauidicium suum fecit: quamuis contrarium doceat Innoc. c. scripturae, de voto, circa finem. S. Anton. p. 3. tit. 1. c. 22. §. 1. Sanchez lib. 4. moral. c. 27. n. 12.

- 16 II. Votum vxoris, etiam sine mariti licentia editum de non petendo debito, à marito irritum reddi non potest. Ratio est: Quia coniunx coniugi non obligatur ad coniugii vsum petendum; sed solum ad reddendum petenti. Data opera locutus sum de voto vxoris; Quia votum mariti cedere potest in prauidicium vxoris prae verecundia petere non audens, si maritus nunquam petat: quare tali casu vxor votum mariti irritare poterit, teste Henric. libro 11. capite 15. §. 8. lit. d. Sanchez libro 9. disp. 7. numero 4. Imò etiam vxoris votum de non petendo interdum obseruari non debet, si maritus egre ferat, ideoq; discordiae causam praebere videatur: siquidem votum non debet esse maioris boni impediens.

Votum continentiae mutuo coniugum consensu utrinque initum, absolute valet, vt rescindi deinde à coniuge contradicente non possit, sicut docet S. August. epist. 70. ad Bonifacium, & epist. 119. ad Editiam, & refertur c. quod Deo, 33. quaestione 5. *Quod Deo pari consensu vo-*

ueratis, perseueranter usque in finem reddere debuissis: à quo proposito si ille lapsus est, tu saltem instantissime perseuera. Eamque esse communem DD. sententiam docet Abb. in cit. c. charissimus, n. 6. Sanchez lib. 8. disp. 37. num. 10. Qui recte etiam monet num. 24. coniugem in hoc casu petentem coniugii vsum, non tantum peccare contra votum tum proprium, tum alterius coniugis, ideoque esse sacrilegum; sed etiam peccare contra iustitiam, si tanquam sibi debitum exigit; cum tamen ius exigendi non habeat, quippe cui per pactum renuntiavit, quamuis contrarium senserit Veracrux p. 1. speculi, a. 15. in fine. Veruntamen coniugibus, nisi senes sint, suaderi facile non debet, vt perpetuae continentiae votum edant, testante Apost. 1. ad Cor. 7. *Reuertimini in idipsum ne tentet vos Sathanas.*

Secundò limitant supra dictam doctrinam Suarez lib. 6. capite 8. numero 7. Lessius citato capite 40. dub. 10. numero 75. quòd votum impuberis, si semel à patre, vel tutore approbatum fuerit, rescindi deinde non possit. Eò quòd vota impuberis à patris voluntate dependeant, solum propter iudici inbecillitatem: quare si patris discretionem, & consensum approbata ac confirmata sint, cessat postea ratio subiectionis. Sed contrarium probabilius docent Angel. ver. votum, 2. §. 9. Syluest. eod. ver. 4. quaestione 2. dicto 6. Sanchez lib. 4. de voto, cap. 27. numero 18. Quia tamen impubes cum consilio seu ipsius patris, tutoris, seu alterius sapientis viri voueat, nihilominus ob aetatem manet subiectus patri, aut tutori. Quare sicuti Suarez lib. cit. numero 6. loquitur de Praelato Ordinis, quòd dādo vouendi licentiam nunquam intendit se priuare sua potestate; sed semper habet conditionem, vel limitationem subintellectam, ad beneplacitum suum; quia semper vult manere superior. idem dicere possumus de patre, & tutore comparatione impuberis, quòd semper velint manere illius directores, ac tutores.

QVÆSTIO SECUNDA. Vtrum Superior peccet, si sine iusta causa votum infirmet; vel vouendi licentiam subdito datam sine causa reuocet? Respondeo & dico I. Quamuis non pauci Doctores existiment, Praelatum, patrem, aut maritum, absque causa vota suorum infirmantem, omni culpa vacare; quia iure suo utitur; Nam ita sentit Palud. in 4. d. 38. quaestione 4. a. 2. S. Anton. p. 2. tit. 11. c. 2. §. 6. ad finem, Syl. ver. votum, 4. quaest. 2. dicto 6. Nauar. cap. 12. nu. 73. Angles in flor. p. 2. q. de voto, a. 7. diffic. 4. Llamas. p. 3. meth. cap. 4. §. 42. §. sed hoc maxime, Azor cit. lib. 11. cap. 17. quaest. 5. Tamen probabilior est sententia Sotus lib. 7. q. 3. a. 1. Medinae lib. 1. sum. cap. 14. §. 7. paulò post princip. Arrag. cit. q. 88. a. 8. in 3. concl. §. sed quoniam, Lessij cit. dub. 10. num. 70. Valent. cit. disp. 6. q. 6. p. 6. paulò post princip. esse culpam venialem, quia Superior abutitur iure ac potestate sua, si sine iusta causa promptitudinem subditi ad exhibendum Deo cultum per voti executionem impediat. Ex quo sequitur, subditum quoque venialiter peccare, si sciens Superiorem non habere iustam voti infirmandi causam, nihilominus suscepta voti poenitentia, eius rescissionem petat: secus est, si poenitentiam suam, & exequendi difficultatem sincero animo Superiori exponat; vt ipse diiudicet, num iusta voti irritandi causa suppetat, sicuti notat Sanchez lib. 4. disp. 24. num. 15.

Dico II. Si Superior, postquam licentiam dedit voti exequendi, sine causa reuocet, peccat. quae est communis Doctorum sententia, & sumitur ex capite 30. Numer. vbi de marito, qui taciturnitate sua vouendi vxoris consensum praebuerat, sed postea contraplenique DD. vt Arrag. citato art. 8. post sextam conclus. §. est & aliud dubium. Caietanus eodem art. 8.

s. ad eius evidentiam. Nauar. cap. 12. num. 73. Sanchez lib. 4. c. 27. num. 32. existimant esse peccatum mortale, si materia voti grauis sit. Cum enim votum subditi hanc tacitam conditionem habeat, si Superior consenserit; ideo accedente eius consensu, confirmatur ad cultum & honorem Dei: reuocato vero consensu, denuo infirmatur, & quodammodo violatur, non sine diuini Numinis irreuerentia.

Suarez tamen lib. 6. cap. 4. num. 12. non improbabiler negat esse mortale, per se loquendo. Quia Superior dando licentiam, non censetur se priuare iure & potestate reuocandi: ergo tamen reuocet, nihil peccat contra iustitiam; quia utitur iure suo: neque contra religionem; quia non violat votum, quippe quod ab initio sub ea conditione conceptum est, nisi Superior eius executioni contradixerit.

19. **QVÆSTIO TERTIA.** Vtrum vota legitime rescissa reuiuiscant, seu vim obligandi recuperent, postquam vouens potestate eius qui vota irrita fecerat, liberatus est? Circa quam quæstionem in duobus plerique Doctores consentiunt, contra Palud. in 4. d. 38. quæst. 4. a. 2. concl. 11. S. Anton. p. 2. tit. 11. cap. 2. §. 6. I. Vota Religiosi, & impuberis (tamen ea relata sint in tempus, quo potestati non amplius suberunt) absolute & penitus infirmari posse, ut eorum obligatio nunquam reuiuiscat: eo quod Prælati, pater, tutor &c. dicentiam potestatem habeant in ipsam voluntatem vouentium, sicuti supra explicatum fuit. II. Vota, quæ vxor v. g. antenuptias edidit; vel seruus antequam in domini sui potestatem veniret; licet à marito, vel domino postea infirmari possint, quatenus in ipsorum præiudicium cedunt, non tamen penitus obligationem tolli, sed reuiuiscere, si maritus mortuus, vel seruus libertatem adeptus sit; dummodo vouentis intentio fuerit, non ad certum tempus se obligandi, sed absolute, & in omne tempus vitæ suæ.

Controversia autem est de votis coniugis, filii pueris, serui &c. quæ subiectionis tempore concepta, sublatæque fuerunt; vtrum reuiuiscant, postquam illi potestate liberati sunt? Negant Panorm. in cap. quidam n. 3. de conuers. coniug. & in c. scripturæ, n. 7. de voto, Caiet. & Arrag. cit. a. 8. Syluest. ver. votum, 4. quæst. 2. Nau. c. 12. n. 66. Sanchez lib. 4. c. 26. n. 4. quæ sententia, ob Doctorum auctoritatem, probabilis est. Sed placet magis opposita, quæ est Innoc. in cit. c. scripturæ de voto. Rosellæ ver. votum, 2. n. 15. concl. Suarez li. 6. c. 1. n. 4. & c. 4. n. 17. Valentia cit. q. 6. p. 6. diff. 4. Lessi cit. c. 40. dub. 10. n. 82. arg. c. quidam, &c. placet, de conuers. coniug. quibus habetur, vxorem, quæ ignorante, vel inuito marito Religionem professæ, & ab eodem reuocata est, postea marito mortuo, ad Monasterium quidem compellendam non esse: quia professio vxoris repugnante marito acceptari non potuit; ideoque ipso iure irrita fuit: nihilominus à secundis nuptiis arcedam esse; propterea quod votum continentia, quod illa ex iuris interpretatione virtualiter edidisse censetur, à marito non simpliciter rescindi potuerit; sed solum quatenus in eius præiudicium cessit, ut coniugii debitum exigenti reddere teneretur. Ratio huius sententia est, quia erga alias personas, præter Religiosum, & impuberem, non est potestas irritandi vota directe & simpliciter; sed solum indirecte, & secundum quid, quatenus alteri obligata sunt: quare cessante obligatione, votum ante impeditum, reuiuiscit. Si v. g. vxor voueat omni tempore vitæ suæ se ieiunaturam feria VI. idque votum, tanquam in coniugii præiudicium cedens, vir irritauerit; soluto matrimonio, voti obligatio redibit, cum ad eum casum, à quo poterat efficax habere principium peruenisse noscatur, ait Cælestinus cit. c. placet.

CAP. VIII.

QVIBVS MODIS VOTVM EX-
tinguatur, aut relaxetur per dispensationem, commutationem.

SUMMARIUM.

- 1 Tempus interdum adicitur promissioni causa obligationis restringenda, finienda; interdum causa obligationis statuenda.
- 2 Cessante causa finali ac principali, cessat obligatio voti.
- 3 Votum extinguitur ob superuenientem inopinatam mutationem obiecti.
- 4 Dispensatio in votis, ut valida sit, causam iustam requirit.
- 5 Causa dispensandi in votis oriuntur, vel ex imperfectione actus, vel ex materia, aut executionis eius difficultate; vel ex necessitate, aut utilitate, præsertim publica.
- 6 Episcopus in omnibus votis suorum subditorum dispensat, præter quæ summo Pontifici specialiter reseruata.
- 7 Archiepiscopus dispensare potest in votis Suffraganeorum; sed non cum subditis eorundem; nisi per viam appellationis aditus fuerit.
- 8 Vota quadam reseruatis similia sunt, sed re ipsa non reseruata Papa; videlicet votum seruandi castitatem ad certum tempus, votum castitatis coniugalis, votum non petendi debitum coniugij, votum vxorem non ducendi, votum non fornicandi, sacri ordinis suscipiendi, Religionem strictiorem ingrediendi.
- 9 Votum pænale, v. g. si fornicatus fuero, voueo in pœnam me Religionem ingressurum, neque post culpam, reseruatum est, ex quorundam probabilis sententia.
- 10 Votum conditionatum, v. g. si ex morbo conualuero, voueo me Religiosum fore, reseruatum non est ante conditionem impletam, postea vero videtur reseruatum.
- 11 Votum castitatis, vel Religionis ingredienda, si metu iniusto eoque leni, extortum fuerit, sub Episcopi dispensationem cadit.
- 12 Votum alternatiuum, cuius altera tantum pars reseruata, reseruatum non est; nisi postea vouens ad partem reseruatam, cum voluntate obligationis se determinauerit.
- 13 Postquam Sum. Pontifex votum reseruatum in aliud commutauit, Episcopus exigente causa dispensare non prohibetur.
- 14 Reservatio votorum stricta interpretationis esse debet, atque in casu dubio non asserenda.
- 15 Si coniunx, cum consensu coniugis continentiam perpetuam absolute vouerit, reseruatum hoc votum censeri debet.
- 16 Ob causam necessitatis, & difficultatem adeundi Papam, casus Papalis sit Episcopalis.
- 17 Episcopus ob causam necessitatis dispensare potest, tamen Legatus Pontificius in prouincia sit. Si tamen ad sit specialiter privilegiatus à Papa, multorum est sententia, dispensare Episcopum non posse.
- 18 Per commutationem voti obligatio non tollitur, sed ad aliam materiam transfertur.
- 19 Vouens propria auctoritate votum commutare potest in opus maius; non item in aequale. sed necessaria tunc est auctoritas Prælati, aut privilegiati.
In vota quibus homo religiosus efficitur, omnia vota simplicia commutantur.
- 20 Qui habet privilegium dispensandi in votis, aut iuramentis, ea etiam commutare potest.
- 21 Privilegia commutandi, vel dispensandi in votis intelliguntur sine præiudicio tertij.
Ante voti acceptationem factam à certa persona, aut Ecclesia, non censetur ei ius acquisitum: quare sine iniuria, aut præiudicio dispensari, vel in aliud commutari potest.
- 22 Ut voti commutatio in opus aequale aut minus licita valida sit, necessarium aliqua causa requiritur.
- 23 Commutatio in opus aequale, aut ferme aequale, facili de causa ab habente potestatem fieri potest ad petitionem vouentis.
- 24 Qui habet privilegium vota commutandi tantum debet commutare in opus aequale, moraliter æquale æstimando.
- 25 Vota realia ferme conuenientius in onera realia, personalia autem vota in personalia onera commutantur.

- 26 *Votum tum pœnale, tum absolutum, etiam post eius transgressionem, vel contractam pœnam commutari potest.*
- 27 *Qui habet privilegium seu delegatam facultatem dispensandi, vel commutandi vota fidelium, non potest talem facultatem alteri subdelegare.*
- 28 *Votum quod per commutationem extinctum fuit nunquam amplius reuiviscit.*
- 29 *Qui vouerat peregrinationem, idque votum postea in Religionis professionem commutauit, si postea à Religionis eiiciatur, non teneatur peregrinationem perficere.*
- 30 *Per vota simplicia in Societate Iesu edita, priusquam in seculo emissâ, ante professionem suspensa manent, non penitus extincta.*

In voto Religionis, quamuis strictioris, dispensari potest cum ingredientibus in Societatem Iesu; ita tamen, ut si iterum eos egredi contingat, redeat obligatio voti.

Primo extinguitur votum, si tempus elapsum sit, quod vouens determinauit causa obligationis restringendæ, finiendæ: puta si vouisti te ieiunaturum pridie natiuitatis B. Virginis, eoque die intermisisti culpam, vel inculpam; postea voto solutus es. Si vxor voluit, se quotidie certam pecuniam pauperibus daturam, sed votum hoc expresse vel tacite restrinxit ad tempus coniugii; eo soluto, voto liberata est. Secus dicendum si temporis spatium definitum fuit causa statuendæ seu confirmandæ obligationis, ut videlicet ultra tale tempus executionem voti differre non liceat: v. g. si vouisti, intra mensem te peregrinaturum, Religionem ingressurum. Vide Arrag. q. 88. a. 3. prope finem, in tertio aduertendò.

Secundò, Cessante causa voti finali ac principali, cessat obligatio voti, sicuti docet Abbas in c. magnæ: num. 14. de voto. Syluest. ver. votum, 2. quæstione 8. Suarez lib. 4. de voto, cap. 18. Sanchez lib. 4. cap. 2. num. 42. arg. c. cum cessante, de appellat. Exemplum: Si vouisti, daturum victum quotidianum; ille autem postea diues, aut minus indigens factus est; cessat obligatio voti. Item si voueris, te peregrinaturum pro impetranda à Deo valetudine filii; is verò ante institutam perfectionem moriatur, liberatus es voto, teste Suarez l. c. n. 5.

Sed obstarè videtur cit. c. magnæ, de voto, in quo votum peregrinationis Hierosolymitanæ editum ab Episcopo Trecensi, causa consequendi subsidii à Comite Campaniæ, pro recuperanda libertate Ecclesiastica; illo mortuo, à Papa commutatur in alia pia opera: Ergo obligatio voti cessante causa per se non expirat. Respondet Sanchez numero 43. commutationem illam non fuisse factam ex necessitate; sed solum ad cautelam siue maiorem conscientiæ securitatem. Sed magis placeat responsio Abbatis in cit. cap. magnæ, numero 14. Syluest. l. c. Suarez numero 8. non cessasse causam voti principalem; sed secundariam, & impulsuam: si quidem Episcopus ille occasione inuiscendi Comitem Campaniæ, vouit peregrinationem in subsidium terræ sanctæ, quod votum etiam mortuo Comite intrinsecum & obiectiuum finem seu motiuum suum, quærat causa religionis, & subsidii afferendi, seruabat; licet ob cessationem illam causæ secundariæ impulsuæ faciliorem commutationem meruerit.

Tertio extinguitur votum ob mutationem materiæ, si ex possibili fiat impossibilis; vel ex licita illicita, vel ex bona indifferens, aut maioris boni impediens: Quia obligatio extinguitur, si in eum casum incidat, à quo incipere non potest, l. pluribus, §. et si placeat, ff. de verbor. obligat. Idque docet Abb. in cap. 1. n. 4. de voto. His addè, quod votum conceptum de re impossibili, aut illicita non obligat, etiam si postea possibilis, aut licita fiat: Quod enim initio vitiosum est, non potest tractu temporis conualescere, reg. 29. ff.

Quartò. Si postea notabilis mutatio accadat, vel

specialis & inopinatus casus occurrat, ut præsumi possit, vouentis intentionem ad eiusmodi euentum, siue casum specialem non se extendisse; sed exceptum fuisse, si in mentem venisset, vel de eo interrogatus fuisset. Ita Abbas in capite 1. de voto. Syluest. ver. religio, 2. quæstione 17. Angelus ver. votum, 3. num. 10. Mol. to. 2. de iust. disp. 272. Azor. tom. 1. lib. 11. capite 20. quæstione 1. 3. & 4. Suarez lib. 4. de voto, capite 19. Exempla sunt; Si vouisti, te ieiunaturum omnibus diebus Veneris, nihil cogitans de Christi Natiuitate in diem Veneris interdum incidente: Si vouisti peregrinationem longam, vel magnam eleemosynam; & postea grauem atque inopinatam rei faminiæ iacturam passus, votum admodum difficile exequi poteris. Si Religionem vouisti iuuenis & postea voti transgressor vxorem duxisti, ea mortua in senectute tua quando admodum difficilis, & insolitus ingressus videtur, solutus voto censeberis, sicuti ex Victoria refert Suarez numero 15. Probatur: Tum quia lex positua eiusmodi benignam interpretationem secundum Epixean suscipit, ut dixi lib. 1. tract. 4. cap. 10. numero 2. Atqui votum est priuata quædam lex, quam ipse homo sibi ponit.

Quare sicut ægrotudo v. g. sufficit ad excusandum aliquem à præcepto Ecclesiastici ieiunii, ita similiter ab obseruatione ieiunii voto promissi. Tum quia etiam promissio liberalis homini facta, ob superuenientem mutationem notabilem & non præuisam, obigare desinit, ut dixi libro præced. tractatu 4. capite 5. numero 3. & lumitur ex regul. 28. ff. Eos, qui ex liberalitate conueniuntur, in id quod facere possunt, condemnandos. Atqui Deus non est rigidior debitorum exactor, quam homo.

Oportet tamè distinguere, utrum impedimentum aut mutatio rerum superueniens, adeoque moralis impossibilitas perpetua & simpliciter dicta sit, quo casu omnino tollitur obligatio voti: An verò solum temporalis seu ad tempus duratura sit. tunc obligatio voti non plane extinguitur, sed suspenditur, sicuti colligitur ex c. quod super, §. vnde credimus distinguendum, de voto & c. non est eodem tit. Quare si voueris v. g. templum te ædificaturum, sed postea in paupertatem incidas, cessat pro eo tempore obligatio voti; sin autem ad meliorem fortunam peruenieris, voto iterum teneberis. quod etiam civilibus debitis obseruari, constat ex §. ult. Instit. de action. & dixi præced. lib. tractatus 2. c. 12. n. 5.

Quintò extinguitur votum per voluntatem Superioris infirmantis, seu irritum reddentis, de quo satis dictum c. præced.

Sextò soluitur votum per legitimam dispensationem. Differt autem dispensatio à voti irritatione. Primò; Quia in dispensante requiritur iurisdictio Ecclesiastica ordinaria vel delegata. In eo autem, qui votum irritum reddit, requiritur aliud ius, siue potestas in personas sibi obligatas. Secundò; Quod dispensatio in votis, sine iusta causa facta, non solum illicita, sed etiam inualida sit: quippe cum potestas dispensandi in iure Superioris, Dei nimirum, Prælati Ecclesiastici collata sit in ædificationem, non destructionem: rescissio autem seu irritatio voti, quamuis illicita sit, si sine iusta causa fiat, tamen valida est: quia Superior votum subditi rescindens, proprium ius & potestatem exercet, sicuti docet Nauar. capite 12. numero 73. Llamas p. 3. methodi, cap. 4. §. 42. & alii. Præterea si votum subditi, v. g. Religiosi à Prælato superiore confirmatum fuerit, non potest deinde inferior, & subordinatus Prælatus illud irritare: potest tamen ex iusta causa dispensare, alioquin tali potestate præditus est. Quia per approbationem seu confirmationem Superioris extrahitur quidem votum à potestate dominandi inferioris; sed

non à iurisdictione eius voluntaria, ait Suarez libro 6. capite 10. in fine.

Causæ iustæ dispensandi in votis oriuntur primò ex actu vouendi, absque prudente, & perfecta deliberatione in ira, metu, mœrore, ætate &c. conceptus sit, argum. cap. 2. de voto: Nos ipsum à voto, quod in tenera ætate facilitatem potius, quam arbitrio discretionis, promissi, absoluiimus. Adde etiam alia, quæ voluntarium minuunt, ad dispensationem, vel commutationem facilius impetrandam conducere posse; puta, si votum non fuit absolutum, sed pœnale: si error accidit circa causam impulsivam, vel si ea omnino cessavit, iuxta c. magnæ, in fine, de voto.

Secundò ex materia voti, si vouenti, spectata corporis constitutione, naturæ fragilitate &c. periculum maioris ruinæ pariturum videatur. Vel, ut aliis verbis dicam, si talis sit materia voti, ut, spectata qualitate personæ, dispensatio ad spiritualem eius utilitatem (quæ præcipuè hic spectanda est) cessura videatur. Huiusmodi solet esse votum non petendi debitum conjugij; item votum calibatus, seu perpetuæ continentię editum à persona ad carnis lapsum proclivi.

Tertio ex difficultate exequendi postea superveniente, vel antè non prævisa: quò casu interdum manifestum est, obligationem voti per se sine dispensatione cessare: interdum verò dubium est, ut proinde dispensatio peti debeat.

Quartò ex necessitate, vel magnâ utilitate Reipublicæ, vel familiæ. Ut si vnicus hæres nobilissimi Ducatus, aut Marchionatus, Religionem vouit: aut si longam peregrinationem vouisti, cum præstaret te familiæ, aut Reipubl. regendæ interesse, sicuti colligitur ex cap. 1. de voto, ubi Abbas numero 3. Sotus lib. 1. de iust. quæst. 7. a. in medio, & lib. 7. quæstione 4. a. 3. circa medium. Nauarrus cap. 12. numero 77. Suarez libro 6. capite 17. numero 17. Sanchez libro 4. capite 45.

Porò hic aliqua notanda sunt: I. Quò maius, siue dignius votum est, v. g. Religionis, continentię, eò maior causa requiritur; & interdum vna sola ex dictis, puta teneræ ætatis facilitas non sufficit ad dispensandum nisi simul concurrat causa voti executionē aliquò modo impediens, siue difficilem reddens, sicuti indicat S. Thomas quæst. 88. a. 12. ad 2. & expressius docet Caietan. ibid. Sotus lib. 7. quæst. 4. a. 3. circa medium. Anton. Berarducius in sum. p. 3. cap. 9. §. primò quæritur, Valentia cit. p. 7. prope finem, §. Honor autem Christi. Quamvis Sanchez num. 28. probabiliter dicat, non requiri in hoc casu imperfecti voluntarij, causam executioni obstantem; modò cum dispensatione iungatur aliqua commutatio.

II. Si Prælati videat, causam aliquam subesse; dubitet tamen num ea sufficiens sit ad dispensandum, vel commutandum; interdum in clementiorem partem declinare potest, si ex dispensatione aliqua utilitas speretur, nullumque scandalum timeatur, sicuti notavit Syl. ver. dispensatio, quæst. 14. in fine, Sanchez cit. cap. 45. num. 10. Etenim in dispensatione super voto tria præcipuè attendenda esse, monet Innoc. III. in cit. capite magnæ: Quid liceat secundum æquitatem; quid deceat secundum honestatem; quid expediat secundum utilitatem.

Ordinariam potestatem dispensandi in omnibus votis fidelium habet Papa: Episcopus verò, aliùsue similem episcopali iurisdictionem obtinens dispensare potest in votis suorum subditorum; atque vacante sede Capitulum: Legatus item Pontificius in prouincia, ad quam missus est Et Prælati Ordinum exemptorum cū suis Regularibus, itémque nouitiis. Habent enim omnes hi ordinariam iurisdictionem Ecclesiasticam, sicuti constat ex iis, quæ dixi lib. 1. tr. 4. c. 7.

His adde primò Pœnitentiarium summi Pontificis: tametsi enim ille, sicuti & Legatus Pontificius, ex Papæ commissione dispensandi facultatem obtineat; quia tamen hæc est annexa muneri ac dignitati eorum, ideo non delegata, sed ordinaria censetur, uti notavit Suarez lib. 6. de voto, capite 10. Sanchez lib. 4. capite 38. n. 4.

Adde secundò, Archiepiscopum communi iure dispensare posse in votis Suffraganeorum, teste Palud. in 4. dist. 38. quæst. 4. a. 2. concl. 8. & S. Anton. p. 2. tit. 11. c. 2. §. 9. §. Archiepiscopus. Angles p. 2. quæst. de voto, a. 8. diff. 9. concl. 9. Sanchez num. 16. sed non cum eorum subditis; nisi per appellationem aditas sit, eo in casu, quo Episcopus dispensationem denegauit, cū iusta & necessaria causa subsistente; eam conferre deberet, teste Auila p. 7. de censuris disput. 10. dub. 6. concl. 1. notan. 2. Henriq. lib. 14. de irreg. cap. 18. num. 3. Qui addunt, posse Archiepiscopum cum subditis Episcoporum suffraganeorum dispensare in votis, eo tempore, quo illorum diœceses visitat, secundum c. ult. de censib. in 6. & Trident. concil. sess. 24. cap. 3. de reform. Quod tamen alii rectius negant; cū id nullo iure expressum sit; sed solum, posse Archiepiscopum dum visitat, subditorum suffraganeorum confessiones audire, ac absolueret, cit. cap. ult. & notavit Suarez lib. 6. de voto, cap. 18. num. 9. Sanchez cit. c. 38. num. 14. argum. c. duo simul, de offic. Ordinarii, in quò dicitur: Primatem, nihil iuris præ ceteris Episcopis habere, nisi quantum sacri canonis concedunt, vel præca consuetudo. Vide quæ dixi lib. 1. tr. 4. c. 7. §. 3.

Porro quinq; vota sunt, quæ vel communi iure, vel consuetudine, solius sum. Pontificis dispensationi reseruantur: videlicet votum perpetuæ continentię, Religionis, itém peregrinationis Romanæ, Hierosolymitanæ, & Compostellanæ, sicuti colligitur ex extrau. etsi Dominici. 1. de pœnit. & remis. Quamobrem in generali concessione siue indulto dispensandi in omnib. votis, quinque illa non debent censeri comprehensa, sicuti rectè docet Suar. lib. 6. de voto, cap. 25. num. 4. Sanchez lib. 4. c. 40. n. 16. retractans, quod ante docuerat lib. 8. de matrim. disput. 9. num. 2. cum Soto lib. 7. quæst. 4. a. 3. Rodriq. p. 2. sum. c. 97. n. 1. dispensationem in tribus peregrinationibus generali dispensandi in omnib. votis concessione contineri. quod verum non est; quia quæ speciatim reseruata sunt, ea specialem & expressam concessionem postulant, uti apertè significatur in c. si Episcopus, de pœnit. & remission. in 6. & in extrauag. etsi Dominici, 1. & 2. ib. ex speciali licentia, & certa scientia nostra, de pœnit. & remission.

Notandum verò, aliqua vota reseruatis similia, sed re ipsa reseruata non esse. I. Votum seruandi castitatem ad certum tempus, v. g. biennium; vel tempore duranti coniugij cum licentia coniugis, sicuti ex communi docent Palud. in 4. d. 38. quæst. 4. a. 4. concl. 5. Navar. cap. 12. num. 76. Sotus lib. 7. quæst. 4. art. 3. §. Ex his fit consequens. Sanchez lib. 8. de matrim. disput. 9. n. 6.

II. Votum seruandæ castitatis coniugalis: præterquam si eiusmodi votum Pontificia auctoritate annexum sit Ordini militari, sicuti docet idem Sanchez n. 7. & lib. 4. moral. c. 40. n. 50.

III. Votum non petendi debitum coniugale, teste S. Anton. p. 3. tit. 1. cap. 22. §. 2. Vivaldo in append. can. delabri, cap. 14. num. 42. Sa. ver. voti irritatio, num. 11. Henriq. lib. 11. capite 15. §. 8. Rodriq. p. 2. sum. cap. 90. concl. 3. contra Syl. ver. votum, 4. quæst. 4. §. 8.

IV. Votum non nubendi, vel uxorem non ducendi, teste Angelo ver. votum, 4. n. 9. Syl. loco cit. Arragon. quæst. 88. a. 12. post sextam concl. 9. Quando votum,

Navar. cit. num. 76. Valent. to. 3. disp. 6. quæst. 6. p. 7. §. Ex quo sequitur. Sanchez cit. disput. 9. numero 11. Lessio libro 2. capite 40. dub. 13. numero 105. Henr. libro 7. capite 30. §. 6. Suarez libro 6. capite 21. numero 9. contra Caietanum tom. 2. opuscul. tract. 11. quæst. 1.

V. Votum non fornicandi, aut mulierem non tangendi, sicuti docet Nav. lib. 3. consil. 42. edit. 2. Grassis p. 1. decis. lib. 2. cap. 31. numero 31. Lessius l. c. Sanchez lib. 4. moral. cap. 40. numero 67. Quorum omnium ratio est, quod reservationes, cum à communi iure, & ordinaria Episcoporum potestate exorbitent, strictæ interpretationis esse debeant; ideoque cum votum castitatis, siue continentiae reservatur, explicari debet de continentia perpetua, & simpliciter dicta: cuiusmodi non sunt, quas recensuimus, sicuti præter alios notavit Syl. ver. votum, 4. quæst. 3. dicto 6. Suarez lib. 6. c. 21. n. 9.

VI. Reservatum non est votum sacri ordinis suscipiendi. Ita Arrag. Lessius, Sa, Henr. ll. cc. Sanchez cit. disput. 9. num. 13. Suarez numero 7. Azor lib. 11. cap. 19. quæst. 9. Quia id non est votum castitatis; sed assumendi statum, cui votum castitatis tacite annexum est. Eademque ratione dispensare potest Episcopus, in expresso voto, castitatis futuro tempore Deo promittenda, teste Suarez cit. numero 7. Sanchez citat. cap. 40. num. 70.

VII. Votum ingrediendi Religionem strictiorem, ut liceat ingredi minus strictam, vel permanere in minus stricta, Ita Sotus lib. 7. quæstione 4. art. 3. ver. sequitur subinde, Syl. ver. votum, 4. quæstione 3. dicto 6. Nav. lib. 3. consil. 41. de voto, edit. 2. Azor lib. 11. cap. 18. quæstione 8. Rodriq. tract. 1. regul. quæstione 25. art. 6. Sanchez cit. disput. 9. numero 17. Less. cit. dub. 13. num. 105. §. 7. Quia sic non dispensatur in voto Religionis secundum se; sed tantum secundum modum, seu circumstantiam. Quamobrem licet tale votum Ordinis strictioris editum à Regulari, Ordinis Prælatus cassari non possit; tamen in eo dispensare potest, si exēptus sit, sicuti ex communi notat Sotus lib. 7. quæst. 3. a. 1. ver. tertius operum ordo est. Navar. comment. 4. de Regul. num. 22. in fine, & consil. 40. de voto, edit. 2. Suarez cit. lib. 6. cap. 10. num. 16. Sanchez lib. 4. moral. c. 42. num. 2. Rodriq. p. 2. sum. cap. 89. concl. 4. Lessius num. 107. Eademque ratione dispensare potest Episcopus in voto pedibus, vel sine viaico peregrinandi v. g. ad limina Apostolorum, ut liceat equo vehi, aut itineris expensas facere, teste Lessio num. 105. §. 6. Sanchez cap. 40. num. 78. Item circa dilationem voti reservati; puta si aliquis vouit intra annum Religionem se ingressurum, ut iusta de causa executionem voti aliquantulum differre liceat, sicuti probabiliter docet Sanchez n. 76. contra Suarez lib. 6. c. 26. n. 11.

VIII. Cum Religionem professo, ut ad aliam Religionem, quamvis laxiorem, transire possit, ex iusta, & graui causa dispensare potest Episcopus, vel Prælatus Ordinis exemptus, cum consensu Capituli, quod de dicam tr. seq. c. 6. q. 3. dicto 5.

IX. Votum pœnale, v. g. si fornicatus fuero, voueo, in pœnam me Religionem ingressurum; neque post admissam culpam, ideoque contractam obligationem pœnæ, reservatum esse docent multi, inter quos est Henr. lib. 7. cap. 30. numero 6. Tol. lib. 4. c. 18. num. 11. Arrag. 2. 2. quæstione 88. art. 12. §. si quis, Lud. Miranda tomo. 1. manual. Prælat. quæst. 48. art. 6. Vivaldus supra citato capite 14. numero 50. Sa ver. voti irritatio, numero 11. Valent. citata p. 7. §. ex quo sequitur Sanchez cit. lib. 8. disput. 10. numero 8. Suarez lib. 6. cap. 23. numero 6. Eo quod votum pœnale non fiat cum directo affectu erga rem promissam, ut alia vota; sed magis cum animi avertione, ut timore eiusmodi obliga-

tionis contrahenda vouens reuocetur à crimine: quare non est purè & simpliciter dictum votum, seu promissio alicuius rei in Dei cultum præstanda. Et est valde probabilis hæc sententia.

X. Votum conditionatum, v. g. si ex morbo conualuero, voueo me Religionem fore; ante conditionem impletam reservatum non est; quia non est simpliciter dictum votum; quandoquidem non continet consensum absolutè & simpliciter; sed sub conditione pendente in futurum: quamobrem non nisi imperfectam, & suspensam obligationem parit. Quæ est sententia Tolet. lib. 4. cap. 18. num. 11. Arrag. quæstione 88. art. 12. loco c. Lessi citato dub. 13. numero 106. casu 6. Suarez lib. 6. capite 22. numero 3. Sanchez lib. 8. de matrim. disput. 10. numero 13. & lib. 4. moral. capite 40. numero 99. Sairi in clau regia, libro 6. capite 11. numero 77. contra Sotum libro 7. quæstione 2. art. 1. ad 4. Rodriq. tom. 1. regul. qq. quæstione 161. art. 17. Navar. capite 12. numero 43. Azor libro 11. cap. 13. quæstione 13. in fine, Valent. disput. 6. quæstione 6. pag. 7. circa finem. Verum post impletam conditionem, videtur esse votum reservatum: Alioquin dicere oporteret, quod votum castitatis, aut Religionis, sub conditione, si ex naufragio liberatus fuero, postea per Episcopi dispensationem aut commutationem tolli possit: quod Ecclesiæ praxi repugnat. Ratio est: Quia sicuti omnes alii contractus ac promissiones factæ sub conditione, ea eueniente purificantur, & absoluuntur; omnesque effectus obligationis pariunt, perinde ac sine conditione factæ essent, iuxta l. pot or, ff. qui potiores in pignore; ita etiam voti promissio: neque enim villa disparitatis ratio afferri potest. Atque hæc est communis Doëtorum sententia, contra Sanchez ll. supra citatis.

Porò, cum votum merè conditionatum, v. g. Si conualuero superstes fuero, voueo me Religionem ingressurum, eueniente conditione omnino purificetur siue perficiatur; at verò votum pœnale, v. g. Si fornicatus fuero, voueo me in pœnam Religionem ingressurum, etiam post euentum peccati, ob sui imperfectionem, sub Episcopi dispensationem cadere possit, sicuti supra dictum fuit: eius discriminis rationem rectè explicat Suarez cit. lib. 6. cap. 13. Quia in voto merè conditionato affectus vouentis per se tendit in rem promissam sub conditione, tanquam bonam, & salubriter præstandam in Dei honorem: at verò in voto pœnali affectus vouentis per se tendit in rem promissam, tanquam pœnam, adeoque ut malam & afflictivam; quam mallet euitare, quam incurrere. Quamobrem si aliquis Religionem v. g. voueat, non ut pœnam peccati vindicativam; sed medicinalem, siue ut remedium vitandæ fornicationis, ad quam vouens ipso euentu propensum se experitur; tunc votum tale post admissam fornicationem, Papæ reservatum erit: quippe cum tale votum non proprie pœnale sit; sed merè conditionatum, ut idem Suarez notauit citato capite 23. numero 3. Contra verò, similiter v. g. ex nimio affectu erga virum, & secuturas nuptias, voueat, aut iuret, si nuptiæ successum non habuerint, se Religionem ingressuram arbitror Episcopum dispensare posse.

XI. Votum metu iniusto extortum; quamvis non in cadente in virum constantem: (nam votum ex tali metu per se irritum esset) Quæ est communior, probabilior sententia Angeliver. votum, 4. numero 8. Navar. capite 12. numero 59. Rodriq. p. 1. sum. cap. 243. numero 14. in fine Sanchez citato capite 40. numero 30. Lessi citato dub. 13. numero 106. casu tertio, contra Suarez libro 6. capite 26. numero 4. Cum enim talia vota facilis dispensationis esse debeant; tum ob imperfectionem consensus, quippe aliquo modo extortum etiam ob odium iniuste extorquentis; præsumen-

dum non est, Papam sibi referuare velle. Accedit, quòd gravium DD. sententia sit, Nauarri capite 22. numero 51. & lib. 1. consil. 3. n. 8. & consil. 5. n. 4. de his quæ vi, edit. 2. & lib. 3. consil. 3. de conuers. coniugat. n. 4. Rodriq. p. 2. sum. c. 8. concl. 9. votum, etiam solemne ex leui metu iniuste incusso editum, in conscientia foro irritum esse.

- 12 XII. Votum alternatiuum, cuius altera pars referuata non est, v. g. voueo me ad limina SS. Apostolorum Romam profecturum; vel 50. aureos daturum. Ita Azor tom. lib. 11. capite 19. quæstione 10. Less. cit. dub. 13. num. 106. casu 8. Sanchez cit. cap. 40. numero 42. Suarez cit. lib. 6. cap. 24. numero 4. Ratio est: Quia tale votum non est determinatè de re referuata: neque ad illam simpliciter obligat: quia in alternatiuis debitorum est electio, & sufficit alternerum impleri, reg. 70. in 6. Neque refert, etsi temporis progressu altera pars, non referuata ad implendum impossibilis fiat: nam licet tunc vouens ad peregrinationem Romanam simpliciter ac determinatè obligetur; id tamen non prouenit, ex vouentis intentione, sed ex euentu per accidens: idèoque nihilominus Episcopus dispensare poterit. Alia verò ratio est, postquam ipsemet vouens, obligationem suam, quæ principio indeterminata erat, determinauit ad eam partem, quæ referuata est, videlicet ad peregrinandum, idque non simplici tantum proposito, sed cum voluntate se obligandi, seu potius priorem obligationem determinandi, sicuti docet Sanchez libro 8. de matrim. disput. 9. numero 14. Azor citata quæstione 10. Suarez libro 6. de voto, cap. 24. numero 3. Quemadmodum etiam hominis debitor sub alternatione, postquam vnam partem elegit, eamque creditori notificauit, resiliere amplius non potest iuxta iuris regul. 21. in 6. *Quod semel placuit, amplius displicere non potest.*

- 13 XIII. Postquam sum. Pontifex votum referuatum in aliud commutauit, iam Episcopus exigente causa in illo dispensare, vel in aliam materiam commutare potest, sicuti docent Syluest. ver. votum, 4. quæstione 7. in fine, Arragon. cit. quæst. 88. a. 12. ante solut. 1. Henr. lib. 7. cap. 30. numero 5. lit. o. Suarez lib. 6. capite 20. numero 15. Sanchez libro 8. disp. 9. n. 20. Sa ver. votum, n. vlt. Nam hoc ipso, quòd prius votum, cum vouentis consensu, commutatum est, quasi aliud siue nouum votum euadit, quippe nouam obligationem continens, materia referuata non est. Neque obstat quod aliqui obijciunt apud Azor. tom. 1. libro 11. capite 18. quæstione 11. subrogatum sapientiam eius, cui subrogatur, arg. c. Ecclesia 1. vbi Abbas numero 3. Vt lite pendente. Respondetur enim; Id verum esse, quod attinet ad ea, quæ ad subrogationem per se atque intrinsecè spectant; non quæ extrinsecè, & accidentaria sunt: cuiusmodi est reservatio Superioris, ex eiusdem libera voluntate proficiens: quare hæc reservatio, cum odiosa sit, non debet extendi ad materiam subrogatam, sine speciali declaratione subrogantis.

- 14 XIV. Quotiescunque dubium est de valore voti, siue illud iuris sit, siue facti, potest in tali voto Episcopus dispensare, teste Suarez capite 26. numero 6. Sanchez citato capite 40. numero 26. Cum enim reservatio odiosa sit, idèò secundum strictam acceptionem ad casus certos restringi debet, vt dubios non comprehendat, sicuti idem Suarez notauit de censuris, disp. 40. §. 6. num. 5. Sanchez libro 1. moral. capite 10. numero 74. Est autem hæc doctrina intelligenda his casibus, quibus dubium de valore voti per se non liberat vouentem; sed Superioris interpretatione, vel dispensatione opus est. Præterea in casu, quo dubium est votum summo Pontifici referuatum sit, necne, v. g. coniunx cum coniugis consensu continentiam vouit;

sed dubitat num perpetuam, vel solum tempore coniugii vouere intenderit, Episcopus hoc casu dispensare potest. Quia sicut in dubio num votum editum sit, non est obligatio imponenda, sicuti dixi lib. 1. tractatu 1. ca. 5. numero 31. sic etiam cum dubitatur de parte voti, vtrum eam aliquis promiserit, in dubio non est astringendus: quia quod iuris est de toto quoad totum, idem iuris est de parte quoad partem, l. quæ de tota, ff. de rei vindicat, & docet Sanchez lib. 4. moral. cap. 13. numero 17. In proposito autem casu dubium existit de parte voti, videlicet de tempore post matrimonium secuturo, vtrum eò etiam vouentis animus se extenderit; atque ex verbis, & circumstantiis non potest coniectura, vel præsumptio capi: ergo non est obligatio adstruenda.

XV. Aliqui DD. Rodriq. tom. 1. regul. qq. q. 63. a. 2. Veracruz p. 1. speculi, a. 15. in fine, existimant, referuatum non esse votum continentia editum à coniugibus, quamuis mutuo consensu; sed Episcopum dispensare posse, non quidem simpliciter, sicuti docuit Maior in 4. d. 32. q. 2. solut. 2. contra 2. concl. sed ad petendum, ac reddendum debitum tempore coniugii, quibus Sanch. l. 8. disp. 11. n. 8. & 9. assentitur, eo casu quo vnus tantum coniunx cum alterius consensu continentiam vouit.

Verùm hæc sententia ab aliis communiter reprobat¹⁵ur, vti videre est apud Syl. ver. matrimonium, 7. q. in fine, Nauar. c. 12. n. 59. Rodriq. p. 1. sum. c. 243. concl. 15. Sa ver. debitum coniugale, num. 2. vbi rectè docent; Si coniunx interueniente consensu & pacto alterius coniugis iuri suo renuntians continentiam simpliciter, & in perpetuum vouerit, tale votum sum. Pontifici referuatum esse: cum sit continentia integræ & perpetuæ, idèoque nulla ex parte sub Episcopi dispensationem cadat. Alia verò ratio est, si coniunx consensum præbens, iuri suo renuntiare non intendit: huiusmodi quidem renuntiatio in dubio præsumi non debet, teste Innoc. c. 1. de conuers. coniug. Nauarrus c. 18. num. 31. Item si coniuges ex pacto vouerint continentiam non simpliciter; sed cum aliqua limitatione, v. g. nisi proles mascula ante ipsos mortem obeat, talia vota, cum non sint continentia perfectæ & absolutæ, Papæ referuata non censentur.

Denique in votis referuatis Episcopus dispensare potest¹⁶ quando est impedimentum adeundi sum. Pontificem, & necessitas cogit maturare dispensationem super voto. Ita docent Syl. ver. votum, 4. q. 4. Nau. cap. 12. n. 76. Arrag. cit. a. 12. §. si quis autem quærat. Henr. lib. 6. cap. 14. n. 7. in comment. lit. p. Rodriq. tom. 1. regul. qq. q. 63. a. 6. Sanchez lib. 8. de matrim. disp. 9. n. 22. & lib. 4. moral. c. 40. n. 34. Lessius n. 106. Suarez cit. lib. 6. cap. 26. num. 10. Ratio sumitur ex epikeia siue rationabiliter præsumpta mente Pontificis; nolle eum sibi vota tanto rigore referuare; sed potius contentum esse, vt occurrente graui necessitate, si ad ipsum accessus non fuerit, ad proprium Episcopum deuoluatur potestas dispensandi in voto referuato, vel lege Pontificia; item absoluendi ab excommunicatione, aliæue censura Papæ referuata. Qua de re vide Henr. lib. 6. cap. 16. num. 1. & cap. 9. n. 7. Sanchez lib. 2. de matrim. disp. 40. quæst. 1. Auilam p. 2. de censuris, c. 7. disp. 1. dub. 6. concl. 3.

Verùm hic aliqua aduertenda sunt: I. Rariùs accidit casus necessitatis, quo Episcopus dispensare possit in votis trium peregrinationum referuatis: eò quòd impedimentum occurrens ferme temporale esse soleat; vt proinde dispensationem non requirat; sed solum executionis dilationem, sicuti notauit Suarez loco cit. At verò in votis continentia, & Religionis frequentius accidere solet necessitas, ob quam Episcopus dispensare possit: præsertim si vouentes coniugati sint, sed

sed etiam si soluti, si ex dilatione matrimonii inter ipsos usque ad responsum Pontificis, graue periculum continentia, scandali, alteriusque damni timeatur, puta, quia matrimonium alioquin impediatur, cum magno sponsi, & familiae eius dedecore; aut sponsus forte morietur cum periculo animae, & prole non legitima.

II. Episcopi dispensatio in tali casu non amplius se extendit, quam necessitas postulat: quare tales quibuscum ob dictas rationes Episcopus in voto continentiae dispensauit, ut vel matrimonium contrahere, vel contracto uti possent; contra votum peccabunt, si extra matrimonium fornicentur, vel eo soluto, ad aliud, sine noua Pontificis dispensatione, transeant, sicut notauit Suarez cit. c. 26. n. 13. Sanch. cit. disp. 40. n. 40.

III. Episcopus in tali necessitatis casu dispensare potest, tamen si Legatus Pontificis in prouincia sit, ut recte docet Suarez cit. cap. 26. num. 10. Sanchez cit. lib. 8. de matrim. disp. 9. num. 25. & cit. lib. 4. moral. c. 40. num. 38. contra Arrag. cit. loco Rodriq. p. 2. sum. cap. 100. concl. 3. Quia Legatus Papae, tamen si à latere sit, ordinario iure non habet maiorem dispensandi potestatem, quam Episcopus: Ergo liberum est vouenti in tali necessitatis casu, pro dispensatione in voto reservato adire Episcopum, vel Legatum Apostolicum.

Sed quid si Legatus specialem commissionem habeat dispensandi in votis reservatis, vel lege Pontificia; aut absolueri à censuris Papae reservatis, poteritne nihilominus Episcopus dispensare, vel absolvere, si ad Papam accessus non sit; an verò necesse est tunc causam transmittere ad Legatum, aut alium specialiter Priuilegium à Papa? Priorem partem, quod Episcopus nihilominus dispensare & absolvere possit, docet Henricus lib. 6. de poenitent. cap. 10. num. 1. in comment. lit. d. & lib. 12. de matrim. cap. 3. num. 1. in comment. lit. h. Anila supra cit. dub. 6. §. quarto nota: Cum enim iura soli Pontifici referunt dispensationem, vel absolutionem, & reservatio strictae interpretationis esse debeat; non oportet tam extendere ad Legatum vel Priuilegium: sed cum Papa in casu necessitatis adiri non potest, deuoluitur potestas ad Episcopum, tanquam Ordinarium Pastorem; adeoque casus Papalis fit Episcopalis.

Posterior vero, & contraria sententia est Nauar. cap. 27. man. num. 90. Less. cit. dub. 13. num. 106. Sanch. cit. disp. 9. num. 25. & cit. cap. 40. num. 38. Suarez cit. cap. 26. num. 15. Nam Episcopus in his casibus dispensare, vel absolvere potest dumtaxat ob rationem necessitatis: quare ratio cessat, si adiri aliquis possit, qui specialem commissionem, vel delegationem habet; quippe quam Papa ideo etiam aliquibus concedere solet, ut in casu necessitatis ad illos recursus esse possit. Quare doctrina uti communior, ita & probabilior, atque securior est: licet etiam prior probabilitate non careat; praesertim quod attinet ad vota, & peccata reservata super quae Episcopo ordinaria iurisdicção competit, nisi speciatim à Papa referantur. Accedit, quod in casibus frequenter occurrentibus (cuiusmodi est v. g. peccatum haerese in partibus septentrionalibus, item votum continentiae cum pacto inter coniuges editum) Episcopus bona fide, & Doctorum quorundam consensu subnixus consuetudine diuturna, dispensandi, vel absolueri potestatem sibi comparare potuit.

IV. Obseruandum. Priuilegia Regularium Mendicantium, quod possint commutare, & dispensare in votis, etiam Episcopo reservatis, intelligi debent de iis votis aut casibus, qui ordinario iure Episcopo competunt, ideoque proprie episcopales sunt; non item de iis qui per se papales sunt; & tantum per accidens, ob urgentem necessitatem, & moralem impotentiam adeundi Papam, ad Episcopum, tanquam ordinarium; post Papam,

Pastorem deuoluuntur, sicuti notauit Rodriq. to. 1. regul. qq. quaest. 63. a. 3. & 6. Lud. Miranda in man. Prael. lat. t. 1. quaest. 48. num. 4. Sanchez lib. 2. de matrim. disp. 40. num. 9. Henricus lib. 6. de poenitent. c. 14. n. 7. Suarez cit. c. 26. n. 16.

Denique per commutationem voti obligatio (moraliter rem aestimando) non tollitur, sed ad aliam materiam transfertur, sicuti bene explicat Caietan. 2. 2. q. 88. a. 10. notab. 2. De ea re aliquae quaestiones soluendae restant.

PRIMA QVAESTIO. Cuius auctoritate vota commutari possint? Respondeo; & dico I. Vouens proprio arbitrio votum suum commutare potest in id, quod spectatis omnibus, manifestè melius, seu praestantius est. Quae est communior DD. sententia apud Sanchez lib. 4. moral. cap. 49. num. 4. Suarez lib. 6. cap. 18. num. 4. contra Innoc. Hostiensensem, Abbatem in c. peruenit, 2. de iureiurando S. Bonau. in 4. d. 38. art. 2. quaest. 2. Rich. a. 8. q. 1. Syl. ver. votum, 4. q. 7. dicto 2. & sumitur ex c. 1. de voto, & cit. c. peruenit, ibi, *Promissum non infringit, qui illud in melius commutat*. Ratio est quam affert Caiet. ver. votum, c. ult. Arrag. q. 88. a. 12. dub. 1. dicto 1. Constat enim quanto melius & praestantius est opus, tanto etiam Deo gratius, & acceptius esse, quare qui opus promissum in aliud melius commutat is debito & obligationi suae abundantiùs etiam satisfacit. Quod etiam inter homines vsuuenit, ut obligatio tollatur, si quis consentiente creditore, aliud pro alio soluerit. Dixi autem si opus manifestè melius sit: At verò in dubio stat possessio pro obligatione voti, determinata ad rem certam: quae proinde mutari non potest, sine Superioris auctoritate.

Corollarium. Qui vouit eleemosynam se daturum certae personae pauperi, antequam ei per acceptionem ius acquisitum est, potest propria auctoritate mutare animum, ut detur alteri pauperiori, si appareat, tale opus Deo gratius fore. Ita Sanch. n. 6.

Excipi vero debent vota sum. Pontificis reservata; ea enim neque inter se, neque cum aliis operibus, quamuis manifestè praestantioribus, sine sum. Pontificis auctoritate commutari possunt: eo quod talem commutationem ipse sibi propriam reseruauit, sicuti docent Sotus lib. 7. q. 4. a. 3. Suarez lib. 6. cap. 21. num. 17. Azor to. 1. li. 11. cap. 18. quaest. 4. Sanchez lib. 4. de voto, c. 52. num. 5. contra Arrag. q. 88. a. 12. dub. 1. dicto 3. in coroll.

Sed hinc iterum excipi debet votum editum in Religione approbata, per quod aliquis verus Religiosus efficitur: nam in tale votum omnia vota antecedentia tam realia quam personalia commutari possunt, sicuti habetur in c. scripturae de voto: *Reus fracti votum non habetur, qui temporale obsequium in perpetuum nescitur Religionis obseruantiam commutare*, & docet S. Thom. 2. 2. quaest. 88. art. 12. ad 1. Caietan. eod. a. in princip. Sotus lib. 7. quaest. 4. art. 3. ad 1. Nauar. cap. 12. num. 65. Arrag. cit. a. 12. solut. ad 1. Sa ver. voti commutatio, num. 6. Suarez cap. 21. num. 18. Miranda quaest. 26. a. 7. Sanchez lib. 5. moral. cap. 5. prerog. ult. Ratio est; Quia votum Religionis, quo homo seipsum, & omnia sua Deo in perpetuum consecrat, vniuersalitate quadam tum actionum, tum temporum, reliqua vota omnia in se eminenter complectitur. Vota autem Nouitiorum interim suspensa manent usque ad eorum professionem, saltem ea, quae in tali statu executioni mandare ipsi non possunt. Alia autem vota Nouitiorum, licet cum Religione consistere possint, ut ieiunium, quotidiana oratio &c. tamen à Confessario, aut Praelato in onera ordinaria Religionis rectè commutari, monent Sa, & Miranda lib. supra cit.

Dico II. Commutatio voti in aliud opus aequale proprio vouentis arbitrio fieri non potest. Hæc est com-

munis sententia apud Sanchez cit. cap. 49. num. 12. Suarez lib. 6. cap. 19. contra Rodriq. part. 2. sum. cap. 100. concl. 4. Medinam lib. 1. sum. cap. 14. §. 5. Henriq. lib. 5. de pœnit. c. 20. §. 5. Non enim potest aliud pro alio solui promissario non cōsentiente: atqui Deus non videtur consentire, ut a spontaneo ipsi promisso cultu recedatur, sed potius velle, ut constanter in propria & determinata specie fideliter reddatur; nisi causa recessionis & commutationis urgeat, quam cognoscere ad Superiorem pertinet: vel nisi aliquis commutare velit in rem euidenter meliorem, Deoque gratiorem: tunc enim promissionem non violat, sed auctius reddit: eaque ipsa exceptio in quolibet voto tacite continetur: Promitto me hoc facturum, vel loco eius aliquid melius, Deoque gratus; non itē aliquid æquale: quia gratus Deo censetur, ut promissio in sua specie formaliter cum voluntatis perseverantia compleatur, quā in alia æquialenter, cum voluntatis recessu, & aliqua inconstancia, sicuti explicat Suarez cit. c. 19. n. 4. & confirmari potest ex c. de voto, & doctrina S. Th. 2. 2. q. 88. a. 12. in corp.

Dico III. Commutatio voti in opus æquale fieri debet auctoritate Prælati, puta Episcopi vel Papæ, eiusque qui ab ipsis commissionem, seu delegationem habet. Quæ est communior sententia epud eundem Suarez cap. 19. num. 6. Sanchez cit. cap. 49. num. 13. contra Viualdum in candelabro sacrament. part. 3. c. 14. n. 15. concl. 2. Less. lib. 2. cap. 40. dub. 11. num. 91. existimantes; cuiuscuque prudentis Confessarii auctoritate vota commutari posse. Sed contra est, quod votorum commutatio, sicuti & dispensatio, sit actus Ecclesiasticæ iurisdictionis exterioris, alioquin frustra Confessariis interdum conferrentur specialia privilegia commutandi vota.

20 Dico IV. Cui per privilegium siue delegationē concessa est potestas dispensandi in votis, videtur eidem etiam concessa potestas commutandi. Ita Sorus lib. 7. quæst. 4. a. 3. Henriq. lib. 7. de Indulg. c. 30. n. 5. Arrag. cit. a. 12. ante secundam concl. Syl. ver. votum, 4. q. 3. Saver. voti dispensatio, n. 19. Less. cit. cap. 11. n. 94. Saver. voti dispensatio, n. 19. Less. cit. cap. 11. n. 94. Suarez c. 12. num. 10. contra Nau. cap. 12. man. n. 79. Illud autem, Azor lib. 11. cap. 10. q. 4. Sanch. l. 8. de matrim. disp. 2. n. 14. & lib. 4. de voto, c. 5. n. 4. Nam cum licet quod est plus, licet utique quod est minus, Reg. 53. in 6. Quæ locum habet, si minus subordinetur maiori, seu in eo contineatur tanquam imperfectum in perfecto, quæ ratione codicillus imperfectum testamentum est: quæmobrem qui testandi facultatem habet, is multo magis codicillum facere potest. Atqui voti commutatio est veluti imperfecta dispensatio, siue voti relaxatio: siquidem per dispensationem vinculum voti simpliciter tollitur; per commutationem secundum quid: quia ab una in aliam materiam transfertur. Confirmatur: Cum raro adsint causæ (quas numerat Sanchez cap. 17. num. 18. Suarez cap. 46. numer. 3.) ob quas vota purè & simpliciter relaxari debeant; sed plerumque dispensationi commutatio aliqua adiungi solet; ideo præsumendum est, mentem sum. Pontificis conferentis alicui facultatem dispensandi in votis, esse, ut talis facultas exerceatur secundum consuetum Ecclesiæ morem, videlicet commutando in aliud opus, quamvis minus, ut Azor citat. loco fatetur. Quod si autem dispensandi facultate præditus commutationem facere possit in opus minus; cur non item in æquale, si ita prudentia iudicaverit? siquidem commutatio in minus, & commutatio in æquale nō differunt, nisi ut maior & minor relaxatio voti, ut proinde reg. 53. supra cit. locum hic habeat.

21 Dico V. In votis realibus, cum præiudicio tertii, Prælati Ecclesiastici ordinario iure dispensationem, vel commutationem facere non possunt; quæmobrem in privilegiis dispensandi, & commutandi vota vel

additur, vel subintelligitur, ut id fiat sine præiudicio tertii. Tunc autem dispensatio, vel commutatio fieri censetur cum præiudicio, atque iniuria tertii, si alicui certæ Ecclesiæ, vel personæ pauperi v. g. per acceptationem voti ius acquisitum fuit. Vtrum ante acceptationem, cum nondum ius, actio, & petitio competat; vota in alicuius certæ Ecclesiæ v. g. commodum edita, per dispensationem, vel commutationem tolli posse communior est sententia Sylvest. ver. votum, 4. quæst. 7. dicto 4. Caiet. to. 2. opusc. tract. 17. quæst. 3. Nauar. cap. 12. n. 78. Azor to. 1. lib. 11. cap. 19. quæst. 11. Suarez lib. 6. de voto, cap. 15. num. 3. & 11. Lud. Mirandæ in man. Prælator. tom. 1. quæst. 48. a. 4. contra S. Anton. p. 2. tit. 11. c. 1. §. vlt. Rosellam ver. votum, §. 5. 6. Ratio est, quia per votum præcisè, quatenus est interna promissio Deo facta, nullum ius Ecclesiæ illi acquiritur: tum quia nulla promissio interna & non manifestata signo aliquo hominem homini obligat, sicuti egregie docet S. Thom. 2. 2. quæst. 88. a. 1. in corp. tum quia voti promissio Deo fit, cui proinde solius & obligatio acquiritur; non Ecclesiæ, quæ se habet tantum ut materia circa quam voti, sicuti notavit Sanchez lib. 4. moral. c. 41. n. 7.

Neque verò ius Ecclesiæ acquiritur propter externam promissionem donandi, coram domesticis v. g. factam nisi insuper promissio siue donatio ab Ecclesia, vel Ecclesiæ Rectore, alioue administratore acceptata fuerit, quia id commune est omnibus pactis ac pollicitationibus, ut nisi ab altera parte acceptata sint, & quasi formatæ mutuo consensu (pactum enim est consensus duorum in idem) nullam obligationem pariant. Neque favore piæ causæ vspiam reperitur contrarium statutum esse, ut dixi lib. præced. tract. 4. c. 1.

Porro in duobus casibus etiam post acceptationem siue ius quæsitum, eiusmodi votorum vinculum relaxari potest: Primò, si persona illa, in cuius vtilitatem votum cedit, ius suum & actionem sponte remittat, quod etiam de Ecclesiæ Prælati sentiendum est in casibus, quibus ob iustam causam, & observata debita forma, ius Ecclesiæ acquisitum remittere, vel compositionem instituere possunt, sicuti docet Armilla ver. dispensatio, num. 21. Suarez cit. cap. 15. num. 7. Sanchez cit. cap. 41. num. 16. Secundò, si occurrente publica causa, ob quam priuatus merito suo iure cedere debeat, sum. Pontifex, ex plenitudine potestatis suæ, votum commutet. &c. sicuti docet Sylvest. ver. Papa; quæst. 13. Sanchez cit. cap. 41. n. 16. Cuiusmodi commutationem, exigente causa multo magis facere poterit, si certæ Ecclesiæ ex voto, hæreditate &c. aliquid debitum sit. eo quod ipse supremus omnium Ecclesiarum administrator existat.

ALTERA QUÆSTIO. Quanta causa requiratur ad voti commutationem tum licite, tum valide faciendam? Respondeo, & dico I. Si commutatio fiat in rem manifestè meliorem, Deoque gratiorem, nulla alia causa requiritur, sicuti docent S. Bonau. in 4. dist. 38. q. 2. a. 2. Richar. a. 8. quæ. 1. Caietan. cit. quæst. 88. a. 12. §. In commutatione autem, Nauar. cap. 12. num. 63. Sa numer. 10. Azor tom. 1. lib. 11. cap. 18. quæst. 3. Suarez cap. 18. num. 9. Sanchez cap. 50. num. 15. Tum quia hæc sola commutationis causa sufficit, quod per eam cultus Dei augeatur: tum quia per se notum est, talem commutationem Deo gratam esse: quæmobrem supra dixi, Prælati auctoritatem in ea non desiderari.

Dico II. Si voti commutatio fiat in opus æquale, aut minus, requiritur aliqua causa, non tantum ut licita sit, sed etiam ut valida. Ita docet Suarez cap. 19. numer. 5. & 14. In eademque sententia arbitror esse alios Doctores (excepto Sanchez cap. 51. numer. 7.) qui negant, vota propria voventis auctoritate in rem

æqualem, aut minorem commutari posse; sed Prælati Ecclesiastici auctoritate & iurisdictione opus esse; eò quod per eiusmodi commutationem pars aliqua obligationis ac debiti remittatur, siue relaxetur; vt videlicet non in propria specie, ad quam vouens ratione promissionis suæ ex fidelitatis virtute obligaretur; sed in alia quapiam voti solutio fiat. Id verò vt sine causa concedatur, Deus contentus non est, sicuti etiam supra de dispensatione dixi. Notat tamen Suarez cap. 20. num. 7. Si commutatio ab habente potestatem, sine iusta causa, bona tamen fide, facta fuerit in opus æquale, illudque iam peractum sit; credendum esse, Deum illud acceptasse, vt vouens ad nihil aliud teneatur.

Dico III. Ad commutationem in opus æquale non requiritur causa executioni obstat; sicuti in dispensatione seu pura, seu mixta: sed sufficit quævis causa, ob quam, consideratis circumstantiis omnibus, videatur expedire, etiam ad honorem Dei augendum, vt commutatio voti fiat. Cuiusmodi quidem causa raro deesse solet, si vouens voti sui commutationem instanter petat: tunc enim ratio adest, vt condescendatur fragilitati eius, quò maiore cum solatio, & animi promptitudine voti sui debitum in alia materia, ad quam magis affectus est, exolvatur. Ita docet Caietan. cit. loco. Sotus lib. 7. quæst. 4. a. 3. circa medium. Valentia cit. p. 17. prope finem, §. Ex commutatione autem voti, Less. cit. cap. 4. dub. 11. num. 96. Sanchez cap. 30. num. 12. contra Syl. ver. votum, 4. quæst. 8. Est enim manifestum discrimen inter dispensationem, & commutationem voti; quod in illa obligatio voti absolute relaxatur: talis autem relaxatio seu condonatio non censetur expedire, vel ad honorem Dei pertinere, nisi aliquid obstat executioni; quia materia voti putatur moraliter impossibilis, vel maioris boni impediens. At verò in commutatione obligatio voti non penitus relaxatur; sed in aliam materiam transfertur, quod ob varias causas expedire solet; saltem vt, dum benignius cum vouentibus agitur, sua vota maiore cum deuotione expleant; & ad frequentiora vota edenda alliciantur.

Addendum: Si commutatio ab eo, qui talem potestatem habet, fiat in opus minus, adeoque cum commutatione misceatur aliqua dispensatio, probabile est, sufficere interdum causam rationabilem, quæ tamen non obstat executioni voti. Quæ doctrina sumitur ex praxi, & iamque indicat Sanchez lib. 4. c. 17. n. 27. & cap. 30. n. 18. Rodriq. to. 2. sum. c. 100. concl. 4. Less. n. 95. quamuis contrarium dicat Sotus cit. a. 3.

Quæstio tertia. Qua ratione voti commutationem Prælati, & Confessarij privilegiati facere debeant?

Respondeo & dico I. Qui habet potestatem vota commutandi tantum (qualis v. g. in Iubileo Confessarijs concedi solet) is commutare debet in rem æqualem; id est, quæ considerata qualitate vouentis, alijsque circumstantiis, æquè bona, siue ad Dei cultum & obsequium pertinens videtur. Ita docet Caietan. in summa, ver. votum, cap. ult. & 2. 2. q. 88. art. 12. ver. In commutatione autem votorum, Syl. est. ver. votum, 4. q. 8. in fine, Sotus, cit. a. 3. circa medium, Tolet. lib. 4. c. 18. §. commutare, Azor. to. 1. lib. 1. c. 18. q. 6. Suarez cap. 19. num. 7. Sanchez c. 30. n. 4. contra Medinam in sum. lib. 1. cap. 14 §. 7. reg. 3. de commut. Rodriq. to. 2. c. 100. concl. 4. & Lessium, cit. c. 40. n. 95. Probatur assertio: Quia nomen commutationis æqualitatem significat apud omnes: privilegia autem extendi non debent ultra verborum proprietatem, aut communem acceptionem, Veruntamen æqualitas moraliter accipi debet, non mathematicè aut scrupulosè; quare etsi dubitetur, vtrum opus æquale sit, commutatio in illud bona fide fieri poterit. Quia etsi contingat æqualitatem non attingi, quippe quam in moralibus certo deprehendere humano

intellectui difficile est; plerumque tamen, si vir prudens bona fide commutationem faciat, non multum ab æqualitate discedetur; parvus autem defectus pro nihilo habetur. Idque voluit Toletus loco cit.

Corollarium. Vota præsertim grauiora, longè securius & facilius ab ijs commutantur, qui simul etiam dispensandi facultate præditi sunt.

Dico II. Licet plerumque cōuenientius sit, vota realia commutare in realia onera; vota autem personalia in onera personalia; non tamen necesse est id semper fieri: sed votum etiam reale in personale & vice versa votum personale in reale rectè commutari potest. Est communis Doctorum sententia: cuius prior pars inde probatur: Quia in votorum commutatione quatenus fieri potest, seruari debet tum materiæ æqualitas, tum idem finis, siue intentio vouentis: hæc autem plerumque melius seruatur, si votum personale in aliud personale commutetur; v. g. votum cilicii gestandi, carnis demandæ causâ, in ieiunium; & votum reale in aliud reale, v. g. votum ecclesiam ædificandi in alias eleemosynas, aut fundationes pias. Item votum mixtum in onera tum realia, tum personalia: v. g. votum peregrinationis in ieiunium vnum, vel plura, habita ratione laboris, quem peregrinaturus, præsertim pedestri professione, subire debuisset, & in eleemosynas, habita ratione expensarum, quas vouens cum eundo, tum redeundo maiores, quàm aliàs, facere debuisset, sicuti colligitur ex c. magnæ, c. ex multa, c. quod super, de voto, & docet Suarez cap. 19. n. 20. Sanchez lib. 4. c. 36. n. 16. licet Grassi p. 1. decis. lib. 2. capite 30. num. 10. Angles in floribus p. 2. quæstione vii. de voto, a. 8. diffic. 6. propos. 4. Henriq. lib. 7. cap. 30. num. 5. negent, sumptus qui in reditu fieri deberent, æstimandos esse, sed contra textum cit. c. magnæ, ibi: *Expensas, quas fueras eundo, morando, & redeundo facturus.*

Posterior pars probatur tum ex c. 2. de voto, in quo votum mixtum peregrinationis solis eleemosynis redimitur; tum hac ratione: Quia in cōmutatione æqualitas seu similitudo materiæ æstimari non debet physicè; sed moraliter, habito respectu ad Dei gloriam, & spirituale vouentis vtilitatem, ac consolationem. Maximè etiam, inquit Sanchez lib. 4. c. ult. n. 38. spectanda est vouentis fragilitas, curandumque ne nimis grauetur, Quare proderit interdum commutare in res, quas ipse solitus est facere; puta rosarium recitare, sacro interesse, Sacramenta frequentare: ita enim facilius, & suauius exequetur. Proderit quoque relinquere libertatem, ne die designata exequi teneatur, sed in alium diem differre liceat. Item vt imponantur diuersa opera, relicta optione vouentis; v. g. vt feria sexta ieiunet, vel certam eleemosynam det.

His quædã addenda sunt: I. Votum tam pœnale quàm absolutum, etiam post transgressionem, aut pœnam contractâ, commutari potest: v. g. si quis vouit singulis diebus eleemosynam dare, & longo tēpore intermisit; aut vouit, se nunquam lufurū sub pœna audei pauperibus in eleemosynam largiendi, & aliquoties ludendo transgressus est. Tunc verò attendere oportet, vtrum sola obligatio voti in futurum; an etiam debitum, vel pœna iam contracta à Confessario v. g. commutetur: vtriusque enim commutatio, ab habente potestatem commutandi vota fieri potest, qua de re Sanchez cit. c. ult. n. 33. Suarez c. 20. n. 19.

II. Qui habent priuilegium, seu potestatem delegatam dispensandi, aut commutandi vota fidelium, vel eos à peccatis absoluendi, non possunt talem potestatem alteri delegare. Quia delegatus nunquam potest subdelegare, licenseatur electa industria personæ, vt in proposito accidit. Monet tamen Viualdus in appendice Candelabri, c. 14. n. 40. Quod Confessarius priuilegia-

tus; si causa postulet, v. g. multitudo confitentium, possit ita dicere confitenti suo: *Commuto tibi hoc votum in opera, quæ vir ille doctus tibi designauerit, cuius sententiâ te stare volo.* Præterea, si Prælato v. g. Ordinibus, ratione muneris seu dignitatis suæ, priuilegium absolute & generatim concessum fuerit absoluendi, dispensandi, aut commutandi vota suorum subditorum, transit talis potestas in ordinariam, ideòq; in casu particulari alteri committi poterit: secus, si alicui Prælato, vel cuiusq; alteri personæ commissa sit potestas absoluendi, vel dispensandi cum certa personâ: quia hoc casu non iurisdicção, sed nudum ministerium commissum censetur, c. ult. §. cæterum, de offic. delegati, & docet Syl. ver. delegatus, q. 8.

III. Post factam commutationem voti, ab eo qui potestatem habet, in arbitrio vouentis positum est, vel votum suum exequi, vel opus illud, in quod commutatio facta fuit: vel deniq; ab alio simili potestate prædito nouam commutationem petere, sicuti docet Azor c. 18. q. 10. & c. 12. l. 1. c. 40. dub. 11. n. 97. Sanch. e. 55. n. 26. & l. 8. de matrim. disp. 9. n. 21 Ratio est: Quia siue commutatio facta fuerit in rem minorem, admixta dispensatione; siue in rem æqualem, aut etiam meliorem, cedit in favorem debitoris, seu vouentis. Quiuis autem *suorum renuntiare potest.* Et, quod *in gratiam alicuius conceditur, non est in eius dispensationem reuocandum*, reg. 61. in 6.

IV. Si opus, in quod commutatio facta est, postea inutile, vel impossibile fiat, quâuis non sine vouentis culpa, omnino is liberatur, neque cogitur votum suum implere; quippe quod per legitimam commutationem extinctum est: obligatio autem semel extincta non reuiuiscit, l. qui res, §. arcam, ff. de solut. Atq; ita ex cõmuni docet Grassi supra cit. c. 30. n. 3. Viualdus n. 27. Suar. c. 20. n. 9. Sanch. c. 55. n. 15. & l. 8. de matrim. disp. 9. n. 21. Neq; obstat quod vouens possit, relicto opere, in quod commutatio facta est, votum suum exequi, vt supra dixi: Nam et si hoc facere possit, si velit, tamen ad id non obligatur: Sicuti etiam vouens suum votum in melius, & secundum quoddam, in æquale opus commutare potest, non tamẽ ad hoc obligatur: ideòque si materia voti sui inutilis, aut impossibilis reddatur, omnino liberatus est, vt aliquid loco eius præstare minimè cogatur.

Excipit autem Viualdus cit. c. 14. n. 28. Nisi commutatio voti facta sit non ab homine; sed ipso iure. quâ ratione omnia vota simplicia in religionis professionem commutantur, c. scripturæ, de voto. Quare ait Viualdus si quis antea ediderit votum peregrinationis Hierosolymitanæ, & postea Religionem professus sit; accidat verò deinde, vt ob culpam suam Religionem eiiciatur, obligari ad votum Hierosolymitanum explendum, citatq; pro hac sententia Palud. in 4. d. 38. q. 4. a. 4. qui id non dicit, sed potius contrarium in 5. sua concl. Viualdo tamen ad stipulantur Sotus l. 7. q. 2. a. 1. prope finem, ante solut. 4. Arrag. q. 88. a. 3. ante solut. 3. vbi tanquam probabilius docent, si quis generatim vouerit Religionem, & po-

stea vnâ professus, eiiciatur; obligatum esse ad aliam ingrediendam. Contrarium verò est tenendum cum Sâch. cit. disp. 9. n. 21. & cit. c. 55. n. 16. & 18. Quia omnia vota simplicia commutantur in votum Religionis, tanquam in quid melius, quippe cum perpetuum Dei seruitium contineat: consequenter priora vota extincta sunt, vt in propria sua materia non obligent: quod autem semel extinctum est, iterum non reuiuiscit. Eaq; ratio similiter concludit, siue commutatio ab homine, siue à iure facta sit. Vti etiam docent Sanch. in clau. regia, lib. 6. c. 12. n. 24. Suarez l. 6. c. 20. n. 11.

Illud verò magis in dubium vocari potest, vtrum per vota simplicia edita in Societate Iesu, penitus extinguatur votum prius in seculo editum, v. g. piæ peregrinatio. 30 nis instituendæ. Negat Sa ver. voti commutatio, n. 6. Vota nostrorum, quæ in seculo fecerunt, ante professionem sunt suspensa, quamdiu sunt in Societate: consequenter obligatio votorum reditura est si cõtingat eos ex Societate Iesu dimitti. Quæ responsio vera est, & approbata can. 22. primæ Congregat. generalis. Sed bene id explicat Sâch. l. 5. mor. c. 5. n. 55. Quod ipso iure vota præcedentia non commutentur in vota illa simplicia, sicuti commutatur in professionem solemnem, vt dicam tr. seq. c. 10. n. 3. Interim verò ipsemet vouens propria intentione vota antecedentia, in simplicia illa vota commutare non prohibetur, ita vt illa penitus extinguatur. Nam quiuis propria auctoritate votum qualecunque commutare potest in id, quod scitur melius, Deoque gratus esse. Atqui vota nõ tantum solemnia, sed etiam simplicia, per quæ aliquis verus Religiosus efficitur, & (saltem quatenus ex ipsius parte est) perpetuo se Dei obsequio in Religione deuouet, & actualiter tradit; ea, inquam, vota meliora, Deoque gratiora sunt, quàm alia omnia: Ergo in simplicia Religionis vota alia omnia commutari possunt.

Sin verò aliquis in seculo vouisset, se in Religionem aliqua professionem editurum, cum tali Reuer. Pater noster Generalis, & ex commissione eiusdem, Provinciales dispensare possunt, seu potius commutare in vota nostra simplicia; ita tamen, vt si ante professionem ex Societate recesserit, votum illud prius in sua obligatione perseueret. vti habetur in Sum. priuileg. ver. commutatio, §. 3. Signatè autem loquitur de voto proficendi, seu perseuerandi in Religione: qui enim habuit votum ingrediendi tantum seu probandi, is propria auctoritate commutare poterit in votum perseuerandi: quâ commutatione tanquam in quid melius prius votum extinguitur. Quare de re vide Sanchez l. 4. moral. c. 16. n. 106 & l. 5. c. 5. in fine, & quæ dicam tract. seq. cap. 6. q. 3. dicto 3.

Denique si aliquis continentiam perpetuam simpliciter vouerit, ac postea editis votis simplicibus, à Societate Iesu dimittatur, certum est, priore illo continentie voto obligatum manere: quippe quod à voto religioso essentialiter non differt: ideoque in sua specie immutatum perseuerat.

TRACTATVS QVINTVS. DE STATV RELIGIONIS.

CAP. I.

DE ESSENTIA STATVS RELIGIOSI.

SVMMARIVM.

- 1 Status Religionis perfectionis est, non eo sensu, quod omnes Religiosi perfecti esse debeant, sed ad perfectionem tendere.
- 2 Tria sunt substantialia vota religiosi statui: paupertas, castitas, & obedientia.
- 3 Ordo Religiosus à sum. Pontifice approbatus esse debet.
- 4 Ad essentiam status religiosi non requiritur, ut vota solemnia sint.
Qui in Societate Iesu tria simplicia vota ediderunt, veri Religiosi sunt.
- 5 Qui in ordinibus militaribus castitatem non absolutam, sed tantum coniugalem vouent, proprie Religiosi non sunt.
- 6 Irrita est professio, aut susceptio Religionis, si addatur conditio status religioso repugnans.
- 7 Religiosi non sunt, qui editis votis perpetua castitatis, ac paupertatis, obedientiam etiam vouent prestandam Episcopo, aut Confessario.
- 8 Summus Pontifex etiam in solemnibus votis Religionis dispensare potest, ut aliquis Religiosus esse desinat.
- 9 Religiosus promotus ad Cardinalatum, vel Episcopatum aut similem dignitatem, obstrictus manet essentialibus votis sua Religionis; licet quoad aliquos effectus paupertatis, & obedientiae, exemptus censatur.
- 10 Religiosus factus Episcopus vel Cardinalis, saltem ex morali honestatis obligatione, praescripta regula seruare debet, qua cum munere ac dignitate sua consistere possunt.
- 11 Religiosus ad singularem parochiam promotus habitum sua Religionis adferre, & alia praescripta regula; quatenus cum munere & laboribus suis consistere possunt, obseruare debet; etiam sub culpa obligatione, si regula Ordinis ita obliget.
- 12 Religiosus, dum parochiam secularem administrat, in plerisque Episcopo Diocesis subicitur: verum in iis, quae ad regulam Ordinis spectant, v. g. ut habitum gestet, videtur subiectus manere Abbati, vel Praeposito Monasterii.

STATVS Religionis ita definiri potest: Fidelium, ad Christiana charitatis perfectionem tendentium, editis votis perpetua paupertatis, castitatis, ac obedientiae, stabili in communis viuendi modus, ab Ecclesia approbatus. Pro cuius definitionis intellectu notandum est primò, quod docet S. Th. 2.2. q. 186. a. 1. Religio est virtus, per quam aliquis ad Dei seruitium, & cultum aliquid exhibet: Et ideo antonomastice Religio si dicuntur illi, qui relictis mundi huius impedimentis, totos se diuino seruitio mancipant, quasi holocaustum Deo offerentes. Quare cum hominis perfectio in hoc consistat, ut Deo totaliter adhaereat; sequitur, statum religiosum esse perfectionis: non eo sensu, quod Religiosi omnes perfecti esse debeant (cum quidam eorum sint incipientes, quidam proficientes; sed quod omnes ad Christianam perfectionem vniouemque cum Deo, tanquam propositum sibi finem, ex status sui obligatione tendant, sicut docet idem S. Th. resp. ad 3. & a. 2. ad 1. ait: Sicut Pythagoras noluit se sapientem profiteri, sed sapientiae amatorem; ita & Religiosus non est transgressor professionis, si non sit perfectus, sed si contemnat ad perfectionem tendere.

- 2 Notandum secundo: Hominis Christiani perfectio in eo consistit, ut contemptis, & quatenus fieri potest, relictis cupiditatibus huius vitae, Deo per charitatem in-

haereat: tria autem sunt huius perfectionis impedimenta, siue tres veluti laquei huius mundi, quibus animus hominis detinetur, quominus ad Deum se liberè erigere possit, teste S. Ioan. epist. 1. cap. 2. *Quoniam omne quod est in mundo, concupiscentia carnis est, & concupiscentia oculorum, & superbia vitæ.* Et de carnis quidem concupiscentia, eam à studio perfectionis impedire, testatur Apostol. 1. ad Cor. 6. & 7. De concupiscentia oculorum, siue desiderio colligendi, augendiq. diuitias, Christus Mat. 6. *Non potestis Deo seruire, & Mamona, idco dico vobis ne solliciti sitis animæ vestrae, quid māducetis; neque corpori vestro, quid induamini.* Et Mat. 19. *Si vis perfectus esse, vade, & vende quæ habes, & da pauperibus.* Ac denique de superbia vitæ, honoris ambitione, & propriae voluntatis amore, idem Dominus apud S. Matth. c. 16. *Si quis vult post me venire, abneget semetipsum, & tollat crucem suam.* Ab his veit compedibus animus liberatur per voluntariam paupertatem, castitatem, & obedientiam.

Confirmatur ex doctrina S. Th. q. 188. a. 7. Quia amplectendo statum religiosum fit homo holocaustum, sua omnia Deo consecrans: tria autem homo possidet, animā, corpus, & res externas quare per votum obedientiae offert Deo animam, subiiciens Superiori, propter Deū, iudicium suum & voluntatem in rebus agendis. Per votum castitatis offert corpus; ut à carnis voluptatibus abstractus, Deo melius seruire possit. Per paupertatis verò votum offert res externas propter Deum se ipsis priuans. Monet autem S. Th. 2.2. q. 186. a. 8. Inter hæc tria præcipuum esse obedientiae votum: quia per id, quod in homine excellentissimū est, deo cōsecratur: quod docet S. Greg. lib. 35. moral. ca. 10. *Obedientia victimis iure proponitur, quia per victimam aliena caro; per obedientiam autē propria voluntas mactatur.* Et Io. 22. in extranag. quorundam, de verb. signif. prope finem: *Magna est paupertas, sed maius integritas bonum est; maximum obedientia, si custodiatur illa; nam prima rebus, secunda carni, tertia verò menti dominatur & animo, quos veluti effrænes & liberos ditioni alterius humili ingo propria voluntatis astringit.*

Notandum tertio ex S. Th. q. 183. a. 1. & 6. Quod status hominis, si proprie loquendum sit, immobili-tem significat, id est, vitæ rationem, ad quam tenendam aliquis personaliter obligatus sit: ut si aliquis ex soluto coniugatus fiat, ex libero seruus, alium statum amplecti censetur. Hæc igitur causa est, quod ad statum religiosum non sufficit nudum propositum seruandi tria illa Evangelica consilia; sed requiritur obligatio personalis per vota Deo edita non ad tēpus determinatum, sed in perpetuum; id est ad vitæ vsque finem; ut firmiter, immobiliter, sine vlla resiliendi spe, homo à mundo abstractus, Deoque dedicatus, proprie statum mutasse censatur. Quare ex his colligitur, essentiam status religiosi in tribus illis, quæ dixi, votis consistere, iuxta c. ad Apostolicam, c. cum ad Monasterium, de statu Monachorum.

Notandum quarto: Ad statum, atque Ordinem religiosum requiritur, ut sit sacra quædam congregatio, seu communitas, in qua consequenter esse debet spiritalis quædam iurisdictio. Cum verò omnis talis iurisdictio ab Ecclesiæ Prælati, præcipue summo eius capite Romano Pōntifice proueniat; ideo modus, siue ordo cō-

munitur in Religione viuendi secundum certam regulam; ab Ecclesia approbatus esse debet, sicuti colligitur ex c. 1. §. presentis, de voto, in 6. & videri potest Vasq. 1. 2. disp. 165. cap. 4. Sanchez lib. 5. moral. c. 1. n. 20. Tametsi verò olim ad religiosa instituta SS. Antonij, Basilij, Augustini, Benedicti sufficiebat Episcoporum loci expressa institutio, aut approbatio, non repugnante, sed collaudante magis Rom. Pontifice, totaque Ecclesia, sicuti notauit Bellarm. 1. de Monach. 4. Mirandat. 1. man. Prælator. q. 3. a. 6. Rodriq. 1. lib. 1. regular. qq. q. 1. a. 6. Less. cit. dub. 1. n. 11. Postea tamen sapienter statutum est in Concil. Lateranen. sub Innoc. III. cap. vlt. & refertur in c. ne nimia, vbi videri potest Abb. n. 3. de relig. domibus, & in concil. Lugdunensi sub Greg. X & refertur in c. vn. cod. tit. in 6. ne nouus religiosus Ordo introduci, aut in eo habitus assumi possit, nisi à Sum. Pontifice expressè approbatus sit. Ceterum alias Congregationes, non sub titulo status religiosi, sed causa pietatis seu deuotionis Christianæ, nihil prohibet institui, etiam non requisita Episcopi licentia, sicuti docent Syl. ver. Collegium, quæst. 2. Miranda: o. 1. quæstione 35. a. 3. post Innoc. in c. dilecta, de excess. Prælator.

Corollaria: Cum ad essentiam Ordinis religiosi aliud non requiratur, quàm vt in eo tria vota perpetua paupertatis, castitatis, ac obedientiæ sub Prælato edantur cum approbatione Ecclesiæ, seu eius capitis summi Pontificis: iuxta c. ad Apostolicam, c. cum ad Monasterium, de statu Monachorum, sequitur primò; Ordines Religiosorum, licet inter se differant accidentali regularum, & functionum suarum discrimine; tamen in essentialibus conuenire.

Sequitur secundò; Vt aliquis statum Religionis tenere, ac verus religiosus censetur, non requiri, eius vota esse solemnia; vel vt publica professione edita sint. Sufficit enim, vota illa tria, religioso statui essentialia, Ecclesiæ auctoritate acceptari.

Quod tametsi olim non fiebat nisi publicæ professionis solemnitate; hodie verò statuerunt summi Pontifices, nominatim Greg. XIII. in Bulla, quæ incipit *Ascendente Domino*, edita Anno 1584. vt qui in Societate Iesu, post biennij probationem, simplicia vota ederent, veri Religiosi fierent; quippe se Societati dedicantes, & actu tradentes, quantum ex parte ipsorum irrevocabili- ter. Idemque indicauit Trid. sess. 25. cap. 16. de Regul. Ratio verò est Quia voti solemnitas sola Ecclesiæ constitutione inuenta est, sicuti ait Bonif. VIII. in c. vn. de voto, in 6. Dicitur enim votum sicuti & testamentum, pactum, iusiurandum solemnè; cui ea forma seu solemnitas publica adhibetur, quam ius requirit. Quare sicuti iure speciali statutum est, vt v. g. testamentum minus solemnè inter milites perinde validum sit, ac solemnè, ita etiam constitui potuit, & re ipsa constitutum est à Greg. XIII. in Bulla *Ascendente Domino*; vt vota simplicia, quæ in Societate Iesu edi solent, traditionem ex parte vouentium irrevocabilem contineant veròque Religiosos efficiant; aliosque effectus pleròque votorum solemnium consequantur. Nam imprimis inducunt incapacitatem ad nuptias; ita vt matrimonium non tantum illicitè, sed etiam inualidè ab eiusmodi Religiosis contrahatur; Deinde si vota simplicia sint publica, quæ à Coadiutoribus formati nostræ Societatis edi solent, introducunt etiam inhabilitatem seu incapacitatem cuiuscumque domini bonorum in particulari. Idque totum ex Ecclesiastica constitutione. Interim verò hodie proprium manet solemnì professioni, vt matrimon. antè contractum dirimat: deinde vt ex virtute eius Religio vicissim etiam Religioso obligetur, ad eum perpetuo retinendum, alendum &c. nisi in poenam criminis tanquam incorrigibilis deponendus, & eijs-
que sit.

Non obstat autem religioso statui, quòd simplicia tantum vota in Societate Iesu habentes, Superiorum auctoritate iterum dimitti possint: sufficit enim ad statum religiosum, quòd qui eum amplexus est, ipsemet discedendi libertate careat: quemadmodum & ad alterius personalis obligationis, aut seruitutis statum factis est, quòd seruus se ipsum eximere non potest; licet possit à domino manumitti: & ad statum episcopalem sufficit, quòd aliquis Ecclesiæ alligatus est, licet auctoritate Sum. Pontificis transferri, vel omnino liberari possit, sicuti etiam de ipsis Religionè solemniter professis infra dicam, n. 8. Videri potest Vasq. 1. 2. disp. 165. c. 3. & 8. Sanch. 1. 5. moral. c. 1. q. 1. & 2.

Sequitur tertio, Eos qui in Ordinibus militariibus ab Ecclesia approbatis, castitatem non absolutam, sed limitatam seu coniugalem profitentur, licet Ecclesiasticæ personæ censentur; non tamen esse propriè Religiosos, sicuti docet S. Th. 2. 2. quæst. 186. a. 4. ad 3. *Ille modus viuendi, secundum quos homines matrimonio viuunt, non sunt simpliciter, & absolue loquendo Religiones; sed secundum quid, in quantum scilicet participant quædam, quæ ad statum Religionis pertinet.* Idemque docent Gl. in Clement. ex eo, de sent. excom. Sotus lib. 7. de iust. q. 5. a. 3. in 3. argumen. Arrag. 2. 2. quæst. 88. a. 12. in tertio aduertendo, coroll. 1. contra Nau. de rediv. Eccles. q. 1. monito 55. & consil. 10. & 11. de Regul. edit. 2. Sanchez lib. 4. moral. cap. 16. num. 11. At verò milites S. Ioannis Hierosolymitani, Teutonici, eorumque similes, cum tria substantialia vota edant, veri Religiosi sunt, vt bene probat Nau. consil. 12. Quare eorundem solemnì professio impedimentum matrimonii non tantum contrahendi; sed etiam contracti nondum consummati inducit, vt docet Henricq. lib. 11. c. 8. §. 6. lit. c. Man. Prælat. t. 1. q. 26. 2. 6. concl. 1.

Sequitur quarto; Irritam esse professionem, aut votorum Religionis emissionem, si in ea conditio addatur, quæ religioso statui repugnat; puta vt alicui liceat retinere bona sua tanquam propria, seu independentè à voluntate Prælati; vt liceat mortuo fratri primogenito, egredi, atque uxorem ducere. Vide Abb. in c. vlt. n. 7. de condit. appositis, &c. insinuante n. 6. Qui clerici vel vouentes. Syl. ver. Religio, 3. q. 7. & 8. Less. cap. 41. dub. 7. n. 63. Sanchez lib. 5. moral. c. 4. n. 92. qui bene explicat n. 95. intelligendam esse doctrinam, si sit appositæ professioni adiectitium, id enim pro non adiecto haberi debet, sicuti in simili dicam de matrim. carnali, lib. 5. p. 2. c. 7. post 3. assert.

Sequitur quinto; Religiosos non esse, qui edito voto perpetuæ castitatis, & paupertatis, obedientiam etiam vouent præstandam Confessario, vel Episcopo: cum tali voto non subiiciatur spirituali iurisdictioni, quippe quæ à Christo, medio eius Vicario Sum. Pontifice, provenire debet: quare cum eiusmodi hominum subiectio nes Ecclesiæ, eiusque supremus Pastor non acceptet, & approbet; ideo nec Ecclesiasticæ personæ efficiuntur, sed vt ante erant, laicæ permanent, sicuti tradit Less. cit. dub. 1. n. 10.

Sequitur sexto, Quòd Sum. Pontifex dispensare non possit, vt manens Religiosus, voto paupertatis, castitatis, ac obedientiæ obligatus non sit; cum hæc ad essentiam Religionis spectet, sicuti habetur expressè in c. cū ad Monasterium, de statu Monachorum. Quamvis ex iusta causa dispensari possit, vt professus Religionem de sinat esse Religiosus, seu votis suis obstrictus, sicuti docet Gl. in cit. c. cum ad Monasterium, ver. abdicatio proprietatis. ibid. Abb. num. 21. Henricus quodlib. 5. q. 28. Richar. in 4. d. 38. a. 9. q. 1. Durand. q. 2. Palud. q. 4. 2. 4. Maior. q. 14. Caiet. q. 88. ar. 11. Nau. c. 12. n. 75. licet contrarium senserit S. Th. cit. 2. 11. quem sequitur Sotus lib. 7. q. 4. a. 2. Arrag. cit. 2. 11. circa 2. concl. Syl.

ver. votum, 4. quæst. 5. Enimvero sapius talem dispensationem factam ex historiis constat, apud Baron. Anno Christi 1041. Less. lib. 2. cap. 40. num. 111. in fine. Cum enim sum. Pontifex, ex omnium Doctorum sententia, ob iustam causam dispensare possit in votis simplicibus; sequitur etiam in solemnibus posse: cum solemnitas votorum Ecclesie inuentum sit, uti habetur in c. vn. de voto, in 6. Neque ratio S. Thom. conuincit fieri non posse, ut quod Deo dedicatum, & sanctificatum est, ad profanos vsus denuo conuertatur: quia licet hoc verum sit, dum consecratum manet, interim verò nihil prohibet, quin per Ecclesie auctoritatem desinat esse consecratum, uti dicam lib. 5. tr. 9. cap. 13. n. 9. Cæterum rectè admonent DD. apud Sanchez lib. 8. disput. 8. num. 8. ad dispensandum cum professo, v. g. Moniali consecrata, ut matrimonium contrahere possit, urgentissimam boni communis causam, ac necessitatem requirit.

9 Sequitur septimò; Quòd Religiosus ad Cardinalatum, Episcopatum, vel similem dignitatem promotus, non desinat esse Religiosus, ac proinde obstrictus maneat essentialibus votis Religionis, sicuti docet S. Th. communiter receptus 2. 2. quæst. 88. a. 11. Et quidem de voto continentie dubium non est. Obedientie autem votum manet in substantia, imò etiam in effectu erga summum Pontificem, tanquam supremum omnium Religiosorum Ordinum Generalem, cuius proinde auctoritate depositus, reduci potest ad Monasterium, sub obedientiam Prælati, quippe à qua tantum per accidens exemptus fuit, propter Episcopalem eminentiam: sicuti etiam Abbas Monasterii Superiorum Ordinis nullum habet cui obedire debeat: licet interim voto obedientie liber non sit; sed paratus esse debeat sub actualem obedientiam redire, si deponatur. Est tamen valde probabile, quod docent Rodriq. to. 3. regular. qq. quæst. 52. a. 26. Sa ver. Episcopus, num. 11. Sanchez lib. 8. moral. cap. 6. num. 29. Si talis Episcopatus renuntiauerit, vel ob culpam depositus fuerit, absque degradatione; obligatum non esse, ut ad Monasterium, & regularem obseruantiam reuertatur, priusquam Sum. Pontifex ei imperet. Quia retinet adhuc causam saltem partialem, ob quam obedientia regulari exemptus fuerat, videlicet dignitatem & eminentiam episcopalem. Secus verò est, si per degradationem priuegus episcopalis priuatus sit, uti notat Henriq. lib. 10. cap. 32. num. 4. De voto autem paupertatis, quibus effectibus permaneat in Religioso ad dignitatem vel beneficium Ecclesiasticum promotus, dixi supra hoc l. tract. 2. c. 5. q. 4.

10 Sed quid de aliis observationibus regulæ sentiendum, vtrum iis astrictus maneat Religiosus ad Episcopatum promotus? Respondeo; Eum tanquam in culmine magisterii constitutum, iugo regulæ absolui, ut à culpa, & pœna immunis sit, si eam non seruet. Ita habetur in c. vn. 18. quæst. 1. & docet Sotus lib. 10. quæst. 5. a. ult. de iust. Valentia c. disp. 10. quæst. 3. p. 8. Azor to. 1. lib. 12. cap. 7. quæst. 4. Less. lib. 2. cap. 40. dub. 14. num. 113. Sanchez lib. 6. moral. cap. 6. num. 19. Veruntamen secundum moralem honestatem, debet talis Episcopus seruare præscripta regulæ suæ, quæ cum decent, & cum episcopali munere bene consistunt, uti docet Caiet. in opusc. to. 1. tract. 25. quæst. 2. Azor & Sanchez ll. cc.

Ad hanc moralis honestatis obligationem spectat, ut habitum sui Ordinis deferat. Verum Clemens VIII. apud Sanchez num. 22. concessit Episcopis regularibus, ut retento colore habitus suæ Religionis, possint se conformare Episcopis secularibus in figura eius.

11 Sequitur octauo; Quòd multò magis Religiosus ad parochiale beneficium promotus, substantialibus Religionis votis astrictus maneat. Quin & habitum Religio-

nis suæ deferre debet, & regulam obseruare in iis omnibus, quæ cum suo munere, & laboribus consistere possunt, idque non secundum moralem tantum honestatem, sed ex debito legali, & secundum obligationem culpæ, si regula ita obliget: quippe cum non sit positus in magisterio perfectionis, ut à iugo regulæ exemptus censeatur, sicuti Episcopus. Quamobrem excommunicationem contrahet, si habitum Religionis deponat, cap. 2. Ne clerici, vel Monachi in 6. Et depositus à parochia, eius renuntians, ad Monasterium redire cogitur.

Veruntamen dum Religiosus in pastoralis munere est, ferme eximitur ab obedientia Prælati regularis, & Episcopo diocesis subiicitur, uti docent Hostiensis in sum. 12 de statu Monachorum, Angelus ver. Monachus, § 7. Rosella, num. 5. Syluest. ver. Religio, 7. qu. 11. Sanchez lib. 6. cap. 6. moral. num. 36. & probant ex c. in parochia, 16. qu. 1. cap. 1. & c. sanè, 16. quæst. 2. quibus tamen locis id non habetur. Quare arbitror dicendum, spectato iure communi, & ipsius rei natura, talem parochum subiectum manere Prælati Ordinis in iis, quæ pertinent ad regulam, v. g. ut habitum Religionis gestet: quamuis consuetudine multorum locorum aliter obseruetur, videlicet ut Regulares ad parochiam secularem promoti, non tantum in pertinentibus ad disciplinam Ecclesiasticam, sed in omnibus subiecti sint Episcopo loci. Quòd verò huic ex voto obedientie, tanquam Abbati suo, obedire teneantur, sicuti citati DD. significant; id credibile non est: cum Episcopo obedientiam non promiserint.

CAP. II.

DE ORIGINE ET VARIETATE Religionum.

SUMMARIVM.

1. Status Religionis statim à tempore Apostolorum coëptus hucusque semper durauit, & auctus est.
2. Non licebat Monachis vitam eremiticam colere, nisi prius in cœnobio exercitati virtutem suam probassent.
3. Quatuor sunt regula, S. Basilij, S. Augustini, S. Benedicti, & S. Francisci, sub quibus omnes Religiosi viuunt, præter Carthusianos, & Societatem IESV, qui Ordines propria statuta habent.

RANT olim statim à tempore Apostolorum, qui monasticam & religiosam vitam colerent, uti auctor est Philo Iudeus in libro de vita contemplatiua; eumque ita intellexit Eusebius lib. 2. hist. cap. 17. & S. Hieronym. de Scriptor. Ecclesiasticis in Philone, ubi ait, idcirco se Philonem inter Ecclesiasticos Scriptores ponere, quia librum de prima Marci Euangelistæ apud Alexandriam scribens Ecclesia, in nostrorum laude versatus est, non solum eos ibi, sed in multis quoque prouinciis esse memorans, & habitacula eorum dicens monasteria. Ex quo apparet, talem primum Christo credentium fuisse Ecclesiam, quales nunc Monachi esse nitantur, & cupiunt, ut nihil cuiusquam proprium sit. Sed & S. Dionysius Areopagita lib. de Eccles. hierarchia expressam de Monachorum vita, perfectione, & solemnem professionem mentionem facit.

Verum procedente tempore cum feruor ille Christianorum, secundum Apostolicam formam vinentium, remitteretur, ii, quibus adhuc Apostolicis incens feruor, memores illius pristina perfectionis, discedentes à ciuitatibus, in locis suburbanis commanere cœperunt, ait Cassianus collat. 18. cap. 5. Postea verò ulterius progressi, qui maioris perfectionis studiosi erant, in solitudinem seu eremum intrarunt, qua de re ita legimus apud S. Athanas. in vita

S. Antonii: Cum Antonius *f. culi* vinculis liber, asperum arripuit institutum Religionis necdum tam crebra, sicuti postea sub Antonio in *Egypto* erant monasteria: neque omnino quisquam aniam solitudinem nouerat (exceptis paucis Tyrannorum persecutionem fugientibus, inter quos Paulus primus Eremita apud S. Hieron. in vita eius) sed quicumque in *Ch. isti* seruitute sibi metipso prodesse cupiebat, non longè à sua villula, separatus instinebatur. Postquam verò S. Antonius in *Egypti* solitudinem secessit, ipso duce ac instructore, quàm plurima ibi Monachorum habitacula, seu monasteria ædificata fuerunt, sicuti testatur S. Athanas. in vita S. Antonii, S. Chrysostomi hom. 8. in cap. 5. Matth. S. Hieron. epist. 22. ad Eustochium, Seuerus Sulpitius in vita S. Martini; haud longè, inquit, ab eremo contigua Nilo, multa sunt monasteria: habitant in uno loco plerique centeni: quibus summum ius est sub Abbatis imperio vivere, nihil arbitrio suo agere, per omnia ad nutum illius potestatemque pendere. Ex his, si qui maiorem virtutem mente conceperint, aut acturi solitariam vitam ad eremum se conferant, non nisi permittente Abbate discedunt. hæc illorum prima virtus est, parere alieno imperio.

Vbi obiter notandum; Permissum non fuisse Monachis, vt vitam solitariam seu eremiticam colerent, nisi antè in communi vita, seu cœnobio virtutem suam diu probassent, sicuti etiam tradidit S. Hieron. in epist. ad Rusticum. Sed quid solitariam vitam reprehendimus? Minime: quippe quam iam sæpe laudamus; sed de nido, seu potius ludo huiusmodi volumus egredi. Militem, quos eremi rudimenta duræ non terreat, qui iam exercitiis religiosa didicerunt, & specimen conuersationis suæ per multum tempus dederunt. Vide etiam S. Greg. hom. 3. super Ezech. quem citat S. Th. q. 182. a. 4. ad 1. & plura apud Mirandam t. 1. q. 9. a. 4.

Porro ad exemplum Antonii, Hilari in. in Palestina cœnobio fundauit. Ille enim, inquit, S. Hieron. in vita Hilariionis, auctor & conditor huius conuersationis in ea provincia fuit. Habebat Dominus *I E S V S* in *Egypto* seu em Antonium, habebat in Palestina Hilariionem iuniorem. Itaque eius exemplo cœperunt ibi esse innumerabilia monasteria. Eodemque ferme tempore Basilii in Græcia non tantum religiosos viros in Monasteria coegit, sicuti ipsemet fatetur epist. 63. & Rufinus lib. 2. cap. 9. sed etiam certam viuendi regulam, eisdem præscripsit, teste S. Nazianz. orat. in laudem Basilii; cum antea nullis certis regulis, sed tum interna Spiritus sancti monitione, tum traditionibus, quas à Maioribus, & senioribus acceperant; tum verò Superiorum suorum viua voce, & iussu ducerentur, sicuti testatur Hieron. Platus de bono status relig. lib. 2. cap. 22. Miranda in man. Prælatorum tom. 1. quæst. 4. 2. 5. Alteram non multò post regulam S. Augustinus in Africa conscripsit, quam Canonici regulares, Dominicani, Eremitani, aliique plures Ordines sequuntur, vt videre est apud Syl. ver. Religio, 1. num. 7. Nauar. comment. 1. de regul. num. 18. Mirandam, Less. II. sup. citatis. Tertiã deinde S. Benedictus circa Annum Domini DXX. quam Monachi Benedictiniani, aliique Ordines receperunt. Quarta denique est regula, quam S. Franciscus tradidit, sub eaque militant Fratres Minores. Igitur sub his quatuor regulis omnes Religiosi viuunt, (præter Carthusianos, & Societatem *I E S V*, qui propria statuta seu constitutiones habent) quamuis singuli Ordines communi regulæ proprias etiam viuendi leges adiunxerunt, quibus inter se distinguantur.

CAP. III.

DE COMPARATIONE RELIGIOSORUM inter se.

SUMMARIUM.

- 1 Omnis variorum Ordinum religiosorum diuersitas accidentaliter tantum est: quia omnes, variis mediis, ad Christianam perfectionem tendunt. quæ est charitas & coniunctio cum Deo.
- 2 Triplex est vita; Contemplatiua, Actiua & Mixta. inter quas contemplatiua superat actiuam; mixta autem reliquis est perfectior.
- 3 Cuiuscunque Religionis perfectio attendenda est tum ex fine eius proprio; tum ex mediis, quæ ad hunc ipsum finem, & tria substantialia vota implenda, ac denique charitatis perfectionem consequendam, conuenienter adhibet.

X cap. 1. huius tract. constat, omnibus religiosis Ordinibus commune esse, vt ad Christianam virtutis perfectionem, quæ secundum Apost. ad Coloss. 3. in Dei charitate consistit, tãquam propositum sibi finem tendant. Præterea commune est omnibus, vt ea, quæ plerique mortales à virtutis perfectione impediunt, videlicet rerum externarum substantiam, carnis delectationes, & propriæ voluntatis libertatem, editis Deo votis, in perpetuum à se remoueant: atque in his ipsis votis, in ordine ad Christianam perfectionem secundum Christi consilia facilius consequendam, essentia status religiosi consistit.

Quamobrem omnis variorum religiosorum Ordinum diuersitas tantum accidentaliter est; sumpta partim verò ex mediis, quæ vnusquisque Ordo secundum regulam adhibet, seu ad finem suum assequendum, seu ad ipsa substantialia vota melius adimplenda. Pro cuius rei intellectu notandum est, ad eundem finem consequendum diuersa media adhiberi posse; quæ omnia apta & conuenientia sint; licet alia magis; & alia minus: vt proinde inter Ordines religiosos is perfectior censeatur debeat, qui secundum regulam suam, magis accommodata media habet ad finem, præsertim principalem: huc enim denique omnia Religiosorum exercitia referri debent, vt charitas Dei in nobis perfecta sit.

Notandum secundò: Charitatem Dei perfici in nobis iis operationibus, quæ in hac hominis vita præstantissimæ sunt; videlicet vacare Deo per orationem, & contemplationem mentis, quæ dici solet *vita contemplatiua*, & vacare proximo propter Deum, per opera misericordiae tum spiritualia, tum corporalia, quæ dicitur *vita actiua*: Inter quas illa contemplatiua simpliciter melior ac præstantior est; quippe in cœlesti etiam patria permansura, iuxta sententiam Christi Luc 20. *Martha, Martha sollicita es &c. Maria optimam partem elegit, quæ non auferetur ab ea*. Porro cum exercitia vitæ contemplatiuæ & actiuæ plerumque in præcepto non sint; sed solum in consilio, quatenus conducunt ad augmentum, maioremque perfectionem, ac feruorem charitatis; insuper tam varia & multiplicia, vt omnia ab vno homine præstari non possint; exinde simile quiddam prouenit ei, quod Aristoteles 9. ethic. cap. 4. & 8. in ordine ad temporalem Rempublicam notauit; Hominum quidam præcipue intendunt contemplationi veritatis; quidam autem principaliter occupantur in actionibus exterioribus; adde tu, quod quidam excellentioris ingenii, vtrumque vitæ genus excolunt, vt, quæ in veri contemplatione inuenerunt, ad alios informandos aptè accommodent: Sic, inquam, in spirituali diuinitus instituta Republica, quæ est Ecclesia Christi, quosdam esse decet, qui a communi hominum consortio separati, internæ rerum cœlestium contemplationi præcipue vacent; qui idcirco etiam Monachi, id est, solitariam vitam agentes vocantur: Alios verò esse oportet, qui præcipue exterioribus corporalibus actionibus ad proximorum salutem occupentur; puta alendo pauperes, curando infirmos, suscipiendo peregrinos, armis protegendo Ecclesiam: Alios denique, qui ex vtroque mixtum vitæ institutum tenent.

tes, & ipsi caelestium rerum contemplationi vacent. atque, inde hausto spiritu, ac virtute, ad alios instruendos per doctrinam, Sacramentorum administrationem & c. se conuertant. Idque vitæ genus præfertur simplici contemplationi, inquit S. Thom. quæst. 188. a. 6. & docent S. August. lib. 19. de ciuit. Dei, cap. 19. S. Greg. hom. 5. in Ezech. S. Bernard. de gradibus perfectæ vitæ: *Sicut enim maius est illuminare, quam lucere solum*, (ait S. Th.) ita maius est contemplata aliis tradere, quam solum contemplari. Et infra: *Sic ergo summum gradum in Religionibus tenent quæ ordinantur ad docendum, & prædicandum, quæ propinquissima sunt perfectioni Episcoporum*, adde tu, & vitæ Apostolorum, ipsiusque Christi, cuius vita exemplar perfectionis nobis esse debet: secundum autem gradum tenent illæ, quæ ordinantur ad contemplationem: Tertius est earum, quæ occupantur circa exteriores actiones. Hi enim sunt quasi speciales cuiusque Religionis fines, ad quorum consecutionem ipsorumque substantialium votorum impletionem, vnaquæque propria media adhibet: Et secundum hæc eius præstantia attendenda est, ut videlicet, ea Religio altera præstantior censeatur, quæ & altiore, melioremque finem specialem propositum habet, vel ad hunc ipsum finem, & communia substantialia vota implenda, ipsamque adeo Christianam perfectionem consequendam, aptiora media seu exercitia secundum regulam, siue institutum suum adhibet. Vide S. Th. 2. 2. q. 188. a. 6. Less. lib. 2. c. 41. dub. 2.

Et notandum hoc loco est; cum instituta Religionum à Sede Apostolica approbatarum, Deum auctorem habeant, qui primis fundatoribus hanc mentem nouum Religionis Ordinem ac formam inchoandi; regulas item seu constitutiones inspirauit; dubitandum nullo modo est, eundem benignissimum Deum specialia gratiæ suæ auxilia præbere solitum iis, qui iuxta institutum suum, & obedientiæ præscriptum in vinea Domini laborant. Et hæc est, uti vocant, cuiusque Religionis gratia, quam Deus specialiter tribuit eius alumni, ad finem illum peculiarem, quò per conuenientia media seu exercitia tendere debent. Quæ de re P. Alphonsus Rodricus in exercitio perfectionis, p. 3. c. 7.

CAP. VI.

DE INGREDIENTIBVS RELIGIONEM.

SUMMARIVM.

- 1 Si parentes ingressum Religionis impedire velint, iis etiam inconsultis, aut inuitis, ingredi, ac profiteri fas est.
- 2 Si parentes graui inopia premantur: interim filius Religionis ingressum differre debet, dum ipsis subueniatur: sin autem editis iam votis Religiosus factus sit, non potest egredi ad subueniendum absque Prælati licentia.
- 3 Licet Nouitii regula Ordinis sub culpa non obligentur, amen iustis præceptis conuenienter eorum status à Prælato impositis, obligari videntur.
- 4 Nouitii priuilegiis Ecclesiasticis fori, & canonis gaudent: atque Prælati iurisdictioni cum voluntaria, tum contentiosa subduntur.
- 5 Nouitius ordines accipere potest ab Episcopo diocesis, in qua Monasterium situm est.
- 6 Si Nouitius ab Ordine recedat, non est obligatus ad expensas solvendas Monasterio, aut damni probationis.

QUESTIO PRIMA. Vtrum liberi inconsultis aut inuitis Parentibus, in quorum potestate sunt, Religionem ingredi iure possint? Respondeo, & dico I. Decens est, atque ratio naturalis dictat, si parentes Religionis ingressum impedituri non sint, ut cum is prius communicetur, atque causæ ingrediendi, aut clericalem statum assumendi proponantur; modò id facile fieri pos-

sit. Constat ex iis, quæ dicam lib. seq. tr. ult. pa. 1. c. 1. corol. 4.

Dico II. Si parentes Religionis ingressum, aut professionem impedire velint, iis etiam inconsultis, aut inuitis, ingredi, ac profiteri fas est. Sumitur ex c. cum virum, de Regular. Cum liberum habeat arbitrium circa electionem propositi, parentum sequi non cogitur voluntatem: & tradit S. Ambros. in libro de virginit. eo argumento: Quia quibus licet sponsum eligere, cur non liceat Deum præferre? Et fusè S. Chrysost. aduersus vituperatores vitæ monasticæ S. Hieron. passim, ut epist. ad Heliodorum: Licet parvulus ex collo pendeat nepos, licet sparso crine, & scissis vestibus, vbera, quibus te nutrierat, mater ostendat, licet in limine pater iaceat, percalcatur perge patrem, siccis oculis ad vexillum Christi euola: solum pietatis genus est, in hac re esse crudelem. Et paulo post: Scriptura præcipit parentibus obsequendum, sed quicunque eos supra Christum amat, perdit animam suam Similia habet epist. 38. ad Lætiam, & epist. 111. ex persona Helix Monachi ad parentes: *Sola causa, qua non liceat obedire parentibus, Deus est. Ipse enim dicit: Qui amat patrem, vel matrem plus, quam me, non est me dignus* & c. Quid me Patri omnium Deo placere sat agentem inquietatis, & ab eius seruitio, cui seruire regnare est, retrahere attentatis? Verè nunc cognosco, quia inimici hominis domestici eius, Consentit Concil. Triburien. can. 24. relatum causa 20. quæst. 2. cap. 2. Si in fortiore, id est pubertatis ætate adolescentula, vel adolescens seruire Deo elegerit, non est potestas parentibus prohibendi. Vide etiam S. Thom. 2. 2. quæstion. 189. art. 10. Azor tom. 1. lib. 12. cap. 18. quæst. 1.

QUESTIO SECUNDA. Vtrum filius, cuius parentes egestate premuntur, si eis in seculo succurrere possit, à Religionis instituto interim impediatur? Respondeo, & dico I. Si parentes extrema necessitate premantur, non est dubium, quin filius interim Religionis ingressum differre debeat, donec parentibus subuentum sit. Ita S. Thom. communiter receptus 2. 2. quæst. 101. a. 4. ad 4. & quæst. 189. art. 6. Adde, quòd Religionem ingressus, ac professus egredi teneatur, ut extremæ parentum necessitati succurrat; idque tamen si Prælati egrediendi licentiam per iniuriam neget. Ita Caiet. cit. a. 4. Nauar. in man. cap. 14. num. 14. Rodriq. tom. 2. sum. cap. 6. concl. 4. Azor tom. 1. lib. 12. cap. 1. quæst. 8. Valentia tom. 3. disp. 7. quæst. 1. p. 2. Ratio est; Quia præceptum iuris naturalis ac diuini, quod est de subueniendo parentibus in necessitate extrema constitutis, nullo voto tolli potest, iuxta illud Matth. 9. *Misericordiam volo, & non sacrificium*. Quæ ratio, ostendit, etiam si alius quicunque homo in necessitate extrema constitutus fuerit, cui nemo subuenturus sit, nisi regularis Ordine egrediatur, ad id obligatum esse, non obstante obedientiæ voto, quippe quòd non potest esse impediens obligationis iustitiæ, ac misericordiæ, uti notauit Caiet. cit. loco.

Dico II. Si inopia parentum extrema non sit, sed grauis, debet filius interim Religionis ingressum, aut professionem differre, donec eis subueniat, si subuenire possit: sin verò editis iam votis, Religiosus effectus est. egredi non potest ad subueniendum, absque licentia Prælati. Ita docet S. Thom. cit. a. 4. interprete Caiet. ibid. & sequitur Nauar. cit. num. 14. Rodriq. citat. concl. 6. Abulensis in cap. 8. Matth. quæst. 69. Prior pars probatur; Quia maiore præ aliis hominibus obligatione, tenetur filius ad subueniendum parentibus in graui necessitate constitutis ad quod se impotentem reddit per Religionis ingressum, aut professionem, ut ponimus. Non verò tam magna obligatione astringitur erga extraneos in graui necessitate positos; ut propter eos magna spiritali utilitate priuatus esse debeat. Ex quo etiam intelligitur, quid dicendum de fratrum & sororum necessitate; nimirum debere esse grauiorem,

quam sit necessitas parentum, ut propter illam Religionis ingressum, aut professionē diu differre, vel intermittere oporteat.

Posterior pars est contra Maiorem in 4. d. 38. quæst. 16. quem ex parte sequitur Valentia cit. part. 2. ver. sed videntur. Sed probatur ex eo, quod præceptum subueniendi parentibus, cum sit ex genere assummativum, non obligat nisi secundum circumstantias personæ &c. Quare sicuti filius coniugatus non obligatur ad succurrendum patri in necessitate gravi, nisi salvo statu coniugali; ita nec filius tenetur succurrere, nisi salvo statu religioso, quem in perpetuum amplexus est. Status autem religiosus postulat, ut sine Prælati licentia, Ordine egredi non liceat; cum exinde magnum spirituale detrimentum tam ipsi egredienti, quam toti Communitati regulari provenire posset: quandoquidem multi, qui parentes inopes habent, cogitationibus angerentur, an non obligatio ipsis incumbat ex Ordine dicedendi, nisi ad hoc licentia Prælati opus esset. Huic autem maiori bono conservandæ quietis in religioso Ordine, privatum commodum ipsorum parentum posthaberi debet. Nihilominus obligatus est Religiosus, quatenus salvo statu regulari potest, pium studium & curam parentibus subueniendi adhibere, sicuti monet S. Th. c. a. 4. ad 4. in fine.

Dico III. Ipsi parentes arctius adhuc obligati sunt, ut non prius Religionem ingrediantur, quam ipsis, quæ necessaria sunt ad sustentationem, piamque educationem, prouiderint. Ita S. Thom. cit. quæst. 189. a. 6. in corp. Abulens. quæst. 68. Quia parētib; per se incumbit, ut filiorum, quorum causa & principium sunt, curam gerant, quod ad maturitatem & perfectionem perducantur. Sed filii parentum suorum curam gerere non tenentur, nisi per accidens, videl. propter necessitatem, quod & Apostolus indicauit 2. ad Corinth. 12. *Non debent filii parentibus thesaurizare, sed parentes filiis.*

3. **QVÆSTIO TERTIA.** Vtrum Nouitii statutis regulæ, & regularium Prælatorum præceptis obligentur? Respondeo & dico I. Nouitii Religionis sub culpa non obligantur ad statuta regulæ. Ita Angelus ver. Nouitius, §. 18. Syluest. ver. Religio, §. quæst. 6. Sa eod. ver. numer. 8. Rodriq. tom. 1. regul. quæst. 21. a. ult. Sanchez lib. 6. moral. c. 10. n. 7. Quia Nouitii regulam Ordinis non promiserunt; consequenter eā non obligantur sub culpa; sed solum ex honestate, dum in Religione permanent.

Dico II. Iustus præceptis Prælatorum regularium, quæ Nouitiis conuenienter eorum statui imponuntur, obligari videntur. Ita docet Sarmientus lib. 2. selectarum, cap. 5. num. 9. ver. ex supradictis, Corduba lib. quæstionarii, quæst. 30. in 2. opin. 6. probat. & alii apud Azor tom. 1. lib. 12. cap. 2. quæst. 10. quibus tamen ille repugnat, sicuti & Rodriq. Sanchez II. cc. Henrig. lib. 7. cap. 22. num. 7. Sed probatur: Nouitii Religionum (præsertim earum, quæ ab Episcopis exemptæ sunt) subiiciuntur spirituali iurisdictioni Prælatorum regularium: ergo eundem iustis præceptis ligari possunt. Nota est conseq. Quia proprius actus iurisdictionis est præcipere posse. Probatur antecedens; Quia aliquot Nouitii, tanquam vagabundi, nullius proximi Ordinarii iurisdictioni subessent, nisi ratione commissi delicti. quod absurdum videtur, & alienum à bono Ecclesiastici regiminis statu.

Exinde colligitur I. Tametsi Nouitii statutis regulæ subiecti non sint, cum nondum sint regulares; posse tamen illis à Prælato Ordinis leges ferri, Nouitiorum statui conuenientes; quas observare teneantur, saltem obligatione ad penam, dum in Religione perseverant. Quemadmodum Clerici in aliqua diœcesi degentes, eius legibus astringuntur, tametsi liberam recedendi facultatem habeant.

4. Colligitur II. Nouitios fori privilegio gaudere, ut à Iudice seculari ob commissâ criminâ puniri non possint; sed à Prælato Ordinis, si Monasterium exemptum sit; alioquin ab Episcopo.

Quin & aliis privilegiis Religionum Nouitii quoque gaudent, v.g. vectigalium immunitate, privilegio canonis, si quis suadente 17. quæst. 4. vti habetur in c. religioso, de sent. excomm. in 6. & videri potest Sanchez lib. 4. moral. cap. 39. num. 17. & lib. 6. cap. 10. num. 20. ubi refertur. Quia Prælati Ordinum cum Nouitiis perinde, ac cum Regularibus suis, dispensare possunt in votis: eisdemque literas dimissorias dare, ut à quodunque Episcopo ordinari queant, si privilegium Papale habeant ad eiusmodi licentiam Regularibus dandam.

Colligitur III. Quod Nouitii à Religionum Prælatis excommunicari possunt, vti docet Corduba loco cit. Quia, dum Nouitii in Religione manent, eorum legitimus Iudex Ecclesiasticus est Prælatus Ordinis, cuius proinde præceptis ac sententiis iustis astringuntur.

Colligitur IV. Licet casus, qui in Religionibus reservati sunt, plerumque ad Nouitios se non extendant; quod rectè docuit Mirada in man. Prælatorum tom. 3. quæst. 34. a. 16. cum ipsi non sicuti alii Regulares paupertatis, castitatis, obedientiæ &c. transgressores esse possint: tamen negari non debet, quin Prælati Ordinis casus suæ potestati reservare, atque inferioribus Confessariis, etiam respectu Nouitiorum, denegare queant, & sæpe soleant. quod ex cuiusque Ordinis consuetudine petendum erit. Nam quicumque ordinaria Ecclesiastica potestate præditus est, is inferiori sibi subordinato Sacerdotico committere potest absoluendi potestatem cum restrictione, seu reservatione.

Sed tunc quæstio est: An posita hac reservatione, Nouitius nihilominus subiicere se possit alteri Sacerdoti extra Ordinem, qui potestate absoluendi seculares ab eiusmodi casu præditus est. Ita affirmat Rodriq. tom. 1. regular. quæst. 21. a. 11. Quia Nouitii non sunt subiecti statutis regulæ. ergo à Prælatis regularibus non possunt obligari, quominus, extra ordinem consiteantur & absoluantur. Sed contrarium docet Corduba cit. qu. 30. in 2. opin. probat 4. & 6. & in fine q. Nam in fauorem ac gratiam Religionum exemptarum, de quibus loquimur etiam Nouitii earum exempti sunt ab Episcoporum iurisdictione: ergo non possunt se Episcopis, aliisque secularibus pastoribus subiicere, sine Prælati sui licentia; quia talis subiectio cederet in præiudicium Ordinis, cui privilegium exemptionis principaliter datum est. Accedit, quod tales Prælati etiam comparatione Nouitiorum, habeant quasi episcopalem iurisdictionem, vti notauit Less. lib. 2. cap. 40. num. 107. quare sicuti Clericus, si ex vno episcopatu in alium se conferat, eximitur iurisdictioni prioris Episcopi; ut illi sine licentia Ordinarii subiicere se non possit in dispensatione votorum, & similibus; ita etiam dicendum videtur de Nouitiis, dum manent sub Prælato Religionis exempto, non posse eos subiici iurisdictioni episcopali, nisi Prælatus consentiat: quamvis contrarium doceat Sanch. l. 4. moral. c. 30. n. 18.

Ad argum. contrariæ sententiæ resp. Etsi Nouitii statutis regulæ non obligentur, cum regulares non sint; nihilominus iurisdictioni Prælatorum exemptorum subiectos esse; sicuti alii Clerici seculares episcopali iurisdictioni subsunt.

Porrò quod attinet ad Prælatos Ordinum non exemptorum, quantam illi iurisdictionem in Nouitios exercere possint, ex commissione episcopi, & cuiusque Ordinis consuetudine petendum erit.

Colligitur V. Quod Nouitius ordines recipere possit ab Episcopo loci, in quo monasterium situm est, licet

et docent Cucus lib. 3. institut. tit. 1. num. 94. Sanchez lib. 6. moral. cap. 10. num. 21. Quia Nouitius per ingressum Monasterii, habitusque assumptionem domicilium acquisiuisse censetur; quia ingressus est cum proposito perpetuum permanendi, quatenus est ex sua parte; nisi mutatio aliqua eueniat, ut videlicet Ordinis institutum conueniens non videatur: quemadmodum etiam alii domicilium eo animo constituunt, ut si casus incidat, vel occasio melior offeratur, mutaturi sint. Posse autem Nouitios Religionum sacris ordinibus initiari indubitatum esse debet; cum id iure nullo prohibeatur, uti contra Summistas aliquos notauit Suarez to. 5. de censur. disp. 50. f. 5. n. 13.

6 **QVÆSTIO QVARTA.** Vtrum Nouitius, si ante professionem Religione egrediatur, alimentorum expensas Monasterio soluere debeat? Responsio est negatiua, apud Rosellam ver. Nouitius, num. 11. Syluest. ver. Religio, 5. quæst. 8. Sa num. 8. Sanchez 6. moral. cap. 10. num. 4. Azor cit. lib. 12. cap. 3. quæst. 6. Ratio est: Quia Monasteria fundata esse oportet, ut libera Nouitiis egrediendi facultas relinquatur. quæ tamen impedita foret, si ad expensas soluendas tenerentur; possent enim interdum detineri, donec debito se exoluerent. Ercepe cum Sanchez l. c. nisi consuetudo sit, ut pactum videatur de expensis soluendis. qualis in Monialium quibdam Monasteriis viger.

CAP. V.

QVÆ CONDITIONES REQVI-
rantur, ut professio in Religione valida sit.

SUMMARIVM.

1. Professio in Religione alia expressa est; & alia tacita, quæ pluribus modis fieri potest.
2. Tempus probationis ob iustam causam Nouitii Religionis prorogari potest.
3. Ad professionem in Religione tria necessaria requiruntur: I. Qualitas, seu aptitudo persona vouentis. II. Consensus, & acceptatio eius, ad quem pertinet aliquem Religioni incorporare, III. ut professio sponte fiat, non cogente graui metu.
4. Sicuti matrimonium carnale, ita, etiam Religionis assumptio per tria vota substantialia, ob nullum errorem qualitatis; seu accidentaria conditionis infirmatur.
5. Ad professionem requiritur, eam acceptari à Prælato Ordinis cum consilio, imò etiam consensu Capituli.
6. Metus grauis, & iniustus ipso iure infirmat professionem religiosam, ut nulla exinde obligatio oriatur.
7. Post quinquennium à die professionis non auditur Religiosus in externo foro, si dicat professionem suam ob metum, vel aliud impedimentum irritum fuisse.
8. Licet alicuius professio ipso iure irrita fuerit, tamen subsequente expressa, vel tacita ratificatione conualescit.
9. Qui actum ratificat, scire debet, eum irritum esse.
10. Qui graui metu adactus sacrum ordinem suscipit, non obligatur ad continentiam; per se loquendo.

NOTANDVM est, quod professio in Religione duplex est; expressa & tacita, iuxta cap. 1. §. 1. de Regul. in 6. Expressa vel sit verbo, vel scripto, vel utroque simul. Conuenit tamen, & ita vsitatum est, ut si quis scribere sciat professionem suam in scripto tradat, iuxta cap. ult. 20. quæst. 1. iun. Glof. Nulla tamen certa verborum forma ad valorem professionis religiosæ requiritur, sicuti ex communi docet Miranda tom. 1. quæst. 24. a. 1. Tacita verò professio tribus modis facta præsumitur: I. Si quis post annum probationis exactum, Professorum proprium, & à Nouitiis distinctum habitum triduo gestauerit, c. ad nostram, de Regul. c. constitutionem. eod. in 6. II. Si tali suscepto habitu quamuis ante triduum exactum, exerceat actum proprium

Professorum, v. g. in Capitulo suffragium ferat, iuxta c. vidua, de Regul. vbi id docet Abb. & Syluest. ver. Religio 3. quæst. 19. Nau. comment. 4. de Regul. num. 73. Less. cit. cap. 41. num. 57. III. Si quis anno continuo habitum in Religione gestauerit, in qua nulla patens distinctio est inter Nouitiorum, ac Professorum habitus, talis anno exacto, censetur tacite professus, uti habetur in Clem. eos, de Regul. & videri potest Nauar. lib. 3. consil. 41. de Regul. edit. 2. Quare monet ibi Glof. ver. per annum, quod nolens obligari, debeat ante finem anni habitum deponere, vel saltem aperte protestari, sibi non esse animum propterea Religionem profitendi. Si enim factum aliquod ambiguum intellectum habeat, contraria protestatio iuuat, quominus factum intelligatur, sicuti aliàs de iure præsumitur: at verò habitum aliquis per annum, vel etiam ultra annum, portare potest, non tantum animo profitendi, sed etiam vltius probandi. Ergo si hanc ipsam suam voluntatem protestetur, talis protestatio euincit præsumptionem iuris, sicuti Syl. notauit loco cit. cum Gl. in cit. Clem. ver. Professorum, et si aliter Abb. in c. ex parte, num. 3. de Regular.

Et habent hæc locum etiam post Trident. Concilium, quippe cum de iusmodi tacitis professionibus nihil omnino statuerit. sicuti monet Rodriq. tom. 3. Regul. quæst. 17. a. 1. & 2. Sanchez lib. 5. moral. cap. 3. n. 36. Miranda in manuali Prælat. tom. 1. quæst. 24. a. 12. Quare locus est regulæ; Quod casus omnis permanet in dispositione iuris antiqui, iuxta c. susceptum, de rescript. in 6. Præterquam, quod tacita professio, sicuti etiam expressa, post Trident. sess. 25. cap. 15. de Regul. nulla fieri potest, nisi exacto probationis anno in habitu religioso; & post expletum xvi. ætatis annum. Et debet esse annus continuus: quia cum ius exigit temporis spatium, intelligitur de continuo, teste Abb. c. ad Apostolicam, num. 9. de Regul. Syluest. ver. Religio, 5. quæst. 4. Nau. lib. 3. consil. 17. de Regul. edit. 2.

Verum nihil obstante Trident. constitut. post expletum continuæ probationis annum professio ob iustam causam differri potest; ut si Nouitius morbo laboret; ætatem legitimam nondum impleuerit, in probatione non plenè satisfecerit, sicuti anotauit Lessius cit. cap. 41. dub. 7. num. 59. Deinde si expleto Nouitatus anno, ante professionem aliquis ordinem deseruit, postea redeuntem, ac receptum, ad profitendum absque noua probatione, si ita videbitur, admitti posse, leges apud Rodriq. tom. 3. Regular. quæstion. 15. artic. 10. in fine, Sanchez lib. 5. moral. c. 14. n. 34.

His suppositis, dicendum est, tres conditiones requiri, ut quæcunque expressa vel tacita professio, aut emissio trium substantialium votorum in Religione valeat. I. Qualitas seu aptitudo personæ vouentis, aut legitimam ætatem habeat; annūque integrum in probatione cum religioso habitu steterit, de quo legi potest Syl. ver. religio, 5. quæst. 1. Azor tom. 1. lib. 12. cap. 2. quæst. 6. & 7. nullūque impedimentum habeat, quod vel simpliciter & in omni Religione vel in tali Ordine per constitutionem à Papa confirmatam substantiale esse censetur. Nam sicuti matrimonium carnale per nullum errorem qualitatis, quamuis dolo accedente, infirmatur, ut dicam lib. seq. tract. 10. part. 4. cap. 2. assert. 2. nisi impedimentum dirimens Pontificio iure statutum sit, ita etiam se res habet in matrimonio spirituali, seu Religionis per substantialia vota assumptione; ut nullo errore circa qualitatem, puta si quis simulet se sanum, cum leprosus sit; aut legitimū, cum illegitimū; irrita sint vota; præterquam si Papalis constitutio dirimens habeatur, uti docet Nauar. lib. 3. consil. 25. de Regul. edit. 1. Rodriq. t. 2. sum. c. 6. concl. 3.

II. Condicio est, Consensus & acceptatio expressa, vel tacita illius, ad quem pertinet aliquem Religioni

incorporare, sicuti docent Canonistæ in c. porrectu, de Regular. Nau. comm. 4. de Regul. n. 74. & com. 40. de Regul. edit. 2. & colligitur ex c. ad Apostolicam, de Regul. ibi: *per professionem emissam pariter & acceptam*. Is autem qui ad professionem admittitur debet, est Prælati Ordinis, (præsertim superior, videl. Generalis, aut Prouincialis requisito tamen prius Capituli, siue fratrum suorum non tantum consilio) uti putauit Panorm. in c. ea noscitur, de iis quæ fiunt à Prælat. sine consensu Capit. & in c. ad Apostolicam, numer. 12. de Regular.) sed etiam expectato consensu, saltem maioris, aut principalioris partis, iuxta cuiusque Ordinis statutum, sicuti docet Glof. in cap. vltim. de Regular. in 6. Nauar. lib. 1. consil. 7. num. 12. & seqq. de Constit. edit. 2. Armilla ver. Nouitius, numer. 11. Miranda tom. 1. quæst. 24. art. 4. Less. cit. cap. 41. dub. 7. num. 61. Nam id & Monasteriorum consuetudo confirmat, & ratio edocet. Licet enim ordinariè sufficiat, si Prælati Capituli consilium requiratur. neque opus sit semper consensum habere; cum ius disponendi, & administrandi ipsi competat, uti de Episcopo dixi lib. 1. tract. 4. cap. 7. §. 4. excipi tamen debent causæ illæ, quæ ad Capitulum etiam attinent, vel in damnum eius cedere possunt: tunc eius etiam consensus necessarius est. Eius modi autem causa est susceptio alicuius ad professionem, quem Monasterium alere & quocum alii communiter vivere debent. Nihilominus consuetudo in hac re attendenda est, quæ soli Prælati absque Capitulo suscipiendi potestatem conferre potest, sicuti colligitur ex cit. cap. ea noscitur, & notauit Syl. ver. Religio, 3. q. 13. Less. cit. dub. 7. n. 61. Sanchez lib. 5. moral. c. 4. n. 64.

Quærit Lessius ibidem: Si quis animum profitendi habuit, Prælati autem, & ii quorum interest, nec per se, nec per aliam personam acceptarunt, utrum taliter professus obligetur, saltem virtute voti simplicis ad perseuerandum, quantum in ipso est, petendumque ut ad professionem recipiatur? Et bene respondet, probabiliter esse, non obligari. Quia professio Religionis continet in se quasi contractum seu obligationem reciprocam, inter profitentem & Monasterium siue Ordinem cui incorporatur, sicuti explicat Miranda cit. q. 24. a. 4. Ergo si altera pars non consentiat, & acceptet, nulla oritur obligatio, iuxta ea, quæ dixi lib. præced. tr. 4. c. 1. Vide etiam Angelum ver. professio, n. 1. Sylu. ver. Religio, 3. q. 18. Sanch. lib. 7. de matrim. disp. 37. & l. 5. moral. c. 4. n. 81. & 103.

III. Condicio, ut professio sponte facta sit nullo cogente, metu iniusto, ac graui, seu in virum constantem cadente, iuxta c. de iis qui vi c. vlt. Qui clerici, vel vouentes, iura. Glof. ver. vel modica. Talis metus grauis exempli causa censeri debet; si Nouitius incarcerationis fuerit; vel alimenta ei subtracta, propterea quod discessum ex Monasterio petiit, & in professionem consentire noluit. Etenim carcer, & ieiunium tormenta quædam sunt ad cogendum idonea, teste Glof. in c. 1. de hæret. in 6. ver. tormentis, Anton. de Canario, de quæst. & tormentis, mem. 1.

His adde, licet metus reuerentialis propter preces, vel imperium Prælati; aut consanguineorum, plerumque à Doctoribus non censeatur grauis, aut sufficiens ad infirmendam professionem, sicut videre est apud Abb. c. cum virum, de Regul. n. 8. Covar. in epit. 4. decret. p. 2. cap. 3. §. 6. num. 8. Sanchez lib. 4. de matr. disp. 6. n. 18. contra Nau. consil. 89. de Regul. edit. 2. & in man. c. 22. num. 50. seclis tamen esse, si alia concurrant, quæ difficile homo à se repellere possit; puta precum, aut imperii sæpius repetiti importunitas, adiunctæ frequentes blanditiæ, quæ interdum efficiunt, ut toties cum auctoritate instanti homo contradicere omnino non audeat; grauis item offensio, aut diu duratura

indignatio eorum, v. g. consanguineorum, à quibus hominis vita, aut fortuna dependet; præsertim si minæ expressæ adiunctæ fuerint, videlicet nihil amplius subsidii præbendum, si ex Religione egressus fuerit. Hæc enim vel singula; vel certè simul iuncta, viri prudentis iudicio, considerata etiam hominis conditione, ut si rudis, & ad importunitates repellendas minus idoneus sit, metum iustum efficere, professionemque irritam reddere possunt. Quæ doctrina legi potest apud Covar. cit. cap. 6. in fine. Ripon. Veracru part. 1. spec. art. 8. post 7. concl. dub. 2. Sanchez cit. lib. 4. disput. 7. num. 7. Coninck to. 2. disp. 28. dub. 2. n. 35. Less. lib. 2. c. 17. n. 35.

Corollarium Cum professio graui metu extorta, vel ante legitimam ætatem, vel sine Prælati acceptance facta, ipso iure irrita sit; ideo sic professus nullam obligationem contrahit: sed libere egredi, & uxorem ducere potest: quamuis ob scandalum vitandum, oporteat edicere causam, cur à Religione egressus fiat; sicuti docet Nau. lib. 1. consil. 9. de iis, quæ vi, num. 11. edit. 2. Deinde si causa hæc ad forum externum deueniat, onus probandi incumbit ei, qui se ante ætatem professum esse, vel graui & iniusto metu adactum asseuerat: idque tantum intra quinquennium à die professionis. Nam post expletum quinquennium omnino non amplius auditur, sicuti eadem Synodus Trident. cap. 19. eiusdem sess. decreuit. Verum si inaniter professus; post elapsum quinquennium probauerit se iustum impedimentum habuisse, quominus professionis suæ defectum coram, Ordinis Prælati, & Episcopo proponere potuerit, secundum æquitatem in integrum restituendus erit, uti docet Nau. comment. 4. de Regul. num. 76. & lib. 3. consil. 23. n. 3. de Regul. edit. 2.

Deinde, cum hæc constitutio Tridentina post exactum quinquennium compellens ad Religionis obseruantiam, fundetur in præsumptione, interea temporis professionem ratificatam fuisse; ideo, si inaniter professus sciat, sibi numquam fuisse animum ratificandi, ideoque iuris præsumptionem falsam esse, in conscientia obligatus non est; sed, per se loquendo, si graue scandalum, aliudue maius incommodum secuturum non sit, dimisso habitu, occultè fugere, atque uxorem ducere non prohibetur, sicuti docent Nau. lib. 3. consil. 89. de Regul. edit. 2. & comment. 4. siue c. statuimus, 19. quæst. 3. num. 74. Henriq. lib. 11. cap. 6. comment. in fine, Sa ver. Religio, num. 71. Less. cap. 41. dub. 7. in fine, Sanchez lib. 7. de matrim. disput. 37. quæst. 1. Qui addit, quod etiam Prælati, certo credens professionem irritè editam, & intra quinquennium ratificatam non esse, post illud hominem occultè dimittere possit, scandalo cessante. Quemadmodum Iudex, qui alioquin contra allegata, & probata absolvere non potest, si tamen publicè conuictum Reum certò sciatur innocentem esse, potest ei occultè fugiendi aditum patefacere, modo scandalum absit, sicuti docet Sorus li. 5. de iust. qu. 4. art. 2. concl. 2. Corduba lib. 1. qu. 37. ver. ex hac opinione.

Sin verò talis fugiendi, aut elabendi modus sine graui incommodo, aut scandalo nequeat attentari; tunc Prælati, aut Confessarii hominem monere debet, id solum restare, ut professionem per se quidem irritam tacito consensu ratificet. Qua de re vide quæ scribit Sanchez cit. disp. 37. q. 2. & seqq. Est enim hæc canonica doctrina, insinuata in cap. 1. de iis quæ vi. Quod religiosa professio, licet ipso iure irrita fuerit, tamen subsequente seu expressa, seu tacita ratificatione conualescat. Expressa ratificatio fieri debet coram Prælati, iisque quorum interest, ut ratificationem professionis antea irritæ acceptent, & approbent. Tacita verò ratificatio accidit, si inaniter professus, sciens suæ professionis defectum, nihilominus cū Prælati assensu in Religionem permaneat,

permaneant, & actus professorum proprios exerceat, vel eorum habitum & Nouitiis distinctum, deferat, libero animo ac voluntate, quod re ipsa velit esse professus talis Ordinis, sicuti docet Nauar. lib. 3. consil. 41. de regular.

Dixi autem necessariò requiri ad ratificationem, vt qui ratificare debet, sciat professionem, ob eiusmodi defectum, ex iuris dispositione irritam esse. Cum enim incogniti nulla sit voluntas, non potest is censeri ratificasse, aut validam voluisse facere professionem, quam ignorauit esse irritam, sicuti optime notauit Caiet. 2. 2. q. 189. a. 5. Nauar. consil. 19. 23. 89. de Regular. edit. 2. & in manuali cap. 12. n. 71. Quemadmodum si aliquis ad spòsalia, vel alium contractum obligatus esse velit, quia nescit irritum esse, cognito deinde errore suo, nihilominus resilire potest.

Atque hæc eadem, quæ dixi de professione Religionis, similiter accommodari possunt susceptioni sacri Ordinis; si videlicet aliquis graui, & iniusto metu cogatur, licet caractere insignitus maneat, atnexo tamen continentia voto, & canonici officii onere haud astringi; quin & matrimonii statum amplecti posse, per se loquendo, & si scandalum remoueri queat, sicuti docet Nauar. c. 22. n. 51. Henriq. lib. 10. cap. 14. num. 3. & lib. 17. c. 9. num. 5. Rodriq. p. 1. sum. cap. 224. num. 5. Sanchez 7. de matrim. disput. 29. contra Palud. in 4. d. 38. q. 3. a. 4. Syl. ver. ordo, 4. q. 1. dicto 2. Ceterum si sciens aliquis votum ordini sacro annexum irritum esse ob vim iniustam, aut substantialem errorem &c. postea verò se moto metu, errore, votum suum expressè, aut tacitè ratificet; v. g. in suscepto ordine ministrando, ex illo tempore voto obligari incipit, sicut ex communi docet Sanchez cit. disp. 29. num. 9. & lib. 4. moral. cap. 1. n. 39. & c. 3. n. 13.

CAP. VI.

DE VARIIS VOTIS RELIGIONEM ingrediendi, aut profitendi.

SUMMARIUM.

1. Qui generatim vouit, se Religionem ingressurum, debet moralem diligentiam adhibere, vt in aliquo Ordine suscipiatur: Sin autem in sua prouincia, aut regno non suscipiatur, spes tamen sit, alibi susceptum iri, ex circumstantiis personæ vouentis &c. colligendum est: Vtrum tantam etiam ad alias terras se conferendi obligationem suscipere intenderit.
2. Sub generali voto Religionem ingrediendi non videtur comprehendendi Religio non claustralis Equitum militarium: neque dispensatus ad suscipiendam aliam Religionem, etiam laxiorem, transire potest ad non claustralem.
3. Qui certam Religionem vouit, etsi in vno Monasterio repulsam ferat, debet alia Monasteria eiusdem Ordinis adire; si spes sit susceptum iri, secus est, si ingressum certi Monasterii ex causa speciali vouerit.
4. Etsi voueris semel repulsam passus fuis, debet nihilominus ingredi, si Religiosi postea mutata voluntate eum recipere velint.
5. Qui Religionem absolūtè vouit, is non tenetur, nec licitè potest ingredi Ordinem, cuius regularis disciplina collapsa est.
6. Qui vouit se professurum in Religione strictiore, peccat cum ingrediendo, cum proficendo Religionem laxiorem, sine dispensatione: sed professio valida est.
7. Votum ingrediendi, & experiendi Religionem strictiorem quisque commutare potest in votum proficendi ac perseverandi in Religione laxiore.
8. Qui vouit se ingressurum Religionem strictiorem, ordinariè peccat ingrediendo laxiorem, sine obligatione in ea perseverandi: nisi Ordo laxior facultatem dispensandi habeat.
9. Professus vnius Ordinis ad alium strictiorem, petita, licet non concessa Pralati sui licentia, transire non prohibetur. Ad aequalem, vel laxiorem Ordinem transeundi licentiam Episcopus, vel Pralatus Ordinis ob iustam causam dispensatiue concedere potest.
10. Intransitu ad Religionem strictiorem attendi debet ad maiorem seueritatem externam, præsertim circa silentium, ac solitudinem.

Austeritas Ordinis attendenda non est secundum institutum regulæ, sed secundum observationem præsentem.

11. Canonici regulares transire possunt ad Monachos; sed non vice versa.
12. Qui Religionem absolūtè vouit, nisi de alia intentione eius constet censeri debet solum ingressum & probationem promississe: si tamen sine causa rationabili egrediatur, censetur contra votum peccare mortaliter.
13. Qui vouit se in Religione professurum, exeundi libertate priuatus est, vel si exeat, debet iterum ingredi, si sublato impedimento in hoc, vel alio Ordine suscipiendus sit.
14. Qui simul continentiam & Religionem vouit, si nec ex verbis, nec ex circumstantiis colligere possit, vtrum continentiam per se cum dependentia Religionis promittere voluerit, benigniorem partem præferre potest; addo, vt si voto Religionis solutus fuerit, omnino lib. ratur censetur.
15. Qui post editum votum Religionis ingredienda, aut proficenda episcopatum suscepit, est voti transgressor; & episcopatum, quatenus ex sua parte est, resignare debet.

Q VÆSTIO PRIMA. Qui generatim, atque indefinite terminatè vouit, se Religionem aliquam ingressurum, ad quidnam obligatus sit? Respondeo ex doctrina S. Th. 2. 2. q. 88. a. 3. ad 2. & quæst. ult. a. 3. ad 2. Oportet eum moralem diligentiam adhibere, vt in aliquem Religiosorum Ordinem recipiatur: Eapropter etsi ab vno Religionis Ordine repulsam ferat, debet deinde alios Ordines; imò interdum plura vnius Ordinis cœnobita adire, & susceptionem ferio, petere; quamdiu spes probabilis superest, se in aliquo eorum susceptum iri, dummodo magna, & improuisa difficultas exinde ipsi non oriatur. Ita docet S. Th. 2. 2. quæst. 88. a. 3. ad 2. iun. Caiet. 5. in ead. resp. ad 2. Arrag. ibid. 5. circa solut. ad 2. Sotus lib. 7. quæst. 2. a. 1. 5. tertium argumentum, Azor lib. 11. cap. 22. quæst. 2. & 3. Valentia t. 3. disp. 6. quæst. 6. p. 4. prope finem, ver. Quartum, Rodriq. p. 2. sum. cap. 95. concl. 4. Sanchez lib. 4. moral. c. 16. num. 43. Pro cuius intellectu aduerte, promissionem voti, sicuti & quæuis aliam gratuitam, benignè interpretandam esse, vt eius obligatio non se extendat ultra promittentis intentionem, etiam tacitam seu virtualem: quamobrem in generali seu indefinita promissione non censentur comprehensa specialia, quæ aliquis ob peculiarem v. g. difficultatis rationem probabilissimè excepisset, si ei in mentem venissent, vel de iis speciatim interrogatus fuisset, sicuti in simili dixi de episcopia legis lib. 1. tr. 4. cap. 19. num. 2. siquidem & votum lex quædam priuata est, strictam interpretationem postulans. Deinde si post promissionem aut votum notabilis mutatio, siue difficultas superueniat, non præuisa à promittente, quam, si ipsi proposita fuisset, excepisset, neque ad talem casum se obligasset, sicuti dixi lib. præced. tract. 4. c. 5. n. 5. & docet Syl. ver. votum. 1. q. 17. Nau. c. 18. n. 7.

Ex hoc fundamento resolues primò, Vtrum obligatus sit, qui Religionem vouit; si in sua ciuitate, prouincia, regno non recipiatur alias terras obire, quando spes est alibi recipiendum fore? Inprimis attendendum esse ad intentionem vouentis, etiam virtualem, quæ ex circumstantiis, præsertim personæ vouentis, colligi poterit, sitne femina, an mas, pauper, an diues, alienæ regioni, & linguæ assuetus, nẽcne. Nam fœminis Religionem vouentibus plerumque animus est tantum se obligare ad Monasteria vicina, vbi cognatorum, & amicorum facultas, aliæque commoditates superpetunt. Masculi autem plerumque non intendunt se obligare ad adeundum Monasteria extra suam nationem sita, vbi nouam linguam addiscere, aliasque difficultates pati oporteret. Interdum etiam ex circumstantiis intelligi potest, vouentium intentionem tantum se extendisse ad Monasteria intra eandem prouinciam sita, si ob paupertatem, vel similem causam ad alias prouincias ea de causa accedere difficile accidat. Quæ de re Caietan. cit. 6. In eadem responsione, Sotus loco cit. ver. sed est dubium, vtrum tenearis, Arrag.

cit. resp. ad 2. ver. Sed dico. Nau. cit. num. 48. Sanchez. num. 44. & 46. ubi rectè notat, tamen si eiusmodi ante non præiussa, nec intenta difficultas postea cesset; quia accidit v. g. foeminam domicilium mutare, & ad talem locum peruenire, ubi facilis & commodus ipsi esset Religionis ingressus, tamen obligatione liberam permanere. Cum enim ab initio vouentis intentio ad talem locum se non extenderit, casus fortuitus obligationem postea adducere non potest: *non enim firmatur tractu temporis, quod de iure ab initio non subsistit*, reg. 18. in 6.

Resolues secundo: talem vouentem non esse obligandum, si in aliis Ordinibus Religiosorum non suscipitur, ad amplectendum Ordinem strictissimum v. g. Capuccinorum, vel Carthusianorum; si affirmet, vel ex circumstantiis (puta quia est homo delicatus, & ab asperitatibus abhorrens) colligi possit, non fuisse ipsi mentem etiam ad tales Religionem se obligandi; quin potius eas excepisset, si de iis, cum votum emitteret, in mentem venisset cogitare. Ita docent Richar. in 4. d. 38. a. 5. q. 1. ad 2. Angelus ver. Votum, 3. §. 10. Sylu. ver. Religio, 2. quæst. 16. Sanchez num. 49. Quia in generali concessione, promissione, obligatione non continentur ea, quæ quis verisimiliter in specie promissurus non fuisset, iuxta reg. 81. in 6. & l. obligatione, ff. de pignoribus.

Resolues tertio: Si eiusmodi vouens ad Religionem non admittatur, nisi ut maneat Laicus, non esse obligatum ad eiusmodi conditionem acceptandam; si affirmet, vel ex circumstantiis colligi possit, (ut quia nobili genere natus, doctrina vel ingenio præditus est) intentionem voti non se extendisse ad hunc casum, sed excepturum fuisse, si in mentem ei venisset. Vide Sanchez num. 55. & seqq.

Resolues quarto cum eodem Sanchez num. 51. Talem vouentem, si in aliis Ordinibus non recipiatur, obligandum non esse, ut ingrediatur Ordinem equitum militarium; tamen enim ii, qui tria substantialia Religionis vota absolute emittunt, veri Religiosi sint, ut dixi supra cap. 1. num. 5. tamen plerumque Religionem vouentium intentio esse solet, obligare se ad statum vitæ remotæ à tumultu, fastu, & curis secularibus, in communi Conuictu fratrum, qualis non est militarium equitum Ordo.

Ex quo sequitur, eiusmodi vouentem neque satisfacere voto suo, talem Ordinem equitum assumendo; si existimet, se ad aliud Religiosorum institutum habilem esse, & susceptum iri, sicuti bene docet Sanchez cit. cap. 16. n. 12. contra Arrag. cit. q. 88. a. 11. ante §. qui voluerit tenere. Rodriq. p. 2. sum. cap. 95. concl. 8. Azor t. 2. lib. 13. c. 4. q. 4. Vide etiam addit. Nau. conf. 58. de Regul. in qua refertur responsio Cardinalium, quod Regularis dispensatus ad suscipiendam aliam Religionem, etiam laxiorem, non possit transire ad non claustralem. Qualem autem talis dispensatus diligentiam adhibere debeat, ut in aliqua claustrali recipiatur, constat ex supra dictis, & in specie docet Ludou. Miranda in man. t. 1. q. 31. a. 17.

QVÆSTIO SECUNDA. Ad quid obligatus sit, qui certam aliquam Religionem vouit, v. g. S. Benedicti, S. Francisci, vel in certum Monasterium se ingressurum? Respondeo, & dico I. Qui certum Ordinem se ingressurum vouit, debet sincero animo petere, ut recipiatur: & si in vno Monasterio repulsam ferat, debet alia adire, si spes sit, in iis se receptum iri. Ita Caiet. cit. a. 3. §. In eadem resp. Sotus cit. a. 1. circa 3. argum. Nauar. lib. 3. consil. 23. num. 2. de voto, edit. 2. Azor to. 1. lib. 11. cap. 22. quæst. 2. qui addunt, tamen si is, qui votum conceperat, ab Ordinis Generali, aut Prouinciali (penes quem totum ius recipiendi non residet) repellatur, non esse voto solutum, nisi talis Prælati causâ cognita iudicet, hominem esse ad eum Ordinem ineptum, ut frustra alios

ipsumque Conuentum pro admissione sollicitaturus censetur.

Dico II. Qui certum Ordinem, vel certum Monasterium vouit, examinare seipsum debet, utrum Religionem absolute ac principaliter vouere intenderit; secundario verò ingressum in certam Religionem, vel Monasterium, ob specialem aliquem affectum: An verò principalis intentio eius fuerit ad specialem Religionem vel Monasterium, ideoque vouerit Religionis ingressum non absolute, per se, & in sensu diuiso; sed in sensu composito, siue cum dependentia ad certum locum, vel Ordinem. Nam in primo casu, tamen si ingressus Ordinis, vel Monasterii, quod specialiter promisit, impossibilis reddatur, non ideo liberatur voto; sed debet ad alium Ordinem, aut Monasterium se conferre. In posteriore autem casu omnino soluitur voto. quæ est doctrina S. Th. cit. quæst. 88. a. 3. ad 3. Abulens. in cap. 30. Num. quæst. 51. S. Anton. in 3. p. tit. 16. c. 2. §. 4. Syl. ver. Religio, 2. q. 16. Caiet. to. 1. opusc. tract. 31. qui est 17. respons. in 7. respons. Soti lib. 7. quæst. 2. a. 2. circa 3. argum. Nau. c. 12. man. c. 46. Azorii cit. c. 22. q. 1. Sanchez cit. c. 16. n. 29. Suarez lib. 4. de voto, c. 8. n. 8.

His quædam addenda sunt: I. Qui Religionem vouit, is peccat contra Religionis virtutem, si postea ad ingressum, siue executionem voti impotentem se reddat, v. g. æs alienum ingens contrahendo; vel crimen atrox patrando, ob quod periculum sit, publicam contra ipsum inquisitionem, vel condemnationem susceptum iri.

II. Vera videtur sententia Sanchez n. 70. contra Arrag. cit. q. 88. a. 3. ante §. Est aliud dubium. Azor cit. c. 22. q. 5. Less. lib. 2. c. 41. dub. 5. n. 45. Licet is, qui Religionem aliquam vouit, semel repulsam tulerit; si tamen postea Religiosi, mutata voluntate, eum recipere parati sint, obligatum esse ad ingrediendum. Ratio est: Quia votum Religionis editur in Dei honorem, atque vouentis spirituales utilitates; non autem in fauorem Religiosorum; ut hi iuri suo renuntiantes, vouentem obligatione sua liberare possint. Enimvero, tamen si eorum consensus requiratur tanquam conditio, sine qua vouentis votum suum exequi non potest; ideoque excusetur, quamdiu facultas denegatur; cum primum verò consensus, & aditus præbetur, iam obligatio exequendi vrget; non minus, quam si aliud exequendi voti impedimentum temporaneum remoueat.

Excipe: Nisi interim notabilis mutatio facta fuerit, sine fraude vouentis; ut quia is desperans se in Ordine, quem vouit, susceptum iri, aliam laxiorem Religionem, ut Nouitius suscepit. Est enim difficile ab Ordine, cui aliquis iam assuescere cepit, recedere, & plerumque nota leuitatis, atque inconstantie non vacat. Idemque sentiendum, si quis existimans in Religionem, quam vouit, se susceptum non iri, bona fide sponsalia celebrauit cum puella, quam iam difficile, & non sine suo, & illius incommodo, aut aliqua infamia deferere poterit. Licet enim talis, si mala fide laxiorem Ordinem ingressus, vel matrimonium mulieri pollicitus fuisset, ad voti sui executionem redire deberet; non tamen si bona fide existimans, se perpetuum impedimentum contraxisse; alium statum vel institutum amplecti cepit: quia notabilis hæc mutatio à voto liberare videtur.

III. Qui Religionem absolute vouit, is non tenetur, imo neque licet, potest ingredi Ordinem, cuius regularis disciplina collapsa est; eiusque Professi plerique male viuunt ut ne substantialia quidem vota obseruent; ideoque ingredienti peruersionis periculum imminet, sicuti docet Caiet. cit. q. 88. a. 3. §. sed quid si talis, Maior in 4. d. 38. q. 20. §. tertio contra eandem concl. in solut. 4. argumenti Nau. c. 12. n. 45. Valentia cit. p. 4. q. 3. Rodriq. p. 2. c. 95. concl. 3. Sanch. cit. c. 16. n. 13. Less. cit. n. 45. ver. Quarto.

QVÆSTIO TERTIA, Anis, qui Religionem aliquem determinatè vouit, aliam ingredi, vel profiteri possit? Respondeo, & dico I. Qui vouit Religionem laxiorem, licitè ingreditur, ac proficitur strictiorem, arg. c. licet, de Regularib. vbi habetur; etiam solemniter professis vnam Religionem, licitum esse transire ad aliam strictiorem.

Dico II. Qui vouit se professurum Religionem strictiorem, peccat tum ingrediendo, tum etiam proficendo Religionem laxiorem: tamen professio valida est, & vouentem liberat à priore voto. Ita habetur in c. qui post, de Regul. in 6. & docent S. Thomas 2. 2. q. vlt. art. 8. ad 3. Caiet. ibid. Nauar. cap. 12. num. 48. Sanchez cit. c. 16. num. 16. & alij communiter. Ratio prioris est: Quia talis vouens minùs præstat, quàm promiserat. Ratio posterioris, Quia alterum votum solemne (in quo personæ traditio fit, & Religionis ius in ipsam acquiritur) derogat priori simplici voto, per quod nullum tale ius Religioni strictiori acquisitum erat.

Dico III. Votum ingrediendi & experiendi Religionem strictiorem ipsemet vouens commutare potest in votum proficendi, ac perseverandi in Religione laxiore. Ita docet Palud. in 4. d. 38. q. 3. ar. 1. & q. 4. ar. 3. S. Anton. pa. 2. tit. 11. ca. 2. §. 8. Syl. ver. votum, 4. q. 7. dicto 3. Sanchez n. 18. Ratio est: Quia votum perseverandi in Religione laxiore melius est, & plus obligans, quàm votum tantum ingrediendi & experiendi strictiorem. Votum autem non infringit, qui illud in melius commutat, c. peruenit, 2. de iureiur.

Dico IV. Qui vouit se ingressurum Religionem strictiorem experiendi causa, is peccat ingrediendo laxiorem, sine obligatione in ea perseverandi, & proficendi. Ita docet S. Th. cit. q. vlt. a. 9. ad 3. Rodriq. t. 1. regul. qq. q. 25. a. 6. Ratio est: Quia minus præstat, quàm promissit: siquidem plus est experimenta capere, seu Novitium esse in Religione strictiore, quàm in laxiore. Sed excipe I. Nisi accedat dispensatio Papæ, vel Episcopi, ob iustam causam. qua de re Sanchez lib. 8. de matrim. disput. 9. n. 17. & lib. 4. moral. cap. 40. n. 74.

II. Nisi Ordo laxior priuilegium Papale habeat per dispensationem, vel commutationem recipiendi eos iusta de causa, qui votum strictioris Ordinis ingrediendi, ac proficendi ediderunt. Qua de re Rodriq. lo. cit. & Compendium priuilegiorum Societatis IESV ver. commutatio, §. 3. vbi additur: *Si quis tamen à Societate ante professionem recesserit, dispensatio nulla erit.* Cuius rei ratio dari debet, quia tali conditione priuilegium à Sede Apostolica concessum est. Alioquin enim, si commutatio, vel dispensatio absolutè facta esset Pontificia potestate, contrarium dicendum foret: quia obligatio semel penitus extincta, amplius non reuiuiscit. Vide quæ dixi tract. præced. c. vlt. prope finem.

III. Si tempus ingrediendi Religionem strictiorem nondum aduenit, vt puta si aliquis vouerit absolutis studiis se Ordinem Carthusianorum v. g. ingressurum non prohibetur interim, si ita ei expedire videatur, ingredi & expediri Religionem laxiorem, v. g. S. Benedicti tali conditione, vt vel elapso anno nouitatus ibi profiteatur; vel si eum egredi contingat, pristinum votum Carthusiæ definito tempore exequatur. Ita Sanchez cit. cap. 16. num. 20 & probatur ex c. scripturæ, de voto: *Reus fracti voti aliquatenus non habetur, qui temporale obsequium in perpetuum nescitur Religionis obseruantiam commutare.* Atqui adolescens ille, de quo loquimur, tantum vouerat obsequium temporale, videlicet, ingressum Ordinis strictioris, experiendi gratia. Ergo reus voti non fit proficendo, vel in perpetuum se mancipando alteri Religioni, quamuis laxiori. Neque verò reus voti factus est, dum Novitium in hac Religione agebat, quia, vt ponimus, tempus exequendi voti nondum aduenerat; & nihilominus, si eum in

laxiore profiteri non contingat, in strictiorem, quam vouit, recipi poterit, nihil obstante priore suo nouitatu.

Dico V. Qui in vna Religione professus, vel Religiosus factus est: ad strictiorem Ordinem transire non prohibetur. Sed licentiam à Prælato suo petere debet, ne bonum obedientiæ contemnere videatur: & Prælatus contradicere non potest, si ille non ex temeritate, aut leuitate, sed sincero proposito vitæ melioris transire cupiat. Quod si verò Prælatus proteruè contradicat, nihilominus ille propositum ad implere poterit. Sin verò probabile dubium sit, vtrum ex charitate, an temeritate talis transitus instituatur, iudiciū Superioris, (id est, eius, ad quem alioquin de iure appellandū est,) requiri debet. Videri debet c. licet, de Regular. vbi Innoc. & Abbas, n. 3. & volum. 1. consil. 95. Rosella ver. Religio, 4. num. 6. Sanchez lib. 6. moral. cap. 7. quæst. 2. & 7. aiunt, non valituram esse professionem in altero Monasterio, sed Professum ad prius reuocari posse, si non petita licentia, vel non bono zelo, sed v. g. ex indignatione erga Prælatum, vel offensione erga quamlibet Monasterii personam, transiit. Ad æqualem autem, vel laxiorem Ordinem Regularis transire non potest, nisi vel Papa, vel ob causam iustam Episcopus, aut Prælatus Ordinis exemptus, cum Capituli consensu, dispensatiuè licentiam det, vt docent Syluest. ver. Religio, 4. quæst. 2. Less. lib. 2. cap. 41. num. 103. Rodriq. tom. 3. regul. q. 52. a. 9. Sanchez lib. 6. moral. cap. 7. quæst. 4. num. 59. post Innoc. & Abb. in c. non est nobis, n. 5. & c. significatum, n. 9. de Regul.

Porro Religiosis Ordinum Mendicantium prohibetur in extrauag. communi, quæ incipit *viam ambrosiæ*, de Regular. ne quisquam eorum, absque Sedis Apostolicæ licentiâ, ad alium non Mendicantium Ordinem (excepto Carthusianorum) se transferat, sub excommunicationis pœna sum. Pontifici referuata. Vtrum verò per hanc Clement. Prælatis Mendicantium ablata sit potestas ob causam iustam dispensandi, seu facultatem dandi transitus ad alium Ordinem, videri potest apud Lessium num. 104. Sanchez cit. cap. 7. num. 68: qui id negant; sicuti etiam Nauar. lib. 3. consil. 56. de Regular. in 6. De priuilegiis autem Societati IESV à pluribus Pontificibus concessis, vt Generalis Præpositus licentiam dare possit ad alium Ordinem transendi, videri potest Compendium priuilegiorum Societatis IESV, ver. Apostata; §. 9.

Præterea in Clement. 1. de Regular. statuitur, vt Professus Ordinum Mendicantium, si ad non Mendicantes, quamuis licitè, videlicet cum auctoritate Summi Pontificis, aut dispensatione Prælati Ordinis, transeant, neque vocem in Capitulo habeant, neque administrationes, prioratus, & officia consequi possint. qua de re videri potest Sanchez cit. cap. 7. quæst. 6. vbi num. 10. monet, hac constitut. non comprehendi eos, qui iuris permissione ad Carthusiam se conferunt. Denique adde Trident. Concil. sess. 14. cap. 11. de reformat. vt nemo ad alium Ordinem translatus, quamuis Canonicus regularis fuerit, ad quodcunque beneficium seculare promoueri queat.

His quædam addenda sunt: I. Eiusmodi votorum commutationes vel transitus ab vna in alteram Religionem, non nisi ob magnam vtilitatem, vel necessitatem fieri oportere, secundum consilium Apostoli 1. ad Corinth. 7. *Vnusquisque in qua vocatione vocatus est, in ea permaneat.* Et S. Bern. de præcepto, & dispensat. *Suspensam habeo leuitatem, inquit, qua id sepe quod facere volumus, antequam probemus: experti iam nolumus, vno prope momento id ipsum cupientes, tam leniter, quam irrationabiliter: quales vtiq. non paucos frequenter experimur, qui vna vix hora in vna voluntate durantes, antra leuitatis impulsu, vagi & instabiles hæc, & illac, velut*

trij mutantur. Vide etiam Cassianum collat. 14. cap. 5. S. Thomam cit. quæst. vlt. a. 8. Mirandam to. 1. man. q. 31. a. 1. & 3. Et Clem. 1. de Regular. Trident. Concil. sess. 14. c. 11. de reform.

- 70 II. Licet perfectio vnius Religionis præ altera ex fine colligenda sit, atque ex mediis, quibus tendit ad finem qui est charitas Dei ac proximi, teste S. Thom. quæst. 189. art. 6. & 8. tamen in foro Ecclesiæ, si agatur de transeundo ab vna Religione ad alteram, potius attenditur ad maiorem austeritatem, præsertim circa silentium, ac solitudinem. Idque ob vitandas contentiones: nam quæ Religio, altera austerior & strictior sit, magis patet, quam quæ magis ad Christiani hominis finem pertingat, sicuti Miranda l. c. notauit, & videri potest Less. c. 41. n. 100. Sanchez cit. c. 7. q. 3. Rodriq. to. 3. Regul. q. 52. a. 4.

III. Quod indicat S. Thom. cit. quæst. 189. art. 8. in corp. & docent Abb. in c. sanè, de Regul. & c. ad nostram, num. 6. de appellat. Miranda, Less. Sanchez II. cc. Austeritatem Religionis non esse attendendam duntaxat secundum institutum regulæ; sed secundum observationem præsentem, communiter in tali Ordine toleratam; exclusis tamē specialibus privilegiis Ordinum Mendicantium, de quibus supra.

IV. Religiosus professus regulam strictiorem, si in Ordine non seruetur regula, transire potest ad aliam religionem laxiorem, in qua seruatur regula, ita vt, considerato præsentis statû, ducat vitam strictiorem. Excipe; Nisi spes sit reformationis futuræ prioris Ordinis; aut si in prouincia Monasterium eiusdē Ordinis sit, in quo seruatur regula, & ad quod transferri poterit. Ita ex Ludou. Lopez & aliis docent Rodriq. cit. q. 52. a. 5. Sanchez n. 25.

- V. Canonici regulares transire possunt ad Ordinem Monachorum; quamuis vice versa, Monachi ordinariè transire non possint ad Ordinem Canonicorum regularium: quia Religio Monachorum austerior est. Neque obstant c. mandamus, c. nullus Abbas, 19. quæst. 3. Ea enim statuta sunt secundum veterem morem, quo Monachi dediti tantum vitæ contemplatiuæ, sacra mysteria non tractarant, sicuti notat S. Thomas cit. art. 8. ad 2. Nau. in c. statuimus, 19. q. 3. comment. 4. de Regul. n. 11.

VI. Qui proposito vitæ austerioris, aut ex iuxta dispensatione ad aliam Religionem transire cupit, & non recipitur, vel receptus iterum ante professionem egreditur, is ad suum Ordinem reuerti ac recipi debet, sicuti docet Syl. ver. Religio, 4. quæst. 5. Miranda tom. 1. q. 31. art. 18. & seqq. Ratio est: Quia non simpliciter ex Ordine dimissus fuit; sed sub conditione, aut modo, vt aliam Religionem ingrediatur, ac profiteatur: ergo hoc non secuto debet redire, ac recipi ad suum ordinem. Vide Sanchez n. 30. & Compendium priuileg. Societatis Iesu ver. Apostata, §. 11.

- 72 QVÆSTIO QVARTA. Vtrum votum Religionis obliget ad perseuerandum? Respondeo & dico I. Qui expressè vouit se Religionem ingressurum, is propterea obligatus non est ad profitendum, sed habet ius experiendi vtrum Religio ipsi conueniat, necne. Ita S. Th. 2. 2. quæst. vlt. a. 4. Caiet. ibid. Rich. in 4. d. 38. a. 8. q. 3. Nau. lib. 3. consil. 24. de voto, edit. 2. Lopez p. 1. in struct. cap. 45. Sa ver. votum n. 13. Azor to. 1. lib. 11. c. 22. quæst. 6.

Dico II. Qui absolutè Religionem vouit, intentionem suam non satis exprimens, is in dubio præsumendus est, voluisse se tantum obligare ad experiendum; nō item ad profitendum. Quæ est probabilior sententia Sanchez lib. 4. moral. cap. 16. n. 86. Suarez lib. 4. de voto, c. 8. n. 7. contra Nauar. lib. 3. consil. 26. num. 2. de voto, edit. 2. Rodriq. cit. c. 95. concl. 6. Tum quia vota, & similes obligationes strictæ interpretationis esse

conuenit: quare sicuti in dubio, vtrum aliquis simpliciter vouere, vel obligare se intenderit censendus est liber; ita etiam in dubio, vtrum vnum solum, an vero duo distincta vouere, siue promittere intenderit, videlicet ingressum, & perseuerantiam, pronuntiandus est liber ab altero, de cuius obligatione dubitatur. Tum quia in dubio vota, sicuti & pacta, secundum ius commune, & consuetum morem interpretanda sunt: ius autem commune Religionem ingredientibus anni spatium ad experiendum concedit. c. ad Apostolicam de Regular. c. 1. eod. in 6. Atq; Religionem vouentiū ea plerūq; intentio esse solet ingrediendi, & experiendi, vtrū ipsis expediat.

Exinde colligit Sanchez lib. 1. de matrim. disp. 34. n. 17. Si legatum sit Titio sub conditione, vt Religionem ingrediatur, seu vt Religiosus fiat (secundum vulgarem loquendi modum) consequi eum legatum si bona fide ingrediatur, licet non perseueret: nisi aliam fuisset testatoris mentem, ex adiunctis appareat: sufficit enim conditionem legati semel impletam esse; licet causa finalis, quæ testatorem ad legandum mouit, postea cesset, sicuti in simili dixi lib. 1. tr. 4. c. 22. n. 15.

Dico III. Debet tamen is, qui Religionem vouit, syn-cero animo ingredi, & habitum suscipere cum proposito perseuerandi, & profitendi, si eam sibi consentaneam expertus fuerit. Quare discrimen hoc est inter eum, qui sine voto, & eum, qui cum voto Religionem ingreditur; quod ille sine rationabili causa nouitatus tempore propositum mutans, & Religione discedens, venialiter tantum peccet, ob animi leuitatem, & inconstantiam: hic vero etiam mortaliter, ob voti præuaricationem, si sine causa rationabili egrediatur, sicuti docent Caiet. 2. 2. q. vlt. a. 4. dub. 3. Nau. lib. 3. consil. 23. n. 3. de voto, edit. 2. Philarch. de offic. Sacerdotis, t. 1. p. 2. lib. 3. c. 20. Sanch. cit. c. 16. n. 90. & seqq. contra Henricum quodlib. 13. q. 15. Nau. lib. 3. consil. 25. de voto, nu. 1. Azor lib. 11. c. 22. q. 6. §. si quæras. Nam qui Religionem vouet, censetur se ad id saltem obligari velle, quod alii, qui sine voto ingrediuntur, præstare obligati sunt: At verò hi tenentur perseuerare, si nulla rationabilis recedendi causa occurrat: quia alioquin saltem venialiter peccant, vti fatetur ipsemet Azor. Ergo vouēs Religionem, vi voti sui ad ita perseuerandum obligatur. Confirmatur: Nam secundum consuetum loquendi modum qui promittit se rem aliquam experturum, significat se eam acceptaturum, si conueniens sibi fuerit; reiecturum verò, si inconueniens.

Dico IV. Qui vouit, se Religionem non tantum ingressurum; sed etiam in ea perseueraturum, siue professurum, ita astingitur voto, vt exeundi libertate priuatus sit, tametsi ei Religio non vsque adeo consentanea videatur. Quare annus probationis in hoc casu non tam Nouitio, quam Ordini concessus est, vt illum, si minus idoneus appareat, dimittere possit. Quæ est sententia S. Th. 2. 2. q. vlt. art. 4. Caiet. ibid. ad primum dubium, Nau. c. 12. n. 47. Philarchi cit. c. 20. Less. cit. cap. 41. dub. 5. n. 48. Rodriq. cit. c. 95. concl. 7. Azor cit. c. 22. q. 8. Sanchez cit. c. 16. n. 81. contra Sotum lib. 7. q. 2. a. 1. circa 3. argum. prope finem. Arrag. q. 88. a. 3. circa solut. ad 2. ver. Est aliud dubium, vtrum ille, qui existimant, in tali etiam voto ex iuris dispositione includi conditionem; si bona fide probando, deprehendero Ordinem mihi conuenire: quam sententiam probabilem censent Lessius lo. cit. Sa ver. votum. n. 13.

Porro aliud discrimen est inter eum, qui Religionem ingressus est cum voto experiendi tantum; & eum, qui cum voto etiam profitendi; quod prior, si ob iustam causam egrediatur; vt puta quia ipsi Religio consentanea non videtur; vel quia ex ea dimittitur, omnino voto liberetur, neque teneatur iterum ingredi, tametsi causa illa seu impedimentum postea cesset: satis enim est semel eum præstitisse, quod promisit: dummodo

bona fide Religionem ingressus, & expertus fuerit, saltem mediocrem diligentiam adhibens, vt vitam & mores suos ei conformet, sicuti explicat Sanchez numer. 105. & 108. contra Rodriq. cit. cap. 95. concl. 5. Posterior verò qui professionem vouit, licet ex iusta causa nouitiu egrediatur; si tamen spes sit iterum receptum iri, siue in hunc, siue in alium Ordinem (si Religionem absolute, & in genere vouerat) tenetur vi voti sui iterum ingredi, cum profitendi proposito, sicuti docet Nauar. in man. cap. 12. num. 46. & lib. 3. consil. 21. num. 10. de voto. Quia votum absolute contractum ob impedimentum temporale non extinguitur, sed tantum suspenditur, eoque cessante obligare denovo incipit. Exemplum habes in eo, qui ob morbum ex Religione dimittitur; is posteaquam conualuit, iterum ingredi tenetur, si votum perseuerandi, siue profitendi ediderat; non item, si tantum votum ingrediendi, atque experiendi.

QVÆSTIO QVINTA. Si aliquis Religionem simul & continentiam vouerit; sed ad Religionem admissus non fuerit, vel ex ea iterum dimissus, vel ob aliam causam egressus, vtrum nihilominus continentiam in seculo seruare teneatur? Respondetur ex doctrina Nauar. lib. 3. consil. 13. de voto, edit. 2. Sa ver. votum, n. 29. Sanchez cit. cap. 16. num. 113. Si castitatem vouit accessorie, & dependenter à Religione, tum liberatus voto Religionis, liber etiam manet à voto castitatis: Sin autem castitatem vouit per se, principaliter atque independentem à Religione; tunc liberatus à Religione debet nihilominus continentiam in seculo seruare.

14 Dubitant porro Doctores, hancne, an illam intentionem vouentem habuisse potius præsumendum sit? Respondeo cum Sanchez num. 114. Suarez lib. 4. de voto, cap. 8. num. 6. Si neque ex verbis, quibus vouens usus fuit, neque ex circumstantiis coniectura capi possit, adeoque in vero dubio eligere potest qui vouit, eum sensum voti, secundum quem minus obligatur; vt videlicet castitatem dependenter à Religione promississe censetur, ob regulam supra traditam; obligationes, præsertim eas quæ ex gratuita voluntate descendunt, in dubio potius restringendas, quam extendendas esse: licet contrarium senserit Nau. num. 2. dicens in dubio tutiorem partem præferendam esse, vt vouens se reputet obligatum ad seruandam castitatem etiam extra Religionem.

Hæc tamen Nauarri doctrina recipienda est, si vouens usus fuerit verbis significantibus absolutam castitatem, tunc enim iis standum erit, nisi coniecturæ adsint, ob quas iudicium probabile fieri possit, intentionem non fuisse verbis adæquatam, sed restrictam. Quæ simili ratione dicendum, si verba vouentis Religionem fuerint de ingressu Religionis absolute, iis standum esse: nisi adsint coniecturæ, ob quas saltem probabiliter aliquis iudicet, intentionem fuisse restrictam ad certum Ordinem, vel Monasterium, iuxta ea, quæ supra diximus. 3. Sin verò verba vouentis ambigua sint, vt æque explicari queant de voto continentia restricto ad Religionis professionem, quam de continentia absolute; vel æque explicari possint de voto Religionis restricto ad certum locum, atque de voto Religionis absolute; tunc in utroque casu arbitror benigniorem partem præferri posse, secundum quam vouens minus obligatur.

QVÆSTIO SEXTA. Si quis post editum votum Religionis ingrediendæ, aut profitendæ, episcopatum suscipiat, vtrum transgressor voti existat, & relicto episcopatu, ad Religionem se conferre debeat? Negat vtrumque Abb. in c. per tuas, n. 6. de voto, Eman. Rodriq. p. 2. sum. c. 6. concl. 6. Henriq. lib. 10. de sacram. Ordinibus, cap. 32. n. 4. Quia status episcopalis perfectior est, quam religiosus: votum autem non infringit, qui illud in melius commutat, c. peruenit, 2. de iur. iur. Sed con-

traria sententia est communior, Caiet. 2. 2. q. vlt. a. 3. ad 1. §. ad cuius euidenciam, Maioris in 4. d. 38. qu. 6. §. quarto arguitur, Angeli ver. votum, 2. nu. 12. Ludou. Miranda, in man. t. 1. q. 20. a. 9. Tabienæ ver. Episcopus, q. 7. n. 8. Syluett. ver. Religio, 2. q. 20. & ver. votum, 3. in fine, Sanchez lib. 4. de voto, cap. 18. n. 5. Azor t. 1. lib. 11. cap. 16. q. 1. & c. 22. q. vlt. Less. lib. 2. cap. 4. n. 89. & sumitur ex cit. c. per tuas, vbi proposito hoc casu Innoc. III. respondit: *Consulimus, vt, si tuam sanare desideras conscientiam, regimen resignes Ecclesiæ, ac reddas Altissimo vota tua.* Ex quibus colligitur primo; Talem peccasse, seu læsisse conscientiam suam, episcopatum suscipiendo. Ratio est, per quam etiam satisfactio fundamento sententiæ prioris; quia episcopatus est status perfectionis (per se, ac formaliter) non propriæ, sed alienæ; non passiuæ, sed actiuæ, vti docet S. Thom. 2. 2. quæst. 184. a. 7. & quæst. 185. a. 4. ad 1. Siquidem non tam hominem perficit, & meliorem reddit, quam perfectum exigit, idque non tam in ordine ad propriam eius salutem, quam aliorum subditorum. Ex quo sequitur, ipsi vouenti melius, ac magis meritorium, Deoque gratius esse (excepto necessitatis casu, si alius æquedoneus ad Ecclesiam regendam haberi non possit) relictis omnibus, se totum Deo in Religione mancipare, quam Ecclesiæ curam in seculo suscipere: ergo vouens ad hoc tenetur, neque votum suum in episcopalem curam commutare potest.

Colligitur secundo; Talem in conscientia obligatum esse ad resignandum episcopatum; sed cum discrimine, obseruato a Sanchez cit. c. 17. n. 6. Vel enim electus est tantum, vel etiam confirmatus Episcopus: Si primum, episcopatu renuntiare potest, ac debet, etiam non interueniente auctoritate Papæ. Si secundum; non potest ita renuntiare, cum sit obligatus Ecclesiæ spirituali vinculo, ac veluti matrimonio. Sed quia hoc vinculum solubile est per consensum Ecclesiæ, vel potius summi Pontificis, qui solus Ecclesiæ curam plenarie gerit, ideo tenetur solutionem, & licentiam transeundi ad Religionem petere; eritque tunc in arbitratu Papæ positum re bene considerata, vel Religionem intrandi licentiam dare, vel super voto Religionis dispensare. Quanquam etiam Episcopus in tali casu (si causa subsit) dispensationem in voto simpliciter petere non prohibetur, vt episcopatum retinere liceat: vel etiam tacito voto suo, cuius præuaricator extitit, licentiam Religionem suscipiendi simpliciter postulare, & super ea se sum. Pontificis responso se conformare, vti Caiet. & Sanchez locis citatis tradunt.

CAP. VII.

DE VOTO PAUPERATIS IN
Religione approbatâ edito.

SUMMARIUM.

1. Ratione voti paupertatis obligatur Religiosus, ne quid proprium habere possit.
2. Religiosus retinet dominium honoris, ac fame suæ, capax etiam est iuris eligendi, presentandi, beneficiorum regularium.
3. Scholastici, & coadiutores temporales, qui in Societate Iesu post biennium probationis simpliciter vota ediderunt, retinere, & acquirere possunt dominium rerum radicale, priuati tamen iure actuali; de ijs arbitratu suo disponendi.
4. Si tamen re ipsa inter viuos, aut mortis causa de bonis suis disponant, absque consensu Superiorum, videtur valida esse dispositio, licet ipsi peccent contra paupertatis votum.
5. Sine consensu, Prælati expresso, aut præsumpto, Religiosus nullam rem pretio estimabilem accipere, retinere, assumere potest.
6. Si Religiosus paucis viuendo aliquid reſeruat, non sibi acquirit, sed Monasterio manet.
6. Religiosus contra votum paupertatis etiam delinquit, si res ipsæ ad vniuersitatem destruantur per culpam crassam, quæ dolo aequiparatur.

- 7 Monasterium non obligatur ex contractu, vel delicto Religiosi nisi si quatenus consensus praebeat, vel aliquod inde commodum accipit.
- 8 Peccare censetur Religiosus contra votum paupertatis, si quadam abscondat, ne Praelatus ipsum habere sciat, aut renocare possit.
- 9 Adversarios & Oeconomi Religionis plus dare non possunt quam Ordinis regula, consuetudo, vel Superioris voluntas permittit.
- 10 Praelati regulares contra paupertatis votum, & adversus iustitiam delinquant, si bona Conventus aliter expendant, aut donent, quam Ordinis regula, aut consuetudo permittit.
- 11 Quanta materia ad transgressionem voti paupertatis requiratur ita definitur solet, sicuti in furto.
- 12 Religiosi peculium habere possunt, secundum possessionem, & administrationem dependentem à Praelati voluntate.
- 13 Tridentinum Concilium videtur prohibuisse, ne Religioso designentur stabiles redditus instar cuiusdam peculii, quamvis dependentis à Praelati voluntate. Quamvis aliqui Doctores non sine probabilitate negent, id Tridentino Concilio aduersariis.
- 14 Praelatus Religioso licentiam dare non potest res assumendi in usus vanos, aut illicitos; sed tantum expendendi ad utilitatem Monasterii publicam, vel privatam.
- 15 Etiam Abbatissa Monialibus sibi subditis licentiam dare possunt accipiendi, retinendi, expendendi, qua iusta sunt.
- 16 Religiosus si rem aliquam donatam absolute accipiat in favorem alterius non interveniente licentia Praelati, peccat contra paupertatis votum: scilicet, si se tantum habeat ut mercedem, internuntius, vel elemosynarius.
- 17 Religiosus beneficiarius, interim dum beneficium obtinet, administrationem reddituum habet, à sacris canonibus sibi concessam.
- 18 Quia Religiosus beneficiarius aliunde, quam ex beneficio accipit, Monasterium sibi vindicare potest.
- 19 Praelatus Religioso usum alicuius rei tanquam irrevocabilem concedere non potest: adeo, ut, etsi promittat non renocaturum, nihilominus absque iniuria renocare possit.
- 20 Si Monacho hereditas, aut legatum relinquatur, ea lege, ut ad ipsam, non ad Monasterium pertineat; explicari debet voluisse testatorem, ut ad Monachum pertineat cum consensu Praelati: quare si Praelatus consensum neget, corrumpit legatum, vel institutum.
- 21 Si testator expresserit, non aliter se relinquere Monacho, nisi ut habeat rem independentem, à Praelati consensu, irritum est legatum: sed in dubio non est praesumendum, id adiectum fuisse, ut conditionem propriam dicitur, sed ut modum, qui si impossibilis sit, pro non adiecto habetur.
- 22 Poena Religioso proprietario (id est, qui aliquod ut proprium retinet) canonico iure decreta sunt: I. Si absque poenitentia mortuus fuerit, ut in loco sacro ne sepeliatur. II. Vt ad agendam poenitentiam in carcerem detrahatur. III. Vt biennio voce activa, & passiva privatus existat.

QVÆSTIO PRIMA. Ad quidnam obligetur Religiosus ratione voti paupertatis? Respondeo: Religiosus omnes & singuli ex hoc voto impediuntur, ne proprium quid habeant, sicuti constat ex c. non dicatis: aliquid proprium, 12. quæst. 1. c. Monachi, c. super quodam, &c. cum ad Monasterium, de statu Monachorum.

- 2 Porro circa vocabulum proprii, seu proprietatis, duo advertenda sunt: I. Illud restringendum esse ad bona pecuniaria seu pretio aestimabilia, tam mobilia, quam immobilia, quorum omnium proprietatem, id est, liberam & independentem de iis disponendi facultatem Religiosus omnis voluntariae paupertatis voto, in perpetuum abiecit, &que incapax redditur: adeo ut omnis dispositio, alienatio &c. sine consensu Praelati facta, non solum illicita, sed etiam invalida sit. quæ de re videri potest Valentia tom. 3. disput. 10. quæst. 4. p. 3. Sanchez lib. 7. moralium, cap. 18. num. 2. Less. lib. 2. cap. 41. dub. 8. Interim vero Religiosus retinet dominium seu ius honoris ac famæ suæ, secundum doctrinam S. Thomæ 2. 2. quæst. 186. art. 7. ad 4. m. Ca. i. Præterea intelligendi, præsentium, contentendi: item regulæ beneficium atque iurisdictionem spirituales habere, &que ad talia iura acquirenda, retinenda, recuperanda, suo nomine agere non prohibetur, si qui prosequitur Navar. comment. 2. de Regular, post

princip. Miranda tom. 1. quæst. 28. a. 1. Less. lib. 2. cap. 4. dub. 5.

II. Nihil obstat; aut pugnat cum voto Religiosæ paupertatis quominus Religiosi aliqui (videlicet in Societate Iesu Scholastici, & Coadiutores temporales, qui post biennium probationis, simplicia vota ediderunt) retinere aut acquirere possint dominium radicale rerum tum mobilium, tum immobilium, puta hereditatum &c. privati tamen actuali iure de iis arbitrato suo disponendi. Nam proprietas, qua privatur Religiosus per paupertatis votum, non significat dominium illud radicale (quale v. g. etiam infans habet sub tutore constitutus) sed ius retinendi, disponendi ad suum arbitrium, & sine dependentia à Praelato: hoc enim iure tum habito, tum habendo in perpetuum se exuit omnis Religiosus per voluntariae paupertatis votum, acceptante Ecclesia, & omnino incapax iuris redditore. Quare dominium radicale, quod Religiosi illi retinere possunt, multo minus est, quam in infante, aut pupillo: tum quia pupillus spem habet suo tempore acquirendi absolutum disponendi ius de rebus suis; non item Religiosus, tum quia tutor non habet ius disponendi de rebus pupilli, nisi in eiusdem commodum: sed Praelatus, siue Religiosus longè maius ius obtinet disponendi de rebus, quarum vel possessionem, vel dominium radicale Religiosus habet: ut nulla ei iniuria fiat, si Praelati, quibus voluntatem suam subdidit Religiosus, ipsi auferant, & ad alios usus applicent.

Ceterum id rectè docuisse videtur Sanchez lib. 7. moral. cap. 18. quæst. 2. contra Mol. tom. 1. de iust. tr. 2. disp. 139. ver. Illi qui tempore. Si Religiosus Societatis Iesu, qui post biennium simplicia vota edidit, de bonis, quæ vel ante ea vota acquisierat, vel postea iure hereditario acceperat, seu inter vivos, seu mortis causa absque Superiorum consensu disponat, peccaturum quidem mortaliter adversus paupertatis votum, tamen dispositionem validam fore. Quia retinet dominium bonorum, donec se iis abdicet. Etenim hoc discrimen est inter votum paupertatis solemne, (cui æquiparari in hoc decet votum paupertatis Coadiutorum formatum Societatis Iesu) & inter simplex paupertatis votum: quod istud non prius dominio rerum acquisitarum, nec omnino incapax acquirendi reddat, neque acquisitionum alienationem irritam efficiat; sed solum ut talis dispositio, aut alienatio illicita sit, si fiat absque Praelati consensu. At vero votum solemne Religionis ipso iure privat professum rerum ante habitatum dominium, & tum acquirendi, tum transferendi incapax reddit, uti constat ex c. vn. de voto, in 6. Et de Coadiutoribus formatis in Societate Iesu idem decretum reperitur à Gregor. XIII. in Bulla, Ascendente Domino.

QVÆSTIO PRIMA. Quibus modis Religiosus contra votum paupertatis peccare possit? Respondeo. 4 Peccare contra votum paupertatis; Si rem quampiam seu domum suam, seu foris, etiam ex iis, quæ ad victum, vestitum &c. pertinent sine superioris sui consensu expresso, tacito, aut praesumpto, accipiat, retineat, occultet, assumat, permittat, aut terti denet. Est communis doctrina apud S. Anton. p. 3. tit. 16. cap. 1. §. 11. Maiorem in 4. d. 38. quæst. 9. Syl. ver. Religio, 6. quæst. 7. Navar. comment. 2. de Regular. num. 20. & in sum. cap. 17. num. 105. Mendozam in controuers. Theolog. quæst. 8. Azor, tom. 1. lib. 12. cap. 12. Valentiam tom. 3. disp. 10. quæst. 4. p. 3. Less. lo. cit. & cap. 41. dub. 9. num. 79. Sanchez lib. 7. moral. cap. 19. Sufficit autem ut dixi, consensus tacitus Praelati si is sciat subditum aliquid accipere, retinere, vel expendere, & non prohibeat cum facile possit. tunc enim plerumque consentire & approbare censetur.

Hoc modo, ait Sanchez numer. 7. si in aliqua Reli-

gione consuetudo vigeat recipiendi aliqua aut expendendi; non petita Superioris licentia excusari Religiosos per tacitam licentiam Prælati, quam tolerando consuetudinem rationabiliter declarat. Et eod. cap. 19. n. 70. obseruat, Si prælatus Regulari donet, vel ab alio donatas res aliquas permittat, v. g. imagunculas, rosaria, numismata benedicta, sciens, subditum non indigere iis omnibus ad propriam vsum, spectata talium rerum qualitate, tacite dari facultatem ea aliis donandi seu domesticis seu externis, licuti consuetum est.

Sufficit item consensus presumptus quando videlicet iustam ob causam mihi perluadeo, si Prælatus sciret me talem rem accipere, absumere, expendere, contentum fore. Quæ est communis sententia S. Thom. 2. 2. quæst. 32. a. 1. ad 1. Arrag. & Bannes ibid. Nauar. Valentia, Sanchez ll. cc. Azor quæst. 2. & 3. Mendoza concl. 7. Sed etsi interdum Prælatus inuitus sit, quod clam, aut eo non rogato accipitur, absumitur, si tamē inuitus nō sit quo ad rem ipsā, quia rogatus facile cōcederet, & consentiret; committitur quidem peccatum, saltem veniale; sed non contra paupertatis votum, sicuti bene docent Nauar. cōment. 2. de Regular. nu. 10. Mendoza cit. concl. 7. & 8. Rodriq. tom. 3. regular. quæst. 29. a. 10. concl. 7. & a. 11. in fine, Rebelius de iustit. p. 1. lib. 3. quæst. 15. lect. 3. num. 22. Modò, vt dixi, in Superiore sit voluntas, saltem habitualis, per quam contentus sit, rem ipsam à subito accipi, licet aliquantulum agere ferat licentiam ab ipso non peti, vti explicat Sanchez num. 15. & videri possunt, quæ dixi in simili de furtis domesticorum lib. præced. tract. 3. de iustit. p. 1. c. 1. n. 5.

Atque hæc ferme generatim dicta sunt: Nunc verò in specie aliquos casus magis dubitados referam, quibus contra paupertatis votum Religiosus peccet. Et primò quidem peccat, etsi tantum comestibilia absque Prælati licentia accipiat & absumat, sicuti docet Lessius cap. 41. num. 79. ver. septimò, Sanchez cit. lib. 7. moral. cap. 19. num. 53. Quia solum etiam vsum, seu absumptionem rei absque Prælati licentia attentare repugnat voto, imò est etiam furti species, si res inuito Prælato ex bonis communibus Monasterii vsurpetur: sin verò ab externis accipitur, & absumatur, est solum contra paupertatem, vti docet idem Sanchez cap. 21. num. 35. qui tamen bene notat eod. num. 35. & num. 33. maiorem quantitatem horum esculentorum requiri ad constituendum peccatum mortale seu furti, seu præuarcationis voti, quam in rebus aliis; partim quia talium rerum acceptio & absumptio propter naturæ necessitatem facilius excusatur, partim quia earum dominium non vendicatur, aut retinetur; sed merus vsus appropriatur, per quem res mox absumitur.

Secundò, Licet solum etiam vsum rerum non absumptibilem, v. g. librorum sibi absque Superioris licentia vsurpare, aut alteri seu domestico, siue externo concedere seu commodare, paupertatis voto repugnet; sæpe tamen à mortali excusatur ob materiæ paruitatem. Etsi enim liber v. g. valeat decem ducatis, quem sibi vt proprium vendicare mortale peccatum esset; vsus tamen libri non perpetuus, sed temporalis tanti non æstimatur, vt mortalis peccati materia sit: quare vsum eius libri ad tempus sibi vendicare, vel alteri sine licentia concedere, non est mortale, sed veniale, vti notauit Sanchez n. 57. & c. 20. n. 6.

At verò in depositum res accipere, ita vt deponens omne ius domini, ac possessionis, administrationis teneat, non repugnat paupertatis voto; tamen si tali modo pecunia v. g. deposita sint apud Religiosum, vt iis vti possit petita postea, & impetrata Superioris licentia: talia tamen sunt contra paupertatis perfectionem, & plerumque contra regulæ præscriptum, vti Sanchez notauit n. 50.

Sed quid sentiendum de permutatione rerum absque licentia Prælati? Non esse id mortale, tamen si permutatio cum externis instituatur, videtur sensisse Rodriq. p. 2. sum. cap. 31. num. 7. si Conuentui iactura magna non eueniat, quia æqualia pro commutatis recipiuntur; sed Sanchez cit. cap. 19. num. 67. meritò contrarium docet, quia commutare est actus domini, qui à solo habente dominium, vel legitimam rei administrationem rectè fieri potest. Quare si res sit magni pretii, videtur esse mortale. Sæpe tamen præsumi poterit, Superiorem inuitum non esse, vt quæ Religioso ad suum vsum concessa sunt, v. g. breuiarium, aut vestem cum aliis commutet, quæ sibi magis accommodata videtur: præsertim si permutatio instituatur cum domesticis; imò etiam cum externis, si, quæ recipiuntur, similia, aut æqualia sunt. Interdum verò licet inuitus sit Superior quoad modum, quia talia sunt ipso non rogato; non tamen inuitus est quoad rem ipsam; ac proinde culpa mortalis non committitur. Quamquam talia paupertatis religiosæ perfectioni repugnant, & quandoque occasionem præbent maioris præuarcationis voti incurrendæ.

Tertiò violat Religiosus votum paupertatis, si pecuniam, vel aliam rem sibi à Prælato destinatam ad certum vsum, contra eiusdem voluntatem in alium vsum expendat: vt si Monachus in Academia degens, pecunias sibi à Monasterio transmissas, ad victum, vestitum, aut libros Theologicos emendos; ille donando, ludendo, aut libris profanis & inutilibus emendis absumat. Eadēque ratio est, si esculenta, vel poculenta quæ domi v. g. in mensa singulis apponuntur, contra Prælati voluntatem secum auferant, vel alteri largiantur, vti Mendoza docet concl. 3. *Sicuti cum quis aliquos conuiuio excipit, inquit ille ex Soto lib. 4. de iust. quæst. 1. a. 1. concl. 2. non facit eos dominos esculentorum & poculentorum; neque copiam facit, vt illi ad alios transmittant, aut in proprias domos asportent.*

Nec quicquam inuat, si Religiosus in sui executionem afferat, se propria parsimonia, seu genium suum defraudando aliquid reseruasse, vt in alios liberalis esse posset. Cum enim ille domini incapax sit, ita parcendo vel reseruando, nihil sibi proprium acquirit; sed in bonis Monasterii remanet, quæ sine Prælati consensu nulli dari, vel ratione expendi possunt. Quare quodd tradit Nauar. de re dit. Ecclesiasticis, quæst. 1. monito 33. Lud. Bea p. 4. casu 32. Si Religiosus extra Monasterium viuens ex designatis sibi annuis redditibus parcius viuendo pecuniam colligat, posse eam donare consanguineis pauperibus, id verum est, si rationabiliter præsumptus Prælati consensus accedat: vel si liberam, atque à Prælato independentem bonorum administrationem habeat; vt quis est beneficiatus, vel à Summo Pontifice dispensationem obtinens. qua de re Sanchez lib. 7. cap. 19. num. 33.

Quartò Religiosus contra paupertatis votum delinquit, si res ipsi ad vsum concessas per culpam seu negligentiam latam, quæ dolo æquiparatur, amittat, destruat, vti docet Less. lib. 2. cap. 41. dub. 9. numer. 79. ver. Decimò, Sanchez cit. cap. 19. num. 115. Quia is actus est proprius domini, posse rem arbitratu suo destruere, perdere: Religiosus autem, cui solus vsus facti concessus est, non potest talem actum domini, cum proposito seu formali, seu virtuali, exercere, sine violatione voti paupertatis. Quod si Religiosus peculium habeat suæ administrationi commissum, debet ex eo restitutionem facere Monasterio, cui ex tali destructione, vel quacunque inutili alienatione, damnum illatum fuit: qua de re Sanchez numer. 112. & seqq.

Quintò violat paupertatis votum Religiosus, si, quæ ab aliis ipsi data, vel donata sunt, accipiat, ac reti-

neat, sine Prælati consensu. Id traditur in cit. c. cum ad Monasterium, de statu Monachorum, iis verbis: *Vnde si quicquam alicui fuerit specialiter destinatum, non presumat illud accipere; sed Abbati, vel priori, vel Cellario assignetur.* Et in Concilio Trident. cit. cap. 2. Nemini Regularium tam virorum, quam mulierum, liceat bona immobilia, vel mobilia cuiuscunque qualitatibus fuerint, etiam quovis modo ab eis acquisita, tanquam propria, aut etiam nomine Conventus (excepto si alicui officium administrationis competat) possidere, vel tenere: sed statim ea Superiori tradantur, conventuique incorporentur. Ratio est: Quia quicquid Religiosus dominatione, legato, hereditaria successione, vel contractu acquirit; non sibi ipsi, sed Ordini, vel Monasterio acquirit, si capax sit; perinde ac servus domino suo acquirit, ut docent Abb. in cit. c. cum ad Monasterium, num. 2. Nauar. comment. 2. de Regular. num. 30. Mendoza concl. 5. Sylu. ver. Religio, 6. quæst. 7. Molin. to. 1. tract. 2. disp. 140. l. eff. cit. c. 4. dub. 11. & sumitur ex c. Abbates, 18. q. 1.

7 Contra verò, Monasterium non obligatur ex contractu, vel delicto Religiosi sui, nisi quatenus consensum præbuit, vel exinde aliquid commodi accepit, sicuti præter alios docet Nauar. num. 62. Azor lib. 12. cap. 11. q. 2. & seqq. & sumitur ex c. quod quibusdam, de fideiussor. Si tamen promissioni vel contractui Religiosi celebrato absque Prælati consensu, fideiussor accesserit; vel pignus ab altero datum sit; videtur obligatio nasci, teste Nauar. cit. comment. 2. num. 42. Azor cit. cap. 12. quæst. 6. Quod signum est, in Religioso contrahente, vel promittente saltem naturalem obligationem oriri; quamvis inefficacem (sicuti de pupillo dictum fuit) quippe quæ per exceptionem, vel irritationem Prælati infirmari potest: licet aliter sentiant Felinus & Abb. in c. ex rescripto, de iureiurando, videlicet neque naturalem obligationem à Religioso contrahi, eò quod iura eiusmodi obligationi resistant.

8 Sexto, Transgressor est voti paupertatis religiosæ, si aliqua abscondat ne Superior sciat, nolens permittere liberæ eius dispositioni: aut si tanquam iniuria affectus sit, murmure, dum ei à Prælato adimuntur. Quia tales sunt actus tanquam dominii independentis, siue iuris proprietarii, qui voto paupertatis religiosæ repugnant, sicuti docet Less. lib. 2. c. 4. dub. 5. n. 25. Sanchez cit. c. 19. n. 60.

Septimo, Transgressor est voti paupertatis religiosæ, si, quæ etiam cum Prælati licentia acceperat Religiosus postea abscondat, ne Prælati volens ea reuocare, propositum suum exequi possit, sicuti ex communi docet Sylu. ver. religio, 6. quæst. 7. dicto 1. Mendoza quæst. 8. concl. 4. Sanchez lib. 7. cap. 19. num. 60. Idemque est, si murmure & querelis impediatur, quominus Prælati reuocare, aut auferre rem audeat: quia tales actus sunt tanquam dominii independentis, seu iuris proprietarii, qui voto paupertatis religiosæ pugnant, ut docet Less. lib. 2. c. 4. dub. 5. n. 25.

9 Octavo transgressores sunt voti paupertatis procuratores, Oeconomi, & similes bonorum Monasterii &c. administratores, si rem quamcunque seu domestico seu externo largiantur, aut expendant aliter, quam Ordinis regula, vel consuetudo, aut Superiorum voluntas postulat. Sumitur ex S. Thom. 2. 2. quæst. 32. a. 8. ibid. Oportet quod ea, in quibus inferior Superiori subiacetur, dispensent non aliter, quam ei sit à Superiore commissum. Et docet Nauar. cit. comment. 2. num. 9. Molin. tom. 2. disp. 276. ubi ait: In nostra Societate Officialis spendere in omnibus à præscripto, & voluntate saltem præsumpta, eius Superioris, cui subsunt. Et Mendoza concl. 1. sciendum est, inquit, quod licet bona Monasterii sint omnibus communia; non tamen ita, ut singuli sint domini aliquotarum partium; qualiter est fundus communis pluribus heredibus, sed sunt communia ita, ut singulis quod opus fuerit, applicetur ab eo, qui habet aucto-

ritatem illa administrandi. Consequenter, qui ab eiusmodi oeconomicis aliquid ultra, quam ipsorum potestas se extendit, acceperit, furti particeps sit; & si Religiosus est, etiam voti præuicator.

Nonò, etiam ipsi Religionum Prælati paupertatis votum violant, & contra iustitiam delinquant, si bona Conventus aliter expendant, vel donent, quam Ordinis sui regula, vel consuetudo, aut Superiorum Prælatorum voluntas ipsis permittit, sicuti ex communi docet Nau. num. 11. & 23. Abulensis in cap. 6. Matth. quæst. 37. Molina loco citat. Mendoza concl. 2. Alioquin donatio, aut alienatio irrita est, & restitutioni obnoxia: propterea quod Prælati non sint bonorum communium domini, sed solum administratores, c. fraternitatem, de donation. Vide Sanchez citat. lib. 7. cap. 19. numer. 30.

Notant verò doctores, requiri materiam notabilem seu grauem, ut præuicatio voti paupertatis mortalis fiat. Quanta autem materia esse debeat, ita definire solent, sicuti in furto, uti videre est apud Nau. lib. 3. concl. 75. dub. 3. de regular. edit. 1. Grassi p. 1. decision. lib. 3. c. 5. num. 49. Azor tom. 1. lib. 12. cap. 12. quæst. 6. Sanchez 7. moral. cap. 20. num. 3. Aduerte tamen, in furto facilius materiam aggravari posse, comparatione personæ, cui auferitur; si pauper sit, & ablationis, quamvis secundum se exigua, damnum grauer ferat, sicuti dixi lib. præced. tract. 3. de iustit. tract. 1. p. 1. c. 1. n. 3.

QVÆSTIO TERTIA. Vtrum licitum sit Religiosis habere peculium? *Peculium* (inquit Iureconsultus in l. depositis, ff. de peculio) dictum est, quasi pusilla pecunia, vel pusillum patrimonium. Nam olim omnes hominum possessiones pecunia dicebantur; quia antiqui, totum quod habebant, in pecoribus habebant, ait S. August. cap. 1. de doctrina Christ. relatus in c. totum, 1. quæst. 3. & notauit Nauar. comment. 1. de Regul. super c. cui portio, 12. q. 1. n. 16.

Porrò peculium, seu proprium patrimonium duplex est, auctore Nauar. loco cit. & in c. non dicatis, seu comment. 2. de Regular. num. 14. Vnum tanquam iuris perfecti; & independentis, quod est propriè dictum dominium, seu facultas disponendi de re suo arbitratur. Et sic certum est, regularem ratione professionis suæ incapacem esse peculii, ac proprietatis, iuxta c. Monachi, & c. cum ad monasterium, de statu Monachorum, ubi dicitur; Quod Abbas super habenda proprietate non possit cum Monacho dispensare. Et Glossa in cit. c. Monachi, ver. administratione permissum, Abb. in c. ult. de condit. apposit. in fine rectè docent; si quis professionem in Religione aliter non edat, nisi conditione appositâ, ut liceat ipsi proprium habere independentem à Prælati dispositione; ipso iure irritam esse: quia talis conditio tollit partem substantialem religiosæ professionis. Quod verum est, si sit conditio propriè dicta; secus si modus professioni factæ adiectitiis, iuxta ea quæ dicam lib. seq. tract. ult. p. 2. cap. 7. Aliud verò est peculium siue proprium latè, quoad solam administrationem, possessionem, & usum facti, dependentem à voluntate Prælati, qui concessum usum & administrationem restringere, ac penitus reuocare arbitratu suo possit: atque huiusmodi facultatis habendi peculii Religiosum incapacem non esse, docent DD. communiter, Abb. cit. cap. Monachi num. 4. & cit. c. cum ad Monasterium, num. 8. Nauar. ll. cc. & comment. 3. Regul. num. 25. Sa verbo religio, num. 48. Molin. tom. 2. disput. 276. Grassi p. 1. decisionum lib. 3. cap. 5. num. 53. Miranda in manuali, tom. 1. quæst. 18. a. 8. Azor t. 1. lib. 12. c. 9. Pet. Nau. lib. 3. c. 1. n. 179.

Verum cum huiusmodi peculium, siue ius possessio- nis, administrationis à Prælato dependentis, varium sit, & ex variis causis concedi solitum, de singulis spectatur

dicere oportet. Inprimis notat Nauar. citat. c. non dicatis, num. 15. Eiusmodi administrationem interdum committi solum in utilitatem, & damnum Monasterii concedentis, sicuti Officialibus committi solent aliquæ villæ vel domus administrandæ nomine Monasterii, ad nutum Superioris reuocabiles; idque vbiq; consuetum, ac licitum esse, constat ex cit. c. Monachi, & c. cum ad monasterium g. tales, vbi adiicitur: *Nec alicui committatur obedientia perpetuè possidenda, tanquam in sua ipsi vita locetur; sed cum oportuerit amoueri, sine contra dictione qualibet reuocetur.* Quam reuocationem tacere potest Prælatus solus, tametsi ipse, vel antecessor eius vnà cum Capitulo administrationem, vel officium concesserit, secundum Abb. in cit. c. Monachi, n. 9. Azor t. 1. lib. 12. c. 9. q. 8.

Interdum verò administratio bonorum, seu peculium cõceditur Regulari in utilitatem & damnum ipsiusmet, & hoc quibusdam in casibus indubitatè concessum est. Primus, Si Regularis cum legitima licentia beneficium aliquod possideat, competit ei administratio reddituum, quos ad sui decentem sustentationem, & pias causas applicare potest, quod reliquum verò est, ad Ecclesiam pertinet, cui ille seruit, seu addictus est, sicuti notat Nauar. de re dit. Eccles. quæst. 1. monito 3. Azor tom. 1. lib. 12. cap. 10. qu. 6. & 7. Mol. cit. disput. 276. §. vtrum autem. Secundus, Si Regularis extra Monasterium degat, v. g. in peregrinatione, vel Vniuersitate studiorum, licentiâ habet pecuniam in sui sustentationem, nec non moderatas elemosynas &c. infumendi, secundum præsumptam voluntatem Prælati & Monasterii facultates. Tertius, Bona mobilia, & utensilia, quæ necessaria sunt, vt vestes, libri &c. haud dubiè Religioso Prælatus concedere potest, vt illius vsui propria sint, donec ab eo reuocentur, sicuti docet Concil. Trident. sess. 25. cap. 2. de regul. *Mobilium vsu sumpta Superiores permittant, vt eorum suppellex statui paupertatis, quâ professi sunt conueniat, & nihil superfluum in ea sit.*

Sed difficultas est de portione, seu redditu annuo, qui vel ex bonis Monasterii, vel parètum largitione &c. alicui Religioso in ipso Monasterio, vel iuxta manenti, annuatim assignatur; vt ex eo se vestiât, alat suo com- modo pariter, & incõmodo, dependenter tamen à Prælato voluntate, qui talem portionem reuocare possit? Talis consuetudo tanquam licita defenditur ab Innoc. in c. insinuante, Qui clerici, vel vouentes. Abb. in c. cum ad Monasterium, num. 8. de statu Monach. & c. edoceri, num. 3. de rescript. Syl. ver. Abb. qu. 3. dicto 7. & ver. Religio, 6. quæst. 7. Maiore in 4. d. 38. quæst. 9. ver. arguitur secundo. Neque de hoc dubitari potest, spectato iure antiquo, cit. c. insinuante, & c. de viduis, 27. quæst. 2.

Sed an id reuocatum, & correctum fuerit à Trident. Concil. sess. 25. cap. 2. Ita affirmant Pet. Nauar. lib. 3. cap. 1. num. 174. Lopez part. 2. instruct. cap. 5. Less. lib. 3. cap. 5. num. 30. Azor cit. cap. 9. num. 30. Molina tom. 2. disp. 276. Rodriq. tom. 3. regul. quæst. 29. a. 12. Negant verò Nauar. comment. 2. de Regul. num. 18. & comment. 3. num. 27. & lib. 3. consil. 75. de Regul. dub. 18. edit. 1. Sanchez lib. 7. moral. cap. 22. n. 11. Sa ver. Religio, num. 48. Beia p. 4. casu 32. Ludou. Miranda tom. 1. man. q. 28. art. 8. Graffis cit. num. 53. existimantes, non fuisse propositum Concilio nouum aliquod ius statuere, sed solum declarare ius, quo semper prohibitum erat, tum ne superflua Religiosis assignarentur, tum ne ea conditione aliqua relinquerentur, vt inde dependenter à Prælato voluntate, seu irreuocabiliter retinere possent. Quare etiam hodie permitti posse putant, vt Regularis, post editam professionem, ob iustam causam, maneat in domo priuata ex annuis suis redditibus victitans cum licentia Prælati arbitratu eius reuocabili, arg. cit. c. indicante. Item vt Monacho

seni, vel infirmo assignentur redditus alicuius villæ, ex quibus se alat: Item vt Monialibus solum præbeatur victus, vestitum autem labore manuum sibi comparare debeant.

Hæc Nauar. & aliorum DD. sententia ad hoc saltem inferuire poterit, vt si talis adhuc in quibusdam Monasteriis, præsertim Monialium, consuetudo viget, dampnari absolutè non debeat: sed valde consultum est, Superiorum auctoritate eam tolli ac corrigi, dummodo alia ratione sustentatio necessaria Regularibus prouideatur: non autem permittendum, vt imposterum sine vrgentissima causa introducatur: partim quia paupertatis religiosa perfectioni repugnat, partim quia credibile est, Trident. Concilio cit. c. 2. §. Nec deinceps liceat & c. propositum fuisse eiusmodi stabiles redditus, seu annuas pecuniarias portiones omnino interdicere, quod etiam Cardinales censuerunt super citato cap. 2.

Porro qua ratione Prælatus ob iustam causam licentiam dare possit Regulari extra Monasterium manendi, seu ad curanda bona Monasterii, seu ob aliam necessitatem, data ipsi facultate, vt ibi acquisita in suos, vel alios vsus pios conuertat, videri potest Nau. comment. 2. de Regul. num. 40. & 41. iuncto num. 62. vbi addit, licet alioquin Monasterium non tepeatur ex delicto Monachi, tamen si peculii administrationem habeat, præsertim extra Monasterium degens, ex eo damnum re- sarcendum esse.

Facilius autem Prælatus Religioso permittere potest res mobiles, v. g. pecunias, quas ipsi consanguineus, vel alia persona donauit, vt eas in pios & viles, quos voluerit, vsus expendat, tamen cum dependentia ab ipso Prælato, qui talem licentiam reuocare possit. Quamuis logè consultius sit, eiusmodi donatam pecuniam siue peculium in manus Prioris alteriusque depositarii deponere, vt à tali persona recipiat Regularis, si pecunia indigere videbitur, sicuti notauit Azor cap. 9. quæst. 4. Lopez part. 2. instruct. cap. 5. §. secundo consuetudo.

Illud vero certum esse debet, quod Prælatus nec solus, nec cum Capitulo, permittere possit Religioso, vt bona ex quacunque causa aut titulo prouenientia, in vsus quoslibet, etiam vanos aut illicitos, expendat aut superflua, vel pretiosa quæ statum regularem dedecent, penes se habeat: sed vterque, tum Prælatus licentiam dans, tum subditus ea vtens, voti paupertatis præuicator existit, quin & donatio talis, seu alienatio irrita est, ac restitutioni obnoxia. Qua de re Nauar. cit. comment. 2. num. 23. Syl. ver. Religio 6. quæst. 7. Miranda in man. tom. 1. quæst. 28. a. 9. Mendoza quæst. 6. Valentia tom. 3. disput. 10. quæst. 4. p. 3. Molina tom. 2. disput. 276. Sanchez lib. 7. moral. cap. 19. num. 30. Nam Prælatus subdito maiorem facultatem conferre non potest, quam ipse habet. Cum autem is bonorum Monasterii dominus non sit, sed tantum administrator, iuxta cap. 2. de donat. ideo ea arbitratu suo, atque inutiliter expendere haud potest, sed tantum in eiusdem Ecclesiæ, seu Monasterii necessitatem, vel utilitatem: Ergo &c.

Est autem hæc utilitas duplex: publica & priuata. Priuata necessitas vel utilitas est, quæ particulares Monasterio incorporatas personas attinet, vt ea sibi comparent, quæ pertinent ad victum, vestitum, honestam recreationem animi, aut corporis, quod alacrius officio suo fungi possint. Quare non dampnarem Religiosum tanquam voti paupertatis transgressorem, si v. g. in Academia degens, aliquot mensuras vini cum sociis bibat ex pecunia sibi à Prælato transmissa ac donata: esto, quod peccet contra temperantiam, vel ob scandalum, si hospitium publicum ingrediatur ad potitandum. Et enim Prælatus voluit, ac potuit illi dare licentiam bi-

bendi cum sociis, sicuti & in Monasterio potest: sin autem ille inordinate usus est tali licentia, peccauit potius quoad modum, quam quoad rei substantiam.

Ad publicam vtilitatem spectant, quæ expenduntur ad communem Fratrum habitationem, aut victum, quæ nomine eleemosynæ in pauperes, aut hospitalitatis in peregrinos, quæ in piam causam, seu ad Dei honorem: item quæ donantur illis, qui de Ordine seu Monasterio bene meriti sunt, aut bene affecti vt sperandum sit imposterum aliquid commodi ab iis prouenturum, si eiusmodi beneuolentia magis concilientur.

Nouam verò constitutionem Clementis VIII. omnes ferme largitiones, ac missiones munerum Religiosis interdicens, & alia statuentis ad religiosæ paupertatis dignitatem perutilia, videre potes apud Azor t. I. lib. 12. c. 9. q. 5. quamuis illa necdum apud omnes in regionibus nostris recepta sit.

Ad extremum pauca addenda: Primum Prælatus licentiam dans Regulari retinendi, aut absumendi bona, debet esse proprius, siue is immediatus sit, seu mediatus. Notat verò Sanch. cit. ca. 19. n. 41. Hoc speciale esse in Societate Iesu, quod iuxta regul. penult. communē, peregrini, ac hospites, si ad Collegium, vel domum Societatis veniant, eius, qui illic præest, obedientiæ in omnibus subfint, sicuti & incolæ: quare rector Collegii, aut Præpositus domus licentiam accipiendi, vel expendendi hospiti, perinde vt aliis subditis suis, dare poterit.

Secundum. Quod de Prælatis Ordinum dictum est, idem quoque sentiendum de Abbatissis, quod Monialibus sibi subditis licentiam dare possint accipiendi, retinendi, expendendi, quæ iusta sunt: quandoquidem ad Abbatissam libera bonorum Monasterij administratio pertinet, teste Abbate in cap. 2. de his quæ fiunt à Prælato & c. num. 4. Bene autem limitat Sanch. num. 44. Nisi consuetudine, vel constitutione religionis Abbatissæ potestas restricta sit.

Tertium: si Regulares vtriusque sexus res aliquas cum licentia Prælati malè detineant, vel alienent in usus non concessos, peccant quidem contra paupertatis votum, vt supra dictum; non tamen incurrunt pœnas iuris, de quibus infra dicam: cum ex decretæ tantum sint contra illos, qui clam aut sine Prælati consensu aliquid detinent, sicuti notauit Nauar. comment. 2. de regular. n. 21. Miranda cit quæst. 28. a. 15. Sanchez cit. cap. 19. num. 25. vbi addit: Neque ipsum Prælatum inutiliter expendentem, aut superflua retinentem pœnas iuris incurrere.

16 QVÆSTIO QVARTA. Vtrum Religiosus contra votum paupertatis peccet, si sine Superioris expressa, aut rationabiliter præsumpta licentia, à diuite pecuniam, vel alia dona accipiat, non pro se; sed vt aliis det, puta pauperibus, vel consanguineis? Respondeo, & dico I. Religiosus non peccat contra paupertatis votum, si donationem nullo modo acceptet, neque quoad ipsam rem, neque quoad liberam dispositionem de re. Ita docet Sanchez lib. 6. de matrim. disput. 4. num. 7. Luis. Turrianus 2. 2. disput. 84. dub. 3. Ratio est: Quia hoc casu diues nullum omnino ius pretio æstimabile à se in Religiosum transfert; consequenter Religiosus, cum nihil iuris sibi vindicet, contra votum paupertatis non delinquit: Sed vel habet se vt merus intercessor; puta, si diues Religioso aliquid donare velit; ille autem renuat, quia non indigeat, vel accipiendi ius non habeat; roget tamen interim, si velit, vt donet suo consanguineo. Quæ eadem ratione ait Sanchez l. c. Licet prohibita sit donatio inter virum & uxorem, non tamen prohibetur maritus v. g. aliquo sibi donare volente, petere, vt potius donet uxori suæ, nisi sub sit actus occultatus, quo tacite acceptans maritus, iubeat tradi uxori. Vel habet

se Religiosus, vt alterius internuntius, vt puta si in supra dicto casu pecuniam à diuite accipiat, vt eam non suo, sed ipsius diuitis nomine donet consanguineo, vel pauperi. Vel denique habet se Religiosus vt eleemosynarius, cui à diuite pecunia committitur, vt eam nomine illius pauperibus ipse distribuat, qui existimauerit ea magis indigentes. Nam his casibus, licet pecunia in manus Religiosi tradatur, nihil tamen ipsi iuris aut domini acquiratur: quandoquidem diues pecuniam pauperi, vel consanguineo donandam, ante donationis executionem, mutato committente, dare potest, vel iubere, vt nō huic, sed alteri, quem ipse designauerit, donetur. Atque hoc sensu vera est sententia Sanchez lib. 7. moral. cap. 30. num. 4. Religiosum non peccare aduersus paupertatis votum, si sine Superioris licentia pecunias accipiat, relicta ipsi facultate pauperes eligendi, quibus distribuat: quamuis id repugnet regulis Societatis I. & S. V, vt videre est reg. 27. Sacerdotum, & inter communes 7.

Dico II. Si Religiosus rem donatam vel secundum se, vel secundum liberam eius dispositionem, absque Superioris licentia acceptat, quamuis in fauorem alterius, peccat contra paupertatis votum. Ita Turrianus locis supra cit. Ratio est: Quia ius pretio æstimabile in Religiosum transfertur, quod paupertatis voto repugnat. Potest autem id pluribus modis contingere: Primò, Si diuite pecuniam v. g. ipsi donare volente, expressè, vel tacite acceptet donationem; petat tamen, vt detur consanguineo: Non enim refert, an ipse pecuniam acceperit, an alii iusserit dari, l. 2. ff. de calumniat. Secundo, Si Religiosus in donationem sibi factam consentiat; & rem donatam accipiat, protestetur tamen, se non seruaturum, sed consanguineo suo donaturum. Tertiò, Si Religiosus pecuniam v. g. accipiat ad distribuendum liberè pauperibus, quibus ipse voluerit, independentè à voluntate dantis: quamuis protestetur, se nomine illius, & non suo, pauperibus donare, peccat tamen contra votum paupertatis: Quia etiam in hoc ultimo casu ius aliquod pretio æstimabile sibi Religiosus usurpat, si accipiat pecuniam suo arbitratu pauperibus distribuendam, ita vt à dante reuocari, vel ad alium, quam ipse Religiosus voluerit, usum, applicari non possit. Quomodo intelligo Doctores, quos citat Sanchez cit. cap. 30. num. 3.

17 QVÆSTIO QVINTA. Cui acquirat Religiosus, qui Ecclesiasticum beneficium legitime obtinet? Respon- deo & dico I. Religiosus beneficiatus, interim dum beneficium Ecclesiasticum obtinet, reddituum administrationem habet, quos proinde tum ad sui sustentationem, tum ad alias causas pias expendere potest, facultate ipsi à iure canonico concessa. Ita docet Nauar. comment. 2. de Regul. num. 10. & 11. & lib. 3. consil. 70. de Regul. edit. 2. Rodriguez tom. 1. regul. quæst. 34. art. 7. Molina tom. 2. disp. 276. Lessius lib. 2. cap. 41. dub. 11. Quare regula traditur ex eod. Nauar. num. 10. & de reddit. Eccles. quæst. 3. monito 25. Quod Religiosus beneficiarius ita disponere possit de fructibus sui beneficii, sicuti secularis beneficiatus. Sumitur ex Clem. 2. §. sed & tales; de vita & honestate Clericorum. Ratio verò est: Quia talis est natura seu institutio beneficii Ecclesiastici, vt tribuat alicui ius administrandi redditus ad necessarios, vel pios usus. Atque hæc assertio prorsus indubitata est, si loquamur de Regulari v. g. canonico, translato cum Episcopi, aut Papæ licentia, ad Ecclesiam secularem: quia talis quodammodo definit esse sub obedientia Prælati regularis, & incipit subesse Ordinario diocesano, iuxta Gloss. in Clement. 1. §. adhuc, verb. claustrum, de statu Monach. Abb. in cap. vlt. de capellis Monach. in fine.

Sed locum etiam habet assertio primò, Licet benefi-

eium manuale sit, ita vt beneficiarius arbitrato Prælati (modò ex causa iusta) reuocari possit, sicuti docet Nauar. cit. comment. 2. nu. 10. & sequitur Rodriquez cit. art. 7. Lessius cit. dub. 11. num. 94. Quia pro tempore, quo beneficiu manuale seu reuocabile iuste obtinet fructuum administrationem sibi ex canonum constitutione deposcit, & colligitur apertè ex Clem. 1. §. eodè quoque, de supplen. neglig. Prælatorum.

Secundò locum etiam habet assertio, si beneficium regulare sit, v. g. Prioratus habens proprios redditus, sicuti colligitur ex cit. Clem. 1. §. eodè, vbi prohibetur, ne Prælati regulares, prioratus, ecclesias, administrationes, aut beneficia cuiusmodi applicent mensis suis, pensionesue nouas eis imponant, aut veteres augeant: & videri potest Nauar. loco cit. num. 11. & cit. consil. 70. num. 2. vbi hæc eadem de Commendatariis Ordinum militarium tradit. Sed bene monet Sa ver. Religio, numer. 46. In hac re attendendum esse ad cuiusque Ordinis regulam, & legitimè introductam consuetudinem.

Dico II. Reditus beneficii, qui post amotionem, aut mortem beneficiarii supersunt, ad Ecclesiam eam, vel beneficium, cui seruiuit, & cuius intuitu acquisiti fuerunt, pertinere debent. Ita docet Abbas in cap. vlt. de Regular. num. 3. Nauar. cit. comment. 2. num. 6. & comment. 4. numer. 69. Azor tom. 1. lib. 12. cap. 10. quæstion. 6. Rodriquez cit. art. 7. Lessius cit. dub. 11. num. 91. & sumitur ex c. ne pro cuiuslibet, 16. quæst. 1.

88 Dico III. Quæ Religiosus beneficiarius extra Monasterium aliunde acquirit, videlicet ex elemosynis, hæreditate, legato, propria arte, vel etiam ex pensione ipsi constituta, ea Monasterio saltem post mortem beneficiarii acquiruntur, si id bonorum in communi capax sit. Ita docent Bartolus in l. 1. §. si fructuarius, ff. de stipulat. seruorum, Lessius cit. cap. 41. num. 92. Quamuis Nauar. cit. num. 69. Sanchez lib. 7. cap. 32. num. 76. Azor cit. cap. 10. quæst. 6. dicant, ea, quæ proprio labore, arte, aut donatione beneficiarius regularis acquirit, pertinere ad beneficium, seu Ecclesiam, cui seruit, non ad Monasterium. Sed contra est, quòd à communi regula, sumpta ex c. Abbat. 18. q. 2. c. c. ad Monasterium, de statu Monach. *Quicquid regularis acquirit, Monasterio suo acquirit*, recedendum non sit, sine speciali ratione, iuris textu, vel legitima consuetudine. Cuiusmodi quidem consuetudo, atque Ecclesiæ canon obtinet in Regularibus promotis ad Cardinalatum, Episcopatum, etiam titularem, vel aliam dignitatem Ecclesiasticam, præsertim talem, quæ habeat corpus bonorum separatum à corpore Ecclesiæ, vt tales ab Ordine suo quasi omnino exempti, & translati censeantur; ideoque quicquid quouis modo acquirant, ad ipsorum Ecclesiam, vel beneficium, vel Cameram Apostolicam pertinere debeat. quæ est sententia Abb. communiter recepta in c. in præsentia; num. 67. de probat. sumpta ex c. statutum 18. quæst. 1. Quòd si vero alicubi consuetudo est, vt qui ex Monasterio ad aliud quodcunque beneficium legitima auctoritate assumpti sunt, non solum beneficiales redditus, qui ipsis supersunt, sed etiam alia quæcunque deinceps, acquirant Ecclesiæ, cui seruiunt, vel Cameræ Apostolicæ, tunc illa obseruari debet.

89 QVÆSTIO SEXTA. Vtrum Prælatus Religioso alicuius rei vsum irreuocabilem concedere possit? Responsio est negatiua, cum Angelo ver. Abbas, §. 17. Syl. eod. quæst. 3. dicto 7. Sanchez lib. 7. moral. cap. 17. num. 28. Nam Prælatus nihil Religioso concedere potest, quod voto paupertatis repugnat: Habere autem vsum alicuius rei non dependentem, seu non reuocabilem à Prælato voto paupertatis repugnat. Ergo, &c. Corollarium. Si Prælatus promittat Religioso, se non

reuocaturum rem quampiam ipsi concessam, nihilominus reuocare potest. Quæ est sententia Syluest. ver. Abbas, quæst. 4. arg. l. interpositas, C. de transactionibus, iuncta Gl. ver. non posse, vbi habetur, Dominum cum seruo pasciscētem, seu transigentem obligari non posse nisi de libertate paciscatur. Quia tamen seruo dominus saltem naturaliter ex pacto obligari potest, vt contra fidem datam delinquat si iustam promissionem sine causa violet, sicuti docet Molina tom. 2. disput. 261 ver. licet autem, idem dicendum videtur de Prælato compensatione Religiosi: & ita docet Nauar. lib. 3. consil. 20. num. 8. & seqq. edit. 2. Sanchez cit. cap. 17. num. 32. Quæ doctrina vera est, si Prælatus aliquid promittat Religioso, cuius acquisitio non sit ratione voti paupertatis subiecta Prælato; v. g. si ei promittat preces seu aliam opem spiritualem. Sin verò ei promittat nō reuocaturum vsum rei temporalis, ac pretio æstimabilis, quam Religiosus acquirere, ac retinere non potest sine dependentia à Prælato; non video, quomodo Prælatus sua promissione obligari possit, ad non reuocandum.

20 QVÆSTIO SEPTIMA. Vtrum subsistat legatum, vel hæreditas, relicta Monacho ea lege, vt ad ipsum, & non ad Monasterium pertinere debeat? Respondeo & dico I. Voluntas testatoris explicari debet, eo modo, quo subsistere & seruari potest; videlicet vt vsum seu commoditas ad Religiosum pertinere debeat, cum dependentia à Prælato consensu, qui cum primum consensum denegauerit, corrumpit legatum seu institutio: sin verò consensum præbuerit, interim iuris dominium Monasterio acquisitum est. Ita docet Angelus ver. Monasterium, num. 1. Syl. ver. religio 8. quæst. 5. Rodriq. tom. 2. regular. quæst. 125. art. 2. Molina tom. 1. tr. 2. disput. 140. ver. Si aliquid testamento, Sanchez cit. cap. 17. num. 4. post Bartol. in Authen. excipitur, C. de bonis quæ liberis. Abb. in c. Monachi, num. 8. de statu Monachorum. Nam dispositionem quamcunque ita interpretari oportet, potius, vt valeat, quam vt pereat, vti docent DD. l. in contrahenda. ff. de regulis iuris, & l. qui quadraginta, ff. ad Legem Falcidiam, vbi habetur, quod perplexitas verborum secundum præsumptam testatoris voluntatem ordinanda sit. Et in l. plenum, §. Equitii, ff. de vfu & habitatione; Quòd verba testatoris debent intelligi secundum conditionem personæ, cui aliquid datur, seu relinquitur: atqui Monachus legati, aut hæreditatis aliter capax non est, nisi secundum vsum & commoditatem à Prælato voluntate dependentem. Ergo &c.

Id verò addendum, tametsi corrumpat legatum, si Prælatus consentire nolit, vt vsum & commoditas rei ad Monachum pertineat; quia non impleta est conditio, sub qua dispositio facta fuit; si tamen Prælatus ex sua parte consentiat; Monachus verò vsum & commoditatem sibi competentem Monasterio resignet, validam fore resignationem, vti bene docet Sanchez num. 9. Quia conditio illa à testatore adiecta erat in gratiam & fauorem Monachi: quiuis autem fauori suo renuntiare potest. Atque hæc omnia simili ratione locum habent in donatione facta Religioso, simili conditione adiecta.

21 Dico II. Si testator cum expressa conditione reliquit Monacho, si rei legata dominium ipsi relinquatur sine dependentia à Prælato, corrumpit legatum. Ita docent Bartol. Abbas, Syl. Molina, Rodriquez locis cit. contra Sanchez num. 12. Nam in vltimis voluntatibus, sicuti in omni alia dispositione, *primum locum voluntas testatoris obtinet, eaque regit conditiones*, l. in conditionibus, ff. de condit. & demonstrat. & consentit l. si Titius, ff. de condit. institut. Si ergo clarè appareat, noluisse testatorem aliter relinquere, nisi cum conditione, quæ impletur non potest, corrumpere debet relictum, arg. §. vlt. In-

Dico III. Sisteator Monacho legatum, vel hereditatem reliquit, ita tamen ut dominium rei ad ipsum, non ad Monasterium spectare debeat, in dubio an sit propriè dicta conditio suspensiva dispositionis, an verò modus adiectivus dispositioni absolutæ: favore ultimæ voluntatis, posterius istud præsumendum, & conditio seu potius modus impossibilis pro non adiecto haberi debet. Ita interpretor l. 1. l. si quis ita, l. quæ sub conditione, l. conditiones quæ, l. conditiones contra, ff. de condit. institut. quibus decernitur, quod conditiones seu natura, seu iure impossibiles, in ultimis voluntatibus pro non adiectis haberi debent. Ad cuius civilis constitutionis imitationem statutum quoque in cap. ult. de condit. appositis, ut eiusmodi impossibilibus conditionibus reiectis, pro valore matrimonii pronuntietur. Id verò nequaquam decerni posset in casu, quo constaret, contrahentes non consensisse, nisi sub conditione impossibili: cum sine consensu matrimonium esse non possit, ut bene notavit Couar. p. 2. epit. cap. 3. §. 2. Sed in dubio, num conditio propriè dicta apposita fuerit, an verò modus adiectivus matrimonio hoc posterius præsumendum, ut proinde matrimonium valeat, modus autem seu gravamen impossibile corruat: v. g. accipio te in uxorem, ita ut montem aureum in dotem des. Qua de re dicam fusè lib. seq. tract. ult. p. 2. cap. 7. in fine.

QVÆSTIO OCTAVA. Quanam poenæ canonico iure decretæ sint Religioso proprietario, seu proprio retinenti? Resp. Tres reperiri. Prima, ut nō in ecclesia seu loco sacro sepeliatur, si proprietarius absque poenitentia decessit, c. Monachi, de statu Mona. sed in iterquilinio & cū ipso pecunia vnā sepeliatur, exēplo S. Greg. li. 4. Dialog. c. 55. Id verò intelligunt Canonistæ ibid. nominatim Abbas n. 15. de pecunia saltem secundum partē: cū in magna quantitate abiicienda, ac perdenda non sit. Additur in c. super quodam, eod. tit. Si proprietarius in loco sacro sepultus fuit, corpus extrahendum & abiiciendum esse, si sine magno scandalo fieri possit. Secunda, ut Religiosus proprium retinere repertus, Monasterio expellatur, cit. c. cū ad Monasterium. Sed monet ibi Abbas num. 13. in fine, & Sanchez lib. 7. moral. c. 20. n. 12. hodie huic poenæ locum non esse, sed ut ad poenitentiam agendam in carcerem detrudatur intra Monasterii septa, ne vagandi occasio præbeatur, iuxta c. ult. de Regularibus.

Tertia: Si Religiosus aliquid ut proprium habere prehensus, aut conuictus fuerit, is biennio actiua, & passiva voce priuatus esse, & aliter iuxta Ordinis constitutiones puniri debet, uti habetur in Trident. sess. 25. c. 2. de Regularib.

Notandum porro est, poenās has incurri tantum ab habentibus seu retinentibus proprium, non item ab iis, qui sine Superioris facultate aliquid alienant, vel absumunt, tamen etiam isti aduersus paupertatis votum delinquant.

CAP. VIII.

DE VOTO RELIGIOSÆ CASTITATIS.

SUMMARIUM.

- 1 Si Religiosus contra castitatem peccet, duo peccata committit.
2 In genere luxuria non accidit peccatum veniale propter materia-
tatem.

VÆSTIO est, Ad quidnam obligetur Religiosus ratione voti castitatis? Respondeo cum Syl. ver. religio. 6. quæst. 8. Valentia disp. 10. quæst. 4. p. 3. Les-

sio cap. 41. dub. 9. num 78. Sanchez lib. 5. moral. cap. 5. num. 9. obligatum esse, ut se absteineat ab omni voluntaria delectatione Venerea interna, & externa; tam quæ in coniugio, quàm extra coniugium percipi potest: ut proinde, si Religiosus contra castitatem peccet, simul etiam sacrilegus voti præuaricator existat; adeoque duplicem malitiam committat.

Porro licet peccata circa Veneream oblectationem sæpenumero venialia sint, ob imperfectionem voluntarii, tamen ex communiore, eaque vera sententia, non datur in hoc genere peccatum veniale ex paruitate materia. Ratio est; Cum omnis Venerea carnis commotio sit suapte natura ordinatum medium ad externam generationem, pollutionemque, ideo sicuti hanc voluntariè velle, est peccatum mortale in quouis soluto, in Religioso verò non vnum, sed duo mortalia; ita similiter est, si deliberatè aliquis consentiat in delectationem, vel commotionem Veneream. Vide Rebellum p. 2. de oblig. iust. lib. 3. q. 19. §. 2. & 3. Sanchez lib. 5. moral. cit. c. 5. n. 12. ubi reuocat, quod ante docuerat lib. 9. de matrim. disp. 46. n. 9.

CAP. IX.

DE VOTO RELIGIOSÆ OBEDIENTIAE.

SUMMARIUM.

- 1 Si Prælati iuste aliquid præcipiat Religioso, cum voluntate eum obligandi, contra obedientiam votum peccat ille, nisi obediat.
- 2 Non eadem est in omnibus Religionibus voti obedientia perfectio.
- 3 Obedientia alia est indiscreta; alia imperfecta, & alia perfecta.
- 4 Raro Superiores Ordinum sub culpa obligatione præcipere aliquid censendi sunt.
- 5 Probabile est, quod Prælati Ordinis, propter votum obediendi in omnibus, quæ iusta sunt, etiam actus internos præcipere possint: licet consuetum non sit, neque consilium, ut talia sub peccato præcipiantur.
- 6 Quæ ex genere suo indifferentia sunt, à Prælato bono fine, v. g. ad mortificandam propriam voluntatem ac sensum, præcipi possunt.
- 7 Si Ordinis regula obliget sub peccato, eius transgressio videtur esse contra votum, ideoque sacrilega.
- 8 Sin Ordinis regula sub culpa non obliget, eius transgressor non peccat contra obedientiam votum: nihilominus potest Superior propter regulæ transgressionem poenam imperare, cum obligatione eam suscipiendi ex obedientia voto: quamvis non semper ita obligare soleat.
- 9 Religiosus in Ordine Predicatorum, aut Societatis Iesu transgrediens regulam, bono aliquo fine, seu motivo, non peccat: licet poenam regularem, si inferatur, suscipere paratus esse debeat.
- 10 Sin verò regulam violet ob torporem, aut libidinem, peccat, saltem venialiter, imò mortaliter, si frequenter transgrediendo religiosam disciplinam grauiser perturbet, vel in eo statu constituat, ut expellendus sit.
- 11 Regulares professi non tenentur acceptare nouam regulam, seu arctiorem viuendi modum, quem nec explicite, nec implicite professi fuerunt.
- 12 Si strictior observatio necessarium medium videatur ad substantia-
lium votorum in tali Ordine observationem, Regularibus auctoritate Prælatorum imponi potest, tametsi eam expresse nonauerint.
- 13 Prælati Ordinum exemptorum, quasi episcopalem in suos Regulares iurisdictionem obtinent.
- 14 Si appareat, regula ac disciplina temporis discurritate collapsa reformationem necessarium medium fore ad Ordinis conseruationem, Prælati cum Capitulo, multoque magis Sum. Pontifex professes omnes ad acceptandam reformationem compellere potest.

VÆSTIO PRIMA. Ad quid obligetur Religiosus ratione voti obedientia, seu quibus modis illud vio-

illud violatur. Respondco, & dico. I. Votum obedientie violat Religiosus, si non præstet ea, quæ Superiori ipsi præcipit, cum voluntate cum obligandi sub culpa, dummodo quæ præcipiuntur, mala non sint, atque Ordinis instituto, ac regulæ conformia, sicuti monet S. Bern. lib. de præcepto & dispensat. Ratio autem assertionis est manifesta. Quia Religiosus hoc ipsum vult, velle se Prælato præcipienti obedire in omnibus, quæ iusta sunt, & regulæ conformia: Ergo est transgressor voti, si obedire recuset.

2 Aliqua verò hoc loco aduertenda sunt: I. Obedientia Prælato vouetur iuxta cuiusque Ordinis institutum, regulas, ac constitutiones; quæ in diuersis Religionibus diuersæ sunt: quare nec eadem præcipiendi potestas, & obediendi necessitas. Id verò vniuersim dici potest, quod Prælati præceptum sub culpa obligare nequeat, nisi in pertinentibus ad Regulam Ordinis directè, vel indirectè. Quare si Prælatus Regulari præcipiat, vt Episcopatum acceperit, vel aliud simile, per quod ab eius obedientia, & iurisdictione eximitur, non tenetur obedire: cum præcipiendi limites ille excedat. Simile est, si austeriorem vitæ rationem præcipiat, quam regula, eiusque professio non requirit; nisi id fiat ob iustam poenam commissi criminis. Denique licet in regula alicuius Ordinis vniuersalissima obediendi materia præscribatur, v. g. in ordine Minorum, vt obediant in omnibus, quæ non sunt contra regulam, vel animam: In Constitut. Societatis Iesv, p. 3. cap. 1. §. 23. & p. 6. c. 1. §. 1. vt obediant in omnibus, in quibus manifestò non cernitur peccatum, tamen id intelligendum est secundum perfectionem obedientiæ, ad quam contendere debemus; non quatenus obediendi necessitas ex voto est, sicuti bene docent S. Bonauen. in 2. d. 44. art. 3. quæst. 2. S. Th. 2. 2. quæst. 104. art. 3. in corp. & cit. disp. 44. p. 2. art. 3. vbi triplicem obedientiam distinguit; *Indifferentiam*, si quis obediat contra legem Dei, vel contra regulam Ordinis; *Imperfectam*, si quis obediat tantum in his, quæ secundum regulam sunt; & ad quorum observationem se voto obedientiæ expressè, vel implicite obstrinxit. *Perfectam*, si quis obediat in omnibus, quæ non sunt contraria legi Dei; aut regulæ, quam professus est. Eandem doctrinam leges apud Maiorem in 4. disp. 38. quæst. 15. Syluest. verb. Religio 6. quæst. 6. Sanchez lib. 6. moral. cap. 2. num. 2. & 15. Licet aliter Less. lib. 2. c. 41. dub. 9. num. 77.

3 II. Et si Prælatus Ordinis, quæ iusta, & regulæ conformia sunt, sub culpa præcipere possit, non tamen ita semper præcipere solet, quare tum ex Ordinis constitutionibus; aut consuetudine; tum ex verbis, quibus vitur, colligi debet, verumtamen conscientiam ex obedientia voto ad parendum obstringere velit. Et quidem in Societate Iesv significant Constitutiones p. 6. c. 5. in fine, & consuetudo approbat; vt nunquam censendum sit, præceptum Superioris obligare ad culpam, etiam venialem, nisi addatur in virtute S. Obedientiæ; aut in nomine Domini nostri Iesv Christi, vel simile aliquid, quo voluntas sub peccato obligantis clare significetur, vti testatur Alph. Roderic. p. 3. exercitij perfect. tract. 6. c. 3. Sanchi lib. 6. moral. c. 4. n. 70. Idemque in multis aliis Congregationibus receptum esse, testatur Vasq. 1. 2. tom. 2. disp. 158. cap. 3. num. 24.

III. Nomine Prælati hoc loco intelligi debet is, cui religiosa obedientia promissa est, quales ordinariè non sunt Episcopi: his enim licet Religiosi, qui exempti non sunt, iuxta præcipientibus, quæ ad Ecclesiasticam disciplinam spectant, sicuti & alij Clerici, obedire teneantur; non tamen obligatione voti obedientiæ. Quamobrem S. Th. dixit in 2. d. 44. quæst. 2. art. 3. quod Religiosi non exempti in spectantibus ad statuta regulæ magis obedire debent Abbati, quam Episcopo. Excipe, Nisi persona religiosa obedientiam in manibus Episcopi, tan-

quam proprii Prælati, emiserint, vti quædam Moniales solent; teste Sanchez lib. 6. cap. 1. num. 11. At vero Summo Pontifici, tanquam supremo omnium Ordinum regularium Generali, ex obedientiæ voto obedire debent: in iis præceptis, quæ sunt secundum regulam, seu conformia regulæ. Secus, si alia præcipiat, quamvis ex iusta causa: tunc enim obedire quidem debent, sicuti alij fideles, & Ecclesiasticæ personæ; sed non ratione voti sui, ita vt transgressio præcepti sacrilega existat. Videri de hac re potest Sanchez cit. cap. 1. concl. 3. & 4. & cap. 18. num. 4. vbi ex hoc capite declarat votum quartum; ac speciale professorum Societatis Iesu ad proficiscendum sine excusatione, non petito viatico, quocunque gentium insserit Summus Pontifex inter fideles, & infideles, ad res, quæ ad diuinum cultum, & Religionis Christianæ bonum spectant.

IV. Non est certum, quod docent Azor. t. 1. lib. 12. cap. 13. quæst. 4. Sanchez cit. lib. 6. cap. 1. num. 6. Miranda tom. 1. manualis quæst. 26. art. 3. Quod Regularis subditus non teneatur obedire Prælato suo præcipienti actus merè internos, v. g. orationem mentalem. Nam contrà est, quod homo vouere potest, quidquid sanctum, Deoque gratum existit: atqui obedire Prælato præcipienti actus internos virtutum, v. g. orationem mentalem, est opus Deo gratum, & magnæ perfectionis, vt indicat S. Th. cit. art. 3. ad 3. Ergo ad talem obedientiam homo se voto obstringere potest, vti docet Suarez lib. 4. de legibus cap. 12. in fine. Neque est improbabile, quod Religiosi, saltem aliquarum Religionum, in quibus stricta obedientia viget, ad talem obediendi seueritatem se obligare intendunt, cum velint fieri vti holocaustum, quo se totos, ac præcipue voluntatem suam Deo in manibus, ac potestate Prælati offerant. Confirmatur tum ex eo, quod Prælati Regularium possint, ipsis quoque contradicentibus, omnia eorum vota, etiam merè interna, simpliciter irritare. Ergo signum est, quod Prælati Ordinum habeant gubernatiuam potestatem in actus etiam internos Regularium, quippe qui per obedientiam votum sui voluntatis suæ renunciarunt, vt iam velle, & nolle non habeant iuxta c. non dicatis, 12. quæst. 1. Tum quia in multis Religionibus præcipitur subditis, vt ad certam particularem intentionem orent, vel sacrificent; cum tamen talis intentio operi omnino accidentaria, merè interna censeatur. Monet tamen Suarez in cit. loco: non esse consultum, & fortasse in nulla Religione consuetum, vt actus interni, qui exterius nullo modo produntur, præcipiantur sub obligatione peccati: quamuis absolute loquendo præcipi possint.

V. Quod docet idem Miranda cit. quæst. 26. a. 9. Regulari non obligari ad obediendum Prælato præcipienti indifferentia; id verum est, si appareat, Prælatum vane, ac inutiliter, nulloque bono fine præcipere. Secus, si id non appareat: nam quæ ex genere suo indifferentia sunt, & non mala, si à Superiore imperentur bono fine, v. g. intentione exercendi subditos in obedientia virtute, per circumstantiam finis virtuosius cohonestantur, & bona sunt, sicuti constat ex ijs, quæ docet Cassianus de instit. renunciant lib. 4. cap. 24. & 26. consequenter cadunt sub votum Religiosi, obediendò in omnibus, quæ iusta, & regulæ, ac votis obseruandis conformia sunt. Quo etiam modo S. Th. obscurè loquentem in q. 186. a. 3. ad 4. intellexit Caser. ibid.

Dico II. Si Ordinis regula secundum auctoris, seu institutoris sui voluntatem obliget sub peccato; tunc eius transgressio est contra votum, atque sacrilega est. Hæc videtur esse sententia S. Thom. 2. 2. q. 186. a. 9. & quodlib. 1. a. 20. quodlib. 10. a. 10. Syl. ver. Religio, 6. q. 17. quam expressè docent idem S. Thom. in 2. d. 44. q. 2. art. 3. Henricus quodlib. 6. qu. 17. Valentia.

3. disp. 10. qu. 4. p. 5. princ. & circumst. tertia Sanchez lib. 6. moral. c. 1. num. 5. & cap. 4. n. 6. Vasq. 1. 2. t. 2. disp. 162. c. 4. n. 16. contra Rodriq. to. 1. regul. q. 26. 2. 4. Manuale Prælatorum Ludouici Mirandæ t. 1. q. 25. a. 2. & seqq. Sumitur ex Clement. exiui, de verb. signif. §. declaramus. Probat: Cum enim Religiosus in professione, seu votorum emissionem promittit seruare regulam, seu statuta, censetur se obligare secundum eum modum, quo regula exigit: Quare si regulas Ordinis ex voluntate institutoris præcepta aliqua, v. g. ieiunij, silentij, sub peccato obligantia, Professis suis imponat, qualis est regula S. Francisci: tunc transgrediens regulam non minus peccat contra votum, quam si Superioris actuale præceptum violat: quandoquidem lex, siue regula ipsorum non minus præceptiua est, quam vox Superioris.

Corollarium. Si in lege sub peccato obligante præcipiatur aliquid, quod alioquin sub diuinam, aut Ecclesiasticam legem cadit, v. g. vt Regulares diebus Dominicis, ac festis Missam audiant, neminem percutiant, aut iniuria afficiant: transgressio eiusmodi præcepti duplicem malitiam continet, vnam contra virtutem illam, cuius intuitu lex posita est, alteram aduersus obedientiam votum, quo Religiosus astringitur ad seruandam regulam, si præcipiat sub peccato. Quamquam in dubio præsumi non debet, quod in regula contineatur peculiare præceptum obseruationis, sed tantum communitio eius; quod alioquin in obligatione iuris naturalis, aut positivi est, vt bene obseruauit Sanch. lib. 6. moral. cap. 2. num. 6.

Sin verò regula Ordinis sub peccato præcipiat obseruationem alioquin sub nullo præcepto contentam, v. g. Carthusianis perpetuam à carnibus abstinentiam, tunc transgressorem talis regulæ duplicis peccati reum esse, dicunt Vasq. 1. 2. t. 2. disp. 162. num. 16. Sanchez lib. 4. moral. cap. 11. n. 25. Quia & contra votum obedientiæ peccat; & contra eam virtutem, videl. temperantiam, cuius intuitu regulare statutum editum fuit. Idemque de præcepto Superioris sub vtraque ratione obligare volentis, docent Caietan. 2. 2. quæst. 88. a. 5. dub. ult. circa solut. 3. Vasq. 1. 2. disput. 98. cap. 3. num. 7. Sanchez loco cit. Et est probabilis hæc sententia: quia licet radix & origo iurisdictionis, quæ est in Regulares, proueniat ex spontanea eorum subiectione per obedientiæ votum, tali tamen subiectione facta, eodem modo subsunt gubernationi & iurisdictioni Prælatorum suorum, ac statutis Ordinis obligantur, sicut alij subditi legitimo suo Magistratui, eiusque iustis legibus subduntur.

Non ita verò se res habet, si aliquis vouerit obediturum se v. g. Confessario iuxta præcipienti, is autem præcipiat ieiunium: hoc casu transgrediens præceptum, contra religionem voti duntaxat peccabit, vt notauit Vasq. cit. cap. 1. num. 7. & disp. 153. cap. 1. num. 7. & Sanchez cit. cap. 11. num. 26. Ratio est, quia persona priuata potestatem iurisdictionis non habet, per quam leges, & præcepta condere possit: talis enim potestas à Principe deriuari debet.

Dico III. Si regulæ Ordinis secundum Institutoris voluntatem non obligant sub peccato, tunc earum transgressor non peccat contra votum obedientiæ. Est communis. Quia votum obediendi intelligitur de iis tantum, quæ continent propriè præceptum, sed tales regulæ non continent propriè præceptum; cum sint potius ordinationes, seu monita: obligant tamen ad pœnam suscipiendam, si ob transgressionem regulæ imponatur, vt docet S. Th. 2. 2. q. 186. a. 9. ad 1. & 2. Bene tamen admonent Valentia citat. disput. 10. quæst. 4. p. 5. 5. Est autem hæc expositio, Sanchez cit. c. 4. n. 11. Prælatus inferentem pœnam, non semper sub culpa obligare ad suscipiendum, quamuis possit ita præcipere:

tunc verò subditi contra obedientiæ votum peccabunt, si ex verbis, vel circumstantijs colligere debeant, Prælatum pœnam decernere cum obligatione propriè dicti præcepti, & tamen non obtemperent.

QVÆSTIO SECUNDA. Vtrum nullum omnino peccatum sit transgredi regulam Ordinis Prædicatorum, vel Societatis Iesu, cuius statuta non obligant sub culpa: Respondeo ex doctrina S. Th. cit. art. 9. Valentia cit. p. 5. sub finem, Vasq. 1. 2. t. 2. disp. 158. cap. 3. num. 16. Sanchez cit. p. 14. & dico I. Si quis regulam aliquam transgrediatur, bono fine seu motiuo alicuius virtutis, v. g. extra tempora loquatur cum socio, vt mœstum consoletur; non peccat. Quia regula non obligat sub peccato; & actus, vt pono, videl. locutio, ex obiecto indifferens, ratione boni finis, etiam virtutis opus effici potest: paratus tamen esse debet, qui ita regulam transgressus est, pœnam subire, quippe quæ etiam ob defectum non culpabilem coram Deo inferri potest, ob regularem disciplinam conseruandam.

Dico II. Si quis regulam transgrediatur ex animi torpore, ac negligentia, venialiter peccat: quia non est rationi consentaneum, ad agendum, vel omittendum deliberatè moueri absque rationabili aliqua causa: præsertim contra monitum, seu præscriptum Regulæ, à Maioribus, seu Superioribus traditæ.

Dico III. Si quis regulam transgrediatur propter libidinem, seu inordinatum affectum erga rem aliquam, constat culpam committi, saltem venialem. Monet autem Valentia, facillimum, ac frequentissimum esse, vt torpor, vel libido in transgressionem regulæ concurrat, ideoque culpa omni non vacet.

Dico IV. Si quis regulas Ordinis frequenter, & per consuetudinem violet, eaque ratione vel grauiter perturbet religiosam disciplinam, vel in eo se statu constituat, vt tanquam incorrigibilis expellendus sit, talis mortaliter peccat, sicuti bene explicat Sanchez num. 18.

Dico V. Si quis contra regulam Ordinis agat ex contemptu, mortalis peccati reus efficitur. Qua de re egi lib. 1. tract. 3. cap. 7. num. 5.

QVÆSTIO TERTIA. Vtrum Præpositus Ordinis Generalis, cum Capitulo, seu Congregatione generali, nouam legem ferre possit, quæ sub regula, quam Regulares professi sunt, expressè, vel implicite non contineatur, seu per quam legem ad arctiorem viuendi modum deducantur, quam promiserint, seu professi sint. Affirmant Glos. in reg. quod omnes, de regul. iuris, in 6. Innoc. c. super eo, ibid. Abb. num. 6. de Regular. Rosella, ver. lex, num. 6. propterea quod Religiosi propriam voluntatem non habeant, sed eam edito voto obedientiæ in Superioris voluntatem transtulerint. Sed contraria sententia est communior Angeli ver. Religiosus, §. 29. Syluest. ver. Religio, 6. q. 6. Armilla n. 10. Vasq. 1. 2. t. 2. disp. 154. cap. 4. num. 25. Sanchez cit. lib. 6. cap. 2. n. 18. Quia, vt supra dictum, Religiosi per votum obedientiæ non transtulerunt omnem voluntatem in Superiorem, vt quælibet ipsis imperari possunt: sed solum ea, quæ ad obseruationem regulæ, quam profitentur directè, vel indirectè spectant, vt docet S. Thom. quodlib. 10. a. 10. Possunt tamen Capitulares nouum statutum facere præter regulam antiquam, ita, vt ipsi in tale statutum liberè consentientes obligentur, & alij quoque postea professionem edituri, quibus regula immutata, & aucta proponitur, vt eam profiteantur: sed alij prius professi, qui Capitulari constitutioni non interfuerunt, neque in eam vnquam consenserunt, obligati non censentur: quia quod omnes tangit, debet ab omnibus approbari, reg. 29. in 6.

Addit Syluest. cit. q. 6. Less. lib. 2. cap. 41. num. 76. Azor. t. 1. instit. moral. lib. 13. c. 11. q. 19. Sanchez cit. c. 2. num. 22. Quod nec summus Pontifex Religiosos

cogere possit ad arctiorem viuendi rationem, quam prima instituti forma postulat. Quia speciale obedientiae debitum, quo Religiosi erga summum Pontificem astringuntur, ex professione & voto eorum prouenit, quod erat secundum proprium regulae institutum. Quae autem aliis Clericis, vel Ecclesiasticis personis ob istam causam à summo Pontifice praecipere possunt, v. g. vt episcopatum acceptent, in graui necessitate Ecclesiae succurrant, etiam cum proprio periculo; ea similiter Religiosis imperari possunt, quamuis in ipsorum regula non contineantur: cum non tantum vt Regulares, sed etiam vt Christi fideles, & vt Clerici, summo Ecclesiae pastori subiecti sint.

11 Veruntamen si strictior aliqua observatio, spectatis omnibus circumstantiis, necessaria videatur ad religiosae vitae reformationem, atque vt vota Religionis essentialia, aliaque Religionis salubria statuta seruentur, poterit talis noua observatio pro vniuerso Ordine decerni ab iis, penes quos potestas residet statuta religiosa condendi. Ita docent Syluest. Armilla, Vasq. Lessius, Sanchez ll. cc. Ratio est manifesta: quia talis observatio indirecte pertinet ad regulam, quando sine ea regula, & institutum Ordinis in suo vigore conseruari non potest, consequenter cum Religiosus regulam proficitur, seu vouet, implicite etiam se obligat ad ea omnia, sine quibus status Religionis suae conseruari nequit, sed paulatim collabi, ac dissolui necesse est.

12 Ad extremum circa hanc quaestionem, aduertendum est. Quod Praelati Ordinum ab Episcoporum iurisdictione exempti, quasi episcopalem iurisdictionem in suos Regulares obtinent: quare sicuti Episcopus Regularibus sibi subditis leges ferre potest, quae ad Ecclesiasticam disciplinam spectant, iuxta doctrinam S. Thom. in 2. d. 44. quaest. 2. a. 3. col. ult. ad. 3. ita etiam Abbas Ordinis exemptus, seu solus, seu cum Capitulo, constitutiones facere poterit, non quibus regula Ordinis notabiliter mutetur, vel austerior fiat; sed tales, quae ad regularem disciplinam, & pietatem augendam necessariae aut valde vtilis videntur, cuiusmodi etiam Episcopi Clerici, & Regularibus sibi subiectis ferre queunt. Quare quod docet Sanchez cit. lib. 6. cap. 2. num. 2. iurisdictionem Regularibus Praelatis solum concessam esse vt compellant suos ad exequendam obligationem votorum suorum, id intelligi non potest de Praelatis exemptis, cum hi non minus, quam Episcopi, Ecclesiasticam iurisdictionem Summo Pontifici subordinatam habeant; ad subditorum suorum regimen necessariam. Quin & Praelati non exempti, iurisdictionem aliquam statuendi in rebus non grauibz per consuetudinem sibi comparare possunt. Quamobrem Doctores absolute dicere solent. Quod Praelati Ordinum potestatem habent statuta condendi, quamuis non omnes eandem, sed pro diuersitate Ordinis, priuilegiorum, & consuetudinum. Vide, quae dixi lib. 1. tract. 4. cap. 7. §. 8.

QVAESTIO QVARTA. Si quaedam Religionis accidentaria, vt stricta abstinencia, silentium, vel corporis afflictio, ab Auctore seu Institutore regulae praecipia sint, quae tamen à tempore immemoriali; vel alio sufficiente ad legem, seu regulam consuetudine abolendam; observata non fuerint, vtrum vouens, aut professus regulam à prima institutione deflecentem, postea compelli possit ad rigorem, seu austeritatem instituti pristini, secundum Institutoris voluntatem, amplectendam? Respondeo, & dico I. Si rem absolute & secundum se spectemus, talis Professus cogi non potest ad amplectendam strictioris regulae reformationem. Ita docet Abbas c. super eo, de Regular. Syluest. ver. Religio 3. quaest. 12. Nauar. cap. 12. man. num. 50. Miranda in manuali tom. 1. quaest. 25. art. 5. assert. 2. & 3. & quaest. 26. art. 10. Quia praesumptio est, quod professi seu vouentes re-

gulam Ordinis obligare se voluerint, sicuti tunc eius observatio in vsu erat, legitime & cum Praelatorum approbatione.

Dico II. Si temporis progressu appareat, regulae reformationem, strictioremque observationem, necessarium medium fore, ad Ordinis conseruationem, tunc Praelatus cum Capitulo, & multo magis summus Pontifex Professos omnes compellere potest ad regulae reformationem acceptandam, quippe quam implicite promississe censentur, vt constat ex iis, quae dixi quae praeced. ver. Veruntamen. Tunc autem reformatio regulae necessaria videri debet ad regularis Ordinis conseruationem, si cum praesente observatione paucissimi ad perfectionem religiosam peruenire studeant, si cum scandalo, & querela secularium viuunt, vt expediret omnino Religionem dissolui, quam ita continuari; si neque essentialia vota v. g. quae ad paupertatem religiosam spectant, communiter obseruentur. Cum autem plerumque accidat, vt experientia nos edocet, si Ordo aliquis à Fundatoris sui institutis, ac praecipis recedat, paulatim ad deteriora tendere, cum Ecclesiae, & ipsorum maxime Religiosorum spirituali detrimento, ideo plerumque Professi reformationem regulae collapsae factam à maiore parte Capituli, multo magis à Sum. Pontifice, acceptare tenentur. Quae est sententia Vasq. cit. c. 4. n. 25. Azorii t. 1. lib. 13. c. 11. q. 19. Sanchez cit. c. 2. n. 35. & aliorum, quos ipse citat.

Corollarium I. Rectissime Bonifac. VIII. c. vn. de statu Monachor. in 6. Trid. sess. 25. de Regul. c. 5. Monialibus omnibus perpetuam clausuram praeeperunt, etiam iis, quae eam expresse professae non fuerant. Quia id necessarium medium videbatur ad castitatis earum votum obseruandum; quare ad hanc clausuram seruandam à Praelatis compelli possunt.

Corollarium II. Quod docent Less. lib. 2. c. 41. dub. 9. n. 77. Sanchez citat. cap. 2. num. 45. Praelatum Ordinis, ob publicam necessitatem, austeritatem aliquam, v. g. ieiunia ad tempus imponere posse, id facile, meo iudicio, explicatur, si dicamus, id fieri ex potestate gubernatiua, quae in omni Communitate necessaria est, & proprie quidem residet in Episcopis, vel Praelatis episcopalem iurisdictionem obtinentibus, per commissionem tamen, aut consuetudinem, competere etiam talis potestas solo Praelatis Episcopo alioquin subiectis.

Corollarium III. Simili ratione iurisdictionis gubernatiuae, poterit Praelatus, cum maiore parte Capituli, si exemptus est, statutum aliquod ex iusta causa facere ad pietatis, aut bonae disciplinae augmentum pertinens, v. g. vt festum Patroni regularis ecclesiae cum ieiunio celebretur. Quia id Episcopus cum clero &c. statuere posset, erga suos subditos: ergo etiam Praelatus Ordinis cum Capitulo, pari potestate praeditus. Sed multa v. g. ieiunia introducere, per quae notabiliter regulae austeritas augetur, concessum non esse, patet ex quaest. 2.

EXTREMA QVAESTIO EST. Qualis obligatio Religioso ratione status sui, incumbat ad perfectionem Christianam tendendi? Respondeo, ex doctrina S. Thom. 2. 2. quaest. 186. a. 2. iunct. Caiet. Azo. tom. 1. lib. 11. cap. ult. quaest. 11. Valent. tom. 3. disp. 10. quaest. 4. p. 4. Sanchez lib. 6. moral. cap. 5. Finis, ad quem quoduis Religionis institutum suapte natura tendit, est Christiana perfectio: ad hanc autem consequendam alumnis suis media conuenientia proponit, quorum alia praecipua sunt, & omni Religioni communia, imò essentialia, paupertas, castitas, & obedientia. Alia vero sunt media secundaria, quae secundum regulam praescribuntur, plerumque ad faciliorem trium votorum obseruationem. Religiosus igitur quilibet obligatur, non vt perfectus sit, sed vt media perfectionis

acceptet, quatenus in præcepto posita sunt; videlicet vota sua obseruet, & regulas sub peccato obligantes. Sin verò regula non obliget sub peccato, sed contineat monita, consilia &c. tunc dici non potest, Religiosum obligari, per se loquendo, ad ea media perfectionis assumenda, sed solum, ut non contemnat. Per accidens tamen, si nullo omnino perfectionis religiosæ studium adhibeat, sed omnia monita, ac regulas negligat, eò quòd sub peccato mortali ad eas non obligetur; talis homo mortalis peccati reus fiet, ut suprà dictum in fine quæst. 1. Nam ratione votorum suorum, quibus se in perpetuum Religioni addixit, debet quilibet Religiosus ita se gerere, ut tolerabilis sit, & expelli non debeat: atqui nullum perfectionis conatum adhibendo, & regulas sine discrimine transgrediendo, intolerabilem se reddit, ut expelli debeat, aut si toleretur, plurimum incommodi Religionis adferet: ergo saltem per accidens, & indirectè agit contra professionem, aut vota sua.

Corollarium. Qui in Societate Iesu editis votis simplicibus, prauis suis moribus de industria dimissionem extorsit, vel fraude seu falsis allegationibus impetrauit, non est tutus in conscientia; neque liber à votis, sicut docet Less. lib. 2. cap. 40. dub. 15. Sanchez lib. 6. moral. cap. 9. nam. 66. Quia talis dimissio voluntaria non est ex parte Religionis; sed per iniuriam extorta: sicut si aliquis Deo vouisset, se in hospitali seruiturum quamdiu toleraretur, & postea ex proposito ita se gereret, ut expelli deberet. Quare talis in conscientia obligatus est, ut, exposita fraude sua, reditum ad Societatem petat: sin verò non impetret, ex eo tempore liber erit votorum obligatione.

CAP. X.

DE PRÆROGATIVIS RELIGIOSI STATUS.

SUMMARIUM.

1. Per vota religiosa plenam omnium peccatorum remissionem consequimur: atque certius, ac perfectius, quam per plenariam indulgentiam.
2. Probabile est, etiam per renouationem votorum hoc beneficium obtineri posse.
3. Per Religionis professionem omnia alia vota, & iuramenta pia ipso iure expirant.
4. Illegitimi, etiam spurii, si Religionem professi sint, absque alia dispensatione ordines suscipere possunt: sed ad Prelaturam, & dignitates promoueri non debent.
5. Susceptio status religiosi maculas legales auferre censetur.
6. Professio, vel assumptio Religionis tollit ingratitudinis notam, ob quam heres necessarius alioquin exheredari posset.

PRIMA prærogatiua est. Plenissima omnium peccatorum remissio. Quamobrem S. Hieron. epist. 8 ad Demetriadem S. Anselmus lib. de similitudinibus c. vii. S. Ber. in tract. de præcepto, & dispensat. Leontius Cyprianus Episcopus in vita Simeonis Abbatis, S. Th. 2. 2. quæst. vii. art. 3. ad 3. Professionem in Religione alterum baptismum dixerunt. Probatur ratione S. Thom. in 4. d. 4. quæst. 3. a. 3. ad 3. Certum enim est, quod homo iustus ex Christi meritis plenè satisfaciatur Deo pro peccatis suis, si omnia quæ potest, propter Dei gloriam & obsequium præster; siue, ut aliis verbis dicam, si tantum præster; ut plus præstare non possit. Id ipsum autem fit, dum homo omnia externa & interna, diuino obsequio in perpetuum, editis votis, offert, ac consecrat; maxime quando animo sui libertatem, qua nihil in homine excellentius, ipsique charius, derelinquit, atque Deo suo stabiliter tradit. Confirmatur; Qui partem bonorum propter Deum in eleemosynas pauperum dat, ut Zacharus ille Lucæ 19. pro peccatis suis satisfacit, iuxta

illud Daniel. 4. Peccata tua eleemosynis redime. Ergo quæ omnia sua, & seipsum diuinis obsequiis tradit, is plenè satisfacit: siquidem Religionis assumptio omne genus satisfactionis superat, iuxta c. admonere 33. quæst. 2. vbi Glos. verbo monasterium, notat, quantamcunque poenitentiam aliquis propter peccata subire debeat, intrando Religionem satisfacere, & liberari. Atque hæc rationes aperte ostendunt, prærogatiuam istam competere etiam votis simplicibus in Societate Iesu edi solitis; quippe quæ veram, & puram traditionem continent. eosque veros Religiosos efficiunt. qua de re Sanchez lib. 5. moral. c. 5. n. 7.

Porrò bene admonent Nauar. tract. de indulg. notab. 20. num. 17. Hieron. Platus de bono status religiosi, cap. 13. ver. sanè, Sanchez lib. 5. moral. cap. 5. num. 6. Hanc plenissimam peccatorum remissionem certiore ac perfectiore modo competere votis religiosis, quam plenariæ indulgentiæ. Quia indulgentia, cum sit quædam concessio & condonatio, ex auctoritate sum. Pontificis, causam concedendi iustam requirit, & alias condiciones in iis, quibus conceditur. At verò ad remissionem peccatorum, iunctam cum professione religiosa, aliud insuper non requiritur: quandoquidem ea remissio ex natura & præstantia ipsius operis, per modum cuiusdam iustæ solutionis, ex Christi meritis promanatur, modo subiectum capax sit, videl. homo in Dei gratia constitutus, quæ est conditio ad omnem satisfactionem requisita.

Deinde neque illud probabile mihi videtur, quod ex aliquorum sententia refert, & non improbat Sa ver. Religio, num. 17. etiam per reuocationem votorum regularium, plenariam peccatorum remissionem obtineri. Nam vota, quæ in Religione eduntur, ideo afferunt plenam remissionem peccatorum, quia continent perfectam hominis traditionem erga Deum: sed hæc traditio non semel, sed iterum fieri, seu renouari potest: ergo etiam remissio peccatorum iteratò acquirit; licet contrarium sentiat Sanchez num. 5. cum Tabiena ver. Nouitius, in fine, propterea quòd opus primæ traditionis difficilius sit, & ex intensiore voluntate procedens. Sed respondetur, hæc accidentaria esse, imò etiam fieri posse ut renouatio votorum maiore animi constantia, & determinatione ad Dei obsequium fiat, quàm prima traditio facta fuerat.

Alteræ prærogatiua est, Quod omnia alia vota, & iuramenta pia, per Religionis professionem ipso iure expirant, ut docent DD. in c. scriptura, de voto. Ratio est, quia per obligationem professionis religiosæ omnes hominis facultates ac vires in perpetuum, & irrevocabiliter Deo offeruntur, ideo eminenter in se continet omnes alias particulares obligationes, ad eum modum, sicuti si quispiam erga hominem obstrictus debitis, omnia bona sua illi offerat, seque ipsum in perpetuum seruum addicat, talis plenissimè satisfecisse censetur. Ita hanc rem explicat Palud. in 4. d. 38. quæst. 4. a. 1. conclus. 6. vbi bene etiam monet, hanc votorum antecedentium extinctionem non fieri per irritationem, aut redemptionem, aliamque relaxationem, imò nec per propriæ voluntatis seu intentionis commutationem, sed per veram solutionem, spectata natura ipsius operis in perpetuum Deo præstandi. Vide quæ dixi tract. præc. ult. in fine.

Tertiæ prærogatiua, Quod per professionem in Religione tollitur irregularitas ex natalium defectu, ut proinde illegitimi omnes, etiam spurii, in Religione aliqua professi ad sacros ordines, absque alia dispensatione, promoueri possint, cap. 1. de filiis presbyter. cap. 1. d. 65. Circa quos textus notandum est primo, Illegitimè natos, etiam spurios, non prohiberi à susceptione habitus religiosi, spectato cōmuni iure: quorundam tamè Ordinum Monasteriorum statuta tales suscipi verant.

Videri potest Rodriq. t. 1. regular. q. 13. a. 3. Suarez de censuris disp. 50. s. 5. n. 12. Sanchez lib. 5. moral. cap. 5. num. 9.

Notandum secundò; Si quis illegitimus absque dispensatione ordines in seculo suscepit, & postea Religionem professus est, videtur irregularitas tolli, vt in susceptis ministrare liceat, sicuti valde probabiliter docet Sanch. n. 10. contra Saurum in thesauro casuum lib. 6. c. 11. n. 3.

Tertiò notandum irregularitatem ex natalium defectu ita tolli per religiosam professionem, vt tamen tales illegitimi ad Prælaturam vel dignitatem Ecclesiasticam promoueri non possint, absque sedis Apostolicæ dispensatione, cit cap. 1. de filiis presbyterorum, & videri potest Rodriq. cit. q. 13. a. 5. 6. & 13. Sanchez cit. cap. 5. num. 15. & seqq. Simon Maiolus lib. 1. de irregularit. cap. 10.

Quartò notandum; Hunc natalium defectum in ordine ad sacros ordines suscipiendos similiter auferri per vota simplicia in Societate Iesu emissæ, sicuti docet idem Sanch. n. 13.

Denique etsi aliæ irregularitates per Religionis susceptionem, professionemue non tollantur, sicuti rectè contra Glos. in c. cum deputati, de iudiciis. Sotum in 4. d. 25. q. 1. a. 3. contra 5. concl. docent Rebuffus in praxi benefic. tit. de dispensat. super natalium defectu, numer. 71. Nau. comment. de Regul. n. 60. Henriq. lib. 14. c. 8. n. 10. & c. 17. n. 2. lit. t. Suar. disp. 41. de censur. s. 1. n. 3. Sanch. cit. c. 5. n. 9. Nihilominus facilius dispensatio super irregularitate dari solet professis in Religione, arg. cap. 2. qui Clerici, vel vouentes; idque notauit Auila loco cit. Henriq. cit. cap. 17. num. 2. in fine.

Quarta prærogatiua; Quòd susceptio seu professio Religionis tollat maculam quo ad actus temporales, ita vt damnatus de crimine furti, v.g. aut periurii, postea ad testimonium in iudicio, & similes actus legitimos admitti possit, sicuti colligitur ex Authent. de Monachis, collat. 1. *Conuersationis Monachalis vita sic est honesta &c. vt omnem quidem humanam hominis maculam detergat.* idque ex communi docent Glos. & Abb. in cit. c. cum deputati, Rebuffus loc. cit. num. 72. Sanchez cit. cap. 5. num. 27.

Quinta prærogatiua; Quòd per professionem, & quæcunque etiam simplicia vota Religionis soluitur patria potestas; cum Religiosus penitus transeat in potestatem Superiorum suorum. Ita Gl. communiter recepta in l. si ex causa, §. Papinianus ff. de Minoribus. Videri potest Sanchez cit. lib. 5. c. 5. n. 31. vbi monet; dimissum ex Societate Iesu post simplicia vota edita, iterum incidere in patris sui potestatem; nisi in maioribus ordinibus constitutus sit. Vide quæ dixi lib. 3. tract. 4. cap. 8. prope finem.

Sexta prærogatiua. Quòd professio aut assumptio Religionis debeat ingratitudinis notam antè commissam, ob quam alioquin pater, vel filius exheredari, seu legitima hæreditatis portione spoliari posset. Ita habetur in Nouella Iustiniani Imperatoris apud Gratianum causa 19. q. 3. c. vlt. & tradit. Couar. in c. Raynutius, princip. n. 28. & alii plerique Doctores, quos refert, & sequitur Sanch. cit. c. 5. n. 33. Equum enim est, vt per conuersionem ad religiosum institutum prioris delicti macula, saltem in ordine ad temporales actus, & iura expurgetur, argum. Auth. de Monachis, in princ. & notauit Glos. in l. Deo nobis. C. de Episc. & Clericis, ver. quasi ingratum.

Septima prærogatiua est; Quòd professio seu assumptio status religiosi per vota etiam simplicia, dirimit matrimonium postea contrahendum.

Octaua quod professio solemniter in Religione dirimit etiam matrimonium contractum, ac nondum consum-

matum. De quibus duabus prærogatiuis dicam lib. seq. tract. vlt. p. 4. cap. 3.

CAP. XI.

VTRVM RELIGIOSVS IN IVDICIO stare possit.

SUMMARIVM.

- 1 Religiosus in iudicio nec vt actor, nec vt reus stare potest, quibusdam casibus exceptis.
Monasterium non obligatur ex delicto Religiosi, sicuti nec dominus ex serui delicto.
- 2 Religiosus non potest esse aduocatus, vel procurator in iudicio, nisi cum licentia Prælati & cum Monasterii utilitate.
- 3 Si Religiosus, absque Prælati licentia in testamento agat causas profanas, aut in iudicio testimonium interponat, male agit; sed interpositio testimonii valet.
- 4 Religiosus munus Tabellionis suscipere, vel obire non potest: quare si in seculo tali munere functus fuerat, deponere illud debet.
- 5 Religiosus nec Iudex esse potest, nec assessor Iudicis, nisi cum consensu Prælati, & in causa spectante ad Monasterij utilitatem.
- 6 Licet Religiosus ordinariè esse non possit arbiter, potest tamen esse arbitrator.
- 7 Prælati Ordinum constitui possunt Iudices conseruatores.

ASERTIO I. Religiosus in iudicio stare non potest seu vt actor, seu vt reus, absque licentia Prælati sui. Ita ex communi Nauar. comment. 2. de Regular. num. 64. Ratio est; Quia Religiosus, cum omne ius in Monasterium transtulerit, ac veluti mortuus sit, comparatur seruo: seruus autem in iudicio neque agere, neque conueniri potest, l. his nulla, l. vix. ff. de iudiciis, l. seruus, C. eod. Excipe primò: Si Religiosus beneficiatus sit, cum libera administratione, teste Nauar. loc. cit. Excipe secundò si Religiosus cum licentia Abbatis versetur in studio litterarum; aut si alia occasione absens sit à Prælato, vt facile licentiam petere non possit, & de ea concedenda rationabilem præsumptionem habeat. qua de re Nauar. l. c. Azor tom. 1. lib. 12. cap. 11. q. 9. Sanchez lib. 6. moral. cap. 12. num. 14. Excipe tertio: Si Religiosus obligationem contraxit, antequam Ordinem ingrederetur: tunc per ingressum ea eximi non potuit: quare hoc casu libellus contra Monachum formandus est; quamuis executio sententiæ fieri debeat in bonis Monasterii: quatenus ex Monachi patrimonio consecutum fuerat, vti docent Nauar. n. 67. Azor q. 12. Sanch. num. 2. Excipe quartò: Si Religiosus Abbatem aliumue Prælatum suum Regularem, ob rationabilem causam, accusare velit, c. ex parte, de accusat. quo casu ei expensæ necessariæ ad litigandum à Monasterio præberi debent, vti docent Gl. & Abbas num. 9. eodem cap. Excipe quintò: Quod ob delictum à Monacho commissum, ipsemet conueniendus est; neque Monasterium obligatur: sicuti neque dominus ob serui delictum conueniri potest, l. penult. §. sanè, C. de noxal. actionibus.

Assertio II. Religiosus non potest esse aduocatus, vel procurator in iudicio; nisi cum licentia prælati sui, & cum utilitate Monasterii, saltem indirecta. ita habetur in c. Monachi, 2. causa 16. quæst. 1. cap. 2. de postulando. Concurrentibus autem duabus illis conditionibus, aduocare vel procuratorem agere potest tam in civili foro, quam Ecclesiastico; dummodo in causa criminali non agat coram Iudice seculari, argum. cap. 1. & c. vlt. de postulando. Cæterum extra iudicium, procuratorium munus suscipere Religioso prohibitum non est, modò Prælati licentia accedat: sin ea autem illicitè negotium ex mandato alterius geret; quamuis validè: cum adsit voluntas mandantis; & suscipientis mandatum; saltem spectato naturali iure, quod sacri canonis non infirmasse leguntur. At verò in iudicio standi, suo vel alterius nomine, absque Prælati licentia, potestatem nullam habet Religiosus; ideoque acta eius

irrita erunt, vti significatur in Clement. Religiosus, de procurat. & docet Sanchez lib. 6. moral. cap. 13. num. 41. Denique verò, consilium dare, seu voce, seu scripto, quid in causa qualibet secundum iura agendum, aut respondendum sit, prohibitum non est Religiosis: cum id non sit aduocare, aut procuratorem agere, sicuti bene notant Angelus, Syl. Rosel. Armilla, ver. aduocatus principio.

Assertio III. Religiosus testis esse potest, etiam testamentarius, & in iudicio, modò accedat consensus Superioris sui, quando coram Iudice, cui subiectus non est, testificaturus, ac iuramentum præstaturus est. quæ de re videri potest Syluest. verbo testis, quæst. 1. dicto 1. Ioannes Faber Institut. de testament. §. testes, Farinac. in praxi criminali, p. 2. quæ. 61. opposit. 14. Sanch. cit. lib. 6. cap. 13. Clarus lib. 3. receptar. §. testamentum, quæst. 55. Molina tom. 1. tract. 2. disp. 127. ver. Vtrum autem, vbi ait; validum esse testamentum, tamen si Religiosus testimonium suum interponendi licentiam à Prælato non habeat: quam tamen, saltem præsumptam, habere debet, vt licet interponat, quandoquidem Religiosus ea, quæ ab instituto suo aliena, & ad causas pias non inseruientia sunt, tractare non oportet. Verum si Monasterium, vel causa pia instituat, tunc testamentarius testis Religiosus esse poterit, quamuis non petita licentia Superioris: quomodo intelligo Syluest. ver. testamentum, 1. quæst. 5. dicto 1. Armillam eodem, num. 8. Rosellam 1. num. 13. Denique tamen si Religiosus in iudicio coram Iudice non suo testis sit, non petita licentia Superioris, valebit testimonium eius, vti bene docent Abb. c. cum nuntius, num. 4. de testibus, Syluest. verbo testis, 1. quæst. 1. dicto 1. Sanchez cit. cap. 13. numer. 108. contra Angelum ver. testes, numer. 4.

Assertio IV. Religiosus non potest suscipere, vel obire munus Tabellionis, c. sicut, Ne clerici, vel Monachi, vbi idem decernitur de clericis, vti dixi lib. 1. tract. 5. p. 5. c. 8. nu. 4. Quod si Tabellio aliquis erat, antequam ordinem sacrum suscepit, vel Religionem professus est, signare quidem, ac perficere instrumenta debet, quæ antè cœperat; tamen postea munus deponere tenetur. Quod si nihilominus in muneris executione pergat, valida erunt, quæ ab ipso gesta sunt; præterquam si à Prælato suo, puta Episcopo, aut Abbate, ei interdicatur, ita vt interdictio in publicam notitiam deueniat, teste Syluest. verbo Tabellio, quæst. 3. dicto 4. Abbate citat. c. sicut, num. 11. Rosella cit. ver. Tabellio, num. 7. Sanchez citat. lib. 6. cap. 13. num. 48. His adde, quod in c. vt omnes, §. verum quia, ver. ad conscribendas, specialiter concessum est Clericis & Religiosis, qui ante clericatum, vel professionem suam Tabellionis officiū gesserant, vt etiam postea in causa Fidei contra hæreticos liberè exercere possint.

Assertio V. Religiosus nullum munus iudiciale suscipere potest, seu vt propriè Iudex sit, seu vt assessor Iudicis, nisi cum licentia Prælati sui; & in causa conseruante vtilitatem Monasterii, saltem indirectè. Ita colligitur ex c. Monachi, 2. 16. q. 2. & c. 2. de postulando; vbi Hostiensis, & Abb. n. 3. Sanchez cit. lib. 6. c. 13. n. 55. & 85.

Ex quo sequitur, quod neque arbiter esse possit Religiosus, nisi concurrentibus his duabus conditionibus, vti ex communi docent Tabiena ver. arbiter, num. 10. Angelus §. 5. Armilla num. 12. Syluest. quæst. 16. vbi aiunt; quod arbitrator esse possit Monachus cum Prælati sui licentia, quamuis de Monasterii vtilitate non agatur. Differunt enim arbiter & arbitrator, quod ille à partibus constituitur, vt secundum iuris terminos sententiam ferat, ideòque veluti iudex quidam est, iuxta l. 1. ff. de arbitris. Sed arbitrator tanquam amicalis cōpositor à partibus eligitur, vt pro bono pacis seruandæ,

aut ineundæ, vnius iuri demere, & alteri tribuere possit, vitata tamen læsione magna, sicuti explicant Sylu. ver. arbiter, quæst. 2. different. 20. & quæst. seq. Tabiena num. 13. Armilla num. 18. Sanchez num. 52. Quare cum arbitratoris munus, seu arbitramentum ad partium concordiam, adeòque ad pietatem principaliter referatur, non est alienum à Religiosis, vt præstare illud possint, modò licentiam Prælati habeant: sine ea autem illicite præstabunt, quamuis validè. Sed arbitrium Religiosi, quod instar iudicii est, si fiat absque Superioris auctoritate, irritum censi debet: sicuti & serui arbitrium nullum est, l. Pedius, §. in seruum, ff. de receptis, qui arbitrium &c. vbi videri potest Glos. ver. nullum sit.

Porro in Societate Iesu solus Præpositus Generalis licentiam causa exigente, dare potest, suscipiendi munera iudicialia, executoris testamentarii, & similia, quæ à Religiosa professione plerumque aliena sunt, vti habetur in Constitut. p. 6. cap. 3. §. 7. in declarat. lit. d.

Assertio VI. Religiosus, qui Prælatus non est, constitui non potest delegatus ad exequendas literas Summi Pontificis, aut Legati eius, nisi ex certa scientia Papæ. Sumitur ex c. statutum, de rescript. in 6. vbi dicitur, eiusmodi delegatos debere esse in dignitate constitutos, vel Cathedralis Ecclesiæ Canonicos. Inter Religiosos autem soli Prælati, id est, qui saltem in eodem Monasterio Superiorem alium non habent, in dignitate constituti censentur, vti explicat Sanchez cit. c. 13. num. 75. & colligitur ex c. nisi essent, de præbendis & Clem. 2. de rescriptis. Ex quo infert Rodriq. tom. 1. regul. quæst. 65. a. 3. quod Piores Ordinum Mendicantium, & Guardiani Minorum, cum in dignitate constituti sint, Iudices conseruatores constitui queant, iuxta c. vlt. de offic. delegati, in 6.

Dicitur autem Iudex conseruator, qui ex summi Principis voluntate, quale in Ecclesiasticis est Papa, miserabilium personarum, puta, viduarum, pupillorum, senum decrepitorum, ac Religiosorum, causas, contra iniuste vexantes suscipit, ac defendit. Vbi sciendum est, à Gregor. XIII. in Bulla edita Anno 1573. Societati Iesu concessum esse, vt in conseruatores Iudices eligere possint, quascunque personas in dignitate constitutas, & Vicarios generales Episcoporum, & Canonicos Ecclesiarum Cathedralium: quo nomine haud dubiè intelligi etiam debent, Canonici Ecclesiæ regularis, si Cathedralis sit, vti notauit Abbas in c. causam quæ, num. 9. de Iudiciis. Et Iulius II. Innoc. VIII. Leo X. Ecclesiastica districtione præceperunt personis in dignitate constitutis, vt literas conseruatorias à Religiosis oblatas, recipere, eosque in iuribus, ac priuilegiis suis conseruare ac defendere teneantur, apud Rodriq. cit. quæst. 65. a. 4.

CAP. XII.

DE CLAUSURA MONIALIVM, ET prohibito ingressu intra claustra Monasteriorum tum mulierum, tum virorum.

SVMMARIVM.

1. Clausura Monialibus omnibus seuerissimè præcipitur nisi ob necessariam causam licentia ab Ordinario obtenta fuerit.
2. Ingressus intra claustra Monialium sub excommunicatione prohibitus est: præterquam si ob causam necessitatis licentia ab Ordinario in scriptis obtenta sit.
3. Constitutiones de clausura Monialium, & prohibito ingressu intra sepra Monasterii Monialium, non ubique quoad omnem modum receptæ sunt.
4. De ingressu mulierum intra claustra Canonicorum regularium non

ita constat sub peccato mortali, & excommunicationis censura prohibendum esse.

5 Certi casus sunt, quibus mulieres ad regularium virorum habitationes sine scandalo, & peccato admittuntur.

QUOD ad primum attinet; Clausura Monialium, quæ Religionem quâcunque professæ sunt, strictè præcipitur à Bonifacio VIII. c. periculoso, de statu Regular. in 6. in Trident. sess. 25. cap. 5. & cap. 22. de Regular. à Pio V. in motu proprio qui incipit *Decori & honestati*; & alio qui incipit, *Circa pastoralis*. Et à Gregor. XIII. in motu proprio, cuius initium, *Deo sacris virginibus*: Vt nulla earum extra claustra Monasterii sui egrediatur quocunque prætextu, etiam ad breue tempus, nisi ob legitimam causam ab Ordinario licentia obtenta fuerit.

Circa quam constitutionem aliqua aduertenda sunt: I. Ea non comprehendit Nouitias, sed omnes Professas, etiam Conuersas, aut Tertiarias. quæ de re Sanchez lib. 6. moral. cap. 15. num. 10. Nauar. comment. 4. Regular. numer. 44. Rodriq. tom. 1. Regular. quæst. 44. a. 2.

II. Nomine Ordinarii intelligi debet Ordinis Prælatus, quia Moniales ab Episcopi iurisdictione exemptæ subiiciuntur; alioquin intelligitur Episcopus, vel alius simili iurisdictione præditus, & sede vacante, Capitulum, aut Vicarius generalis, teste eodem Sanchez num. 21. & 30 & videri potest, Ludou. Miranda de Monialibus, quæst. 3. a. 6. concl. 1. Rodriq. tom. 1. quæst. 46. art. 6.

III. Causa legitima, ob quam egressus Monialibus concedi potest, debet esse periculum impendens, ob quod cõmunis cohabitatio impossibilis reddatur: cuiusmodi est pestis, lepræ; aut similis morbi contagiosi, item casus incendii, hæreticorum, seu infidelium incurfus: deinde si commune bonum Religionis egressum postulet, v. g. vt Monialis fiat alterius Monasterii Abbatisa, vel Magistra Nouitiorum, vel vt nouum eiusdem Ordinis Monasterium fundare aggrediatur, sicuti docet Rodriq. tom. 1. regul. quæst. 49. a. 5. Sanchez num. 45. & seqq. At verò ob morbum, quantumuis periculosum si contagiosus non est, egressum è claustro ad aërem v. g. mutandum, permitti non posse, tanquam longè probabilius docent Gutierrez t. 1. canon. qq. c. 14. num. 7. Rodriq. cit. quæst. 49. a. 3. Sanchez num. 39. contra Nauar. cit. comment. 4. num. 49. Azor tom. 1. lib. 13. cap. 8. quæst. 1. §. Tertiò quæres. Quia sacri canones significant, causam, ob quam egressus è claustro Monialibus permitti possit, debere esse publicam; & non priuatam aliquam earum necessitatem: cum ea postponi debeat communi Religionis bono, sicuti in simili dixi lib. 1. tr. 4. c. 14. n. 11.

IV. Si necessitas exeundi manifesta sit, & Superior tunc pro licentia petenda adiri non possit, fas est Monialibus eo inconsulto egredi: quia necessitas legem non habet, vt notauit Syl. ver. Religio, 7. quæst. 16. Rodriq. cit. quæst. 49. a. 2. Sanchez num. 62. qui bene etiam notat n. 60. licentiam egrediendi Monialibus concessam, intelligi debere, quatenus necessitas postulat, & dum illa durat.

V. Moniales aliter claustro egredientes, aut licentiam egrediendi concedentes: vel auxilium qualecunque ferentes, excommunicationem Sum. Pontifici reueruatam, ipso facto incurrunt, aliisque pœnas contrahunt, in cit. motu proprio Pii V. *Decori, & honestati*. Vide Rodriq. a. 5. Sanch. n. 63.

² Quod ad alterum attinet, In cit. c. periculoso, de statu Regul. in 6. iuncta renouatione, ac interpretatione Conc. Trident. sess. 25. c. 5. de Regular. prohibetur omnibus personis cuiuscunque generis, conditionis sexus, vel ætatis fuerint, sub pœna excommunicationis

latæ sententiæ, ne intra septa Monasterii Monialium ingrediantur sine licentia, ob casum aliquem necessitatis, in scriptis obtenta, ab Episcopo, vel à Prælato Ordinis, cui Monasterium exemptum, subiectum est.

Circa quam constitutionem hæc annotanda sunt; I. Hac constitutione non comprehenduntur pueri, ac puellæ, si vsum rationis nondum adepti sint, sicuti ex communi docent Henriq. lib. 4. cap. 3. num. 2. in commet. lit. m. Sanchez lib. 6. moral. cap. 16. num. 5. Azor to. 1. lib. 13. cap. 8. quæst. 5. vbi bene monet, amentibus ingressum permittendum non esse.

II. Episcopus, vel Ordinis Prælatus, qui licentiam ingrediendi aliis dare potest, eadem quoque facultate ipsemet vti, ob causam iustam, non prohibetur, vt docet Nauar. lib. 3. consil. 9. de statu Monachor. numer. 2. Azor cit. cap. 8. quæst. 9. Sanchez num. 25. ex Bulla Gregor. XIII. quæ incipit, *Dubius*; addita limitatione, vt Episcopi aliæ Prælati non nisi paucis, senioribus, ac religiosi viris sociati ingrediantur.

III. Causa, ob quam ingressus in Monasterium Monialium conceditur, debet esse alicuius necessitatis sufficienter apparentis: quæ ratione licentia ingrediendi datur tum Sacerdotibus ad Sacramenta infirmis ministranda; tum corporalibus medicis, chirurgis, imò & fabris ad ædificia, & similia opera necessaria perficienda: quæ de re Rodriq. to. 1. regul. quæst. 47. a. 4. & seqq. Sanchez lib. 6. c. 16. num. 39. & seqq. Azor cit. cap. 8. quæst. 6. Quibus autem conditionibus puellæ educationis causa in Monasterium recipi possint, leges apud eundem Azor quæst. 4. Sanchez numer. 61. Item famulæ ad domestica ministeria peragenda, de quibus Rodriguez tom. 1. quæstion. 46. art. 7. Sanchez num. 65.

IV. Sicuti constitutio illa canonica de clausura Monialium seruanda, nondum in omnibus Monasteriis introducta est, cum adhuc hodie aliqua reperiuntur, in quibus clausura non obseruatur, ita & altera constitutio, prohibens ingressum in Monasteria Monialium, non vbique secundum omnem prohibitionis modum recepta est, cum adhuc in Germania sint Monasteria Monialium, in quibus tum viri, tum mulieres ingredi solent domos seu habitationes intra septa, quæuis extra claustra seu habitationes proprias ipsarum Monialium: sæpe etiam facili de causa mulieres seculares, & Religiosæ aliorum Ordinum ad ipsarum Monialium claustrales cellas admitti solent. Cuius rei reformatio ad Episcopum loci, tanquam Ordinarium, erga exemptas verò ac Sedis Apostol. immediatè subiectas, tanquam ad eiusdem Sedis delegatum pertinet, ad Prælatum verò Ordinis Generalem, vel Prouincialem, si Moniales exemptæ ab Episcopo ipsis subiiciantur. quæ de re Nauar. comment. 4. de Regular. num. 47. & 60. Miranda citat. quæstion. 3. art. 6. Sanchez lib. 6. cap. 5. numer. 21. ex Bulla Pii V. quæ incipit, *Circa pastoralis*.

Quod ad tertium attinet, videl. ingressum mulierum in Monasterio seu claustra virorum regularium, non ita certum est, eum sub peccato mortali, aut excommunicationis censura prohibendum esse. Tametsi enim allegari solet Bulla Pii V. quæ incipit *Regularium*, apud Nauar. cit. comment. 4. num. 62. Rodriq. tom. 1. regul. quæst. 48. a. 1. & Gregor. XIII. Bulla 36. quæ incipit, *Vbi gratia*, est tamen valde probabilis sententia eiusdem Rodriq. a. 2. Suarez tom. 5. de censuris, disp. 22. l. 6. num. 11. Philarchi de officio Sacerdotis tom. 1. p. 1. lib. 3. cap. 30: non fuisse mentem horum Pontificum nouo iure condito ingressum mulierum in Monasteria virorum prohibere, sed solum paci & quieti Regularium prospicere, ad quorum Monasteria tum Sanctimonialia, tum laicæ fœminæ (puta Marchionissæ, Comitissæ &c.)

prætextu privilegiorum ipsis concessorum, contra instituta eorundem Regularium, & interdum non sine molestia ipsorum, ingredi præfumebant. Quarum mulierum privilegiis sublatis, Pius V. & postea Gregor. XIII. in suis Bullis, sub excommunicationis censura, Sedi Apostolica reservata, prohibuerunt ne eiusmodi mulieres, prætextu talium privilegiorum, Monasteria virorum ingredi auderent. Gregor. verò XIII. qui dictam Pii V. constitutionem etiam ad Monasteria Monialium extendit, eandem excommunicationis poenam, statuit in utriusque sexus Regulares, si quemquam, pretextu eiusmodi facultatum seu privilegiorum, in Monasteria, domos, vel loca sua ingredi faciant, aut permittant. Vbi tamen, expressè nulla mentio fit sexus foemini, quasi verò etiam viri religiosi excommunicationem incurrant, si quâcunque mulierem in loca religiosa ingredi permittant, siquidem in poenalibus nomine masculino non comprehenditur foemininum, docent DD. aliqui apud Rodriq. quæst. 47. art. 3. quod maximè verum esse videtur, si ratio disparitatis assignari possit, sicuti in proposito casu: quia semper gravius prohibitus fuit ingressus virorum in Monasteria Monialium, quam ingressus mulierum in Monasteria Monachorum; sicuti videre est in Trid. sess. 25. c. 5. de Regul.

Sed etsi demum, masculino illo quemcunque comprehendendi etiam sexum foemininum; tamen Pontifex non excommunicat simpliciter admittentes ad Monasteria quemcunque, aut quâcunque, sed pretextu alicuius privilegii seu facultatis ipsi concessæ. Constitutio autem poenalis, qualis hæc est, non debet extendi à casu expresso ad alium non expressum, sicuti ex communi docet Caietan. ver. excommunicatio, in princ. Nau. cap. 27. man. num. 51. Rodriq. cit. quæst. 47. a. 1. & quæst. 48. a. 2. neque refert, quod Nauar. in cit. comment. 4. num. 62. ver. quartò, testatur; Pium V. declarasse, quod constitutio sua proinde locum habere debeat, si aliæ mulieres non sub privilegii pretextu, ingrediuntur; idque in sacra poenitentia ex mente Greg. XIII. observari solitum esse. Respondeo enim, declarationem istam authenticè promulgatam non esse, uti notavit Rodriq. cit. a. 2. saltem in Germania constitutio illa tota secundum eum rigorem recepta non est. Quapropter Suarez cit. l. 6. ait. *Nec in communi iure Pontifici neque in aliis Pontificum decretis inuenio generalem legem prohibentem ingressum mulierum in Monasteria virorum sub mortali; neque etiam ex natura rei, aut ex ipsa professione video in hoc actu per se, & intrinsecam malitiam. Et ideo non existimo, in uniuersum esse hoc peccatum mortale, si excludantur circumstantiæ pravi finis, scandali, iniuriæ Monasterio illarum. Consulenda igitur sunt peculiaria statuta ipsarum Religionum: quæ plerumque esse solent, ut ad interiores domos seu habitationes intra Monasterii, vel Collegii claustra foemina non admittantur.*

Excipiuntur primò Regina earumque filia, cum harum ingressus nullibi prohibeatur. Secundò, quod in aliquibus Ordinibus consuetudo est admittendi foeminas fundatrices, apud Sanchez cap. 17. num. 7. Tertiò, Quod aliqui privilegium habent admittendi foeminas valde illustres: quibus casibus etiam necessarius eis mulierum comitatus permittitur. Quartò admitti possunt mulieres, cum reliquo populo, intra Monasterii septa, ad diuina officia, & Ecclesiasticam sepulturam. qua de re Rodriq. cit. quæst. 48. a. 3. Sanchez cap. 17. numer. 22. Quintò, Si consuetudo sit, ut foeminae sacristiam contigua templo intra parietem claustrum ingrediantur v. g. ad confessiones faciendas. qua de re Rodriq. apud Sanchez num. 16. & 17. Sextò, Si Religiosi in residentia tanquam in privata domo, ad tempus viuant, non cenetur ea habere claustrum; secùs, si sit residentia perpetua, habens Ecclesiam cum Eucharistia; &c. uti respondet Sanchez num. 20. Septimò, Vituperari non potest

consuetudo si Regulares extra Monasterii claustra singuli habitantes, habeant mulieres coquas honestas, & nullo modo suspectas, uti notavit Nauar. comment. 4. de Regular. num. 65. Sanchez num. 31. Et Rodriq. qu. 48. a. 3. sustineri posse ait, ut liceat mulieri honestæ, & non suspectæ, ingredi domum Regularis Canonici, non habitantis intra claustrum multorum, seu Conuentum; licet domus illa Monasterio contigua sit.

Quapropter eadem ratio defendi potest consuetudo quorundam Monasteriorum in quibus mulieres honestæ, quæ extra omnem suspicionem sunt, admittuntur ad domum, seu aulam Abbatis, vel Præpositi regularis, quæ seiuncta est à claustro Conuentus, & vnius Abbatis, seu Præpositi eiusque Officialium vsui deputata, horum enim, quæ sine scandalo fiunt, optima interpretes consuetudo esse debet. Denique simili ratione Sanchez ait num. 18. atrium Scholarum, etsi contigua sint Collegio Societatis Iesv, non censi intra claustrum, quâuis consuetudo non sit, neque decens, ut foeminae in illud recipiantur. Alia verò ratio est de hortis contiguus Monasterio, si ex Conuentu aditus religiosus in hortos pateat: nam eos intra claustrum reputari, tradit idem Sanchez num. 15. Secùs verò, si horti, vel prædia à Monasterio seiuncta sint, teste Nauar. cit. comment. 4. n. 62. notab. 1.

CAP. XIII.

DE RELIGIOSIS EIECTIS,
& fugitiuis.

SUMMARIVM.

- 1 Religiosi professi ob iustas causas à Religione per sententiam eijci possunt.
- 2 Religiosus eiectus rerum, quas acquirit, non dominium, sed usum tantum, & administrationem habet.
- 3 Si Religiosus eiectus alicui Ecclesie seruiat, bona ab ipso acquisita ad eandem Ecclesiam spectare debent. Alia verò ratio est de fugitiuis, & apostatis.
- 4 Eiectus per sententiam non est crimino liberatus obedientia voto; licet magna ex parte eius executio cesset, donec in Ordinem recipiatur.
- 5 Non est certum, quod eiectus per sententiam obligatus permaneat observationibus regula, quam professus fuerat.
- 6 Eiectus ob crimen debet se corrigere, ac redire; præsertim si ab Ordine repetatur.
- 7 Prælati Ordinum apostatas, & eiectos suos non semper reducere, aut redeuntes recipere tenentur, præsertim si incorrigibiles videantur, aut sine scandalo, vel Ordinis detrimento recipi nequeant.
- 8 Eiecti si in suo Ordine non recipiuntur, tuto in seculo manere possunt, nisi malint alium Ordinem quamuis laxiorem, ingredi.
- 9 Prælati Ordinum interdum ob causam iustam eijciunt Professum tali pacto, ut aliam Religionem profiteatur: quam conditionem si Professus acceptauit, implere tenetur, vel regressum ad suam Religionem impetrare.
- 10 Religiosus professus in uno Monasterio ob causam iustam cogi potest ut transferat se ad aliud Monasterium eiusdem Ordinis, modo Monasteria sint sub eodem Capite, puta Generali Ordinis.

PRIMIS supponendum est, contra Cardinalem Zabarellam excommuni sententia apud Nau. comment. 2. de Regular. num. 33. & comment. 3. num. 52. Rodriq. tom. 1. regul. quæst. 30. art. 14. & seqq. Sa. ver. Religio, num. 40. Azor tom. 1. l. 12. cap. 16. quæst. 2. Less. cap. 41. dub. 14. Mirandam tom. 1. quæst. 52. art. 1. Sanch. lib. 6. moral. cap. 9. ex c. cum ad Monasteriū, de statu Monachorum; professos à Religione eijci posse ob causas iustas: I. Si in graui, vel pernicioso crimine existentes notoriè incorrigibiles appareant. II. Si ob

criminis infamiam, sine graui Ordinis detrimento tolerari non possint. Nam *refecanda sunt carnes putrida* (inquit S. Hieron. in cap. 5. ad Galat. relatus causa 24. quæst. 3.) & *scabiosa omnis à caulis repellenda, ne rota domus massa, corpus, & pecora ardeat, corrumpatur, putrescat, intreat.* III. Si quis grauem, ac mortaliter intolerabilem defectum in sui admissione reticuit. quia in re ita distingue: vel enim talis defectus est, ob quem iuxta statutum à Sede Apostolica profectum, vel ab eadem approbatum; aliquis omnino tanquam inhabilis ab Ordine excluditur: hoc casu professio irrita est. quia de re videri possunt Constitut. Societatis Iesu p. 1. cap. 3. Vel tale statutum nullum est; attamen magna fraus, & deceptio defectum retinentis: vt si quis morbo epileptico laboret aut gallico, vel simili contagioso; tunc probabilis est sententia Nauar. lib. 3. consil. 40. de Regular. edit. 2. Sa ver. Religio, num. 34. Rodriq. tom. 2. casuum cap. 6. num. 3. quod Ordo talem professum in pœnam peccati expellere possit; quia in re admodum graui decipit Monasterium reticendo defectum; ita vt hæc fraus dederit causam admissioni: licet contrarium doceat Sanchez lib. 5. moral. cap. 4. num. 58. Videri etiam potest Gerson p. 2. in tractatu quarundam qq. alphab. 34. lit. S.

Porro annotauit Sanchez lib. 6. moral. cap. 9. num. 6. Consultum non esse, neque consuetum, vt Monialis professus ob crimen expellatur; sed potius, si aliter corrigi non possit, in perpetuo carcere detineatur, ne aliis offenculo sit.

QVÆSTIO PRIMA. Vtrum Professus postquam è Religionem per sententiam eiectus est, nihilominus obligetur ad seruanda vota, & regulam? Respondeo, & dico I. Cum Religionem professus ex Ordine suo ob culpam eiicitur, manet nihilominus verus Religiosus, & substantialibus votis suæ Religionis astrictus. Quæ est communis sententia apud Syluest. ver. Religio, 6. qu. 12. Nauar. cit. comment. 2. n. 35. Mirandam cit. quæst. 52. a. 5. in primis certum est, eiectum voto castitatis omnimodè obligatum manere, vt docet Sotus lib. 7. quæst. 2. a. 1. col. penult. Quod ad votum paupertatis attinet, earum rerum quas acquirit, solum vsum, & administrationem sibi vindicare potest, sicuti ex communi tradit Rodriq. cit. quæst. 30. a. 16. Sa cit. num. 40. Lessius dub. 15. num. 112. Mol. tom. 1. th. 2. disp. 140. qui tamen plenior licentiam tribuit eiecto, etiam in vsum illicitos valide expendendi, ita vt accipiens retinere possit perinde ac si à non Religioso acquisiisset: idque vsum receptum esse, testatur Lessius & sequitur Sanchez lib. 6. moral. cap. 9. num. 47. Quia eiectus ab Ordine plenam bonorum administrationem habet.

De dominio verò rerum ab eiecto acquisitarum existimant Abb. & Alexand. de Neuo c. vn. de infant. exposit. Nauar. cit. comment. 2. num. 33. Azor cit. cap. 16. quæst. 8. ea non Monasterio, è quo eiectus est; sed Ecclesiæ acquiri, seu diocesanæ, si alicubi beneficium habeat; seu Romanæ, si beneficium nullum habeat: ideoque hoc casu bona, tanquam vacantia sint; à Papa, vel Episcopo, post mortem Religiosi eiecti, vindicari posse. Sed Godefredus apud Abb. in cit. c. vn. Mol. cit. disp. 140. Less. num. 112. putant, bona, quæ eiectus propria industria, vel aliorum donatione, legato &c. acquisiuit, ad Monasterium pertinere: quia Monasterium per iustam eiectiōem non debet priuari iure, quod antè habebat in omnia acquisita à Professo suo. Arbitror verò, priorem sententiam in praxi obtinere: propterea quod eiectus per sententiam iustam in externo foro nullam amplius cum Monasterio communionem habere censetur, sicuti etiam Sotus indicat loco supra cit.

Alia verò ratio est de fugitiuo, quem vti seruum Monasterium vindicare, & reducere potest. Quare de

eo ita distingue, cum Abb. in c. vlt. num. 3. de Regul. Vel is Ecclesiæ alicui seruit; tunc ad eandem pertinere debent saltem ea bona, quæ intuitu eiusdem Ecclesiæ acquisiuit, vti etiam docet Azor cit. cap. 16. quæst. 8. arg. c. cum in officiis, & c. relatum, de testam. Vel nulli Ecclesiæ seruit; tunc si sit Ordinis Mendicantium, qui bonorum communium incapax est, pertinent illius bona ad Sedem Apostolicam, vel nomine eius ad Syndicum Monasterii. Sin autem non Mendicantium, sed alterius Ordinis Professus est, acquirit Monasterio, in quo professionem edidit; siue primò, ex quo aufugit, siue secundò, ex eo tempore, quò ad aliud Monasterium legitima auctoritate translatus est. Idemque sententiam videtur de bonis fugitiui, si quamuis alicui seculari Ecclesiæ additus, aliqua acquirat, non ex causa Ecclesiæ, sed propriæ personæ, ea ad Monasterium pertinere, sicuti docent Syluest. ver. Religio, 4. quæst. 10. Azor cit. quæst. 8. licet contrarium senserit Abb. & Nauar. locis cit. Porro quæ dixi de fugitiuo, multò magis locum habent in Apostata, acquirere eum Monasterio, siue Ordini, quippe cuius iure ac potestate minimè liberatus est. Verum si apostata, aut fugitiui suis bonis priuentur, vel moriantur, antequam ad Religionem reducti sint, ipsorum bona, tanquam spolia, ad Cameram Apostolicam spectare, ex constitut. Pii IV. & Gregor. XIII. testatur Nauar. de spoliis Clericorum; §. 7. num. 4. & alia constitut. Gregorii XIII. apud Mirandam q. 51. a. 7.

Denique quod attinet ad obedientiæ votum licet Sotus lib. 7. quæst. 1. a. 1. col. penult. Arrag. 2. 2. qu. 88. art. 3. §. hucusque diximus, eiectum eo liberum pronuntiant; contraria tamen sententia communis, & vera est apud Rodriq. a. 20. Nauarrus verò comment. 2. de Regul. num. 35. & lib. 3. consil. 77. & 78. de Regular. edit. 2. contendit, eiusmodi eiectum absolui ab obedientia Prælati sui, & incidere in obedientiam Episcopi. quod etiam minùs probabile est, & rectè refutatur à Rodriq. Molin. Less. Sanchez II. cc. Nam religiosi eiecti non ad aliam obedientiam tenentur, nisi eam, quam vouerunt: non autem vouerunt obedientiam extra Religionem Episcopo præstandam: ergo non incidunt in obligationem obedientiæ erga Episcopum, vltra illam, quam alii Clerici Episcopo suo debent.

Dicendum igitur est cum Glossatore Nauar. consil. 77. Lessio dub. 15. in fine, Sanchez num. 25. eiectos non esse solutos voto substantiali obedientiæ, comparatione regularium Prælatorum, quamuis magna ex parte cesset eius executio, ob defectum materiæ, quia de facto non habent Superiorem, à quo dirigantur; nihilominus manent voto obligati, virtualiter, vt proinde parati esse debeant obedire, si in Ordinem denuo recipiendi sint; ad eum modum, quo S. Thom. 2. 2. quæst. 185. a. vlt. ad 3. ait, Prælatos Ordinum, & Regulares ad Episcopatum translatos, *virtualiter adhuc obligari; ita scilicet, quod si eis legitime aliquis præficiatur, obedire teneantur.*

QVÆSTIO SECUNDA. Vtrum Religiosus eiectus liberetur ab aliis regulæ observationibus, puta ieiuniis; delectu ciborum, item horis canonicis, si in sacris constitutus non sit? affirmant Sotus, & Arragon. II. cc. Less. lib. 2. cap. 37. dub. 9. num. 50. commentarior. Sa ver. Religio, num. 40. Sanchez cit. c. 9. num. 52. Contrarium verò docent Nauar. cap. 7. de orat. num. 20. Rodriq. cit. a. 20. Sa cit. num. 40. Miranda quæst. 52. a. 5. Tum quia eiectus non liberatur professione, & statu monastico; ergo neque regulis & observationibus monasticis, ad quas ratione status, & professionis suæ in Monasterio sub peccato mortali obligatus fuerat, & nunc quoque extra Monasterium sine magna difficultate præstare potest; vti est officium canonicum, certa ieiunia &c. Tum quia S. Thom. 2. 2. quæst. 185. art. 8.

aliique communiter tradunt, Religiosum professum, si ad episcopatum translatus sit, obligari (saltem videtur, non coactiua, sicuti explicat Vasq. tract. de relict. cap. 3. §. 1. post Caiet. 2. 2. quæst. 185. a. 8. & tom. 1. opusc. tract. 25. quæst. 2.) regularibus obseruationibus, quæ cum statu episcopali non pugnant, & ab eo sine magna difficultate præstari possunt; ergo multò magis eiectus: neque enim melioris conditionis esse debet, qui ob demerita deiicitur, quam is, qui ob merita assumitur.

Hæc posterior sententia probabilis est, sed contraria probabilior, & in praxi tuta: Quod eiectus per sententiam in perpetuum, interim dum recipitur, monasticis obseruationibus liber sit. Quia ex non comitantur professionem trium substantialium votorum absolute; sed quatenus seruari debent sub regula, seu statu vitæ regularis, à qua tamen ille expulsus est. Quamobrem supra dixi, quod neque Regularis factus episcopus ad vllas regulares obseruantias obligetur vinculo legali, sed tantum debito quodam honestatis moralis, non obligantis sub culpa, vti docent Sotus lib. 10. de iust. quæst. vlt. a. vlt. Valent. tom. 3. disput. 10. quæst. 3. p. 8. in fine, Sanchez lib. 6. cap. 6. num. 19. Veruntamen sicuti Religiosus factus Episcopus habitum suæ Religionis secundum sacros canones ferre debet; ita etiam eiectus: nisi eo, vt plerumque fieri solet, in criminis pœnam etiam spoliatus sit: de qua re Nau. cit. comment. 2. n. 36. Sanch. cit. c. 9. n. 55.

QVÆSTIO TERTIA. Vtrum eiectus obligatus sit petere, promissa emendatione, vt in Ordinem, vel Monasterium recipiatur? Ad hoc respondent Nauar. comment. 2. de Regul. num. 36. & consil. 77. & 80. de Regular. Azor tom. 1. lib. 12. cap. 16. quæst. 6. Eiectum tuto remanere extra suum Ordinem; vt neque à Confessario in foro interiore, neque ab Ordinario in foro exteriori cogi possit ad redeundum; eò; quod iustæ sententiæ suæ eiectionis se iure conformare possit. Quæ sententia non displicet Rodriq. to. 1. q. 30. art. 21. neque caret probabilitate, saltem ob Doctorum auctoritatem.

- 6 Sed communior, & vera videtur esse sententia, quam tenet Glossator Nauar. super cit. consil. 77. Syl. ver. Religio, 6. quæst. 12. Sotus cit. 2. 1. colum. penult. Arag. cit. a. 3. §. hucusque diximus, dicto 2. Philiar. de offic. Sacerdotis tom. 1. p. 2. lib. 2. cap. 21. Sanchez lib. 6. moral. cap. 9. num. 25. Less. lib. 2. cap. 41. num. 111. Miranda cit. quæst. 52. a. 3. Regularem professum, ob crimen eiectum, in conscientia obligatum esse, vt se corrigat, & correctus, in Ordinem suum, vel Monasterium se recipi postulet. Ratio est: Cum enim talis Religiosus substantialibus votis, ac Religiosa professione absolutus non sit, tenetur se idoneum reddere quatenus potest, vt sua vota conuenienter professioni & statui regulari exequi possit, ideoque reditum ad Ordinem procurare. Id verò certius est, si Ordo ipse Regularem suum eiectum requirat, & reuocet, præsertim accedente Episcopi, sub cuius iurisdictione ille viuit, auctoritate, obligatum esse ad redeundum, quin imò sub censura Ecclesiastica adigi posse, sicuti habetur in c. vlt. de Regular. Nam sicuti maritus innocens, si per diuortii sententiam uxorem adulteram à se abiecit, eandem reuocare potest, & illa redire cogitur, ita etiam Regularis ob crimen eiectus, si reuocetur ab Ordine, vel Monasterio suo: quod enim *in alicuius fauorem introductum est, non debet in eius damnum retorqueri*, reg. 61. in 6. & l. 6. Cod. de legibus. Neque sententia contra Reum lata eidem prodesse debet: nec aliquem ex propria iniquitate ius acquirere oportet. l. itaque, ff. de furtis, & reg. 176. ff. Si autem eiectus ob crimen in seculo iure remanere posset, neque reuocatus redire cogeretur, tunc sententia, & pœna ipsi Reo prodesset, atque ex

iniquitate sua ius, & commodum referret: Ergo &c.

QVÆSTIO QVARTA. Vtrum Ordo siue Prælatus Ordinis eiectos, si emendati videantur, reducere, vel sponte reuertentes recipere teneatur? Respondeo, Gregor. IX. in c. vlt. de Regular. statuisse, *Quod Abbates, seu Priores fugitivos suos, & eiectos ex Ordine annuatim sollicitè requirere debeant*. Circa quam constitutionem in primis notandum, cum Syl. ver. Apostasia, quæst. 6. nomine fugitiuorum, etiam apostatas comprehendi; quos proinde inquirere, atque reducere, ad Prælatos Ordinis spectat, sicuti fusè docet Nauar. comment 3. de Regular. super c. nullum, 18. quæst. 2. & Lud. Miranda tom. 1. man. Prælat. quæst. 51. art. 3. vbi rectè admonet, curam reducendi fugitiuos, & apostatas, primò ac principaliter pertinere ad Prælatum Ordinis, quippe cui dictæ personæ personaliter obligatæ manent. Episcopis verò, & locorum Ordinariis id competere posse, si vel Prælati auxilium eorum implorauerint, vel apostatæ, aut fugitiui in eorum diocesi cum scandalo deliquerint, vel Prælati Ordinis in eorundem reductione negligentes existant.

Secundò notandum: Si fugitiuus, aut apostata incorrigibilis videatur, vel sine graui scandalo, aut Ordinis detrimento capi, reduci, vel etiam sponte reuertens recipi non posset, tunc Ordo liberatur dicta obligatione fugitiuum & apostatam reducendi, aut reducem recipiendi, vti docet Syluest. ver. Apostasia quæst. 5. & 6. Miranda cit. quæst. 51. a. 4. Si enim ob talem causam interdum eiici possunt Regulares, vt omnes fatentur, multò etiam magis, postquam malitiosè exierunt, non recipi.

Tertiò Notandum ex Sanchez cit. cap. 9. num. 18. Quod dictū cap. vlt. de Regular. magna ex parte infuetudinem abiit. Neque enim Prælati quorannis apostatas, & eiectos suos requirere, ac reducere solent: imò per sententiam iustam in perpetuum eiectos Monasterium quamuis humiliter petentes, recipere non tenetur, secundum Rodriq. tom. 1. regular. quæst. 30. art. 21. in fine, Sanchez num 32. contra S. Anton. p. 3. tit. 16. c. 5. Syluest. ver. Apostasia, quæst. 5. Molina tom. 1. tract. 2 disp. 140. ver. Quoad votum, Mirandam tom. 1. quæst. 52. art. 7. & tom. 2. quæst. 7. a. 7. Quorum tamen sententia vera est, si vel Sum. Pontifex, vel Episcopus, cui Monasterium subiectum est, Monachum recipiendum esse arbitretur, modò de emendatione confet, & sine scandalo, atque Ordinis detrimento recipi possit. Quod verò ad fugitiuos, & apostatas attinet, reducendi quidem ii sunt, sed quatenus sine Ordinis, seu Monasterii detrimento commodè fieri potest, vti docet Sanch. cit. n. 18.

QVÆSTIO QVINTA. Vtrum eiecti per sententiam definitiuam, aliam Religionem intrare debeant si in sua non recipiantur? Nauar. lib. 3. consil. 77. & 80. de Regular. edit. 2. Rodriquez tom. 1. regul. quæst. 30. art. 21 existimant: Eiectum, si eum suus Ordo retinere, aut recipere nolit, non posse compelli; vt aliam Religionem profiteatur, quia professio cuiuscunque Religionis voluntaria esse debet. Sed contrariam sententiam ex S. Bonau. & Corduba tradit Miranda in man. tom. 1. quæst. 52. a. 3. & additio ad consil. 77. Nauarri, Prælatos Ordinum iusta de causa eiectis iniungere posse, vt aliam Religionem ingrediantur: imo in conscientia obligatos esse, si in suo Ordine non recipiantur, aliam Religionem, eamque non laxiorem ingredi, si spes sit recipiendos fore.

Mihi placet sententia media, secundum quam dico I. Si eiectus in Monasterio suo non recipiatur, potest in seculo manere, neque aliam Religionem ingredi ante sententiam obligatur: quia aliam non vouit, & per ipsum, vt pono, iam non stat, quin in eam, quam vouit,

restituatur. Si tamen aliam ingredi velit, non prohibetur etiam ad laxiorem transire, quamvis non petita licentia Prælati, à quo eiectus est. Ita præter Nauar. & Rodriq. ll. cc. docet S. Anton. 3. p. tit. 16. cap. 4. infine, Sanchez cit. lib. 6. cap. 9. num. 36. Arrag. loco supra cit. Azor lib. 12. cap. 6. q. 7. Less. cit. num. 117. Tunc verò post exactum annum probationis continuum, sicut alius quicumque ad Ordinem regularem translatus, de nouo profiteri debet, iuxta ea, quæ docet Nau. consil. 61. de Regul. edit. 2.

- 9 Dico II. Rectè defenditur praxis illa, qua Prælati Ordinum ob iustam causam aliquem eliciunt sub ea conditione, vt aliam Religionem ingrediatur. quam conditionem si expulsus acceptauit, implere tenetur, vel regressum ad suam Religionem impetrare. qua de re in priuil. Societatis Iesu, ver. apostata, §. 9. Sanch. cap. 9. num. 43. Sed & Ordinarii locorum compellere possunt eiectos, vt vel ad suum Ordinem emendati regrediantur; vel si nolint, ad aliam Religionem se transferant. Tamen enim absolutè nemo cogi potest ad profitendum in quacunque Religione; potest tamen sub conditione, si ad eum Ordinem quem spontanea voluntate professus est, redire nolit. Etenim plerumque Religionem professi non sine animarum suarum periculo, & aliorum scandalo, in seculo viuunt; ideòque meritò coguntur vel ad suum Monasterium redire; aut, si per ipsos ster, quominus reuertantur, ad alium Ordinem transire.

- 10 QVÆSTIO SEXTA. Vtrum Religiosus in vno Monasterio professus, à Prælato cogi possit, vt ad aliud eiusdem Ordinis Monasterium intra, vel extra prouinciam, se transferat? Ad id bene respondet Nau. comment. 4. de Regul. num. 22. Si plura à Monasteria fa-

ciant vnum corpus sub vno capite totius Ordinis, videlicet Generali, cogi posse; modo talis translatio non fiat animo malo. Qua simili ratione Prælati Monasterij regularem suum obtinentem beneficium manuale, arbitratu suo amouere potest; modò id ex odio, ac maleuolentia non fiat; alioquin iustam conquerendi causam haberet. Sin verò Monasteria eandem regulam professa, non faciant vnum corpus sub vno Generali, sed singula subsint Abbatibus, vel Prioribus suis, sub Episcopo, vel immediatè sub Papa; tunc spectato cò-muni iure, Regulares professi cogi non possunt ad transitum alterius Monasterij: quia non vouerunt obedientiam, & regulam, nisi in hoc Conuentu.

Notat insuper Nauar. ibidem, transitum ad aliud Monasterium duobus modis fieri posse. I. Ad morandū in illo ad tempus, quo casu obligatio alendi incumbit priori Monasterio; sicuti & quæsitā à Regulari ad idem Monasterium spectare debent. II. Vt fiat filius posterioris Monasterij, & desinat esse prioris: tunc obligatio alendi pertinet ad secundum Monasterium; sicuti & quæsitā, iuxta Authen. de Monachis, §. si verò relinquens, & docet Nauar. comment. 4. de Regular. num. 24. Molin. t. 1. tract. 2. disp. 140. ver. Quando Religiosus, Syluest. ver. Religio, 4. q. 10. Couar. c. 1. de testament. num. 31. Sanchez lib. 7. moral. cap. 32. num. 8. Quo casu neque dos priori Monasterio acquisita transfertur ad alterum Monasterium, vti docent Nauar. loco citat. Sanchez num. 12. neque hæreditas, si priori Monasterio delata fuerat ante editam professionem in secundo. vti docent Abbas c. in præsentia, num. 77. de probat. Couar. cit. num. 31. Sanchez num. 18. & num. 22. vbi vniuersim tradunt. in his successioneibus tempus delatæ hæreditatis inspicendum esse.

TRACTATVS SEXTVS.

DE

DECIMIS, PRIMITIIS,
ALIISQUE OBLATIONIBVS.

CAP. I.

DE NOTIONE, DEFINITIONE,
ac diuisione decimarum.

SUMMARIUM.

- 1 Spectato communi iure canonico, ex omnibus licite acquisitis decima pars Ecclesiæ Ministris debetur.
- 2 Absque temeritate negari non potest, decimarum præstationem Ecclesiæ Ministris fieri solitam, à prima Ecclesiā hucusque inter Christianos visitatam fuisse.
- 3 Decima alia prædiales sunt, alia personales, & alia mixta.
- 4 Decima prædiales, ac mixta integra solui debent, non deductis impendijs: sed lucrum industria intelligi non potest, nisi deductis impensis.
- 5 Decima alia Ecclesiastica sunt, & alia laicales.
- 6 In dubio decima censeri debent non laicales, sed Ecclesiastica.

DECIMA dicitur, quia pars decima est fructuum, aut bonorum, ex quibus penditur, sicuti colligitur ex l. 2. ff. de pollicit. Si decimam quis bonorum vovit, &c. Sed plerumque numero plurali Decimas nuncupamus, propterea quod agrorum, vel arborum fructibus in plurimas partes diuisis, plures partiales decimæ in solutionem veniant, iuxta illud Leuit. ult. cap. Omnes decimæ terræ, siue de frugibus, siue de pomis arborum, Domini sunt.

1. Earum hæc est definitio: Decima pars bonorum mobilium

insequestrorum, Ecclesiæ ministris exolunda. Sumitur ex c. ex transmissis; de decimis: Fidelis homo de omnibus, quæ licite potest acquirere, decimas erogare tenetur. Eaque particulatim recensentur in c. non est, eod. tit. De vino, grano, fructibus arborum, pecoribus, hortis, negotiatione, de ipsa etiam militia, donatione, & de omnibus bonis decimæ sunt Ministris Ecclesiæ tribuenda, vt qui de his eas solvere neglexerint, Ecclesiastica distictione debeant percelli. Et in c. peruenit, eod. tit. dicitur; Parochianos monendos, & si opus fuerit, sub excommunicationis distictione compellendos esse, vt de pronentibus molendinorum, piscariarum, fano & lana decimas persoluant. Et S. Augustinus serm. 219. de tempore: De militia, de negotio, & de artificio reddere decimas. Et infra: Quia pie nos pascit Omnipotens Deus, amplissime tribuit minus laboranti mercedem, sibi tantum decimam vendicans, nobis omnia condonauit. Ingrate fraudator, ac perfide, diuina te voce conuenio. Ecce annus iam finitus est, redde Domino plenti mercedem. Redime te homo, dum vinis. Et postea: Decima ex debito requiruntur, & qui eas dare noluerit, res alienas inuasis. S. item Ambros. serm. 1. in Quadrages. relatus in c. quicumque, 19. quæst. 7. Quicumque recognouit in se, quod fideliter non dederit decimas suas, modo emendet, quod minus fecit. Quid est fideliter decimas dare; nisi vt nec peius, nec minus aliquando Deo offerat, aut de grano suo, aut de vino suo, aut de fructibus arborum, aut de pecoribus, aut de hortis, aut de negotio, aut de ipsa

venatione sua. Bene autem circa hæc verba notat Abulensis in cap. 23. Matth. quæst. 207. Tunc decimam partem fructuum, aliorumque prouentuum, adeoque nec minus, nec peius offerri, quam debeat, si non de industria deteriora seligantur ad decimationem, sed mediocria saltem, aut cum deterioribus meliora admisceantur: & vno verbo, vt bona fide agatur, quo moraliter rem æstimando decima pars proueniat.

Testimonia veterum Patrum & Conciliorum de decimis videri possunt apud Bellarminum lib. 1. de Cleric. cap. 25. Baronium Anno Christi 57. num. 74. Ioan. Molanum. orat. 2. quæ est de decimis dandis, Suarez t. 1. de relig. cap. 9. & 11. Arbitror autem, pro antiquitate decimarum Sacerdotibus in lege Euangelii tribuendarum, maximum argumentum esse oportere quod eam consuetudinem in vniuersas Christiani Orbis provincias stabili lege introductam esse videamus, neque vllum in historis indicium appareat, quando, aut à quo primitiua talis lex promulgata, aut in vsum apud Christianos deducta fuerit: vt liquido appareat, & sine temeritate negari non possit, esse hanc Apostolicam traditionem, seu Ecclesiam statim ab initio æquissimam, & necessarium iudicasse, vt decimæ bonorum etiam Euangelicæ legis Ministris, tanquam vitæ stipendium, à fidelibus tribuerentur. Neque vllus inter Catholicos vllò tempore repertus fuit, qui decimæ Clericis dandas negaret: quamuis propter temporum calamitates, & hominum auaritiam, olim quoque non defuerunt, sicuti & modò reperiuntur, qui decimæ Sacerdotibus soluendas iniuste detinebant; sed ob id à Patribus reprehensi fuerunt. Quare in Matisconensi Concil. 2. canon. 5. legimus: *Stanimus, & decernimus, vt mos antiquus à fidelibus reparetur, & decimas Ecclesiasticis, famulantibus cæremonijs, populus omnis inferat, quas sacerdotes aut in pauperum usum, aut captiuorum redemptionem proutantes suis orationibus pacem populo, & salutem impetrent.* Et S. August. homilia 48. inter 50. *Maiores nostri ideo copijs omnibus abundabant, quia Deo decimas dabant, & Cæsari censum reddebant. Modo autem quia dissolutio denotio dei, accessit indictio fisci. Nolimus partiri cum Deo decimas, modo autem totum tollitur. Hæc tollit fiscus, quod non accipit Christus.* Esse autem hanc homiliam S. Augustini; adeo ex doctrina, & stylo apparet, vt nemo doctus in dubium reuocare possit.

Porro quod dictum est, ex omnibus mobilibus licite acquisitis, communi iure, decimas soluendas esse, aliqui limitant; vt de ijs tantum rebus intelligatur, quæ vel ex terra, vel operis nostris proueniunt, ideoque de hæreditate, legato, aliisque titulo lucratiuo quæsitis decimas non deberi; sicuti Innoc. docet c. non est, eod. tit. & sequitur Valentia to. 3. disput. 6. quæst. 5. p. 3. Abulensis in cap. 23. Matth. quæst. 159. Alii verò contrarium sentiunt, eiusmodi etiam lucrorum decimas pendendas esse, excepto, si sit hæres filius, qui vna persona cum patre reputatur, sicuti docet Gloss. in c. pastoralis, ver. quasi de lucro, eod. tit. Abbas verò ibidem, num. 8. Sylu. ver. decima; quæst. 6. dubitant; ac proinde aiunt consuetudinem in hac re spectandam esse: quam vix puto alicubi esse: vt ex talibus decimæ pendantur, neque iura cum particulatim recensent, ex quibus rebus pendendæ sunt, merè lucratiui eiusmodi tituli meminerunt, sicuti Suarez etiam notauit citat. lib. 1. cap. 31. numer. 6.

Decimæ diuiduntur primò in prædiales, personales, & mixtas. Prædiales sunt, quæ ex fundis, seu bonis immobilibus, puta agris, vineis, syluis, hortis, piscinis, molendinis, ædium locatione penduntur. Personales verò quæ ex lucro personalis industriæ, puta negotiatione, artificio, venatione, militia, artium professione soluuntur. Mixtæ denique, id est, partim prædiales, partim personales sunt, quæ ex fructibus pecorum, aut auim in propriis prædijs, concurrente personali industria, videli-

cet ex lacte, caseo, ouis &c. penduntur. De qua diuisione vide Hostiensium in sum. de decimis, num. 3. Nauar. cap. 21. num. 29. Petr. Gregor. Tholos. lib. 2. Syntag. c. 22. Abulensem in c. 23. Matth. q. 196. Canis. tract. de decimis, cap. 2.

Discrimen est inter has decimas: quòd prædiales, ac mixtæ integræ solui debent, non deductis expensis seminis, culturæ, & laboris æstimatione, sicuti habetur in cap. cum homines, c. tua nobis, c. pastoralis, de decimis: neque deducta penitus census, aut tributis. Quia decimæ ante has exactiones solui debent, vel, si aliter factum fuerit, ii, ad quos census, vel tributis indecimate peruenerunt, Ecclesiis decimare coguntur: quia *res transiit cum onere suo*. Ita habetur in c. cum non, eod. tit. & docet S. Th. 2. 2. quæst. 88. art. 2. ad 4. Decimæ autem personales, non nisi deductis expensis, debentur, c. pastoralis, eod. soluuntur enim ratione lucri, siue ex lucro, lucrum autem non intelligitur, nisi deductis impendijs, l. Mutius ff. pro socio.

Sed nunquid non etiam fructus intelliguntur solum deductis impensis, sicuti habetur, in l. si à domino, §. vlt. ff. de petit. hæredit. Cur igitur in iis non idem statutum est? Respondedò, duas causas eius discriminis asseri posse: I. Quod lucrum merè industriæ personalis nullo modo intelligi possit, nisi deductis expensis: at verò fructus, qui ex rebus frugiferis, adhibita industria, labore, factisque expensis proficiuntur, duobus modis considerari possunt: Primò, ciuilitè seu in ordine ad restitutionem damni, aut lucti cessantis compensationem: qua consideratione, expensarum ratio habenda est. Secundo naturaliter, quatenus omnes fructus Dei beneficio ex terra proueniunt, ideoque integræ, & non habitæ expensarum ratione decimari debent. II. Quia in veteri etiam lege Deus præcepit, prædiales ac mixtas decimas integras solui, vt seq. cap. dicam. Non autem oportebat Ministros Euangelii deterioris esse conditionis, quam veteres Sacerdotes, ac Leuitas. Sed personales decimæ ab Ecclesia primum imperari cœperunt: quia non omnes Christiani possessiones immobilium habebant, sed multi ex negotiatione vivebant, quos tamen etiam ad Ministrorum sustentationem aliquid contribuere oportebat, sicuti docet S. August. cit. serm. 219. *Quod si decimas non habes fructuum terrenorum, quodcumque te pascit, ingenium Dei est, & inde decimas expere, unde viuas.* Vide etiam S. Th. 2. 2. quæst. 87. art. 2. ad 1. Suarez cit. lib. 1. cap. 11. Quanquam de decimis personalibus sollicitos nos esse non oportet: cum ex ferme vbique per consuetudinem abolitæ sint.

Alterà est diuisiò decimarum, his locis non insueta, in maiores, ac minores: Maiores decimæ dicuntur, quæ ex vino, frumento, & aliis similibus præstantur: Minores verò, quæ ex hortis, & aliis huiusmodi minutioribus.

Tertiò diuiduntur decimæ apud Gregor. Tholos. cit. lib. 2. cap. 20. in profanas, & Ecclesiasticas. Profanæ decimæ genus quoddam tributis sunt, quod olim temporales domini prædijs subditorum imponere solebant, cuiusmodi decimæ merè laicales appellari possunt. Ecclesiasticæ verò duplicis generis sunt. Aliæ, quæ primariam suam institutionem retinentes Ecclesiæ ministris, ob spirituales eorum functiones, stipendij loco, à fidelibus præstantur, ideoque propriè spirituales & Ecclesiasticæ dicuntur. Aliæ verò sunt, quæ ex concessione Ecclesiæ, ob iustam causam, laicis personis obuenerunt, ideoque laicales etiam decimæ dici solent.

Porro si dubitetur, vtrum decimæ profanæ sint, an Ecclesiasticæ, secundum primam originem, & ius radicale, Ecclesiasticas esse indubiè præsumendum est inter Christianos, quippe quibus communis lex & consuetudo semper fuit, vt ex prædijs suis Ecclesiæ decimas penderent. Iterum si dubitetur, vtrum ius decimandi ad Ecclesiasticos,

Ecclesiasticos, an verò laicos pertineat, siue vtrum decimæ spirituales manserint, an verò à spirituali titulo abstractæ, & laicis in perpetuum collatæ fuerint, pro Ecclesia præsumendum est. Quòd enim mutatio, siue alienatio talis acciderit, est factum, idque odiosum Ecclesiæ, quod non præsumi, sed ostendi debet.

CAP. II.

QVO IURE DECIMÆ MINISTRIS
Ecclesiæ pendantur.

S V M M A R I V M.

1. Decima materialiter, & secundum substantiam de iure naturali, ac diuino sunt, formaliter vero, & secundum determinationem de iure Ecclesiastico.
2. Præceptum de decimis in veteri lege iudiciale potius fuit, quàm ceremoniale.
3. Ceremoniales veteris testamenti leges non solum abolitæ, sed etiam earum obseruatio Christianis interdicta est.
3. Decima ex lege iustitiæ Parochis præstanda sunt à fidei populo.
4. Parochus actione ex canone decimas petere potest à quouis earum possessore.
5. Ecclesia, siue parochus aduersus fructuum non decimarum destructionem actionem institueret potest.
6. Colonus partiarius decimas dare debet, proportionem fructuum, qui ipsi manent, ratione cultura.

ASSERTIO I. Decimæ materialiter & secundum substantiam spectatæ, quatenus sunt necessarium stipendium Ministrorum Ecclesiæ, & à quibusdam decimæ sustentationis appellari solent, à iure naturali, ac diuino descendunt. Ita S. Thom. quæst. 85. a. 1. & quæst. 87. a. 1. Alexan. Halensis in p. 3. q. 51. mem. 1. Henr. Gandauensis quodlibet. 4. quæst. 28. Nau. de reddit. Ecclesiast. q. 1. mon. 38. Gutierrez lib. 2. canon. qq. c. 21. num. 9. Siquidem lex naturalis iustitiæ dictat, & Deus iubet, vt laborantibus & spiritualia Ecclesiæ ministrantibus, necessaria vitæ sustentatio, considerata personarum qualitate, præbeatur: *Dignus est enim operarius cibum suum*, ait Christus Matt. 10. Quod debitum ex iustitia proficisci, hunc locum explicans, docet S. August. in psal. 146. *Ne putarent aliquid de suo donare; dignus est, inquit, mercede sua*, Luc 10. Item Apost. 1. ad Corinth. 9. v. 7. *Quis militat suis stipendiis unquam?* Et v. 11. *Si nos vobis spiritualia seminamus, magnum est, si nos carnalia vestra metamus?* Et ver. 13. *Nescitis, quoniam qui in sacramento operantur, quæ de sacramento sunt, edunt; & qui aliter deseruiunt, cum altari participant?* Sic & Dominus ordinantibus, qui Euangelium annunciant, de Euangelio vivere. Idque locum etiam habet, tametsi Ministri Ecclesiæ aliunde, puta ex patrimonio, artificio &c. se alere possint: quia non datur illis stipendium ex mera misericordia, tanquam pauperibus; sed ex iustitia, tanquam merentibus.

ASSERTIO II. Decimæ secundum determinationem, seu aliquotam, ex iure positiuo, eoque diuino, tempore legis Mosæ Sacerdotibus, ac Leuitis debebantur, sed eâ abolitâ, in nouo testamento solum Ecclesiastica lex; verum antiquissima pariter, & æquissima, ad decimarum præstationem obligat. Prior pars assertio- nis sumitur aperte ex cap. 22. Exodi. *Decimas tuas, & primitias tuas non tardabis reddere*. Et Leuit. 27. *Omnes decimæ terræ, siue de pomis arborum, siue de frugibus Domini sunt, & illi sanctificantur*. Et paulò post: *Omnium decimarum bouis, & ovium, & capræ quæ sub pastoris virga transeunt, quicquid decimum veneris, sanctificabitur Domino*.

Fuit autem hoc præceptum per se primò ac directè ex iudicialibus; licet indirectè, ac remotè cum ceremonialibus conuenire videatur, sicut docet S. Thom. cit.

quæst. 87. art. 1. Nam iudicialia præcepta erant; quæ ad debitum ordinem, atque æquitatem in populo Iudaico seruandam pertinebant, teste S. Thom. 1. 2. q. 104. a. 3. Tale autem fuit præceptum decimarum Leuitis tribuendarum; quippe qui ex diuisione terræ promissionis partem suam, vt aliæ tribus, non acceperant, Num. 18. Deut. 10. & 18. sed solum ciuitates ad inhabitandum, cum adiunctis suburbiis ad mille passus in circuitum se extendentibus, Numer. 35. Quare hanc iacturam Leuitis, cum etiam populo in spiritualibus ministrare deberent, ita abunde compensari oportebat, sicuti legimus cit. c. 18. Num. *Dixitque Dominus ad Aaron: in terra eorum nihil possidebitis, nec habebitis partem inter eos: ego pars, & hereditas tua, in medio filiorum Israel. Filij autem Levi dedi omnes decimas Israelis in possessionem, pro ministerio, quo seruiunt mihi in tabernaculo fœderis*. Ceremonialia autem præcepta erant, quæ ad Dei cultum ex Religionis virtute referebantur. Atqui decimæ possessionum, licet per se primò ac directè Leuitis, tanquàm Ecclesiæ Israeliticæ Ministris ex iustitia offerri præciperentur, indirectè tamen ac remotè talis præstatio, propter sacram significationem ad Dei etiam cultum pertinebat: Cùm enim denarius numerus perfectus sit, & aliorum numerorum limes, ac complementum; ideo durti populus ex denario vnitatè demebat, Deoq; in Ministris suis offerebat, & propriam ex culpa contractâ imperfectione, & expectandâ à Deo, per Christi venturû, instaurationem profitebatur, sicuti S. Th. notauit in corp. cit. a. 1.

Eandemque doctrinam S. Th. etiam alia ratione confirmat: Quia præcepta ceremonialia veteris legis ita abolita sunt, vt illicitum sit ea obseruare tempore legis nouæ: Iudicialia autem præcepta tametsi vi sua non obligent tempore gratiæ; possunt tamen obseruari, & noua lege, vel consuetudine introduci, propter moralem æquitatem, aut honestatem, quam in se continent; arg. c. vn. de purific. post partum. Cùm igitur decimarum præstatio lege Ecclesiastica, ad imitationem veteris legis constituta fuerit, consequens est, fuisse illud præceptum iudiciale magis, quam ceremoniale. Quamuis nihil omnino obstat, quin decimarum solutio etiam in noua lege sacram significationem gerat; dum populus ex denario bonorum suorum vnitatem demens, Deoq; in Ministris suis offerens, propriam imperfectionem agnosce- re, & Deo, tanquam omnis boni ac perfectionis vniuersali auctori, se, suæque omnia subiicere censetur, sicuti indicat Innoc. III. in c. tua nobis & c. cùm non sit, de decimis, & notauit Rebuffus de decimis, quæstion. 2. num. 8.

Alterà verò pars assertio- nis; Quòd decimarum præstatio non sit iuris naturalis, nec diuini; sed solum Ecclesiastici in noua lege, docet S. Th. cit. a. 1. Alex. cit. q. 51. mem. 1. & 2. S. Anton. p. 2. tit. 4. cap. 3. §. 5. Henricus quodlib. 4. q. 28. Adrian. quodlib. 5. a. 1. Abulensis in c. 23. Matth. q. 151. Sorus lib. 9. de iust. q. 1. a. 1. concl. 3. Suarez cit. lib. 1. c. 10. Less. lib. 2. c. 39. dub. 1. Valent. 3. disp. 6. q. 5. p. 1. alijq; Theologi communiter & ex Canonistis Nau. c. 21. n. 28. Gutierrez lib. 2. canon. qq. c. 21. n. 9. Couar. 1. resol. c. 3. contra Gloss. in cit. de decimis, in 6. ver. decimarum, Innoc. in c. vlt. de parochiis, & alios multos apud Couar. Quod enim iure naturali decimæ bonorû non debeantur, ex eo manifestum est, quia lex, & ratio naturalis, supposita etiam fide diuina; plus non exigit, quàm vt spiritualia officia ministrantibus sufficiens & congrua sustentatio præbeatur. Quare ante legem Mosæ nullam extabat lex decimarum; & credibile est; Abraham Gen. 14. non ex obligatione; sed spontanea deuotione erga Deum, & reuerentiâ erga Sacerdotalem dignitatem, decimas obtulisse Melchisedecho. Similiter & Iacob. libera voluntate Deo decimas vouit, Gen. 28. *Cunctarum, quæ dederis mihi, decimas offeram tibi*. Vide Baron. tom. 1. Anno 57.

num. 74. Azor tom. 1. lib. 7. cap. 23. qu. 2.

Quòd verò ex vi legis Mosaicæ dudum abolitæ Christiani non obligentur ad soluendas decimas, certum est; sicut, & illud, quòd obligatio præstandi decimas nec ex diuino legis Euangelicæ præcepto proficiscatur: quandoquidem Christus supra leges naturæ alias non præscripsit, nisi quæ sunt Fidei, & circa substantiales ritus sacrificij & sacramentorum: reliqua verò Ecclesiæ disponenda reliquit. Restat igitur, vt Ecclesiastica solum lege debeantur, ea verò antiquissima, & Apostolica, ad hæc vsque tempora, cum Christiani populi approbatione, deriuata. Quare cùm in decret. tit. de decimis, c. parochianos, c. tua, c. cùm non sit, legimus decimas diuino præcepto deberi, intelligi id debet non directè ac propriè, sed remotè & occasionaliter: quia ad imitationem, & similitudinem veteris legis diuinæ, propria Ecclesiastica sanctione decimarum decreta fuerunt. Quo etiam sensu quadragesimæ præceptum diuinum appellatur à Patribus apud Azorij t. 1. lib. 7. c. 12. q. 1. quia ad exemplum Christi Domini ab Apostolis institutum fuit.

Assertio III. Postquam lex Ecclesiastica de decimis iusta ratione lata, & populi approbatione confirmata est, contra iustitiam peccat, & quodammodo erga Deum sacrilegus est, qui decimas defraudat, sicuti habetur expressè in c. decimas, 1. causa 16. q. 7. & docent Caiet. ver. decimar. Rebuffus tr. de decimis, q. vlt. Totamque assertionem habet Innoc. in c. tua, de decimis, & Trid. Concil. sess. 25. c. 12. de reformat. *Non sunt ferendi, qui varijs artibus, decimas Ecclesijs obuenientes, subtrahere moluntur, aut qui ab alijs soluendas tenere occupant, & in rem suam vertunt: cùm decimarum solutio debita sit Deo: & qui eas dare noluerint, aut dantes impediunt, res alienas intradunt.* Et infra: *Qui vero eas subtrahunt aut impediunt, excommunicentur, nec ab hac crimine, nisi plenâ restitutione secuta, absoluantur.* Et S. August. serm. 219. *Gratias agentes Deo, quid dedit, de offerendis, imò reddendis cogitemus: Deus enim, qui dignatus est totum dare, decimam à nobis dignatur repetere.* Et iterum: *Hæc est Domini iustissima consuetudo, vt si tu illi decimam non dederis, tu ad decimam reuocaris.* Ratio doctrinæ est: Quia decimæ, tanquam iustum stipendium Ecclesiastico præcepto Clericis deputatæ sunt, ratione spiritualium officiorum, quæ pro salute fidelium Deo exhibent. Quare decimarum solutio non tantum iustitiæ actus est: sed etiam ad Dei cultum pertinet; quia Deo in Ministris suis consecratæ sunt: consequenter earum defraudatio non tantum iniuriam continet aduersus homines; sed quodammodo etiam aduersus Deum. Vide quæ scribit Ioannes Molanus orat. 3. quæ est de decimis defendendis.

Quæres. Qua actione Ecclesia, seu Parochus decimas petere possit? Respondeo; Conditione ex lege, siue canone; non tantum si decimæ extantes sint, sed etiam, si consumptæ, destructæ, vel alienatæ sine causa, aut ex iniusta causa, argum. l. vn. ff. de conditione ex lege: *Si obligatio lege noua introducta sit, nec tantum eadem lege, quo genere actionis experiamur, ex lege agendum est.* Idque ex communi docet Abb. in c. commissum, num. 4. de decimis. ibid. Henr. Canisius in 3.

Adde primò, Aduersus quemuis etiam alium decimarum possessorem, vtilem earum vendicationem Ecclesiæ, seu Parochus, quasi domino, competere, sicut colligitur ex c. pastoralis, de decimis, vbi dicitur, *fructus alienari non posse, nisi cum onere decimarum*, haud dubiè reali, siue ipsis fructibus inhærente, sicuti apertius dicitur in c. cùm non sit, eod. tit. Et notauit Gl. c. in alijs quibus de decimis, ver. compellantur: *pacum non nocet Ecclesiæ, quin à quolibet possessore possit petere decimam: quia est onus, quod sequitur ipsam rem: quæ doctrina colligitur etiam ex l. inter, ff. de pactis, eamque approbat Abb. in cit. c. in alijs quibus, num. 6. Abulensis in cap. 23. Matth. q. 158. Syl. ver. decima, quæst. 7. dicto 4.*

& 5. Suarez cit. lib. 1. c. 36. num. 12. post S. Thom. in cit. q. 87. a. 2. ad 4. *De his, quæ furto, vel rapina tolluntur, ille à quo auferuntur, decimas soluere non teneatur, nisi forte propter culpam, vel negligentiam suam damnum incurrerit. Si vero vendat triticum non decimatum, potest Ecclesia decimas exigere & ab emptore, quia habet rem Ecclesiæ debitam, & à venditore, quia, quantum est in se, Ecclesiam defraudauit.* Vide etiam Clement. 1. de decimis, vbi censuræ ipso iure decernuntur Religiosis, qui decimas sibi usurpare, & Ecclesiis priuare præsumunt; nisi intra mensem desistant, & intra duos menses damnificatis satisfaciant.

Adde secundò; Etiam aduersus iniustum destructorem fructuum tum solo hærentium, tum separatorum, actionem ab Ecclesia institui posse, sicuti docent Innocent. & Abb. in c. commissum, de decimis. Sed vtrum talis actio directa sit, quæ Parochus, tanquam vero decimarum domino, comperat; an verò utilis tantum, siue cessæ, non consentiunt DD. Priorem partem amplexus est Abb. in cit. c. commissum, num. 4. & c. tua nobis, num. 13. posteriorem alij plerique, quæ etiam vera est, & bene explicata apud Suarez cap. 36. Quòd Ecclesia, seu Parochus non antè compareret dominium decimarum partis fructuum, quam illa à reliquis separata, & aliquo modo tradita sit, saltem per designationem. Antè diuisionem verò seu decimationem fructus omnes solo separati ad fundi dominum directè pertinent, cùm annexo onere soluendæ partis decimarum, sicuti colligitur etiam ex c. ex transmissa, & c. pastoralis, de decimis, & l. 1. ff. de pollicitationibus.

Eadem ratione rejicienda videtur alia opinio eiusdem Abbatis in c. cùm homines, numero 6. de decimis: Quòd nouus possessor, v. g. emptor fundi, teneatur ad decimas etiam præteriti temporis, quas venditor soluere intermiserat: Quia id expressè statutum legimus de tributis, in l. Imperatores, ff. de publicanis, nouum possessorem fundi vestigialis, seu tributarij obligari ad tributa etiam ante non soluta, quam ad ipsum fundus pertineret. Atqui decimæ tributa dicuntur egentium animarum, in cit. c. tua nobis, & c. decimarum, 16. quæst. 1. Et Philo in lib. de sacerdot. honorand. *Ex his liquet, iuxta legis iudicium Sacerdotes equiparari honore ac maiestate Regibus: siquidem illis, tanquam Principibus, conferri tributa imperat Deus.* Sed contraria sententia est probabilior, quam præter alios apud Abb. cit. loco tuetur Canisius de decimis, cap. 4. & Suarez cap. 38. numero 9. Nam decimæ non propriè tributa sunt, sed secundum Metaphoram ita appellantur, sicuti notauit Gloss. in cit. c. tua nobis, ver. tributa.

Neque specialis illa iuris dispositio, vt tributa ipsos fundos secundum se afficiant, tanquam inseparabile eorum onus, in decimis locum habere potest: cùm de his canonico iure aliud dispositum sit, videlicet, vt fundos tantum respectiue, seu in ordine ad fructus, hos autem per se afficiant, ad quemcumque possessorem perueniant, adeo, vt elocato fundo tali pacto, vt fructus ad colonum pertineant, ipse autem pensionem quandam præstare teneatur, non fundi dominus, sed conductor, siue colonus decimarum nomine conueniendus sit, iuxta c. cùm homines, §. fructus de decimis, & ex communi docet Abb. c. tua nobis, num. 14. & c. cùm non sit, eod. tit.

Sin verò colonus partiarus sit, de parte fructuum, qui ipsi manent ratione culturæ, dominus verò de altera portione, quam ratione fundi percipit, decimam dare tenetur, sicuti habetur in cit. c. 1. nobis. Denique si census aut tributa indecimata ad aliquem perueniant, decimare is cogitur Ecclesijs, quibus de iure debetur, quia *res transit cum onere suo*, vt dicitur in c. cùm non sit, eod. tit. Non ita verò sentiendum videtur, si

pars aliqua mercium vectigalis nomine principi soluenda sit, eaque à mercatore per fraudem soluta non fuerit: neque enim propterea emptor soluere cogetur: cum obligatio soluendi vectigalis ex mercibus mercatori personaliter incumbat, nullòque iure exprimitur, esse id onus reale transiens ad quemcunque mercium possessorem, sicut de decimis expressum legitur. Idque notauit Molina tr. 2. c. 3. prior, disput. 675. Less. lib. 2. c. 33. n. 72.

CAP. III.

QVÆ PERSONÆ AD DECIMAS obligentur.

S V M M A R I V M.

1. Omnes & sola persona, quæ in spiritualibus subditæ, à manu Sacerdotis Sacramenta suscipere debent, ad præstandas decimas personali debito obligantur.
2. Clerici seculares non curati ex propriis noualibus decimas soluere debent.
3. Clerici ex Ecclesiasticis redditibus nullas decimas persolunt.
4. Religiosi, spectato communi iure, ad præstationem decimarum per se, ac personaliter obligantur; sed per priuilegia exempti sunt. Quare hodie ex noualibus suis decimas nullas dare debent; sicuti nec leprosi in communi viuentes.
5. Nouale dicitur prædium de nouo cultum, cum antè non colebatur, ideòque nullum, aut modicum fructum ferret.
6. Ad decimas ex reali obligatione, omnes cuiuscunque conditionis persona obligantur; etiam ipsa interdum parochia, si dotatio, aut legati nomine possideant prædia ad alias parochias pertinentia.
7. Qui grani paupertate premuntur, ita ut solutis decimis necessaria non habeant ad se, suosque alendos, interim à decimis immunes esse debent.

PRIMIT. aduertendum est; Personam duobus modis ad decimas præstandas obligari posse: Primò per se, ut obligatio ex conditione seu subiectione eius in spiritualibus proficiat; & exinde in rem, vel fructus rei deriuetur. Secundo per accidens tantum; quia persona alioquin non obligata, possidet rem frugiferam, aut eius fructus percipit, quibus onus decimarum incumbit. Prior illa obligatio, onus siue debitum personale appellari potest; posterior reale.

Assertio I. Omnes, & sola illæ personæ, quæ in spiritualibus subditæ, à manu Sacerdotis Sacramenta suscipere debent, ad decimarum præstationem, per se, ac propriè personali debito obligantur. Ita colligitur ex c. ex transmissa, c. ad Apostolicæ, de decimis, & docet S. Thom. q. 87. a. 1. & 4. Ratio est, quia decimæ dantur tanquam stipendium pro spirituali cura, ac ministerio, quod fidelibus exhibetur.

Corollarium I. Iudæi, & aliæ non baptizatæ personæ, per se ac proprio personali debito ad decimas obligari non possunt. Ita notauit Gl. c. de terris, ver. persolueudas, eod. tit. ubi de Iudæis, ait: *Ratione prædiorum soluere debent decimas, & non ratione personarum; quia non sunt de corpore Ecclesiæ:* quare neque Ecclesiasticis legibus constringuntur. Ita ex communi docent Sotus lib. 9. q. 4. a. 4. Suarez cap. 16. num. 5. contra Abb. in cit. c. de terris, n. 6.

Corollarium II. Summus Pontifex per se, seu ex vi personæ suæ non potest obligari ad decimas. Ita docet Abulensis in cap. 23. Matth. q. 193. Suarez c. 17. n. 8. contra Rebuffum tr. de decimis, q. 5. num. 26. Ratio est manifesta: Quia persona per se non obligatur ad præstandas decimas, nisi ordinario Pastori suo, cui in spiritualibus subiicitur. Papa autem talem in terris pastorem habere non potest. Ergo &c.

Corollarium III. Licet Episcopi, ac Parochi per se, & debito personali obligari non soleant ad sol-

uendas decimas, possunt tamen obligari à Papa, per absolutam potestatem eius. Ita docet S. Thom. cit. quæst. 87. a. 4. ad 2. & 3. Sotus, & Suarez ll. cc. Less. lib. 2. c. 39. num. 28. Prior pars constat: Quia neque ex iure Ecclesiastico, neque ex consuetudine talis obligatio ostendi potest. Altera pars inde probatur: Quia in Episcopis ac Parochis non deest fundamentum, videlicet subiectio erga superiorem Pastorem suum, propter quam lege aut præcepto Pontificio ad decimas astringi possint. Porro ipsi Episcopi Parochis, aliisque inferioribus Sacerdotibus non possunt decimas, vel similes exactiones iure communi non concessas, imponere, sicuti constat ex c. constitutum, c. nulli Episcoporum, & aliis iuribus in causa 16. q. 1.

Corollarium IV. Clerici non curati, spectato communi iure, ex lucris ac redditibus suis temporalibus titulo acquisitis, per se, & personali debito obligantur ad decimas præstandas Sacerdoti parochiali, à quo Sacramenta percipere debent. Sumitur ex c. 2. de decimis: *Illi profecto Clerici, qui à Clericis spiritualium ministeriorum labores accipiunt, decimas eis debent*, ubi id docet num. 3. & alij Canonistæ communiter, S. Thom. cit. quæstion. 87. a. 4. in corp. & ad 1. Rebuffus tract. de decimis qu. 5. Couaru. lib. 1. resol. cap. 17. num. 8. §. Primum hinc constat, Suarez c. 17. n. 21. contra quosdam, apud Alexand. Halensem p. 3. q. 51. mem. 7. a. 2. Quæ doctrina licet hodie nullum vsum habeat in decimis merè personalibus; quippe quas nec laici, multò minùs Clerici pèdere solent; locum tamen habet in terris noualibus, quas si excolat Clericus, cum antè nullum, aut modicum fructum afferrent, ad decimas Parocho suo ex illis soluendas obligari incipit; non per accidens ratione rei siue terræ, sed per se, & ratione propriæ personæ.

Rectè tamen monet Alex. Halensis loco cit. & S. Th. cit. a. 4. in corp. Quod Clerici, ut Clerici sunt, id est, ex redditibus Ecclesiasticis beneficiorum ad decimas non obligentur: Voluit enim ecclesia eiusmodi redditus absque diminutione beneficiatis provenire. Eaque ratione intelligendum videtur c. 2. de decimis, ubi dicitur: *Nouum genus exactionis esse, ut Clerici à Clericis decimas exigant*; intellige, ex Ecclesiasticis redditibus: nam Pontifex probat suum dictum exemplo Leuitarum, qui alios redditus non percipiebant, quàm decimarum, atque Leuitas Leuitis decimas præstare solitos non esse. Quod verum est: quamuis, ut habetur Numer. 18. Leuitæ Aaroni Sacerdoti decimas decimarum soluere debebant, ut dicam cap. seq. assert. 4. Vide Rebuffum cit. q. 51. n. 6. Henric. Canisum ca. 6. n. 4. Suarez cap. 17. num. 23.

Corollarium V. Religiosi, sicuti & aliæ personæ Ecclesiasticæ, per se, & personali debito ad decimarum præstationem Ecclesiæ parochiali obligantur, spectato communi antiquo iure, & seclusis priuilegiis atque contraria consuetudine. Ita colligitur ex c. ex multiplici, c. commissum, c. ex parte, de decimis. Ratio est: Quia huiusmodi etiam personæ parochiis subiectæ sunt, nisi priuilegio, vel consuetudine eximantur.

Porro Regulares omnes in communi viuentes varia exemptionis priuilegia, in corpore iuris contenta, à Summis Pontificibus acceperunt. Primum est Paschalis 2. in c. decimas, 16. quæst. 1. Ut de laboribus, seu nutrimentis suis propriis, adeoque etiam de prædiis, quæ ipsi propriis manibus, vel sumptibus pro vitæ suæ sustentatione colunt, decimas soluere non cogantur, sicuti explicatur in c. ex parte, 1. de decimis. Sed priuilegiū hoc tam amplè Religiosis concessum, reuocatum fuit ab Hadriano IV. & successore eius Alexandro III. in c. ex parte 1. de decimis, atque ad solos Cistercienses, Templarios, & Hospitalarios, restrictum. Postea verò Innoc. III. in Concilio Lateranensi, cap. penult. de decimis, etiam his ipsis Religiosis priuilegiū limitauit, ut so-

lūm se extenderet ad terras ante Lateranense Concilium acquisitas; de aliis verò postea acquirendis decimas solvere deberēt Ecclesiis, quibus antea ratione prædiorum soluebantur: manente nihilominus in pristino vigore privilegio ab Hadriano IV. & Alexandro III. omnibus Religiosis in communi viventibus concessum in cit. c. ex parte. *Ubi de nonalibus suis, quæ propriis manibus, vel sumptibus excolunt, & de nutrimentis animalium suorum, & de hortis suis decimas non persoluant.* Quod ipsum simili ratione indultum est leprosis in ca. 2. de ecclesiis ædific. si in communi viuentes propriam ecclesiam, cum cimiterio, propriumque Presbyterum habere permittantur.

Ex quibus intelligitur, hodierno iure, quo utimur, contrariam regulam statuendam esse, videlicet, Religiosos utriusque sexus, per se ac debito personali, non obligari ad soluendas decimas. Cuius quidem privilegii, siue exemptionis utilitas non tam in eo consistit, quod religiosi non teneantur ad decimas personales ex lucris proprii laboris, vel industriæ: Siquidem huiusmodi decimas propter consuetudinem, ne laici quidem, multo minus personæ Ecclesiasticæ solvere coguntur: sed multo magis in eo consistit specialis utilitas privilegii, quod Religiosi ex terris, quæ antequam ad ipsos pervenirent, nullos, aut exiguos fructus afferebant, ideoque vel nullis, vel modicis decimis Ecclesiæ parochiali pendendis obnoxia erant, si postea eas propria manu, vel sumptu excolant, à decimarum præstatione immunes sint, sicuti docet Gloss. recepta in c. commissum, ver. pascuis, de decimis, & altera Gloss. in c. quid per nouale, ver. de verborum significatione, Abulensis in cap. 23. Matth. quæst. 194. & sumitur ex c. ult. de privileg. c. ex parte, 1. de decimis iun. citati c. quid per nouale, ubi explicatur, quid noualis nomine intelligi debeat, videlicet ager, seu prædium de nouo cultum cum supra hominum memoriam non coleretur, ideoque modicum, vel nullum fructum afferret. Cæterum, si terra, antequam ad Religiosos perveniret, & decimis obnoxia erat, fructus non modicos afferat, tamen postea à Religiosis magis excolatur, v. g. ex silua vinea efficiatur; non ideo liberatur onere decimarum, sicuti constabit ex seq. assertionem, & habetur expressè in cit. c. commissum & cit. c. quid per nouale, ubi Abbas not. 3. Adde, quod etiam de Regularium nonalibus, si aliis elocata sint, coloni decimas ecclesiæ parochiali solvere tenentur, iuxta c. veniens de transfact. c. ex parte, 1. ubi Abb. nu. 4. & c. licet de decimis. Quia privilegium concessum quibusdam personis, non extenditur ad alios, c. sanè, de privilegiis.

5 **ASSERTIO II.** Ad decimas præstandas ex debito reali, id est, orto ex re ante decimis obligata, quam ad alterius possessionem deveniret, omnes omnino cuiuscunque ordinis, Religionis, status, ac dignitatis personæ, etiam ipse Summus Pontifex, Episcopi, Religiosi obligantur, nisi vel præscripta consuetudine, vel Pontificia dispensatione, aut privilegio eximantur. Ita significat S. Th. ar. 4. & docent DD. in c. de terris, de decimis, & in c. quanto, ubi Abb. num. 4. de Iudæis, Suarez cap. 17. n. 10. Ratio est, quia postquam dioceses in parochias diuisæ fuerunt, prædia Parochianorum intra quamlibet Parochiam sita, obligationem acquisierunt decimarum partis fructuum ex ijs ecclesiæ parochiali inferendæ, eamque obligationem secum ad quemlibet possessorem deferunt: quia *res transit cum onere suo.* Et notandum hic est; fieri posse, ut si prædia decimarum nomine aliam parochiæ obligata, ad aliam ecclesiam seu parochiam titulo foundationis, donationis, legati perveniant: hæc priori ecclesiæ, intra cuius fines prædia constituta sunt, decimas præstare cogatur, nisi consuetudine aliud obtentum sit, sicuti ex communi docet Abb. in c. 2. num. 6. de decimis, Couar. lib. 1. resol. cap. 17.

num. 8. §. secundo, Gutierrez lib. 2. canon. qq. cap. 27. num. 54. Rebuffus q. 5. de decimis, n. 20. Quod ipsum Gl. in c. 1. de censibus, etiam de mansa ecclesiæ dicendum existimat, si ante decimis obligatus erat, non liberari obligatione.

RESTAT QVÆSTIO. Vtrum pauperes etiam ad decimas præstandas obligentur? Respondeo & dico I. Qui communi ac tollerabili paupertate laborant, habentes tamen ea, quæ ad se, suosque alendos absolute, etiam persolutis decimis, necessaria sunt; ij haud dubie decimarum obligatione, perinde ut alij, tenentur. Quæ est communis, & certa assertio S. Th. qu. 87. art. 4. Abb. in c. cum homines, n. 4. de decimis, Rebuffi qu. 5. num. 14. Ratio est: Quia licet decimæ, & alij Ecclesiastici redditus, si superflui sint, ad pauperum vel alium pium vsum erogari debeant: hæc tamen dispensatio ipsi Clericis commissa est, neque particulares pauperes speciale aliquod ius habent; sed ipsi in primis satisfacere debent obligationi ac debito suo.

6 **Dico II.** Qui gravi paupertate premuntur, ita ut solutis decimis non habeant necessaria ad se, suosque alendos, à solutione, vel potius dilatione decimarum, donec ad meliorem fortunam venerint, probabiliter excusantur. Ita docet Suarez cit. lib. 1. cap. 16. num. 16. contra Ioan. Andr. & Abb. in cit. c. cum homines, n. 5. Rebuffum cit. num. 14. Henric. Canisum de decimis, c. 5. qui solum extremam necessitatem excipiunt. Ratio est: Tum quia vniuersum solutio debiti ex titulo iusto contracti, differri potest, ob gravem necessitatem, seu inopiam debitoris, ut dixi lib. præced. tract. 2. de iust. cap. 12. num. 1. Tum quia specialia sunt in debito decimarum; nimirum, quod credibile non sit, piam Ecclesiam velle, ut tanto rigore à fidelibus decimæ exigantur: & cum Parochi ipsi obligati sint ad subueniendum Parochianis tanta inopia pressis, non possunt illi iniquo animo ferre, si Parochiani, quod ipsis tribuendum, aut concedendum esset, antè retineant. Id verò discrimen est inter inopiam gravem, & extremam, quod qui extremam patitur, obligatione omnino liberatur: qui vero gravem tantum, non simpliciter, sed donec opulentior factus fuerit.

Ad extremum nota: In Clementina cupientes, §. 1. de pœnis, pœnas inferri ipso facto Religiosis Ordinis Mendicantium, (qui ipsi decimas nullas percipere solent) si homines à decimarum solutione retrahant.

CAP. IV.

QVIBVS DECIMÆ PENDENDÆ SINT.

SUMMARIUM.

- 1 Decimæ personales, ubi in usu sunt, præstari debent Ecclesiæ parochiali, ad quam quisque fidelium spectat.
- 2 Decimæ prædiales soluende sunt Ecclesiæ parochiali, intra cuius terminos prædia sita sunt.
- 3 Parochi communi iure adversus quemlibet possessorem iuris decimandi intentionem fundatam habent. Spoliatus non restituitur, si ex actis notorium sit, iure possidendi eum caruisse.
- 4 Decima debentur Ecclesiæ matri, non filiali.
- 5 Decima mista ex fructibus & factu pecorum, debentur parochiæ, intra cuius terminos pecora pascuntur.
- 6 Quarta pars decimarum communi iure Episcopo debetur, quamvis id multis in locis non servatur. Certe tamen casus sunt, quibus adhuc hodie integra decima ad Episcopum pertinent.

ASSERTIO I. Decimæ personales, spectato iure re communi, (nam consuetudine ferme ubique abrogatae sunt) præstari debent propriæ ecclesiæ parochiali, ad quam quisque fidelium pertinet, ut in ea officia diuina audire, & Sacramenta percipere teneatur. Ita

8. Th. cit. q. 87. art. 3. ad 2. & habetur in c. ad Apostolicam, de decimis, iunct. ver. personales, & c. ult. de parochijs, vbi id notat Gl. & Abb. num. 5.

Assertio II. Decimæ prædiales; spectato communi iure, vel saltem Ecclesiarum recepta consuetudine, soluendæ sunt ecclesiæ parochiali, intra cuius terminos prædia sita sunt. Ita habetur in cap. ult. de restitut. spoliatorum, in 6. & colligitur ex cap. si quis laicus, 16. qu. 1. cit. c. ult. de parochijs, c. quoniam, c. cum contingat, cap. cum in tua, de decimis, & docet S. Thom. loco cit. Gloss. in cit. c. ult. ver. prædiorum. Ratio est: Quia cum crescente multitudine fidelium, ad confusionem vitandam, necesse esset parochias diuidere, oportuit etiam singulis fines ac terminos suos terrarum designare, ex quibus pro Parochi, & Cooperatorum eius sustentatione, certi decimarum redditus prouenerent, sicut colligitur ex cap. licet 16. qu. 3. cap. super eo, de parochijs, & Concil. Trident. sess. 14. cap. 9. de reformat. & sess. 24. cap. 13. in fine. Confirmatur: Nam sicut obligatio decimarum personalium inhæret personis, ideo quæ ratione eius debentur parochiæ, ad quam illæ spectant; ita & obligatio decimarum prædialium inhæret prædiis, quatenus frugifera sunt; ideoque ratione eorum debentur parochiæ; intra quam prædia sita sunt. Fateor tamen in casu, quo fideles in vna parochia Sacramenta percipiunt; in alia verò eiusdem diocesis prædia sita habent; non esse iure communi decimam, vtri parochiarum decimæ prædiales debeantur; ac proinde consuetudinem cuiusque loci sequendam esse, dicitur apertè in c. ad Apostolicam, & c. cum sint, vbi id notat Abb. num. 8. de decimis.

Corollarium. Parochus loci contra quemlibet possessorem iuris decimandi; etiam Episcopum, habet intentionem suam fundatam ex communi iure; vt aliter probare non teneatur ad se pertinere, sicut docet Rebuff. q. 7. a. 4. Canis. c. 8. n. 2. arg. c. in sacris canonibus, causa 16. q. 1. c. à nobis, de decimis, c. ult. de parochijs. Idemque ait Abbas in c. pastoralis, n. 2. de his quæ fiunt à Prælati & c. sentiendum esse de quibusvis prouentibus; adeò, vt si capella sit infra parochiam, oblationes ibi factæ non capellæ, sed parochiæ cedere debeant, nisi eæ ad Ministri sustentationem, vel capellæ fabricam Episcopi auctoritate deputatæ sint, iuxta c. ad audientiam, 1. de eccles. ædific.

Adde, extare de hac re singularem, & elegantem responsionem in c. 2. de restit. spoliatorum. in 6. vbi proposito casu, Quod Canonici, qui decimas intra parochiam alicuius Clerici aliquandiu possederant, ab eodem Clerico, seu Parocho spoliati fuissent, respondet Bonifac. VIII. *Nequaquam debent restitui, nisi euidenter docuerint, quod earum possessionem legitimè affecti fuissent; puta præscripta consuetudine, priuilegio transactione. Quia eas occupare iniuste, verisimiliter præsumitur; cum proueniant ex prædijs infra alienam parochiam constitutis, sitque manifestum (nisi aliud ostendatur) eas de iure communi ad eandem ecclesiam pertinere.*

Ex quo colligunt Doctores, licet ordinariè spoliatus priùs restitui debeat, quàm de causa & titulo possidendi agatur, iuxta c. in litteris, extra eod. tit. excipiendum tamen esse non tantum si ex actis notorium sit, spoliatum iure possidendi caruisse; sed etiam si iuris communis præsumptio aduersetur spoliato; faueat vero spoliatori, sicut docet Nau. in c. accepta, opposit. 10. num. 21. de restit. spoliat. Couar. lib. 1. resolut. c. 17. num. 6. Canisius c. 16. vbi ait num. 7. diligenter id Parochis notandum esse, quod decimas intra parochiam suam licitè occupent, & accipiant, donec alter Clericus, multoque magis laicus, iustum possessionis suæ titulum docuerit: quamquàm id nõvbiq; in praxi obseruari notauit Cou. cit. loco.

Sed querunt Doctores: Vtrum decimæ cum perso-

nales, tum prædiales ecclesiæ baptismali, an parochiali communi iure debeantur? Respondeo, & dico 1. De personalibus dubium esse non potest, quin debeantur ecclesiæ parochiali, in qua Sacramenta suscipi, & officia diuina ab adultis adiri debent: tamen si alia sit ecclesiæ baptismalis, ad quam tanquam matricem, aut primariam, baptizandi deferri debeant.

Dico II. Idem quoque sentiendum est de decimis prædialibus, inferendas esse ecclesiæ parochiali, si ea proprios, & à matrice ecclesiæ distinctos limites habeat; Episcopi auctoritate constitutos, idque colligitur ex c. ad Apostolicam, c. cum contingat, vti id notat Abbas n. 8. Suarez cit. lib. 1. c. 24. num. 4.

Neque his obstat, quod interdum in sacris canonibus legimus, decimas ecclesiæ baptismali præstandas esse, vt in c. de decimis, c. statuimus. 16. qu. 1. Cum enim fideles plerumque in eadem ecclesia & sacrum Baptisma, & reliqua Sacramenta, atque diuina suscipere soleant; vti videre est in c. in sacris canonibus, ead. q. ideo ecclesiæ, quibus decimæ debentur, modo baptismales, modo parochiales in iure appellantur.

Interdum verò ecclesia baptismalis simul, & matrix, aliam ecclesiam sibi annexam ac subiectam habet vt filialem, & non parochialem per se, sicuti notauit Abb. in cap. ex parte 2. num. 1. de rescriptis: *Quod ecclesia plebanalis (id est, parochialis,) potest possidere capellam positam in sua plebanatu (sive parochia) non ponendo ibi Rectorem, sed Capellanum, qui eam officiet, & teneat nomine plebis.* Quo casu fatemur, decimas deferendas esse ad ecclesiam matricem, & Rectorem eius, qui deinde ex iis iustum stipendium Capellano, seu Cooperatori suo præbere cogitur. Alia verò ratio est; Si capella Episcopi auctoritate distinctam parochiam faciat, vt supra dixi, & notauit Abb. c. cum contingat, n. 8. de decimis. Vide etiã Suarez c. 25. Rebuff. q. 6. de decimis, n. 6. & 7.

Assertio III. Decimæ mistæ, quæ ex fructibus, & fætu pecorum penduntur, vbi eæ in vsu sunt; debentur ecclesiæ, siue parochiæ, intra cuius terminos pecora pascuntur; ita, vt si diuersis anni temporibus in diuersis parochijs alantur, decimæ inter parochias secundum temporis proportionem diuidendæ sint, nisi aliud consuetudo obtineat. Ita docet Gloss. communiter recepta in c. ad Apostolicam, ver. personales; de decimis; vbi notat decimas mistas magis prædialibus, quàm personalibus annumerandas esse; argum. c. commissum; de decimis. Eademque est sententia S. Thom. q. 87. art. 3. ad 2. Halensis pa. 2. q. 51. memb. 4. Abulensis in c. 23. Matth. q. 197. Rebuffi q. 6. nu. 25. Suarez cap. 21. nu. 8. Vide etiã Nauar. consil. 1. de decimis, edit. 2.

Assertio IV. Spectato communi iure, quarta pars decimarum parochialium soluenda est Episcopo ordinario. Ita habetur in c. conquerente; de officio Ordinarii, ca. de quarta, de præscript. c. cum olim, de censib. & contra Gl. in c. cum contingat, de decimis, ver. de iure communi, docet Hostiensis in c. dudum, eod. tit. Abb. in cit. c. cum contingat, nu. 7. & cit. c. de quarta, nu. 2. Canisius ca. 12. Suarez cit. lib. 1. c. 28. nu. 9. Ratio summi potest tum ex imitatione veteris legis, in qua decimæ Levitarum à Sacerdotibus iterum decimabantur, sicuti ex cap. 18. Numer. S. Hieron. testatur; relatus in cap. 1. de censibus, tum multò magis ex prima origine decimarum, quæ Episcopo præstari debebant; vt eas postea inter Clerum, siue Ministros Ecclesiæ suæ, pro cuiusque meritis ac necessitate, distribueret, sicut testatur Clemens Romanus lib. 2. constit. cap. 25. & colligitur ex c. 1. c. peruenit, 16. q. 7. Cæterum, posteaquam ob fidelium multitudinem, dioceses amplificate, atque intra eas parochiæ diuise sunt, tunc decimæ prædiorum priò assignatæ fuerunt, reseruata tamen Episcopo tantum superiori ordinario fidelium Pastori certa portione,

videlicet quarta, quæ ad ipsius decentem sustentationem necessaria videbatur. Verùm cum pluribus locis Episcopi ex propriis foundationibus, aliisque titulis sufficientem sustentationem habeant, ideo quarta decimationis pluribus diocesis omnino in desuetudinem venit.

Nihilominus certi casus sunt apud Abb. in cit. cap. cum contingat, num. 7. Rebuffum cit. qu. 7. num. 7. Suarez c. 29. n. 1. quibus adhuc hodie integræ decimæ ad Episcopum pertinere possint: Quorum primus indubitatus est, si ipsemet sit immediatus curatus Ecclesiæ suæ Cathedralis, vel alterius parochialis, quam saltem per Vicarium administret. II. Si prædia intra suam diocesis nulli parochiæ assignata sint, eorum decimæ ad mensam episcopalem spectant, iuxta c. quoniam, de decimis, vbi id notat Abb. num. 2. III. Si adhuc hodie aliqua diocesis in parochia diuisa non est, sed omnis cura animarum immediatè ad Episcopum spectat; tunc decimæ omnes ad eundem iure pertinebunt; ex quibus Capellani seu Vicarii suis congruentem sustentationem præbere debet, sicuti apud nos Parochi solent.

Addit Rebuffus cit. qu. 7. n. 12. Episcopum nomine cuiuslibet Ecclesiæ parochialis, agere posse ad confectionendas decimas, in defectum Parochi.

CAP. V.

QUANDO, ET VBI DECIMÆ PENDENDÆ SINT.

SUMMARIUM.

1. Decima prædiales debentur, cum primum fructus solo separati & collecti sunt.
2. Ipsemet Parochus decimas prædiales ad horreum suum deferre debet, nisi aliter consuetudine loci obseruetur.
3. Parochus recusantem soluere decimas non potest Ecclesia prohibere, sed debet causam ad Ordinarium loci deferre.
4. Prælati subditos compellere debent ad solutionem decimarum, nisi propter scandalum ad tempus dissimulandum esse videntur.

ASSERTIO I. Decimæ prædiales debentur statim, ut fructus à solo separati, atque collecti sunt, ita expressè habetur in c. cum homines, de decimis, iunct. Gloss. ver. fructibus collectis. vbi addit, si rusticus in mora soluendi est, periculum decimarum ad ipsum spectare. Et docet Alensis p. 3. q. 51. memb. 5. Rebuff. q. 11. n. 3. Syl. ver. decima, q. 7. dicto 5. aliique communiter. Neque opus est, ut decimæ à Parocho petantur, siue exigantur: quia dies ipse, siue tempus solutionis pro creditore interpellat; præsertim cum fructus reali obligatione decimarum, ex iuris dispositione, obligati censeantur. Atque ita tradit Gloss. cit. Abb. ibid. num. 3. & in c. peruenit. eod. in fine. Couar. 1. resol. c. 17. num. 8. ver. octauo, Gutierrez lib. 2. canon. qq. c. 21. num. 44. Rebuffus q. 12. num. 7. Suarez cap. 37. num. 2. contra Adrianum in quodlib. 5. a. 1. §. Secundò videndum, in fine. Et sumitur ex c. 22. Exod. *Decimas tuas, & primitias tuas non tardabis reddere.* Ratio est: Quia posita determinatione legis positivæ, ex iustitia debentur Ministris Ecclesiæ.

ASSERTIO II. Spectato communi iure, non obligatur prædij dominus, aut colonus decimas ad horreum Ecclesiæ, vel Parochi deferre, sed satisfacit obligationi suæ, si moneat Parochum, ut decimas solo separatas, aut collectas auferat: quod si id facere intermittat, & decimæ fructuum in agro damnum aliquod patiantur, Parochi culpæ imputabitur. Hæc est sententia Couarruu. loco cit. Suarez cit. cap. 37. num. 6. Henrici Canisij cap. 7. num. 2. contra Gloss. in cap. reuertimini, ver. in horrea, 16. quæst. 1. Abb. in cap. peruenit, num. 3. de de-

cimis, vbi aiunt; Vilicum debere propriis expensis fructuum decimas ad horreum Parochi deferre. Quod verum quidem est, si loci consuetudo ita obtinuerit: communi autem iure nihil tale statutum reperitur, ut bene notauit Abulensis in cit. cap. 23. Matth. quæst. 206. Habet enim se Ecclesia comparatione decimarum, tanquam usufructuaria, vel pensionaria, cui satisfacit, si pensio fructuum solvatur in loco, vbi res frugifera sita est; nisi aliter conuentum, sicuti dixi libro præcedenti, tract. 2. de iustit. cap. 10. num. 5. & docet Less. lib. 2. cap. 15. dub. 8. num. 57.

Insuper rectè monet Couarruu. loco cit. & Gutierrez num. 49. Dominos, vel vilicos prædiorum oportere frumentum, aliosque fructus non antea in horrea sua condere, quam Parochos monuerint, ut ipsi, vel procuratores eorum fructuum collectioni, & decimationi assistant; ne vlla fraus committi possit. *Quod enim omnes tangit ab omnibus debet approbari*, reg. 29. in 6. Itemque sensit Abb. cap. ex parte, 2. num. 6. de decimis.

ASSERTIO III. Personales decimæ ex lucris, vbi ex in usu sunt, commodissimè soluuntur elapsis annis singulis, sicuti alii census & tributa pendi solent. Ita Gloss. in c. reuertimini, verb. annus, 16. quæst. 1. Alensis cit. quæst. 51. memb. 5. Abb. in cit. cap. peruenit, num. 3. Rebuffus quæst. 12. num. 4. Suarez cap. 37. num. 3.

ASSERTIO IV. Inter decimas mixtas quædam rectius soluuntur, cum primum fructus percepti sunt, ut ouium lana: Quædam non statim, sed postquam sine lacte matris viuere possunt, animalium fœtus. De quibusdam verò certa regula tradi non potest; sed ex loci consuetudine, priuatis transactionibus &c. petendum est, sicuti docet Rebuffus quæst. 6. prope finem, Suarez cap. 37. num. 6.

ASSERTIO V. Non potest Parochus à domino, vel colono decimas iniuste detinente, aut soluere recusante per vim extorquere, aut ob eam causam Ecclesiæ aditu, vel Sacramentis, sine Episcopi auctoritate, prohibere. Ita ex communi Rebuffus quæst. 9. in fine, Nauar. lib. 3. consil. 2. de decimis, edit. 2. Suarez cap. 38. num. 2. Quia vniuersim concessum non est creditori propria auctoritate bona debitoris inuadere, eumque possessione, ad debiti sui recuperationem, spoliare. Quare cum Parochus forensi iurisdictionem in Parochianos non habeat, necesse est, ut ad Episcopum causa ista deferatur, qui illos in soluendis decimis culpæ morantes ad solutionem cogere debet, & post trinam canonicam monitionem etiam excommunicare, iuxta c. omnes, 16. qu. 1. & Trident. sess. 25. cap. 12. de reform. idque notauit Abb. in cap. peruenit, in princ. vbi ait, Prælatos peccare, nisi subditos compellant ad decimarum solutionem: quia negligere non debent, quæ Ecclesijs debita sunt. Quod ordinariè verum est: Interdum tamen, si sine scandalo, vel simili incommodo decimæ acquiri non possint, prudentia opus est, utrum magis expediat, eas vna vice, seu ad tempus remittere, an cum seueritate Ecclesiasticæ censura exigere, sicuti notauit Caietan. 2. qu. 43. a. 8. resp. ad ult. Suarez cap. 38. num. 3. Ioan. Molan. cit. orat. 3. cap. 11. & 12. post. S. Thom. cit. qu. 78. art. 1. ad 5. *Laudabiliter ministri Ecclesiæ decimas non requirunt, vbi sine scandalo non possunt, seu propter desuetudinem, seu propter aliam causam.* Veruntamen, si in aliquo casu crimen decimas iniuste detinentis notorium, & inexcusabile sit, haud dubiè potest, imo debet Parochus tali notorio peccatori Sacramentum Eucharistiæ negare, sicut dicam lib. 5, tract. 4. cap. 6. quæst. 3.

CAP. VI.

DE VARIIS MODIS ACQVIREN-
di ius decimarum.

S V M M A R I V M.

1. Ius decimarum ab Ecclesiasticis personis per transactionem, compromissum, aut permutationem, cum Ordinarij auctoritate, acquiri potest.
2. Ius decimarum, quatenus in spirituali titulo fundatum est, vendi aut permutari cum re temporali non potest.
3. Utilitas decimarum, qua est ad fructus percipiendos, spectata rei natura, vendi, laicis concedi, aut locari potest.
4. Episcopi post Concilium Lateranense decimas personis laicis in perpetuum feudum dare non potuerunt.
5. Si Laicus decimas tanquam in feudum concessas à tempore immemoriali possideat, in dubio praesumitur ante Concil. Lateranense acquisivisse.
Nihil obstat, quominus Praelati laicis decimas ad tempus concedant, cum debita solemnitate, & ob iustam causam.
6. Decima in feudum legitimo iure concessa, possunt iterum concedi.
7. Contra proprium Parochum ius decimarum ab Ecclesiasticis personis cum titulo praescribitur annis 40. sine titulo autem, tempore immemoriali.
8. Laici non possunt per praescriptionem acquirere decimas, nisi ea fundata sit in opinione, aut praesumptione alicuius legitime concessionis.
Non quidquid Principis privilegio acquiri potest, idem etiam praescriptione acquisibile est, idem quoque per Principis privilegium, seu concessionem.
9. Immutata à soluendis decimis, cum titulo, & bona fide, 40. annis praescribi potest: sine titulo autem requiritur tempus immemoriale.
10. Consuetudo populi adversus legem decimarum sine titulo, & Summi Pontificis consensu praevalere non potest, nisi tempore immemoriali.

PRÆTER titulum acquirendi ius decimarum, qui notissimus, & communi iuri maxime cōformis est, videlicet collatio parochialis beneficii, alij quidem modi esse possunt, videlicet transactio, compromissum, permutatio, liberalis concessio & privilegium, consuetudo, ac praescriptio, de quibus singulis hoc capite dicendum est.

Assertio I. Per transactionem seu amicabilem compositionem Ecclesiasticis personis ius decimarum acquiri potest. Habetur expresse in c. 2. & c. veniens, de transaction. & cap. ex multiplici, de decimis: ut puta si plura praedia sint, de quorum iure decimandi litigatur, componi seu transigi potest, & vni parti hæc, alteri alia praedia assignentur, vel si vnicum praedium litigiosum sit, ut decimæ inter partes diuidantur: dummodo in tali transactione nullum extrinsecum pretium interueniat, pro quo ius decimarum, quod spirituale est, simoniacè ematur, sicuti notavit Gloss. in cit. cap. 2. verbo, ut si super.

Porro si talis compositio inter Clericos fiat, interueniente consensu & auctoritate Praelati, videlicet Papæ, vel Episcopi, censeri debet perpetua, vti colligitur ex cit. cap. 2. & cit. cap. veniens. Sin verò priuata tantum transaction fiat, rata tantum erit inter paciscentes, sed successores non obligabit, sicuti colligitur ex c. veniens, vbi id notat Gl. ver. confirmatam, de decimis, & idem Abb. in c. cum homines, num. 4.

Assertio II. Super iure decimarum compromitti potest in arbitrium vnum, vel plures, quorum sententia siue arbitrio à partibus standum sit. Sumitur ex cap. cum Apostolicæ, de his quæ fiunt à Prelatis, iunct. cap. 1. de arbitr. Debent autem arbitri Clerici esse, non laici: quia sicuti laicus de spiritualibus iudicare non debet, ita neque arbitrari, sicuti habetur in cap. continet, de arbitris, iuncta Glossa verb. spiritualibus. Ex commissione tamen iudicis Ecclesiastici, posse laicum

vnum, vel plures cum Clerico compromissarios fieri, docet Gloss. ibid. & colligitur ex c. per tuas, vbi id notat Abb. num. 6. eod. tit.

Cæterum in compromisso super iure decimarum, necesse est legitimum Superioris consensum, aliasque solemnitates interuenire, quæ ad alienationem Ecclesiasticorum iurium secundum canones requiri solent, sicuti docet Abbas in cap. dilecti, num. 8. de arbitris: Nam prohibita alienatione, tacite etiam prohiberi censetur omnis actus voluntarius, per quem ad alienationem perueniri potest. Per compromissum autem indirectè perueniri potest ad alienationem, quæ directè prohibita est circa iura Ecclesiæ, non adhibitis solemnitatibus. Ergo &c.

Assertio III. Ius decimarum vnius Ecclesiæ cum iure decimarum alterius Ecclesiæ nihil prohibet permutari. Ita Doctores communiter, ducto argumento à sensu contrario, ex cap. ad quæstiones, & cap. ult. de rerum permut. vbi id Gloss. notauit, ver. temporalia. Verum in eiusmodi permutatione Episcopi auctoritatem interuenire necesse est: cum permutatio alienationis species sit, cap. nulli, de rebus Ecclesiæ non alien.

Assertio IV. Ius decimarum, si propriè, formaliter, & secundum primam institutionem sumatur, quatenus fundatum est in spirituali officio, seu obligatione ministrandi spiritualia, sine vitio simoniæ vendi, aut permutari cum re temporali non potest. Ita colligitur ex cap. ult. de rerum permutat. vbi Gloss. verbo temporalia, Rebuff. quæst. 10. num. 17. Specialiter autem laicis ius decimarum ita formaliter sumptum, ne gratuita quidem concessione, aut privilegio quocumque, concedi potest, sicuti docet, S. Thom. quæst. 87. a. 3. in corp. & sumitur ex cap. 1. causa 16. qu. 1. cap. causam quæ, de praescript. c. adhæc, c. quamuis, c. prohibemus, de decimis. Ratio est: Quia laici spiritualia fidelibus ministrare non possunt, consequenter incapaces sunt iuris decimarum, quod in spirituali officio tanquam debitum ipsi stipendium fundatur, ideoque & ipsum spirituale censetur.

Assertio V. Ius decimarum, si materialiter spectetur pro sola utilitate fructuum percipiendorum, præcisa à spirituali iure ac titulo, hacratione vendi, locari, vel personæ laicæ concedi nihil prohibet ex rei natura, nisi sacri canones prohibeant. Ita S. Thom. cit. a. 3. in corp. Gloss. in cit. cap. quamuis, verb. concesserit, Suarez cap. 25. num. 6. Quia ius percipiendi redditus temporales, hac præcisa consideratione, temporale est: ergo in laicos quoque cadit, æstimationemque temporalem recipere potest. Quapropter inprimis Summus Pontifex, tanquam supremus bonorum Ecclesiasticorum administrator, ex iusta causa ad bonum Ecclesiæ pertinet, redditus decimarum, vel integros, vel partiales, laicis v. g. principibus viris, in perpetuum concedere potest: seu in remunerationem beneficiorum, seu cum annexo onere fundandi, dotandi Ecclesias. Qua conditione Reges Hispaniæ Ferdinandum, & Elisabetham decimas regni Granatensis à Summo Pontifice accepisse, testis est Couarru. in pract. quæstion. cap. 35. num. 2. & videri potest Abb. in cap. causam quæ, nu. 5. de praescript. Henric. Canis. de decimis, cap. 13. num. 3. Enimvero necesse est, ut si decimæ Pontificia auctoritate Ecclesiæ alicui auferantur, Ministri eius aliunde sufficientes redditus ad decentem sustentationem habeant.

Deinde verò omnes beneficiati, & Rectores ecclesiæ, etiam inferiores Episcopo, ius habent propria auctoritate temporales decimarum prouentus cuicunque vendere, vel locare, ita tamen, ut ius siue dominium vtile decimarum non censeatur ab Ecclesia alienatum. Sumitur ex c. 2. de locato, vbi id notant Doctores communiter, Gl. in cit. c. causam, in fine, c. ult. num. 4. de rerum permutat. & cit. c. adhæc, num. 4. Rebuff. qu. 10. num. 34. Couar. 2. resol. c. 15. n. 6. Canis. cap. 13. in fine. Mol. 2. de iust. disp. 466. Suarez cit. c. 25. n. 9. & alij.

Assertio VI. Episcopi, & inferiores Prælati poterant iure antiquo, adhibitis solemnitatibus, prouentus decimarum Ecclesiæ suæ, ob iustam causam, laicis concedere in feudum perpetuum: hæc autem potestas ipsis adæpta est in concilio Lateranensi sub Alexandro III. Anno Domini M. C. LXXX. sicut colligitur ex cap. 2. §. sanè, de decimis, in 6. Quamuis aliqui existiment, prius sublatam fuisse ab Urbano secundo in Concil. Turonico celebrato Anno Christi M. XCVI. uti videre est apud Hostiensem in cap. cum Apostolica, de his quæ fiunt à Prælati. Rebuff. qu. 10. num. 23. Suarez cap. 26. num. 4. *Si Episcopus, vel Abbas, vel Abbatissa, vel dominus plebis feudum dederit de rebus Ecclesiarum, quæ eis subiectæ sunt, & tituli vocantur; nullum habere vigorem, secundum hoc, quod constitutum est à Papa Urbano in Sancta Synodo, hoc est, illud, quod post eius decretum fuerit datum: quod autem ante datum fuerit, firmum permanere debet.* Verum hæc fortasse constitutio non ubique recepta fuerat ante tempora Alexandri III. qui eam postea pluribus decretis contra laicos confirmavit, sicut colligitur ex cit. cap. cum Apostolica, & c. adhæc, c. quamuis, c. prohibemus, de decimis.

Exinde colligitur; Si laicus decimas possideat, quas ipsi ab Episcopo, vel alio Rectore Ecclesiæ, sine Sum. Pontificis consensu, post tempora Concilii Lateranensis in feudum concessas esse constat, concessionem in firmandam, & ecclesiæ, ad quam decimæ spectant, restituendas esse: quandoquidem tales concessionem in futurum ipso iure irritæ decernuntur. Nota tamen, in dicto c. cum Apostolica, concessum esse, ut quæ ad illud usque tempus decimæ à laicis, quamuis iniuste detinebantur, si induci non possunt, ut ecclesiæ, ad quam propriè spectant, restituant; alteri ecclesiæ, præsertim religioso Conuentui, cum diocesani Episcopi consensu, assignare firmissima donatione liceat.

Hinc verò controuersia orta est inter Doctores; Si laicus decimas nomine ac titulo feudi possideat, à tempore, cuius initii nulla hominum memoria extat; sed constare non possit, num ante, vel post Lateranense Concilium tale feudum naetus fuerit; utrum pro laico possessore, an contra illum præsumptio esse debeat; siue, utrum in possessione decimarum relinquendus, an verò deiiciendus sit. Contra Laicum stat Hostiensis in cit. c. cum Apostolica, quem sequitur Canis. cap. 13. num. 9. Sed contraria sententia est communis aliorum; in cit. c. cum Apostolica, ubi Abb. num. 12. Couar. 1. resol. cap. 17. num. 5. Syl. ver. decima, quæst. 10. dicto 2. Suar. cap. 27. num. 4. Ratio est: Quia possessio temporis immemoralis facit præsumptionem iuris, ac tituli, si capacitas sit in possidente: Atqui laicus capax est possessionis decimarum non tanquam iure proprietatis; sed utilitatis concessæ à Sum. Pontifice, vel Episcopo, ante Concilium Lateranense: Ergo si laicus decimas possideat tanquam in feudum antecessoribus suis ab Ecclesiæ concessas, ob temporis longinquitatem præsumi debet, concessionem iustam fuisse; tamen modo ius siue titulus exhiberi non possit; arg. l. ult. ff. de aqua, & aquæ pluuiæ &c. *Quibus auctoritatem veteritas daret, tamen ius non probaretur.* Excipe; Nisi fama, seu publica persuasio sit, decimarum ius tanto tempore à laico cum contradictione Clericorum, aut iniuste possessum fuisse.

His adde I. Nihil adhuc hodie obstare, quominus Episcopus, aliæque Ecclesiæ Prælati, adhibita iuris solemnitate, decimas alicui laico ad vitam suam concedat; v. g. ob remunerationem meritorum, vel ratione stipendii, sicut cum Gl. in c. quamuis, ver. concesserit, de decimis, fatentur Abb. ibid. num. 4. Couar. cit. n. Canis. cap. 13. num. 11. Suarez cap. 26. num. 1. contra Sylvest. ver. decima quæst. 10. Ratio est: Quia iure antiquo id erat licitum, quod postea neque ab Urbano,

neque ab Alexandro III. reuocatum fuit; sed solum ne decimæ in feudum perpetuum laicis concederentur, sicut colligitur ex cit. c. adhæc, c. quamuis, iun. Gl. & c. 2. §. sanè, eod. tit. in 6.

Adde II. Valde probabilem esse sententiam Gl. in c. prohibemus, ver. laicos, de decimis, quam sequitur Syl. ver. decima, quæst. 10. dicto tertio, Suarez cap. 26. n. 7. Nihil obstare, quominus adhuc hodie laicus, qui decimas ab ecclesiæ in feudum ante Lateranense Concilium concessas iuste possidet, alteri, cum eiusdem ecclesiæ consensu in feudum concedere possit: quamuis multi DD. contrarium sentiant, ut videre est apud Abb. in cit. c. prohibemus, num. 4. Canisium cap. 14. n. 3. Couaruiam cit. cap. 17. num. 5. §. Præter hæc; ubi tamen fatetur, priorem Glossæ sententiam communem praxi receptam esse, quæ & probatur. Nam in concilio Lateranensi solum prohibetur, ne decimæ laicis in feudum perpetuum concedantur, ad eoque alienentur: hæc autem non est noua concessio seu alienatio, sed alienationis antea legitime factæ continuatio. Ergo &c. Quia imò, tametsi decimæ feudales, mortuo feudatario sine successore, ad ecclesiæ reuertantur; antequam tamen eidem incorporatæ sint, posse eas Prælatus ex iustâ causa alteri Laico in feudum concedere, contra Couaruiam cit. loco sentit Suarez cit. cap. 26. num. 9. argum. cap. 2. de feudis, ubi habetur; Quod iuramentum de non alienandis bonis Ecclesiæ intelligitur duntaxat de noua alienatione; qualis non est, si bonis antè in feudum, vel emphyteusim concessis, utile dominium ab Ecclesiæ alienatum fuerat, & necdum eidem per acceptionem incorporatum, sicuti notat Abb. ibid. num. 3. & in c. ut super, n. 10. & 11. de rebus Ecclesiæ non alienandis, Gl. in Clem. vn. de excess. Prælat. §. quidam, ver. ad mensam.

Assertio VII. Ius decimarum à quibuscunque Clericis, aut Conuentu religioso contra proprium Parochum, cui spectato communi iure debentur, præscribi potest, cum titulo, 40. annorum spatio; sine titulo autem tempore tam longo, ut eius initii nulla extet hominum memoria. Ita ex communi docet Balbus de præscript. 3. p. 2. princip. quæst. 6. Couaruias in cit. cap. 17. num. 7. Suarez cap. 22. Canisius cap. 9. Vasquez in moralibus, tr. de beneficiis, cap. 1. num. 36. Prior assertionis pars sumitur ex c. ad aures, de præscript. *Ad aures nostras peruenit, duas ecclesias litigasse super decimis; quas una earum in alterius parochia 40. annis possedit. Et infra: Tunc fraternitati tenore presentium innotescat, quod de iure melior est conditio possidentis: quia quadragenalis præscriptio omnem pro suis actionibus excludit.*

Posterior autem pars, quod cessante titulo colorato, possessio temporis immemoralis requiratur ad ius decimarum præscribendum, aduersus propriam parochiam, eò quod in hoc casu ius commune possessori resistat, parochiæ autem assistat, habetur expressè in c. 1. de præscript. in 6. iuncto cap. 2. de restit. spoliatorum in 6. Quamobrem generalem hanc regulam tradit Abb. in c. si diligenti, num. 1. de præscript. *Titulus non requiritur in præscriptione quadragenaria contra ecclesiæ; nisi cum ius commune, vel præsumptio est contra præscribentem.* Atqui ius canonicum non tantum præsumit decimas ad ecclesiæ parochialem, eiusque Ministros spectare; sed etiam seuerè prohibet eas ab aliis Clericis, aut Ecclesiasticis personis percipi: cum sint institutæ, ut soluantur à plebe in alimenta, congruamque sustentationem Clericorum, eidem plebi ministrantium Sacramenta, ait Couar. cit. cap. 17. num. 7. & sumitur apertè tum ex citatis iuribus, tum ex c. si quis Laicus, 16. quæst. 1. & c. seq. tum ex cap. 1. causa 13. quæst. 1. c. ult. de parochiis, c. cum contingat, c. ad Apostolicam, de decimis. Ad eò, ut Doctores aliqui existiment, inter quos Sanchez cap. 30. num. 8. Decimas à Religioso Conuentu, vel aliis Cle-

ricis curam animarum non habentibus; præscribi non posse, etiam tempore immemoriali, sine titulo, aut saltem constante fama tituli. Cuius tamen contrarium rectius docet Rebuffi. quæst. 13. num. 63. Cum sit generalis regula: Possessionem immemoriam cum bona fide facere præsumptionem tituli, si sit capacitas in possidente, ac præscribente: Ecclesiasticæ autem personæ iuris decimarum capaces esse possunt, sicuti & aliorum spiritualium; idq; colligitur aperte ex c. cum in tua, de decimis.

Porro hic aliqua aduertenda sunt: I. Non esse improbabile, quod tradit Abb. in c. cum sint, prope finem, de decimis, Couar. lib. 1. resol. cap. 17. num. 8. ver. quarto, Gutierrez cit. c. 21. num. 58. In casu citi c. cum sint, & c. ad Apostolicæ, de decimis, spatio decennii, vel viginti annorum, cum titulo, præscribi posse ius decimarum à Parocho, apud quem fideles Sacramenta percipiunt, contra Parochum loci (eiufdem tamen diocesis,) in quibus prædia sita sunt. Quamvis contradicat Gl. in citi c. cum sint, ver. ad consuetudinem, & Suarez cap. 22. arg. c. ult. de restit. spoliator. in 6. ibi: decimas occupasse iniuste verisimiliter præsumuntur; cum proueniant ex prædiis infra alienam parochiam constitutis, si- que manifestum (nisi aliud ostendatur) eas de iure communi ad eandem ecclesiam pertinere: Ex quo sequitur, opus esse 40. annorum spatium, cum titulo. Sed respondeo; Id verum esse, si præscriptio facienda sit à non Parocho proprio: secus verò est, in casu citi c. ad Apostolicæ, & c. cum sint: Si duæ sint: parochiæ, vna in qua Sacramenta percipiuntur, altera in qua prædia sita sunt: hoc casu testantur Pontifices, varias esse Patrum sententias, cuiusnam Parocho decimæ debeantur, ideoque sequendam esse consuetudinem diu obtentam: ergo ius in hoc casu non repugnat, neque præsumptionem iniustæ usurpationis inducit. Id quoque recte addit Suarez num. 8. vniuersim dici posse: Si dubium sit ad cuiusnam parochiæ limites prædium spectare debeat, quod Parochus vnius parochiæ contra alterum decennali spatio præscriptionem perficere possit.

Alterum, Si ecclesia, vel Parochus legitimo tempore præscripsit ius percipiendi decimas ex alienæ parochiæ prædiis, non ideo etiam censendus est comparasse ius percipiendi decimas ex naualibus: Ita Gl. in c. cum contingat, ver. non alium, ibid. Abb. num. 5. de decimi. Couaruias loco cit. num. 13. Gutierrez lib. 2. canoni. qq. cap. 21. num. 78. Suarez num. 9. argum. cit. cap. cum contingat, & c. tua, de decimis, vbi etiam ratio affertur, cum in talibus, quæ contra ius commune sunt, non sit extendenda licentia: sed potius restringenda. Quare generalem regulam tradit Abb. c. cum olim, de præscrip. n. ult. Quod præscriptio extenditur à casu ad casum: Quia non plus præscribitur, quam possidetur. Quare si fueras in possessione percipiendi decimas ex alienæ parochiæ prædiis, non potes præscribere ius decimarum, in naualibus, si ea antea nullos fructus tulerunt, ideoque nullæ decimæ ex iis percipi solebant.

Assertio VIII. Laici non possunt præscriptione acquirere decimas, etiam immemorialis temporis possessione, nisi ea fundata sit in præsumptione alicuius legitimæ concessionis, aut priuilegii, saltem, per famam & communem opinionem. Quæ est sententia Glossi: communiter recepta in c. causam quæ, ver. detinere, ibid. Felin. numero 5. Abb. num. 2. de præscript. Syluest. ver. decima, quæst. 10. dicto 2. Abulensis in cap. 23. Matth. quæst. 178. Couaruias cit. cap. 17. num. 5. ver. sed si debetur. Rebuffi quæst. 10. numero 24. & q. 13. num. 64. Henrici Canisii cap. 13. num. 9. & 10. Suarez cap. 27. & aliorum quos citavi lib. 1. tract. 4. cap. 24. num. 9. Sumitur ex cit. c. causam, vbi respondetur Virum aliquem nobilem ad decimarum restitutionem condemnandum esse, non obstante præscriptione tem-

poris, si eam opponere voluerit: quia cum laici decimas detinere non possint, eas nulla valent præscribere ratione. Quæ responsio, quod laicus decimas possidere non possit (puta iuridicè, atque vtiliter ad præscribendum) à Pontifice data non fuit, de iure decimarum, quatenus spirituale est, seu in spirituali titulo fundatum: siquidem tale ius laicus ille sibi haud arrogauerat: consequenter intelligi debet de iure decimandi, quatenus à spirituali titulo separatum, temporale quiddam esse potest. Laicum tale ius possidere non posse, ideoque nec præscribere; præterquam si intentionem suam fundet in concessione Pontificia, vel alterius Episcopi, aut Prælati Ecclesiastici, priusquam huiusmodi facultas ipsis adempta erat. Ratio verò huius Pontificii responsi est manifesta: Quia perceptio decimarum ex primæua institutione annexa est titulo spirituali, ita vt ab eo separari nulla ratione possit; præterquam legitima Ecclesiastici Prælati auctoritate, & concessione: consequenter, si laicus, qui spiritualis tituli incapax est, decimas possidere velit, necessariò suam intentionem fundare debet in titulo alicuius legitimæ concessionis, & non in sola nuda detentione decimarum, quippe quæ primordialem suam naturam spiritualitatis semper retinere præsumuntur, nisi ab ea abstractas fuisse, probatio vel præsumptio aliqua existat, sicuti præter alios annotauit Abb. in c. cum Apostolica, num. 12. de his quæ sunt & c.

Confirmatur. Beneficium præscriptionis à iure prouenit: consequenter si iura simpliciter resistant præscriptioni, non poterit ea præualere etiam tempore immemoriali. Nam ubi lex impedit usurpationem, bona fide possidenti nihil prodest, l. 24. ff. de usurpat. & vscap. Quare dictum illud, Quidquid Principis priuilegio acquiri potest, idem quoque per immemorialis possessionis præscriptionem; verum non est, si ex legis constitutione aliquis incapax sit possidendi, sicuti notauit Abb. cap. cum instantia, num. 4. de censibus, & dixi lib. præced. tr. 1. de iustit. cap. 8. num. 7. Contra vniuersum verum est: Quod quidquid consuetudine, aut præscriptione acquisibile est, idem etiam Principis supremi priuilegio: siquidem ipsa etiam vis consuetudinis ac præscriptionis aduersus communia iura, à Principis voluntate profiscitur.

Quamvis autem hæc vera videantur; non desunt tamen Iureconsulti, vt videre est apud M. Anton. Peregrinum de iure Filci, lib. 4. tit. 8. Anton. Gabrielium lib. 5. de præscript. concl. 1. num. 8. Couar. loco supra cit. qui laicum possidentem decimas à tempore; cuius initii memoria non extet, eo ipso, sine alio titulo, tutum esse affirmant; propterea, quod ipsa immemorialis possessio tribuat titulum; cum sit instar priuilegii; ex iuris dispositione. Quam sententiam multi apud nos in praxi sequuntur, possidentes decimas, quas Laicales vocant; sed quando, aut qua ratione ad eorum antecessores peruenierint, nulla coniectura assequi possunt: Sunt etiam qui hac ratione decimas istas defendunt, quia dicunt; fieri potuisse, vt olim temporales domini, obligatione prædialium decimarum per consuetudinem, aut priuilegium inimunes, vel nondum ab ipsis suscepta Religione Christiana, prædia sua in colonos transfererint, cum reservatione decimarum, per modum census, aut tributis; quam obrem adhuc hodie eiusmodi decimæ, tanquam merè laicales sint, liberè non requisito Ecclesiæ consensu vendi, & quomodolibet alienari solent.

Mihi verò dubium non est, quin hodiernæ decimæ à Laicis possideantur per iniustitiam (vt etiam Rebuffus notauit quæst. 10. arg. cap. ult. de restit. spoliator. in 6.) si non formalem, saltem materialem. Enimuero probabilis ignorantia à formali iniuria excusare potest, sequentes auctoritatem Doctorum, qui huiusmodi decimas non sine aliqua probabilitatis ratione defendere videtur.

ASSERTIO IX. Immunitas à soluendis decimis, etiam prædialibus, tam à Laicis, quam Clericis, cum bona fide vsu capi potest, cum titulo annis 40. sine titulo tēpore immemoriali: idque non tantum ex parte, videlicet vt duodecima, aut vigesima solvatur, sed etiam in totum: modò interim Ecclesiæ Ministris sufficiens sustentatio ex aliis titulis, v. g. ampla ecclesiæ fundatione, fidelium oblationibus, pijs legatis suppetat. Quæ est vera, & communior sententia Ruffi q. 13. n. 81. Couar. cit. c. 17. n. 8. Syl. ver. decima, q. 4. Fernandi Vasqui lib. 2. illustrium qq. c. 89. a. 10. Nau. c. 21. n. 30. & lib. 3. consil. 2. de decimis, edit. 2. Gutierrez cit. cap. 21. num. 67. Mol. to. 1. tr. 2. disp. 75. Henr. Canisii de decimis, cap. 17. n. 16. Suarez cit. lib. 1. cap. 12. & 13. Valent. to. 3. disp. 6. qu. 5. p. 2. in fine, Less. lib. 2. c. 39. dub. 5. num. 26. Sumitur ex cap. 1. de præscript. in 6. ex quo DD. hanc regulam tradunt: Si præscriptio tendat contra ius Ecclesiæ, assistente ipsi iure communi, opus est tempore immemoriali; nisi titulus præsumptus adsit: tunc enim sufficiunt anni 40. Talis autem est præscriptio immunitatis à præstādis decimis Ecclesiæ, quæ communi, eoque antiquissimo iure Ecclesiastico præcipiuntur. Ergo, &c.

Contra hanc tamen doctrinam senserunt Gl. Innoc. & alii Canonistæ in c. in aliquibus, de decimis. dictam immunitatem à decimis nulla consuetudine introduci posse; quia putarunt, decimas iure diuino debitas esse. Alij verò, inter quos Couar. cit. c. 17. num. 10. Gutierrez cit. cap. 21. n. 35. Arrag. 2. qu. 78. a. 1. solut. ad 5. profitentes, legem decimarum Ecclesiasticam tantum esse, nihilominus aiunt, in totum abrogari per consuetudinem non posse, sed tantum secundum partem, siue aliquotam; intelligēdi sunt, si Ministri aliunde, quam ex decimis congruam sustentationem non habeant.

Porro aduertendum, hoc loco sermonem esse de præscriptione aduersus decimas, quæ fit à particularibus personis, vel respectu particularium prædiorum: cuiusmodi præscriptione lex decimarum non simpliciter abrogatur: quia lex est commune præceptum vniuersim obligans, licet interdum aliqua personæ particulares, ob specialem rationem, obligatione eius eximantur. Sin verò loqui velimus de consuetudine, quæ à tota aliqua Communitate aduersus legem decimarum introducit; tunc distinguendum erit, Vtrum id fiat sciente & voluntariè tollerante Sum. Pontifice, an verò ignorante: In priore casu lex decimarum non abrogabitur propriè per contrariam consuetudinem legitimè præscriptam; sed potius per tacitam reuocationem legislatoris; accedente etiam expresse, vel tacito consensu aliorum, quorum interest, & decimas exigere intermitunt. Quapropter hoc casu nullum certum tempus abrogandæ legis definiri potest; sed tantum tempus, & tot actus contra legem necessarii erunt, vt probabiliter in notitiam legislatoris deueniret: qui etiam, si contentus non esset, vt lex abrogaretur, id ipsum verisimiliter declarasset. In posteriore verò casu lex decimarum abrogabitur per contrariam consuetudinem legitimè præscriptam, de qua mentio est in cap. vlt. de consuet. Dummodo ea quadraginta annis, cum bona fide, continetur, sicuti vniuersim de consuetudine legis abrogatoria, cui ius commune specialiter non resistit, dixi in lib. 1. tr. 4. cap. vlt. n. 6.

Veruntamen, licet possessio immunitatis seu libertatis à lege, v. g. decimarum, per annos XL. cum bona fide, sufficiat ad præscribendum; re ipsa tamen multò longius tempus requiritur, quo lex in Communitate seruata non fuerit: quandoquidem populus legis communis obseruationem sine peccato intermittere, adeoque præscriptionem bona fide aduersus legem inchoare non potest: nisi sciat, illam ab antecessoribus suis longissimo tempore obseruatam non fuisse; atque inde probabiliter colligat, habuisse eos iustam non

obseruandi causam, propter speciale priuilegium, eam citam legislatoris reuocationem, aut similem causam incognitam. Quare ex his infero, quod consuetudo populi aduersus legem decimarum sine titulo & Sum. Pontificis scientia præualere non potest, nisi tempore immemoriali, dante præsumptionem iuris ac tituli.

Aid extremum moneo; Si contingat in aliqua regione Christianorum decimas omnes, etiam prædiales, per desuetudinem omnino abrogatas esse; quia Ministri Ecclesiæ ex aliis fidelium oblationibus sustentationem sufficientem habent; sed postea facta rerum mutatione, Ministri debito stipendio destituantur; hoc casu obligatio decimas præstādi, saltem quatenus ad sustentationem Ministrorum necessaria sunt, ipso, naturali iure de nouo oritura est. Præterquam, quod Summus Pontifex, decimas, si in aliqua regione Christianorum nunquam solui consueuissent, vel per desuetudinem abolitæ essent, ex plenitudine potestatis suæ, de nouo imperare possit; non tantum si Ministri eius loci ad sustentationem suam simpliciter indigeant; sed etiam ob aliam vniuersaliorem causam; videlicet vt vniformis lex decimarum in tota Ecclesia obseruetur. Atque secundum hæc dicta intelligi debet S. Thom. quando quæst. 87. a. 1. ad 5. ait; non esse in statu damnationis, qui non solvunt decimas in locis illis, in quibus Ecclesia non petit; nisi forte propter abstinationem animi, habentes voluntatem non soluendi, etiamsi ab eis peterentur; seu exigente iusta necessitate, seu accedente Sum. Pontificis auctoritate, atque imperio. Vide Suarez c. 12. n. 11. & seqq.

CAP. VII.

DE PRIMITIIS, ET OBLATIONIBUS.

SUMMARIUM.

1. Primitiarum ex terra frugibus Sacerdotibus offerendarum antiquissimus in Ecclesia usus; quamuis hodie pluribus locis in desuetudinem deuenit.
2. Oblationum varia genera sunt.
3. Eulogia dicebantur olim panes benedicti: quarum eulogiarum alia publica erant, alia priuata.
4. Consuetudo offerendi ad altare sub Missa sacrificio antiquam originem habet.
5. De oblationibus nullum extat Ecclesiæ præceptum, sed per consuetudinem introduci possunt.
6. Offerentes debent esse Christiani, ab Ecclesia non præsisi.
7. Fœmina ad altare sub Missa sacrificio admitti possunt, sed non intra cancellos, ubi Clerici stant.
8. Oblationes non faciendæ, neque accipiendæ sunt ex iis, quæ iniuste acquisita, & restitutioni obnoxia sunt.
9. Quorundam criminisorum oblationes recipere sacris canonibus prohibitum reperitur.

PRIMITIÆ dicuntur primi fructus agrorum, vinearum, hortorum, arborum, vti colligitur ex c. 18. Numer. vbi eiusmodi primitiæ Aaroni, & filiis eius assignantur: *Omnem medullam olei, & vini, & frumenti, quicquid offerunt primitiarum Domino, tibi dedi: vniuersa frugum initia, quas gignit humus, & Domino deportantur, cedent in usus tuos.* Et cap. 23. Exodi, *Solemnitatem mæstis primitiarum operis tui, quæcumque seminaueris in agro &c. custodies.* Vide etiam cap. 34. Exodi, cap. 29. Deuter. S. Aug. quæ. 32. in Numer. S. Hieronym. in cap. 45. Ezech. relatum in c. 1. de decimis. Simile erat præceptum offerendi, & sanctificandi Domino omne primogenitum, tam de hominibus, quam de iumentis Exodi 13. Et cit. c. 18. Num. dicitur ad Aaronem: *Quicquid primum erumpit de vulua cunctæ carnis &c. tui iuris erit; ita ut saxa, ut pro hominis primogenito pretium accipias.*

Fuit autem hoc Mosaica legis præceptum de primitiis, caeremoniale: quamuis valde consentaneum legi naturali; saltem vt aliquid ex fructibus Dei beneficio prouenientibus ipsi in recognitionem, & gratiarum actionem offeratur: quo modo intelligendus est S. Th. 2. 2. quæst. 68 a. 4. Quare etiam Abel, Gen. 4. *obtulit de primogenitis gregis sui*. Et Plin. lib. 18. histor. cap. 2. refert Romanos non prius nouas fruges, aut vinâ gustasse, quam Sacerdotes primitias libassent. Vide Syluest. ver. decima quæst. 1. *Abrahamem* in cap. 23. Matthæi, quæst. 210. & seqq. Suarez cit. lib. 1. cap. 8. Less. lib. 2. cap. 39. dub. 5. Rebuffum de decimis, quæst. 1. num 17. & seqq. Quamobrem etiam nouæ legis Ecclesiæ decentissimum hunc modum offerendi fructuum primitias Deo, saltem mediâtè, atque in Ministris suis, imitata olim fuit, atque fidelibus præcipit, sicuti colligitur ex c. præter, d. 32. cap. reuertimini, 16. quæst. 1. & c. ead. causa, quæst. 7. & notauit Glossa in cap. 1. de decimis, ver. in primitiis, S. Thom. 2. 2. quæst. 86. ar. 4. S. Ambrosii de fide resurrectionis. Origenes hom. 11. in lib. Numer. vbi ait: Si quis non offerat primitias Sacerdotibus, non videtur huiusmodi habere memoriam Dei, nec cogitare, nec credere, quod Deus dedit fructus quos cepit. Quamquam hodie plerisque in locis primitiarum oblatio per defuetudinem abolita est: cum enim iure solum Ecclesiastico, principaliter propter conuenientem Ministrorum sustentationem constituta fuerit: ideo si ipsis aliunde, videlicet ex decimis, aliisue fidelium oblationibus, necessaria non desint, nihil obstat, primitiarum præstationem abrogari.

Quod demum ad oblationes attinet, quæ Ecclesiæ Ministris, ob Dei honorem ac cultum, à fidelibus fieri solent, in primis notandum est: Nomen oblationum tribus modis accipi, primo latè, vt etiam primitias & decimas comprehendat. Secundo accipitur, vt à decimis quidem, & primitiis distinguatur, sed alia omnia dona, seu munera comprehendat, quæ Ecclesiæ, vel piis locis in vita, aut mortis causa præstantur; quò modo accepit S. Thom. quæst. 86. art. 1. Et eodem modo de oblationibus defunctorum, id est, quæ mortis causa Ecclesijs legata, aut donata sunt, fideliter præstandis, loquitur Concilium Vafense I. sub Iulio Pontifice celebratum canon. 1. *Qui oblationes defunctorum retinent, & Ecclesiæ tradere remouantur, ut infideles sint ab Ecclesiâ reiciendi. Quia & fideles de corpore recedentes, votorum suorum plenitudine, & pauperes consolatu alimentis, & necessaria sustentatione fraudantur.* Qui canon allegatur, & confirmatur in Concil. Arelat. 2. cap. 28. *Secundum constitutionem Synodi Vafensis, qui oblationem fidelium supresserit, aut negauerit, ab Ecclesiâ, qui fraudem fecit, excludatur.* Neque dubito, eundem canonem eodem sensu confirmatum fuisse in Concil. Carthag. 4. cap. 95. *Qui oblationes defunctorum aut negant Ecclesijs, aut cum difficultate reddunt, tanquam egentium necatores, excommunicentur.* Quamuis Cardinalis Barónius Anno Christi 391. eumque secutus Binius in dictum cap. 95. eam Carthaginensium constitutionem aliò referri velint. Vide quæ dicta sunt lib. præced. tract. 5. de iust. c. 11. ti. 12.

Tertiò accipitur oblationis nomen strictius pro dono, quod fideles ad altare siue per se, siue per manus Diaconi deferre solent. Cuiusmodi tamen oblationes variæ etiam sunt: nam antiquitus, diebus præsertim Dominicis, fideles panem & vinum offerre soliti erant, tanquam materiam Sacrificii, & sacræ communionis, sicuti colligitur ex decreto Fabiani Papæ, tom. 1. Concil. S. Cypriano in lib. de operibus & eleemosyna, circa medium. *Locuples, & diues es matrona, & dominicum celebrare te credis, quæ carbonem omnino non respicis, quæ in dominicum sine sacrificio venis, quæ partem de sacrificio, quam pauper obtulit, sumis?* S. Aug. serm. 215. de tempore, Concil. Matiscon. 2. c. 4.

Verum præter panem azymum, ex quo S. Eucharistia conficiebatur, offerri etiam, atque benedici solebat panis fermentatus, vt populo præsentì, si sacram Eucharistiam non acciperet distribueretur, atque ad absentes quoque parochias in signum Catholice vnionis mitteretur sicuti apertè colligitur ex can. Pij I. de oblationibus populorum, tom. 1. Concil. Concil. Laodicens. can. 14. vbi interdicatur, ne diebus Paschalibus eulogiæ ad alias parochias mittantur; quia illa festiuitate populus ad sacram Eucharistiam, sumendam obligabatur. Et canon. 49. Ne panis in quadagesima offeratur, præter Sabbathum & Dominicam; quia, hisce diebus exceptis, in Orientalibus Ecclesijs quadagesimale ieiunium obseruandum erat. Vide etiam Concil. Carthag. 3. cap. 5. Innocent. I. epist. 1. ad Decentium Eugub. c. 5. Vbi fermentum (id est panes eiusmodi fermentatos ac benedictos) sacramenta appellat, lata significatione, quia erant rei sacræ, videlicet Catholice vnionis signa. Similia leges aptè S. Augustin. lib. 2. de peccator. meritis, c. 26. vbi sanctum eiusmodi panem catechumenis dari solitum, affirmat.

Addè, præter publicas eulogias, etiam priuatas olim in vsu fuisse, quas in signum amicitie amici inter se mittere solebant; vt essent vice eulogiarum, sicuti constat ex Epist. 1. S. Paulini Nolan. ad Seuerum, *Panem de cellula nostra tibi pro eulogiâ misimus.* Et S. August. Epist. 31. *Panem unum, quem unanimis indicio misimus charitati tuæ, rogamus, accipiendo beneducas.* Vide Seuerinum Bin. tom. 1. Concil. super 14. can. Laodicens. fol. 293. col. 2. Ioan. Molanum orat. 1. quæ est de Agnis Dei, c. 2. & 3.

Porro alia pleraque à fidelibus offerebantur, non benedicendi causa; sed vt in gazophylacio siue secretario conseruarentur, donec ab Episcopo in Clericos, pro cuiuscunque necessitate, distribuerentur. Sumebat enim quisque ex his menstrui suam sportulam, vnde & Clerici sportulantes dicti erant Atque exinde credibile est consuetudinem ortam offerendi aliquid sub Missæ sacrificio, quæ adhuc hodie in Ecclesijs perdurat. Vide Clem. lib. 4. constit. cap. 6. & 7. Baron. Anno 58. n. 88. Seuerinum Binium in notis super can. 4. Apost. to. 1. fol. 14. col. 2. Iacob. Pamelium in locum S. Cypri. supra allegatum.

Sed nec illud olim inusitatum erat, vt panis, vix, aut similes fructus à fidelibus altari apponerentur; & postquam à Sacerdote benedicta essent, iterum auferrentur, vt maiore cum deuotione ijs vesci, vel pauperibus largiri possent, sicuti colligitur ex cap. didicimus, dub. 2. de consecrat. & notauit Suarez citat. lib. 1. cap. 4. numer. 6. ex S. Augustin. lib. 8. de ciuitat. cap. ult.

Nunc dicendum est ex doctrina S. Thom. cit. quæst. 86. art. 1. Abb in rubr. de parochiis, num. 3. Nullum extare præceptum Ecclesiasticum de oblationibus in ecclesiâ faciendis, posse tamen longa consuetudine oblationem introduci, sicuti etiam docent Halensis p. 3. quæst. 53. mem. 2. Syluest. ver. decima, quæst. 2. Couar. lib. 1. resol. cap. 17. num. 3. Gutierrez lib. 2. can. 99. cap. 21. num. 140. Suarez cap. 5. num. 12. arg. cap. ad Apostolicam, de simonia: Siue id accadat, quia populus longo tempore, videlicet annis decem, oblationes in certis solemnitatibus frequentet, quasi ex obligatione, siue intentione obligationis contrahendæ, fauentibus Prælati, siue ipsi ecclesiarum Rectores, longo tempore à Parochianis oblationes, quasi debitas, bona fide exigant, ideòque per modum præscriptionis ius sibi acquirant, sicuti explicat Suarez citat. cap. 5. & in simili Abbas cap. suam, numer. 5. de simon.

RESTAT QVÆSTIO. Quorum personarum, & ex quibus rebus, oblationes Ecclesiasticæ accipiendæ sint?

Ad priorem partem respondeo, & dico I. Offerentes oportet esse Christianos, & ab Ecclesia non praeclusos, seu excommunicatos. Ita ex communi docet Armilla ver. oblatio, Suarez, cap. 6. & sumitur ex Clemen. Roman. lib. 3. constit. c. 8. & Concil. Eliberitano cap. 28. tom. 1. Concil. Episcopos placuit ab eo, qui non communicat, munera accipere non debere. Ratio est: Quia offerre munera, praesertim in ecclesia, vel ad altare, eademque accipere; est quaedam Ecclesiastica, & spiritualis communicatio; cuius soli fideles seu Christiani, iique ab Ecclesia non separati, participes esse debent.

Dico II. Etiam foeminae ad offerendum super altari, dum sacrificium in choro peragitur, scilicet ad orandum, & sacram Eucharistiam accipiendam, admitti possunt, nisi consuetudo loci repugnet, sicuti notat Abb. in cap. 1. numer. 4. de vita, & honestate Clericorum: quavis intra cancellos ipsius altaris, ubi Clerici stant; foeminae admitti non debeant, uti habetur in c. 1. de cohabit. Clericorum, & mulierum.

Ad posteriorem partem respondetur, oblationes nec faciendas, nec accipiendas ex iis, quae iniuste acquisita, & restitutioni obnoxia sunt. Ita S. Th. q. 86. a. 3. allegans illud Eccles. 4. Immolantis ex iniquo oblatio est maculata. & S. Greg. lib. 7. epist. 112. ad Syagrium, allegans illud eiusdem cap. Qui offert sacrificium ex substantia pauperum, quasi qui victimat filium in conspectu patris sui. Idque similiter de iis bonis intelligi debet, quae iu-

ste quidem acquisita; sed ex lege iustitiae, pietatis, vel charitatis, priore seu potiore iure aliis debita sunt, puta creditoribus; filiis item, vel parentibus graui necessitate pressis, iuxta doctrinam Christi Matth. 15. vel denique pauperibus graui inopia laborantibus, secundum dictum Domini Matth. 9. Discite quod est, misericordiam volo, & non sacrificium.

Atque ob hanc rationem, canonico iure specialiter prohibitum reperitur, ne raptorum oblationes recipiantur, c. super eo, de raptu. Item ne usurariorum, c. quia in omnibus, de usuris. Et in cap. oblationes, d. 90. Dona eorum, qui pauperes opprimunt, a Sacerdotibus refutanda esse. Nisi malis dicere, hoc statutum fuisse in poenam criminis; sicuti & illud in eod. can. Ne dissidium fratrum oblationes recipiantur. Atque eiusmodi plura videri possunt apud Gl. ibid. & causa 14. quaest. 5. in princ. Syl. ver. decima, q. 2. §. sextum.

Monet etiam S. Tho. cit. a. 3. ad. 1. Propter scandalum vitandum, a publicis meretricibus oblationes recipiendas non esse, ne Ecclesia videatur fauere peccato, si de mercede peccati oblationem accipiat. Quare Innoc. in c. ex transmissa, de decimis, Suarez cit. c. 5. num. 7. aiunt: Si ratio scandali cesset; quia illarum poenitentia & emendatio publice nota est, nihil ob stare, quominus Ecclesia dona, ac decimas personales accipiat ex iis, quae inhoneste, sed non iniuste acquisita fuerunt; cum id nullo iure positivo prohibitum reperitur.

TRACTATUS SEPTIMVS.

DE

FESTORVM OBSERVATIONE.

CAPVT I.

DE DIEI DOMINICAE, ET
aliorum festorum institutione.

SUMMARIVM.

1. Tertium Decalogi praeceptum partim morale est, & partim ceremoniale.
2. Pascha celebrari non potest ante diem XXII. Martij, nec post XXV. Aprilis.
3. Episcopus specialia festa institutus; non tantum cleri, sed etiam populi consensum spectato communi iure, requirere debet.
4. Episcopus festa specialia diocesis iuxta de causa abrogare potest.
5. Festa diocesalia, quae ex Episcopi praecepto statuantur, etiam exempti seruare debent.

1



DVERTIT S. Thom. 2. 2. q. 122. a. 4. ad 1. S. Bonati. in 3. d. 37. n. 6. Richar. 2. 2. quae. 3. Tertium decalogi praeceptum partim morale esse, atque ex lege naturali descendens; quatenus absolute praecipitur, ut, post habitis aliis negotiis temporalibus, Dei cultui atque adorationi tempus aliquod tribuamus: Partim vero fuisse praeceptum ceremoniale, quatenus tempus certum, videlicet integra dies Sabbathi designatur, in quo ab aliis operibus abstinendum; tum in memoriam beneficii creationis: nam Deus mundum sex diebus perfecit, & die septimo ab opere quieuit, Gen. c. 2. tum vero in figuram Christi toto Sabbatho in sepulchro quieturi.

Porro hanc unius integri diei ex quavis hebdomade, ad Dei cultum, designationem, tanquam naturali aequitati maxime consonam, Ecclesia mox Apostolorum tempore recepit, & hactenus studiosè seruauit; praeter-

quam, quod, sublato Sabbatho, tanquam pertinente ad Iudaicam legem, & umbratiles figuras, quibus noua lex non astringitur; imò nec uti debet (sicut Apostolus ad Galat. ostendit & admonet Laodicea. Concil. c. 29.) eius loco Dominicam diem instituit; in memoriam mundi eodem die creati, quin & recreati per Christum in terris diei solis, quae est prima hebdomadis, natum, & postea ex inferis eodem die resurgentem. Quamobrem Act. 20. legimus; Vna Sabbathi, id est, prima die hebdomadis (secundum hebraicam phrasim, qualis etiam legitur apud S. Marcum c. 16. Christum resurrexisse vna, id est, prima Sabbathi) conuenisse fideles ad frangendum panem. Videri potest Iustinus in Apolog. 2. pro Christianis, S. August. lib. 4. de Gen. ad literam, c. 13. & sermon 251. Concil. Taurinense sub Siricio Papa, cap. 4. Toletus lib. 4. c. 24. Suarez t. 1. de religion. tract. 2. lib. 2. de festis, cap. 1. 1. & 3. Azor tom 2. lib. 1. c. 2.

Inter Dominicas dies omnium praecipua, aliarumque quasi prototypus est Dominica Resurrectionis, quae quotannis celebrari debet in prima die hebdomadis post decimam quartam lunam primi mensis. Primus autem mensis non omnis ille censetur, in quem cadit aequinoctium vernum: Si enim aequinoctium sit post quartam decimam lunam, mensis ille lunaris non erit primus, sed ultimus anni: cum credibile non sit, DEVM creasse mundum ante aequinoctium. Ex quo sequitur, Pascha non posse celebrari ante XXI. Martij, quia aequinoctium semper cadit in diem XXI. Martij, quae si sit dies Dominica, in eandemque incidat quartadecima luna, Ecclesia non instituit Pascha; sed transfert in Dominicam sequentem; ne cum Iudaeis in celebratione Paschatis conueniat: quandoquidem nos Christiani Pascha non celebramus ex obseruatione legis Mosaicæ; sed in memoria Christi,

Christi, qui post lunā decimā quartā resurrexit. Quare termini, inter quos Pascalis festiuitas cadere potest, sūt à xxii. Martii, vsque ad xxv. Aprilis inclusiue. Contingere enim potest, vt luna quārtadecima primi mensis cadat in diem xvi. Aprilis, quā si Dominica sit; Pascha in eo nō celebrabitur, vt paulō ante dixi; sed transferetur in sequentem Dominicam, quā erit dies xxv. Aprilis.

Deinde sequitur; Primum mensem nunquam incipere ante diem vii. Martii; neque post quintum diem Aprilis. Quā omnia tradit Beda lib. de ratione temporum cap. 43. 49. 57. Clauius in Apologia noui Calendarii lib. 1. cap. 11. Azor cit. lib. 1. cap. 3. & 4. Suarez cit. lib. 2. cap. 6. Bellarminus lib. 3. de Sanctis, cap. 12. Videri etiam potest Euseb. lib. 5. histor. cap. 23. Et Patres in fragmento Concilii Palæstini, sub Victore 1. vbi ostendunt; mundum à Deo creatum esse tempore verno, in æquinoctio, quod est 8. Kalend. Aprilis, luna plena. Id quoque hoc loco obseruare libet, ex antiqua traditione decretum esse apud S. Petrum Alexandrinum Patriarcham, in canonibus de lapsis, t. 1. Concil. & in Concil. Nicæno, cap. 20. vt die Dominico (sicuti & toto Paschali tempore) fideles non genibus flexis, sed stando orationes perficiant: vt memores sint, se cum Christo resurrexisse à morte animæ, in spem vitæ æternæ. Id verò etiam hodie; secundum Rom. Ecclesiæ ritum in choro publico obseruandum: aliis verò fidelibus priuatim domi, aut in templo orantibus nulla hodie lex his regionibus imposita viger.

Porrò præter Dominicam diem; aliæ pari veneratione ac cultu obseruandæ festiuitates Dei, Christi Domini, & Sanctorum eius, institutæ sunt; partim Pontificia lege vniuersam Ecclesiam obligantē. de quibus speciatim Suarez cap. 5. & sequentibus, Azor cit. lib. 1. partim verò episcopalis seu diocesalibus statutis, sicuti habetur in cap. 1. distinct. 3. de consecrat. cap. vlt. de feriis: quibus tamen locis significatur; Si Episcopus, particularia festa instituere velit; non tantum Cleri consensum requirendum esse; sed etiam populi, uti notauit etiam Abbas in cit. cap. vlt. num. 5. Angelus ver. feriæ, num. 5. Tabiena num. 10. Arnilla ver. festum, num. 5. Sa num. 2. Suarez cit. lib. 2. cap. 11. numer. 7. Est verò id speciale; quod Episcopus in hoc casu statuere non possit sine populi approbatione; ne is multitudo festorum grauetur; & à necessariis laboribus impediatur: vt proinde hoc ob quādam æquitatis rationem statutum si, iuxta iuris reg. 19. in 6. *Quod omnes tangit, debet ab omnibus approbari.* Si tamen populus iustam causam contradicendi non habeat, eo etiā inuito; festum institui poterit; sicuti Abbas & Tabiena cit. locis annotarunt: Quin imò huic iuri laicorum; quod in festis peculiaribus instituendis eorum consensus necessarius sit, per contrariam consuetudinē plerisque locis derogatum esse, docent Azor t. 2. lib. 1. c. 26. quæst. 1. Suarez cit. c. 11. num. 9.

Quomodo verò per diuturnam consuetudinem populi, celebrantis quorūcumque cum expresso, vel tacito Episcopi consensu aliquod festum; non tanquam ex libera deuotione, sed tanquam ex obligatione, lex particularis introduci possit, explicauit in lib. 1. tract. 4. c. vlt. num. 2. & tract. præced. cap. vlt. num. 5. Illud verò hic addo, postquam semel festum particulari statuto, vel diuturna consuetudine introductum & stabilitum est, non posse deinde à populo abrogari; sed à solo Episcopo: idque non tantum populo petente; sed etiam eodem abnuente, sicuti Suarez ibidem docet.

Deinde si ita videbitur, potest Episcopus festa particularia abrogare, duntaxat secundum diem dimidium; vt videlicet matutino tempore vacatio sit, post meridiem verò operibus insistere liceat: quo ipso etiam modo festa per statutum, vel consuetudinem initio constituta nihil obstat, sicuti etiam Nauar. notauit cap. 13. man.

num. 5. Azor. cit. cap. 26. q. 5.

Porrò admonet Tridentina Synodus sess. 25. cap. 12. de Regularibus; *Vt dies festi, quos in diocesi sua seruandos Episcopus præceperit, ab exemptis omnibus, etiam Regularibus, seruentur.* Idque iuri etiam antiquo consonum esse; monet Rodriq. t. 2. regul. quæstion. q. 70. a. 1. Sed ait, secus sentiendum de festis, quæ populus vouit, & Episcopus approbavit: hæc enim non propterea ex episcopali præcepto promanant; sed primordiale naturam personalis obligationis ex voto seruant; consequenter si Regulares v. g. in votum populi non consenserunt, eo etiam non obligabuntur: quamuis si postea temporis successu consuetudo seruandi festum per modum legis communis introducatur, etiam exempti se conformare tenentur.

CAP. II.

DE PROHIBITIONE OPERVM
seruiliū in diebus festis.

SUMMARIUM.

- 1 Festi obseruatio est à medio noctis vsque ad alterius noctis medium.
- 2 Sola seruilia opera diebus festis prohibentur.
- 3 Scribere, transcribere non sunt opera seruilia: idemque probabiliter dicitur pictura, si sine magno apparatu fiat.
- 4 Opus quod suapte natura liberale est, non fit seruile quia propter lucrum exercetur.
- 5 Iter facere pedibus, equo, curru, naui, non numerantur inter opera seruilia.
- 6 Venari, aucupari; itemque bellare per consuetudinem videntur liberalia opera effecta.
- 7 Actus forensis iudicij in diebus festis ab Ecclesia prohibentur, exceptis causis necessitatis, ac pietatis.
Iudicij tres partes sunt: Inchoatio cause; processus, terminus.
- 8 Extraiudiciales actus, item iuramenti interpositio extra iudicium die festo fieri possunt.

N Ecclesiastico præcepto de festorum obseruatione ne duo continentur; quorum vnum negatiuum, seu prohibitum est, hoc cap. explicandum: Videlicet, *vt integro die festo seruilia opera non exerceantur*: Cuius præcepti meminerunt Clemens lib. 8. constit. cap. 39. S. Augustinus sermon. 215. & 251. Innocent. I. epistol. ad Decentium; cap. 4.

Diem integrum naturalem in festorum obseruatione accipere debemus, qui incipit à medio noctis vsque ad alterius noctis medium. Sic enim festa in Europa obseruari; quod attinet ad vacationem ob operibus, testatur Abb. cap. 1. de feriis numer. 1. Couar. 4. resolut. cap. 19. numer. 9. Nauar. cap. 13. num. 5. Azor to. 2. lib. 1. cap. 26. q. 12. Suarez cap. 31. arg. li more Romano, ff. de feriis. Vbi tamen consuetudo viger, festa inchoandi à vespere tanquam ex obligatione, non ex libera deuotione, ita obseruandum est iuxta cap. 1. & 2. de feriis, & cap. 5. d. 3. de consecrat. Quare adueniente altera vespere, videlicet ad solis occasum, talibus locis laborare concessum erit; quandoquidem festi obseruatio spatium vnius diei, seu xxiv. horarum excedere non debet.

Opera seruilia dicuntur, quæ corporis communiditatibus inferuentia; ignobiliora sunt; per seruos exerceri solita: cuiusmodi sunt arare, fabricare &c. His opposita opera liberalia dicuntur, quæ animum excolendum spectant, ideoque libero hominē digna censentur; vt loqui, legere, scribere, docere. Sed præter hæc opera, sunt alia quasi media, quæ naturalia dicuntur, & hominibus omnibus communia sunt; vt iter facere, &c.

Dicimus igitur sola opera seruilia; eaque omnia die festo prohibita esse, præterquā, si iure, vel consuetu-

dine permiffa fuit. Qua ratione concessum eft diebus feftis cibos coquere, propter neceffitatem. Nam in noua lege non tantus præcepti rigor eft, quantus erat legis Mofaicae; in qua Sabbathi die non tantum feruilia, fed multa etiam alia corporalia, & externa opera (vt fcribere, iter facere, præterquam pietatis causa ad terminum, quod iter Sabbathi dicebatur, vt legimus Act. 1.) prohibita erant, ficuti constat ex c. 20. Exodi: *Non facies omne opus in eo.* Idque fimiliter de fefto expiationis præceptum erat, Leuit. 16. *Nullumque opus facietis.* Deinde feruilia omnia opera tanta feueritate in Sabbatho &c. interdicta erant, vt nulla ratio neceffitatis excufaret, fi præueniendo in parafceue exerceri poffent: fecus verò, fi præueniri non poffet, & præter miffum noceret. Licitum enim Iudæis erat v. g. beftiam, quæ Sabbatho in foueam cecidit, extrahere, ficuti colligitur ex ca. 12. S. Matth. Videri poteft S. Thom. 2. 2. quæ. 122. a. 4. ad 4. Suarez c. 17.

De quibusdam vero corporalibus operibus dubitari folet, vtrum feruilia, ideòque adhuc hodie in diebus feftis prohibita cefari debeant: videlicet, de fcriptione, tranfcriptione, pictura, profectione, pifcatione, venatione, militia, mercatu. Refpondeo & dico I. Scriptio non eft opus feruile, ideòque feftis diebus concessa. Quæ eft communior Doctorum fententia Caiet. 2. 2. q. 122. a. 4. §. dubitatur quoque, Nau. c. 13. man. num. 13. & lib. 1. confil. ult. de feriis, edit. 2. Medin. lib. 1. in ftruct. c. 14. §. 8. Lopez in in ftructor. p. 1. c. 52. §. licet fcribere, Azor cap. 27. quæ. 4. Suarez c. 24. quam etiam praxis confirmat. Ratio eft: Quia fcribere ad artem grammaticam pertinet, quæ inter liberales prima eft. Quapropter etiam perfonæ fcribendi artem exercentes, non feruiles, fed potiùs liberales cenfentur.

Dico II. Idem quoque fentiendum eft de tranfcriptione. Ita Lopez, Medina ll. cc. Suarez c. 25. contra Caiet. cit. a. 4. §. ad fecundum dubium, Nauar. n. 14. Azor q. 5. Ratio eft eadem: Nam tranfcriptio, quædam etiam fcriptio eft, & opus artis grammaticæ.

Dico III. Probabile eft, quòd pingere in aliqua tabella, fine apparatu & magno labore, opus feruile non fit; ideòque nec prohibitum fefto die, per fe loquendo. Ita contra communem fignificant Medina lib. 1. in ftruct. c. 14. §. 8. Lopez cit. loco, Probatur primò: Quia talis pictio, perinde ac fcriptio, confiftit in ducendis lineis ac figuris. Secundò: Quia non minùs pictores in pingendo, quàm ftudiofij literarum in ftudendo animi quadam voluptate capiuntur, ac detinentur, quod fignum eft, artem pingendi non feruilem, fed liberalem effe; quippe ad animum recreandum institutam, liberòque homine dignam. Tertiò: Angelus ver. feria, §. 51. Syl. ver. Dominica, q. 5. dicto 5. Armilla ver. feftum, num. 21. Sa num. 5. Azor cit. c. 27. quæ. 6. docent; Licitum effe pingere gratia artis difcendæ, temporis fallendi, animi recreandi. Ergo fatentur & ipfi, pingere fuapte natura non effe opus feruile: nam alioquin etiam ligna findere, ferrum cudere ob fimilem causam die fefto licitum effet, quod nemo ait. Quapropter exiftimo, pictores damnari non poffe, fi, poftquam rei diuinæ fatisfecerunt, artem fuam non magno apparatu, & fine scandalo, diebus feftis exerceant, ducti probabili & fatis inter ipfos vulgata perfuafione; artem fuam non feruilem, ac mechanicam, fed liberalem effe. Quam fententiam ideo vt probabilem defendo, aduerfus communem; quia fcio, quàm ægrè pictores apud nos fibi perfuaderi patiantur, vt feftis diebus à pingendo omnino abftineant. Idemque iudicium efto de typographis characteres ordinantibus: ipfa verò librorum impreffio feruile opus eft.

Dico IV. Opus, quod fuapte natura liberale eft, vt ftudere, docere, fcribere, & (fecundum quosdam) pingere non fit feruile, atque illicitum die fefto; cò quòd propter lucrum vel mercedem exerceatur. Ita Caiet.

cit. a. 4. §. dubium vnum non diffimulandum, Nau. Medina, Lopez, ll. cc. Suarez c. 19. Armilla ver. feftum num. 22. contra Abb. & alios Canoniftas, c. 1. de feriis, Angelum ver. feria, numer. 9. Rosellam numer. 7. Tabienam num. 40. Syl. ver. Dominica, q. 4. Nam lucrum aut merces non facit effe opus feruile: quandoquidem etiam opera, feu obfequia, quæ libero homine digna funt, tamen mercede æftimari poffunt: ficuti vice verfa, opera feruilia, non ideo talia effe definunt, quia fine mercede fiunt. Quapropter merces & lucrum per accidens fe habet ad opus feruile, & non feruile: Alioquin damnare oporteret artium Profeffores, & Causidicos, qui feftis diebus in fcribendis prælectionibus, confiliis &c. propter lucrum feu falarium occupantur. Quod licet affirmant Abb. in cit. cap. 1. num. 4. Angelus n. 29. repugnat tamen confuetudo, & communis fidelium perfuafio.

Dico V. Iter facere pedibus, equo, curru, naui non eft opus feruile: cum fit naturale, omnibusque hominibus commune, ideòque nec prohibitum die fefto. Ita Caietan. in fum. ver. feftum, §. quod vt clariùs, Angelus ver. feria, num. 15. Nauar. cap. 13. numer. 6. Azor cap. 27. quæft. 8. Suarez cit. c. 27. num. 2. Rectè tamen monet Caietan. cit. a. 4. in tertio, & sexto cafu, Angelus loc. cit. Suarez cit. cap. 27. numer. 3. Plaustra, currus, aut mulos onuftos agere feruile opus effe: quare illud inchoare fefto die concessum non eft; tametsi inchoatum continuare liceat, fi commodè abrumpi non poffit. Præterea, cum licitum fit die fefto curru, lectica, aut naui vehi; confequenter etiam licebit opera ad id neceffaria, ac inferuentia præftare; v. g. equos parare, lecticæ, vel curru aptare, in flumine, ftagno remigare. Nam accessorium fequitur naturam principalis. Ita notantur Caietan. cit. a. 4. cafu tertio, Suarez cit. cap. 27. numero 3.

Dico VI. Efti venari, aucupari, pifcari ex genere fuo feruilia opera effe videntur, ideòque iure communi prohibita, ficut colligitur ex ca. licet, de feriis; confuetudo tamen obtinuit, vt feftis diebus licita fit recreationis causâ instituta venatio; item pifcatio in fluminibus; fine multis operis, ac labore. Imò aliqui, inter quos Nauar. cap. 13. numer. 11. Lopez cit. cap. 52. §. Qui venatur, negant talem venationem, pifcationem, vel aucupium opus feruile effe; cum ad animum recreandum fpectent.

Dico VII. Bellare videtur opus feruile cum proxime tendat ad hominum cædes. Quare fefto die permiffum eft; nifi vel ob neceffitatem causa defenfionis, iuxta cap. 4. extra de regulis iuris: *Quod non eft licitum in lege, neceffitas facit licitum*: Nam & Sabbathum iustodire præceptum eft: *Machabæi tamen fine culpa fua in Sabbatho pugnant.* 1. Machab. 2. Vel ob magnam vtilitatem; quia alio tempore non offeret fe tanta opportunitas victoriæ. Ita Nicolaus Papa in refponfis ad Bulgaros, cap. 46. relatus in cap. fi nulla, 23. quæft. 8. Confuetudo tamen non minùs artem militarem, quàm venatoriam fefto die cohonestasse videtur: qua ratione militares exercitationes, itemque lustrationes fefto interdum die instituuntur, iuxta l. Diuus, ff. de feriis. Quamobrem docet Molina tom. 1. tract. 2. difput. 111. & fequitur Beccanus 2. 2. cap. 25. quæft. 17. etiam feclufa neceffitate, aut speciali opportunitate, bellare die fefto non effe peccatum mortale; & fortasse neque veniale. Vel enim effet peccatum, quia videtur effe opus feruile: & hoc non; quandoquidem per confuetudinem factum eft liberale, vt dixi: vel quia à fpiritualibus officiis nimis mentem auocat: neque id fempè dici poteft; cum milites grauiùs peccare foleant in otio, quàm in exercitatione bellica cum hoftè. Porro cap. 1. de treuga, in quo certis annis temporibus bellum inter Chriftianos interdicitur, re-

ceptum non esse, Doctores communiter admonent, cum Gloss. ver. frangere.

Dico VIII. Mercatus, licet non sit opus feriale, tamen prohibetur in cap. 1. de feriis Nihilominus permitti solet distractio quarundam rerum ad victum quotidianum necessarium. Quibusdam etiam locis solemnes nundinae festis diebus dedicationum celebrantur. Quas tamen consuetudines, quantum fieri potest, moderari conuenit; vt saltem negotiationes, seu nundinationes non fiant ante reuocandam peractam. Videri potest Caietan. in sum. verb. in festo prohibita, Nauar. cap. 13. num. 8. Suarez cap. 29.

Dico IX. Similimodo actus forensis iudicii diebus festis prohibentur, cap. 1. & ult. de feriis, cap. 1. Concil. Mantifcon. 2. & l. 1. & toto tit. Cod. de feriis. Debet autem hæc assertio amplè intelligi: Primò de causis seu litibus tum criminalibus, tum civilibus; quin etiam spiritualibus, cuiusmodi sunt beneficiariae, ac matrimoniales, sicuti docet Nauar. in cap. cum contingat, de rescript. causa nullitatis 12. Secundò de omnibus partibus iudicii, quæ ad tres reuocantur: Fit enim *Inchoatio* causæ per Rei citationem, quippe quæ est basis & fundamentum iudicii. *Processus*, per causæ cognitionem, examinatis & iuratis testibus, exhibitis instrumentis, sicuti docent Abb. in cit. cap. ult. Suarez cap. 31. Ac *Terminus*, per sententiæ prolationem. Tertiò, quòd tales actiones non solum prohibita, sed etiam ipso iure irrita sint, iuxta l. vt in die, Cod. eod. & cit. cap. ult. Quartò, quòd partes huic constitutioni renuntiare, ac consentire non possint, vt iudicium die sacro, siue festo instituitur. Ceterum quædam festa, siue feria civiliter instituta sunt; quarum alia publica dicuntur, quæ gratia vindemiarum, messium &c. celebrantur: & in his partes renuntiare posse, seu consentire, vt iudicium instituitur, dicitur in cit. c. ult. & notat ibi Abb. & Gloss. ver. quibus alia verò *repentina*, quæ ob diem natalè Principis, accepti imperii &c. indicuntur, sicuti constat l. ex omnes Iudices, & seq. Cod. de feriis. Atque in his feriis partes consentire non posse, vt conueniantur; ait Abb. num. 11. Quia non ob commodum, seu leuamen partium; sed ob publicum fauorem instituta sunt: iuri autem publico priuata patatione renuntiare nequit, c. b. diligenti, de foro compet. Qua de re videri potest S. Anton. p. 2. tit. 9. ca. 7. §. 1. Angelus ver. feria, §. 1. & seqq. Veruntamen cum hæc civiles feria non ob Dei honorem; sed ob aliam causam politicam constituta sint, earum violatio non potest esse peccatum aduersus religionis virtutem.

Contrà verò, aliqua assertionis limitationes sunt: Primò; vt excipiantur casus necessitatis, aut pietatis; in quo diebus etiam religiosè festis iudicium institui posse, dicitur in cit. cap. ult. & explicant ibid. Abb. num. 13. & 14. Caietan. in sum. ver. in festo prohibita, vers. secundò ex pietate, Andr. Gaill. lib. 1. obseruat. 53. vbi ait, tales causas, quæ festis diebus expèdiri possint, esse alimentorum, carceratorum, pupillorum, viduarum, & miserabilium personarum: item causas, quæ celeritatem requirunt, quia alioquin res peritura sit. Et Suarez cap. 30. ad finem inter alia notat; Latronem defuga suspectum posse festo die capi, & incarcerari: Item in paruis oppidis, posse die festo causas civiles agitari; si aliis diebus rustici homines adesse, vel commodè vocari nequeant.

Secundò, Excommunicationem in aliquem ferre, non videtur esse prohibitum in die festo, sicuti docet Abb. num. 16. & seqq. Suarez c. 30. num. 9. propterea quòd non necessariò requirat iudicalem causæ cognitionem seu processum. Multòque magis absolutio à censura; & omnis actus voluntariæ iurisdictionis festis diebus fieri potest, arg. l. actus, C. eod.

8 Tertiò, Extraiudiciales omnes actus ex hoc capite

prohibiti non sunt; videlicet si Aduocatus Iudicem festo die informet, de quo Caietan. 2. 2. quæst. 121. a. 4. §. secundum autem prohibitorum. Si arbitrator, qui non vt Iudex procedit, sed vt amicabilis compositor, seu pacis conciliator, arbitrium suum festo die dicat, secundum Abb. num. 10. Verus autem arbiter, qui instat Iudicis est, seu à Iudice flagitatus, seu sponte electus, festis diebus iudicare non potest, sicut habetur expressè in l. omnes dies, Cod. de feriis.

Quartò, Probabile est, quòd Caietan. docet, cit. loco. Iuramenta in die festo prohibita non esse, præter iudicialia: alia verò negotia, quæ in die festo licitè exercentur, vt inauguratio Doctorum, contractus aliqui civilis, etiam iuramento, si opus sit, confirmari poterunt: Accessorium enim sequitur suum principale. Quòd si in cap. 1. de feriis, maior iuramenti prohibitio facta fuit, sicuti textus significare videtur, non est id vsu receptum, vel postea abrogatum.

CAP. III.

DE PRÆCEPTO AUDIENDI
Missam festis diebus.

SUMMARIUM.

1. Missa festis diebus audienda præcepto fideles obligantur, postquam ad rationis usum peruenerunt.
2. Requiritur ad hoc præceptum implendum moralis ac pia præsentia.
3. Qui notabilem Missæ partem die festo negligit mortaliter peccare censetur.
4. Qui à duobus Sacerdotibus dimidia Missarum successiue audit, peccat saltem venialiter nisi impeditus sit, quominus Missam integram ab eodem audiat.

AL T E R V M, quòd in Ecclesiastico præcepto de obseruatione festi continetur, affirmatiuum est; Vt omnes fideles, usum rationis habentes, integram Missam cum attentione audiant. Sumitur ex c. si quis etiam, c. omnes fideles, cap. Missas, de consecr. d. 1. Clemente Rom. lib. 7. constitut. c. 31. Iustino Apolog. 2. pro Christianis, in fine, S. Augustino sermon. 251. atque ex Ecclesiæ praxi.

Assertio I. Fideles Missæ audiendæ præcepto obligari incipiunt, cum ad eum rationis usum peruenerunt, vt bonum à malo sufficienter discernere; Deum orationibus, & votis colere; atque etiam mortaliter peccare possint.

Assertio II. Ad Missam audiendam secundum præceptum Ecclesiæ requiritur moralis, ac pia præsentia; vt & corpore aliquis præsens sit, atque animo pie intentus seu sacris verbis, ac caeremoniis; siue Deo ipsi per preces, cælestium rerum considerationem, aliam ve piam mentis attentionem. Quòd dico secundum probabiliorem sententiam, quam tradidi supra hoc lib. tract. 1. cap. 5. num. 10. vbi tamen fassus sum, non esse improbabilem contrariam, quòd Ecclesiæ præcepto satisfaciat, ideòque mortaliter non peccet Clericus, si officium canonicum externa oris, & corporis compositione persoluat: & fidelis quilibet, si secundum externum corporis habitum Missæ decenter interfit; licet interna mente Deo, aut rebus diuinis non intendat: quæ de re videri potest Coninck 3. p. q. 83. a. 6. du. vn. h. 297. Syl. ver. Missa, q. 6.

Tria hæc addo: Primum: Absolutè necessarium non esse ad præcepti huius impletionem, vt sacrificantem videas, vel audias; sed sufficere, si ita præsens sis moraliter, vt ex signis quibusdam colligere possis, quid à sacrificante agatur, sicuti docet Sotus in 4. d. 13. q. 2. a. 1. prope finem, Nauar. 21. n. 3. Tolet. lib. 6. c. 6. Coninck n. 22. & 105.

Secundum. Quod in recitatione officii canonici maior etiam attentio requiri videtur, quam in auditione Missæ: propterea, quod difficilior, magisque rationalis actio sit, personaliter orare, quam oranti, & sacrificanti altare, præsentem esse, & consentire: quamobrem licet reprehendendi sint, non tamē statim mortalis peccati damnandi aulici, aut mercatores, qui inter Missarum solemniam modò attendunt, modò confabulantur. Atque ita docet Sotus in 4. d. 13. q. 2. a. 1. §. in calce demum articuli, Suarez 3. p. to. 3. disp. 88. sect. 3.

Tertium: Quod notant Sotus cit. a. 1. §. Ex his colligitur, Nau. c. 21. num. 8. Medina Cod. de Confess. q. 44. Sa ver. Missæ auditio, num. 2. Suarez cit. sect. 3. in fine, Tolet. lib. 6. cap. 6. Arrag. 2. 2. quæst. 83. a. 13. §. est aliud dubium, Coninck cit. sub. vñc. diffic. 3. Azor tom. 1. lib. 7. c. 6. quæst. 3. contra Angelum ver. fer. num. 46. Syluest. ver. Missa, 2. quæst. vltim. Nihil referre, vtrum aliquis sub Missa oret preces voluntarias; an eas, quibus alioquin obligatur, v. g. officium canonicum, vel penitentiam à Confessario præceptam. Nam æquē cum his, ac cum aliis orationibus, attentio ad Missam audiendam requisita consistere potest: atque nihil prohibet, duobus præceptis vno, eodēque actu satisfieri.

Assertio III. Non refert ad præcepti huius impletionem, vtrum fideles festo die intersint Missæ solemnī, an priuatæ; vtrum ordinariæ seu de tempore; an votivæ, vel pro defunctis. Quia de hoc sacri canones nihil definierunt, vti ex communi docent S. Anton. pa. 2. tit. 9. cap. 10. §. 1. dub. 4. Syluest. ver. Missa, 2. qu. 4. Sotus cit. ar. 1. §. in calce demum, Medina lib. 1. instruct. cap. 14. §. 9. Tolet. lib. 6. cap. 6. num. 1. Suarez cit. disput. 88. sect. 2. §. atque ex his, quamvis aliter senserit Angelus ver. Missa, §. 33. Neque etiam certa ecclesia, puta parochialis, pro Missa audienda definita est: sed vbiunque Missam fideles audiant, præcepto Ecclesiæ satisfaciunt, sicuti communiter docent DD. S. Anton. cit. c. 10. §. 1. Syl. ver. Missa 2. q. 5. Nau. cap. 21. n. 8. Tolet. cit. lib. 6. c. 7. §. rursus, Suarez cit. sect. 2. §. circa secundam, vbi admonent; non obligare præceptum Episcopi, vel Parochi, vt subditi Missam audiant in propria parochia; & non Ecclesiis Regularium, aut alio sacello, vel oratorio. Quia, vt Nau. ait, *Episcopus non potest tollere ius commune, & generalem totius orbis consuetudinem.* Vide Azor cit. lib. 7. c. 6. q. 4. & seqq. Verum tamen est, reprehendi eos in c. 2. de parochiis, atque puniri posse, qui contempto proprio Parocho, seu ex iniusta indignatione, diuina apud ipsum non frequentant: Præterea Trident. Concilium sess. 22. decreto de obseruandis in celebrat. Missæ, monendum populum esse ait, vt frequenter ad suas parochias, saltem diebus Dominicis, & maioribus festis adeant. Addit Azor to. 1. lib. 8. cap. 11. q. 10. etiam Missam Græcorum, quamvis schismaticorum audiri à fidelibus posse: quandoquidem illi vitandi non sunt, & secundum ritus suos rectè sacrificant.

Assertio IV. Missa integra audienda est, saltem vsque ad Sacerdotis benedictionem, iuxta can. 47. Concil. Agathensis, & c. cum ad celebrandas, dist. 1. de consecrat. quod sumptum est ex Concilio Aurelianensi I. canon. 28. Qui autem partem aliquam Missæ sine iusta causa prætermittit, peccat; venialiter quidem, si sit pars exigua; mortaliter verò, si sit notabilis. Ferme autem consentiunt Doctores, non esse partem notabilem, ideòque mortaliter non peccari, si quis à principio Epistolæ, vel secundum alios à principio Euangelii vsque ad finem Missæ intersit; vel à principio Missæ vsque ad Communionem Sacerdotis. quæ de re videri potest Sotus cit. quæst. 2. art. 1. §. in calce demum articuli, S. Anton. p. 2. tit. 9. c. 10. §. 1. Syluest. ver. Missa, 2. quæst. 1. Nau. c. 21. n. 2. & in Enchirid. de orat. c. 10. n. 43. Toletus lib. 6. c. 7. Sa ver. Missæ auditio, n. 2. Suarez cit. se. 2. §. secundo sequitur.

Addit Nau. euitari peccatum mortale, si quis etiam finito Euangelio accedat, modò illud postea priuatim legat. Sed Suarez probabilius loqui videtur, priuatam hanc lectionem impertinentem esse: nihilominus defendi posse dictam excusationem à peccato mortali, si is, qui Euangelium neglexit, reliquam Missam audiat vsque ad Euangelium S. Ioannis inclusiue: poterat enim discedere data benedictione, iuxta antiquos canones; quare audiendo postea Euangelium S. Ioannis, videtur compensare ante neglectum Euangelium.

Addit his, quod Amalarius significat lib. 3. de Eccles. offic. ca. 36. fideles grauis culpæ damnari non posse, si ab Offertorio (vnde principium Missæ sumendum est, ex Isidoro, refert) vsque ad benedictionem Sacerdotis intersint. Sed nihil contra communem DD. sententiam hinc definitio: solum dico, duriusculum videri, si hominem, qui circa Offertorium ad Missam accessit, peccati mortalis damnetur, quod reliqua neglexerit, secluso contemptu: quando quæ principalia in Missæ officio sunt, attentè audiuit.

Illud quoque obseruandum, magis curandum esse, vt qui Missæ audiendæ præcepto satisfacere cupit, reuerenter præsentem, atque attentum se præbeat circa eas partes Missæ, quæ ad eius substantiam necessariæ sunt, vel propinquius pertinent; vti sunt consecratio, & sacræ Eucharistiæ sumptio. Quamvis neque in his scrupulum iniiciendum esse, inquit Suarez; si tempus absentiae; vel interpositionis breue sit: propterea quod præceptum audiendæ Missæ mortaliter interpretari conuenit. Qua autem ratione interpositio talis excusetur propter necessariam præparationem, vel ministerium ad Missæ sacrificium spectans; dixi supra hoc lib. tract. 1. c. 5. n. 7.

Addunt verò plerique Doctores Sotus cit. d. 13. q. 2. art. 1. Nau. c. 21. n. 2. Medina in instruct. lib. 1. ca. 14. §. 9. Sa ver. Missæ auditio, n. 2. Tolet. lib. 6. c. 7. in fine; Eum quoque satisfacere præcepto secundum substantiam, qui à duobus Sacerdotibus non simul, sed successiue Missarum dimidia audit, tametsi non satisfaciatur secundum modum & perfectionem præcepti; ideòque venialiter peccet. quamvis Medina l. c. non satis probabiliter dicat, nihil omnino peccari. Vide etiam Suarez c. 12. §. sed quæres; Azor to. 1. lib. 7. cap. 3. quæst. 3.

CAPVT IV.

DE GRAVITATE HVIVS PRÆCEPTI
quoad vtramque sui partem; & causis excusantibus
ab obligatione illius.

SUMMARIVM.

1. Præceptum abstinendi ab operibus seruilibus in die festo obligat ex genere suo sub mortali: sed excusat necessitas, ac pietas.
2. Obligatio audiendæ Missæ festis diebus itidem est sub mortali peccato.
3. Plures causæ sunt, quibus à præcepto Missæ die festo audiendæ fideles excusantur.
4. Missa Parochi notoriè excommunicati, aut notorii concubinarij, fideles interesse non tenentur, etsi licitè possint.
5. Qui Missa in die festo non intersunt, ad alias preces domi fundandas Ecclesiastico præcepto non obligantur.

¶ Vobis ad primum horum attinet, dicendum est ex communi doctrina; Præceptum de obseruatione festorum, abstinendo ab operibus seruilibus adhuc hodie obligare sub peccato mortali. Est enim obligatio ista secundum virtutem Religionis, ad Dei cultum & venerationem instituta; ideòque ex genere suo grauis: quamvis ob materiæ leuitatem, transgressio venialis fieri possit, considerata tum operis qualitate, tum etiam temporis mora. Et Suarez quidem t. 1. de relig. c. 2. lib.

2. de festis, c. 31. n. 2. existimat, vnius horæ laborem, cessante scandalo, non pertinere ad culpam mortalem: eo quod vna hora comparatione XXIV. horarum, seu totius diei naturalis exigua partis proportionem habeat; quod maxime verum est, si labor non sit nimis seruilis & defatigans corpus, v. g. vna vel sesquihora nere. Sin verò necessitas etiam concurrat, omni culpa vacare poterit: vt cum pauperes ancillæ, vel famuli festo die suas vestes reficiunt.

Secundò dicendum ex communi doctrina; Alteram partem præcepti, quæ est de Missa festo die audienda, similiter obligare sub peccato mortali; licet contradicere videatur Angelus ver. feriæ, numer. 24. Qui etiam perperam docet n. 45. sacram. concionem præferendam esse Missæ; si vtrumque audiri non possit. Nam audire Missam est de præcepto; nō item audire concionem, per se, & ordinariè loquendò. Qualis autem obligatio ex lege diuina fidelibus incumbat discendi ea quæ ad salutem ipsis necessaria sunt, dixi libro 2. tractatu 1. cap. 9. num. 3.

Quod attinet ad alterum eorum quæ proposita sunt, obligatio abstinendi ab operibus seruilibus ex duplici capite cessare solet; videlicet necessitatis, ac pietatis, sicut colligitur ex c. ult. de feriis. Et necessitas quidem alia publica est, v. g. reficiendi fontes, pontes, piscandi certū pisciū genus, quod non nisi diebus opportunis capitur, iuxta c. licet, de feriis: Si paranda aliqua sint ad communem populi festiuitatem, v. g. in Principis aduentum. Alia verò est necessitas priuata: quæ ratione pauperes excusantur, qui si tam multis festis abstineant, se, suamque familiam sustentare non possunt: Item agricolæ, cum ob pluuiam superuenturam, segetes, aut scænum congregant, vel ob aliud graue damnum cauendum ruri laborant. Et aurigæ, nautæ, vitriarii, quorum opera semel cœpta sine dano interrumpi non potest: Medici, chirurgi, pharmacopola, cum pro infirmis laborare debent. Quia etiam ratione interdum sartores excusantur, cum post medium noctis festo die laborare coguntur, vt vestes promissas perficiant. Item famuli, ancillæ, vxor, si à patrefamilias ad laborandum adacti (modò id non fiat in Religionis contemptum) sine iactura sua imperium detrectare non possint, sicut docet Sotus in 4. d. 13. quæst. 2. a. 1. in fine, Nau. lib. 2. consil. 2. de feriis, edit. 2. Quod si id frequenter, ac veluti per consuetudinem fiat, debent dominum suum deferere, si alium acquirere possint, sicut in simili docet Suarez 3. p. t. 3. disput. 88. f. 6. ver. quintum caput.

Ad pietatem pertinet tum religio in Deum, vt si altaria ornanda, vel alia ad festiuitatem paranda sint; vel misericordia in proximum, si vestes v. g. conficiendæ, aut insignia pingenda sint pro funere; vel denique spiritualis charitas erga seipsum. quomodo Syluest. ver. Dominica, q. 5. dicto 3. Sa ver. festum, numer. 6. excusant eos, qui nisi post rem diuinam peractam laborant, occasione otii, in probabili periculo peccandi versantur: quod tamen raro accidere videtur, vt aliter declinare non possint. Vide Caiet. in summa, Tol. lib. 4. cap. vltim. Suarez t. 2. de festis, c. 32. & c. 33. in fine, vbi ex communi doctrina admonet, interdum præter aliqualem necessitatis rationem, accedere etiam consuetudinem à Prælatiis scitam, & toleratam: Vt quod artifices aliqui in quibusdam locis festis diebus ad vesperam, materiam præparant pro labore diei sequentis: quod mercatores in die festo rusticis vestes, calceos &c. vendant.

Porro circa causas excusationis supra dictas, tria aduertenda sunt: I. Vt, quantum fieri potest, scandalum caueatur. II. Si opus antecedente die peragi possit, non esse licitum differre in diem festum. Postquam verò per obliuionem, vel negligentiam semel delatum fuit, festo deinde die sine culpa peragi poterit, si in

sequentem diem sine incommodo differri nequeat. III. Si excusationis causa manifesta sit, non opus est petere licentiam à Superiore, licet interdum securius, & decens sit: præsertim si impedimentum diu, aut ordinariè duraturum est. Sin verò causa dubia, vel non satis sufficiens videatur, vt per seipsam excusationem præbeat; tunc Episcopus, vel in eius absentia Parochus, dispensare poterit. Ad Confessarium quoque interdum pertinebit, saltem declarare, num causa excusationis iusta sit, necne.

Causæ verò excusantes ab altera parte præcepti, quæ est de Missa audienda, hæc afferri solent: I. Impotentia spiritualis, si videlicet in excommunicatione, vel interdicto sis. II. Impotentia corporalis, quæ duplex est; vna simpliciter dicta, qualis est mari nauigantium, incarceratorum, lecto affixorum. Sed etsi aliquis priuilegium habeat sacrificii celebrandi super altari portatili in priuato oratorio, conclaui, naue; non tamen ad id obligatur: quia nemo priuilegio suo aduersus legem communem vt cogitur; sicuti notauit Suarez cit. disput. 88. f. 6. §. secundum caput. Altera est impotentia moralis; si videlicet Missa audiri non possit nisi cum magna difficultate, vel iactura bonorum animi, corporis, fortunæ. Ex quo capite admodum late patente excusantur, qui sine periculo scandalis, vel spiritualis ruinæ; & qui sine pudore suo, ac infamia domo exire non possunt, v. g. honesta mulier non honestè vestita; item mulier ex occultâ fornicatione prægnans. Qui infirmi sunt, aut infirmis seruiunt; vel qui ob probabile periculum pestis se domi continent. Item matres, & ancillæ, quæ infantibus assistere debent: Et qui longè distiti sunt à loco, vbi Missa audiri potest; habita ratione personarum, vitæ, temporis, loci, consuetudinis, sicuti bene respondit Nauarrus lib. 1. consil. 3. de feriis, edit. 2. Præterea qui domum, vel gregem custodire debent, ne damnum inferatur: Qui itineris comitem valde sibi utilem & opportunum, vel nauigandi occasionem amissurus est, si ad Missam accedat. Alioquin verò si nulla accelerandi necessitas vrgeat, iter facturus prius Missam audire debet; nisi existimet, se in itinere audiendi occasionem habiturum esse. Denique, qui ratione officii, vel grauis negotii à Missæ auditione impediuntur; videlicet milites stationarii, vigiles, custodes gregis, agalones, de quibus Nauarrus consil. 4. & cit. tit. Item famuli, quibus imperium domini obstat, quominus ad templum accedere liceat; dummodo id non cedat in Religionis contemptum, vt supra dictum. Quod si famulus frequenter, & quasi ordinariè, sine causa iustæ necessitatis, impediatur à Missa audienda, ait Suarez cit. f. 6. cap. 5. excusationis, oportere illum, oblata opportunitate, tale ministerium relinquere, & alteri domino adharere, apud quem Ecclesiæ præcepta seruare possit. Eademque ratio est, cum officios à magistris suis, v. g. sartoribus, in vigiliis & sabbathis post noctis medium laborare coguntur; si id fiat ob aliquam necessitatem, nulla est difficultas: Sin verò absque iusta causa, semel, aut iterum, parere possunt, causa odii, dissidii, aut contentionis vitandæ: Sin verò frequenter, ac per consuetudinem; tunc si alium dominum, vel magistrum acquirere possint, debent alterum deferere.

III. Excusandi causa est rationabilis consuetudo, scientibus Prælatiis, introducta: qualis quibusdam locis est in vidua maritum defunctum lugente; in puella nubili; in puerpera, etiam posteaquam ex partu conualuit, iuxta cap. vii. de purificat. post partum. De his legi potest Caiet. in sum. verbo festorum violatio Nauar. c. 21. num. 4. Suarez cit. f. 6. §. sextum caput, Azor lib. 7. cap. 7. q. 2. 3.

IV. Si Sacerdos, à quo vnico Missam die festo audire

potes, sit notoriè excommunicatus, aut notorius concubiniarius, potes ab eius Sacrificio abstinere, in iustam sceleris detestationem, iuxta cap. vestra, &c. vltim. de cohabit. Clericorum, & mulierum, &c. præter, d. 32. At tamen iure nouo, post extrauag. *Ad euitanda Concilij* Constantiensis, abstinere non teneris; nisi sit notorius Clerici percussor, vel de crimine denunciatus, tanquam vitandus à fidelibus, sicuti docent Siluest. ver. Missa, 2. quæ. 3. Conar. c. alma, p. 1. §. 2. num. 10. Maior in 4. d. 9. q. 4. dub. vlt. Henric. lib. 9. cap. 25. num. 12. lit. f. Suarez tom. 5. de censur. disput. 3. r. f. 4. numer. 19. & tom. 3. cit. disput. 88. f. 6. §. vltimum caput: quamuis id non obtinuisset videatur Nau. c. 25. n. 80.

Ad extremum addo; Tamen si consultum sit iis, qui in Missa audienda festo die impediti sunt, vt alias orationes ad Deum fundant; non tamen id ab Ecclesia præceptum esse, sicuti ex communi docet Nauarrus cap. 13. numer. 2. & cap. 21. num. 7. Suarez cit. f. 6. in fine, Azor t. 1. lib. 6. cap. 10. quæst. 14. contra Angel. ver. ferias, num. 43. Nam finis præcepti non cadit sub præceptum; nisi quatenus intrinsecè continetur in obiecto quod præcipitur, sicuti docet S. Thom. 1. 2. quæst. 100. art. 9. & 10. At verò cultus Dei est quidem finis Ecclesiastici huius præcepti; sed non præcipitur in alia materia seu obiecto, nisi in hoc determinato, vt Missa audiatur.

CAP. V.

DE SANCTORVM CANONIZATIONE,
imaginum & reliquiarum sacrarum veneratione.

SUMMARIUM.

1. Canonizatio Sanctorum ad Sum. Pontificem propriè spectat.
2. In noua lege Deum, siue SS. Trinitatem, atque Angelos forma corporea depingere licitum est: quamuis olim Iudeis ad idololatriam promissum prohibuitur fuerit.
3. Catholica Fide certum est, Christi Domini, B. Virginis, & aliorum Sanctorum imagines rectè depingi; tum memoria, tum venerationis causa.
4. Olim in Eliberino Concilio, iussus ob causas, prohibitum erat, ne Christi, & SS. imagines in parietibus, seu muris ecclesiarum pingerentur.
5. In Consilio Francofordiensi tempore Caroli M. habito, nihil omnino contra VII. Synodum de imaginibus adorandis, decretum fuit.
6. Eli Philo unus ex hæreticis Caluinistis præfatione sua in libro Carolinos multis imposuit.
7. Libri, qui vulgò Carolini dicuntur, non Caroli M. sunt, sed ab Iconomachis hæreticis, & à Carolo ad Adrianum Pontificem missi.
8. Quamuis probabile sit, tamen non est certum, in Consilio Francofordiensi aliquid pro imaginum cultu contra Iconomachorum errorem statutum fuisse.
9. Christi, & Sanctorum imagines, ac reliquia coluntur tantum respectiue, cum ordine ad prototypum.
10. Imagines Christi & Sanctorum concomitanter, & per accidens, una cum prototipo colimus; ita, vt imagines ipsæ secundum se adorationem, & cultum non terminent.
11. Sacram Eucharistiam propriè ac per se latræ colimus: cum Eucharistia præter species, quæ inanimata accidentia sunt, Christum ipsum, verum Deum & hominem, in se continent.
12. Sacra reliquia tantò præstantiores censenda sunt, quanto propinquius ad Sanctum spectabant.
13. Sanguis Christi si in aliqua Ecclesia asseruatur, vel si sacra hostia fluens appareat, non est adorandum cultu latræ absque: sed solum respectiue.
14. Homines pie defuncti, si canonizati non sint, colipossunt cultu priuato non publico.
15. Ad publicum reliquiarum Sanctorum cultum opus est, vt approbat earum publica approbatio.
16. Ad publicum cultum reliquiarum sufficit vnus hominis fide dignæ testimonium.
17. Sanctorum corpora perpetua sepultura tradita sine Prelatorum licentia, & non ferri non possunt.
18. Tunc licet, siquis eorum sacras reliquias decenter inclusas de-

uotionis causa secum habere, ac circumferre non prohibentur.

19. Sacra reliquia ad turpem quæstum exponi non debent, neque facile extra capsam ostendi.

QUESTIO PRIMA. Quid sit canonizatio Sanctorum, & à quo fieri debeat? Respondeo, & dico I. Canonizare est, aliquem pie defunctum in cano- nem, siue catalogum Beatorum referre; id est, auctori- tatiue declarare, eum in cælis cum Christo regnan- tem publico cultu venerandum, & inuocandum esse: qua de re Innoc. & Abb. in c. de reliquiis, & venerat. San- ctorum, Syl. ver. canonizatio, Azor tit. 2. lib. 5. cap. 6. post S. Thom. quod lib. 9. in fine; vbi monet in resp. ad 2. *Quod diuina prouidentia præseruet Ecclesiam, ne in talibus fallatur.*

Dico II. Canonizare Sanctos ad Romanum Pon- tificem, extra, vel intra Concilium, propriè spectat, post factam inquisitionem de vitæ innocentia, miraculis, & communi fama, & persuatione sanctitatis. Sumitur ex cap. venerabili, de testibus & cit. cap. 1. vbi id docent Gl. Innoc. & alii communiter. Rationem affert altera Gl. in c. 1. eod. tit. in 6. ver. sedis; Quia canonizatio Sancto- rum est vna ex causis maioribus, quæ ad Sedem Aposto- licam spectare debent, iuxta c. maiores, de Baptismo. Et set enim valde indecens, & Religioni contrarium, si pro sancto publicè coleretur, qui sanctus non est. Olim tamen sine solemnī eiusmodi canonizatione, Sancti quidam post felicem eorum obitum; communi Epif- coporum, & populorum consensu celebrabantur; ap- probante etiam Ecclesia Romana. Quæ proinde fuit ta- cita quædam canonizatio totius Ecclesiæ; quæ erra- re non potest, iudicio; consensu; ac consuetudine in- troducta; sicuti notauit Bellarm. lib. 1. de Sanct. beati- tudine, c. 8. in fine, & videri potest Angelus Rocca do canonizat. Sanctorum, c. 4. 39. & seqq. Cæsar Batoni- us Anno Christi 302. n. 126.

QUESTIO SECUNDA. Vtrum SS. Trinitatis, Christi Domini, & Sanctorum imagines pingere, atque venerari licitum sit? Respondeo, & dico I. Certum vi- deri debet, licitum esse in noua lege Deum, siue SS. Tri- nitatem forma corporea depingere. Ita Caiet. in 3. p. q. 25. a. 3. Nicol. Sanderus de cultu imaginum li. 1. c. 4. Th. Vvaldensis tit. 3. tit. 19. c. 155. Vafq. lib. 2. de adorat. disp. 3. cap. 3. Bellarm. lib. 2. de imagin. cap. 8. Est tamen hæc assertio non tantum contra hæreticos, præsertim Caluinum lib. 1. Instit. cap. 11. Sed etiam contra quosdam Catholicos, Durand. in 3. d. 9. q. 2. Abulens. in cap. 4. Deuter. q. 3. Henric. de Gandauo, quod l. 10. q. 2. vt pro- inde hæc assertio de Fide non sit; quamuis sine temeri- tate negari iam non possit, propter vniuersalem Eccle- siæ consuetudinem.

Notat verò Caiet. duobus modis Deum depingi posse; primò ad repræsentandam eius naturam, aut for- mam, quam in se habeat, & hoc fieri non potest. Secundò ad repræsentandam oculis historiam, secundum quam Deus in forma corporea hominibus repræsentatus est. Nam Gen. 3. apparuit tanquam homo ambulans in pa- radiso: Gen. 28. Iacob vidit Deum innixum summitati scælæ: Daniel cap. 7. vidit antiquum dierum in throno sedentem: Matth. 3. Spiritus Sanctus in forma colum- bæ apparuit: Et Christus Io. 15. secundum metaphori- cam similitudinem dixit: Ego sum vitis vera, & Pater meus agricola est. Hoc posteriore modo licitum est Deum depingere. Si enim Deus ipse talibus modis se hominibus repræsentauit, vt ex corporeis istis mentē ad incorporea erigerent intelligenda; cur quod à Deo ex- hibitum est, nobis non liceat pia recordatione imitari, ac colere.

Idque per se loquendo. Neque enim uero negari po- test, subesse aliquod periculū idololatriæ. Quamobrem Deus Exodi 20. Deut. 4. absolute omnem vsum imagi-

num, quibus Deus repræsentatur, penitus interdixit, vti probabilius arbitratur Vasquez lib. 2. disp. 3. c. 4. Erant enim Iudæi ad idololatriam propensiores, & deo imaginum vsus eis interdictus erat, teste Damasc. orat. 3. de imagin. Nunc verò, abolita lege veteri, doceri potest, ac debet populus Christianus, non propterea diuinitatem figurari, quasi corporeis oculis conspici, vel coloribus, aut figuris exprimi possit, ait Trid. sess. 25. decreto de venerat. reliquiar. & cultu imaginū. Quare etiam Greg. I. 1.9. indict. 4. ep. 9. Serenū Massiliensem Episcopū acriter reprehendit, quod inconsiderato zelo succensus, Sanctorum imagines, sub hac quasi excusatione, ne adorari debuissent, confregerit. Et quidem quia eas adorari vetuisses, laudauimus, fregisse verò reprehendimus. Et paulò post: Aliud est picturam adorare, aliud per picturam historiam quid sit adorandum, addiscere. Nam quod legentibus scriptura, hoc idiotis præstat pictura cernentibus. Quæ ratio vniuersum probat, etiam de imaginibus Dei, non esse tollendas propter paucorum simplicitatem, aut errorem, cum potius hi edoceri debeant.

Dico II. Certum etiam est, Angelos in forma corporea rectè depingi posse. Ita contra Xeneum hæreticum & Iconoclastas, docuerunt Patres Concil. VII. Generalis, act. 5. & act. 7. Thom. Vvaldensis cit. cap. 155. contra Vviclef. Ratio colligitur ex assert. præced. Quia Angelos in forma humana sæpe apparuisse legimus: ergo rectè ita à nobis figurantur, ac depinguntur. Vt videlicet per metaphoricās sibi notas similitudines erigatur mens ad spiritualia & incorporea quadantenus intelligenda, sicuti edocet S. Dionys. Arcopag. de cœlesti hierarchia, cap. 2. & 15. Confirmatur ex eo, quod in veteri testamento Cherubini, saltē ornatus gratia, in templo corporali forma erecti fuerint: Ergo nihil Angelorum naturæ repugnat, ita depingi, aut fabricari, Cauendum tamen est, ne nouæ in Ecclesia non vsitata Angelorum & maxime SS. Trinitatis imagines artificum arbitrio proponantur, & hæreticis irrisuionis materia subministrantur.

Dico III. Certa Fide tenendum est, Christi, B. Virginis, aliorumque Sanctorum imagines rectè depingi, tum memoriæ, tum venerationis causa. Ita ex communi Patrum doctrina, & totius Ecclesiæ consuetudine definitum est Nicææ in Concil. VII. Oecumenico, contra Iconomachos, qui Iudæos, Samaritanos, Mahumetanos imitati, omnem imaginum cultum idololatriam dixerunt, ideòque eas flammis, & ferro addixerunt. Eorum inter Christianos princeps fuit Leo Isaurius, qui decimum annum auspiciatus imperiū per tyrannidem acquisiti, ab Apostata Fidē Iudæo seductus est, vt bellum contra Deum, & sacras imagines moueret: qui etiam de homouiso non rectè sensit, teste Sigiberto in Chronico, An. 715. Zonara, Cuspiniano, & Vrspergensii in Chronico An. 718.

Impietatis paternæ amulus fuit filius eius Constantinus, Copronymus appellatus, quod insignum futuræ impietatis, sacrum Baptisma suo stercore fœdauit, & ut Germanus sanctissimus Patriarcha Constantinop. propheticè diceret: *Constat, maxime Christianis, & Ecclesiæ in ali per eum efficiendi hoc signum esse futurum*, apud Paulum Diaconum lib. 21. histor. miscellanæ. Et Zonaras in annalibus ait: *Patris improbitatem longo intervallo superare studuit. Neque enim contra venerabiles imagines duxerat insaniens, sed & præstigijs fuit deditus, & victimarum dissensionibus, & cucurrit in buo manum, aliusque insaniis rebus. Denique nullo scelere abstinuit, non uniformi, sed multiplici impietate præditus, non Christianus, non paganus, non Iudæus, sed collunio quadam impietatis.*

Postea vero sub Adriano I. Papa, Constantino & Irene Catholicis Augustis, Iconomachorum hæresis CCCL. Episcoporum generali synodo damnata est. Sed paulò post iterum reuocata à Leone Armenio Im-

peratore, eiusque successoribus Michaelē Balbo, & Theophilo; In Occidente verò, sub Ludouico Pio, & Claudio Episcopo Taurinensi. Posterioribus seculis successerunt in imaginum sacrarū oppugnatione Vviclefistæ; denique Calvinistæ hæretici, egregii Iconomachorum æmulatores.

Argumenta Iconomachorum hæc sunt: I. Quia imaginum cultus iure diuino prohibitus est, Exod. 20. Deut. 4.

II. Cum constet, diuinitatem pingi non posse, sequitur, dum Christum forma humana pingimus, diuinitatem nos eius ab humanitate separare; quod videtur fuisse argumentum Petri Fullonis Theopascitarum Principis, vti colligitur ex Concil. VII. act. 1. post fragmentum epist. S. Athanasii ad Ruffinianum, vbi Tharastius Constantinop. Episcopus dixit: *Inuenimus & Marcionæos respuisse imagines* (vti indicat S. August. lib. 20. contra Faustum, cap. 3.) & præter hos Marcionistas, & illos, qui confundunt duas naturas Eutychianos, & Theopascitas; quorum princeps Petrus Fullo: præterea Xeneum, alias Xenaium, Hieropolitanum, tempore Zenonis Imperat. Apud Niceph. lib. 16. cap. 27. Sed & Senarum, &c.

III. In Concil. Eliberino, c. 36. legimus: *Placuit, in templis non haberi picturas, ne, quod colitur, vel adoratur, in parietibus depingatur.*

IV. Quia in CCC. Episcoporum Concilio Francofordiensi ad Mœnum, sub Adriano I. & Carolo Magno, VII. Synodus de adorandis imaginibus reprobata est, vti historici testantur.

Ad I. resp. vt supra; Iudæis tanquam ad Idololatriam pronis, imaginum omnem cultum specialiter prohibitum fuisse.

Ad II. respondet Epiphanius Episc. act. 6. Concil. VII. definit. 13. Quemadmodum qui hominem pingit, non ideo eum inanimatum facit, quia imago, seu pictura secundum se inanimata est: cum ratio imaginis consistat in representatione; ideòque dum veri hominis imaginem conspiciamus, animatum intelligimus. Ita etiam qui Christum pingit secundum formam naturæ humanæ, non negat eam deificatam, seu diuinitati unitam esse: cum per aspectum imaginis concipiamus eum qui per ipsam repræsentatur, verus Deus & homo.

Ad III. resp. Duas ob causas canone illo pictas in parietibus imagines prohibitas fuisse: I. Ne imminente persecutione, dum Christiani imagines pictas secum auferre non possunt, Iudæis atque Paganis ludibrio fiant. Ita Nicol. Sanderus lib. 1. cap. 4. Bellarm. lib. 2. de imag. cap. 9. Suarez p. 3. tom. 1. disput. 53. f. 1. II. Quia imagines in parietibus depictæ venustatem amittunt, & decrustato pariete fœdantur. Iniuriæ etiam temporum, & bellorum accidere solet, vt templa diruantur, & sanctæ imagines, si in parietibus pictæ sint, non reuerenter, vt deceret, seruari possint. Ita indicant Bellarm. & Suarez ll. cc. & explicat Vasquez lib. 2. de adorat. disp. 5. cap. 2. numero 132. qui etiam testatur, in Hispania, vbi Eliberinum Concilium habitum est, paucis in Ecclesiis imagines reperiri depictas in pariete; (præter S. Christophori) sed plerasque in tabulis, aut statuis ligneis inauratis. Quamuis temporis progressu à canonis illius constitutione etiam in Hispania recessum sit.

Circa IV. argument. quid in Concilio Francofordiensi de imaginibus decretum sit, variè sentiunt DD. Catholici, vti videre licet apud Baron. Anno Christi 794. Alanum Copum dialog. 4. cap. 18. Surium in admonitione ad Lectorem de Synodo Francoford. Sanderum l. 2. de imag. c. 5. Bellarm. l. 2. de imag. c. 14. Vasquez 2. de adorat. disput. 7. Suarez p. 3. tom. 1. disp. 54. l. 3. Respondendum autem est primò; Extra controuersiam

esse debere, quod in Francofordiensi Concilio nihil contra Nicenam Synodum Oecumenicam statutum fuerit. Ita docent Surius, Suarez ll. cc. Seuerinus Binius in notis Concilii Francoford. ver. Atque, contra Genebrardum in Chronico, Anno 794. Bellarm. & Baron. ll. cc. qui arbitrati sunt, Patres Concilii Francofordiensis falsa informatione, & libris Carolinis deceptos, quasi in Nicæno Concilio imagines vt deificatas patriæ cultu adorandas esse, decretum fuerit; illud abdicasse, & condemnasse. Sed probatur assertio. Cum enim Concilium illud Francofordiense contra hæresin Elipandi, & Felicis, Nestorii (vt videtur) sectatorum paucis annis, videl. septem post Synodum Nicenam II. sub eodem Pontifice Adriano I. præsentibus Legatis Apostolicis, Theophylacto & Stephano Episcopis, celebratum fuerit; incredibile omnino est, aut neminem ex CCC. Francofordi congregatis Episcopis scivisse; aut si nescierunt, saltem à Legatis Apostolicis, ipsiusue Adriani literis edoctos non fuisse, quid in Synodo Nicæna II. cum totius orbis approbatione, secundum traditionem Patrum, à CCCL. Episcopis contra Iconomachos constitutum fuerit. Præsertim cum ipsi Patres in libello sacrosyllabo supremam Romani Pontificis potestatem agnoscant: *Reservato per omnia iuris privilegio Summi Pontificis, Domini, & Patris nostri Adriani.* Et Carolus magnus qui Concilio huic interfuit, in epist. ad Episcopos Hispaniæ, testatur, se ad beatissimum Apostolicæ Sedis Pontificem in causa eius Concilii ter, quaterque direxisse Missos, vt sciret quid sancta Romana Ecclesia Apostolicis edocta traditionibus, de hac nova inventione, Felicianæ hæresis responderet. Quomodo igitur fieri poterat, vt contra Nicenam Synodum à Sede Apostolica paulò antè congregatam, & approbatam, quidquam decerni vel Patres ipsi, vel Carolus Rex, vel Apostolicæ Sedis Legati permitterent? Accedit, quod post mortem Caroli, sub Gregorio IV. Papa, & Ludovico Pio Imp. Grecorum Iconomachorum error iterum in Occidentem irrepsit, auctore Claudio Episcopo Taurinensi, qui haud dubiè auctoritate Concilii Francofordiensis errorem suum defendisset, si ibi aliquid contra imaginum cultum decretum fuisset: id autem eum non fecisse, colligitur ex refutatione Ionæ Aurelianensis lib. 1. de cultu imaginum: & videri potest Vvelfridus Strabo lib. de rebus Ecclesiast. c. 8. Accedit secundò, quod historici, qui de damnatione Synodi adorationem imaginum approbantis, testantur, partim supposititij sunt, partim erroris manifesti coargui possunt, vt statim ostendam.

6 Vbi in primis dolendum est, Bellarminum lib. 2. cap. 14. Vasquez lib. 2. disput. 7. cap. 4. & 7. aliòsque Catholicos quosdam Scriptores, cum copiam non haberent librorum Carolinorum, qui anno 1549. sine nomine typographi, ac loci, editi sunt à Calvinistis, persuasisse sibi, præfationem illam, cuius fragmenta suis scriptis, ac chronicis fraudulentè hæretici contra imaginum cultum frequenter inferunt, eiusdem antiquitatis esse, atque circa tempora Caroli Magni conscriptam. Cum tamen fictus Eli Philii in præfatione illa ad Christianum lectorem alleget Augustinum Steuchum, Ioan. Echium, Alph. à Castro, & alios recentes. Hic Eli Philivnus ex Calvinistis, qui mentiri, ac decipere in religionis suæ causa opus bonæ conscientie arbitratur, refert, se in musæo quodam reperisse acta Concilii Francofordiensis; sed reliqua se interim suppressurum, & duo sola eius Concilii decreta in lucem editurum: quorum vnum est de hæresi Felicianæ condemnata; alterum verò tam inscitum constitutum, vt ipsa imperitia, & contradictione sua ostendat imposturam: *Allata est in medium questio de noua Grecorum Synodo, quam de adorandis imaginibus Constantinopoli fecerunt, in qua scriptum habebatur, Vt, qui imagines Sanctorum ita vt deificam Tri-*

nitatem servitio aut adoratione non impenderent, anathema iudicarentur. Qui supra sanctissimi Patres nostri omnimodis orationem, & servitatem eis renuentes, contempserunt atque consentientes condemnarunt. Quanta hic barbaries, & quanta rerum omnium ignorantia? Nunquid Constantinopoli aliquando de adorandis imaginibus Synodus habita est? Aut num alicubi statutum, vt Sanctorum imagines perinde, vt deifica Trinitas, adorarentur?

Secundò allegatur Hincmari Rhemensis Episcopi quoddam fragmentum productum ab Illyrico cent. 8. cap. 9. Sed optimè respondet Alanus Corpus, Dial. 4. cap. 19. Centuriatores non tantam fidem mereri, vt fructum aliquod ex opere, quod apud ipsos delitescere volunt, velut germanum Hincmari scriptum exoscillantes acceperimus: præsertim cum in illo fragmento plura falsa, & absurda contineantur. I. In septima Synodo Nicæna quidam imagines confringendas, quidam adorandas dicebant. II. Neutra pars intellectus sano desinit sine auctoritate Apostolicæ Sedis. III. In sessione Apostolicæ sedis, generalis Synodus in Francia, convocante Imperatore Carolo, celebrata, & secundum Scripturarum tramitem, traditionemque maiorum, ipsa Grecorum, videlicet Nicæna Synodus, destructa, & penitus abdicata est. Quæ omnia falsissima esse constat, vel ex mentiendi libidine, vel ex magna rerum ignorantia profecta, quorum vtrumque ab Hincmaro alienissimum est. IV. De destructione Synodi Grecorum non modicum volumen ab eodem Imperatore Romano esse per quosdam Episcopos missum. Loquitur hic fictitius Hincmarus de libris Carolinis, vulgò appellatis; qui tamen Caroli Magni non sunt, sed ab Iconomachis, Seueri Massiliensis discipulis, aduersus Nicenam Synodum conscripti; quos Carolus ad Adrianum Papam non per Episcopos, sed per Engilbertum Abbatem, suum Capellanum, misit, illius censuræ, vt alia omnia ad Fidem pertinentia, committens: Eos autem Adrianus reprobavit, tanquam ab hæreticis contra vnanimem Ecclesiæ consensum scriptos, vt legi potest Epist. 3. Adriani ad Carolum Magnum.

7 Alii testes produci solent, qui tamen sequentibus seculis vixerunt, quasi dixerint, in Francofordiensi Concilio aduersus Synodum Nicenam de adorandis imaginibus, decretum fuisse. Videlicet Ado Viennensis, Aimoinus Monachus, Rhegino, Abbas Urspergensis, Ioan. Auentinus. Sed in primis Auentinū reicimus, cū ex recetiorib. sit, & qui de industria ea prætulit, quæ Catholicis obesse posse videbantur, Lutheri magis, quam Papæ amicus. Aimoinus lib. 4. de gestis Francorum; cap. 8. eumque tanquam antiquiorem secutus Abbas Urspergensis in chronico, Anno 793. repugnantia scribunt, ideòque eorum testimonium recipi non debet. Synodus, qua ante paucos annos Constantinopoli sub Irene, & Constantino filio eius, congregata, & ab ipsis Grecis septima, & vniuersalis appellata est, vt nec septima, nec vniuersalis diceretur, habereturque quasi supernatanea, in totum ab omnibus abdicata est. Sed quænam ista Synodus Constantinopoli sub Irene, & Constantino celebrata? Nulla prorsus: scripserunt igitur de re, quam ignorarunt. Ado, quasi æqualis Aimoino, ita habet: *Isendosynodus, quam septimam Græci appellant, pro adorandis imaginibus abdicata penitus est.* Quæ verba cum ambiguum sensum habere possint, eligere oportet eū, qui veritati consonat; imò quem verborum constructio magis postulat; Synodum Constantinopoli sub Copronymo habitam, quam vti septimā Græci Iconomachi extollere volebant, pro honore & veneratione sacrarum imaginum penitus abdicatam esse. Et hunc quidem sensum Adonis amplexi sunt plerique historici sequentes, vt Platina in vita Adriani, Blondus lib. 1. decade 2. Sabellicus lib. 8. Ennead. 8. qui dicunt, Francofurti damnatam esse Synodum, & hæresin, quæ erat de abolendis imaginibus. Solus Rhegino Abbas lib. 2.

chronic. Adonis verba malè intellexisse videtur, vt diceret: *Pseudosynodus Græcorum, quam pro adorandis imaginibus fecerunt, à Pontificibus Francofurti reiecta est.* Nisi suspicari velis, mendum irrepisse, & legendum esse, *pro abrogandis imaginibus.* Etenim à Græcis sub Copronymo hoc sine pseudosynodum Constantinopoli celebratam fuisse, testatur Paulus Diaconus histor. miscel. lib. 22. *Constantinus impius contra sanctas & venerabiles imagines Concilium iniquè 38. Episcoporum congregavit in palatio Hieria &c. nullo presente ex Catholicis Sedibus, Romana, Antiochena, Alexandrina, Hierosolymitana.* Zonaras in annal. tom. 3. pag. 8. *Copronymus, multis Episcopis sibi suffragantibus conuocatis, quorum princeps erat Theodorus Ephesus, & Pastilas Pergamus, per eas quidquid libuit, decreuit, nemine vel ex veteri Roma, vel ex aliis Patriarchis presente. Eum concursum profanorum hominum, Synodum Oecumenicam appellare non dubitauit.*

Respondendum est Secundo: Quamuis probabile sit, in Concil. Francofurtiensi Iconomachorum errorem de imaginibus Christi, & Sanctorum abolendis damnatum fuisse; tamen id non est certum. Ita bene docet Franc. Suarez cit. disp. 54. sess. 3. Prior pars probatur coniecturis: I. Quia multi historici, saltem posteriores, id testantur. II. Quia Claudius, discipulus Felicis Vrgelitani, imaginum cultum inipugnauit, sub Ludouico Pio, teste Iona, & Strabone loc. cit. Ergo non est incredibile, eodem errore laborasse Felicem magistrum, qui Francofurti damnatus fuit: quod aperte sensit Sabellius cit. Enneade 8. & Concil. Senonense decre. 14. III. Quia credibile est, posteaquam pseudosynodus Græcorum in Oecumenico Nicæno Concilio damnata fuit: (vt non obscure significat Paulus Diaconus, eius temporis historicus miscel. lib. 22. pag. 689. & lib. 23. pag. 735.) acta eiusdem Concilii Nicæni ab Adriano missa esse ad Concilium Episcoporum Francofurti congregatorum, vt, quod in Græcia contra Iconomachos actum esset, ipsi quoque in Occidente reciperent, & stabilirent; præsertim cum constet ex Capitulari Caroli, & responsis Adriani eo tempore non defuisse, qui aduersus imaginum cultum, & vniuersalis Concilii decreta se opponere conarentur.

Altera pars probatur: Quia neque in actis Francofurtensis Concilii vlla mentio habetur de imaginum adoratione: neque vllus historicorum, qui eo tempore vixerunt, quicquam meminit de hac re Francofurti actum fuisse. Sequentes autem historici valde obscura, & contraria scribunt: vt fieri potuerit primum errasse; alios autem vnius verbis, malè etiam intellectis, adhæsisse.

QVÆSTIO TERTIA. De modo, quo sacræ imagines, & reliquæ colendæ sint? Respondeo, & dico I. Communis antiquorum DD. & vera sententia est; Quod Christi, ac Sanctorum imagines, atque reliquæ secundum se & absolute cultum ac reuerentiam non merentur; sed tantum respectiue, quatenus ordinem alicuius representationis habent ad ipsum exemplar, seu prototypum; ita vt totus affectus internæ submissionis ad prototypum referatur. Ita docet S. Thom. 2. 2. quæst. 103. 2. 4. ad 3. & 3. p. quæst. 25. a. 3. & 4. Alensis p. 3. quæst. 30. memb. 3. a. 3. Durand. 3. sent. d. 9. quæst. 1. Thom. Vvaldensis tom. 3. tit. 19. cap. 156. & alii apud Vasquez lib. 2. de adorat. disput. 8. cap. 3. Ratio est: Quia nulli creaturæ irrationali secundum se cultus aliquis exhiberi debet: imagines autem, ac reliquæ Christi, & Sanctorum secundum se res inanimatæ sunt: ergo ijs non competit cultus, ac reuerentia. Probatur maior: quia cultus seu reuerentia signum submissionis, seu subiectionis est: omnis autem creatura irrationalis homini naturaliter subiecta est: ergo non debet homo colere vllam creaturam irrationalem. Præterquam, quod creatura irrationalis, cum

intellectu, & liberi arbitrii præstantia careat, capax non sit laudis, honoris, præmij &c.

Eandem doctrinam tradidisse videtur Trident. Concil. sess. 25. in decreto de sacræ imaginibus; Imagines sacras in templis habendas, & debitum eis honorem ac venerationem impertiendam esse; quoniam honores, qui eis exhibentur, referuntur ad prototypa, quæ illa representant: ita vt per imagines, quas osculamur, & coram quibus caput aperi-mus, & procumbimus, Christum adoremus; & Sanctos, quorum illa similitudinem gerunt, veneremur.

Consentit doctrina Ambrosii in Psalm. 118. serm. 10. *Qui coronat imaginem Imperatoris, vtiq; illum honorat, cuius imaginem coronauit: & qui statuam contempserit Imperatoris, Imperatori vtiq; cuius statuam contempnauerit, fecisse videtur iniuriam.* Quo ipso exemplo cultum imaginum declarat S. Damasc. orat. 3. de imaginibus Et Tharastius Patriarcha Constantinop. act. 4. Synodi VII. Gener. explicans verba S. Athanasij orat. 4. contra Arianos, inquit: *Hæc sanè rerum natura docet quod honor, imaginis exhibitus ad ipsum fontem primum referatur, quemadmodum & contumelia.* Photius Patriarcha in libello de 7. Synodis: *Omnibus perspicuum est, honorem imaginibus habitum ad eos transire, quos illa referunt.* S. Basilus apud S. Damasc. lib. 4. orthodoxæ Fidei, cap. 17. *Imaginis honor ad exemplaris referatur honorem.* Idem Damasc. lib. 4. cap. 12. *Omnia quæ Deo dicata, aut consecrata sunt, ita adoramus, vt cultum & venerationem ad eum referamus.* Quod etiam S. August. expressit lib. 3. de doctr. Christiana, cap. 9. *Qui aut operatur, aut veneratur vtile signum diuinitus institutum, cuius vim, significationemque intelligit, non hoc veneratur, quod videtur, & transit; sed illud potius, quo talia cuncta referenda sunt.*

Etenim quod de imaginibus dicitur, idem de alijs omnibus rebus sacræ dici debet; iis honorem ac venerationem deferri non absolute, sed cum ordine ad personam, puta Christum sanctificantem: vt proinde omnis honor ad Christum tanquam obiectum dirigatur, sicut lectum est à Leontio Episcopo Neapoleos Act. 4. Synodi VII. *Quemadmodum genuini filij, peregrinante longo tempore patre, ingenti amore ex animo erga eum affecti, quidquid illius in domo viderint, siue baculum, siue sedem, siue chlamydem; hæc omnia cum lachrymis affectantes amplexantur; non illa secundum se honorantes, sed patrem desiderantes, & venerantes, sic & nos fideles omnes crucem Christi tanquam virgam adoramus; vt sedem verò ac cubile illius, ter sanctum sepulchrum, præsepe autem & Bethleem, reliquæque illius habitacula, & domum.*

Contra hanc assertionem sentiunt Franc. Suarez 3. p. tom. 1. disput. 54. sect. 4. assert. 2. Bellarm. lib. 2. de imag. cap. 21. Imagines Christi, & Sanctorum coli posse cultu aliquo inferiore, quam prototypum, ita vt ipsæ terminent venerationem secundum se. Nituntur præcipue auctoritate Concil. VII. vbi sæpius repetitur, crucem, & imagines Christi venerandas, adorandas esse, & tamen clavis verbis negatur, latrâ coli posse Act. 7. in definit. Ergo mens Concilij est, alio inferiore cultu secundum se colendas esse. Respondeo, Contrarium potius colligi ex definit. Synodi, quæ incipit: *Qui nobis. Illis Christi imaginibus salutationem, & honorariam adorationem exhibeant; non secundum fidem nostram, veram latrâ, quæ solam diuinæ naturæ competit, sed quemadmodum typo venerandæ & viuificantis crucis, & sanctis Euangelis, & reliquis sacræ oblationibus suffitorum, & luminarium reuerenter accedimus: imaginis enim honor in prototypum resultat, & qui adorât imaginem, in ea adorât quoque descriptum argumentum.*

Optimè autem aduertit Vasquez lib. 2. de adorat. c. 12. ex Tharastio in epist. ad Constantinum & Irenem. Actione VII. & Epist. Anastasij Episc. lecta à Stephano Monacho ead. VII. Synodo Act. 4. Græca verba *εὐσεβῶς*, adorare; *ἀσπαζέσθαι*, salutare; *φιλῶν*, osculum

præbere; plerumque; ita accipi, ut significant externam submissionem, inclinationem; quamvis interdum etiam accipiantur, præsertim τὸ προσκύνειν, ut significant internum affectum submissionis, aut seruitutis, seu adorationem in spiritu. Patres igitur Synodi VII. in definitione sua, & alibi passim fatentur, Imagines Christi, & Sanctorum adorandas & salutandas esse: quia verè coram illis procumbimus, ora adiuuamus &c. negant verò latriam coli posse, quia hæc vox λατρεύειν semper significat adorationem, seu submissionem in spiritu, quæ rei inanimatæ competere non potest. Quare ob eandem causam, neque vox προσκύνειν imaginibus tribui potest: neque enim imagines deprecamur, aut eis vota nuncupamus. Ex quibus etiam intelligimus Gregor. I. lib. 7. epist. 53. ad Secundinum: Scio, quod imaginem Saluatoris nostri non ideo petis, ut quasi Deum colas: sed ob recordationem filij Dei in eius amore recalcas, cuius te imaginem videre consideras. Et nos quidem, non quasi ante diuinitatem, ante illam prosternimur, sed illum adoramus, quem per imaginem aut uatum, aut passum, sed & in throno sedentem, recordamur. Et S. Hieron. in epist. de obitu Paulæ. Prostrata ante crucem, quasi pendentem Dominum cerneret, adorabat.

Dico II. Imagines Christi, & Sanctorum concomitantur, ac per accidens colimus uia cum prototypo. Ita significant Patres supra cit. & docet S. Thom. 3. p. quæst. 25. a. 3. Halens. p. 3. quæst. 30. memb. 3. art. 3. §. 1. & 2. S. Bonau. in 3. d. 9. quæst. 2. Duran. ibid. qu. 2. a. 1. Palud. quæst. 1. Richard. a. 2. quæst. 2. Capreol. quæst. 1. a. 1. Thom. Vvaldensis cit. c. 156. Bellarm. c. 23. Suarez cit. l. 4. assert. 1. Iacob Gretserus lib. 1. de Cruce cap. 49. Sensus assertionis est, Quod Christum aliumue sanctum apprehendimus tanquam in imagine nobis præsentatum; & sic illi cultum deferimus, ut tamen terminus adorationis sit solum prototypum; imago autem concomitantur se habeat, tanquam accidens quoddam, & quasi vestimentum prototypi, seu personæ adoratæ. Ita enim hanc rem explicat S. Damascenus orat. 1. de imaginibus. Quemadmodum purpura & sericum, & quod ex his vestimentum conficitur, per se nihil aliud sunt, nisi tenue quoddam operimentum, quod tamen si Rex induerit, honoris, quo præstat Rex, ipsum quoque particeps fit. Ita res ex materia constantes, per se quidem adorandæ non sunt. At, si gratia plenus sit is, quem illæ referunt, pro fidei portione ipsæ quoque particeps sunt.

Aliud exemplum dari potest: Si Regem in speculo effulgentem videas, & adores, vno motu & Regem adoras, & speciem, sine imaginem Regis, ipsum quidem principaliter; sed imaginem concomitantur, & per accidens. Quod expressisse videtur S. Athanas. orat. 4. contra Arianos: Qui adorat imaginem, in illa adorat ipsum Regem: quippe cum imago aliud non sit, quam Regis forma, ac species. Cuius rationem paulò antè dederat; Quia impermutabilis in imagine est similitudo Regis, ita ut qui imaginem inspexerit, ipsum quoque Regem simul inspiciat. Ex quibus verbis, & simili testimonio S. Basilii lib. de Spiritu sancto, cap. 18. intulit Ioannes presbyter, locum tenens Orientalium in VII. Synodo, Act. 4. non esse duas adorationes; sed unam ipsius imaginis, & primi exemplaris, cuius est imago.

Corollarium I. Tametsi imagines Christi secundum se, & absolute latriam non colimus; cum nihil in se diuinitatis habeant; imò nihil excellentiæ rationalis, ob quam honoris ac reuerentiæ capaces sint; Attamen cultu respectiuo quo simul exemplar & imaginem, seu exemplar in sua imagine colimus, fateri debemus, crucem & imagines Christi latriam coli; quauis per accidens & concomitantur, ut bene docent S. Bonau. Duran. Richar. Palud. S. Thom. & alii supra cit. Nam sicuti Christum apprehendimus, & cognoscimus per crucem, & imaginem eius, ita etiam eundem colimus, & adoramus: non quod imago sit termi-

nus adorationis; sed uti via, ac medium. Nam ita locutum reperio Leontium Cypri Episcopum lib. 5. contra Iudæos: Nos Christiani crucis formam adorantes, non ligni naturam adoramus: sed signum, & anulum, & formam ipsius Christi respicientes, cum, qui cruci affixus fuit, per ipsam complectimur, & adoramus. Nonne enim simili ratione iuramus per creaturas, quatenus in iis diuina Maiestas tanquam in signo, seu effectu resplendet: cum tamen iuramentum latriæ actus sit: verum iuramentum tale ideo non improbatur, per se loquendo, quia principaliter & ultimatè fit per solum Deum; quamvis cum ordine ad creaturam, qua Dei potentia nobis manifestatur. Ita multò magis licitum erit Deum, aut Christum in imagine resplendentem latriam colere, quanto imago aptior est ad representandum prototypum. Deinde, si olim Iudæi se prosternere debebant ante arcam fœderis: per ipsam Deum adorantes, iuxta illud Psalm. 98. Adorare scabellum pedum eius, quoniam sanctum est, cui non simili ratione liceat nobis Christum Deum per crucis signum adorare; Quod si autem personæ sanctæ, puta Beati in cælo, inferiore cultu, videlicet dulci, colendæ sint; tunc etiam imagines illorum, atque reliquiæ eodem cultu coluntur, quamvis respectuè, & per accidens, ut explicatum.

Corollarium II. Licet species, sine accidentia eucharistica absolute, & secundum se latriam non colimus, cum res inanimatæ sint, quæ cultum non merentur; tamen ipsa Eucharistia propriè & per se latriam colitur; quandoquidem Eucharistia præter species continet verum Christum Deum & hominem. In qua Eucharistiæ adoratione terminus est ipse Christus realiter præsens; species autem concomitantur, & per accidens se habent, veluti vestis. Insuper rectè aduertit Vasquez lib. 2. disput. 8. cap. 11. Christum Dominum, quatenus sub speciebus eucharisticis nobis exhibetur, aptius esse adorationis, seu latriæ obiectum; quam prout in imagine nobis representatur. Quamobrem feruentior solet esse submissionis affectus erga Eucharistiam, qui etiam exteriore signo magis exprimi solet. Cuius ratio est: Quia quanto clarius & excellentius persona adoranda in imagine, aut quocunque signo nobis exhibetur, tanto magis par est affectum internum commoueri, exteriùsque prodi; at verò Christus Dominus quam maxime sub speciebus eucharisticis nobis exhibetur, quippe realiter ibi contentus. Ergo &c.

Corollarium III. Reliquiæ sacræ tantò magis ad cultum religiosum inferuiunt, idèque tantò præstantiores censerì debent, quanto propinquius ad Sanctum pertinent; v. g. caro, & ossa integra sanctorum in æstimatione reliquiarum præferuntur aliis rebus, quæ ad eorum corpora tantum adnota fuerunt; pulueribus itè seu cineribus, in quos conuersio ac magna inuolutio facta est. Sin verò adhuc plures, magisque notabiles mutationes fiant, amittitur denique omnis moralis habitudo ad Sanctum, ut proinde res illæ, in quas mutatio facta est, adorabiles non sint, præsertim si neque decenter adorari possint, ut vermes ex Sanctorum corporibus enati. Ita notauit Henric. loc. cit. Suar. 3. p. t. 1. disp. 55. sect. 1. ad 3. arg. Sanch. loc. cit. n. 2.

Corollarium IV. Si in aliqua ecclesia sanguis è Christi corpore effusus asseruatur, & ostenditur, non est adorandus cultu latriæ absolute, sicuti S. Eucharistia à fidelibus adoratur. Quia si est verus sanguis ex Christi corpore fusus, quod negat S. Thom. 3. p. quæst. 54. 2. sed affirmat S. Bonau. in 4. d. 12. dub. 2. circa litteram Magistri Gabr. in can. Missæ lect. 30. & alii apud Suarez p. 3. tom. 2. disput. 47. sect. 2. tamen non est hypostaticè iam vnitus diuinitati, idèque respectuè tantum adorari debet, sicuti & aliæ reliquiæ Christi, propter coniunctionem aut contactum carnis hypostaticè vnite Verbo, sicuti docet Gabr. cit. lect. 30. col. 2. Vasq.

lib. 3. de ador. num. 125. Suarez cit. disp. 47. sect. 2. in fine. Idemque sentiendum de sanguine ex sacra hostia fluente, & de carne per miraculum apparente, quia (secundum receptam doctrinam S. Thom. 3 p. quæst. 76. art. 8.) non est Christi caro, aut sanguis in substantia, quippe quæ iam permanenter in cælo est, & non amplius passibilis atque cruenta. Quare si constans, & diuturna sit eiusmodi apparitio, censeri debet facta per miraculosam accidentium immutationem, sicuti docet S. Thom. & alii communiter in cit. a. 8. & videri potest Sotus in 4. d. 10. quæst. 1. a. 8. Et cum magna hæc sit accidentium sacramentalium immutatio, ita ut sub ea panis, vel vini substantia naturaliter consistere non possit, definit ibi esse corpus, & sanguis Christi; totumque, quod apparet, non est adorandum cultu latriæ absolute, sed solum respectivo, sicuti crux, & imagines Christi Vide Gabr. lect. 51. super Canonem, Durandum in 4. d. 10. quæst. 4. Suar. 3. p. to. 3. disp. 55. Vasq. in 3. super q. 67. a. 8.

QVÆSTIO TERTIA. Vtrum homines pie defuncti, sed non canonizati, à fidelibus coli, & inuocari possint? Respondeo ex cap. 1. & 2. de reliquiis, & venerat. Sanctorum, Sylvest. ver. reliquiæ, quæst. 1. Bellar. lib. 1. de Sanctorum beatit. cap. 10. Azor tom. 1. lib. 9. cap. 8. quæst. 8. Suarez p. 3. t. 1. disp. 55. sect. 2. Sanchez cit. cap. 43. num. 3. Non posse eos solemniter & publice, at tamen priuatim coli, & inuocari. Cultus publicus dicitur, non qui coram aliis exhibetur; sed qui nomine totius Ecclesiæ, & tanquam ab Ecclesia institutus: quare erga eos tantum exhiberi debet, quos tota Ecclesia pro sanctis habet, ac veneratur. Accedit pluribus superstitionibus locum fore, si quoslibet, tanquam sanctos, publico cultu venerari liceret.

Hinc existit primò; Quod sanctum non canonizatum (sine speciali licentia Papæ) in Missæ sacrificio, officio canonico, publicis litaniis, etiam priuato loco recitatis, inuocare non licet: quia hæc preces ac postulationes nomine Ecclesiæ sunt.

Secundò, Fas non est sanctis, qui canonizati non sunt, templa, altaria, sacrificia, instituere: neque illorum reliquias, aut imagines in publico templo exponere: quia hæc ad publicum cultum spectant.

Tertio concessum non est, publicum festum aut ieiunium in memoriam sancti non canonizati celebrare; at tamen priuatim in eius obitus die seruilibus operibus abstinere, Deo vacare aut ieiunare, vel votum in eius cultum offerre, etiam scientibus aliis, si scandalum absit, prohibitum non est. Eademque ratione licitum est priuata deuotione, quamuis pluribus præsentibus, sanctum non canonizatum in patrocinium apud Deum inuocare; aut reliquias, vel imaginem eius priuatim venerari, aut in altari priuato collocare. Si enim viuientes ob sanctitatem in ipsis, perspectam honorare, eorumque orationes implorare licitum est, cur non item defunctos quos maiore ratione speramus cum Deo iunctos esse; Idque probatur exemplo SS. Patrum, ut Gregorii Nazianzeni in oratione de S. Athanasio, & altera de S. Basilio; item S. Hieronymi in vita Paulæ, ubi hos sanctos tanquam in cælo existentes inuocant; licet nondum ab Ecclesia vniuersa in sanctorum numerum recensiti fuerint: & colligitur hæc doctrina ex cap. 2. de reliq. & venerat. sanctorum, ubi Abb. num. 3. Sylvest. ver. reliquiæ, quæst. 1. Bellarm. cit. cap. 10. Sanchez cit. cap. 43. num. 8. Philarchus tom. 1. p. 2. lib. 3. cap. 9. in fine, qui tamen monet, Neque in priuata domo fas esse reliquias vnicas sancti non canonizati in altari habere cum lampade accensa, ita ut ab ingredientibus domum veneratio exhibeatur; sicuti eadem ratione licitum esse non videtur sancti non canonizati imaginem cum radiis in domo etiam priuata, collocare: quia hæc ex Ecclesiæ consuetudine, solent esse signa propria sanctorum, ca-

nonizatorum, quos tota Ecclesia venerari solet: & alioquin, si talia permitterentur, facile superstitiones oriri possent. Quare neque Episcopi in hac re dispensare, seu tales licentias concedere possunt; sed solus Papa, qui aliquorum nondum canonizatorum Martyrum vel aliorum sanctorum, de quorum canonizatione tractatur, publicum & canonizatis proprium cultum aliquem, intra certos limites, interdum permittit.

QVÆSTIO QVARTA. Quanam habendæ, & colendæ sint pro sacris reliquiis? Hoc autem nomine intelligimus, quidquid ex sanctorum hac vita decedentium corporibus reliquum mansit; siue sint ipsa eorum corpora, seu cadauera, carnes, ossa, dentes, capilli, ungues; cineres item ac pulueres, in quæ conuersa fuerunt: item vestes & varia utensilia, quibus in vita vsi fuerunt: vela item, parui, & similia, quæ in vita sua tetigerunt, vel ad eorum demortuorum corpora admota fuerunt, sicuti docent Henricus quodlib. 10. quæstion. 6. Azor tom. 1. lib. 9. cap. 8. quæst. 1. Sanchez lib. 2. moral. cap. 43. num. 2.

Respondeo & dico I. Ad publicum cultum reliquiarum requiritur publica earum approbatio, quod verè sint alicuius sancti canonizati. Ita colligitur ex cit. cap. 2. & docet Philarchus supra, Suarez cit. disp. 55. sect. 2. §. sed quæret aliquis, Sanchez num. 11. Azor citat. quæst. 8. Est autem duplex approbatio, Vna quæ fit à Prælato Ecclesiæ, videl. Papa, vel Episcopo: cui conceditur in Trident. supra cit. decreto, nouiter inuentas reliquias, vel de quibus dubium aliquod exoritur, recognoscere, & approbare; adhibitis in concilium Theologis, & aliis viris piis. Altera est per traditionem, seu diuturnam Ecclesiæ approbationem: si enim in aliqua Ecclesiâ ossa v. g. pro alicuius sancti canonizati, temporis diuturnitate habita sint, etsi alia testimonia modo exhiberi nequeant, quia incendio, aliisve casibus perisse potuerunt, ipsa publicæ persuasionis continuata ventus sufficit ad approbationem, sicuti ex communi notat Azor cit. cap. 8. quæst. 8. Neque refert, quod interdum eiusmodi sancti corpus in diuersis locis solemniter colatur. Nam error iste non est in substantia adorationis, aut rei adoratæ, sed in aliqua conditione accidentaria. Fieri enim solet, ut in vtroque loco sit non integrum corpus, sed pars, à qua totum nominatum est. Interdum etiam accidere potuit, ut sit alterius sancti corpus; sed in nomine error contigerit: denique semper in adoratione inclusa est tacita conditio, si verè sint reliquiæ personæ sanctæ, quam colere intendò; eaque conditio omnem formalem adorationis errorem excludit.

Dico II. Ut reliquiæ, tanquam alicuius sancti, priuatim coli possint, requiritur, ac sufficit priuatum testimonium vnius personæ fide dignæ; aut alia ratio, vel coniectura, quæ ad prudentem assensum sufficiat. Ita docet Suarez cit. sect. 2. Vasquez lib. 3. disput. 3. cap. 8. num. 114. Sanchez cit. cap. 43. num. 13. Azor cit. quæst. 8. Ratio est: Quia in adoratione seu cultu priuato minus periculum subest, etsi interdum error materialis contingat, dummodo bona fide agatur.

Dico III. Si post debitam inquisitionem dubium maneat, num sint veræ reliquiæ alicuius sancti, abstinendum est ab earum veneratione etiam priuatim, sed maxime publicè. Ita docet Armilla ver. canonizatio, num. 2. Suarez cit. l. 2. §. at verò, Sanchez num. 19. Addo tamen, si moraliter certum sit, esse alicuius sancti reliquias, licet incertum, cuiusnam in particulari, quia schedula v. g. amissa est; posse eos tam publicè, quam priuatim coli, sicuti ex praxi Ecclesiarum constat. Præterea, stante dubio, vtrum sint reliquiæ alicuius Sancti canonizati non sunt contemnendæ, aut in ignem v. g. abiiciendæ: sed loco decente asseruandæ; non permixtæ, aut ad venerationem expositæ cum aliis Sanctorum reliquiis. Ita

Doctores citati. Ratio est clara: Quia ex vna parte, si sint veræ reliquiae, periculum est sacrilegii, si tanquam profanae abiciantur: ex altera verò parte, si non sint sancti alicuius reliquiae, periculum est superstitionis: quare vtrumque, quatenus fieri potest, vitari debet.

17. **QVÆSTIO QVINTA.** Quæ sint concessa, aut prohibita circa vsum sacrarum reliquiarum? Respon-
deo, & dico I. Si Sanctorum corpora perpetuè sepul-
tura tradita sunt, non possunt erui, & transferri, sine li-
centia Sum. Pontificis, vel Episcopi, aut sanctæ Synodi
excepta necessitate v. g. incendii. Ita habetur in c. cor-
pora, de consec. d. 1. & docet S. Anton. 3. p. tit. 12. cap.
8. ante §. 1. Angelus ver. reliquiae, §. 1. Syl. q. 3. Sanch.
n. 25. Si autem perpetuè sepultura tradita non sunt,
nihil obstat eas transferri ad alium locum religiosum,
non petita licentiâ Prælati, sicut iidem Doctores no-
tant, & constat ex praxi Ecclesiæ, & docet S. Anton. &
Syl. locis cit. Armilla ver. reliquiae, n. 3. arg. l. 1. & l. nec-
dum, C. de religiosis, & sumptibus funerum. Furtiuè au-
tem reliquias subtrahere, inuito Prælato, hisque qui re-
liquiarum istam administrationem habent, haud dubie
est furtum sacrilegum: eum sit ablatio rei sacræ, ait S.
Anton. l. c. idemque docet Azor q. 9. Philarchus cit. c.
9. §. 4. Sanchez n. 23. qui admonet, ad cognoscendum,
vtrum paruitas materiæ excuset furtum sacrilegum re-
liquiarum à mortali, spectandum esse non solam rei ab-
latæ quantitatem; sed potius earum dignitatem; & æsti-
mationem moralem.

Dico II. Extrauagans Bonif. VIII. de sepult. quæ
incipit *de testanda*, in qua ipso facto excommunicantur
exenterantes corpora defunctorum, aut ea immaniter decoquen-
tes; ut ossa à carnibus separata in aliam terram auerant,
nihil ad reliquias Sanctorum pertinet: quippe quorum

corpora sepultura tradita sunt, & postea absumptorum
ossa eleuata, ad debitum cultum ac venerationem. De
dicta autem extrauagante videri potest Caiet. in sum.
ver. excommunicatio, cap. 70. Nauar. in man. cap. 27.
num. 105.

Dico III. Non est prohibitum seu Clericis, seu laicis,
sacras reliquias cum reuerentia tangere, aut decenter
inclusas deuotionis gratia secum habere, vel e collo ge-
stare, sicut docent S. Thom. 2. 2. q. 96. a. 4. ad 3. S. An-
ton. cit. c. 8. ante §. 1. Syl. ver. reliquiae, q. 4. Nau. c.
11. n. 35. Azor. cit. lib. 9. c. 8. q. 6. vbi ait; Non idcirco
talem grauius peccare, si reliquias deferendo peieret,
mentiatur, furetur, alteri detrahat, in quempiam male-
dicta coniciat, aut quid simile peccet, quia non directè
cultui reliquiarum aduersatur. Quin imò, neque forni-
cari cum reliquiarum gestatione, continere circumstan-
tiam mortaliter malam; & necessariò confitendam, sed
tantum aliqualem seu venialem irreuerentiam contra
Religionis virtutem, ait Sanchez cit. c. 40. n. 28.

Dico IV. Illud seuerissimè prohibitum est in c. 2. de
reliq. & venerat. SS. & in decret. Concil. Trident. cit.
sess. 25. Ne sacræ reliquiae, venales; seu ad turpem quæ-
stum exponantur. Est enim hæc apertissima simonia, vt
omnes fatentur: præterquam si reliquiae sacræ sint apud
infideles, aut hæreticos; tunc licet eas non vt rem sa-
cræ emere, sed earum quasi vexationem, seu indignam
tractationem, aut iniustam possessionem redimere, vt
docent Philarchus loco suprâ cit. Sanchez n. 22.

Dico V. Id quoque prohibitum reperitur in cit. c. 2.
Vt reliquiae Sanctorum in ecclesiis populo extra capsam
non ostendantur, ad seruandam maiorem earum reue-
rentiam. Videri potest Abb. ibid.

TRACTATUS OCTAVVS.

DE

OBSERVATIONE IEIUNIORVM.

CAP. I.

QVID SIT ECCLESIASTICVM ieiunium.

SVMMARIVM.

1. Ieiunium aliud est nature, aliud virtutis, aliud Ecclesiasticum.
2. Ad ieiunium Ecclesiasticum tria requiruntur, ciborum delectus, abstinentia ab altera refectione, certum refectionis tempus.
3. Comestio ouorum, & lacteticiorum in sola Quadragesima, non item aliis ieiuniorum diebus prohibetur, spectato communi iure.
4. Olim in Quadragesima, præsertim in hebdomada sancta, strictior abstinentia seruabatur, quam nunc in more sit.
5. Pinguedo lardi, in locis, quibus ouis, & butyro vesci licet, non tam seuerè diebus ieiuniorum prohibetur, sicuti caro.
6. Reffectio unica in die ieiunii moraliter continuata esse debet: potest tamen ob causam interrumpi, ac diuidi.
7. Vini potio cum paucillo panis; item confecta, si per modum medi-
cina sumantur, ieiunium non violant.
8. Tempus cenandi diebus ieiuniorum olim erat vespæra, vel hora
nona: nunc verò anticipatum est.
9. Collatiuncula nocturna, per consuetudinem introducta, est modica
sumptio ciborum leuiorum, puta fructuum, herbarum &c. iuncto
pane.
10. Ieiunium, aut placet ac in nocturna ieiunii cenula comedere, non
videtur licitum esse.

Quantitas cenula secundum personarum, & regionum constitutio-
nem metienda est.

10. Non licet collatiunculam circa meridiem accipere, cœna in no-
ctem translata, nisi causa aliqua postulet.
11. Qui refectionem seu cenam mulierum sine causa anticipat, venia-
liter tantum peccat: sed olim talis anticipatio grauius prohibi-
ta erat.
12. Quoties aliquis in die ieiunii carnes comedit, toties mortaliter
peccat.
13. Qui ieiunium altera plena refectione violauit, eo die solutus est.
14. Qui mane ieiunaculum sumpsit, debet eo die, quatenus potest, ie-
iunare.



E I V N I I voce abstinentiam significari
certum est. Est autem aliud ieiunium
improprie ac metaphoricè dictum, de
quo S. Aug. tr. 17. in Ioan. & refertur d.
5. de consecrat. Ieiunium magnum, & gene-
rale est abstinere ab iniquitatibus, & illicitis
voluptatibus seculi: quod est perpetuum ieiunium. Quin & Do-
minus apud Isaiam c. 18. Nunc hoc est magis ieiunium, quod
elegi: dissolue colligationes impietatis, Aliud verò est ieiunium
proprie dictum, videl. abstinentia à cibo, ac potu. Idque
varie distingui solet, vt videre est apud Abb. in c. ex par-
te, n. 2. de celebrat. Missar. Richar. in 4. distinct. 15. a. 3. q.
2. Medin. Cod. de ieiunio, q. 1. Valentia t. 3. disp. 9. q. 2. p.
1. Nam aliud est ieiunium nature, abstinentia ab omni tñ
cibo, tñ potu in stomachum transmissio. quale ieiunium à re-
pore

pore media noctis requiritur ad dignam sumptionem sacrae Eucharistiae, uti dicam lib. 5. tract. 6. cap. 6. quaest. 6. sciendo secundo. Aliud ieiunium *virtutis*, seu *morale*, parsimonia cibi, & potus, secundum regulam prudentiae in illis mediocritatem sectantis, sicuti recta ratio dicitur, ut dixi lib. praecedenti, sect. 2. & 4. Aliud dici potest ieiunium *liberum*, quod aliquis secundum rectam rationem, & ex motu alicuius virtutis suscipit, sine praeccepti obligatione: cuiusmodi modus ieiunandi, seu abstinendi a delectationibus cibi, & potus varius esse potest. De qua varietate videri possunt S. Irenaeus apud Eusebium, lib. 5. cap. 24. Philo in libro de vita Theorica, S. Augustin. epistola 118. ad Ianuar. Epiph. in compendiarie doctrina, & alii apud Marcellum Francolinum de horis canonicis, cap. 38. Aliud denique est ieiunium Ecclesiasticum, quod secundum formam ab Ecclesia praescriptam instituitur, & definiri solet apud Abbatem & alios Canonistas in rubric. de obseruat. ieiunii Azor tom. 1. lib. 7. cap. 8. quaest. 1 ex Goffredo: *Abstinentia a carnibus &c. & prandy, ac post cenam cuiuslibet cibi subtractio, usque in diem sequentem.*

2 Quare tria omnino ad Ecclesiasticum ieiunium (de quo solo nobis sermo erit) requiruntur, sicuti ex communi docent Richard. cit. a. 3. quaest. 7. Caietan. in sum. ver. ieiunium, Syl. n. 9. Azor cit. c. 8. q. 3. Bellarm. de bonis operibus in particulari, lib. 2. c. 1. Less. lib. 4. c. 2. dub. 2. n. 8. I. Ciborum delectus, seu abstinentia a carnibus &c. II. Abstinentia ab altera refectione. III. Certum refectionis tempus, ut videlicet non prandium, sed cena sit.

Quod ad primum horum attinet; Ad ieiunia Christianorum, Ecclesiastica consuetudine ac traditione pertinere a carnibus abstinentiam, testes sunt Clemens Roman. lib. 5. constit. cap. 17. Philo apud Eusebium lib. 2. cap. 16. Hieronym. de viris illustribus in Philone, Origenes lib. 3. in Iob, Cyrillus Hierosolym. cath. 4. Epiph. in compendiarie doctrina, Theophilus Alexandrin. epist. 2. ad Episcopos Aegypti, tom. 1. Biblioth. Patrum, S. Basil. hom. 1. de ieiunio, S. August. lib. 30. contra Faustum, c. 5. & serm. 65. de tempore, S. Chrysostomus hom. 2. in Genes. S. Fulgentius apud S. Aug. de fide ad Petrum, cap. 4. Theodoretus in Epitome minorum decretorum, cap. de abstinentia, Isidorus Hispalensis lib. 1. de Eccles. officiis, cap. ult. Concil. Tolet. 3. cap. 9. Quare haec a carnibus abstinentia, omnibus ieiuniorum diebus ubique in Ecclesia obseruatur.

3 Addit vero Gregor. I. in capitulo ad Augustinum Anglorum Episcopum, quod refertur d. 4. c. 6. *Parisse, ut quibus diebus a carne animalium abstinemus, ab omnibus quoque quae sementinam carnis trahunt originem, ieiunemus, lacte videlicet, caseo, & onis.* Quam ipsam abstinentiam, in diebus Quadragesimae tum clericis, tum laicis seuerè praecipit Trullana Synodus canone 56. Nam ut S. Thom. 2. 2. quaest. 147. art. ultim. ad 3. Richard. distinct. 15. art. 3. quaest. 5. Caietan. ver. ieiunium, in princip. alique communiter obseruauerunt, specialiter in Quadragesima, non etiam in aliis ieiuniorum diebus, comestio eorum, quae ex carne originem ducunt, ab Ecclesia interdicuntur. Quanquam ut idem S. Thom. lo. cit. & Abb. in rubr. de obseruat. ieiunii, num. 5. Nau. c. 21. num. 13. Less. lib. 4. c. 2. dub. 2. num. 8. annotarunt, non eadem in his consuetudo Ecclesiarum obtinet: nam in quibusdam Ecclesiis esus ouorum, & lacticiniorum omnibus ieiuniorum diebus aequaliter prohibetur; in quibusdam vero permittitur etiam in Quadragesima; sicuti in his Germaniae prouinciis. Sed discrimen illud, ut dixi, quod esus canium omnibus diebus ieiuniorum & abstinentiae; ouorum vero, & lacticiniorum in sola Quadragesima prohibeatur, est secundum legem com-

mune Ecclesiae; ideoque in nouiter ad Euangelium Christi conuersis nationibus introducendum, sicuti Nau. notat, & Tolet. lib. 6. c. 2. n. 1. §. Prima est.

Olim etiam diebus ieiuniorum, praesertim Quadragesimae, a vino abstinere soliti sunt Christiani, sicuti videre est apud Clementem, Origenem, Basilium, Cyrillum Hierosolymitanum, Theodoretum supra citatis locis. Quin imò sex diebus hebdomadae sanctae populus Christianus cibis tantum aridis; pane videlicet, sale, aqua, & oleribus, atque aqua in potum victitabat; sicuti testatur Clemens cit. lib. 5. c. 17. Epiph. haer. 75. & in compendiarie doctrina, seu epilogo libri aduersus haereses. Duobus vero ultimis diebus, Parasceue videlicet & Sabbatho, omnino ieiunii perseverabant, teste Clem. cit. cap. 17. Alcuino de offic. diuinis, cap. de Cena Domini. Quae licet hodie quoque spontanea cuiusque voluntate fieri possint; nulla tamen lex Ecclesiastica id praecipit. Etenim pro temporum, & locorum varietate varias ieiuniorum leges existere, quas quisque fidelium sine vllò periculo lequi possit, imò & debeat; sicut in Ecclesia sua obseruari videt, notarunt S. Hieron. epist. 28. ad Lucinium, S. August. epist. 86. ad Casulanum, Isidorus Hispal. lib. 1. de officiis Ecclesiasticis, c. 39. S. Th. cit. q. 147. a. ult. in fine.

5 Occurrit autem quaestio hoc loco; An diebus ieiuniorum, quibus vel communi lege, vel loci consuetudine, aut speciali priuilegio licitum est comedere oua, & butyrum, liceat quoque vesci lardo porcino, vel anserum pinguedine? Ita affirmant Gl. in c. admonere, 33. q. 2. ver. carnem, & altera Gl. in c. Presbyter, d. 82. Hostiensis in sum. de obseruat. ieiunii, Abb. c. consultus, n. 2. de Iudaeis. Syluest. ver. ieiunium, q. 5. n. 16. ubi hanc regulam tradunt: *Cui conceditur usus ouorum, casei, &c. intelligitur etiam concessus usus sagiminis seu lardi.* Nam talis pinguedo re vera non est caro; licet ex carne originem trahat, perinde ac oua, butyrum, caseus. Quam sententiam refert, & non improbat Azor lib. 7. cap. 10. q. ult.

Verum aduerto, licet dicta sententia speculatiue probabilis videri possit; consuetudinem tamen consentientibus Praelatis introductam, ideoque pro lege tenendam (sicuti S. August. ait in cit. epist. 86.) nostris regionibus in diebus ieiuniorum, & abstinentiae permittere quidem usum ouorum, lactis, casei, ac butyri, non ita vero lardi, & sagiminis. Accedit, quod periculum sit, si hominibus talis licentia fiat vescendi lardo in diebus ieiuniorum, ne eam ad similia; v. g. farcimina, iusculum ex carnibus, paulatim extendant non sine graui scandalo, & ieiunii Ecclesiastici detrimento. Vnde Viualdum in cap. aurea, c. 15. ubi de Quadrages. ieiunio, num. 37.

Nihilominus sententia illa Doctorem ad tria Confessario in his regionibus inferuire poterit: I. Ut pauperibus talem licentiam facilius concedat, ob paupertatis causam II. Ut etiam ditiores, propter usum sagiminis seu lardi in cibis condiendis, non facile mortalis peccati condemnet; ne si nihilominus postea vescantur, grauius peccent propter conscientiam. Nam etsi consuetudo apud nos non ita usum sagiminis, sicuti ouorum, casei, aut butyri permittat; est tamen etiam persuasio; minorem esse prohibitionem, quam sit ipsius carnis: ut proinde in his regionibus, quibus esus ouorum, & butyri concessus est, propter aequiparationem atque similitudinem, esus sagiminis videri possit non ita grauis ac sufficiens ad peccatum mortale. III. Quod ancillis; quae iussu haereticarum lardum porcinum, aut anserum pinguedinem diebus ieiuniorum loco butyri adhibent, si imperium detrectare nequeant, facile permittere possit, ut & coquant, & comedant.

Alterum ieiunii Ecclesiastici requisitum erat, vnica seu non repetita corporis resectio. Vbi aliqua notan-

da sunt: Primum ex Tolet. lib. 6. cap. 2. n. 6. In vnica illa refectione aliquantulum plus cibi sine scelere accipi potest, quam ordinariè sumitur; tamen intra temperantiae limites: quos si excedas comedendo, aut bibendo; peccas contra naturæ legem, licet non contra legem Ecclesiastici ieiunii, sicuti docent Innoc. in rubr. de obseruat. ieiunii, Medina C. de ieiunio, qu. 11. §. sequitur etiam, Less. cit. c. 2. dub. 2. Angles de ieiun. q. 9. a. 1. diffic. 3. & a. 2. diffic. 1. contra Alensem in 4. q. 104. mem. 1. a. 2. rectè tamen admonet S. Th. q. 147. a. 6. ad 2. in tali casu amitti meritum ieiunii, vel ex toto si intemperantia mortalis sit, v. g. per ebrietatem; vel ex parte, si venialis excessus sit, v. g. per immoderatam comestionem.

Alterum. Reformatio debet esse moraliter continuata; alioquin vnica non erit, sed repetita. Si tamen à cœna nondum finita discedere cogaris, confecto negotio, reuerti potes; eamque perficere, sicuti notat Caiet. ver. ieiunium, §. accidit tamen, Azor lib. 7. c. 9. q. 1. Valentia disput. 9. q. 2. p. 3. Less. cit. dub. 2. n. 11. Censetur enim moraliter vna reformatio propter intentionem; consideratis etiam circumstantiis negotii, temporis, loci, sicuti Azor ibidem notat. Quod si aliquis sufficienter reformatus à cœna surrexit, animo non reuertendi, non potest deinde iterum accumbere, & comedere, post interpositum temporis interuallum, sicuti rectè notauit Nau. c. 21. n. 14. & Valentia l. c. Licet contrarium doceat Less. ante n. 12. posse talem, postea *mutata intentione redire ad conuiuias; à quibus recesserat; quia prandium adhuc durat*: Et est probabilis hæc sententia Lessii sed contraria magis placet: quia in hoc casu repetitio comestionis non fit per accidens, sed ex intentione: adeoque respectu huius hominis non vna moraliter, sed plures comestiones sunt.

Tertium. Similiter excusantur lectores, & ministri mensæ in Monasteriis, si aliquid prius accipiant: tum quia id faciunt vt viribus non debilitatis, officium præstare possint, vti notauit Azor cit. quæst. 1. Valent. cit. p. 3. Nauar. num. 13. & ipse S. Benedictus in regula, cap. 38. tum quia illud est inchoatio quædam cœnæ, quæ postea iustam ob causam ab eis interrumpitur, vti Caiet. & Less. notarunt.

Quartum. Non violat ieiunium, qui extra consuetam corporis refectionem bibit, etiam vinum, aut cereuisiam: Id enim consuetudo à tempore immemoriali permittit, sicuti docent Innoc. in rubr. de obseruat. ieiunii Abb. c. ex parte n. 2. de celebr. Missarum. Richard. cit. d. 15. a. 3. q. 7. Nau. c. 21. n. 13. Medina C. de ieiun. q. 11. §. sequitur amplius, Viualdus in append. aurea, vbi de Quadrage. ieiun. n. 45. Azor c. 10. q. 7. Licet olim non tanta licentia fuisse videatur: quamobrem Alex. Halensis in 4. q. 104. mem. 1. a. 3. dixit vini portionem, præsertim ante prandium, ieiunium violare: Idemque sentiunt Richard. l. cit. S. Anton. p. 2. tit. 6. cap. 2. §. 9. Rosella ver. ieiunium, num. 5. saltem si absque iusta causa vinum bibatur, causa nutritionis, in ieiunii fraudem.

Sed contrarium docet S. Th. 2. 2. q. 147. art. 6. ad 2. Palud. in 4. d. 15. quæstion. 4. art. 4. prope finem. Nau. cit. n. 13. Angles de ieiunio, quæst. 9. art. 2. diffic. 2. & alii communiter: Quia, vti S. Thom. ibid. aduertit, Ecclesia nunc in diebus ieiuniorum non prohibet potum: quandoquidem is per se, ac principaliter non tendit ad corpus nutriendum, sed ad sitim sedandam, & cibi concoctionem adiuvandam: quamvis vinum, & cereuisia per accidens aliquantulum nutrant. Quamobrem si aliquis vinum, vel cereuisiam bibat gratia famis sedandæ, non agit contra Ecclesiæ præceptum, licet aliquomodo contra finem præcepti; præterquam, quod si potu immoderato vtatur, contra temperantiam peccet, & ieiunii meritum perdat, vt supra di-

ctum. Cæterum si iusculum, lac, vel similis potio sumatur, quæ ad nutriendum principaliter refertur, ieiunium haud dubiè violatur, sicuti Palud. l. c. & Azor. q. 7. §. sciendum, obseruauerunt.

Quintum. Idem sentiendum de electuariis, seu confectis, ieiunium talibus non violari; cum principaliter non accipiantur vt alimenta, sed vt medicamenta, sicuti docet S. Thom. cit. a. 6. ad 3. Palud. & S. Anton. ll. cc. Abb. cit. c. ex parte, n. 2. Angles cit. a. 1. diffic. 3. Medina cit. quæst. 11. §. sequitur etiam, Less. cit. c. 2. n. 10. contra Alensem cit. q. 104. mem. 1. a. 4. Sed bene excipit S. Thom. Nisi magna quantitate sumantur, per modum cibi potius, quam medicinæ. His adde, eadem ratione colligi cum extra tempus refectionis bibitur licitum esse pauxillum panis adicere, ne potius noceat: quia & id medicinæ magis rationem habet, licet per accidens nutriet, sicuti notauit Medina cit. loco, Sa ver. ieiunium, n. 8. Viualdus n. 43. Vide etiam Bellarm. lib. 2. de bonis operibus in particulari, c. 1. vbi apte distinguit inter cibum, potum, & medicamentum; aitque Ecclesiasticum ieiunium esse abstinentiam solius cibi, id est eorum quæ per se ac principaliter referuntur ad corpus alendum; siue ea comedendo, siue bibendo, aut sorbendo capiuntur.

Tertium ieiunii Ecclesiastici requisitum in eo consistit, vt reformatio illa vnica non sit prandium, sed cœna; maximè, si ad antiquum Ecclesiæ morem attendamus. Nam Patres passim & Doctores antiqui ieiunium per prandii subtractionem describunt: non ieiunantes autem prandere inquit, sicuti videre est apud S. Ambros. serm. 8. in Psalm. 118. S. Hieron. epist. ad Eustochium de custodia virgin. vbi addit; *A Pascha in Pentecosten cœnæ mutantur in prandia*. S. Augustin cit. epist. 86. ad Casulanum. S. Greg. hom. 36. in Euang. Isidor. lib. 1. de Ecclesiast. offic. c. 42. & refertur c. post Pascha, d. 76. idemque notauerunt Durandus in rationali, lib. 6. c. 7. prope finem; Bellarm. cit. lib. 2. cap. 2. Marcel. Francolinus de horis can. c. 35. n. 11. & c. 36. n. 1.

Nam olim hora diei nona, id est, tertia post meridiem, tempus ordinarium erat ieiunii soluendi, vti constat ex S. Athanas. in lib. de virginit. S. August. epist. 118. cap. vlt. ad Ianuar. Epiph. in epilogo lib. aduersus hæreses, Cassiano collat. 21. cap. 23. S. Thom. q. 147. a. 7. in corp. In Quadragesima verò diutius ieiunandum erat, videlicet vsque ad vespem, sicuti colligitur ex S. Basil. orat. 1. de ieiunio, S. Hieron. cit. epist. ad Eustochium, S. Benedicto cap. 41. regulæ suæ, Concil. Cabilonensi, quod refert Gratianus c. solent, de consecrat. d. 1. l. uonep. 4. decreti, cap. 45. & in Panormia lib. 2. cap. 148. & expressè docet Micrologus de Ecclesiasticis obseruat. cap. 49. *In hoc Quadragesimali ieiunium ab aliis differt, quod in aliis post nonam, in hoc post vespem reficere debemus. Nec iuxta canones quadragesimaliter ieiunare censetur, si ante vespem reficimur*. Idemque testatur S. Bern. serm. 3. de Quadrages. *Haslenus vsque ad nonam ieiunamus soli (nos Monachi &c.) nunc vsque ad vespem ieiunabunt pariter vniuersi Reges, ac Principes, electus & populus, nobiles & ignobiles, simul in vnum digestes & pauper*. Quamobrem etiam Missa in Quadragesima ad horam diei nonam celebrari solita erat, sicuti ibidem testatur Micrologus, Marcel. Francolinus: cap. 31. n. 1. & cap. 38. num. 1. & colligitur ex cit. c. solent. Post Missam verò & decantatum officium Nonæ; statim vespertinum officium adiungi poterat: eoque finito, cœnari, sicuti obseruauit Francolinus c. 34. num. 12. iuncto c. 19. n. 7. & 8.

Verum cum posterioribus seculis nostris homines, propter animi & corporis infirmitatem, tandiu in ieiunio non perseuerarent, anticipatum est comuni Ecclesiæ consuetudine tempus tum canonici officii, tum etiam cœnandi, si tamen cœna, & non magis prandium

dici debeat, quod hodie etiam in Quadragesima, circa meridiem, vel hora, aut apud quosdam sesqui hora ante meridiem instituitur, sicuti testatur Azor cit. libr. 7. ca. 11. q. 3. Less. cit. dub. 2. n. 13. in fine. Eademque, ut arbitror, occasione, quia fideles, si post tam maturam diei refectioem nihil amplius cibi sumerent, difficile noctu somnum capere possent; per consuetudinem introducta fuit nocturna cœnula, seu collatiuncula etiam alendi causa sumpta: quæ cum nullo iure scripto, sed sola, ut dixi, consuetudine nitatur, ab eadem quoque regulari ac definiri debet, tam secundum qualitatem, quam quantitatem sumendorum; sicuti rectè notauit Abb. in rubr. de obseruat. ieiunii, col. 2.

Qualitatem cibi in collatione sumendi, aiunt Doctores communiter, esse fructus, aut herbas, adiuncto etiam pane, sicuti videre est apud Nauar. cap. 21. n. 13. Tol. lib. 6. c. 2. n. 5. Armillam ver. ieiunium, n. 1. Angles de ieiunio, q. 9. a. 2. difficult. 4. Azor lib. 7. c. 8. q. 7. ubi ait, *communis usus receptum est, ut parum panis etiam edatur, vel seorsim, vel una cum fructibus, herbis, vel aliis cibis leuioribus, cuiusmodi sunt ficus, una passa, nives, pira, poma, uel ex saccharo aut melle confecta, vel pisciculus parvulus*. Puto autem loqui de pisciculus paruo, qui fumo ficcatus, vel aceto maceratus sit, qualis etiam inter leuiores cibos numerari solet, uti colligitur ex c. Presbyter, d. 82. & c. 2. de homic. & notauit Durandus cit. c. 7. in fine. Nam postea quæst. 8. idem Azor ait, *corruptelam esse, si cibis sumantur, qui potissimum ad nutriendam valent, qualia sunt legumina, & pisces*. Iusculum verò ex pane & herbis idem Auctor permittit, q. 8. Si enim licitum est (aiunt aliqui) die ieiunii aquam, aut vinum bibere; herbas, aut fructus, & secundum morem regionis, parum butyri edere; cur non ea etiam commiscere, & igne calefacere liceat? cum nihil referat, calidum ne, an frigidum sit, quod sumitur. Idemque argumentum fieri potest de placentis nostris, si modico butyro fixæ sint. Hæc non sine aliqua probabilitate dici videntur. Sed mihi non placent: Tum quia cœnula à consuetudine Ecclesiarum, per quam introducta est, modum & mensuram accipere debet. Non est autem consuetudine receptum, ut coctum iusculum, aut fixæ placentæ ad cœnulam passim adhibeantur. Tum quia negari non potest, quin ignis concoctio plurimum mutet materiam subiectam, ut alium ex ea cibum faciat, nutritioni magis inseruientem. Interim tamen mortale peccatum non est, si talia comedantur in quantitate modica: imò nullum peccatum erit, si causa aliqua subest, v. g. stomachi infirmitas, cui calido iusculo subuenitur. Lactucas verò, cum aceto & oleo mixtas loco fructuum comedere in collatiuncula, prohibitum non est, cum in illis nulla coctio accadat. Et nihil etiam referre videtur, etsi herbarum prius aqua elixatæ fuerint, ad cruditates earum tollendas: cum sola elixatio, si nihil aliud condimenti adhibeatur, cibi substantiam non immutet.

Id porro non satis intelligo, quid Caiet. velit ver. ieiunium, in fine cap. 1. inquit, *Non referre, quid quisque in serotino ientaculo sumat, si modum non excedat*. Si enim de omnibus cibis vniuersim loquitur, profectò & consuetudini Ecclesiarum, & aliorum Doctorum, fideliumque persuasioni contradicit. Sed arbitror, solum intellexisse de pane & fructibus, nihil referre, quid quisque ex his sumat in quantitate modica. Illud tamen addo, in septentrionalibus regionibus, ubi fructuum inopia est, multos etiam modico caleo cum pane vesci in cœnula ieiunii: quod propter consuetudinem reprehendi non potest.

Quod attinet ad quantitatem, id vniuersim dici potest, oportere esse modicam, ne cœnula in cœnam transeat: speciatim verò attendenda est tum regionum, tum personarum diuersitas. Nam regionum aliæ aliis frigidiores sunt; inter personas verò aliæ aliis maiore ci-

bo, seu propter labores, seu propter corporis constitutionem, indigent, sicuti notauit Azor supra cit. q. 7. & Valerius Reginaldus in praxi sua, t. 2. lib. 4. n. 185. qui non improbabiler talem regulam tradit; tunc demum excessum fieri nocturnæ cœnulæ, quando id, quod sumitur, notabiliter maius est quarta parte eius quantitatis, quæ ad integram cœnam sufficeret, nisi causa aliqua excuset. cuiusmodi est v. g. corporis teneritudo, vel assuesfactio: qua ratione interdum personis nobilioribus plus permitti potest: vel occupatio diuturna: qua ratione assiduis literarum studiosis plus conceditur.

Dubitant vero Doctores; Vtrum licitum etiam sit collatiunculam circa meridiem capere, cœnā in noctem, seu vespeream dilata? Ita affirmat Angles in flor. de ieiunio, q. 9. a. 2. diffic. 5. & probabile censet Azor cit. c. 8. q. 6. & cum eo Valerius Reginaldus cit. lib. 4. n. 186. Sed contraria sententia communis, & vera est Caiet. ver. ieiunium cap. 1. prope finem; Nau. c. 21. n. 14. Llamas p. 3. meth. cap. 5. §. 15. Tol. cit. c. 2. n. 9. Less. cit. dub. 2. n. 12. esse id peccatum saltem veniale, si sine iusta causa fiat. Quia consuetudo collatiunculæ, cum sit contra ius commune introducta, extendi non debet: extenderetur autem, si cuique liberum esset eam capere siue in meridie: siue ad vespeream, seu noctem. Valde etiam refert, in his vniuersim Ecclesiæ morem retinere.

Alterum dubium est; Vtrum sit peccatum mortale, refectioem siue prandium in die ieiunii multum anticipare sine causa, v. g. tribus horis ante meridiem refici? Ita affirmant Couar. 4. resol. c. 10. n. 14. in fine, Viualdus in appendice aurea, de ieiunio Quadrages. n. 55. Nau. c. 21. n. 27. Qui enim ieiunium Ecclesiasticum violat, is mortaliter peccat: Sed notabili refectioem anticipatione violatur ieiunium Ecclesiasticum, sicuti expresse ait Microlog. cit. c. 49. Et Concil. Cabilonense in cit. c. solent, d. 1. de consecrat. & sequitur Palud in 4. d. 15. q. 4. a. 4. Ergo mortaliter peccatur.

Contrarium tamen sentiunt plerique alii, Innoc. in rub. de obseruat. ieiun. Archidiaconus in c. vnum orarium, ver. ieiunantibus, d. 25. Angelus ver. ieiunium, §. 2. Tolet. lib. 6. c. 2. n. 9. Less. cit. dub. 2. n. 13; qui causam rationem reddit; quod determinatio temporis; ante quod refectio sumi non debeat, sit tantum accidentalis circumstantia; cum cuius violatione substantia Ecclesiastici ieiunii consistere possit. Quanquam hoc fundamentum difficultate non caret: quandoquidem Doctores ferme omnes notant, ad formam seu substantiam ieiunii Ecclesiastici, non duo tantum, ut Lessius ait, sed tria concurrere: Videlicet abstinentiam à carnibus; abstinentiam ab altera refectioe; abstinentiam usque ad horam definitam: quod vltimum à forma ieiunii non excluditur, quin potius per id finiri solet: *subtractio prandij* &c. uti videre est apud Canonistas in rubr. de obseruat. ieiunii: & olim apud Christianos idem censebatur prandere, quod non ieiunare. Dicebant etiam ieiunium aliud esse usque ad nonam, & aliud usque ad vespeream, quasi *tota vis ieiunii consistat in prorogatione eius usque ad horam tardioris*; inquit. Caiet. ver. ieiunium; in princip. & sequitur Francol. c. 35. n. 11.

Quare omnino sum in hac sententia, olim fuisse peccatum mortale tempus refectioem notabiliter anticipando ieiunium soluere; siue cœnam in prandium mutare, sine causa. Veruntamen spectata hodiernæ Ecclesiæ consuetudine, per quam cœna in prandium, seu tempus, quo communiter homines prandere solent; translata est; non videtur tertium illud requisitum ad substantiam ieiunii admodum pertinere; sed vel accidentarium esse, vel saltem secundarium: cuius prætermisio, adeoque anticipatio temporis comedendi, censeri tantum debeat culpa venialis, quod etiam Richard. significauit in 4. d. 15. art. 3.

q. 8. Viualdus in cit. c. 15. de Quadrag. ieiun. n. 59. ubi rectè docet, quòd talis, qui sine iusta causa comedendi tempus anticipauit, de cætero ieiunare debet.

Tertium dubium; Vtrum toties peccetur mortaliter, quoties aliquis in die ieiunii carnes comedit? Qua in quæstione suppono, esse graue, & mortale peccatum in die interdicto carnibus vesci, sine legitima causa, sicuti constat ex canon. 68. Apostol. Synodo Trullana can. 56. Tolet. 8. can. 9. & communi fidelium persuasione. Quo posito, ad dubium respondetur affirmatiuè, cum Caiet. 2. 2. q. 147. a. 8. & in sum. ver. ieiunium, cap. 1. Nauar. c. 21. n. 14. ubi ait: *Quoties qui edit cibos vetitos, toties mortaliter peccat, secundum omnes.* Nam hæc est mens Ecclesiæ in die ieiunii absolute interdiceret carnes, vt sensus prohibitionis sit; *Nec carnes comedantur*, id est, nunquam in die ieiunii comedantur. cuiusmodi negatio distributionem tribuit prædicato, more aliarum negatiuarum propositionum, seu præceptorum.

Quartum dubium; Vtrum simili ratione in die ieiunii plures refectioes prohibeantur, vt non tantum altera vice, sed etiam tertia, quarta, vesci cibis alioquin non prohibitis peccatū sit? In qua quæstione iterum suppono ex communi Doctorum sententia apud Caiet. 2. 2. q. 147. a. 3. Couar. 4. resol. c. 20. n. 10. Medinam q. 7. Azor lib. 7. c. 8. q. 2. Valentiam tom. 3. disput. 9. q. 2. p. 2. & 5. & Patrum testimoniis apud Bellarm. cit. lib. 2. c. 7. Esse mortale peccatum; ieiunium violare altera refectioe, nisi causa aliqua excuset. Quod intelligo de plena seu sufficiente refectioe: Nam si modicum cibi extra tempora sumas, propter leuitatem materiæ & violati ieiunii imperfectionem, venialiter tantum peccabis: consequenter de cætero ieiunium seruare debes, quatenus potes; ne si sæpius ita comedas, materiam augeas, & mortaliter delinquas.

Quo posito, Circa quæstionem illam rectè aduertit Gabr. in 4. d. 16. q. 3. a. 3. dub. 5. Medina q. 5. eius resolutionem pendere ex mente Ecclesiæ. Vel enim potuit absolute prohibuisse omnem aliam refectioem, præter unicam; ita vt quoties aliquis extra eam reficitur, toties peccet contra præceptum negatiuum: Vel potuit prohibuisse iteratam refectioem limitatè, quatenus per eam violatur pars illa constitutiva ieiunii, vt semel tantum in die corpus reficiatur: quare si altera vice sufficienter refectus fuisti, iam forma ieiunii quo ad eam partem destructa est, vt nullam amplius obligationem ex lege Ecclesiæ habere possit: quamuis altera obligatio à carnibus abstinendi, quippe à priore obligatione diuidua permaneat.

Inter quas duas Ecclesiæ intentiones, priorem elegit Medina cit. q. 5. Couar. 4. resol. c. 20. n. 13. cum Ioan. à Neapoli in quodlibet sed posteriorem alii communiter acceptant, Durandus in 4. d. 15. quæst. 11. n. 9. Palud. ead. d. q. 4. a. 5. Angelus ver. ieiunium, §. 22. Syluest. q. 8. dicto 4. Caiet. quæst. 147. a. ult. & in sum. ver. ieiunium, in fine, Nauar. cap. 21. n. 14. Armilla ver. ieiunium, n. 14. Barth. Medina lib. 1. instruct. c. 14. §. 10. quæ proinde sententia magis placet; cum & benignior, & inter Doctores receptior sit.

Neque arbitror, hoc loco discrimen faciendum esse, vtrum aliquis scienter reficiendo se altera vice, ieiunium soluerit voluntariè, iusta, vel iniusta de causa; an verò ignoranter, & inuoluntariè, quia nesciebat, aut non recordabatur esse diem ieiunii: quandoquidem etiam in hoc casu ieiunium re ipsa & materialiter violatum est vt seruari deinceps non possit, secundum formam & modum Ecclesiæ.

Similiter nihil interesse arbitror, vtrum aliquis manè ientaculum sumpserit in die ieiunii scienter, an dicto modo ignoranter: quia in vtroque casu quasi integram substantiam ieiunii, si cibos vetitos non comedit, seruare potest; consequenter etiam debet. Aut enim

sumptum manè ientaculum fuit sufficiens corporis refectio; tunc intermisso prandio, contentus esse potest vel pertinac collatione: Aut non fuit sufficiens illa refectio; tunc iustam causam habet vel circa meridiem iterum aliam moderatam refectioem sumendi, vel intermisso omnino prandio, noctu cœnandi, ientaculo illo matutino pro collatione reputato. Quæ est sententia Lessii lib. 4. c. 2. dub. 3. n. 18. & 19. contra Palud. in cit. a. 5. Syl. cit. q. 8. dicto 2. Viualdum in appendice aurea, ubi de quadragesimali ieiunio, n. 6. qui aiunt, si aliquis nesciens aut immemor esse diem ieiunii, manè ientaculum sumpserit, posse nihilominus deinde cum aliis prandere, perinde ac si nihil comedisset: propterea quòd ieiunium non voluntariè, ac formaliter violarit. Quæ sententia mihi non placet; quia talis neque formaliter, neque omnino materialiter ieiunium violauit, postea autem vtroque modo violabit, si, sumpto bono ientaculo, iterum deinde prandeat.

CAP. II.

QVIBVS TEMPORIBVS IEIUNIUM
ab Ecclesia præceptum sit?

SVM MARIVM.

1. Quadragesima ieiunium ab Apostolis institutum semper in Ecclesiis, quamuis variè, observatum fuit.
2. Sabbatho ieiunare Occidentalibus plerisque Ecclesiis usitatum erat: Sed Orientales vt festum colebant, ideoque non ieiunabant.
3. Credibile est, olim in omnibus Ecclesiis bis in hebdomada ieiunatum fuisse; in Oriente Feria IV. & VI. In Occidente Feria VI. & Sabbatho.
4. Ieiunia Quatuor temporum antiquissimam institutionem habent.
5. A Paschate usque ad Pentecosten ieiunia secundum antiquissimam traditionem cessant: Attamen prohibitum non est, ijs etiam diebus ieiunare.
6. Quadam privilegia festiuitatum cum ieiunio celebrantur.
7. Statio, ieiunium, vigilia interdum promiscuè à Scriptoribus usurpantur; licet de ipsa differant.
8. Absinentia à carnibus in diebus Rogationum in consilio est, non præcepto.
9. Dominico die ieiunare hodie prohibitum non est, per se loquendo.

ANTIQUISSIMA, & apud omnes Patres, & Scriptores Ecclesiasticos maxime testatum est ieiunium Quadragesimæ, quod teste S. Hieron. epist. 54. ad Marcellam aduersus Montanum, Epiph. har. 75. S. Leonè I. ferm. 6. de Quadrag. Rabano lib. 2. de instit. Clericorum cap. 20. ab Apostolis institutum est, ad exemplum Christi (vti clarè docet S. Ignatius in epist. ad Philipens.) Moysis quoque, & Eliæ 40. dies ieiunantium, vti significat S. Hieron. in c. 3. Ionæ, & S. Aug. in Psalm. 110. *Præcipitur nobis Quadragesimale ieiunium & ex lege & ex Prophetis, & ex ipso Evangelio.* Vide Azor t. 1. lib. 7. c. 12. Bellarm. cit. lib. 2. c. 7. & 16. Couar. 4. resol. c. 20. n. 4.

Sciendum autem est, olim ante Gregorium I. ieiunium Quadragesimæ inchoatum fuisse à prima Dominica Quadragesimæ, sicuti testatur S. Ambros. ferm. 34. qui est de Quadragesima, Cassianus collat. 21 cap. 24. 27. 28. Alcuinus lib. de diuinis officiis, cap. de Quadragesima. Qui dies usque ad Pascha, connumeratis etiam Dominicis, sunt quadraginta duo, sicuti notauit S. Ambros. vel si alius auctor est, sermon. 23. S. Gregorius hom. 16. in Euangelia, Cassianus collat. 21. cap. 27. Verum cum quibudam Ecclesiis Feria V. hebdomadæ sanctæ, post Synaxin populi, ieiunium solui soleret, quadraginta omnino dies usque ad Cœnam Domini numerabantur, sicuti testatur Micrologus c. 50. & Ordo Romanus c. de Septuagesima.

Feria autem sexta, & septima eiusdem sanctæ hebdomade ieiunium resumebatur quidem, sed secundum consuetudinem totius anni. Eapropter Telephorus Papa Clericis præcepit, ut pro sex Dominicis, quibus non ieiunabatur, septimam hebdomadam adicerent; ieiuniumque inchoarent à feria secunda post Quinquagesimam, atque quadraginta dierum integrum ieiunium, usque ad Cœnam Domini complerent, sicuti testatur S. Ambrosius in c. Quadragesimæ, d. 4. Ordo Romanus cap. de Septuagesima. Postea vero in Concilio Laodicensi can. 50. sublati sunt illi mos soluendi ieiunium in Cœna domini: *Non oportet in Quadragesima quinta Feria ultima hebdomade ieiunium dissolvere, & totam Quadragesimam in honorem*: refertur in c. non oportet, d. 3. de consecrat. & plura congerit Couar. lo. cit.

Alij vero Patres, & scriptores antiqui (prætermisiss diebus Dominicis, quippe in quibus non nisi semple-num ieiunium, seu sola à carnibus &c. abstinentia servatur) triginta sex duntaxat dies ieiunii in Quadragesima numerarunt, ut Alcuinus cit. c. de Quadragesima, Cassianus cit. cap. 27. & S. Greg. cit. homil. 16. *A. Dominica Quadragesimæ usque ad Pascha Domini sex hebdomade computantur, quarum dies 42. sunt. Ex quibus dum sex Dominica abstinentiæ subtrahuntur, non plusquam 36. dies remanent: dum enim per 365. dies annus elucitur, & nos per 36 dies affligimur, quasi anni nostri decimas decedamus.* Loquuntur autem hi Patres de ieiunio quatenus id à Dominica Quadragesimæ more antiquo inchoatur. Enimvero, ut sacer numerus 40. ieiunii dierum, quem Dominus, & Saluator noster suo sacro ieiunio consecrauit, ab omnibus adimpletetur; quatuor dies proximè antecedentes Dominicam Quadragesimæ; adiecti fuerunt à Gregorio I. vel, ut alij malunt, à Gregorio II. De quo vide Gratianum in c. Quadragesimæ, d. 5. de consecrat. Belarminus tamen lib. 2. de operibus in particulari c. 15. existimat, iam tempore Leonis I. quatuor diebus ante Quadragesimam ieiunari solitum fuisse, videlicet Feria II. IV. VI. & Sabbatho, sicuti colligitur ex serm. eius 4. de Quadragesima.

Uterius cum aliquanto tempore in Ecclesia Latina moris fuerit, ut feria V. hebdomadæ non ieiunaretur, propter Cœnæ Dominicæ solemnitate, sicuti constat ex constitut. Melchiadis Papæ epist. ad Episc. Hispaniæ, in c. ieiunium, d. 3. de consecrat. ideo octava hebdomadæ adiecta est ad 40. dies ieiunii complendos; dictaque est illa Dominica *Sexagesima*, postquam ieiunium statim inchoabatur. Quin & Orientales Ecclesiæ quæ Sabbatho, & Dominica die ieiunare non solebant eodem tempore quadragesimale ieiunium incipiebant, sicut indicat etiam S. Basil. hom. 2. de ieiunio. Postea verò nona hebdomada addita est, quæ Septuagesima dicitur: quia in Romana Ecclesia novem continuis septimanis Catechumeni instituebantur ad Baptismum Sabbatho sancto suscipiendum. Quare re Concil. Carthag. 4. sub Anastasio Papa, cap. 85. *Baptizandi nomen suum dent, & diu sub abstinentia vini, & carnis, ac manus impositione crebra examinati, Baptismum percipiant.*

Orientales verò aliquæ Ecclesiæ, quæ non tantum Sabbatho, & Dominica; sed & feria quinta ieiunium interniserunt, novem hebdomadas ante Pascha ieiunio coluerunt, teste Alcuino c. de Septuagesima, ab eadem Dominica Septuagesimæ ieiunium inchoantes: siquidē novē septimanæ dies 63. efficiunt, ex quibus si novē dies Dominicas, & novem Sabbathas, novē item ferias quintas detraxeris, non amplius, quam 36. dies quasi totius anni decimæ ad ieiunandum remanent, sicuti observavit Alcuinus l. c. S. Ambrosius in serm. quodam apud Azor cit. lib. 7. cap. 15. Ex quibus denique colligitur ratio harum appellationum. Dicta enim est Quinquagesima quia Quadragesimam proximè antecedit; Sexagesima

item, quæ est ante Quinquagesimam; Septuagesima denique, quæ est ante Sexagesimam, sicuti Ambrosius, & Alcuinus ibidem notarunt, & Beda in libello de officiis; licet alij apud Azor alias rationes afferant.

Circa Sabbathum primis statim seculis diversa fuit consuetudo in Ecclesiis. Nam Orientales in Sabbatho excepto unico hebdomadæ sanctæ, ieiunare non solebant; uti testatur Clemens Roman. lib. 5. Apostol. constit. in fine, S. Ignatius epist. ad Philipp. & canon. Apostol. 65. Quam consuetudinem Mediolanensis Ecclesia imitata fuit, sicuti colligitur ex S. Ambr. lib. de Elia, & ieiunio, cap. 16. *Quadragesima totis, præter Sabbathum & Dominicam, ieiunatur diebus.* Et testatur S. August. epist. 119. ad Ianuarium, & epist. 86. ad Casulanum. Ratio non ieiunandi Orientalibus in die Sabbathi duplex fuisse videtur: I. Ne Iudæi, qui Sabbathum ut festum celebrabant, à Fide Christianorum abhorrent: quare etiam Socrates lib. 6. hist. c. 8. testatur, Græcos Sabbathi diem ut festum coluisse, quod in illud incidere primæ vespere diei Dominicæ. II. Ut hæretici refutarentur, qui Deum veteris testamenti tanquam mali auctorem damnantes, die septimo, quo Deus ab opere cessavit, non requiescendum & gaudendum, sed dolendum potius, ac ieiunandum dixerunt. quem errorem Marcionistis tribuit Epiphanius hæc. 42. Et fuit quoque Manichæorum, atque Priscilianistarum error, sicuti videre est in Concil. Cæsaraugustano, can. 2. & refertur c. ne quis, d. 3. de consecrat. & Concil. Tolet. 1. in regula Fidei: Videri etiam potest Irenæus lib. 1. c. 20. de hæresibus.

Sanctus vero August. cit. epist. 86. sic inter alia scribit: *Exorta est ista in regia veste (Ecclesiæ) diversitas; ut alij, sicut maxime populi Orientis, propter requiem significandam æternam, malint in Sabbatho relaxare ieiunium; alij propter humilitatem mortis Dominicæ ieiunare, sicut Romana; & nonnulla Occidentis Ecclesiæ.* Eundemque fuisse morem Gallicarum Ecclesiarum ieiunandi in Sabbatho, constat ex Concil. Aurelian. 4. cap. 2. Ecclesiarum item Hispanicarum, uti colligitur ex Concil. Eliberino, c. 26. Videri potest Innoc. I. epist. ad Decentium, relatus in c. Sabbatho, d. 3. de consecrat. ubi optimè contra Orientales argumentatur; Si læritia Resurrectionis non vna tantum, sed omnibus diebus Dominicis celebratur; simili etiam ratione biduum antecedens, quo Apostolos in mœrore fuisse, atque ieiunasse dubium non est; non vna tantum hebdomade, sed per singulos hebdomadarum circulos memoria recolendum esse. Nihilominus Latini consuetudinem Græcorum in Sabbathis prandendi non damnant, sicuti S. August. II. cc. notavit. & S. Hieron. epist. 28. ad Lucinium, *Vnaqueque provincia abundet in suo sensu, & præcepta Maiorum leges Apostolicas arbitretur.* Vide de hac ipsa re Cassianum lib. 3. de instit. renuntiantium, c. 9. & 10.

Quapropter hinc etiam ista diversitas orta fuit, quod omnes quidem Ecclesiæ bis in hebdomade ieiunare solerent; sed non diebus eisdem. Nam aliæ, præsertim Orientales, IV. & VI. Feria ieiunabant: sicuti constat ex canon. 68. Apostol. Clem. Alexandr. lib. 7. Stromatum, S. Hieron. super epist. ad Galat. c. 4. S. Apollonio apud Palladium, uti refertur in c. ieiunia, d. 3. de consecrat. *Ieiunia legitima in quarta, & sexta feria, non sunt soluenda, nisi grandis necessitas fuerit, quia feria quarta Iudas traditionem Domini cognovit, & sexta feria crucifixus est Saluator.* Epiphanius verò hæc. 75. & 80. ait: *Quarta, & post Sabbathum ieiunium statutum est usque ad horam nonam. Nam illucescente quarta assumptus est Dominus, & post Sabbathum crucifixus.* Sed Romani, aliæque Ecclesiæ pleræque Occidentis Feria VI. & Sabbatho ieiunia coluerunt, ut supra ex Innoc. didicimus.

Quapropter placet mihi sententia Azorii citat. lib. 7. cap. 15. quæ ex allegatis testimoniis sufficienter colligitur.

gitur, in primitiua Ecclesia, & pluribus deinceps seculis, consuetudinem fuisse duobus in quauis hebdomade diebus perfectum ieiunium instituendi: quæ tamen postea, præsertim in Occidente, desijt, & pro ieiunio pleno seu perfecto, semiplerum siue portionale introductum fuit; videlicet sola à carnibus abstinentia, sicuti & nunc in Ecclesiis seruatur. Et quidem in die Veneris à carnibus abstinentum esse, tradit Nicol. I. in respons. 4. ad Bulgaros, & supponit Innoc. III. in c. vlt. de obseruat. ieiun. vbi excipit; Nisi festum Natalis Domini in feriam vi incidat; tunc enim ii, qui nec voto, nec regulari obseruantia astricti sunt, propter festi excellentiam, carnibus vesci possunt, secundum consuetudinem Ecclesiæ generalis: nec tamen reprehendendi sunt, qui ob deuotionem voluerint abstinere. Eademque de Sabbatho tradit Gregor. VII. cap. quia dies, d. 5. de consecr. Vt omnes Christiani eo die ab esu carnum, nisi maiore festiuitate interueniente, (videlicet natali Domini) vel infirmitate impediante, abstineant. In aliquibus tamen Galliæ partibus consuetudinem permittere carnum esum in die Sabbathi à natali Domini vsque ad Purificationem, testatur Palud. in 4. d. 15. q. 4. a. 4. Couar. 4. resol. cap. 20. n. 8. Et in Hispania intestina & extremitates pecorum in Sabbatho comedere concessum esse, dixi lib. 1. tract. 4. c. 11. n. 4.

4 Quod porro ad ieiunium Quatuor temporum attinet, ea partim ab Apostolis ipsis, partim non multo post Apostolorum tempora instituta fuerunt. Cum enim secundum quatuor anni partes, quatuor ieiunia Ecclesiæ celebret; verum in hebdomade prima Quadragesimæ; æstiuum in quarto mense, videlicet Iunio, vel postremo Maio; autumnale in septimo mense Septembri; hybernium in decimo mense, seu Decembri; Vltimum hoc decimi mensis ieiunium ab Apostolis institutum esse inde colligitur; quia eo duntaxat mense sacræ Ordinationes à tempore B. Petri, vsque ad Papam Simplicium fieri solebant, sicuti ex vitis Pontificum constat, & testatur Micrologus, c. 28. Apostoli autem ordinationes, nisi præmissis ieiuniis non celebrabant, sicuti obseruauit Leo I. epist. 81. ad Dioscorum Alexandrinum, Amalar. lib. 2. de offic. Eccles. cap. 1. & colligitur ex Act. Apostol. cap. 13. Ieiunantes, & orantes, imponentesque eis manus, dimiserunt illos, Saulum, & Barnabam. Denique huius decimi mensis ieiunium à Christianis soliti celebrari mentio fieri videtur in Actis cap. 27. Incipiebat periculosa esse nauigatio (hyberna) quia ieiunium iam præterierat. Ita enim rectè hunc locum interpretatur Bellarm. lib. 2. de bonis operibus, cap. 19. quamuis S. Chrysostomus & Oecumenius malint intelligere de ieiunio solemni Hebræorum; & quidem autumnali seu septimi mensis, vti exponit ibi Gaspar Sanctius.

Æstiuum ieiunium, quod post festum Pentecostes celebrari debet, mentionem facit Clemens lib. 5. constit. c. vlt. S. Athanas. in Apolog. de fuga sua, de eodem tanquam in Ecclesia Orientali vtitissimo, loquitur. Et Leo I. serm. 2. de Pentecoste ait, *ut ieiunium quod ex Apostolica traditione subsequitur, sancta obseruatione celebremus.* Et serm. 8. de ieiunio septimi mensis seu autumnali testatur, *Apostolicis, & legalibus institutis electum &c. ut in mense septimo spiritualibus nos purificationibus per ieiunium purgemus.* Denique eiusdem meminit Nicolaus I. resp. 4. ad Bulgaros. Postea verò Callistus Papa circa Annum Domini 217. tribus ieiuniis iam ante institutis, quartum adiecit epist. 1. decret. & refertur d. 76. cap. 1. *Ieiunium, quod ter in anno apud nos celebrare didicisti, conuenientius nunc per quatuor tempora fieri decernimus; ut sicut annus per quatuor voluitur tempora, sic & nos quaternum solemne agamus ieiunium, per quatuor anni tempora.* Et Leo I. serm. 8. de ieiunio decimi mensis: *ieiunium verum in Quadragesima, æstiuum in Pentecoste (id est intra Octauam Pentecostes, sicuti idem Leo indicat sermone 1. de ieiunio Pentecostes) autumnale in*

mense septimo, hiemale autem in decimo celebrandum. Vide etiam Ordinem Romanum cap. Inuitatio plebis, de ieiunio mensis primi, quarti, septimi, & decimi. Quapropter eisdem quoque quatuor temporibus sacræ Ordinationes post tempora Simplicii Papæ fieri solebant, sicuti testatur Papa Gelasius circa annum 494. epist. 1. c. 13. scribens: *Ordinationes Presbyterorum, & Diaconorum, nisi certis temporibus, & diebus, exercere non audeant, id est, quarti mensis initio, septimi, & decimi, sed etiam quadragesimalis initio.*

Quæres I. Cur ieiunium intra Octauam Pentecostes celebretur, cum tamen adhuc duret tempus exultationis & letitiæ? Respondeo; Antiquissimam traditionem esse, vt 50. diebus, qui sunt à Paschate ad Pentecostem, ieiunia cessent, sicuti constat ex Clemente Apost. constit. lib. 5. cap. vlt. Ambrosio serm. 61. sicuti refertur in cap. scire, distinct. 76. *Per hos quinquaginta dies est iugis & continua festiuitas, ut hoc omni tempore neque ad obseruandum indicamus ieiunia, neque ad exorandum Deum genibus succedamus.* Epiphani. quoque hæres. 80. *Per totum annum seruatur ieiunium in sancta Catholica Ecclesia quarta, & prosabbatho, vsque ad horam nonam, excepta sola Pentecoste per totos 50. dies, in quibus nec genus flectuntur, nec ieiunium imperatum est.* Et Isidorus lib. 1. de Eccles. offic. cap. 42. *Post Pascha vsque ad Pentecostem licet traditio Ecclesiarum abstinentia rigorem prædicti relaxauerit, tamen si qui Monachorum, vel Clericorum ieiunare cupiunt, non sunt prohibendi: quia Antonius, & Paulus, & ceteri Patres antiqui etiam his diebus in eremo leguntur abstinnisse, neque soluisse abstinentiam, nisi Dominico die tantum.* Et similia habet Hieronymus epistola 28. ad Lucinium, vbi quinquaginta ferias meminit, quibus ieiunium post Pascha relaxatur. Quare dicendum est, licet hebdomada Pentecostes ad solemnitatem festi pertineat in officiis; non tamen quod attinet ad relaxationem ieiuniorum; cum numerus dierum quinquaginta à Paschali festo numerandorum iam expletus sit. Quare ex Concilio Claromontensi Urbani II. ita refertur post cap. 2. distinct. 76. *Primum ieiunium quatuor temporum semper fiet prima hebdomada Quadragesima; secundum in hebdomada Pentecostes, absque genuum flexione, cum alleluia, & Gloria in excelsis Deo.* Vide Gratianum super c. scire, & c. ieiunium, 2. d. 76.

Quæres II. Cur ieiunia quatuor temporum instituta sint? Respondeo, has à Patribus, & Doctoribus causas afferri: I. Quia etiam Hebræi quatuor in anno ieiunia instituebant; quamuis non eisdem omnino temporibus, sicuti videre est apud Gratianum cap. ieiunium 2. distinct. 76. quod sumptum est ex S. Hieronymo super cap. 8. Zachariæ. Quamuis, vt S. Leo ait de ieiunio septimi mensis, sermone 7. *non idcirco legalibus nos oneribus subijcimus, sed utilitatem continentia, quæ Christi Evangelio scriuit, amplētimur.* II. Vt in quatuor temporum partibus, ieiunia trina pro mensium numero Deo offerentes, omnes totius anni actiones & euentus nostros à Deo pendere profiteamur, sicuti indicat S. Leo sermone 8. de ieiunio decimi mensis, relatus in c. huius, d. 76. & explicat Azor t. 1. lib. 7. c. 14. in fine.

Sequitur, vt dicamus de ieiuniis, & perniigiis festiuitatum; quorum aliqua in iure Ecclesiastico memorantur, tanquam quæ iam ante in Ecclesia vtitata fuerint: vt in cap. 1. de obseruatione ieiuniorum mentio fit ieiunii, & vigiliæ Natalis Domini, Assumptionis B. Virginis, & Apostolorum, itemque S. Matthiæ, vbi nonnet Papa Innocentius III. si festiuitas in feriam secundam incidat, non in Dominica, sed in Sabbatho ieiunandum esse. Et in cap. 2. scribit Innocentius: *Omnia Apostolorum vigilia sunt in obseruatione ieiunii celebranda præter vigilias Apostolorum Philippi & Iacobi,*

& B. Ioannis Euangelistæ: quoniam ipsorum solemnitas infra solemnitatem paschalem; istius autem infra natalem Domini celebratur. In vigilia quoque S. Bartholomæi quibusdam locis non ieiunari, & in hoc consuetudinem regionis seruandam esse, significat Innocent. ibidem, quod ipsum Ioan. Peregrinus de diuinis officiis, cap. 2. colum. 4. & Paludan. in 4. distinct. 15. quæst. 4. a. 3. conclus. 2. notarunt de vigilia Iacobi Maioris, & S. Matthiæ.

De aliis denum ieiuniis, videlicet in vigilia Pentecostes, S. Ioannis Baptiste, S. Laurentij, & omnium Sanctorum celebratis, nihil in iure canonico reperitur: attamen propter generalem Ecclesiæ latinæ consuetudinem, obseruanda sunt, sicuti docent Canonistæ in rubric. de obseruatione ieiunij, Syluest. ver. ieiunium, n. 5. Angelus ver. ieiunium, §. 7. Azor cit. lib. 7. cap. 13. Cæterum in vigilia Pentecostes (de qua maxime dubitari potest) ieiunium celebrandum esse, expressè ait Ordo Romanus cap. Ordo in Sabbatho sancto Pentecostes: quem librum antiquissimum esse ex eo colligitur, quia ab Alcuino, & Amalario sæpe citatur. Neque obstat, esse illum diem vnum ex 50. quibus secundum antiquam Ecclesiæ traditionem, ieiunium non præcipitur. Nam respondetur primò; Vigiliam illam per anticipationem festiuitati annumerari; perinde ac si dies Pentecostes iam completi sint, vt patet ex officio Missæ. Respondetur secundò; Nihil obstat, quin ieiunium hoc, tametsi fortè olim visitatum non fuerit, noua Ecclesiæ consuetudine postea introductum fuerit, sicuti dicam infra de ieiunio, seu abstinentia in diebus Rogationum. Vide Bellarm. cit. lib. 2. c. 23.

7 Dubitabit quispiam An; & quomodo differant statio, ieiunium, & vigilia? Respondeo: Re ipsa quidem differunt: sed quia interdum in eisdem dies concurrere solebant, idè promiscuè apud scriptores ecclesiasticos quandoque vsurpata reperiuntur. Explicatur: Nam (vt dixi superiore cap.) sacrificium Missæ in diebus ieiuniorum post meridiem celebrari olim solebat, cui postea vespertinum officium annexebatur: quò toto tempore populus Christianus in ecclesia orationi intentus perstabat, neque antè ad cibum sumendum discedere audebat, sicuti constat ex cap. solent, distinct. 1. de consecrat. & Tertulian in lib. de ieiunio, vbi ait, stationem finiri hora nona, vel ad vespèram. Hæc igitur causa est, cur ieiunium propter coniunctionem, quam cum diurna in ecclesia commoratione habebat, interdum *statio* appelletur à Patribus, Tertulian. lib. de orat. in fine, S. Hieronym. lib. 2. aduersus Iovinianum, Cassiano lib. 5. institut. renuntiantium, cap. 20. & collat. 22. cap. 29. S. Ambros. sermone 25. de Quadragesima: *ieiunia nostra*, inquit, *stationes vocantur, quod stantes, & commorantes in eis, inimicos insidiantes repellamus*: si quidem diurnæ quasi, excubiæ orantium, & ieiunantium in ecclesia *stationes* appellabantur, vocabulo ex militia desumpto, sicuti testis est Rabanus Maurus de institutione Clericorum, lib. 2. cap. 18. Bellarminus lib. 2. de bonis operibus in particulari, cap. 22. Postea verò vsus obtinuit, vt aliorum etiam solemnium dierum, quibus non ieiunabatur, in ecclesia commorationes, *stationes* dicerentur.

Denique quia populus Christianus pridie festiuitatum solemnium, post solutam stationem, & cibum sumptum, iterum ad ecclesiam nocturno tempore reuerti solebat, vt ibi in orationibus vigilaret, dum Clerici nocturnas preces, ad modum militarium vigiliarum, institerent; ideo plerumque vigilia post stationem, & ieiunium instituebatur: quamuis etiam non obstat, vigiliam fieri sine ieiunio in Epiphaniæ, & Ascensionis; sicuti, & visè versa, stationes & ieiunia sine vigilia, ad quam populus etiam accedere deberet, frequenter instituebatur. Vide Leonem I. sermone 1. de ieiunio Pentecostes, sermone 9. de ieiunio 7. mensis, & sermone 2.

de ieiunio decimi mensis: *Quarta igitur, & sexta feria ieiunemus; Sabbatho autem apud B. Petrum Apostolum pariter vigilemus.*

Præterea Aduentum Domini ieiunio celebrari solitum esse, etiam in Ecclesia Romana, testatur Radulphus Decanus Tungrensis lib. de canonum obseruatione propof. 16. & Innocentius III. cap. 2. de obseruatione ieiunij. Eiusque consuetudinis vestigium adhuc apparet, tum in ritu Romani Breuiarij, in quo preces tempore Aduentus ad horas singulas recitantur, sicut in diebus ieiuniorum; tum in regulis quorundam Ordinum regularium, qui ieiunium Aduentus, perinde ac Quadragesimæ, celebrant. Ait verò Radulphus loco cit. quòd *Aduentus Domini apud Romanos incipit prima Dominica post crastinum Catharinæ: Ambrosianus verò Aduentus habet sex septimanas, & incipit Dominica post Martinum.*

Tres Rogationum, seu Litaniarum dies, qui ante 8 Ascensionem Domini celebrantur, S. Mamertus Viennensis Episcopus instituit, eisdemque ieiunia indixit, ad auertendos luporum incursus, quibus eo tempore Gallia infestabatur, sicuti testatur Greg. Turon. lib. 2. histor. Francorum, cap. 34. Idque ieiunium receptum legitur in Concilio Aurelianensi 1. cap. 29. circa tempora Hormisdæ Papæ: *Rogationes, id est, Litanias ante Ascensionem Domini placuit celebrari, ita vt præmissum tri-duanum ieiunium in Dominica Ascensionis solemnitate sol-uatur. Quo triduo omnes abstineant, & quadragesimalibus cibis utantur.* refertur in c. rogationes, d. 3. de consecr. Sed & in Romana Ecclesia eo triduo tum rogationes seu supplicationes; tum abstinentiam à carnibus olim visitam fuisse, testatur Ordo Romanus, cap. de Litanis minore, cuiusmodi abstinentia adhuc hodie in pluribus locis obseruatur; licet non ex præcepto, sed consilio. Vide Baron An. 475. n. 12. & seqq. Bellarm. cit. lib. 2. de bonis operibus in particulari, Azor cit. lib. 7. c. 15. quæst. 4.

Restat, vt dicamus; Vtrum Dominica die ieiunare licitum sit? Nam olim id prohibitum fuisse, colligitur 9 ex c. post Pascha, d. 76. & c. ieiunium, c. ne quis, d. 3. de consecratione. Respondeo cum Bellarm. cit. lib. 2. c. 23. Duas ob causas ieiunium in Dominicis diebus ab Ecclesia non celebrari: Prima est ob latitiam & celebratam dei, quippe in qua memoria resurrectionis Christi peragitur: quamobrem hæque genua orantes flectere, sed stare solent secundum antiquam traditionem in Concil. Nicæno can. 20. Laodiceno 29. & apud Petrum Alexandrinum can. de lapsis, qui extat to. 1. Concil. Hilarium præfat. in Psalmos, & alios apud Bellarm. l. c. II. erat ad refutandum hæreticorum errorem, qui negantes Christi resurrectionem, diem Dominicam in luctu, & ieiunio transigebant ad Ecclesiæ contemptum, sicuti expressè docent S. Ambros. ep. 8. ad Episcopos per Emilianam, S. August. cit. epist. 86. ad Casulanum, & videri potest Baron. Anno Christi 58. n. 63.

Veruntamen non fuisse etiam olim in omnibus Ecclesijs simpliciter prohibitum ieiunium in Dominica die, colligitur ex S. Hieron. epist. ad Lucinium, 28. *Vtinam omni tempore ieiunare possimus, quod in Actibus Apostolorum diebus Pentecostes, & die Dominico Apostolum Paulum, & cum eo credentes fecisse legimus.* Et subdit: *Sed vnaquaque provincia abundet in suo sensu.* Quibus verbis insinuat, quibusdam Ecclesijs prohibitum fuisse Dominica die ieiunare, sicuti testatur etiam Canon. Apostol. 65. Clemens lib. 5. constit. c. vlt. S. Ignat. epist. 5. ad Philip. pens. Tertull. in lib. de corona militis, S. Ambros. cit. ep. 8; S. August. cit. epist. 86. Isidorus relatus in c. post Pascha, d. 76. & S. Thom. q. 147. a. 5. ad 3. Verum cum hodie, extinctis illis hæresibus, specialis prohibitio Ecclesiæ cesserit, non est, per se loquendo, illicitum diebus Dominicis ieiunare, arg. cap. 3. de obseruat. ieiunij, vbi

dicitur; In die natalis Domini incidente in sextam feriam, non esse prohibitum fidelibus carnibus abstinere ob deuotionem; quin imò Regularibus illis, qui ad perpetuam carniū abſtinentiam obligantur, neceſſariò abſtinendum eſſe. Quod ſimili ratione de Dominica die dictū debet; idē quidem, ut ſi aliquis etiam non Regularis vouiſſet, omnibus diebus totius anni à carnibus abſtinere, aut integre ieiunare, tali voto etiam diebus Dominicis obligaretur; ut recte Bellarm. loco cit. docet. Quare tantum per accidens illicitum eſt die Dominica ieiunium celebrare: videlicet ex ſuperſtitione, errore, aut Eccleſiæ Catholice contemptu, ſicuti hæretici olim ieiunabant: vel ratione ſcandali, ſi alijs diebus hebdomadæ comedens, ſine vlla rationabili cauſa Dominicam diem ad ieiunandum eligat, inquit Bellarm. l.c. & eadem ſerme docet Valent. diſp. 9. q. 2. p. 4. imò & S. Auguſt. cit. epiſt. 86. ad Caſulanum.

CAP. III.

DE CAUSIS LIBERANTIBVS
à ieiunio.

SUMMARIUM.

1. *Pueri, & puella ante completum ætatis annum XXI. ieiunij lege non obligantur.*
2. *Probabilis eſt, ſenectutis certum tempus conſtitutum non eſſe; ſed prudentis arbitrio definiendum, quando corporis vires ob ætatem deſiciant, ut ieiunij lege homo liberari conſeatur.*
3. *Ægroti conualeſcentes, pauperes laborantes &c. à ieiunij lege excuſantur.*
4. *Lex ieiunij ceſſat, ſi conſiſtere non poſſit cum opere præſtando, re, aut maioris momenti.*
5. *Opus ieiunij præſertim, præcepti, plerumque melius eſt, quàm peregrinatio.*
6. *Ieiunij præceptum, ſicuti & alia Eccleſiaſtica, moraliter intelligenda ſunt, ut ijs non nimis homines grauentur.*
7. *Lex ieiunij quadrageſimalis ita omniſis ſeculis, & nationibus apud Chriſtianos frequentatam eſt, ut irrationabilis cenſeri poſſit conſuetudo eius abrogatoria.*
8. *Facilius acciſit excuſatio ab ea præcepti parte, qua alteram reſectionem in die ieiunij prohibet; quàm ab ea, qua carniū eſum prohibet.*
9. *Epifcopi ob publicam cauſam ieiunium in aliam diem transferre non prohibentur.*

EXcuſationes ſeu cauſæ à lege Eccleſiaſtici ieiunij liberantes, hæ ſunt: Prima eſt ætatis imbecillitas. Quare pueri, & puellæ ante tertium ſeptennium, ſeu completos annos XXI. ieiunij lege non obligantur, ſicuti docet S. Thom. communiter receptus q. 147. a. 4. ad 2. Nam eo tempore ſunt in ſtatu augmenti, ſicuti teſtatur S. Baſil. Pſal. 114. idēque frequentiore, & abundantiore alimento indigent. Quamquam etiam his ætate minoribus conſultum, & conueniens eſt, ut ieiuniorum tempore ſe exerceant, & aſſuefaciant, habita ratione ætatis, ac virium eorum, uti docet S. Anton. p. 2. tit. 6. c. 2. §. 4.

Simili ratione à ieiunio excuſantur ſenes, propterea quòd ob virium imbecillitatem, humoris que, ac caloris defectum, frequentiore cibo indigent. Contingit autem ſenectus plerumque anno ætatis ſexageſimo, ſecundum Caietan. cit. a. 4. ad 2. Nauar. cap. 21. num. 16. Sa ver. ieiunium, num. 9. Sanchez lib. 7. de matrim. diſput. 32. num. 17. Tolet. lib. 6. cap. 4. Angles de ieiun. quaſt. 6. diſ. ſic. 6. Nam dies annorum noſtrorum ſeptuaginta anni, Pſal. 89. Ergo qui ſexaginta annos habet, ſenescit, cum prope interitum ſit. Quamuis alij, ut Sylueſt. ver. ieiunium, quaſt. 6. dicto 2. Gabr. in 4. diſtinct. 15. quaſt. 3. a. 1. Azor tom. 1. lib. 7. cap. 17. quaſt. 4. ſeptuageſimum ætatis annum ſenibus aſſignant, in qua à ieiunij obligatione ordinariè eximi debeant; quemadmodum & à perſona-

libus muneribus, iuxta l. ult. C. Qui ætate &c. lib. 10.

Sed dubium eſt, utrum hoc tempus ætatis 70. vel ſecundum alios 60. annorum, determinatum ſit ad excuſationem ieiunij adferendam; ita ut, tametſi aliquis firmo adhuc corpore exiſtens, ieiunij difficultatem facile perferre poſſit, nihilominus tamen excuſetur? Negant talem excuſari Caietan. Nauar. Tolet. Sylueſt. Azor ll. cc. S. Anton. p. 2. tit. 6. cap. 2. §. 6. Bartholom. Medina quaſt. 9. de ieiunio, Leſſ. lib. 4. cap. 2. dub. 6. Valentia diſput. 9. p. 5. aliique Doctores plerique. Ratio eſt: Quia ſenectus non ita definitum tempus ætatis habet ſicuti adoleſcentia; ſed alij citius, alij tardiùs ſenescunt. Quare licet ſenectus plerumque acciſat anno ætatis ſexageſimo, idēque à ieiunij lege eximat, quod proinde in dubio etiam præſumi debet; tamen ſicuti ſi conſtet, aliquem verè ſenuiſſe, ac viribus deſeciſſe circa annum ætatis 50, à ieiunij lege liber cenſeri debet; ita & vice verſa, ſi certum ſit aliquem ſexagenarium, aut ſeptuagenarium adhuc integris corporis viribus poſſidere, talis obligatus eſſe videtur; cum re vera ſenex, ſive viribus propter ætatem deſiciens non ſit.

Contrariam tamen ſententiam defendit Sanchez lib. 7. de matrim. diſput. 32. num. 17. I amas p. 3. methodi, cap. 5. §. 20. Angles cit. loco. Fundamentum eſt: Quòd ſicut iuuenibus certa ætas definita eſt, ante quam ieiunij lege non obligantur; ita etiam ſenibus definienda eſt, ſupra quam non amplius obligentur: quia expedit, legis obligationem ita definitam eſſe, ut ſciatur, quinam ſub ea comprehendantur, vel non; ne ex vna parte facilis humanæ legis negligentia, ex altera verò nimia ſollicitudo & anxietas oriatur.

Sed retenta priore ſententiâ, quæ communis eſt, reſpondetur; Differentiam eſſe, quòd omnes homines à prima ætate, & per pueritiam, adoleſcentiamque creſcant, & augeantur, idēque lex ieiunij in eos non conueniat, tametſi alioquin fortes, & ſani ſint: quàm obrem neceſſariò tempus ætatis definiendum fuit, tanquam, ſinis adoleſcentiæ, in quo ordinariè obligari incipiant, ut recte argumentum conuincit. At verò poſteaquam homines ieiunij obligationem contraxerunt, non conuenit eos liberari, niſi aliqua mutatio interueniat, videlicet infirmitatis, aut ſenectutis; cum & hæc infirmitas quedam ſit. Talis autem corporis mutatio, virium infirmitas, & vno verbo, ſenectus non omnibus circa idem tempus contingit; ſed aliquibus anno quinquageſimo, alijs ſexageſimo, alijs ſeptuageſimo: ergo non oportet certum tempus ætatis definire, in quo homines propter ſenectutem ieiunij lege exoluantur. Quare neque vniuerſali conſuetudine, aut communi Doctorum conſenſu talis ætas ſenibus definita eſt, ſicuti adoleſcentibus tertium ſeptennium; quia, ut dixi, ad xxx. annum ætatis vſque omnes adoleſcunt, ſed non omnes anno ſexageſimo ætatis ſenescere incipiunt, ſed alij citius alij tardiùs. Interim non nego, ſexagenarium habere pro ſe præſumptionem ſenectutis, ut in dubio de virium ſufficiencia, ieiunij lege ſe liberum cenſere poſſit.

Illud verò multò improbabilius eſt, quòd aliqui apud Sanchez omnes fœminas quinquagenarias, quippe quæ natura debiliores citius ſenescere ſolent, lege ieiunij liberent. In qua ſententia reſutanda non immoror; cum ipſe tandem Sanchez concludat, eam in praxi non eſſe ſuam: neque ſcio aliquem Doctorem claſſicum, qui eam defenderit.

Sed & improbabilem cenſeo ſententiam eiſdem Thom. Sanchez lib. 4. moral. c. 11. n. 54. Eum, qui vouit ſe ieiunaturum certis diebus hebdomadæ, vel anni, in perpetuum ſeu toto vita tempore, excuſari, ſeu liberari, poſtquam ad ſexageſimum ætatis annum peruenerit: propterea, quòd votum ieiunij obligat inſtar legis Eccleſiaſticae de ieiunio: Atqui Eccleſiaſtica lex ieiunij communiter lata non obligat ſexagenarios, ſecundum

probabilem quorundam sententiam: Ergo nec obligabit votum; nisi de alia vouentis intentione constet. Verum, posita etiam illa sententia, quam supra improbaui, responderetur; Votum obligare quidem instar præcepti Ecclesiastici, quod attinet ad formam & modum ieiunandi; non item, quod attinet ad personas: Quæ enim præcepto Ecclesiastico non obligantur, ea propria voluntate se obligare possunt ad ieiunandum. Nam adolescentes licet ex lege Ecclesiastica ante completum xxi annum ieiunare non teneantur; obligantur tamen ex voto edito v.g. in Ordine S. Francisci ad obseruanda certarum dierum ieiunia, sicuti ipsemet Sanchez cum communi sententia fatetur n. 56. contra Barthol. Medinam cit. §. 10. & Graffis p. 1. decis. lib. 2. c. 37. num. 42. Ergo similiter, tametsi ponamus, sexagenarios, etiam robustos, liberari lege Ecclesiastica ieiunij, non obstat tamen, quominus ad ieiunandum ea ætate voluntario voto se aliquis obliget: idque ipso facto facere præsumitur, quando vouet, se perpetuo seu toto vitæ suæ tempore ieiunaturum. Intelligitur id tamen, quamdiu sine notabili corporis detrimento ieiunare potest.

Altera, eaque similis præcedenti, causa est, corporis infirmitas: qua ratione à ieiunii lege excusantur ægroti, conualescentes, qui infirma admodum complexionis sunt, prægnantes, lactentes, qui ob ieiunium molesta insomnia patiuntur: qua de re videri potest Richar. in 4. d. 15. a. 3. q. 4. S. Anton. cit. c. 2. §. 6. Caiet. in sum. ver. ieiunium, & cit. q. 174. a. 4. Syluest. ver. ieiunium, q. 4. Nau. c. 21. n. 16. Azor tom. 1. lib. 7. c. 17. q. 5. Less. cit. dub. 6. Valent. cit. p. 5.

Tertia est paupertas, qualis eorum est, qui ostiatim mendicant, & vniuersim qui habere non possunt, quod eis ad unicam comestionem sufficiat, sicuti docet S. Thom. communiter receptus cit. q. 147. a. 4. ad 4. Syl. ver. ieiunium, num. 24. S. Anton. lo. cit. ver. quarto, Nau. c. 21. num. 16. Addo primo, laborantibus, & famulantibus Catholicis apud nos in oppidis hæreticorum permitti posse, vt diebus ieiuniorum carnibus vescantur, dummodo scandalum tolli possit; si nimirum dicant, se in tali casu necessitatis, Ecclesiæ præcepto non obligari. Verum Societas Ihs v in his septentrionalibus partibus ob maiorem securitatem à Sum. Pontifici priuilegium accepit dispensandi cum talibus. Addo secundò; Tolerari apud nos consuetudinem; vt finitis Baccaniorum diebus carniū reliquiæ, quæ à diuitibus absumi non poterant, dentur pauperibus absumendæ.

Quarta causa est corporis labor, qui cum ieiunio facile non consistit. Cuiusmodi est agricolarum, fabrorum, futorum, iter necessarium pedibus facientium, cursorum; Item famulorum, & famularum, quæ maioribus laboribus occupantur, cuiusmodi censerī non debent fila ducere, nere, aut vestes sarcire. Quare Less. lib. 4. c. 2. num. 43. ait, ex hoc capite non excusari pictores, quorum opus ingenij potius est, quàm virium; neque tonsores, sartores. Porro non refert, vtrum labor vehementior & qui cum ieiunio non bene consistit, corporis, an animi sit: quare Concionatores, & Professores interdum ratione laboris à ieiunio excusari, notat Caiet. q. 147. a. 3. prope finem, Medina C. de ieiun. q. 9. §. hoc tamen non obstante. Item, vtrum labor corporis ex obligatione officij suscipiatur; an verò oblata peropportuna, & aliàs non occurrente occasione damni vitandi, vel lucri acquirendi: vt si mercator ad nundinas proficiscatur, aut ad alia negotia, quæ commodè differri non possint, sicuti docent Medina, Less. cit. locis, Syl. cit. n. 24. & 26. Tolet. lib. 6. cap. 4. vbi similiter id tradunt de labore animi, si alicuius conciones v.g. sint viles populo, posse excusari à ieiunio, etsi sine obligatione tale munus obeat.

Id obiter hoc loco annotare placet, Quamuis Doctores communiter, cum de iter facientibus quæstionem

mouent, solos pedestres à ieiunii lege exemptos esse dicant; non raro tamen accidere, vt etiam qui equo, aut curru vehuntur, non paucorum, sed octo, aut decem dierum itinere, corporis concussionem, ac defatigationem patiantur, ob quam ieiunium difficulter perferant. Veruntamen in hac re certa regula tradi non potest; nisi quam sæpius dedi, Ecclesiasticam legem non obligare cum magna difficultate.

Quinta, eaque ferme comprehensa in priore causa, est pietas. Quæ ratione ieiunii obligatio cessat, vt operi præstantiori, vel maioris momenti, incumbere possis, quod cum ieiunio non facile consistit, nec commodè differri potest. Quale imprimis est opus misericordiæ corporalis, vel spiritualis, vt Infirmarii, Concionatoris, Ludimagistri, de quibus antè dixi. Secundo, Opus iustitiæ, si maritus ieiunans vxori coniugij debitum reddere non possit, quia infirma complexione est, sicuti notant Caiet. in sum. ver. ieiunium, Sa num. 9. Less. num. 44. Tolet. lib. 6. cap. 4. num. 6. Sanchez lib. 9. disput. 3. num. 10. vbi ait, in tali casu obligari etiam maritum ad soluendum ieiunium, si vxorem debitum constanter exacturam; vel ob eius denegationem, incontinentiæ periculum subituram intelligat. Item opus charitatis, vt si vxor mariti iram & contentionem effugere non possit, nisi cum ipso cœnet; modò ieiunium non prohibeat ex Religionis contemptu, sed ob aliam causam, sicuti docet Abbas in rubric. de obseruat. ieiunii, num. 8. Caiet. in sum. ver. ieiunium, §. excusantur infirmi, Syluest. num. 25. Nauar. c. 21. num. 19. Medina cit. quæst. 9. §. ad eundem casum, Less. cit. num. 44. Ratio horum omnium est, quia non oportet ieiunium ab Ecclesia indictum, maioris alicuius boni esse impediens, sicuti ex cap. non mediocriter, dist. 5. de consecrat. notauit Caiet. 2. 2. quæst. 147. a. 3.

Deinde monent Gabr. in 4. distinct. 16. quæst. 3. a. 1. notab. 4. Caiet. cit. a. 3. & in sum. ver. ieiunium, §. ex pietate, Nauar. cap. 21. num. 18. Voluntariam peregrinationem non semper esse sufficientem causam soluendi ieiunij ab Ecclesia præcepti. Nam opus ieiunii ferme salubrius est animæ, quàm peregrinatio sine ieiunio; atque communi Ecclesiæ præcepto satisfacere ad meritum obedientiæ pertinet. Quare simili ratione peregrinatio in die festo institui non debet, si idcirco Missa negligenda sit. Limitat tamen Caiet. Nisi peregrinatio ad locum pium videatur esse valde utilis ad cultum diuinum; vt quia est persona magnæ auctoritatis, ex cuius peregrinatione multum augebitur communis deuotio, illa autem non potest simul ieiunare & peregrinari; neque peregrinationem differre. Deinde certum esse debet, peregrinationem longinquam causa pietatis institui posse, nihil obstante, quòd dies ieiunij per accidens incidat, in quo propter corporis defatigationem cœnare debebis. Qua de re vide Gabr. in 4. d. 16. q. 3. a. 1. notab. 4.

Denique ait Nauar. cap. 21. num. 18. Si peregrinatio ex voto, vel Confessarij præcepto debeat, & res ita accadat, vt alio, quàm ieiunii die commodè institui non possit, iustam hanc esse causam soluendi ieiunij, si id cum peregrinatione seruari nequeat.

His quædam addenda sunt: Primum. Quamuis illicitum sit, non necessaria corporis exercitia v. g. pilæ lusum instituere, cum proposito ieiunium idcirco soluendi; posteaquam tamen corpus tali labore defatigatum est, vt ieiunium perferri commodè non possit, iam sufficiens causa excusationis adest, quomodo intelligo Palud. in 4. dist. 15. q. 4. a. 1. Barthol. Medinam in sum. li. 1. c. 14. §. 10. ver. ad caput istud.

Alterum ex Syluest. ver. ieiunium, quæst. 8. Caiet. eodem verbo, §. Quoad tertium. Nauar. cap. 21. num. 20. Tolet. lib. 6. cap. 4. in fine: Tametsi nulla ex dictis causis excusantibus re ipsa adsit; si tamen bona fide, ac pro-

stabili ratione adesse existimetur; atque idcirco aliquis non ieiunet, vel in nocturna cœnula consuetam quantitatem excedat; non potest culpæ saltē mortalis, condemnari. Quia moralia præcepta moraliter interpretari conuenit; neque Ecclesiæ intentio est, graue aliquod iugum conscientis fidelium iniicere. Quamobrem monet Caietanus, vt Confessarii pœnitentes suos non nimis urgeant, si rationem aliquam, quæ ipsis probabilis & iusta apparet, afferant, cur in Quadragesima tantum bis, vel ter per hebdomadam ieiunent; ne fortè si ipsis denique contradicant, vel nunquam omnino ieiunent, vel ob conscientiam grauius peccent; qui alioquin sine omni culpa, vel saltē sine mortali fuissent. Eaque doctrina Caietani magis etiam locum habere potest in septentrionalibus frigidioribus regionibus.

Adde, quod Pius IV. Anno 1563. priuilegium Societati IESU concessit, ad dispensandum cum iis, qui in septentrionalibus his partibus ad ieiunandum tota Quadragesima adduci non possunt: vt videlicet aliquoties in hebdomade iis ieiunare sufficiat.

Quod verò aliqui existimant, per consuetudinem quibusdam Germaniæ locis introductum esse, vt ter in hebdomade per Quadragesimam secularibus ieiunare sufficiat: de ea nihil omnino testari possum. Imò arbitror, irrationabilem fore hanc consuetudinem, nec Prælatos Ecclesiæ in eam consensuros; quippe quæ contra tam sanctum, & Apostolicum, omnibus sæculis, ac nationibus apud Christianos celebratum ieiunii quadragesimalis institutum tendat. Interim plerique his frigidioribus regionibus causam aliquo modo probabilem afferunt, cur non omnibus diebus ieiunent, attamen à carnibus abstinentes: quos Confessarii absolueri possunt.

Tertium. Causæ, quas dixi excusantes à ieiunii lege, plerumque locum duntaxat habent secundum eam præcepti partem, quæ alteram refectionem prohibet; rariùs autem secundum alteram partem, quæ est à carnibus abstinentia. Si tamen euident causa necessitatis adsit,

carne vescendi propter corporis infirmitatem, tunc dispensatione opus non est: In dubio verò petenda ab Episcopo, vel eo absente à Parocho, secundum cuiusque diœcesis consuetudinem. Et videtur hoc casu infirmitatis, quo alicui per dispensationem conceditur carniū esus, secundum benignam interpretationem etiam concessum, vt refectionem repetere possit, sicuti notauit Less. dub. 6. in fine, Tolet. lib. 6. cap. 3. Non ita verò, si alia causa sit carnes comedendi, v.g. quia alij cibi facile haberi non possunt; vel quia homo ab ijs abhorret; his casibus, si vna refectione carniū contentus esse possis, ab altera abstinere debes, sicuti docet Ioan. Medina q. 5. §. in huius sententiæ: eodemque modo intelligi potest Caiet. cit. q. 147. a. 7. Nau. cit. c. 21. n. 22.

Ad extremum circa dispensationem in lege ieiunii aduerte; Minorem, eamque priuatam causam sufficere, vt cum vno, vel paucis in ieiunii lege per auctoritatem Prælati dispensetur; maiorem verò, eamque publicam, vt cum integra Communitate dispensari possit. Quia ratione docet Abbas in rubr. de obseruat. ieiunij num. 10. Si ieiunium ab Ecclesia præceptum incidat in festum solemne, peculiariter in aliqua diœcesi, vel ciuitate celebrari solitum, posse auctoritate Episcopi ieiunium in alium v.g. præcedentem diem transferri. Quia etiam ratione fortasse aliquis respondere poterit; Si vigilia S. Matthiæ incidat in Feriam secundam, vel tertiam Quadragesimæ, iustam fore causam, vt Episcopus tale ieiunium in præcedens Sabbathum transferat, si animaduertat, homines eius loci ita comparatos, & ad intemperantiam ijs diebus procliues esse, vt plurimi (nisi dicta commutatio fiat) ieiunium violaturi sint; etiam cum carniū esu, non sine scandalo. Siquidem ob specialem causam pro vna vice in lege vniuersalis ieiunii dispensare, aut commutare ad Episcopum pertinere debet: cum eius officium sit spiritu ali subditorum salutem inuigilare, scandala infirmorum tollere &c. Videri potest Gabr. in 4. d. 16. q. 3. a. 3. dub. 2.

TRACTATUS NONVS.

DE

ECCLESIASTICA

IMMUNITATE.

CAP. I.

QVID SIT ECCLESIASTICA
immunitas.

SUMMARIVM.

1. Immunitas Ecclesiastica est ius, quo loca, res, vel persona Ecclesiastica à communibus oneribus libera sunt.
2. Triplex est immunitas Ecclesiastica; localis, realis, & personalis.



MMVNITAS dicta est quasi *muneris vacatio*, prout munus inter alia onus significat, cuius remissio siue liberatio immunitatem præstat, sicuti habetur in l. munus, 18. ff. de verborum significat. & l. i. ff. de iure immunit. Quare Ecclesiastica immunitas sic rectè definitur: *Ius, quo loca, res, vel persona Ecclesiastica à communi onere, seu obligatione libera, & exempta sunt, Quare alio nomine appellari solet libertas, seu exemptio*

Ecclesiastica, arg. c. aduersus, de immunit. Eccles. Et ita docet Couar. 2. resol. ca. 20. in princip. Ioan. Lupus tract. de libertate Eccles. p. 2. q. 11. in princ. Syl. ve. Immunitas, in princip. Suarez in defensione Fidei Catholice, lib. 4. cap. 1. Azor t. 2. instit. moral. lib. 9. c. 8. in principio.

Data opera, in definitione vsus sum numero plurali, *loca, res, vel persona*. Quia particularis alicuius Ecclesiæ, aut Ecclesiasticæ personæ exemptiones, seu priuilegia nomine Ecclesiasticæ immunitatis comprehendi non solent; sed solum exemptiones illæ, quæ toti statui Clericorum, vel omnibus locis, aliisue rebus Deo peculiariter dicatis, communes sunt, sicuti annotauit Innoc. & Abb. in c. nouerit, n. 2. de sent. excommun. Caiet. in sum. ver. immunitas Ecclesiastica, Suarez cit. c. 1. n. 11. & de censuris disp. 21. §. 2. n. 89. Quæ ipsa causa est, cur Clerici, ne iuramento quidem, Ecclesiasticæ immunitati renuntiare possint, c. si diligenti, de foro compet. quia non ob particularem aliquorum, sed communem Ecclesiasticæ hierarchiæ fauorem constituta est.

Ex eadem definitione colligitur, quod triplex sit Ecclesiastica immunitas: I. Localis, quæ Ecclesiis & similibus Ecclesiasticis locis cōpetit. II. Realis, quæ aliis res,

seu bona Ecclesiastica gaudent. III. Personalis, quæ personis Ecclesiasticis debetur. Sin verò immunitatis nomen latius accipere velimus, addi debet quarta species, quæ est negotiorum, seu causarum Ecclesiasticarum, suapte natura exemptarum à potestate seculari, de qua mox seq. c. dicam; postea verò de aliis tribus immunitatis speciebus, in definitione comprehensis.

CAP. III.

DE CAUSIS, ET NEGOTIIS
Ecclesiasticis à civili potestate omnino exemptis.

SUMMARIUM.

1. Causa omnes spirituales secundum propriam institutionem à secularium Iudicum potestate libera sunt.
2. Causa spirituales censentur, quæ ad Dei cultum, vel spirituales animæ salutem, directe spectant.
3. In causis merè civilibus Iudex Ecclesiasticus ordinariè se non immiscet.
4. Crimina alia sunt merè Ecclesiastica; alia merè civilia, & alia mixta.
5. Crimina mixti fori censentur; sponsaliorum violatio, adulterium, usura, blasphemia, periurium, sortilegium, sacrilegium.
6. In criminibus mixti fori unus Iudex non præiudicat alteri, quominus & ipse in suo foro cognoscere, & punire possit.
7. Crimen interdum mixti fori censetur, secundum ordinem ad diversos effectus.
8. Si circa crimen mixti fori quæstio iuris incidat, solius Ecclesiastici Iudicis est definire.
9. Si quæstio spiritualis incidat coram Iudice seculari, supersedere is debet causam principalem, donec incidens coram Iudice Ecclesiastico terminetur.
10. Si facti quæstio incidat super usura, periurio &c. Iudex secularis in foro suo inter laicos cognoscere potest.
11. Si lis sit de rebus Ecclesiasticis, puta beneficio, iure decimarum, iure patronatus: Iudex secularis ne in possessorio quidem iudicio competens esse potest.
12. Causa proprietatis, & causæ possessionis quoad iudicalem cognitionem connexa sunt, & audiendi non debent.
13. Si quæstio non sit de possessione iuridica: sed solo facti laici turbantis, vel pellentis Clericum de possessione beneficii, aut iuris decimarum: secularis Iudex cognoscere non prohibetur contra laicum.
14. Si laico ab Ecclesia decima in feudum concessa sunt, non ideo consequens est, concessum etiam esse ius iudicandi de talibus decimis.
15. Ortæ controversiæ inter Clericum, & laicum de decimis, sintne Clericales, an laicales: ad Ecclesiasticum Iudicem pertinet cognoscere, ac iudicare.

CATHOLICA veritas est, quam soli hæretici negant; Quod causæ omnes spirituales, suapte natura, & institutione diuina ab omni secularium Principum potestate, & iurisdictione penitus exemptæ ac liberæ sint. Quare etiam Ecclesiastica appellantur, quia earum cognitio, ac tractatio ad Ecclesiæ Prælatos propriè spectat.

Pro pleniori intellectu NOTANDUM EST PRIMO: Quod potestas seu iurdictio Ecclesiastica penitus diuersa, & discreta est à potestate seu iurisdictione civili; quia illa spiritualis, ac supernaturalis est, tum ratione originis, tum ratione finis sui: hæc verò & naturalem originem habet, & temporalem pacem, ac tranquillitatem tanquam finem spectat, sicuti latius explicauit lib. i. tr. 4. c. 5. princip. & videri potest Nau. c. nouit, de iudic. notab. 3. num. 88. & lib. i. consil. 7. de foro compet. edit. 2. Hic verò addo, quæ ad Constantium Imperatorem dixit Hosius Episcopus apud S. Athanas. in Epist. ad solitariam vitam agentes: Ne remiscas Ecclesiasticis: neque nobis in hoc genere præcipe: sed potius ea à nobis disce. Atque ipsemet Athanasius in ead. epist. Si istud est iudicium Episcoporum, quid committit cum: cohabet Imperator? Quando à condito tuo id auditum est; quando iudicium Ec-

clesiæ auctoritatem ab Imperatore accepit: S. Ambros. lib. 5. epist. 33. ad Marcellinam sororem. Nolite grauare, Imperator, ut putes, te in ea, quæ diuina sunt, imperiale aliquod ius habere; sed si vis diuinitus imperare, esto Deo subditus: scriptum est, Quæ Dei, Deo; quæ Cesaris, Cesari. Ad Imperatorem palatia pertinent; ad Sacerdotes Ecclesiæ: publicorum tibi munus ius commissum est; non Ecclesiæ. Et S. Nazianzenus orat. 17. ad ciues graui timore perculsos: Quid autem vos Principes, & Præfeti: ad vos enim iam nostra se conuertit oratio. Et infra: Vos quoque lex Christi imperio meo, & throno subijcit: Imperium enim nos quoque gerimus; addo etiam præstantius, ac perfectius: nisi verò æquum est, spiritum carni fasces submittere, & cælestia terrenis cedere. Quod ipsum agnouerunt Imperatores Constantinus apud Ruffinum lib. i. histor. cap. 2. Theodosius ad Synodum Ephesinam apud Adrianum in epist. ad Michaellem Imperat. Valentinianus apud Sozom. lib. 6. cap. 7. & 21. Basilii Imperat. in VIII. Synodo Oecumen. in VI. actione.

SECUNDO NOTANDUM. Causæ spirituales seu merè Ecclesiæ (id est, propriè spectantes ad spirituale regimen Prælatorum Ecclesiæ) censentur omnes illæ, quæ sunt de Fidei doctrina, Sacrificio, & Sacramentis, Ministrorum ordinatione, officiis, beneficiis; ecclesiarum, vasorum, virginum consecratione, aliisque sacramentalibus; item de reliquiis, veneratione, canonizatione Sanctorum, votorum obligatione, & obseruatione, & omnibus denique, quæ vel ad Dei cultum, vel spirituales animæ salutem, atque à peccatis curationem spectant, sicuti videre est apud Alber. Pighium lib. 4. de cælesti hierarchia cap. 2. Couar. in pract. qq. c. 31. concl. 1. Nau. c. nouit, de iudicijs, notab. 6. Suarez lib. 4. de legibus, c. 11. Ioan. Salas de legibus, tract. 14. disput. 9. sect. 5. Nam omnis potestas iurisdictionis versatur circa propriam materiam, quæ veluti limite suo continetur: materia autem potestatis desumitur ac definitur ex proprio fine, ad quem ordinatur: cum igitur omnes illæ causæ, quas recensui, tendant ad finem spirituales, ac supernaturales; sequitur, quod propriè sint potestatis spiritualis ac Ecclesiasticæ, & quod secularis potestas, sua auctoritate, ac sine facta commissione, ad eas se extendere nullo modo possit: Non enim directè, cum tales causæ extra limites sint, ac veluti extra sphaeram materiæ eius: Neque indirectè: cum indirecta extensio potestatis locum non habeat, nisi erga materiam subordinatam ratione finis: non autem spiritualia temporalibus subordinata sunt; sed è contrario temporalia ad spiritualia, & æterna, tanquam media ad finem, referuntur, sicuti egregiè docet Bonifac. VIII. extrauag. vnam sanctam, de maior. & obedientia.

Causæ autem merè civiles dicuntur, quæ sunt de laicorum dominio, tutela, contractibus, testamentis, ac similibus, quæ formam suam, atque obligationem à civili iure acceperunt, cuiusmodi causis Ecclesiastici Iudices, ac Pastores ordinariè se non immiscere possunt; quia vtriusque cum civilis, tum Ecclesiasticæ potestatis officia discreta esse debent, sicuti ait Nicol. 1. epist. ad Michaellem Imperat. Idemque habetur in c. nouit, de iudicijs, c. per venerabilem, c. causam quæ. 2. Qui filij sint legitimi, & docet Nau. cit. c. notauit, notab. 3. num. 21. Dixi autem ordinariè: At verò extraordinariè Ecclesiasticus iudex se immiscere potest, puta propter defectum iustitiæ in foro seculari, sicuti docent Gl. & DD. in c. licet, 1. de foro compet. Item in causis personarum miserabilium: vti colligitur ex 1. & 2. d. 87. & c. ex parte, de foro compet. & docet Abb. in c. ceterum, n. 16. de iudicijs. Deinde per modum denuntiationis Euangelicæ ad Prælatos Ecclesiæ pertinet de quouis peccato mortali cognoscere; aut, si Reus corrigi se non patiat, ad censuram illi infligendam procedere, secundum Innocentium in cit. c. nouit, de iudicijs, vbi videri potest Abb.

n. 49. & seqq. Nau. notabili 6. Robertus Maranta in speculo aureo, dist. 11. n. 11.

Denique sunt aliqua causa mixta, quae ad utrumque tum seculare, tum Ecclesiasticum forum pertinere possunt; ideoque datur locus praeventioni: quod potissimum accidit in criminibus, quae dicuntur mixti fori, ut statim dicam.

TERTIO NOTANDUM. Ex doctrina Gl. in summa causa, 11. quaest. 1. Abb. c. cum sit, de foro compet. ad finem, Nauarri in cit. notab. 6. num. 39. Iacobi Almaini de potest. Papae, ca. 10. Crimina alia sunt merè Ecclesiastica, alia merè civilia, alia mixta. Crimen merè Ecclesiasticum dicitur primò, quod solum canonico, aut diuino positio iuri aduersatur, ut violatio ieiunii, & aliorum praecceptorum Ecclesiae; Christi item, circa sacrificium, & sacramenta. secundò, quod iure etiam naturali prohibitum est, sed à seculari Magistratu non cognoscitur, nec punitur; vel quia ab eo cognosci non potest, propter suam spiritualitatem, ut haeresis, simonia; vel quia non solet cognosci: cum nec prohibitum sit civili iure, ut violatio pacti simplicis, deceptio intra dimidium pretii iusti in emptionibus, & similibus contractibus, sicuti docent Innoc. & Abb. n. 50. in cit. c. nouit, Nauar. cit. notab. 6. corol. 13. Item fornicatio simplex, sicuti docet idem Nauarrus corollario 11. n. 40. Clarus lib. 5. sentent. 5. Fornicatio.

Crimen merè civile seu secularis tantum fori dicitur, transgressio legis merè temporalis & politica, v. g. de non portando armorum genere, non euehendo frumento, soluendis tributis; item violatio contractuum, testamentorum, & similium, quae secundum formam iuris civilis regulari debent: eiusmodi enim causis Ecclesiasticus Iudex non se immiscet; nisi fortè propter necessitatem, ideoque per accidens, & indirectè.

Crimina mixta, seu utriusque fori censentur, quae vel utroque positio iure, canonico, inquam, & civili, prohibita sunt, v. g. nocturna gestatio armorum post certum campanae signum, quae multis locis ab utraque potestate prohibetur, teste Nauar. cit. n. 40. vel quae iure etiam naturali verita, atque ita comparata sunt, ut licet propriam spiritualitatem non habeant, tamen non solum statui politico, sed etiam supernaturali fini Reipub. ecclesiasticae specialiter repugnent. Talia crimina plura afferri solent, uti videre est apud Gloss. & Abb. c. cum sit, de foro compet. I. est Sponsaliorum violatio, uti docet Abb. c. ex litteris, 2. n. 4. de sponsal. Rosella verb. sponsalia, n. 3. Sanchez lib. 1. de matrim. disp. 29. n. 9.

II. Adulterium, sicuti docent Canonistae in c. gaudeamus, de diuort. Abb. c. tua, n. 6. de Procurat. Couar. in epist. p. 2. cap. 7. §. 7. n. ult. Clarus lib. 5. §. fin. q. 37. n. 3. D. Martha p. 2. de iurisdic. c. 19. n. 3. Sanchez lib. 10. disp. 8. num. 16. Rationem dat Abb. in cit. c. cum sit, n. 24. Quia per adulterium peccatur contra matrimonium, quod est vnum de sacramentis Ecclesiae; & sic aliquo modo peccatur contra Ecclesiam. Quae ratio est, cur etiam sacrilegia in Ecclesiastico foro puniantur. Veruntamen Molina to. 3. disput. 90. n. 9. contendit, crimen adulterii, peius de ac furtum, secundum se esse merè seculare: Idemque multò magis diceret, de violatione sponsaliorum, si de horum valore non agatur: ideoque de tali crimine Iudicem Ecclesiasticum non cognoscere in ordine ad poenam; sed solum per viam denuntiationis ad auerendum malum peccati, scandalum, vel alterius personae iniuriam.

Illud verò bene admonet Sanchez n. 17. Licet crimen adulterii secularis fori sit; tamen causam diuortii, eique accessoriam quaestionem alimentorum, ac dotis amittendae, ad solum Iudicem Ecclesiasticum spectare, iuxta cit. c. tua, & c. de prudentia, de donat. inter virum. Quamobrem si lite coram seculari Iudice mota, de alimentis praestandis uxori separata à marito, is opponat adulterii

crimen, ob quod mulier iure alimentorum priuata sit Iudex secularis lite superfedere debet, donec quaestio incidens ab Ecclesiastico terminetur, iuxta c. per tuam, de ordine cognitionis c. lator, Qui filii sint legitimi.

III. Vltura crimen, quod aliqui apud Abb. cit. c. cum sit, n. 17. merè Ecclesiasticum esse dixerunt: Ipse verò Abb. ibid. Couar. lib. 3. resol. c. 3. Clarus lib. 5. sent. §. vsura, & alii communiter, dicunt esse mixti fori. Aduerte tamen, quòd Ecclesiasticus Magistratus de vsura crimine cognitionem, ac punctionem sibi vendicabit, causam hanc esse; quòd olim Casareo iure multa vsurae impunita, imò licita censebantur, sicuti obseruauit Couar. n. 1. Alioquin verò si eius criminis naturam secundum se spectemus, merè civile censeretur debet, sicuti homicidium, furtum, & similia scelera aduersus iustitiam commutatuam.

IV. Blasphemia, sicuti constat ex c. 2. de maledicis, ubi id docent Abb. n. 9. Prosper Farinac. in practica criminali, tit. 3. q. 20. n. 39. Azor to. 1. lib. 9. c. 28. q. 5. Sanchez lib. 2. moral. c. 32. numer. 37. Verum si blasphemia haeretica sit, seu cum haeresi, aut infidelitate iuncta, tunc ad Inquisitores, aliumque Ecclesiasticum Iudicem propriè pertinet.

V. Periurium, sicuti docent DD. in c. testimonium, de testibus, Abb. in cit. c. cum sit, n. 21. Couar. c. quamuis pactum, p. 1. §. 7. n. 2. Cum enim haec crimina, blasphemia & periurium, grauissima sint; quippe directè tendentia contra Deum supernaturaliter nobis reuelatum, ideoque iuncta cum Christianae Religionis vilipensione aliqua, ideo ad Ecclesiasticorum Praelatorum curam quam maximè etiam pertinet, talia crimina tollere, ac punire.

VI. Est sortilegium, seu magia illicita, sicuti constat ex c. contra idolorum, 26. quaest. 5. & l. nullus aruspex, C. de mathes. & mathematic. & docent Abb. in cit. c. cum sit, n. 26. Prosper Farinac. cit. quaest. 20. n. 87. & seqq. Clarus lib. 5. sent. §. haeresis, n. 25. Est enim crimen hoc Ecclesiae perniciosum, quippe iunctum cum Fidei periculo, Dei irreuerentia & saepè rerum sacrarum indigna tractatione.

VII. Est sacrilegium, uti habetur in cit. c. cum sit, de foro compet. Nomine autem sacrilegii intelligi debet non tantum furtum sacrilegum; sed quauis indigna tractatio, seu violatio rei sacrae; siue sit persona per fornicationem, stuprum, verberationem; siue loci sacri per seminis, aut sanguinis effusionem, criminosi extractionem; denique quauis Ecclesiasticae immunitatis violatio. Additur verò in cit. c. cum sit, quòd in tali causa videlicet Ecclesiae laesa; Rector, sub quo maluerit Iudice, Reum conuenire possit: quare hoc casu datur locus praeventioni.

Sed si ab vno Iudice causa cognita fuit, utrum etiam alter Iudex saltem ex officio procedere, & Reum punire possit, diuersimodè loquuntur DD. uti videre est apud Couar. 2. resol. 10. n. 6. Gomez 3. resol. c. 1. numer. 4. Clarus in §. fin. qu. 57. Arbitror dicendum primò: Si ab vno Iudice Reus absolutus fuerit, alter nihilominus causam cognoscere, & si secundum allegata nocens reperiatur, punire eum potest. Ita ex communi Couar. & Clarus ll. cc. Quia iurisdic. Ecclesiastica, & secularis sunt omnino separatae ac distinctae: ergo absolutio in vno iudicio non parit exceptionem rei iudicatae in altero iudicio.

Secundò: Si poena ab Ecclesiastico Iudice inflicta sit tantum spiritualis, v. g. excommunicationis, non prohibetur Iudex secularis Reum afficere poena sui fori propria; videlicet corporali, aut multa pecuniaria. Ita ex communi docent Prosper Farinacius cit. tit. 3. q. 20. n. 39. Nau. lib. 2. consil. 1. de iudic. edit. 2. Quòd verò Clarus §. fin. q. 37. n. 8. & alii quidam docent apud Couar. in pract. qq. c. 10. n. 2. Episcopum in criminibus communis fori,

fori, in quibus contra laicos procedendi ius habet, non posse tamē eos carere, vel incarcerare, aut in personas, & bona eorum executionem facere; sed tantum censuras comminari, & infligere; id, spectato communi iure, verū non est, sicuti monet ipsemet Couar. cit. loc. D. Martha p. 2. de iurisdic. c. 29. Gutierrez li. 1. pract. q. 45. n. 2. & cōstat ex c. attendendum. 17. q. 4. cit. c. contra idolorum, c. vlt. §. si quis verò, de pœnis in 6. & Trident. sess. 25. c. 3. de reform.

Tertiò: Si Ecclesiasticus Iudex Reum in suo foro puniuit leuius, quam merebatur; siue id factum sit ob ignorantiam iuris, aut facti, aut similem accidentariam causam; siue quia Iudex non de toto delicto iudicare vult, sed tantum secundum qualitatem pertinentem ad suum forum: vt si Clerici occisorem puniat, quatenus sacrilegus est, non quatenus hominis iniustus occisor, vt explicat Mol. tr. 3. disp. 49. n. 3. tali casu, Iudex secularis, causā denuo in foro suo cognita, Reum punire non prohibetur, sicuti docet Abb. cit. cap. cum sit, num. 2. Sanchez lib. 3. de matrim. disp. 54. n. 5. Clarus cit. q. 57. n. 12. & 14.

Quartò: Si Reus in vno foro; nulla interueniente ignorantia, & fraude, de crimine totaliter iudicatus, & punitus fuit, non potest deinde in altero foro iudicari, aut puniri ita Molina, Clarus. ll. cc. Quia aequitas non patitur, vt idem de eodem crimine bis iudicetur, & puniatur: Et quamuis Ecclesiastica ac civilis potestates diuersæ sint; tamen vna alteram inuare, & vna alteri, quatenus aequitatis ratio permittit, consentire debet, arg. c. 1. de noui operis nuntiatione.

Porrò ne fallatur quispiam, cum dicitur, quædam crimina esse mixti fori; intelligi id debet in ordine ad laicos tantum. Nam crimina Clericorum a solo Ecclesiastico Iudice cognosci, ac puniri posse, infra dicā. Deinde intelligi debet in ordine ad Christianos, nō infideles, v. g. Iudæos: hi enim, cum legibus Ecclesiasticis subiecti non sint, quippe extra Ecclesiam existentes, a Prælati Ecclesiæ iudicari, vel puniri non possunt; nisi indirec- tē, prohibendo v. g. fidelibus, ne cum Iudæo commercium habeant; antequam satisfaciāt, iuxta c. postu- lasti, de Iudæis. Si tamen Iudæi sub protectionem Ma- gistratus Ecclesiastici se commiserint, etiam ab eo cri- mina ipsorum cognosci, ac puniri posse, ait Prosper Fa- rinac. in cit. q. 20. n. 41.

QUARTO NOTANDVM. Interdum contingit, crimen mixti fori esse, sed in ordine ad diuersos effectus. Exempli causa: Si quis seipsum interfecisse dicatur, cau- sa ista ad civile tribunal spectat in ordine ad confisca- tionem bonorum, secundum consuetudinem regio- nis: ad Ecclesiasticum verò tribunal pertinet in ordi- ne ad sacram sepulturam mortuo denegandam. In quo casu si Iudex secularis prior cognouerit de causa, & mo- do occisionis, atque processus informationem ad ordina- riū Ecclesiasticū Iudicē transmittat; tamen si non pro- hibetur rem in suo Consistorio magis examinare, vt ius- ta sententiā de sepultura ferre possit; si tamen transmis- sæ informationes omni prorsus suspitione erroris carere videantur, & aequitas & mutua concordia postulat, vt ijs Ecclesiasticus Iudex acquiescat, & secundum eas senten- tiam proferat: quandoquidem Iudex secularis, atque Ec- clesiasticus se inuicem adiuvare debent.

QUINTO NOTANDVM. Circa crimina, & alias causas, quæ mixti fori censentur, exacte interdum distinguere oportet; vtum quæstio iuris sit, an facti, quæ in iudicium venit. Quæstio iuris est, v. g. vtum talis contractus licitus sit, an verò vsurarius? Vtrum tale iuramentum licitū sit, an illicitum? obligationē pariat, necne? Vtrū magis naturalis sit, an verò superstitiosa, & illicita? Vtrū matrimoniū, vel sponsalia valeant, rescindi possint? Eiusmodi quæstiones de iustitia, aut valore eo- rum humanorum actuum, qui propter annexam spiritualitatem,

aut errandi periculum, secundum ius canonicum, ac di- uinum examinari debent, ad solū Ecclesiasticū Iudicem spectant. Ita de vsuræ crimine docent Abb. in cit. c. cum sit, n. 17. D. Martha p. 2. de iurisdic. c. 7. Mol. to. 2. disp. 333. Clarus §. fin. q. 37. num. 2. vbi ait: Si veritur quæ- stio iuris super vsura, cognitio spectat ad Iudicem Ecclesi- asticum: neque potest Iudex secularis in ea vllō modo se in- tromittere; & ita concludunt omnes Doctores tam Legiste, quam Canonista. Ratio est: Quia, ex iure civili satis cognosci non potest, quid vsura sit, aut quinam contra- ctus velut vsurarii damnari debeant; sed potius secun- dum sacros canones id examinari oportet. Si tamen ali- qua forinā contrahendi in Imperio, alioue regno Chri- stiano veluti vsuraria civili decetō damnata sit; v. g. census tali formā institutus: tunc ad secularem Iu- dicem pertinet cognoscere, an contractus ea formā dā- nata institutus, ideoque rescindendus sit, necne: tū quia hoc casu non de alieno, sed proprio iure iudicatur: tum quia plerumque potius de facto iudicium fertur.

Deinde ait Clarus cit. q. 37. n. 2. in fine; Si quæstio vsurarum non principaliter; sed incidenter in iudi- cium veniat; per modum exceptionis contra actorem; posse, & solere Iudices seculares cognoscere, tamen si quæstio iuris sit: Cui tamen doctrinæ obstat c. tuam de ordine cognitionis, & expressius c. lator, Qui filii sint legitimi, vbi habetur: Si petenti hereditatem obii- ciatur ex illegitimo toro natum esse, quæstionem hanc ad Iudicem Ecclesiasticum transmittendam esse: quare ge- neralem regulam tradit Abb. ibi nu. 3. Si spiritualis quæ- stio incidat coram seculari Iudice, supersedendum est in cau- sa principali, donec incidens terminetur à Iudice Ecclesi- astico. Postea verò remittenda est causa ad secularem Iudicem qui eam inchoarat, vt idem ait n. 5. Et in cit. c. tuam inquit n. 4. Exemptio peremptoria, quæ suapte natu- ra examinanda est coram alio Iudice, operatur effectum dilatorii causa principalis: differt enim, & suspendit iurisdic- tionem Iudicis causa principalis, donec fuerit super peremptorio iudicatum. Cum ergo Doctores communi- ter fateantur quæstionem de contractu, vtum vsurarius sit, Ecclesiasticam esse, seu pertinentē ad Ecclesiasticum Iudicem, quippe cuius proprium est inter lepram, & non lepram, peccatum & non peccatum discernere; sequitur, secularem Iudicem, ne super incidente qui- dem quæstione vsurarum, si ea iuris est, cognoscere posse; & si ignoscat, ab Ecclesiastico inhiberi posse. Vi- deri potest D. Martha p. 2. de iurisdic. c. 43. n. 75.

De crimine perituri, ac vinculo iuramenti idem ex communi docent Felinus c. 2. n. 28. de sponsal. Gail. lib. 1. obseruat. 38. n. 5. Abb. cit. c. cum sit, n. 21. & cap. cum contingat, num. 15. de iur. iurando: Cum ex ra- tionum, & opinionum conflictu redditur saltem probabile dubium de valore iuramenti, non potest Iudex secularis cognoscere; sed debet referre ad Iudicem Ecclesiasti- cum. De sponsalium valore docet idem Abb. in c. ex literis, 2. n. 4. de sponsal. Sanchez lib. 1. de matrim. disput. 29. num. 9. Et de matrimonii valore idem Sanchez lib. 3. disp. 54.

Facti autem quæstiones sunt, cum non dubitatur, an talis contractus vsurarius sit, vel iuramentum obliga- torium, quod interuenit; sed dubitatur de facto, vtum re ipsa vsuraria pactio, vel iuramentum intercesserit: tunc Iudex secularis in foro suo inter laicos causam examinare, testes admittere, & Reū confessum, aut con- uictum ad iuramenti obseruationem, vsuræ restitutio- nem compellere, eundemque, tanquam iuramenti vio- latorem, aut vsurarium, punire potest. Circa sponsa- lia verò bene monet Sanchez; Cum orta de iis contro- uersia communiter opponi soleat, ea valida non fuisse, vel legitimā rescindendi causam adesse, de quo solo Ec- clesiasticus cognoscere debet; ideo regulariter ad eum pertinere causas sponsaliorum. Si tamē hæc non opponatur,

competens etiam erit Iudex laicus, vt sponsaliorum fidem compellat, & violatorem puniat, vt supra dixi notan. 2. De matrimonio similiter, si aliquo modo dubitetur, an irritum sit, v. g. clandestinè contractum; ad Iudicem Ecclesiasticum spectat; testium depositiones recipere, ac iudicare. Sin verò constet claustrinè contractum, ideòque irritum esse, tum etiam secularis Iudex pœnas sui fori, in clam & illegitimè celebrantes inferre potest, sicuti docet Sanchez cit. disp. 54. concl. 1. De iuramenti autem valore interdum secularis Iudex cognoscere, ac definire potest, propterea quòd vires iuramenti interdum saltem indirectè ex iuris civilis dispositione perideant: Siquidem civilis lex interdum ob bonum publicum impedire potest quominus contractus Reipublice perniciosus, quamuis interposito iuramento, impleri debeat. An verò legislator id intenderit, ad civilem Iudicem pertinet examinare.

SEXTO NOTANDUM. Sicuti de rebus aliis etiam de Ecclesiasticis, puta Ecclesiastico beneficio, iure decimarum iure patronatus &c. duplex iudiciū institui potest: Vnum de possessione, quod dici solet iudiciū possessorium; & alterum de proprietate, quod dici solet petitorium, sicuti constat ex c. 1. & toto tit. de causa possessorii, & proprietatis. Quod ad causam proprietatis, siue petitorium iudiciū attinet; vt cum queritur, vtrum ritus sit canonicè institutus in beneficio, vtrum ius decimarum, ius eligendi, ius patronatus, ius sepulture ipsi competat; vtrum Caia sit legitima vxor Sempronii, de huiusmodi nemo Catholicorum negat, solius Iudicis Ecclesiastici esse cognoscere, ac iudicare, sicuti constat ex c. 2. & 3. de iudiciis, c. causam, 2. Qui filii sint legitimi. De possessorio autem iudicio est controuersia inter Iuristas: Nam Selua p. 1. de beneficiis, q. 7. num. 12. Petr. Greg. Tholos. de benefic. cap. 40. num. 10. & alii apud Couarruiam in pract. qq. 35. Nicol. Garciam p. 1. de beneficiis, cap. 2. num. 50. existimant, laicum etiam Iudicem in causa possessionis, v. g. beneficii, adipiscendae, retinendae, aut recuperandae competentem esse. Probant ex doctrina Gl. in c. literas, de iuramento calumniae; possessionem rei spiritualis non spiritualem, sed temporalem esse; quia non in iure, sed in mero facto consistit: quare in l. naturaliter, §. 1. ff. de acquirenda possess. dicitur, quod proprietatem nihil commune habet cum possessione.

Sed contraria sententia est vera, quam docet Couarr. l. c. Ioan. Gutierrez lib. 1. canonic. qq. c. 34. n. 22. Nicol. Garcias l. c. Azor t. 1. lib. 5. ca. 14. q. 1. Probari autem debet fundamento opposito contrariae sententiae; videlicet, tametsi mera occupatio siue detentio rei in facto consistat, tamen possessionem iustam non esse sine iure: cum sit, ius insitendi, siue detinendi rem aliquam, sicuti definit Gl. in l. 1. ff. de acquir. vel amittenda rerum possess. Abb. in cit. c. literas, n. 6. & 8. de iuram. calumniae. Consequenter possessio rei spiritualis, si idem spiritualis est: sequitur enim naturam proprietatis: quare sicuti laicus proprietatis in capax est, ita & possessionis iuris spiritualis, vt expressè habetur in c. causam, de praescriptionibus: & sicuti causa proprietatis, ita & causa possessionis circa spiritualia, ad solum Ecclesiasticum Iudicem spectat, sicuti satis colligitur ex c. 1. & Clem. vn. de causa possessorii, & proprietatis, Clem. vn. de sequestratione possessionum & fructuum, & Clem. dispendiosam, de iudiciis.

Ad l. naturaliter, pro priore sententia allegatam respondetur; Proprietatem nihil commune habere cum possessione, quoad acquisitionem: quia separari possunt; vt penes aliū sit rei dominium, & penes aliū rei possessio: At verò quoad cognitionem iudicalem, causas possessionis & proprietatis connexas esse, neque diuidi debere, sicuti cauetur expressè in l. nulli, C. de iudiciis, & in cit. c. 1. Causa continentia diuidenda non esse, ideòque non posse alium super causa possessionis, & aliū super causa proprietatis Iudicem postulari. Ratio est, partim quia causa possessionis saepe obijci non potest, nisi exhibito iure,

siue titulo aliquo proprietatis: partim quia iudiciū possessorium multum praedicit petitorio; propter subleuationem probationis, & iuris praerogatiuam: quandoquidem in dubio seu pari causa possessori res adiudicari debet.

Accedit id speciale in beneficiis Ecclesiasticis, quòd ea à laicis possideri non possunt: eademque est ratio de decimis spiritualibus, siue clericalibus: earum enim possessionis incapaces esse laicos; habetur in cit. c. causam, de praescript. Quamobrem etiam possessoria causa beneficiorum, & spiritualium decimarum necessario inter Clericos agitur: consequenter solus Iudex Ecclesiasticus competens esse potest; non solum propter qualitatem causae, vt supra dixi; sed etiam propter qualitatem Rei cōuerti, qui à seculari iurisdictione exemptus est.

Ceterum, si controuersia non sit de iure possidendi, siue possessione iuridica; sed de solo facto laici turbantis, vel pellentis Clericum à possessione beneficii, iuris decimarum, tunc receptissima est D. D. sententia, causam esse mixti fori, ideòque Clericum contra laicum turbatorem, vel spoliatorem agere posse interdicto retinendae, vel recuperandae possessionis, etiam coram Iudice laico: quia is iudicaturus non est de iure, sed solo facto, siue iniuria illata à laicis: sicuti si laicus personam sacram violauerit, Ecclesiam inuaserit, calicem consecratum abstulerit, causam cognitam à seculari Magistratu, compelli potest, vt iniuria abstat, & damnum compenset: quia sacrilegij crimen est mixti fori. Quare hanc sententiam tradit Abb. in cap. literas, n. 8. de iuram. calumniae, Gutierrez cit. c. 34. num. 42. Rebuffus tract. de decimis, q. 10. n. 3. Nicolaus Garcias cit. c. 2. n. 59. D. Martham p. 2. de iurisdic. c. 43. n. 18. Andr. Gaill. lib. 1. obseruat. 38. contra Azor cit. c. 14. q. 1. qui pro sua sententia allegare videtur Couarruiam: sed is non fauet; cum aperte loquatur in casu, quo Clericus reus est. Nam si contra laicum agatur in quaestione meri facti, v. g. quia decimas soluere recusat; vtrumlibet Iudicem secularem, vel Ecclesiasticum adiri posse, expressè ait idem Couarr. n. 2. Qua simili ratione dicunt aliqui, si Clericus à laico iniuste impediatur ab usu iurispatronatus, funeris &c. posse Iudicem secularem de eiusmodi personali iniuria cognoscere, vt videre licet apud D. Martham p. 2. de iurisdic. c. 41. n. 8. Gaill. cit. obseruat. 38. n. 8.

Veruntamen si in eiusmodi casu quaestio de iure, seu proprietate admisceatur; puta laicus conuentus interdicto retinendae, aut recuperandae possessionis decimarum, contendat feudales, seu laicales esse; vel conuentus de solutione decimarum, exemptionis priuilegium, vel praescriptionem alleget; tunc haud dubie ad Ecclesiasticum Iudicem causa referenda erit.

Denique non dubito, contra laicum conductorem decimarum, post moram soluendi, agi posse coram Iudice laico: quia non agitur de iure, aut possessione decimarum; sed de pretio conductionis, qui est contractus politicus, sicuti ex communi docet Couarr. cit. n. 2. Gutierrez n. 49. contra Azor to. 1. lib. 7. c. 25. q. 6.

Locus autem sum duntaxat de decimis clericalibus, quae ratione spiritualis tituli percipiuntur; ideòque in personam laicam nulla prorsus concessione, aut priuilegio cadere possunt. Aliae verò sunt, quae dici solent laicales; quia à laicis etiam personis perpetuo iure percipiuntur: quae, vt iustae sint, fundari debent vel in Summi Pontificis concessione, vel etiam aliorum Praelatorum concessione, facta tamen ante Concilium Lateranense, sicuti dixi supra hoc lib. tract. 6. cap. 6. num. 8. De his verò decimis, cum à titulo & iure spirituali separatae sint, seculares Iudices passim cognoscere, testatur Couarr. cit. n. 2. quem sequitur Canisius cit. c. 18. num. 15. Neque dubitari debet, quin legitima talis consuetudo existat, si decimae titulo oneroso, v. g. permutationis, in laicos translatae fuerint, sicuti notauit Azor cit. li.

7. c. 25. q. 3. §. Cæterum : Multoque magis, si ponamus decimas secundum primam originem suam merè laicales esse, de quibus ex Pet. Greg. dixi eod. tract. 6. c. 1.

14 At verò si titulo gratuito in feudum concessæ sint à Sum. Pontifice, vel aliis Episcopis; non ideo consequens est, iudicalem cognitionem de eiusmodi decimis ad Iudicem secularem spectare: tum quia tales decimæ non omnino alienatæ sunt ab Ecclesia, sed tantum quoad dominium vtile: est autem receptissima regula Doctorum; Controuersiam de feudo coram domino feudi decidi oportere; cum sæpe numero eius etiam inter sit: tum quia eiusmodi concessiones, vel priuilegia, quæ Ecclesiæ, & iuri communi derogant, extendi non debent. Igitur tametsi laico concessum sit ius fructuum decimalium percipiendi, vel beneficia conferendi; non ideo sequitur, concessum etiam esse ius iudicandi de causis decimalibus, beneficialibus: cùm hæc iura diuersa, & separata sint. idque notauit Rebus. tract. de decimis, q. 10. n. 35. Azor cit. q. 3. §. hoc posito.

15 Multò minùs probanda est consuetudo illa civilium Iudicum apud Couar. cit. c. 2. ver. quartò, qui orta controuersia inter laicum & Clericum de decimis, sintne laicales, an clericales, cognoscunt de possessione laici, quippe quam meri facti esse aiunt, eamque, si immemoriam esse deprehendant, laico ius decimandi adiudicant, & contra Ecclesiasticos omnimodè defendunt. Cùm enim in hoc casu quæstio principalis omni iure ad Iudicem Ecclesiasticum spectans de iure proprietatis sit; sequitur etiam accessoriam, quæ est de possessione, ab eodem Iudice cognosci oportere, iuxta cit. l. nulli, C. de Iudiciis. Accedit id speciale, quòd, uti dixi cit. tract. 6. c. 6. num. 8. Laici decimas possidere non possunt; consequenter neque præscribere, nisi titulum seu concessionem exhibeant; vel saltem ostendant, constantem famam esse de concessionem ipsis facta. Cognitio autem siue examinatio tituli, & iustitiæ eius, ad Ecclesiasticum Iudicem spectat; sicuti in simili notauit Abb. c. quanto, num. 11. de iudiciis. Ad hoc respondent aliqui, ipsam possessionem immemoriam inducere præsumptionem tituli, ac priuilegii, iuxta c. 1. de præscript. in 6. & c. super quibusdam, de verbor. significat. Sed bene replicat Abb. in cit. c. causam, num. 2. Veram esse hanc doctrinam, modò aliquis præscriptionis capax sit: non item, si iura aliquem incapacem reddant civilis possessionis, ac præscriptionis, propter magnam præsumptionem iniuste detineri; sicuti factum est in casu decimarum, quas laici possident, si titulum vel exhibere, vel verosimilibus coniecturis probabilem reddere non possint. Videri potest Rebuffus de decimis, q. 10. n. 43. & sequentibus.

CAP. III.

DE ASYLO, SEV IVRE IMMUNITATIS constituto ecclesiis.

SUMMARIUM.

- 1 Legibus tum civilibus, tum canonicis asyllum, seu ius immunitatis Reis ad ecclesiam confugientibus constitutum est.
- 2 Non solum templa, & sacella; sed etiam alia loca religiosa, ut hospitale Episcopi auctoritate fundatum, monasterium, quin & Episcopi palatium, Ecclesiastica immunitate gaudent.
- 3 Immunitas ecclesia Reis concessa, amplius se, quàm ecclesia violatio extendit.
- 4 Probabile, ac decens est, ut Reus confugiens ad Sacerdotem s. Eucharistiam manibus ferentem, ab ecclesia defendatur.
- 5 Alius est reus debiti; & alius reus criminis.
- 6 Nemo criminis ad ecclesiam confugiens extrahi inde debet, nisi in casibus iure exceptis.
- 7 Qui prope ecclesiam fiduciam immunitatis deliquit, non ideo hoc priuilegio priuandus est.
- 8 Publicus latro, vel agrorum depopulator, hæreticus, & qui per infidum hominem occidis immunitate loci sacri gaudere non

debent. Secus dicendum de iis, qui sine infidui, ex proposito hominis eadem aggrediuntur.

- 9 Assassini nomen non eodem modo à Doctoribus accipi solet.
- 10 Omnes fideles, etiam excommunicati, non item infideles hac immunitate gaudere possunt.
- 11 Clerici, qui exemptionis priuilegio gaudent, confugientes ad Ecclesiam propter delictum, ab Ecclesiastico Iudice suo extrahi possunt.
- 12 Si infidelis reus ad ecclesiam confugiens sacrum Baptisma non simulatè petere videatur defendendus est.
- 13 Immunitatis Reorum ad ecclesiam confugientium plures, iique magni effectus sunt.
- 14 Iudex secularis Reum extra casus iure, vel legitima consuetudine exceptos, è loco sacro extrahens, sacrilegium committit ipsique Iudex Ecclesiasticus resistere potest, præsertim censuris.
- 15 Processus iudicii contra Reum illegitimè extractum, ipso iure irriti sunt.

QVÆSTIO PRIMA. Quo iure asyllum, siue immunitas Reis, ad ecclesiam &c. confugientibus, constituta sit? Respondeo; Legibus tum civilibus Christianorum Imperatorum, Cod. de his qui ad ecclesiam confugiunt; Et Auth. de mandatis Principum, §. Sed nec homicidis, tum multò magis canonicis statutis, quibus etiam dictæ leges civiles approbatæ, & stabilitæ fuerunt, sicuti constat ex cap. inter alia, de immunit. Eccles. ibi: *iuxta sacrorum statuta canonum, & traditiones legum civilium.* Et c. id constituimus, 17. q. 4. Concil. Aurelian. 1. cap. 3. *Id constituimus obseruandum, quod Ecclesiastici canones decreuerunt, & lex Romana constituit, ut ab ecclesia aris, vel domo Episcopi Reos abstrahere omnino non liceat, c. eos qui, d. 87. ex Concil. Arausicano 1. can. 5. Eos, qui ad ecclesiam confugiunt, tradi non oportere; sed loci sancti reuerentia, & intercessione defendi.* Vide etiam cap. sicut antiquitus, cap. Reum, cap. si quis contumax, cap. definiuit, eadem quæst. 4. S. August. epist. 187. ad Bonifac. & S. Chrysost. serm. in uenectio contra Eutropium, tomo 5.

Enimuero licet probabilior sit sententia Couarruu. 2. resolut. cap. 20. num. 2. & aliorum, contra Abulensem in cap. 20. Iosue, quæst. 7. In lege veteri, præter ciuitates refugii, de quib. cit. c. 20. etiam ipsum templum Hierosolymitanum Reis pro asylo constitutum fuisse. idque colligi videtur ex cap. 21. Exodi. *constituam tibi locum, in quem fugere debeas.* videlicet altare templi; attamen lex illa Mosaisca post Christi mortem expirauit; idèque non ex illius obligatione, sed solum ad imitationem, & multò magis secundum iuris naturalis congruam æquitatem, talis immunitas sacris locis concessa est. Dico congruam æquitatem: Non enim id absolute præcipit lex naturalis, etiam supposita sanctitate loci; quippe cui extractio malefactorum, quæ per se iusta est, haud repugnare videtur. Multò minùs lex positua Evangelica talem immunitatem decreuit: quandoquidem Christus, supra legem naturæ, ac Fidei, nullas leges ceremoniales præscripsit; nisi circa ritus Sacrificii & Sacramentorum: reliqua verò Ecclesiæ disponenda reliquit, sicuti notauit Couar. l. c. n. 2. & Suarez t. 1. de relig. tract. 2. lib. 3. cap. 8. n. 13.

QVÆSTIO SECUNDA. Quanam loca immunitate gaudeant? Respondeo; In primis templa, & sacella, Episcopi auctoritate consecrata, vel benedicta, aut alia ratione, v. g. crucis erectione, deputata ad publicum Sacrificii, & Sacramentorum usum. Nam talia loca sacra censentur, idèque nullis temerarijs ausibus profananda sunt, c. penult. de immunitat. Eccles. ubi id explicat Abb. n. 5. & Syl. ver. immunitas, l. q. 1. ubi eadem ratio ne infert, etiam oratoria, Ecclesiastica immunitate gaudere, si cum Episcopi auctoritate diuinis officiis deputata, licet nec consecrata, nec benedicta sint. Secus autem sentiendum de priuatis oratoriis, in quibus Papa, vel Episcopus licentiam dedit Missam celebrandis, hæc enim immunitate Ecclesiastica non gaudent, uti ex communi annotauit Sanchez li. 9. de matrimon. disp.

15. num. 59. Quod autem ait ibidem, oratoria non consecrata, neque benedicta, sed ad publicum cultum diuinum deputata, sanguinis, aut seminis effusione, aliisque modis violari, id etiam Glossa arbitratur c. vlt. de consecrat. eccles. ver. non consecrata. Sed consuetudine receptum non videtur: cum neque ex dicto c. vlt. satis colligi possit; quando dicitur, Ecclesiam non consecratam, si polluta fuerit, aqua exorcizata lauanda esse. Intelligitur enim de ecclesia benedicta, si sanguinis v. g. iniusta effusione polluat, simplici aqua benedicta à Presbytero reconciliari posse. Vide quæ dicam li. seq. tract. 5. c. 5.

Atque extendenda est hæc immunitas. I. Vt locum etiam habeat in ecclesia interdicta; similiter & in polluta, aut violata, & nondum reconciliata. Quia hæc iuris censura, seu impedimenta, cum quasi pœnalia & odiosa sint, extendi non debent ultra casus iure expressos, sicuti videre est apud Abbatem in cit. cap. penult. Syluest. ver. immunitas, 1. quæst. 1. Iulium Clarum §. practica criminalis, q. 30. num. 3. Suarez cit. lib. 3. cap. 9.

II. Vt locum etiam habeat in ecclesia, licet nondum in ea diuina officia celebrari coeperint, vti excommunicari docent Couarruias cit. cap. 20. num. 4. Syluest. Suarez li. 2. c. 8. & constat ex iis quæ dicam lib. 5. tract. 5. c. 5. num. 1.

III. Vt locum etiam habeat in cœmeteriis: quia cœmeteria eisdem gaudent priuilegiis; quibus ipsæ ecclesiæ, teste Abbate in cap. cum ecclesia, num. 2. de immunitate ecclesiæ.

IV. Vt dicta immunitas sit in omnibus locis seu habitaculis ecclesiæ, puta sacristia, porticu; atrio quolibet modo ecclesiæ adhaerentibus, sicuti dicitur in cap. si quis contumax, 17. q. 4. vbi Glossa ver. adhaerentibus allegat l. ff. de rei vindicat. *Quæ religiosis adhaerent, religioſa sunt.* Et in cap. sicut antiquitus, cap. quisquis, cap. definiuit, eadem quæst. 4. extenditur ius immunitatis ad domus, atria, & quæcunque loca existentia in circuitu 40. passuum in ecclesiis maioribus, 30. vero in minoribus. Verum per consuetudinem, qua hodie vtimur, pro dictorum passuum circuitu, nunc tali iure gaudet ambitus cœmeterij ab Episcopo deputatus, vti annotauit Nauar. cap. 25. num. 18. Suarez cit. cap. 9. num. 8. Clarus cit. q. 30. num. 1.

V. Ob similitudinem rationis ex allegatis iuribus deducit Couar. cit. c. 20. n. 18. etiam eum per ecclesiæ immunitatem defendi oportere; qui cum ad ecclesiā confugisset, eam clausam inueniens, manu portas earum ve ansam, aut vectes apprehendit. quod etiam Igneus respondit in l. 1. ff. ad Syllanum, testatus Rhotomagi sæpius ita responsum fuisse. Præterea vt locum habeat ius immunitatis, tametsi aliquis in superiore parte fabricæ, vel in turri, vel etiam supra tectum ecclesiæ existat, sicuti Suarez notauit num. 7. Neque obstat, quod in talibus locis ecclesiæ non polluat: nam ecclesiæ violatio odiosa est; immunitas autem fauorabilis: quare hæc à iure, & consuetudine optima iuris interprete, magis extenditur, quam illa. Atque hæc de immunitate templorum, & locorum adhaerentium.

Secundò; Immunitatis iure gaudent omnia alia loca, quæ canonico iure religiosa censentur, vt Hospitale Episcopi auctoritate constitutum, iuxta cap. ad hæc, de religiosis domibus. Item Religiosorum domus, seu monasteria, cum toto ambitu clauſtri, sicuti colligitur ex c. ligna, d. 1. de consecrat. & docent DD. communiter, atque consuetudo confirmat.

Tertiò, Episcopi palatium, sicuti constat ex c. id constituimus, 17. q. 4. Idque locum habere Glossa admonet, etsi palatium ab ecclesia seiunctum, siue extra 40. passus constitutum sit: quam sententiam, vt commu-

niter receptam, commendat Abb. c. penult. numero 9. de immunit. ecclesiæ, Couarrui. cit. cap. 20. num. 5. ver. quintò, qui tamen admonet, consuetudine aliter obseruari, vt videlicet Episcopi domus immunitate non gaudeat, nisi sit posita intra 40. passus ecclesiæ matricis. Idemque notat Clarus §. fin. q. 30. n. 2.

Quartò, Archidiaconus in c. quæsitum, 13. quæst. 2. Abb. in c. sanè, n. 2. de celebr. Missarum, Syluest. ver. immunitas, 3. quæ. 1. Nau. cit. n. 18. D. Martha de iurisdic. p. 2. c. 50. in fine, Clarus cit. §. fin. seu in pract. criminali, q. 98. n. 1. Sa ver. ecclesiæ immunitas, n. 1. Suarez cit. c. 9. in fine, & alii docent; Fugientem ad Sacerdotem S. Eucharistiam manibus portantem, simili immunitate gaudere, vt inde auelli non possit. Quæ pia admodum, & valde probabilis extensio est: siquidem corpus Christi longè dignius est, imò ratio, & quasi fundamentum immunitatis concessæ locis sacris, seu religiosis. Quia tamen de hoc nihil in iure expressum reperitur, ideo Glossa in cit. c. quæsitum, contrarium docet, propterea, quod priuilegium ad non expressa per consequentiam trahi non debet. Couarruias vero in cit. c. 20. num. 6. dubius est in hac re. Profectò valde rationabile apparet, vt Reus ita confugiens, salutemque suam quærens, ab ecclesia defendatur; idque arbitror in praxi obseruandum fore. Ad obiect. Glossa respondetur cum Abb. Quin imò priuilegium extendi posse ultra casum expressum, ex voluntate priuilegiantis rationabiliter præsumpta.

Non desunt etiam apud Clarum l. c. n. 5. qui dicunt; Si Reo ad supplicium ducendo Cardinalis obuiam factus, pileum suum imponi faciat, à morte liberandus esse, quod verum censi debet, vbi per consuetudinem tale priuilegium Cardinalibus concessum est; qui, vt Clarus ibi ait, Regibus æquiparari debent.

QVÆSTIO TERTIA. In quibus causis immunitas Reo præstanda sit? Respondeo: Reus alius est in causa ciuili, qui dicitur *reus debendi*, siue debitor: alius in causa criminali, id est, reus criminis, ac pœnæ. De Reo prioris generis; Num videlicet debitis grauatus, si ad ecclesiā confugiat, tutus esse debeat, vt inde extrahi non possit, Doctores non omnes consentiunt. Negat enim Iason in l. vinum, ff. si certum petatur. Sed alij communiter, & rectè affirmant. apud Abb. c. inter alia, n. 22. de immunit. eccles. Syluest. ver. immunitas, 3. q. 3. dicto 6. Nauar. c. 25. n. 19. Couarrui. cit. c. 20. n. 14. Gutierrez lib. 1. pract. q. 1. n. 13. & sumitur apertè ex l. 1. & vlt. C. de his, qui ad ecclesiā confugiunt, vbi habetur, quod talis ob ciuilia debita ad ecclesiā confugiens, per se, vel per procuratorem in iudicio comparere possit: sin id facere detrectet, vel differat, ludicem, post solemnium edictorum citationem, bona debitoris apprehendere, & ex iis petitoribus ad modum debiti satisfacere posse. Idemque obseruandum aiunt DD. citati, tametsi ad ecclesiā confugiens publicorum tributorum debitor sit, non obstante Auth. de mandatis Principum, §. publicorum: quippe cum hæc constitutio iuri Pontificio aduersetur. Cæterum hoc ius immunitatis respectu debitorum ex causis ciuilibus in quibusdam regnis non vsque adeo obseruari, monet idem Couar. cit. n. 14. ver. Nec tamen me latet: præsertim, si per fraudem bonis absconſis, vel secum delatis in ecclesiā se recipiant, vt Gutierrez loco cit. obseruanit.

De Reis verò propriè dictis, siue ex crimine, generalis & communiter approbata regula est; Neminem criminofum, ad ecclesiā confugientem, inde extrahi posse, nisi in casibus iure, vel æquiualeante consuetudine exceptis, sicuti videre est apud Nau. lo. cit. Clarum cit. q. 30. n. 8. Suarez c. 11. n. 4. Casus autem excepti sunt hi: I. Si crimen, idque graue, in ipsa ecclesia committatur, sicuti habetur in c. vlt. de immunit. eccles. Cum in eo, in quo deliquit, puniri quis debeat, & frustra legis auxilium inuocet, qui deliquit in legem, de quo videri potest

Abb. ibid. n. 8. Nau. n. 20. Couar. n. 15. Suarez. cit. c. 11. n. 6. ubi monent; Nihil referre, vtrum quis in ecclesia delinquat ex præsumpta spe immunitatis, an sine tali præsumptione: nam utroque casu Reum privilegio immunitatis priuari, consuetudo optima iuris interpret declarat Idemque sentiendum, etsi delinquens in ecclesia existens occidat, v. g. vel occidi mander hominem extra ecclesiam existentem; vel, vice versa, extra ecclesiam existens occidat, vel occidi iubeat hominem in ecclesia existentem. Siquidem utroque horum casuum delinquens iniuriam infert ecclesiae, seu sacro loco, idèoque indignus est, vt inde defendatur, ex quo potius poenam meretur, quæ est ratio prima cit. c. vltim. de immunit. eccles. Et ita docent Abb. in cit. c. vlt. n. 12. Nauar. c. 25. n. 21. Suarez l. c. D. Martha de iurisdic. p. 2. c. 51. n. 26.

7 Illud verò non satis probatum est, quod tradunt Hostiensis in sum. de immunitate ecclesiae, §. in quantum, Couar. num. 15. D. Martha cit. c. 51. num. 2. Si quis prope ecclesiam ex proposito deliquerit, fiducia ecclesiastica immunitatis consequenda, eodem iure priuari, & ab ecclesia extrahi posse. Nam talis re vera non delinquit contra reuerentiam ecclesiae: cum in ea peccatum non perpetret, sed patrati delicti immunitatem duntaxat se consecuturum speret: quare contrarium probabilius docent Abb. c. inter alia, n. 18. de immunit. Eccles. Angel. ver. immunitas, §. 17. Nau. c. 25. n. 22. Suarez cit. c. 11. n. 9.

8 Alter casus exceptus habetur aperte in c. inter alia, de immunit. eccles. *Nisi publicus latro fuerit, vel nocturnus depopulator agrorum*, vulgò *cin zandrouber*. Nam vt tales homines indigni reddantur beneficio immunitatis, requiritur (inquit ex communi Clarus cit. q. 30. n. 9.) eos vias publicas paratis insidiis obsidere ad homines interficiendos, vel agros depopulandos. Vide Abb. in. cit. c. inter alia, n. 5.

Tertius casus habetur in c. i. de homicid. quod est sumptum ex c. 21. Exodi: *Si quis per industriam occiderit proximum suum, & per insidias, ab altari meo, auelles eum*. Cuius rei exemplum habemus in Salomone Rege 3. Regum. 2. qui Ioab ad altare confugientem impunem non reliquit: quia per insidias Abner occiderat 2. Reg. 3. & Amasam 2. Regum. 20. Et simile est, si quis hominem veneno enecet: cum id sit homicidium qualificatum, ac proditorium, teste Couar. cit. c. 20. num. 7. Gomez lib. 3. resolut. cap. 3. num. 7. Mol. tract. de iustit. disput. 24. Hieron. Gigante de crimine laesæ Maiest. q. 10. num. 23. D. Martha lib. 2. cap. 51. num. 8. argumen. l. 1. §. occisorum, ff. ad S. C. Sillanianum, & l. 1. Cod. de Malef. & Mathematicis: *Plus est hominem extinguere veneno, quam occidere gladio*.

Sed controuersia est inter Doctores, vtrum illi ecclesiae immunitas prodesset debeat, qui non quidem per insidias hominem incautum occidit, v. g. à tergo aggrediendo, tamen de industria, seu ex proposito. Talem homicidam immunitatis asylo non gaudere, sed extrahi posse, docent Clarus §. fin. quæst. 30. num. 12. Molin. tract. 3. de iust. disput. 23. Andr. Fachinæus p. 3. lib. 9. controuers. cap. 93. Sed contraria sententia est vera, & tenenda, quam tradit Couarruias cit. cap. 20. num. 7. Suarez cap. 11. num. 13. Nam exceptio illa à lege communi ecclesiae valde fauorabili odiosa censeri debet; idèoque non extendenda; sed potius strictè interpretanda, seruata verborum proprietate. Verba autem textus propriè explicantur si duæ illæ voces per industriam, & per insidias coniunctim sumantur; vt posterior sit limitatio seu determinatio prioris, sensusque sit, si quis occiderit per industriam insidiosam, sicuti Couarruias vertit. Videri etiam potest Ioan. Gutierrez lib. 1. pract. quæst. 2.

Quarto excipiunt aliqui apud eundem Couarruias

num. 10. Si Assassinus ex alterius mandato hominem insidiosè occidat. Sed sciendum est *Assasini* nomen duobus modis à Doctoribus usurpari: Primo latè, pro omni eo, qui pretio conductus hominem incautum occidit: & tunc casus non videtur distinctus à præcedente: siquidem in illo æquè mandans, ac mandatarius immunitatis iure priuantur: quia *qui facit per alium, perinde est, ac si faciat per seipsum*, regul. 72. in 6. Dummodò effectus, siue cædes re ipsa sequatur: nam solus conatus, siue aggressio, aut etiam vulneratio non videtur sufficiens, vt reus ad ecclesiam confugiens inde extrahi possit; sicuti notauit Suarez cit. cap. 11. numero 14. Secundo strictè & propriè, Assassini dicebantur infideles ex Syria, qui fas esse arbitrabantur, quoscunque Regis sui inimicos, ipso iubente, necare. de quibus mentio est in cap. 1. de homicid. in 6. Ex quo textu colligi videtur; Christianum mandantem per eiusmodi Assassinum homicidium patrari, etiam effectum non secuto, immunitatis iure spoliati posse, sicuti idem Suarez notauit num. 16. & videri etiam potest Couarruias cit. num. 10. Nauar. cap. 27. num. 136. Suarez tom. 5. disput. 23. num. 46. Ex quorum doctrina intelligitur, poenas, ac censuras decretas in cit. cap. 1. de homicidio in 6. aduersus crimen Assassinorum, hodie non ita locum habere; cum tales Assassini infideles, de quibus ibi mentio fit, nunc non grassentur.

Quintò in cit. Authent. de mandatis Principum, cap. 11. habetur; Neque homicidis, neque adulteris, neque virginum raptoribus delinquentibus, sanctorum terminorum tutelam concedendam esse. Verum id iure canonico correctum esse, constat non tantum ex c. de raptoribus; 36. q. 1. sed etiam ex cap. inter alia, de immunit. ecclesiae, ubi dicitur: *Si liber, quantumcunque grauius maleficia perpetravit, non est violenter ab ecclesia extrahendus*. Et paulò post: *Et hoc verum est, nisi publicus latro fuerit, vel nocturnus depopulator agrorum*. quæ exceptiones confirmant regulam in alijs. Atque ita docet Abb. cit. cap. inter alia, num. 14. Angelus ver. immunitas, §. 17. Syluest. 3. quæst. 2. Suarez cap. 11. 17. & esse communem ait Ioan. Faber Institut. de his, qui sunt sui, vel alieni iuris, §. Sed & hoc tempore, Clarus cit. q. 30. num. 10. Licet contrarium de virginum raptoribus sentiat Couarrui. num. 8. eò quod grauius crimen sit: quæ tamen ratio nullius momenti est; cum aperte repugnet iuris canonici constitutio in dicto cap. inter alia: Atqui in hac materia iuri canonico potius, quam civili adhærendum esse, fatetur ipse Couarrui. num. 3. & alii communiter. Quare hæc sententia defendi non potest, nisi vigore consuetudinis; si alicubi scientibus & tacite consentientibus Ecclesiae Prælati, introducta sit; sicuti etiam consuetudine obtentum esse, monet idem Couarrui. num. 13. in fine; & D. Martha tract. de iurisdic. p. 2. cap. 51. num. 23. Vt fures, etiam simplices, ad ecclesiam confugientes, à seculari Iudice extrahi possint: Cum enim hoc crimen propter eius frequentiam valde perniciosum Reipublicæ existat, ideo consuetudo obtinuit, vt in multis casibus inter excepta numeretur. Veruntamen in Gallia fures ecclesiae immunitate gaudere, testatur Clarus num. 14.

Sextò aliqui apud Couarrui. num. 13. Suarez num. 8. excipiunt; Si Reus iam captus, ex custodia, vel manibus Ministrorum elapsus, ad ecclesiam confugiat; item si in arresto positus sub iuramento promiserit se permanurum; huiusmodi casibus ecclesiae immunitatem ipsi non profuturam. Verum contraria sententia est communis, quam Couar. & Suarez ibidem sequuntur, item Abb. cit. c. inter alia, in fine, Syl. ver. immunitas, 3. q. 3. §. quintum; Angelus §. 19. Cum enim immunitas in fauorem ecclesiarum introducta sit; delictum Rei præiudicare non debet. Nihilominus talem ex

arresto aufugientem à Prælatò ecclesiæ tradi posse; præstita prius cautione de immunitate pœnæ corporalis, notant Couarruu. Syluest. Suarez ll. cc.

Denique hæretici crimen plerique excipiunt, vt videre est apud Couar. num. 11. ver. decimoquarto, Martha cit. c. 52. num. 29. vbi rationem affert: Quia illi delinquant contra ecclesiam; ideo non merentur ab ea defensionem. Idemque docet Sa. num. 3. de Reis læsæ Maiestatis in Principem, vt saltem cum Episcopi licentia extrahantur. Vide etiam Clarum q. 30. num. 10. & q. 36. num. 27.

QVÆSTIO QVARTA. Vtrum omnes homines non tantum fideles; iique tum Clerici, tum laici; sed etiam infideles immunitate ecclesiæ in casibus iure concessis gaudere possint? Respondeo, & dico I. Fideles gaudent immunitate, etsi excommunicati sint. Ita ex communi Couar. num. 11. Ratio est: Quia excommunicatio non habet alios effectus, nisi qui iure expressi sunt: hic autem expressus non reperitur, vt delinquentem ecclesiæ immunitate priuet. Idemque multo magis dicendum de censura personalis interdicti, sicuti notauit Suarez cap. 10. numero 3.

Dico II. Immunitas hæc ecclesiarum propriè tantum introducta videtur comparatione Iudicij secularium, quominus Reos ab ecclesia extrahere possint; non item comparatione Iudicij Ecclesiasticorum. Ita singulariter notauit Azor to. 2. lib. 9. c. 9. q. 9. §. Quid de pagano, Suar. cit. c. 10. num. 6. & nm. 13. argum. c. inter alia, de immunit. Eccles.

Hinc intelligitur primò; Clericos delinquentes; etsi ad ecclesiam confugiant, tamen ab Ordinariò suo ad Ecclesiasticum iudicium extrahi posse. Ita enim consuetudine obseruari, testantur Abb. num. 13. Syl. qu. 3. §. tertium, Nauar. cap. 25. num. 21. & 22. Remigius de Gonny de immunit. eccles. Fallentia 21. Clarus quæ. 30. num. 16. Ratio est: Tum quia Iudex Ecclesiasticus maiorem potestatem habet in ecclesia, ex qua Reus extrahitur, quam secularis: tum quia in iudicio Ecclesiastico non ita seuerè agitur ad corporis pœnam, & publicam vindictam, sicuti in seculari: quamobrem Ecclesiasticum iudicium etiam in ecclesia exerceri potest, non autem seculare; sicuti bene annotauit Abb. in cit. n. 13. c. inter alia, & habetur in c. vlt. 2. q. 2.

Intelligitur secundo; Quibus casibus Iudex secularis capere potest delinquentem Clericum in minoribus, si beneficiatus non sit, nec habitum & tonsuram gestans alicui ecclesiæ seruiat; iuxta Trident. sess. 23. cap. 6. de reform. iisdem haud dubiè locum esse immunitati ecclesiæ: vt nec à Iudice seculari, nec Ecclesiastico extrahi queat. Quia Clericus in minoribus tali casu reputatur vt laicus; saltem non debet esse deterioris conditionis, quam laicus.

Sed quid, si Clericus gaudens priuilegiò fori committat delictum, ob quod seculari Iudici tradendus sit, nunquid ab Ecclesiastico extrahi poterit, vt illi tradatur? Respondeo cum Couarruu. cit. cap. 20. numero 16. Suarez cit. cap. 10. num. 7. Crimina, ob quæ Reus clericus deponendus, & seculari Iudici tradendus sit, plerumque esse excepta, seu in quibus Ecclesiastica immunitas cessat; ideoque nullum locum propositæ quæstioni esse posse. Sin verò aliquod crimen sit, quod ab Ecclesiasticæ immunitatis defensione non excipitur, & nihilominus ob id Clericus incorrigibilis Iudici seculari tradi possit, tunc Iudex Ecclesiasticus vel illum extrahere non debet, vel, si extrahat, curiæ seculari tradere nequit.

Dico III. Iudæi, & Pagani non gaudent immunitate ecclesiæ; excepto vnico casu, si ad ecclesiam confugientes, Baptismum non simulatè petere videantur. Sumitur ex l. i. Cod. de his, qui ad ecclesiam confugiunt, *vnct. Gloss. marginali, & idem sentit alia Gloss. cit.*

cap. inter alia, verbo extrahendus. Angelus verb. immunitas, §. 13. Suarez cap. 10. num. 10. contra Syluest. verbo immunitas, 3. quæst. 3. §. primum, qui cum Hostiensis, & aliis indistinctè ait; Iudæos, & Paganos ecclesiæ immunitate gaudere. Est item contra Remigium fallentia 18. Clarus quæst. 30. numero 17. Couarruu. num. 11. qui sine exceptione aiunt; Infideles delinquentes ab ecclesia, in quam confugerunt, extrahi posse. Sed prior pars assertionis probatur: Tum quia par non est, ab ecclesia defendi eum, qui eius gremio, tutelæ, ac fidei se committere recusat, ait Couarruu. cit. numero 11. Tum quia canones, statuantes immunitatem Reis, videntur loqui secundum materiam subiectam de personis sub iurisdictione ecclesiæ constitutis. Altera verò pars assertionis, siue exceptio illa probatur: partim quia per se valde æqua est; partim quia satis apertè colligitur ex l. i. Cod. de his, qui ad ecclesiam confugiunt; ideoque etiam iure canonico locum habere debet, argum. cit. cap. inter alia, ibi, *iuxta statuta canonum, & traditiones legum civilium*. Veruntamen si infidelis post delictum commissum ad ecclesiam confugiens, Baptismum petat, cum antea conuersionis nulla signa dedisset, præsumptio est contra illum, quod simulatè, & solum pœnæ vitandæ causâ petat; ideoque, nisi contrarium apparere videatur, extrahi potest. Nost tamen assentior Abbati in cit. cap. inter alia, num. 8. quem sequitur D. Martha cap. 51. num. 33. præsumptionem hanc iuris esse, ac de iure, contra quam non admittitur probatio in contrarium. Quin potius dicendum, ad Ecclesiæ Prælatum pertinere, vt in hoc casu examinet voluntatem Rei sacrum Baptisma petentis; & si iudicauerit veram esse atque à Deo inspiratam, immunitatem ipsi concedat, quominus à Iudice tunc extrahi possit, sicuti docet etiam Suarez loco citato.

QVÆSTIO QVINTA. Quinam sint effectus, siue commoda immunitatis Reorum ad ecclesias &c. confugientium? Respondeo, in his consistere: I. Quod Reus in loco sacro &c. capi, incarcerari, aut vinculis constringi non possit. Ita habetur in c. definiuit, 17. q. 4. & l. præfenti, Cod. de his, qui ad ecclesiam confugiunt, & docet Couar. in 17. Suarez cap. 12. num. 5. & 6. aliique communiter.

II. Quod interim, dum Reus intra ecclesiam &c. existit, sententia ad mortem, vel aliam pœnam corporalem in illum statui nequeat, sicuti habetur in cap. inter alia, de immunit. ecclesiæ, vbi id explicat Abb. n. 3. & monet, pecuniaria tamen pœna affici posse, sicuti colligitur ex verbis cit. cap. inter alia, *super hoc tamen, quod iniquè fecit, est aliàs legitime puniendus*: idemque tradit Syluest. ver. immunitas, 3. quæst. 4. Azor cit. c. 9. quæst. 12. Suarez cit. cap. 12. vbi ait, nec pœnam seruitutis, exilij, aut treremij decerni posse; quia sunt admodum graues, & corporalibus æquiparantur; imò earum quasdam excedunt.

III. Prohiberi non potest, quominus victus, ac vestitus ad Reum deferantur, sicuti habetur in cit. l. præfenti, & notat Abb. n. 13. Couar. cit. n. 17. ver. trigésimo primò, Suarez cap. 12. n. 4. & videri potest Azor q. 13. Nihilominus potest Iudex custodiam ecclesiæ apponere, ne Reus liberè aufugiat, sed, sic extra ecclesiæ fines constitutus sit, capi & incarcerari possit. Data opera dico *constitutus sit*: Nam meritò Couar. n. 17. ver. tricésimo tertio, cum Ioanne Andrea, & Ioan. Igneo monet, violari immunitatem ecclesiæ, si Reus, cum solam vestem extra ecclesiam posuit, extrahatur, & capiatur. Idemque dicendum ait Suarez n. 4. si pedem, vel manum extra ecclesiam posuit, capite, & aliis præcipuis corporis membris intra ecclesiam adhuc existentibus.

IV. Quod rebus, aut bonis suis, quæ secum ad ecclesiam attulit, spoliari non possit, sicuti colligitur ex cit.

c. definiuit, & notat Suarez citat. cap. 12. num. 3. Nisi respectu eorundem bonorum, aut rerum delinquat: ut si res alienas, seu alteri obligatas ad ecclesiam detulit, vel si fœminam secum ad ecclesiam rapuit, ea ipsi auferri poterit, c. de raptoribus, 36. quæst. 1. Item, si arma ipsi prohibita intra ecclesiam tulit, sicuti notauit Couar. cit. c. 20. prope finem.

V. Isque præcipuus immunitatis effectus est. Quod Reus per vim seu inuitum à loco sacro extrahi non possit: Si tamen rogatus, vel blanditiis, aut promissionibus ille Reus voluntariè exeat, non violatur immunitas, sicuti ex communi notat Nauar. c. 25. n. 21. Suar. cap. 13. n. 2. arg. c. inter alia ibi, *non est violenter extrahendus*. Secus tamen dicendum, si dolo à Iudice eductus, postea capiat, sicuti idem Suarez indicat. num. 17. Ecclesiæ tamen Prælatus Reum quandoque Iudici seculari tradere potest, exacto prius iuramento, vel simili cautione immunitatis à pœna mortis, & omni corporali, sicuti colligitur ex c. id constituimus, c. Reum, 17. quæst. 4. & notat Abb. cit. c. inter alia, in fin. Syluest. ve. immunit. 3. quæst. 4. Suárez cit. cap. 13. num. 3. Azor to. 2. lib. 9. c. 9 q. 10.

Potro siue Iudex secularis, si legitima Prælati ecclesiastici licentia, Reum inuitum, extra casus iure, vel consuetudine exceptos, ac permittos, à loco Ecclesiasticæ immunitatis extrahat, vel alia ratione immunitatem violat, sacrilegium committit, sicuti constat ex c. sacrilegium, 17. quæst. 4. & docet S. Thom. communiter receptus in 2. 2. quæst. 99. a. 2. ad 3. Et possunt personæ Ecclesiasticæ resistere Iudici: quia licitum est vim vi repellere, & Ecclesiasticam immunitatem tueri, ait Suarez num. 4. Modus autem defensionis erit claudere fores Ecclesiæ, & alia media externa adhibere ad impediendam violentiam, tamen sine armis, saltem quibus ipsi Clerici vtantur: nam in raro casu necessitatis, posse auxilium laicorum adhiberi ad ecclesiam in tali casu defendendam, ait Suarez ibid.

Ordinarius autem modus arcendi Iudicem à tali iniqua violentia est per censuras Ecclesiasticas, præsertim excommunicationis; nisi desistere, vel Reum iam extractum protinus restituere velit, iuxta cap. miror, 17. quæst. 4. quod est S. August. epistol. 187. ad Bonifac. *Ecclesia illasum renoua, quem vel irreligiosissimus rapuisti: oblatio vero domus tua à Clericis ne suscipiatur, indixi: communionemque tibi interdico, donec &c.* Atque ita notauit Couar. cap. 20. in fine, Abb. cap. inter alia, num. 62. Suarez cap. 13. num. 6. & alii communiter. Insuper Iudex illegitimè Reum ex ecclesia extrahens, vel contra ita extractum ulterius procedens, ex iustitia obligatur ad compensationem damnorum eidem Reo faciendam, sicuti docent Suarez citat. cap. 13. num. 9. Valentia tom. 3. disput. 6. quæst. 15. part. 1. ad 1. argument.

Denique processus iudicii post eiusmodi iniustam & violentam extractionem institutus, ipso facto irritus est. Si enim fundamentum iudicii iure non consistit, necesse est omnia quæ in eo fundantur irrita esse: sed omnis ulterior iudicii processus fundatur in captura, per quam veluti possessio in Reum acquiritur: ergo si captura illegitimè, & per iniustam violentiam attemptata fuit, reliquus etiam processus ipso iure irritus censeri debet.

CAP. IV.

DE EXEMPTIONE CLERICORUM in causis criminalibus.

SUMMARIUM.

- 1 Clerici in omnibus causis criminalibus plenissimum privilegium exemptionis à foro secularium obtinent.
- 2 Quia Iustinianus Imperator de Ecclesiasticis causis, ac personis decreuit, nullam vim obtinent.
- 3 Necessitas publici, aut privati incommodi auerendi non tribuit seculari Magistratui iurisdictionem aliquam in Clericos: sed ius duntaxat defensionis naturalis.
- 4 Maior minoris, non minor maioris Iudicis negligentiam, ac defectum supplere debet.
- 5 Ecclesiastici Iudices contra subditos suos tunculare brachium inuocare possunt, si ordinarium iuris remedium ipsis deficiat.
- 6 Clericus in flagranti crimine deprehensus aut suspectus de proposito parandi à seculari potestate capi potest, ut Iudici Ecclesiastico tradatur.
- 7 Iudex secularis Clericos arma contra publicam prohibitionem in plateis gestantes non ita priuare potest, ut eorum restitutionem deperget: nisi Prælatorum Ecclesiasticorum consensus accedat.
- 8 Clericus debitor, si fugam meditetur, interim à Iudice seculari, aut creditore capi potest, ut Iudici suo sistatur, & ad solutionem eiusque cautionem compellatur.
- 9 Clericus à seculari Iudice ad testificandum cogi non potest.
- 10 Si plures simul delinquant, omnes ab eodem Iudice iudicari debent.
- 11 Iudices seculares contra concubinas Clericorum procedere solent: sed id agere debent non usurpata iurisdictione in personam Clericorum.
- 12 Quipost crimen commissum Clericus, vel Religiosus factus est, à seculari Magistratu iudicari non potest, nisi causa præuentâ fuerit.
- 13 Si bona per accidens subiciantur Magistratui, propter subiectionem persona: tunc liberata, aut exempta persona, consequenter etiam bona eximuntur iurisdictione.
- 14 Clericus ad statum laicalem transiens iudicari potest à Iudice Ecclesiastico, propter crimina in clericatu commissâ.

CLERICOS in omnibus causis criminalibus plenissimum fori priuilegium obtinere, ut coram Iudice seculari conueniri, aut puniri nullo modo possint, constat ex multis decretis Conciliorum, & Pontificum, quæ congerit Gratianus causa 11. quæstion. 1. Item ex Concil. Matifconensi 2. cap. 10. & lib. 2. decretal. tit. de Iudiciis, cap. at si clerici, cap. clerici, cap. qualiter & quando, cap. cum non ab homine, & tit. de foro compet. cap. 2. cap. si diligenti, cap. significasti Eandemque exemptionem Imperatores Christiani agnouerunt, & decreuerunt: Inprimis Constantinus I. apud Rufinum lib. 1. aliàs 10. histor. cap. 2. *Deus vos constituit sacerdotes, & potestatem vobis dedit de nobis quoque iudicandi: vos vero non potestis ab hominibus iudicari*, quod dictum Constantini etiam Gregor. Papa refert in epist. ad Mauritiū Imperatorem. Et lib. 16. Cod. Theodosiani, l. 7. de Episcopis, & Clericis decreuit idem Constantinus: *ut Clerici minime ad curias deuocentur: sed immunitate plenissima potiuntur* Idem postea decreuit Constantinus Imperator, lib. 12. & sequent. eod. tit. Eamque immunitatem Clericorum à Iuliano Apostata impiè violatam, integre reuocarunt Theodosius, & Valentinianus Imperatores, sicuti videre est eod. tit. Cod. Theodosiani lib. 45. 46. 47. in qua ita habetur: *Præuilegia Ecclesiarum omnium, quæ seculo nostro Tyrannus inuiderat, proma deuotione renouamus. Clericos item, quos indiscretis ad seculares Iudices debere deducti in faustis præsumptor edixerat, episcopis audientia reservamus. Fas enim non est, ut diuini muneris Ministri temporalium potestatum subdantur arbitrio*. Quibus verbis manifesto indicant, immunitatem Clericorum ad eod. omni iure, diuino & humano, constitutam esse, ut sine tyrannide, & sacrilegio à Principe violari non possit.

Sed deinde iterum Iustinianus Imperator Ecclesiasticam immunitatem non parum minuire aggressus est Nouel. 83. collat. 6. tit. 12. ubi decreuit, Clericos, saltem in civilibus criminibus, puta furto, homicidio &c.

coram seculari Iudice conveniri posse; & si reos illos esse appareat, prius ab Episcopo spoliari oportere sacerdotali dignitate, & ita sub legum fieri manu. quod propter temporum illorum iniuriam, postea etiam Matiscenense Concilium l. can. 7. permisit. Verum & hæc, & alia multæ leges, quas Iustinianus Imperator, limites suæ potestatis excedens, de Ecclesiasticis causis, ac personis condidit (vti videre est præsertim in Cod. de Episcopis & Clericis) nullius momenti censi debent. Ipsaque constitutio illa, vt in civili crimine Clerici ad secularem Iudicem trahantur, correctæ fuit ab Imperatore Fridrico II. in Auth. statuimus, *vt nullus Ecclesiasticam personam in criminali questione, vel civili trahere ad iudicium seculare præsumat, contra constitutiones Imperiales, & canonicas sanctiones. Quod si actor fecerit, iure suo cadat, iudicatum non teneat, & Iudex ex tunc potestate indicandi priuetur.* Consentit c. at si Clerici, c. cum non ab homine, de iudiciis. Ratio & æquitas huius exemptionis est: Quia valde indecens est, vt status inferior iudicet superiorem: sed Sacerdotes, alique Clerici in digniore, & altiore statu sunt, quam laici, c. duo sunt, d. 96. Ergo indecens est, atque in contumeliam Ordinis clericalis cedit, si à laicis iudicentur, aut condemnentur. Quam rationem attulit Leo I. epist. 96. ad Episc. & Presbyt. Thraciæ, vbi queritur in primis, ius, siue priuilegium fori clericalis, quod & antiqui iuris formulis, & illibatis frequentius legibus confirmatum fuerat, præ nū tamen tempore calcatum fuisse: Quocirca nobis visum est, vt hanc & sacræ legis & nostri ordinis contumeliam, & ad præsens vltisceretur plena distinctio, & obseruandam formulam constitueret in futurum. Et Gregor. 7. lib. 8. epistol. 21. relatus in cap. 9 d. 96. Quis dubitet, Sacerdotes Christi, Regum, & Principum omniumque fidelium patres ac magistris censi? Nonne miserabilis infamia esse cognoscitur, si filius patrem, discipulus magistrum sibi conceit subigere, & iniquis obligationibus illum suæ potestati subicere, à quo credit non solum in terra, sed etiam in celo seligari posse, ac solui? Item Concilium Matiscenense 2. cap. 9. Ne fas est, vt illius manibus Episcopus aut insigne, de ecclesia trahatur, pro quo semper Deum exorat, & cui inuocato nomine Domini, ad saluationem corporis, animæque Eucharistiam sape porrexit.

Plerique tamen Doctores excipiunt casum necessitatis: quod enim per leges non est licitum, necessitas quandoque licitum facit, cap. 4. extra, de regul. iuris. Verum hic exactè considerandum est, quod necessitas seu publici, seu priuati incommodi auertendi, nequaquam tribuat Magistratui laico iurisdictionem in Clericos; sed solum ius defensionis, quam naturalis æquitatis ratio cuiuslibet permittit. Quapropter opus est, vt aliqua Clerici violentia antecesserit, vel saltem periculum violentiæ, quam necesse sit laicos per seipsos repellere, cum moderamine inculpatae tutelæ.

Ex quo colligitur primò; Ob defectum iustitiæ, siue negligentiam Ordinariorum, Clericos ad seculare tribunal trahi non posse, sicuti significatur in cit. c. qualiter & quando, iuncta rubrica & Gl. ver. prohibemus, vbi id docet Abb. num. 7. eamque esse communem Canonistarum sententiam, testatur D. Martha casu 146. num. 8. rationes affert Abbas loco cit. Prima: Quia hoc naturale est, vt maior minoris; & non minor suppleat negligentiam, seu defectum maioris; Ecclesiasticus autem Magistratus maior est seculari, sicut spiritualia potiora sunt temporalibus, c. denique, c. duo sunt d. 96. Ergo Iudex secularis non supplet negligentiam Iudicis Ecclesiastici; sed potius vice versa, vti habetur in c. ex transmissa, c. licet, l. c. ex tenore, de foro compet. Secunda: Quia seculares non sunt capaces iurisdictionis exercendæ in Clericos, præterquam ex commissione Prælatorum Ecclesiasticorum: qua seclusa, non possunt vlla consuetudinis diuturnitate defendi: quia qui incapax est possidendi, incapax etiam est præscri-

bendi, argument. cap. causam quæ, de præscript. & videri potest Azor tom. 1. lib. 5. cap. 12. quæst. 1. §. sed dubitari.

Neque his obstat cap. filiis, 16. quæst. 7. vbi habetur; Si Episcopus, vel Metropolitanus res Ecclesiæ malè administret, Regis auribus intimandum esse: Id enim intelligi debet, non vt Rex iudicet (sicuti malè intellexit Gl. ibid. ver. Regi) sed vt admoneat, instet apud Ecclesiæ Prælatos; adiuet, tanquam supremus Ecclesiarum sui regni pæronus, seu aduocatus, ait Abb. cit. num. 7. in fine. Veruntamen, vt supra dictum fuit, si Clerici suis criminibus seculari Reipubl. periculum vel molestiam creent, & remedium neque ab Episcopo, neque Summo Pontifice impetrari, aut expectari possit; in eiusmodi raro, & speciali casu locum habet ius necessariæ defensionis, secundum quam fieri poterit, quod recta ratio præscribit, ait Azor tom. 1. lib. 5. cap. 14. q. 2. idemque docet Suarez lib. 4. defens. cap. 34. numero 6. & 9.

Colligitur secundo: Spectato communi iure, & seclusis specialibus priuilegiis, non posse probari praxin illam, quam refert, ac defendere conatur Couar. in pract. qq. cap. 35. n. 3. §. ceterum in hac regia: Quod si aliquis seu laicus, seu Ecclesiasticus vi aut censuris opprimatur à Iudice Ecclesiastico; simplicem querelam deferre possit ad tribunal regium; tunc verò Senatoribus regis competat acta omnia, & processum causæ Ecclesiasticæ ad se aduocare, & examinare: atque si iniustitiam commissam compererint, Ecclesiasticum Iudicem ad actorum rescissionem compellere.

Contra hanc praxin ita argumentari licet cum Suarez cit. cap. 34. num. 34. Acta, & processum iudicii ad se aduocare, exaninare, & postea Iudicem ad eorundem rescissionem compellere, non competit, nisi Magistratui superiori comparatione inferioris, sibi quæ subordinati: sed Ecclesiasticus Magistratus non est subordinatus seculari potestati, neque hæc vllam iurisdictionem aduersus Ecclesiasticos exercere potest, nisi ex delegatione. Ergo, nisi speciale priuilegium, seu commissio à Sede Apostolica habeatur, non potest praxis illa exerceri, sine usurpatione alienæ iurisdictionis, & immunitatis Ecclesiasticæ violatione. Quare necesse est, vt qui existimat, se iniuriam aut vim pati à Iudice Ecclesiastico, querelam deferat ad eius Superiorem, videlicet Metropolitanum, vel Summum Pontificem. Quod si in extraordinario casu id fieri non possit, tunc oppressus naturali iure & seipsum defendere & alios quoscunque etiam laicos, ad sui defensionem aduocare potest; modò iniuria manifesta sit, & nihil fiat per modum usurpatæ iurisdictionis, sed solum per modum iustæ, ac necessariæ defensionis.

Confirmatur ex eo, quod sacri canones neque ipsis Ecclesiasticis Iudicibus permittant contra subditos suos aduocare subsidium brachii secularis, nisi cum ordinarii iuris remedium deficit, sicuti colligitur ex c. si quis Episcopus, & seq. 23. quæst. 8. cap. 11. de offic. ordinarii, ver. cum opus est, & Clem. quia contingit, iun. Gl. ver. remediis, de religiosis domibus. Ergo multò minus ipsis subditis licebit seculares in subsidium vocare contra Magistratum suum Ecclesiasticum; præterquam in casu necessitatis extraordinario, cum nullum aliud remedium suppetit.

Colligitur tertio; Probabiliter defendi posse, quod docet Abb. in c. cum non ab homine, num. 12. de iudiciis, & cap. vt famæ, de sent. excom. Nau. in man. c. 27. num. 82. & lib. 5. consil. 27. de sent. excommun. edit. 2. Syluest. ver. excommunicatio, 6. num. 14. Sa. ver. Clericus, num. 5. Mol. tr. 3. disput. 56. num. 2. Auila de censur. p. 2. cap. 5. disput. 3. dub. 13. casu 13. Clericum in flagranti crimine deprehensum, aut suspectum de proposito perpetrando; vt quia necesse amatus

incendit, posse capi à ministro potestatis secularis, ut Ecclesiastico suo Iudici tradatur. Hæc, inquam sententia defendi potest contra Hostiensem, & alios, quos refert, & sequitur D. Martha casu 42. num. 11. modò hæc conditiones adsint: I. Quòd sit crimen perniciosum Reipublicæ, cuiusmodi est furtum, rapina, homicidium &c. II. Quòd non levis sit suspicio, sed valde probabilis præsumptio sit, Clericum tale facinus meditari. III. Quòd necessitas capiendi incumbat: si enim Clericus, oblato idoneo fideiussore, promittat se sistere Ordinario suo, capi, & incarcerare non debet. IV. Quòd minister modum non excedat, v. g. pugnos impingendo ei, qui ire paratus est: sic enim excommunicationis pœnam non euaderet, uti habetur in cit. cap. ut famæ, & singulariter, notauit Gl. in c. si clericos, ver. excedatur, de sent. excomm. in 6. Quibus tamen iuribus apertè requiritur, si oporteat laicos Clericum capere, & ad iudicium trahere violenter, ut id fiat de mandato Prælatorum, saltem tacito, uti Suarez annotauit cap. 34. numer. 15. Tunc enim non tam ipsi laici, quàm prælati, quorum auctoritate nituntur, contra Clericum procedere censentur. Alioquin valde difficile & moraliter impossibile erit intra terminos necessariæ defensionis consistere, & iurisdictionem in Clericos propria auctoritate non usurpare: quod laicis prohibitum esse, supra dixi.

Quare quod Couar. ait lib. 2. resolut. cap. 20. prope finem, & in pract. q. cap. 133. in finè Iulius Clarus in pract. crimin. quæst. 36. num. 26. Nauar. citat. consil. 27. num. 1. In Gallia, & Hispania consuetudinè esse, ut Clerici arma gestantes lege civili prohibita, à seculari Iudice, vel ministro iis priuentur, sine obligatione restituendi: id aliter defendi non potest, nisi ut fiat cum consensu Prælatorum; aut Sum. Pontificis concessione. Etenim licet Clerici talibus legibus civilibus, ob publicam ciuitatis quietem latis, obligentur quoad vim directiuam; non tamen quoad vim coactivam, ut à seculari Magistratu puniri queant. Tametsi autem arma Clerico eripere sine eius percussione &c. pertineat ad necessariam defensionem, quæ proinde seculari Magistratui aduersus Clericum concessa est; tamen armorum spoliatio, & amissio violentiam continet, & rationem pœnæ habet, quam secularis Iudex propria auctoritate, & sine vlla expressa, aut tacita commissione in Clericos, exercere non potest: quare in tali casu Magistratus civilis arma Clericis erepta, eisdem vel restituere, vel ad Ecclesiasticum eorum Magistratum transmittere debet. Ita Suarez lib. 4. defens. cap. 34. num. 14. Vasquez 1. 2. disput. 167. cap. 4. num. 31 qui tamen limitationem addit; Nisi armorum vsus, tanquam Reipublicæ perniciosus ita prohibitus sit, ut neque domi retinere concessum sit: eiusmodi legem Magistratus civilis, ob bonum publicum, etiam contra Clericos iuste defendere poterit.

Colligitur quartò; Similiter etiam defendi posse doctrinam eiusdem Abbatis in citat. cap. cum non ab homine, num. 10. & cit. cap. ut famæ, Nauar. cap. 27. num. 81. & 85. Syluest. & Sall. supra citatis. Clericum creditorem, si fugiat, vel fugam meditetur, posse non tantum à Iudice seculari, sed etiam creditore privato capi, ac detineri, ut Iudici suo sistatur, & ad solutionem compellatur; dummodò debitum alicuius momenti sit, quod à Clerico debitore, si aufugere permittatur, recipi deinde non possit. Nam hoc casu Clericus perinde se habet, ac si pecuniam alienam fugiens auferret: talem autem capi, & reduci posse nemo negat: quia contra vim iniustam cuiuslibet se defendere naturali iure concessum est. Idemque dicendum, si Clericus graui iniuria laicum affecit, ob quam ille à Magistratu suo Ecclesiastico incarcerandus, atque ad satisfactionem compellendus erit; poterit hoc casu ad breue tempus à laico

detineri, quatenus præcisè necessarium est ad iustitiam obtinendam: v. g. interim, donec testes aduocentur, vel Ecclesiastico Magistratui indicetur, ad fugam criminosi impediendam, sicuti docet Molina tr. 3. disput. 56. n. 2.

RESTANT QVÆSTIONES: PRIMA. Vtrum Clericus à Iudice seculari citari, & compelli possit ad testificandum in causa, qua non agitur de pœna sanguinis alicui inferenda? Responsio est negatiua, cum S. Thom. 2. 2. quæst. 70. a. 1. Quia testimonium alicuius auctoritati requirere, seu imperare actus iurisdictionis est ad proprium Superiorem spectans: Clerici autem exempti sunt à iurisdictione secularium Iudicum. Quòd si res postulare videtur, ut Clerici testimonium in aliqua causa habeatur, duo modi usurpari poterunt: I. est, ut Clericus coram suo Ordinario examinatus deponat, ac depositiones eius, si opus esse videbitur, ad Iudicem secularem mittantur, sicuti docet Mascardus vol. 3. de probat. concl. 1358. num. 61. Prosper Farinac. in praxi criminali, p. 2. ubi de testibus, quæst. 61. num. 86. Nam iurdictio Ecclesiastica, & civilis se inuicem adiuuare debent, sicuti docent DD. in c. nouit, de iudiciis. II. Ut Episcopus Clerico licentiam det coram seculari Iudice testificandi, sicuti docent Mascardus, l. c. Farinacius num. 83. D. Martha de iuridict. part. 4. casu 128. num. 1. Verum apud nos consuetudine obtentum esse videtur, ut Clerici seculares à Iudice, vel à partibus rogati ad testificandum, in causis, præsertim civilibus, ultro accedant, non requisita prius Episcopi licentia. Quo casu certum esse debet, si Clericus falsum testimonium in iudicio dixisse putetur, causæ huius cognitione, ac criminis punitionem Ecclesiastico Iudici committendum fore: qua de re Gutierrez lib. 1. pract. qq. quæstion. 24.

QVÆSTIO SECUNDA. Si Clericus, & laicus simul delinquant, ut in concubinato, an tota causa aduersus utrumque Reum ad Ecclesiasticum Iudicem pertinere debeat? Ita affirmant DD. plerique, uti videre est apud Iacob. Menoch. de arbitr. Iudicum quæstionibus, casu 371. num. 12. D. Martham cit. p. 4. casu 44. num. 7. contra Couar. in pract. qq. cap. 34. num. 1. Gutierrez lib. 1. pract. qq. quæst. 6. Ratio est: Quia generalis regula est; tradita à DD. in l. nulli, C. de iudiciis: Si plures simul delinquant, omnes ab eodem Iudice iudicandos esse: quare cum Ecclesiasticus Iudex dignior sit laico, ad ipsum pertinebit in hoc casu utrumque Reum iudicare. Monet tamen Menochius loco cit. sententiam hanc in praxi non obseruari: cum passim Iudices seculares contra concubinas, & mulieres suspectas procedere soleant. Circa quam consuetudinem duo aduertenda sunt: I. Nullo modo licitum esse Iudici, vel apparitoribus in domum Parochi v. g. vel ecclesiam irruere, & mulierem inde extrahere: quia hæc est violentia usurpata aduersus ipsos Ecclesiasticos. II. Probandam non esse consuetudinem quorundam Iudicum secularium, qui expensas factas in captura, & custodia mulierum suspectarum, aut fornicariarum à Clericis postea exigunt, tanquam qui expensarum causam præbuerint. Nam in primis Clericus concubinarius harum expensarum causa per se non extitit; cum eam capi non iusserit; sed solum per accidens suo delicto occasionem præbuit: ex quo sequitur quòd hæc expensarum exactio potius pœnæ rationem habeat, quæ clerico à seculari Iudice inferri non potest. Deinde per hanc condemnationem in expensas, iudicium fertur, saltem indirectè de crimine ipsius Clerici non citati, nec auditi, & interdum in hoc genere innocentis: idque non sine publica infamatione: quæ omnia excedunt Iudicis secularis potestatem.

QVÆSTIO TERTIA. Si aliquis post crimen commissum Clericus, vel Religiosus fiat, utrum à Iudice seculari iudicari, & puniri possit? Responsio est

negativa, secundum communem DD. sententiam, Abb. in c. de obligatis ad ratiocinia, Couar. in pract. qq. cap. 32. num. 4. Clari cit. quaest. 56. num. 43. Nauar. in comment. 2. de regular. num. 60. Prosp. Parinacii in pract. criminali tit. de inquisit. quaest. 8. num. 107. D. Marthæ casu 121. num. 20. Rodriquez tom. 2. regular. quaest. 2. art. 3. Gutierrez lib. 1. pract. quaest. 5. Sa ver. Clericus, num. 9. Suarez lib. 4. defens. cap. 15. num. 16. arg. 1. hos accusare, ff. de accusat. Ratio est: Quia privilegium exemptionis introductum est ob honorem status clericalis: ergo omnes eo gaudere debent, qui statum clericalem assumpserunt: Et cum favorabile admodum hoc privilegium sit, extendi potius, quam restringi oportet. Confirmatur: Si enim criminofus ad locum sacratum confugiens, inde extrahi, & à seculari Iudice puniri non potest, quanto minus si ipsamet persona sacra effecta est?

Excipiunt verò DD. communiter: Nisi Reus in fraudem Clericus, vel Religiosus factus sit. tunc aiunt à Iudice seculari contra eum procedi posse; quamvis non ad poenam corporalem (nisi Magistratus Ecclesiasticus illum degradatum tradat, ad quod tamen nullo iure cogi potest) sed solum ad multam pecuniariam. De eo autem dubitant, quibus casibus criminofus in fraudem clericalem assumpsisse censendus sit, uti videre est apud Abb. in cit. cap. 1. num. 5. Farinac. citat. quaest. 8. num. 110.

Vt distinctius res appareat, respondeo, & dico I. Si persona à seculari Iudice praeuenta erat, videlicet in custodiam coniecta, atque inde illegitimè, aut contra fidem datam erupit; tum plenum ius Iudici seculari reservatur, procedendi etiam contra personam, sicuti docet Abb. cit. num. 5. Quod tamen limitandum est, nisi iam in sacris constituta sit: tunc opus erit Ecclesiastici Iudicis sententia, ac traditione.

Dico II. Si causa praeuenta fuerat à seculari Iudice, videlicet per citationem, aut litis contestationem, procedi potest saltem ad multam pecuniariam, non obstante, quod Reus conuentus Ecclesiasticum statum assumpserit. Ita DD. citati, & sumitur ex cap. proposuisti, de foro compet. iun. Gl. ver. citatus, quod *per solam citationem perpetuatur iurisdictio quoad causam illam*. His adde, quod Sixtus V. apud Rodriquez tom. 2. regular. quaest. 2. a. 3. plenam Iudicibus secularibus potestatem concessit procedendi contra eos, qui post susceptam accusationem, aut institutam inquisitionem Religiosi facti fuerunt; imò eorundem professionem irritam esse, pronuntiavit.

Dico III. Si causa, vel persona iudicialiter non praeuenta est, sed solum infamatio aliqua antecessit; & infamatus postea clericalem statum assumpsit, non potest Iudex secularis contra illum procedere, etiam ad multam pecuniariam. Ita docet Suarez cit. lib. 4. cap. 15. num. 17. contra Couar. Clarum, Rodriqu. qui putant, aduersus talem procedi posse, tanquam fraude clericum factum, sed contra est Quia non videtur aliquis fraude facere qui iure suo utitur: criminofus autem, etsi de crimine infamatus sit, tamen post actam poenitentiam, clericatum, vel habitum religiosum assumere iure potest. Ergo &c. Limita, Quod fraudis suspicio seu praesumptio interdum esse potest, si quis post crimen, de quo infamatus vel accusatus fuit, minores ordines tantum, vel beneficium Ecclesiasticum assumat, non id fieri ex animo dicandi se Deo, sed solum, aut principaliter, ut Iudicis manus effugiat; postea verò, cessante periculo recessurum à statu clericali: talis enim fraus criminofus prodesse non debet, uti Suarez loco cit. fatetur. Alioquin verò, his sepositis, non apparet ratio, cur criminofum factum postea clericum, vel Religiosum, Iudex secularis pecuniaria poena condemnare possit. Quia Magistratus non potest criminaliter iudicare, & condem-

nare personas, super quibus iurisdictionem non habet. Multa autem pecuniaria per sententiam alicui imposita ob crimen commissum, est verè criminalis condemnatio personae ad poenam soluendam ex bonis suis: Ergo non potest competere Iudici seculari erga personas, quae forum & statum secularem cum Ecclesiastico commutarunt.

Ad hoc verò respondent; Criminofum assumpto clericatu, subiectum manere Iudici seculari ratione bonorum, non item ratione personae. Verum hoc loco, ne fallamur, exactè considerari debet, duplicem esse obligationem in bonis criminofis: Vna est per se, si nimirum bona ipso iure, per criminis commissionem, fisco obligata, vel commissa fuerint: hoc casu nulla est difficultas: quandoquidem secularis Magistratus de proprio iure cognoscit; illudque exequitur. Altera verò est obligatio per accidens, atque dependens ab obligatione personae: si nimirum bona criminofis non sint ipso iure confiscationi subiecta; sed solum indirectè, & remotè obligata; quia persona, propter crimen, in bonis suis puniri siue mulctari iure potest: hoc casu, cessante obligatione seu subiectione personae, consequenter etiam cessat obligatio in bonis. Sicuti si ciuis Monachiensis, qui delictum commiserat, ob quod iure mulctari posset, ante coeptum iudicium mutato domicilio iurisdictione liberetur; non potest vlla deinde in ipsum sententia, seu executio attentari.

Neque his obstat, quod ex communi sententia docet Couar. in pract. qq. cap. 31. num. 8. Clarus cit. q. 36. num. 11. Si quis, dum clericali privilegio gaudet, delictum committat; ac postea, ducta vxore, illud amittat; tamen de crimine commissio ab Ecclesiastico, non seculari Iudice iudicandum esse: *inspicitur enim tempus delicti*, sicuti colligitur ex l. 1. ff. de poenis. Ergo simili ratione, si laicus delinquens ad Ecclesiasticum statum transeat, à seculari nihilominus Magistratu iudicandus erit. Respondeo: Disparitatem esse, quia Clericus transiens ad statum laicalem non tam mutat forum, quam cumulat forum cum foro, ut nihil obstat, eum etiam ab Ecclesiastico Magistratu iudicari posse: At verò laicus transeundo ad statum clericalem non tantum mutat forum, sed etiam statum personae, secundum quem incapax fit, ut à seculari Iudice iudicetur. Causa vero huius disparitatis est, quod nihil obstat, quominus aliquis in statu laicali positus à Iudice Ecclesiastico iudicari possit: obstat verò Clericorum immunitas, quominus aliquis in statu clericali à Iudice seculari iudicari queat.

CAP. V.

DE IMMUNITATE, SEU EXEMPTIONE Clericorum in civilibus causis.

SUMMARIUM.

- 1 Clerici in causis etiam civilibus à seculari Magistratu exempti sunt.
- 2 Si persona exempta est, etiam res eius exempta sunt, nisi secundum se ipsas obligationem habeant.
- 3 Si Clericus feudum habeat à Principe laico, coram ipso conveniri potest in causis feudalibus.
- 4 Bona immobilia Ecclesia donari possunt cum reservatione iurisdictionis comparatione eorundem bonorum.
- 5 Actor clericus forum Rei laici sequi debet.

CLERICOS in causis quoque civilibus, ideoque etiam realibus, à seculari potestate exemptos, & coram Ecclesiastico tantum Iudice suo conveniendos esse, utroque iure notissimum est, cap. nullus Clericus, cap. nullus Episcopus, cap. placuit, 1. & 2. causa 11. quaest. 1. cap. 2. c. ut si Clerici, de iudicijs, c. si diligenti;

de foro compet. c. seculares, eod. in 6. & Authent. Statutus, C. de Episc. & Clericis. Quare hanc esse communem Doctorum sententiam, testatur Abb. c. qualiter, de iudic. n. 8. Mynsing cent. 1. obseruat. 22. num. 2. D. Martha p. 4. casu 125. Ratio est: Quia si bona non habeant obligationem per se, propriam sibi seu realem, sequuntur conditionem & statum personæ; ita ut si ea exinātur à iurisdictione, etiam bona ipsius exempta sint: siquidem fieri non potest, ut Iudex de bonis processum iudicii, atque sententiam formet, nisi personam vocando, examinando, eidem iubendo; quæ sine iurisdictione in illam fieri non possunt. Quare certum est inquit Abb. cit. num. 8. quod si persona exempta est; ergo etiam res.

Non ignoro, aliquos Iuristas contrarium sentire, uti videre est apud Ioan. Fabrum §. ult. num. 8. de satisf. Mynsing. cent. 1. obseruat. 22. n. 2. & cent. 4. obs. 95. Gaill. lib. 1. obs. 37. Clericos in causis realibus coram seculari Iudice conueniri posse: quia quisque sortitur forum in loco, ubi res sita est, vel contractus celebratus, l. ult. c. ubi in re actio c. ult. de foro compet. Sed hoc vniuersim verum non est; & regula illa varias limitationes habet; quarum ea certissima est: Nisi persona privilegiata, & omnino exempta sit, sicuti sunt Clerici à foro seculari: tunc enim seruandum est, quod in eadem l. ult. dicitur: *Actor rei forum, siue in rem, siue in personam sit actio, sequitur.*

Verum tradita doctrina limitanda est secundum omnes Doctores, Nisi bona, quæ à Clericis possidentur, comparatione laici obligationem habeant per se, sibi que propriam. Id verò accidit primò; Si à Laico, v. g. Imperatore, Rege in feudum data fuerint, vel ipsimet Ecclesiæ vel alteri v. g. Comiti, Nobili, alteriue vasallo, qui postea Ecclesiæ donauit. Cum enim iste vasallus non potuerit plus iuris in Ecclesiam transferre, quam ipsi compete- bat, iuxta reg. 79. in 6. consequens est, quod dominium directum semper maneat penes primum conferentem; ad quem proinde propriè pertinet de controuersis super feudo exorientibus iudicare, sicuti habetur expresse in c. ex transmissa, c. verum de foro compet. ubi Abb. num. 13. & in c. dilectus, §. num. 4. de præb. Mynsinger. cent. 5. obseruat. 8. Andr. Gaill. lib. 1. obseruat. 30. & 37. D. Martha casu 198. Suarez cit. lib. 4. cap. 14. num. 12. qui etiam meminerunt regaliū feudorum, qualia Episcopis, & aliis quibuscumque Prælati Germaniæ ab Imperatore concedi solent, ut simul sint Imperii Principes; ideoque ratione horum bonorum, Imperatori perinde ac Principes seculares, subiecti: quia nihil obstat, idem homo, diuersis respectibus, diuerso iure & qualitate censetur: quamobrem in controuersis, quæ ratione feudaliū dominiorum oriuntur, ab Episcopo non ad Papam, sed ad Imperatorem appellandum esse, movent DD. in cit. cap. verum, & c. solita, de maior. & obedientia; Quia cum dominus laicus cognoscit in causa feudali, potius indicat super re sita, quam de Clerico: tantum si iudex respectu causarum, quæ oriuntur occasione feudi, ait Abb. in cit. c. verum, num. 13. & in cit. c. dilectus, num. 4. Si Ecclesia habeat feudum à laico, censetur ut laicus. Et Baldus in l. de his, C. de Episc. & Clericis docet: Si tributum, vel pensio quæcunque adhæreat ipsi rei, quod Iudex laicus; si iniuste negetur, prouidere sibi possit occupatione fructuum, vel possessionum, quæ sub sua iurisdictione sunt: modò nihil attenter contra personam Clerici: quia obligatio fundo inhærens est secundum se, sine ordine ad personam. Et Suarez lib. 4. defens. Fidei Catholica, cap. 34. num. 26. defendit consuetudinem, secundum quam Imperator in vasallos suos Clericos, aut Rex in ministros, & Consiliarios Clericos inquit, eosque pecuniariis pœnis, depositione ab officio, aut feudi priuatione mulctat. Quia tunc non considerantur nisi sub respectu mere ciuili, & maxime, quia sub ea

conditione & pacto ad ea ministeria &c. acceptantur: quod pactum neque contra exemptionem Ecclesiasticam, neque bonos mores esse videtur. Quamuis aliter censerit Innocent. in cit. c. verum, ibid. Abb. num. 17. Si aduersus vasallum Clericum, agatur de crimine, ob quod feudo priuari mereatur, eius cognitionem non ad Dominum feudi laicum pertinere, neque antè feudo priuari posse, quam ab Ecclesiastico Iudice condemnatus sit: quia de crimine Clericorum laicus nec directè, nec indirectè cognoscere possit.

Locutus autem sum in casu, quo feudum iure proprio agnationis ad Clericum pertinet: sin verò pertineat ad ipsum ratione Ecclesiæ, quam administrat, certum est priuari non posse ob crimen: cum delictum personæ in detrimentum Ecclesiæ redundare non debeat.

Secundò: Si bona immobilia Ecclesiæ à laico domino donata fuerint cum reservatione iurisdictionis &c. talis conditio, tanquam iusta, omnino seruanda est, sicuti docent DD. in c. verum, de condit. appositis, cap. præterea, 2. de iure patronatus; & in specie hoc notauit Mol. tr. 5. disput. 6. & Suarez lib. 4. cap. 14. num. 13. ubi ait; seruandam esse conditionem, Quoties bona à principio data fuerint Clericis, vel Ecclesiæ, sub ea conditione, ut semper sub eodem foro maneat, sub quo tunc existebant. Addit Molina l. c. Saepiusmodi dominia iurisdictionis secularis oppidorum translata à Magnatibus fuisse in Religionem, & alias Ecclesias; neque potuisse ad illas, sine speciali alia Principis concessionem, transire maiorem iurisdictionem in ea oppida, quam Magnates illi in ea habuerint, ut supra etiam dixi.

Denique verò extra controuersiam est, si Clericus aduersus laicum actionem instituat, coram seculari Iudice comparere debere: Quia Actor forum Rei sequitur; c. si Clericus cap. cum sit, de foro compet. Quibus tamen locis exceptiones ponuntur: I. Nisi consuetudine aliud obseruetur: II. Nisi causæ sint mixti fori.

CAP. VI.

DE IMMUNITATE, ET EXEMPTIONE Ecclesiasticorum bonorum.

SUMMARIUM.

- 1 Bona ecclesiarum, cum ad Dei speciale dominium pertinere censentur, à secularium Magistratum exactione libera, & immunitate esse debent. Simili immunitate gaudere debent vasa, & ornamenta sacra, etiam si in priuato oratorio sub particulari alicuius dominio existant.
- 2 Non est æquum, ut bona Ecclesiæ à duplici Magistratu Ecclesiastico, & seculari, exactionibus grauari possint.
- 3 Onera merè realia, seu ipsis rebus inhærentia, ad Ecclesiam quoque aut Ecclesiasticum possessorem transferuntur.
- 4 Iudiciorum ordinaria, seu tributa Principum inter onera merè realia numerari non debent: cum imponantur ratione subiectionis personarum.
- 5 Munera alia sunt personalia; alia merè realia; & alia mixta, quæ videlicet personis imposita sunt comparatione rerum.
- 6 Clerici ab angariis, & similibus muneribus, quæ subditis à Magistratu seculari indicuntur, liberi esse debent.
- 7 Ad necessitatem aliquam tollendam, quæ ad ipsos etiam Clericos directè pertinet, non minus, quam laici concurrere, & contribuire debent.
- 8 Bona Clericorum ex titulo spirituali, seu clericali acquisita, procul dubio libera sunt à secularium Principum exactione.
- 9 Clerici in bonis etiam suis patrimonialibus immunitate fruuntur, præterquam si negotiationem exercent.
- 10 Privilegia, quæ principaliter data sunt ob fauorem bonorum Ecclesiasticorum, non competunt Clericis respectu bonorum priuatorum: sed alia ratio est, si privilegia data fuerint personis, siue status Ecclesiastico; rebus autem accessoriis.

BONA ad Ecclesias, & personas Ecclesiasticas spectantia in triplici genere continentur: Ad primum bonorum genus spectant ipsæ materiales ecclesiæ, & adiuncta cœmeteria; vasa item, vestes, & quæcunque consecrata, vel benedicta sunt, tanquam diuini cultus instrumenta. De quibus omnibus indubitatum est, ea speciali ratione à tributo, & vectigali, & quibuscunque exactionibus immunita esse debere. Ratio est: Quia hæc nullam temporalem vtilitatem habent, quæ in æstimationem venire possit: quandoquidem ad diuini cultus ministerium dedicata, nullis aliis vsibus humanis ac profanis applicari debent, iuxta c. quæ semel, & seqq. d. 19. c. ligna, & seqq. de consecrat. d. 1. l. inter stipulantem, §. sacram, ff. de verb. obligat. l. sancimus, C. de sacrosanct. Ecclesiis. Quæ eadem ratio conuincere videtur, vasa, & iornamenta sacra, etiam si in priuato oratorio sub particulari alicuius domino existant, ex vi tuæ consecrationis, à tributis, & censibus immunita esse: quia nullam temporalem commoditatem, aut vsum habere possunt, sicuti notauit Suarez cit. lib. 4. c. 19. num. 8. Deinde simili ratione, ab omni onere ac seruitio libera sunt ecclesiæ, aræ domus & horti iuxta positi; item prædium, ex quo panis & vinum pro S. Eucharistia cōficienda, vel aliis rebus ad diuini cultus ministerium necessariis, colligi debent: Siquidem hæc omnia ferre alium vsum, aut fructum habere non possunt, nisi ordinatum ad sacrum ministerium, ideoque nullo prorsus alio onere, vel seruitio grauari, aut si antè grauata erant liberari debent, iuxta c. secundum canonicam, c. sancitum est, 23. quæst. 8. & cap. 1. de censibus, vbi id notant DD. & Innocent. in cap. non minus, de immunitat. eccles. Suarez cit. cap. 9. numer. 2. & cap. 20. numer. 17.

Alterū genus continet bona Ecclesiarū cum immobilia, tū mobilia, quæcunque; vel à fundatoribus, vel aliis fidelibus ad Dei honorem oblata seu donata sunt, vt à Prælati Ecclesiarum, tanquam administratoribus, in pium vsum, puta ecclesiæ ornatum, Ministrorum, & pauperum sustentationem conuertantur. Cuiusmodi bona à tributo, & omni exactione secularium potestatum libera esse oportere, habetur in c. non minus, c. aduersus, de immunit. Eccles. cap. 1. eod. in 6. Clement. vii eod. tit. c. 1. de censibus c. quamquam, eod. in 6. & Constitut. Item nulla, quæ est Friderici Imperator. posita post l. 2. C. de Episc. & Clericis. Ratio est: Cum hæc bona fidelium voluntate, ad Dei, & Christi cultum, specialiter oblata ac destinata fuerint, vt non in alios nisi pios vsus conuergi debeant, ideo omnes exactiones, quibus à seculari potestate grauantur, & in cultus diuini diminutionem cedunt, & in Christi iniuriam, atque irreuerentiam, quippe cuius illa bona quasi proprium patrimonium existunt: quamobrem *res Dominica* appellari solent, can. 40. Apostol. Vt planè hinc consequens sit, exemptionem hanc diuini iuris esse: quia filium Dei liberum esse oportet ab exactione Regum terrenorum, iuxta illud Matth. 17. *Ergo liberi sunt filii.*

Neque multum refert, siue dicas cum Nauarro in apolog. de re dit. Ecclesiasticis: Bona illa Ecclesiastica (saltem priusquam ea Ecclesiæ Ministris, vel pauperibus particularim applicantur) non esse sub humano dominio; sed solam eorum administrationem Prælati Ecclesiasticis competere: quod valde probabile est, sicuti præter alios notauit Suarez cap. 18. num. 7. Siue dicas, Ecclesiastica illa bona esse sub humano dominio ipsius Ecclesiæ particularis, aut vniuersalis; tamen cum annexo onere seu obligatione, vt in pios vsus conuertantur: nam propter hanc eorum habitudinem negari non potest aliquo modo sacra esse, & peculiari ratione ad Deum pertinentia, sicuti dicam tract. seq. cap. 7. §. Superest quartus, & docet S. Thom. 2. 2. quæst. 99. art. 3.

S. Ambros. in epist. 33. ad Marcellinam sororem, quæ refertur in cap. conuenior, 23. quæst. 8. & colligitur ex cap. 27. Levit. vers. 14. *Homo si vouerit domum suam, & sanctificauerit Domino. Et vers. 28. Quidquid semel fuerit consecratum; sanctum sanctorum erit Domino.* Et in cap. 3. causa 12. quæst. 2. *Nulli liceat ignorare, omne quod Domino consecratur, siue homo, siue animal, siue ager &c. sanctum sanctorum Domino erit, & ad ius pertinebit Sacerdotum. Propter quod inexcusabilis erit omnis, qui à domino & Ecclesiæ, cui compescunt, auferit, vastat, inuadit, vel eripit, & vsus, ne ad emendationem, Ecclesiæque satisfactionem, & sacrilegiu indicatur.* Etenim hoc ipso, quod bona illa sacra, & Ecclesiastica sunt; à fidelibus ad Dei cultum, atque ob supernaturalem finem, in manibus Ecclesiasticorum Prælatorum oblata; administratio, & dispositio, & applicatio quæcunque talium bonorum ad eosdem Ecclesiæ Prælatos, & non ad seculi potestates pertinere potest.

Confirmatur. Cum nemo dubitet, quin Summus Pontifex, tanquam supremus Ecclesiasticorum bonorum administrator ac dispensator, ob iustam causam onera, siue grauamina illis imponere, quin etiam Episcopus charitatum subsidium exigere possit; si idem quoque seculari Principi facere concessum esset, sequeretur, bona Ecclesiastica longè deterioris conditionis fore, quam secularia: quippe cum illa duplici onere à diuersis Principibus, seculari & Ecclesiastico grauari possent: quod à iure, & æquitate quàm maximè abhorret, sicuti notauit Hieron. Albanus in tract. de immunit. Ecclesiast. n. 65. & seqq.

Dux tamen exceptiones ex omnium Doctorum sententia admittendæ sunt: I. Si fundator Ecclesiæ in furatione moderatam aliquam præstationem Episcopi consensu sibi reseruauit: nam eiusmodi pacta, siue conditiones seruari oportere, colligitur apertè ex cap. verum, de condit. appositis, c. cum delicti, de donat. & c. præterea, 2. iunet. Gloss. ver. institutos, de iure patronatus.

II. Si bona, antequam ad ecclesiam quocunque titulo deuenirent, reali aliquo onere, seruitio, pensione, tributo obligata fuerint. Nam res transit cum onere suo, cap. ex literis, de pignoris: siquidem manifestum est, eum qui venditione, donatione, legato &c. rem quampiam in Ecclesiam transfert, præiudicare non posse iuri alterius, quod in re illa habet: nam *sua quisque rei moderator, atque arbiter est*, & non aliena, l. in re mandata, Cod. mandat: & videri potest Abb. in cap. cæterum num. 1. & 5. de iudiciis, Molin. tract. 2. tom. 3. priore, disp. 661. n. 2. & disp. 672 ante 2. concl. Gut. lib. 1. pract. quæst. q. 3. n. 15.

Cæterum, licet verissimum sit, onera merè realia, id est, quæ sine habitudine ad personam qualitatem rebus ipsis iure perpetuo inhaerent, ab Ecclesiasticis quoque possessoribus præstanda esse: aliqui tamen Doctores (vti videre licet apud Remigium de Gonny tract. de charitat. subsidio, quæst. 61. num. 57. Egidium Thomatum tract. de collectis, summar. 2. num. 36.) in eo errare videntur, quod inter merè realia onera numerant eas præstationes seu tributa, quæ secularis Princeps lege ordinaria ac perpetua subditis de bonis eorum præstanda indixerat; ac proinde eiusmodi onera seu obligationes tributū vnā cum bonis seu possessionibus ad Ecclesiasticos quoque transire existimant, argum. c. si tributum, 23. quæst. 8. Quæ sententia rectè refutatur ab Abb. in c. vltim. num. 12. de vita & honestate Cler. Hieron. Albano tract. de immunitat. Eccles. Gutierrez lib. 1. pract. quæstion. q. 3. D. Martha de iurisdic. p. 4. casu 11. num. 28. Suarez lib. 4. defens. c. 20. num. 12. Adamo Tanner in defens. libert. Ecclesiast. c. 13. prope finem, Less. lib. 2. c. 33. dub. 3. num. 21. Fundamentum esse debet: Quia onus soluendi eiusmodi tributa, quæ ex

quæ ex legis indictione debentur, non est merè reale, sed conuenit rebus propter personas, quæ sub Principis iurisdictione existentes, lege tributis obligari possunt. Ergo si bona ex quibus tributa per legem imperata à subditis soluebantur, postea ad alios possessores ac dominos à Principis potestate omnino exemptos, deueniant, onere illo seu obligatione pariter eximi oportet: iuxta regulam Abbat. præc. c. allatam: *Si persona exempta est, consequenter etiam res eius.* Item *mutata persona, mutatur etiam conditio rei.* sicuti ex communis ipsorum Iuristarum sententia docet D. Martha part. 4. casu 125. n. 2. & 18. Gutierrez cit. q. 3. n. 15.

Confirmatur: Dispositio legis definit obligare, cum in eum casum deuenit, in quo incipere non potuisset: dummodo eadem sit ratio non perseverandi, quæ erat non incipiendi. Atqui fatentur etiam contrariæ sententiæ defensores; Principis legelata de tributo pendendo non comprehendit bona, quæ eo tempore ad Ecclesias pertinent: quare ipsi distinguere solent inter præstationes reales, siue, ut ipsi vocant, munera patrimonialia; quod alia sint ordinaria, seu canonica, quæ communi lege ab antiquo tempore imposita erant: alia verò sint munera extraordinaria, seu superinducta, quæ ob causam superuenientem de nouo imperantur: ideoque ad Ecclesiast. bona non extendunt, ob defectum iurisdictionis, seu (quod idem est) ob privileg. exemptionis. Verum hæc ratio similiter virget, si bona, quæ sub dominio subditorum existentia, & ob eam causam tributis obnoxia sunt, postea perueniant ad Ecclesiast. legis latrice potestate Magist. secularis exempta, uti considerati patebit.

Adde, quod nec Innoc. in c. non minus, de immun. Eccles. Abb. in c. 1. de censib. n. 8. & c. vlt. n. 12. de vita & honestate Cler. & p. 1. consil. 3. & 26. Syl. ver. immunit. 1. q. 5. & ver. gabella, 5. q. 3. Andr. Gaill. lib. 2. obs. 52. si diligenter eorum verba considerentur, à vera sent. dissentiunt. Non enim indistinctè, & vniuersim aiunt, Principis lege imponente tributa patrimoniis effici onus merè reale, ad quosuis possessores, etiam Cler. transiens: cum & ipsi in hunc modum distinguere soleant: Munera alia esse personalia, & alia patrimonialia: Personalia dicuntur, quæ personis suisque subditis tantum, sine ordine ad patrimonii bona imponuntur: eaq; alia sordida sunt, ut calcis coquendæ, pistrini, aut stabuli obsequia, de quibus in l. maximarum, Cod. de excusat. num. lib. 10. Alia honesta ut tutela, cura, sicuti habetur in l. 1. ff. de munerib. & honorib. Ad personalia quoque munera referri potest capitatio ciuium, id est, certa exactio à personis siue capitibus singulis, sine habitudine ad bona patrimonii, l. vii. Cod. de ciuium capitat. Atque ab his omnibus personalibus muneribus Clericos exemptos esse, nemo dubitat.

Munera autem patrimonialia, id est, quæ de patrimonii bonis indicuntur, duplicis generis existunt, uti habetur in l. rescripto, §. vlt. ff. de munerib. & honorib. Quædam enim personis tantum subditis imperantur, cum habitudine ad patrimonii bona, ideoque mixta appellari solent: quædam verò sunt munera merè realia, quæ rebus siue possessionibus secundum se inhaerent haud dubie originem trahentia ex aliquo pacto censuali, feudali, aut emphyteutico, sicuti aperte indicat Innoc. & Abb. l. cc.

Insuper verò aliqui ex Doctoribus speciatim loquuntur de patrimonialibus muneribus, quæ in Imperio usitata sunt, aiuntque alia esse extraordinaria (alias collectæ dicuntur) quæ non habent certam præstationem quotannis recurrentem: & talia subditis tantum, ac municipibus imperari solent. Cum enim principaliter personis rerum suarum contemplatione imponantur, impositio hæc locum non habet, si personæ subditæ non sint, iuxta cit. l. rescripto, §. fin. Atque ab his muneribus Clericos, multoque magis Ecclesias immunes esse oportere, habetur expressè in l. omnis, & constit. item nulla, C. de Episc. & Cler. alia verò esse munera ordinaria seu canonica, quæ possessioni-

bus ipsis ab antiquo tempore ita inhaerent, ut etiam à non subditis, puta extraneis, Clericis aliisque exemptis præstanda sint, ratione prædiorum, seu possessionum suarum, cit. l. rescripto, & l. Imperatores, ff. de publicanis, l. placet, C. de SS. Ecclesiis, l. de his, C. de Episc. & Clericis, l. i. Cod. de indictionibus, lib. 10. & l. vlt. Cod. de exactoribus tributorum, eod. lib.

Porro inter eiusmodi munera seu onera ipsis possessionibus inhaerentia, ideoque etiam à non subditis, Clericis ite, atque Ecclesiis possessoribus præstanda numerantur angaria, seu vehiculares præstationes, siue ob Principis, vel exercitus transitum, siue ad urbis munitionem, vel itineris, portumve constructionem, aut similem necessitatem, utilitatemve communem, uti habetur in l. 1. & l. numerum, §. patrimoniorum, ff. de muneribus, l. sunt munera, ff. de vacat. & excusat. munerum, l. ad instructiones, l. neminem, C. de SS. Ecclesiis. Cuiusmodi ciuilibus contributionibus adhuc hodie locum esse existimant Innoc. & alii quidam apud Abb. in c. non minus, n. 18. de immunit. Eccles. Remigium de Gonny tract. de subsidio charitativo, q. 62. Syl. ver. immunit. 1. n. 20. Gutierrez lib. 1. pract. qq. q. n. 5.

Sed contraria sententia est vera, & à plerisque Canonistis approbata; teste Syl. lo. cit. & tradit Gl. in c. generaliter, §. 6. q. 1. ver. collationibus, Ioan. Andr. & Abb. cit. c. non minus, n. 17. 1. asone in l. placet, C. de SS. Ecclesiis. Gutierrez cit. q. 3. n. 6. Suar. cit. l. 4. c. 26. Mol. tr. 2. tit. 3. priore, disp. 672. Lessl. 2. c. 33. dub. 3. Constituit illas correctas esse ab Imperat. Frider. constit. Item nulla, C. de Episc. & Clericis, & multò clarius per c. non minus, & c. aduersus, de immunit. Eccles. ubi vniuersim prohibetur: Ne ex bonis Eccles. vel Ecclesiast. vlla contributiones fiant ad communem necessitatem, vel utilitatem, nisi Episc. cum clero iudicauerit, subsidia, ubi laicorum non suppetunt, seu non sufficiunt facultates, sponte, & sine vlla laicorum coactione conferenda esse, modò etiam Sum. Pontifex prius consulatur: Rationem affert Abb. Quia laicis propriè incumbit subire munera & onera Reip. temporalis: personæ autem Ecclesiast. & bona Eccles. deferuire debent ad finem spiritualem.

Aduerte tamen in primis, quod Iurista aliqui post Gl. in l. 1. §. hospites, ver. non aliter, C. de Episc. & Cler. controuersiam inter Doctores non congruè conciliare nituntur: quod alia sint angaria, aut similes præstationes, quæ ex antiquo ipsis rebus seu possessionibus indictæ fuerunt, v. g. ratione feudi, aut contractu censualis, ideoque à possessoribus, etiam non subditis, ipsisque Cler. & Ecclesiast. faciendæ, uti habetur expressè in cit. l. munerum, & Auth. de Ecclesiast. titulis, §. ad hæc. Talia enim onera, cum rebus ipsis adhæreant, imò adhæserint, antequam in Ecclesiasticorum potestatem venirent, sequuntur possessorem, quicumque sit: cum neque alia conditione à fundatoribus donari, & transferri potuerint in Eccles. nisi ut debita ex rebus seruitia supremo domino præstentur. Alia verò sunt angaria, per angaria, vel alia similes indictiones, quæ principaliter personis non nisi subditis imponuntur, & collectarum nomine comprehenduntur solent, atque ab his Clerici liberi esse debent, iuxta cit. Constit. Friderici.

Secundo aduerte, quod Abb. in cit. c. non minus, n. 19. alium casum affert, in quo Clerici ad communem necessitatem vna cum laicis, etiam inconsulto Sum. Pontifice, contribuere debent: Videlicet si necessitas directè ac immediatè respiciat bona Eccles. aut Ecclesiast. ut si hostes infideles, aut hæretici (sicuti hoc tempore Caluista in Germania) deuastent, aut proximè nisi occurratur) deuastaturi existimentur regiones Cathol. in quibus sunt prædia, & alia bona Ecclesiastica: tali casu ipsi etiam Clerici naturali iure contribuere tenentur: quamuis non secundum voluntatem, & exactionem laicorum; sed præmissa deliberatione etiā ipsorum Clericorum atque ad voluntatem, & imperium Ecclesiasticorum Prelatorum.

Quia quod omnes tangit, ab omnibus debet approbari c. adhuc de offic. Archidiaconi, & reg. 29. in 6.

Verum ut Summus Pontifex prius consulatur, hoc casu speciali necessarium non esse arbitrat Abbas cit. loco: Tum quia necessitas non habet legem: quare etiam in c. pertinet, de immunit. Eccles. iuxta communioem intellectum statuitur, ut tempore necessitatis nullus per Ecclesiam suam nomen excusetur à murorum vigiliis; quia in necessitate cessat privilegium ait Gloss. ibi. Et Abb. num. 6. concludit, in magna necessitate, si aliter civitas defendi non possit; etiam Clericos obligari ad vigiliis; idque naturali iure. Tum quia Concil. Lateranens. in dicto c. non minus, loquitur de necessitate, aut utilitate publica, id est, per se ac principaliter pertinente ad ipsam communitatem seu Rempublicam, cuius Clerici membra quidem sunt; sed privilegiata atque exempta: hinc autem versamur in casu, quo specialiter vertitur periculum etiam ipsarum Ecclesiarum, aut Ecclesiasticorum bonorum, ad quorum proinde defensionem naturali obligatione concurrere debent, non minus; imò magis, quam si directè agatur de captiuorum, aut oppressorum Christianorum liberatione. Quam doctrinam reperies etiam apud Iulium Feretum tractat. de gabellis, num. 129. & apud doctissimum Theologum Henricum à Gandauo quodlibet. 1. quest. 31. in fine ubi ita scribit: *Pro expensis Principis factis pro Ecclesia in exercitu contra hostes Ecclesie, debent Ecclesia, & Clerici conferre, sicut & laici. Intellego autem per hostes Ecclesie impugnatores fidei aut contra iustitiam Regum, vel civitatum. Nec tamen tunc, ut dicit Gloss. super illud, Necessitatis, per laicos, sed per Episcopos peretur, iuxta cap. non minus, de immunit. ecclesie. Nec similiter in aliis casibus predictis, in quibus contribuere tenentur, nisi quod forte cogente necessitate, quae legem non habet in casu defensionis fidei, aut regni, aut civitatis, ponere possint manus ad res ipsorum, si per Episcopum ad hoc compelli non possint.* ad hoc intellige, quod iure naturali in casu maximae necessitatis debent, atque sine iusta causa recusant.

Vide etiam Henric. lib. 10. c. 15. num. 8. & 9. Mol. tract. 2. t. 3. priore, disp. 673. ubi simili ratione docet, si alicubi aquarum inundatio, aut vermium morsus devastet prædia, quod etiam Ecclesie & Ecclesiastici possessores una cum laicis contribuere teneantur: Aut si vicini omnes contribuant ad sternendam lapidibus viam, tum etiam Ecclesiastici, qui domos ibi habent, conferre debeant, secundum doctrinam Abb. in cit. c. non minus n. 16. Quia his casibus bonum quod intenditur, & ad quod contribuitur, directè ac proximè respicit bona Ecclesie aut Ecclesiasticorum, ait Mol. lo. cit.

Venio ad tertium, & ultimum genus bonorum, quæ ad singulas personas Ecclesiasticas, domini capaces, propriè spectant: Eaque duplicis generis sunt, nam quedam ex titulo spirituali acquisita sunt, puta beneficiorum redditus, Missarum stipendia: quædam verò ex titulo temporali, v. g. hereditate, arte, manuum labore; ideòque illa clericalia, hæc patrimonialia bona hoc loco appellari possunt: Bona clericalia seu ex spirituali titulo acquisita ab omni secularium Principum exactio- ne, & tributo libera esse debere, est omnium Doctorum sententia, tradita in c. sancitum, 23. q. 8. c. 1. de censibus, c. adversus de immunit. Ecclesiarum, & aliis iuribus postea citandis. Ratio est: Quia siue hæc Clericorum stipendia & lucra spectentur quoad titulum & causam acquirendi, siue spectentur quoad personas, à quibus acquisita sunt: neutra cõsideratione seculari potestati subiecta esse possunt. Nam titulus quidem acquisitionis sacer ac spiritualis est, personæ autem ipsæ Ecclesiasticæ, & omnino exemptæ à iurisdictione seculari. Deinde non est dubium (ut supra etiam argumentatus sum) quin Sum. Pontifex super his bonis, titulo spirituali acquisitis, tributum ad piam causam aliquam imponere possit: ergo oportet

ea à secularium exactioe libera esse: cum æquitas non patiat, ea duplici onere gravari.

Sed & in bonis patrimonialibus Clericos exemptos esse à secularium Principum iurisdictione, & exactio- nibus, est communis Doctorum sententia, quam docent Canonistæ, & nominatim Abb. in c. Ecclesia, n. 21. de Cõstit. & c. si Clericus n. 3. de foro compet. c. ult. n. 4. de vita & honest. Cler. Legistæ, nominatim Bartol. in l. placet, C. de SS. Ecclesiis, D. Martha casu 49. Summistæ ver. immunitas, ubi Syl. 1. n. 9. & ver. excommunicatio, 9. excom. 5. n. 13. Nau. c. 17. n. 203. Med. C. de restit. q. 15. Less. lib. 2. c. 33. dub. 3. n. 19. Sairus lib. 3. thesauri, c. 22. Suarez cit. lib. 4. c. 24. contra Gl. marginalem in c. quamquam, de censib. in 6. ver. res ipsarum. Sumitur apertè ex c. adversus, de immunit. Ecclesiarum, c. quamquam, de censibus in 6. Clem. vn. de immunit. Eccles. l. 2. & Constit. Item nulla, C. de Episc. & Cler. Nam his iuribus uniuersim prohibetur, ne Ecclesiasticis personis talliæ collectæ, aut aliæ quæcunque exactiones imponantur, uti videre est in cit. Clem. vn. & cit. constit. Friderici quia Ecclesiasticæ personæ, & res earum à secularium potestatum exactioe immunes esse oporteat, uti habetur in cit. cap. adversus, & apertissimè in cit. c. quamquam, ubi additur, id iure diuino ac humano constitutum esse. Ratio est: Quia solvere tributum &c. subditorum proprium est: cum id signum sit subiectionis, testante Apost. ad Rom. 13. *Necessitate subditi estote, non solum propter iram, sed etiam propter conscientiam: idcirco enim & tributa præstatis.* Sed personæ Ecclesiasticæ immunes sunt à iurisdictione secularium: ergo etiam à tributis. Accedit, quod cum Domini seculares à Clericis, aliisque Ecclesiasticis personis spiritualia commoda accipiant, æquum non sit, ut etiam temporalia ab iis exigant, sed potius tribuant, iuxta illud Apost. 1. ad Corinth. 9. *Si nos vobis spiritualia seminamus, magnum est, si nos carnalia vestra metamus?*

Dices: Bona Clericorum patrimonialia, saltem antequam ipsi Clericatus assumerent, erant obligata exactio- ni secularis Magistratus: Ergo semel affecta transeunt cum hoc onere: cum alioquin fisco seculari præiudicium afferretur per Clericatus assumptionem. Respondeo: Distinguendum esse inter obligationem: vel enim rebus in est tantum per accidens ratione personæ, quæ seculari Magistratui subiecta est; tunc mutata conditione ac statu personæ, mutatur etiam status rei; adeò ut si persona ob status mutationem desinat esse subiecta alicui Magi- stratui, etiam bona eius libera esse debeant. Vel bona per se, siue realem habent obligationem alicuius tributi, aut pensionis ex præcedente pacto feudali, censuali emphy- teutico, tunc nihil attendi debet, utrum persona, quæ talia bona possidet, laicus sit, an Clericus subditus, an ex- pus, vel extraneus. Præterquam quod in c. 1. de censibus habetur, ut *cumque ecclesia mansus integer sine ullo seruitio tribuatur*: ubi notant DD. cõmuniter, quod fundator non possit super tali fundo onus aliquod imponere, vel si ab alio antè impositum erat, redimere debeat. Unde ex sen- su contrario argumentum sumi potest, ex aliis bonis, etiam Ecclesiarum, vel Ecclesiasticarum personarum, merè realia onera siue seruitia præstanda esse.

Deinde notandū est, quod habetur in c. ult. de vita & honest. Clericorū, & clariùs in c. quāquam, de censib. in 6. *Ecclesiasticas personas ad pedagia, & quidagia penitus non teneri pro reb. suis propriis quas non causa negotiationis deseru- unt vel deseruierunt.* Cū enim Clerici negotiationib. ac lu- cris seculariū hominū propriis inhiant, meritò etiā onera eorum sustinent. Tametsi Gl. in cit. c. quāquā, ver. fa- cultatib. & Abb. in cit. c. ult. n. 10. id explicant, locum duntaxat habere in rebus Clericorum propriis, non item ad Ecclesiam pertinentibus; aiuntque de his vectigal sol- uendum non esse, si Clerici administratores negotiatio- nem etiam ipsis illicitam exercent: quia delictum persi-

ne non debet in detrimentum ecclesie reducere; regul. 76. in 6. Puto tamen aliter in praxi observari; si negotiatio lucrosa sit.

RESTAT QVÆSTIO: An vniuersim vera sit regula, quam tradit Gloss. in c. Ecclesia, ver. personis Ecclesiasticis, de Constitut. & altera Gloss. in cit. c. vlt. de vita & honest. verbo facultatibus, & in c. quamquam, ver. ipsarum, de censibus in 6. Quod bona Clericorum propria, & bona Ecclesiarum eodem iure ac privilegio gaudent. Respondeo ex doctrina Abb. ¹⁰ supra cit. c. vlt. D. Marthæ casu 49. Couar. 1. resol. c. 4. Veram esse regulam in iis tantum privilegiis, quæ principaliter competunt personis, siue statui Ecclesiastico; rebus verò ipsorum accessoriis: v. g. vt coram seculari Iudice tanquam rei non conueniantur, etiam in causa civili ac reali: vt à ve-
tigali, tributo, collecta non tantum merè personali, sed etiam mista, liberi & immunes sint. At verò privilegia, quæ ob fauorem bonorum Ecclesiasticorum principaliter data sunt, ea non competunt bonis propriis singulorum Clericorum: tale est beneficium restitutionis in integrum, si Ecclesia in contractu læsa sit; item vt non tempore ordinario decem, vel viginti annorū, sed quadragenario perficiatur vsucapio immobilium bonorum Ecclesie, sicuti ex communi notauit Abb. in c. vigilanti, num. 36. de præscript. & in cit. c. ecclesia, num. 7. Couar. 1. resolut. c. 4. num. 3. Ratio est: Quia bona Ecclesiastica inter res sacras numerantur: cuius rei signum est, quia eorum iniusta ablatio sacrilegium censetur: Non ita verò bona Clericorum propria præsertim ex temporalis titulo acquisita, sacra censentur; consequenter nec eundem iuris fauorem merentur. Videri potest Suarez cit. lib. 4. defens. c. 23.

CAP. VII.

QVÆNAM PERSONÆ ECCLESIASTICA exemptione gaudeant.

SUMMARIUM.

1. Regulares vtriusque sexus, eorumque Nouitii & Conuersi ecclesiastica immunitate gaudent.
2. Clerici minores gaudent privilegio exemptionis, si habeant conditiones requisitas à Tridentino sess. 23. c. 6. de reform.
3. Privilegium fori trahit secum exemptionem à tributis.
4. Clerici coniugati qui cum vna, eaque virgine contraxerunt, si tonsuram, & vestes clericales deferentes ecclesia seruiant, canonis privilegium & exemptionem fori in causis criminalibus retinent.
5. Religiosis Nouitiis ob crimen in Monasterio commissum, à seculari Iudice, etiam postquam ad seculum rediit, puniri non potest.
6. Mora quæstione de iurisdictione inter iudicem Ecclesiasticum, & secularē, decet magis ad Ecclesiasticum cognitionem pertinere.

ASSERTIO I. Non tantum Clerici; sed etiam Regulares omnes vtriusque sexus, etiam Nouitii eorum, & Laici conuersi à seculari potestate exempti & immunes sunt. Sumitur ex lib. 16. C. Theodos. de Episc. & Cler. l. 36. Auth. Iustiniani Imp. Nouella 12. §. si quis contra, collat. 9. quam allegat, & confirmat Gregor. I. Papa lib. 11. epist. 54. relatus in c. de persona, r. 1. q. 1. & ex c. Clericis, de immunit. Ecclesie, in 6. quibus iuribus expressa mentio sit exemptionis personarum regularium. Item ex c. non minus, c. aduersus, extra eod. tit. & constit. Friderici Imperatoris statumimus, C. de Episc. & Clericis, quibus iuribus generatim eximuntur Ecclesiastica personæ: quo nomine comprehenduntur quoque Regulares vtriusque sexus, eorumque Nouitii, ac Laici conuersi, arg. c. duo sunt, 12. q. 1. & aliorum quæ allegauit

lib. 1. tract. 5. p. 2. c. 5. n. 4. vbi egi de privilegio canonis si quis suadente, 17. q. 4. Notanda enim est regula, quam tradit Suarez lib. 4. defens. c. 29. num. 7. Quibus personis; ex vi status sui, competit privilegium canonis, ipsdem etiam privilegium fori, seu exemptionis à potestate seculari; ac vice versa. Ratio est: Quia privilegium canonis ideo personis concessum est, quia sacre sunt; Deo dicata, ideoque Ecclesiastica; atqui ob hanc ipsam causam non oportet eas seculari potestati subiectas esse; sed ad Ecclesie tribunal pertinere. Ergo vtrumque privilegium eisdem personis competere debet.

Assertio II. Non tantum Clerici in sacris, sed etiam in minoribus ordinibus constituti, vel prima tantum tonsura insigniti, privilegio gaudent exemptionis, iuxta cap. cum non ab homine, de iudiciis, & c. 2. de foro compet. dummodo habeant conditiones requisitas à Concilio Tridentino sess. 23. c. 6. de reform. Videlicet, vt vel beneficium Ecclesiasticum obtineant, vel clericalem habitum & tonsuram deferentes, alicui Ecclesie, ex mandato sui Episcopi, deseruiant; vel in seminario Clericorum, aut in aliqua schola, vel vniuersitate, delicta Episcopi, quasi in via ad maiores ordines suscipiendos, versentur. Circa quam constitutionem quædam noranda sunt: I. Non ideo statim Clericus minoribus initiatus fori privilegium amittit, si semel, aut iterum tonsuram, & habitum deferre intermiserit; sed tantum si non deferendi consuetudinem habuerit. Contra, etsi semel dimiserit, si postea sine fraude, ac dolo resumperit, recuperat privilegium; adeo, vt si tempore criminis commissi, & antecedentibus etiam mensibus aliquot habitum clericalem gestasse compertum sit, à iurisdictione seculari exemptus censetur, sicuti ex communi docet Couar. in pract. qq. c. 31. n. 8. Suar. lib. 4. defens. c. 27. n. 17. Syl. ver. excommun. 6. n. 4.

II. Etsi Clericus beneficiatus habitum & tonsuram nunquam deferat, non amittit tamen privilegium fori, donec ab Episcopo ter monitus, incorrigibilem se ostenderit; iuxta c. in audientia, c. contingit, 45. de sent. excom.

III. Privilegium fori, de quo hic Concilium loquitur, trahit etiam secum exemptionem à tributis. Nam tributum soluere signum subiectionis est: consequenter qui à secularium iurisdictione solutus est, etiam ab exactione tributorum exemptus esse debet. Atque è contrario, si quis fori privilegio non gaudet, sed iurisdictioni seculari subiectus est, v. g. Clericus in minoribus, qui habitum quidem & tonsuram deferat, sed neque Ecclesie seruit, nec in studiis ex mandato Episcopi versatur; talis, inquam, etiam legibus tributorum subiectus esse debet, sicuti docet Suarez cit. c. 27. n. 14. & consuetudine ita observari notat Couar. cit. c. 31. in fine. Less. lib. 2. c. 33. dub. 5. Gutierrez lib. 1. pract. q. 7.

Assertio III. Clerici coniugati, qui cum vna, eaque virgine (non vidua, vel antea ab aliquo corrupta) contraxerunt, si tonsuram & vestes deferant clericales, & statui eorum conuenientes, insuper alicuius Ecclesie seruitio seu ministerio ab Episcopo deputati, eidem Ecclesie seruiant, ac ministrent, præter privilegium canonis etiam fori exemptionem retinent; tamen duntaxat in causis criminalibus, siue criminaliter, siue civiliter agatur: in causis verò merè civilibus, atque tributorum soluendorum obligatione subiecti manent seculari potestati; nisi speciali lege, consuetudine, vel privilegio etiam in his eximantur. Ita habetur in c. vn. de Cler. coniug. in 6. iunct. Trident. Concil. sess. 23. cap. 6. de reform.

Adde, Clericum coniugatum, etsi negotiationem aliquam exercent, non ideo canonis, ac fori privilegio priuari, sed neque per sententiam priuandum esse; nisi indecens negotiatio esse videatur. Verum non omnis ne-

gotiatio, quæ aliis Clericis prohibita est, etiam coniugatis prohibita censeretur debet, arg. c. Ioannes, de Cler. coniug. iunct. Gloss. ver. non potest, & notat Couar. cit. cap. 31. num. 8. Syluest. ver. Clericus 3. q. 3. Suar. cit. lib. 4. c. 28. n. 9. contra Clarum §. fin. q. 36. n. 12.

Ad extremum duo notanda sunt. I. Inter Ecclesiasticas personas aliæ sunt, quæ statum immutabilem habent, ut Clerici in sacris constituti, ac religiosi professi: quibus hoc commune est, ut privilegium fori, seu exemptionis à potestate seculari regulariter non amittant, nisi eo per sententiam priuentur, in criminis poenam, sicuti notauit Suarez cit. c. 29. n. 8. & dixi in lib. 1. tr. 5. p. 2. c. 5. n. 3. Aliæ verò Ecclesiasticæ personæ sunt, quæ statum mutabilem habent, quæ ferme arbitrato suo abdicere possunt, eoque deposito clericalibus privilegiis spoliari: ut Clerici in minoribus constituti, & Religionum Nouitii, præterquam, quod ob crimina in statu Ecclesiastico commissa, post eius mutationem, non à seculari: sed Ecclesiastico Magistratu conueniri, ac puniri debeant, quia *tempus delicti inspicendum est*, sicuti supra etiam dixi c. 4. num. 14. & ex communi docet Couar. cit. cap. 31. num. 8.

Alterum. Si captus à Iudice seculari, excipiat, se Clericum esse, vel clericali privilegio gaudentem (cuiusmodi exceptio, etiam post latam sententiam, à Clerico opponi potest, quandoquidem is nec expressè, nec tacitè in secularem iudicem consentire poterat) talis causa seu incidens quæstio non à seculari, sed Ecclesiastico Iudice cognosci debet, sicuti habetur expressè in c. si Iudex de sent. excom. in 6. Ratio est, tum ea, quæ in cit. c. affertur, quia quæstio est de re spirituali seu Ecclesiastica, videlicet de clericatu: tum ea, quam Couar. affert in pract. qq. c. 33. n. 1. quia mota quæstione super iurisdictione inter iudicem Ecclesiasticum, & secularem, meritò illius decisio ad Ecclesiasticum; tanquam maiore auctoritate præditum, refertur. Si tamen notorium sit, exceptionem friuolam, inanem, & solum fallendi causa oppositam esse, hand dubiè secularis Iudex, ea reiecta, in causa principali procedere poterit. Vide etiam Iulium Clarum lib. 5. sent. §. fin. q. 36. n. 21.

CAP. VIII.

QVO IVRE FVNDATA SIT Ecclesiastica immunitas, num positio tantum, ac etiam diuino; ac naturali.

SUMMARIVM.

- 1 Exemptio Ecclesiasticorum à seculari Magistratu tum quoad personas, tum quoad bona ipsorum à diuino iure proficiscitur.
- 2 In veteri lege Sacerdotes, & Leuitæ exempti erant à iurisdictione & tributu aliarum tribuum.
- 3 Laici Clericis gradu inferiores, eisdemque ferme infesti sunt.
- 4 Summus Pontifex, & Concilium generale ob iustam causam seculari Magistratui aliquam iurisdictionem, vel exactionem in Clericos committere, aut permittere possunt.

NON pauci ex Theologis docuerunt; Exemptionem Clericorum à ciuiliu Principum, & Magistratu iurisdictione, tum quoad illorum personas, tum quoad bona Ecclesiastica, immediatè profectam esse ex Christianorum Imperatorum & Regum privilegiis, cum consensu & approbatione totius Christiani populi concessis: quæ exemptionum privilegia à Summis Pontificibus, aliisque Ecclesiæ Prælatibus non tantum acceptata, sed etiam propriis sanctionibus confirmata, & defensa fuerunt. Ita Victoria relect. 1. de potest. Ecclef. §. sequitur consequenter, ut de contrario, propol. 2. Sotus in 4. d. 25. q. 2. a. 2. Ioan. Med. C. de restit. q. 15. Mi-

chael de Palatio cit. d. 25. disp. 3. concl. 3. Salon. 2. 2. q. 67. a. 1. controu. 1. concl. 5. Saurus lib. 3. thesauri, cap. 2. excom. bullari 18. Mol. tom. 1. tr. 2. de iust. disp. 31. Henriq. lib. 7. c. 24. & lib. 10. c. 15. n. 4. & alii, quibus ex Canonistis accedit Couar. c. 31. pract. quæstionum.

Addunt tamen huius sententiæ Doctores, quod Principes & Magistratus seculares exemptionem Clericis concessam reuocare, eosque iugo suo subiicere nunquā possint, sine graui scelere & tyrānide. cuius rei rationes variae afferri possunt: Prima. Quia Christianis Principibus naturalis, atque diuina obligatio incubuisse videtur, Clericos & omnes personas Christo peculiariter dedicatas à potestate & iurisdictione eximendi, quatenus ad conuenientem Christianæ Ecclesiæ statum necessarium erat, uti significat S. Thom. lect. 1. in cap. 13. ad Rotm. Secunda, Quia immunitate ac libertate priuari non possunt, nisi subditi: sed post concessa illa exemptionis privilegia, toto approbante populo, personæ Ecclesiasticæ non amplius subditæ sunt seculari potestati: Ergo non possunt, immunitate sua priuari, sicuti argumentatur Michael de Palatio l. c. Tertia: Quia Summus Pontifex, B. Petri successor, per supremam potestatem à Christo traditam, statuere & præcipere potest ea omnia quæ ad Ecclesiæ conuenientem statum ac gubernationem necessaria sunt: talis autem est exemptio sacrarum personarum à ciuili Magistratu; quamobrem Papa illam non tantum cum consensu laicorum decretis suis confirmare potuit; sed etiam si laicus Magistratus reluctaretur, indicare, atque præcipere, sicuti docet Innoc. in cap. 2. de maior. & obed. Idque confirmatur ex doctrina S. Thom. 2. 2. q. 10. a. 10. communiter recepta, quod Ecclesia potestatem habet, Dei auctoritate sibi commissam, subditos infidelium ad Fidem Christi conuersos, illorum iurisdictione atque dominio eximere, si ita ad honorem Dei conueniens, aut necessarium esse iudicetur.

Altera eaque vera sententia est, dictam immunitatem sine exemptionem Clericorum à diuino iure proficisci; legibus autem cum ciuilibus, tum canonicis declaratam, & confirmatam esse. Ita docet Gloss. in cap. Si Imperator, d. 96. Gl. in c. quamquam, de censibus, in 6. Innoc. in cit. c. 2. Abb. in c. Ecclesia, num. 6. de constit. Nau. in c. nouit, notabili 6. corol. 1. de iudiciis, & alii Canonistæ, quos refert, ac sequitur D. Martha de iurisd. p. 2. cap. 6. Clarus §. practica criminalis, quæst. 36. princ. Inter Theologos vero eandem sententiam tenent Jacob. Almainus tract. de Ecclef. potestate, c. 8. Ioan. Driedo lib. 1. de libert. Christiana c. 9. considerat. 3. & seqq. Bellarm. in opusculis, disp. de exempt. Cleric. Valentia t. 4. disp. 9. q. 5. p. 4. edit. vlt. Azor t. 1. lib. 5. c. 12. Adamus Tanner in defens. Ecclesiast. libertatis lib. 1. c. 17. Suarez in defens. Ecclef. Cathol. lib. 4. c. 9. Probatur primò auctoritate Summorum Pontificum, & Conciliorum. In Concilio Lateranensi sub Innoc. III. cap. 43. dicitur: *Nimis de iure diuino quidam laici usurpare nituntur cum viros Ecclesiasticos, nihil temporale obtinentes ab eis, ad præstandum sibi fidelitatis iuramentum compellunt*: refertur in c. nimis, de iureiur. Et in Trident. sess. 25. c. 20. de reformat. Ecclesiæ & personarum Ecclesiasticarum immunitatem, Dei ordinatione & canonicis sanctionibus constitutam esse: quibus verbis sublata est quorundam Doctorum interpretatio, nomine iuris diuini, quo Clericorum exemptio fundata dicitur, canonicè intelligendā: siquidem Tridentinū apertè inter Dei, & canonū sanctiones distinguit. Item in Concil. Lateran. sub Leon. X. sess. 9. Cum à iure tam diuino, quam humano potestas nulla in Ecclesiasticas personas attributa sit, & similiter in Colonienſi habito Anno Christi MD. XXXVI. p. 9. c. 20. Immunitas Ecclesiastica vetustissima res est, iure pariter diuino, & humano introducta. Bonifac. VIII. in c. quamquam, de censibus in 6. c. Ecclesia

Ecclesiasticaque persona, ac res ipsarum, non solum iure humano, quinimo & diuino, ac secularium personarum exactionibus sunt immunes. Vide etiam Constantinum Imperat. apud Ruffinum lib. 1. histor. qui in ordine 10. est, c. 2. Valentinianum, Theodos. & Arcadium in epist. ad Optatum lib. 16. Codic. Theodos. tit. de Episc. iudicio.

Secundò probatur ratione, quam legere potes apud Abb. in c. solita, n. 4. de maior. & obed. Nulla potestas siue iurisdictio, propria virtute se extendit ultra genus sui obiecti, tanquam proprios limites. Ecclesiasticæ autem personæ, & bona sunt extra obiectum, & proprios limites iurisditionis secularis: ergo ad ea secularis iurisdictio extendere se non potest, per se ac propria virtute, sed solum ex commissione alterius, videlicet Ecclesiasticæ potestatis. Maior est certa. Minor probatur: Cū enim materia siue obiectum cuiuscunque potestatis sumenda sit ex proprio fine ipsius; sequitur potestatis civilis, quæ per se ac directè ad finem temporale ordinatur, propriam materiam ac obiectum esse oportere res temporales, ac politicas, non item sacras, id est, quæ ad Dei cultum per se ac directè spectant, ideòque suapte natura ac institutione ad supernaturalē finem tendunt: At verò inter ea, quæ sacra censerī debent, numerantur tū personæ sacræ, id est, diuino cultui peculiariter dedicatæ, tū loca sacra, tum bona omnia, quæ vel Ecclesiarū ornatum, fabricā, vel Ministrorum sustentationē spectant: sicut docet S. Th. 2. 2. q. 99. a. 1. Ergo hæc omnia sunt extra obiectum secularis iurisditionis, & propriè ad Ecclesiasticā potestatem pertinent.

Confirmatur I. Circa eadem obiecta, easdēque res personæ non versantur diuersæ potestates siue iurisditiones. Certum autē est, Ecclesiasticā potestatem per se ac directè versari circa personas, & res Ecclesiasticas: Ergo circa easdem res per se non versatur potestas civilis, quippe quæ ab Ecclesiastica diuersa, ac discreta est. Maior tum per se nota est, tum inde probatur: quia alioquin necesse foret magnā confusionem oriri; si v. g. Prælati Ecclesiæ circa personas, vel bona Ecclesiastica aliter disponat, & præcipiat; & aliter Princeps secularis, alter ab altero in suo iudicio non dependens, sicuti rectè notauit Suar. cit. lib. 4. c. 9. n. 17.

Confirmatur II. Quemadmodum contractus matrimonii, eo ipso, quod secundum Christi institutionem sacer factus est, à seculari foro eximitur; itemque ædes, vasa, vestes, hoc ipso quod à fidelibus ad pium vsum, siue ministerium sacrum oblata, & ab Ecclesiæ Prælato acceptata, & dedicata sunt, à secularium potestatum dispositione, iurisditione, & exactione eximuntur, ut omnes fatentur: ita similiter fateri debemus, personas ipsas, & quæ ad earum sustentationem pertinent, posteaquam diuino cultui spontanea deuotione dedicatæ, & ab Ecclesiasticis Prælati, tãquā Christi vicariis atque administratoribus, in suā tutelā, ac iurisditionē acceptatæ sūt; eo ipso à seculari potestatum iurisditione; & exactione exempta esse. Quam rationem attigit Innoc. in c. 2. de maior. & obed. Quis eximit Clericos de iure Imperatoris, cū prius ei subessent? Respondetur, quod Papa consentiente Imperatore. Sed hi non plene eximuntur: unde dicimus, quod exempti sunt à Deo Vel dic, quod Papa etiam sine consensu Imperatoris, eos potuit eximere per suas constitutiones: quia cū Clerici spirituales res sint, & ex toto corpus suum & animam dederint in seruitium & societatem Christi, per consequens Papa iudicio, & constitutionibus suis sunt. Item Nicolaus I. in epist. ad Michaelē Imperat. Hi, quibus tantum humanis rebus & non diuinis præesse permissum est, quomodo de his, per quos diuina ministrantur, iudicare præsumant, penitus ignoramus. Ioannes VIII. c. si Imperator, d. 96. Ad Sacerdotes Deus voluit, quæ Ecclesia disponenda sunt, pertinere, non ad seculi potestates. Et paulò post: Non à legibus publicis, non à potestatibus seculi; sed à Pontificibus, & Sacerdotibus Deus Christiana Religionis Clericos & Sacerdo-

tes voluit ordinari, & discuti, recidique de errore remeantes: Imperatores Christiani subducere debent executiones suas Ecclesiasticis præsulibus; non præferre. Theodos. Imp. apud S. Ambrosi lib. 5. epist. 32. ad Valentin. Imp. Non solum sermone docuit, sed etiam legibus suis sanxit, in causa fidei, vel Ecclesiastici alicuius ordinis eum iudicare debere, qui nec munere impar sit, nec iure dissimilis: hæc enim verba rescripti sunt: hoc est Sacerdotes de Sacerdotibus voluit iudicare, Carol. Magnus lib. 6. capitularis, c. 109. Fas non est, ut diuini muneris Ministri temporalium potestatum subdantur arbitrio. De bonis verò; siue prædiis Ecclesiasticis non alienandis cū Basilii quidam illustris scripturam siue decretum edidisset, illud irritum esse declarauit Synod. IV. Romana sub Symmacho can. 3. Ne exempla remanere præsumendi quibuslibet laici, quamuis religiosi, vel potentibus, in quacunque ciuitate, quolibet modo aliquid decernere de Ecclesiasticis facultatibus, quarum solis Sacerdotibus disponendi indiscusse à Deo cura commissæ docetur.

Tertiò probatur ex veteri lege, in qua Dominus Leuitas, templi ministerio dedicatos, à reliquis tribubus sequestrauit, & Aaroni, atque filiis eius subiecit, sicuti legimus in c. 3. Numer. quod locutus est Dominus ad Moysen ver. 10. Dabis dono Leuitas Aaroni, & filiis eius, quibus traditi sunt à filiis Israel. Aaron autem, & filios eius constitues super cultum sacerdotii: Et infra n. 45. Eruntque Leuitæ mei, Ego Dominus. Et c. 8. Numer. Stansque Leuitas in conspectu Aaron, & filiorum eius, & consecrabis oblatos Domino, ac separabis de medio filiorum Israel, ut sint mei: & postea ingredientur tabernaculum sacerdotis, ut seruiant mihi, sicque purificabis & consecrabis eos in oblationem Domini: quoniam dono donati sunt mihi à filiis Israel. Ex quibus locis satis manifesto colligitur, Leuitas non alteri, quam Aaroni, & successoribus eius Sacerdotibus subiectos fuisse. Bona autem, & possessiones Sacerdotum, ac Leuitarum fuisse ab exactionibus immunes, colligitur ex cap. 30. Exodi ver. 12. iuncto c. 1. ver. 47. Numer. quibus locis significatur, Leuitas & à tributo; & à militia immunes fuisse. Item ex c. 18. Numer. ubi habetur, à reliquis tribubus Israel, decimas pendendas fuisse Sacerdotibus, atque Leuitis. Ipsos quoque Leuitas secundas decimas, siue decimas decimarum Aaroni, & Sacerdotibus eius soluisse, sicuti explicat Iosephus lib. 4. antiquit. c. 4. Denique idem colligitur ex eod. c. 18. Numer. n. 20. iuncto cap. 35. quibus significatur, Aaroni & filiis eius, atque Leuitis non fuisse partem assignatam in diuisione terræ promissionis, sicut reliquis tribubus; sed postea ex tribubus, pro singularum facultate, fuisse vrbes & possessiones designatas pro tribu Leuitica; ut hæc esset quasi pars & possessio, à filiis Israel Deo oblata in Ministris eius. Quamuis autem leges istæ veteris testamenti desierint, tamen facile ex iis colligitur, quanto nunc dignioris & excellentioris sacerdot. ministri sunt, qui Clerici dicuntur, id est, fors ac possessio Domini, c. clericos, d. 21. tantò magis dicta immunitatis priuilegia in ipsis locum habere oportere.

Quartò probatur ex traditione: Nam omni tempore Ecclesia immunitatem suam, quatenus pro temporum varietate fieri poterat, contra seculares potestates defendebat, uti videre est apud Suarez cit. lib. 4. cap. 3. & 12. Adamum Tanner lib. 1. cap. 8. & seqq. Quare etiam Apostolus 1. ad Corinth. 6. seuerè præcepit, ut aliqui de Ecclesia statuerentur, ad quos Christiani suas causas, & controuersias deferrent. quod proinde necessario fuerat tribunal Ecclesiasticum; cum eo tempore inter Christianos nulla esset secularis potestas. Rationem verò huius præcepti affert S. Th. ibid. Quia si Christiani secularium hominum, qui tunc infideles erant, iudicio sponte se subicerent, Ecclesiæ quidem dignitati non parum detogaretur; Iudicibus verò occasio præberetur calumniandi, & opprimendi fideles. Quæ

ratio licet hodie, cum Iudices seculares è fidelium numero sint, cesset quoad laicos; non tamen cessat quoad personas Ecclesiasticas: quippe quas non decet à laicis iudicari: Tum quia hi gradu & ordine in Ecclesia inferiores, ac subditi sunt: Tum quia constat, laicos Clericis infestos esse, in eosque potestate, si quæ concedatur, frequenter abuti, uti videre licet causa 2. q. 7.

Quod vero attinet ad exemptionem à tributis, eam Christus Matth. 17. in primis sibi tanquam filio naturali Regis omnium Regum terrenorum, tum verò etiam secundum quandam participationem B. Petro competere significavit: *Reges terræ à quibus accipiunt tributum, vel censum? à filiis suis; an ab alienis? At ille (Petrus) dixit, ab alienis. Dixit illi Iesus: Ergo liberi sunt alii: tui autem non scandalizemus eos, vade ad mare &c.* Ex quo factò discipuli reliqui collegerunt, B. Petrum ipsis omnibus à Christo prælatum fuisse, sicuti S. Hieron. ibi, & S. Chrysost. hom. 59. in Matth. Origenes in c. 18. Matth. hom. 5. annotarunt: Tamen si verò Christus hoc loco privilegium exemptionis præcipue B. Petro, tanquam Vicario suo communicaverit, debet tamen id etiam reliquis Ecclesiasticis personis accommodari, quatenus eæ Christi, ac Dei servitio peculiariter dedicatæ, è familia eius esse censentur, à secularium potestatum iurisdictione atque imperio immunes.

Ad extremum nota: Licet privilegia exemptionis personis sacris seu Ecclesiasticis ita concessa sint; ut si potestates seculares ea violent, iniuriam Ecclesiastico statui inferant, & iuri tam diuino, quam humano aduersentur; nihilominus is, qui toti Ecclesiæ præest, videlicet Summus Pontifex, vel Concilium generale, poterit ex iusta causa aliquid remittere de privilegiis exemptionis; & secularibus Principibus permittere, ut aduersus Clericos aliquam iurisdictionem exerceant, vel tributa aliqua exigant; sicuti possunt Prælati Ecclesiæ aliquid contra Ecclesiasticam libertatem facitari: si sine scandalo, aut maioris mali periculo prohibere non valeant: qua ratione etiam Christus tributum pro se & Petro soluit, ne exactores scandalizaret: Et S. Paulus Cæsarem appellavit Act. 25. ut inferioris, sub Cæsare constituti, Iudicis sententiam declinaret: sicuti ipsemet significat c. 28.

CAP. IX.

QVIBVS MODIS IMMUNITAS
Ecclesiastica violari solet.

SUMMARIUM.

1. Ecclesiastica immunitas duobus modis violari potest; vel solo facto, vel prætextu potestatis seu iurisdictione, qui modus violationis longe grauior est.
2. Plures sunt speciales modi, quibus Ecclesiastica immunitas violatur.
3. Statuta secularium interdum directe derogant Ecclesiastica immunitati: interdum verò indirecte.
4. Persona Ecclesiastica ad tutelam suscipiendam compelli non possunt.

IN PRIMIS notandum est; Ecclesiasticam immunitatem duobus modis violari posse; vel solo facto, seu priuata usurpatione iuris, v. g. res Ecclesiæ furripiendo, Ecclesiasticam personam verberando; vel sub prætextu publicæ potestatis seu iurisdictionis in Ecclesias, aut Ecclesiastica bona, & personas. Tamen si autem vterque violandi modus ex genere suo peccatum mortale sit; tum quia iniuriam continet, aduersus iustitiæ virtutem; tum quia sacrilegii malitiam habet, contra religionis virtutem; tamen posterior multo grauior ac detestabilior censetur, arg. c. si verò 1. de sent.

excommun. in quo habetur: Si Ostiarius, dum turbam arcet, Clericum percutiat, ab Episcopo absolui posse, nisi percussio grauis, siue enormis sit: At verò si Officialis, id est, Iudex, vel adparitor potestatis secularis, in Clericum manus iniiciat, ad Sedem Apostolicam mittendum esse: quia non tantum iniuriam inferi, sed etiam iurisdictionem usurpat, ait Abb. ibidem: *Nam autem laico super Clericum tanta datur auctoritas*, cit. c. si verò. Quapropter posterior iste modus Ecclesiasticam libertatem violandi vix vnquam ex leuitate materiæ venialis efficitur: nam v. g. exiguum aliquod tributum à Clericis exigere, tanquam debitum laicæ potestatis, non exiguam iniuriam continet cum significet subiectionem Clericorum quæ ipsos dedecet.

Nunc verò subiiciam modos speciales, quibus Ecclesiastica libertas sub prætextu publicæ secularis potestatis violari solet. Primus est: Si Magistratus secularis Reum, ad Ecclesiam tanquam asylum confugientem, inde extrahere præsumat, præterquam in casibus iure canonico concessis, & præcipitur in c. antiquitus, 17. q. 4. ut talis, si monitus desistere nolit, excommunicetur. Sed Greg. XIV. in Constit. quæ incipit, *Cum aliis nonnullis*, excommunicationem ipso iure statuit contra immunitatis huius violatores.

Secundò; Si domini temporales in domibus Ecclesiarum hospitium sibi vendicent, tanquam iure debitum, cap. 1. de immunit. Ecclesiarum, iunct. Gl. veri hospitium, ubi ait; *Sed charitativum hospitium petere possunt à Clericis*.

Tertiò: Si secularis Magistratus Clericos, tanquam reos, ad tribunal suum, præter iuris canonici dispositionem, trahere præsumat quod sub pœna ferendæ excommunicationis iure antiquo prohibitum erat, c. nullus iudicum, 11. q. 1. & c. 2. de foro compet. Nunc autem est excommunicatio Bullaris decima quinta.

Quartò: Si temporales rectores seu potestates, Ecclesias, vel Ecclesiasticas personas angariis, collectis, seu talis, vel similibus exactionibus atque oneribus grauent: quod sub anathematis distractione prohibetur in c. non minus, & c. aduersus, de immunit. Ecclesiarum. Nunc autem est excommunicatio Bullaris decima octaua.

Quintò: Si seculares potestates pedagia, gabellas, seu portatoria ab Ecclesiis, vel Ecclesiasticis personis exigant, pro rebus ipsarum propriis, & quas non causa negotiationis deferunt: quod prohibetur in c. quamquam, de censibus, in 6. addita censura: *Qui contra fuerint, si persone fuerint singulares, excommunicationis; si autem Collegium, vel vniuersitas ciuitatis, castri, vel loci alterius cuiusunque ipsa ciuitas, castrum, vel locus interdicti sententias ipso facto incurrat*. Hodie verò excommunicatio ista videtur Papæ reservata in Bulla Cœnæ, excommunicat. 18. verbis illis, *vel similia chera*. Idque docent Syl. ver. excommunicatio, 9. n. 46. excomm. 21. Suarez de censuris, disp. 23. f. 4. n. 23. Sairus lib. 3. thesauri, c. 22. n. 9. contra Nau. c. 27. n. 128.

Sextò: Si domini temporales iurisdictionem quamlibet redditus seu fructus ad Ecclesiasticas personas ratione Ecclesiarum, Monasteriorum, & aliorum beneficiorum pertinentes usurpent; vel quauis occasione, aut causa, sine Romani Pontificis, vel aliorum ad id legitimam facultatem habentium expressa licentia sequestrant. Et annexum id habet excommunicationem Bullarem decimam septimam. Videri potest Caiet. ver. excommunicatio c. 27. Navar. c. 27. n. 70. 71. ver. Sexta, Sairus lib. 3. c. 21.

Septimò: Qui statuta vel consuetudines contra Ecclesiæ libertatem introductas obseruari præcipiunt: vel secundum eas iudicare aut iudicata in publicam formam scribere præsumunt. His excommunicatio ipso iure decernitur in c. nouerit, de sent. excommun.

Octavo: Qui quouis modo impediunt, ne causæ ratione personarum, negotiorum, aut rerum ad forum Ecclesiasticum, ordinario, aut delegato iure pertinentes, uti sunt beneficiales, decimarum, &c. in eodem foro definiantur; vel qui talem causam ad forumulare violenter trahere conantur. Contra hos excommunicatio ipso iure lata est in c. quoniam, de immunit. Ecclesiæ, in 6. & videri potest excommunicatio Bullaris decimaquarta, & decima sexta.

Nono: Si Magistratus secularis Ecclesiasticas personas compellat ad munera sordida, c. generaliter, 16. q. 1. vel ad angarias, aut alia munera, seu seruitia indebita, Constit. Item nulla, C. de Episc. & Cleric. Hodie verò id prohibitum videtur excommunicatione Bullari 18.

Decimo: Si temporales domini subditis suis interdican, ne Ecclesiasticis personis quicquam vendant, aut ne aliquid ab his emanet, aut ne eis molant, panem coquant, aut alia obsequia exhibeant: ob quam causam illi excommunicationis sententiam ipso facto contrahant, c. vlt. de immunit. Ecclesiæ, in 6.

Vndecimo: Si Laicus in bona Ecclesiasticorum, ea occupando, arrestando, contra iuris ordinem inuadat, sub pretextu debiti non soluti, iustitiæ non ministratæ, nec ministrandæ. Qua de re videri potest D. Martha p. 4. casu 41. n. 31. & casu 125. n. 18. Nam ordinariè non desunt ordinaria remedia querelam deponendi apud Superiorem, videlicet Papam; vel in causis Imperii feudalibus apud Imperatorem, vel Cameram Imperialem. Et bene notat And. Gaill. lib. 1. obseruat. 48. quod arrestatio, seu occupatio bonorum in iure odiosa sit, ita ut neque à Iudice decerni soleat, nisi contra suspectum de fide violanda. Et eod. lib. 1. obseruat. 28. num. 3. Quod ordinariè in Iudice non præsumatur negligentia, nisi probata sit legitima requisitio; adeo, ut non stet iuramento partis dicentis, se non sperare iustitiam consequi.

Duodecimo: Si secularis potestas cum auctoritate se immisceat electioni Ecclesiasticæ: quo in casu electio fieri dicitur *per abusum secularis potestatis*, c. quisquis, de elect. vbi etiam pœnæ adiciuntur, ut, qui tali electioni suæ consentit, electionis commodò careat, & ad quācunque aliam dignitatem ineligibilis fiat, donec cum eo dispenseretur etiam ab Episcopo, secundum Gloss. ibi ver. fiat. Clerici autem electores, qui electionem tali modo celebrare præsumserunt, iure eligendi ea vice priuantur, & ab officiis, ac beneficiis penitus suspendi debent. Videri etiam potest c. sciant cuncti, de elect. in 6. vbi excommunicatio ipso iure infertur omnibus, qui Ecclesiasticam personam, eiusque consanguineos, Ecclesias, aut bona grauant, propterea quod eum, pro quo rogatur, eligere nolit, vel postulare, instituere, confirmare, uti Doctores communiter extendunt apud Suarez disp. 23. f. 4. num. 5. Sairum lib. 3. cap. 34. n. 8.

Decimotertio: Si seculares potestates leges condant, vel statuta edant, aut seruari faciant, quæ Ecclesiasticæ libertati aduersantur, sicuti habetur in Authet. cassa & irrita, Cod. de SS. Ecclesiis, & c. ne uerit, de sent. excommun. vbi tales excommunicantur. Hodie autem est excommunicatio Bullaris 15.

Notandum verò hic est: Duobus modis statuta Ecclesiasticæ libertati contraria esse posse: Primò, si directè edita sint de rebus, vel personis Ecclesiæ, ideoque cum expressa derogatione iuris Ecclesiastici, vel usurpatione iurisdictionis super Ecclesiasticis personis, aut rebus: quod prohibetur in c. Ecclesia, de Constitut. & c. 2. de Iudiciis. Secundò, si statutum verbis quidem disponat de personis laicis, re ipsa autem tendat, atque ordinetur ad clericorum, vel Ecclesiarum læsionem, adeoque indirectè, aut implicite Ecclesiasticæ immunitati repugnet. Cuius exemplum habes in c. vltim. de immunit. Ecclesiæ, in 6. quod supra allegavi hoc cap.

ver. octauo. Quamobrem generalem regulam tradunt Gl. in cit. c. vlt. Abb. & D. D. communiter in c. quanto, de privilegiis: Quod privilegia etiam indirectè violanda non sint; alioquin competat actio de dolo. Certum enim est, quod is committit in legem, qui verba legis complētens, contra legis nititur voluntatem, reg. vlt. in 6. Idque rectè probatur ex cit. c. quanto, vbi reprehenditur, quod quidam Episcopi, cum sententiis suis Regulares exemptos ligare non possint, id ipsum via indirecta assequi nituntur; quando in subditos suos excommunicationis, vel interdicti sententias proferunt, si in illorum molendinis molant, vel in furnis coquant, aut aliquid vendendo, aut emendo eisdem communicent: & sic Apostolicorum privilegiorum non vim, & potestatem; sed sola verba seruantes, dicti Ordinis Monachos quodammodo excommunicant, dum eis alios communicare non sinunt. Vbi Gl. magna ait: Nota, quod non tantum verba, sed vim, & potestatem privilegiorum, legis, ac canonum seruare debemus. Item, fraus legi vel canoni fieri non debet: quia nihilominus quis incidit in legem. Quibus consentire videtur cit. Bullaris excommunicatio decimaquinta, contra eos lata, qui statuta, vel ordinationes in genere, vel in specie, quouis quæsito colore, aut pretextu ordinauerint, vel publicauerint; unde libertas Ecclesiastica tollitur, seu in aliquo leditur, vel deprimitur, aut quouis modo restringitur; seu sedis Apostolicæ quauuncunque Ecclesiarum iuribus, quomodolibet directè, aut indirectè, tacite, vel expresse præiudicatur. Interim verum est, quod docet Caiet. in summa, ver. excommunicatio, cap. 31. statutum, quod per se tendit ad bonum siue finem politicum, non esse censendum contra Ecclesiasticam libertatem, tamen si concomitanter, & per accidens aliquod ex eo Clerici detrimentum accipiant: quale est v. g. statutum de vectigali, vel parte aliqua, v. g. octaua, aut decima ex mercibus soluenda fisco; vel de moderanda externa pompa funeris, quod est exemplum Caietani. Vide etiam Sylue. ver. immunitas, 2. n. 5. Suarez lib. 4. defens. c. 33. & quæ dixi lib. 1. tr. 4. c. 13. n. 1. & 6.

Decimoquarto: Qui Clericum, vel Ecclesiasticam personam ad curam, seu tutelam suscipiendam compellit, l. generaliter, C. de Episc. & Cleric. & c. vltim. d. 88. quod est S. Cypriani lib. 1. epist. 9. ad Clerum, & plebem Furnitanorum, vbi ait, pro dormitione eius, qui Sacerdotem, aut altaris Ministrum tutorem constituere ausus est, oblationem seu deprecationem aliquam ab Ecclesia faciendam non esse. Agnationis tamen tutelam legitimam Clerici suscipere possunt, c. vlt. d. 86. multoque magis miserabilium, aut aliarum patrocinio destitutarum personarum curam, c. vlt. c. 1. d. 87. iun. Gl. & c. 1. d. 88. Qua de re dixi lib. præced. tract. 4. de iustit. cap. 9. num. 4.

CAP. X.

VTRVM ECCLESIASTICA IMMUNITAS per contrariam consuetudinem tolli, aut minui possit?

SUMMARIUM.

- 1 Ecclesiastica immunitas per solam consuetudinem, quamvis immemorabilem, tolli, aut minui non potest.
- 2 Per privilegium, seu concessionem Summi Pontificis laici capaces sunt alicuius potestatis in Ecclesia.
- 3 Exemptionem Clericorum conseruare, eamque læsam reintegrare ad clauem supremæ Ecclesiasticæ iurisdictionis pertinet.

RESPONDEO. Consuetudo, quamvis immemorialis, si sola sit, & nullo titulo seu privilegio Summi Pontificis adiungetur, non potest Ecclesiasticæ exemptioni quicquam derogare. Ita D. D. in cap. Clerici, vbi

Abb. num. 5. & 6. de iudiciis. Baldus in rubr. Authent. cassā, Cod. de SS. Ecclesiis, Gl. in c. vlt. ver. rationabilis, de consuet. Abb. ibid. n. 5. Rochus sect. 5. n. 20. Ioan. Lupus de libert. Eccles. p. 1. q. 6. M. Anton. Gabrielus lib. 5. de præscript. concl. r. n. 9. D. Martha de iurisdic. p. 4. casu 63. & 64. Azor to. 1. lib. 5. c. 13. q. 8. Suarez lib. 4. de defen. Fidei Cathol. c. 34. n. 10. Adamus Tanner lib. 2. de defen. eccles. libertatis, cap. 16. Quamuis huic communi doctrinæ ex parte contradicant Couar. in pract. qq. c. 31. n. 5. & c. 35. Iulius Clarus lib. 5. sent. §. practica criminalis, q. 36. n. 3. ubi aiunt, licet Ecclesiastica immunitas vniuersim tolli non possit per consuetudinem; posse tamen ex parte vt in certis causis Magistratus secularis iurisdictionem exercent, quæ alioquin ad Ecclesiasticos propriè pertinet.

Sed probatur assertio: Si consuetudo Ecclesiastica immunitati derogare potest, vel id fiet per modum reuocationis, interueniente scientia, ac patientia, ideoque tacito consensu Summi Pontificis: vel per modum legitimæ præscriptionis, quæ etiam ignorante Principe aduersus legem fieri potest. Sed neuter horum modorum sufficiens est: Non prior; Quia satis constat, Summum Pontificem huiusmodi consuetudinibus non præbere tacitum consensum approbatum; quin potius eas reprobare, & damnare per generalia edicta, & censuras Bullæ; particulatim verò interdum tolerare, quia ob periculum maioris mali efficacius resistere, & prohibere non potest. Nec posterior modus; Nam consuetudo, quæ vt irrationabilis damnata est, non potest via præscriptionis legem abrogare, sicuti constat ex c. vltim. de consuet. & dixi lib. 1. tract. 4. c. vlt. n. 8. Sed consuetudo aduersus Ecclesiasticam libertatem, tanquam irrationabilis, passim in iure damnatur. vt videre est in Authent. cassā, C. de SS. Ecclesiis, cap. 1. cap. ad nostram, cap. inter, de consuet. cap. cum terra, de elect. c. Clerici, de iudic. c. nouerit, de sent. excom. Quare Gl. in in cit. c. Clerici, ver. consuetudine, & alia Gl. in cit. c. vlt. ver. rationabilis, ibid. Abb. n. 5. pro regula tradunt: *Quod consuetudo irrationabilis est, quæ contra verum Ecclesiasticam disciplinam, vel Ecclesiæ libertatem tendit.* Confirmatur primò: Vbi est incapacitas ex parte præscribentis, non potest procedere præscriptio: Sed Laici, vt aliorum iurium spiritualium, v. g. iuris decimarum, Ecclesiastici beneficii incapaces sunt; ita etiam iurisdictionis super Ecclesiasticas personas: Ergo non possunt eam via præscriptionis comparare. Confirmatur secundò: Omnis legitima præscriptio legis auctoritate & adminiculo niti debet; cum sit beneficium à iure inuentum, & impertitum: Atqui præscriptio aduersus Ecclesiæ libertatem à nulla lege adminiculum capere potest: Non enim à civili, cum ea limites suæ potestatis excedere non debeat: Non item à lege canonica; cum sacri canones, eorumque custos Sum. Pontifex huic præscriptioni semper resistant.

Veruntamen nemo dubitat, quim Sum. Pontifex per speciale priuilegium ob iustam causam datum alicui Principi, aut Magistratui seculari ex parte aliqua derogare possit Ecclesiasticæ exemptioni; vt proinde virtute talis priuilegii Laici capaces sint iurisdictionis in Ecclesiasticas personas, secundum limites concessionis. Quapropter, tametsi accadat titulum priuilegii vel concessionis modò exhiberi non posse, si tamen constans

sæper fama ac traditio fuerit de accepto priuilegio, ideoque laici iurisdictionem aliquam in Clericos exercuerint, fundantes se non in mera consuetudine, quippe quæ iuribus reprobata est; sed in titulo rationabiliter ac bona fide præscripto, tunc tandem præscriptioni locus erit per tempus cuius initij memoria non existat, sicuti docet Suarez cit. c. 34. n. 17. & latius explicauimus lib. 1. tract. 4. vlt. num. 9.

Id porro necessariò faciendum est, talem nihilominus immemoriam, & legitimè præscriptam consuetudinem à Sum. Pontifice tolli, ac reuocari posse. Cum enim præscriptio aduersus Ecclesiasticam libertatem, vt legitima sit, fundari debeat in gratia & priuilegio Apostolico; consequens est, quod sicuti priuilegium à Sum. Pontifice reuocari potest, ita etiam præscriptio ex præsumptione priuilegii vim capiens, sicuti rectè notauit Suarez num. 18. Accedit, quod exemptionem Clericorum conseruare, eandem diminutam redintegrare pertinet ad clauem supremæ spiritualis iurisdictionis, à Christo B. Petro, eiusque successoribus data. Atqui contra hanc supremam potestatem in spiritualibus nulla vnquam præscriptio fieri potest, sicuti docet Innoc. in c. 2. de postul. Prælat. & in hoc omnes Doctores conuenire, testatur Aym. Crauetta de antiq. tempor. to. 2. tract. iuris, fol. 170.

Neque refert, tametsi concordata super ea re inter Ecclesiæ Prælatos, & Principem secularem edita, atque Sum. Pontificis consensu & auctoritate confirmata sint; nihilominus ex graui causa ad bonum publicum pertinente reuocari poterunt. Vel enim concordia ideo tantum facta est, vt intelligatur, quousque priuilegia à Sede Apostolica gratuito concessa se extendere debeant; & tunc manifestum, concordiam in gratuitis priuilegiis fundatam ex causa aliqua reuocari posse. Vel concordia transit in pactum onerosum atque reciprocum; & tunc quoque ob causam grauissimam ad bonum Ecclesiæ pertinentem, Sum. Pontifex reuocare posset, vt bene Suarez docet: Idque probatur ex doctrina generali de priuilegiis, quæ licet à Principe ob merita, vel cum imposito onere alicui concessa fuerint; tamen ex plenitudine potestatis reuocari possunt, ob publicam grauissimam causam; quippe cum eiusmodi casus in ipsa concessione, aut concordia semper exceptus censeatur: dummodo tamen parti priuilegiatæ compensatio damni fiat, si quod ex tali reuocatione patiat, sicuti docet Suarez lib. 8. de legibus, c. 37. n. 5. & lib. 4. de defen. cap. 34. num. 24.

Adde, specialem hinc rationem considerandam esse: Cum exemptio siue immunitas in maximum bonum Ecclesiæ, & quidem diuino iure (vt plerique existimant) introducta & constituta sit, non posse Summum Pontificem sine iusta causa eidem aliquatenus renuntiare: alioquin irrita erit renuntiatio, & consequenter reuocari debebit. Deinde, etsi ab initio causa subsistente, iusta videbatur renuntiatio, siue concessio iurisdictionis in materia Ecclesiastica per Laicos exercenda; tamen ob rerum, ac temporum mutationem iniqua fieri potest, si cedere incipiat in contemptum Ecclesiastici status, atque Ecclesiæ detrimentum: quo itidem casu ad Summum Pontificem pertinebit reuocare concessionem: quamuis interdum maioris mali vitandi causa rationabiliter toleret.

TRACTATUS DECIMVS.

DE

VITIIS OPPOSITIS
VIRTUTI RELIGIONIS.

NOTANDVM est, ex S. Thom. 2. 2. q. 92. a. 1. Vitia Religionis virtuti opposita, alia esse secundum excessum, & alia secundum defectum. Illa communi nomine superstitionis comprehenduntur. Dicitur enim superstitio quasi supra conuenientem DEI cultum aliquid statutum. Qui tamen excessus non est secundum quantitatem cultus absolute: quia quantumuis homo Deum colat, minus est, quam ei debetur, inquit S. Tho. cit. l. sed est excessus vel secundum obiectum, si alius vt Deus colatur, qui Deus non est; vel secundum circumstantias; si verus Deus colatur modo indebito.

Peccata secundum defectum Religioni opposita duplicis generis sunt, teste Suarez t. 1. de relig. tract. 3. lib. de irreligiosis. c. 1. num. 6. Nam sicuti virtus Religionis duplices actus habet: quosdam primarios, quibus Deus secundum se, ac directe colitur. cuiusmodi sunt adoratio, sacrificium, votum, iuramentum &c. quosdam verò secundarios, quibus res aliæ sacræ, siue Deo dicatæ, ob eiusdem honorem, coluntur, v. g. Sacerdos, Sanctorum reliquiæ, sacra vasa, sacra Scriptura: Sic alia peccata contra Religionem sunt, quibus Deo secundum se irreuerentia irrogatur, siue eius cultui aut honori detrahatur, vt tentatio DEI, periurium, blasphemia, irreuerens oratio &c. Alia verò peccata sunt, quæ communi nomine sacrilegij comprehendi solent, quibus res aliæ sacræ siue Deo dicatæ indignè, & cum irreuerentia in Deum ipsum redundante, tractantur solent.

CAP. I.

DE SUPERSTITIONE,
Eiusque speciebus.

SUMMARIUM.

- 1 Superstitionis secundum defectum ex parte obiecti tres species sunt: Idololatria, diuinatio, & vana observatio.
 - 2 Superstitionis secundum defectum ex parte cultus duo modi sunt: vel enim est cultus falsus, vel superfluus.
 - 3 Falsas reliquias proponere, falsa miracula predicare, aut scriptis mandare ex genere suo est peccatum mortale.
 - 4 Si quis Deum colere aggrediatur tanquam Ecclesia Minister, cum commissionem nullam habeat, aut talem non habeat, is grauiter peccat.
 - 5 Superstitio cultus superflui, per se loquendo, veniale tantum peccatum est.
- Cultus in ecclesia gratus, ac modestus esse debet.

SUPERSTITIO est cultus falsi, sicut Religio verum, ait Lactantius lib. 4. instit. cap. 28. Quare, cum verum, ac religiosum cultum duo necessaria sint, vnū ad ex parte obiecti, vt Deus verus colatur: alterum ex parte modi, quo Deus colitur; vt nempe signum congruum & aptum ad diuinæ excellentiæ protestationem, ab homine exhibeatur; ideo si horum alterutrum desit, superstitio & falsus cultus efficitur: quandoquidem bonum ex integra causa, malum autem ex quouis defectu existit.

Ex primo capite, si nimirum error, siue defectus contingat circa obiectum, quia non verus, sed falsus Deus colitur, tres superstitionis species emergunt, teste S. Thom. quæst. 92. a. 2. Idololatria, diuinatio, & vana observatio. Etenim Diabolus ex superbia, atque in Deum, hominesque inuidia, diuinum honorem in omnibus affectat, iisdemque modis, quibus Deus, ab hominibus coli desiderat. Colimus autem Deum tum reuerentiam

diuinæ eius excellentiæ debitam deferendo; tum verò obsecrando ea, quæ solus ipse nobis largiri potest, partim quæ ad mentis nostræ instructionem, partim quæ ad actionum nostrarum directionem spectant. Ita etiam Diabolus homines edocet: Primò; Vt ipsi cultum ac reuerentiam soli Deo debitam exhibeant, per idololatriam: Secundò; Vt ab ipso petant rerum occultarum cognitionem, per diuinationem. Tertiò; Vt ab ipso actionum suarum directionem petant, per magiam, seu vanam obseruationem.

Ex altero capite, si videlicet error siue defectus contingat ex parte cultus, siue modi colendi verum Deum, duas species distinguit S. Thom. quæst. 93. a. 1. & 2. Vel enim est cultus falsus ac mendax (saltem materialiter & obiectiue, vt Caietan. ibi. notauit) quem S. Thom. cultum perniciosum vocat; quia omnis falsitas, & omne mendacium in materia Religionis Deo iniuriosum, ac maxime perniciosum est, teste S. August. in lib. de mendacio, c. 10. & lib. contra mendac. c. 3. vel est cultus tantum inanis ac superfluus. Scriptum est, inquit Caiet. ver. supersticio, c. 1. *Veri adoratores adorabunt in spiritu, & veritate.* Ioan. 4. *Cultus autem perniciosus est contra veritatem; cultus superfluus recedit à spiritu.*

Porro prior harum specierum, quam dixi esse cultus falsi, ac perniciosi, iterum diuiditur in duos modos: nam vnus modus falsitatis est cum ordine ad rem significatam, à qua discordat significatio cultus: Vt si quis hodie Deum colere præsumat cæremonia agni Paschalis, per quam ex diuina institutione futura Christi passio significatur. Eademque ratio est de aliis Iudaicis cæremoniis, quibus ex Dei institutione significabatur gratia futura, & per Christum exhibenda; quæ tamen modo exhibita est. Huc pertinent falsæ, & perniciosæ traditiones hæreticorum, docentium, aliud in Sacrificio offerendum, quam Christus, & Apostoli nobis tradiderunt, & Catholica semper Ecclesia tenuit: contra quos Irenæus lib. 3. aduersus hæreses, cap. 2. & 3. S. Cyprianus lib. 2. epistol. 3. S. Augustinus hæres. 64. & S. Th. cit. a. 1.

Huc etiam spectat, alienas reliquias pro Sanctorum reliquiis venerandas proponere; item falsa miracula predicare, vel scriptis mandare; vel anathemata afferre, ut signa miraculorum, quando nulla contigerunt: quæ ex genere suo peccata mortalia sunt; cum sint falsitates perniciosæ, ob quas minor deinde fides aliis veris reliquiis, & miraculis adhibetur, sicuti docet Caiet. ver. superstitio, c. 1. Armilla, n. 2. Nau. c. 11. n. 27. ver. sexto, Sanchez lib. 2. moral. c. 37. n. 9.

4 Alter modus falsitatis est ex parte ipsius colentis: si quis Deum colat tanquam publicus, siue ab Ecclesia constitutus Minister, cum commissionem nullam habeat; vel talem non habeat. Sicut enim falsarius censeatur ille, qui aliqua nomine alterius proponeret, quæ ei commissæ non essent; ita vitium falsitatis incurrit, qui nomine Ecclesiæ cultum Deo exhibet, contra voluntatem Ecclesiæ, aut contra formam ab Ecclesia constitutum, & in eadem consuetum, sicuti scribit S. Thom. cit. q. 93. a. 1. Huc pertinet, si quis Sacrificium offerat, cum Sacerdos non sit: cuius exemplum habemus in Saule 1. Reg. 3. c. 13. Vel si Sacerdos excommunicatus, & ab Ecclesia præcisus, nomine Ecclesiæ sacrificet, vel alia sacramenta ministret; quæ ipsi commissæ non sunt, sed prohibita. Item si Sacerdos non prohibitus, seu Minister non præcisus in Sacrificiis, aliisve publicis officiis, nomine Ecclesiæ à Deo præcetur contra voluntatem, & ordinationem eiusdem Ecclesiæ: quæ de re Suarez t. 1. tr. 3. lib. 2. de superstit. c. 2. n. 11. & 18.

Posterior species cultus superstitiosi, quæ est secundum superfluitatem, in eo consistit, quod aliquis Deum colere aggrediatur eo modo, vel cæremonia, quæ neque ad ipsius Dei gloriam, neque ad spiritus excitandam deuotionem inseruit: aut quia cæremonia siue ritus inanis est, v. g. non iere die Sabbathi in honorẽ B. Virginis, interim aliis seruilibus laboribus insistendo; item orandi ante solis ortum, adhibito certo numero, situ, colore cereorum; audiendi Missam à Sacerdote, qui vocatur Ioannes, ait Nau. c. 11. n. 23. & vide n. 35. Aut quia est contra statutum, vel consuetudinem Ecclesiæ; v. g. in Missa sæpius dicere Alleluia, plures facere cruce, quam ordinatum est; dicere Gloria, vel Credo, cum omittenda sunt. Est autem huiusmodi superstitio cultum indebitum, siue superfluum exhibens, si contemptus, & scandalum absit, peccatum veniale tantum, teste Caietano cit. cap. 1. Less. lib. 1. cap. 43. dub. 1. num. 5. Si tamen cultus non tantum vanus sit, sed etiam turpis; puta si quis Deum colere intendat aliqua actione praua, vel turpitudinem continente, v. g. hominis immolatione, rei furtiue oblatione; item turpibus verbis in templo decantatis, vel solo etiam vocis, aut organi sono notabiliter lasciuo, & ad impuritatem prouocante, non videtur posse excusari à mortali: quæ de re Caietan. 2. 2. quæst. 91. a. 1. & in sum. ver. organorum vsus, Armilla ver. cantus, num. 4. Barth. Medil. 1. instruct. c. 14. §. 2. Valer. t. 3. dis. 6. q. 9. p. vn. Suarez t. 2. de Relig. vbi de horis canonicis, c. 13. n. 16. Sanchez lib. 2. c. 37. num. 7. Vide Trident. Concil. sess. 22. in decreto de obseruandis & euitandis in celebratione Missæ, & S. Hieron. lib. 3. commentar. c. 5. ad Ephesios in ea verba, Cantantes, & psallentes in cordibus vestris Domino. Audiant hæc adolescentuli, audiant ij, quibus psallendi in ecclesia officium est; Deo non voce, sed corde psallendum; nec in tragædorum modum guttat, & sauces de lemedicamine limenda sunt, ut in ecclesia theatrales moduli audiantur, & cantica; sed in timore, in opere, in scientia scripturarum.

Nunc breuiter colligamus, quæ hoc capite dicta sunt. Superstitio alia est secundum defectum in obiecto cultus; cuius tres species sunt, mox tractandæ. Alia verò est secundum defectum in ipso cultu: & hæc iterum diuiditur: nam alius est cultus falsus ac perniciosus, alius cultus superfluous. Vtriusque verò duplex modus existit:

Quia falsitas cultus aut tenet se originaliter ex parte rei cultæ seu significatæ; aut ex parte Ministri colentis. Denique cultus superfluous est, vel quia ex se ipso inanis, & ad spiritum excitandum inutilis est; vel quia ab Ecclesiæ statuto, aut consuetudine abherret. Quo posteriore casu, licet, ut præcisè spectatur, idoneus esse possit ad Dei gloriam, & spiritus deuotionem; posito tamen Ecclesiæ contrario decreto, inutilis est, & peccatò obnoxius, sicuti Caiet. notauit suprà cit. c. 1.

CAP. II.

DE IDOLOLATRIA.

SUMMARIUM.

- 1 Idolum est simulacrum falsum, seu rei non existentis species: quare differt ab imagine, quæ est veræ rei similitudo, seu representatio.
- 2 Idololatria dicitur seruitus, quæ soli Deo debetur, alicui creaturæ exhibita.
- 3 Adoratio, & omnis latría cultus principaliter est in mente; secundum dauid in actione externa.
- 4 Externa signa cultus quædam propriè instituta sunt ad Deum colendum; quædam verò indifferencia sunt ad latriam, & dulia.
- 5 Idololatria alia perfecta est, alia imperfecta, alia externa tantum & simulata.
- 6 Triplex apud Gentiles idololatria erat: videlicet, ut Varro appellauit, Genus Theologia fabulosum, ciuile; & physicum.

Idolov, græca vox, si generatim accipiat, aliud non est, quam simulacrum falsum, siue rei non existentis fictitia species: ut si quis humanis membris caput canis, aut arietis formet; vel in vno hominis habitu duas facies fingat, ait Origenes hom. 8. in Exod. & sequitur Theodor. q. 38. in Exodum, Euthymius in panopl. p. 2. tit. 19. Valq. lib. 2. de adorat. disp. 1. c. 1. In eoque differt idolum ab imagine: Nam imaginis hæc natura est, inquit Gregor. Nazianz. orat. 36. ut exemplar suum imitando referat. Et S. August. lib. vii. Gen. super literam, cap. 16. Omnis imago similis est ei, cuius imago est. Idemque S. Damasc. orat. 3. de imaginibus notauit. Atque secundum hanc acceptionem, quamuis restrictam, Scriptura sacra, & Ecclesiastici scriptores idoli nomen usurpant, ut idem sit, quod falsi Dei simulacrum, sicuti definit S. August. super librum Iudicum, lib. 7. qu. 41. In eandemque sententiam Euthym. tit. 23. ait; Aliud esse imaginem, & aliud idolum: nulla enim, aut falsa esse idolorum exemplaria: cum Deos appellent eos, qui non sunt Dii, sed Dæmones. At imaginum apud nos vera sunt exemplaria, & verè referunt id, quod appellantur. Ita etiam de Idolo loquitur Hierem. cap. 10. Confusus est artifex omnis in sculpulis, quoniam falsum est quod confanit, & non est spiritus in eis. Et Habacuc c. 2. Quid prodest sculpsit, quia sculpsit illud furor suus confanile, & imaginem falsam? Et S. Paulus 1. ad Corinth. 8. Scimus, quia nihil est idolum in mundo, id est, nullam veram, sed solum putatitiam diuinitatem habet: & quod nullus est Deus, nisi vnus. Quare idem Apostolus ad Rom. 1. gentium idola describens ait: Mutauerunt gloriam incorruptibilis Dei, in similitudinem imaginis corruptibilis hominis, & voluerunt, & quadrupedum, & serpentium. Vide etiam Sapient. c. 14.

Porro hinc, facta per synechdochen extensione, idolum frequenter appellari solet illud omne, quod ut Deus colitur, cum Deus non sit, sicuti notauit S. Thom. quæst. 94. art. 1. in corp. Vasquez loc. cit. cap. 3. Suarez t. 1. de Relig. tr. 3. lib. 2. c. 3. num. 5. Secundum quam vltimam acceptionem, idololatria aliud non est, quam seruitus, quæ soli Deo debetur, alicui creaturæ exhibita: cuiusmodi seruitus græcè λατρεία dicitur, ac definitur, Voluntaria exhibitio signi protestantis supremam Dei excel-

lentionem, atque super res omnes dominium. Quare S. August. lib. 1. quæstion. super Genes. q. 16. *dictum est* (Deut. 6.) *& illi soli seruias: quod est græce λατρεύεις. Talis enim seruitus non nisi Deo debetur: Unde damnantur idololatria; id est, eiusmodi seruitutem exhibentes idolo, quæ debent Deo. Quod in eisdem gentilibus Apostolus damnauit ad Rom. 1. Seruiamus (λατρεύομεν) creaturæ potius, quam Creatori.*

Notandum verò est primo; Duplicem esse Dei adorationem, seu latriam; internam, & externam, teste S. Tho. 2. 2. quæst. 84. art. 2. & 3. Interior latria consistit in recognitione, seu mentali confessione supremi dominii, quam rationalis creatura Deo offert, ex affectu submissionis ac reuerentiæ. Exterior autem latria consistit in exhibitione signi externi, quo creatura rationalis protestatur internam de Dei excellentia existimationem, & submissionis affectionem. Ex quo colligitur, Dei adorationem, omnemque latriæ actum principaliter esse in mente; secundario autem in actione externa, tanquam signo expressivo internæ submissionis & adorationis, sicuti significat S. Thom. cit. quæ. 84. art. 1. ad 1. & art. 2. & 3. in corp. Scotus in 3. d. 9. q. 1. §. de primo sciendum, Suarez p. 3. t. 1. disp. 51. f. 2. & t. 1. de Relig. tr. 2. lib. 1. cap. 1. Bellarm. lib. 1. de cultu Sanctorum, cap. 12. Licet aliter sentiat Valentia, tom. 3. disput. 6. quæst. 3. part. 1. Less. lib. 2. c. 38. dub. 1. num. 4.

4 Notandum est secundo: Externa signa cultus quædam sunt propria latriæ, id est, communi hominum vsurpatione tantum instituta ad protestandam supremam excellentiam, & dominium Dei: cuiusmodi est Sacrificium, & quæ ad illud pertinent, templum, altare, &c. Nulli Martyrum inquit S. August. lib. 20. contra Faustum, c. 11. *sed ipsi Deo Martyrum, quamuis in memorias Martyrum construximus altaria. Et paulò post: Illo cultu, quæ græcè latria dicitur, latine uno verbo dici non potest, cum sit quædam propriè diuinitati debita seruitus, nec colimus, nec colendum docemus, nisi unum Deum. Cum ad hunc cultum pertineat oblatio sacrificij; unde idololatria dicitur eorum, qui hoc etiam idolis exhibent; nullo modo tale aliquid offerimus, aut offerendum præcipimus vel cuiquam Martyri, vel cuiquam sanctæ animæ, vel cuiquam Angelo. Similia habet lib. 2. 2. de ciuit. cap. 10.*

Alia verò signa indifferentia sunt ad latriam, & dulia, siue cultum inferiorem creaturis rationalibus exhiberi solitum: cuiusmodi sunt capitis inclinatio, genuflexio, iussus quoque, seu incensum: Quæ secundum se indeterminata, determinantur ab intentione mentis; ut, si exhibeantur creaturæ cuiunque ad diuinitatis in ipsa residentis contestationem, idololatria committatur: sin verò exhibeantur rationali creaturæ, puta homini, animæ, vel Angelo bono in significationem inferioris creaturæ excellentiæ, ad dulia, siue obseruantiam cultum spectet. Ita de duplici adoratione, quarum una est ex affectu latriæ, altera ex affectu dulia, siue inferioris obseruantia scribit S. Th. q. 84. a. 1. *Secundum reuerentiā, quæ creaturæ excellenti debetur, Nathan adorauit Dauidem, 3. Reg. c. 1. secundum autem reuerentiā, quæ debetur Deo, Mardocheus noluit adorare Aman, timens, ne honorem Dei transferret ad hominem, ut dicitur Hester 13. Et similiter secundum reuerentiā debitam creaturæ excellenti, Abraham adorauit Angelos, & etiam Iosue, ut legitur Iosue cap. 5. Quamuis possit intelligi, quod adorauerint adoratione latriæ Deum, qui in persona Angeli apparebat, & loquebatur. Quemadmodum etiam ciues, & alias imagines Christi latria adoramus, & colimus; non quod credatur inesse aliqua in iis diuinitas, vel virtus, propter quam sint colendæ; sed quoniam honos, qui eis exhibetur, refertur ad prototypa, ait Trident. sess. 25. de imaginibus Videt Aθανάσιος. vel si quis alius author est, q. 4. 1. ad Antiochum, S. Gregor. I. lib. 7. epist. 53. ad Secundinum, Leontium li. 5. contra Iudæos apud S. Damasc. orat. 3. de imagin. & eundem Damasc. li. 4. Fidei Ortho-*

doxæ. c. 17. & quæ dixi tract. 7. c. 5. n. 9.

Porro ex dictis colligitur, triplicem idololatriam distingui posse, ut notauit Suarez cit. lib. 2. cap. 4. & 6. Prima est perfecta; cum quis idolo diuinum honorem exhibere intendit, quia falso existimat Deum esse: cuiusmodi idololatria cum infidelitate iuncta est.

Alterā est minùs perfecta, cum quis sciens idolo (id est creaturæ cuiunque, quæ ut Deus colitur) diuinitatem nullam inesse; tamen ex prauo affectu, v. g. ex odio erga verum Deum, vel cupiditate aliquid à Diabolo obtinendi, ipsi Dæmoni; vel alteri creaturæ externum cultum, tanquam Deo defert. Cuiusmodi cultus licet à proprietate idololatriæ deficiat secundum intellectum, quia non procedit ex falsa existimatione diuinitatis, tamen secundum voluntatem non deficit, quia procedit ex affectu internæ reuerentiæ ac submissionis, tanquam erga Deum; in cuius etiam protestationem, ac signum externa actio exhibetur: imò hæc idololatriæ species priorem superare videtur in grauitate peccati: tum quia ex mera voluntatis malitia committitur; prior autem ob ignorantiam aliquo modo excusatur: tum quia aliquam etiam simulationem & mendacium perniciosum; Deoque iniuriosum continet.

Tertia demum est idololatria simulata, & improprie dicta; cum quis sine existimatione diuinitatis, & sine interno affectu colendi, ob Tyranni, vel populi metum, exterius tantum idolo exhibet cultum latriæ; Deo vero debitum: quod nunquam etiam licitum est; cum repugnet veræ Fidei confessioni, & sit plenissimum mendacium in cultu Religionis. quod Deo iniuriosum, & aduersus homines scandalosum est, ut notauit S. Thom. quæst. 94. art. 2. in corp. & art. 3. ad 1. ex S. Augustino lib. 6. de ciuit. c. 10. qui Senecam ita simulatè, ac mendaciter idola coluisse significat; & similiter Platonicos, ut indicat idem August. li. 10. de ciuit. Dei cap. 1. Est autem hæc merè externa idololatria, non vera & formalis; sed materialis tantum & improprie dicta. Quia ad omnem latriam siue exhibitionem cultus diuini requiritur affectus submissionis tanquam erga supremam excellentiam: ergo ubi talis affectus deest, non est verus latriæ cultus; sed simulatus: licet interim sit grauissimum peccatum, etiam contra Religionis virtutem. Vide etiam quæ dixi lib. 2. tr. 1. c. 11. n. 3.

9 Aliam diuisionem idololatriæ veterum Gentilium refert S. August. lib. 6. de ciuit. c. 5. & S. Thom. q. 94. a. 1. una erat erga homines mortuos, v. g. Iouem, Martem, Mercurium, Apollinem &c. quod Varro apud S. August. cit. loco *genus Theologiæ mythicon*, seu fabulosum appellat, eiusque originem tradit sapiens cap. 14. Huc etiam spectat Platoniorum error, qui præter unum supremum Deum, angelicos spiritus tanquam Deos cultu latriæ colebant, teste eodem S. August. lib. 12. de ciuit. c. 26. & li. 13. c. 16. Altera erga demortuorum hominum, vel bestiarum simulachra, secundum se: quippe quæ animata esse, & vim diuinam in se continere existimabantur: quando diabolus decipiendi causa in statuas se insinuauit, atque responsa dedit, ut mirarentur Ethnici, ait S. August. li. 8. de ciuit. c. 23. potestatem suam Deos faciendi. Cuiusmodi idololatriæ genus Varro *Theologiam ciuilem* appellauit, quia in vrbibus, à sacrificiis & populo frequentatum. Tertia erat erga solem, lunam, sidera, ignem, aquam, aërem, & reliquas mundi partes; quippe quæ animatum esse credebant, & diuino numine plenum, à quo res omnes generentur, moucantur, conferuentur. Idque *genus Theologiæ physicum* Varro nuncupauit; quia à naturalibus Philosophis inuentum fuerat.

CAP. III.

DE DIVINATIONE.

SUMMARIVM.

1. Divinatio est significatio occultorum ex pacto expresso, vel implicito cum Damone.
2. Si quis à Diabolo expresse, vel implicitè petat cognitionem earum rerum, quas ille, naturaliter nosse potest, peccatum superstitionis ex genere suo mortale committit.
3. Qui vanis, & superstitiosis signis fidem adhibet, non innuitur protestatione, quod cum Damone societatem nullam habeat: cum protestatio facta contraria sit.
4. Divinatio per pactum cum Diabolo expressum maiorem deformitatem continet.
5. Astrologia duplex est, naturalis, & divinatoria.
6. Somniorum triplex genus est: I. Quod naturaliter evenit II. Quod à Deo immititur III. Quod à malo Damone provenit.
7. Somnium divinum à Diabolico viri sancti discernunt non tantum ex obiecto, & fine eius: sed etiam ex interna somniantis, & ex somno excitati affectione.
8. Sortium triplex genus est: divinatorium, consultatorium, & divinatorium.
- Sortes divinatoria licita, & saepe utiles sunt ad lites dirimendas.
9. Electiones Ecclesiastica sortibus fieri prohibentur.
10. Observationes vanae saepe non excedunt malitiam culpa venialis.

DIVINATIO dicta est, quasi divinitatis æmulatio, seu ostentatio; quia per eam homo futura contingentia, & alia occulta ab humana cognitione remota, & divinae scientiæ propria cognoscere affectat: quare Esay. 41. dicitur: *Annuntiate, quæ futura sunt infuturum; & sciemus, quia Dñs estis vos.*

Definitur divinatio apud Martinum Delrium lib. 4. disquisit. magic. c. 2. quæst. 1. Significatio occultorum, ex pacto cum Damone. Dicitur significatio: Quia instructio, siue prænotio occultorum per varia signa accidit; unde variae materiales species divinationis existunt; sicuti videre est apud S. Th. q. 95. a. 3.

Additur, ex pacto cum Damone: Nam quicunque res occultas, & quæ hominis naturalem cognitionem superant, scire vult; idque non Dei beneficio, ac revelatione; necesse est, ut Dæmonis ope addiscere desideret, id est, quæ societatem ac pactum cum Damone, Dei, & humani generis hoste, expresse, vel tacite ineat, contra illud Apost. 2. ad Corinth. 10. *Nolo vos fieri socios Dæmoniorum:* & docet S. Aug. lib. 2. de doctr. Christ. c. 23. & lib. 2. de Gen. ad liter. c. 17.

Consistit ergo malitia divinationis in eo, quod homo in assequenda rerum cognitione, cuius indigens, vel appetens est, non ad Deum, sed ad Diabolum, D Æ I, & hominum infestissimum inimicum pro instructione confugiat; quod in ipsius Diaboli, divinitatem in omnibus affectantis, honorem; D Æ I verò contumeliam, & contemptum redundat; quando homo, relicto Deo, ad hostem potius illius se confert, quodammodo apostasiæ & læsæ Maiestatis divinae reus. Quare in c. Episcopi, 26. q. 5. *Subversis dicuntur, qui relicto Creatore suo, Diaboli suffragia querunt.* Et lib. 4. Reg. cap. 1. *Non quid quia non erat Deus in Israel, mittis, ut consulatur Beelzebub Deus Accaron:* ubi Abulenſis notavit, q. 7. ideo etiam peccasse Ochoziam, quia consulendo Beelzebub contemnebat Deum, ac si nullus esset. Vide Caiet. 2. 2. q. 95. a. 1. Origensem in lib. Numer. hom. 16. ubi ita ratiocinatur, non longè à fine: *Si expedit nobis scire futura, dicentur à Deo per spiritum sanctum: si verò non dicuntur, nec denuntiantur, scito, quia nobis non expedit.*

Hinc colligitur: Licet gravius sit peccatum divinationis, atque ad idololatriam propinquius accedat, si quis à Damone petat certam cognitionem earum rerum, puta actionum liberè futurarum, vel intetnarum

cogitationum, aut affectionum, quarum scientia, & revelatio D Æ I propria est; tamen negari non debet, quin etiam cognitionem aliarum rerum à Diabolo petere, quas ille naturali facultate comprehendere, aliisque manifestare potest, sit verè, ac propriè peccatum superstitionis, contra Religionis virtutem ex genere suo mortale: puta si aliquis Dæmonis ope scire desideret furti, vel homicidii occultum auctorem; vel futurorum ex libero hominum arbitrio dependentium effectuum cognitionem non omnino certam, sed coniecturalem ac probabilem, qualem Diabolus naturali sagacitate consequi potest. Quæ videtur sententia S. August. 11. suprà citatis S. Thom. cit. q. 95. a. 2. Caiet. ibidem, & in a. 5. eandemque tradit Nau. in c. novit, notab. 2. de Iudiciis, Suarez tr. 3. lib. 2. de superstit. c. 8. n. 6. Sanchez lib. 2. c. 38. num. 9. contra Valent. tom. 3. disp. 6. q. 12. p. 3. paulò post princip:

Divinatio duplex est; Vna, quæ fit ex pacto expresso, vel saltem explicito proposito ac voluntate aliquis à Damone discendi. Sufficit enim ad peccatum huius superstitionis, quod homo à Diabolo scientiam, vel instructionem aliquam imploret, licet is non respondeat; vel quia adeo prohibetur, vel ob aliam causam, sicuti docet Caietan. a. 5. Sæpenumero tamen respondet, & hominem edocet; idque variis modis, qui ad materiales species siue differentias superstitionis pertinent, sicuti videre est apud S. Thom. cit. q. 95. a. 3. Delrium lib. 4. disquisit. magic. c. 2. q. 6. & 7. Suarez cit. c. 8. n. 2. Sanchez. n. 12. Less. lib. 2. c. 43. dub. 3. n. 25. Et quamvis aliqui mendax, & infidelis Diabolus sit; tamen ut homines magis sibi devinctos teneat, atque in graviora precipitia deducat, saepe promissis stans veta eos edocet, modò Deus permittat. Sed quia multarum rerum, maximè intetnarum cogitationum, ac voluntatum, & ex libertate dependentium eventuum certam notitiam huius non habet, ideo de iis interrogatus nonnunquam falsa enuntiat; interdum ambiguis responsis interrogantem deludit; interdum verò casu aliqua cuciniunt, sicuti à Diabolo prædicta erant.

Altera est divinatio per pactum, ac societatem cum Damone implicitam: cùm quis notitiam alicuius rei ex signo aliquo consequi seriò confidit, quam illud naturaliter nullo modo indicare potest: tunc enim divinator talem notitiam ab intelligentiore substantia tacite desiderare conuincitur: cùm autem certum sit, eiusmodi signa vanitatis à Deo instituta non esse, neque bonos Angelos aliquid hominibus revelare, absque Dei voluntate, ac iussu; restat, ut per eiusmodi signa à Damone cognitionem acquirere velit. Vide S. Th. 2. 2. q. 96. a. 1. Nauar. c. 11. n. 25.

Neque excusantur, qui talibus signis suapte natura vanis, ac inutilibus certam fidem adhibent, propter diuturnam multorum ventium experientiam, quamvis interim protestentur, se nullam cum Damone societatem intendere, neque cognitionem aliquam ipsius ope seu ministerio consequi velle. Nam protestatio contraria facto nihil excusat: Illi autem re ipsa contra protestationem suam faciunt, quando adhibent signa, tanquam idonea ad cognoscendam veritatem, quæ nullam ad hunc finem proportionem, seu utilitatem habere possunt, nisi ex institutione, & ope Dæmonis: quam proinde ipso facto petere censentur, idcirco etiam saepe assequuntur, ut Dæmones se ingerant, & res occultas per eiusmodi signa edoceant, sicuti ipsa, quam dicunt experientia, testatur.

Verum tamen est, quod divinatio per pactum implicitum, minus gravis, ac periculosa sit, quam ea, quæ expressam Dæmonis invocationem continet; idque ob plures causas: I. est; Quia peccatum divinationis in eo maximè consistit, quod idololatriæ (quæ gravissima superstitionis species est) rationem aliquam participat;

dum homo Diabolum tali honore dignatur, ut ab ipso diuinitatis amulatore rerum occultarum reuelationem petat: hic autem inordinatus honor siue superstitionis deformitas grauior est, si Dæmones expressè inuocentur quam si aliquid fiat, cui *dignum sit*; ut *Dæmones se ingerant*, ait S. Thom. quæst. 95. a. 3. ad 1. Accedit, quanto maior & euidentior est societas cum Diabolo, tanto euidentior esse apostasiam à Deo, ob quam Deus desertori suo gratiæ auxilia detrahit, & deceptorum Diabolo derelinquit; ut rectè notauit Caietan. art. 4. esse hoc probabile signum reprobationis æternæ; quia sicuti ad initium felicitatis æternæ spectat conuersatio in hac vita cum Deo, & Angelis per preces &c. ita ad initium æternæ damnationis spectat societas, & conuersatio cum Dæmonibus. Quæ omnia magis in eos cadere, qui cum Dæmone expressum pactum ineunt, manifestum est.

II. Diuinatio cum pacto expresso sæpe alia grauissima flagitia adiuncta habet, puta adiurationem Baptismi, & apostasiam à Christo, idololatriam erga Dæmonem, per genuflexionem, sacrificium &c. cum blasphemis deuotione ad perpetuum illius obsequium, eiusdemque reciproca promissione instruendi hominem sibi deuotum, sicuti notauit Less. lib. 2. c. 43. dub. 5. num. 28. Suarez cap. 3. num. 22. Martinus Delrius lib. 4. c. 1. q. 1. Quæ tamen cum diuinatione per pactum implicitum non ita concurrere solent.

III. Diuinatio per pactum expressum cum Dæmone nunquam à peccato mortali excusatur: quia nimis grauem, eamque manifestam deformitatem habet, sicuti docet Valentia disput. 6. q. 12. p. 4. Sanchez num. 18. At verò diuinatio per pactum implicitum interdum excusatur à mortali; vel propter ignorantiam non crassam (siquidem huius diuinationis seu observationis malitia licet secundum se gratis sit, tamen non omnibus ita manifesta) vel propter imperfectionem superstitionis; si non certa fides, sed solum timor quidam, aut suspicio concipiatur euentus ita euenturi, sicuti prænotio signi vani indicat: quod tradit Caiet. cit. q. 95. a. 6. in fine, & q. 96. a. 3. & in sum. ver. superstitio, c. 9. Nau. c. 11. n. 38. Less. lib. 2. c. 43. dub. 8. n. 43. Suarez c. 10. n. 6. Sanch. n. 21.

Restat, ut aliquas species diuinitatis præsertim eius quæ per pactum implicitum fit, recensamus ex doctrina S. Th. a. 5. & seqq. Vna est diuinatio per astra, quæ astrologia iudiciaria vocatur. Est enim duplex astrologia, vna naturalis, eaque licita, & humano generi utilis ars, per quam situs ac motus aëtherum obseruatur; atque ex his effectus naturales prædicuntur; partim qui necessarii euenturi sunt: ut eclipses; partim qui contingenter euenturi, quod propter concursum aliarum causarum impediri possint; cuiusmodi sunt pluuia, siccitas, aeris serenitas, salubritas, animalium morbi, &c.

Multò verò magis incerta esse solet coniectatio temperamentum ac propensionis naturalis, habita ex aspectu aëtherum, obseruato puncto natiuitatis cuiusque hominis, sicuti notauit Caiet. q. 95. a. 5. Suarez c. 11. num. 9. Sanchez n. 29. Ratio est tum quia temperamentum proli non tantum ex cæli influxu, sed multò etiam magis ex materia conceptionis, ac nutritionis dependet: tum quia, ut S. August. notauit lib. 2. de doctr. Christ. c. 22. punctum illud siue momentum natiuitatis, quod Mathematici exactissime obseruandum esse aiunt, deprehendi certò non potest, ob rapidissimum cæli motum; aliæque impedimenta. Accedit, quod vis astrorum hæud dubie etiam in sortum vtero materno inclusum influat; ideòque etiam punctum conceptionis, itæque animationis obseruandum esse videatur, quorum tamen obseruatio Mathematicis multo magis impossibilis est.

Veruntamen, tametsi Astrologi naturales aëtherum

effectus, puta anni sterilitatem, pestis grassationem, nati pueri temperamentum, & naturæ propensionem maiore certitudine asseuerent, quàm ex aëtherum aspectu consequi possunt; non committunt peccatum diuinationis contra Religionis virtutem; sed sæpe temeritatis ac mendacii, ut docet Suarez cit. c. 11. n. 12. Sanchez n. 29. Vide tamen, si placet, quæ Pet. Nau. lib. 2. de re sit. c. 2. n. 28. & 80. congerit in defensionem astrologiæ iudiciariæ, si ex natiuitatis aspectu non particulares contingentes effectus; sed generatim prædicat propensionem naturalem, atque effectus inde consequentes, ut plurimum apud eos, qui naturæ suæ victoriam non assequuntur: Ex quo fieri soleat, ut eiusmodi coniectatio non quidem certa, attamen probabilis existat.

Altera autem est astrologia diuinatoria, per quam ex aëtherum aspectu euentus à libero arbitrio pendentes prædicuntur, vel præteriti, aut præsentis occulti effectus denuntiantur: v. g. Titium esse auctorem furti, aut homicidii occulti; Caium tale matrimonium contrahiturum, aut Episcopum futurum, gladio, aqua, igni, domus ruina periturum. Vel enim talis coniectatio seu iudicium fieri potest, quia astra sint causa talium effectuum, vel quia solum signa. Primum non potest dici de effectibus libere contingentibus: tollitur enim libertas hominis ipsiusque opera tribuuntur fati necessitati. quod hæreticum est Neque de effectibus casualibus; quia ij non proueniunt ex vnica causa, sed ex causarum fortuito concursu, quem Astrologi neque in sideribus, neque alio modo secundum naturalem rationem deprehendere possunt: qua de re vide Gratianum causa 26. q. 4. Binsfeldium tit. C. de malef. & Mathematicis. in l. 1. q. 2. Pet. Nau. lib. 2. c. 2. n. 46. Debet igitur alterum dici; Astra à Mathematicis iudiciis obseruari, quatenus pura signa sunt, adeoque ex alicuius institutione significantia; & non Dei, aut boni Angeli, quandoquidem talis significationis nullum indicium extat in sacra Scriptura, quin potius tanquam vanà prohibetur, uti videre licet apud Isaiam c. 47. Hierem. c. 10. *Iuxta vias Genium nolite discere, & à signis cæli nolite metueri, quæ timent Gentes: quia leges populorum vana sunt.* Restat ergo, ut Diaboli signa sint, expresso, vel tacito cum hominibus pacto instituta, sicuti testatur S. August. lib. 2. de doctrina Christiana c. 22. in fine. Vide etiam motum proprium Sixti V. contra astrologiam iudiciariam, tit. Cod. de maleficis & Mathematicis, & l. Mathematicos, Cod. de Episcopali audientia, & quæ congerit Gratianus causa 26. quæstion. 5.

Altera species diuinationis est physiognomia: cuius partes sunt, metoposcopia, & chiromantia: secundum quas ex corporis, puta vultus, manuum, &c. lineamentis libere contingentes euentus; prospera vel aduersa fortuna prædicuntur. Est tamen etiam physiognomia, chiromantia philosophica, ac naturalis, per quam ex corporis, & membrorum habitudine, & proportionem, vultus item ac manuum lineamentis, de corporis valetudine, & temperamento, consequenter de hominis etiam ingenio, atque animi propensione coniectatio aliqua licite fieri potest, uti docet Delrius lib. 4. c. 3. q. 4. Less. dub. 7. n. 45. Sanch. n. 44.

Tercia diuinatio est per somnia, de qua S. Thom. a. 6. Est autem somniorum triplex genus, nã pleraque naturaliter proueniunt, siue ex præcedente animi cogitatione, & affectione, siue ex corporis constitutione: quare licitum est somnia eo fine obseruare, ut vel præsens corporis valetudo, vel secuturus morbus, aut ex morbo conualecentia intelligatur. Quod si his maior fides habeatur, quam ex somnio conici possit, ad vanitatem & temeritatem spectat; non ad superstitionis peccatum.

Alterum genus somniorum est, quæ à Deo immittuntur, exempla habemus in Gedeone Iudicum 7. in Daniele c. 2. Iosepho, & Magis c. 1. & 2. S. Matth. Et Num.

12. ait Dominus: *Si fuerit inter vos propheta Domini, in visione apparebo ei, vel per somnium loquar ad illum.* Cuiusmodi somniis clarè aliquid ostendentibus necessarium est fidem dare, & obsequi; si sufficientia indicia adsint, ea à Deo esse.

Tertium denique genus somniorum est, quod à Diabolo, hominis phantasiam commouente, excitatur: atque eiusmodi somnium expressè, vel implicite desiderare; aut fidem ei habere, actionesque suas ex illo dirigere ad superstitionem, ac diuinationem spectat. Tunc autem observatio somniorum illicita, & cum Dæmonis pacto coniuncta censeri debet; cum ex eo vanè, ac temerè coniectatio fit de effectu liberè euenturo, aut merè casuali & fortuito; multoque magis si aliquis expressè desideret, vel etiam idcirco certo corporis situ somnum capiat, ut ipsi occultum aliquid reueletur. Cum enim somnia non habeant vim naturalem significandi huiusmodi occulta, aut futura contingentia, sequitur postulari, vel acceptari tanquam signa instituta, & immissa ab aliqua substantia intelligente; & non à Deo, aut Angelo; (suppono enim non adesse indicia somnij diuini) ergo à Diabolo. Quapropter somniorum observatio prohibita est Leuit. 19. Deuter. 18. apud Ecclesiast. c. 34. atque est ex genere suo peccatum mortale: sæpe tamen minuitur per ignorantiam, vel simplicitatē; vel si aliquis non certam fidem somnio habeat; sed solum ad cautelam, semel aut iterum ex eo actiones suas dirigat: quod licet vanum, & inutile plerumque sit, excusatur tamen à mortali, ut docet Caiet. ver. somniorum observatio, Nau. c. 11. n. 33.

Duo insuper obseruanda sunt: I. Viros sanctos & exercitatos inter diuinum, ac diabolicum somnium discernere, non tantum ex materia siue obiecto, ac fine eius, utrum ad rem bonam, ac honestam, an verò turpē impellat, (quandoquidem etiam *Sathanas transfiguratur se in Angelum lucis* 2. Corinth. 11.) sed etiam ex interra somniantis atque è somno excitati affectione: qualis est illustratio, & consolatio animi; insolita promptitudo ad Dei obsequium: ex quibus indiciis homo, vel secundum internum animi dictamen & instinctum; vel secundum sapientis viri iudicium, magnam probabilitatē vel etiam certitudinem consequi potest, somnium à Deo provenire. Dæmoniaca autem somnia, vel ad malum inclinant, vel si ad id, quod boni speciem gerit, deceptionis causā; attamen animum perturbare, & ad Dei obsequium tardiores reddere solent. In dubio autem, utrum à Deo, an verò Dæmone proveniat non est illi fides habenda, iuxta illud Ecclesiast. 34. *Nisi ab altissimo fueris emissus visitatio, ne des in illis cor tuum: multos enim errare fecerunt somnia.* Vide S. Iustinum Mart. in resp. ad q. 21. S. Anton. apud Athanas. in vita eius, Martin. Delrium lib. 4. disquis. c. 3. q. 6. Less. cit. c. 43. dub. 8. Suarez c. 13. Sanchez n. 51. Pererium lib. 1. in Daniele, q. 3. Petr. Thyraeum de spirituum apparitionibus, lib. 1. c. 10. & 16. & lib. 2. c. 4. & 6.

II. Obseruandum: Duplex esse somnium; Vnum propriè dictum, in quo usus rationis liber & expeditus non est. Quia intellectus in hac vita dependet à sensibilibus phantasmatibus: hæc autem in somno eleuatione vaporum perturbantur; ideoque intellectus, dormientis nullam perfectam deliberationem, aut iudicium de rebus formare, consequenter neque peccare potest. Cæterum si phantasia hominis fortis sit, & eleuatus vapor non admodum copiosus, ac crassus; tunc non omnino ligantur sensus interni; sed apparent phantasmata, quamuis inordinata, ut facultas æstimatoria aliquo modo discernere possit; imò etiam intellectus interdum ratiocinari ac discurrere; quamvis valdè imperfectè, & non cum vera libertate; sicuti stultis quoque, atque ebriis enenit. Quæ est doctrina S. Thom. 1. part. quest. 84. art. 3. ex qua colligit Suarez lib. 2. de superstit.

cap. 13. num. 23. de tali somnio, utrum à Deo immissum sit, iudicium fieri non posse à dormiente, nisi postquam ex somno euigilauit, exemplo Iacobi Gen. 28. qui cum euigilasset de somno ait: *Verè Dominus est in loco isto, & ego nesciebam.* Et S. Petrus Act. 12. *Ad se reuersus dixit: Nunc scio verè, quia misit Dominus Angelum suum.* Aliud verò est somnium impropriè dictum, ac potius ecstasis, & raptus, cum intellectus dormientis eleuatur ad perfectè intelligendum, & iudicandum de reuelat., sine dependentia à phantasmatis. qui modus eleuationis, ac reuelationis à Diabolo fieri non potest: quare certum signum est à Deo provenire.

Tertia species diuinationis, est per sortes. Est autem triplex genus sortium; Diuinatorium, consultatorium, & diuinatorium. Sortes diuinatoriæ per se malæ non sunt; sed sæpe bonæ ac vtilis, siue ad honestum ludum, siue ad hæreditatis diuisionem: aut litis alicuius compositionem: dummodo litigantes, qui ius æquale habent, in sortitionem consentiant. Quo sensu Salomon dixit Prouerb. 18. *Contradictiones comprimit fors, & inter potentes quoque diiudicat.* Eaque ratione existimant aliqui, Apostolos orbem terrarum ad Euangelium prædicandum inter se diuisisse, uti videre est apud Fr. Turrianum lib. 8. constit. cap. 5. Et S. August. epist. 180. ad Honoratum, tempore pestis sorte dirimendum esse existimat, qui ex Sacerdotibus periculum subire debeat. Præterea, si plures morte digni sint ob crimen commissum, neque expediat omnes puniri, sorte definiti posse, quis ex illis occidendus sit; idque in militia receptum esse, annotauit Less. lib. 2. de iust. cap. 43. dub. 9. num. 38. Delrius lib. 4. c. 4. quest. 1. Sanchez cit. c. 38. num. 60. Similiter ait Delrius, in certo periculo communis naufragii, nisi aliqui nauigantium in mare profluant, vel eiciantur; ex communi consensu sorte dirimi posse, quinam exsilire debeant: quod etiam docet Ioan. Maior in 4. d. 15. q. 22. §. quartò dubitatur, & q. 50. in fine. Neque enim id est seipsum occidere; sed nauis quaecunque subsidium mortis euadendæ deferere, sicuti si aliquis tabulam, quæ ex naufragio emergere posset, derelinquat, ut digniori obueniat. Sed quid si aliqui nauigantium in sortitionem consentire nolint? Respondet Maior, Tales ab aliis in mare eici posse: Quod verum est, si illi sortitionem impedire conantur: tunc enim vim iniustam inferunt, contra quam alii se defendere possunt, vitæ plurimum seruandæ causa. Sin verò non impediunt sortitionem, sed consensum duntaxat abnuant, tunc ipsi etiam inuitis Nauarchus, vel in eius defectum nauigantes reliqui sortiri possunt, & sortis euentum exequi: de qua re Sanchez l. c. n. 62.

Denique nihil ob stare, quominus lites etiam beneficiaræ sorte dirimantur, tamen cum ordinarii collatoris consensu, docent Suarez cit. lib. 2. c. 12. n. 12. Sanchez n. 78. Less. cit. n. 38. post Gl. in c. licet causam, ver. uti possideris, de probat.

Sortes consultatoriæ sunt, in quibus occultæ veritatis manifestatio, aut consilii alicuius directio à Deo imploratur: quare licitæ sunt, si vel Dei iussu, aut instinctu fiat, ut Iosue c. 7. & in elect. Saulis 1. Reg. 10. vel si consilium nullum suppetat, & negotii grauitas exigere videatur, ut ad Deū consulendum cum reuerentia accedatur, conuenienter id fiet per sortes. Quare Salomon ait Prouerb. c. 16. *Sortes mittuntur in sinum, sed à Domino temperantur.* Communiore etiam est sententia quam tradit S. Chrysost. in Acta, c. 1. hom. 3. Beda in idem c. 1. S. Th. q. 95. a. 3. S. Antonin. p. 2. tit. 12. c. 1. §. 9. Suar. cit. c. 12. n. 20. Apostolos sortem misisse super Matthiam, & Ioseph, ut ostenderetur, quæ ex his duobus Deus eligeret in Apostolatū, eaque Dei electionē signo visibili demonstratam fuisse, testatur S. Dionysius de celest. hierarch. c. 5. At vero cano-

nico iure c. vlt. de sortilegiis, prohibita est omnis electio vel compromissio ad officia vel beneficia Ecclesiastica quæ sortibus fit; eaque rescindi debet: imò iure ipso irrita est, saltem ea electio per sortes, quæ est ad pastorale officium ac dignitatem, iuxta c. quia propter de elect. & docet Abb. in cit. c. vlt. num. 5. Cæterum cum huiusmodi constitutionibus Summi Pontifices non obligentur, idè, si dubitetur, vter duorum verè electus sit ad Pontificatum; discordiam hanc forte componi posse, cum Cardinalium consensu, docet Felinus c. Capitulum n. 21. de rescriptis, Sanch. n. 80.

Diuinatoriæ sortes sunt, quibus latentis veritatis manifestatio, vel consilii directio non à Deo; consequenter à Damone expressè, aut tacitè imploratur: ideoque superstitiosæ, atque illicitæ sunt, vti ex dictis constat, atque prohibentur in c. si quis Episcopus, & c. sortes, 26. q. 5. Sin verò aliquis sortium directionem à Deo petat, absque iusta necessitate, aut sine debita reuerentia; pertinebit id ad peccatum tentationis, vel alterius irreligiositatis, sicuti docet Sanchez num. 85. & videri potest S. August. epistol. 119. & quæ congerit Gratianus causa 26. q. 2.

Aliæ diuinationes sunt, cum ex auium, piscium, aliorumque animalium voce, cantu, volatu &c. deliberatis, aut fortuitis euentibus coniectatio accipitur: cuius species sunt auspicium, & augurium: Item omen cum vox hominis præter intentionem, ac fortuito prolata, in signum prosperi, vel aduersi euentus accipitur. Huc pertinent multæ vanæ, atque inutiles obseruationes: v. g. ex sternutatione, auris tinnitu, vulturis occurru, corrigiæ ruptione, & millia eiusmodi, ait S. August. lib. 2. de doctr. Christ. cap. 20. *Si membrum aliquid saluerit, si iunctim ambulantes amicus, lapis, aut canis, aut puer medius interuenerit.* Et iterum: *Hinc sunt etiam illa, limen calcare, cum ante domum suam transsit; redire ad lectum, si quis, dum se calciat, sternutauerit; redire domum, si procedens offenderit: cum vultus à foricibus roditur, plus timere suspicionem furui mali, quam præsens damnum dolere.* Plerumque tamen eiusmodi inanitates non superant culpam venialem; quia non fides, sed vana tantum formido eis tribuitur. Deinde negari non potest, dicta, & facta hominum interdum per diuinam providentiam assumi ad alicuius rei significationem, & hominis commonitionem, sicuti docet S. Thom. ar. 7. ad 3. Rectè tamen addit Caietan. ibidem, facilem in his credulitatem reprehendendam esse: requiri enim aliquod singulare lumen, siue instinctum Dei, ut aliquis ex eiusmodi signo, tanquam omni diuino, ad operandum moueatur.

CAP. IV.

DE MAGIA.

SUMMARIVM.

1. *Magia vna naturalis est, & altera superstitiosa.*
2. *Magia & diuinationis peccata eandem essentialem malitiam habent.*
3. *Magia per pactum implicitum censeri debet, si præter Ecclesiæ consuetudinem, aliquid adhibeatur, ad aliquid cerè efficiendum, cuius vim naturalem habere non potest.*
4. *Gratia sanctorum hominibus, plerumque tantum piis, confertur ita, ut sit personalis, & non affixa certa rei, vel actioni, à quacunque persona usurpetur.*
5. *Cultus superflui, qui præter Ecclesiæ consuetudinem usurpantur, si non penitus tolli quantum fieri potest, emendari debent.*
6. *Magia superstitiosa tres species sunt, videl. ars notoria, ars sanativa corporum, & ars maleficiorum.*
7. *Si certum, vel quasi certum sit, rem qua adhibetur ad morbum v. g. curandum, secundum se inutilem esse, non iuuat protestatio, qua aliquis excludere velit pactum Diaboli.*
8. *Magus, si operam secundum artem suam præstiterit, ac mercedem accepit, eam restituere non tenetur.*

9. *A Mago peti potest, ut signa magica destruat, seu dissoluat, non vtiendo nouo signo magico.*

DVplex est Magia, Vna naturalis, quæ est ratio efficiendi mira opera, per applicationem naturalium agentium, sine ministerio Damonis. Altera verò magia superstitiosa, quæ est ratio efficiendi mira opera Damonis ministerio, per signa ab ipso instituta. Etenim, sicut Christus Dominus sensibilia Sacramentorum signa instituit, ad animarum salutem, & sanctificationem; ita & Dæmon, malitiosus Christi æmulus, sensibilia signa imponit, quorum exhibitione & usu, ipse aliquid operari solet ad animæ perditionem. Pleraque autem, quæ præced. cap. de diuinatione dixi, huc etiam transferenda sunt. Nam si quis rectè consideret, inquit Suarez lib. 2. de superstitione, cap. 14. num. 10. *diuinatione & magia peccata sunt eiusdem rationis, solūque materialiter differunt.* Per diuinationem enim petitur, vel desideratur à Damone rei occultæ cognitio; per magiam verò alicuius operis effectio: quare vtrumque peccatum eandem formalem malitiam & deformitatem habet; quæ est societas cum Damone, eiusdemque virtualis quædam veneratio, ac veluti idololatria. Quare etiam in Scriptura sacra hæc peccata simili modo prohibentur, ut videre est Leuit. 19. *Non declines ad magos, nec ab ariolis (seu diuinatoribus) aliquid sciscitemini.* Et cap. 20. *Anima quæ declinauerit ad magos, & ariolos &c. & interficiam illam.*

Duplex quoque magia est: Vna per pactum seu societatem explicitam cum Damone: cui sceleris per se grauissimo alia interdum flagitia adiungi solent; v. g. expressa apostasia à Christo, & Diaboli oratio, iuncta cum infidelitate: credunt enim magi, ac sagæ Diabolum non esse miserum, ac damnatum; sed potentem ac felicem, qui & ipsos felices reddere possit. Accedunt blasphemix in Christum, & Sanctos; sacrilega tractatio rerum sacrarum, imprimis SS. Eucharistiæ; non raro etiam scdissima peccata per carnalem cum Diabolo in phantastico corpore commixtionem. Vide Less. cap. 44. dub. 4.

Altera est magia per pactum cum Damone implicitum. Ad quam cognoscendam DD. communiter talem regulam tradunt: *Quidquid præter Ecclesiæ consuetudinem adhibetur ad operationem aliquam, secuturam, quam efficiendi, vel tali modo, v. g. in tanta distantia, celeritate, efficiendi, vim naturalem non obtinet; id ad magiam superstitiosam, & tacitam cum Damone societatem spectat.* Cum enim talis res non adhiberi possit ut causa naturalis, sequitur adhiberi ut signum; & non diuinum vel sacrum; cum neque à Christo, neque ab Ecclesia institutum sit: ergo ut signum occulti pacti cum Diabolo. Ita S. Th. 2. 2. q. 96. a. 2. S. Anton. p. 2. tit. 12. c. 1. §. 11. Caiet. in summa, ver. incantatio, Nau. in c. nouit, notab. 2. de iudic. & in man. cap. 11. num. 31. Syl. ver. superstitio, q. 10. dicto 2. Tolet lib. 4. c. 14. n. 11. Medina lib. 1. instruct. c. 14. §. 2. Sanchez lib. 2. c. 40. n. 44. & lib. 7. de matrim. disp. 95. n. 5. Suarez cit. lib. 2. c. 15. n. 13. & videri potest S. August. lib. 21. de ciuit. c. 6. & quæ congerit Gratianus in c. admoneant, & seqq. causa 26. q. 7.

Neque refert, quod interdum in speciem pietatis signum crucis, sacra verba, & preces adhibeantur; si tamen alia quoque vana & inutilia admisceantur, v. g. ignota nomina, aut characteres; vel si spes habeatur in modo scribendi, ligandi, vel quacunque vanitate, ad cultum Dei non pertinente, superstitiosum iudicari debet, ait S. Th. q. 96. a. 4. in corp. allegato c. non liceat 26. q. 5. Exempli causa: Euangelium S. Ioannis scriptum esse debere à virgine, in membrana virginea, oriente sole, & tribus funiculis collo alligatum; orationem aliquam dici oportere ad aures iuneti agri &c. Quinimò

met si nihil adhibeatur, nisi quod secundum se sanctum, vel pium sit, Deique cultum præ se ferens, v. g. sola ad Deum precatio, vnicus ex Psalmi versiculus, solum vinum ex Sacerdotis oblatione, sola oua Sabbatho sancto Crucifixo applicata, soli flores ex altari, si tamen in his certa fiducia conferendæ sanitatis, alteriusve temporalis commodi constituatur, à quacunque persona adhibeantur, superstitiosa iudicari debent, sicuti docent Ioan. Gerson p. 2. tract. de absolut. sacramentali, vltterius ad illud, Mart. Delrius lib. 3. disq. magic. p. 2. q. 4. sect. 7. Suarez cit. c. 15. n. 25. Less. lib. 2. c. 44. dub. 3.

4 Nam licet Deus quibusdam conferat gratiam sanitarum quæ inter gratias gratis datas numeratur; tamen ita cõfert, vt sit gratia personalis, & non infaillibiliter annexa certæ rei, aut actioni, quam quibus hominum adhibere, & effectum miraculosum præstare possit. Sed licet homo aliquis gratiam sanitatis conferendæ per sacram aliquam precationem, seu incantationem, alteriusve rei sacræ vsum, personaliter sibi vendicat; si tamen de mala vita suspectus, vel conuictus sit; non est ei fides habenda: quia licet Deus interdum homini peccatori gratiam gratis datam conferat; non tamen permanenter, & habitualiter atque ad arbitrium eius, sed solum ad aliquem actum, propter occasionem Fidei defendendæ, vel augendæ, ait Suarez l. c. Verum si res aliqua, aut cæremonia pietatis speciem gerens adhibeatur, non quasi certus, & infaillibilis effectus ex eo consequi debeat; sed quia inferuiat ad melius precandum, & efficacius à Deo aliquid temporale impetrandum; non potest id tanquam magicum condemnari: sed sæpe erit cultus inanis ac superfluous, contra Ecclesiæ consuetudinem, & interdum specialem irreuerentiam continens.

5 Videri potest Caietanus q. 96. a. 4. ex cuius doctrina colligitur, si homines rudes bona fide & ex meta deuotione ritum aliquem ab Ecclesia non receptum obseruent, interdum in sua simplicitate relinquendos esse; quia difficile quidam abducuntur, quod à maioribus suis sine suspitione mali acceperunt. Sanchez verò cit. cap. 40. num. 31. bene admonet, si eiusmodi ritus speciales, qui superstitionem præ se ferunt, (v. g. certo die festo alicuius Sancti venam equis secare, eos ter circum templum obequitare; die S. Ioannis Baptistæ flores decerpere, vel ex materia Crucifixo in die Parasceues applicato, anulum fabricare ad morbos auerendos) si, inquam, talia populo dissuaderi omnino non possint; saltem edocendum esse, vt in iis certam spem non collocent, sed solum adhibeant ad seipsos magis excitandos, & commouendos; vt à tali Sancto, vel potius à Deo, per Christum Dominum, & Sancti huius intercessionem petant rerum suarum temporalium conseruationem, & augmentum, si ad animarum suarum salutem expediens fuerit. Præterea si fideles certò numero precum, candelarum &c. vtantur; edocendum est rectè eos id facere in honorem alicuius sacri mysterii; sed non ea persuasionem, quasi deprecatio Deo grata futura non sit, si alius numerus adhibeatur: v. g. nisi septem Missæ pro defuncto dicantur, septem accensis candelis, septem datis elemosynis, animæ defuncti non profuturum superstitiosa, & tollenda persuasio est.

6 Præterea Magia dupliciter accipitur; interdum latè, pro ratione efficiendi cuiuscunque operis, Dæmonis ope ac societate; tamen si illud admirabile non sit, sed ab homine etiam præstari possit, vt notauit Suarez cap. 15. num. 1. Interdum verò propriè accipitur, pro ratione efficiendi opera mirabilia & humanam facultatem excedentia per societatem Dæmonis. Dicitur enim magia, quia ad ostentandam sapientiam, hominesque in admirationem mouendos utilis est. Eius tres species distingui possunt; Prima est ars notoria, per quam certis verbis

aliisve signis adhibitis, variæ scientiæ seu doctrinæ absque labore acquiruntur. qua arte Anabaptistæ vt dicuntur; sed cum abiecta perfidia ad Fidē orthodoxam redierunt, in pristinam inscitiam relabi.

Altera est, quæ refertur ad sanitatem, & immunitatem à vulneribus hominum, aliorumque animalium corporibus præstandam per benedictiones, incantationes, insufflationes, scripturam, ligamina &c. quæ naturalem vim medendi non habere, ex vera philosophia notum est. Exempla talium vanitatum plurima sunt: Si ferrum, quo læsus es, in porcinum vnguem infigatur, aut certum genus arboris cædatur, sanitatem restitutum iri. Si loco vulneris circumligandi, arboris ramus, aut scamni pes ligetur, curationem secuturam: Vt olera ab erucis non infestentur summo diluculo quotidie scopis tergendæ esse: Vt pluvia proueniat, Sanctorum imaginem aquis mergendam esse. Cæterum si dubitetur, vtrū rei ad sanandum applicandæ eiusmodi vis naturalis inesse possit; non statim tanquam superstitio magica damnari debet; cum admirabiles rebus multis virtutes insint, plerisque etiam doctis incognitæ, sicuti bene ostendit Victoria in relect. de arte magica, q. 3. n. 6. Sanchez n. 44. Quare hoc casu suaderem homini, qui experientia motus, huiusmodi re tanquam idonea ad morbi alicuius depulsionem vti veller; vt expressè protestaretur, si vlla vis diabolica ex quocunque pacto superstitioso subsistat, nolle se effectum consequi: quod notauit Philarch. to. 1. de offic. Sacerdotis, p. 2. lib. 3. c. 11. concl. 4. Sanchez n. 25. Verum si certum, aut propè certum sit, rem quæ adhibetur, secundum se vanam & inutilem esse, non excusabit protestatio; cum sit contraria factò: Nisi id fiat non ad experiendum, sed ad conuincendū Diabolicam institutionem: quæ ratione Caiet. ait ver. incantatio, se demonstrasse superstitionem illam mouendi anulum, pronuntiatio versiculo Psalmi: cū enim protestaretur, nolle se verum pronuntiare secundū Diaboli institutionem; sed ad Deum laudandum, anulum motum non fuisse.

Porro ad hanc etiam speciem referuntur aliæ mutationes corporum, quæ in hominum vtilitatem aliquam fiunt, & à causis naturalibus tali modo prouenire non possunt; v. g. thesauri occulti inuentio, & transportatio, nubium repentina congregatio, deductio de loco ad locum distantem, quod sagis accidit, vt re ipsa interdum deferantur ad montes, prata, cellas vinarias Dæmonis auxilio, sine strepitu referatis feris, iterumque clausis, sicuti ex communi docent Syl. ver. hæresis, 3. q. 6. Paulus Grilland de sortilegiis, q. 7 Malleus maleficorum p. 1. q. 1. & p. 2. c. 3. Jacob. Simanca de Cathol. instit. tit. 37. n. 6. Delrius lib. 2. magic. disquis. q. 16. Azort. 1. lib. 9. c. 25. q. 3. Less. cit. c. 44. dub. 3. n. 15. Suarez cit. lib. 2. c. 16. n. 24. Pet. Thyraus de spirituum apparitionibus lib. 2. c. 13. contra Nau. c. 11. n. 38. ver. trigésimo secundo, Rodriq. t. 1. c. 7. concl. 9. qui facit auctor c. Episcopi, 26. q. 3. Interim verum est, sæpe magis, ac sagis talia euenire per phantasticam Dæmonis illusionem.

Tertia species est, quæ refertur ad nocumentum hominibus, iumentis, segetibus &c. inferendum; & propriè maleficium, seu veneficium appellatur: ideoque cum iniustitia iuncta est, vnde restituendi obligatio nascitur; adeò, vt quibus locis per consuetudinem obtentum est, maleficorum bona confiscari, ex iis fiscus illata damna resarcire teneatur, iuxta l. non possunt, ff. de iure fisci, Quia id bonorum cuiusque esse intelligitur, quod ari alieno superest. Idemque de hæredibus dicendum, si bona ad ipsos deferantur, vt sumitur ex c. in literis, de raptorib.

8 Ceterum si magus, vel ariolus seu diuinator operam suam alicui præstitit, accepta mercede; licet paciscendo peccarit, tamen in conscientia foro ad restitutionem rei datæ non obligari, docent Rodriq. t. 1. sum. c. 7. conclus. 4. Petr. Nau. lib. 2. de restit. c. 2. p. 1. n. 117. San-

chez cap. 38. n. 96. & constat ex iis, quæ dixi lib. præced. tract. 4. de iust. c. 4. n. 8. Addit verò Sanchez non improbabiler, contra Pet. Nau. & alios, magum ad restitutionem non teneri, tametsi res ab ipso postulata non euenerit; dummodo is artis magicæ peritus, operam & diligentiam adhibuerit, cum ea pretio æstimabilis sit: quemadmodum etiam medicus, inquit ille, qui iuxta artis præcepta medicatus est, non debet mercedem restituere, ægro moriente. Idque sumitur ex l. item apud, §. si quis Astrologus, iun. Gl. ver. non potest, ff. de iniuriis.

Disputant verò DD. Si homo aliquis, vel bestia maleficio crucietur, vtrum liceat magum accersere ad illud soluendum? Pro cuius intellectu supponendum est ex Henrico Gandauensi quodlib. 5. quæst. 33. Mart. Delrio lib. 6. disquisit. magic. c. 2. sect. 1. quæst. 2. & 3. Less. lib. 2. c. 44. dub. 6. Sanch. lib. 7. de matrimoni. disp. 95. Maleficium duobus modis solui posse; primò destruendo signa, ex quibus maleficium per Dæmonis pactum dependet. Secundò adhibendo noua signa, quibus ex pacto cum Dæmone inito maleficium destruat. Quo posito respondeo, & dico I. Qui certò, aut probabiliter sibi persuadet, maleficium à malefico priore modo solui posse, eum accersere potest; tametsi suspicetur, talem illum artem à Diabolo edoctum fuisse: siquidem arte bona, quam malè didici, bene uti potest. Adde, tametsi aliquis suspicetur, magum eo modo licito, quo uti posset ad maleficii destructionem non vsurum, sed altero illicito, per nouum signum, & pactum magicum; nihilominus accersiri, & rogari posse, sicuti docet Less. num. 46. Suarez lib. 2. cap. 18. n. 9. Sanchez cit. disp. 95. num. 12. & lib. 2. moral. cap. 41. num. 13. & constat ex iis, quæ dixi lib. 2. tract. 3. cap. ult. assert. 2. Rectè tamen monent Doctores, si spes sit magum obtemperaturum esse, facta expressa petitione, aut conuentione, vt modo licito, & non illicito utatur, tàm quælibet ex lege charitatis obligari, vt magum ad id adhortetur: cum hac ratione graue peccatum proximi facili negotio impediri possit.

Dico II. Qui certò vel probabiliter sibi persuadet, maleficium à malefico non nisi posteriore modo, videlicet per magicum signum, solui posse; mortaliter peccat, si eum, quantumuis patatum, accersat, & maleficium destruere iubeat. Ita docent DD. citati: Quia nunquam licitum est ab aliquo petere, seu aliquem iussu, vel consilio inducere ad id agendum, quod ab eo sine peccato fieri non potest, vt dixi cit. c. ult. assert. 1. Adhibere autem signum magicum per pactum & societatem cum Dæmone, per se, & intrinsecè malum est, ideòque à nemine sine peccato fieri potest: cum negatiuo præcepto iuris naturalis repugnet: Ergo tale opus petere, vel aliquem ad id inducere, semper est illicitum; & quidem mortaliter, cum inductio hæc sit ad graue peccatum.

Dico III. Si dubitetur, vtrum maleficium à mago priore licito modo solui possit, an solùm posteriore & illicito; non potest ab eo peti. Ita Suarez cit. c. 18. num. 8. Less. cit. dub. 6. n. 46. Delrius cit. c. 2. sect. 1. q. 2. Sanch. cit. c. 41. n. 7. Ratio est: Quia in dubio facti, cum agitur de periculo peccandi, Deum in honori, tutior pars amplectenda est. Notant autem dicti auctores, de eo, qui maleficii auctor fuit, facilius præsumi posse, eum signa, quæ ipsemet posuit, destruere, eorundemque mortalem effectum tollere posse: ad quòd præstandum ex iustitia obligatus est, ideòque etiam minus, ac verberibus cogi potest. De alio verò, qui maleficium non posuit, non ita facile præsumendum, signa destruere posse sine noua cum Dæmone pactione: quare si talis operam suam polliceatur, examinari debet; quam rationem soluendi maleficii teneat, à quo acceperit signa dæmoniaca tali loco, aut modo posita esse, & quamdiu dubium manet, eius opera vtendum non erit.

CAP. V.

DE TENTATIONE DEI

SUMMARIVM.

1. Tentatio alia est seductionis, & alia probationis.
2. Peccatum tentationis Dei duplex est: Vnum propriissime dictum, quod ex infidelitate oritur, alterum minus proprie dictum, quod ex præsumptione, aut nimia confidentia provenit.
3. Quidam veteris testamenti Patres absque peccato signum petierunt diuinæ apparitionis, aut præcepti.
4. Tentatio Dei alia est cum expressa petitione extraordinarii signi aut auxilii diuini, sine necessitatis causa, alia verò est interpretatiua: quò spectant purgationes vulgares per ferrum candens &c.
5. Index grauius peccat, si contra suspectas personas prohibitis purgationibus utatur.
6. Per orationem sine debita animi dispositione à Deo impetrare aliquid velle, censetur esse veluti quadam tentatio Dei.
7. Peccatum tentationis Religionis virtuti oppositum, & ex genere suo mortale est.

Tentationis acceptionem spectemus, duplex est tentatio: Vna seductionis, seu inductionis ad peccatū. quæ neque actiue in Deum cadit: Ipse enim neminem tentat, ait S. Iacob. cap. 1. neque passiue, vt per se notum est. Altera verò tentatio est probationis, siue experimenti: quo modo in sacra Scriptura Deus dicitur tentasse Iob; Tobiam c. 2. Tob. & Deut. 13. *Tentat vos Dominus Deus vestester, vt palam fiat*, id est, ab omnibus cognoscatur, *vtrum diligatis eum, an non*. Hoc autem sensu Deum à nobis tentari, est peccatum contra Religionis virtutem, de quo hoc loco agendum.

Duplex est peccatum tentationis, vt annotauit Suarez t. 1. derelig. tract. 3. lib. 1. c. 2. Vnum propriissime dictum, quod oritur ex infidelitate, seu dubitatione de aliquo Dei attributo, v. g. præsentia, omnipotentia. Quo sensu legimus de Israelitis Exod. 17. *Tentaerunt Dominum dicentes, Est ne Dominus in nobis, an non?* Et Psal. 77. *Tentaerunt Deum in cordibus suis* &c. Nunquid poterit Deus parare mensam in deserto. Cuiusmodi tentatio per se, & intrinsecè mala, ex grauissimis contra Deum peccatis existit.

Alterum est peccatum tentationis minus propriè dictum, quod non ex infidelitate aut dubitatione de Dei aliqua perfectione, sed plerumque ex præsumptione, aut nimia confidentia oritur: cum quis sine vtilitatis ac necessitatis causa à Deo petit vel voluntatis suæ, vel alterius rei miraculosam declarationem, sicuti docet S. August. lib. 16. de ciuit. cap. 19. & lib. 22. contra Faustum c. 36. S. Th. 2. 2. q. 97. a. 1. Dixi, *sine vtilitatis ac necessitatis causa*. Nam si extraordinarium signum, siue declaratio alicuius rei valde utilis sit ad nostram, vel aliorum salutem; item ad Dei voluntatem implendam, atque alia ordinaria media veritatis cognoscendæ non suppetant; tum licitum est humiliter à Deo signum petere pro opportuna instructione, sicuti docet Gl. super cap. 6. Deuter. quam allegat S. Th. cit. q. 97. a. 1. & 2. Caiet. ibid. Toletus lib. 4. c. 19. Sanchez lib. 2. moral. c. 34. n. 9. Suarez cit. c. 2. n. 12.

Hac ratione DD. communiter à peccato excusant seruum Abraham, qui Gen. 24. petiit à Domino signum: *Puella, cui ego dixero; Inclina hydriam tuam* &c. Nam verba illa dixit ad Dominum per modum orationis atque haud dubiè ex instinctu diuino, ad ostendendam magnam Dei misericordiam, & prouidentiam circa semen Abraham. Vide Abulensem ibidem, & Suarez tom. 1. de relig. tr. 3. lib. 2. de superstit. c. 10. num. 7. post S. Th. 2. 2. q. 95. a. 7. ad 3. Idemque sentiendum de Ionatha 1. Reg. 14. petiisse signum à Domino; sed præmissa oratio-

ne ad Deum. Similiter Apostoli motu Spiritus sancti petierunt à Deo, ut signa fierent in nomine Iesu, ad virtutem eius infidelibus manifestandam, ut videre est Actor. 4. Nunc tamen si quis absque euidente Dei instinctu miraculum coram hæreticis fieri peteret ad ipsorum conuersionem, is Deum tentaret, propter defectum necessitatis; cum non desint ipsis aliæ notæ seu argumenta veritatis agnoscendæ: quorum primum ac præcipuum est perpetua Ecclesiæ traditio, ac testimonium. Similiter tentaret Deum, qui coram Gentilibus miraculum fieri peteret, si eorum conuersio probabiliter non speraretur: quia deesset tunc iusta utilitatis causa, sicuti notauit Tol. cit. c. 19. ver. altera est utilitas.

Præterea si alicui specialis apparitio, vel reuelatio fiat sine sufficientibus indiciis quibus prudenter moueri debeat ad credendum, eam à Deo esse (nam etiam ipse Sathanas transfiguratur se in Angelum lucis, 2. ad Corinth. 11.) tunc à Deo humiliter interdum peti potest signum aliquod, quale ipsi visum fuerit dare, ad maiorem instructionem, aut securiorem voluntatis ipsius executionem. Cuius rei exemplum aliquod habemus in Beatissima Virgine Maria Luc. 1. *Quomodo fiet illud?* sicuti annotauit S. Augustin. lib. 17. de ciuit. cap. 24. Zacharias autem eod. cap. procul dubio peccauit, signum petendo, *Vnde sciam hoc?* quamobrem etiam punitus fuit. Non quod dubitaret de potentia Dei; sed quia non credidit bonum Angelum esse, ex Dei mandato talia prædicentem, cum tamen ad eum aperte se ipsi exhibuerit, & tot signa legationis præ se tulerit, ait Maldonatus ibi: quamobrem etiam reprehenditur ab Angelo, non quod Deum omnipotentem, aut veracem credere noluerit; sed *eris tacens*, inquit, *pro eo, quod non credidisti uerbis meum.*

3 Gedeonem cap. 6. Iudicum, *Si inueni gratiam coram te, da mihi signum, quod tu sis, qui loqueris ad me;* eodem modo, sicuti Zachariam peccasse existimat S. Thom. quæstion. 97. a. 2. ad 3. Sed Abulensis, Lyranus, & alii excusant eum; idè signum petiisse, quia non satis cognoscere poterat, utrum is, qui secum loquebatur, à Deo missus esset. Sed mihi magis placet expositio Suarez cit. cap. 2. dubio altero; qui ait, Gedeonis petitionem eodem modo à peccato defendi posse, sicuti Abrami cap. 15. Gen. *Domine Deus, unde scire possum, quod possideris eam:* videlicet terram promissionis. Petiisse eos signum à Deo, non quod dubitarent an Deus esset, qui loqueretur per Angelum (utrumque enim id ante agnouerat, sicuti ex textu colligitur) multò verò minùs dubitasse, utrum Deus in dictis, aut promissis verax esset; sed partim, ut se ipsos recordatione accepti signi clarioris tantò magis confirmarent, partim etiam populo tantò certiore fidem facere possent. Quæ eadem ratione cap. 7. Isaia legimus, Deum præcepisse Achaz Regi; *Petisti signum, &c.*

4 Porro aduertit S. Thom. in quæst. 97. in corp. a. 1. Duobus modis extraordinarium à Deo signum, vel auxilium sine causa utilitatis ac necessitatis peti posse; videlicet expressè, & interpretatiuè: quorum utrumque ad Dei tentationem pertinere censetur. Exemplum tentationis expressè supra assignauimus. Interpretatiua verò Dei tentatio est, cum quis opus aliquod aggreditur, vel aliquid se consecuturum existimat, sine conuenientibus mediis, adeoque contra ordinem communis prouidentia diuinæ: tunc enim extraordinarium à Deo effectum, seu auxilium tacitè implorare censetur: quod ipsum, si absque iusta causa utilitatis ac necessitatis fiat, vel ex dubitatione de Dei omnipotentia, prouidentia, &c. vel ex præsumptione seu nimia confidentia, tunc Deus ab homine tentari dicitur, sicuti etiam loquitur S. August. lib. 22. contra Faustum, cap. 36. & in lib. de opere Monachorum cap. 27. Exemplum sunt: Si quis in puteum se conijciat, ad declarandam Dei circa se prouidentiam;

vel super carbonibus ardentibus incédatur ad ostendendam innocentiam: quod spectant purgationes, quæ dicuntur vulgares per ferrum candens, aquam feruentem, aquam frigidam, monomachiam, prohibita in lib. 5. Decret. de purgat. canonica, & de purgat. vulgari. causa 2. quæst. 4. c. consului, c. monomachia. Vide Binsfeld. de confess. malefic. mem. 2. concl. 7. dub. 1. Delirium lib. 4. disquis. magic. cap. 4. quæst. 4. ubi ostendit: Deum interdum miraculis huiusmodi delictorum purgationes ostendisse; videlicet propter simplicitatem innocentium, qui interdum etiam ad talè purgationis modum compellebantur, sicuti colligitur ex sæpe contingit, 2. q. 4. Atque testatur S. August. epistol. 137. ad Hipponenses, ad sepulchra SS. Martyrum eiusmodi purgationes, aut commissorum criminum ostensiones mirabilibus signis factas esse. Videri potest Baron. An. 412. n. 29.

Quod verò Deus Numer. c. 5. præcipit, mulierem de adulterio suspectam aquis amaris purgandam esse, id pertinebat ad leges ceremoniales, quæ nunc abolita sunt.

Id verò hic moneo, grauius peccaturum Iudicem, si contra personam aliquam, tanquam proditam; eiusmodi signo probationis per aquam feruentem, ferrum candens, aut sanguinem ex occisi cadauere in hominis præsentia fluentem &c. ad torturam, vel condemnationem, vel si non prodicta videatur, iecirco ad absolutionem eius procedat. Ratio est: Quia Iudex in processu contra Reos, indiciis ac probationibus uti debet, quæ humano ac naturali modo deprehendi possunt: quales non sunt effectus illi, quorum origo superstitiosa, vel saltem nobis incognita est. Quæ eadem ratione peccabit Iudex, si procedat contra personas, quas malefici per diuinationem, incantationem, vel similem illicitum modum cognouerunt, & denuntiârunt: quia non utitur indiciis humanis, aut naturalibus, sed diabolica reuelatione.

Præterea dicunt DD. esse interpretatiuam Dei tentationem, si quis martyrio temere se offerat; si quis in morbo periculoso medicinas respuat; si quis non paratus, nec præmeditatus ad prædicandum Dei verbum accedat. Quæ de re Nau. c. 11. n. 40. & 41. Lopez p. 1. instruct. c. 41. ad finem, Sanchez lib. 2. c. 34. n. 14. Veruntamen, ut eiusmodi temeritates sint peccata tentationis Dei necesse est intentionem operantis aliquo modo ad Deum dirigi, tacitè ab ipso implorando extraordinarium auxilium, sine causa utilitatis ac necessitatis, uti Suarez notauit c. 3. num. 4. Atque ita putat S. Th. a. 3. ad 2. intelligenda esse verba Ecclesiastici c. 18. *Ante orationem præpara animam tuam, & noli esse quasi homo tentans Deum.* Quia impetrare aliquid velle à Deo sine animi humilitate, ac reliqua dispositione, quæ requiritur, videtur esse quædam tentatio Dei.

Ad extremum notanda est doctrina S. Thom. in eod. a. 3. in corp. & ad 2. Licet tentatio Dei partim ex infidelitate, partim ex præsumptione originem ducat; quarum illa virtuti Fidei, hæc Ipei opponitur; tamen tentationis peccatum propriè, ac formaliter Religioni oppositum esse. Nam sicuti ad Religionis virtutem spectat, ex Fide, ac Spe in Deum concepta cultum ac reuerentiã eidem exhibere per orationes, vota &c. ita è contratio ad irreligiositatem pertinet ex defectu Fidei, aut nimio excessu Spei irreuerentiã Deo irrogare, petendo ab illo sine causa rationabili extraordinarium, ac miraculosum effectum.

Est autem tentationis peccatum ex genere suo mortale: licet veniale esse possit, non tantum ob imperfectiorem actus, sed etiam propter leuitatem materiæ, sicuti testantur Caiet. in sum. ver. tentatio, Tol. lib. 4. c. 19. num. 7. Less. lib. 2. c. 45. dub. 1. num. 4. Sanchez l. c. num. 5. Ut si in morbo periculoso respuas medicinas,

temere confidens à Deo sanitatem consecuturum; non tamen expresse petita curatione miraculosa: vel si male, aut irreuerenter orans, speres tamen, te impetraturum à Deo ea, quæ communiter rogari, & impetrari solent.

CAP. VI.

DE BLASPHEMIA.

SUMMARIUM.

1. *Blasphemia est maledictio, seu contumelia in Deum formaliter, ac directe opponitur laudi Dei.*
2. *Blasphemia, sicuti & hæresis, in intellectu consistit, exterioribus autem verbis aliisque signis manifestatur.*
3. *In ebrietate homo proprie non blasphematur, cum mente & intellectu captus sit.*
Neque verba blasphemia, quæ ex impetu prava consuetudinis proferuntur, veræ blasphemia rationem habent.
4. *Peccatum blasphemia diuersum est ab infidelitatis peccato, quamuis frequenter ex eo originem trahat, sicuti & ex aliis peccatis, quæ contra Deum committuntur, qualia sunt desperatio, odium Dei &c.*
5. *Peccatum tentationis Dei interdum blasphemia rationem habet.*
6. *Blasphemia alia est cum directa intentione inhonorandi Deum; alia cum indirecta, ac virtuali, utraque verò blasphemia est, licet illa grauior, & perniciosior.*
7. *Blasphemia item alia est simplex, & alia hæreticalis.*
8. *Qui in ira contra hominem sacra verba falsitatem non continentia irreligiose profert, proprie non blasphematur.*
9. *Blasphemia interitum fit cum iuramento peruerso; interdum sine eo.*
10. *Blasphemia in Sanctos, quia tales sunt, in Deum redundat: quare eiusdem rationis est cum blasphemia in Deum.*
11. *Creaturis irrationalibus pluribus modis maledici potest.*
12. *Blasphemia differunt in grauitate contumelia idcircoque modus blasphemandi in sacra Confessione inquirendus est.*

BLASPHEMIA, si vocis significationem spectes aliud non est, quam maledictio, seu verbum contumitii, aut contumeliæ: communiter tamen non pro quo vis verbo contumeliolo accipitur, sed quod contra Deum tendit, sicuti annotauit S. August. eiusque rei rationem attulit lib. 2. de moribus Manichæorum cap. 11. *Est autem blasphemia, cum aliqua mala dicuntur de bonis. Itaque iam vulgò blasphemia non accipitur, nisi mala verba de Deo dicere: de hominibus namque dubitari potest: Deus verò sine controuersia bonus est.* Quare hæc est definitio blasphemix: *Maledictio, siue verbum contumeliæ, aduersus Deum.*

Exinde colligitur primò: Quod blasphemia directè, ac formaliter opponitur laudi Dei. Quemadmodum igitur laus Dei duplex est; vna interna siue mente conclusa, altera externa siue verbis prodita; ita etiam blasphemia alia est cordis, & alia oris, inquit S. Th. 2. 2. q. 13. a. 1. in corp.

Colligitur secundo: quod peccatum blasphemix, sicuti & hæresis, in intellectu consistit; quamuis requirat prauam voluntatis affectionem formalem, vel virtutalem: cum nullum sit peccatum nisi voluntarium. Externis porro signis, præsertim verborum, interior blasphemia manifestatur, magisque consumatur. Dico, præsertim verborum: nam si quis nutu, vel alio facto externo, v. g. in cælum expuendi, Deo contumeliam inferat, erit hoc peccatum à blasphemia essentialiter non distinctum; sed ad eam reducendum, sicuti notauit Suarez tom. 1. de relig. tract. 3. lib. 1. cap. 4. num. 3. & 5. Quæ omnia proportionali modo dici possunt de adoratione, & laude Dei; eam in intellectu consistere, per piam voluntatem moto, & applicato ad agnoscendam, & confitendam Dei excellentiam, externis autem signis

præsertim verborum, manifestari, ac magis consummari.

Colligitur tertio; Si quis verba blasphemix proferat, animo nec actualiter, nec virtualiter aduertente, puta in ebrietate, non esse blasphemiam propriè dictam; sed tantum materiale: nihil obstante, quod homo sciuerit, se in ebrietate talia verba effutire solitum, & nihilominus se inebriauerit, sicuti docet Vasquez 1. 2. disput. 127. cap. 3. Luisius Turrianus in 2. 2. disput. 38. dub. 2. §. solum remanet. Ratio est: quam dedi lib. 2. tract. 1. cap. 14. num. 2. Quia malitia periurii, blasphemix, sicuti & hæresis, in intellectu substantialiter perficitur, ideoque esse non potest actuale peccatum hæresis, blasphemix &c. nisi concurrente intellectu, qui actu aut virtute intelligat, seu aduertat ad verba, quæ ore pronuntiantur; vti etiam Suarez significat tom. 1. de relig. tract. 3. lib. 1. cap. 6. num. 17. iuncto cap. 4. num. 2. in fine, vbi egregie annotauit, ipsam blasphemiam internam intellectus, esse executionem, & quasi completionem internæ voluntatis, siue affectus blasphemandi; quamuis postea externo signo verborum magis, se accidentaliter tantum, consummetur. Non ita verò se habet res in homicidio, & similibus peccatis, quæ externo opere consummari dicuntur: horum enim vnica executio consistit in externa actione; in animo autem tantum intentio, ac desiderium. Quare breuiter dici potest; mentale homicidium v. g. non esse re vera, sed imputatiue tantum homicidium; at verò mentalem hæresin, blasphemiam, & similia peccata in intellectu consistentia, esse verè ac propriè peccata hæresis, blasphemix. Confirmatur etiam ex eo, quia blasphemia est species quædam contumeliæ: ad contumeliam autem requiritur scientia ac dolus, iuxta l. 5. ff. ad L. Aquiliam, non enim contentum qui ignorat, sicuti colligitur ex l. si ignorans, ff. locati. Quamobrem contumeliam homini intulisse censendus non est, qui verba contumeliola in ebrietate protulit; nisi ea ipsa intentione se inebriarit, vt conuicia in Deum, vel hominem effutire posset.

Et quod dixi de dispositione ebrietatis, idem eadem ratione dici debet de verbis blasphemis, quæ ex prava consuetudine, quam quis extirpare negligit, ante rationis animaduersionem proferuntur; non esse verè, ac propriè peccata blasphemix, sicuti docent Turrianus l. c. & Nauar. cap. 12. num. 84. Nihilominus continent grauem irreuerentiam siue irreligiositatem materiale; ideoque reprehensione, ac pœna digna censentur; non quod in se, ac formaliter peccata sint; sed quia prauus effectus peccatorum, puta voluntariæ consuetudinis, vel ebrietatis: quam homo etiam idcirco deuitare debebat, quia perspexit esse causam, & quasi semen consequentium blasphemix verborum: quæ proinde ipsi indirectè siue in causa voluntaria censentur, vti dixi in lib. 1. tract. 2. c. 3. n. 6.

Colligitur quarto; Peccatum blasphemix distinctum esse ab infidelitate. Quia infidelitas est erroneus assensus contra Fidem: blasphemia autem est, mala verba dicere contra Deum: ad quod minimè requiritur assensus, sicuti notauit Valentia tom. 3. disput. 1. quæst. 13. p. 2. Sanchez lib. 2. Moral. cap. 32. num. 3. Quemadmodum etiam hominem, furem v. g. per contemptum appellare possum, probe sciens, talem re ipsa non esse. Item malum aliquod ipsi imprecari, siue maledicere, non sine contumelia, sed absque intellectus errore siue falso assensu. Quopropter blasphemix peccatum in fidelibus etiam locum habet: quia non Fidei, sed Religionis virtuti opponitur: est enim blasphemia, inquit Hugo Victorinus in lib. de fructu carnis, & spiritus, cap. 6. cum probrosa irreligiositate, & diminutione honoris diuini, superiorem, ac conuictum.

Illud verò in confesso est, frequenter blasphemiam ex infidelitate, & aliis peccatis, quæ contra Deum com-

mittuntur, originem trahere; vel cum iis vno, eodēque actu coniuncta esse. Nam infidelis, aut hæreticus, v. g. Arius, ex falsa persuasione, quam de Dei filio concepit, facile in blasphemiam prorumpit; negando, eum esse eiusdem substantiæ cum Deo Patre: quæ locutio diuersa habitudine & Fidei, & Religionis virtuti repugnat. Deinde si quis exterius tantum Deum, vel Christum, aut Religionem Christianā abneget, is non solum deficit in externa Fidei confessione, sed etiam blasphematur, sicuti de S. Petro Christum negante docet S. Tho. quodlib. 9. q. 7. a. 14.

Secundò, Desperatio non tantum est radix blasphemiarum (quia homines à blasphemando absterri solent timore inferni: quare posteaquam desperarunt se penas æternas euasuros esse, feruntur ad omne id quod eis peruersa voluntas suggerit, sicuti de damnatis Deum blasphemantibus ait S. Thom. quæst. 13. a. 4. ad 1.) sed etiam cum homo in verba desperationis prorumpit, actu ipso blasphematur: quia derogat bonitati, veritati, aut potentiæ Dei, ait Suarez citat. lib. 1. cap. 6. numer. 9.

5 Tertiò, Similia dici possunt de odio Dei, esse causam, & radicem blasphemiarum, præsertim in damnatis: quia pronum est, quem aliquis odit, eidem maledicere. Atque ipsa etiam odii erga Deum significatio, vel expressio per verba, est quædam blasphemia, seu maledictio Dei, uti idem Suarez notauit.

Quartò, Tentatio Dei, ea præsertim, quæ ex infidelitate, seu dubitatione de diuina potentia oritur, est etiam quædam blasphemia, sicuti aperte colligitur ex Psalm. 77. *Et malè locuti sunt de Deo, dixerunt; Nunquid poteris Deus parare mensam in deserto?*

6 Peccati blasphemiarum variæ diuisiones sunt: Prima. Blasphemia alia fit cum directâ intentione inhonorandi Deum, alia verò cum intentione indirectâ, ac virtuali. Illa præcipuè reperitur in infidelibus, siue non credentibus, interdum verò etiam in credentibus Deum esse, sed de eius misericordia desperantibus; vel ob iniustitiæ vindictam odio, ira, ac indignatione cum persequentibus, quod damnatis maximè conuenit. Indirectâ, seu virtuali intentione committitur blasphemia, cum quis scienter, ac serio loquitur verba, quæ vel ex propria significatione, vel ex modo proferendi, aliisue circumstantiis, diuini honoris diminutionem continent; quamuis eam homo directè non intendat. Cuiusmodi blasphemandi modus licet minùs grauis, ac perfectus sit, tamen verè, ac propriè est blasphemiarum peccatum, sicuti indicat S. Thom. cit. quæst. 13. a. 1. ad 1. iun. Caiet. ver. quoad tertium, Bannes notab. 4. & expressè docent Valentia cit. quæst. 13. p. 1. §. secundò aduertendum, Sanchez 2. moral. c. 32. num. 2. Quemadmodum etiam ad peccatum detractionis, & contumeliæ erga hominem non requiritur formale nocendi propositum; sed sufficit virtuale, sicuti dixi lib. 3. tract. 3. de iust. p. 2. c. 3. n. 4.

7 Altera diuisio. Blasphemia alia est hæreticalis, & alia simplex. Hæreticalis blasphemia est, quæ falsitatem continet, dum aliquid tribuitur Deo, quod ipsi non cōuenit, v. g. iniustum esse: vel negatur de eo, quod ipsi conuenit, v. g. non curare res nostras: vel dum creaturæ tribuitur, quod Deo proprium est: ut si amasium mulier Deum, vel creatorem suum appellet. Necessè tamen non est, huiusmodi blasphemias cum infidelitate, aut hæresi iunctas esse; cum etiam locum habeant in Dæmonibus, hominibus damnatis, ac malis Christianis, qui illas falsas, ac nefarias esse non ignorant. Dicuntur tamen hæreticales blasphemiarum, quia falsum de Deo significantes, cum hæresi similitudinem gerunt; & sæpe hominem Christianum ita blasphemantem de hæresi suspectum reddunt, sicuti notauit Lactantius Finelius de casibus reseruat. casu 3. n. 28.

Blasphemia simplex est, quæ falsitatem non continet, sicuti docet Azor tom. 1. lib. 9. c. 28. quæst. 1. & 2. Suarez cap. 4. num. 9. contra Caiet. cit. a. 1. Valent. cit. p. 1. vel quia non enuntiatuè, sed modo imperatiuo, aut optatiuo concipitur, v. g. *utinam non sit Deus, desperat Deus*: vel quia id, quod verum est, de Deo enuntiat; sed per modum despectionis aut indignationis aduersus Deum: tales sunt blasphemiarum per crucem, per sanguinem, per sacramenta Dei. Vbi duo aduerte: Primum ex Suarez c. 5. nu. 7. Nihil referre ad essentialē rationem blasphemiarum utrum aliquis expresse, an tantum implicite enuntiet de Deo, quod falsum est; vel enuntiet, quando verum est per modum indignationis, aut contemnentis: Vt si quis dicat, *O Deum iniustum!* quæ hæreticalis blasphemia est. Vel cum indignatione dicat, *O Deus crucifixe, o Dei vulnera, o Dei sacramenta.*

8 Alterum ex Caiet. ver. blasphemia, Armilla eod. ver. num. 1. Nau. c. 12. num. 85. Valent. cit. p. 1. Sanchez cit. c. 32. num. 30. contra Suarez cit. lib. 1. c. 6. Non esse propriè blasphemiam, in ira, vel rixa cum aliquo, enuntiare aliquid de Deo explicitè, vel implicite, quod verum est: v. g. *corpus Dei, vulnera Dei, christina, sacramenta Dei*; si affectus indignationis non tendat contra Deum, sed tantum contra hominem, vel iumentum, cui aliquis irascitur: quod ex modo dicendi, aliisque circumstantiis colligendum est. Verum tamen si talia verba sacra in rixa temere, & irreuerenter proferre non sit propriè blasphemia; est tamen peccatum cuiusdam irreligiositatis, siue sacrilegii, altero Decalogi præcepto prohibitum, c. 5. Deut. *Non usurpabis nomen Domini Dei tui frustra*. Sed esse tantum veniale peccatum, aiunt Caiet. Armilla, & Sanchez ll. et. Quamuis ob scandalum, vel periculum formaliter blasphemandi mortale fieri potest: ideòque homines à tali irreligiositate, & apparente blasphemia meritò absterrentur. Accidere tamen potest casus, ut hominem Confessarius absolueri debeat, tametsi tali consuetudine (quippe non mortaliter mala) abstinere nolit. Exempli causa: Est belli Dux, qui in Confessione ait, se milites suos ita malè assuetos, ad conflictum cum hoste adigere non posse; nisi veluti iratus, verba sacra effundat, *Sacrament. Sotis Chrysom.* Quæ verba testatur se proferre non alia mente, nisi ut militibus metum veluti iratus incutiat. Hæc in Christiano homine laudanda non sunt, sed neque peccati mortalis damnari semper possunt.

Tertia diuisio. Blasphemia interdum fit absque iuramento: interdum verò coniuncto iuramento peruerso, puta, si quis per idolum, siue falsum Deum iuret, vel per creaturam, sine ordine ad Creatorem, sicuti docet Sotus lib. 8. de iust. quæst. 1. a. 6. & q. 2. a. 3. concl. 1. Suarez cit. c. 6. n. 13. Sanchez cit. cap. 32. n. 9. & 10. Item si quis proferat iuramentum execratorium cum despectu Dei, v. g. *Non viuat Deus, pereat Deus, nisi hoc verum sit.* Qua de re Suarez cap. 5. num. 8. Couar. c. quamuis pactum, p. 1. §. 7. n. 13. Sanchez num. 24. & 25. Vel si per modum spernentis aliquis execratoriè iuret, *per capillos Dei, per caput Dei*: quomodo intelligi debet c. si quis, 22. quæst. 1. & Auth. Vt non luxurietur homines, collat. 6. & notauit Sotus l. cit. Tolet. lib. 4. c. 13. num. 6. Sanchez num. 29. Suarez c. 6. n. 11.

10 Quarta diuisio. Blasphemia alia est in Deū, & alia in Sanctos. Hæc diuisio colligitur ex c. 2. de maledicis, & S. Thom. cit. quæst. 13. a. 1. ad 2. ubi ait: *Sicuti Deus in Sanctis suis laudatur, in quantum laudantur opera, quæ Deus in Sanctis efficit; ita & blasphemia, quæ fit in Sanctos, ex consequente in Deum redundat.* Quare utraque blasphemia censetur esse eiusdem speciei; quia eandem rationem malitiæ continet, videlicet diuini honoris diminutionem, sicuti docet Caiet. cit. a. 1. in fine, & Suarez cap. 5. num. 5. Quod tamen intelligi debet, si Sanctus

aliquis maledicat, quatenus sancti sunt, siue cum habitudine ad Deum, saltem virtuali, sicuti docet Suarez c. 5. num. 6. Sanchez num. 27. Secus, si contumelia in Sanctos, cum Christo regnantes, iactetur, non ut sancti, siue beati sunt; sed ut quidam homines in terris fuerunt, quibus nunc excellētia sanctitatis accidentaria est: ut si quis ioco de SS. Chrispino & Chrispiniano dicat, fuisse futores; aut de SS. Ioan. & Paulo fuisse Eunuchos, ait Bannes qu. 13. a. 2. non videtur hæc esse blasphemia, cum in Deum non redundet; sed peccatum contra obsequantiam, siue cultum dulci, tanto maiorem Sanctis, siue beatis debitum, quanto maiorem à Deo excellentiam consecuti sunt: attamen dicta conuitia, si non ex odio, aut indignatione contra Sanctos, sed ioco dicantur, esse peccata tantum venialia ob materiæ paruitatem, docet Bannes ibid. & Sanchez num. 42. Eademque ratione, si quis ita vituperium dicat in sacramenta Dei, vel quascunque res sacras, blasphemare propriè censendus est: quia sicuti cultus earum, ita & contumelia ipsis irrogata, respectiua est, atque ad Deum auctorem earum redundans, uti docet Corduba in quæstionar. lib. 1. q. 17. §. 15. Sanch. n. 22.

Imò etiam, si quis aliis creaturis in hoc mundo existentibus rationalibus, aut irrationalibus, maledicat, quatenus creaturæ Dei sunt; adeoque cum habitudine ad Deum, haud dubiè blasphematur. Id tamen discrimen est, quod maledictio, siue conuitium prolatum in res sacras, vel Sanctos in cælo, censeatur referri in Deum; nisi circumstantiæ, & modus dicendi indicet, à tali habitudine præscindi. At verò maledictio aduersus homines in terris existentes, vel aduersus creaturas irracionales non sacras, plerumque alia intentione, quam Deum inhonorandi, fieri solet. Verùm de maledictione erga homines dixi in lib. 2. tr. 3. c. 8. n. 6.

Irrationalibus verò creaturis quatuor modis maledici posse, notauit S. Thom. 2. 2. quæst. 76. a. 2. Tolet. lib. 4. cap. 13. Primò, quatenus creaturæ Dei sunt, quæ ratione ad blasphemiam pertinet, teste S. Thom. citat. q. 76. a. 4. ad 1. Caiet. 2. 2. q. 13. a. 1. in fine, Nau. c. 12. man. n. 87. & c. 23. n. 117.

Secundò, quatenus ad dominium, vel vsum hominis spectant: cuiusmodi maledictio duplex est; vna imperii efficacia, quomodo Deus Gen. 3. maledixit terræ, & Christus Marci 11. ficui. Altera inefficax, per modum simplicis optationis: quomodo homines maledicere solent possessionibus eorum, quos odio prosequuntur: nam talis maledictio ab odio imperatur, de quo satis dixi cit. l.

Tertio, per rhetoricam priscis temporibus in planctu vsitatam hyperbolem siue exaggerationem, ad significandam animi inuestitiam, quæ ex mali alicuius reuentu concepta est: quo sensu David 2. Reg. 1. maledixit montibus Gelboe, in quibus Saul, & Ionathas occubuerunt. Et Iob. c. 3. Hierem. cap. 10. maledixerunt diei, in qua nati sunt; vel propter originalem culpam, quam nascendo contraxerunt, & consequentes penalitates, uti docet S. Thom. cit. quæst. 76. a. 2. vel quia attendendo præcisè ad molestias, quas homo interdum patitur, & seclusa voluntate Dei, ac patientiæ fructu, melius iudicatur esse homini, si natus non esset: quo sensu Ecclesiastes loquitur c. 4. idque notauit Mol. tr. 4. de iust. disp. 22. n. 9.

Quartò, quatenus creaturæ irracionales absolute spectantur; & sic saltem otiosus actus est, ipsis maledicere, præterquam quod inordinatus affectus iræ, ac impatientiæ admisceri soleat. Ita S. Th. Caiet. Nau. ll. cc. Mol. n. 13.

Ad extremum addo; Si pœnitens in Confessione absolute dicat, se blasphemasse, ad officium Confessarii pertinere, duas plerumque circumstantias inquirere: Prima est; Quo modo, aut quibus verbis blasphemarit:

Tamen enim probabile est, omnes propriè dictas blasphemias vnius speciei esse, sicuti docet Caiet. cit. quæst. 13. a. 1. & in sum. ver. blasphemia, differunt tamen in gravitate, ac veluti quantitate iniuriæ, ac despectionis contra Deum: ob quam causam satis non est in Confessione dicere, se furatum esse, aut contumeliam proximo intulisse; nisi exprimatur, quanta iniuria, aut quantum damnum fortunarum, honoris &c. illatum sit, sicuti constat ex ijs quæ dixi lib. 1. tractat. 2. cap. 10. n. 3. & videri potest Sanch. n. 29.

Alter est; Vtrum blasphemia prolata sit cum formali, ac directâ intentione inhonorandi Deum. Ratio huius est, tum quia hæc circumstantia intrinsecè aggruat, & auget despectum, siue inhonationem Dei, in qua essentialis malitia blasphemiae consistit, tum etiam quia huiusmodi peruersa intentio sæpe provenit ex odio saltem abominationis erga Deum, quod est peccatum speciei distinctum à blasphemia. Quia tamen non semper ex odio provenit, sed interdum tantum ex ira, tadio, aut desperatione; ideo ad radicem grauissimi huius peccati cognoscendam, & curandam, expedit, ut Confessarius hominem, affirmantem se expressâ intentione Deo maledixisse, deinde examinet, quam ratione motus Deo optimo contumeliam verbis inferre in animum induxit.

Si verò pœnitens neget, affectum indignationis suæ erga Deum directè se extendisse; sed solum aduersus hominem vel iumentum, cui iratus fuerat; tunc Confessarius attendat ad verba, quibus homo vsus fuit: si enim secundum se diuini honoris diminutionem nullam exprimunt, non censenda est blasphemia, neque mortale peccatum, ut supra dixi. Sin autem verba talia, aut tali modo prolata sint, ut contumeliam Dei, aut sacramentorum significant, videlicet *gamb donner sacrament. gamb Saleen sacrament. dab dich. Sottes Chrysam schendie*; censi debent blasphemiae; dummodo homo attendat ad vilipensionem Dei, aut rei sacræ, quæ talibus verbis exprimitur. Sæpe autem homines eiusmodi verba blasphemia proferunt inaduerter, ac materialiter tantum non attendentes quid significant; tum verò excusantur à gravitate peccati, propter imperfectionem cognitionis, ac voluntarii; modo interim continentur peruersam eiusmodi consuetudinem deponere.

CAP. VII.

DE SACRILEGIO.

SUMMARIUM.

1. *Sacrilegium dicitur rei sacra violatio.*
2. *Sacrilegii tres species sunt: I. contra personas sacras. II. contra loca sacra. III. contra alias res sacras, seu cultus diuini dicatas.*
3. *Sacrilegium contra personas sacras quatuor modis committitur.*
4. *Si Clericus in sacris, vel Religiosus fornicetur, multiplex peccatus committitur.*
5. *Locus sacer censetur, qui publica Ecclesiastica auctoritate deputatus est ad sacra officia, licet nondum consecratus, aut benedictus sit: quare talis locus immunitate, & privilegiis Ecclesiasticis gaudet.*
6. *Non omnis locus sacer, aut pius Ecclesia dici potest: quamvis Ecclesiarum privilegia ferè etiam ad loca sacra, videl. monasteria & Xenodochia, qua publica auctoritate instituta sunt, extendi solent.*
7. *Oratorium, quod publicam in loco eminente campanam habet, censetur esse publicum, ut Ecclesiastica immunitate gaudeat.*
8. *Sacrilegium aduersus locum sacrum accidit, I. Violando loci sacri immunitatem. II. Polluendo ecclesiam, vel camiterium. III. Exercendo profanam actionem, quæ reuerentia loci sacri repugnat, cuiusmodi sunt iudicii secularis exercitium, item negotiationes, copulatio.*

- 9 Voluntaria iurisdictionis actus, videl. dispensatio, tutoris datio; item Doctoratus collatio, in ecclesiis fieri non prohibentur.
- 10 Comedia, & tragadia, quæ ad pietatem mouent, in ecclesiis institui possunt.
- 11 Agapes olim in ecclesiis institui solita, postea sublata fuerunt.
- 12 Indigna tractatio S. Eucharistia, alia omnia sacrilegia gravitate superat.
- 13 Sacrilegium, quod committitur indigna rerum sacrarum tractatione, varios gradus habet, secundum varietatem ipsarum rerum.
- 14 Multa sacrilegia committi possunt circa res sacras non decenter tractandas, seruandas.
- 15 Qui legata pia, vel alia ecclesiastica iura, aut bona peruertunt, sacrilegium committunt.
- 16 Furtum sacrilegium committitur vel auferendo rem sacrum de loco sacro; vel non sacrum de sacro: vel sacram de non sacro.
- 17 Qui calicem sacrum de loco non sacro surripit propriè dictum sacrilegium committit.
- 18 Qui crumenam alicui in ecclesia abscondit, videtur esse fur sacrilegus, licet in externo foro non ita puniatur.
- 19 Qui furtum sacrilegium cum violentia effractione committit, excommunicationem incurrit.

SACRILEGIUM secundum primariam acceptio-
nem, idem est, quod rei sacræ furtum. Dicitur enim sacrilegus, quasi sacrum legēs siue compilans, sicuti notauit Paulus Iureconsul. in l. sacrilegi; ff. ad l. Iuliam peculatus Isidorus lib. 10. origin. lit. S. D. Thom. quæst. 99. art. 1. Hinc verò extensa fuit significatio vocis, vt comprehendat omnem violationem seu irreuerentiam rei sacræ, id est, Deo dicatæ. Nam ex eo, inquit S. Thom. quod aliquid deputatur ad cultum Dei, efficitur aliquo modo diuinum (id est quasi peculiaris possessio Dei) quamobrem ei reuerentia debetur, quæ redundat in Deum; adeoque etiam irreuerentia, seu indigna tractatio rerum sacrarum ad iniuriam Dei spectat: vt proinde hæc sit definitio sacrilegii, quam Gloss. tradit in c. sacrilegium, 17. quæst. 4. *rei sacræ violatio. Et S. Thom. art. 2. In sacrilegio inuenitur specialis ratio deformitatis, quæ scilicet violatur res sacra per aliquam irreuerentiam in Deum redundantem; & ideo est speciale peccatum Religionis oppositum.*

2 Porro idem S. Thom. art. 3. pro diuersitate rerum sacrarum, seu Deo dicatarum tres species sacrilegii distinguit: vnam contra personas sacras, alteram contra loca sacra, tertiam contra res alias sacras, seu cultui diuino dicatas. In primis verò notandum hic est, rem sacram propriè eam tantum censeri, quæ publico ritu, aut institutione ad Dei cultum deputata est, sicuti docet Iureconsul. l. in tantum, l. sacra, ff. de rerum diuis. & notauit Pet. Gregor. Tholos. lib. 33. Syntag. cap. 14. & Suarez tom. 1. de relig. tract. 3. lib. 3. de sacrilegio, cap. 2. num. 1. vbi rectè monet, non quolibet priuato proposito, aut voto rem, aut personam sacram effici; sed necesse esse, vt publicam ex iure consecrationem, vel deputationem ad Dei cultum habeat.

3 Quod attinet ad personas, ea duobus modis ad cultum Dei dicatæ, seu sacratæ sunt: videlicet per sacram ordinationem, vel per statum Religionis, eiuſve aliquam participationem. Earundem verò personarum sacrilega violatio quatuor modis accidit: Primò Inferendo manus violentas in Clericum, vel Religiosum, aduersus priuilegium canonis. si quis suadente, 17. quæst. 4. quod ex motiuo virtutis Religionis Ecclesiasticis, atque Deo sacratis personis concessum est. Secundò; personas Ecclesiasticas subiiciendo fori secularis iudicio, aduersus priuilegium exemptionis illarum. Tertio; Ab eisdem tributum exigendo aduersus Ecclesiasticam immunitatem, siue exemptionem à talibus oneribus, sicuti constat ex ijs quæ dixi tract. præc. cap. 6. Quarto; Luxuriose violando corpus personæ Deo sacratæ per votum continentiae perpetuæ, sicuti docet S. Thom. 2. 2. quæst.

99. a. 3. & quæst. 154. art. 10. Idque intelligendum est tam de persona, quæ aduersus proprium votum fornicatur; quàm de altera, quæ illam violat, seu turpitudinis complex est, sicuti ex communi docet Syl. ver. sacrilegium.

Tametſi autem Suarez tract. 3. lib. 3. de sacrilegio, cap. 3. existimet, in eiusmodi peccato vnicam malitiam contra virtutem Religionis reperiri, quæ sit infidelitas erga Deum, siue irreligiosa violatio voti, ideoque non esse sacrilegium propriè; sed lato modo, quatenus omne peccatum aduersus Religionem irreligiositas dici potest, tamen contraria sententia est communis, significata in Concil. Tolet. 2. cap. 1. à Gelasio Papa, c. virginibus, 27. quæst. 1. & expressè tradita à S. Thom. cit. art. 3. ad 3. Formaliter, inquit, & propriè illud solum peccatum sacræ personæ est sacrilegium, quod agitur directè contra eius sanctitatem; siue aduersus id, ad quod consecrata est: puta si virgo Deo dicata, fornicetur. Similiter (inquit, Caiet. ver. sacrilegium) sacrilegium est, si Sacerdos fornicetur: quia sanctificatus est ad castitatem; non autem si blasphemet: quia non est ad eius oppositum directè sanctificatus. Quare libenter fateor; Si Clericus in sacris ordinibus constitutus, vel Religiosus vtriusque sexus fornicetur, præter peccatum intemperantiæ, siue luxuriæ, duplicem malitiam aduersus virtutem Religionis admitti; vnam violationis voti, & alteram sacrilegii propriè dicti; & ob hanc ipsam causam, non satis in Confessione dicere, se votum castitatis violasse, sed necesse est circumstantiam Religionis, vel ordinis sacri explicare, sicuti docet Medina in summa lib. 1. cap. 14. §. 18. Arrag. 2. 2. quæst. 88. art. 7. in fine, Rodriquez tom. 1. sum. cap. 53. conclus. 15. licet contrarium sentiat Sanchez lib. 7. de matrimon. disput. 27. num. 27. Sin autem sermo sit de violatione voti castitatis priuati, seu ab Ecclesia non acceptati, amplector doctrinam Suarezij, esse hoc sacrilegium tantum latè, & improprie. Nam propriè dictum sacrilegium est rei sacræ violatio: Persona autem sacra non efficitur, nisi ex publico iure cultui diuino dicata sit, videlicet per sacri ordinis susceptionem vel statum Religionis. Ergo harum tantum personarum luxuriosa violatio sacrilegii peccatum est. Vide etiam quæ dixi tract. 2. c. 10. n. 4. exemplo III.

Quod attinet ad loca sacra, notandum est primò; 5
Locum sacrum censeri eum, qui publica auctoritate deputatus est ad sacrificium Missæ, vel alia Ecclesiæ sacramenta, aut diuina officia peragenda; tametsi necdum consecratus, aut benedictus sit, vti habetur in c. ecclesiæ, de immunit. Ecclesiæ. vbi id notat Abb. num. 4. & in c. vlt. num. 4. de censibus, Syluest. ver. immunitas, 1. quæst. 1. & ver. loca religiosa; quæst. 2. Suarez tom. 1. de relig. tract. 2. lib. 3. de reuerentia debita rebus sacris, cap. 9. Dixi autem primò. Publica auctoritate, quia priuata non consecrata; nec benedicta oratoria, aut eremitoria inter loca sacra numerari non debent; tametsi Episcopus licentiam dederit Missæ sacrificium in iis celebrandi: quia nihilominus ad nutum fundatoris in profanos vsus conuerti possunt, vti notauit Abb. cit. c. vlt. num. 4. Syluest. cit. quæst. 2. Clarus lib. 5. sent. §. fin. quæst. 30. num. 7. Suarez cit. cap. 9. num. 10. Sanchez lib. 9. de matrimon. disput. 15. quæst. 3. num. 39. Quapropter neque ecclesiastica immunitate talia priuata oratoria gaudent, sicuti notat Abb. in c. patentibus, num. 3. de priuileg. Clarus, Suarez, & Sanchez II. cc. Denique nec Episcopi potestati, iurique visitandi subſunt, vti dicitur in c. vlt. de censibus: cum tamen loca omnia sacra, seu religiosa eidem subdantur, cap. 1. §. deinde liceat, eodem in 6. Et quod dixi de oratorio priuato, similiter intelligendum de xenodochiis, quæ Episcopi auctoritate erecta non sunt, sicuti ex Innocent. refert Abb. in c. abolendæ, n. 4. de sepult. & cit. cap. vlt. de censib.

Notandum est secundò; Locum sacrum latius patere quam Ecclesiam. Nam locus sacer seu religiosus censetur, quicumque ad usum pium, ac religiosum publicè destinatus, ac veluti Deo dicatus est; ideoque vsibus profanis deputari amplius non potest, iuxta iuris regulam §1. in 6. *Semel Deo dicatum, non est ad vsus humanos ulterius transferendum.* Quare locis sacris, seu religiosis annumerantur etiam monasteria, & xenodochia, si Episcopi auctoritate erecta sint, ut videre est in c. adhuc, & toto fermetit. de religiof. domibus, & docet Abb. in c. de xenodochiis, num. 3. eod. tit. ubi ait: Si xenodochia sine Episcopi auctoritate edificata sint, non censentur religiosa; ideoque Episcopus de eorum redditibus disponere non potest, sed solum patronus seu fundator.

Porro ecclesia appellatur locus, qui ab Episcopo consecratus, aut alia ratione, v. g. crucis erectione, deputatus est ad publica officia diuina, & sacramentorum usum, sicuti constat ex cap. vltim. de consecrat. eccles. iunct. Gloss. ver. non consecrata, & ex cap. penult. de immunit. ecclesiar. & docet Couaruu. 2. resolut. cap. 20. n. 4. Quod verò Syluest. ait ver. hospitale num. 4. Sa ver. ecclesia, num. 1. Nomine ecclesiar. in fauorabilibus venire etiam Monasteria, Xenodochia, & alia pia loca; id secundum extensionem priuilegiolorum intelligi debet. Nusquam enim in iure monasterium, vel xenodochium materialis ecclesia appellatur; sed priuilegia immunitatis, quæ ecclesiis data sunt, etiam ad illa loca extenduntur, argument. l. omnia priuilegia, Cod. de Episcopis & Clericis, & cap. adhuc, de religiosis domibus, & notat Abb. in c. accedentibus, num. 3. de priuilegiis.

Præterea, quod aiunt Syluest. ver. ecclesia, 2. num. 1. & Abb. in rubr. de consecrat. ecclesiar. & cap. vltim. eodem tit. ecclesiam, antequam consecrata sit, non propriè ita appellari; sed potius basilicam, id sumptum est ex Gloss. in cap. 1. de religiosis domibus, ver. dedicanda, ubi ait; *Ecclesiam* appellari, cum consecratur; sicuti electus in consecratione nomen assumit Episcopi. In iure autem canonico id nullum fundamentum habet, sicuti apparet ex cap. penult. de immunit. Eccles. ubi dicitur: *Si ecclesia non consecrata cuiuscunque fuerit nomine, vel sanguinis effusione polluta; aqua protinus exorcizata lauetur, ne diuinæ laudis organa suspendantur.* Et in cit. cap. penult. *Ecclesia in qua diuina mysteria celebrantur; licet adhuc non extiterit consecrata, nullo iure priuilegium immunitatis admittitur. Quia obsequijs diuinis dedicata, nullius est temerariis ausibus profananda.* Quam rationem etiam Gloss. reddidit in supra cit. cap. vlt. *Quia locus ille auctoritate Episcopi dedicatus est diuino cultui; & quod semel Deo dedicatum est, ad profanos vsus redire non debet;* quare mox subiungit, sacrilegii crimen committere eum, qui locum nondum consecratum, sed ab Episcopo ad sacra mysteria deputatum violat. Nam per eiusmodi deputationem, publica Episcopi auctoritate factam (quod fieri potest per quamuis benedictionem, aut crucis erectionem &c.) locus sacer & ab humanis vsibus secretus efficitur; ideoque omnibus ecclesiarum immunitatibus, ac priuilegijs gaudet; quamuis fortè Sacrificia, & alia diuina officia nondum in eo celebrari cœperint, sicuti docet Gl. cit. cap. vltim. Abb. cit. cap. penult. num. 5. Couar. cit. cap. 20. num. 4. Angel. ver. immunitas, §. 25. Syluest. eodem ver. 1. quæst. 1. Ioan. Faber tit. instit. de rerum diuif. §. nullius, Sanchez cit. disput. 15. num. 39. Non enim ideo locus sacer fit, quia in eo sacrificium celebratur; sed potius ideo in eo sacrificare licitum est quia sacer seu ad cultum diuinum publica auctoritate deputatus est, sicuti bene notauit Suarez cit. lib. 3. cap. 9. num. 4. Vtrum autem talis locus sanguinis, aut seminis effusione polluat, dicam lib. seq. tract. 5. cap. §. n. 2.

Ex dictis etiam colligitur, veram non esse regulam Syluestri ver. ecclesia, 2. num. 1. Statutum puniens delinquentem in ecclesia, locum non habere in ecclesia non consecrata: cum non sit propriè ecclesia. Sed rectius loquitur Suarez tom. 1. de relig. tract. 2. lib. 3. c. 1. num. 1. *Si locus publicè sit destinatus pro vsu fidelium ad Missas, & conciones audiendas, recipiendæque sacramenta, simpliciter solet appellari ecclesia.* Imò Syluester rectè docuit ver. interdictum, 6. quæst. 5. Clericum, cui ecclesiar. ingressus interdictus est, celebrantem in oratorio non priuato; sed in ecclesia, aut capella nondum consecrata, fieri irregularem; quia satis est, quod sit Episcopi auctoritate fundata, quod etiam ex communi notauit Sanchez cit. n. 39.

Porro si dubitetur, vtrum oratorium publica auctoritate Episcopi constructum ac dedicatum sit, signum eius esse solet, si in ea sit campana publica, seu in loco eminente posita, populi conuocandi causa ad officia diuina. Nam in priuatis oratorijs non nisi priuata campana haberi potest, ad conuocandos incolas domus. Ita Abb. in c. patentibus, num. 1. & 2. de priuileg. Sanchez cit. disput. 15. num. 39. Mascard. de probat. concl. 869. n. 3.

His ita positis, dicendum est, sacrilegium aduersus locum sacrum tribus modis accidere posse: I. Violando ecclesiar. aut loci sacri immunitatem, qua de re dixi tract. præced. cap. 3. II. Polluendo ecclesiam, aut cimiterium vno ex quinque modis, quos referam lib. seq. tract. 5. cap. 5. num. 7. III. Exercendo actionem profanam, quæ vel ex sua natura, vel canonici iuris prohibitione, loci sanctitati repugnat; licet per eam ecclesia violari non censeatur. Talis actio in primis est cognitio, aut placitum, siue sententia iudicii secularis, sicuti habetur in c. decet, de immunit. ecclesiarum, in 6. *Omnis in ecclesijs secularium iudiciorum strepitus conuiescat; nulla inibi causa per laicos, criminalis maxime, agitur: sint loca eadem à laicorum cognitionibus aliena.* Et paulò post: *Processus Iudicum secularium, ac specialiter prolata sententia in eisdem locis omni careat robore firmitatis.* Nota autem primò; Quod sermo tantum sit de iudicijs secularibus: nam causas Ecclesiasticas in ecclesia agere, honestum ac decens est, sicuti habetur in c. vlt. quæst. 2. & notat Gloss. in c. cum ecclesia, ver. effusione, de immunit. ecclesiarum, argum. cap. qua fronte, de appellat. ubi id notat Abb. num. 2.

Nota secundò; Quod dicitur, maxime criminalis. Nam causas, ubi de sanguinis effusione, & corporali pena agitur, in ecclesijs, vel cimiterijs agitare, sub interminatione anathematis prohibemus, ait Lucius III. in cit. cap. cum ecclesia: *Absurdum enim est, & crudele, ibi iudicium sanguinis exerceri, ubi est iucula refugii constituta.* Ex quo colligit Abb. ibidem num. 3. Syluest. eod. ver. 1. quæst. 1. num. 17. Suarez cit. lib. 3. cap. 4. num. 17. & habetur in c. Sanctorum, 10. quæst. 2. quod ecclesia siue templum conuertendum non est in propugnaculum, siue munitionem contra hostem, excepto casu necessitatis in bello defensionis, arg. c. 2. de custodia Eucharistiæ.

Nota tertio; Sermonem esse tantum de inuoluntarijs, non item voluntarijs iurisdictionis actibus; cuiusmodi sunt dispensationes, pupillorum provisiones &c. Talia in ecclesia validè fiunt, sicuti docet Abb. cit. cap. cum ecclesia, num. 6. Syluest. ver. immunitas, 1. quæst. 2. Azor tom. 2. lib. 9. cap. 9. quæstion. 3. Imò interdum etiam licet, si actus ad pietatem, vel Ecclesiar. honorem spectet, eoque officia diuina non impediuntur, ut Suarez docet cit. lib. 3. cap. 4. num. 14. Quod similiter dicendum est de colatione graduum Doctoratus: Non item de conuentibus, consilijs, seu parliamentis secularium, quæ merè politica sunt, & ad rem Ecclesiasticam, vel pietatem non pertinentia: talia enim prohibentur in citat. cap. decet, & notat Abb. citat. cap. cum

ecclesia, in fine, Angel. ver. immunitas, §. 5.

Alia actio in ecclesiis prohibita est negotiationis, seu mercaturæ. Sic enim legimus in cit. c. decet: *Cessent in ecclesiis, earumque cœmisteriis negotiationes, & precipue numerarum, ac fori cuiuscunque tumultus.* Quandoquidem etiam Dominus Matth. 21. Omnes vendentes, & ementes in templo eiecit: quia domus orationis est. Nam difficile est, inquit Leo I. epist. 90. aliàs 92. ad Rusticum, relatus in cap. 2. d. 5. de penit. inter ementis, vendemisque commercium non intervenire peccatum. Et videtur excusari non posse à mortali peccato, si aliquis templum per se, & ex instituto deligat, tanquam locum mercaturæ, officinam ibi erigendo: quia censetur hæc grauis irreuerentia loci sacri, quam Christus in Iudæis reprehendit Ioan. 2. *Aufer ista hinc, & nolite facere domum Patris mei domum negotiationis.* Videri potest Syluest. ver. negotiatio, quæst. 2. Conradus de contractibus, quæst. 51. conclus. 2.

Verum si tractatus tantum emptionis alteriusve contractus in templo instituitur, merces alibi existente, non videtur esse peccatum, nisi veniale, sicut docet Caiet. ver. immunitas §. Discernendum est autem, Sotus lib. 6. de iust. quæst. 2. art. 2. post quintam conclus. Angelus ver. negotiatio, §. 2. Molina tom. 2. disp. 344. & videri potest Medina de restitut. quæst. 30. ver. Quare, Suarez 3. par. tomo 3. disput. 81. sect. 8. col. 3. Deinde si venditio per accidens fiat in templo, v. g. in transitu, vel in recessu propter pluuiam veniale vel nullum peccatum esse potest, consideratis circumstantiis, ut Caiet. Suarez & alii notarunt. In cœmisterio autem officinam rerum venalium constituere, aiunt esse minorem irreuerentiam, ideoque peccatum veniale tantum: imò si res vendenda ad populi deuotionem seruiant, v. g. candelæ, vel panes ad altare offerendi, quibusdam locis tanquam honesta consuetudo toleratur in cœmisteriis; imò etiam in ipso templo tolerari posse, si sine strepitu fiat, atque diuini cultus augendi causa, ait Angelus ver. immunitas, §. 9. Mol. loc. cit. quamuis melius sit, talia extra ecclesiam haberi.

Ad hoc genus spectat etiam, quod in dotem. c. decet habetur: *Nullus seditionem in ecclesia excitet, conclamationem impetum committat.* Ex quo colligit Nau. de orat. ca. 5. n. 25. In templo instituendos non esse ludos ac tripudia, clamore profano: quæ expressius prohibentur in cap. cum decorem, de vita & honest. Clericorum. Ludi tamen honesti, comædiæ, ac tragædiæ, quæ ad pietatem mouent, à templo alienæ non sunt, sicuti notat Gloss. cit. cap. cum decorem, ver. monstra larvarum, Suarez lib. 3. de reuerentia debita rebus sacris, cap. 6. n. 4. Sa ver. ecclesia, n. 4.

Item quod in cod. cap. decet, legimus. *Cessent vana, & multo fortius sceda & profana colloquia: cessent confabulationes quælibet.* Quod intelligitur inter diuina officia, ut ex sequentibus verbis manifestum est. Nam alioquin in templo colloquium honestum instituere, nullam irreuerentiam continet. Qua de re Sanchez citat. ca. 6. n. 6.

Præterea in cap. non oportet, 2. d. 42. quod sumptum est ex Concil. Laodicensi can. 28. *Non oportet in basilicis, seu ecclesiis agapen facere & intus manducare.* Quid agape sit, explicat Tertull. in apologet. cap. 39. *Cana nostra de nomine rationem sui ostendit: vocatur enim ἀγάπη, id quod est penes Græcos dilectio. Quantiscunque sumptibus consistet, lucrum est potius nomine facere sumptum: siquidem inopes quoque refrigerio isto iuuamus.* Fuerunt autem, publica illa, & sacra Christianorum conuiuia, ex quibus etiã pauperes pascabantur triplicis generis, sicuti Baronius annotauit Anno Christi 57. n. 137. ex S. Nazianzeno carmine 10. de diuersis vitæ generibus, Connubialia, Funeralia, & Natalitia, quæ postrema dicta sunt, quod in SS. Martyrum natalitiis festis instituerentur. Quamquam agapæ nunquam absolute sublata fuerunt, sed tantum ne in ec-

clesiis celebrarentur: contra hunc enim abusum extat etiam decretum 30. Concil. Carthag. eumque reprehendit S. August. lib. 6. Confess. cap. 2. & epistol. 64. ad Aurelium, ubi loco conuiuiorum suggerit alias oblationes pro spiribus dormientium, quas verè aliquid adiungere credendum est, introducendas esse: videlicet, *Si quis pro religione aliquid pecunie offerre voluerit, in presentem pauperibus eroget.* Porro satis indicatur in cit. cap. non oportet, & usus Ecclesiarum nunc confirmat, vniuersim prohibitum esse, ne in ecclesiis cibis & potus, perinde ut in locis profanis, capiat; nisi pietas, vel necessitas aliquando cogat, iuxta cit. can. 30. qui refertur cap. nulli, d. 42. Quamobrem etiam Apostolus 1. ad Corinth. 11. pro absurdo habuit, quod fideles peracta Synaxi post Sacramentorum participationem (ut S. Chrysost. interpretatur hom. 27.) agapen instituerent: *Nunquid domos non habetis ad manducandum, & bibendum, aut ecclesiam Dei contemnitis.*

Simili ratione in cap. 2. de custodia Eucharistiæ dicitur: *Firmiter prohibemus, ne suspecticia in ecclesiis admittantur, nisi propter hostiles incursus, aut incendia repentina, seu alias necessitates urgentes ad eas oporteat haberi refugium.* Verum hac prohibitionem non comprehendit sacristiam & alia loca ecclesiis iuncta, notat Suarez cit. cap. 6. numer. 1. Deinde monent Caietan. in summa ver. immunitas, Mol. cit. disput. 44. Sa ver. ecclesia, n. 3. plerumque esse tantum peccata venialia, comedere in ecclesia si ne necessitate, confabulari, concilia facere, hospitari, nautica ligna ibi seruare &c.

Quod attinet demum ad alias res sacras, siue cultui diuino dedicatas, earum quatuor veluti gradus distinguit S. Thom. quæst. 99. art. 3. Nam primum & summum locum inter res sacras obinent sacramenta; quibus homo sanctificatur; quorum precipuum est Eucharistiæ sacramentum, quod Christum ipsum continet: & ideo sacrilegium, quod contra hoc sacramentum committitur, grauissimum est inter omnia. Idemque docet Caiet. cit. a. 3. resp. ad dub. 6. Imò Suarez tom. 1. de relig. tract. 3. lib. de sacrileg. cap. 6. numer. 2. annotauit, irreuerentiam, quæ S. Eucharistiæ irrogatur, esse peccatum diuersi altionisque ordinis, quam sint sacrilegia, quibus res aliæ sacræ inhonorantur; propterea quod illud directè, ac principaliter tendit contra personam Christi in sacra Eucharistia contentam, quæ absoluta latria coli debet, sicuti docet Trident. sess. 13. cap. 5. & can. 6. Quare Pet. Greg. Tholosanus lib. 33. syntag. cap. 15. numer. 2. ait, semper in ea opinione se fuisse, sacrilegos qui impia ac detestanda manusacram Eucharistiam contrectarunt, ut ad eam non arculam, eam continerent, tollerent; igne, vias confutantes esse, ob sacrilegium & impietatem.

Secundum locum post sacramenta, tenent vasa consecrata ad sacramentorum susceptionem; item altaria, & ardes sacræ; crux, & imagines Christi. Quin & Sanctorum imagines, ac reliquæ: siquidem etiam hæc (inquit Suarez cit. lib. 3. cap. 6. numer. 7.) secundum usum Ecclesiæ assumuntur ut instrumenta diuini cultus; ideoque habentur sacræ non tantum in ordine ad Sanctos; sed etiam in ordine ad Deum. Huc etiam reuocari possunt sacrum chrisma, & oleum benedictum. Item sacra nomina Dei, Christi, & Sanctorum, sacrum Euangelium & tota Scriptura canonica, à Spiritu sancto inspirata, uti notauit Suarez n. 9.

In tertio gradu ponit S. Thom. quæ pertinent ad ornatum altarium & Ministrorum, quorum pleraque etiã benedicta sunt: quare huc quoque reduci possunt cerei, aqua benedicta, & reliqua huiusmodi sacramentalia. Hæc enim omnia, quæ numerauimus, peculiari aliqua ratione ad Deum referuntur, vel ipsi dicata sunt; & ob id sicuti cultum religiosum merentur, ita eorundem inhonoratio siue indigna tractatio ad sacrilegii crimen pertinet; quod tanto grauius est, quanto & res sacræ, & irre-

& irreuerentia seu inhonoratio eius maior, ac notabilior existit: v. g. sacramenta indignè ministrare, vel suscipere; sacram. Scripturam pervertere, vel eâ ad res obscenas & turpes abuti; item sacra vasa ad vsus profanos adhibere: quod factum Deus c. 5. Danielis in Rege Babyloniz Balthasar grauitè puniuit.

Neque verò necesse est ad sacrilegii crimen, vt quis directam intentionem habeat res sacras inhonorandi ac contemnendi; quod infidelium, & hæreticorum proprium est; sed ipsa indigna eorum vsurpatio, vel tractatio, si aduertenter, quamuis ob aliū finem, seu vtilitatem, fiat, debito rebus sacris honori, ac reuerentiæ repugnat. Hoc tamen discrimen est, quod inhonoratio, quæ sit ex proposito siue intentione formali, semper sit mortalis, quippe rei sacræ contemptus, indirectè etiam in Deum redundans. Inhonoratio verò per intentionem virtuales, venialis esse potest, non tantum ob imperfectionem actus, sed etiam ob materiam leuitatem, sicut ex communi docet Valent. t. 3. disput. 6. quæst. 15. p. 2. Suarez cit. lib. 3. cap. 7. num. 2. Qui rectè etiam notat numer. 4. tametsi sacrilegium plerumque sit peccatum commissionis, interdum tamen posse esse omissionis: v. g. Si ecclesiæ Ministri sacrum fontem baptismalem ab immunditiis, seu sordibus non custodiant, sacra vasa, & pallas lauare, vel reficere negligant, iuxta cap. 2. de custod. Eucharistiæ: Si Chrisma, & sacram Eucharistiam custodire, adhibitis clauibus, intermittant, sicut habetur in c. l. eodem tit. & cap. sanè, de celebrat. Missarum, vbi etiam alia præcipiuntur, quorum neglectus ad sacrilegii crimen reduci potest: Videlicet, vt cum in celebratione Missarum eleuatur hostia salutaris, populus se reuerenter inclinet: *Vt Sacerdos decenti habitu S. Eucharistiam, superposito munda velamento, ad infirmos ferat, & referat, manifestè ac honorificè ante pectus, cum omni reuerentia ac timore, semper lumen præcedente.* Vbi obiter nota cum Abb. in cit. cap. sanè, sacram hostiam in ciborio seu pixide relinquendam esse, cum ab agroto ad ecclesiam reditur, ne vas vacuum à populo adoretur. Alia quoque, eaque grauius sacrilegia ab ecclesiæ Ministris committi possunt in negligente asseruatione, ac renouatione S. Eucharistiæ, vt notum est.

Supereft quartus gradus rerum sacrarum, in quo ponit S. Thom. bona omnia tam mobilia, quam immobilia, quæ deputata sunt ad sustentationem Ministrorum Ecclesiæ. Quem postremum gradum datâ operâ à tribus prioribus seiungo; quia bona eiusmodi Ecclesiastica, prædicia inquam, frumentum, pecunia &c. ad communem Ministrorum ac pauperum sustentationem, & templorum fabricam deputata, non ita propriè, ac simpliciter inter res sacras recensentur, sicut illæ, quæ vel speciatim ad Dei cultum consecrata, vel benedictæ; vel specialiter instituta sunt, veluti instrumenta diuini cultus, sicut notauit Ioan. Faber tit. Institut. de rerum diuis. §. nullius, Suarez in defens. Fidei Catholice, lib. 4. cap. 17. n. 6. Quare Angelus verb. sacrilegium, prope finem ait: Ecclesiasticorum bonorum iniquam vsurpationem non propriè, sed largo modo sacrilegium appellari. Nihilominus in iure canonico ita passim appellatur, sicut annotauit Gloss. cap. cum sit, ver. malefactores, de foro compet. Syluest. ver. sacrilegium, dicto 1. Tholosanus lib. 33. syntag. c. 17. num. 2. & videre licet cau. 12. q. 2. c. nulli licet, & cau. 17. quæst. 4. can. 4. Sacrilegium, & contra leges est, si quis, quod venerabilibus locis relinquatur, praua voluntate studio, suis tentauerit compendii retinere quod est dictum Gregor. I. lib. 8. epist. 6. ad Sabinum Diatonum. Similia habentur in cap. sicut qui, & cap. qui rapit, c. quisquis, ead. quæst. Ratio verò est: Quia bona ista ex prima sui institutione, atque offerentium voluntate, eam conditionem habent, vt, quia ad Dei, & Christi ho-

norem oblata, ac destinata sunt, non in alium vsus, nisi pium conuertantur. Quare certum est, eos, qui legata pia aliâque iura & bona Ecclesiastica iniquè suppressunt, detinent, occupant, defraudant, non simplicem iniustitiam committere, sed qualificatam, quæ qualitas necessariò in Confessione explicanda sit: Accedit, quod inuasio, vel spoliatio bonorum Ecclesiasticorum sit contra immunitatem Ecclesiasticam: cuius violatio ad sacrilegii crimen spectat, sicuti dixi præced. c. 6. princ. & in fine. Alia verò ratio est, posteaquam bona Ecclesiastica pauperum, vel Ministrorum Ecclesiæ, per legitimam dispensationem propria facta sunt.

Hic verò solum explicabo triembrem illam distinctionem, c. quisquis, 17. q. 4. *Sacrilegium* (id est furtum sacrilegium) *committitur auferendo sacrum de sacro loco, vel non sacrum de sacro, vel sacrum de non sacro.* Aduerto autem, furtum siue oblationem rei iniquam duobus modis secundum canones qualificari; vt aduersus Religionis etiam virtutem sit, & ad sacrilegii speciem pertineat: Primò, ratione ipsius rei ablata, si sacra, siue ad Dei cultum specialiter deputata sit, v. g. sacratu calix, vel reliquiæ Sanctorum, quarum furtum sacrilegium esse docet Syl. ver. reliquiæ. q. 3. S. Anton. 3. p. tit. 12. cap. 8. & alii communiter. Secundò, ratione loci sacri, cui specialis reuerentia, atque immunitas debetur: quæ proinde sacrilegè violatur, si res etiam non sacra ex eo furripiantur. Ex quo intelliguntur duo posteriora membra diuisionis: primum autem ex ambobus componitur, ideò que duplicem malitiam sacrilegii continet, si res sacra ex loco sacro furripiatur.

Legitur in l. Diui, & l. sacrilegi, ff. ad l. Iuliam perculatus, Iacobus Menochius lib. 2. de arbitrariis Iudicij quæstionibus, casu 389. aiunt, ad sacrilegium propriè dictum vtrumque requiri, & quod res sacra ablata sit, & de loco sacro, ex quo inferunt, si quis calicem consecratum ex oratorio priuato furripiat, non propriè, sed quasi sacrilegium esse, argum. cit. l. sacrilegi. Item qui res priuatorum, in ædem sacram depositas furripuerit, furem, & non sacrilegium censerit, iuxta cit. l. Diui.

Verum hæc inferuiunt quidem ad externum forum, vt tales mitius puniatur, quam ij, qui vtrâque malitiam vno actu coniungunt, rem sacram de loco sacro furripientes; tamen audiendi non sunt, cum negant, illos etiam verè ac propriè sacrilegos esse: partim quia non ad leges ciuiles, earumque interpretes, sed ad sacros canones pertinet definire, quidnam sacrilegii crimen sit: id autem clarè definitum est in cit. c. quisquis, 17. q. 4. partim verò quia illæ leges, quas adducunt, parum probant, sicuti rectè notauit Petrus Tholosanus cit. lib. 33. cap. 14. num. 8. Nam in l. sacrilegi, ait Paulus Iureconsultus, Sacrilegium esse, qui publica sacra cõpilauerit: qui verò priuata sacra amplius, quam furem, minus quam sacrilegum mereri. Atqui calix v. g. ab Episcopo ad Missæ sacrificium, quod semper publicum censerit debet, consecratus, inter publica sacra protul dubio numerandus est. Quæ autem priuata sacra censeantur, explicat Gloss. ibi ver. compilarunt. Ad l. Diui, respondeo: Rectè rescriptum fuisse, *res priuatorum si in ædem sacram deposita subrepta fuerint, furti actionem esse,* ad recuperationem rei; sacrilegii tamen etiam ad publicam vindictam. Nam *locus sacit, vt idem vel furtum, vel sacrilegium sit,* ait Claudius Saturninus in l. aut facta, ff. de pœnis. Et clare Cicero lib. 2. de legib. *sacrilegi pœna est, neque ei soli, qui de sacro abstulerit, sed etiam ei, qui sacro commendatum.* Quare hanc sententiã, quod furtum rei non sacra ex loco sacro, sacrilegii crimen sit, docet Gloss. & Canonistæ in cit. cap. sacrilegium, & cap. quisquis, 17. q. 4. Angelus, Syluester, Arnulla, Sa verb. sacrilegium, Nau. c. 6. num. 4. Suarez t. 1. de relig. tra. 2. lib. 3. de reuerentia debita locis sacris, cap. 5. Eaque certa esse videtur, quod attinet ad res in templo depo-

fitas; quia aliquo modo pertinent ad ecclesiam, in cuius fidem atque immunitatem susceptæ sunt: idque satis confirmatur ex lib. 2. Machab. c. 3.

18. Quod verò attinet ad alias res in templo non sub speciali custodia, sed quasi per accidens existentes, vtrum v.g. crumenam alicui in ecclesia abscindere, sit furtum simplex, an qualificatum; cuius qualitas, siue circumstantia sacrilegii necessariò in Confessione explicanda sit; non tam certa est sententia, quæ affirmat; at tamen communior, & probabilior, quam docti Doctores citati contra Victoriam, in summa, de Confess. num. 194. ver. Quæritur, vtrum circumstantia loci, solum in 4. distinct. 18. quæst. 2. art. 4. ver. de die autem festo. Nam ad fauorem ac reuerentiam ecclesiarum rationabiliter pertinet, vt res omnes in iis positæ à furtis, & rapinis liberæ sint: quam proinde immunitatem sacri canones statuere potuerunt; statuisse autem satis colligitur ex cit. c. quisquis: Si enim mercatus in ecclesia eam maximè ob causam prohibitus est, quia fraudes in illo interuenire solent, quæ sanctitatem loci valde dedecent; quantò magis iniustitiam furti decet in ecclesia prohibitam esse.

19. Ad extremum nota, furto sacrilego excommunicationem ipso iure (saltem antiquo) annexam non esse, nisi sit cum effractione violenta, sicut colligitur ex c. conquesti, de sent. excom. & notat ibi Gl. ver. excommunicatos. Idque similiter dicendum de incendiariis ecclesiarum; cum & hæc quædam violenta quasi effractio sit: idque docet Gl. in c. tua, ver. publicati, eod. tit. Suarez t. 5. disp. 22. s. 2. n. 16. Quare utrosque, postquam ab Episcopo denunciati sunt; pro absolutionis beneficio ad Sedem Apostolicam mittendos esse, dicitur in cit. iuribus. Quod intellige, nisi in provincia aliquis à Sede Apostolica priuilegiatus sit, vt à censuris iuris Pape reservatis absolueret possit. Vide etiam Trident. sess. 22. c. 11. reform. vbi excommunicatio Pape reservata decernitur, vsurpantibus iura, aut bona Ecclesiæ, seu Ecclesiasticorum reddituum, donec restituant.

CAP. VIII.

DE SIMONIA.

SUMMARIVM.

- * *Simonia à Simone mago hæretico appellata: tamen sine hæresi in praua voluntatis affectione consistere potest.*

Simoniam dictam à Simone mago, qui primus tempore legis Euangelicæ, tali peccato se obstrinxit. cum Act. c. 8. pecuniam Apostolis obtulit, dicens; *Date & mibi hanc potestatem, vt, cuiusque imposuero manus, accipiat spiritum sanctum.* Quod ea intentione petiisse putatur, vt hac potestate accepta, postea dona Spiritus sancti, aliis pecuniam diuendere, atque ita Spiritum sanctum tanquam seruum, suo arbitrio subiectum habere posset, vt notauit Tharasius Constantin. Patriarcha in epi. ad Adrianum Papam, relatus, in c. eos qui, l. q. 1. Et similia Urban. II. in c. Saluator, habet l. q. 3. Epiphani. hæret. 21. Cyril. Hierosolym. catech. 16. S. August. tract. 10. in Ioan. Putabat Apostolos mercatores esse, quales Dominus de templo flagello eiecit: talis enim ipse erat, & quod venderet, emere volebat.

Tametsi verò Simon magus pestifero isto errore imbutus fuerit, quòd dona miraculosa sancti Spiritus pecunia acquiri, & quasi venalia fieri possent; (quamobrem peccatum hoc ab auctore suo hæresi Simoniacæ passim in iure appellatur, vt videre licet in c. quoties, de simonia, & cit. cau. l. q. 1. c. Presbyter, c. quisquis, c. quicumque, c. fertur, c. Petrus, quod l. S. Ambros. l. 2.

de penit. c. 4.) certum nihilominus est, simoniæ vitium consistere posse, sine errore intellectus veræ Fidei contrario in praua duntaxat affectione, atque indigna hac tractatione rerum spiritualium, quasi perinde ac aliæ res profanæ, venales seu pretio æstimabiles fieri possint; sicuti notauit S. Anton. p. 2. tit. 1. c. 5. princ. Suarez t. 1. de relig. tr. 3. lib. 4. de simonia, c. 1. n. 6. & sumitur ex Glossa c. firmissimè, ver. hæreticum, de hæreti.

§. I.

QVID SIT SIMONIA

SUMMARIVM.

2. *Simonia est studiosa voluntas emendi, aut vendendi aliquid spirituale, vel spirituali annexum.*
3. *Quædam sunt spiritualibus annexa antecedenter, quædam concomittanter, quædam autem consequenter.*
4. *Simonia est species quædam sacrilegii, iuri naturali repugnans supposita Fide, & reuelatione donorum spiritualium: quatenus res sacra ita vilis reputatur, vt veluti venalis proponatur.*
5. *Simonia peccatum interdum etiam iustitia aduersatur ex parte vendentis rem spirituales pro temporalibus.*
6. *Fama & corporis integritas quodammodo pecunia æstimari possunt; non ita vero res sacra seu spiritualis.*

Simoniam definitur studiosa voluntas emendi aut vendendi aliquid spirituale, vel spirituali annexum. Ita Gl. communiter recepta in causa l. q. 1. in princ. ver. quidam, Canonistæ in rubr. de simonia, vbi Binsfeldius notat. 7. S. Th. 2. 2. q. 100. a. 1. Alexan. Alensis part. 2. q. 187. mem. 2. Palud. in 4. d. 25. q. 5. a. 1. concl. 1. Richar. art. 2. q. 1. Adrianus quodlib. 9. a. 2. S. Anton. p. 2. tit. 1. c. 5. §. 1. Nauar. cap. 33. man. num. 100. Victoria relect. de simon. p. 1. n. 7. Less. lib. 2. c. 35. dub. 1. n. 3. & sumitur ex c. quæ situm, de rerum permutat.

Dicitur studiosa voluntas, tum quia simonia, sicuti & alia omnia peccata, voluntatis deliberationem exigit: tum quia ad essentialem malitiã huius peccati, haud requiritur, vt pactum vel mutuo consensu, vel re ipsa perficiatur; sed sufficit affectio vnius simoniacæ, cum opere subsecuto, vt infra §. 7. explicabitur.

Emendi, aut vendendi, quod verbum latè accipi debet, vt comprehendat omnem contractum onerosum seu reciprocum, in quo res temporalis, tanquam pretium siue æstimatio rei commutatur, seu vicissim data, interuenit, sicuti notauit S. Th. cit. a. 1. ad 5. Nauar. c. 23. num. 105. Eoque sensu accipi debet c. ult. de pactis: *Pactiones factæ à vobis, pro quibusdam spiritualibus obtinendis, cum in huiusmodi omnis pactio omnisque conuentio debeat omnino cessare, nullius penitus sanæ momenti.*

Aliquid spirituale, id est, quoduis supernaturale donum ad animæ salutem directè institutum. Vel spirituali annexum. Circa quæ verba notandum est primò ex communi doctrina; Quædam esse annexa spiritualibus antecedenter, vt ius patronatus ad Ecclesiasticum beneficium, vasa, & vestes sacre ad Sacrificium, & sacramenta. Quædam verò esse annexa concomittanter, vt labor corporis in sacrificando, sacramenta administrando. Alia denique esse annexa consequenter, vt redditus beneficiorum, qui dantur propter spirituale officium.

Secundò notandum est, Traditam simoniæ definitionem accipi posse tum latè & valde æquiuocè, vt comprehendat etiam simoniam, quæ est contra solū ius Ecclesiasticū: pro qua acceptione pugnat Suarez c. 7. tū strictè, propriè, atque vniuocè pro sola simonia, quæ iuri naturali aduersatur. Iuxta quam acceptionem, quæ mihi magis placet, verba illa spirituali annexum, duobus modis explicari possunt; Primò, secundum Nau. c. 23. n. 190. ver. secundo, vt per annexa spiritualibus tol-

exigere sicuti dicam infra n. 83.

Obiicies III. Qui alioquin rem suam v. g. canem, non venditurus est, quia singularem erga eum affectionem gerit, si ab altero ad vendendum rogetur, potest affectionem illam, seu voluptatem, qua se in gratiam alterius priuat iuste aestimare, & tunc carius vendere; modo hanc mentem suam emptori explicet. Ergo simili ratione, si quis singularem affectionem gerat erga rem sacram, v. g. calices, agnos consecratos, reliquias Sanctorum; qua se in gratiam alterius priuare debeat, iuste petere potest compensationem aliquam pecuniæ. Respondetur: Imprimis certum esse, talem fore simoniacum aduersus virtutem Religionis; si pro affectione, quam erga rem sacram gerit, quatenus sacra & spiritualis est, pecuniariam compensationem accipiat. Deinde fateri possumus, talem non peccaturum contra iustitiam, si pretium moderatum sit, comparatione voluptatis, quam ex tali re sacra, etiam ut sacra, capit, sicuti docet Suarez c. 59. n. 42. Imò Lessius dub. 28. n. 159. arbitratur, pro iactura spiritualis utilitatis, quam dans alteri sacras reliquias v. g. patitur, sine peccato iniustitiæ pecuniariam compensationem accipi posse: consequenter si alicui per vim & iniuriam auferantur; licite huius damni spiritualis compensationem postulari. Quæ tamē mihi non placent, sicuti neque Suarez l. c. n. 43. Quia damnum spirituale non potest pecunia aestimari, aut reparari: quamquam in posteriore casu aliquid exigi potest ex vindictiva iustitiæ, in satisfactionem pro iniuria illata.

§. II.

QVALE PRETIUM IN SIMONIA
requiratur.

SUMMARIUM.

- 7 Spectata rei natura, non est simoniacum, rem spiritualement cum spirituali commutare.
- 8 Neque simonia est, rem temporalem gratuito dare, aut remunerationis causa offerre ei, qui rem spiritualement exhibet: quia uis propter periculum affectus simoniaci, talia interdum Ecclesiastico iure prohibeantur.
- 9 Si antidotalis remuneratio pro exhibita rei spirituali in obligationem pacti ex iustitia, aut fidelitatis virtute deducatur, simonia vitium committitur.
- 10 Qui beneficium Ecclesiasticum confert, aut pecuniæ mutuo dat, generaliter monere potest, ut gratum se exhibeat ei, cui datur; sed nullā noua pretio aestimabilis obligatio imponi debet.
- 11 Simoniā non est promittere, aut donare alteri rem temporalem, sub conditione, aut modo, ut ab illo opus spirituale præstetur, non tamen per modum retributionis, seu commutationis.
- 12 Spectata rei natura, non est simoniacum, præstare alteri officium spirituale, principaliter propter rem temporalem, qua inde proveniet, non ut pretium.
- 13 Clerici ministrantes fidelibus spiritualia, ab iis temporalia accipiunt, vel iustum, ac debitum vita stipendium.
- 14 Stipendium Clerico spiritualia ministranti non datur, ut mera elemosyna; sed ut iustitia debitum, tametsi pauper non sit.
- 15 De stipendio sibi debito Clericus pacisci potest; modo absit exactio, turpis auaritia, aut simonia speciem præ se ferens.
- 16 Si Parochus ex decimis, aliisque prouentibus sufficientem sustentationem habeat, non potest aliquid pro sacramentorum ministratione, & similibus officiis exigere; nisi consuetudine legitime præscripta adiuvetur.
- 17 Speciale id est in Societate Iesu, quod pro officiis ad proximum erudiendum, aut spiritualiter adiuvandum exercitis, nullum temporale stipendium, vel elemosynam accipere possit, seu in communi, seu in particulari.
- 18 In fundatione Collegii non potest Societas Iesu se obligare ad dandum Concionatorem, Confessarium, aut S. Theologia Professorem.
- 19 Si Religiosus Societatis Iesu pro sacro ministerio pecuniā accipiat, restituere debet damni.

- 20 Religiosus Societatis Iesu non potest spirituale ministerium præstare eo pacto, ut stipendium exinde alteri personæ proueniat: potest tamen Sacerdotem alium obligatum ad Missas v. g. legendas, loco eius sacrificando liberare.
- 21 Si Minister in casu necessitatis sacramentum ministrare non vult, nisi oblata ipsi pecuniā, non est illicitum dare ad redimendum iniustam vexationem.
- 22 Qui in beneficio Ecclesiastico ius acquisitum habet, altera persona quacunque eum iniuste vexante, vexationem istam pecuniā redimere non prohibetur: Sin verò ius plene acquisitum non habet, simoniam saltem iuris positiui committere censetur, offerendo pecuniā tali personæ, qua per se, ac directè eius promotionem impedire vult.
- 23 Simoniacum non est, neque illicitum, offerre pecuniā electoribus, ne exequantur propositum eligendi personam indignam.
- 24 Non est simoniacum in absolutione, vel dispensatione pecuniā exigere, non ut pretium pro collata facultate: sed ut penam, seu mulctam.

ERTVM est, ad rationem simoniæ pretium requiri. Nam malitia eius consistit in irreligiosa emptione, aut venditione rei spiritualis: emptio autem, ac venditio sine pretio esse non potest. Verum, sicut supra dixi, verbum emendi ac vendendi latè hoc loco accipiendum est, ut comprehendat omnem commutationem siue contractum reciprocum; ita etiam nomen pretii latè hic accipi debet, ut comprehendat non tantum pecuniā, sed omnem rem temporalem aestimabilem, vel utilem, quæ vicissim seu reciproce pro re spirituali datur, vel accipitur.

ASSERTIO PRIMA. Ex rei natura, siue spectato iure diuino, simonia non est, vnā rem spiritualement cum altera spirituali permutare, v. g. sacras reliquias cū sacris reliquiis: item ius patronatus cum altero iure patronatus; aut beneficium Ecclesiasticum cum altero beneficio, sicut colligunt DD. ex c. statuimus, c. super eo, de transact. & c. ad quæstiones, ubi id notat Gl. ver. per se queat, de rerum permutatione.

ASSERTIO SECUNDA. Ex rei natura non est simonia, rem temporalem ac pretio aestimabilem gratuitò donare ei, qui spiritualement aliquem actum, aut officium exhibet. Sumitur ex c. sicut Episcopi, i. q. 2. c. etsi quæstiones, c. dilectus, 2. in fine, c. tua, de simonia. Ratio est: Quia donum gratuitum opponitur pretio; quippe quod tanquam vicissim ex iustitia debitum promittitur, aut datur. Neque refert, siue donum temporale offeratur post spirituale officium præstitum, siue simul, siue ante, idque etiam cum intentione, ut donatarius ex gratitudinis virtute moueatur ad spirituale beneficium præstandū: Sicuti neq; vice versa simoniacū est, conferre alicui quodcunq; donum, aut beneficiū spirituale, etiam cum intentione, ut alter ex gratitudine moueatur ad remunerandum dono aliquo temporali. Constat ex iis; quæ in simili de vsura docui lib. præced. tr. 4. de iust. c. 16. n. 4. & docet Sotus lib. 9. de iustit. q. 7. a. 1. Suarez cit. lib. 4. c. 45. n. 4. contra Ianoc. in c. tuam, de ætat. & qualitate. Interdū tamen præsumptio esse potest affectionis simoniacæ, præsertim si munera antecendant: quomobrem non rarò talia tanquam simoniaca Ecclesiastico iure prohibentur, ut infra dicam.

Illud verò certum esse debet, simoniam esse, si quis ita paciscatur: *Dono tibi pecuniā, seu aliam rem pretio aestimabilem, tali conditione, seu modo, ut mihi vicissim ex gratitudine præstare debeas rem aliquam spiritualement.* Vel sic: *Præsto tibi hanc rem, vel officium spirituale; ea tamen conditione, ut obligeste ex gratitudine mihi præstaturam donum aliquod temporale.* Ita docent Felinus c. ad audientiam n. 2. de rescript. Couar. 1. resol. c. 20. n. 4. Suarez n. 9. Quia eiusmodi conuentiones nomine donationis, aut remunerationis conceptæ, re ipsa simoniacæ permutationes existunt, quod ostenditur primò in simili: Nam si quis à me petat, ut librum ipsi donem; ego autem respondē, contentū me esse, sed ea conditione, ut vicissim mihi donet ensē; hæc ipsa erit permutatio, nō libera

donatio. Secundò ratione: Tunc datio rei non est gratuita, seu onerosa, & reciproca, ideòque non donatio, sed permutatio; quando dans alteri non confert ius accipiendi, nisi vicissim præstet aliquid ipsi danti, ad quod, seclusa hac speciali & positiua conuentione, alioquin obligatus non esset; Id autem fit in suprà dictis pactionibus: Ergo non sunt donationes, sed permutationes. Maior est clara: Quia tali casu ob rem datam imponitur accipienti nouum onus vicissim aliquid dandi, in quo essentialis ratio pactionis onerosa, consistit. Minor etiam patet. Quia accipiens donum aliquid gratuitum, ordinariè ex gratitudinis virtute non obligatur ad remunerationem faciendam in certo rerum genere, aut specie; vel determinato aliquo tempore. Ergo pactione illa imponitur accipienti nouum onus seu obligatio vicissim aliquid dandi.

12 Deinde etsi ponamus, donatarium, propter specialem necessitatem donantis, ex naturali æquitate gratitudinis, secundum prudentiū virorū arbitriū, obligari ad certam antidoralem donationem faciendam; nihilominus si ea in pactum modis suprà dictis deducatur, nouū onus seu obligatio pretio æstimabilis imponitur. Etenim, seclusa tali pactione, donatarius iure cogi non posset ad tale antidoron præstandum, etsi rem sibi donatam retinere vellet: siue, vt aliis verbis dicam, donatarius nō censetur iniuriam facere, aut fidem violare; sed tantum ingratum esse, si antidoralem donationem intermitteret. Ergo imponitur ipsi noua, & reciproca obligatio. Confirmatur: Nam, nisi id dicamus, consequens erit, nullam esse simoniam, nullamque vsuram iuri naturali repugnātem, quam non liceat tali contrahendi formula declinare: Semper enim dicere possum; Gratis, ac liberaliter conferam tibi hanc rem spiritualement, sed ea conditione, vt vicissim mihi ex gratitudine obligatus sis ad dandam pecuniam. Item, Gratis ac liberaliter tibi mutuabo centum; sed ea lege, vt præter sortem, quam vi mutui debes, titulo etiam gratitudinis mihi numeres septem. Hoc autem aliud nō esset, quam viam patentissimam vsuris, ac simoniis, diuino iure prohibitis, patefacere.

Id verò rectissime annotarunt Felinus, & Couar. ll. c. Nau. c. 23. n. 106. ver. ad quartum, Suarez cit. c. 45. n. 6. 8. & 13. Simoniacum non esse, si alicui v.g. Ecclesiasticum beneficium conferas ea intentione, ac protestatione, vt hoc modo obligatione antidorali gratitudinis te exoneret. Item, Si alicui Ecclesiasticum beneficium conferas cum generali protestatione, quod is obligatus tibi esse debeat ad remunerandum; modo absit intentio nouam, & quasi positiuam obligationem imponendi, quæ alioquin secundum rei naturam non inesset. Id enim optime requirit Couar. *vt vel adiciatur, quod promittens remunerationem non plus obligetur, quam alias tenebatur; vel colligitur ex ipso facto, & paciscentium mente, nihil per hanc conuentionem adici antidorali obligationi.* Qua simili ratione diuites, cum pauperibus elemosynam dant; eos hortari solent, vt pro ipsis orent; quasi alias nihil daturi essent; & pauperes vicissim se oraturos profitentur, ac promittunt.

Denique hic obiter notandum; Doctrinam hoc corollario traditam, totam etiam locum habere in contractu mutui: si videlicet instituat cum intentione, aut protestatione generali remunerationis; ita, vt nulla noua, aut positiua obligatio mutuatario imponatur; non fore periculum vsuræ; secus, si noua obligatio expressè, vel tacitè adiciatur. Quæ est doctrina S. Tho. q. 78. a. 2. ad 2. bene explicata à Caiet. ibidem.

13 ASSERTIO TERTIA. Ex rei naturā simonia non est, promittere, donare, aut legare, alicui rem temporalem; ac pretio æstimabilem, sub conditione, aut modo, vt ab altero opus bonum spirituale præstetur, non per modum retributionis, seu commutationis. Ita docet Gl. in c. debet. 23. q. 4. Adrianus quodlibeto 9. a. 3. resp. ad

3. principale, Nauar. cap. inter verba, 11. quæst. 3. concl. 5. n. 17. Sanchez lib. 1. de matrimon. disput. 39. concl. 3. Mol. tom. 1. tract. 2. disp. 39. Suarez de simonia c. 16. n. 12. Ioan. Malderus 2. 2. tr. 9. cap. 3. dub. 7. Exempla sunt: Si parentes filiis munera promittant; sub conditione, vt sacramenta frequentent: Si Christianus infideli donet, sub conditione, vt sacrum Baptisma suscipiat: Si puella viro hæretico futuras nuptias spondeat, vel Princeps infideli mortis decretum supplicium remittat, sub conditione, si ad Fidem conuertantur: si puella, aut alteri personæ aliquid donetur, sub conditione, si Religionem ingressa fuerit. Licet contrarium sentire videantur S. Anton. part. 2. tit. 12. c. 2. §. 1. Abb. c. cum in ecclesia, n. 7. & c. dilectus, 2. num. 7. de simon. Med. C. de restit. quæst. 27. circa quartum argum. Syluest. ver. Religio, 2. q. 2. & ver. simonia, q. 8. dicto 3. Angelus eod. ver. 3. §. 26. Imò & S. Thom. 2. 2. q. 100. art. 3. ad 3. & quæst. 189. art. 9. in corpore ait; *Simoniacum esse, alterum ad Religionem trahere muneribus, si pactum interueniat, argum. a quā pio, 1. quæst. 2.*

Assertio nostra probatur: Non committitur simonia, vbi non est contractus onerosus, & reciprocus; sed liberalis datio, siue donatio. Si autem promissioni, aut dationi adiciatur conditio, vel modus, qui promissario, vel donatario vicissim non afferat obligationem simpliciter; sed solum: si rem promissam accipere, vel rem donatam retinere velit, quod aliquid ab ipso fieri debeat non tamen in gratiam, & vtilitatem dantis: tunc non transit in contractum reciprocum, sed manet liberalis pactio, vel donatio sub tali conditione, modo: Ergo non est simoniaca: imò neque illicita datio, aut pactio si vnus sincerè det, vel promittat, vt alterum ad bonum spirituale inducat, vel ab impedimento abducatur; alter verò opus spirituale perficiat non propter rem temporalem, tanquam finem, & causam principalem; licet vt secundariam & impulsiuam. Maior huius discursus est certa: Minor declaranda: Sicut enim aliæ conditiones gratuitis promissionibus, aut donationibus adici possunt, v.g. *Si nauis ex India venerit; si pater tuus mortuus est;* ita etiam si tale quippiam à promissario, vel donatario factum fuerit.

Neque enim potest assignari diuersitatis ratio; modo hæc duo absint: Primum est, vt obligatio promissario vicissim non imponatur simpliciter: sic enim efficeretur contractus onerosus, *Do tibi, vt in te suscipias obligationem faciendi istud.* Quare si talis pactio sit de opere spirituali pro data re temporali; meritò censetur simoniaca: v. g. *do tibi centum, ea lege ac obligatione, vt Religionem ingrediaris;* quæ est responsio Bonifacii in cit. c. quā pio, eadēque esse videtur opinio S. Thom. ll. suprà cit. Suarez cit. c. 16. num. 14. Molin. cit. disp. 93. Malderi cit. dub. 7. §. sed difficultas est. Alterum est, vt conditio non sit de dando, vel faciendū aliquid in vtilitatem dantis, aut promittentis, sed neque alterius personæ, cuius ille quasi vicem subeat. Nam sic conditio re ipsa transiret in commutationem saltem innominatam; & quidem simoniacam; si versetur circa opus spirituale pro temporali: v. g. *Do tibi decem aureos, si mihi, vel amico meo dederis sacras reliquias.*

At verò his duobus sepositis, sicuti licitum est, secundum doctrinam S. Thomæ & aliorum, simpliciter alicui promittere, vel donare rem temporalem, vt illum ad opus bonum spirituale inducam; ita etiam licitum esse videtur, promittere, aut dare sub conditione, vel modo, vt tunc rem accipere, aut retinere promissarius, vel donatarius possit, si opus bonum spirituale ab ipso perfectum fuerit. Quæ ratione nihil frequentius est, quā vt ad adolescentibus sumptus studiorum ministrentur, sub conditione, vt statim Ecclesiasticum amplectantur; alioquin verò sumptus restituere debeant.

12 **ASSERTIO QVARTA.** Ex rei natura simonia non est, prestare alteri spirituale officium, vel exhibere rem aliquam spirituales, principaliter propter rem temporalem, videlicet speratam eleemosynam. Ita Caietan. in sum. ver. simonia, circa tertium caput, Sotus lib. 9. de iustit. quæst. 6. art. 2. Sanchez lib. 2. moral. cap. 43. num. 22. contra Adrian. quodlib. 9. art. 3. Navar. cap. 17. num. 169. & cap. 23. num. 101. Armillam ver. reliquæ, num. 1. Philarchum tom. 1. de officio Sacerdot. part. 2. lib. 3. cap. 9. vbi aiunt: esse venditionem late acceptam, & turpem quæstum, si reliquæ exponantur principaliter propter largiores oblationes, & eleemosynas: quod verum non est, si intentio illa in pactum expressum, aut tacitum non deducatur, ideoque nihil ut pretium accipiat. Quare, quod S. Thom. ait quodlib. 3. quæst. 6. Clericum simoniacum esse, si propter distributiones, tanquam finem operis principalem, in ecclesiam veniat; intelligi debet, si finis ille tanquam operis pretium intendatur, vti bene explicat Caietan. l. cit. & S. Anton. p. 2. tit. 1. cap. 5. §. 3. Tali autem conclusa intentione, ait Sanchez cit. loco, de ordinationem voluntatis operantis spirituale, principaliter propter lucrum temporale, esse culpam tantum venialem: quandoquidem finis huius appetitionis mortaliter prauus non est, sed solum inordinata eius appetitio. Qua de re videri potest Navar. cap. inter verba, 11. q. 3. conclus. 5. num. 25.

13 **ASSERTIO QVINTA.** Simonia non est, si Ecclesiæ Ministri fidelibus spiritualia ministrantes, ab eisdem temporalia per modum stipendii, ac necessaria sustentationis suæ recipiant. Ita S. Thom. ab omnibus receptus 2. 2. quæst. 100. art. 2. in corp. & quodlib. 6. a. 10. Sumitur ex cap. 10. *Dignus est enim operarius cibo suo.* Et Apostolus 1. ad Corinth. 9. *quis militat suis stipendium vnam?* Etenim naturalis iustitia exigit, ut ei, qui in alterius gratiam, atque commodum occupatus est, & laborat, sufficiens victus seu sustentatio, considerato statu personæ eius, præbeatur.

Ex quo inferitur primò; Eiusmodi stipendium non dari Clericis tanquam pretium spiritualis officii: quia non commensuratur operi, eiusque dignitati, aut utilitati; sed dignitati, ac conditioni personæ operantis, seu in alterius gratiam occupatæ, sicuti notauit Suarez cap. 46. num. 1. Nisi malis aliter explicare, sed in idem recidet; stipendium deberi ministerio spirituali, non quatenus spiritualis operatio est, & salutem animæ tribuit, (sic enim gratis ministrari debet) sed quatenus præcisè seruitium est, siue operatio in alterius gratiam suscepta. Cum enim omni seruiienti siue operanti competens sustentatio, seu stipendium debeatur, cur non etiam Ministris Ecclesiæ? Consequenter ipsi quoque Ministri, si stipendium accipiant, vel sibi dari paciscantur, ex iustitia obligantur ad spirituale officium: alioquin stipendium restituere debent; quippe quod ipsis datur propter officium; consequenter restitutioni obnoxium est, tanquam datum ob causam, causâ non secutâ. Neque enim verò officium spirituale ita gratuitò ministrari debet, ut omne simpliciter debitum ex iustitia excludat: sed solum debitum ob acceptionem pretii temporalis. Nam qui v. g. gratis se obligauit ad sacrificandum alteri, ille ex iustitia obligatus manet, si tam strictè se obligare intenderat: similiter, & ille, qui pactus est, se sacrificaturum pro altero, si is vicissim aliquot v. g. rosaria pro ipso recitet.

14 Inferitur secundò; Tale stipendium debitum esse Clerico ministranti, v. g. Missam celebranti, tamen non indigeat; sed aliunde sufficientem sustentationem habeat: Ratio est: Quia non datur illi ut mera eleemosyna ex misericordia; sed tanquam ex iustitia debitum: cui obligatio accidentarium est, quod ex aliis bonis se plere possit. Nemo enim suis stipendiis militare, siue al-

teri operari cogitur. Quæ est communis Doctorum sententia, contra Richar. in 4. d. 25. art. 3. quæst. 1. ad 2. Angelum ver. Simonia, 2. n. 6. Syl. q. 9. dicto 3. Quibus tamen & praxis repugnat, & Concil. Agathense cap. 36. relatum in cap. vlt. 1. quæst. 2. Clerici omnes, qui Ecclesiæ fideliter, vigilanterque deseruiunt, stipendia sanctis laboribus debita, secundum seruitii sui meritum, per ordinationem canonum à Sacerdotibus consequantur. Quamobrem si redditus parochiales ex decimis &c. nimis tenues censeantur, potest haud dubiè Episcopus alias oblationes Parochianis imperare, quas v. g. sub Missæ sacrificio, vel sacramentorum receptione in subsidium conferant, sicuti docet Abb. in c. suam, n. 10. de simon. Suarez c. 27. in fine.

Inferitur tertio; Licitum quoque esse de tali stipendio pacisci. Quæ est communior DD. sententia, Gloss. in cap. significatum, ibid. Abb. num. 8. de præben. Guliel. Redoani p. 2. de simon. cap. 27. Caietan. 2. 2. quæst. 100. art. 3. Soti lib. 9. quæst. 6. a. 1. Binsfeld. de simon. cap. 42. quæst. 1. conclus. 6. Less. lib. 2. cap. 35. num. 49. Suarez cit. cap. 46. num. 4. contra Alexand. Alefsem pa. 2. quæst. 187. mem. 4. a. 1. §. 2. Richardum in 4. d. 25. art. 3. quæst. 2. ad 2. S. Anton. part. 2. tit. 1. c. 5. §. 3. Sylvest. loco cit. quibus fauet S. Thom. cit. a. 3. in corp. Quod enim naturalis iure ex iustitia debetur, illud etiam in pactum deducere licitum est: sed stipendium Clerico ministranti iure naturali debetur secundum substantiam. Ergo &c. Caterum cum quantitas stipendii iure naturali determinata non sit, ideo necesse est eam lege, aut consuetudine; vel, si hæc in specie nihil præcipiant, partium conuentione taxari, ac determinari.

Sed limitari debet primò; Modò caueatur exactio turpis avaritiæ, aut simoniæ speciem præ se ferens; tanquam pecunia exigatur non ut stipendium, sed ut pretium: si v. g. spirituale prius non conferatur, quam pecunia numerata sit, aut de ea numeranda cautio præstita, quod prohibetur in c. in tantum, &c. audiuius, de simonia. Quamuis talis exactio propriè simoniaci non continet; quia non mutat modum debiti, sicuti notat Caietan. in sum. ver. simonia, §. quartò nota.

16 Secundò limitari debet: Nisi Ecclesiæ Pastor, aliue beneficiatus sufficientem à fidelibus sustentationem habeat, v. g. ex decimis, aliisue prouentibus, quorum ratione ex iustitia obligatus sit ad spiritualia ministranda; tunc iniuriam infert, si aliquid præterea exigit, v. g. pro sacramentorum ministratione. Quod videntur docuisse Gloss. & Abb. in c. suam, de simon. Nam vniuersim omnis exactio iniusta est, quæ fit ratione operis; alioquin ex iustitia debiti, cum tunc desit ius siue titulus exigendi, sicuti constat ex iis quæ dixi lib. 3. tom. 4. de iustit. cap. 4. num. 9. Præterquam, quod talis exactio speciem quoque simoniæ gerat, teste S. Thom. cit. quæst. 100. art. 3. ad 2. ideoque positio iure ut simoniaca interdum prohibeatur, ut infra patebit.

Sublimitari tamen debet hæc doctrina; Nisi sit consuetudo legitimè præscripta, ut fideles aliquid offerant Parochis, aliisue Ministris, tamen si alioquin sufficientes prouentus habeant. Quæ consuetudo duobus modis legitimè constitui potest; Primò si ipsimet fideles temporis diuturnitate eam, cum Prælatorum tacito consensu, veluti piam quandam legem introducant: tunc enim retineri debet; modò non ipsimet Parochi ad eius observationem subditos vi compellant; sed per Episcopum loci, veritate cognita, compescantur, qui malitiosè nituntur laudabilem consuetudinem immutare, dicitur in c. ad Apostolicam, de simon. & notat S. Thom. 2. 2. quæst. 86. art. 1. ad 3. Caiet. ver. simonia, cap. 2. §. quartò nota, Suarez cap. 47. num. 2. Secundò, si consuetudo aliquid exigendi in administratione sacramentorum, in admissione ad monasterium, canonicatum &c. ratione

bili causa subnixa esse videatur, saltem attendendo ad eius originem; quia v. g. redditus parochiales olim valde tenues erant, tunc cessante etiam causa tenuitatis, si nihilominus præstatio, veluti debita, longo tempore, videlicet decennio, cum bona fide, recipientium durauit, ius per præscriptionem introductum censeretur potest: modo non fiat per violentam exactionem, vel aliam auaritiæ aut simoniæ speciem, ita vt consuetudo, spectatis circumstantiis turpis appareat, iuxta c. non satis, c. cum in Ecclesiæ, c. sicut pro cetero, c. Iacobus, de simonia. Et ita docet Gerson p. 2. operum tract. de simonia, ad secundam rationem, Abb. in cit. c. suam num. 4. Nauar. c. cit. num. 102. ver. vndecimò, Binsfeld. cap. 44. qu. vn. Suarez cap. 48. & colligitur ex Trident. sess. 24. c. 14. de reform. ibi, *illis tantum consuetudinibus, quas v. laudabiles Episcopi probauerint, exceptis; reliquias vt prauas, & scandalosas rejiciant, & aboleant.* Sed de hac re infra pluribus.

17 Porro id speciale est in Societate Iesu: quod pro Missarum sacrificiis, vel prædicationibus, vel lectionibus, vel vllius sacramenti administratione, vel quouis alio pio officio ex iis, quæ iuxta suum institutum Societas exercet, stipendium vllum, vel eleemosynam, quæ ad compensationem huiusmodi ministeriorum dari solet, neque in particulari admitti potest, vt habetur in exam. generali, cap. 1. §. 3. vbi significatur, hanc accipiendi impotentiam esse modum quendam seu speciem paupertatis, quam Religiosi Societatis Iesu vouent, iuxta constitutiones eius: vt proinde violans hanc constitutionem, (in qua nec ipsemet Generalis Præpositus dispensare potest, vt habetur Congregat. V. Generali, can. 1.) peccatum mortale committat; nisi paruitas materiæ excuset, sicut docet Petr. Nauar. lib. 3. de restit. cap. 1. part. 3. dub. 2. num. 183. Rodriguez tom. 2. Regular. quæst. 29. art. 13. Sanchez lib. 7. moral. cap. 28. numer. 5.

Cæterum si ab iis, qui spiritualia recipiunt, aliquid gratis detur, aut in signum gratitudinis, sine vitio accipi potest; cum id non habeat rationem compensationis, aut stipendii pro spiritualium ministracione, vt aperte indicatur p. 6. Constit. cap. 2. §. 6. in declarat. lit. g. & notat Sanchez num. 2. Qua simili ratione inquit Nau. num. 184. *Si alter centum argenteos liberè daret, secluso pacto; & ego gratificandi causa centum sacra promitterem, sine dependentia vnius promissionis ab altera, licitum esset.* Et Sanchez num. 3. admonet, pro necessariis ad spiritualia ministranda fas esse aliquid accipere etiam ex pacto: vt si Sacerdos ad missionem destinandus sit, peti potest viaticum, & sustentatio, dum ibi versatur. Quo etiam modo petuntur redditus necessarij ad fundanda Collegia, in eisque disciplinas ducendas &c.

Id verò peculiare est, quòd in p. 4. Constit. cap. 7. §. 8. cauetur, ne in fundatione ac dotatione Collegij suscipiatur obligatio dandi Concionatorem, Confessarium, aut Lectorem Theologiæ. Quamuis enim æquitatis, ac gratitudinis ratione hæc ministeria in fundatis Collegijs exerceamus; non tamen ex obligatione ratione dotationis. Exeipi verò debet, nisi obligatio docendæ Theologiæ esset accessoria Vniuersitati; eam enim acceptans Societas ex consequente obligatur ad ordinarias eius lectiones, etiam Theologiæ, vt Sanchez notauit n. 4.

19 Sed dubitatur hoc loco primò; Si Societatis Religiosus pro sacro ministerio pecuniam, vel aliud pretio æstimabile recepit, an, & cui reddere teneatur? Respondet bene idem Sanchez num. 11. Quòd reddere debeat danti. Nam imprimis seruare, & expendere in vsu, quamuis alioquin concessos, non potest; cum nullus Superior talem expendendi licentiam concedere queat. Neque verò Superior pecuniam pro vsibus Collegij,

aut Domus accipere potest: cum talis acceptio Constitutionibus, & voto paupertatis repugnet. Restat igitur vt obligatio incumbat restituendi danti, non quidem ob legem iustitiæ, quippe quæ violata non est, sed propter voti religionem: sicut si quis vouisset, se Deo gratis seu nullo pretio accepto patrocinaturum, is pretium acceptum danti restituere deberet, non iustitiæ, sed voti obligatione. Si tamen alter, cui pecunia reddenda, contentus sit, vt nomine eius pauperibus detur, satisfiet obligationi, iuxta ea quæ dixi hoc lib. tract. 5. cap. 7. num. 16.

Dubitatur secundò; Vtrum Religiosus Societatis Iesu præstare possit officium spirituale, pro quo stipendium dabitur non ipsi aut Societati, sed alteri personæ applicandum? Respondeo. & dico I. Si Religiosus paciscatur se sacrum v. g. facturum, & stipendium dandum esse consanguineo pauperi, vel alteri personæ, peccat contra paupertatis votum. Ita Pet. Nau. n. 184. Sanchez num. 15. Quia re vera sacro ministerio pecuniam acquirit personæ illi, quam designat; ideòque perinde est, ac si ipsemet acciperet, & arbitrato suo expenderet. Eademque ratio est, si paciscatur cum Titio, vt stipendium accipiat, sibi que retineat, pro Missa quam lecturus sum.

Dico II. Si obligatio faciendi sacra v. g. modò incumbat Sacerdoti pro stipendio, vel eleemosyna, ex Capellania, aut quacunque fundatione, aut dispositione, ita vt onus illud recusari amplius non possit, non peccat Sacerdos Societatis, si legendo Missas alterum obligatum suo onere liberet. Ita bene docet Sanchez num. 18. Quia hoc casu dispositio, seu pactum præcessit, atque ius stipendii plenè acquisitum est: consequenter Religiosus sacrificando non cooperatur pactioni; seu, vt clarius dicam, suo sacrificio non acquirit pecuniam; sed solum liberat alterum sua sacrificandi obligatione, idque gratis. Neque refert, quòd Capellanus v. g. qui ipsemet sacrificare impeditus est, alterum substituere debuisset dato stipendio: quia stipendium illi dedisset ex propria conuentione, non ex dispositione testatoris. Quare si testator ita disposuisset, *detur ei qui sacrificabit, tanta pecunia;* & ego in gratiam Titii Sacerdotis, vel cuiuscunque alterius personæ sacrificem, vt pecunia ipsi proveniat, peccabo contra paupertatis votum, vt supra dixi.

Deinde, si conuentio seu dispositio omnino perfecta non sit, sed integrum resilire, aut stipendium acceptum restituere, non poterò sacrificando ad plenam pecuniæ acquisitionem cooperari: secus autem est, si, vt supra dixi, onus sacrificandi recusari nulla ratione possit; tunc enim solum libero alterum obligatione sua, nihil ei acquirendo.

Exinde patet etiam ratio responsionis P. N. Generalis Claudij Aquauini, apud eundem Sanchez num. 23. hos, qui onere Missarum dicendarum grauati sunt, ad Societatem Iesu admittendos non esse, donec satisfecerint: nisi magnis dotibus præditi sint: & tunc ex patrimonio ipsorum Clericis secularibus soluendum esse stipendium, vt obligationi satisfaciant: alioquin verò ipsosmet receptos, aliosque eorum nomine ad sacra faciendâ à Superiore destinandos fore.

Addit Sanchez num. 25. tametsi Sacerdos in Societate stipendium pro Missis legendis accepisset, & absumpsisset aduersus paupertatis votum, obligatum tamen manere ad sacra per se, vel per alium persolunda; quia Religiosus ex pactione, aut contractu naturaliter obligari videtur, vt satisfaciat, quatenus sine Ordinibus, aut regulæ, quam vouit, præiudicio satisfacere potest.

ASSERTIO SEXTA. In casu, quo Minister, qui vnicus adest, ex prauo & simoniaco affectu, non vult sacramentum morituro necessarium conferre, nisi ipsi

pecunia detur, simoniacum non est, neque illicitum, eam offerre, non tanquam pretium sacramenti, sed ut ea ratione emolliatur hominis animus, atque avaritia eius expleatur; & sic, ut alii dicunt iniusta vexatio redimatur seu mea, seu alterius cuiuscunque hominis, cui ex Christi institutione sacramentum debetur. Hæc est sententia Alberti Magni in 4. distinct. 5. art. 1. ad finem. Adriani quodlibet. 9. art. 3. ad 2. principale, §. in hoc articulo consistit difficultas, Maioris in 4. distinct. 25. quæst. 5. Binsfeld. in cap. 9. de simon. quæst. 3. Valentia tom. 3. disput. 6. quæst. 16. p. 3. quæst. 3. Suarez de simon. cap. 12. num. 13. Less. lib. 2. cap. 23. §. 3. contra S. Thom. in 4. d. 25. quæst. 2. ver. deinde queritur de simonia, & 2. 2. quæst. 100. art. 2. ad 1. Palud. in 4. d. 5. quæst. 3. Syluest. ver. simonia, quæst. 8. Arrag. cit. art. 2. circa solut. ad 1. existimantes, id ex rei natura simoniacum, ideoque nunquam licitum esse; ac potius permittendum, ut infans sine baptismo moriatur, quia non sunt faciendæ mala, ut eveniant bona. Item contra Abb. c. cum in ecclesia, num. 5. de simon. Cacetan. cit. quæst. 100. art. 2. ad 1. Redoanum part. 1. c. 6. num. 8. Angelum ver. simonia, 2. §. 12. qui fatentur pecuniam tali casu dari posse propter redimendam iniuriam infantis in extrema inevitabili necessitate constituti, (quod etiam refert, & non improbat Richard. cit. distinct. 25. art. 3. quæst. 1. S. Anton. p. 2. tit. 1. cap. 5. §. 16.) non autem in causa adulti, quippe qui alio modo, videlicet per contritionem, consulere sibi potest. Sed probatur assertio: Dare pecuniam in tali casu, vel esset illicitum, quia in seipso simoniacum est; vel quia inductivum ad peccatum simoniae. Neutrum dici potest; non primum: si enim precibus, aut minis, cur non etiam muneribus alterius animum immutare liceat, ut pravi affectum seu odii, seu iræ, seu avaritiæ deponat quo ille impeditur à debito virtutis opere præstando: Dices fortasse: Propterea non esse id licitum, quia datio pecuniæ in hoc casu ordinatur ad recipiendum spirituale sacramentum: ergo adest intentio simoniaca. Respondet; antecedens verum esse, sed negandam consequentiam. Non enim eo ordinatur, tanquam sacramenti pretium, siue loquamur de intentione operantis, siue de natura operis. Quod ex eo manifestum est, quia dans pecuniam non intendit novam aliquam obligationem sacramenti ministrandi imponere accipienti; sed solum avaritiam eius explere, & peruersæ voluntatis impedimentum tollere: ut eo sublato, ex naturalis, ac divini iuris dictamine, & obligatione moveri possit ad ministrandum sacramentum. Quare ipsa etiam pecuniæ datio, si loquamur de intentione seu natura operis, non nisi per accidens ordinatur ad ministrationem sacramenti, videlicet tanquam removens prohibens. Confirmatur à simili: Nam etiam datio stipendii ex operantis intentione ordinatur ad sacramentorum v. g. ministrationem; siquidem *beneficium datur propter officium*: tamen quia non datur ut pretium operis spiritualis, sed ut necessaria sustentatio personæ, ideo non est datio simoniaca.

Neque secundum dici potest: Quia dans pecuniam non intendit alterum inducere in peccatum simoniae, sed abducere à peccato iniustæ vexationis. Neque refert, etsi dans advertat, accipientem ministraturum esse sacramentum simoniacè propter pecuniam, tanquam pretium: ille enim nihilominus bonam intentionem servare potest, permittendo huius peccatum, in casu, quo gravissima seu propria, seu alterius hominis spiritualis necessitas cogit. Etenim quod datio pecuniæ in tali casu sit tantum materialis cooperatio: & non formaliter inductiva ad peccatum simoniae, inde probatur: Quia posita etiam acceptione pecuniæ, poterit Minister sacramentum recta intentione, atque gratis administrare; & pecuniam accipere non ut pretium sacramenti, sed ut

liberali voluntate datam ad explendam eius malignam cupiditatem; quamvis propter iniuriam accipientis postea concedatur danti repetitio, iuxta l. 3. ff. de condict. ob turpem causam, & docet Gloss. communiter recepta in c. dilectus, 1. de simon. ver. promissionem. idque intelligi debet iuxta ea quæ dixi lib. 3. tract. 4. c. 4. n. 8.

Simili ratione, ait Suarez cap. 12. num. 20. Si Tyrannus quispiam, seu infidelis sanctissimum Eucharistiæ sacramentum, sacrilegè depineat; licitum est ipsi pecuniam dare, imò etiam sponte offerre, ut à sacrilegio cesset, & sacram Eucharistiæ Ecclesiæ restituat; esto is pecuniam animo simoniaco accepturus existimetur. Eademque ratio est, si sacra reliquiæ ab hæreticis indignè tractentur, licitum est ipsis pecuniam offerre, non ut eam emanent; sed ut ab iniuria in locum decentem vindicentur. Sicuti si latroni pecuniam offeram, ut vitæ meæ parcat, re vera non emio vitam meam, sed dicor redimere vexationem meam; quia munere dato animum hominis exsatio, ut deinde à vexatione abstineat. Sed quid de beneficiis Ecclesiasticis: Nam in his specialia quædam sunt.

ASSERTIO SEPTIMA. Qui in beneficio ius²² acquisitum habet, altera quacunque persona iniuste illum impedire volente, vexationem hanc pecunia redimere potest, sine simoniæ vitio. Ita S. Thom. quæstion. 100. art. 3. ad 5. & in 4. d. 25. vbi de simonia, & idem Abb. in c. cum pridem, num. 9. de pactis, S. Anton. cit. cap. 5. §. 13. quæst. 3. Navar. cap. 23. num. 101. Less. cit. cap. 35. dub. 18. Suarez cit. cap. 50. argum. c. quæsitum iunct. Gloss. causa 1. quæst. 3. Ratio est: Qui enim habet ius spirituale acquisitum, is non dat pecuniam pro eo acquirendo; sed solum pro adjuvenda iniuria, seu vexatione: Nam iniuriam pecunia redimi posse, constat ex l. 1. & 4. ff. de condict. ob turpem, vel iniustam causam.

Exinde probabiliter sequitur, si quis pleno, ac certo iure acquisito in beneficio, vel alia re spirituali iniuste impediatur ab eius possessione requirenda; vel si acquisita per iniuriam spoliatur, posse talem iniuriam seu violentiam pecunia redimi, sicut docent Abb. in cit. c. dilectus, num. 4. cum addit lit. d. Navar. num. 102. ver. octavo, Less. cit. dub. 18. num. 110. Suarez cit. cap. 50. num. 31. contra Gloss. in c. decimas, 2. causa 16. quæst. 7. Redoanum. part. 3. de simon. cap. 22. num. 2. Ratio est: Quia cum titulus beneficii spiritualis plenè, ac certo acquisitus est, omni iure debetur possessio; quemadmodum & fructus beneficii: Ergo si per iniuriam denegetur, & beneficiatus pecunia redimat, nec directè nec indirectè seu consequenter, comparat sibi ius beneficii spiritualis; sed meram corporalem possessionem, quæ ut præcisa à titulo spirituali consideratur, in facto tantum consistit: secus dicendum foret si ipsum ius, siue titulus beneficii in dubium vocaretur; atque idcirco possessio, vel redditus beneficii negarentur: hoc enim casu qui possessionem, aut redditus beneficii pecunia sibi compararet, censeretur consequenter ipsum ius spirituale comparare: quandoquidem possessionem & redditus beneficii Ecclesiastici accipere non potest, nisi ex vi spiritualis iuris ac tituli.

ASSERTIO OCTAVA. Si quis in beneficio ius plenè acquisitum non habens, pecuniam offerat ei, qui per se, ac directè impedire vult, quominus ille ius acquirat, simoniam committere censetur, saltem ex positivo Ecclesiastico iure. Ita DD. citati, alique communiter. Dixi autem primò, *Quamvis iniuste aliquis impediatur*. Nam si iuste impedire volenti aliquis pecuniam det, ut absistat, v. g. impedimentum occultum non denuntiet; tunc multò certius est, simoniam committi; sicuti ex communi docet Navar. lib. 5. consil. 41. num. 2. de simon. edit. 2. ex c. Matthæus, de simonia, in quo

secundum probabilem expositionem, simoniacus iudicatur, qui à maiore parte Capituli electus, aliquibus contradicentibus, vni eorum pecuniam obtulerat, ne ille subsecuturam confirmationem, seu institutionem, haud dubiè ex aliqua causa, impugnare intermitteret, sicuti exponit Suarez c. 50. n. 8.

Secundò dixi, Si aliquis *per se, ac directè*. Nam si quis tantum remotè ac per accidens impedire atque vexare velit; cum ad ipsum non pertineat conferre, ius aliquod; tunc non videtur esse simoniacum, oblata pecunia iniustam vexationem redimere, v. g. ab eo, qui hominem loco detinere aggreditur, nec tempore opportuno ad petendum beneficium accedat; vel qui iniuste illum infamat, sicuti docet Sotus lib. 9. q. 6. a. 1. vel qui pretio, aut precibus importunis collatorem corrumpere tentat, ut alteri minus digno beneficium conferatur, sicuti docent Less. dub. 18. num. 19. Valent. citat. quæst. 16. p. 3. quæst. 3. conclus. 2. circumst. 2. Vgolin. tab. 1. de simon. cap. 9. §. 8. num. 3. Suarez cap. 50. num. 23. Ratio est: Quia huiusmodi hominibus non offertur pecunia, ut prosint, seu iuvent ad beneficium acquirendum (quod simoniacum foret: siquidem ipsum beneficium pecunia comparari censeretur) sed tantum ut non obsint, & non iniuste impediunt, quod est propriè vexationem redimere.

Tertiò dixi: *Saltem ex positivo Ecclesiastico iure*, consuetudine & stylo curiæ confirmato. Quia, ut Suarez aduertit num. 28. redimere vexationem ab eo, ad quem spectat ius spirituale conferre, v. g. si dem pecuniam presentatori, aut electori, ut non præferant mihi aliquem indigniorem; vel confirmatori, ut me legitime electum per iniuriam non repellat, huiusmodi pactio-nes censei solent simoniacæ; arg. ducto ex c. sicut tuis de simonia. Ratio verò est: Quod cum isti non tantum iniuste impedire, sed etiam iuste conferre possint aliquod ius spirituale beneficii, ideo, qui dat eis pecuniam ut non impediunt, quatenus collatores sunt, is censetur non merè vexationem, seu impedimentum remouere velle; sed directè viam sibi ad beneficium pretio comparare, quam rem bene explicat Less. cit. dub. 18. num. 106. & 107. Quamvis autè, seclusa hac formali intentione, non videatur esse simonia iuris naturalis: quia posset aliquis pecuniam dare collatori, v. g. ad remouendum eius malignum affectum odii, quo remoto, is postea non ex politica obligatione seu pacto datæ pecuniæ, sed ex naturali dictamine moueatur ad beneficium conferendum, sicuti superiore assertione ratiocinatus sum; quia tamen id speciem gerit simoniacæ labis valde perniciosæ in materia beneficii, ideo Ecclesiastico iure talis pactio tanquam simoniaca damnatur. Multò verò certius est: simoniam in tali casu committi ex parte accipientis, & consequenter electionem collationemque irritam fore, sicuti notauit Valent. cit. conclus. 2. circumst. 3.

Denique verò aduertunt Caietan. tom. 2. opusc. tr. 9. de simon. quæst. 3. Sotus cit. quæst. 6. art. 1. prope finem, Less. dub. 19. Suarez cit. cap. 50. num. 36. Simoniacum non fore, neque illicitum, offerre pecuniam electoribus v. g. ne exequantur propositum eligendi indignum, vel minus dignum; & consequenter ut eligant dignum aliquem; saltem indefinitè seu genericè; idque intentione redimendi vexationem siue iniustum nocumentum Ecclesiæ. Sed quid, si manifestum sit, vnicum duntaxat dignum esse, nonne dando pecuniam, ut non eligatur indignus, & Ecclesiæ noxius, virtualiter alteri digno comparabitur aditus ad beneficium pecuniæ? Respondetur primò: Non est directè intendendum, aut postulandum, ut electores, acceptâ pecuniâ, eligant hanc particularem personam, quæ sola digna videtur; sed solum ut indignum non eligant, siue ut aliquem dignum: per accidens autem esse censebitur, si vnus solus dignus

sit, qui eligi possit. Secundò; Hanc doctrinam præcipuè locum habere posse in electione Sum. Pontificis, de qua etiam sola Caiet. loquitur. Aliæ verò inferiores electiones irritæ erunt; quia simoniacæ ex parte accipientis pecuniam, saltem ob positiui iuris constitutionem. Ordinariè autem non est licitum cooperari ad talem electionem, vel collationem beneficii Ecclesiastici, sicuti notauit Adrianus cit. quodlib. 9. §. Quoad tertium principale, Valentia cit. circumstant. 3. Suarez cit. cap. 50. n. 42.

ASSERTIO NONA. Non est simoniacum, in absolutione à peccato vel censura, aut dispensatione super impedimento aliquo canonico ex culpa contracto, pecuniam exigere; non tanquam pretium, in compensationem collatæ facultatis, sed ut pœnam seu multam pro commisso peccato, ad pias causas applicandam. Ita S. Thom. communiter receptus quæstion. 100. art. 2. ad 3.

S. III.

DE DIVISIONE PRETII
simoniaci.

SUMMARIUM.

- 25 Pretium simonia diuidi solet in munus à manu, munus à lingua, & munus ab obsequio.
- 26 Si pactum expressum, aut implicitum non interueniat, non est simonia, precibus, obsequiis, muneribus hominem commouere ad dandum aliquod spirituale, v. g. Ecclesiasticum beneficium.
- 27 Neque simoniacum est, conferre Ecclesiasticum beneficium propter amicitiam, consanguinitatem, aut actualem iniuriam tollendam.
- 28 Læto se obligans, quod impòsterum nihil damni iniusti illaturus sit, nouam obligationem contrahit, pro qua pretium valide accipiet.
- 29 Per se loquendo, non videtur esse simoniacum, conferre beneficium debitori iniustam moram trahenti, sub conditione presentis vexationis; statim amouenda: quamvis periculum scandali, vel simoniaca affectionis facile admisceri possit.

SITATVM est apud Ecclesiasticos Scriptores; ut pretium simoniæ *muneris* nomine significetur, sicuti videre est in cap. Saluator, quod est Urbani II. causa. 1. quæst. 3. *Qui res Ecclesiasticas non ad hoc, ad quod instituta sunt, sed ad propria lucra munere lingue, vel indebiti obsequii, vel pecuniæ largitur, aut adipiscitur, simoniacus est.* Et S. Gregor. I. homil. 4. in Euang. relatus in cap. sunt nonnulli, i. quæst. 1. *Aliud est munus ab obsequio, aliud munus à manu, aliud munus à lingua. Munus quippe ab obsequio est subiectio indebitè impensa. Munus à manu pecunia est. Munus à lingua, fauor. Qui ergo sacros ordines tribuit, tunc ab omni munere manus excusit, quando in diuinis rebus non solum nullam pecuniam, sed etiam humanam gratiam non requirit.* Quapropter etiam S. Thom. quæst. 100. a. 5. alique Doctores communiter pretium simoniæ diuidunt in *mynus à manu, munus à lingua, & munus ab obsequio.*

Circa hanc diuisionem notandum est primò; Vocabulum *mynus* non ita accipiendum, ut significet donum liberale ac gratuitum; sed potius debitum iustitiæ commutatiuæ, adeoque grauamen aliquod ac onus, quæ acceptio munerum in iure etiam ciuili vltatissima est, pro seruitiis, obsequiis, & tributis, quæ tanquam ex iustitiæ debita præstari, atque exigi solent, sicuti constat ex tit. ff. de muneribus & honoribus.

Notandum secundò: Per *mynus à manu* intelligitur non tantum pecunia, quod est propriè dictum pretium; sed etiam omnis alia res materialis tum mobilis, tum immobilis, quæ quomodocunque pretio æstimabilis est;

Item debiti remissio, & solutionis dilatio, ac mutui datio. Exempli causa: Si quis Episcopo propter beneficium, vel ordines collatos aliquod remittat debitum, quod simoniacum esse, significatur in cap. veniens, 1. de testibus. Vel si quis ob eam causam pecuniam mutuaue- rit; aut quod eodem redit, numerandæ pecuniæ dilatio- nem concesserit, sicuti significat Vgolus. de simon. tab. 1. cap. 9. §. 5. num. 2. Nauar. cap. 23. num. 101. in fine, & expressè Less. lib. 2. cap. 20. dub. 9. num. 64. Suarez cap. 38. num. 7. argum. l. quisquis, Cod. si certum pe- tatur, vbi is, qui Iudici pecuniam mutuaue- rit, *quasiem- prior legum*, vñ cum iudice exilii pœna plectendus dicitur: Neque refert quod officium mutuandi pretio æstimabi- le non sit: cum alioquin pro mutuandi officio aliquid supra sortem accipere licitum esset. Constat enim ex præcedenti cap. nomen pretii in materia simoniæ latè accipiendum esse, vt non solum comprehendat propriè dictum pretium, quod est pecunia & quidquid pecu- nia estimabile est, sed etiam omnem aliam commodi- tatem temporalem, quæ alicui ex pacto datur pro re spiritali: nam in hoc ipso essentialis malitia simoniæ consistit, quod in ea spirituale cum temporali exæqua- tur, ac commutatur.

26 Notandum tertio: Per *munus à lingua*, intelligitur laus, adulatio, preces pro aliquo interponendæ, ex vi pacti expressi, vel taciti, vt res aliqua spiritalis vicissim conferatur. Exempli causa: Laudabo, seu commenda- bo te apud Principem, si Ecclesiasticum beneficium mi- hi conferas. Quæ est iam recepta explicatio Abb. in c. suam, num. 3. de ætat. & qualitat. Caietan. ver. simo- nia, non longè à fine, ver. quinto nota, Victor. relect. de simonia, p. 1. num. 33. Nauar. cap. 23. num. 102. ver. decimo, Suarez cap. 40. Less. cit. cap. 35. dub. 2. cum docent, requiri pactum explicitum, vel implicitum; eo verò seposito, non esse simoniam, quibuscunque precibus, vel adulationibus, pro se, vel alio, etiam in- digno, Ecclesiasticum beneficium impetrare; licet aliis rationibus in ea re peccari possit. Ratio est: Quia ad si- moniam non sufficit dare rem spiritalem ex motiuo rei temporalis; v. g. propter amicitiam, consanguinitatem, obsequia, preces, sed opus est, vt detur pro re tempora- li tanquam pro pretio, id est, in compensationem illius, velut ex iustitiæ obligatione: licet aliter senserit Gloss. in cit. cap. tuam, ver. nullum prorsus, S. Thom. in 4. d. 25. quæst. 3. quæ est de simonia, a. 3. ad 5. & 2. 2. quæst. 100. a. 5. ad 3. Durand. eadem d. q. 4. Adrian. quodlib. 9. 2. 2.

Notandum quarto: Per *munus ab obsequio* intelligen- tur quæcunque alia obsequia, seu seruitia alicui præsti- ta, vel præstanda, sub obligatione conferendi beneficium Ecclesiasticum, vel aliam quampiam rem spiritalem. Exempli causa: Si collatori, sine alio salario inferuire velit, cum expresso, vel tacito pacto conferendi bene- ficii, sicuti docet S. Thom. communiter receptus in cit. quæst. 100. art. 5. Vict. cit. part. 1. num. 36. Ha- drian. cit. a. 2. & sumitur appertè ex cap. cum essent. de simon. vbi videri potest Abbas n. 5.

Verum simonia non est, gratis alicui seruire, aut obse- quia præstare, cū spe, vt in eorū remunerationem ad Ec- clesiasticum beneficium quis præsentetur, aut institua- tur: Neque ipse Episcopus, aut patronus simoniam committit, si ob talium remunerationem, vel ob perspe- ctam hominis industriam, ius aliquod spiritalis bene- ficii eidem conferat, sicuti notauit Gloss. in c. cum es- sent. ver. promiserat, Syluest. ver. simonia, quæst. 16. dicto 4. modo absit pactum implicitum, quali collator aut præsentator ex iustitia obligatus sit. Eiusmodi im- plicitum pactum interuenire ait Suarez cap. 39. num. 7. Si famulus sine omni salario, aut cum nimis modico collatori beneficiorum seruiat, tanquam ex officio, seu obligatione; ex quo cum modo seruendi spectatis cir-

cumstantiis, plerumque nasci videtur obligatio remu- nerandi per collationem beneficii Ecclesiastici, quod seruiens intendit. Recte etiam obseruauit Less. cit. dub. 20. obsequia, itemque munera, tametsi gratis præ- stentur, cum spe consequendi beneficium Ecclesiasti- cum, non vacare periculo; tum propter scandalum, & speciem interuenientis simoniæ; tum quia munera ex- cæcant, & inducunt in peccatum acceptionis persona- rum vt eligatur persona minus digna, cum violatione iustitiæ distributiæ.

Notandi in quinto: Dictam diuisionem in *munus à manu*, *munus à lingua*, & *munus ab obsequio* sufficientem esse; vt necesse non sit aliud membrum adiacere: siqui- dem omnia bona temporalia, & externa, quæ in com- municationem, aut commutationem aliquo modo ve- nire possunt, vel ad bona fortunæ seu diuitias spectant; vel per verba vocis aut scripturæ præstari possunt, vt laus, intercessio: vel denique per alia corporis membra, vti sunt alia omnia obsequia seu munera personalia. Quamuis huic communi doctrinæ contradicat Maior in 4. distinct. 25. quæst. 3. §. contra dicta, de diuisione illa trimembri curandum non esse; quia plura alia mem- bra sint ex quibus simonia contrahitur; v. g. si qui pro- pter consanguinitatem, vel timorem à Tyrāno incussum spirituale beneficium conferat.

Sed hanc sententiam falsam esse constat ex funda- mento sæpius posito, ad simoniam requiri pretium sal- tem latè sumptum, id est, vt detur spiritalis pro tem- porali, vel temporalis pro spiritali, per modum com- mutatiuæ compensationis ex iustitia.

27 Quare non sufficit ad simoniam dare rem spiritua- lem v. g. Ecclesiasticum beneficium, propter causam temporalem, puta amicitiam, cum non intercedat pre- tium, seu reciproca datio, aut obligatio. Neque item simonia est dare, vel resignare alicui beneficium pro- pter grauem metum damni emergentis, siue vt alter à vexatione manifestè iniusta absistat. Idque verum esse contendit Suarez cap. 37. num. 15. & 17. tametsi condi- tio expressè apponatur: *Resignabo tibi beneficium, si ab iniusta actione dissistas*. Ratio est: Quia non quæuis condi- tio promissioni, aut dationi adiecta, facit contractum reciprocum, in quo simonia fundari debet, sed solum, si conditio vicissim afferat onus seu obligationem iusti- tiæ per modum cuiusdam commutationis. Nam qui puellæ v. g. dotem promittit, sub conditione, si nuptias celebrarit, si Religionem professâ fuerit, is non censetur onerosum contractum celebrare: sed gratis promittere quamuis sub conditione, modo, ob causam.

Eademque ratione, reciprocus, aut simoniacus con- tractus non est, dare Clerico victum, seu stipendium sustentationis propter officium, adeoque sub conditio- ne, si spiritalia gratis ministret; alioquin verò restituere stipendium debeat, tanquam datum ob causam, causâ non secutâ. Similiter licitum, & in Ecclesia con- suetum est, donare, vel legare Ecclesiæ fundum, vel aliam quamcunque rem temporalem, sub conditione applica- tionis ad determinatum vsumpium, v. g. vt dies anni- uersarius celebretur, etiam expresso, vt, si talis conditio non seruetur, reuocari possit donatio, aut legatum, iux- ta c. verum de condit. appositis.

Præterea, si aliquis latroni vitam eripere volenti pe- cuniam det sub conditione, vt vexare intermittat, non est contractus iste reciprocus, sed gratuita donatio, quæ- uis propter metum facta, quia latroni in hoc casu nulla obligatio iustitiæ imponitur; sed sola conditio offertur quod pecuniam accepturus sit, si præsentè iniusta actio- ne desistat: secus tamen esse videtur, si latro accepta pe- cunia promittere debeat, etiam in posterum transitorio v. g. mercatori nihil vnquam damni iniusti illaturum es- se: nam hoc casu vim, ac metum inferendo, latro tamen si contra iustitiam peccet, re vera tamen ex parte sua

contrahit nouam, & quasi positiuam ex pacto illo obligationem, quam si postea violet, datæ fidei ac fœderis violator existeret, sicuti etiam dixi lib. 3. tract. 4. de iust. c. 4. n. 9. not. 1.

Quapropter simili ratione dicendum; Non esse si moniam dare, vel resignare alicui beneficium, exigendo tanquam conditionem, ut is, cui resignatur ab actuali iniuria cesset: tunc enim non imponitur ipsi noua obligatio, sed solum exigitur quod per se ex iustitia debitum est. At verò simoniacum esse videtur; dare, aut resignare alicui beneficium, exigendo ab eo promissionem, quod futuro tempore nihil damni iniusti collatori, aut resignatori illaturus sit: sic enim noua obligatio fidelitatis, & humanæ fidei, siue fœderis à promittente suscipitur, in commodum exigentis.

Sed nunquid simoniacus est Episcopus, si debitori beneficium conferat, ut debitum ab eo cōlequi possit? Respondeo, non esse, si tale motuum in pactum non deducat: Sin verò paciscatur, simoniam esse, docet. S. Thom. in 4. distinct. 25. vbi de simonia, a. 3. ad 2. Sed Angelus verb. simonia 3. num. 38. negat: cum neque vsura sit, mutuare alicui, cum pacto, ut pristina debita exoluat, sicuti colligi videtur ex cap. 1. de vsuris. Sed quidquid sit de illō textu, doctrina hæc videtur vera, eamque admittit Suarez cit. cap. 37 num. 18. quia hoc casu mutans non censetur nouam obligationem imponere mutuuario, quando ea solum sibi dari postulat, quæ ex antecedentibus pactis liquidò debentur. Addit verò Suarez, non esse firmam semper argumentationem ab vsura ad simoniam; tum quia rerum spiritualium collatio purior adhuc esse debet, quam mutui: tum quia circa simoniam extant etiam positivæ prohibitiones, præsertim in materia beneficiorum, in quibus omnes pactiones seu obligationes prohibitæ sunt. Nihilominus fatetur, si debitor manifestam vim, & iniuriam inferat debitum detinendo; posse dari spirituale aliquod, cum conditione præsentis vexationis statim amouendæ, dummodo scandalum, & omnis irreuerentia caueri possit.

§. IV.

DE RE SPIRITUALI, QUÆ EST materia simoniæ.

S V M M A R I V M.

- 30 Doctrinam seu instructionem scientiarum, etiam Theologia, pro mercede locare, aut quasi vendere, non est simoniacum, nec illicitum, per se loquendo; quamuis peccari possit, si plus iusto, aut modo indebito exigatur.
- 31 Pro Doctoratu, & collata licentia docendi in Theologia &c. sine labe simonia aliquid tanquam pretium exigi potest.
- 32 Pro officio prædicationis, aut exhortationis spiritualis, aliquid accipere ut pretium operis, simonia est. Ludimagistri tamen pro puerorum instructione, etiam in Catechismo ediscendo, salarii accipere possunt.
- 33 Gratia gratis data, ut sanitas, prophetia, item gratia sanctificans, & sacramenta nouæ legis, atque sacramentalia omnia propriè sunt materia simonia.
- 34 Matrimonium non tantum sacramentum est, sed etiam officium natura, atque contractus naturalis.
- 35 Vendere sacram Eucharistiam, præsertim infideli, aut venefico, grauissimum scelus est.
- 36 Pro iure sepulture aliquid accipi potest, si sponte offeratur, item vigore consuetudinis.
- 37 Materialia ecclesiæ, item obligatio certum locum præbendi in ecclesiâ ad sepeliendum, vel ad sedendum, pretio æstimabilia sunt.
- 38 Officia diuina, & quævis orationes, etiam priuata, sine vitio simonia venire non possunt in commutationem pro re temporali seu pretio æstimabili.

Cum pauperibus pecunia datur, ea lege, ut orent secundum intentionem dantis, interpretandum id est per modum stipendij.

- 39 In susceptione monialium aliquid recipi potest tanquam dos ad personam sustentationem necessaria. Alioquin pro susceptione ad statum religiosum nihil accipi potest, nisi sponte & liberaliter offeratur.
- 40 Omnis actus iurisdictionis Ecclesiastica materia simonia est: tales actus sunt, conferre Ecclesiastica beneficia, et gere, præsentare, dispensare, absolueret &c.
- 41 Labor corporis, qui in spiritualibus officiis per se exercendus est, secundum specificam rationem æstimari non potest: sed qui per accidens coniuncti sunt labores, molestiæ, impensæ, ea in compensationem venire possunt.
- 42 Pro ministerio sacro non datur propriè pretium operis, alioquin tantum plus deberetur, quanto dignius ministerium est: sed datur stipendium pro sustentatione personæ operantis.
- 43 Omisio iurisdictionis spiritualis, seu Ecclesiastica potestatis materia simonia est, quando ob talem omissionem homo auctoritativè obligatur, aut detinetur.

DVo sunt quæ ad omnem simoniacam pactiōem concurrere debent: quorum vnum est veluti pretium, id est, quævis commoditas temporalis, cum alia re commutabilis. Alterum est veluti merx, id est, res aliqua spiritualis, seu spirituali annexa, quam in commutationem deducere pro re temporali, tanquam pretio, irreligiosum, & sacrilegum est. cum igitur de simoniæ pretio hactenus dictum sit, sequitur, ut deinceps de materia, ac veluti merce simoniaci contractus dicamus.

A S S E R T I O I. Doctrinæ, seu instructiones naturalium artium, aut scientiarum, alteri quasi pretio vendere, seu mercede locare, non est simoniacum, neque iniustum, per se loquendo. Ita S. Thom. communiter receptus in 2. 2. quæst. 71. a. 4. ad 2. & quæst. 100. art. 3. ad 3. Prior pars probatur: Simonia est rei sacræ seu spiritualis (id est ad salutem animæ specialiter destinatæ) irreuerens tractatio, eam in commercium pro re temporali adducendo: sed scientia, doctrina, seu instructio rerum naturalium, moralium &c. non est sacræ, spiritualis seu ad salutem animæ specialiter destinata. Ergo eam, quasi pretio vendere, siue mercede locare non est simoniacum. Posterior pars probatur: Quia exterior illa actio instructionis, quæ fit voce, aut scriptura, atque ab interna mente, arte, seu scientia dirigitur, communi hominum iudicio, pretio æstimabilis est; & quidem tantò magis, quantò excellentior est ars, peritia, seu industria hominis; quamuis labor corporis, quo tale artificium, doctrina, seu instructio proponitur, exiguus sit. Quamobrem maiore salario conducuntur excellentiorum artium, seu scientiarum Magistri; maiore item, qui in vnaquaque arte peritiores habentur. Ex quo manifestum discrimen colligere licet inter salarium, quod Doctori, vel aduocato datur, & stipendium, quod Ministro Ecclesiæ confertur: id enim sine vitio simoniæ augeri non potest, propter præstantiam ministerii; ut v. g. plus datur Sacellano quam Concionatori, quia sacrificii opus præstantius est, quam exhortationis: sed præcisè datur stipendium ad sustentationem personæ alteri in spiritualibus ministrantis, sicuti supra dixi hoc cap. §. 2. numero 13.

Dixi autem in assertione, per se loquendo. Per accidens enim iniustitia committi potest: ut si quis duplicatum salarium accipiat, v. g. Professor artium, qui iustum publicum salarium habens, nihilominus à scholaribus collectam exigit; præterquam si priuata instructione extraordinarium officium discipulis impendat. Qua de re Abb. in c. quia nonnullis, num. 3. de Magistr. S. Anton. p. 2. tit. 1. cap. §. 17. notab. 6. Præterea si Doctor seu instructor non solum æstimer instructionem, quatenus ab ipso proficiscitur; sed etiam, quatenus in discipulo suscipitur, ut tantò maiorem mercedem exigat, quanto magis, aut breuiore tempore ille proficit: cum tamen doctrina quam discipulus ingenio, ac labore suo acqui-

rit, ipsius propria sit; consequenter ei à docente vendi non possit, sicuti notauit Suarez cit. lib. 4. de simon. c. 8. n. 12.

ASSERTIO II. Simoniacum non est, neque illicitum pro doctrina Theologicæ scholasticæ, casuum conscientia, aut interpretationis Scripturarum iustæ æstimationis mercedem accipere. Ita ex communi Hadrian. quodlib. 9. art. 1. in fine, Caiet. cit. quæst. 100. art. 3. §. ad secundum dicitur, Victor. relect. de simon. p. 1. num. 5. §. dubium tamen particulare, Sotus lib. 9. quæst. 5. art. 1. & quæst. 6. art. 2. Less. cit. c. 35. dub. 13. Suarez cit. lib. 4. cap. 18. contra Palud. in 4. d. 25. quæst. 5. Syluest. ver. simonia, quæst. 10. Probatur: Doctrina, seu instructio discursiua in materia Theologica neque supernaturalis est ex parte principii; neque ex parte finis. Non enim ex parte principii: Quia licet perfectus assensus Theologicus à fide supernaturali & infusa pendeat, ipsa tamen doctrina discursiua, quatenus discipulo proponitur, omnino naturalis, & acquisita est, à supernaturali Fide per se ac necessario non dependens: quod eo argumento colligitur, quia etiam hæreticus, & Fide supernaturali destitutus, imò etià dubitans de veritate doctrinæ Theologicæ, eandem tamen ex humana, & acquisita peritia, suppositis reuelatis, & communiter creditis Fidei propositionibus, alios edocere posset, sicuti notauit Less. num. 81. Non item ex parte finis: Quia instructio illa discursiua Doctoris per se non ordinatur ad spiritualem animæ salutem: cum ex se non moueat piū voluntatis affectum; sed solum dirigat intellectum ad discursum naturali facultate sua, suppositis Fidei reuelatæ propositionibus.

Corollarium I. Pro licentia docendi, tum in aliis 31 artibus, ac scientiis; tum etiam in Theologia; itemque pro doctoratu, siue magisterio, sine labe simoniæ, aliquid tanquam pretium exigere potest. Quia publicæ eiusmodi approbationes, & facultates diriguntur ad actus, qui per se spirituales non sunt. Ita docet Suarez cap. 18. num. 14. idque certum esse videtur, spectato iure naturali, ac diuino: Ecclesiastico autem tit. 5. decretal. de Magistris, vel tantum prohibetur tanquam illicitum, seu iniustum, si Doctores habentes iustum stipendium ab Ecclesia, exactiones faciant ab aliis volentibus in eadem Ecclesia scholas regere, cap. 3. eod. tit. vel si tanquam simoniacum prohibetur in cap. 1. & 2. id non fit vniuersim; sed tantum, si Prælati Ecclesiastici, quibus ratione spiritualis officii, aut iurisdictionis suæ competit, docendi licentiam vnā cum Ecclesiastico beneficio conferre, aliquod concessionis pretium exigere præsumant.

Corollarium II. Tametsi onus cathedræ, siue obligatio docendi beneficio Ecclesiastico annexa sit, non tamen idcirco simoniacus Magister censeri debet, si pro docendi officio à discipulis mercedem exigat. Quia docendi officium, cui Ecclesiastici redditus legitima auctoritate applicati sunt, iuxta cap. 1. & 2. de Magistris, temporale manet: Ergo non est simonia iuris naturalis pro eo pretium exigere: neque iure Ecclesiastico talis exactio vt simoniaca prohibetur in cap. 1. & 4. eod. tit. sed solum vt iniusta, si Magister iustum ab Ecclesia stipendium habeat, cum eo expresso, aut tacito pacto, vt discipulos gratis doceat. Qua de re S. Anton. cit. locò Suarez cit. c. 18. n. 17.

ASSERTIO III. Officium, & actio Concionatoris, seu spiritualis prædicatoris, exhortatoris, est materia simoniæ; id est, pro tali officio aliquid temporale tanquam pretium operis, accipere, est simoniæ peccatum contra ius naturale, & diuinum. Sumitur ex cap. 10. Matth. *Euntes autem predicate, dicentes; Quia appropinquauit regnum celorum, infirmos curate, mortuos suscite &c. gratis accepistis, gratis date.* Et docet S. Thom. communiter receptus cit. quæst. 100. art. 3. ad 2. Ratio

est: Quia verbum Dei, & Euangelium, quod prædicatores, tanquam os Spiritus sancti enuntiant, est maximum donum spirituale; ad animarum salutem per se, ac principaliter institutum; vt & intellectus eo supernaturaliter illuminetur, & voluntas ad vitam æternam inflammetur. Quod sine gratia Dei excitante, & adiuvante fieri non potest, iuxta illud Christi apud Ioan. 15. *sine me nihil potestis facere*: & Apost. 1. Corinth. 3. *Ministri eius, cui credidistis; & unicuique sicut Dominus dedit. Itaque neque qui plantat, est aliquid, neque qui rigat, sed qui incrementum dat, Deus.*

Loquor autem de exhortatione spirituali & ad finem supernaturalem tendente. At verò ad opus iustitiæ, fortitudinis, alteriusue virtutis moralis, ac naturalis, ob finem politicum, alterum exhortari pro constituta mercede, simoniam non continet, sicuti notauit Suarez cit. cap. 18. num. 33. afferens exemplum prædicatoris, qui à patre familias salario conductus est ad filium honestis moribus informandum. Adde ex eod. Suarez num. 24. Ludimagistros etiam pro simplici doctrina Christiana pueris tradenda mercedem accipere posse: quia non tradere eam solent modo exhortatorio, sed sicuti aliarum artium præcepta, exercendo puerorum memorias. Denique num. 21. idem annotauit, pro responso, seu consilio morali mercedem accipi posse: quia per se, ac directè doctoralis aliqua instructio est; licet per accidens, & consequenter inferuiat ad pacandam conscientiam.

ASSERTIO IV. Gratia gratis data, vt sanitatis, Prophetiæ, itémque gratia sanctificans propriè sunt 33 materia simoniæ. Est communis doctrina, quæ sumitur ex c. eos qui, 1. quæst. 1. & c. sicut pro certo, de simon. & S. Thom. quæst. 100. a. 1. ad 4. vbi ait, à Simone simoniam conuentionalem, à Giezi verò etiam realem commissam fuisse, 4. Reg. 5. Quia iste curationem lepræ ab Elisæo gratis collatam, vendidisse præsumitur, acceptis argenti talentis, atque idcirco *lepram peccati hereditasse*, ait Cyrill. catech. 16. Simon verò oblata pecunia emere voluit potestatem ministerialem conferendi gratiam sanctificantem, vt eandem postea diuendere posset. sicuti supra dixi hoc c. princip.

Notat verò Suarez cap. 9. num. 8. Gratias spirituales duobus modis vendi posse de facto, licet non iure: Primò in concreto; si aliquis v. g. Sacerdotem, propter characterem sacerdotalem, carius diuendat; aut alium Christianum, quia prophetiæ aut sanitatis conferendæ dono, vel gratia sanctificante præditus est. Secundò, secundum se, & quasi in abstracto, sicuti apparet in peccatis Simonis, & Giezi.

ASSERTIO V. Sacramenta septem, à Christo Domino instituta, propriè sunt materia simoniæ. Ita habetur in c. cum in Ecclesiæ, de simon. & docet S. Thom. cit. a. 1. ad 6. & toto a. 2. Cæterum, cum in sacramentis duplex materia sit; remota, & propinqua; remota, quatenus secundum se spectata res merè temporalis est, v. g. panis, vinum, oleum, pretio vendi potest; dummodo scandalum absit, & iustitia non obliget ad eiusmodi rerum expensas gratis faciendas, v. g. ratione parochialis beneficii; ac denique nulla lex Ecclesiastica prohibeat, sicuti prohibetur Episcopis, ne pro sacro oleo, aut chrismate, quod ad parochias mittunt; aliquid exigant, c. placuit, 1. quæst. 1. c. ad nostram, de simon. Alioquin verò chrisma vendere ratione materiæ si scandalum, & suspicio simoniæ absit, neque iustitia obliget ad ministrandum gratis, non videtur esse illicitum, sicuti docet Vgol. tab. 1. cap. 37. §. 3. num. 3. Sotus lib. 9. quæst. 6. art. 1. ver. Per hæc de vaforum. Verum pro materia propinqua, quæ fermè in actione transeunte consistit, v. g. absolutione, vñctione, sicuti & pro ipsa forma, seu prolatione verborum, aliquid vt pretium exigere, simonia est aduersus ius naturale.

turale, ac diuinum. Ratio est: Quia sunt actus potestatis spiritualis, qui nullam aliam utilitatem, vel estimationem habere possint; quam quod ex Christi institutione, & gratia, ad animarum salutem conferant. quæ tota ratio spiritualis est.

34 Solum notandum est ex doctrina S. Th. cit. a. 2. ad 6. Quod matrimonium non tantum sit sacramentum, sed etiam officium naturæ, seu naturalis, ac politicus contractus, quæ ratio sacramenti non destruit, sed supponit. Quare secundum hanc fundamentalem considerationem, dare aliquid puellæ, vel parentibus eius, ut consensum præbeat, vel internuntiis, ut eundem procurent, non est illicitum, sicut colligitur ex c. de illis de condit. appositis. Præterea si personarum aliqua inæqualitas sit, v. g. vna nobilis, altera ignobilis, vna senex, altera iuuenis; eiusmodi inæqualitatem pecunia compensare, illicitum non est. quia de re videri potest Vgolin. tab. 1. c. 46. §. 2. Suarez cap. 10. & seqq.

Denique hoc peculiare habet sacramentum Eucharistiæ, quod ad eius intrinsecam constitutionem non tantum pertineant species sacramentales; sed etiam ipse Christus, Deus verus & homo sub speciebus contentus, sicuti dicam lib. 3. tr. 3. cap. 1. Quapropter vendere S. Eucharistiam non tantum peccatum simoniæ est, quatenus sacratæ species vilipendantur; sed etiam aliud sacrilegium altioris & grauioris ordinis immediate tendens in vilipensionem personæ Christi, iuxta ea quæ dixi c. præced. n. 12. Idque sacrilegium geminum efficitur, si S. Eucharistia venefico vendatur indignè tractaturo: quod peccatum simile est proditioni Iudæ. Quamuis Iudæ peccatum propriè non fuit simoniæ: quandoquidem Christus Iudæis vendidit, tanquam naturalem hominem; sine vlla æstimatione ianctitatis, diuinitatis, alteriusve spiritualitatis. Quare licet non tantum iniustitiam, sed etiam sacrilegium grauissimum commiserit; non tamen propriè simoniam, sicuti notauit Suarez cap. 9. num. 4.

ASSERTIO VI. Sacramentalia omnia, siue sacræ accidentales ceremoniæ pro administratione sacramentorum, & Missæ sacrificio ab Ecclesia instituta, sunt propriè materia simoniæ. Est communis doctrina, sicuti videre est apud Sotum lib. 9. quæst. 6. a. 1. Nau. c. 23. n. 99. Suarez cap. 14. & sumitur ex c. cum in Ecclesiæ, de simon. Ratio est; Quia sunt res spirituales; siue considerentur secundum earum principium; sunt enim supernaturali à Christo accepta potestate instituta, atque alicui sacro ordini annexa: siue considerentur secundum earum finem: siquidem ad spirituales animarum salutem per se ac directè ordinantur, puta variæ benedictiones, consecrationes, de quibus dicam lib. seq. tract. 9. c. 13.

Exinde colligitur, omnes omnino actus procedentes ex potestate ordinis, siue ex Christi, siue Ecclesiæ institutione, esse materiam simoniæ contra ius naturale, ac diuinum: quia spirituales sunt tam ex parte principii, quam ex parte finis, sicuti colligitur ex S. Th. q. 100. a. 3. & tradunt Canonistæ in c. consulere, vbi Abb. n. 3. de simon. qui addit n. 6. & 7. etiam si minorum ordinum sacræ functiones, ut Sacrificio ministrare, sacramentum legere à non ordinatis, seu laicis peragatur, non posse tamen pro eis pretium exigi, propterea quod suapte institutione, ac fine, spirituales sint. At verò vendere ipsam materiam rerum sacratarum, secundum se pretio æstimabilem, ut sacros calices, vestes, numismata benedicta &c. simoniacum non esse, constat.

36 **ASSERTIO VII.** Pro iure sepulturæ, siue ut aliquis in certo loco ecclesiæ, aut cœmeterii sepeliri possit, aliquid tanquam pretium exigere, simoniacum est, saltem ex iure Ecclesiastico. Quæ est communis DD. sententia S. Th. q. 100. a. 4. ad 3. Anton. cit. c. 5. §. 22. Syl. ver. sepultura, q. 2. & ver. simonia, q. 11. & 12. Bins-

feld. super c. audiuimus, de simon. q. 1. Suar. c. 14. n. 17. Et habetur apertè in cit. c. audiuimus, & in c. abolenda, de sepult. vbi Gl. Abb. & alii Canonistæ.

Sed nota primò ex S. Th. l. c. fundum haud dubie committi posse ad vsum sepulturæ sacræ, exemplo Abrahæ Gen. 23. Imò in casu necessitatis fundum, in quo ecclesiæ, vel cœmeterium situm est, vendere non est illicitum; sicuti & ipsam ecclesiæ, æstimando saltem expensas, quæ in ea factæ sunt, vel necessario fieri deberent. Nam huiusmodi cœmodi materialia, quibus consecratio, seu spiritualitas quasi accidentaliter annectitur, semper secundum se æstimabilia, & vendibilia manent; ecclesiastica inquam, vasa, & vestimenta sacræ: dummodò ipsa consecratio non æstimetur, sed vna cum materiali transeat, sicuti notauit Suar. cit. c. 14. n. 12.

Nota secundò: Licet non possit pro sepultura aliquid exigi ut pretium, posse tamen accipi, si sponte offeratur; itè si diuturna consuetudo introducta sit, ut aliquid detur, absque turpi exactione, specie auaritiæ, illa seruari debet, iuxta c. ad Apostolicam, de simonia & notat Gl. in cit. c. abolenda, ver. exigere ibid. Abb. n. 7. & in c. suam, n. 4. & 5. de simon. Maior. in 4. d. 25. q. 4. Syl. ver. sepultura, q. 2. & ver. simonia, q. 11. dict. 1. Vgol. tab. 1. c. 44. §. 2. n. 14. Binsfeld. cit. q. 1. concl. 4.

Nota tertio: Si quis certum locum ecclesiæ, vel cœmeterii sibi, suæque familiæ tanquam proprium vendicare velit, non videtur esse prohibitum pro tali iure aliquid exigere, præsertim vbi consuetudo viget. Quia talis obligatio incumbens Clericis, quod alium in eo loco sepelire non possint, videtur esse pretio æstimabilis, sicuti notauit Suar. n. 122. nec dissentit Arrag. cit. q. 100. a. 4. ad 3. Binsfeld. concl. 3. in fine, vbi notat, eandem rationem esse de locis, quæ in ecclesiæ certæ familiæ ad sepelendum iure proprio destinantur, & quasi locantur; atque pecunia his titulis accepta ad ecclesiæ fabricam deputatur.

ASSERTIO VIII. Diuina officia, & quæuis orationes non tantum publicæ, sed etiam priuatae, sunt propriè materia simoniæ. Est communis doctrina cum S. Th. q. 100. a. 3. Quæuis nihil obstat, quominus aliquid petatur v. g. pro officio funebri, & pro processione, crucis gestatione &c. non per modum pretii, sed ratione laudabilis consuetudinis; vel ad necessariam sustentationem Ministrorum Vide Syl. ll. cc. Vgol. tab. 1. c. 44. n. 5. Suar. c. 15. n. 7. Porro pro officiis merè corporalibus, ut sunt tumultu facere, ornare, funus gestare, aliquid ut pretium laboris exigere posse, dubitari non debet.

Quod verò ad priuatas orationes attinet, ait S. Th. a. 3. ad 2. Pauperibus dari eleemosynas ex gratuita beneficentia, ad prouocandum illorum animos, ut gratis, & ex charitate orent. Cum verò pauperibus pecunia datur ea lege, ut certis horis, aut diebus ad dantis intentionem orare teneantur (quod apud nos Magnates, occurrente aliqua necessitate, facere consueverunt) interpretandum est ad modum pendii, quale etiam Sacerdoti dari solet, ut pro certa causa sacrificet, sicuti annotauit Suarez cit. c. 15. n. 9.

ASSERTIO IX. Accipere aliquid tanquam pretium pro susceptione ad statum religiosum, secundum se simoniacum est; at verò pro sustentatione personæ aliquid accipere, vel exigere, non est illicitum, si Monasterium inops sit, & regula Ordinis permittat: Sin verò diues sit Monasterium, videtur esse simoniæ iuris Ecclesiastici: quæuis contraria diuturna consuetudo, quæ in Monialium Monasteriis obtinuit, damnari facile non possit. Hæc assertio habet quatuor partes, quarum prima indubitata est. Nam status Religionis spiritualis est; consequenter materia simoniæ, aduersus ius diuinum.

Alter pars est S. Th. cit. q. 100. a. 3. ad 4. S. Anton. cit. c. 5. §. 18. Viêt. p. 2. releet. de simon. n. 12. Soti lib. 9. q. 6. a. 2. Syl. ver. simonia, q. 15. Angel. eod. ver. 4. Nau. de re dit. Eccles. q. 1. mon. 62. Less. cit. c. 35. dub. 12. assertio

3. Binsfeld. in c. 9. de simon. q. 1. concl. 2. Philarchi t. 2. de offic. Sacerdot. lib. 6. c. 7. Suarez c. 17. n. 7. Nam sicuti in matrimonio carnali considerari potest & ratio sacramenti, & onus sustentandi coniugem, familiamque cuius intuitu dos à puella exigitur, licet pro sacramento ipso accipere simoniacum esset: Ita etiam in matrimonio spirituali, seu Religionis professione duo considerare licet; & statum spiritualem, & onus alendi personam, quorum posterius temporale, ac pretio æstimabile est.

Tertia pars sumitur ex c. non satis, c. veniens ad nos, c. dilectus 2. c. quoniam, ubi id notat Gl. ver. paupertatis prætextu, de simon. & extrauag. 1. eod. tit. & traditur à S. Th. in 4. d. 25. q. 3. a. 2. q. 2. ad 7. *Si sine gravamine possit recipi Novitius, simoniacum est aliquid exigere.* Victor. l. c. Caiet. 2. 2. q. 100. a. 3. circa resp. ad ult. Rosella ver. simonia, §. n. 1. Armil. n. 68. Suarez cit. c. 17. n. 10. & de censuris, disp. 22. f. 5. n. 10. contra Sylu. ver. simon. q. 15. dicto 2. Sotum cit. a. 2. in fine. Philarch. cit. c. 7. Binsfeld. concl. 4. Tolet. lib. 5. c. 89. n. 9. Cum enim Monasteria sufficienter dotata, & Ecclesie auctoritate ita instituta sunt, ut Religiosi gratis recipiantur, & alantur; cessat ius exigendi aliquid ratione sustentationis: consequenter videtur exactio fieri pro ipsa susceptione ad statum, & ius Religionis, quod spirituale est; ut merito saltem Ecclesiastico iure simoniacum censi debeat, sicuti colligitur ex citatis iuribus.

Quartam partem tradit Philarchus cit. c. 7. Binsfeld. cit. concl. 4. & placet Lessio cit. dubio 12. num. 70. Suarez cit. f. 5. num. 13. Cum enim expediat Monialium Monasteria sufficientes redditus habere, ne vagandi, aut cum secularibus communicandi occasio ipsis præbeatur, raro accidet, ut non probabilem titulum exigendi dotem moderatam (præsertim exigente consuetudine diuturna) prætereundum possint; quod & de reddituum sufficientia securiores sint, & plures etiam, quam alioquin deberent, recipere possint: quam iustam causam esse aliquid in ingressu petendi, docent Caiet. Armilla, Nauar. ll. cc. & colligitur ex Trident. sess. 25. cap. 3. de Regular. Quapropter Summi etiam Pontifices declararunt, nolle se, ut Moniales censuram aliquam incurrant eo quod ingressu, aut professione suarum aliquid exigant, sicuti testantur S. Anton. 3. part. tit. 24. cap. 67. Syl. ver. excommunicatio, 7. excommun. 44. Nauar. c. 27. n. 106. excom. 20. Id vero obiter hic notandum, quod consuetudo diuturna in eiusmodi facilius cohonestet, quam statutum: quia statutum ut aliquid detur in ingressu, prima sua origine exactionem continet, sed consuetudo habere potuit originem voluntariam, ut videl. ipsimet ingredienti in talem consuetudinem sponte consenserint, atque progressu temporis diuturni firmata fuerit, ut in simili docet Abb. in c. cum M. n. 23. de constit.

Porro de tollendis abusibus, qui sunt circa apparatus, & sumptus contiuuorum, in susceptione, aut professione Regularium cum quadam exactione, seu pacto expresso, vel tacito, videri potest Nau. supra cit. qu. 1. monito, 61. Binsfeld. conclus. 5. Nam eiusmodi consuetudo tanquam corruptela damnatur in dicta extrauag. ubi tamen additur licitum esse cum gratiarum actione recipere, si quid sponte, ac liberaliter sine omni pactio- ne oblatum fuerit. Vide etiam Suarez in cit. c. 17. n. 18. & cit. sect. 5. ad finem.

ASSERTIO X. Omnis actus iurisdictionis Ecclesiasticæ est materia simoniæ. Est communis assertio, quæ sumitur ex c. ad nostram de simon. ubi generatim prohibetur, ne promissio Ecclesiastico aliquid exigatur. Ratio est: quia sicuti potestas Ecclesiastica spiritualis est cum ratione principii tum finis; ita etiam actus ab ea procedentes. Quare simoniacum est, pretium dare, vel accipere pro absolutione à peccatis, c. nemo, c. Presbyterum, de simonia: pro delegatione facultatis ad au-

diendas Confessiones; vel data alicui licentia eligendi Confessorem; sicuti ex communi notavit Anton. cit. c. 5. §. 16. Suarez c. 19. num. 5. Item pro concessione indulgentiarum: quamvis contributio pecuniæ, ad piam causam applicanda, exigi possit per modum elemosinæ tanquam requisitæ conditionis ad indulgentiam lucrandam. Similiter pro absolutione à censuris, iuxta c. ad aures, de simon. & omni actu iurisdictionis contentiosæ quidquam accipere prohibitum est in c. cum ab omni, de vita & honest. Cleric. itemque procuratoris causa pro visitationibus in quibus tamen permittitur moderata victualia petere, & accipere ab iis, qui visitantur, iuxta c. 1. & 2. de censib. in 6. & Conc. Trid. sess. 24. c. 3. de reform.

Simoniacum item est, quamcunque dignitatem, curam iurisdictionem Ecclesiasticam pro temporali pretio alicui conferre, vel ad eam eligere, præsentare, sicuti colligitur ex c. consulere, de simon. & magis patebit §. seq. Similiter pro actibus voluntariæ iurisdictionis, v. g. pro dispensationibus in voto, iuramento, matrimonii impedimento, irregularitate, aliavæ Ecclesiasticæ lege aliquid ut pretium accipere, simon. est aduersus ius naturale, sicuti docet S. Th. q. 100. a. 3. ad 3. & videri potest extrauag. Bonif. VIII. renouata, & aucta à Greg. XIII. constitut. 28. quæ incipit Ab ipso, ubi præter alias pœnas excommunicatio lata sententiæ iis infligitur, qui aliquid accipiunt, vel promittunt, aut paciscuntur pro impetrata gratia, aut iustitia apud Sedem Apostolicam. Veruntamen nihil obstat, quominus in eiusmodi dispensatione, aut absolutione à censuris aliquid imperetur per modum commutationis, aut muletur ad causam piam applicandam, sicuti notavit S. Th. a. 2. ad 3. Quin & per modum stipendii applicandi Officialibus, aut ipsimet dispensanti, absolventi, moderatum aliquid petere, vel accipere, non est simonia iuris naturalis: quamvis id sacri canones prohibeant, propter speciem, ac suspensionem simoniæ, sicuti colligitur ex cit. c. ad nostram, & Trident. sess. 25. c. 18. de reform. ac docet Nau. consil. 18. n. 5. de pœnit. & remiss. edit. 2. Vgol. de simon. tab. 1. c. 52. n. 5. Suarez & Less. ll. cc.

Ceterum cum eiusmodi prohibitio ex iure tantum positio proveniat, ea non ligari Sum. Pontificem, quominus ex iuxta causam à communi iure discedere possit, annotavit Guil. Redoanus de simonia, p. 1. c. 21. Reb. reg. de dispensat. Gl. 5. n. 13. Vgolin. & Nauar. ll. cc. Quin etiam si in alio episcopatu diuturna consuetudo viguit, ut aliquid in eiusmodi dispensationibus & c. exigatur applicandum Episcopo, aut Officialibus eius, non poterit simoniæ criminis damnari; quia præsumendum est, eiusmodi consuetudinem ex legitima causa, titulo, privilegio introduci ceptam, huc usque perseverasse: quamvis consultum valde esset, tales consuetudines, speciem mali præseferentes, tollere: si quidem Episcopi, qui sufficientes redditus habent, ex lege iustitiæ obligati sunt ad stipendia iusta Officialibus suis soluenda, ne pro spiritualibus functionibus aliquid loco stipendii exigere cogatur ab iis quibus administrant, sicuti notavit Sotus cit. q. 6. a. 1. ante resp. ad 1. Less. cit. d. 10. in fine, Suar. cit. c. 15. & colligitur ex c. cum ab omni de vita & honest. Cleric. Quod multo etiam magis obseruandum est in collatione ordinis, in qua ne aliquod munus accipiat Episcopus eiusque Ministri, canones severius prohibent, sicuti videre est in Conc. Bracar. 2. c. 3. c. si quis Episcopus. 1. q. 1. quod est Conc. Chalced. c. 2. c. sicut Episcopum, 1. q. 2. quod est Greg. I. lib. 4. epist. 44. & refertur etiam in c. 1. de simon. & Conc. Trid. sess. 21. c. 1. de reform. ubi decernitur, ut nihil pro collatione quorumque Ordinum etiam clericalis confusa, nec pro licentis dimissoriis, aut testimonialibus, nec pro sigillis, nec alia quacunque de causa, etiam sponte oblatum Episcopi & alii Ordinum collatores, aut eorum Ministri quocunque prætextu accipiant. Notari vero, si eis nullum salarii sit

constitutum, decimam tantum aurei partem accipere possint. Quæ tamen constitutio pluribus locis nondum recepta est, sicuti notauit etiam Less. cit. dub. 10. n. 62. §. aduer-
te tamen.

Restant duæ QVÆSTIONES: PRIMA est: Vtrum pro corporali labore, molestia, ac defatigatione, quæ subeunda sunt in spiritualibus ministeriis, v. g. administratione sacramentorum, Sacrificio, ecclesiarum consecratione, pretium, siue mercedem accipere licitum sit? Resp. Vnum hic certum esse, quod pro labore, & obligatione, quæ sacro ministerio per accidens coniuncta sunt, aliquid vt pretium accipi possit: v. g. si Sacerdos iter miliaris conficere debet ad Missam celebrandam: item si cooperator obligare se debeat ad persistendum toto anno, præsertim pestis tempore. Ita Caiet. cit. q. 100. a. 3. ver. patet tertio, & in sum. ver. simonia, regula quinta, Nau. c. 23. n. 102. notab. 10. ver. quibus addo, Less. dub. 8. Suar. c. 21. n. 11. Ioan. Chapeauille de modo ministr. sacramenta tempore pestis, c. 1. q. 18. Ratio est: Quia tunc pretium non accipitur pro iplo opere spirituali, sed pro onere corporali, quod illi accidentaliter, ac separabiliter coniunctum est, videlicet pro extraordinario itinere, obligatione tanto tempore permanendi, pestis tempore extraordinarios labores, fautores tolerandi, vitæ periculum subeundi.

Alterum verò controuersum est, vtrum labor seu defatigatio corporis, quæ per se ac necessario coniuncta est cum sacro ministerio, puta celebratione Missæ, sacra exhortatione, ecclesiæ consecratione, pretio æstimari, aut mercede locari possit? Affirmat Adrian. quodlib. 9. a. 1. Richar. in 4. d. 25. a. 3. q. 3. Bonau. a. 1. q. 4. prope finem, Gl. in c. significatum, de præben. ver. ita quod. Cui enim omnis labor corporalis mercede locari possit; consequenter etiam ille, qui in spiritualibus functionibus subeundus est: iuxta verbū Christi apud S. Luc. c. 10. *Dignus est operarius mercede sua.* Confirmatur: Vbi est meritum operationis secundum iustitiam, ibi merces debetur: quia meritum, ac merces correlata sunt, iuxta illud Mat. 20. *Voca operarios, & redde illis mercedem.* Sed in Clerico spiritualia ministrante est meritum operationis secundum iustitiam, sicuti habetur in causa 1. q. 2. c. ult. ex Concil. Agath. c. 36. *Clerici stipendia sanctis laboribus debita secundum seruitium sui meritum consequantur.*

Sed alii communiter negant, S. Th. in 4. d. 25. q. 3. a. 2. q. 2. Durand. q. 3. n. 10. Palud. q. 5. a. 2. concl. 1. Abb. in c. suam, n. 4. de simon. Syl. ver. simonia, q. 9. dicto 3. Sotus cit. q. 6. a. 1. Suarez & Less. ll. cc. Nam operatio & labor corporis non est pretio æstimabilis, nisi in ordine ad opus, cuius causa suscipitur, si ergo opus spirituale, ideoque inuendibile est: neque corporis labor, per se intrinsece, ac necessario requisitus, vendi, aut pretio æstimari poterit. Etenim, cum corporalis labor nihil per se proficiat, absque spirituali operis fructu, quisquis horum alterum vendit, sine quo nec alterum prouenit, neutrum inuenditum derelinquit, uti habetur in c. si quis obiecerit, 1. q. 3.

Veruntamen existimo, Doctores in re ipsa, sacris canonibus satis definita, non dissentire, ac facile conciliari posse, si dicatur: Quod operatio & labor corporis in spiritualibus ministeriis ad alterius gratiam, voluntatemque susceptus, duobus modis considerari possit: Vel in ordine ad opus spirituale, secundum propriam, & specificam eius rationem, utilitatemque; vel in ordine ad operantem, secundum genericam rationem operis aut seruitii in alterius gratiam præstiti. Secundum priorē considerationē, dico cum S. Th. & communi Doctorū sententia; Pro labore corporali per se coniuncto cum spirituali ministerio pretium accipi non posse: quia æstimanda esset ipsa spiritualis functionis dignitas, atque utilitas. Secundum posteriorem verò considerationē dico; Ecclesiasticis Ministris, propterea quod in spiritualibus occupati sunt in gratia

fidelium, ex iustitia deberi temporalia, non vt pretium operis specialis, sed vt sustentationem vitæ. Cum enim omnibus aliis operantibus ad alterius voluntatem necessaria sustentatio naturali iure debita sit, cur non etiam iis, qui in spiritualibus ministeriis occupantur? Quia tamen sustentatio ista non commensuratur valori, dignitati, utilitatiue operis secundum propriam specificam rationem suam, ideo non potest appellari pretium siue æstimatio operis, nisi improprie & abusu siue, vt idem sit quod merces, id est, quodcunque premium ex iustitia debitum operanti, quamuis non secundum commensurationem operis; sicuti etiam vita æterna dicitur merces operum, licet in proportionē multum excedat, iuxta illud ad Rom. 8. *Non sunt condignæ passionibus huius temporis ad futuram gloriam.* Idque notauit S. Th. q. 100. a. 1. ad 3. Quo etiam sensu Numer. c. 18. decimæ Leuitis dicuntur assignatæ tanquam premium pro ministerio: & Luc. 10. dicitur operarius dignus mercede sua.

Sin verò mercedis nomen strictè accipiat, vt idem sit quod pretium seu æstimatio operis, tunc negari debet pro ministerio Ecclesiastico mercedem exigi posse, sed rectissime dicitur Ecclesiastico ministro dari stipendium sustentationis: quia datur cum habitudine ad personam operantem: quatenus ea, consideratis qualitatibus, v. g. generis nobilitate, doctrina, studio, & laboribus assiduis, magis indiget, aut digna est. Quemadmodum enim, si persona aliqua constituitur, vt ad voluntatem alterius laboret, sine vilo fructu, & utilitate, v. g. ædificando, & ædificatā mox destruendo; licet huic homini non debeatur proprie pretium operis, cum illud nullius æstimationis, ac valoris sit; debetur tamen merces sustentationis, spectata qualitate personæ laborantis in alterius gratiam: Ita similiter ministranti spiritualia non debetur pretium, aut merces operis, quod licet dignissimum, atque homini utilissimum, tamen propter spirituales eleuationem suam, inæstimabile est: sed debetur stipendium sustentationis personæ, sicuti S. Augustin. docet lib. de pastoribus, cap. 21. ubi postquam dixisset, prædicatoribus Euangelii debitum esse temporalem victum, postea subiungit: *Vnde viuunt, necessitatis est accipere, charitatis est præbere; non tanquam venale sit Euangelium, ut istud sit pretium eius, quod sumunt, qui annuntiant, unde viuunt. Si enim sic vendunt, magnam rem vili pretio vendunt; accipiant sustentationem necessitatis à populo, mercedem dispensationis à Domino: non enim est idoneus populus reddere mercedem illis, qui sibi in charitate Euangelij seruiunt: non expectet illi mercedem nisi unde & isti salutem.*

ALTERA QVÆSTIO. Vtrum ommissio actus spiritualis materia simoniæ sit, v. g. si Minister pecuniam accipiat, vt officium canonicum non recitet, non sacrificet, pœnitentem non reconciliet: Respondeo: quod non omnis ommissio actus spiritualis, quamuis alioquin debiti, proprie est materia simoniæ, sed ea solum ommissio quæ est actus iurisdictionis aut potestatis Ecclesiasticæ; ita vt eam non exercere, sit moraliter hominem auctoritatuē ligare, aut detinere. Prior pars responsionis est ex mente Innoc. in cap. nemo Presbyterorum, de simon. Adriani quodlib. 9. a. 2. in princ. Less. dub. 11. Ratio est: Quia simonia non committitur, nisi spirituale aliquod in commercium, seu contractum veniat: sed ommissio operis spiritualis, v. g. Sacrificii, canonici officii, si mera & pura sit, nullumque moralem spirituales effectum pariens, non est aliquid spirituale; consequenter neque materia simoniæ. Cæterum, si aliquis pecuniari accipiat, non præcisè ac purè, quia opus spirituale in gratiam alterius amittit, quod alioquin exercere velleret: sed tanquam in compensationem iacturæ fructus spiritualis, quem ex opere sacro, v. g. oratione, sacrificio percipere posset manifestam simoniam committit.

Alterā pars est ex mente S. Th. q. 100. a. 3. ad 3. Palud. d. 25. q. 5. Syl. ver. simonia q. 9. dict. 5. c. 22. n. 9. & habetur expresse in cit. c. nemo, ubi utrumque simoniacum dicitur, & munus accipere, ut pœnitentē reconciliet; & munus accipere, ut pœnitentē à reconciliatione remoueat: Simile est, si Iudex in foro externo absolutio- nem à censuris non daturum se spondeat: vel examina- tor non approbaturum se dignos ad ordines, aut Eccle- siasticum beneficium, propter datam sibi ab altero pec- uniam. Ratio est: quia utrumque horum, videlicet ab- soluere, & ligatum detinere; approbare, & reprobatum declarare, Ecclesiasticæ iurisdictionis, muneris aut pote- statis actus est; idēque utrumque simoniacum, si pro- pter pecuniam, siue pretium qualecunque fiat.

§. V.

DE SIMONIA, QUÆ COMMIT-
titur in beneficiis Ecclesiasticis.

SUMMARIVM.

- 44 Simonia commissā in beneficiis Ecclesiasticis videtur esse contra ius diuinum.
- 45 Proventus beneficiorum Sum. Pontifex à titulo spirituali separare potest, eosque vendere absque simonia vitio.
- 46 Annatam, seu fructus primi anni ex beneficio spectato iure com- muni, solus Pontifex sibi deposcere potest: sed per consuetudinem etiam Episcopi quibusdam locis primorum fructuum nomine, aliquid à promotis postulant.
- 47 Pensiones illa, quæ propter clericales, seu Ecclesiastica sunt, absque vitio simonia emi, aut vendi non possunt.
- 48 Pensiones mixta, id est, quæ Clericorum propria sunt, sed non ob sacrum ministerium designata, emi non possunt quamvis redi- mi possint.
- 49 Non est simoniacum Vicario minuire onus reddituum dandorum principali cum pacto voluntarij ab ipso acceptando, ut in in- gressu annatam soluat.
- 50 Permutatio beneficiorum Ecclesiasticorum, si propria pactione fiat sine Episcopi auctoritate, irrita est, & simoniaca ob Ecclesiasti- ci iuris prohibitionem.
Partes tamen non prohibentur prius tractatum insituere de per- mutatione, qua Ordinarii auctoritate perfici debeat.
- 51 Omnis commutatio rei spiritualis cum altero spirituali habens annexum temporale, simoniaca in iure censetur.
- 52 Episcopus approbare potest permutationem beneficij cum pensione clericali, non quidem ordinarij, sed in casu speciali alicuius ne- cessitatis.
- 53 Expensa, quæ de iure facienda sunt, in permutatione beneficiorum in pactum propria auctoritate deduci possunt; sed non alia.
- 54 In permutatione beneficiorum inaequalitas fructuum impositione annua pensionis compensari potest, interueniente auctoritate Papa, non item Episcopi, excepto casu extraordinario necessi- tatis.
- 55 Transactio differt à compositione amabili.
- 56 Orta lite beneficiaria, possunt eam partes amicabiliter inter se componere, non autem propriè transigere.
- 57 Transactio in aliis rebus spiritualibus, prater beneficia, fieri po- test inter partes, sine interuentu rei temporalis.
- 58 Omnis pactio in Ecclesiasticis beneficiis, quæ propria auctoritate fit tanquam simoniaca damnatur.
- 59 Episcopus, & Iudex delegatus, parti litiganti per modum tran- sactionis adiudicare potest pensionem annuam, in compensa- tionem expensarum vel ad vita necessariam sustentationem.
- 60 Ius patronatus videtur esse materia simonia, spectato diuino iure.

QUESTIO PRIMA. Vtrum simonia in benefi- ciis Ecclesiasticis sit solum ex iure ecclesiastico, an etiam ex diuino? Priorem partem tenent Canonistæ plerique, cum Gl. in c. ex parte, 1. de offic. delegati, ver. dimittere, & c. cum pridem, de pactis, ver. illicitè, Iul. Clarus lib. 5. scilicet, ver. simonia, n. 5. Nau. cap. 23, n. 108.

ver. nonò, Less. cit. c. 35. dub. 4. num. 26. Nicol. Gar- cias de benef. p. 1. c. 2. n. 9. Posteriorem vero partem 44 amplexi sunt plerique Theologi. Durandus in 4. d. 25. q. 5. n. 11. Palud. ead. d. q. 4. a. 3. Caiet. t. 2. opusc. tract. 9. de simon. q. 1. Victor. relect. de simon. p. 1. n. 44. Valent. t. 3. disp. 6. q. 16. p. 2. Rodriq. t. 2. sum. c. 56. concl. 3. & 5. & sequitur Couar. reg. peccatum p. 2. §. 8. n. 8. Abb. c. extirpanda, §. qui verò, num. 53. de præben. quæ sen- tentia vera est, & sumitur ex c. si quis obiecerit, c. Sal- uator. c. ex multis, de simon. Ratio est: quia licet in be- neficio Ecclesiastico contineatur ius percipiendi tempo- rales redditus, quod secundum se pretio æstimabile est; attamen illud à prima beneficiorum institutione ita connexum, atque fundatum est in spirituali officio, ut non nisi ob illud, seu ratione illius alicui competere pos- sit. Datur enim beneficium, siue prouentus Ecclesia- sticus tanquam debitum stipendium, propter officium, siue ministerium spirituales; consequenter, si alicui ven- datur ius beneficialium prouentuum, venditur etiam illi ius spirituale exercendi officium, cum sine eo sti- pendium Ecclesiastici beneficii neque esse, neque in- telligi possit: cui consonat regula Paschalis Papæ in cit. c. si quis obiecerit: *Quisquis horum alterum vendit si- ne quo alterum non prouenit, neutrum inuenditum derelinquit.* Quæ tamen ratio locum non habet v. g. in vendito fundo, cui ius spirituale patronatus annexum est, neque in calice argenteo consecrato: quia sicuti hæc temporalia suapte natura non pendent ab annexo spirituali; ita etiā secundum se vendi & æstimari possunt, non æstimato spirituali.

Locutus sum autem de redditibus Ecclesiastici bene- ficii formaliter, & in sensu composito; id est quandiu prouentus Ecclesiastici per auctoritatem Ecclesiasticam nec re, nec virtute à spirituali munere separati sunt, sed iuxta primariam naturam & institutionem, debentur tanquam stipendium sustentationis pro spirituali mu- nere. Nam imprimis certum est, decimas aliosque Ec- 45 clesiasticos prouentus à Sum. Pontifice, tanquam vni- uersali Ecclesiasticorum bonorum administratore, re ipsa separari posse à spirituali titulo: ut non amplius de- beantur spirituale ministerium, sed propter aliam cau- sam, seu titulum: qua facta separatione, ius prouen- tuum emi ac vendi posse, nemo dubitat. de quo vide Vgolin. tab. 1. cap. 3. §. 5. Nauar. loc. cit. Suarez cap. 24. num. 23. Virtualementem seu implicitam separa- tionem cernere potes in hoc casu. Si Papa conferat ali- cui beneficium Ecclesiasticum, reseruata sibi annua pen- sione, seu portione reddituum; eamque pen- sionem à titulo spirituali eius beneficii separatam, sta- tim ab initio vendat beneficiato; ita, ut aliter nolit illi gratiam collationis beneficii facere, nisi is in redem- ptionem pensionis consentiat: non erit id simonia, sicuti neque usura est, si alicui nolis mutuare pecuniam, nisi is vicissim tibi statim mutuare, aut vendere velit triti- cum, sicuti supra dixi libro præcedenti, tract. 4. de iust. cap. 16. num. 3. & docet Suarez cit. cap. 24. num. 30. Simile quiddam est: Si Parochus à Sacerdote pre- tium exigat, propterea quod ipsi licentiam det in pa- rochia stipem lucrandi, celebratis Missis, simonia com- mitti videtur: cum enim stips, siue pecunia detur pro- pter Sacrificium, eo ipso, quod licentia accipiendæ sti- pis venditur, etiam ius sacrificandi vendi videtur. Si autem parochus, qui propter onera, & administratio- nem parochiæ, quæ ipsi incumbit, iustè aliquam par- tem stips, aut oblationis de Sacrificiis Cooperatoris sui capere potest, cum eodem paciscatur, ut proportio- ne sibi competente, in singulos annos, certam pecuniæ summam numeret, non erit hæc pactio simoniaca, sed ius- ta venditio.

QUESTIO SECUNDA. An simonia sit, si colla- tor beneficii partem aliquam reddituum sibi deposcit?

Respondeo, & dico I. Simoniacum haud dubie est, si collator aliquid exigit pro ipsa beneficii collatione, quippe quæ est spiritualis muneris actus.

Dico II. Non est ex rei natura simoniacum, si collator partem aliquam reddituum subtrahat, ut ad Ecclesiasticum aliquem usum conuertatur; quamvis id in commo-
46 modum etiam ipsius conferentis cedat. Etenim tali ratione Sum. Pontifex annatam, id est, primi anni fructus seu integros, seu partem aliquam sibi deposcere solet: de quo, videri potest Thomas Campanius tract. de annatarum institut. ac defensione, Azor tom. 2. lib. 7. cap. 12. Nauar. c. 23. num. 108. vcr. octauo, qui id probat ex plenitudine potestatis Papalis: potest enim beneficia extinguere, alia aliis vnire, diuidere, redditus eorum augere & diminueri: potest etiam partem reddituum beneficiorum vacantium, & non vacantium, cum consensu beneficiariorum; imò, & sine illo, ob iustam causam applicare alicui bello pio, vel aliis piis operibus, & necessitatibus; & consequenter annatas, vel compositiones necessitatibus Sedis Apostolicæ vel aliis piis operibus applicare.

Sed & Episcopi olim primos fructus ex beneficiis sibi reservare pluribus locis solebant: cuius rei testis est Gerson p. 2. operum tract. de simon. obiect. 3. Quod tamen iuri communi consonum non est, ut colligitur ex c. vii. Ut beneficia sine diminutione conferantur, ubi id indicat Abb. n. 15. S. Thom. 2. 2. q. 100. a. 4. ad ult. & sumitur ex Trident. sess. 24. c. 14. de reform. Imò Nau. c. 23. num. 102. in fine, arbitratur, eo loco reprobari consuetudinem aliquid recipiendi à beneficiariis possessionem capientibus: quod etiam annotatum reperies in declarat. Cardinal. super cit. cap. 14. Verùm hæc Tridentina Constitutio non omnibus locis recepta est: cum adhuc hodie in quibusdam episcopatibus propter diuturnam consuetudinem nomine primorum fructuum aliquid accipitur; sed ut talis exactio augeatur, aut de nouo introducatur, permittendum non videtur.

TERTIA QVÆSTIO. Vtrum pensionem emere aut redimere simoniacum sit? De pensionibus vide quæ dixi supra tract. 2. c. ult. Quod ad præsentem quæstionem attinet, dico I. Pensiones merè temporales, quæ etiam laicis ob iustam causam designari, ac competere possunt ex Ecclesiasticis prouentibus, sine vitio simoniæ venduntur, ac redimuntur. Est communis assertio, Victor. p. 1. num. 52. Soti lib. 9. quæst. 7. a. 2. Tol. lib. 5. c. 92. Lessij c. 35. dub. 21. assert. 2. Suarez c. 26. n. 5. Nam postquam hæ pensiones à spirituali titulo beneficii legitima auctoritate separatæ sunt, neque spirituales existunt, neque spiritualibus annexæ, consequenter nec materia simoniæ.

47 Dico II. Pensiones propriè spirituales, quæ ad spirituale ministerium designantur; v. g. Concionatori, Coodiutori Episcopi, sine simonia emi, aut vendi non possunt. Est communis etiam doctrina. Cum enim talis pensio, non minus, quam beneficium Ecclesiasticum in spirituali officio fundatum sit, qui illam emit, aut vendit, spirituales etiam titulum emere aut vendere censetur, sicuti præter alios docet Nauar. in man. cap. 23. num. 111. & lib. 3. consil. 11. de rebus Eccles. non alien. edit. 2. Quo cum non pugnat, quin pensionarius, retenta obligatione spiritualis officii sui, ipsas temporales pensiones seu fructus alicui ad vitam suam vendere, aut locare possit, absque simoniæ vitio, sicuti notauit Less. dub. 25. n. 122. Suarez n. 10.

48 Dico III. Pensiones mixtæ, quæ Clericorum quidem propria sunt; verùm non ob spirituale ministerium, sed ob aliam causam designatæ, v. g. propter Clerici paupertatem, senium, litis compositionem, beneficii reuocationem, licet emi, ac vendi nequeant, tamen redimi possunt, saltem ubi constitutio Pii V. eiusmodi pensio-

nibus obligationem officii B. Virginis imponentis, recepta non est. Ita docet Tolet. lib. 2. c. 92. Less. cit. dub. 22. n. 125. Binsfeld. de simon. c. 9. q. 2. conclus. 3. Suarez cit. c. 26. Priorem partem probat stylus curiæ Romanæ, quæ eiusmodi venditiones tanquam simoniacas damnat; propterea quòd pensiones clericales similitudinem quandam cum beneficiis gerant, sicuti notauit Nau. l. cit. & consil. 63. de simon. edit. 2. Posteriores partem, præter citatos Doctores defendit etiam Caiet. t. 1. opusc. tract. 31. resp. 10. Ratio est: Quia redimere pensionem non est emere aliquod ius spirituale; sed extinguere onus seu obligationem temporalem, soluendi annuatim certam summam pecuniæ, aut fructuum: dummodò talis redemptio non ita instituitur, quasi per eam extinguatur spiritualis obligatio recitandi officii B. V. ex decreto Pii V. ubi receptum est: tunc enim simonia committi censetur, secundum stylum curiæ Romanæ, de quo testatur Nau. cit. consil. 63. n. 3.

Ex dictis resolvere potest hunc casum: Cuidam Ecclesiæ Collegiata parochia incorporata est: ad quam Capitulum Canonicorum constituere solet Vicarium perpetuum; relictis ei omnibus decimis, ac prouentibus, ita tamen ut ex his copiosis parochiæ fructibus 100. aureos Capitulo quotannis soluere teneatur: Simul verò aliud pactum cum Vicario inire solet, ut statim ab initio redimat onus totius pensionis 500. aureis; vel dimidiæ pensionis 250. aureis, ut deinceps non nisi 50. annuatim pendere cogatur; quaeritur, utrum id absque simoniæ vitio fieri possit? Respondeo, & dico: Non esse conventionem simoniacam, neque illicitam; modò Vicarius ad talem redemptionem non obligetur; sed in libera eius voluntate relinquatur, utrum malit partem illam fructuum annuatim soluere, an verò totam obligationem, vel partem eius iusto pretio, videlicet quinque annatis, redimere. Nam simonia, omnium consensu, pro materia habet rem spirituales, vel saltem aliquo modo annexam spirituali: sed in dicta conventionione redimitur res merè temporalis, videlicet obligatio soluendi aliquam partem reddituum, quam Capitulum annuatim iuste à Vicario exigere posset. Ergo non interuenit simonia.

Dixi autem, modo Vicarius obligetur: Nam eiusmodi vicariæ perpetuæ, sicuti & alia omnia beneficia, purè ac simpliciter conferri debent, sine omni pactione seu obligatione: cum alioquin simoniacæ censeantur, saltem ex Ecclesiastico iure, sicuti ex communi notauit Tol. cit. c. 92. assert. 1. Suarez c. 26. num. 20. qui loquitur de Episcopo, cuius episcopatus grauatus est pensione tribuenda Concionatori; & rectè ait, simoniacum censeri Episcopum, si munus concionandi alicui conferat, ea conditione siue pacto, ut is pensionem annuam statim redimi patiatur: non fore tamen simoniam, si constitutus Concionator, in eiusmodi redemptionem liberè ac sponte consentiat. Idem verò accidit in præcedente casu: non enim obligatio imponitur Vicario redimendi portionem annuam, quam Capitulum præstare deberet; sed potius gratia illi fit, quando optio ei datur vel annuatim præstandi, vel statim redimendi.

Neque his obstat, quod fieri possit, ut is, qui portionem, vel quancunque pensionem Ecclesiasticorum 50 fructuum iusto pretio redimit, primo statim anno moriatur, ideoque fructus, vel pecuniam, quam ab initio soluere cogebatur, nunquā recipiat. Respondetur enim; Possè etiam contra fieri, ut qui pensionem redimit, diu uiuat, ideoque ex redemptione magnum commodum ferat. Nil autem frequentius est, quàm ut aliquis ius pro tempore vite sue emat, vel obligationem pro tempore vite sue redimat, æquali periculo tum commodi, tum incommodi reportandi se subiiciens, sicuti apparet in censu vitalitio.

Similis casus: Titius procurauit Caio parochiam, ex qua ille pensionem annuam 100. flor. percipit; optat autem idem Titius, vt Caius pensionem hanc redimat numeratis semel 100. florenis, vtrum id fieri possit absque simoniae vitio? Respondeo: Si Titius paciscatur cum Caio, vt ad parochiam suā industriā promotus, dictam pensionem redimere teneatur, haud dubie simonia est. Secus, si Caius ad parochiam ope Titii promotus libera voluntate redimat pensionem, quā alioquin redimibilis est.

QUARTA QVÆSTIO. Vtrum sit simonia, beneficium Ecclesiasticum permutare cum altero beneficio? Respondeo, & dico I. Permutatio beneficiorum si priuata pactione, & sine legitima auctoritate Episcopi fiat, non solum irrita est; sed etiam simoniaca, ex dispositione iuris Ecclesiastici, sicuti habetur in c. quæsitum, & cap. cum vniuersorum, de rerum permutat. Et qui beneficium suum cum altero propria auctoritate permutare ausus fuit, illud amittere meretur; quod intellige per Iudicis sententiam, iuxta c. olim eod. tit. Nā ipso iure cū permutatio sine Superioris consensu irrita sit, beneficium permutanti, aut renuntianti non amittitur; quia quod nullum seu inane est, nullū effectum producere potest, sicuti docet etiam Nau. c. 23. n. 105. Quāuis autem spectata rei natura, simoniacum non sit beneficium cum beneficio permutare, cum vtrumque spirituale sit, ideoque cum legitima prælati auctoritate talis beneficiorum permutatio fieri possit, iuxta c. ad quæstiones, de rerum permut. Clem. vn. eod. tit. & docet S. Thom. quæst. 100. art. 1. ad 5. si tamen priuata partium conuentione fiat, periculum est simoniacæ intentionis; ne qui ita permutat, oculum mentis suæ ad temporales vberes redditus conuertens, eos pro tradito spirituali suo beneficio, aut dignitate, emere; vel vice versa, pro tradendo sibi spirituali aliquo officio, vendere intendat, sicuti notauit Nauar. c. 23. num. 100. ver. tertio. Quamobrem positio iure omnis eiusmodi pactio circa beneficia Ecclesiastica, tanquam simoniaca, prohibetur, cit. c. quæsitum, c. quam pio, 1. quæst. 2. c. cum pridem, c. vlt. de pactis.

Veruntamen nihil ob stare videtur, quominus partes prius inter se tractare, & conuenire possint de permutatione faciendā; verum non absolute, & quasi per ipsos exequenda sit: sed cum conditione, relata in consensum Episcopi, in cuius manu beneficia resignare velint, gratia permutationis faciendæ, sicuti colligitur ex cap. vn. de permutat. & cit. Clem. vn. vbi Gloss. ver. volentibus *Tractatus permutationis inter partes procedere potest, tamen ipsa permutatio expeditur Iudicis officio, & consentit Abb. in c. quæsitum, num. vlt. de rerum permut. Sylu. ver. permutatio 2. q. 3. Nau. lib. 5. consil. 18. de simon. edit. 2. Binsfeld. c. 12. de simon. q. 3. conclus. 3. Suarez c. 32. num. 7. qui addit num. 8. Mutuam partium conuentionem non reuocandi, aut impediendi, quantum in ipsis est, permutationem, sed eam Prælati proponendi, in conscientiarum foro validam, & obligatoriam esse: cum nullo iure prohibita reperiatur.*

Dico II. Similiter simoniacæ censerī debent omnes pactiones, seu commutationes, quæ fiunt circa actiones, aut iura inchoata, & necessaria ad beneficiorum consecutionem; item commutationes illæ, quæ fiunt circa quæcunque spiritualia, quibus temporale aliquod annexum est consequenter, licet propriè beneficia Ecclesiastica non sint. Ita ex communi docet Nauar. c. 23. num. 100. Suarez citat. cap. 32. num. 14. & seqq. *Exempla prioris partis sunt: Si paciscar, nie electum ad episcopatum Titium; vt is, vel alius cui promitto, eligere, præsentare, instituere aut consummare velit me, vel alterum ad aliud beneficium, cuiusmodi casus ponitur in cap. de hoc, de simon. vbi id notant Doctores & Abb. in cap. cum essent, eodem in fine.*

Exempla posterioris partis sunt: Si quis beneficium permutet cum vicaria, cooperatura, aut capellania non collatiua, sicuti colligitur ex cit. c. quæsitum, de rerum permutat. vbi generatim dicitur: Simoniacam pactionem esse, quæ fit circa spiritualia, vel connexa spiritualibus. Ratio est, quam præcedenti assertioni dedi: Quia quando vnum spirituale cum altero spirituali commutatur, cui temporale commodum annectitur, periculum atque suspicio est, ne id fiat intuitu rei temporalis, adeoque per rem temporalem comparetur ius spirituale quamobrem tales omnes pactiones iure & consuetudine Ecclesiastica tanquā simoniacæ damnantur, sicuti colligunt DD. ex citatis iuribus, &c. cum pridem, cap. vltim. de pactis, c. ex parte, 1. de offic. deleg.

QVÆSTIO QVINTA. Vtrum simoniacum sit permutare beneficium cum pensione, aut portione præstimoniali; In qua quæstione in primis nemo dubitat, simoniam esse, si talis permutatio sola partium pactione instituitur. Deinde verò supposita distinctione, inter pensiones siue portiones præstimoniales, quæ in titulum beneficii erectæ sunt; & alias pensiones, quæ ex utraque beneficii naturā, vel merè temporales sunt, vel mixtæ & clericales. Respondeo, & dico I. Beneficium cum pensione spirituali siue præstimoniali portione in titulum beneficii erecta, cum Ordinarii auctoritate, permutari potest. Est communis; quam docet Suarez c. 33. assert. 1. Nam tale præstimonium verè beneficium est, sicuti dixi hoc lib. tr. 2. c. 3. n. 6.

Dico II. Episcopus iure ordinario non potest approbare permutationem beneficii cum pensione, etiam clericali, quæ non est beneficium. Ita Suarez l. c. Probat: Episcopus non potest admittere conditionalem resignationem beneficii in fauorem certæ personæ, sed eam tantum, quæ fit causa permutationis cum altero beneficio, sicuti dixi eod. tract. 2. c. 17. n. 6. Pensio autem, de qua hæc loquimur, est beneficium. Ergo &c. Cæterum si Clericus, qui ob senium v. g. beneficio præesse non potest, purè illud resignet in manu episcopi, petens sibi necessariam vitæ sustentationem suppeditari; nihil obstat quin Episcopus tale beneficium pensionario alicui conferre possit; cuiusque pensionem, si iam vacare incipiat, alteri illi qui beneficium resignauerat, tribuere. Loquor enim de pensionibus, siue portionibus, quæ in aliqua Ecclesia ab antiquo tempore separatæ esse possunt à prouentibus Ecclesiasticorum beneficiorum, vt Episcopi, vel Capituli auctoritate, indigentibus Clericis suppeditentur, sine onere officii horarii.

Præterea, si Titius parochus in morbum inciderit, qui diuturnus existimabatur, ideoque beneficium resignare coactus fuit, quod Episcopus contulit Caio, reseruans tamen pensionem Titio ægrotanti: Postea verò, præter opinionem accidat, vt Titius reualescat, & Caius perpetuum morbum contrahat; quid obstat, si Episcopus beneficium parochiale, sine præcedente pactione partium, restituat Titio, pensionemque ipsius assignet Caio.

Dico III. De Papa non est dubium, quin possit instituere permutationem beneficii, cum pensione. Si tamen pensio non sit annexa ulli obligationi spiritualis officii, ne quidem officii B. V. recitandi; tunc securius est, vt id non fiat præcedente partium pactione: sed beneficium resignetur Papæ in gratiam pensionarii, adiuncta petitione; vt quia pensionarius pensione sua amplius non indiget, eam resignare iubeatur, vt resignanti, non in pretium resignationis, sed causa sustentationis proueniat, sicuti Suarez n. 10. explicat.

His denique adde, simoniam fore, si partes permutaturæ, aut resignaturæ beneficium, inter se priuatim paciscantur de expensis ab vno eorum faciendis, sicuti ex communi notat Suarez cap. 35. num. 24. Præter;

quam quatenus expensæ de iure ab aliquo faciendæ sunt, iuxta receptam regulam: *Quod de iure, seu ex iustitia fieri oportet, id ipsum in pactum deduci potest, absque vitio simonia.*

QVÆSTIO SEXTA. Vtrum sit simonia, in permutatione beneficiorum, fructuum inæqualitatem pecunia, vel pensione annua ex pinguiore beneficio detracta compensare? In qua quæstione consentiunt Doctores, id priuata solum conventionione fieri non posse, sine labe simonia: Dissentiunt verò, vtrum simonia cum sit, si Superioris, puta Episcopi, auctoritas intercedat? Negant Angelus ver. permutatio, §. 6. Syluest. eodem ver. 2. quæst. 6. Less. dub. 17. num. 101. & probant ex cap. ad quæstiones, de rerum permut. vbi Clemens III. respondit, Ecclesias parochiales auctoritate Episcopi permutari posse, ita, vt si possessiones vnius abundantiores sint, excessus pecunia compensetur.

54 Sed contrarium docent Abb. in cit. c. ad quæstiones, num. 3. Adrianus in quodlib. 9. ar. 3. ad quintum, Nau. c. 23. num. 100. notab. 3. Arrag. 2. 2. quæst. 100. art. 4. ver. tertio est aduertendum, Couar. 1. resolut. c. 5. num. 8. & 9. Vasq. de benefic. c. 2. num. 178. Suarez c. 34. num. 9. Ratio est: Quia fructus siue redditus beneficiales ita annexi sunt spirituali titulo, vt nemini deberi possint, nisi ratione spiritualis præstiti officij, consequenter, qui redditus beneficiales emit, ipsum titulum siue tus officij emere conuincitur, vt supra etiam argumentatus sum, num. 44. Quare ad euitandam simoniam necesse est redditus à spirituali titulo prius separari, quam in contractum, siue commutationem pro pecunia venire possint: cum autem talis separandi facultas Episcopo iure ordinario non competat, argum. cap. nisi essent, de præbend. sequitur, quod is approbare non possint, vt vterioris beneficij redditus pecunia compensentur: quamuis id Papa possit, ex plenitudine suæ potestatis, sicuti docet Caietan. 2. 2. quæst. 100. art. 4. verb. ad primum horum, Suarez cap. 34. num. 12. Sed non facile solet talis modus compensationis etiam à Papa approbari per interuentum pecuniæ, propter speciem ac periculum simonia; sed alter modus conuenientior, vt beneficio pinguiori pensio imponatur, soluenda alteri, qui tenuius beneficium accipit. Quod ipsum iure quidem ordinario Episcopo concessum non est; sed fortasse in casu extraordinario necessitatis, aut magnæ utilitatis, vocatis iis quorum interest, etiam ab Episcopo talis pensio imponi poterit. Vide quæ dixi supra num. 52.

Ad cap. ad quæstiones respondent Couarru. & Suarez. ll. cc. ex doctrina Abb. ibid. Sermonem esse de parochialibus Ecclesiis, quæ duabus Conuentualibus vnitæ erant, vnâ cum possessionibus, non in titulum beneficij, sed in proprietatem ad Fratrum sustentationem: quamobrem tales possessiones quasi temporales censi solent; atque in permutatione seorsim ac separatæ à iure Ecclesiarum spirituali æstimari, ita, vt quatenus ex vna parte superant, excessus pecunia refundatur, sine ordine ad iura spiritualia, sicuti etiam docent Abbas num. 4. alique Doctores in cap. cum venerabilis, de except. Pro quo inferuire potest regula, quam tradunt Canonistæ communiter: *Quod vnio beneficij facta in perpetuum alicui ecclesie operatur extinctionem tituli, vt amplius beneficium non censeatur; sed velut prædium ecclesie eius, cui vnio facta fuit, sicuti dixi hoc lib. tract. 2. ca. 9. num. 2.*

55 **QVÆSTIO SEPTIMA.** Vtrum transactio seu pactio onerosa ad terminandam litem beneficiale[m] absque simonia fieri possit? Transactio dicitur, cum in lite dubia aliquid remittitur, altero retento, aut vicissim petito, l. i. ff. de transaction. & l. transactio, C. eod. Quare differt à pacto seu remissione gratuita, quæ

etiam *amicabilis compositio* appellatur, & super eo, de transact. Nam qui ita *paciscitur donationis causa, rem certam, & indubitatam liberalitate remittit*, cit. l. i. vt si aliquis, lite, quam iuste mouere potest, gratis cedat, omnemque actionem remittat: vel si creditor, cui liquidè iure centum debentur, exactis octoginta, viginti remittat: vel si Summus Pontifex, parte debitorum incertorum condonata, reliquum in pias causas erogari præcipiat, censi non debent propriæ transactiones, sed liberales compositiones, sicuti dixi etiam lib. 3. tract. 4. de iust. c. 31. nu. 2.

Nunc respondeo, & dico I. Orta lite de Ecclesiastico beneficio, vel alia re spirituali, non prohibentur partes gratis, & amicabiliter inter se componere. Ita habetur expressè cit. in cap. super eo, vbi Abb. notat num. 2. duobus id modis fieri posse; primò, si vnus sponte & gratis iure suo cedat, litemque deserat: etsi nihil obstat, quominus postea donum ex gratitudine sibi oblatum recipiat. Secundò, si in arbitros compromittant; vt illi parti rem totam adiudicent, quæ potiore iure niti videtur. Et posse vtrumque modum compositionis absque Superioris consensu institui, docet Abb. ibid. præterquam, si oporteat possessorem beneficij illud dimittere, quod sine Superioris auctoritate fieri non potest, sicuti habetur in c. admonet, c. quod in dubiis, de renuntiat. & videri potest Vgol. tab. 1. cap. 29.

Dico II. Transactio simoniaca est, in qua ex vna parte beneficium Ecclesiasticum; ex altera verò partes temporales datur, remittitur, retinetur. Ita habetur expressè in cap. cum pridem, de pactis, cap. super eo, cap. constitutus, de transact. cap. 2. de arbitris. Exempla sunt: Si in lite beneficiaria litiganti pecunia detur, vt à lite desistat; vel ipsi beneficium relinquatur, vt pecuniam offerat, vel pecuniarum debitum remittat: cuiusmodi pactiones in dictis iuribus tanquam simoniacæ damnantur. Eademque ratio est, si controuersia orta sit de alia quacunque re spirituali, v. g. sacris reliquiis, iure patronatus, eaque per transactionem, interuentu alicuius rei temporalis, ac pretio æstimabilis, dirimatur, sicuti constat ex cit. cap. super eo, & cap. præterea 1. de transactionibus. Ratio est: Quia transactio est reciprocus contractus, & species quædam commutationis: spiritualia autem cum temporalibus commutari non possunt, sine vitio simonia.

Dico III. Licet controuersia, quæ circa alias res, vel iura spiritualia versantur, terminari possint offerendo, vel retinendo aliud spirituale; id tamen concessum non est in materia beneficii, nisi Prælati auctoritas intercedat. Ita ex communi docet Suarez cap. 51. assert. 2. & 3. Prior pars assertionis probatur: Nam, vt paulò antè dixi, transactio est species quædam permutationis: spirituale autem cum spirituali permutari nihil prohibet, sicuti constat ex cap. ad quæstiones, & cap. vlt. vbi id notat Gloss. ver. temporalia, de rerum permutatione. Exempla sunt: Si controuersia orta sit inter Prælatos de iurisdictione spirituali, transactionem facere possunt, diuidendo loca, vel actus iurisdictionis. Si lis orta sit de reliquiis, potest fieri transactio, vt vni relinquatur, qui obligatus sit alias reliquias in compensationem dare. Verum si materialia ornamenta adiuncta sunt, ea seorsim æstimari, & in commutationem venire debent, sine ordine ad permutationem sacrarum reliquiarum secundum se. Eademque ratio est, si ecclesia v. g. parochialis cum possessionibus, vel decimæ spirituales alicui Monasterio incorporatæ sint ad sustentationem Fratrum; tunc orta aliqua controuersia cum alio Monasterio, transactio fieri potest; ita, vt contractus nō misceantur, sed iura spiritualia seorsim in commutationem veniant; postea verò temporales prouentus, à pristini extincti beneficij titulo separati, æsti-

mentur, iuxta c. ad quaestiones, paulo ante explicatum.

Posterior pars sumitur ex cit. cap. constitutus, & cap. 58 super eo, ubi id Abb. notat, aliisque communiter. Ratio est: Quod omnis reciproca pactio, conventio, permutatio in beneficiis Ecclesiasticis, quæ propria auctoritate sit, tanquam simoniaca prohibeatur; Ecclesiastico iure. Verum cum Prælati, aut Iudicis, Ecclesiastici auctoritate, perinde ac permutatio, ita & transactio in beneficiis iusta de causa fieri potest, designando etiā annuam pensionem ex beneficii redditibus soluendam ei, qui alteri beneficium relinquit, sicuti constat ex casu cap. nisi essent. de præben. ubi respondetur; Si duo electi ad aliquam dignitatem, compromittant in Iudicem (ordinarium, aut delegatum) posse eum, tanquam arbitrum, unum compromittentium confirmare, & alteri pro bono pacis de redditibus provisionem facere. de quo Abb. ibid. num. 4. Quinimò, etiam si compromissio fiat in alios arbitros Clericos, cui alioquin nullam super ea causa iurisdictionem habent; posse eos litem componere, vni parti, quæ potius iure nititur, beneficium adiudicando, & alteram partem præstatione aliqua grauando, colligitur ex cap. 2. de arbitris, ubi Abb. num. 10. & Suarez cit. cap. 51. in fine. Dummodo beneficium non deferatur ab eo, qui illius possessionem iam ceperat, sicuti supra dixi, & notat Abbas in cap. de cætero, num. 1. de transactionibus. Nulla item pensio annua in beneficio designetur: id enim fieri non potest sine auctoritate Ordinarij; aut saltem Iudicis delegati, iuxta ea, quæ dixi supra tr. 2. c. 18. n. 3. & notat Abb. l. c. n. 2. Suarez n. 24.

Illud denique Doctores citati, aliisque communiter aduertunt, pensionem, aliāque præstationem temporalem, sola prouidentia Prælati, Iudicis, aut arbitri, propter bonum pacis, resignari posse; non item, si partium litigantium pactio, & inchoata transactio antecessit, sicut colligitur ex c. cum pridem, de præb. Vbi Papanoluit confirmare transactionem à partibus propositam, vel beneficium Ecclesiasticum alteri litigantium cedatur, is verò pro expensis tres marchas argenti soluere debeat, pro eo quod videbatur prauam illius pactio-
nis speciem continere. Si tamen agatur non de sola temporalitate, sed de pensione aliquo modo spirituali, & naturam beneficii participante, qualis dari solet propter spirituale aliquod officium; tunc nihil ob stare videtur, quin partes inter se conueniant, eamque conuentionem Episcopo confirmandam offerant, sicuti supra dixi in permutatione beneficiorum, & notauit Suarez cit. c. 51. num. 20. Ratio est: Quia in hoc casu non temporale pro spirituali; sed spirituale pro spirituali datur, aut commutatur; quod non ita simoniæ speciem præ se fert, etiam in materia beneficii, si Ordinarij auctoritas postea accedat.

Illud solum in dubium vocari potest: Quomodo à simoniæ labe excusari possit, si Episcopus, Iudex delegatus, aliūque Clericus arbiter designet parti litiganti præstationem merè temporalem, ut à lite beneficiaria recedat? Respondeo, id fieri non posse, tanquam in compensationem dubii iuris, quod pars illa ad beneficium habet; quippe cum illud spirituale sit, idcirco pretio temporali absque simoniæ vitio non redimatur: verum aliis de causis seu titulis eiusmodi temporale adiudicari potest parti, quæ à lite beneficiaria recedit, videlicet in compensationem laborum, & expensarum, quas in litigando frustra faceret; vel ad necessariam sustentationem personæ, quæ à iure & actione defuit; ac denique in bonum pacis, & concordie, quæ ipsi etiā transiguntibus est, adeoque pretio æstimabilis, sicuti notat Suarez cit. c. 51. n. 22. & videri potest Abb. in cit. c. 2. de arbitris, n. 10.

Quæstio Octava. Vtrum ius patronatus

sit materia simoniæ, & num ex iure diuino? Ad primam partem certa est responsio affirmans, apud S. Thom. quæst. 100. a. 4. ex c. præterea, de transactione, c. quia Clerici, c. de iure, de iure patronatus, ubi dicitur, se patronatus per se vendatur, venditionem, tanquam simoniacam, irritam decerni oportere. Circa alteram vero partem dissentiunt DD. Nam multi Canonistæ, nominatim Abb. in c. quanto, num. 6. de iudic. Rochus Curtius de iure patron. per. ius, num. 2. Selua p. 1. de benef. q. vlt. prope finem, & alij, quos citat, & loquitur Binsfeld in rubr. de simon. notab. 7. existimant, ius patronatus non esse quid spirituale secundum se, sed solum annexum spirituali antecedenter, idcirco eius venditionem non esse prohibitam, quia c. se realia & simoniaca sit, sed esse malam, & simoniacam, quia sacris canonibus prohibita est; sicuti & venditio christiani, officij Thesaurarij, &c.

Alii verò contrarium rectius docent, Gl. in cit. c. præterea, ad finem. Nau. in rubr. de Iudiciis, num. 30. & alij, quos citat, & sequitur Suarez c. 28. n. 7. Ius patronatus, siue præsentationis licet sit annexum spirituali antecedenter, videlicet Ecclesiastico beneficio; tamen etiam secundum se spirituale quid esse, quia nihil repugnat, inquit Nau. ut unum & idem sit spirituale, & annexum spirituali. Nam sic vasa, & vestes consecratæ spiritualia sunt principaliter propter habitudinem ad Sacramentum, & sacramenta; ad quæ antecedenter ordinantur, sicuti ius patronatus ad Ecclesiasticum beneficium; idque constat ex doctrina S. Th. q. 99. a. 3. Et tamen ipsæ etiam sacræ vestes, & vasa secundum se spiritualia censentur propter Ecclesiæ institutionem, & consecrationem; & quæ talia vendi, aut pretio æstimari non possunt, sine vitio simoniæ aduersus ius diuinum, supposita Ecclesiæ illa institutione. Quare simili modo, si ius patronatus seu præsentationis, Ecclesiastica potestate institutum, secundum se vendatur, aut fundus, cui tale ius annexum est, illius ratione pluris æstimeretur, committitur simonia aduersus ius naturale, & diuinum. Quia venditur id, quod per se, ac intrinsecè spirituale est; siue consideretur ratione principij, à quo promanet, quæ est Ecclesiastica potestas, per quæ etiam beneficia instituta sunt; siue ratione proprii actus, quæ est præsentatio ad beneficium spirituale, per quam ipsi præsentato potentia, siue ius saltem passiuum, acquiritur, ut ipse ad beneficium institui possit, atque etiam debeat, idoneus sit, sicuti habetur in c. significasti, de iure patronatus. Quapropter ius præsentandi valde affine est iuri eligendi ad prælaturam: quare sicuti ius illud eligendi secundum omnes spirituale est, tum ex origine sua, tum ex proprio actu, & obiecto seu termino, ad quem ordinatur; ita & ius præsentandi. Nam de hoc, tanquam principali iure, loquimur, cum dicimus, patronatum sine simonia vendi posse.

§. VI.

QUOTVPLEX SIT SIMONIA.

SUMMARIVM.

1. Simonia alia ex naturali iure, alia ex Ecclesiastica tantum cōstitutione.
2. Officia quadam Ecclesiæ, quamuis circa res temporales, Ecclesiastico iure vendi prohibentur.
3. Officia secularis potestatis vendere consilium non est, sed Reipub. perniciosum.
4. Papa simoniam incurrere potest, præsertim contris ius naturale, ac diuinum.
5. Officiales in Curia Romana, non minus, quam aliorum Prælatorum Ministri simoniam committere possunt, si pro data, aut promissa pecunia aliquid spirituale impetrent: quamuis prælabere accidentaliter coniuncto aliquid sine vitio simoniæ acci-

- epi possit.*
 66 *Simonia solo Ecclesiastico iure introducta, est peccatum irreligi-
 giositatis; sed non proprie peccatum simonia.*
 67 *Simonia alia mentalis est, alia conventionalis, & alia mixta.*

EXPLICATIS iis, quæ ad essentiam simoniæ spectant; nunc diuisiones eius aggredimur.

61 **Prima diuisio.** Simonia alia est prohibita, quia mala est; alia vero mala, quia prohibita est. Ita docet Gloss. communiter recepta in cap. ex parte, 1. ver. remittere, de offic. delegati, Ibid. Innoc. Hostiensis, Palud. in 4. distinct. 25. quæst. 4. a. 2. contra Durand. in 4. d. 25. quæst. 5. Sensus diuisionis est, quod alia simonia sit quæ iuri natur. ac diuino repugnat: alia verò, solum quæ ex rei natura simon. non est, sed ex Ecclesia s prohibitione, sicuti explicat Hen. de Gadau quodlibet 9. q. 26.

Porro non rectè aliquis dixerit: Simoniam iuris naturalis eam esse, quæ circa spiritualia versatur; simoniam verò iuris Ecclesiastici, quæ circa annexa spiritualibus. Fallit enim hæc regula tripliciter; Primò, quia quædam sunt spiritualibus antecederet annexa, quæ tamen secundum se sacra & spiritualia sunt; ideòque eorum venditio diuino iuri aduersatur, vt ius patronatus, sacra vasa. Secundò, quia quædam sunt secundum se quidem temporalia, tamen ita inseparabiliter supapte natura annexa spiritualibus (idque vel concomitanter, vt labor intrinsecus, & per se necessarius ad sacramenta, Sacrificium; vel consequenter, videlicet redditus beneficii Ecclesiastici) vt talium venditio diuino etià iuri repugnet. Tertio fallit, quia licet materia spiritualis sit, si tamen alterum, quod ad simoniacam pacti-
 nem concurrat, non sit propriè temporale pretium, non potest esse simonia iuris diuini, sed solum Ecclesiastici: idque vel quia temporale non est, sed potiùs spirituale, quod cum altero spirituali commutatur, vt Ecclesiasticum beneficium cum beneficio; vel licet merè temporale sit, tamen non est pretium commutationis, sed donum liberale. qua ratione in Concil. Trident. sess. 24. cap. 18. de reform. prohibetur examinadoribus ad beneficia: *Ne quicquam prorsus occasione huius examinis accipiant; alioquin a simoniae vitium, tam ipsi, quam dantes incur-
 rant.* Et de admissione ad ordines similia habentur sess. 21. cap. 1. de reformat. & de non recipiendis muneribus in visitatione contra Constitut. Innocent IV. sub pœna interdicti Episcopo impositæ; aliis verò inferioribus Clericis sub pœna suspensionis ab officio, ac beneficio, nisi intra mensem duplum restituant Ecclesiæ, à qua acceperunt, cap. exigit, iunct. ca. 1. & c. felix, de censibus in 6.

62 **Quare aliter dicendum est;** Simoniam solius iuris Ecclesiastici duplicem esse; Vnam, quæ versatur circa materiam, quæ neque in se, neque proxima habitudine, aut intrinseca dependentia; sed solum remotè, vel accidentaliter rei spirituali annexa est; cuiusmodi annexio & habitudo non sufficeret ad vitium simoniæ, spectata rei natura: nisi Ecclesiastica constitutio accederet, Hæc ratione solo Ecclesiastico iure prohibetur, ne pro sacro oleo, vel chrismate aliquid exigatur, cap. nõ satis, de simon. quamuis alioquin, spectata rei natura, simoniacum non sit, materiam rei spiritualis, pretio secundum se æstimabilem, vendere, sicuti dixi suprà §. 4. assert. 5. & 7. Præterea in Concil. Chalcedon. cap. 2. relato in cap. si quis Episcopus, 1. quæst. 1. seuerissimè tanquam simoniacum prohibetur, ne Episcopus pro pecunia aliquem promoueat ad officium dispensatoris, id est Oeconomi, seu administratoris rerum Ecclesiasticarum; aut defensoris, seu Syndici; aut Iudicis circa res temporales Ecclesiæ; vel Mansionarii, quæ videtur esse pars œconomix, ad distribuendas mansiones Clericis. Vide Urbanum II. in c. Saluator, 1. quæst. 3. Gl. ibid. & in cit. c. si quis Episcopus, vbi rectè ex textu

colligit, idem sentiendum esse de officio Archidiaconi, Archipresbyteri, Primicerii, qui & Magister chori dici potest; item de officio Sacristæ, Thesaurarii seu custodis. Nam licet dicta officia simpliciter temporalia sint, eorundemque actus, & proximum obiectum temporale, ideòque, spectato iure naturali ac diuino, sine vitio simoniæ vendi possint; quia tamen saltem remotam ordinationem ad finem spiritualem & supernaturalem habent, nec non ab Ecclesiastica Prælatorum iurisdictione à Christo concessa, instituuntur; ideò propter seruandum Ecclesiæ decorem, & vitanda incòmoda, quæ sequerentur, si talia officia venialia essent, Ecclesiasticis canonibus eorum venditio tanquam simoniaca prohibetur, sicuti colligitur ex citatis iuribus, & plerique Doctores fatentur apud Caiet. ver. simonia, reg. 3. Victor. p. 1. de relect. num. 16. Abb. in cap. consulere, de simon. Suarez cap. 29. num. 4. Quamuis aliqui negant eiusmodi officia, si spirituales functiones non habeant, & in laicam etiam cadere possint, materiam simoniæ esse, vt videre est apud Innocent. c. 1. Ne Prælati vices suas &c. Syluest. ver. simonia, quæst. 13. dicto 7.

Illud verò certum est; licet officia ipsa, secundum probabiliorem, & sacris canonibus conformiorem sententiam, vendi non possint, ipsas tamen officiorum functiones, vt pote merè temporales, sine vlla simoniæ suspitione æstimari, & pro mercede, seu pretio propriè dicto vendi, vel potius locari posse, sicuti notauit Suarez n. 13.

De aliis verò merè temporalibus officiis, seu muneribus, quæ à secularibus potestatibus conferuntur, quod ea vendere per se quidem iniustum non sit; attamen minus consultum, imò plerumque Reipublicæ perniciosum, docet S. Thom. opusc. 21. ad Ducissam Brabantiam, Gabr. in 4. d. 15. quæst. 5. in fine, Caietan. in sum. ver. officiorum venalitas, Vasquius p. 4. illustr. controuers. c. 42. 43. Binsfeld. in c. 35. de sim. quæst. 2. conclus. 2. quia hac ratione inepti homines ad publica munera assumuntur, qui subditos iniquis plerumque exactionibus grauant.

Ex dictis dubium resolui potest, quod mouent Canonistæ in c. 1. de simon. Vtrum Papa simoniacus esse possit? Respondeo, & dico I. Summus Pontifex incurrere potest simoniam contra ius naturale, & diuinum. Ita S. Thom. quæst. 100. a. 1. ad 7. Palud. in 4. distinct. 25. quæst. 4. a. 1. Durandus eadem dist. quæst. 5. Nau. c. 21. num. 108. princ. Victor p. 1. num. 39. Syluest. ver. simonia, quæst. 4. Binsfeld. in cit. c. 1. q. 2. Lessius lib. 2. c. 35. dub. 5. Suarez c. 52. Nam Papa perinde ac alii, naturalibus, ac diuinis legibus obligatur, Quamquam, si simoniam committat, ab hominibus iudicari, & puniri non potest, ideòque nec pœnas seu censuras canonum incurrit. Quia ipse à nemine iudicandus est, nisi deprehendatur à fide deuius, siue hæreticus, c. Papa d. 40.

Dico II. Pontifex non facillè incurrere potest simoniam, quæ ex iure tantum Ecclesiastico promanat. Hæc est communior Doctorum sententia, vt videre est apud Victor. Syl. Nau. Binsfeld. Suarez ll. cc. Ratio est: Tum quia pleræque simoniæ, iure Ecclesiastico introductæ, peculiari ratione ad inferiores pertinent, nota ad Sum. Pontificem, sicuti ostendit Suarez num. 5. Tum quia, si aliqui canones Ecclesiastici circa hanc materiam simoniæ sunt, quorum obseruatio æqua ratione ad Papam pertinere videatur; tamen, occurrente iusta causa, propter quam cum altero dispensare posset, ipse non obligabitur. Verum si in tali casu, qui rarissimus est, ratio nulla sit ab vniuersali lege Ecclesiastico discedendi, tum etiam Papa simoniæ labem contrahere videtur: cum & ipse, ex communiore Doctorum sententia, legibus Ecclesiasticis, quoad vim

rectitudinem, obligatus sit, sicuti dixi in lib. 1. tract. 4. c. 9. n. 3. & inter alios docet Victor. n. 39. Binsfeld. conclus. 3. Less. n. 33.

65 Porro in Curia Romana simoniam committi posse ab Officialibus etiam aduersus sacros canones, dubitari non potest. Imò etsi Papa id sciat, & dissimulet, non ideo statim præsumendam esse dispensationem, notauit Suarez cit. c. 52. n. 11. Quamuis si diuturno tempore, cum scientia & patientia Pontificis, non obseruetur lex Ecclesiastica, quæ tanquam simoniacum prohibent quod per se malum, atque illicitum non est, tunc ea per desuetudinem abrogata censi potest. Adde, Officiales Papæ, non minùs, quàm aliorum Prælatorum Ministros, Oratores, & quosunque intercessores simoniam committere, si pro data, vel promissa pecunia alteri impetrent Ecclesiasticum beneficium, sacrum ordinem, vel aliud spirituale, sicuti docent Innoc. in c. tuam, de ætat. & qual. Innoc. & Felinus in c. tanta de simon. Syl. ver. simonia, q. 6. Nau. c. 23. n. 106. ver. ad quintum, Suarez c. 53. n. 14. & sumitur ex c. præsentium, n. quæst. 5. Ratio est: Quia si intercessori, vel laudatori pretium detur propter beneficium impetrandum, emitur quodammodo, & æstimatur ipsum beneficium; tum quia intercessio, propter ordinem ad illud, valorem seu dignitatem compensationis acquirere censetur; tum quia ipsa beneficii collatio prouenit quodammodo ab ipso intercessore, tanquam causa moraliter mouente collatorem: quare, *paria sunt*, inquit, *dare collatori, & dare tertio, ut moueat collatorem ad conferendum*. Sitamen aliquid detur Officiali pro præbendo aditu, vel pro labore accidentaliter coniuncto sapius eundi, ac redeundi ad collatorem, non erit simoniacum, sicuti Nauar. ibid. notauit, & Suarez n. 17. ubi addit; si Officialis, vel Orator meram exhibeat informationem causæ, ut testimonium veritatis, sine vlla suasione, deprecatione, posse aliquid accipi; propterea quod officium Aduocati, Informatoris, Testis, etiam in causa spirituali, temporale, ac pretio æstimabile esse possit. Quamuis talia in praxi non carent periculo simoniæ: quapropter si labor, & temporis iactura notabilis est, tutius erit aliquid accipere, solum per modum stipendii ad sustentationem vite.

66 Aliud dubium est: Vtrum simonia solo Ecclesiastico iure introducta, sit verè, propriè, & vniucè simonia appellanda? Respondeo, & dico I. Esse hoc peccatum contra virtutem Religionis, & speciem quandam irreligiositatis, ac sacrilegii, sicuti præter alios notauit Valent. q. 16. p. 5. contra Duran. in 4. d. 25. q. 5. n. 6. ubi ait, esse peccatum duntaxat contra obedientiam. Probatur assertio: Nam lex positua, præsertim Ecclesiastica, præcipiens aliquem actum, alioquin indifferentem, ex motiuo alicuius virtutis, facit eum materiam necessariam eiusdem virtutis; & vice versa, prohibens actum, alioquin indifferentem, ex motiuo alicuius vitii, efficit eum moraliter malum sub genere vitii aduersantis eidem virtuti, sicuti videre est in exercente mercatu in loco sacro, & in fornicante cum consanguinea in tertio, vel quarto gradu: nam prior ille sacrilegium committit, posterior incestum, ex solius Ecclesiasticæ legis prohibitione. Atqui similiter pactioes aliquæ, licet spectato solo iure naturali, ac diuino, simoniacæ non sint; quia tamen similitudinem, atque periculum simoniæ in se continent, ideo Ecclesiasticis canonibus, intuitu religionis, siue reuerentiæ rebus sacris, ac spiritualibus conservandæ, prohibentur. Ergo dicendum, transgressionem talium legum Ecclesiasticarum esse peccatum contra virtutem Religionis, & speciem quandam sacrilegii, ex genere suo mortalem.

Dico II. Simonia, quæ est contra solum ius Ecclesiasticum, cistem pœnis, ac censuris in sacris canoni-

bus subiicitur, quibus aliæ simoniæ, quæ sunt diuino aduersantur. Hæc est communior DD. sententia, sicuti fatetur Arrag. 2.2. q. 100. a. 6. dub. vlt. quamuis ipse contrarium sentiat; item Pet. Nau. lib. 2. c. 2. n. 436. ubi negat, permutantes beneficium cum beneficio, vel pensionem sibi reservantes sine Superioris legitima auctoritate, excommunicationem, aut priuationem beneficii ipso iure incurrere. Sed contrarium docet Redoamus p. 3. c. 8. n. 3. Nau. c. si quando, de rescript. except. 4. Suarez c. 55. n. 9. arg. c. cum olim, de rerum permut. c. de hoc, de simon. iuncta extranag. 1. & 2. eod. tit. Ratio verò est: Quia licet simonia ex solo iure positio descendens, non sit verè, ac propriè peccatum simoniæ; tamen per iuris canonici dispositionem ei æquiparatur, ideoque eisdem pœnis subiicitur, uti notauit Sotus lib. 9. q. 1. a. 2. ante resp. ad argum.

Dico III. Si res exactè consideretur, videtur mihi verè resolutio Soti, & Valentis locis citatis, Arrag. 2.2. q. 100. a. 1. assert. 2. & cit. dub. vlt. Binsfeld. in rubr. de simonia, notab. 12. conclus. 3. & 5. Nullam verè, propriè, atque vniucè dictam simoniam ex solo iure positio oriri posse, quemadmodum etiam fieri non potest, ut contractus, qui sua natura usurarius non est, per Ecclesiasticam aut civilem legem verè, ac propriè usura fiat. Nam sicut omnis usura debet esse lucrum ex mutuo, consequenter, ubi hæc ratio reperitur, ibi usura est contra ius naturale, & diuinum: ubi verò non reperitur, ibi non est verè, ac propriè usura; quamuis illicitus, ac pœnis usurariorum subiectus contractus esse possit, propter positam legem, ubi ea in vigore est. Sic etiam omnis simonia debet esse emptio, & venditio, id est, reciproca & onerosa commutatio rei spiritualis pro temporali, & pretio æstimabili: quæ ratio ubi reperitur, ibi simonia est iuri naturali, ac diuino repugnans; ubi verò non reperitur, ibi non est verè, ac propriè simonia; licet possit esse pactio irreligiosa, & sacrilega, propter Ecclesiasticæ legis prohibitionem: quod ipsum apertè significat Nau. cit. n. 100. ver. secundò; imò hanc esse communem sententiam Doctorum, ait Valent. l. cit. licet eam impugnet Suarez c. 7. & 29.

67 Altera diuisio: Simonia alia est mentalis, alia conventionalis, alia realis. Mentalis simonia dicitur hoc loco, non ea, quæ in sola mente siue proposito consistit committendi simoniam: sed quæ in externum opus transit, quod licet exterius nullo modo, nec per se, nec propter adiuncta, simoniacum appareat, ex sola tamen intentione, & affectione tale est. Videlicet, si aliquis rem spiritualement alicui conferat, quasi eam ex iustitia debeat, pro obsequio v. g. temporali ipsi exhibito, licet nulla, nec expressa, nec tacita pactio antecesserit. Et, vice versa, si aliquis rem temporalem alicui conferat, quasi ex obligatione iustitiæ eam debeat pro re spirituali sibi ab altero collata, nulla prorsus antecedente pactio, sicuti bene explicat Vgol. tab. 2. in fine. Quare simonia mentalis plerumque accidit ex parte tantum vnius dantium: quamuis etiam contingere possit ex parte vtriusque; sed casu, non ex conventionione, sicuti notauit Suarez c. 41. n. 3. in fine.

Conventionalis simonia dicitur, quæ in pactioem mutuum, expressam vel tacitam transit; sed reali traditione, seu executione nondum consummata est. Cuiusmodi simonia, inquit Less. dub. 6. *non tantum sit verbis expressis & directis, sed etiam obscuris & obliquis; interdum nutibus, vel solaprey oblatione, in speciem donationis; tamen ex circumstantiis aduersari potest.*

Porro conventionalis simonia est duplex; vna purè conventionalis, cum ex neutra parte traditio secuta est: altera mixta, cum vel traditio rei temporalis, siue pretii tantum facta est, nondum tradita re spirituali, vel, vice versa, traditio rei spiritualis facta est, nondum

tradito pretio temporali. Inter quas simonias hæc posterior detestabilior apparet, & magis accedens ad malitiam & consummationem simoniæ realis. Nam deformitas, & irreligiositas peccati simoniæ in eo consistit, quod res spiritualis in commutationem veniat pro temporali pretio: id verò consummari videtur hoc ipso, quod res spiritualis tali intentione propter præcedentem pactionem traditur, sicuti notauit Suarez cit. c. 41. n. 8. & seqq.

Ex quibus etiam patet, quid sit simonia realis, videlicet quæ ipsa rei traditione perficitur & consummatur; siue ex parte vnius tantum contrahentium, quæ dicitur simonia mixta; siue ex parte vtriusque; quæ perfectè consummata, & simpliciter realis est.

Corollarium I. simonia conuentionalis est quasi media inter mentalem, & realem: Quia mentali simoniæ conuentionalis superaddit externam pactionem expressam, vel virtualem: Ipsi verò conuentionali realis simonia superaddit executionem, seu traditionem rerum, de quibus simoniaca conuentio facta est.

Corollarium II. Si quis fictè promittat dare rem spirituales pro temporali, sine animo se obligandi, ac soluendi, is conuentionalem simoniam non committit: quia non est conuentio sine consensu in obligationem. Eademque ratione neque is, qui fictè promittit dare rem temporalem pro spirituali, conuentionalem simoniam committit, sicuti rectè docet Caiet. t. 2. opusc. tr. 9. q. 2. Sotus lib. 9. q. 8. a. 1. licet contrarium sentiat Nau. c. 23. n. 106. ver. ad tertium, quem refutat Valent. cit. q. 16. p. 5. Alter verò, qui ita deceptus, dat rem temporalem pro promissa spirituali; vel spirituales pro promissa temporali, simonia duntaxat interiore ac mentali delinquit; propter quem nulla pœna incurritur: quauis vterque à Iudice puniri possit, sicuti docet Suarez c. 42. n. 4.

§. VII.

DE POENIS SIMONIÆ.

SUMMARIVM.

- 68 Pœna simoniæ decreta intelligenda sunt, si simonia ex vtraque parte per traditionem completa sit.
- 69 Nulla simonia iuris pœnam ipso facto inducit, nisi ea, quæ est in Religionis ingressu, ordine, ac beneficio Ecclesiastico.
- 70 Raro propter datum aliquid in ingressu Religionis, etiam virorum, simonia vitium incurritur; & non nisi secuta professione.
- 71 Propter simoniacam collationem, & susceptionem ordinum, etiam prima tonsura, incurritur censura excommunicationis, & suspensionis; quæ Sedi Apostolicæ reservantur.
- 72 Propter simoniam realem, & completam in beneficio Ecclesiastico contrahitur etiam excommunicatio Papa reservata; & electio, præsentatio, confirmatio, institutio irrita est: Nihil obstant, quod electus, prouisus &c. id ignorauerit; excepto, si in fraudem pecunia data fuerit; vel si ille expresse contradixerit.
- 73 Simoniacè electus: aut prouisus inhabilis efficitur, quominus per dispensationem Episcopi idem beneficium consequi possit.
- 74 Beneficium simoniacè obtinens alijs beneficijs ipso iure non priuatur; neque inhabilis fieri videtur ad alia obtinenda, ante Iudicis sententiam.

68 **SUPPONENDVM** est primò; Nullam pœnam iuris incurri propter simoniam mentalem. Ita colligitur ex c. vlt. de simon. & docent Doctores omnes. Imò aliqui arbitrantur, non posse puniri: quia licet à simonia mentali opus externum imperetur, tamen in tali opere simoniaca labes non satis proditur, vt de illa Ecclesia iudicare queat.

Supponendum secundò; Propter simoniam purè

conuentionalem nullam pœnam, & censuram iuris incurri, excepta simonia confidentiali, de qua postea. Ita ex communi docet Nau. c. 23. n. 104. Less. lib. 2. c. 55. dub. 27. Suarez c. 55. n. 12. Cum enim canones, simoniæ censuras inferunt, non meram conuentionem, sed dationem, acceptionem, ordinationem, aliamve realem executionem exprimunt, sicuti videre est in extrauag. 1. & 2. de simon. aliisque iuribus, quæ Suarez allegat n. 53.

Deinde consentiunt Doctores, eam simoniam pœnis canonum subiectam non esse, quæ completa tantum est traditione rei temporalis: dubitant verò de altera, quæ completa est traditione rei spiritualis, quantum nondum soluto pretio. Nam per hanc simoniam omnes pœnas iuris incurri, perinde ac si vtrunque completa esset, existimat Caiet. ver. simonia, §. primum est, Sotus lib. 9. q. 8. a. 1. Tolet. lib. 5. c. 93. Nicol. Garcias p. 8. de benefic. c. 1. n. 21. quæ sententia valde probabilis est, quamuis contraria secuta, quam defendit Nau. l. c. Couar. reg. peccatum, p. 2. §. 8. n. 7. Armilla ver. simon. n. 4. Binsfeld. in rubr. de simon. notab. 15. obser. 3. Vgol. de simon. tab. 3. c. 5. Less. cit. dub. 27. Binsfeld. c. 46. q. 2. conclus. 5. Nam ita seruari in Curia Romana, testis est Nau. ibid. & alter Nau. lib. 2. de restit. c. 2. n. 428. Ratio verò est: Quia pœnæ, præsertim tam graues, strictæ interpretationis esse debent; vt cum decernuntur propter aliquem actum peccaminosum, intelligantur de actu omnino completo. Confirmatur ex 1. & 2. extrauag. de simon. vbi excommunicantur, tam dantes, quam accipientes temporale quippiam pro Ecclesiastico beneficio, vel Religionis ingressu, ergo sicuti id explicari potest, ac debet, dummodo electio; vel confirmatio; item admissio, seu ingressus ad Religionem secutus sit; ita similiter, cum canones censuram decernunt ordinatoribus, electoribus, collatoribus, ipsisque electis, aut prouisis simoniacè, vt in c. insinuatum, c. de simoniæ, de simon. explicari possunt, modò traditio etiam rei temporalis secuta fuerit. Quamobrem non improbabiler docet Henricq. lib. 13. c. 19. n. 2. lit. i. Less. n. 155. & indicant Nau. cit. n. 104. ante §. succedit autem quæstio, & Couar. supra cit. n. 7. Licet in foro externo, completâ vtrunque simonia, pœnæ iuris, secundum stylum curiæ Romanæ, interdum retro trahantur ad tempus factæ conuentionis simoniacæ; tamen id locum non habere in foro conscientiæ, & ante Iudicis condemnationem; idèoque simoniacè prouisum v. g. si, post temporis interuallum, pretium numerauit, non obligari ad restitutionem fructuum antè perceptorum, neque ad resignationem alterius beneficii, quod in dicta simonia nondum omnino completa, & consequenter excommunicatione, & alijs pœnis canonum nondum actualiter ligatus, acceperat. Vnde etiam Suarez c. 57. n. 50. & seqq.

Supponendum tertio; Nullam simoniam, etiam realem, & completam; iuris pœnas ipso facto inducere, præter eam quæ est in Religionis ingressu, ordine, ac beneficio. Ita ex communi Syl. ver. simon. q. 19. Caiet. ver. excommunicatio, c. 72. Nau. c. 23. n. 111. ver. sexto, Binsfeld. in rubr. de simon. notab. 15. obser. 5. Suarez cap. 55. num. 5. Lessius dub. 23. in princ. Quamobrem de his solùm deinceps in specie agendum est.

Quod attinet ad simoniam in ingressu Religionis, primò decreta est ab Urbano IV. pœna excommunicationis tam dantibus, quam accipientibus, vti videre licet in extrauag. 1. de simon. Item conuentui seu Capitulo pœna suspensionis; quarum vtraque Sedi Apostolicæ ibidem reservatur. Existimat tamen Less. n. 131. extrauagantem istam non esse receptam: quamobrem Nau. consil. 85. & 87. de simon. edit. 2. in manu c. 23. n. 103. respondit; Non incurri excommunicationem

propter simoniam aliam, nisi quæ est in ordine, & beneficio Ecclesiastico.

Deinde supra dictum fuit, has penas reuocatas esse circa Moniales. Sed & in Religionibus virorum raro hanc simoniam committi, fatetur Suarez c. 59. n. 7. propterea quod vel tenuitas reddituum Monasterii, vel diuturna consuetudo talem exactionem cohonestare possit. Interdum vero sine obligatione ac sponte aliquid offertur ab ingredientibus, quod nullo modo prohibitum est accipere.

Duo adde: Primum ex Suarez l. c. Licet simonia committi etiam possit dando aliquid pro ingressu, seu receptione ad habitum; penæ tamen iuris non incurruntur, nisi professio sublequatur, antequam simonica pactio retractetur, vel pretium restituatur. Ratio est: Quia cum talis pactio principaliter ordinetur ad suscipiendam professionem; ea non secuta, non censetur perfectè consummata simonia.

Alterum ex Less. cit. dub. 23. in fine, Vgol. tab. 1. c. 4. §. 4. Suarez c. 57. n. 8. Quod in c. de Regularibus, & c. quoniam, c. dilectus, 2. de simonia, iuncta extrauag. 1. significatur, Religiosos, simoniacè ad professionem admissos, expellendos esse, & in aliud arctius Monasterium ad penitentiam agenda includendos, hanc penam non obligare ipso iure, & in conscientia antequam à Iudice legitime infligatur, sed post condemnationem non potest inferior Papa dispensare, seu restituere, præterquam si ignorantia intercesserat, iuxta c. de Regularibus: aut si necessitas postulet vt in eodè Monasterio simoniacus remaneat, iuxta cit. c. quoniam, & docet Suarez c. 61. n. 7.

Neque refert, quod Nau. comment. 4. de Regular. n. 25. contrarium sentiat; Si quis simoniacè professus sit, licet eius professio valeat, vt omnes fatentur; tamen non acquirere ius sustentationis seu portionis ex redditibus communibus; neque vocis actiue, aut passiuæ in Conuentu: cum hæc sint instar præbendæ canonicæ, cuius simoniacus incapax esse debet. Respondetur enim: Cum canones collationes beneficiorum simoniacè factas irritas esse decernunt, strictè interpretandos esse; vt non comprehendant monachatum, atque ius illud sustentationis, vocis item actiue, vel passiuæ, quod per quamlibet religiosam professionem acquiritur, sicuti notauit Suarez c. 57. n. 9.

Secundò, quod attinet ad simoniam realem, & completam in ordine; per eam incurritur inprimis excommunicatio Papæ reservata tam ab ordinante, quam ordinato, vt habetur in extrauag. 2. de simon. Idque intelligendum etiam videtur de prima tonsura: quia per eam, visitato loquendi modo, aliquis ordinari dicitur, id est, in ordine Clericorum constitui, sicuti ex communi notauit Vgol. tab. 4. c. 3. n. 2. & cap. seq. n. 1. Suarez c. 5. n. 5. contra Less. dub. 24. n. 133. Adde, quod Nau. respondit lib. 5. consil. 59. de simon. edit. 1. Auila p. 3. de censur. disp. 5. dub. 9. simoniam commissam in reuerendis seu dimissoriis commissam censeri in ordine: quandoquidem reuerendæ seu dimissoriæ literæ ordinantur ad ordines, tanquam media ad finem.

Deinde ordinans simoniacè incurrit suspensionem iuris à collatione omnium ordinum, per triennium, spectato iure antiquo, c. penult. de simon. At verò per Bullam Sixti V. editam contra malè promouentes & promotos, suspensus manet à collatione quorūcunque ordinum, atque aded ipsius tonsura, & ab executione omnium munerum pontificalium; ac denique interdicitur illi ingressus ecclesiæ: & reservantur hæc censuræ Sedi Apostolicæ, tamen si simonia occulta sit. Ordinatus verò simoniacè incurrit suspensionem ab ordinibus, non tantum quos simoniacè suscepit, sed etiam omnibus simpliciter, extrauag. 2. de simon. ibi, omnes, qui simoniacè ordinati fuerint, à suorum sine ordinum executione suspensi. quæ est communis sententia apud Abb. c. de simoniacè, n. 5. eod.

tit. Syl. ver. suspensio, q. 7. Auil. p. 3. de censur. disp. 5. dub. 9. concl. 1. Suarez t. 5. de censur. disp. 31. f. 4. n. 33. Less. cit. dub. 24. n. 135. Quamuis vterque horum merito dubitat, an fortè dicta verba explicari possint accommodatè, quod simoniacè ordinati, à suorum ordinum, quos ita acceperunt, executione suspensi esse debeant, sicuti etiam antiquo iure c. per tuas, 3. & c. penult. de simon. decretum erat; vbi additur, dispensationem super hac suspensionem Sum. Pontifici reservari.

Porro si ignorante eo qui ordinatus est alius pretium simoniacè obtulit, nulla censura suspensionis incurrere videtur ab eo, qui ignorauit, & culpa caruit, sicuti docet Nau. c. 25. n. 68. Henric. lib. 3. c. 37. n. 4. Suarez cit. f. 4. n. 40. Less. n. 136. & sumitur ex cit. c. de simoniacè, ibi: Cum quidam ipsis ignorantibus simoniacè ordinentur, possunt (quia simoniaci non sunt) in suis ordinibus remanere, quauis Gl. ibi dicat dispensatim; quasi alioquin ministrare non possint, postquam scierint, quod etiam docent Abb. in cit. c. de simoniacè, ram. 7. Syl. cit. quæst. 7. dicto 1. Auila citat. dub. 9. conclus. 2. quin & S. Thom. quæst. 100. art. vltim. ad 3. arg. cap. præsentium, 1. quæst. 5. quod tamen non conuincit quia textus significat, non defuisse omnem culpam in ordinato; ideòque laborasse ignorantia culpabili. Etenim quotiescunque suspensio in iure refertur, censenda est propter culpam imposita; nisi contrarium expressè significetur, sicut exprimitur in c. ex insinuatione, c. nobis, de simonia, & aliis iuribus postea citandis; vt qui beneficium per simoniacam interventionem, quamuis eius vitiū ignorans, adeptus fuit, illud dimittere debeat.

Illud etiam addendū, quod cum mediator seu procurator pecuniam offerens, vt alter ad ordines, vel beneficium Ecclesiasticum admittatur, secuta ordinatione vel collatione, excommunicationem ipso facto incurrat, iuxta cit. extrauag. 2. tum etiam, ac multo magis ipse collator, vel ordinator: consequenter qui postea à tali Episcopo simoniaco, post contractam excommunicationem, ordines accepit, ab eorum executione suspensus est: non tam propter culpam susipientis, quam propter vitium conferentis: cum enim ordinator executionem ordinis propter suspensionem, aut excommunicationem non habeat, non potest illam alteri conferre. Vide Couar. c. alma, p. 1. §. 6. in m. 6. Suarez de censuris, disp. 31. f. 1. n. 61.

Tertio quod attinet ad simoniam realem, ac completam in beneficiis, inprimis excommunicationem, Sedi Apostolicæ reservatam incurrat, qui eligendo, præsentando, confirmando, aut instituendo ad beneficium Ecclesiasticum, simoniam commiserit, extrauag. 2. de simon. Oportet autem nomen beneficii strictè accipere, vt non comprehendat pensiones, vel vicarias temporales. Deinde omnis simoniacè facta electio, præsentatio, confirmatio, collatio, aut quauis alia dispositio ad dignitatem, personatum, officium Ecclesiasticum, aut quoduis beneficium irrita est, nullumque ius per eam acquiritur, neque prouisus suus suos facit; sed ad eorum omnium restitutionem, sub animæ suæ periculo astrictus est. Ita habetur in cit. extrauag. 2. & in c. Matthæus, de simonia. Insuper monet Suarez c. 57. n. 47. Nomen officiorum Ecclesiasticorum, non ea tantum intelligenda esse, quæ propriè Ecclesiastica beneficia sunt, sed quæcunque spirituales iurisdictionem, aut administrationem habent; qualia sunt officia Religionis, puta Prioris, Guardiani, Prouincialis, Generalis, non item officia temporalia Custodis, Syndici &c. quæ licet vendi prohibentur, eorum tamen venditio irrita ipso iure censeri non debet.

Simoniacè item electus, vel prouisus inhabilis fit, quominus per dispensationem Episcopi idem beneficiū consequi possit, c. nobis fuit, de simon. c. penult. de elect. Vbi tamen excipitur, si beneficium simplex sit, & prouisus

& prouiso ignorante, ac ratum non habente, simonia ab aliis commissa; post liberam resignationem Episcopum dispensare posse. Quæ exceptio firmat regulam in aliis casibus; vt, si simonia quomodocunque commissa fuerit in adeptione beneficii duplicis; vel in simplici, sciente prouiso, aut electo; vel denique eo ignorante, ac post notitiam non renuntiante, sed Iudicis sententiam expectante, Episcopus dispensare non possit ad idem beneficium consequendum, sicuti notauit Abb. in cit. c. de simoniacè, n. 7.

Porrò ex iisdem iuribus, & c. sicut tuis, de simonia, constat, irritam esse electionem, confirmationem, institutionem, quæ simoniacè facta fuit, quamuis ignorante electo, confirmato, instituto. quod docet etiam S. Th. communiter receptus cit. a. vii. ad 3. Abb. c. penult. de elect. Suarez c. 57. n. 35. contra Nau. consil. 95. de simon. edit. 2.

Limita; Nisi aliquis in fraudem eligendi aut instituendi, ipso ignorante, pecuniam largiatur, vt eandem ad beneficium inhabilem reddat: nam talis fraus homini malitioso contra innocentem prodesse non debet, c. nobis fuit, & cit. c. sicut, de simon. Præterea excusatur electus, vel institutus, electioque vel institutio valida reputatur, si is expressè contradixerit, aut prohibuerit, ne simoniaca datio, vel acceptio interueniret; quæ tamen nihilominus eo ignorante facta est. Sed etiam si in tali casu, beneficio alicui validè, & legitimè collato, postea is simoniam ab altero commissam ratam habeat; valde probabile est, ante Iudicis sententiam non infirmari collationem, quippe quæ semel absolucè, & validè peracta fuit, sicuti docet Nauar. consil. 10. n. 4. de simon. edit. 2. Adrian. quodlib. 9. a. 3. Suarez c. 57. n. 32. & inclinatur Lessl. dub. 25. n. 144. Qui etiam illud rectè notasse videtur n. 138. Si simonia commissa fuerit in confirmatione, vel collatione, propter quam ea irrita existat, non ideo tamen irritam etiam censendam esse electionem, vel præsentationem, arg. c. si confirmatio, de elect. in 6. vbi habetur, si confirmatio irritetur vel irrita declaretur propter defectum substantialem iurisdictionis, non propterea etiam præcedentem electionem, (si aliàs canonica fuit) infirmari.

74 Restant duo dubia: Primum. Vtrum beneficium simoniacè obtinens priuetur etiam suis beneficiis ante legitimè obtentis? Respondeo, talem causam cognita priuandum, ac deponendum esse per Iudicis sententiam, si simonia per culpam eius commissa fuit, sicuti colligitur ex c. Presbyter 1. quæst. 1. c. sicut simoniaca, c. de hoc, de simon. & docent DD. communiter. Ante latam verò sententiam, simoniacus potest in conscientia foro beneficia antè legitimè obtenta, ac possessa retinere, & fructus percipere. Ita docent Vgol. de simon. tab. 4. c. 6. §. 6. Henriq. cit. c. 37. n. 5. Auila p. 3. disp. 5. in fine, Suarez cap. 58. Vide quæ dixi lib. 1. tract. 5. p. 2. cap. 2. n. 9.

Secundum. Vtrum simoniacus in beneficio ipso iure inhabilis sit, etiam ad alia beneficia obtinenda? Negat Nauar. consil. 91. & 92. de simon. edit. 2. Sed affirmant Vgolin. l. c. Suarez cap. 58. in fine, propter Bullam Pii V. quæ incipit, *Cum primum*, & est §. in Bullario: Ait tamen Suarez, constitutionem illam secundum hanc sui partem vltu receptam non esse; idèque opinionem Nauarri in praxi tutam esse; vt necesse non sit dispensationem petere ante Iudicis sententiam, saltem declaratoriam criminis; nisi certò constet, alicubi Bullam illam maiore rigore receptam esse.

§. VIII.

DE SIMONIA CONFIDENTIALI.

SUMMARIUM.

75 Simonia confidentialis quatuor modi sunt.

76 Simonia confident ali plures poena canonica decreta sunt.

77 Beneficium simoniace renuntians non perdit illud ipso iure; cum renuntiatio sit irrita.

78 Mediator simoniacus non incurrit censuram, nisi simonia, etiam confidentialis, opere completa sit.

PECIALIS hæc simonia à summis Pontificibus Pio IV. in Bulla, quæ incipit *Romanum Pontificem*, & Pio V. in bulla quæ incipit *Insuperabilis*, damnata est; contra eos qui beneficium Ecclesiasticum, simplex aut curatum, regulare aut seculare, alicui procurant eligendo, præsentando, confirmando, instituendo, resignando cum certa confidentia, id est, expresso, aut tacito pacto, vt is, cui procuratur, elapso quo tempore, illi ipsi qui procurauerat, vel alteri resignet; vel pensionem, aut fructus ex eo præstet. Vide Nau. c. 23. n. 109. & 110. Binsfeld. rubr. de simon. notabili 16. Nicolaum Garciam de benef. p. 11. c. 3. §. 2. Barth. Vgol. tab. 1. c. 22. Maiolum lib. 5. c. 45. Lessl. c. 35. dub. 16. Mascard. t. 3. de probat. concl. 1306.

Quatuor modi simoniæ confidentialis distingui solent: Primus dicitur *accessus*, habetque locum in eo qui ad beneficii Ecclesiastici prouisionem concurret eligendo, præsentando, aut confirmando, si id agat cum certa confidentia, id est, pactione aliqua interueniente, vt beneficium postea impleret, vel alteri, v. g. nepoti ipsius resignetur.

Alter dicitur *regressus*, habetque locum in eo qui renuntiat beneficium in fauorem alterius, cum certa confidentia, quod postea tempore conueniente ad ipsum renuntiantem, vel aliam personam, v. g. consanguineum eius, idem beneficium regressum sit. Quorum modorum simoniæ confidentialis mentio fit in Trident. sess. 25. c. 7. de reformat. atque idcirco sacris constitutionibus aduersari dicuntur, quia *hereditaria successione imaginem referunt*. Quapropter ibidem etiam prohibetur, ne *coadiutoria cum futura successione permittantur, nisiurgens necessitas, aut eundem utilitas postulet, & causa prius diligenter à sanctissimo Romano Pontifice cognita*.

Tertius modus dicitur *ingressus*, si aliquis beneficium sibi collatum, sed nondum possessum, alteri renuntiet; eà confidentia seu pacto, vt postea eius possessionem iterum ingrediatur, si is, cui resignauerat, mortuus fuerit, vel Episcopus v. g. factus. Quod in fraudem ab iis fieri posset, qui ad beneficium retinendum inhabiles, illud alioquin dimittere deberent, sicuti optimè declarat Vgol. cit. c. 22. §. 2.

Quartus modus tam in renuntiante beneficium, quam in conferente & c. locum habere potest, si illud alicui obuenire faciant cum prouidentia, seu pacto, vt ex eo pensio, seu pars reddituum ipsi renuntianti, aut conferenti, vel alteri personæ, pendatur. Verùm Nauar. consil. 76. num. 6. de simon. edit. 2. Vgolin. tab. 1. c. 22. §. 1. existimant, non esse simoniam confidentia, si pensio, vel pars fructuum ipsi dimittenti, vel procuranti designetur; sed solum si alteri personæ, propter verba Pii V. *Et beneficium in euentum regressus, vel accessus eidem dimittente, vel alteri postea conferatur; aut illius fructus, vel eorum pars alii, vel alijs concedantur, vel pensiones soluantur ex iussu, hæc confidentia censetur*. Secundum quæ lectione atque intellectum, Bullam Pii V. consuetudine receptam

esse, testatur additio Nau. ad consil. 78. Menochius de arbitr. qq. centur. 6. casu 166. in fine, Nicolaus Garcias part. 11. cap. 3. §. 2. num. 163. Less. cit. dub. 16. num. 37. in fine.

Illud porro recte monet idem Nauar. consil. 77. de simon. Suarez cap. 43. num. 11. Non confidentialem, sed aliam communem simoniam committi, si aliqui permittent inter se beneficia, cum confidentia seu pacto regrediendi, vel eadem resignandi aliis, v. g. consanguineis. Nam Pontifices, absolute loquuntur de renuntiantibus, seu cedentibus, quo nomine, praesertim in materia tam odiosa, ac poenali, intelligi non debet renuntiatio, quae sit causa permutationis. Secus autem esse videtur, si ipse Episcopus, admittens talem permutationem, paciscatur de parte fructuum inde suo consanguineo v. g. pendenda.

76 Poenae contra simoniacos confidentiales à dictis Pontificibus decretae sunt haec: I. Episcopi, & alii Praelati superiores interdictum ab ingressu ecclesiae; inferiores autem poenam excommunicationis Sedi Apostolicae reservatae incurrunt.

II. Resignatio, vel collatio beneficii, in quo talis simonia committitur, irrita est; & prorsus inhabilis fit ad idem beneficium postea obtinendum. Monet tamen 77 Sa ver. simonia num. 7. quod renuntians simoniace puniri quidem potest, & privari beneficio; non tamen perdit ipso iure, quia renuntiatio nulla est: quod autem nullum est, nullum effectum producit. Idem docet Nau. c. 23. n. 105. Garc. ci. §. 2. n. 214. plures alios allegans.

III. Inducitur privatio omnium beneficiorum, ac pensionum prius obrentarum: non tamen in conscientia per ipsum Reum exequenda ante Iudicis sententiam, sicuti notavit Vgol. cit. c. 22. §. 4. n. 4. Less. cit. c. 35. dub. 26. principio, Suarez c. 43. n. 13. & constat ex iis quae dixi li. 1. tr. 4. c. 15. n. 6.

IV. Beneficia in confidentiam collata, & accepta Sedi Apostolicae reservantur, ut ab inferioribus conferri non possint. Fructus quoque interim male percepti Camerae Apostolicae applicari debent.

Ad extremum notandum est; Ad poenas istas incurrendas necessarium esse, ut simonia confidentialis opere impleta sit, dato, & accepto beneficio; licet accipiens vicissim suam promissionem non impleverit, v. g. pensionem nondum soluerit. Veruntamen Nauarri doctrinam 78 c. 23. n. 110. ver. adde novè undecimò; Quod etiam mediator simoniae confidentialis excommunicationem incurrat, Binsfeld. in rubr. ver. postremo supra dictis, non recte intellexisse videtur de excommunicatione lata in Bullis piorum Pontificum: cum ii huius extensionis non meminerint; sed accipi debet de ea, quae à Paulo II. in extrauag. 2. de simon. lata est contra mediatores simoniae in beneficio. Quare haec excommunicatio non incurritur à mediatoribus, priusquam simonia, etiam confidentialis, ab utraque parte tam accipientis, quam dantis completa sit, sicuti notavit Suarez cit. cap. 43. in fine.

ris, restitutio Ecclesiae, vel pauperibus fieri debet; ad forum externum, non internum conscientia spectat. Vide infra numero 84.

82 Qui simoniace vendit rem spiritualem, in qua aliquod temporale ius sine commodum habet, ut pretium, spectato naturali iure, retinere potest ante condemnationem.

83 Qui ius patronatus simoniace vendit, non obligatur ad restitutionem rei accepta.

84 Qui ob electionem, aut promotionem ad beneficium aliquid simoniace accepit, satisfacit, si danti restituat.

85 Vtrum restitutio pretio simoniace dato, etiam res spiritualis vicissim reddi debeat, varia consideratio est.

ASSERTIO I. Qui simoniace vendit, ac tradit rem spiritualem, in qua nullum temporale ius, vel commodum habet, acceptum pretium naturali ac diuino iure restituere debet danti, nisi is sponte remittat, ac condonet. Haec assertio est ex mente Adriani quodlib. 9. a. 3. Henrici quodlib. 6. q. 26. Medinae lib. 2. instruct. c. 14. §. 21. Soti lib. 9. q. 8. a. 1. Bannes 2. 2. q. 32. a. 7. concl. 14. Suarez cap. 59. Sed est contra Caiet. ver. simonia, prope finem, & 2. 2. q. 100. a. 6. Victoriam p. 2. relect. de simon. n. 4. Couar. regula peccatum, p. 2. §. 2. n. 7. Syl. ver. simonia, q. 20. Nauar. c. 23. n. 105. & 104. Philiar. tom. 2. lib. 6. c. 26. qui licet fateantur in simonia conuentionali acceptum pretium restituendum esse danti, ante Iudicis condemnationem, secus verò dicendum existimant, si simonia vtrunque completa; & opus spirituale praestitum, adeoque causa, ob quam pecunia data est, secuta fuerit; tunc aiunt non danti, sed Ecclesiae restituendum esse.

Probatur assertio: Quia accipiens pretium temporale pro re spirituali alteri communicata laedit iusticiam commutativam: Ergo debet parti laedere restitutionem facere. Antecedens probatur, partim quia res spirituales non sunt pretio aestimabiles, ac vendibiles, uti argumentatus sum supra §. 1. n. 5. partim quia Ecclesiae Ministri non domini sunt spiritualium charismatum, sed tantum dispensatores; ad eum modum, quo elemosynarius à domino pecunias accipit pauperibus, quos dignos iudicauerit, distribuendas. Quamobrem non tantum aduersus dominum, sed in ipsos etiam pauperes iniuriosus erit, atque ad restitutionem obligabitur, si pro danda elemosyna, quam gratis dare debet, aliquid exigar. Ita etiam ratiocinandum est de iis, qui spiritualia ministrant pro pretio, agere eos non tantum irreligiose contra Deum, sed etiam iniuriose contra homines; ideoque restituendi obligationem ipso naturali, ac diuino iure contrahere, uti significat etiam S. Thom. citat. quaest. 100. a. 6. in corp.

Neque obstat primò; Etsi aliquis obligatus non sit ad spiritualia dispensandum: nihilominus enim, si dispensare velit, debet gratis dispensare, sicuti & naturalis muneris, & voluntas supremi eorum auctoris ac domini postulat. Confirmatur ex eo; Quod saepe nec elemosynarius obligatus sit, ut det personae determinatae; si tamen dare velit, iusticiam commutativam violabit, nisi gratis det.

Non obstat secundo; Quod dans pretium pro re spirituali consensit in illam dationem, ideoque dominum transtulisse videtur. Respondeo enim; Dantem variis modis affectum esse posse, primò ut statim ab initio liberaliter donet in remunerationem, licet alter simoniaca intentione accipiat, tanquam datum ex iustitiae obligatione. Quo casu fateor, nullam restituendi obligationem contrahi; dummodo accipiens, postea deposito errore suo, probabiliter sibi persuadeat, munus ex liberalitate donatum fuisse. Atque in hoc casu verum est, quod docet S. Th. cit. a. 6. ad 6. & alii apud Binsfeld. c. 46. q. 1. conclus. 2. simoniam mentalem non obligare ad restitutionem, arg. c. vlt. de simonia. Alia verò ratio est, si affectus simoniacus sit tam ex parte dantis, quam accipientis, ut mox dicam ver. tertio. Secundo.

§. IX.

DE RESTITVENDI OBLIGATIONE, propter simoniace accepta.

SVM MARIVM.

79 Qui simoniace vendit, ac tradit rem spiritualem, in qua nullum temporale ius, vel commodum habet, acceptum pretium restituere debet danti.

80 Sicuti in usura non est ritulus transferendi dominium, ita nec in simoniaca passione.

81 Regula illa, Si turpitudine sit tam ex parte dantis, quam accipientis.

80 ad, Vt ab initio quidem simoniace datum, & acceptum sit pretium; sed postea eius restitutio liberaliter condonata à dante: quo in casu secundum nostram sententiã accipiens retinere poterit, donec à Iudice condemnatur, vt Ecclesiæ restituat. Tertiò, Vt dans rem temporalem pro spiritali nunquam habuerit animum donandi, sed simoniace dandi; licet hanc intentionem in pactum non deduxerit: hoc casu dico, dominum rei datæ non transferri, ideòque restitutioni obnoxium permanere: quia sicuti in vsura non est titulus accipiendi aut acquirendi aut etiam ratione mutui dati, ita in simonia non est titulus accipiendi aut acquirendi quamcunque rem temporalem pro eò, quod res spiritalis collata fuit, vt indicat Henricus cit. q. 26. & clarius docent Sotus, Less. Suarez ll. cc. Maior in 4. d. 27. q. 7. Medina li. 1. instruct. c. 14. §. 21. Quamuis hæc similitudo inter vsuram, & simoniam displiceat Glan. cit. c. ult. ver. affectu animi, Cæter. Nanar. Philarchol. cc. Valentia co. 3. disp. 6. q. 16. p. 6. Confirmatur: Vel dans sciuit simoniaco affectu spiritalia valide emi non posse, vel ignorauit: si ignorauit, error iste inuoluntarium efficit: si autem sciuit, tunc non nisi materialiter, & sine intentione abdicandi à se dominium, pretium dedit, quia aliter rem spiritualement consequi non potuit.

81 Non obstat tertiò; Quod turpitudine delicti tam dantem, quam accipientem afficiat: ideòque dans indignus esse videatur, vt ipsi restitutio fiat, arg. l. 2. C. de condict. ob turpem causam. Quamobrem S. Th. 2. 2. q. 32. a. 7. in corp. & q. 62. a. 5. ad 2. Hæc, quod lib. 9. a. 3. Conar. regula peccatum, p. 2. §. 2. n. 6. & 7. Syl. cit. q. 20. dicto 2. Nauat. cit. n. 10. Less. dub. 31. & alii generatim aiunt, quæ simoniace accepta fuerunt, ea post præstitam rem spiritualement non dantur, sed Ecclesiæ, vel pauperibus restituenda esse. Sed contraria sententia mihi placet, quæ est Soti, Barthol. Medina, Bannes ll. cc. Ioan. Medina q. 20. de restit. ver. sunt tamen in hæc, & clarius in q. 4. de rebus per vsuram acquisitis, §. his non obstantibus, ver. ideo videtur dici aliter posse, Suarez cit. c. 39. n. 27. ad 4. & cap. 60. n. 1. Quia nulla lex Ecclesiastica afferri potest, quæ ante omnem Iudicis sententiam, in conscientia obliget, vt acceptum simoniace ad pios vsus conuertatur. Quamuis hoc ipsum in pœnam delicti à Iudice iustissime decernatur, iuxta ci. l. 2. & l. si ob turpem, ff. eod. A quibus ciuilibus constitutionibus non dissentiant canones; imò consentiunt, vt colligitur ex c. audiuimus, de simon. vbi Episcopus accipiens pecuniam pro beneficii collatione dandus esse dicitur, vt duplicata restituat in utilitatem locorum, in quorum fuerint soluta dispendium, fideliter conuertenda. Quare recte dicitur apud Sa. ver. simonia, num. 10. Ante sententiam ei à quo accepta est simoniace pecunia, reddenda est, post sententiam pauperibus, vel Ecclesiæ.

Corollarium. Qui aliquid temporale pro Sacrificio, sacramenti ministratione, consecratione, benedictione, vel simili functione merè spiritali accepit, tanquam pretium spiritalitatis, is tenetur ad restitutionem; nisi ipsi alter sponte, ac liberè condonet. Dico tanquam pretium spiritalitatis; Quia si aliquid accipiat, tanquam stipendium vitæ, quod omni laboranti in gratiam alterius iure naturali debitum est, non tenetur ad restitutionem, nisi post Iudicis condemnationem, si aliquid acceptum fuit, in casu, quo id lex Ecclesiastica prohibet. Imò etiam, spectato iure naturali, Minister, qui ratione officii, ac decimarum, ex iustitia obligatus est sacra ministeria fidelibus præstare; si præterea aliquid indebitè exigat, eisdem restituere tenetur. Eadèque ratio est, si Episcopus, aliùve Ecclesiæ Prelatus vendat beneficia, aliàve officia Ecclesiæ, etiam temporalia, quorum collatio ad ipsum ratione muneris sui pertinet: siquidem illorum dominus non est, sed dispensator à Deo constitutus, sicuti notat Suarez cap. 59. numer. 13. confirmans id

exemplo rectorum à patrefamilias constituti, vt distribuat officia domus; item hæredis à testatore grauati, vt legata pia, aut dotes distribuat.

82 Assertio II. Qui simoniace vendit rem spiritualement, in qua aliquod temporale ius, siue commodum habet, is pretium, spectato iure naturali retinere potest; si neque à iure, neque à Iudice ecclesiastico condemnatur. Ita docet Less. dub. 28. nu. 160. Suarez c. 59. n. 35. arg. c. ult. de simon. Ratio est: Quia licet venditio eiusmodi rei spiritalis, habentis annexum commodum temporale, simoniaca sit; tamen non est iniusta, si temporalis commoditas, quæ in alterius gratiam dimittitur, iusto pretio compensetur. Exempla sunt: 1. si quis Ecclesiasticum beneficium alteri simoniace vendat.

I I. Si quis officium temporale Ecclesiæ, v.g. Custodis, Syndici, alteri contra sacros canones vendat. Monet verò Suarez, vtrumque horum intelligendum esse de renuntiante, seu cõmodo temporali præbendæ aut officij se abdicante, in gratiã alterius, non item de conferente; quippe qui ex proprii muneris obligatione, Ecclesiæ officia, & beneficia dignis dispensare debet, & quidè gratis, sicuti annotauit etiã Sotus lib. 6. q. 8. a. 1. ad text. arg.

I I I. Si Monasterium pro admissione alicuius ad Religionem, simoniace aliquid accipit, non tenetur ad restitutionem, sicut colligitur ex c. ult. de simon. Ratio est: Quia, susceptio ad Religionem habet annexum onus sustentandi personam, quod pretio æstimabile est. Verum si Religiosus propterea, quod simoniace professus sit, ad aliud Monasterium transeat, vel transire compellatur, tunc pecunia, quam dederat, ipsi restitui debet, vt illam ad alterum Monasterium tanquam dotem secum adferat, qui videtur esse sensus cap. veniens, de simon. sicuti notauit Glan. cap. de hoc, ver. restituant, eodem titulo.

83 IV. Qui ius patronatus vendit, datum sibi pretium retinere potest, secundum eundem Suarez n. 42. Nam licet ius patronatus simpliciter spirituale sit; eiusque proinde venditio simoniaca; non tamen iniusta, si attendatur ad temporalem commoditatem, v.g. honorem humanum, qui secundum se pretio quodammodo æstimari potest, quamuis irreligiosè, eò quod in iure spiritali fundatus sit. Idemque dicendum ait Suarez, de quacunque res sacra, etiam vt sacra est, si possessio eius habeat temporalem commoditatem adiunctam; siue illa commoditas consistat in lucro, vt solet esse in miraculosa imagine; siue consistat in aliquo speciali honore humano, vel voluptate peculiari quam aliquis capit ex resu vel possessione talis rei.

Dixi autem in assertione; Pretium retineri posse, nisi vel à iure, vel à Iudice Ecclesiastico restitutio impetretur. Vbi de Iudice nihil ampliùs dicendum est, quàm ab eo condemnari posse simoniace accipientem, vt pretium Ecclesiæ, vel, si ita videbitur, eiusdem Ecclesiæ pauperibus restituat, sicuti DD. communiter docent. Iura autem Ecclesiastica, quibus simoniacus ipso facto condemnatur ad restitutionem Ecclesiæ faciendam, difficile est assignare: quamuis in hoc casu, quo aliquis pretium accipit pro renuntiatione beneficii; vel pro electione, aut præsentatione ad illud, consentire videntur DD. ante omnem Iudicis sententiam incumbere restituendi obligationem. Arbitror tamen id non proficisci ex sola lege Ecclesiastica, sed, hac supposita, ex naturali, & diuino iure. Nam Ecclesia dat potestatem eligendi, assentienti, præsentandi ad Ecclesiasticum beneficium, cum conditione, vt id gratis, nullòque pretio accepto præstetur; similiterque dat alicui beneficium ita, vt nullum ius habeat illud in pactum onerosum, ac simoniacum deducendi; ad eò quidem, vt omnes eiusmodi pactiones ac commutationes ex vtraque parte irritæ sint, & consequenter obligatio restituendi incumbat, sicuti colligitur ex c. de hoc, de simon. ibi: Cum ea, quæ ab Episcopo receperunt, sine graui sua salutis periculo retinere non possunt.

Sed tunc quæstio est; Cuinam in tali casu simoniacus collator, elector, aut presentator restitutionem facere debeat? Communior est responsio, quod non danti; sed Ecclesie illi, in cuius iniuriam simonia commissa est. Ita S. Tho. q. 32. a. 7. & qu. 62. a. 5. Abb. in cit. c. de hoc. n. 5. Couar. reg. peccatum, p. 2. §. 1. nu. 6. Victor. p. 2. relest. de simon. n. 6. Suarez ca. 60. nu. 3. Quamuis aliqui dicant, consuetudine obtentum esse, ut pauperibus restituere liceat. Sotus vero loco cit. Bānes cit. a. 7. dub. 2. concl. 4. Sa ver. simonia, n. 10. & alii recentiores apud Less. dub. 31. n. 171. non improbabilius docent, ante Iudicis sententiam restituendum esse ei, qui dedit; propterea quod nulla lex Ecclesiastica asserri possit, quæ diserte præcipiat, Ecclesie restituendum esse, ante sententiam. Nam ad cit. c. de hoc, responderi potest; Regem illum ac Principes in conscientia quidem obligatos fuisse ad restitutionem pecunie acceptæ, propter assensum præstandum electioni Episcopi Oxoniensis, verum ut Ecclesie restituerent, id Papæ, & Episcopi auctoritate iniungendum fuisse: vel fortasse pecunia illa ex bonis Ecclesie accepta fuerat, ideoque eidem *sine diminutione restituenda*.

Neque obstat, quod Nauar. lib. 5. consil. 89. de simon. edit. 2. obiicit: Turpiter acceptum restituendum non esse turpiter danti; cum sit in pari turpitudinis causa: nam regula illa locum habet in foro externo, in quo Index in penam delicti dantem priuabit commodorestitutionis, quæ ipsi, spectato alioquin naturali iure, deberetur, cum titulus accipiendi iniustus, & irritus fuerit. Id verò recte adicit idem Nau. in fine dicti consil. Si is, cui restitutio fieri deberet, eam liberaliter remittat, cessare omnem restituendi obligationem.

Sequitur, ut dicamus; Vtrum iis casibus, quibus pretium simoniace acceptum restitui debet; etiam res, quæ pro pretio simoniace data fuit, danti restituenda sit? Circa quam quæstionem aduerte primò; Si reciproca traditio siue commutatio simoniaca tantum fuit, non item iniusta; tunc sicut pretium retineri potest usque ad Iudicis condemnationem, ita & res, quæ pro pretio data fuit; puta officium temporale Ecclesie, pensio clerica-

lis quæ in beneficii titulum erecta non est, item ius patronatus &c. sicuti docet Suarez c. 57. n. 13. & 14. Propterea, quod nullum ius Ecclesiasticum extet, quo horum venditio simoniaca, etiam irrita decernatur. Deinde si pretium simoniace, atque iniuste acceptum sit pro spirituali functione transeunte, v. g. sacra ordinatione, vel alterius sacramenti collatione, Ecclesie vel calicis consecratione, tunc licet ea valida sit, secundum omnes, nihilominus tamen pretium restituendum est, iuxta ea quæ supra dixi asserit. 1. Quamobrem hoc casu obligatio restituendi vni tantum simoniace commutantium parti incumbit.

Igitur dicendum nobis restat de rebus sacris permanentibus, iniuste pariter ac simoniace datis pro pretio cuiusmodi sunt officia & beneficia Ecclesiastica, sacra vasa, vestimenta, reliquæ, quando in eorum commutatione, seu venditione ipsa met spiritualitas æstimatur. Et quidem de Ecclesiasticorum beneficiorum renuntiatione, collatione, electione, iam supra dictum fuit, irritas omnino esse, si per simoniam fiant; ideoque beneficia retineri non posse, sed vni cum fructibus relinquenda esse, sicuti colligitur ex extrauag. 2. de simon. Eademque ratio est de Ecclesiasticis officiis. Quod verò attinet ad alias res sacras permanentes, distinguendum mihi videtur; Vtrum in iis, quod spirituale est, tanquam principale se habeat, an verò tanquam annexum, seu accessorium. Ad prius membrum pertinere videntur vasa, & vestes sacratæ, quæ si carius vendantur propter spirituales consecrationem, excessus pretii restitui quidem debet; sed contractus validus esse videtur; quia utile per inutile, præsertim annexum & accessorium, vitari non debet. Ad alterum verò membrum pertinere videntur sacra reliquæ, quæ si vendantur ratione spiritualitatis, contractus irritus est; ideoque restituto pretio, restituendæ etiam videntur reliquæ, tanquam datæ sub causa & conditione acquirendi pretii; licet aliter sentire videatur Suarez c. 59. n. 33. Sed hæc sufficiant; adeoque finem imponimus etiam huic libro de materia Religionis, ex animo optantes, ut omnia ad Dei optimi gloriam cedant. Amen.

THEOLOGIÆ
MORALIS
LIBER QVINTVS.
DE
SACRAMENTIS,
ET SACRIFICIO
NOVÆ LEGIS.

AVCTORE PAVLO LAYMANN
SOCIETATIS IESV THEOLOGO.



LVTETIÆ PARISIORVM
Sumptibus Petri Billaine, viâ Iacobæa,
sub signo bonæ Fidei.

M. DC. XXVII.

MEMORANDUM

TO THE HONORABLE MEMBERS OF THE HOUSE OF REPRESENTATIVES

IN SENATE

AND IN HOUSE OF REPRESENTATIVES

AND



LIBRI QVINTI
TRACTATVS
PRIMVS.
DE SACRAMENTIS
IN COMMVNI.

CAP. I.
DE NOTIONE AC
definitione Sacramenti.

SVMMARIVM.

*Inter varias sacramenti acceptiones, ea ad propositum nostrum spectat,
pro sacro signo, & cæremonia, quâ homo Deo sacratur, seu initiatur.*



SACRAMENTVM à sacro deriuari, notissimum est: Eius apud veteres Romanos, ac profanos Scriptores duæ significationes reperiuntur. Primò apud Varronem lib. 4. de lingua latina, Sacramentum dicitur pecunia, à duobus in iudicio contententibus pignoris loco deposita, ita vt qui vicisset, suam partem auferret; qui victus esset, ærario relinqueret: Secundò, omne religiosum iuramentum, seu quod iuramento affirmatum est, sacramentum latinè dicitur, sicuti etiam notauit lib. præced. tract. 3. c. 1. principio.

In sacra autem Scriptura, & apud Ecclesiasticos Scriptores, sacramentum idem est, quod *μυστήριον*, Mysterium autem tribus modis accipitur, vti Bellarm. obseruauit lib. 1. de Sacrament. cap. 8.

Primò, pro re arcana & occultanda, præsertim si sacra sit, Sapien. 2. Nescierunt sacramentum Dei, Prouerb. 20. Qui reuelat mysteria, id est, secreta amicorum. Matth. 13. Vobis datum est nosse mysterium regni Dei. Ad Ephes. 1. Vt notum faceret sacramentum voluntatis suæ. 1. ad Corinth. 13. Si noverim mysteria omnia, id est, sacramenta, vti vertit S. Augustinus lib. de gratia & libero arbitrio, c. 17.

Secundò, pro signo rei latentis, præsertim sacræ, vt Danielis 2. v. 19. Danieli mysterium per visionem nocte reuelatum est. Et infra vers. 30. Mibi sacramentum hoc reuelatum est, videlicet, quid statua Nabuchonofor significaret. Apocal. 17. v. 5. In fronte eius, meretricis magnæ, nomen scriptum, Mysterium. Et v. 7. Ego dicam tibi sacramentum mulieris, & bestia, quæ portat eam, id est, quidnam significent. Ad Ephes. c. 5. coniunctio viri & vxoris in coniugio, magnum mysterium, seu sacramentum dicitur coniunctionis Christi & Ecclesiæ.

Tertia, & ad propositum propriè pertinens sacramenti acceptio est, pro cæremonia hominem sacrantem, adeo-

que pro signo rei sacræ, & occultæ, non cuiuscunque, sed per quam homo sacratur, & initiatur Deo. Quo sensu S. Ambros. librum scripsit de ijs, qui mysterijs initiantur. S. August. lib. 15. de ciuit. cap. 26. ait credentes sacramentis initiari. Et epist. 118. ad Ianuar. cap. 1. quòd Christus sacramentis numero paucissimis, obseruatione facillimis, significatione præstantissimis societatem noui populi colligauit. S. Cyprianus lib. 2. epist. 1. ad Stephanum Papam, de fidelibus inquit: Tunc demum plenè sanctificati, & esse filij Dei possunt, si sacramento utroque, Baptismi & Confirmationis nascantur. Tertullian. in lib. de præscript. c. 16. ait, quòd diabolus res sacramentorum diuinorum æmulatur. Denique S. Thom. 1. 2. quæst. 120. a. 5. in corp. Sacramenta propriè dicuntur illa, quæ adhibentur Dei cultoribus ad quandam consecrationem, per quam deputantur quodam modo ad cultum Dei.

Aduertendum autem est, in hac apud Patres, & Ecclesiasticos Scriptores vsitatissima sacramenti acceptione, etiam priores duas ex sacra Scriptura petitas acceptiones comprehendi: Siquidem sacramentum, de quo agimus, continet rem arcanam, & sacram; eandemque significat, sed speciali quadam ratione, vt tanquam cæremonia ad hominis sacrationem spectet.

CAP. II.
De definitione Sacramenti.

SVMMARIVM.

1. Sacramenti definitio est, signum visibile inuisibilis gratiæ, ad populum Deo sanctificandum, diuinitus institutum.
2. Ad rationem sacramenti pertinet, vt stabilem institutionem, ac usum habeat.

SACRAMENTVM ex doctrina Magistri in 4. d. 1. S. Thom. 3. p. quæst. 60. a. 2. & 3. ita rectè definitur: Visibile signum inuisibilis gratiæ, ad populum Dei sanctificandum, diuinitus institutum. Dicitur visibile, id est, externum ac sensibile signum, siue cæremonia: Si enim incorporeus esses, inquit S. Chrysost. hom. 83. in Matth. nudè ipse dona incorporea tibi tradidisset: sed quia corpori coniuncta est anima tua, ideo rebus sensibilibus tibi intelligenda traduntur. Similia habet hom. 69. ad populum Antiochenum, Cyrillus Hierosolymitanus catech. 3. paulò post princip. Et S. August. lib. 19. contra Faustum, c. 11. ait, quòd in

nullum nomen religionis coagulari homines possunt, nisi aliquo signaculorum, vel sacramentorum visibilium consortio colligantur: quorum sacramentorum vis inenarrabiliter valet plurimum. Vide S. Thom. q. 61. a. 1.

Additur, inuisibilis gratia, qua homo iustificatur. Quia ut S. Th. notauit cit. a. 3. ad 3. non omne signum rei sacrae sacramentum est; sed quo significatur perfectio sanctitatis humanæ, quæ est gratia iustificans. Quare per hanc particulam à definitione sacramenti propriè dicti excluduntur sacramentalia; vti sunt prima tonsura, aqua benedicta, & variæ consecrationes: quippe quæ instituta non sunt ad significandum perfectam hominis sanctitatem, seu iustitiam.

Ad populum Dei sanctificandum. Qua definitionis particula indicatur, signum oportere esse practicum, adeoque sacramentum, cuius usu, seu applicatione fideles sanctificentur, ac veluti symbolo seu nota ab alijs gentibus discernantur. Quamobrem sacrificia cum veteris, tum nouæ legis, licet sacra signa sint inuisibilis gratiæ per Christum conferendæ, teste S. August. lib. 10. de ciuit. c. 5. tamen propriè sacramenta non sunt: quia per se, ac directè ad Dei supremam excellentiam contestandam, non ad homines sanctificandos instituta fuerunt. Neque refert, quòd Scholastici in 4. d. 1. ex Hugone de sacrament. lib. 1. p. 11. c. 3. sacramenta legis naturæ aiunt fuisse decimas, oblationes, & sacrificia. Rectè enim notauit Durandus ead. d. 1. q. 2. num. 7. Eiusmodi opera protestantia fidem, & obedientiam erga Deum non esse sacramenta, nisi secundum largam acceptionem, qua omne signum rei sacrae sacramentum appellatur.

Diuinitus institutum, secundum doctrinam S. Th. q. 64. a. 2. Cum enim solius Dei sit populum sibi congregare, siue Ecclesiam constituere; ideo ad ipsum solum pertinet ritus siue ceremonias decernere, quibus populus suus initiandus, & ab alijs distinguendus sit. Accedit, quòd sacramentum debet esse signum gratiæ sanctificantis: tale autem signum nullum esse potest ex natura rei: sequitur ergo, ut sit ex impositione, & quidem Dei; quippe qui solus est auctor gratiæ, adeoque solus signa eius à se conferendæ instituire potest. Quæ ratio maximè id ostendit de sacramentis nouæ legis, utpote quæ eandem animæ inuisibilem gratiam, quam significant, ex opere operato conferunt, quod sine institutione diuina fieri nequit.

Corollarium. Ad rationem propriè dicti sacramenti pertinet, ut perpetuam, seu stabilem institutionem, ac usum habeat, pro statu durantis Ecclesiæ. Quamobrem lingua igne, quæ die Pentecostes apparuerat, sit inflatio Christi in Apostolos Ioan. 20. verba Christi ad paralyticum, Remittuntur tibi peccata tua, Matth. cap. 9. licet signa fuerint gratiæ inuisibilis ad hominis sanctificationem; tamen propriè sacramenta censeri non debent.

CAP. III.

De discrimine Sacramentorum.

¹ Sacramenta nouæ legis non tantum gratia significatiua: sed etiam operatiua sunt: in quo differunt à veteribus sacramentis. Vide post n. 6.

² Post lapsum hominis institui oportebat sacramenta: non ante.

³ Pro paruulorum sanctificatione, etiam ante circumcisionem, aliquod à Deo remedium institutum erat.

⁴ Post legem etiam circumcisionis, credibile est certam aliquam ceremoniam fuisse pro famellis, & masculis, ante circumcisionem morituris.

⁵ Circumcisio non conferebat gratiam sanctificantem ex opere operato: sed ex Fide in Christum: attamen ut ordinarium remedium à Deo institutum.

⁶ Valde probabile est, quòd sacramenta nouæ legis ad hominis sanctificationem concurrant, non ut causa physica, sed tantum morales.

ASSERTIO. Sacramenta alia sunt, quæ spiritua-
lem gratiam non tantum significant, sed etiam
ex vi institutionis suæ certò operantur: & hæc sunt sola,

& omnia nouæ legis sacramenta. Alia verò sunt, quæ gratia spiritualē significant tantum; non item ex vi institutionis suæ operantur; & hæc sunt sacramenta legis veteris, atque legis naturæ. Ita docet S. Th. q. 62. a. 5. in corp. quòd sacramenta veteris legis non habebant in se aliquam virtutem, qua operarentur ad conferendā gratiam iustificantem: sed solum significabant fidem, per quam homines iustificabantur. Quod ipsum de circumcisione docet in resp. ad. 3. & clariùs in q. 70. a. 4. In circumcisione conferebatur gratia, quantum ad omnes gratiæ effectus: aliter tamen, quam in Baptismo. Nam in Baptismo confertur gratia ex virtute ipsius Baptismi, quam habet in quantum est instrumentum passionis Christi iam perfectæ. In circumcisione autem conferebatur gratia non ex virtute circumcisionis, sed ex virtute Fidei passionis Christi, cuius signum erat circumcisio: ita scilicet, quòd homo, qui accipiebat circumcissionem, profitebatur se suscipere talem fidem, vel adules per se, vel alius pro paruulis. Vnde & Apost. ad Rom. 4. dicit quòd Abraham accepit signum circumcisionis, signaculum iustitiæ fidei: quia videlicet iustitia erat ex fide significata, non ex circumsione significantē. Eandemque sententiā probauit Sotus in 4. d. 1. q. 3. a. 6. Ferrariensis lib. 4. contra Gentes, cap. 57. Bellarm. lib. 2. de sacram. cap. 13. & seqq. Vasq. 1. 2. 2. disp. 184. c. 2. qui id probant auctoritate SS. PP. & Apostolorum. ad Corint. 7. vbi ait, quòd circumcisio nihil est, & praputium nihil est. Ad Galat. 6. Neque circumcisio aliquid valet, neque praputium; sed noua creatura: id est, gratia iustificans, per fidem. Ad Coloss. 2. circumcissionem comparans cum Baptismo, ait: Circumcisi estis circumcissione non manufacta, in expoliatione corporis carnis, sed circumcissione Christi, consepulchri in Baptismo. Ex quibus verbis manifestum est, quòd circumcisio Iudæorum vi sua tantum carnem spoliatur; Baptismus autem vi sua peccata tollit, & gratiam confert. Quare ad Galat. 4. idem Apostolus circumcissionem, & alias ceremonias legales vocat, infirma, & egena elementa; non aliam ob causam, nisi quia ex se, siue ex opere proprio vim iustificandi nullam habent. Huc etiam spectant testimonia SS. Patrum, quæ congerit Suarez disp. 5. s. 1.

Pro pleniori traditæ assertionis intellectu notandum est primò, quòd docent S. Thom. q. 61. a. 2. Richard. d. 1. a. 2. q. 2. Durand. q. 2. Palud. q. 3. In statu innocentie, seu ante lapsum humani generis nulla instituta esse sacramenta; quia neque indigebat ijs homo, quatenus sunt medicinæ aduersus peccatum, à quo liber fuit: neque quatenus ad animæ maiorem perfectionem ordinantur: quandoquidem Deo ritè subiectus, facili animi motu, ipsi vniri potuit, & sic internam perfectionem conseruare, atque augere: neque verò opus erat, eum externis corporeis signis excitari. Post lapsum verò generis humani oportebat institui sacramenta, id est, visibilia signa, quibus homo fidem suam protestaretur in Christum saluatorem venturum, ait S. Thomas cit. quæst. 61. a. 3. Talia erant circumcisio, agnus Paschalis, consecratio Sacerdotum, & lustrationes quædam ab immunditijs legalibus, atque expiationes à peccatis externis, de quibus S. Thom. 1. 2. q. 102. a. 5.

Deinde probabilius est, ante datam circumcissionem semper in lege naturæ fuisse, post hominis lapsum, verum sacramentum pro sanctificatione paruulorum quod docuit S. Aug. lib. 5. contra Iulian. c. 11. Neque ideo credendum est, ait, ante datam circumcissionem famulos Dei, quandoquidem eis inerat fides Mediatoris in carne venturi; nullo sacramento eius opitulatos fuisse paruulis suis: quamuis quid illud esset, aliqua necessaria causa Scriptura latere voluerit. Idemque sentit Scotus in 4. d. 1. q. ult. Palud. q. 5. a. 5. Gabr. q. 2. a. 3. concl. 2. Suarez. 3. p. disp. 4. s. 2. Coninck quæst. 61. art. 3. n. 18. contra S. Bonau. ead. d. 1. a. 1. q. 2. Rich. a. 5. q. 3. Sotū d. 2. q. 1. a. 4. 5. His tamen nihil obstantibus, Vasq. 3. p. q. 61. a. 3. & disp. 165. cap. 1. & 2. existimantes, paruulos sola fide parentum absque sensibilibus signi expressione sanctificari potuisse.

Adde,

4 Adde, quod dicitur vniuersim de paruulis ante datam circumcisionem; similiter sentiendum esse de femellis post legem circumcisionis; item de masculis, si in mortis periculo existerent ante diem octauum, quo circumcidi deberent: his enim omnibus ad delendum originale peccatum, remedium aliquod adhiberi oportebat; quod quale fuerit, licet scriptum non sit, credibile tamen est fuisse aliquod externum, idque certum ac determinatum signum, vt esset stabilis religiosa cæremonia & propriè sacramentum, sicuti contra Suarez cit. disp. 4. s. 3. & alios (negantes fuisse determinatam cæremoniā) probabiliter docet Scotus d. 1. q. vlt. ver. Respondeo nullo tempore, Coninck cit. 2. 3. num. 22. Quia hæc videtur sententia S. Aug. cit. c. 9. quam indicat etiam Bellarm. lib. 3. c. 21. proposit. I. vbi ait, quòd in omni lege materia sacramentorum fuerit determinata à Deo, licet non eodem modo. Nam sicuti lex naturæ diuinitus inspirata erat hominum cordibus, ita etiam sacramenta inspirabantur præcipuis Patriarchis, vt Adæ, Noe, Abraham, qui alios deinde docebat. Lex verò mosaica, sicuti per Moysè promulgata, & publicè scripta fuit in tabulis, ita etiam sacramenta illius temporis per Moysen tradita, & literis mandata fuerunt. Denique quia legis nouæ auctor est verbum incarnatum, ideo etiam ab ipso sacramento nostro determinanda fuerunt.

Notandum secundò; Quod circumcisio à Deo instituta fuerit principaliter quidem, vt filij Abraham, populus ab ipso electus, hac expressiore protestatione in Christum venturum congregaretur, & à reliquis populis discernetur; secundariò verò, vt esset in remedium peccati originalis, præsertim paruulis. Quam posteriorem partem expressè docuit S. Aug. lib. 16. de ciuit. cap. 27. & lib. 2. de nupt. cap. 11. cuius verba referuntur c. ex quo, d. 4. de consecrat. S. Greg. lib. 4. Moral. cap. 2. & refertur ead. d. can. quòd autem, S. Bernard. epist. 77. quæ est ad Hugonem de S. Victore, Innoc. III. in c. maiores, de Baptismo, vbi expressè ait, quòd *originalis culpa remittitur per circumcisionis mysterium*: Et quòd *Baptismus succersit loco circumcisionis*.

5 Nihilominus negandum est, quòd circumcisio sit causa gratiæ efficiens; siue, quòd gratiam ex opere operato conferat. In quo consentio cum Cano, Soto, Bellarmino, Vasquez loc. citatis, Becano in analogia veteris & noui testamenti, cap. 15. q. 4. contra Scotum in 4. dist. 1. quæst. penult. & vlt. Durand. ibid. quæst. 5. num. 10. Palud. quæst. 5. a. 4. Gabr. quæst. 4. a. 1. concl. 2. Probatur tum ex Apostolo locis suprà cit. & Patribus, quos citat Bellarm. lib. 2. c. 15. ex Concilio Florentino in decreto Eugenij post sess. vlt. §. quintò Ecclesiasticorum sacramentorum, vbi ait, quòd nouæ legis sacramenta *multum differunt à sacramentis antiquæ legis: illa enim non causabant gratiam: sed illam solum per passionem Christi dandam esse figurabant: hac verò nostra continent gratiam, & ipsam dignè suscipientibus conferunt*. In Scholis dici solet, quòd sacramenta nouæ legis effectum suum, ipsamque gratiam sanctificantem conferunt *ex opere operato*; id est, hoc ipso, quòd opus secundum Christi institutionem peractum est; absque vlla dependentia ex merito, aut pia dispositione seu conferentis, seu suscipientis; modò tamen is sacramenti, secundum propriam cuiusque naturam, capax sit, nullumque obicem ponat, vti explicat Sotus d. 1. q. 3. a. 1. colum. antepenult. At verò sacramenta legis veteris nec paruulos, nec adultos ita spiritualiter sanctificabāt: quamuis enim in eorum susceptione gratia sanctificans conferri potuerit; imò circumcisio à Deo instituta fuerit pro paruulis Iudaici populi, tanquam ordinarium remedium, seu conditio sine qua non ipsorum sanctificationis, vt suprà, ex probabiliori sententia dixi, contra Vasquez 1. 2. disput. 183. cap. 3. tamen in circumcisione v. g. non conferebatur gratia virtute circumcisionis, siue ex vi operis; sed ex virtute fidei in Christum Saluatorem,

adeoque, vt aiunt, *ex opere operantis*; videlicet suscipientis sacramentum, si adultus esset, qui propriam fidem, & bonæ voluntatis actualem dispositionem, seu contritionem afferre posset; vel alterius seu ministrantis, seu offerentis, si paruulus esset, qui cum fidem, ac bonam voluntatem propriam non haberet, eius voluntas, secundum benignam Dei acceptionem, censebatur pia voluntas eius, qui curam paruuli suscepiebat, eum Deo in fide Christi offerens, sicuti expressè docet S. Thom. 3. p. q. 70. a. 4.

Alioquin si dicamus, signum circumcisionis sufficiens fuisse, vt eius applicatione illico daretur gratia paruulis, etiam sine fide parentis, aut ministri, (quod tanquam probabilius cum antiquis quibusdam Scholasticis docet Suarez) non satis intelligo, quomodo negari possit circumcisionem respectu paruulorū fuisse causam gratiæ sanctificantis: cui tamen repugnat Apostolus, sæpe inculcans, omnia fuisse inania, & infirma elementa; ideoque abolita esse, propter infirmitatem & inutilitatem suam, Hebræor. 7.

Neque enim satisfaciunt primò, qui respondent, per circumcisionem rite exhibitam à Ministro, quamuis sine fide, paruulis collatam fuisse gratiam sanctificantem, ex gratuita miseratione Dei, propter necessitatem paruulorum: ideoque non propriè ex vi sacramenti circumcisionis. Si enim Deus in lege Moysis circumcisionem stabiliter instituit, vt per eam paruuli iustificarentur sola applicatione ministrantis voluntariè, & cum intentione, verum non est, quòd Apostolus vniuersim significat ad Rom. c. 2. & 4. ad Corinth. 1. c. 7. Circumcisionem nihil esse, quia ex fide in Christum contingat iustificatio, non ex circumcisione. Potuissent enim Iudæi respondere, se in infantia sua per circumcisionem iustitiam consecutos fuisse, sine fide actuali in Christum: adeoque circumcisionem plurimum ipsis profuisse: siue magnum inter circumcisionem & præputium discrimen esse, cum per eam, etiam sine fide in Christum, paruulis secundum gratuitam Dei liberalitatem, certa lege & institutione, iustitia tribuatur: non ita verò in circumcisis, siue in præputio manentibus.

Neque satisfaciunt secundò, qui respondent, nouæ legis sacramenta gratiæ instrumentaliter efficiendæ vim physicam habere; at verò circumcisionem solum vt morale causam, propter pactum & institutionem Dei; ad paruulorum sanctificationem concurrissè. Nam imprimis valde incertum est, imò secundum multorum sententiam impossibile, quòd sacra materialia symbola vim aliquam physicè producendi gratiam habeant: sed dicuntur ea virtutem sanctificandi habere moraliter: quia ex voluntate & institutione Christi, Deique patris acceptione, sacrorum signorum seu sacramentorum exhibitioni infallibiliter annexa est gratia sanctificans, per Christi merita conferenda. Quæ est sententia S. Bonau. in 4. d. 1. a. 1. q. 4. §. est etiam aliorum magnorum, Scoti in 4. d. 1. q. 5. Richar. a. 4. q. 2. Dur. q. 4. Gabr. q. 1. a. 2. concl. 2. & 7. Vasq. 3. p. disp. 132. Coninck q. 62. a. 4. dub. vn. contra Thomam Caietanum in cit. q. 62. a. 4. Palud. in 4. d. 1. q. 1. concl. 2. Ferrariens. 4. contra Gentes, c. 57. Dominic. Sotū cit. d. 1. q. 3. a. 1. Suarez disp. 9. s. 1. & 2. & plures alios, vim instrumentale physicam sacramento tribuētes. Deinde hæc ipsa ratio (quam Doctores illi circumcisioni tribuunt) sanctificantem gratiam paruulis infallibiliter cōferendi, tanquam signum moraliter practicum, secundum Dei institutionem & pactum: magnam profectò utilitatem, firmitatemque continet: quemadmodum si Rex chirographum sigillo suo munitum alicui daret, ad cuius exhibitionē Rex potentissimus ac fidelissimus statim obligatus esset exhibere, & certò etiam exhibiturus solutionem. Quis diceret, chirographum hoc inane, nullius utilitatis, aut firmitatis: eò tantum, quòd physicè non operaretur pecuniæ solutionem: sed solum vt

signum certum, ac moraliter efficax?

Itaque concludo, Quod sacramentum genericè sumptum sit sacra, & stabilis cæremonia, diuinitus instituta ad homines aliquo modo sanctificandos, & spirituales gratiam significandam: Differentia autem inter vetera, & abolita, ac nouæ legis sacramenta in eo consistit; quod illa gratiam, seu animæ sanctitatem figurabant, & significabant tantum; hæc autem non tantum significant, sed etiam operantur: quamobrem sunt signa gratiæ practica seu operatiua. Vide Trident. sess. 7. in canonibus de sacramentis in genere, & S. August. in psal. 73.

C A P. I V.

De materia & forma Sacramentorum nouæ legis.

S V M M A R I V M.

- 1 In sacramentis nouæ legis non tantum sensibilis materia; sed etiam verborum forma requiritur.
- 2 In sacramentis plerumque duplex materia reperitur, remota, & propinqua.
- 3 Sacramenta illa, quæ in usu, seu actione transeunte consistunt, re & verbis, veluti materia ac forma, essentialiter componuntur.
- 4 Mutatio materia, aut forma sacramenti alia est substantialis, & alia accidentalis.
- 5 Error priuatus Ministrum non obstat valori sacramenti; modo veram materiam & formam adhibeat, cum intentione saltem implicitè faciendi, quod Christus instituit, vel vera Ecclesia facere intendit.
- 6 Si Minister existimet esse puerum, cum sit puella, quam v. g. baptizat; vel esse Titium quem ordinat, cum sit Caius, validum est sacramentum.

NO T A N D U M est ex S. Th. q. 60. a. 6. ad 3. Sicuti ante Christi aduentum, & Euangelij promulgationem Fides in Christum, & SS. Trinitatem obscure & implicitè populo proposita erat; ita & sacramenta legis veteris, quibus Christus, & iustificatio nostra per Christum figurabatur, imperfectè ac confusè significantia symbola erant. Nihil enim ad perfectum adduxit lex, ait Apostolus ad Hebræos, cap. 7. In noua autem lege, reuelata Christi redemptione, etiam mysteria siue sacramenta, quibus sanctificamur, expressiora & clariora esse oportebat. At verò notissimum est, quod, licet pleræque res sensibiles tanquam symbola assumi & institui possint ad aliquid significandum; tamè earum significatio obscura, ænigmatica, plerisque incognita, ac proinde imperfecta esse soleat; nisi per verba declaretur, ac determinetur, atque ita certior, expressior, ac perfectior efficiatur.

Assertio I. In sacramentis requiritur res siue materia aliqua, sensibilis determinata, puta in Baptismo aqua, in Confirmatione oleum, balsamo mixtum. Ita S. Th. q. 60. a. 5. & probat: Cum sanctificatio hominis in potestate Dei sit, ideo non pertinet ad hominem suo arbitrio assumere res, quibus sanctificetur; sed hoc esse ex diuina institutione determinatū. Quæ doctrina licet à S. Th. propriè tradita sit de sacramentis nouæ legis; tamen suo modo etiam locum habet in sacramentis veteribus; quippe quæ & ipsa in aliqua re sensibili à Deo reuelata ac determinata consistebant, vt agnus Paschalis, circūcisio, &c. Ante circūcisionem verò, etsi aliqui sentiant, pro paruulis; & post circūcisionem pro scemellis nullum in specie symbolum determinatum fuisse; oppositum tamen probabilius esse, præc. c. dictum est. Id verò minùs negari potest, saltem in genere fidelibus inspiratum ac traditum fuisse, vt aliquam externā precem, benedictionem, oblationemque ad Deum pro paruulis suis fideles adhiberent.

Assertio II. In sacramentis, saltem ijs, quæ in usu, seu actione transeunte consistunt, duplex est materia; remota, & propinqua. Materia remota dicitur res illa, quæ in sacramentū assumitur, seu circa quam actus aut cæremonia sacra exercetur; vt aqua, oleum. Materia propinqua dicitur, ipse actus, seu vsus rei illius sensibilis, puta ablutio, vnctio.

Assertio III. In sacramentis nouæ legis præter sensibilem materiam, seu materiale symbolum, requiruntur etiam verba. Ita S. Tho. a. 6. & Concil. Florent. in decreto Eugenij: *Omnia sacramenta tribus perficiuntur; videlicet rebus tanquam materia; verbis tanquam forma; & persona ministrum.* Et addit: *Horum si aliquod desit, non efficitur sacramentum.* Oportet autem intelligere verba propriè dicta: & quidem vocalia, vt constat ex traditione Ecclesiæ, præterquam quod in matrimonio regulariter quidem talia verba concurrant; sed non semper ac necessariò, sicuti idem Florentinum aperte notauit §. Septimū sacramentum. Nam matrimonij sacramentum fundatur in contractu naturali, cuius constitutionem Christus non mutauit, sed tantum ad sacramenti dignitatem inter baptizatos euenit: est autem id cōmune omni contractui inter homines, vt spectato iure naturali, per mutuū cōsensum, quocunque externo signo manifestatum, perficiatur.

Nunc probatur assertio: Nam sacramenta nouæ legis clarā & expressam gratiæ sanctificantis significationem habere debent: hanc autem consequuntur per verba, quippe quæ propriè instituta sunt ad ignota explicandum, ambigua determinandum. Confirmatur: Doctrina, seu intelligentia rerum intelligibilium occultarum, homini comparatur tum per inuentionem, cui inseruit visus rei sensibilis obiectæ; tum per disciplinam, quæ verbis accipitur: quare ad perfectam mysteriorum nouæ legis intelligentiam tum sensibilis materia, tum verba necessaria fuerunt.

Nota autem, quod materia & forma in sacramentis dicantur secundum analogiam seu proportionem materiæ, ac formæ physiciæ; Nam sicuti materia confusa ac potentialis per aduentum formæ naturalis; ita significatio confusa & imperfecta rei sensibilis per adiectionem verborum determinatur, ac veluti formatur. Ad perfectionē significationis sacramentalis, ait S. Th. cit. a. 6. in corp. *neceffe fuit, vt significatio rerū sensibilium per aliqua verba determinaretur: aqua enim significare potest & ablutionem, propter suam humiditatem; & refrigerium, propter suam frigiditatem: sed cum dicitur, Ego te baptizo in nomine Patris &c. manifestatur, quod aqua utimur in Baptismo ad significandam emundationem spirituales.*

Assertio IV. Sacramenta illa, quæ in usu seu actione transeunte posita sunt, ex re & verbis, tanquam materia & forma essentialiter componuntur. Sumitur ex Florent. loco supra cit. S. Th. ll. cc. Alensi in 4. p. q. 8. mem. 3. a. 1. & 2. & videri potest Suarez disput. 2. l. 2. assert. 1. Vasquez disput. 129. Probatur & explicatur: Cum sacramenta ista, puta Baptismus, Confirmatio &c. esse successiuum habeant; ideo eorum partes, ex quibus moraliter constituuntur, aut componuntur, successionem quoque seu transitum habere debent: talia autem sunt sensibilis materiæ applicatio, & verborum formæ prolatio.

Si quæras, quanta debeat esse coniunctio inter materiam & formam sacramenti, v. g. inter aquæ affusionem, & verborum pronuntiationem? Respondetur, debere esse tantam, vt spectata natura cuiusque sacramenti, secundum moralem hominum æstimationem, forma verborum habitudinem determinationis retineat ad materiam, seu symbolum subiectum, sicuti latius explicabo tract. 2. c. 7. q. 3. Porro sacramenta quæ in esse permanente consistunt, qualis est SS. Eucharistia, non posse propriè componi ex materia & verborum forma, manifestum est: quia verba successiua & transeuntia sunt: nullum autem permanens ex partibus successiuis essentialiter constitui potest. Vide quæ dicam tract. 10. p. 2. c. 2. assert. 3.

Assertio V. Si in præscripta materia, aut forma sacramenti, mutatio fiat, refert vtrum ea substantialis sit, ideoque sacramentum irritum; an verò accidentalis tantum, ideoque sacramentum validè collatum; licet non absque peccato, nisi necessitas, aliæ causa excuset. Ita docet S. Thom. quæst. 60. a. 8. Duran. in 4. d. 3. quæst. 2. Adrian. in

in 4. de Baptismo, quæst. 2. §. de secundo videndum, alijque communiter. Tunc materiæ mutatio substantialis cenferi debet, quando tanta est, vt secundum communem vsum, & æstimationem hominum, differat ratione, & appellatione à materia, quam Christus præscripsit, & Ecclesia vsurpat. Dico secundum communem vsum, & æstimationem: Cum enim sacramenta moralia signa sint, & ipsorum materiæ in humanis actionibus, vel in ordine ad illas à Christo determinatæ; ideo in cognoscenda sacramenti materia, potius ad moralem eius vsum & conceptionem, quam physicam plerisque hominibus ignotam formam, siue naturam attendere oportet, sicut bene docet Suarez disp. 2. l. 4. reg. 3. Exempli causa; massa farinacea digesta, sed nondum pista, non est materia S. Eucharistiæ; quia non est panis ac cibus humanus; siue differat à pane formâ physica, siue non. Et aquæ artificiales seu humores mixti, si communem vsum & appellationem aquæ elementaris amiserunt, non videntur esse materia Baptismi; siue forma substantialiter mutata sit, siue non. Vide quæ dicam tract. seq. c. 3. Accidentalismutatio materiæ cenferi debet, si nihilominus materia eundem moralem vsum & æstimationem retineat; licet aliqua qualitas desit, quæ ex præcepti necessitate requiritur, puta si aqua turbida sit, panis ater, immundus.

Formæ sacramentorum mutatio substantialis cenferi debet, per quam alius orationis sensus efficitur, vti docet S. Thomas quæst. 60. a. 8. Cum enim verbi seu orationis essentia, & quasi anima sit sensus ac significatio; ideo si verba ponantur aliam significationem habentia, non eadem, sed alia verborum forma iudicatur. Accidentalismutatio formæ est I. Si verba materialiter tantum mutantur; quia alia eundem sensum habentia vsurpantur, v.g. si pro baptizo, dicatur abluo. II. Si vna, vel plures mutantur aut omittantur, quæ non pertinent ad substantiam formæ: vt si in forma Baptismi omitatur pronomen Ego, vel in forma Eucharistiæ, enim: cuiusmodi minuiorem mutationem, si sine scandalo & contemptu fiat, veniale tantum peccatum fore, ob materiæ leuitatem, ait Coninck cit. a. 8. dub. 2. num. 84. III. Si Minister, ob præcipationem, aut balbutiem linguæ, omittat vel mutet verborum litteras, præsertim extremas: v.g. Ego te baptizo in nomine Patri. Hoc est corpus meum. Ego te absoluo à peccatis tui. Dico autem præsertim extremas, quia primæ syllabæ, aut litteræ mutatio plerumque audientibus alienum sensum adfert, formamque vitiat; v.g. Ego te baptizo in nomine matris: Ego te baptizo in nomine Patris, & filij. Quæ est doctrina S. Thomæ quæst. 60. a. 7. ad 3. Palud. in 4. d. 3. quæst. 1. a. 3. ver. secundo modo, Soti d. 1. q. 1. a. 8. & aliorum communis.

Atque hoc est, quod Zacharias I. Papa S. Bonifacio Moguntinensi Archiepiscopo epist. 6. respondit, & refertur d. 4. de consecrat. c. retulerunt; validum esse Baptisma, quod Sacerdos in Boiariorum provincia, propter latini eloquij imperitiâ, tali forma contulerat: Ego te baptizo in nomine patriæ, & filia, & spiritu sancta. Quamuis enim hæc verba ita corrupta nihil significant ex virtute impositionis; accipiuntur tamen vt significantia ex accommodatione vsus, ait S. Thomas cit. a. 7. ad 1. idemque docet Halensis p. 4. quæst. 13. mem. 3. a. 3. §. 2. & 3. Monet tamen Zacharias Papa, irritum fore Baptisma, si Sacerdos talia verba proferat ad inducendam hæresin, aut errorem suum, existimans v.g. quod Deus Pater habeat filiam, vti Sotus lo. cit. exponit. Plura de mutatione formæ dicam tract. sequent. cap. 4.

Hoc autem loco quæstio tractanda est cum S. Thomas a. 8. An, & quo modo priuatus error, aut sinistra intentio Ministri formam pronuntiantis, sacramentum irritum reddere possit? Respondeo, & dico I. Si Minister veram materiam adhibeat, & substantialem verborum formam proferat, cum intentione faciendi quod

Christus instituit, vel quod Christi Ecclesia facere intendit, verè efficitur sacramentum; tametsi is priuato errore contra veritatem sacramenti teneatur. Ita docent Palud. in 4. dist. 3. quæst. 1. a. 3. Gabr. ibidem quæst. vn. a. 2. concl. 3. Adrianus in 4. de Baptismo, quæst. 2. §. ad videndum, ver. Respondeo. Suarez disput. 2. l. 5. Coninck cit. a. 8. dub. 1. num. 61. Sumitur ex Trident. Conc. in sess. 7. can. 4. de Baptismo, Concilio Arelatenfi I. can. 8. Si ad Ecclesiam aliqui de heresi Ariana venerint, interrogent eos nostra Fidei Sacerdotes symbolum: & si peruiderint, in Patre, & Filio, & Spiritu sancto eos baptizatos, manus eis tantum imponentur, vt accipiant Spiritum sanctum. S. Aug. lib. 4. de Baptismo contra Donatistas, c. 15. relato in c. 48. d. 4. de consecr. Satis ostendimus, ad Baptisma, qui verbis Evangelicis consecratur, non pertinere cuiusque vel dantis, vel recipientis errorem, siue de Patre, siue de Filio, siue de Spiritu sancto aliter sentiat, quam cœlestis doctrina insinuat. Quamobrem qui ab Arianis veram verborum formam retinentibus baptizati erant, ad Ecclesiam Catholicam reuersi, deinde baptizati non fuerunt, sicuti habetur in cit. can. 8. Concil. Arelatenfis, 1. & Concil. Arelatenf. 2. can. 17. & apud Innocent. I. epist. 22. ad Episcop. Macedoniæ cap. 5. Siricius Papam epist. ad Himerium Episcopum, cap. 1. Zacharias Papam epist. 11. ad Bonifacium, quæ incipit, Sacris liminibus, Nicolaum Papam responsi. ad Bulgaros, cap. 15. Deinde Græci verè consecrant in pane fermentato, quamuis perperam existiment hunc ritum seu qualitatem materiæ ad sacramenti substantiam pertinere: verè etiam baptizant hac forma, Baptizetur seruus Christi; licet errantes arbitrentur talem verborum ritum, quo persona Ministri non exprimitur, ad sacramenti necessitatem spectare.

Probatur; Sacramentum semper conficitur, si adsit materia & formæ substantialis, insuper intentio conferendi sacramentum, saltem confusa & implicita, dum Minister facere intendit, quod Christus instituit: At verò cum eiusmodi intentione consistere potest error specularius, eique errori interdum correspondens priuata intentio malè conferendi sacramentum, v.g. ministrandi Baptisma per Filium, Patre minorem. Cum enim hæc intentio conditionalis sit, seu ex suppositione existimationis falsæ, quod hæc ipsa sit Christi institutio; ideo superatur ab altera confusa ac generali intentione, quæ absoluta est faciendi, quod Christus instituit. Quemadmodum si quis quærat, & omnimodè habere desideret equum suum, quem amisit; etsi particulari speculatione erret, existimans non esse suum equum, qui reuera suus est; ideòque eum respuat; is tamen, absolute loquendo, potius hunc ipsum habere cupit. Vult enim habere equum suum: hic autem, qui offertur, equus eius est: Ergo, absolute loquendo, eum habere vult; licet per accidens, atque ex hypothese speculationi erroris, nolit.

Requitur tamen hoc casu, vt Minister actuali contraria intentione non excludat sacramenti veritatem: Puta si Arius nolit Baptisma cum inuocatione Patris, & Filij, & Spiritus sancti valere, nisi Pater sit Filius maior. Vel si Græcus nolit Eucharistiam confici, nisi panis fermentatus sit de necessitate sacramenti; tali casu sacramentum irritum erit; non quidem propter defectum materiæ, aut formæ; sed propter defectum intentionis.

Dico II. Si Minister errorem suum contra sacramenti veritatem in forma exprimat, siue in formam expresse inducat, nullum efficitur sacramentum: cum hæc sit substantialismutatio formæ. Sumitur ex S. Athanasio orat. 3. contra Arianos, circa medium, S. Greg. I. lib. 9. epist. 61. ad Quirinum Episcopum, & refertur in c. h. verò, d. 4. de consecr. Exempli causa, si Arius minister ita dicat: Ego te baptizo in nomine Dei Patris maioris, & Filij, & Spiritus sancti.

Dico III. Si forma verborum, contra Ecclesiæ consuetudinem mutata, duplicem sensum habere possit; vnum

qui sit contrarius veritati & substantiæ sacramenti; alterum, qui non sit; tunc spectanda est intentio Ministri, utrum is substantialem errorem inducere voluerit, necne. Et quidem in dubio præsumendum est voluisse inducere, ideoque sacramentum irritum esse, si Minister de industria formam mutauit, ac vitiauit; secus, si inuoluntariè, aut propter imperitiam. Hæc videtur esse doctrina S. Th. a. 7. ad 3. & a. 8. in corp. & colligitur aperte ex c. retulerunt, d. 4. de consecrat. Ratio sumi debet primò ex defectu intentionis Ministri: quia enim talis Minister actualement & absolutam intentionem habet conferendi sacramentum secundum falsum suum intellectum, non potest habere implicitam intentionem faciendi, aut significandi, quod Christus instituit, aut Ecclesia intendit: cum ista intentio contraria, & repugnans sit actuali ubi solutæ eius intentioni. Secundò ex defectu substantiali ipsius formæ: Si enim ea spectatis tum verborum sono, tum pronuntiandi modo, aliisque circumstantiis omnibus, ambiguum, ac indeterminatum sensum habeat; determinabitur ad vnum certum sensum ab intentione Ministri proferentis: quare si hic sensus sit contra veritatem sacramenti, forma substantialiter vitiosa censi debet.

Exemplum habes: Si sacerdos ita consecrat, *Hoc est quoddam modo corpus meum*; duplex sensus esse potest; vnus, qui est contrarius veritati, & essentiæ sacramenti, hoc est in figura corpus meum: alter, qui contrarius non est sacramento, ideoque mutationem substantialem formæ non adfert, hoc est corpus meum modo existendi incorporeo. Quare si forma illa verborum vsurpetur à Sacerdote Calviniana hæresi infecto, præsumi debet vitiosa. Similiter hæc verborum forma, *Baptizo te in nomine Patris per Filium, in Spiritu sancto*, potest quidem ita explicari, vt sensum verum habeat; si tamen à Ministro Arianae hæresis vsurpata fuerit, præsumitur errorè suum de inæqualitate personarum inducere, & sensum substantialem formæ corrumpere voluisse. Videri potest Suarez disput. 2. l. 4. ver. secunda mutatio, & l. 5. ver. in vtroque. Vasquez 3. p. disput. 129. c. 7. Coninck. cit. dub. 1. Nauar. lib. 3. consil. 4. num. 6. de Baptismo, edit. 2. vbi ex eodem fundamento respondet, quòd Baptismus ab hæreticis existimantibus Spiritum sanctum non esse verum Deum, tali forma collatus, *Ego te baptizo in nomine Patris, Filij, & Spiritus*, pro irritato habendus sit. Quod verum tantum arbitror secundum præsumptionem, non habuisse Ministrum sufficientem intentionem baptizandi in SS. Trinitate. Interim fieri potuit, vt tamen Minister errore illo teneretur, habuerit tamen intentionem generalem & bonam non astrictam suæ erroneæ opinioni, sed vsurpandi verba secundum veram, & Christi institutioni conformem significationem, quam habere possunt: consequenter cum forma illa verum ac legitimum sensum habere queat, neque ab intentione practica Ministri, aut per alias circumstantias determinata sit ad significationem falsam; tali casu sacramentum validè confertur, quæ est doctrina Suarez cit. l. 5. Coninck n. 67.

6 Dico I V. Licet Minister verborum formam pronuntians versetur in particulari errore circa personam baptizandam, ordinandam, alteriusve sacramenti subiectum, (excepto matrimonio) si tamen seruet actualement, aut virtuale intentionem Ecclesiæ, vel Christi institutoris, speculatiuus ille error nihil obstat intentioni morali ac practicæ. Ita ex cõmuni Victoria de Baptismo n. 34. Exempli causa: Si puerum te existimes baptizare, cum puella sit; vel Titium in sacerdotè ordinare, cum Caius sit. Nam hæc ordinaria & vsitata est, ac esse debet Ministri intentio, vt baptizetur, ordinetur, consecratur subiectum aut materia, quæ capax & præsens est, dum super ea verborum forma proferitur: quam proinde intentionem vnusquisque seruare censetur, nisi eam expressè excludat. Quinimo tamen Episcopus ante ordinationem generatim dixerit, nolle se ordinare excommunicatos, suspen-

fos, irregulares, aut eos qui ex aliena diocesi sunt; postea verò talis aliquis furtiue se ingerat, valida erit huius ordinationis. Quia Episcopus semper censetur habere, ac retinere practica absolutam intentionem ordinandi hominem præsentem non verò conditionatam, nisi excommunicatus sis &c. quandoquidem appositio talis conditionis cõformis non est Ecclesiasticæ cõsuetudini, imò sacrilegio obnoxia, vt docet Henricus lib. 2. cap. 8. num. 5.

Cur autem exceperim matrimonium, suo loco patebit. Nam sacramentum illud multa specialia habet; quia in humano contractu fundatur, eiusque naturam & conditiones sequitur, inter quas vna est, quòd error speculatiuus circa substantiam, seu personam determinatam vitiat contractum matrimonij; cum tollat consensum contrahentis, sicuti dicam hoc lib. tract. ult. p. 4. c. 2.

CAP. V.

De causa efficiente sacramentorum nouæ legis.

S V M M A R I V M.

- 1 Solus Deus primarius auctor & institutor est sacramentorum nouæ legis: Christus autem, quia homo, duobus modis eorum auctor, & institutor dici potest: nimirum quia eam nobis institutionem ex condigno promeruit; & quia cum potestate excellentia promulgauit.
- 2 Potestas instituendi sacramenta ministerialiter puro homini communicari potest; quamuis non ita excellenter, vt Christo competebat.
- 3 Omnia noua legis sacramenta à Christo immediate instituta fuerunt.
- 4 Solus Deus, vt causa simpliciter principalis, interiores effectus sacramentorum operatur, sed Christus homo, vt causa principalis meritoria.
- 5 Humanitas Christi operatur interiores sacramentorum effectus, tanquam instrumentum coniunctum diuinitatis.
- 6 Fides aut probitas Ministri non requiritur ad sacramenti valorem.
- 7 Mortaliter peccat Minister, si in statu peccati mortalis ministrat sacramentum, ad cuius ministrationem ordinatus est.
- 8 Idem quoque sentiendum de Sacerdote baptizante non solemniter, in casu necessitatis; Et de Diacono, si ex commissione Sacerdotis baptizet, vel S. Eucharistiam porrigat in statu peccati mortalis.
- 9 Si laicus, vel alius Clericus, præter Sacerdotem, in casu necessitatis baptizet cum conscientia peccati mortalis, non videtur plus, quam venialiter peccare.
- 10 Probabile est, Diaconum non peccare mortaliter, si in statu peccati mortalis in Missa officio ministret; nisi id frequenter, seu per consuetudinem fiat.
- 11 Intentio alia est actualis, alia virtualis, & alia habitualis seu interpretatiua: Actualis, sicuti & virtualis, vel explicita est, vel implicita.
- 12 Ad necessitatem sacramenti requiritur formalis intentio Ministri, saltem implicita; nec sufficit habitualis in causa, aut merè interpretatiua.
- 13 Ad sacramenti valorem necessaria est intentio absoluta; ideoque nihil efficitur, si Minister v. g. baptizet sub conditione pendente in futurum.

QUÆSTIO PRIMA. A quonam sacramenta nouæ legis instituta sint? Respondeo, & dico I. Solus Deus est primarius auctor & institutor sacramentorum. Ita S. Thom. q. 64. a. 2. Scotus d. 2. q. 1. Palud. q. 1. a. 2. & 3. Durandus quæst. 1. & alij. Probatur: Nam is propriè dicitur auctor & institutor sacramentorum, qui eis virtutem confert, quæ est sanctificandi homines; solus autem Deus principaliter est auctor gratiæ sanctificantis: Ergo solus ille esse potest primarius auctor & institutor sacramentorum. Vide quæ dixi supra cap. 2.

Dico II. Christus, quia homo, duobus modis dici potest auctor sacramentorum nouæ legis: primò, quia eorum institutionem & operationem nobis ex condigno promeruit: quamobrem sacramenta de latere Christi in cruce pendentes fluxisse dicuntur. Secundò, quia ipse erat diuinæ sacramentorum institutionis interpret ad homines cum potestate constitutus, iuxta illud Apostoli ad Hebræos 1. *Multis modis olim loquens Deus patribus in Prophetis, non sine diebus istis locutus est in filio*: Quare in hoc etiam sacramenta nouæ legis multum superant sacramenta vetera: quòd illa Deus ministerio puræ creaturæ instituit, Ecclesiæq; tradidit, videlicet per Abrahamum, per Moysen; quibus Deus per se, vel Angelum locutus fuit:

fuit: At verò nouæ legis sacramenta instituit Deus per Christum Mediatorem, qui propter vnionem hypostaticam habuit potestatem excellentiæ, per quam tum leges ferre, tum gratiam dare, aut dandam promittere, consequenter sacramenta instituire potuit, iuxta illud Mat. ult. *data est mihi omnis potestas in cælo, & in terra: euntes ergo docere omnes gentes, baptizantes eos in nomine Patris, & Filij & Spiritus sancti.*

QVÆSTIO SECUNDA. Vtrum potestas, quam Christus habuit sacramenta instituendi, alteri homini communicari possit; Respondeo, & dico I. Potestas, quam Christus habuit vt Deus, instituendi sacramenta authoritatiuè, & vt causa primaria effectus eorū, nulli homini communicari potest. Ita S. Thom. a. 4. & constat ex quæst. præced. dicto 2.

2 Dico II. Potestas instituendi sacramenta ministerialiter puro homini cōmunicari potest; quamuis non tam excellenter vti Christo competeat. Ita conciliantur Doctores, quorum alij negant potestatem instituendi sacramenta nouæ legis puro homini cōmitti posse, vt Scotus in 4. d. 1. quæst. 3. a. 2. Gabr. q. 2. a. 3. dub. 2. prop. 1. Vasq. disput. 135. c. 2. Alij autem affirmant, vt S. Th. quæst. 64. art. 4. & alij post S. August. tractat. 5. in Ioannem.

Pro intellectu aduerte, Duobus modis sacramentum à Deo institui posse per hominem; primò, vt ipsum ministeriū exhibeat, sitque merus diuinæ institutionis interpres, promulgator ac præco: quomodo suprà dixi sacramenta vetera per Abrahamum, & Moysen instituta fuisse. Atque hoc sensu nemo negat, sacramenta nouæ legis institui potuisse ministerio hominis; puta per diuinam inspirationem, seu reuelationem factā alicui, v. g. Apostolo, vt certum signū tanquam infallibile ad conferendā gratiam Ecclesiæ proponeret. Eoque modo arbitror docuisse S. Bonau. in 4. d. 23. q. 2. Alensē in 4. p. q. 8. mem. 2. a. 1. cū Magistro in ead. d. 23. Sacramenta Confirmationis, & Extremæ vnctionis ab Apostolis post Christi ascensionē instituta fuisse per inspirationē Spiritus sancti, ad eum modum, inquit S. Bonau. sicuti Apostoli per reuelationē Spiritus sancti formā Baptismi ad tēpus mutarunt, vt baptizarent in nomine Christi, sine expressione SS. Trinitatis. de quo dicam tract. seq. c. 4. q. 1.

Veruntamen si rectè attendimus, hæc non est verè & propriè institutio hominis: quia vox institutionis nō nudū ministerium, sed potestatem aliquam secundū proprium arbitrium decernendi ac determinandi significat: sicuti etiam olim circumcisio, & alia sacramenta non ab homine, sed à solo Deo immediatè instituta censēbantur, quantumuis per Angeli, aut hominis ministerium.

Quare si hoc tantū senserunt Halensis, & S. Bonau. eorum doctrina non videtur esse damnata in Trident. sess. 7. can. 1. & sess. 14. canone 1. de Extrema vnctione, vbi definitur, sacramenta omnia nouæ legis, ipsamque Extremam vnctionem à Christo Domino instituta fuisse. Si enim Christus Apostolis, post ascensionem in cælos, inspirasset certum signum siue caeremoniam pro hominum sanctificatione in Ecclesia vsurpandam, non ipsi institutores, sed promulgatores tantū dici deberent. Nihilominus verissima, & communis est sententia, quod Christus sacramenta omnia ante Ascensionē instituerit, & Apostolis tradiderit; non autem quadam postea reuelauerit, aut inspirauerit; quod traditur à S. Th. cit. a. 4. ad 1. & in 4. d. 2. q. 1. a. 4. in fine, Scoto, ibid. q. 1. Durand. q. 1. Palud. q. 1. a. 2. & 3. Soto d. 5. q. 1. a. 4. Suarez disput. 11. sect. 1. Vasq. disput. 135. c. 1. Ratio est, Quia oportebat Christum Dominum, antequam ex hoc mundo ad Patrem migraret, perficere illud, cuius causa venerat: videlicet vt homines à peccati iugo redimeret, Ecclesiāque fundaret, nouo condito te-

stamento: atqui pars præcipua noui testamenti sunt Sacramenta, & septem Sacramenta: Ergo oportebat ea à Christo ipso in his terris existente institui. Vide S. Thom. in 4. d. 23. q. 1. a. 1. q. 1.

Secundò intelligi potest, quod Deus instituat sacramenta per commissionem homini factam, vt institutio proximè humana sit, remotè verò ac principaliter à Deo: qua ratione leges Ecclesiasticæ, & sacramentalia instituta sunt per potestatem Ecclesiæ, à Christo concessam. Quo sensu dico nihil repugnare, quin puro homini, v. g. Apostolis, aut Ecclesiæ à Deo, vel Christo committi potuerit potestas instituendi sacramenta, id est suo arbitrio designandi sensibilia signa, ad quorum exhibitionem infallibiliter conferretur gratia sanctificans: & fortasse hoc modo arbitratus fuit Magist. d. 23. sacramentum vnctionis infirmorum ab Apostolis institutum fuisse, quod reprobatur in Tridentino sess. 7. canon. 1. vbi definitur: *Sacramenta nouæ legis à Christo instituta fuisse*, haud dubiè immediatè ac proximè, sicuti colligitur ex sess. 14. canone 1. de Extrem. vnct. vbi dicitur, sacramentum Extremæ vnctionis à Christo institutum, ab Apostolo Iacobo promulgatum fuisse. Itaque pro indubitato in fide Catholica habendum est, quod de facto Apostoli, aut Ecclesia sacramentum aliquod neque instituerint, neque instituēdi potestatem acceperint. Quare inquit Suarez disput. 12. sect. 2. *Ecclesia sicuti nunquam in se agnouit potestatem mutandi formas, aut materias sacramentorum: ita nec augendi, aut minuendi eorum numerum.*

Vltima pars assertionis: Si puro homini, aut Ecclesiæ diuinitus commissæ esset potestas sacramenta instituendi, non futuram tam excellentem, sicuti in Christo, quippe ipsi subordinatam, ab eoque dependentem, docet S. Thom. citat. art. 4. ad 3. vbi ait, si Christus alijs Ministris communicasset potestatem sacramenta instituendi, ipse esset caput Ecclesiæ principaliter, alij verò secundariò. Cōsisteret autem hæc maior excellentia seu prærogatiua in duobus: I. Quod Christus propter vnionem hypostaticam de condigno à Deo meritis sit hanc potestatem homines per sacramenta sanctificandi: purus homo autem non nisi de congruo, & per merita Christi, tanquam capitis principaliter in Ecclesiam influentis, meriti posset, vt symbola sacra ad aliorum sanctificationem institueret, vel vt ad inuocationem nominis sui, gratia v. g. baptismalis cōferretur. II. Christus instituit sacramenta per potestatem excellentiæ, secundum quam cōstitutus est à Deo Patre auctor, legislator, & caput Ecclesiæ: ita vt talis potestas ratione vnionis hypostaticæ ipsi debita, & quodammodo connaturalis esset: hominibus autem si conferretur, solum esset participata: sicuti alia omnis potestas spiritualis Ecclesiæ collata ministerialis est, ac subordinata potestati Christi, cuius alij ministri atque vicarij sunt.

QVÆSTIO TERTIA. Quæ sit causa efficiens interioris effectus sacramentorum? Respondeo, & dico I. Solus Deus, vt causa simpliciter principalis, operatur interiores effectus sacramentorum, qui sunt gratia sanctificans, character &c. Ita S. Thom. q. 64. a. 1. & 3.

Dico II. Christus homo, vt causa principalis meritoria; operatur interiores effectus sacramentorū. Hæc est mens S. Thom. quæst. 64. art. 3. Vbi nota: Licet causa meritoria gratiæ in suo genere principaliter & excellentissimè reperiatur in Christo homini: simpliciter tamen esse dependentem à Deo: quia meritum habet ordinem ad auctorem gratiæ principaliorem, qui est Deus: quare licet Christus vt homo, dici possit auctor gratiæ in genere causæ meritorie; tamen in genere causæ simpliciter efficiētis solus Deus est auctor gratiæ.

Dico III. Humanitas Christi, secundum potestatem excellentiæ, quam propter vnionem hypostaticam,

operatur interiores effectus gratiæ, tanquam instrumentum coniunctum diuinitati. Ita colligitur ex S. Thom. 3. p. q. 7. a. 6. & q. 64. art. 3. ubi addit: Quod Christus propter hanc unionem, habeat potestatem ministerij principalis, quæ dicitur potestas excellentiæ; ita ut comparatione aliorum ministrorum ipsi subordinatorum, obtineat quandam principalitatem & causalitatem. Siquidem alij Ministri ut Paulus, Iacobus, secundum Christi institutionem & imperium, solum exhibent exterius ministerium, & applicationem symbolorum, quæ ex Christi meritis gratiæ sanctificantis virtutem in se continent. Quare Ioannis cap. 1. legitur de Christo, *Ille est qui baptizat in Spiritu sancto*; & tamen Ioan. 4. initio dicitur, quod *Iesus non baptizauit, sed discipuli eius*.

6 QVÆSTIO QVARTA. Vtrum bonitas, aut sanctitas Ministri requiratur ad sacramentorum ministracionem? Respondeo & dico I. Fides, aut probitas Ministri non requiritur ad validam sacramenti ministracionem; sed æquè per malos, aut hæreticos, atque per bonos, & Catholicos virtus sacramenti ex opere operato confertur. Ita contra Agrippinum Africanum, qui vixit tempore Zepherini Papæ; si item Gyprianum, & alios Episcopos in Concilio Africano, docuit Stephanus Papa: Et contra Donatistas hæreticos S. Aug. tract. 5. in Ioannem, lib. 3. de Baptismo contra Donatistas, & lib. 6. cap. 1. ubi ait, id generalis Concilij auctoritate definitum fuisse, quod Baptismus collatus ab hæreticis animarum depredatoribus valeat. Quare Concil. Arelat. 2. cap. 17. Laodicensi cap. 7. decernitur, ut, qui ab hæreticis in forma SS. Trinitatis baptizati essent, si reuersi, & Ecclesiæ abiurata hæresi, reconciliati fuerint, præmissa chrismatis unctione (si id sacramentum non acceperant) ad sacram Synaxin admittantur. Cuius rei testes etiam sunt Siricius Papa in epist. ad Himerium Tarraconensem, cap. 1. Genadius Massiliensis lib. de Eccles. dogmat. cap. 52. Theodoretus hæret. fabularum lib. 3. Concilium Romanum sub Syluestro Papa, Gregor. 1. lib. 9. indict. 4. epist. 61. ad Quirinum. Videri etiam potest Anastasius Papa in epist. ad Anastasium Imperat. apud Baron. Anno 497. num. 10. Gratianus in c. rebaptizare, & seqq. d. 4. de consecrat. Concil. Constantiense c. 8. Trident. sess. 7. can. 12. de sacram. Magister, & alij Scolastici in 4. d. 5.

Hæc veritas probari aliter non potest; nisi ex Christi institutione, quam per traditionem accepimus; quod sacramenta conferantur, & operentur virtute diuina, ex Christi meritis; non ob bonam dispositionem, aut merita Ministri: quod alij dicunt, sacramenta, secundum Christi institutionem ac meritum, conferre effectum ex opere operato; & non ex opere aut merito operantis Ministri; modò is essentialia adhibeat, quæ sunt materia, forma, & debita intentio. Videri possunt Eusebius lib. 7. histor. c. 3. S. Aug. lib. 2. contra Donatistas, cap. 7. & lib. 5. c. 23. Vincentius Lirinensis in suo opusculo aduersus hæreticos, non procul à principio, ver. sed ne longum fiat, ubi testantur; Stephanum Papam non aliud Africanis opposuisse præter traditionem, quæ semper in Ecclesia viguerat, ut, qui ab hæreticis ministris secundum præscriptam formam baptizati sunt, ad Ecclesiam Catholicam reuersi, iterum non baptizarentur.

7 Dico II. Mortaliter peccat Minister, si mortalis peccati conscius, sacramentum aliquod ministret; si Eucharistiam consecraret; vel consecratam fidelibus dispenseret. Ita S. Thom. quæst. 64. art. 6. Henric. de Gandauo quodlib. 6. q. 30. Richard. in 4. d. 5. a. 3. q. 3. Adrian. in 4. de Baptif. quæst. 3. §. viso. Caiet. tom. 2. opusc. q. vn. de usu rerum spiritual. Nau. cap. 1. §. Sacerdos, d. 6. de pœnit. Scotus d. 1. quæst. 5. a. 6. Victoria de Baptismo, num. 28. Vasq. disp. 136. c. 3. Suarez disp. 16. sect. 3. Henric. lib. 1. cap. 29. Sumitur ex c. vlt. de cohabit. Clericorum & mulierum, c. vlt. 15. quæst. 8. quod est Nicolai Papæ respons. ad Bulgaros, cap. 17. S. August. lib. 2. contra Parmenianum, cap. 10.

Omnia sacramenta cum ob sint indignè ministrantibus, profunt tamen per eos dignè sumentibus: refertur in c. omnia, 1. q. 1. ubi plura PP. testimonia à Gratiano congeruntur. Sed bene interpretandum est, quod ex Gelasio Papa ad Elpidium Episcopum refertur: *Sacrosancta Religio, quæ Catholicam continet disciplinam, tantam sibi reuerentiam vendicat, ut ad eam quilibet, nisi purâ conscientia, non audeat pervenire. Nam quomodo ad diuini mysterij consecrationem celestis Spiritus aduocatus adueniet, si Sacerdos, & qui eum adesse deprecatur, criminosis plenus actionibus reproberetur?* Vult dicere, quod talis Minister Spiritum sanctum quodammodo contristet, ut hac consideratione ipsi gratum non sit inuocari, & aduenire.

Ratio assertiois sumi debet, partim ex sanctitate ac dignitate sacramenti, quod conficere, vel ministrare in statu peccati mortalis, velut sordidum Christi instrumentum; non vacat irreuerentia: partim verò ex sanctitate & dignitate officij seu potestatis sacerdotalis: Est enim Sacerdos publicus Ecclesiæ minister, à Christo institutus in eumque finem ordinationis gratiam accepit, ut sacramenta fidelibus sanctè ministret: igitur ratione status ac ordinis sui, adeoque ex proprio officio, ipsi incumbit, ut tale ministerium dignè ac decenter obeat.

Amplia primò, idem dicendum esse de Sacerdote in 8 casu necessitatis non solemniter baptizante: cum & is hanc sacramenti ministracionem ex officio ratione ordinationis suæ exerceat, sicut bene docuit Palud. in 4. d. 5. quæst. 2. art. 2. ver. ad secundum de necessitate. Angelus ver. Baptismus, §. 10. Adrian. in 4. de Baptismo, q. 3. in fine, Vasq. cit. cap. 3. Coninck quæst. 64. a. 6. dub. 1. num. 36. contra quosdam apud Duran. in 4. d. 5. quæst. 2. num. 5. quos sequitur Syluest. ver. Baptismus, 3. num. 5. Caiet. 3. p. quæst. 64. rt. 6. Henric. cit. c. 29. num. 4. Suarez cit. disp. 16. sect. 4. Veruntamen in hoc casu Sacerdos per accidens excusari potest, si periculum in mora sit, & contritionis actum tam citò elicere se non posse arbitretur, sicuti notauit Durand. cit. quæst. 2. num. 6. Gabr. eod. d. 5. q. vn. a. 3. dub. 2. eodemque modo intelligendus S. Thom. cit. a. 6. ad. 3.

Amplia secundò, idem dicendum esse de Diacono, si ex speciali Sacerdotis delegatione Baptismus administret; multòque magis, si ex simili commissione sacram Eucharistiam alicui porrigat: Quia & ipse tunc hæc sacramenta ministrat ratione ordinationis suæ, quippe per quæ habilis redditur, ut talia sacra ministeria ipsi à Sacerdote committantur: cumque Diaconus in his suppleat vicem Sacerdotis, conuenit eum similem quoque obligationem dignè ministrandi in se suscipere. Quamuis Vasq. cit. c. 3. n. 39. contra alios existimet, neque Sacerdotem mortaliter peccare, si in statu peccati mortalis S. Eucharistiam fidelibus porrigat: quia tunc non conficit sacramentum, sed dispensat. Ad quod respondeo; Ipsam hanc dispensationem excellentissimi sacramenti esse munus dignissimum, Sacerdoti ex vi ordinationis suæ commissum, ideoque indignè illud obire, esse graue sacrilegium, ac mortale peccatum, secundum doctrinam S. Th. communiter receptam in 4. d. 24. q. 1. a. 3. quæstion. 5. Henrici quodlib. 6. q. 30.

Dico III. Silaicus, vel alius Clericus, præter Sacerdotem, in casu necessitatis baptizet cum conscientia peccati mortalis, non videtur plùs, quàm venialiter peccare. Ita videtur indicare S. Thom. cit. art. 6. ad. 3. & docet Caietan. ibid. Syluest. ver. Baptismus, 3. n. 5. Sotus in 4. d. 1. quæst. 5. a. 6. in fine, Suarez cit. sect. 4. Henric. lib. 1. c. 29. num. 4. Sanchez lib. 2. de matrim. disp. 6. num. 4. Coninck cit. a. 6. dub. 1. num. 37. contra Gabr. in 4. d. 5. quæst. vn. a. 3. dub. 2. in fine, Vasq. disput. 136. cap. 3. num. 30. Cum enim tales non ex vi status & ordinationis suæ, sed solum per accidens propter casum necessitatis sacramentum ministrent; non incumbit illis tam magna obligatio ministrandi in statu gratiæ. Quare idem quoque

quedicendum de contrahentibus matrimonium in statu mortalis peccati cognito, non peccare eos mortaliter tanquam ministrantes sacramentum (cū non sint ministri ad hoc consecrati) sed solum tanquam suscipientes, ut docent Sotus, & Sanchez ll. cc. Henriq. lib. 11. cap. 2. in fine, Conink num. 38. & inclinatur Suarez citat. sect. 4. ver. Ad fundamentum Durandi, contra Nauarrum cap. 1. §. Sacerdos, num. 10. distinct. 6. de pœnitent. Pet. Ledes. de matrim. quæst. 4. 2. art. 3. ver. ad. ultimum argumentum; Vasq. citat. cap. 3. num. 38.

10 Dico I. V. Incertum est, & in utramque partem probabiliter disputari potest, utrum Diaconus & Subdiaconus mortaliter peccare censendi sint, (scandalo cessante) si cum conscientia mortalis peccati in ordine suo ministrent, & Euangelium vel Epistolam solemniter cantant: Item si Sacerdos, vel Episcopus in statu peccati mortalis sacramentalia exerceat; ille nuptias, aquam, populum, interdum cum venerabili Eucharistiæ sacramento, benedicat; hic primam tonsuram conferat, oleum benedicat, altaria, templa, Chrisma, sacra vasa, virgines consecret.

Negant Sotus in 4. distinct. 24. quæst. 1. art. 4. ad 1. Valentia in 4. disput. 9. quæst. 1. p. 4. ad 4. Suarez, Vasq. Conink ll. citat. Henriq. lib. 10. c. 13. n. 3. qui tamen n. 5. excipit consecrationem chrismatismatis, & olei infirmorum: quia hæc ex diuina institutione proximè referuntur ad sacramenta Confirmationis, & Extremæ unctionis. Ratio huius probabilis doctrinæ est, Quia ex SS. Patrum, & Ecclesiæ traditione non ita colligi potest, mortalem irreuerentiam à Ministris Ecclesiæ committi per indignum exercitium aliorum ministeriorum, quæ proximè non tendunt ad sanctificationem animæ ex opere operato; sicuti ex traditione habemus, mortalem irreuerentiam esse, si Minister malus & indignus sacramenta ministret, quippe quæ ex virtute meritorum Christi quasi quidam canales sint gratiæ sanctificantis in homines derivandæ.

Affirmantem verò partem, tales Ministros mortaliter peccare, docent Angelus ver. Clericus, 8. §. 1. Syl. eod. ver. 2. num. 2. Victoria de Baptismo, num. 28. Caietan. quæst. 64. art. 3. respons. ad 1. Navar. cap. 25. num. 72. Sa. ver. ordo. num. 31. & sumitur ex c. ult. de temporibus ordination. ubi *quæstum est de Sacerdotibus, vel alijs Clericis, qui per reatum adulterij, periurij, homicidij, vel falsi testimonij, bonum conscientie recte perdidierunt?* Et respondetur: Si crimina eorum in iudicio probata, vel alijs notoria non sint; monendos esse, & sub interminatione diuini iudicii obtestandos, ut in testimonium suæ damnationis *in susceptis etiam ordinibus non ministrent.* Ad hunc textum, quo posterior sententia valde probabilis redditur, respondet Suarez, Pontificem Gregor. IX. nihil in specie determinasse, quàm graue peccatum sit in singulis ordinibus ministrare cum peccato mortali, ideòque ex materia subiecta æstimandum id esse: Ait tamen, si Diaconus, vel Subdiaconus longo tempore, adeòque ex consuetudine altari ministret in statu peccati mortalis, vel ita ex officio ministrandi propositum habeat, mortaliter peccaturum. Idque sumi potest ex regula communiter recepta apud S. Thom. in 4. distinct. 5. quæst. 2. a. 2. quæst. 4. *Quod quicumque in peccato mortali existens, exhibet se ministrum Ecclesiæ in quocunque spiritali, peccat:* videlicet propter indecentiam, ac irreuerentiam: ea autem propter frequentiam aut consuetudinem, magis, magisque aggravari videtur. Sicuti si aliquis semel, aut iterum in loco sacro mercaretur, aut cum risu & ioco confabularetur, censeretur irreuerentia venialis: sin verò id ageret frequenter, & per consuetudinem, quamvis absque contemptu: denique esset irreuerentia grauis, atque mortalis. Vide tamen si placet Vasq. disput. 136. cap. 4. ubi hanc doctrinam oppugnans, contendit, nullum omnino peccatum esse, si Diaconus & Subdiaconus in officio solemniter ministrent

cum conscientia cuplæ mortalis.

Illud verò communiter fatentur Doctores, contra Caietan. citat. quæst. 64. art. 6. Navar. cap. 1. §. Sacerdos, num. 14. distinct. 6. de pœnit. Publicè prædicantem verbum Dei cum conscientia peccati mortalis, si scandalum cesset, non esse mortalis peccati damnandum. Quia prædicare non est actus ordinis, ad quem ritè peragendum Minister specialiter consecratus & sanctificatus sit, sicuti explicat Suarez cit. sect. 3. in fine.

Denique addendum est, si Sacerdos sacramentum aliquod ministraturus, mortalis peccati conscius sit, alterum horum ipsi agendum incumbere, videlicet ut vel præmissa Confessione sacramentalem absolutionem accipiat: vel per internum contritionis actum, cum proposito postea suo tempore confitendi, se in Dei gratiam restituat. Quapropter per accidens, nempe ob ignorantiam fieri potest; ut Sacerdos bona fide existimans se contritum esse, cum non sit, sacramentum in peccato mortali administret, sine noua sacrilegij culpa.

QVÆSTIO QVINTA. An, & qualis intentio Ministri ad sacramenti necessitatem requisita sit? Notandum est, nomine intentionis intelligi voluntatem operandi quippiam, quæ duplex est, una conditionata, & altera absoluta. Atque hæc variè distinguitur, videlicet in actualem, virtualem, habitualement, seu interpretatiuam. Eodémque recidit, si intentio diuidatur in formalem, & interpretatiuam: formalis autem subdividitur in actualem, & virtualem. Vtraque verò, tam actualis, quàm virtualis, denuo diuiditur in explicitam, & implicitam.

Intentio, siue voluntas actualis in eo Ministro est, qui cum rationis discretionem attendit ad id, quod libere agit. Virtualis intentio in eo Ministro est, qui nunc quidem non attendit; agit tamen ex antecedente rationali attentione, ac proposito; atque in ea dispositione est, ut iam quoque attendere posset, nisi animus ad alia distractus esset. Porro attentio illa seu præsens, seu præterita vel est secundum specificam rationem, vid. volo conferre sacramentum Baptismi; & tunc est explicita intentio; vel est secundum generalem, & confusam rationem, volo baptizando facere, quod in Ecclesia Christi fieri solet; & tunc est intentio implicita. Habitualis denique, seu interpretatiua attentio in eo est, qui neque actualiter, neque virtualiter ex proposito rationali agit: ideòque materialiter tantum symbola sacramentalia applicat, non ut sacra sunt, puta, si quis in somnis baptizet hominem. Ex quo sequitur, habitualement intentionem non esse propriè intentionem: cum non sit actus voluntatis rationalis, cum maneat in potentia, siue habitu: seu malis dicere, in hominum interpretatione: quia interpretamur aliquem velle v. g. baptizari, vel sacro oleo ungi, qui phreneticus est: propterea quod id cuperet, si rationis compos esset.

Non sum nescius, formalem intentionem interdum accipi, prout opponitur virtuali. Sed hoc loco commodius accipitur, ut etiam virtualem in se comprehendat: & quotiescunque aliquis modo humano, atque ex rationali proposito aliquid agat, censeatur habere intentionem formalem: siue ea actualiter præsens sit, siue virtualiter perseverans. Huic autem formali, & propriè dictæ intentioni imprimis opponitur interpretatiua: si quis impræsentiarum neque actu, neque virtute mentem intentionem habeat, quamvis haberet, si rationis compos, siue ad habendam intentionem idoneus esset. Secundò opponitur intentio merè materialis, videlicet si quis symbola sacramentalia alicui applicet non ut sacra sunt, siue ut à Christo instituta ad sanctificandum, sed tantum materialiter hominem v. g. abluat, & verba proferat.

His positis, respondeo & dico I. Ad necessitatem sacramenti requiritur, ut Minister intendat homini conferre sacramentum, saltem implicitè, si videlicet facere

velit quod vera Ecclesia solet, aut quod Christus instituit, aut quod Sacerdotes Christianorum facere consueverunt; etsi determinatè nesciat, aut non credat esse sacramentum. Ita Florentinum in decreto Eugenij Papæ, Trident. sess. 7. canone 11. de sacram. & docet S. Thom. q. 64. a. 8. & a. 10. ad 2. contra quosdam apud Palud. in 4. d. 6. quæst. 2. art. 3. Duran. ibid. quæst. 2. arbitratos, formalem conferendi sacramenti intentionem in Ministro non requiri. Ratio peti debet ex institutione Christi, quæ per traditionem & sacram Scripturam didicimus; Quod Ministri à Christo constituti sint ut scientes ac volentes, idèoque rationali modo sacra mysteria fidelibus dispenserent, iuxta illud Apostoli 1. ad Corinth. 4. *Sic nos existimet homo, ut ministros Christi, & dispensatores mysteriorum Dei.* Hoc autem fit, si intendant ablutionem v. g. vel vinctiōnem, cum adiecta verborum forma, homini adhibere non materialiter tantum, aut indifferenter; sed formaliter uti sunt sacra signa, saltem secundum generalem & implicitam intentionem: sic enim verè sunt Ministri Christi, cuius potestate ac imperio sacra mysteria dispensantur. Quamobrem notavit S. Thom. d. 6. quæst. 1. art. 2. q. 1. ad 1. Ministrum debere esse ut instrumentum animatum & rationale, quod non tantum agitur, sed etiam se agit ad exequendum suum ministerium.

Nota obiter hoc loco, tamen si Minister Baptismi hæreticus nolit conferri gratiam sanctificantem, aut Matrimonium contrahens nolit effici sacramentum; si tamen hæc eius intentio proveniat ex privato errore speculativo, quæ veluti conditione nititur; prævalet intentio eius generalis, faciendi quod Christus instituit, aut quod secundum Dei ordinationem fieri debet, iuxta ea quæ dixi præced. c. n. 5.

Dico II. Etsi decens sit, ut Minister, cum sacramenta ministrat, aut sacrificat, habeat intentionem actualem, tamen ea ad valorem sacramenti non requiritur; cum sufficiat virtualis: puta, si aliquis proposito sacrificandi, vel baptizandi venit in ecclesiam; atque idcirco sacras vestes induit, ad altare, vel baptisterium accessit; licet tunc, & in ipsa materiæ applicatione, formæ prolatione, ad alia cogitanda distractus; perficitur sacramentum. Ita S. Thom. citat. art. 8. ubi ait: *Si in ipso exercitio actus, cogitatio Ministri ad alia rapiatur, virtute primæ intentionis perficitur Sacramentum: quamvis studiosè curare debeat, ut etiam actualem intentionem adhibeat: sed hoc non est totaliter positum in hominis potestate.* Prior assertionis nostræ pars inde patet, quia tanta est Sacramentorum, & sacri ministerij dignitas, ut deceat illud peragere cum attentione mentis, & consequenter voluntatis intentione actuali. Posterior pars ex eo probatur: Quia Christus non maiorem mentis attentionem, intentionemque requisivit ad Sacramentorum administrationem, quam ad alia humana negotia requiri soleat: at verò virtualis intentio sufficit, ut actio aliqua censeatur modo humano, ac rationali fieri; quando imperata fuit ex libero actu voluntatis, eiusque imperij ac motionis vi adhuc perdurat: quæ enim ex tali proposito postea agimus, licet propter humanam imbecillitatem ad alia distracti, tamen liberè & humano modo agere censemur. Ita etiam hanc rem explicant Scotus in 4. d. 6. quæst. 6. quæ incipit, Ad secundum sic proceditur: ibidem Duran. quæst. 2. num. 7. Palud. quæst. 2. art. 3. ver. quartò. Gabr. quæst. 1. art. 2. concl. 5. & art. 3. dub. 1. Suarez disput. 13. sect. 3. ver. Altera pars. Vide quæ dixi lib. 1. tr. 2. c. 3. num. 4.

Dico III. Intentio merè habitualis, vel interpretativa non sufficit ad validam sacramenti ministrationem. Ita Scotus Gabr. ll. cc. Rich. d. 6. art. 1. quæst. 2. Caietan. citat. art. 8. Suarez citat. disput. 13. assert. 2. Sensus est: Quod qui in somno v. g. vel ebrietate, sacra symbola materialiter adhibet, aut verba consecrationis super panem profert, propter consuetudinem, & imaginationem nihil efficit: esto, quod actualem intentionem haberet, si

animi compos esset; vel etiam eo proposito se inebriari, ut panem ebrius consecraret. Ratio est: Quia actio ministrantis sacramentum debet esse moralis, & propriè humana ac rationalis: talis autem esse non potest actio ebrii, aut dormientis: cum non sit in tali dispositione, ut actiones suas dirigere, & cum libertate exercere queat. Quanquam eiusmodi interpretativa voluntas sufficere potest in suscipiente sacramentum: quia sicut in naturalibus, ita etiam in moralibus maior perfectio requiritur in agente, quàm in patiente, seu suscipiente.

Præterea, si aliquis proposuerat homines baptizare; postea verò omnino immemor eius propositi, neque actu, neque virtute permanentis, sed tantum non reuocati, per solam imaginationem, aut consuetudinem aquæ aliquem perfundat, cum verborum prolatione; non efficitur Sacramentum. Quamvis iste casus raro accideret poterit in vigilante, & rationis compote.

Dico IV. Ad sacramenti valorem requiritur intentio absoluta; idèoque non sufficit, si Minister baptizet, à peccatis absoluat sub conditione pendente in futurum; v. g. si pater tuus consenserit, si concubinam domo eieceris. Ita ex communi Caiet. in sum. ver. absolutio, c. 1. ver. circa appositionem. Suarez disp. 13. s. 3. assert. 3. Coniunct. cit. q. 64. a. 8. dub. 2. concl. 2. & 3. alijsque communiter, cum aiunt, sacramenti valorem non posse pendere à futuro contingente. Ratio est: Quia sacra symbola debent à Ministri intentione explicita, aut implicita secundum Christi institutionem determinari, ut sint practica & efficacia: Talia autem non sunt, si eorum vis & efficacia suspendatur à futuro contingente effectu. Sicuti si quis dicat se equum alteri donare, sub conditione quod navis hoc mense ex India ventura sit, is efficaciter nondum vult donare; ita similiter, qui à peccatis absoluit sub conditione, si penitens concubinam eiecerit, is nondum efficaciter absolvere intendit. Discrimen tamen est, quod donatio, & omnis alius contractus eueniente postea conditione perficitur, & absoluitur: at verò sacramenta (excepto Matrimonio, de quo dicam tract. ult. p. 2. c. 7. assert. 2.) in euentu conditionis perfici non possunt: cum sacra symbola, quorum actualis exhibitio ad sacramenti substantiam spectat, tunc non existant.

Corollarium: Si quis ministrat sub conditione de præsentente, vel præterito, statim valet sacramentum, si conditio est; non valet autem, si conditio non est: v. g. *Baptizote, si baptizatus non fuisti: absolue te, si capax es.* Ratio est: Quia conditio de præsentente, aut præterito, cum extra causam posita, & non in futurum dependens sit, non suspendit intentionem, actionemque; sed mox facit transire in absolutam, efficacem: sicuti si dicam, *volo tibi donatum, si pater tuus vivit, si mortuus est.*

CAP. VI.

De subiecto Sacramentorum, eorumque effectibus.

SUMMARIUM.

- 1 Aliud est sacramentum; & aliud est res sacramenti.
- 2 Quædam sacramenta viuorum sunt, & quædam mortuorum.
- 3 Præter effectum gratiæ sanctificantis, in singulis sacramentis conferuntur specialia actualia auxilia gratiæ.
- 4 Ad valorem sacramenti in adultis requiritur suscipiendi propria voluntas, saltem interpretativa.
- 5 Ad consequendam iustificationem in sacramentis Baptismi, & Penitentia necessario requiritur in adultis penitentia; vel si peccatum mortale actuale non habens, alius pius animi motus in Deum.
- 6 Sacramenta æqualem gratiam conferunt omnibus suscipientibus, si æqualiter dispositi sunt, secus, si inæqualiter.

NOTANDUM est primò; Quod aliud est sacramentum, & aliud res siue effectus sacramenti. Quemadmodum enim omnis causa ab effectu suo distinguitur, & interdum re ipsa separatur, ita & hic fieri potest,

est, vt tota sacramenti alicuius essentia consistat; attamen effectus eius, quæ est gratia sanctificans, non conferatur propter impedimentum seu obicem suscipientis. Etenim ad sacramenti institutionem atq; essentiam haud pertinet, vt actu conferat gratiâ; sed vt sit collatiuum gratiæ: sicuti ad naturam & essentiam ignis non pertinet calefacere, sed esse calefactiuum, quatenus est ex parte sua. Quod Tridentinum indicauit sess. 7. can. 7. *Si quis dixerit, non dari gratiam per huiusmodi Sacramenta semper, & omnibus, quantum est ex parte Dei, etiam si rite ea suscipiant: sed aliquando, & aliquibus, anathema sit.*

Notandum secundo: Si quæratut de capacitate subiecti, videlicet hominis viatoris, aliter dicendum est in ordine ad sacramenti valorem? & aliter in ordine ad sacramenti effectum, quæ est gratia sanctificans: idque colligitur ex priore notâdo, & in assertionibus manifestum fiet.

2 Notandum tertio: Quædam sacramenta per se instituta sunt ad tollenda peccata mortalia; adeoque ad hominē iustificandum, seu gratiam primam cōferendam ex opere operato: videlicet Baptismus & Pœnitentia, quæ proinde sacramenta mortuorum appellari solent: Reliqua verò sacramenta viuorum sunt, id est, per se instituta pro iustificatis, ad iustitiæ augmentum, seu gratiam secundam conferendam ex opere operato. Veruntamen sicuti sacramenta, quæ per se ad homines iustificandos instituta sunt, si inueniant subiectum antea iustificatum, conferunt illi gratiam secundâ, seu gratiæ augmentum, cum nihil omnino obstat ex parte subiecti: ita similiter sacramenta, quæ per se instituta sunt ad augendâ gratiam sanctificantē, si in subiecto gratiam primam non inueniant, operantur & conferunt illam; modò in suscipiente nullus obex iustificationis sit. Ita speciatim de sacramento Eucharistiæ, quod peccatorem peccatū sui non consciū, cum attritione bona fide accedentem iustificare possit, docent Scholastici in 4. d. 9. vbi S. Bonau. a. 2. q. 3. Scot. §. dicendū. Duran. q. 4. n. 7. Palud. q. 2. a. 1. & d. 12. q. 1. a. 3. concl. 2.

3 Notandum quarto: Præter effectum gratiæ sanctificantis, qui omnibus sacramentis communis est, vt docet S. Th. q. 62. a. 1. in singulis sacramentis dantur specialia auxilia gratiæ actualis, proportionata fini illi, ob quem sacramenta singula instituta sunt. Quo sensu videtur dixisse S. Th. a. 2. ad 3. gratiam sanctificantē in singulis sacramētis specialem esse, quatenus consideratur vnâ cum diuinis auxilijs, ad eundem cuiusq; sacramenti finem conferendis. Deniq; aliqua sacramenta, quæ semel collata repeti non possunt, præter effectus gratiæ, etiam characterem indelebilem animæ imprimunt; de quo dicam c. seq.

4 Assertio I. Ad valorem sacramenti requiritur in adultis suscipiendi propria voluntas seu intētio, saltem interpretatiua. Hæc est communis, & vera doctrina S. Th. q. 68. a. 7. Alensis 4. p. quæst. 18. mem. 1. Scoti in 4. d. 4. q. 4. §. circa secundum membrum diuisionis, S. Bonau. ead. d. a. 2. q. 1. Rich. d. 6. a. 2. quæst. 3. Duran. d. 4. quæst. 4. & 5. Palud. d. 4. quæst. 4. & d. 6. q. 2. Adrian. quæst. 1. de Baptismo, a. 3. Maioris d. 4. q. 2. propos. 5. contra Caiet. q. 68. a. 7. qui non rectè intellectâ sententiâ S. Doctoris in 4. d. 6. q. 1. a. 2. quæst. 3. & Innoc. III. in c. maiores, de Baptismo, docuit, ad valorem Baptismi v. g. non requiri vllam voluntatem suscipientis, modò contrariam non habeat; ita vt si infidelis, qui de Baptismo nūquam cogitauit, dormiens baptisetur, Baptismus validus censendus sit. Sumitur assertio ex Concil. Carthagin. 3. c. 34. Arausicano, 1. c. 12. quæ loca referā in tr. 6. c. 8. n. 3. S. August. lib. 4. de Baptis. c. 24. quod refertur in c. cum pro paruulis, d. 4. de consecrat. Innoc. III. in cit. c. maiores, §. item quæritur, vbi responsum suum, quod inuitis & reluctantibus Baptismus validè non confertur, inde ostendit: *Quia plus est expresse contradicere, quam nunquam consentire*: quasi diceret, si adultus nullo modo consentiens censetur habere obicem contrarium sacramenti suscipiendi, multo magis qui absolute contradicit. Eademq; est doctrina S.

Th. in cit. quæst. 3. Ratio verò est: Quia per sacramenta homines inītiuntur, & consecrātur Deo, vt in eius Ecclesia & cultu stabiles perseuerent: ergo valde cōgruum est, vt propriū consensum afferant, si eius capaces sint, videlicet adulti. At verò paruuli & perpetuò amentes, cum propriam voluntatem afferre non possint, sacramenta suscipiunt in fide ac voluntate Ecclesiæ, ac Christi; ne, si sacramentorum incapaces sint, omnino pereant.

Assertio II. ad consequendam iustificationem primam in sacramento, videlicet Baptismi, aut Pœnitentiæ, necessariò requiritur in suscipiente aliqua pœnitentiâ seu dolor animi ex motiuo supernaturali susceptus de peccatis. Sumitur ex Trident. sess. 6. c. 6. & sess. 14. c. 4. S. August. epist. 48. ad Vincentium, vbi generatim ait: *à quocūque seu magno, seu paruo peccato ad correctionem sine pœnitentia non posse transiri.* Et lib. 50. Homiliar. in homil. 27. princ. *Neque ad Baptismum Christi, in quo omnia peccata delentur, quisquam bene accedit, nisi agendo pœnitentiam de vita pristina. Nemo enim eligit vitam nouam, nisi quem veteris pœniteat.* Eē homil. vlt. c. 2. *Ceterorum hominum, præter paruulos, nullus transit ad Christum, vt incipiat esse quod non erat, nisi eum pœniteat fuisse quod erat.* Ratio peti debet ex voluntate & institutione diuina: Congruum enim est ac decens, vt, qui per peccatum propria voluntate se à Deo auertit, illud detestando aliquo modo ad Deum accedat: alioquin peccati remissionem cōsequi nunquam possit. Vide quæ dicam tract. 6. c. 1. Porro rectè monent Suarez disp. 7. §. 4. col. 3. Coninck q. 62. a. 1. dub. 2. Si adultus ad Baptismum veniat iustificandus, nullum habens peccatum actuale mortale, non opus ei esse dolorem de peccatis, attamen alium pium motum animi; v. g. spei, aut charitatis quo in Deum feratur.

Assertio III. Iusti ad consequendū gratiæ augmentum in sacramentis, quæ viuorum sunt, præter suscipiendā voluntatem, alia bona dispositione necessariò non indigent. Ita ex communi Suarez disp. 7. §. 4. assert. 4. Nam sacramenta ex opere operato conferunt effectū gratiæ, modò in suscipiente obex non sit: non potest autē in voluntariè suscipiente alius obex esse suscipiendi gratiæ augmenti, nisi peccatum mortale: ergo si hoc absit, confertur gratiæ sanctificantis augmentum, cum annexis actualibus auxilijs diuinis, cuique sacramentali gratiæ proprijs.

Assertio IV. Sacramenta æqualem gratiam omnibus suscipientibus conferunt, si æqualiter dispositi sunt; secus, si inæqualiter: nam secundum bonam suscipientis, præsertim actuale, dispositionem, deuotionemque, gratia vberior confertur. Ita docet S. Th. q. 69. a. 8. & in 4. d. 4. quæst. 2. a. 3. quæst. 2. Alensis p. 4. q. 21. mem. 3. S. Bonau. ead. d. 4. quæst. vlt. Richar. a. 3. q. 3. Maior quæst. 3. Sotus d. 6. q. 1. art. 6. Suarez disp. 7. §. 5. Prior pars, quæ etiam est S. Cypriani, lib. 4. epist. 7. S. Chrys. homil. 24. in Acta, probatur, contra Scotum in 4. d. 4. quæst. vlt. vtrum omnes baptizati, Palud. n. ibidem, q. 1. a. 2. Gabr. q. 2. a. 2. concl. 7. Caiet. q. 64. a. 1. Si enim subiecta æqualiter disposita sint, non potest assignari ratio, cur vni plus gratiæ conferatur, quàm alteri: Non enim ex parte sacramenti, quippe quod virtutē operandi habens ex opere operato, secundum legem & institutionem Dei definitū effectum producit: Neq; ex parte Ministri propriam deuotionē afferētis, vt Caiet. opinatus est: nam nullus homo alteri gratiam sanctificantem immediate, seu propria alterius bona operatione non interueniente, etiam de cōgruo impetrare potest: cum solius Christi officium sit, homines sanctificare, seu hominibus gratiam sanctificantē apud Deū Patrē mereri, vt docet Maior d. 4. q. 3. col. 2. Suarez cit. disp. 7. §. 5. contra Caiet. loco cit. Quod verò Palud. Scotus, & Gabr. dicunt, ideo paruulis diuersos gratiæ sanctificantis gradus in Baptismo infundi, quia ad diuersos gradus gloriæ à Deo prædestinati sunt, id totum incertum est; cum neque in Scriptura sacra, neque per tra-

ditionem nobis reuelatum sit. Posterior pars, quæ tradita etiam est à S. Damasc. lib. 4. de Fide, cap. 10. & in Trident. sess. 6. cap. 7. aliter probari non potest, nisi quia congruum est, sacramenta ita à Deo instituta fuisse, ut eorum sanctificandi virtus secundum maiorem præparationem, dispositionemque suscipientis, vberiorē gratiæ effectum producat. Confirmatur ex eo, quod alioquin vehemens attritionis dolor, quem homo ad sacramentum baptismi, vel pœnitentiæ affert, omni fructu careret. quod absurdum videtur.

CAP. VII.

De Characterē.

SYMMARIUM.

- 1 Characteris, seu signi spiritualis anima suscipientis sacramenta impressi, frequens est mentio apud antiquos Patres.
- 2 Tria sunt sacramenta, quibus indelebilis character anima imprimatur, ideoque repeti non possunt; Baptismus, Confirmatio, & Ordo.
- 3 Character partim ad primam speciem qualitatis, partim ad secundam pertinet.
- 4 Effectus gratia in sacramentis non iterabilibus, si propter suscipientis indispositionem impeditus fuit, remoto obice, statim confertur.
- 5 Credibile est, etiam post acceptum sacramentum Extremæ unctionis, Matrimonij, aut Eucharistiæ, nondum absumptis speciebus, remoto obice, gratiam conferri.

CHARACTERIS nomine intelligimus spirituale, & indelebile signum, quod per quædam sacramenta animæ suscipientis imprimitur, ut Christo tanquam Duci, aut Pastori suo deputetur, & consecratur. Eius reiterationem habemus apud Apostolum 2. ad Corinth. 1. Qui unxit nos Deus; qui & signavit nos (σφραγισάμενος) & dedit pignus Spiritus in cordibus nostris. Et ad Ephes. cap. 1. In quo Evangelio prædicatum, postquam credidistis, signati estis Spiritu promissionis sancto. Ad Ephes. 4. Nolite contristare Spiritum sanctum, in quo signati estis in diem redemptionis. Quæ loca explicans S. Chrysost. hom. 2. ad Ephes. ait: Ob signati sunt & Israelitæ sed circumcisione, quemadmodum pecudes: ob signati sumus & nos, sed Spiritu, utpote filij. Similia habet S. Epiphanius. hæres. 8. Eiusdemq; Characteris seu animæ impressi signi mentionem frequenter faciunt alij Patres, ut S. Dionys. de Eccles. hierar. c. 2. p. 3. de baptismo loquens: Hunc ita accedentem divina Maiestas in sui consortium intus admittit, eique lucem suam perinde ac signum aliquod tradit, sanctum efficiens, & sanctorum sortis, ordinisq; participem.

S. Basilii in exhort. ad Baptismum, quæ est homilia 13. Tesseram Duces sub se militantibus dant. Et infra: Nemo te, quarum, nostrarum, an aduersarij partium sis, nouerit, nisi mysticis signis familiaritatem præ te feras; nisi signatum sit super te lumen vultus Domini; nisi characterem in te agnoscat Angelus, quoniam modo pro te pugnabit, aut ab inimicis vindicabit? Quomodo, inquam, dices, Dei sum, signa non ostendens?

Cyrillus Hierosolym. præfat. in Catecheses ait, quod Baptisma sit mors peccati, animæ regeneratio, vestimentum candidum, signaculum sanctum & indelebile. & catech. 17. Spiritus sanctus paratus est in Baptismo obsignare animam tuam, & dare tibi signaculum, quod Demones tremunt. cælestis quoddam & diuinum in te sigillum sanctificationis Dei.

S. Ambros. lib. 1. de Spiritu sancto, cap. 6. Etsi specie signemur in corpore, veritate tamen in corde signamur, ut Spiritus sanctus exprimat in nobis imaginis cælestis effigiem.

S. August. huius characteris frequenter meminit, eumque omnibus baptizatis impressum, indelebilem esse testatur, eamque causam esse, cur apostata ad Ecclesiam redeuntes denuo baptizandi non sint: Contra epistol. Parmen. lib. 2. c. 13. An fortè minùs harent sacramenta Christiana, quam corporalis hæc (militibus indita) nota? cum videamus nec apostatas carere Baptismate, quibus utique per pœnitentiam redemptibus non restituitur, & ideo amitti non posse indicatur. Et tract. 5. in epist. S. Ioannis: Baptismus sacramentum habet,

& magnum sacramentum &c. Attendat tamen in cor, si perfectum est ibi, quod factum est in corpore: videat si habeat charitatem, & tunc dicat, natus sum ex Deo. Si autem non habet, characterem quidem impositum habet, sed desertor vagatur. Similia de Confirmationis sacramento habet idem S. Doctor lib. 2. contra Iulian. Petilian. c. 104. Ac denique de sacramento Ordinis in lib. de bono coniug. cap. 24. Manet in ordinatis sacramentum Ordinationis, etsi aliqua culpa quispiam ab officio remoueat, sacramento Ordinis semel imposito non carebit, quamuis ad iudicium permanent.

Assertio. Tria sunt sacramenta, quibus character indelebilis imprimitur, ideoque repeti non possunt; Baptismus, Confirmatio, & Ordo. Ita S. Thom. q. 63. a. 1. 5. & 6. Auctor antiquus inter opera S. Cypriani de ablutione pedum, S. Bonau. in 4. d. 6. q. 1. a. 3. Richard. d. 5. a. 2. quæst. 4. Palud. d. 4. quæst. 2. a. 3. & colligitur ex Innoc. III. c. maiores, de Baptismo, & definitur in decreto Eugenij, ver. Quinto. Trident. sess. 7. can. 9. Etenim per Baptismum signandus est homo, ut ab infidelibus segregatus sit, atque ad Christi ouile pertinens: qua similitudine utitur S. Aug. lib. 6. de Baptismo contra Donat. c. 1. Plenarij Concilij auctoritate originalis consuetudo firmata est, etiam ouem, qua foris errabat, & Dominicum characterem à fallacibus depredatoribus suis foris acceperat, venientē ad Christianæ unitatis salutem, ab errore corrigi, & à captiuitate liberari, à vulnere sanari, characterem tamen Dominicum in ea agnosci potius, quam improbari. Per Confirmationem signatur homo tanquam miles Christi ad pugnam deputatus: qua similitudine vsus est S. Basilii loco cit. Cyrill. catech. 3. ad Catechumenos, Spiritus sanctus obsignabit animas vestras: diligendi estis in militiam magno Regi. Per Ordinem denique signatur homo, tanquam deputatus Minister Christi, & dispensator mysteriorum Dei.

Exinde colligitur primò; Definitio characteris, quod sit qualitas spiritualis ac supernaturalis homini in quibusdam sacramentis diuinitus indita, partim ut eius anima ornetur ac bene disponatur secundum se; partim ut ea homo deputetur ad alia sacramenta quædam seu suscipienda, seu tradenda. Secundum priorem considerationem, quatenus character est permanens qualitas inherens, ac bene efficiens subiectum, pertinet ad primam speciem qualitatis, quæ est habitus ac dispositio, sicuti docet A. lenis p. 4. quæst. 19. mem. 1. a. 1. ver. ideo dicendum, S. Bonau. in 4. distinct. 6. p. 1. a. 1. quæst. 1. Suarez disp. 11. f. 3. Vasquez disp. 134. c. 3. num. 70. Coninck disp. 63. a. 2. num. 12. Secundum posteriorem verò considerationem, quatenus character hominem extrinseca Dei voluntate ac deputatione, adeoque moraliter idoneum reddit ad sacramenta suscipienda, alijsque tradenda, reduci potest ad secundam qualitatis speciem, quæ est potentia & impotentia, sicuti docet S. Thom. quæst. 63. a. 2. Caiet. ibid. Richard. in 4. d. 5. a. 2. quæst. 1. ad 3. Nam in primis character Baptismi idoneum reddit hominem, ut alia Christi sacramenta validè suscipiat; atque ut sacramentum Matrimonij ministrare possit: siquidem ipsi contrahentes, si baptisati sunt, eius sacramenti ministri existunt. Character Confirmationis moraliter disponit hominem, ut alia sacramenta, præter Baptismum, conuenientiùs suscipiat, atque etiam conferat, si reliqua requisita ad sint: Deinde character iste cum gratia sanctificante, tribuit homini ius ad auxilia Dei actualia, quibus adiuuetur ad specialem finem sacramenti, videlicet ut confirmatus fidem Christi constanter tueatur ac defendat: cuiusmodi moralem potetiam in omni characterē agnoscit S. Thom. 2. 4. ad 1. Character Ordinis hominem idoneum reddit in primis ad conficiendum, & fidelibus dispensandum corpus Christi; item ad ministrandum sacramentum Baptismi, Pœnitentiæ, Extremæ unctionis: Episcopalis vtrò character ad fideles confirmandos, ordinandosque. Quinetiam per characterem Presbyteratus homo idoneus redditur, ut ordinem Episcopatus

patus qui & ipse sacramentum est, validè accipere possit. Colligitur secundò: Si suscipiens sacramentum aliquod ex imprimentibus characterem, obicem ponat gratiæ sacramentali, quia indispositus est, & quasi fictus accedit, v. g. ad Baptismum non afferens fidem, aut dolorem de peccatis; quòd remoto postea seu recedente fitione, videlicet assumpta bona dispositione fidei, pœnitentiæ, ex opere operato conferatur illi gratia sacramentalis. Ita de Baptismo docuit S. August. lib. 1. de Baptismo contra Donatistas, c. 12. & lib. 3. c. 13. vbi ait, quòd Baptismus apud hæreticos homini collatus, etsi ipsi tunc operabatur mortem, conuerso tamen ad Ecclesiam Catholicam mox operetur salutem: quo nomine perfectam salutem seu animæ sanitatem intelligi oportet, quæ cōsistit in plena remissione peccatorum, tū quoad culpam, tū quoad pœnā. Vide quæ dicā tr. seq. c. 6. n. 5. De omnib⁹ verò sacramētis characterem imprimentibus hoc ipsum docēt Richar. in 4. d. 4. a. 1. q. 2. ad 2. Maior ibid. q. 2. ver. circa sextam propositionem, Gabr. in 4. d. 17. q. 1. a. 3. dub. 2. Couar. c. alma, p. 1. §. 4. n. 13. in fine, Medina, C. de confess. q. 20. ver. ad secundam dicendum, Suarez disp. 28. l. 1. Coninck q. 62. a. 1. dub. 5. n. 72. Ratio est: Cū sacramenta characterem imprimentia constituent hominem in statu immutabili; sed dum obex gratiæ durat, imperfecto ac diminuto: quia Character est quasi potentia passiva, quæ perfici debeat aduentu gratiæ sanctificantis, per quam demum ius acquiritur ad gratias actuales homini valde necessarias, vti docent S. Th. Alensis, Bonau. locis cit. ideo credendum est, Deum misericorditer ita instituisse, vt recedente obice, seu fitione, mox effectus gratiæ sacramentalis ex opere operato conferretur. Est autem hæc doctrina contra Sotum in 4. dist. 6. q. 1. a. 8. Vasq. disput. 62. a. 2. qui hanc vim soli Baptismo tribuunt.

His adde, probabile esse, quòd etiam per sacramentum Matrimonij, si durante coniugio obex tollatur, gratia sacramentalis ex opere operato conferatur: Item sacramentum Extremæ vnctionis, si positus obex eodem durante morbo auferatur. Quia licet characterem hæc sacramenta non imprimant, ideoque de his minus certò id, quod dixi, affirmari possit; tamen constituent hominem aliquādiu in tali statu, quò noua sacramenti susceptione gratiam sacramentalem consequi non possit: quare videtur ita à Deo misericorditer institutum esse, vt moraliter veluti habitu quodam perdurent ad eandem gratiam sacramentalem remoto obice conferendam. Accedit hoc speciale in sacramento Matrimonij, quòd in eo sacramenta symbola aliquo modo permanent: nam ob eandem rationem credibile etiam est, in sacramento Eucharistiæ, si obex susipientis remoueat, seu bona dispositio succedat, priusquam species sacramētales absumptæ sunt, gratiam sacramentalem ex opere operato conferri, vti notauit Coninck cit. dub. 5. num. 78.

CAP. VIII.

De numero Sacramentorum.

S V M M A R I V M.

- 1 Septem sunt noua legis propriè dicta sacramenta, à Christo instituta. Viden. 3.
- 2 Frequentissima apud Patres antiquos mentio est, eorum præcipuè sacramentorum, quibus homo simpliciter perficitur, Deoque initiatur, aut consecratur: qualia sunt Baptismus, Confirmatio, Eucharistia, sacra Ordinatio.

ASSERTIO. Septem sunt noua legis propriè dicta sacramenta, congruenter à Christo instituta. Ita S. Th. q. 69. a. 1. & definiuit Trid. sess. 7. can. 1. Si quis dixerit, sacramenta noua legis non esse omnia à Iesu Christo Domino nostro instituta, aut esse plura, vel pauciora, quam septem, videlicet Baptismum, Confirmationem, Eucharistiam, Pœnitentiam,

Extremam vnctionem, Ordinem & Matrimonium, aut etiam aliquod horum septem non esse verè & propriè sacramētum, anathema sit. Nam in hanc doctrinā non solum Latini omnes, sed etiam Græci, & Armeni cōsentiant, sicuti apparet ex Concil. Florentino in decreto Eugenij, & responso primo Hieremiæ Patriarchæ Constantinopol. ad articulos confessionis Augustanæ, cap. 7. vbi ait: Sacramenta ritusque in hac ipsa Ecclesia rectè sentientium Christianorum sunt septem; Baptisma, Chrisma sancti Vnguenti, diuina Communio, manus impositio (χειροτομία, seu Ordinatio) Matrimonium, Pœnitentia, & sacrum Oleum. Et paulò post: Omnia hæc Dominus noster Iesus tradidit, eisque sancti Discipuli per ipsum. Quare cū in hanc doctrinam totus orbis Christianus, Occidens & Oriens, hætenus consenserit, contra eam disputare insolentissimæ insanix est, teste S. August. epist. 118. ad Ianuar. Præsertim cū nullum vestigium in antiquitate appareat, quoniam tempore vnum ex his sacramentis nouiter in Ecclesiam introductum, & institutum fuerit: ideoque eorum origo ad prima tempora, videlicet Christi institutionem, & Apostolorum promulgationem referri debet.

Neque refert, quòd nusquam in Patribus antiquioribus expressè legamus, esse septem sacramenta: quia non erat ipsis propositum, sacramentorum numerum colligere; cū neque in dubium reuocaretur: sed recensebant sacramēta modò plura, modò pauciora, prout suo instituto inseruiebat. Et quidem frequentissime reperies apud PP. trium sacramentorum, Baptismi, Confirmationis, & Eucharistiæ mentionem fieri; quia hæc cuilibet ad Ecclesiam Christi recepto, ad eius quandam consecrationem, & perfectionem, ordine conferebantur, vti videre est apud S. Dionys. de Ecclesiast. hier. c. 2. p. 2. Sacerdotes induturi (veste alba baptizatum) rursus ad Pontificem ducunt: illa diuino ac deifico prorsus vnguento virum signans, sacratissimæ Communionis participem facit.

Eorundem trium sacramentorum mentionem facit Tertull. lib. de resurrect. c. 8. vbi explicat, quid homini in carne fiat, cū anima eius Deo allegitur, seu consecratur. Caro abluitur, vt anima emaculetur. Ecce Baptismus. Caro vngitur, vt anima consecratur: caro signatur, vt & anima munitur; caro manus impositione obumbratur, vt & anima ipsius illuminetur. Ecce Confirmationis sacramentum, quod per impositionem manuum Episcopalem, & chris-matis vnctionem in crucis forma confertur. Caro corpore & sanguine Christi vescitur, vt & anima de Deo saginetur. Ecce Eucharistiæ sacramentum. Igitur, vt retexam, inquit c. 9. Quam Deus, hominis carnem animā formatam, manibus suis ad imaginem suam struxit &c. quam sacramentis suis, disciplinisque vestiuit; hęcine non resurget?

Idem Tertull. lib. de præscript. aduersus hæreticos, c. 40. ait, quòd Diabolus ipsas res sacramentorum diuinorum in idolorum mystereis æmulatur: Tingat & ipse quosdam vtiq; credentes, & fideles suos: expiationem peccatorum de lauacro tepromittit, & sic adhuc initiat Mystra: signat illic in frontibus milites suos: celebrat & panis oblationem. Videri potest pro huius loci intellectu Iustinus Martyr in Apologia pro Christianis ad Antoninum Pium.

Sanctus etiam Ambros. in libro de ijs qui mysterijs initiantur, c. 7. in fine, vbi baptizatum alloquitur: Repete, quia accepisti signaculum spirituale, spiritum sapientiæ & intellectus, spiritum consilij, & virtutis, spiritum cognitionis & pietatis, spiritum sancti timoris, & serua quod accepisti. Signauit te Deus Pater, cōfirmavit te Christus Dominus, & dedit pignus Spiritus in cordibus tuis. Et statim c. sequent. His abluta plebs diues insignibus ad Christi contendit altaria: depositis inueterati erroris exuviis, renouata in aquile inuentutem, celeste illud festinat adire conuiuium. Et lib. 3. de sacrament. posteaquam in cap. 1. de Baptismo, eiusque caeremonijs dixisset, cap. 2. prosequitur: Sequitur spirituale signaculum, quod audistis hodie legi: quia post fontem superest, vt perfectio fiat, quando ad inuocationem Sacerdotis (Intellige primum Sacer-

dotem seu Episcopum) Spiritus sanctus infunditur. Et paulo post: Post hæc quid sequitur? venire habes ad altare: de quo sacramento altaris, & transubstantiatione panis, vide quæ idem S. Pater disertè scribit lib. 4. c. 3. & seqq.

Adde his Cyrillum Hierosolymitanum in catechesi mystagogica 3. Nobis postquam ex aquis sacri lauacri ascendimus, datum est chrisma, quod imaginem gerit illius (Spiritus sancti) quo unctus est Christus. Et catechesi 4. Beati Pauli doctrinæ satis potest vos efficere certissimos de diuinis mysteriis, quæ vobis donata sunt, qui facti estis Christi corporis, & sanguinis participes. Eodémque sensu accipi possunt verba, quæ ex S. Greg. I. refert Gratianus in cap. multi, 1. q. 1. & Rabanus Maurus de Ordine Antiphonarij, cap. 24. Sunt autem sacramenta, Baptisma, Chrisma, Corpus & Sanguis Christi: talia videlicet, quibus communiter omnes fideles Christo initiari solent ad Christianam perfectionem consequendam, quæ proinde etiam infantibus (saltem secundum veteris Ecclesiæ morem) conferri possunt.

Frequentissima etiam apud Patres est mentio sacramenti Ordinationis, quippe quod homini Christiano tribuit perfectionem simpliciter dictam. Id legere potes primò apud S. Dionys. Areop. de Eccl. hierarch. c. 5. p. 1. ubi quatuor sacrorum mysteriorum commemorat: Baptisma, quem sanctam regenerationem, purgationem, illuminantemque scientiam vocat. Confirmationem, quam unguenti consecrationem appellat: Synaxin, & Ordinem sacrationem Pontificum. quorum etiam officia diuinitus commissa recenset: Diuina lex pontificalium ordinationum sanctimoniam, & diuini consecrationem unguenti, sacramque altaris consecrationem, reuerendissimorum Pontificum officiis, atque virtutibus aterna sorte distribuit. Ne autem quisquam de auctoritate huius libri dubitare possit, eum nomine S. Dionysij Areopagitæ citant Patres Concil. VI. Oecumenici, act. 4. Martinus I. Papa in Concilio Lateranensi to. 2. Concil. pag. 830. col. 1. edit. Colonienfis, Gregor. I. homil. 34. in Euangel. & ante ipsum Anastasius Sinaita in suo *idmæ*, cap. 24.

Secundo apud S. Gregor. Nyssenum in orat. de S. Baptismate: Panis initio est panis communis: sed ubi eum mysterium sanctificauerit, corpus Christi & dicitur, & est: eodem modo vinum; cum sint res exigui pretij ante benedictionem, post sanctificationem, quæ à Spiritu procedit, utrumque eorum excellenter operatur. Eadem verbi vis etiam Sacerdotem augustum, & honorandum facit, nouitate benedictionis à communitate vulgi segregatum.

Tertio S. August. contra epist. Parmeniani, lib. 2. c. 13. ait. Nulla causa ostenditur, cur ille qui ipsum Baptisma amittere non potest, ius dandi (id est, sacerdotalem potestatem) amittere possit. Vtrumque enim sacramentum est, & quadam consecratione utrumque homini datur; illud cum baptizatur, istud cum ordinatur; ideòque in Catholica utrumque non licet iterari. Et infra: Si utrumque sacramentum est, quod nemo dubitat, cur illud non amittitur, & illud amittitur? Neutri sacramento iniuria inferenda est. Similia habet lib. 1. contra Donatistas, c. 1. Idémque S. Aug. quatuor sacramento-

rum meminit lib. 5. de Baptismo, cap. 5. Si ad hoc valet, quod dictum est in Euangelio, Deus peccatorem non audit, ut per peccatorem sacramenta non celebrentur: quomodo exaudit homicidam deprecantem, vel super aquam Baptismi, vel super Oleum, vel super Eucharistiam, vel super capita eorum, quibus manus imponitur? Arbitror autem cum Petro Canisio in Catechismo p. 3. ubi de Confirmat. cap. 2. Doctorem locutum esse de Baptismo, Confirmatione, Eucharistia, sacra ordinatione: id enim etiam ordo enumerationis horum sacramentorum persuadet.

Porrò alia tria sacramenta, Pœnitentia, Extrema unctio, & Matrimonium, non ita vti reliqua instituta sunt ad homines Christo consecrandos, absolutè & simpliciter perficiendos. Quod inde ostendo, quia posset aliquis esse perfectissimus Christianus, & Christo perfectissimo modo consecratus, etsi nullum horum sacramentorum suscepisset. Nam Matrimonij quidem sacramentum in concupiscentiæ remedium institutum est; quam si quis aliter superare velit, melius est illi continentem viuere. Pœnitentiæ autem sacramentum (cuius veluti consummatium, & aliquo modo accessorium est sacramentum exeuntium, siue Extrema unctio) per se ac principaliter pro lapsis institutum est, tanquam altera tabula post naufragium, seu alterum subsidium pro lapsu in peccatum mortale post baptismum: quare si quis à peccato mortali abstinens gratiam baptismalem illam seruet, Pœnitentiæ sacramento absolutè non indiget. Hæc fortasse causa est, cur Patres frequenter recensentes sacramenta, quibus Christianus efficitur, perficitur, Deoque consecratur, ijs in locis trium sacramentorum non meminerint: quamvis alibi eorundem quoque mentio à Patribus fiat, vti infra manifestum fiet.

Quòd autem sacramenta septem congruenter à Christo pro humani generis auxilio instituta sint, ostendit S. Thom. quæst. 65. a. 1. Nam homines considerantur, vel ut singuli sunt, vel in ordine ad societatem. Prima consideratione homo, per se loquendo, tribus indiget secundum corpus, ut nascatur, crescat, & nutriatur: quibus spiritualiter tria sacramenta respondent: Baptismus, Confirmatio, & sacra Eucharistia. Per accidens verò necessarium est homini, ut remoueantur impedimenta videlicet ægritudines, & alia eiusmodi. Ita secundum spiritum homo incurrit interdum infirmitatem, videlicet peccatum cuius rei causa duo sacramenta habemus, videlicet Pœnitentiam, quæ homini sanitatem adfert; & Extremam unctionem, quæ etiam reliquias peccati, ipsamque animi languorem aufert. Altera consideratione, videlicet, in ordine ad Communitatem, perficitur homo duobus modis: Primò, si accipiat præeminentiam super alios, & potestatem exercendi actus publicos, quod fit per sacram Ordinationem. Secundò, si propagationi humani generis, & piæ liberorum educationi inferuiat: quod fit per Matrimonium, institutum, ut & sacramentum sit, & naturæ officium.

TRACTATUS SECVNDVS,

DE SACRAMENTO BAPTISMI.

CAP. I.

De nomine, ac definitione Baptismi.

SVMMARIVM.

- 1 Baptismus est sacramentum regenerationis, per aquam in verbo.
 2 Intentio, saltem implicita, conferendi sacrum symbolum, est de necessitate sacramenti.



BΑΠΤΙΣΜΑ, Græca vox, propriè immersionem significat, cui & Germanica respondet, *Tausfen*, oder *tauchen*. Reperitur tamen vox βαπτίζω apud Scriptores (præsertim Ecclesiasticos) etiam absolutè pro *lauo* seu *abluo*; Vt meritiò etiam Ecclesia vocem baptismatis vsurpet, siue ablutio fiat per immersionem corporis in aquam, siue per affusionem aquæ in corpus. Alijs verò pluribus nominibus tum in Scriptura sacra, tum à Patribus sacramentum istud afficitur, vt videre est apud Clementem Alexandrinum lib. 1. pædagogia, cap. 6. Nazianz. orat. 40. in sacrum Baptisma, Chrysostomum homilia ad baptizandos. Dicitur enim *lauacrum regenerationis*, ex Apostolo ad Titum 3. *Illuminatio*, ex eod. ad Hebr. 6. & 10. quia in Baptismo lumen Fidei infunditur: quamobrem etiam vocatur *indumentum*, & *unctio spiritualis*, item *donum*, *gratia*, & *perfectum*, quia plena in eo peccatorum remissio confertur: Deinde appellatur *Circumcisio*, ad Coloss. 2. *Crux* & *sepulchrum*, Rom. 6. Nam in Baptismo deponentes corpus peccati, induimus nouum hominem, qui secundum Deum creatus est, ideòque conformamur Christo, qui in cruce peccatum humani generis destruxit, & superata mortalitate, post sepulturam resurrexit, iterum non moriturus, sicuti etiam notat Cyrillus catech. 3. S. Ambros. lib. 2. de sacram. in fine, & lib. 3. in princip. Denique etiam *sigillum*, seu *signaculum*, ex Apostolo ad Ephes. 1. & videre est apud S. Ambros. lib. 2. c. 7. & lib. 3. de sacram. c. 2. Cyrillum catech. 3. & 17. Nazianz. cit. orat. 40. Propterea quia in Baptismo, impresso charectere spirituali, animæ signantur, quod ad Christi ouile, atque dominium spectare debeant. Vide Vasq in 3. p. t. 2. disp. 140. cap. 1. Suarez p. 3. t. 3. disput. 18. a. 1. Bellarm. de sacram. Baptismi, c. 1.

1 Baptismus definitur in catechismo Romano p. 2. c. 2. *Sacramentum regenerationis per aquam, in verbo*. Vbi nomen *Sacramenti* locum generis tenet; *regeneratio* autem differentia. Nam id proprium Baptismi est, quod homini primam spiritualement vitam conferat, iuxta illud Ioan. 3. *Nisi quis renatus fuerit ex aqua, & Spiritu sancto*, id est, postquam semel corporaliter quis natus est in peccato, nisi denuo nascatur per aquam, & Spiritus sancti virtutem, non potest introire in regnum Dei. Ad maiorem autem declarationem additur in definitione tum materia sacramenti, *per aquam*; tum forma, *in verbo*. Vtraque enim, per Dei virtutem, spiritualement effectum conferunt, conuenienter Apost. ad Ephes. 5. *Mundans Ecclesiam lauacro aquæ, in verbo vitæ*. Et S. August. tr. 80. in Ioan. relatus in causa 1. q. 1. *Derabe verbum, & quid est aqua, nisi aqua? Accedit verbum ad elementum, & fit sacramentum: unde ista tanta virtus aquæ, ut corpus tangat, & cor abluat, nisi faciente verbo?* Notandum porro est, voculam, *per aquam* debere in-

telligi accommodatè ad institutionem Baptismi, non habentis esse permanens, sed successiuum; vt sensus sit, *per aquam*, id est, *per lauacrum*, siue *ablutionem aquæ*. *Sacramentum enim*, inquit S. Th. 3. p. q. 66. a. 1. *non perficitur in ipsa aqua, sed in applicatione aquæ ad hominem, quæ est ablutio; & ideo Magister in 4. d. 3. sentent. dicit, quod Baptismus est ablutio corporis exterior, facta sub forma præscripta verborum*. Quamquam neque hæc definitio omnino perfecta est; cum solum explicet partes Baptismi materiales. Nam licet verba, si comparentur cum sensibili elemēto, habeant se vt forma, illud determinans, ac perficiens, si tamen considerentur in ordine ad totalem sacramenti essentiam, cuius vltima forma constitutiva est sacra significatio, tam ipsi elemento, quam verbis ex Christi institutione adueniens; sic vtraque pars, elementum, inquam, & verborum prolatio, sunt veluti partes materiales totius sacramenti; forma autem est sacra significatio, sicuti rerum artificialium, v. g. domus exemplo, id explicat Suarez p. 3. to. 3. disp. 2. s. 1. §. secundò est difficultas.

Ex his colligitur primò; Sensum paulò antè traditæ definitionis hunc esse oportere; Quod Baptismus sit quoddam compositum ex ablutione, & certa verborum forma; à Christo ad spiritualement hominis generationem institutis. Ad quem etiam modum Henric. definiuit lib. 2. c. 1. n. 9. *Baptismus est ablutio hominis, per aquam, sub præscripta verborum forma, ex Christi institutione, in regenerationem spiritualement*. Nam his definiendi formulis clariùs exprimitur sacra significatio symbolorum.

Colligitur secundò; Si ablutio hominis materialiter adhibeatur, cum materiali verborum vulgariter significantium prolatione, & non quatenus sacra signa sunt à Christo instituta, nullum sacramentum fieri. quod alijs verbis dicitur; Ad sacramenti valorem necessariò requiri, vt Minister intentionem habeat saltem virtualem, & implicitam conferendi sacramentum, vt explicauit tr. præced. cap. 5. num. 11. & videri potest Richard. in 4. distinct. 6. a. 1. q. 2. Suarez disp. 13. sect. 2.

Obijciat aliquis factum S. Athanasij, qui cum adhuc puer per ludum pueros catechumenos baptizasset, quasi inter ipsos Episcopus esset; Alexander Patriarcha Alexandrinus, re intellecta, ratum esse Baptisma iudicauit; quia secundum substantialement Religionis Christianæ ritum collatum esset, sicuti testatur Rufinus lib. 1. histor. c. 14. Sozom. lib. 2. c. 16. & refert Gratianus in c. Spiritus sanctus, 1. q. 1. Respondeo: Duobus modis posse aliquid fieri per iocum, seu ludum: primò fidei, aut simulatè, animo irritandi, aut repræsentandi tantum quo modo Coninx 3. p. tom. 1. quæst. 64. art. 8. dub. 1. num. 65. existimat, Genesum (de quo in Martyrologio die 25. Augusti) cum adhuc minus esset, in scena irrisoriè baptizatum, verum sacramentum non accepisse: nihilominus à Christo singulari & extraordinaria gratia præuentum fuisse. Sicuti enim S. Paulus cœlesti gratia subito immutatus fuit, dum Christi discipulos persequeretur: ita & S. Genesius, dum sacramenta Christi rideret. Secundo: Animo verè efficiendi rem, quamuis extrinsecus finis sit ludus, seu repræsentatio alicuius rei: sicuti si quis verè cū alijs edendo, ac bibendo, coniuuium Assueri repræsentare intendat: atque eiusmodi ludicra intentio non est cōtra substantiam sacramenti: quia non tollit eius obiectum intrinsecum, licet inconuenienter adiungat finem extrinsecum. Et hoc modo S. Athanasius inter ludendū validè baptizasse iudicatus fuit: quia postea

examinatus; respondit, habuisse se intentionem faciendi id, quod vidisset Episcopum facere: quamobrem non quoslibet, sed Cathecumenos tantum baptizauit.

CAP. II.

Quo tempore Sacramentum Baptismi à Christo institutum fuerit.

S V M M A R I V M.

1. Baptismi sacramentum Christus ante passionem suam instituit.
2. Apostoli ante passionem Domini Baptismum Christi acceperunt.
3. Inter Baptismum Christi, & baptismum Ioannis magnum discrimen est.
4. Baptismus Ioannis homines vi sua non sanctificabat: quare baptizati à Ioanne iterum Christi Baptismate baptizari debebant.

RVPERTVS lib. 4. in Ioannem super illa verba Ioan. 3. *Venit Iesus in Iudæam, & alij apud Iasq. disp. 140. c. 2.* docuerunt, sacramentum Baptismi à Christo institutum fuisse post passionem, & resurrectionem, quando Match. ult. discipulis dixit; *Euntes ergo docete omnes gentes, baptizantes eos in nomine Patris, & Filij, & Spiritus sancti.* Sed contraria sententia est communis & vera; Christum instituisse suum Baptisma ante passionem, sicuti docet S. August. tract. 15. in Ioan. in princip. Magister in 4. distinct. 3. ibid. Scotus q. 4. a. 1. Rich. 2. 5. q. 1. Gabr. q. vn. a. 3. dub. ult. Sot. q. vn. a. 2. concl. 1. Maior q. 1. concl. 3. S. Th. Caietan. & alij in 3. p. quæst. 66. a. 2. Adrian. in 4. de Baptismo, quæst. 1. a. 1. 5. circa primam partem, Victorja de Baptismo, num. 8. Vivaldus in candelabro de instit. Baptismi n. 15. Probatur primò: Baptismum Christi discipuli eius administrabant ante passionem: Ergo tunc Christi Baptismus institutus fuerat. Nota est consequentia: Quia usus & administratio supponit institutionem. Antecedens probatur primò ex cap. 3. Ioan. *Post hæc venit Iesus, & discipuli eius in terram Iudæam, & illic commorabatur cum eis, & baptizabat;* quanquam non per se ipsum, sed per discipulos suos, sicuti explicatur c. 4. Ioan. Hoc autem nullo modo dici potuisset, nisi discipuli baptizassent Baptismo non Ioannis, sed ipsius Christi, sicuti notauit S. August. loco supra cit. ubi ait: *Baptizabat Christus, quia ipse mandabat; non baptizabat, quia ipse non tingebat: præbebant discipuli ministerium corporis, præbebat ille adiutorium maiestatis.*

Confirmatur: Si discipuli Christi baptizassent baptismo Ioannis, non eo quem Christus postea instituit, non fuisset causa, cur Ioannis discipuli indignarentur, Ioan. 3. *Rabbi, Qui erat tecum trans Iordanem, cui in testimonium perhibuisti, ecce hic baptizat, & omnes veniunt ad eum.* Quod magis etiam ex responsione Ioannis innoteat, qua palam testatur, Christum maiorem se esse, de cælo venisse, & super omnes esse, quod & c. 1. Ioann. dixerat, *se baptizare in aqua: Christum autem baptizare in Spiritu sancto.* Idipsum S. Nazianzen. ita intellexit orat. 39. in sancta lumina. *Baptizauit Ioannes, non iam ille quidem Iudaico more (non enim aqua solum, sed etiam ad penitentiam) nondum tamen prorsus spiritualiter. Nec enim addit, in Spiritu. Baptizat quoque Iesus, sed in Spiritu: quod quidem perfectum, numerisque omnibus absolutum Baptismum reddit.* Quæ ipsa etiam causa est, cur plerique derelicto baptismo Ioannis, accesserint ad Baptismum Christi; ipsiusmet Ioannis tum testimonio, tum admonitione permoti.

Probatur secundò; Quia valde credibile est, Apostolos ante passionem Christi baptizatos fuisse vero Baptismi sacramento, sicuti docet S. August. epist. 108. explicans illud Ioan. 13. *Qui lotus est per Baptismum, non indiget, nisi ut pedes lauet:* & epist. 163. exinde colligens; Quia verisimile non est, Christum Eucharistia sacramentum in cena vltima Apostolis dedisse nondum baptizatis. Sed & eodẽ tempore Sacerdotes Apostolos ordinauit, Match. 26. dans eis potestatem consecrandi, seu con-

ficiendi corpus suum, sicuti testatur Trident. sess. 23. c. 1. Quod non satis cõuenienter, aut non omnino secundum ordinem diuinæ institutionis factum esset, si non antè baptizati, ipsumque Baptismi sacramentum necdum institutum fuisset: quandoquidem Baptismus initium, ac professio nouæ legis; ianua seu introitus ad sacramenta reliqua: quemadmodum & in lege veteri circumcisio, quæ erat figura Baptismi, ante reliquas cæremonias, v. g. agni Paschalis, instituta fuerat. Adde, quod Niceph. l. 2. hist. cap. 3. ex Euodio testatur, Christum suis manibus baptizasse Petrum. Imò quòd ipsum suum Baptismum postea baptizaret Christus, significat Nazianz. cit. orat. 39. Itemque B. Virginem ante Apostolos à Christo ipso baptizatam, ait Euthymius in cap. 3. S. Ioannis.

Cæterum quod Patres, & Scriptores antiqui aiunt, Christum instituisse Baptismum cum in Iordane baptizaretur à Ioanne; & aquas tunc sanctificasse contactu suo; id non propriè, sed figuratè accipiendum est: Partim quia Baptismus Ioannis dispositio quædam erat, ac præparatio ad sacramentum Baptismi, excitas Fidẽ in Christum, ac penitentia peccatorum; cui præparationi Christus ipse à Ioanne baptizatus testimonium præbuit, ideòq; suum mox instituendum Baptismum quasi initiauit, sicuti notauit Nazianz. orat. 39. in sacra lumina, Auctor lib. 3. de mirabil. Scripturæ c. 5. apud S. August. tom. 3. Partim, quia super Iordane, cum Christus baptizaretur, SS. Trinitas, quæ in sacramento Baptismi postea inuocanda erat, palam manifestata erat: quando & vox Patris audita est, *Tu es Filius meus dilectus, in te complacui:* & Spiritus sanctus in specie columbæ visus est, Matt. 3. Marci 1. Luc. 3. Propriè autem Christus Dominus, tanquam nouæ legis lator, Baptismatis sacramentum instituit, posteaquam à Ioanne baptizatus, discipulos collegit: quos, instituto à se Baptismo, partim proprijs, partim discipulorum manibus baptizauit, & ad alios baptizandos destinauit.

Quæres, Quodnam sit discrimen inter baptismum Ioannis, & Baptismum Christi? Respondeo, non vnum esse, sed multiplex. I. Ratione institutionis: Non quòd Ioannis Baptisma Deum auctorem, & institutorem non habeat; cum ipse diuinum baptizandi mandatum acceperit, sicuti testatur c. 1. Ioannis: *Qui misit me baptizare &c.* Sed quia Ioannes purus homo ante nouæ legis lationem promulgator fuit ac minister eius baptismi, non vt esset sacramentum, seu stabilis cæremonia ad hominum sanctificationem, sed veluti catechismus, seu sacramentale quoddam disponens ad Baptismum Christi, sicuti docet S. Th. 3. p. quæst. 38. a. 1. ad 1. *Prælium siue proœmium Euangelicæ gratiæ, secundum Iustinum quæst. 37. ad Orthodoxos: Introductorium ad perfectionem,* apud Cyrillum lib. 2. in Ioan. c. 57.

II. Ratione formæ: Nam Baptismus Christi confertur cum inuocatione SS. Trinitatis: sed baptismus Ioannis tali forma non conferebatur, quia non continebat expressam fidei Euangelicæ professionem.

III. Ratione effectus: Quia Baptismus Christi ex opere operato confert internam, & spirituales ablutionem per Spiritum sanctum: sed baptismus Ioannis vi sua, siue ex opere operato solum externam ablutionem, sicuti Ioannes testatur cit. cap. 1. Ioan. *Ego baptizo in aqua.* Et infra: *Hic est, qui baptizat in Spiritu sancto.* Quare S. August. in Enchirid. cap. 49. *Non renascebantur, qui baptismate Ioannis baptizabantur; à quo & ipse (Christus) baptizatus est: sed quoddam præcursorio illius ministerio, qui dicebat, parate viam Domino: huic uni, in quo solo renasci poterant, parabantur.* Similia habet Gregor. Nazianz. orat. 39. in sancta lumina, Basil. in exhortat. ad Baptismum, Cyrillus Alexandr. cit. cap. 57. Et Tertull. de Baptismo, cap. 10. idcirco ait, baptismum Ioan. humanum dici posse, quia nihil cæleste præstabat, item fuisse diuinum mandatum, non potestate, quod etiam docuit S. Thom. cit. quæst. 38. artic. 2. in corp. Ad effectus discrimen etiam pertinet: quòd Christi Baptismus

mus animæ characterem indelebilem imprimat: Ioannis autem Baptismus nihil tale efficere potuit.

IV. Baptismus Ioannis insufficiens fuit; quamobrem qui à Ioanne baptizati erant, debebāt Christi postea Baptismum accipere, sicuti constat ex cap. 19. Actuum Apostolorum, & notauit S. August. tract. 5. in S. Ioan. & lib. 5. contra Donatist. c. 9. Hieron. in Dialogo contra Luciferianos, Innoc. 1. epist. 22. ad Episcopos Macedoniæ, c. 5. Beda in cap. 3. Lucæ. *Egredebatur enim ad eum Ioannem omnis Iudææ regio, & baptizabantur ab illo*, ait Marcus cap. 1. Et tamen in diebus Pentecostes omnes sine discrimine ad Baptismum Christi vocantur, Act. 2. *Baptizetur unusquisque in nomine Iesu Christi*. Adde, quod ipsos quoque Apostolos aliquos à Ioanne Baptizatos fuisse credibile sit, præsertim Andream, qui discipulus eius fuerat. de qua re Tertull. lib. de Baptismo, c. 12. Et tamen omnes Apostoli baptizati postea fuerunt Baptismo Christi, sicuti docet S. August. Epist. 108. ad Seleucianum.

V. Ratione ministerij differunt: quia Baptismus Christi non solum ab ipso Christo, & Apostolis eius; sed etiam ab alijs quibuscunque conferri potest: Baptismus verò Ioannis à solo Ioanne conferri debebat; quia ipse solus ad baptizandum missus fuerat.

VI. Ratione necessitatis: Nam Ioannis baptismus non fuit ad salutem necessarius necessitate medij, & fortasse nec ratione præcepti; sed solum in consilio positus, Marci I. Sed Christi Baptismus necessarius est hominibus ad salutem. Quamobrem vniuerso mundo propositus est, Matth. ult. *Euntes, docete omnes gentes baptizantes eos*; at verò baptismus Ioannis soli populo Iudaico.

CAP. III.

De Materia Baptismi.

SUMMARIUM.

1. *Materia remota sacramenti baptismi est aqua simplex, seu elementaris; propinqua autem est ablutio per aquam. Glacies non resoluta non est idonea materia baptismi.*
2. *Infans in utero baptizari potest, si eius corpus aqua perfundatur, adiecta verborum forma.*
3. *Certum est, baptismum valere, si caput, pectus, vel scapuli aqua abluantur: de ceteris vero corporis partibus, ut manu, pede &c. dubium est.*
4. *Non pertinet ad substantiam baptismi, utrum conferatur per asperersionem seu affusionem aqua; an verò per corporis immersionem, unam vel trinam: sed cuiusque ecclesiæ consuetudo in ea re sequenda est.*
5. *Si Minister prolem in puteum coniciat, cum adiecta verborum forma, animo baptizandi pariter & occidendi; quamvis grauiter peccet; tamen baptismus validus esse videtur.*

1. **A**SSERTIO I. Materia remota huius sacramenti est aqua simplex, seu elementaris. Definitum est in Concil. Florentino in decreto Eugenij Papæ, & Trident. sess. 7. de Baptismo canone 2. & sumitur ex illo S. Ioan. 3. *Nisi quis renatus fuerit ex aqua, &c.* Ephes. 5. *Mundans lauacro aquæ*. Ratio institutionis est: Tum quia aqua, ob naturalem abluendi proprietatem, valde conueniens symbolum est internæ spiritualis ablutionis, ac renouationis: tum quia huius passim redundantis, & vbique necessarij elementi copia vix vnquam deesse potest, ad sacramentum Baptismi tam paruulis, quàm adultis ad salutem necessarij, conferendum. Vide plura apud S. Thom. art. 3. Richard. in 4. d. 3. a. 3. q. 1. Durandum ead. d. q. 4. Sotum q. vn. a. 3. Victorium de Baptismo, num. 12. Petr. Sotum lect. 1. de Baptismo, Viualdum in Candelabro, cap. de materia Baptismi, num. 13. Suarez disp. 20. sect. 1.

Corollarium. Aquæ artificiales, & humores mixti, videlicet aqua rosacea, quæ ex sale resoluitur, lacrymæ, salina, vrina, cereuisia, iusculum &c. non sunt materia Baptismi, sicuti colligitur ex c. penult. de Baptismo, & docet S. Thom. cit. q. 66. a. 4. Scotus in 4. d. 3. q. 3. Richar. cit. a. 3. q. 2. Gab. cit. q. vn. a. 1. Sot. cit. q. vn. a. 4. aliique cõmu-

ter. Ratio est Quia, vti ex Scriptura, & Ecclesiæ traditione habetur, materia Baptismi à Christo instituta est aqua simpliciter dicta elementaris, & vsualis: talis autem secundum communem & vsu & conceptionem hominum (quam in agnoscenda materia & forma sacramenti, eiusque substantiali mutatione potissimum considerandam esse, dixi tract. præced. c. 4. n. 4.) non censetur aqua rosacea, lacrymæ, & quæ antè enumeravi: ideo Baptismus in tali materia collatus irritus est.

Monent tamen DD. aliqui, vt videre est apud Sotum cit. c. 4. Suarez disp. 20. sect. 1. assert. 2. Ægid. Coninck cit. a. 4. dub. 1. num. 23. Si iusculum valde tenuiter coctum sit, siue valde parum succi carnei admixtum habeat, posse esse materiam Baptismi sufficientem, quamuis non conuenientem extra necessitatis casum. Quia ita docet S. Th. cit. art. 4. ad 4. de lixiuo, & aquis sulphureis, esse sufficientem Baptismi materiam; non obstante, quod per calefactos cineres, vel terram sulphuream transierint; cum nihilominus retineant naturam, & pleraque proprietates aquæ; licet ad aliquos vsus, v.g. ad bibendum adhiberi non soleat. Id autem simili ratione dici potest de aqua, in qua caro v.g. decocta fuit, cum succi carnei modica admixtione. Si tamen dubitetur, quanta fuerit decoctio iusculi, vel cereuisiæ; adeoque vtrum liquor ille naturam aquæ, & pleraque proprietates habuerit, necne: Baptismus sub conditione repetendus erit.

Accidentalibus mutatio materiæ Baptismi censeri debet, si nihilominus eundem communem vsu ac conceptionem retineat: vt si aqua sit calida, turbida, aut pluuia, vel ex glacie, niue, grandine expressa: vel si alienum liquorem in modica quantitate admixtum habeat: secus, si immodica admixtio sit, vt potius alia substantia censeatur: sicut lutum magis terra est, quàm aqua, & vinum lymphatum magis vinum, quàm aqua, ait S. Thom. cit. art. 4. in corp. & videri potest Sotus cit. a. 4. Henric. lib. 2. cap. 6. num. 2. Viuald. in candelabro, de Baptismo, c. de materia.

Assertio II. Materia propinqua huius sacramenti est ablutio per aquam. Est communis cum S. Th. cit. q. 66. art. 1. Probatur tñ ex Apostolo ad Eph. 5. *Mundans lauacro aquæ*, tum ratione Materiæ sacramenti proxima, & moraliter constitutiuæ est, quæ per verborum formam ac significationem determinatur: Forma autem verborum, *Ego te baptizo*, significat, & determinat non ipsam aquam secundum se, sed quatenus est in vsu, seu ablutionem per aquam. Ergo &c.

Corollarium I. Quamuis glacies substantiam aquæ seruet, tamen non est valida Baptismi materia: cum apta non sit ad corpus continuo fluxu abluendum. Quæ est communis doctrina, apud Scotum distinct. 3. quæst. 3. §. quod additur, Sotum ead. d. q. vn. a. 4. Suarez cit. disp. 20. sect. 2. §. Atque hinc obiter, licet in dubium reuocet Maior in 4. d. 2. q. 1. in fine. Idemque, quod de glacie, sentiendum etiam est de luto, sicuti bene notauit Scotus.

Corollarium II. Non sufficit ad Baptismum, si vestes hominis baptizandi aqua aspergantur, sed opus est, vt ipsum corpus hominis tangatur, & abluatur, iuxta verba S. Augustini: *Quæ est tanta virtus aquæ, vt corpus tangat, & corpus abluat.*

Corollarium III. Non sufficit ad Baptismum quæuis minima aquæ gutta, sed opus est tanta quantitate, vt eius infusione corpus hominis, vel principalis eius pars moraliter ablui dicatur, sicuti ex communi docet Sotus in 4. distinct. 3. quæst. vn. art. 7. ver. atque idem. Melchior Zambrana cap. 1. de Baptismo, dub. 4. Suarez disput. 20. sect. 2. colum. antepenult. ver. quare non est probanda. Valentia t. 4. disput. 4. quæstio 1. p. 2. columna 4. ver. itaque sequitur, contra Vasq. disp. 145. c. 4. Henric. lib. 2. c. 7. num. 2. &c. 2. num. 4. qui opinionis suæ probationem assert ex cap. 2. Act. vbi legimus, vno die ferme tria millia hominum baptizatos fuisse, quod fieri non potuisse videtur, nisi per asperersionem consulam; quomodo aqua benedicta

in populum spargitur, vt singulos non nisi vnica gutta contingat. Sed respondetur: Non minus verisimile esse, ter mille, aut plures homines per aquæ affusionem singulis factam baptizari potuisse, quàm totidem vno die ab Episcopo confirmari; præsertim cum non vnus solus, sed plures Ministri seu Discipuli Domini baptizandis hominibus operam nauasse credibile sit, vt docet Sotus cit. a. 7. in fine, Salmeron tr. 15. in Acta Apostol. Zambrana cit. dub. 4.

QVÆSTIO PRIMA. Vtrum necesse sit, hominem perfectè natum, siue ex vtero matris egressum esse, vt valide baptizari possit? Ita affirmarunt aliqui ex S. August. epist. 57. ad Dardanum, vbi ait, quod *renasci quispiam non potest, antequam natus sit.*

² Sed contrarium verum est, quod docet S. Th. q. 68. a. 11. Nau. c. 22. n. 7. & alij. Nam substantia Baptismi consistit in ablutione corporis, cum prolatione verborum, intentione conferendi sacramenti: hæc autem fieri possunt, etsi infans nondum perfectè natus, seu ex vtero egressus sit; sed vnâ solam corporis partem, videl. caput exuerit; vel si matris demortuæ vterus apertus sit, in eoque infans adhuc viciatans baptizetur. Dico demortuæ; Nam viuentem aperire, aut interficere, vt infans ad Baptismum deuenire possit, licitum non est, sicuti bene docet Alensis p. 4. q. 17. mem. 4. Victoria de Baptismo num. 32. Excepto vnico casu, si mater sit morte digna, & ita res comparata, vt si supplicium differatur (sicuti ordinariè differri debet vsque ad partum, iuxta l. prægnantem, ff. de pœnis) prius moriatur infans, quàm ad natiuitatem perueniat, sicuti contra Palud. in 4. distinct. 6. q. 1. concl. 3. notat Suarez in comment. cit. a. 11. vbi tamen addit, casum hunc vix moralem ac practicum esse; quia plerumque maius imminet periculum proli ex matris interfectione, sicuti etiam Sotus notauit in 4. d. 5. q. vn. a. 11. ver. tertio agitur.

Ad auctoritatem S. August. respondetur; Nihil aliud velle, quàm secundum ordinariam Dei legem, neminem sanctificari in vtero clausum: sed omnes indigere lauacro aquæ, vt secundum proprium corpus abluantur. Quo sensu etiam Isidorus dixit lib. 1. de summo bono cap. 24. relatus in cap. 115. distinct. 4. de consecrat. *Qui in matris vteris sunt, ideo cum matre baptizari non possunt; quia qui natus adhuc secundum Adam non est, renasci secundum Christum non potest.* Cuius rei ratio reddi non potest, nisi quia infans, dum in matris vtero clausus est, ferme secundum se aqua ablui nequit: Sin autem obsterix tam perita sit, vt manu in vterum inserta, prolem aqua perfundere possit, adiecta verborum prolatione, valiturum Baptismum, rectè docent Victor. num. 31. Viuald. de modo Baptismi, num. 16. ver. Si autè puer. Chapeauille de modo ministr. sacram. tempore pestis, c. 2. quæst. 10. contra Maiorem in 4. distinct. 2. quæst. 2. §. quarto arguitur, in fine.

³ **QVÆSTIO SECUNDA.** Quænam pars corporis aqua abluidebeat, vt Baptismus valeat? Respondeo cum S. Th. q. 68. a. 11. ad 4. & in 4. d. 6. q. 1. art. 1. quæstion. 1. ad 3. Scoto in 4. d. 4. q. 3. §. ad quæstionem dico, Gabr. ibid. q. 2. a. 3. dub. 2. Syluest. ver. Baptismus, 4. q. 1. Vict. num. 31. Petr. Soto cit. sect. 1. Suarez cit. sect. 2. Zambrana cit. cap. 1. dub. 3. Haud dubiè Baptismum validum esse is, si caput hominis abluatur: cum hæc sit præcipua corporis pars, quippe in qua sensus ac ratio vigent. Idemque sentiendum aiunt Sotus, & Suarez ll. cc. Vasq. circa q. 68. a. 11. de scapulis, ac pectore: nam etiam hæc præcipuæ corporis partes sunt; quarum si vna abluatur, corpus hominis simpliciter lotum dici solet.

Verùm si alia pars corporis, v. g. manus, pes, vel solus digitus abluatur, tunc dubium est an Baptismus valeat: cum neque ex Scriptura, neque ex Ecclesiæ traditione satis cõstet, & Doctores dissentiant, vt videre est apud Maiorè in 4. d. 2. quæst. 2. §. quarto arguitur. Quare extra necessitatis casum ita conferendus non est. Si autem propter necessitatem collatus fuit (v. g. si infans, cui

periculum mortis imminere videtur, solum pedem, manum, vel digitum exeruit) postea remoto periculo, sub conditione repetendus est Baptismus, sicuti docet Halensis p. 4. q. 17. mem. 3.

Idemq; sentiendū videtur, si infans pelle adhuc secundina circumdatus, propter periculū baptizetur. Etsi enim probabile sit, talē Baptismū valere: sicuti indicat Angelus ver. Baptismus, 6. §. 4. Armilla n. 38. & alij mox citandi; nō tamen id certum est: quia talis pellis non videtur esse propriè pars infantis, sed habere se quodammodo vt vestis, ait Zambrana de Baptismo, dub. 3. n. 8.

Eademque ratio est, si soli capilli abluantur, vt corporis caro non tangatur: etsi enim valere talem Baptismum, existiment Sotus in 4. d. 3. q. vn. a. 7. ver. Ecquid autem, Vasq. disp. 145. cap. 4. num. 31. Tolerus lib. 2. c. 18. in fine, Henric. lib. 2. c. 7. n. 2. Coninck cit. q. 66. a. 7. dub. 2. tamen id certum non est, teste ipsomet Soto; & contrarium docet Zambr. cit. dub. 3. n. 7. Quia capilli neque per se sunt propriè pars corporis; neque ijs ablutis, si aqua ad cutem non penetret, propriè ipsum caput abluatur.

⁴ **QVÆSTIO TERTIA.** Vtrum ablutio in Baptismo fieri debeat per immersionem, an per affusionem? Respondeo, & dico I. Olim ordinariū baptizandi ritum fuisse per immersionem; licet etiam per asperisionem, vel affusionem aquæ interdum conferri solet, præsertim propter necessitatē, sicuti docet S. Cyprianus lib. 4. epist. 7. ad Magnum, quæ apud Iacob. Pamelium est 76. & S. Th. cit. q. 66. a. 7. vbi causas enumerat, ob quas Baptismus fieri possit per modum asperisionis, vel per modum affusionis; videlicet *propter magnam multitudinem baptizandorum; propter aquæ paucitatem; propter debilitatem Ministri, qui non possit sustentare baptizandum: aut propter debilitatem baptizandi, cui possit imminere periculum mortis ex immersione.* Et ideo dicendum, inquit, quod *immersio non sit de necessitate Baptismi.* Ratio est: Quia Christus symbolum sacramenti Baptismi instituit corporis ablutionem per aquam: illa autem fieri potest non solum immergendo corpus, sed etiam aspergendo, vel affundendo aquam. Ergo hoc discriminē pertinet ad accidentales ritus Baptismi: qui pro temporum, & locorum varietate mutantur. Nam hodie in multis Ecclesijs Baptismus non per immersionem, sed affusionem confertur. Videri potest Rich. in 4. d. 3. a. 4. q. 3.

Dico II. Licet olim præceptum fuerit, vt Baptismus non vna, sed trina mersione conferretur, sicuti constat ex Apost. canone 50. & Pelagio Papa c. multi, de consecrat. d. 4. idque contra Eunomiū, & similes hæreticos, qui vnâ cum SS. Trinitatis necessaria inuocatione, etiam sanctum Baptisma peruertebant, dicentes semel tantum mergendum esse, inuocata Christi morte. Postea verò in Hispania, contra Arianos hæreticos, abutentes trina mersione ad significandū, tres personas, quæ inuocantur, non vnus nature esse: statuerunt Patres, vt semel tantum mergendo Baptismus fieret, sicuti videre est in Concil. Tolet. 4. canone 5. vbi etiam responsio Gregorij I. ad Leandrum Hispalensem Episcopum refertur, ex lib. 1. epist. 41. *De trina mersione Baptismatis nihil responderi verius potest, quàm quod ipsi sensistis, quia in vna Fide nihil officit sancta Ecclesiæ consuetudo diuersa.* Nos autem quod tertio mergimus, triduanæ sepulture sacramenta signamus, vt dum tertio infans ab aquis educitur, resurrectio triduanæ temporis exprimat. Quod si quis etiam pro summe Trinitatis veneratione astimet fieri, (hæc enim altera causa reddi potest, cur trina mersio fiat, teste S. Hieron. in illud c. 4. ad Ephes. *Vnus Dominus &c.*) neque ad hoc aliquid obstat, baptizando semel in aquis mergere: quæ dum in tribus personis vna substantia est, reprehensibile esse nullatenus potest, infantem Baptismate in aquam vel ter, vel semel immergere, quando & in tribus mersionibus personarum Trinitas, & in vna potest diuinitatis singularitas designari: sed quia nunc vsque ab hæreticis infans in Baptismo tertio mergebatur, faciendum apud vos esse

esse non cenſeo; ne, dum merſiones numerant, diuinitatem diſi-
dant, dumque, quod faciebant, faciunt, ſe morem noſtrum
viſſe glorientur. Ad quem locum Baron. Anno 591. num.
31. annotandum duxit; Cum hæreticis, quantum fieri poteſt,
neque in bonis communicandum; cum eadem illi non bene, ſed
malè, diuerſa videlicet peragant intentione. Videri etiam po-
teſt Vaſq. diſp. 145. c. 1.

Quare ex dictis conſtat, ad valorem Baptiſmi nihil
interelle; vtrum fiat per aquæ affuſionem, an verò
corporis immerſionem, vnam, vel trinam, vt tamen licitè
ſiat, cuiusque Eccleſiæ conſuetudo ſeruanda eſt: excepto
caſu neceſſitatis, propter quam affuſione aquæ vtendum
etiam in Eccleſiis, quibus alioquin ordinariuſ baptizan-
di modus eſt per immerſionem, ſicuti ſuprà ex S. Th. in-
telleximus. Deinde ſi in aliqua Eccleſia trina merſio vſi-
tata ſit, vna tantum adhiberi poterit, cum integra prola-
tione formæ, ob periculum moræ, ne infantem priuſ
mori contingat, quam tres merſiones ſiant.

QVÆSTIO QVARTA. Vtrum valiturus ſit Baptiſmus,
ſi Miniſter infantem in flumen, vel puteum deiſciat, adie-
cta verborum forma, cum intentione cōferendi ſacramē-
tum? Reſpondeo, & dico I. Talem baptizandi modum
ſemper illicitum eſſe. Quia innocentem directe, ac per ſe
occidere numquam fas eſt: talis autem deiectio per ſe
ac directe tendit ad infantis occiſionem. Ergo, ne eo qui-
dem caſu licita eſt, v. g. ſi Tyrannus infantem occiſurus
ſit, & infans alio modo baptizari non poſſit. Veruntamē-
n ſi infanti probabiliter alioquin morituro, timeatur
acceleratio mortis, ex infuſione aquæ, etiam modicæ po-
teſt tunc, ac debet exigua corporalis vitæ vſura negligi,
maioris ſpiritualis iacturæ cauendæ cauſa: quandoqui-
dè hoc caſu acceleratio mortis per accideſ euenit ex aquæ
affuſione, quippe quæ per ſe, ac directe ad abluendum
tendit, non ad occidendum, ſicuti notauit Suarez diſp. 20.
ſ. 3. Vaſq. diſp. 145. in fine cap. 3. Zambr. dub. 12. n. 9. & 10.
Quamuis hic caſus moraliter vix accidere poteſt, ſi adhi-
beatur cautio, vt aqua modica, & non nimis frigida ſit;
ſed tepe facta per admixtionem aquæ calidæ non bene-
dictæ, & corpus ſtatim abſtergatur, ſicuti etiam notauit
Scotus in 4. d. 5. q. 3. ſ. iuxta hoc. Gabr. d. 4. q. 2. a. 3. dub.
4. Coninck q. 66. a. 7. dub. 1. n. 76. Chapeauille c. 2. tra-
ctatus ſui, q. 12.

Dico II. Probabilius eſt, Baptiſmum tali in puteum v.
g. deiectioe validè conferri. Ita Abb. in c. non vt appo-
neres, n. 4. de Baptiſmo, Gab. in 4. d. 4. q. 2. a. 3. dub. 4.
Viſt. n. 18. Suarez cit. ſ. 3. Vaſq. diſp. 145. c. 3. Ægid. Co-
ninck q. 66. a. 7. dub. 1. Vivaldus de modo Baptiſmi, n. 6.
contra Scot. in 4. d. 5. q. 3. Richar. d. 4. a. 4. q. 2. Palud.
in 4. d. 6. q. 1. a. 3. Sotum in 4. d. 3. q. vn. a. 8. propoſ. 2.
Angelum ver. Baptiſmus, 4. n. 1. Syl. 4. n. 10. Armillam n.
30. aliàs 40. Tolet. lib. 2. c. 18. Quòd enim hi tanquam
fundamentum ſuæ ſententiæ aſtruunt; Ad Baptiſmum
neceſſariò requiri non tantum immerſionem, ſed etiam
emerſionem, id falſum eſt quandoquidem ad ſubſtan-
tiam & valorem Baptiſmi quæuis corporis ablutio, ſuffi-
cit, vt ſuprà dictum ex doctrina S. Th. communiter re-
cepta in q. 66. a. 7. Deinde, ſi infans in aquam immerſus
poſt prolata verborum formam ex Miniſtri manibus
labatur, ac moriatur, quis negabit eum baptizatum eſſe?
Profectò id fatetur Sotus loco cit. conſequenter fateri
etiam debet, emerſionem non eſſe de neceſſitate ſacra-
menti.

Quòd verò ſecundò obijciunt: Baptiſmum ex pro-
pria institutione tendere ad vitam homini conferendam,
non ad mortem; id facile refellitur, ſi dicas; Baptiſmum
per ſe vitam homini ſpiritualemente conferre; nihil obſtan-
te, quòd per paruam Miniſtri intentionem etiam ad
mortem corporis referatur: ſicuti ſi Miniſter, dum for-
mam baptiſmi pronunciat, aqua ſeruente perfundat in-
fantē, propoſito baptizandi pariter & occidendi; quis ne-
get verè baptizatum eſſe? Idque etiam fatetur Sotus pro-

poſ. 1. Quia licet corpus occidatur, anima tamen ſalus
conferitur, adhibitis ſacramentalibus ſignis, à Chriſto in-
ſtitutis.

CAP. IV.

De forma Baptiſmi.

S V M M A R I V M.

- 1 Forma Baptiſmi in Eccleſiis Occidentalibus eſt: Ego te baptizo in nomine Patris, & Filij, & Spiritus ſancti, Amen.
- 2 Ad ſubſtantiam forma pertinet, vt tum actus baptizandi, tum perſona baptizanda, tum unitatum Perſonarum, in diuinis ſignificetur.
- 3 Ad valorem Baptiſmi non ſufficit S. S. Trinitatis implicita nominatio, ſed requiritur expreſſa.
- 4 Dubium eſt, an valeat Baptiſmus collatus in nomina Genitoris, Geniti, & Proceſſantis ab utroque.
- 5 Ad eſſentiam forma ſpectat, vt vocabulum in nomine exprima-
tur.
- 6 Accidentales mutationes forma Baptiſmi adminiſtrationem illicitam reddunt, excepto neceſſitatis caſu.

FORMA Baptiſmi in Occidentalibus Eccleſiis conſue-
ta, hæc eſt: Ego te baptizo in nomine Patris, & Filij, &
Spiritus ſancti, Amen. Ita tradit Concil. Florentin. in de-
creto Eugenij, & ſumitur ex verbis apud S. Mathæum
cap. 28. Baptizantes eos in nomine Patris, & Filij, & Spiritus
ſancti. Ratio institutionis eſt: Cum Baptiſmus ſit pri-
mum ſacramentorum atque introitus in Eccleſiam Chri-
ſti; oportet in eius ſuſceptione expreſſam Fidei Chriſti-
anæ profeſſionem facere per inuocationem Dei vnus, ac
trini: quippe cum hoc ſit primarium obiectum Fidei
Euangelicæ, necnon cauſa principaliter efficiens rege-
nerationem ſpiritualem, ſicuti notauit S. Thom. q. 66. a.
5. in corp.

Quòd ſi dicta forma in baptizando mutetur, conſide-
rare oportet, vtrum mutatio ſubſtantialis fuerit, ideòq;
Baptiſmus repetendus; an verò accidentalis tantum, iux-
ta ea quæ dixi tract. præced. c. 4. n. 5. Subſtantialis muta-
tio formæ in Baptiſmo accidit primò, ſi actus baptizandi
non exprimitur, ſicuti indicat Concil. Florent. in cit. de-
creto Eugenij, §. primum autem: Si exprimitur actus, qui
per ipſum exercetur Miniſtrum, cum S. Trinitatis inuocatione,
perficitur Sacramentum. Et Alexander III. in cap. 1. de Ba-
ptiſmo: Si quis puerum ter aquis merſerit, in nomine Patris,
& Filij, & Spiritus ſancti, & non dixerit; Ego te baptizo;
non eſt puer baptizatus. Probatio peti debet ex institutio-
ne Chriſti, quam traditio, & praxis Eccleſiæ oſtendit.
Congruens autem ratio eſt, quia forma verborum in ſa-
cramento determinare debet materiam, cuiusque ſignifi-
cationem formare: quare cum materia propinqua huius
ſacramenti ſit actio Miniſtri, videlicet ablutio, neceſſe
eſt, hanc actionem aliquo modo ſignificari, ac determi-
nari, quòd videlicet non fiat v. g. corporis refrigerandi
cauſa, ſed ordinetur ad internam animæ abluſionem, vir-
tute S. S. Trinitatis miniſterialiter operandam. Etenim
forma ſacramenti practica eſſe debet, ideòq; eiſdem rei
ſignificatiua, & operatiua.

Quare non placet ſententia, quam indicant Sotus d. 3.
q. vn. a. 5. Suar. diſp. 21. ſ. 2. aſſert. 2. Ad eſſentiam formæ
non requiri, vt in ea ſeu explicite, ſeu implicite ſignifice-
tur actio prout à perſona Miniſtri procedit: modò non
etiam excludatur; quòd fiet, ſi dicas, Chriſtus te baptizat;
à peccatis abſoluit; non ego: tali enim forma vitiari ſa-
cramentū, certum eſt. Priorem autem doctrinæ ſuæ partem
probant ex forma Græcis vſitata: Baptizetur ſeruus Chriſti in
nomine Patris, & Filij, & Spiritus ſancti: in qua, vt ſi S. Th.
ait. a. 5. ad. 1. actus baptizandi non tribuitur Miniſtro, ſed
Chriſto & Deo, tanquam cauſæ principali, ad euitan-
dum errorem, quo aliquis exiſtimare poſſet, effectum

Baptismi secundum baptizantium dignitatem, ac merita conferri: quod reprehendisse Apostolum 1. ad Corinth. 1. existimat ibidem S. Thom. & S. August. de vnico Baptismo contra Donatistas, lib. 5. c. 13. relatus in c. 47. dist. 4. de consecr. *Cum tantum valeat Baptismus per hominem contemptibilem, quantum per Apostolum datus: ita nec illius esse cognoscitur, sed Christi.* Ad hoc respondeo; Fructum spirituale sacramenti, qui ex Christi institutione, per externam sensibilem actionem Ministri confertur, procedere à Deo tanquam causa instrumentaria, seu ministeriali; secundum potestatem ipsi à Deo concessam, iuxta illud 1. ad Cor. 4. *Sic nos existimet homo, ut Ministros Christi, & dispensatores mysteriorum Dei.* Et videri potest S. Thom. quæst. 64. art. 1. & 2. Quare, cum forma sacramenti sit practica oratio, significare debet effectum procedere tum à Deo ut causa principali; tum ab ipso Ministro, ut instrumentali: seu, ut breuius dicam, vtramque actionem seu causationem cum Dei, tum Ministri in forma significari oportet, uti indicat S. Thom. q. 66. a. 5. & expressius tradunt Alex. Halens. in 4. p. q. 13. a. 2. §. 2. Vtrum hoc verbum baptizo, Vasq. disp. 142. Coninck quæst. 66. a. 6. dub. vn. concl. 1. Bellarm. de Baptismo, c. 3. §. nam in primis, & constat ex Florentino cit. §. Primum autem.

Et quidem in forma Latinorum actio Ministri clare exprimitur, *Ego te baptizo*; cum autem additur, *In nomine seu auctoritate Patris &c.* significatur, totum id fieri in virtute Dei vnus, ac trini, tanquam principalis causæ agentis: Quomodo etiam verba S. August. intelligi debent; Baptismum esse Christi, ut causæ principaliter efficientis, quæ Deus est; & ut causæ principalis meritoria, quæ homo est: & non esse huius, vel illius hominis, nisi ut extrinsecum ministerium, ex eiusdem Dei, & Christi institutione, ac voluntate, exhibentis. In forma verò Græcorum, clare exprimitur actio causæ principalis: *Baptizetur seruus Christi, in nomine Patris, &c.* Interim verò, dum Minister talem formam pronuntians, exercet ritum externum sacramenti substantialem, saltem indirectè, & implicitè significat, effectum sacramenti à SS. Trinitate conferri per eam, quam ipsemet simul exercet, actionem ministerialem videlicet ablationem: sicuti si legatus aliquis, aut dispensator ex voluntate Domini sui tradendo alteri domum, aut equum dicat: *Hic equus tibi datur, donatur auctoritate Domini mei*, talibus verbis, iunctis cum exteriori traditione, implicitè, seu ipso facto significat donationem fieri per hoc suum ministerium.

Quapropter displicet etiam sententia Vasquez cit. dist. 142. c. 2. n. 19. reiicientis hanc formam tanquam irritam: *Baptizat, vel baptiset te Christus in nomine Patris, & Filij, & Spiritus sancti*: quod per eam actio tantum causæ principalis, non item causæ ministerialis significetur. Sed contrarium rectè docet Sotus cit. a. 5. colum. 5. Henric. lib. 2. c. 8. n. 3. Quia hic ipse sensus est formæ græcanicæ, *Baptizetur seruus Christi à Christo, vel Deo in nomine Patris &c.* Igitur dicendum, quod hac formula, *Baptiset te Christus*; item, *Baptiseris seruus Christi, vel Baptizetur seruus Christi, in nomine Patris &c.* persona Ministri, seu actio, quatenus à persona Ministri procedit, implicitè significetur: ut sensus sit, *Baptizat, vel baptiset te Christus*, per me exercentem hanc sensibilem actionem, in nomine seu auctoritate Patris, & Filij, & Spiritus sancti. Vbi non in nomine, seu auctoritate non est referendum ad actionem Christi, aut Dei: ineptè enim diceretur, quod Deus baptizat in nomine seu auctoritate &c. sed referri debet ad actionem Ministri, quæ indirectè hic significatur, atque in quorundam sacramentorum formis clarè exprimitur: ut in sacramento Pœnitentiæ, *Deus te absoluat, & ego auctoritate illius.* Item in sacramento Extremæ unctionis, *Per istam sanctam unctionem, & suam*

piissimam misericordiam, indulgeat tibi Deus, &c.

Secundò accidit substantialis mutatio seu defectus in Baptismo, si persona baptizanda nec speciatim, nec generatim exprimitur. Ita significat S. Thom. quæst. 66. art. 5. ad 4. & docet Alensis p. 4. quæst. 15. mem. 3. a. 2. Abb. c. 1. de Baptismo, num. 7. Sotus in 4. d. 3. q. vn. art. 5. §. ex hac ergo, Suarez disput. 21. s. 2. assert. 3. Vasq. disp. 142. cap. 3. Agid. q. 66. a. 6. dub. vn. concl. 3. Henric. lib. 2. cap. 8. n. 4. Viualdus in candel. de forma Baptismi, num. 8. & sumitur ex illo Matth. 28. *Baptizantes eos &c.* Ratio est: Quia forma verborum debet determinatè significare actum baptisandi, qui est ablutio, cōsequenter debet significare, & exprimere patiens, seu subiectum: quippe ex quo ipse actus baptisandi, seu ablutio determinationem suam accipit. Confirmatur: Ideo etiam in forma Baptismi persona altera à baptizante exprimi debet, ut appareat, quod ex Christi institutione inter baptizantem, & baptizatum debeat esse discretio; & nemo à se ipso baptizari possit, sicuti definitur in c. debitum, de Baptismo. Ideoque inferunt DD. non valiturum Baptismum, si quis alterum abluendo dicat: *Ego te baptizo in nomine Patris &c.*

Ex quo discrimen inferitur; Quod non ita necessarium sit, ut in forma directè significetur, seu exprimat persona baptizans, sicuti necessarium est exprimi personam quæ baptizatur. Ratio est, quia forma Baptismi exprimere debet materiam propinquam, quæ est ablutio: ea autem magis determinatur à subiecto, in quo recipitur, quam ab agente, à quo procedit. *Consistit enim Baptismus*, ait Henriquez cit. num. 4. *in ablutione passiva.* Quamobrem si plures simul vnā personam baptizant, vnus est baptismus: & vice versa, si vnus plures personas vnā actiua affusione aquæ baptizat, dicens: *Ego vos baptizo in nomine Patris &c.* plura Baptismata sunt, sicuti docet Sotus in 4. d. 4. quæst. vn. art. 4. ad 2. argum. Henric. lib. 2. cap. 7. num. 5. Ceterum saltem indirectè personam Ministri in forma significandam esse, suprà dixi: quia implicitè saltem significari debet ablationis actum à ministeriali agente procedere.

Tertiò accidit substantialis defectus in Baptismo, si non significetur vnitas trium Personarum in diuinis: quare hæc forma est contra veritatem Baptismi: *Ego te baptizo in nomine Patris, & Filij, & Spiritus sancti*, teste S. Hieron. super c. 4. ad Ephes. relato in c. eodē modo, d. 4. de consecrat. *Non baptizamur in nominibus Patris, &c. sed in vno nomine, quo intelligitur Deus.* Et S. August. lib. 3. contra Maximin. c. 32. *In nomine, non in nominibus; quia hi tres vnus sunt.* Valet tamen Baptismus, si conferatur, in nomine Patris, & in nomine Filij, & in nomine Spiritus sancti. Quia idem est sensus, qui formæ communis, atque consuetæ.

Est autem QVÆSTIO PRIMA. Vtrum ad essentiam, & valorem Baptismi necessaria sit explicita inuocatio SS. Trinitatis: an verò implicita sufficiat: v. g. *Ego te baptizo in nomine Dei*: vel, *Ego te baptizo in nomine Patris*: vel, *Ego te baptizo in nomine Christi*: vel, *Ego te baptizo in nomine SS. Trinitatis.* Prima sententia fuit Stephani Papæ apud Cyprianum, epist. 73. ad Iubaianum, S. Ambros. lib. 1. de Spiritu sancto, c. 3. Nicol. 1. Papæ respons. ad Bulgarios, 104. *Si hi in nomine SS. Trinitatis, vel tantum in nomine Christi, sicut in Actis Apostolorum legimus, baptisati sunt, (vnus quippe idemque est, ut S. Ambrosius exponit) constat eos non esse denuo baptizandos.* Idem quoque expressè docuit S. Bernard. epist. 340. vbi consultus de questione ista; *Raptum, ex vtero puerum, ob periculum mortis, laicus baptizauit, communem verborum formam non tenens: sed dicens, Baptizo te in nomine sanctæ, ac veræ crucis; ita respondit: Ego hunc Baptismum duco, neque sonum vocis veritati Fidei, & pietati intentionis præiudicare.* Et paulò post: *Legimus in Actis cap. 10. non modo in nomine Patris, & Filij, & Spiritus*

ius sancti: verum etiam in nomine Domini Iesu Christi aliquos baptizatos. Eandemque sententiam secutus est Beda in cap. 10. Actorum, Magister in 4. d. 3. Adrianus de Baptismo, q. 2. ver. Ad rationes ante oppositum. Caietan. 2. 2. quaest. 66. a. 5. & probabilem censet Maior in 4. d. 2. q. 2.

Sed contrariam, eamque veram sententiam, quod ad sacramenti substantiam expressa SS. Trinitatis inuocatio requiratur, docuit S. Cyprianus in cit. epist. ad Iubaianum, S. Damascenus lib. 4. de Fide, cap. 10. & alij Patres apud Vasq. disp. 143. c. 3. quam etiam definuisse videtur Pelagius Papa in c. si re vera, d. 4. de consecrat. & Zacharias Papa c. in Synodo, ead. d. eamque secutus est S. Tho. q. 66. a. 6. S. Bonau. in 4. d. 3. a. 2. q. 2. Richard. a. 2. q. 3. ad 10. ibid. Scotus q. 3. §. Tertiò de forma. Duran. q. 1. n. 8. & 9. Palud. q. 1. §. secundum est, Gabr. q. vn. a. 2. concl. 4. & coroll. 1. Bellarm. de Baptismo, c. 3. Lorinus in cap. 2. Actor. Vasq. disp. 143. c. 2. Suarez disp. 21. f. 3. Henric. lib. 2. c. 10. Probatur ex institutione Christi, Matth. 28: *Baptizantes eos in nomine Patris, & Filij, & Spiritus sancti.* Quibus verbis formam Baptismi à Christo traditam esse, testatur canon 49. Apostolorum, & communis Patrum consensus. Ratio institutionis est: Cum Baptismus sit sacramentum Fidei, & introitus in Ecclesiam Christi, debet eius externa professio correspondere Fidei internæ: Atqui ingressurum in Ecclesiam Christi oportet habere explicitam Fidem trium Personarum in diuinis: Ergo eiusdem etiam Fidei in Baptismo explicita professio fieri debet. Quare S. Basil. lib. de Spiritu sancto, cap. 12. ait: *Sicuti credimus in Patrem, & Filium, & Spiritum sanctum; sic & baptizamus in nomine Patris, & Filij, & Spiritus sancti.*

Adde, quod aliqui non improbabiler eandem veritatem confirmant ex c. 19. Act. ubi legimus; Cum S. Paulus venisset Ephesum, & inuenisset quosdam discipulos, seu credentes in Christum, existimasse eos baptizatos, ideòq; quæsisse; an etiam Spiritum sanctum acceperint, videlicet per impositionem manuum alicuius Apostoli, vel Episcopi in sacramento Confirmationis; collaturus ipsis, nisi acceperint. Tunc responderunt illi; *Sed neque si Spiritus sanctus est, audiuimus.* Miratus Apostolus subiecit, *In quo ergo baptizati estis?* Quasi diceret, si Baptismate à Christo instituto baptizati estis, necessariò de Spiritu sancto audiuistis; quia Baptismus Christi sine inuocatione Spiritus sancti non confertur. *Qui dixerunt, in Ioannis baptismo: His auditis, baptizati sunt in nomine Domini Iesu, id est, Baptismo, non quem Ioannes, sed quem Christus instituit.* Ita enim intelligi oportet, quod in Actis legimus, Apostolos baptizasse in nomine Christi, id est, Baptismo ipsius auctoritate instituto, cum expressa professione Fidei in Christum. Quare S. Cyprianus cit. epist. explicans verba S. Petri Act. 2. *Baptizetur unusquisque vestrum in nomine Domini Iesu Christi, ita scribit: Iesu Christi mentionem facit Terrus, non quasi Pater omitteretur, sed ut Patri quoque Filius adiungeretur.*

Neque verò aliud sensit S. Basil. cit. c. 12. de Spiritu sancto, itemque S. Ambros. cap. 3. qui tum hæc, tum pleraque alia ex tractatu Basilij sumpsit. Postea verò Nicolaus Papa, cum interrogatus esset; Num Baptismus valeret à Iudæo collatus; respondit valere: obiter & per accidens adiungens, tamen si solum in nomine Christi administraretur, motus auctoritate Ambrosij, quem tamen non rectè intellexisse videtur. Nihil igitur ibi Pontifex definiuit; sed obiter asseruit doctrinam probabilem, quam olim, & adhuc hodie aliqui Doctores defendunt. Ad rationem verò, quam Nicolaus Papa insinauit; vnum, idemque esse, seu quis cum expressa inuocatione SS. Trinitatis, seu cum implicita baptizet, responderi debet, axioma illud: *Expliciti, atque impliciti eadem virtus est;* locum nulum habere in sacramentis; quippe quæ ex propria institutione signa exprimentia esse debent.

Atque hæc quidem explicatio longè probabilior videtur, quam ea, quæ à S. Th. traditur quaest. 66. a. 6. ad 1.

Apostolos ex speciali priuilegio interdum baptizasse cum solius Christi expressa inuocatione; ut nomen hoc, quod Iudæis, ac Gentilibus odiosum erat, tantò honorabilius redderetur: quod etiam senserunt Alensis p. 4. q. 13. mem. 3. a. 4. §. 2. S. Bonau. Richardus, Durandus, Gabriel, Maior II. cc. Sed contrà existimandum videtur, materias, & formas substantiales sacramentorum semper easdem in Ecclesia retentas, & per nullam dispensationem Dei mutatas fuisse: cum neque ex Scriptura, neque ex traditione talem dispensationem asserere cogamur. Neque coniectura S. Thom. conuincit; quandoquidem nihilominus Christi IESU nomen in forma exprimi poterat, etiam si Pater, & Spiritus sanctus non omitterentur; sicuti etiam non omitti, sed in prima statim Ecclesia expressam professionem SS. Trinitatis in Baptismo fieri valde multum intererat, ideoque tanquam necessaria forma à Christo tradita fuerat. Quam doctrinam expressit etiam S. Damascenus lib. 4. de Fide orthodoxa, cap. 10. *Et si Apostolus his verbis vitatur, in Christum, & in mortem ipsius baptizati sumus; non tamen hoc vult, Baptismi formulam his verbis constare debere: Verum hoc, Baptismus mortis Christi figuram præferre: Baptismus siquidem per triplicem immersionem tres dies, quibus Dominus tumulo conditus iacuit, significat. Quare in Christum baptizatum esse, nihil aliud indicat, quàm in eum credendo salutifera aqua tingi. Fieri autem non potest, ut in Christum credamus, nisi Patris, & Filij, & Spiritus sancti confessione imbuti simus. Christus enim Dei viuens est Filius, quem Pater Spiritu sancto vinct. Et paulò post: Quenam verborum forma adhibenda esset, Dominus discipulis in hac verba exposuit: Baptizantes eos in nomine Patris, & Filij, & Spiritus sancti.*

QVÆSTIO SECUNDA. Vtrum validus sit Baptismus, si forma verbis æquivalentibus proferatur, v. g. *Ego te baptizo in nomine Genitoris, Geniti, & Procedentis ab utroque.* Afirmat Gl. in c. multi sunt, dist. 4. de consecrat. Caietan. quaest. 66. a. 5. Victoria de Baptismo, n. 13. Ratio est: Nam ubi tantum accidentaliter mutatio formæ fit, validum est sacramentum. In dicta autem forma tantum est mutatio accidentaliter: Nam formæ essentia consistit in significatione: verba autem illa, *Genitor, Genitus, & ab utroque Procedens*, non mutant verborum sensum: cum & ipsa sint propria nomina, quibus tres Personæ diuinæ significari, & appellari solent; ideòque æquipolentia, & synonyma, alijs communiter in forma usurpatis vocibus, *Pater, Filius, & Spiritus sanctus.*

Contrarium verò docent DD. communiter, Halensis p. 4. q. 13. mem. 2. a. 3. §. 1. S. Thom. q. 66. a. 5. ad 7. S. Bonau. in 4. d. 3. a. 2. q. 3. Richard. ibid. a. 2. q. 3. ad 8. Scotus q. 2. ver. Tertiò de forma, Duran. q. 2. n. 5. Palud. q. 1. ver. secundò in speciali, Gabr. q. vn. a. 2. concl. 4. & a. 3. dub. 1. Scotus q. vn. a. 5. ver. hoc ergo interim. Ratio est: Quia credibile est, & praxis Ecclesiæ ostendit, Christum pro forma sacramenti adeò necessarij, in quo & Fidei Christianæ professio fieri debet, instituisse, ac determinasse talia verba, quæ in quauis lingua ad SS. Trinitatis mysterium significandum communiter ab Ecclesia usurpari solent: Talia autem in lingua Romana sunt, *Pater, Filius, & Spiritus sanctus.* Ergo, &c. Verum hoc argumentum non omnino convincere videtur: quia licet Christus ita potuerit formam Baptismi instituere, tamen ita instituisse non satis constat. Cum ergo res dubia sit; si quis sub talibus nominibus, *Genitoris, Geniti, Procedentis ab utroque*, baptizatus esset, iterum sub conditione formæ consuetæ baptizari deberet, ut bene annotauit Sotus cit. a. 5. in fine, Suarez disp. 21. f. 4.

QVÆSTIO TERTIA. Quid sentiendum sit de tali forma, habeatne essentialiter defectum? *Ego te baptizo in Patre, Filio, & Spiritu sancto:* vel, *Ego te baptizo cum Patre, Filio, & Spiritu sancto:* Talem Baptismum valere existimat mihi magis placet. Communis enim doctrina est apud Sotum d. 3. q. vn. a. 5. ad 6. Valen. t. 4. disp. 4. q. 1. p. 2. ad 4.

dub. 4. Suarez disp. 21. f. 2. Henriq. lib. 2. c. 8. n. 2. Egid. Coninck q. 66. a. 6. dub. vn. n. 59. ex Innoc. c. 1. de Baptismo; vocabulum *nomine*, seu *in nomine* pertinere ad essentiam formæ: quia per illud significatur Dei vnus, sicuti docet S. Hieron. in c. 28. Matth. & in c. 4. ad Ephes. super illa verba, *Vnus Dominus, vna Fides*. S. Ambr. lib. 2. de sacram. c. 7. S. August. lib. 5. contra Maxim. c. 23. Innoc. in cit. c. 1. Quare inferunt, etiam hanc formam dubiam esse, *Baptiso te in nomine Patris, & Filij, & Spiritus sancti*; ideoque Baptismum sub conditione repetendum esse: Nam nomen plus significat, quam *virtus*.

Idem Comitulus lib. 1. q. 7. respondit, validum non fuisse Baptismum, quo mulier domi infantem baptisauit. *Ego te baptiso in nomine Patris: Ego te baptiso in nomine Filij: Ego te baptiso in nomine Spiritus sancti*; ad singulas partes formæ aqua infanti affundens. Verum contra argumētari possumus: Vel talis Baptismus irritus iudicatur, propter trinam aquæ asperisionem, seu affusionem; vel propter repetitionem verborum, *Ego te baptiso*, vel denique propter omissionem copulatiuæ, *Et*. Nihil horum dici potest: Non I. Quia sicuti non refert, vtrum quis infantem semel tantum, an ter immergat in aquam; ita etiam nihil ad sacramenti substantiam referre videtur, vtrum aqua ei semel affundatur, an verò ter ob mysterium SS. Trinitatis. Nec II. Quia illa repetitio, licet in forma consuetana non exprimat, tacite tamen ex modo loquēdi, & ipsa verborum constructione intelligitur. Sensus enim est: Quod Minister non tantum in nomine Patris baptiset, sed etiam in nomine Filij baptiset, & in nomine Spiritus sancti baptiset; hoc ipso, quod in nomine SS. Trinitatis baptiset. Neque tertium probabiliter asseritur: cum sit communis doctrina, sola omissione copulæ *Et* non vitari Baptismum. Facile igitur defendi potest, Baptismum in dicta forma validè collatum fuisse. Quamuis in praxi non repugnarem, vt iterum conferretur sub conditione; propter quod tali baptisandi modo, quo tres ablutiones fiunt, & forma verborum ad singulas ablutiones discriminatim sine copulatiua *Et* pronuntiat; non satis exprimi videtur vnus diuinitatis essentia.

Porro ex dictis facile est intelligere, quæ mutationes formæ accidentales tantum sint, quibus Baptismus illicitus sit, nisi necessitas excuset; sed tamen validus manet. Exempla sunt: I. Si in forma latina omittatur pronomen *Ego*. II. Si Baptismus solemnus in alio idiomate conferatur, quam Ecclesia præscribit; videlicet in Romana Ecclesia non latino, sed vulgari. Cæterum si homo illiteratus, v. g. obstetrix, in casu necessitatis priuatim baptiset, consultius est, vt vulgari seu communi idiomate formam pronuntiet, sicuti notauit Sotus d. 1. q. 1. a. 8. circa 4. concl. ver. in mutatione verò. III. Si verborum transpositio fiat, ita vt idem sensus retineatur, v. g. *Te ego baptiso in nomine Patris*: vel, *In nomine Patris, & Filij, & Spiritus sancti ego te baptiso*. Qua de re Halensis 4. p. q. 13. mem. 3. a. 3. §. 5. Item secundum Scotum in 4. d. 1. q. 2. Sotum d. 1. q. 1. a. 8. in fine: si Minister ita dicat: *Ego te baptiso in nomine Filij, & Patris, & Spiritus sancti, Amen*, Sacramentum validè confertur: excepto si Minister errorem inducere intendat, quasi Filius sit principium Patris: tunc enim corrumpit substantialem sensum formæ, & consequenter veritatem Baptismi. Sed Alex. Halensis cit. §. non improbabiler ait, si ordo emanationis in diuinis in forma verborum mutetur, non conferri sacramentum: quare Baptismus in hoc casu sub conditione repetendus foret.

IV. Si verborum modica interruptio fiat, v. g. si Minister, dicto, *Ego te baptiso in nomine Patris*, tussiat, expuat, vel iubeat aquam afferri; ac postea reliquam verborum formam cum ablutione adiciat. Cæterum si notabilis verborum interruptio fiat, siue per simplicem cessationem, siue per alterius adionis interpositionem, irritum est sacramentum, vt docet S. Thom. cit. quæst. 60. a. 8. ad 3.

Richard. in 4. d. 3. a. 2. quæst. 3. ver. quantum ad tertium Maior in 4. d. 2. quæst. 1. Sotus cit. a. 8. prope finem, Suarez disp. 2. f. 4. ver. quarta mutatio. Nam oratio vt vna sit, vnūque integrum sensum efficiat, debet constare vocibus coniunctim seu coherentem prolatis; saltem moraliter coniunctione.

V. Si superflua additio fiat, v. g. *Ego Iacobus te baptiso in nomine &c.* vel, *Ego te baptiso in nomine Patris Omnipotentis, & Filij eius vniuersi, & Spiritus sancti Paracleti. & B. Maria Virgo te adiuvet*. Si autem dicat Minister: *Ego te baptiso in nomine Patris, & Filij, & Spiritus sancti, & B. Virginis Maria*, distinguit S. Th. quæst. 60. a. 8. Sotus cit. a. 8. concl. 6. Suarez disp. 2. f. 5. in fine. Vel Minister habuit intentionē inuocandi B. Virginem, quasi in nomine eius: sicuti & in Patris, ac Filij, ac Spiritus sancti, Baptismus conferretur; tunc irritum est sacramentum: quia sensus verborum à Ministro intentus est contra veritatem & sensum substantialem formæ à Christo institutum. Vel Minister habuit intentionem inuocandi B. Virginem, non quia ipsa gratiam sacramenti conferat, sed quia aduocatrix, & adiutrix sit ad impetrandam: ideoque alio sensu inuocauit nomen Virginis, quam verbis antecedentibus SS. Trinitatem: tunc sacramentum consistit: quia substantialis significatio formæ à Christo instituta mutata non est: sed solum aliqua adiectio facta, quamuis illicite præter consuetudinem Ecclesiæ. Qua de re videri etiam potest S. August. lib. 6. de Baptismo, c. 25.

CAP. V.

De vnitate Baptismi.

SVM MARIVM.

- 1 Duplex est vnitatis Baptismi: specifica, & numerica.
- 2 Triplex baptisma distingui solet: Fluminis, sanguinis, flammis: sed duo posteriora non sunt sacramenta.
- 3 Si dubium rationabile sit de valore collati Baptismi, repeti debet sub conditione. Sufficit vnus oculatus & minime suspectus testis affirmatio de collato alicui Baptismo.
- 4 Facilius sub conditione repetitur Baptismus in infante, quam adulto.

DVPLEX est vnitatis Baptismi, quatenus nouæ legis sacramentum est; specifica, & numerica. De specifica vnitatis Apostolus loqui videtur ad Ephes. c. 4. *Vnus Dominus, vna Fides, vnum Baptisma*. Hortatur enim Ephesios ad vnitatem & concordiam charitatis, quia vnum corpus sint, eadem spe in Ecclesiam vocati: & quia vnus Deus, & Pater omnium, vna itē Fides, & vnum Baptisma: quod non nisi de specifica vnitatis intelligi posse videtur. Neque his obstat primò: Quod tria Baptismata distingui solent: *Baptismus fluminis, sanguinis, & flammis*, sicuti habetur in Gl. ordinaria ad c. 6. epist. ad Hebræos, & apud S. Th. q. 66. a. 11. Nam solus Baptismus fluminis sacramentum est: alia verò duo analogicè baptismata appellantur: propter conuenientiam, quam gerunt cū Baptismo aquæ, non ratione signi sacramentalis, sed quoad effectum illius: quatenus supplere possunt sacramentum Baptismi, quod attinet ad culpæ remissionem, ac spirituales renouationem, vt explicauimus in lib. 3. f. 3. n. 2. Eoque sensu S. Cyprianus dixit lib. 1. epist. 2. ad Cornel. & in epist. ad Iubaianum, quod *Martyr suo sanguine baptisatur*. Et S. August. lib. 13. de ciuit. c. 7. *Quicumque etiam non percepto regenerationis lauacro pro Christi confessione moriuntur, tantum eis valet ad dimittenda peccata, quantum si abluerentur sacro fonte Baptismatis*. Ob eandemque causam dixit serm. 17. de verbis Apost. quod *inimiam infert Martyri, qui orat pro Martyre*.

Nec obstat secundò: Quod in Baptismo fluminis duplex esse potest baptizandi modus; per asperisionem, & immersionem: est enim hæc merè accidentaliter diuersitas

fitas: non tantum si materialiter spectetur, quatenus utraq; est corporis ablutio, sed etiam si formaliter in ratione sacri signi: quatenus utraque eundem effectum spiritualis regenerationis, seu renouationis, significat, & operatur.

De numerica verò unitate Baptismi, quod videlicet hoc sacramentum non nisi semel homini conferri, seu nunquam iterari possit, testantur Patres in symbolo Constantinopol. *Confiteor unum Baptisma in remissionem peccatorum*, & in Conc. Lateran. c. firmiter, Florent. in decreto Eugenij, ver. Quinto. Trident. sess. 7. can. 11. & docent S. August. lib. de vnico Baptismo, S. Th. q. 66. a. 9. qui id probat ex cit. c. 4. ad Ephes. *Vna Fides, unum Baptisma*. quem locum eodem sensu intellexit S. Leo I. epist. 35. ad Leonem Rauennatem Episc. relatus in c. cum itaque, d. 4. de consecr. & Ambros. lib. 2. de poenit. c. 2. vbi eandem veritatem confirmat ex Apost. ad Heb. 6. *Impossibile est eos, qui semel sunt illuminati*, (per Baptismum, in quo lumen Fidei infunditur) *rursus renouari ad poenitentiam*; id est post lapsum poenitentes, per alterum baptismum denuo renouari, sicuti & alij Patres exponunt apud Suar. disp. 22. s. 2. Bellarm. lib. 1. de poenit. c. 13. & colligitur ex ratione, quam reddit Apostolus; *Rursus crucifigentes sibi Filium Dei*. Etenim Baptismus representatiuam continet mortis, sepulture, ac resurrectionis Christi: quare sicut Christus semel tantum mortuus est, & resurrexit; ita & nobis semel tantum per Baptismatis sacramentum peccatis mori, & spiritualiter resurgere concessum est, sicuti etiam significatur ad Roman. 6.

Alias congruentias affert S. Th. cit. a. 9. Nam Baptismus est spiritualis quædam generatio, seu natiuitas, sicuti colligitur ex verbis Christi Ioan. 3. Quare sicuti homo vterum matris suæ non potest repetere ac renasci corporaliter; ita nec Baptismus & spiritualis natiuitas, seu renouatio repeti potest, sicuti notauit S. Aug. tr. 11. in Ioan. c. 3. in illa verba Nicodemi, *Nunquid potest homo in ventrem matris sue iteratò introire*? Item per Baptismum impresso caractere, Christo cõsignamur, vt ad corpus eius mysticum siue Ecclesiam pertineamus, teste Dionys. Areop. de Eccl. hier. p. 2. c. 2. *Accedentem ad Baptismum, diuinam Maiestatem in sui consortium intus admittit, eique lucem suam perinde, ac signum aliquod tradit, sanctum efficiens, & sanctorum sortis, ordinisque participem*. Ergo sicuti caracter, quippe indelebilis, repeti non potest; ita neque Baptismus, teste S. Aug. lib. de Baptismo, c. 1. & Cyrillo Hierosol. in præfat. catech. vbi Baptisma vocat *signaculum sanctum*, *indelebile*. Denique Baptismus principaliter institutus est ad tollendum peccatum originale, hoc autem peccatum vnicum est, & semel ablatum iterum non contrahitur: quare etiam remedium eius semel tantum applicari debet, sicuti inter alios notauit Alensis p. 4. q. 23. mem. 7. Alia autem actualia peccata iterum incurri possunt; ideoque & sacramentum Poenitentiae, alterum post lapsum animæ remedium, iteratò assumi.

Porro aduertendum est, Baptismum duobus modis repeti posse; Primum absolutè, & hoc sine graui scelere non contingit; præterquam si fiat inuoluntariè ex inuincibili ignorantia: qualis tunc censeri debet, si post diligentem inquisitionem nullum probabile indicium, suspicio, vel præsumptio addit Baptismi antea collati. Secundò, sub conditione, qualis ponitur in c. 2. de Baptismo: *Si baptizatus es, non te baptizo: sed si non baptizatus es, ego te baptizo in nomine Patris &c.* Cuiusmodi conditionalis Baptismus conferri potest, ac debet, quotiescunque post diligentem inquisitionem, probabile, seu rationabile dubium manet, vtrum Baptismus verè homini collatus sit, necne. Idque tam in dubio iuris, quam in dubio facti, vt bene annotauit Abb. in c. 2. num. 3. de Baptismo.

Dubium iuris est, si oppositæ Doctorum sententiæ probabiles censeantur, v. g. vtrum valeat Baptismus col-

latus in nomine Christi, aut collatus in nomine SS. Trinitatis, absque distincta expressione personarum: Item si infans baptizatus sit solo pede, aut brachio ex vtero matris, exerto; vel secundina pelle inuolutus, de quibus supra dixi cap. 3. num. 3. Dubium facti est, si absolutè incertum sit, vtrum Baptismus fuerit collatus, necne. Exempla sunt: I. Si aliqui inter infideles nati sunt, à parentibus quidem Catholicis, sed quibus barbari, seu infideles infantes suos statim abripuerunt; hi si postea à Christianis redimantur, baptizandi sunt sub conditione; quando nec ipsimet, nec parentes eorum, nec alij de Baptismo antè collato testari possunt, c. paruulus, c. placuit de infantibus, d. 4. de consecrat. II. Si infans expositus sit, nulla ipsi adiecta scheda, quæ de Baptismo testificetur. III. Si obstetrices, quæ ob necessitatem se baptizasse infantes aiunt, de beneficijs suspectæ sint; aut aliquando confessæ se non rite baptizasse; vel si à Parocho examinatæ (sicuti examinari debent, vt notat Catech. Roman. p. 2. cap. 2. §. 43. Sotus in 4. distinct. 3. q. vn. a. 9. Suarez disp. 31. s. 6. §. de quo præcepto, Egidi. Coninck quest. 66. a. 9. dub. 1. num. 94.) qua materia, forma, & qua corporis parte baptizauerint, non satis constanter respondeant.

Quod verò Sotus loco cit. grauiter reprehendit consuetudinem quorundam Parochorum, qui omnes infantes, quos obstetrices ob necessitatem baptizatos à seasserunt, sub conditione iterum baptizant: hæc reprehensio intelligi debet, si interim moralis certitudo adsit, infantes domi legitimè baptizatos esse, sicuti notat Suarez cit. loco, & Zambrana de Bapt. c. 1. dub. 1. Veruntamen in quibusdam locis, vbi experientia constitit, obstetrices non raro à Diabolo deceptas, in ipsius nomine baptizare solitas, consuetudo obtinuit, vt omnes infantes, quos mulier affirmat se domi baptizasse, iterum sub conditione baptizentur: quam ego consuetudinem reprehendere non audeo; imò approbatam reperio in Pastoralis Romano, edito Antuerpiæ Anno 1607. pag. 20. & 31. cum reuera aliquod dubium & periculum animæ subsit; ideoque cesset irreuerentia sacramenti. Neque enim uero repetitur Baptismus, si in tali casu, quo non satis constat collatum fuisse, sub conditione confertur: Quia, vt dicitur in c. venient, de Presbyt. non baptizato; *Non intelligitur iteratum, quod ambigitur esse factum*. Et in c. solemnitate, 1. dist. 1. de consecrat. *Talis repeditio non facit iterationem: quoniam non monstratur esse iteratum, quod nescitur esse factum*. Et in c. si nulla, d. 4. de consecrat. ait Leo 1. *Non interuenit temeritas præsuppositionis, ubi est diligentia pietatis*. Et enim hîc maximè locum habet dictum illud, *Quod in dubio inclinandum sit in fauorem animæ, seu pars tutior preferenda*. Quandoquidem si homo, qui verè baptizatus non est, in infantia moriatur, saluari non potest: sin autem adoleat, nullum aliud sacramentum validè suscipit; & consequenter nec licet, si de suo Baptismo rationabiliter dubitet: quandoquidem Baptismus est ianua, ac veluti passiva dispositio ad alia sacramenta, sine qua nullum aliud validè suscipitur.

Dixi tamen supra, vt Baptismus sub conditione conferri possit, oportere esse dubium moraliter probabile seu rationabile. Alioquin sufficere nobis debet moralis certitudo, cum infallibilis notitia de accepto Baptismo haberi non possit. Imò in hoc casu ad fidem faciendam satis est vnus testis oculatus, de quo nulla suspicio esse possit perniciosi mendacij: sicuti colligitur ex c. paruulos, distinct. 4. de consecrat. Idemque locum habet, si dubitetur num Ecclesia consecrata sit, secundum doctrinam Innoc. in rubr. de consecrat. *Quod scriptura in marmore, vel vnus testis fidem facit de Ecclesie consecratione*.

Præterea si homo inter fideles natus, & in Fide Christi educatus fuit, quauis nullum aliud testimonium accepti Baptismi habere possit: præsumendum tamen est, legitimè baptizatum fuisse: aded, vt hæc præsumptio pro certitudine habenda sit, donec euidentissimis argumentis contrarium probetur, ait

Innoc. in c. veniens: Vbi fortasse idcirco euiden-
tiora argumenta in partem contrariam Innoc. re-
quirit, quia loquitur de adulto, qui per Fidē, & actum
cōtritionis saluari potest, etiam si sacramentū Baptismi
non acceperit: qui etiam inter Christianos natus & edu-
catus alia sacramenta participauit, ideoque difficilius,
& cum maiore populi admiratione ac scandalo Baptis-
mū, quamuis sub cōditione accepturus esset. Nihilo-
minus existimo, interdum etiam adulto inter fideles
educato conferendum esse Baptismū sub cōditione, si
tales cōiecturæ adsint (puta quia v.g. a veneficis paren-
tibus natus est, à Diabolo valde infestatur, nec sciri
potest villo indicio vbi, vel à quo baptizatus fuerit) quæ
præsumptionē accepti Baptismi tollant, & contrarium
verisimile efficiant. Idemque dicendum in dubio iuris,
si videlicet cōstet, Baptismū collatū fuisse: sed in mate-
ria, vel forma dubia, vti obseruauit Coninck cit. dub. 1.
concl. 4. Dummodo, quantum fieri potest, scandalum
caueatur; ideoque exposita causā parētibz hominis ba-
ptisandi, & patrino & c. cur rebaptizare oporteat (si cau-
sa manifesta non sit) agatur id remotis arbitris, & clau-
sis tēpli foribus, ait Zambranus c. 1. dub. 4. & cū expres-
sa conditione, *Si non es baptizatus* & c. sicuti rectē admo-
net Ioan. Chapeauille de modo ministr. sacram. tēpore
pestis, c. 1. q. 1. ver. sextō, vbi etiam regulam tradit; *Si du-
bium de valore sacramenti publicē notum est, conditio in eius col-
latione exprimi debet: Sin verò occultum sit, conditio tacitē sub-
intelligenda, v.g. cū dubitatur de confitentis disposi-
tione.*

CAP. VI.

De suscipientibus Baptismum.

SYMMARIUM.

1. Omnis homo viator est capax Baptismi subiectum.
2. Vt Baptismus valide suscipiatur, sufficit, & requiritur aliquis consensus in adulto.
3. Ad valorem Baptismi non requiritur Fides, aut alia bona suscipientis dispositio.
4. Vt Baptismus rectē, ac fructuosē suscipiatur, requiritur in peccatore aliqua pœnitentia, saltem attritionis, ex motu supernaturali suscepta.
5. Baptismalis gratia, remoto obice indispositionis, ex opere operato homini baptizato prouenit.
6. Extra casum martyrij, Baptismus re ipsa susceptus est simpliciter necessarius paruulis ad salutem: adultis verò sufficit, si in voto, saltem implicite susceptus sit.
7. Baptismus adultis ad salutem necessarius etiam est ex diuini præcepti obligatione.
8. Baptismatis sacramentum non diu differendum, sed cum primum commode potest, suscipi debet.
9. Extra necessitatis casum non debet Baptismus sine solemnitatibus conferri, tamen si unum, aut alterum mensē expectandum sit, v.g. dum patrini adueniant.
10. Liberi inuitis infidelibus parentibus, in quorum potestate sunt, valide quidem, sed non licite baptizantur: quibusdam casibus exceptis.
11. Inuitis etiam parentibus hæreticis, licitum est illorum liberos catholicorum ritu baptizare.
12. Si parentes hæretici ad Catholicum ministrum filios baptizandos deferant, baptizari interdum possunt, tamen si ipsis restituendi sint.
13. Vtrum, & quomodo baptizandum sit monstrum, de quo dubitatur, si ne homo, an bestia, vel sine vnus, an duo homines, varia consideratio est.

P RIMA QVÆSTIO. Quod sit subiectum capax Baptismi nouæ legis sacramenti? Respondeo: Omnis, & solus homo viator nondum baptizatus tam paruulus, quam adultus. Est hæc assertio de Fide, quæ sumitur ex cap. vlt. S. Matth. *Euntes, docete omnes gentes, baptizantes eos* & c. & Marci vlt. *Prædicate Euangelium omni creaturæ; qui crediderit, & baptizatus fuerit, saluus erit.* Probat ex eo: Quia omnes homines ita à Deo creantur, vt capaces esse possint spiritualis salutis, ac vitæ

eternæ: salus autem & vita hominibus post Euangelij promulgationem ordinariē non contingit sine Baptismo, iuxta verbum Christi Ioan. 3. *Nisi quis renatus fuerit ex aqua, & Spiritu sancto, non potest introire in regnum Dei.* Et quidem de infantibus, quod absque Baptismo morientes vitam æternam non consequantur, aduersus Pelagianos definierunt Patres Concilij Africani sub Cœlestino, c. 77. Mileuitani c. 1. Innoc. I. epist. 25. ad Concil. Mileuitanum. Vide S. August. de peccato originis, c. 7.

SECUNDA QVÆSTIO. Qualis dispositio in adultis necessaria sit ad Baptismi susceptionem? De adultis loquor: Quia in paruulis, seu infantibus, Fidei aliamue bonam dispositionem actualem requirere, aliud non est, quam ipsis sensibus, & euidentiæ veritatis resistere velle, vti S. August. ait in epist. 57. ad Dardanum, circa medium. Ad quæstionem respondeo, & dico I. Vt Baptismus validē suscipiatur, requiritur, ac sufficit qualiscunque consensus suscipientis voluntarius: seu præsens, seu præteritus, & non retractatus. Ita definiuit Innoc. III. in c. maiores, §. item quæritur, de Baptismo: vbi tria potissimum asserit: I. Requiritur in adultis consensus: & simpliciter contradicentes, seu inuitos validē non baptizari: quod eo etiam signo ostendit, quia Ecclesia numquam solet eos, qui contra voluntatem baptizati sunt, ad Fidei Christianæ obseruationem compellere. Ratio verò congruentiæ est, quia ad suauem Dei prouidentiam spectat, sacra Christiana ita instituta fuisse, vt ijs non initiarentur vtentes ratione, nisi aliquo modo consenserint. II. Non requiri consensum actualiter, aut virtualiter præsentem, cū sacramentum suscipitur, sed sufficere interpretatiuum: si videlicet homo actualem voluntatem sacramenti suscipiendi habuerat, eamque postea numquam retractauit: tunc morali æstimatione seu interpretatione perseverat etiam in amente, dormiente, ebrio, vt proinde tales validē baptizentur, confirmantur & c. III. Sufficere consensum voluntarium, quamuis cum inuoluntario mixtus sit: videlicet vi, aut metu quocunque extortus, sicuti etiam docent Halens. p. 4. quæst. 18. mem. 1. S. Bonau. in 4. dist. 4. art. 2. q. 1. Richar. dist. 6. art. 3. q. 2. Maior q. 2. in propositionib. & alij. Quamobrem ita baptizati subiiciuntur iurisdictioni Ecclesiæ, & coguntur ad Fidei obseruationem. Ratio congruentiæ est: Quia ex vna parte, quod metu sit, simpliciter voluntarium est: ex altera verò parte, multum interest, Baptismum in eiusmodi hominibus validum esse, ne facilē aliquis excusationem metus pretendere possit, & sic nomen Domini blasphemetur; & Fides, quam susceperunt, vilis ac contemptibilis habeatur, ait Innoc. in citato cap. maiores. Tota verò hæc assertio pendet ex institutione Christi, quam nobis Ecclesiæ traditio & praxis ostendit.

Dico II. Ad valorem Baptismi non requiritur Fides, aut alia bona dispositio suscipientis: sed sufficit libera eius voluntas, quamuis habita ob peruersum finem, v.g. propter flagitium patrandum, propter Principis fauorem, vel lucrum temporale consequendum. Est certa assertio ex citat. c. maiores, §. item quæritur, & cap. de Iudæis, distinct. 54. & traditur à S. August. lib. 2. contra Petilian. cap. 35. & lib. de catechizandis rudibus cap. 17. S. Thom. 68. art. 8. Alensi p. 4. quæst. 18. mem. 2. 2.2. §. 2. & art. 3. Richar. in 4. distinct. 4. art. 1. quæst. 2. & distinct. 6. art. 1. quæst. 1. Maiore in 4. distinct. 4. quæst. 2. propos. vlt. Omnino enim conueniens fuit, sacramenta ita à Christo institui, vt eorum vsus vniuersalis, atque exploratus esset; id est, quatenus moraliter possibile, sciretur, vtrum homo sacramentum suscepisset, necne: hoc autem sit, si neque ob ministran-

tis, neque ob suscipientis malitiam, sacramenti valor impediatur, dummodo utriusque voluntas concurrat. Quod S. Thom. cit. a. 8. his verbis docet. *Sacramentum non perficitur per iustitiam hominis dantis, vel suscipientis Baptismum; sed per virtutem Dei.* Itaque aliud non requiritur, quam ut materia, ac forma sacramenti, secundum institutionem Christi, applicetur, libera voluntate tum ministrantis (nam Deus disponens omnia suaviter, in sanctificandis hominibus per sensibilia signa, seu sacramenta, hominum ministerio uti vult) tum etiam suscipientis, saltem generali & confusa ratione faciendi, vel suscipiendi, quod Christiani faciunt, vel suscipiunt; cum enim tunc adsint sacramenti substantialia, ideo verè ac validè efficitur sacramentum, uti notavit S. Thom. cit. art. 8. ad. 1. Et debet hæc doctrina etiam ad alia sacramenta applicari; excepto Pœnitentiæ sacramento, de quo infra.

Dico III. Ad sacramenti cuiuscunque ultimarum effectum, qui est sanctificans gratia, omnino requiritur bona suscipientis adulti dispositio, conveniens sanctitati sacramenti, quod suscipitur. Est certa assertio; Quia sancta sanctè tractari debent. Sed ut speciatim hæc dicam de Baptismo, qui (uti definitum leges in Concil. Carthag. 4. c. 1.) per se ac principaliter institutus est ad peccata, imprimis originale, tum etiam actualia omnia virtute ac meritis Christi, penitus tollenda, adeoque ad primam gratiam iustificantem conferendam; nisi suscipiens iam antè per contritionem iustificatus fuerit: huic enim non prima gratia, sed gratiæ augmentum confertur. Ad hunc, inquam, ultimum Baptismi effectum, quæ est plena peccatorum remissio, iustificatio, ac renouatio; inprimis in suscipiente adulto requiritur Fides supernaturalis, tanquam fundamentum iustitiæ Christianæ, deinde pœnitentia seu dolor de peccatis commissis actualibus, iunctus cum proposito servandi mandata Dei, & legem Christi, sicut colligitur ex c. ult. Marci: *Qui crediderit, & baptizatus fuerit &c.* Act. cap. 2. *Pœnitentiam agite, & baptizetur unusquisque vestrum.* Quæ ipsa causa fuit, cur S. Ioannes populum prepararit ad Christi Baptisma suscipiendum, prædicando pœnitentiam, Matth. 3.

4 Veruntamen opus non est, ut contritio hominis baptizandi perfecta sit, seu integra conversio animi ad Deum super omnia dilectum, sed sufficit attritio, seu qualiscunque dolor animi de peccato, ex supernaturali motivo conceptus, sicut infra explicabo tr. 6. cap. 1. num. 9. & cap. 2. num. 2. & docet S. Thom. quæst. 68. art. 4. & q. 79. a. 3. ad 2. ubi ait; Eum non inconuenienter accedere ad Baptismum, qui habet conscientiam peccati mortalis. Et q. 80. a. 4. ad 2. hoc discrimen esse ait inter sacramentum Eucharistiæ, & sacramenta Baptismi, ac Pœnitentiæ: quod Eucharistia sit medicina hominem confortans, quæ dari non debet, nisi liberatis à peccato: Baptismus autem, & Pœnitentia sint quasi medicinæ purgatiuæ, quæ dantur ad tollendam febrem peccatorum: sunt enim hæc sacramenta per se instituta, ut hominem iustificent, ac proinde non requirunt antè iustificatum esse.

Ex quo etiam inferitur, quod exterior sacramentorum Confessio à baptizandis exigi non debeat, sicut annotavit S. Bonau. in 4. distinct. 16. p. 2. a. 1. quæst. 2. & S. Ambros. lib. 3. de sacrament. cap. 2. *Etiam si non confiteatur (exteriùs) peccatum, qui venit ad Baptismum; tamen hoc ipso implet confessionem omnium peccatorum, quod baptizari petit, ut iustificetur, hoc est, ut à culpa ad gratiam transeat.* Et S. Thom. quæst. 68. art. 6. *Duplex est peccatorum confessio: Una interior, quæ fit Deo, & talis confessio peccatorum requiritur ante Baptismum, ut scilicet homo sua peccata recogitans de eis doleat, non enim potest inchoare novam vitam, nisi pœniteat eum veteris vitæ. Alia est peccatorum confessio exterior, quæ fit Sacerdoti: & talis confessio non requiritur ante Baptismum, quia pertinet ad sacramentum Pœnitentiæ.* Et paulò

post: *In baptizatis non requiritur specialis confessio peccatorum: sed sufficit generalis, quam faciunt, cum secundum ritum Ecclesiæ abrenunciant Sathana, & omnibus pompis eius &c.* Si qui tamen baptizandi ex deuotione sua peccata confiteri vellent, esset eorum confessio audienda: non ad hoc, quod eis satisfactio imponeretur; sed ad hoc, quod contra peccata consueta eis spiritualis informatio vitæ traderetur. Qua ipsa ratione Catechumenis opera pœnitentiæ ad suorum criminum curationem, per modum medicinæ, salubriter imponuntur.

His adde, peccata, quæ ante Baptismum commissæ sunt, neque posse esse materiam absolutionis sacramentalis post Baptismum conferendæ. Etenim potestas clauium, Ecclesiæ à Christo collata, extendit se ad eas personas tantum, quæ Ecclesiasticæ iurisdictioni subiectæ sunt, & respectu eorum actuum, quos tempore subiectionis commiserunt. Est enim sacramentum Pœnitentiæ propriè pro lapsibus seu peccatis fidelium à Christo institutum. Quapropter si quis fidei, id est, sine Fide, aut pœnitentia Baptismum acceperit, postea hanc ipsam fictionem, ac indispositionem suam, & actualia peccata ea duntaxat, quæ post susceptum Baptismum ab ipso commissæ sunt, sacramentaliter confiteri debet. quæ de re Maior in 4. d. 4. q. 2. §. circa tertiam propositionem.

Deinde si loquamur de sacramentis, quæ iterari non possunt; videlicet Baptismo, Confirmatione, ac Ordine, non carent, illa omni effectu suo, sicuti notavit S. Th. cit. q. 68. a. 8. *Duo efficiuntur in animo per Baptismum; character, & gratia: quare dupliciter aliquid requiritur ad Baptismum; uno modo, sine quo gratia haberi non potest, quæ est ultimus effectus sacramenti: & hoc modo recta fides ex necessitate requiritur ad Baptismum. Alio modo requiritur aliquid, sine quo character Baptismatis imprimi non potest: & sic recta fides baptizati non requiritur, dummodo adsint cetera, quæ sunt de necessitate sacramenti.*

Corroliarium: Cum Baptismus iterari non debeat; peccatum autem originale, quin & actualia, sine Baptismo, secundum ordinariam Dei legem, remitti non soleant: ideo, ne fateri cogamur, eiusmodi homini, qui mala sua dispositione, suscipiendæ gratiæ baptismalis obicem posuit, nullum amplius salutis remedium suppetere; dicere debemus, antea collatum Baptismum morali habitudine id operari, ut postea remoto obice, siue ut Doctores loquuntur, recedente fictione, assumpta, inquam, bona dispositione Fidei, pœnitentiæ &c. baptizatus consequatur gratiam Baptismi, & plenam remissionem eorum omnium peccatorum, quibus tempore Baptismi obnoxius fuerat: perinde ac si Baptismus rite dispositus accepisset: excepto quod peccatum illud sacrilegæ fictionis post remotum obicem, vñ cum alijs mortalibus post Baptismum commissis, sacramentaliter confiteri teneatur, ut supra dixi. Et videri potest S. Thom. q. 69. art. 10: S. Bonau. in 4. dist. 4. a. 2. q. 3. Sotus ead. dist. circa secundum membrum diuisionis, §. respondeo, fictus dicitur.

QVÆSTIO TERTIA. An, & qua ratione Baptismus sit hominibus in noua lege ad salutem necessarius? Respondeo & deo I. Extra casum martyrij, Baptismus re ipsa susceptus medium est simpliciter ad salutem necessariarium paruulis, & usum rationis nunquam affecutis. Ita contra Pelagianos definitum est in Concil. Mileuitano, cap. 2. & refertur in c. placuit, ut quicumque paruulos, dist. 4. de consecrat. & ab Innoc. 1. epist. 26. ad Concil. Mileuit. Innoc. III. in c. maiores, de Baptismo, Trident. sess. 5. decreto de peccato originali, num. 4. & sess. 7. can. 5. de Baptismo, & docuit S. August. tum alibi sæpe, tum lib. 3. de anima, c. 9. *Noli credere, noli dicere, infantes, antequam baptizentur, morte præuentos, peruenire posse ad originalium indulgentiam peccatorum, si vis esse Catholicus.* Videri potest Bellarm. lib. 1. de Baptismo, cap. 4. Suarez disput. 25. sect. 1. & 2. Vasquez disp. 154. c. 1.

Sumitur hæc veritas ex verbis Christi cap. 3. Ioan. Nisi quis renatus fuerit ex aqua, & Spiritu sancto, non potest introire in regnum Dei. Paruuli autem possunt intrare in regnum Dei; quia talium est regnum cælorum, ait Christus Matth. 19. Marcio. Lucæ 18. Nam sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccauerunt: sic per unum iustitiam &c. quod est argumentum Apost. ad Rom. 5. Eapropter necessarium est, ait S. Thom. quæst. 68. art. 9. paruulos baptisari; ut sicut per Adam mortalitatem, & damnationem incurrerunt nascendo: ita per Christum salutem consequantur renascendo. Idque etiam Christus significare videtur Ioan. 3. Quod natus est ex carne, caro est; videlicet homo carnalis, peccato obnoxius: & quod natus est ex Spiritu, Spiritus est, videlicet homo spiritualis ac Deo acceptus. Vide Sotum in 4. d. 5. quæst. vn. a. 1.

Dixi autem, extra casum martyrij: Nam Christianorum infantes, si ex odio Fide in Christum (quamvis adhuc in utero matris existentes, saltem directa etiam in eos intentione) occidantur, salui fiunt, ut constat exemplo SS. Innocentium, & tradit Caiet. 2. 2. quæst. 124. a. 1. Palud. in 4. distinct. 6. q. 1. a. 3. concl. 1. Nau. lib. 3. consil. vlt. de Baptif. edit. 2. cum addit.

Dico II. Baptismus à Christo institutus re ipsa, vel voto susceptus, medium est ad salutem necessarium adultis seu ratione utentibus. Est assertio certa, quæ traditur in Concil. Trident. sess. 6. cap. 4. vbi dicitur: Quod translatio à statu peccati in statum gratiæ post Evangelium promulgatum, sine lauacro regenerationis, aut eius voto fieri non possit, sicut scriptum est; Nisi quis renatus fuerit ex aqua. Nota autem, quod dicitur, aut eius voto: Etenim per actum contritionis ac dilectionis Dei super omnia, in qua continetur etiam propositum seu votum, saltem implicitum, seruandi mandata Dei, & consequenter in noua lege recipiendi sacramentum Baptismi (si eius suscipiendi copia sit) hominem adultum verè à peccatis iustificari, & ius adoptionis filiorum Dei consequi, constat ex alijs Scripturæ locis, tum ex c. 10. Act. Apost. Numquid aquam quis prohibere poterit, ut non baptisentur hi, qui Spiritum sanctum acceperunt, sicut & nos? Et traditur in c. debitum, de Baptismo, & c. 2. de presbytero non baptisato, allegatis etiam testimonijs S. August. lib. 8. de ciuit. & S. Ambrosij in orat. de obitu Valentiani Imperatoris, & videri potest S. Bernar. epist. 77. ad Hugonem Victorinum, allegans testimonium eiusdem August. lib. 4. de Baptismo, cap. 22. & quæ infra dicturus sum. tract. 6. cap. 1.

Dico III. Baptismus adultis in noua lege ad salutem necessarius etiam est ex diuini præcepti necessitate. Ita ex communi Scotus in 4. distinct. 4. circa tertium mem. diuisionis, Gabr. in 4. dist. 4. quæst. 2. a. 3. dub. 1. Sotus in 4. distinct. 5. quæst. vn. art. 1. Agid. Coninx quæst. 69. a. 2. dub. 1. concl. 4. qui rectè etiam notant, hanc diuini præcepti obligationem diuersam esse ab ea, quæ ex necessitate medijs sequitur. Nam discipuli, seu credentes in Christum ante eius passionem, (inter quos etiam Nicodemus Ioan. 3.) iustificabantur, sine respectu obligationis ad Baptismum suscipiendum; quippe cuius nondum sufficienter promulgati nulla adhuc extabat lex seu obligatio. Et tamen illi ipsi post promulgatam Evangelij legem ex diuino præcepto obligari cœperunt ad Baptismum suscipiendum, si ante non accepissent. Quare verbis ijs Ioan. 3. Nisi quis renatus fuerit &c. Et Ioan. 6. Nisi manducaueritis carnem filij hominis &c. significauit Christus, qualis futura esset horum sacramentorum necessitas, cum lex Evangelij obligare cœperit, videlicet post mortem suam (vti volunt Henric. lib. 2. c. 1. num. 4. Viualdus in candelabro c. de Baptif. institut. Mol. tr. 5. disp. 62. Vasquez 1. 2. disp. 181. c. 2.) Vel (vti non improbabiler arbitrantur Scotus in 4. d. 3. q. 4. 5. quantum ergo ad istum articulum, Gabr.

in 4. d. 1. quæst. 4. a. 3. in 2. notando, & concl. 2.) post publicam promulgationem ab Apostolis factam in die Pentecostes Act. 2. Pœnitentiam agite, & baptisetur unusquisque vestrum. Quamvis etiam tunc lex Euangelica innumeros homines, inuincibili eius ignorantia laborantes, in actu secundo non comprehenderit; sicut neque hodie eos obligat, quibus nondum promulgata est.

QUARTA QUÆSTIO. De tempore, quo Baptismus suscipiendus sit. Respondeo & dico I. Adulti diuino Christi præcepto obligantur ad sacramentum Baptismi suscipiendum, cum primum commodè possunt. Est communis apud Caiet. 3. p. q. 68. a. 3. Sotum in 4. distinct. 5. quæst. vn. art. 3. Vasquez disput. 149. cap. 4. Suarez disp. 31. sect. 2. Ratio est: Quia Baptismus est sacramentum Fidei, & introitus ad Ecclesiam Christi: siquidem in Baptismo Fidem Christi solemniter profiteamur, & corpori eius mystico, id est, Ecclesiæ inferimur, aliorumque sacramentorum, & Sacrificij capaces efficimur. Hæc autem talia sunt, vt ex propria institutione ad totum vitæ tempus pertineant. Propositum enim erat Christo fideles suos in hac vita ad vnâ visibilem Rem publicam, seu Ecclesiam congregare, in vna Fide, sub vno Capite, eorundem sacramentorum vsu, ad quam Ecclesiam ingressus pateat per baptismum. Ergo is repugnat institutioni, ac volutati Christi, qui sine necessitatis causa, Baptismum per totum vitæ cursum vsque ad exitum seu mortem differt. Cum autem impossibile sit, in ipso vitæ cursu certam ætatem seu tempus obligationis designare: sequitur, vt dicamus, diuini huius præcepti obligationem hominibus incumbere, cum primum illud moraliter implere possunt; dummodo antea in Fide instructi, ac probati sint: de qua re S. Th. cit. a. 3.

Nec obstat, quod olim tam in Occidente, quam Oriente multi Baptismi susceptionem vsq; ad ætatem maturiorem, vel etiam mortis periculum, differre soliti sint. Nam hunc morem, profectum ex indiscreto Zelo, & nimia reuerentia sacramenti; itémque timore, ne post gratiam Baptismi susceptam relapsus in peccatum contingat, reprehenderunt Patres, vt Basil. hom. exhortat. ad Baptismum, Nazianz. orat. 40. in sanctum Baptisma, Chrysostomus homil. 1. in Acta, & homil. 13. in epist. ad Hebræos.

Adde, tametsi olim certa tempora destinata fuerint, videlicet Vigilia Paschatis, ac Pentecostes, quibus solis sacræ Baptisma conferri oportebat, nisi mortis periculum vrgeret, sicuti videre est apud Tertull. lib. de Baptismo, cap. 19. Siricius Papam epist. 1. ad Himerium Tarracoensem, c. 2. Leonem I. epist. 4. ad Episcopos Siciliae, & referuntur c. 11. & seqq. d. 4. de consecr. & apud S. Th. cit. a. 3. Richar. in 4. dist. 6. a. 4. q. 3. Postea tamen cum Christianus populus valde auctus esset, & variae occasiones mortis contingerent, visum fuit Prælati Ecclesiæ Baptismi ministrationem omni tēpore concedere: quamvis adhuc hodie solemnitas Baptismi Paschali tempore vel in paucis adultis Romæ celebrari solet, vti notauit Rupertus lib. 4. diuinorum officiorum, c. 18. & videri potest Vasq. disp. 150. c. 3.

Dubitant verò Doctores, vtrum Ecclesia hominibus non baptisatis, vel Cathecumenis determinare possit tēpus, quoad suscipiendū Baptismū obligentur? Et vera est responsio: Directè non posse eos obligari aliquo Ecclesiæ præcepto: Cum Ecclesia, ait Trident. sess. 14. cap. 2. iudicium in neminem exerceat, qui non prius in ipsam, per Baptismi sacramentum, fuerit ingressus: Quid enim mihi, inquit Apost. 1. Corinth. 12. de ijs, qui foris sunt, iudicare? Sed tantum indirectè, quando cognita dispositione baptisandorum, certum tempus designat, quo rite ac decenter baptisari possint: adeò, vt si illi neglecta hac opportunitate Baptismum differant, contra diuinum præceptum delinquant. Ita Suarez disp. 31. l. 2.

Dico

Dico II. Parentes; & alij, qui curam infantium gerūt, Ecclesiastico præcepto, etsi non scripto, tamen consuetudine introducto obligantur, ut illos quamprimum cōmodè fieri potest, ad sacrum Baptisma offerant: ipsique negligentibus, Pastores animarū suam in ea re auctoritatem interponere debent. Ita ex communi docet Suarez disp. 25. sect. 2. §. ultimo ergo. Porro illud, *quamprimum commodè fieri potest*, ita explicat Sotus dist. 5. q. vn. a. 3. *Cum puer statim baptisari iubetur, non intelligitur eadem natiuitatis die, aut tertia, aut quarta, sed quando commodè potest in Ecclesiam portari, & mergi, quod est octavo, ut moris est, vel decimo, aut duodecimo die.* Sed maximè placet, quod docent Suarez l. c. & Henricus lib. 2. c. 4. n. 3. prudentis viri iudicio cōmitandum esse, ut non nimis sine causa differatur Baptismus, aduersus Ecclesiæ cuiusque consuetudinē.

Cæterum si causa adsit, cur solemnitas Baptismi differri debeat, quia v. g. patrini expectandi sunt; eo casu non oportet priuatim baptisare infantem, & intermissas cæremōnias postea adhibere. Id enim licitum non est extra casum necessitatis; nulla autē ordinariē necessitas vrget, tametsi vnum, aut fesi qui mensem expectandum sit, donec cum decente solemnitate Baptismus infanti conferri possit: quamquam tanta, ut dixi, dilatio non nisi ex graui causa fieri debet, & tunc aduigilare oportebit infanti, ne ex ingruente aliqua infirmitate sine Baptismo decedat. Quare rectè etiā scripsit Armilla ver. Baptismus, n. 45. *A peccato non excusantur (Magnates) qui primò pueros baptisari faciunt in domo sine sollemnitate, extra necessitatis casum: sed propter maiorem pompam, vel expectationem compatrium. Non enim hæc est sufficiens causa, & illi verè non efficiuntur compatries: quia iam erat puer baptisatus, uti dicit Angelus ver. Baptismus, 4.* Idemque ex communi notat Nau. cap. 22. n. 40.

10 QUINTA QVÆSTIO. Vtrum infidelium filij, etiam inuitis parentibus, baptisari possint? Respondeo, & dico I. Eos validè baptisari, parentibus non consentientibus, vel etiam repugnantibus. Hæc est communior Doctorum sententia, S. Anton. 3. p. tit. 14. c. 13. §. 9. Caiet. 2. 2. q. 10. a. 12. & 3. p. q. 68. a. 10. Vasquez disp. 154. c. 6. Egid. q. 68. a. 10. concl. 1. contra Durandum in 4. d. 4. q. 7. Palud. ead. d. 4. q. 4. quib⁹ ex parte assentiri videtur Syluest. ver. Baptismus, 4. q. 7. Ratio est; Quia sicuti ad valorē Baptismi non requiritur fides particularium seu proximè offerentium: cum infantes non baptisentur in Fide ipsorum, sed in Fide totius Ecclesiæ Christianæ; ita nec requiritur voluntas proximè offerentium ad Baptismum: cum non baptisentur secundum eorum voluntatem, sed secundum voluntatem Christi, & Ecclesiæ. Quare S. August. epist. 23. ad Bonifac. relatus à S. Thom. quæst. 68. art. 9. *Offeruntur paruuli ad percipiendam spirituales gratias, non tam ab eis, quorum gestantur manibus (quamvis & ab ipsis, si ipsi boni fideles sunt) quam ab vniuersa societate sanctorum, & fidelium.*

Dico II. Inuitis parentibus infidelibus, ordinariē non est licitum eorum infantes baptisare; præterquam si parentes, vel eorum paruuli mancipia Christianorum facta sint. Ita S. Thom. 2. 2. q. 10. a. 12. & 3. p. q. 68. a. 10. Richard. in 4. distinct. 6. a. 3. q. 3. alique communiter, contra Scotum in 4. dist. 4. q. ult. Gabr. q. 2. a. 3. dub. 5. Vel enim paruuli abstrahuntur à cura & potestate parentum, in Fide Christiana post Baptismum educandi; vel non abstrahuntur, sed parētibus postea restituntur. Primum fieri non potest, sine iustitiæ violatione: cum parentibus etiam infidelibus ius seu potestas in liberos suos cōpetat, quo inuiti spoliari non possunt. Alterum verò fieri non potest sine Christianæ Religionis ignominia: cum Deo per Baptismum consecrati infantes, si infidelibus parentibus restituantur, manifesto periculo apostasiæ exponantur.

Quamobrem in Concilio Toletano 4. sicuti referatur c. Iudæorum, 28. q. 1. decretum est; Ut Iudæorum

filij, & filiæ à consortio parentum separentur, ne eorundem inuoluantur erroribus. Quæ ratio, ut id obiter dicam, etiam ostendit, paruulos, quauis volentibus, seu offerentibus parentibus infidelibus (quia v. g. experti sunt, per Baptismum corporis infirmitatem, aut Dæmonis infestationem depelli) ordinariē baptizandos non esse, si parentibus in infidelitate persistentibus restituendi sint. Confirmatur assertio ex perpetua traditione & praxi Ecclesiæ, quæ satis ostendit, Christi voluntatem non fuisse, ut infideles cogantur ad Fidem Christianam suscipiendam, vel suos infantes eidem offerendos, sicuti docet S. Thom. cit. a. 12. & constat ex d. 45. c. qui Syncera, c. de Iudæis, & c. sicut Iudæi, de Iudæis, & Saracenis.

Dixi autem in assertione ordinariē: Nam excipitur primò, si infans constitutus sit incerto mortis mox euenturæ periculo, baptizari potest etiam inuitis parentibus, si scandalum absit. Nā hoc casu infans baptisatus parentibus relinqui potest: vel etiam si ipsis auferatur, parum tamē adimitur, quando alioquin statim decessurus esset: quis autem neget, ut extremæ alterius spiritali necessitati succurratur, fas esse modicum quid domino inuito auferre? Atque ita docet Suarez disp. 25. l. 3. Gregor. de Valentia t. 4. disp. 4. quæst. 3. p. 3. colum. 2. Henricus c. 25. num. 2. Egid. Coninck q. 68. a. 10. dub. vn. n. 76.

Secundò, Si infans ab infidelibus parentibus iuste, vel iniuste abstractus sit, & ipsis non possit, vel saltem non debeat restitui, tunc baptisandus est, etiam parentibus inuitis. Quia hoc casu, inquit Henricus, quasi non censetur habere patrem, vel tutorem, idēq; succedit mater Ecclesia, ut prolem recipiat, baptiset, & instruat. Idemq; docet Sotus d. 5. a. 10. §. Contra hanc autem Vasquez disp. 155. cap. 3. num. 29. Azor t. 1. lib. 8. cap. 25. quæst. 4.

Tertiò, Si alter parens filium baptisari velit, altero reluctante, præferenda est volūtas iusta iniustæ, in fauorem prolis innocentis, & Fidei Christianæ, sicuti colligitur ex cit. Concil. Tolet. c. 62. relato in c. Iudæi, 28. q. 1. & ex c. ex literis, de conuers. infidelium, atq; ex cōmuni docet Palud. in 4. d. 4. q. 4. in fine, Vasquez l. c. Azor q. 3. Egid. n. 83. Sa ver. Baptismus, n. 11. Quemadmodū etiam diuortio inter coniuges facto, proles est relinquenda coniugi innocenti; quippe apud quē tutius manet. Caueri tamen debet periculū apostasiæ, & sacrilegij: quare prius, quàm baptisetur infans parēte reluctante, abstrahi debet. Adde, quod dixi de patre, eo volēte, licet matre reluctante, posse prolem baptisari: intelligēdum quoq; esse de auctore paterno, quippe qui in locum patris defuncti successit, sicuti testatur additio Nauar. consil. 4. de conuers. infidel. c. dict. 2.

Quartò, Si puerū ad rationis vsum peruenisse ex signis probabiliter colligatur, etiam inuitis parentibus baptisari debet: quia homo ratione præditus in ijs, quæ ad animæ salutem pertinent, sui arbitrij esse debet. In dubio autem de vsum rationis, quid faciendum sit, dixi lib. 1. tract. 1. c. 5. n. 41.

Quintò, Si filij infidelium perpetuò amentes sint, baptisari possunt inuitis parentibus: quia alioquin omni spiritali remedio spoliati essent, quādo nulla spes est ad propriū rationis vsum perueniēdos. Quare hoc casu ab iniuria excusata censetur qualis qualis violatio parētibus illata, propter extremam necessitatem baptisandorum.

Porro eadem assertio secunda intelligi debet etiam de ijs Paganis, ac Iudæis, qui civiliter subiecti sunt Christianis Principibus, tanquam eorum vasalli, tributarij, indigenæ: siquidem tales, uti alia iura & rerum dominia, ita etiam ius patriæ potestatis in liberos retinent, quo sine iniuria spoliati nō possunt, sicuti indicat S. Th. q. 68. a. 10. ad 2. & docet Durand. in 4. d. 4. q. 6. Sin verò infideles iusto bello, vel alio titulo in Christianorum seruitutem

redacti sint, sicuti alia eorum iura, & dominia, ita & ius patriæ potestatis domino ipsorum, à quo capti tenentur, gentium iure acquiritur: qui proinde paruulos ipsis auferre, alijs donare, vendere, & consequenter etiam Baptismo abluere iure potest, sicuti bene docet Duran. cit. q. 6. Vivaldus de modo Baptismi, num. 14. Suarez disp. 25. l. 4. Ægid. Coninck cit. q. 68. a. 10. dub. vn. n. 86. contra Caiet. cit. q. 68. a. 10. Azor cit. lib. 8. cap. 25. q. 7. Similiter liberos Turcarum, & Saracenorum (contra quos tantum hostes Fidei Christianæ, & regionum inuasores iustum bellum indictum est) captiuare, & captos inuitis parentibus baptizare fas est, inquit Henric. cit. c. 25. in fine. Et si verò plerumque expediat, hoc casu paruulos ab infidelibus parentibus abstrahere; multò magis, postquàm capti, & abstracti sunt, eosdè baptizare, & Christianè educare oporteat: quandoq; tamen fas erit eosdem parentibus relinquere, aut restituere; vel alijs infidelibus videri, permittendo malum peruersionis eorum ob iustam causam; vel quia dominis nimis difficile accidit, paruulos captiuos alere, & educare; vel quia captiuorum redemptio iure gentium introducta, interdum necessaria est ad pacem, ac fœdera seruanda: & maiora mala captiuorum etiam Christianorum cauēda. qua de re Suarez l. 6. Vasq. disp. 155. c. 7. Henric. cit. c. 25. n. 1. & 2. Coninck q. 68. a. 10. dub. vn. n. 87.

Dico III. Quandounque infideles, aut eorum filij validè baptizantur, quamuis cum iniurià, efficiuntur subditi Ecclesiæ, vt proinde necesse sit eos postea ab infidelium consortio segregare, ne Fides Domini blasphemetur. Ita docet Ægid. Coninck cit. dub. vn. n. 83. ex Concil. Tolet. 4. can. 55. 58. & seqq. Nā sicuti iniustus dolus non vitiat matrimoniū, quominus ex eo obligatio oriatur: ita neq; vitiat obligationē Baptismi: quandoquidem vtriusque sacramenti indissolubilis natura est, & institutio, quæ nobis per traditionem innotuit.

11 Dico IV. Inuitis etiam parentibus hæreticis, licitum est eorum filios catholicè baptizare. Hec est certa assertio, quæ satis colligitur ex Concil. 4. Tolet. c. 56. relato in c. de Iudæis, d. 45. Ratio est: Quia hæretici Ecclesiæ iurisdictioni subiecti sūt, à qua proinde sine iniurià cōpelluntur, vt paruulos suos ad Baptismum Catholicorum deferant, & in Fide ac Religione Catholica instruant: sin verò id facere reculent, infantes ab eorum cura abstrahi, & baptizari iure possunt.

His annexa sunt duo dubia. Primum: Si parentes deferta Fide Catholica, ad hæreticos transfugiant, vtrum Magistratus liberos eorū retinere possit, in Fide Catholica instruēdos, an verò repetentibus restituere teneatur? Respondeo & dico I. Ad Ecclesiasticū Prælatum, seu Pastorem haud dubiè pertinet, paruulos, qui Fidem Catholicam per Baptismum, semel susceperunt, retinere: atq; impedire, ne ab hæreticis peruertantur.

Dico II. Idipsum etiam secularis Magistratus, cui liberi ciuilitè subiecti sunt, saltem ex Ecclesiastico Prælati commissione expressa, vel tacita, exequi potest. Accedit, quòd spectato cōmuni iure Ecclesiastico, parentes iure patriæ potestatis, propter hæresis crimen, excidunt, c. 2. §. ult. de hæret. in 6. Quāuis hæc in Germania nostra non ita locum habent; tum propter pacta & fœdera cum Augustanæ confessionis sectatoribus inita, tum etiam propter euitandum maius malum: quandoquidem hæretici oblata simili occasione, idem & ipsi de infantibus in sua ditione existantibus, facturi essent.

12 Alterum dubium: Vtrum Sacerdotes Catholici licitè baptizare possint hæreticorum liberos; quamuis post Baptismum parētibus restituendi sint, cum probabili periculo, vt ab ijs peruertantur? Negāt Suarez disp. 25. l. 5. Ægid. Coninck cit. dub. vn. n. 81. Et colligi videtur ex eo, quod suprā dictum, liberos infidelium Iudæorum, vel Paganorum ordinariè baptizandos nō esse, propterea quòd eisdè restitui deberent, cum manifesto periculo peruersio-

nis, & apostasiæ: Hæc enim ratio similiter locum habet, si liberi post Baptismum restituendi sint parentibus hæreticis, qui liberum Religionis suæ exercitium publicè, vel priuatim habere nesciunt.

Nihilominus contraria praxis apud nos à viris doctis, ac pijs sæpius obseruata fuit; & rectè quidem. Quia periculum peruersionis non est adeò propinquum, aut certum: cum fieri possit, vt infantes ante vsum rationis moriantur, & per Baptismū saluentur. Obseruatum enim aliqui esse intellexi, tertiā partem hominum, qui in hanc lucē eduntur, ante cōpleti septēniū ætatem decedere. Quamobrem Nauar. lib. 3. consil. 5. de Baptis. edit. 2. & alij apud Azor cit. cap. 25. q. 6. responderunt, Si parentes Pagani paruulos suos sponte ad Baptismum deferant, vt earatione à morbo, vel Dæmonis vexatione liberantur, ad eorū petitionem baptizari posse. Sed quia hanc doctrinā suprā reieci, sicuti etiam ab alijs plerisq; reiicitur: dicendum insuper est, diuersam esse rationem de liberis hæreticorum nostrorū, atque aliorum infidelium: Tum quia hæretici Christi nomē, & sacra Christiana non detestantur, vt alij infideles: neq; filios suos per incantationes &c. Dæmonijs deuouent, sicuti Pagani solent: Tū quia plerumque spes non parua est, vt hæreticorum liberi aliquando in Fide Catholica instruantur: quam ideo etiam libentiùs recipiunt, si sciant à Catholico Sacerdote se baptizatos fuisse. Addi etiam potest, tametsi à parētibus, & ministris suis hæreticis falsa dogmata edoceantur: interdum ignorantia difficulter vincibili laborare, & pertinaces hæreticos non esse: vt proinde tales donū Fidei baptismalis retineāt, & saluari possint, si de peccatis post Baptismum commissis, vera contritione doleant. Vide quæ dixi lib. 2. tract. 1. c. 12. n. 3.

SEXTA QVÆSTIO. Vtrum monstra baptizari possint? Respondeo: Monstra, de quibus circa Baptismum difficultas esse potest, in duplici genere sunt: Primum eorū, de quibus dubitatur, vtrum homines, an bestię sint, cuiusmodi ex bestialitatis peccato interdum prouenire solent. In quibus præcipuè inspicere debent membra principalia: videlicet caput, ac pectus, quippe sub quo cor latitat: quæ si humanam formam habeant, baptizari debet monstrum: secus, si bestialem formam præ se ferant. Quòd si autem tota reliqua corporis constitutio humana sit, præter caput, quod ferinum existat, putat Paulus Comitolus lib. 1. moral. qq. q. 8. dubitandum non esse, quin homo sit, ideoque baptizandum: propterea quòd princeps animalis membrum sit cor: ideoque, si id humanum appareat, censeri debeat anima rationali informatum. Sed Nauar. lib. 3. consil. 3. de Baptismo, edit. 2. dubitat de tali monstrum, & merito: quia non est certa sententia, cor esse mēbrum princeps animalis: cum præcipuè operationes sensitiuæ in capite, siue cerebro resideant: ideoque præcipuum animæ organum ac sedes videri possit caput. quod Medici sentiunt. Quare, si tale monstrum nascatur, Baptismus aliquamdiu differendus est, donec certius cognoscatur, num homo sit, necne. Si tamen mortis periculum imminere videatur, baptizari debet sub conditione: *Situes homo, egote baptiso* &c.

Alterum monstri genus est, de quo dubitatur, siue vnus homo, an duos & ideo vno, an duobus Baptismatis abluendū. De hoc dicendū primò: Si constet ex operationū diuersitate esse duos homines, quia altero v.g. monstri capite dormiente, alterum vigilat, loquitur: vel vno existente probo, alter est improbus (cuiusmodi monstrū extitisse, testes sunt Scot. in 4. dist. 6. q. 2. §. de quarto membro. Henric. de Gādano quodlib. 6. q. 14.) baptizari debet distinctis verborum formis, & ablutionibus. Nam si tale monstrum vna simplici forma baptizaretur, *Ego te baptiso*, non determinando, in quem ex illis duobus hominibus Ministri intentio feratur, tunc neuter eorum baptizatus esset, sicuti rectè monet Henricus l. c. Si autem Ministri vnum certum caput, & sub eo hominem existentem

existentem baptizare intendat, tunc alter homo Baptismo carebit. In necessitate tamen, si periculum in mora sit, baptizari potest tale monstrum vna aquæ affusione, vnaque formæ pronuntiatione, quæ virtute gemina sit: *Ego vos baptizo in nomine Patris &c.* Sicuti notauit Syl. ver. Baptismus, 3. q. 10. Extra necessitatē verò recedendum non est à forma Ecclesiæ consueta; sed vterque sigillatim baptizandus, vti docet Comitulus lib. 1. q. 4.

Dicendum secundò: Si non satis appareat, vtrum sit vnus, an duo homines; quia duo quidem capita extant, sed vnum pectus; vel contrà, duo pectora sunt, sed vnum caput: neque enim ob stare videtur, quominus vna anima duo corda sub vno capite informet: itémque fieri potest, vt sub duobus capitibus vnum pectus appareat, in quo tamen duo corda, & duæ animæ lateant. In tali, inquam, dubio Baptismus differendus aliquamdiu erit, donec certius aliquid cognoscatur. Si tamen periculum in mora sit, tunc vnum caput absolutè baptisetur, alterum verò sub conditione: *Si non es baptizatus, ego te baptizo &c.* Vel si vnum duntaxat caput sit, reliqua verò ei coherentia, puta pectus & cætera duplicia, tunc vnum pectus absolutè baptisetur, alterum verò sub conditione, sicuti ex communi Vinald. de Baptismo, cap. ult. num. 24. Maior in 4. d. 6. quæst. 1. §. Quartò arguitur.

CAP. VII.

De Ministro Baptismi.

SUMMARIUM.

- 1 Quis homo ratione præditus Baptismum validè ministrare potest, quamuis non licitè; nisi id ipsi ab Ecclesiâ ratione ordinationis sua commissum sit.
- 2 Episcopis & Presbyteris ex vi ordinationis competere potest ordinarium baptizandi officium.
- 3 Diaconi ex commissione Sacerdotis solemniter baptizare possunt: non autem Clerici inferiores.
- 4 Si præsentem Sacerdote alius inferior Clericus baptiset, etiam in casu necessitatis, mortaliter peccat: Idemq; sentiendum, si præsentem fideli seu baptizato, infidelis vel non baptizatus ad baptizandum aggrediatur.
- 5 Minister Baptismi debet esse vnus: quare si alius materiam adhibeat, alius formam proferat, nihil efficitur.
- 6 Non est improbabile, quod noni Sacerdotes cum Episcopo verba consecrationis materialiter tantum proferant: sed consultius ipsi est, vt proferre velint secundum Ecclesiæ intentionem seu voluntatem.
- 7 Vnus Minister plures homines validè baptizat: sed non plures Ministri eundem hominem baptizare possunt, si concurrant vt causa partiales: seu ita, vt vnus ab altero dependeat.
- 8 Ad valorem sacramenti satis est, si materia & forma moraliter iungantur, seu simul concurrant.

QUÆSTIO PRIMA. Quisnam sit Minister sacramento Baptismi? Respondeo & dico I. Quis homo ratione præditus potest esse minister Baptismi, ita vt sacramentum valeat. Sumitur ex c. firmiter, de Sum. Trin. & Concil. Florent. in decreto Eugenij IV. c. ad limina, 30. q. 1. c. in necessitate, c. Romanus, d. 4. de consecr. & docent S. Th. q. 67. a. 3. Scotus in 4. d. 5. q. 1. Richar. in d. 5. a. 4. q. 1. & 2. Nititur autem assertio institutione Christi, quam Ecclesiæ vsus, atque traditio ostendit. Rationem verò institutionis traditibi S. Thom. Cum Baptismi sacramentum adeò hominibus ad salutem necessarium sit, ideo sic à Christo institutum fuit, vt & materia ipsius omnibus communis ac obuia esset, atque minister sacramenti formam valde in Ecclesiâ vsitatam, omnibusque notam proferens, quilibet homo esse posset.

Dico II. Peccat tamen, quicumque extra necessitatis casum baptizat, cui id iure seu ex officio non competit.

Ita S. Thom. communiter receptus in cit. a. 3. ad 1. Tertul. lib. de Baptismo, c. 17. S. August. lib. 2. contra epist. Parmeniani, cap. 13. *Sed etsi nulla necessitate usurpetur, (Baptismus) & à quolibet cuiuslibet detur, quod datum fuerit non potest dici non datum; quamuis rectè dici possit illicitè datum.* Atque esse hoc peccatum mortale, rectè docuit Richar. in 4. d. 5. a. 4. q. 1. Scotus d. 4. q. vn. a. 3. Nauar. c. 22. man. num. 7. Valentia t. 4. disp. 4. q. 2. p. 1. Suarez disp. 31. f. 4. assert. 2. §. Sed quæres an saltem, contra Henric. c. 29. n. 1. lit. b. in cōment. Nam canones, ob honorem sacramenti, seu rē præcipiunt, vt extra necessitatis casum, Sacerdos solemniter baptiset in Ecclesiâ, sicuti videre est in Clem. vn. de Baptismo. Peccat igitur Sacerdos mortaliter, si extra necessitatis casum non solemniter baptiset: peccat item mortaliter alienus Sacerdos, si absque licentiæ proprii Sacerdotis expressa, aut rationaliter præsumpta, solemniter baptiset, sicuti colligitur ex c. interdicimus, 16. q. 1. & facetur Henric. cit. c. 29. n. 2. Ergo multò magis mortaliter peccat laicus, qui & sine licentiâ legitima sacerdotis proprii, & sine solemnitate extra necessitatem baptizat.

Dico III. Episcopis, & Presbyteris ex vi ordinationis suæ competere potest ordinarium officium baptizandi. Ita docet Concilium Florent. in decreto Eugenij, & S. Th. q. 67. a. 2. Cum enim Sacerdotes omnes, vi consecrationes suæ, accipiant potestatem in corpus Christi verum, quia illud conficere possunt; consequenter etiam idonei sunt, quibus ordinaria potestas conferatur in corpus Christi mysticum, fideles colligendo per Baptismum, spiritualiter pascendo per verbi Dei prædicationem, à peccatis absolutionem, adeoque ipsos disponendo, vt etiam ad excellentissimum Eucharistiæ sacramentum accipiendum idonei reddantur. Verum cum officium pascendi, seu cura animarum proximè non proueniat ex ordinatione, sed sit potestas iurisdictionis ab Ecclesiâ, siue Ecclesiastico Prælato collata: hinc est, quod officium baptizandi (sicuti & prædicandi, à peccatis absoluen- di, aliisque sacramentis pascendi) per se primò conueniat Episcopis, seu primis Sacerdotibus; Romano quidem respectu totius orbis; alijs verò respectu suæ diocesis: At verò inferioribus Sacerdotibus, seu Presbyteris per cōmunicationem Episcoporum. Quare Tertullian. lib. de Baptismo, c. 17. *Dandi quidem (Baptismum) habet ius summus Sacerdos, qui est Episcopus: dehinc Presbyteri, & Diaconi (quamuis aliter Diaconi, quàm Presbyteri, vt postea dicam) non tamen sine Episcopi auctoritate, propter Ecclesiæ honorem.* Et S. Hieron. contra Luciferianos: *Inde venit, vt sine chrismate & Episcopi iussione, neque Presbyteri, neque Diaconi ius habeant baptizandi.* Et Leo I. epist. 88. in fine: *Neque coram Episcopo licet Presbyteris in baptisterium introire; nec præsentem Animate infantem tingere aut signare: vngendo videlicet chrismate in pectore. Et similia habendo videlicet chrismate in pectore. Et similia habeantur in Concil. Bracharen. Martini, can. 51. sicut refertur in c. omnitépore, d. 4. de consecr. Neque his obstat responsum Innocen. I. epist. ad Decent. c. 3. *Presbyteris, seu extra Episcopum, seu Episcopo præsentem, baptizant, chrismate baptizatos ungere licet: quia ab Episcopo auctoritatem acceperunt, vt Tertull. dixit.**

Corollarium. Grauius peccant parentes, si prolem suam Parocho alieno, absque proprii licentiâ, baptizandam offerant: tum quia peccato alieno cooperantur; tum quia Ecclesiæ ordinationi, cum violatione iuris alieni aduersantur.

Dico IV. Ex Episcopi, vel Sacerdotis proprii commissione, ob rationabilem causam factâ, etiam Diaconi solemniter baptizare possunt. Ita docet Gelasius Papa Epist. ad Episcop. Lucaniæ, relatus in c. Diaconos, dist. 93. *Absque Episcopo, vel Presbytero baptizare non audeant (Diaconi) nisi prædictis ordinibus longius constitutis, necessitas extrema compellat.* Ratio est: Quia Diaconi ad hoc or-

dinantur, vt sint ministri Sacerdotum: ergo valde conuenienter illis ex rationabili causa committuntur ministeria sacerdotalia, quorum ipsi capaces esse possunt: cuiusmodi sunt prædicare, baptizare, sacram Eucharistiam populo præbere. Notandum verò est discrimen inter Diaconum, & Presbyterum, quod attinet ad potestatem baptizandi. Hæc enim iure ordinario Presbytero conferri potest, vt ipsi tanquam ex proprio pastoralis officio competat; Diacono autem extraordinariè tantum ob aliquam incidentem causam, à sacerdote proprio delegari: puta, si is propter baptizandorum multitudinem, grauem infirmitatem, vel excommunicationis censuram, Baptismum petentibus neque per se, neque per substitutum Sacerdotem, satisfacere possit: qua de re Gl. in cit. c. Diaconos, Sot. in 4. d. 4. q. vn. a. 1. Suarez disp. 25. f. 2. Valq. disp. 147. cap. 4. Et S. Th. q. 67. a. 1. vbi ait: *Ad Diaconos non pertinet præbere aliquod sacramentum principaliter, & quasi ex proprio officio: sed assistere, & ministrare maioribus in sacramentorum exhibitione.*

Dico V. alij inferiores Clerici minùs, quàm Diaconus, de potestate baptizandi habent; duabus rationibus: I. Quòd Diacono etiam extra necessitatem extremam, ob rationabilem aliquam causam baptizandi potestas à Sacerdote proprio committi possit: non item Subdiacono, vel alteri Clerico inferiori. Porro quamuis Henriq. lib. 2. c. 29. n. 1. Sa ver. Baptismus, n. 7. negent, tali casu concessum esse Diacono baptizare solemniter; contraria tamen sententia est probabilior, Gl. in cit. c. diaconos, Suarez cit. f. 2. Valent. 4. disp. 4. q. 2. p. 1. Coninck cit. q. 67. dub. 3. Nam Baptismus extra casum necessitatis conferri non debet, nisi solemniter, sicuti ex communi docet Sotus in 4. d. 4. a. 3. concl. 2. consequenter, cum canones permittunt, etiam extra hunc casum ex causa rationabili Diacono delegari potestatem baptizandi, intelligi debent de Baptismo solèni. II. Quòd in casu necessitatis, si Sacerdos absens sit, Diaconus iure suo baptiset præ alijs Clericis. Id tamè intelligi debet de Baptismo priuato, & non solèni, sicuti aperte colligitur ex cit. c. Diaconos, & notauit Suarez disp. 31. f. 4. ver. vltimò dicendum, Coninck cit. dub. 3. num. 26. vbi ait: Diaconum nunquam solemniter baptizare posse, nisi ex speciali delegatione Sacerdotis.

Notant verò Doctores, S. Th. cit. q. 67. a. 4. in corp. Palud. in 4. d. 5. q. 2. a. 1. concl. 3. Domin. Sotus in d. 4. q. vn. a. 2. Syl. ver. Baptismus, 3. §. 1. Nauar. cap. 22. n. 7. Viualdus cap. de Ministro Baptismi, num. 6. Suarez cit. f. 2. Valquez disp. 147. cap. 5. Coninck dub. 2. in casu necessitatis extremæ hunc ordinem obseruandum esse; vt præsentem Sacerdote, Episcopo, vel Presbytero, non baptiset Diaconus; præsentem verò Diacono non baptiset Clericus inferior, aut laicus: Præsentem etiam inferiore Clerico, baptizare non conuenit laicum: neque præsentem viro, fœminam: denique neque præsentem fidei, baptisato, alium non baptisatum, hæreticum, aut apostatam.

Quæres: Quale peccatum sit hunc ordinem sine necessitatis causa violare? Respondeo cū Rich. in 4. d. 5. a. 4. q. 1. Negari nō posse, quin sit graue seu mortale peccatum sacrilegij, si præsentem Sacerdote, cui ex vi ordinationis suæ conuenit baptizare, alius seu Clericus, seu Laicus, cui non nisi per accidens, seu in defectum Sacerdotis, in aliquo casu munus baptizandi cōpetere potest, Baptismum ministrare præsumat. Neque refert, tametsi Sacerdos contentus sit: cū is talē licentiam sine iniuria ordinis, ac sacramenti concedere non possit. Circa alios verò inferiores Clericos, marē item & fœminam, non videtur esse culpa plusquam venialis, si ordo mutetur: imò nulla culpa erit, si causa subesse censeatur: vt quia in casu necessitatis obstetrix melius scit modum baptizandi: vel si virum accedere non docet ad baptizandum infantem non omnino ex vtero editum.

Arbitratur quidem Agid. Coninck cit. q. 67. dub. 2. concl. 3. Esse etiam peccatū mortale, si prætermisso Dia-

cono, alius inferior in necessitate baptizare præsumat, & allegat Suarez disp. 23. f. 2. vbi tamen nihil affirmat, sed postea disp. 31. f. 4. §. vnde tertio, ex professo contrarium docet, cum Soto cit. d. 4. q. vn. a. 2. circa 2. concl. Ratio est: Quia Diacono ex vi ordinationis suæ non conuenit baptizare, nisi ei à Sacerdote committatur: quòd verò in casu necessitatis baptizare possit, id ei non alio modo competit, quàm alijs inferioribus Clericis, vel laicis: videlicet per accidens, propter defectum Sacerdotis. Quāuis verò Diaconus tanquam dignior inferioribus Clericis iure præferatur; ita tamen, vt in huius ordinis peruersione, non appareat mortalis indecentia.

Illud verò probabilius est, quod idem Coninck num. 22. tradit videri mortalem irreuerentiam, si præsentem fidei baptisato, alius non baptisatus, præsertim infidelis, vel hæreticus, ad conferendum Baptismum assumatur. De qua re disputat Suarez cit. disp. 31. f. 4. §. sed obijcies.

QVÆSTIO SECUNDA. Vtrum Minister Baptismi debeat esse vnus, an verò plures simul eundem hominem baptizare possint? Hanc quæstionem proponit S. Thom. quæst. 67. art. 6. S. Bonau. in 4. d. 5. art. 1. q. 1. Scotus d. 6. q. 2. a. 1. Durand. 3. quæst. 3. Palud. quæst. 3. 1. 3. Imprimis verò notandum est, varios modos excogitari posse, quibus duo, pluresue Ministri ad vnum hominem baptizandum concurrant. I. Vt vterque tam materiam, quàm formam absoluta baptizandi intentione simul administret. quo casu singuli dicuntur causæ totales Baptismi. II. Vt, dum vnus aquam affundit, seu materiam baptismi adhibet, alter verborum formam pronunciet: vel si vnus partem formæ vnā cum ablutione proferat, *Ego te baptizo*: alter quod reliquum est verborum adijciat: quibus casibus concurrere dicuntur vt causæ partiales. III. Vt licet vterque simul corpus abluant, & integram formam pronuntient: tamen intentionem habeant non baptizandi per sigillatim, sed dependenter ab alterius consortio & concursu; idè quod iterum non vt causæ totales, sed vt partiales: Vt si dicant, *Nos te baptisamus* &c.

His positis, Respondeo, & dico I. Si duo, pluresue Ministri, materiam & formam Baptismi super vno homine baptizando, absoluta intentione, simul absoluant, singuli verè conficiunt sacramentum, tanquam causæ totales. Ratio est: Quia omnes, & singuli applicant omnia necessaria ad sacramentum, videlicet materiam, formam, & intentionem: atque vnus actio alterius actioni non impedit: cū nullo modo inter se pugnent. Sin verò ex pluribus contentiosè eandem personam baptizare volentibus vnus præueniat, & prius finiat; tunc ille solus baptisabit, & alij nihil efficient. Quæ est doctrina S. Th. q. 67. a. 6. Durandi, Paludani ll. cc.

Confirmari id solet ex consuetudine ferme vbiq; in Ecclesijs recepta, vt Sacerdotes nouiter ordinati cum Episcopo in Missarum solemnij consecrent: vbi vides, plures Sacerdotes, tanquam causas totales, concurrere ad idem sacramentum Eucharistiæ conficiendum: inter quos principalis est Episcopus, veluti dux ac pædagogus aliorū: quare curandū illi est, vt non post alios verba consecrationis finiat: nam si alius quisquam absolutam consecrandi intentionem habens, ante alios ipsūmq; principalem sacrificantem Episcopum, verba consecrationis finiat, solus is consecrabit: quod incommodum vt euitetur, monēt Doctores, concelebantes oportere habere intentionem conditionatam, videlicet consecrandi, si simul cum Episcopo verba consecrationis absoluant: non item, si præueniant.

Mihi verò magis placet cautio Caiet. 3. p. q. 82. art. 2. Henriq. lib. 8. cap. 18. n. 2. Suar. 3. p. disp. 61. f. 4. monentium, vt noui Sacerdotes seruent generalem intentionem proferendi verba, secundum voluntatem Ecclesiæ: quia non defunt, qui existimant, illos verba consecrationis

tionis non dicere formaliter, & cum intentione consecrandi; sed tantum recitativè, ac materialiter, in signum potestatis sibi concessæ, & memoriam Cœnæ ultimæ, in qua Christus coram Apostolis Missæ sacrificium instituit: in quam sententiam valde probabilem propèdient etiam Richar. in 4. d. 13. 2. 2. q. 1. Suarez l. c. Cum enim moraliter impossibile sit, ut cum Episcopo celebrante concelebrentes eodè instante tēporis verba cōsecrationis finiant, sicuti notavit Caiet. cit. a. 2. non apparet alius modus dictæ cōsuetudinem defendendi ab incōmodis, quæ contra eam obijciunt, & ideo improbant Durandus in 4. d. 13. q. 3. Angel. ver. Euchar. 2. §. 3. Porro quæ ratione nihil obstat, quominus à duabus causis totalibus idè effectus divina virtute proveniat, explicat Scot. di. 6. q. 2. a. 1. Caiet. cit. q. 67. a. 6. §. ad penult. quæstionem, Suarez disp. 23. §. 3. Coninek cit. a. 6. dub. 1. concl. 2. Vbi is aduertit, id facile explicari secundum eorum sententiam, qui dicunt, sacra signa tantum moraliter propter Christi institutionem, ac promissionem, concurrere ad effectus sacramentorum.

Dico II, Si duo, pluresve, eundem simul baptizare conentur, tanquam causæ partiales, nihil efficiunt. Hæc est sententia S. Tho. cōmuniter recepta in cit. a. 6. contra Marfilium in 4. q. 4. a. 4. dub. 11. Idque probari debet ex institutione Christi, quam traditio, & praxis Ecclesiæ nobis ostendit. Cum enim in Ecclesia inauditum sit, ut plures Ministri concurrant ad baptizandum; credibile est, formam verborum eum sensum habere, quæ omnes etiam communiter accipiunt; *Ego te baptizo*, id est, ego tanquam Dei ac Christi instrumentum, per hanc sensibilem actionem meam, absolute confero tibi sacramentum Baptismi: Hoc autem ita simpliciter verum non esset, si plures Ministri ut causæ partiales, siue cum mutua inter se essentiali dependentia, baptizarent: quia singuli sacramentum non efficerent nisi secundum quid, idèoque absolute non baptizarent, sed cobaptizarent. Qui discursus etiam ad alia similia sacramenta applicari potest, videlicet Confirmationem, sacramentalem Absolutionem &c. E contrario verò validus est Baptismus, & in raro etiam casu licitus, si vnus Minister eodem tempore plures simul abluat, hac verborum forma: *Ego vos baptizo*, &c.

QVÆSTIO TERTIA. Vtrum necesse sit ad valorem Baptismi, itēque Confirmationis, Extremæ vñctionis, & Ordinis; ut in eorum ministratōe, materia proxima, videlicet ablutio, vñctio, calicis traditio, eodè tempore cum verborum forma concurrant. Prima sententia est Gl. in c. detrahe, 1. quæst. 1. Sacramentum incipere, ac desinere esse, eodè ultimo temporis instante, quo forma verborum absoluitur. Idèoque ait, si infans extractus sit ex aqua, cum vltimum verbum profertur, non valere Baptismum. Quæ opinio communiter rejicitur: quia sacramentum Baptismi (eadēque est ratio de alijs supra numeratis) successuum est, idèoque in eius partibus talis duntaxat, propinquitas, & subordinatio necessaria est, ut per modum materiæ, ac formæ vnum sacramentum moraliter componant.

Altera sententia est Scoti in 4. d. 6. q. 2. a. 2. Richar. d. 3. a. 4. quæst. 2. Caiet. r. 1. opusc. tract. 26. de collat. Ordinis, Nauar. cap. 22. num. 7. Zambrani cap. 1. dub. 2. dicto 2. Necessarium esse, ut materia & forma, saltem secundum aliquam sui partem concurrant, idèoque irritum esse sacramentum Baptismi, si post factam abluitionem statim subsequatur pronuntiatio formæ, vel pronuntiata formā, mox sequatur ablutio. Ratio est: Quia sacramenta, quod efficiunt, idem etiam significant: nisi autem cum verbis eodem tempore concurrat ablutio, falsa est verborum enuntiatio, *Ego te baptizo* &c. Ergo nihil efficitur.

8. Tertia, & quæ probabilior sententia est, Victor. de Baptismo, num. vlt. Scoti in 4. d. 3. quæst. vn. a. 8. Hen-

riq. lib. 1. cap. 9. num. 10. Suarez disput. 2. §. 2. Satis esse ad valorem sacramenti, si moraliter, id est, secundum humanum agendi, & loquendi morem concurrant actio ministri, & proxima materia, videl. ablutio, vñctio: sicuti in simili verè dicere censetur, *Ego bibo*, qui poculum in manum capit, statim illud ori applicaturus, bibendi causā: neque enim credibile est, quod Christus sacramenta, ad moralem hominum vsum accommodata, metaphysico rigori astringere voluerit.

Quamobrem quanta debeat esse coniunctio inter materiam & formam sacramenti, moraliter æstimari debet; & obseruari, ne fiat magna interpositio; ut ex modo agendi, & verba proferendi intelligatur, vnum alteri accommodatum esse. Hinc etiam fit, pro diuersitate sacramentorum diuersam propinquitatem requiri; maiorem quidem, cum materia est actio Ministri, indicata per verbum indicatiui modi, *Baptizo te*, *Confirmo te*, *Doti tibi potestatem*: vel, quod eodem redit, *Accipe potestatem*: aut per pronomen demonstratiuum, uti videre licet in Extremæ vñctionis sacramento, *Per hanc sanctam vñctionem*, &c. In sacramento Matrimonij tanta propinquitas requiritur inter mutuam traditionem & acceptationem, quanta necessaria esse solet ad humanum contractum. At verò in sacramento Pœnitentiæ, quod per modum iudicij perficitur; & cuius materia est actio pœnitentis, & seipsam accusantis, ea supponitur ante sententiæ prolationem seu absolutionem; coniunctio autem inter hæc, accusationem, inquam, & absolutionem, tanta esse debet, ut saltem idem iudicium moraliter esse censeatur.

CAP. VIII.

De Cæremonijs sacris, & in specie de ritibus circa Baptismum.

S V M M A R I V M.

1. Cæremonia sacra apud Christianum populum vñctata, partim à Christo instituta sunt, (vid. quæ ad sacrificij, & Sacramentorum substantiam spectant) partim verò ab Ecclesia institutionem legitimam habent.
2. Cæremonia sacra maximam in Ecclesia Catholica utilitatem habent.
3. Hæreticorum proprium est sacræ cæremonias contemnere, & abolere.
4. Cæremonias, & ritus ab Ecclesia institutos omittere, aut mutare, est peccatum contra virtutem Religionis.
5. Cæremonia, quæ legitimam originem, vel auctoritatem non habent, si fieri possit, tollenda sunt.
6. Cæremonia alia antecedit Baptismi collationem, alia comitantur, & alia sequuntur.
7. Catechumeni alij competentes olim dicebantur, alij verò audientes.
8. Exorcismi ante Baptismum adhibentur, ut hominem Diabolus infestare desinat.
9. Chrismatio in fronte à solis Episcopis fieri potest: sed chrismatio in vertice etiam à Presbyteris.
10. Si propter casum necessitatis cæremonia in priuato Baptismo omissa fuerint, postea in Ecclesia suppleri debent: idque etiam de exorcismis intelligi debet.

NOTANDVM primò; Quod cæremonia aliud non sit, quàm actus hominis externus, ad Deum colendum accommodatus, ut genuflexio, crucis formatio &c. Est igitur cæremonia actus externus virtutis Religionis. Plerumq; tamen cæremonia dicuntur, quæ publicam in fideli populo institutionem ac consuetudinem habent, & sacri quidam ritus sunt.

Notandum secundò; Quod cæremonia apud Christianos vñctata partim à Christo instituta sunt, videlicet, quæ ad substantiam Sacramentorum & sacrificij Missæ spectant: partim verò ab Ecclesia institutionem habent. Ita enim S. Augustinus annotauit epist. 118. ad Ianuar. &c.

6. Christum instituto in cœna vltima sacramento corporis & sanguinis sui, non præcepisse, quo deinceps ordine sumeretur, ut Apostolis, per quos Ecclesias disposuit, erat, seruaret hunc locum. Et paulò post: Cum verò ait Apost. de hoc sacramento, 1. Cor. 11. Cum conuenitis ad manducandum, inuicem expectate &c. statim subtexuit; Cætera autem, cum ueniam, ordinabo. Vnde intelligi datur, quia multum erat, ut in epistola totum illum agendi ordinem insinuaret, quem uniuersa per orbem seruat Ecclesia, ab ipso ordinatum esse, quod nulla morum diuersitate variatur. Ex quo Augustini testimonio manifestè habemus, non pauca, quæ à Christo circa sacramentum Eucharistiæ tradita & ordinata fuisse: & ideo sine scelere omitte non posse, uti ead. epist. & seq. quæ est de ritibus Ecclesiæ, non semelidem S. Doctor inculcat. Videri etiam potest S. Basil. de Spiritu sancto, cap.

27.

Si enim cæremoniæ ad Deum colendum accommodatæ, ideòq; Deo gratæ sint, cur non ab hominibus exerceri possint, etiam si de ijs mandatum diuinum non acceperimus? Nunquid non grata fuerunt Christo obsequia Marthæ? Magdalenæ lachrymarum rigatio, capillorū tersio, Luc. 7. Mulieris alabastrum fractum, & effusum super caput eius, Matth. 26. Mar. 14. Et tamen hæc Dominus non præceperat. Quòd si verò cultus externi Deo exhibiti opera virtutis Religionis sunt, diuino Numini grata, cur non ab Ecclesia propter publicam Religionem, & Ecclesiasticam disciplinam seruandam præcipi possint? Ita ut in conscientia obligent, sicuti aliæ leges iustæ à legitima potestate profectæ, iuxta Apost. ad Rom. 13. & ad Hebræos 13.

Quanta olim fuit concertatio in Ecclesia de cæremonia Paschali? ut Pascha non cum Iudæis luna decimaquarta in quemcunque diem incidente celebraretur; sed semper Dominica die post decimam quartam lunam primi mensis, ob honorem resurrectionis Christi, sicuti dixi lib. præced. tr. 7. c. 1. num. 3. Vt ob eam causam Victor I. Papa Africanos hanc Antiquam, & ab Apostolis profectam Ecclesiæ constitutionem (can. 8. Apost. & epist. S. Ignatii 8. ad Philipenses) recipere nolentes à fidelium communionem remouere voluerit, teste Eusebio, lib. 5. histor. c. 22. & seqq. Et videri potest Epiphanius hæresi 50. & 70. S. August. hæresi 29. & epist. 119. de ritibus Ecclesiæ, c. 9. Baron. Anno Christi 151. Profectò diem Dominicum, non sabbathum ad Dei cultum deputatum esse, ex Christi mandato non provenit; sed ex Ecclesiæ constitutione: cur ergo ipsimet Nouatores Dominicum diem celebrant; si cultus omnis, ut aiunt, eo ipso à Deo prohibitus est, quia ab ipso non præceptus?

2. Notandum tertio: Cæremoniæ circa Missæ sacrificium, Sacramentorum ministrationem &c. magnam in Ecclesia vtilitatem habent. Nam sicuti ex interna fide, & affectione colendi Deum proficiscuntur, ita eandem erga Deum mentis deuotionem mirè excitant, & augent; sicuti testatur S. August. lib. 9. confess. cap. 5. & in libro de cura pro mortuis, c. 5. ubi de genuflexionibus, manuum in cælum extensionibus ita scribit: Nescio, quomodo, cum motus corporis fieri, nisi motu animi præcedente non possint, eisdem rursus exterius visibiliter factis, ille interior inuisibilis, qui eos fecit, augetur; ac per hos, cordis affectus, qui, ut fierent ista, præcessit, quia facta sunt, crescit. Cum enim homo corpore & animo constet, mira inter hæc consensio est; ut animus coram Deo humiliatus, suo pte pondere feratur ad humiliandum corpus: atque vicissim corporis coram Deo submissio miram vim habeat ad corroborandum & augendum animi internum affectum. Et sapienter quidem id Deus Optimus disposuit, ut homo utraque sui parte, animo videl. & corpore, ipsum colat, qui utramque creauit, utramque etiam glorificaturus est.

Accedit alia vtilitas cæremoniarum; Quòd per eas Fidei doctrina conseruatur, & posteris traditur. Videlicet ex festorum annua celebratione mysteriorum Christi intelligentiam percipimus: ex crucis, aquæ benedictæ, & similium rerum vsu, Crucifixi virtutem aduersus Dæmonis machinationes agnoscimus, ac profiteamur: ex ritu exorcismorum & insufflationum, quæ baptisandis, etiam paruulis ante Baptismum adhibentur, intelligimus, omnes homines in peccato originali nasci. Qua ratione Pelagianos conuicit S. August. lib. 1. de peccator. meritis, & remiss. cap. 34. *Quid in illo paruulo agit exorcismus meus, si in familia diaboli non tenetur?* Etenim per exorcismos, & alia externa signa, quæ in Baptismi v. g. administratione adhibentur, fidelibus innotescit, quid Baptismus interius in animo operetur: quamobrem Catechismus Rom. p. 2. de Baptismo, §. 45. Parochos admonet, ut cæremoniarum vim & intelligentiam non tantum ipsi calleant, sed etiam fidelibus exponant: nam ideo catechismi pueri ac rudibus docendis institui debent.

Corollarium I. Cæremoniæ in Ecclesia congruenter institutæ magnū indicium præbent veræ Religionis: certissimum autem argumentum esse debet, si apud aliquos sacri, & Ecclesiastici ritus iaceant, imò contemnantur, ut apud Calvinistas, & similes ipsorum, ibi veram Religionem non reperiri; hos non fideles aut religiosos, sed sacrilegos censendos esse. Impiè quippe contemnitur, sine quo non potest perfici pietas, ait S. August. lib. 19. contra Faustum, cap. 11. Sed sine sacris symbolis & cæremonijs, pietas & deuotio erga Deum perfici non potest. Siquidem experienciâ constat, hominum mentes visis externis actibus religionis, rerum cælestium æstimationem concipere, ac plurimum commoueri ad pietatem. Quamobrem apud Catholicos ritus sacri in veneratione semper fuerunt; ab hæreticis verò contemnebantur. Exemplum habemus in Vigilantiæ hæretico ridente cereos clara luce ad sepulchra Sanctorum accensos, & sacrarum reliquiarum cultū, uti testatur S. Hieron. in lib. contra Vigilantiæ. In Aërio hæretico, apud S. August. hæresi 53. qui dicebat, *orare, vel offerre pro mortuis oblationem non oportere, nec statuta solemniter celebranda esse ieiunia; sed cum quisque voluerit ieiunandum, ne videatur esse sub lege.* In Fausto hæretico Catholicos calumniante, quòd Idola conuerterint in Martyres, quippe quos votis similibus colerent, apud S. August. lib. 20. contra Faustum, cap. 21. Cui respondet Augustinus: *Populus Christianus memorias Martyrum religiosa solemnitate concelebras, & ad excitandam imitationem, & ut meritis eorum consoletur, atque orationibus adiuetur: ita tamen, ut nulli Martyrum, sed ipsi Deo Martyrum sacrificemus, quamuis in memorias Martyrum constituamus altaria.*

Corollarium II. Cæremonias & ritus ab Ecclesia institutos omittere, aut mutare est peccatum contra Religionis virtutem, ex genere suo mortale: quamuis ob paruitatem materiæ veniale esse possit. Quare operam dare debent Parochi, & alij Ministri Ecclesiæ, ut ritus Ecclesiasticos, præsertim circa sacrificium Missæ, & Sacramentorum ministrationem, calleant, cum decore, & populi edificatione exerceant, iuxta præceptum Apost. 1. Corinth. 14. *Omnia honeste, & secundum ordinem fiant.* Multum enim ea res momenti habet ad Dei cultum: veræ Religionis splendorem ac dignitatem, fidelium pietatem ac deuotionem: aduersariorum confusionem: si templa, vasa sacra, & ornamenta munda seruentur: sacre cæremoniæ à Ministris cum honestate, ac reuerentia peragantur. Contrà verò plurimum rei Christianæ obstant leuiculi Ministri, qui indecorò cantu, ineptis gesticulationibus insolitis, cæremonijs rem diuinam, cum populi scandalo, perturbant, ac dehonestant.

Loquor autem de cæremonijs, & ritibus, qui vel

In Ecclesia vniuersali recepti, vel in Episcoporum Concilijs constituti, adeoque certam, & indubitatam originem habent, eorum obseruationē diligenter custodiendā esse: Cōtrā verò illi ritus, si fieri possit tollēdi, qui in particulāribus locis, aut Ecclesijs, sine certa auctoritate introducti sunt. Ita enim loquitur S. August. epist. 119. de ritibus Ecclesiæ, cap. 19. *Quod constituitur præter consuetudinem, ut quasi obseruatio sacramenti sit, approbare non possum: etiam si multa huiusmodi propter nonnullarum, vel sanctarum, vel turbulentarum personarum scandala deuitanda, improbāre non audeo.* Et paulo post: *Omnia talia, quæ neque sanctarum Scripturarum auctoritatibus continentur, nec in Concilijs Episcoporum statuta inueniuntur, nec consuetudine vniuersæ Ecclesiæ roborata sunt, sed diuersorum locorum diuersis moribus innumerabiliter variantur; ut vix, aut omnino nunquam inueniri possint causæ, quas in eis instituendis homines secuti sunt; ubi facultas tribuitur sine ulla dubitatione refecanda existimo.* Multum enim interest ad Catholicæ Ecclesiæ vnitatem seruandam, ritus Ecclesiasticos, præsertim in sacrificio, & Sacramentorum ministratiōe, eosdem vbique seruari; idēque Ecclesiæ principali Romanæ reliquas conformari.

Notandum quartò: Sacri ritus, ac cæremoniæ Ecclesiasticæ alio nomine *sacramentalia* appellari solent; quia pleraque ab Ecclesia instituta sunt, ad maiorem ornatum, & decentem venerationem Sacramentorum, aut Sacrificij. Quamuis etiā alia quædam cæremoniæ ac benedictiones, vt aquæ, agni cerei, fructuum, ad alios vsus fieri solitæ, extento vocabulo *sacramentalium* à Doctoribus comprehenduntur. Deijs omnibus dicam tract. 9. cap. 13.

Notandum quintò: Cæremoniæ, quæ in solemnī administratione Baptismi olim adhiberi solitæ, & partim etiā hodie in vsu sunt triplici modo se habent, sicuti notauit Catechismus Rom. n. 46. & Vasq. disp. 166. c. 2. Nam aliæ antecedunt ipsum Baptismum: aliæ comitantur: & aliæ subsequuntur.

Inter cæremonias, quæ antecedunt primum locum tenet, quod qui Baptismum desiderabant, sua nomina Ecclesiæ dare debebant, sicuti colligitur ex Concil. Carthag. 4. canone 85. S. August. lib. 9. confess. cap. 6. & lib. de cura pro mortuis, cap. 12. Ex eoque tempore *competentes* & *electi* dicebantur: alij verò Cathecumeni, qui ad Euangelij explicationem, & exhortationes tantum admittabantur: nondum tamen Baptismum sibi dari petuerant, *audientes*, sicuti meminit Isidorus lib. 2. de offic. Ecclesiast. c. 21. Seuerinus Biniust. 1. Conciliorum, in c. 4. Concil. Ancyran, Vasq. cit. c. 2.

Altera cæremonia erat, Scrutinia septem, quibus peccentium seu electorum animi ante Baptismum in Paschate conferendum, per sanctæ Quadragesimæ tempus exerceri ac probari solebant varijs manuum impositionibus, crucis signationibus, & exorcismis, ieiunijs item, & quotidianis orationibus. Fidei Christianæ explicatione, seu symboli traditione, sicuti videre est apud Tertull. lib. de Baptismo, cap. 20. Leonem 1. epist. 4. ad Episc. Siciliæ, cap. 6. Siriciū Papam epist. ad Himerium Tarraconensem, cap. 2. Concil. Carthag. 4. canone 85. & alios apud Iacob. Pamelium in Tertull. de Baptismo, princip. Suarez disp. 30. sect. 1. Mysteria tamen siue sacramenta non tradebantur Cathecumenis; sed primum in Paschate post acceptum Baptismum, ne illa prodidisse possint, quàm edidisse Episcopi æstimarentur, ait Ambros. in lib. de ijs qui mysterijs initiantur, cap. 1. Et similia habet Cyrillus Hierosolym. præfat. in catecheses, & catech. 18.

Tertia cæremonia est, consecratio aquæ baptismalis, cum trina infusione chris-matis, crucis specie: cuiusmodi consecratio adhuc hodie fieri solet duntaxat in Sabbatho Paschæ, & Pentecostes. Eius autem meminit Dionys. Areopag. cap. 2. Ecclesiast. hierarchiæ, p. 2. S. Cyprian.

lib. 1. epist. 12. S. Basil. c. 27. lib. de Spiritu sancto, Ambros. lib. 1. de sacrament. cap. 5. & de ijs, qui mysterijs initiantur, cap. 3. S. August. hom. 27. ex 30. & lib. 6. contra Iulian. cap. 8. Gratianus cap. in Sabbatho, dist. 4. de consecrat. Videri potest Vasq. disp. 166. c. 2. Baron. Anno 417. ad finem.

Quarta est; trina Dæmonis exsufflatio, & exorcismi, cum crucis signationibus: quales adhuc hodie ipso die, quo seu adultus, seu paruulus baptizandus est, à Sacerdote adhibentur, sicuti videre est in Pastoralī, siue rituali Romano: Et in antiqua etiā Ecclesia semper in vsu erant, sicuti constat ex Dionys. cit. loco, Cyrillo Hierosol. catech. 1. mystag. Chrysost. homil. de Adam, & Eua. S. Aug. lib. 1. de nup. cap. 20. & lib. 2. cap. 18. lib. 6. contra Iulianum, c. 5. Cœlestino Papa epist. 1. ad Episc. Galliæ, cap. 12. Isidoro lib. 2. de offic. c. 20. & videri potest Alex. Halensis p. 4. quæst. 10. S. Bonau. in 4. distinct. 6. a. 3. q. 2. Iac. Pamelius in cit. loco, ver. exsufflatur, & exorcizatur. Petr. Thyraeus disp. de dæmoniis, p. 2. cap. 18. Ratio huius cæremoniæ est, non quia Diabolus in non baptizatorum corporibus, tanquam obsessis, habitet: nec quia homo secundum naturam malus sit; sed quia ex lapsu primorum parentum originem peccati, atque iustitiæ priuationē trahit; & idcirco Diaboli infestationibus magis obnoxius est, vti S. August. docet lib. 1. de Symbolo ad Catechum. c. 1. *Non creatura Dei in infantibus exorcizatur, aut exsufflatur: sed ille, sub quo sunt omnes, qui cum peccato nascuntur: est enim princeps peccatorum. Ac per hoc propter unum qui lapsus est, & omnes misit in mortem, missus est unus sine peccato, qui omnes in se credentes perducatur in vitam æternam, liberans eos à peccatis.*

Quinta est, salis gustatio. Sacerdos enim salem prius à se benedictum in os baptizandi imponit, ad significandam cælestem prudentiam, & expurgationem à putredine peccatorum, quam homo per lumen, seu gratiam Baptismatis consequi debeat. Hæc cæremonia antiquitus etiā in Ecclesia vsitata erat, sicuti constat ex Origene homil. 6. in Ezech. S. August. lib. 1. confess. c. 11. Concil. Carthag. 3. cap. 5. Isidoro lib. 2. de Ecclesiast. offic. cap. 20. Rabano lib. 1. instit. Cleric. c. 27. & alijs apud Gratianum d. 4. de consecrat. c. ex hinc, c. Sal.

Sexta est, quod Sacerdos salina aures, & nares baptizandi tingit; aures quidem, vt eas homo aperiat ad sermones Christi; nares autem, vt bonum odorem capiat pietatis æternæ, sicuti explicat S. Ambros. lib. 1. de sacrament. c. 1. Rabanus de instit. Clericorum, lib. 1. cap. 27. quem refert Gratianus c. postea, ead. d. 4. & videri debet S. Thom. q. 71. a. 2.

Septima est, abrenūtiatio, quæ ad interrogationem Sacerdotis, Sathane, & omnibus operibus ac pompis eius sic à baptizando, vel nomine eius à patrinis; sicuti videre est in Pastoralī: idque ex antiquissimo tempore huc vsque retentum esse, colligitur ex Dionys. cit. c. 2. p. 2. Clem. lib. 7. constitut. c. 42. Tertull. lib. de corona militis, cap. 3. Cyrillo catech. 1. mystag. Ambros. lib. 1. de sacram. c. 2. & lib. de ijs, qui initiantur mysterijs, cap. 2. Hieron. in c. 6. Amos, qui etiā notant; Renuntiantem ad Occidentem constitutum fuisse, vbi est locus tenebrarum; sed mox iterum conuersum esse ad Orientem, vbi lucis regio est.

Octaua est, quod homo baptizandus à Sacerdote oleo benedicto, quod Cathecumenorum dicitur, in scapulis, & pectore vng. solet: sicuti etiā olim in more fuisse, testatur Amalarius lib. 1. de instit. Clericorum c. 27. & S. Chrys. homil. 6. in c. 2. epist. ad Colossen. *Inungitur (baptizandus) more athletarum, qui stadium sunt ingressuri.* Et similia habet Ambros. lib. 1. de sacrament. cap. 2. Vnde etiā Innocent. 3. cap. vn. de sacra vinct. §. quia verò.

Nona est, Fidei professio, siue symboli recitatio, quam baptizandi proprio ore, si adulti sint; & paruuli per ipso-

6 Improbare non potest consuetudo, secundum quam quibusdam locis Catholici patrinus existunt filijs hereticorum, baptizantes illos Ministro heretico in forma SS. Trinitatis.

7 Hæreticus ordinari, & sine graui causa, ac necessitate, non potest admitti ut patrinus.

PATRINUS dicitur quasi spiritualis pater, nutritius, ac pedagogus hominis baptizandi, qui cum ob solemnem sponsonem suam, accedente etiam Ecclesie præcepto, in Christiana Fide, cum necesse fuerit, instruere; præsertim Symbolum, & orationem Dominicam edocere obligatus est, iuxta c. vos ante, dist. 4. de consecrat. & docet S. Aug. serm. 215. de temp. S. Thom. q. 67. a. 8. Verum ubi baptizati inter fideles educantur, atque à parentibus, parochis, vel ludimagistro in Fide Catholica instrui solent, tali obligatione ferme liberati sunt patrinus, sicuti notauit idem S. Th. loc. cit. & ibid. Suarez, & Egid. Coninck, Sa, ver. Baptismus, num. 15. Henric. l. 2. c. 14. n. 1. Addit Egid. susceptorem sine patrinum tali obligatione tantum teneri, dum baptizatus rudis est in doctrina Christiana; quo semel bene instructo, cesset obligatio: quia non amplius ille paruulus est, & pædagogus indigens.

2 Ad munus patrinus quædam conditiones requiruntur ut validè obeatur: Prima est rationis usus: Nam infans, seu, qui rationis discretionem assecutus non est, patrinus esse nequit: præter hoc tamen certa ætas ad id munus non requiritur, sicuti ex communi testatur Nauar. lib. 4. consil. 2. de cognat. spirit. edit. 2. Henriquez lib. 12. c. 11. n. 2. Sanchez lib. 7. disp. 61. contra Abb. c. debitum. n. 3. de Baptismo.

Altera est sacramentum: Nam non baptizatus non potest esse patrinus in Baptismo: & non confirmatus non potest esse patrinus in Confirmatione, sicuti habetur expressè in c. in Baptismate, dist. 4. de consecrat. Idque intelligendum, ut etiam inualidè munus patrinus suscipiant; ideoque cognationem spirituales non contrahant. Quæ est certa sententia, quod attinet ad non baptizatum, & probabilior, quod attinet ad non confirmatum, si aliquem ex Confirmatione suscipere attentet. quæ tenet Gl. in cit. c. in Baptismate, Alenis in 4. p. q. 28. mem. 2. a. 3. §. 1. Victor. de Confirmat. ad finem, Henric. lib. 3. cap. 3. n. 3. Tolet. lib. 2. c. 24. Vivaldus de Baptismo c. ult. num. 29. Sanchez lib. 7. disp. 60. n. 20. contra Sotum in 4. dist. 24. q. 1. a. 5. Nauar. lib. 4. consil. 1. de cognat. spirit. edit. 2. Syl. ver. Matrimon. 8. num. 7. dicto 12. Tabienam ver. Confirmatio sacramentalis, quæst. 8. Sa, ver. Matrimonium, ubi de impedimento cognationis spiritualis, num. 5. Rodriq. t. 1. sum. cap. 227. concl. 4.

Tertia est intentio. Etenim ut aliquis verè patrinus censetur, atque spirituales cognationem contrahat, non sufficit eum materialiter tantum tenere; sed requiritur formalis intentio gerendi munus spiritualis patris, secundum Ecclesie consuetudinem.

Præterea quædam personæ sunt, quæ validè quidem patrinus munus obire possunt, sed non licitè: Primò hæretici, apostatæ, & qui moribus infames sunt.

Secundò, Monachis prohibitum est, ne in sacramento Baptismi, vel Confirmationis susceptores sint, ut constat ex c. placuit commune, 6. q. 1. c. non licet, 5. d. 4. de consecrat. cap. Monachi, ead. d. 4. Monachi sibi compadres, vel commatres non faciant; nec osculentur faminas. Estimatur verò Egid. Coninck 3. p. q. 67. a. 7. n. 56. nomine Monachorum eos tantum intelligendos esse, qui solitudinem colunt, & sibi tantum, non alijs vacant; non autem Religiosos Mendicantes, qui etiam alijs erudiendis operam nauant.

3 Sed contrarium mihi placet, omnibus Religiosis, saltem claustralibus, secundum sacros canones, prohibitum esse munus patrinus suscipere: quod etiam signifi-

cat Sanchez lib. 7. de matrimo. disput. 60. n. 21. & lib. 6. moral. cap. 6. num. 24. Rodriquez t. 2. regul. quæst. 58. a. 3. & alij communiter: Quia ratio prohibitionis in omnibus locum habet; ne ob spirituales cognationem contractam, nimia familiaritas cum secularibus, præsertim fœminis, contrahatur: Excipiunt tamen Rodriquez & Sanchez cum Glos. recepta in cap. statutum, 18. q. 1. ver. absoluit, quod Religiosus Episcopus compater fieri possit.

Tertiò, parens non debet propriam prolem suscipere, sicuti constat ex c. peruenit, c. dictum est, 30. q. 1. & docet S. Thom. q. 67. a. 8. ad 2. Ad id, ut, si extra necessitatem ac temere propriam prolem suscipiat, cognationem spirituales cum coniuge contrahat, ideoque debitum petere non possit, ut dicam in materia de Matrimonio.

Quartò minus decens est, ut duo coniuges simul alienam prolem suscipiant, uti constat ex cap. ult. 30. quæst. 4. quamuis id consuetudine cohonestari potest, teste Sanchez lib. 7. de matrimo. disput. 57. num. 5. Imò Nauar. cap. 22. n. 39. Vivaldus in Candelabro c. ult. n. 29. absolutè negant, id hodie illicitum esse. Quare Coninck t. 2. disput. 32. dub. 2. concl. 2. rectè monet, duos coniuges simul susipientes non contrahere cognationem spirituales: nam alioquin talis susceptio grauiter ipsis prohibita esset.

Denique patrinus vnus esse debet, isque mas, si puer baptizandus; & fœmina vna, si puella baptizanda sit; vel summum duo, mas & fœmina: siue puer, siue puella baptizetur, cap. non plures, dist. 4. de consecrat. cap. quamuis, de cognat. spirituali, in 6. iuncta Trident. sess. 24. cap. 2. de reformat. matrimo. Vbi seuerè præcipitur Parochis, sub pœna ab Ordinario ipsis infligenda, ut ante omnia sciscitentur, quam, vel quos ij, quibus hæc cum incumbit, elegerint ad munus patrinus: & præter eum, vel eos, neminem alium admittant: Quod si alij ultra designatos (puta à parentibus, vel in eorum defectum à Parocho) accesserint, & baptizatum tetigerint, cognationem spirituales nullo modo contrahant. Videtur autem Concilium duntaxat hoc statuere in casu, quo ultra vnum, vel duos à parentibus vel similibus personis designatos; vel, si hi plures designant, præter eos qui à Parocho electi, alij accesserint, ut veri patrinus non sint; neque cognationem spirituales contrahant. Sin autem, nemine designante, aliqui accesserint; vel si plures, quàm duo designati, neque à Parocho reiecti fuerint, propter negligentiam, aut ignorantiam; tunc probabilior est, omnes veros patrinus fore, atque cognationem spirituales contracturos, sicuti docet Nauar. c. 22. num. 39. Henriquez cit. c. 11. num. 3. Sa ver. matrimo. de impedim. cognat. spiritual. num. 5. Vivaldus cit. c. ult. num. 30. contra Suarez t. 3. q. 67. a. 8. Rodriquez t. 1. sum. c. 227. num. 1. Nam constitutio correctoria iuris antiqui extendi non debet ultra casum expressum: Concilium autem solum expressit casum, quo ultra designatos alij accesserint; & nihil dixit de casu, quo vel nullus designatus, vel plures, quàm duo designati, & admissi sũt. Ergo tunc standum est dispositione iuris antiqui, cit. cap. quamuis, sicuti etiam declarauit Congregatio Cardinalium super sess. 24. cap. 2. de reform. matrimo. cum hac tamen moderatione: ut si vnus tantum tangat, vel è manibus baptizantis prolem immediatè suscipiat, ille solus cognationem contraxisse censendus sit: non etiam alter, vel alij, quamuis præsentibus assistant.

RESTANT QUÆSTIONES: PRIMA. An, & quatenus patrinus munus etiam in Baptismo priuato, tempore necessitatis conferendo, locum habeat? Respondeo, & dico I. Nullum est Ecclesie præceptum, ut in tali Baptismo patrinus adhibeatur. Ita Sotus in 4. d. 42. q. 1. art. 1. Henriquez lib. 2. cap. 18. in fine, Sanchez lib. 7.

disput. 62. Suarez q. 67. a. 8. Rodriq. cit. c. 227. concl. 2. contra Zambranum de Baptismo cap. 18. n. 7. Cum enim tali casu necessitatis parentes ferme non possint idoneos eligere ad munus patrini, credibile non est, Ecclesiam talem eis obligationem imponere voluisse. Sed etsi aliquis in hoc casu materialiter teneat infantem baptisandum; non ideo patrinus eius efficitur; vt supra dictum.

Dico II. Si aliquis in priuato Baptismo infantem teneat ex proposito, vt patrini munus obeat, verus patrinus fieri videtur, atque cognationem spiritualemente contrahere. Ita Nauar. c. 22. num. 40. Viuald. vbi de cognat. spirit. num. 10. Armillaver. Matrimonium, num. 14. Sa. cit. num. 5. Suarez cit. art. 8. in fine, Coninck cit. disput. 32. dub. 2. concl. 5. Zambranus cit. c. 18. num. 4. argument. c. ad limina. c. de eo, 30. quæst. 1. contra Sanchez cit. disput. 62. num. 15. Rodriguez cit. concl. 2. ea ratione motos, quia adhibere patrinum est cæremonia instituta pro Baptismo solemniter: ergo vbi talis Baptismus non est, censeri non debet verus patrinus, qui tenet, aut suscipit. Respondeo; Patrinum non tantum adhiberi Baptismo propter maiorem eius solemnitatem, sed multo etiam magis propter obligationem instruendi baptisatum. Tamen si autem Ecclesia non præcipiat, vt talis patrinus seu spiritualis nutritius adhibeatur in Baptismo priuato; quia plerumque imminente periculo adhiberi non potest; tamen non prohibet etiam, quominus verè interueniat. Ex quo colligitur, quod in priuato Baptismo, qui ob mortis periculum infanti confertur, pater non debeat suscipere, aut tenere tanquam patrinus: quia in hoc casu, nullo patrino opus est.

ALTERA QVÆSTIO. Vtrum Catholicus, rogatus à Lutheranò hæretico, vt prolem suam è sacro fonte suscipiat, baptisante eam Ministro Lutheranò, in forma sacrosanctæ Trinitatis, parere possit? Pro parte negante videtur esse primò; Quod communicatio in sacris cum hæreticis, fidelibus interdicta sit: hæc autem est communicatio in sacris quod vel eo argumento colligitur, quia patrinus cum Ministro baptisante spiritualemente cognationem contrahit: Ergo Catholicus non licet infantem suscipere ab hæretico baptisante.

Secundò; Quia Lutherani hæretici, licet substantialem modum Baptismatis obseruent, accidentales tamen Ecclesiæ cæremonias per contemptum omittunt, & loco earum concionem habent: quam eorum hæreticam consuetudinem patrinus Catholicus, per se, vel procuratorè suum assistendo, approbare videtur: non sine scandalo, vel fortasse etiam tacita alienæ fidei professione. Propter quam rationem hanc partem quæstionis videtur tenuisse Nauar. lib. 1. consil. 1. de constit. n. 66. edit. 2. Azor to. 1. lib. 8. c. 11. q. 9.

6 Sed contraria sententia videtur vera, saltem in Germania nostra, vbi communicatio, & pax inter Catholicos & Lutheranos viget, ita vt ex rationabili causa etiam matrimonia inter eos instituatur. Probatur primò: Quia patrini officium est, vt externa susceptione profiteatur, quod hominem modò spiritualiter genitum sacra vnda Baptismatis, suscipiat in curam suam, tanquam spiritualis eius nutritius, ac pædagogus. Id autem præstare, ac profiteri Catholicum nihil impedit, tamen si infans ab hæretico baptisetur in forma SS. Trinitatis; cum enim talis infans verè sit effectus Ecclesiæ membrum, indiget instructione & informatione in Fide, ac vita Christiana: quæ ipsi Ecclesiæ Prælati facere deberent: sed quia eis non vacat, ideo ipsorum loco ex antiquissima consuetudine adhibetur homo alius idoneus, qui in suam instructionem, ac tutelam suscipiat baptisatum. Sicut docet S. Th. 3. p. q. 67. a. 7. in corpore.

Secundò: Quia patrinus Catholicus suscipiendo ex sacro fonte baptisatum à Ministro hæretico, neque actiue, neque passiuè concurrat, aut vilo alio modo cooperatur

ad indebitam ministrationem Baptismi, sicuti consideranti manifestum erit: Interim verò impedit, vt Baptismus, qui indebitè seu non seruatis accidentalibus Ecclesiæ cæremoniis à Prædicante ministrandus erit, minus tamen malè & incongruè administretur. Cum enim alioquin patrinus hæreticus adhibendus fuisset, qui tacitè profiteretur, se prolem Ecclesiæ modò genitam, & ab eadem receptam, in hæresi instructurum esse: hoc nefas impedit Catholicus, quando eum præueniens, cum voluntate ipsorum parentum, accurrit, & seu expressè, seu tacitè, ipsoque facto protestatur, se hunc Ecclesiæ filium in vera Fide, quatenus sibi possibile erit, informanturum esse.

Ad primam rationem pro negante sententia allatam respondeo: Post extrauagantem Concilij Constantiensis, *Admenda*, communicationem cum hæreticis, aliisque excommunicatis nominatim non denuntiatis, neque in sacris, nec politicis rebus, fidelibus interdictam esse: dummodo communicatio non sit in exercitio hæretico, vt communicans censetur facere contra externam veram & orthodoxam Fidei professionem, qualis hæc patrini communicatio non est: cum, vt supra dictum, non alia re, seu actiue, seu passiuè, materialiter, seu formaliter communicet, quam quod puerum per ministerium Prædicantis hæretici, Ecclesiæ Catholicæ filium effectum, quasi nomine eius, in suam curam & protectionem suscipiat: hæc verò non hæretica, sed Catholicæ Religionis professio, atque exercitium est. Neque obstat, quod obijcitur de cognatione spirituali contrahenda cum Prædicante baptisante: ea enim secundum Ecclesiæ institutionem sequitur ex Baptismo, non quatenus malè, sed quatenus rectè & validè à Prædicante administratur. Quod si talis cognatio seu cõpaternitas obesse deberet, quominus Catholicus licitè suscipere posset baptisatum ab hæretico: impedire etiam deberet, quominus Catholicus baptisare, vel è Baptismate suscipere posset filium hominis hæretici: quando quidem etiam cum ipso spiritualis cognatio seu confraternitas contrahitur.

Ad secundam rationem patet etiam ex dictis responsio. Et addo, quod potius parentes hæretici, adhibentes patrinum Catholicum, dent signum professionis Catholicæ, vel saltem quod filium catholicè instrui contenti sint. Si tamen subsit periculum scandali, vel quod parentes hæretici ea intentione adhibere velint patrinum Catholicum, vt ad suam sectam se inclinatum ea re ostendat, tum Catholicus expressam protestationem præmittere deberet, quod baptisatum suscipere velit, vt patrinus Catholicus; eum, quando opus habuerit, catholicè etiam informanturum, quatenus ipsi possibile erit.

Accedit denique quod si Catholicus infantem suscipere renuat, quia à Lutheranò Prædicante baptisatur, causam scandali præbere poterit, existimantibus hæreticis, ideo eum refugere, quod ipsorum Baptismum, tanquam inualidum contemnat, & abhorreat.

TERTIA QVÆSTIO. An permitti possit, vt cum infans à Sacerdote Catholico baptisatus, adhibeatur patrinus hæreticus? Respondeo & dico I. Certum est, ordinariè id esse illicitum. Etsi enim id sacris canonibus expressè prohibitum non reperiam: sed tantum ne infidelis, seu non baptisatus patrinus existat: tamen eius ipsum naturale, ac diuinum, supposita institutione sacramenti, & sacre huius cæremonie præcipit, vt adhibeatur patrinus idoneus ad instruendum baptisandum in Fide Catholica, sponsonemque pro eo faciendam: qualis non ita est hæreticus, vti Catholicus. Et accedit communis DD. consensus.

Dico II. Si grauis causa seu necessitas postulet, permitti potest, vt hæreticus ad suscipiendum infantem designetur. Hec est praxis, quam ante paucos annos in inferiore, & superiore Germania viri pii, ac docti exercuerunt. Exemplum est: In parochia, cui nuper Sacerdos Catholicus, expulso Ministro hæretico, præfectus est, parentes hæretici

hæretici deferunt filios suos ad Baptismum, designato patrino hæretico. Hoc casu repellere patrinum nimis difficile, & quasi impossibile est: tum quia Catholici eo loco vix vlli sunt, qui patrini esse possint: tum quia parentibus nunquam in Germania persuadebitur, ut ipsis ius patrilios designandi adimatur: Exigere autem seu à parentibus, seu à patrinis, ut statim Fidem Catholicam amplectantur, vel se postea amplexuros promittant, consultum haud est: cum enim in Fide Catholica nondum instructi sint, & tam breui tempore, quo Baptismi conferendi necessitas urget, instrui non possint, ut prudenter eam amplectantur; profecto promissionem illam non nisi fictam, & contra conscientiam suam facient, sine vlla utilitate, bonoque euentu. Quare hoc casu nisi patrini hæretici à parentibus designati liberè admittantur, permittendum erit, ut vel infantes ab obstetricibus priuatim baptisentur; vel ad hæreticum Ministrum extra parochiam deferantur: nisi dicere velis, quod Sacerdos Catholicus baptizare debeat, nullo adhibito patrino, contra Ecclesiæ vniuersalis consuetudinem, cum non paruo scandalo, & multorum querelis. Igitur, ut hæc grauiora incommoda vitentur, admittendus est patrinus hæreticus, sine vlla eius promissione. Sacerdos tamen ante Baptismum palam edicere deberet: Infantem in Fide Catholica baptizari, in eaque instruendum fore, si ad usum rationis peruenierit: Quamobrem nec parentes, nec patrilios hanc eius instructionem impedituros esse; quin potius patrilios admitti, tanquam sponsores huius Fidei, in qua baptizatur.

Nunc probatur hæc praxis: Nam hæreticus, qui legitime baptizatus est, absolute capax est muneris patrini: ita ut ex eo spirituales cognationem contrahat: cur autem non conuenienter seu illicite adhibeatur, tres causas afferri possunt: Prima, Quia non ceterum sponsonem facere pro infante, tanquam Fidem Catholicam suscepturo. Sed contra est; Quod cum infans à Catholico Ministro in Fide Catholica baptizetur, satis appareat, sponsonem eius non aliter admitti, quam secundum hanc Fidem: præsertim, si Sacerdos aperte id edicat, & communionem faciat, ut supra dictum est. Quamobrem sæpe accidit, ut ipsimet etiam hæretici postea non permittant aliquem à Fide Catholica abstrahi, quia meminerunt, se pro illo in hac Fide à Sacerdote baptizato, sponsonem fuisse.

Secunda, Quia hæretici patrini non sunt idonei ad instruendum baptizatum in Fide Catholica. Verum hodie infantes, & pueri vix vnquam à patrinis suis instruuntur, sed à Ludimagistris & Parochis: ideoque obligatio & officium instruendi nunc ferme ablatum est à patrino. Deinde multum iuuabit protestatio Sacerdotis, quod proles in Fide Catholica, in qua baptizatur, educanda sit: nam inde sequitur, educationi patrini hæretici committendum non fore, nisi & ipse ad Fidem Catholicam conuertatur.

Tertia, Quia ex ea re infantibus imminet periculum peruersionis, & discessus à vera Fide, si parentibus, aut ipsis patrinis hæreticis restituendi sint. Verum hoc periculum admodum probabile, & propinquum non esse, dictum est supra hoc tr. c. 5. n. 12.

TRACTATUS TERTIVS, DE SACRAMENTO CONFIRMATIONIS.

CAP. I.

De natura & institutione huius Sacramenti.

SUMMARIVM.

- 1 Confirmatio est verum nouæ legis sacramentum à Christo institutum, Ioan. 20.
- 2 Sacramentum Confirmationis tanquam stabilis cæremonia semper in Ecclesia usurpatum fuit.

CONFIRMATIO est nouæ legis sacramentum quo homo baptizatus, ex Christi institutione, spiritualis gratiæ augmentum ac robur accipit, per chrismatis in fronte unctionem, sub certa verborum forma, ab Episcopo datam. Esse nouæ legis sacramentum, sumitur ex S. Ioan. c. 14. & 16. Luc. 24. Act. 1. quibus locis Dominus, post suum in cælos ascensum, virtutem ac robur sancti Spiritus se missurum promittit in die Pentecostes, quando Apostoli à Spiritu sancto, specie visibili descendente, confirmati fuerunt, ad Christi Fidem liberè profectendam, Act. 2. Fuit verò modus iste Confirmationis extraordinarius ac specialis, per signa & prodigia diuinitus data: Deinde verò Apostolorum ministerio alijs Christi fidelibus, post acceptum Baptismum, eadem plenitudo gratiæ, per manuum impositionem, tanquam certam, & stabiliter in Ecclesia mansuram cæremoniam, conferri solebat, sicuti constat ex cap. 8. Act. ubi legimus;

Quod Apostoli, cum audissent, Samariam recepisse verbum Dei, miserunt ad eos Petrum, & Ioannem; qui cum venissent &c. imponebant manus super illos, (qui credebant, & baptizati erant) & accipiebant Spiritum sanctum. Et Act. 19. Cum imposuisset illis (qui baptizati erant) manus Paulus, venit Spiritus sanctus super eos. Ex quo ita argumentari possumus: Apostoli hanc cæremoniam impositionis manuum super baptizatos nunquam adhibuissent, tanquam certum symbolum accipiendi Spiritus sancti, nisi huius rei permissionem à Christo habuissent: Atqui Apostolos manuum illam impositionem, tanquam certum symbolum accipiendi Spiritus S. erga baptizatos usurpasse, constat ex Actib. Apost. præcipue ijs verbis c. 8. Cum vidisset Simon, quod per impositionem manus Apostol. daretur Spiritus sanctus obtulit eis pecuniam, dicens: Date & mihi hanc potestatem, ut cuiusque imposuero manus, accipiat spiritum sanctum. Ergo sequitur, habuisse Apost. à Christo permissionem huius spiritualis doni per talem cæremoniam certò conferendi; adeoque fuisse hoc vnum ex sacramentis nouæ legis.

Enimvero hanc ipsam Spiritus S. communicationem per sensibilem illam cæremoniam, & vno verbo, Confirmationis sacramentum, non solum Apostolorum tempore usurpatum fuisse; sed deinceps semper in Ecclesia permansisse, colligitur tum ex promissione Christi omnibus fidelibus vniuersim facta, Io. 14. Ego rogabo Patrem, & alium Paraclitum dabit vobis, ut maneat vobiscum in æternum. Et Ioëlis 2. Et erit in novissimis diebus, dicit Dominus, effundam de Spiritu meo super omnem carnem. Quam promissionem in omnes factam esse, testatur S. Petrus ibid. num. 38. 39. tum verò ex constante PP. traditione, Dionysio Areopagita, Tertulliano, Cyrillo, Ambrosio, qui

(vbi vidimus tract. i. cap. ult.) tria sacramenta, videlicet sacri Baptismi, chrismatis seu manus impositionis, & Eucharistiæ pariter recensent; quia hæc ordine, eodem die, etiam infantibus, olim conferri solita erant, sicuti habetur expresse in Ordine Romano cap. de officio Sabbathi; apud Gennadium de Ecclesiast. dogmat. cap. 52. & colligitur ex S. Dionys. de Eccles. hierarch. c. 7. p. 3. Catechesibus Cyrilli, & Ambrosij. His accedunt alij, S. Cyprianus in epist. ad Iubaianum, ita scribens: *Tantum modo quod deerat, id à Petro & Ioanne (Actuum c. 8.) factum est: ut oratione pro eis habita, & manu imposita, invocaretur, & infunderetur super eos Spiritus sanctus. Quod nunc quoque apud nos geritur, ut qui in Ecclesia baptizantur, præpositis Ecclesiæ offerantur, & per nostram orationem, & manus impositionem Spiritum sanctum consequantur, & signaculo dominico consumentur.* Et lib. 2. Epist. 1. *Tunc demum plenè sanctificati, & filij Dei esse possunt, si sacramento utroque (Baptismatis, & Manus impositionis) nascantur.*

Similia habet Pacianus in lib. de Baptismo, to. 1. aliàs 3. Bibliothecæ SS. Patrum, in illa verba S. Ioannis cap. 1. *Quotquot enim receperunt, dedit eis potestatem filios Dei fieri, inquit: Hæc compleri aliàs nequeunt, nisi Lauacri, & Chrismatis, & Antistitis sacramento. Lauacro enim peccata purgantur, chrismate S. Spiritus superfunditur: utraque verò ista manu, & ore Antistitis impetramus, id est, consequimur: atque ita totus homo renascitur, & innouatur in Christo.* Et in epist. 1. ad Sympronian. hæc duo sacramenta ipsi Pœnitentiæ sacramento præponit, ita scribens: *Si ergo & lauacri, & chrismatis potestas, maiorum longè charismatum ad Episcopos descendit: & ligandi quoque ius adsuit, atque soluendi.*

S. Hieron. dialogo aduersus Luciferian. *An nescis etiam Ecclesiarum hunc esse morem, ut baptizatis postea manus imponantur: & ita inuocetur Spiritus sanctus? Exigis, ubi scriptum sit? In actibus Apostolorum. Etiam si Scripturæ auctoritas non subesset, totius orbis in hanc partem consensus instar præcepti obtineret. Quæ verba licet in persona Luciferiani proferantur, tamen postea à Hieronymo approbantur, his verbis: Disce hanc observationem ex ea auctoritate descendere, quod post ascensionem Domini, Spiritus sanctus ad Apostolos descendit.*

S. August. lib. 15. de Trinit. c. 26. *Orabant (Apostoli Actuum 8.) ut veniret in eos, quibus manus imponebant, Spiritus sanctus: non ipsi eum dabant. Quem morem in suis Præpositis etiam nunc seruat Ecclesia. Et paulò post. Dominus ipse Iesus Spiritum sanctum non solum dedit, ut Deus: sed etiam accepit ut homo & c. quoniam unxit eum Deus, non utique oleo visibili, sed dona gratiæ, quod visibili significatur unguento, quo baptizatos ungit Ecclesia. Et lib. 2. contra literas Petilian. cap. 104. vocat sacramentum Chrismatis, quod in genere visibilium signachlorum sacrosanctum est, sicut ipse Baptismus. Et paulò post: Discerne visibile sanctum sacramentum, quod esse & in bonis, & in malis potest, illis ad premium, illis ad iudicium: ab invisibili unctione charitatis, qua propria bonorum est. Quibus verbis duplicem sacramenti effectum distinguit: characterem, & gratiam sanctificantem: quorum ille omnibus, qui sacramentum accipiunt, communis, & indelebilis est; sed effectus gratiæ proprius bonorum.*

Theodoretus in c. 1. Cantic. Sacri Baptismatis mysterium recordare, in quo, qui iniantur, post Sathana abnegationem, & Dei confessionem, veluti signo ac nota quadam regiæ spiritualis unguenti chrismate inuncti, sub ea visibili unguenti specie, invisibilem sanctissimi Spiritus gratiam suscipiunt.

Circa institutionem huius sacramenti dubitari non debet, esse à Christo immediatè institutum, ante ascensionem suam, sicuti constat ex ijs quæ dixi hoc lib. tr. 1. c. 2. Veruntamen usus seu administratio huius sacramenti nulla erat ante Christi ascensionem: Quia in hoc sacramento, inquit S. Thom. q. 72. a. 1. datur plenitudo Spiritus sancti, quæ non erat danda ante Christi resurrectionem, & ascensionem, iuxta illud Io. 7. *Nondum erat Spiritus datus, quia*

Iesus nondum erat glorificatus. Ioan. 16. Si non abiero, Paraclitus non venit ad vos.

De tempore verò, quo Christus hoc sacramentum instituit, maius dubium esse potest. Sed arbitror dicendum cum Soto in 4. d. 7. q. 1. a. 1. circa 1. Suarez disp. 32. s. 2. Coninck q. 72. a. 1. dub. 2. Præcipuè, ac perfectè fuisse institutū post resurrectionem Christi, Io. 20. cum Apostolis plenam potestatem Ordinis sacerdotalis, & potestatis Episcopalis in corpus mysticum Ecclesiæ suæ contulit; *Sicut misit me vivens Pater, & ego mitto vos.* Quemadmodum enim Tridentinum Concilium sess. 14. cap. 1. ex eo, quod Christus Ioan. 20. Apostolis dedit potestatem remittendi peccata, rectè colligit, tunc præcipuè sacramentum Pœnitentiæ institutum fuisse; ita etiam ex eo, quod Christus tunc primū, & non antè Apostolis, ordinatis Episcopis, contulit potestatem conferendi fidelibus sacramentum Confirmationis; rectè colligimus, eo loco potissimū, ac perfectè institutum fuisse. Neque his quidquam obstat, quod Christus post ultimam cœnam, egresso iam Iuda, huius sacramenti mentionem apud Apostolos, promissionemque fecisse credatur, quin etiam modum conferendi eos docuisse, vti colligunt Doctores ex epist. 2. Fabiani Papæ ad Orientales: quamobrem ex antiqua traditione observatur, ut in die Cœnæ Domini sacrum chrisma in Ecclesia renouetur, sicuti præter alios annotavit Sotus in 4. d. 7. q. 7. a. 1. §. 1. at notandum.

CAP. II.

De Materia huius Sacramenti.

SUMMARIUM.

1. Materia remota sacramenti Confirmationis est chrisma ex oleo, & balsamo confectum, atque ab Episcopo benedictum; quæ omnia ad sacramenti essentiam spectant.
2. Materia, quibus ipsemet Christus usus est in sacramentorum institutione, à Ministro benedici non solent; sicut illa, quibus Christus usus non est.
3. Probabilius est, quod Papa Sacerdoti simplici potestatem, chrismatis consecrandi dare non possit.
4. Materia proxima huius sacramenti est unctio chrismatis in fronte facta manu Episcopi, in crucis formam: quæ omnia ad essentiam spectare videntur.
5. Credibilis est, Apostolos semper confirmasse baptizatos per chrismatis unctionem, & hanc ipsam vocari manus impositionem.

ASSERTIO I. Materia remota huius sacramenti est chrisma, ex oleo & balsamo confectum, atque ab Episcopo benedictum. Ita expresse docet Conc. Florent. in decreto Eugenij, §. Secundum sacramentum, & S. Th. q. 72. a. 2. & 3. & constat ex perpetua traditione & usu Ecclesiæ. Atque odoriferi huius, seu cum balsamo mixti unguenti (quo baptizatos in fronte ungere solis Episcopis concessum erat) mentionem faciunt Clemens Rom. lib. 7. constit. cap. 44. Auctor sermonum de vnct. Chrismatis, apud S. Cypr. Concil. Bracarense 3. can. 4. Gregor. Turon. lib. 1. de gloria Martyrum, c. 41. Greg. Magnus in cap. 1. Cantic.

Circa hanc assertionem dubitatur primò: Vtrum non tantum oleum ex oliuis, sed etiam balsami admixtio sit materia necessaria sacramenti, ex Christi institutione? Negant Caiet. 3. p. q. 72. a. 2. Sot. in 4. d. 7. q. 1. a. 2. Nau. c. 22. n. 8. & lib. 1. consil. 1. de sacra vnct. edit. 2. Couar. 1. resol. c. 10. num. 4. Viualdus de Confirm. c. de materia, n. 2. Victor. in sum. n. 40. Probant primò, auctoritate Innoc. III. in c. 1. de sacramentis non iterandis, qui interrogatus, vtrum sacramentum Confirmationis in eo iterari debeat, qui per errorem non chrismate, sed oleo vinctus

unctus fuit; Respondit, non esse aliquid iterandum, sed cautè supplendum, quòd incautè fuerat prætermisum: ex quò colligitur, Confirmationis sacramentum substantialiter fuisse completum sine balsamo: nam aliàs repeti debuisset. Secundo, credibile non est, pauperrimos Episcopos in prima Ecclesia balsamum habere potuisse, quo fortè etiam hodie multi carent, inquit Caiet. Tertiò, Nomen Chrismatis, quo Apostolos vsos fuisse ex S. Dionysio colligitur, unctionem significat, quæ solo oleo fieri potest. Denique obijci potest, tam modicam esse balsami admixtionem, ut neque ad omnes partes olei perveniat, ac tandem in oleum convertatur: ex quò sequitur, sæpe materiam Confirmationis esse solum oleum, sine substantia balsami.

Verùm hanc sententiam ante Caiet. nemo docuit: quare contraria aliorum communis amplectenda, quam satis etiam indicat S. Th. cit. a. 2. & Concil. Florent. in decreto Eugenij, cum absolutè ait; Materiam huius sacramenti esse chrisma confectum ex oleo, & balsamo: non ita verò, cum de sacramento Eucharistiæ sermo est, ait, eius materiam esse vinum aqua mistum: sed *vinum de vite, cui ante consecrationem aqua modicissima adhiberi debet*. Ergo ex hac loquendi diversitate apparet, mentem Concilij fuisse, quòd admixtio aquæ in materia Eucharistiæ sit tantum de necessitate præcepti; admixtio verò balsami pro Confirmatione, sit de necessitate sacramenti; ex institutione Christi, quam per Ecclesiæ traditionem accipimus.

Ad primum pro Caietani sententia allatum, respondeo; Rectè dixisse Innocentium. In tali casu cautè esse supplendum, quòd incautè erat prætermisum: in proposito autem intermissa erat unctio chrismatis: ergo ea postea adhiberi debebat: chrismatis unctio, inquam, non folius balsami, ut rectè notavit Abb. in cit. c. 1. & Coninck q. 72. a. 3. dub. 1. n. 35. Est enim prorsus alienum ab Ecclesiæ consuetudine, ut unctio solo balsamo fiat. Quod autè dixit Innoc. nihil esse iterandum, duoduo modis explicari potest: Primò, secundum mentem Palud. in 4. d. 7. q. 1. a. 2. in fine; Non iterari hoc sacramentum: sed primum conferri, cum prior illa collatio propter defectum substantialem irrita fuerit. Deinde referri potest ad accidentales ceremonias, quæ cum semel solemniter adhibita sunt, etsi postea substantialis defectus in materia, vel forma sacramenti deprehendatur, is solum priuatim corrigendus, seu supplendus est, sine repetitione rituum accidentalium: idque etiam in Baptismo observandum esse, monet Suarez disp. 33. s. 1. Vivaldus de Baptismo, c. ult. n. 21.

Ad secundum negari debet; Tantam fuisse paupertatem in Ecclesijs, ut modicum balsami comparari non potuerit, quantum opus erat ad sacramenti huius administrationem.

Ad tertiam dicitur; Nomen chrismatis, vsu Ecclesiasticorum Scriptorum, ita semper acceptum fuisse, ut mixturam balsami cum oleo significaret, sicuti constat ex Innoc. in cit. c. 1. Fabiano epist. ad Orientales Concil. Romano 2. sub Sylvestro, Carthag. 2. can. 3. Carthagin. 3. can. 36. Toletano I. can. 20. quibus prohibetur Presbytero, ne chrisma conficiat: hoc autem nomen *confectio* mixturam aliquam significat.

Ad quartum respondetur: Physicam illam disputationem, quomodo balsamum cum oleo, secundum partium iuxta positionem misceatur, & num in forma substantiali permaneat, an tantum secundum qualitates alteratas &c. nihil omnino referre ad moralem institutionem, & usum materiæ sacramentalis.

Secundò dubitatur: Vtrum ex necessitate sacramenti requiratur, ut chrisma ab Episcopo consecratum sit? Ita affirmandum est cum S. Th. a. 3. Nau. cap. 22. num. 8. & alijs Theologis ferè omnibus. Sumitur ex Concil. Florentino, in decreto Eugenij, Innoc. I. epist. 1. c. 3. & perpetua Ecclesiæ traditione, quæ testatur, chrismatis confectio-

nem ac consecrationem semper Episcopo reservatam, & nunquam Presbytero commissam fuisse: quod signum est, talem potestatem, secundum Christi institutionem, ad solos Episcopos pertinere: quare in suprà citatis Concilijs prohibetur, ne quisquam, præter Episcopum, chrisma conficere, & per diocesan destinare præsumat. Et S. Gregor. in c. 1. Cantic. In Engaddi balsamum gignitur, quod cum oleo Pontificali benedictione, chrisma efficitur, quo dona sancti Spiritus exprimuntur.

Accedit, quòd Patres mirè exaggerant chrismatis consecrationem, quæ per summum Sacerdotem seu Episcopum fieri debet: Nam S. Dionysius cap. 2. p. 2. hierarchia Eccl. *Divinum & deificum unguentum*, & c. 7. p. 3. *Sacratissimum unguentum* vocat. Optatus Mileuitanus lib. 2. contra Permenianum *chrisma sacrosanctum*: Laodici Concil. can. 8. *Chrisma celeste*: Theophyl. Antiochenus lib. 1. contra Christianæ religionis calumniatores, *Oleum divinum*: Cyrillus catech. 3. *Myrtag. Unguentum sanctum*. Et paulò post, *Chrisma Christi, quòd adventu Spiritus sancti, per ipsius divinitatem, energiam habet, ut videlicet baptizatis, in Spiritu sancto confirmandis, per manus episcopalis impositionem, & unctionem, adhiberi possit*.

Congruentia autem rationem, cur materiam Confirmationis, sicuti & Extremæ unctionis necessariò benedictam esse oporteat, reddit S. Thom. in cit. a. 3. Alensis p. 4. q. 24. mem. 2. a. 1. §. 3. Richar. in 4. dist. 7. a. 1. q. 1. Scotus ead. d. 7. ver. ad secundum dicendum. Gabr. ibid. q. vn. a. 1. contra Durandum ead. d. 7. q. 2. Palud. q. 1. a. 2. Congruum enim est, ut corporea & sensibilis materia, antequam ad animæ sanctificationem adhibeatur, à vulgari ac profano vsu per benedictionem aliquam secernatur. Discrimen autem est, quòd quibusdam materijs Christus ipse est vsus, ideòque eas sanctificavit, siue aptas reddidit ad perfectionem sacramenti. Quare S. Ambros. lib. 2. in Lucam, in fine, & lib. 1. de sacram. cap. 5. S. August. ser. 36. de tempore, Chromatius in Matth. cap. 6. allegatus, in c. nunquam aquæ, d. 4. de consecr. & alij Patres dixerunt, Christum in Iordane contactu suo sanctificasse aquas: ut videlicet idonea materia fierent ad purganda peccata in sacramento Baptismatis. Similiter ipsemet Dominus accipiens panem, & calicem benedixit, Matth. 26. Luc. 22. Quare ad necessitatem sacramenti eius non spectat materiæ benedictio, quia sufficit benedictio Christi: si quæ verò Ecclesiastica benedictio adhibetur, ea ad solemnitatem accidentalem pertinet. Unctionibus autem visibilibus, quæ in sacramento Confirmationis, & Extremæ unctionis fieri debent, Christus ipse non est vsus, neque eorum materiam benedixisse alicubi legitur: quamobrem tum chrisma, tum oleum infirmorum prius necessariò benedici debent, quam ad usum sacramenti adhibeantur.

Cur autem Christus instituerit, ut Confirmationis, & Extremæ unctionis materia à solis Episcopis consecrari posset, rationem congruentiæ reddere possumus, ex eod. S. Th. in 4. d. 23. q. 1. a. 2. quæstion. 2. & 3. Palud. ibid. q. 1. a. 1. Quia Episcopi, seu primi Sacerdotes præcipuè repræsentant personam Christi: ergo decens est, ut ipsi materias ad usum sacramentorum destinant, & sanctificent: quò intelligatur, omnem sacramenti virtutem à Christo derivari. Accedit, quòd hac etiam ratione sacramenti materia in maiore veneratione sit, sicuti notavit Suarez 3. p. t. 4. disp. 40. s. 1. n. 8.

Contra hæc Caiet. cit. q. 72. a. 3. duo asserit: I. Probabiliter valitum sacramentum, si Episcopus in Confirmatione utatur chrismate, quòd à simplici Sacerdote consecratum est. Secundò: Extra dubitationem esse debere, quòd saltem Papa simplici Sacerdoti talem consecrandi potestatem committere possit. Probat utrumque hæc ratio: Qui potest facere maius, potest etiam quòd minus est: sed simplex Sacerdos potest efficere maiorem sacramentalem consecrationem S. Eucharistiæ: ergo

etiam quamlibet minorem, seu non sacramentalem. Præterea Papa committere potest. Confirmationis: ergo ministrandi sacramentum. Confirmationis: ergo ministrandi sacramentum. Confirmationis: ergo ministrandi sacramentum.

Sed hæc non rectè se habent: Nam primum dictum Caiet. nec probabile, nec tutum est, vt rectè notat Sotus in 4. d. 7. q. vñ a. 3. Suar. t. 3. disp. 33. s. 2. §. in secundam petitur. Alterum verò eius dictum, in quod etiam Sotus propendit, & Greg. de Valentia to. 4. disp. 5. q. 1. p. 2. colum. ult. non est extra controuersiam: imò oppositum eius probabilius, vti videre est apud Suarez cit. f. 2. Henriquez lib. 3. cap. 2. Coninck cit. disp. 72. art. 3. dub. 1. concl. 4.

Ad fundamentum Caietani respondetur, cum Durando in 4. d. 7. q. 3. ad 2. Axioma illud: *Qui potest maius, potest etiam facere minus*, habere tantum in subordinatis, quibus id, quod minus est, continetur in maiore, tanquam pars in toto, aut imperfectum in perfecto: v. g. Qui potest facere testamentum, is potest etiam codicillum: & qui matrimonium contrahere potest, is etiam sponsalia celebrare. Non ita verò se habent duæ illæ potestates: vna consecrandi Eucharistiam, altera consecrandi chrismata; cum valde distinctæ, & separatæ sint. Sed neque potestas Confirmandi, licet maior esse videatur necessario secum fert potestatem conficiendi chrismata: cum priorem constet aliquando Presbytero à Sede Apostolica delegatam esse; non item posteriorem: Ergo non facile asserendum est, delegari posse: præsertim cum eius rei cōgruam rationem asserre possimus, vt videlicet appareat dependentia ab Episcopis, tanquam primis Sacerdotibus, & præcipuis Christi Ministris, vt supra dictum.

Illud porro rectè admonet Suar. licet chrismatis consecratio ex Christi institutione proveniat, sicuti per traditionem accepimus: non tamen certam consecrationis formam à Christo præscriptam fuisse, sed solum, vt per inuocationem S. Spiritus consecraretur, verbis ab Ecclesia ordinatis.

4. Assertio II. Materia proxima sacramentum Confirmationis est vnctio chrismatis in fronte, facta manu Episcopi, in crucis figuram. Est communis doctrina, quæ satis colligitur tum ex traditione, tum ex forma, qua Ecclesia vtitur in sacramenti huius administratione: *Signo te signo crucis, & confirmo te chrismate salutis &c.* Et S. Ambrosius lib. 6. de sacram. c. 2. *Vixit te Deus, signauit te Christus: quo modo? quia crucis ipsius signatus es forma ad illius passionem, accepisti signaculum, ad illius similitudinem: ut ad ipsius formam resurgas: Ipsius vinas figura, qui peccato crucifixus est.* Atque hæc ipsa cæremônia, videlicet frontem vnguento, seu chrismate in crucis formam signando, sacramentum istud semper conferri solitum, indicant Patres, S. Dionysius cit. c. 2. p. 2. Tertull. lib. de præscript. c. 40. Quare S. Cyprian. in epist. ad Iubaianum, *signaculum dominicum* appellat. Et Cornelius Papa apud Eusebium lib. 6. cap. 3. *Nec reliqua consecutus est (Nouatus) quæ iuxta Ecclesiæ canonem consequi debebat: ob signationem videlicet ab Episcopo.* Atque idem Euseb. lib. 3. c. 23. *eximium phylacterium, ob signationem Domini* appellat. Et Prudentius poëta in Psychomachia: *Post inscripta oleo frontis signacula, per quæ Vnguentum regale datum est, & chrisma perenne.* Cyrillus catech. 4. mystagog. *Impinguit tuum caput in fronte, per signaculum Dei.* Gregor. Turonensis lib. 2. de gestis Francorum, c. 31. *Rex (Clodoueus) baptizatus est in nomine Patris, & Filij, & Spiritus sancti, delibutusque sacro chrismate, cum signaculo crucis Christi.* Adde S. Augutt. psalm. 141. super illud, *In uia hac, qua ambulabam, ubi ita scribit: Vsq. ad eam de cruce non erubescō, ut non in occulto loco habeam crucem Christi: sed in fronte portem. Multa sacramenta aliter, atque aliter accipimus: quadam sicut in ore accipimus: quadam per totum corpus accipimus. Quia verò in fronte erubescit ille, qui dixit: Quia me*

erubuerit coram hominibus, erubescam eum coram Patre meo in cælis, ipsam ignominiam quodammodo, & quam Pagani irrident (crucem videlicet) in loco pudoris nostri constituunt. Et Florent. Concil. in decreto Eugenij: *Ideo in fronte, ubi uerecundia sedes est confirmandus ungitur, ne Christi nomen confiteri erubescat: & præcipue crucem eius, quæ Iudæis est scandalum, Gentibus autem stultitia, præpter quod signo crucis signatur.* Videri etiam potest Innoc. I. & Greg. I. relati in c. Presbyteris, & seqq. dist. 4. de consecr. Rabanus de institut. Clericorum, lib. 1. c. 30. Innoc. III. in c. vn. de sacra vnctione, Alensis in p. 4. q. 24. mem. 2. art. 2. §. 2. & q. 28. mem. 6.

Sed dubitantur. Vtrum Apostoli in Confirmatione fidelium chrismate vsi sint? Duæ sunt responsiones probabiles; Prima, quam indicat S. Th. q. 72. a. 2. ad 1. & a. 4. ad 1. & docet expressè Alensis in cit. mem. 2. a. 2. §. 1. In Ecclesia primitiua, Apostolos, qui spiritu sancto in die Pentecostes extraordinario modo confirmati erant, eundem Confirmationis effectum, specie ignis visibilis descendentem, reliquis fidelibus priuilegio communicasse, per solam manuum impositionem; quia is modus facilius, maioremque dignitatem, ac potestatem præ se ferens, temporis illi magis accommodatus erat: postea verò, cessantibus signis, & visibili donorum Spiritus sancti communicatione, cœpisse Apostolos sacramentum Confirmationis per chrismatis vnctionem conferre, sicuti à Christo institutum, ipsisque traditum fuit, vt perpetua cæremônia in Ecclesia esset.

Alter est responsio Thomæ Waldensis de sacramen. c. 113. Paludani in 4. distict. 7. q. 12. 3. concl. 3. Bellarmini lib. 2. cap. 9. Coninck cit. a. 3. dub. 1. Apostolos semper confirmasse per chrismatis vnctionem; & hanc ipsam vocari manus impositionem: qui enim frontem pollice ungit, ac signat, is utique manum imponit. Quamobrem Patres, qui interdum aiunt, hoc sacramentum manus impositione dari mox dicunt, dari per vnctionem chrismatis: interdum verò sacrum signaculum, & consignationem Domini appellant; rem eandem diuersis vocibus appellantes: Imò explicantes verba Lucæ, Act. 8. fatentur, Apostolos, cum super baptizatis manus imponebant, idem fecisse, quod postea in Ecclesia Catholica retentum, & obseruatum fuerat: tunc autem mos erat confirmandi baptizatos per chrismatis vnctionem, factam manu Episcopi: Ergo idem etiam modus ab Apostolis in primitiua Ecclesia vsurpatus fuit. Atque hæc sententia mihi valde placet, quam etiam approbasse videtur Innoc. III. in c. vn. de sacra vnct. *Per frontis chrismationem manus impositio designatur, quæ alio nomine dicitur Confirmatio.*

Dubitatur secundò; Vtrum ad essentiam huius sacramenti pertineat, vt vnctio fiat manu Episcopi in fronte, & in crucis figuram? Responsio est affirmatiua, hæc tria esse de necessitate sacramenti. Ita ex communi Suarez disp. 33. sect. 3. Coninck a. 3. dub. 1. num. 50. Probatur ex traditione, & consensu Patrum, qui hoc sacramentum modò impositionem manus appellant; modò signaculum Domini, quod in fronte gerimus: ad significandum constantiam in profitenda Fide Christi, sicuti supra ex Ambrosio lib. 6. de sacram. c. 2. audiuius. Illud verò admonet Suarez in fine s. 3. Et si ex præcepti Ecclesiastici necessitate vnctio fieri debeat pollice manus dextræ, intincto in chrismate; tamen id requisitum non videri de necessitate sacramenti; sed validam fore Confirmationem, adhibito alio digito, etiam sinistra manus: quia verè fieret per impositionem manus Episcopalis, quamuis contra vniuersalis Ecclesiæ consuetudinem.

CAP. III.

De forma huius Sacramenti.

S V M M A R I V M.

- 1 Forma huius sacramenti est: Signo te signo crucis, & confirmo te chrismate salutis, in nomine Patris, &c.
- 2 Probabile est, valitum sacramentum, si ita conferatur; Signo te chrismate salutis, in nomine Patris &c. vel ita; Confirmo te in nomine Patris, &c.
- 3 Antiqui Patres formas sacramentorum infidelibus prodi ciebant.

FORMA sacramenti hæc est: Signo te signo crucis, & confirmo te chrismate salutis, in nomine Patris, & Filij, & Spiritus sancti, Amen. Ita S. Thom. a. 4. Concil. Florent. in decreto Eugenij, & constat ex usu, ac traditione Ecclesiæ. Tria enim, inquit S. Th. sunt necessaria in hoc sacramento, quæ per formam signari debent: I. est, Causa principalis, efficiens plenitudinem roboris spiritualis, quæ est sancta Trinitas. Et necesse est, SS. Trinitatem expressè invocare, sicuti de Baptismo dictum fuit: quia in utroque sacramento initiandus profiteri debet primum ac præcipuum mysterium Fidei Christianæ, quam in Baptismo suscipit credendam, in Confirmatione etiam tenendam, & palam profitendam.

II. est, Finis, seu effectus gratiæ salutaris, quæ ad spirituale robur animæ, per visibilem vñctionem in hoc sacramento confertur, atque ijs verbis exprimitur; Confirmo te chrismate salutis.

III. est, Spirituale signum siue character, qui Christiano militi imprimitur, sicuti etiam in corporali pugna milites Ducis sui insignibus ornari solent: atque ijs verbis indicatur: Signo te signo crucis. Quare sicuti suprà de materia huius sacramenti dictum est, ad essentiam eius pertinere, ut vñctio fiat in fronte per crucis figuram: ita nunc dicendum de forma, necessario in ea significandam esse & vñctionem, & consignationem: quandoquidem verba debent esse constitutiva & determinativa materiæ ad significationem sacramentalem.

Ex quo sanè manifestum fit, formulam verborum, quæ Ecclesiæ vtitur, convenientissimam esse; cum in ea utrumque exprimitur, videlicet quòd homo in hoc sacramento instar athletæ exterius chrismate, interius Spiritus sancti robore vngatur: Insper & cruce exterius, & invisibili caractere interius, tanquam signo Christi militari signetur. Ad quod etiam Apostolus 2. ad Corinth. 1. alluisse videtur: Qui confirmat nos vobiscum in Christo: & qui unxit nos Deus, qui & signavit nos, & dedit pignus Spiritus in cordibus nostris. Ita enim hunc locum explicant Anselmus, Liranus, & alij: atque indicat S. Ambros. de ijs qui ministerijs initiantur, c. 7. & S. August. lib. 15. de Trinit. c. 16.

- 2 Cæterum non satis constat, utrum ad essentiam formæ requiratur, ut utraque actio & vngendi, & cruce signandi expressè explicetur: an verò sufficiat implicitè & virtualiter: v. g. Signo te chrismate salutis, in nomine Patris &c. vel, Confirmo te in nomine Patris, & Filij, & Spiritus sancti. Nam in priore forma. verbum signo per adiunctam Ministri actionem satis determinari videtur ad significandum signaculum crucis: & in posteriore forma verbum confirmo, adiuncta actione Ministri, fronte signantis, determinari videtur ad significandam confirmationem, quæ fit per chrisma, seu vñctionem formatam crucis figura, Cui rei argumento esse etiam potest, quòd in libro qui inscribitur Ordo Romanus, in officio Sabbathi sancti, legitur: Ut Pontifex, elevata & imposita manu super capita omnium (infantium baptizatorum) det orationem super eos, cum

invocatione septiformis gratia Spiritus sancti: Atque in fine orationis dicitur ad Deum, Consigna eos signo crucis Christi, in vitam propitiatus, eternam, Amen. Oratione expleta, interrogantibus Diaconibus nomina singulorum; Pontifex tincto pollice in chrismate, faciat crucem in frontibus singulorum, ita dicendo: Confirmo te in nomine Patris, & Filij, & Spiritus sancti, Amen. De qua quæstione, quam dubiam esse dixi, videri potest Bellarm. lib. 2. c. 10. Suárez disp. 33. l. 5. Henric. lib. 3. c. 2. n. 5.

Illud porro monent Bellarminus, & alij, mirum non esse, quòd apud Patres tum huius, tum aliorum ferè sacramentorum formas expressè non legamus: quia volebant illi nostræ Religionis mysteria infidelibus proderè. Quare Innoc. I. epist. 1. ad Decentium de Confirmatione scripsit: Verba dicere non possum, ne magis proderè videar, quam ad consultationem respondere. Idem que antea dixerunt S. Dionysius c. 7. p. 3. de Eccles. hierarchia, Cyrillus, & Ambrosius, quos citavi tr. præced. c. ult. Vide S. Thom. q. 72. art. 4. ad 1.

CAP. IV.

De effectibus huius Sacramenti.

S V M M A R I V M.

- 1 Effectus sacramenti Confirmationis est augmentum gratiæ sanctificantis; in super actualis gratiæ auxilium, ad Fidem Christi constantem profitendam.
- 2 Convenit, ut adulti ante susceptionem Confirmationis sacramentaliter confiteantur.
- 3 Manus impositio confirmatoria, & ordinatoria repeti non possunt, alia verò manuum impositiones repeti possunt.

EFPECTVS huius sacramenti est augmentum gratiæ sanctificantis: in super actualis gratiæ auxilium ac robur; tempore opportuno conferendum, ad Christi Fidē constantem profitendam. Ita S. Th. q. 72. a. 1. & 7. Nam sicuti Præter motum generationis, quo aliquis accipit vitam corporalem, est motus augmenti, quo aliquis perducitur ad ætatem perfectam; sic etiam vitam spirituales homo accipit per Baptismum; qui est spiritualis generatio: in Confirmatione autem homo accipit quasi quandam perfectam ætatem vitæ spiritualis. Vnde Melchisedes Papa: Spiritus sanctus, qui super aquas Baptismi salutifero descendit lapsu, in fonte plenitudinem tribuit ad innocentiam, in confirmatione augmentum præstat ad gratiam. Ita S. Th. cit. a. 1. Et similia habet S. Cyprianus lib. 2. epist. 1. & Pacianus in lib. de Baptismo, quæ loca suprà citavi cap. 1. n. 2.

Corollarium. Cum sacramentum Confirmationis ex propria institutione, augmentum gratiæ conferat, necessarium est, per se loquendo, ut suscipiens iam antè in Dei gratia cōstitutus sit, seu spiritualiter vivat: siquidem augmentum supponit vitam. Et si autem præceptum nullum extet, ut ante Confirmationem (sicuti & aliorum similium sacramentorum, excepta Eucharistia) præmittatur Confessio sacramentalis: quia sufficit contritio ei, qui peccati mortalis conscius sibi est: longè tamén tutius, ideoque consultius est sacramentaliter prius confiteri.

Quamobrem Episcopi confirmandos, itémque ordinandos ad id exhortari debent: iuxta c. ut ieiuni, d. 5. de consecr. & notat S. Thom. art. 7. ad 2. vel etiam præcipere, si particularium Ecclesiarum consuetudo ita exigat. Addit ibidem S. Thom. fieri posse, ut quis primam gratiam, ac peccatorum remissionem consequatur in sacramento Confirmationis, si suscipiens in peccato mortali vel eius conscientiam non habeat, sed inculpam obliuionem; vel bona fide existimet se contritum esse, cum tantum attritus existat. Vide quæ dixi hoc lib. tr. 1. c. 6. n. 2.

Alius sacramenti huius effectus est character indelebilis, de quo satis dictum fuit eod. tract. 1. cap. 7. Solum hoc loco obijci potest dictum S. August. lib. 3. de Baptismo contra Donatistas, relatum in c. manus, 1. quæst. 1. *Manus autem impositio* (quo nomine Confirmationis sacramentum intelligi solet) *non sicut Baptismus repeti non potest: quid enim est aliud, quam oratio super hominem?* Respondeo; Quod sacramentum Confirmationis, ex Augustini sententia, repeti non possit, satis colligitur tum ex dicto cap. 16. tum ex lib. 2. contra literas Petilian, c. 104. quibus locis ait, distinguendum esse inter sacramentum, & gratiam sacramenti: illud enim etiam in hominibus pessimis reperiri; gratiam autem, seu internam sancti Spiritus vñctionem propriam bonorum esse. Et in epist. S. Ioan. tract. 6. *Si vis nosse, utrum acceperis Spiritum* (qui per manus impositionem nunc datur, sicut olim etiam Apostoli dabant) *interroga cor tuum, ne forte cum sacramentum habes, virtutem sacramenti non habeas.* Quare dicendum est eum Glos. marginali in cit. e. manus, & Hincmaro Rhemenfi Episcopo apud Franc. Turrianum in explanat. Clementis Romani lib. 8. Constitut. Apostolic. c. 19. Quod non vna tantum, sed variaz manuum impositiones sint: videlicet confirmatoria, & ordinatoria, quæ repeti non possunt: item consecratoria, curatoria, quæ repeti possunt: similiter & reconciliatoria seu priuata, seu publica pœnitentia. Vbi aduertere licet, in Occidente olim moris fuisse, ut reuersis ab hæresi, ac verè pœnitentibus, si in nomine SS. Trinitatis baptisati essent, manus tantum imponerentur, sine vñctione sacramentali, vti testatur Gregor. I. lib. 9. indict. 4. epist. 61. ad Quirinum, Innoc. I. epist. 2. ad Victorium, cap. 8. Et de hac manus impositione intelligendus videtur S. August. cum ait, non esse aliud, quam orationem super hominem, per quam Spiritus sanctus precatori aduocatur, sicuti apertius colligitur ex eodem S. August. lib. 5. de Baptismo, cap. 23. Innoc. & Gregorio locis citat. & Gennadio de Eccles. dogmat. cap. 52. & præter alios docet Bellar. lib. 2. cap. 7. ad 1. argument. Pet. Sotus lect. 1. de Confirmat. in fine. Quamuis Gregor. de Valentia disp. 5. quæst. 1. p. 1. existimet, Augustinum loqui de impositione manuum, quæ ante sacramentum Confirmationis fieri solet per orationes, quibus petitur Spiritus sanctus, vti etiam in ordine Romano videri licet: talis enim impositio manuum, secundum se spectata etiam ad alios fines adhiberi, ideòque repeti posset.

CAP. V.

De subiecto, siue suscipiente huius Sacramenti.

S V M M A R I V M.

1. Subiectum capax huius sacramenti est omnis, & solus homo baptisatus.
2. In plerisque Ecclesijs infantes ante rationis usum confirmari non solent.
3. Qui perpetuo amentes sunt, & infantes in mortis articulo utiliter, ac rectè confirmari possunt.
4. Hodie non extat præceptum obligans sub peccato ad suscipiendum Confirmationis sacramentum, secluso contemptu.

SVBIECTVM capax sacramenti Confirmationis est omnis, & solus homo baptisatus. Ita docet Magister in 4. distinct. 7. S. Th. quæst. 72. a. 8. & colligitur ex cap. 2. A. & ubi dicitur, quod Spiritus sanctus repleuit totam domum, in qua erant, Apostoli, sedentes; & postea subditur, quod repleti sunt omnes Spiritu sancto. Per domum autem illam Ecclesia Christi significatur: repletio verò Spiritus sancti nunc per Confirmationis sacramentum confertur. Ratio congruentiæ est: Quia sicut natura, quos genera-

uit, ad perfectum adducere conatur: ita etiam Deus, & ministerialiter Ecclesia, quos spiritualiter generauit per Baptismum, ad statum perfectiorem gratiæ adducit per Confirmationis sacramentum. Consentit his c. 1. dist. 5. de consec. ex Urbano Papa.

PRIMA QUÆSTIO. An conueniens sit, ut hoc sacramentum etiam infantibus ministraretur? Respondeo: Olim quidem in more positum fuit; ut infantibus quoque, statim post Baptismum, Confirmationis sacramentum conferretur, sicuti suprà dixi, & testantur Tertull. lib. de Baptismo, c. 7. & 8. Rabanus lib. 1. instit. Clericorum, c. 30. Alcuinus de Ecclesiast. offic. c. De Sabbatho sancto. Waldensis lib. de sacrament. c. 111. Petrus Sotus lect. 2. de Confirmat. Dominicus Sotus in 4. d. 7. q. vn. a. 8. Baron. in Annum Christi 371. Verum nunc in plerisque Ecclesijs consuetudo est, ut infantes, antequam ad rationis usum perueniant, quod ferme in septimo ætatis anno contingit, non confirmantur; partim ut sacramentum maiore cum reuerentia & utilitate suscipiatur, utpote concurrente actuali fide, & reliqua dispositione susipientis; partim ut absit periculum repetendi, si ipse qui suscipit, recordari deinde non possit, se confirmatum fuisse.

Adde, in prima Ecclesia Baptismum, extra mortis periculum, bis tantum in anno Paschate & Pentecoste, conferri solitum fuisse, tum paruulis, tum adultis, sicuti constat ex congestis à Gratiano, c. non ratione, & seqq. d. 4. de consecrat. quibus etiam temporibus Episcopi adesse poterant, & solebant ad baptisatos mox confirmandos; postea verò, Ecclesiâ auctâ, cum Baptismus omnibus anni temporibus ministrari cœpit, introducta est consuetudo, ut infantes non statim post Baptismum, sed commodiore post tempore, cum rationis usum assecuti sunt, confirmarentur.

Sufficit autem ætatis septennium, ad hoc sacramentum conuenienter suscipiendum, sicuti & ad primam tonsuram, ait Glos. in c. vlt. de tempor. ordinat. in 6. Palud. in 4. d. 7. q. 4. a. 2. concl. 2. Imò interdum etiam ante dictâ ætatem sacramentum hoc congruè suscipi potest: I. Si manifestum sit, puerum ante ætatis septennium, usu rationis præditum esse. II. Si modò non confirmatus, diu non habiturus sit occasionem sacramenti accipiendi. III. Si puer in periculo mortis existens, oportune istud sacramentum consequi possit. IV. Si diœcesis consuetudo vigeat, ut pueri ante dictam ætatem confirmantur. Quare ratione testatur Viualdus in candelabro, cap. de suscipiente, in Hispania infantes duorum, vel trium annorum confirmari, eorūmq; nomina in libro cōsignari. Et Gabr. in 4. dist. 7. q. vn. a. 3. dub. 7. ait, opus non esse, ut infantes habeant memoriam acceptæ Confirmationis plūs, quam Baptismi: sufficit, quod, cum adoleuerint, ex relatione patrinoꝝ, vel alioꝝ, se sciant confirmatos esse; ad cauendam iterationem sacramenti.

E contrario verò non expedit post septennium, vel si puer rationis usum assecutus putetur, sacramentum diutius differri, quia dignius suscipitur ab innocente, seu gratiam baptismalem illæsam adhuc seruante: ipsūque etiam sacramentum remedij loco est, ut homo à grauioribus lapsibus custodiat. Quare de re Alensis p. 4. q. 28. mem. 5. a. 1. Sotus cit. a. 8. Suarez disp. 35. s. 2. Henriq. lib. 3. c. 5. n. 2.

QUÆSTIO SECUNDA. An conueniens sit, ut hoc sacramentum amentibus ministraretur? Respondeo & dico I. Qui usum rationis semel assecutus, postea in amentiam incidit, confirmari debet. Ita Sotus & Suarez ll. cc. Henriq. cit. cap. 5. n. 3. Coninck num. 83. & alij communiter. Quia adest interpretatiua hominis voluntas, suscipiendi tempore opportuno sacramenta, ad animarum salutem à Christo instituta. Excipe primò, Nisi constet, aliquem mortali peccato obnoxium, in amentiam incidisse. Secundò, Si spes sit, usum rationis recuperandum

perandum esse, tantisper expectandum erit.

Dico II. Nihil ob stare videtur, quominus etiam ijs, qui perpetuo amentes sunt, Confirmationis sacramentum ministrandum sit. Ita docet Suarez cit. sect. 2. ver. dicendum, Henriquez cit. c. 5. num. 3. Zambranus de Confirm. dub. 5. n. 3. Coninck cit. a. 8. num. 83. contra Sotum dist. 7. quæst. vn. a. 8. Valent. t. 4. disp. 5. quæst. 2. p. 2. Sa ver. Confirmatio, num 5. Ratio est; Quia eiusmodi amentes cum spiritali fructu, & sine irreuerentia sacramentum Confirmationis suscipiunt, sicuti & Baptismum neque dubium est, quin olim tum infantibus, tum perpetuo amentibus, vtrumque sacramentum ministratum fuerit. Nunc verò infantibus conferri non solet; quia expectatur tempus, quo vtilius percipere possint: quæ ratio cessat in perpetuo amentibus. Quare Episcopi, inquit Suarez, tales amentes confirmare deberent: si autem illi contrariam sententiam, secundum diœcesis suæ consuetudinem secuti, amentes confirmare non soleant: excusantur haud dubiè horum parentes, vel tutores, si eos non adducant.

QVÆSTIO TERTIA est de infantibus, qui in mortis periculo constituti sunt? Respondeo cum S. Thom. a. 8. ad. 4. S. Bonau. cit. dist. 7. art. 3. quæst. 1. Alens p. 4. quæst. 28. mem. 2. art. 1. Morituros, etiam pueros, seu infantes, rectissime confirmari, cum sint capaces & digni: ac nisi confirmentur, detrimentum spiritalis perfectionis patiantur. Neque obstat, quòd nunquam spiritaliter militaturi sint: id enim per accidens est, atque sine actuali pugna ad premium & gloriam celestem peruenire possunt, secundum proportionem gratiæ illis à Deo in hac vita collatæ. Addendum autem hîc est, quod in simili dixit Innoc. 1. epist. 1. ad Decentium: *Episcopi, occupationibus alijs impediti, ad omnes languidos ire non possunt: ceterum si Episcopus aut potest, aut dignum ducit aliquem à se visitandum & benedicere, & tangere chrismate, sine cunctatione potest.*

4. QVÆSTIO QVARTA. Vtrum extet aliquod præceptum, suscipiendi sacramentum Confirmationis? Respondeo. Diuinum præceptum nullum extat: eò quòd sacramentum istud ad salutem necessarium non sit, sicuti notauit S. Thom. quæst. 72. a. 8. ad 4. Sed neque Ecclesiasticum hodie præceptum extare, testantur Sotus cit. a. 8. Victoria de confirmat. num. 47. Couar. 1. resol. c. 10. n. 5. Abb. Panorm. in c. quanto, n. 4. de consuet. Adrian. in 4. de Confirmat. a. 1. §. etsi argumenta, Henriq. lib. 3. c. 1. n. 6. Zambr. de Confirm. dub. 4. Nau. cap. 22. num. 9. Valentia t. 4. disp. 5. quæst. 2. p. 3. Suarez disp. 38. l. 1. Coninck cit. a. 8. dub. vn. n. 88. Quotres posteriores addunt, nullum etiam præceptum propriè extare, sed solum admonitionem eius, quod congruè fieri debeat, in Trident. sess. 23. cap. 4. de reformat. Vt prima tonsura, ipsique ordines non conferantur, nisi antè confirmatis. Est tamen haud dubiè peccatum, saltem veniale, & quidem satis graue (inquit Zambr. de Confirmat. dub. 3. n. 4.) sine causa aliquem ordinare, qui confirmatus non est: cum Ecclesiarum consuetudo repugnet.

Monet verò S. Thom. cit. a. 4. esse peccatum mortale, si quis sacramentum Confirmationis non recipiat propter contemptum, seu quia istud parui æstimet. Aliqui verò, vt Richar. d. 7. a. 5. q. 1. Gabr. q. vn. a. 3. dub. 3. Syluest. ver. Confirmatio, n. 3. Tolet. lib. 2. cap. 24. in fine, aiunt, etiam notabilem negligentiam contemptum censerit: vt si quis data opportunitate consequendi sacramenti: qualem postea non facile habiturus sit, suscipere intermitat. Sed id verum non est: quia multa animæ salubria facere intermittimus ex corpore quodam; vel quia cogitamus, absolutè ad salutem nobis necessaria non esse; quæ tamen haud contemnimus. Verum per accidens, v.g. ratione scandali, nemo dubitat per eiusmodi omissionem, peccatum mortale incurri posse. Videri potest S. Bonau. dist. 7. a. 3. q. 2. Alensis in p. 4. q. 25. mem. 2.

Dixi autem hodie nullum extare præceptum Ecclesiæ; Nam olim, cum statim post Baptismum conferri sole-
ret Confirmationis sacramentum, fuisse præceptum illud suscipiendi, non obscure colligitur ex dictis Patrum, & antiquorum Conciliorum, vt Eliberini c. 38. Laodiceen. c. 48. quod etiam notauit Petr. Sorus lect. 2. de Confirmat. in fine. Et Paludan. in 4. distinct. 7. q. 1. a. 1. concl. 2. ob hanc causam dixit, haberi Ecclesiasticum præceptum de Confirmatione accipienda. Hodie verò, cum Episcopi sacramentum istud alicubi ministrare volunt, admonetur populus, non tamen præcepto strictè imposito, vt qui confirmati non sunt, ad confirmandum accedant, vel adducantur. Videri potest catechis. Rom. p. 2. de Confirmat. n. 13.

CAP. VI.

De Ministro huius Sacramenti.

S V M M A R I V M.

1. Minister ordinarius sacramenti huius solus Episcopus est: quamuis Papa, ex plenitudine potestatis suæ, simplici Sacerdoti committere possit.
2. Ad legitimam huius sacramenti ministrationem iurisdictio etiam requiritur.
3. Episcopus grauius peccat, si longo tempore Confirmationis sacramentum ministrare intermittat.

ASSECTIO I. Minister ordinarius huius sacramenti solus Episcopus est. Ita colligitur ex cap. 8. & 19. Act. Apostol. & traditur in Concil. Florentino in decreto Eugenij, Senonensi de decret. morum, c. 38. t. 4. Concilior. & à S. Cypriano epist. ad Iubaianum, Hieron. in dialog. aduersus Luciferianum, Paciano lib. de Baptis. tom. 1. Biblioth. SS. Patrum, Damasus Papa epist. 4. Innocent. I. cit. epist. 8. ad Decentium, c. 3. Leone 1. epist. 86. ad Episcop. Germaniæ & Galliæ, Gregor. 1. lib. 3. indict. 12. epist. 12. ad Ianuar. vbi admonet, quòd Presbyteri baptisatos prima tantum vice in pectore signare debent: quia altera signatio in fronte ad Episcopos spectat. Quod etiam tradit Gelasius Papa relatus in cap. Presbyteros, d. 95. & Scholastici in 4. distinct. 7. vbi S. Bonau. a. 1. q. 3. Richar. q. 3. n. 4. Alens. cit. q. 28. mem. 1. a. 2. Rationem adfert S. Thom. q. 72. a. 11. *In quolibet opere ultima consummatio supremae artis, aut virtuti reservatur: Fideles autem Christi sunt quoddam diuinum opus, secundum illud 1. Corinth. 3. Dei edificatio estis: sunt etiam quasi quadam epistola Spiritu Dei scripta, 2. Corinth. 3. Hoc autem Confirmationis sacramentum est quasi ultima consummatio Baptismi: quia per Baptismum homo edificatur in domum spiritualem, & conscribitur quasi quadam spiritalis epistola: sed per sacramentum Confirmationis, quasi domus edificata dedicatur in templum Spiritus sancti; & quasi epistola conscripta crucis signo signatur, & ideo collatio huius sacramenti Episcopis reservatur, qui obtinent supremam in Ecclesia potestatem.*

ASSECTIO II. Ex commissione Summi Pontificis simplex Sacerdos sacramentum Confirmationis ministrare potest. Ita contra Durandum in 4. d. 7. quæst. 4. Adrian. in 4. vbi de confirmat. a. 3. ver. tam videndum, Maiorem in 4. d. 7. quæst. vn. quibus adherere videtur Gabr. d. 7. quæst. vn. a. 2. in fine; docent S. Thom. cit. a. 11. Alensis p. 4. quæst. 28. mem. 1. a. 1. §. 3. Richar. in 4. distinct. 7. art. 2. quæst. 1. Palud. ibid. quæst. 4. art. 3. concl. 2. & d. 25. quæst. 1. art. 3. S. Anton. p. 3. tit. 14. cap. 14. §. 6. Victoria de Confirmat. num. 49. Nauarrus cap. 22. num. 8. Viualdus de ministro Confirmat. num. 14. Henriquez lib. 3. cap. 6. num. 4. in comment. Suarez disput. 36. sect. 2. Sumitur en Concilio Florent. in decreto Eugenij: *Legitur aliquando, per*

Apostolica Sedis dispensationem, ex rationabili & urgente admodum causa, simplicem Sacerdotem chrismate per Episcopum confecto, hoc administrasse Confirmationis sacramentum. Idem habet Concil. Senonense cit. c. 37. Fuit autem is, qui talem potestatem Presbyteris concesserat, Gregor. I. lib. 3. epist. 26. indict. 12. relatus in c. peruenit, d. 95.

His addendum; Tametsi causa, eaque grauis requiratur ad hanc concessionem, vt licita sit; non tamen vt valida, sicuti ex probabiliore docet Henriquez lib. 3. c. 6. num. 4. Suarez disp. 26. sect. 2. Coninck cit. a. 11. dub. vii. num. 110. Quia non est propriè dispensatio in lege Christi, sed potius commissio potestatis, secundum Christi institutionem. Voluit enim Christus (sicuti ex vsu, & traditione Ecclesiæ accepimus, inquit Suarez) vt Minister huius sacramenti ordinarius, & ex officio esset Episcopus; extraordinariè autem esse posset simplex Sacerdos, ex cōmissione summi Ecclesiæ Pastoris. Quamobrem talem commissionem facere posset Papa electus, licet nondum Sacerdos, aut Episcopus consecratus, cum sit actus iurisdictioni, non ordini episcopali competens; licet contrarium senserit Palud. distinct. q. 4. art. 3. in fine.

¹ Assertio III. Ad sacramentum Confirmationis licitè conferendum iurisdicção etiam requiritur; ideòque Episcopus alios confirmare non debet, quàm qui spiritualiter ipsi subditi sunt. Excipe: Nisi habeatur licentia, saltem rationabiliter præsumpta, proprii Ordinarij; vt si quis cum literis dimissorijs ordinandus veniat, qui confirmatus nondum est, ante ordinationem confirmari posse, notauit Henriquez cit. cap. 6. num. 6. Zambran. de Confirmat. dub. 2. num. 3. Nam concessio vno, censentur etiam concessa reliqua, sine quibus ad illud conuenienter perueniri non potest: Atqui ad primam tonsuram, ipsosque ordines admitti non debent, qui confirmati non sunt, vt supra dictum: Ergo &c. Præterea, si confirmante Episcopo in propria diocesi, accurrant etiam acolæ ex aliena; licitè confirmari possunt, ob præsumptionem, gratum id fore Episcopo, ad cuius diocesi illi pertinent; præsertim si id consuetudine receptum sit; quod etiam Henriquez notauit cit. c. 6. num. 6.

³ Assertio IV. Mortaliter peccat Episcopus si longo tempore sacramentum Confirmationis per se, vel Suffraganeum suum, ministrare intermittat. Ita ex communi Angelus ver. Confirmationis sacramentum, §. 1. Syluest. num. 2. Sa num. 12. Suarez disput. 38. sect. 2. Quia magno spirituali fructu priuat subditos suos, quorum tamen pascendorum cura ipsi ex officio incumbit.

CAP. VII.

De Cæremonijs huius Sacramenti.

S V M M A R I V M.

- ¹ Patrinus in Confirmatione alius esse debet à patrino Baptismi.
- ² Vita qua frons hominis confirmati ligata erat, ad profanum deinde usum adhiberi non debet.

AD cæremonias pertinet primò; Quòd Chrisma prius ab Episcopo benedici debet, vt supra dictum cap. 2. & docet S. Thom. 2. 12. Secundò adesse debet patrinus, sicuti constat ex c. si quis filialtrum, c. de his, 30. quæst. 11. & quæst. 4. cap. si quis ex vno, idque ex necessitate præcepti, obligantis sub culpa mortali, sicuti ex communi docet Nau. c. 22. num. 9. Zambran. dub. 6. num. 2. Et debet is esse diuersus à patrino Baptismi, nisi necessitas aliud postulet, iuxta c. in catechismo, d. 4. de consecrat. & notauit Zambr. num. 1. Henriquez c. 3. num. 3. vbi ait; à patrino Confirmationis instruendi obligationem non contrahi: cum id iure statutum non reperiatur, sicuti de patrino Baptismi. Tertio recitantur orationes, cum manus impositione super caput, ait Henriquez cit. cap. 3. num. 1. Quarto, Fons chrismate vnctæ vittæ ligatur, quæ circumferri debet, & non antè ablutio fieri, quàm vnctio siccata sit: quamuis in ea re cuiusque loci consuetudinem seruandam esse, monet Suarez disput. 37. sect. 2. Henric. cap. 3. n. 1. Coninck 2. 12. n. 115. Sa ver. Confirmatio, n. 17. Nam alicubi mos est, vt mox post collatum sacramentum, frons abluatur à Ministris in fonte baptismatis: si autem id non fiat, circumferri solet vita quibusdam locis duntaxat tribus diebus, quibusdam verò septem; idque iuxta veterem traditionem, apud Amala. lib. 1. c. 40. Postquam verò frons lota, & vitta deposita est, ea comburi solet; & aliis quibus locis in profluentem mitti. Quamuis nihil obesse videtur, si diligenter lota in sacrario, vel alio honesto loco asseruata, deinde ad similem sacrum usum adhibeatur. Ad profanos tamen vsus applicari non debet; cum per sacri chrismatis contactum quodammodo sacrata sit. Quintò, Episcopus confirmato leuem alapam infligit; vt significetur, Christianum militem paratum esse oportere, ad iniurias pro Christi nomine perferendas: atque etiam ex eo memoria ipsi imprimatur acceptæ Confirmationis. Sextò, Adhiberi solet cereus, quamuis de eo in Pontificali nulla mentio sit. Septimò, in c. vt ieiuni, & c. vt Episcopi, d. 5. de consecr. monentur Episcopi, vt ieiuni hoc sacramentum ministrent, & non nisi ieiunis. Ex rationabili tamen causa aliud fieri posse, notant DD. communiter: quare hodie, cum populus numerosus sit, qui confirmari debet, plerumque Confirmationis sacramentum post prandium conferri solet, sicuti notauit Suarez cit. sect. 2. Henric. cit. cap. 3. num. 1. in comment. lit. d. Denique in Pontificali monentur confirmati, vt ante vltimam benedictionem episcopalem loco non discedant: quæ tamen admonitio intermitteri debet, si tantus populus confluat, vt alij alijs succedere debeant: Profectò necessarium esse videtur, si Episcopus ad confirmandos fideles longo tempore non accesserit, vt modus aliquis ineatur succurrendi, ne ob tantum concursum homines deliqui patiantur, infantes comprimantur &c.

TRACTATUS QVARTVS, DE VENERABILI SACRAMENTO EVCHARISTIÆ.

CAP. I.

De natura huius Sacramenti.

SUMMARIUM.

1. Eucharistia est propriè sacramentum, ad cuius constitutionem pertinent species sensibiles, tum corpus, & sanguis Christi, quæ sub speciebus continentur, tanquam spirituale nutrimentum animæ.
2. Transmutationis seu conuersionis panis, ac vini in verum corpus, & sanguinem Christi, frequens est mentio apud SS. Patres.
3. Eucharistia sacramentum omnium excellentissimum est.
4. Materia, & forma aliter se habent in hoc sacramento, ac in alijs, quæ successuum esse habent.
5. Eucharistia sub speciebus panis, ac vini est unicum, integrum, ac perfectum sacramentum: idque varijs rationibus.
6. Eucharistia sacramentum varijs nominibus appellari solet.

EVCHARISTIA definitur: Sacramentum corporis, & sanguinis Christi sub speciebus panis, & vini, ad spiritualem animarum refectionem diuinitus institutum. secundum quam definitionem est Assertio I. Eucharistia est propriè dictum nouæ legis sacramentum. Constat ex perpetua Ecclesiæ traditione, & definitur in Concilio Lateran. cap. firmiter, in c. cum Marthæ, de celebr. Missarum, & in Trident. sess. 13. & sess. 21. Nam sacramentum est sensibile signum rei sacræ, ad hominem sanctificandum diuinitus institutum: huiusmodi autem est S. Eucharistia: siquidem species siue accidentia panis, ac vini significant sacratissimum Christi corpus & sanguinem, quæ sub ipsis continentur, tanquam spirituale animæ nutrimentum, iuxta illud Ioan. 6. Caro mea verè est cibus; & sanguis meus verè est potus.

Assertio II. Ad intrinsecam constitutionem huius sacramenti pertinent tum species Eucharisticæ, tanquam sensibile signum refectionis spiritualis: tum etiam quod sub ijs continetur corpus & sanguis Christi, tanquam spirituale animarum nutrimentum. Ita Caiet. 3. p. q. 73. a. 1. Bellarm. lib. 4. de Eucharist. c. 6. Suarez 3. p. to. 3. disp. 42. f. 3. Egid. Coninck. 3. p. q. 73. a. 1. n. 20. Eandemque doctrinam tradidit S. Irenæus lib. 4. contra hæreses, cap. 34. Qui est à terra panis, percipiens inuocationem Dei, iam non communis panis est: sed Eucharistia, ex duobus rebus constans, terrena & cælesti, Et S. Thom. in 4. d. 8. q. 1. a. 1. Ex speciebus & corpore Christi fit unum sacramentum. Idque probatur: Nisi enim species, siue accidentia ad constitutionem S. Eucharistiæ pertineant, non erit signum per se sensibile, ideoque nec sacramentum. Deinde nisi corpus & sanguis Christi ad sacramenti huius intrinsecam constitutionem spectent, non habebit hoc sacramentum veram rationem spiritualis refectionis, atque conuiuij; nam caro mea, inquit Christus Io. 6. verè est cibus: neque adorari poterit cultu latræ, quo solus Deus collitur: cum tamen Trident. Concil. sess. 13. c. 5. dicat Nullus dubitandi locus relinquitur, quin omnes Christi fideles, pro more in Catholica Ecclesia semper recepto, latræ cultum, qui vero Deo debetur, huic sanctissimo Sacramento in veneratione exhibeant. Denique quod Patres, & Concilia frequenter dicunt, ex pane

& vino per verba consecrationis cõfici hoc sacramentum, id verificari non potest de solis speciebus, vt patet; sed de corpore & sanguine Christi realiter contento sub speciebus. Siquidem transubstantiatio, in qua huius sacramenti consecratio formaliter consistit, aliud non est, quam conuersio panis & vini in verum corpus & sanguinem Christi.

De ea testantur Patres antiqui, vt Iustinus apolog. 2. pro Christianis, prope finem, S. Irenæus lib. 5. aduersus hæres. cap. 2. Ambros. lib. 4. de sacram. cap. 4. Panis iste panis est ante verba sacramentorum: ubi accesserit consecratio, de pane fit caro Christi. Et infra: Si tanta vis est in sermone Domini Iesu, vt inciperent esse, quæ non erant (per creationem) quantum magis operatorius est, vt sint quæ erant, & in aliud commutentur? Similia habet c. 5. & in lib. de ijs qui mysterijs initiantur, c. 9.

Cyrillus Hierosol. catech. mystag. 4. Aquam aliquando mutauit in vinum &c. & non erit dignus, cui credamus, quod vinum in sanguinem transmutaret? Et infra: Pro certissimo habeas, panem hunc, qui videtur à nobis, non esse panem, etiamsi gustus panem esse sentiat: sed esse corpus Christi.

S. Chrysost. hom. 83. in Matth. Non sunt humana virtutis opera, quæ tunc in cæna confecit: ipse nunc quoque operatur, ipse perfect. Ministrorum nos ordinem tenemus, qui verò hoc sanctificat, & transmutat, ipse est.

S. Gregor. Nyssenus apud Euthym. in panoplia, tit. 21. ait: Quod panis per verbum Dei, Hoc est corpus meum, sanctificatur, & in corpus Christi mutatur.

Auctor antiquus apud S. Cyprianum de cæna Domini: Panis iste, quem Dominus discipulis porrigebat, non effigie, sed naturâ mutatus, omnipotentia verbi factus est caro.

S. August. serm. 28. de verbis Domini: Dixi vobis, quod ante verba Christi, quod offertur, panis dicatur: ubi Christi verba deprompta fuerint, iam non panis dicitur, sed corpus appellatur. Et lib. 20. contra Faustum, cap. 13. ait, quod panis & calix certa consecratione mysticus fit.

Gau. tentius tract. in Exod. Dominus de pane (quia potest, & promissit) efficit proprium corpus.

S. Damascenus lib. 4. Fidei orthodoxæ, c. 14. Panis, ac vinum, & aqua per sancti spiritus inuocationem, & aduentum mirabili modo in Christi corpus & sanguinem vertuntur.

Theophyl. in cap. 26. Matth. Non dixit Iesus, hoc est figura: sed hoc est corpus meum. Ineffabili enim operatione transformatur, etiamsi nobis videatur panis. Quia igitur fronte hæretici nostri temporis dicere audent, PP. antiquos de transubstantiatione, seu conuersione panis in corpus Christi, & vini in sanguinem Christi, nihil sciuisse, aut docuisse? Vide Trident. sess. 13. cap. 3.

Obijciunt I. Ad rationem sacramenti requiritur, vt sit signum per se sensibile: Atqui corpus & sanguis Christi, quatenus in sacramento existunt, per sensibilia non sunt: Ergo non habent rationem sacramenti. Respondeo: ad totale quidem siue integrum sacramentum necessariò requiritur, vt signum sit per se sensibile; non tamen ad quamvis partem sacramenti constituentem: vt patet in contritione, quæ est pars sacramenti Pœnitentiæ: at tamen non per se, sed per peccatorum confessionem sensibilis fit: Sic etiam corpus & sanguis Christi

non per se sensibilia sunt : sed per alteram sacramenti partem, videlicet ratione specierum.

Obijcitur II. Concilia, & Doctores videntur loqui de corpore & sanguine Christi, tanquam re distincta à sacramento Eucharistiæ; v.g. Christum contineri in sacramento, vel sub sacramento: Item in Eucharistia (sicuti & in reliquis sacramentis) tria distinguenda esse; videlicet sacramentum tantum, quæ sunt species Eucharisticæ; *sacramentum, & res simul*, quod est corpus & sanguis Christi; demum *rem tantum*, quæ est effectus gratiæ sanctificantis, animamque nutrientis, sicuti docent DD. cum Magistro in 4. dist. 8. & Innocen. Papa in c. cum Martha, de celebr. Missarum. Respondeo: Corpus & sanguis Christi duplici habitudine considerari possunt: I. tanquam pars ad totum sacramentum: & sic dicitur *Christus*, vel *corpus & sanguis Christi contineri in hoc sacramento*; sicuti anima in homine continetur. Secundò considerari possunt tanquam pars contenta, & significata, ad partem continentem, & significantem: quomodo dicitur corpus Christi contineri sub sensibilibus speciebus: cuiusmodi loquendi modum usurpat Trident. Synodus sess. 13. can. 3. Quapropter si alibi legamus, species sensibiles nomine sacramenti appellari, id vel incompletè intelligendum est: sic enim Scholastici dicere solent, quodd species sunt *sacramentum tantum*; quia tantum significant: corpus autem Christi, *res & sacramentum simul*; quia & significatur per species, & significat interiorē animæ nutritionem. Vel intelligendum est cum connotatione, siue habitudine ad corpus & sanguinem Christi. Quemadmodum enim sacramentum Pœnitentiæ interdum appellamus *sacramentum Confessionis*, interim non excludentes contritionem, quæ sub humili confessione, tanquam sensibili signo, continetur. Ita etiam species Eucharisticæ interdum sacramentum appellantur, ut interim non excludatur corpus & sanguis Christi, quæ sub speciebus, tanquam sensibili signo, continentur.

3 Assertio III. Eucharistiæ sacramentum inter omnia excellentissimum, maximèque diuinum est. Constat ex dictis: Quia continet in se Christum vitum, Deum ac hominem verum. Ob hanc causam Synod. Trident. sess. 7. can. 3. de sacramen. in genere, anathemate damnauit eos, qui dixerint, *Sacramenta inter se paria esse, ut nulla ratione aliud sit alio dignius*. Et sess. 13. vocat hoc sacramentum *diuinum, præcellsum, sacrosanctum, admirabile*. Nam reliqua sacramenta, sancta & diuina sunt habitudine extrinseca; quia consistunt in re, vel adione sensibili, eaque successua, secundum Christi institutionem, sanctificantem gratiam pariter significante, & efficiente: quare tunc primò existunt, & sanctificandi vim habent, cum qui ijs vtitur, ait Trident. cit. sess. 13. c. 3. Atverò hoc sacramentum, ante vsum seu sumptionem, consecratione verborum perficitur, & perfectum permanet, quamdiu species Eucharisticæ conseruantur: Neque ea tantum ratione sanctum est, quia sensibiles species spirituales animæ nutritionem, sanctificationemque significant; sed alia insuper præstantiore, & propria sanctitate eminet; qui ipsemet fons & auctor sanctificantis gratiæ, atque spiritualis animarum cibus, Christus Dominus in hoc sacramento continetur. Quæ causa etiam est cur inter omnia sacramenta hoc vnicum cultu latriæ adoretur, de qua adoratione testantur Origen. homil. 5. in diuersos Euang. locos, S. Ambrosius lib. 3. de Spiritu sancto, cap. 12. S. Chrysost. homil. 24. in epist. 1. ad Corinth. & homil. 61. ad popul. Antiochen. S. August. psal. 88. in ea verba, *Adorate scabellum pedum eius*.

4 Accedit aliud discrimen, quodd in reliquis ferè sacramentis materia & forma sunt partes componentes sacramenti, quæ simul etiam ad eundem effectum sanctificantis gratiæ conferendum ordinantur. At vero in hoc sacramento neutrum illis conuenit: Nam panis & vinum

sunt materia ex qua conficitur hoc sacramentum, eoque confecto desinunt: Forma item verborum est id, quo hoc sacramentum conficitur, & consecratur, eoque confecto desinit. Ergo non possunt esse partes componentes huius sacramenti permanentis, quippe, quod, ut supra dixi, tum ex Christi corpore & sanguine, tum ex speciebus panis & vini permanentibus quoddammodo componitur. Multò minùs panis, vinum, & forma consecrationis possunt esse causæ effectrices gratiæ sanctificantis: sed ipsum sacramentum, videlicet corpus & sanguis Christi, sub speciebus panis & vini, per modum spiritualis cibi ac potus, animam sumentis sanctificando nutriunt.

Assertio IV. Sacramentum corporis & sanguinis Christi sub speciebus panis & vini, est vnicum, integrum, & perfectum sacramentum. Ita S. Thom. cit. q. 73. a. 2. Alensis p. 4. quæst. 31. mem. 1. & 2. S. Bonau. in 4. d. 8. a. 2. quæst. 2. Durandus ibid. quæst. 1. num. 10. Richard. a. 1. q. 2. Paludanus quæst. 1. a. 1. Sotus quæst. vn. a. 2. Probatur, & explicatur: In sacramentis non requirenda est vnitas naturalis, aut materialis: sed tantum moralis, ac veluti artificialis, ex Christi institutione, ad vnum finem & effectum: quo pacto vna domus dicitur, & vnus exercitus; tamen si pluribus rebus ac partibus consistat: ideòq; materialiter plura sint. Pari enim ratione, tamen si ad sacramentum hoc res variæ concurrant, habentes singulæ propriam partialem significationem, aut virtutem: videlicet duæ materiæ, panis ac vinum, ex quibus sacramentum conficitur: duæ consecrationis formæ, quarum vna per se efficit Christi corpus, altera verò sanguinem: item species panis, & species vini, quarum illæ per se significant & continent corpus Christi, tanquam spirituales animæ cibum: hæ verò per se significant, ac continent sanguinem Christi, tanquam spirituales animæ potum; attamen hæc omnia, ex Christi institutione, ad vnum finem ordinantur, atque vnicam perfectam significationem, ac virtutem obtinent.

Primò igitur hoc Sacramentum perfectum, atque vnicum est morali vnitate, ac perfectione, quatenus significat vnum sacrificium cruentum, quod Christus in cruce, sanguinis sui effusione, & animæ à corpore separatione, consummavit, conuenienter S. Matth. 26. Luc. 22. *Hoc facite in meam commemorationem*. S. Paul. 1. ad Corinth. 11. *Quotiescunque manducabitis, mortem Domini annuntiabitis, donec veniat*. Quippe, cruentum hoc sacrificium perfectè, & expressè non significatur per vnus tantum speciei, sed vtriusque diuini factam consecrationem oblationemque.

Secundò, est hoc Sacramentum vnicum, & perfectum, quatenus in se continet vnum Christum, verum Deum, & hominem, constantem carne & sanguine, quæ per species tum panis, tum vini expressè significantur.

Tertiò, vnicum & perfectum est Sacramentum ratione vnus effectus, videlicet gratiæ sanctificantis, quam in vtraque specie per modum spiritualis refectionis perfectè significat, secundum analogiam corporalis refectionis, quæ non solo cibo, sed etiam potu perficitur.

Quartò, Vnicum, & perfectum est hoc Sacramentum, quatenus symbolum existit Ecclesiasticæ unitatis, sicuti docet S. August. tract. 26. in Ioan. sub finem, Magister in 4. d. 8. S. Thom. cit. a. 2. ex Apostolo 1. ad Corinth. 10. *Vnum corpus multi sumus omnes, qui de vno pane, & vno calice participamus*. Nam sicuti ex multis granis tritici vnus panis efficitur; & ex multis racemis vinum confluit; (quæ sunt verba S. Augustini lo. cit.) ita ex multis fidelibus vnum corpus Ecclesiæ constituitur: cuius ipse Christus caput existit, cuique nos, tanquam membra, ætissima fidei, spei, & charitatis connexionē astrictos esse voluit, ait Trident. Synodus sess. 13. cap. 2.

Quintò,

Quintò, Sacramentum hoc vnicum, atque perfectum est, quatenus per vtramque eius speciem simul significatur plena cœlestis gloriæ societas, in cuius pignus Eucharistia præbetur, uti testatur Trident. cit. c. 2. Vide quæ dicam infra c. 5. n. 5.

6 Denique ex dictis intelligitur ratio vocabulorum, quibus hoc sacramentum afficitur: I. comparatione Sacerdotis consecrantis, dicitur *sacrificium*, & *hostia*: tum quia in eo commemoratio fit præteriti sacrificij cruenti, tum quia ipse Christus in hoc sacramento, modo in cruento, offertur Deo Patri, pro peccatorum expiatione, & in gratiarum actionem. Videri potest S. Ambr. lib. 1. offic. c. 48. S. Greg. hom. 37. in Euangelia.

II. *Panis vite*: Panis qui de cœlo descendit, ut, si quis ex ipso manducauerit, non moriatur, Io. 6. Item *Esca spiritualis*, *Conuiuium Dominicum*, *Cœna Domini*, à quo tamen vocabulo Catholicis abstinendum esse, monet Petr. Sotus lect. 1. de Euchar. Henriq. lib. 8. c. 1. n. 1. Bellarm. lib. 2. de Missa, cap. 10. quia eo hæretici abuti solent ad errores suos, contra Missæ sacrificium, defendendos.

III. *Eucharistia*: quod verbum S. Tho. interpretatur bonam seu salutarem gratiam: tum quia Christum omnis gratiæ auctorem in se continet; tum quia animam gratia diuina replet; & vitæ æternæ ius, pignusque tribuit: quamobrem etiam *viaticum* appellatur, quia viam nobis præbet ad vitam cœlestem. Propriè tamen Eucharistia gratiarum actionem significat; quia est sacrificium, quod Deo Patri in gratiarum actionem offertur: quamobrem legimus apud S. Matth. cap. 26. Marc. 14. Luc. 22. quod Christus *εὐχαριστῶν* hoc sacramentum instituerit, de quo vide S. Thom. quæst. 78. a. 1. Suarez & alios ibidem.

IV. *Synaxis*, seu *Communio*. Quia ut S. Damasc. ait lib. 4. de Fide orthodoxa, c. 14. Participantes carne, & sanguine, ipsæque Deitate Christi, unimur in ipso, & inter nos diuina charitate. Vide etiam S. Cyprianum lib. 2. epist. 3. ad Cæcil. Cyrillum Alexandr. lib. 4. in Ipan. c. 17. & lib. 10. c. 13. & lib. 11. cap. 2. S. Hilarium lib. 8. de Trinit. ante medinm, Cyrillum Hierosol. catech. 4. mystag. S. Th. cit. q. 73. a. 4.

CAP. II.

De materia Eucharistiæ

SUMMARIUM.

- 1 Materia ex qua sacramenti Eucharistia, est panis & vinum.
- 2 Panis triticeus esse debet, necessitate sacramenti.
- 3 Oriza, auena, milium, hordeum non sunt materia huius sacramenti.
- 4 Ut panis azymus sit, non est de necessitate sacramenti; quamuis id conuenientius sit: cum etiam Christus in azymo consecrasset.
- 5 Vinum, quod est materia calicis, de vite esse debet.
- 6 Mustum, seu vinum recens expressum validè consecratur; sed non licitè: similiter vinum congelatum.
- 7 Admixtio aqua ad vinum non est de necessitate sacramenti; sed præcepti obligantis sub mortali.
- 8 Quid cum aqua fiat in calicem infusa, utrum in sanguinem Christi conuertatur, magna etiam olim dubitatio fuit.
- 9 Aqua, nisi valde copiosa affusa fuerit, ut quantitate vinum superet, una cum vino in Christi sanguinem commutatur.
- 10 Materia consecranda Sacerdoti moraliter præsens esse debet.
- 11 Neque magnitudo, neque paruitas materia obstat, per se loquendo, quominus validè consecretur.
- 12 Ad valorem consecrationis requiritur, ut Sacerdos materiam consecrandam determinatè cognoscat, & intendat.
- 13 Sacerdos censetur habere intensionem consecrandi, qua sit Ecclesiastica consuetudini conformis.
- 14 Si quis infuso, seu non aduertente Sacerdote formulas in altari ponat, non consecrabitur: cum nec actuali, nec virtuali intensione adsit.
- 15 Totum, quod in calice per modum continui est consecratur.

ASSERTIO I. Materia ex qua hoc sacramentum conficitur, est panis, & vinum. Definitur in Conc. Lateranensi, c. Firmiter, Florent. Concilio in decreto Eugenij Papæ, §. Tertium est sacramentum, & docet S. Th. q. 74. a. 1. & Scholastici communiter in 4. d. 11. Probat ex institutione Christi Matth. 26. & Marci 14. *Accipit Iesus panem*. Luc. 22. *Dico enim vobis, quod non bibam de generatione vitis, donec regnum Dei veniat*. Cui accedit perpetua Ecclesiæ traditio, & praxis. Congruentia huius institutionis est; Quia panis & vinum, ob munditiem aliâque qualitates ac virtutes, conuenientissimè; & vñtatissimè ad conuiuium adhibentur: nam panis cõfirmat, vinum exhilarat, idèoque aptissima materia sunt ad significandum virtutem, finem, & effectum huius sacramenti, quod ad spirituales animæ alimonia pecuniariter institutum est. Idque S. Thom. in hymno suo indicauit: *Dedit fragilibus corporis ferculum: dedit & tristibus sanguinis poculum*. Alias congruentias, quas idem S. Tho. meminit in cit. a. 1. præcedente capite explicaui.

Affertio II. Panis debet esse triticeus, non tantum ex necessitate præcepti, sed etiam ex necessitate sacramenti: ut in alia materia facta consecratio irrita sit. Ita significat Eugenius 10. supra cit. *Tertium est Eucharistia sacramentum, cuius materia est panis triticeus, & vinum de vite*. Et docuit S. Hieronym. in cap. 62. Isa. super illa verba. *Si dederò triticum tuum ultra inimicis tuis: Triticum quoque, de quo panis cœlestis efficitur, illud est, de quo loquitur Dominus, Caro mea verè est cibus: rursumque de vino, Sanguis meus verè est potus*. S. Th. q. 74. a. 3. alique cõmuniter. Probari autè id debet ex verbis Euangelistarum, accedente Ecclesiæ traditione, Christum in cœna vltima talem panem, qualis communiter in conuiuijs vsitatus est, consecrasse, idèumque nobis, ut faceremus, præcepisse.

Debet autem nomen tritici latè accipi, ut omne genus frumenti comprehendat, quod ad conficiendum panem pro hominis victu communiter adhiberi solet: siue sit tritici cum, quod propriè ita appellatur, *Baiken*, siue quod cum eo cognationis similitudinem gerit, cuiusmodi apud nos est *Zea*, siue *far*, *Dinkelhorn*, oder *Rern*, genus frumenti optimi, & in Sueuia vsitati: Item *siligo*, Germanicè *Roeten*: nam & hæc materia eo fine seminatur, & crescit, ut exinde panis pro hominis victu conficiatur: & testatur S. Thom. cit. a. 3. ad 2. ex tritici granis in terris saxosis siliginem generari solitam esse. Peccat tamen grauiter Sacerdos, si siligineam materiam abhibeat; cum mundior, & albius, quæ dignitatem huius sacramenti magis deceat, faciliè adhiberi possit; seu in propria terra nata, seu aliunde allata.

Porrò oriza, auena, milium, hordeum, non sunt materia huius sacramenti: cum ex ijs non soleat panis confici pro hominis victu, nisi ob defectum tritici: quare nec simpliciter panis vocabulum merentur, sed cum additò, *panis hordeaceus*, *panis auenaceus* &c. licet contrarium senserit Argentinas in 4. dist. 11. quæst. 2. art. 1. Gabriel lect. 35. in can. Missæ: hordeum quoque, & similes fruges, quæ aristas habent, posse esse huius sacramenti materiam; cum sit quædam frumenti genera. Sed repugnat Eugenius Papa in Florent. Concilio, S. Thom. ad 2. alique Doctores communiter, quia non sunt frumenta, ex quibus panis vsitatus confici solet.

Denique nota doctrinam S. Thom. ad 3. Quod modica alieni frumenti admixtio ad multò maiorem quantitatem tritici, non vitiat materiam; quominus consecratio ex ea validè fieri possit: quia quod modicum est quodammodo absumitur à copiosiore: secus, si magna admixtio fiat.

Affertio III. Panis ex triticea farina, & aqua elementari mixtus, atque ignis calore tostus esse debet. Ita Doctores communiter. Nam materia huius sacramenti, ex

Christi institutione, est panis hominibus vsitatus: talis autem est ille, quem descripsi.

Ex quo collige I. Farinam lacte, melle, oleo, aqua rosacea, vel simili non elementari liquore subactam, & tostam, non esse sacramenti materiam, sicuti docet S. Th. quæst. 74. a. 7. ad 3. Palud. in 4. d. 11. q. 1. a. 6. concl. 4. licet Caiet. cit. a. 7. sentire videatur, non requiri aquam naturalem; sed panem ex aqua rosacea confectum esse sufficientem materiam: quia ab alijs panibus differre non videatur essentialiter. Sed respondetur, quidquid sit de differentia essentiali physica; differre saltem forma artificiali, & vsuali, quæ in materia sacramenti potius spectanda est.

Collige II. Nec massam farinaceam crudam, vel oleo, aut butyro frixam, vel aqua elixam, esse huius sacramenti materiam.

Assertio IV. Licet rationabilior sit consuetudo Ecclesie Latinæ, consecrantis panes azymos; non tamen id pertinet ad necessitatē sacramenti: sed ex necessitate præcepti quisque Sacerdos propriæ Ecclesie consuetudinem sequi debet: ut non solum Latinus peccet, si in fermentato consecret; sed etiam Græcus si in azymo; quamdiu intra terminos Ecclesie sue commorantur. Hæc est doctrina S. Th. quæst. 74. a. 4. Cuius prima pars probatur: I. Quia etiam agnus Paschalis præcipua huius sacramenti figura, comedebatur cum azymis, quibus significatur incorrupta veritatis, fideique, ac morum sinceritas, quæ maximè in Euangelio locum habet, sicuti Apost. indicat; 1. ad Corinth. 5. II. Probatur efficacius: Quia Christus in huius sacramenti institutione panem azymo vsus fuit: Instituit enim cœnam ultimam die 14. primi mensis ad vesperam, sicuti constat ex S. Matth. 26. & Marci 14. *Primo die azymorum, quo Pascha immolabant (Iudæi) dicunt ei Discipuli &c. Et Luc. 22. Venit autem dies azymorum, in qua necesse erat occidi Pascha, & misit Petrum. At qui hæc dies fuit 14. primi mensis ad vesperam, à qua solemnitatis, & magna festiuitas diei sequentis XV. incipiebat, sicuti habetur Leuit. 23. Mense primo, 14. die mensis ad vesperam Phase Domini est (nam dies festus à vespera inchoari solebat, uti constat ex eodem cap. v. 32.) & 15. die mensis huius solemnitatis azymorum est.* In eademque die, à præcedente vespera eam inchoando, prohibitum fuit Iudæis, quidquam panis fermentati in domibus habere, Exod. 12. v. 7. *Servabitis agnum usque ad 14. diem mensis huius: immolabitque eum universa multitudo filiorum Israel, ad vesperam. Et ver. 16. Celebrabitis eam (diem) solemnem Domino in generationibus vestris, cultu sempiterno: septem dies azymos comedetis: in die primo non erit fermentum in domibus vestris &c. Dies autem prima erit sancta, & solemnis.*

Confirmatur: Nam S. Chrysostomus homil. 15. in 1. epist. ad Corinth. alique Doctores docent, Christum passum esse ipso die solemni, seu festo Paschatis, qui est XV. mensis: ergo pridie comedit Pascha. Neque his obstat, quod Ioan. cap. 13. dicitur, cœnam factam ante diem festum Paschæ. Facta enim est in vespera, præcedente diem festum, secundum naturalem, vel artificialem eius computationem. Neque quod Ioan. 18. dicitur, Iudæos non introisse in Prætorium, ne contaminarentur; sed ut manducarent Pascha. Non enim hoc verbo significatur agnus Paschalis, quem antè comederant; sed panes azymi, item victimæ Paschales, de quibus Numer. 18. Nec denique, quod cap. 19. dicitur; Christum passum in Parasceue Paschæ, siue magni diei. Erat enim Parasceue Sabbathi, quod magnum dicebatur, quia incidebat in dies septem Paschales, siue azymorum, qui omnes festi erant: sed celeberrimi primus, & septimus, uti habetur cit. cap. 23. Leuit. Atque de omnibus septem accipiendum esse videtur consilium Iudæorum, Matth. 26. *Non in die festo, ne forte tumultus fiat in populo, qui diebus illis Hierosolymam confluxerat: sed prævaluit à Iu-*

da occasio oblata, ob insanum desiderium occidendi Domini.

Altera pars assertionis habetur in Concilio Florent. in literis unionis: *Item definimus, in azymo, siue fermentato pane triticeo Corpus Christi veraciter confici, Sacerdotisque in alterutro ipsum Domini corpus conficere debere, unumquemque iuxta Ecclesie siue Occidentalis, siue Orientalis consuetudinem.* Ratio est: Quod de istis accidentalibus ritibus non extet præceptum Christi; ideòque cuiusque Ecclesie consuetudo tanquam lex observanda sit: adeò quidem, ut neque in casu necessitatis, si agrotus absque viatico decedere debeat, quia panis azymus statim haberi non potest in fermentato Sacerdoti Latino sacrificare licitum sit, teste Suarez disp. 44. s. 3. in fine: quod ferme similiter de Græco dici debet, eum neque in casu necessitatis azymo pane uti posse; propterea quod ad Ecclesie utilitatem, ac maiestatem; tantique mysterij & Sacrificij maiorem reverentiam valde intersit, uniuersales in eo ritus uniformiter observari: quare cum sacramentum hoc non sit absolute necessitatis, meritò ratio publica priuato commodo spirituali præfertur.

Assertio V. Vinum, quod est materia Calicis, de vite esse debet. Definitur in Concilio Florentino, idque testatur S. Thom. q. 74. a. 5. & perpetua Ecclesie praxis. Aduerte, I. Vvas validè consecrati non posse, teste Iulio Papa c. cum omne, dist. 2. de consecrat. & S. Thom. ad 3. Ratio peti debet ex institutione, ac significatione sacramenti Calicis, requirentis, ut materia eius sit potus: vñ autem cibi potius, quam potus rationem habent: cum in eis vinum non contineatur tanquam in vase, sed tanquam pars in toto; ad eum modum, quo sanguis v. g. in corpore animalis continetur.

Aduerte secundò: Neque agrestam, neque acetum validè consecrari posse, teste eod. S. Tho. ad 2. & 3. Nam agresta ex vuis immaturis expressa, nondum vini naturam consecuta est. quæ de re Palud. in 4. d. 11. q. 1. art. 5. Acetum verò est vinum substantialiter corruptum, ac patrefactum: potest tamen confici hoc sacramentum ex vino acido, vel accescente: sicuti & ex panis mucido, qui nondum corruptus est, sed ad corruptionem disponitur, testante S. Th. ad 2. Quare reiicienda est Gl. in c. 2. d. 2. de consecr. cum ait; Ex aceto, si ex vino factum sit, posse confici sacramentum Calicis.

Aduerte tertio: Mustum validè quidem consecrari; sed non decenter, ac licitè, teste S. Th. ad 3. & colligitur ex cit. c. cum omne. Nam licet mustum substantiam vini habeat, est tamen imperfectum, & non satis decoctum ac defæcatum: hæc autem accidentaliter imperfectio, & scæcis admixtio dedecet tanti sacramenti dignitatem. Accedit, fieri posse, ut fæces terrestres, vel ante consecrationem à substantia vini separatæ, subsidant, & definant esse idonea sacramenti materia: vel post consecrationem separatæ, amittant species siue qualitates vini, ideòque sub ijs definat esse sanguis Christi. Quare existimat Suarez disp. 45. s. 1. esse grauem, seu mortalem irreuerentiam in musto consecrare; quod intelligi debet extra necessitatem: nam si necesse sit, consecrari posse, ait Iulius cit. c. cum omne. Deinde intelligo de vino ex vuis recenter expresso, adeòque valde impuro. Quamobrem si in aliqua Ecclesia consuetudo sit, de qua testatur Viuald. de Euchar. c. de materia, n. 7. ut vuarum primitiæ in calicem expressæ, certo anni die consecrentur, eam corrigendam & tollendam esse, rectè monet Suarez ibid.

Aduerte quartò: Vinum congelatum, licet non sit materia decens, seu conueniens: (ut omnes fatentur) est tamen sufficiens: siue (ut alijs verbis dicam) tametsi non licitè, validè tamen consecratur. Quæ est cõmunior, & probabilior Doctorum sententia, Angeli ver. Missa, num. 23. Syl. ver. Euchar. 2. quæst. 10. Soti in 4. d. 9. quæst. 1. a. 5. Suarez l. c. Sa ver. Missa, num. 3. contra Alanum lib. 1. de Eucharistia, num. 11. Armillam ver. eod. num. 19. Angles in

in 4. p. 1. de essentialibus Eucharistiæ, art. 5. difficult. 3. Ratio, quia vinum congelatum plerumque retinet vini substantiam, sicut ex resolutione eius apparet.

Neque obstat primò, quòd contrariæ sententiæ auctores obijciunt; vinum congelatum potabile non esse: Respondet, Suapte natura potabile esse; licet per accidens; & secundum præsentem statum (qui tamen facile mutabilis est) potari non possit. Neque obstat secundò, quòd obijciunt; Aquam congelatam non esse idoneam materiam Baptismi: Ergo neque vinum congelatum idoneam materiam Eucharistiæ. Respondetur, negando consequentiam: Discrimen enim est, quòd Baptismus essentialiter consistat in ablutione; quæ per glaciem fieri non potest: at verò S. Eucharistia essentialiter non consistat in sumptione seu potatione: perficitur enim, & perfecta manet ante usum.

Cæterum non rectè dixit Alanus, si vinum consecratum congeletur, desinere esse Christum sub speciebus, quare aliud vinum consecrandum fore. Hoc enim dici non potest, nisi admodum spissa & perfectà congelatio fiat, quæ tam breui tempore vix accidit: quare Missale Romanum in defectibus Missæ, §. 10. num. 11. monet, si contingat vinum consecratum in calice congelari, debere liquefieri, & sumi. Sin autem nondum consecratum vinum, post eius oblationem, congeletur; consultius esse arbitratur Suarez, illud mutare; & denuo offerre quod verum est, si omnino congelatum sit, non sine mutatione coloris, saporis, uti Sotus l. cap. notauit: alioquin, si facile resolui possit, nullaque accidentium mutatio appareat, consultius erit consecrare, quàm mutare.

Assertio VI. Vino modicum aquæ à Sacerdote in altari admisceri debet; non ob necessitatem sacramenti, sed præcepti tantum Ecclesiastici, sub mortali peccato obligantis. Assertio habet tres partes: quarum prima est communis Doctorum, & expressè tradita in Concil. Florentino in decreto Eugenij, §. Tertium autem sacramentum: Cui (vino de vite) ante consecrationem aqua modicissima admisceri debet. Aqua autem ideo admiscetur, quoniam, iuxta testimonia SS. Patrum, creditur Dominum in vino aqua permixto, hoc instituisse sacramentum: quos Patres vide apud Bellarm. lib. 4. de Euchar. cap. 10. & 11. Suarez disp. 45. f. 2. in fine, Vasq. disp. 176. Et infra in eodem §. ait Concilium: Decernimus, ut etiam ipsi Armeni secum vniuerso orbe Christiano conforment; eorumque Sacerdotes in calicis oblatione paululum aquæ admisceant vino.

Mystica huius mixtionis significationes duæ sunt, teste eodem Eugenio ibid. S. Th. q. 74. a. 6. & Trident. Concil. sess. 22. c. 7. Vna; tradita ab Alexandro Papa in epist. decretali I. & Innoc. in c. cum Marthæ, de celebrat. Missarum: Quia ex Christi latere sanguis & aqua fluxit, Ioan. 19. Quod erat symbolum plenæ ablutionis nostrorum peccatorum, per merita Christi. Altera tradita à Iulio Papa in cit. c. cum omne, S. Cypriano lib. 2. epist. 3. ad Cæcilium: Cum in calice vino aqua miscetur, Christo populus adiungitur. Quia aquarum nomine populi significantur Apoc. 17. vino autem virtus & diuinitas Christi aptè exprimitur. Idemque habetur in Concil. Triburiensi can. 19. ubi ratio adiungitur, cur aqua in minore quantitate admisceri debeat; quia maior est maiestas sanguinis Domini, quàm fragilitas populi. Quæ etiam causa videtur, cur aqua in mixtione à Sacerdote benedicatur; non item vinum: quia homo infirmus per merita Crucifixi sacratur, & confirmatur ex vnione ac veluti incorporatione cum Christo.

Alteram partem assertionis tradit S. Th. q. 74. a. 7. & probat hac ratione: De signo sacramentali iudicium ferri debet ex eius significato: Admixtio autem aquæ significat remissionem peccatorum, tum vnionem hominum cum Christo. Atqui vtrumque horum sacramento extrinsecum, & posterius quiddam est; quia per-

tinet ad usum. Sacramentum autem hoc ante usum consecratione materiæ perficitur, ut supra dictum.

Ad auctoritatem verò S. Cyprian. lib. 2. epist. 3. ad Cæcilium; sic in sanctificando calice Christi offerri aqua sola non potest, quomodo nec vinum solum potest. Et infra: Sic verò calix Domini non est aqua sola, aut vinum solum: quomodo corpus Christi non est farina sola, aut aqua sola; nisi vtrumque adunatum fuerit; Respondet S. Thomas ad 1. Sententiarum verborum esse; quòd vinum sine aqua offerri non possit conuenienter, & salua plenitudine mysticæ significationis. Nam sicut aqua farinæ admixta significat populum cum Christo incorporationem; ita & aqua vino mista. Discrimen tamen est, quòd admixtio aquæ naturalis ad farinam requiritur ex necessitate sacramenti; quia alioquin non esset verus panis: Non ita verò requiritur admixtio aquæ ad vinum, quia sine aqua est verus & naturalis vini potus, sicuti notat idem S. Thom. ad 3. Quæ doctrina confirmatur ex supra cit. Eugenij Papæ decreto; in quo materia huius sacramenti assignatur, panis, & vinum de vite, nulla facta mentione aquæ.

Tertiam assertionis partem, quòd præceptum miscendi aquam, sit solum Ecclesiasticum (quamuis perpetuum, & ab Apostolis acceptum) significat Trident. Concilium sess. 22. cap. 7. Monet sancta Synodus ab Ecclesia præceptum esse Sacerdotibus. Florentinum quoque Concilium ad Armenos conuincendos non adduxit præceptum Domini, sed solum Ecclesiæ vniuersalis consuetudinem. Quamuis ad hoc dici potest, quòd Concilia interim non negent id esse præceptum Domini; tamen hoc ipsum affirmare, & definire nolint: cum de eâ re inter Doctores controuersia existat. Quod ideo moneo, quia improbabili non est opinio Alphonsi à Castro hæresi 7. in verbo Eucharistia, Henriquez lib. 8. cap. 12. §. 4. Valentini disp. 6. quæst. 2. p. 1. ex Christi præcepto, ab Apostolis nobis tradito, aquam vino miscendam esse. Quia S. Cyprianus in cit. epist. hoc Evangelicum præceptum, & Dominicum mandatum appellat: & in Concil. Carthag. 3. cap. 24. legimus; Vt in sacramentis corporis & sanguinis Domini nihil aliud offeratur, quàm ipse Dominus tradidit; hoc est; panis & vinum aqua mixtum. Et in Aurelianensi 4. cap. 4. Vt nullus in oblatione sacri calicis, nisi vinum aquam mixtum, offerre præsumat: quia sacrilegium iudicatur aliud offerri, quàm in mandatis sacratissimus Saluator instituit. Responderi tamen potest, vocari Domini præceptum; ac traditionem, quia ab exemplo & imitatione Christi Ecclesiastica hæc consuetudo profluxit: quæ ratione S. Ambrosius in proæmio lib. de Spiritu sancto, pedum lotionem Dominum mandatum appellat. Enimvero non omnia, quæ Christus in vltima cæna fecit, Ecclesiæ in præcepto posuit, sicuti manifestum est in consecratione panis azymi; licet conueniens sit, Christum etiam in his accidentibus imitari.

Restat nobis soluenda quæstio, quæ olim Innocentio Papæ proposita fuit in c. cum Marthæ, de celebrat. Missarum; Quid fiat cum aqua, in calicem infusa, vtrum vnâ cum vino in sanguinem conuertatur? Quæ de re, inquit ibid. Innocent. III. variæ sunt Scholasticorum opinioniones. Nam alij putant, quòd vinum conuertatur in sanguinem Christi: aqua verò in humorem aqueum, qui de Christi latere fluxit. Quæ tamen sententia hodie ab omnibus exploditur: quia aqua illa, quæ ex Christi latere miraculosè fluxit, vera & elementaris erat, non pertinens ad substantiam corporis Christi, uti docet S. Thom. q. 74. a. 7. ad 3.

Alij dicunt, aquam cum vino conuerti in sanguinem Christi: quia vino admixta prius in substantiam vini naturaliter transmutatur. Cui sententiæ obijcit ipse Innocentius, Physicos testari, aquam vino admixtam artificio quodam (videlicet filo lineo, hedera, aut iunci calamo) iterum separari posse, quod Plinius testatur lib. 16. histor. cap. 35.

& alij apud Conimbric. lib. 1. de generat. c. 10. quæst. 1. a. 1. Accedit, quod Aristoteles lib. 1. de generat. cap. 5. tex. 34. & 39. negat, ex aquâ vino infusâ vinum generari posse. Cuius ratio esse videtur, quia ex vno simplici corpore, impossibile est fieri corpus mixtum: siquidem huius generatio pro dispositione requirit congeriem elementarem humidi, sicci &c. Quæ etiam causa est, cur Medici doceant, aquam non nutrire, siue in sanguinem non conuertitur. Secundò, quoddam generationem vini quàm maximè requiritur calor actualis, qui tamen deesse videtur in vino calicis: & cum solis calor tam vehemens tanto tempore indigeat ad coquendam & generandam substantiam vini: quis credat id tam breui tempore in calice perfici posse? Tertio, quod verisimile sit, Christum statim, postquam calicem miscuit, eundem consecrasse: neque expectasse donec aqua in vinum naturaliter conuerteretur. Quarto, Quod vno mystica Ecclesiæ cum Christo perfectius exprimitur, si aqua non suscipiat naturam vini, sed solum aliquas proprietates.

Alij denique dicebant: Aquam in propria substantia, post consecrationem permanere, speciebus vini consecrati circumfusam: Quæ sententia ab eodem Innocentio tacite, & ab alijs Doctoribus expressè rejicitur: I. Quia repugnat SS. Patribus, apud Baron. tom. 12. Anno Christi 1188. prope finem, Suarez disp. 45. s. 3. Agidium quæst. 74. a. 8. expressè affirmantibus, aquam cum vino sanctificari, consecrari, in sanguinem Christi mutari. II. Quia verba formæ, *Hic est calix sanguinis mei*, significant, totum potum siue continuum liquorem, in calice contentum, esse Christi sanguinem. III. Quia populus totum, quod in calice per modum continui potus continetur, cultu latræ adoratur; eidemq; ita adorandum proponitur. IV. Quia alioquin Sacerdos post calicis sumptionem non esset verè ieiunus; quia substantiam aquæ bibisset; quod repugnat fidelium persuasioni, nec non Ecclesiæ praxi, permittentis in die Natiuitatis Domini tria sacrificia, si sacrificans ieiunus maneat, & ablutionem non sumpserit. V. Quia indecens esse videtur, humorem alienum: videlicet aquam misceri cum vino consecrando, ita vt post consecrationem in sua substantia cum Christi sanguine perseveret.

Ipsi vero Innocentij Papæ verissima responsio est; *Aquam cum vino in sanguinem transmutari, vt expressius eluceat proprietas sacramenti. Nam cum aquæ multæ sint, populi multi &c. ideo vino aqua unitur, vt Christo populus adunetur: per hoc enim, quod suscepit ipse de nostro, & accepimus ipsi de suo: tam insolubili nexu coniungitur, vt qui est vnum cum Patre per ineffabilem unitatem, fiat vnum nobiscum per ineffabilem unionem.* Hæc Innocentij responsio certissima est, si intelligatur tantum de conuersione aquæ in Christi sanguinem mediata, secundum sententiam S. Th. & aliorum, quod aqua modicè affusa prius in vini substantiam naturaliter conuertatur, quàm totum transubstantietur in Christi sanguinem per verba consecrationis.

Sed quia certum non est, imò apud multos incredibile, aquam tam breui tempore in vinum mutari posse; contra verò certissimum, sæpenumero accidere, vt cum Sacerdos verba consecrationis prolaturus est, aqua substantialis in calice existat; seu quia vinum debile, & modicum est, vt tam breui tempore aquam euincere non potuerit: seu quia aqua immodica quantitate affusa fuit, quemadmodum in Concilio Triburienfi, cit. can. 19. dicitur, vt *duæ sint partes vini, & una aquæ*: seu denique, quia Sacerdos oblitus ante oblationem aquam apponere, postea eam immediatè antè consecrationem apponit: quæstio manet: Vtrum his casibus, aqua secundum substantiam suam, post consecrationem, permaneat sacris speciebus circumfusa; an potius aqua vnà cum vino immediatè conuertatur in Christi sanguinem.

Priorem partem, quod aqua nunquam immediatè in Christi sanguinem conuertatur, sed si antè in vinum mu-

tata non fuit post consecrationem permaneat, amplexus est Palud. in 4. dist. 11. quæst. 1. a. 6. concl. 5. Gabr. ead. dist. quæst. 2. art. 3. dub. 3. Sotus d. 9. quæst. 1. a. 6. Suarez in fine a. 8. disp. 45. Vasquez disput. 178. c. 2. & alij. Fundamentum est: Quia alioquin materia, ex qua conficitur sacramentum Calicis, non esset solum vinum, sed vinum & aqua, contra Concilium Florentinum, in quo dicitur; Materiam calicis esse *vinum de vite*; & Tridentinum sess. 13. can. 2. panem conuerti in corpus Christi, & vinum in sanguinem; nulla omnino facta mentione aquæ.

Posteriorem verò partem, quod aqua vnà cum vino in sanguinem Christi conuertatur, grauissimi Doctores pro indubitato habent. Algerus lib. 1. de Eucharistia, c. 16. Paschasius Abb. Corbeienfis lib. de corp. & sanguine Christi, c. 11. & 19. Gaufredus in epist. ad Episc. Albanensem apud Baron. to. 12. Anno 1188. Cardinalis Alanus lib. 1. de sacrament. c. 13, qui dicere ausus est, certa hoc fide tenendum esse: Cardinalis Baronius cit. Anno 1188. prope finem, vbi addit, ante illud tempus semper hoc credidisse, & custodisse S. R. Ecclesiam, Et Anno 1192. in fine post miraculi alicuius narrationem, subiunxit: *miraculum hæc in hoc seculo obortam consatuit, negantium aquam vino mixtam mutari in sanguinem.* Eandem sententiam tenet Tol. lib. 2. c. 25. num. 4. Ioan. Baptista Scortia de Missæ sacrificio, lib. 4. cap. 1. num. 13. Cornel. Iansenius in Concordia cap. 131. Alexander Pefantius Romanus in 3. p. quæst. 74. a. 8. disput. 2. Agidius Coninck eod. art. dub. vn. qui testatur, eam Romæ publicè defensam Anno 1606. & iterum Anno 1608. in eademque fuisse omnes Patres, & Scriptores antiquos, quos ibidem ex Baronio citat, adeoque hanc sententiam sibi certam videri.

Atque eiusdem sententiæ videtur Innocentius Papa fuisse, quando interrogatus in cit. c. cum Marthæ; *utrum aqua cum vino in sanguinem conuertatur?* absolutè, & sine distinctione affirmavit, *aquam cum vino in sanguinem transmutari*: quod intelligi debet semper, & non tantum aliquando: quia alioquin nec distinctè, nec sufficienter ad quæsitum respondisset. Quare arbitror, cum data opera abstinuisse à illa difficultate; vtum ex aqua in calice vinum generari possit: nam siue id fiat, siue non fiat, credendum est, aquam vino mixtam in Christi sanguinem conuerti, seu immediatè, seu mediatè. Neque S. Th. cit. a. 8. ab hac sententia alienum esse arbitror: siquidem is nunquam affirmavit, aquam post consecrationem substantialiter interdum permanere; sed planè contrarium, *Opinionem hæc, quod aqua adiuncta vino per se manet, vino in sanguinem conuerso, stare non posse: quia post consecrationem nihil aliud est (substantiæ) in sacramento altaris, nisi corpus & sanguis Christi: alioquin non totum adoraretur veneratione latræ.* Et licet postea dixerit, modicum aquæ infundendum esse, vt in vinum conuerti possit (seu substantiali conuersione, seu morali & apparente) non tamen adiecit, ex immodica affusione hoc secuturum incommodum, vt aqua post consecrationem vini maneat; sed periculum esse, ne species vini soluantur, & nulla omnino consecratio fiat.

Addo denique, si fateamur, interdum aquæ substantiam post vini consecrationem in calice manere; omnia incommoda sequi, quæ suprâ contra tertiam sententiam allata sunt: ad quæ cum respondere non possim, ideo sententiam Baronij sequendam censeo. Secundum quam non ita sollicitè, ac scrupulosè curandum est Sacerdoti, vt aquam valde modicam, vel vnâ guttulam affundat, (quod nescio an satis conueniens sit, præsertim si fiat cum sollicitudine, ob quam fieri posset, vt phantasia & sensu deluso, nihil omnino affundatur) sed plures guttas affundere potest: imò etiam octauam, vel decimam partem proportionalem, sicuti docet Agidius citat. art. 8. dub. vn.

Dubium autem est, si tam immodica aqua affundatur, ut quantitate superet vinum, num valeat consecratio vini? Ita affirmat Richar. in 4. distinct. 11. art. 3. q. 5. modò vinum ab aqua corruptum non sit, quod brevissimo tempore fieri non solet. Sed contrarium videtur mihi valde probabile, quod indicat idem Ægid. Coninck num. 184. aquam ita affundendam esse, ut tamen externa apparente specie absorbeatur, & superetur à vino; totusque potus seu mixtura vinum esse censetur: alioquin consecrationem irritam fore. Quamobrem in c. penult. de celebrat. Missarum, abusus esse dicitur, si aqua in maiore quantitate ponatur, quam vinum.

Ad fundamentum contrariæ sententiæ respondetur: Aquam à Concilijs Florentino, & Tridentino, non nominari materiam calicis; tum quia de hac re controuersia existit inter Scholasticos, quam etiam Innocent. componere, & definire noluit: tum quia aqua non est materia calicis necessaria, ac per se quandoquidem non ita uti vinum sola ac per se consecrari potest; sed ut mixta & accessoria vino, moralique hominum æstimatione, & usu, quasi transiens in vinum. Quomodo intelligo Pet. Sotum lect. 14. de Euchar. *Neque opus est*, inquit, *scrupulose inquirere, ubi aqua appositamaneat: Totum enim quod in calice est, vinum est*, (moralis usu) & illud conuertitur in sanguinem.

His adde, neque, post consecrationem, sub speciebus aquæ per se, ac seorsim Christum permanere, si accidat species vini corrumpi, vel separatas permanere: quia sicuti aqua non nisi mixta vino, adeoque accessorie est materia consecrationis: ita & species aquæ non retinent consecrationem, nisi sint cum speciebus vini consecrati coniunctæ. Qua de re Ægidius cit. a. 8. ad finem.

10 Assertio VII. materia consecranda debet esse sacrificanti moraliter præsens. Ita S. Thom. in 4. dist. 11. quæst. 2. art. 1. quæst. 3. ibid. Duran. quæst. 6. Sotus d. 9. quæst. 1. art. 2. Gabriel lectione 35. in canon. Missæ, Suarez disp. 43. l. 5. Victoria de sacrament. Euchar. num. 57. Henriquez lib. 8. c. 14. Ægid. Coninck quæst. 74. a. 2. dub. 1. Probatum tum ex pronome *hic*, hoc denotante rem sensibus expositam: tum ex ratione Sacrificij, postulantis hostiam, seu rem oblatam præsentem esse: tum denique ex totius Ecclesiæ consuetudine. Vnde colligunt Doctores, materiam non consecrari, si non sit coram Sacerdote, sed à tergo, aut post interiectum parietem; aut sub mappa, vel corporali latens, aut magno intervallo distans. Neque tamen requiritur ex necessitate sacramenti, ut materia manibus teneatur, aut sonus verborum ad eam perveniat: neque ut actu videatur, si v. g. Sacerdos cæcus sit: vel si materia consecranda in vase cooperto adsit: nam contentum cum continente reputatur, & moraliter præsentatur.

11 Assertio VIII. Nec magnitudo, nec multitudo materiæ, neque item parvitas obstat, per se loquendo, quominus valide consecratur, v. g. multitudo ingentium panum, aut vinum, quod in dolio est: similiter verò & gutta vini, panis mica. Ita S. Thom. quæst. 74. art. 2. Rich. in 4. dist. 10. a. 7. quæst. 1. Palud. d. 11. quæst. 1. a. 3. concl. 4. Gabr. ibid. q. 2. a. 3. dub. 1. Sotus d. 9. quæst. 1. a. 2. Valentia to. 4. disp. 6. q. 2. p. 2. prope finem. Ratio est: Quia & maximus panis, & minimus; vinum copiosum, & minimum, verè panis, ac vinum sunt. Dixi autem *per se loquendo*: quia si ponamus tam multam, vel magnam materiam, ut tota seu secundum omnes partes suas sacrificandi moraliter præsens non sit: tunc non tota, seu non secundum omnes partes consecrabitur. Contrà, si materia tam parva sit, ut humano visu percipi non possit, ideòque nec propriè demonstrari, incapax est consecrationis, sicuti docet Maior in 4. d. 10. quæst. 1. Suarez disp. 43. l. 8. contra Sotum in 4. dist. 9. quæst.

1. art. 2. §. at verò versus minimum. Quamvis si post consecrationem eiusmodi modica quantitas à toto separetur, probabile est, consecratam manere; quamdiu panis substantiam retinet: quandoquidem plus requiritur ad acquirendum, quam ad retinendum: quemadmodum anima, inquit Ægid. Coninck dub. 2. *separata à corpore conservat consecrationem & characterem sacramentallem; non tamen potest hæc acquirere*. Idemque docet Suarez cit. disput. 43. lect. 8. ad finem, & bene explicat Vasquez disp. 171. cap. 2. n. 12. contra Maiorem loco cit. Fateor tamen, nihil certi hac de re dici posse.

Dico IX. Ad valorem consecrationis requiritur, ut Sacerdos materiam consecrandam determinatè cognoscat, & intendat. Ita ex communi Richardus in 4. dist. 10. art. 7. quæst. 2. Dur. d. 11. q. 7. Sylvest. ver. Euchar. 2. quæst. 6. Suarez disp. 43. lect. 6. Vasq. disp. 171. cap. 1. Abb. in c. si Sacerdos, num. 15. de offic. ordin. Henriquez lib. 8. c. 14. in fine. Cum enim omnis actio transiens versetur circa singularia determinata seu definita, sequitur, etiam intentionem Ministri, quæ est causa practica huius actionis, siue consecrationis, ferri debere in materiam determinatam ac definitam, sicuti etiam demonstrativum hoc, *hic* significat. Quamobrem irrita est consecratio, si Sacerdos habeat intentionem consecrandi aliquam partem materiæ indeterminatè, ac disunctim. Exempli causa: Si ex octo hostijs præsentibus quinque indeterminatè consecrare velit; vel vnam aliquam partem hostiæ indeterminatè, puta dimidiam, vel partem tertiam: Sin verò ex octo hostijs quinque determinet, vel certam hostiæ partem, puta dimidiam, aut tertiam animo designet, valida est consecratio, quamvis illicita. Simile est, si contingat formulas non consecratas cum consecratis hostijs confundi, seu misceri; potest, ac debet totus cumulus ad altare deferri, ut Sacerdos intendat consecrare illas tantum, quæ consecratione non acceperunt. Etenim necesse haud est, ut Sacerdos omnes partes materiæ consecrandæ distinctè, ac sigillatim cognoscat, & intendat: si enim cumulum hostiarum propositum habeat, omnes consecrat, si omnes, quamvis confusè & generatim, consecrare proponat.

Adde, etsi existimet quinque tantum hostias addesse, cum sint sex, omnes consecratum iri: quia speculativus ille error, quo existimantur esse pauciores, nihil obstat practicæ intentioni consecrandi omnes præsentibus: cuiusmodi intentionem, tanquam Ecclesiasticæ consuetudini conformem; quisque Sacerdos implicite ac virtualiter habere censetur, nisi eam actu contrario excludat. Ita docent Sylvest. Henriquez, Suarez li. cc. & habetur in Missali Rom. de defectibus Missæ, c. 7. ubi ex eodè principio adiungitur: Si Sacerdos ratus positam esse vnam hostiam, post consecrationem advertat esse duas simul iunctas, utramque sumendam esse: quia utraque consecrata est. Sin verò id advertat ante consecrationem, posteaquam obtulit; tunc alteram seponat, eamque Missa finita, tanquam eulogiam, seu panem benedictum sumat, vel alteri sumendam det.

Neque his casibus quicquam refert, siue ipse Sacerdos, siue alius, v. g. Diaconus, duas hostias in patena, vel Aedituus pro communicaturo duas formulas pro vna in corporali posuerit: utraque enim consecrabitur: Ceterum si quis, Sacerdote infcio, seu minimè advertente, formulas consecrandas super altari, vel etiam corporali ponat, eæ non consecrabitur: quia non fit consecratio sine intentione actuali, aut virtuali: quod autè omnino incognitum est, eius nulla est intentio, seu voluntas, uti notavit Ægid. q. 74. a. 2. dub. 3. n. 39. & habetur in defectibus Missæ, c. 7. n. 1. Sin verò Sacerdos, antequam ad sacrificandum egrediarur, de consecrandis hostijs in altari positus; vel ante offertorium ipsi apponendis, admoneatur, easdemque consecrare proponat, postea verò omnino obliuiscatur; censeri debent nihilominus

consecrata: cum in tali casu, neque hostiarum presentia, neque Sacerdotis intentio virtualis desideretur, sicuti docent Scotus in 4. distinct. 12. Angelus ver. Euchar. 1. num. 27. Nau. c. 25. num. 97. Coninck. cit. dub. 5. n. 40. Sa ver. Missa, num. 29. & colligitur ex cit. c. 7. num. 4. Si intentio non sit actualis in consecratione, propter euagationem mentis; sed virtualis, cum accedens ad altare intendat facere, quod facit Ecclesia; conficitur sacramentum: etsi curare debet Sacerdos, ut etiam actualem intentionem adhibeat. Nota autem, quod dixi ante offerroium: tunc enim hostiæ offerendæ adesse debent, ut licite postea consecrari possint; Deinde nota, quod dixi, si hostias consecrare proponat: cuiusmodi sanè propositum habuisse censendus est Sacerdos, hoc ipso, quod sciuit, seu rationali modo animaduertit hostias se consecrandas ad altare afferri.

14 Denique quod attinet ad guttas vini hærentes in superficie calicis; certum esse debet, eas non consecrari, quæ extra calicem sunt: nisi Sacerdos expresse, non sine sacrilegio, eas consecrare velit. Deinde verisimilius est, neque eas consecrari, quæ intra calicem, siue in interiore calicis superficie à reliquo vino separatæ hærent, sicuti docent Suarez cit. art. 6. col. vlt. Coninck cit. dub. 3. n. 43. Nam hæc videtur esse communis, & optima Ecclesiæ intentio, consecrandi omnem liquorem consecrabilem, qui per modum vnius continui in calice continetur.

Quod porrò Coninck addit, eas quoque vini guttas consecrari, quæ intra calicem reliquo liquori proximè adhærent, ut leui calicis commotione admisceantur, difficultatem habere videtur: quandoquidem determinari non potest, quanta omnino esse debeat talium guttarum propinquitas: fatetur enim ipsemet remotiores non consecrari. Neque verò potest consecratio (sicuti neque alterius sacramenti confectio) pendere à futuro euentu contingente; ut nimirum ea solùm guttæ consecrentur, quas postea continget calicis agitatione reliquo liquori cōmisceri. Optime igitur fecerit Sacerdos, si ante oblationem calicis omnes guttas calici adhærentes abstergere curet, deinde offerat & consecret secundum communem Ecclesiæ intentionem, cui suam conformari semper velit. Quòd si in tali casu Sacerdos aliam propriam intentionem habeat, v.g. consecrandi omne vinum, adeoque etiam guttas separatas, quæ intra calicem continentur; aut si ita secum statuatur; Si contingat me tempore oblationis non recordari formarum appositarum; pro communionem populi; vel si contingat tempore consecrationis me non recordari oblatoium, tunc nolo ea consecrare; fiet quidem sicuti intendit: sed videtur peccare; eò quòd intentio talis conformis non sit communi intentioni, ac praxi Ecclesiæ.

CAP. III.

De forma S. Eucharistiæ.

SUMMARIUM.

- 1 Forma substantialis verborum, quibus Christi corpus conficitur, hæc est, Hoc est corpus meum; & quibus calix consecratur, Hic est sanguis meus.
- 2 Virtute verborum, per omnipotentiam Dei substantialis fit conuersio panis in Christi corpus, & vini in sanguinem.
- 3 Verba consecrationi substantialia Sacerdos non materialiter tantum, sed etiam significatiuè profert; reliqua autem verba tantum materialiter, ac historicè.

1 **A**SSERTIO I. Essentialis forma verborum, quibus corpus Christi per se conficitur, hæc est: Hoc est corpus meum. Ita S. Thom. quæst. 78. art. 1. alique communiter. Probatur tum ex facto Christi apud Euangelistas;

& S. Paulum 1. ad Corinth. 11. addito præcepto: *Hofacite in meam commemorationem*: tum ex perpetua Ecclesiæ traditione, ac praxi.

Circa assertionem hanc aliqua aduertenda: Primum, Quòd verba Christi, quibus in cœna vltima Christus vltus est, & quotidie in Missæ Sacrificio Sacerdos in persona Christi vtitur, operatoria sint eius, quod significant: Atqui Christus apertis verbis significauit, ac testatus est, id quod Apostolis in cœna vltima porrigebat, esse suum corpus, & sanguinem: Ergo virtute illorum verborum, Hoc est corpus meum: Hic est sanguis meus: per omnipotentiam Dei efficitur, ut, quod antè erat panis, & vinum, iam sit corpus & sanguis Christi. Quæ dicitur transubstantiatio, seu conuersio panis in Christi corpus, & vini in sanguinem, de qua Patres testantur, quos c. allegaui.

Ad hanc porrò conuersionem non requiritur, ut corpus Christi de nouo producat, seu reproducat, neque ut de loco in locum adducatur: sed in eo substantialis conuersio ista consistit, quòd in locum substantiæ panis, accidentia hætenus sustentantis, nunc autem omnino desinentis; per omnipotentiam Dei succedat corpus Christi, itidem sustentans accidentia panis; quamuis non ut formas sibi inhærentes, sed altiore, tamen propriè dicto, sustentationis modo. Neque verò obstat huic doctrinæ, quòd secundum eam neque substantia Christi, neque vlla eius pars producit. Nihilominus enim substantialis mutatio accidit circa Christi corpus, uti bene explicat Bellarmin. lib. 3. de Eucharistia, cap. 18. quandoquidem hæc conuersio terminatur ad substantiam corporis Christi, ut succedendo in locum panis, vniatur cum accidentibus, ea sustentando.

Multò minùs obstat modus existendi sacramentaliter sub speciebus, seu accidentibus panis, absque extensione partium in ordine ad locum. Nam extensio corporis in ordine ad locum licet sit ordinariè consequens naturam corporis; tamen in tali extensione formalis ratio corporeæ substantiæ nequaquam consistit; sed per omnipotentiam Dei separari potest. Sicuti enim diuina virtute fieri potest, & non semel factum est, ut duo corpora se mutuo penetrarent, eodémque loco existerent: sicut notum est, Christum Dominum ex vtero illæso prodijisse, per ianuas clausas ad discipulos ingressum fuisse; ita etiam eadem Dei virtute fieri potest, ut partes omnes corporis Christi sine extensione sint, siue positione vnius partis extra alteram in ordine ad locum: adeoque indiuisibili consistent.

Multò adhuc minùs obstat, quòd Christi corporeæ substantia in cœlis existens, etiam in terris, non vno loco tantum, sed vbicunque Sacrificium offertur, vel Eucharistia asseruatur, realem præsentiam habeat. Quia præsentia ista localis, cum accidens quoddam substantiæ sit, per diuinā omnipotentiam multiplicari potest, non multiplicato subiecto. Quemadmodum igitur plura corpora in vno loco existentia, non ideo desinunt esse plura, & substantialiter diuisa: ita etiam vnum corpus in pluribus locis existens, non ideo desinit esse vnum, seu substantialiter indiuisum. Vide S. Chrysost. lib. 3. de Sacerdotio.

Alterum aduertendum. Verborum substantialium formæ, Hoc est corpus meum, hic plenissimus sensus est: Contentum sub his accidentibus, siue speciebus est corpus meum. Quamuis autem dum verba hæc inchoantur, sub accidentibus istis sit substantia panis: tamen cum verba finita sunt, ut integram enuntiationem efficiant, earum veritas postulat, ut desinente substantia panis, sub eisdem accidentibus incipiat esse corpus Christi. In hoc enim transubstantiationem consistere, paulò ante dixi.

Tertium, Præter illa quatuor vocabula, ad explicitam transubstantiationis significationem requisita, nullum aliud vel antecedens, vel consequens pertinet ad formam

& essentiam consecrationis : quare si Sacerdos his solis verbis vteretur , cum intentione consecrandi panem præsentem , verè consecraret ; licet graniter peccaret.

Quartum, Vocula enim ex præcepti quidem necessitate adiungenda est : quam etiam Christum adiunxisse significat canon Missæ, & Innoc. Papa in c. cum Martha, de celebrat. Missarum; licet Evangelistæ eius non meminerint in consecratione panis; sed solum in calicis consecratione, Matth. 26. Veruntamen ad essentiam formæ, aut sacramenti necessitatem haud pertinet : quandoquidem sine hoc vocabulo, veritas & præsentia corporis Christi plenè significatur, ideoque etiam efficitur, his solis verbis, *Hoc est corpus meum*. Siquidem particula enim non formaliter, significatiue, & assertiue, sed tantum materialiter, historicè, & recitatiue profertur; sicuti & verba antecedentia, *accipite, & manducate*: quorum verborum causa redditur per voculam enim. Vide Suarez disp. 59. sect. 1. Coninck cit. quæst. 78. art. 3. dub. 1. ubi rectè explicat, illud dici recitatiue siue historicè, quod refertur tanquam ab alio dictum; vti facimus, quando alicuius Doctores verba referimus. Formaliter verò ac significatiue loquimur, cum per verba, quæ proferimus, nos ipsi aliquid affirmare, vel negare volumus.

Quintum. Si aliqua verborum forma vsurpetur, diuersam significationem habens, non erit valida consecratio: v.g. *Illud est corpus meum*; *Hic est corpus meum*; *Hic panis est corpus meum*; *Hoc est corpus Christi*. Sin autem alia verba æquivalentia vsurpentur; illicita quidem, sed valida consecratio erit, v.g. *Istud est corpus meum*.

Assertio II. Essentialis forma verborum, quibus sanguis Christi per se conficitur, in his solis verbis consistit, *Hic est calix sanguinis mei*. Ita cum Magistro in 4. dist. 8. plerique Scholastici, & Gabr. Lect. 15. in canonem, Valentia tom. 4. disput. 6. quæst. 6. p. 1. Bellarminus lib. 4. de Euchar. cap. 14. argument. 9. Suarez disput. 60. sect. 1. Vasq. disp. 198. cap. 3. Coninck quæst. 78. a. 3. dub. 2. Henriquez lib. 8. cap. 17. num. 2. Licet S. Thom. q. 78. a. 3. S. Anton. p. 3. t. 13. cap. 5. §. 4. Syluest. ver. Eucharistia, 1. quæst. 6. dicto 4. P. Sotus lect. 2. de Euchar. & alij existimant, etiam reliqua verba, quæ in Romano Canone adduntur, ad essentiam formæ spectare. Sed probatur assertio: Nam verba illa plenè ac sufficienter significant conuersionem vini in sanguinem Christi, eiusque realem, & permanentem præsentiam; ergo eandem etiam efficiunt; consequenter reliqua verba accidentariè adiunguntur. Confirmatur ex eo; quod neque apud Evangelistas neque in liturgiis Græcorum; Æthiopum &c. verba illa, *æterni, mysterium Fidei* reperiuntur. Non est autem credibile, Evangelistas non omnia verba formæ calicis essentialia tradidisse: aut Græcos, & Æthiops, quibusdam verbis formæ essentialibus omissis, inualidè consecrasse solitos.

Circa hanc porro assertionem duo notanda sunt: I. Verba illa formæ, *Hic est calix sanguinis mei*, hunc sensum faciunt: Hic est sanguis meus contentus in calice. Et videtur hæc forma, quæ Ecclesia Romana, laud dubie à S. Petro edocta, vtitur, paulò expressior, quàm illa apud S. Matthæum, & Marcum, *Hic est sanguis meus*. Dicendo enim *hic est calix* &c. significatur, sanguinem adesse tanquam potabilem. Ita docet S. Th. q. 78. a. 3. ad 1. Suarez disp. 60. sect. 3. §. solum ergo.

II. Licet verba illa, *Noni, & æterni testamenti, mysterium Fidei, qui pro vobis & pro multis effundetur in remissionem peccatorum*, ad essentiam formæ, & ad sacramenti necessitatem non pertineant; imò quædam eorum ab Evangelistis posita non sint: tamen sine graui peccato omiti non possunt: quia & ab Ecclesia Romana in Canone Missæ studiosè obseruantur, & à Christo ipso omnia (etsi fortè non eodem ordine, & contextu, saltem eodem sensu, cum neque Evangelistæ eodem modo, ac or-

dine verba Christi referant) dicta fuisse, partim ex Scripturâ, partim ex traditione habetur, sicuti expressè docet Innocent. in cit. c. cum Martha.

Assertio III. Omnia verba Canonis, incipiendo à *Qui pridie vsque ad Vnde & memores, Domine*, dicuntur à Sacerdote historicè, seu recitatiue; sola autem verba, quæ vtrique formæ essentialia sunt, videlicet, *Hoc est corpus meum*; *Hic est calix sanguinis mei*, dicuntur non tantum materialiter & recitatiue, sed etiam formaliter, significatiue, & assertiue. Ita docet S. Th. q. 78. a. 5. eandemque sententiam S. Chrysost. expressit hom. 83. in Matth. & hom. 2. in 2. ad Timoth. S. Ambros. lib. 4. de sacrament. c. 4. *Quando peruenit Sacerdos ad conficiendum sacramentum, iam non suis, sed vtitur sermonibus Christi. Etsi enim Sacerdos, finitis precationibus, referat quid Christus in cœna vltima fecerit, & dixerit; Qui pridie, quàm pateretur, accepit panem, benedixit, ac fregit, deditque discipulis suis, dicens: Accipite, & manducate. Et similimodo, postquam cenauit &c. attamen cum verba ipsa essentialia profert, quibus sacramentum conficitur, non simpliciter refert, quid Christus dixerit; sed ipsemet quoque, induens personam Christi, dicit, & facit, quod ille in côm memoratiorem suâ, ac repræsentationem Sacerdotes facere præcepit. Quod disertis verbis docet Florent. Concil. in decreto Eugenij, §. Tertium est: Forma huius sacramenti sunt verba Salvatoris, quibus hoc conficit sacramentum. Sacerdos enim in persona Christi loquens, hoc conficit sacramentum. Nam ipsorum verborum virtute, substantia panis in corpus Christi, & substantia vini in sanguinem conuertuntur. Et enim nisi Sacerdos, in commemorationem ac imitationem Christi, verba consecrationis formaliter ac significatiue proferret, affirmado & assertendo hoc, quod in manibus tenet, esse corpus, vel sanguinem Christi; tunc virtute verborum non fieret consecratio siue conuersio: quia verba sacramentorum non efficiunt, nisi quod significant. Confirmatur ex eo, quod supra dixi tr. 2. de Baptismo c. 4. num. 2. In forma sacramenti necessariò significari debere actionem Ministris: id autem non fieret, nisi Sacerdos tanquam Christi personam repræsentans, significaret, per hanc suam ministerialem verborum consecratoriâ formam, conuerti panem in corpus Christi, & vinum in sanguinem.*

Nihilominus contra assertionem hanc arbitratus est Durandus in 4. dist. 3. q. 2. ad 1. Omnia verba recensita, etiam quæ ad essentiam formæ spectant, materialiter & recitatiue tantum dici. Probat ex eo, quia fieri non posse videtur, vt eadem oratio tam recitatiue, quàm significatiue ab eodem proferatur. Quo etiam argumento motus Vasquez disp. 200. c. 2. cum Gabr. lect. 48. in Canonem Missæ, existimant, verba consecrationis significatiue tantum, non item recitatiue ac historicè profertur. Id tamen verborum contextui ac sensui manifestè repugnat: reuera enim Sacerdos narrat verba consecrationis, tanquam dicta à Christo; & omnes audientes ita accipiunt, quod vel ex vnica particula enim coniungente verba sequentia cum antecedentibus satis colligitur, *Dicens, (Christus) accipite, & manducate: Hoc est enim corpus meum*.

Secundò probat suam sententiam Durandus ex forma calicis. Certum enim est, verba illa vltima, *Qui pro vobis effundetur*, non posse dici significatiue, & assertiue: nam alioquin falsa esset enuntiatio: siquidem sanguis Christi, qui à Sacerdote consecratur, effundendus non est.

Ad primâ obiectionem responderetur: Negando assumptum. Quia omnino fieri potest, vt aliquod dictum referam tanquam alterius, & simul idem quoque à me assertum velim: v.g. *Aristoteles dixit, quod & ego dico: Cœlum suapte natura incorruptibile est*. Sic etiam Sacerdos, *Christus accepit panem, & dixit, quod & ego, personam eius suscipiens, similiter facio, & dico: Hoc est corpus meum*. In qua oratione demonstratiuum hoc imprimis materialiter

ponitur, tanquam à Christo prolatum; deinde etiam formaliter ad denotandum id, quod præsentibus speciebus panis continetur.

Ad alteram obiect. respondetur, ut supra; Licet omnia verba historicè & narratiuè dicantur; sola tamen illa, quibus sacramentum conficitur, peculiaris mysterij causa, ex Christi institutione, Ecclesiæ traditione, ipsiusque Ministri intentione, dici etiam assertiuè, & significatiuè.

CAP. IV.

De subiecto, seu personis suscipientibus huius Sacramenti.

S V M M A R I V M.

1. Tres sunt manducationes, seu modi sumendi S. Eucharistiam.
2. Olim etiam infantibus S. Eucharistia dabatur: nunc autem dari non solet ante sufficientem rationis discretionem.
3. Pueri, ac puella prius ad sacram confessionem, quam ad S. Communionem adducendi sunt.
4. Qui post rationis usum in amentiam inciderunt, his in mortis articulo S. Eucharistia danda est, si capaces esse videantur.
5. Surdis & mutis à natiuitate, S. Eucharistia, & alia sacramenta ministrari possunt.
6. Ehergumenis sacra Eucharistia danda est, si eam absque irreuerentia sumere possint, & non propter scelera sua in Diaboli potestatem venerint.

QVÆSTIO PRIMA. Quinam sumptionis huius sacramenti capaces sint? Respondeo ex doctrina Concilij Trident. sess. 13. c. 8. S. Th. q. 80. a. 1. 2. & 3. Scoti in 4. d. 8. q. 3. Tres esse manducationes, siue modos sumendi hoc sacramentum: Vna est manducatio sacramentalis tantum, per quam sacramentum accipitur; non item eius effectus, quæ est gratia sanctificans: qui sumendi modus in peccatoribus, & hominibus non baptisatis locum habet, sicuti colligitur ex Apost. 1. ad Corinth. 11. *Iudicium sibi manducat & bibit.*

Alter est manducatio merè spiritualis, per quam sacramentum non accipitur, sed res siue effectus eius, quando homo iustus, quamvis catechumenus, in fide viua votum seu desiderium suscipit manducandi hoc sacramentum. Neque tamen frustra, inquit S. Th. q. 80. a. 2. 1. *adhibetur sacramentalis manducatio: quia plenius inducit sacramenti effectum ipsa sacramenti susceptio, quam solum desiderium, sicuti de Baptismo dictum est.* Consentit Trid. sess. 22. c. 6.

Tertia, eaque perfecta manducatio est, spiritualis & sacramentalis simul, per quam vnà cum sacramento, etiam effectus eius accipitur, qui est gratiæ sanctificantis augmentum, per se loquendo; per accidens verò interdum gratia prima, seu iustificans, sicuti docet S. Th. q. 76. a. 3. Et si enim hoc sacramentum per se institutum sit per modum spiritualis nutrimenti, quod non mortuis, sed viuis; id est, non peccatoribus, sed iustis tantum fidelibus competit; per accidens tamen, ob inuincibilem ignorantiam peccati mortalis, vel existimationem habitæ contritionis, cum non habeatur; potest etiam peccator suscipiendo hoc sacramentum cum fide & attritione, iustificari: eò quod gratia, & virtus eius, licet ex speciali institutione nutritiua sit, interim tamen etiam ad viuificandum apta existat.

QVÆSTIO SECUNDA. Vtrum infantibus sacra Eucharistia danda sit? Respondeo & dico I. Licet olim in Ecclesijs consuetudo fuerit communicandi etiam infantes, sicuti constat ex S. Dionys. de Ecclesiast. hierarch. cap. 7. p. 3. Ordine Romano cap. de Sabbatho sancto, §. Illud autem de paruulis, & testatur Trid. Conc. sess. 21. tamen postea vbique sublata est. Quia licet sacramentum Eucharistiæ paruulis collatum, gratiam

augeat, tamen ipsis necessarium non est, neque propriè pro ijs institutum. Habet enim rationem spiritualis alimentum, restaurantis vires animæ, quæ tum per internum concupiscentiæ fomitem, tum externas spiritualium hostium insidias debilitantur. Hæc autem ratio necessitatis locum non habet in paruulis: siquidem hi per Baptismi lauacrum regenerati, & Christo incorporati, adeptam iam filiorum Dei gratiam, in illa ætate amittere non possunt, ait Trident. l. c. Igitur ob maiorem dignissimi huius sacramenti reuerentiam, non immeritò paruulis denegatur.

Quare nunc seruanda est Ecclesiæ constitutio, ut omnes viri usque sexus fideles, postquam ad annos discretionis peruenerint sacramenta Pœnitentiæ & S. Eucharistiæ suscipere debeant. Monet tamè Doctores, inter quos Victor. de sacramen. pœnit. n. 139. Nau. c. 21. n. 57. Sa ver. Eucharistia, num. 12. Suarez disp. 70. s. 1. puerilem ætatem prius ad Confessionem, quam sacram Communionem admittendam esse: Quia ex vna parte sacramentum Pœnitentiæ ipsis magis necessarium est, si fortè usum rationis adepti, in peccatum mortale lapsi sint: deinde in Confessione puerorum nullum irreuerentiæ periculum timeri potest: quandoquidem Sacerdos, si animaduertat, aliquem doli nondum capacem esse, sacramentalem absolutionem ipsi impertiri non debet, ut suo loco dicam. Ex altera verò parte sacramentum Eucharistiæ, ob eximiam dignitatem, maiorem animi præparationem requirere videtur. Sed hinc excipiendus videtur mortis articulus: nam pro eo tempore generalis regula tradi potest, ex c. penult. 26. q. 6. *Quod cui sacramentum Pœnitentiæ conceditur, neque Eucharistia sacramentum negari debet, si desideret.* Idque notauit Suarez cit. s. 1. in fine, Zambran. cit. c. 3. dub. 2. Henric. lib. 8. c. 42. in fine, qui addit tempore etiam Iubilei facilius pueros admittendos esse, rite instructos.

Porro certa ætas definiri non potest, in qua pueri & puellæ ad S. Eucharistiæ sacramentum idonei sint: sed prudentium id parentum, multò magis Confessorum iudicio æstimandum est. Nam alij citius, videlicet circa annum nonum, aut decimum; alij verò seriùs, circa annum ætatis decimumquartum, sufficientem rationis usum, & spiritualium rerum intelligentiam assequuntur, sicuti præter alios notauit Sotus in 4. d. 12. quæst. 1. a. 9. Monent verò Nauar. cap. 21. n. 57. Sa cit. num. 12. Pueros, quamuis rite dispositos, interdum excusari auctoritate parentum prohibentium S. Communionem: ipsos autem parentes interdum excusari ob loci consuetudinem, quæ pueri etiam post 12. annum non statim ad S. Communionem mittuntur. Quamuis enim verum sit, quod supra dixi, puerorum capacitatem, non ex sola ætate; sed etiam ex ingenij ac morum constitutione æstimandam esse; tamen consuetudo illa quorundam locorum damnari facile non potest: cum sit probabilis sententia Suarez cit. s. 1. pueros, non statim ut ad eam ætatem peruenerunt, in qua licitè communicare possent, ad id etiam obligari: sed post aliquod tempus, puta vnum, aut alterum annum, idque tum propter reuerentiam sacramenti: tum propter maiorem fructum recipientium, si melius dispositi accedent. Addit verò Ioannes Chapeauille de modo ministrandi sacramenta tempore pestis, c. 4. q. 9. post. Nau. cit. n. 57. Neque in mortis articulo pueros ante dictam ætatem ad S. Communionem obligari, videlicet, ut ille ait, masculos ante annum 14. vel 15. fœminas verò ante 12.

Denique aduertit Zambran. l. c. Pueros, propter animi leuitatem, ac facilitatem ferme non tam frequenter ad S. Eucharistiam admittendos esse, quam adultos. Interdum verò proba institutio, iuncta cum animi maturitate, compensat teneræ ætatis imbecillitatem: quod prudens Confessarius arbitrabitur.

QVÆSTIO TERTIA. Vtrum amentibus S. Eucharistia

charistia danda sit? Respondeo cum S. Thom. quæst. 80. a. 9. Soto in 4. d. 12. q. 1. a. 9. Henriq. lib. 8. cap. 42. aliisque, & dico I. Iis, qui ab infantia perpetuò amentes fuerunt, Eucharistia danda non est: quia eadem ipsorum ratio est, quæ infantium.

4 Dico II. Ijs, qui post rationis vsum in amentiam inciderunt, Eucharistia danda est duntaxat in mortis articulo. Habetur in Conc. Arausicano I. can. 3. Carthaginensi 4. can. 76. & refertur in c. is qui, 26. q. 6. Ratio est: Quia tanti sacramenti dignitas ac reuerentia postulat, vt sine graui causa ac necessitate, non detur nisi ijs, qui cum actuali dispositione ac deuotione accipere possunt: Talis autem necessitas non nisi in mortis articulo cernitur, ne amentes absque sacro viatico discedant, quod ante amentiam ipsos seu explicitè, seu implicitè desiderasse, eo ipso præsumitur, quod catholicè, atque obligationis & salutis suæ non immemores vixerint: id verò propositum ac desiderium, cum ipsi in tali statu per se exequi non possint, Ecclesia meritò supplet. Accedit, fieri potuisse, vt in peccato mortali, quod vel ignorabant, vel de quo imperfectè contriti erant, cum proposito confitendi, in amentiam inciderint: quo casu per susceptionem S. Eucharistiæ iustificari, atque saluari poterunt: quæ de re Suarez disp. 69. f. 2.

Excipe I. Nisi constet, vel præsumi debeat, aliquem in statu peccati mortalis, atque impœnitentem in amentiam incidisse. II. Si amentis sine periculo irreuerentiæ communicari non possit: cuius rei experientia capi potest, præbendo illi vnam, vel alteram hostiam non consecratam: postea, si appareat deglutiri posse, consecratam, vti suadet Zambr. dub. 4. num. 5. III. Si spes sit amentem recepturum vsum rationis, tunc tale tempus expectandum est, vt maiore eum reuerentia ac fructu sacramentum suscipiatur, sicuti notat Coninck cit. q. 80. a. 9. n. 74.

Dico III. Semifatui, qui debilem & imperfectum rationis vsum obtinent, ad S. Eucharistiam admittendi sunt. Ita S. Th. cit. a. 9. Quod intelligo primò: Vt licet rariùs, quàm alij, secundum prudentis Confessarij iudicium: minimum tamen in Paschate, multòque magis in mortis articulo admittantur. Secundò, Modò eum rationis vsum obtineant, vt peccare, & sacramentalem absolutionem accipere, atque inter cibum spiritualem & profanum discernere possint. Alioquin enim nullam deuotionem afferent, atque inter infantes numerandi erunt, si à prima ætate tales extiterunt.

5 QVÆSTIO QVARTA. De muto, & surdo à natiuitate, vtrum ei Eucharistia, & alia sacramenta ministrari possint? Respondeo: Quòd mutus & surdus à natiuitate sacramentum Pœnitentiæ accipere possit, ex communi DD. sententia tradit Sanch. lib. 1. de matrim. disp. 8. diff. 2. Et quòd tales, quatenus fieri potest, signis ac nutibus confiteri peccata debeant, docet Caiet. in sum. ver. Confessio, condit. 11. Nauar. in c. fratres, d. 5. de Pœnit. n. 89. Tolet. lib. 3. c. 6. Idem verò sentientium esse arbitror de alijs sacramentis, etiam S. Eucharistia, posse eam muto ac surdo à natiuitate, saltem Paschali tempore, & in mortis articulo ministrari: si alioquin non indispotus appareat: idque docet Abbas in cap. cum apud, num. 6. de sponsalibus. Quia licet talis homo distinctè edoceri, atque intelligere omnia non possit, quæ ad substantiam sacramentorum concurrunt: sufficit tamen, si ad S. Eucharistiam accedat, tanquam ad cibum non profanum, sed spiritualem, in animæ suæ salutem diuinitus institutum: si sacramentum absolutionis petat tanquam remedium peccatorum suorum: dummodo de ijs doleat, & quatenus potest, ea confiteatur. Plerumque autem talia muti ac surdi colligere solent, attenta consideratione eorum, quæ ab alijs fieri vident: videlicet, quòd cum reuerentia sacram hostiam adorent, cum deuotione sumant, tanquam cibum non

profanum, sed spiritualem: Item, quòd cum dolore ac gemitu ad Confessarium accedant, accusantes se de peccatis suis: hoc ipsum, inquam, si neque oculis priuatis, neque mente hebetes sint, deprehendere possunt, ac solent, partim propria consideratione eorum, quæ ab alijs fieri vident: partim etiam ex nutibus & signis, quæ ab aliquo instructore ipsis adhibentur. Talem autem instructionem faciliùs adhibebunt ij, quibuscum surdus ac mutus continuò habitat: vel saltem Confessarius à talibus edoceri poterit, quomodo eum surdo & muto nutibus agere debeat, vt vim spiritualem sacramenti aliquo modo percipiat: & quædam peccata, quatenus potest, signis declaret, ad absolutionem accipiendam. Non debet tamen Confessarius, excepto mortis periculo, mutum & surdum absoluerè, quamuis de peccatis suis dolere se significet, pectus tundendo &c. nisi vnum saltem peccatum in specie, siue particulatim aperiat, per consuetum sibi aliquem nutum.

Sed obijciunt aliqui: Mutus & surdus à natiuitate non potest humano ingenio, sine vlla docentis auditione, aut libri lectione, comprehendere, in Eucharistia, quæ ipsi sumenda datur, non contineri substantiam panis: sed verum & vinum corpus Christi Saluatoris nostri: Ergo non est rectè dispositus ad accipiendum sacramentum. Respondeo primò: Non esse certum, quòd talis surdus ac mutus, speciali Dei auxilio adiutus, mysterij veritatem per exteriora signa non agnoscat: cum talis homo adultus & rationis compos, vt saluus fieri possit, secundum communiorem sententiam explicitè cognoscere debeat SS. Trinitatem, & Filium Dei incarnatum, quæ tamen difficillimè exterioribus signis sine voce, ac scripto exprimi possunt.

Secundò, retentâ sententiâ, quam defendi lib. 2. tr. 1. c. 8. num. 5. Respondeo, satis dispositum esse talem hominem, qui inuincibili mysterij ignorantia laborat, si veritatem S. Eucharistiæ agnoscat implicitè, credendo esse spirituale donum Dei, ad animæ suæ salutem institutum, quod proinde accipere velit secundum illam intentionem, qua ab alijs fidelibus, seu tota Ecclesia accipitur: etsi interim speculatiuam priuatam persuasionem habeat, esse aliquid purè creatum.

6 QVÆSTIO QVINTA. De energumenis, seu à malo Dæmone obsessis, vtrum eis S. Eucharistia danda sit? Responso est affirmatiua: dummodo sine irreuerentia sacramenti communicari possint. Ita docet Concil. Arausicanum, can. 14. S. Thom. 3. p. quæst. 80. art. 9. ad 2. Dominicus Sotus lib. 4. sentent. d. 12. quæst. 1. Petr. Thyraus de dæmonibus p. 2. cap. 18. Suarez t. 3. disp. 69. f. 2. in fine, Seuerinus Binius t. 1. Concil. in can. 29. Concil. Eliberini: eiusque rei exemplum leges apud Prosperum de promiss. & prædicat. dimidij temporis, c. 6. His adde Cassianum collat. 7. cap. 30. vbi ait: *Energumenis, Communionem sacrosanctam à senioribus nunquam meminimus interdiciam: cuius rei bonam rationem affert: Magis namque, ac magis inimicus insultabit obseſſo, cum eum à celeſti medicina viderit segregatū; tantòque diuſius, & frequentius attentabit, quantò eum à ſpirituſali remedio longius ſenſerit abdicatum.* Excipi debet: Nisi tales energumeni sint, qui propter publica scelera, tanquam rescissi & excommunicati ab Ecclesia, Diabolo traditi sunt ad vexationem, secundum Apost. 1. ad Corinth. 5. de quibus sermo esse videtur in Concil. Eliberino cit. c. 29. Eademque ratio est, si constet, aut præsumi possit, propter scelus quodcunque, adeoque in statu peccati incidisse illos in potestatem Diaboli.

CAP. V.

De necessitate, & obligatione huius
Sacramenti suscipiendi.

S V M M A R I V M.

- 1 Sumptio S. Eucharistia, proprie loquendo, non est necessaria hominibus, necessitate medij, ad salutem.
- 2 Sumptio S. Eucharistia fidelibus adultis necessaria est necessitate precepti diuini; non tantum in mortis articulo, sed sapius in vita.
- 3 Frequentius accidit, ut sacra Eucharistia ad infirmos deferenda sit, quam Extrema unctio.
- 4 Si homo paucis diebus ante, quam in mortis periculum incidit, communicat, non tenetur iterum communicare: secus, si longiore tempore.
- 5 Ecclesia non permittit, ut aliquis intra eundem diem bis communicetur.
- 6 Parochi aduigilare debent, an aliqui in mortis periculo constituti sint, ut maturè, & de die sacrum viaticum eis afferant.
- 7 Frequens S. Eucharistia sumptio commendabilis est.
- 8 Ecclesia precepto fideles obligatur ad Eucharistiam in Paschate sumendum: sin vero tunc non accipiant, debent postea, cum primum commode possunt, communicare.
- 9 Qui prouidet se in Paschate à S. Communionem impeditum iri, non tenetur tempus prescriptum prauenire, modo intra eum annum semel communicarit.
- 10 Pœne canonica ijs decreta, qui annum confessionem, vel Paschalem Communionem intermittunt, non sunt sententia lata, sed ferenda ab Ordinario loci.
- 11 Nullum Christi preceptum extat de sacra Communionem ab alijs, qui non sacrificant, sub utraque specie sumendi. Sacerdos de oblatis suis, adeoque de utraque specie participare debet.
- 12 Essentia, & spiritalis fructus Eucharistia, quatenus sacramentum est, in unica specie consistere potest. Vide in num. praeced.
- 13 Sacra Communionem sub una panis specie in veteristiam Ecclesia usitata fuit.
- 14 In veteri Ecclesia consuetudo erat sacram Eucharistiam in Ecclesia à Sacerdote acceptam domum ferendi, & sumendi: qui tamen mos postea sublatus fuit.
- 15 Clericorum Communionem olim appellata erat, quæ intra altaris capcellos fiebat; laicorum vero, quæ extra cancellos.
- 16 In veteri Ecclesia indubitatum erat S. Eucharistiam consecratione effici, extra usum permanere, asseruandam & adorandam esse.

I QVÆSTIO PRIMA. Vtrum hoc sacramentum fidelibus necessarium sit necessitate medij, an præcepti, diuini, aut Ecclesiastici? Respondeo & dico 1. Sumptio S. Eucharistia, proprie loquendo, non est hominibus necessaria necessitate medij ad salutem. Ita S. Thom. q. 65. a. 4. Suarez, & Coninck in q. 73. a. 3. Sotus in 4. d. 8. a. 3. Gabr. d. 9. q. 1. a. 2. contra Henriq. lib. 8. c. 3. Zambranum de sacram. Eucharistia, cap. 3. dub. 1. Nam duo tantum sacramenta sunt, inquit S. Th. quæ personis singularibus necessaria sunt ex hypothese finis, id est, ut salutem æternam consequantur, Baptismus & Pœnitentia. Ratio est: Quia tantum hæc duo sacramenta à Deo instituta sunt, tanquam media per se iustificationis: Baptismus quidem simpliciter, & pro omnibus, spectata lege DEI ordinaria; Pœnitentia autem, supposito peccato mortali; siue pro omnibus communiter, sed tantum pro lapsis. Eucharistia autem neque ad remissionem culpæ originalis instituta est: nam alioquin etiam paruulis foret necessaria, quod reprobatur Trident. Synodus sess. 21. can. 4. Neque ad remissionem peccati mortalis: nam alioquin, qui mortaliter peccasset post sumptum viaticum, deberet denuo Eucharistiam sumere, si posset: quod tamen Doctores communiter negant. Imò nec licitum est eodem die iterum sumere; etsi infirmus, qui post sum-

ptum viaticum mortaliter peccauit, mox se moriturum existimet: sed sufficiens ei est, atque necessarium sacramentum Pœnitentiæ re, vel voto susceptum. Quæ de re Suarez disp. 40. f. 1.

Dico II. Sumptio S. Eucharistia fidelibus adultis necessaria est necessitate præcepti diuini: non tantum in articulo mortis per modum viatici, sed sapius in vita. Hæc assertio tres partes continet, quantum prima expressè traditur à S. Thom. quæst. 80. art. 11. & alijs communiter, contra Caiet. in cit. a. 11. Sumitur ex verbis Christi Ioan. 6. *Nisi manducaueritis carnem filij hominis, non habebitis vitam in vobis.* Luc. 22. *Hoc facite in meam commemorationem.* quod dictum ad omnes fideles (quamuis differenter pro cuiusque statu) pertinere, colligitur ex Apost. 1. ad Corinth. 11. Trident. sess. 13. cap. 2. S. Thom. cit. a. 11. Necessitas autem seu obligatio huius præcepti in eo consistit, ut homo propositum habeat suscipiendi hoc sacramentum tempore opportuno: consequenter re ipsa suscipiat, cum temporis opportunitas, vel moralis necessitas adest: siquidem hæc est conditio siue natura præcepti affirmatiui. Vide S. Th. l. c.

Altera pars assertionis; Esse diuinum præceptum sumendi Eucharistiam tempore mortis, instar viatici, est valde probabilis apud Dominic. Sotum in 4. d. 12. quæst. 1. a. 11. Petr. Sotum L. 2. c. 9. de Euchar. Valentiam t. 4. disp. 6. quæst. 8. p. 4. Suarez disp. 69. f. 3. Vasq. disp. 214. f. 2. Probat ex Concilijs, & perpetua praxi Ecclesiæ, magna diligentia cauendis, ne infirmi sine viatico decedant, ut videre est in Concilio Nicæno 1. can. 13: & alijs relatis causa 26. quæst. 6. c. si quis, c. de ijs, & testatur Trident. sess. 13. cap. 6. ut proinde negari non possit esse hanc Apostolicam traditionem: valde autem verisimile, à Christo acceptum fuisse mandatum. Quamobrem Parochis curandum est, ut semper in sacratio seu tabernaculo, clauis obserato, pro infirmorum Communionem seruentur hostiæ cōsecratæ in pixide munda, operculo suo bene clausa, & velo cooperta: quas hostias, ne vetustate corrumpantur, communicantibus in Ecclesia ante alias distribui, vel ab ipso Sacerdote in Sacrificio, post suum oblatum, ante ablutionem, sumi, & alias nouiter consecratas substitui subinde oportet. Atque de hoc more S. Eucharistiam asseruandi pro morituris in Ecclesia semper recepto videri potest Bellarm. lib. 4. de Euchar. c. 4.

Porrò circa infirmorum Communionem ad praxin alia 3 qua notanda sunt: I. Tametsi consuetudo Ecclesiæ non est, neque decet, ut ad omnes infirmos sacra Eucharistia per plateas deferatur; tamen eius delatio frequentior est, quam sacra vnctionis. Primò: Quia non tantum mortis periculum expectandum est, ad sacram Eucharistiam infirmo ministrandam; quantum ad vnctionem extremam. Secundò: Si quis diuturno morbo detineatur, ut ad Ecclesiam accedere non possit, sacrosanctam Eucharistiam ad animæ suæ salutem ac medicinam, non tantum semel, puta in Paschate; sed etiam sapius, spectatis circumstantijs loci &c. petere iure poterit.

II. Si nullum probabile periculum mortis, vel superuenientis diuturnæ phrenesis infirmo imminere videatur, illicitum est, ipsi non ieiuno S. Eucharistiam ministrare, vti bene notat Zambranum cap. 3. dub. 5. num. 1. Quia communiter fatentur Doctores, ob solam necessitatem S. Eucharistiam non ieiunis dari posse.

III. Si infirmus vno, duobus, tribus, vel etiam octo 4 diebus, antequam in mortis periculum incidit, communicauerat, consulendum quidem ei est, ut iterum S. Eucharistiam per modum viatici accipiat; tamen ad id non obligatur: cum præceptum de Eucharistia ante mortem instantem sumenda secundum substantiam impleuerit. Quin imò Doctores aliqui, ut Caietan. ver. Communio, Armilla cod. num. 4. Sa ver. Eucharistia, num. 1. absolute negant, cum mortaliter peccare, qui cum in Paschate

chate communicat, superueniente mortis periculo, sacram communionem intermittit per negligentiam; tamen sine contemptu. Quæ doctrina saltem ad hoc inferuire poterit, ut defunctus propter talem omissionem de heresi suspectus esse non debeat; nec sacra sepultura; & suffragijs Ecclesiæ priuari. Alioquin verò sententia illorum DD. tanquam minus probabilis rejicitur apud Henric. lib. 8. cap. 4. Suarez disp. 69. l. 3. Zambr. de sacram. Euchar. cap. 3. dub. 1. Quare ita distinguendum est cum Palud. in 4. dist. 9. quæst. 1. a. 1. in fine: vel infirmus paulò ante, puta octo, vel decem diebus communicauit, cum sanus esset, & nihil de mortis periculo cogitans: tunc non tenetur iterum communicare in morbum lapsus: Sin verò longius tempus, v. g. vnus mensis, à Communionem præcedente elapsus est, quo sanus, & nihil de mortis discrimine cogitans communicauit: debet iterum communicare, si in præsens mortis periculum cadat.

IV. Qui semel in mortis periculo constitutus S. Eucharistiam per modum viatici accepit, perseuerante eodem periculo, poterit iterum accipere per modum viatici, quamuis ad hoc non obligetur. Sed excipiunt aliqui apud Zambr. cit. dub. 1. in fine, nisi infirmus post Communionem in mortale peccatum lapsus esset: Id verò Zambran. & Suarez ll. cc. rectè rejiciunt: nam alioquin sequeretur, intra eundem diem S. Eucharistiam iterum sumendam fore, si infirmus post primam susceptionem mortaliter peccasset: Ecclesia autem, S. Thom. teste quæst. 80. art. 10. ad 2. non permittit, ut intra eundem diem bis communicetur: sicuti permittit, ut sapius sacramentum Pœnitentiæ ministretur, quippe quod per se institutum est ad tollendum peccatum mortale, ideoque toties recipiendum, quoties homo propter admissum peccatum indiget: non ita verò S. Eucharistia.

V. Parochis obligatio incumbit; ut intelligere current, an sint aliqui infirmi constituti in periculo mortis, quos inuiscere, & spiritualiter pascere oporteat, sicuti colligitur ex c. 1. de celebrat. Missarum. Etsi verò magis deceat, idque curandum sit, ut S. Eucharistia interdum ad ægrotos deferatur, si tamen necessitas suadeat, quia periculum in mora est, etiam de nocte deferri debet. Quare Zambran. cit. cap. 3. dub. 1. num. 5. Suarez disput. 66. l. 5. paulò post principium.

Tertia demum pars assertionis: Quod fideles in vitæ suæ decursu S. Eucharistiam interdum sumere diuino Christi præcepto obligati sint, est Soti, & aliorum ll. supra cit. Probatum ex eo, quia hoc sacramentum institutum est per modum spiritualis cibi & potus, nutrientis & confirmantis animam. quæ analogia significari videtur, sine cœlesti hoc alimento vitam hominis spiritualem diu consistere non posse, iuxta illud Ioan. 6. Nisi manducaveritis carnem filij hominis, & biberitis eius sanguinem, non habebitis vitam in vobis, scilicet permanentem ac diu perseuerantem, ut explicat Agid. Coninck q. 73. a. 3. prope finem.

Ex quo colligitur, cum Trident. sess. 13. cap. 8. & S. Thom. quæst. 80. a. 10. S. Bonavent. in 4. d. 12. quæst. 3. a. 1. Palud. ibid. q. 1. a. 4. & 5. Durando q. 5. Per se loquendo, & spectata natura sacramenti, vtile esse frequenter, imò quotidie sacrosancto illo cibo animam nutrire, & quod per concupiscentiam deperditum est, restaurare. Idque olim in primitiua Ecclesia vsitatum fuisse, indicant verba Actor. 2. Erant perseuerantes in doctrina Apostolorum, & orationibus, & communicatione fractionis panis. Quare Patres aliqui apud Suarez disp. 69. l. 3. & 4. panem quotidianum, quem in oratione Dominica petimus, hunc supersubstantialem ac diuinum interpretantur, quod etiam S. Matth. cap. 6. expressit. Inter alios S. Ambros. lib. 5. de sacram. cap. 4. ita loquitur: Si quotidianus est panis, cur post annum illum sumis? Quotidie accipe, ut quotidie tibi prosit: sic vine, ut quotidie merearis accipere. S. Basilius in epist. ad Cæsarium Patritium: Communicare

singulis diebus, & sanctum Christi corpus accipere, præclarum, & vtile est. S. Chrysostomus homil. 61. ad populum Antiochen. O consuetudinem, O præsumptionem: Sacrificium frustra quotidianum: incassum assistimus altari; nullus est qui communicetur: hæc non ut temere communicemini, dico: sed ut vos dignos reddatis. Vide de hac quæstione S. Hieron. epist. 28. ad Lucinium, S. August. epist. 118. ad Ianuar. cap. 3. & de sermone Domini in monte, lib. 2. cap. 7. Gennadium de Ecclesi. dogmat. cap. 53. relatum in c. quotidie; d. 2. de consecrat. Walfrid. Strabonem de rebus Ecclesiast. cap. 20. S. Bonau. lo. cit. quæstion. 3. ubi bene ostendit, melius esse ex deuotione sacram Eucharistiam sumere, quam ob humilitatem, & reuerentiam sacramenti abstinere: quia prior actus amoris est, alter timoris: amor autem timori præualeat.

At verò per accidens, consideratis vitæ huius impedimentis, & distractionibus; raro hodie inter laicos reperiuntur, qui idonei sint ad S. Eucharistiam sapius, quam octauo quoque die, cum ea, quæ par est, reuerentia, atque animæ suæ fructu, aliorumque ædificatione, sumendam. Quibus verò personis in particulari consultum sit communicare quot septimanis, vel etiam interdum diebus festis intra hebdomadam cadentibus; (si continent, & à mundo abstractæ persone sint) prudens Confessarius, spectato earum statu, ac dispositione, diiudicabit. Vide Barthol. Medinam p. 1. instruct. c. 14. §. 42. Agid. Coninck. q. 80. a. 10.

Dico III. Ecclesiastico præcepto obligantur fideles, postquam ad annos discretionis peruenerunt, S. Eucharistiam in Paschate quot annis sumere. Habetur in c. omnis vtriusque, de pœnit. & remiss. Trid. sess. 13. can. 9. Circa quam assertionem aliqua aduertenda sunt: I. Tempus Paschale, quod sacre Communioni ab Ecclesia definitum est, quindecim dies communi iure complectitur: qui sunt à Dominica Palmarum vsque ad Dominicam in Albis, sicuti ex declaratione Eugenij IV. refert Nau. cap. 21. n. 45. Communi iure; inquam: nam quibusdam locis consuetudine, aut Pontificio priuilegio hoc tempus extensum est: ut vel integram Quadragesimam complectatur, sicuti Mediolani; vel quatuor hebdomades, duas ante, & duas post Resurrectionis diem, sicuti apud nos Monachij.

II. Vera, & in praxi recepta est sententia, quod qui Paschali tempore seu iusta, seu iniusta de causa, sacram Communionem accipere intermisit, postea, cum primum commodè potest, communicare debeat, ut quanto diutius differat, tanto magis peccatum augeat, sicuti docet Nau. l. c. Azort. 1. lib. 7. c. 40. q. 5. Graffis p. 1. lib. 2. decis. cap. 38. num. 25. Suarez disp. 70. l. 2. Agid. Coninck cit. q. 80. a. 11. dub. 4. contra S. Anton. p. 2. tit. 9. c. 9. §. 3. Sotum in 4. d. 18. quæst. 1. a. 4. Syluest. ver. Euchar. 3. quæst. 15. Tabienam ver. communicare, quæst. 7. Henric. lib. 8. cap. 5. num. 1. Sa ver. Euchar. num. 7. Valentiam cit. disp. 6. quæst. 8. p. 4. Cum enim vnum principaliter præcipitur, alterum secundariò: etsi quod secundarium est, negligatur, aut seruari non possit, debet tamen impleri, quod principale est: Ut si Confessarius præcipiat ieiunium in feria sexta, si ea die pœnitens non ieiunet, debet alia die ieiunare, quæ commodè potest: & qui obligatur tributum soluere ad diem S. Georgij, si tunc non soluat, postea cum primum potest, soluere cogitur. Sicut autem Ecclesiæ quoque principalis intentio est obligandi fideles ad S. Eucharistiam singulis saltem annis sumendam: secundariò autem determinat tempus Paschale, veluti maximè conueniens ob memoriam tum passionis Dominicæ, tum huius sacramenti institutionis.

III. Qui prouidet, se in Paschate à sacra Communionem impeditum iri, non tenetur tempus præscriptum præuenire: dummodo intra eum annum semel communicat. Priorem partem docet Suarez cit. l. 2. dub. 3. Agid.

cit. dub. 4. concl. 2. Ratio est: Quia nemo obligatur ad anticipandum opus præceptum, nisi tali anticipatione satisfaciatur, præcepto Ecclesiæ de communione Paschali: quod eo signo colligitur, quia si ponamus, postea impedimentum præter opinionem tolli, adhuc obligatus erit ad Paschalem Communionem.

Addidi verò, *Dummodo intra annum &c.* Hæc enim limitatio necessario addenda videtur: quia si post ultimum Paschale tempus numquam communicasti, & initio Quadragesimæ v. g. prouides, te circa proximum Pascha impeditum iri omnino teneris præuenire; ne ultra annum sacram Communionem differas, contra Ecclesiæ præceptum, ut singulis annis saltem in Pascha (ait Tridentin. Synodus) vel ut Concil. Lateranense loquitur, *ad minus in Pascha*. Eucharistiæ sacramentum suscipiatur. Cum enim in hoc sacramento duo sint; vnum principale, ac substantiale, ut S. Communio ultra annum non differatur: alterum accessorium, ut tempore Paschali, tanquam omnium congruentissimo, sacramentum suscipiatur; tametsi anticipando adimplere non possis hoc secundarium, potes tamen quod est principale, ac magis substantiale.

10 IV. Pœna in Lateranensi Concil. c. omnis vtriusque, decreta transgressori huius præcepti de annua Confessione, vel Paschali Communionem, ut viuens ab Ecclesia arceatur, & mortuus Ecclesiastica sepultura prohibeatur, non est sententiæ latæ, sed ferendæ, uti verba indicant. Quapropter Parochi, cum iurisdictione in foro externo careant, non facile eam pœnam alicui inferre debent, nisi prius monito, atque iubente Ordinario; presertim si intermissio sacræ Confessionis, aut Communionis aliqua causa excusari posse videatur: Inspiciendæ etiam in hac re sunt speciales diocesium constitutiones, & consuetudines. Vide Suarez disp. 70. f. 3. in fine.

11 ALTERA QVÆSTIO. Vtrum extet aliquod Christi præceptum de sacra Eucharistia, extra Sacrificium sumendi sub vtraque specie? Respondeo; Nullum de ea re Christi præceptum extare, idè quæ ab Ecclesia constitui posse, ut vel sub vna, vel vtraque specie Eucharistia ab alijs, præter sacrificantem, sumatur. Ita S. Thom. q. 80 a. 12. Ratio est: Quia quæ ad accidentales modos seu ritus sacramentorum pertinent, ea Christus non præcepit, sed Ecclesiæ disponenda reliquit. At verò Communio sub vna, aut vtraque specie, ad accidentalem tantum modum sumpcionis S. Aucharistiæ spectat: Ergo de ea Christus nihil præcepit, sed Ecclesiæ reliquit secundum temporum, & locorum circumstantias determinandum. Probat minor ex Trident. Concil. sess. 21. c. 3. Nam siue in Eucharistia spectemus sacra symbola, fateri cogimur, speciem panis esse verum sacramentum: cum propriam materiam habeat, & propriam verborum formam, per quam consecratur & efficitur; idè quæ statim ante Calicis consecrationem in cœna vltima Apostolis manducandum tradebatur: & nunc, secundum Ecclesiæ consuetudinem, populo adorandum exhibetur. Videri potest S. Augustin. in plal. 33. concione 1. *Ferebatur Christus in manibus suis, quando commendans ipsum corpus suum, ait: Hoc est corpus meum. Ferebat enim illud corpus in manibus suis.* Quælibet item species, v. g. species panis secundum se, ac seorsim sacram significationem gerit, quæ Eucharistiæ sacramento propria est: videlicet, tum internæ refectionis animæ, iuxta illud Ioan. 6. *Caro mea verè est cibus*: tum vnionis fidelium cum Christo, & inter se, iuxta illud Apost. 1. ad Corinth. 10. *Vnus panis & vnum corpus multi sumus, qui de vno pane participamus.* Siue in Eucharistia spectetur res contenta ac significata, ea in vna specie v. g. panis verè, ac realiter est totus Christus, tanquam animatum nostrarum cibus, & cum quo tanquam capite vnimur, sicuti significatur eod. c. 6. Ioan. *Qui manducat me, viuet propter me*: manducando enim Eucharistiam seu speciem panis, Filius Dei in nobis manet, & nos in ipso, uti

explicat S. Hilarius lib. 8. de Trinit. S. Damasc. lib. 4. de Fide c. 14. Idque explicat Trident. Synodus sess. 13. c. 3. vbi ait: Licet ex vi verborum consecrationis solum Christi corpus adsit, tamen per concomitantiam, seu connectionem, etiam adesse sanguinem, animam, ac vitæ: quandoquidem Christus, postquam ex mortuis surrexit, iterum moriturus non est, ad Rom. 5. Adesse etiam diuinitatem, propter admirabilem, indissolubilem Verbi diuini cum corpore & animo eius hypostaticam vnionem.

Quo ipso argumento S. Ambros. vsus videtur in lib. de ijs qui mysterijs initiantur, c. 9. *In illo sacramento Christus est, quia corpus est, Christi non corporalis esca, sed spiritalis est.*

Cyrillus Hierosol. catech. 5. mystag. *Accedens ad communionem, non expansis manuum volis accede, neque cum diuinitatis digitis: sed sinistram veluti sedem quandam subijcias dextra, qua tantum Regem susceptura est, & concaua manu suscipe corpus Christi.*

S. Hieron. epist. ad Hedibiam, q. 2. *Nec Moyses dedit nobis panem verum, sed Dominus ipse conuiuia, & conuiuium: ipse comedens, & qui comeditur.*

S. Chrysost. lib. 3. de sacerdot. O Dei benignitatem: qui cum Patre sursum sedet, in illo ipso temporis articulo omnium manibus pertractatur. Et hom. 83. in Matth. *Ipsam vides, ipsum tangis, ipsum comedis. Vestimenta eius desideras videre? ipse verò seipsum tibi tradit non videas solum, verum etiam ut tangas, & in te habeas.*

Obiectiones contra Communionem sub vna specie, hæc sunt: I. ex verbis Christi Ioan. 6. *Nisi manducaueritis carnem filij hominis, & biberitis eius sanguinem, non habebitis vitam in vobis.* Nam hæc verba de sumpcione Eucharistiæ accipienda esse, testantur Patres apud Suarez disput. 46. sect. 2. II. Ex verbis Christi Luc. 22. S. Pauli 1. ad Corinth. 11. *Hoc facite in meam commemorationem.* III. Ex verbis Christi Matth. 28. *Bibite ex hoc omnes.* IV. Cum sacramentum Eucharistiæ in vtraque specie institutum fuerit, sequitur, quod in vna sola specie imperfectum sit; idè quæ sacramentum diuidatur, & populo pars vna sacramenti denegetur; cuius tamè secundum Christi institutionem capaces esse possunt. V. ex Leone I. in serm. Quadrag. 4. vbi reprehendit Manichæos qui *Christi corpus accipiunt, sanguinem autè redemptionis nostræ haurire omnino declinant*: eam quæ sacrilegam simulationem appellat. VI. ex Gelasio Papa, cuius verba referuntur dist. 2. de cons. c. comperimus, vbi de sumpcione sacri corporis absque calice ait, quod, *diuiso vnus, eiusdemque mysterij sine grandi sacrilegio non potest prouenire.*

Ad I. respondetur sensum verborum esse iuxta hebraicam phrasim: Si nec manducaueritis carnem filij hominis, nec biberitis eius sanguinem, non habebitis vitam in vobis: sicuti & illud Act. 3. *Argentum, & aurum non est mihi*, id est, neque argentum habeo, neque aurum. Accedit, quod qui corpus Christi accipit, etiam sanguinem accipit: quia totum Christum in se sumit, qui animæ tum cibus confortans, tum potus exhilarans, idè quæ plena refectio est. Vide Suarez disput. 71. sect. 2. Bellarmin. lib. 4. de Euchar. c. 25.

Ad II. respondeo; Tametsi verba illa solum post sacri corporis porrectionem à Christo prolata legantur, probabiliter tamen ad totam Christi actionem referri: Christus autem in primis consecrauit sub vtraque specie: quod fatemur Apostolis, aliisque futuris Sacerdotibus præcipere voluisse, ut facerent in memoriam passionis suæ: quandoquidem ratio Sacrificij incruenti, per quod sacrificium cruentum, ac mors Christi representatur, in vtraque specie perficitur. Ex quo consequenter colligi videtur, Christi voluntatem fuisse, quod & Ecclesia semper obseruauit, ac præcepit, ut Sacerdos, de oblati participaret, adeoque vtramque speciem sumeret. Quare, ut obiter notè, reprehendendus est Sacerdos ille, qui formulam vnicam, quam in Missa consecratur, pro sacra processione seruauit, & pro ea veterem ex

sacro ciborio deprompta, absumpsit. Deinde Christus species consecratas discipulis sumendas porrexit: ubi non possumus accipere præceptum; quod attinet ad modos seu ritus accidentales ministrandi, aut sumendi Eucharistiam: alioquin necesse esset semper in mensa accumbentibus, cœnatis &c. Eucharistiam dare. quod tamen si principio Ecclesiæ usitatum fuerit, postea tamen sublatum est; quia ad accidentales ritus pertinet. Accedit, quod S. Paulus 1. ad Corinth. 11. satis explicauit mentem Christi, non præcipientis absolute, ut sumatur etiam calix, seu vtraque species à fidelibus omnibus; sed ut tota hæc actio seu sumptio Eucharistiæ fieret in memoriam passionis Dominicæ: *Hoc facite, quotiescunque biberitis, in meam commemorationem: quotiescunque enim manducabitis panem hunc, & calicem bibetis, mortem Domini annuntiabitis, donec veniat.*

Ad III. facilis responsio est; Verba illa potius esse inuitantis, quam præcipientis: deinde ad solos Apostolos dirigi, qui tunc præsentés aderant, de quibus legitur Marci 13. *Et biberunt ex eo omnes.*

12 Ad IV. patet responsio ex supra dictis; Licet ratio Sacrificij in vtraque specie consistat, tamen uti Eucharistia sacramentum est, atque à fidelibus omnibus sumi potest, essentiam eius, atque spiritualem inde percipiendi fructum in vnica specie haberi, sicuti indicat Trident. sess. 21. can. 3. ubi anathema dicitur, *Si quis negauerit totum integrum Christum, omnium gratiarum fontem & auctorem sub vna specie sumi.* Eaque est communis Scholasticorum sententia S. Thom. quæst. 80. a. 12. in fine, & opusc. 58. cap. 29. in fine. S. Bonau. in 4. dist. 11. p. 2. a. 1. q. 2. Richar. ibid. a. 4. q. 6. Gabr. lect. 84. in canone Missæ, non plus fructus spiritualis ex opere operato capi per summptionem vtriusque speciei, quam per vnâ: licet contrarium senserit Alenis in 4. p. quæst. 53. mem. 1. Maior autem deuotio propter expressiorem cōmemorationem mortis Dominicæ partim haberi potest à fidelibus per recordationem ipsius Sacrificij, ex quo Christi corpus manducandum præbetur: partim verò, si cui maior excitandæ deuotionis materia ex vtraque specie accipi putatur, ea commoditate faciliè alijs modis compensabili libenter carere debet, propter reuerentiam sacramenti: siquidem in tanta fidelium multitudine hoc sacramentum in vtraque specie ministrari non posset, sine sacri cruoris frequente effusione, alijsue profanationibus. Accedit, quod multi, vel quia abstemij sunt, vel propter vomitus periculum, aliâque ob causam, vinum bibere non possunt: expedit autem in vniuersa Ecclesia vnum ritum sacræ Eucharistiæ ab omnibus fidelibus communiter vsurpari. Vide Gabr. l. c.

Ad V. respondetur; Manichæorum simulationem in eo positam fuisse, quia tanquam Catholici essent, inter ipsos ad sacram Synaxin accedebant: Eos autem hoc signo notari posse, Leo I. dixit, quod ipsi à sacro Calice omnino abstinerent, propter errorem suum, de quo S. August. hæresi 46. testatur: *Vinum non bibunt, dicentes se esse principium tenebrarum.* Fortasse autem ob hanc causam Romæ fidelibus consuetum tunc erat, Eucharistiam sub vtraque specie sumere, vel saltem non omnino, aut semper altera abstinere.

Ad VI. respondeo; Gelasium in illa epist. (quæ tamen inter epistolas eius modò non extat) loqui de Sacerdotibus, qui sicut totum consecrant sacramentum, ita etiam totum sumere debent. Quia ut in Concilio Toletan. legitur, *Quale erit Sacrificium, cui nec ipse sacrificans particeps esse dignoscitur?* Ita respondet S. Thom. quæst. 30. a. 12. ad 1. Glof. super cit. cap. comperimus, ibi. Archidiaconus, & colligitur ex c. ita nos, 25. q. 2. iun. Gl. Gregoriana. Sin verò aliquis contendat, Gelasium locutum esse de populo sumente Eucharistiam, tunc eodem modo respondendum est, sicuti ad verba Leonis, Reprehendi eos, qui ex superstitione à Calice ab-

stinabant, tanquam abominabili: ij enim errabant contra veritatem sacramenti in vtraque specie instituti; ideoque ad corrigendum hunc errorem iubebantur vel integra sacramenta percipere, vel omnino abstinere. Sicuti è contrario his seculis nostris aliqui reperiebantur, qui necessarium esse dicebant; populo sub vtraque specie communicare: ad quem errorem corrigendum meritò decretum est, ut populo non nisi sub vna specie Eucharistia præbeatur, sicuti videre est in Conc. Constantinensi sess. 13. cum tamen antea etiam circa tempora S. Thom. Aquinatis nullum de ea re fuerit Ecclesiæ præceptum vniuersale: sed cuiuscunque Ecclesiæ seu sub vna, seu sub vtraque specie cōmunicantis consuetudo probabatur. Fuisse tamen frequentiore ac ferme vbique receptam consuetudinem communicandi laicos sub vna tantum specie; testatur Alexander Halensis in 4. p. sum. q. 53. mem. 1. Videri etiam potest Baron. Anno Christi 496. n. 20.

Porro in veteri etiam Ecclesia communionem sub vni- 13 ca specie panis à multis vsurpatam fuisse, ex historijs, & Patrum scriptis clarè colligitur: Primò enim consuetudo vetus fuit in multis Ecclesijs, ut fidelibus panis Eucharisticus in manus daretur, domum deferendus, ibique manducandus; sicuti constat ex Clemen. Alexand. lib. 1. Stromatum, Tertull. lib. 2. ad uxorem, & lib. de orat. Cyprian. serm. de lapsis, Basil. in epist. ad Cæsarium Patricium, apud Anastas. Nicænum Episcop. quæst. in Scripturam tom. 6. Biblioth. SS. Patrum, ubi ait: *Omnes qui sunt in desertis Monachi, ubi non est Sacerdos, illic habentes Communionem (quam in Paschate ex parochia acceperunt) ex seipsis eam sumunt. Alexandria autem, & in Aegypto unusquisque ex laicis maxima ex parte habet Communionem domi sue.* Et S. Hieron. Apol. aduersus Iouinian. ubi testatur, Romæ hanc consuetudinem fuisse, ut fideles quotidie Eucharistiam sumerent, etsi ad Ecclesiam non irent: quod etiam Tertull. locis citat. meminit.

Modum autem accipiendi sacram Eucharistiam ma- 14 nu sinistra concava, imposita dextra, veluti tegmine cælestis Regis, audiuius supra ex Cyril. cath. 5. mystag. Adde, quod S. Ambrosius de obitu fratris Satyri, S. August. serm. 252. de tempore, & Sophronius in prato spiritali cap. 79. testantur, mundum linteam à Christianis, præsertim fœminis, adhibitum fuisse, in quo Christi corpus susciperetur, ac deferretur: *Omnes viri, inquit, Augustinus, quando communicare desiderant, lauant manus suas, & omnes mulieres nitida exhibent linteamina, quando corpus Christi accipiunt.* Quare in Antisiodorensi Concil. canone 42. legimus, *ut vnaquæque mulier, quando communicat dominicalem suam, id est, mundum linteam, in quo Christi corpus recipiatur, habeat.* Certissimum autem est, in priuatis domibus non fuisse sacros calices, aut vasa, quibus Christi sanguis asseruaretur; sed tantum in Ecclesia, sicuti testatur S. Athanasius Apol. 2. contra Arianos: *Mysticum poculum, quod impium cum reddit, qui id ultro frangit, nusquam nisi apud legitimos Ecclesiæ præfides: Neque verò etiam tanto tempore, apud Eremitas, & alios, que verò etiam tanto tempore, apud Eremitas, & alios, seruari potuissent vini species, quin corrumperebantur, & acefcerent. Veruntamen consuetudo illa corpus Christi domum ex Ecclesia deferendi, propter abusus, postea sublatum fuit, sicuti videre licet in Concil. Tolet. i. canone 14. Concil. Cæsaraugustano, c. 3. Synod. Trullana, can. 101.*

Secundò, Consuetudo vetus fuit sacram Eucharistiam plerumque sub vna tantum specie panis ægrotis communicandi, sicuti colligitur ex epist. Dionys. Alexandrini apud Euseb. lib. 6. cap. 36. ubi refertur, quod Serapioni seni ægrotanti, quem Sacerdos adire non posset, puer Eucharistiam attulit, eamque madefactam (quia diu asseruata species panis induruerant) in os senis infudit: atque ille simul ac pedetentim per fauces demiserat; illico spiritum extremum edidit. Pauli-

nus in vita Ambrosij scribit; Quod Honoratus Ver-
cellensis Episcopus tertio vocem vocantis se audit, di-
centis sibi, Surge, festina, quia modo est recessurus: Qui
descendens obtulit sancto (Ambrosio) Domini corpus; quo ac-
cepto, ubi glutiuit, emisit spiritum. Videri etiam potest Am-
philochius in vita S. Basilij, Micrologus lib. de Ecclesiast.
obseruat. c. 17. propé finem.

Interim non negamus, quibusdam locis olim etiam
morem fuisse sacrum sanguinem asseruandi, ad ægros
sub vtraque specie communicandos: sicuti apparet ex S.
Nazianz. in orat. funebri in laudem Gorgonia, epist. S.
Chrysost. ad Innocent. I. Papam, referente de tumultu
excitato, cum Constantinopoli pulsus esset. Victore in
lib. 1. de persecut. Wandalica, S. Hieron. epist. 4. ad
Rusticum, de Exuperio Tolosano episc. scribit: Nihil-
lo ditius, qui corpus Domini canistro vimineo, sanguinem portat
in vitro. Sophronio in prato spirit. cap. 48. S. Gregor. lib.
3. dialog. cap. 36. vbi testatur, etiam mari nauigantes
corpus & sanguinem Christi secum habuisse.

Tertio constat ex ordine Romano cap. de officio Pa-
rasceues, in fine; Feria VI. hebdomadæ sanctæ Sacrifi-
cium celebrari non solitum; sed ex pridie cōsecrato pane
particulam in vinum iniectam fuisse, & postea omnibus
Communionem sacram, in sola videlicet panis specie,
datam fuisse.

Quarto consuetudo antiqua fuit, simulæ corporis
immaculati Christi Dei nostri reliquiæ ex sacrificio su-
perfuerant, vt vino aspersæ impuberibus innocentibus
cum reuerentia absumendæ darentur, ideoque sub vna
panis specie communicarentur. Ita testatur Concil. Ma-
tisconense canone 6. ibi, indicto (innocentibus) ieiunio,
reliquias sacrificiorum vino conspersas percipiant. Et Euagr. lib.
4. hist. cap. 36. qui id etiam miraculo confirmatum te-
statur.

15 Quinto hoc ipsum ostendit Bellarm. lib. 4. de Euchar.
cap. 24. ex vsu communionis laicæ, quæ olim in pœnam
alicuius grauis delicti Clericis decreta erat, ablata eis
Communionem clericali. Discrimen autem inter vtram-
que communionem hoc esse contendit, quod clericalis
dicta sit communio, quæ laicis dabatur tangenda, secum-
que domum deferenda in vnica panis specie: Clericalis
autem, quæ in Ecclesia sub vtraque sumebatur. Verun-
tamen ex canone 19. Concil. Laodicen. vbi habetur,
quod solis ministerio sacro debitis, ad altare ingredi, & commu-
nicare ibidem liceat: colligi videtur, clericalem Commu-
nionem dictam esse, quæ intra cancellos Clericis dabatur:
solebant enim omnes Clerici in officio Missæ post
factam Sacerdotis Communionem communicare, vti
colligitur ex can. 9. Apostol. quamobrem in Antisiodo-
rensi Concil. c. 19. statutum videtur, vt Clerici omnes
ieiuni ad altaris ministerium accederent. Consequenter
laica Communio dicebatur, quæ laicis, atque in crimi-
nis alicuius pœnam Clericis, extra cancellos dari solita
est, sicuti arbitratur etiam Seuerinus Binius in tom. 1.
Concil. super can. 8. Ancyran. & cit. can. 19. Laodic. Ni-
hilominus defendi potest Bellarmini sententia, tanquam
valde probabilis, multis olim Ecclesijs consuetudinem
fuisse, vt Clerici intra cancellos sub vtraque specie com-
municarent; laicis autem (ipsisque Clericis ob quædam
delicta) vnica species, vel extra cancellos in Ecclesia, vel
domi ægrotantibus præberetur.

16 Ad extremum ex allatis testimonijs colligitur contra
hæreticos nostri temporis, in antiqua Ecclesia indubita-
tum fuisse, sacrum corpus, & sanguinem Christi conse-
cratione effici, atque permanere, etiam extra vsum, hoc
diuinum sacramentum; & asseruari, atque à fidelibus
adorari solitum esse. De qua adoratione testantur Patres,
S. Dionys. Arcopag. c. 3. Eccles. hierarch. p. 2. Clemens
lib. 2. constit. Apostol. c. 61. Origenes hom. 5. in diuersos
locos Euangelij, Cyill. Hierosol. catech. 5. mystag. in
fine, Basilij lib. de Spiritu sancto, cap. 27. Ambrosij lib.

3. de Spiritu sancto, c. 12. Nazianz. in orat. de Gorgonia,
Chrysost. hom. 61. ad populū Antioch. hom. 83. in Matth.
& homil. 3. epist. ad Ephesios, Aug. in psal. 98. ijs verbis,
Adorate scabellum &c. in psal. 21. conc. 1. & epist. 118. c. 3.
Eusebius Emisenus hom. 5. de Paschate, Theodoretus in
Dialogo secundo, Damasc. lib. 4. de Fide, cap. 14. Vide-
ri potest Suarez 3. p. tom. 3. disput. 65. sect. 1. Vasquez de
adorat. lib. 2. disp. 8. c. 11.

CAP. VI.

De Requisita animi, ac corporis disposi-
tione ad susceptionem S.
Eucharistiæ.

SUMMARIVM.

- 1 Peccata venialia, licet effectum S. Eucharistiæ, quæ est gratia san-
ctificans, non impediunt: faciunt tamen, vt sacramentum mi-
nus reuerenter suscipiatur: præsertim si actualia sint.
- 2 Ad augmentum gratiæ in suscipiente iusto alia actualis dispositio
necessariò non requiritur, nisi vt sacramentum voluntariè susci-
piatur, tanquam spiritalis cibus animæ.
- 3 Cum peccato veniali actuali S. Eucharistiæ suscipere venialis irre-
uerentia est.
- 4 Qui cum conscientia peccati mortalis sacram Eucharistiæ sumit,
grauis sacrilegium committit.
- 5 Communicaturus, si mortalis peccati conscius est, sacramentaliter
confiteri debet: si id fieri possit.
- 6 Satius est, die festo Missam intermittere, quàm non præmissa Con-
fessione sacramentali, sed sola elicitæ contritione de peccato mor-
tali, sacrificare: nisi alia necessitas cogat.
- 7 Sacerdos, qui ob necessitatem sine præuia Confessione celebrat,
quamprimum postea confiteri debet, si peccatum mortale habue-
rat.
- 8 Peccatori publico, seu publicè, seu priuatim petenti, neganda Eu-
charistiæ est.
- 9 Ad sacram Eucharistiæ sumendam in criminis purgationem Reus
suspectus cogi non debet.
- 10 Peccatori occulto S. Eucharistiæ negari potest, si priuatim petat, non
item si publicè.
- 11 Parochius, qui occultum matrimonij impedimentum extra sa-
cræ Confessionem cognouit, non debet ei assistere.
- 12 Si solus Episcopus Ordinis accipiendi impedimentum cognouit, id-
que probare non potest, ordinationem homini denegare ne-
quit.
- 13 Ad mortem damnatis Christianis S. Eucharistiæ per modum viati-
ci negari non debet.
- 14 Corporalis immunditia per se non impedit à digna susceptione Eu-
charistiæ: sed interdum per accidens.
- 15 Pollutionem passus, quamuis culpa sua, post poenitentiam Com-
municare non prohibetur: si tamen post pollutionem, etiam in-
uoluntariam, malignus effectus commota carnis, aut animi per-
turbati manet, consultum est eo die abstinere.
- 16 Mulier non obstante, quod communicare velit, merito debitum
coniugij exigenti reddere debet.
- 17 S. Eucharistiæ à ieiunis sumendam esse Apostolica constitutio, &
traditio est.
- 18 Ieiunium, quod communicaturo præcipitur, perfectum & natu-
rale esse debet.
- 19 Si modicum quid cum salina per guttur casu traiciatur, non im-
pedit sacram Communionem.
- 20 Certi casus sunt, quibus licitum est S. Eucharistiæ sumi à non iei-
unius.
- 21 Non est licitum Sacerdoti post sumptum cibum sacrificare, vt sa-
cræ hostiam habeat ad moriturum communicandum.
- 22 Etiam post acceptam ablutionem licitum est Sacerdoti reliquias ho-
stiarum à se consecratarum in altari absumere.
- 23 Post sumptam sacram Eucharistiæ decens est aliquandiu à cibo
& potu abstinere: sed id in præcepto non est.

QUESTIO PRIMA. Vtrum peccata venialia im-
pediant dignam sumptionem, vel effectū huius sa-
cramenti? Respondeo ex doctrina S. Th. q. 79. a. 8. Pec-
cata

cata venialia præterita, & solo habitu manentia per se non impediunt S. Eucharistiæ effectum: quin potius sacramentum hoc ex opere operato delet venialia, quibus voluntas suscipientis neque actualiter, neque virtualiter inhæret, teste eodem S. Th. q. 79. a. 4. & in 4. d. 12. q. 1. a. 1. q. 1.

Dico II. Peccata venialia, quæ actu inter sumptionem S. Eucharistiæ committuntur, non impediunt eius effectum, qui est gratiæ habitualis augmentum, & remissio peccatorum venialium. Ita S. Bonau. in 4. d. 12. p. 2. a. 1. q. 3. Adrianus in 4. vbi de Eucharistia, paulo post princ. Ratio est: Quia sacramenta gratiam ex opere operato suscipienti conferunt, si his obicem non ponat: atqui peccatum veniale non est obex gratiæ sanctificantis, quandoquidem cum eo consistere potest. Nihil etiam obstat, quin aliqua venialia peccata remitti possint, alijs venialibus etiam actu remanentibus, Ergo &c.

2 Adde ex Soto in 4. d. 11. q. 2. a. 8. Suarez disp. 63. sect. 3. Agid. q. 79. a. 1. dub. 1. contra Syl. ver. Eucharistia, in fine, Caietan. ead. q. 79. art. 1. Pet. Sotum Lect. 12. de Euchar. Ad augmentum gratiæ in sumptione huius sacramenti acquirendum aliam actualem dispositionem, vel deuotionem necessariò non requiri, nisi ut sacramentum voluntariè, tanquam spiritualis animæ cibus, suscipiatur, si suscipiens adultus, sui que compos sit. Nam alioquin sequeretur, quòd homo iustus suscipiendo Eucharistiam sine actuali deuotione (nisi ignorantia, vel obliuione excusaretur) mortaliter peccaret, & iustitiam amitteret, quia poneret obicem gratiæ sacramenti: Consequens autem videtur absurdum, & contra communem fidelium persuasionem.

3 Dico III. Qui cum peccato veniali actuali S. Eucharistiam sumit, is præter illud, plerumque aliud veniale cuiusdam irreuerentiæ ac sacrilegij committit, puta si accedat ad res vanas, & inutiles voluntariè distractus; vel ostentationis, & vanæ gloriæ causa; vel denique cum quocunque actuali affectu aut proposito peccati venialis. Colligitur ex S. Thom. in cit. art. 8. & docet Suarez disp. 66. l. 1. contra Sa ver. Euchar. num. 22. Nam sacramenti huius secundarius finis, & effectus est, ut per modum cibi spiritualis, animæ sumentis delectationem & consolationem afferat: Venialia autem peccata hunc effectum consolationis impediunt; hoc ipso, quòd actualem deuotionem, & charitatis feruorem directè impediunt: Ergo venialia peccata, quæ actu committuntur, aliquo modo repugnant fini, & institutioni huius sacramenti: ideòque faciunt, ut minùs dignè, ac reuerenter suscipiatur: adde etiam minus fructuosè quandoquidem etiam gratiæ sanctificantis augmentum tantò copiosius infunditur, quanto meliùs homo dispositus est.

Denique etiam habitualia peccata venialia præsertim si multa, vel aliquo modo graua sint, & nulla pœnitentia, vel emendationis propositum de ijs concipiatur: non raro animum quasi quodam pondere grauant, & actualem deuotionem impediunt; ut proinde S. Eucharistia minùs reuerenter, ac fructuosè suscipiatur, sicuti notauit Suar. ibid. & Agid. Coninck q. 79. a. 8.

4 QVÆSTIO SECUNDA. Vtrum peccatum mortale impediat effectum huius sacramenti? Respondetur cum S. Th. q. 80. a. 4. S. Bonau. in 4. dist. 9. a. 2. q. 3. Duran. q. 4. Impedire per se loquendo; ideòque cum conscientia peccati mortalis communicantem, graue peccatum sacrilegij committere. Qua de re videri possunt S. Basil. serm. 2. Baptis. cap. 3. S. Chrys. hom. 60. ad pop. Antioch. S. August. serm. 252. de temp. S. Greg. lib. 2. c. 1. in lib. 2. Regum. Ratio est: Quia præterquam, quòd hoc sacramentum ex ijs sit, quæ non mortuorum, sed viuorum sunt; peculiariter etiam institutum fuit, ut hominem cum Christo vniet: cui vnioni quàm maximè repugnat peccatum mortale, quippe quod hominem à

Deo auerit, & inimicum reddit, de quo videri potest Gabr. lect. 87. in Canonem. Confirmatur ex Apost. 1. ad Corinth. 11. Probet autem seipsum homo, & sic de pane illo edat, & de calice bibat. Qui enim manducat, & bibit indignè, iudicium sibi manducat, & bibit, non diiudicans corpus Domini. Et addit: Ideo inter vos multi infirmi, & imbecilles, & dormiunt multi: quòd si nos ipsos iudicarem, non utique iudicaremur: dum iudicamur autem, à Domino corripimur. Quibus verbis significat Apostolus, eos qui indignè accedunt à Deo in hoc seculo pœnis temporalibus corripiri, aut morte puniri solitos esse, ut vel sic resipiscant, & salui fiant, uti hunc locum explicant Pacianus lib. de pœnit. Chrysost. 1. ad Timoth. homil. 3. Vide etiam S. Cyprian. serm. de lapsis, S. August. homilia ult. ex 50.

Porro qualis probatio ante Eucharistiæ sumptionem requiratur, explicat Trident. Concil. sess. 13. c. 7. Ecclesia autem consuetudo declarat, eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa sacramentali Confessione, ad S. Eucharistiam accedere debeat. De hac traditione testantur S. August. epist. 118. c. 3. Gennad. de Ecclesiast. dogmat. c. 53. Leo I. epist. 91. ad Theodorum.

Circa verba Concilij quædam notanda sunt: Primum. Qui sacram Eucharistiam suscepturus est, examinare se debet, vtrum alicuius peccati mortalis sibi conscius sit, de quo rite confessus non fuerit.

Secundum. Cum Concilium Ecclesiastica consuetudine nitatur, cuius initij nulla memoria extat satis declarat, esse Apostolicam traditionem de sacra Confessione præmittenda, si communicaturus mortalis peccati conscius sit, siue quòd ipsemet Apostolica de re præceptum promulgauerunt. Qua de re vide Nau. cap. 21. num. 50. Suarez disp. 66. l. 3. Agid. Coninck quæst. 80. art. 4. dub. 1. contra Caiet. in sum. ver. Communio, princip. & super 1. ad Corinth. cap. 11. quibus locis negauit, vllum præceptum diuinum, vel Ecclesiasticum extare de sacramentali Confessione facienda, si communicaturus de peccato mortali contritus sit.

Tertium. Ab hoc tamen præcepto excipitur casus, quo, urgente sacrificandi, aut communicandi necessitate, Confessarij copia non est. Talis necessitas censerì debet I. Vt morituro viaticum præbeatur, si alia hostia consecrata desit. II. Si Sacrificium, vel Communio sine graui infamia, vel populi scandalo omitti non possit. III. Si Sacerdos ex officio celebrare teneatur, aut fideles iure suo Sacrificium exigant: neque per alium id perfici possit. IV. Si Sacerdos post consecrationem recorderetur peccati mortalis; debet, elicità contritione, Sacrificium prosequi. Sin autem ante consecrationem mortale peccatum committat, vel antè commissi memoria incidat, videtur esse obligatus ad confitendum, si commodè, & sine vlla nota infamiae possit; præsertim Canone nondum cæpto, sicuti docet Syl. Euchar. 2. quæst. 7. Nav. cap. 25. num. 76. Suarez disp. 66. sect. 4. Agid. cit. quæst. 80. art. 4. dub. 1.

Contrarium tamen docuit Sotus in 4. d. 13. quæst. 2. art. 6. Victoria num. 78. Henriquez lib. 8. cap. 46. num. 3. etiam si Sacerdos statim post introitum recorderetur peccati mortalis, opus non esse accersere Confessarium, quamuis sine nota id fieri possit: sed satis esse, imò etiam consultius, elicità contritione, & postea confitendi proposito, ob honorem Sacrificij pergere, & cæptum perficere. Quæ sententia etiam ea ratione practicè probabilis est; quia vix vnquam decenter & sine omni Sacerdotis nota, & confusione, interrupta Missa, sacramentalis Confessio interponi posse videtur; excepto, si in publico officio Missæ, inter canticum, vel concionem, Sacerdos confiteri possit: ad quod omnino obligatus erit, uti notauit

Syl. loco cit.

- 6 Præter hos quatuor casus necessitatis, ab omnibus receptos; alium affert Henric. cit. c. 46. n. 5. ex Soto in 4. d. 12. quæst. 1. a. 4. casu 3. Si præceptum Ecclesiasticum urgeat de Missa festo die audienda. Verum rectius censeat S. Anton. p. 3. t. 13. c. 6. §. 7. Suarez & Aegidius II. cc. cessante scandalo, & infamia; satius esse tunc Missam intermittere. Quia præceptum, quod minus est de Missa festo die audienda, vel facienda, cedit maiori præcepto de non sacrificando cum conscientia peccati mortalis, nisi præmissa Confessione sacramentali; & cum illud positivum atque affirmativum sit, non obligat, quando rite & commodè impleri nequit. Id tamen probabiliter dicitur, cum Palud. in 4. d. 9. q. 4. concl. 10. Viualdo de Eucharistia, n. 21. Aegid. Coninck l. cit. tempore Paschali melius facturum Sacerdotem: si non habens copiam Confessarii, præmissa contritione sacrificet, quam si Paschalem Communionem omnino prætermittat, etiam secluso scandalo.

Quod ad alterum attinet; Copia Confessarii tunc non habetur, si vel nullus adsit Sacerdos approbatus, & expositus; ad absentem autem sine magna difficultate spectatis circumstantiis personæ, itineris &c. accessus esse nequeat: vel si adsit quidem Confessarius iurisdictione præditus, cui tamen penitens sine interprete, aut periculo gravis iacturæ, vel scandali, cōfiteri non possit. Qua de re iterum dicam tract. 5. cap. 6. num. ult. & c. 8. casu quinto.

- 7 Denique verò, ne sacrificaturi habentes conscientiam peccati mortalis, passim prætextu necessitatis, & inopiæ Confessarii, non instituta sacra Confessione, sed elicta tantum contritione communicent, præcipit Trident. Synodus sess. 13. cap. 7. ut Sacerdos, si necessitate urgente absque prævia confessione celebravit, quamprimum postea confiteatur. Quod tamen præceptum extra proprios verborum limites extendendum non est ad laicos; vel ipsos etiam Sacerdotes more laicorum communicantes sine præcedente Cōfessione, ob necessitatem, & Confessarii inopiam: qua de re Suar. disp. 66. l. 7. Coninck q. 80. a. 4. dub. 2. contra Nau. c. 2. man. n. 10.

- 8 **QUESTIO TERTIA.** Vtrum Sacerdos peccatori S. Eucharistiam petenti dare, an negare debeat? Respondeo & dico, I. Peccatori publico seu notorio, facti, aut iuris notitia, tam publicè, quam priuatim S. Eucharistia neganda est. Ita S. Thom. quæst. 80. a. 6. S. Cyprianus lib. 1. epist. 7. S. Chrysost. homil. 83. in Matth. & homil. 60. ad populum Antiochenum: S. August. tr. 26. in Ioan. & lib. 50. homiliarum, in hom. ult. cap. 12. relatus in c. multi, 2. quæst. 1. & homil. 33. in Matth. Diaconum altaris ministrum alloquens: *Si dux quisquam, si diaconem ornatus indignè adeat, cohibe & coërce: maiorem tu illo potestatem habes.* Ratio est: Nam ex vna parte publicus peccator, neque re ipsa, neque externa specie ius habet S. Eucharistiam petendi: Ex altera verò parte ad Sacerdotis officium spectat, ut sit dispensator fidelis, & sanctum non det canibus, Matth. 7.

Tribus autem modis crimen notorium sit: I. Per confessionem Rei in iudicio. II. Per sententiam condemnationis in euntem latam: quæ duo sunt notoria iuris. III. Notitia facti, si crimen palam commissum nulla tergiversatione celari, aut excusari possit, sicuti docent Abb. & alij Canonistæ in c. vestra, de cohab. Clerici & mulierum, Nauar. in man. c. 21. num. 55. & lib. 3. consil. 2. de decimis, edit. 2.

His adde primò: Si crimen per publicam sententiam, aut notitiam facti notorium sit, criminoso, quem Sacerdos scit in crimine persistere, negandam esse Eucharistiam etiam coram ijs, qui scelus ignorant, iuxta ea, quæ dixi lib. 3. tr. 2. de iustitia, p. 2. cap. 3. quæst. 3.

Adde secundò: Et si Sacerdos priuata notitia sciat pec-

catores emendatum esse, si tamen emendatio publicè ignota sit, & criminis infamia perseueret, negandum esse sacram Eucharistiam, ob causam scandali vitandi. quod tamen scandalum interdum tolli potest, si penitens post sacramentalē absolutionē in priuata capella cōmunicetur: Aut si Sacerdos cum licentia penitentis astantibus significet, hominem emendatum, & absolutum esse, sicuti notauit Nau. c. Sacerdos, n. 21. d. 6. de penit. Henric. lib. 8. c. 56. n. 3. Sa ver. Eucharistia, n. 17. Sæpe tamen expedit, & interdum ratione scandali vitandi necesse est, ut qui frequenter, & publicè lapsus est, aliquo tempore abstineat, donec plenè satisfacere visus sit: ne S. Communionem contemnere, aut peccatorum suorum gravitatem non agnoscere videatur. Deinde verò excipitur mortis articulus, in quo certa regula est: Cui sacramentum absolutionis confertur, neque Eucharistiam negari debere.

Adde tertio: Propter publica quoque, & vehementia criminis indicia, quæ violentam præsumptionem inducant, S. Eucharistiam negandam esse, donec infamia laborans se purgauerit. Qua de re Richard. in 4. d. 9. q. 3. Palud. q. 4. a. 1. concl. 6. Henric. n. 6. Suarez disp. 67. l. 6.

Porro hoc loco dubium soluendum est, ex S. Th. cit. 2. 6. ad 3. Vtrum hominibus suspectis S. Eucharistia dari possit ad criminis purgationē, seu innocentiae ostensionem? Respondetur cum Suarez cit. l. 6. Vasquez disp. 210. c. 3. Coninck cit. q. 80. a. 6. duplici intentione id fieri posse: Primò, ut Deus inusitato signo ostendat, vtrum de crimine suspectus re vera nocens sit, necne: quod est peccatum tentationis Dei, & inter purgationes vulgares (id est, à vulgo inuentas, à sacris vero canonibus reprobata) numerari debet. Cuiusmodi olim etiam erant purgationes per ferrum candens, per aquam feruentem, per aquam frigidam &c. quæ omnes à sacris canonibus prohibentur, c. ex tuarum, de purgat. canonica, c. ult. de purgat. vulgari, c. sententiam, Ne Clerici vel Monachi. Videri potest Gregor. Tholosanus lib. 48. Syntag. c. 15.

Secundò fieri potest intentione grauissimi iuramenti præstandi ad innocentiae ostensionem: qui modus purgationis per se malus non est, si ex graui & rationabili necessitatis causa, vltro suscipiatur. Non debet tamen talis iurandi necessitas alicui imponi, ob periculum grauissimi sacrilegij. quod maximè verum est (inquit est Suarez l. c.) si is, à quo tale iuramentum exigitur, delictum suum manifestare non teneatur. Quare graniter peccat maritus v. g. si uxorem cogat, ut se hoc modo à suspitione adulterij liberet: Item Prælati, si tali modo occulta subditorum delicta inquirere, & deprehendere tēter. Quod si verò alicubi talis consuetudo olim viguit, vti colligitur ex c. sæpe contingit, & seq. 2. q. 4. ea merito abolita est: & videri potest Alexan. Halensis p. 4. quæst. 49. mem. 2. art. 2. Gabr. in 4. d. 1. quæst. 2. art. 3. dub. 5.

Dico II. Peccatori occulto occultè S. Eucharistiam petenti, neganda est. Sumitur ex c. si tantum 2. q. 6. Ratio est: Quia cum peccator nullo iure S. Eucharistiam petat, quippe quæ ex propria institutione, & peculiari sanctitate iustis tantum ac sanctis conuenit: ideo peccari negari debet, si sine eius infamia, populi scandalo, vel simili graui incommodo negari potest.

Sed quid si Sacerdos crimen necdum emendatum ex sola confessione cognitum habet? Etiam hoc casu secretò petenti S. Eucharistiam negandam esse, si omne absit periculum infamationis, docuit S. Th. in 4. d. 9. a. 5. quæst. 1. ibid. Durandus, quæst. 5. num. 6. Halensis in p. 4. q. 49. mem. 1. Victor. num. 79. Vasq. disp. 209. cap. 5. alique plures. Sed placet mihi magis sententia Palud. in 4. d. 9. q. 4. a. 1. concl. 3. Nau. c. 21. n. 55. Valentiz to. 4. disp. 6. q. 8. p. 3.

p.3. ver. Ego verò, Coninck. q. 80. a. 6. qui negant, tali casu peccatori S. Eucharistiam negari posse; saltem, si periculum sit (quod vix vnquam abesse poterit) tacite cuiusdam exprobrationis, per quam Confessionis sacramentum odiosum reddatur. Debet igitur Sacerdos, vt S. Eucharistiam eriminofo neget, certam de occulto eius crimine cognitionem habere, seu ex confessione ipsius peccatoris extra sacramentum facta, seu ex aliorum testimonio, seu ex proprio visu; tamen si crimen probari non possit: cum hic non agatur iuridice ad propriè dictam punitionem.

Dico III. Peccatori occulto S. Eucharistiam publicè petenti, negari non potest. Sumitur ex c. placuit, 6. q. 2. & habetur expressè in c. si Sacerdos, de officio Ordinarij, *Quia nec Christus Iudam à Communionem remouit*, sicuti manifestò colligitur ex c. 22. Lucæ, & docent Doctores plerique; apud Suar. disp. 4. l. 3. Ratio est: Quia decet actus publicè potestatis, gubernationis, dispensationis exerceri secundum publicam notitiam, & opinionem; non secundum priuatam scientiam gubernantis, dispensantis: cum alioquin multæ perturbationes, scandala, iniuriæ oriri possent. Qua de re vide Suarez disp. 67. l. 4.

Eademque ratione dicendum de alijs sacramentis, ea publicè petentibus negari non posse, vt colligitur ex c. ex tenore, de tēporum ordinat. vbi dicitur: Licet Episcopus sciens occultum crimen Clerici, propter quod, si publicum esset, depositionem mereretur, paternè illum corrigere possit, & admonere, vt ordinibus, quos accipit, contentus, ad altiores non ascendat: si tamen ordinari se petat, repelli ab Episcopo non debere. Quæ multò magis procedunt, si Sacerdos peccatum occultum ex sola Confessione sacramentali cognouit: quamobrem, si Parochus ad infirmum cum venerabili Sacramento veniens, audita eius confessione, indispositum reperiatur, multisque adhibitis monitionibus disponere non possit ad accipiendam absolutionem, monere illum debet, vt sumptione S. Eucharistiae sponte absteat: sin verò eam vrgenter petat, negare non potest: præsertim si talis denegatio, vt fieri solet, in aliorum notitiam deuentura sit.

Locutus sum autem de sacramentorum dispensatione. Veruntamen si quis occulto impedimento matrimonij laboret, non potest à Parocho, qui illud solus extra sacramentalem Confessionem nouit, ad sacramentum inualidè suscipiendum admitti, sicuti docet Maiolus lib. 3. de irregul. c. 25. n. 13. Chapeauille de modo ministr. sacram. tempore pestis, c. 6. Henriq. lib. 1. c. vl. num. 6. Coninck to. 2. disp. 27. concl. 5. Ratio est: Quia assistentia matrimonij non est dispensatio sacramenti, sed officium testis: nemo autem testimonium præstare potest de actu, quem irritum esse nouit. Simili ratione, si impedimentum sit matrimonij non dirimens, v.g. votum continentiae, quod Parochus priuatim nouit, sed hominem secreta monitione repellere non potest, ad Ordinarium referre debet: modò credat sibi fidem habendam fore, arg. c. vlt. de clandest. desponsat. Agitur enim de impediendo peccato, ad quod maximè obligantur Pastores ordinarij.

Non displicet tamen, quod Sanch. docet lib. 3. disp. 15. n. 12. Si solus Episcopus matrimonij, aut ordinis accipiendi impedimentum nouit, illudque probare nullo modo potest; à matrimonio, vel sacro ordine hominem propria auctoritate repellendi ius ei non competere, argum. cit. c. ex tenore, & consentit S. Ant. p. 3. tit. 13. c. 14. §. 11. Syl. ver. ordo, 3. q. 9. Quia officium Ordinarij in admittendo, aut repellendo ab eiusmodi actibus publicum est: quare non expedit illud exerceri secundum priuatam omnino notitiam: cum alioquin facilis ansa daretur homines prætextu priuatae notitiæ infamandi, & vexandi.

Neque obstat quod Coninck cit. concl. 5. obijcit: Si ordinarius impedimentum solus sciens non potest matrimonium inhibere: eò quod nequeat idem esse iudex & testis; consequens fore, vt neque ob testimonium iuratum de-

nuntiatoris impedimenti, matrimonium impedire possit: cum nequeat idem esse accusator & testis: consequens autem est contra c. ad audientiam, c. præterea, 2. de spons. c. iurauit, de probat. Respondetur enim: Nihil frequentius esse, quam vt denunciator postea in iudicio, aut quasi iudicio, contra denuntiatum adhibeatur vt testis: præsertim si agatur canonicè ad impediendum peccatum, aut aliud malum impendens. At verò vñtatum non est, neque expediens, vt ipsius ordinarij Iudicis testimonium sufficere debeat ad hominem repellendum.

QVÆSTIO QVARTA. An etiam ad mortem damnatis Christianis S. Eucharistiam dari conueniat? Responsio est affirmatiua, cum Gl. in Clem. 1. de pœnit. & remiss. ver. pœnitentia: Soto in 4. d. 12. q. 1. a. 2. Syl. ver. Eucharistia, 3. n. 7. Tol. lib. 2. c. 28. Binsfeld. de confess. malef. mem. 2. concl. 7. dub. 5. Nau. in man. cap. 25. n. 23. Petr. Nau. lib. 2. c. 3. n. 228. Suarez disp. 69. l. 3. & sumitur ex c. quæsitum, 13. q. 2. quod sumptum est ex Conc. Mogunt. sub Rabano Archiep. c. 27. vbi id iustum appellatur, propter regulam supra dictam: *Cui pœnitentia conceditur, neque viaticum negari debet*. Atqui ad mortem damnatis Pœnitentiæ sacramentum dandum esse, si petant, constat ex cit. c. quæsitum, Clem. 1. de pœnit. & remiss. & vniuersalis Ecclesiæ praxi. Quamobrem Doctores citati reprobant consuetudinem, quam in Hispania viguisse testatur Nauar. lib. 5. consil. 40. de pœnit. edit. 2. Co-uar. 2. resol. c. 1. n. 11. vt ad mortem damnatis sacrum viaticum negaretur, ob reuerentiam sacramenti, eamque à Pio V. sublatam esse, testis est Suarez l. c. & additio Sa- ver: Eucharistia n. 2. in fine. Decet tamen, vt sacra Eucharistia vel pridie supplicij, vel etiam eodem die: sed horis aliquot ante mortem præbeatur, nondum publicatâ damnationis sententiâ.

QVÆSTIO QVINTA. Vtrum corporalis macula, seu immunditia: puta pollutio, fluxus menstrui, ægrotudo corporis, aut vestium deformitas à sumptione huius sacramenti impediatur? Resp. ex doctrina S. Gregorij I. in epist. ad Augustinum Anglorum Episcopum, resp. 10. & 11. S. Bonau. in 4. d. 12. q. 3. Gabr. lect. 10. in canonem Missæ, Io. Gerson. p. 2. operum, tract. de præparat. ad Missam, confid. 7. Victor. de Euchar. n. 80. Nau. c. 21. man. n. 50. Vasq. disp. 210. in fine, Suarez disp. 68. l. 2. Per se, & necessario non impedire. Ratio est: Quia sola malitia peccati quæ animi deformitas est, impedit à digna sumptione huius sacramenti: Corporalis autem macula per se non continet malitiam peccati: neque pertinet ad moralem animi inhonestatē, sicuti Christus indicat Matth. 18. *Non lotis autem manibus manducare non coinquinat hominem*. Ergo &c.

Sed obseruandum est primo: Si corporalis macula seu immundities mox, & facillè tolli possit, interdum erit quædam irreuerentia, & peccatum veniale, ita immundum corpore accedere: Sin autem statim tolli non possit, sed aliquam diu duret, (sicuti contingit in fluxu menstrui) consultum quidem est, ob reuerentiam sacramenti expectare, si sacra Communio commodè differri possit; nullius tamen culpæ damnanda est mulier, tamen menstrua accedat, sicuti expressè docet S. Gregorius in cit. epist. ad Augustinum, cuius verba retuli lib. 1. tract. 1. c. vlt. Alex. Halensis p. 4. q. 47. mem. 3. Palud. in 4. dist. 9. q. 3. a. 3. qui addit, bonum ac pium esse, si mulier menstrua abstineat.

Obseruandum secundò: Interdum per accidens, ob scandalum, vel horrorem populi, necessario abstinendum esse à sacra Communionem, vel Missæ sacrificio: Qua ratione in c. tua nos, de Clerico ægrotante, præcipitur, vt Sacerdos lepra percussus, ob scandalum, & abominationem populi, ab officio remoueat, datis ei necessarijs ex Ecclesiæ facultatibus, quamdiu vixerit. Tertiò circa corporis pollutionem obseruandum, & distinguendum est: Vtrum sine culpa, an verò ex culpa mortali, vel venia-

si prouenerit. Deinde vtrum malignum effectum relin-
quat, videlicet carnis commotionem animi perturba-
tionem & euagationem. Quare dicendum est, I. Tametsi
pollutio ex culpa prouenerit, si tamen post pœnitentiam,
homo nullum malignum effectum sentiat, accedere nul-
la ratione prohibetur: quia rectè iam dispositus est; &
pollutionis peccatum, sicuti & quoduis aliud, post legiti-
mam pœnitentiam perinde se habet, ac si non fuisset. Ita
S. Bonau. in 4. dist. 12. prope finem, Adrian. in 4. vbi de
Euchar. q. Restat iam videre, Ioan. Gerson consider. 8.
Sotus in 4. distinct. 12. quæst. 1. a. 7. Suarez, Vasquez II.
cc. Coninck q. 80. art. 7. Consultum tamen est tali homini,
qui voluntaria pollutione, aut fornicatione mortaliter
peccauit, ob humilitatem abstinere à sacra Communio-
ne: quod etiam Confessarius, consideratis circumstan-
tijs, pœnitenti præcipere potest; & quandoque de-
bet, vt grauitatem peccati sui magis ille agnoscat, & im-
posterum caueat.

Dicendum II. Si quis post pollutionem, etiam inuo-
luntariam, omnique culpa carentem, malignum effectum
commotæ carnis, animi perturbati sentiat, iterum con-
sultum ei est à S. communione abstinere. Colligitur ex
S. Greg. cit. resp. 10. S. Th. 3. p. q. 80. a. 7. & docent Ger-
son, Suarez, Vasq. Coninck II. cc. Sanchez lib. 9. disp. 13.
aliique communiter. Imò veniale peccatum est, si quis
cum tali indispositione, quam etiam repellere negligat,
ad sanctissimum hoc Sacramentum accedat: vel si quis
sine necessitate, voluptatis tantum causa, coniugalem
copulam exerceat, cum proposito eodem die, vel inse-
quente manè communicandi: quo sensu accipi debet do-
ctrina S. Aug. serm. 244. de temp. & S. Hieronymi in
Apol. ad Pamachium contra Iovinianum: *Illorum con-*
scientiam conuenio, qui eodem die post coitum communicant.

Cæterum si post pollutionem, præsertim inculpatam,
communicandi, vel sacrificandi necessitas aliqua cogat,
aut si putetur, Dæmonis fraude pollutio concitata, vt
homo à sumptione sacre Eucharistiæ auertatur; tunc ni-
hilominus accedendum est, adhibitâ curâ se præparandi,
& deuotionem excitandi, vt docet S. Thom. cit. a. 7. ad
2. Gabr. in canon. Missæ, lect. 10. Idemque de coniugibus
dicendum, si vel coacti necessitate reddendi debiti; vel
sola spe prolis hoc potius, quam alio tempore ob singula-
rem corporis dispositionem, concipiendæ, coniugij opus
exerceant: qua de re S. Greg. I. c. relatus in c. vir cum
propria, 33. q. 4. Alex. Halensis p. 4. q. 47. mem. 2. Palud.
in 4. dist. 9. q. 3. a. 2. Ioan. Gerson. cit. consid. 8. Victo-
ria, Suarez, Coninck II. cc. Henriq. lib. 8. c. 51. Sanchez cit.
disp. 13. diff. 2.

Ex quo patet, quid mulieribus v. g. respondendum sit,
si ex Confessario quærant, vtrum maritis debitum red-
dere debeant eo die, vel pridie diei, qua communicaturæ
sunt. Primò, si mulier frequenter communicare soleat, v.
g. omnibus diebus Dominicis, aut festis, tum Confessa-
rius respondeat, eam obligari ad reddendum: alioquin
periculum esse, ne mortaliter peccet: tum contra iusti-
tiam, si marito seriò & constanter petenti neget, teste
Sanch. lib. 9. disp. 2. n. 16. iuncta disp. 13. n. 9. Suarez. 3. p.
t. 3. disp. 68. l. 2. ad finem: tum contra charitatem ratio-
ne scandali: quia exinde rixæ, & odium conciliantur, &
interdum maritus ea occasione frequentem vxoris com-
munionem auerfari solet, non sine sacramenti irre-
uerentia. Nilominus tamen mulier Communica-
re poterit, etsi compulsâ necessitate debitum ma-
rito reddiderit: quia impleuit opus bonum, & ex iusti-
tia debitum: si tamen ob mentis euagationem, indispo-
sitam se sentiat; consulendum ipsi erit vt intermittat: nisi
iuxta rationem cogatur, arg. cit. c. vir.

Secundò, Si mulier non frequenter communicat, sed
in præcipuis festiuitatibus: tunc respondeat Confessarius,
quod maritus commonere, & rogare possit, vt absti-
neat in honorem festiuitatis, aut sacre suæ Communio-

nis: nisi ex tali commonitione mariti iram, aut offensio-
nem incurrere debeat: Tunc autem si admonere facile
non possit, vel monendo nihil proficiat debitum red-
dendum petenti: atque nihilominus ad S. Eucharistiam
accedere poterit, si animi distractionem & indispositio-
nē insolitâ non patiat, vel etiâ si patiat, tamen si nota
aliqua sacram Communione intermittere non possit. 17

QVÆSTIO SEXTA. Vtrum S. Eucharistia à ieiunis
sumenda sit? Affirmat S. Th. q. 80. a. 8. allegans testimo-
nium S. Aug. Ep. 118. ad Ianuarium: *Placuit Spiritui san-*
cto, vt in honorem tanti sacramenti, prius in os Christiani cor-
pus Dominicum intraret, quam reliqui cibi. Nam ideo per
vniversum orbem mos ille seruatur. Idem traditur in Con-
cil. Africano, can. 8. Carthag. 3. cap. 29. quæ extant to. 1.
Concil. Item in Concil. Maficon. can. 6. Antifiodor. c.
19. Tolet. 7. can. 2. quæ extant. t. 2. Conc. Videri etiâ po-
test Suar. disp. 68. ser. 3. Valentia t. 4. disp. 6. quæst. 8. p. 3.

Est autem hæc Ecclesiastica constitutio ab Apostolis
haud dubiè profecta: quandoquidem per vniversum or-
bem mox post initium semper obseruata fuit, vt nota-
uit S. August. I. c. Præterquam quod in quibusdam locis
mos fuit inferia V. hebdomadæ sanctæ ad Christi imita-
tionem post cibum sumptum communicandi, vt patet
ex Carthag. Conc. 3. can. 29. Quæ tamen consuetudo
merito abolita fuit. Nam ideo Christus S. Eucharistiam
Apostolis post cœnam dedit, quia secundum ritus vete-
ris legis, debebat tunc Pascha celebrari; voluit autem le-
gem, & figuram præmittere priusquam veritatem huius
sacramenti institueret, vt notauit Victoria n. 81. Verba au-
tem illa Christi, *Hoc facite* &c. non continent præceptum
faciendi omnia, quæ Christus tunc fecit: sed solum quæ
spectant ad substantiam & veritatem sacramenti: porro
accidentales ritus, & modum administrandi Ecclesiæ or-
dinandum reliquit, vt loco citato S. August. notauit:
Non præcepit, inquit, quo deinceps ordine sumeretur, vt Apo-
stolis, per quos Ecclesiam disposuerunt esset, seruaret hunc locum,
Notat etiam S. Th. cit. a. 8. incommoda, quæ sequi inter-
dum solent, si S. Eucharistia à ieiunis non sumatur: Quia,
vt Apostolus ait ad Corinth. 11. *Alius quidem esurit, alius*
autem ebrius est. Ex quo interdum vomitus prouenire po-
test, cum magna sacramenti irreuerentia.

Porro sciendum est primò: Ieiunium, quod præcipi-
tur, debere esse perfectum, ac naturale: vt omnem cibi,
vel potus, quantumvis minimi, sumptionem excludat:
qui ore acceptus, per propriam ac vitalem actionem co-
medendi, bibendive, in stomachum traiectus est, vt ha-
betur in c. nihil, 7. q. 1. & colligitur ex c. ex parte, de cele-
brat. Missarum, & docet S. Th. a. 8. ad 4. vbi addit, nihil
referte, etsi tantum sit medicina, vel sola aqua, quæ per
se non nutrit. Quinimò significant S. Anton. 3. p. tit. 13. c.
6. §. 8. Syl. ver. Eucharistia, 3. q. 6. & expressè docet Hen-
riq. lib. 8. c. 49. §. 2. Scortia lib. 2. de Sacrif. Missæ, c. 7. si
quis comedat seu deglutiat, quod nec per se, nec per ac-
cidens nutrire, neque medicinæ rationem habere pos-
sit, vt chartam, cretam, frustillum ligni, vel numum
aureum; naturale ieiuniū violatū censeri, vt S. Eucharistiam
accipere non liceat. Ratio est: Quia ieiuniū istud non ob
tēperantiæ virtutem, sed ob sacramenti reuerentiam insti-
tutum est, vt sacra hostia ante alia omnia in stomachum
deueniat. Vide tamen, quæ scribit Tolet. lib. 6. sum. c. 1.

Cæterum si quis sanguinem, aliumve humorem ex
capite descendentem, aut inter eluendum os aquæ gut-
tulas cum salina mixtas deglutiat: vel si iusculū degusta-
uit, & illico reiecit, etsi fortè guttas cū salina deglutierit,
non censetur violatum ieiunium, vt docet S. Thom. I.
c. vbi addit, idem dicendum esse, si reliquæ, siue fru-
stillum hesternæ cœnæ inter dentes v. g. hærens, casu
deglutiat: fortasse autem, si ex proposito id fiat, impe-
dire debet à sacra Communione, sicuti docet Palud.
in 4. dist. 8. quæst. 2. a. 2. concl. 2. & indicat Nau. cap. 21.
in 4. dist. 8. quæst. 2. a. 2. & eiusmodi reliquias ex-
spuere,

spuere, sicuti notauit Suarez disp. 68. art. 4. Coninck q. 80. a. 8.

- 19 Quod si verò aliquis acceptam in os aquam, aliūve liquorem; vel saccharū, aut aliud simile ore resolutum, vnā cum salina traiciat, censerī debet ieiunium violatum. Nisi modicum aliquid sit, v.g. parum aquæ, aut vini, quod inter eluendum os; vel parum liquoris, qui inter cibum gustandum non ex proposito traicitur: cū casu ita traiectum in parua quantitate, non habeat rationem cibi, potus, aut medicinæ, secundū probabilem doctrinam Palud. loco cit. Durandi ibid. quæst. 4. num. 14. Syluest. ver. Eucharistia, 3. quæst. 6. Tabienæ ver. communicare, num. 50. & 51. qui tamen non recte contendit, hanc doctrinam locum etiam habere, si modicum quid per se, non casualiter; ideoque per modum cibi, aut potus deglutitur. Id enim est contra S. Thom. & cit. c. ex parte, vbi significatur, Sacerdotem, si in prima Missa Natiuitatis Domini ablutionem sumpsit (et tamen modica esse solet) altero Sacrificio celebrando impediri.

Sciendum est secundò; Principium diei naturalis, quo communicaturum ieiunium esse oportet, esse noctis medium, teste S. Thom. ad 5. Ad quod nihil refert, an post cibum sumptum ante noctis medium, somnus, vel cibi concoctio secuta fuerit, necne; quamuis repugnet Gl. in c. nihil, 7. quæst. 1. Sed docet ex communi S. Thom. loco cit. Sotus in 4. d. 12. q. 1. a. 8. Palud. in 4. d. 8. q. 2. a. 3. Nau. c. 21. n. 53. Suar. cit. f. 4. Henriq. c. 49. in commentario lit. y. vbi ait, si quis proximè ante medium noctis cœnauit in Dominica, incidente in vigiliam Natiuitatis Domini, posse statim post medium noctis sacrificare, & communicare; dummodo recte dispositus sit, & mentem grauata non habeat.

- 20 Sunt verò aliqui casus, quibus licitum est S. Eucharistiam sumi à non ieiuno: Primus. In mortis articulo, si commodè sumi non possit à ieiuno: siue mors imminet ex morbo, siue ex Iudicis sententia, si is diutius expectare nolit, vel ob causam non possit. Quæ de re Henriquez lib. 8. c. 50. Sa ver. Eucharistia, n. 2. Zambranus c. 3. dub. 4. Coninck cit. a. 8.

Adde primò; Tamen si semel Eucharistia ob mortis periculū sumpta sit à non ieiuno, posse iterum ita accipi, saltem post sex, vel septem dierum interuallum, sicuti docet Armilla ver. communicatio, num. 18. Tabiena n. 54. Henriq. c. 50. n. 1. Zambr. c. 3. dub. 5. Sa ver. Eucharistia, n. 5. nec repugnat Nau. lib. 5. consil. vlt. de pœnit. edit. 2. Quinimò existimo, ob iustam causam, puta si aliquis assuetus frequenter communicare, aut sacrificare, propter deuotionem, ac desiderium difficile abstineat, permitti ipsi posse, vt altero statim die iterum S. Eucharistiam e manu Sacerdotis accipiat non ieiunus; dummodo mortis periculum instare videatur. Adde secundò; Quod ob eandem causam mortis probabilissimè imminens, Sacerdos sacrificare possit non ieiunus, si aliunde sacram Eucharistiam habere nequeat, sicuti docet Zambran. c. 3. dub. 6. num. 1.

- Sed dubitant, vtrum liceat Sacerdoti non ieiuno sacrificare in casu necessitatis, vt alium moriturum communicet? Affirmat Maior in 4. d. 9. q. 3. ad 5. qui etiam addit, Sacerdotem, si non habeat hostiam ad communicandum moriturum, post meridiem priuatim consecrare posse, etiam panem fermentatum, dicendo sola verba consecrationis, sine vestibus sacerdotalibus. Sed alij Doctores communiter hæc negant, Palud. in 4. dist. 8. q. 2. a. 1. concl. 2. Sotus in cit. a. 8. Nauar. c. 25. num. 88. Tolet. lib. 2. c. 13. in fine, Henriq. c. 46. num. 1. Suarez disp. 68. f. 5. Coninck cit. q. 80. a. 8. Quia Ecclesiæ consuetudo talia non permittit, ob maximam huius sacramenti excellentiam, quod vno modo ac ritu semper confici, & administrari plurimum interest: præterquam quod grauius incommoda sequi possent, si interdum Parochis bene prans, ac cœnatis sacrificare licitum esset. In raro ta-

men necessitatis casu, si infirmus moriturus aliud sacramentum, videlicet Pœnitentiæ, aut Extremæ vñtionis suscipere non possit, & scandalum cesset, probabile est, quod docet Zambr. cit. dub. 6. n. 2. non malè acturum Sacerdotem, si ob eiusmodi hominis communionem, non ieiunus sacrificet.

Secundus casus, Si Sacerdoti non ieiuno necessitas incumbat Sacrificij perficiendi: quod accidit I. Si loco vini consecrati aquam hauserit, de quo dicam tract. seq. c. 7. in fine. II. Si alteri post cœptum Canonem in Missa deficienti ad perficiendum Sacerdos non ieiunus substitui debeat, quia ieiunus non adest, de quo dicam eod. tract. c. vlt. n. 2.

III. Si Sacerdos post consecrationem recordetur se ieiunum non esse (vel in excommunicatione, aut irregularitate constitutum) debet progredi in Sacrificio: Sin autem ante consecrationem memor fiat, tutius esse ait S. Th. q. 83. a. 6. ad 2. à Missa abstinere, si sine graui scandalo possit: quod omnino faciendum est, si Missa priuatim celebretur. Si verò publicè, plerumque consultius est progredi, vt docet Egid. Coninck a. 8. num. 64. & indicat Suarez cit. disp. 86. f. 6. Quia ferme abstinere non potest Sacerdos sine aliqua nota: præsertim si iam oblatio facta, vel canon Missæ cœptus sit. Ratio horum omnium est, quam S. Thomas ibidem dat: *Quia ubi difficultas occurrat, semper eligendum est id, quod minus periculi habet.*

Tertius casus: Post sumptam etiam ablutionem licitum est Sacerdoti reliquias hostiarum à se consecratarum absumere, teste Caiet. t. 2. opusc. tr. 3. q. 1. Soto in 4. dist. 12. q. 1. a. 8. in fine, Nauar. c. 25. num. 89. Victor. n. 82. Valentia cit. q. 8. p. 3. Suarez cit. f. 6. Egid. Coninck cit. a. 8. contra Palud. in 4. d. 9. quæst. 1. in fine. Rosellam ver. Eucharistia, 3. §. 13. Idque intelligendum non tantum de minutis, in patena, vel corporali hærentibus, vt vult Sotus l. c. sed etiam de grandioribus, si facile asseruari non possint. Ratio est: Quia eiusmodi reliquiarum absumptio refertur ad vnum, idemque Sacrificium, quod plenè absolutum non censetur, dum Sacerdos in altari persistit. Quare post recessum ab altari non videtur ei ampliùs concessum reliquias sumere, sicuti etiam Suarez, & Egidius l. c. notarunt: quod tunc expleuerit ministerium suum; dummodo sine irreuerentia asseruari possint. Confirmatur ex eo, quod neque calicem totum à Sacerdote omnino ieiuno hauriri contingat; cū in prima ablutione semper aliquid remaneat vini consecrati: quod vnā cum non consecrato bibitur.

Quartus casus. Si graue scandalum oriturum sit, nisi aliquis communicet, aut sacrificet, qui ieiunus non est: quem rarum quidem casum, attamen indubitatum esse, ait Suarez cit. f. 5. in fine. Quia leges positivæ numquam tam seuerè obligant.

Quintus casus. Si S. Eucharistia, nisi statim sumatur, vel incendio absumēda sit, vel in sacrilegas manus infidelium deuentura; debet tunc à Sacerdote, vel, si is non adsit à Clerico, vel laico, quamuis non ieiuno, cum timore ac reuerentia sumi.

Ad extremum, post sumptam Eucharistiam decet quidem aliquo tempore à cibo & potu abstinere; tamen id in præcepto positum non est; sed statim à sacristia ad prandium accedere fas esse, docet Sotus cit. art. 8. ver. sextò arguitur. Valent. cit. p. 3. ver. postremò. Adrianus in 4. vbi de Eucharist. quæst. viso de impedim. §. sed oritur dubium. Ioan. Baptista Corradi p. 2. q. 224. casuum conscient. vbi etiam monet, indecens esse post sumptam sacram Eucharistiam statim exspuere: tamen paruo interposito tempore esse licitum, maximè si ex necessitate fiat. Habenda etiam est ratio, vtrum sputum ex capite descendat, an verò ex pectore: nam hoc plus periculi, & irreuerentiæ continet.

CAP. VII.

De Ministro S. Eucharistiae.

SUMMARIUM.

- 1 Ordinaria potestas ministrandi S. Eucharistiam ex Christi institutione Sacerdotibus solis competit.
- 2 Diaconi ex commissione Sacerdotis sacrum calicem olim dispensarunt: & nunc quoque potestas dispensandi sacrum Christi corpus in casu necessitatis committi eis potest.
- 3 Dispensatio S. Eucharistiae requirit in Ministro iurisdictionem ordinariam, vel delegatam.
- 4 Regulares Mendicantes in suis templis etiam Paschali tempore S. Eucharistiam ministrare possunt fidelibus, ijs nimirum, qui in Parochia sua praecepto Ecclesiae de Paschali Communionem alias satisfacere parati sunt.
- 5 Nemo sibiipso S. Eucharistiam ministrare debet, excepto casu necessitatis.

ASSERTIO I. Ordinaria potestas ministrandi S. Eucharistiam Christiano populo, solis Sacerdotibus competit ex Christi institutione. Sumitur ex Tridentino sess. 13. cap. 8. c. peruenit, de consecrat. dist. 2. & docet S. Th. q. 82. a. 3. Richar. in 4. dist. 13. a. 1. quaest. 3. Syluest. ver. Eucharistia, 3. q. 4. Victor. num. 88. Henric. lib. 8. cap. 54. Suarez disp. 72. l. 1. Coninck cit. a. 3. Nam soli Sacerdotes, ratione ordinationis suae, adeoque ex officio, potestatem habent super corpus Christi conficiendum; consequenter etiam dispensandum alijs. Est enim valde rationabile, ut cui confertur potestas, & officium conficiendi corpus & sanguinem Christi, eidem multò magis conferatur potestas, & officium communicandi; praesertim, cum etiam Christus, sacram hostiam prius consecravit, postea discipulis dispensavit, adiciens, *Hoc facite in meam commemorationem*. Confirmatur: Sicuti ad Sacerdotis officium pertinet, dona & oblationes ad Deum offerre pro populo; ita ad eundem spectat dona sanctificata à Deo referre ad populum, secundum Apostolum 1. ad Corinth. 4. *Sic nos existimet homo, ut Ministros Christi, & dispensatores mysteriorum Dei*. Inter Dei autem dona, atque sancta mysteria siue sacramenta, maximum est Eucharistiae. Ita S. Th. l. c.

- A**SSERTIO II. Spectato iure diuino, non est necesse, ut Sacerdos per seipsum Eucharistiam dispenset, sed potest id etiam alteri inferiori committere. Quia Christus in sacramentis sola substantialia instituit, & praecepit; modum autem dispensandi, & cetera accidentalia Ecclesiae pro temporum diuersitate disponenda reliquit, sicuti supra dixi ex S. Augustino, & appertè tradit Trident. sess. 22. cap. 2. Quapropter olim vñtissimum fuit, ut Diaconi, ex commissione Sacerdotum, S. Eucharistiam, praesertim Calicem Dominicum populo dispensarent, sicuti constat ex verbis S. Laurentij ad Xistum Pontificem, apud S. Ambros. lib. 1. offic. cap. 41. *Experire, virum idoneum ministrum elegeris, cui commisisti Domini sanguinis dispensationem*. Et docet Clemen. Rom. lib. 8. constit. cap. 34. *Diaconus non baptizat, non offerente Episcopo, vel Presbytero, ipse dat populo; non veluti sacerdos, sed veluti ministrans Sacerdoti*. Similia habet Iustinus Apolog. 2. pro Christianis, in fine; qui etiam apertam mentionem facit dispensationis corporis Christi Diaconis committi solitae. Postea verò talis consuetudo exoleuit; praeterquam quòd, ob rationabilem causam necessitatis, si nullus idoneus Sacerdos adsit, potestas corporis Domini dispensandi, Diacono committi possit, sicuti indicatur in Concilio I. Niceno, can. 14. & expressius in Concil. Carthag. 4. can. 38. *Ut Diaconus praesente Presbytero, Eucharistiam corporis Christi, si necessitas cogat, iussus erogat*. Idque adhuc hodie

locum habere, testatur Alensis p. 4. quaest. 50. mem. 3. Duran. in 4. d. 13. quaest. 4. num. 7. Sotus in 4. d. 13. q. 1. a. 3. Syl. ver. Euchar. 3. quaest. 4. Henric. lib. 8. cap. 54. Suarez, & Coninck locis citatis. Quamvis talis necessitas nunc rariùs occurrir; quando & maior Sacerdotum numerus est; & sacra Eucharistia populo in vna tantum specie dispensatur; cuius dispensatio minùs Diacono conuenit, quàm alterius speciei, teste S. Thom. cit. a. 3. ad 1. Durando in 4. dist. 13. quaest. 4. num. 7. Quia corpus Christi propinquius à dispensante attingitur, quàm sanguis sacrat, qui in vase continetur. Ceterum, eo necessitatis casu, quo infirmus, in mortis articulo constitutus, communicandus est, si proprius Sacerdos absit, vel praesens non possit S. Communionem deferre; nolic etiam alteri committere, per iniquitatem; tum quilibet alius Sacerdos, secularis, vel regularis; eo autem absente etiam Diaconus deferre poterit, per licentiam, quam ipsi sacri Cones, & praesumpta voluntas superioris Episcopi, & Papae, in tali casu tribuunt, sicuti docent Sotus l. c. Victoria n. 88. Henric. cit. c. 34. n. 2. Tolet. lib. 2. c. 28. Miranda cit. q. 42. a. 3. Suarez cit. l. 1. Zambran. c. 3. dub. 7. n. 6. Chapeauille de modo ministrandi tempore pestis, c. 4. q. 5.

ASSERTIO III. Vt sacra Eucharistia licitè administretur, etiam à Sacerdote, debet is esse Pastor ordinarius, vel ab ordinario, ut puta Parocho, Episcopo, Papa commissionem habere expressam, aut praesumptam. Quae est communis doctrina, atque Ecclesiae praxis apud Vasquez disp. 219 c. 1. Ratio est: Quia dispensatio sacramentorù, praesertim huius, quo fideles spiritualiter pascuntur, est proprium munus pastoris, quod proinde nemo alius, siue illius commissione, usurpare debet. Excepto casu necessitatis extremae, in quo, ut supra dixi, omnibus Sacerdotibus, etiam praecisis, & alioquin non toleratis, tum Poenitentiae, tum Eucharistiae sacramentum per modum viatici, ministrando ipso communi iure licentia data est.

Porro irregularitatem incurreret inferior Sacerdos, si sacram Communionem sine licentia, & propria auctoritate dispensauerit; cum ea in re actum exerceat, qui ordinis sacerdotalis proprius est, uti notauit Aegid. Coninck q. 82. a. 3. n. 29. In regulares verò omnes excommunicatio Papae reservata, decernitur in Clem. I. de priuilegiis. si Extremae vnctionis, vel Eucharistiae sacramentum, sine Parochorum speciali licentia, ipsorum subditis ministrare, vel matrimonia solemniter benedicere praesumpserint.

Priuilegium autem quorundam Religiosorum, quòd non requisita licentia Parochi, omnibus Christi fidelibus S. Eucharistiam in suis tēplis per se, vel per alios Sacerdotes ministrare possint, (uti videre licet apud Mirandam tom. 1. man. q. 42. a. 4.) intelligendum est de Communionem libera; seu ad quam ex praecepto non obligantur. Quare in mortis articulo viaticum à proprio Pastore fideles accipere debent, excepto necessitatis casu, de quo supra dictum: & videri potest priuilegium Pauli III. in Compendio priuileg. Societ. ver. Eucharistia.

Quod verò attinet ad Paschalem Communionem, imprimis sciendum est, quòd Regulares Mendicantes ex priuilegio Nicol. V. Fratribus Franciscanis concessio, toto Paschali tempore, excepto Dominico die Resurrectionis, S. Eucharistiam ministrare possint, ijs nimirum qui antè in sua Parochia praecepto de Paschali Communionem satisfecerunt, vel postea satisfacturi sunt; quod in dubio de ipsis praesumi potest, ac debet: cum non facile quispiam ab altari repellendus sit, quando cum alijs accedens S. Eucharistiam petit. Deinde consentiunt ferme Doctores, ut videre est apud Sanchez lib. 3. de matrim. disp. 23. Suarez 3. p. t. 3. disp. 72. sect. 2. quòd peregrinis & aduenis S. Eucharistia à Regularibus toti Paschali tempore absque scrupulo conferri possit: cum ea re nulla iniuria

iuria fiat Parochis: siquidem peregrini in loco, per quem transeunt, ius vel obligationem parochiæ non acquirunt: ad propriam autem parochiam, ob distantiam, pro accipienda Communionem accedere non possunt.

Controuersum autem est, vtrum Regulares ipso die resurrectionis Dominicæ, S. Eucharistiā ministrare possint parochianis, ijs videlicet, qui existimantur parochiæ satisfecisse, vel postea satisfacturi. Negat Nau. cap. 21. num. 52. Henriquez lib. 8. c. 55. quia hoc significant verba Pontificum, sub excommunicationis censura prohibentium Regularibus, ne sine licentia Parochi, extra necessitatis casum, in resurrectionis Dominicæ die S. Eucharistiā ministrent, Clem. 1. de priuil. Sed Suarez sect. 3. Miranda tom. 1. man. Prælati q. 42. a. 2. Sa ver. Eucharistia, num. 10. Coninck 3. p. q. 82. a. 3. n. 31. & Comp. priuileg. Societatis ver. Euchar. §. 2. probabilius censent, non tam verba, quam mentem Pontificum spectandam esse: voluerunt enim Parochis prospicere, vt certi esse possent de suorum subditorum Communionem, si eos videant Paschali tempore in sua parochia communicantes: si autem parochiani in parochia sua semel communicent tempore Paschali, nihil omnino parochis adimitur, etsi iterum eodem durante tempore Paschali in alia Ecclesia sacram Communionem accipiant.

Quod ad praxin verò attinet, existimo, insuper considerandam esse Parochi voluntatem, vtrum is contentus esse videatur, vt Paschali etiam tempore à Regularibus sacra Eucharistia ministretur, ijs videl. qui sæpe in anno communicantes, extra suspensionem esse solent: tunc enim tales personæ, quæ frequenter communicandi in templo Regularium consuetudinem habent, & adducere nequeunt, vt in Parochia cōmunicent, ad sacram Communionem in templo Regularium admitti possunt, ex tacito, vel præsumpto Parochi consensu: sin autem existimetur, contrariam esse Parochi voluntatem, vt contentus non sit, Paschali tempore Communionem conferri Parochianis suis, ijs nimirum, de quibus præsumi nō potest, in parochia etiam communicasse, aut cōmunicaturos: tunc Confessarius seuerius præcipere debet poenitentibus omnibus, vt in parochia communicent Paschali tēpore: deinde quantum fieri potest, ipso Dominico die Resurrectionis abstinere debent à Parochianis communicandis, cum ipso die ministratio Eucharistiæ interdicta sit, si Parochi non consentiant.

Dico IV. Licet iure diuino non requiratur, vt persona ministrans hoc sacramentū sit distincta ab accipiente, Ecclesiæ tamen consuetudo hodie repugnat, quominus, extra Sacrificium, aliquis seipsum communicet. Est communis doctrina, cuius prior pars inde etiam probatur, quod Apostolos S. Eucharistiā de manu Domini acceptam sibi ipsis applicuisse credibile sit: & olim consuetudo fuerit sacram hostiam in proprias manus accipienti, & domum deferendi. Sed etsi in Ecclesia Eucharistia etiam sumpta fuerit, tamen Sacerdos tradebat particulam communicanti, eamque is sua manu ori applicuit, sicuti testatur S. Basilii apud Anastasium Nicænum in qq. super Scripturam, Sozom. lib. 8. histor. Eccles. cap.

5. Nicephorus lib. 13. cap. 7. Atque his ipsis rationibus ostendere conatur Basilii citat. loco; Permittendum esse in aliqua necessitate, si Sacerdos absit, vt aliquis propria manu sacram Communionem ipsemet ex sacrario accipiat.

Altera pars assertionis ita intelligenda videtur, vt tamen eiusmodi prohibitio Ecclesiæ non se extendere debeat ad casum necessitatis extremæ. Si enim aliquis, seu Clericus, seu laicus, in mortis articulo constitutus, Ministrum idoneum non habeat, à quo S. Eucharistiā sumat; nihil ob stare videtur, quominus seipsum communicare possit, scandalo cessante, sicuti probabiliter docent Caietan. in cap. 26. Matth. Suarez disput. 72. sect. 3. qui id confirmat exemplo Reginæ Scotiæ, quæ in Anglia martyrium subitura, sacramentum Eucharistiæ, quod secum habebat, proprijs manibus sumpsit. Licet in hac q. aliter sentiant Armilla ver. Communio, n. 8. Henric. lib. 8. c. 54. n. ult. Zambran. cit. cap. 3. dub. 6. n. 6. & alij.

Addunt Suarez lo. cit. Agidius Coninck cit. a. 3. n. 25. etiam extra mortis necessitatem, si causa aliqua suadeat, vt Sacerdos, qui sacrificare impeditus est, saltem communicet, puta quia magnum festum est, vel longo tempore infirmus fuit; posse eum tali casu, scandalo cessante, sacram hostiam ex sacrario accipere, & seipsum communicare: si alium Sacerdotem accersere non possit, quamuis Diaconum possit. Et Durandus in 4. d. 13. q. 4. n. 7. monet: Si Sacerdos communicaturus infirmus sit, quod possit quidem Diaconus sacram ciborium deferre, quando Sacerdos alius non adest; tamen Sacerdos infirmus non ex manibus Diaconi: sed proprijs, si possit, manibus sacram hostiam accipere, & ori applicare debeat.

Denique Gl. in c. peruenit, d. 2. de consecrat. & addit. Gl. in c. ult. 24. quæst. 1. Chapeauille cap. 4. q. 6. & alij apud Syluest. ver. Eucharistia, 3. q. 4. Coninck cit. a. 3. n. 23. (in quorum sententiam etiam Suarez propendit in fine l. 1.) arbitrantur, in casu necessitatis, si morituro sacra Eucharistiæ sumptio ad salutem valde necessaria videatur, nullūque Sacerdos, aut Diaconus haberi possit, qui administret; licitum tunc fore non tantum inferiori Clerico, sed etiam, illo absente, laico deferre: modò scandalum absit. Siquidem id nec naturali, nec diuino Christi præcepto repugnat: neque vllus canon Ecclesiasticus reperitur, quo id prohibitum sit: nam c. peruenit, d. 2. de consecr. quod in contrarium adducitur, loquitur extra casum necessitatis. Denique hoc olim factum fuisse, testatur Dionys. Alexandrinus apud Eusebium lib. 6. historiæ, cap. 36. aliàs 44. Nec responderi potest, Ecclesiæ consuetudinem id modò non permittere: quia fieri potest, longissimo tempore hoc nunquam factum esse, saltem vt alijs innotesceret: non quod id illicitum sit, sed quia casus ex se ipso rarissimus est. Licet contrarium sentiat Sotus in 4. distinct. 13. quæst. 1. art. 3. in fine, Henriquez cit. cap. 54. n. 2. Syluest. ver. Eucharistia, 3. quæst. 4. Vasquez disput. 219. cap. 1. & plures alij.

TRACTATUS QUINTVS, DE SACRIFICIO MISSAE.

CAP. I.

De natura, proprietate, & effectu Sac- rificij nouæ legis.

SUMMARIUM.

- 1 Christus in Sacrificio Missæ est principalis offerens, & res oblata: Sacerdos autem, offerens ministerialis.
- 2 Sacerdos in Missa totius etiam Ecclesiæ Vicarius est, & legatus ad Deum.
- 3 Ex Sacrificio Missæ duplex fructus, seu effectus provenit: unus est ex opere operato, alter per modum impetrationis.
- 4 Sacrificium Missæ verè propitiatorium est, ex opere operato conferens remissionem peccatorum.
- 5 Huius Sacrificij præcipuus fructus est satisfactionis pro peccatis eorum, quibus applicatur: quamvis id nesciant, dummodo capaces sint.
- 6 Sacrificium Missæ utile est ad delenda peccata venialia in ijs, qui pro se offerunt, aut offerri postulant.
- 7 Probabile est, Sacrificium nouæ legis habere infallibilem effectum gratia præuenientis, & excitantis peccatores ad poenitentiam: iustos verò, pro quibus offertur, ad maiorem perfectionem.
- 8 Per Sacrificium Missæ varia dona, & beneficia Dei impetrari possunt.
- 9 Sacrificium Missæ ex opere operato habet effectum finitum tum intensiue, tum extensiue.
- 10 Vna, ea demque oratio plus impetrat alicui, si pro eo solo fiat, quàm si pro pluribus.
- 11 Sacrificium quoad impetrationem beneficiorum, habet aliquo modo virtutem infinitam syncategorematicè.
- 12 Missa mali Sacerdotis aequè utilis est quoad fructum eius principalem, qui est ex opere operato: non item quoad vim impetrandi ex propria persona.
- 13 Sacerdos, qui à pluribus sufficientem stipendium accepit, non satisfacit pro omnibus unam Missam dicendo: secus, si stipendium sufficiens non fuit.
- 14 Si Sacerdos stipendium accipiat pro Missa celebranda, debet vel ipsemet celebrare; vel, si aliter substituiere velit, totum ei stipendium relinquere.
- 15 Sacerdos, qui stipendium accepit, plerumque Missam celebrare debet eam, & in eo altari, sicuti offerens petiuit.
- 16 In festis, vel Dominica ob iustam causam dici potest Missa votiuæ, vel pro defunctis.



NOTANDUM est primò; Cùm Sacrificium propriè dictum aliud non sit, quàm oblatio Deo facta; per immutationem alicuius rei sensibilis, in signum supremi super res omnes dominij, ex publica & legitima institutione; consequens est, quòd sicuti in alijs sacrificijs, ita & in hoc debeat adesse offerens, seu Sacerdos; qui principaliter est Christus Dominus, idem Sacerdos, & hostia; offerens, & res oblata, sicuti docent S. Tho. quæst. 83, art. 1. ad 3. Trident. sess. 21. cap. 2. Gregor. Nyssenus orat. 1. de Resurrect. circa medium; Arcano Sacrificij genere, quod ab hominibus cerni non poterat, seipsum pro nobis hostiam offert, & victimam immolat: Sacerdos simul existens, & agnus Dei, ille qui mundi peccata tollit.

S. August. lib. 10. de ciuit. Dei, cap. 20. Sacerdos est (Christus) ipse offerens, ipse & oblatio: cuius rei sacramentum quotidianum esse voluit Ecclesiæ Sacrificium.

S. Cyprianus lib. 2. epist. 3. ad Cæciliam: Qui ma-

gis Sacerdos Dei summi, quàm Dominus noster Iesus Christus; qui sacrificium Deo Patri obtulit; Et obtulit hoc idem, quod Melchisedech obtulerat, id est, panem & vinum, sum scilicet corpus & sanguinem. Idem intellige, quod Melchisedech obtulit in typo seu figura, Christum obtulisse, & quotidie offerre in veritate. Etenim, vt Apostolus ait ad Hebræos c. 7. Melchisedech rex patris, sine patre, sine matre, sine genealogia, neque initium, neque finem vitæ habens, assumptus est Filio Dei: Quia, vt dixerat in cap. 6. ex psal. 109. Iesus secundum ordinem Melchisedech, Pontifex factus est in æternum. Quod de incruento Sacrificio, in quo vsque ad finem mundi Christus immolatur, explicant Patres, nominatim Clem. Alexandrinus lib. 4. Stromat. Eusebius Cæsariensis lib. 5. de demonstr. Euangel. cap. 3. Ambros. lib. 4. de sacram. cap. 3. & lib. 5. cap. 1. Epiphanius hæresi 55. S. Hieron. in cap. 26. S. Matth. super ea verba: Canantibus eis, accepit Iesus panem, Chrysost. homil. 35. in Genes. S. August. lib. 83. qq. quæst. 61. & lib. 16. de ciuit. c. 22. & lib. contra Aduersarium legis, tom. 6. & in psal. 33. conuersione 2. & videri potest Albertus Pighius lib. 2. Eccles. hierarch. c. 5.

Alter Sacerdos ministerialis est, qui Christi personam assumens, ac repræsentans, profert verba consecrationis, quibus nouæ legis Sacrificium essentialiter perficitur. Quare S. Cyprianus lo. cit. ait: Sacerdos in altari vice Christi fungitur, & sacrificium verum, ac plenum Deo Patri offert. Similia habet S. Ambrosius lib. 4. de sacrament. cap. 4. Paschasius relatus in cap. vtrum figura, d. 2. de consecrat. Et S. Chrysost. hom. de prodit. Iudæ: Cùm videris Sacerdotem offerentem, ne ipsum consideres hoc facientem, sed Christi manum inuisibiliter extensam. S. Aug. in psal. 38. Ipse offerre manifestatur in nobis, cuius sermo sanctificat sacrificium, quod offertur. Quare Trident. Synodus ait. sess. 22. cap. 2. Idem nunc offerens, Sacerdotum ministerio, qui seipsum in cruce obtulit, sola offerendi ratione diuersa. Siquidem illa cruenta erat; hæc incruenta, & alterius repræsentatiua: Per illam Christus ex condigno meritis est salutem nostram; & reipsa, quatenus erat ex sua parte, exhibuit pretium (propter hypostaticam vnionem) infinitè sufficiens ad redemptionem, iustificationem, & glorificationem nostram: at verò per oblationem incruentam, sicuti & per sacramenta nouæ legis, fructus eius sacrificij incruenti, tanquam generalis causæ & originis nostræ salutis, nobis proximæ & particulatim applicatur. Deinde in illo cruento sacrificio Christus solus, sine hominis adiutorio, salutem nostram operatus est, iuxta illud Isa. 63. Torcular calcami solus, & de gentibus non est vir mecum. At verò in applicatione fructus per Sacrificium incruentum, & Sacramenta, hominum quoque ministerium, & cooperatio requiritur. Denique cùm fructus illius sacrificij cruenti, tanquam causæ generalis, infinitè sufficiens fuerit ad quæcunque hominum peccata delenda, & gratias obtinendas: sufficiebat semel offerri, teste Apostolo ad Hebr. 7. At verò fructus, qui ex Sacrificio incruento, tanquam ex causa proxima, hominibus re ipsa applicatur, finitus & limitatus est: quamobrem Sacrificium hoc repeti oportet; quandoquidem quotidie peccamus, & quotidie noua nobis indulgentia, & gratia Dei opus est, sicuti annotauit S. Chrysost. hom. 17. in epist. ad Hebræos.

Notandum secundò; Sacerdos in Missa totius etiam Ecclesiæ

Ecclesiæ vicarius, ac veluti legatus est, & intercessor ad Deum Patrem, per Iesum Christum Filium eius, qui in altari hostia incruenta immolatur, in memoriam Sacrificij cruenti. Orat enim Sacerdos imprimis pro Papa, pro Antistite, pro Rege; deinde pro omnibus Christi fidelibus, viuis atque defunctis. Sed & ipsemet Sacerdos, quatenus priuata persona est, particulari affectu offert Deo Patri hostiam sanctam, tum pro seipso supplicando, tum pro alijs. Quoniam enim & ipse circumdatus est infirmitate, propterea debet, quemadmodum pro populo, ita & pro semetipso offerre pro peccatis, ait Apost. ad Hebr. 5. Huc etiam alij fideles reduci debent, qui ad Sacrificium specialiqua ratione concurrunt, illud postulando, præsentiam, & affectum exhibendo, stipem largiendo. Quæ obrem in Missæ Memento dicitur; Et omnium circumstantium, pro quibus tibi offerimus, vel qui tibi offerunt, seu spiritualiter tantum, & interno affectu, seu externæ etiam corporationis, per seruitium, Sacrificij postulationem, oblata stipem &c. qua de re Suarez in fine disp. 77. Veruntamen solus ipse Sacerdos propriè, verè, ac realiter consecrat, offert, seu sacrificat; & quidem non in propria, sed in Christi persona, qui est principalis offerens, vt suprâ dictum.

3 Notandum tertio; Ex Sacrificio duplicem fructum, siue effectum prouenire posse: vnum vocant ex opere operato; quia infallibiliter consequitur, ipso opere externo posito, dummodo in suscipiente nullus obex sit: propterea quod Christus merita passionis sue tali sensibili operirite exhibito, speciali voluntate sua, annexerit, ex pacto cum Deo Patre inito: vt proinde talis effectus ex iustitia debeat, & certò ac infallibiliter conferatur, independentè à dispositione aut dignitate Ministri. Alter effectus est per modum impetrationis, partim ex dignitate, & apud Deum Patrem gratia ipsius Christi, in cuius nomine offertur; partim ex dignitate, dispositione, ac meritis de congruo tum proximi offerentis, seu ministri; tum totius Ecclesiæ sanctæ, cuius ille legatum agit.

4 Assertio I. Sacrificium Missæ verè propitiatorium est, ex opere operato conferens remissionem peccatorum. Prior pars est de Fide, & habetur in Trident. sess. 22. c. 1. & 2. & canone 3. apud Origenem in cap. 23. Leuit. 5. Hieron. in cap. 1. ad Titum, Cyril. Hierosolym. catech. 5. S. Augustin. in qq. super Leuit. lib. 3. cap. 57. tom. 4. S. Gregorium lib. 4. dialog. cap. 58. & homil. 37. in Euangelia, Ambros. lib. 1. offic. 48. Umbra in lege (inquit) imago in Euangelio, veritas in cælestibus. Antè agnus, offerebatur vitulus: nunc Christus offertur sed offertur quasi homo, quasi recipiens passionem: & offert se ipse quasi Sacerdos, vt peccata nostra dimittat. Hic in imagine, ibi in veritate; ubi apud Patrem pro nobis quasi aduocatus interuenit. Probatur primò ex verbis Christi apud S. Lucam c. 22. τὸ πρὸς τὸ πνεῦμα, ἢ καὶ διὰ τὴν ἐν τῷ αἵματι μου, τὸ ὑμῶν ἐκλύωμεν (eis ἀφεσις ἀμαρτιῶν vt, S. Matthæus adiungit) que per se primò, & immediatè non possunt referri ad effusionem sanguinis in cruce: sed tantum mediatè, ac remotè, quatenus cruenta illa effusio mox lectura, per mysticam sanguinis effusionem seu incruentam oblationem representabatur. Siquidem Christus apud tres Euangelistas participio temporis præsentis vsus est, τὸ ἐκλύωμεν; & quidem in genere neutro apud Lucam, vt iungeretur cum πνεῦμα, seu poculo; significaretque, sanguinem, qui est in calice, mysticè tunc effundi seu immolari, in remissionem peccatorum nostrorum. Vocauit autem Christus calicem nouum testamentum: seu sanguinem noui testamenti, quia alludit ad verba, & factum Moysi Exodi 24. qui victimæ occisæ sumptum sanguinem resperxit in populum, inquit: Hic est sanguis fœderis, quod pepigit Dominus vobiscum: Ita etiam Christus nouum tædus huc testamentum nobiscum firmaturus, sanguinem suum fudit in ora & corda discipulorum, quibus eum

bibendum propinabat, inquit Egidius Coninck q. 83. a. 1. dub. 2. n. 39.

Probatur secundò ex Apostolo ad Hebræos 9. Omnis Pontifex ex hominibus assumptus, pro hominibus constituitur ijs, quæ sunt ad Deum, vt offerat dona, & sacrificia pro peccatis. Atqui hoc est verum & vnicum nouæ legis Sacrificium, ac Sacerdotium, de quo loquimur: Ergo verè propitiatorium, siue ad peccatorum nostrorum remissionem institutum est. Vide S. Chrysost. cit. hom. 17. epist. ad Hebræos.

Alter pars assertionis, quod Sacrificium hoc habeat vim ex opere operato remittendi peccata, est communis Theologorum apud Suarez disp. 79. sect. 1. assert. 1. Probatur primò: Quia, vt suprâ ostendi, Christus peculiari ratione instituit hoc Sacrificium in peccatorum remissionem: Christi autem institutio efficax est, & voluntas eius operatoria: Ergo certus fructus propitiationis ex sensibili Sacrificij opere, secundum subiecti capacitatem, consequitur. Secundò: Quia est communis fidelium persuasio, fructum propitiationis huius Sacrificij seu pro viuis, seu pro defunctis offertur, non pendere ex dignitate, aut bonitate Ministri, seu proximè offerentis: & vt Trident. Concil. ait sess. 22. cap. 1. nulla indignitate, aut malitiâ offerentium inquinari posse: sed certò prouenire ijs, pro quibus offertur, si dispositi sint. Tertio: Quia (vt Apostolus argumetur ad Hebræos 9.) sicuti vetera sacrificia vim habebant ex opere operato tollendi immunditiam legalem exteriorem, & quasi carnalem, vt videre est Leuit. cap. 4. & seqq. ita multò magis hoc Sacrificium (quod per varias sacrificiorum veterum similitudines figurabatur, ait Trident. cit. cap. 1.) vim habet ex opere operato emundandi conscientias nostras à peccatis.

Porrò, quomodo Sacrificium hoc ex opere operato, remissionem peccatorum tribuat, non omnes eodem modo explicant. In duobus tamen Doctores ferme consentiunt: I. est. Quod Sacrificium istud non habeat vim gratiam iustificantem, vel eius augmentum immediatè conferendi his, pro quibus offertur; (quia hæc virtus propria sacramentorum est, vt actuali applicatione hominem susipientem sanctificent) sed solum mediatè per gratiam præuenientem, & excitantem homines pio aliquo motu ad pœnitentiam, maioremue vitæ perfectionem sectandam. Quam doctrinam clarè indicat Synodus Trident. sess. 22. c. 2. cum ait, per hoc Sacrificium fieri, vt misericordiam consequamur, & gratiam inueniamus in auxilio opportuno. Huius quippe oblatione placatus Dominus, gratiam & domum pœnitentiæ concedens, crimina & peccata etiam ingentia dimittit: Idemque clarè docet S. Thom. in 4. dist. 12. quæst. 2. a. 2. q. 2. ad 4. vbi ait, quod Sacrificium ijs, pro quibus offertur, gratiam obtinet virtute sacrificij cruenti, & per consequens peccata mortalia delet, non sicut causa proxima: sed in quantum gratiam contritionis eis impetrat, quem locum citat, & sequitur Gabr. super canon. Missæ, lect. 85. lit. 1.

II. est, quod hoc Sacrificiū habeat vim ex opere operato, in iustis adultis, pro quibus offertur, delendi pœnam temporalem, secundum modum, & mensuram institutionis Christi. Ita S. Thom. quæst. 79. art. 5. & 7. Vbi etiam rationem affert ex discrimine inter Sacramenta, & Sacrificium, quam magis explicant Suarez disp. 79. sect. 6. assert. 1. Pet. Navar. lib. 2. cap. 2. num. 352. Nam Sacramenta operantur suum effectum duntaxat erga fumentes, & aliquo modo cooperantes, si adulti sint; quos proinde sacramenta per gratiam, & charitatem cum Deo vniunt: at verò Sacrificium prodest non tantum fumentibus, sed etiam alijs pro quibus offertur, licet nescientibus, & nihil cooperantibus iuxta verba Christi, Qui pro vobis, & pro multis effundetur. Ad hoc autem maxime accommodatus est fructus satisfactionis, quippe qui alteri, sine vlla ipsius cooperatione, aut etiam reali susceptione, per causam merè extrinsecam

applicari potest; quò modo gratia sanctificans conferri non solet. Confirmatur ex eo, Quòd sacrificium crucis, secundum externum actum doloris, sanguinis effusionis, ac mortis, maximè propriè, & directè fuit satisfactorium pro pœna peccatis nostris debita: Ergo conueniens erat, Sacrificium hoc incruentum, quod cruenti sacrificij representatiuum est, propriè, & directè institui, ad fructum eiusmodi satisfactionis ex opere operato nobis applicandum: vt quod in illo sacrificio accidit secundum sufficientiam, id in hoc fiat secundum efficaciam.

Duo verò inter Doctores controuersa sunt: Primum. Vtrum saltem venialia peccata proximè, ac immediatè remittantur ijs, pro quibus sacrificium istud offertur. Ita enim affirmat Canus lib. 12. de locis Theolog. cap. 13. ad 3. Henriquez lib. 9. cap. 13. num. 2. Petr. Nauarrus cit. cap. 2. num. 354. Sed alij rectius negant, S. Tho. cit. art. 2. quæstion. 1. ad 1. Suarez disput. 79. sect. 5. Coninck quæst. 83. art. 1. dub. 8. num. 136. Ioan. Baptista Scortia de Sacrificio Missæ, lib. 1. cap. 8. num. 3. Azor tom. 1. lib. 10. cap. 20. quæst. 4. Quia vniuersim loquendo, valde verisimile, ac decens est, vt peccata venialia, eum sint maculæ quædam animi, libero arbitrio contractæ, nunquam tollantur sine pia animi actione peccatis venialibus aliquo modo repugnante, quam etiam gratiæ sanctificantis infusio comiteretur. Rectè tamen aiunt Suarez, Azor, Scortia; credibile esse, quòd ij, qui Missæ sacrificium expressa, vel virtuali intentione offerunt pro venialium peccatorum suorum remissione, eam certò, saltem per modum impetrationis, consequantur; si dispositi sint: tunc enim habent voluntatem repugnantem venialibus culpis; & oratio per Christum Deo Patri oblata, & præsentata efficacissima est ad impetrandum, eumque propitium nobis reddendum: siquidem Sacrificium hoc imprimis præstans, & vtile esse ad remissionem peccatorum, quæ quotidie committimus, id est, venialium, dicitur in Trident. cit. cap. 1. Eodè modo loquitur S. Ambros. lib. 4. de sacrament. cap. ult. relatus in cap. si quotiescunque, distinct. 2. de consecrat. Paschasius in lib. de corpore, & sanguine Christi, cap. 9. relatus in c. iteratur, eadem distinct. 2. Magister in 4. d. 12.

Alterum est. Vtrum effectus gratiæ præuenientis, & excitantis peccatores ad pœnitentiam; iustos verò, pro quibus Sacrificium offertur, ad maiorem perfectionem, infallibiliter proueniat in tempore opportuno, ex Christi institutione, & promissione? Negat Suarez cit. disput. 79. sect. 3. Sed non improbabiler affirmat Agid. Coninck. Quia Christus Sacrificio huic incruento simpliciter, & absolute tribuit virtutem remissionis peccatorum, Matth. 26. Quod est signum, eam habere ex Christi institutione, adeoque infallibiliter: & sine necessitate promissio illa à nobis restringi videtur ad solius pœnæ remissionem: quin potiùs amplè & plenè accipi oportet, vt etiam culpæ remissionem contineat: non quidem immediatam, vt suprà dictum est; sed interueniente pio aliquo motu pœnitentiæ, per gratiam præuenientem: quemadmodum etiam sacramentis, v.g. Extremæ vnctioni, Matrimonio, quædam gratiæ excitantes, tanquam effectus ex opere operato in tempore opportuno infallibiliter conferendi, adscribuntur.

Assertio II. Sacrificium hoc incruentum habet etiam vim varia dona & beneficia tum spiritualia, tum tēporalia à Deo impetrandi: idque imprimis, quatenus offertur in persona Christi, Deo Patri acceptatissimi, qui, vt Apostolus ait ad Hebræos 7. *sempiternum habet sacerdotium: unde & saluare in perpetuum potest, accedentes per semetipsum (suaui) ad Deum, semper viuens ad interpellandum pro nobis.* Deinde, quatenus offertur nomine ac loco Ecclesiæ, in qua semper multi iusti sunt, Deoque grati; atque ad impetrandum idonei. Denique quatenus & ipse Minister, seu proximus offerens peculiarem petitionis suæ ef-

fectum adiungit; quò magis is dispositus, Deoque gratus est, eò maior hinc virtus oritur impetrandi, quæ Sacerdos vel pro se, vel pro alijs postulauit.

Etenim effectus impetrationis ex Sacrificio proueniens non est certus ac determinatus; sed omnino varius, secundum variam intentionem Ecclesiæ, aut etiam proximi seu particularis offerentis. Offertur enim ad impetrandam infidelium conuersionem, fidelium peccatorum iustificationem, iustorum incrementum, ac maiorem perfectionem; pœnæ peccatis debitæ indulgentiam tum viuis, tum defunctis: item pro victoria, pro pace, terræ frugibus &c. sicuti testatur S. Chrysost. homil. 77. in Ioan. Pro infirmis, & terræ, & maris, & vniuersi orbis fructibus sacrificamus: Item ad auertendam ex ædibus vim noxiam spirituum malignorum, vt S. August. loquitur lib. 22. de ciuit. cap. 8. & addit: *Perrexit vnus Sacerdotum, obtulit ibi sacrificium corporis Christi, orans quantum potuit, vt cessaret illa vexatio in domo, Deoque protinus miserante cessauit.* Præterea pro captiuorum liberatione, cuius reuultu exemplum reperies apud Gregor. 1. homil. 37. in Euangel. Bedam lib. 4. Anglic. histor. cap. 22. Et obsessorum à Dæmone liberatione, apud Prosperum de prædiction. p. 3. de dimidio temporis. Quandoquidem orationibus nostris quibuscunque sanctè ad Deum fuis, tum nobis ipsis, tum alijs hominibus varia beneficia, multò profectò certius, & efficacius assequi possumus, si preces, & desideria annexa & subnixæ sint hostiæ Deo Patri gratissimæ, quæ suo pre valore & dignitate quodcunque nobis impetrare potens est. Quòd verò interdum non consequamur, quod volumus, adeoque effectus impetrationis ex Sacrificio infallibilis non sit, causa est, quia non habemus de ea re promissionē Dei absolutam, sed tantum conditionatam, si nobis, quòd rectè petimus, secundum diuinæ prouidentię rationem dari expediat. Credibile tamen est, nunquam petitionem, præsertim eam quæ Sacrificio adiungitur, omni fructu carere: quia etsi non impetratur, quòd petitur, aliud tamen confertur, quòd vtilius, ac melius esse Deus iudicat.

Assertio III. Licet Sacrificium Missæ ex natura sua, siue secundum primam & remotam potentiam spectatū, habeat infinitam dignitatem & valorem impetrandi, & fructum satisfactionis applicandi, tum ratione rei oblatæ, tum ratione primarij offerentis, qui est Christus Dominus, propter hypostaticam vnionem infinitè dignus: attamen spectatum hoc Sacrificium, secundum proximam potentiam, quam habet ex Christi institutione, & voluntate, non habet efficaciam producendi effectum infinitum, sed semper finitum ac limitatum, tam intensiue, quam extensiue. Quæ est communis doctrina S. Thomæ in 4. distinct. 45. quæst. 2. art. 4. quæstion. 2. Et 3. p. quæst. 79. art. 5. Toleti lib. 2. cap. 6. & 8. Bellarmini lib. 2. de Missa cap. 4. Nauar. cap. 25. num. 92. & III. Suarez disp. 79. s. 11. & 12. Agid. Coninck quæst. 83. art. 1. dub. 10. Lud. Mirandæ in man. Prælat. tom. 1. quæst. 41. art. 19. & 20. Scortia lib. 1. de Sacrificio Missæ cap. 9. etsi aliter Caietan. cit. art. 5. & tom. 2. opusc. tract. 3. de celebrat. Missæ, 2. Petrus Sotus lect. 7. de Eucharist. Petr. Nauarrus lib. 2. de restit. c. 2. n. 268.

Probatur assertio: Nam quòd attinet ad finitam intensionem, tametsi Christi merita & dignitas infinita sint secundum sufficientiam, & actum primum: tamen secundum applicationem, & actum secundum semper effectus finitus promanat per Sacrificium, & Sacramenta, veluti instrumenta à Christo instituta. Quòd verò attinet ad finitam extensionem, quæ in eo consistit, quòd fructus Sacrificij applicatus pluribus, non multiplicetur, & augeatur in infinitum, sed in singulis diuidatur, ac minuatur: optimè probatur ex sensu, & praxi Ecclesiæ. Nam & Sacerdotes præcipuum Sacrificij fructum, qui prouenit quatenus ex Christi persona offertur, sæpe vni soli

soli applicare solent: & fideles hoc ipsum desiderare, atque oblata stipe exigere: quod non rectè, & sapienter facerent, si Sacrificium oblatum pro pluribus, tantumdem fructus conferret singulis, quàm si pro vno solo offerretur.

Porro, licet doctrina hæc præcipuè intelligenda sit de fructu remissionis, & satisfactionis pro peccatis, qui ex opere operato, secundum Christi institutionem, ac veluti taxationem, ex Sacrificio provenit; tamen suo modo locum etiam habet in fructu impetrationis, proveniente ex Sacrificio, quatenus in Christi persona offertur.

- 10 Quia una & individua oratio, quamvis Sacrificio annexa, ideòque ad impetrandum efficacior sit, plus, & certius impetrat uni, si pro eo solo fiat, quàm si pro pluribus; propterea quod postulatio debeat habere proportionem cum re postulata; ideòque non æquè impetret rem difficilem, ac facilem; maiore, ac minorem. Atqui oratio Sacerdos, quatenus sit ad Deum Patrem, offerendo in persona Christi, unica tantum est in vno Sacrificio. Nam, ut supra dictum, effectus iste impetrationis oblationi, seu Sacrificio infallibiliter annexus non est; neque ex Christi institutione, aut promissione determinatus: quinimò Sacrificium applicatur, & determinatur ad impetrandum ab intentione & voluntate Ministri: ut proinde mirum non sit, effectum impetrationis finitum, ac limitatum esse. Vide etiam Scotum quodlib. 20. & Gabr. in canon. Missæ, lect. 27.

Assertio IV. Sacrificium, quatenus nomine Ecclesiæ offertur, habet quidem finitam vim impetrandi, eandemque independentem à dispositione & sanctitate Ministri; tamen eò maiorem, quò sanctior Ecclesia est, siue plures in ea iusti, Deoque gratiores existunt. Est communis, & certa assertio: quemadmodum etiam legatus alicuius Communitatis tantò facilius, aut maiora impetrat, quanto ea Regi gravior est.

- 11 Assertio V. Quatenus Sacrificium offertur à persona priuata, videlicet tum ab ipso Sacerdote, tum ab alijs concurrentibus, habet vim aliquo modo infinitam syncategorematicè; quatenus fructus, qui per modum impetrationis provenit, tum ratione deuotionis, tum ratione multitudinis priuatorum offerentium, magis ac magis crescere potest. Ita Suar. cit. f. 12. assert. 1. Coninck cit. d. 10. concl. 6. Paulus Comitulus lib. 1. moral. qq. q. 42. n. 21. & alij communiter. Probat ex communi fidelium persuasione, si plures Missam audiendo, ei inseruendo &c. sacrificium Deo patri offerant, non minorem fructum exinde referre singulos, quàm si soli essent: propterea, quod priuata eiusmodi oblationes distinctæ sint: ideoque eis distincti effectus respondeant. Quin potius ex concursu & conspiratione multorum crescere solet singulorum deuotio, & consequenter fructus, qui eis secundum eorum dispositionem confertur: præterquam, quod preces multorum simul in id vntorum facilius à Deo exaudiantur, quàm si separatim fierent, iuxta illud Math. 18. *Si duo ex vobis consenserint super terram, de omni re, quamcumque petierint, fiet illis.* Communis item, & vera fidelium persuasio est: Et si Sacerdos pro certa persona Missæ sacrificium offerre debeat; nihil tamen ipsi decedere, si in *Memento* in propria persona, & ex priuata deuotione idem Sacrificium pro se ipso, & alijs pluribus personis, distinctis actionibus, siue petitionibus offerat: cum enim hæ oblationes diuersæ, & repetitæ, quarum nulla alteram impedit: ideo singulis tantumdem fructus impetrare possunt, quàm si vna sola pro vna persona fieret.

Ex his dictis facile est quæstiones quasdam soluere: PRIMA. Vtrum Missa Sacerdotis mali minus valeat, quàm Sacerdotis boni? Respondeo cum S. Th. 3. p. q. 82. a. 6. Th. Waldensi lib. de sacram. contra wicclef. Adriano in 4. de sacram. Euchar. prope finem, Nau. in man. c. 25. n. 79. &

- 12 III. Pet. Nau. lib. 2. c. 2. n. 251. & dico I. Fructus sacrificij, sique præcipuus, qui provenit seu ex opere operato, seu

per modum impetrationis, quatenus in Christi persona offertur, nihil omnino pendet à dispositione, aut bonitate Ministri. Est omnium doctrina, & habetur in c. intra, r. q. 1. & c. vtrum sub figura, d. 2. de consecrat. ex Paschasio in lib. de corpore & sanguine Domini, & Algero lib. 3. c. 8. *Intra Catholicam Ecclesiam in mysterio corporis, & sanguinis Domini, nihil à bono minus, nihil à malo minus perficitur Sacerdote: quia non in merito consecrantis, sed in verbo perficitur Creatoris, & virtute Spiritus sancti. Si enim in merito esset Sacerdotis, nequaquam ad Christum pertineret. Nam sicut ipse est, qui baptizat; ita ipse est, qui per Spiritum sanctum, hanc suam efficit carnem.* Similia reperies apud S. Chrysost. homil. 2. in epist. 2. ad Timoth. & homil. 85. in Ioan.

Dico III. Quatenus Sacerdos offert, & orat nomine Ecclesiæ, non minuitur fructus impetrationis ob malam dispositionem Ministri: quia etiam in peccatoribus manet mysterium, ait S. Th. Idq; etiam de orationibus, quæ in Ecclesiastico officio nomine Ecclesiæ fiunt, intelligendum esse, ibidem admonet. Excipe, nisi Minister excommunicatus non toleratus sit: quia per hunc non vult Ecclesia suas ad Deum orationes offerri: consequenter nullam efficaciam habent, quatenus nomine Ecclesiæ fiunt, sicuti docet S. Th. 3. p. q. 82. a. 7. ad 8. Secus dicendum de tolerato: cum enim ab hoc permittat Ecclesia, ut fideles Missæ sacrificia, & alia diuina officia postulent: consequenter etiam permittit, ut ea fructuosè fiant, sicuti ex cōmuni notauit Auila de cens. p. 2. c. 6. dis. 4. dub. 5. cōcl. 1.

Dico III. Quatenus Sacerdos offert, & orat ut persona priuata, fructus impetrationis &c. provenit tum sibi, tum alijs, quibus eum applicat, secundum dispositionem, ac deuotionem eiusdem: ut proinde quò magis dispositus est, eò plus gratiæ & gloriæ apud Deum sibi mereatur: plus etiam tum sibi, tum alijs impetret, & pro peccatis satisfaciatur. At verò si malè dispositus & indignus offerat, in fructuosa est eius oblatio, etià secundum vim impetrandi, uti habetur in c. in grauibus, 3. q. 7. Idq; maximè quatenus pro alijs orat, imò etià quatenus pro seipso, si cōsideremus iustitiæ condignū: siquidē, vt S. Th. ait 2. 2. q. 83. a. 16. *Orationē peccatoris Deus audit, nō quasi ex iustitia, quia peccator hoc non meretur (ex condigno) sed ex pura misericordia, obseruatis tamen quatuor cōditionibus: ut scilicet pro se petat, necessaria ad salutem, piè, & perseuerenter.* Deinde hoc speciale est in peccatore sacrificante, quòd eius tota actio, quatenus ab ipso proficiscitur, mala, Deoque ingrata sit, ideòque non misericordiam; sed potius vindictam mereatur. Qua ratione ait S. Th. cit. a. 16. ad 1. verificari posse dictum cæci eap. 19. Ioan. *Scimus quia peccatores Deus non audit*, si nimirum id intelligatur de peccatore formaliter, id est, qui orando peccat: siue cuius oratio execrabilis est, ut dicitur prouerb. 28.

ALTERA QUÆSTIO. Vtrum Sacerdos, qui pluribus seu ob stipem acceptam, seu ob aliam causam obligatus est ad sacrificandum satisfaciatur, vnicum Sacrificium pro omnibus offerendo? Circa quam quæstionem Doctores aliqui existimant, præcipuum fructum Sacrificij infinitum ac indeterminatum esse, ob infinitam virtutem, ac dignitatem rei oblatæ; qua fructus iste nititur: adeò, ut singulis, pro quibus Sacrificium offertur (dummodo & ipsi aliquo modo concurrant) fructus proveniat secundum illorum dispositionem, siue multi sint, siue pauci, aut tantum vnus. In qua sententia est Caietan. in cit. opusc. de celebrat. Missæ, c. 2. & cit. a. 5. Angelus ver. Missa, §. 52. Syl. eod. ver. 1. q. 9. in fine, Petrus Sotus lect. 7. de Euchar. Pet. Nau. lib. 2. c. 2. n. 268. Io. Baptista Contadi p. 1. casuum, q. 266. Canus lib. 12. de locis, c. 13. ad 10. Ludou. Beia p. 1. casu 12. Valsq. disp. 231. c. 3. Et hi quidē Doctores magna ex parte fateri coguntur, obligatum ad sacrificandum pro pluribus, per se loquendo, & spectato principali fructu Sacrificij, satisfacere simul pro omnibus sacrificando.

Sed contraria sententia communior, & in praxi tenen-

da est, quam docet Alanus de Euchar. sacrificio c. 35. Nauar. c. 25. man. n. 92. & lib. 3. concil. 8. de celebr. Missarum, edit. 2. Sotus lib. 9. de iust. q. 2. a. 2. concl. 2. & 3. & in 4. d. 13. q. 2. a. 1. Couar. c. alma, p. 1. §. 5. n. 9. Tolet. lib. 2. c. 8. Azor cit. lib. 10. c. 20. 21. Rodriq. to. i. regul. qq. q. 43. a. 17. Sa ver. Missa, n. 43. Henriq. lib. 9. c. 22. Bellarm. lib. 2. de Missa, cap. 4. Suarez disp. 79. s. 12. & disp. 86. s. 4. Lud. Miranda cit. loco, Agid. Coninck cit. dub. 10. Et verò prioris sententiæ auctores videntur potius loqui de fructu Sacrificij, qui provenit secundum priuatam deuotionem & oblationem singulorum Sacrificium postulantium: quem infinitum & inexhaustum esse, neque ob multitudinem concurrentium minui, supra dictum est. Verum hic fructus neque principalis, neque propriè ex opere operato est; sed potius ille, qui certò & infallibiliter ex Sacrificio in Christi persona oblato provenit ijs omnibus, seu scientibus, seu ignorantibus, quibus specialiter intentione Sacerdos applicat: atque hunc principalem Sacrificij fructum ex Christi institutione finitum & determinatum esse, ideòque minorem provenire singulis, quò pluribus applicatur, & ratio ipsa, & communis fidelium persuasio comprobare videtur. Idemque iudicium esse debet de fructu impetrationis, proveniente ex Sacrificio, quatenus illud Sacerdos offert in persona Christi.

Ceterum non pauci Doctores probabiliter docent, Sotus in 4. d. 13. q. 2. a. 1. Canus, Rodriq. ll. cc. Pet. Nau. lib. 2. c. 2. num. 333. Angles in 4. de valore Missæ, a. 2. Henriquez cit. cap. 22. num. 4. Si Sacrificium postulantes non integrum stipendium iustum, sed partem tantum præbeant non posse eos iniquo animo ferre, si Sacerdos non pro singulis seorsim, sed pro pluribus coniunctim, secundum proportionem stipendij accepti offerat. Nisi specialis promissio expressa, vel rationabiliter præsumpta præcesserit dicendi Missas pro singulis diuisim, quamuis diminutum stipendium offerentibus, sicuti notauit Rodriq. t. i. regul. qq. q. 43. a. 17. Coninck n. 192. Iustum autem stipendium censi debet, quod vel lex, vel consuetudo loci taxauit. Sin autem taxatum non est, secundum communior sententiam apud Sotum in lib. 9. q. 3. a. 1. Coninck lo. cit. quod ad frugalem vnius diei victum sufficit. Id verò non immeritò reprobant Rodriq. ibid. & Suarez disp. 86. s. 2. Corduba lib. 1. quæstionarij, q. 4. quandoquidem Sacerdos non nisi vnicam diei horam sacrificando infumere solet; reliquum verò diei tempus alijs officijs impendere potest. Sufficit igitur media, vel etiam tertia pars sustentationis; quamuis plus liberaliter offerri possit, & interdum etiam oporteat propter Sacerdotum inopiam, si nullum Ecclesiasticum beneficium obtineant.

QVÆSTIO TERTIA. Vtrum is peccet, & iniquè agat, qui accepto abundantiore stipendio pro Missa legenda, alteri eam commendat, parte aliqua stipendij sibi seruata? Respondeo & dico I. Si sit curatus, seu Parochus, cui largior elemosyna confertur pro Missa, potest obligationi per alium satisfacere, dato ipsi stipendio sufficiente, reliquo sibi retento. Ita Sotus lib. 9. q. 3. a. 1. Nau. c. 25. n. 91. Nam hæc censetur mens esse fidelium, quòd Parochus pluribus obligationibus suis, vel per seipsum, vel per Cooperatorem satisfacere possit. Similiter Capellanus si celebrare impenitus sit, alteri commendare potest; data tamen ei sufficiente stipe; ne fortè is prætextu tenuioris stipendij vnâ Missâ pluribus commendatis satisfaciatur, quod cauendum esse monet Henriq. c. 22. in fine.

Dico II. stipendium alteri Sacerdoti detur, censetur esse dantis voluntas, vt ipsemet sacrificet: vel si alteri commendare velit, totum ei stipendium largiatur: quare hoc casu iniuriam infert, si partem sibi retineat. Ita Nauar. & Henriq. ll. cc. Maior in 4. dist. 45. q. 3. in fine. Ratio est, partim quia maior elemosyna data Sacrificanti censetur maior cooperatio ad Sacrificium, ex quo maior fructus danti proveniat: partim quia etiam sacrificans, beneficij magnitudine motus, maiorem deuotionem ad-

hibet, ideòque plus benefactori impetrat. Neque obstat quòd Suar. obijcit, Sacerdotem, cui primò stipendium confertur, statim comparate eius dominium, seu obligatione sacrificandi, quam vel per se, vel per alium implere potest. Respondetur enim; Comparare quidem dominium, sed cum obligatione; vt vel ipsemet sacrificet, vel alteri sacrificaturo largiatur, secundum præsumptam voluntatem dantis: Eò quòd pecunia propriè non detur cāquam merces, in compensationem obligationis dicendi Missam: sed in sustentationem, ac subsidium vitæ. Si tamen alter Sacerdos sponte in se suscipiat sacrificandi obligationem, parte stipendij condonata: tunc nemini iniuria fiet: dummodo credi possit, eum muneri suo perinde satisfacturum, ac si stipendium integrum ipsemet percipisset.

Eadem porro ratio est, si alicui non Sacerdoti, v.g. Sacrifice pecunia detur, vt Missam dici curet: nō potest enim sibi partem retinere: nisi ex loci consuetudine, vel alia de causa præsumptio fieri possit, id non fieri contra voluntatem dantis. Ita docent Nau. & Sall. cc.

QVÆSTIO QUARTA. Vtrum Sacerdos obligatus dicere Missas, si diu differat, grauitèr peccet? Respondeo: Si Sacerdos stipem accepit, vel etiam sine stipe intendit se ex iustitia obligare ad legendam Missam pro aliqua necessitate, vel pro defuncto; atque valde diu sine iustæ excusationis causa differat, timere potest, ne mortale peccatum incurrat: cum interea magno spiritali fructu priuentur ij, quorum debitor est. Ita Sylu. ver. Missa, q. 10. in fine, Petrus Nau. lib. 2. c. 2. n. 369.

QVÆSTIO QUINTA. Vtrum Sacerdos, qui stipendium accepit, teneatur dicere Missam, sicuti offerens petiuit, videlicet in certo altari, de tali Sancto, aut Requie æternam? Responso est affirmatiua: Eò quòd ob specialem offerentis deuotionem, nec non speciales Missæ orationes, seu commemorationes, maior fructus impetrationis ad propositum finem provenire soleat. Quamobrem Missam votiuam, vel pro defunctis dicere licitum est, tamen si secundum ordinationem Missalis de festo simplici vel semiduplici dici deberet. Talis enim commutatio permittitur ob causam deuotionis, rationabilis; iuxta c. quidam, de celebrat. Missarum.

Adde primò: Etiam in Dominica die, vel festo duplici, si funus ad Ecclesiam deferatur, atque vnicus Sacerdos adsit, potest is Missam de defunctis celebrare propter rationalem consuetudinem. Alioquin verò, si funus celebritas non requirat, rectius faciet Sacerdos in die Dominica, aut festo duplici, si seruata intentione postulantis, Missam dicat secundum ritum ab Ecclesia præscriptum. Siquidem fructus præcipuus ex omnibus Missis æqualiter provenit: maior autem ille fructus impetrationis propter speciales preces, & specialem deuotionem, satis compensatur pia Ecclesiæ intentione, ac festi celebritate, sicuti docet Henriq. lib. 9. c. 23. n. 6. Miranda in man. to. i. q. 41. a. 21. Rodriq. cit. q. 43. a. 8. & 10.

Adde secundò, quòd multarum Ecclesiarum consuetudo permittit, vt præter vnâ Missam principalem, quæ dicitur de festo occurrente, altera dicatur votiuâ, vel de defunctis, quod neque Pius V. in Missali improbat. Cum enim ait, *si fiat officium duplex, vel semiduplex, Missam principalem oportere esse de die*, satis indicat, alteram minùs principalem etiam in festo duplici posse esse votiuam, vel de defunctis, sicuti notauit Rodriq. a. 11. Henriq. l. cit. Et Nauar. lib. 3. consil. 9. de celebrat. Missarum, edit. 2. ait; Licet nemo statuto, aut fundatione obligari possit, vt quotidie celebret de B. Virgine, sicuti habetur in c. significauit, de præbend. posse tamen statuto, consuetudine, aut fundatoris voluntate constitui, vt in tali altari, vel Ecclesia quotidie Sacrificium fiat de B. Virgine, aut pro defunctis.

CAP. II.

Pro quibus Sacrificium offerre liceat, & qui fructus ipsis inde proueniat.

S V M M A R I V M.

- 1 Sacrificium nouæ legis latreuticum est, Eucharisticum, impetratorium & propitiatorium.
- 2 Sacrificium nouæ legis omnia veteris legis sacrificia præstantiore virtute continet.
- 3 Sacerdos in Missa triplicem quasi personam sustinet; Christi, Ecclesiæ, & priuati offerentis.
- 4 Pro Sanctis, seu beatis in cælo offertur Sacrificium Missæ, quatenus est laudis, & gratiarum actionis.
- 5 Sacrificium Missæ rectè, & salubriter offertur pro animabus defunctis.
- 6 Pro omnibus uiuentibus hominibus Sacrificium Missæ utiliter offerri potest, quatenus Sacerdos Christi personam repræsentat.
- 7 Quatenus Sacerdos personam Christi gerit, etiam pro excommunicationis non toleratis sacrificat, applicando eis fructum impetrationis; vel etiam satisfactionis, si capaces sint.
- 8 Pro Cathecumenis uiuis, ac defunctis Sacrificium offerri potest, ut ipsi proficiant, saltem per modum impetrationis.
- 9 Pro infidelibus Iudeis, ac Paganis Sacrificium rectè offertur, quatenus est impetratorium; ut ad fidem ueram conuertantur.
- 10 Missa olim distinguebatur in duas partes: quatenus una Cathecumenorum dicebatur: & altera Fidelium.
- 11 Fructus ex opere operato in Sacrificio Missæ illi prouenit, cui minister intendit, si capax sit.
- 12 Sacerdos fructum Sacrificij, qui ex opere operato est, ante, vel in ipsa consecratione alicui applicare potest.
- 13 Fructus Sacrificij non potest alicui valide applicari sub conditione in futurum contingente: v.g. Offero pro illo, qui primus mihi stipem dederit, vel qui primus ex hac communitate mortuus fuerit.
- 14 Non est recta intentio applicandi Sacrificij fructum illi homini, quem Deus scit ex hac communitate v.g. moriturum esse.
- 15 Mos celebrandi Requiem pro uiuis, non uidetur commendabilis.
- 16 Sacerdos in persona Ecclesiæ præcipue offert, & supplicat pro membris Ecclesiæ: secundario etiam pro alijs.
- 17 Sacerdos, ut priuata persona, uidel. in Memento, pro omnibus Sacrificium offerre potest.
- 18 Fructus aliquis Sacrificij, quatenus in Christi persona offertur, ipsi offerenti proprius est, alteri non applicabilis.

SUPPONENDUM primò: Sacrificium nouæ legis diuersas rationes sortitur ob diuersos fines, ad quos ex motu alicuius virtutis referri potest. Primò enim est latreuticum, quatenus refertur ad colendum Deum, eiusque supremam excellentiam, & super res omnes creatas dominium protestandum. Secundò est Eucharisticum, quia fit in commemorationem, & gratiarum actionem de summo beneficio passionis Dominicæ, qui est fons, & origo aliorum Dei in nos beneficiorum. Tertiò est impetratorium, quia per Christum Deo Patri præsentatum, & oblatum facile nos quiduis impetraturos speramus. Quartò est propitiatorium pro peccatis uiuorum, & mortuorum; quia peculiariter institutum est in peccatorum remissionem, virtute passionis Dominicæ, cuius repræsentatiuum est.

Quapropter hoc nostrum Sacrificium virtute quadam omnia vetera sacrificiorum genera in se complectitur, quorum tria genera enumerat S. Th. 1. 2. q. 102. a. 5. uidelicet, holocaustum, quod erat maximè latreuticum, seu protestatiuum diuini dominij, hostiam pro peccato, & hostiam pacificam. quod tamen vltimum sacrificiorum genus bimembre est, vel enim est laudis, seu gratiarum actionis, vel est impetratorium, sicuti notauit Suarez disput. 73. c. 7.

SUPPONENDUM secundò ex doctrina c. præc. Sacerdos in Missa triplicem personam sustinet, sicuti præter alios annotauit Adrianus in 4. de sacramento Euchar. dub. vlt. Primò, & immediatè ipsius Christi, cum actu sacrificat,

& fructum Sacrificij ex opere operato, atque etiam per modum impetrationis ex Christi dignitate, cuiusque ipse vult, applicat. Secundò gerit publicam personam Ecclesiæ, cuius legatus est ad Deum: quod similiter dicendum est de alijs publicis officijs, videlicet precum canonicarum &c. Tertiò gerit personam priuatam, non solum in Memento: in quo priuatim Deo commendat quoscunque vult; sed etiam in publicis orationibus, & tota Sacrificij actione. Nam sicuti alia omnia bona opera iustorum triplicem virtutem habent, merendi, satisfaciendi, impetrandi; ita & publicæ orationes, ac Sacrificium; cum sint actus virtutis Religionis. Imprimis enim Minister, si iustus sit, ex condigno sibi meretur gratiam, & gloriam: secundò, satisfacit pro peccatis suis, præsertim, si hunc etiam finem intendat; potestque hunc fructum satisfactionis ex opere operantis alteri quoque applicare. Tertiò propria intentione, & affectu impetrare à Deo potest varia beneficia tum sibi, tum alijs.

ASSERTIO I. Pro Beatis non offertur Sacrificium, quatenus est propitiatorium: siquidem illi ab omni culpa & pœna liberi sunt: neque propriè, & directè offertur, quatenus impetratorium est: siquidem Beati in cælo orationibus nostris non indigent. Et, In iuriā insert Martyri, qui orat pro Martyre, ait Innoc. in c. cum Marthæ, de celebrat. Missarum, ex S. August. serm. 17. de verbis Apostoli. Et in S. Ioan. tract. 84. Non sic Sanctos commemoramus, quemadmodum alios, qui in pace requiescunt, ut etiam pro eis oramus; sed magis, ut orent ipsi pro nobis. Sed offertur Sacrificium pro Sanctis, quatenus est laudis, & gratiarum actionis: quia dum Deo sacrificamus, laudamus eum, & gratias ei agimus pro Sanctorum victoria, meritis, & gloria, eorumque deprecatione preces nostras exaudiri petimus, sicuti explicat Trident. sess. 22. c. 3. ex S. Aug. lib. 8. de ciuit. cap. 27. & lib. 22. c. 10. Vide Bellarm. lib. 2. de Missa, cap. 8.

Igitur Sacrificium pro sancto offerre non est aliud, quam in Sacrificio facere illius memoriam, seu commemorationem: imprimis ad Dei gloriam; deinde ad ipsius etiam Sancti honorem, nostrumque commodum. Qua de re legi potest S. Cyprianus lib. 4. epist. 5. cum commentat. Pamelij in epist. 34. ibi: Quoties Martyrum passiones, & dies anniuersaria commemoratione celebramus. Et lib. 3. epist. 6. Denique & dies eorum, quibus excedunt (Confessores in carcere) annotat, ut commemorationes eorum inter memorias Martyrum celebrare possimus. Et paulò post: Scribat, & significet mihi (Tertullus) dies quibus in carcere beati fratres nostri ad immortalitatem gloriosæ mortis exitu transeunt, & celebrentur hic à nobis oblationes, & sacrificia, ob commemorationem eorum. S. etiam Chrysostomus homil. 21. in Acta Apost. Quid putas pro Martyribus offerri, quod vocatur in illa hora? Licet Martyres sint, etiam pro Martyribus magnus honor; nominari Domino presente: dum mors illa perficitur, & horrendum sacrificium, & ineffabilia sacramenta. Quare olim capellæ, & altaria memoria Martyrum appellabantur, quia in eorum memoriam, & honorem ædificata erant, sicuti videre est apud S. Cyprianum cit. epist. 6. S. August. cit. c. 10. Opus tatum Mileuitanum lib. 2. contra Donatistas.

Dixi autem in assertione, Sacrificium pro Sanctis non esse propriè, & directè ipsis impetratorium. Nam aliquo saltem modo oramus pro Sanctis, ut illis Sacrificium proficiat ad honorem, nobis autem ad salutem; videlicet ut magis, ac magis à fidelibus glorificentur in terris, quæ tamen glorificatio, cum ipsis extrinseca sit, potius in nostrum commodum redundat. Denique ex eo, quod Sanctorum memoriam in Sacrificio facimus, gaudium seu lætitia accidentaliter in ipsis oritur: siquidem talem vicissitudinem gloriæ accidentaliter, saltem usque ad finem mundi, in Beatis locum habere, rectè dicitur.

ASSERTIO II. Sacrificium hoc rectè, & salubriter offertur pro animabus in purgatorio, ad remissionem pœnæ tum per modum impetrationis, tum etiam ex ope-

re operato, ipsis consequendam. Ita Concilium Trid. sess. 22. can. 3. & c. 2. ubi recte hanc vocat: *Apostolorum traditionem*; sicuti etiam S. Chrysostomus testatur homil. 3. epist. ad Philip. & homil. 69. ad Populum Antiochenum: *Notemere ab Apostolis hac sancta fuerunt, ut in tremendis mysterijs defunctorum agatur commemoratio. Sciunt enim illis inde multum contingere lucrum, utilitatem multam.* Vide eundem homil. 41. in epist. 1. ad Corinth. S. Cyprian. lib. 1. epist. 9. ad Clerum & plebem Turritanorum, Epiphani. hær. 75. contra Aerium, S. Aug. de ver. Apostoli, serm. 32. *Hoc à Patribus traditum, uniuersa obseruat Ecclesia, ut pro eis, qui in corporis & sanguinis Christi communione defuncti sunt, cum ad ipsum Sacrificium loco suo commemorantur, oratur, & pro illis quoque id offerri commemoratur.* Similia habet in lib. de cura mortuorum cap. 1. & lib. 9. confessionum c. num. & seqq. Ratio est: Cum animæ in purgatorio sint vera, ac viua membra Ecclesie, atque capacia fructus Sacrificij propitiatorij; non est ratio, cur non æque ipsis, atque hominibus viuis applicari possit; & quidem non solum per modum imperationis, sed etiam ex opere operato, & infallibiliter: quandoquidem utroque modo fructus provenire solet, per solam intentionem, & applicationem omnino extrinsecam. Non ita verò in Sacramentis; quippe in quibus requiritur, ut actio sensibilis circa suscipientem exerceatur. Quæ ipsa discriminis ratio est, cur fructus Sacrificij: non item Sacramentorum fidelibus defunctis applicari possit.

6 Assertio III. Pro omnibus viventibus, tam paruulis, quam adultis, fidelibus & infidelibus, Sacrificium offerri potest à Sacerdote, quatenus is Christi personam gerit: quamvis non idem omnibus ex Sacrificio fructus proveniat, ut mox in specie explicabo. Prius autem probabo assertionem tum ex verbis, quæ in Calicis oblatione dici solent, *pro nostra, & totius mundi salute*: tum hac ratione: Nam Sacrificium incruentum, cum sit repræsentatiuum mortis Dominicæ, & fructus illius quam maxime applicatiuum; pro omnibus offerri potest, pro quibus Christus mortuus est, & qui fructus passionis Dominicæ aliquo modo capaces sunt. Tales autem sunt omnes homines viuentes in hac terra, sicuti annotauit Cyrillus Hierosol. catech. 5. Chrysostom. in c. 8. Matth. homil. 26. Ergo pro ijs omnibus, ac singulis Sacrificium offerri potest, saltem validè, ita ut ipsis aliquis fructus inde proveniat. Quod argumentum sumptum est ex Apostolo, ad Timoth. 2. *Obsecro primum omnium fieri obsecrationes, orationes, postulationes, gratiarum actiones pro omnibus hominibus. Unus enim Deus, unus & mediator Dei, & hominum homo Christus Iesus, qui dedit redemptionem semetipsum pro omnibus.*

Ad species autem descendendo; primò certum est, pro baptisatis adultis, & viuis Ecclesie membris Sacrificium vtiliter offerri, tam quoad fructum satisfactionis, quam quoad fructum impetrationis.

Secundò certum est, pro infantibus baptisatis, rectè & fructuose Sacrificium offerri, quod attinet ad fructum impetrationis, ut videlicet in Christiana Fide, & Dei gratia perseuerent, ac crescant. Alterius autem fructus propitiationis, seu satisfactionis paruuli non indigent.

Tertiò certum est, pro adultis baptisatis iniustis seu peccatoribus, non excommunicatis, Sacrificium offerri posse, idemque prodesse secundum fructum impetrationis tum poenitentiae, tum aliorum Dei beneficiorum. At verò fructus satisfactionis peccatores capaces non sunt.

7 Quartò, Communis est doctrina, peccatorum grauior Sacerdotem, si pro excommunicatis non toleratis Missæ Sacrificium offerat; quia hoc ei prohibitum est in c. à nobis, 2. de sentent. excommunicat. Attamen hac prohibitionem non impediri potest, quominus Sacrificium in Christi persona validè offeratur pro excommunicatis, quatenus capaces sunt fructus impetrationis; vel etià satisfactionis, si præter censuram, nullum impedimentum habeant; quia modò emendati sunt, & absolutione

desiderant. Ita ex communi docet Suar. de censuris disp. 9. l. 4. Auila p. 2. c. 6. disp. 4. dub. 4. Coninck q. 83. dub. 9. concl. 2. Ratio prioris est: Quia Sacrificium Missæ est publicum ministerium, in Ecclesia vtilitatem præcipue institutum. Ergo de eius vsu, sicuti & de ceremonijs, aliisque accidentalibus disponere ad Ecclesiam pertinet potestatem, ac iurisdictionem, sicuti notauit Bellarm. lib. 2. de Missa, c. 6. Ratio posterioris est: Quia potestas consecrandi, & offerendi pro quibuscunque viuis, atque defunctis, quatenus ij capaces sunt, est annexa ordini ex Christi institutione. Quare licet Ecclesia prohibere possit, quominus pro excommunicatis validè, & fructuose dicantur suffragia, siue preces publicæ Missæ, Canonici officij &c. quippe in quibus dicendis Minister Ecclesie vicem gerit; tamen prohibere non potest, quominus consecrando in persona Christi, siue ut minister Christi, fructum principalem Sacrificij validè applicet, cuiuscunque velit. Confirmatur: Quia eadem ratione Ecclesia impedire non potest, ne excommunicatus, aut irregularis validè Sacerdos ordinetur, vel ordinatus validè consecret: licet impedire possit, quominus communia Missæ suffragia validè, & fructuose ab ipso dicantur; quia Ecclesia non vult per illum orare, sicuti notauit S. Th. 3. p. q. 82. a. 7. ad 3. ex quo hæc tota doctrina desumpta est.

Quintò, Pro Cathecumenis tum viuis, tum defunctis Sacrificium aliquo modo offerri posse, constat ex Clemente lib. 8. Constit. c. 6. & 7. S. Ambrosio orat. de obitu Valentiniani, S. August. epist. 107. ad Vitalem, Genadio de Eccles. dogmatibus, c. 30. & docet Bellarm. lib. 2. de Missa, c. 6. Henriq. lib. 9. c. 15. n. 5. Suárez disp. 78. l. 2. Scortia lib. 2. de sacrificio Missæ, c. 2. Azor lib. 10. c. 22. q. 2. Coninck cit. d. 9. concl. 3. licet repugnet Vasq. 3. p. t. 3. disp. 227. c. 3. Verisimilius quidem est, Sacrificium non prodesse Cathecumenis ex opere operato; sicuti neque Sacramenta eisde profunt: quippe quæ peculiariter à Christo pro salute Ecclesie instituta sunt: Cathecumeni autè ad Ecclesiam non omnino pertinent; cum necdum Fidè per Baptismum professi sint; neque in externa facie Ecclesie censeantur fideles, seu membra Ecclesie militantis. Quamobrem, considerato principali fructu Sacrificij, rectè huc accommodari potest dictum S. Aug. lib. 1. de orig. animæ cap. 9. to. 7. *Quis offerat corpus Christi nisi pro eis, qui sunt membra Christi?* S. item Chrysost. homil. 69. ad Pop. Antioch. Concil. Bracarense 1. can. 35; negant, pro Cathecumenis Sacrificium offerendum esse. Quamvis responderi etiam potest ad auctoritatem S. Aug. Cathecumenos cõpetentes esse aliquo modo membra Christi per Fidem, & pertinere ad Ecclesiam saltè voto, seu desiderio; sicuti Nouitij ad Religionem. Ad auctoritatem verò Chrysost. & Bracarenis Concilij respondet Henriq. lo. cit. Cathecumenis defunctis, qui culpâ sua Baptismum suscipere neglexerant, aliquando in poenam criminis, & ad exemplum aliorum publicæ Missæ suffragia denegata fuisse. Quæ tamen explicatio verbis Chrysost. non congruit: cum absolute dicat, Cathecumenos defunctos dignos non esse hac consolatione, ut ipsis Missæ sacrificium profuit. Sed alia orationum suffragia, iunctis eleemosynis, etiam Cathecumenis defunctis applicari posse. Veruntamen secundum fructum impetrationis prodesse Cathecumenis tam viuis, quam defunctis, Missæ sacrificium, atque tali intentione pro ipsis rectè offerri, si Ecclesie prohibitio cesseret, communis, ut dixi, Doctorem sententia est. Si enim aliæ orationes & obsecrationes, per Christi merita rectè, & salubriter pro ijs fundi possunt, quod nemo negat, cur non etiam ea, quæ Sacrificio annexæ sunt?

Sextò, Communis est Doctorem sententia, cõtra Sotum lib. 9. q. 2. a. 2. de iustitia, Vasq. l. c. pro infidelibus paganis, & Iudæis Missæ sacrificium offerri posse, per modum deprecationis; ut ad Christianam Fidem conuertantur. Idque probatur ex Apost. 1. ad Timoth. 2. *Obsecro fieri*

feri obsecrationes &c. pro omnibus hominibus, pro Regibus, & qui in sublimitate sunt: (quales tunc Gentiles erant) Hoc enim bonum est, & acceptum coram Salvatore nostro Deo, qui omnes homines vult saluos fieri, & ad agnitionem veritatis venire. Quem locum eadem ratione de precibus, quæ Missæ sacrificio annexæ sunt, intelligere videntur S. Chrysost. ibid. hom. 6. August. epist. 59. ad 5. q. Prosper lib. 1. de vocat. gentium, cap. 12. & clariùs significat Clemens lib. 8. constitut. cap. 12. Adde Tertullianum in lib. ad Scapulam: Nos sacrificamus pro salute Imperatoris: sed Deo nostro & ipsius: sed quomodo præcepit Deus; pura prece, & non uti Gentiles solent, odore aliquo, aut sanguine: hæc enim Dæmoniorum pabula sunt. Confirmatur ex eo, quod etiam in veteri lege Iudæi pro Gentilibus sacrificare soliti sint, lib. 1. Esdræ, c. 6. pro salute Darij, & filiorum eius: lib. 1. Machab. c. 12. pro Spartiatis: lib. 2. c. 3. pro salute Heliodori.

10 Eapropter Missa olim distinguebatur in duas partes: quarum una, quæ precationibus constabat, dicebatur Missa Catechumenorum: in qua publicè orabatur non tantum pro fidelibus, sed etiam pro infidelibus, & Catechumenis: imò Catechumeni, si credentes, & competentes erant, etiam interesse permittebantur, sicut colligitur ex Concil. Ancyrano, c. 4. Laodicensi c. 19. & testatur Clemens cit. locis, Amalarius de Eccles. offic. lib. 3. c. 36. Hodie tamen usitatum non est, ut in collectis Missæ infideles, & Catechumeni nominentur. Altera dicebatur Missa fidelium, quæ oblatione, consecratione, & hostiæ sumptione constabat: à qua etiam Catechumeni repelluntur: ut significaretur, Sacrificium incruentum propriè ac principaliter institutum fuisse pro solis fidelibus, qui actu in corpore Ecclesiæ existunt: ideoque infideles, & Catechumenos fructus eius præcipui, qui ex opere operato ex Christi institutione existit, capaces non esse, sicut explicat Azor cit. c. 2. quæst. 2. Quocum tamen non pugnat, quin Sacerdos in persona Christi Sacrificium, quatenus impetratorium est, offerre possit, ea intentione, ut aliquid per Christum Deo Patri oblatum, etiam infidelibus, aut Catechumenis, ad ipsorum salutem, impetretur: quamvis non deceat nunc eiusmodi personas nominare: cum id Ecclesiasticæ cōsuetudini consentaneum non sit.

11 Assertio IV. Fructus ex opere operato respondens Sacrificio, quatenus offertur in persona Christi, omnino pendet ab intentione & applicatione Ministri, seu proximi offerentis: siue eum sibi ipsi applicet, siue alteri capaci: Debet enim (Sacerdos) quemadmodum pro populo, ita & pro semetipso offerre pro peccatis, ait Apost. ad Hebr. 5. Ratio autem assertionis est: Quia Sacerdos, ex vi ordinationis suæ, constitutus est à Christo minister ac dispensator Mysteriorum, ac donorum Dei: sicuti indicat forma verborum, quibus Sacerdos ordinatur: Accipe potestatem offerendi Sacrificium pro-vivis, ac defunctis.

Ex quo colligitur primò: Tamen si Sacerdos illicite alicui applicet, contra iustitiæ, aut obedientiæ virtutem: quia v.g. Parochus, vel Capellanus, ratione beneficii sui: vel Religiosus ob Prælati præceptum, deberet pro alio offerre: nihilominus validam fore applicationem, & fructum ex opere operato proveniunt ei, cui Sacerdos vult: cum hæc applicatio sit actus potestatis Ordinis, quæ ex aliena potestate non dependet, sicuti notavit Suar. disp. 79. sect. 9. Coninck cit. dub. 9. concl. 8.

Colligitur secundò: Sacerdos, ut fructuosè sacrificet, debet fructum ex opere operato provenientem, alicui applicare, saltè virtuali & implicita intentione. Quod ideo dico, quia Sacerdos solet, & censetur habere tacitam voluntatem: si contingat eum ex obliuione nulli applicare Sacrificij fructum; aut si accidat, illum cui provenire vult, eius incapacem esse: ut tunc applicetur ijs, pro quibus specialiter obligatus est Sacrificia offerre, vivis, aut defunctis: vel denique ut sibi ipsi fructus proveniat. Quamobrem consultum est Sacerdoti, ut primæ intentioni alteram quoque adiungat. v.g. Offeram Sacrificium pro patre meo de-

functo: si is non indigeat, pro fratribus, & cognatis, vel aliis indigentibus. Item: Offeram Sacrificium pro Ioanne: si is fructus satisfactionis capax non sit, ut mihi proveniat. Sufficit tamen, ut dixi, generalis, & implicita intentio: quia quisque Sacerdos pius, & doctus, si de ea re interrogaretur, ita animo & voluntate affectum se esse, responderet.

Colligitur tertio: Quod Sacerdos fructum Sacrificij, qui est ex opere operato, debeat alicui applicare antè, vel in ipsa consecratione: nam alioquin frustra eum postea applicare conabitur. Quemadmodum enim Sacramenta, puta Baptismus, Confirmatio, ita & Sacrificium, effectum suum ex opere operato, dependentem à Ministri intentione producant, dum conficiuntur, & actu existunt. Quare non est in potestate Ministri effectum suspendere velle, & postea alicui applicare. Confirmatur ex eo: Quia Sacerdos dispensat fructum Sacrificij ex opere operato, quatenus Christi personam sustinet: quod accidit in consecratione, seu substantiali oblatione: Ergo tunc necesse est eum habere intentionem siue actualem, siue virtualem (si nimirum ante habuerat, & hætenus non mutavit) pro aliquo offerendi. Ita Suarez, & Coninck ll. cc.

Colligitur quarto: Sicuti effectus Sacramentorum, ita & fructus Sacrificij non potest à Sacerdote alicui validè applicari sub conditione in futurum contingente: v.g. Volo, ut Sacrificij fructus proveniat illi, cui Socrates postea interrogatus voluerit: Vel qui proxime mihi stipem largitus fuerit. Ita docent Suarez 3. p. t. 3. disput. 79. sect. 9. Coninck quæst. 83. a. 1. dub. 9. conclusio. contra Petrum Navar. lib. 2. c. 2. num. 370. Arrag. 2. 2. quæst. 85. art. 3. dub. penult. Ioan. Baptistam Corradi p. 2. casuum conscient. q. 355. quibus ex parte consentiunt Corduba lib. 1. quæstionarij, quæst. 4. dub. 6. Vasq. disp. 234. cap. 5. Probatur: Vel enim fructus Sacrificij, puta remissio poenæ temporalis, proveniret homini statim cum Sacrificium pro ipso offertur, & antequam conditio impletur, sicuti Corduba sentit: vel postea proveniret, cum eventus conditionis positus est, ita ut interim fructus Sacrificij maneat suspensus in Dei scientia, & acceptance, sicuti Arrag. & Petr. Navar. ll. cc. sentiunt. Sed neutrum horum dici potest: Non enim posterius: quia alioquin Sacerdos fructum satisfactionis applicare posset sibi, vel alteri peccatori, ut ipsi proveniret, cum à peccato iustificatus fuerit: item applicare posset infanti, aut alteri homini secundum præsentem statum non indigenti, ut ipsi proveniret, posteaquam in peccata lapsus fuerit: quæ tamen absurda sunt, & contra communem Ecclesiæ sensum, ac praxin. Neque prius illud dici potest: Est enim communis doctrina apud Suarez, & Coninck ll. cc. Vasquez disp. 231. in fine, Ad effectum non solum Sacramentorum, sed etiam Sacrificij requiri intentionem Ministri absolutam, & independentem ab eventu contingente in futurum: v.g. invalidè baptizatur homo sub conditione, si à Fide suscepta defecturus non est. Ratio peti debet ex institutione Christi, quam communis Doctorum sententia, & Ecclesiæ praxis declarat. Accedit, quod si validè applicatur fructus Sacrificij ei personæ, quam postea re intellecta Prælati v.g. mens determinaverit, sicuti arbitratur Corduba loco cit. sequitur, quod in libera potestate Prælati erit crastina die efficere, ut fructus Sacrificij hodie proveniret Titio: vel non proveniret Titio, sed alteri personæ. quod prorsus absurdum est.

Secus verò dicendum, si conditio præterito, aut presentis tempore impleta est: nam secundum eam Sacramentorum, & Sacrificij effectus rectè, ac fructuosè alicui confertur: v.g. Baptismo, si homo es: si baptizatus non es. Absolvo te à peccatis, si capax es. Item, Offero secundum eam intentionem, quam hodie in Sacrificio Prælati mens habuit: aut quam ipse me habere cupit, Vel Offero pro illo qui hodie plurimum pecuniæ in gazophylacium misit. Præterea, Offero Sacrificium pro ea personæ, quæ præterito tempore ex tali Communitate, vel benefactorum numero mortua est.

Verum hic oritur difficilis obiectio. Nam hinc sequi videtur, Sacrificium valide offerri posse pro eo homine, quem Deus scit, primum ex tali Communicate è viuis excessurum: vel pro eo homine viuo, aut defuncto, pro quo Deus scit proximè aliquem Sacrificium postulaturum. Nam sacrificij fructus validè alicui applicatur sub conditione iam existente: Atqui conditio illa, *quem Deus scit*, re ipsa existit: Ergo validè sub tali conditione offertur sacrificium. Hoc verò totum concedunt Corduba, & Vasq. ll. cc. Sed rectius negant Suarez & Coninck. Primò, Quia exinde sequeretur, satisfacere Sacerdotem, si hodie offerat pro eo, quem Deus scit, cras ipsi stipem largiturum: quod tamen ipsemet Corduba negat, & re vera est inconueniens: cum sit *contra usum Ecclesie*, inquit Suarez, & *magnos abusus parere possit, si introducatur*: licet Petrus Nau. n. 379. id pro absurdo non habeat.

Secundò; Quia alioquin validè etiam baptisari aliquis posset, sub conditione, si Deus scit v. g. patrem eius cōsensurum esse. quod alienum ab Ecclesie praxi. Ratio verò est: Nam cum scientia visionis diuinæ obiectiue dependeat ab eiusmodi liberis, & cōtingentibus actionibus (nam ideo Deus scit, Titium hoc, vel illud facturum, quia ipse liberè facturum est) sequitur inde, conditionē hanc, *si Deus scit hoc, vel illud liberè euenturum*, virtualiter non minùs esse de futuro contingente, quàm ipsemet effectus liberè & contingenter euenturus est.

Tertiò; Quia si sciat v. g. Titius, me hodie obtulisse Sacrificium pro eo, quem Deus scit mihi primùm stipē crastino die daturum: tunc libera potestate eius erit efficere, vt hodie ipsi Sacrificij fructus obuenerit. Item, si sciat Titius, me decē sacrificia obtulisse pro ea persona, quam Deus scit primam ex tali Religione insequente anno morituram esse; tunc in libera potestate eiusdem Titij erit, Kalendis Ianuarij, offerendo se martyrio efficere, vt fructus Sacrificij ipsi prouenerit: hæc verò videntur esse absurda. Nam sicuti Deus nec punit, nec præmio afficit hominem propter opera eius liberè postea futura; similiter nec fructum Sacramentorum, aut Sacrificij confert homini: cum respectu & dependentia ad opus ab eo liberè postea futurum. Non quòd hoc ipsum contradictionem inuoluat, aut humanæ libertati causaliter & antecedenter præiudicium aliquod afferat: nam pari modo Christus æterna Veritas prædixit, *Ille est* (qui me tradet) *cui intinctum panem porrexero*: tamen nihilominus in absoluta potestate Iudæ fuit, Christum non tradere, & consequenter efficere, vt Christus æterna Veritas illud de ipso prophetando non prædixerit, quamuis ex hypothesi factæ prædictionis, adeoque secundum necessitatem cōsequentia id non fuerit in eius potestate. Simile quiddam in proposito fieri posset, spectata absoluta Dei potentia: verum secundum ordinariam legem, quam nobis Ecclesie traditio testatur non solet Deus, vt suprà dixi, vel homines punire, aut præmio afficere: aut gratiam Sacramentorum, vel fructum Sacrificij eisdem conferre; secundum præscientiam futurorum contingentium, ac liberorum effectuum: sed secundum præsentem duntaxat hominum statum, ac conditionem: siquidem id magis congruere videtur diuinæ providentiæ, & suauis gubernationi, quæ omnimodè se creaturarum suarum naturis accommodat.

Corollarium. Sacerdos Societatis Iesv non satisfacit, qui per anticipationem Sacrificia Deo offert pro fundatoribus, quorum nomina, tanquam defunctorum, postea promulgabuntur: si eorum mors accidit, posteaquam Sacrificia celebrata fuerunt, satisfacit tamen, si mors contigit ante, Sacrificia peracta, licet sacrificanti ignota fuerit. Volo dicere, quòd Sacerdos possit tria Sacrificia offerre Deo pro eo Collegij Societatis defuncto fundatore, qui proximè mortuus, & postea promulgandus est: non autem pro eo, qui proximè moriturus, & promulgandus erit.

Quæret aliquis hoc loco: Vtrum laudanda sit consuetudo illa, quam in Lotharingia vigere testatur Lucas Pinellus lib. 2. de Missa, c. 7. q. 3. vt aliquis, tanquam mortuus iam sit, exequias pro se fieri, & officium funebre decantari curet, cui ipse præsens assistat? Id licitum esse contendit ibi Pinellus, & Nauar. lib. 3. consil. 6. de celebrat. Missarum: dummodo orationes (v. g. quæ incipit, *Inclina*) significantes aliquem mortuum, non applicentur viuo. Quinetiam id à sanctis viris ante aliquot secula factitatum legimus, vt pro se, dum viuerent, erecto etiam tumulo ante altare, *Requiem*, & officium funebre instituerent: vt Albertus magnus apud Ferdin. Castilium in histor. generali S. Dominici, p. 2. lib. 3. c. 46. edit. Veneta, italicè: & Henricus II. Comes de Roteneck Episc. Ratispon. 33. qui quatuordecim annos ante obitum suum, qui accidit Anno Christi 1296. anniuersarium pro se legi curauit, teste Wiguleo Hundio in historia.

Veruntamen, saluo aliorum iudicio, talem consuetudinem nullo modo introducendam arbitror; sed potius tollendam, si introducta est: tum quia ritibus, & ordinationi Ecclesie Romanæ conformis non est: tum quia non video, quam vtilitatem talis sacrificandi modus habere possit. Nam ex Sacrificio duplex potissimum fructus prouenire solet: vnus est ex opere operato, & infallibilis, quatenus oblatio fit in Christi persona: & hic fructus statim prouenit ei, pro quo offertur, si capax est: nec potest in futurum suspendi, sicuti suprà ex communi sententia dictum fuit: consequenter eiusmodi Sacrificia non liberabunt hominem à purgatorio, si contingat eum post mortē reum esse: sed solum conferunt ad remissionē pænæ temporalis consequendam, dum viuus est: cuiusmodi fructum etiam per alia Sacrificia similiter consequi potest. Alter est fructus, qui per modum impetrationis prouenit, quatenus cum Sacrificio iuncta sunt Ecclesie suffragia, siue preces: & hæc quidem secundum propriam tum institutionem, tum significationem, referuntur ad solos mortuos: vt non nisi improprie, & imperite, ne dicā superstitiosè, viuis applicari possint. Accedit, quòd Sacerdos in his suffragijs, propria sua intentione, non possit mutare intentionem Ecclesie: Intentio autem Ecclesie est, vt Missa, quæ dicitur *Requiem*, & officium funebre dicatur pro mortuis, nam ad eum finem collectæ & preces factæ sunt: ergo inutiliter, & infructuosè, ne dicam superstitiosè, dicuntur pro viuis, quippe præter, aut contra Ecclesie intentionem.

Assertio V. Quatenus Sacerdos orat, & Sacrificium offert in persona Ecclesie, cuius ad Deum legatum agit, nec licitè, nec validè illius intentionem mutare potest, vt vel aliquem excludat, quem Ecclesia in sua generali intentione includit: vel aliquem, puta excommunicatum, includat, quem Ecclesia exclusum esse vult. Intentio autem Ecclesie principalis & directa est supplicandi Deo Patri pro omnibus Christi fidelibus, tanquam membris suis: siquidem Sacerdos ex proprio munere constitutus est intercessor ad Deum pro populo suo, seu Ecclesia. Secundaria verò intentione per Sacerdotē supplicat, & offert Ecclesia pro Catechumenis credentibus, tanquā nouitijs seu expectatibus; atque mēbris suis, saltem desiderio, & proxima potētia, vt suprà dictum. Deinde etiam pro infidelibus: idque non tantum indirectè, quatenus eorum conuersio ad Ecclesie augmentum spectat. qui modus obsecrandi modò vñtatiſſimus est: sed etiam directè pro salute infidelium orare olim non erat alienum ab Ecclesie consuetudine, neque nunc esse videtur, quamuis expresse nominari non soleant, præterquam in officio Feriæ VI. hebdomadæ sanctæ, in quo publicè oratur pro hereticis, & schismaticis; pro perfidis Iudejs; & pro Paganis: ad significandum, quòd Christus pro omnibus hominibus mortuus sit, & pro omnium peccatis, quoad sufficientiam, satisfecerit.

Assertio VI. Quatenus Sacerdos vt priuata persona

Sacrificium

Sacrificium offert, & Deo supplicat (puta in Memento) sic potest fructum tum impetrationis, tum satisfactionis ex opere operantis, secundum priuatam suam dispositionem, prouenturum applicare cuicumque homini capaci, quamuis excommunicatus non tolleratus sit, sicuti ex communi docet Syluest. ver. excommunicatio, 1. num. 2. Nau. cap. 27. n. 36. Suarez disp. 78. l. 2. in fine, Coninck t. 2. disp. 14. dub. 6. Auila p. 2. c. 6. disp. 4. dub. 1. concl. 1. quamuis dubitet Sotus in 4. d. 22. q. 1. a. 1. Ratio est: Quia cum talis oratio, & oblatio sit propria actio ipsius Sacerdotis, meritò eiusdem arbitrio permittitur: neque ab Ecclesia prohibetur, & fortasse prohiberi non potest, quominus ex motu charitatis communicetur cuicumque homini, spiritualium bonorum & salutis capaci: quemadmodum & alij ad Sacrificium concurrentes, priuata deuotione illud offerre possunt pro quibuscunque volunt, tam uiuis quàm defunctis, si capaces esse credantur.

18 Loquor autem de fructu proueniente ex opere operantis. At verò fructus aliquis Sacrificij, quatenus offertur in persona Christi, ex opere operato ita prouenit Sacerdoti, ut alijs eum applicare non possit: quamobrem fructus *specialissimus* appellari solet. Idemque dici potest de alijs concurrentibus, seu offerentibus eum Sacerdote. Nam hæc est conditio effectus ex opere operato, ut sit veluti beneficium personale, proueniens illi tantum, cui datum est. Est autem valde credibile, & communiter receptum Christum instituisse Sacrificium ita, ut aliquis eius fructus certò, & ex opere operato proueniat sacrificanti; & probabiliter etiam alijs offerentibus. Videri potest Suar. disp. 79. l. 9. in fine.

CAP. III.

De obligatione Sacrificandi.

SUMMARIUM.

- 1 Sacerdos, etsi animarum curam non habeat, mortaliter peccare videtur, nisi aliquoties in anno sacrificet.
- 2 Sacerdos curatus frequenter obligatus est ad sacrificandum, vel alium Sacerdotem substituendum.
- 3 Parochus ex iustitia non videtur esse obligatus ad Sacrificium offerendum pro Parochianis suis.
- 4 Si Parochianus offerat stipem pro Sacrificio eius diei, quo scit Parochum sacrificare obligatum esse alia intentione, contentus esse censetur applicatione secundaria.
- 5 In Ecclesiis Cathedralibus, Collegiatis, & Conuentualibus quotidie Sacrificium celebrari debet. Numerum Missarum, vel anniuersariorum minuerè ob casum necessitatis, ad Episcopum, vel ordinis Prælatum pertinet.
- 6 Capellanus ex iustitia obligatur ad eum Missarum numerum, quem litera fundationis requirunt. Refert, utrum obligatio Sacrificij quotidiani loco, an persona à fundatore imposita fuerit.
- 7 Si iustum impedimentum, v.g. infirmitas breui tempore duratura sit, non videtur obligatus Capellanus, ut alium sacrificantem substituatur.
- 8 Consultum est Sacerdotibus, ut quotidie sacrificent.

1 **A**SSERTIO I. Probabilius est, simplicem Sacerdotem mortaliter peccaturum, nisi aliquoties in anno, puta ter, vel quater, in festis præsertim solemnioribus, Sacrificium celebret. Ita S. Th. q. 82. art. 10. Richar. in 4. dist. 13. art. 2. quæst. 3. Palud. ibid. quæst. 2. a. 1. Nauar. cap. 25. num. 88. Sotus in 4. d. 13. quæst. 1. a. 10. Syluest. ver. Missa, 1. q. 7. Vinald. de Euchar. c. de Sacerdote, num. 1. Gregor. de Valentia t. 4. disp. 6. quæst. 10. p. 3. Henriquez lib. 9. c. 23. Azor tom. 1. lib. 10. cap. 24. q. 1. Suar. disp. 80. sect. 1. Agid. Coninck q. 83. a. 2. dub. 1. Llamas p. 3. Methodi, cap. 5. §. 14. Probatur Primò, ex verbis Christi Luc. 22. *Hoc facite in meam commemorationem*: quibus verbis, ait Trid. Synodus sess. 21. c. 1. Christum Aposto-

lis, eorumque in sacerdotio successoribus, ut offerrent, præcepisse. Secundò ratione; Quia hoc est discriminem inter Sacramenta, & Sacrificium: quòd Sacramenta referantur ad fidelium vsum: quare ad illorum administrationem ij solidum obligantur, qui fidelium curam gerunt, Sacrificium verò pertinet ad offerendum Deo, ad quod quilibet Sacerdos obligatur, ratione ordinationis suæ; quippe in qua non tantum potestatem, sed etiam officium seu munus sacrificandi suscepit, conuenienter Apostolo ad Hebr. 5. *Omnis namque Pontifex ex hominibus assumptus, pro hominibus constituitur in ijs quæ sunt ad Deum, ut offerat dona, & sacrificia*. Quare 2. Machab. 4. deploratur tanta temporis eius infelicitas: ita ut Sacerdotes iam non circa altaris officia dediti essent: sed contempto templo, & sacrificijs neglectis, festinarent participes fieri palestra. Ita respondet S. Th. in 4. dist. 13. q. 1. a. 2. q. 2. ad. 2.

Dixi autem, esse hanc assertionem probabiliorẽ; quia contraria est grauius etiam Auctorum, ut S. Bonau. in 4. dist. 13. p. 2. a. 2. q. 1. Halensis in 4. quæst. 51. mem. 2. Victoriæ de Euchar. n. 93. simplicem Sacerdotem, cessante scandalo, & contemptu, non obligari sub culpa mortali ad sacrificandum; dummodo sacram Communionem cum laicis in Paschate sumat: quia nullius præcepti diuini, aut humani obligatio satis ostendi possit; & sanctos quosdam viros ob humilitatem à sacrificando abstinuisse legamus. Verum obligationem præcepti diuini ex ipsa institutione Sacrificij, & muneris Sacerdotalis supra ostendi: cui etiam consentire videtur Innoc. III. in c. dolentes, de celebrat. Missarum, qui inter abusus etiam istud numerat, quòd reperiantur, qui *Missarum solemnium vix celebrant quater in anno*. Et Trident. Concil. sess. 23. c. 14. de reform. *Curet Episcopus, ut Sacerdotes saltem diebus Dominicis, & festis solemnibus celebrent Missas*. Ad alterum respondet S. Tho. ex D. Ambrosio in oratione quadam: *Graue est, quòd ad mensam tuam mundo corde, & manibus innocentibus non veniamus: sed grauius est, si, dum peccata metumus, etiam Sacrificium non reddamus*.

Assertio II. Sacerdos curatus per se, vel per alium omnibus illis diebus celebrare obligatus est, quibus plebs ipsi subdita ex præcepto Ecclesiæ Missam audire debet. Quæ est communis sententia Soti distinct. 13. q. 2. a. 2. Azor cit. c. 24. q. 2. Suar. disp. 86. sect. 1. Tol. lib. 2. c. 3. Coninck cit. dub. 1. concl. 1. Nam ideo Parochi, & Pastores animarum à fidelibus decimas, aliàsque oblationes accipiunt; quia ipsis dispensare debent ea, quæ ad salutem necessaria sunt.

Adde I. Si populus copiosus sit, ut simul ad Missam diebus festis audiendam concurrere non possint; plures Missas Cooperatorum, vel aliorum beneficiariorum auxilio legendas esse: idque ad Episcopum, habita ratione reddituum, ordinare pertinebit. quæ de re videri potest Leo I. in epist. 81. c. 2. ad Dioscorum Alexandrinum Patriarcham.

Adde II. Decens esse, ut Parochi, qui vberiores redditus habent, sæpius etiam in hebdomade sacrificent: imò Sotus lo. cit. arbitrat, eos ad hoc obligari, idque probabile putat Azor cit. q. 2. Alij verò huius obligationis non meminerunt. Quare existimo, circa hanc rem inprimis Ecclesiæ cuiusque consuetudinem spectandam esse: deinde ad munus Episcopi pertinet prouidere, ut ciuitatibus & oppidis, quibus populus frequentior est, vno, aut pluribus locis, pro maiore, vel minori multitudine hominum, qui accedere possint, quotidianum Sacrificium celebretur: atque ob eam causam si Ecclesiæ Collegiatæ, vel aliarum fundationes desint, interdum Parochi talem obligationem imponere; habita tamen inprimis ratione decimarum, aliorumue reddituum eius, ne plus æquo grauetur. Quæ doctrina confirmatur ex traditione Patrum, quotidiani Sacrificij mentionem facientium, quia quotidie in Ecclesijs offerri solet. S. Chrysost. hom. 17. ad Hebr. & hom. 61. ad popul. Antiochen. S. Aug. lib. 10. de ciuit.

cap. 20. & epist. 23. ad Bonifacium, Patres Concil. Toletan. 1. c. 5.

3 Adde III. Licet Sotus in cit. a. 2. & lib. 9. de iust. q. 3. a. 1. arbitretur, Parochum obligatum esse non tantum sacrificium Missæ celebrare, vt subditi interesse possint, sed etiam pro eisdem offerre, alij tamen, vt Nau. cit. n. 135. Suar. disp. 86. sect. 1. negant, talem obligationem Parocho ratione muneris sui incumbere: nisi fortè specialis consuetudo, vel lex diocesana ita requirat. Ratio est; Quia beneficia curata propriè instituta sunt ad pascendum populum verbo, & sacramentorum ministratio, non item ad sacrificandum pro illo: quandoquidem id per se non pertinet ad directionem, aut spirituale pactum ouium commissarum. Interim tamen lex charitatis, & æquitatis ratio suadet, vt Pastores ordinarij, videlicet Papa, Episcopi, Ordinum Prælati, Parochi, pro suis subditis Deo intra, & extra Sacrificium, frequenter supplicent; aliquando etiam pro eisdem offerant.

4 Adde IV. Si ijs diebus, quibus Parochus ratione consuetudinis, vel foundationis obligatus est sacrificare pro populo, vel pro defunctis, Parochianus aliquis Sacrificium pro se offerri postulet; refert, vtrum talis obligatio Parochi in eo loco nota sit: tunc Parochianus stipem offerens pro Missa legenda, censetur iuri suo renunciare, atque contentus esse secundaria intentione, & fructus applicatione; ne alioquin ad alienam parochiam accedere cogatur, sicuti docet Henriquez lib. 9. cap. 22. n. 6. Suarez disput. 86. sect. 3. post Sotum lib. 9. de iust. q. 3. a. 1. Quod maximè locum habet, si Parochus tenues redditus habeat: nam alioquin, si reddituum vbertas permittat, Cooperator aduocandus esset, vt pia fidelium petitioni plenè satisfieri possit. Sin autem fideles stipem offerentes (seu Parochiani sint, seu extranei) obligationem Parochi ignorare existimentur, tunc ipsis significari debet; cum alioquin meritò inuiti esse, & de iniuria ac spirituali damno conqueri possent, sicuti Suarez loco cit. annotauit.

5 Assertio III. Episcopis, ac Prælati Ecclesiarum Cathedralium, Collegiatarum, & Conuentualium obligatio incumbit, vt in talibus Ecclesijs quotidie saltem vnam Missam celebrari curent. Ita docet Sot. cit. dist. 13. q. 2. a. 2. Rodriguez t. 1. qq. regul. q. 43. a. 14. Suar. disp. 80. sect. 2. assert. 2. Egid. Coninck q. 83. a. 2. dub. 1. & colligitur ex c. cum creatura, de celebrat. Missarum: Excipiunt tamen Sotus, & Suar. II. cc. Nisi valde exiguus sit Conuentus, aut numerus Sacerdotum; tum semel, aut iterum in hebdomade intermittere vel nullum, vel saltem non mortale peccatum fore. Imò Victorian. 94. absolutè negat, mortaliter peccari, si aliquo die Missa in tali Ecclesia intermitteretur: sed alij à mortali non excusant, si sine causa omittatur, quibus & consuetudo, ac fidelium persuasio ad stipulati videtur.

Addunt verò Canonistæ in citat. c. cum creatura, vbi Abb. 5. Item nota; Non vnam tantum, sed etiam alteram pro defunctis in his Ecclesijs Missam legendam esse. Quod tamen neque in illo cap. neque alio iure expressum est: ideoque cuiusque Ecclesiæ tum consuetudo, tum literæ foundationis inspiciendæ sunt, vt intelligatur, quot Missarum obligatio incumbat. Quod si verò in aliqua Ecclesia magnus sit Missarum, vel anniuersariorum numerus, ex varijs defunctorum foundationibus celebrandus, quibus vel ob paucitatem Sacerdotum, vel ob prouentuum tenuitatem, satisfieri omnibus non possit, concessit Tridentin. Concilium sess. 25. c. 4. de reform. facultatem Episcopis, vt in Synodo diocesana; itemque Abbatibus, & Ordinum Generalibus, vt in suis Capitulis, re diligenter perspecta, moderationem aliquam adhibeant, siue ad minorem numerum Missas redigant, sicuti in conscientia sua expedire iudicauerint: ita tamen, vt eorum omnium defunctorum, qui pro suarum animarum salutem aliquid reliquerunt, commemoratio fiat, id est, collecta

aliqua interponatur. Quæ quidem constitutio Tridentina, quod ad Episcopos attinet, nouam illis facultatem non tribuit: quia eam iure communi etiam antè obtinuerunt: cum sit casus necessitatis, sicuti docent Nauar. c. 25. n. 138. Henric. cit. c. 22. n. 6. Rodriguez cit. q. 43. a. 13. Qui rectè notant, posse Episcopos, etiam extra Synodum, interdum eiusmodi necessitatibus succurrere, sicuti & iure antiquo poterant: quemadmodum etiam numerum Missarum, in capellanijs collatiuis, ob iustam causam, videlicet stipendij tenuitatem, ad minorem numerum redigere consueuerunt, sicuti ex communi docet Henric. ibid. Azor t. 2. lib. 6. c. 24. q. 6.

Assertio IV. Capellanus ex iustitia, sub mortali culpa obligatus est ad eum Missarum numerum, quem literæ foundationis requirunt. Ita omnes. Ceterum, si fundatio quotidianum Sacrificium exigit, tunc ex verbis, quibus fundator usus fuit, coniectura capi debet, locutione, an personæ obligationem imponere voluerit. Nam in primo casu operam dare debet Capellanus, vt in designato altari quotidie Sacrificium fiat à se, vel ab alio. Altero verò casu fundatio hanc interpretationem recipit, vt ipsemet Capellanus omnibus diebus celebrare teneatur, quatenus potest, salua honestate ac deuotione, argument. cap. significatum, de præbendis, & docet Abb. ibid. Syl. ver. Missa, l. q. 7. Nauar. c. 25. n. 135. Azor cit. c. 24. q. 7. Tolet. lib. 2. c. 3. Rodriguez loco citat. a. 10. in fine. Quare in quibusdam Ecclesijs consuetudo est, ijs Capellanis, quibus quotidiani Sacrificij obligatio incumbit, vnum vacationis diem in hebdomade largiri: eò quod; ob humanam fragilitatem, Sacerdotes, præsertim seculares, omnibus omnino diebus ad sacrificandum dispositi non sint.

Sed dubium est: Si Capellanus seu quotidie, seu ter, quater in hebdomade celebrare obligatus, infirmitate, aut simili non voluntaria causa impediatur, vtrum per alium officio satisfacere, vel Missas neglectas postea compensare debeat? Arbitror, in primis spectandam esse cuiusque Ecclesiæ constitutionem, vel consuetudinem: nam explicare modum, ac rationem satisfaciendi Fundatorum voluntati ad Prælatum Ecclesiæ pertinet, sicuti loco cit. notauit Abb. Deinde placet mihi responsio Petri Nauarri lib. 2. de restit. c. 2. n. 210. Si infirmitas, aliudue impedimentum breui tempore duret, v. g. vna, vel altera hebdomade, aut vno mense: præsumendum non est, Fundatorem & Ecclesiam obligare velle ad compensandum. Nam etiam herus, tametsi iure detrudere possit de mercede famuli, propter eius ægritudinem, sicuti colligitur ex l. si vno, §. item cum, ff. locati, & docent Angelus, Sylu. & Armilla ver. familia, Couar. 3. resol. cap. 13. n. 8. Diez lib. 1. qq. practicarum, q. 8. §. 2. Si tamè pius & benignus sit, non facile detrudere solet, quando ægrotatio breui tempore durauit. Sin autem ægrotatio, aliudue Capellani impedimentum diutius duret, tum Vicarius statuendus est: ne longo tēpore Ecclesia, & Fundator spirituali fructu priuentur: Quod limita: Nisi stipendium tenue sit, & alendo Capellano infirmo necessarium: siquidem etiam dominus famulo ægotanti necessaria alimenta præstare debet, vti Doctores citati docent.

Assertio V. Consultum, & valde decens est Sacerdoti (per se loquendo) vt quotidie sacrificet. Est communis assertio, quæ satis ostenditur auctoritate, & praxi Ecclesiæ. Nam S. Andreas, vti testantur Presbyteri Achaiz, gloriatus est, quod omni die sacrificaret, immaculatum agnum in altari crucis offerens: eandemque quotidie sacrificandi consuetudinem probant Africani Patres lib. 1. epist. 2. S. Cypriani, S. Ambros. orat. in funere fratris; Hippolytus orat. de consummat. mundi, S. Hieronym. lib. 1. aduersus Iouinian. Siricius Papa in epist. ad Himerium, cap. 7. Innocent. I. in epist. ad Exuperium, S. Chrysostom. homil. 17. in epist. ad Hebræos, Gregor. I. homil. 73. in Euangel. & lib. 43.

lib. 4. Dialog. c. 56. scribens de Cassio Episcopo quotidie sacrificante. Beda allegatus à Gabr. lect. 87. in canon. *Sacerdos non legitime impeditus celebrare omittens, quantum in eo est, privat S. Trinitatem laude, & gloria; angelos letitia, peccatores venia, iustos subsidio & gratia, in purgatorio existentes venia, Ecclesiam speciali Christi beneficio, & seipsum medicina ac remedio.* Etenim Sacrificium nouæ legis suapte institutione non arctatum loco ac tempore; sicuti Iudaicum; sed iuge, & continuum esse debet, vt omni die, ac loco offeratur, sicuti prædixit Daniel Propheta c. 12. & Malachias c. 1. quam Malach. prophetiam explicant Tertull. lib. 4. contra Marcionem, Iustinus Martyr Dial. cum Tryphone, Chrysost. in psal. 95. & orat. 2. aduersus Iudæos, Aug. lib. 18. de ciuit. c. 35. Adde, quod ipsemet etiam Sacerdos in ordinatione sua gratiam accipiat, atque suo tempore speciale Dei auxilium paratum habeat ad dignè celebrandum. Vide Gersonem p. 2. operum, tr. de præparat. ad Missam. Gabr. lo. cit. Suar. disp. 80. s. 2. Azor to. 1. lib. 10. c. 24. q. 10. Palud. in 4. d. 12. q. 1. a. 4. qui bene moment, per accidens interdum, si Sacerdos non bene dispositum se sentiat, melius esse, ob Sacramenti reuerentiam, à sacrificando abstinere.

CAP. IV.

De tempore, quo sacrificare licet, vel non licet.

SUMMARIUM.

- 1 Communi iure licitum non est sacrificare ante auroram, neque post meridiem.
- 2 In die Natalis Domini, non tantum vnā, sed etiam alteram, & tertiam Missam ante auroram celebrare licet, secundum quorundam probabilem sententiam.
- 3 Episcopus ob causam dispensare potest, vt ante auroram, vel post meridiem sacrificare liceat.
- 4 Ob causam necessitatis licitum est post meridiem sacrificare.
- 5 Non est peccatum mortale celebrare Missam ante dictas preces matutinas: sin causa ita celebrandi subsit, nullum peccatum est.
- 6 Eodem die non est licitum bis celebrare: exceptis quibusdam casibus. Mystrium est, quod in die Natalis Domini tres Missæ dicere liceat.
- 7 Feria Sexta hebdomada sancta sacrificium Missæ, non celebratur.
- 8 In Sabbato sancto plerique Sacerdotes abstinere à celebratione priuata.
- 9 Feria V. hebdomada sancta licitum est Sacerdotibus celebrare.

ASSERTIO I. Toto tempore, quod est ab initio auroræ vsque ad meridiem, licitum est Missas priuatas celebrare. Est communis doctrina, & praxis Ecclesiæ. Solemne autem & publicum diei officium cantandum est eo tempore, quo cuiusque Ecclesiæ consuetudo præscribit; quod ferme vbique esse solet tertia diei hora, iuxta c. non liceat, d. 4. c. nocte, c. & hoc, d. 1. de consecrat.

ASSERTIO II. Communi iure non est licitum sacrificare ante auroram. Ita S. Th. q. 83. a. 2. & Doctores omnes. Cuius rei mysticam rationem affert Palud. in 4. dist. 13. q. 2. a. 2. Suar. disp. 80. s. 4. Tum quia Christus qui in Sacrificio offertur, est candor lucis æternæ: tum quia Sacrificium hoc proprium est legis gratiæ, in qua Fides, & alia Dei dona supernaturalia clariùs fulgent. Moralis verò ratio est: quia nocturnum tempus non ita opportunum est, vt populus cum tanta reuerentia, ac dispositione interesse possit, sicuti tempore diuturno.

2 Circa hanc assertionem aliqua aduertenda sunt: I. Excipienda est dies Natalis Domini, in qua nocte sacrificare concessum est, cit. c. nocte. Imò Suarez cit. s. 4. Coninck q. 83. a. 2. dub. 4. existimant, non vnā tantum; sed etiam alteram, & tertiam Missam ante auroram priuatim legi posse: licet contrarium sentiat Nau. c. 25. n. 87. secutus Angelum ver. Missa, §. 40. Syl. eod. ver. 1. q. 4. & 7.

II. Probabilis, & in praxi tuta est sententia Suar. cit. s. 4. Henrici lib. 9. c. 24. n. 5. Rodriq. to. 1. regul. cit. q. 43. a. 1.

Satis fore ad culpam euitandam, si Missa priuata ad initium auroræ finiatur, vt proinde duabus circiter horis ante solis ortum Missam inchoare, illicitum non sit; propterea, quod tempus sacrificandi non possit omnino mathematicè definiri, vt notauit Palud. d. 13. q. 2. a. 2. Victorian. 96. de Euchar.

III. Episcopus in casu particulari dispensare potest, vt ante auroram sacrificare liceat; multò que magis ipsemet tali facultate vt ob causam v. g. itineris instituendi, sicuti ex communi docet Coninck dub. 4. Quod si Episcopus absens sit, etiam sine eius licentia, ante auroram sacrificare licebit Sacerdoti, vt morituro S. Eucharistiam dare possit, sicuti docent S. Anton. p. 3. tit. 13. c. 6. §. 4. Nau. c. 25. n. 85. Victor. cit. n. 95. qui addit, etiam nocte media in tali necessitatis casu sacrificare licitum esse. quod verum videtur per se loquendo, & cessante scandalo: licet contrarium senserit Henrici cit. n. 5.

Id verò minus placet, quod idem Henrici facultatem ante auroram celebrandi Sacerdoti concedit ob aliam honestam causam, v. g. vt commodè iter suum perficiat: est enim id contra canonem, & consuetudinem Ecclesiæ vniuersalis, cui conformari plurimum interest. Excipe cum Soto in 4. d. 13. q. 2. a. 2. nisi modica sit anticipatio, cuius in materia morali ratio non habetur; vel nisi causa publica sit, v. g. quia populus peregrinationem instituturus est.

IV. Priuilegium Regularibus concessum, quod cum licentia suorum Prælatorum, Missas celebrare possint hora ante auroram, & hora post meridiem, vt videre est apud Rodriq. cit. q. 43. a. 1. & in compendio priuilegior. Societatis Iesu ver. Missa, §. 3. ita intelligi debet, vt dictis Regularibus celebrare concessum sit vna hora ante, aut hora post tempus illud, quo alijs communi iure sacrificare licet. Nam verba priuilegij ita accipi debent, vt aliquid ultra commune ius operentur. Ex quo colligit Suar. cit. s. 4. Rodriq. l. c. virtute huius priuilegij Regulares, cum licentia suorum Prælatorum, tribus horis ante solis ascensum Missam inchoare posse: siquidem etiam sine priuilegio licitum est duabus horis ante solis ortum sacrificare, vt supra dictum. Ego verò puto, hanc extensionem esse iniuriam, præsertim tempore æstiuo in Septentrionalibus partibus: cum constet, Papam interdum priuilegia concedere Missam inchoandi duabus horis ante solis ortum. quod signum est, id communi iure per se licitum non esse; sed solum ob probabilem quorundam Doctorum extensionem: quæ tamen non ita locum habet in priuilegio, quippe quod strictè potius interpretationis esse debet, quatenus à communi iure exorbitat.

V. Consuetudo, quæ quibusdam Galliarum partibus; item in Belgio, & superiore Germania viget, vt in ciuitatibus hyemis tempore, tribus, vel quatuor horis ante solis ortum, Missa inchoetur, reprehendi non debet: quia iusta ratione introducta est, vt his regionibus Septentrionalibus, quibus in hyeme sol serò oritur, operarij, & famuli prius Missæ sacrificium audire possint, quam ad opus se accingant. Ita docet Nau. c. 25. n. 85. Agid. q. 83. a. 2. d. 4.

ASSERTIO III. Iure communi licitum non est sacrificare post meridiem. Quæ est communis doctrina, fundata in consuetudine Ecclesiæ, & approbata in regula Missalis, & à Pio V. constit. II. quæ incipit, *Sanctissimus*. Sunt verò aliqua aduertenda: I. Satis est ad euitandam culpam, si Missa inchoetur ante meridiem; vel etiam in meridiem, quamuis postea finiatur, sicuti docet Suar. cit. s. 4. Rodriq. cit. q. 43. a. 2. Coninck cit. dub. 4.

II. Episcopus ob iustam causam dispensare potest in casu particulari, vt post meridiem sacrificetur, sicuti supra de anticipatione dictum: est enim eadem ratio.

III. Ob eandem necessitatis causam, potest Missa inchoari etiam post meridiem, non petita Episcopi licentia: v. g. ne infirmus sine Viatico decedat; propter Principis sumus; propter publicam concionem, festo die vsq;

ad meridiem, vel amplius producta, licebit postea Missam priuatam inchoare, præsertim si pars aliqua populi nullam auduit, secundum monitum Leonis Papæ epist. 81. ad Episcopum Alexandrinum Dioscorum; cap. 2. Item si Sacerdos festo die, ratione itineris, impeditus fuerit, licebit Missæ initium facere vna hora post meridiem, sicuti docet Henric. c. 24. n. 6. Miranda in man. Prælat. t. 1. q. 40. a. 11. Suar. disp. 80. l. 4. & post ipsum Rodriq. cit. a. 2. aiuntque id consuetudine observari. Quinimò ex quacunque iusta occasione poterit Missa paulò post meridiem; puta vno, vel altero quadrante, inchoari: quia res huiusmodi morales moraliter, & non mathematicè accipi debent, uti suprà de anticipatione dictum est: idemque notant Palud. & Sotus l. cc.

Uterius autem Nau. cit. n. 85. Viuald. in candelabro, de Euchar. c. de præparat. n. 50. Llamas p. 3. meth. c. 5. §. 18. arbitrantur, illicitum non esse communi iure, aliquot horis post meridiem celebrare, si scandalum cesset; propterea quòd olim id licitum fuerit: quia eadem hora, videlicet nona, Christus in cruce Sacrificium cruentum Deo Patri obtulit. Et S. Th. q. 83. a. 2. ait: *Quia Dominica passio celebrata est à tertia hora usque ad nonam, ideo regulariter in illa parte diei solemniter hoc Sacramentum in Ecclesia celebratur.* Quòd autem tempus sacrificandi postea anticipatum fuerit, id accidit ob hominum fragilitatem, non valentium tamdiu ieiunium perferre: quamobrem ait Nauar. se, cum iter faceret, frequenter solitum esse, præsertim festis diebus, postquam ad locum intentum deuenit, post meridiem celebrare. Veruntamen sententia hæc communiter reprobat, uti videre est apud Azor cit. to. 1. c. 25. q. 1. Suarez cit. l. 4. Marcellinum de horis canonis c. 41. Quia omnium Ecclesiarum consuetudo repugnat; propterea quòd tempus antemeridianum nunc magis ad sacrificandum opportunum sit; cum postea populus ad cibum capiendum se conferre soleat: quamobrem etiam Trident. Synodus sess. 22. in decreto de observandis ritibus sacrificij Missæ, præcepit, *ne Sacerdotes alijs, quam debitis, (id est, in Ecclesia communiter consuetis) horis celebrent.* Olim verò, cum populus in diebus ieiuniorum ante horam nonam, seu tertiam post meridiem, cibum non caperet; etiam Missa ijs diebus serius celebrabatur, uti colligitur ex c. solèt, dist. 1. de consecrat. & c. ordinationes, d. 75. idque voluit S. Th. cit. a. 2. Et nihil ob stare arbitror, quin etiam hodie in diebus v. g. Ordinationum solemne officium Missæ post meridiem cantetur, uti docet Palud. in 4. d. 13. q. 2. a. 2. Sotus ibid. & Richard. a. 2. q. 4. S. Anton. p. 3. tit. 13. c. 6. §. 5.

Assertio IV. Non est peccatum mortale sacrificare ante dictas preces matutinas. Hæc est probabilior, & apud recentiores magis recepta sententia, Soti dist. 13. q. 2. a. 2. & lib. 10. de iust. q. 5. art. 4. Lud. Mirandæ t. 1. manualis Prælat. q. 40. a. 12. Vasq. tr. de beneficij, c. 4. n. 65. Sa ver. Missa, n. 22. Carbonis lib. 9. de legibus, disp. 5. Valentia t. 3. disp. 6. q. 2. p. 5. Suar. disp. 82. l. 1. assert. 1. Coninck. cit. d. 4. Scortij lib. 2. c. 6. Lessij lib. 2. c. 37. dub. 12. Rodriq. l. c. a. 3. cōtra Palud. cit. dist. 13. q. 2. a. 2. Nau. c. 25. man. n. 83. & de orat. c. 3. Azor to. 1. lib. 10. c. 28. q. 17. Angelum ver. Missa, §. 42. Armillam ver. hora, n. 18. Francol. c. 42. Viuald. in candel. de sacram. Euchar. cap. de præpar. ad Euchar. num. 10. & alios apud Sylu. ver. Missa, l. q. 6. dicto 4. Henric. lib. 9. c. 24. n. 7. Et si enim oporteat Matutinum cum Laudibus (sicuti & in regula Missalis præscribitur) ante Missam recitare, tum cuiusdam præparationis causa, tum quia Matutinum ad noctem pertinet, Missa ad diem: tamen id ad ritum seu ordinem tantum accidentalem, atque Missæ valde extrinsecum spectat: ut granem obligationem continere non possit, per se loquendo. Confirmatur: Nam qui horas canonicas præposterè, absque iusta causa recitat, v. g. Tertiam ante Primam, non plus, quam venialiter peccat: cum tamen maior sit ratio ordinis inter horas, quam horarum cum Missa.

His quædam addenda sunt: I. Sine vilo peccato sacrifi-

cari potest, nondum dicto Matutino, ob causam necessitatis, v. g. ob Principis aduentum, ob funus delatum: si tali casu non adsit Sacerdos qui Matutinum dixerit. Rectè etiam monent Suar. t. 2. de relig. lib. 4. de horis; cap. 24. Azor cit. cap. 28. q. 29. minorem causam sufficere, ut Laudes Sacrificio postponantur, quam ut Matutinum.

II. Qui iusta de causa, v. g. infirmitatis, vel occupationis excusatus est à recitandis horis: nihilominus sacrificare potest, sicuti ex communi docent Sotus, Sa, Suarez, Azor.

III. Nullum omnino peccatum est, sacrificare ante dictam Primam, sicuti communiter docent Doctores, contra quosdam apud Angelum, & Syl. locis cit. Nau. c. 3. de orat. n. 70.

IV. Sermo hoc loco tantum est de Missis priuatis. At verò in solemni officio seruanda est Ecclesiæ consuetudo, ut non cantetur ante Matutinum, Laudes, & Primam publicè decantata. Qua de re Angelus & Vasq. l. cc. Suar. cit. l. 1. in fine.

Assertio V. Eodem die non est licitum his sacrificare: 6 excepto Natali Domini: & si casus necessitatis postulet. Est doctrina S. Th. q. 83. a. 2. & communis, sumpta ex cap. sufficit, dist. 1. de consecr. *Sufficit Sacerdoti unam Missam in die una celebrare; quia Christus semel passus est, & totum mundum redemit: & valde felix est, qui unam dignè celebrare potest.* Et ex c. te referente: c. consuluit, de celebrat. Missarum: *Excepto die Natiuitatis Dominice, nisi necessitatis causa suadeat, sufficit Sacerdoti semel in die unam Missam solummodo celebrare.* In ipsa porro Natiuitatis die, tres Missas legendi antiquissimam consuetudinem esse, colligitur ex Greg. I. homil. 8. in Euangelia, Beda in serm. de Natiuit. idque vel ad significandum triplicem Christi natiuitatem: æternam ex Patre cœlesti, temporalem ex Maria Virgine, & spirituales in hominum cordibus, uti putat S. Tho. cit. a. 2. ad 2. Vel ad significandos tres hominum status; ante legem Moysis, sub lege Moysis, & post legem, qui est status gratiæ, uti vult Beda cit. 10. Veruntamen nullum præceptum extat eo die tres Missas dicendi, vel audiendi: sed sufficit, spectata obligatione iuris communis, si vna ex illis tribus legatur, vel audiat, sicuti ex communi docet Nau. cap. 21. n. 2. & lib. 3. consilio 1. de celebr. Missarum, edit. 2.

Casus verò necessitatis, in quibus licitum sit Sacerdoti iterum sacrificare, si ieiunus sit, plures à Doctoribus afferuntur, sicuti videre est apud Gl. in cit. c. consuluit, Palud. in 4. d. 12. q. 1. a. 4. Duran. in rationali, lib. 4. c. 1. n. 25. Anton. p. 2. tit. 13. c. 6. §. 5. Syluest. ver. Missa, l. q. 7. Nau. c. 25. n. 87. Victor. n. 95. Henric. lib. 9. cap. 30. n. 7. Suar. disp. 80. l. 3. Coninck cit. a. 2. dub. 3. Scortiam lib. 2. cap. 16. Primus. Ne moriturus sine viatico decedat, quia non adest hostia consecrata. In quo tamen casu si Sacerdos ia Missa post consecrationem, vel saltem post oblationem moneatur de communicando infirmo, particulam suæ hostiæ in hunc usum seruare potest: sin moneatur statim post sumptam hostiam, abstineat ablutione, & nouam Missam inchoet, sicuti in die Natiuitatis fieri solet: nunquam autem (sicuti alicui simplices, & indocti existimant) in solo pane iterum consecrare licitum est, pro infirmo. Secundus. Ne populus die festo Missa priuatur, puta quia Parochus, Cooperatore carens, duabus parochijs præest: vel in dedicationis die Ecclesia magnum populi concursus non capit.

Tertius. Ob nuptiarum benedictionem. Quartus. Ob mortui sepulturam, cui Missæ officium adiungi postulat. Quintus. Ob peregrinorum, vel processionis inexpectatū aduentum, præsertim die festo. Sextus. Ob Episcopi, vel Principis viri aduentum, etiam die non festo. Septimus. Si eodem die duæ Missæ concurrant, vna de die, aut festo: altera verò de vigilia, vel rogationibus, aut defunctis, & non adsit, nisi vnus Sacerdos.

Circa hos verò casus aduertendum est primum ab omnibus admitti. De secundo item vix dubium esse potest: si eo tempore, loco &c. res versetur, vt plures Sacerdotes haberi non possint. Qua ratione Nau. lib. 3. consil. 2. de celebrat. Missarum, edit. 2. Azor cit. lib. 10. c. 24. q. 6. §. Quæres, & plures alij existimant, in Anglia, vbi pauci Sacerdotes sunt, posse aliquem sæpius in die sacrificare ad satisfaciendum populo Catholico. Idque non tantum in diebus festis, sed interdum etiam in profestis locum habere potest, secundum opinionem Suar. l. c. considerata tamen consuetudine cuiusque diocesis, ne contra eam aliquid insolitum, sine graui necessitate, fiat. Reliqui verò casus valde incerti sunt, & hodie vix locum habere possunt: siquidem hoc tempore, quo magna est Sacerdotum copia, Ecclesiastica consuetudo minus, quam olim, Sacrificij repetitionem permittere videtur, vt Victorius notauit. Attamen, si præter vnā ex illis causis, maior aliqua necessitas accedat, v.g. populi querimonia, vel scandalum, nisi iterum sacrificetur; tunc etiam hodie locus erit legi Ecclesiasticæ, quæ dictam licentiam in casu necessitatis, secundum boni viri arbitrium æstimato, tribuit. Cum enim talis necessitas hoc tempore in plerisque diocesis rarissime occurrere soleat, non potest dici, consuetudinem repugnare; sed ideo consuetum non esse bis sacrificare, quia casus necessitatis facile occurrere non solet; aut tamen si occurrat, Sacerdos ob ignorantiam, licentia sua non vtantur. Veruntamen in tali casu omnino requiritur: vt Sacerdos; cum primò sacrificat, præsciis sit postea iterum sibi sacrificandum fore, ne in priore Missa ablutionē sumat, sicuti notant DD. in c. ex parte, vbi Abb. n. 1. de celebrat. Missarum.

Quærunto porro Doctores: Vtrum non tantum bis in die, sed etiam sæpius sacrificare licitum sit, si causa necessitatis ita postulet? Negant Palud. in 4. d. 12. quæst. 1. a. 4. concl. 4. Sotus d. 13. q. 2. a. 2. Durandus in lib. 2. de ritibus Ecclesiasticis, c. 7. sed rectius affirmant Suar. & Coninck. Et casus esse potest, si Parochus, cuius Cooperatores subito morbo correpti sunt, tres Ecclesias habeat; in quibus omnibus Missæ sacrificium celebrare necessarium oporteat.

7 Assertio VI. Feria sexta hebdomadæ sanctæ illicitum est sacrificare, sicuti ex antiqua Ecclesiæ traditione testatur Innoc. I. epist. 1. ad Decentium, c. 4. & refertur in cap. Sabbatho, d. 3. de consecrat. Rationem adfert S. Th. cit. q. 83. a. 2. ad 2. Cum Ecclesia colat, & exhibeat realem passionē, & cruentum Sacrificium Christi, ideo non repræsentat mysticè, seu non immolat incruentè: Si quidem Sacerdos in solemni officio Parasceues non consecrat; sed hostiam pridie consecratam & asseruatam, vnāqueque eius particulam vino iniectam sumit. Neque alienum esse ab Ecclesiastica consuetudine, etiam populum eo die communicare, constat ex ferm. B. Dorothei de mendacio, non longè post princip. Amalario lib. 1. de Ecclesiast. officijs. c. 15. & Ordine Rom. in officio diei Parasceues.

8 Assertio VII. Similiter in Sabbatho sancto olim prohibitum erat sacrificare, teste Innocentio I. c. Nam Ecclesia toto etiā illo die in ieiunio, luctu, & representatione mortis Dominicæ perseuerabat, Missamque; Resurrectionis ipsa nocte celebrabat: postea verò Missa anticipata fuit ad tempus antemeridianum Sabbathi. Ex quo controuersia inter Doctores nata est; vtrum nunc tempore antemeridiano licitum sit non tantum vnā Missam solemnem, sed etiam plures priuatas celebrare: sicuti olim licitum erat in nocte Resurrectionis? Negant Nau. c. 25. n. 88. Francolinus de tempore horarum canonicarum, c. 30. Henriq. lib. 9. c. 24. n. 3. Sed affirmant Sotus d. 13. q. 2. a. 2. Gutierrez lib. 1. canon. qq. 30. n. 36. Suarez disp. 80. l. 2. Coninck cit. a. 2. dub. 2. Scortia lib. 2. c. 6. Quæ sententia probabilis est, & vt Suar. & alij testantur, à quibusdam viris probis, ac doctis ipso vsu recepta: propterea quòd tota ratio, cur olim prohibitum fuerit, eo die sacrificare,

hodie cessarit. Nihilominus tutius est abstinere; etiam priuatim: nisi causa aliqua exigat, v.g. ad infirmum communicandum, vt Henriq. notauit. Item, si alia causa suadeat, quia v.g. multi solemni officio interesse non potuerunt, qui in priuato sacello sacrificari postulent, saltē cum Superioris consensu, sicuti fatetur Azor cit. lib. 10. c. 24. q. 4. Publicè autem in Ecclesia, præter officium solemne, aliæ Missæ celebrandæ nō sunt, cū populi admiratione, & scandalo; & contra receptam Ecclesiæ consuetudinem.

9 Assertio VIII. Feria quinta hebdomadæ sanctæ licitum est Sacerdotibus sacrificare. Ita DD. communiter, contra Marcel. Francolinum, l. c. Nam nullo id iure prohibitum reperitur; neque vlla ratio alicuius mysterij est, cur eo etiam die prohibeatur, sicuti in Feria VI. & Sabbatho. Denique; neque consuetudo Ecclesiæ repugnat, quia plurimi ubique Sacerdotes priuatim eo die sacrificant, ait Egid. Coninck cit. dub. 2. Quamuis plures etiam abstinent: seu propter occupationes, seu quia eo tempore altaria nudantur, seu quia ex deuotione malunt in officio solemni communicare, ad representationem Apostolorum, qui in Cœna vltima S. Eucharistiam de manu Christi Domini sumpserunt: cuius antiquissimæ consuetudinis meminit Ordo Romanus in officio de Cœna Domini. Quare si ita hæc communicandi consuetudo in aliquo Sacerdotum Conuentu, quasi sub præcepti obligatione vigeat, obseruanda; vt sine Prælati licentia priuatam Missam celebrare non oporteat, sicuti docet Azor cit. c. 24. q. 7.

CAP. V.

Quo in loco Sacrificium celebrandum sit.

S V M M A R I V M.

- 1 Iure communi Missa celebrari non debet, nisi in locis ab Episcopo consecratis, vel saltem benedictis.
- 2 Oratoria quæ nunc consecrata, nec benedicta sunt, non videntur violari, aut reconciliatione aliqua indigere.
- 3 In casu necessitatis extra Ecclesiā super altari portatili sacrificare potest.
- 4 Episcopus facultatem dare potest in priuato oratorio, ad diuinum augmentatum cultum destinato Missas celebrandi.
- 5 Per privilegia Sedis Apostolice in loco non consecrato, nec benedicto Sacrificium fieri potest.
- 6 In mari, vel flumine sacrificare illicitum non est, si periculum cesset sacri sanguinis effundendi.
- 7 Ecclesia quinque modis violatur, vt in ea Missam celebrare non liceat, videlicet iniuriā sanguinis effusione, iniuriā homicidio, illicita humani seminis effusione, excommunicati non tolerati, vel denique non baptisati hominis sepultura.
- 8 Factum, per quod Ecclesia, vel altaris violatio inducitur, publicum seu notorium esse debet.
- 9 Ecclesia ab Episcopo excommunicato, etiam heretico, valde consecratur.
- 10 Sacrificia, & camera, quæ sunt pro custodia vasorum, & vestium, non videntur violari, sicuti Ecclesia.
- 11 Violata Ecclesia, etiam cimiterium violatum censetur.
- 12 Ecclesia consecrata violatur, solus Episcopus eam reconciliat: benedictam verò etiam simplex Sacerdos: Idemque sentiendum est de cimiterio.
- 13 Ecclesia polluta non reconciliatur per solum Missæ Sacrificium, quod bona fide in ea celebratur.
- 14 Si Catholici Ecclesiam recipiant, in qua hereticorum exercitia viguerunt, opus non est, eam solemniter ab Episcopo reconciliari.
- 15 Ecclesia consecrata execratur, si eius parietes incendio, aut ruina simul destruantur.
- 16 Ecclesia successu reparata non est denuo consecranda.
- 17 Polluta Ecclesia polluuntur etiam altaria omnia, quæ in ea fixa sunt: sed Ecclesia execrata, non ideo etiam altaria execrantur.

ASSERTIO I. Iure communi, & ordinario Missa celebrari non debet, nisi in locis ab Episcopo consecratis, aut saltem benedictis. Ita habetur in c. 1. c. sicut, c. nullus, (quod est Syluest. I. in Concil. Rom.) de cons. d. 1. & docet S. Th. 3. p. q. 83. a. 3. & videri possunt Canonistæ in c. vlt. de cons. Eccles. Suarez 3. p. to. 3. disp. 81. l. 3. Sanchez lib. 9. de matrim. disp. 15. n. 24. & 36. vbimouent, satis esse, quòd Ecclesia benedicta sit, atque Episcopi auctoritate deputata ad officia diuina, vt locis sacris annumeretur.

Imò Abb. in c. vlt. ait, sufficere si Ecclesia ab Episcopo deputata sit ad cultum diuinum mox consecranda; quòd fieri interdum solet, antequam Ecclesiæ ædificatio omni-

no perfecta est. Et Sanchez n. 39. ex Abbat. & aliorū sententia docet: Oratoria, etsi nunquam benedicenda, vel consecranda sint, si tamen ad publica officia diuina semel ab Episcopo deputentur, locis sacris annumeranda esse: ut non tantū Ecclesiastica immunitate gaudeant, sed etiā, sicuti aliæ Ecclesiæ, violari possint, atque reconciliatione simplici indigeant, arg. c. vlt. de consecrat. Ecclesiæ in 6. & c. adhuc, de religiosis domibus: quia talis deputatio Episcopi instar benedictionis esse censetur. Quæ sententia, spectato iure cōmuni valde probabilis apparet. Contrarium tamen docent Henriq. lib. 9. c. 27. n. 5. Sa ver. Ecclesia, n. 13. Rodriq. t. 1. c. 184. concl. 13. Suar. cit. f. 3. Nisi locus consecratus, vel auctoritate Episcopi benedictus sit, nunquam violari, ut reconciliatione indigeat: quorum sententia nunc in praxi obseruari solet.

Porro tamen si Sotus d. 13. q. 2. a. 3. Sa ver. Missa, n. 20. arbitrentur, si scandalum, & contemptus absit, non esse mortale crimen in quouis honesto loco super altari sacramento sacrificare; ab alijs tamen meritò hæc sententia reijcitur: cum præceptum illud, ob tanti sacramenti reuerentiam constitutum circa rem grauem verferetur: id eoq; eius transgressori pœna depositionis decreta sit, cit c. nullus.

Dixi autem in assertione, iure ordinario, in locis sacris celebrandum esse. Nam in primis excipitur casus necessitatis, cit. c. sicut. Quod etiam à veteri consuetudine Ecclesiæ alienum non est: nam vigenre persecutione in domibus priuatis, ipsiſque carceribus Sacrificia peracta fuisse, videre licet apud Baron. Anno Christi 303. n. 39. Paulinum in vita Ambrosij, quem locum allegat Baron. Anno 377. in fine, Pallad. in vita S. Chrysostomi apud eundem Baron. Anno 404. n. 19. Et S. Augustinus testatur lib. 12. de ciuit. c. 8. suo tempore in priuata domo sacrificatum esse ad malignos exinde spiritus pellendos: & plura legere potes apud Henriq. lib. 9. cap. 30. n. 2. Verum, iure quo hodie vtimur, iustæ necessitates extra locum sacramentum Missam celebrandi, hæc sunt: Si Ecclesiæ alicubi diruta fuerit, c. cōcedimus, d. 1. de consec. Similiter in magno populi cōuentu, quem Ecclesia non capit: Item in bello pro exercitu: in longa peregrinatione per loca infidelium, sacrificatū licitum est sub dio, vel in loco aliquo decente, super viatico tamen altari, ipso iure per Episcopum eiusmodi facultatem permittente, sicuti docet Sotus l. c. Nap. c. 25. n. 81. Sa ver. Missa, n. 20. Suar. disp. 81. f. 3. Henriq. lib. 9. c. 27. Azor lib. 10. c. 26. q. 3. Agidius Conink q. 83. a. 3. dub. 1. Quamuis Sot. Suar. Agidius, & alij rectè monent, etiam in tali casu decens esse ab Episcopo licentiam petere, si præsens sit.

Ipsiſmet verò Episcopis, iter facientibus, speciali privilegio concessum est in c. vlt. de privileg. ut super viatico altari sacrificare, vel sacrificanti assistere possint: non solum in casu necessitatis: sed ob solam maiorem commoditatem, ac deuotionem, sicuti præter alios docent Suar. & Agidius l. cc.

Excipitur secundò: Quod Episcopus licentiam dare possit, in priuato oratorio non consecrato, nec benedicto: attamen diuino tantum cultui destinato, super altari portatili sacrificandi. Quod permittitur etiam nouo iure Trident. Concilij sess. 22. in decreto de obseruandis in cebr. Missæ: Ne pariantur priuatis in domibus, atque omnino extra Ecclesiam, & ad diuinum tantum cultum dedicata oratoria, ab eisdem Ordinarijs designanda, & visitanda, sanctum hoc Sacrificium à secularibus aut regularibus quibuscunque peragi. Circa quæ verba in primis notandum est, huiusmodi facultatem in priuato oratorio Missas celebrandi, concedi oportere, salvo interim iure Parochialis Ecclesiæ, quod attinet ad sacramentorum administrationem.

Secundò notandum: Licet Tridentino isto decreto potestas Episcoporum non nihil restricta videatur: quominus nunc alicui ordinariè, & sine necessitatis causa extra Ecclesiam, vel oratorium, sacrificandi licentiam dare possint, sicuti iure antiquo poterant (vt colligitur ex c. in his,

de privilegijs, & c. Missarum de consecr. d. 1. ibi: In locis ab Episcopo consecratis: vel ubi ipse permiserit) non videtur tamen eisdem ablata potestas, occurrente casu necessitatis, dispensandi, vt semel, aut sæpius, quatenus rationalis causa suaserit, in loco honesto, sed profanis vsibus destinato, super altari sacramento ornato, Missæ sacrificium celebrare liceat, sicuti docent Suar. cit. f. 3. Rodriq. t. 1. regul. q. 43. a. 6. Agidius Coninck cit. dub. 1. n. 225. Quod etiam vsus confirmat, ait Suarez, quia id fit sine ulla scrupulo. Cum enim eiusmodi casus frequenter accidere soleant, moraliter necessaria est Episcopis talis dispensandi potestas, maximè in regionibus ab Vrbe remotioribus.

Excipitur tertio: Nisi aliqui à Rom. Pontifice priuilegium acceperint, extra Ecclesiam Missas celebrandi. Ita Gregorius XIII. concessit Societati Iesu, vt in suis domibus, priuato in oratorio, ad diuinum duntaxat cultum deputato, & à Provinciali approbato, Missa dici possint, sine alia Episcopi approbatione, sicuti videre est apud Rodriq. a. 4. & in Compendio priuileg. ver. oratoria.

Idem Greg. XIII. concessit, quod non obstante decisione Concilij Tridentini, possint Presbyteri Societatis, in missionibus, quæ à Superioribus fiunt, seruata aliàs forma concessionis Pauli III. (videlicet cum debita reuerentia & honore) sacrificium Missæ super altari viatico celebrare ubiq; gentium, etiā in castris militum. Modò loca, etsi communia & profana, tuta & honesta sint. Vide Compendium priuilegiorum, ver. altare, Rodriq. l. c. & Suar. cit. f. 3. in fine: vbi monet, posterius hoc priuilegium personale esse, vt proinde alij Sacerdotes, tametsi itineris socij sint, eo vti non possint, quatenus eo aliquid contra ius commune conceditur. Sed prius illud priuilegium locale esse: vt proinde in eiusmodi oratorijs, omnibus Sacerdotibus sacrificare licitum sit.

Aliud priuilegium refert Rodriq. cit. q. 43. a. 4. à Sixto IV. & Alexandro VI. Fratrib. Minoribus concessum, vt non solum in oratorijs, sed in quocunque alio loco congruente, & honesto super altari portatili Missas liberè, & licitè celebrare possint. Verum priuilegium hoc reuocatum videtur à Trid. Conc. in cit. decr. sess. 22. vt proinde Religiosi Mendicantes eo nunc vti non possint: nisi postea de nouo tale priuilegium à Sede Apostol. obtinuerint, sicuti notauit Nau. cap. 25. n. 82. Suar. & Coninck l. cc. licet oppositum cum quibusdam sentiat ipsemet Rodriq. art. 5. Si Episcopi non prohibeant Regulares ita celebrare, non esse causam, cur scrupulis agitentur.

Illud verò dubitari solet: Vtrum in mari sacrificare cōcessum est, v. g. pro nauigantibus ad Indos? Doctores cōmuniter negant, licitum esse in mari, aut flumine sacrificare, ob periculū effusionis sanguinis, vt videre est apud S. Anton. p. 3. 13. c. 6. §. 4. Nau. c. 25. n. 82. Suar. disp. 81. f. 3. Sed cōtrarium docet Durand. in rationali lib. 4. c. 1. n. 41. & Scortia lib. 2. c. 13. ait, nunc in praxin deductum esse à Lusitanis, vt cessante periculo, Missam in mari celebrent. Atq; olim moris fuisse, vt nauigantes in mari S. Eucharistiam secum deferrent, constat ex S. Ambrosio in orat. funebri fratris Satyri, S. Greg. lib. 3. Dialog. cap. 36. & alijs apud Baron. An. 584. n. 17. Scortiam cit. c. 13. n. 5.

Assertio III. In Ecclesia polluta, siue violata Missam celebrare, mortalis culpa est: quamuis nulla propterea censura contrahatur. Qua de re Sotus in 4. d. 13. q. 2. art. 3. Nau. c. 27. n. 256. Syl. ver. consecratio, 2. Henriq. lib. 9. c. 27. Suar. disp. 81. sect. 4. Ioan. Bapt. Conradi in respon. casuum conscientia, p. 2. q. 424. Azor lib. 10. c. 26. q. 13. Coninck q. 83. art. 3. dub. 1. Rodriq. t. 1. sum. 154. prope finem, Auila de cens. p. 5. disp. 7. dub. 3.

Quinque autem modis Ecclesia violatur: I. Per iniuriosam sanguinis effusionē, c. proposuisti, c. vlt. de consecrat. Ecclesiæ, & c. vn. eod. in 6. Necesse autem est, vt percussio seu vulnus infligatur homini existēti in Ecclesia (nō super tecto, aut in turri, aut subtus speluncā Ecclesiæ) tametsi sanguinē non intus, sed foris effundat: in d. tametsi vulnerans extra Ecclesiam existat: quia æquè hoc casu cōtra sanctitatem

sanctitatem loci peccare censetur, quam si in Ecclesia existens, hominem percutiat. Qua simili ratione, si existens in vno territorio sagitta trajiciat hominem existentem in altero territorio, ibi etiam deliquisse censetur: ut ratione delicti etiam ab illius territorij Iudice conveniri, ac puniri possit: quare in hoc casu datur locus præventioni inter Iudicem utriusque territorij. Idemque sentiendum, si in finibus duorum dominiorum delictum commissum sit, uti ex communi docet Abbas in cap. ult. numero 25. de foro compet. & cap. 1. num. 1. de præsumpt.

8 Deinde requiritur, ut factum notorium sit, iuris, aut facti notitia; sicuti ex communi docet Victoria n. 98. Sa. ver. Ecclesia, n. 19. Durand. lib. 1. rationalis, cap. 6. n. 42. ubi uniuersim aiunt: factum, per quod ecclesiæ, aut altaris violatio inducitur, oportere esse publicum seu notorium. Præterea necesse est, ut iniuria pertingat ad culpam mortalem, sicuti notauit Suarez cit. f. 4. Egid. Coninck n. 22. Henriq. c. 27. n. 5. in comment. lit. l. Deniq; est opus, ut sanguinis non aliquæ tantum guttæ, v. g. è naribus eliciantur: quia effusio plus aliquid significare videtur, sicuti docet Abb. in cit. ca. proposuisti, Syluest. Victoria, Sa. l. cc. Licet aliter sentiat Castro lib. 1. de lege pœnali, c. 7. docum. 2. corollar. 2. Imò tamen effusio copiosa sit, tamen percussio, & læsio non grauis; ecclesia non debet censi violata, uti bene docet Finellius casu. 5. summario 2. num. 3. Exemplum habes in homine, qui ex quadam indignatione cultello auriculam leuiter sibi, vel alteri vulnerauit, cum non modica sanguinis effusione.

II. Per homicidium iniuriosum, notorium, quod, vel cuius causa intra ecclesiam perpetrata est, quamuis sine sanguinis effusione. Ita habetur in cit. c. proposuisti, & c. si motum, dist. 1. de consecrat. Dixi, *vel cuius causa*. Necesse enim non est; ut homo intra ecclesiam moriatur (imò hoc ad rem non pertinet: quia si foris percussus, intro sereciperet, & moreretur, Ecclesia haud pollueretur,) sed solum requiritur, ut aliquis non sine iniuria mortali intra ecclesiam plagam acceperit, ex qua postea (quamuis pluribus mensibus intercedentibus) mortuus sit. Porro tamen percussio, strangulatio, & c. facta intra ecclesiam, iniuriosa non sit percussio, strangulatio: sufficit tamen iniuriosam esse loci sanctitati, ipsiq; Deo, ad contrahendam Ecclesiasticam violationem, ut si quis seipsum vulneret, vel occidat: item si Iudex reo mortis supplicium in ecclesia inferat. Ita Palud. in 4. d. 18. q. 8. art. 1. §. quantum ad quartum, & alii communiter.

III. Per illicitam, & notoriam humani seminis, intra ecclesiam effusionem, c. ult. de consecrat. eccles. c. ecclesijs, d. 1. de consecr. siue ea fiat per voluntariam pollutionem: siue per carnalem copulam: etiam coniugalem; præterquam, si hæc, ob urgentem necessitatem, & probabile periculum incontinentiæ, à culpa mortali excusetur: ut si coniuges longo tempore intra ecclesiam cohabitare cogantur, sicuti docent Palud. l. c. Syl. ver. consecratio, 2. q. 5. Couar. in 4. decret. p. 2. c. 7. §. 2. numero 3. Henriquez c. 27. n. 5. Scortia l. 2. c. 13. Suar. dis. 81. l. 4. Coninck. q. 83. a. 3. dub. 1. n. 229. Less. lib. 4. c. 3. dub. 12. Säch. li. 9. de matrim. dis. 15. n. 9.

IV. Per sepulturam hominis excommunicati, cit. c. consuluisti. Requiritur tamen post Constantiense Concilium, ut publicè denunciatus, vel notorius Clerici percussor fuerit, sicuti notârunt Victoria. Suar. Egid. Scortia l. cc. & Nau. in lib. 5. consil. 10. de hæret. edit. 2. ad 4. q. Vbi rectè monet, sepulturâ hæretici nominatim non denunciari locum sacrum haud violari, arg. c. sacris, de sepult. Adde cum Sua. to. 1. de relig. tr. 2. lib. 3. de reuer. debita locis sacris, c. 2. n. 12. Neque sepulturâ hominis personaliter, & nominatim interdicti ecclesiam violari, aut reconciliandam esse: cum id nullo iure decretum re-

periat. Nihilominus corpus exhumari debet.

V. Per sepulturam infidelis, & non baptizati hominis, c. ecclesiam, 1. & 2. d. 1. de consecrat. tamen si is infans sit. Si tamen in vtero matris mortuus est, vnâ cum matre fidei sepeliri potest, quia mater cum fœtu, quâ vnâ corpus censetur, sicuti notat Palud. in 4. d. 18. q. 8. a. 4. Est autem discrimen notandû inter priores tres modos violandi ecclesiam, & duos posteriores, quod priores illæ violationes contrahuntur per actionem culpabilem: ad posteriores verò non requiritur culpa; sed sufficit factû, corpus videlicet excommunicati denunciati, vel non baptizati in ecclesia sepulturam esse.

Porro Canonistæ in cit. c. consuluisti, Syl. ver. benedictio, quæst. 6. Nauar. c. 27. nu. 258. Azor. cap. 26. q. 13. & alij addunt sextum casum, si ecclesia ab Episcopo excommunicato consecrata, aut benedicta sit. Verum hæc violatio nullo iure fundata est, uti fatetur Azor ibidem; consequenter non est asserenda. Accedit, quod sicuti Baptismus ab excommunicato, & hæretico Ministro collatus, validus est, & iterum non debet, ita & ecclesia ab excommunicato, & hæretico Episcopo valide consecratur, ideòque reconciliari non debet: dummodo Minister, seu Episcopus Fidem SS. Trinitatis tenuerit, sicuti habetur in c. Ecclesijs, d. 1. de consecr. Confirmatur ex eo, quod violatio posterior esse debeat consecratione; ideòque impossibile sit, eadem actione simul ecclesiam consecrari, & violari.

His addendum est primò, ecclesiam non censi violatam, si aliquod eorum, quæ dicta sunt, eueniat in loco quamuis concluso intra muros principales ecclesiæ, qui tamen proprio muro, aut tabulato fixo à reliquo ecclesiæ corpore, ad alios vsus seiunctus sit; qualis est locus supra ecclesiæ fornicem, aut spelunca sub ecclesiæ pavimento. Idemque contra quosdam alios arbitrat Sanchez lib. 9. disp. 15. n. 31. de cameris, & sacristia pro custodia sacrorum vasorum, ac vestium constituta, argument. cap. vn. de consecrat. ecclesiæ, in 6. ex quo habetur, quod paries intermedius locum faciat separatû ab altero, licet ab vno ad alterum ingressus pateat: secus verò sentiendum esse, ait Sanchez de capellis: hæc enim censeantur partes ecclesiæ, vnûque cum ea corpus efficere; cum ad idem munus, videlicet Sacrificium Missæ, aliâque diuina officia, destinata sint.

Addendum secundò: Ecclesiâ vno ex quinque modis violatâ, censetur etiam cœmeterium violatum, si contiguum est, ut in eo, antequam reconciliatum sit, nemo sepeliri debeat, uti ex communi docet Syluest. ver. cœmeterium, quæst. 1. Armilla num. 2. Nam quod principale est, trahit ad se accessorium. Contrâ verò violatio cœmeterio vno ex illis modis, non ideo etiam ecclesia violata censetur: ne quod minus dignum est, maius, aut accessorium principale ad se trahere, videatur. Ita habetur in c. vn. de consecr. ecclesiæ, in 6. ubi additur, Si plura cœmeteria sint, quamuis cohærentia, quæ tamen pariete medio seiungantur, eorum altero violato, alterum (licet ab vno ad alterum per portam intermediam habeatur accessus) non propterea violatum reputari.

Monent autem Durandus in rationali lib. 1. c. 6. prope finem, Gl. in cit. c. vn. ver. sanguinis, si cœmeterium per accedens seu accessorie violatur propter ecclesiæ violationem: eâ reconciliatâ, accessorie etiam reconciliatû censi cœmeterium, ut alia reconciliatione non indigeat.

Addendum tertio: Discrimen esse inter ecclesiâ consecratam; & eam, quæ episcopali auctoritate tantum benedicta, vel ad consecrationem deputata est, iuxta c. ult. de consecrat. ecclesiæ. Nam illam solus Episcopus (& non simplex Sacerdos, nisi ex Papæ commissione) reconciliare debet, adhibita aquâ, quam ipse, vel alius Episcopus benedixit, vino & cinere mixtum, sicuti habetur in c. aquam eod. tit. ubi etiam ratio adiungitur: *quia licet Episcopus cœmittere possit, quæ iurisdictionis existunt; tamen quæ*

Ordinis episcopalis sunt, non potest inferioris gradus Clericis demandare. Ceterum Leo X. concessit Fratribus Minoribus facultatem ecclesias consecratas, si pollutæ fuerint, reconciliandi, aquâ ab Episcopo benedictâ, quæ Gregoriana vocari solet. Quam aquam & ipsi quoque Ordinis Prælati benedicere possunt, si Episcopus duabus dietis, seu 14. leucis distans sit, sicuti testatur Henriquez lib. 9. cap. 27. num. 6. lit. d. Rodriguez t. 1. reg. qq. quæst. 19. a. 6. & videre est apud eundem t. 2. priuil. regular. fol. 268. In quo ipso priuilegio conceditur eisdem, ut possint solemniter benedicere suas ecclesias, & cæmeteria, si Episcopi nolint, aut negligant, idque notauit etiâ Armilla ver. consecratio ecclesiæ, in fine. At verò si violetur ecclesia, quæ tantum benedictâ, seu auctoritate Episcopi ad diuina officia deputata est: potest etiam simplex Sacerdos reconciliare, aquâ à se benedictâ, sicuti colligitur ex c. ult. de consecrat. altaris, vbi id notat Abb. num. 3. Armilla ver. consecrat. ecclesiæ, num. 2. Henriquez cap. 27. num. 6. Nau. lib. 3. consil. 1. de consec. ecclesiæ, edit. 2. Auila p. 5. disp. 7. dub. 3. Quamuis decens sit, & ita consuetum, ut prius res Episcopo significetur, quam ecclesiam Presbyter reconciliet, si ea extra Missæ sacrificium violetur.

Porro quæ dicta sunt de ecclesia, similiter dicenda sunt de cæmeterio, quippe quod eisdem modis violatur, & reconciliatur, quibus ecclesia, sicuti notauit Abb. in c. consuluisti, numer. 2. de consecrat. eccles. Durandus in rationali, lib. 1. cap. 6. num. 45. Naua. l. c. Nimirum si cæmeterium, quod sicuti ecclesia solemniter ab Episcopo consecratum fuerat, violetur vno ex quinque modis supra dictis: ab Episcopo reconciliandum esse aspergione aquæ solemniter benedictæ, sicut in dedicationibus ecclesiarum fieri consuevit, cit. ult. Sin autem violetur cæmeterium, quod Episcopi auctoritate tantum benedictum fuit, aut deputatum, ut in eo corpora fidelium adhibito officio funebri, &c. sepeliantur, tunc Presbyter ecclesiæ illius reconciliare poterit, adhibitâ aquâ à se benedictâ, vti ex communi notauit Naua. l. c.

Addendum quartò: Si ecclesia sub Missæ sacrificio violetur, priusquam Canon cæptus est, debet Sacerdos abstinere: sin autem post cæptum canonem, debet Sacrificium proficere, quippe quod aliquo modo inchoatum censetur, cum hostia parata sit ad consecrationem: ideòque non deceat illud imperfectum relinquere, vti notauit Suar. cit. f. 4. in fine, Coninck cit. dub. 1. nu. 236. Quod autem docent Castro lib. 2. de lege poenali, c. ult. Sa verb. ecclesia, num. 19. & probabile censet Auila cit. nub. 3. Si interim, dum violatio ecclesiæ mansit, bona fide in ea Sacrificium peractum fuerit, opus deinde non esse alia consecratione: propterea quod ipsa celebratio satis magna reconciliatio censetur: huius limitatione alij Doctores non meminerunt, sed potius tanquam falsam supposuerunt, vti videre est apud Nau. cit. c. 27. n. 256. in fine, Azorium lib. 10. cap. 26. quæst. 13. Cum ea nullo iure fundata sit, neque item ratione fulciri videatur: Quia si celebratio Missæ instar reconciliationis esse debet, idem dicendum erit, tametsi Sacerdos mala fide in ecclesia polluta celebret, quod planè falsum est. Item, si Episcopus dispenser, ut in violata ecclesia celebretur, quod ob causam aliquam necessitatis fieri posse, Doctores communiter affirmant, Sotus in 4. d. 13. q. 2. a. 3. ad 2. dicto 4. Sa num. 2. Auila cit. dub. 3. Suarez cit. sect. 4. cum S. Thom. q. 83. a. 3. ad 2. Nisi aliquis dicere velit, sed improbabilius, inculpatam ignorantiam Sacerdotis celebrantis in ecclesia violata, eiusdem reconciliationi vim aliquam tribuere.

Addendum quintò: in aliis casibus iure non expressis (vbi orta rixa in ecclesia alicui os frangatur sine sanguinis effusione: aut Reus ad ecclesiam confugiens, inde ad supplicium trahatur contra ecclesiæ immunitatem) licet locus reconciliationis solemniter & episcopali non in-

digeat; honestum dare fore putamus, inquit Durandus li. 1. rationalis, cap. 6. num. 41. à Sacerdote aqua à se exortizata iussu Episcopi lauare. Idque consuetudine aliquarum ecclesiarum obseruari, notat Abb. c. proposuisti, nu. 4. de consecr. ecclesiæ. Quid fieri etiam potest, si Catholici ecclesias recipiant, in quibus hæreticorum exercitia aliquamdiu vixerunt, eorundemque non denuntiatorum corpora in iis sepulta fuerunt. Idemque dicendum, si Ecclesia diu absque rectoribus, & ianuâ plena foret stramine, aliisque spurcitiis animalibus, & naturali hominum vsui, quasi diuersorij locus passim patuerit: necesset foris malum, eam in tali casu solemniter ab Episcopo reconciliari, inquit Dur. l. cit. Quare nota hoc loco: Cum nullo iure decretum sit, ut locus sacer siue ecclesia, aut altare violetur per hæreticæ v. g. religionis exercitium: imò non violari significetur in c. ecclesiis, de consecrat. p. 1. ideo si accidat, ecclesiam, quæ olim legitime consecrata erat, pulsus ex ea hæreticis, à Catholicis recipi, satis erit, si Episcopus altaria visitet, & inspiciat, num ea fracta sint: insuper altaria, ipsamque ecclesiam aspergendo aqua benedicta simplici benedictione reconciliet, vel Presbytero reconciliandam committat. Prius verò quam Episcopus visitauit, si opus sit in tali ecclesia Missam celebrare, vtendum erit altari portatili.

Porro sciendum est, quòd interdum ecclesia consecrata consecrationem omnino amittat, siue excretur, ut de nouo consecrari debeat. Cuius rei vnicus casus in iure canonico expressus reperitur; videlicet si ecclesiæ parietes secundum maiorem partem destructi, aut absumpti sint, c. ecclesiis, d. 1. de consecrat. iuncto c. ligneis, de consecrat. eccles. vel altaris; vbi habetur, si tecta, aliæque opera lignea ecclesiæ combusta sint, illis parietibus, consecrationem non amitti: quia consecratio in parietibus consistit. De ecclesiæ consecrata loquimur: at verò benedictio templi, aut cæmeterii non amittitur destructis, aut combustis parietibus: cum ea solo inherere censetur, quod semper idem manet, vti notauit Syluest. ver. consecratio, 2. q. 4. Suar. citat. sect. 4. casu 6. & sumitur ex l. 83. ff. de contrah. empt. *Ad sacra terra motu diruta, locus ædificii non est profanus: Et ideo venire non potest.* Si tamen ecclesia diruta sit sine spe reedificationis, amittit priuilegia loco sacro concessa, vti docet Sanch. l. 9. disp. 15. n. 37.

Sed, ut ad propositum reuertar, Gloss. in cap. proposuisti, ibidem Abb. num. 7. eod. tit. dictum casum in duos diuidunt: Primus est; Si ecclesiæ parietes incendio ita absumantur, ut omnis crusta, vel secundum maiorem partem auferatur: licet parietes non corruant: cuius rei rationem affert Abb. ibid. cumque securus Syluest. ver. consecratio 2. quæst. 3. Tabiena num. 3. Quia consecratio potissimum consistit in exterioribus crustis: cum fiat per cruces, & linitiones: consequenter si parietes igne absumantur, & decrustentur, licet non corruant, amittitur consecratio. Verum ex his nemo inferat, si crusta omnis, vel maior eius pars renouanda ecclesiæ causa successiue auferatur, consecrationem idcirco amitti. Nam hoc ipso, quod decrustatio non simul aut vno die, sed per dierum, aut hebdomadam interualla fit, nullo vnquam tempore execrata censi potest: cum semper partem minorem accessoriâ non consecratam ad se traxerit pars maior, ac principalis consecrata, arg. c. quod indubiis, eod. tit. de consecrat. eccles. Multo verò minùs ob solam dealbationem interioris superficiæ ecclesiæ execrari censetur cum consecratio in parietibus: & crusta sit, quæ permanet, sicuti notauit Vasq. 3. p. disp. 233. c. 4. n. 34.

Alter casus est, Si ecclesiæ parietes secundum maiorem partem destructi sint, seu corruerint: quia tunc non ampliùs censetur ecclesia, quæ consecrata fuerat: secus est, si minor pars ecclesiæ corruat, argument. l. domum, ff. de contrah. empt. Tum verò pars, quæ postea adiicitur, ipsa accessione consecrationem à toto corpore

corpore acquirere censetur, sicuti notatur expressè in Gloss. marginali ad cap. de fabrica, distinct. 1. de consecrat. Eademque ratio est, si ecclesia seu secundum longitudinem, seu secundum latitudinem ampliatur. Quare hæc solet esse praxis Episcoporum, ut si murorum nova accessio ecclesiæ alicui facta sit, metiantur, num pars ea, quæ accessit, reliquum corpus magnitudine superet, necne: si superat, tunc adhibent novam consecrationem: si non superat, aspergunt eam aqua benedicta, iuxta gloss. in citat. cap. proposuisti, ver. reconciliari.

Id verò in questione: Si minores partes parietum per temporum intervalla corruant, & reficiantur, ita ut nunquam maior parietum pars simul destructa sit; utrum nihilominus ecclesia execrata cenferi debeat? Ita affirmat Abb. in citat. cap. proposuisti, num. 8. de consecrat. ecclesiæ; saltem si tota ecclesia per temporum intervalla secundum partes suas deiecta, & noviter ædificata sit: quia in veritate non est eadem ecclesia, licet moraliter censetur.

Contrarium verò docet Gloss. in cit. c. de fabrica, ubi 16 pro regulatraditur, quòd ecclesia successivè reparata, non est iterum consecranda. Idem docet Sylvest. ver. consecratio, 2. quæst. 3. ibidem Tabiena, num. 3. Suarez p. 3. to. 3. disp. 81. sect. 4. casu 6. Navar. c. 27. n. 258. Sa ver. ecclesia, num. 18. Coninck quæst. 83. a. 1. num. 335. Probatur primò: Quia moraliter censetur eadem ecclesia: sicuti & eadem navis, licet subinde pro destructis tabulis novarum accessio, & reparatio fiat, eadem carina manente, l. quod in rerum. §. ult. ff. de legatis, l. 1. Secundò, Quia si hodie vnus paries destructus sit, & intra octo dies v. g. reparatus, novus paries accessione ad totum sacra-bitur: nam sacrum, si maius sit, trahit ad se non sacrum, ait Gloss. in cap. si motum, ver. altare, de consecrat. ecclesiæ: idemque accidet, si postea iterum vnus paries destruat, ac reparetur, ut numquam ecclesia secundum maiorem partem destructa, consequenter nec consecratio amissa censetur.

Hæc posterior sententia certa esse videtur, si parietes ecclesiæ, quantumvis omnes, per temporum intervalla casu corruerint, & denuo ædificati sint. Sed valde dubia est, si ex intentione renouandi ecclesiam, vnus paries post alterum successivè destruat, & ædificetur, utrum ecclesia execrata cenferi debeat? Quo etiam in casu ait Navarrus loco citat. probabilius esse ecclesiam non execrari, etsi omnes parietes renouentur: modò non omnes, aut maior pars eorum simul deiecti sint. Arbitror tamen, in hac re morali multum valere intentionem operantis: quare si animo omnes, aut pene omnes parietes reparandi, ideòque quasi novam ecclesiam ædificandi, vnus murus post alium, intermisso Missæ officio, quasi continuatis operis deiciatur, & reparetur, valde probabilis est sententia Panormitani, tali casu ecclesiam iterum consecrandam esse.

17 Ad extremum aduertendum discrimen inter ecclesiæ pollutionem, & execrationem. Nam polluta ecclesiā, polluuntur etiā altaria omnia, quæ in ea fixa sunt: quæ admodum & vice versa, altare pollui non potest, quin etiā corpore ecclesiæ violatū censetur. At vero si ecclesia excretur combustis, aut corruentibus parietibus, ut denuo consecrari debeat: non ideo etiā altaria consecratione, vel reconciliatione aliqua indigent: sicuti & vice versa altare per fractionem enormem execratur, seu consecrationem amittit, sine execratione ipsius ecclesiæ. Quæ est doctrina Abb. in c. proposuisti, de consecrat. ecclesiæ vel altaris, prope finem. Sylvest. ver. altare, q. 11.

SUMMARIUM.

- 1 Altare, in quo Sacrificium peragitur, lapideum esse debet.
- 2 Summus Pontifex Sacerdoti simplici committere potest facultatem altaria consecrandi.
- 3 Duplex est altare: unum mobile, seu portatile: alterum fixum seu stabile: quare hoc consecrationem amittit per amotionem a structura: non item altare per amotionem a ligno execratur.
- 4 Tam portatile, quam fixum altare consecrationem amittit per notabilem fractionem: qua cenferi solet, si in nulla altaris parte calix cum patena consistere possit. Idemque sentientum de aliis rebus benedictis, videl. calice, sacris Vestibus, &c.
- 5 Dictum illud, Non sacrum accessione ad sacrum, efficit sacrum potius locum habere videtur in liquoribus, quam in aliis corporibus homogeneis.
- 6 Non amittitur consecratio calicis per solam separationem pedis a cuppa in calici tornatili.
- 7 Probabile est, calicem non execrari noua inauratione secundum superficiem interiorem.
- 8 Valde conueniens, licet non simpliciter necessarium, est, ut in quolibet altari sacra reliquæ sint.
- 9 Si altaris sigillum, seu locus, in quo sacra reliquæ sunt, non stabiliter frangatur, altare iterum consecrari solet.
- 10 Altare, item calix, patena, corporale polluuntur per humani seminis, aut sanguinis effusionem, & reconciliari debeant.
- 11 Sacra vestes, quibus Sacerdos in Missa sacrificio igitur, benedicta esse debent.
- 12 Calix, & patena ex materia aurea, argentea, vel saltem stannea esse debent.
- 13 Ministrum altaris, qui Sacerdoti respondeat, vrceolos porrigat, &c. marem, non facinram esse oportet.
- 14 Vestes sacra, quibus sacrificans indutus esse debet, sunt: Amictus, Alba, Cingulum, Manipulus, stola, Casula.
- 15 Vestes, & Vasa sacra oportet esse munda.
- 16 Sacrificans capite nudo & aperio esse debet.
- 17 Si aliquid ex requisitis ad Sacrificium celebrandum desit, attendere oportet, hinc quidem quanto opere id requiratur ad Sacrificii celebritatem: hinc vero quanta sit celebrandi necessitas.
- 18 Sacerdos non debet populum benedicere, si celebret coram Rom. Sedis Cardinale, vel coram Episcopo: nisi is annuat, seu licentiam det.
- 19 Sacra Vasa, etiam vacua, licitum non est laicis attingere: sed neque Acolytho, alijsve Clericis inferioribus sine rationabili causæ talis tactus concessus videtur.
- 20 Vestes & pallus benedictus, qua nec chrismatouncta sunt, neque sacrum Christi corpus immediate contingunt, cum reuerentia contingere etiam laicis permissum est.
- 21 Sacras reliquias cum reuerentia tangere laicis non est illicitum.
- 22 Decens est, ut sacra pixides, sive ciboria benedicantur: quamvis id non in omnibus Ecclesiis constitutum sit.

A Ssertio I. Ad offerendum Missæ sacrificium necessariò requiritur altare, quod lapideum esse debet, atque ab Episcopo consecratum. Assertio est communis, & continet tres partes: quarum prima ex eo probatur, quòd sicuti omnia sacrificia veteris legis altaria requirebant, ita & nouæ legis Sacrificium. Altaris mentionem faciunt S. August. lib. 20. contra Faustum cap. 21. Nulli Martyrum, sed ipsi Deo Martyrum sacrificamus: quamuis in memorias martyrum constituamus altaria: Quis enim Antistitum in locis sanctorum corporum assistens altari, aliquando dixit? Offerimus tibi Petre, aut Paule, aut Cypriane: sed quod offertur, offertur Deo: Et Optatus Mileuitanus libro 6. contra Donatistas, altarium eueriores: Quid est altare, nisi sedes Corporis & Sanguinis Christi? Quid vobis fecerat Deus, qui illic inuocari consueuerat? Quid vos offenderat Christus, cuius illic per certa momenta Corpus & Sanguis habitat.

Alter pars habetur in capite altaria, distinctione r. de consecratione & alluisse videtur Sanctus Chrysostomus homilia 20. in 2. epistol. ad Corinth. Lapis quidem est natura, sanctum autem fit, quoniam Corpus accipit Christi. Nam quamuis in prima Ecclesia, cum fideles, ob Tyrannorum persecutionem, in cryptis

CAP. VI.

De ara, sacris vasis, & vestibibus.

& speluncis rem diuinam facere cogeantur, ligneis altari-
taribus, quæ facile de loco in locum portari poterant,
vñ fuerint: imò S. Lucianum Martyrem pectore suo
pro altari vñ fuisse, cum aliud ad sacrificandum in car-
cere habere non posset, et estatur Niceph. l. 8. histor. cap.
31. Postea verò, pace per Constantinum Ecclesijs reddita
statutum, vñque receptum est, vt non nisi in lapideo al-
tari Sacrificium fieret: partim quòd hæc firmior, & dura-
bilior materia sit; partim quòd idonea ad significandum
Christum, qui dicitur *petra angularis*, 1. Corinth. 10. Vni-
cum tamen antiq̃uissimum altare ligneum, in quo S. Pe-
trus sacrificauit, iussu Syluestri Papæ seruatum est, vt in
eo solus Sum. Pontifex sacrificaret. Vide S. Th. q. 83. a. 3.
ad 5. Suar. disp. 81. f. 5.

Nota verò hoc loco; Quibusdam ecclesijs reperi
altaria, non ex lapide duro, sicuti decens esset, sed ope-
re lateritio constructa; vel ex gypso, admixto cemen-
to; cuiusmodi tamen mensæ citius fracturas acqui-
runt.

Tertia pars habetur in c. altaria. 2. de consecrat. dist. 1.
apud S. Augustinum in serm. 255. apud S. Leonem I. epi.
38. aliàs 92. ad Episcopos Germaniæ, & Galliæ: *Quam-
uis cum Episcopis plurima illis (Chorepiscopis, & Presby-
teris) ministeriorum communis sit dispensatio: quædam tamen
auctoritate veteris legis: quædam nouellis & Ecclesiasticis re-
gulis sibi prohibita noderint: sicut Presbyterorum & Dia-
conorum, aut virginum consecratio: sicuti constitutio altaris, ac
benedictio, vel unctio: Siquidem nec erigere eis altaria:
nec ecclesias, vel altaria consecrare licet.* Vide plura apud
Scortiam lib. 2. cap. 14. Ceterum cum id ex iure positio
proueniat, ideo Sum. Pontifex ex plenitudine potestatis
sue, Sacerdoti simplici committere potest facultatem
altaria consecrandi; sicuti Leo X. concessit Fratribus Or-
dinis Minorum proficiscentibus ad Indias Orientales, &
Paulus III. Presbyteris Religiosis Societatis Iesu, *Vt in
locis remotissimis infidelium, ubi Episcoporum copia non habe-
tur, possint altaria consecrare,* apud Rodriq. t. 1. reg. qq. q.
28. a. 2.

Porro aliqua aduertenda sunt: I. Satis est, vt supe-
rior altaris ea pars, super qua calix cum patena ponitur,
lapidea & consecrata sit. Quamuis etiam scrupulosè sol-
licitum esse non oportet, vt calix & patena secundum
omnes sui partes super lapide sacro consistant: sufficit
enim, si maior eorum pars posita sit, sicuti monet Sua-
rez l. c.

II. Duplex est altare, vti bene explicat Abb. in cap. 1.
de consecrat. eccles. vñum mobile, seu portatile, quod
etiam viaticum dicitur in c. vlt. de priuileg. in 6. Alterum
verò fixum, ac stabile, quod alicui loco, seu basi, calce
aliòve modo affixum est. Discrimen est inter hæc alta-
ria, quòd illud per se consecratur: hoc verò quatenus basi
affixum est. Ex quo sequitur, quòd mobile altare con-
secrationem non amittat, tametsi à ligno cui inclusum
est, separetur, sicuti rectè docent Canonistæ in ci. ca. li-
gneis, Abb. in c. 1. de consecr. n. 3. Syl. ver. altare, q. 9. Ta-
biena n. 7. Suarez disp. 81. f. 5. Excipe: Nisi in ligno sigillū,
seu locus reliquiarum inclusus sit: tunc per amotionem
ligni à lapide videtur exsecrari altare portatile, vti
notauit Miranda to. 2. manualis, quæst. 39. ar. 2. concl. 2.
At vero altare fixum consecrationem amittit, si lapis,
seu mensa consecrata ab inferiore structura remoueatur,
sicuti habetur in c. 1. ligneis, de consecrat. Ecclesiæ, cap.
si motum, d. 1. de consecrat. Nam consecratio, inquit Glos.
præcipue consistit in coniunctione c. lapidis, & inferioris stru-
cturæ. Intelligo autem hoc, si tot stipitis, seu columna-
rum lapides immediatè adhaerentes mensæ seu aræ re-
moueantur, vt reliqua pars aræ, quæ stipiti suo adhaerens
permanet, iussu magnitudinis sue formam amittat, iuxta
ea, quæ mox dicam, & videri potest Armilla ver. altare,
a. 10. Syl. q. 8.

Illud verò commune est tum mobili, tum fixo altari

consecrato, vt consecrationem amittat fractione nota-
bili, id est, tanta, vt in nulla integra parte altaris calix
cum patena, moraliter rem æstimando, consistere pos-
sit, sicuti docet Abb. in cit. c. ligneis, n. 1. notab. 2. Nau:
c. 25. n. 83. Henricq. lib. 9. c. 28. n. 1. Suarez cit. f. 5. ver.
Tertio additur. Quare nota hoc loco ex Suarez ibid.
Glossatore in Sa. ver. altare, num. 1. quòd hæc censenda
sit forma quantitatis ad retinendam consecrationem suffi-
ciens, si capere possit patenam cum corporali: igitur
etiam si in aliis fractura sit, vel noua additio, aut detractio
lapideæ mensæ fiat, non amittitur consecratio: etenim
fracturæ enormis, & notabilis additionis, aut demptio-
nis eandem rationem esse, benè notat Armilla ver. altare,
num. 10. in fine. Exinde colligo primò, si fractura in alta-
ri sit, ad Episcopum pertinere, vt inspiciat, & iudicet, nū
ea notabilis existat: & facilius quidem censebitur altare
execratum, si fracturæ per medium mensæ transeat, qua
parte calix & patena ponitur.

Colligo secundo; Si ad mensam consecratam noui la-
pidis additio fiat, ita altare construendum esse, vt calix &
patena non in additamento, sed in veteri lapide consistat.
Nam licet probabilis sit sententia Gloss. in cit. cap. quod
in dubiis & cit. c. si morum, ver. altare, in hoc casu non
sacrum, si munus principale sit, accessione ad sacrum
sacrari, sicut pannus non sacer appositione ad sacram ve-
stem: & murus non sacer adiectione ad sacratam eccle-
siam, benedictionem participant: tamen sententia hæc
non est certa propter doctrinam Panormit. in cit. cap. 1.
& cap. quod in dubiis, dictum illud, *non sacrum accessio-
ne ad sacrum effici sacrum*, locum tantum habere in liquo-
ribus. Adde tu, habere haud dubiè etiam locum in ar-
tificialibus ijs, quorū partes seorsim rationem & appel-
lationem non retinent, vt Ecclesia, calix, casula, &c. At
verò si partes lapidis homogeneæ sunt, minùs obstat,
vnam eius partem sacram, aliam non sacram ef-
fe.

Id verò non placet, cum nullo iure fundatum sit, quod
referunt Syluest. cit. quæst. 8. Armilla cit. nu. 10. Hen-
riquez cit. nu. 1. lit. x. amitti consecrationem altaris, si
cornua eius fracta sint, in quibus unctio fieri solet. Quia
licet unctio in cornibus fiat, nota tamen mensa consecra-
ta cefetur: ideoque dum quantitatis sue formam reti-
net, (quæ est, vt ad sacrificium, capiendū calicem cum
patena, idonea maneat) consecrationem amisisse cen-
seri non debet: præsertim cum execratio in casu dubio
præsumi non debeat, neque consecratio iteranda.

Porro quod dictū est de enormi fractione lapidis sa-
crati, idem secundum proportionem docet Syluester
verbo corporalia, quæst. 2. de fractione corporalis, &
Palud. in 4. Distinct. 13. quæst. 2. a. 6. concl. 3. Henriquez
lib. 9. cap. 29. num. 5. Coninck quæst. 83. a. 3. dub. 3. nu.
290. Suarez disput. 82. sect. 2. de fractione benedictarum
vestium. Nam alba v. g. benedictionem amittit, si per
fractionem inepta fiat ad sacrum suum vñum: vel si cin-
gulum ita frangatur, vt neutra eius pars ad cingendum
sufficiat. Si tamen ante plenam separationem, reficiatur,
& partes connectantur, seruabitur consecratio, sicuti
docet Syluester verbo benedictio, quæst. 6. & Glossator
in Sa. ver. Missa. nu. 12.

Similiratione calicis, & patenæ consecratio perdi-
tur per notabilem fractionem, aut destructionem eorū
figuræ: non item per solam separationem pedis à cuppa
in calice tornatili, sicuti ex communione docent Armilla
ver. calix, n. 2. Suarez disp. 81. f. 7. Henricq. lib. 9. c. 28. nu.
2. Sa. ver. calix, Coninck lo. citat. Syl. ver. calix, q. 2. Ratio
est: Quia sola cappa in calice tornatili per se consecra-
tur, teste Suarez cit. loco: Ergo si absque fractione à pe-
de separatur, retinet consecrationem, sicuti suprà de al-
tari portatili argumentatus sum. Quare alia ratio est de
calicibus, qui non amobilem pedem bibent.

Non etiam amittitur calicis & patenæ consecratio,
et si

et si interior inauratio temporis diuturnitate penitus absumpta sit: quia non sola inauratio, sed totus calix & patena consecrata censentur, sicuti docent Syluest. Suarez, Coninck, Sa Henriq. ll. cc. Armilla ver. calix, num. 3. Azor t. 1. lib. 10. c. 28. q. 6. Scortia lib. 2. c. 14. aliique communiter. Illud verò plerique affirmans, & in praxi observari solet, ut, si calix, vel patena, ea parte, qua Corpus vel Sanguinem Christi contingunt, de nouo inaurantur, iterum consecranda sint: propterea, quod consecratio præcipue intelligitur esse in superficie, secundum quam ille contactus fit: consequenter, si noua superficies addatur, noua consecratione opus esse videtur.

Contrarium tamen valde probabiliter docent Guil. Durandus in rationali, lib. 1. c. 6. num. 36. Coninck. cit. a. 3. dub. 3. n. 246. Cum enim forma calicis permaneat, non videtur consecratio amitti; quemadmodum neque ecclesiæ consecratio perditur, si muri denuo dealbentur. Confirmatur primò, Maior pars sacra trahit ad se partem minorem non sacram, ut infra explicabo: sed deauratio illa comparatione totius cuppæ consecratæ minoris partis proportionem habet: Ergo, &c. Confirmatur secundò: Cum execratio calicis & similibus odiosa sit, non debet in casu dubio sine textu expresso introduci. Honestum tamen esse monet Durandus l. cit. ut post profanarum manuum contactum, & nouæ materiæ appositionem, calix aquâ benedicta prius lauetur, quàm ad sacrificandum adhibeatur.

8 Quærent autem DD. vtrum necesse sit in altari quolibet esse loculum, seu sigillum continens sacras reliquias? Affirmant Canonistæ in c. placuit, d. 1. de consecratione, Syl. ver. altare, q. 1. Azor t. 1. lib. 10. c. 27. q. 8. Scortia lib. 2. c. 14. n. 4. Negant verò Sotus in 4. d. 13. q. 2. a. 3. ver. sexto denique, Suar. disp. 81. s. 5. Egidius Coninck cit. a. 3. d. 2. n. 241. & alij apud Syl. l. c. Nam canones sacri, à Canonistis allegati, non conuincunt: siquidem in c. placuit, solum superstitiones, seu incertorum Martyrum erectæ memoriæ, ac cultus prohibentur, sicuti aperte legi potest in Concil. Carthag. 5. canon. 14. *Omnino nulla memoria (siue sacellum) Martyrum probabiliter acceptetur: nisi aut ibi corpus, aut aliqua certa reliquie sint: aut ubi origo alicuius habitationis, vel possessionis, vel passionis fidelissima origine traditur. Nam quæ per somnia, & per inanes quasi reuelationes quorumlibet hominum ubique constituuntur altaria, omnimodò reprobentur.* Et in can. 7. Concilij 7. Oecumenici solum prohibetur, ne templa sine sacris reliquijs consecrentur: idque propter hæresin Iconoclastarum, Sanctorum reliquias, & imagines ex templis eiciendum. Accedit, quod, tametsi demus, olim omnibus etiam altaribus reliquias adhibendas fuisse: nunc verò præceptum desisse videatur: partim quia causa præcipiendi desijt: partim quia in tanta templorum, & altarium multitudine certè, & exploratè Sanctorum reliquiarum difficile haberi possunt.

Nihilominus pertinet ad ecclesiarum Prælatos, providere, si fieri commodè possit, ut pia, & antiqua consuetudo in omnibus templis, & altaribus sacras reponendi reliquias, perseveret, quod & in introitu Missæ significatur: *Oramus, te Domine, per merita Sanctorum tuorum, quorum reliquie hæc sunt.*

Porro exinde non improbabiler resoluit Egid. Coninck citat. dub. 2. num. 240. Altare, seu stabile, seu portatile non execrari per solam fractionem, vel amotionem sigilli, seu sepulchri, in quo sacra reliquie conditæ sunt: quamuis contrarium dicant Canonistæ in c. 1. & c. ligneis, de consecr. altaris. Durandus in rationali lib. 1. c. 6. n. 34. Angel. ver. altare, s. 2. Syl. ead. q. 8. Sa num. 1. Henriquez, Scortia, & alij communiter, probantque ex cit. cap. 1. *Ad hæc si altare motum fuerit, aut lapis ille solum modo superpositus, qui sigillum continet, confractus, aut etiam diminutus, debet iterum consecrari.* Verùm his verbis non

dicatur, altaris consecrationem amitti, si sigillum frangatur: sed si lapis, siue mensa consecrata frangatur, in qua sigillum, seu reliquiarum receptaculum continetur: Nihilominus puto, seruandam esse Ecclesiarum consuetudinem, communi Doctorum sententia firmatam, ut altaria iterum consecrentur: cum enim sigillum hoc censeatur præcipua pars mensæ: meritò ob eius fractionem, vel amotionem, ipsa mensa siue lapis notabiliter confractus, vel diminutus æstimatur. Atque hæc de execratione altarium, & sacrorum vasorum.

Quod verò attinet ad violationem, altare etiam mobile, item calix, patena, corporale violantur, seu polluantur per sanguinis, vel humani seminis sacrilegam effusionem: ideoque episcopali reconciliatione indigent. Sin verò aliter profanentur, v.g. ad communes vsus sacrilegè adhibeantur: tum propriè non censentur violata, quamuis decens sit simplici eas benedictione reconciliare, sicuti supra de ecclesijs profanatis dictum fuit.

Ad extremum, statutum est in c. ult. d. 2. de consecr. *Ut in altari, in quo Episcopus Missam cantauit: Presbyter eodem die aliam celebrare non præsumat:* idque ob solam Episcopi reuerentiam ait Glossam ibidem: sed excipi debet, nisi Episcopus licentiam det: vel nisi necessitas urgeat: quod etiam docent Palud. in 4. d. 13. quæst. 2. a. 4. Summistæ verb. altare. Henriquez lib. 9. c. 28. num. 1. Veruntamen constitutionem istam non ubique observari, bene admonet Scortia libro 2. de sacrific. capite 14. num. 6.

Affertio II. In altari, dum Missæ sacrificium peragitur, necessaria sunt ornamenta quædam: I. Lintheum seu mappa linea extensa super mensam altaris. Et si verò deceat, totum altare eo cooperiri, ac vestiri, tamen non in omnibus ecclesijs id observatur, uti notauit etiam Scortia l. 2. c. 14. n. 8.

II. Altera mappa, seu palla linea: quam decet quidè, sed necessarium non est duplicatam esse, teste Syl. verb. corporalia, in princ. & ver. Missa, l. n. 2. Suar. disp. 81. s. 6. Sa ver. Missa, n. 7. Henriq. in fine c. 28. Scortia l. c. Quamobrem satis esse, inquiunt Suar. & Sa, si mappa continua, sed duplicata corporali subiecta sit.

III. Corporale, (repræsentans syndonem, qua Christi corpus inuolutum erat) quod proximè mappis imponitur.

IV. Palla, quæ calici superponitur, & pars quædā corporalis esse censetur, sicuti colligitur ex antiqua consuetudine, secundum quam corporale etiam calicem cooperiebat, uti præter alios notauit Scortia lib. 3. cap. 5. quare vtrumque pari modo lineum esse debet: non sericum, vel auro elaboratum, partè sua interiore: vtrumque etiam benedictum esse oportet ab Episcopo, vel alio habente privilegium Sedis Apostolicæ. Ita habetur in c. consulto, d. 1. de consecr. & docet S. Th. q. 83. a. 3. ad 7. & 8. De reliquiarum verò mapparum benedictione nihil in iure sancitum: docet tamen, & consuetum est, ut benedicantur, sicuti docet Azor cit. c. 28. q. 8. s. porro, Scortia l. 2. c. 14. n. 8. Quamuis id necessarium non esse dicat Syl. verb. benedictio, q. 5. & expressius Suarez disp. 81. s. 6. Quamobrem si fortè celebraturo Missam, nulla mappa benedicta præstò sit, fas erit alia linthea munda corporali substernere, quæ deinde sicuti prius, vsibus profanis applicari poterunt, sicuti docet Sa num. 7. Azor cap. 28. quæst. 8. in fine.

V. Est calix, & patena, ex materia aurea, argentea, vel, si paupertas postulet, saltem stannea: non itè ex ligno, lapide, ferro, ære, aurichalco, vitro, sicuti docet S. T. 3. p. q. 83. a. 3. ad 6. Rich. l. 4. sent. d. 13. q. 3. Abb. in c. ult. de celebrat. Missarum. in fide, aliq; cōmuniter. Quamquā olim etiā vitrei calicis atq; patenæ vsū fuisse, constat ex l. Pontif. Damasi, in vita Zepherini, S. Hier. ep. 4. ad Rust. Ep. hæc. 14. & ita S. Donati Episc. ac Martyris apud Bar. in martyro. die viii. Augusti, qui calicem vitreum à Paganis fractū:

orando restaurauit. Sed & ligneum calicem olim vsurpatum fuisse, dicitur in c. vasa, d. 1. de consecr. quod est Concil. Triburiensis, c. 18. *Quondam Sacerdotes aurei ligneis calicibus utebantur: nunc è contrario lignei Sacerdotes aureis utuntur calicibus.* quod esse dictum S. Bonifacii Episcopi ac Martyris testatur V. Valfridus Strabo de rebus Ecclesiasticis, cap. 24. Et postea subiungitur in cit. c. vasa, *Ne decus matris Ecclesie minuatur, sed magis cumuletur, & amplifietur, statimur, ut deinceps nullus Sacerdotum sacrum mysterium Corporis & Sanguinis Domini nostri Iesu Christi in ligneis vasculis ullo modo conficere presumat.* In can. verò seq. eiusdem d. 1. de consecr. legitimus: *Ve calix Domini cum patena, si non ex auro omnino, ex argenteo fiat.* Et infra: *Si quis autem tam pauper est, saltem vel stanneum calicem habeat: de ere, aut aurichalco non fiat calix: quia ob vini virtutem arginem parit, quæ vomitum pronocat.* Nullus autem ligneo, aut vitreo calice presumat Missam celebrare.

Sed dubium est de plumbo, vtrum ex eo sacer calix, & patena confici possint: Ita affirmat Sa ver. Missa, n. 18. Sed Scortia de sacrificio Missæ lib. 2. cap. 14. Suarez disp. 81. s. 7. & alij rectius negant: si intelligatur de cuppa calicis: nam pedem nihil prohibet fieri ex cupro, vel plumbo, teste Egid. Coninck dub. 3. cum quasi non sit pars calicis, ait Henriquez capite 28. numero 2. in

Debent autem calix & patena ab Episcopo esse consecrata, & chrismate vincta. Abbates tamen quidam eadem potestate gaudent, ex consuetudine immemoriali, teste Armila ver. calix; item Sacerdotes Ordinis Minorum, & Societatis Iesu, proficiscentes ad Indos, ex privilegio Papali, sicuti videre est apud Sa ver. calix. Rod. ci. q. 19. a. 3.

VI. Est purificatorium, ex lino factum: quod benedictum esse oportet.

VII. Lumen, sicuti constat ex c. vlt. de celebrat. Missarum; decet autem esse geminum, atque in cerea candelā ardens, qua de re vide Scortiam l. c. vbi mysticas huius rei significationes adfert.

VIII. Missale. Denique in regulis, siue ritibus Missæ requiritur Crucifixus super altari: quod præceptum perinde obligat, sicuti alia de caeremonijs Missæ obseruandis; quamuis, propter materiæ paruitatem, sub culpa veniali tantum, teste Suarez sect. 6. Quasi obligatione etiam preces à Sacerdote inter induendum dicendæ sūt: vt tamen earum ommissio, si absit contemptus, culpa mortalis non sit, teste Henric. c. 24. in fine, Scortia lib. 2. c. 9. in fine, contra Nau. lib. 3. concl. 3. de celebrat. Missarum, edit. 2.

Assertio III. In Missis adhibendus est minister, saltem vnicus (si de priuatis Missis sermo sit) qui totius populi nomine sacrificanti respondeat, vinum & aquam porrigat, &c. sicuti colligitur ex c. proposuit, de filiis Presbyteri, & habetur in Concil. Moguntiaci, ca. 43. t. 3. Concil. & docent Gl. & DD. in c. hoc quoque, d. 1. de consecrat. S. Th. q. 83. a. 5. ad 12. Debet autem is esse mas, non mulier, sicuti habetur in c. 1. de cohabit. Clericorum, & mulierum, & docet Palud. in 4. d. 13. q. 2. a. 1. concl. 2. Syl. ver. missa, l. q. 2. Scortia lib. 2. c. 11. Suarez disp. 87. s. 1. Sotus d. 13. qu. 2. ar. 5. argum. 12. qui satius esse arbitrantur sine ministro celebrare, quam fœmina ad altare respondente, vrceolos porrigente, &c. Interim tamen nihil ob stare videtur, quominus fœminæ, præsertim Sanctimoniales, ex loco remoto sacrificanti respondeant, vt fatentur Palud. & Suarez ll. cc. Henric. l. 9. c. 30. Porro in quibusdam locis apud nos consuetudo viget, quæ ab Episcopis toleratur, ideoque damnari non potest, vt Sacerdotes, præsertim in pagis, sine ministro respondente celebrent.

Assertio IV. Vestes sacræ, quibus sacrificans indutus esse debet, sex sunt: I. Amictus seu superhumeralis, significans galeam salutis, videlicet spem & fiduciam in Deū.

II. Alba significans colore suo cordis puritatem, longitudine verò boni operis perseverantiam. III. Cingulum, indicans carnis continentiam. Quamuis autem Richard. in 4. d. 11. a. 4. q. 3. Sa ver. Missa, n. 10. dubitent, vtrum cingulum benedictum esse debeat, est tamen affirmandum, quod & praxis obseruat, vt monet Palud. in 4. d. 13. qu. 2. a. 6. Nau. c. 25. n. 84. Azor c. 28. qu. 9. & Glossator Sa ver. Missa, n. 10. Suarez disp. 82. s. 2. IV. Manipulus, significans cordis compunctionem: quare ea forma factus est, vt ad tergendas lacrymas idoneus sit. V. Stola, quæ Sacerdotibus ex utroque latere, Diaconis ex sinistro dependet: significans iugum Christianæ obedientiæ, per patientiam, & animi fortitudinem. VI. Casula, repræsentans suauem iugum Christianæ Charitatis, reliquis virtutibus supereminens, eaq; protegens. Vide Palud. in 4. d. 24. q. 5. a. 1. Guil. Durand. in rationali, 3. Suarez l. c. Tol. l. 2. c. 2. Scortiam l. 2. c. 8.

Oportet autem has vestes integras, &undas esse: 15 quod multò magis sentiendum de calice, patena, corporali, purificatorio: quippe quæ proximè Corpus, aut Sanguinem Christi contingunt. Quare plures arbitrantur, peccatum mortale esse in vestibus, aut vasis valde immundis celebrare, sicuti videre est apud Syl. ver. Missa, l. q. 2. Tolet. lib. 2. c. 2. Sa ver. Missa, n. 15. arg. c. relinqui, de custod. Euchar. vbi Innoc. III. *Precipimus, vt oratoria, vasa, corporalia, & vestimenta munda, & nitida conseruentur. Nimis enim absurdum videtur in sacris sordes querere, quæ dedecere etiam in profanis.* Interdum tamen Sacerdos subditus, si Superiorem, vt vasa mundari, vel munda seruari curet, admonuerit, nihil quæ effecerit, excusatur propter sacrificandi necessitatem.

Porro docent DD. Sacerdotem celebrantem calceatum esse oportere: ob maiorem honestatem, ac decorem quamuis huius ommissio non videtur esse mortalis, vt videre est apud Toletum, & Sa ll. cc. Scortiam li. 2. c. 8. n. n. Suarez di. 82. s. 3. Imò nulla erit culpa, si necessitas aliud possit, & scandalum cesset.

E contrario verò, caput sacrificantis apertum & nudum esse oportet, sicuti habetur d. 1. de consecr. *Nullus Episcopus, Presbyter, aut Diaconus ad solemnia Missarum celebranda presumat cum baculo introire, aut velato capite altari assistere: quoniam & Apostolus prohibet, viros velato capite orare in ecclesia: & qui temere presumpserit, communione priuetur.*

Notant tamen Doctores, Episcopum, vel Ordinis Prælatum ob causam v. g. infirmitatis, licentiam dare posse sacrificandi capite aperto amictu, vel pileolo: præsertim vsque ad consecrationem, sicuti videre est apud Azorium ca. 28. q. 16. Sa ver. Missa num. 17. Suarez cit. s. 3. Scortiam in lib. 3. c. 4. Imò, si causa ita celebrandi manifesta sit, non esse opus Episcopi dispensatione, docet Nauar. l. 3. consil. 7. de celebrat. Missarum, edit. 2. Syl. ver. Missa, l. q. 2. Henric. l. 9. c. 26. n. 3. Dummodo scandalum cesset: si videlicet in loco priuato sacrificetur, vel si causa ita celebrandi, ob senectutem sacrificantis, loci frigus, &c. omnibus presentibus manifesta sit.

Sed est Quæstio Prima. Si aliquid ex suprâ requisitis ad sacrificandum occurrente aliquo casu, haberi non possit, vtrum idcirco Missæ sacrificium intermittendum sit? Cui quæstioni non potest vna simplici responsione satisfieri: sed ex vna parte quantus defectus: ex altera verò parte quanta sacrificandi sit necessitas, pensanda, & inter se conferenda sūt. Nā imprimis cōmuni, & profano vestitu, vel sine cōsueto Canone sacrificare nunquā licet, vt rectè docet Cai. l. 2. q. 96. a. 4. Nau. l. 3. consil. 3. de celebrat. Missarum edit. 2. Excepto casu grauissimæ necessitatis, puta ob mortis periculū. Quāquā, moraliter loquendo, vix accidere potest, vt aliquis Sacerdotē ad ita sacrificandū, intentato mortis metu, cogat: præterquā in contēptū Religionis Christianæ: quo casu nulla ratione fas esset obtemperare, vt dixi in materia de leg. l. 1. tr. 4. & docet Vasq. l. 2. d. 161. c.

161. c. 3. *Ægid. Coninck* q. 83. a. 5. d. 3. n. 250.

Idemque dicendum si non habeatur ara consecrata, vel calix, patena, aut corporale: vel desit liber, saltem Canonem continens, vt docet *S. Anton.* 3. p. tit. 13. c. 6. §. 6. *Nau.* c. 25. man. n. 84. Nisi aliquis constantissima memoria polleat, vt moraliter certus sit, se non erraturum: talis in casu aliquo sacrificare poterit absque libro, si scandalum absit.

Secundò, Si magna celebrandi necessitas sit: vt puta, quia frequens populus non sine scandalo, ac murmure dimitti deberet: celebrari tum potest sine stola, aut sine manipulo, vel cingulo benedicto, sine ministro. Si autem tanta celebrandi necessitas non est: etsi ex Ordinis regula, vel etiam Ecclesiæ præcepto, Missa facienda sit; præstat tamen intermittere, si stola, manipulus, vel altaris Minister haberi non possit, secundum *S. Anton.* l. c. *Henriq.* lib. 9. c. 30. in principio. Nam eo casu, quo Missa rite, ac decenter celebrari non potest, cessat obligatio legis de sacro faciendo, vel audiendo. Notant tamen *Nauar.* l. c. *Azor* 10. 1. lib. 10. c. 28. q. 9. *Sanu.* 9. manipulum in tali casu inferuire alicui posse pro stola, & stolam pro manipulo: cum eandem benedictionem habeant; quam ob rem si ex stola manipulus conficiatur, vel vice versa, opus non est noua benedictione.

Tertiò, Licet necessitas magna non vrgeat, celebrari potest sine crucifixo: vel cum vnica mappa benedicta, vt significat *Azor* cit. c. 28. quæst. 8. §. quæres. Præterea licet communi Ecclesiarum consuetudine receptum sit, vt lumen sit geminum, & in cera, ob causam tamen etiã, non valde grauem, celebrari posset cum vno cereo, vel igne ardente in oleo, aut seuo: modò scandalum absit. Ita *Azor* ci. c. 28. q. 15.

18 Denique addendum, quòd Sacerdos Missam celebrans, non debet populum benedicere, si celebret coram Rom. Sedis Cardinale, vel coram Episcopo in loco iurisdictionis suæ: sed ipsi insinuare, vt benedicat: eo autem recusante, & facultatem ipsi præstante, benedictionem dare potest, vt notat *Gl* in c. ecce, d. 95. *Abb.* in c. volentes, de offic. legati, *Palu.* in 4. d. 24. q. 5. a. 1. & annotauit in regulis Missalis.

ALTERA QVÆSTIO. Quibus personis competat sacras vestes, vasa & reliquias contingere. Respondeo & dico I. Sacra vasa, videlicet calix, patena, corporale, ciborium, dum in iis continetur Corpus, vel Sanguis Christi, à nemine, præter Sacerdotem, & Diaconum, sine graui culpa, tangi possunt. Sumitur ex c. non oportet, d. 23. & docet *Palud.* in 4. d. 13. q. 1. a. 4. *Suar.* disp. 81. f. 8.

19 Dico II. Sacra vasa, etsi vacua sint: item quæ consecrata, & chrismate vincta, vt altare, cereos agnos, fas non est laicis, & foeminis, etiam Sanctimonialibus, attingere, si cuncti colligitur ex c. in sancta, dist. 1. de consecrat. c. sacratas, aliisque iuribus dist. 23. Cuius tamen rei transgressio, si contemptus absit, culpam venialem non transcendit, teste *Suar.* l. c. *Ægidio Coninck* cit. dub. 3. num. 249. *Azor* 1. 1. lib. 9. c. 9. q. 3. *Sanchez* lib. 2. c. 43. n. 27. Imò, si rationabilis causa suadeat, nulla erit culpa, secundum ea, quæ docet *Sotus* in 4. d. 13. q. 2. a. 3. ad 2. *Ægid.* & *Sanchez* l. cc.

Propter hæc in c. nemo, 2. d. 1. de consecrat. statutum est, vt corporalia, & purificatoria, antequam laicis dentur, à Diacono in pelui ad id præparata, prius lauentur, & aqua lotionis in sacrarium effundatur. Quod de prima saltem ablutione accipiendum est, vbi consuetudo viget, vt foemina, præsertim sacrata, corporalia, & purificatoria à Ministro leniter lota, iterum lauent, & perficiant, teste *Cai.* in sum. ver. mulierum peccata, *Syl.* ver. corporalia q. 1. *Ægid.* l. c.

His adde primò: quòd corporalia & purificatoria, & c. post lotionem, antequam ad Sacrificium denuo adhibita sunt etiam à laicis, sicuti alix pallæ benedictæ, cum reue-

rentia tangi possint. Adde secundò. Quòd excommunicatio ipso iure lata sit à *Greg. XII.* in eos, qui agnos Dei depingere, inficere, minio notare, aurum, vel colorem aliquem imponere, & c. vel tales venales proponere, aut tenere audent: sicuti legere potes apud *Azor* supra ci. c. 9. q. 1. Sed arbitror, hanc constitutionem non omnibus locis receptam esse.

Dico III. Maius dubium est, vtum Acolythis, atque inferioribus Clericis extra sacrum ministerium, siue solemne Missæ officium, sacra vasa contingere licitum sit? Negant *Palud.* cit. quæst. 1. a. 4. *Henriquez* in fine, ca. 28. in comment. lit. a. *Coninck* cit. du. 3. num. 249. *Azor* 1. lib. 9. c. 9. quæst. 6. arg. c. non liceat, 1. dist. 23. Affirmat. verò *Suar.* cit. disp. 81. f. 8. his verbis *Extra sacrum ministerium quilibet Minister sacer, id est, quocunque minore gradu ordinatus, non peccabit contingendo hæc vasa, sicuti colligitur ex c. non oportet, 3. & c. non liceat, 2. d. 22.* Cui sententiæ id solum obstat, quòd, licet olim pro temporum, aut locorum diuersitate, diuersæ fuerint circa hanc rem constitutiones, sicuti manifestum est ex citatis iuribus, & tota d. 23. Nunc tamen consuetudo obtinuisset videtur, vt nemo, qui saltem Subdiaconus non sit, sacra vasa contingat; nisi causa aliqua suadeat: puta quia Acolythus Sacerdoti, nullo præsentis Subdiacono, ministratus, officii causa priuatim preparat ipsi calicem, quod, consideratis circumstantiis, internum licite fieri poterit: alioquin verò si nulla ratio vrgeat, puto abstinendum esse Acolythis à contactu sacrorum vasorum, propter comminam Doctorum sententiam, & Ecclesiarum praxin, quam & stylus Curie Romanæ confirmat: ex qua interdum privilegia impetrantur, vt tonsuratis, vel in minoribus Ordinibus constitutis sacra vasa contingere licitum sit. Ordines verò Mendicantium privilegium Sedis Apostolicæ habent, vt omnes eorum Regulares, tametsi laici sint, dū Superiorum suorum voluntate, in propriis ecclesiis Sacristæ officio funguntur, omnia paramenta, sacra vasa, & corporalia, reuerentes tangere, & lauare possint, sicuti videre est apud *Azor* citat. quæstione 6. in fine.

Dico IV. Mortale peccatum est adhibere sacra vasa, corporalia, & c. ad vsum profanum, v. g. ad conuiuium, ad naves purgandas. Quia id continet grauem irreuerentiã, & virtualemente contemptum. 10

Dico V. Alias vestes, & pallas benedictas, quæ neque immediate corpus & sanguinem contingunt, neque sacro chrismate vinctæ sunt, cum reuerentia tangere omnibus etiam laicis concessum est. Verum ad profanos vsus adhiberi non debent, licet vetustate absumpta, vel lacerata sint: quin potius signi absumenda esse, dicitur in c. ligna, & c. altaris, de consecrat. d. 1. & videri potest *Palud.* in 4. d. 24. q. 5. a. 1.

Idemque de sacris reliquiis dicendum videtur, eas cū reuerentia tangere, & thecis includere prohibitum non esse, sicuti notauit *Sanchez* lib. 2. moral. c. 43. n. 26. & videri potest *Azor* cit. c. 9. q. 5. Quamuis publice in templo, aut processione sacrarum reliquiarum thecas gestare, ad sacros duntaxat Clericos spectare videtur, teste *Anton.* 3. parte. tit. 14. cap. 12. §. 4. *Syl.* verb. Euchar. 3. quæstione 4. Videri etiam potest *Scottia* libro 3. capite 12.

Denique notandum, valde decens esse, atque in his partibus vsitatum, vt pyxides atque ciboria, in quibus sacrum chrisma, vel hostiæ consecratæ asseruari solent, prius benedicantur, quam ad eum vsum admodum sacrum adhibeantur, vt docent *Durantis* lib. 1. de ritibus Ecclesiæ, c. 16. *Suar.* disp. 81. f. 7. *Coninck* cit. dub. 3. num. 245. & colligitur ex regulis Missalis, de ingressu Sacerdotis ad altare. Atque olim etiam eiusmodi vasculum benedici solitum fuisse, videre licet in Ordine Romano. Hodie verò non vbique consuetum esse, vt benedicantur, testantur *Palud.* in 4. d. 13. q. 1. a. 4. concl. 4. *Syl.* verb.

Euchar. 3. q. 4. S. Anton. cit. §. 4. Azor to. 1. lib. 10. c. 27. q. 7. Suarez & Aegid. ll. cc. Cæterum tametsi pyxides seu ciboria, item lunula, quæ sacram Eucharistiam immediatè contingit, benedicta sint: quia tamen chrismate non uncta, sicuti sacri calices: ideo priusquam ad sacrû Corporis Christi contactum adhibentur, à laicis æquè, ac Clericis tangi possunt: item postquam species sacratas contigerunt: quod etiam de corporali, & purificatorio dici debet.

CAP. VII.

An, & quibus casibus Missæ sacrificium interrumpere, vel imperfectum relinquere licitum sit?

SUMMARIUM.

1. *Nunquam licitum est directâ intentione accedere ad consecrandum solum panem, sine consecratione vini.*
2. *Sacrificium cœptum interrumpere, aut relinquere, non est licitum, exceptis quibusdam casibus.*
3. *Si Sacerdos post consecrationem aduertat, aquam pro vino appositam fuisse, potest occultè aliud vinum apponere, & consecrare, sine noua panis consecratione.*

Imprimis aduerte: Duplicem posse esse Sacrificij interruptionem: vnâ essentialem, si inchoatum per consecrationem panis, non perficiatur consecratione calicis. Cuiusmodi interruptio, directè intentâ, nullo casu, ne ad mortem quidem vitandam, concessa est: vt si quis necem minetur Sacerdoti, nisi in solo pane sacrificare aggrediat, v. g. ad communicandum infirmum: potius omnia perferre debet, quàm Sacrificium mutilû, contra Christi institutionem, efficiendo, sacrilegium committere. Alia verò ratio est, si in aliquo casu v. g. hostes hæreticis ingruant ad occidendum sacrificantem in altari, potest is hostiam iam consecratam statim sumere, vel secum auferre, si ad consecrandum calicem sine euidente mortis periculo pergere non possit: quia tunc directè, & ex proposito non mutilat Sacrificium, sed permittit eius imperfectionem, seu omittit illud perficere: cùm præceptum affirmatiuum perficiendi in tali casu necessitatis non obliget, sicuti bene inter alios notauit Chapeauille c. 4. sibi tract. q. 20.

Porro ad essentialem interruptionem reuocari etiam debet, si Sacerdos hostiam, vel calicem consecrat sine eius sumptione: quia licet sumptio non pertineat ad essentiâ Sacrificij, pertinet tamen ex Christi institutione ad eius integram perfectionem: vt proinde nullo casu, ne ad mortem quidem vitandam, liceat sacrificare sine sumendi proposito, licet postea, si per accidens casus grauissimus extremæ necessitatis interueniat, sumptione Sacerdos abstinere possit.

2. Altera interruptio Sacrificij accidentalis est, si vel alia actio à Sacerdote interponatur, vel ritus accidentales interruptantur, vel Sacrificium ab vno inchoatum ab altero Sacerdote perficiatur, de qua postrema interruptione hoc loco agendum est.

Assertio. Missa inchoata, absque graui causa, abrupti non debet, sed continuè vsque ad finem proseguenda. Ita habetur in c. illud, &c. nihil. 7. q. 1. vbi dicitur in fine can. Nullus, absque parentis prouentu molestia, ministrare, vel Sacerdos, cùm cœperit: imperfecta officia præsumas omnino relinquere: si quis hæc temerariè præsumpserit, excommunicationis sententiam sustinebit.

Causæ tamen iustæ cœptum Sacrificium vel relinquendi, vel interrumpendi sunt hæc: I. Si Sacerdos recorderetur se non ieiunum, vel excommunicatum, aut irregularem esse, & Canon nondum cœptus sit, qua de re dixi tr. præc.

c. 6. n. 21. II. Si excommunicatus, & non toleratus Missæ sacrificio interesse præsumat, qui expelli nequeat: dummodo Missæ canon nondum cœptus sit, qua de re dixi lib. 1. tract. 5. p. 2. c. 2. num. 6. III. Si morbus, vel alia grauis corporis necessitas cogat sacrificium Missæ interrumpere, quò in casu, si consecratio facta fuit, debet alius Sacerdos substitui, si prior redire, & Sacrificium proseguere non possit, sicuti colligitur ex cit. c. illud, 7. q. 1. c. nullus, Episcopus, d. 1. de consecrat. & docet S. Th. q. 83. a. 6. ad 1. Nau. c. 25. n. 86. vbi rectè notat, si ieiunus Sacerdos non adsit, supplendum esse Sacrificium à non ieiuno: quòd maius sit præceptum de Sacrificio non relinquendo imperfecto, quàm præceptum de sacrificando, & communicando ieiunè. Sin autem Sacerdos defecit ante consecrationem cœpto canone, poterit quidem accedere alius Sacerdos ieiunus, qui Missam proseguatur, tamen id necessarium non est, teste Angelo, ver. Euchar. 3. princ. Henric. lib. 8. c. 50. n. 3. Porro qui sæpius in sacrificio Missæ ob corporis infirmitatem deficere animaduertitur, is tanquam irregularis amouendus est, vt habetur in cit. c. illud. IV. Ob magnam proximi vtilitatem, aut necessitatem: puta si alicui mortis proximo sacramentum sit ministrandum. Quia tamen in re considerare debet Sacerdos partim magnitudinem periculi, seu quam necessarium morituro sit sacramentum; partim verò, quousque in Sacrificio progressus sit; partim denique quamdiu eum abesse, & num sacris etiam vestibus exui necesse sit. Et primò quidem, si infirmo morituro sacramentum Pœnitentiæ ministrandum sit, potest Sacerdos inquit Zambranus cap. 4. dub. 6. n. 5. Missam inchoatam, etiam post consecrationem, relinquere: seruante interim aliquo S. Eucharistia: & secum deferat aliquam formam consecratam, & Extremam unctionem ad infirmum: & audita eius Confessione, & data Eucharistia, & Extrema unctione (remissis tamen psalmis pœnitentialibus ad ecclesiam post Missam) reuertatur ad perficiendum Sacramentum. Idemque eadem ratione dicendum si infirmo mortis propinquo ob phrenesin, v. g. nullum aliud sacramentum, præter Extremam unctionem, conferri possit, teste eod. Zambr. & consentit Ioan. Chapeauille c. 1. q. 12. Sæpius tamen operam dare debet Sacerdos, vt quam citissimè potest, se expediat, & ad perficiendum Sacrificium redeat: postea verò, si opus videatur, iterum infirmum inuisat.

Secundò: Si sacramentum infirmo ministrandum non sit tantæ necessitatis, puta S. Eucharistia per modum viatici ministranda sit ei, qui paulò antè confessus fuerat, tunc non decet sacrificantem post factam oblationem, vel cœptè post Canonem cœptum, exutis sacris vestibus, Sacrificium derelinquere. Si tamen homo in ipso templo existens sacro viatico indigeat: quia subito morbo correptus, mox moriturus timetur; debet Sacerdos etiam post consecrationem ab altari discere, & sacramentum ministrare, sicuti in simili docet Gl. in cit. c. nullus. Henric. cit. c. 30. n. 4. Zambranus l. c. vbi aiunt, quòd sacrificantem ab altari recedere oporteat, ad infantem mortis vicinum in Ecclesia baptizandum.

Tertiò: Si alicui in extremis constituto sacra Extrema unctio ministranda sit, præsertim tali, cui petendi facillè denegari non possit: arbitror Sacerdotem, ante factam oblationem, à cœpta Missa desistere posse, si scandalum absit. In quo casu si diu non absuit, videlicet non amplius horam: tunc reuerius pergere debet, à quo loco reliquerat, v. g. dicto Evangelio; sicuti, si concio interuenisset. Sin verò longa mora interposita fuit, quia v. g. ad locum distantem euocatus erat Sacerdos: tunc ab initio repetere Missam debet.

Aliæ porro causæ sunt, Missam interrumpendi ante factam oblationem; videl. vt post Evangelium fiat prædicatio ad populum, vel propter Ordines conferendos. Qua de re Henric. cit. c. 30. n. 3. Deinde si Episcopus, Dux, vel processio populi adueniat, quos integram Missam au-

sam audire debeat: fas erit hoc casu, si alius Sacerdos non sit, Missam à capite inchoare, si oblatio nondum facta fuerat, uti docet Nau. cit. n. 86. Sa ver. Missa, n. 21. Henriq. cit. n. 3. Azor lib. 10. c. 32. q. 3. Scortia lib. 2. c. 18. idque in praxi observatum esse, testatur Nau. & Henriq. lo. cit.

Quod attinet ad alios defectus, qui in Missa contingere solent, videri possunt regulæ Missalis, & quæ scribit Henriq. lib. 9. c. 36. & 37. Sa ver. Missa, n. 30. & seqq. Suar. disp. 85. s. 1. & 2. Coninck q. 83. a. 6. Id verò præcipuè annotandum, tametsi rubrica Missalis sequatur probabilem sententiam S. Th. q. 83. a. 6. ad 4. Si Sacerdos post consecrationem animaduertat aquam pro vino oppositam oportere eum non solum calicem, sed & panem de nouo offerre, & consecrare: incipiendo à verbis illis. *Qui pridie, quàm pateretur*: tamen nullum ibi præceptum imponi, quominus Sacerdos: præsertim si publicè celebret, imò verò etiam priuatim, sequi possit sententiam Scoti in 4.

d. 8. q. 3. §. alius casus specialis, Gabriel, lect. 10. in Canon. Missæ, Adriani in 4. de Euchar. q. Viso de impedimento Nau. cit. c. 25. man. num. 91. & aliorum: Satiùs esse, ut Sacerdos animaduertens aquam pro vino infusam fuisse, ad cornu altaris accedat, & effusâ aquâ in aliquod vasculum (quam aquam deinde pro ablutione capere potest, vel in piscinam mittere debet) nouum vinum cum pauxillo aquæ imponat, dissimulante offerat, & consecret, incipiendo à verbis illis: *Simili modo*. Quòd si pauxillum aquæ in calicem remansit (ut puta quia relinquam hausit, vel in ore adhuc habet, ut deglutire oporteat, non verò irreuerenter in calicem mittere) consultius erit, vinum statim superinfundere, offerre, consecrare, & sumere: Ratio huius sententiæ est: quia, uti in Sacramentis, ita & in Sacrificio nihil iterandum: sed quod omissum, cautè supplendum esse videtur, arg. c. 1. de sacramen. non iterandis.

TRACTATUS SEXTVS.

DE

SACRAMENTO POENITENTIAE.

CAP. I.

DE NOMINE, ET NATVRA
Pœnitentiæ, quatenus ea virtus est.

SVMMARIVM.

1. Pœnitentia tum praterita Vita detestationem, animique dolorem, tum nouæ Vita inchoationem continet.
2. Pœnitentia virtus definitur: Detestatio, ac dolor animi de peccato, quatenus est offensa Dei, intentione eam abolendi ac compensandi.
3. Pœnitentia virtus est pars quadam iustitiæ erga Deum.
4. Duplex est pœnitentiæ actus. Vnus perfectus, qui dicitur contritio: alter imperfectus, qui attritio in seculis appellari solet.
5. Vera contritionis actus tum à Charitate, tum à Pœnitentiæ virtute procedit.
6. Pœnitentia virtus extendit se etiam ad abolendum penam peccatis debitam, adeoque satisfactoria opera Deo exhibenda.
7. Contritionis actus in omni lege fuit congrua dispositio per Christi merita consequendi iustificationem.
8. Qui verè contritus est, si saltem implicite paratus esse debet quoduis aliud malum potius perferre, quam contra Deum peccare.
9. In vera contritione continetur propositum, saltem implicitum, seruandi mandata Dei.
10. Attritio, seu imperfectus dolor de peccatis, ut homini utilis sit ad salutem, debet ex supernaturali motu proficisci.
11. Timor Dei alius filialis est, & alius seruilis. Timor autem seruilis alius bonus, quamuis imperfectus: alius vero malus, & Charitati oppositus.



POENITENTIA à Pœna dicta est: quod sit dolor animi, se ipsum affligentis, vel punientis, ob malè commissam, vel omissam. Hinc Isidorus Hispalensis ait lib. 6. Ethym. c. ult. Pœnitentia appellata est, quasi punientia: eo quod ipsemet homo in se puniat: pœnitendo, quod malè admisit. Et S. August. epist. 108. ad Seleucianum: Est pœnitentia bonorum, & humilium fidelium pœna quotidiana, in qua pœctora tundimus dicentes, Dimitte

nobis debita nostra. Vide etiam Auctorem de vera, & falsa pœnitentia, c. 8. 19. apud S. August. to. 4.

Græcè dicitur *μετάνοια*, quasi mentis mutatio, uti Tertull. interpretatur lib. 2. contra Marcionem, & alludit S. August. hom. 41. ex 50. relatus in c. 10. d. 3. de pœn. Pœnitentes (si tamen estis pœnitentes, & non estis irridentes) mutare vitam, reconciliamini Deo. Quocirca consentit vox *תשובה* quæ conuersionem significat, sicut videre est Ezech. 18. Ioel. 2. aliisque locis Scripturæ.

Porrò, licet vox illa græca, sicuti & hebræa, secundum etymon suum, accessum ad Deum, seu iustitiæ, ac melioris vitæ inchoationem exprimat, tamè secundum sacræ Scripturæ vsum, & communem SS. Patrum, imò & profanorum Scriptorum acceptionem, omnes illæ voces eandem rem, siue actum pœnitentiæ significare solent: qui est detestatio, & dolor seu tristitia animi, de commissio peccato, uti videre est Iobi c. ult. Idcirco ipse me reprehendo, & ago pœnitentiam in fauilla, & cinere. Ioel. 2. Converterimini ad me in toto corde vestro, in ieiunio, & fletu, & planctu: & scindite corda vestra. Mat. 11. Si in Tyro, & Sidone factæ fuissent virtutes, quæ factæ sunt in vobis, olim in cilicio & cinere pœnitentiam egissent, ieiunauerunt. Item Ouidius lib. 1. de ponto, Elegia. 1.

Pœnitet, ô si quid miserorum traditur ulli:

Pœnitet, & factæ torquor ipse meo.

Et clariùs Ausonius in Epigrammate de occasione & pœnitentia:

Sum Dea, quæ facti, non fatique exigo pœnas:

Nempe ut pœnitcat, sic & petanora vocor.

Cum enim per actum virtutis pœnitentiæ homo ad meliorem vitam, animi mutatione, se conuertat, & ad iustitiam accedat: necesse est, ut non solum nouæ vitæ propositum concipiat, seu respiciat: sed imprimis etiam vitæ veteris, seu peccatū tanquam malū abolendū detestetur, ac de eo doleat: quandoquidem omnis mutatio duos terminos requirit: vnum à quo recedatur, & alterum ad quē accedatur. Quare Apost. ad Coloss. 3. ait: Exuite vos veterem hominem, & induite novum, qui secundum Deum creatus est. Et S. Augustin. lib. 50. homil. 27. cap. 1. Nemo eligit vitam novam, nisi quem veteris pœnitet. Et homil.

vlt. in fine: *Non sufficit mores in melius commutare, & a factis malis recedere, nisi etiam de his, quae facta sunt, satisfiat Deo per poenitentiae dolorem, per humilitatis gemitum, per contriti cordis sacrificium, cooperantibus elemosynis.* Quibus verbis August. perfectam peccati abolitionem describit, de qua plura infra cap. vlt. Videri potest Gratianus cap. i. dist. 3. de poenit. vbi ex S. Ambrosio refert: *Poenitentia est mala praeterita plangere, & plangenda iterum non committere.* Eadem habet S. Gregorius homil. 34. in Euangel. Ildorus lib. 6. ethym. c. vlt. & legi possunt Melchior Canus relect. 1. de poenit. Bellarm. lib. 1. de poenit. c. 7. Suar. 3. p. t. 4. disp. 3. l. 5.

Exinde colligitur, optimè docuisse S. Thomam quaest. 85. a. 2. & 3. proprium, & formale obiectum virtutis poenitentiae (ex quo ipsa speciem suam & distinctionem à reliquis virtutibus accipit) esse malum peccati, quatenus est offensa Dei, ab homine cum Dei auxilio delenda, & compensanda.

2. Quare hæc erit vera virtutis poenitentiae definitio, ex eodem. S. Thom. cit. a. 3. & a. 1. ad 3. *Detestatio ac dolor animi de peccato, quatenus est offensa, & iniuria Dei, intentione eam abolendi, & compensandi.* Dicitur *detestatio peccati*: quia actus poenitentiae elicited formaliter est ipsa displicentia, fuga & recessus animi à malo peccati. *Ac dolor* conuenienter Trident. sess. 14. c. 4. & S. Thom. II. cc. Quia ex odio ac detestatione peccati, cuius reatus adhuc praesens est, necessariò sequitur dolor; quemadmodum è contrariis ex apprehensione, & amore magni boni praesentis gaudium oriri solet. Accedit, ipsum poenitentiae nomen, vel maximè significare dolorem, seu tristitiam, & afflictionem animi de peccato, iuxta illud Baruch 2. *Anima, quae tristis est super magnitudine mali, &c.* Et 2. ad Corinth. 7. *Gaudeo, non quia contristati estis: sed quia contristati estis ad poenitentiam.* Siquidem, vt ibid. indicat Apost. tristitiam nulla vtilis est, nisi quæ de peccato concipitur. *Quatenus est offensa, & iniuria Dei*: Nam detestari peccatum, & de eo dolere, quatenus praecise est malum moris, & rationi repugnans, pertinet generatim quidem ad generale propositum virtutis, ac honestatis: particulatim verò ad speciales virtutes, quibus singula peccata opponuntur: quandoquidem eiusdem est virtutis prosequi bonum, & fugere malum ipsi oppositum. *Intentione eam abolendi, & compensandi*: Nam alioquin Charitas erga Deum sufficeret ad dolendum de malo peccati, quatenus id repugnat Deo, dolere autem de commisso peccato, quatenus est offensa Dei, cum proposito emendationis, seu compensationis, id proprium virtutis poenitentiae est auctore S. Th. in corp. a. 3. Vide eundem 1. 2. quaest. 113. a. 5. ad 5.

3. Ex quo rectè ibid. colligit S. Thom. quòd poenitentia sit pars quædam iustitiae commutativae, non simpliciter dictae, sed secundum quid, qualem inter Deum & hominem intercedere dixi lib. 1. in tract. 1. de iustitia, cap. 3. num. 3. Nam sicuti in humanis, si quis alterius ius, auctoritatem, vel honorem læsit: ad iustitiam commutativam pertinet compensare, & satisfacere: sic etiam peccatum omne repugnat honori, & auctoritati Dei, tanquam vniuersalis auctoris nostri, Legislatoris & iudicis: ideo iustitia exigit, vt læsus Dei honor, & auctoritas, quatenus fieri potest, emendetur, ac compensetur. Discrimen verò est primò; Quòd hominis læsio, seu offensa, praecipue opere externo contingit: quare etiam similiter compensatio seu satisfactio. At verò læsio, seu offensa Dei per peccatum, praecipue interno animo accidit: quare etiam retractatio seu compensatio offensa, in interna animi motione ac dolore potissimum consistit: etenim homines vident ea, quae parent, Dominus autem intuetur cor, 1. Reg. 16. Secundò, iniuriam homini illatam ad æqualitatem compensare debemus, & plerumque possumus; non item iniuriam Deo illatam: tum quia ipsa animi motio, ac detestatio peccati, est donum Dei supernaturale: tum quia pia

animi in Deum conuersio, ipso iure creationis, aliisque titulis ipsi debita est: tum quia peccator Dei infiniti offensam re ipsa compensare non potest: sed cum Dei auxilio affectum compensandi exhibet: quem quasi pro facto Deus reputans, peccatum ex misericordia gratis remittit, ac delet; hominem quæ per gratiae sanctificantis infusione sibi conciliat, quæ de re legi potest Henriq. lib. 4. qui est 1. de poenit. c. 19.

Secundò colligitur ex dictis: nihil falsi Caietani. cit. quaest. 85. a. 2. docuisse, cum dixit: Poenitentiam esse speciem virtutis Religionis erga Deum: siquidem hæc virtus (vti & iustitia erga hominem) latè potens est, & generali ratione seu habitudine respicit honorem seu cultum Deo tanquam vniuersali auctori, reddendum. Modi autem honorem reddendi, ideoque species Religionis plures sunt: quarum vna etiam Poenitentiae virtus, sicuti docet Agid. Coninck in 3. p. tom. 2. vbi de Poenit. disput. 7. d. 4. assert. 5. & fatetur Suarez disp. 7. sect. 2. in fine, & colligitur ex psal. 50. *Sacrificium Deo spiritus contribulatus.* Baruch. cap. 2. *Anima, quae tristis est super magnitudine mali, &c. dat tibi gloriam, & iustitiam.* Denique ex doctrina S. Th. qui 2. 2. quaest. 80. a. 1. iustitiam, quæ est ad Deum, Religionem vocat. Poenitentia autem est iustitia quædam erga Deum, sicuti idem S. Thom. docuit cit. art. 3. Ergo virtus Poenitentiae ad Religionem pertinet.

Tertiò colligitur: quòd Poenitentiae virtus non tantum versetur circa malum peccati detestandum, & abolendum, sed etiam circa bonum iustitiae amplectendum, & reconciliationem cum Deo obtinendam. Ratio est: Quia omnis detestatio, ac fuga mali fundatur in prosecutione, vel desiderio alicuius boni.

Duplex est Poenitentiae actus: perfectus, & imperfectus. Actus perfectus poenitentiae contritio in scholis appellari solet: Dolor animi de peccato, tanquam summo malo abolendo, quatenus Deo super omnia dilecto repugnat. Circa quam definitionem, ipsamque contritionis naturam, quædam aduertenda sunt: Primum. Idem perfectæ poenitentiae, siue contritionis actus procedit tum à Charitate erga Deum, tum à Poenitentiae virtute. Ab illa quidem, quatenus dolemus de peccato, vt est quid contrarium Deo, summo bono: ab hac autem, quatenus idem peccatum abolere cupimus, ad satisfaciendum Deo offenso, seu iniuria affecto. Nam illa quidem affectio ex Charitatis motiuo est: hæc autem ex motiuo Poenitentiae, seu iustitiae erga Deum. Tamen verò actus ille Charitatis erga Deum prior est, ac veluti imperans, actus verò Poenitentiae ac iustitiae posterior, ac imperatus (ideo enim poenitens abolere, & destruere vult peccati malum, quia est contrarium Deo delicto) tamen contritionis actus plerumque ita accipitur, vt vtrumque actum in sua ratione concludit. Videri potest S. Thom. 3. p. quaest. 85. a. 6. vbi ita scribit: *In iustificatione impij simul est motus liberi arbitrij in Deum, qui est actus Fidei, per Charitatem formatus & motus liberi arbitrij in peccatum, qui est actus Poenitentiae.* Horum tamen duorum actuum primus naturaliter praecedit secundum. Nam actus virtutis Poenitentiae est contra peccatum ex amore Dei: unde primus actus est ratio, & causa secundus. Quibus ipsis verbis satis etiam indicat S. Thom. actum dilectionis formalem, & explicitum in vera & perfecta contritione necessariò, atque intrinsecè contineri.

Alterum. Cum dicimus, in vera poenitentia, & contritione Charitas actum includi, non utique excludimus Fidem in Deum, nec spem veniae obtinendae per Christum: quin eo ipso includimus. Quæ de re ita legimus in Tridentino Concil. sess. 6. cap. 6. *Disponuntur peccatores ad iustificationem, dum excitati diuina gratia, & adiuti, Fidem ex auditu concipientes, liberè mouentur in Deum, credentes vera esse, quæ diuinitus reuelata, & promissa sunt, atque illud imprimis, à Deo iustificari impium per gratiam eius, per redemptionem, quæ est in Christo Iesu, & dum peccatores se esse intelligentes, à diuina iustitia timore, quo vultiter concutuntur.*

iuntur, ad considerandam Dei misericordiam se conuertendo, in spem eriguntur: fidei: s, Deum sibi propter Christum propitium fore, illumque tanquam omnis iustitiae fontem, diligere incipiunt: ac propterea mouentur aduersus peccata per odium aliquod, & detestationem. Eodemque pene modo S. Tho. q. 85. a. 5. enumerans actus contritionis: Primum, inquit, principium est Dei operatio conuertentis cor, secundum illud Threor. vlt. Conuertere nos, Domine, ad te, & conuertemur. Secundus actus est motus Fidei: tertius est motus Timoris seruilis, quo quis timore suppliciorum à peccatis retrahitur. Quartus est motus Spei, quo quis sub spe veniae consequenda assumit propositum emendandi, seu retractandi peccatum. Quintus est motus Charitatis, quo alicui peccatum displicet, secundum seipsum (quatenus est offensa Dei) & non (principaliter) propter supplicia. Sextus est motus Timoris filialis, quo propter reuerentiam Dei aliquis emendam Deo, voluntarius offert. Siquidem amor Dei tanquam optimi patris, excitat timorem filialem, ex quo aliquis detestatur, & dolet de offensa, eamque abolitam vult ad Dei gratiam, & reconciliationem consequendam: tum verò firmum propositum concipit Deum imposterum non offendendi, sed in eius gratia & amicitia permanendi.

Tertium. Propter actum dilectionis, qui in vera contritione, seu perfectò Poenitentiae actu continetur, secundum Dei ordinationem, hæc ipsa contritio in omni lege fuit sufficiens, & congrua dispositio ad peccatorum remissionem, Dei gratiam, & ius gloriæ cœlestis, per Christi merita consequendum, sicuti traditur in Concil. Trident. cit. c. 6. Concil. Arausicano 2. can. 4. & apud Augustinum lib. 2. contra Crescōnium, c. 12. Auctorem de vera, & falsa poenitentia, c. 8. & 17. Sumitur ex c. 1. Zachariæ. Conuertimini ad me, & conuertar ad vos. Lucæ 7. Remittuntur ei peccata multa, quoniam dilexit multum. S. Ioan. epist. 1. c. 4. Omnis qui diligit, ex Deo natus est.

8 Quartum. Qui verè poenitens ac contritus est, is saltem implicite paratus esse debet, quoduis aliud malum potius perpeti, quam peccare. Quare de re legi potest Durandus in 4. dist. 17. quæst. 5. Dixi, saltem implicite. Nam formalem, siue expressam comparisonem instituere, malle à quis mergi, igne perire, quam peccasse, aut peccare, necessarium non est: & interdum, ob hominis fragilitatem, periculo non vacat, sicuti notauit S. Bonau. in 4. d. 16. p. 1. a. 2. quæst. 1. Victor. num. 116. de poenit. Nauar. cap. 1. num. 17.

Quintum. In actu contritionis includitur etiam propositum, saltem implicitum, imposterum, si vita suppetat, seruandi mandata Dei, & imprimis quidem in lege noua suscipiendi sacramenta Baptismi, & Poenitentiae; tanquam media à Deo per se instituta ad remissionem peccatorum. Sufficit tamen ad iustificationem implicitum votum, seu propositum horum sacramentorum, sicuti de sacramento Baptismi docet S. Thom. 3. p. quæst. 69. art. 4. ad 2. & de sacramento Poenitentiae, quæst. 86. a. 2. Multoque minus necessarium est necessitate mediæ ad salutem, ut dicta sacramenta re ipsa suscipiantur, sicuti tradit Concil. Trident. sess. 14. c. 4.

Sextum. Per actum Poenitentiae perfectum deletur quidem reatus culpæ, & qui inde consequens erat, reatus poenæ æternæ: si culpa mortalis fuerat: remanet tamen plerumque reatus poenæ temporalis: quippe quæ per contritionem, nisi valde perfecta & intensa sit penitus non aboletur. Quare Poenitentiae virtus saltem secundario versatur etiam circa reatum poenæ temporalis remouendum: adeoque continet in se desiderium, & propositum satisfaciendi Deo per opera bona poenalia, quatenus ea ad plenam destructionem & abolitionem peccati inferuiunt. Ita docet S. Thom. quæst. 85. a. 1. ad 3. Dolor poenitentis est displicentia, seu reprobatio facti præteriti, cum intentione remouendi sequelam ipsius, scilicet offensam Dei, & reatum poenæ. Vide eundem quæst. 86. a. 4. & quæ infra dicam. c. vlt.

Altera est poenitentia, siue dolor animi de peccato imperfectus, (in scholis attritio dici solet) qui non pertingit ad detestationem peccati, tanquam summi mali, repugnantis summo bono. Nihilominus, si ex motiuo non merè humano, ac naturali oriatur (quale est, quod peccatum morali honestati repugnet, infamiam, vel poenā temporalem conciliet, &c.) sed concipiatur ex motiuo supernaturali, per Fidem apprehenso, puta quia tanquā Dei offensa poenā æternam meretur: atque insuper voluntatem seu affectum peccandi, excludat, cum spe veniæ à Deo obtinendæ: utilis est huiusmodi animi attritio ad salutem, atque donum Dei, & impulsus Spiritus sancti, nondum quidem inhabitantis, sed ad iustitiam comparandam excitantis, & mouentis, quo poenitens adiutus viam sibi ad iustitiam parat, ait Trident. sess. 14. cap. 4. quare scriptum est Prouerb. cap. 1. Initium sapientiæ timor Domini. Eccles. c. 25. Timor Domini initium dilectionis. Et ibid. cap. 1. Qui sine timore est, non potest iustificari.

Igitur audiendi non sunt Sotus in 4. dist. 17. quæst. 2. a. 5. & lib. 2. de natura & gratia, cap. 14. & 15. Canus relect. 3. de Poenitent. vbi aiunt, attritionem, quæ est dolor peccati ob horrorem nocuenti temporalis, atque solius naturæ viribus elici potest sacramento Baptismi, vel Poenitentiae susceptione, sufficere ad consequendam iustificationem. Quæ sententia, saltem post Trident. sess. 6. cap. 6. & sess. 14. cap. 4. defendi non potest, & bene oppugnatur à Suarez to. 3. disput. 28. sect. 2. & t. 4. disput. 5. sect. 1. Nam attritio illa, quæ cum sacramento dispositio subiecti est ad obtinendam iustificationem, utilis est ad salutem: Atqui dolor animi, qui ex solis naturæ viribus haberi potest ob motiuum merè humanum, non est utilis, seu nullam omnino proportionem habet ad iustificationem, uti constat ex Concil. Mileuitano 1. canone 3. & seqq. & clariùs ex Arausicano 1. canon. 7. Si quis dixerit per naturæ vigorem bonum aliquod, quod ad salutem pertinet vitæ cogitare, aut eligere seu saluari predicatione consentire posse confirmat, absque illuminatione & inspiratione Spiritus sancti, hæretico fallitur spiritu.

Simili modo distinguere possumus timorem peccati perpetrandi. Si enim timeas peccatum perpetrare, quia Deo summo bono contrarium est, hic timor filialis, & Charitatis actus est, quando quidem eiusdem virtutis est & prosequi bonum suum, & contrarium eius auersari. Sin verò timeas peccatum perpetrare, quia reatum poenæ à Deo infligendæ secum affert, est quidem timor iste imperfectus, & aliquo modo seruilis; tamen absolute bonus, & honestus, quippe actus Spei Theologicæ, per quam & bona à Deo prouenientia nobis desideramus, & opposita auersamur. Sin verò à peccato propter gehennæ timorem, tanquam principale motiuum abstineas, ita ut si gehenna non esset, peccare velles: talis timor propriè seruilis, ac malus est, quippe contrarius Charitati diuinæ. Sin denique à peccato patrando te contineas, metu poenæ ab hominibus infligendæ talis timor mundanus dicitur: & est malus, atque Charitati oppositus, si paratus sis malum patrare, nisi poenā timeas. Sin verò timor poenæ non sit causa principaliter finalis, sed secundaria seu impulsiva tantum: tunc secundum se indifferens est: quamobrem à virtute v. g. Spei, aut Charitatis imperari potest, quatenus poenā, seu incommoda temporalia à Dei seruitio, & consecutione spiritualium bonorum interdum nos impedire possunt, uti annotauit Suarez de virtut. Theolog. tractat. 2. disput. 1. sect. 4. affert. 1.

CAP. II.

De necessitate pœnitentiæ, quatenus est actus virtutis.

S V M M A R I V M.

1. Pœnitentia in omni lege necessarium medium fuit ad salutem, hominibus lapsis in peccatum mortale.
2. Attritio cum sacramento Baptismi, vel Pœnitentiæ, sufficit ad hominis adulti iustificationem.
3. Ad consequendam iustificationem in sacramento Baptismi sufficere videtur attritio virtualis, si homo peccatorum suorum tunc memor non sit.
4. Extat præceptum divinum lapsis impositum, ut peccati pœnitentiam agant: quia tamen id affirmativum est, non omni tempore obligat.
5. Non statim ut mortale peccatum commissum est, præceptum pœnitentiæ hominem obligat.
6. Pœnitentiam nimis longo tempore, aut usque ad finem vita differre, est novum peccatum impœnitentiæ.
7. Si moriturus non conetur veram animi contritionem seu dolorem de peccatis ex Dei dilectione conceptum elicere, suspecta est eius pœnitentia.
8. Postquam semel peccata homini remissa sunt, non incumbit obligatio de eis in memoriam occurrentibus iterum dolendi.

CVm duplex sit necessitas: vna mediæ, altera præcepti de vtraque dicendum nobis est.

1. Assertio. I. Pœnitentia semper in omni lege fuit necessarium medium ad salutem hominibus lapsis in peccatum mortale. Ita Trident. sess. 14. cap. 4. Tertullianus in lib. de pœnit. cap. 4. S. Agust. epist. 48. ad Vincentium, S. Thomas quæstion. 86. art. 2. & sumitur ex illo Luc. 13. Nisi pœnitentiam egeritis, omnes simul peribitis.

Porro hoc discrimen est inter statum legis Evangelicæ, & statum ante gratiam Evangelij: quod ante legem gratiæ nemo adultus à mortali peccato liberari, & iustificari poterat sine vera contritione, includente charitatem Dei super omnia: propterea quod sacramenta veteris legis inania signa erant, quæ gratiam Dei per se non conferebant: sed excitabant Fidem in Christum, quæ si formata fuerat per actum charitatis, & contritionis, vim habuit iustificandi.

2. In lege autem nova post commissum peccatum mortale non est necessaria vera contritio homini suscepturo sacramentum Baptismi, vel Pœnitentiæ: sed sufficit attritio, etiam cognita: quamobrem dici solet, ex attrito virtute sacramenti fieri hominem contritum. Quod non ita intelligi debet: quasi actus attritionis transeat in actum contritionis: sed quod peccator per attritionem, cum sacramento Baptismi, aut Pœnitentiæ, perinde iustificetur, atque per veram contritionem extra sacramentum, ut docet S. Thom. in 4. distinct. 17. q. 2. a. 1. quæst. 1. Richard. ibid. a. 3. quæst. 8. ad 5. contra S. Bonau. p. 2. a. 2. quæst. 3. Ratio est: Quia hæc duo sacramenta ex Christi institutione non viuorum, sed mortuorum remedia sunt id est, per se ac directe instituta, ut homini spiritualem vitam, videlicet remissionem peccatorum, & gratiæ seu reconciliationem cum Deo adferant: consequenter eam ante susceptionem necessario non requirunt. Imperfecta tamen saltem pœnitentia siue dolor de peccatis, cum Spiritus sancti gratia excitante, & adiuvante, omnino necessarius est: qui licet sine sacramento Baptismi, vel Pœnitentiæ, per se, & ordinariè ad iustificationem perducere peccatorem nequeat: tamen ad Dei gratiam sanctificantem in dictis sacramentis consequendam disponit, sicut loquitur Trident. cit. cap. 4. Quare Act. 2. S. Petrus monuit: Pœnitentiam agite, & baptizetur unusquisque vestrum in nomine Iesu Christi, in remissionem peccatorum. Et S. Ioannis Baptista pœnitentia dicebatur Mat. 3. Luc. 3. quia denuntiatus Dei iram, & peccatorum

supplicia hominum animos ad Christianam iustitiam præparabat.

Verum extra sacramentum Baptismi, vel pœnitentiæ peccator sine vera contritione, saltem virtuali, iustificari non potest. Quod tamen intelligi debet, per se, & ordinariè: Quia etiam per alia sacramenta, quæ viuorum sunt, peccator interdum cum sola attritione iustificatur per accidens, videlicet propter ignoracionem, si vel inculpate ignoret se esse in peccato mortali: vel bona fide existimet se de eo contritum, cum tantum attritus sit, sicut docet Sanctus Thomas quæstione 72. articulo 7. ad 2.

His adde, quod probabiliter docet Coninck quæst. 62. articulo 1. dubio secundo, num. 35. posse esse sufficientem dispositionem ad gratiam baptismalem recipiendam ab eo, qui peccatorum suorum immemor est. Nam quemadmodum si quis peccatorum memoriam, siue conscientiam non habet, ad huius iustificationem extra sacramentum non requiritur pœnitentia, siue contritio formalis: sed sufficit virtualis, videlicet actus Charitatis Dei super omnia dilecti, sicuti contra Canum loco cit. Petrum Sotum lect. 4. de pœnit. rectè docet Scotus in 4. distinct. 14. quæstion. 1. articulo 3. §. ex his, Gabr. ibid. conclus. 12. Med. Cod. de confess. quæst. secunda Navar. cap. 1. man. num. 5. Suarez cit. sect. 1. numero 9. Siquidem in Scriptura sacra passim actui dilectionis promittitur, atque attribuitur iustificatio & remissio peccatorum, 1. Petri 4. Charitas operis multitudinem peccatorum 1. Ioannes 4. Qui diligit, ex Deo natus est. Prouer. 8. Ego diligentes me diligo. Ita pari ratione ad iustificationem peccatoris, qui peccatorum suorum memor, aut conscius non est, in sacramento Baptismi non requiri videtur pœnitentia siue attritio formalis, sed sufficit virtualis: videlicet efficax actus Spei supernaturalis: Etenim sicuti actus Charitatis virtute continet contritionem: ita talis actus Spei virtualiter continet attritionem. Quæ admodum, inquam, homo, qui Deum, tanquam summum bonum, super omnia diligit, consequenter etiam paratus est ad detestandum, & abolendum peccatum huic bono dilecto contrarium: Ita etiam qui æternam felicitatem desiderat, & à Deo supernaturalium bonorum auctore consequendam expectat, is consequenter etiam paratus est ad detestandum, & abolendum peccatum, quod à consecutione æternæ felicitatis impedire per Fidem cognouit. Alia verò ratio est de Pœnitentiæ sacramento, ad quod necessario requiritur formalis & explicitus actus pœnitentiæ saltem imperfectæ: quippe cum hæc sit pars essentialis materiæ huius sacramenti.

4. Assertio II. Pœnitentia homini lapsi in peccatum mortale necessaria etiam est ex obligatione præcepti diuini: ita ut ob eius transgressionem, novum peccatum impœnitentiæ incurrat. Est communis doctrina, quæ passim ex Scriptura colligitur, Ierem. 8. Esaiæ 65. Ezech. 18. Quare Tertullianus ait in lib. de pudicitia cap. 4. Bonum est pœnitere, an non? Quid reuelas, Deus præcepit. Verum, cum pœnitendi præceptum affirmativum sit, non omni tempore peccatorem obligat: sed cum opportunitas & moralis necessitas adest. Imprimis verò distinguere oportet inter obligationem præcepti, quæ est per se: & eam, quæ aliunde, siue per accidens provenit. Et quidem per accidens ad veræ contritionis actum peccator, sacramentum Pœnitentiæ non suscepturus, tribus in casibus obligatur: I. Si sacramentum aliquod ex iis, quæ viuorum propria sunt, suscipere, vel quodcunque sacramentum ex officio administrare velit. II. Si positus inter peccandi occasiones, grauib. tentationibus vrgatur, quas credat se mortaliter euitare non posse: nisi ad Deum per contritionem conuersus, eius gratiam, & consequenter opportuniore ad vincendum auxilia obtineat. III. Si ob aliquid, puta Principis, peccatum Communitas

munitas incidisset in periculum, ne à Deo graviter puniretur, sicuti accidit in peccato Achan, Iosue 7. & Davidis. 2. Regum, c. 24. tali casu peccatorem, qui causa sine occasio mali imminenti exitit, obligabit præceptum per poenitentiam placandi Deum, ad commune periculum auerendum. Veruntamen in his casibus obligatio poenitendi non provenit per se ex præcepto virtutis Poenitentiae: ideoque nec ob eius omissionem peccatum impoenitentiae incurritur: sed peccatur contra virtutem Religionis, vel charitatis, ex qua obligatio contritionis habenda nascitur. Videri potest Suar. dif. 15. l. 6. Coninck de poenit. disp. 3. dub. 3.

5 Quod verò attinet ad obligationem per se, quædam ex communiore sententia dicenda sunt: Primum. Non statim atque mortale peccatum commissum est, poenitentiae præceptum obligat: ita, ut novam impoenitentiae culpam homo incurrat, nisi illud mox per contritionem aboleat. Ita Durand. in 4. d. 17. q. 10. Caietan. quodlib. 7. Nau. c. 1. man. dum. 27. Sotus in 4. d. 17. q. 2. art. 6. Adrian. in 4. vbi de Confessione, §. Tertiò inquirendum est, Suar. disp. 15. sect. 5. Henriquez lib. 4. c. 6. num. 6. Coninck cit. dub. 3. post S. Th. in 4. d. 17. quæst. 3. a. 1. quæstion. 4. ad 2. vbi ait: *Non est de necessitate salutis corporalis, quòd infirmus statim medicum quærat: nisi quando necessitas curationis incumbit: similiter est de morbo spirituali.* Ratio autem peti debet ex natura præceptorum affirmatiuorum, non nisi in temporis opportunitate, ac necessitate obliganti; licet aliter doceat Guil. Parisiensis de sacram. Poenit. cap. 18. Thom. Argentinas in 4. d. 17. q. 2. a. 4. ad 2. S. Anton. p. 3. tit. 14. cap. 18. §. 2. Syluest. ver. contritio. quæst. 2. Coniunctissimum verò est, statim post commissum peccatum ad poenitentiam confugere, sicuti Ecclesiast. c. 5. monet: *Ne tardes conuerteri ad Dominum, & ne differas de die in diem.* Nam ita etiam fiet, ut licet homo non statim peccata confiteatur, modò propositum suo tempore confitendi habeat, in gratia Dei existat, ac bonis operibus mereri, & pro peccatis suis satisfacere possit.

6 Alterum. Differre poenitentiam longo tempore, aut usque ad finem vitæ, vel tamdiu differendi propositum concipere, videtur esse nouum peccatum mortale. Ita videtur sentire S. Th. q. 84. a. 5. ad 2. citans illud Eccles. 30. *Miserere anime tue, placens Deo: Et docent Henric. Aegid. Suarez ll. cc. contra Sotum in 4. dist. 17. quæst. 2. a. 6. conclus. 5. Caiet. ver. contritio: Probat ex cap. 1. Prouerb. & Apost. ad Rom. 2. Ignoras, quoniam benignitas Dei ad poenitentiam te adducit? secundum autem duritiam tuam, & impenitens, thesaurizas tibi iram in die ire.* Ratio peti debet tum ex parte Dei, in cuius inimicitia longo tempore persistere, & pro illata ipsi iniuria non satisfacere, præsertim ipso excitante, ac monente per auxilia gratiæ, videtur nouam iniuriam & interpretatiuum contemptum Dei continere, sicuti ipsemet exaggerat cit. cap. 1. *Quia vocaui, & renuistis; extendi manum meam, & non fuit; qui aspiceret: despectistis omne consilium meum & increpationes meas neglexistis: Ego quoque in interitu vestro ridebo.* Tum verò ex parte ipsius peccatoris: siquidem in mortali peccato diu persistendo grauissimam spiritualium bonorum iacturam periculum recidendi, ac demum induratione in malo incurrit, uti Apostolus supra monuit, & explicat S. Gregor. hom. 11. in Ezech. *Peccatorem diu expectat Deus, ut redeat: non redeunt, atque contemnti ponit (offendiculum) obigravius impingat.* Confirmatur ex eo, quòd Concilium Mileuitanum canon. 3. docet, hominem sine gratia sanctificante diu seruari non posse à lapsu peccati mortalis: consequenter si peccator per poenitentiam se in Dei gratiam restituere longo tempore differat, manifestum periculum adit alterius peccati ex altero incurrendi.

Cæterum posteaquam Ecclesia annuam Confessionem præcepit, ad quam actus poenitentiae saltem imperfectus necessario requiritur: si fideles nunc tale præceptum

impleant, eo ipso quoque diuine poenitentiae præcepto satisfacere illos credendum est. Quodenim præstat actu contritionis extra sacramentum, hoc idem etiam præstat attritio cum sacramento.

Quanto autem periculo se committant ij, qui poenitentiam de peccatis in vita sua finem differunt, ostendit S. Aug. serm. 67. de tempore: *Datur quidem extremis poenitentia, id est, poenitentia Sacramentum, quia negari non potest: sed auctores tamen esse non possumus, quòd quis peccet, mereatur absolui.* Quomodo enim agit poenitentiam lapsus? Quomodo agit poenitentiam in extremis vite finibus constitutus? Quomodo poenitentiam agere possit, qui nullam pro se opera satisfactionis operari potest? Et hom. 41. ex 50. relatus in d. 7. de poenit. vbi postquam dixisset August. incertam esse horum poenitentiam, subiungit: *Vis ergo à dubio liberari? vis quòd incertum est euadere? age poenitentiam, dum sanus es: si sic agis, dico tibi, quòd securus es: quia poenitentiam egisti eo tempore, quo & peccare potuisti. Si autem vis agere poenitentiam, quando iam peccare non potes, peccata te dimiserunt, non tu illa.* Vide etiam Auctorem de vera & falsa poen. c. 17. & Scholasticos in 4. d. 20. vbi Richard. a. r. q. 1. Palud. q. 11. a. 1.

Tertium. Certum est, in mortis articulo poenitentiae præceptum obligare, si moriturus in peccato mortali constitutus sit. Sed numquid tunc sufficit attritio, cum sacramento? Negant Suarez disp. 14. l. 4. num. 17. Zambr. c. 4. dub. 1. n. 4. aiuntque peccatorem in mortis articulo obligatum esse, ut verum contritionis actum, tanquam certiorē dispositionem, atque salutis suæ remedium, in seipso excitare studeat. Idque ostendi posse videtur partim ex eo, quia non pauci Doctores, inter quos Sotus de natura, & gratia cap. 15. Nauar. in man. cap. 1. num. 37. & 41. alique apud Suar. disp. 5. l. 3. & disputatione 20. l. 1. Lopez par. instruct. cap. 9. & 17. existimant, attritionem, præsertim cognitam, non esse sufficientem dispositionem ad iustificationem in sacramento Poenitentiae, consequendam. Partim ex eo, quia lex Charitatis quemuis obligat, ut in exitu huius vitæ, & ingressu ad alteram vitam, per actum dilectionis se Deo omnis vitæ auctori coniungere studeat: cum actu autem dilectionis Dei super omnia in peccatore, qui peccati memoriam habet, simul etiam per naturalem sequelam iunctus est actus veræ contritionis de eodem peccato.

Verum hæ rationes non satis rem demonstrant. Quòd enim attritio, etiam cognita, sit sufficiens dispositio in sacramento, satis certum est, & ferè communiter assertum, post Trident. sess. 14. cap. 4. Obligatio autem illa coniungendi se Deo in mortis articulo Charitatis est, non Poenitentiae virtutis: quare etiam post acceptam sacramentalem absolutionem, seu remissionem peccatorum talis actus elici potest.

7 Quapropter rectius dicitur, attritionem re ipsa semper esse sufficientem dispositionem iustificationis in sacramento Baptismi, ac Poenitentiae; attamen talem poenitentiam in morituro, non conante in se excitare perfectum dolorem de peccatis ob amorem Dei, valde incertam & suspectam esse: ne fortè vera supernaturalis attritio non sit: atque non tam ipse homo peccata deferat, quàm à peccatis deferatur, iustamen secundum actuale affectum inhæreat; quia, ut S. Augustinus ait ait serm. 57. de tempore: *Poenitentia, quæ ab infirmo petitur, infirma est: quæ autem à moriente petitur timet, ne ipsa moriatur.* Et hæc sententia maximè locum habet, si ipsemet moriturus agnoscat poenitentiam infirmam ac tepidam esse, neque maiorem in se excitare conetur.

Quartum. Certum esse debet, posteaquam peccata alicui per legitimam poenitentiam, ac Confessionem remissa sunt, non incumbere obligationem iterum de iis dolendi, si memoriæ occurrant, dummodo homo in iis non delectetur. Ita docet S. Thom. quæstione 84. a. 8.

& 9. Caiet. to. 1. tr. 17. opusc. quæ. vn. Medina Cod. de pœnit. tr. 1. q. 6. § alia occurrit dubitatio, Coninck disp. 3. dub. 4. Suarez disp. 15. l. 4. contra quosdam apud Petr. Palud. in 4. d. 17. q. 1. a. 3. S. Anton. p. 3. tit. 14. c. 18. §. 2. valde tamen consultum est, circa peccatum memoriæ vel apprehensioni actuali infixum, exercere actum displicentiæ: imò interdum per accidens necessarium, si periculum morosa delectationis propinquum esse videatur.

CAP. III.

De Pœnitentia, quatenus est sacramentum.

S V M M A R I V M.

- 1 Pœnitentia est sacramentum nouæ legis, à Christo institutum Ioan. 20.
- 2 Sacramentum Pœnitentiæ lapsis post Baptismum in peccatum mortale necessarium medium est ad salutem.
- 3 Pœnitentia sacramentum est altera post Baptismum tabula naufragis preparata.
- 4 Sicut non baptizatis ad iustificacionem sufficit solum Baptismi: ita etiam lapsis sufficit solum sacramenti Pœnitentiæ. Nihilominus obligat præceptum suscipiendi sacramentum si postea suscipi possit.
- 5 Materia remota, circa quam sacramentum Pœnitentiæ versatur, est omne peccatum actuale hominis baptizati, etiam id, à quo aliquis semel absolutus fuit. Repetita, aut generalis Confessio peccatorum recte & salubriter fieri potest. Vi de 2. 8. §. Porro.
- 6 Materia propinqua, ex qua sacramentum Pœnitentiæ constituitur, sunt actus pœnitentis, contritio, confessio, satisfactio.
- 7 Forma huius sacramenti est: Ego te absoluo à peccatis tuis.
- 8 Omnia sacramenta cum salutari crucis signo administrantur.
- 9 Absolutio sacramentalis non nisi verbis vocalibus fieri potest, presente eo, qui absoluitur.

Assertio I. Pœnitentia est sacramentum nouæ legis à Christo institutum, Ioan. 20. Insufflavit, & dixit eis: Accipite Spiritum sanctum: quorum remiseritis peccata, remittantur eis: & quorum retinueritis, retenta sunt. Ita cū Patribus seq. c. allegandis, docet Con. Trid. 14. ca. 1. Al. l. 1. Rich. a. r. q. p. 4. qu. 99. mem. 3. & alii Schol. in 4. d. 20. vbi S. Bonau. a. 2. q. 4. Durand. d. 17. q. 8. nu. 9. Nam verbis illis habemus tum externam cærimoniam, seu sensibile signum absolutionis: Quorum remiseritis peccata; tum etiam promissionem gratiæ, seu remissionis peccatorum legitimæ absolutioni infallibiliter annexam, secundum verba Christi, Remittantur eis; adeoque habemus propriè dictum sacramentum, idque non ab aliis, quàm Sacerdotibus administrandum. Etenim posteaquam Christus Dominus in cœna vltima discipulis suis, eorūque legitimis in sacerdotali ordine successoribus, potestatem dedisset verum suum corpus conficiendi; deinde post Resurrectionem eidem potestatem contulit corpus suū mysticum, quæ est fidelium congregatio, iudiciaria potestate, si lapsi sint, sanctificandi. Quare S. Hier. epist. 1. ad Heliodorum de Sacerdotibus ita loquitur: Apostolico gradui succedentes Christi corpus sacro ore conficiunt, per quos & nos Christiani sumus: qui clauis regni celorum habentes quodammodo ante diem iudicii indicant. Eademque fuit aliorum Patrū sententia contra Montanū, & Cataphrygas, apud Tertul. in l. de pudicitia, & postea secutū Nouatū Cartaginensē, eiusq; affectū Nouatianū pseudo episcopi Romanum, qui mox caput schismaticis, & hereticæ factionis docuit, lapsos post Baptismū reconciliationē non in Ecclesia a Presbyteris quæ, enīam sed solius Dei iudicio relinquendā esse, vti videre est apud S. Cypr. l. 2. ep. 8. & 9. & Item de lapsis, S. Hier. de viris illustribus in Nouatiano Pacianum ep. 1. & 3. ad Sympronian. S. Ambros. l. 1. de pœn.

c. 2. S. Aug. de Agone Christiano, c. 31. Socrate l. 4. c. 23. A quo errore dudum in Ecclesia damnato, ferme non discrepant nostri temporis hæretici: cū potestate remittendi peccata ad nudam prædicationem, siue denuntiationem remissionis, per Fidem apprehensā, imperitè detorquent. Vide Trid. sess. 14. c. 1. 2. & 6. & can. 9. 10. Bellar. l. 1. de pœnit. c. 9. & 10. Suar. disp. 16. l. 1.

Assertio II. Sacramentum Pœnitentiæ in lege noua necessarium medium est ad salutem, non absolutè, sicut Baptismus: sed ex hypothesi, si homo baptizatus in mortale peccatum lapsus sit. Ita S. Thom. q. 84. a. 6. & Trid. sess. 14. cap. 2. Quemadmodum & in corporalibus generatio omnibus hominibus necessaria est medicatio non item, sed ijs tantum qui in morbum inciderunt. Atque hæc causa est, cur Patres hæc duo sacramenta, Baptismi ac Pœnitentiæ, frequenter coniungant, parem eis remittendorum peccatorum vim ex Christi institutione tribuentes: Tertull. l. de præscript. aduersus hæreticos, c. 11. S. Pacianus epist. 1. & 3. ad Sympronianum, S. Hier. l. 1. contra Pelagianos, non longè à fine: Pœnitentia imitatur Baptismatis gratiam, per ineffabilem clementiam Saluatoris, qui non vult perire quemquam, nec delectatur mortibus peccatorum, sed ut conuertantur, & viuunt.

S. Ambros. l. 1. de pœnit. c. 7. Cur baptizatis, Nouatiani? si per hominem peccata dimitti non licet: in Baptismo utique remissio peccatorum omnium est. Quid interest utrum per pœnitentiā, an per Lauacrum hoc ius sibi datum Sacerdotes vendicent? vtrum in utroque ministerium est. Sed dices: quia in Lauacro operatur mysteriorum gratia. Quid in Pœnitentia? Nonne Dei nomen operatur.

Cyrillus Alexandrinus lib. 12. in Ioan. c. 56. Quia igitur ratione diuinæ naturæ dignitatem, ac potestatem discipulis suis largitus est? quia cerè absurdum non est, peccata remitti posse ab illis, qui Spiritum sanctum in seipsis habeant. Nam cū ipsi remittunt, aut detinent, spiritus qui habitat in eis, per eos remittit, & detinet. Erit autem id per eos duobus, ut arbitror, modis: primum Baptismo, deinde Pœnitentia.

S. August. l. 2. de adulter. coniug. c. 16. ait, quod peccatum, in quo quis permanere vult, nec Baptismo, nec reconciliatione dimittitur: si autem peccatum transactum est, & in eo non permaretur, si à Catechumeno factum est, Baptismo abluatur, si à baptizato, Pœnitentia & reconciliatione sanatur. Et epist. 180. ante medium, Baptismi & Reconciliationis tanquam ad salutem necessariorum sacramentorum, aperte meminit, scribens de tempore pestis grassantis; An non cogitamus, cū ad istorum periculorum peruenitur extrema, nec est potestas vlla fugiendi, quantus in Ecclesia fieri soleat ab utroque sexu, atque ab omni ætate concursus, alii Baptismum flagrantibus, alii Reconciliationem. Et paulò post: Vbi si Ministri desint, quantum exitium sequitur eos, qui de isto seculo vel non regenerati exeunt, vel ligati? Et postea: Si autem Ministri adsint: pro viribus, quas eis Dominus subministrat, omnibus subuenitur: alii baptizantur, alii reconciliantur, nulli Domini corporis communiōe fraudantur.

Huc etiam spectat metaphora tabulæ, quæ post Baptismi gratiam lapsis, seu naufragium passis ad laboriosè emergendum Dominus misericors largitus est. Tertull. in lib. de pœnit. c. 4. Eam pœnitentiā, tu peccator ita inuade, ut aplexare, ut naufragus alicuius tabulæ fidem. Et c. 7. Clamādo: (quæ est tabula, & intinctionis serua obstruenda, remediū iterandi Baptismi) aliquid adhuc permittit patere: Collocavit in vestibulo pœnitentiā secundam. Pacianus epist. 1. ad Sympronianum: Pudeat periclitari, sed non pudeat liberari: qui naufragus tabulam, ne euadat, eripiat? S. Hiero. ep. 3. ad Demetriadem, de pœnitentia loquens ait: Illa quasi secunda post naufragium miseris tabula adest: in turrimus integra seruatur manu. Ambrosius, vel alius auctor ad Virgine lapsum, c. 8. Quædam ingressa exauiam pœnitentiæ misit: misit a fortiter est, tanquam naufragus, sperans per ipsam se de profundo immunditiam liberari. Verum aduentum est hoc loco: Quod S. Hier. ci. ep. 8. & in c. 3. Itaque dixit,

dixit Pœnitentiam esse secundam post naufragium tabulam, duobus modis explicari posse: Primo, Quod sit alterum remedium hominibus à Deo concessum ad consequendum peccatorum remissionem: quod quidem remedium, cum laboriosum sit, ac difficile, tabula comparatur: prius autem remedium Baptismi navi integræ. Quoniam sensum tum à Patres, tum apertè Hieron. cit. epist. 8. elegit, quin & S. Th. ita intellexit, 3. p. q. 84. a. 6. *Pœnitentia metaphorice dicitur secunda tabula post naufragium. Nam primum remedium mare transeuntibus est, ut conferuntur in navi integra: secundum autem remedium est post naufragium factam, ut quis tabula adhaereat. Ita etiam primum remedium in mari huius vite est, quod homo integritatem servet: secundum autem remedium est, si per peccatum integritatem perdidit, quod per Pœnitentiam redeat.*

Secundo, explicant Scholastici aliqui in 4. d. 14. vbi S. Bonau. in litera, Gabr. q. 1. a. 3. dub. 2. Cum totum hominum genus primi parentis lapsum naufragium passum sit, duo nobis misericors Deus in lege gratiæ sacramentorum remedia, veluti tabulas ad e mergendam, ordinavit, unâ Baptismi, alteram Pœnitentiæ. Neque tertiâ opus est, quod licet homo sepius in peccatum resabatur, eandem Pœnitentiæ tabulam amplecti possit.

Utraque explicatio bona, sed prior convenientior est. Nam ex ea etiam intelligitur, quanto difficilius, & laboriosius sit, post lapsum, Pœnitentiæ remedium. Quamobrem olim sollicitè Christiani curabant, ut Dei gratiâ in Baptismo acceptam non perderent, neque scdus cum Deo initum per peccatum mortale violarent. Quare vide, quæ eleganter scribit Nazianz. orat. 40. de sancto Baptismo, paulò post principium.

4. Caterum, sicuti nòdum regeneratis ad iustificationem, & salutem sufficit votum Baptismi: quod dicitur baptis-
mus flaminis, seu dilectionis Dei super omnia: ita & regeneratis, post lapsum, ad consequendam peccatorum remissionem, & salutem sufficit votum sacramenti Pœnitentiæ, quæ est contritio: ita tamen, ut si postea sacramentum re ipsa suscipi possit, omnino necesse sit: quippe cum peccati remissio, & iustificatio homini ante Baptisum, secundum ordinariam Dei legem, non conferatur, nisi cum ordine obligatione, & quasi tacito pacto suscipiendi Baptismi: & similiter homini post Baptisum lapso, extra sacramentum peccatorum remissio, atque iustificatio, secundum ordinariam Dei legem, non conferatur nisi cum ordine, obligatione, & quasi tacito pacto sacramentalis Confessionis: ad eum ferme modum, quo contractus emptionis non perficitur, neque rei emptæ, ac translata dominium acquiritur, sine respectu & obligatione ad solutionem pretij. Ratio est, quia illa duo sacramenta à Christo instituta sunt, tanquàm remedia per se remissionis peccatorum. Vide Nauar. dist. 7. de pœnit. in Gl. summæ, n. 7. Suar. disp. 17. l. 3. nu. 7. Coninck q. 68. a. 2. du. 1.

Simili ratione plerique docent: Si aliquis peccatorum suorum immemor, iustificatus fuerit per amorem Dei super omnia, quæ est contritio virtualis: ac postea peccatorum memor fiat, & sacramentaliter confiteri non possit: opus huic homini esse, ut actum formalem contritionis exerceat. Cum enim peccatori contritio saltem in voto sit medium necessarium ad salutem, ideo Deus non videtur remittere peccatum ob actum dilectionis, nisi cum ordine ad pœnitentiam, siue contritionem, quæ proinde iustificatus actualiter exercere debeat, habita peccatorum recordatione. Si tamen talis confiteri possit, sufficit ei actus, cum sacramento. Ita Henric. lib. 4. c. 6. n. 5. Suar. disp. 15. l. 1. n. 6. Coninck in fine disp. 3. de pœnit.

5. Assertio III. Materia remota, circa quam sacramentum Pœnitentiæ versatur, sunt omnia peccata actualia hominis baptizati. Ita S. Ambrosius lib. 1. de pœnit. cap. 2. S. Thom. quæst. 84. a. 2. Trident. sess. 14. cap. 5. & can. 7.

Dixi omnia actualia peccata, siue ea mortalia sint, siue venialia: quia, ut S. Thom. ait, sacramentum Pœnitentiæ propriè institutum est in remedium eorum peccatorum quæ propria voluntate committimus: quamvis principaliter ad deletionem mortalium. Deinde hoc discrimen est, quod (ut S. Augustinus indicat lib. 50. homiliar. hom. vit. c. 4.) mortalia peccata sint huius sacramenti materia necessaria: venialia autem peccata, itè neque ea mortalia, à quibus absolutio directè accepta semel fuit, sint materia sacramenti non necessaria, sed idonea.

Etenim repetitam de iisdem peccatis Confessionem non solum licitè, sed etiam salubriter institui posse, demonstrat si leuius praxis: videlicet ad vberiore sanctificationis gratiæ, virtute sacramenti, infusionem, & ad plenioris temporalis pœnæ condonationem: denique & reliquiarum peccati absorptionem. Quare Psalmista dixit psal. 50. *Amplius laua me ab iniquitate mea.* Quæ est communis sententia S. Thom. in 4. dist. 17. quæst. 3. art. 3. quæ 1. 5. ad 4. & d. 18. quæst. 1. a. 3. quæstion. 2. ad 4. Palud. d. 21. quæst. 2. a. 4. Maioris d. 17. quæst. 6. vbi defendit Religionis statutum de annua confessione generali, Caiet. 1. op. sc. tr. 5. de Confess. q. 4. Victor. de Confess. nu. 166. Med. C. de Confess. quæst. 25. Suarez disp. 18. l. 4. Philarchi. to. 1. de offic. Sacerdotis, lib. 2. de sacram. pœnit. c. 23. Egidi. dist. 4. dub. 3. contra Scotum in 4. distinct. 19. ad finem, & alios apud Richardum in 4. d. 18. articulo 2. qu. 4.

Pro praxi hîc quædam aduertenda sunt: I. Operam dare debet pœnitens, ut ad Confessionem non sola peccata dubia, vel scrupulos adferat: sed etiam aliquod peccatum certum, saltem veniale; sacramentali absolutio-
ni subiiciat. Quod si verò Confessarius nullam certam sed solum dubiam absolutionis materiam ex pœnitente elicere possit, interdum sub conditione tacita absolue-
re eum poterit, si peccati grauitas, personæ periculum, aliæve circumstantiæ postulare videantur: interdum vero, absolutione superledere, si nulla necessitas appareat sacramentum sub conditione ministrandi. Quare de re Suar. disp. 18. l. 1. n. 12.

II. Non prohibetur quidem pœnitens in Confessione repetere peccata, à quibus antea legitime absolutus fuerat; sed id facere non debet frequenter, & sine causa. Sed seruanda est reuerentia sacramento, inquit Rich. citat. quæst. 4. ad 3. *ut respectu eiusdem peccati non iteretur Confessio, nisi adueniente nouo motu deuotionis, vel noua erubescencia de peccato.* Idemque docet Suarez cit. l. 4. n. 9. Deinde si pœnitens ad Confessionem adferat peccata superioribus Confessionibus rite explicata, & remissa: de-
cens est, de ea re Confessarium admonere, ut is præsentem, contentis statim cognoscere, & conformem pœnitentiam decernere possit.

III. Si quis generalem Confessionem de peccatis seu totius vitæ, seu vnius anni, &c. instituere velit: sollicitus esse non debet, ut omnia, etiam mortalia recenscantur, nullo prætermisso. Cum enim peccata, à quibus absolutio legitime collata, sicuti & venialia, materia Confessionis libera sint: per te loquendo, nihil repugnat reuerentiæ Sacramenti, aliqua eorum confiteri, aliis prætermis-
sis.

6. Assertio IV. Materia propinqua, ex qua sacramentum intrinsecè constituitur, sunt actus pœnitentis, videlicet contritio, confessio, & satisfactio. Ita Concilium Florent. in decreto Eugeni. 8. Quartum sacramentum, Trident. sess. 14. cap. 3. & can. 4. sanctus Thomas quæstione 84. articulo 2. & quæst. 90. articulo 1. & in 4. a. 16. quæst. 1. a. 1. Alens. p. 4. q. 66. mem. 1. a. 2. & mem. 2. Richard. d. 16. a. 1. quæ. 1. contra Scotum, qui in 4. d. 14. quæstione 1. docuit: *hec tria contritionem, confessionem, satisfactionem nullum modo esse partes sacramenti Pœnitentiæ: sed quædam præparata, vel subsequencia: totam verò essentiam sacramenti in absolutione consistere.* Sed probatur

assertio: Quia absolutio necessariò à Sacerdote confertur per modum sententiæ iudicialis, sicuti definit Tridēt. sess. 14. cap. 3. & can. 9. Talis autem sententia essentialiter requirit causæ cognitionem, atque Rei accusationem; quæ in secreto hoc Pœnitentiæ foro alia esse non potest, quàm ipsius Rei pœnitentis confessio. Igitur humili & contrita pœnitentis confessione, Sacerdotisq; absolutione Sacramentum hoc, tanquam materia sua, & forma essentialiter constituitur: atque effectum principalem, quæ est remissio culpæ, tribuit. Sed quia delero reatu culpæ, supe rest reatus siue obligatio pœnæ temporalis, ideo ad peccatum integrè ac perfectè destruendum requiritur etiam satisfactio à Sacerdote iudicialiter imposita, tanquam pars integralis & materialiter perficiens Sacramenti.

Obiicies. Materia cuiusque sacramenti debet esse exterius sensibilis: atqui contritio, siue dolor animi de peccatis exterius sensibilis non est; Ergo non est materia sacramenti Pœnitentiæ. Respondeo, cum Palud. in 4. d. 17. q. 4. a. 2. Esse sensibilem per externam Confessionem: quippe quæ est signum interni doloris, ac detestationis peccatorum. Nam Confessio, vt sit pars, ac materia Sacramenti, debet esse accusatio suilpius coram Sacerdote, tanquam spiritali Iudice à Christo constituto, cum ordine ad reconciliationem consequendam. Hæc autem Confessio, seu accusatio intrinsecè supponit, & includit dolorem seu detestationem peccatorum. Igitur quemadmodum homo simpliciter sensibilis dicitur, licet vna eius pars, videlicet anima per se non sentiatur, sed per externas corporis operationes: ita etiam essentialis materia huius Sacramenti simpliciter sensibilis est; licet vna eius pars, videlicet contritio, non per se sentiatur, sed per externam ab ipsa procedentem Confessionem, accusationemque.

7 Assertio V. Forma huius sacramenti est hæc; *Ego te absoluo à peccatis tuis*. Ita Concilium Florent. in decreto Eugenij. Trident. citat. capite 3. Notant tamen Doctores ad essentialiam formæ retinendam satis futurum esse, si solum hæc voces, *absoluo te*, expresse pronuntiarentur: quia reliquæ voculæ tacitè intelligerentur. Quòd imprimis de pronomine *Ego* manifestum est: deinde verò circumstantiæ personæ pœnitentis, & peccata sua confitentis satis indicant, absolutionem Sacerdotis cadere super peccata illius: etsi id non exprimat, sicuti ex præcepti necessitate exprimi debet. Inuocatio quoque SS. Trinitatis, signumque crucis ex consuetudine Ecclesiæ adiungi debet; namque omnia sacramenta cum salutari hoc signo administrari, testatur S. August. tract. 118. in Ioan. Chryl. hom. 13. in epist. ad Philip. Gloss. in cap. nunquid, distinct. 5. de consecrat. Denique & manus impositio, vel eleuatio, capitisque denudatio inter absoluendum omitti non debent, vbi hæc in consuetudine sunt. Videri potest S. Th. 3. p. q. 84. a. 4. Nau. c. 1. in princ. n. 29. d. 6. de pœnit. Sa ver. absolutio, n. 1. Suar. dis. 18. f. 6.

Porro formula verborum generatim accipi debet, vt sensus eius sit: *Ego te absoluo ab omni vinculo peccatorum tuorum, siue illud sit reatus culpæ mortalis, aut venialis, quæ in Confessione explicatur: siue sint peccata non explicata, quia explicari non possunt, aut non debent: quæ tamen pœnitens rite dispositus actualiter, vel virtualiter animo detestatur: siue sit reatus, & obligatio pœnæ temporalis, quæ tamen non semper tota per hoc Sacramentum remittitur, sed secundum dispositionem pœnitentis, & opera eius satisfactoria, quæ virtute clauium vim satisfaciendi ex opere operato consequuntur: siue illud vinculum sint peccatorum reliquiæ, id est, malæ inclinationes ex antecedentibus peccatis contractæ, quæ per gratiam sanctificantem sanantur, siue denique sit obligatio confitendi in eo, qui antea per contritionem à mortali peccato liberatus est.*

Ex quo manifestum fit, etsi aliquis generalem, vt vocant, Confessionem instituens, solum ea peccata explicet, à quibus antea rite absolutus fuerat: vix tamen accidere, vt non interim aliquod peccati vinculum retineat, à quo per nouam absolutionem liberetur, sicuti bene docet Henricus quodlib. 7. q. 21. & quodlib. 10. q. 1. in resp. ad argumenta. Addit vero aliqui, tametsi ponamus, nullū omnino vinculū existere in pœnitente offerente solum peccata præteritis confessionibus deleta: non ideo tamen formam absolutionis falsam fieri: quia sensus eius est, *Absoluo te à peccatis tuis; id est, confero tibi gratiam sanctificantem, suapte natura vim habentem remittendi peccata, quæ, & quatenus in pœnitente, rite ad eorum remissionem disposito, inexistunt.*

Assertio VI. Forma huius Sacramenti necessariò, & essentialiter in verbis consistit: neq; aliis signis, puta nutu, aut scriptura exprimi potest. Est communis doctrina, contra Paludanum in 4. distinctione 17. quæ. 2. articulo 1. Medinam C. de Confess. quæst. 15. Petrum Sotum lect. 11. de Confessione, existimantes, absolutionem etiam in scripto, seu per literas conferri posse. Sed assertio nostra sumitur ex Tridentino sess. 14. cap. 3. & Florent. in decreto Eugenij, vbi generatim affirmat: *Sacramenta constare verbis tanquam forma; excepto solo Matrimonio, quod regulariter quidem verbis ore prolatis; sed interdum etiam aliis signis interni contrahendi consensus perficitur.* Ratio verò sumi debet ex Christi voluntate, & institutione, quam Ecclesiæ praxis, & Conciliorum auctoritas nobis ostendit.

Assertio VII. Multò minùs valida esse potest absolutio collata absenti per nuntium, vel epistolam. Ita docet Alensis parte. 4. quæst. 77. mem. 5. art. 9. contra Paludanum, & Petr. Sotum ll. cc. 10a. Medinam, qui ita scripsit citat. quæstione 15. §. Quartum dictum: *Si peccator non potest Confessorem adire, nec enim ad se accersere, probabile est, posse per internuntium, & literas absenti confiteri: & ab eodem per literas sacramentaliter absolui.* Cuius sententiæ fundamentum est: *Quia absolutio habet se per modum sententiæ iudicialis: in aliis autem iudiciis interdum rectè fertur sententia in Reum absentem, si videlicet præsens sisti non possit: Ergo etiam in hoc iudicio Pœnitentiæ.*

Sed hæc sententia modò reprobata est constitutione Papæ Clementis VIII. in qua hanc propositionem: *Licere per literas, siue internuntium Confessario absents sacramentaliter confiteri, & ab eodem absente absolutionem obtinere; ad minus vti falsam, temerariam, & scandalosam damnauit, ac prohibuit, præcepitque sub excommunicationis pœna ipsos factis incurrenda, sibi que reservata, ne deinceps ista propositio publicis, priuatisque lectionibus, concionibus, & congressibus doceatur, nec unquam tanquam aliquo casu probabilis defendatur, imprimatur, aut ad praxim quouis modo deducatur.* Ratio est: *Quia forma verborum, Ego te absoluo, &c. secundum sensum, & praxim Ecclesiæ, haud dubiè profectam ex Christi institutione, ad Reum in interiore Pœnitentiæ foro præsentem, ac sistentem se necessariò refertur.*

Ex quo patet responsio ad fundamentum contrarium: Etsi enim in externo foro iudicali interdum sententia in absentem validè feratur, nunquam tamen in hoc interiore iudicio. Ratio est: *Quia Iudex subordinatus validè sententiam non profert, nisi seruet formam substantialem sibi à superiore Iudice præscriptam: quare si ponamus, etiam in externo foro talem Iudicem indicandi formam assignatam esse, vt non aliter, quàm voce in Reum præsentem, & audientem sententiam proferat: tunc alio modo lata sententia irrita erit. Atque Sacerdotes sunt iudices subordinati Christo, qui sicut illis potestatem indicandi, & pœnitentes à peccatis absoluendi dedit: ita etiam absolutionis formam*

nam ac modum præscripsit: qui, sicuti ex traditione, & praxi Ecclesiæ colligitur, talis est, vt absolutio voce in præsentem proferatur.

Veruntamen hæc minimè obstant, quominus Sacerdos poenitentem, quem reperit morti proximum, si ante aduentum illius signa contritionis edidisse, aut Confessarium petiisse, aut peccata sua in schedula annotasse illum constet, propter extremam necessitatem sacramentaliter absoluerè possit: licet in præsentia Sacerdotis nullum Confessionis faciendū signum edat, vt dicam infra cap. 7. & videri potest Suarez tom. 4. disp. 21. f. 4. num. 9.

CAP. IV.

De Contritione.

SUMMARIUM.

- 1 Ad veram contritionem non requiritur certus gradus intensio-
nis: neque absolutè necessarium est de vno peccato mortali
magis conteri, quàm de alio.
- 2 Ad veram contritionem, per quam peccator iustificatur, mora
temporis non requiritur.
- 3 Vnus simplex contritionis dolor de omnibus mortalibus peccatis,
generalis ratione apprehensus, ad iustificationem, extra, & vel
intra Sacramentum, per se loquendo, sufficit.
- 4 Ad Valorem Sacramenti Poenitentia requiritur, & dolor inter-
nus aliquo modo antecedit Confessionem peccati.
- 5 Ad sacramentum Poenitentia non sufficit dolere se, quòd non
satis doleas.
- 6 Sufficit ad iustificationem implicitum propositum de cætero non
peccandi: quod in ipsa detestatione peccati virtualiter conti-
netur.
- 7 Propositum imposterum abstinendi à peccato in poenitente effi-
cax esse debet.
- 8 Accidit interdum, vt quis verum propositum habeat abstinendi
à peccato: & tamen existimat se non omnino vitaturum
esse.
- 9 Occasiones, & pericula propinqua peccatorum poenitens ordi-
nariè amovere obligatus est: non item pericula remota.
- 10 Qui sæpius eandem peccati speciem ad Confessionem affert,
iterum absolvendus est, si novum emendationis propositum
ostendat: quod aliquibus signis Confessarius cognoscere po-
terit.
- 11 Concubinarius ordinariè absoluti non debet, nisi spondeat, con-
cubinam quamprimum à se amandaturum.
- 12 Nullum, etiam veniale, peccatum, in hac vita à Deo hominis
remittitur absque poenitentia: saltem virtuali.
- 13 Vera contritio omnia peccata mortalia dolentur, sed non sem-
per omnia venialia.
- 14 Sola attritio in homine iusto non videtur esse sufficiens ad re-
missionem peccatorum venialium extra sacramentum.
- 15 Peccatum veniale nunquam remittitur, nisi simul infunda-
tur gratia sanctificans.
- 16 Peccatum veniale ei, qui simul habet originale, aut mortale,
nunquam sine eo remittitur.
- 17 Sacramentalia signa, puta aqua benedicta, agni cerei, &c.
non habent vim per se, & immediatè remittendi pecca-
ta.
- 18 Etiam ad remissionem venialium peccatorum extra, & in-
tra sacramentum, requiritur propositum, saltem virtuale, ea
imposterum vitandi.
- 19 Attritio iustitiam est inter propositum requisitum ad re-
missionem peccati mortalis, & propositum requisitum ad re-
missionem venialis.
- 20 Vnum veniale remitti potest, altero veniali remanente actua-
liter, aut habitualiter: at vero & mortale peccatum remis-
tatur, altero manente secundum actum, aut habitum: id
fieri non potest.
- 21 Per poenitentiam peccata non sopiuntur, sed penitus extin-
guuntur. At vero bonorum operum merita, quæ inflantur pec-
cati veluti sopita erant, per poenitentiam reuiuiscunt.

Contritio, inquit Trident. Concilium sess. 14. cap. 4. quæ primam locum inter poenitentis actus habet, ani-
mi dolor ac detestatio est de peccato commissio, cum proposito
non peccandi de cætero. Eam deinde eod. c. diuidit in perfe-

ctam, quæ per se ipsam ad iustificandum peccatorum
sufficit, quamvis cum voto, & ordine ad sacramentum;
& imperfectam quæ etiam attritio dicitur, & sufficiens
dispositio est in sacramento ad remissionem peccatorum,
etiam mortalium: extra sacramentum nec ad remissio-
nem venialium, sicuti partim c. 2. dictum fuit: hinc verò
magis declarandum, vt natura & vis tum contritionis,
tum attritionis extra, & intra sacramentum, plenius co-
gnoscat.

Assertio I. Ad veram contritionem, ac iustificationis
dispositionem non requiritur certus intensiois gradus:
neque absolutè necessarius est, de vno peccato morta-
li magis conteri, quàm de alio. Ita DD. communiter,
Alensis p. 4. q. 63. mem. 1. a. 3. & 5. S. Th. in 4. d. 37. q. 2. a.
3. q. 1. ibid. Richar. a. 1. q. 6. Io. Medina q. 5. C. de poenit. du-
bit. Tol. lib. 3. c. 5. dub. 14. Henric. lib. 4. c. 27. n. 2. Suarez
disp. 4. f. 4. num. 9. Egid. Coninck disp. 2. dub. 7. concl. 2.
contra Hadrianum in 4. q. 2. de poenit. Nam vbi est sub-
stantia contritionis, per quam appetitiuè detestatur
peccatum supra omne malum repugnans summo bono
dilecto, per fidem cognitò, ibi est vera contritio, &
sufficiens dispositio ad remissionem cuiusque peccati
mortalis. Sed in quocunque intensiois gradu constiterè
potest substantia contritionis, qualem descripsimus. Er-
go, &c.

Interim valde utile est, quòd etiam Scriptura sacra,
& Patres monent, vt homo de commissis peccatis vehe-
menter, & sæpius doleat: eoque magis, quòd grauiora
peccata sunt: vt & copiosior gratia sanctificans ipsi in-
fundatur, & pro pœna peccatis debita plenius satisfiat.
Siquidem contritio, quatenus gratia sanctificante infor-
matur, habet vim sanctificandi pro pœna restante: ideo-
que semper per contritionem remittitur aliqua pars pœ-
næ temporalis: & tantò maior, quòd illa, perfectior fuit:
quare ita perfici poterit, vt omnem omnino pœnæ tem-
poralis obligationem adferat, sicuti notatur in c. men-
suram, dist. 1. de poenit. & à S. Thom. in 3. d. 19. quæst.
2. a. 2. & in Supplem. q. 5. a. 2. Nau. c. si peccatum, ead. d. 1.

Assertio II. Ad veram contritionem, per quam pec-
cator iustificatur, mora temporis non requiritur. Ita S.
Bonau. in 4. d. 16. p. 1. a. 1. q. 1. & alii communiter. Quia,
vt dicitur in c. mensuram, d. 1. de poenit. Apud Deum non
tam valet mensura temporis, quàm doloris. Et S. Leo epist.
91. ad Theodorum; *Misericordiae Dei nec mensuras possumus
ponere, nec tempora definire (apud quem nullas patitur venie
moras vera conuersio.* Et sumitur ex c. 18. Ezech. *Impietas
impis non nocebit ei, in quocunque die: (id est, quando cun-
que, & cum primum, sicuti rectè explicat Victor. n. 115.
conuersus fuerit ab impietate sua. Ratio est: Quia secundum
Dei voluntatem ac misericordiam, contritio (quæ facta
apprehensione obiecti, vñico momento elici potest) vlti-
ma dispositio est ad gratiam sanctificantem, teste S. Th.
8. q. 89. a. 1. ad 2. Posita autem vltima dispositione, statim
eodem momento acquiritur forma: Ergo, &c.*

Assertio III. Necesse non est ad iustificationem conse-
quendam de singulis peccatis mortalibus sigillatim do-
lere, sed sufficit vnus simplex contritionis dolor de omni-
bus peccatis, generatim & confusè apprehensus, vel etiã
de vno mortali peccato specificè, aut numericè; tamè ex
motiuo generali conceptus, quatenus videlicet offensa
Dei est super omnia dilecti. Ita S. Bon. d. 16. p. 1. a. 4. q. 2.
Cai. ver. contritio, & in 3. p. q. 81. a. 1. Nau. c. 1. man. n. 22.
Binsfeld. in Enchiridio, de contritione, Pet. Sot. lect. 13. de
pœn. Viet. de Conf. c. 115. Hen. c. 27. n. 2. Sua. d. 4. f. 6.
Coninck q. 2. d. 8. contra Adr. q. 3. de Baptismo, in fine,
Angelum ver. cōtritio, §. 4. Probatur ex suprà dictis. Nā
si adest vera contritio, statim eodem momento sequitur
gratia iustificans; vera autem contritio adest, si homo
vñicum, vel plura, aut omnia peccata mortalia animo ap-
prehēsa, detestetur tanquam summum malum, repugnans
Deo summè dilecto: Ergo tunc statim iustificatur.

Addo, probabilius esse, quod Caiet. & alii supra citati defendunt, hominem ex præcepto contritionis seu virtutis Pœnitentiæ non obligari ad peccata sua in memoriam reuocanda: quandoquidem sine tali recogitatione, per contritionem temporis momento ad Deum perfecte conuerti, ac iustificari potest: Licet contrarium sentire videatur S. Th. 1. 2. q. 113. a. 5. ad 3. & 3. p. q. 87. a. 1. in corp. vbi ait: ad remissionem peccatorum requiri, *ut homo diligentiam adhibeat ad rememoranda singula peccata mortalia, ut singula detestetur.* Idemq; docet Scotus in 4. d. 17. q. 2. a. 2. Philarchus de offic. Sacerdotis; p. 2. l. 2. de pœnit. c. 20.

Dixi autem hominem non obligari ex præcepto contritionis. Nemo enim dubitat, propter obligationem Confessionis faciendæ, omnia peccata mortalia in memoriâ reuocanda esse, ut omnia secundum speciem & numerum explicari possint. Verum seclusa obligatione confitendi, ut puta in lege veteri, vel etiam in noua lege, si Confessio v. g. ob inopiam Confessarii, impossibilis sit, non videtur extare præceptum sigillatim recogitandi peccata: modo homo probabilissimè sibi persuadeat, se sine tali peccatorum specifica, aut numerica recogitatione, verum actum contritionis elicere posse. Vtilissimum tamen est & semper fuit, ut homo, qui à peccatis iustificari vult, omnia, & singula mortalia recogitet, ac sigillatim etiâ detestetur: I. Ut tantò certior sit de vera sua contritione. II. Ut pro pœna temporali eò plenius satisficiat, quò magis peccata commissâ dolendo, in se punit. III. Ut animum ad vitæ emendationem tantò magis confirmet; quia firmitus esse solet propositum particulare, & expressum, quàm generale aut implicitum.

4 Assertio IV. Ad iustificationem quoque per sacramentum Pœnitentiæ, opus non est de singulis peccatis mortalibus in memoriam reuocatis, & confitendis sigillatim dolere, sed sufficit vnus simplex dolor contritionis, vel attritio, ex generali motiuo conceptus, quod virtualiter & implicitè ad omnia peccata se extendat. Patet hæc assertio ex dictis, & traditur à Nau. ci. nu. 22. Suar. disp. 20. f. 4. n. 28.

Assertio V. Ad valorem sacramenti Pœnitentiæ requiritur, ut dolor internus aliquo modo antecedit confessionem externam. Probatum ex eo: Quia externa peccatorum Confessio, ut sit pars Sacramenti, debet procedere ab interna pœnitentia, eamque significare: quandoquidem materia sacramenti Pœnitentiæ est Confessio dolorosa, siue, ut à iis verbis dicam, sacramentalis Confessio non est mera peccatorum explicatio: sed accusatio sui ipsius, tendens ad absolutionem, siue reconciliationem cum Deo, ut supra dictum fuit, & bene explicat Coninck. disp. 4. dub. 6. Quamobrem pro maiore securitate consuetum, ac consultum est, præmittere confessionem generalem, ut si antè dolor ex generali motiuo conceptus non erat, saltem tunc concipiatur.

Huic doctrinæ verbo tenus, sed non re ipsa repugnat Suar. num. 31. vbi ait: non referre ad veritatem Sacramenti, siue dolor peccatorum Confessionem antecederet, siue non. At ita in se explicat. Licet peccatorum narratio, quatenus tempore antecessit contritionem, non habuerit consuetam rationem accusationis: tamen quatenus postea informatur per consequentem contritionem, & sic informatâ subicitur clausula ab his summi pœnitente postulante, *vel expectante absolutionem, sufficienter consummatur in ratione accusationis sacramentalis.* Ad hoc vero omnino necessarium est, ut dolor animi post peccatorum narrationem habitus, externo aliquo signo declaratur: scilicet humiliando se coram sacerdote, & absolutionem petendo, seu expectando tale enim signum, relatum ad peccata paulò ante explicata, à quibus pœnitens absolutionem petit, veram rationem sacramentalis accusationis habet. Ut autem certior sit absolutio à peccatis, solent prudentes Confessarii, si de contentis interna dispositione dubitent,

excitare eum ad dolorem de peccatis paulò antè narratis tum concipiendum, tum ore profitendum: postea verò desideratam ipsi absolutionem conferunt.

Cæterum, quod dicunt Syl. ver. confessio, 1. q. 21. Na. c. 1. n. 18. & c. 10. n. 4. Sa ver. contritio, n. 5. *sufficientem dolorem effectum Sacramento, si quis dolet, quòd non satis doleat,* falsum est, si eo sensu accipiatur, quem verba præ se ferunt. Cum enim dolor de peccatis non qualiscunque, sed ex motiuo supernaturali conceptus, atque ad omnia mortalia, saltem implicitè, se extendens, sit essentialis pars Sacramenti, manifestò liquet, si talis non adsit, quantumuis non adesset doleas, irritum esse Sacramentum. Nihilominus doctrina illa bono sensu intellecta, vera est: Si quis doleat, quòd magnitudini peccatorum non satis proportionatum dolorem habeat, signum est, cum satis dolere, & absolutionem mereri. Deinde si quis arbitretur, se non satis dolere, cum tamen ex animo cupiat, eximendus plerumque est ei scrupulus, atque consolandus homo: dummodo nullum actualem affectum erga mortale peccatum gerat.

6 Assertio VI. Ad iustificationem extra, & intra Sacramentum per se, ac necessario non requiritur expressum propositum seruandi mandata Dei, siue à peccatis abstinendi: sed sufficit implicitum, quod in ipsa detestatione peccatorum virtualiter continetur. De qua assertionem videri potest Suar. disp. 4. f. 3. & disp. 20. f. 4. nu. 32. Agid. Coninck disp. 2. dub. 6. conclus. 5. Probatum autem ex eo: Quia vno simplici actu detestationis peccatorum, ex motiuo supernaturali, homo sufficienter disponitur ad iustificationem: cum interim fieri possit, ut de vitâ impofterum instituenda, aut peccatis euitandis nihil cogitet, præsertim si morti propinquus sit. Cæterum, cum odium ac detestatio mali suapte natura excitare soleat in homine voluntatem, siue propositum illius declinandi: ideo dixi, in vera detestatione peccatorum virtualiter contineri propositum emendationis: adeò quidem, ut si homini verè de commissis peccatis dolenti, huius rei cogitatio occurrat (quæ moraliter loquendo non potest non occurrere, si diutius se victurum arbitretur) statim etiam moueatur ad propositum omnia mortalia peccata impofterum cauendi. Quare rectè agunt Confessarii, quòd tale propositum à contentibus exigant, eosque alia ratione absolvere non int. Quia nisi pœnitens absolutum propositum concipiat, ab omnibus peccatis mortalibus abstinendi, signum est, eius dolorem generalem non esse, neque ad omnia peccata se extendentem: ideoque non sufficientem dispositionem ad gratiam Sacramenti accipiendam. Quæ ratione conciliari possunt Doctores, quorum alij in ad iustificationem peccatoris formale propositum vitandi peccata requirunt: alij verò implicitum in ipsa peccatorum detestatione inclusum sufficere, aiunt.

7 Porro circa propositum impofterum vitandi peccata mortalia, aliqua ad praxin aduertenda sunt: Primò. Illud non tantum absolutum esse debet, sed etiam efficax: ita, ut dum talis animi dispositio, seu voluntatis propositum durat, re ipsa moueatur homo ad occasiones peccatorum amouendas: & omni alia operam adhibendam, quæ ad vitanda peccata necessaria videatur. Ratio est: Quia propositum finis, si absolutum, & firmum sit, statim mouet voluntatem ad querendum, & amplectendum modum necessarium.

8 Alterum. Sepe ne i potest, ut licet aliquis absolutum & sufficientem propositum habeat nihilominus timeat, vel etiâ existimet se non vitaturum omnia mortalia peccata, vel certum aliquod peccati genus non elugiturum; quia antea etiam voluntatis sua incertitudine expertus fuerat, ut bene docet Syl. ver. Confessio, 1. q. 21. Lopez p. 1. l. 1. c. 13. q. 2. Nau. c. 1. n. 13. & c. 10. n. 8. Sa ver. absolutio, n. 11. Henl. 4. c. 14. n. 4. Coninck d. 2. dub. 6. n. 59. Beia p. 3. casu 9. Ratio est: Quia, ut Syl. notauit, velle ac proponere voluntatis actus est: existimare autem se facturum, quod voluntas propositum,

fuit, adus intellectus, qui ex proposito illo necessarii non cōsequitur, ob humanam voluntatis cognitā mutabilitatem. Quamobrem non recte agit Confessarius, si poenitentem suum adigat ad specialem promissionem, vel iuramentum de hoc, vel illo peccato imposterum non patrandum: praterquam in raro casu, si peccatum Reipub. valde perniciosum sit, v. g. prodicionis: posset tunc imperari poenitenti, ut ante absolutionem iuratus promittat, se tale peccatum non patratum: si id medium opportunum iudicet Confessarius ad absterrendum hominem à crimine admodum pernicioso. Quae etiam ratione ante absolutionem ab excommunicatione, exigi solet iuramentum de parendo imposterum Ecclesiae.

Tertium. Distinguere oportet inter peccati occasiones, seu pericula remota, quae tamen homo facile euitare potest, aut non infrequenter solet: & inter occasiones, seu pericula propinqua, quae, spactatis omnib. circumstantiis difficulter & vix aliquis euitaturus putatur. Illa non debet poenitens ex praecepti necessitate amovere: haec verò maximè, secundum verbum Christi Matth. 18. *Si manus, vel pes tuus scandalizat te, abscinde illum, & proice abs te.* Et Eccles. c. 3. *Qui amat periculum peribit in illo.*

Excipe: Nisi propinquum periculum, seu occasio mortaliter peccandi, sine graui incommodo corporis, famae, vel, fortunarum, tolli non possit, tunc consilium quidem est maiorem illam iacturam in ioti bono securitatis animae posthabere: sed non praeceptum. Quare absoluedi sunt, qui officio, negotiatione, domo, in qua peccandi periculum propinquè imminet, discedere nolunt, quia sine maxima difficultate non possunt: interim parati adhibere, peccatorum remedia, praesertim ea, quae à Confessario ipsis praescribuntur, uti docent Sa, & Henriquez ll. cc. Nauar. c. 3. n. 16. Caiet. in sum. ver. periculum, Philarchus p. 2. lib. 2. cap. 32. Sanchez t. 1. moral. lib. 1. cap. 8. Ratio est: Quia occasio peccandi in se peccatum non est, neque necessitate infert, aut animi libertatem aufert: quare cum ea consistere potest peccatorum detestatio, & absolutum propositum adhibendi operam & conatum, ut imposterum peccata vitentur, quamuis interim adiunctus sit timor, aut existimatio, voluntatem aliquando immutatum iui, ut supra dixi. Deinde sic ratio cinor: Vel praeceptum declinandi occasiones peccati affirmatiuum est: & tunc manifestò liquet, non obligare in tali necessitate. Vel si contendas, negatiuum esse praeceptum non aduendi periculum, aut in eo non persistendi: tum respondeo, intelligendum esse praeceptum, ne quis vltro ac voluntariè in peccandi periculum se coniciat, aut in eo persistat: hic autem moralem quodammodo necessitatem interuenire. Et ita docent Beia, & Sanchez. ll. cc. argument. cap. consultationi, de frigid. & maleficiat. & auctoritate Sancti. Basil. de constit. Monast. cap. 4.

Quartum. Hinc consequens est, etsi aliquis sapius eandem peccati speciem ad Confessionem attulerit, denovo absoluedum esse, si iterum emendationis propositum concipiat: quia, ut S. Hieron. ait Ep. 46. ad Rusticum, & refertur in c. septies, d. 3. de poenit. *Non solum septies, sed septuagies septies delinquenti, si conuertatur ad poenitentiam, peccata condonantur:* Et docet Petrus Nau. lib. 4. c. 4. num. 77. Sanchez lib. 2. moral. cap. 32. num. 45. Suarez t. 2. de relig. lib. 3. de iuram. cap. 8. prope finem, videri etiam potest Auditor de vera, & falsa poenit. cap. 5.

Veruntamen Confessarius in tali homine, qui idem peccati genus, ad quod pronus solet esse lapsus, v. g. fornicationem, volutariam pollutionem, Blasphemiam sapius ad Confessionem adfert, attendere debet: utrum ille conatum aliquem emendationis adhibuerit, quod his signis cognosci poterit. I. Si post proximam Confessionem rarius, quam antè solebat, lapsus fuit. II. Si me-

dijs usus est, quae ipsi contra peccati reciduum à Confessario imperata erant. III. Si occasiones extrinsecas peccandi, quas remouere debuerat, & pollicitus erat, re ipsa amouit. Quod si talia praestiterit, haud dubiè absoluedus est. Sed etsi nihil horum praestiterit, nihilominus illi absolutio conferri potest, si rem secundum se, absolute consideremus. Quia licet antea propositum inefficax habuerit: nunc tamen verum, & efficax concipere potest: idque affirmanti credi plerumque debet: cum ipse sit sui accusator, defensor, & testis, ait Suarez, & clariùs docet Sanchez loco cit. Veruntamen interdum vehemens est suspicio, & iusta praesumptio, propositum emendandi simulatum, aut non sufficiens esse: si videlicet poenitens post duas, aut tres Confessiones, eandem peccati speciem eodem, vel maiore numero adferat, & nullus emendationis conatus antecessisse videatur: hoc casu differenda erit absolutio, nominato aliquo temporis spatio, intra quod poenitens conatum adhibeat ad criminis emendationem, postea absolutionem accepturus. Id verò limitari debet, nisi poenitens in praesente Confessione specialia, qualia antea nunquam, doloris signa ostendat, quibus praesumptio illa de mala confitentis dispositione meritò elidatur.

His quaedam addenda sunt: Primò, Considerandum in hac materia, quo praecipue motiuo poenitens ad frequentes confessiones accedat. An quia à Domino, Praefecto, Pedagogo adigitur, alias non accessurus: in tali homine magnum periculum est, ne male dispositus sit. An solum quia consuetudinem habet octauo quodque die confitendi: in tali etiam magnum periculum est, si eandem mortalis peccati speciem sine emendatione saepius afferat. An denique quia dolore, & indignatione propter relapsus suos concepta, iterum poenitentiae ac confusionis suae remedium quaerit: Et talis censerì debet, bene dispositus esse.

Secundò: In tali casu difficilius impertienda erit absolutio, si crimina publica sint v. g. frequentes blasphemiae, ebrietates: offenduntur enim fideles, si videant hominem post Confessionem saepius repetitam, petinde ut priùs, in peccatis suis persistentem cuiusmodi scandalum interdum cum Sacramenti irreuerentia iunctum, tolli debet, non obstante priuato incommodo, quod poenitenti timetur, ne fortè à Confessione absteritus, in grauiora peccata incidat. Maximè verò cauendum, ne notorij peccatores, puta manifesti concubinarij, vsurarij, & c. ad S. Eucharistiam accedere permittantur, priusquam scandalum amoueant, iuxta cap. quia de vsuris.

Tertiò, in aliquibus peccatis facilius praesumptio fieri potest, poenitentem in superioribus Confessionibus non habuisse verum emendationis propositum: veluti si à Confessario iussus restitutionem facere, aut concubinam domo eicere, non executus est: cum tamen exequi potuisset: quo casu, etsi iam denovo promittat, non est absoluedus, antequam re ipsa praestiterit, & dicendum confitenti, tu prius praestituum officium, postea ego praestabo meum, sicuti tradunt Syl. ver. concubinarij, c. 1. Lopez p. 1. instruct. c. 20. Caiet. in sum. ver. restitutio, c. 6. Gutierrez lib. 1. can. qq. c. 40. num. 9. Coninck disp. 8. dub. 17. concl. 4. Quamquam neque in his casibus vniuersalis regula statui debet: dum fieri possit, ut licet aliqui semel, aut iterum admonitus, restitutionem non fecerit, aut concubinam non dimiserit, nunc tamen euidentiora mutatae voluntatis indicia praesentat, ut eius promissio acceptari, & absolutio dari possit, uti notauit P. Nau. li. 4. c. 4. n. 20.

Deinde, licet consentiant DD. apud Nau. c. 16. n. 20. ordinatiè absolutionem dandā non esse concubinario, etiā occulto, nisi promittat se concubinā quāprimū à se amandaturum, propter maximū, quod ex cohabitatione oritur peccandi periculū: nihilominus in certo casu circumstantia concurrere possunt, ob quas prudens Confes-

farius aliud decerneret, vt notauit idem Nau. c. 13. n. 15. & 19. Finellius casu referuato 11. n. 10. Exempli causa. Si aliquis in graui infirmitate, vel mortis periculo constitutus alium hominem facere habere non possit, qui necessaria ministraret, præter concubinam, ad quam tunc penitens carnis affectum non gerat, ideoque putet se eius occasione non lapsurum: cum primum autem conualuerit, statim à se amandandam promittat: tali aliquo casu permitti poterit, si scandalum absit: videlicet in concubinato occulto.

Assertio VII. Nullum etiã veniale peccatum in hac vita à Deo homini remittitur, sine penitentia saltẽ virtuali.
 12 Ita S. Th. 3. p. 87. a. 1. ibid. Suar. Vsq. Coninck disp. 2. dub. 14. Halensis p. 4. quæst. 65. mem. 3. a. 4. §. 2. contra S. Bonau. in 4. d. 21. p. 1. a. 1. quæst. 1. Medinam Cod. de penit. quæst. 3. §. oppositum: quamuis hi auctores, negantes ad venialium remissionem requiri penitentiam, explicari possunt de formali. Probat assertio: quia peccatum veniale est aliquis deordinatio, & macula mentis conuersæ ad bonum creatum, aliquo modo contra auctoritatem, & legem Dei: cuius proinde amicitiam, siue Charitatis coniunctionem licet non tollat, tamen aliquatenus impedit, ad feruorem, siue actiuitatem eius circa aliquod obiectum retardat. Talis autem deordinatio, & auersio mentis, tamen si actualiter cesset, v. g. in homine dormiente, vel ad alia animum applicante: manet tamen habitualiter, & secundum voluntatem interpretatiuam: donec per contrarium actum alicuius penitentiae retractetur.

13 Oportet autem hunc actum retractationis, seu penitentiae, per quem peccatum veniale deletur, supernaturalem esse, cum remissio cuiuscunque peccati sit donum Dei supernaturale, quod viribus solius naturæ comparari non potest, sicut colligitur ex Concilio Arausicano: can. 7. & docet S. Th. q. 87. a. 4. Petr. Sotus lect. 18. de penit. Suar. disp. 11. sect. 1. n. 7. Deinde certum est, quod actus iste deletiuus sit contritio, seu dolor de peccato, quatenus est offensa Dei dilecti: hic enim vim habet delendi peccata omnia venialia, saltem ea, ad quæ formaliter, aut virtualiter se extendit. Siquidem hoc discriminẽ est inter peccata mortalia, & venialia: quod vera contritio ad mortaliũ omnium detestationem necessitudo se extendat: quia singula eorum priuant gratia, & amicitia Dei, quam homo contritus rebus omnibus anteponit. At verò fieri potest, vt cum vera contritione, & hominis iustificatione, aut gratiæ incremento venialia aliqua peccata consistant: siue secundum habitualement tantum & nondum retractatam voluntatem. Ceterum, si homo perfecta contritione, aut amoris actu se Deo absolute, ac penitus subiiciat, volens ipsi in omnibus actionibus placere, & obtemperare: consequenter detestans omnia peccata non solum grauiora, sed etiam leuiora, quatenus omnia Deo displicent: talis actus perfectæ contritionis, vel Charitatis ad omnia venialia peccata se extendit, atque omnia delet secundum culpæ reatum, vt docent Suar. dis. 11. s. 3. n. 7. Coninck n. 123.

Vltius verò tanquam probabile defendit Suar. cit. s. 3. n. 11. eumque secutus Coninck cit. disp. 2. dub. 14. concl. 5. etiam attritionem, seu dolorem de peccatis venialibus conceptum propter penas inferni, aut purgatorii, eundem deletiuum esse in homine iusto. Sed alij Doctores hoc non asserunt, neque mihi placet: Primo, quia, vt bene contra hanc sententiam argumentatur Val. 3. p. 4. disp. 87. a. 1. dub. 1. n. 6. ex ea consequens est, quod homini iusto peccata venialia virtute clauis nunquam remittantur: cum enim saltem attritio aliqua supernatura sit necessaria sit ad causam, etiã venialis peccatis, sacramentali Confessione, sequitur hominem iustum peccata venialia remissionem, etiam non remissionem consequi per ipsam sacramentali remissionem, ac confessionem: & non per subsequenter sacramentali absolutionem. Secundo, Quia peccatum

quodlibet, etiam veniale, est aliquo modo contra Deum quippe auersio aliqua, & recessus à Deo: Ergo, extra sacramentorum veluti priuilegium, remitti non debet, nisi per penitentiam, seu detestationem peccati conceptam propter Deum, seu per quam conuertitur homo ad Deum, quæ est contritio. Tertiò, Quia peccatum veniale nunquam etiam extra sacramentum remittitur, nisi simul infundatur gratia sanctificans, tanquam per se remissiva peccati, vt probabilissimè docent S. Bonauent. in 4. d. 21. p. 1. art. 1. quæst. 1. Halensis p. 4. quæst. 65. mem. 3. a. 4. §. 1. Atqui sanctificans homini extra sacramenta non infunditur sine actu Charitatis formali, aut virtuali. Ergo cum attritio ex Charitate non procedat, sed solum contritio, sequitur per attritionem in homine iusto non remitti venialia peccata. Maior huius discursus inde constat, quia esto Deus per absolutam suam potentiam remittere possit peccatum, sola condonatione extrinseca, quod Scholastici disputant, certum tamen est, conuenientius esse, vt id faciat per infusionem alicuius doni intrinsecè inherens, quæ est gratia sanctificans. Minor verò probata fuit lib. 2. tract. 3. cap. 1. n. 2. Quod iustus extra sacramentum sine actu Charitatis formali, aut virtuali, gratiæ sanctificantis augmentum consequi non possit.

Corollarium I. Rectè docuit S. August. in Enchirid. c. 71. & lib. 50. homiliar. hom. vlt. c. 3. quod peccatorum venialium remissionem à Deo consequimur per orationem Dominicam, vel alias preces ad Deum fufas, continentes in se petitionem veniæ peccatorum: imò per quoduis opus bonum, v. g. eleemosynam, ieiuniam, si ea intentione fiat, vt per id peccatorum remissionem mereamur, vt indicat cit. c. 3. Hæc autem ita intelligi debent, vt tamen fiant propter amorẽ Dei, seu ex Charitate Dei, sine qua opera quæcunque nihil homini profunt ad salutem. Interim verò fateri oportet, ad remissionem peccatorum quorumcunque, consequenter etiam venialium, sufficere penitentiam virtutalem: vt si actum quemcunque virtutis exerceas, qui aliquo modo oppositus sit peccato veniali: modo ad eum exercendum mouearis ex dilectione Dei.

Corollarium II. Peccatum veniale ei, qui simul habet¹⁶ originale, aut mortale, nunquam sine illo remittitur. Ita S. Th. q. 87. a. 4. Alenf. p. 4. quæst. 65. mem. 3. a. 3. §. 4. Richar. in 4. d. 16. a. 1. quæst. 2. Palud. dist. 17. q. 1. art. 1. Adrianus de Confess. vbi de remiss. peccatorum. q. 3. §. His præmissis, Gl. c. 1. §. Sacerdos ver. semper remittantur, d. 6. de penit. contra Duran. in 4. d. 16. q. 2. Gabr. q. 5. a. 3. dub. 2. Nau. cit. §. Sacerdos, num. 27. Ratio est: Quia, vt supra dictum, peccatum veniale est quædam auersio à Deo, & offensa auctoritatis eius: Ergo non potest deleri, nisi per actum hominis ad Deum conuersi, ipsique grati. Confirmatur: Peccatum veniale non remittitur sine infusione gratiæ sanctificantis: gratia autem sanctificans cum peccato originali, aut mortali consistere non potest: Ergo, &c.

Corollarium III. Sacramentalia, puta aqua benedicta agni cerei, &c. non habent vim per se, & immediatè remittendi peccata venialia: sed tantum remotè, quatenus propter Ecclesiæ preces, & suffragia impetrant nobis à Deo auxilia gratiæ præuenientis, & excitantis, sicuti & alia Dei benedicta, v. g. Daemonis compressionem, à periculis conseruationem, corporis sanitatem. Ita S. Thom. quæst. 87. a. 3. ad 1. Maior in 4. d. 23. quæst. 2. Petr. Sotus cit. lect. 18. Suarez disp. 12. sect. 2. Arg. 1. supra citat. 3. Probat ex eo, quod peccata etiam venialia non remittantur homini sine interiore penitentia, & gratiæ infusione: quam obrem Ecclesia non habet potestatem extra collationem sacramenti certo, & infallibiliter remittendi peccata, secundum reatum culpæ. Alia verò ratio est de remissione penit. per indulgentias: cum enim illa sit extrinseca quædam condonatio, non requirit internam hominis conseruationem.

Assertio VIII. Ad remissionem venialium extra, & intra Sacramentum, requiritur etiam propositum, saltem virtuale, ea imposterum vitandi. Sequitur hæc assertio ex dictis, eamque præter alios docet Ioan. Gerson p. 2. operum, tract. de diuersis effectibus peccati venialis, in fine. Nam ad remissionem peccatorum, etiam venialium, requiritur poenitentia: Ea autem necessario includit propositum saltem virtuale, imposterum fugiendi peccata: siquidem fieri non potest, ut malum peccati verè, ac seriò detester, si imposterum ab eo abstinere nolim. Verùm quod supra circa quintam assertionem de peccatis mortalibus dixi, id multo magis de proposito vitandi venialia dicendum est: cum eo consistere posse probabilem timorem, vel etiam existimationem, futurum non esse, ut homo ab ijs, de quibus nunc dolet, omnino se contineat.

19 Insuper ex Ægid. Coninck de poenit. disp. 2. dub. 14. num. 230. notandum est triplex discrimen, inter propositum requisitum ad remissionem peccati mortalis: & requisitum ad remissionem venialis: I. Propositum vitandi mortalia, sicuti & ipsamet contritio, vel attritio, debet se ad omnia explicitè, vel implicitè extendere: propterea quod vnum mortale sine alio remitti non possit: neque vnquam hominis iustificatio fieri, manente actuali, aut habituali affectu ad peccatum mortale: quippe cui gratia iustificans per se, ac formaliter repugnat, sicuti docet S. Thom. quæst. 86. a. 3. Alensis p. 4. quæst. 69. mem. 10. Adrian. in 4. de sacram. poenit. q. Quia iam ostensum. Contrà verò nihil obstat, quin vnum veniale homini remittatur, altero remanente, vel secundum habitualem, & non retractatam voluntatè: vel etiam secundum actualem affectum, seu peccandi propositum. Ratio est, quam S. Thom. indicat q. 87. a. 4. ad 3. Licet gratia Sanctificans

20 ad remissionem peccati venialis concurrat, tamen non expellit omne peccatum veniale: quandoquidem peccatum veniale in actu, & in habitu, consistere potest cum gratia sanctificante: non item peccatum mortale, sicuti supra etiam dictum fuit.

II. Ad remissionem peccatorum mortalium requiritur propositum abstinendi ab omnibus non tantum in sensu diuiso, sed etiam in sensu collectiuo: ita ut animus sit non tantum singula, sed etiam omnia simul cum Dei gratia euitare. At verò ad remissionem peccatorum omnium venialium sufficit propositum vitandi singula in sensu diuiso: ita ut nullum determinatè designari possit, à quo animus virtualiter saltè non abhorreat: non verò requiritur propositum vitandi omnia simul & collectivè, ita ut animus sit nunquam venialiter, ne quidem ex animi subreptione, peccandi: hoc enim sine specialissima Dei gratia, homini in hac vita impossibile est: impossibile iudicium autem non est voluntas siue propositum. Ita etiam docet S. Th. q. 87. a. 1. ad 1.

III. Propositum vitandi venialia necesse non est tam firmum & efficax esse: ita, ut eo perseverante tam efficaciter moueatur homo ad declinandas peccandi occasiones propinquas, & adhibendi media, quæ tum ad peccata, tum ad peccatorum occasiones vitandas, aliquo modo necessaria videntur: sicuti moueri debet ex verò proposito vitandi mortalia. Cum enim peccatum mortale longè grauius animæ malum sit, quàm veniale: ideo homo multò maiore conatum adhibere tenetur ad vitanda mortalia, quàm venialia consequenter verus poenitens firmitus & efficacius propositum concipere debet ad mortaliū, quàm venialium declinationem. Ex quo vterius sequitur, facilius absolui posse relabentes sæpius in eandem speciem peccati venialis, quàm mortalis: quod frequens ille relapsus non ita sit indicium defectus doloris, ac propositi ad eorum remissionem necessarij: quia provenire potest ex frequentia occasione, à quibus remouendis facilius aliquis excusari potest, quàm à remotioribus occasionum ducentium ad peccatum mortale.

21 Assertio IX. Per veram poenitentiam peccata non

sopiantur: sed penitus delentur, extinguuntur. Colligitur ex c. 3. Actorum Poenitemini, & conuerimini, ut delantur peccata vestra. Et Apost. ad Titum c. 2. Dedit semetipsum pro nobis, ut nos redimeret ab omni iniquitate, & mundaret sibi populum acceptabilem. Psal. 50. Cor mundum crea in me Deus. In quem locum S. Ambros. ait; Hoc ei prouenit, qui renouatur spiritu. In nouo enim homine cor mundum est, in quo veterum delictorum fuerit deleta colluies, nec inscripta manserit aliqua iniquitatis effigies. Et S. Gregor. in verba Christi Ioan. 13. Qui lotus est, mundus est totus, lib. 9. epist. 39. inquit: Totus mundus dici non potest, cui de peccato aliquid remansit. Quamobrem Scholastici communiter docent cum auctore de vera, & falsa poenit. cap. 14. relato in cap. pium est, distinction. 3. de poenit. Magistro in 4. distinct. 14. S. Thom. 3. p. q. 89. art. 5. Bonorum operum merita per poenitentiam reuiuiscere. Quandoquidem priuatio illa gloriæ æternæ, tanquam mercedis debita, fundatur in peccato postea commissio, tanquam fundamento, & radice: si igitur peccatum per poenitentiam, & iustificationem sublatum sit, recuperatur meritum, seu ius gloriæ cælestis, quo peccator se indignum interim reddebat.

Non ita verò, vice versa, peccata, quæ per poenitentiam aut Baptismum semel deleta, seu remissa sunt, reuiuiscunt ac redeunt in relapsu, sicuti contra Gratianum dist. 4. de poenit. princip. & alios apud Magistrum d. 22. docent Albertus ead. d. a. 1. S. Thom. q. 1. a. 4. S. Bonau. a. 1. quæst. 2. Richar. art. 1. q. 2. Durand. q. 1. Quia quod semel absolutè deletum, ac sublatum est, amplius non reuiuiscit: sed peccatum per poenitentiam penitus deletur, & aufertur: Ergo, &c. Non ita verò, ut dixi, bonorum operum merita per peccata penitus extinguuntur, sed potius impediuntur, dum homo tali remuneratione indignus manet, propter offensam: eà autem sublata, redire debet omnis pristina gratia, atque promissio. Neque obstat verba Ezechielis Prophetæ, c. 18. Si auerseris seruistis à iustitia sua, & fecerit iniquitatem, omnes iustitia illius non recordabuntur. Id enim verum est, quod nihil ei proderit præteritæ iustitiæ, dum in peccato permanebit: si autem peccatum abiecerit, etiam memoria præteritorum meritorum redibit. Quare huc accommodari potest dictum Apostoli cap. 5. ad Romanos: Non sicuti delictum, ita & donum, seu gratia remissionis: quia Deus multo prouior est ad miserendum, quàm ad puniendum. Videri potest Sotus in 4. d. 22. q. 1. a. 2. Durand. d. 14. quæst. 5. Vasq. 1. 2. to. 2. disp. 221. cap. 5.

CAP. V.

De Confessione.

SUMMARIUM.

- 1 Confessio sacramentalis omnium peccatorum sacerdoti faciendâ, diuino iure necessaria est lapsis post Baptismum.
- 2 Patres antiqui testantur, Apostolos, eorumque in sacerdotio successores, potestatem à Christo accepisse, ut nunquam constituti iudices fidelium peccata remittant.
- 3 Testantur item Patres, ad peccatorum remissionem à sacerdote obtinendam necessarium esse, ut poenitens peccata omnia mortalia, etiam occulta confiteatur.
- 4 Preceptum Confessionis statim obligat, cum quis in peccatum mortale lapsus est.
- 5 In mortis articulo, vel probabili periculo, lapsis incumbit preceptum diuinum sacramentalis Confessionis ad absolutionem à sacerdote impetrandam.
- 6 Preceptum Ecclesiasticum Confessionis annua, omnis ætatis fideles etiam pueros obligat, si in mortale lapsi sunt.
- 7 Virum pueri confitentes sacramentalis absolutionis capaces sint, Confessarius non ex sola ætate iudicare debet, sed multo magis ex ingenij, & educationis qualitate.
- 8 Annua Confessionis instituenda computatio fieri debet à Pascha te ad Pascha.

- 9 *Qui in Paschate confessus non fuit, postea cum primum potest, confiteri debet: quod si praesentat in Paschate a sacra Confessione se impeditum iri, anticipare tenetur.*
- 10 *Qui post Pascha, v.g. in Pentecoste, sacramentaliter confessus est, si sequente Paschate a sacra Communionem accipienda impeditur, non tenetur confiteri: cum annua Confessionis praecepto iam satisfecerit.*
- 11 *Qui de peccatis fide, sine absque dolore requisito confitetur, non satisfacit Ecclesiae praecepto.*
- 12 *Natum praeceptum est, ne Ecclesiasticum quidem, quod fideles omnes obligat ad Confessionem peccatorum venialium.*
- 13 *Ecclesia potest, & re ipsa solet v.g. Regularibus praecipere, ut sacramentum Penitentiae percipiant, tamen si sola Venialia peccata habeant.*
- 14 *Episcopi praecipere possunt Ecclesiae Ministris, ut quolibet festo mense sacramentalem peccatorum Confessionem iugiter faciant.*
- 15 *Si confitens Venialia tantum peccata habeat, debet unum, aut plura in specie explicare.*
- 16 *Consultum non est omnia Venialia secundum speciem, & numerum sollicite colligere ad Confessionem: cum potius de vero dolore, & emendationis proposito sollicitos esse oporteat.*

ASSERTIO I. Confessio omnium peccatorum mortaliū particularim facienda Sacerdoti, quatenus adhibita mortali diligentia fieri potest, diuino iure necessaria est ijs, qui post Baptismum lapsi fuerunt. Nam vniuersa semper Ecclesia intellexit, Apostolos, eorumque in sacerdotio successores, à Christo in caelos ascensuro Ioan. 20. veluti praesides, ac iudices constitutos fuisse: data ijs potestate crimina post Baptismum commissa tum remittendi, tum retinendi seu alligandi: ita, vt sine illorum absolutione, criminū venia obineri non possit. Hoc autem interioris fori iudicium lapsis necessarium, incognitā causā, siue criminibus à Reo particularim non explicatis, exerceri nequaquam potest: cum alia ratione Sacerdotes cognoscere nequeant, quānam peccata remittenda, & quā retinenda sint. Vide Trident. sess. 14. cap. 5. & can. 3. & 7.

Hoc loco duo Patrum testimonijs ostendenda sunt: Primum. Quod Apostoli, eorumque successores Episcopi, & Presbyteri potestatem à Christo acceperint, vt veluti iudices, ac ministri peccata remittant, & gratiam iustificantiem nomine & auctoritate Christi conferant. Alterum. Ad hanc peccatorum remissionem à Christi Ministro, seu Sacerdote obtingendam, necesse esse, vt penitens peccata omnia mortalia, etiam secreta seu occulta, explicet.

Prior pars ostenditur: Imprimis Pacianus in epist. 1. ad Sympronianum Nouatianum ita scribit: Solus hoc, inquit, Deus poterit, vt peccata penitentibus remittat. Verum est: sed & quod per Sacerdotes suos facit, ipsius potestas est. Nam quid est illud, quod Apostolis dicit: Quae ligaueritis, ligata erunt & in caelis: & quaecunque solueritis in terra, soluta erunt & in caelis. Cur hoc, si ligare hominibus ac soluere non licebat? Antanquam hoc soli Apostolis licet? Ergo & baptizare solis licet, & Spiritum sanctum dare solis. Et paulo post: Si ergo Lauari, & Chrismatis potestas, &c. quae verba citauimus tractat. 3. cap. 1. num. 2. Eūque locū illustrat Anast. Nicenus in qq. super Scripturam, quest. 6. Baptismum quoque omnem abrogabunt, & abolebunt, Nouatiani, quando aiunt, solum Deum posse dimittere peccata, & omnem diuinam Sacrificij operationem: propterea quod homines quidem sacrificant, Deus autem sanctificat. Et paulo post: Etsi ergo sit homo, qui audiat Confessionem, Deus est tamen, qui per se conuertit, & condonat, donat, sicut Dauid per Nathan. Habetur in tom. 6. & in alia edit. tom. primo Bibliothecae SS. Patrum.

S. Athanasius in illud, Proleptum pagum qui ex aduerso, prope finem: Nos ipsos examinemus, num soluta sint nostra vincula, vt in melius proficiamus. Quod si nondum soluta sunt vincula, iradas te ipsum discipulis IESV. Adhuc enim, qui te soluere potestate ea, quam à Salvatore accepisti. Quaecunque ligaueritis, &c. Vnde eundem in interpretat. super Scripturam in illa verba: Insufflauerunt in discipulos suos.

S. Ambros. lib. primo de poenit. cap. secundo Aiunt, Nouatiani, se Domino deferre reuerentiam, cui soli remittendorum criminum reuerentiam reseruant. Imò nulli maiorem iniuriam faciunt, quā qui eius mandatum volunt rescindere, commissum munus refundere: cum ipse in Euangelio suo dixerit Dominus Iesus; Accipite Spiritum sanctum: Quorum remiseritis peccata, remittuntur eis. Et infra: Sed auerte se exceptis grauioribus criminibus, relaxare veniam leuioribus, &c. Sed Deus distinctionem non facit, qui misericordiam suam promisit omnibus, & relaxandi licentiam Sacerdotibus suis sine ulla exceptione concessit.

S. Chrysost. lib. 3. de sacerdotio: Qui terram incolunt, ijs commissum est, vt ea, quae in caelis sunt, dispendiis datum est, vt potestatem habeant, quā Deus neque Angelis, neque Archangelis datam esse voluit: neque enim ad illos dictum est: Quaecunque alligaueritis, &c. Et infra: Corporis lepram purgare, seu verius dicam, hand purgare quiaem, sed purgatos probare Iudaorum Sacerdotibus solis licebat: neque nescis quanta cum ambitione, quando cum studio ac concertatione sacerdotalis dignitas id temporis acquireretur. At verò nostris Sacerdotibus non corporis lepram: verum animae sordes, non dico purgatas probare, sed purgare prorsus concessum est. Vide eundem in cap. 20. sancti Ioannis, homil. 85. & homil. 5. de verbis Isaiae: *Kia Dominum*, &c. quibus locis hanc iudicandi potestatem Sacerdotibus concessam, mirè praedicat, sicuti & Sanctus Gregorius 1. homil. 26. in Euangelia, Theophyl. & Euthymius in cap. 16. Matth.

Cyrillus Alexandrinus libro 12. in Ioannis capite 56 Quomodo si tunc aberat Thomas, quando Christus sufflans dixit: Accipite Spiritum sanctum: Spiritus ipse particeps factus est? Dicimus, virtutem Spiritus ex intentione dantis Christi in omnes discipulos pertransisse: etiam absentem Thomam. Et paulo post: Quare ratione diuina natura dignitatem, ac potestatem discipulis suis Saluator largitus est? Quia certe absurdum non est, peccata remitti posse ab illis, qui Spiritum sanctum in seipsis habeant. Nam cum ipsi remittunt, ac detinent, Spiritus, qui habitat in eis, per eos remittit, ac detinet. Erit autem id per eos duobus, vt arbitror, modis: primum Baptismo, deinde Penitentia.

vt S. Hieronymus epist. prima ad Heliodorum Abbe, de his quidquam sinistrum loquar, qui Apostolico gradu necedentes, Christi corpus sacro ore conficiunt, per quos & nos Christiani sumus, per Baptismum, & Confirmationem: Qui clauces regni caelorum habentes, quodammodo ante iudicij diem indicant.

Victor lib. 2. de persecut. Vandalica: Quanta tunc persequente, & cruciante Catholicos Hunerico Vandalorum Rege, Ariano) multitudines de diuersis regionibus, & ciuitatibus ad visendum Dei Martyres occurrerent populum, testantur via, vel semita, quae cum agmina venientium nequaquam caperent, per vertices montium, & ima vallium concurrens turba fidelium inastimabilis descendeat, ceteros manibus gestantes, suosque infantulos vestigys Martyrum propicientes, ista clamabant: Quibus nos miseris relinquitis, cum pergitis ad coronas? Qui hos baptizauerunt per vnum fontem aquae perennis? Qui nobis Penitentiae manus allatur: sunt, & reconciliationis indulgentia obstat peccatorum vniuersis soluturi, quia vobis dictum est: Quaecunque solueritis super terram, erunt soluta & in caelis. Qui nos secundum orationibus sepeliri sunt morientes? A quibus diuini Sacrificij ritus adhibendus est consuetus?

S. Augustinus in libro 50. homilium, homil. 27. capite tertio Eleuatus est Lazarus, processit tumulo, & ligatus erat sicuti sunt homines in confessione peccati agentes poenitentiam. Iam processerunt à morte, per contritionem: nam non consisterentur, nisi procederent. Ipsam confitenti, ab omni peccato & tenebris procedere est. Sed quid Dominus Ecclesiae facit? Quae pauperum in terra, inquit, soluta erunt & in caelo. Proinde Lazaro procedente, quis impletur

implevit Dominus misericordia sua bonum, perducere ad confessionem mortuum latentem, putentem: iam cetera implet Ecclesie mysteria, Soluite illum, & finite abire. Similia habet tract. 49. in Ioannem, & psal. 101. conclus. 2. ubi adiungit: Cum audis, hominem poenitere peccatorum suorum iam reuixit: cum audis hominem confitendo proferre conscientiam, id de sepulchro reductus est: sed nondum solutus est. Quando soluitur: a quibus soluitur? Quae solueritis, inquit, in terra, erant soluta & in celo. Merito Ecclesia dari solutio peccatorum potest: suscitari autem ipse mortuus non nisi intus clamante Domino potest. Hec enim Deus interior agitur. Similia habet S. Gregor. I. homil. 26. super Euangelia, ubi ait: Quod peccator foras venit, sicut Lazarus, cum nequitias suas sponte confitetur: venientem autem foras soluant discipuli Christi. Nota autem hic obiter quod Christus ante passionem suam Matth. 16. & 18. S. Petro, aliisque Apostolis clauas, & potestatem remittendi peccata promissit: post resurrectionem vero Ioan. 20. re ipsa contulit, quando eos Sacerdotes, & Episcopos ordinauit, ac Sancto Petro vniuersalem supra omnes Christi oues, adeoque ipsos etiam reliquos Apostolos iurisdictionem tradidit.

Posterior etiam pars PP. testimonijs confirmatur. Imprimis Origenes homil. 2. in Leuiticum ait: Laboriosam per poenitentiam, remissionem peccatorum esse, cum non erubescit peccator Sacerdoti Domini indicare peccatum suum, & querere medicinam. Et homil. 3. Si quid in occulto gerimus, si quid in sermone solo, vel etiam intra cogitationum secreta commisimus, cuncta necesse est publicari, cuncta proferri. Idem Origenes homil. 2. in psal. 37. Sicut hi, qui habent intus inclusam escam indigestam, aut humoris, vel phlegmatis grauitate & molestie imminentia, si vomuerint, releuantur: ita etiam hi, qui peccauerunt, si quidem occultant, & retinent intra se peccatum, intrinsecus vrgentur, & propemodum suffocantur ab humore peccati: si autem ipse sui accusator fuit, dum accusat semetipsum, & confitetur, simul euomit & delictum, atque omnem morbi digerit causam. Tantummodo circumspecte diligentius, cui debeas confiteri peccatum tuum. Proba prius medicum, cui debeas causam languoris exponere, &c. ut si quid consilii dederit, facias, & sequaris: si intellexerit, & prouiderit talem esse languorem tuum, qui inconuenienter totius Ecclesiae exponi debeat, & curari, ex quo fortassis & ceteri edificari possint, & tu ipse facile sanari: multa hac deliberatione, & satis perito medici consilio procurandum est.

S. Cyprianus in sermone de lapsis longe post medium, loquitur de ijs, qui quamuis, nullo sacrificii, aut libelli sacri traditi facinore constrikti: quoniam tamen de hoc vel cogitauerant, hoc ipsum apud Sacerdotes Deidolenter, & simpliciter confitentes, exomologesi conscientia faciunt, a nimia sua pondus exponunt, salutarem medelam paruis licet ac modicis vulneribus exquirunt, scientes scriptum esse, Deus non irridetur. Derideri & circumueniri Deus non potest, nec astutia aliqua fallente deludi. Quibus verbis, & alijs, quae sequuntur aperte significat, necessarium esse ad veniam a Deo obtinendam, peccata omnia mortalia, etiam occulta, Sacerdoti indicare. Et postea concludit: Confiteatur singuli, quae vos, fratres, delictum suum, dum adhuc qui deliquit in seculo est, dum admitti confessio eius potest, dum satisfactio & remissio facta per Sacerdotes apud Dominum grata est.

S. Pacianus in parenesi ad poenitentiam, circa medium: Quid facies tu, si decipis Sacerdotem & qui aut ignorans fallis, aut non ad plenum scientem probandi difficultate confundis? Rogo ergo vos, fratres, etiam pro periculo meo, per illum Dominum, quem occulta non fallunt, desinite vulneratam tegere conscientiam. Prudentes agri medicos non verentur, ne in oculis quidem corporis paribus secutores, etiam peruersos. Meminimus quosdam etiam remota, & verecunda membrorum non erubescientes, in ferro, & cauterio

grauissima illa pulueris mordacitate durasse. Et quantum est illud, quod homines praestiterunt? peccator timebit? peccator erubescet perpetuam vitam praesenti pudore mercari? Et plura in eundem sensum quae S. Pater pleraque accipit ex Tertulliano in libro de poenit. capite 9. & seqq. eandemque doctrinam de nihil celando in Confessione propter pudorem, tradunt Lactantius libro 4. diuinar. institut. cap. 17. Sanct. Basil. in regulis breuioribus, regula 228. iuncta regula 288. Sanct. Gregor. Nyssenus in epistola canonica, capite primo, quae extat tom. primo bibliothecae Sanctorum Patrum, Sanctus Hieronymus in cap. 10. Ecclesiastica, Sanctus Augustinus in psalmum 66.

Et S. Chrysost. homil. 33. in Ioanne non longe à fine: In peccatis, quae commisimus confitendo, neminem veremur. Deum diutaxat, ut decet, formidemus qui & nunc opera nostra videt, & tunc quos impraesentia non poenitet, damnabit. Et paulo post: Vos autem hortor, dilectissimi, ut et si nemo opera nostra videat, ut singuli suam conscientiam ingrediantur, & iudicem sibi rationum constituant, errata sua in medium adducant, nisi velint in die illa horrenda vniuerso orbi ea manifesta patere: sanentur iam vulnera, sumatur poenitentia medicina. Quod autem Chrysostomus non loquatur de publica peccati confessione coram populo facienda, inde liquet: quia eam cum Nectario abrogari voluit, ut infra dicam capite 8. Videatur idem S. Doctor libro secundo & tertio de sacerdotio, & homil. de David. & Saule.

De Sanct. Ambros. Paulinus Diaconus eius in vita eiusdem scribit: Quotiescumque illi aliquis ob percipiendam poenitentiam lapsus suos confessus esset, ita flebat, ut illum flere compelleret: videbatur enim sibi cum iacenti iacere. Causas autem criminum, quas illi constabantur, nulli nisi Domino soli, apud quem intercedebat, loquebatur.

Auctor de vera & falsa poenit. capite 10. Quem ergo poenitet, omnino poeniteat, & dolorem lacrymis ostendat, representet vitam suam Deo per Sacerdotem, praenunciat iudicium Dei per Confessionem. Praecepit enim Dominus mundatis, ut ostenderent ora Sacerdotibus, docens corporali praesentia constianda peccata non per nutum, non per scriptum manifestanda. Et capite 20. ait, quod spiritualis Iudex munere scientia carere non debet: Oportet enim ut sciat cognoscere, quidquid debet iudicare. Iudiciaria enim potestas hoc expostulat, ut quod debeat iudicare, discernat. Diligens igitur inquisitor, & subtilis inuestigator, sapienter, & quasi astute interroget à peccatore, quod forsitan ignorat, vel verecundia vellet occultare. Cognito itaque crimine varietates eius non dubitet inuestigare, & locum, & tempus & cetera quae diximus, videl. c. 14. Idem Auctor in c. 15. Cautus sit poenitens, ne verecundia ductus diuidat apud se Confessionem, & diuersa diuersis Sacerdotibus vellet manifestare: Quidam enim vni celant, quae ali manifestanda reseruant: quod est se laudare, & ad hypocrisis tendere, & semper veniam carere, ad quam per frustra totam se putant peruenire.

Bedae in epistola Sancti Iacobi capite quinto Si infirmi in peccatis sint, & haec Presbyteris Ecclesiae confessi fuerint, ac perfecto corde ea relinquere atque emendare satagerint, dimittentur eis. Neque enim sine Confessione emendantur, peccata quaeque dimittuntur: unde recte subiungitur, Confessionis ergo alterutrum peccat à vestra, & orate prout vultis, ut saluemini. In hac autem sententia illa debet, esse discretio ut quotidiana leuiusque peccata alterutrum coequalibus confiteamur corumque quotidiana credamus oratione saluari. Porro grauioris lepra immunditiam iuxta legem Sacerdoti pandamus, atque ad eius arbitrium qualiter, & quanto tempore iusserit, pacificari curemus.

B. Petrus Damiani serm. 2. de S. Andrea Apostolo, Confessio oris parè facienda est: quia non est parè peccatorum di-

cenda, & altera retinenda: neque lenia confitenda, & graviora diffidenda: neque alter accusandus, & ipse excusandus. Et infra: Dum erubescimus confiteri, quia commisimus, Denim minus, quam homines reueremur. Hæc est confusio adducens peccatum. Opponamus ergo ei considerationem rationis, reuerentiam intuentis Dei, comparisonem maioris confusionis. Ut enim confiteamur, ratio mouet: Deus cogit, qui videt: & si confundimur hæc dicere, quid erit in illa magna confusione, ubi omnia omnibus patebunt? Et concludit in fine Ecce quantum potui, etsi non quantum volui, de Confessionis discretis sacramento.

His adde Leonem I. epist. 80. ad Episcop. Campaniæ, cuius verba referam infra cap. 8. & quæ congerit Bellarminus etiam miraculis confirmata, de Confessione Sacerdoti faciendâ, lib. 3. de pœnit. c. 10.

- 4 Assertio II. Cùm præceptum Confessionis affirmatiuum sit, non omni tempore obligat: neque verò statim, vt peccatum mortale commissum est. *Dat enim Deus peccatori inducias, ait Henriq. lib. 4. c. 3. n. 2. & docet supplementum S. Th. q. 6. a. 5. Palud. in 4. d. 17. q. 2. a. 5. Gabr. q. 1. a. 3. dub. 1. Adrian. in 4. de Confessione. §. tertio inquirendum est, Medina C. de Confess. quæst. 13. Sotus in 4. d. 18. quæst. 1. a. 4. Victoria num. 132. contra Guil. Parisiensem de sacram. Pœnit. cap. 14. Angelum ver. Confessio, 1. §. 3. Neque refert, etsi periculum sit peccata obliuiscendi: nam alioquin peccatoribus, qui obliuiosi sunt, difficilis obligatio incumbet, vel sapius in anno confitendi, vel peccata sua scripto consignandi, quorum neutrum ex iure diuino, imò neq; Ecclesiastico ostendi potest, vti docet Nau. cap. 21. n. 35. Greg. de Valentia t. 4. disp. 7. q. 9. p. 4. ver. Quare rectius, Suares disp. 35. l. 3. n. 6. Coninck disp. 5. dub. 2. contra Medin. cit. q. 14. casu secundo, Marsil. in 4. q. 12. a. 1. in fine, Maior. d. 17. q. 2. in fine.*

- 5 Denique haud facile assignari potest tempus, quo præceptum Confessionis per se obliget, præter mortis periculum: quare probabile est, si Ecclesia nullum tempus determinasset pro Confessione faciendâ, lapsum in peccatum mortale, si probabiliter crederet se contritum esse, ex præcepti huius necessitate non fuisse obligandum ad sacram Confessionem extra dictum periculum, vti etiam docent Suar. & Coninck ll. cc. In mortis verò articulo, vel etiam probabili periculo ex grassante peste, imminente naufragio, periculoso partu, prælio &c. conscius peccati mortalis, iure diuino obligari ad Confessionem, Doctores communiter affirmant: quia alioquin homo se exponet certo, vel probabili periculo mortale peccatum nunquam confitendi: cùm tamen sacramentalis Confessio necessarium lapsorum remedium à Christo institutum, atque præceptum sit. Eapropter Medicis præcipitur in c. cùm infirmitas, de pœnit. & remission. *ut cum eos ad infirmos vocari contigerit ipsos ante omnia moneant, atque inducant, vt Medicos aduocent animarum.* Quod præceptum intelligitur, si grauis infirmitas esse videatur, cum mortis periculo iuncta.

- 6 Obligationes confitendi per accidens duæ sunt potissimum, apud Suarez num. 10. I. est, si sacram Eucharistiam suscepturus sis, de quo tract. 4. dictum fuit. II. Si credas, te certam mortalis peccati speciem, in quod sapius lapsus fuisti, euitare aliter non posse: quia videlicet ad amouendas propinquas peccandi occasiones prudentis viri consilio opus est: quod extra Confessionem petere nolis, aut non possis. Vide etiam, si placet, Durandum in 4. dist. 17. quæst. 10. Palud. quæst. secunda art. 5.

Assertio III. Secundum Ecclesiæ determinationem omnes Christi fideles, postquam ad annos discretionis peruenerunt, omnia mortalia peccata, saltem semel in anno, proprio Sacerdoti confiteri debent. Habetur in cap. omnis vtriusque ex Lateran. Cincil. sub Innoc. III.

& in Trident. sess. 14. cap. 5. Circa quam asseritionem aliqua aduertenda sunt: Primum. Ab huius præcepti obligatione nulla etiam impuberum ætas excipitur, si in mortale peccatum lapsi sint. Nam hoc ipso ostenditur, eos rationis discretionem assecutos esse.

Alterum. De pueris, ac puellis confitentibus, vtrum 7 absolutionis capaces sint, iudicare debet Confessarius non ex sola ætate, num videlicet septennium exegerint (post illam enim ætatem de rationis vsu præsumptio esse solet, vti docet Abb. in cit. c. omnis vtriusque, ex c. literas, de despons. impuberum) sed multo magis ex ingenij, & educationis qualitate: quia multi post eam ætatem: alij verò antè, rationis discretionem consequuntur, vt non tantum venialiter, sed etiam mortaliter peccent: cuius rei exemplum habemus apud S. Greg. lib. 4. Dialog. cap. 18. de puero quinquenni, in blasphemijs moriente, ac damnato, & videri potest Scotus in 4. dub. 17. quæst. 1. art. 2. Verum postquam Confessarius, consideratis circumstantijs, iudicauit, puerum verè ac deliberatè commisisse peccatum, quod confitetur: examinare insuper debet, vtrum de eo doleat ex motu non merè humano, quia v. g. à patre vapulabit sed supernaturali per Fidem cognito, puta quia Deo contrarium est: pœnam æternam, vel purgatorij meretur, & idcirco à reatu virtute Sacramenti absolui desideret. Sunt enim aliqui adeo natura vagi, malèque educati, vt, licet satis dispositi fuerint ad peccandum, non tamen dispositi sint, neque à Confessario tam breui tempore disponi possint ad pœnitentiam. Quare in hoc casu orationem, quasi pœnitentiæ loco, puero imponat & crucis benedictio super caput eius formata, dimittat: expedit enim pueros, quamuis nondum absolutionis capaces sint, audire, vt paulatim instruantur, & confessioni affueant. Quod si autem, omnib. consideratis, de pueri capacitate dubium maneat, tunc absolui potest sub conditione, saltem animo retenta, sicuti monet Zambrianus cap. 4. dub. 3. num. secundo. Imò in mortis articulo absolui debet: tali præsertim casu necessitatis, *In dubio inclinandum est in fauorem animæ.*

Denique id moneo, si materia Confessionis, quam puer assert, mortalis videatur, sed ob eius incapacitatem non absoluitur, de hoc ipso mouendum esse puerum, vt sciat, se non absolutum esse, vt maiorem dispositionem, ac præparationem asserat ad iteratam confessionem.

Assertio III. Faciliior, & Ecclesiasticæ consuetudini 8 conformior est annuæ Confessionis computatio à Paschate ad alterum Pascha: ita vt qui post Paschalem Confessionem in mortale peccatum lapsus fuit, eius confessionem vsque ad sequens Pascha differre possit, & non amplius. Ita docet Henriquez lib. 4. cap. 4. num. 2. Suarez disp. 36. sect. 3. Coninck disp. 5. dub. 6. Idque probatur ex praxi Ecclesiæ: siquidem eo solo tempore Pastores à fidelibus suis Confessionem peccatorum intra annum commissorum, exigere solent.

Corollarium I. Qui Paschali tempore iusta, vel iniusta de causa, sacram Confessionem intermisit, is cum primum postea commodè potest, confiteri debet: vt quantò diutius Confessionem siue causa differt, tantò peccatum augeat. Ita docet Sotus in 4. d. 18. quæst. 1. art. 4. Med. quæst. 14. de Confess. in fine, Nauar. cap. 21. num. 45. Viç. num. 147. Suarez disp. 36. sect. 4. Coninck disp. 5. dub. 8. contra Anton. p. 2. tit. 9. c. 9. §. 3. Syl. ver. Euchar. 3. q. 15. dicto tertio. Ratio est: quia tempus Paschale, veluti implendi præcepti terminus, positus non est ad obligationem finiendam, sicuti accidit in præcepto ieiunij audiendæ Missæ, &c. quibus certi dies assignati sunt: sed ad obligationem statuendam, quemadmodum videm est in obligatione tributij, vel pecuniarij debiti.

Corollarium II. Qui prouidet, se Paschali tempore à pecca-

peccatorum Confessione impeditum iri, is anticipare tenetur: propterea, quod Ecclesiasticum præceptum de annua Confessione omni tempore anni impleri possit. Igitur perinde se res habet, sicuti in eo, qui cum manè Dominica die Missam audire potest, postea non poterit, is statim audire debet. Ita docet Alensis par. 4. quæ. 77. mem. 4. a. 1.

Sed controuersia est: Vtrum præceptum Confessionis per se obliget in Paschate, an solum per accidens ratione Paschalis Communionis, quam sacramentalis Confessio antecedere debet, si quis mortalis peccati conscientiam habeat. Interest enim ad praxim hoc scire: quia si obligatio confitendi per se est, tunc si ponamus aliquem circa Natiuitatem Domini confessum, postea mortaliter peccasse, tempore autem Paschali legitimè impeditum esse, quominus ad sacram Synaxim accedere possit, talis nihilominus confiteri debet. Sin autem obligatio est tantum per accidens, tunc qui impeditus est à sacra Paschali Communione, is etiam à sacra Confessione liber erit.

Esse hanc obligationem per se indicat Petr. Sotus lect. 5. de necessitate Confess. & expressè docet Suar. disp. 36. s. 3. Idque colligi videtur primò ex suprà cit. cap. omnis vtriusque in quo habetur, quod *fideles saltem semel in anno omnia peccata sua confiteri debent*: annus autem finitur in Paschate. Ergo si eo tempore conscius peccati mortalis non confiteatur, transgreditur præceptum confitendi omnia peccata intra annum commissa.

Secundò: Quia Ecclesiarum Pastores ab omnibus suis subditis tempore Paschali peccatorum Confessionem exigere solent, arg. Extrauag. vices, de treuga & pace, ubi dicitur: *Quod Parochianus de iure* (cap. omnis vtriusque) *teneatur saltem in Paschate proprio Sacerdoti confiteri.*

Tertiò: Quia alioqui sequeretur, si quis post Pascha venialia tantum confessus esset, & postea intra eundem annum mortaliter peccasset eum non obligari ad Confessionem instituendam Paschate sequente, si communis caturus non sit.

10 Nihilominus contraria sententia est probabilior, quã docet Viêt. n. 137. Sotus in 4. d. 18. q. 1. a. 4. concl. 1. Gregor. de Valentia t. 4. disp. 7. q. 9. p. 4. ver. consuetudo autem, Vasq. q. 90. a. 3. dub. 1. n. 5. & 15. Ægid. cit. disp. 5. du. 7. Saver. Confessio, n. 4. Nam Concilium Lateranense in cit. c. omnis vtriusque, aliter statuit de annua Confessione, & aliter de sacra Communione: videlicet, ut fideles omnia sua peccata saltem semel in anno fideliter confiteantur: sacram autem Eucharistiam minimùm in Paschate reuerenter accipiant. Ex quo apparet, non ita pro sacra Confessione, sicuti pro sacra Communione, Paschale tempus assignatum fuisse.

Quare respondetur ad prioris sententia argumentum. I. Quod Concilium omnia peccata confiteri iubet, id solum pertinet ad integritatem Confessionis seruandam: ita ut quocunque anni tempore aliquis confiteatur, nulum mortale peccatum retineat: non vero eò spectat: quasi omnia peccata, quæ intra quemlibet annum commissa sunt, eodem ipso anno confiteri necesse sit.

Ad II. Pastores circa tempus Paschæ à suis subditis Confessionem exigunt, quia ferme omnes tunc sacram Eucharistiam suscepturi sunt. Quod si aliqui sint, qui legitimum impedimentum habent, quominus sacram Eucharistiam suscipiant, v. g. lecto defixi, non arbitror in Paschate ad Confessionem compellendos esse, si intra anni decursum legitimè confessi fuerant. Imò, etsi aliquis toto anno nunquam confessus fuisset, & Paschalem Communionem ex necessaria causa ad breue tempus, puta vsque ad Pentecosten differre deberet, probabile est grauius non peccaturum, etsi sacram etiam Confessionem, differret: si putaret, postea eam commodus peracturum esse. Verùm si talis post Pentecosten moraliter peccet,

obligatus erit eo anno iterum confiteri: quod prior Confessio facta sit ad satisfaciendum obligationi prioris anni, uti notauit Coninck dub. 8. concl. 2.

Ad III. resp. Illud non esse consequens: Quia Conciliū præcipit fidelibus, ut quolibet anno mortalia peccata confiteantur, si ea habeant: cui præcepto per venialium peccatorum Confessionem satisfactum non est, sicuti notat Vasq. cit. dub. 1. n. 17. Adde tamen, si in aliqua diocesi ab omnibus adultis sine discrimine sacramentalis Confessio in Paschate exigatur, siue ij communicaturi sint siue non; id fieri secundum probabilitatem prioris sententiæ, ita explicantis canonem *omnis vtriusque*.

Altera controuersia: Vtrum præcepto Ecclesiæ satisfiat per solam Confessionem peccatorum: tamen si absolutio non conferatur, seu ob defectum contritionis, seu ob defectum aut malitiam absoluentis? Affirmant Palud. in 4. d. 17. q. 7. Gabr. ib. q. 1. a. 3. du. 5. Viêt. nu. 163. Syl. ver. Confessio, 4. n. 3. in fine: propterea quod Ecclesia solum externum Confessionis actum præcipere possit: de occulto autem defectu non iudicat.

Sed contraria sententia est communior Durandi in 4. d. 17. q. 14. & 15. Petri Soti lect. 8. de Confess. in fine, Domin. Soti in 4. d. 18. q. 3. a. 3. Medinæ q. 24. in fine, Nau. ca. 10. n. 4. Sa ver. Confessio, n. 1. Suar. disp. 36. l. 7. nu. 3. Coninck dub. 9. Nam Ecclesia præcipere potest, & re ipsa præcepit, ut sacramentum Pœnitentiæ quotannis ab iis suscipiatur, qui peccati mortalis conscii sunt: Sacramentum autem non consistit sine absolutione Sacerdotis: Ergo sine ea non satisfiat præcepto Ecclesiæ.

Ex quo patet responsio ad obiectionem: Negatur enim Ecclesiam non posse statuere de interno aut occulto, si illud pertineat ad substantiam externi, quod præcipitur, sicuti dixi in l. 4. tr. c. 4. n. 13. Porro talem inualidè absolutum nihilominus liberari à reservatione peccatorum, si absolvens potestatem habeat ab iis absoluendi, docent DD. communiter, Caiet. ver. casuum reservatio, Syl. ver. confessio, 1. q. 19. in fine, Suar. disp. 31. l. 4. n. 9. Henr. l. 6. ca. 16. n. 5. Coninck disp. 8. du. 12. n. 9. 1.

Assertio V. Nullum est præceptum, ne Ecclesiasticum 12 quidem, obligans fideles omnes ad Confessionem peccatorum venialium. Hæc est communior Scholasticorum doctrina in 4. d. 17. vbi S. Th. q. 3. a. 1. q. 3. ad 3. Scot. q. 1. a. 3. Gab. q. 1. a. 1. concl. 2. Maior q. 2. Syl. ver. Confessio, 1. q. 13. Suar. d. 2. l. 8. Vasq. q. 90. a. 2. du. 2. contra S. Bonau. ead. d. 17. p. 2. a. q. 1. Rich. ib. a. 2. q. 4. ad 1. Alens. p. 4. q. 77. mem. 1. a. 3. & mem. 2. a. 5. ad 20. arbitantes, Ecclesiam non tantum posse, sed re ipsa determinasse tempus Confessionis, videlicet annuæ, ad quam omnes fideles obligentur, tamen si aliqui nullum mortale, sed solum venialia peccata habeant. Verùm Lateranense Conciliū, cum præcipit vtriusque sexus fidelibus, ut omnia peccata sua semel in anno confiteantur, solum loquitur de mortalibus: nam si etiam de venialibus intellexisset, nimis graue obligationem fidelibus imposuisset, omnia, & singula venialia peccata quotannis confitendi, quod nulla constitutione præcipi potest, uti bene lo. cit. S. Th. annotauit. Confirmatur ex Concilio Trid. l. 14. c. 5. vbi absolute ait: *Venialia quibus à Dei gratia non excludimur, & in quæ frequentius labimur, quâquam rectè, & utiliter, circaque omnem præsumptionem in Confessione dicantur: quod piorum hominum usum demonstrat: acriter tamen circa culpam, multisque aliis remediis expiari possunt*: v. g. oratione Domitica, humili pectoris tunctione, asperzione aquæ benedictæ, uti notauit Alensis parte 4. quæstione 77. art. 1. Ratio est: Quia intentio Concilii Lateranensis, & Tridentini non fuit, nouam in substantia Confessionis peccatorum obligationem fidelibus imponere, sed eam tantum, quæ ex diuino iure descendit, ad certum tempus determinare. Atqui nullum Christi præceptum extare, confitendi venialia, concors est Doctorum sententia: quia, ut Tridentinū ait,

multis aliis modis expiari possunt. Quare rectè notauit Vas. n. 15. Verba illa Christi apud S. Ioan. c. 20. *Quorum remiseritis peccata, remittuntur eis*: tanquam fauorem, seu gratiam continentia, ad omnia, etiam venialia peccata extendenda esse: quandoquidem & hæc idonea absolutionis materia sunt. Verba autem sequentia, *Et quorum retinueritis, retenta sunt*, ad sola mortalia referri posse: quandoquidem sola hæc clauum potestate retineri, seu concludi possunt; vt sine ea, vel sine ordine ad ea, remitti nequeant, sicuti suprà explicatum fuit.

Corollarium. Etsi consultiſſimum est fidelibus, si Paschali tempore nullius mortalis peccati consci sint, venialia confiteri: tum vt Sacramenti gratiam accipiant tum etiam, vt si fortè commissi mortalis peccati obliuione teneantur, neque satis contriti existant, per sacramentalem absolutionem iustificentur, tamen ad hoc ipsum simpliciter non obligantur: quamquam Ecclesiarum consuetudine receptum est, vt fideles omnes ante Communionem Paschalem Sacerdoti proprio, vel alteri delegato se sistant: & si mortaliter nunquam se peccasse asseuerent, super ea ipsa re Confessarii examini se subiciant. Ita Henr. Gandauens. quodlib. 7. q. 24. ad 11. Scotus, & Maior II. suprà cit. Adrian. in 4. vbi de Confessione, q. 4. a. 1. ad argumenta.

Porro quæstio est inter Doctores; Vtrum Ecclesia possit præcipere, aut re ipsa quorundam Ordinum personis præceperit, sacramentalem Confessionem, tamen si solum venialia peccata habeant? Negat Palud. d. 17. q. 2. a. 4. concl. 2. cui fauent Syl. ver. Confessio; 1. q. 13. Sot. d. 18. q. 1. a. 3. arg. 2. Henr. lib. 4. c. 4. n. 10. Rodriq. t. 1. regul. q. q. 62. a. 1. Nam Ecclesia non potest mutare institutionem Christi circa sacramenta: Christus autem instituit, vt peccata venialia non essent materia necessaria sacramenti Pœnitentiæ: quia aliis etiam modis deleri possunt. Ergo Ecclesia non potest imponere necessitatem confitendi venialia.

13. Sed contraria sententia est vera, quam docent Richardus, & S. Bonau. II. cc. Caiet. t. 1. opus. tr. 5. qu. 1. Canus relect. de pœnit. p. 5. §. at verò huic quæstioni, Nau. in c. placuit, dist. 6. de pœnit. num. 121. Vasquez quæst. 90. a. 2. dub. 3. Suarez cit. l. 3. Quibuscum dico I. Ecclesiam, ex potestate legislatiua, quam habet in subditos suos, posse illi præcipere absolute, vt sacramentum Pœnitentiæ frequentent, tamen si tantum venialia peccata habeant: sicuti etiam alia opera virtutum, puta Temperantiæ, Religionis, item susceptionem alterius sacramenti, v. g. Confirmationis, Extremæ vñctionis, ad quam alioquin diuina lex non obligat, præcipere potest, quatenus ad fidelium salutem, & bonum statum Ecclesiæ opportunum videtur.

Dico II. Re ipsa Ecclesia præcepit Monachis Benedictinis, in Clement. ne in agro Dominico, §. sanè, de statu Monachorum, vt singulis mensibus, tam in Monasteriis, quam extra, ad Confessionem saltem semel accedant, omnes, & singuli. Et in quibusdam aliis Religionibus statutum viget, sub peccato obligans, vt omnes singulis v. g. mensibus confiteantur: item, vt quotannis repetitam, seu generalem de peccatis suis Confessionem instituunt. Quæ sanè intelligi non possunt de Confessione mortalium tantum: quippe in quæ Religiosos omnes toties labi credibile non est: sed absolute de Confessione sacramentali peccatorum. Si enim ad eiusmodi opera pœnitentiæ, vel Religionis quisque proprio voto ac consensu obligare se potest, vt omnes fatentur, cur non etiam ab Ordinum Prælatiſ, aut generali Capitulo de ea re constitutio fieri? Neque obstat, quòd Trident. Synodus sess. 25. ca. 10. de Regul. iubeat admoneri Sanctimonialiſ in constitutionibus earum, vt saltem semel singulis mensibus peccatorum Confessionem faciant, & sacram Eucharistiam suscipiant. Interim enim non prohibet, quin ad hoc ipsum sub peccato etiam obligari possint, secundum cuius-

que Ordinis institutum.

Dico III. Etiam seculares Prælati, puta Episcopi, 14 præsertim in Synodo diocesana, eiusmodi legis obligationem Clericis suis imponere possunt, vt videlicet singulis mensibus de peccatis confiteantur, si id ad Ecclesiasticæ disciplinæ conseruationem vtile esse intelligant. Quale statutum, ante paucos annos, in hac Frisingensi Diocesi editum, atque in obseruationem deductum est: vt etiam obseruare legis testimonium, manu Confessarii subscriptum, suis temporibus ad Ordinarium mittere debeant Ecclesiarum Ministri.

Ad extremum moneo, admittendam non esse doctrinam Alensis p. 4. q. 77. mem. 1. a. 1. & 2. Syl. ver. Confessio, 3. q. 13. quòd obligatus ratione statuti generalis, aut particularis, ad confitendum, si mortale non habeat, satisfaciât venialia generatim confitendo; videlicet dicendo, se esse peccatorem, aut in multis deliquisse, saltem venialiter. Huic enim doctrinæ communis bonorum Confessariorum praxis repugnat: qui extra casum extremæ necessitatis, sacramentalem absolutionem pœnitenti non conferunt, nisi is certum aliquod, seu mortale, seu veniale peccatum confessus sit. Cum enim sacramentum Pœnitentiæ conferatur per modum iudicialis absolutionis, apparet, conueniens omnino esse, atque Sacramenti huius institutionem postulare, vt afferatur, & subiiciatur materia certa, quò absolutionis iudicium magis determinate ferri possit: accedente præsertim Ecclesiæ praxi, atque fidelium sensu. Quare licet aliquis nulla lege ad confitendum venialia obligatus sit, positotamen, quòd sacramentaliter confiteri, & absolui velit, debet aliquod peccatum in specie explicare. Dico aliquod, seu vnum sit, seu plura. Neque enim necesse est, & plerumque non consultum, omnia venialia secundum speciem, ac numerum sollicitè colligere ad Confessionem instituendam: sed hoc optimum consiliū iis, qui à mortalibus abstinent, vt ea venialia, quæ animos ipsorum magis grauant, & à quibus liberari desiderant, nouo concepto dolore, & emendationis proposito, cum humilitate aperiant. Videri etiam potest Suarez disp. 23. l. 1. n. 10. Vasq. disp. 90. dub. 2, in fine.

CAP. VI.

Vtrum sacramentalis confessio debeat secretò fieri.

S V M M A R I V M.

1. Præceptum Confessionis, fidelibus lapsis impositum, intelligi debet de confessione secreta, seu auriculari.
2. Sacramentum Confessionis absolute, & secundum substantiam spectata, consistere potest in quouis signo propria accusationis de peccato, in ordine ad Sacerdotis absolutionem accipiendam.
3. Si panisens loqui potest, Confessio peccatorum Vocis seymone fieri debet: exceptis quibusdam casibus.
4. Qui per potum mutus est, & scribere nescit, peccata sua nutibus, quatenus potest, confiteri debet. Qui autem sperat, locutionis usum se breui tempore recuperaturum, intersum excusatus esse videtur.
5. Peregrinus, extra mortis articulum, non obligatur ad confitendum per interpretem, si aliter intelligi non possit.

Asertio I. Præceptum Confessionis fidelibus lapsis impositum, intelligendum est de Confessione secreta, quæ soli Sacerdoti fit: quamobrem etiam auricularis dicta est. Ita docet Auctor de vera penitent. capite 11. Leo I. epistola 80. ad Episcop. Campaniæ, & Concil. Tridentin. sessione 14. capite 5. Ratio est: Quia iugum Christianæ Religionis oportet esse suauē: atqui nimis difficilis obligatio foret, si crimina, præ.

præsertim secreta, publica confessione aperienda essent.

Assertio II. Interim nihil cum natura, & institutione huius Sacramenti pugnat, si aliquis in maiorem scelerum vindictam, sui que humiliationem, aliorum exemplum, vel Ecclesiæ offensæ adificationem: item ob causam necessitatis, v.g. in communi naufragio, peccata sua publice confiteatur: etiam in ordine ad sacramentalem absolutionem accipiendam. Ita colligitur ex Trid. cit. c. 5. & tradit S. Bonau. in 4. d. 17. p. 3. a. 1. q. 3. Nauar. in man. cap. 2. num. 8.

2 Quæritur hoc loco, vtrum sacramentalis Confessio non tantum propriæ vocis sermone: sed etiam aliis signis, puta nutibus, scripto, vel per interpretem fieri possit; aut quandoque debeat? Respondeo, & dico I. Sacramentalis Confessio absolutè, & secundum essentiam spectata, consistere potest in quocunque signo propriæ accusationis de peccato, in ordine ad absolutionem consequendam. Ita docet S. Th. quodli. 1. a. 10. & constabit ex infra dicendis.

Dico II. Ecclesiæ tamen traditio, & consuetudo declarat, peccatorum Confessionem faciendam esse vocis sermone, si poenitens loqui possit. Ita S. Th. l. c. aliæque communiter. Ratio est: Quia hic modus humiliter accusandi seipsum vocis sermone, convenientissimus est ad veniam obtinendam. Excipitur tamen casus necessitatis: Primò enim contingere potest, quamvis raro, vt puella v. g. præ maxima verecundia peccatum suum ore explicare non valeat: ideoque prudens Confessarius confessionem ipsius in scripto admittere, præsentemque absolueri possit, vtj docet Canus relect. 6. de poenit. Sa ver. Confessio, n. 15. Valent. q. 9. p. 1. in fine, Suar. disp. 21. l. 3. n. 5. Secundò, si ægrotus per gutturis angorem confiteri absolutè quidem voce possit, sed vix atque ægrè, compellendus non est, si peccata scribere facile possit, ad vocis confessionem, teste Cano ibid. f. 332. Tertiò, si Confessarius animaduertat, se subito obsurdescere, vt poenitentem, qui peccata sua ex scripto legit, audire nequeat, nisi etiam adstantes audiant, eo casu scriptum sibi à confitente oblatum legere, & postea absolueri posset.

Dico III. Si poenitens mutus sit, nemo dubitat, quin scripto, vel nutib. rectè confiteatur: item peregrinus per interpretem. Dubium autem est, vtrum tali modo confiteri teneatur.

4 Dico IV. Qui ad tempus mutus est, sperans locutionis vsum breui recuperandum esse, non videtur Ecclesiastico præcepto annuæ Confessionis obligari. Nam eiusmodi homini insolitum, ac proinde difficile est, nutibus confiteri. Peccata autem scribere, & scriptum Confessario tradere insolitus est confitendi modus: & plerumque non vacat omni periculo publicationis: quare Ecclesiastica lex in tali casu cessare videtur. Quæ est sententia Richar. in 4. d. 17. a. 2. q. 5. in fine, Caiet. in summa, ver. confessio, condit. 11. Nau. in c. fratres, n. 86. d. 5. de poen. & in man. c. 21. n. 36. Soti d. 18. q. 2. a. 6. Med. q. 15. Cod. de Confessio, si aliter Syl. ver. Confessio, 1. q. 15. Suar. disp. 36. l. 6.

Dico V. Qui perpetuò mutus est, & scribere nescit, ad Confessionem annuam nutibus, quatenus potest, faciendam obligatus esse videtur. Ita docet Caiet. cit. condit. 11. Sotus lo. c. ver. Primum ergo membrum. Tolet. l. 3. ca. 6. Nauar. cit. c. fratres, num. 89. Cum enim talis homo alia animi sui sensa nutibus exprimere soleat, pari modo peccata sua Sacerdoti explicare, non debet ei difficile apparere.

5 Dico VI. Neque peregrinus Ecclesiastico præcepto obligatur ad confitendum per interpretem. Quæ videtur communis sententia apud Sotum in 4. d. 17. qu. 1. ar. 4. Caietan. cit. condit. 11. Nau. ci. n. 86. & cit. n. 36. Sa verb. Confessio, n. 13. Tolet. lib. 3. c. 6. num. 4. Nam hæc aliquo modo publica confessio est, quam Ecclesia præcipe-

re non solet; quamobrem in Lateranensi Concilio dicitur: *Omnia sua solus peccata confiteatur proprio Sacerdoti.* Cæterum in mortis articulo constitutum & de vera contritione dubitantem, lex charitatis erga seipsum: poenitentia item, ac satisfactionis erga Deum, obligare videtur ad confitendum per interpretem, saltem ea peccata, quæ absque maiore infamia potest, teste Cano, & Suarez l. cc. Henriq. lib. 4. c. 4. num. 4. Atque similis est ratio, si tempore pestis, vel naufragii confiteri aliquis non possit, nisi aliis audientibus. Neque enim in his casibus sufficit ad absolutionem accipiendam generalia signa doloris edere: quando sine magna difficultate speciale peccatum exprimi potest.

CAP. VII.

De publica, non sacramentali, confessione peccatorum.

S V M M A R I V M.

- 1 Exomologesis seu confessio publica variè differt à secreta sacramentali: quamvis illa ferme abolita sit.
- 2 Sacramentum Poenitentia omnibus lapsis quocunque, maxime mortis tempore, verè poenitentibus in Catholica Ecclesia conceditur.
- 3 Sacra Communio tempore SS. Cornelii, & Cypriani grauissime lapsis, etiam mortis tempore, in criminis poenam negabatur: nunc autem canonica regula obtinet, & cui morienti absolutio à peccatis conceditur, neque Viaticum denegari debet.
- 4 Nomine poenitentia Patres sacramentum Poenitentia frequenter intellexerunt.
- 5 Publici poenitentes non tantum in mortis periculo, sed etiam Feria V. ante Pascha ad sacramenta olim admittebantur.
- 6 Poenitentia publica Clericis non imponebatur: imò per publicam poenitentiam aliquis ad clericalem statum ineptus reddebatur.

IN Codicillis, & antiquorum Patrum scriptis duplicem lapsorum restitutionem comperimus: vnam secretam in interiore Poenitentia foro, alteram publicam in Ecclesiæ facie. Inter quas exomologeses sola ferme nominis conuenientia, re ipsa autem multiplex discriminè reperitur. Primum. Secreta illa Confessio sacramentalis est, ex Christi institutione, peccata omnia delens: hæc verò publica reconciliatio ceremonialis oratio erat, ab Ecclesiæ institutione profecta, vt colligitur ex S. Augustino libro tertio de Baptismo, c. 16. & libro 5. cap. 23. Concil. Arelat. 1. can. 17. Carthag. 3. can. 32. Carthag. 4. can. 76. & 78. S. Leone epist. 80. ad Episc. Campaniæ S. Gregor. libro 9. indict. 4. epist. 61. ad Quirintum.

Secundum. Illa in omnibus, vt dixi, criminibus publicis, & secretis locum habet: hæc verò solum in grauioribus, & cum Ecclesiæ scandalo iunctis, conferebatur poenitentibus, sicuti constat ex Concil. Carthag. 3. c. 32. Tolet. 1. can. 2. Orig. hom. 15. in Leuit. Amb. l. 2. de poen. c. 10. Aug. epist. 108. & hom. vlt. inter 30. Auctore de vera & falsa poen. c. 11.

Tertium. Sacramentalis illa, & secreta lapsorum absolutio nunquam in Ecclesia esse desuit: sed à Patribus contra Nouatianos hæreticos semper defensa fuit. Publica verò, & solemnitas poenitentium cum manuum impositione reconciliatio, pro temporum, & locorum varietate mutata fuit. Nam post exortam Montani, ac Nouati hæresin, quod lapsi à Deo veniam petenda, & non ab Ecclesiæ Sacerdotibus venia speranda sit: (vti Sozom. refert l. 1. cap. 21.) ideoque calumniantium Catholicos, tanquam nimis faciles sint in lapsis recipiendis, constituerunt Patres, Cornelius Romæ, testante S. Cypriano

lib. 3. epist. 13. & lib. 4. epist. 2. Ipsemet verò Cyprianus in Africa, lib. 1. epist. 2. Petrus Episcopus Alexandriae, vti videre licet in canonibus pœnitent. to. 7. Biblioth. Patrum: Item Episcopi Concilij Eliberini in Hispania, to. 1. Concil. Vt à Fide lapsi, sacrorum Codicum traditores, vel in aliis grauioribus criminibus publicè reprehensi, non ante ad publicæ orationis communionem, multòq; minùs ad sacram Eucharistiam cum reliquis fidelibus admitterentur, quàm publicam in Ecclesia pœnitentiam peregerint: interim verò in ordinem ac locum pœnitentium reiecti, qui postremus inter fideles in Ecclesia gradus erat. De quo vide Concil. Ancyranum c. 5. & 7. Nicænum canon. 13. S. Hieron. epist. 30. ad Oceanum, S. August. lib. de virginit. ca. 48. Bellarm. libro 1. de pœnit. c. vlt. Seuerinum Binium to. 1. Conciliorum 277.

Eapropter olim in plurimis Ecclesiis Pœnitentiarius constitutus erat: non qui totius populi, etiam secreta peccata, exciperet (hoc enim non vnius hominis officium esse potuisset) sed ad quem peccatores publici solemnem in Ecclesia exomologesiam facturi, sua, quæ putarent publicè reuelanda, crimina afferrent, eiuſque in hac re prudenti arbitrio acquirerent, quæ ille publicanda, aut non publicanda esse censeret. Videbis enim apud Scriptores antiquos, vt Origenem homil. 2. in psal. 37. S. Augustinum homil. vlt. intra 50. post medium, quòd absolutè & vniuersim dicant, lapsi in peccatum mortale necessariam esse Confessionem apud eum, qui soluedi potestatem habeat: addunt verò Sacerdotem oportere esse prudentem, vt dispiciat, vtrum peccatum commissum fuerit cum scandalo populi, quod publicam satisfactionem deposcat.

Postea vero occasione scandali per mulierem orti, quæ in publica exomologesi, ampliùs, quàm debebat, progressa, occultum cum Ecclesiæ Diacono concubitus confessæ erat, Nestarius Constantinopoli publicam pœnitentiam & exomologesiam vnà cum Pœnitentiario sustulit, sicuti referunt Socrates lib. 5. hist. cap. 19. Sozom. l. 7. cap. 16. Idque factum Nestarii Episcopi alij quidem probârunt, ac imitati sunt, vt successor eius Chrysostomus homil. de publicano, in c. 18. Lucæ, homil. 4. de Lazaro, hom. 8. de pœn. & hom. 5. de incomprehensib. Dei. *Non te in theatrum conseruatorum tuorum duco: non hominibus peccata tua detegere cogo.* Alii verò improbârunt, vti videre licet apud Socratem, & Sozomenum locis citat. Niceph. lib. 12. cap. 28. S. August. homil. vlt. ex 50. Auctorem de vera & falsa pœnit. cap. 11. Bellarm. lib. 3. de pœnit. cap. 14. quia eo ritu sublato, non possumus inuicem peccata arguere, secundùm monitum Apostoli ad Ephes. 5. *Nolite communicare operibus infructuosis tenebrarum, sed ea potius arguite.* Quare in Occidente, præsertim Romæ, diu pœnitentium iste ordo permansit, vti testatur Sozom. l. c. postea tamen ferme penitus exoleuit.

Videri etiam potest Baronius Anno Christi 56. n. 35. & quæ Leo I. epist. 80. ad vniuersos Episcopos Campaniæ scripsit de duplici confessione, secretâ & publicâ: quarum illam necessariam esse ait, hanc nequaquam: ideòque fideles ad eam non cogendos: *Modis omnibus constituo submoueri, ne de singulorum peccatorum genere libellis scripta confessio publicè recitetur, cum reatus conscientiarum sufficiat solis Sacerdotibus indicari confessione secreta.* Quamuis enim plenitudo fidei videatur esse laudabilis, quæ propter Dei timorem apud homines erubescere non veretur: tamen quia non omnium sunt huiusmodi peccata, vt ea quæ pœnitentiam poscunt, non timeant publicare: re nouatur tam improbabilis consuetudo, ne multi à pœnitentiæ remediis arceantur, dum aut erubescunt, aut metuent inimicis suis sua facta referare, quibus poscunt legum constitutione percelli: sufficit enim illa Confessio, quæ primum Deo offertur, tum etiam Sacerdoti, qui pro delictis pœnitentium precator accedat. Tunc enim demum plures ad Pœnitentiam poterunt

pronocari, si populi auribus non publicetur conscientia confitentis.

Quartum discrimen: Sacramentum Pœnitentiæ in Ecclesia Catholica omnibus quocunque tempore verè pœnitentibus, ac postulantibus ministrabatur: præsertim verò in mortis articulo. Nam *salutem homini adimit, quis, quis mortis tempore speratam Pœnitentiam denegarit*, ait ad hoc propositum Cælestinus Papa epist. 2. ad Episc. Galliæ. At verò reconciliatio ad communionem fidelium nõ omni tempore dabatur iis, qui in statu seu ordine penitentium erant: fuitque in ea re pro temporum & locorum varietate non eadem in Ecclesiis consuetudo. Nam Cornelij Papæ, & Cypriani tempore pax, atque communicatio cum fidelibus, ipsiusque Eucharistiæ participatio lapsis non concedebatur, ante expletum publicæ pœnitentiæ tempus: nisi fortè indulgentiam lapsis dandam, propter Martyrum meritum, ac libellum supplicem, Episcopus censuisset: præsertim si illi in graui infirmitate, aut mortis periculo constituti essent, vti videre licet apud Sanctum Cyprianum libro tertio, epistola 14. & seqq. l. 5. epist. 5. & 13. & l. de lapsis circa medium, & in fine.

Sæuiores adhuc pœnitentiæ publicæ canonem, tempore Constantii, & Galerij Imp. nondum omnino extincta Ecclesiæ persecutione, ediderunt Patres Hispani in Concilio Eliberino c. 1. *Vt qui idolis sacrificassent, neque in fine vite Communionem participarent.* Vbi communis nomine intelligere non debemus Pœnitentiæ sacramentum: nisi velimus, hos Patres, indictâ causâ, Nouatiani erroris condemnare: cum in Ecclesia Catholica lapsi quibuscunque remedium Pœnitentiæ, & sacramentalis absolutionis denegatum nunquam fuerit. Sed communionem accipere debemus pacem, seu reconciliationem lapsorum ad communicandum reliquis fidelibus, tum in publica oratione, tum in sacræ Eucharistiæ sumptione, sicuti constat ex pluribus epistolis S. Cypriani supra allegatis. Et ita hanc licem definit Baronius Anno 305. nu. 42. vbi corrigit, quæ contra Eliberinam Synodum dixerat Anno 59. n. 119. cum Bellarmino lib. 2. de sanctis, cap. 9. Et consentit Innoc. I. in ep. 3. ad Exuperium, c. 2. *Quæsitum est, quid de his obseruari oporteat, qui post Baptismum omnitempore incontinentia, & voluptati dediti, in extremo fine vite suæ, pœnitentiam (id est sacramentum Pœnitentiæ) simul & reconciliationem communionis exposcunt? De his obseruatio prior, durior: posterior, interueniente misericordia, inclinatio est. Nam consuetudo prior (tempore Eliberini Concilii) tenuit, vt concederetur eis pœnitentia, sed cõmunio negaretur. Nam cum illis (prioribus) temporibus crebra persecutiones essent, ne Communionis concessa facilitas homines de reconciliatione securus non reuocaret à lapsis: negata meritis Communionis est, concessa Pœnitentiæ: ne totum penitus (id est, omne salutis remedium) negaretur. Sed postquam Dominus noster pacem Ecclesiis suis reddidit, (Constantini tempore) iam depulso terrore, Communionem dari abeuntibus placuit, (Concilio Ancyrano c. 5. aliàs 6. Nicæno capite 13. Carthagin. 4. can. 78.) & propter Domini misericordiam quasi viaticum profecturis. Enim verò per pœnitentiam, sacramentum Pœnitentiæ, seu absolutionis sacramentalis intelligi, nemo dubitabit, qui antiquorum Patrum & Conciliorum canones inspexerit: idque bene ostendit Zambranus de sacrament. capite 4. dub. 2. sess. 3. Imprimis enim id indicant verba, quibus vtitur Innoc. supra: *Quid obseruari oporteat de his, qui in extremo vite suæ pœnitentiam simul, & reconciliationem communionis exposcunt?**

Cælestinus Papa epist. ad Episc. Galliæ cap. 2. *Agnoimus etiam pœnitentiam morientibus denegari, nec illorum desiderijs annui, qui obitus sui tempore hoc anime suæ cupiunt remedio subueniri? Et paulò post: Quid hoc aliud est, quàm morientis mortem addere, eiuſque animam sua*

credulitate, ne absoluta esse possit occidere?

Concil. Carthag. 4. can. 76. *Is qui Pœnitentiam in infirmitate petit, si casu, dum ad eum Sacerdos inuitatus venit, oppressus infirmitate obmutuerit, vel in phrenesin versus fuerit, dent testimonium qui cum audierunt, & accipiat Pœnitentiam: Et, si continuo creditur moriturus, reconcilietur per manus impositionem (sacramentalem) & infundatur ori eius Eucharistia.*

S. August. lib. 1. de adulterinis coniugiis, in fine: *Qui uiuentium coniugiis copulati, retinent adulterina consortia, cū saluos corpore in his permanentes non admittamus ad Baptismum tamen si desperati, & intra se pœnitentes iacuerint, nec pro se respondere potuerint, baptizandos puto, ut etiam hoc peccatum cum ceteris lauacro regenerationis absoluantur. Et paulo post: Quæ autem Baptismatis, eadem reconciliationis est causa, si forte pœnitentem finienda uita periculum præoccupauerit. Neque ipsos enim ex hac uita sine arrha sue pacis exire uelle debet mater Ecclesia.*

Concilium Araucanum 1. canone 3. *Qui recedunt de corpore, Pœnitentiã acceptã placuit sine reconciliatoria manus impositione eos communicare: quod morientis sufficit consolationi, secundum definitiones Patrum, qui huiusmodi Communionem congruenter uaticum appellarant.*

Leo I. epist. 91. ad Theodorum: *Quid de pœnitentium statu Ecclesiastica habeat regula, non tacebo. Multiplex misericordia Dei ita lapsibus subuenit humanis, ut non solum per Baptismi gratiam, sed etiam per Pœnitentiã medicinam spes uitæ reparetur æternæ: ut qui regenerationis donum uolassent, proprio se iudicio condemnantes, ad remissionem criminum perueniant: sic diuinæ bonitatis præsidio ordinatis, ut indulgentia Dei, nisi supplicationibus Sacerdotum, nequeat obtineri. Mediator enim Dei, & hominum Dominus Christus Iesus hanc Præpositus Ecclesiæ tradidit potestatem, ut & cōfidentibus satisfactionem Pœnitentiã darent, & eadem salubri satisfactione purgatos ad communionem sacramentorum (Eucharistiæ) per ianuam reconciliationis admitterent. Et Postea: Si aliqua agritudine ita fuerint prægrauati, ut quod paulo antè posebant (præsidium Pœnitentiæ, & reconciliationis) sub præsentia Sacerdotis significare non ualeant, testimonia eis fidelium circumstantium prodesse debebunt, ut simul & Pœnitentiã & reconciliationis beneficium consequantur: seruata tamen regulâ canonum paternorum circa eorum personas, qui in Deum à Fide discedendo peccauerunt.*

Quænam est ista regula antiqua? uidelicet, ut pœnitentes, qui ob necessitatem, seu mortis periculum sacramenta acceperunt, si postea conualuerint, in publica agenda pœnitentia, definita sibi tempora nihilominus compleant, sicuti habetur in citat. cap. 5. Ancyrano, can. 13. Nicæno, canone 78. Carthag. iv. ubi habetur: *Pœnitentes, qui in infirmitate uaticum Eucharistiæ acceperunt, nõ se credant absolutos sine manus impositione (oratione cæremoniali ac deprecatoria) si superuixerint. Et in Araucano I. canone 3. Si superuixerint, stent in ordine pœnitentiũ, ut ostensis necessariæ pœnitentiæ fructibus, legitimam communionem cum reconciliatoria manus impositione accipiant.*

His adde, quod etiam nulla ægritudine interueniente, Romanæ Ecclesiæ consuetudo postulabat, ut Feria v. ante Pascha pœnitentibus remissio fieret ad sacram Eucharistiã, præmissa sacramentali reconciliatione, accipiendam, ut testatur S. Ambros. epist. 33. Innocent. I. epist. 1. ad Decent. cap. 7. Ita tamen, ut postea ad pœnitentiam redire debuerint, donec tempore, quod ipsis definitum erat, seu elapso, seu per Episcopi indulgentiam remisso per publicam, seu cæremonialem manus impositionem reconciliarentur, & communioni fidelium restituerentur.

Quintum discrimen est inter pœnitentiam publicam ac solemnem, & inter secretam: quod illa semel tantum homini concedebatur, neque post lapsum repeti pote-

rat, uti testatur Origen. Homil. 15. in Leuit. Siricius Papa epist. 1. capite quinto, Magister in 4. distinctione 14. Cuius rei rationem afferens S. Augustinus ei pft. 54. ita scribit: *Cautè, salubriterque pronisum est, ut locus illius humillimæ pœnitentiæ semel in Ecclesia concedatur: ne medicina uilis minus uilis esset agrotis. Aliam rationem affert S. Ambrosius libro 2. de pœnitent. cap. 10. Si uerè agerent pœnitentiam, iterandam postea non putarent: quia sicut unum Baptisma, ita una pœnitentia, quæ tamen publice agitur. Si quidem pœnitentia est ueluti solemnis professio non redeundi ad peccata publica, & scandalosa: sicuti in Baptismo solemnis professio est non redeundi ad infidelitatem. Vide S. Thom. in 4. dist. 14. quæst. 1. articulo 5. Durandus ibidem q. 4. num. 7. Bellarm. lib. 1. de pœn. c. 21.*

Sextum discrimen. Pœnitentia sacramentalis lapsis omnibus post Baptismum, tum Clericis, tum laicis concedebatur: sed publica, & solemnis pœnitentia solis laicis, non item Clericis, uti legimus in Concil. Carthag. 5. alijs 3. canon. 11. Siricio Papa epist. 1. ad Himerium, ca. 14. Innoc. I. epist. 6. ad Agapitum, Leone I. epist. 92. ad Rusticum, capite 2. Idque propter dignitatem ordinis sacri, ait Durandus in 4. distinctione 15. quæstione 4. articulo primo. *Quare si Clericus depositus esset, poterat pœnitentiæ publicæ subici, sicuti Bellarm. libro 1. de pœnitentia, capite 21. colligit ex S. Cypriano epist. 8. libro 3. quæ est ad Fidem: ob eandemque rationem, qui pœnitentiam solemnem egerat, non poterat in Clerum promoueri, ut habetur apud S. Augustinum epistol. 50. ad Bonifacium, in Concil. Tolet. 1. can. 2. Carthag. 4. canone 68. & apud Siricium loco citato. Sicuti pœnitentiam publicam, & solemnem agere cuiquam non conceditur Clericorum: ita & post pœnitentiam, & reconciliationem solemnem nulli unquam liceat laico honorem clericatus adipisci. Nisi necessitas postularet: tunc enim Episcopus dispensare, & in ordinibus minoribus duntaxat talem ordinare poterat, ut in Toletano habetur cit. cap. 2. Vide Gratianum d. 50. c. ut constitueretur, cap. confirmandum est.*

CAP. VIII.

DE INTEGRITATE
Confessionis.

SUMMARIUM.

- 1 Confessionis sacramentalis integritas ex iure diuino est: quamuis directè ad necessitatem, siue essentiam Sacramenti non spectet.
- 2 Qui ob moralem impossibilitatem mortale peccatum in sacramentali Confessione non explicauit, debet cessante impedimento explicare.
- 3 In Confessione peccatorum requiritur integritas formalis, & non semper materialis.
- 4 Subito obmutescens, aut in phrenesin lapsus absolui debet, si sacramentalem absolutionem signo aliquo doloris petiuit.
- 5 Diligens conscientia examinatio ante sacram Confessionem requiritur: quanta autem examinandi diligentia requiratur, moraliter & consideratis circumstantiis, æstimandum est.
- 6 Inculpata obliuio peccatorum mortalium facilius accidit circa ea peccata, qua per ignorantiam crassam commissa fuerint.
- 7 Qui non in specie, sed solum in genere recordatur se mortaliter peccasse, hoc ipsum in Confessione explicare debet.
- 8 Extra mortis periculum nunquam absolui debet, qui de nullo peccato in specie se accusat.
- 9 Si pœnitens inchoatam Confessionem coram Sacerdote perficere non possit, interdum absolui debet.
- 10 Tempore instantis naufragii, aut prælii periculosi, quandoque licitum est plures simul a peccatis absolueri.

- 11 Non tenetur aliquis peccatum confiteri cum gravi periculo animæ, corporis, fame, &c.
- 12 Peccatum ordinariè explicandum est in Confessione, non obstante, quod complex a proprio Sacerdote agnoscondus sit: nisi quis facili, petita licentia, alieno confiteri possit.
- 13 Si penitens absque necessitate complicem peccati nominare velit, à Confessario prohibendus est.
- 14 Qui duos Confessarios habet; quorum vni mortalia, alteri venialia confitetur, non peccat contra sacra Confessionis integritatem.
- 15 Mentiri ex proposito, circa materiam mortalem, & Confessionis necessariam, est peccatum mortale, alias veniale tantum.

1 **C**onstat ex dictis cap. 5. diuino iure præceptum esse, vt omnia mortalia peccata, etiam occulta, & interna, quorum memoriam penitens, post diligentem conscientie discussionem, habet, secundum speciem, & numerum quatenus moraliter possibile est, eidem Sacerdoti confiteatur. Nam Sacerdotes à Christo iudices constituti sunt in penitentia foro: hoc autem iudicium rectè exercere non possunt, neque æquitatem in pœnis discernendis seruare, nisi peccata in specie, ac sigillatim ipsis declarentur. Deinde argumentantur Alensis p. 4. qu. 77. membr. 5. a. 2. & 6. Adrianus in 4. de Confess. quæst. 4. §. quoad peccata mortalia. Cum humilis peccatorum specifica confessio sit proxima materia, quæ sacramentali absolutioni subiicitur; imò quatenus ei subiicitur, & clauium virtute eleuatur, instrumentaliter ad peccatorum remissionem concurrat; ideo consentaneum est, eam cum peccatorum remissione, seu absolutione proportionem habere: vt sicuti non vnum peccatum sine altero, sed omnia mortalia simul remittuntur: ita non vnum sine altero, sed omnia mortalia peccata simul per confessionem vni, eidemque Sacerdoti absoluturo manifestentur. Ex quo ipso consequens est, vt si aliquis, ob mortalem impossibilitatem, vnum, vel plura mortalia particulatim non explicarit, debeat ea postea, cessante impedimento, explicare: propterea quod absolutio ab ijs directè: & secundum speciem data non sit, sicuti natura, seu institutio huius sacramenti postulat.

Est autem diligenter hoc loco obseruandum: Quod specifica, & numerica explicatio omnium peccatorum per se, & directè, non pertinet ad necessitatem, siue essentiam sacramenti: quasi sacramentum Pœnitentiæ nunquam consistere possit, nisi integra omnium mortalium confessio fiat, sicuti præter alios notauit Palud. in 4. d. 21. quæst. 2. a. 2. concl. 2. Suarez disp. 23. s. 1. num. 5. & 10. Coninck disp. 7. dub. 1. & dub. 10. concl. 2. Sed potius spectat ad necessitatem præcepti diuini: cuius tamen voluntaria transgressio indirectè redundat in defectum sacramenti, vt nimirum validè non suscipiatur. Nam ad substantiam sacramenti Pœnitentiæ per se requiritur, saltem attritio: hæc autem consistere non potest cum peccato actuali, videlicet sacrilegio mortali, quod confitens committit vnum, vel plura peccata, absque iusta causa, seu per malitiam, seu per crassam negligentiam, reticendo.

3 Quapropter DD. communiter duplicem Confessionis integritatem distinguere solent: vnam materiale, cum quis absolutè loquendo omnia mortalia peccata secundum speciem, & numerum confitetur, saltem quæ post vltimam Confessionem admisit: & hæc integritas non semper necessaria est, vt mox patebit. Alteram verò formalem, cum quis omnia peccata mortalia, quatenus hic, & nunc potest ac debet, secundum speciem, & numerum, confitetur. Et hæc integritas semper necessaria est, sicuti paulò ante dixi.

4 Nunc verò casus enumerandi sunt, in quibus homo integrè formali integritate, confitetur, idèòq; sacramentum Pœnitentiæ validè, ac fructuosè suscipit, licet non omnia mortalia speciatim, ac sigillatim explicet. Primus casus: In-

firmus in mortis articulo constitutus, qui vel sacramentum Pœnitentiæ edidit, etsi nullum peccatum in particulari confiteri possit, à Sacerdote absolendus est: ea tamen manente obligatione, vt cessante impedimento, peccata mortalia speciatim subiiciantur clauibus. Ita S. Anton. p. 3. tit. 10. c. 2. Syl. ver. Confessor, 3. n. 16. Henric. lib. 6. ca. 10. n. 7. Zambr. c. 4. dub. 2. s. 3. Suar. disp. 23. s. 1. Valq. in 3. p. t. 4. q. 91. a. 2. dub. 7. Valent. disp. 7. q. 11. p. 1. Tolet. lib. 3. c. 8. nu. 2. Coninck disp. 7. dub. 10. contra Sotum in 4. d. 18. q. 2. a. 5. Nau. c. 26. n. 27. Can. p. 6. relect. p. 323. Ratio assertionis est: Quia Confessio, qualiscunque etiam generalis peccatorum, ex animi dolore profecta, potest esse sufficiens materia sacramentalis absolutionis: siquidem, vt supra dixi, specifica, & particularis peccatorum explicatio absolutæ non est de necessitate sacramenti, sed per se, ac directè solum de necessitate præcepti diuini, quod penitentem non obligat, nisi quatenus seruari potest. Id ipsum verò probatur testimoniis antiquorum Conciliorum, & Patrum, Concilium Carthag. 3. can. 34. vt refertur d. 4. de consecr. c. 75. Egrotantes, si pro se respondere non possunt cum voluntatis eorum testimonium hi qui affuere proprio periculo dixerint, baptizentur: similiter & de penitentibus agendum est. Concil. Arausic. I. cap. 12. Subito obmutescens pro ut statutum est, baptizari, aut Pœnitentiam accipere potest, si voluntatis præteritæ testimonium aliorum verbis habet, aut præsentis in suo nutu. Similia leges in Conc. Carthag. 4. can. 76. apud S. Ang. lib. 1. de adult. coniug. Leonem ep. 91. ad Theod. quorū verba attuli c. præc. & apud S. Th. opusc. 65. cuius meminit Trithemius de Scriptor. Eccl.

Neque respondere aliquis potest: his locis non agi de absolutione sacramentali, sed Ecclesiastica publicorum penitentium reconciliatione. Id enim falsum esse colligitur primo: quia præced. ca. ostensum est, Patres nomine penitentia sacramentum secretæ Confessionis intellexisse, quod ipsum Concilium Carthag. 14. in cit. can. 76. clarè indicat: Qui infirmitate penitentiam petit, & c. accipiat penitentiam. Neque enim interpretari possumus, mox morituros petiuisse publicam siue solemnem penitentiam, quæ Feria 14. Ginerum in Ecclesia inchoari solita erat, sicuti constat ex d. in capite, d. 50. & Ordine Romano in quarta Feria quadragesimæ. Secundò: Patres coniungunt Pœnitentiam cum Baptismo, ita vt vtriusque sacramenti, quoad propositum istud, eadem ratio sit. Tertiò: Concilium Arausicanum 1. c. 4. ait: Pœnitentiam, etiam desiderantibus Clericis non negandam, vtiq; secretam, & sacramentalem: Nam solemnis ac ceremonialis Clericis imponi solita non est, vt superiore c. dixi.

Pro pleniore huius casus intellectu duo insuper notanda sunt: Primum. Quod Patres, & Doctores non aliter permittunt Pœnitentiæ sacramentum morituro obmutescenti, aut phrenetico ministrari, nisi antea sacramentalem absolutionem verbis, aut signis petierit. Quare non satis est, aliquem ante mortis periculum, vel in ipso periculo signum aliquod pietatis, vel etiam penitentia edidisse: nisi talis manifestatio interni doloris directæ fuerit ad sacramentum Pœnitentiæ, siue absolutionem sacramentalem à Sacerdote petendā, vt bene notauit Suar. t. 4. d. 23. s. 1. nu. 13. Ratio autè est manifesta: quia sacramentalis absolutio ministrari non potest, nisi adsit materia sacramenti, quæ est Confessio siue accusatio sui coram Sacerdote, tanquā Iudice: necesse, inquam, est, vt penitens seipsum de peccatis accuset, ea intentione, vt per sententiam Sacerdotis in foro interno absoluat.

Sed bene notant Zambr. ca. 4. dub. 2. s. 4. Chapeauille de modo ministr. sacram. c. 3. q. 10 & 11. Quod signa penitentia, quæ præsentis mortis periculo ab infirmis eduntur, censeri debeant ad sacramentalem absolutionem directæ: cum in tali statu optimū suæ animæ remediū desiderare soleant. Quapropter licet infirmus in phrenesi lapsus, absolui non possit, tamen si, cum sanus esset, & nihil de mortis periculo cogitaret, potius secundum morem pul-

pulsarit, aut sublatis in cœlum oculis, dixerit, *Miserere mei Deus*: tamen si talia signa edidit mortis vicinus, cum plura verba proferre non posset, præsumptio plerumque fieri potest, quod sacramentalem à Sacerdote absolutionem petierit. Sed etsi consideratis circumstantiis, & examinatis ijs, coram quibus talia signa edita sunt, res dubia esse videatur, absolutio tamen conferri poterit sub conditione, si talis materia Confessionis sufficiens est ad absolutionis ministrationem.

De eo autem frustra aliquando dubitatum fuit: Vtrū Sacerdos, qui sano corpore, nihil de mortis periculo suspicatus, Missam inchoarat, & in fine Introitus decedit moriturus, à peccatis absolui possit; ideo solum, quod generalem Confessionem ad Deum coram Ministro, & Ecclesia fecisset. Certum enim est absolui non posse, si aliud nullum signum edidit: cum hæc non sit Confessio sacramentalis, seu non directa ad accipiendam absolutionem Sacerdotis in foro Pœnitentiæ.

Alterum notandum. Quod Patres, & Doctores significant, casum istum extra mortis periculum non habere locum: eius rei causa est, non quod absolutio sacramentalis suapte natura, & institutione irrita sit, si eam aliquis extra hunc casum bona fide peteret, signa doloris, ac pœnitentiæ exhibens: attamen nullum peccatum ex ijs, quorum memoriam habet, vel non habet, in specie explicare valens: sed quia ex obligatione præcepti, propter honorem sacramenti, vti eius integritas seruetur, extra dictæ necessitatis casum, absolutio, nisi speciale aliquod peccatum, explicetur, neque petenda, neque conferenda est: tempusque expectandum, quo conuenientius, ad institutionem huius sacramenti, peccatorum Confessio institui possit.

Secundus casus. Si aliquis absque negligentia mortali, memoriam non habet commissi peccati, fructuosè suscipit sacramentum Pœnitentiæ: modò reliqua peccata mortalia confiteatur. Est communis doctrina, circa quam aliqua notanda sunt: I. Si negligentia discutiendi conscientiam non crassa sit, sed levis, seu venialis, non impedit fructum sacramenti, secus, si crassa, seu mortalis. Quæ doctrina ex terminis nota est, & traditur apud Adrian. in 4. vbi de Confess. q. 4. §. sed quid si crassa. Quanam autem sufficiens conscientiæ examinatio censeri debeat, explicat Scotus in 4. d. 17. q. 1. a. 2. debere, esse *inquisitionem diligentem, secundum possibilitatem fragilitatis humanæ qualem inquisitionem homo faceret circa negotium arduum, quod ipsi multum cordi esset*. Adde, spectandas etiam esse hic circumstantias personæ confitentis, numerum, & qualitatem peccatorum, &c. Nam minore examine indigent, qui frequenter, quam qui raro confitentur: ite qui multis negotiis, aut commercijs, cū peccandi occasione iunctis, impliciti sunt, quam ij, qui vitam quietam agunt. Denique rudes & imperiti adhibere non possunt tam exactam sui discussionem, sicut docti, & intelligentes quamobrem illi Confessarij examine iuuari debent. Vide de hac re Maiorem in 4. d. 17. q. 3. Petr. Sotum lect. 10. de Confess. Nau. in c. fratres, n. 74. d. 5. de pœnit. & in man. c. 9. n. 16. Henriq. lib. 5. c. 5. Coninck disp. 7. d. 9. n. 71.

II. Inculcata, aut saltem mortaliter non culpabilis obliuio facilius accidit eorum mortalium peccatorum, quæ per ignorantiam crassam admissa fuerunt. Nam licet tunc res ipsa siue opus, habens speciem mali, commouerit hominem ad æstimandum periculum peccandi mortaliter, quia tamen, eo dictamine spreto, & examinatione omissa, temerè opus perfecit, perinde ac si mortale peccatum non esset: non ita relinquitur in memoria species admissi mali. Si autem à Concionatore, aliòve monitore postea intelligatur, tale opus esse peccatum mortale, tum primum hominis conscientia vrgeri incipit, vti notauit Suarez disp. 23. l. 4. n. 6. Coninck cit. dub. 9. n. 73.

III. Si pœnitens non recorde tur speciem peccati, sed tantum in genere, se mortaliter peccasse, v.g. in prauam cogitationem consentiendo, noxium aliquid loquendo debet hoc ipsum Confessario explicare: cum hæc sit sufficiens, imò necessaria materia sacramentalis Confessionis, & absolutionis, teste S. Th. in 4. d. 21. q. 2. a. 1. ad 1. & a. 2. Nau. c. 10. n. 7. Suarez cit. disp. 23. l. 1. n. 8. Coninck dub. 10. n. 97.

Dices, Ex hoc sequi, quod homines rudes, qui contententur se peccasse, sed examinati à Confessario, ne vnūquidem veniale secundum speciem explicare possunt, rectè absoluantur: Ad hoc respondeo, cum Suar. l. cit. Coninck disp. 7. dub. 1. n. 6. & dico I. Speculatiue rem considerando, si ponamus, talem hominem verè attritū esse de peccatis in genere: sed ob ruditatem & simplicitatem, nullum in specie recordari, aut explicare posse; etiam extra mortis articulum validè absolui.

Dico II. In praxi huic speculationi locum non esse. Ratio est: Quia si pœnitens, qui non recordatur mortalis peccati, nihilominus sacramentaliter confiteri cupiat, is aliquid veniale in specie explicare debet, si possit: vt sacramentum Pœnitentiæ congruentius, & certius administretur, teste S. Th. cit. q. 2. a. 1. ad 2. Quod verò pœnitens id præstare possit, præsertim à Confessario examinatus, & adiutus, semper præsumendum est: cum nemo tam hebes esse videatur, qui apprehendere, & recordari nequeat, se in oratione negligentem fuisse, verbum otiosum, aut noxium locutum, &c.

Etsi verò ponamus, Confessarium ex circumstantiis iudicare, hominem tam rudem esse, vt nihil speciatim confiteri possit: tamen extra mortis periculum absoluerum non debet: atque aperte illi dicere, sacramentalem absolutionem non conferri, sed suæ conscientiæ relinqui: cum materiam sacramenti, quantumvis examinatus, edicere nolit. Primò: Quia hæc est praxis bonorum Confessariorum. Secundo. Quia periculum est, ne talis homo propter ruditatem suam, etiam verò de peccatis dolore careat: sed solum dicat se peccasse, quia audiuit omnes homines peccatores esse. Tertiò: Quia si supernaturalem dolorem habet, iustificari poterit ab occultis peccatis suis per susceptionem sacramenti Eucharistiæ. Quarto: Quia si semel fateamur, absolutionem extra extremam necessitatē fidelibus conferri posse, nullum peccatum in specie explicantibus, ea facultate abutentur. Sacerdotes, contra sacramentalis Confessionis legitimam institutionem, & vsum.

Tertius casus est. Si pœnitens inchoatam Confessionem sacramentalem perficere non possit, quod pluribus modis contingit: I. Si homo mutus, surdus balbutientis linguæ, aut ignoti idiomatis omnia peccata explicare nequeat: qua de re Lopez p. 1. inst. cap. 27. Henriq. lib. 5. cap. 12. n. 3. II. Si pœnitens inter confitendum in phrenesin incidat, vel periculum sit, ne mox moriatur: debet statim absolui, & postea, si superuiuat, reliqua peccata audienda, & absolutio denuò conferenda est. qua de re Sotus d. 18. q. 2. a. 5. ver. Difficultates, Lopez cit. p. 1. c. 18. Victor. n. 164. Suar. cit. l. 1. n. 2. Sa ver. absolutio, n. 9. III. Tempore pestis, instantis naufragij, periculosi prælij, si Confessarius multorum integras Confessiones excipere non possit: quo casu licitum quoque est, plures simul confitentes audire & absoluerum. Qua de re Henriq. loco cit. Coninck disp. 7. dub. 9. n. 74. Tolet. lib. 3. c. 20. num. 5.

Quartus casus est: Si aliquis habeat casus reſeruatos: de quo dicam infra, cap. 12. num. 8. & 10.

Quintus casus. Si necessitas vrgeat confitendi suo Patrocho v.g. cui sine graui periculo animæ, corporis, famæ aut fortunarum, proprio, vel alieno, peccatum aliquod significari nequeat: tunc, eo prætermisso, reliqua explicari, & absolutio peti potest. Ita DD. communiter apud Sotum d. 18. q. 2. a. 5. Nau. c. 7. man. Syl. ver. Confessio

1. q. 18. Adrian. in 4. vbi de Confess. §. Sed oritur ex his aliud dubium, Suarez disp. 23. f. 2. Ratio est, quam Medina affert q. 10. C. de Confessione: Quia tunc positiva lex de Confessionis integritate, merito cedit iuri naturali charitatis: ne, quod ex charitate remedium institutum est, contra charitatem militet. Ceterum, si necessitas non cogat tali Confessario confiteri, quia licentia obtineri potest alteri confitendi; vel Confessio sine graui incommodo differri: tunc concessum non est, minus integram Confessionem facere.

Id verò in questione positum: Vtrum oporteat confiteri peccatum, quo necesse est complicem infamare apud Confessarium, v.g. incestum cum matre? Respondeo, & dico I. Si poenitens hanc complicitis infamationem facile vitare possit, confitendo cum licentia ignoto Confessori, ad id obligatur. Ita DD. communiter apud Nau. cit. c. 7. n. 5. Suarez disp. 43. f. 2. Henric. lib. 5. c. 9. P. Nau. lib. 2. de restit. c. 4. n. 263.

Dico II. Si complicitis fama grauissimè lædenda sit apud Confessarium, v.g. Prælatum, reticere debet peccatum, vel saltem circumstantia, aut executio peccati, quatenus necesse est, vt complicitis peccatum tegatur: ne alioquin Confessio ad salutem hominū instituta, in graue alicuius damnum, vel tristitiam cedat, si is forte aliquo indicio cognoscat, famam siue exultimationem suam apud Prælaturam, Patronum, &c. grauiter læsam esse. Ita DD. apud Henric. q. n. 8.

Dico III. Si, vt plerumque fit, complici non aliud damnum eueniat, quam quod eius fama apud solū Confessarium, virum prudentem læditur: posthabendum id est maiori bono seruandæ integritatis, & capiendi spiritualis auxilij à Confessario, sicuti contra Innoc. & Hostiens. in cap. omnis, de poenit. & remiss. Nau. in man. c. 7. n. 3. & in c. consideret, n. 98. dist. 5. de poenit. Armil. ver. Confessio, n. 11. docent Alensis p. 4. q. 77. mē. 2. a. 1. ad 4. S. Bonau. in 4. d. 21. p. 2. a. 1. q. 3. Gerson. p. 2. operum in regul. moralibus, de poenitentia, P. Nau. n. 275. In eademque sententia fuit Auctor formulæ vitæ apud S. Bern. *De nullo sinistrè loquaris, nisi in Confessione & hoc, ubi non potes aliter manifestare tuum peccatum.* Vtitur enim tunc poenitens iure suo: & complex hoc quale quale famæ suæ dispendium sibi ipsi imputare debet: quando tale crimen admisit, quod coram legitimo conscientiae Iudice aliter explicari non potest.

13 Porro si Confessarius animaduertat, poenitentem paratum esse ad nominandum complicem, circa ea peccata, quæ sine complicitis agnitione intelligi possunt, prohibere illum debet, sicuti admonet S. Bonau. citat. a. 1. quest. 3. Præterquam si id omnino necessarium videatur adiuvandum poenitentem, vel ipsum complicem. Quamquam si complex correptione indigeat, præstare videtur vt non ipse Confessarius, sed alia idonea persona corripiat. Si verò alius idoneus haberi non possit, qui graue malum impediatur, vel tollat, tunc hortetur Confessarius poenitentem, potius extra Confessionem alienum peccatum, in ordine ad correctionem fraternam, ipsi aperiat: vt tantò liberius peccati notitia vti possit, atq; dicere corripiendo, se eam extra sacramentum Confessionis accepisse: ne illud odiosum homini reddatur. Præcipue verò cauere oportet Confessarium, ne facile fidem habeat feminis accusantibus maritos suos. Videri potest Henriquez cap. 10. P. Nauar. num. 281.

His adde, probabilissimum esse, quod Syl. ver. Confessio, 1. n. 3. Nau. c. 2. n. 10. Suar. disp. 36. f. 4. dub. 2. Henric. lib. 4. c. 4. n. 6. & alij docent, peccata, quæ ob naturalem obliuionem, vel aliud iustum impedimentū Paschali tempore omissa fuerunt, non esse statim confitenda, cum impedimentum cessauit, aut peccati memoria redijt; sed ad sequens Pascha licitè differri posse: propterea quod Ecclesiæ præcepto semel de peccatis omnibus mortalibus, quatenus moraliter possibile est,

confitendis, satisfactum fuerit.

Ad extremum duæ quæstiones soluendæ sunt: Prima, Vtrum peccet, vel contra Confessionis integritatem agat, qui duos Confessarios habens, eorum vni prius confitetur mortalia; alteri postea solum venialia? Resp. & dico I. Certum esse debet, id quandoque rectè fieri, quo poenitens maiore libertate apud alterum vti possit, si graue peccatum, in quod præter consuetudinem lapsus est, ordinario suo Confessario, apud quem bonam hactenus opinionem seruauit, confiteri erubescat. Quare imprudenter agunt Confessarij, si reprehendant poenitentes suos, quod semel, aut fortè iterum confessionale eorum declinārint; cum potius id dissimulare oporteat.

Dico II. Tamen si id sæpius fiat, non est contra Confessionis integritatem: siquidem primo illi Confessario poenitens venialia confiteri non obligetur: secundo autem Confessario confiteri non prohibetur. Neque alia hic apparet grauis, seu mortalis deformitas, per se loquendo, vt docet Nau. c. 21. n. 40. Suarez disp. 22. f. 1. n. 21. Henric. lib. 5. c. 16. n. 6. Coninck disp. 6. dub. 4. contra Syl. ver. Confessio, 1. q. 6. Imò, si iusta ratio subsit, nulla culpa erit: vt si valde aliquis abhorreat à confessione mortalium huic Confessario faciendā, quem tamen ob aliquam causam deferere non audeat. Plerumque tamen hæc res non vacat aliqua deordinatione, & est signum animi magis æstimationem suam, quam spirituales perfectionem curantis. Per accidens verò fieri potest, vt talis etiam mortaliter peccet, si ea ratione exponat se periculo facile labendi in mortalia, & ea nunquam efficaciter emendandi: quod eiusmodi hominibus accidere solet, qui de industria Confessarios impeditos adeunt; vel quibus ignoti sunt: nullum constanter retinentes, sed ab vno ad alterum transeuntes.

Altera quæstio. Quale peccatum sit in Confessione mentiri: videlicet circa ea, quæ per se ad Confessionem spectant: vt si affirmes te peccasse, cum non peccaris; vel neges te peccasse, cum peccaris? Respondeo, & dico I. Mentiri ex proposito circa materiam mortalem, & Confessionem necessariam, est peccatum mortale. Vel enim negas te fecisse peccatum mortale, quod hic, & nunc fateri deberes: & tunc clarum est, Confessionem non esse integram, sed sacrilegam. Vel affirmas, te fecisse mortale, quod non fecisti: & tunc quoque grauiter decipis Confessarium, Christi Vicarium, atque spirituales Iudicem, non sine graui irreuerentia Sacramenti.

Dico II. Mentiri in Confessione circa peccatum veniale, vel aliam materiam non necessariam, aut quam hic, & nunc confiteri non teneris, est peccatum duntaxat veniale. Ita Sotus q. 18. q. 2. a. 4. concl. 3. Syl. ver. Confessio, 1. q. 8. Nau. c. 21. n. 37. Petr. Sotus lect. 10. de Confess. in fine, Suar. disp. 22. f. 10. Sa ver. Confessio, n. 12. Coninck disp. 6. dub. 3. contra Caiet. 2. 2. q. 69. a. 1. & ver. Confessio, condit. 4. Cum enim poenitens non teneatur talia peccata confiteri: non grauiter decipit Confessarium mentiendo: neque peruerit naturam Sacramenti: quando quidem absolutio nihilominus valida erit, suūque effectum consequetur: dummodo interim vera Confessionis materia subiiciatur. Quod idcirco adijcio, quia certum est, illum peccaturum mortaliter, qui falsò se alicuius venialis peccati accusans, nullamque aliam Confessionis materiam afferrens, absolutionem à Sacerdote postulat: nisi animi perturbato, vel scrupulus eum excuset, sicuti bene notauit Nauar. l. c. & in c. fratres, num. 27. dist. de poenit.

CAP. IX.

De confessione inualida, ob defectum poenitentis, vel Confessarij.

S V M M A R I V M.

1. *Confessio inualida est, vel ob defectum poenitentis, vel ob defectum Confessarii.*
2. *Sacramentum Poenitentiae non potest esse validum, atque informe.*
3. *Attritio ex supernaturali motu, quae cum Sacramento sufficiens dispositio est ad iustificationem, debet se ad omnia peccata mortalia, saltem virtualiter, extendere.*
4. *Qui ob ignorantiam non mortaliter culpabilem, peccatum confiteri omisit, non tenetur postea integram Confessionem repetere: secus, si ignorantia mortalis fuit.*
5. *Si Confessarius ob distractionem, vel somnum, aliquod peccatum mortale non intellexit, videtur nihilominus valide conferri absolutio: si tamen poenitens id postea resciat, debet iterum peccatum illud clausibus subijcere.*
6. *Si Confessio, quae ob defectum poenitentis, aut confessarii inualida fuerat, denuo instituitur apud eundem Sacerdotem non est necessarium peccata secundum speciem, & numerum repetere: modo, Confessarius statum poenitentis adhuc recordetur.*

Confessio ex duplici capite inualida fieri potest, uti bene docet Barthol. Medina lib. 1. instruct. c. 12. §. 1. & 2. Primò ob defectum poenitentis, si requisito dolore careat, vel quia nullum omnino habet, vel non ex supernaturali motu profectum, vel non ad omnia mortalia se extendentem. Quò pertinet, si aliquis inter confitendum mortaliter peccet; puta quia temere, vel per crassam ignorantiam omittit peccatum mortale, aut de quo rationabiliter dubitat, num sit mortale, (nisi in hoc casu bona fide arbitretur, se confitendi obligatione immunem esse) vel denique si exiguum valde conscientiae discussionem instituens, coniiciat se in probabile periculū omittendi mortalis. Ita docet Caiet. ver. Confessio iteranda, Petr. Sotus lect. 10. de Confess. Nau. c. 9. n. 16. Sa ver. confessio, n. 7. Tol. lib. 3. c. 10. n. 8. Suar. disp. 23. l. 3. & 4.

Exinde sequitur; Cùm eiusmodi confessio irrita, & sacramentalis non sit, totam necessario in altera confessione repetendam esse, sicuti notarunt Nau. Suar. Petr. Sotus ll. cc. Adrian. in 4. de confess. quaest. 4. in fine. Quàvis contrarium sentiat Sotus d. 18. q. 3. a. 3. concl. 3. Victoria n. 160. Henriq. lib. 5. c. 11. n. 1. ubi aiunt: Si aliquis non ex industria, sed per negligentiam, quamvis mortalem, omisit peccatum mortale confiteri, reliquorum confessionem informem quidem esse: attamen validam neque repetendam. Quemadmodū enim alia sacramenta interdum validè conferuntur, sed sine effectu, seu fructu gratiae, quando suscipiens obicem ponit: ita etiam videtur sacramentum Poenitentiae interdum validè conferri, licet informiter, & sine fructu, si confitens sufficienter dispositus sit ad suscipiendum sacramentum, nō item fructum sacramenti, seu gratiae effectum, sicuti docent S. Th. in 4. d. 17. q. 3. a. 3. q. 1. Rich. a. 2. q. 8. ad 5. Palud. q. 8. Sotus. lo. cit. Suar. disp. 20. sect. 5.

Sed expeditior est sententia Gabr. ead. d. 17. q. 1. a. 3. §. 2. Secundus casus in ordine, Maioris q. 9. Adriani q. 4. de Confess. §. sed quid si crassa ignorantia, Vasq. disp. 92. a. 1. dub. 1. Medinae C. de confess. quaest. 29. Coninck disp. 4. dub. 11. qui vniuersim negant, sacramentum Poenitentiae posse esse informe: seu validè cōferri secundum essentiam, sine collatione gratiae. Siquidē hoc peculiarē est in sacramento Poenitentiae, quòd debita suscipientis dispositio, videlicet dolor de peccatis, sit pars illius essentialis, uti notauit S. Th. in 4. d. 23. q. 1. art. 4. q. 2. Qui dolor, siue attritio supernaturalis si adsit, non tantum sacramentum valebit, sed etiam gratiam conferet: si autem desit, quantumvis inuincibiliter existimetur adesse, non valebit sacramentum, quippe parte substantiali destitutum.

Deinde sic argumentor: Contritio siue dolor de peccatis, qui est materia siue pars essentialis sacramenti Poenitentiae, teste Trident. sess. 14. cap. 3. & 4. debet se

saltem virtualiter extendere ad omnia mortalia peccata. Talis autem actus (si eius motuum, uti ponitur, supernaturalis sit) secundum omnes est sufficiens quoque dispositio, una cum sacramento, ad recipiendā gratiā. Ergo omnis actus contritionis, seu attritionis, qui est sufficiens materia sacramenti, est etiam sufficiens dispositio gratiae. Prima propositio probanda est: Tum quia actus ille doloris debet tendere ad reconciliationē cum Deo, ideòque continere propositum imposterum vitandi mortalia omnia peccata: Tum quia per absolutionem Sacerdotis, ex propria natura & institutione huius sacramenti, omnia simul mortalia peccata remittuntur: Ergo conuenienter etiam institutioni huius sacramenti ex parte poenitentis requiritur dolor, siue detestatio omnium mortalium peccatorum. Deniq; si dicamus, ad contritionē, seu attritionē, quae est pars Poenitentiae, non requiri saltem virtuales omnium peccatorum detestationem, cōsequens est, nihil repugnare, quominus vera cōtritio cōsistat cum actuali affectu ad peccatum mortale: id autē probabiliter dici nō potest, uti fatetur Suarez cit. l. 5. n. 5.

Duo tamen hīc obseruanda sunt: I. Saepe fieri, ut tamen aliquis non rectè preparatus & attritus ad sacram Confessionem veniat, in ipsa tamē Confessione, vel post, boni Confessarii industria, ad absolutionem & gratiam sacramenti disponatur. II. Si aliquis, ob ruditatem, vel ignorantiam non mortalem, peccatum confiteri intermitte, sed alioquin attritus & dispositus est, is validè & fructuosè absolutionem accipit: ut proinde non tota confessio postea repetenda sit, sed hoc solum quod omisum fuerat. Exemplum habes in puero, qui peccatum aliquod, v. g. mollitiem, arbitratus esse leue, aut nullum: sed postea grandior factus, intellexit esse mortale: de quo Syl. ver. Confessio, 1. quaest. 3. Nan. in cit. c. fratres, n. 82. d. 5. de poenit. Beia p. 1. casu 9. Item in rustico rudi & imperito, qui ex ignorantia non crassa, peccata solum genericè, vel tantum specificè, & non sigillatim, ac secundum numerum confitetur, quia à Parocho suo nunquam de ea re instructus est: talis, si supernaturalem de peccatis poenitentiam, cum emendandi proposito, habeat, videtur validè absolui: quamuis cum obligatione, ut, si postea præceptum diuinum de Confessionis integritate cognoscat, puta in concione, catechismo, vel Confessione edoctus; teneatur peccata omnia mortalia secundum speciem, & numerum, quatenus potest, explicare. Interdum tamen si appareat magna hominis ruditas, Confessarius contentus esse potest enarratione peccatorum à proxima Confessione cōmissarum; præcedentium autem rudi aliqua cognitione; præsertim si aliorum poenitentium copia adsit. Quando quidem rudis ille homo, propter obligationis ignorantiam non crassam, capax est absolutionis, ut pono ad perfectiorem autem dispositionem hīc, & nunc facile adduci non potest, ut ponimus.

Secundo sit Confessio inualida, ideòque repetenda ob defectum aliquem Confessarii, qualis est I. Si iurisdictione omnino caruit, vel impeditam habuit per suspensionem ab officio, vel excommunicationem denuntiatam, aut contractam ob Clerici notoriam percussonem. II. Si verba absolutionis substantialiter viciet. III. Si absoluenti intentionem neque actualem, neque virtuales habeat.

IV. Addunt S. Anton. p. 3. tit. 17. cap. 15. & c. 21. §. 3. Nau. cap. 9. man. num. 14. Syl. ver. Confessio, 1. q. 3. dicto tertio; Si Confessarius, ob surditatem, animi distractionem, &c. peccata mortalia non intellexit. Quia confessio seu accusatio sui ipsius apud Iudicem nulla est, nisi is intelligat: Veruntamen si poenitens bona fide sua peccata aperuit, & culpa in solo Confessario resedit, arbitror, datam absolutionem validam, & fructuosam esse, ut docet Henriquez lib. 5. cap. 14. num. 5. & indicat Suarez disput. 22. sect. 7. numero tertio, propterea

quod essentia, & effectus sacramenti Pœnitentiæ consistere possit absque integra, & specifica peccatorum explicatione; si ea sine vlla culpa pœnitentis, suumque dolorem Sacerdoti explicantis, intermittatur, vt supra dixi. Nihilominus si pœnitens postea cognoscat, vnum, vel plura peccata mortalia Confessarium nullo modo intellexisse, debet ea sola cum alijs postea commissis in sequente Confessione iterum explicare: quia semper manet obligatio peccata omnia mortalia secundum speciem, & numerum Sacerdoti indicandi, vt ab omnibus absolutio directè, & in specie, sicuti institutioni huius sacramenti consentaneum est, conferatur.

Deinde hoc addo; tamen si contingat, absolutionem Sacerdotis, ob aliquem occultum eius defectum, inuvalidam fuisse; raro id obfuturum pœnitenti inculpate defectum ignoranti: quando enim is in proxima Confessione absoluetur à peccatis, absolutio illa extendet se ad alia omnia, à quibus se antè absolutum bona fide existimabat.

Ad extremum; si Confessio ob quemcunque defectum seu pœnitentis, seu Confessarii irrita fuerit, & idcirco repetenda sit, distinguendum est: vtrum sacramentalis absolutio ab altero Sacerdote petatur, qui priorem inuvalidam Confessionem non audierat, tunc haud dubie omnia peccata mortalia, quatenus fieri potest, repetenda erunt. An verò coram eodem Sacerdote, eoque retinente memoriam peccatorum, tunc opus non est peccata repetere, sed tantum defectum corrigere, v. g. intermissæ contritionis signum edere, de omisso peccato se accusare, absolutionemque petere: quemadmodum, inquit Suarez disp. 22. s. 6. num. 5. si Sacerdos peccata confitenda antè nouit, tunc sufficit dicere v. g. *accuso me de peccatis, quæ de me nesci*: Si autem peccatorum memoriam non retinet Confessarius, tunc aliqui absolute aiunt, Confessionem secundum speciem, & numerum, repetendam esse, quibus ex parte cõsentit Suarez l. c. num. 7. & Henricus quodlib. 7. quæst. 23. & quæst. 25. Alij verò rectius negant, Palud. S. Anton. p. 3. tit. 14. cap. 10. §. 4. Syl. ver. Confessio, 1. quæst. 3. Medina quæst. 24. Cod. de Confess. Nau. cap. 9. man. num. 19. Sa ver. Confessio, num. 8. Tolet. lib. 3. c. 10. num. vlt. Vasq. quæst. 92. art. 3. dub. 3. dummodo confuse recordetur statum peccatoris, vt conuenientem illi pœnitentiam imponere possit. Quod probatur ex praxi: si enim Sacerdos audita Confessione animaduertat pœnitentem non satis dispositum, & attritum esse; interdum differt absolutionem in alterum diem: si autem contingat eum interea species peccatorum obliuisci, non ideo exigere solet, vt Confessio repetatur; sed tantum vt de peccatis verus dolor cum emendationis proposito conceptus sit. Ratio est, quam sæpius dedi, quia specifica, & particularis peccatorum manifestatio, aut cognitio per se, & simpliciter non est de essentia, ac necessitate sacramenti: sed tantum de necessitate præcepti diuini, cui pœnitens antè satisfecit, enumerando omnia peccata, ideoque solum defectum v. g. contritionis iam supplere tenetur. Addo denique, tamen si Confessarius neque statum peccatoris generatim recordetur, sed id tantum, quod sibi cõfessus fuerit, eumque iam rectè dispositum absoluat, peccatum illum quidem, cum non rectè suo munere in pœnitentia imponenda, & c. fungi possit; nihilominus absolutionem validam, & pœnitenti fructuosam fore.

CAP. X.

De Ministro sacramenti pœnitentiæ, atque in eo requisita iurisdictione.

SUMMARIUM.

- 1 Solus Sacerdos à peccatis absoluere potest: requiritur autem in eo iurisdic-tio.
- 2 In tribus casibus omnis Sacerdos à peccatis absoluere potest. I. Si Confessio sit tantum de venialibus. II. Si Confessio sit de mortalibus, à quibus pœnitens antè absolutus fuerat. III. In mortis articulo ab omnibus peccatis.
- 3 Iurisdic-tio in Pœnitentia foro alia ordinaria est. & alia delegata. Ordinariam iurisdictionem habent Papa, Episcopus, cuiusque generalis Vicarius, Parochi, aliæque Curati seculares, & regulares. Episcopi quemuis idoneum Confessarium eligere possunt.
- 4 Parochi quoque, aliique Sacerdotes, cuius approbatio & exposito, confiteri solent.
- 5 Iurisdic-tioni Ordinariorum aliquis subiicitur non tantum constituendo in diocesi, vel parochia domicilium, sed etiam quasi domicilium.
- 6 Ad domicilium, vel quasi domicilium constituendum, tum animus requiritur, tum factum.
- 7 Vagabundus confiteri potest cuius Parochus, alterius exposito eius loci, in quo pro tempore versatur.
- 8 Vagabundorum matrimonii Parochus assistere non debet, nisi re bene examinata, vel ad Ordinarium delata.
- 9 Peregrinus, dum à parochia absens est, alteri exposito Sacerdoti confiteri potest.
- 10 Peregrinus iudicatur, & absoluitur in Pœnitentia foro, etiã quo ad reseruata peccata, secundum consuetudines loci eius in quo se iudicio submittit.
- 11 Qui ordinariam iurisdictionem habet, alteri Sacerdoti potestatem à peccatis absoluendi delegare potest, in quo delegandi iure superior non dependet ab inferiore.
- 12 Delegatus subdelegare non potest: nisi id ipsi specialiter concessum sit: vel nisi sit delegatus Principis, vel delegatus ad vniuersitatem causarum.
- 13 Qui habet Vicariam administrationem loco absentis: saltem causam aliquam particularem subdelegare potest.
- 14 Is, cui non officium, sed nudum ministerium, seu simplex iurisdic-tio in ordine ad certos actus committitur, alteri subdelegare non potest, sine speciali licentia committentis.
- 15 Ad iurisdictionem alteri demandandam requiritur actualis consensus delegantis, externo signo manifestatus.
- 16 Necrati habitio sperata in futurum: neque impresentiarum rationabiliter presumptus consensus, si re ipsa non adfuit, ad iurisdictionem conferendam sufficit.
- 17 Qui habet facultatem generaliter delegatam absoluendi subditos à casibus reseruatis, potest eam alteri Sacerdoti committere ad absoluendum ipsummet, cui commissa est talis facultas.
- 18 Confessarii Ordinum Mendicantium omnes Christi fideles à quibuscunque peccatis, sententiis, censuris, ac penis Ecclesiasticis absoluere possunt: sis exceptis, quæ in Bulla Cœna Domini continentur.
- 19 Confessarii Ordinum Mendicantium accipiunt iurisdictionem in foro Pœnitentiæ à summo Pontifice, accedente Prælatorum suorum consensu, & expositione: & non per Episcopi approbationem.
- 20 Religiosi extra Ordinem suum ordinariè confiteri non possunt & in ipsa Ordine non alteri, quam Superior iis designauit.
- 21 Probabile est, quod Confessarii Ordinum Mendicantium à censuris in foro conscientie fideles absoluere possint, tamen si eorum Confessiones non audiant.
- 22 Facultas audiendi Confessiones, aut absoluendi à casibus reseruatis mortuo concedente non extinguitur.
- 23 Potestas delegata ad iustitiam, mortuo delegante expirat, si res integra sit, sed gratia, & beneficia manent, donec reuocentur.
- 24 Commissio particularis in fauorem alicuius, si necessaria est, non extinguitur morte committentis, etiam re integra: si autem voluntaria, extinguitur.

Assertio Prima. Solus Sacerdos potest esse minister sacramenti Pœnitentiæ. Ita docent SS. Patres, quorum aliquos supra allegauimus, & definiuit Florentinum in decreto Eugenij, Trident. sess. 14. c. 6. & can. 10. Sumitur ex c. 20. S. Ioannis, vbi Christus in discipulos suos insufflauit, & dixit eis, Accipite Spiritum sanctum: quorum remisistis peccata, remittuntur eis: & quorum retinueritis, retenta sunt. Quo facto Dominus clarè significauit, sicuti etiam semper Ecclesia intellexit, potestatem hanc remittendi, ac retinendi peccata, non omnibus concessam esse: sed ijs tantum, qui per specia-

lem ordi-

leim ordinationem, & Spiritus sancti gratiam, ad id deputarentur: quales sunt soli Sacerdotes, in quorum proinde ordinatione eadem illa verba dicuntur. Confirmatur ex eo, quod etiam in veteri testamento ad solos Sacerdotes pertinebat inter lepram & lepram diiudicare: quæ figura erat & adumbratio huius spiritualis iudicii, & absolutionis à peccatis, vti S. Hieron. notauit in cap. 16. Matth.

Corollarium Quod Doctores aliqui monent ex c. 1. d. 6. de poenit. Si desit Sacerdos, præsertim in mortis articulo, cuius alteri, etiam laico confitendum esse: id non intelligitur in ordine ad sacramentalem absolutionem: sed solum ad excitandam contritionem, maioremque sui confusionem. Quare neque in præcepto est talis peccatorum confessio, sed in consilio, si, spectatis circumstantiis, salubriter fieri possit. Quæ de re Alensis p. 4. q. 78. mem. 1. a. 1. S. Bonau. in 4. d. 17. p. 3. a. 1. q. 1. Duran. ibid. q. 11. Abb. in c. quanto, n. 12. de conluet. Nau. in cit. c. 1. n. 78.

Assertio secunda. Non omnis Sacerdos à peccatis absolvere potest: sed requiritur etiam in eo iurisdictio. Ita Florentinum Conc. cit. loco. Trid. sess. 14. c. 7. & colligitur ex facto Christi cit. c. 20. Ioan. vbi prius discipulis suis iurisditionem contulit, *sicut misit me Pater, & ego mitto vos*: deinde potestatem remittendi, ac retinendi peccata tribuit. Ratio est: Quia absolutio à peccatis est actus iudicialis: ideoque iurisditionem in subditos requirit. Quare exactè hæc distinguendum est inter potestatem ordinis, & potestatem iurisditionis: Nam potestas ordinis in omnibus Sacerdotibus æqualis est, extendens se ex Christi institutione ad omnia omnium fidelium peccata remittenda, iuxta verbum Christi, *quorum remisistis peccata*: sed est tantum remota, & indeterminata, quæ per se in actu exire non potest: perficitur autem, ac determinatur per potestatem iurisditionis à Christo, vel Ecclesia collatæ: siue erga omnes, siue erga certos fideles: ad eum ferme modum, sicuti qui iuris Doctor creatur, is potestatem accipit indicandi de rebus in iure controuersis, vel ex Cathedra publice docendi: sed tantum remotam & incompletam, quæ in actu exire non potest, donec accepta iurisditione, alicubi iudex: vel accepta Cathedra, alicubi Professor constituatur. Vide Sotum in 4. d. 18. q. 4. a. 2. & d. 20. q. 1. a. 2. Nau. in c. placuit, d. 6. de poenit. n. 18. & 48. Med. q. 34. & 35. C. de Confess. Llamasp. 1. Methodi, c. 4. §. 1. Lactantium Finellium de casibus reseruat, cap. 2. Suarez disp. 16. l. 3. Henric. lib. 6. cap. 1. §. 2.

2 Porro in tribus casibus quilibet Sacerdos, ex perpetua Ecclesiæ consuetudine, iurisditionem obtinet: I. Super venialia peccata tantum. II. Super mortalia, à quibus poenitens antè legitimè absolutus fuit. III. In mortis articulo super omnia omnino peccata. Discrimen autem est, quod primam & secundam facultatem Ecclesia aufert Sacerdoti excommunicato, denunciato, vel notorio percussori Clerici: tertiam verò non aufert: quia non expedit propter huius sacramenti necessitatē; quamuis absolute loquendo auferre posset. Quæ omnia arguunt eiusmodi iurisditionem Sacerdotibus non diuino iure, sed ex Ecclesiæ concessione competere, sicuti docet Med. q. 36. Valent. dif. 7. q. 10. p. 2. Suarez disp. 26. l. 5.

Etenim iurisdictio, vt ex dictis constat, vel immediate à Christo datur: vel à Prælati Ecclesiæ. A Christo immediate iurisditionem generalem super omnes fideles acceperunt Apostoli, Ioan. 20. sed specialiter S. Petrus, quippe qui reliquorum etiam Apostolor. caput, & pastor constitutus est: in super iurisditionem accepit perpetuò in successoribus suis duraturam, vt nunquam Ecclesia visibilis in terris Pastore, & summo Capite destitueretur: atque vt ab ipso, conueniente ordine, potestas spiritualis iurisditionis in reliquos Dei Sacerdotes

ac Ministros descenderet: adeò, vt omnes post Apostolos iurisditionem à Summo Pontifice mediare, vel immediate accipiant. Vide quæ dixi lib. 1. tr. 4. c. 7. §. 2.

Assertio Tertia. Iurisdictio in Poenitentia foro alia est ordinaria, quæ alicui competit ratione officij, quo fungitur: Alia est delegata, quæ alicui competit ex concessione Ordinarii, sicuti infra explicabo. Atque ita docent Concilia, Florent. & Trident. II. cc. Iurisditione ordinariam imprimis habet Sum. Pontifex, eiusque summus Poenitentiarius in omnes Christi fideles. Deinde Episcopus quilibet, eiusque Vicarius perpetuus in omnes tum Clericos, tum laicos suæ diocesis: Eademque ratio est de Prælati exemptis, comparatione suorum subditorum. Denique etiam Parochus, vel perpetuus parochiæ Vicarius ordinariam iurisditionem in omnes suæ parochiæ fideles obtinet. Quæ de re vide Alex. Halens. p. 4. q. 8. mem. 3. a. 2. Nau. in c. placuit, n. 128. d. 6. de poenit. Neque verò Reges, aut Duces à iurisditione Ordinariorum, vbi illi sedem fixam habent, scripto aliquo iure eximuntur, teste Palud. in 4. d. 17. q. 3. a. 2. concl. 3. Soto d. 18. q. 4. a. 2. Llamias p. 1. Meth. c. 5. §. 1. Gabr. cit. d. 17. q. 2. a. 3. dub. 2. Suar. disp. 25. in fine. Quamquam, quod ad sacramentum Poenitentia attinet, ferme Pontificio diplomate, vel præscripta consuetudine licentiam obtinuerunt, quemuis approbatum Confessarium eligendi.

Plerique etiam Doctores annotarunt, vt Syl. ver. excomm. §. 10. Armilla, §. 28. Henric. lib. 13. c. 25. n. 5. Sa ver. excommunicatio, n. 15. Reges, siue Principes supremos priuilegiatos esse, quominus ab alijs, quam Romano Pontif. excommunicari, alijsve censuris ligari possint. Quamobrem in c. ne aliqui, de priuileg. in 6. habetur, Quod priuilegium alicui concessum vt excommunicari, suspendi, aut interdici non possit, non extendatur ad sententias Ordinariorū: excepto, si sit concessum Regibus, Reginis, aut ipsorum filijs: vel Religioso Ordini, aut Conuentui.

Porro Episcopis, & alijs exemptis Prælati ipso iure concessum est, quemuis prouidum, & discretum Confessorum sibi deligendi, c. vlt. de poenit. & remission. & notat Palud. in 4. d. 17. q. 3. a. 2. Syl. ver. Confessor, 1. q. 8. Suar. disp. 27. l. 2. n. 4. Denique idem priuilegium deligendi sibi idoneum, & approbatum Confessarium Parochi etiam participat, vt notauit Eman. Sa ver. Confessor, n. 1. Coninck disp. 8. dub. 8. concl. 3. Imò ferme omnium Ecclesiarum consuetudine introductum est, vt Sacerdotes quilibet seculares cuius approbato, & exposito confiteantur: propterea quod ipsi varijs in locis sæpe sacrificantes, eiusmodi facultate opus habere videantur, ideoque Prælati omnes, ac Parochi in talem facultatem libenter consentiant: quæ de re Nau. in c. placuit, n. 28. & seqq. dist. 6. de poenit. Angelus ver. Confessio, §. 5. §. 30. Gabr. in 4. d. 17. q. 2. a. 3. dub. 6. & lect. 3. in canon. Missæ.

Assertio quarta. Iurisditioni Ordinariorum, puta Episcopi, & Parochi, fideles subijciuntur, non tantum constituendo in diocesi, vel parochia domicilium, siue habitationem perpetuam; sed etiam quasi domicilium, siue habitationem ad tempus non admodum breue negotij alicuius causa, sicuti explicauimus lib. 1. tr. 4. c. 12. n. 1. & docet Gl. in Clem. 1. de priuilegijs. Abb. c. cum contingat, n. 29. de foro compet. Palud. in 4. dist. 17. q. 3. a. 3. concl. 6. Gabr. ibid. q. 2. a. 3. dub. 2. Syl. ver. domicilium, & ver. Parochia, Suar. dif. 25. l. 2. Mol. t. 1. tr. 2. dif. 214. Sanch. lib. 4. moral. c. 37. n. 24. & lib. 3. de matrim. disp. 23. n. 12. vbi monent, eandem rationem esse de aliorum sacramentorum (excepto Ordinis) administratione; item de iure assistendi matrimonio, dispensandi in votis, conferendi sacram sepulturam, &c. quod Episcopi, & Parochi non tantum in incolas competat sed etiam in quasi incolas: videlicet scholares, milites

præfidiarios, famulos, & ancillas: tametsi alibi domicilium habeant: licet contrarium huius senserit Nauat. in c. placuit, n. 89. & 96. dist. 6. de pœnit. Quamobrem scolaris, v.g. cuius parentes Constantia morantur, ipse verò studiorum causa Monachij versatur, vtrique Parocho tam Monacensi, quam Constantiensi peccata confiteri potest; attamen non ab vtriusque diœcesis Episcopo ordines accipere; sed solum à Constantiensi, vel in cuius Ecclesia beneficiū obtinet, vt suo loco dicā.

Hic autem obiter notandum: Quod dico de acquirentibus domicilium, aut quasi domicilium alicuius loci, subijci eos proprio Sacerdoti eiusdem loci: idē quoque intelligendum esse in casu, quo alicui Communitati Sacerdos proprius ab Episcopo præfatus fuit. Nam qui membrum eius Communitatis, quamvis ad breue tempus, efficitur, etiam iurisdictioni Sacerdotis in spiritualibus subijcitur. Ex quo resolues: Si cohorti militū ex Belgio v. g. exeunti, ab Episcopo loci, Sacerdos constitutus fuerit, qui Confessiones ipsorum excipiat; etsi deinde alijs mundi partibus in eandem cohortem noui milites adfiscantur, aut in demortuorum locum subrogentur: omnes Sacerdotes illi subiectos esse, quamdiu moraliter rem æstimando censetur vna cohors sub tali Duce constituta, in quā Sacerdos iurisdictionē ab Episcopo acceperat, ita interpretante consuetudine Ecclesiarū, quam ipsa etiam necessitas in talibus casibus postulat.

Porro ad domicilium, vel quasi domicilium, eiusque ratione diœcesin, vel parochiam acquirendam, cum animus requiritur, tum factum, sicuti colligitur ex l. domiciliū, iun. Gl. ff. ad municipalem, & de incolis. Animus consistit in proposito voluntatis permanendi perpetuò vel ad tempus anni non modicum. Factum consistit in actuali habitatione: quia non sufficit ad locum perueniendi animum habere: nisi etiam peruenieris. Cum primum autem peruenisti, animo ibi habitandi, statim iurisdictioni subiectus es. Dico *animo habitandi*: qui enim ad locum peruenit, animo ad breue tempus permanendi, seu subsistendi (quamvis fortē præter opinionē suā diutius ibi morari eum contingat, quia v. g. socios nauigationis expectare cogitur) is non habitator seu incolā, sed peregrinus & hospes censetur, sicuti colligitur ex l. 1. §. hæc autem, ff. de his, qui deiecerunt, &c. is, qui de sepulcris, in 6. vbi dicitur, si is, qui habet domicilium in ciuitate, vel castro, ad villam ruralem se transferat recreationis causa, vel vt ruralia exerceat: ibique non electā sepulturā decedat, non in ecclesia villa, sed suæ Parochiæ sepeliendum esse. Quā de re Sanch. cit. disp. 23. & Iosephus Mascardus cœcl. 1005. Denique quibus modis domicilium, vel quasi domicilium contrahitur, ipsdem etiam soluitur; videlicet non solo migrandi proposito, sed accedente reali migratione, sicuti habetur in cit. l. domicilium.

Dubitarur autem primò: Si qui in duabus parochiis domicilium habet, in quibus diuersis anni temporibus habitare solet, cuiusnam iurisdictioni subiectus censeatur? Respondeo ex communi doctrina Abb. in c. in nostra, num. 10. de sepul. Palud. in 4. d. 17. quæst. 3. a. 3. casu 2. Nau. in c. placuit, num. 77. d. 6. de pœnit. Henriq. lib. 6. cap. 7. n. 2. Sanch. lib. 3. disp. 24. num. 5. Suar. disp. 25. s. 2. Agid. disp. 8. dub. 3. in fine concl. 4. quod talis censeatur habere duas parochias, iuxta l. adsumptio, §. vlt. ff. ad municipalem, & c. 2. de sepulc. in 6. vt proinde ipsi liberum sit, in alterutra malit Pœnitentiæ & alia sacramenta suscipere: dummodo in vtroque loco magnā anni partem habitare soleat: Nam alioquin, si recreationis tantum causa ad breue tempus, in alterum locū secedat, vnum Parochum habere censebitur, in cuius Parochia principalius habitat, arg. cit. c. is qui.

Secundò dubitarur de vagabundis, vbi confiteri possint, vel debeant? Differt autem vagabundus à peregrino, & quasi incola: quia peregrinus dicitur, qui alibi domicilium habens, moratur in loco, animo non per-

manendi. Quasi incola, seu inhabitator dicitur, qui (siue alibi domicilium habeat, siue non) moratur in loco, animo permanendi non semper, sed ad annum v. g. aut maiore anni partē. Vagabundus verò dicitur, qui nullibi domiciliū habens, versatur in loco sine animo permanendi.

Nunc respondeo, & dico I. Vagabundus confiteri potest cuius Parocho, alterius exposito eius loci, in quo pro tempore versatur. Ita docent Rich. in 4. d. 17. a. 3. q. 1. Palud. q. 3. a. 3. casu 3. S. Anton. p. 3. t. 17. c. 7. c. 4. Caiet. ver. absolutio, c. 2. Tolet. l. 3. c. 13. Med. C. de Confess. q. 31. Rodri. t. 1. sum. c. 60. n. 7. Henriq. l. 6. c. 8. n. 5. Sanch. l. 3. de matrim. d. 25. n. 5. Quamobrē dicūt DD. quod vagabūdi vbiq; fortiūtur forū: sicuti & in externo foro quilibet Iudex reos vagabūdos capere, & ob delicta etiā alibi commissapunire potest: præterquā si à Iudice delicti petantur: quā dere Abb. c. vlt. n. 21. de foro cōpet. Clarus in p. §. fin. q. 39. n. 7.

Dico II. Licet vagabūdi Sacerdotē simplicē, seu nulla ordinaria, aut delegata iurisdictione præditum, eligere nō possint, vt bene notauit Med. cit. q. 31. attamē Curato, aut delegatā in diœcesi iurisdictionē habētī cui libet confiteri possunt: v. g. si vagus cum Parocho Monachiēsi peregrinetur Oeringā, poterit ab ipso in via absolui. Ita docēt Palud. & S. Anton. ll. cc. Caiet. cit. c. placuit, n. 8. contra Gabr. cit. d. 17. q. 2. a. 3. dub. 2. P. Sotum lect. 5. de cōfess. Suar. disp. 25. s. 2. n. 7. vbi ait, quod vagus debeat confiteri Parocho, in cuius parochia pro tempore existit. Sed contra est, quia vagabundus nullū propriū Sacerdotē seu Parochum habet: Ergo quenlibet sibi eligere potest. Antecedēs probatur: nā parochiā quilibet acquirit ratione domicilij, aut habitationis: sed nō habet alicubi domiciliū, nec propriē in loco habitat: sed tantū hospitatur. Ergo &c. Pertinet autē ad curā Episcopi, in cuius diœcesi vagabundi plerūque versantur, vt eos Paschali tempore ad sacram Confessionem & Communionē compellat, à Pastoribus locorū, vel alijs facultatē habētibus accipiendā.

Circa matrimonium autem istorum vagantium Trident. Synodus sess. 24. cap. 7. de refor. præcipit Parochis, ne eorum matrimonijs interfint, nisi prius diligentem inquisitionē fecerint, & re ad Ordinariū delata, ab eo licentiam id faciendi obtinuerint. Quā in re, quid de vagabundorum, & alienigenarū matrimonijs Parochis agendū sit, spectanda est ordinatio, aut consuetudo cuiusque diœcesis.

Tertiò dubitarur de peregrinis, seu à parochia sua absentibus, vtrum alieno Parocho confiteri possint? Respondeo: Ex tacita voluntate Ordinariorū, per consuetudinem confirmata, posse peregrinos à quocunque exposito Sacerdote Pœnitentiæ, & sacræ Eucharistiæ sacramenta, etiā tempore Paschali, suscipere, si ad propriam parochiam facili accedere non possint. Ita Palud. in 4. distinet. 17. quæst. 3. a. 3. Caiet. ver. absolutio, cap. 2. Syluest. ver. Confessor, 1. quæst. 11. Sotus d. 38. q. 4. a. 2. Nau. c. placuit, n. 66. d. 6. de pœnit. Sa ver. Confessor, num. 2. Suar. disp. 25. sect. 2. §. 4. dubitari potest. Quod etiā praxis apud nos confirmat; ita tamen vt in parochiam suam reuersi, testimonium annuæ Confessionis & Communionis, Parochis id postulantibus exhibere debeant.

Adde, probabilius esse, quod docet Caiet. loco cit. Henriq. lib. 6. cap. 14. num. 8. Suarez disp. 30. sect. 1. contra Sotum citat. a. 2. peregrinos, cum in aliena diœcesi iusta de causa confitentur, posse etiam absolui à peccatis in propria ipsorum diœcesi Episcopo referuatis, sed cum discrimine: Si enim in diœcesi, vbi confitentur, referuata nō sint tunc omnes expositi Confessarij absoluedi potestatem habent: quandoquidē ipsi iudicare, & absolvere solent secundum leges, & consuetudines suæ, & non alterius diœcesis. Sin autem etiam in illa diœcesi referuata sint; tunc solus Episcopus, vel qui ab ipso potestatem habet, peregrinos à referuatis absolvere poterit. Idēque dicendū, tametsi peccatum referuatū non sit in diœcesi, vbi peregrinus domicilium habet, sed solum in diœcesi, vbi confitetur: quia, vt suprā dictum, peregrinus iudicatur,

indicatur, & absoluitur secundum consuetudines eius diœcesis, in qua iudicio se submittit, cum tacito consensu Episcopi proprii. Id vero salubriter statutum est ordinat. General. Præp. Soc. c. 6. n. 6. de Religiosis eiusdem Societatis iter agentibus, si ad Collegium, vel domum diuertant, ut ordinarius Collegij Confessarius eos à peccatis reservatis absolvere possit: aut, si is haberi nequeat, quilibet alius Societatis Sacerdos approbatus: aut, si is quoque desit, etiam externus, tamen cum onere, & obligatione, ut se sistant postmodum Superiori suo, ad quem ituri, vel redituri sunt, eique, aut alteri de eius licentia, confiteantur. Si verò accadat, ut aliquis tanquam hospes sit in aliquo Collegio, diu tamen (puta spatio vnius, aut alterius circiter mensis) ibi moraturus, si is eo tempore in casum aliquem reservatum incideret, poterit, ac debeat absolui à Superiore illius loci, in quo est: vel de eius licentia, tanquam si proprius esset eius subditus, sine obligatione sistendi se Superiori eius loci, ad quem propriè pertinet.

11. Assertio quinta. Quicumque ordinariam iurisdictionem habent, ut Papa, Episcopus, eiusque generalis Vicarius, Parochus, & Ordinum Prælati, ij possunt alteri Sacerdoti delegare potestatem Confessiones audiendi, si cuti constat ex cap. cum Episcopus de Officio Ordinarii, in 6. & cap. omnis vtriusque, de poenitent. & remiss. vbi præcipitur, ut fideles confiteantur Sacerdoti proprio, id est, ordinario, qualis est Parochus, Episcopus, Papa: vel confiteantur alieno, id est, alteri non ordinario, tamen cum licentia, seu commissione proprii, ut bene explicat Gab. in 4. d. 17. q. 2. princip.

Porro in hoc iure delegandi Papa haud dependet ab Episcopis: neque Episcopus dependet à Parochis. Nam sicuti Parochianos, in scio & invito Parocho, absolvere potest Episcopus: & diœcesanos quoslibet, in scio & invito Episcopo, absolvere potest Papa: ita non minus eandem potestatem alijs delegare possunt, sicuti constat ex Clem. dudum, de sepult. extrauag. 1. eod. tit. quæ est Benedicti XI. & extrauag. vas electionis, de hæret. quæ est Ioann. XXII. & ostendit S. Thom. in 4. d. 17. q. 3. a. 3. q. 5. ad 3. & 4. Richard. ibid. a. 3. q. 2. Scotus quæst. 1. a. 3. Durand. quæst. 12. Palud. q. 4. art. 3. Maior quæst. 7. prop. 5. Marfilus qu. 22. art. 1. dub. 1. resp. ad 1. Alexander Aletensis p. 4. quæst. 78. mem. 1. art. 3. S. Anton. p. 3. tit. 22. cap. 6. §. 15. Nauar. cap. placuit, numer. 57. dist. 6. de poenit. & lib. 5. consil. 30. de poenit. edit. 2. Adrian. in 4. de Confess. quæst. 5. Eaque veritas confirmari potest ex c. in his, de privilegijs, vbi Honorius III. valde miratur, quòd aliquis privilegium à Sede Apostolica Mendicantibus concessum, super altari viatico quouis loco celebrandi, nimis stricte interpretari conentur: quasi id ipsum sine Ordinariorum licentia præstare non possint: cum tamen talis interpretatio Apostolicum privilegium omnino euacuet: quandoquidem etiam sine eo ita celebrare potuissent (ante Tridentinū Concilium) si Episcopi licentia accederet: quem argumentationis modum similiter in proposito nostro procedere, manifestum erit consideranti.

12. Assertio sexta. Qui habet tantum delegatam potestatem Confessiones audiendi, non potest alteri subdelegare. Ita Doctores omnes, & sumitur ex l. vlt. ff. de officio eius, cui mandata est: l. more, ff. de iurisdic. omnium Iudicum, l. à Iudice, Cod. de iudicijs, c. cum causam, de appellat. quibus locis vniuersim dicitur, *delegatum subdelegare non posse*. Ratio est, quam affert Abb. in c. cum Bertoldus, num. 23. de sent. & re iudicata. Quia delegatus non potest agere ultra id, quod ipsi concessum est: conceditur autem illi tantum facultas vtendi siue exercendi iurisdictionem: non item alteri committendi: quia hæc duæ facultates diuersæ sunt, ut vna alteram secum non trahat: quia simili ratione vsuarius ius quidem vtendi habet, sed non alteri concedendi: id enim ad proprietarium pertinet.

Excipitur primò: Si Ordinarius permittat delegato non tantum potestatem iudicandi, &c. sed etiam subdelegandi, saltem ipsius delegantis nomine, sicuti ex Bartoldo tradit Abb. n. 24. & videri potest Sanchez li. 3. disp. 31. n. 6. Et verò id specialiter ipso iure concessum est delegato Principis, puta Papæ, Imperatoris, Regis, ut causam sibi demandatam alteri subdelegare possit, si partes consentiant, cit. l. à Iudice, & cit. c. cum causa, c. quamuis, c. pastoralis, c. vlt. de offic. delegati, vbi id limitatur, nisi personæ industria speciatim delecta esse videatur, uti fieri solet in causis grauib, puta matrimonialibus, quippe quæ solis Episcopis, eorumve Officialibus ex Curia committi solent, sicuti notauit Abb. in cit. c. si pro debilitate, n. 4. eod. tit. Præterea si cui commissum fuerit *crimen predicare, excommunicare, vel absolueré aliquos, vel dispensare cum irregularibus, vel iniungere poenitentias, non potest alteri demandare*: quia in his non plena iurisdicção, sed sola eius executio à Papa commissa censi debet: nisi sit Legatus ex Curia destinatus, citat. cap. vlt. §. cæterum.

Excipitur secundo: Si alicui demandata sit vniuersitas causarum, ita ut quasi ordinario munere fungatur, in iudicandis omnibus causis certi generis, aut in certo loco, sicuti notauit Gl. in cap. cum causam, ver. delegatus, de appellat. & Gl. in citat. l. à Iudice, ver. non habet, Abb. in cap. cum Bartoldus, n. 19. de sentent. & re iudic. & alii cõmuniter, apud Sanchez cit. disput. 31. num. 2. ducto argument. ex l. 1. §. ab eo, ff. quis, & à quo appelletur, & clariùs ex l. legatus, ff. de offic. Proconsul. ex l. cum Prætor, de iudicijs, is quoque cui mandata est ff. (à Proconsule) iurisdicção, Iudicem dare potest.

Duobus autem modis demandatur alicui iurisdicção ad vniuersalitatē causarum, ut eam quasi ex officio exercere, & interdum alteri subdelegare possit. Primò, si alicui delegetur iurisdicção, ut sit in privilegium perpetuum, ratione dignitatis, aut officii sui: tunc enim talis potestas iurisdictionis censetur quasi ordinaria, secundum Gl. receptam in cap. vlt. ver. casibus, de offic. Ordinari. & annotauit Nau. cap. 27. n. 45. Ludou. Beia p. 4. casu 5. in fine, Henriq. lib. 6. c. 7. num. 3. Exemplum habes in Synodo Trident. sess. 24. cap. 6. vbi Episcopis committitur potestas dispensandi in irregularitatibus ex delicto occulto prouenientibus. Atque hinc resoluunt Rodriquez to. 1. regul. qq. quæst. 21. a. 9. Beia cit. loco. Si Episcopus Parocho, vel Prouincialis Guardiano committat facultatem absoluedi subditos à casibus reservatis, posse illos eiusmodi potestatis executionem alteri delegare: non ita generatim, sicuti ipsis commissa est, sed particulatim in certo casu, vel ad certam personam absoluedam: v. g. si Parochianus à Parocho, vel Regularis à Guardiano petat, ut plenam, quam ipse habet, absoluedi potestatem suo Cooperatori, vel Monasterii Confessario concedat. quam tamen doctrinam intelligendam puto, si tale absoluedi privilegium concessum sit ratione officii in perpetuum: secus, si sit privilegium personale ob hominis industriam datum.

Secundò: si alicui committatur vicarium officium, cui iurisdicção annexa est: puta officium Parochi absentis, vel nondum Sacerdotis: item vicaria gubernatio vrbis. Tales vnā, vel alterā causā particularem alteri subdelegare possunt, sicuti notauit Henr. l. c. Sanc. n. 15. Coninck d. 8. du. 4. Rectè tamen docet Syl. ver. Vicarius, q. 5. Nau. in c. placuit, n. 69. d. 6. de poen. Si Vicarius, v. g. alicuius parochiz officium suum solus explere non possit, concessum illi esse, ex præsumpta voluntate Ordinarii, seu delegantis, ut certum exercitium iurisdictionis, aut pastoralis officii alicui etiam generatim committat: v. g. audias Confessiones Parochianorum, quicumq; ad te accesserint. Quāuis nō possit integrū officium Vicariæ suæ: ideòq; nec potestatem subdelegandi alteri committere. Quod breuiter his verbis tradi potest: *Vicari⁹ seu vicarius Cooperator ad discere potest, nō*

autem alterum Vicarium: Excepto, si consuetudo id permittat Vicariis, ut non minus quam Parochi ordinarii, si eos ad breue tempus abesse contingat, Vicarium suo loco substituere possint: quia *instituens Vicarium*, inquit Syl. & *sciens talem consuetudinem, implicite consentit in talem substitutionem*. Idemque docent Adrianus in 4. de Confess. q. 5. dub. 2. Sanch. l. cit. Chapeauille tr. de modo ministr. sacram. tempore pestis, c. 6. q. 2. ubi ait, id ubique observari, ut vicecurati ad tempus absentes, alteri Sacerdoti munus pastorale delegant; idque maxime pestis tempore observandum esse.

Exinde colligitur, cur neque Regulares, quibus à Papa vniuersim demandata est facultas fideles omnes absolueri à peccatis, & censuris, neque Parochorum Cooperatores, quibus generatim delegata est facultas Parochianorum Confessiones audiendi, eorum matrimonio assistendi, &c. cur, inquam, talem facultatem alteri subdelegare nequeant. Quia ipsis simplex & nuda iurisdictio in ordine ad certum exercitium absolueri, vel assistendi, & non integrum officium iurisdictionis committitur, argum. c. vlt. §. vlt. de offic. Iudicis delegati, iun. Gl. & bene notauit Coninck cit. dub. 4. nu. 25. Quocum non pugnat, quin Parochus, aliisque Ordinarius specialiter committere possit Cooperatori, aut delegato suo, ut alterum substituere queat, nomine & autoritate delegantis, sicuti supra dixi, & docet Gl. & Doctores in cap. is cui, de offic. delegati, in 6. Sanchez citat. disput. 31. nu. 18.

15 Restant quæstiones aliquæ circa iurisdictionem delegatam. Prima. Qualis consensus requiratur ad iurisdictionem in foro Pœnitentiæ alteri demandandam? Respondeo; Requiritur actuale delegantis consensum, eumque signo aliquo manifestatum. Ita ex communi Suarez disp. 26. sect. 1. Coninck disp. 8. dub. 5. Prior pars probatur: Quia delegare iurisdictionem, est actus voluntatis eius hominis, qui potestatem habet: ergo sine actuali voluntate ipsius non confertur alteri iurisdictio: sine iurisdictione autem irrita est absolutio in pœnitentiæ foro. Altera pars probatur: Quia delegatio iurisdictionis (sicuti & aliæ concessionis) fieri debet modo humano & sensibili, ut ab altero cognosci, & acceptari possit: ideoque non sufficit mera voluntas interna: sed eam verbo, scriptura, aut facto sufficienter manifestatam esse oportet.

16 Deinde non sufficit, quod Ordinarius absolutionem Sacerdotis postea ratam habiturus sit, sicuti rectè docent Henricus quodlib. 8. quæst. 28. Palud. in 4. d. 17. q. 3. a. 3. in fine, Sylæster ver. Confessor, l. q. 6. dicto 8. Nauar. cap. 9. man. num. 6. & in c. placuit: num. 103. d. 6. de pœn. num. 6. Tol. lib. 3. cap. 10. Suar. & Egid. ll. cc. Sanch. lib. 3. disp. 35. num. 24. Nam sacramentum Pœnitentiæ inualidè confertur ab eo, qui iurisdictionem actualem non habet: Sacerdos autem absoluens spe futuræ ratihabitionis, caret iurisdictione: quia ut supra dixi iurisdictio delegata non acquiritur sine consensu delegantis, quem tempore absolutionis delegans non habet: cum rem ignoret: Ergo absolutio illa inualida est, Neque verò ratihabitionis subsequens efficere potest, ut absolutio antea data conualecat: quia valor sacramentorum pendere non potest à futuro euentu contingente. Ponamus enim Pastorem ordinarium, re postea cognitâ, non consentire: Ergo inualida fuerat absolutio: quia à non iudice data; siquidem iurisdictio per se, & intrinsecè ad valorem huius sacramenti requiritur. Quare rectè concludit Nauar. cit. num. 103. *Sacramentum, quod ab initio nullum est, nulla ratihabitione, etiâ Papa, validum fieri potest. Et Sanchez lo. ci. Si consensus, & approbatio requiruntur ad valorem & substantiam sacramenti, non sufficit ratihabitionis subsequens.* Idemque eadem ratione sentiendum est de presumptione consensus præsentis; quæ, licet rationalis sit, tamen nihil confert ad valorem sacramenti, si re ipsa consensus signo quocumque decla-

ratus, & consequenter iurisdictionis commissio defuit, sicuti bene explicat Medina quæst. 31. corol. 2. Cod. de Confess.

Obiicies: Potest aliquis uti re aliena ex voluntate domini rationabiliter præsumpta: Ergo similiter Confessiones audire ex voluntate Superioris rationabiliter præsumpta. Respondeo, distinguendum esse inter id, quod licitè fit, & quod validè. Qui enim re aliena bona fide utitur, eamve alienat, putans esse domini voluntatem, cum non sit, à culpa quidem liber est: sed alienatio plerumque irrita: quare domino restitutio fieri debet, quatenus res adhuc extat. Sic etiam, qui Confessiones audit, rationabiliter existimans, Pastorem non tantum scire, sed & consentire: culpa quidem immunis est, si habeat quasi moralem certitudinem, qualis omnino hic requiritur, ob honorem sacramenti: attamen, si re ipsa consensus absuit, inualida est absolutio: quia defuit iurisdictio, quæ sine actuali Pastoris consensu non acquiritur.

Insuper duplex discrimen aduerto inter assumptionem rei alienæ, & absolutionem peccatorum ex præsumpta voluntate. I. est: quod re aliena utens, vel eam absumens, rationabiliter sibi persuadens, si dominus sciret, omnino sensurum esse: nihil delinquere videtur. Qui verò ex tali præsumptione Confessiones audit, grauiter peccat, & sacramentum irritum est; quia ad valorem huius Sacramenti requiritur actualis iurisdictio, quæ sine actuali consensu conferentis non acquiritur. II. Qui re aliena utitur, eamve alienat, rationabiliter existimans, dominum postea rem ratam habiturum, non solum non peccat, sed etiâ ratihabitionis subsequens confirmat actum priorem, iuxta reg. 10. in 6. *Ratihabitionem retrahit, & mandato non est dubium equiparari.* Alia verò ratio est de sacramento Pœnitentiæ, in quo Sacerdotis iurisdictio: sicuti & eiusdem intentio tunc adesse necessariò debent, cum sacramentum perficitur sine illius materia & forma applicantur.

Ex dictis colligitur primò cum Sanchez cit. disp. 35. traditam doctrinam pari modo locum habere in sacramento Matrimonii, ad cuius substantiam post Concilium Trident. requiritur præsentia Pastoris ordinarii, vel alterius Sacerdotis de licentia Ordinarii: Cum enim licentia requisita ad valorem actus necessariò antecedere debeat, l. si quis mihi, §. iussu, ff. de acquir. hæred. consequens est, quod sola spes ratihabitionis postea futuræ: vel falsa existimatio, seu præsumptio consensus præsentis, non sufficiat ad præstandum matrimonii valorem. Aliud verò dicendum est de Sacramentis reliquis, quippe ad quorū administrationem non requiritur consensus Pastoris ordinarii, ita ut sit de substantia actus: sed solum ut debitus ordo in Ecclesia seruetur: ad quod sufficit plerumque rationalis præsumptio præsentis consensus, aut ratihabitionis secuturæ.

Secundò colligitur: Si alicui, dum in ecclesia Confessio nes audit, asseratur casus reservatus, à quo ipse absolvere non possit, neque etiâ ad Superiorem accedere, non ideo iurisdictio seu potestatis absolueri à tali peccato requiritur, quia Superior, si sciret, facultatè daret: vel postea libenter daturus esset. Verumtamen si consuetudo sit in aliqua v. g. Religione, ut Sacerdotibus destinatis ad multorum peregrinorū Confessiones audiendas, Superior pleniorè facultatè absoluendi tribuat: etiâ si aliquis, antequam abiret, oblitus fuerit licentiâ maiore petere, nihilominus ea uti poterit ob præsumptionem, quod Superior implicite habuerit voluntatem conferendi, quam ipso facto ostendit, cum eum destinauit missioni, cui peragenda ordinariè conferri solent speciales absolueri facultates.

Ad extremū addo, valde probabile, quod docet Sanc. l. i. mor. c. 9. n. 35. Eos, qui bona fide peccata sua Sacerdoti iurisdictionem falsò prætendenti confitentur, si veniale aliquod peccatum, vel mortale antea legitimè in Confessione explicatum absolutioni subiiciant, indirectè etiam eos absolui ab omnibus aliis peccatis, in quæ simplex ille Sacer-

Sacerdos nullam iurisdictionem habet : attamen cum onere , vt si postea defectum Confessarii resciant , mortalia peccata iterum per Confessionem directæ absolutioni legitimi Confessarii subiicere cogantur.

SECUNDA QVÆSTIO. Si Pastor inferior à superiore , puta Parochus ab Episcopo , Guardianus à Præuinciali accepit generalem facultatem absoluendi subditos à casibus referuatis : & postea ipsemet in eiusmodi peccatum incidat , vtum vi sui priuilegii , alteri Sacerdoti , seu Confessario suo committere possit potestatem absoluendi seipsum : Negat Ludou. Beia par. 4. casus. Nā iurisdicō delegata non extenditur vltra personas in delegatione expressas , c. P. & G. de off. delegati. & notat Gl. in c. 1. ver. processus , de rescript. in 6. Atqui in hac delegatione , seu priuilegio exprimuntur tantum subditi : Ergo non debet extendi ad eorum Pastorem , puta Parochum , Guardianum , &c. cui tale priuilegiū concessum est.

17 Sed contrarium est probabilius , quod docet Rodriq. lib. 1. reg. qq. quæst. 21. a. 8. Sanch. l. 8. de matrim. disp. 3. n. 10. & lib. 4. moral. cap. 37. n. 41. Si alicui , ratione officii sui delegata sit potestas absoluendi , aut dispensandi cum tota Communitate , seu omnibus suis subditis : ita , vt illi sit quasi ordinaria , eamque in casu particulari alteri subdelegare possit , iuxta ea , quæ suprā dixi , n. 12. excep. 2. tunc concessum etiam esse , vt talem potestatem absoluendi , &c. Confessario suo committat , exercendam erga seipsum , si tali absolutione indigeat , excepto , si vel ex consuetudine , vel aliunde constet aliam esse delegantis voluntatem. Probatur ex declaratione Cardinalium apud Suar. disp. 30. s. 2. *Si Episcopus in aliquod delictorum , de quibus in Trident. s. 24. c. 6. lapsus sit , licitum esse , ad se absoluendum , proprium Confessarium deputare , cum eadem auctoritate , quam ipse posset ex eodem capite in sibi subditos exercere. Quæ declaratio sola æquitate nititur : quia non decet Episcopum peioris conditionis esse , quā in subditos : hæc autem ratio eodem modo vrget , si Episcopus Parochus v. g. generalem potestatem conferat Parochianos à casibus episcopalibus absoluendi. Accedit , quod Papa tribuens Episcopo generalem facultatem Diocesanos à casu Papali absoluendi : & similiter Episcopus tribuens Parochus generalem facultatem absoluendi Parochianos à casu episcopali censeatur auferre reservationem , respectu talis diocesis , vel parochiæ. Cum igitur iure , quo hodie vtimur , perinde Parochi , sicuti Episcopi , alique Prælati exempti idoneum Confessarium sibi deligendi ius habeant , consequens est , eos omnes absolui posse ab eiusmodi casu , tanquam qui eo loco Superiori referuatus non sit , sicuti Suar. notauit ci. s. 2. n. 15.*

Ad fundamentum contrariæ sententiæ respondetur : Si potestas alicui delegetur respectu certarum personarum , non esse extensionem faciendam ad alias : si autem delegetur potestas respectu omnium subditorum seu totius Communitatis , ex quadam æquitate censeretur etiam comprehensum ipsum Pastorem Communitatis. Quam interpretationem merito facimus in re fauorabili , cuiusmodi est hoc Principis beneficium , casuum reservationem auferens.

18 TERTIA QVÆSTIO. Quomodo intelligendum sit priuilegium concessum Confessariis Ordinum Mendicantium , absoluendi quoscunque Christi fideles , auditis eorum Confessionibus , à quibuscunque peccatis , & à quibuscunque sententiis , censuris , ac pœnis Ecclesiasticis : exceptis , quæ in Bulla Cœnæ Domini continentur ? Respondeo , & dico I. Potestas hæc extendit se ad absolutionem à peccatis omnibus , & quibuscunque inde secundum iuris constitutiones resultantibus censuris , sententiis , aut pœnis Ecclesiasticis , exceptis casibus Bullaribus. Vbi imprimis nota : Hoc priuilegio nullam concedi facultatem super irregularitatibus ; quia illæ non per absolutionem , sed per dispensationem tolluntur : cum non tamen pœnæ sint , quā canonica impedimenta. Secundò : Vi

huius priuilegii non tantum censuras propriè dictas , quæ ob contumaciam inferuntur , per absolutionem tolli possent : sed etiam suspensiones , & interdicta iuris , quæ ob delictum merè præteritum imposita , seu ad tempus puta biennium , triennium , in perpetuum , & sine spe remissionis , qualis perpetua suspensio , vel potius depositio à Pio V. lata est in exercentes sodomiam , qui , si occulti sint , ab Episcopis absolui possunt ex commissione ipsi facta in Trident. sess. 24. capite 6. de reform. & à Confessariis Ordinum Mendicantium , virtute dicti priuilegij.

Dico II. Huiusmodi amplam absoluendi potestatem 19 Summus Pontifex concedit & delegat Ordini : vt proinde Prælati Ordinum committere eam possint iis Sacerdotibus suis regularibus , quos ad hoc munus idoneos iudicant , sicuti colligitur ex Clem. dudum , §. statuimus , de sepult. & docet Palud. in 4. distinct. 17. q. 4. a. 3. concl. 5. ver. sed dicendum , Rodriq. tom. 1. regul. quæst. 60. ar. 3. Henriquez lib. 6. cap. 6. num. 6. lit. v. Ludou. Miranda in man. Prælat. tom. 1. quæst. 45. a. 12. Llamas p. 1. methodi , c. 7. §. 4. vbi bene admonet : Sacerdotes Religionum Mendicantium ad dictam facultatem consequendam , præter approbationem Episcopi , opus habere consensu Prælati vel Capituli , iuxta cuiusque Ordinis consuetudinem . Si quidem Episcopus tam amplam iurisdictionem audiendi Confessiones omnium fidelium , vndeunque accedentium , eosque à censuris , etiam referuatis , absoluendi dare non potest : sed eam Confessarii Mendicantium Ordinum à Summo Pontifice , cum dependentia à consensu & voluntate Prælatorum suorum , accipiunt.

Ex quo sequitur , quod iidem Prælati Regularibus suis semel approbatis & expositis , iurisdictionem ob causam , etiam non notoriam , iterum auferre possint : quanquam si Prælatus alicui Confessario suo interdicat , ne Confessiones audiat , non ideo statim existimandus est , iurisdictionem auferre velle , sed efficere sua prohibitione , vt illicitè exerceatur , non vt inualidè , nisi vel contrarium exprimat , vel ex circumstantiis , aut causa , propter quam prohibuit aliud præsumi debeat : puta si ob infirmitatem eum ab officio suspendit , aut deposuit. Quæ de re Henriq. l. c. Rodr. a. 2. Miranda art. 13. vbi tamen bene admonet , si talis suspensio publicè notoria non sit , absolutiones , quæ à semel legitima , auctoritate exposito conferuntur , validas censendas esse , propter ea , quæ dixi l. 1. tr. 4. c. 22. n. 9.

Sed dubitabit aliquis ; Vtrum regularis Sacerdos , qui ab Ordinario est approbatus ad audiendas Confessiones id diocesis , in scio , vel inuito Prælate Ordinis , vt possit saltem ea potestate absoluendi pœnitentes , quam ipsi Episcopus , alijsve ordinarius delegat ? Respondeo cum Miranda cit. art. 12. Quamuis Regulares talem facultatē licitè exercere non possint : cum in omnibus à Prælatorum suorum voluntate , & imperio dependant : tamen absolutiones validas fore : cum omnia requisita ad Ministerium huius sacramenti adsint , videl. Ordo sacerdotalis , approbatio Episcopi , & iurisdicō delegata. Excipe : Nisi in Religionibus recepta sit Constitutio Iulij III. facta ad instantiam Generalis Ordinis prædicatorum , qua eiusmodi absolutiones irritæ declarantur , apud Mirandam lo. cit.

Dico III. Priuilegio illo absoluendi omnes fideles non comprehenduntur Religiosi , quibus secundum propria statuta , extra suum Ordinem , aut alteri , quā illi , quos Prælatus ad hoc munus destinauit , confiteri permissum non est. Ita ex communi notauit Rodr. t. 1. quæst. 62. a. 4. & Compendium priuileg. Societ. Iesu ver. absolutio , §. 1. Cuius ratio est : Quia per priuilegium generale non censetur derogari consuetudini , vel statuto particulari , nisi id exprimat. Porro de Religiosis iter facientibus vtum alieno Sacerdoti confiteri possint : & num cuicunque exposito , regulari , vel seculari , an verò alicui sui Ordinis Sacerdoti ,

ei; qui in Monasterio, vel Collegio, vbi hospitantur, pro Confessionibus Regularium expositus est, confiteri debeant, id ex cuiusque Ordinis consuetudine, vel Prælatorum voluntate iudicandum est; quod de Rodriq. q. 62. a. 5. & Llamas p. 1. Meth. c. 5. §. 14. Hoc vero in omnibus Ordinibus receptum esse videtur, si plures eiusdem Ordinis Religiosi peragere mittantur, quod unus alteri, qui Sacerdos est, & Confessiones audire solet confiteri possit. Deinde, si Religiosi, præsertim Sacerdotes iter faciant, aut extra Monasteria aliquandiu morentur in loco, vbi copiam non habent Confessarii Ordinis sui, præsumpta licentia Prælati confiteri plerumque possunt alteri Sacerdoti regulari, aut seculari: saltem ea peccata, quæ in Ordine illo reservata non sunt, vti docet Rodr. cit. articulo 5.

Dico IV. Virtute illius privilegii, prælati Ordinum subditos regulares, imò etiam Ordinis sui aduenas, seu hospites absoluerè possunt ab omni excommunicatione aliave censura particulatim non inflicta: quamvis aliquin Sedi Apostolicæ reservata sit. Ita docet Eman. Rod. t. 1. reg. qq. q. 20. art. 4. ex Bulla Martini V. relata in art. 2. Additque Rodriq. a. 8. eiusmodi privilegium absolueri ab omni censura, etiam Sedi Apostolicæ reservata, extendendum esse ad censuras, quæ futuro tempore reservabuntur, iuxta doctrinam Glossæ in cap. quia circa, de priuilegiis. Quod privilegium indefinitè concessum, si alteri non onerosum: sed merum beneficium Principis est, ample accipiendum, & ad futura etiam extendendum sit.

Verum non leue dubium est, vtrum Confessarii Mendicantium potestate illa absolueri à censuris, etiam extra sacramentum Pœnitentiæ, siue erga eos quoque, qui ipsis sacramentaliter non confitentur, vti possint? Negare videtur Suar. t. 5. disp. 7. sect. 5. n. 36. & Nauar. in man. cap. 26. num. 31. Probant ex verbis Sum. Pontificis, dantis facultatem absolueri quoscunque Christi fideles, eorum confessionibus diligenter auditis, à quibuscunque peccatis, &c. & à quibuscunque sententiis, censuris.

Sed contrarium probabiliter docent idem Nau. lib. 5. conf. n. num. 2. de priuilegiis. edit. 2. Henr. lib. 7. c. 13. n. 2. & ca. 27. 30. num. 6. Rodriq. q. 61. a. 7. Auila p. 2. de censuris, cap. 7. dub. 13. Coninck. disp. 14. dub. 16. n. 253. & ipsemet Suar. de legibus, lib. 3. cap. 6. n. 15. & 16. vbi ait: Etsi privilegium loquatur tantum de foro pœnitentiali, non tamen necessario restringendum esse ad forum sacramenti: cum vinculum alicuius censure in foro conscientie tolli possit, iniuncta pœnitentia salutari, sine absolutione sacramentali. Ratio autem horum est: Quia privilegium, siue gratia à Principe data, interpretandum est secundum naturam rei, quæ conceditur: atqui absolutio ab excommunicatione, aliave censura non dependet à peccatis: potest enim aliquis absolui à censura in conscientie foro, vt interim non absoluat à peccatis: quomodo certum esse ait Auila, Parochos ab excommunicatione non reservata absoluerè posse. Idemque fateatur Suar. cit. disp. 7. sect. 4. num. 19. Henr. c. n. 2. in comment. lit. o. Ergo idem præstare poterunt delegati: nisi ipsis potestas limitetur, qualis tamè limitatio in dicto privilegio nulla apparet. Quia verba eius ita intelligi debent accommodatè, vt singula singulis respondeant, secundum naturam rei subiectæ: ideoque absolutio à peccatis requirat antecedentem peccatorum Confessionem: non item absolutio à censuris: siquidem ab his absoluerè ordinariè non solemus audita prius Confessione. Confirmatur ex eo, quod frequentissimum est, vt Confessarii, etiam delegati, separent absolutionem à censura, & absolutionem à peccatis: vt v. g. Prælati à censura absolutum ad alterum sui Ordinis Confessarium pro Confessione faciendâ mittat: vel idem Sacerdos hodie à censura absoluat, post aliquos verò dies magis dispositi Confessionem excipiat.

His adde, quæ dicta sunt, multò magis locum habere in dispensationibus super irregularitate, voto, iuramento, petitione debiti: quarum facultates si Confessariis alicuius Ordinis delegatæ sint, non rectè inde inferitur, quod eas extra sacramentum Pœnitentiæ exercere non possint: quandoquidem à sacramentali absolutione nullo modo pendent. Nota autem, quod dixi multò magis: Nam Confessarii Mendicantium sine scrupulo possunt, ac solent v. g. dispensare in votis, debiti petitione, vel irregularitate sine ordine ad sacramentalem Confessionem: at verò non facile solent aliquem absoluerè à censura, aliave pœna Ecclesiastica ex peccato resultante, nisi vel audita eius Confessione, vel saltem cum ordine ad Confessionem mox instituendam: quia id tutius, consultius, & visitatius est.

Quarta quæstio. Vtrum iurisdictio ab Ordinario, puta Papa, Episcopo, aut Parocho alicui delegata ad Confessiones audiendas, illo mortuo, vel deposito expiret? In qua quæstione imprimis distinguendum est inter delegationem generalem atque indeterminatam, & specialem respectu certarum personarum. Quod attinet ad primam, videri alicui posset cum Palud. in 4. d. 17. q. 4. a. ult. concl. 7. 5. Anton. p. 3. ti. 17. c. 9. in fine, Philiarcho to. 1. de offic. Sacer. p. 2. l. 2. cap. 24. in fine, quod facultas audiendi Confessiones, vel absolueri à casibus reservatis (præsertim talis, quæ alicui non ratione officii conceditur: ideoque in quasi ordinariam non transit (mortuo concedente extingatur: quia etiam iurisdictio in foro externo contentiosa, quamvis generatim, seu ad vniuersitatem causarum alicui delegata, mortuo delegante expiret, sicuti ex communi docet Abb. in c. relatum, num. 7. de officio & potest. Iudicis delegati, ducto arg. ex c. ne aliqui, de hæret. in 6. vbi fauore Fidei specialiter decernitur, vt officium Inquisitorum hæreticæ prauitatis, non expirat per mortem Pontificis committentis: etiam quoad negotia nondum cœpta.

Sed contrarium asserendum est cum Nauar. cap. pla-22. cuit, num. 162. & seq. distinct. 6. de pœnitent. Henriquez lib. 6. cap. 6. num. 7. Sa ver. gratia, num. 4. Sanchez lib. 8. de matrim. disp. 28. num. 72. ducto argument. ex cap. si cui, de præben. in 6. in quo habetur, si cui, nulla personarum facta expressione, gratiosè concessa sit facultas in certa Ecclesia personis idoneis prouidendi beneficia huiusmodi facultatem, etiam re integra, non expirare per mortem concedentis: cum sit gratia, seu privilegium principaliter concessum in fauorem privilegiati. Eadem verò ratio est de facultate audiendi Confessiones alicui Sacerdoti generatim, & absolutè concessa: quia licet remotè tendat in vtilitatem pœnitentiæ, sicuti & facultas prouidendi beneficia in vtilitatem prouidendorum: proximè tamen ac directè vtrique est gratia, fauor, & beneficium eius, cui talis facultas conceditur: gratiam autem seu beneficium Principi decet esse mansurum.

Neque refert, quod in dicto cap. si cui, & cap. si super. de offic. delegati in 6. & similibus iuribus sermo sit de facultate alicui delegata à Sede Apostolica: quia decisio eorum non nititur plenitudine potestatis Papalis, sed quod sit gratia facta absolutè ei, cui committitur. Quare æque id locum habet in alijs Ordinarijs, puta Episcopo imò etiam Parocho: si alicui Sacerdoti facultatem absolueri suos subditos absolutè concedant, sicuti docent DD. citati, contra Philiarthum c. c. 24. vbi ait: Inferiores Papa sine cognitione causæ, & consensu Capituli, non possunt in perpetuum concedere gratias, quæ praiudicant: cuiusmodi sunt facultates Confessiones audiendi, & Confessorem eligendi: quæ prouide eorum morte, vel amotione expirant. Id tamen nullo iure probat: neque ratio ipsi suffragatur: Cū enim huiusmodi facultates, iure ordinatio competat Episcopo, cur non possit alteri committere, & quidē sine Capituli consensu: quia per eiusmodi gratias nulli successori præ-

ri praeiudiciū affertur; quandoquidē is, si voluerit, gratiā, quandoque voluerit, reuocare potest, vti Sanchez l.c. notauit. Sed neque praxis huic sententiæ fauet: nam mortuo Episcopo, Pœnitentiarius, aliique Confessarii ab ipso expositi, pergunt facultate sua vti, donec à Capitulo, vel successore reuocetur: quin & Sacellanos, seu Cooperatores à Parochis ad audiendas Confessiones assumptos, iis mortuis, videmus suo officio fungi, donec à successoribus amoveantur, ait Agid. disp. 8. dub. 10. num. 72.

²³ Ad rationem in oppositum allatam resp. Esse id speciale in delegato ad iustitiam, siue iurisdictionē contentiosam, quod mortuo delegante, illius potestas expiret, si res integra sit; id est, delegatus nondum iurisdictione vti cœperit, sicuti habetur in c. sanē, c. relatum, c. gratum, c. licet vndique, de offic. Iudic. delegati. Cuius ratio est: quia iurdictio ad iustitiam alicui delegata habet rationem mandati, & non gratiæ; Mandatum autem expirat morte mandantis. Deinde delegatus ad iustitiam vices delegantis gerit, eiusque personam repræsentat, iuxta cit. c. sanē, & l. ult. ff. de officio eius, cui mandata est iurdictio. Cum ergo mortuo delegante, extinguatur iurdictio ipsius, consequenter etiam extinguatur in delegato: quia extincto iure auctoris, extinguatur ius acceptoris, l. lex vestigali, ff. de pignoribus, & docet Abb. cit. c. relatum, n. 6. Sanchez disp. 18. n. 30. ex c. quamuis, de offic. delegati, in 6. At verò delegatus ad Confessiones audiendas iudicium in foro Pœnitentiæ exercet non in persona delegantis: sed in Christi persona, & auctoritate, per ordinis potestatem. Deinde iurdictio absolute delegata ad Confessiones audiendas, non habet rationem mandati, sed gratiæ, & beneficii: cuius ius efficaciter acquiritur ipsi delegato, in eo que perpetuò manet, donec reuocetur.

Corollarium I. Si Episcopus alicui, v. g. Decano Ecclesiæ Collegiatæ, iurisdictionem in prima, vt vocant, instantia gratiōse concessit: vt si accessoria eius officio, illique quasi iure ordinario competens, non extinguatur morte concedentis: cum sit fauor, siue beneficium, quamuis à successore reuocari possit, si per modum meræ gratiæ, & non per modum contractus, aut transactionis concessum fuerat.

Corollarium II. Facultas alicui ab Episcopo, aliōve Prælato concessa eligendi Confessarium, non expirat morte concedentis: cum sit gratia, & priuilegium: non mera delegatio, seu mandatum. Ita Nau. cit. c. placuit, n. 163. Sanchez n. 74. Henriq. lib. 7. c. 21. n. 6. Sa ver. gratia, n. 4. contra Syl. ver. Confess. l. q. 7. Cord. l. 5. q. 36. Philarchum l. c.

Corollarium III. Idem pari ratione dicendum de alijs gratiis ab Episcopo concessis, v. g. suscipiendi ordines ab alieno Episcopo celebrandi in priuato oratorio: assistendi matrimonijs, vscendi ouis, & laicinijs in Quadragesima, vti docet Nau. cit. n. 163. Sanchez n. 76. Sairus t. 1. Thesauri, lib. 7. c. 14. n. 7. Quod verò attinet ad speciale commissionem absoluendi vnā, vel plures personas determinatas, distinguendum est, vtrum talis facultas concessa sit in fauorem absoluentis, an verò pœnitentis. Si primum, non expirat morte committentis: cum sit gratia, & beneficium, sicuti notauit Sanchez nu. 73. 81. ducto argum. à sensu contrario ex c. si cui, de præb. in 6. in fine: Secus, si super prouisione certæ personæ faciendæ, non ob suam: sed eius, cui prouideri mandatur, gratiam, vel fauorem illa quidem expirat omnino, si concedens re integra moriatur. Vbi Gl. communiter recepta ver. suam, generalem regulam tradit; Quando est gratia eius, cui scribitur, non expirat morte concedentis: secus, quando est alterius, pro quo scribitur.

Si verò secundum, quod plerumque accidit, & in dubio præsumendum est, quod rescriptum, vel commissio de danda absolutione, dispensatione, &c. personis

determinatis, in earundem seu orēm principaliter facta sit tunc iterum distinguere debemus; sitne commissio necessaria, habens se per modum præcepti, quæ non expirat morte mandantis, etiam re integra, sicuti docet Tabiena ver. gratia, §. 6. Suarez de censuris, disp. 41. f. 2. Henriq. l. 7. c. 21. n. 7. Rodriq. to. 1. q. 46. a. 7. Sanch. n. 87. Exempla habes: si Papa, vel Episcopus, alicuius supplicatione motus mandet inferiori Ordinario, vt supplicantem absoluat ab excommunicatione, à casibus reservatis, vel dispenset cum eo in impedimento matrimonij, in petitione debiti, in voto, vel iuramento: atque ante cœptam executionem moriatur is, qui mandauit, nihilominus executioni locus est. An verò sit delegatio voluntaria, quæ se habet instar facultatis, hæc enim expirat morte: committentis, si executio nondum cœpta sit, sicuti habetur expresse in verbis supra cit. c. si cui nulla. Ratio verò discriminis est; Quia in commissione necessaria, ius acquisitum est ei, qui absoluendus, aut quocum dispensandum est; ideoque est gratia facta per absolutam confessionem committentis: solumque exigitur executio Commissarii, quam is necessariò facere compellitur. At verò in commissione voluntaria nulli ius quasi-tum est; neque enim Commissario: cum non in eius fauorem delegatio facta sit: neque alteri; quocum v. g. dispensandum est: quia delegati liberæ voluntati relinquitur, vel itne dispensare, necne: ideoque est gratia faciendæ, & non factæ: quarum illa perit per mortem delegantis (nisi delegatio facta sit auctoritate sedis, seu dignitatis, quæ nunquam moritur) hæc verò non perit re integra, sicuti docet Gl. in cit. c. sicuti, ver. moriatur. Sanchez. n. 71.

CAP. XI.

De approbatione confessoriorum.

S V M M A R I V M.

- 1 Iure nouo Trident. approbatio Sacerdotum requiritur ad audiendas Confessiones secularium, etiam Sacerdotum, non item regularium personarum.
- 2 Etiam Doctores, & Licentiati in Theologia, aut iure canonico, ab Episcopis approbationem ad Confessiones audiendas petere debent.
- 3 Episcopus peccat: si sacerdoti idoneo approbationem sine causa iusta neget.
- 4 Non pauci D.D. existimant, Regulares Mendicantes si ab Episcopis repellantur, quando manifeste idonei sunt nihilominus ad secularium Confessiones audiendas exponi posse.
- 5 Clausula derogatoria generali non tollitur priuilegium contentum in corpore iuris.
- 6 Approbatio Sacerdotis semel collata, ob istam causam ab Episcopo reuocari potest.
- 7 Approbatio Sacerdotis, & delegatio iurisdictionis ad Confessiones audiendas inter se differunt.
- 8 Approbatus ab vno Ordinario, si ad aliam diocesi veniat, nonna approbatione indiget.
- 9 Spectato communi iure, eius Episcopi approbatio requiritur, in cuius diocesi Confessiones audienda sunt.

Nouo iure Trident. Concilij sess. 23. c. 15. de reform. ita decretum est: Nullum etiam Regularem, posse Confessiones secularium, etiam Sacerdotum, audire; nec ad id idoneum reputari: nisi ante Parochiale beneficium: aut ab Episcopis per examen, si illis videbitur esse necessarium; aut alijs idoneis iudicetur: & approbationem, quæ gratis detur, obtineat: priuilegijs, & consuetudine quacunque, etiam immemoriali, non obstantibus. Circa quam constitutionem sequentia annotanda sunt. Primum Regulares confiteri possunt cuique Sacerdoti, quem Prælati ipsis secundum Ordinis statuta constituerit, tamen si ab Episcopo approbatus non sit. Ita ex communi Nau. c. 4. n. 7. Spar. disp. 28. l. 4. n. 5. Sa ver. Confessor, n. 6. Rodriq. c. 1. reg. qq. qu. 62. a. 4. Coninck d. 8. dub. 7. nu. 48. Ratio est: Quia ante

Concilium Trident. Regulares poterant confiteri etiam non approbati ab Episcopo: à iure autem antiquo recedendum non est, nisi quatenus inuenitur expressum, l. precipimus, C. de appellat. c. 2. de translat. Episcoporum. Cum igitur in dicta constitutione nulla fiat mentio de Confessionibus Regularium, sed tantum secularium, satis colligitur, mentem Concilii fuisse, circa Regulares nihil in hac renouare: sed eos curæ ac vigilantia suorum Prælatorum permittere.

Corollarium. Si Prælati Ordinis facultatem det Regulari confitendi Sacerdoti cuicumque; voluerit, potest is eligere etiam ab Episcopo non approbatum: Sin verò Parochus diocæsano suo talem eligendi licentiam conferat, non poterit is confiteri Sacerdoti, nisi ab Episcopo approbatus sit. Ita intelligi debent, quæ disp. Nau. in c. placuit, n. 49. d. 6. de pœnit.

Secundum. Qui beneficium obtinuerunt, cui cura animarum annexa est, eo ipso ad Confessiones audiendas approbati censentur: vt proinde alia approbatione opus habeant.

Tertium. Quod aliqui dixerunt, inter quos Henr. l. 6. c. 6. n. 2. Llamas p. 1. methodic. c. 7. §. 7. Doctorem, vel Licentiatum in Theologia, aut iure canonico, ipso iure approbatum censi: id, nisi alicuius diocæsif consuetudine firmatum sit, nullam veritatis speciem habet: cum Concilium generalibus verbis vtatur, *Vt nullus Sacerdos &c. Vbi autem ius non distinguit, nec nos distinguere debemus*, l. de pretio, ff. de publiciana, iun. Gl. ib. Recte enim aduertit Rodr. t. 1. q. 59. a. 10. fieri interdum, vt licet aliquibus scientia non desit, cuius publicum testimonium habent: testimonium habent: desit tamen rerum experientia, & prudentia ad Confessiones audiendas. necessaria: cuius rei examen, atque iudicium Episcopo committitur. Equitatis tamen ratio postulat, vt tales, qui publicam approbationem habent, ob quam de eorum sufficientia magna præsumptio sit, examini nouo non subiciantur, vt notauit Gutierrez lib. 1. can. qq. c. 6. nu. 9. man. Prælat. t. 1. q. 45. a. 9. arg. Constit. Trid. sess. 7. c. 13. de ref. Vt præsentati, electi, aut nominati ad beneficia Ecclesiastica, non confirmentur, nec admittantur, nisi prius fuerint à locorum Ordinariis examinati, & idonei reperti: exceptis iis, qui ab Vniuersitatibus studiorum præsentati, aut nominati sint.

Quartum. Episcopus peccat, si Sacerdotibus dignis & idoneis approbationem sine iusta causa neget, multoq; magis, si legitime datam absque superueniente causa reuocet, sicuti ex communi docet Coninck cit. disp. 8. dub. 7. num. 53. Ratio est: Quia approbatio hæc non est gratia, seu priuilegium, quod ex libera voluntate concedentis dependet, sed est authentica declaratio seu testificatio, personam habilem, & dignam esse, cui iurisdictio ad Confessiones audiendas conferri possit: huiusmodi autem testimonium Sacerdotibus ad id ordinatis, si scientia, & prudentia instructi sint, iure debetur. Quod maxime locum habet in Regularibus Ordinum Mendicantium, à Prælati suis Episcopo præsentatis: quippe quibus ex Apostolicæ Sedis priuilegio competit fidelium quorumcunque Confessiones audire: ideoque ex Sum. Pontificis voluntate, ac tacito mandato, si idonei reperiantur, approbatio debetur.

Quamobrem multi DD. valde probabiliter docent nominatim Nau. c. 27. n. 264. Rodr. t. 1. q. 59. a. 2. & 10. Ludou. Mirandat. 1. man. Prælat. q. 45. a. 6. & 8. Finell. in casibus seruatis, c. 3. n. 3. Henr. ci. c. 6. n. 4. Si Episcopus Regulares Mendicantes à Prælati suis præsentatos, & manifestò idoneos sine causa reiciat: posse eos nihilominus ad Confessiones audiendas, etiam seculariū, exponi, sicuti habetur in Clem. dudum, §. statumus, de sepult. Quamuis contrarium sentiant Suar. d. 28. f. 5. n. 11. Coninck ci. d. 7. n. 28. eo quod Clementina illi à Tridentina constitutione derogatum videatur clausula illa, *priuilegiis non obstantibus*.

Sed respondent Nau. Miranda, Rod. ll. cc. Eiusmodi clausula derogatoria generali non tolli priuilegium speciale clausum in corpore iuris, vt notauit Gl. in Auth. Qua in prouincia, Cod. vbi de criminibus, &c. ver. *omni priuilegio*: cuius rationem esse dixi in l. 1. t. 4. c. 23. q. 4. n. 26. Quia correctio iurium vitanda, & iura iuribus, si fieri possit concilianda sunt: quare in generali derogatione non censetur comprehensum priuilegium speciale clausum in corpore iuris, si ob specialem rationem exceptum videri possit, qualis ratio omnino hæc apparet, arg. cap. 1. de supplenda: negl. Prælatorum.

Porrò ex iusta causa superueniente, potest Episcopus approbationem semel datam reuocare, arg. c. accepimus. 6. de etate, & qualitate ordinandorum, ibi: *nisi forte, post quā promoti fuerint, reddiderint se indignos*: multo que magis Episcopi approbantis successor, si res postulare viceatur, nouo instituto Confessariorum examine, eisdem denuo approbare: vel, si ita necesse sit, reprobare: vt tum securitati conscientia ipsius, tum verò ouium commissarum saluti prospectum sit. Qua de re vide motum proprium Pij V. 135. qui incipit *Romani pontificis*, Suar. d. 28. f. 8. n. 4. & Mirandam in man. Prælat. ci. q. 45. a. 7.

Quintum. Quod ex dictis colligitur, distinguendum esse inter approbationem, & delegationem iurisdictionis. 7. Quia vt recte ait Llamas p. 1. methodi, c. 6. §. 5. *Approbatum Ordinarii iudicio, siue sufficiens declaratus, non eo ipso iurisdictionem recipit: approbatio enim est actus intellectus, utpote iudicium, siue sententia: Traditio autem iurisdictionis debet esse actus voluntati Superioris*. Porrò iurisdictionis in foro Pœnitentiæ interdum committitur Sacerdoti, simul cum approbatione: puta si Episcopus aliquem exponat, seu mittat ad Confessiones audiendas, eo ipso approbare illum cœsetur, vt notauit Coninck cit. dub. 7. n. 49. Interdum verò iurisdictionis alicui demandatur ante Episcopi approbationem, sed dependenter ab illa, tanquā conditione sine qua non: v. g. si Parochus Sacerdoti, in Cooperatorum assumpto, facultatem det, cum primum ab Ordinario approbatus fuerit, Confessiones suorum subditorum audiendi. Qua etiam ratione Regulares à Summo Pontifice iurisdictionem in foro Pœnitentiæ accipiunt, quamprimum à suis Superioribus ad hoc munus deputati, & ab Ordinario approbati fuerint: qua de re Rodr. q. 59. a. 1. & seqq. Llamas p. 1. meth. c. 7. §. 3. & 4. Denique iurisdictionis committitur interdum Sacerdoti post eius approbationem, quomodo v. g. Parochi Sacerdotes ab Episcopo antè approbatos ad Confessiones suorum audiendas exponunt.

Restant duæ quæstiones: Prima. Vtrū approbatus ab vno Ordinario, vbiuis terrarum Confessiones audire possit, per Parochorum delegationem, electionem ex iubileo priuilegio Bullæ, &c. An verò necesse sit iterum approbationem accipere ab Ordinario alterius loci, vbi Confessiones auditurus est: Priorem quæstionis partem defendit Henr. l. 7. c. 12. n. 4. Agid. ci. d. 7. & probabilem censet Medina l. 2. q. 19. a. 6. Suar. d. 28. f. 7. n. 4. saltem tunc, si approbatio ab Episcopo absolute data est: & non determinatè ad diocæsīm, vel subditos suos.

Posterior tamen sententia est communior apud Gutierrez l. 1. cano. qq. c. 27. n. 21. Mirandam ci. q. 45. a. 7. Rodr. t. 1. q. 59. a. 5. Sa ver. Confessor. n. 5. quæ non tantum securior, sed etiam vera videtur. Eam enim satis indicant verba Concilii Trident. *Nullum Sacerdotem posse Confessiones audire, nisi ab Episcopis approbationem accipiat*. Cur enim plurali numero vtatur Concilium? nisi quia plurium Episcoporum approbatione Sacerdos indiget, si in pluribus diocæsibus ad Confessiones exponendus sit. Deinde id ipsum ratio conuincit, quæ mouit Concilium ad hanc constitutionem: Quia ad cuiusque Episcopi officium spectat providere, vt in sua diocæsī donec Confessarij exponantur: qua in re non semper fidem habere potest aliorum Episcoporum iudicio: sed interdum merito timere,

+ Hps 1/9
Iam nota
est a f.
D. Alex.

timere; ne vel alii Episcopi minus idoneos approbent: vel, tamen approbati in alia diœcesi idonei fuerint ad Confessiones audiendas; non tamen in sua sint, vbi alię consuetudines, & peccatorum reservationes, aliud hominum ingenium, alia instituta, commercia vigent. Quapropter, si Episcopus nolit in sua diœcesi Sacerdotes ad Confessiones exponi, nisi eos, qui à se, vel Vicario suo prius approbentur: credibile est, si aliter exponantur, quamuis alibi approbati, eorum absolutiones irritas esse. Quod dico, spectato iure communi, & exceptis privilegiis, quę Regulares aliqui à Sede Apostolica acceperunt; quod semel approbati ab Episcopo, in aliis diœcesibus iterum approbati non debeant: de qua re videri potest Rodr. ci. q. 59. a. 5. in fine. Præterea si alicuius diœcesis Episcopus contentus sit, vt quialunde accedunt Sacerdotes, in diœcesi sua ad confessiones audiendas exponantur, si approbationis ab aliquo Episcopo sibi collatę testimonium exhibeant, tunc maior approbatio non requiritur.

- 9 Altera Quæstio. Cuiusnam Episcopi approbatio necessaria sit, eiusne, qui est ordinarius sacerdotis; an verò pœnitentis? de qua refusè disputat Suar. d. 28. l. 6. Respondeo: Communi iure requiri approbationem eius Episcopi, in cuius diœcesi Sacerdos ad Confessiones audiendas publicè exponitur. Qui Episcopus interdum non est ordinarius pœnitentium: puta, si sint alienigenę habentes expressam, aut tacitam facultatem cuicunque Sacerdoti exposito confitendi. Deinde si ipsimet Episcopi, quibus c. ult. de pœn. & remiss. concessum est Confessarium deligere, Sacerdoti non subito in aliena diœcesi confiteri velint; debet is vel parochiale beneficium obtinere vel à proprio Episcopo approbatus esse, sicuti Cardinalium Congregatio declarauit apud Suarez ci. l. 6. nu. Contra verò interdum accidere solet, vt Episcopus, à quo approbatio petenda est, sit potius pœnitentium, quā ipsius Confessarii: puta si Sacerdos peregrinus aut hospes in aliena diœcesi exponendus sit à Parocho: opus est consensu, siue approbatione Episcopi eiusdem loci. Quod etiam dicendum putat Gutieres l. 1. can. qq. cap. 27. numero 21. tamen si Sacerdos ille peregrinus alibi curatum beneficium obtineat: oportet enim illum etiam approbati ab Episcopo eius loci, vbi Confessiones auditurus est, propter rationem n. præced. allatam. Licet contrarium cum Doctoribus Salmanticensibus doceat Suar. d. 28. l. 4. n. 15. quorum sententia saltem tunc vera est, si sit talis diœcesis consuetudo, vt quicunque etiam alibi curatum beneficium obtinent, exponi possint: nam hoc casu Episcopus talem consuetudinem sciens, ac tolerans, consentire censetur, & iudiciū aliorum Episcoporum ratum habere.

- 7 Si Prælatus existimet expedire, et facultatem absolendi a casu reservato alteri Sacerdoti det, in concedendo facilius esse debet.
- 8 Si Prælatus expedire iudicat, et ipsemet casum reservatum cognoscat, & pœnitens extra sacram Confessionem explicare nolit, ordinarię integra omnium peccatorum Confessio efficienda est: interea tamen, ob moralem impossibilitatem, sufficit solum casum reservatum audire, & ab eo directè absolvere, cum onere vt reliqua peccata inferiori Sacerdoti explicentur.
- 9 Si Confessarius peccatum aliquod confitentis intelligat esse Superiori reservatum, ordinarię non debet eum absolvere, sed ad Superiorem mitti eum, vel absolueri potestatem ab eodè petere.
- 10 Propter aliquam necessitatem licitum est inferiori Sacerdoti absolvere à peccatis, quorum vnum, aut plura reservata esse sciuntur: imposito onere pœnitentis, & si reservata sola Superiori explicentur, vel absolueri potest, ut ab eodem petatur.
- 11 Per se loquendo, nemo obligatur idem peccatum bis confiteri.
- 12 Qui in excommunicatione constitutus bona fide absolutionem petit, Valide absoluitur à peccatis: tamen non absoluitur ab excommunicatione.
- 13 In mortis articulo, seu periculo, omnis Sacerdos, etiam excommunicatus, aut hæreticus, ob omnibus peccatis absolvere potest.
- 14 Si Confessarius iurisdictione præditus adsit, vel vocari possit, Sacerdos simplex, seu iurisdictione carens ius absolueri non habet in mortis articulo. Similiter Parochus in mortis articulo absolvere non potest à reservatis Episcopo, si adsit, aut facili accersiri possit: nisi alia sit diœcesis consuetudo.
- 15 Qui propter mortis periculum à peccatis reservatis absolutus est, cessante periculo, Superiori se sistere non debet: nisi fuerit annexa censura excommunicationis.

Quæstio Prima. Quo iure, & ratione casuum, siue criminum grauiorum reservatio fundata sit? Respondeo: Inde prouenire, quod nunc solus Papa iurisdictionem necessariam ad peccatorum remissionem, absolutionemque, diuino iure, in sui electione, & ordinatione, accipiat; reliqui verò Episcopi, & Prælati exempti, iure Ecclesiastico, à Papa: qui proinde ipsis iurisdictionem limitatam conferre potest; vel respectu personarum, quosdā ab eorum iurisdictione eximendo; vel respectu peccatorum, quorumdam absolutionem sibi reservando. Et simili ratione, cum Parochorum iurisdictione ab Episcopis, vel alijs Prælati quasi episcopalem iurisdictionem habentibus immediatè proueniat, poterunt hi illis potestatem in foro Pœnitentię limitatā dare, quo scdā casus, seu causas grauiore suo iudicio reservantes. Etenim si in foro externo non tantum Ecclesiastico, sed etiam ciuili & politico vñtatissimū est, vt causę grauiore superiorū Iudicū examini referuntur, vt notauit Synod. Trid. s. 14. c. 7. cur non idē fiat in hoc Pœnitentię foro? vt nimirū crimina grauiora securius corrigantur, & salubriora ijs remedia adhibeantur: tū verò ob difficultatem venię impetrandę, fideles ab eiusmodi sceleribus absterreantur. Vide Trid. Concil. l. c. de Conciliis, d. 18. & Extra. et si Dominici I. de pœn. & rem. Sot. in 4. d. 18. q. 2. a. 5. ver. secundum argumentum, Finellium c. 4. casuum reservat. ConincK d. 8. du. 11.

Quæstio secunda. Quenam, & qualia peccata Superioribus Prælati referuntur? Resp. & dico I. Summus Pontifex ordinariē nullum peccatum suo tribunali referuat, nisi propter annexam excommunicationem, sibi itidem reservatam. Ita Caiet. in sum. ver. casus, Nau. c. 27. num. 261. Tol. lib. 3. c. 14. Henriq. lib. 6. cap. 14. num. 1. Ex quo sequitur primò: si Papa, eiusue Pœnitentiarius aliquem absoluit à sola censura Bullę, vel aliā Papę reservata, inferiorem Confessarium deinde in conscientię foro absolvere posse à peccato illo, cui talis censura coniuncta fuerat, sicuti notauit Henriquez loco cit. Suar. dis. 29. l. 2. n. 7. Sequitur secundò: si aliquis commisit peccatum v. g. in Bulla Cœnę contentum: sed ob ignorantia non crassā a censura Papali excusatus fuit, quia de ea nihil audiuit: ab inferiore absolui posse, sicuti notauit Henriquez l. c. & ConincK. ci. d. n. 82. Verū ex his non inferas, Peccatū (v. g. hæresin) cui excommunicatio Papalis annexa est, per se, & immediatè Papę reservatū nō esse. Est enim uero, ad eodē quidē, vt si Sacerdos inferior tali por

CAP. XII.

De casuum reservatione.

SUMMARIUM.

1. Casuum reservatio prouenit ex dependentia inferiorum animarum Pastorum, à superioribus.
2. Papa nullum peccatum reservare solet, nisi propter annexam censuram excommunicationis.
3. Sola mortalia, eaque non nisi externa, & opere consummata peccata reservari solent. Neque interna mortalia peccata reservari solent, quamuis absolute loquendo reservari possent.
4. Homicidium voluntarium, etiam occultum, communi Ecclesiasticarum consuetudine Episcopis reservatur: quia verò alia peccata in quolibet diœcesi reservata sunt, ex consuetudine, & diœcesali constitutione petendum est.
5. Grauis & insolita casuum multorum reservatio in diœcesi, et si illicita sit, tamen à Parochis obseruanda est, donec tollatur.
6. Regularibus Prælati certus modus prescriptus est reservandi peccata.

state carens, bona fide, inuincibili reservationis ignorantia laborantem directe absolueret attentet, nihil efficiat, ob iurisdictionis defectum, sicuti notauit Suarez num. 8. Sanchez lib. 2. moral. cap. 8. nu. 5. Coninck num. 83.

Dico II. Peccatum, quod ab Episcopo, alioue Prælato similem in suos iurisdictionem habente, reservatur, oportet esse mortale. Venialia enim reservari nō solēt: partim quia omnes Sacerdotes vel iure diuino, vel potiūs generalis Ecclesiæ cōsuetudine, venialibus absoluerendi potestatem habent: quam proinde Episcopus ipsis auferre non potest, nisi per iustam sententiā excommunicatio- nis: partim quia ad venialis peccati Confessionem nemo obligatur: Ergo frustra eam Superior suo iudicio reser- uaret. Qua de re videri potest Suarez disp. 29. s. 3. Finell. de casibus reservatis, c. 5. n. 6.

Dico III. Et si peccata merè interna, si grauiā seu mor- talia sint, reservari possunt: tamen in usu non est, neque expedit, vt reseruentur. Ita Finellius, & Suarez II. cc. Maior in 4. d. 17. quæst. 5. prop. 2. Barthol. Medina. lib. 1. instruct. capite 10. princip. Iacob. Grassis p. 1. decis. lib. 1. c. 13. num. 71. Lmas p. 1. meth. c. 7. §. 14. Henriquez libro 6. cap. 14. §. 5. Sanchez libro secundo moral. c. 8. num. 4. Coninck cit. dub. 11. Prior pars pro- batur: Quia iurdictio non minūs ad absoluerendum à peccatis internis quàm ab externis, conueniente ordine, à superioribus ad inferiores Confessarios descendit: ideo- que vtraq; potestas limitatè, seu cū restrictione conferri potest. Posterior verò pars ex eo patet: quod internorum peccatorū reservatio nō ita necessaria sit ad Ecclesiæ guber- nationē: quippe quæ externa potissimū spectare debet.

Dico IV. Peccata mortalia reservatione Prælati non censentur esse comprehensa, nisi fuerint opere consum- mata. Ita Syl. ver. casus, q. 5. Henriq. lib. 6. c. 14. nu. 5. Grassis cit. num. 71. Finellius cit. c. 5. n. 4. vbi afferunt exemplum de incestu impuberum: & eorum, qui extra vas semen emisunt. Ratio est: Quia crimē nō intelligi- tur, nisi sit consummatū iuxta c. hæc autem, iuni. Gl. d. 1. de pœnit. Nam attentatio homicidij v. g. non est ho- micidij neq; conatus ad incestum committendum, in- cestus est. Cæteram, si ipsa quoq; criminis atrocis atten- tatio expressis verbis referretur, nemo dubitat, reserua- tionem validam esse.

Dico V. Ex communi Ecclesiarum consuetudine re- 4 seruatur Episcopis homicidium voluntarium, quamuis occultū sit. Quinam verò præterea casus seu communi iure, seu consuetudine Episcopis reservati sint, non con- sentiunt DD. vti videre est apud Ang. & Syl. ver. casus Barthol. Medinam lib. 1. instruct. cap. 10. §. 3. Nauar. c. 27. n. 262. Tol. lib. 3. c. 14. Suar. disp. 29. s. 3. Rodriq. t. 1. quæst. 62. a. 2. Quare nisi priuilegiatus sit ait Caiet. ver. casuum reservatio, conforma te cuiusvis diœcesis statuto, vel consuetudini. In pluribus tamen diœcesibus hæc reserua- ta esse solent: Crimen incendiarij, & præstitum auxilium arg. c. pessimam, 23. quæst. 8. Sacrilegium: cū nem- pe violatur locus sacer furto, sanguine, aut semine, per fornicationem, aut voluntariam pollutionē: de quo Syl. & Nau. II. cc. Sa ver. casus, n. 4. Periurium, quod in iudicio fit: item falsū testimoniū in iudicio, teste Nauar. & Tolet. II. cc. Falsificatio literarum, sicut præter cita- tos, docet Abb. in cap. 1. de crimine falsi: Sortilegiū, siue magiæ exercitium: dūmodo crimen graue sit, sicuti col- ligunt DD. ex extrauag. inter cunctas, de priuileg. Pec- catū, cui irregularitas annexa est, vti testatur Henriq. cit. c. 14. §. 4. Addunt Gl. in c. si Episcopus, de pœnit. & remiss. Nauar. & Toletus, quodcunque peccatum enorme publicum & scandalosum, ob quod olim pœnitentia pu- blica imponebatur, Episcopo reservatum esse; videl. adu- terium notorium, & omnia eo maiora. Sed in quacunq; 5 vt dixi, diœcesi spectādū est, quid lex, & cōsuetudo exigat.

QUESTIO TERTIA. Vtrum nimis grauis, at- que insolita plurium peccatorum in aliqua diœcesi reser-

uatio non tantū illicita sit: sed etiam inualida, vt à Pa- rochis obseruari non debeat? Ita assentiant Sotus in 4. d. 18. quæst. 2. a. 5. Angelus ver. casus, Finellius cap. 4. n. 4. Henriquez lib. 6. c. 14. num. 3. quæ sententia haud du- biè vera esset, si diuino iure competeret, sicuti arbitra- tur Sotus I. c. & alij apud Henriquez lib. 6. cap. 5. num. 5 2. in fine, Suarez disp. 25. s. 1. Sed quia contraria senten- tia communis & vera est, quam docet Richardus in 4. d. 18. a. 9. quæst. 3. & alij allegati lib. 1. tr. 4. c. 7. n. 3. quod omnis iurdictio Ecclesiastica à Summo in terris Eccle- siæ Pastore in Episcopos, & ab his in reliquos inferiores animarū Curatores conueniente ordine descendat: ideo valde credibile est, Summum Pontificem Episcopis ita conferri iurisdictionem, vt eandem inferioribus commu- nicare possint amplam, vel restrictā: pro vt ipsis expedi- re visum fuerit: sicuti ipsemet Papa, tanquā supremus iu- risdictionis collator, eandem restringendi, quamuis non penitus ab Episcopali ordine auferendi, ius obtinet. Ta- meti verò Episcopi moneantur, vt concessa sibi potesta- tē vtantur in ædificationem, non in destructionem, si- cuti videre est in Trident. sess. 14. c. 7. non tamen inde sequitur, si quid illicitum ab eis fiat, etiam inualidum esse cū hinc grauior occasio schismatis oriri possit, facile opinantibus Parochis, Episcopū potestatis suæ limites excessisse. Quare illi in tali causa supplicare quidem Epif- copis poterunt: sed denique tanquam legitimi Superio- ris sui sententiæ acquiescere ipsis conuenit. Quæ est sen- tentia Henrici quodlib. 1. quæst. 27. Syluest. ver. casus, q. 5. Suarez disp. 29. s. 4.

His adde, quamuis Prælati Ordinum maiorem etiā 6 potestatem habere videantur, Confessarijs ad Regulariū suorum Confessiones deputatis, restringendi iurdictio- nem: cū ea ipsis tantū delegata sit: & non sicuti Pa- rochorum, ordinaria: attamen & illi operam dare debēt vt reservatio fiat in ædificationem, non in destructionem obseruata etiā Constit. Clementis VIII. in qua præci- pitur, vt præter casus sequentes, qui reservari possunt (quamuis non debeant) alij non reseruentur sine Gene- ralis Capituli in toto Ordine, vel Prouincialis in provin- cia discussione: I. Veneficia, incantationes, sortilegia. II. Apostasia à Religione, siue habitū dimisso, siue retento: quan- do eò peruenieris, vt extra septa monasterij, seu Conuentus fiat. III. Nocturna, ac furtiuæ monasterij seu Conuentus egres- 7 sio, etiam non animo apostatandi facta. IV. Proprietas con- tra votum paupertatis, quæ sit peccatum mortale. V. Iurā- mentum falsum in iudicio regulari, seu legitimo. VI. Procu- ratio, auxilium, seu consilium ad abortum faciendum, post animatum scærum, etiam affectu non subsecuto. VII. Falsifi- catio manus, seu sigilli Officialium monasterij, aut Conuen- tus. VIII. Furtum de rebus monasterij, seu Conuentus in ea quantitate, quæ sit peccatum mortale. IX. Lapsus carnis vo- luntarius, opere consummatum. X. Occisio, vulneratio, seu gravis percussio cuiusque personæ. XI. Malitiosum impedimē- tum, aut retardatio, aut apertio literarum à Superioribus ad inferiores, vel ab inferioribus ad Superiores. De casibus autem in Societate Iesu specialiter reservatis, videri po- test c. 5. ordinat. Præposit. Generalium.

Quæstio quarta. Quomodo Prælatus se gerere debeat 7 circa absolutionem à casibus reservatis? Respondeo, & dico I. Si Prælatus existimet, expediens fore, vt subdito petenti det facultatem confitendi casum reservatum al- teri Sacerdoti, quem vel ipse pœnitens delegerit, vel ip- semet Prælatus ei destinauerit, tum ex charitatis lege ta- lem ei facultatem concedere tenetur. Ita Sotus cit. a. 5. ver. circa tertium. Henriq. lib. 6. c. 15. n. 6. Suar. disp. 30. s. 4. Coninck disp. 8. dub. 14. & alij communiter. Ratio est: Ne sacramentum Confessionis, quod in remedium animarum institutum est nimis graue accidat: atq; occa- sio capiatur reticendi peccatum, cum sacramenti irre- uerentia, & propriæ salutis iactura, sicuti monet San- ctus Thomas in 4. dub. 17. quæst. tertio articulo 3. quæst. 4. ad

4. ad 6. ubi ait, *Qui sunt nimis solliciti, ut conscientias subditorum per Confessionem sciunt, multis laqueum damnationis iniiciunt, & per consequens sibi ipsis.* Veruntamen, si Superior poenitenti aut Communitati (cuius in hac re maior ratio haberi debet) expedire iudicet, ut casum reservatum ipsemet audiat, quod remedium efficacius adhibiturum se prudenter existimet: tunc licentia alteri confitendi neganda erit. Notat verò Aegid. Coninck n. 111. Facilius licentiam dandam esse, si eam poenitentis nomine ipsemet Confessarius petat: quippe cui statum Rei cognitum habenti Superior plerumque credere debet expediens fore, ut concedatur: Nisi graues rationes in contrarium adsint: ut si (maximè in Religiosorum Ordine) animaduertetur, eiusmodi licentiam sæpe à se postulari, atque interim Religionis disciplinam laxari.

Quod verò idem Coninck adiungit: *Quando Confessarius hanc veniam petit, ita cautè hoc facere debet, ut Superior nullo modo, aut personam, aut casum, ob quem ea petitur coniecere possit.* Nam aliàs esset periculum frangendi sigilli; id verissimum est, quod attinet ad personam omnimodè celandam, consequenter etiam in specie non indicandam, si periculum esse videatur prodendi personam. Sæpe autem nullum tale periculum est: tum verò expedit interdum, ut casum in specie cognoscat Superior: & alio modo licentiam absolueendi neget, nisi ipsi ita explicetur. Videri possunt ordinationes Præpositorum Generalium Societatis Iesu c. 6. §. 3. & 4. Obligatus est autem interdum Confessarius, saltem ex charitatis lege, vel ipsemet Superiorem adeat, si possit, ad petendam absolueendi facultatem: si putet non expedire, aut poenitentem adduci non posse, ut seipsum sistat.

8 Dico III. Si Prælatus casum reservatum à seipso ex peccatore cognoscendum esse arbitretur conuenientissimè agat, si integram poenitentis Confessionem excipiat: quod si ipsi ob alia graua negotia tempus non superpetat, tunc iubeat sibi peccatum explicari sub sigillo secreti; & postea peccatorem sacramentaliter non absoluat, sed tantum reservationem, aut censuram tollat, satisfactionemque iniungat: quo casu peccatum illud, yncum alijs mortalibus inferiori Sacerdoti in proxima Confessione explicandum erit ad sacramentalem absoluectionem accipiendam: quam consuetudinem solam censuram auferendi Poenitentiariorum Romæ esse, testatur Canus relect. de poenit. p. 6. conclus. 2. fol. 268. & seqq. & videri potest Durandus in 4. d. 17. q. 15. Adrianus in 4. ubi de Confess. q. 4. §. sed dubium videtur.

Cæterum si poenitenti graue accadat, peccatum reservatum extra sacramentum Confessionis Prælato manifestare ipse verò, ob iustum impedimentum, integram eius Confessionem audire non possit: atque insuper expedire non iudicet alteri causam committere: his omnibus concurrentibus, poterit Prælatus, solis auditis reservatis, sacramentaliter absolue, ut absolutio directè cadat super audita: indirectè verò super alia, quæ ob mortalem impossibilitatem audiri non potuerunt. Ita docet Palud. in 4. d. 17. q. 5. art. 1. & 2. in fine Syluest. ver. Confessio, 1. q. 19. Caiet. eod. verbo, conditione decima, Maior in 4. d. 17. quæst. 5. Medina C. de Confess. q. 12. in fine, Nauarrus in cap. consideret, §. cautus, num. 18. d. 5. de poenit. Finellius cap. 10. Suarez disput. 31. sect. 1. Coninck disp. 7. num. 83.

Id verò inter Doctores controuersum est, utrum postea necesse sit Sacerdoti inferiori iterum confiteri peccata reservata, yncum alijs mortalibus, à quibus directè absolutio accepta non erat. Ita affirmant Caiet. l. cit. Henriquez libro 6. cap. 15. num. 5. Sa ver. absolutio, n. 24. Finellius cit. cap. 10. Quia vni, eidemque Sacerdoti omnia peccata mortalia explicare oportet. Sed contraria sententia placet, quæ est Nauar. cap. 9. num. 7. Petri Soti lect. 10. de Confessione, Valentia tom. 4. disput. 7. quæst. 11. part. 1. Suarez disput. 31. sect. 1. nu.

10. Satis esse explicare reliqua: & non opus repeterè peccata, à quibus, tanquam sibi reservatis, Episcopus hominem absoluit. Nam id vniuersimverum est, si ob mortalem impossibilitatem, adeoque per accidens Sacerdoti non omnia; sed aliqua tantum peccata explicata fuerint, & absolutio legitime secuta: postea ea solum peccata explicanda restent, à quibus indirectè absolutio facta est: adeoque remanente onere, ut directè clauibus subiciantur. Ad fundamentum contrariæ sententiæ resp. Omnia peccata vni Sacerdoti explicanda esse ordinariè, & per se: non item in casu extraordinario & accidentali, sicuti cernere est in eo, qui vnum, aut plura peccata confiteri oblitus est: vel ob periculum reuelationis explicare non potuit.

Verum extra casum dictæ necessitatis, qui rarissimus esse solet, peccare videtur Prælatus, si, auditis tantum reservatis, sacramentaliter absoluat: quia agit contra proprietatem sacramenti Poenitentia, ex Christi institutione, ac præcepto omnium mortalium peccatorum Confessionem postulantis, quatenus ea moraliter fieri potest. Atque ita docent Adrianus loco citat. Victoria num. 162. Syl. ver. Confessio, 1. quæst. 19. Nauar. c. 6. n. 6. Canus & Suarez ll. cc. Llamas p. 1. meth. c. 7. §. 11. Rodriq. t. 1. q. 21. a. 6. contra Palud. in 4. d. 17. q. 5. S. Anton. p. 3. t. 14. cap. 19. §. 6. Caiet. cit. condit. 10. Henriq. lib. 6. c. 15. num. 4. Sa cit. num. 24. qui absolutè aiunt, Prælatus à solis reservatis absolue, etiam extra necessitatis casum: & hanc esse Ecclesiæ consuetudinem. Sed Adrianus Syl. ver. Canus, Suarez, Llamas & alij negant apud bonos, & doctos Prælatos talem consuetudinem vigere.

Quæstio quinta. Quid agendum sit Confessario, si poenitens inter alia confiteatur peccatum reservatum Superiori? Respondeo, & dico I. Ordinariè non debet illum absolue: sed ad Superiorem mittere, vel ab eodem facultatem absolueendi petere. Ita Sotus cit. a. 5. Adrianus. q. 4. de Confess. Canus, Finellius, Llamas ll. cc. Suar. disp. 37. l. 2. num. 3. Philarchus t. 1. p. 2. lib. 2. c. 26. Coninck disp. 8. d. 13. concl. 3. Quod & Tridentinum Concilium significat cit. l. 14. cap. 7. Cum Sacerdotes nihil possint in casibus reservatis, id vnum poenitentibus persuadere nitantur: ut ad superiores, & legitimos iudices pro beneficio absoluectionis accedat. Ratio est: Quia ad integritatem sacramentalis Confessionis pertinet, ut de omnibus mortalibus, peccatis fiat, coram legitimo iudice: qualis ille tantum est, qui potestatem habet de integra causa cognoscendi, ut absolutio ab eo rite pronuntietur.

Dico II. Si aliqua necessitas urgeat, v. g. si poenitens longè distet ab Episcopo: tunc Confessarius absolue potest poenitentem: ita ut absolutio directè cadat super non reservata, tamen si solum venialia sint: indirectè verò super reservata: imposito tamen onere poenitenti præsentandi se Superiori, ut à reservatis quoque directè absolueatur: nisi malit ipsemet Confessarius à Superiore impetrare absolueendi licentiam, personam non nominatam. Quæ est sententia Richard. in 4. d. 17. a. 2. quæst. 8. ad 2. Nauar. in cit. cap. consideret, §. cautus, num. 13. Soti, Philarchi, Suarez, Coninck, Llamas locis supra cit. Rodriq. cit. q. 21. a. 5. Ratio patet ex supra dictis. Talis autem necessitas est, si Sacerdos sacrificare debeat, vel laicus communicare: & Superiorem distantem, aut valde occupatum eo tempore adire non possint. Pertinet enim tum ad dignitatem ac reuerentiam sacræ Eucharistiæ: tum ad suscipientis securitatem, ut si conscius sit peccati mortalis, ab eo prius sacramentalem absoluectionem accipiat. Adde, idem in tali casu dicendum esse, tamen si censura excommunicationis, v. g. propter occultam Clerici percussionem, reservationi annexa sit, sicuti docent Henriq. in fine c. 15. Suar. l. 3. n. 6. Llamas l. c. Coninck n. 107. Cum enim excommunicatio iure tantum positio Ecclesiastico arceat ab usu S. Eucharistiæ, ac Poenitentia:

cessat eius obligatio in casu magnæ necessitatis: quare si excommunicatus ob vitandam infamiam, S. Euchari-
stiam suscipere potest, multò magis in tali casu à pecca-
tis absolui, non obstante excommunicatione. Verùm ex-
tra necessitatis casum, sacramentalem absolutionem ex-
communicato dandam non esse, constat ex ijs, quæ dixi
lib. 1. tr. 5. p. 2. c. 2. n. 1. Licet contrarium sentiat Angelus
ver. confessio, §. 10. quem refutat Nauar. c. 9. num. 4.
& in c. fratres, n. 40. d. 5. de pœnit.

Id porro rectè admonet Suarez disp. 30. §. 5. n. 32. in fi-
ne, eum qui communicandi necessitate constrictus,
Superiorem accedere tunc non potest, vt à peccato ipsi
reseruato absoluitur, non esse obligatum, vt inferiori Sa-
cerdoti confiteatur si scandalum cesset, & communica-
tus existimet se contritum esse. Idque confirmari po-
test ex regula communiter recepta apud Nau. in c. pla-
cuit, n. 112. d. 6. de pœnit. Quòd nemo per se loquendo,
obligari possit, vt idem peccatum bis confiteatur: Talis
autem idem peccatum reservatum bis confiteri deberet,
videlicet non tantùm inferiori, sed etiam postea superio-
ri: Ergo talis obligatio imponi non debet. Cur autem di-
xerim, per se loquendo, ratio est: quia per accidens, si
pœnitens alia peccata mortalia reservata habeat, vnà cū
ijs etiam reservata confiteri debet, vt Confessarius pœ-
nitentis statum rectè cognoscat. Quæ est communis sen-
tentia S. Th. in 4. d. 17. q. 3. a. 2. q. 2. ad 4. Richar. ead. d.
a. 2. quæst. 8. ad 2. Maioris quæst. 5. Soti cit. a. 5. Suarez
disp. 31. sect. 3. num. 8. Henriquez lib. 6. cit. cap. 15. nu.
5. contra Halens. p. 4. quæst. 77. mem. 5. a. 2. ad ult. vbi
ait: Confessionem ob hanc causam diuidi posse: quam-
quam hoc dictum defenderet icet, sicuti intelligit Petrus
Sotus citat. lect. 10. diuidi posse Confessionem quo ad
hoc, vt Superiori sola reservata explicentur, sicuti suprà
dictum.

Dico III. Si pœnitens bona fide ad Confessionem ve-
nerit, vel quia nesciuit tale peccatum Superiori reserva-
tum esse: vel tamen si sciuerit, existimauit tamen, legi-
timè se ab inferiore Sacerdote absolui posse, cum obli-
gatione postea tēpore opportuniore se præsentandi Præ-
lato; in hoc casu arbitror, plerumque absolutionem da-
ri posse, modò pœnitens præter reservatum, aliud pec-
catum absolutioni subiiciat. Ratio est, partim quia ali-
qualis necessitas vrget: siquidem pœnitens agro animo
discedet absque absolutione; cum ex sua parte bene dis-
positus sit: partim quia graues Doctores, quos suprà
citaui, absolutè docent, quod Sacerdos pœnitentem, qui
peccata reservata habet, absolvere possit cum onere, vt
ea sola Superiori postea confiteatur, & ab ijs directè ab-
soluatur. Excipe; Nisi excommunicatio annexa sit: Nā
hæc iure Ecclesiastico prohibet hominem à susceptione
tum aliorum sacramentorū, tum etiam Pœnitentiæ: qua
dere Rich. in 4. dist. 18. a. 9. q. 4. Adrian. in 4. vbi de Con-
fess. q. 4. §. Si petas circa dicta. Nihilominus valida erit
absolutio data excommunicato, excommunicationem
suam inculpate ignoranti, vel sacramentum absolutio-
nis bona fide petenti, sicuti docet Nauar. cap. 9. num. 4.
Tolet. lib. 3. cap. 10. Coninck disp. 8. dub. 13. concl. 4.
arg. cap. Apostolicæ, de Clerico excommunic. ministr.
licet contrarium senserit Finellius c. 10. n. 8.

Ad extremum hoc moneo; Prælatos, præsertim Or-
dinum regularium, interdum committere Confessarijs
potestatem directè absoluedi à peccatis grauioribus,
tamen cum onere imponendo pœnitenti, vt postea se
sistat Superiori, eique peccata illa sub sigillo Confessio-
nis, vel secreti aperiat: ad salubriorem animæ eius cura-
tionem. De qua re vide, si placet, quæ disputant Suar.
disp. 30. §. 5. Coninck. cit. disp. 8. dub. 15.

Quæstio sexta. Quis, & qua conditione absolvere
possit reservatis in mortis periculo? Respondeo, & dico
1. In mortis articulo cuius Sacerdos iurisdictionem ha-
bet ad absoluedum directè à peccatis omnibus, etiam

quæ Papæ, vel Episcopo alioquin reservata sunt. Est cō-
munis doctrina, quia, vt Trident. Concilium ait sess. 14.
cap. 7. *In Ecclesia Dei custoditum semper fuit, vt nulla sit re-
servatio in articulo mortis: atque ita omnes Sacerdotes quosli-
bet pœnitentes à quibusvis peccatis, & censuris absolvere
possunt.* Circa quæ verba notandum est primò, ex Zam-
bran. cap. 4. dt. b. 4. n. 17. Sanchez lib. 2. moral. c. 13. n.
12. Quòd Concilium ait, quemuis Sacerdotem à censu-
ris in mortis articulo absolvere posse, intelligendum esse
de ijs tantùm censuris, quæ sacramentorum suscepio-
ni, & Ecclesiasticæ sepulturæ obstant cuiusmodi sunt
excommunicatio, & personale interdictum (à quibus
moriturus interdum absolui potest, tametsi sacramen-
talem absolutionem non recipiat, quia v. g. amens est)
non item suspensio ab ordine, officio, aut beneficio: mul-
tò minùs irregularitas.

Notandum secundo: Cùm Trident. Concilium ver-
bis vniuersalibus vtatur, *Omnes Sacerdotes absolvere posse*
comprehenduntur etiam Sacerdotes non approbati, aut
non expositi: item suspensi, quin & excommunicati, ac
non tolerati, sicuti docet Gl. in c. non est, ver. Baptismū
paruulorum, de sponsalibus, Palud. in 4. d. 17. q. 3. a. 3.
concl. 7. Maior in 4. d. 19. q. 1. S. Ant. p. 3. tit. c. 19. condit.
14. Syl. ver. Confessor, l. q. 20. Tabiena ver. absoluti, l. n.
32. Armilla ibid. num. 12. Henriquez lib. 6. cap. 11. num.
18. Suarez p. 3. tom. 3. disp. 72. sect. 4. in fine, & t. 4. d.
26. §. 4. n. 5. Zambran. cap. 4. dub. 4. n. 20. Coninck d.
14. dub. 16. n. 234. contra Ioan. Medinam Cód. de Con-
fess. q. 28. §. ad alium: quem sequitur Couar. c. alma,
p. 1. §. 6. concl. 8. quamvis dubius, sicuti & Sotus in 4.
d. 18. quæst. 4. a. 4. Nauar. cap. 26. man. num. 26. qui
saltem hæreticum denuntiatum omni absoluedi pote-
state, etiam in extrema mortis necessitate, priuatum esse
arbitratur. Sed non rectè; cū Concil. Tridentin. aper-
tè dicat, in mortis articulo nullam esse peccatorum re-
seruationem: sed eorum absolutionem omnibus Sacer-
dotibus perpetua Ecclesiæ consuetudine concedi. Fateor
tamen, hominem in mortis articulo constitutum, nul-
lius culpæ argui posse, si hæretico Sacerdoti, tametsi ab
ipso nullum peruersionis periculum timeatur, tamen ob
hæresis detestationem sacramentaliter confiteri recuset:
modò speret se de peccatis suis contritum esse. Qua de
re Palud. l. cit.

Nota autem hoc loco, quod dicitur de absolutione
sacramentali, eam à Sacerdote non tolerato, etiam hæ-
retico, suscipi posse, propter necessitatem: idem multò
magis sentiendum de susceptione Baptismi. De alijs verò
sacramentis alia ratio est, cū tātā necessitatis non sint,
vt videre licet apud Azort. l. lib. 8. cap. 11. quæst. 12. Ve-
rumtamen si in mortis articulo sacramentum Pœniten-
tiæ suscipi non possit, hoc casu, qui vix vnquam contin-
get, ab hæretico, aut alio excommunicato non tolerato
sacrum viaticum accipere non erit illicitum, alius nemo
si adsit, qui administrare possit: quia lex Ecclesiastica in
tali necessitate non obligat.

Hic adde, per mortis articulum, quo omnes Sacet-
dotes, ex Ecclesiæ concessione, absolvere possunt, non
esse duntaxat intelligendum quasi vltimum vitæ spiritū,
sed quoduis etiam probabile mortis periculum, siue ex
infirmirate, aut superuentura perpetua, vel diuturna
amentia: siue ex Iudicis decreto: imò & ex alijs causis,
videlicet imminente belli conflictu, partu periculoso:
puta si primus est, vel si mulier antè difficiles partus ex-
perta erat, iuxta doctrinam Abb. cap. quod in te, de pœ-
nit. remiss. colum. 2. Item ante navigationem periculo-
sam, aut valde longam, in qua Sacerdotis copia futura
non est, sicuti docent Palud. in 4. d. 20. q. 1. a. 2. concl. 3.
Nauar. c. 26. man. n. 31. Syl. ver. confessor, l. q. 6. d. 7.
Couar. c. alma, p. 1. §. 11. n. 8. Sairus lib. 2. thesauri, c. 20.
n. 28. Finell. c. 8. n. 8. Henriq. lib. 6. c. 9. & 11. Rodriq.
t. 1. regul. q. 62. a. 7. Molina tr. 3. de iust. dis. 63. num. 5.

Avila de censur. p. 5. disp. 4. s. 1. d. 5. Suarez disp. 26. s. 4. Sanch. lib. 2. moral. c. 13. n. 7. argum. c. si quis suadente 17. q. 4. &c. eos, qui de sent. excom. in. 6. Quamvis contrarium sentiat Sotus in 4. d. 18. q. 4. a. 4. §. quæris autē. Id tamen fateor, cum Couar. cit. loco, Sanch. n. 3. Necesse esse, ut periculum mortis, non futura tunc occasione confitendi Sacerdoti exposito, propinquum, & nō improbable sit: quia frequenter hominibus in tali casu accidere solet, cuiusmodi periculum cēseri posse in omnibus peste infectis, testatur Chapeauille c. 1. q. 1. §. 8. cum subito, & præter opinionem extinguantur. Aliam limitationem ex Corduba affert Sanch. loco cit. Ut aliquis non propria sponte, sed ex causa urgente, seu morali necessitate coactus tale periculum adeat. Quod mihi non placet: cum neque alij meminerint. Nam ratio, cur Ecclesia in mortis periculo omnibus Sacerdotibus absolventi potestatem tribuat, est, quia peccator in tali casu tum iure diuino positus, tum etiam naturali charitate erga seipsum ad confitendum obligatur. Quæ ratio obligationis æquē locum habet, et si aliquis sine necessitate ac propria sponte periculum mortis adeat, v.g. in iusto bello, maris navigatione.

14 Dico II. In articulo, vel periculo mortis Sacerdos simplex seu nulla iurisdictione præditus, neque licet, neque validè absoluit, si Confessarius ordinaria, vel delegata iurisdictione præditus, adsit, aut faciliè aduocari possit. Ita ex communi Syluest. ver. Confessor, 1. q. 6. dicto 7. Nauar. cit. n. 26. Couar. citat. concl. 8. Zambr. cit. cap. 4. dub. 4. Gutierrez lib. 2. canon. qq. c. 19. n. 5. Valentia t. 4. disp. 7. quæst. 10. p. 2. Molina cit. disp. 63. Suar. cit. disp. 26. s. 4. num. 4. Sanch. c. 13. n. 7. contra Nau. lib. 5. consil. 23. de pœnitent. & remiss. edit. 2. ubi priorem sententiam retractat Sa ver. absolutio, n. 3. Rodriq. t. 1. sum. cap. 59. concl. 3. Probatur assertio, tū ex responsione Gregor. VIII. apud Molinam loco cit. tum ex c. Presbyter, 26. quæst. 6. sumpto ex Cō. Cart. 3. canon 32. Presbyter inconsulto Episcopo non reconciliat pœnitentem, nisi absente Episcopo ultima necessitas cogat. Vnde etiā ratio sumitur: Nā Sacerdoti simplici potestas absolventi à quibuscūq; peccatis in mortis articulo conceditur iure extraordinario, ob rationem necessitatis; ne hac occasione (si absolutio denegetur) aliquis pereat, inquit Trident. sess. 14. c. 7. Ergo cessante necessitate, cessat hæc extraordinaria potestas, per regulam, quam tradit Abb. in c. cum venerabilis, de consuet. in fine: Cum aliquid conceditur propter necessitatem, durat concessio, quatenus torget necessitas. Et cur, obsecro, Ecclesia permittat, ut morituris, qui maximè spirituali instructione & auxilio indigent, non proprii Pastores, aut ab his commissionem habentes; sed quicumque, etiam imperiti, & non approbati Sacerdotes sacramentum Pœnitentiæ ministrent? Confirmatur: Nam Tridentinum Concilium cit. capite 7. eodem modo loquitur de absolutione à quibusvis peccatis & à censuris: Atqui certum est ex c. eos, qui de sentent. excom. in 6. & extrauag. 1. §. decernimus de excommun. à censura excommunicationis reservatæ neminem in mortis articulo absolui posse, si facilis sit recursus ad Superiorem, ad quem absolutio de iure spectat. Ergo similiter à peccatis nullus Sacerdos iure extraordinario in mortis articulo absolvere potest, nisi ob defectum ordinarij, aut legitimi Sacerdotis.

Porro quod in hac assert. dictum est de simplici Sacerdote; multò magis dicendum de excommunicato, & suspensio post denuntiationē: quia hi omni omnino iurisdictione in Pœnitentiæ etiam foro privati sunt: excepto casu extremæ necessitatis: quam obrem rectè notarunt Suarez, & Sanchez cit. locis, non toleratum Sacerdotem inualidè absolvere, si adsit Sacerdos toleratus, etiam simplex, & non expositus.

Deinde, quod dixi de simplici Sacerdote, illi præferendum Sacerdotem expositum, seu iurisdictione prædi-

tum, id similiter dicendum de Sacerdote exposito inferiore, v.g. Parocho; illi etiam in mortis articulo præferendum esse Sacerdotem superiorem siue Prælatum, quod attinet ad peccata eidem reservata: ita ut eo præsentē, vel si faciliè aduocati, aut licentia ab ipso peti possit, inferior absolvere nequeat, sicuti docet Zambranus loco cit. Henriquez lib. 6. cap. 11. num. 4. Sanchez cit. num. 7. Suarez disp. 30. sect. 3. num. 1. Quamvis enim Trident. Concilium dixerit, inquit idem Suarez, in articulo mortis nullam esse reservationem: id tamen intelligendum est in absentia reservantis: quia aliàs nulla est vera necessitas, ob quam alij Sacerdotes censeantur iurisdictionem consequi, quæ illis, per se loquendo, ablata fuerat. Excipi tamen debet, nisi alia sit consuetudo diocesis: ut videlicet omnes expositi Sacerdotes ab omnibus casibus reservatis in mortis articulo absoluant, sine recurſu ad Episcopum: cuiusmodi consuetudo faciliè introduci potest in diocesis amplis, in quibus plerumque Episcopus multū distat. Enimvero, tamen hæc fuerit ratio introducendæ consuetudinis: postea tamen, sciente, & non contradicente Episcopo, extendi ea potuit, ut, etiam si Episcopus in ciuitate sit, non requiratur eius licentia ad absolvendos morituros à casibus ipsi reservatis.

Dico III. Si Sacerdos quicumque ob necessitatem in mortis articulo à peccatis Superiori reservatis absoluit, cessante tali periculo, opus non est, ut absolutus coram Superiore illo compareat, cui iure ordinario absolutio à talibus peccatis reservata est. Ita ex communi docet Palud. in 4. distinct. 20. quæst. 1. a. 2. concl. 3. Syl. ver. Confessor, 1. quæst. 20. Nauar. cap. 26. num. 26. Ratio est: Quia in mortis articulo omnes Sacerdotes nō indirectè, & per concomitantiam: sed per se, ac directè ab omnibus omnino peccatis absolventi potestatem habent. Excipitur tamen: Nisi peccato annexa sit censura excommunicationis Superiori reservata: tunc enim absolutus, cessante mortis periculo, sistere se debet Superiori, ad quem de iure ordinario pertinet, non ut iterum absoluator, sed ut mandatum eius accipiat, iuxta cap. eos, qui de sent. excom. in 6. & extrauag. inter cūctas, §. incendiarios de priuilegiis. Quare, ut id obiter moneam, consultius est, in mortis articulo confiteri priuilegiato, qui potestatem habeat à censuris reservatis absolventi, tanquam delegatus Papæ, sine onere postea comparendi.

CAP. XIII.

De Officio & obligatione Confessarij.

SUMMARIUM.

- 1 Scientia opus est Confessario, ut rectè suo munere fungi possit. Curatus Confessarij, siue animarum Pastoribus magna obligatio incumbit, ut scientia, & bona fide exemplo commissarum sibi plebem spiritualiter pascant, & perire non sinant.
- 2 Sacerdos curatus debet subditorum Confessiones excipere, quatenus eundem iustam confitendi causam habent, & opportuno tempore, ac loco petunt.
- 3 Si Sacerdos curatus presumere possit, subditum iustam causam habere confitendi alteri Sacerdoti, debet illi potestati licentiam dare: Sin autem Curatus licentiam, quamvis male, neget, non videtur valida Confessio alteri facta.
- 4 Tempore pestis grassantis Confessarius cautionem aliquam adhibere debet, ut ipse non inficiatur, & occumbat: sed plaribus prodesse possit. Tempore pestis grassantis, item ante conflictum cum hoste, satis est interdum unum, vel alterum peccatum singulorum pariterentium, etiam coram alijs explicatum intellexisse, ut absolutio conferri possit: interdum vero necesse est, plures simul absolvere: quod etiam tempore naufragij accidere potest.
- 5 Confessarius pœnitentem ignorantia crassa & mortaliter culpabilis laborantem monere debet: secus si inuincibilis, aut saltem mortaliter non culpabilis, ignorantia laboret, & ex administratione fructus non speretur.
- 6 Impedimentum occultum dirimens, plerumque significandum

est sponso in Confessione, si nuptia nondum celebrata sunt: modo fructus aliquis secutus sit.

Quotiescunque penitens dubitans de matrimonij valore, iure exigendi debet. Et ex Confessario quærit, necesse est veritatem palam edicere.

- 7 Si Confessarius, consideratis circumstantijs, arbitretur, penitentem integre confiteri, non debet eum interrogationibus fatigare. Sin vero putet, eum non integre confiteri, aut de eo dubitet, prudenter, & causè interrogationes formare oportet.
- 8 In interrogationibus formandis consultum est, generaliora præmittere præsertim circa ista carn. & causè interrogandi sunt penitentes.
- 9 Confessarius penitentem, dum peccata sua recenset, facile interpellare non debet.
- 10 Confessarius nunquam absolueret eum, quem putat dispositum non esse, aut non integre, quatenus ei possibile, confessum esse: sed interim dimittere debet, & melius se præparet: plerumque autem expedit in ipsa Confessione interrogationibus, & admonitionibus hominem iuuare, ac dispositum reddere.

Questio Prima. Quæ scientia ad Confessarij munus requisita sit? Respondeo, & dico: Grauius peccat Sacerdos, qui requisita scientia non instructus, munus Confessarij suscipit, vel exercet. Est communis doctrina. Quare Innoc. III. dixi in c. omnis vtriusque, de pœnit. & remiss. Sacerdos sit discretus, & cautus, ut more periti medici, superfundat vinum, & oleum vulneribus sauciatis, &c. Etenim, si Medicus imperitus peccat committens se corporum curationi, & Iudex imperitus decisioni causarum: quanto magis spiritualis iudex, ac medicus animarum? Igitur discernere posse debet Confessarius inter peccatum, & non peccatum: inter mortale, ac veniale, saltem in genere: nam in particulari exercitissimus quisque interdum hæsitabit. Item cognoscere debet, quæ spectant ad sacramenti Pœnitentiæ essentiam, Confessionis integritatem, sigillum, &c. Quibus criminibus annexa sit excommunicatio vsu recepta: quæ peccata superioribus Prælati reservata, quæ restitutionem exigentia: Si Clericorum confessiones audiendæ sint, quibus casibus incuratur suspensio, vel irregularitas. Lege Nauar. cap. 4. & c. 1. §. caueat, dist. 6. de pœnit. Barthol. Medin. lib. 1. instruct. Confess. c. 5. & seqq. Llamas p. 1. methodi, c. 2. §. 1. Lopez p. 1. instruct. c. 27. ver. porro quia.

Circa hanc assertionem tria aduertenda sunt: I. Ea quæ enumeravi, eorumque similia necesse non est Confessarium sigillatim, & exactè cognoscere: sed satis est in difficilioribus dubitare posse, sibi non nimis fidere, & doctiores consulere, sicuti notauit, Syl. ver. Confessor, 3. §. 2. Nauar. cit. §. caueat num. 30. Habenda etià est ratio loci, ubi Confessiones audiendæ sunt: minorem enim scientiam requirit, qui in pago Confessiones audit, quam qui in vrbe, v. g. maritima, in qua varij contractus & negotiationes sunt, uti notauit item Nauarrus citat. cap. 4. num. 10. & cit. §. caueat, num. 17. Lopes loco cit. Ioan. Maior in 4. distinct. 24. q. 6. §. dubitatur, & qui Sacerdotum Confessiones audiunt, plura, quam alij scire debent, quæ spectant ad suspensiones ac irregularitates.

II. Qui de sufficientia sua dubitat, is acquiescere potest arbitrio viri docti ac prudentis, imò subditus, iudicio Prælati sui stare debet de quo S. Thom. 2. 2. quæst. 104. a. 5. Syl. §. 3. Nauarrus citat. cap. 4. num. 14. argument. cap. quid culpatur, 23. quæst. 1.

III. Sacerdoti curato, ratione plebis sibi ad pascendum commissæ, maior seu arctior obligatio incumbit: dum commissæ, maior seu arctior obligatio incumbit: qui proinde operam dare debet, imprimis ut scientiam sibi comparet, quæ suo muneri rite obeundo necessaria est, lectione sacræ Scripturæ, & Doctorum: ex quibus promptuarium sibi colligat, ad prædicationes, & infirmorum, aliorumque oppressorum consolationes. Secundò: Vitam suam ita instituat, orationis frequentia, cibi, ac potus temperantia, corporis castitate, locutionis modestia, in pauperes misericordia, erga omnes huma-

nitare, & charitate, ut quod verbis in ecclesia populum edocet, ipse opere confirmet, ac veluti in imagine ostendat. Tertio per vicos, & oppida non discurret, sed domi suæ se contineat, ut statim, ubi necesse fuerit, ad visitandos infirmos accedere, eosque opportunis remedijs iuuare possit: ad quam rem in promptu semper habere debet argumenta ad animum consolandum, & erga res diuinas ac æternas excitandū opportuna: conquisitis psalmodum versiculis, & alijs Scripturæ locis, Sanctorum exemplis: atque hortetur infirmum, ut peccatorum suorum dolore concepto, spem in diuina misericordia concipiat, atque infirmitatis suæ molestias, ipsamque mortem Deo in satisfactionem pro peccatis suis offerat: commonefaciat, quandoque ægritudines prouenire, Deo ita disponente, ut homo ad cor redeat, vitamque suam emendet, cuius proinde firmum propositum concipere debeat, si corporis sanitatem recepturus sit.

Magna profectò pastoribus animarum obligatio incumbit, quorum imperitia, aut negligentia, si oues à Christo commissæ perierint, ipsi rationem reddituri, pœnamque luituri sunt. Quare scientia imprimis instructi esse debent, ut errantes ad viam veritatis reducere, dubitantibus consilium dare, aduersarijs Fidei contradicere possint. Verum doctrinā suā, quamuis sanā, parum effecturi sunt, nisi etiam vitæ exemplo præeant, & quod alijs, tanquam ad salutem necessarium, aut utile suadent, idem consilium sibi dent, & exequantur. Alioquin enim apparet subditis Pastorem non ex animo hortari ad charitatem Dei, & proximi, continentiam, & temperantiam, vitiorumque omnium fugam: si videant, ipsum met talia facere, quæ in alijs damnat. Nam qui sibi malus est, quomodo alijs bonus esse possit? cum proximus quisque sibi sit: & Ecclesiast. cap. 30. dicat: *Misere-re animæ tuæ, placens Deo.* Si, inquam, Pastor propriam animam, sibi coniunctissimam non curat, quomodo curam aliarum geret ex animo? Aut quomodo cum fructu alios excitabit ad charitatem Dei, rerum cœlestium desiderium: si ipsemet eos igne cœlesti priuatus sit? quomodo alios exhortabitur ad temperantiæ, castitatis virtutem: si ipsemet vino deditus, & impurus existat? Quomodo commendare poterit mutuam charitatem, pacem & mansuetudinis Christianæ decorem, si ipsemet lites alat, impatientia, & iracundia æstuet.

Bene inter alias hanc Confessarij obligationem considerauit B. Petrus Damiani serm. 2. de S. Andræa Apostolo: *Oportet eum esse non minus literatum, quam religiosum: ut zelum Dei habeat, & secundum scientiam: cum indiscreta religio magis obesse soleat, quam prodesse. Literatum autem ideo, ut sciat, quod iniungat, cui parcat, cui parcere debeat, quam consolationem proferat de Scripturis. Religiosum vero idcirco, ut puras manus leuet ad Deum, & pro peccatoribus fiducialiter intercedat. Videat autem, ne unquam de his, quæ sub signaculo Confessionis accepit, aliquam faciat mentionem, vel alicui loquenti consentiat.*

Quæstio secunda. Quanta sit obligatio Sacerdotis curati in Confessionibus subditorum audiendis? Resp. Confessarium curatum obligatum esse ad Confessiones suorum excipiendas, quotiescunque ij iustam confitendi causam habent, & opportuno tempore, ac loco petunt. Hæc est sententia Gabr. in 4. distinct. 13. quæst. 1. a. 3. dub. 5. Soti d. 18. quæst. 4. a. 2. Nau. c. 25. man. num. 131. & in cap. placuit. num. 152. dist. 6. de pœnitent. Adriani de Confess. quæst. 5. dub. 8. Henriquez lib. 6. cap. 17. num. 3. Suarez disp. 32. sect. 1. num. 4. contra Richar. cit. dist. 18. a. 2. quæst. 3. Syl. ver. Confessor, 1. quæst. 18. Armillam ver. absolutio, num. 27. Med. quæst. 37. Cod. de Confess. existimantes, Parochum duntaxat obligari ad audiendos subditos, quando illi ex præcepto confiteri tenentur. Sed probatur assertio: Quia Parochus, ratione, pastoralis officij, debet subditis suis providere, & nequaquam subtrahere ea, quæ ad spirituale ipsorum commodum

modum, & profectum spectant: sed ex frequente Confessione ad Communionem magnum spirituale commodum, salutisque suae remedium subditi consequuntur: quamobrem pauci reperiuntur, qui semel tantum in anno haec sacramenta suscipientes, à mortalibus peccatis se contineant, teste Suarez disput. 32. sect. 1. Igitur tenetur Parochus ministrare: vel, si ipsi non libeat, aut ob aliquam causam, v.g. censuram non liceat, alterum Confessarium eligendi licentiam dare.

Quod verò ad alios non curatos Confessarios attinet, tametsi ipsis liberum sit, quos volunt, ad Confessionem admittere; admissis tamen, & confessis absolutionis beneficium tribuere tenentur: nisi intelligant, aut merito conijciant, eos rectè dispositos non esse. Quare Sotus d. 18. q. 2. a. 5. in fine.

3 Dico III. Si Curatus praesumere possit, subditum habere iustam causam confitendi Sacerdoti alieno, debet ipsi petenti licentiam dare. Est communis doctrina. Sed dubitant Doctores: Si Parochus subdito iustè postulanti licentiam iniustè neget: subditus autem sine periculo salutis, famae, &c. proprio Parocho confiteri non possit, v. g. concubina ipsius: utrum in hoc casu ipso iure facultatem consequatur confitendi Sacerdoti alieno; posito, quòd neque ab Episcopo licentiam petere, vel impetrare possit. Ita affirmant Henricus Gandauensis quodlib. 9. quaestione 24. Richar. in 4. distincti. 17. a. 3. quaest. 7. Palud. ead. distincti. quaest. 3. a. 3. casu 1. Adrian. in 4. de Confess. qu. 5. dub. 3. Maior in 4. distincti. 17. quaest. 2. colum. 6. Sylu. ver. Confessor, 1. quaest. 6. Tolet. lib. 3. cap. 13. Nauarrus cap. placuit, num. 144. distincti. 6. de poenitent. Henric. lib. 6. cap. 13. num. 4. Negant verò Alensis par. 4. quaest. 78. mem. 1. art. 2. Sotus distincti. 18. quaest. 4. art. 2. Medin. quaest. 30. Llamas p. 1. cap. 6. §. 1. Philarchust. 1. p. 2. libro 2. cap. 24. Suarez disput. 27. sect. 4. concl. 2. Petrus Nauarrus lib. 2. de restit. cap. 4. num. 269. Supplem. S. Th. quaestione 8. a. 4. ad 5. vbi dicitur: si quis ob periculum proprio Sacerdoti confiteri non possit, neque licentiam impetrare confitendi alieno: talem perinde se habere, ac si Confessarii copia destitutus sit.

Prior sententia probabilis est, ob DD. auctoritatem sed posteriorem iudico probabiliorem, & veram: eamque confirmo primò ex cit. c. omnis vtriusque: *Si quis autem alieno Sacerdoti voluerit, iusta de causa sua confiteri peccata, licentiam prius postulet, & obtineat: cum aliter ipse illum non possit absolueret.*

Secundò: Quia in Ecclesia receptum est casum periculi mortis, in quo alteri Sacerdoti confiteri liceat, si proprius non adsit, vel eius copia haberi non possit.

Tertiò: Cum id ipsum, ut fideles omnes proprio Sacerdoti confiteantur, ob commune Ecclesiae commodum, ac conuenientem gubernationem institutum sit, non debet ob priuatum commodum, priuata DD. interpretatione, limitari aut restringi, praesertim, quòd multi hac ratione confitendi impedimentum falso praetendentes, Pastoris sui iurisdictioni se subtrahere possent.

Quartò: Tametsi Parochus mortuus, vel peragre profectus sit, non ideo permixtum est subditi ad alienum Confessarium accedere: sed expectare debent, donec redeat, vel Episcopus alium substituatur, sicuti Palud. annotauit in 4. d. 17. q. 3. a. 3. concl. 1.

Quintò: Simili ratione, licet Episcopus poenitentem à peccatis reservatis absolueret nolit, neque alteri absolueri licentiam dare: non ideo iurisdictione, extra mortis periculum, ad Sacerdotem inferiorem deuoluatur. De quo vide Rodr. t. 1. reg. q. 20. a. 30.

Sextò: Quia contrariae sententiae Auctores potissimum nituntur c. placuit, d. 6. de poenit. quasi ibi permixtum sit, propter ignorantiam Sacerdotis proprii, alterius iu-

dicio & absolutioni se submittere: Ergo multò magis id licebit ob Pastoris improbitatem, & propriae animae, vel famae periculum. Verù rectè docuit Suarez to. 4. d. 27. §. 2. in fine, ibi sermonem esse de poenitentia publica, quae secundum arbitrium Sacerdotis, ob scandalosa peccata, imponi olim solebat: talem enim poenitentiam ab vno Sacerdote decretam, ab altero mutari, nisi manifestum errorem contineret, fas non erat.

Quaestio tertia. Quanta sit obligatio Confessarii, praesertim curati, in audiendis Confessionibus eorum, qui peste infecti sunt? Praeter ea, quae de hac re dixi lib. 2. tract. 3. c. 3. h. 3. respondeo, & dico I. Sacerdos auditor Confessiones eorum, qui peste, vel simili morbo contagioso infecti sunt, ante omnia curare debet, ut, si fieri possit, in loco ipse libero, seu aere non infecto constitutus sit. Quamobrem etiam ipsi infirmi obligati sunt ut è cubiculo, aut domo ad constitendum egrediantur, vel ad fenestram, Parocho foris stante, portentur: si id sine graui eorum incommodo fieri possit. Ita docent Io. Maior in 4. dist. 23. q. 1. Ioan. Chapeauille tra. de modo ministrandi sacramenta tempore pestis, c. 1. q. 9. & c. 3. q. 29. Proderit etiam, si pestis tempore fideles pro concione admonerentur, ut, qui sani sunt, ad sacram Confessionem maturè veniant, in ecclesia audiendi.

Dico II. Si infirmus egredi, vel loco suo moueri non possit: neque etiam tam alta voce confiteri, ut è loco distante audiri queat, seu propter suam infirmitatem, seu propter simul decumbentes: in tali casu Confessarius, communiter loquendo, accedere debet, & poenitentes in secreto audire: si tamen timeat periculum contagionis, ut non audeat cum poenitentibus diu morari; poterit eos rogare, ut statim dicant quaedam graniora, aliis omissis, quae propter moralem impossibilitatem audiri nequeant, sicuti ex quorundam recentiorum non improbabili sententia, docent Zambranus c. 4. dub. 6. n. 12. Chapeauille cit. c. 3. q. 26. in fine. Quia sicuti poenitens secundum omnes Doctores excusatur, quominus integram peccatorum Confessionem facere teneatur, si ex ea mortis periculum ipsi imminet: ita etiam excusari videtur confessarius, quominus integram Confessionem audire teneatur, ex qua sibi mortem probabiliter timet. Porro talis modus, ut vno tantum, vel altero peccato audito statim absolutio conferatur, necessario usurpari debet, si sit periculum probabile in mora, ne dum in vnius Confessione audienda Confessarius occupatur, alii sine absolutione decedant. Quamobrem etiam in bello ante conflictum, atque etiam post, cum multi sauci in periculo mortis constituti afferuntur, saepe cogitur Confessarius talem modum usurpare, ut audito vno, vel altero peccato singulorum, eos sigillatim absoluat, sicuti docet Henric. lib. 9. c. 30. num. 3. Zambranus c. 4. dub. 6. num. 11. Chapeauille. cap. 3. q. 26.

Dico III. Certum est, quòd peste infectus, & cum aliis in Xenodochio, v.g. lecto affixus, possit sua peccata (quae scandalosa, & ad peccandum allicientia non sunt) aliis audientibus confiteri, ne Sacerdoti periculum contagionis afferatur, si propinquius accedere debeat. Sed dubium est, utrum Confessarius hominem hortari possit, ut clara voce dicat saltem ea peccata, quae sine graui sua infamia, aliòve detrimento potest? Ad quod probabiliter respondetur affirmatiuè: si circumstantiae tale confitendi modum postulare videantur, puta periculum contagionis, propter aërem in loco concluso infectum, valde probabile sit, ideòque Sacerdos, qui fortasse vnicus, & pluribus aliis necessarius est, valde abhorreat ab ingressu. Probatur ex eo, quia constitutus in mortis articulo, si aliter non possit ex lege charitatis erga seipsum obligatur, secundum probabilem Doctorum sententiam, ad confitendum coram aliis saltem ea peccata, quae neque cum scandalo, neque cum graui sua infamia, vel simili detrimento iuncta sunt, sicuti

docet Suarez 3. p. t. 4. disp. 3. 6. f. 6. Zambran. cit. dub. 6. n. 15. & seqq. Chapeauille c. 3. q. 28. & dixi supra c. 6. nu. 5. Atqui in hoc casu pœnitens, moraliter rem æstimando, aliter confiteri non potest: quando, si aliter, videlicet in secreto confiteatur, mortem allaturus sit Confessario audienti. Confirmatur, Quia ordo charitatis exigit, vt pœnitens minus detrimentum famæ suæ posthabeat maiori detrimento seu iacturæ vitæ, quam Confessarius passurus est: præsertim si, vt dixi, alii post mortem Confessarii, spiritali Pastore destituantur. Communiter tamen Sacerdos tum fiducia in Deum, tum præseruantibus pharmacis munitus, accedat ad singulos, vt eorum Confessiones, saltem recensitis aliquibus peccatis, vt supra dictum, excipiat. Ita docet Zambran. l. c. Chapeauille c. 1. q. 9.

Dico IV. In casu necessitatis, si plures in communi naufragio, peste, vel ex conflictu allati, mox animam exhalaturi existimentur: potest, imò etiam debet, omnes simul absolueret, formula plurali; *Ego vos absoluo à peccatis vestris*: dummodo, qui ita absoluantur Confessionem præmiserint peccatorum saltem generalem, si in tali casu speciatim peccata explicare non possint: idque ex communi doctrina.

Quæstio quarta. Quid agere oporteat Confessarius, si anima duertat, pœnitentem laborare ignorantia alicuius rei scitu necessariæ? Respondeo, & dico I. Si pœnitens laboreat ignorantia vincibili, & mortaliter culpabili, tenetur illum monere. Ita ex communi docet Sot. d. 18. quæst. 2. a. 4. ad 2. Med. quæst. 19. C. de Confess. §. similiter dubitari, Sanchez lib. 2. de matrim. disp. 38. n. 2. Ratio est: quia pœnitens à Confessario monitus vel retractabit suum peccatum, vt absolutionem mereatur, vel etsi non retractet, causam tamen intelliget, cur Confessarius absolutionem neget, eoque malo percussus & conscientia stimulis actus, postea fortasse se corrigit.

Dico II. Si Confessarius intelligat, pœnitentem laborare ignorantia inuincibili, vel saltem moraliter non culpabili: abiretur verò ex admonitione non secuturum esse fructum, sed potius animi inquietudinem, rixas, vel scandala dissimulare debet, iuxta illud S. Aug. homil. 41. inter 50. *Si scirem non tibi prodesse, non te admonerem, non te terrem.* Atque ita docent Adrianus de Confess. q. 5. dub. 7. ver. de secundo, Nauar. c. si quis autem, num. 73. dist. 7. de pœnit. & in man. c. 22. numer. 83. Barthol. Medina lib. 2. instruct. cap. 1. argum. c. quia circa, de consang. & affinit. Nam ratio mediorum à fine desumitur: finis autem correptionis, eius præsertim, quam Confessarius adhibet, est bonum correpti: Ergo, eo cessante, omitti debet. Nam *frustranti nil aliud, quàm laborando odium querere, extrema dementia est*, inquit ille. Exempla habes: Si matrimonium, ob latens impedimentum, inualidum sit: Si maritus ob castitatis votum ante nuptias editum, vel ob incestum post nuptias cum coniugis consanguinea commissum, facultate petendi debiti priuatus sit: Si pœnitens per ignorantiam aliena bona possideat.

Dico III. Si Confessarius intelligat, pœnitentem in eiusmodi casibus laborare quidem ignorantia inuincibili: sed detectâ veritate maius commodum, quàm incommodum prouenturum esse, debet errantem instruere, præcipiente charitatis lege: vel etiam iustitiæ, si ex pastoralis obligatione Confessiones excipiat. Cum enim eiusmodi error per se malum quoddam sit, & plerumq; alia incommoda secum trahat, ideo eo liberari pœnitens debet, si facile possit.

Quamobrem prudentem Confessarium multa considerare oportet: hinc quidem qualis, & quantus error sit, in quo pœnitens versatur, facti, an iuris: naturalis, diuini, an humani: verum coniunctus cum irreuerentia sacramenti, saltem materiali: veluti si matrimonium inualidè contrahendum sit. An cum periculo proprii damni,

si v. g. defectus matrimonii, vel obligatio debiti coniugalis non petendi postea cognoscatur, vel ignorantia nunc quidem inculcata, postea culpabilis fiat: cum remedium, seu consilium non ita præsto futurum erit. An denique detrimento tertiæ personæ agatur: vt si res aliena restituenda sit. Illinc verò considerare debet, quantum, & quàm disturnum incommodum ex monitione timeatur: fieri enim quandoque solet, vt pœnitens initio conturbatus animo, salutarem admonitionem respiciat: postea verò mente sedatâ, eandem cum fructu recipiat, ac pareat. Contrà verò accedit interdum: vt licet pœnitens consilio, vel præcepto Confessarii pariturus sit, v. g. dispensationem super matrimonio inualidè contracto petiturus: tamen alia granià incommoda timeantur: qualia sunt pœnitentis, vel putatitii coniugis incontinentia, parentum, vel liberorum infamia, familiæ querimonia, ac lites: tali casu Confessarius interdum dissimulare debet.

Speciatim verò hic notandum occurrit: Si de matrimonio non contracto, sed contrahendo agatur, plerumque eius occultum impedimentum dirimens significantum esse, si aliqualis spes sit, persuaderi posse pœnitenti, vt ab eo abstat, vel dispensationem impetret: idque partim ob reuerentiam sacramenti, ne inualidè suscipiatur: partim ob alia multa incommoda, quæ ex inualido coniugio consequi solent, sicuti docent Sylvest. ver. Confessio, 3. q. 12. & significant Sanchez cit. disp. 38. num. 6. Finellius casu reseruato 10. num. 12. Deinde licet agatur de contractu matrimonii impedimento, vel obligatione debiti non petendi, si tamen Confessarius ipsemet dispensare, atque in facile remedium adhibere possit, plerumque dissimulare non debet: quia etsi nunc inuincibilis ignorantia adsit, eo tamen successu temporis remoueri potest. Atque ipse etiam error, sicut supra argumentatus sum, quamuis inculpatus sit, tamen malum, & imperfectio quædam est: quasi aliquis facile liberari possit, cur non id fieri debeat?

Dico IV. Quotiescunque pœnitens dubitans de matrimonio valore, iure debiti petendi, obligatione restituendi, &c. ex Confessario querit, necesse est veritatem palam edicere. Ita ex communi DD. supra citati. Cum enim pœnitens, orto eiusmodi dubio, teneatur veritatem inquirere, & peritos, præsertim animæ suæ Pastores, ac Medicos consulere: his autem consultis, si veritatem deprehendere, dubium practicè deponere, & bona fide progredi possit: consequens est, quod Confessarius consultus, & veritatem dissimulans pœnitentem in errore confirmet, quod nefas est.

Cæterum cauere Confessarius debet, si fructum secuturum non speret, ne plus respondeat, quàm à pœnitente interrogatur. Exempli causa: Vtrum matrimonium contractum ab eo, qui ante nuptias simplici castitatis voto obstrictus erat, validum existat, & an uxori debitum reddere teneatur? affirmet vtrumque Confessarius, interim tacens de obligatione non petendi debitum. Imò rectè docet Sanchez cit. disp. 38. num. 8. Henriquez l. c. num. 5. contra Sotum dist. 18. quæst. 2. a. 4. ad 2. Tamen si matrimonium, ob latens impedimentum, irritum sit, Confessarium suadere, & præcipere posse pœnitenti inuincibili ignorantia laboranti, vt coniugi petenti debitum reddat: quandoquidem stante vtriusque probabili ignorantia, ad hoc obligatus est. Denique vt intelligat Confessarius, vtrum pœnitens inculcata ignorantia laboreat, necne, caueat eum sollicitare interrogationibus specialibus: v. g. existimène matrimonium validum esse; nam mox ipsi suspicionem commouebit: sed solum generatim interrogare conuenienti: nilne sit, quod animum eius grauet, conscientiam dubiam scrupulosam reddat.

Quæstio quinta. An, & de quibus Confessarius pœnitentem interrogare debeat? Respondeo, & dico

dico I. Si Confessarius, consideratâ qualitate pœnitentis sui, probabiliter credat, eum integrè confessum, ac rite dispositum esse, nihil interrogare debet. Ita ex cōmoni Nauar. in cap. fratres, num. 81. d. 5. de pœnit. & in c. 1. §. diligens, n. 7. d. 6. de pœn. Iacob. Grassi libro 1. decil. cap. 25. num. 3. Pet. Sot. lect. 10. de confess. Suarez d. 32. l. 3. n. 3. Quia in huiusmodi casu, inquit, qualibet interrogatio induci potest otiosa, curiosa, & onerosa pœnitenti: quæ omnia vitanda sunt. Et rectè Domin. Sotus dixit in 4. d. 18. q. 2. a. 4. colum. 14. Officium per se Confessarii non est interrogare: sed audire pœnitentem. In foro namque criminali, quod procedit ad punitionem, debet Iudex Rē interrogationibus examinare: sed in foro pœnitentiaro, quod non procedit per vim coactiuam, sed per spontaneam voluntatem pœnitentis, quantum est per se, satis est simplicem Confessionem audire, & secundum illam iudicare. Quid autem per accidens, videlicet ob defectum confitentis, Confessario agendum sit, deinceps dicam.

Dico II. Si Confessarius existimet, pœnitentem nō integrè sua peccata confiteri, aut si de hoc dubitet, ante omnia diligenter quærere, & considerare debet pœnitentis statum, officium, negotia, tempus, ex quo confessus non fuerat: item ea peccata, quæ pœnitens ipse explicauit, vt ex his omnibus prudenter coniecere possit an, & de quibus eum vterius examinare debeat. Idque maxime ad vitandam offensionem, & ne sacramentum Confessionis hominibus nimis difficile fiat, si indiscretis interrogationibus fatigentur de iis peccatis, quæ eos commississe nulla probabilis suspicio adest: præsertim verò pœnitentes honesti, bene instituti, aut docti non facile examinari debent, nisi de iis peccatis, aut circumstantiis peccatorum, de quibus ipsi mentionem fecerunt, & non satis explicuisse videntur. Cautissimum verò Confessarium esse oportet in formandis interrogationibus circa peccata carnis, vt ad particulares modos, seu circumstantias non descendat, ne vel multa interrogando doceat pœnitentem peccata, quæ antè ignorabat: aut eidem, vel sibi ipsi causa existat turpis tentationis; vel saltem scādali occasionem pœnitenti præbeat, vt suspicetur, Confessarium earum rerum curiosa inuestigatione, oblectari. Hæc annotata reperies apud Ioan. Maiorē in 4. d. 17. q. 2. colum. 7. Ioan. Gersonem p. 2. operis, in regulis moralibus, Barthol. Medinam l. 12. in ltr. c. 3. Sotum, & Grassi locis cit. Nau. c. 5. man. n. 3. & 4. Tolet. l. 3. c. 19. Henr. l. 6. c. 27. n. 1. Fornarium tr. 2. c. 19. Suar. cit. disp. 32. l. 3.

8 Dico III. Si, consideratis circumstantiis, pœnitens examinandus videatur circa peccata, quorum ipse nullā mentionem fecit: consultum est plerumque, vt prius remotiores, ac generaliores interrogationes fiant, sicuti notauit Ioan. Gerson loco cit. Exempli causa. Vtrum inimicitiam pœnitens gerat, vel gesserit? Vtrum nihil possideat, quod ad alterum pertinere existimet? Vtrum nihil supersticiosum vnquam adhibuerit? Quomodo cum coniuge suo in coniugii fœdere conueniat? quia sæpe, mulieres præsertim, viris petentibus debitum negant idque nisi examinata non facile consentunt. Vel si persona soluta est, vtrum cogitationes turpes patiatur, & qua ratione eis resistat? Nam si nunquam habuit consensum turpem, multò magis creditur abstinuisse à turpi opere. Quanquam hæc regula non semper vera est: quia rudiores aliqui, tamen negent peccata solius cordis, quia ea non satis cognoscunt: tamen interrogati fatentur peccata operis, vti Henr. notauit cit. l. 6. ca. 28. n. 7. Multi etiam interrogati de peccato operis carnalis, non arbitrantur eo comprehendi pollutionem suā voluntariam ac procuratam: quare aliquas personas, quæ suspectæ sunt, interdum specificè interrogare expedit: quia pudet eas confiteri, sed examinata edicere audent: quamuis in hac re, vt supra dictum, magna prudentia, & cautione opus est.

Dico IV. Cauere debet Confessarius, ne confitentem peccata sua moleste & importunè interpellat: ac conturbet. Interdum tamen breuem aliquam interrogationem interponere licebit, puta de numero, quoties id fecerit: vel saltem quanto tempore tali peccato assuetus sit: & quoties in die, hebdomade circiter commiserit: item circumstantiam aliquam necessariam interdū breuiter exquirere, v.g. vtrum soluta, an coniugata fuerit, quā concupiuit. Et hæc ideo, ait Henr. ci. c. 28. n. 4. ne peccata, quæ vix præ verecundia pœnitens semel expressit, debeat postea repetere, de numero, aut circumstantia denuo interrogatus. Alioquin verò, atque ordinariè vt dixi, relinquatur Confessione suâ cursus: & interrogationes, quæ necessariae esse videntur, postea formentur. Quod si Confessarius timeat, ne interim obliuiscatur, potest memoriam suam iuuare eo modo, quem aliquibus vtitum scio: vt peccatis iis mortalibus, quæ communiter in Confessionem veniunt solent, certos manu digitos assignet: & si inter peccatorum enarrationem aliquod occurrat, de quo postea interrogatio instituida sit, digitum illum, qui pro tali peccato destinatus fuit, aperiat, vel claudat, vel aliter notet: ita tamen, vt nemo quidquam aduertat.

In confirmationem huius doctrinæ adiciam canonē 32. Concilii Cabilonensis 2. tempore Caroli Magni editum de exacta peccatorum omnium Confessione: *Emendatione agere perspeximus, quod quidam, dum confitentur peccata sua Sacerdotibus, non plene id faciunt. Quia ergo constat, hominem ex duabus esse substantiis, anima videlicet, & corpore: & interdum animi motu, interdum carnis fragilitate peccatur: solerti indagatione debent inquiri peccata, vt ex utrisque plena sit Confessio: scilicet vt & ea confiteamur, quæ per corpus gesta sunt: & ea, quibus in sola cognitione delinquitur.*

Quæstio sexta. Quibus casibus Confessarius confitentem sine absolutione dimittere possit, aut debeat, o. i. Respondeo, & dico I. Si Confessarius certò, vel probabiliter sibi persuadeat, pœnitentem contritū, vel saltem attritum non esse: aut non integrè, quatenus ipsi possibile est, confessum est; peccat mortaliter, si eum absoluat. Ita ex communi Maior in 4. d. 17. q. 2. Petr. Sot. lect. 10. de Confess. ver. secundum, Suar. disp. 32. l. 2. Cum enim & dolor de peccatis ex motu supernaturali conceptus, & integra Confessio peccatorum mortalium secundum speciem, ac numerum, quatenus moraliter fieri potest, pertineant ad substantiam sacramenti Pœnitentiæ, teste Trid. sess. 14. c. 4. & 5. sequitur, nisi pœnitens hæc duo habeat, absolutionis capacem non esse: ideoque sacrilegii crimen Confessarium committere, si eum indispositum absolvere presumat.

Corollarium. Si pœnitens peccata sua narrare videatur sine requisito dolore, & proposito emendationis, Confessarius tenetur eum ante absolutionem de hac ipsa re examinare: & si defectum reperiatur, pœnitentem salubri exhortatione disponere, sicuti præter alios docet Nauar. in cit. cap. fratres, numero. 48. d. 5. de pœnit. Agid. Coninx de sacram. Pœnit. t. 2. disp. 8. dub. 17. conclus. 3. Tum quia, vniuersim loquendo, Iudex ex officio suo supplere debet, ne iudicium reddatur nullum, c. causam quæ, i. de iudic. tum quia speciatim in hoc animæ iudicio cauere oportet, ne margaritæ proiciantur ante porcos: id est, sacramentalis absolutio indigno conferatur.

Dico II. Si pœnitens à Confessario absolutionē petat, nullo secundum speciem, aut numerum explicato peccato, interdū potest illum dimittere, admonitū, vt prius conscientiam examinet, & paratus ac dispositus postea reuertatur. Interdū verò non debet dimittere, sed interrogationibus iuuare, & dispositum reddere. Ita docet Suar. cit. l. 3. & Hier. Llamas p. 2. Methodi. c. 1. §. 2. vbi ait, in Montanis Hispania, Cantabris, &c. multos esse (quales

& nos in Germania inter rusticanos experimur) qui, si sibi relinquuntur, ut conscientiam discutiant, & peccata sua ipsimet narrent, sine interrogatione: nunquam audies ab eis vel unum veniale: sed solum, Pater male feci: quapropter tales ex lege charitatis interrogationibus disponendi erunt, quatenus tamen tempus permittit, si Confessarium aliorum confitentium multitudo urgeat, & homo rudis de pluribus fortè annis examinandus esset: in quo casu interdum dimitti debet, alio tempore rediturus: si autem redire non potest, quia est peregrinus, aut mox communicaturus: interdum intellectis aliquibus eius peccatis absolvendus erit. cum onere ipsi imposito, ut cum primum poteris, ad sacram Confessionem redeat, plenius examinandus. Loquor de eo, qui bona fide agit. Sin verò aliquis per malitiam, aut negligentiam crassam accedat omnino imparatus, talis dimitti debet, modò spes sit postea magis dispositum rediturum esse: sunt enim multi, qui vix semel in anno adduci possunt ad Confessionem: ut, et si reditum promittant, tamen parituri non videantur. Hos præstabit, adhibita monitione, & formatis interrogationibus statim disponere: modò Confessario vacet, & confitentium multitudinem non obruatur: alioquin homo adeò indispositus dimitti debet, uti rectè docet Bart. Med. l. 2. instr. c. 6.

Dico III. Si pœnitens peccata sua ipsemet confiteatur, sed non integre: quia vel numerum mortalium non exprimit, vel unam, aut plures mortalium species omittere videtur: plerumque non est dimittendus, ut conscientiam magis discutiat: sed Confessarius sub mortali peccato obligatus est eum examinare, & ad absolutionem dispositum reddere. Ita ex communi Sotus cit. d. 18. q. 2. a. 4. prope finem, Navar. c. 5. man. n. 2. & cit. c. 1. §. diligens, nu. 7. d. 6. depœn. Syl. ver. Confessor, 3. num. 14. Angelus ver. interrogationes, §. 4. Suar. & Graffis ll. cc. Et sumitur ex c. 1. de pœnit. dist. 6. ver. oportet enim Concil. Vvornatiensi cap. 7. Lateran. in c. omnis utriusque, de pœnit. & remiss. Sic Sacerdos discretus, & cautus, more periti medici, diligenter inquirens peccatorum circumstantias. Ratio est: Quia pœnitens omnia peccata mortalia secundum speciem, & numerum, quatenus id fieri potest, explicare tenetur: consequenter Confessarius illum absolviere non debet, si id non præstitit. Sed neque eum non absolutum sine gravi causa demittere potest: quia causa sacramentalis iudicii cœpta est: quare & ipsi pœnitenti onerosum, & sacramento indecens est, si non perficiatur: cum commodè perfici possit.

Neque refert, tamen si Confessarius intelligat, pœnitentem, propter inuincibilem ruditatem, vel obliuionem, peccata sua non integre explicare: nihilominus enim interrogationibus eum adiuuare tenetur, sicuti Syluest. Navar. Suarez ll. cc. docent. Quia ad rationem iudicii spectat, per se loquendo, ut causa integrè cognoscatur, antequam iudex sententiam ferat: sacramentum autem Pœnitentiæ habet se per modum iudicii, sicuti docet Trident. citat. cap. 5. Ergo, si pœnitens, propter imperitiā, &c. non integre causam proponat, ad officium Confessarii, tanquam iudicis, per se & ordinariè pertinet: defectum eius supplere, ut sacramentum rite, ac debito modo perficiatur.

CAP. XIV.

De sigillo confessionis.

S V M M A R I V M.

1. Sigillum Confessionis est obligatio strictissima in omni casu obligans ad secretum tenenda ea, quæ dicta sunt in ordine ad sacramentalem absolutionem.
2. Sigillum sacramentale provenit ex Christi institutione, quam

per traditionem accepimus.

3. Confessarius non obstante Confessione, potest ea notitia vti, quam aliunde accepit.
4. Sub sigillum Confessionis cadunt non tantum peccata confentis, sed etiam complices: item peccatorum circumstantia, quas taceri pœnitentis interst.
5. Sub sigillum Confessionis cadunt peccata omnia non tantum præterita, sed etiam propositum non abstinenti in futurum.
6. Sigillum Confessionis violat Confessarius, si generatim dicat Titium confessum esse peccatum mortale, casum reservatum, aut si peccatum veniale in specie reuelat.
7. Confessio non tantum expresse, sed etiam tacite reuelari potest.
8. Confitentibus, tamen si ob indispositionem absoluti non sunt, Confessarius testimonium dare debet factæ Confessionis.
9. Confessarius de peccatis ex sacramentali Confessione acceptis neque cum iis loqui potest, qui ea ante cognita habent.
10. Expedit, ut Confessarius nunquam etiam generatim, ac nulla nominata persona loquatur de peccatis cognitis in Confessione: nisi necessitas postulet.
11. Confessarius interdum generatim monere potest, ut caveatur, vigiletur: sed maxima adhibita cautione, ut possibile non sit, confitentem in suspensionem venire.
12. Confessarius interrogatus inrare etiam potest, se nihil scire de peccato: intellige, si priusatum hominem, cui edicere licet.
13. Si Confessarius proprium peccatum confiteri non possit, nisi violando sigillum Confessionis, debet illud reticere.
14. Unicus casus est, quod obligatio sigilli sacramentalis cessat, si pœnitens licentiam dedit loquendi de peccato suo.
15. Si error in foro Pœnitentiæ commissus fuerit, qui postea corrigendus sit, debet pœnitens postea licentiam dare de peccato loquendi: sin dare nolit, nihilominus Confessarius errorem corrigere poterit.
16. Si pœnitens licentiam loquendi de peccatis suis intra confessionem dederit, revocare deinde potest.
17. Præter confessarium, ad quem sigillum confessionis principaliter spectat, etiam alia persona obligatur ad tacendum, ad quam sacramentalis confessio immediate, vel mediate pervenit: g. astantes, interpretes, si quibus Confessarius peccatum manifestavit, &c.
18. Si Confessarius cum licentia pœnitentis peccatum alteri manifestavit, non videtur iste obligatus sacramentali sigillo, nisi talis manifestatio facta sit ex causa pœnitente ad sacramentalem confessionem, vel absolutionem.
19. Qui scriptam confessionem reperit, non videtur sacramentali sigillo astrictus, quominus in casu gravissima necessitatis reuelare possit.
20. Pœnitens non obligatur sacro sigillo confessionis, sed interdum lege naturalis secreti.
21. Etsi nunquam liceat alteri significare peccatum ex sola confessione cognitum, accidere tamen potest, ut liceat facto aliqui significare iis, qui peccatum ante cognitum habent, eius confessionem factam fuisse.
22. Confessarius notitia, quam ex sola confessione hausit, vti non potest in æterna gubernatione, sacramentorum ministerio, &c.
23. Forum sacramentalis Pœnitentiæ omnino segregatum est a foro iurisdictionis, & gubernationis externæ.
24. Si complices peccati Confessario licentiam dedit, tunc potest alterum complicem speciatim examinare.
25. Confessarius credere debet pœnitenti, si negat se crimen aliquod commisisse, nisi evidenter sciat eum mentiri.

Sigillum Confessionis est obligatio ea secreta & tacita servandi, quæ accepta sunt ex Confessione, tendente ad sacramentum Pœnitentiæ: saltem secundum propositum confitentis: quæ ultima verba ideo addo: quia si aliquis ad Confessionem veniat, sperans se sacramentale à peccatis absolutionem accepturum, eum tamen non accipiat, quia Confessarius minus dispositum advertenti: nihilominus eius confessio sub obligationem sigilli cadit, secus, si quispiam animo simulato accedat, & confiteatur, non ut sacramentum Pœnitentiæ accipiat, sed solum ut sacramento, vel Confessario illudat, vel aliquid ab ipso furetur. Vide Suar. disp. 33. §. 2. Henric. l. 6. ca. 19. & 21. ConincK disp. 9. dub. 1. Med. lib. 2. instr. c. 4.

Obligatio huius sigilli strictissima est, ut nullo unquam casu, ullius boni cōsequedi, aut mali evitandi causa, quodvis vel minimū peccatū, aut siquid aliud sub sigillo Confessionis cadit, directè, vel indirectè: ante, vel post mortē confitentis, sine mortali sacrilegio reuelari possit. Ita Alēf. p. 4. q. 78. mem. 2. a. 1. S. Th. in 4. d. 21. q. 3. a. 1. Bonau. cad. d. p. 2. a. 2. q. 1. Sot. q. 2. Rich. a. 4. q. 1. & 2. Pal. q. 3. a. 3. Durand.

Durand. q. 4. Sotus d. 18. q. 4. a. 5. Nau. c. 8. n. 2. man. & in c. Sacerdos n. 117. d. 6. de poen Henric. cit. c. 9. Coninck dub. 1. concl. 4. & patet ex cit. c. Sacerdos, & cap. omnis vtriusque de poenit. & remiss. vbi de positionis poenā, & detractionis in arctum monasterium decernitur. Imò verò interdum eiusmodi reuelatorem degradatum legimus, & seculari potestati traditum, ait Henric. n. 9. Ratio verò sigilli, ita vniuersum, atque in omni casu obligantis; non videtur sufficienter sumi ex solo naturali iure: siue consideremus iustitiæ obligationem, ob tacitum pactum, quod inter confitentem, & Confessarium intercedit: siue consideremus obligationem virtutis Religionis, supposito sacramento Poenitentiae, quippe quod fidelibus aliquando exosum fieret. Nam neutra harum rationum ob stare videtur, quominus in raro casu. v.g. gravissimæ proditiōis Reipubl. inferendæ, si confitens abstinere nollet, prodi posset, sine vlla iniuria tam ipsi, quam sacramento inferenda, propterea quòd in tali casu dignus ille non sit, cui secretum seruetur, sicuti notauit Maior in 4. dist. 21. qu. 2. & q. 3. argum. 4. in fine, Vasquez quæst. 93. art. 4. dub. 1. Quare dicendum videtur, ex perpetua traditione & praxi Ecclesiæ colligi, quòd diuinum à Christo præceptum traditum sit: vt in nullo vnquam casu sacramentalem Confessionem reuelare liceat; valde quidem conuenienter naturæ & institutioni huius sacramenti: ne, quod in salutem fidelium institutum est, eisdem noxium, atque exosum fiat: cum, si ob grauiorem causam, confitentem proderet concessum esset, facile talis licentia ad alios casus in concessos extenderetur, non sine graui sacramenti irreuerentia, & humanæ salutis iactura. Vide Scotum cit. distinctione 21. quæst. 2. articulo 2. Suarez disput. 33. f. 1. Henriquez lib. 6. cap. 19. num. 3. Coninck disp. 9. dub. 2.

Ex his facile est intelligere, ad quæ, seu quovsque sigilli obligatio se extendat: Primo, si quis Confessarius extra sacramentalem Confessionem ita dicat: *Hoc tibi secretum committo, tanquam sub Confessionis sigillo*, & Confessarius ita acceptet, orietur hinc obligatio naturalis tantum secreti, non item sigilli sacramentalis: quare ob grauius malum Reipubl. vel proximi innocentis auertendum, quandoque denuntiari poterit. Ita ex communi Palud. in 4. d. 21. quæst. 3. a. 2. S. Anton. p. 3. tit. 17. c. 2. §. 2. Adrian. in 4. de Confess. vbi de sigillo, §. tertia pars. Caiet. 2. 2. qu. 70. a. 1. circa solutionem 2. Nau. in man. cap. 18. n. 55. Sanchez lib. 3. de matrim. dist. 13. n. 6. Rodriq. 12. sum. cap. 53. nu. 4.

Secundò: Tametsi Confessarius peccatum aliquod in Confessione audiuit, non prohibetur tamen, ea sola cognitione vti, quam ante Confessionem de eodem peccato habuerat: vel postea aliunde acquisiuit. Hanc enim generalem regulam tradunt DD. Supplem. S. Th. q. 11. a. 5. Sotus d. 18. quæst. 4. a. 6. concl. 2. Valentia t. 4. c. 7. quæst. 13. p. 4. Quòd notitia Confessionis non impedit Confessarium quominus vti possit notitia aliunde hausta: dummodo illa hæc non adiuncta, & scandalum e. s. i. Exempli causa: Si sacerdos, ob indicia constituerat Caium de furto accusare, & postea Caius furtum ipsi confiteatur: accusationem Confessarius nihilominus profici potest sine violatione sigilli, modò non vtatur cognitione Confessionis, sed tantum indicis ante, vel post Confessionem acceptis: quamuis propter scandalum vitandum præstat talem à se ablegare, vt alteri Sacerdoti confiteatur. Item Parochus publicum v.g. vsurarium, concubinarium, quem à Confessione dimisit non absolutum: postea etiam à sacra Communione publice repellere potest, addita monitione, vt prius peccati statum deserat, & scandalum publicum tollat, quam ad sacrum epulum accedat: siquidem, tametsi eum à peccatis absoluisse, scandalum verò nondum sublatum esset, eundem tamen repellere posset. Vide de hac re A. entem in 4. p. q. 78. a. vlt. Adrian. in 4. de Confessione, vbi de sigillo, in fine. Mai. in 4. d. 17. qu. 3. arg. 5. & 6.

Tertiò: Sub sigillum Confessionis cadunt non tantum peccata confitentis, sed etiam complices, vt ea sine confitentis licentia, nullo vnquam casu reuelare liceat. Item circumstantiæ peccatorum, quæ ad eorum Confessionem aliquo modo pertinent, & ex quarum reuelatione infamia, aliudve incommodum confidenti euenire potest: puta si quis confessus sit, se i legitime natum sacros ordines accepisse: se infamibus parentibus ortum, nobilitatem generis iactasse: non poterit natalium defectus, aut generis obscuritas à Confessario manifestari, sine sigilli violatione: cum alioquin non minus exosa redderetur sacramentalis Confessio, quam si peccata ipsa manifestare licitum esset. Porro, quæ ad Confessionem peccatorum nullo modo spectantia, per accidens interposita fuerunt, v.g. propositum Religionis ingrediendæ, aut matrimonii contrahendi, ea sub sigillum Confessionis non cadunt: sed sæpe sub obligationem naturalis secreti. Vide Rich. in 4. d. 21. art. 4. q. 4. Nau. c. Sacerdos, d. 6. poenit. n. 51. Sot. d. 18. q. 4. a. 5. concl. 3. Valentiam to. 4. dist. 7. q. 13. p. 3. Suar. disp. 35. f. 3.

Quartò: Sub sigillum cadunt peccata omnia, quæ coram Sacerdote, tanquam Dei ministro recensentur, quauis sine proposito abstinendi: imò cum proposito committendi, vt si quis se accuset, quòd animus ipsi sit furtum, aut homicidium committere. Quamuis contrariū docuerit A. lens. p. 4. q. 78. mem. 2. a. 2. Innoc. & Abb. cap. omnis vtriusque, de poenit. & remiss. in fine, & alii apud S. Bon. in 4. d. 21. p. 2. art. 2. q. 1. quos bene refutant. Maior. in 4. dist. 21. quæst. 3. argum. 4. Adrianus in 4. de Confess. vbi de sigillo, §. His præmissis ver. Respondeo ad primum. Nam sicuti peccatum præteritum, quod aliquis confitetur absque proposito abstinendi, sub sigillum cadit, quamuis stante tali proposito non sit capax absolutionis: ita similiter, si quis confiteatur præsens propositum futuro tempore peccandi, à quo tamen abstinere non vult.

Quintò: Sigillum Confessionis violatur, si Confessarius, quamuis generatim & indefinitè, dicat, Titium sibi confessum esse peccatum mortale catum, & seruatum, censuram excommunicationis. Vel si dicat, se illum non absoluisse, quia non rectè dispositus erat, qua de re videri potest Palud. in 4. d. 21. quæst. 3. a. 2. Sotus cit. d. 18. q. 4. a. 5. concl. 3. Nau. c. 8. man. n. 5. & 14. & cit. c. Sacerdos, n. 63. d. 6. Beia p. 3. casu 14. Coninck cit. du. 1. n. 14. Quare sigillum violauit Parochus ille indoctus, qui audita secreta Confessione subditi sui, literas ei dedit deferendas ad Vicarium Episcopi vel Priuilegiatum: quibus narrauit, se latorem harum à peccato, reservato absolueri non potuisse: cum tamen consensum Poenitentis ad talia scribenda non habuerit.

Simile est, si Confessarius de poenitente narret, eum in Confessione omisisse peccatum, quod eum fecisse constat aut constare poterit. Item si peccatum aliquod veniale in specie reuelet, v.g. Titium confessum sibi esse mendacium iocosum. Non tamen violat sigillum, si generatim, ac indefinitè dicat, confessum sibi esse veniale tantum, vel bene confessum absoluisse: modò non ita loquatur, vt conijci possit, esse magnum peccatorem; qua de re Cai. ver. Confessori necessaria condit. 5. Sor. cit. concl. 3. ver. Et ideo iis, Nau. cit. c. Sacerdos, n. 68. & in man. ci. c. 8. n. 12. Med. Co. de Conf. q. 47. post princ. Valent. cit. q. 1. p. Coninck 3. cit. du. 1. num. 11. Vbi monent, cauendum esse Confessario, ne aliquo loquendi modo sinistram de confitente opinionem apud alios generet: v.g. si dicat: *Titius minutissimis suis peccatis sæpe mihi molestus est* significare enim videtur, illum scrupulosum esse, & sic indirectè sigillum Confessionis violat.

Deinde, si Confessarius duorum fratrum v.g. Confessiones excipere solitus, vnum eorum commendat: quòd exigua, seu vix vlla peccata ad Confessionem afferat: periculum quandoque incurrit violandi sigilli, ob tacitam seu

indirectam reprehensionem alterius, sicuti notavit etiā Palud. d. 21. quæst. 2. a. 3. concl. 3. S. Anton. p. 3. tit. 11. cap. 22. §. 1. Navar. ca. 8. num. 9. Medina cit. quæst. 47. Valentia cit. p. 3. Llamas p. 2. Meth. c. 4. §. 4. Adrian. in 4. Confess. vbi de sigillo, §. Tertia pars, arg. cap. nonne, de præsumpt.

8 Porro ex dictis colligitur cum Medina l. 2. instr. ca. 4. casu 5. Henric. lib. 6. c. 22. num. 3. Coninck cit. dub. 1. num. 14. Si Studiosi, Officiales Principis, vel subditi alicuius, teneantur ferre testimonium factæ Confessionis: quod Confessarius dare debeat, tamen ob indispositionem, vel similem causam eos non absoluerit. Nam Confessarius graviter peccat, & Confessionis sigillum violat, si directè, vel indirectè significet, se pœnitentem suum ob indispositionem absoluisse. Hoc ipsum verò indirectè Confessarius significat, quando aliis omnibus confitentibus schedulam testimonii dat, & huic soli negat. Confirmatur ex eo, quod tali homini publicè petenti S. Eucharistiam, perinde ac aliis danda est, ad vitandam infamiam eius: Ergo ob eandem causam perinde ac aliis schedula testimonii dari debet. Neque verò Confessarius in tali casu mendacium committit: quia non testari debet, se hominem absoluisse: sed Confessum sibi fuisse: quod pono verum esse. Neque cooperatur hominis peccato, tamen si is tali testimonio munitus ad S. Eucharistiam accedat: quia serio illum monere Confessarius debet, ne ita inditus, & à peccatis non absolutus, accedere præsumat, ad sui damnationem. Sin autem ille admonitioni non pareat, culpa ipsius tantum est: Confessarius autem suo officio functus fuit.

Moneo tamen primò: Si res moram patiatur, quia non statim testimonium accipere, aut exhibere necesse est; tunc illi, cui absolutio negatur, etiam testimonium negandum fore, addita exhortatione, ut se rectè disponat, ac postea redeat, testimonium vnà cum absolutione recepturus. Secundò: Si aliqui simulato animo ad Confessionem accedant: quia v. g. hæresin, qua adhuc infecti sunt, abiurare nolunt: solamque pœnæ, aut infamiæ cuiusdam vitandæ causa, ad sacram Synaxin accedere cupiunt, talibus Confessarius negare debet schedam testimonii, ne eorum perniciosæ simulationi cooperetur. Quamobrem monui etiam lib. 2. tract. 1. cap. 13. num. 4. ut in locis eiusmodi, vbi hæretici ad Fidem Catholicam conuertendi sunt, ante Paschale tempus catechismi in domibus, vel ecclesiis instituuntur, illique qui Fidem Catholicam amplecti volunt, eius professio, atque hæresis abiuratio prius imponatur, quam ad sacramentum Confessionis, & faciat Synaxis admittantur.

9 Sextò: Concessum non est Confessario peccata publica, quatenus ex Confessione accepta sunt, edicere: v. g. *Homine iste, publicè condemnatus, confessus mihi est sua furta, rapinas.* Sicuti ex communi docet Caietan. ver. Confessor necessaria, condit. 3. Nav. cit. c. Sacerdos, num. 62. & 66. Sotus cit. q. 4. a. 5. concl. 1. Philarchus t. 1. p. 2 lib. 2. c. 30. Suarez cit. disp. 33. sect. 3. Henric. lib. 6. cap. 20. num. 4. contra Medinam cit. q. 47. post princ. Si enim talis facultas Confessario concessa esset, sæpe ea abuteretur, seu minus publica euulgando, si u minus certa confirmando, quod Confessionem exoriam redderet. Eademque ratio non est concessum Confessario de peccatis sui confitentis loqui cum ijs personis, quas certò nouit ea cognita habere. Siquidem & hoc ingratum esse potest confitentibus, eosque à Confessione abtertere. Denique ne cum ipso quidem pœnitente, sine eius licentia, licitum est extra Confessionem loqui de peccatis ex sola eius Confessione intellectis: cum ea res pudorem iniicere, & exprobrationem continere soleat: quamquam si pœnitens prior loqui incipiat, tunc eo ipso licentiam manifestò tribuit. Vide Suar. disp. 33. §. 5.

10 Septimò: Periculum est, ne interdum sigillum violatur: vel saltem violari videatur, si Confessarius etiam

generatim dicat: In hac ciuitate, Collegio, Religiosorum conuentu committuntur graua crimina, adulteria, veneficia. Ita S. Anton. cit. cap. 22. §. 3. Navar. vlt. cap. Sacerdos, num. 54. & in man. cap. 8. num. 16. Henric. lib. 6. c. 21. num. 6. Nam eiusmodi reuelatione homines simplices offenduntur, putantes sigillum violari: imò re vera interdum violatur: tum quia Communitas infamatur, quæ infamia etiam in pœnitentes, tanquam membra Communitatis, redundat: tum quia audientes, si de aliquo in particulari sinistram opinionem habuerunt, magis in ea confirmabuntur: cuius rei tantò maius periculum est, quò minus ampla, & alioquin boni nominis Communitas est, sicuti Ægidius Coninck notauit citat. num. 16.

Octauò: Tamen si sigillum non violatur, si Confessarius, nulla nominata persona, generatim dicat, se audisse peccatum sodomie, stupri, &c. vti bene docet Navar. cit. c. Sacerdos, n. 47. & in man. cit. ca. 8. num. 12. Syl. ver. Confessor. 3. quæst. 5. consultissimum tamen est, omnino tacere, & de peccatis in Confessione auditis mentionem nunquam facere: nisi ob causam magnæ utilitatis, vel consilii capiendi à viro docto: & tunc cum tali cautione, ut in personæ notitiam nullo modo deueniri possit, si eunti docent Navar. cit. cap. Sacerdos, num. 81. Henric. c. 21. num. 6. Beia p. 3. casu 15. Ægid. Coninck cit. num. 16. Nam alioquin rudes scandalum accipiunt, existimantes sigillum violari, & interdum homines sagaces ex variis circumstantiis simul iunctis in suspicionem, vel cognitionem Rei perueniunt: præsertim si Confessarius specialia designet, v. g. *Primus confitens, quem audiui, fuit adulter.* Quid enim si alio tempore, prioris sui dicti oblitus, dicat: Titium ante alios omnes sibi confessum esse? Vide Medinam in instr. Confess. lib. 2. cap. 4. §. 1. Simile est, si Confessarius inquirat: *Hodie mihi Sacerdos graue peccatum confessus est: Quid enim si hoc audiens probè norit, tantum tres Sacerdotes ipsi confessos fuisse, duos verò esse innocentissimæ vitæ: nonne violentam de tertio suspicionem concepturus est?* Qua de re vide Llamas ci. c. 4. §. 4.

Nonò: Si crimen in Confessione auditum vergat in graue damnum Reipubl. vel personæ priuatæ; puta, si aliqui conspirauerint ad ciuitatis prodicionem, hominis occisionem, &c. licebit interdum generatim monere, ut vigiletur, si omne periculum absit prodendi pœnitentem. Sed maxima hic cautione, & circumspectione opus est: sunt enim aliqui admodum sagaces, ut ex tali monitione, orta ipsis suspitione, post longam indagationem, tandem Reum, qui sacramentaliter confessus fuerat, deprehendere possint. Qua de re Med. cit. quæst. 47. corol. 1. Sotus citat. a. 5. ver. ex quo fit. Henr. c. 21. n. 2. & 3. Llamas. c. 4. §. 5. Coninck dub. 1. n. 17. & 18.

Decimò: Si Confessarius à Iudice, v. g. examinetur de crimine, in Confessione auditò, negare potest: & si opus sit, etiam iurare, se nihil scire, intelligendo, tanquā personam priuatam ad reuelandum, quamuis interim sciat tanquā Christi Minister, & Dei vicarius ad reticendum, sicuti docent Gabr. in 4. distinct. 21. quæst. vn. art. 3. ad 1. Adrianus quæst. 5. de sacramento Confess. prope finem, vbi agit de sigillo, Sotus cit. art. 5. ver. Duo sunt extremi. Med. quæst. 45. Navar. cap. 8. num. 19. Valent. cit. quæ. 13. p. 4. Henriquez lib. 6. cap. 19. num. 7. Rectè tamen monet Sotus, & dixi lib. præced. tr. 3. cap. 13. n. 7. ver. Interim: Interrogationem erga Confessarium determinari posse, utrum quocunque modo erimen huius hominis cognorit; tunc verò ambiguitati locus non erit, sed mendacium esset, negare se nosse: quare tali casu dicendum: Nefas esse, ad sacrilegam istam interrogationem quicquam respondere. Idemque agendum est Confessario, si de notorio crimine confitentis sui rogetur: ut obiurget interrogantem, quòd talia petere audeat, quorum notitiam & ex Confessione haberet Sacerdos, potius mori

mori deberet, quam edicere.

Vndecimò; Si Confessarius officio suo malè functus fuit, v. g. indispositum absoluendo, restitutionem non præcipiendo, non potest hanc suam negligentiam confiteri, si periculum sit prodendi, vel in suspicionem vocandi confitentem. Ita docent Scotus in 4. distinct. 21. quæst. 2. ad argument 4. Palud. ibid. quæst. 3. art. 2. concl. 2. Adrianus in 4. Confess. vbi de sigillo, circa tertium princip. ver. ad quartum, Henriquez lib. 6. cap. 19. num. 5. & cap. 20. num. 5. aliique communiter, contra Sotum citat. a. 5. ver. occurrit. Ratio est: Quia præceptum sigilli seruandi strictius, & omni casu obligat; non item præceptum affirmatiuum confitendi omnia peccata mortalia.

14 Verum vnicus casus est, quo ratio, & obligatio sacramentalis sigilli penitus cessat, si poenitens Confessario licentiam det loquendi de peccatis suis, siue coram seipso, siue coram alijs. Ita docet Supplem. S. Th. q. 10. a. 4. & ipsemet S. Th. in 4. d. 21. q. 3. a. 2. Bonau. ead. dist. p. 2. a. 2. q. 2. Palud. ibid. quæst. 3. a. 3. concl. 2. Adrianus in 4. de Confess. vbi de sigillo, §. sed probabilior, Sotus cit. quæst. 4. art. 6. Medina q. 49. Nauar. cap. 8. n. 2. Suarez disp. 33. sect. 5. num. 6. Vasq. disp. 93. a. 4. dub. 5. Sanchez lib. 6. moral. c. 18. num. 43. contra Alenf. p. 4. q. 78. mem. 2. a. 3. Scot. cit. d. 21. q. 2. §. ad arg. ibid. Duran. q. 4. a. 3. Maior. q. 3. argum. 3. Ratio est: Quia obligatio sigilli, ex Christi institutione profecta, partim nititur ratione naturalis secreti: partim verò, & quidem præcipue reuerentia sacramenti, ne id fidelibus exosum reddatur. Vtraque verò ratio cessat, si poenitens Confessario loquatur si licentiã det tunc enim neque iniuria ipsi infertur: nam sicuti promissio ex voluntate promissarii, & depositum ex voluntate deponentis, ita & secretum omne ex voluntate committentis dependet. Neque etiã fertur irreuerentia sacramento: siquidem id fidelibus nequaquam exosum, sed potius commendabile redditur, si sciant, Confessario concessum esse loqui de peccatis in Confessione auditis, vñico illo casu, si poenitens, existimans sibi id utile fore, licentiam tribuat: Vide quæ dixi lib. 1. tract. 4. c. 12. n. 1. ver. Tertiò.

Sunt verò hinc aliqua obseruanda: I. Licentiam, seu consensum poenitentis oportet esse plenè voluntarium, & que expressum: non autem sufficit præsumptus. Quæ est communis doctrina, contra Altiſiodorensem lib. 4. tr. 6. cap. 3. q. 7. existimantem, satis esse, quod Confessarius rationabiliter credat, id poenitenti ingratum non fore. Verum ea in re Confessarii sæpe decipi possent: adeoque sigillum Confessionis non parum laxaretur, & sacramentum Poenitentia suspectum atque exosum redderetur.

II. Tametsi confitens interdum teneatur suum peccatum vel per seipsum, vel per Confessarium aperire, si ita necessit ad graue damnum innocentis auertendum, ideòque ad id urgendus sit poenitens, atque recusanti absolutio deneganda; v. g. si Parochus aliquos malè baptizauit: attamen illo inuito, nunquam Confessarius seu directè, seu indirectè reuelare poterit, sicuti notauit Coninex cit. d. 1. num. 24. Illud tamen non est improbabile, quod docet Suarez disp. 33. §. 5. n. 3. Si error, siue defectus à Confessario commissus necessariò corrigendus sit: & rogatus poenitens, vt de re ad præcedentem Confessionem pertinente loquendi licentiam det, dare renuat: etiã ipso inuito errorem aperiendum esse, si ita corrigi possit: quia tunc propriè non loquitur extra Confessionem sed supplex, & perficit eam, quæ antè inchoata, & imperfecta manserat, inquit Suarez. Quamuis contrarium significet Sanchez lib. 3. de matrim. disp. 16. q. 1. num. 3.

16 III. Licet poenitens in Confessione licentiam dederit de peccatis suis loquendi: datam tamen postea reuocare potest: Eò quod notitia illa semper maneat sacramentalis, ideòque eius conditionis, vt Confessario

nunquam illa vti liceat, nisi confitens velit. Secus est, si extra Confessionem poenitens licentiam dedit: tunc enim definit esse notitia, & secretum sacramentale: quare perinde, ac si alterius secreti reuelandi facultas concedatur, oritur inde pactum mutuo consensu stabilitum, & per se loquendo, irreuocabile, sicuti docet Suarez cit. disp. 33. sect. 5. num. 7.

Nunc porro dicendum est de personis, quæ sacramentalis sigilli obligatione tenentur; Videlicet, præter Sacerdotem, cui per se, ac directè peccatorum Confessio fit, ad quem proinde sigillum Confessionis principaliter spectat: obligari etiam omnes alios, quamuis secundario, & minùs principaliter, ad quos sacramentalis Confessionis notitia immediatè, vel mediatè iuste vel iniuste peruenit. Ita docet S. Thom. in 4. d. 11. q. 3. a. 1. quæst. 3. Palud. ibid. quæst. 3. a. 2. Scotus dist. 17. quæst. 1. & d. 21. q. 2. Adrianus in 4. de Confess. q. de sigillo, §. secunda pars, Med. q. 46. Syl. ver. Confessio, 3. q. 1. Nau. c. 8. n. 4. & in c. Sacerdos, de poenitent. d. 6. n. 42. P. Sotus l. 11. de Confess. a ver. Confessor, n. 24. Spar. disp. 33. sect. 4. Ratio est: quam tradit Nau. l. c. c. Quia res in ordine siue intentione ad sacramentalem absolutionem manifestata, ex Christi institutione, ac præcepto, vsu ac traditione Ecclesie confirmato, hoc onus seu obligationem annexam habet, vt à nemine, ad quemcunque eius notitia peruenierit, sine graui sacrilegio seu irreuerentia sacramenti reuelari possit.

Hanc tamen rationem Nauarri, quod res transit cum auctore suo, impugnat Vasq. quæst. 93. a. 4. dub. 2. num. 12. propterea quod obligatio pignoris v. g. proximè afficiat rem, & exinde transeat in possessorem ipsius; obligatio verò sigilli, cum sit præceptum, nullo modo afficere possit rem ipsam, sed solum personas, quibus impositum est. Sed respondeo; Non fuisse mentem Nauarri, quod inter vtrūque eadè ratio sit: sed solum proportionalis. Nam sicuti pacto & conuentione hominum efficitur, vt quicumque pignoris possessionem consequitur, ratione eius obligationem contrahat: ita etiam Christi præcepto per Ecclesie traditionem & communem fidelium persuasionem confirmato, effectum est, vt quicumque Confessionis sacramentalis notitiam consequutus est, ratione eius ad reticendum obligatus existat.

Inter eiusmodi personas est primò: Cui poenitens bona fide confitetur, existimans esse Sacerdotem cum non sit: vel esse potestate absoluendi præditum, cum ea careat. Ratio est, quam tradunt Scotus cit. q. 2. d. 18. q. 4. a. 5. concl. 5. Vasq. n. 6. Quia talis Confessio fit cum intentione sacramenti.

Secundò: Interpres confitentis, sicuti docent communiter Doctores contra Caiet. ver. Confessio, condit. 11. Sotum cit. a. 5. post. 4. concl. vbi negant, interpretem propriè obligari sigillo Confessionis: quorū sententia reiicienda est, si velint, interpretem nullo modo obligari sigillo sacramentali ex diuino Christi præcepto in omni casu obligante: sed solum naturali secreto, quamuis strictissimo, quod tamen in aliquo casu, v. g. ad Rempublicam liberandam reuelare licitum sit. Recipienda verò est, si tantum velint, interpretem, & alias eiusmodi mox recensendas personas obligati minùs principaliter & non tam graniter, sicuti Sacerdotem: ideòque nec poenas iuris Sacerdoti violatori sigilli decretas, sed aliam arbitrariam incurrere, sicuti notauit Sotus ibid. & de sec. tegendo mem. 3. q. 4. concl. 4. Nau. c. Sacerdos, n. 50. d. 6. de poenit. Sa cit. n. 27. Henriq. cap. 19. n. 9. & c. 20. n. 2. Suarez cit. l. 4. n. 4.

Tertiò: Astantes, si vel casu & præter voluntatem, vel de industria, & non sine iniuria atque sacramenti irreuerentia, peccata confitentis audiant, vt docet Richard. in 4. distinct. 21. art. 4. quæst. 3. Adrianus l. cit. Vasq. cit. dub. 2. num. 3. & alij, contra Sotum cit. a. 5. post. 4. concl.

Quartò: Quibus Confessarius, sine pœnitentis licentia, adeoque iniuste & sacrilegè, peccata seu verbis, seu facto reuelavit, vti docet Richar. in 4. d. 21. a. 5. q. 1. Gabr. q. 1. a. 2. concl. 2. & alij cōmuniter, contra Med. quæst. 46. Cod. de Confess. Sed & si sigillo Confessionis obligari videntur, quibus Cōfessarius, cum venia pœnitentis, peccata, vel aliud quippiam ad sigillū Confessionis pertinet, manifestavit, sicuti docent Syl. Nau. P. Sotus, Adrianus, & alij plerique, ob rationem suprà datam. Quamvis contrarium defendunt Henric. lib. 6. c. 20. n. 3. Vasq. cit. d. 2. n. 12. Coninck cit. disp. 9. d. 3. propterea, quòd dum Confessarius ex pœnitentis licentia, atque in eiusdem plerumq; commodum, alteri peccatū reuelat, id agere censeatur, tanquam instrumentum pœnitentis: quare sicuti si pœnitens peccatum suum paulò antè Sacerdoti in Confessione explicatū alteri reuelaret, non posset eum ad sigillum sacramentale obligare: cum reuera hæc non sit sacramentalis reuelatio, ita neq; si Sacerdos ex voluntate aut, iussu pœnitētis reuelat. Qui discursus videtur mihi valde probabilis: si reuelatio peccati cum voluntate pœnitentis fiat, non ex causa ad Cōfessionem, vel absolutionem sacramentalem pertinent; sed ex alia iusta, vel iniusta, puta, si pœnitens Confessario licentiā dederit corripiendi socios criminum, cuiusmodi tamen onus suprà dixi rarissimè Confessariū in se suscipere debere. Item si Confessarius ex licentia pœnitentis in Confessione data, ad aucupandam gratiam Titij, significet illi, non sine sacrilegio, quòd confitens inimicum ipsius occiderit. Verùm si reuelatio fiat ob causam aliquo modo pertinentem ad administrationem sacramenti, puta, si ex licentia pœnitentis, virum doctum Confessarius consulat, quòd is munere suo, ac clari scientiæ rectè vti possit: tunc omnino arbitror, ita consultum Confessionis sigillo obligari.

Quinto: Addunt aliqui eum, qui Confessionem memoriz causa scriptam reperit. Sed alij rectius negant, hūc sigillo sacramentali obligari: propterea quòd talis scriptura non sit Confessio sacramentalis; sed tantum remotè, ac per accidens ordinetur ad sacramentum Confessionis, sicuti docet Nau. c. 18. n. 34. & in c. Sacerdos, d. 6. de pœnit. n. 8. Sotus cit. d. 18. quæst. 4. a. 5. in fine, Henric. lib. 6. cap. 10. num. 2. Medina lib. 2. instruct. c. 4. ante primum casum, qui tamen rectè admonent, repertorem eiusmodi scriptæ Confessionis arctissimo secreto naturali obligari: vt mortale peccatum in genere sacrilegi committat, si grauiora seu diffamantia peccata consultò legat, aut lecta alijs euulget: neque etiam Iudicem, aut Prælatum ex sola tali notitia ad criminis inquisitionem, aut punitionem procedere posse, vel, si processus institutus iam fuit, rescindi eum, & pro infecto haberi oportere. Quia licet eiusmodi scriptura non sit Confessio sacramentalis: est tamen via ad eam: ceditq; in irreuerentiam sacramenti, si occasione illius, quòd in salutem animæ à Christo institutum fuit, aliquis detrimentum famæ, &c. patiatur. Attamen si schedula repertor moraliter certus sit, non nisi leuia, & non infamantia peccata in ea scripta esse, ideòq; curiositate, legat, vel lecta alijs euulget: non debet censeri plùs quàm venialiter peccasse: quia non violauit sigillum Confessionis; sed tantum naturale, cuius obligatio ob materiæ paruitatem minuitur.

Deinde hinc consequens esse videtur, quòd in casu maximæ necessitatis, v.g. ad Rempublicam, vel vitam innocentis liberandam, huiusmodi scriptam Confessionem reuelare licitum sit, quatenus præcisè necessarium est ad impediendum maius malum, cui, spectato iure naturæ, minor iactura hominis talem schedam scribentis posthaberi potest. Excipi tamen hinc debet: Nisi sacramentalis Confessio Sacerdoti in scripto data & ab eodè amissa sit. Nam talis manifestatio facta Sacerdoti per scripturam in ordine ad absolutionem accipiendam (cu-

ijsmodi Confessionem quandoq; validè, ac licitè fieri posse, dixi suprà c. 6. n. 3.) verè sacramentalis est, ideòque sub sacrum sigillum cadit, vt ea nullo casu à quocunque homine, sine licentia peccatoris, reuelari possit.

Sextò: Nau. in cit. c. Sacerdos n. 42. Syl. ver. Confessor, 3. q. 1. Armilla n. 8. exist. mant, etiam laicum, vel non Sacerdotem, cui ob defectum Sacerdotis confessio fit, obligari hoc sigillo. Sed contraria sententia est communis, & vera: quia talis confessio non est sacramentalis, ne quidem ex intentione confitentis: nisi valde erronea, iuris errore.

Septimò: Idem Nau. cit. c. Sacerdos, n. 115. sensisse videtur, etiam pœnitentē sacro Confessionis sigillo obligari. Sed contraria sententia est cōmunis, & vera, quæ docet Maior in 4. d. 21. q. 3. arg. 11. Sotus de secreto tegendo, mem. 3. q. 4. concl. 4. Tol. lib. 1. c. 20. Suarez disp. 33. sect. 4. Coninck disp. 9. d. 3. Pœnitentem non obligari sigillo sacramentali, sed solum lege naturali, ne aliquid ex Confessione reuelat, quo vel seipsum sine causa iusta infamet, vel Cōfessari bonæ existimationi detrahat.

Restant aliquæ quæstiones soluendæ: Prima est: Si plures in necem Sacerdotis conspirauerunt, quorum vnus v.g. Titius, pœnitentia ductus, eidem Sacerdoti malignum hoc propositum confitetur: vt rum tali casu Sacerdos vitæ suæ consulere possit fugiendo, aut abstinendo à proposito sibi poculo venenato, tamen si certus sit, socios conspirationis exinde in suspensionem, vel cognitionem venturos, quòd Titius peccatum illud suum confessus fuerit? Negant Richar. d. 21. a. 4. q. 2. ad 5. Sotus d. 18. q. 4. a. 5. colum. 6. Nau. c. Sacerdos, dub. 6. de pœnit. num. 135. propterea quòd Sacerdos peccatum ex sola Confessione cognitum nullo in casu directè, aut indirectè etiam ijs reuelare possit, qui illud antè cognitum habent, sicut suprà dixi.

Sed contrarium rectè dicitur (vt arbitror) docent Scotus in 4. d. 21. quæst. 2. ad 3. argum. Gabr. q. 1. a. 3. dub. 1. ad 4. Adrianus in 4. de Confess. vbi de sigillo circa tertium principale, ver. ad quintum, Syl. ver. Confessio, 3. q. 19. Henric. lib. 6. c. 24. n. 5. Coninck disp. 9. dub. 4. 1. 54. Quia optimè notauit Adrianus: Aliud esse factum ipso alteri significare peccatum, quòd ex sola Confessione cognitum est: aliud verò reuelare, Confessionem peccati factam esse. Nam illud prius nullo casu fieri potest absque sigilli violatione, at verò hoc posterius interdum licitè fit; quando ille alter peccatum aliunde manifestè cognitum habet: Sacerdos verò exhibet signum, quòd nullo modo, spectatis omnibus circumstantijs, aptum est ad manifestandum peccatum secundum se, sed solum ad peccati Confessionem manifestandam ijs, qui peccatū secundum se antea cognitū habent. Exēpli causa: Si Confessarius hominē ob publica latrocinia morte dānatū apud alios commendat, quòd benè de peccatis suis confessus fuerit, nullo modo violat sigillum: quia non exhibet signum, quo cognosci possit, hunc hominem commisisse latrocinia: sed solum, vt ijs, qui latrocinia eius antè cognita habent, exinde colligant, quòd illa confessus fuerit. Præterea si Confessarius aliquoties accedat ad hominē, qui domi suæ concubinam alit; illum ad emendationem hortetur, eius Confessionem denique excipiat, & ad sacrū epulum admittat, profectò Concubina hinc apertè colliget, hominem illum peccatū fornicationis confessum fuisse: attamen sigillum Confessionis à confessario illo violatum esse, nemo dicet. Sic etiam in proposito, si Sacerdos ex Confessione intelligens, insidias suæ vitæ parari, eas tam cautè declinet, ac fugiat, vt impossibile sit, aliquem hominum ex hoc eius facto deuenire in suspensionem, vel cognitionem peccati, seu conspirationis in necem: sed solum, vt illi, qui conspirationem antè cognitam habent, inde conieciant, aliquem hoc peccatum Sacerdoti confessum fuisse: censeri non debet Confessionis sigillum reuelatum fuisse.

Ex quo

Ex quo non improbabiler inferit Coninck disp. 9. dub. 4. num. 56. contra Suarez disp. 33. sect. 7. num. 6. Tamen si ponamus, ex fuga Sacerdotis confitenti periculum imminere, ne à socijs propterea occidatur, nihilominus eam fugere posse: cum id agendo, sigillum sacramenti non violet: quapropter ius naturale ipsi permittit, ut vitā propriā alienæ anteponat. Sicuti, si dominus hæreticus intellexerit, aliquē ex suis famulis Sacerdoti confessum fuisse, mortēque serio minetur Confessario, nisi dicat, quisnam ille sit: Confessarius non prohibetur eum nominare, tamen si intelligat, exinde mortem confitenti serulo inferendam fore: Laudabilius tamen ageret Sacerdos, si mortem ipse pro innocente fortiter opponeret.

Obijcies: Exinde sequi, quod Confessio hominibus odiosa reddatur, si occasione eius aliqui tantum periculum subeant. Respondeo, Confessionem secundum se, & simpliciter odiosam non reddi: sed tantum quatenus spectatur cum talibus circumstantijs, quæ tamen rarissime, & vix vnquam concurrunt: ut proinde talis casus potius speculatiuus, quam moralis censi debeat, uti notat Sanchez lib. 3. de matrim. disp. 16. q. 1. ad 4.

Quæstio Secunda. Vtrum Sacerdos notitia ex sola Confessione comparata uti possit in externa gubernatione, sacramentorum administratione, &c. faciendo aliquid, quod alioquin esset omittendus: vel omittendo quod alioquin esset facturum? Exempli causa, vtrum Prælati subditum quē ex sola ipsius sacramentali Confessione scit officio suo non rectē fungi, inde remouere possit: ita tamen, ut absit omne periculum alijs reuelandi, vel in suspicionem vocandi confitentem, quia tale est officium, à quo Prælati arbitrati suo aliquem amouere potest, ac solet. Item, vtrum Confessarius capitularis, cum suffragium in electione Prælati dat, illud idcirco confitenti suo denegare possit, quia eum ex sola Confessione scit esse indignum? Præterea, vtrum Episcopus hominem, quem ex sola Confessione scit irregularem, à sacris ordinibus clanculum remouere possit: vel Parochus sacramenta Eucharistiæ, Extremæ unctionis, aut matrimonij assistentiam, occultata causa, denegare ijs, quorum impedimentum ex sola sacramentali Confessione cognitum habet?

Affirmant plerique DD. quorum catalogum recenset Sanch. cit. disp. 16. q. 1. Probatur primo; Quia Sacerdos ratione sigilli solum obligatur, ut ea, quæ ex Confessione cognouit, tēta, & secreta seruet: Atqui Sacerdos occulte alicui denegando suffragium, vel amouēdo ab officio nemini reuelat Confessionē criminis. Ergo, &c. Secundo: Quia Sacerdos audiendo Confessionem poenitentis, non priuatur iure suo, quod alioquin ipsi competit: Atqui si Confessionem hominis non audiuisset, posset illum officio amouere, suffragium ei negare, &c. Ergo etiam id potest auditā Confessione: Imò secundum quosdam etiam tenetur, si id bono publico expedire iudicet, quæ de re Sanchez quæst. 2. & videri potest Henricus Gandauensis quod lib. 8. q. 29. 31. Tertiò: quia casuum reservatio ideo introducta esse videtur, ut Superiores ex notitia Confessionis prudentiores fiant ad externam subditorum gubernationem.

Contrariā sententiam tuetur Armilla ver. Confessor, n. 7. Mart. Delius lib. 6. disquis. magic. f. 1. Bannes 2. q. 33. a. 8. ad finem, Sanchez cit. q. 1. n. 3. Coninck disp. 9. dub. 4. n. 64. Eandemque sententiam R. P. noster bonæ memoriæ Claudius Aquaiua in Societate Iesu, tum à superioribus ipso vsu obseruari, tum à Professoribus publicè, & priuatim doceri præcepit, Anno Domini 1590. Et postea Clemens VIII. motu proprio pro Regularibus omnibus Anno 1594. ita decreuit: *Tam Superiores pro tempore existentes, quam Confessarii, qui postea ad superioritatis gradum fuerint promossi, caneant diligentissime, ne ea notitia, quam de aliorum peccatis in Confessione habuerunt, ad exteriorem gubernationem reuolant.*

Probatur ex eo, quia sigillum Confessionis, si secundum omnem suam latitudinem accipitur, obligat Sacerdotem non tantum in ordine ad alios; sed etiam in ordine ad ipsum confitentem: ne ei peccatum, ex sola ipsius Confessione cognitum, obijciatur, exprobetur, aut in memoriam reuocetur, sicuti docent DD. communiter apud Sanchez cit. q. 1. n. 3. Talis autem exprobratio re ipsa accidit, si Sacerdos confitenti suo, propter auditam eius Confessionem, sacramentum Eucharistiæ, Ordinis, &c. denegat: vel eum ab officio remoueat: plerumque enim vel certa, vel probabili suspitione deprehendet, id fieri propter peccata, quæ confessus fuerat: ideoque sacramentum Confessionis eidem graue, & damnosum fiet.

Sed etsi ponamus, confitentem nullo omnino indicio assequi posse, suffragium v. g. in electione occulta sibi à Confessario propter Confessionis notitiam denegatum fuisse: tamen ipsa persuasio hæc, si nimirum sciant fideles, se ob peccatorum suorum Confessionem in periculum posse à consequendis officijs, ac dignitatibus, abhorrebunt à Confessione, ijs præsertim faciendis, quos vel leuiter suspicatur aliquando sibi prodesse, vel obesse posse.

Confirmatur ex eo, quod reservatio criminum grauiorum magna ex parte inutilis esset, si Superiores, quibus ea reservatur, ex eiusmodi notitia subditos suos gubernare possent. Nam Clerici præsertim, quorum promotio ad officia, atque honores à Prælatorum suorum voluntate dependet: nunquam cum tanto suo periculo obligari poterunt ad confiteandum crimen graue Superiorem, si ex tali Confessione intelligant se à promotione, quam auidè plerique desiderant, impediri posse.

Denique probatur inde; Quod forum sacramentalis Poenitentiae ex propria sua institutione secretum sit, & omnino segregatum à foro externæ iurisdictionis ac gubernationis: ac proinde non oporteat notitiam sacramentalis extra illud forum secretæ Poenitentiae, ad publicam gubernationem extendi. Quod F. noster Claudius his verbis expressit; *sibi que persuadeant (Confessarii) ut humanarum rerum regimen ab hoc sacramento longissime distat, ita debere nullatenus ab eo pendere.*

Atque hæ rationes videntur satis efficaces: quæ verò pro priore sententia allatæ sunt, facile solvuntur. Ad 1. respondetur: Ratione sigilli sacramentalis propriè, & strictè accepti, obligari Sacerdotem, & quidem magis principaliter, ne Confessionem peccati reuelet ijs, quibus ignotum est. At verò ratione sigilli sacramentalis, amplè accepti, obligari etiam Sacerdotem, quamuis non tam grauitè, ut peccatum ex sola Confessione cognitum, etiam coram ipso poenitente, alijsque personis illius notitiam habentibus, occultatum seruet. Obligat item ratio sigilli sacramentalis, ne Sacerdos propter acceptam ex Confessione notitiam quicquam agat, quod confitenti graue sit, atque conqueri, & à sacramento absterri possit.

Ad II. respondetur: Verum esse, quod Confessarius, propter auditam Confessionem, non priuatur iure ac libertate ab officio deponendi, suffragium negandi, &c. attamen prohibetur, ne ad tale aliquid faciendum moueatur, vel adiuuetur ex notitia haurita in sacramento Poenitentiae: cum perinde se gerere debeat in externis actionibus suis erga confitentem, ac si in illo interno foro nihil audiuisset: quemadmodum, inquit Sanchez resp. ad 2. qui nouit aliquid extra Confessionem, & postea in Confessione audit, non amittit ius pristinum illud manifestandi: arctatur tamen Confessionis sigillo, quominus alio modo propalare possit, quam cognitum habuerat ante Confessionem.

Ad III. respondetur: Hanc non esse causam reservandi peccata superioribus Prælati: sed quam dixi in materia de casuum reservatione.

Existimat tamen Aegid. Coninck cit. dub. 4. n. 68.

Si Prælatus ex Confessione intelligat, peccatū aliquod graue in Monasterio v.g. perpetrari solitum esse, quod is absque vilo periculo reuelationis sigilli, & sine vilo confitentis grauiamine facile impedire possit: puta edificando aliquid, vel struem lignorum erigendo in eo loco, vbi antea exitus, vel introitus patebat: tali casu non esse prohibitum notitia Confessionis vti, vel adiuuari, etiam sine consensu pœnitentis: præsertim si is rogatus consentire nolit, cū n tamen debeat. Cuius doctrinæ ratio, & fundamentum hoc est: Licet sigillum sacramenti semper, & omni casu obliget Sacerdotem, ne Confessionem peccati directè, vel indirectè reuelet cuiquam hominum, cui id incognitum est; non ita tamen semper obligat respectu ipsius confitentis, & aliorum, qui criminis certam notitiam habent: quominus Sacerdos ob grauem causam aliquid agere possit, quod ex seipso quidem nullo modo sit signum reuelatiuū, aut expressiuum peccati: attamen illis, qui peccatum antè cognitum habent, suspicionem mouere possit, illud fieri ex notitia Confessionis. Exemplū est: Si aliquis confiteatur Prælato, se cū pluribus conspirasse ad ipsū occidendū: vel monasteriū incendendū: postea verò ipsemet cōfiteas, vel alius ense, aut similia instrumēta petat, potest Prælatus denegare, si absit omne periculū reuelandi peccatū. Neq enim hoc graue seu molestū accidere debet pœnitenti: cū neque exprobrationem contineat peccati, ac Confessione explicati: sed solum admonitionem aliquam, vt absteineatur à futuro: neque vllum grauiamen aut damnum eidem inferat, sed solum hoc bonum, quod impediatur à peccato imposterum committendo. Nec denique timenda hīc videtur prohibitio Clemētis viii. quia ea constitutio solum loquitur de actibus spectantibus ad gubernationem subditorum: ne aliquid ex notitia Confessionis fiat, quod confitentium honori, vel commodis aliquo modo præiudicet. Hæc doctrina mihi probabilis visa est: sed quia eam non omnibus probari intelligo, quasi ea repugnare videatur ordinationi Societatis Iesu c. 2. §. 14. ideo nihil definio, sed aliorum in hac re iudicio acquiescere malo.

Quæstio Tertia. Si Confessarius pœnitentis alicuius peccatum extra ipsius Confessionem cognouit, de quo se non accusat, vtrum, & quomodo illum interrogare debeat? Respondeo, & dico I. Si Confessarius peccatum ex complicitis Confessione accepit, refert, vtrum complex licentiam dederit loquendi cum altero: quo casu eum speciatim Confessarius examinare non prohibetur, si res ita postulare videatur, & scandalum absit. An verò licentia hanc à complice non acceperit: eo casu plerumque generationi tantum quærere debet, vtrum aliud præterea peccatum admiserit, quod animum grauet. Tunc tamen etiam speciatim interrogare per notitiam illam sacramentalem non impeditur, si tale peccatum sit, de quo alias eiusdem conditionis personas interrogare solet. Qua de re Syl. ver. Confessio, 3. q. 16. Nauar. c. 8. man. n. 17. Tolet. lib. 3. c. 17. num. 14.

Dico II. Si Confessarius non ex confessione complicitis, sed extra Confessionem ex aliorum fidei relatione peccatum pœnitentis cognouit, plerumque speciatim examinare potest: imò etiam debet. negantem tamen absolueri cogitur: cū cogitare debeat, vel alteri confessum esse, vel ob periculum confiteri iam non posse; aut eos, qui retulerunt, mentitos fuisse: siquidem in pœnitentia non creandum est confitentis fuisse iuste, ita & pro se. Idemque locum etiam habet, si Confessarius peccatum ex complicitis Confessione acceperat, eo casu, quo speciatim interrogare potest.

Dico III. Si Confessarius commissi, ac nondum per Confessionem expiati peccati notitiam manifestam habet, eamque extra Confessionem accepit: puta, quia oculis suis vidit paulo ante furantem, vel auribus audiuit blasphemantem: adeoque consideratis omnibus circum-

stantijs, animaduertat confitentem, qui peccatum illud negat, dispositum non esse, sed simulatorem egregium: tunc absolutionem illi negare debet, ob sacramenti honorem, sicuti docet Henric. lib. 6. c. 20. n. 6. lit. a. b. quamuis contrarium sentire videatur P. Sotus lect. 10. de Confess. ver. monentur.

CAP. XV.

DE SATISFACTIONE.

SYMMARIVM.

- 1 Satisfactio pro iniuria distinguitur à restitutione, seu damni illati compensatione.
- 2 Pro culpa morali, & correspondente pœna Deo satisfacere non possumus ex condigno, sed tantum ex congruo. Patres omnes operibus bonis iustorum tribuunt virtutem satisfaciendi pro peccatis, ex Christi merito: sed Nouatores hæretici constanter se huic veritati opponunt.
- 3 Homines iusti in hac vita pro pœna temporali in purgatorio luenda ex condigno per Christi meritum satisfacere possunt. Sed post hanc vitam anima in purgatorio non sunt in statu satisfaciendi, sed potius satisfaciendi.
- 4 Sacerdos pœnitenti sacramentalem pœnitentiam imperare debet: partim in vindictam peccatorum, partim ad remedium animæ.
- 5 Lapsi in peccatum graue, seu mortale, olim frequenter à Confessario interdicebatur sacra Communio, donec per iniuncta bona opera satisfecissent.
- 6 Pœnitens obligatur ad acceptandam pœnitentiam, si iusta est, si tamen nimis grauis illi videatur, potest se alterius Confessarii iudicio subicere.
- 7 Obligatio implendi pœnitentiam iniunctam ob peccata venialia, item ac mortalia, à quibus absolutio etiam antè accepta fuerat, non est sub peccato mortali.
- 8 Pœnitentia rectius à Sacerdote imponitur ad sacramentalem absolutionem, cum sit pars sacramenti maiorialis.
- 9 Opera, quæ in pœnitentiam iniunguntur, debent esse aliquo modo pœnalia, seu afflictiua: quare plerumque conuenis esse externa opera, videl. oratio vocalis, ieiunium, elemosyna.
- 10 Magis conuenis, vt opera bona, quæ pœnitentis imponuntur, sint supererogationis: quamuis interdum non absrefaciat Confessarius, si homini præcipiat opera aliquam præcepta.
- 11 Confessarius pœnitentiam imperaturus attendere debet tum ad peccatorum magnitudinem, tum ad pœnitentis statum.
- 12 Casus aliqui sunt, quib. Confessarius leuiorem, quàm peccata merentur, pœnitentiam imponere debet.
- 13 Infirmitas, seu moriturus plerumque aliquis saltem bonus motus in Deum pœnitentia lico imperari potest.
- 14 Opus iniunctum in Confessione habet vim ex opere operato delendi pœnam temporalem peccatis debitam, iuxta Christi institutionem.
- 15 Qui opus pœnitentiae in statu peccati mortalis implet, satisfaci quidem præcepto, sed fructum satisfactionis tunc non consequitur: quare videtur peccare, saltem venialiter, obicem ponendo, quominus effectum tunc consequatur.
- 16 Pœnitentia imperata, & acceptata, ob causam mutari potest ab eodem Confessario, vel altero. Nec est omnino improbabile, id fieri posse, tamen si peccata non repetantur.
- 17 Qui impotens factus est pœnitentia exequenda, omnino liberatus est.

Notandum primò: Satisfactio, si strictè ac propriè accipiatur, aliud non est, quàm iniuriæ compensatio, quatenus ea à damno distinguitur. Quare differt satisfactio à restitutione, quæ propriè est damni compensatio. Et restitutio quidem consistit in rebus: quia per eam res alicui ablata vel eadem, vel in æquivalente redditur: satisfactio autem potius in actionibus consistit: quia per eam iniuria in personam redundans, contraria actione v.g. humili petitione veniæ, subiectione, & honoris exhibitione compensatur. Ita docet Bellarm. lib. 4. de pœnit. c. 1. Suarez p. 3. t. 4. disp. 37. in princip. Notandum secundo: Peccatis nostris Deo nullum damnum propriè inferre possumus: quare nec restitutio ni erga Deum locus esse potest, sicuti notauit Molin. tr. 2. t. 3. poster. disp. 715. Attamen iniuriam Deo peccatis irrogamus, & amicitiam eius lædimus: eoque pro

pro hac offensa satisfacere ei oportet. Et quidem per peccatum mortale adeo offendimus, ut Dei inimici constituamur, ac poena aeterna digni reddamur. Cum enim peccatum mortale infinitam malitiam contineat, quatenus Deo infinite bono repugnat, ideo meretur poenam, quae sine fine, seu aeterna est. Hæc etiam causa est, quod pro culpa mortali, eique correspondente poena aeterna, Deo ex condigno satisfacere nunquam possumus: sed solum ex congruo, quatenus misericordissimus Deus, ob Christimerita, peccatoris poenitentiam siue animi conuersionem, ad culpæ mortalis destructionem acceptat, nosque in gratiam suam recipit, & reatum poenæ aeternæ gratis remittit, sicuti supra explicauimus c. 1. & docet Bellarm. l. c.

Possent quidem Deus verè poenitentibus vniuersum poenæ debitum remittere, & condonare: sicuti soletis, qui per Baptismum renouatur, vel martyrium pro ipso subeunt: verum non ita per poenitentiam peccata semper remitti, ut vniuersa etiam poena condonetur: sed ita frequentius, ut temporaria aliqua poena pro peccatis seu hac, seu in altera vita luenda restet, illustria sunt sacrae Scripturæ exempla: Patrum quoque auctoritas, & Ecclesiæ vniuersæ persuasio ostendunt. Nam, & diuine iustitiæ ratio exigere videtur, ait Trid. sess. 14. c. 8. ut aliter ab eo in gratiam recipiantur, qui ante Baptismum per ignorantiam deliquerint: aliter verò, qui semel à peccatis, & demonis seruitute liberati, & accepto Spiritus sancti dono, scientes templum Dei violare, & Spiritum sanctum contristare non reformidant. Et diuinam clementiam decet, ne ita nobis absque ulla satisfactione peccata dimittantur: ut occasione accepta peccata leniora putantes, veluti iniuri, & conuulsi, si Spiritui sancto, in grauiora labamur. Quemadmodum etiam in humanis, qui virum Principem graui iniuria affecit, interdum humili poenitudine, prece, & exhibitione amoris veniam delicti impetrat, & in gratiam seu amicitiam recipitur, condonata illi mortis committitur poenæ: attamen, ut iustitiæ etiam publicæ satis fiat poena illa mortis in aliam mitiorem, temporariam commutatur. Imò hoc ordinatum est, ut si Princeps, post latam sententiam mortis, Reo gratiam se præstare dicat, solum censeatur tollere mortis poenam: non item pecuniariam, & similes, sicuti docet Molina tract. 3. de iust. disp. 48. num. 101.

Nunc afferemus quædam SS. Patrum testimonia, quibus hæc veritas confirmatur. Imprimis eam docuit, Dauidis exemplo; S. Iustinus Martyr in Dialogo cum Tryphone: Si viro tanto ante non est noxa remissa, quam poenitentiam egit: ac demum cum tantopere fleuit, & res tantas fecit, magnus iste Rex, & vinctus Propheta: quam tandem imparisti, & nullius mentis, comploratique adeo homines, nisi lamentati fuerint, planxerint, & poenitentiam egerint, spem habere possunt, non imputatum illis iri peccatum à Domino? Etegrege S. August. in psal. 50. Ignoscis Domine, confitenti, ignoscis, sed seipsum punienti: ita seruatur misericordia, & veritas. Et S. Greg. I. lib. 9. moral. c. 27. Delinquenti Dominus nequaquam parcat: quia delictum sine ultione non deserit: aut enim ipse hoc homo in se poenitens punit, aut hoc Deus cum homine vindicans percutit. Nequaquam igitur peccato parcat, quia nullatenus sine vindicta laxatur. Sic Dauid audire post confessionem meruit, Dominus transulis peccatum tuum. Et tamen multis post cruciatibus afflictus, ac fugiens, reatum culpæ, quam perperrauerat, exoluit. Et in 1. Reg. c. 15. ait: Non solum censenda sunt peccata: sed etiam poenitentia austeritate diluenda.

Idem docuit Zacchæi exemplo S. Irenæus lib. 4. aduersus hæres. c. 26. Quod ea, quæ possidentur, pauperibus diuisa solutionem faciunt peccatorum praterita turpitudinis. Zacchæus facit manifestum, Ecce dimidium bonorum meorum do pauperibus, &c. Et S. Chrysost. in orat. de B. Philogonio: Quibus rebus pronocasti Denm, per has rur-

sum facito propitium. Pronocasti illum pecuniarum rapina, per eandem illum reconcilia: cumque ea rapta restitueris illi, quos iniuria affecerat, & alias insuper addideris, dicens: Pax, ta. Zacchæum: Reddo, si quid rapui, quadruplum. Tertull. in lib. de poenit. c. 6. Quam ineptum, poenitentia non adimplere, & veniam delictorum sustinere? hoc est, praecium non exhibere, ad mercedem manum emittere. Hoc enim pratio Dominus veniam addicere instituit: hac poenitentia compensatione redimendam, proponit impunitatem. Et cap. 9. Satisfactio confessione disponitur, confessione poenitentia nascitur: poenitentia Deus placatur.

S. Cypr. lib. 3. epist. 14. Hæc (remedia poenitentia) qui subtrahit fratribus nostris, decipit miseros: ut qui possunt agentes poenitentiam veram Deo Patri misericordie precibus, & operibus suis satisfacere, seducantur, ut magis pereant. Et de lapsis prope finem: Sola superest poenitentia, quæ satisfaciatur post lapsum. Qui autem poenitentiam criminis tollant satisfactionis viam claudunt: ita fit, ut dum temeritate quorundam vel promittitur salus falsa, vel creditur, spes vera salutis adimatur. Et infra: Deus quantum patris pietate indulgens, tantum iudicis maiestate metuendus est. Quam magna deliquimus, tam grauius defleamus. Alio vultu diligens, & longa medicina non desit: poenitentia crimine minor non fit: Putasne Dominum cito posse placari, quem verbis perfidis abnuisti, &c. Orare oportet impensius, diem luctu transigere, &c. post indumentum Christi perditum, nullum hic iam velle vestitum, post Diaboli cibum, malle ieiunium: iustis operibus incumbere, quibus peccata purgantur: elemosynis frequenter insistere, quibus à morte anima liberentur.

Origenes super librum Iudicum homil. 3. Vide benignum Dominum, misericordiam cum seueritate miscntem, & ipsius poenæ modum iusta & clementi libratione pensantem. Non in perpetuum tradit delinquentes: sed quanto tempore deliquisti, tanto humilia te ipsum Deo, & satisfacito ei in confessione peccati. Et super Leuiticum, ubi ait peccatum redimi posse. Si tamen inuenerit manus pretium quod restituat: Quale pretium? poenitentia sine dubio lacrymis congregatum, & manibus, id est, labore boni operis inuentum.

Lactantius lib. 4. diuinar. institut. c. 17. Poenitentiam nobis Deus in circumcisione, figura quadam proposuit, ut si cor nudauerimus, id est, peccata nostra confessi satis Deo fecerimus, veniam consequamur, quæ contumacibus, & admissa sua celantibus denegatur ab eo, qui non faciem sicut homo, sed intima & arcana peccatoris intuetur.

S. Basiliius hom. 3. in dictum illud, Attende tibi ipse. Attende tibi ipse, ut pro delicti proportionem hinc quoque inuenies ex admota tibi medela valetudinis instauranda subsidium. Magnum est, & graue peccatum: multa opus habes confessione, lacrymis amarulentis, per acri contentione vigiliarum, indiulso & continenti ieiunio. Lenis est, nec intoleranda offensus, huic quoque exaquetur poenitentia. Vide eundem hom. 14. ad populum de ebrietate.

S. Greg. Nazianz. orat. 16. de pauperum amore; Purgemur per misericordie officia, labesque, & sordes animæ pulchra illa herba extergamus, ac dealbemur, alij ut lana, alij ut nix, pro misericordie videlicet proportionem.

S. Ambrosii de Helia, & ieiunio, c. 20. Pecuniam habes: redime peccatum tuum. Non venalis est Dominus: sed tu ipse venalis es. Peccatis tuis vendidisti te, redime te operibus tuis, redime te pecunia tua. Vilis pecunia, sed pretiosa est misericordia. Elemosyna, inquit, à peccato liberat. Et alibi, Redemptio viri diuitie eius. Vide eundem in ser. 15. de Natiuit. Domini.

S. Hieron. in epitaph. Paulæ ad Eustochium: Affligendum corpus, quod multis vacauit delictis: longus risus perpetui compensandus est fletu: mollia lineamenta, & serica pretiosa asperitate cilicij commutanda. Vide eundem in epitaph. Fabiolæ ad Oceanum.

S. Chrysost. concl. 4. de Lazaro: Vt igitur poenas non demus, in suam quisque conscientiam ingrediatur, visamque

explicet: cunctisque commissis diligenter excussis, condemnet animam, qua hec patrauit, puniatque cogitationem, affligat, crucietque suam ipsius mentem, supplicium a se ipso exigat pro peccatis per condemnationem, per diligentem actam poenitentiam, per lacrymas, per confessionem, per ieiunium, per eleemosynam, per continentiam, ac charitatem: ut possimus omnes omni modo hinc depositis peccatis, multa cum fiducia illuc proficisci.

S. August. in psal. 44. Punendum est peccatum: si puniendum non esset, nec peccatum esset. Praueni illum (Deum) non vis ut ipse puniat, tu puni. Et paulo post: Conuertere te ad puniendum peccata tua, quia impunita esse peccata non possunt. Punendum ergo erit aut a te, aut ab ipso. Tu agnosce, ut illa ignoscat. Et hom. vlt. ex 50. prope finem: Non sufficit mores in melius commutare, & a factis malis recedere: nisi etiam de his, qua facta sunt, satisfiat Deo per poenitentiae dolorem, per humilitatis gemitum, per contriti cordis sacrificium, cooperantibus eleemosynis. Vide eundem in enchir. ad Laurent. c. 66. 70. & serm. 57. de tempore.

Gennadius de Ecclesiast. dogmat. c. 53. Quem mortalia crimina post Baptismum commissum grauant, hortor prius publica poenitentia satisfacere, & ita Sacerdotis iudicio reconciliatum communioni sociari, si vult non ad iudicium & condemnationem sui Eucharistiam percipere: sed & secreta satisfactione solui mortalia crimina non negamus.

Auctor de vera & falsa poenit. c. 18. Si sic conuersus peccator euadat, vita viuatur, & non moriatur, non tamen promittimus, quod euadat omnem poenam. Nam prius purgandus est igne purgationis, qui in aliud seculum distulit fructum conuersionis. Hic autem ignis etsi aternus non sit, miro tamen modo est grauis: excellit omnem poenam, quam unquam passus est aliquis. Nunquam in carne tanta inuenta est poena, licet mirabilia passi sint Martyres tormenta: & multi nequiter iniqui tanta sustinuerint supplicia. Studeat ergo quilibet se delicta corrigere, ut post mortem non oporteat tale poenam tolerare. Quadam enim peccata sunt, qua sunt mortalia & in poenitentia fiunt venialia: non tanten statim sanata.

Ifychius lib. 2. in Leuitic. c. 6. in illa verba, Quicquid tetigerit carnes hostiae pro peccatis, sanctificabitur: Carnes poenitentiae intelligimus ieiunium, vigiliam, cilicium, vestimentum, cum lacrymis orationem, eleemosynam: ex his enim consistit poenitentia, qua qui tangit, sanctificabitur.

Huic clarissimae antiquorum Patrum doctrinae e diametro repugnant huius temporis haeretici, quando negant, opera bona iustorum pro commissis peccatis satisfactoria esse apud Deum: imò aiunt, talem satisfactionem cedere in iniuriam Christi Domini, quippe qui plenè pro peccatis omnium satisfecerit: Igitur quantumcumque homo peccauerit, credat modò peccata sibi remitti, vel potius non imputari propter Christum: & nihil ipsi nocitura esse. Quis autem sane mentis homo nuper exortis, paucis, obscuris istis homuncionibus fidem habeat: post habitis antiquorum Patrum clarissimis testimonijs, derelicta totius Christiani orbis praedicta sententia de operibus iustorum satisfaciendi pro peccatis vim habentibus, ex Christi procul dubio meritis, & passionis eius influente virtute.

Notandum est tertio: Poena temporalis ignis purgatorij, quatenus à Deo iustissimo iudice pro peccatis in altera vita infligitur, est effectus iustitiae vindictivae: quatenus verò per eam animae affliguntur, non est propriè satisfactio, sed satisfactio: quia animae ibi sunt extra statum merendi, & satisfaciendi: quomobrem non attenditur merendi, & satisfaciendi voluntas, & ardentissima charitas: sed solum attenditur quantitas peccatorum: nondum expiatorum: quibus secundum diuinam voluntatis dispositionem poena commensurata infligitur. Ceterum homines in hac vita, si iusti sint, sicuti bonis operibus gratiae augmentum, & praemium aeternum per

Christi merita ex condigno mereri possunt: ita etiam pro poena temporali in purgatorio luenda ex condigno satisfacere, sicuti indicat Conc. Trid. sess. 14. cap. 13. & docet S. Th. in 4. d. 15. q. 1. a. 2. q. 1. Rich. ibidem a. 1. q. 2. Duran. q. 1. quantum ad 1. S. Anton. 3. p. tit. 14. c. 20. Molina cit. disp. 715. vbi is notat hanc satisfactionem reduci ad iustitiam commutativam: quia supposita Dei promissione, & acceptione, opus bonum, quod viator in statu merendi, ac satisfaciendi existens, exhibet, est aliquo modo æquivalens poenae in altera vita luendae. nã etsi labor ipse, ac difficultas operis in hac vita exhibiti, longè minor sit poenae in altera vita luendae: tamen considerato statu operantis, & liberè se in hac vita subijcientis Deo, longè maiorem vim habet pro peccatis satisfaciendi, ex Dei gratia, & Christi meritis, vti explicat Trident. cit. c. 8.

Notandum quarto: Licet opera bona iustorum per se habeant virtutem satisfaciendi pro poena temporali peccatis nostris debita, sicuti haecenus explicaui: longè tamen magis, & certius satisfactoria sunt, quatenus ex Christi institutione à Sacerdote peccatori præcipiuntur in eum finem, ut per opera imposita virtute sacramenti peccatum eam secundum poenae reatum destruat. Ita docet S. Th. in 4. d. 17. q. 2. a. 5. q. 1. Bonau. d. 18. p. 1. a. 2. q. 2. ibid. Rich. a. 2. q. 2. Palud. d. 20. q. 2. Suar. disp. 38. s. 2. Imò & S. Greg. in lib. 3. Regum, in 1. c. Actio poenitentiae ad delenda peccata idonea est, cum Sacerdotis fuerit iudicio imperata: cum ab eo consentium actibus diffusis, pro modo criminis, onus eis decernitur afflictionis.

His annotatis, Quæstio Prima est: Vtrum Confessarius poenitentiae opus consentienti iniungere debeat? Responso est affirmatiua, expressa in Trid. cit. sess. 14. c. 8. Debent ergo Sacerdotes Domini, quantum spiritus & prudentia suggererit, pro qualitate criminis, & poenitentium facultate, salutare, & conuenientes satisfactiones iniungere: ne, si forte peccatis conuincant, & indulgentius cum poenitentibus agant, leuissima quadam opera pro grauissimis peccatis iniungendo, alienorum peccatorum participes efficiantur: Habeant autem prae oculis, ut satisfactio, quam imponunt, non sit tantum ad nona vitæ custodiam, & infirmitatis medicamentum: sed etiam ad praeiutorum peccatorum vindictam, & castigationem: nam claves Sacerdotum non ad soluendum tantum, sed & ad ligandum concessas, etiam antiqui Patres credunt, & docent.

His adde, Concilium Carthag. 4. can. 74. Sacerdos poenitentiam (id est, sacramentum Poenitentiae) imploranti, absque acceptione personae, poenitentiae leges iniungat.

Concil. Cabilonense 1. can. 8. to. 2. Concil. De poenitentia peccatorum, qua est medela animae, vtilem omnibus hominibus esse censemus: & ut poenitentibus à Sacerdotibus (facta Confessione) indicatur poenitentia, vniuersitas Sacerdotum noscitur consentire.

Cabilon. 2. can. 34. vbi præcipitur, ut Sacerdos poenitentiam imperet non secundum acceptionem personarum, sed ut bonus medicus, inspecta grauitate morbi & sicuti in sacris canonibus inuenerit: aut ipsi secundum sacrarum Scripturarum auctoritatem, & Ecclesiasticam consuetudinem rectius visum fuerit. Neque enim pensanda est poenitentia quantitate temporis, sed ardore mentis, & mortificatione corporis.

Concil. Moguntiacum cap. 12. Omnibus his actibus, ventilata est ratio poenitentiae, ut Sacerdotes certius intelligerent, quomodo Confessiones recipere, & poenitentiam, secundum canonicam institutionem, poenitentibus deberent indicare.

Leonem I. epist. 91. ad Theodorum: Christus Iesu hanc Praepositis Ecclesiae tradidit potestatem, ut & consentientibus actionem poenitentis (id est sacramentum Poenitentiae) darent: & salubris satisfactione purga eos, ad Communionem sacramentorum ianuam reconciliationis admitterent.

Quo loco annotari potest; Non solum in publica, sed etiam

etiam in priuata pœnitentia, seu Confessione grauium peccatorum olim consuetum fuisse, vt à sacra Communione arbitrio Sacerdotis pœnitentes arcerentur, donec Deo per iniuncta opera satisfecissent; sicuti etiam indicat Gennad. de Ecclesiast. dogmatibus, cap. 33. Auctor de vera & falsa pœnit. capite. 15. vbi de confitente apud Sacerdotem peccata, ait; *Cauet praterita, quem vera delectat pœnitentia; nec prius ad Domini corpus accedat, quam confortetur bona conscientia.* Quamobrem ipsemet Leo primò in citat. epistola, distinguit præsidium pœnitentiæ, id est, absolutionis sacramentalis, & præsidium reconciliationis, seu admissiois ad gratiam Communionis; atque hanc ordinariè concedendam non esse, nisi salubri satisfactione purgatis; at verò in casu necessitatis, seu instantis periculi, sine mora & pœnitentiam, & reconciliationem seu Communionis gratiam impertiendam.

Quibuscum consentit sanct. Augustin. epist. 118. ad Ianuar. cap. 3. vbi fidelem ita loquentem introducit: *Si tanta est plaga peccati, asque impetus morbi, vt medicamenta sacre Eucharistiæ differenda sint, auctoritate Aristius debet quisque ab altari remoueri ad agendam pœnitentiam, & eadem auctoritate reconciliari, id est, iterum admitti.* Hoc enim est indignè accipere, si eo tempore accipiat, quo debet agere pœnitentiam; non vt arbitrio suo sit liber, vel auferat se Communioni, vel reddat. Ceterum si peccata tanta non sunt, vt excommunicandus quisquam homo iudicetur, non se debet à quotidiana medicina Domini corporis separare. Loquitur autem de excommunicatione, quam quis spectato rigore disciplinæ Christianæ, ob quoduis crimen mortale, præsertim scandalosum, meretur, secundum Apostolus primus ad Corinth. 5. *Suis, qui frater nominatur, est fornicator, aut auarus, aut idolis seruiens, aut maledicus, aut ebriosus, aut rapax, cum eiusmodi nec cibum sumere, vt idem Augustinus scribit libro homil. 50. homilia vltim. capite 4. in enchirid. ad Laurent. c. 65. & lib. 3. contra epist. Parmeniani, c. 2.*

Tametsi verò hæc disciplinæ seueritas multis etiam olim locis exoleuerit; tamen in Monasterijs retenta est, vt apertè significat Cassinus libro secundo institut. capite. 16. & sanctus Benedictus in regula, c. 24. *Secundum modum culpæ, & excommunicationis, vel disciplina debet extendi mensura. Si frater in leuioribus culpis inuenitur, à mensa participatione priuetur; vsque dum satisfactione congruâ veniâ consequatur.* Et cap. 25. *Si frater, qui grauioris culpæ noxa tenetur, suspendatur à mensa simul & ab oratorio.*

Porro ex supra dictis colligitur primò; Duas ob causas pœnitentiam à Sacerdote confitētibus decernendam esse, vt bene docet Duran. in 4. d. 20. q. 1. n. 4. Prima: Quia Pœnitentiæ sacramentum habet se per modum iudicii: ideo Sacerdos, qui Dei personam repræsentans iudicium istud exercet, pœnam aliquam seu vindictam peccatorum decernere debet, vt iustitiæ satisfiat. Secunda: Quia sacramentum hoc habet se per modum medicinæ: est enim vindicta salutaris, curans morbos, & vulnera peccatorum, atque præseruans à recidua. Ad hanc autem curationem opera satisfactionis accommodata sunt. Conuenit enim morbos remedijs cōtrarijs tollere, calidos frigidis, frigidos calidis. Atqui homo per peccatum affectui suo contra Dei voluntatem indulsit: per opera autem satisfactoria affectui suo, ob Dei honorem, repugnat, molestiamque infert. Quare operam dare Sacerdos debet, quatenus commodè fieri potest, conuenientes medicinas siue satisfactiones, spectatâ peccatorum qualitate, imperet: tepidis orationem, iniustis eleemosynam; intemperantibus ieiunium, aliamve carnis afflictionem.

Colligitur secundò: Non tantum esse consultum, sed etiam præceptum Sacerdotibus, vt suis confitētibus, si fieri possit, pœnitentiâ aliquam imperent; consequenter

iplos confitentes obligari ad eam, si iusta sit, acceptandâ, & implendam. Priorem partem indicat Conc. Trid. sess. 14. c. 8. & probat, quia clauēs Sacerdotibus non tantum ad soluendum, sed etiam ad ligandum datæ sunt. Ratio verò peti debet ex eo, quod satisfactio sit pars sacramenti integralis, pertinet ad plenam peccati destructionem. Posterior pars probatur: Si enim Sacerdos potestatem habet pœnitentem ligandi, seu obligandi ad opus pœnitentiæ implendum: consequens est, quod pœnitens ipsi obedire teneatur, sicuti significat etiam Conc. Lateran. c. omnis vtriusque: de pœnit. & remiss. Florent. in decr. Eugenij, Saieguntadiense c. 18. to. 3. Conc. & docet S. Leo I. epist. 89. aliàs 91. ad Theodorum Episc. relatus in c. multiplex, d. 1. de pœnit. Palud. in 4. d. 17. q. 2. a. 1. Sotus d. 20. q. 2. a. 2. Vict. n. 209. Tolet. lib. 3. c. 9. Vivaldus de satisfact. n. 33. Suar. disp. 38. l. 7. Quamuis contrarium senserint Calet. to. 2. opusc. de satisfact. pœnit. q. 2. Syl. ver. Confessio, l. q. 25. Med. q. 41. C. de confess. Beia p. 3. casu 3. dub. 2. Nau. in c. consideret, §. cautus, d. 5. de pœnit. & in man. c. 26. n. 20. vbi ait: *Videò in Vrbe, & in orbe receptum, ne cuiquam denegetur absolutio, eò solo quod nolit acceptare pœnitentiam iniunctam.* Fundamentum est, quia nemo in hac vita pro peccatis suis satisfacere tenetur: sed in purgatorium secundum Dei voluntatem, ac iustitiam expianda transmittere potest. Quæ sententia, licet ob D. D. auctoritatem probabilis videri possit: mihi tamen nullo modo placet. Nam positâ institutione sacramenti Pœnitentiæ, ad eius integritatem, ac perfectionem spectat, Deo pro peccatis commissis ex Sacerdotis imperio satisfacere: quod etiam Concilia, & Ecclesiæ traditio confirmare videtur. Ad id verò in praxi inferuire poterit sententia Nauar. vt Confessarius nunquam dimittat pœnitentes sine absolutione, si parati sint aliquam, quantumuis leuiorem, quam peccata merentur, pœnitentiam acceptare, vt bene notat Scot. in 4. d. 19. §. ad quæstionem motam.

Duo hîc addo I. Si pœnitentiâ confitenti nimis grauis ac difficilis videatur: neque Confessarius eam moderari, vel mutare velit: tunc pœnitens saltem grauius non peccabit, si non acceptâ absolutione, discedat, & alterius Sacerdotis iudicio, explicata ipsi peccatorum Confessione, subiciat, sicuti notauit Suar. disp. 38. l. 7. n. 4. Coninck disp. 10. dub. 9. num. 80.

Licet obligatio implendi pœnitentiam legitimè imperatam ex genere suo grauis, & sub mortali peccato sit, tamen ob materiæ leuitatē efficitur leuis, eiusque transgressio venialis: vt si quis exiguam pœnitentiam, aut partem pœnitentiæ, absque cōtemptu, implere intermittat.

Addit verò Suar. disp. 38. l. 7. n. 4. Et si pœnitentia grauis, sed ob venialia tantum peccata imposita sit (quod interdum rectè fieri potest, ne pœnitens multorum venialium transgressionem leuiter æstimans, maiori periculo exponatur) eius omissionem non transcendere culpam venialem: licet contrarium sentiat Henric. lib. 5. c. 20. n. 81. Sed placet prior sententia: quia durū videtur statui, tametsi culpa contracta levis sit, tamen obligationē pro ea satisfaciendi grauem effici posse, per se loquendo. Nam per accidens id fieri posse non nego: si alioquin homo versetur in probabili periculo peccandi mortaliter, nisi remedia pœnitentiæ ipsi imperata exequatur. Similiter durum videtur dicere, posteaquam homo peccata mortalia seculi confessus est, & iniunctam pœnitentiam impleuit, si iterum eadem peccata libera voluntate confiteatur, quod nouam obligationem satisfaciendi sub culpa mortali contrahat.

Colligitur tertio, Pœnitentiam rectius à Sacerdote decerni ante absolutionem à peccatis, quam postea. Ita ex communi Syl. ver. Confessor, princ. Nau. c. 26. n. 10. Suar. disp. 38. l. 3. in fine. Beia cit. casu 3. dub. 1. Gl. in Clem. dudū, §. statuimus, ver. audire, de sepultur. Primò, vt omnes partes sacramēti materiales subiciantur Sa-

cerdotis absolutioni, tanquam parti formali. Secundo, ut ordo iudicii, & iustitiæ vindictiue melius seruetur, si pœnitens satisfactionem prius spondeat, quam absoluat.

9 **QVÆSTIO SECUNDA.** Qualem, & quantam pœnitentiam Sacerdos imponere debeat? Respondeo, & dico I. Bonum opus, quod à Confessario imponitur, oportet esse pœnale, seu afflictivum: quia tendere debet ad criminis vindictam, & affectus exorbitantis refrænationem. Et si verò omne opus bonum, etiam internæ charitatis, orationis ad Deum, aliquo modo laboriosum est homini, considerato, quatenus post peccatū Adami, amissā originali iustitiā, ad inferiora & terrena inclinatam naturam habet; attamen opera externa, ut oratio vocalis, cum genuum flexione, manuum expansione, ieiunium, & elemosyna, & alia eiusmodi, quibus corpus affligitur, magis laboriosa & afflictiva sunt: ideoq; cæteris paribus, magis satisfactoria: quare plerumque etiam talia à Confessario imperāda. Vide Halens. in 4. q. 84. mem. 2. a. 2. S. Th. in 4. d. 15. q. 1. a. 4. q. 1. ibid. S. Bonau. a. 1. q. 4. Rich. a. 1. q. 3. Duran. q. 5. Adrian. in 4. de satisfact. q. ult. Sotum in 4. d. 19. q. 2. a. 1. Suar. disp. 38. l. 6. Interdum tamen, considerato pœnitentis statu, expedire videtur, ut ipsi interna aliqua pia meditatio imponatur, v. g. ut quotidie, cum è lecto surrexit, vel antequam se noctu cubitum confert de præsentia Dei cogitet, omnes actiones nostras intuitis: vel de morte certissimò sibi euentura: de Iudicio Dei, quod effugere non potest: & simul eliciat dolorem de peccatis in Deum commissis, cum proposito emendationis. Qua de re, legi potest Petr. Sotus de ratione medendi peccatis lect. 6.

10 Deinde magis cōuenit opus, quod à Confessario præcipitur, esse supererogationis, & non positum in præcepto: ut pœnitenti nouam obligationem, ac difficultatem adferat: quare de re Nau. in c. 1. princ. n. 40. & seqq. d. 6. de pœnit. Quare si Confessarius ieiunium v. g. aut Missæ auditionem imperauit, tenetur pœnitens ieiunare, vel Missam audire, cum nulla lege Ecclesiæ, aut proprii voti obligatus est, ut docet Adrian. in 4. vbi de satisfact. §. Quæritur circa prædicta. Nau. c. 26. n. 23. Henriq. lib. 5. c. 21. n. 3. Suar. disp. 28. l. 9. Excepto, si ex verbis Confessarii, vel rei circumstantijs contrarium colligi possit: puta, si Confessarius præcipiat, ut diebus festis duæ Missæ audiantur: intelligendus est Missam, quæ in præcepto est, etiam comprehendere velle, sicuti notauit Coninex disput. 10. dub. 8. num. 69. Deinde, si cui certa elemosyna iniuncta fuit, is satisfacit etiam dando extremè indigenti, tametsi ex lege charitatis alioquin obligatus sit, sicut contra Palud. in 4. distinct. 14. quæst. 1. a. 2. docent Adrian. loco cit. Viualdus in Candelabro de satisfact. num. 10. Quia cum casus iste extraordinarius sit, & rarò contingens, non videtur Confessarius eum excludere voluisse: ne alioquin pœnitens nimis fortasse grauetur, si, eo eueniente, duplicem elemosynam dare cogatur.

Notant etiam Doctores, interdum, ob pœnitentis fragilitatem consultius fore, opus alioquin præceptum ipsi imperare. Veluti, si Confessarius nactus sit hominem Ecclesiæ præcepta non obseruantem: iniungat ei, ut vsque ad proximam Confessionem stata Ecclesiæ ieiunia obseruet, festis diebus Missam audiat. Si enim, ut aliqui solent, tali homini imperes, ut deinceps duas Missas festis diebus audiat, difficilè obtemperabit, qui antea neque vnam audire solitus fuit.

Denique magis conuenit opus bonum imperari, quod ab ipso pœnitente præstandum sit: videlicet, ut ipsemet oret, ieiunet, peregrinetur, elemosynam ex proprijs largiatur. Quare si eiusmodi opus exequi nō possit, liberatur obligatione: neque tenetur alium rogare, aut substituere, qui exequatur. Interdum tamen personis debilibus, vel morituris iniungi potest, ut curent ab alijs

pro tali v. g. necessitate orari, peregrinationem institui: tunc verò non opus illud, quod ab alijs perficitur, sed ipsa operis procuratio, quæ à pœnitente non sine aliquo labore, vel sumptu sit, pœnitentiæ sacramentalis rationem habet.

Dico II. Confessarius pœnitentiam designaturus, ad duo attendere debet: peccatorum magnitudinem, & pœnitentis dispositionem. Ita Trident. sess. 14. cap. 8. Palud. in 4. distinct. 20. q. 2. a. 1. Sotus ibid. quæst. 2. a. 3. Nauar. cap. 26. num. 18. 20. & in cap. mensuram, num. 5. & 6. d. 1. de pœnit. Henriq. lib. 5. cap. 21. num. 1. Suarez disp. 38. l. 4. num. 4. Quapropter si pœnitens, vel probabili allata causa, de pœnitentiæ grauitate conquerratur, plerumque eam moderari, vel aliam leuiorem decernere oportet, sicuti præter alios monet Nau. cit. c. mensuram, num. 9. Io. Gerson p. 2. operum in regul. moral. Tutius est, inquit, cum parua pœnitentia, quæ sponte suscipitur, & verisimiliter adimpletur, ducere confessos ad purgatorium, quam cum magna non implenda, præcipere in infernum. Verum ne confitens, ob pœnitentiæ leuitatem, peccata sua leuius æstimare possit, monendus erit à Confessario, pœnitentiam non esse commensuram delictis: quare ipsemet sponte exerceat bona opera in satisfactionem pro peccatis, quæ etiam virtute clauium sacramentalium eleuantur, ut ex opere operato pœnam delere possint, sicuti, explicat Palud. in 4. distinct. 20. q. 2. & videri potest Nauar. cap. 1. princ. num. 33. & 52. dist. 6. de pœnit. & in man. cap. 26. num. 22. & 24. vbi monet, Confessarium eiusmodi homini fragili pœnitentiam imperare posse non præceptiue, sed consultiue.

Caveat autem Confessarius, ne incongruas pœnitentias imponat; v. g. pauperi, vel filio fam. elemosynas; operarijs, vel debilibus personis ieiunia: mulieribus longas peregrinationes: valde occupatis multas preces. Quare de re Sotus in 4. dist. 17. q. 1. Nauar. ll. cc. Item, ne talem pœnitentiam, v. g. grauias ieiunia, aut peregrinationes iniungat, vnde coniunx, aut alij domestici suspicionem commissi criminis concipere possint, uti notauit S. Anton. p. 3. tit. 17. cap. 10. §. 10. Nau. cit. c. mensuram, num. 6. & in c. Sacerdos, num. 103. d. 6. de pœnit. Henriq. cit. c. 21. num. 6. Rudibus, & obliuiosis: ac valde occupatis consultum non est imperare preces quotidianas vnius anni, aut mensis; sed interdum sub conditione, quotiescunque in hanc peccati speciem incideris, recites talem orationem: multum enim id momenti habet ad peccati emendationem. de quo Nau. cit. cap. 26. man. num. 25. Henriq. n. 1. Homines verò studiosi, & quibus orandi tempus suppetit, interdum expediens est quotidianam orationem, vel Missæ auditionem, præsertim vsque ad sequentem Confessionem, præcipere: ut peccatorum suorum frequenter memores, citius per dolorem satisfaciant; vel certè ad remedium sacræ Confessionis iteratò confugiant. Consultum tamen interim est, non ita restringere, quin licentia detur, si vna die opus pœnitentiæ prætermisum fuerit, altera die duplicandi, sicuti monet etiam Nau. cap. 26. num. 20. Denique non facilè pœnitenti permitti debet, ut voueat, vel iuret, se imposterum non admissurum tale peccatum, sicuti monet Nau. in fine cap. 26. argument. cap. Clericos, de cohabit. cleric. & mulierum. Neque etiam à Confessario imperari potest pœnitenti, ut Religionem profiteatur, uti ex communi docet Syluest. verb. Confessio, 1. quæstione. 28. Henriquez loco cit. Quia sicuti matrimonium carnale, ita etiam spirituale liberæ electionis esse debet. Quamobrem, cum in sacris canonibus aliqui ob crimen iubentur in monasterium detrudi, intelligi non debet, ut profiteantur: sed ut opera pœnitentiæ in claustro peragant.

Dico III. Plures causæ sunt, ob quas leuior pœnitentia, quam alioquin peccata mererentur, Sacerdos injungere

infringere debeat, de quibus Supplem. S. Th. q. 18. a. 4. Sotus l. cit. Nau. c. 26. n. 21. Henriq. n. 2. Tol. lib. 3. c. 11. Prima est, Infirma poenitentis dispositio, seu corporis, seu animi; ob quam timetur maiorem non impleri esse. Secunda, Magnitudo, contritionis, quippe quæ per seipsam poenā peccati abolere potest. Tertia, Tempus iubilæi, vel alterius indulgentiæ plenariæ: tunc enim non cogitur poenitens, nisi leuiorem poenitentiam acceptare, quæ se habeat per modum medicinæ ad tollendas peccatorum reliquias, sicuti notauit Suarez disp. 38. sect. 10. num. 10. & disp. 50. sect. 2. num. 7. Henriquez lib. 7. c. 17. num. 2. Quartò, propter infirmitatem: in qua tamen poenitentia iniungi debet præstanda ab infirmo, si conualuerit, ut habetur apud Auctorem de visit. infirmorum lib. 2. in fine, to. 9. S. August. & in c. 1. causa 26. quæst. 7. quod sumptum est Theodoro Cantuariensi in suo poenitentiali: *Ab infirmis in periculo mortis pura est inquirenda confessio peccatorum, non tamen illis imponenda est quantitas poenitentiae, sed innotescenda, id est, faciendum, ut eis innotescat: quia, ut postea subiungitur, si diuinitus ereptus conualuerit, poenitentiae modum à Sacerdote sibi impositum diligenter obseruet.* Videri possunt Scholastici cum Magistro in 4. dist. 20. Sin desperata salus sit, ut plus à morituro præstare non possit, expedit ei saltem hoc imperare, ut IESU nomen benedictum ore proferat, vel, si id non possit, mente concipiat. Deinde moneat illum Confessarius, ut poenitentiae loco, ipsam infirmitatem, & mortem impendentem Deo offerat in satisfactionem pro peccatis, item de bonis suis eleemosynas largiatur, Sacrificia celebrari curet, &c. De quo vide Nauarum cap. 26. num. 33. Quod si, antea facto testamento, ad pias causas legauerat, cum in mortali peccato constitutus satisfactionis incapax erat; ratificet tunc animo, Deoque illud ipsum offerat in satisfactionem, sicuti monet Nauar. num. 36. Gabr. in canon. Missæ, lect. 58. §. circa quod duo, Ioan. Molanus tract. de pijs testament. cap. 48.

Illud verò improbat, quod aliqui Confessarii solent circumstantibus dicere, ut grauem poenitentiam, quam moriturus præstare non potest, ipsi pro eo expleant: cum id contineat quandam sigilli sacramentalis violationem: sufficit igitur circumstantes generatim hortari, ut pro morituro orationes, & alia opera satisfactoria præstent.

14. **QVÆSTIO TERTIA.** Quem effectum habeat opus poenitentiae à Confessario iniunctum, & quomodo impleri debeat? Respondeo, & dico I. Satisfactio siue impletio poenitentiae iniunctæ à Confessario ex opere operato, secundum Christi institutionem, remittit poenam temporalem peccatis debitam. Colligitur ex Concil. Florent. in decreto Eugenij, Trident. sess. 14. cap. 3. & docent DD. allegati supra antè. 1. quæst. huius cap. contra Sotum in 4. distinct. 19. quæst. 1. a. 5. ver. Nihilominus. Nam satisfactio virtute clauium imperata, ac veluti eleuata, est pars sacramenti Poenitentiae integralis, à Christo instituta, ut per eam peccatum perfecte, & integre, videlicet quoad remanentem etiam poenam, destruat. Ex quo tamen non sequitur, quod poenitentia quæcunque omnem semper poenam deleat; sed tantò maiorem, quantò & ipsa maior, & poenitens eam implens melius dispositus est: sicuti etiam sacramenta eò maiorem gratiam sanctificantem conferunt, quò melius suscipiens dispositus est. Vide Palud. de hac re in 4. distinct. 20. quæst. 2. ubi etiam admonet, quod multò plus valet modica poenitentia à Sacerdote imposita, quàm magna, quæ sponte assumitur, quia hæc non sicuti illa vinum sacramentalem habet. Quamobrem optandum est poenitenti, ut non leuis ipsi poenitentia imperetur.

Dico II. Peccatum veniale, quod aliquis implenda poenitentia committit, non impedit effectum satisfac-

tionis: ut si quis iniunctas preces negligenter oret, vel eleemosynam cum vanæ gloriæ appetitu largiatur. Ita Coninck dub. 10. num. 88. Probatum ex eo, quod suscipiens sacramentum cum affectu peccati venialis, fructus gratiæ particeps fiat, sicuti supra dixi tract. 4. cap. 6. num. 1. & hoc tract. cap. 4. num. 19. Ergo simili ratione implens poenitentiam cum peccato veniali particeps efficitur remissionis poenæ: siquidē neuter fructus provenit ex virtute operantis: sed ex opere operato ipsius sacramenti.

Dico III. Qui opus bonum à Confessario imperatum implet in statu peccati mortalis, is præcepto quidem Confessarii satisfacit, effectum tamen siue fructum satisfactionis non consequitur, quamdiu in statu peccati perseuerat. Est communis doctrina apud Alensem in 4. quæst. 85. mem. 1. S. Th. aliòsque DD. in 4. distinct. 16. Nauar. citat. cap. 1. princ. num. 45. dist. 6. de poenitent. & cap. 3. man. num. 7. Suarez sect. 8. Henriq. lib. 5. cap. 20. num. 7. Coninck. dub. 11. Prior pars ex eo constat: Quia talis substantiam operis præcepti implet: modus autem operandi non cadere solet sub præceptum. Si tamen Confessarius hoc ipsum imperauit, ut poenitens statim, antequam nouo peccato se astringat, poenitentiae opus impleat, obedire is quidem tenetur, tamen differendo (non admodum longo tempore) non videtur mortaliter peccare: quia substantiam præcepti seruat, licet accidentalem eius circumstantiam violet. Posterior pars probatur, contra Medicinam Cod. de Confess. q. 42. ver. esto igitur: Tum quia, generatim loquendo, Deus non accipiat nostram satisfactionem pro poenis temporalibus, nisi simus in gratia eius constituti, sicuti indicat Trident. sess. 14. cap. 8. & docent DD. in 4. d. 15. ubi Rich. a. 1. q. 5. Adrian. in 4. de sacram. poenit. ubi de satisfact. tum quia remissio poenæ temporalis est effectus secundarius sacramenti Poenitentiae; ideo pendere videtur à persistencia effectus principalis, qui est remissio culpæ per infusionem gratiæ sanctificantis.

Ex quo sequitur, esse quandam irreuerentiam (saltem venialem inquit Suarez disp. 38. l. 8. num. 7.) si quis poenitentiam impleat in statu mortalis peccati: quia sacramenti aliquam partem indignè suscipit, & ponit obicem consequendi effectus, quæ est remissio poenæ. Cæterum probabile valde est, quod remoto postea obice peccati mortalis, per nouam poenitentiam, mox ex virtute sacramenti per Christi merita sequatur remissio poenæ temporalis: ut proinde necesse non sit, recuperato statu gratiæ poenitentiam repetere, quæ est sententia Caiet. to. 1. opusc. tr. 6. q. 2. Medina cit. q. 42. in fine, Beia p. 3. casu 2. Tolet. lib. 3. c. 11. contra Alensem mem. 2. a. 1. Sotum. d. 19. q. 1. a. 5.

QVÆSTIO QUARTA. Quisnam poenitentiam iniunctam commutare possit? Respondeo, & dico I. Poenitentia semel iniuncta non tantum à Superiore, sed etiam ab æquali, vel inferiore Sacerdote iusta de causa in aliam, etiam minorem, commutari potest, si poenitentia ad animæ salutem ita expedire videatur, & peccata reservata non sint. Est communis Syluest. ver. Confessio, quæst. 27. Sa ver. satisfactio, num. 5. Henriquez lib. 5. cap. 22. num. 1. Suarez disput. 38. sect. 5. Valentia disput. 7. quæstion. 14. p. 4. Henriq. lib. 7. cap. 31. num. 8. contra Sotum distinct. 20. q. 2. a. 3. arbitrantem, quod poenitentia legitimè iniuncta ab alio Confessario mutari non possit; nisi is superior sit: sed contra est, quod vnus Confessarius non sit alteri subordinatus in potestate absolueudi; sicuti iudex inferior in foro externo subordinatur superiori, qui proinde causam ad se aduocare, vel ad eum appellari potest: sed omnes Sacerdotes in ordine ad eas personas, & ea peccata, in quæ iurisdictionem habent, tanquam Christi Vicarij, & ministri iudicant; ac proinde in hac re æquales sunt, uti notauit Coninck. disp. 10. n. 29.

Dico II. Si idem Confessarius sit, qui pœnitentiam mutaturus est, memoria adhuc retinens statum pœnitentis, non erit necesse peccatorum Confessionem coram eo repetere; dum modo pœnitens ad tribunal eius recurat, interposito tempore ad eò breui, puta vnus diei, vt moraliter idem iudicium existimari possit, sicuti docent Sotus, Suarez, Coninck. II. cc.

Dico III. Si alius sit Sacerdos, qui pœnitentiam mutare debeat, vel idem, sed non amplius retinens memoriam peccatorum, necessarium esse videtur Confessionem repetere & nouæ iudicis sententiæ se subijcere. Ita Syl. Sotus, Valentia, Suarez, Coninck II. cc. Nam Iudex, præsertim subordinatus, qualis est Sacerdos Christi personam repræsentans, congruentem sententiâ ferre non potest incognitâ causâ: impositio autem pœnitentiæ pertinet ad iudicialis sententiæ, & absolutionis integritatem: Ergo imponi debet cognitâ causâ, & secundum qualitatem, ac mensuram delicti.

Accedit, quòd Confessarius de peccatis præteritis, quæ ipsi non explicantur, iudicium & absolutionem non ferat: consequenter nec satisfactio de talibus peccatis imposita iudicialis, & sacramentalis esse possit. Quare secundum hanc probabiliorē sententiā repetenda quoque est Confessio: tametsi ab eodem Confessario, peccatorum memoriam retinente, sed interposito tempore longiore v. g. trium, vel quatuor dierum intervallo, pœnitentiæ commutatio postuletur. Cum enim prioris sacramentalis Confessionis iudicium legitime absolutum fuerit, & cum eo posterior pœnitentiæ impositio, ob temporis interuallum, nullum ordinem gerat: sequitur, non fore hanc pœnitentiam sacramentalem, seu pertinentem ad forum sacramenti pœnitentiæ, nisi de nouo sacramentalis Confessionis, & absolutionis iudicium instituatur.

Porro, licet quæ duabus posterioribus assertionibus dicta sunt, sat solido fundamento niti videantur, quia tamen multi graues doctores, Nauarrus capite 26. numero 22. & libro 5. conf. 26. de pœnit. edit. 2. Victor. numero 211. Tol. lib. 3. cap. 11. numero 12. Vivaldus de satisfactione, numero 37. Henric. lib. 7. capite 31. num. 7. Saver. satisfactio, numero 5. Beia. p. 3. casu 1. expresse docent, alterum Confessarium ex iusta causa pœni-

tentiam mutare posse, etiam non auditâ Confessione peccatorum, ob quæ imposita fuerat, consequenter verò dicere cogantur, neque tunc peccatorum repetitione opus esse, si idem Confessarius, quamuis post temporis non modici interuallum, vel non amplius retinens memoriam factæ Confessionis, pœnitentiam mutaturus est; ideo hanc Doctorum sententiā, à pluribus in praxi frequentatam, Confessarius quisque sequi poterit; præsertim si pœnitens ad repetenda peccata difficile induci posse videatur; vel si tempus id non patiatur.

Locuti autem sumus de pœnitentia, quæ à Sacerdote iuste imposita fuit. Sin verò constet, clauem ab initio errasse, seu pœnitentiam iniuste impositam fuisse: tunc certum etiam est, pœnitentem ad eam non obligari, sed omnino liberum esse, vt commutatione nulla opus sit. Eademque ratio est, si pœnitens implendæ pœnitentiæ impotens efficiatur: non enim tenetur loco illius aliud bonum opus præstare: cum non alia, sed ea determinata actio: v. g. ieiunium, aut elemosyna à Confessario imperata fuerit. Cognoscere autem, ac declarare, vtrum Confessor imponendo pœnitentiam errarit, ad quemuis virum probum, & doctum, ideoque etiam ipsum pœnitentem, si iudicio polleat, pertinere potest.

Sed quid? Si pœnitens oblitus sit, qualis pœnitentia iniuncta fuerit. Respondeo, Cessare etiam tunc obligationem implendi. Si tamen negligentia lata seu mortalis interuenit, necesse erit hoc peccatum confiteri. Veruntamen consultum est, vt qui pœnitentiam præsertim grauem oblitus fuit, culpate, vel inculpate, in proxima Confessione similem (videlicet talem, qualis pro grauib. peccatis decerni solet) à Confessario iniungi sibi petat. Ita docent Palud. in 4. distinctione 17. quæstione 5. articulo tertio in fine, Caietan. verb. Confessio iteranda, verb. Ex parte satisfactionis, Coninck citat. disputatione 10. dub. 9. numero 86. contra Richardus in 4. distinctione 17. articulo secundo, quæstione 8. ad 2. S. Antoninus parte tertia 14. capite 19. §. 19. vbi dicunt, quòd oblitus pœnitentiæ iniunctæ peccata iterum confiteri teneatur.

FINIS!

TRACT.

TRACTATUS SEPTIMVS.

DE

DE INDVLGENTIIS.

CAP. I.

QVID SIT INDVLGENTIA.

SUMMARIUM.

- 1 Indulgentia est pœna temporalis Deo debita remissio, extra sacramentum, per applicationem satisfactionis Christi, & Sanctorum.
 - 2 Iustus in hac vita non solum pro suis, sed etiam pro aliorum iustorum peccatis, ob charitatis vniōem, per Christi merita satisfacere potest.
 - 3 Satisfactiones Sanctorum abundantes concurrunt ad indulgentiam, seu remissionem culpæ temporalis, per modum causæ particularis, & proximæ: at vero satisfactiones Christi per modum causæ vniuersalis, & primariæ.
 - 4 Concessio indulgentiarum est actus Ecclesiastica voluntaria iurisdictionis: quare ad illam non requiritur certus ordo, sed potestas iurisdictionis.
 - 5 Indulgentia non nisi subditis conceduntur: exempti tamen participes se reddere possunt indulgentiarum episcopaliū: & vnus Episcopus subditis suis facultatem dare potest lucrandi indulgentiam Episcopi alterius.
 - 6 Indulgentia, cum sit beneficium Principis nemini præiudicans, latè interpretandum est: modo constet de potestate, & sufficiente causa concedendi.
- In materia fauorabili nomine populi venit etiam Clerus: & nomine Cleri etiam Episcopus, ac Religiosi comprehensum censentur.



INDVLGENTIA rectè definitur apud Henric. lib. 7. cap. 1. num. 2. ex Clem. vi. in extrauag. vnigenitus, de pœnit. & remiss. Pœnæ temporalis Deo debita remissio, extra sacramentum, per applicationem satisfactionis Christi, & Sanctorum. Pro cuius intellectu, notandum est primò: Etsi Christus, caput Ecclesiæ, & vniuersalis redemptor mundi, infinitè Deo Patri satisfecit pro peccatis omnium mortalibus, & venialibus; meruitq; nobis gratiam, & gloriā, teste Apost. ad Ephes. 2. & 3. tamen ex infinito isto thesauro meritorum, & satisfactionibus Christi, necesse est hominibus fieri efficacem applicationē: siue per ipsius Christi specialem intentionē: quo modo Lucæ c. 7. Mariæ Magdalenæ, & c. 22. Latroni peccata plenè remisit: seu per vsum sacramentorum, præsertim Baptismi, in quo omnis culpæ, ac pœnæ reatus extinguitur; seu deniq; per voluntatem Sum. Pontificis, tanquam Christi in terris Vicarij, ac dispensatoris generalis, conuenienter illi apud S. Mat. c. 16. Et tibi dabo clauēs regni cælōrū: Quodcunque solueris super terram, erit solutum & in cælīs. Quæ verba cum gratiam, & beneficium contineant, Ecclesiæ à supremo eius Principe, sine cuiusquam incommodo, concessa, in sua generalitate relinquenda, & nullo modo restringenda sunt, iuxta cap. olim. de verb. signif. l. beneficium ff. de constit. Princ. Quare

ita argumentari licet. Omne vinculum, quo homo impeditur ab ingressu cælorum; solui potest à sancto Petro; & successoribus eius, per potestatem à Christo concessam: Tale autem etiam est vinculum pœnæ temporalis; post remissionem culpæ, sæpenumero restantis: Ergo illud quoque vinculum à Pastore Ecclesiæ remitti potest, quam remissionem indulgentiam appellamus, iuxta c. quod autem, de pœnit. & remiss. iuncto c. indulgentiæ, eod. in 6. vbi Gl. ait. quod indulgentia quandoque pœnæ remissionem significat.

Notandum secundò; Communis est Doctorum sententia: Quod iustus in hac vita non solum pro suis, sed etiam pro alterius iusti peccatis, ob charitatis vniōem, Deo satisfacere possit: si autem, dum opera satisfactoria exercent, ipsimet tali fructu non indigeant (vel quia non peccarunt, sicuti de B. Virgine certum est, & tradit Trident. sess. 6. de iustif. canon. 23. vel etsi peccarunt, tamen plus doloris, ac pœnitentiæ sustinuerunt, quam pro peccatis merebantur, sicuti de quibusdam Martyribus, aliisque sanctis Dei dubitari non potest: cum & Iob. cap. 6. id de seipso clarè testetur) at verò eiusmodi satisfactiones vel nemini specialit intentione applicent: vel illis applicent, qui fructus satisfactionis capaces non sunt: seu quia pro peccatis suis satisfecerunt, seu qui in peccato mortali constituti sunt; tali casu nemo dicere debet, satisfactiones inanes abire: sed potius ex liberalissima voluntate Christi magis propensi ad miserendum, quam puniendum: ipsiusque etiam iusti satisfaciētis formali, aut virtuali intentione, fructum satisfactionum redundantium committi Ecclesiæ, vt in communi quasi thesauro eius repositus, per Christi Vicarium fidelibus dispensetur: Nam bona Communitatis, inquit S. Th. in 4. q. 20. q. 1. a. 3. quæstion. 1. distribuuntur singulis è Communitate, secundum arbitrium eius, qui Communitati præest. Videri etiam potest S. Bonau. in 4. d. 20. a. 1. quæst. 2. & 3. Palud. ibid. quæst. 4. a. 1. Caiet. tom. 1. opuscul. tract. 8. de indulg. Suarez t. 4. disp. 51. sect. 2. num. 1. Abb. in cap. quod autem, de pœnitent. & remiss. Scire debes, inquit, quod ex effusione sanguinis Christi, & multis meritis Martyrum, & aliorum Sanctorum constituitur thesaurus Ecclesiæ, cuius potestatem habet Vicarius Christi. Nam minima gutta sanguinis Christi fuisset sufficiens ad redimendum totum mundum. Item, Martyres fuerunt hinc puniri ultra, quam eorum delicta meruerunt: unde eorum merita (intellige satisfactiones pro peccatis) manserunt in Ecclesiâ vniuersali: quia sicuti nullum malum manet impunitum, ita nullum bonum irremuneratum.

Notandum tertio: Satisfactiones abundantes Sanctorum tum viuorum, tum mortuorum concurrunt ad indulgentiam seu remissionē pœnæ temporalis, per modum causæ particularis, & proximæ: at verò satisfactiones Christi per modum causæ vniuersalis ac primariæ: si quidem satisfactiones Sanctorum per se, atque intrinsecè dependent ab infinita Christi satisfactione, & ab ea om-

nem vim accipiunt. Neque verò ea in re quicquam derogatur Christi potentia, & satisfactioni: quid magis illustratur, quando tanta esse ostenditur, vt non solum in se ipsa abundet, sed etiam in Sanctis, quibus per virtutem & motionem suam vti solet, tanquam instrumentis, ad hominum spirituale salutem, sicuti bene explicat Henricus. l. 7. c. 2. in fine.

Deinde, licet satisfactiones Sanctorum per indulgentias in populum distributas minuantur, nunquam tamen eas exauriri continget: quia nunquam in Ecclesia deerunt superabundantes satisfactiones iustorum: vel etsi ponamus exauriri, abunde tamen sufficiens esset ad indulgentiarum concessione sola satisfactio Christi: quia sicut ille, inquit, Suarez cit. l. 3. num. 14. est vnicus redemptor: ita etiam est per se sufficiens sine adminiculo Sanctorum. Vnde licet, quando ipsi aliquid de suo conferunt, illud acceptet, & in hoc honorare velit Sanctos suos, & charitatem fidelium fovere: tamen si hac subsidia desint, ab illis non pendet, sed per se sufficit ad omnia peccata delenda.

Notandum quartò: Quòd concessio indulgentia facta à Prælato Ecclesiæ, actus est iurisdictionis voluntaria: cum sit gratia & beneficium: quippe liberalis condonatio pœnæ in purgatorio pro commissis peccatis sustinenda: vel certè commutatio in leue aliquod opus, ex Dei misericordia. Hinc sequitur I. Quòd in conferente indulgentias non requiratur certus ordo, sed tantum potestas spiritualis iurisdictionis ad ligandum, & soluendum, sicuti ex communi docet Caiet. t. 1. opusc. tract. 25. de indulgentijs, ad Iulium Medicem, cap. 2. Syl. ver. indulgentia, num. 13. Sotus in 4. d. 21. quæst. 1. a. 4. Suarez disp. 49. l. 3. num. 3. Quamobrem Episcopus indulgentias potestati suæ ordinario iure competentes subditis concedere potest, cum primùm confirmatus, etsi nondum consecratus, imò nec Sacerdos sit, sicuti ex communi docet Abb. super c. accedentibus, de excess. Prælator. Nauar. tract. de indulg. notab. 3. Corduba de indulg. q. 10. propos.

Sequitur II. Quòd indulgentia concedi non possunt, nisi subditis, sicut constat ex c. quod autem, de pœnit. & remiss. vbi ratio datur. Quia sicuti à iudice non suo ligari nemo potest, ita neque absolui. Exempti tamen participes fieri possunt indulgentiarum Episcopaliū, cum in ea re, sicuti & in dispensationibus votorum, iuramentorum, &c. subijcere se possint iurisdictioni Diocesani suæ, quod ipsis gratiosè concessum est priuilegium exemptionis, in eorumdem dispendiū cedat. Adde, quòd Episcopi, & quicumque Prælati suis subditis licentiā dare possint, vt ab alieno Episcopo datas indulgentias lucrèntur. Denique ipse etiam Prælati, puta Episcopus, aut Papa, cum Communitati, cuius pars est, indulgentias largitur, non minùs, quàm alij, particeps, fieri potest, sicuti explicat Sotus citat. dist. 21. quæst. 2. art. 4. prope finem, & dixi lib. 1. tractat. 4. cap. 22. num. 31.

Sequitur III. Quòd ad indulgentias conferendas Prælati à subditis cogi non potest; neque Prælati eas conferre subditis inuitis. Nam hæc est conditio iurisdictionis voluntaria, vt exerceatur inter volentes tantum, sicuti constat ex l. 2. ff. de officio Proconsulis, iuncta Gl. ver. contentiosam. Quare ordinariè concedi solent indulgentia sub conditione alicuius operis voluntarij.

Sequitur IV. Quòd in dubio concessio indulgentia, cum sit fauor & beneficium, in nullius detrimentum, sed plerumque in Communitatis spirituale commodum cedens, late interpretanda sit, seruata verborum proprietate, sicuti docet Suarez disp. 50. l. 2. num. 8. Coninck. t. 2. disp. 1. c. 4. contra Palud. in 4. d. 20. quæst. 4. a. 3. Nau. in comment. de indulg. notab. 9. num. 8. Intelligitur autem hæc doctrina, si dubitetur tantum de voluntate concedentis: ytrum voluerit dare indulgentiam amplam, vel restrictam secundum personas, temporis

durationem, &c. vt benignior interpretatio fiat: modò constet de potestate, & sufficiente causa tam amplam indulgentiam concedendi: v. g. si Papa; vel Episcopus concedat indulgentiam alicui Ecclesiæ, intelligi deberet de perpetua, nisi restrictio facta fuisset per regulas Cancellariæ apud Nauar. loco cit. Item. indulgentia concessa populo Monachienſi, Clericis etiam conuenit: & concessa Clero, Episcopo, & Religiosis eius loci: quia in casu dubio, si sit materia fauorabilis, nomine populi venit etiam Clerus: & nomine Cleri etiam Episcopus, ac Religiosi: non item in materia odiosa, sicuti docet Syl. ver. Clericus, l. 1. num. 2. Sa num. 1. Armilla num. 2. & 3. Verum si dubitetur de potestate concedentis indulgentiam tam amplam, tum potius restringenda est: cum alioquin periculum sit, ne iuri diuino derogetur, & per indiscretas indulgentias disciplina Ecclesiastica eneruetur, sicuti constat ex cap. cum ex eo, de pœnit. & remiss. Trident. syn. sess. 25. in fine, decreto de indulgent. vbi in indulgentijs concedendis moderationem iuxta veterem probatam Ecclesiæ consuetudinem adhiberi cupit, ne nimia facilitate Ecclesiastica disciplina eneruetur.

CAP. II.

De Antiquitate Indulgentiarum.

S V M M A R I V M.

1. Indulgentia, seu remissio pœnæ à sacerdote iniuncta primò Christianorum seculis & statuta fuit.
2. Indulgentia, seu remissio pœnæ iniuncta non tantum est in ordine ad Ecclesiam; sed etiam & Deo satisfactum sit.

Indulgentiarum vsus probari solet ex Apost. 2. ad Corinth. 2. Vbi Corinthium incestuosum, quem absens antè excommunicauerat. 1. Corinth. 5. & pœnis Ecclesiasticis subiecerat; ne nimia tristitia absorberetur, rogantibus etiam pro illo Corinthijs, absoluit, remissâ illi, per clauium spiritualem potestatem, pœnâ adhuc restante. Cuiusmodi consuetudo deinceps etiâ in Ecclesia vixit, vt peccatoribus, ob crimina scandalosa, publica pœnitentia imponeretur; non tantum vt Ecclesiæ satisfaceret, sed etiam vt ipse pœnitens peccata sua apud Deum congrua satisfactione deleteret, sicuti constat ex S. Cypriano serm. de lapsis, paulò ante medium, & in fine, vbi ait: *Qui se Deo satisfecerit, &c. exauditus, & adiutus à Domino, quam contristauerat nuper, letam faciet Ecclesiam: nec iam solum Dei veniam merebitur, sed coronam.* Item S. Aug. c. 65. enchirid. S. Leone I. epist. 91. ad Theodorum.

Porro hæc tempora pœnitentiæ lapsis constituta, ad satisfaciendum Deo, & Ecclesiæ, interdum remittebantur ab Episcopis, quod frequenter fiebat ob Martyrū, & Confessorum in carcere detentorū intercessionem, sicuti constat ex Tertull. in lib. ad Martyres, post princip. Cypr. lib. 3. epist. 5. & 15. & serm. de lapsis, in fine, vbi aperte significat, hanc remissionē factam fuisse non tantum in ordine ad Ecclesiā, sed etiam in ordine ad Deū, vt quod Martyrum desiderio, & Ecclesiasticorū Prælatorum auctoritate remitteretur, etiam apud Deum condonatum esset: *Potest Deus, inquit, indulgentiam dare, sententiam suam potest flectere; pœnitenti, operanti, roganti potest elementer ignoscere, potest acceptum ferre, quicquid pro talibus & perierint Martyres, & fecerint Sacerdotes.* Et lib. 3. epist. 18. Lapsi, qui libellū supplicatoriū ad Episcopos à Martyribus acceperunt, auxilio eorum adiuari apud Dominū in delictis suis possunt. Quamobrem Tertullianus, postquam in hæresin lapsus est, eiusmodi remissiones ac indulgentias per Martyrum suffragia concessas, his rationibus oppugnare aggressus fuit, in lib. de pudicit. c. 22. *Sufficiat Martyri propria delicta purgasse: Ingrati, vel superbi est in alios quoque transgredere, quod pro magno fuerit consecutus. Quis alienā mortē sua soluit, nisi solus*

nisi solus Dei filius? Nam & in ipsa passione liberavit latronem: ad hoc enim venerat, ut ipse à delicto purus, & omnino sanctus, pro peccatoribus obediret. Proinde, qui illum amularis donando delicta, si nil ipse deliquisti, planè patere pro me. Si verò peccator es, quomodo oleum facula tua sufficere & tibi & mihi poteris? His, ut arbitror, testimonijs satis conuincitur, fuisse in veteri Ecclesia morem concedendi indulgentiam. Nam indulgentia est poenæ temporalis Deo debitæ, ab Ecclesiæ Prælato facta remissio, per applicationem satisfactionis Christi, & Sanctorum. Atqui sancti Martyres satisfactiones suas, nixas in meritis & satisfactionibus Christi, applicuerunt lapsis, ut per auctoritatem & clauis Episcoporum à restante ipsis poena absoluerentur, non solum in ordine ad Ecclesiam, sed etiam in ordine ad Deum: Ergo concedebatur eis indulgentia. Hæc, inquam, indulgentiarum ex antiquitate demonstratio videtur mihi clara: quamuis aliter senserit Suarez disp. 49. s. 2. n. 8.

Deinde probatur indulgentiarum antiquitas per traditionem Romanam, quæ tum ex stationibus, tum ex historijs & relatione maiorum habetur, ut videri est apud S. Th. d. 20. q. 1. a. 3. quæstion. 2. Sotum in 4. d. 21. q. 1. a. 3. Valentiam t. 4. disp. 7. quæst. 20. p. 2. Henriq. lib. 7. cap. 3. Bellarm. lib. de indulg. cap. 3. Suarez cit. sect. 2. num. 12. Variarum quoque indulgentiarum mentio fit tit. decret. de poenit. & remiss. c. quod autem, cap. cum ex eo, c. nostro, & c. excommunicauimus, §. Catholici de hæreticis.

CAP. III.

De diuisionibus indulgentiæ.

SUMMARIUM.

1. Indulgentia vel est totalis, seu plenaria, vel partialis, cuius species quadam sunt carena, quadragesima. Diuiditur etiam indulgentia in personalem, & realem: in perpetuam, ac temporalem.
2. Olim indulgentia ferme tantum concedebatur de poenitentis iniunctis, nunc vero etiam de non iniunctis.
3. Si indulgentia localis concessa est, cum determinatione temporis & g. diei, tum qui sepius in die ecclesiam visitat, semel tantum lucratur indulgentiam: secus, si sine determinatione concessa est ecclesiam visitantibus.
4. Nomine ecclesie, cui indulgentia conceditur lucranda à visitantibus, etiam adiunctum cæmeterium intelligi oportet.
5. Loco diruto sine spere edificandi, vel in alium locum sub eodem patrono, & cum omnibus privilegijs transferendi, pereunt concessa indulgentia locales.

Primò diuiditur indulgentia in totalem seu plenariam, & partialem. Plenaria indulgentia dicitur, quæ illimitatè conceditur, ut omnem poenam in purgatorio pro peccatis luendam remittat. Partialis verò, quæ limitatè conceditur, ut partem aliquam poenæ remittat. Talis est indulgentia tertiæ partis peccatorum: aut indulgentia vnius anni, vel plurium annorum. Nam Ecclesiastica consuetudine olim receptum erat, ut pro grauioribus criminibus septem annorum poenitentia imponeretur, uti testantur Isidorus, & Gratianus in c. hoc ipsum, 33. q. 2. & sumitur ex Concil. Eliberino can. 5. Ancyran. can. 8. Nicæno. I. can. 11. & c. accusasti, de accusat. vbi alterius etiam poenitentia mentio fit, quæ carena dicitur: id est, carentia, sine ieiunium in solo pane & aqua per dies quadragesima, sicuti Gl. interpretatur in cit. c. accusasti, vtr. carena. Item quadragesima, quæ videtur esse indulgentia, siue remissio poenitentia, quæ per quadragesimam subeunda erat, iuxta c. in capite, d. 50.

Quapropter, cum indulgentia vnius anni, indulgentia septennis, vel vna v. g. carena conceditur, sensus est, remitti tantam poenam peccatis debitam, quanta deleteretur per poenitentiam vnius anni, vel septem annorum; aut per quadragesima dierum ieiunium in pane & aqua,

secundum canones pro peccatis imponi solitum, sicuti explicant Palud. cit. d. 20. q. 4. a. 1. quantum ad 2. ibidem Maior q. 2. S. Anton. p. 1. tit. 10. c. 3. §. 3. Sotus d. 21. q. 2. a. 1. Suarez disp. 50. s. 1. n. 11. & 16. vbi aiunt, si nunc concedatur indulgentia vnius v. g. anni, interpretandum esse, remitti poenitentias, quæ secundum prudens Sacerdotis iudicium, pro peccatis commissis imponendæ essent in vnum annum: consequenter verò remittitur tanta poena purgatorij, quanta per tales poenitentias delenda fuisset, considerando eas secundum se, & propriam grauitatem ac durationem, & abstrahendo à maiore, vel minore feruore poenitentis, sicuti notauit Coninck dub. 4. n. 15. De qua quæst. legi potest Richard. lib. 4. dist. 20. a. 3. quæst. 2.

Tamet si autem in concessione indulgentiarum addita sit particula *de poenitentis iniunctis*, non tamen censeretur debet restrictiua, sed potius ampliatiua; ut sensus sit, etiã de non iniunctis, sicuti probabile censent Palud. & Anto. ll. cc. & expressè docet supplem. Gabr. in 4. d. 45. q. 3. a. 2. Suar. cit. disp. 50. s. 3. Coninck dub. 3. concl. 4. & 5. arg. c. ex parte, 27. de decimis, *Vbi maius conceditur, etiam minus concessum esse videtur*: quæ regula in ijs locum habet, quæ eiusdem generis sunt, siue ad eandem potestatem spectantia. Atqui plus, seu maius quiddam est, remittere poenitentias à Sacerdote iniunctas, quippe non diuino tantum iure, sed humano etiam præcepto debitas, & determinatas; minor autem remissio est, si nulla poenitentia Sacerdotis imperio exoluenda restet: quare talis indulgentia facilius conceditur, cum non ita eneruans sit disciplina Ecclesiastica: quidquid in hac re contra communem sentiat Caiet. tract. de indulg. ad Iulium q. 7. Ergo indulgentia data de iniunctis, extendenda etiam videtur ad non iniunctas: ad eum modum, inquit Suarez, sicuti si alicui concedatur priuilegium absoluendi à peccatis reseruatis, per benignam interpretationem supplendum est, ut sensus sit *etiam à reseruatis*.

Nihilominus contraria sententia communior est, si in Bulla, vel canone expressa mentio fiat poenitentiarum iniunctarum, ut in cit. c. quod autem, non esse concessionem extendendam ad poenitentias iniungendas. Ita enim docet Durandus in 4. d. 20. q. 4. n. 9. Nauar. de indulg. notab. 11. n. 13. Sotus d. 21. q. 2. a. 1. Corduba q. 8. & 9. Benzonius de Iubilæo, lib. 4. c. 2. Henriq. lib. 7. c. 6. n. 2. & plures alij. Quia indulgentiæ non plus valent, quam sonant. Quæ sententia vera videtur, spectatâ antiquâ Ecclesiæ consuetudine, secundum quam indulgentiæ ferme tantum concedebantur de poenitentis à Sacerdote iam imperatis, sicuti etiam notauit Benzonius lib. 4. c. 2. differ. 2.

At verò spectatâ consuetudine, quæ nunc in Ecclesijs viget, placet prior sententia, indulgentias ad omnes poenas, etiam non iniunctas, se extendere: quia alloquin non ita magnam vtilitatem hodie indulgentiæ haberent: quandoquidem poenitentia, quæ pro peccatis iniungi solent, exiguae sunt, & sæpe tantum loco medicinæ seu curationis peccatorum imperata, quas omnimodè implere expedit. Quam ipsam sententiam clarè docuisse videtur Abb. c. cum ex eo, num. 6. de poenit. & remiss. vbi repetit quod antè dixerat in c. quod autem, eod. tit. n. 8. consilium esse, ut, qui indulgentias episcopales (quæ olim de iniunctis tantum dabantur) lucrari vult nihilominus impleat poenitentias à Sacerdote impositas: fructum autem indulgentiæ referuet pro delendis poenis, quas Deo pro alijs peccatis debet. Si tamen aliquis velit poenitentias sibi iniunctas eneruare, potest id facere, ait Abb. & similia docent Durand. loco cit. Nauar. de indulg. notab. 31. Corduba quæst. 8. corol. 3. Coninck dub. 3. concl. 6. & ante hos Albertus Magnus in 4. d. 10. a. 17. ad 5. vbi monet, consultissimum esse, ut, semper tota poenitentia impleatur: quia plerumq; minor, quam peccatis debeatur iniuncta est, per modum medicinæ reseruatis à recidiua: & sæpe incertum, an indulgentiam

lucrati simus, vel saltem an ita plenè, vt ab omni pœna immunes existamus. Si tamen pœnitentia grauis ac difficilis sit, vt appareat non per modum medicinæ præcauentis, impositam fuisse: sed per modum satisfactionis, tunc non prohibetur aliquis vti indulgentia ad pœnitentiam diluendam, idque ex communi doctrina certum esse, ait Benzonius lib. 2. de Iubilæo, c. 41. §. Verùm seu hæc opinio. Idque etiam Confessarij obseruare possunt, vt pœnitentiam, de qua pœnitens queritur, commutent in aliam leuiorem per modum medicinæ imponendam: præcipiendo pœnitenti, vt alicuius indulgentiæ se participem reddat: quod etiam obseruauit Henric. lib. 7. c. 9. n. 2. c. 17. num. 1. & seqq.

Secundo diuiditur indulgentia in personalem, ac realem. Personalis dicitur, quæ per se, ac directè personis conceditur, sine determinatione ad certam rem materialem. Realis verò, quæ alicui rei materiali; vt rosarij, imaginibus, &c. affixa est: item quæ loco sacro, & speciali nomine indulgentia localis appellari solet.

De locali hac indulgentia queri solet primò: Vtrum sæpius in die visitans Ecclesiam, cui indulgentia concessa est, toties etiam lucretur? Respondeo: Si indulgentia sine vllà temporis determinatione absolūtè concessa est ecclesiam hanc visitantibus: sæpius in die visitans, toties etiam lucrari indulgentiam potest: cum non sit ratio restringendi ad vnam vicem. Sin verò concessa sit cum temporis determinatione, vt tali die, vel tempore v.g. Paschali, aut in anniuersario dedicationis ecclesiæ visitantes indulgentiam consequantur, censetur esse mens concedentis, vt quisque non nisi semel lucrari possit, sicuti iterum dicam c. 8. n. 8.

Queritur secundò: Si visitantibus ecclesiam indulgentia concessa sit, & aliqui ob hominum multitudinē ingredi non possint, aut sufficiat eis foris stare, & orationem iniunctam perficere? Resp. affirmatiuè cum Rodriq. p. 1. sum. c. 184. n. 6. Suarez disp. 52. l. 1. num. 7. Quia moraliter rem æstimando, tales ecclesiam visitant, quando præsentiam suam exhibent, quatenus possunt. Addit Suarez ibidem, in eiusmodi concessione etiam adiunctum cœmeterium nomine ecclesiæ comprehendit: quia in fauorabilibus verba latè interpretanda sunt. Quamuis extra casum necessitatis id semper agere conuenit, quod certius, & securius est.

Queritur tertio: Vtrum diruto templo, indulgentia ipsi concessa pereat? Respondeo: Si ecclesia diruta non iterum ædificetur, locus priuatur indulgentia, cum non loco simpliciter, sed ecclesiæ concessa fuerit. Sin verò ædificetur iterum ecclesia in eodem loco, retinet indulgentiam: sicuti & alia privilegia: quippe cum moraliter eadem ecclesia censeatur, sicuti docet idem Suarez n. 8. Limitat tamen Innoc. in cap. 2. de noui operis mutilatione, Gl. in reg. 7. in 6. Nisi Superioris auctoritate destruat in pœnam delinquentium: tunc enim omnibus privilegijs spoliari censetur, vt iterum ei expressè seu tacitè conferenda sint, si de nouo ædificetur.

Id verò non est improbabile, atque in praxi seruari solet, quod Innoc. ibid. docet, & Ludou. Bononius in tract. de indulg. n. 79. Si ecclesia auctoritate Superioris tali pacto destrui curetur, vt sub eodem titulo, ac Patrono, in alium locum transferatur, etiam indulgentias, & alia privilegia eius transferri: quod etiam docuit Gl. & alia privilegia eius transferri: c. 1. §. 2. Suarez in reg. iuris 7. in 6. S. Anton. p. 1. tit. 19. c. 1. §. 2. Suarez lib. 8. de legibus cap. 5. in fine, qui bene id explicat, transferri privilegia vnà cum ecclesia si concessa sint non ratione situs aut loci: sed absolūtè ecclesiæ sub proprio nomine, ac titulo suo. Videri etiam potest Franc. Hotomanus lib. illust. quæstion. q. 8.

Tertio, diuiditur indulgentia in perpetuam ac temporalem. Perpetua dicitur, quæ personæ, loco, aut alteri rei ita conceditur, vt tamdiu duret, quam diu res, vel per-

sona illa, cui concessa est: nisi à concedente, vel Superiore eius reuocetur. Temporalis verò indulgentia vocatur, quæ certo anni, diei, &c. tempore determinata, eo transacto finitur.

CAP. IV.

Quinam ecclesiæ pastores, & quo iure indulgentias concedere possint?

S V M M A R I V M.

- 1 Summus Pontifex potestate à Christo accepta, alij verò inferiores Episcopi ex concessione Sum. Pontificis, indulgentias largiuntur.
- 2 Episcopi communi iure vniuersis annis indulgentiam dare possunt pro die anniuersaria dedicationis templi: alias verò ob ipsam causam dierum quadraginta.
- 3 Prælati Ecclesiastici, qui Episcopi non sunt, etsi non iure ordinario, tamen ex commissione Pontificis speciali, aut generali, indulgentias interdum dare possunt.
- 4 Facultas indulgentias dandi, etiam per consuetudinem acquiri posse videtur: sicuti etiam iurisdictio in foro Pœnitentiæ à peccatis absolueni cum bona fide usurari potest.
- 5 Per communicationem bonorum operum, ac meritorum facta personis: ac si membra essent alicuius Religionis proximæ, ac directè non applicantur satisfactiones subditorum: sed fructus iste communicationis præcipue prouenit per modum impetrationis.
- 6 Religiosus, qui contra præceptum Prælati fructum boni operis alteri applicat, licet malè faciat, tamen applicari valet.

Assertio I. Summus Pontifex, accepta à Christo facultate, adeoque diuino iure, indulgentias cū generales, tum particulares, ex rationabili causa, fidelibus omnibus dispensare potest. Ita Clemens VI. extrauag. Vnigenitus, de pœnit. & remiss. Alensis p. 4. q. 33. mem. 3. S. Th. in 4. d. 20. q. 1. a. 4. S. Bonau. a. 2. quæst. 3. Rich. a. 3. quæst. 3. Durandus quæst. 5. ad 2. Et quod dico de Sum. Pontifice, tanquam Capite Ecclesiæ, similiter intelligi debet de Concilio generali, quatenus incluso Capite, totum corpus Ecclesiæ representat, sicuti constat ex ijs, quæ dixi lib. 1. tr. 4. c. 6. §. 2. At verò vacante Sede, non potest Concilium, quatuor ex vniuersis Episcopis congregatum sit, indulgentias generales Christi fidelibus concedere: sed solum ea præstare, quæ præcisè necessaria sunt ad regimen Ecclesiæ, donec electio Pontificis facta sit, ait Suarez disp. 55. l. 1. n. 7. contra Cordubam de indulg. quæst. 10. propos. 8. vbi docet, quod Concilium generale vacante Sede iure diuino indulgentias dare possit.

Assertio II. Inferiores Papæ, Archiepiscopi, & Episcopi, non habent potestatem concedendi indulgentias diuino iure, sed ex concessione Sum. Pontificis. Ita S. Th. cit. a. 4. quæst. 3. Supplem. S. Th. q. 26. a. 3. Richard. & Duran. locis cit. Augustinus de Ancona lib. de potest. Ecclesiæ q. 29. a. 5. Syl. ver. indulgentia, q. 5. Suarez disp. 49. l. 1. num. 13. Coninck disp. 12. dub. 1. concl. 4. contra Sotum d. 21. q. 1. a. 4. concl. 1. P. Sotum de indulg. lect. 3. Rutilium Benzonium lib. 2. de Iubilæo, cap. 30. Cordubam de indulg. q. 10. Probatur primò ex ijs, quæ generatim dixi in materia de legibus, c. 7. n. 3. Episcopos iurisditionem non immediatè à Christo accipere, sed à Sum. Pontifice, qui proinde ijs limitatam, & restrictam concedere potest, ac solet. Secundò speciatim ex ratione indulgentiæ: Siue enim definiatur remissio pœnæ debitæ propter peccata: siue dispensatio thesauri Ecclesiæ, statim apparet, vnam ex grauioribus causis esse, quæ ad summam potestatem adeoque supremum in Ecclesia Pastorem propriè spectare debeat: ad alios verò subordinatos, quatenus ab illo potestatem habent.

Confirmatur: Si enim Episcopis omnibus ex diuino iure

iure potestas competeret dispensandi indulgentias, non potuisset ea à Concilio Generali Lateranensi sub Innoc. III. adeo restringi, ut non nisi vnius anni indulgentiam in ipso die dedicationis ecclesiae: & ob aliam causam iustam, quadraginta tantum dierum indulgentias concedere possint, sicuti legimus in c. cum ex eo, de poenit. & remiss. vbi etiam ratio huius ita restrictae facultatis affertur: quia alioquin *per indifferetas, & superfluas indulgentias, quas quidam Ecclesiarum Praelati facere non verentur, & clanes Ecclesiae contemnuntur, & poenitentialis satisfactio enervatur.* Accedit quod potestas concedendi indulgentias non sit ita necessaria ad regimen, & munus Episcoporum: sicuti potestas absoluendi à peccatis, dispensandi in vocis, iuramentis subditorum suorum: Quamobrem rectè notauit Suarez disp. 49. s. 2. n. 5. non ita diuino iure obligari Sum. Pontificem ad concedendam Episcopis potestatem dispensandi indulgentias, sicuti alios iurisdictionis actus, ad salutem subditorum suorum magis necessarios, exercendi.

Porro circa Episcopales istas indulgentias quaedam breuiter annotanda sunt: I. Potestas dandi indulgentias Episcopis competit iure ordinatio, quippe ratione muneris ac dignitatis suae: cui talis potestas, licet non absolute debita, aut necessaria, tamen valde conueniens est: quamobrem etiam alteri dictam facultatem committere, siue delegare possunt.

II. Licet plures Episcopi, qui ad ecclesiae dedicationem praesentes sunt, non possint nisi vnius anni indulgentiam simul concedere, sicuti habetur expresse in c. cum ex eo, de poenit. & remiss. nihil tamen obstat, quominus plures, quorum singuli iurisdictionem habent, puta loci Episcopus, & Metropolitanus, siue Archiepiscopus, simul, aut successiue plures quadragenae eidem ecclesiae concedant, sicuti docet Suarez disp. 55. s. 2. n. 5. Nihil etiam obstat videtur, si alicui loco, seu ecclesiae proprius Episcopus, v. g. pro festo Patroni vnam quadragenam concesserit, quominus alienus Episcopus eidem ecclesiae etiam quadragenam concedat, lucranda tantum à suis subditis, si tali die ecclesiam illam inuenerint. Talis enim concessio non excedit limites iurisdictionis: cum propriè non fiat loco, sed personis subditis in ordine ad talem locum. Et potest postea Episcopus proprius loci indulgentiam istam trahere ad suos etiam subditos, si ipsis licentiam det lucrandi: ut proinde subditi loci duas hoc casu quadragenas vno die lucrari possint, sicuti singulariter notauit Palud. d. 20. q. 4. a. 2. concl. 4.

III. Si Episcopus ultra limites potestatis suae indulgentiam concedat, omni iure irrita est quo ad excessum, uti colligitur ex c. nostro, de poenit. & remiss. & c. 1. eod. in 6. Imò expresse declaratum fuit à Bonifacio VIII. c. vlt. eod. in 6. Licet contrarium senserit Gl. in c. cum ex eo, ver. à pluribus, extra eod. Dixi autem, *quo ad excessum*: valet enim nihilominus indulgentia usque ad terminum concessum: quia *utile non debet per inutile vitari*, reg. 37. in 6. Quae regula, ait Gl. in cit. c. vlt. maximè locum habet in liberalitatibus, iuxta l. Sancimus, C. de donat. & cum pars utilis ab inutili separari potest, l. 1. §. Trebatius, ff. de aqua quotid. & aestiua. Eandem doctrinam habet additio Gl. ad cit. c. cum ex eo, & Suarez disp. 55. s. 3. n. 12. Henric. lib. 7. c. 31. n. 4.

IV. Episcopi viuus tantum, non etiam defunctis indulgentias concedere possunt, sicuti ex communi docet Suarez cit. disp. 55. s. 2. n. 9. Quia solum concessum est Episcopis quasdam indulgentias concedere subditis suis c. quod autem, de poenit. & remiss. Ergo facultas haec non extenditur ad defunctos.

3 Assertio III. Cardinales, & Legati Apostolici, alique Praelati, si Episcopi non sint, licet in alijs quasi episcopalem iurisdictionem habeant, indulgentias tamè iure communi, & ordinario dare non possunt, argum.

c. audientibus, de excessibus Praelatorum: sed saepe ex speciali, interdum etiam generali per consuetudinem approbata Sum. Pontificis commissione: ut hac ratione veluti ordinaria censenda sit, sicuti de summo Poenitentiario docet Palud. cit. q. 4. a. 2. concl. 3.

Dubium verò est, Vtrum Praelati inferiores Episcopo, per consuetudinem temporis diuturnitate praescriptam, acquirere possint potestatem dandi indulgentias. Negant Corduba cit. quest. 10. proposit. 11. dub. 1. Sotus in 4. d. 22. q. 1. a. 4. Suarez disp. 55. s. 4. n. 3. Cum enim talis potestas extendat se ad tollendas poenas Deo debitas, non potest ea sine voluntate ipsius Dei, aut eius in terris Vicarij alicui competere. Veligitur Sum. Pontifex scit, & tacite approbat eiusmodi consuetudinem, vel nescit: si scit, iam non ex consuetudine praecise, & vi propria; sed potius ex tacito consensu Papae iurisdictionis seu potestatis spiritualis acquiritur. Si verò Papa nescit, actualiter consentire non potest: absque voluntate autem non communicatur potestas. Cuiusmodi etiam discursus fieri potest de potestate absoluendi à peccatis, sicuti videre est apud Caiet. ver. absolutio, c. 2. Suarez t. 4. d. 27. s. 3. num. 3. Less. lib. 2. de iust. c. 2. dub. 14. num. 45. Coninck t. 2. disp. 8. dub. 5. concl. 3. & 4. arg. c. 2. de poenit. & remiss. in 6. vbi dicitur, *Nulla consuetudine introitus posse, quod aliquis, praeter sui Superioris licentiam, Confessorem sibi eligere valeat.*

Contrarium tamen, quod facultas dandi indulgentias consuetudine acquiri possit, docent Gl. in cit. c. accedentibus, ver. legitima causa, ibidem Hostiensis, & Abb. n. 2. arg. c. cum contingat, de foro competente. Quorum sententia non videtur mihi improbabilis. Est enim communis Doctorem sententia apud Palud. in 4. d. 38. q. 2. 4. concl. 4. Sanch. lib. 4. moral. c. 38. n. 21. potestatem dispensandi in votis, ac iuramentis ab inferioribus Praelatis per consuetudinem acquiri posse: cum tamen dispensatio ista etiam soluat animas in foro Dei: ut proinde sine voluntate Christi, aut eius in terris Vicarij nemini competere possit.

Quare respondetur ad prioris sententiae fundamentum. Etsi Sum. Pontifex specialiter nescit consuetudinem, satis tamen eam approbare, quando generali lege, ac praxi vult & consentit, ut Ecclesiastica iurisdictione per longuam consuetudinem bona fide praescriptam acquiratur: cum alioquin in Ecclesiae perturbationem, & periculum animarum cedere possit: si quae per talem consuetudinem ab Ecclesiae Praelatis fiunt, irrita ferent. Ad cit. c. 2. respondeo: Id esse speciale, quod subditus fatendo se subditum, contra obedientiam Superioris, vel Pastoris sui praescribere non possit, c. cum non liceat, de praescript. Quia tali casu adest mala fides, vel saltem iuris notissimi error: quocum non praescribit. Consequenter, neque Parochianus, seu Diocesanus absque consensu ordinarij Iudicis ac Pastoris sui, quamdiu eum pro tali agnoscit, alterius non Pastoris sui iurisdictioni se subijcere potest. Alioquin verò nihil obstat videtur, quominus Sacerdos diuturna consuetudine iurisdictionem acquirat absoluendi à peccatis, v. g. Episcopo reseruatis, sicuti significat Gabr. lect. 3. in canonem, & expresse Nauar. in c. placuit, d. 6. de poenit. n. 40. & seqq. qui singulariter notat n. 42. Cum in cit. c. 2. dicitur, nulla consuetudine introduci posse, ut aliquis sine licentia Pastoris proprii alium Confessarium sibi eligat: subintelligendum esse, nisi per consuetudinem alteri illi Confessario absoluendi facultas acquisita esset. Simili ratione annotauit Abb. in c. vlt. n. 5. de dilationibus: Licet nulla consuetudine introduci possit: ut ad minorem, vel parem appellatio fiat, cum id substantiae appellationis repugnet, iuxta Gl. in c. 2. de Constit. in 6. secus tamen esse, si consuetudo Iudicem efficiat maiorem, seu superiorem.

Assertio IV. Neque Praelati Religiosorum Ordinum

facultatem vllam habent dandi indulgentias: nisi ex speciali concessione Pape. Est communis doctrina apud Cordubam q. 10. prop. 6. Suarez disp. 55. f. 5. tradita in c. accidentibus, de excess. Prælatorum. Id solùm hoc loco aduerte cum Nau. de indulg. notab. 30. n. 14. in privilegio indulgentiarum attendendum esse, vtrum ipsi Prælato, alijsve personis delegetur facultas dandi indulgentiam: an verò immediatè à Sede Apostolica cōcedatur indulgentia ijs, qui Religionis membra, aut benefactores fuerint: vel ecclesias, aut sacramenta apud ipsos frequentarint: tunc enim Religiosi dicere non debent, se indulgentias concedere: sed admonere tantum fideles, de indulgentia à Sum. Pontifice concessa, cuius se participes facere possint, si hoc, vel illud opus præstiterint.

Occurrit hoc loco dubium: Qualis gratia sit, seu qualis fructus conferatur ijs, qui à Prælato alicuius Ordinis admittuntur in communionem bonorum operum, ac meritorum totius religiosæ Congregationis, perinde ac si membra eius essent. Respondeo, & dico I. cum Durando in 4. d. 20. q. vlt. n. 6. Soto in 4. d. 21. q. 2. a. 1. Nau. de indulg. notab. 31. n. 18. Corduba q. 39. dicto 4. Rodriq. t. 1. reg. qq. q. 33. a. 7. Suarez disp. 55. f. 5. n. 6. Talis communicatio operum, ac meritorum non habet rationem indulgentiæ. Nam indulgentiæ viuus conceduntur per modum iurisdictionis, & absolutionis à pœnis Deo debitæ, per applicationem satisfactionum Christi, & Sanctorum. Prælatis autem Ordinum talis facultas non competit: tum quia iurisdictionem non habent in eos omnes, quos meritorum suorum participes efficiunt: tum verò multò magis, quia superabundantes factiones iustorum non colliguntur in particularibus quasi thesauris Ecclesiarum, vel Ordinum religiosorum: sed veniunt in communem thesaurum vnius Ecclesiæ vniuersalis, vt per vniuersalem eius Pastorem dispensentur.

Dico II. Per eiusmodi generalem bonorum spiritualium communicationem directè, & immediatè non applicantur satisfactiones subditorum. Ita docet Suar. l. c. et si aliter Nau. cit. n. 18. Corduba cit. q. 39. dicto 3. & seqq. Henriq. lib. 7. c. 31. n. 6. Rodriq. cit. q. 33. a. 4. man. Prælatus t. 2. q. 50. a. 2. & 3. Vel enim Prælatus opera subditorum satisfactoria applicaret, antequam fiunt, vel postquàm facta sunt. Neutrum dici potest: Nō hoc posterius: quia fructus bonorum operum satisfactorius, si vel nemini, vel inhabili applicatus superabundat, in communi thesauro Ecclesiæ permanet, ac Sum. Pontificis eorumque, qui ab ipso potestatem acceperunt, dispositioni subiacet. Neq; primum dici potest: quia id cederet in perturbationem, ac grauamen subditorum, dareturq; locus præuentioni: ita vt si subditi pro suis, vel aliorum peccatis speciatim satisfacere intenderent, incerti essent, num fortè Papa, vel Prælatus, ipsis inscijs, & non consentientibus, fructum omnem, vel partem eius alteri iam applicuisset.

Accedit ratio manifesta, qua etiam destruitur fundamentum sententiæ contrariæ. Nam cuiusq; hominis etiam Religiosi, opera bona, & fructus ipsorum, antequam fiunt, vel dum fiunt, subiacent particulari dominio ipsius operantis: ergo non debent censerì bona cōmunia, quæ à Prælato Communitatis applicari possint, cui ipse velit. Neq; obstat, quod dicitur in c. non dicatis 12. q. 1. Religiosos non tantum proprijs facultatibus, sed etiam voluntarijs renuntiasse. Non enim sensus est, quod sicuti terrenarum substantiarum, ita etiam suorum liberorum actuum domini esse d. sinant: sed quod per obedientiam vtrum ita suā voluntatem Superioris imperio subiecerint, vt contra eius iustum imperium nihil licet etiam velle possint. Ex quo etiam intelligitur, cur dixerim in assert. directè, & immediatè. Nō enim nego, quin fructus satisfactionum alicuius in Re-

ligionem prodesse soleat mediatè, interueniente videlicet ipsorum subditorum applicatione generali, vel speciali. Nam imprimis, si subditi sua opera satisfactoria generatim applicent Religionì, vel omnibus membris eius: participabunt etiam ijs, qui vt fratres in Religionē per auctoritatem Prælati assumpti fuerunt. Deinde si Prælatus Ordinis iustam ob causam præcipiat Religioso, vt huic personæ in particulari opus satisfactionis applicet, subditus obedire debet: ita vt si contra iustum Superioris sui præceptum alteri applicet, peccet quidē, sed applicatio ipsius operantis obtinebit, non obstante contraria applicatione Prælati: quippe quæ vim nullā habet, nisi interueniente voluntaria applicatione ipsius operantis seu generali, seu speciali, sicuti & tradit Sotus d. 21. q. 1 a. 4. 5. postremum hinc Suarez cit. f. 5. n. 8.

Dico III. Fructus, qui assumptis in participationem meritorum alicuius Religionis prouenit, præcipue est per modum impetrationis de congruo. Ita Adrianus quodlib. 8. Suarez cit. f. 5. n. 2. & 11. Possumus verò hoc loco distinguere duplicis impetrationis fructum: directæ & indirectæ. Directa impetratio requirit intentionem, & applicationem eorum, qui pro alijs orant, vel ad impetrandum alijs de congruo bona opera exercent. Hæc autem intentio potest esse vel specialis: vt si Religiosi opera sua, & orationes specialiter Deo offerant pro personis suæ Congregationi coniunctis: tunc orationes hæc, propter charitatis, & amicitie vñionem, maiorem vim habent ad impetrandum à Deo, quàm si fierent pro extraneis. Vel potest esse generalis tantum intentio: vt si opera meritoria, & orationes instituantur vniuersim pro Religionē, & membris eius: tunc participes esse possunt illi omnes, qui in communicationem meritorum de congruo assumpti fuerint. Indirecta verò impetratio non requirit vllam intentionem, vel applicationem: sed hoc ipso, quod in aliqua Religionē bona opera iustorum fiunt, valent apud Deum de congruo, vt eorum ratione & intuitu propitius sit, & speciali auxilio protegat illos, qui membra sunt huius Communitatis. Etenim ratio amicitie postulare videtur, vt Deus propter amicos suos, etiā alijs beneficiat, qui illis amicitia coniuncti sunt. Quamuis maior futura est vis impetrationis, si accedat etiam directæ intentio: vel ipsorum Religiosorum pro taliter sibi coniunctis orantium, vt supra dixi: vel coniunctorum & ascitorum, si per merita talis Religionis aliquid à Deo petant.

Quod verò Corduba ait q. 39. dicto 6. & Rodriq. cit. quæst. 33. a. 2. Per eiusmodi communicationem bonorum operum, ac meritorum factam aliquibus personis, ac si membra essent talis Religionis, ipsis Religiosis nihil decedere; id verum est, quatenus opera habent vim impetrandi à Deo indirectè: etenim quo maior est numerus iustorum in aliqua Congregatione, eò magis inclinatur Deus ad benefaciendum singulis. Sed aliter sentiendum est, si loquamur de impetratione directâ: quia orationes, quantò pro pluribus personis Deo offerunt, tantò minorem vim habent impetrandi singulis id, quod petitur.

Denique nota, quod participantibus bonorum alicuius Religionis, interdum per gratiam Sedis Apostolicæ eadem indulgentiæ concedantur, quæ ipsismet Religiosis, vt videre licet apud Henriq. lib. 7. c. 19. n. vlt.

CAP. V.

An, & qualis causa ad concedendum indulgentias requiratur?

SUMMARIUM.

1. Non tantum vt licet, sed etiam vt validè indulgentia concedatur, pia & rationabilis causa requiritur.
2. Fieri solet, vt alijs alijs plus de indulgentia & g. plenaria cōsequatur.

ut, quia plus deuotionis & conatus adhibent.

3 Tamen si accidat, indulgentia concessionem propter defectum causa irritam esse: alia tamen per accidens adiuncta facta-tes subsistere possunt.

ASSERTIO I. Non tantum ut licite indulgentia concedatur, sed etiam ut valide, requiritur pia & rationabilis causa. Hæc est communis sententia Henrici Gandauensis quodlib. 15. quæst. 14. §. Bonau. in 4. dist. 20. p. 2. a. 1. q. 6. Maioris ead. d. q. 2. Caiet. de indulg. tr. 9. q. 1. & tr. 15. c. 4. q. 1. Cordubæ de indulg. q. 17. Soti d. 21. q. 2. a. 2. Nau. de indulg. notab. 15. n. 7. P. Soti lect. 2. de indulg. Henrici lib. 7. c. 14. Suar. disp. 54. Coninck disp. 11. dub. 6. contra Palud. in 4. dist. 21. q. 4. a. 1. Sumitur ex extrauag. vnigenitus, de pœnitent. & remiss. & epist. Leonis X. ad Caietanum. Ratio est: Quia minister non potest valide remittere, aut dispensare iura domini sui, sine voluntate eius rationabiliter præsumpta. Papa autem aliiq; Episcopi dando indulgentias peccatorum, dispensant in iure Christi ac Dei; partim quia thesaurus satisfactionum sub Dei, ac Christi tantum dominio: Ministrorum autem eius fidei dispensatione est. Ergo Papa, & Episcopi valide non concedunt indulgentias sine voluntate Dei, ac Christi, quæ nimirum est, ut pœna secundum ordinariam iustitiæ legem debita, non remittatur atq; thesaurus satisfactionum non dispensetur in destructione, sed in ædificationem, id est, ira ut ad maiorem Dei gloriam dispensatio cedat: hanc enim, ut Deus ipse in omnibus suis operibus intendit, Prouerb. 16. sic & Ministri eius sumitur ex c. 14. Matt. Quis, putas, est fidelis, & prudens, &c. 1. Corinth. 4. 2. Corinth. 16. Corollarium. Causa concedendi indulgentiam non tantum debet esse pia, & in se iusta: sed etiam proportionata: ita, ut quanto maior est indulgentia, tanto maior causa requiratur: alioquin non valitura est indulgentia, nisi secundum proportionem causæ, sicuti docet Albertus Magnus in 4. d. 20. a. 17. Sotus cit. q. 2. a. 2. Caiet. cit. q. 1. Suar. disp. 54. §. 3. n. 5. Henrici c. 14. n. 3. Coninck cit. dub. 6. concl. 2. contra Angel. ver. indulgentia. n. 2. Syl. q. 3. Valent. disp. 7. q. 20. p. 4. Reginaldum in praxi fori pœnitent. t. 1. lib. 7. n. 132. Proportio autem causæ in eo consistit, ut prudenter & rationabiliter, secundum omnes circumstantias, existimetur, ad maiorem Dei gloriam fore, ut pœnarum debitum, imposito pio aliquo opere, condonetur: quam ut secundum iustitiæ rigorem exoluenda relinquatur. Porro quamuis indulgentia, spectata præcisè uti est remissio pœnarum Deo debitarum, tantò maiorem, eamq; publicam causam requiratur, quanto maiori Communitati, vel toti Ecclesiæ conceditur: quàm si particulari personæ, vel Congregationi concedatur: quatenus tamen consideratur cum opere pio simul imposito, per quod fideles ad publicas orationes, sacramentorum frequentationem, &c. alliciuntur, non parum ex hoc capite augetur causa indulgentiæ concedendæ.

Existimant tamen non improbabiler Nau. notab. 15. de indulg. n. 15. Coninck cit. dub. 6. n. 34. Etsi ponamus, hoc casu sufficientem causam adesse, ut indulgentia v. g. plenaria generatim concedatur: tamen fieri posse, ut particulatim non omnes integram consequantur, si videlicet aliqui magnam pro peccatis commissis pœnam debentes, opus iniunctum tepidè, ac minùs vtiliter ad propositum finem peragant, ideòq; causa tantæ remissionis ipsorum respectu deficiat. Quod ipsum satis clarè significat Bonif. VIII. in extrauag. 1. de pœnit. & remiss. ubi postquam pro anno M. ccc. visitantibus Basilicam SS. Apostolorum Romæ plenissimam omnium peccatorum suorum indulgentiam concessisset, subiunxit: *Vniuscuique tamen plus merebitur, indulgentiam efficacius consequetur, qui Basilicam ipsam amplius, & deuotius frequentabit.* Idemq; tradidit S. Bonau. cit. q. 6. Secundum quod plns, vel minus deuotione sua accedunt be-

mines ad causam, à dante intentam: plns, vel minus participant de indulgentia.

Illud etiam rectè notat Suarez cit. disp. 54. f. 2. n. 17. Si cum indulgentia plenaria iungatur facultas eligendi Confessarium, absoluedi à casibus reservatis, & censuris, dispensandi in votis, &c. sicuti in Iubilæo fieri solet: tamen si indulgentia ob defectum causæ vel omnino, vel ex parte infirmetur, annexos tamen fauores, quippe ex solo humano iure pendentes, ideòq; liberæ dispositioni Pontificis subiectos, haud infirmari. Quod non intelligas quasi dispensatio in votis sine iusta causa, ad libitum Pontificis fieri possit: sed quod potestatem ex causa rationabili dispensandi in votis, cuiuslibet arbitratu suo committere queat.

CAP. VI.

Quæ nam conditiones requirantur in eo, qui indulgentias lucraturus est.

S V M M A R I V M.

- 1 Indulgentia proprie tantum dantur Christianis baptizatis: Est tamen probabile prodesse etiam Catechumenis, per modum suffragij.
- 2 Cum homo indulgentiam consecuturus est, in Dei gratia esse debet.
- 3 Nisi opus præscriptum impleatur, indulgentia obtineri non potest.
- 4 Opus bonum præscriptum ita impleri debet, quatenus conducat ad iustitiam causæ, ob quam indulgentia conceditur.
- 5 Ad lucrandum indulgentiam non requiritur actualis intentio: sed sufficit habitualis, seu interpretatiua.
- 6 Variatione non potest aliquis plurimum numismatum similes indulgentias lucrari.
- 7 Si indulgentia concessa sit verè pœnitentibus, ac confessis, non requiritur ad eam lucrandam sacramentalis Confessio, si quis morale peccatum non habeat: sin verò habeat: non sufficit contritio.

PRIMA conditio est, quam plerique Doctores asserunt apud Suar. disp. 53. f. 4. n. 8. Sanch. l. 4. moral. c. 37. n. 37. Coninck disp. 12. dub. 7. in princ. Benzoni lib. 5. de Iubilæo, c. 15. dub. 28. assert. 6. Ut sit homo baptizatus. Nam communis thesaurus satisfactorum est in Ecclesia, ut à Pastoribus fideliter, ac prudenter dispensetur ijs tantum, qui sunt membra eiusdem Ecclesiæ: soli autem baptizati sunt membra Ecclesiæ. Catechumeni verò, tamen si credentes, ideòque Christo per fidem vniti sint: prius tamen, quàm eam in Baptismo solemniter profiteantur, & admittantur, non censentur esse membra Ecclesiæ huius visibiles: ideòq; Ecclesia in eos iurisdictionem exercere non potest, uti significat Trident. sess. 14. c. 2. de sacram. Pœnitentiæ: Quamuis Catechumenis tum viuus, tum defunctis indulgentias prodesse, saltem per modum suffragij, docet Nau. notab. 31. in fine, Benzoni. assert. 6. Henrici l. 7. c. 18. n. 3. Quæ sententia probabilis est, cum reuera Catechumeni per fidem, & charitatem Christo vniti sint aliquo modo membra Ecclesiæ, quibus proinde communis thesaurus satisfactionum, etsi non per modum absolutionis ex iustitia, tamen per modum suffragij, & impetrationis applicari posse videtur.

Alterata est conditio. Ut qui indulgentiam lucratur, sit subditus concedentis. Quæ de re supra dixi c. n. 4.

Tertia conditio. Ut non sit maiore excommunicatione ligatus: hæc enim priuat hominem participatione communium spiritualium Ecclesiæ bonorum, uti dixi lib. 1. tr. 5. p. 2. c. 2. n. 2.

Quarta conditio. Ut in gratia Dei constitutus sit eo tempore, quo indulgentiam consecuturus est. Ratio: Quia reatus pœnæ nunquam aufertur, nisi oblata culpa. Ex quo inferitur I. Non posse aliquem plenam om-

nium peccatorum indulgentiam consequi, nisi omnium etiam culpa veniali liber sit: nam alioquin homo, quāvis iustus, non consequetur indulgentiam pœnæ ijs venialibus peccatis respondentem, quibus adhuc effectus est.

Infertur II. Licet absolute necessarium non sit ad indulgentiam lucranda, ut aliquis opera præscripta in statu gratiæ impleat, sicut bene docent Sotus d. 21. q. 2. a. 3. S. Anton. p. 1. tit. 10. c. 3. §. 5. dub. 6. Nauar. notab. 19. n. 19. attamen in Dei gratia homo esse debet, quando indulgentiam consequitur: quod probabiliter accidere existimatur, cum opus ad lucranda indulgentiam requisitum omnino completur. Igitur opera danda est, ut eo præsertim tempore homo ab omni mortali peccato liber sit; quin etiam à venialibus, si plenam omnium peccatorum indulgentiam obtinere velit, ut supra dictum. Cæterum cum opus præscriptum perficiens in statu mortali minus gratum Deo obsequium præstet: ideoque non satis efficaciter ad finem ab Ecclesia intentum operetur, ut integram indulgentiam lucrari possit, sicuti Coninck notauit dub. 7. n. 40. valde consultum atque expediens est omnia opera in Dei gratia adimplere: quare de re Henriq. lib. 7. c. 9. n. 5.

Quinta conditio. Ut impleatur totum opus, quod, ut necessarium ad indulgentiam consequendam, præscriptum est. Quare licet aliquis per ignorantiam, oblivionem, vel aliud iustum impedimentum, partem aliquam præscripti operis intermittat, non consequetur indulgentiam, etsi alia omnia præstet: excepto, si pars ommissa sit tam parua, ut eius ommissio moraliter non æstimetur: vel si in Bulla concessionis iusto impedimento impeditis alia ratione subuentum sit: quod ex rationabili voluntate indulgentiam concedentis pendet.

4 Sed dubitatur primò: Vtrum satis sit opus præscriptum secundum substantiam implere, an verò necesse ita perficere, ut sit moraliter bonum, seruat debito fine, aliisque circumstantiis? Suarez disp. 52. s. 6. n. 2. existimat, satis esse, si fiat opus, uti est secundum substantiam, siue ex obiecto bonum: licet deprauatum per circumstantiam. Contrariū docet Nauar. de indulgent. notab. 19. n. 6. & notab. 32. n. 46. Rodriq. t. 2. q. 99. a. 6. Coninck dub. 8.

Respondendum mihi videtur: Id pendere ex rationabili voluntate concedentis indulgentias. Sicuti enim nihil obstat, indulgentias concedi sine impositione alicuius boni operis: si causa alioquin sufficiens adsit, ut exemplis ostendit Suarez s. 4. n. 3, ita etiam concedi possunt sub conditione alicuius oneris, seu operis aliquo modo conducentis ad finem spiritualem: licet illud in indiuiduo non fiat secundum honestatem seu bonitatem moralem: v.g. si aliquis publicæ processionis intersit. Cum autem hodie plerumque indulgentiæ concedantur sub conditione operis, suppletis iustitiam causæ finalis, ideo considerandum est, vtrum opus iniunctum ad finem principaliter intentum conducat, etsi fiat solum secundum substantiam: an verò non conducat, nisi etiam fiat secundum moralem honestatem, ex omnibus circumstantiis pendente. Exemplum primi: Si ad expeditionem bellicam contra hostes Fidei Christianæ exigatur aliqua contributio, satis esse videtur ad indulgentiam lucranda, tamen si fiat cum vana dantis gloriatione. Exemplum secundi: Si ad placandum Deum præscribantur ieiunia, non lucrabitur indulgentiam, qui in ieiunijs se vino inebriarit: ideoque magnam seu notabilem partem iniuncti boni operis non bene perfecit: vel si visitatio ecclesiæ præcipiatur, & cum nulla deuotione accedatur. Quamuis in hoc casu sufficere videtur, si aliquis sua præsentia populi communem deprecationem approbet, & cohonestet.

Dubitatur secundo, Vtrum necesse sit, opus facere cum intentione lucrandi indulgentias; an verò satis, re ipsa præstare, etsi quis ignoret, vel oblitus sit, indulgentiam concessam esse? Priorem partem, requiri intentionem lucrandi indulgentias, tenet Suarez cit. disput. 52. s. 6. Posteriores Ioan. Salas disp. 17. de legibus, cap. 5. in princ. Imprimis certum esse debet, ad lucranda indulgentias non requiri actualem voluntatem, sine intentione lucrantis: sed satis esse habitualem, aut interpretatiuam: Cum enim vnus iustus alteri iusto, etiam ignorantia satisfactiones suas applicare possit: cur non etiam Pastor Ecclesiæ satisfactiones Christi, & Sanctorum per indulgentiam applicare queat homini v.g. à sensibus alieno, & mox morituro? Ex quo consequenter infero, non esse existimandum, quod Sum. Pontifex in lucrante indulgentiam exigat actualem intentionem; quia nec natura indulgentiæ id necessariò postulat: nec verba Bullæ hoc significant: cum solum dicatur, indulgentiam v.g. plenariam consequendam fore à fidelibus, qui tali die ecclesiam pie visitarint: id totum autem sit, etsi quis actualem intentionem non habeat indulgentias lucrandi.

Dubitatur tertio: An satis sit ad lucranda indulgentiam opus iniunctum per alium perficere? Respondeo ex doctrina Suarez disput. 52. sect. 8. Si alius ille, qui iussu, vel rogatu tuo opus perficit, sit causa propria ipsius operis: ut si iubeas famulum orare, ieiunare, vel similia personalia opera exercere, non lucraberis indulgentiam concessam orantibus, ieiunantibus: cum verè, ac propriè tu non ores, vel ieiunes. Sin verò ille alius non sit causa propria operis, sed nudum instrumentum materialiter tantum concurrans: ut si des elemosinam per manum famuli: haud dubie lucraberis indulgentiam concessam ijs, qui elemosinam dederunt: nisi exprimat in Bulla, ut tale opus reale in propria persona fiat.

Dubitatur quarto: An vno opere exhibito, possit aliquis plures indulgentias lucrari, quæ pluribus rebus similiter concessæ fuerunt? ut si aliquis habeat duo numismata, quorum singulis indulgentia vnus anni concessa est, dicto vno Pater, & Ave: vtrum qui semel orat duorum annorum indulgentiam consequatur? Ita affirmant Henriq. lib. 7. c. 17. num. 5. Sed contraria sententia est probabilior, quam docet Suarez disp. 52. sect. 8. num. 10. Coninck dub. 9. Quia hæc censetur esse mens Pontificis: cum opus bonum plerumque adiungi soleat ad supplendam iustitiam seu causam indulgentiæ: qui finis non ita obtinetur, si vno opere exhibito, plures indulgentias similibus rebus promissas lucrari liceret. Confirmatur: Sicuti ad indulgentiam vnā lucranda requiritur opus semel fieri: ita ad indulgentiam duplam requiritur opus repetitum seu duplicatum.

Excipe: Nisi tale opus sit, quod eodem die repeti non possit, vel certè non soleat: ut si tali die ieiunantibus, vel sacram Eucharistiam accipientibus, aut ecclesiam visitantibus plures indulgentiæ ob diuersas causas, vel occasiones, ab eodem, aut diuersis Pontificibus concessæ sint: semel in eo die ieiunans: vel communicans, aut ecclesiam visitans, omnes indulgentias lucraturus est, sicuti rectè docent Corduba q. 23. Coninck loco cit. Modò tanto seruiore opus præstet, ut sufficienter cooperetur fini intento, quatenus eius cooperatio ad supplendam iustitiam pro tot consequendis indulgentiis requiritur.

Dubitatur quinto: Si indulgentia concedatur verè contritis, & confessis, vtrum ad eam lucranda Confessio actualis necessaria sit? Respondeo, & dico I. Si quis conscientiam peccati mortalis non habet, non requiritur ab eo, ut Confessionem instituat venialium, vel mortalium eorum, à quibus semel sacramentaliter absolutus fuit. Ita S. Anton. p. 1. tit. 10. cap. 4. §. 5. Suarez disp. 52. sect. 3. num. 5. Coninck dub. 7. num. 38. Rutil. Benzoni de anno Iubilei, lib. 5. cap. 15. dub. 6. Nam Confessio peccatorum requiri solet, ut per eam certius, ac securius tollatur obex consequendæ indulgentiæ: talis autem

autem obex non sunt peccata venialia, sed tantum mortalia nondum remissa. Accedit, quod secundum stylum Ecclesiae, cum à fideibus peccatorum Confessio requiritur, solum intelligi solet de mortalibus, quae sunt materia Confessionis necessaria, sicuti constat ex cap. omnis vtriusque, de poenitent. ac remiss.

Dico II. Si in forma concessionis nulla fiat mentio sacrae Confessionis, sed tantum Communionis, potest eam lucrari, quicumque dignè communicat, etsi non praemittat Confessionem peccatorum mortalium: quia copiam Confessoris non habet, vel inuincibili peccatorum oblivione tenetur. Secus verò dicendum, si expressè & specificè requiratur peccatorum confessio, sicuti idem Suarez notavit, cit. l. 3. n. 6.

Dico III. Longè probabilior, & securior est sententia, quam tenent S. Anton. cit. §. 5. Nau. de indulg. notab. 18. n. 2. Coninck lo. cit. Si indulgentia concessa sit verè contritis, aut verè poenitentibus, ac concessis, requiri sacramentalem Confessionem de mortalibus: neque sufficere solam contritionem, quamvis veram & perfectam. Ratio est: Quia id verba sonant, à quibus in dubio recedendum non est. Quare dicere solent Doctores: Quod indulgentiae tantum valent, quantum sonant. Quamvis contrarium, quod vera de peccatis contritio sufficiat ad lucrandam indulgentiam tali forma concessam, valde probabile censet Suar. cit. l. 3. n. 13. ea ratione motus: Quia Pontifex solum videtur peccatorum Confessionem requirere ad tollendum obicem indulgentiae: is aut sufficienter tollitur per contritionem, si tempus Confessionis annuae eo tempore non obliget. Sed respondeo: Pontificem, secundum praxin Ecclesiae, exigere Confessionem peccatorum mortalium, ut per eam certius, ac securius tollatur obex lucrandae indulgentiae: cum plerumque non satis certi simus nos habere contritionem perfectam, & per se sufficientem ad gratiam iustificationis. Accedit, quod humilis externa Confessio facta coram Sacerdote hominem valde disponit, ac dignum facit, cui poena peccatis debita per Christi merita condonetur. Si tamen in aliquo casu Confessio sacramentalis alicui impossibilis esset, praesumipoterit mentem Pontificis esse, ut sufficiat contritio, modo etiam alia iniuncta opera praestentur, secundum Glos. in extrauag. antiquorum, de poenitent. & remiss.

Ad extremum Caietan. tom. 1. opusc. tit. 10. quaest. 1. eumque secutus Nauar. de indulg. notab. 21. aliam conditionem requirunt, ut videlicet lucraturus indulgentias sollicitus, ac paratus sit, quatenus potest, per seipsum satisfacere pro peccatis: alioquin enim indignus videtur alieno subsidio, ac satisfactione: si, cum per se solvere possit negligens, ac nihil sollicitus sit. Verum hæc conditio ab alijs communiter rejicitur, ut videre est apud Sotum in 4. d. 2. 1. quaest. 2. a. 3. concl. 2. Henriquez c. 16. num. 2. Suarez disp. 52. l. 1. num. 2. Valent. t. 4. disp. 7. q. 20. p. 5. in fine: quando quidem homines si iusti, Deoque grati sint, centeri non possunt positivè indigni, aut incapaces indulgentiarum, quae ex satisfactionibus Christi, & Sanctorum, per Ecclesiae potestatem ob causam rationabilem ipsis applicantur.

CAP. VII.

De indulgentiis, quae defunctis à Sum. Pontifice applicantur.

S V M M A R I V M.

- 1 Certum est, quod Sum. Pontifex defunctis animabus in purgatorio indulgentias impartiri possit.
- 2 Indulgentia concessa viuis, non potest etiam defunctis appli-

car, nisi in concessione exprimat.

- 3 Summus Pontifex defunctis indulgentias dat per modum suffragij, non per modum iudicialis absolutionis: quare probabilius est, non ita certo & infallibiliter indulgentiam prodesse defunctis, sicuti viuis.
- 4 Credibile est quod Deus facilius acceptet indulgentias oblatas pro ijs defunctis, qui ex hac vita decesserunt magis digni tali condonatione.

Assertio I. Certum esse debet, quod Sum. Pontifex defunctis, qui in purgatorio detinentur, indulgentias dare possit. Idemini ostendit Ecclesiae praxis & tradidit Leo X. in epist. contra Mart. Luterum, apud, Caiet. p. 3. quaest. 48. a. 5. Cum enim quis priuatus satisfactiones suas defunctis applicare possit, cur non etiam Pastor applicare possit satisfactiones Christi, & Sanctorum? Id hoc loco discrimen aduerte, quod qui indulgentiam pro viuis lucrari cupit, in gratia Dei esse debet, cum eam consequitur. Sed ad indulgentiam defunctis lucrandam per exhibitionem operis praescripti, necesse non est, ut operans in gratia Dei sit, cum indulgentia effectum consequitur, sicuti ex communi notavit Rodriq. t. 2. regul. qq. quaest. 96. a. 4. Nam gratia Dei requiritur ex parte subiecti indulgentiam recipientis: ergo si ipsemet operans indulgentiam accepturus est: in gratia Dei tunc esse debet: non item, si indulgentiam receptura sit anima defuncti.

Assertio II. Certum esse debet, quod indulgentiae, quas Papa concessit fidelibus viuis, non possint applicari defunctis, nisi hoc ipsum etiam Papa concessit. Quia indulgentia pendet sicuti ab auctoritate, ita & à voluntate concedentis.

Assertio III. Certum etiam esse debet, quod Sum. Pontifex animabus defunctis non det indulgentiam per modum iurisdictionis, eas à poenis absoluendo: sed solum per modum suffragij, exhibendo Deo satisfactionem, & quasi pretij solutionem, adiunctis precibus, ut eam misericorditer acceptare dignetur ad liberationem animarum. Quade re videri potest Alensis p. 4. q. 83. mem. 5. Ratio est: Quia Pontifex nullam iurisdictionem, ideoque nec absoluendi potestatem erga defunctos habet: quippe qui iam alieni fori sunt.

Exinde Quaestio celebris re solui potest: vtrum indulgentiae defunctis certo ac infallibiliter prosint? Affirmant probabiliter Sotus dist. 21. quaest. 2. art. 3. Nauar. notab. 22. num. 18. Suarez disp. 59. l. 3. n. 3. Valent. t. 4. disp. 7. q. 20. p. 5. Benzoni lib. 2. cap. 52. Coninck dub. 10. conclus. 3. Quia Christus thesaurum satisfactionum Pastori Ecclesiae aequè pro defunctis, ac viuis ex causa rationabili dispensandum reliquit, sicuti constat ex epist. Leon. X. ad Caietan. Hæc sententia probabilis est, sed contraria magis placet, quæ est S. Bonau. in 4. d. 20. p. 2. ar. 1. quaest. 5. Richar. a. 3. q. 3. Duran. quaest. 4. num. 12. Caiet. tract. 16. de indulgent. quaest. 5. & 6. Cordubæ de indulgent. quaest. 13. & seqq. Cani lib. 12. de locis, cap. 13. ad 9. ante §. Errant deinde, Petr. Soti lect. 3. de indulg. Henriq. lib. 7. cap. 7. num. 4. & inclinatur Belarm. tract. de indulg. lib. 1. cap. 14. quaest. 4. indulgentiam pro defunctis concessam non habere effectum certum, & infallibilem, tantum prodesse per modum suffragij ac impetrationis, secundum liberalem Dei acceptantis voluntatem. Quia Iudex supremus non tenetur commutationem poenae sibi debitæ admittere: nisi ad id se promissione aliqua obligarit: Sed Christus supremus Iudex non obligauit se ad acceptandas satisfactiones ab Ecclesia oblatas pro liberatione defunctorum: quia promissio illa Matth. 16. Quicquid solueris super terram, &c. ad viuos tantum referri videtur: cum his verbis iudicialia potestas S. Petro, successoribus eius tradita sit, sicuti indicat Trident. sess. 14. c. 6. qualem potestatem in defunctos competere non posse, supra dixi. Intermittam fatemur, tamen si indulgentia defunctis non pertineat ad iurisdictionem: tamen pertinere ad aliquam

potestatem clauium, quā Ecclesiæ membris regnum cœlorum aperitur, quandoquidem indulgentia defunctis datur per potestatem pastorem, ex communi thesauro satisfactionum quam Christus S. Petro, & successoribus eius dispensandum concedidit, sicuti bene docet Caiet. in cit. tr. de indulg. q. 6.

Confirmatur hæc posterior sententia ex fidelium sensu, qui post applicatam alicui animæ indulgentiam plenariam, v. g. per Sacrificium in altari priuilegiato nihilominus pro ea sacrificare, & orare pergunt: quasi ipso facto significantes, indulgentiam, etiam si eius concessio iusta causa subnixā videatur, non habere tamen omnino infallibilem effectum.

Denique ex his valde probabilis redditur doctrina Henrici, lib. 7. cap. 8. n. 3. Rodriq. to. 2. regul. q. q. 96. a. 3. Quod Deus longè facilius acceptat indulgentias oblatas pro illis animabus fidelium, qui ex hac vita decesserunt magis digni tali cōdonatione, puta si pro peccatis suis ipsimet satisfacere, & indulgentias ab Ecclesiæ Pastoribus concessas lucrari studuerunt, & pro defunctis diligenter orarunt. Quamuis etiam sine his, si anima in Dei gratia decessit, idonea & absolute digna est, pro qua Deus indulgentias & suffragia ab Ecclesia specialiter oblata misericorditer acceptare dignetur, sicuti rectè docet Henricus l. cit. licet contrarium senserit Henricus quodlib. 11. q. 26. Caiet. tr. 16. de indulg. q. 5. ver. quoad tertium, Nauar. de indulg. notab. 22. n. 42. quibus fauet S. August. lib. de cura pro mortuis, c. ult. relatus in cap. non æstimemus, 13. q. 2.

CAP. VIII.

De Iubileo.

S V M M A R I V M.

1. Annus Iubilei nunc XXV. quoque anno institui solet. in quo omnes alia plenaria indulgentia extra Urbem suspensa sunt.
2. Finito anno Iubilei indulgentia plenaria extra Urbem vim suam recuperant.
3. Suspendio plenariorum indulgentiarum intelligitur quo ad omnes viuos, etiam in mortis articulo constitutos: sed non quo ad defunctos, quominus eis prosint indulgentia plenaria per modum suffragij concessa.
4. In anno Iubilei suspensa sunt facultates, quæ à Sede Apostolica data sunt in ordine ad indulgentias plenarias consequendas.
5. aliqua plenissima indulgentia instar Iubilei cum gratijs, & facultatibus annexis, à Sede Apostolica interdum concedi solent.
6. Indulgentiam instar Iubilei concessam lucratur, qui in Sabbatho, vel Feria VI, antecedente primam Dominicam de peccatis confitetur.
7. Ad lucrandam indulgentiam Iubilei nihil referre videtur, utrum quis sacram Confessionem anteponat, aut postponat alijs in Bulla præscriptis operibus.
8. Indulgentiam Iubilei tantum semel aliquis intra 15. dies consequi potest: cum si indulgentia non perpetua, sed ad tempus determinata.
9. Si quis bona fide à peccatis reuerentis absolutus fuerit, animo lucrandi indulgentiam Iubilei, rata est absolutio, etsi postea animum mutet.
10. Qui una hebdomade præstat opera: sed sacramenta Penitentia, & Eucharistia altera hebdomade perficit, videtur lucrari indulgentiam, si id faciat ob instanti causam, aut necessitatem.
11. Credibile est, quod cuius peregrinatus, opera etiam in alia diocesi perficere possit ad indulgentiam Iubilei lucrandam.
12. Senes, & adolescentes, alioquin excusati à ieiunij lege, tamen ieiunare debent, si indulgentiam Iubilei lucraturi sunt.
13. Indulgentia Iubilei ita hodie concedi solet, ut per opera, & g. ieiunia alioquin sub præceptum cadentia, satisfieri possint.

Iubileus erat Iudæis annus quinquagesimus remissionis, in quo iubebantur ab agricultura vacare, debitare mittere, possessiones antiquis dominis absque pretio restituere, seruos libertate donare, sicuti con-

stat ex cap. 25. & 27. Leuitici. Quare aliqui existimant Iubileum dictum esse לַבִּי quod est adducere, seu reducere: si quidem in eo fundi ad pristinos dominos redibant. Alij verò לַבִּי deriuant, quod cornu arietinum significat; cuius sonitu eius anni festiuitas significari solebat; quomobrem Iubileum potius, quam Iubilium scribendum putant. De qua re videri potest Rutilius Banzonius de anno Iubilei, lib. 1. c. 4. & 5.

Erat autem ille annus redemptionis figura plenæ remissionis peccatorum, quæ in lege gratiæ per Christum facta est, ad introitum regni cœlestis, sicut constat ex c. 61. Isaiæ, iuncto c. 4. Lucæ. Porro ad imitationem veteris testamenti, dictus est annus Iubilei, qui Romæ cum plenissima peccatorum indulgentia, magno gaudio ac solennitate celebrari solet. Eum Bonifacius VIII. ante annos 300. statuit centesimo quoque anno celebrandum esse, extrauag. 1. de pœnit. & remiss. vbi tamen significatur, sicuti & in Bulla Clemētis VIII. de Iubileo edita morem hunc centesimo quoque anno amplissimas indulgentias concedendi Bonifacium Papam non primò introduxisse, sed veteri traditione, & Maiorum monumentis testatum confirmasse. Postea verò Clemens VI. Iubileum ad annum quinquagesimum reuocauit, extrauag. Vnigenitus, eod. tit. partim ob mysterii numerum, quo sæpius remissio peccatorum vel figurabatur, vel dabatur: partim quia paucorum hominum vita ad annum illum centesimum pertinebat. Deinde verò Paulus II. Iubileum ad breuius tempus, videlicet annos XXV. reduxit: eiusque exemplum secuti sunt Sixtus IV. extrauag. Quemadmodum, de pœnit. & alij post eum Pontifices.

Eodem Iubilei anno, à tempore Sixti IV. aliæ indulgentiæ plenariæ per totum orbem, extra Urbem, suspendi solent: idque ob maiorem celebrationem sancti Iubilei: ut si eius indulgentia sola vigeat, & floreat Romæ, fideles tantò avidius ad eam lucrandam accelerent.

Circa hanc indulgentiarum suspensionem, prout eā fecit Greg. XIII. in Bulla quæ incipit *Quoniam sancti*: eandemque formam secutus Clemens VIII. & Urbanus VIII. hoc ipso anno Iubilei in Bulla, quæ incipit, *Cum nuper* quædam annotanda sunt: Primum, Quod suspendantur omnes omnino indulgentiæ plenariæ, quibuscumque extra Urbem Ecclesijs, Congregationibus, aut personis Ecclesiasticis, & secularibus à Sede Apostolica concessæ: ita, ut durante hoc anno Iubileo omnis earum effectus irritus sit. Quibus verbis, durante hoc anno, in Bulla Urbani VIII. positis, satis indicatur, post annum Iubilei indulgentias absque alia noua concessione vim suam recuperare.

Secundum. Hæc indulgentiarum plenariorum suspensio intelligitur tantum quo ad viuos: eosque omnes, etiā 3 incarceratos, aut clausura perpetua detentos: nisi speciali priuilegio ipsi à Sede Apostolica succurratur. Quin etiam in mortis qualicunq; periculo constitutos ea indulgentiarum suspensione comprehendi, indubitatum est: cum sine vlla limitatione suspendantur, omnes quæcumque plenariæ indulgentiæ. Neque verò per epikeiam licet nobis exceptionem facere propter mortis necessitatem: quandoquidem morituri plenariæ indulgentiæ beneficium ad salutem necessarium non est cum contritione, sacramentis, & operibus satisfactorijs prospicere sibi possint. Quomobrem sanctiss. D. N. Urbanus VIII. Papa speciali erga Societatem Iesù favore concessit, ut eius religiosi, qui hoc anno Iubilei in mortis articulo constituti essent plenariæ omnium peccatorum indulgentiæ participes fieri possent. At verò quo ad indulgentias pro defunctis per modum suffragij à Sede Apostolica concessas, nulla omnino in anno Iubilei suspensio fieri solet.

Tertium. Vnà cum indulgentijs plenarijs in Anno Iubilei suspenduntur etiā aliæ facultates, siue indulta, puta 4 absolucendi

absoluendi à peccatis, &c. non tamen omnia simpliciter sed ea tantum, quæ propter dictas indulgentias lucrandas, siue in ordine ad eas, à Sede Apostolica concessa sunt, sicuti clare significauit Greg. XII. in cit. Bulla, & bene notauit Nau. de Iubileo, notab. 33. ver. facultates.

Sunt porro etiam aliæ plenissimæ indulgentiæ, quæ pro toto orbe instar Iubilei cū alijs gratijs & facultatibus, plerūq; ad duas hebdomadas, seu quindecim dies, post promulgationē in quolibet loco factā, Apostolica benignitate concedi solent tum aliās, tū maximè post annum Iubileū in Vrbe peractum, de quibus agit Benzonius l. 4. c. 2. differ. 4. Henriq. lib. 7. c. 10. & seqq. Rodriq. t. 1. sum. c. 184. Circa quam Iubilei formā aliqua dubia, quæ plerumque moueri solent, dissoluemus.

Primum. Vtrum satisfaciant Iubileo, qui ante primam Dominicam, puta in antecedente Sabbatho, vel Feria vi. de peccatis confitentur? Resp. Nullū esse dubium: tum quia id Ecclesiarū praxi obseruatur, propter multitudinem confitentium; tum quia ex communione Doctorum sententia, Confessio sacramentalis necessaria non est ad lucrandum Iubileum, si quis mortalia peccata non habeat: Illi autem, vt ponimus, qui prima Dominica, vel altera eius hebdomadæ die communicaturi sunt, non habet tunc conscientia peccati mortalis: alioquin haud dubiè iterū cōfiteri deberet, si posset.

Dubium Secundum. Vtrum nihil referat ad lucrandum Iubileum, siue quis sacrā confessionē anteponat alijs operibus bonis in Bulla præscriptis, siue postponat? Resp. Nihil id referre. Ita docet Nau. notab. 19. n. 19.

Henriq. cit. c. 10. n. 8: vbi rectè ait, satis esse ad lucrandum Iubileum, si quis in Dominica, quā finitur hebdomada illa, in qua opera peracta sunt, de peccatis suis confiteatur ante sacram Communionem. Vbi obiter aduerte: Dominicam diem non tantum esse principiū hebdomadis sequentis: sed quodammodo etiam finē & complementum antecedentis: profecto in hac materia fauorabili, per duas hebdomadas ad lucrandum Iubileum assignari solitas quindecim dies comprehendi, in quibus tres Dominicæ sunt, constat ex praxi Ecclesiarū, & notat Henriq. l. c. Benzonius lib. 4. c. 2. differ. 5.

Nunc probatur responsio: Primo: Quia id approbat Ecclesiarum consuetudo, optima legum, & priuilegiorū interpret. Secundo: Quia beneficium Principis non debet sine necessitate restringi: sed, quatenus verba patiuntur, latè interpretari: Et si verò in Bulla Pontificis dicatur, vt qui de peccatis confessi, trina ieiunia, eleemosynam, & ecclesiæ visitationem peregerint indulgentiam lucentur, commodus tamen, & valde visitatus sensus est, vt, si hæc omnia quocunque tandem ordine impleta fuerint, indulgentiā consequi liceat. Atque similes loquendi modos reperies in l. ult. ff. mandati, & c. licet ex quodā, de testibus. Tertio: Quia ex vna parte consultius esse videtur, opera bona, quæ præscribuntur, prius perficere: tum vt animus hominis ad sacramenta dignius & cū maiore reuerentia, ac fructu suscipienda præparetur: tū quia probabilissimū est indulgentiam peccatorum tunc accipi, cū fideles omnia præscripta impleuerint, si eo tempore in gratia Dei constituti sint: de quo ipso certiores, securiores erunt, si ultimo loco rite de peccatis confessi, sacram Communionem accipiant.

Quamuis ex altera parte consultius est, ante omnia de peccatis confiteri, vt reliqua opera in gratia Dei peracta, maiorem & merendi, & impetrandi à Deo vim habeant, hominēq; de lucranda indulgentia securiorem reddant: dummodo interim in mortale peccatum non recidat. Sacram verò Communionem Dominica post sabbathum indicti ieiunij, vel alio die sequentis hebdomadæ à lucrantibus Iubileum accipiendam esse expressit Greg. XIV. Anno 1591. & Gregor. XV. Anno

1621. Quare ait Henriq. lib. 7. c. 10. in comment. lit. f. Qui in secunda hebdomada fecerint diligenter, possunt communicare etiam alio die tertiæ hebdomadæ: ita declarauit Episcopus (Salmanticensis) præmissa consultatione cum sapientibus Salmanticensibus.

Dubium Tertium. Qui prima hebdomade indulgentiam consecutus est, vtrum etiam altera hebdomade, repetendo opera præscripta, consequi possit? Ita affirmant Henriq. lib. 7. c. 11. n. 1. Rodriq. to. sum. c. 184. n. 14. Idemque sentire videntur Nauar. notab. 32. n. 46. Benzon. lib. 5. cap. 15. dub. 23. vbi dicunt, indulgentiam Iubilei soleminis Romæ concedi solitam incolis visitantibus Basilicas diebus triginta, peregrinis verò diebus quindecim, quolibet ab ipsis mense acquiri posse. Probant ex eo: Quia beneficium Principis, nemini præiudicium afferens, latè interpretandum est, quatenus verba patiuntur. Nihil autem repugnat proprietati verborum, si dicamus, indulgentiam concessam omnibus primæ, vel secundæ hebdomade confitentibus, ieiunantibus, &c. posse vtraque hebdomade obtineri ab ijs, qui opera præscripta repetunt.

Sed mihi placet sententia opposita, quæ videtur esse S. Th. in d. 20. q. 1. a. 3. q. 2. ad 4. Palud. ibid. q. 4. a. 1. §. quantum ad 3. concl. Angeli ver. indulgent §. 4. Cordubæ q. 30. Suarez t. 4. disp. 57. s. 1. n. 7. & ipsius Nau. notab. 31. n. 36. vbi distinguunt, quod indulgentia alia est perpetua, quæ absolute, & sine temporis determinatione conceditur, v.g. visitantibus talem ecclesiam, vel orantibus Pater, & Aue, ad præsentiam alicuius imaginis: qualem indulgentiam ex præsumpta mente concedentis, quam & consuetudo confirmat, lucrari aliquis potest, quoties voluerit. Alia verò est indulgentia temporalis, quam Papa concedit cum determinatione ad certum tempus: v.g. ijs, qui tali die ecclesiam visitauerint qui tali hebdomade sacram Confessionem, & Communionem cum alijs operibus pijs peregerint. Videtur enim Prælatus tale temporis spatium definire, vt intra illud quiuis, cū sibi opportunum fuerit, indulgentiam semel lucrari possit. Interdum verò duplicatū tempus assignat, videlicet duarum hebdomadarum ad lucrandam indulgentiam instar Iubilei: vt quibus prima hebdomade opportunitas non fuit, altera consequi possint non quod iidem sæpius. Et hanc puto esse communem fidelium persuasionem, ac praxin, quæ est optima harum concessionum interpret: cū alioquin nullam certam regulam assignare possumus, cur non indulgentiam pro certa die v.g. Natiuitatis Domini concessam, toties lucrari aliquis possit, quoties in tali die, quamuis centies, vel millies, ecclesiam visitauerit, vel in ea orauerit.

Ad argumentum contrariæ sententiæ respondetur: Verba concessionis quantumuis fauorabilia, ita tamen interpretanda esse, vt à voluntate concedentis rationabiliter præsumpta non recedamus. Præsumptionem autem illam vnicæ tantum concessionis facimus tum ex consuetudine Ecclesiarum, tum ex inconuenientibus, quæ sequi possent ex nimia facilitate & frequentia indulgentiarum: præsertim cum earum concessio irrita sit, nisi sufficiente causa nitatur.

Corollarium. Cū potestas absoluendi à casibus reservatis, dispensandi in votis, &c. Confessarijs non absolute conferatur, sed respectu eorum, qui indulgentiam Iubilei lucrantur: ideo secundum sententiam quā secuti sumus, quod non vni hebdomade fidelibus singulis Iubileum lucrari concessum sit: dicere etiam debemus eadem tantum illa hebdomade adiunctis Iubileo gratijs ipsos frui posse: quamuis contrarium sentiat Henriq. l. 6. c. 16. n. 3. & lib. 7. c. 11. n. 1. eūq; secutus Rodriq. cit. c. 184. n. 17. Si tamen aliquis bona fide absolutioacem à reservatis, vel dispensationem in voto acceperit, tanquā Iubileum lucraturus: et si postea culpate, vel inculpate

intermittat, rata haud dubiè est absolutio, vel dispensatio semel legitimè facta, sicuti ex communi notat Nauar. lib. 5. consil. 19. de pœnit. edit. 2.

Deinde, si aliquis bona fide tanquam lucraturus Iubileum confiteatur sua peccata, vnum, vel plura reservata per obliuionem mortaliter non culpabilem intermittens: is absolvitur, saltem indirectè, etiam à reservatione: ita vt sublata reservatione, vel eidem, vel alteri Confessario etiam post tempus Iubilei confiteri possit, secundum doctrinam Palud. in 4. d. 18. quæst. 5. a. ult. concl. 4. Nauar. c. 26. num. 13. Rodriq. cit. c. 184. n. 15. Henriq. cit. c. 11. num. 3. & 4. vbi idem sentit de commutatione votorum, si eam pœnitens petere oblitus fuit, posse ea commutari etiam post transactum Iubileum: quod tamen arbitror esse falsum: quia absolutio virtute Iubilei facta non cadebat super absoluteione votorum obliuionem, ait Rodriq. cit. cap. 184. num.

Dubium Quartum. Vtrum Iubileum lucretur, qui vna hebdomade ieiunat, orat, eleemosynas dat: Confessionem autem, & sacræ Eucharistiæ susceptionem altera hebdomade perficit? Negat Henriq. lib. 7. cit. c. 11. num. 2. Quia Bulla Papalis significat, intra eandem hebdomadam opera omnia præstanda esse: concessio autem liberalis non subsistit, nisi impleatur conditio, sub qua fit. Quare ita in praxi obseruandum, vt eadem hebdomade opera omnia præstentur. Et hoc procul dubio securius est. Interim puto probabiliter dici posse, lucraturum esse indulgentiam, si quis opera, præsertim ex rationabili, aut necessaria causa diuidat: vt tamen intra 15. dies, quibus Iubileum durat, omnia absoluat. Tum quia verba Bullæ, vt vel prima, vel altera hebdomadæ opera præscripta fiant, satis impleri videntur: tum quia secundum epiKeian interpretari possumus, mentem Pontificis esse, vt etiam in tali casu indulgentia aquiratur, sicuti in simili notauit Rodriq. t. 1. c. 184. n. 3.

Dubium Quintum. Si ciuis in patria sua promulgato Iubileo designatas ibidem ecclesias visitet: sed eadè hebdomade causa piæ peregrinationis aliò migraturus sit, vtrum ieiunium, Confessionem, Communionemque in alia diœcesi peragere possit ad lucrandum Iubileum? Resp. Licet securius sit in patria, vel saltem in loco, vbi Iubileum promulgatum fuit, opera omnia perficere: valde tamen credibile est, illum etiam in dicto casu indulgentiam Iubilei consecuturum esse. Quia si processioni interfit, vel in ecclesia designata oret: nihil interesse videtur, vbi ieiunet, &c. imò etiam, vbi de peccatis suis confiteatur, & communicet: cum hoc tempore cuius ab Ordinatio cuiusque loci exposito Sacerdoti confiteri licitum sit, sicuti ex verbis Bullæ colligitur, & docet Henriq. lib. 7. c. 12. n. 4.

Nota autem, quod paulò antè dixi, *vel saltem in loco*, &c. Si enim ciuis Monacensis v.g. existat in aliena diœcesi, statim potest promulgatum ibi Iubileum lucrari: nisi malit expectare, donec in patria sua promulgetur, si ad illud tempus domi futurus sit, sicuti notauit Ro-

driq. n. 20.

Sextum Vtrum adolescens v.g. annorum XVIII. qui Ecclesiasticis quidem ieiuniorum præceptis nondum 12 astringitur, tamen sine magna difficultate ieiunium tridui perferri potest, ieiunare teneatur, si Iubilei particeps esse velit? Respon. affirmatiuè cum Henriq. cap. 12. n. 2. Rodriq. n. 10. §. circa id. Quia Iubileum non cōtinet præceptum ieiunandi, sed consilium, cum promissione indulgentiæ. Sed etiam adolescentibus, sicuti & senibus non infirmis, consultum est interdum ieiunare. Ergo non poterunt Iubileum consequi, nisi iniunctum id opus consilij, siue supererogationis impleant. Ij verò qui tridui ieiunium sine notabili difficultate perferre non possunt, vt sunt infirmi, pauperes, & mechanici aliqui, his Confessarius loco ieiunij alia opera æquiualentia iniungere debet: & similiter pauperibus, si elemosynam dare non possint, vt eius loco aliquid v.g. orent: de qua re Rodriq. l. c.

Dubium Sextum. Vtrum satis sit ad lucrandam Iubilei indulgentiam, præstare opera, quæ alioquin sub obligatione sunt? Respondeo; Nullum esse dubium, quin Papa eiusmodi opera, quæ alioquin debita sunt, seu ex naturali lege, vt remissio iniuriarum: seu ex positivo præcepto, vt ieiunia, &c. tanquam sufficientem conditionem ad lucrandam indulgentiam, exigere possit, sicuti rectè ex communi docent Corduba quæst. 18. proposit. 3. contra Angelum, ver. indulgentia, n. 16. Syl. q. 6. Sed dubium est, quando Sum. Pontifex opera absolute requirit, vtrum interpretandum id sit de non obligatorijs, seu supererogationis? Pro affirmatiua parte est, quia talia opera supererogationis Deo gratiora sunt, magisque meritoria, ideòque accommodatiora ad iustificandam causam indulgentiæ concedendæ. Sed his non obstantibus, certum esse debet, indulgentias hodie ita etiam concedi solitas, vt per opera alioquin sub præceptum cadentia satisfieri possit. Constat enim ex praxi, si promulgatio Iubilei incidat in ieiunium Quadragesimæ, vel quatuor temporum, aut vigiliæ alicuius Apostoli: ieiunia illa, quamuis in præcepto sint, ita reputari ad lucrandum Iubileum, ac si præcepta non essent. Idemque notauit Henriq. lib. 7. c. 10. n. 5. Paulus Comitulus lib. 1. moral. qq. quæst. 38. Idque similiter sentiendum est, si ieiunium, vel Confessio ratione Iubilei præstanda, ex proprio voto debita sint. Denique si apud nos Monachij Iubileum promulgetur in Dominica Oculi, illius participes fieri possunt, qui præmissis operibus in Bulla præscriptis, in Dominica Passionis confitentur, & communicant: sicuti constat ex suprà dictis: consequenter tales communicantes libetum erunt à præcepto Ecclesiastico de communione Paschali: quandoquidem tempus Paschale in hac ciuitate quatuor septimanas continet. Etenim nihil omnino prohibet, quominus vno actu pluribus obligationibus satisfiat: dummodo & natura talium obligationum id patiat, & intentio obligantis non repugnet.

TRACTATUS OCTAVVS

DE

SACRAMENTO EX-
TREMÆ VNCTIONIS.

CAP. I.

DE NATURA ET INSTI-
tutione huius sacramenti.

SUMMARIVM.

1. *Extrema unctio est noua legis sacramentum, à Christo institutum, & à S. Iacobo Apostolo promulgatum.*
2. *Sacramentum Extremæ Vnctionis est consummatum Pœnitentiæ: ideòque credibile est, hac duo sacramenta simul instituta fuisse.*
3. *Patres de sacramento Extremæ Vnctionis testimonia præbent.*



Extrema unctio est sacramentum, per unctiorem olei benedicti, & orationem Sacerdotis, ad conferendam homini agrotanti ac vitæ periclitanti, salutem mentis, vel etiam corporis à Christo institutum.

Esse nouæ legis sacramentum, colligitur tū ex traditione & praxi, in quâ Ecclesia non tantum Occidentalis, sed etiam Orientalis consentit: tum ex Apostolo Iacobo c. 5. *Infirmatur quis in vobis, inducat Presbyteros Ecclesiæ: & orent super eum, ungentes eum oleo in nomine Domini: & oratio fidei saluabit infirmum, & alleniat eum Dominus, & si in peccatis sit, remittentur ei.* Vbi imprimis habemus ritum externum sacramenti, videlicet unctiorem olei, cum prece Sacerdotis. Secundò: Promissionem gratiæ, ac remissionis peccatorum. Ex quo colligitur tertium, videlicet Christi institutio: Quia enim Apostoli ex seipsis collationem gratiæ certo alicui ritui, vel actioni annexare non possunt, cum ipsi non sint auctores gratiæ, & sacramentorum: S. Iacobus autem certò & absolute promiserit remissionem peccatorum ijs, qui tali ritu vti fuerint: colligere debemus, id ipsum fecisse ex Christi voluntate, ac institutione, Ita docet S. Th. in 4. d. 23. q. 1. a. 1. q. 3.

Quapropter Synodus Trid. sess. 14. c. 1. de Extrema unctiione rectè dixit: Hoc sacramentum à Christo Domino nostro institutum, per Apostol. autem Iacobum fidelibus commendatum, ac promulgatum esse, quod etiam indicat Alcuinus lib. de diuinis officijs, c. de infirmis: *Hac auctoritate (Iacobi Apostoli) promulgata, quotiescunque fidelis infirmatur, ingrediuntur fratres ad egrotum, cum cereis, sive incenso, ante oleum sanctum, & peragunt omnia, sicut, in sacramentorum libro continetur.* Confirmatur ex eo, quod Apostolus infirmos vngi iubet in nomine Domini: id est, secundum ritum à Domino institutum, sicuti Act. 10. & 19. baptizati dicebantur in nomine Domini, id est, Baptismo à Domino instituto, quod notauit Aegid. ConinK tom. 2. disput. 19. dub. 1.

De tempore, quo Christus hoc sacramentum insti-

tuit, disputant Doctores: sed probabilior est sententia apud Henric. lib. 3. cap. 7. Suarez l. 3. 3. part. 10. 4. disp. 39. f. 2. Cum Marci 6. Apostoli missi à Domino, ungebant oleo multos agros, & sanabant, sacramentum Extremæ unctiõis tantummodo figuram, seu, vt Tridentinum Concil. ait, insinuat. fuisse: non enim unctio illa sacramentalis fuit: cum etiam non baptizatis conferretur ab Apostolis, antequam hi sacerdotes essent. Potius igitur hoc sacramentum institutum videtur Ioan. 20. cum Christus Apostolis potestatem dedit remittendi peccata: quare eo præcipue loco sacramentum Pœnitentiæ à Christo institutum fuisse, ait Trid. sess. 14. c. 1. Sacramentum autem Extremæ unctiõis est consummatum sacramenti Pœnitentiæ: quare potestas conferendi Extremam unctiorem supponit, & quasi includit potestatem remittendi peccata: vt proinde rectè dicatur, vtrumque sacramentum simul institutum fuisse dicto c. 20. Ioan. vti significant Origenes, & Chrysostomus mox allegandi.

Subiicienda enim sunt testimonia Patrum, & antiquorum Ecclesiæ Scriptorum: qui huius à S. Iacobo promulgatæ ceremoniæ vngendi infirmos in remissionem peccatorum expressam mentionem fecerunt: S. Chrysost. lib. 3. de sacerdotio, paulò post princip. Non solum cum nos regenerant Sacerdotes: sed postea etiam condonatorum nobis peccatorum facultatem obtinent. Infirmatur, inquit, S. Iacobus, inter vos aliquis, accersat Presbyteros Ecclesiæ, & orent super eum, ungentes eum oleo in nomine Domini.

Simili modo Origenes hom. 2. Numerorum, postquam dixit, de dura & laboriosa per pœnitentiam remissione peccatorum, cum, homo, non erubescit Sacerdoti Domini indicare peccatum suum, & querere medicinam: subiunxit: In quo impletur & illud, quod Iacobus Apostolus dicit: si quis infirmatur, &c.

S. Augustinus serm. 213. circa medium: Quotiens aliquis infirmitas superuenierit, corpus & sanguinem Christi ille qui egrotat, accipiat, & inde corpusculum suum unget, & illud quod scriptum est, impleatur in eo: Infirmatur aliquis, inducat Presbyteros, &c. Videte fratres, quia qui in infirmitate ad Ecclesiam euenit, & corporis sanitatem recipere, & peccatorum indulgentiam merebitur obtinere. Cùm ergo duplicia bona possint in Ecclesia inueniri, quare per præcantiores, per fontes, & arbores, & diabolica phylacteria, per characteres, & auspices, & diuinos, vel sortilegos multiplicia sibi mala miseri homines conantur sibi inferre?

Innocentius I. Papa in epist. 1. ad Decent. cap. 8. Adiecit filius meus Cælestinus in epistola sua, esse à tua dilectione positum illud, quod in B. Apostoli Iacobi epistola conscriptum est: Si infirmus aliquis in vobis est, vocet Presbyteros, &c. Quod non est dubium de fidelibus egrotantibus accipi, vel intelligi debere, qui sancto oleo chrismatis perungi possunt, quod ab Episcopo confecto non solum Sacerdotibus, sed omnibus vti Christianis licet, in suâ, aut suorum necessitate ad vngendū. Ceterum illud superfluum videtur adiectum, vt de Episco-

po ambigatur, quod Presbyteris licere dubium non est. Nam adeo de Presbyteris dictum est à Iacobo Apost. quia Episcopi occupationibus alijs impediri ad omnes languidos ire non possunt. Et paulo post ait: Extremam unctionem ijs dandam non esse, qui publicam poenitentiam agunt, quia genus est sacramenti: nam quibus poenitentibus reliqua sacramenta negantur, quomodo unum genus putatur posse concedi? Quod Innocentij testimonium allegatum reperies apud Bedam in cap. 5. S. Iacobi, Vngentes cum oleo, &c. In Concil. Vormaciensi sub Adriano II. & Ludovico Imperat. II.

Idem Beda in cap. 6. Marci: allegato testimonio S. Iacobi, Infirmatur quis in vobis, ita subiecit: Unde patet, ab ipsis Apostolis hunc sancte Ecclesie morem esse traditum, ut energumeni, vel alij quilibet agroti vngantur oleo, Pontificali benedictione consecrato. Quæ verba Bedæ allegat etiam Amularius lib. 1. de Ecclesiast. officijs, c. 12.

Concilium Cabilonense sub Carolo Magno celebratum; cap. 48. Secundum B. Apostoli Iacobi documentum, cui etiam decreta Patrum consonant, infirmi oleo, quod ab Episcopis benedicuntur, à Presbyteris vngi debent. Et paulo allegatis verbis Apostoli. Oratio saluabit infirmum, & alleviabit eum Dominus: & si in peccatis sit, dimittentur ei. Subditur: Non est itaque parvis pendenda eiusmodi medicina, quæ animæ, corporisque medetur languoribus.

Concil. Aquisgranense sub Greg. IV. Papa, & Ludovico Pio Imperat. can. 8. Ut semel in anno, id est, in quinta Feria, quæ est in Cæna Domini, unctio sancti olei, in quo saluatio infirmorum creditur, per omnes civitates ab Episcopo non negligatur, sicuti huc usque neglecta est: sed omni devotione, iuxta traditionem Apostolicam, ac statuta decretalium, in quo de eadem re præcipitur, peragatur.

Concil. Moguntinum sub Leone Papa IV. præsidente Rabano Archiepisc. Moguntino, cap. 26. Ab infirmis in mortis periculo positis, per Presbyteros pura est inquirenda Confessio. Et infra: Ideo secundum canonicam auctoritatē, ne illis ianuæ pietatis clausa videatur, orationibus, & consolationibus Ecclesiasticis sacra cum unctione Dei animati, secundum statuta sanctorum Patrum, communione Viatici reficiantur.

Auctor. lib. 2. de visitat. infirmorum cap. 4. apud S. August. 10. 9. Nec prætermittendum est illius Apostoli Iacobi præceptum: Infirmatur quis in vobis, inducat Presbyteros Ecclesie, &c. Ergo sic roges de te, & pro te fieri sicuti dixit Apostolus Iacobus, imò per Apostolum suum Dominus: Ipsa videlicet olei sacra delibutio intelligitur Spiritus sancti typicalis unctio.

Petrus Damiani serm. 1. in dedicat. Ecclesie. Infirmis nobis, & usque ad mortem mortali peccatorum febre languentibus, Spiritus pietatis assistit, & recordatus est, quoniam pulvis sumus. Ait enim D. Iacobus: Infirmatur quis in vobis, inducat Presbyteros, &c. Solemnis unctio, liquor excellens, quo sanitas redditur, peccatum dimittitur timor Domini. Videte, qualiter Sacerdotalis manus infirmantis corpus allevet, & illecebram sensuum motionem sacratissima mitiget unctione. Unde & sancti Patres hanc unctionem sacramentum esse sanxerunt.

S. Bernardus in vita Malachie refert, quanti sanctus vir Malachias fecerit sacramentum Vnctionis extremæ, ut mulierem nobilem, cui sacramenti gratiam conferre distulerat, verè mortuam, fufis ad Deum precibus, & lacrymis, in vitam reuocarit: Tum verò Malachias gratias agens, benedixit Dominum, & vixit eam nihilominus sciens in hoc sacramento remitti peccata, quòd oratio fidei saluet infirmum. De veritate quoque huius sacramenti, tanquam semper in Ecclesia recepti ac indubitati, testatur Hugo Victorinus S. Bernardo æqualis lib. 2. de sacram. p. 15. cap. 2. & 3. Magister, & alij Scholastici in 4. dub. 22.

CAP. II.

De Materia huius sacramenti.

S V M M A R I V M.

1. Materia remota Extrema Vnctionis est oleum oliuarum, quod ab Episcopo benedictum esse debet.
2. Oleum Extrema Vnctionis debet esse simplex, non mixtum Balsamo: quod si mixto oleo, seu chrismate confectum hoc sacramentum, incertum est, an valeat, tamen nihil repeti debet.
3. Tria olea sacra in Cæna Domini Presbytero dantur, Oleum Catechumenorum, oleum infirmorum, & Chrisma.
4. Oleum vetus, superueniente nouo post Cænam Domini, in lampadibus ecclesie ante Venerabile sacramentum ponendū & comburendum est.
5. Materia proxima huius sacramenti est unctio saltem quinque sensuum, facta manu Sacerdotis. Pedum verò, & renum Vnctiones non sunt de essentia sacramenti.
6. Si infirmus manibus careat, vngenda est caro propinqua.
7. Sacramenta omnia cum sancta crucis figura ministrari solent.

Assertio I. Materia remota huius sacramenti est oleum ex oliuis, ab Episcopo prius benedictum. Ita Conc. Tri. 14. c. 1. Florentinū in decreto Eugenij, §. Quantum sacramentum. Et Innoc. III. in c. 1. de sacra vnctione. Prior pars assertionis sumitur ex cit. c. 5. S. Iacobi: Ait enim, vnctionem oleo fieri oportere. propriè autem id duntaxat oleum dicitur, quod ex oliuis conficitur. Posterior autem pars sumitur ex Ecclesie traditione, ac praxi, cuius congruam rationem attuli supra in tract. 3. c. 2. n. 2. & tradit S. Th. in 4. d. 23. q. 1. a. 2. ad quæst. 4. S. Bonau. ibid. a. 1. q. 3. Duran. quæst. 2. Palud. q. 1. a. 1. quamvis non pauci existiment, simplicem Sacerdotem ex Papæ commissione, oleum benedicere posse, pro vsu huius sacramenti: ex quibus est Caiet. 2. 2. quæst. 72. a. 3. Victoria de extrema vnct. n. 216. Henriq. lib. 3. c. 8. num. 2. Zambranus cap. 5. de Extrema vnct. princip. n. 3. Sotus, quamvis dubius, in 4. d. 23. q. 1. a. 3. conc. 3. Sed contraria sententia est probabilior, ac securior, quam docent Palud. in 4. d. 23. q. 1. a. 1. Bellar. de Extrema vnct. cap. 7. Suarez disp. 40. l. 1. Coninck t. 2. disp. 19. dub. 2. & alij. Quia Concilia absolute aiunt: Materiam huius sacramenti esse oleum ab Episcopo benedictum. Vide quæ in simili dixi eod. tr. 3. c. 2. n. 3.

Potro cur materiz Confirmationis, videlicet sacro chrismati balsamum misceatur, non item extremæ vnctionis, quod est oleum simplex, rationem tradit Alfidorenus lib. 4. sum. tract. 7. Sotus cit. a. 3. ad 1. Suarez cit. l. 1. n. 11. quia balsamum significat odorem bonæ famæ, quam baptizati, dum viuunt, per bona opera & exempla seruare debent: oleum autem simplex, quo bonæ conscientie tranquillitas significatur, mox morituris sufficit. Simili ratione in administratione Baptismi duplex oleum adhiberi solet: vnum ante Baptismum, quod & Catechumenorum dicitur, simplex & sine balsami admixtione: alterum post Baptismum, videlicet sacrum chrisma, siue odoriferum oleum, quo baptizatos Presbyter in vertice (non in fronte id enim ad Episcopum solum pertinet) vngere solet. Ratio, inquam, est, chrisma & propria consecratione, & institutione sua significat donum Spiritus sancti: quod sacramentaliter Catechumenis non confertur, sed ijs tantum, qui Christi corpori, siue Ecclesie inserti sunt.

Veruntamen in antiquis canonibus, & Patrum scriptis, ante Innocentium III. in c. 1. de sacra vnctione, non apparet expressum aliquod vestigium duplicis olei, simplicis videlicet, & cum balsamo mixti. Quapropter Henriq. lib. 3. c. 8. n. 2. & Suar. disp. 40. l. 1. non improbabiler existimans, olim sacrum chrisma, id est, oleum balsamo mixtum etiam infirmis vngendis adhibitum fuisse: idque

idque probat Suarez primò ex cit. responso Innoc. I. epist. ad Decentium, in qua habetur, quòd fideles ægro-
tantes *santo oleo chrismatis ungi possunt ab Episcopo con-*
fecro: ubi verbum confessionis balsami mixturam signifi-
care videtur. Quamquam responderi ad hoc potest, ver-
bum consecrare idem esse, quòd consecrare: quo sensu
Sacerdos sacramentum Eucharistiæ consecrare dicitur.
Secundò ex Concilio Aquilgranensi cit. can. 8. ubi sta-
tutum est, quolibet anno in feria V. Cœnæ Domini, de-
stinatio *santi olei, in quo saluatio infirmorum creditur, ad*
omnes ciuitates ab Episcopis non negligatur: propterea quòd
traditio Apostolica id habeat: quibus verbis alludi vi-
detur ad epist. Fabiani Papæ, in qua traditur, ex Apo-
stolica traditione chrisma balsami mixtione per singu-
los annos in Cœnâ Domini conficiendum esse. Atque
eadem ratione oleum Catechumenorum non fuisse di-
uersum à chrismate, colligi posse videtur ex Greg. I.
lib. 3. indict. 12. epist. 9. ad lanuar. *Presbyteri baptizatos*
infantes signare sacro in frontibus chrismate non presumant:
sed Presbyteri baptizatos ungant in pectore, ut Episcopi
postmodum ungere debeant in fronte.

Contrariam tamen sententiam amplexus est Sotus
d. 23. quæst. 1. a. 3. ad 1. Valentia t. 4. disp. 8. quæst. 1. p.
2. Zambranus c. 5. dub. 4. Sicuti hodie, ita etiam olim
semper fuisse distincta vnguenta pro Confirmatione,
& Extrema vnctione: quamuis interdum generali vo-
cabulo chrismatis, quod vnctionem seu vnguentum si-
gnificat, comprehensa fuerint, uti apparet in c. 1. de cu-
stod. Euchar. ubi præcipitur, *ut in cunctis ecclesiis chris-*
ma (id est quoduis oleum sacramentum) & Eucharistia sub
fidei custodia, clauibus adhibitis, custodiatur. Quæ senten-
tia valde probabilis confirmatur ex Concil. Meldensi,
referente Burcardo lib. 4. cap. 75. & Iuonè p. 1. c. 269.
Presbyter in Cœnâ Domini ampullas tres secum deferat: unâ
ad chrisma, alteram ad oleum ad Catechumenos inungendos;
tertiam ad infirmos; iuxta sententiam Apostolicam; ut
quando quis infirmatur, inducat Presbyteros Ecclesia, &c.

Quod verò ad praxin attinet, tria mihi dicenda vi-
dentur. I. Si ad manum non habeatur oleum infirmorū
nō esse licitum Sacerdoti in Extrema vnctione uti chris-
mate. Quia saltem nunc consuetudo Ecclesiæ repu-
gnat, quæ proprium oleum, idque simplex, non mix-
tum, pro vngendis infirmis consecrat: quare neque ex-
tra omnem dubitationem est, vtrum valeat sacramen-
tum Extremæ vnctionis, si fiat sacro chrismate: eò quòd
materia hæc non tantum diuersam consecrationem ha-
beat, sed etiam, saltem morali æstimatione, diuersum
vsum, & appellationem sortiatur: cum sit mixtura ali-
qua artificialis.

II. Si Sacerdos per errorem infirmum vñxit sacro
chrismate, probabiliter dici posse videtur, nihil esse re-
petendum: sed rem Domino commendandam: Tum
quia plerumque non posset fieri iterata vnctio sine scā-
dalo: tum quia valde probabile est, sacramentum Extre-
mæ vnctionis validè conferri in materia sacri chrisma-
tis: seu quia olim consuetum erat talem materiam ad-
hibere, ut Suarez existimat: seu quia mistio balsami tā
exigua esse solet, ut oleum nec physicè, nec omnino
moraliter suam naturam exuisse censeatur: quòd verò
hac, vel illa benedictione oleum consecratum sit, non
videtur pertinere ad Sacramenti substantiam.

III. Quod Zambranus notat cit. dub. 4. num. 5. se-
cundum consuetudinem Ecclesiæ, & Pontificale Pauli
III. atque Clementis VIII. in Cœnâ Domini non tan-
tum chrisma conficiendum, sed & oleum Catechu-
menorum, & infirmorum benedicendum esse: atque ad
Ecclesias destinandum: si autem ex vetere aliquid re-
manferit, in lampadibus ecclesiæ, quæ ante venerabile
Sacramentum sunt, ponendum esse, ut comburatur:
quamuis contrarium dixerit Henric. cit. num. 2. Sa cū
additione, ver. Extrema vnctionum. 6. Id verò rectè

fatetur Zambranus n. 15. Posse Parochiam vetere oleo
morituros vngere, vsque dum nouum ipsi ab Episcopo
transmissum fuerit. Idemque dicendū de oleo, & chris-
mate in Baptismo adhiberi solito, propter periculum
mortis, expectari non possit, dum nouum adferatur,
veteri vtendum esse, c. si quis de alio, d. 4. de consecrat.

Dico II. Materia proxima huius sacramenti est vnctio
saltem quinque sensuum, facta à Sacerdote. Quæ est
communis sententia Doctorum in 4. d. 23. ubi S. Th.
q. 2. a. 3. S. Bonau. a. 2. q. 5. Rich. a. 2. q. 5. Scot. q. 1. Pa-
lud. q. 3. a. 3. Soti q. 2. a. 3. concl. 1. Supplem. S. Th. q. 32.
a. 5. & 6. Suarez disp. 40. s. 2. & disp. 41. s. 2. Coninck cit.
disp. 19. dub. 3. num. 12. Zambrani de Extrem. vnct. princ.
num. 3. Vide tamen quæ dicam cap. seq. n. 2. Ratio asser-
tionis congrua est, quia quinque sensus sunt quasi origi-
nes, seu receptacula peccatorū per Extremam vnctionē
abstergenda. Nam peccatum omne ex cogitatione ascit-
tur: omnis autem cogitatio à sensu ortum habet: cum
nihil sit in intellectu, quod non fuerit in sensu. Igitur vn-
guntur oculi propter auditū, nares propter Odoratum;
os propter gustū; manus propter tactum: qui ipse etiam
vngendi ordo seruandus est: licet eius mutatio haud vi-
tiet sacramentum, sicuti notauit Suarez d. 40. s. 2. in fine.

Circa reliquas verò duas vnctiones, pedum videlicet,
ac renū, (quarum etiam meminit Florent. in decreto
Eugenij) seruanda est cuiusq; Ecclesiæ consuetudo: cum
non sint de essentia sacramenti, secundum Palud. in 4.
d. 23. q. 3. a. 3. concl. 1. Sotum ibid. q. 2. a. 2. concl. 2. Imò
vnctio in renibus conuenientius omittitur, præsertim
in feminis, ac viris religiosis, si cuti monet Sotus l. cit.
Gabr. in supplem. 4. d. 23. q. 1. a. 1. concl. 1. Henric. l. 3.
c. 12. num. 2. Sa ver. Extrema vnctio, n. 12. Tolet. lib. 7.
c. 3. Zambranus cap. 5. princip. num. 4. Suarez disp. 40.
s. 2. num. 6. Valentia t. 4. disp. 8. q. 1. p. 2. Bellarm. lib.
de Extrema vnctione, cap. 10. in fine.

Sufficit quoque ad valorem sacramenti, vnum ocu-
lum, vnam aurem, vel vnam manum, & inungere;
sicuti ex cōmuni notauit Henric. c. 12. n. 1. Suar. disp. 40.
s. 2. n. 3. Sa cit. n. 12. Zambr. c. 5. princip. n. 9. Sed talis mo-
dus vngendi vsurpandus non est, contra Ecclesiæ con-
suetudinem, nisi necessitas postulet, quia periculum
in mora est.

Quòd si ægrotus manibus careat, vngenda est caro
propinqua: si oculis careat, locus oculorum vngi de-
bet, sicuti docet S. Th. cit. a. 3. ad 3. q. S. Bonau. cit. q. 3.
prope finem, Rich. cit. q. 5. Supplem. S. Th. q. 32. a. 7.
Sotus cit. q. 2. a. 3. Sa n. 13. Henric. cit. c. 12. n. 1. Nam
licet homo, qui perpetuò caruit visu, non potuerit eo
sensu peccare secundum effectum, potuit tamen peccā-
re secundum concupiscentiam videndi.

Fieri autem debent vnctiones in crucis formam: si-
cuti & alia sacramenta non sine cruce peraguntur, teste
S. August. tract. 118. in Ioan. & videri potest c. nunquid,
d. 5. de consecrat. iun. Gl. ver. nisi cruce. Veruntamen
hæc crucis formatio non requiritur ex necessitate
sacramenti: sicuti requiritur in Confirmatione, quip-
pe in qua speciatim fideles signari debent, tanquam
militantes sub signo Crucifixi. Imò non esse obligatio-
nem, saltem sub mortali culpa, ut vnctiones in crucis
figuram fiant, ait Suarez cit. s. 2. n. 3. Zambranus n. 12.
Coninck dub. 2. in fine. Quare, si causa suppetat, v. g.
celerandi propter periculum instantis mortis, vnctiones
sine cruce fieri nihil obstat.

CAP. IV.

De Forma huius sacramenti.

S V M M A R I V M.

- 1 *Forma Extrema unctionis deprecatoria esse debet.*
- 2 *Formam sacramentorum Patres quandoque precem appellant.*
- 3 *Non pertinet ad essentiam sacramenti, ut verborum forma ad singulos sensus repetatur: quare in necessitatis casu breuior forma usurpari potest.*

1 **F**orma huius sacramenti est, inquit Concilium Florent. loco cit. *Per istam unctionem, & suam piissimam misericordiam, indulgeat tibi Dominus, quicquid deliquisti per visum: & similiter de alijs membris.* Vbi aliqua aduertenda sunt: Primo referri apud S. Bonau. d. 23. a. 1. q. 4. Duran. q. 3. a. 3. Palud. ead. d. q. 1. a. 2. Formam verborum in modo indicatiuo, *Ergo te ungo.* Cuiusmodi in rituali S. Ambrosij reperiri aiunt, eamque defendere conatur Palud. loco cit. Tamen negari non potest, formam deprecatiuam, qua Ecclesia Romana semper uti solebat, conuenientiore esse, teste S. Th. cit. d. 23. q. 11. a. 4. q. 2. S. Bonau. loco cit. Rich. a. 1. q. 4. ad 2. Idque multo magis dicendum, posteaquam Concil. Florentinum formam verborum deprecatoriam assignauit, quæ ubiq; etiam in Ecclesijs vsitata est: cui cum altera forma modi indicatiui non æquiualeat, videtur esse insufficientis: nisi aliquid ei deprecatorium addatur, v. g. *Ungo te oleo sancto, ut Deus tibi remittat, quicquid peccasti, &c.* Quæ videtur etiam sententia S. Th. & S. Bona. locis cit. & probatur tum ex verbis Apostoli Iacobi: *Orent super eum, ungentes:* tum ratione differentie, quæ est inter hoc, & reliqua sacramenta, quæ modo verborum indicatiuo conficiuntur: nam illa ferme habent effectum aliquem infallibilem seu characteris, seu gratiæ sanctificantis: huius autem sacramenti effectus impediti potest, tum propter obicem recipientis, quod attinet ad spirituales effectus gratiæ: tum propter indifferentiã, quia non expedit corporis sanitatem conferri. Deinde hoc sacramentum institutum est, ut sit complementum sacramenti Pœnitentiæ iudicio non plenè pro peccatis suis satisfecit, exoretur Deus à Ministris Ecclesiæ, ut homini suis viribus destituto misericorditer indulgentiam dare dignetur, sicuti notauit Supplem. S. Th. q. 29. a. 8. Bellarm. c. 7. in fine, Suar. disp. 40. l. 3. n. 10. Coninck d. 4. alias rationes videre potes apud S. Bonau. cit. q. 4. ad finem.

2 Interim tamen in eo conueniunt formæ omnes sacramentorum, quòdeorum efficacia non pendeat ex vi orationis, ut est opus operantis: sed ex virtute promissionis Christi, secundum quam ad Deum Patrem oratio funditur. Nam etiam quæ certò accepturos nos à Deo credimus, tamen precamur, gratiam & misericordiam eius agnoscentes. Quæ ipsa causa esse videtur, cur Patres verba, quibus sacramenta Baptismi, Confirmationis, Eucharistiæ, & Pœnitentiæ conficiuntur, precem Sacerdotis appellare soleant, ut videre est apud S. Cypr. epist. ad Iubaianum, S. Augu. lib. 6. de Baptif. contra Donatistas, c. 25. Leon. 1. epist. 91. ad Theodor. ubi absolutionem sacramentalem Sacerdotis supplicationem vocat.

Secundò aduertendum, Formam illam verborum ad singulas vnctiones sensuum repetendam esse, saltem ex necessitate præcepti. Vtrum verò id pertineat ad necessitatem sacramenti, non satis constat. Nam imprimis aliqui dicere ausi sunt, inquit Suar. disp. 40. l. 2. n. 81 ad valorem huius sacramenti satis esse, si vnctio, eaque vnica in quacunque corporis parte, sub simplici verborum forma fiat: quia non plus ex verbis Apost. Iacobi colligitur. Alij verò aiunt, sacramentum Extremæ vnctionis substantialiter confici vnica alicuius sensus vnctione, cū debita formula verborum: reliquas verò vnctiones cū suis formulis partialibus ad sacramenti integritatem, & pleniorē perfectionem pertinere: sicuti duæ species

ad integram perfectionem sacre Eucharistiæ. Quam sententiam indicat Supplem. S. Th. q. 29. a. 2. in corp. Palud. in 4. d. 23. q. 1. a. 3. concl. 2. Medina C. de Confess. q. 11. §. secundo idem probat. In eademque fuerunt DD. Louanienſes apud Suar. disp. 41. l. 3. Chapeauille c. 5. q. 30. Coninck dub. 3. approbantes in pastorali mechlinienſi can. 9. de Extrema vnctione: In morbis contagiosis, puta tempore pestis, ad vitandum periculum satis esse, si vngatur organum sensus magis obuium, dicendo: *Per istam sanctam vnctionem, & piissimam suam misericordiam, indulgeat tibi Dominus, quicquid deliquisti per visum, auditum, odoratum, gustum, tactum, & gressum.* Quare hæc sententia non est omnino improbabilis. Illud verò adhuc securius, ut in casu necessitatis, celeri motu, & breui verborum forma, omnes formas partiales in se virtualiter complectente, sacramentum conferatur, saltem sub conditione mente retenta: *Per hanc sacram vnctionem, vel per has sacras vnctiones, indulgeat tibi Deus, quicquid deliquisti per visum auditum, odoratum gustum, tactum.*

Casus autem necessitatis duo sunt præcipuè. I. Si Sacerdos, postquam vnā, vel alteram vnctionem peregit, reliquas secundum ritum consuetum, se absolueri non posse speret, propter mortis accelerationem. II. Si infirmus mox animam exhalaturus, aliud sacramentum non accepit. Extra hos verò casus, communiter præstat sacramenti huius, quippe minus necessarii, ministratio nem intermittere, quā præter Ecclesiæ receptum morem conferre: præterquam, si loci Ordinarius, probabilem Doctorum sententiam securus, breuiorem illam formam pro tempore pestis durantis approbet.

Tertiò aduertendum: Non omnia verba posita in forma consueta videri essentialia: quamuis sine scelere omitti non possint. Vt si quis dicat: *Per hanc vnctionem remittat tibi Deus quicquid deliquisti per visum, &c.* videtur validum esse sacramentum, quamuis Minister grauius peccet: de quo idem Suar. disp. 40. l. 3. Coninck cit. dub. 3. Id verò certius est, inuocationem sacrosanctæ Trinitatis ad huius sacramenti formulam non requiri: quamuis neque ea mittenda sit in Ecclesijs, quibus consuetudo est, ut addatur.

Denique notandum: Verba illa, *quicquid peccasti, efficere sensum conditionalem, si quid peccasti:* quamobrem ministrari posset hoc sacramentum homini, etiā si is nullum peccatum habeat, v. g. ei qui immediate ante baptizatus fuit. Ita indicat Richar. in 4. d. 23. a. 2. q. 4. & docet Suarez disp. 42. l. 2. num. 7.

CAP. IV.

De subiecto, siue suscipiente huius sacramenti.

S V M M A R I V M.

- 1 *Subiectum capax huius sacramenti est solus homo baptizatus, qui rationis vsu adeptus est, & ex morbo vita periclitatur.*
- 2 *Pueris Extrema vnctio dari potest, etiam antequam ad S. Eucharistiā admittantur.*
- 3 *Morituris, si in phrenesin, aut amentiam inciderunt, Extrema vnctio danda est, si ante Christianè vixerunt: secus, si in peccato mortali notorie constituti erant.*
- 4 *Expedi dare Extremam vnctionem, cum periculum mortis ex infirmitate probabile est.*
- 5 *Extrema vnctio iterum conferri potest, si infirmus postquam reualuisse videbatur, in periculum mortis recidat.*

Subiectum capax huius sacramenti est solus homo baptizatus, qui rationis vsu adeptus est, & ex morbo vita periclitatur. Est communis Scholasticorum in 4. d. 23. Primò itaque requiritur, ut homo baptizatus sit: nam Baptismus est ianna vite spiritualis: quia per ipsum de

de corpore efficiatur Ecclesia, inquit Florentinum in decreto Eugenij: quare sine Baptismo homo capax esse non potest aliorum sacramentorum, quæ Christus pro salute, & profectu Ecclesiæ suæ instituit.

Secundo requiritur, vt rationis vsum adeptus sit: tunc enim peccati actualis capax, tanquam miles aduersus extremos diaboli insultus pugnare, & ob id veluti ad luctum vngi potest: quare generalis regula tradi potest; quod quicumque ad eam ætatem, & rationis discretionem peruenit, vt sacramenti Pœnitentiæ capax sit: quia videlicet in peccatum actuale lapsus fuit, (quod ordinariè circa septennium contingit) eidem sacramentum Extremæ vnctionis validè, & decenter conferatur. Quam regulam tradunt Nau. cap. 22. num. 13. Suar. 3. p. to. 3. disp. 70. l. 1. Sa ver. extrema vnctio, num. 2. Graffis p. 2. decis. lib. 1. cap. 8. num. 16. Angles in 4. p. 1. de extrema vnct. a. 4. Zambr. de Extr. vnct. dub. 1. vbi admonent, Extremam vnctionem negandam non esse pueris, rationis vsum sufficientem habentibus ad peccandum, tametsi S. Eucharistiam non recipiant; quia propter vim morbi, & instantis mortis, de tanti mysterij dignitate satis instrui non possint. Quamuis contrarium doceat Sotus d. 23. quæst. 1. a. 2. concl. 4. Vivaldus de Extr. vnct. cap. de suscipiendis, num. 7. Pueris dandam non esse Extremam vnctionem, nisi in ea ætate, ac dispositione sint, vt etiam sacrum Viaticum accipere possint. idque multis locis consuetudine obseruatur: quam tanquam minùs rationabilem reprehendit Zambranus cit. dub. 1. num. 8. propterea quod inter sacramenta S. Eucharistiæ & Extremæ vnctionis nulla sit ordinis connexio: ergo tametsi aliquis dispositus non sit ad Eucharistiam suscipiendam: si tamen dispositus videatur ad sacramentum Extremæ vnctionis, non debet eo priuari. Verùm dum talis consuetudo ab Episcopis toleratur, excusantur Parochi, si pueris ante annum ætatis decimum quartum, aut decimum quintum iuxta cuiusvis diœcesis consuetudinem, Extremam vnctionem negent: excepto tamen casu necessitatis, si puer, quem rationis vsum assecutum esse constat, aliud autem mortem sacramentum suscipere non possit. Vide Chapeauille c. 5. q. 17.

Porro tametsi deceat, idque curandum sit, vt infirmus vngatur, dum rationis capax est: sic enim maiore cum reuerentia suscipiet, & actualis in ipso deuotio, fiduciaque in Dei misericordiam, virtute huius sacramenti, excitabitur: attamen negari non debet morituris, si vel paulò ante in phrenesin inciderunt, vel etiam diuturno tempore vfu rationis priuati extiterunt, modò priùs, quàm in talem amentię statum peruenerunt, sacramentum hoc saltem interpretatiuè desiderarint, si nimirum Christianè vixerunt, atque salutis suæ memores fuerunt: quod quidem præsumendum, nisi contrarium appareat. Ita ex communi docet Palud. d. 23. q. 3. a. 2. Syl. ver. Vnctio extrema, q. 5. Henric. lib. 3. c. 13. n. 1. Zambr. c. 5. dub. 2. n. 4. In eoque differt hoc sacramentum à Pœnitentiæ sacramento, quod ministrari non potest homini, nisi actuale signum pœnitentiæ, & desideratæ absolutionis ediderit: propterea quod externa humilis peccati Confessio, edita in ordine ad absolutionem sacramentalem, sit materialis, atque essentialis par sacramenti. At verò Extrema vnctio ministrari potest non solum actualiter, sed etiam habitualiter petentibus. Idemque dicendum de concessione indulgentiarum.

Sed quid? Si Sacerdos sciat hominem, qui vngendus est, mortale peccatum ommississe: nesciat verò, vtrum de eo confessus sit, vel saltem eum pœnituerit? Respondet: Si peccatum, vel etiam annexa excommunicatio occulta sit, ordinariè ministrari debent sacramenta Eucharistiæ, Pœnitentiæ, præmissa ad cautelam absolutione à censuris, sicuti ex communi docent Sotus in 4.

d. 12. quæst. 1. a. 6. Zambr. cap. 5. dub. 2. n. 8. Ratio est: Quia phreneticus ex hac vita diceffurus ordinariè ita se habet, ac si publicè sacramenta exeuntium peteret: peccatori autem occulto publicè petenti sacramenta ministrari debent: cum Sacerdos tanquam ex officio administrans, publicam personam gerat, ideòque secundum publicam, non priuatam notitiam procedere debeat. Cæterùm, si in aliquo casu specialis, in publicam notitiam deuenturum non sit, quod Sacerdos homini sacramenta neget: sed perinde ipsa sacramentorum negatio, sicuti & causa negandi, videlicet antecedens peccatum, occulta manebunt, tunc Sacerdos ministratio-
ne sacramenti abstinere tenetur, ob ea quæ dixi tr. 4. cap. 6. num. 19. Sin verò notorium sit, hominem antequam in phrenesin incidat, mortaliter peccasse, vel in excommunicatione fuisse: tunc sacramenti ministratio-
nem non meretur, nisi aliquibus coniecturis: vel saltem vnius hominis testimonio probetur, absolutum fuisse, vel pœnitentiæ aut alia pietatis signa, edidisse: vt, si post illiciti duelli congressum dixit, se aduersario ignoscere. Ita ex communi Syl. ver. vnctio, quæst. 5. Tolet. lib. 7. cap. 3. Zambr. cit. dub. 2. num. 5. & indicat Suarez t. 4. disp. 42. sect. 1. num. 10. Ratio est: quia semel malus semper præsumitur esse malus, quare si certum sit hominem fuisse in statu peccati mortalis: nisi postea indicium aliquod mutatæ voluntatis præbeat potius existimatur in statu antiquo permansisse. Arbitror tamen, etsi notoriè constet, hominem ante duas v. g. vel tres septimanas mortaliter peccasse: dum tamè vel aliquorum testimonium habetur, quod vel dormitauerit: aut si probetur semper in more habuisse, post commissum peccatum dolere, & à Deo veniam petere etiam hoc casu, si post commissum peccatum aliquamdiu vsum rationis seruauit, sacramenta, & sepulturam sacram conferenda esse: cum in dubio inclinandum sit in fauorem animæ.

Iis porro, qui perpetuò amentes fuerunt, Extrema vnctio ministranda non est: quia sicuti infantes, ita & ipsi capaces non sunt huius sacramenti fructus ac præcipui finis: qui est abstergere peccatorum reliquias, & tollere impedimenta introitus in regnum cælorum.

Tertiò requiritur, vt homo vita periclitari videatur propter infirmitatem ex morbo, peste, vulnere, veneno potato, vel simili causa intrinseca: neque enim Extrema vnctio ijs conferri potest, quibus per extrinsecam violentiam gladio, suspendio, naufragio mors inferenda est. Quæ est communis doctrina Scholasticorum in 4. dist. 23. vbi S. Th. q. 2. a. 2. & confirmat Ecclesiæ praxis: cui etiam consentit Apost. in citat. cap. 5. *Infirmatur quis in vobis*, in Græco *ἀσθενῶν* Et infra: *Oratio fidei saluabit infirmum*. *χαρις* id est sermo deficiente ex morbo. Neque tamen expectandum est extremum, aut omnino certum periculum mortis: sed expedit dare, cum periculum est probabile, ne si diutius differatur Vnctionis sacramentum, mors, vel saltem sensuum defectio subito superueniat: quod multò etiam magis de sacro Viatico in mortis periculo existentibus præbendo sentiendum, monet Petrus Sotus de Extrema vnct. lect. 2. §. quis verò capax, & Zambr. dub. 3: qui etiam admonet cum Henric. lib. 3. c. 11. n. 1. necessarium non esse, vt infirmus in lecto decumbat: sed inungi posse etiam extra lectum, v. g. peste infectum, hydropicum, phisicum. Sed etsi diuturnior morbus videatur, si tamen salus desperata sit, posse statim in principio morbi sacramentum Extremæ vnctionis ministrari, saltem si aliqua causa exigat: vt quia morbus fallax esse solet, qui interdum inopinatò hominem occidit: vel quia in progressu maius contagionis periculum timetur, idque pestis tempore obseruandum monet Suarez t. 4. disp. 44. l. ult. in fine. Quod si, adhibito etiam medicorum iudicio, probabiliter dubitetur,

an homo peste infectus, & consequenter in periculo mortis sit, necne, sacramentum hoc sub conditione ministrari posse, ait Chapeauille cap. 5. sui tractatus. q. 11. Verum, quia sacramentum necessarium non est, ideo si aliud homini ministrari possit, existimo Extrema vñctione supersedendum fore: nisi adsit opinio saltem probabilis, hominem peste infectum, vel ex alio morbi genere in mortis periculo constitutum esse.

Denique communis est sententia S. Th. in 4. dist. 23. q. 2. a. 4. & in Supplem. q. 33. a. 2. Palud. ead. dist. 23. q. 4. Richar. a. 2. q. 6. Syl. ver. Vñctio extrema, q. 8. Henric. lib. 3. cap. 9. nu. 3. Zambr. cap. 5. dub. 6. Suarez disp. 40. in fine: Extremam vñctionem non posse iterum conferri, durante eodem periculo morbi: secus, si aliud nouum sit periculum: quia videlicet infirmus, postquam semel inunctus fuerat, melius habere cœpit, vt medicorum iudicio extra probabile seu propinquum mortis periculum constitutus esset, iuxta corporis constitutionem recidit, tunc iterum vñgi potest: licet interuallum temporis non longum, sed paucarum tantum hebdomadarum intercesserit: dummodo prudente practica consideratione censeantur diuersa pericula, quibus homo constituatur in dictis statibus, seu dispositionibus ad moriendum, sicuti Zambranus, & Suares notarunt. Ratio doctrinæ est, quam S. Th. dat: quia hoc sacramentum ex propria institutione conferri debet infirmo non cuicunque, sed qui secundum humanam æstimationem est in probabili statu moriendi, teste etiam Trident. sessione 14. c. 3. Ergo dum idem status, quamuis diuturno tempore durat, non est repetendum sacramentum: secus, si vno periculo remoto, diuersus moriendi status incidat. Etenim, sicuti corporis ægrotudo ad mortem disponens, & quæ coniuncta esse solet animi depressio, iterum incurri potest: ita & spirituale huius sacramenti remedium tum ad corporis, tum multo magis ad animi subleuationem institutum, repeti posse debet.

CAP. V.

De effectu huius sacramenti.

S V M M A R I V M.

- 1 Sacramentum Extrema Vñctionis principaliter institutum est contra peccatorum reliquias, minus principaliter ad sanitatem corporis, si animo expediat, conferendam.
- 2 Peccatori, quæ Sacerdos existimat attritum fuisse, antequam in phrenesim inciderit, Extremam vñctionem ministrare potest.
- 3 Extrema Vñctio est sacramenti totius vitæ consummatissimum.
- 4 Effectus gratiæ sacramentalis confertur, cum sacramentum essentialiter constitutum est.
- 5 Sacramentum Extrema Vñctionis non videtur consistere, & effectum operari, donec omnes quinque sensus vñcti sint.

DVæ sunt doctorum de hac re sententiæ: Vna S. Bonau. in 4. dist. 23. a. 1. q. 1. Richar. a. 1. q. 5. Durandi q. 1. a. 2. Scoti q. 1. conc. 2. Nauar. c. 22. man. n. 13. Principium huius sacramenti effectum esse, delere peccata venialia, quæ post aliorum sacramentorum suspensionem reliqua manent. Sed hunc dicendi modum minus probabilem esse partim ex eo colligitur, quia ad delenda omnia peccata post Baptismum commissæ, per se institutum est sacramentum Pœnitentiæ, ac confessionis: Ergo sacramentum Extremæ vñctionis ad alium finem seu effectum principaliter institutum videtur: partim ex verbis Apostoli Iacobi, qui remissionem peccatorum huius sacramenti effectum esse ait non absolutè, sed conditionatè, si in peccatis est, mortalibus aut venialibus, remittantur ei. Quo satis significat, alium præter hunc magis proprium & principalius intentum effectum esse, quem videlicet antecedentibus

verbis indicarat, *alleniabit enim Dominus.*

Alius igitur dicendi modus est, S. Th. in 4. d. 23. q. 2. a. 2. q. 1. Palud. q. 4. conc. 2. Scoti q. 1. a. 2. Anton. 3. p. tit. 14. cap. 8. Syl. ver. Vñctio, q. 3. Sa. ver. Extrema vñctio, n. 16. Henric. lib. 3. c. 9. Bellarm. cap. 8. de Extrema vñct. Suarez disp. 41. s. 1. n. 11. Sacramentum Extremæ vñctionis per se: ac principaliter institutum esse contra reliquias peccatorum tum originalis, tum actualium: minus vero principaliter ad sanitatem corporis conferendam, quatenus secundum Dei providentiam, salutem animæ expedierit. Quem sententiam breuiter expressisse videtur Concilium Florentinum: *Effectus huius sacramenti est mentis sanatio, & in quantum expedit, ipsius etiam corporis.* Nam sanatio mentis, in homine viatore, ad vitæ exitum tendente, eò refertur, vt peccatorum reliquias animam grauantes vel mitigentur, vel penitus tollantur. Nomine autem reliquiarum, non vnicum quid, sed plura intelligere oportet, quæ animum infirmi grauant: quorum primum est tepiditas, & torpor ex peccatis tum originali, tum actualibus proueniens, quo animus hominis deiecitur, præsertim circa mortis ex infirmitate periculum: cum etiam maiores Dæmonis infestationes ingruunt: quare in hoc sacramento secundum propriam eius institutionem gratiæ auxilia conferuntur, quibus anima ægroti alleuetur confirmetur, siue ad spem ac fiduciam erga Dei misericordiam excitetur, sicuti colligitur tum ex verbis Apostoli, *alleniabit cum Dominus*, iusto Trident. sessione 14. ni proæmio de Extrema vñct. & cap. 2. tum ex proprietate materiæ huius sacramenti, quæ Theophyl. in cap. 6. Marci, adducto testimonio S. Iacobi explicat his verbis: *Est oleum ad labores vitæ, & lucis fomentum & hilaritatis effectuum, significatque misericordiam Dei & gratiam Spiritus, per quam à labore liberamur, & lucem ac gaudium, hilaritatemque spiritualem accipimus.* Alterum sunt peccata tum mortalia, tum venialia, quæ si homini per alia sacramenta ac remedia remissa non sunt, virtute huius sacramenti remittuntur, si suscipiens per attritionem dispositus sit, & suscipiendo hoc sacramentum mortaliter non peccet. Ita Palud. in 4. d. 23. q. 1. a. 3. conc. 3. Suarez disp. 41. s. 1. n. 19. & disp. 42. s. 1. in fine, Coninck disp. 19. n. 19. & 20. Ex quo isti ita inferunt: Licet suscipiens, si mortalis peccati conscius, attritum se duntaxat existimet, non possit intendere, aut sperare peccati remissionem virtute huius sacramenti, quippe quod per se, ac principaliter, viuorum non mortuorum est: attamen administrans, si in aliquo casu existimet, infirmum existere in peccato mortali, de quo confiteri iam non possit, quia phreneticus est: poterit ei conferre Extremam vñctionem: modò probabiliter arbitretur attritum fuisse, priusquam in phrenesim incideret: siquidem hoc sacramentum in eum etiam finem specialiter à Christo institutum est, vt tollat, si quæ reliqua manserunt, peccata, pro quibus aliud remedium non suppetit, iuxta verba S. Iacobi absolute promittentis peccatorum remissionem, iuncta etiam interpretatione Concil. Trident. *Vñctio Spiritus sancti delicta, si qua sunt adhuc expianda, abstergit.* Hæc sententia, cum salutem animarum faueat, tanquam valde probabilis in praxi sequenda erit, vti etiam notauit Chapeauille de modo ministr. sacram. tempore peccatis, cap. 1. q. 1. ver. sexto.

Tertium est, remissio pœnæ temporalis non integræ, si loquamur de effectu sacramenti ex opere operato: sed secundum mensuram institutionis Christi.

Corollarium. Rectissime dictum est in Trident. Concilio cit. proæmio de Extrema vñct. Quod sacramentum Extremæ vñctionis sit, non modo Pœnitentiæ, sed & totius Christianæ vitæ consummatissimum, quia eo fine à Christo Domino misericorditer institutum est, vt tollat, si quæ adhuc restant, peccatorum reliquias, & salutis

salutis impedimenta, adeoque prepararet hominem, atque expeditum reddat ad introitum regni cœlestis: nisi magis expedire videatur, ut homini salus corporis restitueretur, ad vitam diutius in hac terra agendam.

Quæret aliquis: Quando effectus gratiæ infirmo re hoc sacramentum suscipienti conferatur? Respondeo Effectum gratiæ habitualis tunc conferri, cum sacramentum essentialiter constitutum est. Id enim commune est sacramentis, quod effectus eorum sequitur ex opere operato, id est, eo ipso, quod sacramenti substantialis entitas posita est. Tamen si verò existimem, morales tantum causas esse, operantur tamen secundum similitudinem ac proportionem causæ physicae, supposita capacitate subiecti, nec non commensurate dispositioni eius: ita ut adulto melius disposito maior gratia tribuatur.

Porro discrimen est inter sacramenta: quod quædam eorum constant partibus integrantibus, quarum singula in se sacramenta sunt, materiam & formam partialem habentes: ut sacramentum Eucharistiæ, & Ordinis quamobrem in susceptione cuiuslibet sacri ordinis gratiæ effectus confertur. Alia verò sacramenta vnica materia, & forma perficiuntur, ut Baptismus, Confirmatio, &c. quæ proinde effectum gratiæ habitualis non antè, sed tunc statim conferunt, cum primum essentia completè posita est. Quamvis verò Medina Cod. de Confess. q. 11. §. 2. idem probat, Extremæ vnctionis sacramentum prioribus annumeret, cum ait, quod Extremæ vnctionis partes plures sunt, & qualibet earum est sacramentum, suam formam habens, tamen contraria sententia est communis, quinque sensuum vnctiones cum suis formis, esse de essentia sacramenti: ita ut vnctiones & earum formæ sigillatim consideratæ sacramenti rationem non habeant; neque effectum aliquem producant: sed quatenus in vltima vnctione, & verborum forma compleitur. Idque sumi debet ex institutione Christi, quam accepimus per traditionem Ecclesiæ, communiter vsurpantis quinque sensuum vnctiones, tanquam necessarias ad valorem sacramenti. Ratio verò congruentia est: Quia sic demum peccati reliquiarum absterfio, atque integra animæ sanatio significatur, si vnctiones cum verborum formulis adhibeantur quinque sensibus, quippe quæ radices esse solent omnium peccatorum.

Cæterum, præter habitualement, & sanctificantem gratiam, conferuntur etiam actualia Dei auxilia opportunè ad finem illum, ob quem sacramentum institutum est. Videlicet cum hoc sacramentum Extremæ vnctionis à Christo institutum sit, ut reliquias peccatorum tollat, & animam morituri ad introitum regni cœlestis præparet: ideo in primo instante, quo essentialiter completum est, confertur gratia habitualis, quatenus ad hunc ipsum finem seu effectum idonea est: simul verò etiam, & postea tempore opportuno, specialia auxilia gratiæ conferuntur, quibus anima excitatur, ad torporem suum, ac deiectionem aliâque salutis spiritualis impedimenta abijcienda, & seipsam in Deum erigenda.

CAP. VI.

De Ministro huius sacramenti.

SUMMARIUM.

1 Solus Sacerdos potest esse Extremæ Vnctionis Minister.

2 Extremam vnctionem extra necessitatis casum licet non administrat Sacerdos, si nec Pastor, sit neque à Pastore, seu Ordinario licentiam habeat.

3 In casu necessitatis plures Ministri esse possunt, quorum vnus vnus, alter alterum sensum simul vngant.

Dicendum, quod solus Sacerdos possit esse minister Extremæ vnctionis. Ita S. Th. in 4. d. 23. q. 2.

a. 1. ibid. S. Bonau. a. 2. q. 1. Richar. a. 2. q. 2. Palud. q. 2. ar. 1. & constat ex Concil. Florent. in decreto Eugenij Trident. sess. 14. cap. 3. de Extrema vnctione, & sumitur ex traditione Ecclesiæ fundata etiam in verbis Apostoli, *Inducat Presbiteros Ecclesiæ*, iuncta explicat. Patrum c. 1. allegatorum.

Verum, licet quiuis Sacerdos hoc sacramentum valide conferat, quia eius administratio intrinsecè non est actus iurisdictionis, sicuti absolutio à peccatis: mortaliter tamen peccat, qui nec proprius Pastor existens, nec à proprio Pastore licentiam habens hoc sacramentum administrat: si quidem sacramenta fidelibus ministrare proprium est Pastoris officium. Adde, quod Religiosi etiam excommunicationis sententiam, Sedi Apostolicæ reservatam, ipso facto incurrunt, Clemen. 1. de privilegiis, si Clericis, vel laicis sacramentum Vnctionis vel Eucharistiæ ministrare, vel matrimonia solemnizare, sine Sacerdotis proprii licentia presumant.

Excipiunt tamen plerique Doctores casum necessitatis, si videlicet Parochus adsit, vel non possit, aut per manifestam iniuriam nolit sacramentum ministrare: neque etiam hoc casu Superior eius adiri queat pro peragenda licentia, tunc quemuis alium Sacerdotem non excommunicatum, aut suspensum licetè ministrare. Ita enim Caietan. ver. excommunicatio, c. 64. Armillan. 49. Henric. lib. 3. c. 13. n. 4. Suar. disp. 44. l. 2. Zambr. c. 5. d. 8. Coninck disp. 19. d. 9. contra S. Anton. p. 3. tit. 24. c. 34. Syl. ver. excommunicatio, 7. excommunicat. 14. dub. 3. Ratio est, Quia in tali casu, etsi ipsemet immediatus Pastor, seu Parochus inuitus sit, tamen eius Superior, saltem Sum. Pontifex, licentiam præbere censendus est: cum hoc sacramentum animæ in extrema lucta valde utile sit, & quasi firmissimum præsidium contra Dæmonis infestationes, à Christo institutum, testante Trident. in præmio de Extrema vnctione: quin etiam necessarium animæ remedium si aliud eo tempore sacramentum salubriter suscipi nequeat.

Illud quæri solet, utrum huius sacramenti Minister debeat esse vnus, an verò plures: cum Apost. Iacobus plurali numero dicat *inducat Presbyteros*. Respondeo, & dico I. Singula vnctiones necessario ab eo Ministro fieri debent; qui simul verborum formam vnctioni respondentem profert. Nam S. Iacobus iubet, ut *ungentes orent super infirmum*: & ipsa verborum forma, *per hanc sanctam vnctionem* secundum communem acceptionem significat, vnctionem ab eo fieri, qui verba profert.

Dico II. Plures Ministri esse possunt in sacramento Extremæ vnctionis, ita ut vnus vnus sensum vngat partiali forma prolata, & alter alterum sensum vngat eidem prolata forma partiali: quæ est communis Doctorum sententia apud Suar. disp. 43. l. 2. Henric. lib. 1. c. 27. n. 2. Eaque facile defenditur, & explicatur secundum illorum sententiam, qui existimant, vnâquamque vnctionem cum sua forma sigillatim sacramentum constituere, & effectum gratiæ conferre. Secundum aliam verò sententiam, quæ communior est, dicendum id esse peculiare in hoc sacramento, quod partiales eius materiae, ac formæ in suo genere, & ordine non suspensam, sed absolutam significationem habeant, quâ obrem, cum semel earum aliqua legitime facta est, repeti non debet seu ab eodem, seu ab alio ministro, sed superaddendum, quod ad sacramenti completionem requiritur. Quod etiam docuit S. Bonau. d. 23. a. 2. q. 4. Palud. q. 2. a. 3.

Quamvis verò id verum sit, si loquamur de valida ministracione huius sacramenti: tamen Ecclesiæ consuetudo declarat, ut vnus Minister omnes vnctiones, adeoque totum sacramentum perficiat, excepto casu necessitatis, qui duplex est: Vnus communiter receptus ex parte Ministri, si inchoatas vnctiones, ob repentinam infirmitatem, absolueri non possit: tunc alter ei suc-

cedere debet, nihil repetens, sed quæ restant, adiciens. Alter est ex parte infirmi, si antè moriturus videatur, quàm vnicus Minister omnes vnctiones perficere possit: tunc permittit Suarez cit. l. 2. num. 8. vt plures Sacerdotes simul vngant; vnus oculos, & alter aures, &c. proferentes interim formas, quæ vnctionibus respondent. Et fortasse S. Iacobus idcirco *Presbyteros* nominauit, vt significaret, plures ad huius sacramenti ministracionem concurrere posse. Nisi malis dicere, numerum pluralem pro singulari vsurpare, ac si diceret, inducite vnum ex Sacerdotibus, ministris Ecclesiæ.

CAP. VII.

De obligatione suscipiendi, ac ministrandi hoc sacramentum.

SUMMARIUM

- 1 Nullum præceptum extat sacram vnctionem accipiendi, cum ad salutem necessarium non sit.
- 2 Propter contemptum, vel scandalum, secuturum fieri potest, et peccatum mortale sit, Extremam vnctionem intermittere.
- 3 Parochus ratione officij sui sub peccato mortali obligatur ad ministrandum Extremæ vnctionis sacramentum petentibus.

Communis est Doctorum sententia S. Th. in 4. d. 23. q. 1. Rich. art. 1. quæst. 3. ad 1. vlt. Nau. c. 22. num. 16. Syluest. ver. vnct. qu. Victor. de Extrema vnct. num. 219. Henriq. lib. 3. c. 10. n. 3. Suarez disp. 49. l. 1. nullum esse præceptum suscipiendi sacramentum Extremæ vnctionis: propterea quod ad salutem necessarium non sit. Quamuis sine causa, per solam negligentiam intermittere, videtur esse peccatum veniale: cum sit quædam incuria, seu prodigalitas spiritualis boni, vt docet Coninck dub. 10. concl. 1. Imò P. Sotus lect. 2. de Extrema vnctione, secutus Magist. in 4. dist. 23. ait, esse peccatum mortale: sed non rectè, cum nullum præceptum diuinum, vel Ecclesiasticum extet de suscipièdo hoc sacramentum. Quod intellige per se loquendo. Nam per accidens, si infirmus aliud sacramentum suscipere non possit, & de sua contritione dubitet, videtur obligatus ad suscipiendam Extremam vnctionem, ne animam damnationis periculo exponat. Ita docet Palud. in 4. dist. 23. q. 1. a. 3. concl. 3. afferens exemplum de eo, qui locutionis vsu amisit. Veruntamen hic casus moraliter vix possibilis est, vt moriturus accipere possit sacramentum Extremæ vnctionis, non autem sacramentalem absolutionem præterquam, si Sacerdos nolit absolutionem dare, quia v. g. existimat, dari non posse, nisi peccata in specie ipsi explicentur.

2 Denique Extremam vnctionem ex contemptu omittere, fatentur omnes esse peccatum mortale. Adde mortaliter peccari posseratione secuturi scandali: si videlicet infirmus interrogatus, num ante vitæ exitum sacramentum Vnctionis accipere, nulla rationabili causa allata, renuat: atque exinde audientes vel falsam suspicionem hæresis de illo concipere, vel ob hominis auctoritatem ad huius sacramenti vilipensionem moueri possint.

Et quod dictum est de ipso infirmo similiter sentiendum est de ijs, qui infirmi curam gerunt, si Extremam vnctionem ijs procurare sine rationabili causa intermittant, non peccare eos mortaliter: nisi coniunctus sit contemptus, vel graue scandalum: vel denique in casu extraordinario, si infirmus, sacræ Vnctionis capax, & fortasse maximè indigens, aliud sacramentum ante vitæ suæ finem suscipere non possit.

3 Qui verò curam animarum gerit (vt Parochus, Prælati Ordinis) is ratione officij ex iustitia obligatur hoc sacramentum ad fidelium salutem à Christo institutum, subditis ministrare: proinde mortaliter peccat, si petenti sine iusta excusatione neget, vel differat,

cum probabili periculo, ne interim infirmus decedat: qua de re vide Chapeauille c. 5. q. 1. Alius verò Sacerdos, qui non est proprius Pastor, si absente Parocho licitè, ac facilitè ministrare possit: hoc sacramentum in casu necessitatis, ad id ex charitatis lege obligatur: quauis non obligatione graui sed solum sua culpa veniali: excepto, si infirmus grauius indigere videatur, quia alioquin sine omni sacramento decedere deberet: ita cuti notauit Palud. citat. dist. 23. q. 1. art. 2. conc. 2. Coninck conc. 2.

CAP. VIII.

De cæremonijs, seu ritibus ministrandi hoc sacramentum.

SUMMARIUM.

- 1 Si periculum in mora sit statim ad ipsas vnctiones, quippe sacramento essentielles, accedendum est.
- 2 In dubio, num adhuc viuat qui vngendus est, sub conditione sacramentum ministrari potest.
- 3 Sacerdotes infra palmam, vel in exteriori manus parte vngi solent.
- 4 Nihil obstat, sacrum Viaticum dari etiam post acceptam Extremam vnctionem.

Ad accidentales cæremonias pertinet primò: Vt præmittantur orationes, & psalmi: nisi loci, ac temporis circumstantiæ id non permittant: vel nisi periculum videatur esse in mora, propter mortis accelerationem, tunc statim incipiendum est ab vnctionibus: & orationes ac psalmi postea recitandi, sicuti monet Zambranus de Extrema vnct. princip. n. 10. Item pestis tempore, propter periculum contagionis, satis est adhibere ea, quæ essentialia sunt, cum breuissima morâ, quoad fieri potest, si tamen tempus patiat, orationes, & psalmos postea in ecclesia supplere consultum erit. Inseruire etiam poterit pestis tempore vsus virgæ argenteæ oblongæ, ad vngendum è loco remotiore causa vitandæ contagionis: qua de re Suar. disp. 44. sect. vlt. in fine, Chapeauille cap. 5. quæst. 39.

Porro si dubium sit, num adhuc viuat qui vngendus est, danda est vnctio sub conditione, si non est mortuus, si cuti notauit Nau. c. 22. n. 13. Armilla, ver. vnctio, n. 7. Syl. q. 5. in fine, Sa ver. Extrema vnctio, n. 15.

Secundò adhiberi debet, vnus saltem minister Clericus, si haberi possit: alioquin solus etiam Sacerdos Extremam vnctionem conferens, reliqua etiam omnia peragere poterit. Quæ videtur esse responsio Alexandri III. in c. quæsiuit, de verb. signif. interprete Gl. ver. etiam solus, Chapeauille cap. 5. q. 36. Sa num. 9. Tolet. lib. 7. c. 2. in fine.

Tertiò, Quod vnctio fiat immediatè manu Sacerdotis & in formam crucis, ad accidentales ritus pertinet, vt supra etiam dixi c. 2. num. 7.


Quartò, Quod vterque oculus, vtraque auris, &c. vngi debeat, non pertinet ad valorem sacramenti: quare in casu necessitatis, satis est vnum oculum, vnâ manum, &c. inungere, teste Zambr. n. 9. Sa n. 2. Suarez disp. 40. l. 1. n. 5. Sacerdotes porro non in palmis, vbi sacro chrismate vncti sunt, sed infra palmam, vel in exteriori manus parte vngi solent, teste Vivaldo de Ext. vnct. §. vbi conferendum, num. 3. Sa num. 16. §. Sacerdotes: quamuis nihil refert etiam in ipsis palmis inungi: hæc vnctio ab altera diuersa sit, vt notauit Palud. in 4. distinct. 23. art. 3. q. 3. concl. 3. Zambr. n. 5. Quare cuiusque in hac re consuetudo diæcesis sequenda est.

Quintò, Ad singulas vnctiones adhibenda est stipula: & omnes postea comburendæ, sicuti constat ex Rituali, & docet Sa num. 14.

Sextò, Consuetudo ferme vbiq; obtinet, vt sacramentum Extremæ vnctionis, vltimo loco inter sacramenta

menta morituro conferatur, quia est sacramentum exeun-
tium & totius vitæ Christianæ consummativum.
Putant tamen Durandus lib. 1. de ritibus Ecclesiæ, cap.
20. num. 23. Suarez disp. 44. sect. 1. num. 8. Zambranus
dub. 1. num. 5. Quibusdam locis olim Extremam vn-
ctionem ante viaticum dari solitam esse, sicuti colligi
videtur ex cap. ab infirmis, 26. quæst. 7. & S. Bernardo
in vita Malachiæ, describente mortem eius: *Interea in-
bet se sacro oleo ungi: exeunte conventu Fratrum ut solem-
niter fieret, non sustinuit ut ad se ascenderent: ipse descen-
dit ad eos. Iacebat siquidem in solario, domo superiore. Un-*

*gitur, & sumpto Viatico Fratrum se orationibus, & Fra-
tres commendans Deo, ad lectum reuertitur. Neque deest
ratio, eo quod S. Eucharistia finis est, ac perfectio reli-
quorum sacramentorum: quam proinde deceat animæ
præbere, postquam alijs sacramentis plenè purgata est;
atque ipsum Viaticum significat dandum esse animæ
mox migraturæ. Servanda tamen est consuetudo Ec-
clesiæ: cui nequaquam aduersatur, quo minus post ac-
ceptam S. Euchar. & Extremam vñctionem, si infir-
mus aliquanto tempore viuat, & Viaticum iterum pe-
tat, ei ministrari debeat.*



TRACTATUS NONVS

DE

SACRAMENTO OR-
DINIS.

CAP. I.

QVID SIT ORDO?

SUMMARIUM.

- 1 Clerici sunt, qui perfectiorem in Ecclesia statum proficiuntur.
- 2 Ordinatio Clerici non est mera deputatio personæ ad Ecclesi-
asticum officium: sed est stabilis, & non iterabilis consecra-
tio.
- 3 Hæretici nostri cum legitimis Episcopis careant, Sacerdotes
nullos, aut Clericos ordinare possunt.



Rdo, inquit S. August. lib. 19. de
ciuitate Dei c. 13. Est parum despa-
riumque rerum sua cuique loca distri-
buens dispositio. Sic in Angelorum
multitudine tres hierarchiæ, & no-
uen Angelorum ordines reperiun-
tur teste S. Dionysio c. 6. de cœlesti
hierarchia, S. Gregor. hom. 34. in Euang. S. Th. 1. p. q.
108. a. 1. & 2. Inter homines quoque in quouis bene con-
structo exercitu, in quouis ciuili Republ. status reperiun-
tur, quorum vnus altero superior, aut inferior est: vt
ordo senatorius, equestris, plebeius: Similiterque in
Christiana Republica duo sunt genera, seu status homi-
num: Clericorū videlicet, & Laicorū, c. duo sunt, 12. q. 1.

Dicuntur autem Clerici, quia de sorte Domini sunt
ait S. Hieronymus epist. ad Nepotiā. videlicet ex Dei
gratia, & ordinatione ad diuinum cultum specialiter
consecrati, idēque quasi fors, pars, seu hæreditas Do-
mini, vt interpretatur etiam Alcuinus de diuinis offi-
cijs, cap. De tonsura Clericorum, & videri potest Bel-
larm. lib. 1. de Clericis c. 1.

Porro inter Clericos quidā gradum nullum dignita-
tis officij, aut potestatis Ecclesiasticæ obtinent: sed
solum tonsurati sunt, & consecrati, ac deputati, vt ad
gradum aliquem ascendere possint, Alij verbō in Eccle-
sia gradum habent traditæ sibi potestatis, ac ministe-
rij ad peragendum sacro sanctum Missæ sacrificium: atq;
hi propriè, & per antonomasiam appellari solent ordi-
nes, id est, gradus Ecclesiastici ministerij, qua de re
Trident. Concilium sess. 23. c. 4.

- 2 Deniq; ordinatio dicitur ipsa actio cōsecratoria, qua gra-
dus altius potestatis ad altaris ministerij alicui cōferitur.

Circa quam definitionem notandum est, quod ordi-
natio Clerici non sit mera deputatio personæ ad exer-
cendum Ecclesiasticum officium, per potestatem ipsi

ab Ecclesia traditam, quæ proinde ipsi iterum auferri
possit: vt hæretici huius temporis arbitrantur: sed est
stabilis consecratio, ob quam collata semel potestas ite-
rum amitti, vel auferri nequit: licet eius exercitium
alicui prohiberi possit per suspensionem, vel irregula-
ritatem, sicuti expressè docet S. August. lib. de bono
coniugij, c. 24. cuius verba citauimus supra hoc lib. tract. 1. c.
3. & docet Auctor operum Christi cardinalium de ablu-
tione pedum apud S. Cyprianum: Baptismum reperi Ec-
clesiasticæ prohibent regulæ, & semel sanctificatio nulla de-
inceps manus iterum consecrans præsumit accedere. Nemo
sacros ordines semel datos iterum renouat: nemo sacro oleo
lita iterum linat, aut consecrat: nemo impositioni manuum:
vel ministerio derogat Sacerdotum: quia esset contumelia
Spiritus sancti, si euacuari posset, quod ille sanctificat: vel
alien. sanctificatio emendaret, quod ille statuit, & confirmat.

Veruntamen hæretici cum legitimis Episcopis desti-
tuti sint, à quibus sacram ordinationem per continuam
ab Apostolis profectam successionem accipiant, ideo per
meram extrinsecam deputationem Ministros pseudo
Ecclesiæ suæ creant, qui mox, si fortuna se vertat, iterū
laici, seu è populo aliqui fiunt, vt Tertullian. etiam
annotauit in lib. de præscript. c. 41. Alius hodie Episco-
pus, cras alius: hodie Diaconus, quæ cras lector: hodie pres-
byter, qui cras laicus: nam & laici sacerdotalia munera in-
iungunt. De verbi autē administratione quid dicam? cum hoc
sit negotiū illis non ethnicos conuertendi, sed nostros euertēdi.

S. Hieron. in Dial. aduersus Luciferianum: Hilarius
(Hæresiarcha) cum Diaconus de Ecclesia recessisset, solus-
que ut putat, turba sit mundi, neque Eucharistiam consec-
rare posset, Episcopos, & Presbyteros non habens: neque Ba-
ptisma sine Eucharistia tradere: & cum iam homo mortuus sit,
cum homine pariter interijt & secta: qui post se nullum cle-
ricum Diaconus potuit ordinare: Ecclesia autem non est, quæ
non est, quæ non habet Sacerdotem. Et subiungit: Sed omnis
paucis hominibus, qui ipsi sibi & laici sunt, & sacerdotes, &c.

Videri etiam potest S. Cyprianus, lib. 1. epist. 6. Opta-
tus Mileuitanus lib. 2. contra Donatistas, & S. Irenæus
Martyr lib. 4. aduersus hæreses c. 43. Iis, qui in Eccle-
sia sunt, Presbyteris obedire oportet, qui successionem ha-
bent ab Apostolis, sicuti ostendimus (lib. 3. c. 3. & seqq.)
qui cum episcopatus successionem, & brisma veritatis tertium,
secundum placitum Patris acceperunt. Reliquos vero, qui
absistunt à principali successionem, & quocunque loco se colligunt
suspectos habere, vel quasi hæreticos, & mala sententia, vel
quasi scindentes, & elatos.

In eundemque sensum Tertull. lib. de præscript. cap.

31. *Ceterum si quæ hæreses audent se interficere atati Apostolica, ut ideo videantur ab Apostolis tradita, quia sub Apostolis fuerunt: possumus dicere: Edant ergo origines Ecclesiarum suarum, euoluant ordinem Episcoporum suorum, ita per successiones ab initio decurrentes, ut primus ille Episcopus aliquem ex Apostolis, aut Apostolicis viris, qui tamen cum Apostolis perseverauerint, habuerit auctorem, & antecessorem. Hoc enim modo Ecclesia Apostolica census suos deferunt. Et cap. 37. Ad quos merito dicendum est, qui estis, quando, & unde venistis? Quid in meo agitis, non mei?*

Agant id hæretici, & ostendant nobis aliquem, qui in veteri Ecclesia à seculari potestate Episcopus, aut Presbyter ordinatus fuerit: nullus omnino reperietur, qui non ab Episcopis ordinationem, & potestatem acceperit: quamvis vitæ probæ testimonium, & consensus à populo frequenter requisitus fuerit, uti indicat Apostolus 1. ad Timoth. 3. & tradit Origenes hom. 6. super Leuiticum, Cypr. lib. 1. epist. 4. Cælestinus Papa epist. 2. ad Episcop. Galliarum c. 5. Profecto Iacobum Apostolum Hierosolymitanæ Ecclesiæ à totius Orbis Magistro S. Petro præpositum fuisse, ait S. Chrysost. hom. 87. in Ioan. & consentit Euseb. lib. 2. hist. cap. 1. Clementem Romanum ab eodem S. Petro Episcopum ordinatum esse, testatur Tertull. in lib. de præscript. edit. Paris. pag. 80. S. Polycarpum ab Apostolis in Asia, in ea, quæ est Smyrnis Ecclesia, constitutum fuisse Episcopum, inquit Irenæus lib. 3. cap. 3. S. Gregor. Thaumaturgum à Phædino Episcopum ordinatum esse: à Gregorio verò Alexandrum Carbonarium, testis est S. Gregorius Nyssenus orat. de S. Greg. Thaumaturgo. S. Athanasius Episcopum ordinavit Frumentium, teste Rufino lib. 1. c. 9. Gregor. Nazianzenus S. Basilium, ut ipsemet testatur, in carmine de vita sua t. 2. fol. 7. S. verò Chrysostomus à Meletio Episcopo diaconus, à Flauiano Episcopo presbyter ordinatus est: teste Palladio in vita eius, S. Augustinus à Valerio Episcopo, ut ipsemet Augustinus testatur epist. 34. ad Paulinum. Et talia sexcenta enumerari possent ex historiis: cum ne vnus quidem proferri queat, qui presbyter, aut Episcopus in Catholica Ecclesia à Laicis, aut potestate seculari constitutus fuerit.

CAP. II.

Vtrum sacra ordinatio sit sacramentum.

SUMMARIUM.

1. Aliud est ordo, & aliud ordinatio.

2. Sacra ordinatio est verè, & propriè dictum legis nouæ sacramentum, quod etiam Patres testantur.

Nota primò: Cum plures ordines sint, non queritur hic, vtrum omnes, ac singuli sint sacramenta: id enim c. 4. disputabitur: sed vtrum sit aliquod sacramentum Ordinationis.

Nota secundò: si propriè loquendum sit, aliud est ordo, & aliud ordinatio. Nam ordo significat gradum potestatis, ac ministerij Ecclesiastici, qui sacramentum non est: sed effectus sacramenti, videlicet sacre ordinationis, per quam eiusmodi potestas confertur, ut mox dicam. Et ita annotauit Scotus in 4. d. 24. a. 1. & 3.

Est autem assertio de Fide, quod sit sacramentum Ordinis, siue quod ordinatio, per quam ordinis potestas confertur, sit verè, & propriè sacramentum. Probat: Vbi est externum symbolum à Christo institutum, cum annexa promissione gratiæ, ibi est sacramentum, hic autem habemus externum symbolum, ac ceremoniam, videlicet manus impositionem: quam obrem apud Græcos ordinatio *Χειροτονία*, quasi manus extensio, seu impositio dicta fuit.

Secundò habemus promissionem gratiæ teste Apost. 1. ad Timot. 4. Noli negligere gratiam, quæ in te est, quæ data est tibi per prophetiam, cum impositione manuum presbyterij. Et 2. ad Timoth. 1. Propter quam causam admo-neo, te ut resuscites gratiam Dei, quæ est in te per impositionem manuum mearum: non enim dedit nobis Deus spiritum timoris: sed virtutis, & dilectionis, & sobrietatis. Quem locum Theophylactus explicans, ait: In te quidem habitas ipsa gratia, quam accepisti, cum imponerem tibi manus, quando Episcopum te seligebam, consecrabam: atqui ignem istum vehementiorem, & maiorem effice.

Exinde colligitur etiam tertium, esse illam ceremoniam diuinitus institutam. Neque etiam Apostolus tantò affirmasset, per eam gratiam conferri, & quidem sanctificantem, videlicet spiritum virtutis, & dilectionis, nisi de ea Christi institutionem, ac promissionem cognouisset: quare hæc ipsa ceremonia manus impositionis semper usurpata fuit in ordinatione Diaconorum & Sacerdotum, sicuti videre est Act. 6. ad Timoth. 4. & 5. 2. ad Timot. 1.

Accedit Patrum antiquorum auctoritas, & traditio, Nam per ordinationem Sacerdotis gratiam conferri testantur Dionys. de Eccles. hierarchia c. 5. S. Greg. Nyss. orat. de sacro Baptismate, Cum enim Sacerdos heri, ac tempore superiore vnusè multitudinem, ac plebem esset repente redditur præceptor, doctor pietatis, mysteriorum latentium præses, eaque contingunt ei: cum nihil vel corpore mutatus, sed quod ad speciem externam attinet, ille sit qui erat, inuisibili quadam vi, ac gratia inuisibilem animam in melius transformatam gerens.

S. Ambrosius dedignit. sacerdotali cap. 5. *Quis dat episcopalem gratiam, Deus, an homo? Respondes, sine dubio Deus: sed per hominem dat Deus: homo imponit manus, Deus largitur gratiam: Sacerdos imponit supplicem dexteram, & Deus benedixit potens dextera: Episcopus initiat ordinem, & Deus tribuit dignitatem.*

S. Chrysost. hom. 14. in c. 6. Actuum, super ea verba: Hos statuerunt ante conspectum Apostolorum, & orantes imposuerunt eis manus, ita commendatur: Manus viro superponitur: totum autem Deus operatur: & illius est manus, quæ eius, qui ordinatur caput contingit: si quemadmodum oportet ordinatur.

Similia habet Leo I. epist. 81. c. 1. Præter auctoritatem consuetudinis, quam ex Apostolica nouimus venire doctrina, etiam sacra Scriptura manifestat, quod cum Apostoli Paulum, & Barnabam ex præcepto Spiritus sancti ad Euangelium gentibus mitterent prædicandum, ieiunantes, & orantes imposuerunt eis manus, ut intelligamus quantæ & dantiùm, & accipientium deuotione curandum sit, ne tantæ benedictionis sacramentum negligenter videatur impletum. Et in epist. 78. cap. 1. postquam dixit sacerdotalem honorem, non tribuendum esse, nisi bene probatis, & exercitatis, subiungit: *Quis dissimulare audeat, quod in tanti sacramenti perpetratur iniuriam: si nimirum indignus ordinetur.*

S. August. libro 2. contra epistolam Parmeniani c. 13. expressè ait, neminem dubitare, quin vtrumque, tum Baptismus, tum sacra Ordinatio sacramentum sit: verba ipsa retuli hoc lib. tr. 1. c. 8. In eandemque sententiã scribit S. Hieron. in Dial. aduersus Luciferianos, Soz. lib. 7. c. 10. vbi Martyris eiusdem verba refert, quod vtramque Baptismum, & Ordinationem peccatorum mundationem Deus constituit.

Theodoretus in historia SS. Patrum c. 15. Accipe (verba sunt Episcopi ad ordinandum) donum sacerdotij, mea quidem dextra ministrante: sanctissimi autem Spiritus gratia suppediante. Et paulò post: Statim ergo, nullo ducente, hic quidem stectens genu expectabat gratiam: ille vero manum imponens administer eras Spiritus. Vide eundem q. 48. in lib. Numer.

S. Gregor. I. ad c. 16. lib. 1. Regum: Spiritus quidem Domini

Domini post unctionem dirigitur, quia foris unctionem percipimus, ut intus Spiritus sancti gratia repleamur. Foris namque homo, intus Deus operatur, & non homo. Foris namque homo surgit, intus se spiritus erigit: quia ordinem religionis homo homini præbet: sed in eum, cui datur ordo spiritus dirigitur: ut foris sublimitatem suscipiat ordinis, & intus robur Spiritus sancti. Eccl. lib. 4. in cap. 10. lib. 1. Regnum: Sacrorum ordinum sacramenta ab Ecclesia Doctoribus foris accipimus: sed Sacramentorum virtute ab omnipotente Deo interiorius roboramur: virtus verò sacramenti, gratia est Spiritus seipsiformis. Similia habet in idem c. 10. princip. cap. 5.

Beda homilia 7. in Quadrages. in illa verba Matth. 21. Cathedras vendentium columbas euertit: Qui sunt in templo Dei bedie qui columbas vendunt, nisi qui in Ecclesia pretium de impositione manus accipiunt? per quam videlicet impositionem Spiritus sanctus cœlitus datur.

CAP. III.

Quot sint ordines.

SUMMARIUM.

1. Septem tantum sunt ordines, quorum aliqui sacri, alij non sacri dicuntur.
2. Sacer ordo dicitur, cui votum continentia annexum est.
3. Prima tonsura ordo non est, sed fundamentum ordinationis.
4. Sacerdotum ordo bipartitus est, Episcoporum, & Presbyterorum.
5. Episcopi superant Presbyteros ordinis potestate: non item iurisdictione.
6. Episcopatus includit in se ordinem Presbyteratus: qua causa est, cur tanquam distinctus ordo numerari non soleat.

Rationem ordinum instituendorum tradit Trident. sess. 23. c. 2. Cum diuina res sit tam sancti sacerdotii ministerium: consentaneum fuit, quo dignius, & maiore cū veneratione exerceri posset, ut in Ecclesia ordinatissima dispositione plures essent, diuersi ministrorum ordines, qui sacerdotio ex officio deferrent: ita distributi, ut qui iam clericali tonsura insigniti essent, per minores ad maiores ascenderent.

Sunt autem septem ordines; quorum nomina, & vniuersusq; propria ministeria ab ipso Ecclesie initio in usu fuisse, ait Trident. l. c. videlicet Sacerdotum, Diaconorum, Subdiaconorum, Acoluthorum, Exorcistarum, Lectorum, Ostiariorum. Inter quos primum locum tenet Sacerdos, quippe qui excellentissimum Missæ sacrificium Deo patri offert: ei verò proximè assistit, atque inferuit Diaconus: postea Subdiaconus, deinde Acoluthus, cuius officium est cereos deferre: ampullas præbere: Exorcista verò Dæmones ab obsessis pellendo, eos aptos reddit, ut Missæ sacrificio interesse possint. Lector autem sacra lectione præsentium fidelium animos ad debitam huic mysterio pietatem excitat. Ostiarius denique eos, qui digni censentur, ad Sacrificium admittit, indignos verò excludit, sicuti optimè explicat D. Th. in 4. d. 24. q. 2. a. 1. in corp.

Septem isti ordines haud dubiè ex Christi Domini auctoritate proueniunt: siue quòd omnes, ac singulos per se speciatim instituerit, & per Apostolos Ecclesie tradiderit, ut multi existimant: siue quòd præter maiores quosdam à se speciatim institutos, generalem insuper potestatem, ac mandatum dederit Ecclesie, alios inferiores ordines, quatenus expedire visum fuerit, constituendi, ac consecrandi, sicut arbitratur Victoria de sacram. Ordinis, q. 1. n. 23.

Profectò Patres antiquissimi de his ordinibus, tanquam receptis in Ecclesia mentionem fecerunt, Clemens lib. 8. constitut. c. vltimo, S. Ignatius epist. 11. ad Antiochenos, vbi salutari iubet Presbyteros, Diaconos, Hypodiaconos, Lectores, Ianitores, & Exor-

cistas: Addit autem, & cantatores seu psalmistas, & laboratores, qui defunctorum corpora curare solebant: & sacrorum vestibulorum custodes: qui tamen non ordines, sed officia Ecclesiastica erant, uti in hunc locum annotauit Baron. Anno Christi 44. prope finem, & apertè colligitur ex concil. Carthagin. 4. cap. 10. Psalmista potest absque scientia Episcopi, sola iussione Presbyteri, officium suscipere cantandi: cōsequenter illud non cōferebatur per stabilem ordinationem seu consecrationem: sed per meram deputationem, seu cōmissionem facultatis, quæ iterum auferri posset. Acoluthorū porro mentionem facit S. Cyprianus lib. 2. ep. 8. & 10. clarissimè autè Cornelliū Papa in epist. ad Fabianū Antiochenum apud Eusebium lib. 6. c. 35. vbi ait, in Ecclesia Catholica (de Romana loquitur) Presbyteros esse quadraginta sex, Diaconos septem, Subdiaconos septem, Acoluthos quadraginta duos, Exorcistas, & Lectores, unā cum Ostiarijs, quinquaginta duos. Eorundem septem ordinum distinctam mentionem reperies in Concil. Rom. sub Syluestro cap. 3. & in Concil. Carthag. 4. cui S. Augustinus interfuit, cap. 2. & sequentibus, in quibus singulorum etiam ordinationes referuntur. Vide Petr. Sotum de sacramento Ordinis, l. 1. in fine.

Inter septem hos ordines, quidam sacri sunt, (qui & maiores vocari solent) quidam non sacri, & inferiores. Sacri ordines dicuntur, quibus votum continentie annexum est, cuius vigore ita Deo, & Ecclesie consecrantur, ut statum matrimonij, aut alia officia laica, deposito statu clericali, assumere nunquam possint: secus est de ordinibus non sacris, quibus initiati licet ordinem nunquam amittat, tamen ducendo uxorem viduam, omne officium, ac priuilegium clericale deponere, ac veluti laici fieri censentur. Erant autem olim tantum duo ordines; videlicet Sacerdotum, & Diaconorum, qui propter perpetuam continentie votum sacri censentur: postea autem etiam Subdiaconorum ordo annumeratus est, uti testatur Innocentius III. c. à multis de etat. & qualitat. ordin. ex c. nullus in Episcopum dub. 60.

Præter hos septem ordines, quos Doctores omnes admittunt, Canonistæ super c. cum contingat, de etate, & qualitate, numerant etiam primam tonsuram, & episcopatum: Verum prima tonsura ordo non est, sed potius fundamentum ordinis: cum sit nuda consecratio, seu adoptio personæ in clerum, sine ullius functionis, seu ministerij potestate, per quam in ascensu alicuius gradus, seu ordinis constituatur, ut supra dictum.

Quod autem attinet ad episcopatum, negari non potest, quin sit supremus, & propriè dictus ordo. Sed dubium est, an inter ordines recensendus, tanquam diuersus à presbyteratu? Quod affirmant non tantum Canonistæ in cit. c. cum contingat. Nauarrus in man. cap. 22. n. 18. 9. quare probabilis: sed etiam ex Theologis Michael Medina lib. 1. de cœlibat. Sacerdotum, c. 16. Caietan. tom. 1. opusc. tract. 11. Petrus Sotus de sacram. Ordinis lect. 1. & 4. Valentia t. 4. disp. 9. quæst. 1. p. 2. in fine Sa. ver. ordo, n. 7. quibus fauet imprimis epist. Caij ad Felicem Episcop. & expressius epist. 3. Anacleti. Papæ, cum ait: Sacerdotum ordo bipartitus est, videlicet Episcoporum, & Presbyterorum. Idque etiam Tertullianus indicat in lib. de Baptismo, Ambrosius lib. 3. de sacram. cap. 1. Optatus lib. 1. aduersus Parmeniam Sacerdotum alios esse primos, ac summos: & ut Optatus loquitur, Apices, & principes omnium: alios verò, in secundo sacerdotio constitutos. Consentit Tridentinum Concilium sess. 23. c. 4. & can. 7. vbi anathema infert illi, qui dixerit, Episcopos non esse Presbyteris superiores: intellige diuino iure, seu ex Christi institutione: hæc enim superioritas intelligi debet ratione ordinis: quia Episcopus non tantum habet potestatem consecrandi corpus Christi, ut simplices Sacerdotes habent: sed etiam dandi alijs Sacerdotium, &c. Quamobrem hæresi illa Aetijolim damnata est apud Epiphan. hæresi 75. quod

nihil differt Episcopus à Presbytero : unus enim ordo est. Eaque ita refutatur ab eodem Epiphanio : Decere ipsum Episcopum, & Presbyterum aequalem esse, quomodo erit possibile? Episcoporum enim ordo patrum generator est: patres enim generat Ecclesia. Presbyterorum autem ordo non potens generare patres, per lauari generationem generat filios Ecclesia. Vbi aperte vides, Epiphanium distinguere ordinem Episcoporum ab ordine Presbyterorum.

Consentit his Hieron. epist. ad Nepotian. Quod Aaron & filios eius: hoc Episcopum, & Presbyteros esse nouerimus. Et paulò post, Gloria patris est filius sapiens: gaudeat Episcopus iudicio suo, cum tales Christo elegerit Sacerdotes. Neque aliter docuisse censendus est idem Hieronymus in epistola ad Euagrium, & comment. super caput. 1. epist. ad Titum, ubi ait. Idem est Presbyter, qui Episcopus, &c. Episcopi nouerint se magis consuetudine, quam dispositionis Dominica veritate, Presbyteris esse maiores, & in commune debere Ecclesiam regere: imitantes Moysen, qui cum haberet in potestate solus præesse populo Israel, septuaginta elegit, cum quibus populum iudicaret. Manifestum enim est, cum loqui non de potestate ordinis cum disertè dicat in cit. epist. ad Euagrium: Quid enim facit excepta ordinatione, Episcopus, quod Presbyter non faciat? Et postea: Quod Aaron, & filii eius, atque Leuitæ in templo fuerunt, hoc sibi Episcopi, & Presbyteri, & Diaconi vendicant in Ecclesia. Sed loquitur de potestate iurisdictionis, quæ olim in prima Ecclesia, cum pauci essent ordinati primi Sacerdotes, seu Episcopi, æquali modo secundi ordinis Sacerdotibus, seu Presbyteris conferebatur. Quamobrem & ipsi Presbyteri, tunc Episcopi, seu Antistites vocati sunt: sicut & vice versa, Sacerdotes primi ordinis Presbyteri aliquando vocabantur, uti apparet 1. ad Timoth. 4. & 5. ubi id notauit Oecumenius, & ante eum S. Chrysostomus homilia, 11. Quia nomen Episcopi dignitatis est nomen, ait S. Hieronymus in epist. ad Titum Presbyteri, ætatis. Quare cuiusque etiam secundi ordinis Sacerdoti episcopalis iurisdictionis confertur, is & Episcopus seu Antistes dici potest: & quicumque etiam primi, seu summi ordinis Sacerdos est, is propter ætatis reuerentiam, Presbyter merito appellatur. Postea verò crescente tum fidelium, tum etiam ministrorum numero, sicut officia gubernandi distincta fuerunt: ita & nomina eorum discreta: ut videlicet Sacerdotibus primi ordinis maior iurisdictionis competeret, & ob id ipsi soli Episcopi, seu Antistites dicerentur: alij verò secundi ordinis Sacerdotes solum Presbyteri. Et similiter intelligendus est S. Augustinus epist. 19. ad Hieronymum. Quamuis secundum honorum vocabula, quæ iam Ecclesie usus obtinuit episcopatus presbyterio maior sit: in multis tamen rebus Augustinus Hieronymo minor est.

Veruntamen (ut, relicto iam S. Hieronymo, ad propositum reuertamur) alij Doctores, ut Durandus in 4. distinct. 24. quæst. 6. num. 8. Paludan. quæst. 7. a. 3. & 4. Vasq. disp. 240. c. 5. Episcopatum non numerant. ut ordinem distinctum à presbyteratu: quippe quem intrinsecè includit, ideòque vnum perfectum cum eo ordinem efficit: quandoquidem nemo potest esse, aut fieri Episcopus, nisi habeat ordinem presbyteratus: ut bene explicat Bellarminus de sacramento ordinis, cap. 5. Diligenter itaque hoc loco notandum est: cum episcopatus docitur ordo, & quidem superior presbyteratu, non esse accipiendum episcopatum in sensu diuiso, aut incompleto secundum potestatem ordinandi, & confirmandi, quæ ordini presbyteratus superadditur: quia hæc potestas præcisè sumpta, minor est, quam potestas consecrandi corpus & sanguinem Christi: quippe quæ nulla maior, aut excellentior homini conferri potest. Sed debet accipi in sensu composito, & completo, quatenus episcopatus necessariò supponit, & intrinsecè includit acceptum

ordinem presbyteratus, & potestatem conficiendi corpus & sanguinem Christi. Est igitur episcopatus secundum diuinam institutionem perfectior presbyteratu, sicut totum continens perfectius est qualibet parte contenta. Quare pro conciliatione Doctorum distinguendum est, atque dicendum: Si episcopatus completè accipiat, includit in se ordinem presbyterij, ideòque distinctus ab eo ordo censi non potest, sin verò accipiat incompletè secundum potestatem ordinandi, & confirmandi quæ ordini presbyteratus superadditur, negari non potest, quin sint diuersi ordines: quia diuersi etiam gradus potestatis, inter quos ab vno ad alterum ascenditur, ut Gaius Papa dixit in cit. epistola.

CAP. IV.

Quorum Ordinum collatio sit verè, ac propriè sacramentum.

SUMMARIUM.

1. Certa Fide tenendū, ordinationem Presbyteri sacramentū esse.
2. Potestas absoluendi à peccatis necessario supponit potestatem S. Eucharistiam conficiendi: sed non vice versa.
3. Certum esse debet, quod episcopatus sit verè sacramentum: quamuis non omnino distinctum à presbyteratu.
4. De diaconatu quoque dubitari non debet, quin sacramentum sit: sed de subdiaconatu, & quatuor minoribus minus certum, quamuis probabile, omnia sacramenta esse.
5. Sacramenta ordinis, licet specie vltima non conueniant, habent tamen vnitatem ordinis ad eundem finem principalem, quod est sacrificium Missæ.

Asertio I. De Fide est, & apud Catholicos indubitatum, quod ordinatio Presbyteri sit verè & propriè sacramentum. Ratio est: Quia per eam ordinationem maximè supernaturales potestates homini conferuntur, quarum prima ac præcipua est super corpus Christi verum, illud videl. consecrandi, & offerendi: deinde super corpus Christi mysticum, id est, fideles absoluendi à peccatis per sacramentum Pœnitentiæ, & mundandi à peccatorum reliquijs, per Extremam vnctionem. Ad suauem autem Dei prouidentiam spectat, ut, cum certa lege, & institutione eiusmodi potestates hominibus conferat, simul etiam gratiam sanctificantem eis tribuat, cuius beneficio tanti ministerij potestatem rite exercere possint. Quam rationem fusius explicat Bellarminus cap. 4. Confirmatur ex verbis formæ partialis, Accipe Spiritum sanctum, quorum remisseris peccata, &c. quam rationem indicat Trident. sess. 23. can. 4. Etenim per Spiritum sanctum hic intelligitur gratia sacramentalis, quæ cum conferatur simul cum potestate remittendi peccata: multò magis credere debemus: conferri cum priore potestate conficiendi corpus, & sanguinem Christi, quippe quæ excellentior, ac diuinior est: ideòque magis dignum ac sanctum subiectum requirit.

Porro hæc duo notanda sunt: I. Inter dictas duas potestates subordinatio, & connexio talis est, ut potestas posterior, quæ est supra corpus Christi mysticum, necessariò supponat priorem, quæ est supra corpus Christi verum: sed non vice versa. Volo dicere, quod potestas conficiendi corpus, & sanguinem Christi absolutè conferatur nouo Sacerdoti, ita ut ea etiam uti possit consecrando cum Episcopo, antequam accipiat potestatem remittendi peccata. At verò hæc ipsa posterior potestas inualidè alicui confertur, nisi prius acceperit potestatem consecrandi. Idque confirmatur ex facto Christi, qui non eodem tempore utramque potestatem Apostolis contulit: Nam in cœna vltima tribuit eis potestatem consecrandi: post Resurrectionem verò Ioan. 20. potestatem remittendi peccata.

II. Licet partialis illa ordinatio Presbyteri, per quam

datur

datur potestas remittendi peccata, sacramentalis sit, non tamen est sacramentum diuersum, sed priorem partialem ordinationem in esse sacramenti moraliter perficit, & consummat, sicut neque character distinctus per posteriorem sacramentalem ordinationem imprimitur, sed iam antè acceptus Sacerdotis character augetur, magisque perficitur. Idque probabilissimè cum accessione realis modi, seu perfectionis, & non extrinsecæ tantum denominationis à diuina destinatione ad aliud officium exercendum, sicut imaginatus est Vasquez disp. 39. f. 6. §. verum quia. Cum enim character sit signum potestatis, ideo si potestas augeatur, conueniens etiam est, ut signum eius mutetur, & perficiatur.

Assertio II. Extra controuersiam esse debet, quòd episcopatus sit verè, ac propriè dictum sacramentum. Ita docet Duran. in 4. dist. 24. quæst. 6. Palud. ibid. q. 7. Nauar. cap. 22. n. 18. §. quare probabilis, Petr. Sotus lect. 4. de Euchar. Ioan. Eckius lib. 3. de Primatu Petri cap. 22. Michael Medina lib. 1. de sacrorum hominum continentia, cap. 16. Bellarm. cit. c. 5. Valentia disp. 9. quæst. 1. p. 4. Vasquez disp. 240. c. 4. Conin^k dub. 6. concl. 1. Sa ver. ordo, num. 7. contra S. Bonau. in 4. d. 24. a. 2. quæst. 3. Richard. ibid. a. 5. quæst. 2. Sotum q. 2. a. 3. & lib. 10. de iust. quæst. 1. a. 2. Couarru. 1. resol. c. 10. num. 15. Probatur primò: Quia Concilium Tridentinum sess. 23. cap. 3. & Doctores omnes probant, sacram ordinationem sacramentum esse ex testimonio Apostoli, 1. ad Timoth. 4. & 2. ad Timoth. 1. quibus locis sermo est de episcopatu: nam Timotheus à paulo ordinatus erat episcopus, concurrentibus etiam alijs Episcopis, quem concursus Apostolus vocat *impositionem manuum presbyterii*, sicuti constat ex dictis cap. 2. num. 2. & notauit S. Chrysostom. in eundem locum hom. 11. *Non de Presbyteris hoc in loco, sed de Episcopis loquitur: neque enim profecto Presbyteri ipsum ordinantur.* Secundò: quia in ordinatione Episcopi cum impositione manuum dicitur, *Accipe Spiritum sanctum*: qua cæremonia apertè significatur, conferti gratiam sanctificantem. Tertio: Quia per hanc ordinationem homo destinatur ad ministeria valde ardua, videlicet confirmandi fideles, ordinandi Clericos: Ergo credere oportet gratiam ei annexam esse ad talia munia rite ac dignè obeunda.

Notandum verò: Licet ordinatio illa Episcopi, qui antè necessariò presbyter esse debet, sacramentalis sit: non tamen est sacramentum distinctum à presbyteratu: sed ordinationem presbyteri in esse sacramenti habitudine morali magis perficit, & consummat: eò quod neque distinctum characterem animæ imprimat, sed characterem sacerdotalem intrinsecè augeat, ac perficiat, ut ordinatus iam non tantum SS. Eucharistiam conficere, sed etiam ad conficiendum alios ordinare possit. Vide, Paludanum loco suprà cit. Henriq. lib. 10. c. 7. num. 2. & quæ in simili dixi cap. præced. ad finem.

Assertio III. Valde probabile, & quasi certum est, quòd Diaconatus sit verè, & propriè sacramentum, à Christo institutum. Ita Bellarm. cap. 6. Probatur primò: Quia est communis sententia Theologorum, excepto Durando in 4. distinct. 24. quæst. 2. Caiet. citato opus. 11. Secundò: Quia confertur per impositionem manuum, dicente Episcopo, *Accipe Spiritum sanctum*, &c. Tertio: quia Diaconus ordinatur ad ministeria valde sacra, ad quæ rite obeunda speciali gratia indiget: quæ proinde ipsi per hanc ordinationem confertur. *Ad Diaconum enim pertinet* inquit Isidorus Hispal. *relatus in Concilio Tolet. 8. to. 2. Concil. assistere Sacerdotibus, & ministrare in omnibus, quæ aguntur in sacramentis Christi*, potissimum verò in Missæ sacrificio: quamobrem in ordinatione Diaconi tale etiam symbolum exhibetur, videlicet liber Euangeliorum, seu Missale, quo talis ipsi conferenda potestas significetur. Et Apost. 1. ad Ti.

moth. 3. ait, Diaconos oportet esse habentes mysterium fidei in conscientia pura. Vocat enim mysterium fidei S. Eucharistiam: quia est sacramentum, quod non specie externa æstimari debet, sed fide, sicut notauit Ioannes Lorinus in cap. 6. Act. & colligitur ex can. Missæ: imò ex verbis, quæ mox Apostolus subiungit. *Et hi autem probentur primum, & sic ministrent, nullum crimen habentes.* Adde hîc auctoritatē sanctissimi Martyris Ignatii epist. 2. ad Italianos: *Oportet ergo & Diaconis, qui sunt in ministerio Iesu Christi, omnimodè placere: non enim in potu, & cibo sunt ministri, sed ministri Ecclesie Dei, oportet igitur præcepta eorum seruare.* Et infra: *Quid Diaconi, nisi imitatores Christi ministrantes Episcopo, sicut Christus Patri, & operantes illi operationem mundam, & immaculatam, quomodo S. Stephanus Beatissimo Iacobo: Timotheus: & Linus Paulo: Anacletus, & Clemens Petro? Denique in hac eadem sententia aperte fuit Anastasius Papa II. in epist. ad Anastasium. Imperat. Nullum in his, quos baptizant Acacius, vel quos sacerdotes, sine Leuitas secundum canones ordinant: illa eos ex nomine Acacii portio lationis attingit, quò forsitan per iniquum tradita Sacramenti gratia minus firma videretur.*

Assertio IV. De subdiaconatu, non ita certum est, esse sacramentum, & adhuc minùs certum de quatuor minoribus ordinibus. Est tamen & hoc probabile, cum sit communior Doctorum sententia, S. Thom. in 4. d. 24. q. 2. a. 1. q. 3. S. Bonau. ead. d. a. 1. quæst. 1. Richard. a. 3. quæst. 3. & a. 4. q. 1. & 2. Palud. q. 1. a. 3. Valentia cit. p. 4. Verum præter Caietanum, & Durandum II. cc. etiam Magister in 4. distinct. 24. §. septimus autem ordo: & alij apud Vasquez disp. 238. c. 1. existimant, Subdiaconatum esse ab Ecclesia institutum, idè quæ sacramentum non esse, sed sacramentale quoddam: idè quæ multò magis sentiunt de minoribus ordinibus. Quam sententiam, quod ad minores ordines attinet, ait esse probabilissimam Sanchez lib. 7. de matrim. disp. 31. n. 17. & absolute sequitur Nauar. c. 22. num. 18. Vasq. disp. 237. cap. 2. & alij apud eundem. Quare cum hæc res incerta sit, diutius non immoror.

Vna solum obiectio soluenda est: Si enim ordinatio v. g. Diaconi, sacramentum est, & quidem distinctum ab ordinatione Sacerdotis, sequitur vniuersim plura esse sacramenta, quàm septem. Respondeo: Verum esse, quòd sacra ordinatio Diaconi v. g. & sacra ordinatio Sacerdotis specie vltima non conueniant: cum neque eandem materiam, & formam, nec eundem effectum habeant, neque proximè ad eundem finem tendant. Nihilominus conueniunt inter se tum proximi generis vnitatem, quia vtrumque est sacramentum ordinationis: tum etiam vnitatem ordinis, quatenus referuntur ad eundem finem principalem, videlicet ad conficiendum corpus Christi: & per quandam connexionem, seu consequentiam, ad sacrificandum corpus Christi mysticum: illud Baptismum congregando, & per reliqua sacramenta pascendo, refocillando.

CAP. V.

De Materia & forma singularum ordinationum.

SUMMARIUM.

1. Impositio manuum est ceremonia substantialiter requisita ad ordinationem Episcopi, Presbyteri, & Diaconi.
2. Ordinatio Presbyteri duas materias, duas formas ad completam essentialem constitutionem requirit.
3. Subdiaconus, & alij Clerici inferiores, sine impositione manuum ordinantur per traditionem alicuius rei, & conuenientem verborum prolationem.
4. Physicus contactus non videtur esse necessarius ad substantiam, & valorem ordinationis.

Conuenit inter Doctores, materiam sacrae ordinationis esse signum aliquod visibile, formam vero esse verba, quæ à ministro materiam exhibente interim proferuntur.

Assertio I. Materia sacrae ordinationis episcopalis est impositio manuum Episcoporum: forma autem sunt verba, quæ ab iisdem proferuntur, *Accipe Spiritum sanctum*, &c. Ita Maior in 4. distinct. 24. q. 1. Armilla ver. Ordo, num. 11. Petr. Sotus lect. 5. de sacram. Ordinis, Bellarm. c. 9. Vasq. disp. 240. cap. 5. num. 58. Coninck dub. 7. concl. 1. Henriq. c. 7. n. 3. Sumitur ex c. 6. Act. & 1. ad Timoth. 4. 2. ad Timoth. 1. ex concil. Carthag. 4. cap. 2. & ex Trident. sess. 14. cap. 3. de Extrema vnctione, vbi ait, proprios extremæ vñtionis ministros esse presbyteros, eoque nomine ab Apostolo Iacobo c. 5. non intelligi ætate maiores: *Sed aut Episcopos, aut Sacerdotes ab illis rite ordinatos per impositionem manuum*, Et sess. 13. canon. 4. *Si quis dixerit per sacram ordinationem non dari Spiritum sanctum, ac proinde frustra Episcopos dicere, Accipe Spiritum sanctum, &c. anathema sit.* Quid enim est non frustra dici illa verba, nisi quia sint efficacia ad collationem gratiæ, quam etiam significant. Præterea hanc veritatem tradiderunt Patres, vt S. August. lib. de gestis cum Emerito, S. Ambrosius de dignitate Sacerdotali, cap. 5. cuius verba supra retuli cap. 1. Et S. Hieron. in cap. 58. Isaiæ ait, quod *ordinatio clericorum non solum ad imprecationem vocis, sed etiam ad impositionem impletur manus.*

Nota hoc loco: Episcopum à tribus Episcopis, non paucioribus ordinari, seu consecrari oportere, sicuti habetur apud Anacletum epist. 2. Conc. Carthag. 4. c. 2. c. ne Episcopi: de tempor. ordinat. Vtrum verò id ad substantiam ordinationis pertineat, non consentiunt Doctores, vt videre est apud Syl. ver. consecratio, 1. n. 2. Vasq. disp. 243. cap. 6. Probabilius autem est, per dispensationem, vel commissionem Sum. Pontificis fieri posse, vt vnicus Episcopus alium ordinet: sicuti colligitur ex Clem. lib. 8. constit. cap. 27. & docet Henriq. lib. 10. cap. num. 3. & cap. 24. Vasq. loco cit. Bellarm. lib. 4. de notis Ecclesiæ, c. 8. Coninck disp. 20. dub. 9. concl. 5.

Assertio II. Sacra ordinatio Presbyteri, cum duabus partialibus ordinationibus perficiatur, ideo duas materias, & duas formas ad completam essentialem constitutionem requirit. Et prioris quidem ordinationis materia est traditio calicis cum vino, & patenæ cum pane: forma vero, *Accipe potestatem offerendi Sacrificium Deo*, &c. sicut constat ex Pontificali, & Florent. in decreto Eugenij, §. Sextum sacramentum. Posterioris vero ordinationis materia est impositio manuum facta ab Episcopo, forma autem, *Accipe Spiritum sanctum*, quorum *remiseris peccata*, &c. vt colligitur ex Trident. cit. cap. 3. de extrema vñct. Dionys. Areopag. p. 1. Ecclesiast. hierarchiæ, cap. 5. p. 2. *Sacerdos coram sancto altari ponens utrumque genu, in capite habet Pontificis dextram, & in hunc modum à sacrate Prasule sanctissimis invocationibus consecratur.* Et Concil. Carthag. 4. cap. 3. *Presbyter cum ordinatur, Episcopo cum benedicens, & manum supra caput eius tenente.* Eademque sententiam docuit Scotus in 4. distinct. 24. a. 3. Palud. quæst. 6. a. 4. Bellarm. de sacra. ordinis. cap. 9. Franc. Turrianus lib. 8. Constit. c. 21. Henriq. lib. 1. cap. 6. & cap. 11. num. 10. Vasq. disp. 239. cap. 3. Coninck disp. 20. dub. 7. concl. 2. contra Sotum in 4. dist. 24. q. 1. a. 4. conc. 5. Valent. p. 5. imo etiam antiquos Scholasticos, vt S. Th. dist. 24. quæst. 2. a. 3. & q. 3. Richar. a. 4. quæst. 3. Duran q. 3. a. 2. arbitantes, manuum impositionem esse tantum accidentalem ceremoniam. Sed contra esse videtur, quod verba in sacramentis determinantia sensibile symbolum siue materiam, id efficiunt quod significant, sed illa verba, *Accipe spiritum sanctum*, quorum *remiseris peccata*, &c.

quæ vnà cum manuum impositione ab Episcopo proferuntur, ea significant tum gratiam sacramentalem, vt colligitur ex Trident. sessione 23. canon. 4. cum etiam potestatem super corpus Christi mysticum: ergo vtrūque efficiunt & consequenter ad essentialem rationem sacramenti spectant.

Assertio III. Materia ordinationis Diaconi est impositio manuum episcopaliū cum traditione alicuius rei, per quam potestas, & officium illius significatur. Forma autem sunt verba, quæ cum eiusmodi materialibus symbolis proferuntur. Hæc est sententia Bellarm. cit. cap. 9. Petr. Soti lect. 5. Henriq. lib. 10. cap. 8. num. 2. Coninck conc. 3. Quod enim impositio manuum in ordinatione Diaconi sacramentalis sit, colligitur tum ex forma verborum, quæ simul ab Episcopo pronunciantur, *Accipe spiritum sanctum*: tum ex Ordine Romano, vbi de ordinatione Diaconi: tum ex cap. 6. Act. vbi dicitur, Diaconos per manuum impositionem ordinatos fuisse, sicuti ibidem interpretes annotant vt proinde etiam hæc ordinatio *χειροτονία*, seu *χειροποιεῖα* dicta sit: tum ex concil. Carthag. 4. cap. 4. *Diaconus cum ordinatur, solus Episcopus, qui eum benedicit, manum super caput illius ponat.* Quamobrem & ex Scriptura sacra, & Apostolorum, & Patrum traditione colligi videtur, ad sacram Diaconorum ordinationem præcipue spectare manuum impositionem, vt notauit Petrus Sotus citat. lect. 5. §. circa ista. quod verò etiam traditio alicuius rei ad ordinationem Diaconi spectet, expresse traditum est Florent. Concil. *Materia sacramenti ordinis est illud, per cuius traditionem confertur ordo: presbyteratus per calicis cum vino, & patenæ cum pane perfectionem: diaconatus vero per libri Euangelij dationem.*

Est tamen hic notandum, quod Bellarm. monet citat. cap. 9. in fine: *Credibile est inquit, Dominum instituisse istas omnes materias ordinum, non quidem in particulari: sed generatim monendo Apostolos, vt ordines conferrent per ceremoniam instrumentalem, quibus significaretur eorum potestas, ex Ecclesiâ impositione, seu ordinatione.* Quare nihil refert, quod in primitiua Ecclesiâ ordinandis Diaconis non fuerit exhibitus liber Euangeliorum, aut Missale, vt nunc solet. Potuit enim olim, præter manuum impositionem, alia materia exhiberi, per quam & altaris ministerium, & alia annexa officia Diaconi significarentur. Vide Coninck concl. 3. ad 3. argument.

Assertio IV. Propria materia ordinationis Subdiaconi, est traditio calicis vacui, cum patena superposita sicuti expresse habetur in Carthag. Concil. 4. cap. 5. Ordine Romano, vbi de ordinatione Subdiaconi, & Florent. in decreto Eugenij, vbi ait, etiam alios inferiores ordines conferri per rerum ad ministeria sua pertinentium assignationem. Forma verò subdiaconatus videntur esse verba Episcopi, quibus traditum Subdiaconis ministerium indicat: *Videte cuiusmodi ministerium vobis traditur.* Ita docet Vasquez disp. 238. cap. 5. & sequitur Coninck d. 7. concl. 4.

Restat dubium: vtrum realis & physicus contactus materiæ, quæ in ordinatione traditur, ad substantiam, seu valorem sacramenti pertineat? Affirmat S. Th. in 4. distinct. 24. quæst. 1. a. 1. quæst. 3. ad 3. Palud. quæst. 1. a. 1. in fine, Syl. ver. ordo 1. quæst. 5. Angel. ibidem 1. §. 7. Caiet. t. 1. opuscul. tractat. 26. Viguerius in institut. Theolog. cap. 16. §. 6. Probant tamen ex verbis formæ *Accipe*, &c. significant enim imperium erga ordinandum, cui is satisfacere debet, capiendo externum symbolum, quod ei porrigitur tum ex praxi Ecclesiæ, quæ cum exhibitione, seu traditione materiæ, eiusdem etiam acceptionem, & contactum requirit: talis autem praxis per traditionem profecta esse videtur ex Christi institutione.

Hæc sententia haud dubie probabilis est: & ideo di-

ligenter curandum, vt in ordinatione subdiaconatus tangatur calix, cum patena: in diaconatu liber Euangeliorum: in presbyteratu calix cum vino, & patena cum hostia seu pane. Verum sicut non est necesse vinum per se, ac immediate tangere, sed moraliter tangi censetur in continente calice: ita etiam de hostia dicendum moraliter eam apprehendi in suo continente: si videlicet patena tangatur: imo probabile est, etiam patenam morali aestimatione, adeoque sufficienter tangi, si calix tangatur, cui patena superposita est, sicuti notauit Vasquez disput. 246. cap. 2. num. 19. Seruanda tamen est rubrica Pontificalis, vt ordinandi inferioribus digitis calicem: superioribus patenam tangant, seu apprehendant. Præterea ad maiorem securitatem curandum est, vt contactus fiat simul cum prolatione verborum Episcopi: quod tamen moraliter accipiendum: sufficit enim si paulo ante, vel post verba contactus fiat, teste Victor. de sacrament. ordinis, num. 230. Valent. p. 5. Sa. ver. ordo, n. 5. Henriq. lib. 10. c. 10. n. 1.

- 4 Nihilominus mihi placet magis sententia aliorum, qui negant ad substantiam & valorem ordinationis contactum requiri. Hi sunt Albertus in 4. dist. 24. a. 38. ad 2. Vict. de sacram. ordinis, num. 230. Henriq. lib. 1. cap. 9. num. 11. Armilla ver. ordo, num. 4. Vasq. cit. cap. 2. Zambr. cap. 6. dub. 1. num. 6. & indicat Sotus dist. 24. quæst. 1. a. 2. imò & Caietan. in sum. ver. ordinantium, & ordinatorum peccata. Nam rationes sententiae affirmantis, cui præsertim in re tam graui probandi onus incumbit, non conuincunt. Ad 1. enim resp. Verbum *Accipe* solum significare spiritualem potestatem ordinando conferendam, per exhibitionem symboli externi, quo collatio talis potestatis significatur: quare negandum est, verbum illud ex necessitate sacramenti referri ad eum qui ordinandus est, vt capiat, seu manu tangat externum symbolum. Cur enim necessario illud tangere debeat? non video aliam causam afferri, posse, nisi vt traditio potestatis ab illo acceptetur. Id verò dici non potest, cum sacramentum istud non consistat in contactu aliquo, sicuti matrimonium: quod proinde traditionem, acceptionemque postulat. Sed neq; ad ipsum matrimonij contactum corporum contactus necessario requiritur, cum alia signa mutue traditionis & acceptionis, exhiberi possint. Quantò igitur magis traditio spiritualis potestatis fieri potest sine reali contactu, per solam exhibitionem symboli factam homini præsentem? Adde, si moralis acceptatio tactu symboli significata ad valorem sacramenti necessario requiritur consequens esse, vt paruuli, qui vsum rationis nondum habentes, eiusmodi acceptionis signum edere non possunt, inualide ordinentur, quod repugnat communi sententiae, vt dicam cap. seq. Ad 2. resp. Ex praxi Ecclesiae plus colligi non posse, quàm quòd talis ceremonia tangendi materiam ab Ecclesia præcipiatur: & merito quidem, vt videl. traditio, & acceptio spiritualis potestatis, quæ ordinando fit, expressus etiam significetur, si is symbolum materiale, quo talis potestas significatur, manu ipsemet contingat.

CAP. VI.

De Subiecto ordinum, seu de ordinandis.

SUMMARIUM.

- 1 Subiectum ordinationis capax est mas baptizatus, non femina.
- 2 Papa dispensare non potest, vt mulier primam tonsuram in Ecclesia accipiat.
- 3 Mulieres Diaconissa ad nullum Ecclesiasticum ministerium ordinatae erant.
- 4 Paruuli ante vsum rationis valide ordinantur, etsi non licite.
- 5 Ordo superior non includit essentialiter inferiorem, excepto Episcopatu, qui requirit Presbyteratum.

Asertio I. Subiectum Ordinationis capax est mas baptizatus, non item femina. Quæ est certa assertio, & de Fide, tradita à S. Thom. in 4. d. 24. q. 2. a. 1. S. Bonau. 2. q. 1. Richar. 2. 4. q. 1. Duran. q. 2. Palud. q. 2. a. 1. Nam ordines, seu gradus Ecclesiastici pro ijs à Christo instituti sunt, qui eminentiam potestatis, dignitatis, ac officij præ alijs fidelibus in Ecclesia, præsertim in ordine ad sacrosanctum Missæ sacrificium, conuenienter obtinere possunt: tales autem non sunt mulieres, quippe quæ ob sexus infirmitatem viris subditæ esse debent, Gen. 3. Ad quem locum alludens Apost. 1. ad Corinth. 14. ait, *mulieres in Ecclesiis taceant: non enim permittitur eis loqui, sed subditas esse, sicuti & lex dicit. Et infra: Si quid autem vultis discere, domi viros suos interrogent: turpe est enim mulieri loqui in Ecclesia.* Similiter autem, imo magis turpe esset mulierem in ecclesia Sacramentum Deo offerre, aut sacrificanti ministrare: Videt Thom. loco citat. Victor. relect. 2. de potest. Ecclesie, num. 6.

Porro hinc rectè colligit Vasquez disput. 245. cap. 2. Licet prima tonsura sacramentum non sit, sed sacramentale ab Ecclesia institutum: non posse tamen à S. Pontifice per dispensationem constitui: vt mulier prima tonsura valide inicietur. Ratio est: Quia prima tonsura aliud non est, quàm consecratio, ac deputatio personæ ad eum statum, ex quo ad Ecclesiasticos ordines, & gradus ascendi possit: cum igitur mulier ex diuina institutione incapax sit huius ascensus, sequitur etiam incapacem esse primæ tonsuræ. Confirmatur: sicuti nouitatus est dispositio ad ordinem Religionis: ita prima tonsura est dispositio ad ordines Ecclesiasticos: quare sicuti personæ illæ, quæ incapaces sunt ordinis alicuius regularis suscipiendi, neque ad nouitatum cooptari possunt, ita neque ad primam tonsuram admitti, quæ ad ordines ascendere nequeunt.

Obijciunt I. Mulier potest esse prophetissa: qualis erat Maria soror Moysi Numer. 12. & Anna filia Phanuel, Luc. 2. Ergo potest etiam fieri clerica. Respondeo negando consequentiam. Quia per donum prophetiæ homo non constituitur in officio, aut statu Ecclesie eminente sicuti clerici ratione status sui eminent super alios fideles laicos tam viros, quàm mulieres.

Obijciunt II. Apostolus ad Gal. 3. significat apud Deum non esse discrimen inter masculum, & feminam. Respond. Apostolum ibi non loqui de officijs, seu ministerijs templi, sed de gratia adoptionis per fidem, quæ est in Christo Iesu, vt ex antecedentibus verbis colligitur.

Obijciunt III. Apostolus 1. ad Timoth. 3. postquam docuisset, quales Diaconos ad sacrum ministerium ordinare oporteat, *pudicos, non bilingues, & c. statim subdit, Mulieres similiter pudicas non detrahentes, sobrias, fideles in omnibus:* Et sicut tibi præceperat de Diaconis, vt *sint vnius uxoris viri:* in cap. 5. de mulieribus, *vidua eligatur non minus sexaginta annorum, quæ fuerit vnius viri uxor.* Resp. Mulieres illæ, de quibus ibi loquitur Apostolus, ad nullum ministerium benedictione aliqua consecratæ fuerunt: sed solum ad id electæ, seu cooptatæ, vt edito continentie voto, in viduarum collegio ex Ecclesie bonis alerentur, orationibus die, ac nocte instantes. Præcepit autem Apostolus citat. cap. 5. vt talis eleemosyna, seu largitio (iuxta Hæbraicam phrasin, honor dicitur, vt notauit lib. 4. tractat. 2. cap. 3. n. 1.) præstetur non omni viduæ: sed quæ verè vidua, id est, omnibus tum parentibus, tum liberis orba est, & vnius viri uxor, annorumque sexaginta: nam adolescentulæ, postquam ex Christi patrimonio abundantes, luxuriari seu inolescere cœperunt, fidem priori sponso Christo præstitam violare aliquando solent. Hæc Apostolus.

Aliæ verò primis Ecclesie seculis non tantum viduæ, quæ vnius viri uxores fuerant: sed etiam virgines so-

lemni ceremonia, sine benedictione ad *διακονίαν*, seu ministerium aliquod in Ecclesia consecrabantur, quæ & Diaconissæ dictæ sunt: de quibus Clemens lib. 8. constitut. cap. 19. Concil. Chalcedon. Act. 15. canon. 15 & Synodus Græcorum in Trullo canon. 48. quin & Apostolus ipse loqui videtur ad Roman. 16. Commendo vobis Phæben, sororem nostrā, quæ est in ministerio Ecclesiæ in Cenchris, *ἡ ἀγαπητὴ τῆς ἐκκλησίας τῆς ἐν Κεντρῆσι*. Veruntamen, ut Clemens ait lib. 8. cap. 28. Diaconissa non benedicit, nec facit aliquid eorum, quæ Presbyteri, vel Diaconifaciunt: nisi quod ianuas custodit, & Presbyteris ministrat, cum mulieres baptizantur: idque propter decorem, & honestatem. Similia habet Epiph. hæc. 79. & Nicæn. Concil. ex Arabico, canon. 74. Diaconissa ad hoc etiam parata fuit, ut feminas in Baptismo suscipiant: quod etiam Clemens indicat lib. 3. c. 16. & lib. 2. cap. 57. significat, sicut Ostiarii manere consueverunt ad ostium templi, ubi viri ingrediebantur: ita Diaconissas fuisse ad alterū ostium, per quod mulieribus ingressus patuit. Quod tamen satis non est, inquit Vasquez in fine disput. 245. ut dicamus, eas fuisse ordinatas Ostiarias: nam illis non erat demandata custodia templi sicut Ostiariis: sed ad innuabans in hoc Ostiarios pro ipsis stando ad portas illas mulierum: quia id magis honestum videtur. Profecto ob similem necessitatem seruandæ honestatis, permittitur Monialibus, ut Evangelium in suis matutinis legere, & vsum alicuius spiritualis iurisdictionis super alias, ex commissione exercere possint: sicut fusiùs dixi lib. 1. tr. 5. p. 1. c. 3.

Assertio II. Paruulis ante vsum rationis validè, quāvis non licitè sacramentum Ordinis ministratur. Quæ est communis sententia 8. Th. in 4. dist. 25. q. 1. a. 1. q. 2. S. Bonau. a. 2. q. 2. Richar. a. 4. q. 2. Soti q. 2. Scoti q. 2. 6. Hic breuiter, Palud. q. 2. a. 2. Majoris q. 2. prope finem, Syl. ver. Ordo 4. q. 1. Viualdi in candelabro, c. de Ministro, n. 17. Vasquez disp. 246. c. 1. contra Durandum ead. dist. 25. quæst. 2. qui negat paruulum sacrorum ordinum, præsertim Sacerdotij, capacem esse posse: in cuius sententiam inclinat etiam Petrus Sotus lect. 5. Sumitur autem assertio nostra ex c. 1. de Clerico per saltum promotum & probatur inde: Quia infans similiter capax est aliorum sacramentorum, ut Baptismi, Confirmationis, & Eucharistiæ. Sed alia ratio est de sacramentis Pœnitentiæ, & Matrimonij, quæ secundum actualia sua requirunt in suscipiente actualem operationem rationis: ideòque infans eorum capax non est: consequenter nec Extremæ vñctionis, quippe quod principaliter etiam in remedium actualium peccatorum, & tanquam consummativum Pœnitentiæ à Christo institutum est. Et quod dixi de infante, similiter intelligendum est de amente, capacem esse sacre Ordinationis: dummodo, si priùs vsum rationis habuerat, in sacramenti susceptionem actualiter consenserit, eumque consensum contraria voluntate non retractarit.

Assertio III. Ordo superior non includit essentialiter ordinem inferiorem: excepto episcopatu, qui supponit presbyteratum. Presbyter autem validè ordinatur, etsi antè fuerit Diaconus: imò nullum alium ordinem acceperit. Quæ est communis sententia Scholasticorum in 4. dist. 24. vbi S. Th. q. 1. a. 2. q. 5. Durandus q. 3. Gl. inc. 1. de Clerico per saltum promotum, & constat ex praxi Ecclesiæ. Nam si aliquis per saltum ordinari se passus est, non iterum ordinatur, sed ordo, qui prætermisus erat, eidem confertur, iuxta cap. sollicitudo, dist. 52.

CAP. VII.

De ætate, & Qualitate ordinandorum.

SUMMARIUM.

1. Olim Presbyter non ordinabatur ante expletum annum ætatis trigessimum, nunc vero sufficit annus xxv. æptus. Sed ad episcopatum requiruntur anni triginta completi. Christus post exactum ætatis annum trigessimum Evangelium prædicare cepit.
2. Qui in minoribus ordinatus est, à clericali statu recedere non prohibetur, si recidendi aliquam causam habeat.

Quod attinet ad ætatem, olim neque Episcopi, neque Presbyteri ante expletos annos triginta ordinari solebant, sicuti testantur Collectores canonum. Martinus Bracarensis Episc. cap. 20. Gratianus dist. 78. & habetur apud Iustinianum collat. 9. Authent. de sanctiss. Episc. 5. Clericos. Nemo presbyter ordinetur, qui minor xxx. annis sit, & in Concilio Neocæsareensi can. 11. Presbyter ante triginta annorum ætatem non ordinetur, quamvis sit probabilis vita: sed obseruet usque ad præfinitum tempus: Dominus enim noster Iesus Christus trigesimo anno baptizatus est, & tunc prædicauit. Profecto Iesum prædicare cœpisse post exactum annum ætatis trigessimum, colligitur tum ex eo, quod Iudæis non fuit permissum ante perfectam ætatis maturitatem, quæ xxx. anno contingit, prædicare, teste Hiéron. in Ezech. c. 1. Greg. homil. 2. tum ex cap. 3. Lucæ, Et ipse Iesus erat quasi (id est circiter) annorum triginta, incipiens, id est cum inciperet, se accingere ad exequendum mandatū Patris: sicuti & in Act. cap. 1. dicitur, incipiens à baptismo Ioannis, &c. Quare Chryl. hom. 10. id Matth. Post triginta annos (ætatis) ad baptismum Christus venit. Et S. Ignatius epist. 2. ad Trallianos ait: Cum Christus tres annorum decades in hac terra vixisset, à Ioanne baptizatus, Evangelium prædicasse tres annos, ac postea crucifixum fuisse. Quare cum cōmunis sententia sit, Christum mortuum esse post xxxiii. ætatis suæ annum: & S. Ignatius testetur, tres annos prædicasse Evangelium: consequens est, Christum xxx. ætatis annum complexisse, cum à Ioanne baptizatus ad prædicandum Evangelium se præpararet.

Succedentibus verò temporibus, ætas ad ordinationem Sacerdotum requisita, licet in Episcopis hucusque permanserit; tamen in Presbyteris imminuta fuit, sicuti constat ex epist. Zach. Papæ ad Bonifac. Episcop. quæ incipit *Benedictus*, & refertur in cap. ultimo, distinct. 28. Item ex Clem. vltima de ætat. & qualitat. ordinandorum: Generalem Ecclesiæ obseruantiam volentes antiquis iuribus in hac parte præferri, decernimus, ut quis liberè possit in decimo octauo ad subdiaconatus: in vigesimo ad diaconatus, in xxv. ætatis suæ anno ad presbyteratus ordines promoueri. Verum quod pertinet ad Diaconos, & Subdiaconos, Triid. Conc. aliter statuit sess. 23. cap. 12. de reformatione. Nullus impetrem ad subdiaconatus ordinem, ante vigesimū secundum; ad diaconatus ante vigesimū tertium; ad Presbyteratus ante vigesimū quintum ætatis suæ annum promouetur. Intelligitur autem de annis cœptis, secundum doctrinam Gl. cōmuniter receptam in citat. clem. Syluest. ver. ætas, quæst. 2. Cum in iure requiritur, ut sit annorum viginti, debent esse anni completi. Pro minoribus verò ordinibus nulla in dicto Concilio ætas decernitur: sed eadem si scione 23. cap. 4. ut prima consuetudo non inueniantur, qui sacramentum Confirmationis non susceperunt, & Fidei iudicia edoceri non fuerunt, qui legere, & scribere nesciant. Et cap. 11. Minores ordines ipsi, qui saltem Latinam linguam intelligant, &c. conferantur. Quare quad ad ætatē pertinet, relinquatur hoc iudicio Ordinarii, dummodo seruetur Constitutio Bonifac. VIII. in capite nullus, de tempor. ordin. in 6. v. nullus infans (videlicet minori septem annis ait Gloss.) clericalem tot suram conferre presumat. Notat porro Vasquez disput. 246. cap. 4. num. 43. Manuale Prælatorum

rum Lud. Mirandæ. 1. quæst. 39. art. 1. post Concilium Tridentinum Regularibus, etiam Mendicantium Ordinum, nullum posse esse vsum privilegij, quo ante legitimam ætatem ad sacros ordines promouean-
tur.

Quod attinet ad alias ordinandorum qualitates, videlicet bonæ vitæ testimonium, scientiam, & vt in inferiore ordine aliquamdiu ministrarint, nisi aliud Episcopo ob rationabilem causam visum fuerit, legi potest Tridentinum citat. sessione 23. cap. 13. & 14. Id verò bene monet Coninck disput. 20. dub. 10. num. 103. Pro sacerdotio præcisè non tantam requiri scientiam, quanta ad munus Confessarij requiritur, quia antequam illud obire Sacerdos permittitur, ab Episcopo, nouo, si videbitur, præmisso examine, approbandus erit, sicut constat ex cap. 15. eiusdem sessionis.

- 2 Denique dicendum: Tamen si ex cit. cap. nullus, & sessione 23. cap. 4. colligitur, primam tonsuram, atque ordines minores facillè conferendos non esse, nisi ijs, qui sincerum animum habere videntur in clericali statu permanendi, ac Deo seruiendi; tamen culpæ mortalis damnari non debent, qui sine iusta causa recedunt, atque ad ordinum ministeria obeundâ incapaces se reddunt, ducendo v. g. vxorem viduam, sicuti ex communiore docet Sanchez lib. 7. disput. 31. num. 10. Azor. t. 2. lib. 13. cap. 14. quæst. 14. Tol. lib. 4. cap. 18. num. 4. contra Caietan. 2. 2. quæst. 12. art. 1. dub. 1. Ratio est: Quia nulla incumbit eis obligatio promissionis, aut præcepti ad superiores ordines ascendendi, seu in susceptis ministrandi. Videtur tamen esse culpa venialis inconstantia, si sine causa à statu clericali recedant: sicuti si Nouitius sine causa ex Ordine abeat, vti Sanchez docet num. 11. & Valentia t. 3. disp. 1. quæst. 12. p. 1. Similiter qui primam tonsuram, vel ordines minores accepit, intentione non perseverandi, in statu clericali, sed solùm vt declinet iurisdictionem fori secularis, non videtur mortaliter peccare. Quæ est sententia Nauatri cap. 25. num. 108. Rodriquez in sum. t. 1. cap. 17. concl. 2. Sanchez num. 16. Coninck citat. dub. 10. num. 104. contra Bannes 2. 2. q. 12. art. 1. §. de secunda difficultate, concl. vlt. Tamen enim Ordinarius, si talis hominis propositum cognitum haberet, ad clericalem ordinem non admitteret, fraus tamen ista & deceptio non est grauis, aut perniciofa. Alia autem ratio est de ingrediente Ordinis regularis nouitium determinato animo non permanendi; quia talis in re graui decipit Religionem, à qua alimenta accipit, & cuius institutum, atque secreta cognoscit, ait Sanchez num. 20. Coninck l. cit.

His adde, interdum iustam causam esse posse primam tonsuram, vel ordines minores accipiendi, cum certo proposito non permanendi in statu clericali. Quæ ratione quarundam Academicarum Rectores clericalem tonsuram accipiunt, solùm vt interim iurisdictionem in studiosos etiam clericos exercere possint.

CAP. VIII.

De temporibus ordinationum.

S V M M A R I V M.

- 1 Prima tonsura quouis die conferri potest; ordines autem minores, etiam extra generales ordinationes, quouis Dominica die.
- 2 Subdiaconatum, & alios ordines maiores, extra Quatuor tempora, & duo Sabbatha Passionis, & Resurrectionis Christi conferre illicitum est.
- 3 Pro ordinatione Episcopi dies Dominica assignata est.
- 4 Duo sacri ordines eadem ordinatione conferri eidem non possunt.
- 5 Episcopo permissum est, ob rationabilem causam, ieiunio Sab-

bathi continuato, sacrorum ordinum collationem ad manè Dominicæ sequentis differre.

- 6 Qui in Sabbato presbyter ordinatus est, manè insequente Episcopus ordinari potest, etiam ieiunio non continuato.
- 7 Quibusdam in locis consuetudo viget, quatuor minores, & subdiaconatum simul eidem tribuendi.

ASSERTIO I. Prima tonsura quouis die conferri potest, sicuti ex communi docet Henriquez lib. 10. cap. 12. num. 1. Vasq. disp. 246. cap. 5. Ordines autem minores non tantùm in generalibus ordinationibus conferre permissum est: sed etiam quouis die Dominico, aut festo: dummodo non multi ordinentur, vt videatur esse ordinatio generalis cap. de eo autem, iun. Glos. ver. aut duos, de tempor. ordinat. cap. quando & vbi, distinct. 75. His adde, consuetudinem esse quibusdam in locis, vt ordines minores in vespera Feriæ sextæ conferantur, quasi hæc sit inchoatio quædam generalis ordinationis in Sabbato peragenda, sicuti notat Henriquez lib. 10. cap. 12. num. 2. Quin imò etiam Feria 4. Quatuor temporum conferri posse, saltem vbi consuetudo est, docet idem Henriquez cit. num. 2. iun. comment lit. K. Sa verb. ordo num. 13.

ASSERTIO II. Ad subdiaconatum, & alios maiores ordines iure communi prohibitum est quempiam ordinare extra Quatuor ieiuniorum tempora, & duo Sabbatha ante Dominicam Passionis, & Dominicam Resurrectionis Christi. Ita habetur in cit. cap. de eo, & cap. vlt. dist. 75. in Trident. sess. 23. cap. 8. Dixi autem in re communi: At verò Regulares quidam à Sum. Pontifice privilegium obtinent, vt extra tempora ordinari possint, sicuti videre est apud Rodriquez t. 3. regul. qq. quæst. 23. a. 4. Vbi refert privilegium à Gregor. XIII. Societati IESV concessum, & videri potest in Compendio privileg. Societ. ver. ordines, §. 3.

ASSERTIO III. Pro ordinatione Episcopi Dominica dies assignata est, ex antiqua traditione, & praxi Ecclesiæ, vt docet Leo 1. epist. 79. ad Dioscor. c. 1. relatus in c. quod die, d. 75.

ASSERTIO IV. Duo sacri ordines eodem die, siue in eadem ordinatione generali conferri non possunt, non obstantibus privilegijs, quæ vel Regularibus, vel alijs concessa sunt. Ita habetur partim in c. dilectus, de tempor. ordinat. partim in Trident. sess. 23. c. 13. & videri potest Rodriq. tom. 3. quæst. 23. a. 4. man. Prælator. t. 1. q. 38. a. 5.

Notandum tamen, Episcopo permissum esse, vt ob causam rationabilem, v. g. multitudinem ordinandorum, vel infirmitatem; collationem ordinum etiam maiorum faciendam alioqui in Sabbato, ad Dominicam sequentem differat, modò eousque cõtinuetur naturale, & exactum ieiunium, vt sabbathi, & Dominici matutini quasi vnus dies reputetur, vti colligitur ex cap. literas, eod. tit. vbi id notat Abb. & Gl. ver. pertinere, & altera Gl. in c. quod à Patribus, d. 75. Syl. ver. Ordo, 2. n. 6. Henriq. cit. n. 2. Suar. cit. disp. 31. f. 1. n. 41. Veruntamen prohibitum est Episcopo, ne eidem, quem in Sabbato inter Diaconos v. g. ordinauit, manè insequenti Dominicæ presbyteratum conferat: cùm propter continuationem ieiunii, fideiote canonica, manè cum vespera ad eundem diem pertinere dicatur; cit. c. literas.

Quærent autem Gl. in cit. c. quod à Patribus, Abb. in cit. c. literas, in fine, vtrum in die Sabbathi ordinationis generalis conferri alicui possit presbyteratus; & sequente Dominica manè episcopatus, non interueniente continuatione ieiunii? Et affirmant omnes, inquit Abbas; quamuis contrarium scripserit Suarez disp. 31. f. 1. n. 41. Sed probatur sententia communis; quia id nullibi prohibitum reperitur: etenim episcopatus quouis die Dominico conferri potest; consequenter etiam eo, qui est post Sabbatum ordinationis generalis. Neque canones, cùm aliquot dierum interstitium re-

quirunt, inter ordines sacros eidem conferendos de episcopatu loquuntur; sed de his ordinibus tantum, qui in ordinaria generali ordinatione conferri solent. Ex quo etiam habetur, si ob rationabilem causam continuato ieiunio Sabbathi, aliquis in Dominica presbyter ordinatus fuit, eundem eadem die episcopum quoque consecrari posse, ut annotavit Glossa, & Suarez II. cc.

Illud etiam permixtum non est, ut simul eidem ordines minores, & subdiaconatus conferantur, ut satis colligitur ex cit. c. 2. de os qui furtivè, & Trident. sess. 23. c. 11. & 13. & accedit Ecclesiarum consuetudo vim legis obtinens. At verò ordines minores nihil prohibet simul eidem conferri, ut colligitur ex cit. c. 2. & Ecclesiarum consuetudine. Deinde, ubi particularis consuetudo viget, ut minores ordines cum subdiaconatu eodem die, seu eadem ordinatione Quatuor temporum aliquibus conferantur, damnari non debet, teste S. Anton. 3. p. tit. 14. c. 16. §. 16. cum ea neque per Concilium Trident. damnata sit, ut docet Nauar. c. 25. num. 71. Henric. lib. 10. c. 11. n. 4. Vasq. disp. 246. §. Suarez l. c. Sa ver. Ordo, num. 17. & colligitur ex respons. Cardinal. super ead. sess. c. 13. Ita ordinatum secundum consuetudinem suam Ecclesie nullam suspensionem incurrere.

Porro ad sacerdotium, vel episcopatum non subito ex laicis aliquem postulandum, & ordinandum, sed prius in inferioribus ordinibus exercendum esse, statutum reperitur in Concil. Sardicensi Oecumen. can. 13. à Siricio Papa, epist. 3. ad universos orthodoxos, c. 3. Gregor. I. lib. 4. epist. 53. ad Childebertum Regem Francorum: Peruenit ad nos, obsecrantibus Episcopis, quosdam ex laicis tonsurari, atque ad episcopatum præcipiti saltu conscendere, &c. Dicere pudet, quia ducatum Sacerdotes arripiunt, qui exordium religiose militie non viderunt.

CAP. IX.

De Ministro ordinationis.

SUMMARIUM.

1. Minister ordinarius sacramenti Ordinationis solus Episcopus est, sed ordinum minorum collatio etiam Presbytero à Sede Apostolica committi potest.
2. Abbates non nisi regularibus subditis suis ordines minores conferre possunt. Quo tamen nemine etiam Novitij comprehenduntur.
3. Abbas prius ab Episcopo benedictus esse debet, quam tonsuram & ordines minores conferat.
4. Chorepiscopi, qui ab uno tantum Episcopo tanquam presbyteri ordinati erant, non poterat committi potestas ordinandi Sacerdotes, & Diaconos.
Chorepiscoporum olim duo genera erant: quorum aliqui veri Episcopi, alij simplices sacerdotes ordinati erant.
5. Non satis constat, utrum potestas ordinandi Diaconos, & Subdiaconos simplici Sacerdoti committi possit.
6. Episcopus excommunicatus, degradatus, hæreticus valide ordines confert.
7. Prima etiam tonsura collatio: item ecclesiarum, altarium, vasorum, virginum consecrationes ab Episcopo hæretico, aut degradato valide fiunt, ut nihil repetere opus sit.
8. Si Abbas in collatione ordinum minorum limites commissionis sue excedat, irrita est ordinatio.
9. Qui per saltum Episcopus creatus est, omnes ordines conferre potest: modo sit presbyter ordinatus.
10. Episcopi licet ordinare non possunt, nisi subditos suos, vel alios cum licentia Ordinarii.
11. Triplex est Episcopus ordinationis, unus originis, alter domicilii, tertius beneficii Ecclesiastici.
12. Alius fam. for. ut domicilium patris: nisi, cum pubes sit, ipsemet domicilium constituat.
13. Licet in ordinibus conferendis tam domicilium originis attendi possit, quam domicilium habitationis: attamen in acquirenda iurisdictionis subiectione magis attenditur ad habitationis domicilium.

ASSERTIO I. Minister ordinarius sacramenti Ordinationis solus Episcopus est. Ita habetur in Florent. in decreto Eugenij. Trid. sess. 14. can. 7. & manifestum est ex traditione Ecclesie. Vide quæ dixi supra cap.

Quod verò attinet ad ministrum ex commissione, in primis certum est, quod primæ tonsuræ, & ordinum minorum collatio Sacerdoti simplici conferri possit. Nam talis potestas concessa est Cardinalibus Presbyteris, teste Abb. in c. Clerici, s. n. 6. de vita & honest. Palud. in 4. d. 24. q. 3. a. 3. regula 4. Hugolino de Extrema vñt. c. 1. Rodriq. tom. 3. regul. qq. q. 23. a. 2. Henric. lib. 10. c. 27. n. 3. Eademque communi iure competit Abbatibus, si Sacerdotes sint, & ius baculi, ac mitræ deferendæ habeant, c. quoniam videmus, d. 69. c. cum contingat, de ætat. & qual. c. Abbates, de priuil. in 6. Ea tamen facultas restricta est per Trident. sess. 23. c. 10. de reformat. ut Abbatibus, quavis exempti sint, non liceat imposterum cuiquam, qui Regularis subditus ipsis non sit, tonsuram, vel minores ordines conferre, ut etiam notavit Sa ver. ordo, n. 16. Rodriq. ro. 3. reg. q. 23. a. Miranda to. 1. q. 38. a. 9.

Quapropter Abbati hodie prohibitum est Regulari non suo, sed alterius, quamvis exempti Prælati subdito, & cum consensu eiusdem, primam tonsuram, vel ordinem minorem conferre, nisi etiam Episcopi ordinarii (in cuius diocesi exempti sunt, & de iure ordinari deberent) consensus accedat. Neque item concessum est Abbatibus ordinare eos, qui ad suam iurisdictionem spectant, sed Regulares non sunt. Imò putat Rodriq. l. c. neque licitum esse Abbati Novitios suos ordinare: de quo ego dubito; quia talis facultas Novitios minoribus ordinibus iniciandi iure antiquo competeat Abbatibus illis, qui pontificalia insignia habebant, sicuti constat ex c. Abbates, de priuil. in 6. Quare cum correctio iurium, quantum fieri potest, vitanda sit, ideo illa verba Regulares subditi amplè accipienda videntur, sicuti in materia favorabili accipi possunt, ut etiam Novitij comprehendantur. Hoc insuper adde, satis non esse, quod Abbas electus, & confirmatus sit, ut primam tonsuram, & minores ordines subditis suis Regularibus conferre possit: sed oportet etiam ab Episcopo benedictum esse: iuxta cit. c. cum contingat. Nisi quis speciale privilegium à Sede Apostol. acceperit: ut omnia pontificalia etiam ante benedictionem præstare possit: de quo Miranda in man. Prælat. cit. a. 9. & declaratio Cardinalium cit. sess. 23. c. 10. de reformat. Vel nisi Episcopus tertio pro benedictione impertitè humiliter rogatus, sine iusta causa negl. Prælatorum, & notavit Nauarrus c. 27. n. 264. Abb. in c. inter Monasterium, n. ult. de sent. & reindicata.

Quod attinet ad ordines maiores, Abb. in c. quanto, n. 9. de consuet. Vasq. disp. 243. c. 4. existimat, simplicem Sacerdotem non tantum ordines subdiaconatus, & diaconatus: sed etiam presbyteratum ex commissione Papæ, vel Concilij generalis conferre posse. Quia constat ex Conc. Antiocheno c. 10. Neocæsariensi can. 13. Chorepiscopos, ex consensu Episcopi, Diaconos & Presbyteros ordinare potuisse: idque etiam colligi videtur ex Conc. Ancyrano, c. 13. Atqui Chorepiscopos illos non fuisse veros Episcopos, testatur Damasus Papa in epist. 5. Ergo non Episcopus, sed Presbyter tantum ordinatus, ex commissione presbyteratum alteri conferre potest.

Verum hæc sententia, quod ad Presbyteratum spectat, non videtur mihi probabilis; tum quia est contra communem sententiam Doctorum apud eundem Vasq. c. 3. tum quia est contra praxin Ecclesie: cum ostendi non possit, talem commissionem à Sede Apost. factum esse.

Ad funda-

Ad fundamentum Vasquezij respondeo: Non vñ, sed duo fuisse genera Chorepiscoporum, sicuti aperte ostendit Damasus in cit. epist. non longè post princip. vñ eorum, qui non vt Episcopi à tribus Episcopis: sed vno tantum vt Presbyteri ordinati sunt: & his episcopalia munera exercere omnimodè interdictum fuit. Aliud verò eorū, qui manū impositionē plurium Episcoporum perceperunt, & vt Episcopi ordinati sunt, sicuti ipsemet Damasus interpretatur. Atque hos ex licentia Episcopi sui, Diaconos, ac Presbyteros ordinare potuisse, significatur in dictis canonibus. Quanquam Damasus talium Chorepiscoporum ordinationem improbat, ita ratiocinans: vel enim ad ciuitatem ordinantur, vel ad villam. Neutrum dici potest Ecclesiasticis canonibus conueniens esse. Non primum: cum nomen Chorepiscopi repugnet: significat enim Episcopum villanum: & secundum canones duo Episcopi in vna ciuitate esse non debent: ita enim in Nicæna I. Synodo decretum fuisse, testatur S. Aug. epist. 110. ad Clerum. Non secundum: Quia nec in modica ciuitate, nedum in villa, aut castello Episcopus esse debet: ne nomē eius, & auctoritas vilescat. Hæc Damasus, vt ostendat Chorepiscopos illos non quidem inualidè, sed illicitè, & nō secundum canones ordinatos fuisse, ac proinde à muneribus Episcopalibus arcendos. Præterea fuisse hos posteriores verè ordinatos Episcopos, inde ostēdi potest, quia canones, præsertim Antiochenus 10. absolute permittunt, vt cum licentia Episcopi sui sacros ordines conferre possint: talem autem commissionem simplici Sacerdoti à quolibet Episcopo fieri inauditum est, & omnino improbabile, vti etiam constat ex c. aqua, de consecrat. ecclesiæ.

Notandum porro est: Chorepiscopos primi generis, quales Damasus Papa non improbavit, fuisse Episcoporum Vicarios ruri constitutos, quos hodie Decanos, & Vicarios rurales vocamus. Posterioris autem generis Chorepiscopi videri possunt aliquo modo similes Episcopis, qui Titulares, & Episcoporum Suffraganei hodie appellantur: siquidem & his neminem ordinare concessum est, sine licentia & commissione Ordinarij. Ita docet Trid. sess. 14. c. 2. de reformat. Differunt tamen plurimum, quia Suffraganei nostri non ad villam Ordinario suo subiectam, sed ad proprium alicuius ab hostibus occupatæ Ecclesiæ titulū magis canonicè ordinantur, adeo vt cum ea Ecclesia spirituale etiam matrimonium contrahant, vti Vasq. ostendit disp. 241. c. 3. & seqq. Quare hinc obiter nota, quod antiquis canonibus statutum erat, vt in vna ciuitate duo Episcopi nō essent: explicandum ita, vt vterque sit eum iurisdictione, vel vt alter ante alterius mortem successor designetur, quod prohibitum est in Concilio Antiocheno sub Iulio, can. 23.

Denique quod ad diaconatum, & subdiaconatum attinet, afferri solet priuilegium Abbatibus Ordinis Cisterciensis ab Innoc. VIII. concessum, vt sui Ordinis Monachis dictos ordines conferre possint, apud Rodr. 1.1. reg. qq. q. 18. a. 3. Vasq. disp. 243. c. 4. n. 39. Vid. n. 245. Nau. lib. 3. Conf. 14. de reg. edit. 2. Verum S. Th. in 4. d. 25. q. 1. a. 1. ad 3. & alij multi apud Vasq. disp. 243. c. 3. docent, talem potestatem conferendi ordines sacros à Sum. Pontifice committi non posse: quam esse sententiam communem testatur Nau. l. c. & Syl. ver. ordo. 3. q. 7. eamque in praxi obseruari. Quamobrem Agid. Coninck t. 2. disp. 10. dub. 9. concl. 4. priuilegium istud Ord. Cisterciensis in dubium reuocat: saltē hodierno iure nullus eius vsus esse debet, sicuti resoluit etiam Nau. cit. concil. 14.

Assertio II. Episcopus hæreticus nominatim excommunicatus, imò & degradatus, valide ordines conferre potest. Ita sanctus Thomas dist. 25. quæst. 1. art. 1. Sanctus Bonauent. art. 1. quæst. 2. Scotus quæst. 1. Ri-

chard. art. 1. q. 2. & 3. Duran. q. 1. Palud. q. 1. a. 3. vt proinde hæc certa sententia sit, aduersus Gratianum causa 1. q. 1. & causa 9. q. 1. qui deceptus est quibusdam SS. Patrum dictis: cum tamen aliud dicere non intenderint, quàm ordinationem factam ab Episcopo excommunicato, aut hæretico pro rata, ac legitima habendam non esse, ad eum effectum, vt taliter ordinatus in ordine suo ministrare permittatur: interim non negātes, quin characterem, & sacramentū accipiat. Vide de hac re Vasq. disp. 243. c. 3. Excipio tamen S. Cyprianum, qui cum aliquando cum Africanis in ea sententia fuerit, quod baptizati ab hæreticis iterum baptizandi essent, similiter existimare debuit, ordinatos ab hæreticis iterum ordinandos esse. Sed alij Patres de Baptismo, & Ordinationis sacramento pari modo sentiunt: characterem per ea diuinitus impressum nunquam ampliùs amitti, aut iterum auferri posse, sicuti constat ex S. August. lib. 2. contra epist. Parmen. c. 13. Concil. Nicæno can. 8. Gregor. I. lib. 2. indict. 10. c. 32. *Sicuti baptizatus semel, iterum baptizari non debet: ita qui consecratus est semel, in eodem iterum ordine non debet consecrari.*

Loquor autem de eorum ordinum collatione, quos vera sacramenta esse constat: quæ cum indelebilem characterem ordinato imprimant, consequenter etiam potestatem tribuunt, quam Ecclesia auferre nequit. Sin verò aliquis existimet, ordines v. g. minores esse sacramentalia tantum ab Ecclesia instituta, is dicere debet, quod Ecclesia eorum conferendorum potestatem Episcopis ob crimen absolute quidem auferre posset, sed non soleat: quin potius velit validas esse, & non reptendas eiusmodi ordinationes, sicuti neque primæ tonsuræ collationem, item ecclesiarum altarium, vasorum, virginum consecrationes, si ab excommunicatis, aut etiam degradatis Episcopis, vel alia ratione aduersus canonum statuta fiant, si v. g. Episcopus alienos subditos ordinet. Causa huius rei duplex afferri potest. I. Quia sicuti ordinandi, seu consecrandi potestas, quæ secundū Christi institutionem Episcopis competit, immutabilis est, & minimè pendens à dignitate, aut bona dispositione Ministri, seu ordinantis: ita etiam oportebat, vt ordinandi, aut consecrandi potestas, quæ ordini, seu potestati episcopali, per Ecclesiæ institutionem, annexa fuit, similiter immutabilis, & independens esse. II. Quia ita necesse erat ad evitandas multas dubitationes, & alia non parua incommoda.

Veruntamen alia ratio est de Abbatibus, & similibus personis, quibus primam tonsuram, & ordines minores conferendi potestas non præcisè ex sacerdotali ordinatione competit, sed ex commissione Sedis Apostolicæ, aut generalis Concilij communi iure ipsis facta, c. quoniam videmus, dist. 69. c. cum contingat, de extat. & qualit. Si enim hi commissionis suæ limites ordinando excedant, ordinatio irrita esse videtur: puta si Abbas nondum benedictus, neque à Sede Apostolica super hac re priuilegiatus: aut si Abbas alienos subditos, sine Ordinarij Episcopi licentia, extra suum monasterium ordinare præsumat: quod annotauit etiam Palud. in 4. d. 24. q. 3. a. 3. reg. 3. Sin verò Abbas laico sibi in temporalibus subdito primam tonsuram, vel minores ordines conferat, videtur esse valida ordinatio, quia talis ordinandi facultas iure antiquo competeat, quæ per Trid. Concil. ita restricta est, vt eius vsus illicitus, non item inualidus existat. *Abbatibus non liceat impofterum &c.* sess. 23. cap. 10. de reform.

Assertio III. Qui per saltum Presbyter, & Episcopus ordinatus est, cum diaconatum v. g. vel subdiaconatum non suscepisset, potest tamen hos ipsos ordines validè conferre. Ita bene docet Vasq. disp. 243. c. 2. n. 23. contra Syl. ver. ordo. 2. q. 1. Henric. lib. 10. c. 20. n. 3. Quicumque enim episcopalem characterem accepit, ideòq; verè Episcopus ordinatus est, is omnes ordines validè

conferre potest. Qui autem necdum alijs ordinibus ordinatus est, validè Episcopus, aut Presbyter ordinatur, cum character sacerdotalis ab ijs essentialiter non dependeat, vti docent Scholastici in 4. d. 24. vbi S. Th. q. 1. a. 2. q. 5. Rich. a. 3. q. 3.

Assertio IV. Etsi omnis verè consecratus Episcopus quemvis ordinis capacem, validè ordinare possit: non tamen licitè, nisi sit etiam proprius Episcopus ordinandorum, vel ab ipsorum Ordinario licentiam, vel literas dimissorias acceperit. Est communis assertio, quæ habetur in Trid. sess. 23. c. 9. de reform. Vbi tria notanda occurrunt: I. Episcopus familiarem suum non subditum ordinare potest, si per triennium secum fuerit conversatus, & beneficium, cessante fraude, statim ei conferat, secundum Trid. eod. c. 9. de reform. Idemque esse videtur, si familiarem pro ecclesiæ suæ utilitate à se, vel ab alio datis literis dimissorijs ordinandum duxerit, qui sufficiens patrimonium habeat, vti Congregatio Cardinalium censuit super cit. c. 9. II. Prælati exemptis Ordinum competit Regularibus suis literas dimissorias dare, vt à quouis Catholico Episcopo ordinari possint: vti docet Tolet. lib. 1. c. 49. n. 6. Auila p. 3. de censur. disp. 5. dub. 7. concl. 1. Rodriq. t. 1. reg. qq. 18. a. 6. & t. 3. q. 24. a. 1. & 2. vbi allegat priuilegia Ordinum regularium quæ reuocata non sunt per Trid. sess. 23. c. 8. de reform. sicuti etiam colligitur ex c. 10. eiusdem sess. III. Quod hic dicitur de ordinatione, vel literis dimissorijs ad ordinandum, intelligi quoque de prima tonsura, quæ tali loquendi modo etiam comprehendit solet, vti notauit Nauar. concl. 11. de tempor. ordinat. edit. 2.

Porro triplex est Episcopus, qui ordines licitè conferre possit, vti expressè habetur in c. cum nullus, de temp. ordin. in 6. & excommuni docet Henriq. lib. 10. c. 21. Less. lib. 2. c. 34. dub. 19. Primus est Episcopus originis, id est, è cuius diœcesi aliquis oriundus est. Non sufficit tamen ad originis domicilium acquirendum matrem in itinere, aut alicubi negotij causa ad breue, tempus morantem, peperisse, si alibi domicilium habuerit, sicuti colligitur ex l. ciues, C. de incolis, lib. 10. & docet Abb. in c. Bertoldus n. 9. de rescriptis.

Alter est Episcopus domicilij, id est in cuius diœcesi aliquis domicilium fixit, animo perpetuò manendi: quo quidem domicilio habitationis constituto, non propterea amittitur domicilium originis: cum id inmutabile sit, l. i. l. municeps, & l. vlt. ff. ad Municipalem. Porro sicuti non sufficit ad acquirendum domicilium fixum longo, & continuo tempore inhabitare, si animus reuertendi in patriam interim durauit: sicuti in Scholasticis videre est, qui interdum supra decenniū in Academia studiorum causa versantur, sicuti annotatum est in l. 2. C. de incolis, qui proinde ordines ab Episcopo habitationis quamcumvis diuturnæ accipere haud possunt, sicuti ex communi notauit Abb. c. 3. n. 4. de paroch. Ita etiam non requiritur, vt quis diu inhabitet: sed satis est, si animum constanter inhabitandi habeat, donec aliud eum auocet, sicuti constat ex cit. l. ciues: vbi dicitur, domicilium alicuius esse, vbi quis larem, rerumque ac fortunarum suarum summam constituit: vnde cum profectus est, peregrinari videtur: quod si redijt, iam peregrinari destitit.

Exinde resoluit Nau. lib. 1. conf. 3. de tempor. ordin. edit. 2. Si adolescens in vna diœcesi natus sit, & postea cum patre in aliam diœcesim migrarit: atque ab eodem deinde studiorum causa ad Academiam missus sit: in arbitrio ipsius positum esse, ordines, vel dimissorias petere ab Episcopo originis, vel ab Episcopo domicilij patris. Nam filius manens cum patre sortitur domicilium patris, neque illud discessu suo amittit, si animum ad patrem reuertendi seruat, & alibi domicilium non fixit: potest enim etiam filius fam. domicilium statuere, si pubes sit: non item si impubes, l. placet ff. ad Municip.

palem. Interim non sum nescius, aliquarum diœcesum consuetudinem esse, vt tales in loco domicilij patris non ordinentur sine dimissorijs datis ab Episcopo originis.

Tertius denique est Episcopus beneficii, id est, in cuius diœcesi aliquis beneficium Ecclesiasticum possidet, quauis alibi habitet.

Id verò hic obiter nota: Licet domicilium originis inserviat ad quosdam effectus particulares, inter quos est iste ordinis suscipiendi: in aliquibus tamen, vt in acquirenda iurisdictionis subiectione, non habetur ratio originis, sed potius domicilij habitationis, quod & principalius censetur sicuti docet Nau. conf. 4. de constit. edit. 2. Abb. in c. pioposui, n. 20. de foro comp. In Clericis autem beneficiatis idem esse solet domicilium habitationis, quod beneficii: si id residenciam postulat: sin vero ibi non resideant, non possunt conueniri in loco beneficii, præterquam in causis pertinentibus ad beneficium, vti notauit idem Abb. c. qui tantum, in fine, de Cler. non resident.

CAP. X.

De suspensionibus iure latis propter illegitimam ordinationem, vel ordinis executionem.

S V M M A R I V M.

- 1 Qui ordinantur ab Episcopo non habente legitimam exequutionem ordinis conferendi, suspensionem seu potius irregularitatem contrahunt.
- 2 Qui extra tempora, vel ante legitimam aetatem, vel sine literis dimissorijs sacrum ordinem accipiunt, suspensi sunt: requiritur autem ad incurrendum hanc suspensionem dolus, aut culpa crassa in ordinato.
- 3 Qui ante aetatem legitimam ordinari se fecit, licet postea à suspensionis censura absoluantur, non potest tamen in ordine ministrare, priusquam aetatem legitimam consecutus sit.
- 4 Episcopus, qui scilicet alienum subditum ordinat per annum à collatione ordinum suspenditur.
- 5 Nemo sine titulo sustentationis ad ordinem maiorem promoueri debet: alioquin Episcopus illi providere debet: neque pacisci potest, vt talis prouisio non exigatur.
- 6 Religiosi, etiam Societatis Iesu licet solemniter non professi, sine alio sustentationis titulo ordinari debent.
- 7 Qui cum titulo sustentationis facto ordinationem impetrat, suspensionem ab ordine incurrit.
- 8 Beneficium, ad cuius istulum aliquis ordinatus fuit, resignari validè non potest, nisi aliunde habeatur sustentatio sufficiens.
- 9 Qui per saltum ordinari se fecit, suspensus est ab exercitio ordinis et a susceptis.
- 10 Qui vno die duos sacros ordines accepit, suspensionem incurrit: censetur.
- 11 Episcopus in aliena diœcesi sine licentia Ordinarij episcopalia exercens suspensionem incurrit.
- 12 Qui post nuptias, ante matrimonij confirmationem, sacrum ordinem aliter suscipit, quam sacri canones permittunt, veluti irregularis efficitur.
- 13 Qui in excommunicatione ordinem sacrum suscepit, suspensionem similem irregularitatem contrahit.

PRIMA habetur in c. 1. de ordinatis ab Episcopo, qui episcopatu renuntiavit. Hi enim, si maiorem aliquem ordinem acceperunt ab Episcopo, qui episcopali dignitati, ac iurisdictioni renuntiavit, ab eiusdem ordinis executione in perpetuum suspensi sunt. Si tamen ignorantia probabilis, vel etiam aliquo modo culpabilis, dummodo non crassa, & supina, intercessit potest Episcopus eum illis dispensare.

Secunda habetur in c. 1. & 2. de schismaticis c. statumus, 2. causa 1. q. 1. & q. 9. ead. causa 1. Quod ordinati à schismaticis, hæreticis, simoniacis, alijsque excommunicatis, (ac denunciatis post extrauag. Ad euidentia) in perpetuum suspensi sunt: quamquam cum ijs, qui igno-

ignorantia facti non crassa laborarunt, Episcopus dispensare possit, iuxta c. si qui a simoniaco, l. q. i. c. ordinationes, 9. q. 1. Videntur autem hæc duæ suspensiones non esse propriè dictæ censuræ: sed canonicæ quædam inhabilitates, propter ordinantis defectum constitutæ, quæ proinde etiam sine culpa ordinati, ignorantia inuincibili laborantis, contrahi possunt, uti notauit Gl. in tit. c. 1. de ordinatis ab Episcopo, &c. ver. ignorantia, Nau. c. 27. n. 241. Couar. c. aliam, p. 1. §. 1. n. 6. Suar. disp. 31. suspensione prima, & duodecima. Auila de censur. p. 3. disp. 5. dub. 8. & 9. & de simoniaco tradit S. Th. 2. 2. q. 100. a. ult. ad 2. *Si quis ordinetur a simonico, non recipit ordinis executionem, etiam si ignoraret eum esse simoniacum: sed indiget dispensatione.*

Præterea circa suspensionem, seu canonicam hanc inhabilitatem duo aduertenda sunt: I. Eam contrahi, quotiescumque quis ordinatur ab Episcopo, cui ordinandi facultas adempta sit: videlicet per denuntiata excommunicationem, suspensionem, depositionem, vel degradationem. Nam sacris canonibus ab antiquo tempore constitutum est, ut qui ordinis conferendi executionem legitimam non habet, eiusdem ordinis exercitium legitimum conferre non possit, quamuis characterem imprimat, ut notauit Gl. in c. per tuas, de simonia. II. Si quis a tali Episcopo probabili ignorantia ordinatus, postea celebret, non incurrit irregularitatem: secus si scienter: vel cum ignorantia culpabili, præsertim crassa. Ita notauit Auila l. c. & Coninex t. 2. disp. 15. dub. 5. n. 34. & indicat. Nauar. c. 25. num. 69.

Tertia habetur in extrauag. Pij II. quæ incipit, *Cum ex sacrorum*, apud Nau. c. accepta, de restit. spoliatorum, opposit. 8. n. 32. & in man. c. 27. n. 155. Qui extra legitimam tempora, vel ante legitimam ætatem, vel sine literis dimissorijs, sacrum aliquem ordinem accipere, præsumperint, ab eodem suspensi manent, donec ab Ordinario suo absoluantur. Circa quam triplicem suspensionem quædam annotanda sunt: Primum. Olim dubitatum fuisse, utrum ob dictas causas antiquo iure decreta fuerit suspensio sententiæ lata, an ferendæ, uti videre est apud Syl. ver. irregularitas, n. 12. Suar. disp. 31. s. 1. suspens. secunda, & seqq. Auilam cit. disp. 5. d. 7. Couarru. Clem. si furiosus p. 1. §. 1. n. 4. Nunc. verò dubium esse non potest post constitut. Pij II.

Secundum. Suspensio tantum lata est contra eos, qui ordinem aliquem sacrum, vno ex tribus illis illegitimis modis, accipiunt. Qui autem minores ordines ab Episcopo alieno, sine proprii Ordinarij licentia, aut literis dimissorijs accipit, is grauius peccat: & licet propriè suspensus non sit, ita ut exercendo sui ordinis actum irregularis fiat: est tamen ipsi ministerium interdicendum, ut habetur in c. quod translationem, de temp. ordin. & docet Nauar. lib. 1. con. 19. & seqq. de temp. ord. edit. 2. & in man. c. 27. n. 69. Imò etiam ante interdictum, est inhabilis ad ordinis ita accepti exercitium: ita ut ministrando peccet, antequam dispensationem accipiat. Quia sicuti sententia lata à non iudice irrita est, ita & ordinatio data ab Episcopo, qui ius ordinandi non habet irrita censetur, in ordine ad legitimam eius executionem, seu usum, sicuti constat ex c. si quis ausus, d. 71. & notauit Gl. in c. eos, qui, eodem tit. in 6. ver. statuunt, Auila cit. d. 7. §. Secundò supponendum, Suar. cit. s. 1. n. 18. Tertiò. Suspensio hæc, spectatis verbis Pij II. est tantum ab exercitio ordinis illegitimè suscepti: non item ab aliorum ordinum rite acceptorum functionibus, sicut indicat Henriq. lib. 13. c. 38. n. 1. & docent Auila cit. d. 7. notando sexto, Suar. cit. s. 1. n. 31. Addit verò Suar. ita illegitimè ordinatum impeditum esse, quominus ordinem superiorem accipere possit, ante absolutionem, vel dispensationem. Quod verum est, si loquamur de inhabilitate iuris: sed non ita, quòd accipiendo ordinem

superiorem irregularitatem incurrat: cum reuera non exerceat actum ordinis inferioris, à quo suspensus est; uti dixi lib. 1. tr. 5. p. 5. c. 3. n. 5.

Quartum. Ad suspensionem hanc incurrendam requiritur dolus, vel saltem culpa lata, & mortalis in ordinato, sicuti resoluit Nauar. II. suprà citatis, Henriq. cit. n. 1. Suar. n. 1. §. 26. 31. Adde cum Nauar. & Couar. II. cc. Suar. n. 27. Et si quis ordinem mala fide ante legitimam ætatem, vel extra tempora, vel ab alieno Episcopo suscipiens, suspensionem incurrat, si tamen postea bona fide, aut saltem sine culpa mortali in ordine ministret: quia ob iuris, aut facti ignorantiam existimat sibi id licitum esse, irregularem censendum non esse. Quia talis irregularitas est vna earum, quæ quasi poenæ ob delictum incurruntur, sicuti colligitur ex verbis Pij II. *Si durante suspensione in ordinibus celebrare præsumperint, irregularitatem incurrant*: cum autem talis poena grauis sit, ideo grauem, seu mortalem culpam requirit, ut dixi lib. 1. tr. 5. p. 3. c. 3. Quòd verò Auila cit. dub. 7. §. Pro intelligentia, contra communem doctrinam adeo hoc loco requirit dolum in ordinato, ut omnem ignorantiam, etiam crassam, si affectatam non sit, à suspensione, & irregularitate contrahenda excusare dicat: id mihi non placet. Quia Pius II. absolutè suspensionem infert ijs, qui vno ex tribus illegitimis modis sacrum ordinem suscipiunt: & ut significet esse hanc propriè dictam suspensionem ob delictum inflictam addit, si postea in ordine celebrare, aut ministrare præsumant, irregulares fieri: intellige, sicuti communi iure irregularitas contrahitur propter abusum ordinis, à quo aliquis suspensus est: quare sicuti à similibus irregularitatibus ex ordinis abusu non excusat ignorantia, si crassa & mortalis sit, ita neque ab hac.

Quintum. Ordinatus ante ætatem legitimam, tamen si à suspensionis censura absolutus sit, non potest tamen in suscepto ordine ministrare ante ætatem completam; nisi Papa cum ipso dispense, sicuti colligitur ex Gl. in Clem. generalem, de etat. & qual. ordin. & ex communi docet Henriq. lib. 13. c. 35. n. 4. Med. lib. 1. instruct. c. 11. §. 8. Auila cit. dub. 7. notando decimo: Duo tamen absolutio à suspensione ista operatur: I. Quòd completa ætate, mox sine alia dispensatione, ordinis ministerium exerceri possit. II. Quòd, si absolutus, ante requisitam ætatem, in ordine ministret, etsi peccet mortaliter, tamen irregularitatem non incurrat.

Quarta suspensio habetur in c. eos, qui de temp. ordinat. in 6. vbi Episcopus, qui alienæ diocesis subditum scienter, vel ignorantia affectata ordinat, per annum à collatione ordinum suspenditur: idem statuit Trid. sess. 23. c. 8. de reform. Et sess. 6. cap. 5. Episcopo sub poena suspensionis, à Pontificalibus ipso iure incurrendæ, prohibetur, ne in aliena diocesi ordinet, nisi de licentia expressa proprii Ordinarij: & tunc eiusdem Ordinarij subditos tantum. Et sess. 14. c. 2. statuitur, ut nemo Episcoporum titularium (quos Suffraganeos his regionibus appellamus) subditum alterius Prælati, absque eiusdem expresso consensu, etiam prætextu continuæ commensalitatæ suæ ordinare possit: contra faciens ab exercitio Pontificalium per annum ipso iure suspenditur. Additur verò in suprà cit. c. eos qui: Postquam suspensio Episcopi, propter alieni subditi temerariam ordinationem contracta, manifesta fuerit, subditis eiusdem Episcopi, sine ipsius licentia, interim suscipiendi ordines ab Episcopis vicinis ipso iure concessum esse.

Quinta in c. ult. de temp. ordinat. in 6. Episcopus; vel quiuis alius Prælati primam tonsuram conferre præsumens alienæ diocesis subdito: vel infanti, nisi Religionem ingressurus sit: vel illiterato, (id est, qui legere saltem, & scribere, aut prima Fidei rudimenta nesciat, iuxta Trid. sess. 23. c. 4. de reform.) Vel coniugato, nisi Religionem ingredi, vel ad sacros ordines pro-

moueri velit, sicuti sacris canonibus definitum est: per annum à collatione tonsuræ clericalis suspensus manet.

5 Sexta in c. penult. de simon. Episcopus aliquem ordinans ordine maiore: vel alius (Clericus beneficiatus) eum ad ordinem præsentans, si promissionem, vel iuramentum ab eo recipiat, ut super debita ei prouisione non molestetur, Ordinator à collatione ordinum, & præsentator ab executione ordinum: ordinatus verò ab ordine ita suscepto suspensus est, donec à Sede Apostolica absoluantur. Quæ de re Nau. cap. 27. n. 158. Henriq. lib. 13. c. 37. n. 1. Suar. disp. 31. §. 1. suspens. 7. Auila cit. dist. 5. dub. 4.

6 Pro huius intellectu, sciendum est primò: Sacris canonibus prohibitum esse Episcopis, ne quemquam ad ordinem sacrum admittant, nisi beneficium Ecclesiasticum ad sui sustentationem sufficiens possideat: vel de sua, aut paterna hæreditate, seu patrimonio, vitæ subsidium habere possit, sicuti habetur in c. Episcopus, & c. tuis, de præb. (quod tamen limitatū reperies in Trid. sess. 21. c. 2. de reform.) vel denique ab aliquo patrono, præsentatus sit, v.g. à Parocho, aliòque beneficiato ad titulum beneficii sui, sicuti colligitur ex c. per tuas, 3. de simon. & c. ult. de iure patron. vbi Abb. n. 2. & in c. cum secundum, de præbend. Verum qui in aliqua Religione approbata professi sunt, alium titulum sustentationis non requirunt, sicuti constat ex c. 1. d. 70. & notant DD. communiter eodémque iure gaudent Societatis nostræ Religiosi, qui solum tria vota simplicia eiusdem Religionis ediderunt, per Bullam Greg. XIII. quæ incipit, *Ex Sedis Apostolica*, apud Nau. cit. n. 158. & in prinil. Societ. fol. 131.

Notandum secundò: Antiquo iure c. 1. & 2. d. 70. Ordinatio facta sine titulo sustentationis irrita censetur, quoad ordinis executionem. Id verò correctum est ab Innoc. III. cit. c. cum secundum: vbi decreuit, ut si quis sine titulo ordinatus esset, Episcopus eum ordinans, & successor ipsius tamdiu providere debeat ordinato, donec Ecclesiasticum beneficium consequatur. Consentit c. si Episcopus, de præbendis, vbi etiam significatur, si alicui Episcopo, puta Suffraganeo, ab Ordinario Commissa fuerit potestas ordinandi subditos eius, nulla persona expressa: ille autem aliquem ordinauerit sine titulo, quod ipsemet Suffraganeus, qui in culpa fuit, illi interim vitæ necessaria ministrare teneatur. Sin verò Episcopus ad preces præsentatoris aliquem ordinauit, tum patronus, seu præsentator ipsi interim providere debet, ait Abb. cit. c. cum secundum, num. 7.

7 Dubitant verò Doctores: Vtrum suspensionem incurrat, qui ordinationem impetrat exhibito titulo patrimonij ficto: seu quia mentitur habere, quod non habet, seu quia ab aliquo impetrat patrimonij donationem, cum pacto statim redonandi. Negat Henriq. cap. 37. num. 2. Auila dub. 5. Sed sententia affirmans videtur probabilior, Nau. cap. 27. num. 158. Suarez suspens. num. 35. quæ tamen sufficienter non probatur, ex sup. cit. c. per tuas, & cit. penult. de simon. Nam in eo sermo tantum est de Clerico beneficiario, qui ad titulum sui beneficii aliquem ordinandum Episcopo præsentat, interposito pacto nihil ab ipso petendi: quod à sacris canonibus, tanquam simoniaco reputatur: ideoque sub pœna suspensionis prohibetur. Id verò cum pœnale sit, extendendum non est ad alias promissiones patrimonij, cum pacto statim remittendi, sicut Auila loco cit. notauit. Quare potius probari debet ex c. 1. & 2. d. 70. quibus iuribus absolutè decernitur, ordinationem factam sine titulo irritam, seu potius suspensam esse: quæ licet mutata fuerint per c. cum secundum, in casu quo Episcopus sciens aliquem titulo carentem ordinat: quia tamen tunc illi prouisionem ex episcopali sua mentia promittere censetur, ut proinde verus titulus tunc non desit: Attamen in casu, quo aliquis titulo ementito sacrum

ordinem impetrat, Episcopus ordinans eum alere non tenetur: ideoque ordinatus re ipsa omni titulo caret, idque propter culpam, & dolum suum, quamobrem suspensionem incurrare cœsendus est ex iuribus antiquis, quorum correctio extendenda non est ultra casum expressum in cit. cap. cum secundum. Atque ita resoluit Nau. consil. ult. de tempor. ordinat. edit. 2. & consentire videtur Trident. sessione 21. cap. 2. de reform.

8 Potrò in eodem Concilio Trident. decernitur, neque beneficium validè resignari posse, ad cuius titulum aliquis ordinatus fuit, nisi aliunde sufficiens sustentatio suppetat: neque patrimonium, vel pensionem, cuius intuitu aliquis ordinatus fuit, sine licentia Episcopi vllatenus alienari, extinguì, vel remitti posse, donec vel beneficium Ecclesiasticum sufficiens obtineatur, vel sustentatio ex alia causa acquiratur: cui tamen prohibitio nulla censura annexa est.

Veruntamen num eiusmodi patrimonij, vel pensionis renunciatio ante obtentum beneficium, aliàmue sustentationem, non tantum illicita, sed & inualida sit, non satis constat. Nam Suarez num. 38. videtur negare, esse irritam. Sed contrarium docet Nauar. cit. n. 158. & consil. 21. de tempor. ordinat. edit. 2. Auila cit. dub. 5. §. Petis, Henriq. c. 28. num. 3. propter verbum *nullatenus possunt*: quod nullitatem ipso iure inducit, secundum Gl. in Clem. 2. de sequestrat. ver. nullatenus. Ex quo resoluunt Nauar. & Auila: Si quis post ordinationem subdiaconatus, ad titulum patrimonij, vel promissæ pensionis, eidem renuntiari, & deinde sine alio sustentationis titulo diaconum se ordinari fecerit, non incurtere suspensionem: eò quod renunciatio irrita sit: ideoque renuncians habeat adhuc veram actionem ad petendū patrimonium, vel pensionem sibi promissam. Quæ doctrina probabiliter concludit, si in diœcesi vigeat aliqua executio ad rescindendam renuntiationem, iuxta decretum Concil. Trident. Secus esse videtur, si aliquis patrimonio, vel pensioni renuntiavit, sine vlla spe renuntiationem rescindendi, tum enim re ipsa omni verò titulo sustentationis priuatus, sacrum ordinem diaconatus illegitimè suscipit: ideoque suspensionem incurrit. in quo assentior Medinæ lib. 1. sum. cap. 11. §. 8. in fine. 9

Septima colligitur ex Trident. sess. 23. c. 14. de reform. qui per saltum ordinari se fecit, is suspensus est ab exercitio ordinis suscepti, donec per Episcopi dispensationem ordinem intermissum accipiat, & ita in utroque ministrare permittatur. Quæ est communior DD. sententia Soti in 4. distinct. 25. quæst. 1. a. 3. Nauar. c. 25. n. 71. & c. 27. n. 242. Henriq. lib. 13. c. 39. n. 1. Suar. cit. sect. 1. suspens. 9. Coninch disp. 15. dub. 5. susp. 5. Auila p. 7. dist. 11. sect. 1. dub. 4. ex cap. 1. de Clerico per saltum promot. & c. sollicitudo, dist. 52.

Octava habetur in c. literas, de tempor. ordinat. Si vno die duo sacri ordines eidem conferantur, volumus, inquit Innoc. III. Episcopum à collatione vtriusque ordinis: ordinatum verò ab executione posterioris, *manere suspensum, donec de illis aliter disponamus*. Ex quibus tamen verbis non satis colligi suspensionem latæ sententiæ, sed potius ferendæ, existimat Suar. suspens. 8. n. 41. Communiter tamen Doctores tradunt, saltem ipsum illegitimè ordinatum ipso iure suspensum censei, Nau. cap. 25. n. 71. & c. 27. n. 241. Suar. loco cit. Auila p. 3. disp. 5. supponendo secundo, argument. cap. 2. de eo qui furciue, & c. in quo mandatur, ut is, qui vno die cum minoribus ordinibus subdiaconatum suscepit, *in minoribus tantum ordinibus celebrare permittatur*. Quare Cardinal. Congregatio sessione 23. c. 13. de reform. declarauit, eum, qui ex regionis consuetudine sic ordinatus est suspensum non esse, tacite innuens, suspensum fore, nisi talis consuetudo in diœcesi inualuisset. 11

Nona habetur in Trid. sessione 6. cap. 5. de reform. ut nullus Episcopus Pontificalia in aliena diœcesi exerceat,

eat, nisi de Ordinarii loci expressa licentia, & in personas eidem Ordinario subiectas tantum. Si secus factum fuerit, Episcopus ab officio Pontificalium, & sic ordinati ab exercitio ordinum sint ipso iure suspensi.

12 Decima habetur in extrauagante, Antiqua, de voto, ubi imprimis Ioannes xxii. prohibet, ne quisquā durante matrimonio, nondum etiam consummato, sacrum ordinem suscipere presumat, nisi prout sacris canonibus conuenit. Videlicet cum consensu uxoris Religionem ingredientis: vel in seculo absque periculo incontinentiæ permanentis, edito continentiæ voto, uti notauit Gl. extrauag. in cit. ver. nouerit. Sin verò secus attentatum fuerit, decernitur ibidem, ut ordinatus, ne quidem matrimonio soluto in sic suscepto ordine ministrare, nec ad superiores ordines prouehi, nec ad aliquod beneficium, vel officium Ecclesiasticum valeat promoueri. Potest verò hac suspensio irregularitatibus annumerari.

13 Vndecima colligitur ex c. cum illorum, de sent. excommun. quod, qui excommunicationis censura ligatus ordinem suscipit, ab eodem suspensus manet: nisi vel ignorantia, vel metus grauis eum à culpa excuset, uti docet Suar. suspens. i. & est receptior sententia S. Antonini 3. p. tit. 24. cap. 86. effectu 6. Syl. ver. excommun. 3. q. 14. Suar. loco cit. suspensionem hanc, quam aliqui irregularitatem vocant, accipiendam esse non tantum de suscipiente in excommunicatione ordinem sacrum, sed etiam quicumque minorem: quamuis contrarium sentiat Nauar. l. 5. conf. 43. q. 2. de sentent. excommun. edit. 2. Less. lib. c. 34. n. 95.

CAP. XI.

De cælibatu sacrorum ministrorum.

SUMMARIUM.

- 1 Sacerdotes, & alij Ministri sacri, non lege diuina: sed partim proprio voto, partim Ecclesiastica lege ad perpetuam continentiam obligantur.
- 2 Si Pontifex sine iusta causa dispenset cum initiato sacri ordinis, & uxorem ducere possit dispensatio irrita est: quamuis matrimonium ita celebratum valeat.
- 3 Calibatus, seu continentia Sacerdotum ex Apostolica constitutione prouenit.
- 4 Plures cause sunt, cur Sacerdotes, & Ecclesia Ministri continentes esse debeant.
- 5 In nulla Catholica Ecclesia vnquam permissum fuit, ut Presbyter, aut Episcopus uxorem duceret.
- 6 Presbyteri, & Episcopi coniugati lecto, & cella separati ab vxoribus, in continentia viuere debebant, secundum antiquos canones.
- 7 Episcopa, Presbyteri, Diaconissa olim à maritis suis dicebantur, à quorum tamen coniugali consortio abstinebant.
- 8 Falsum est in Concil. I. Nicano, coniugij & summi Sacerdotibus permissum fuisse.
- 9 Introducta ab Orientalibus consuetudo, ut Presbyteri uxores, quas ante duxerant, uti possent extra tempora sacri ministerij sui, neque rationi, neque sacris canonibus consentanea est.
- 10 Sacerdotes concubinarij suspensi non sunt ipso iure noui: sed canonicè puniendi sunt, si post monitionem non abstinuerint.

EXpositis ijs, quæ ad sacramenti Ordinationis materiam, formam, subiectum, Ministrum pertinebāt deinceps dicam de accidentalibus quibusdam, videlicet de cælibatu sacrorum Ministrorum: de censura, & Sacerdotum unctione: ad extremum de benedictionibus, & exorcismis, qui sunt actus Ministrorum ordinatorum.

QVÆSTIO PRIMA. Quod iure nouæ legis Sacerdotes, &c. obligentur ad perpetuam continentiam ab omni Venereo opere? Communis, & vera est sententia S. Th. 2. 2. q. 88. Caiet. t. i. opus. tr. 27. Bellarm. lib. 1. de Clericis, c. 18. & 18. contra Maiorem in 4. d. 24. q. 1.

Vvaldensium de sacramentis, c. 28. & seqq. Obligatio nem illam non esse, ex lege diuina positam: quandoquidem talis lex neque ex Scriptura sacra, neque ex Patrum traditione colligitur. Deinde verò licet secundum eandem rationem valde decens, & conueniens sit, ut, qui in eminente Ecclesiæ statu, atque ordine positi, altaris Sacrificiis vacare debent, ab opere carnis se contineant, sicuti colligitur ex Apost. 2. ad Corinth. 7. tamen id non est præceptum iuris naturalis: cum altaris sacrum ministerium non repugnet simpliciter vsui coniugali, quippe per se bono, ac honesto. Confirmatur ex Trid. sess. 14. can. 9. Si quis dixerit, Clericos in sacris ordinibus constitutos, vel Regulares castitatem solemniter professos, posse matrimonium contrahere, contractumque validum esse, non obstante lege Ecclesiastica, vel voto, &c. anathema sit. Ecce quod Concilium obligationem continentiae Clericis impositam, non ex lege diuinā, sed Ecclesiastica, vel proprio voto oriri satis apertè indicat.

Sed utrum horum probabilius est, Sacerdotes, aliosque sacros Ecclesiæ Ministros ad continentiam immediate obligati ex præcepto Ecclesiastico, an verò ex proprio voto? Priorem partem complexus est Scotus in 4. dist. 37. quæst. 1. §. Dico igitur, Palud. ibid. q. 1. a. 2. concl. 3. Gutierrez lib. 2. can. qq. c. 7. n. 45. & Sanch. apud Suar. lib. 7. matrim. disp. 27. q. 2. Quorum sententia ex eo ostendi posse videtur: quia, si aliquis cum sacrum ordinem suscipit, inuincibiliter ignoret obligationem continentiae annexam esse, vel expressè nolit se obligare per proprium votum, is nihilominus obligatus erit ad seruandam continentiam: adeo ut matrimonium valide contrahere non possit: id verò non prouenit ex proprio voto, quippe quod internum animi consensum vel implicitum, vel explicitum necessariò requirit: Ergo prouenit ex sola lege Ecclesiastica, quæ etiam inuitos constringere, & ignorantes ad aliquem actum inhabiles reddere potest.

Nihilominus contraria sententia est communior, & probabilior apud eundem Sanchez num. 10. obligatio nem illam continentiae in Sacerdotibus immediate oriri ex proprio voto: quod secundum Ecclesiæ legem ipso facto, seu susceptione sacri ordinis emittere debent. Tamen si enim Ecclesia absolute neminem cogere possit ad seruandam continentiam: cum sit ea res consilij, non præcepti, secundum Apost. 1. ad Corinth. 7. tamen in ordine sacro, quem liberè confert quibus vult. conditionem, & legem adijcere potest, ac solet, ut, qui talè ordinem suscipiunt, hoc ipso facto, atque adeo tacite continentiam profiteantur, sicuti colligitur ex cap. 1. & seqq. dist. 28. c. cum olim, de Cleric. coniugatis, & c. 1. de voto. Ratio verò, cur Ecclesia id requirat, ea est, ut sacris ordinibus initiati in continentia statu, quem propriæ voluntatis lege, ac religionis vinculo assumpserunt, tantò firmitus, ac constantius perseuerent.

Exinde obiter collige: Si Sum. Pontifex cum constituto in sacris ordinibus sine iusta causa dispenset, ut ad nuptias transeat, inefficacem esse dispensationem in ordine ad soluendum votum: quamuis efficax sit in ordine ad impedimentum matrimonij soluendū, quippe quod solo iure Ecclesiastico constitutum est: ita tamen, ut contrahens debitum à coniuge non exigit, licet petenti reddere teneatur, sicuti notauit Sanch. n. 9.

Secundò colligit Nauarrus lib. 1. consil. 4. de ijs quæ vi: Si puer ante vsum rationis, vel homo adultus iniusto metu adactus ordinetur, licet characterem accipiat, tamen non obligari ad seruandam continentiam.

Ad probationem prioris sententiæ respondeo Legis Ecclesiasticæ de cælibatu Sacerdotum, &c. eam esse interpretationem, quam praxis Ecclesiæ declarat, ut sacrum ordinem suscepturi continentiam ipsi Deo promittere, seu vouere teneantur, cuius proinde etiā obligationis ab Episcopo ordinante admoventur: sin verò

accidat, aliquem non vouere, seu ob ignorantiam, seu ob malitiam, nihilominus per Ecclesiasticam legem ad continentiam compellitur: adeo, ut ad matrimonium contrahendum inhabilis existat: quo casu fatemur, tale non ex proprio voto, sed immediate ex lege Ecclesiastica ad seruandam continentiam obligari.

Quæstio Secunda. Quam antiqua sit lex calibatus, nouæ legis Sacerdotibus imposita? Respōdeo, esse Apostolicam constitutionem, quæ semper in Ecclesia, præsertim Occidentali, obseruata fuit. Sumitur ex Apost. ad Titum cap. 1. canon. 15. Apostol. Clem. Alexandrino lib. 3. Stromatum, circa medium, Origene hom. 23. in librum Numer. Basil. in c. 3. Isaia, Cyrill. Hierosol. catech. 12. Ambros. lib. 1. offic. cap. 50. Siricio Papa in epist. ad Himeriū, c. 7. Hieron. lib. 1. contra Iouinian. circa medium, S. Chrysost. homil. 2. de patientia Iob, Auctore Commentar. in epist. S. Pauli, apud Ambros. to. 3. in epist. 1. ad Timoth. cap. 3. epiphani. hæresi 80. ad finem, S. August. lib. 2. de adult. coniug. cap. 20. Leone Magno epist. 84. ad Anastasium Episc. cap. 4. Impp. Honorio, & Theodosio. Cod. de Episc. & Cler. Concil. Neocesariensi cap. 1. Eliberino c. 33. Romano sub Syl. cap. 8. Arausicano cap. 22. Carthagin. 2. cap. 2. ubi ita legitur: *Placuit, concederetur, sacrosanctos Antistes, & Dei Sacerdotes, nec non & Leuitas, vel qui sacramentis diuinis inseruiunt, continentes esse in omnibus: quod possint simpliciter quod à Deo postulant impetrare, ut quod Apostoli docuerunt, & ipsa seruant antiquitas, nos quoque custodiamus.* Confirmatur: Ex Apostolo 1. ad Timoth. 5. colligitur, viduas, quæ ex Ecclesiæ substantia alebantur, non fuisse receptas, nisi continentiam Deo promiserint: Quamto magis credibile est, altaris Ministros, videlicet Sacerdotes, ac Leuitas aliter acceptos, & ordinatos non fuisse, nisi promissa prius continentia.

Ita enim oportebat, ob plures causas: quarum I. est Quia Sacerdotes Deo, & rebus diuinis perpetuo vacare debent: ab hoc autem studio impediuntur, ac distrahuntur opere ac fœdere coniugali. teste Apost. 1. ad Corinth. 7. II. Quia necesse est, honorem ac reuerentiam seruari Sacerdotio: experientia autem constat, populū non tanto in honore habere eos, quos vident vitæ instituto pene nihil ab ipsis differre: quamobrem Sacerdotes Græci coniugibus adhærentes, in paruo honore sunt. III. Oportet Episcopos, aliosque Sacerdotes hospitales esse, & in pauperes misericordiam exercere: quomodo autem id præstarent, si uxorem, & liberos alere debeant, cum dicat Apost. 2. ad Corinth. 12. quod parentes filijs thesaurizare oporteat. IV. Reditus Ecclesiastici, quos fideles ad diuinum cultū offerunt, passim ad causas profanas applicarentur: episcopatus, parochiæ, & alia beneficia frequenter quodam veluti hereditatis iure ad filios Sacerdotum deferrentur: aut saltem Ecclesia Ministrorum suorum, tanquam benemeritorum, relictam prolem magno suo grauamine alere teneretur: qua ratione prouentus Ecclesiæ distraherentur, nec sufficerent ad tantum Ministrorum numerum alendum, qui populo Christiano instruendo, ac pascendo necessarius est.

Porrò circa calibatus legem Sacerdotibus impositam hæc duo distinguenda sunt. Primum, quod post susceptum sacerdotium non fuerit eis concessum uxore ducere. Id verò semper in omnibus Catholicis Ecclesijs etiam Orientalibus, obseruatum fuisse constat, ut nullo ex omnibus sæculis desumpto exēpto hæretici nostri temporis ostendere possint, Sacerdotem, id est, Episcopum, vel Presbyterum, cum approbatione Ecclesiæ Orientalis, aut Occidentalis, uxorem duxisse. Signatò loquor de Sacerdotibus: nam Diaconis, si in susceptione ordinis continentiam non promiserunt, quibusdam locis permissum fuisse uxores ducere, colligi videtur ex Concil. Ancyrano, cap. 10. De Subdiaconis verò ex

Gregor. 1. lib. 1. epist. 42. ad Petr. Diaconum. Vide Gratianum super c. de Syracusanæ, d. 28.

Alterum verò est, quod Sacerdotes, & diaconi, si ante susceptum ordinem uxores habuerunt, postea promissa mutuo consensu continentia, ab vxoribus se continere debeant. Id verò non simpliciter in omnibus etiā Orientalibus Ecclesijs semper obseruatum fuit: sed ubi canones Ecclesiastici synceri manserunt, uti expressè docet S. Epiphani. hæresi 59. contra Catharos, & S. Hieron. aduersus Vigilantium: *Quid faciant Orientis Ecclesiæ, quid Aegypti, & Sedis Apostolicæ? quæ aut virgines Clericos accipiunt, aut continentes: aut si uxores habuerunt, mariti esse desinunt.* Et epist. 50. ad Pamimachium aduersus Iouiniam: *Apostoli vel virgines, vel post nuptias continentes: Episcopi, Presbyteri, Diaconi, aut virgines eliguntur, aut vidui, aut certe post sacerdotium in æternum pudici.* Vide eundem lib. 1. contra Iouinian. Conc. Agathense cap. 16. *Si coniugati inuenies consenserint ordinari, etiam vxorum voluntas ita requirenda est, ut sequestrato mansionis cubiculo, religione promissa, posteaquam pariter conuersi fuerint, ordinentur.* Similia leges in Concil. Eliberino, cap. 33. Carthagin. 5. cap. 3. Arelateni 2. canon. 2. Turonensi 1. cap. 2. Aruernensi cap. 12. Lugdunensi cap. 1. Aurelianensi 2. c. 8. & Aurelianensi 4. cap. 17. *Ut sacerdotes, siue Diaconi cum coniugibus suis non habeant communem lectum, & cellulam: ne propter suspicionem carnalis consortii, religio maculetur: quod quis fecerint, iuxta præfatos canones, ab officio degradentur.*

Quod loco notandum est primo: Quod canones inueniunt, uxores lecto & cellula, vel etiam assidua à maritis suis, post eorum sacram ordinationem, habitatio-ne separandas: non verò ita eiiciens religionis prætextu, ut nulla earum cura, seu prouidentia alendi habeatur. Quod modo intelligi debet canon. 5. Apostol. sicuti eum explicat 1. eo 1. epist. 9. ad Episcop. Narbonen. cap. 3. & Humbertus Legatus Leonis 9. ad libellum Nicetæ Presbyteri, distinct. 31. cap. 11.

Notandum est Secundò: Statum illum continentie amborum coniugum cum pacto, atque edito coram Ecclesia voto assumptum, conuersionem coniugatorum olim appellari solitum. De qua re extat tit. 32. lib. 3. decretal. ubi inter alia Alexander III. respondit in c. coniugatus: *Nullus coniugatorum est ad sacros ordines promouendus, nisi ab uxore continentiam proficiente fuerit absolutus.* Vide plura tr. seq. p. 3. c. 7.

Tertiò notandum: Has ipsas sacrorum Ministrorum coniuges, & relictas viduas olim Episcopas, Presbyteras, Diaconas, propter viros suos, appellatas fuisse, sicuti notauit Baron. An. Christi 34. Valsq. disp. 246. c. 3. prope finem, ex Concil. Turonico 2. can. 20. Antisiodoren. can. 21. quibus præcipitur, si Presbyter cum sua Presbyteria, Diaconus cum sua Diaconissa, Subdiaconus cum sua Subdiaconissa inuentus fuerit dormire, ut à clerici officio deponatur. Et can. 22. eiusdem Antisiodor. prohibetur, ne relictæ Presbyteri, Diaconi, vel Subdiaconi aliud matrimonium contrahant.

Notat verò idem Baronius, An. 591. n. 18. Sacerdotes interdum uxores suas domi suæ habuisse ut sorores, quibuscū castè vivebant: idque colligitur ex dicto Concil. Turonico can. 13. *Episcopus coniugem vel sororem habeat, & can. seqq. Episcopus Episcopam non habentem nulla sequatur turba mulierū.* Talis haud dubiè erat Theosebia S. Gregorij Episcopi Nysseni vxor, de qua ita scribit S. Nazianz. epist. 95. ad Gregorium Nyssenum: *Dei lex, ut homines omnes moriantur, Theosebiam habet verè sacram, & Sacerdotis coniugem, & honore parem magisque mysterijs dignam.*

Obijciunt aliqui primo, quod Sacrates lib. 1. histor. cap. 11. & Sozom. lib. 1. c. 23. testatur, in magno Conc. Nicæno, sua sore Paphnutio, decretum fuisse, ut Sacerdotes, qui ante susceptum sacrum ordinem, uxores duxerant,

8 xetant, à coniugij vsu non prohiberentur. Respondeo: Scriptores hos sectæ Nouatianæ, sicuti alia plura, ita & hoc mendacium posteritati obtrulisse. Si enim in Concilio Nicæno, cuius tanta semper auctoritas fuit, tale aliquid decretum fuisset: quomodo fieri potuisset, ut Patres, & Ecclesia id ignorent, & postea, tam in oriēte, quàm in Occidente plurimis Concilijs coniugij vsus Sacerdotibus tam seuerè interdiceretur: & quidem cum protestatione, esse hoc secundum priscos canones? Confirmatur ex eo, quod in 3. canon. interdixit Concilium Episcopis, Sacerdotibus, Diaconis, iisque qui in clerō sunt, ne in domos suas inductas habeant mulieres, præter matrem, sororem aut amitam, siue eas, quæ omnem suspicionem effugiunt: Si autem sacris Clericis licuisset ex vxoribus suis liberos procreare, tum nec periculum talis suspicionis fuisset, nec obseruatio eius canonis conueniens, aut possibilis, ut aduertenti patebit.

9 Obijciunt secundò canon. 6. & 13. sextæ Constanti-nopolitanæ Synodi, ubi constitutus in sacro ordine (Episcopis exceptis) permittitur matrimonio uti, quod ante ordinationem legitimè contraxerunt: ita tamen, ut tempore, quo secundum vices in ecclesia ministerio fungi debent, ab vxoribus se abstineant. Respondeo, In quinto, & sexto Concilio generali Constantinopolitano nullos canones ad morum reformationem editos fuisse: sed Orientales, decem annis post Syn. sextam œcumenicam, sub Agathone Papa, & Imper. Constantino Pogonato celebratam, seorsim in Trullo Iustiniani Imperatoris conuenisse, & centum duos canones conscrip-sisse: ad quorum approbationem Iustinianus Sergium eo tempore Romanum Pontificem compellere conabatur: sed Sergius subscribere noluit, eo quod quædam capitula extra ritum Ecclesiasticum fuerint annexa: sicuti testatur Beda lib. de sex ætatibus in Iustiniano Innio-re, anno Mundi 4649. Anastasius in vita Sergij, & in epist. ad Ioannem VIII. Papam, Paulus Diaconus de gestis Longobardorum lib. 5. cap. 11. Humbertus Legatus Leonis 9. in dissidio Græcorum cum Latinis, relatus post canon. habeo, dist. 16. Post Trullanam verò constitutionem, cum consuetudo liberos procreandi ex vxoribus ante ordinationem ductis, paulatim magis in Orientalibus Ecclesijs introduceretur: demum etiam Romani Pontifices in eam cōsenserunt, tanquam Orientalibus licitam, & concessam, uti videre est in cap. quæsitum, de pœnitent. & remiss. c. cum olim, de Clericis coniug. & c. aliter, iun. Glos. ver. copulantur, dist. 31.

Quod verò mos iste Orientalium, quamuis iuri diuino non repugnet, ac proinde sine peccato consistere possit: tamen minus laudabilis, & rectæ rationi conformis sit, quam mos Sacerdotalis continentie in Ecclesia Latinorum, probatur primo: Quia indultum illud Synodi Trullanæ non erat secundum priscos canones, & antiquæ Ecclesiæ consuetudinem, ut supra vidimus. Secundò: Quia vsus coniugij non satis conuenit cum altaris ministerio: bonum enim est frequenter, imò quotidie Sacrificium Deo Patri offerri à Sacerdotibus: quod non satis reuerenter ac congruè ab ijs fit, si cōiugis carnali commixtioni seruiant. Quæ ratio cōmuniter à Patribus, & antiquis Ecclesiæ Scriptoribus assertur: Orig. hom. 23. in lib. Numer. Certum est, quod impeditur Sacrificium indefinens ijs, qui coniugalibus necessitatibus seruiunt. Unde videtur mihi, quod illius solius est offerre Sacrificium indefinens, qui indefinenti, ac perpetuè se denouerit castitati. Similia habet Basil. in cap. 3. Isa. Ambr. lib. 4. offic. c. 50. Hieron. lib. 1. contra Iovinian. Siricius Papa in epist. ad Himerium: c. 7. cuius verba leges in c. plurimos d. 82. & Innoc. 1. epist. ad Exuperium, c. 1. Est vetus admodum sacra legis auctoritas, iam inde ab initio custodita, quod in templo, anno vicis sue: habitare præcepti sunt Sacerdotes, ut seruientes sacris oblationibus puros, & omni labe purgatos sibi vendicent diuina ministeria: neque eos ad sacra

officia fas sit admitti, qui exercent vel cum vxore carnale commercium, &c. Quanto magis Sacerdotes, vel Leuitæ pudicitiam ex die ordinationis suæ seruare debent, quibus sacerdotium, vel ministerium sine successione est: nec præterit dies, quæ vel à Sacrificiis diuinis, vel à Baptismatis officio vacent. Nam si B. Paulus Apostolus ad Corinth. scribit dicens, Abstinete vos ad tempus, ut vacetis orationi, & vique laicis præcipit, multo magis Sacerdotes, quibus & orandi, & sacrificandi iuge officium semper debebunt ab huiusmodi consortio abstinere?

Denique argumentari licet contra Orientales: Vel vsus, seu commercium coniugale conuenienter consistere potest cum sacerdotali munere, vel non: Si non potest, cur ergo ordinatis eos, qui statui suo conuenienter victuros se non promittunt? Si autem potest: quæ causa est, cur ipsemet vestris Sacerdotibus interdicitis, quominus matrimonium contrahere possint: quin etiā ante ordinationem in matrimonium acceptis, tempore eo, quo per vices suas altari deseruire debent, non vtantur? Nam matrimonium secundum se sanctum est: Ergo si eius vsus sacerdotale officium non dedecet, non apparet ratio, cur id Sacerdotibus vestris interdicitis. Quare manifestum est, Orientalium consuetudinem nec rationi, nec SS. canonibus consentaneam esse.

Ad extremum hic annotare placuit, Et si iure antiquo 10 c. præter, dist. 32. c. si qui sunt, distinct. 81. & cap. ultimo, de cohabit. Clericorum, & mulierum, Clericus notorius fornicarius, aut concubinaris ipso iure suspensus fuisse videatur, uti nonauit Nauar. cap. 27. num. 154. hodie tamen eo iure abolito, ut ex communi docet Sotus in 4. dist. 13. quæst. 2. art. 9. in fine, Henriquez lib. 9. c. 25. num. 12. lit. f. Auila p. 3. disp. 5. dub. 2. Suarez de censur. disp. 31. sect. 4. Finellius casu reseruat. 11. num. 13. & 15. seruanda est constitutio Trident. 25. c. 14. de re-form. ut Clerici, qui domi concubinam, vel suspectam fœminam retinent, vel extra domum cum tali consuetudinem habent, si post primam monitionem non abstinnerint, tertia parte fructuum beneficiorum suorum ipso iure priuati sint: post alteram verò monitionem si se non correxerint, beneficijs pensionibus, & officijs Ecclesiasticis penitus priuati, omnino inhabiles reddantur ad officia & beneficia Ecclesiastica, donec post manifestam vitæ emendationem. Superioribus visum fuerit cum ijs ex causa dispensandum esse. De Episcopis autem subiicitur: Si ab eiusmodi crimine, quod absit, non abstinnerint, à Synodo Prouinciali moniti se non emendantur, ipso facto sint suspensi: & si per seuerent, etiam ad Sanctiss. Roman. Pontificem ab eadem Synodo deferantur, qui pro qualitate culpe, etiam per priuationem, si opus fuerit, in eos animaduertat.

CAP. XII.

De tonsura clericorum, & sacerdotum vñctione.

SUMMARIUM.

- 1 Tonsura Clericorum, & Monachorum, est res antiquissima à S. Petro Apostolo originem trahens: eius mystica significatio-nes plures afferri solent.
- 2 Tonsura Clericorum ac Monachorum olim non nouacula, sed forcipe fieri debebat: neque licitum erat illis comam nutrire.
- 3 Neglectus tonsuræ, & habitus in Clerico seculari non est peccatum mortale: si absit contumacia, contemptus, & non nimis, ac inuisitatus neglectus sit.
- 4 Vñctio Sacerdotum non est accidentalis quædam ceremonia, eadque antiquissima.

Hæc ad accidentales cæremonias ordinationis spectant: quamobrem ad finem huius tractatus ser-

uata sunt. De tonsura Clericorum, & Monachorum mentionem faciunt Euseb. lib. 10. histor. cap. 4. Nazianzenus in carmine de vita sua, Euagr. lib. 3. cap. 26. Isidorus lib. 2. epist. 200. S. Gregor. I. lib. 4. epist. 53. ad Regem Childebertum Francorum, Gregor. Turon. lib. 4. histor. cap. 4. Hieron. epist. 26. ad Augustinum, quē alloquēs ait: *Precor coronam tuam; non aliam ob causam, nisi quia capite, cuius salutandi reuerentiæ causa antiquus mos est, coronam gestabat.* Martinus Bracaraensis Episcop. cap. 66. tom. 2. Concil. & Toletanum. can. 40. *Omnes Clerici, vel Lectores, Leuitæ, & Sacerdotes. de tonsura superius capite suo toto, inferius solum circuli coronam relinquunt: Non sicut huc usque in Gallicia partibus facere Lectores videntur, qui prolixis, ut laici, comis in solo capitis apice modicum circum tendent.* Ex quo loco apparet, clericos olim simili modo ut Monachos, tonderi solitos esse: quamuis hoc tempore alia consuetudo sit.

Rationes tonsuræ in Clericis variæ afferri solent. Prima est apud Isidorum lib. 2. de offic. Eccles. cap. 4. *Est concessum in Clericis tonsura signum quoddam, quod in corpore figuratur, sed in anima agitur: scilicet hoc signo etiam in religione vitia rescentur, & criminibus carnis nostræ, quasi crinibus exuamur.*

Aliæ apud eundem citat. loco: *Quod de tonsura capiti, superius, inferiusque circuli corona relinquatur, sacerdotum & regnum Ecclesiæ in eis existimo figurari.*

Tertia admodum probabilis est apud Bedam lib. 5. Histor. Angl. cap. 22. *Non ob id tantum in coronam attondemur, quia Petrus (Apostolus) ita attonsus est, sed quia in memoriam Dominicæ passionis ita attonsus est, idcirco, & nos, qui per eandem passionem saluari desideramus, ipsius passionis signum, cum illo, in vertice summa videlicet corporis nostri parte, gestamus.* Et paulo post: *Formam coronæ quam (Christus) in passione sua spineam portauit in capite, ut spinas peccatorum nostrorum auferret a nobis, suo quemque (Monachorum, & Clericorum) in capite per tonsuram præferre: ut se etiam irrationes, & opprobria, pro illo libenter, & prompto animo sufferre ipso etiam frontis pectus doceant.* Similia habet Germanus Patriarcha Constantinop. in theoria rerum Ecclesiast. tom. 4. Biblioth. SS. Patrum, & addit quod corona circumposita capiti Sacerdotum, capillorum significatione imaginem refert venerandi capitis Apostoli Petri: qui cum missus esset ad prædicationem Domini, & Magistri, ei confusa est corona ab his, qui eius sermoni non credebant, ut illanderetur ab ipsis.

His adde Primò, Clericos, & Monachos olim non nouacula radi, sed forcipe tonderi solitos fuisse, sicut constat ex Clem. Alexandrino lib. 3. Pædagog. cap. 11. Concil. Charthag. 4. canon. 44. Opt. Mileuitano lib. 2. contra Parmenianum, Hieronymo in Ezechiel. cap. 44. *Discimus nec caluitium nouacula esse faciendum: nec ita ad pressum condendum caput, ut rasorum similes esse videamur.* Verum de hac re nunc non multum curandū esse, ait Vasquez disput. 250. cap. 3. num. 19. quia eiusmodi cæremoniæ pro temporum varietate variari sine peccato possunt. Adde secundo: In Occidente olim concessam non fuisse Clericis, & Monachis comam nutrire, aut barbam, ut notauit Baron. Anno Christi 8. nu. 40. Vasquez lo. cit. & constat ex cap. si quis, cap. Clericis, de vita, & honest. Cleric. & ex lib. Damasi Papæ in vita Aniceti, S. August. lib. de opere Monachorum cap. 31. Concil. Tolet. 4. canon. 40. Concil. Carthag. 4. canon. 44. *Clericus nec comam nutrit, nec barbam.* Et S. Hieron. cit. loco: *Per spiciendū demonstratur, nec rasis capitis sicut Sacerdotes, cultioresque Isis, atque Serapis nos esse debere, nec rursus comam demittere, quod propriè luxuriosorum est, & militantium: sed ut honestus habitus Sacerdotum facie demonstretur.* Quæ tamen in re patriæ consuetudo seruanda nunc est.

Porro, circa tonsuram Clericorum restat quæstio: An, & quam grauiter peccet Clericus secularis beneficiatus,

vel in maioribus ordinibus constitutus, si tonsuram, aut habitum clericalem (nam eadem vtriusque ratio esse videtur) non deferant? Abbas in cap. si quis, num. 1. de vita, & honest. Clericorum, Nauat. cap. 15. num. 110. Angel. ver. Clericus, 4. num. 1. dicunt esse peccatum mortale. Id verò Caietan. verbo Clericus, negat, nisi interueniat temeritas, contumacia, & contemptus: ita ut post canonicam monitionem, Clericus etiam excommunicari possit, sicut dixi lib. 1. tract. 4. c. 14. num. 2. §. Porro, Syluester. ver. Clericus, 2. num. 2. Armilla n. 11. Vasquez cit. cap. 3. num. 22. aiunt, non esse peccatum mortale, (seclusa contumacia & contemptu) nisi notabilis excessus fiat ultra modum consuetum. Et hoc placet tum esse peccatum mortale, si spectatis circumstantijs personæ, loci, diuturnitate temporis, &c. clericalis tonsuræ, & habitus neglectus notabiliter repugnet honestati, & bono exemplo Clericorum, cuius gratia talis habitus lege Ecclesiastica præcipitur. Sin verò ex iusta causa, vel ad tempus breue, siue honestatis detrimento, habitus deponatur, nulla omnino culpa erit. Spectanda etiam est cuiusque diocesis consuetudo.

Quod verò attinet ad chrismatism vñctionem, Presbytero in manibus, Episcopo in capite fieri solitam: extra controuersiam est, eam ad sacramenti substantiam non pertinere: quamuis cæremonia antiquissima sit, quippe cuius mentionem faciunt Dionys. Areopag. p. 2. hierarchiæ Ecclesiast. c. 14. Euseb. lib. 10. hist. c. 4. *Amici Dei, & Sacerdotes, qui sacra salari unica, cælestisque gloriæ corona, & diuino chrismate, denique sacerdotali S. Spiritus stola decorati essent.*

Pacianus epist. 3. ad Sympronianum: *Vestra plebi, Nouatianorum, unde spiritus, quam non consignas in confirmatione vñctus Sacerdos?*

Gregor. Nazianz. ad Gregor. Nyssenum S. Basilij Fratrem, & in orat. post reditum ex fuga: *Me pontificis unguis (alloquitur S. Basilium) ac podere cingis, capitique cidarum imponis, atque holocausti spiritualis altari admones.*

S. Gregor. lib. 4. Regum. cap. 5. super illa verba: Tulit Samuel lenticulam olei: *Hac vñctione exprimitur, quod in sancta Ecclesia nunc etiam materialiter exhibetur: quia qui in culmine ponitur, sacramenta suscipit vñctionis.*

Basil. Imperat. in VIII. Synodo generali, act. 6. præfentes Episcopos ita alloquitur: *Religiosi Patres atque Ecclesiæ, & veritatis vindices, sacro chrismate delibuti.*

CAP. XIII.

De sacris Benedictionibus.

SUMMARIVM.

- 1 Benedictio duplex est, publica, & priuata: hac à quouis fidei fieri potest: illa ab Ecclesiæ Sacerdotibus. Ad maiorem seu sanctiorem pertinet alteri benedictionem priuatam impartiri.
- 2 Semper in Ecclesiâ viguit consuetudo signandi se crucis figura.
- 3 Benedictionum effectus non est ex opere operato infallibilis: sed per modum deprecationis nomine Ecclesiæ maximam impetrands vim habent.
- 4 Benedictiones Ecclesiasticæ aliæ sunt personarum, aliæ rerum inanimatarum: item aliæ constitutivæ, & aliæ inuocatiue tantum. Episcopi & Abbates Dominicis tantum diebus consecrari solent.
- 5 Quod Ecclesiastica benedictione factum effectum est, non potest. Vel saltem non solet inquam ad profanos usus adhiberi, extra grauissimam necessitatem.
- 6 Partes auulsæ a re consecrata, destructæ eius formæ, saltem cum Prælatorum licentia, ad usus profanos adhiberi possunt.
- 7 Agnos cereos solus Pontifex consecrare soles pridie Dominica in Albis.
- 8 De ecclesiarum & altarium consecratione, atque vñctione frequens mentio est apud SS. Patres.
- 9 Benedictiones episcopales requirunt, & Episcopus consecratus sit: Potest

fit: Potest tamen Papa dispensare, ut etiam à simplici Sacerdote fiant.

- 10 Vestes & paramenta sacra altaris à simplici Sacerdote benedicere non possunt, sine privilegio Sedis Apostolicae, Sed Abbates, qui Pontificalia exercent, talia benedicere solent.
- 11 Benedictiones, quae nec iure, nec consuetudine Episcopis reservatae sunt, à Presbyteris fieri possunt, sed nunquam à Diacono.
- 12 Benedictio aquae multiplex est.
- 13 Si aqua, vel oleum non benedictum infundatur benedicto, totum benedictum erit: modò id, quod additur, non sit in quantitate notabiliter excedente.

Quemadmodum maledicere est alicui malum imprecari: ita benedicere est alicui bonum precari, videlicet à Deo omnis boni largitore. Est autem duplex benedictio: privata, & publica. Privata dicitur, quae à quolibet fidei utriusque sexus erga alterum fieri potest. Nam & sanctas mulieres salubri benedictione, ægris sanitatem restituisse, exemplis ostendit Iacob. Gretserus lib. 1. de benedictionibus, c. 8. Decet tamen etiam in privata benedictione observari, quod ait S. Paulus ad Hebræos 7. *Sine ulli contradictione quod minus est, à meliore benedicatur; ut personis ijs, quae vel ratione status, vel ratione sanctimoniae in Ecclesia excellentiores sunt, alijs benedicere debeant: imò in privata benedictione maior etiam ratio sanctitatis propriae haberi debet: cum Deus deprecationem peccatoris pro alio fufam, non ita exaudiat, sicuti deprecationem iusti. Quare S. Basil. can. 27. ad Amphilochoium ait: Benedictio est sanctificationis communicatio: qui autem eam non habet, propter ignorantiam lapsus, quomodo alijs communicabit?*

Erat autem olim frequentissimum, ut à viris sanctitate conspicuis benedictio daretur: seu super personas abeuntes, aut redeuntes: seu super alias res, puta panem, vinum, aquam, oleum, habitationem. Videri potest S. Gregor. Nazianz. in orat. funebri Fratris sui, S. Hieron. in vita S. Hilarionis, Paulinus apud S. August. epist. 36. Cassianus collatione Patrum 15. cap. 4. Theodoretus in historia Patrum in Iuliano, Aphrate, Zenone, Abraame, Beda lib. 3. histor. cap. 26. Praesertim oleo benedicto multas infirmitates viri sancti curarunt, uti annotavit Iacob. Pamelius in lib. Tertull. ad Scapulam, num. 35. Gretserus lib. 2. cap. 23. Item per aquam crucis signaculo benedictam, magias & incantationes mali Dæmonis depulsa fuisse, testatur Epiph. haeresi 30. Palladius in histor. Lausiaca c. 19. & 20. scribens de S. Machario Eremita, Theodoretus in historia Patrum, in Macedonio.

Adde, quod semper in Ecclesia consuetudo frequens viguerit, ut Christiani crucis figuram, praesertim in fronte sua, formarent, ad auxilium divinum implorandum, & Dæmones fugandos. Ita testatur Tertullianus de corona militis, cap. 3. *Ad omnem progressum, atque promotionem, ad omnem aditum, & exitum, ad vestitum, & calcatum, ad lavacra, ad mensas, ad lumina, ad cubilia, ad sedilia, quaecumque nos conversatio exercet, frontem crucis signaculo terimus.*

Lactantius lib. 4. de vera sapientia, cap. 27. *Inlecebat in Ecclesia iam ante, quam Helena crucem invenisset, mos frontis cruce signanda; iam ante morbi cedebant, & Dæmones nomini IESU crucifixi, adhibita crucis caeremonia.* S. Antonius apud S. Athanasium in vita eiusdem: *Quos Dæmones cum videritis, tam vos, quam domos vestras crucis armatis signaculo, & confestim solvantur in nihilum; quia metunt illud trophæum, in quo Salvator aëreas solvens potestates, eas fecit ostentui.*

Cyrellus Hierosolymitan. catech. 12. & catech. 13. ubi ita loquitur: *Non pudeat nos Crucifixum confiteri: sed in fronte confidenter signaculum crucis digitis imprimatur, & in alijs omnibus crux fiat, & in panibus comedendis, & poculis bibendis, & in egressu, & in ingressu, ante somnium recumbendo, & surgendo, eundo, & quiescendo. Et paulo post: Signum est fidelium, & timor Dæmonum: triumphat*

uit enim de illis in hoc signo Christus: ostenta illud audacter; quando enim viderint crucem, recordantur Crucifixi: metuntur enim, qui contriunt capita draconis.

Chrysostomus homil. 13. epist. ad Philip. *Crucem petimus sine itinere finis, siue in domo, aut certe ubicumque simus: magnum bonum est crux, salutaris armatura, scutum inexpugnabile. Vide eundem hom. 12. in 1. ad Corinth. c. 4.*

Hieronymus ad Eustochium de custodia virginit. *Ad omnem actum, ad omnem incessum manus pingat crucem. Et ad eandem Eustochium in epitaph. Paulae: Digitum ad ostentans, Paula moritura, signum crucis pingebat in labijs. Similia leges apud Gregor. Nyssenum in vita Gregorij Thaumaturgi, Epiph. haeresi 30. Arnobium iuniorem in Psal. 143. Paulinum Nolæ Episcopum, natal. 5. Prudentium Poëtam cathemeri non hymno sexto, Theodoret. lib. 3. histor. c. 3. Gregor. I. lib. 3. dialog. cap. 5. Consuetudinem autem orandi manibus in crucis formam expansis, leges apud Eusebium lib. 8. histor. cap. 7. & apud Ambrosium serm. 56.*

Venio nunc ad publicas benedictiones, quae sunt ritus quidam, seu formulae orationum, à Ministris Ecclesiae, ex eiusdem institutione, super personis, aut alijs rebus sensibilibus pronuntiari solitae, ad impetrandum hominibus divinae gratiae auxilium, à malo Dæmone liberationem, peccatorum remissionem, & alia Dei dona. Tamen si verò eiusmodi effectus non consequentur ex opere operato infallibiliter: cum nullam specialem Dei promissionem habeamus: tamen quia eiusmodi orationes nomine Ecclesiae fiunt, quae semper Deo grata, & accepta est: pie credendum, imò pro certo habendum, eiusmodi Ecclesiae benedictionibus, atque rebus benedictis, puta aquae, agno cereo, ipsisque Ecclesiae, &c. magnam vim inesse ad conciliandum hominibus, per misericordiam Dei, bonos motus divinae gratiae, quibus à peccatis mudentur, virtutibus augeantur, Dæmonum infestatione liberentur, à corporalibus quoque periculis custodiantur, vel eripiantur: non quò eiusmodi effectus semper certi, & infallibiles sint: sed sicut Deo optimo loco, & tempore, expedire visum fuerit. Quae de re legi potest Suarez p. 3. to. 3. disp. 15. s. 4. Agid. Coninck 3. p. q. 71. a. 3. dub. 1. concl. 2.

Benedictionum tum privatarum, tum publicarum legitimum ritum confirmare possumus tum ex perpetua Ecclesiae praxi, quae haud dubie ab Apostolorum institutione initium sumpsit: tum ex facto Christi, panes ante multiplicationem benedicentis, Matth. 14. Luc. 9. tum ex verbis S. Pauli 1. ad Timoth. 4. *Omnis creatura Dei bona est, & nihil abiiciendum, quod cum gratiarum actione percipitur: sanctificatur enim per verbum Dei, & orationem.* Quibus verbis duo ait Apostolus, S. Chrysostom. interprete homil. 12. *Vnum quidem, quòd nulla creatura communis, seu immunda est: Secundo, quòd, etsi communis sit, medicamentum in promptu est: signum illi crucis imprime, gratias age, Deo gloriam refer, & protinus immunditia omnis abscessit.* Vide etiam S. Augustinum lib. 2. de peccatorum meritis, capite 26.

Benedictionum publicarum plures divisiones afferri possunt: Prima est apud Sylvest. ver. benedictio in princip. Benedictio, seu consecratio. Alia est personarum, v. g. Abbatum, virginum, viduarum, sponzorum: item benedictio super populum. Alia est benedictio aliarum rerum, puta aquae, vini, olei, cereae, domus, navis, vestium, vasorum, altaris, Ecclesiae, &c. Inter quas benedictiones discrimen adfert Panormit. in cap. de consecr. Eccles. vel altaris: *Quòd res inanimatae, v. ecclesia, altare, &c. post consecrationem in certis casibus execrari possint, vel pollui: ut noua consecratione, vel reconciliatione opus sit: non ita verò personae: quare fortior est, inquit, consecratio rei animatae, quam inanimatae.* Altera differentia est, quòd consecratio rerum anim.

matarum omnibus diebus, etiam non festis, fieri possit, uti habetur in cap. 2. eodem tit. non item consecratio personarum. Nam virginum consecratio, (extra mortis periculum) fieri debet solum in festis solemnioribus, c. deuotis 20. quæst. 1. itemque Dominicis diebus, cap. 1. de tempor. ordinat. De Abbatibus quoque consuetudine obseruatur, ut non consecrentur nisi Dominicis diebus, teste Abb. c. cum sis, eod. Syl. ver. Abbas, q. 1. Sed & Episcopos Dominicis tantum diebus consecrari oportere, habetur in c. qui in aliquo, d. 51. ex Concil. Tolet. 4. cap. 18. & cap. 4. & 5. dist. 75. ex Leone I. epist. 7. ad Dioscorum Alexandrinum.

Altera diuisio est apud Caiet. 2. 2. q. 88. a. 11. Nauar. comment. de spolijs Clericorum, §. 18. num. 9. Suarez t. 1. de relig. tract. 3. lib. 4. de simonia, c. 14. num. 1. Benedictiones alia sunt constitutiuæ: quibus res sacræ constituuntur, ut ad vsum profanum sine irreuerentia applicari non possint: cuiusmodi est benedictio aquæ, olei, vestium; Ecclesiæ item, altaris, & vasorum consecratio. Alia sunt benedictiones inuocatiuæ tantum, quibus res sacræ non constituuntur, neque ab vñibus profanis secernuntur: sed adhibentur tantum ad inuocandum speciale Dei auxilium, circa præsentiam, vel vsum talium rerum. Quomodo benedici solent cibi, domus, naui, & fortasse etiam candelæ, quas fideles ad altare afferunt, & postea recipiunt, ut ad vñus, etiam profanos, adhibere possint.

Docent porro Caiet. l. c. & Nauar. n. 10. nullum Prælatum, ne Papam quidem, permittere posse, ut res per benedictionem constitutiuam sacræ effectæ, dum in sua forma permanent, ad vñus profanos: v. g. sacer calix ad potationem, saltem extra casum grauissimæ necessitatis, adhiberi possit. Ratio afferri solet ex S. Thom. cit. a. 11. Quia ius naturale, ac diuinum postulat, ut sancta sanctè, seu reuerenter tractentur: sed calix v. g. consecratus, dum formam integram retinet, sanctificationem suam non amittit: ergo contra ius naturale erit, si profanetur. Quamuis hæc ratio difficultatem habet, ut notauit Less. lib. 2. c. 40. num. 114. & Vasq. de sacram. Ordinis, disp. 243. c. 2. n. 15. Quod enim calix v. g. semper consecrationem retinere censeatur, quamdiu formam integram seruat, ab Ecclesiastico iure prouenit: id autem à summo Pontifice mutari, aut in eo dispensari potest. Etenim sicut consecratio ab Ecclesiastica auctoritate proficiscitur, ita etiam execratio ab eadem dependere videtur. Quare hic loqui mallet in sensu composito: supposita regulâ Ecclesiasticâ (in qua Papa licet absolute possit, tamen non solet dispensare) quod res per benedictionem consecrata, ut calix, ara, Ecclesiæ, cœmeterium, tamdiu consecrationem retineat, donec rei forma destructa sit: non posse Summum Pontificem licentiam dare, ut ad vñus profanum, absque necessitate adhibeatur: cum irreuerentia sit, rem sacram, dum sacra manet, ad vñus communem adhibere.

Dubium vero est, quid sentiendum sit de partibus, quæ aultæ re-consecrata, destructâ eius formâ, desinunt esse sacræ: v. g. verum lapides, & ligna Ecclesiæ dirutæ, vel altaris destructi, ad vñus profanos applicare aut diuendere liceat? Respondeo, & dico I. cum Nauar. n. 11. id rectè fieri posse cum Summi Pontificis licentia: quia enim talis materia desistere sacra, non prohibet ius naturale, vel diuinum, quominus profanis vñibus applicetur. Quare idem etiam sentiendum de alijs rebus, quæ pijs, ac religiosis vñibus inseruiunt, sed consecratione constitutiuæ: cuiusmodi sunt Religiosorum monasterium, hospitale, Ecclesiæ vñsilia: posse talia cum Papæ dispensatione ad vñus profanos applicari.

Dico II. cum eodem Nauar. l. c. Syl. ver. benedictio, n. 7. Dictas licentias iure ordinatio ab Episcopo concedi non posse: quia sacri canones & Patrum sanctiones id prohibent, sicut colligitur ex c. ligna, d. 1. de consecra-

ubi prohibetur, ne ligna Ecclesiæ dedicata laicorum vñui permittantur. Et in c. ad hæc, de relig. domibus respondit Urbanus III. neque hospitale, postquam Episcopi auctoritate in pauperum prouisionem destinatum est, neque vasa vñsilia ad cultum religionis ab Episcopo deputata, profanis vñibus cedere posse, sicuti antiqua consuetudo indubitanter obseruat, & venerabilium Patrum edocuit sanctiones. Ac denique in reg. 51. in 6. vniuersim dicitur: Semel Deo dicatum, non est ad vñus humanos vñterius transferendum.

Ait tamen Ludou. Miranda t. 1. manual. Prælat. q. 34. in casu necessitatis, seu existente rationabili, & urgente causa, posse ecclesiā, vel monasterium destrui, deferri, & cum opus fuerit in profanos vñus applicari, quod intellige de lapidibus, & lignis rudibus: at verò sacræ statua, & imagines in alio templo locari debent: atque in loco dirutæ ecclesiæ crux erigi. Et Eman. Sa ver. ecclesiā, n. 2. absolute ait, sufficere Episcopi licentiam ut ecclesiæ dirutæ materia ad vñus profanos conuertatur. Cuius sententia probabilis est, saltem si materia diruta, nullum amplius signum, vel indicium seruet, quod pertinuerit ad consecratam domum: imò talia ligna ecclesiæ dirutæ etiam sine Episcopi licentia in Hispania laicis vendita fuisse, idque dissimulari potuisse ait Nauar. loco citato.

Tertia diuisio: Benedictiones aliquæ fiunt cum sacra vñctione: ut consecratio ecclesiæ, altaris, calicis, patenæ, agni cerei, &c. alia autem verbales sunt, & sine vñctione, ut aqua, salis, vestium, &c.

Nunc porro dicendum est de publicis benedictionibus, esse actus ministerij Ecclesiastici, per Ecclesiæ institutionem, sacro ordini annexos. Nam imprimis cereos agnos solus Sum. Pontifex consecrare solet pridie Dominic. in Albis. Olim verò eiusmodi agni cerei ab Archidiacono romano consecrabantur in Sabbatho sancto, uti Alcuinus testatur lib. de diuinis officijs, tit. de Sabbatho sancti Paschatis, & Amalarius lib. 1. de Eccles. offic. c. 17. & videri potest Iacob. Gretserus lib. 2. de benedict. cap. 34. Reliquæ autem consecrationes cum sacro chrismate fieri solitæ, puta ecclesiæ, altaris, calicis &c. totius episcopalis ordinis propriæ sunt. Ita secundum antiquos canones testatur Concil. Bracarense 1. can. 37. & docet Syl. ver. benedictio, q. 1. & 2. Suar. 3. p. to. 3. disp. 81. l. 5. & 7. Et quidem de Ecclesiarum consecrationibus, seu dedicationibus, ad quas plures Episcopi conuenire solebant, frequens mentio est apud Patres, & antiquos Scriptores, Eusebium lib. 4. de vita Constantini, Sozomenum lib. 2. Eccles. histor. cap. 26. S. August. lib. 4. contra Crescon. c. 40. ubi parietum consecratorum mentionem facit, Conc. Carthag. V. can. 6. Gregor. I. lib. 2. epist. 58. & alios apud Bellarm. lib. 3. de cultu Sanctorum cap. 5. De altaris consecratione, & vñctione testatur S. Dionys. Eccles. hierarchiæ cap. 3. p. 4. Quod diuini altaris consecrationem sanctissimorum mysteriorum lex sacratissimi unguentis castissimis infusionibus perficit.

Gregor. Nyssenus orat. de Baptismate: Altare hoc sanctum lapis est natura: sed quoniam Dei cultui consecratum, atque dedicatum est, ac benedictionem accepit, mensa sancta; altare immaculatum est, quod non amplius ab omnibus, sed à solis Sacerdotibus, idque venerantibus contrahatur.

S. August. serm. 255. de temp. Consecrationem altaris hodie celebramus: & iustè, ac merito gaudentes, celebramus festiuitatem, in qua benedictus, vel vñctus est lapis, in quo à nobis diuina Sacrificia consecrantur.

Isidorus Hispalensis lib. 1. de Eccles. offic. c. 26. Eodem die (Cœna Domini) altaria, templique parietes, & pœnimenta lauantur, vasaque purificantur, quæ sunt Domino consecrata.

Concil. Agathense to. 1. Concil. cap. 14. Altaria plantis non

enit non solum vñctione chrismatis: sed etiam sacerdotali benedictione sacrari.

Concil. Epaunenſe cap. 26. to. 2. Concil. *Altaria, niſi lapidea, inſuſione chrismatis non ſacrentur.*

De benedictione campanarum leges in Ordine Romano: & apud Alcuinum, cuius testimonium allegat Iacob Gretſerus lib. 2. de benedict. cap. 45.

9 Corollarium. Quæ ordini episcopali annexa sunt, videlicet ecclesiæ, altaris, vasorum consecrationes, exerceri non possunt ab Episcopo electo, & confirmato: nisi etiam consecratus sit. Veruntamen cum ista ex iure Ecclesiastico proueniant, nihil obstat, quominus Papa ex plenitudine potestatis suæ, dispensare possit, & talem consecrandi potestatem simplici Sacerdoti committere; vti ex communi notauit Durand. in 4. d. 2. quæst. i. n. 8. Suarez cit. t. 3. disp. 15. f. 3. in fine. Qua quidem ratione Paulus III. Anno 1549. concessit Presbyteris Societatis Iesu, vt in locis remotissimis infidelium, vbi Catholici, Episcopi nulli sunt, altaria, & calices consecrare possint; vti habetur in priuilegijs Societatis Iesu fol. 43. Simile priuilegium concessum Fratribus Ordinis Minorum in partibus Indiarum refert Rodriquez t. 1. regul. qq. q. 19. a. 3. Denique etiam Abbates quosdam, qui insignibus Pontificalibus vtuntur, immemoriali consuetudine calices consecrandi facultatem præscripsisse, testis est Armilla ver. calix in fine, Sa eodem; num. 3. Quamuis talem consuetudinem reprobatur Syl. ver. benedictio, q. 2.

10 Multo verò magis, ac facilius à Sum. Pontifice Sacerdotibus committi posset facultas benedicendi vestes sacerdotales, & pallas altaris, etiam ipsum corporale: quare Regularium quibusdam Superioribus eiusmodi priuilegiū cōcessum fuit, vt possint benedicere ea omnia, in quibus chrismatis vñctio non interuenit, vt videre est apud Rodriquez cit. quæst. 19. a. 1. & 2. Suarez cit. q. 81. f. 6. §. Secundò præter pallas: Abbates quoque, qui Pontificalia exercent, omnia talia benedicere solent teste Angelo vet. benedictio, num. 1. Sa eod. ver. n. 4. Imò Angelo l. c. contra communem sententiam Doctorum in Clem. attendentes, de statu Monachorum, ait quod etiam alij Presbyteri vestes sacerdotales, & altaris paramenta, præter corporale, benedicere possint. Nam Presbyter omnes ordinis actus exercet, qui ordinationis episcopalis proprii non sunt, & in iure ipsi prohibiti non reperiuntur: sed benedicere paramenta non est ita proprium ordinis episcopalis; quominus etiam alijs competere possit: quandoquidem constat Abbatibus ex consuetudine competere. Canones autem cum prohibent, ne actus quidem ordinis à Presbyteris exerceantur, non meminerunt benedictionis paramentorum, & vestium, sicuti videre est in cap. quamuis, distinct. 68. vbi Presbyteris prohibetur ordinatio Sacerdotum, consecratio virginum, & ecclesiæ, altaris, ac chrismatis consecratio. Et solum in c. consulto d. r. de consecrat. significatur corporale ab Episcopo benedici oportere. Hic discursus Angeli non displicet Nauarro consil. 2. de celebrat. Missar. edit. 2. vt proinde & ipse fateatur: attento solo iure scripto, non prohiberi Parochum vestes sacras, seu indumenta Sacerdotis benedicere: quamuis ab consuetudine vniuersalis Ecclesiæ id ei prohibitum videatur. Addi tamen, existimare se, quod Parochi benedicere possint altarium tegumenta, excepto corporali. Sed contrarium docent Syl. ver. benedictio, q. 3. Azor to. 1. lib. 10. c. 28. §. porro: Scortia de sacrif. lib. 2. cap. 14. n. 8. vbi vniuersim negant, Sacerdoti simplici talem facultatem competere, nisi Apostolicæ Sedis priuilegio muniti sint. Et horum sententiam Ecclesiarum consuetudo probat.

11 Reliquæ porro benedictiones tum constitutiue, tum inuocatiue, quæ solemnī ritu, ex institutione Ecclesiæ, fiunt, & Episcopo neque iure, neque consuetudine seruatae sunt, à presbyteris, non etiam diaconis fieri pos-

sunt, vti constat ex praxi Ecclesiæ, & sumitur ex c. perlectis, d. 23. vbi dicitur, ad Presbyterum pertinere benedicere donā Dei, & ex communi docet Syl. ver. aqua benedicta, Suarez t. 1. de relig. tract. 3. lib. 4. cap. 15. n. 2. Quare si Diaconus, quamuis iubente Sacerdote, aquam v. g. benedicat, irrita est benedictio: quia non facta ab habente potestatem.

De benedictionibus istis sacerdotalibus operæ præ- 12 tium est, paucula in specie dicere. Vsitatissima imprimis est benedictio aquæ: quamuis ea non vnica, sed varia sit. Aliæ enim aquæ, & salis benedictiones referuntur ad consecrationem altarium; ecclesiarum, cœmeteriorū & talis benedictio aquæ ad Episcopum pertinet. sicut & ipsa consecratio, seu reconciliatio. De eiusmodi aqua ineminit Ordo Romanus, & Beda lib. 5. histor. Eccles. t. 4. *Miserat Episcopus* (S. Ioānes Hagustaldensis) *mulieri quæ infirma iacebat de aqua benedicta, quam in dedicatione ecclesiæ consecrauerat: eiusque ablutione mulierem protinus sanatam affirmat.* Alia est benedictio atque baptismalis Presbytero competens; sicuti & ipsa baptismalis sacramenti administratio. Alia autem est aquæ, & salis benedictio, quæ in Ecclesijs Latinis quouis Dominico die fieri solet, vt ex ea populus & alia aspergantur, atque à fidelibus in vasculis mundis domum portati, ad morborum curationem, animique munimen aduersus Dæmonis insidias religiosè vsurpari possit. De huius aquæ benedictione post Alexandrum I. Papam epist. 1. meminit Ordo Romanus, & S. Gregorius I. in lib. sacramentorum, vbi eius exorcismus, & benedictio refertur iisdem verbis, quæ nunc in Missali Romano habentur. Concil. Nannetenſe c. 4. Rabanus Maurus de institut. Clericorum cap. 55. *Benedicetur sal, & aqua in diuersos vsus fidelium; ad homines infirmos, contra phantasiam inimici, ad peccorum sanitatem, ad morbos auferendos, &c.* Micrologus de Ecclesiasticis obseruat. c. 46. *Alexander Papa, quintus à B. Petro, constituit, vt sal, & aqua benediceretur ad conspergendum populum, & habitaculorum, quod & nos in omni Dominica iuxta canones sequemur.* Miracula facta per aquam benedictam legere potes apud Theodoret. lib. 5. cap. 21. Gregor. I. lib. 1. dialog. c. 10. S. Bernardum in vita S. Malachie, & plura apud Iacobum Gretserum lib. 2. de benedictionibus, cap. 10.

De eulogijs, seu benedictionibus parum dixi lib. 4. tr. 6. c. 9. num. 3. De nouorum fructuum, habitationis & similium benedictionibus leges apud S. Gregor. in lib. sacramentorum. De benedictione cereorum in concil. Tolet. 4. can. 8. Ennodium Ticinensem lib. 1. epist. 11. Alcuinum de diuinis officijs, cap. 1. de Purificat. B. Mariæ. De benedictione sacerdotalis stolæ, manipuli, albæ, cinguli, calicis, patenæ, corporalis, aliorum lintheorum altaris: item vexilli, ensis, sicuti, noui militis sponſorum, consecratione virginis, viduæ, Abbatis, Abbatissæ, Monachi, agit sæpius allegatus liber antiquissimus, qui inscribitur Ordo Romanus.

Quæri solet: Si aqua benedicta alia non benedicta aqua: vel consecrato oleo aliud non consecratum affundatur, vtrum totum benedictum conseatur? Ita affirmat Alexander III. c. quod in dubijs, de consecr. ecclesiæ. Sed intelligendum id videtur cum S. Thom. in 4. d. 12. quæst. 1. a. 2. quæst. 6. Syl. ver. aqua benedicta, quæst. 3. Armilla num. 2. Iacobo Gretſero lib. 2. de benedictionibus, c. 20. modò id, quod admiscetur, non sit (saltem notabiliter) in maiori quantitate, quàm sacrum, cui admiscetur. Quamuis contrarium sentiat Angelus ver. aqua Sa ver. benedictio, num. 1. etiam si aqua non benedicta in maiori quantitate affundatur, totam benedictam esse. Sed prior sententia probatur, quia regula illa, quod *sacrum tanquam dignius trahere debeat ad se non facrum*, cessare videtur, si non sacrum multò maius, seu copiosius sit: alioquin si guttam aquæ benedictæ fontis,

aut puteo iniicias, tota benedicta erit, quod & fidelium persuasioni, & Prælatorum Ecclesiæ voluntati repugnare videtur.

Data opera loquor de fonte, aut puteo: non de flumine, aut mari: quia, etsi Sacerdos intendat totum flumen benedictione solemniter benedicere, nihil efficiet: cū agat præter institutionem Ecclesiæ. Id tamen fateri debemus, postquam semel oleum, vel aqua non consecrata additione ad consecratam, benedictionem accepit, etsi iterum alia vice non consecrata aqua, vel oleum affundatur, denuo consecratum censei totum, sicuti in dixi hoc libro tr. 5. cap. 5. num. 16. Hæc autem omnia potissimum fundantur in Ecclesiæ constitutione, quam vsus, & Doctorum traditio confirmat, uti annotauit Palud. in 4. dist. 12. q. 5. a. 3. in fine.

§. VII.

De abbatibus, eorumque benedictione.

S V M M A R I V M.

- 14 Abbates alij seculares, & alij regulares sunt. Item alij insulati, alij qui pastorale tantum pedum gerunt.
- 15 Ad Abbatis creationem tria incurrunt: electio, confirmatio, benedictio.
Abbas eligi debet, qui in Ordine expressè professus sit, qui XXV. ætatis annum attigerit, qui sacerdos sit, vel intra annum sacerdos futurus.
- 16 Abbas confirmatus, aut benedictus licet ad episcopatum eligi possit, tamen transire illi non licet absque Superioris licentia.
- 17 Benedictio Abbatis ab Episcopo fit assistentibus duobus Abbatibus: quanquam consuetudo permittit, ut a tribus Abbatibus benedictio conferatur.
Benedictio Abbatis potius ad solemnitatem spectat, quam ad substantiam: adeo, ut quibusdam casibus etiam sine accepta benedictione, qua ordinis sunt, exercere possit.
- 18 Abbas nomine Conuentus non comprehenditur in odiosis.

14 **A**bbates veluti Patres dicti, alij seculares sunt, alij regulares. Illi Collegiatis Ecclesijs Canonorum secularium præsent: hi vero Monachorum Conuentibus quare & ipsi iure ordinario professi eiusdem Ordinis esse debent. Dignitas eorum in Ecclesia magna est: ut proximum post Episcopos locum teneant in Concilijs, processionibus, &c.

Inter Abbates regulares alij insulati sunt: qui insignibus Pontificalibus vtuntur: alij non insulati, qui solum pastorale pedum gerunt. Præterea alij Abbates non excepti sunt, qui iurisdictioni Episcopi directè subijciuntur. Alij vero exempti à iurisdictione Episcopi: idque vel tantum ratione Monasterij, & personarum eius: vel etiam ratione populi, ac territorij sui.

Ad Abbatis creationem tria concurrunt: Electio, confirmatio, & benedictio, Electio à Capitulo, seu Conuentu fit, sicuti & Episcopi electio, nisi quod de Prælatorum Regularium electione singulariter statutum est in Trid. sess. 25. c. 6. de Regul. ut electio fiat per vota secreta, & eligentium singulorum nomina nunquā publicentur. Debet autem eligi, qui regulam Ordinis expressè professus sit, & 25. ætatis annum attigerit, c. cū in cunctis, de elect. Clem. Ne in agno, §. cæterum, eod. tit. Quia Sacerdos sit, aut saltem breui tempore, videlicet. Quia Sacerdos sit, aut saltem breui tempore, videlicet. intra annum sacerdotium accepturus, c. 1. de ætat. & qual. iun. c. licet canon. de elect. in 6.

Electionem sequitur confirmatio, per quam ius plenum acquiritur administrationis, & iurisdictionis exercendæ. Permittitur tamen in c. nihil, de electione, ut Prælati in concordia electi in partibus vltimotanis, seu ab Italia remotis, interim administrationem in spiritualibus & temporalibus suscipiant, donec confirmatio ex Vrbe adueniat, quam per se, vel idoneas personas ele-

ctus petere debet: ita tamen, ut ante confirmationem nulla bonorum Ecclesiæ alienatio fiat.

Porrò Abbas, vel Præpositus non exemptus confirmandus est ab Episcopo: exemptus autem à Papa: vel Legato, à latere: si in prouincia sit, c. si Abbatem, iun. Gl. de elect. in 6. Syl. ver. Abbas, quæst. 3. Prælati tamen Ordinum exemptorum, qui Generalem habent, ab eo vel Visitatore Ordinis confirmari debent. Quare de re Rodriq. 2. regul. qq. quæst. 52.

Succedit denique benedictio, siue consecratio Abbatibus, perquam veluti spirituale matrimonium, quod inter ipsum, & Ecclesiam eius, electione inchoatum, ac confirmatione ratum erat, magis adhuc consummatur, sicuti de Episcopo etiam dicitur in c. vlt. de translat. Episcopi. Quare Abbas eligi quidem potest ad episcopatum sed transire illi non licet, postquam confirmatus, aut benedictus est, nisi cum licentia Superioris, qui est Episcopus, Generalis Ordinis, vel Summus Pontifex, aut Legatus à latere, uti ex communi docet Ioan. Pertachinus de Episc. p. 2. lib. 2. n. 75.

Fit autem benedictio Abbatis ab Episcopo, duobus assistentibus Abbatibus; vel sine Episcopo à tribus minimis Abbatibus; uti consuetudo declarat apud Syl. ver. Abbas, q. 1. Per eam autem benedictionem consequitur, ut exercere possit quæ Ordinis sunt, videlicet. ordines minores conferre, vala & vestes sacras consecrare, populo solemniter benedicere. Verum rectè annotauit Ioan. Selua p. 5. de benef. q. 2. n. 7. benedictionem Abbatis potius ad solemnitatem spectare, quam ad substantiam. Quidam enim Abbates sola confirmatione, absque alia benedictione constituuntur, ut plenam potestatem exercere possint: idemque dici debet, si Episcopus tertio requisitus, benedictionem conferre nolit.

Abbatibus quoque post confirmationem electionis suæ à legitimo Superiore acceptam benedici debent, si in Monasterio talis benedicendi consuetudo vigeat: adeo, ut nisi intra annum benedictionem suscipiat, iure suo excidat, nisi rationabilis excusatio subsit, Clem. attendentes, de statu Monachorum, vbi Gl. ver. benedici, notat hanc benedictionem quolibet die fieri posse.

Denique Abbas nomine Conuentus regularis non comprehenditur in odiosis: sed in fauorabilibus, adeo ut priuilegia personis regularibus, vel Conuentui regulari concessa etiam Abbas participare debeat, nisi ex adiunctis appareat aliam fuisse mentem concedentis. Quare de re Rodriq. t. 3. regul. qq. quæst. 51. a. 8.

CAP. XIV.

DE EXORCISMIS.

S V M M A R I V M.

- 1 Exorcismus est sermo increpationis contra Spiritum immundum, ad fugandum illum per virtutem Crucifixi.
- 2 Exorcismi in veteri etiam Ecclesia & statissimè fuerunt.
- 3 Res etiam inanimata quadammodo aduersari possunt.
- 4 Exorcismi ad pellendos Dæmones ex corporibus obsessorum semper in Ecclesia & statim fuerunt.
- 5 Minister exorcismos adhibens, preparatus accedere debet, & multa obseruare, ut bonus effectus sequatur.
- 6 Exorcismos non quoslibet, sed approbatos ab Ecclesia & scripto oportet.
- 7 Dæmon non per modum obsecrationis, sed per imperium pellendus est exorcismo.

Quid sit exorcismus, definit Isidorus de Eccl. off. c. 20. Exorcismus est sermo increpationis contra immundum spiritum, in Energumenis, seu Catechumenis factus, per quem illis Diaboli nequissima virtus, & inuenerata malitia, vel violenta incurso expulsa fugitur. Quod significabat Lannaicus ille, quem increpauit Dominus Iesus, & exiit.

Exijt ab illo Daemonium. Matth. 17.

- 2 De exorcismis, tanquam in Ecclesia vñt atissimis, mentionem frequentem Patres faciunt, vt Iustinus Martyr Dialogo cum Triphone Iudæo: *Demonia cuncta, spiritusque malignos adiurantes, sub potestate eos nostra subditos habemus.*

Tertull. lib. de præscrip. cap. 4. *Ipsa mulieres hæreticæ, quàm procaces, quæ audeant docere, contendere, seu disputare, exorcismos agere, curationes repromittere?*

S. Cyprianus in epist. ad Demetrianum, circa medium: *O si audire Dæmones velles, & videre, quando à nobis adiurantur, & torquentur spiritualibus flagris, & verborum tormentis de obsessis corporibus eijciuntur, quando exultantes & gementes voce humana, & potestate, flagella, & verbera sentientes, venturum iudicium conspiciunt.*

Præclare etiam annotauit Microl. de ecclesiast. offic. cap. 7. Secundum Romanam auctoritatem nullam orationem, Per eum qui venturus est, concludimus, nisi sit exorcismus: in qua Diabolus, per diuinum iudicium, vt à creatura Dei discedat, exorcizatur, seu adiuratur. Mirè enim Diabolus concurritur recordatione iudicij extremi, quo per Christum in æternam gehennam detrudetur.

Porro exorcismi alij immediatè ad Diabolum diriguntur per modum imperij, & adiurationis, vt ab homine discedat, vel eum infestare desinat. Quod Christus fecit Lucæ 4. *Incepit illum Iesus, dicens, obmutesce, & exi ab eo.* Et paulò post: *Colloquebantur ad inuicem, dicentes: Quod est hoc verbum, quia in potestate, & veritate imperat inmundis spiritibus, & exiunt?* Et Discipuli Iesu gloriabantur, Lucæ 17. *Domine, etiam Demonia subiunguntur nobis in nomine tuo.* Et Marci ult. dixit Iesus: *Signa autem eos, qui crediderint, hæc sequentur: In nomine meo Demonia eijcient.*

- 3 Alij autem exorcismi rebus inanimatis adhibentur cum quadam adiuratione: idque duobus modis, auctore S. Th. 2. 2. q. 90. a. 3. in corp. Primò, vt adiuratio directè referatur ad Deum, per modum cuiusdam imperij, aut potius compulsionis, quatenus necessario subduntur motioni Dei creatoris. Sic enim Christus Matth. 8. *imperauit ventis, & mari, & facta est tranquillitas magna.* Porro homines mirati sunt dicentes: *Qualis est hic, quia venti, & mare obediunt ei?* In quem locum S. Hier. annotauit, quòd omnes creaturæ obediunt Creatori, non sensu percipientes, sed effectum, & motum suscipientes. Secundò, vt adiuratio directè tendat ad Diabolum per modum imperij, vt ab hac, aut illa creatura, hoc, vel illo loco abscedat, vel accedere non præsumat. Et ista est propriè dictus exorcismus, quo vtitur v.g. in benedicenda aqua, sale: ita vt eodem opere per crucem, & merita Christi arceamus Diabolum ab omni machinatione circa tales creaturas: & per vñm earumdem Dei circa nos auxilium, & protectionem impetremus.

Huc etiam spectat exorcismus tempestatum, cuius mentionem aliquam facit S. Cyprianus in epist. ad Demetrianum: *Pro arcendis hostibus, & imbris impetrandis, & vel auferendis, vel impetrandis aduersis, rogamus semper, & preces fundimus.* Item contra locustas, vermes & alia venenosa, cuius rei exemplum aliquod habemus apud Theodoretum in historia Patrum, cap. 8. *Iussit S. Aphraates, vt in prædy locustis repleti limitibus, aqua benedicta aspergeretur: idque sunt illis agris pro vñlo sancto, & inexpugnabili.* Nam usque ad illos fines reptantes, & circumvolantes locuste instar exercitus, rursus retrocesserunt benedictionem impetram extimescentes, & veluti quoddam frons suffocare, & ultra progredi prohibita.

Similia leges apud Greg. I. lib. 3. Dialog. c. 9. de Frigidiano Lucanæ Ecclesiæ Episcopo, qui Auseri fluuii præcepit, vt via ea, qua rastrum per terram traxit, sequeretur: quem relicto alueo proprio, tota fluminis aqua secuta est, ita vsundius locum consueci cursus desereret. Et

cap. 10. de Sabino Episcopo Placentino, qui Pado fluuiò in terras Ecclesiæ egresso, præcepit in nomine Domini Iesu, vt alueo suo se contineat, terrisque damnum non inferat. Quosactò, sancti viri præceptum suscipiens, statim se à terris Ecclesiæ fluminis aqua compescevit. Quam in re, subiungit Greg. *quid aliud, quam inobedientia hominum & duritia confunditur? quando in virtute Iesu, & elementum irrationale sancti viri præceptis obediunt.*

Consuetissimi autem exorcismi sunt ad pellendum Dæmonem ex Energumenis: in quem etiam finem Clerici exorcistæ ordinantur, cum potestate pellendi Dæmonis ex corporibus obsessorum, vt videre est in Concil. Carthag. 4. can. 7. *Exorcista, cum ordinatur, accipiat de manu Episcopi libellum, in quo scripti sunt exorcismi, dicente sibi Episcopo: Accipe & commenda memoria, & habeta potestatem imponendi manus super energumenum, siue baptizatum, siue catechumenum.* Quamquam olim non tantum ordinatos Clericos, sed alios etiam Christianos è corporibus obsessorum Dæmones in Christi fide eijcere solitos esse, testatur Tertull. lib. de Idolol. cap. 11. & in apolog. contra Gentes, cap. 23. Quamobrem Tertull. ibid. & S. Iustinus Martyr cit. Dialogo cum Triphone obiciunt Gentibus, quòd Dæmones quos ipsæ colerēt, ad voces Christianorum tremere solerent, iisque subiici, atque obtemperare. Videri etiam potest Lactantius lib. 4. de vera sapientia, cap. 27. S. Pacianus lib. 4. contra Parmenianum.

Frequens etiam vsus exorcismorum est, ad solvendas præstigias, & varias molestias, quibus seu corpora hominum, seu earum habitationem, &c. malitia Dæmonis, & veneficorum infestari solent.

Pro praxi circa eiusmodi exorcismos quædam aduertenda sunt: I. Ante omnia diligenter examinandum est, vtum homo verè à Dæmone obsessus sit: seu vtum infirmitas, aliæque molestia hominis, aut pecorum languor ex incantatione aut veneficio: an verò ex naturali aliqua causa proueniat. Ne frustra remedia Ecclesiæ adhibeantur, ad alios fines & effectus, quàm ordinata sint.

II. Si constet, Dæmonis infestationem esse, aut maleficium, Exorcista armis spiritualibus aduersus Diabolum se muniat, imprimis accipiens scutum Fidei, quò possit omnia tela nequissimi ignea extinguere, ad Eph. 6. Et Christus Matth. 17. discipulis interrogantibus, *quare nos non potuimus eijcere illum?* causam dixit, *Propter incredulitatem vestram.* Deinde conscientiam peccatorum maculis purgatâ habeat, in oratione ad Deum feruente symboli recitatione nec non ieiunijs, aliisque carnis afflictionibus aliquot dies se exerceat: sciens, quòd sine eiusmodi præparationibus, sæpe parum, aut nihil effecturus sit, iuxta testimonium Christi, Marci 9. *Hoc genus in nullo potest exire nisi, in oratione & ieiunio.* Videri potest Petr. Thyrazus de dæmoniis, p. 3. cap. 38.

III. Personam, quæ Dæmonis infestatione liberari desiderat, aut familiam, in cuius domo Dæmonis præstigiæ aduertuntur, seriò hortetur, vt pœnitentiam, & Confessionem peccatorum instituât, orationibus apud Deum insistant: in eumque finem etiam alios pios, ac deuotos Christianos, tanquam comprecatores, accedere potest, exclusis tamen ignotis, iisue, qui curiositatis gratia aduentare videntur. Tamen enim exorcismi vim à Deo impetrandi habeant per communes preces, seu suffragia Ecclesiæ, tamen experientia constat, ad effectus exorcismorum, quippe qui infallibiles non sunt, plurimum conducere ipsius Ministri, aliorumque cooperantium actualem dispositionem, deuotionemque. Magna, ait S. Antonius apud Athanasium in vita eius, *aduersus Dæmones arma sunt vita sincera, & intemerata ad Deum fides.* Credite, inquit, mihi experto, perterritus Satanæ relictè vinentium vigilias, orationes, ieiunia, mansuetudinem, voluntariam paupertatem, vana gloriæ contem-


ptum, humilitatem, misericordiam, ira dominatum, & praecipue cordis purum erga Christi amorem: Nonis deterrimus coluber ex praecepto Domini, sub iustorum se iacere vestigijs, qui ait: Ecce dedi vobis potestatem calcandi super serpentes, & scorpiones, & super omnem virtutem inimici, Luca 10.

IV. Utatur exorcismis approbatis, videl. qui in Ecclesia seu Romana, seu diocesali vsitati sunt: siquidem orationes proprio ingenio compositae suspectae esse solent & non tam efficaces, quam si Ecclesiae auctoritate, & iussu instituuntur. Adhibeatur frequenter signum crucis, cum fide, reuerentia, & recordatione fructus diuinæ passionis: item aqua benedicta, quippe quæ contra Dæmonis machinationes speciali intentione exorcizata est: item cerei, palme, agni Dei, SS. reliquiae, sacrae imagines.

V. Quam maxime Exorcista abstinere debet ab omni quaestu, aut munere accipiendo, ne sanctum Spiritum & dona Dei venalia facere videatur. Vitet item omnem vanæ gloriæ ostentationem: quia non suis viribus, aut potetia, sed solius Dei misericordia, & Christi meritis nixus, aduersus Diabolum inimicum arma suscipit. Quod si exorcismi felicem successum habeant, Deo, à quo profectum est, Christi passioni, ac meritis totum adscribat: sibi nihil arroget. Sin effectus, & emendatio secuta non est, nihil adeo animo commoueri debet, sed consolari afflictos, eiusmodi molestias, ac detrimenta permitti à Deo, quia secundum eius sapientissimam prouidentiam non expedit tolli: & plures causas esse posse, obquas exorcismi interdum effectum non consequantur: puta incredulitatem, aut alia peccata hominum: vel ut ad diuinum auxilium, à Diabolo diutius afflictis, maiori fide, & animi feruore accu-

rant. Videri ea de re potest Petr. Thyraeus de locis infestis, p. 3. c. 89. Martinus Delrius lib. 6. magic. disquisit. c. 2. in fine.

VI. Qui exorcismos adhibet Energumenis, seu obsessis, cauere debet, ne Dæmonem per modum obsecrationis adiuret, ut aliquid ab eo discat, vel auxilium accipiat. Est enim hoc peccatum mortale, uti post S. Th. 2. 2. q. 90. a. 3. docet S. Anton. p. 2. tit. 12. c. 1. §. 5. Nauar. cap. 11. num. 28. Suarez. to. 2. de relig. tract. 4. lib. 4. de adiurat. cap. 3. quia cum Dæmone, Christi, & humani generis hoste nullum societatis cuiuscunque colloquium, aut commercium instituire licitum est: sed tantum ut hostem eum prosequi per modum imperij, coactionis, expulsionis, uti etiam docuit Tertull. lib. de anima contra hæreticos, cap. 56. Quid ergo dicemus magiam: quod omnes pene, fallaciam. Sed ratio fallacie solos non fugit Christianos, qui spiritualia nequitia non quidem socia conscientia, sed inimica scientia nominant: nec inuitatoria operatione tractamus. Et S. August. lib. 10. docuit cap. 22. Vera pietate homines Dei aeream potestatem inimicam, contrariamque pietati efficiunt, non placando: omnes tentationes aduersitatesque eius vincunt orando, non ipsam, sed suum Deum aduersus ipsam. Neque ad vana, aut curiosa edicenda Diabolum adiurare oportet: sed solū ad ea, quæ ad rem pertinent: videlicet de numero, nomine obsidentium, tempore quo ingressi sunt, de causa ingrediendi, & alijs eiusmodi. Quibus autem sacris verbis aut signis viderit Exorcista Dæmonem magis, ac crebrius instet: si autem viderit, obsessum aliqua corporis parte commoueri, pungi, vel tumorem apparere, ibi crucis signum, & aquam benedictam, quæ semper in promptu esse debet, adhibere non intermittat.



TRACTATVS DECIMVS,

DE MATRIMONII SACRAMENTO.

HVC tractatum in quatuor partes diuidam. Prima est de Sponsalibus. Altera de Matrimonio secundum se. Tertia de proprietatibus Matrimonij. Quarta de impedimentis Matrimonij.

PARS PRIMA,

DE SPONSALIBVS.

CAP. I.

De constitutione Sponsaliorum.

SVMMARIVM.

- 1 Sponsalia alia de presente sunt, videl. matrimonium ratum: & alia de futuro, qua definiuntur, mentio, ac repromissio futurarum nuptiarum.
- 2 Sponsalia numerantur inter contractus, qui vltro citroque obligationem pariunt.
- 3 Sponsaliorum contractus, quamuis prinatim, & sine testium solemnitate peractus sit, sub peccato mortali obligat promittentes.
- 4 Index Ecclesiasticus a sponsalibus absque causa iusta recedere volentem, post canonicam monitionem, etiam censuris ad nuptias compellere debet.
- 5 Posteriora sponsalia contra priorem fidem inita, tamen si iurata, valorem nullum habent: sed matrimonium, post sponsalia, cum altera contractum, quamuis iniustum, tamen validum est.
- 6 Fornicatio sponsa cum altero viro soluto adulterij crimen non continet: & fortasse neque mortalem malitiam sub genere iniustitia, sed solum sub genere luxuria.
- 7 Contractus sponsaliorum magnam animi libertatem requirit.
- 8 Penam adiecta ei, qui a sponsalibus recesserit, soluenda non est, si sponsus iustam resiliendi causam habeat: secus esse videtur, si sine iusta causa recesserit.
- 9 Pactum lucrativum sponso ab altero contrahente adiectum, si cum ipso matrimonio contraxerit, tanquam iure inualidum rescindi potest.
- 10 Qui simulato animo matrimonium promisit, per se loquendo, non obligatur ad nuptias: debet tamen puella decepta, si damnum passa fuit, secundum iustitiam aequalitatem facere compensationem.
- 11 Qui ficta nuptiarum promissione puellam in copulam induxit, debet illam ducere.
- 12 Liberi a parentibus neque contrahendum matrimonium cogi, neque a contrahendo impediri possunt.
- 13 Si pater pro filio presente, & non contradicente spondeat, censetur is consentire.
- 14 Liberi peccant, si parentibus in scijs, aut non consultis, matrimonium spondeant, aut contrahant: nihilominus obligantur, neque a parentibus impediri possunt, quominus datam fidem seruent: nisi ex matrimonio scandala oritura essent.
- 15 Filii inconsultis, aut inuitis parentibus nubens, exheredari non potest, spectato communi Casareo iure. Per consuetudinem tamen vel statutum talis exheredandi potestas constitui potest, in casu quo liberi grauiter delinquant.
- 16 Canonico iure, tum mas, tum femina, ante expletum aetatis septennium, ad sponsalia inhabilis censetur.
- 17 Sponsalia ab vno, vel utroque impubere contracta, partim rata sunt, partim non rata, sed suspensa.
- 18 Matrimonium clandestine contractum post Concil. Trident. videtur habere vim sponsaliorum de futuro.



SPONSALIA à spondendo dicta sunt, teste Vlpiano l. 2. ff. de Sponsal. Quia moris erat veteribus Romanis, vt puellam is, sub cuius cura & potestate erat, sponderet, alteri vxorem dare: quare ille *sponsor*, hæc *sponsa* appellata fuit: & is, cui desponsatio facta, seu qui puellam ducturum se (in domum suam) repromisit, *sponsus*, l. sponsio, ff. de verb. signif. & docet Seruius Sulpit. apud Gellium lib. 4. cap. 4.

Sunt autem alia sponsalia *de presente*, & alia *de futuro*: illa non differunt à matrimonio rato, & nondum consummato. qua acceptione dictum est Matth. c. i. Cum esset desponsata Maria Ioseph, antequam conuenirent: cum tamen eodem cap. Maria appelletur coniux Iosephi. Sponsalia vero de futuro, antecedunt matrimonium ratum, & definiuntur ex l. 1. ff. de sponsal. & c. nostrates, 30. q. 5. Promissio mutua futurarum nuptiarum. Quæ posterior sponsaliorum acceptio magis propria, & vtitata est; ideoque sponсорum nomine ferme in iure, tum canonico, tum civili intelliguntur, qui matrimonium non contraxerunt, sed promiserunt. Ex quo rectè colligit Couar. in 4. decret. p. 1. cap. 1. in fine, Henric. lib. 11. cap. 13. num. 4. Quotiescunque in dispositione aliqua seu legis, seu testamenti &c. de sponsis mentio fit, de ijs intelligendum esse, qui nondum matrimonium, coniugali consensu præstito, contraxerunt: nisi ex circumstantijs appareat, aliam disponentis mentem fuisse. In dubio tamen, hæc, an illa fuerit intentio, locum habere potest distinctio; vt in dispositione fauorabili nomine sponsa intelligatur etiam vxor; non item in materia odiosa: de quo vide Sanchez lib. 1. de matrimon. disp. 1. n. 2.

Contrà verò, si in aliqua dispositione mentio fiat vxoris, aut mariti, intelligi debet de ijs, qui matrimonium iam contraxerunt: cum hæc sit propria earum vocum significatio: neque recurrendum est ad improprium, vt v. g. vxoris, aut coniugis nomine, abusua appellatione, veniat sponsa de futuro, nisi circumstantiarum necessitas cogat, vt in cap. Iuuenis, de sponsal. idque rectè annotasse videtur Vasq. de matrim. disp. 4. c. 1. contra Abb. in c. tertio loco, in fine, de præsumpt. Syl. ver. sponsalia, q. 1. Sanchez cit. disp. 1. n. 2. qui generatim aiunt, nomine vxoris, & mariti in materia fauorabili comprehendendi etiam sposos de futuro, arg. l. non sine, C. de bonis, quæ liberis. Quæ tamen lex potius contrarium probat, quippe in qua expresse distinguitur vxor à sponsa de futuro: sed additur, sicuti vxor lucra à marito accepta per donationem, aut hereditatem, non patri, sed sibi ipsi acquirit; quoad proprietatem: idem etiam, æquitatis iure, obseruandum esse in quæsitis sponsæ à sponso.

Illud autem rectè tradit Sanchez cit. disp. 1. n. 3. Abb. in

c. si inter, n. 2. de sponsal. Nomine vxoris, & mariti in materia favorabili comprehendendi etiam sponfos de presentante matrimonij consummationem; non item in materia odiosa, nisi ex adiunctis aliud colligi debeat.

His ita positis, est PRIMA ASSERTIO. Sponsalia numerari non debent inter simplices promissiones, sed inter contractus, qui vltro citroque obligationem pariunt. Est Communis, quæ satis colligitur ex tradita sponsaliorum definitione.

Corollarium. Si Titius animo contrahendi sponsalia promittat nuptias Caiæ, hæc autem promissionem accipiet, sed sine proposito repromittendi, nec Titius, nec Caiæ ad nuptias obligantur in conscientia foro. Ita docet S. Anton. p. 3. tit. 1. c. 18. princ. Nauar. c. 22. num. 25. Molina t. 2. disput. 263. ver. quarto idem. Henric. lib. 11. cap. 13. num. 2. Vasq. cit. disp. 4. c. 3. & alij communiter. Quod enim Caiæ obligationem non contrahat, clarum est; quia, *actus agentium non operantur ultra intentionem eorum*, argument. cap. vlt. de præben. Caiæ autem, vt dixi, non voluit se obligare Titio, sed tantum Titium promittentem sibi obligatum habere. Neque etiam Titius obligatur: quia *verba contrahentium accipienda sunt secundum naturam contractus*, l. ex conducto, §. Papinianus, ff. locati: Sponsaliorum autem contractus respectus est, & reciprocos, sicuti ex eius definitione constat: *Mentio, & repromissio futurarum nuptiarum*, l. 1. ff. de sponsal. Ideoque sponsionem continet non simplicem sed virtute conditionatam, Promitto, si & tu repromiseris. Quare dicere solent Doctores, Quod sponsaliorum contractus claudicare non potest, id est, ex vna tantum parte contrahentium obligare.

Dixi autem in Corollario; Si Titius promittat animo contrahendi sponsalia: Sin verò absoluta, & gratuita promissione se obliget Caiæ ad ducendam ipsam, si aliquando voluerit, hancque promissionem Caiæ acceptet, nihil vicissim promittens, solus Titius obligatus erit, sicuti rectè docet Nau. cit. n. 23. Sanchez disp. 5. n. 12. quamvis contradicat Vasq. cit. disp. 4. c. 3. Cur enim quælo te, repugnet, talem obligationem erga alterum liberali, eaque acceptata promissione sibi imponere? sicuti si quis alteri promittat equum tanto pretio venditum, quandoque intra annum emere ipsi lubuerit, non erit quidem hæc pactio reciproce venditionis, & emptionis; sed simpliciter, & absolute in conscientia foro obligans promittentem, vt datam fidem seruet.

Corollarium II. Si quis promittat puellæ, se aliam non ducturum, nisi ipsam, non est hæc obligatio sponsaliorum, sicuti valde probabiliter docet Couar. p. 2. epit. cap. 4. §. 1. n. 8. Gutierrez lit. 1. canon. qq. c. 21. n. 13. Nauar. lib. 4. consil. 7. de sponsal. edit. 2. Henric. lib. 11. c. 12. num. 7. & lib. 13. n. 4. Sanchez lib. 1. disp. 19. num. 5. Coninck tom. 2. disp. 21. dub. 3. num. 29. Oritur tamen inde obligatio conditionalis, vt vel hanc ducat, vel nullam: siue si aliquam ducturus sit, vt hanc ducat, modo ipsa voluerit, arg. l. si sterilis, §. si tibi, ff. de action. empti: *Si ita fundum tibi vendidero, vt nulli alij eum quam mihi venderes, actio eo nomine ex vendito est, si alij vendideris*. Talis enim absolute non vendidit, sed solum promisit, si vendere libuerit, non alij venditum nisi Titio: sicuti si quis promittat se non alienaturum fundum extra familiam. Idemque sensus esse videtur, si quis promittat non aliam ducturum esse præter Titiam, vt consequenter docent Sanchez num. 10. Henriquez cit. num. 4. Quandoquidem talis exceptiua absolute non affirmat, sed negationem tantum tollit: vt sensus sit, *Aperit dico, profiteor, ac promitto, cum nulla mulier me contrahaturum, nulli alteri me venditum*: Excipio te ab hac exclusionem; id est, tecum non nego me contrahaturum; sed non inde sequitur me affirmare. Quamuis multi Doctores aliter sentiant apud Gutierrez, & Sanchez II. cc. quibus id concedendum est: Si ex verbis, aliisque coniecturis appareat, promittentem

certum animum habere matrimonij contrahendi, aut fundi vendendi: atque dicat, non aliam ducturum nisi hanc, seu præter hanc; non alij venditum nisi Titio: simpliciter, & absolute obligari ad ducendum, vendendum. Et fortasse hic ipse est casus cit. §. si tibi.

Secunda assertio. Peracto sponsaliorum contractu, vterque sponsus ex iustitia obligatus est ad nuptias contrahendas; adeo, quamdiu alter in promissione, seu data fide persistit, alter sine mortali iniuria resiliere non possit: quamvis sponsalia sine vlla solemnitate testium & c. clam contracta fuerint: in ordine tamen ad forum externum requiritur probatio per testes: aut in defectum plenæ probationis iuramentum, si deferatur, vt dixi lib. 4. tract. 3. cap. 5. Hæc assertio est ex communi DD. sententia in 4. distinct. 27. vbi S. Thom. quæst. 2. art. 1. & aliorum apud Sanchez lib. 1. disput. 13. Nam omnis obligatio descendens ex reciproco contractu, iustitiæ est; ideoque sub mortali culpa obligans, si materia grauis sit, tantæque obligationis capax, vt in proposito.

Corollarium I. Iudex Ecclesiasticus à sponsalibus sine iusta causa resiliere volentem, altero sponso inuito, post canonicam monitionem, censuris cogere potest, imò etiam plerumque debet. Ita ex communiore, & in praxi recepta sententia docet Couar. in epit. p. 1. cap. 4. num. 3. Henriquez lib. 1. cap. 13. num. 4. Sanchez lib. 1. disp. 29. num. 4. Coninck disp. 22. dub. 2. & habetur in cap. ex literis, 2. de sponsal. *Si monitis non acquiescerit, Ecclesiastica censura compellat, vt ipsam, nisi rationabilis causa obstituerit, in uxorem accipiat*. Eodemque modo Glos. intelligit cap. requisit eodem cit. Puellam prius monendam, postea cogendam esse. Et in cap. 1. de pactis vniuersim statuitur, vt pacta iniuriam veniant firmitatem; aut conueniunt, si se non cohibuerit, seu correxerit, Ecclesiasticam sentiat disciplinam. Ratio est: Quia solus Papa, tanquam supremus spiritualis Princeps, per plenitudinem potestatis, ex graui causa dispensare potest in sponsalibus: non item Episcopus, cum talis dispensatio cedat in præiudicium tertiæ personæ, sicuti docet Palud. in 4. distinct. 27. q. 1. a. 2. Sanchez lib. 1. disp. 61. Quapropter ad Episcopum, tanquam Iudicem ordinarium in huiusmodi causa matrimoniali pertinet, parti postulanti ius dicere: & consequenter alterum sententiæ parere pertinaciter renitentem, spiritualibus pœnis, seu censuris compellere: quæ licet maximè locum habeant, cum sponsalia iurata sunt vel sponsa sub specie matrimonij corrupta: tamen etiam sine his compelli debet ad pactum sponsaliorum seruandum, vt ratio data probat, & notauit Abb. in citat. cap. ex literis, num. 3. dummodo Ordinarius hac ratione spontaneum nuptiarum consensum se impetraturum speret. Sin minùs, satius est, minus malum violatæ promissionis permittere, vt maius malum coacti matrimonij vitetur; atque censuris superfedere, vbi nulla spes correctionis, & fructus affulget. Quomodo intelligi, & reconciliari potest cap. requisit, de sponsal. vbi dicitur: *Cum libera debeant esse matrimonia, monenda est potius (puella) quam cogenda, cum coactiones difficiles soleant exitus frequenter habere*.

Et aduerte, ibi sermonem esse de sponsalibus iuratis. Imò addunt Sanchez citat. disput. 29. num. 8. Coninck citat. dub. 2. num. 10. Philarchus tom. 1. p. 2. lib. 2. cap. 1. Si ordinarius, post latam in hoc casu excommunicationem, videat sponsum pertinacem manere, quod denique eum absolueri debeat, quamvis non perentem.

Corollarium II. Si sponsus, vel sponsa contra fidem primorum sponsaliorum, secunda contrahat; nullo iure posteriora subsistunt, quamuis iurata sint, vt docent Doctores in c. sicut, de sponsal. Nam iuramentum non est vinculum iniquitatis: c. quemadmodum, de iurando: Sponsalia autem posterius inita iniquam promissionem continent:

continent: Ergo non firmanur iureiurando. Idemq; sentien-
dū est, etsi posteriora sponsalia copulam annexā habeant,
vti docet Sotus in 4. dist. 27. q. 2. a. 4. dubi. 3. Henric. lib.
11. c. 13. num. 3. Rodriguez t. 1. sum. cap. 245. n. 8. Sanchez
lib. 1. disp. 49.

Quamuis hoc loco aliquæ limitationes adhibendæ
sunt: Prima, eaque notissima est, si alicubi recepta non
sit, Constit. Trident. sess. 24. c. 1. de reformat. matri-
monij, irrita pronuntians omnia matrimonia clande-
stina. Enimvero secundum ius antiquum, si quis
sponsam carnaliter cognoscat, censetur id agere affe-
ctu non fornicario, sed maritali: ideoque matrimo-
nium clam consummare velle, c. is qui fidem, de spon-
sal.

Secunda. Si priora sponsalia clam, posteriora autem
coram Parocho, aliisque testibus celebrata fuerunt, etsi,
per se loquendo, prioribus standum sit; per accidens ta-
men, si sponsus intelligat sibi, & priori sponsæ omni pro-
batione destitutis, etiam oblato iuramento, fidem in Cō-
fessorio habendam non fore; sed censuris compellendum
ad posteriorem, cum sui maiore infamiatione & c. tali casu
prior sponsa rationabiliter contenta esse, atque iure suo
cedere debet, vti annotauit Sanch. cit. disput. 49. in
fine.

Tertia. Si ex violatione priorum sponsaliorum exi-
guum incommodum futurum sit; vt quia clam celebra-
ta sunt: contra verò graue infamiae damnum timeatur
secundæ sponsæ, quæ priorum sponsaliorum ignara, in
copulam consensit spe matrimonij: præsertim si etiam
prolem concepit. Nam tali casu deceptor ex iustitia obli-
gatus est damnum mulieris auertere. quod alia ratione
non potest, quam ducendo illam: & cum hæc obligatio
grauior sit, alteriusque rationis, quam obligatio priorum
sponsaliorum, præferenda sunt sponsalia posteriora, pro-
pter regulam receptam apud Syl. ver. sponsalia, num. 7.
*Si duo vincula disparis potentia impossibilia contrahuntur,
fortius repellit minus forte.* Et ita docet Maior in 4. d. 27.
q. 5. Coninck disput. 23. dub. 4. concl. 4. Chapeauille in
cap. vlt. sui tract. quæst. 18. Quamobrem ad Iudicem per-
tinebit, cognito periculo grauis damni, interdum com-
pellere deceptorem ad secundam ducendam, sicuti fate-
tur Henric. l. c. Sanch. n. 6. Cum autem Iudex per senten-
tiam non possit priore iure suo priuare, sed solum decla-
rare, ius eius in tali casu, per naturalem æquitatem cessa-
re; consequens est, si talis causa manifesta sit, decepto-
rem idipsum exequi posse in conscientia foro, etiam ante
Iudicis declaratoriam sententiam. Quamuis contrarium
sentire videatur Sotus cit. dub. 3.

Illud verò certum est, quod sponsalia de præsentē,
seu matrimonium ratum, quamuis iniuste contractum
sit, derogat prioribus sponsalibus de futuro, sicuti ex-
pressè habetur in c. sicut, c. si inter, de sponsalibus, c. 1. de
sponsa duorum. Ratio est, quam Glossa dat in cit. cap. si
inter, Quia contractus matrimonij fortioris vinculi est,
quippe corporis traditionem continens, quæ in sponsa-
libus non est. Est enim sicuti si quis hodie vni equum ven-
didit, sed non tradidit; cras alteri non tantum vendidit;
sed etiam tradidit, quamuis iniuste rata est posterior
venditio, tribuitque possessori dominium, l. quoties,
Cod. de rei vindicatione. Ita similiter, si post sponsalia
cum vna contrahatur matrimonium cum altera, poste-
rior contractus, quamuis iniquus, tamen validus est, quo-
per traditionem, quasi dominium corporis coniugi ac-
quiritur: vt proinde iuris regula § 4. in 6. *Qui prior tem-
pore, prior est iure*, intelligenda sit inter eos, qui simili
iure seu titulo nituntur, vt prior tempore posteriori præ-
ferendus. Accedit etiam specialis ratio indissolubilitatis
in matrimonio, quæ ipsi, sacri mysterij causa, ex diuina
institutione competit, sicuti dicam p. 2. c. 6.

Corollarium III. Licet fornicatio sponsæ cum altero
viro soluto adulterij crimine notari non possit, iuxta l. in-

ter, & l. si vxor, §. si quis vxorem, ff. de adult. vbi dici-
tur, *adulterium propriè in nuptiam committi*: cum sit alieni
tori violatio, c. lex illa, 36. quæst. 1. Quamobrem proles
concepta ex sponsæ, aut sponsi fornicatione, naturalis,
non spuria censeri debet; Nihilominus talis fornicatio vi-
detur continere grauem iniuriam aduersus sponsum, quip-
pe cui ius saltem inchoatum, & traditione nondum cō-
pletum competit ad corpus sponsæ, quod per fornicatio-
nem violatur; non secus atque iniuriam inferre censetur,
si quis equo, qui mihi ex emptionis contractu debitus,
ac nondum traditus est, oculum eruat. Quæ est senten-
tia Ludou. Lopez p. 1. instruct. cap. 29. §. ad hæc libet:
Sanchez lib. 1. disput. 2. num. 5. Coninck disput. 22. dub.
1. num. 6. Mol. tom. 3. disput. 73. num. 8. Petri Ledesma
de matrimon. quæst. 43. a. 1. dub. vltimo contra Couar.
in epist. p. 1. cap. 1. num. 14. Henriquez lib. 11. c. 13. num.
4. lit. Candel. autem de sponsali cap. 1. num. 10. vbi
aiunt, tali circumstantia fornicationis cum sponsa aliena,
non mutari genus moris, vt in Confessione necessariò
exprimenda sit. Nam sicuti Nouitius; inquit Henriquez;
qui vouit se Religionem professurum, ex vi huius pro-
missionis non obligatur præceptis futuri status, aut conti-
nentia vinculo; ita etiam sponsa, quæ promisit se corpus
suum traditurum per futuras nuptias, ex vi huius promif-
sionis non obligatur ad continentiam, ita vt fornicando
etiam contra iustitiam peccet.

Sed retenta priori sententia, quæ probabilior est, res-
ponderetur cum Sanchez n. 9. ad 3. discrimen esse inter vo-
tum simplex Religionis, & sponsalia; quia votum Deo
fit, nec Religio aliquod ius in vouentem acquirit: at ve-
rò per sponsalia sponso acquiritur ius aliquod in corpus
sponsæ. Nihilominus in praxi probabile, ac tutum vide-
ri potest, talem circumstantiam sponsaliorum reticere
posse, si fornicatio occulta mensura sit, idque non
tantum propter auctoritatem Doctorum ita opinan-
tium; sed etiam, quia iniuria, licet aliqua sit, non ta-
men tam grauis videri alicui potest, præsertim si spon-
sus cum altera fornicetur, vt ad mortale crimen aduer-
sus iustitiam pertingat: secus est, si fornicatio in pu-
blicam notitiam deuenturā, aut periculum sit proles ge-
nerandæ, cum dedecore, & contristatione sponsæ,
quæ fortasse idcirco à sponsalibus resilire cogetur.

Afferrio III. Contractus sponsaliorum partim suapte
natura, partim ex iuris dispositione, magnam animi li-
bertatem, atque spontaneum, non illiberalem consen-
sum requirit. Quod & ipsum nomen indicat: nam spon-
salia à spondendo dicta sunt, quod est sponte promitte-
re. Ratio verò est: Quia sponsalia sunt via, seu præpara-
tio ad matrimonium: ideo sicuti iura omnia matrimonij
libertatem requirunt, atq; defendunt (cum alioquin in-
felices exitus sequi soleant, vt habetur in cit. c. requisit
de sponsal.) ita & sponsaliorum.

Corollarium I. Ad retinendam libertatem matrimonij
statutum est, l. Titia, ff. de verbor. signif. & l. vlt. C. de
sponsal. & c. gēma, eodem tit. lib. 4. decret. vt pœna spon-
saliorum contractui adijci non possit, soluenda à sponso,
eiusque parentibus, aut cognatis, si per eos steterit, quo-
minus nuptiæ sequantur. Quæ quidem indubitata deci-
sio est, si quis iusta causa à sponsaliorum contractu resi-
liat: sin verò iniuste, ac perfide, res non caret difficulta-
te. Etsi enim DD. communiter dicant, neque hoc casu
pœnam sponsalibus adiectam deberi, contrarium tamen
valde probabiliter defenditur, vti videre est apud Co-
ninck disp. 22. dub. 5. Nam vnica ratio, cur pœna spōsa-
liorū contractui adiecta, irrita censeri debeat tum ciuili,
tū canonico iure, hæc afferri solet; ne matrimonij liber-
tas impediatur: sin autē aliquis nullā iustā resiliendi cau-
sā habeat, imò mortaliter peccaturus sit, si resiliat, tūc mi-
nimè censendus est libertatem matrimonij contrahendi
retinere, quā leges Christianorū tueri debeant. Ergo ho-
dierno iure nō obstat libertati matrimonij, si pœna con-

uentionali compellatur: cum etiam grauioribus pœnis, ac censuris Ecclesiasticis compelli possit, vt suprà dictum.

Confirmatur. Quia non tantum iure ciuili, sed, secundum magis receptam sententiam, etiam canonico, arrhæ quasi pignoris loco traditæ à sponsis, eorumque partibus in sponsalibus interuenire possunt; ita, vt quæ eas dederit, & postea sponsionem non seruarit, amittat arrhas; & si eas antè receperat, restituere cogatur, vt docet Sanchez lib. 1. disp. 36. Sin verò vnus tantum arrhas sponsalitia recepit, seu sponsus, seu sponsa (dummodo maior sit xxv. annis) seu parens; eiusque causa accedit, quominus promissæ nuptiæ sequerentur, statutum est in l. vltima, C. de sponsal. vt duplicatas restituere cogatur: imò vt partes, etiam in pœnam tripli, vel quadrupli, non amplius, inter se conuenire possint: Sin verò iusta à nuptijs causa resiliendi subfit, sufficiat reddere arrhas.

Quinimò, spectato communi iure, arrhæ, à dante repeti possunt post nuptias; quippe cessante causa, ob quam datæ sunt. Quamuis consuetudine aliter apud nos seruetur, vt v.g. anulus arrharum nomine datus, quasi sponsalitia donatio nuptiarum causa facta, ijs sequutis, confirmetur. Vide quæ dixi lib. 3. tract. 4. c. 5. n. 4.

His adde, arrhas simili ratione etiam in alijs contractibus interuenire posse, v.g. in emptione ac venditione; non quod ad eius substantiam requirantur, sed ad maiorem firmitatem, l. quod sæpe, ff. de contrah. empti. ita quidem, spectato iure Cæsareo, vt si contractum implere recuset emptor, perdat quod dedit: sin verò venditor, duplum restituere compellatur, §. 1. Instit. eod. tit.

Porro multi causam afferre conantur, cur arrhæ præsertim cum stipulatione tripli, aut quadrupli, iure etiam canonico permixtæ sint, non item pœna, vt videre est apud Abb. eiusq; addit. Henricum Canisium, aliòsq; Canonistas in cit. c. gemma, Sanchez lib. 1. disp. 35. Sed impossibile est veram discriminis rationem reperire, cum dicta arrharum stipulatio haud dubiè pœnæ etiam rationem habeat, & quidem iustæ, ac non repugnantis libertati matrimonij; dummodo decreta sit ei, qui ob culpam eiusmodi pœnam meretur. Sin autem iustè quis resiliat, tunc adiectio pœnæ irrita censenda est, iuxta cit. c. gemma.

Est verò hæc aduertendum, iure antiquo Romanorum concessum fuisse non tantum à sponsalibus resiliere, sed etiam contracto matrimonio diuortium instituere: quia putabant Gentiles matrimonia libera esse debere, sicut colligitur ex tit. ff. de diuortijs, & apertè habetur in l. neque ab initio, C. de nuptijs, quæ est Diocletiani, & Maximiniani. Imp. Pœnam tamen legalem, videlicet amissionem arrharum, dotis, vel donationis propter nuptias subire debebat, qui resiliuit, aut repudiavit, vt Glos. ibidè annotauit. Verum præter has pœnas legales, aliam stipulationem adiungere prohibitum erat in l. stipulatio, ff. de ver. obligat. & cit. l. Titia, ff. de verb. obligat. & l. vlt. C. de sponsal. in fine.

Quapropter cum lege Euangelij talis libertas tum à sponsalibus, tum à matrimonio recedendi damnata sit, nihil omnino obstat, quominus pœna iniusto datæ fidei violatori decernatur, vt agnouit Leo Imperator Nouella 18. Quod ipsum simili ratione de diuortijs admonuit Sanchez lib. 1. disp. 30. n. 9. cum Aleiatio in cit. l. Titia; Cum hodie repudia non sint licita, valere stipulationem pœnalem: si coniunx extra casus iure concessos coniugem repudiet, vt talem pœnam soluere teneatur.

Corollarium II. Pactum lucratium sponso, ab altero contrahente adiectum, si cum ipso matrimonium contraxerit, tanquam iure inualidum rescindi debet, sicuti habetur in l. si ita stipulatus, §. si tibi, ff. de verb. oblig. Si tibi nuptiæ, decet dare spondeat causa cognita denegandæ actione pœnæ. Quia non, vt par est, mutuo spontaneo amore, sed ex

libidine, ac turpi quæstu, matrimonia tali modo comparati censentur: quare promissio tanquàm contra bonos mores rescinditur, sicuti docet Additio Abb. in c. gēma, de sponsal. n. 9. Couar. in epit. p. 2. cap. 3. §. 3. n. 1. Syl. ver. spōsalia, q. 8. Sanch. disp. 33. num. 3. Valer tamen talis promissio, si turpitudinis præsumptio cesserit, vt nomine dotis, vel donationis ob nuptias promissum videatur: vel propter inæqualitatem personarum, quia v.g. vir ignobilis, aut senex promittit aliquid puellæ nobili, iuueni, in compensationem nobilitatis, aut iuuentutis, iuxta c. de illis, de condit. appositis: idque annotauit Abb. in c. cum in Ecclesiâ, h. 3. de Simon.

Deinde irrita est tantum promissio, si fiat ab ipso contrahente: secus, si ab alio quocunque: vt si Caius Titio promittat, vel leget centum, si cū Sēpronio contraxerit: talis enim non turpis quæstus, sed liberalis promissio, seu donatio sub cōditione cēsetur, per quā neq; libertas matrimonij aufertur; cū non agatur de pœna dāni, cuius metu aliquis ad contrahendū cōtra voluntatē induci posset: sed solum de non acquirendo lucro, per quod aliquis ad matrimonij allicitur, vt colligitur ex l. Titio, §. 1. ff. de condit. & demonstr. ibi: *Aliud est enim eligēdi matrimonij pœnæ metulibertatē auferri, aliud ad matrimonium certa lege inuitari.*

Corollarium III. Qui ficto, seu simulato animo matrimonium promittit, per se loquendo, non obligatur ad nuptias contrahendas. Ita docet Veracutus p. 3. speculi, art. 19. concl. 5. Molina t. 3. disp. 352. Sanch. lib. 1. disp. 10. q. 5. contra Nau. c. 16. n. 18. Ledesmam de matrim. q. 43. art. 1. dub. 4. Vasq. de matrim. disp. 6. c. 3. Ratio est: Quia promissioni defuit cōsensus. Ergo non oritur inde obligatio. Si autē puella decepta dānum aliquod passā est, id ei secundum iustitiæ æqualitatem compensari debet. Quæ compensatio interdum per pecuniam fieri potest: vt si mulier eam ob causam expensas fecerit, vel aliud cōmodum matrimonium neglexerit: interdum verò alia ratione compensari nequit, quā vt simulator, deposita simulatione, verè eam in matrimonium ducat: puta si spectata qualitate personæ, & alijs circūstantijs, grauem infamiam passura sit, quæ alia modo aboleri non possit, sicuti notauit Coninex disp. 22. dub. 6. concl. 3. Aut si facta promissione nuptiarū puellā ad copulam induxerit, sicuti ex cōmuni docet S. Anton. p. 2. tit. 5. c. 6. §. 1. Syluest. ver. luxuria, q. 5. Armilla n. 2. Molin. tract. 3. disp. 106. n. 4. Rodriq. tom. 1. sum. c. 108. concl. 8. Sanchez cit. disp. 10. num. 3. Coninex disp. 22. l. 8. concl. 1. Lessius lib. 2. cap. 10. dub. 3. Ratio est: Quia mulier copiam sui corporis faciendo, instituit contractum innominatum: Do tibi corpus meum, ea lege, vt postea mecum matrimonium contrahas: quare si mulier ex sua parte promissum impleat, alter acceptare non potest, nisi ex naturali æquitate, & iustitia, contrahendo obligationem implendi etiam id ipsum, cuius causa pars altera impleuerat: quamobrem deceptor in omni foro ad id compelli potest.

Adhibent autem limitationem DD. nisi tales promittentis, vel promissionis circūstantiæ sint, vt mulier deceptionē aduertere debeat. Alioquin verò si mulier non habeat occasionem suscipiendæ deceptionis, sola status seu conditionis disparitas deceptorem, ac infamatorem puellæ non liberat à matrimonio, vt rectè docet Lessius lib. 2. c. 10. dub. 3. Vasq. in moral. de restitut. c. 3. §. 1. dub. 5. Henricq. lib. 11. c. 11. n. 2. Nau. lib. 2. de restit. c. 3. p. 4. dub. 2. n. 442. cōtra Rodriq. cit. concl. 8. Sanch. cit. disp. 10. n. 21. Nam si talis promississet ex animo puellæ inferioris conditionis, deberet ei fidē seruare, per se loquēdo: ergo cū tenetur, quamuis fictè promiserit, si conditionē carnalis copulæ acceptauit: id enim facere non potuit, nisi contrahendo obligationem vicissim implēdi id, cuius causa mulier promissum suum impleuit. Et si enim talis apud animum suum protestetur, nolle se sponsionem facere: tamen externa illa spontanea acceptatio copulæ, tali, & non alia conditione oblatæ, est constans protestationi, cāmque morali

moralis æquitatis ratione elidit. Alioquin in quouis oneroso contractu, libera decipiendi facultas daretur. Vt si quis bona fide permutanti vaccam pro ouibus decem, posteaquam vaccam tali conditione datam accepit, & absumpsit, nolit deinde dare oues, (quia non ex animo promiserit) sed aliam damni compensationem facere; profecto is neque in externo, neque interno conscientie foro audiri debet: quando vaccam tali, & non alia conditione datam liberè accepit, & absumpsit; ideòq; alteri semper damnum iniustum infert, nisi ei det id ipsum, cuius causa promissum suum impleuerat.

Notant tamen Less. num. 30. & Vasq. dub. 4. Si fictus matrimonij promissor deprehendat mulierem virginem non esse, quæ virgo videbatur, non obligari ad nuptias, aut ullam aliam compositionem faciendam, per se loquendo. Quæ doctrina colligitur ex Sanchez disp. 10. num. 13. ubi regulam tradit: Quotiescunque superuenit causa sufficiens ad soluenda sponsalia syncerè promissa, sufficit, ea etiam ad soluendam promissionem fictam sub conditione copulæ carnalis: Atqui spòsus recedere potest à sponsalibus, si, quæ virgo publicè existimabatur, talis postea non reperiatur, vt postea dicam. Ergo &c. Si tamen sciebat puellam corruptam esse, & nihilominus ei fictè matrimonium promisit sub conditione copulæ, eà impletâ, obligatus est.

12 Corollarium IV. Liberi à parentibus, aut similibus personis, in quorum potestate constituti sunt, neque ad contrahendum matrimonium cogi, neque à contrahendo impediri possunt. Quæ est communis Doctorum sententia, sumpta ex c. sufficiat. 27. q. 1. & c. veniens, 1. de sponsal. c. cum virum, de Regular. ibi: *Quia liberum habet arbitrium in electione propositi, sequi parentum non cogitur voluntatem*, & docet S. Thom. 2.2. q. 104. a. 5. & in 4. dist. 29. quæst. vn. a. 4.

Sunt verò hoc loco aliqua aduertenda: 1. Leges civiles, quæ ad filiarum matrimonium patris consensum, tanquam necessarium exigunt, eæ vel solum ad honestatem æquitatemque referendæ, vel certè canonico iure correctæ sunt, sicuti notauit Covarruias in epit. p. 2. c. 3. §. 8. n. 1. & videre est in Tridentin. sess. 24. c. 1. de reformat. matrimon. ubi anathemate illi damnantur, qui affirmant, *matrimonia à filiis facta sine consensu parentum contracta, irrita esse, & parentes, ea rata, vel irrita facere posse*. Ex quo colligitur, quod irrita sit etiam desponsatio, quam pater facit nomine filij puberis, aut impuberis, abique libero eius consensu expresso, aut tacito. Cui non repugnat c. 1. §. potest, de desponsat. impuberum, ubi habetur, quod pater filium impuberem matrimonio tradere possit; & filius, adepta pubertate, *illud omnino adimplere debeat*. Hoc enim non absolute intelligendum videtur; sed ad hoc, vt matrimonium valeat, necesse esse vt filius, post ætatis pubertatem, consensu suo illud ratificet, licet Abb. & Gl. aliter explicant: videlicet quod filius adimplere debeat ex honestate, non obligationis necessitate. Verum hoc singulare nihil esset in filio impubere, pro quo pater sponderat: cum idem quoque de pubere dici posset.

13 Hæc porro iuris præsumptio est, quod in c. vn. §. porro, de desponsat. impub. in 6. dicitur, si filius, aut filia præsens sit, dum parens illam viro spondet, & omni secluso metu non contradicat, quod consentire videatur. Quamquam hæc præsumptio in foro animæ, siue sacramentalis Pœnitentiæ nõ attenditur, si puella dicat, sibi non fuisse animum cõsentiendi, sed ob reuerentiam v. g. cõtradecere ausam non fuisse: siquidem in hoc foro, sicuti creditur dicenti contra se, ita & pro se. At verò in foro externo probationibus, aut saltem coniecturis puella ostendere debet, se consensum liberum non præstitisse: alioquin cogetur matrimoniũ contrahere, ipsaq; iustæ Iudicis sententiæ obtemperare debet. Attamen hæc magna cautione opus est, ne ex matrimonio coacto, & in quod contrahendũ puella consensu expresso non cõsensit, exitus infe-

lices sequatur. Vtrum verò decisio citi. c. vn. locum etiam habeat, si tutor, vel similis persona, pro puella præsentè, & non cõtradicente spò deat, legere potes apud Sanchez lib. 1. disp. 23. Arbitror autẽ locum habere, si talis persona sit, quæ in commodum, ac fauorem puellæ spondere videatur, vt si ipsa contradicere nollet, apertè exprimere deberet, iuxta ea quæ dixi lib. 1. tr. 2. c. 3. n. 3.

II. Liberi peccant quidem contra pietatem, & reuerentiam parentibus debitam, si ipsis inscijs, & inconsultis sponsalia temere contrahunt: quia parentum cura, & potestas postulat, vt sine eorum consilio nihil statuatur in re tanti momenti; non tamen semper obligantur ad consilium, vel iussum sequendum; cum in contrahendo matrimonio sui iuris, ac libertatis existant, sicuti rectè docet Sanchez lib. 4. c. 23. Quare ita distinguendum videtur: Vel parentes filium, aut filiam ab omni matrimonio auocare, vel impedire conantur: tunc obediendum eis non est cū incontinentiæ periculo: quia *melius est nubere quam vri*, 1. ad Corinth. 7. Vel certum aliquod matrimonium, ad quod filij voluntas propendet, parètes impedire volunt. tunc expendendæ sunt rationes, quibus ipsi dissuadendo nituntur, & cum contrarijs cõferendæ. Vel deniq; parentes ad certas nuptias filium, alioquin abhorrentẽ, compellere conantur, tunc sequendi non sunt, teste Henriq. lib. 11. c. 13. n. 13. Syl. ver. præceptum, q. 2. Sanchez cit. dist. 23. n. 3. Nisi in casu speciali, quo plurimum interest parentum, v. g. ad graues inimicitias tollendas, sicuti notat Nau. cap. 14. man. n. 15. Bellar. de matrim. c. 19. propos. 3. Henriq. lib. 11. c. 6. n. 6. Rodriq. t. 2. sum. c. 23. concl. 6. dummodo matrimonium honestum sit, & filius velit statim coniugalem amplecti, vt monet Sanchez n. 5.

III. Quamuis liberi promittendo matrimonium, inconsultis, aut inuitis parentibus, peccarint, datam tamen sponsaliorũ fidem seruare tenentur: tamen si imparis conditionis spò sis promiserint; neq; parentibus hoc casu impedire eos concessum est. Cum enim talis promittens ad implendam promissionẽ graui obligatione teneatur, & in omni foro cõpelli soleat, sicuti testatur Ecclesiæ praxis, & ex cõmuni docet Molina to. 2. disp. 271. Veracruz 3. p. spec. a. 19. concl. 2. Sanchez lib. 1. disp. 14. sequitur patrẽ mortaliter peccare, si filium impedire, vel ei dissuadere conetur id, ad quod ipse sub peccato mortali obligatur. Neq; verò mirum videri debet, sponsalia interdum illicita esse, & tamen rata, & obligantia; sicuti & prodiga promissio, vel donatio obligationem parit, quamuis malè facta sit: modò non versetur circa rem malam, quæ sine peccato præstari nequeat, vt in simili dixi lib. 4. tract. 4. c. 2. n. 7.

Enimvero si ex matrimonio, quod filius, aut filia contrahere cogitat, ob disparitatem sponsorum, vel similem causã, timeatur familiæ dedecus, scādala, discordiæ: deòq; tale matrimonium, tanquam charitati ac pietati repugnans, sine peccato contrahi non possit: tunc parentes illud impedire possunt, ac debent, implorata etiã Iudicis auctoritate, ad cuius officium pertinebit cauere, ne talia matrimonia ineantur, ex quibus scādala, vel infelices exitus sequi solent: idque non tantum locũ habet antequam sponsalia celebrata sunt, sed etiam postea: quia, vt suprà dixi, promissio nõ obligat, quæ versatur circa rem illicitã, videlicet matrimonium, cum scandalo, & peccato contrahendum. Quare locum habet iuris regula, 69. in 6. *In malis promissis fidem non expedit seruari*. Et ita docet Nauar. cap. 16. n. 18. Gutierrez lib. 1. canon. qq. c. 20. n. 23. Sanchez cit. disp. 14. n. 3. & sumitur ex cap. cum in tua, iur. Gl. ver. scandalo, ubi ait, quod *propter securum scandalum matrimonium impediendum sit*. Idque notat Abbas in c. requisit. de sponsal. Ioan. Chapeauille de modo ministr. sacramen. cap. 6. quæst. 19. ubi ait: Iudicem debere interdiceret matrimonium, quando vehementer ex eo timetur scandalum: idque non statim cessaturum inter consanguineos.

Denique ex his responderi potest ad quæstionem, R. iij

Verum filia inconsultis, aut inuitis parentibus nubens, ex-
 5 heredari possit? Dicendum est enim primò: Iure com-
 muni Cæsareo non posse; cum non sit vna ex causis qua-
 tuordecim, nec grauior illis, quæ numerantur in Gl. c.
 Quintanallis, de iureiur. ex Auth. vt cum de appellat. co-
 gnoscitur, §. aliud quoque, & ex communi docet Nauar.
 cap. 14. n. 15. Clarus §. testamentum, q. 41. Sanchez lib. 4.
 disp. 24. n. 3. Sed limitari debet primò; Nisi parentibus vo-
 lentibus (& non differentibus vsque ad annum xxv. ætatis)
 filia maritum dare, & dotem secundum vires substantia, illa
 non consenserit, sed luxuriosam vitam degere elegerit, cit. §.
 aliud quoque, ad finem. Secundò; Nisi abique paren-
 tum consensu mancipio nubat, sicuti colligitur ex Auth.
 Sed si post, C. de inoffic. testamento, & docet Molin. to.
 1. tract. 2. disp. 176. §. obserua tertio, Sanchez cit. disp. 24.
 num. 10.

Dicendum secundò: Nulla lege, vel consuetudine in-
 troduci posse, vt filia in quolibet casu exheredari possit,
 si parentibus inuitis nubat. Quia filia in causa matrimo-
 niali non est absolūtè subdita parentum potestati, sed iu-
 re arbitrij sui gaudet: non potest autem civili lege, aut
 consuetudine constitui, quod libertati matrimonij, ideò
 que canonico iuri, & praxi Ecclesiæ repugnat.

Dicendum tertio: Probabilius videri, quòd lege, vel
 consuetudine constitui possit, vt filia in casu, quo gra-
 uiter delinquit, absque patris consilio vel consensu ma-
 trimonium contrahendo, in commissi criminis pœnam
 exheredari queat: quæ est sententia Soti in 4. d. 29. q. 1. a.
 4. ad 4. Molin. cit. disp. 176. §. contrariam sententiam.
 Ratio est: Quòd delicta, quæ in contrahendo matrimonio
 committi solent, etiam ad secularem Magistratum per-
 tineat prohibere, ac punire, sicuti docet Couarru. in epit.
 p. 2. cap. 6. princ. n. 22. Contrariam nihilominus senten-
 tiam amplexus est Sanchez cit. disp. 24. n. 15. propterea
 quòd talis pœna libertati matrimonij repugnare videat-
 ur. Sed respondetur: Talem libertatem, quæ ad pec-
 candum tendit, à sacris canonibus minimè defendi, vt
 suprà etiam dixi.

16 Corollarium V. Canonico iure, tam mas, quam
 fœmina ante expletum ætatis septennium ad sponsalia in-
 habiles censentur, c. literas, c. accessit, c. ad dissoluendum,
 de desponsat. impuber. & c. vn. in princ. eod. tit. in 6. & l.
 in sponsalibus, ff. de spòsal. Causa est, quia ea ferme ætate
 rationis, ac liberi arbitrij vsum consequuntur, vt volun-
 tariam in se obligationē suscipere possint. Quamobrem
 si certis indicijis ostendatur, defectum ætatis malitia, &
 præcoci ingenio suppleri, valida sponsalia censeri debent,
 argumēt. c. iuuenis, de sponsal. & docent multi Doctores
 apud Sanchez lib. 1. disp. 16. diff. 2. contra Abb. in cit.
 c. Iuuenis, n. 5. Andreæ Fachinæ lib. 3. controuer. c.
 26. Sicuti & vice versa, inualida sponsalia censentur, quæ
 post legitimam septennij ætatem celebrata fuerūt, si in-
 sufficientem rationis discretionem tunc abfuisse ostendi
 possit. Ratio est: Quia cum de veritate constat, præsum-
 ptio, quæ ex ætate secundum iuris præsumptionem sumit-
 ur, merito cedere debet, arg. c. puberes, de spons. impu-
 berum.

Tria hic aduertenda. I. Sponsalia, quæ ob rationis de-
 fectum, seu vtriusque, seu alterius contrahentium, irri-
 ta fuerunt, superueniente rationis discretionem, per rati-
 ficationem expressam, aut tacitam conualescunt, arg. c. li-
 teras, de sponsat. impuberum, vt id notant Gl. & DD. &
 expressius habetur in c. duo, eod. tit. & c. vn. eod. in 6. in
 princ. vbi id Gl. explicat, & Sanchez cit. disp. 16. n. 5.

17 II. Sponsalia ab utroq; vel alterutro contrahentium
 impubere, post ætatis discretionem celebrata, partim
 rata sunt, partim non rata, sed suspensa. Rata sunt, quia
 & impedimentum publicæ honestatis inducunt c. literas,
 c. accessit, c. cõtinebatur, de despons. impub. c. vn. §. por-
 rò, eod. in 6. & durante minore illa ætate à sponsalibus re-
 silire non possunt, c. de illis, extra, eod. tit. Suspensa au-

tem sunt, quia quamprimum impubes annos pubertatis
 affecutus fuit, datur ei optio vel resiliendi, vel sponsalia
 ratificandi, seu expressè seu tacitè: pubes verò, qui cum
 impubere contraxit, neque ante, neque post huius pu-
 bertatem resiliere potest; nisi alter pubes factus dissolutio-
 ni consentiat, cit. c. de illis, & c. à nobis, eod. Vbi tamen
 exceptio ponitur, nisi ante ætatem legitimam se carnali-
 ter cognouerint; tunc enim spectato iure antiquo, matri-
 monium cõsummare censentur, iure autem nouo, spon-
 salia: siquidem canonico iure pubes censetur qui genera-
 re potest, etsi annorum numerum non expleuerit, c. pu-
 beres, de despons. impuberum, & cap. vlt. de eo qui co-
 gnouit consanguin. Præterea si impubes, pubertati pro-
 pinquus, sponsalia iuramento confirmauit, resiliere non
 potest adepta pubertate, iuxta c. ex literis, 2. de sponsal.
 vbi id notat Abbas n. 2. & constat ex dictis lib. 3. tract. 4. c.
 9. n. 6. in fine. Videri potest Sanchez lib. 1. disp. 51. n. 22.

III. Si impuberes matrimonium contrahere intenden-
 tes, vtantur verbis de præsentè: licet ob ætatis, & imatū-
 ritatis defectum verū matrimonium non sit, censeri tamē
 debent sponsalia de futuro, qualia impubes cõttrahere po-
 test, sicuti colligitur ex c. à nobis, de despons. impuber. &
 apertè habetur in c. vlt. eod. tit. & c. vn. §. idem quoque,
 eodem tit. in 6. vbi etiam ratio insinuat, quia mens cõt-
 trahentium sit: Si actus non valet secundum omnia, valere ta-
 men debet, quatenus potest: quam regulam defendit Abbas
 c. cum super, de offic. deleg. & interpretans Couarruias
 in epit. p. 1. c. 3. in fine, veram esse ait, si id quòd fieri potest, in-
 cludatur sub eo quòd fit, sicuti sponsalia includuntur in ma-
 trimonio, tanquam imperfectum, seu inchoatum in per-
 fecto.

Ex quo valde probabiliter inferunt Veracru. appendi-18
 ce ad speculum, dub. 9. Henric. lib. 11. c. 5. n. 4: Coninex
 dis. 21. dub. 4. concl. 2. matrimonium clam celebratum
 licet iure nouo Tridentino sess. 24. c. 1. de reformat. non
 valeat vt matrimonium, valere tamē vt sponsalia de fu-
 turo, cum ad horum valorem nulla testium & c. solemnitas
 requiratur: quamvis contrariam sententiam tradat
 Nauar. lib. 4. consil. 3. de clandestina desponsat. edit. 2. San-
 chez lib. 1. disp. 10. dixi verbis Concilij. Ad sic contrahen-
 dum eos sancta Synodus omnino inhabiles reddit. Sed hæc ver-
 ba nihil probare videntur: cum supplenda sit vox matri-
 monium, quæ proximè antecesserat: ac proinde sensus sit:
 attentantes matrimoniū contrahere sine Parocho, & te-
 stibus, inhabiles reddi ad ita contrahendum: & eiusmodi
 matrimonij contractus irritos esse. Quamvis, propter
 auctoritatem Doctorum, sponsus, qui matrimonium
 clandestinum irritè contraxit, in nullo foro cogi poterit,
 vt in futurum contrahat, nisi ad hoc ipsum expressè se
 obligarit, si contractus non valeat tanquam matrimo-
 nium, quòd valere debeat eo modo, quo potest, scili-
 cet vt sponsalia, sicuti notauit Sanchez n. 6.

CAP. II.

De dissolutione Sponsaliorum.

S V M M A R I V M.

- 1 Sponsalia mutuo contrahentium consensu dissolui possunt, quamuis iurata fuerint.
- 2 Sponsalia solvuntur per Religionis ingressum, secuta professione.
- 3 Si vnus sponsum Religionem ingrediatur, censetur renuntiare sponsalibus, vt alteri resiliere statim liceat: Sin verò expectato ma-
 lit, egressus ex Nonitatu sponsonem seruare debet.
- 4 Sponsalia per votum ingredienda, ac prestenda Religionis penitus solvuntur.
- 5 Post votum Religionis sponsalia valide celebrari non possunt: cum Deo prius ius acquisitum in hominem transferri nequeat.
- 6 Sponsalia legitime contracta non videntur dirimi per subsequens continentia votum simplex: cum tale votum Deo gratum non sit, quod in hominis iuriam cadit.

- 7 Nihilominus tutus videtur esse in conscientia, qui à sponsalibus, praesertim clam celebratis, sincero animo amplectendi statum perfectionem continentia, resiliuit.
- In foro autem externo talis compellitur ad viam tutiorem: ut vel sponsa fidem seruet, vel Religionem ingreditur: quamquam etiam permitti potest, ut sacrum ordinem suscipiat.
- 8 Qui post contracta sponsalia, in scia, vel inuita sponsa Religionem ingreditur, vel ordinem sacrum suscipit, obligatus esse videtur ad resarcienda illi damna, quae ob eam causam passa fuit, v.g. in nuptiarum preparatione.
- 9 Qui voto continentia obstrictus matrimonium licite, vel illicitè contraxit, à petitione debiti abstinere debet: priusquam ab Episcopo, vel privilegiato super ea re dispensationem impetret, quia in hoc casu propter incontinentia periculum facile concedenda est.
- 10 Si sponsus, vel sponsa fornicationem committat, alter sponsus resiliere potest.
- 11 Si sponsa oscula, vel similes tactus impudicos ab altero viro admittat: vel si vim ab alio passa fuerit: iusta censentur haec causa illam repudiandi.
- 12 Si uterque sponsorum fornicatus fuerit, non compensatur delictum delicto: quia turpius censetur fornicatio sponsa, quam sponsi.
- 13 Si sponsus post sponsalia in longinquas terras abeat, ut breui tempore rediturus non censetur, sponsa liberatur obligatione: nisi ob causam necessariam discesserit, nullumque sponsa incontinentia periculum, aliamque matrimonij necessitas imminet.
- 14 Si sponsus ob causam voluntariam iustam discessit, biennio expectandum est, si intra provinciam: triennio, si extra provinciam moratur.
- Qua iuris Caesaris decisio etiam in conscientia canonico foro locum habere videtur: hac tamen limitatione, quod Index Ecclesiasticus, si incontinentia periculum sponsa imminere videat, tempus moderari possit.
- 15 Si sponsus in alienam terram, domicilium mutaturus, se conferat, sponsa sponsalibus liberatur.
- 16 Sponsalia solvuntur, si elapsus est terminus temporis, qui statutus erat ad obligationem finiendam, ita, ut nisi intra tale tempus nuptiae celebrentur, resiliere liceat.
- 17 Si unus sponsorum paratus fuit nuptias ante elapsum terminum celebrare, alter vero non paratus, tunc contractus sponsaliorum claudicat, & manet obligatio tantum ex parte eius, per quem stetit. Neque refert, tamen si in culpa vacet, si terminus finiendae obligationis per modum conditionis, & non per modum poenae adiectus fuit.
- 18 Notabilis mutatio superveniens iustam dat causam sponsalia solvendi.
- 19 Tamen si tempore sponsaliorum existeris causa, ob quam sponsalia displicerent (v.g. morbi contagiosi, aut incurabilis, aëris alieni, infamia, violatae pudicitiae in sponsa, magna seuitia, crebra ebrietas in sponso) sed probabiliter ignorata ab altero sponso, ea cognita ius datur sponsalia rescindendi.
- 20 Si sponsus cognita causa à sponsalibus resiliendi, sponsam carnaliter cognoscit, censetur sponsalia ratificare.
- 21 Sponsalia solvuntur, si impedimentum matrimonij dirimens superveniat.
- 22 Si uxor, cum qua Titius contra fidem primorum sponsaliorum, contraxit, moriatur, & prior sponsa in proposito suo permaneat, non videtur Titius obligatus ad eam ducendam: cum obligatio semel extincta non requiescat.
- 23 Licet spectato communi iure, si causa absolviendi sponsalia manifesta est, Ordinarij consensus non requiratur: nulli tamen diocesibus aliter observari solet.

SPONSALIA varijs modis solvi possunt: PRIMO, Per mutuum consensum, sicuti colligitur ex c. 2. de sponsal. ubi Innocentius III. ait: *Videtur, quod in stat eorum, qui societatem interpositione fidei contrahunt, & postea, eandem sibiremittunt, hoc possit in patientia tolerari.* Ratio est: Quia omnis res per quas causas nascitur, per easdem dissolvitur, c. 1. de regul. iuris, & c. omnis res, 27. q. 2. Et reg. 35. ff. Nihil tam naturale est, quam eo genere quidquam dissolui, quo colligatum est. Et §. ult. tit. Instituit. Quibus modis tollitur obligatio: Obligationes, quae consensu contrahuntur, contraria voluntate dissolvuntur. Quae tamen regula fallit in matrimonij contractu, propter rationem sacramenti, uti nota vit Gl. in cit. c. 1. de regulis iuris.

Addi verò debet tradita doctrina: Eam etiam habere locum, tamen si sponsalia iurata sint, sicuti docent Glos. & DD. communiter in cit. c. 2. Quia iuramentum fortitudo conditiones actus, cui opponitur, c. quemadmodum, de iureiur. Sponsalibus autem (sicut & alijs promissionibus) haec tacita conditio inest, nisi postea remissa, aut mutuo consensu soluta fuerint. Quare iuramentum in favorem

alicuius praestitum, ab eodem remitti posse, docent DD. in c. 1. de iureiur.

Sed his obstare videtur, quod Pontifex dixit, talem sponsaliorum remissionem tolerandam esse, ne deterius inde contingat, videlicet ut talem aliquis ducat uxorem, quam odio habet: Ergo fateri videtur, talem remissionem ac dissolutionem esse malam. Communis est responsio Innoc. & Abb. in cit. c. 2. n. 5. & aliorum apud Sanchez lib. 1. disp. 52. n. 2. quod Papa ita responderit, ad tollendam speciem mali: quia vulgares homines arbitrantur, sponso resiliences fidem datam, vel iuramentum violare.

Mihi verò alia occurrit responsio, textui, nisi fallor, convenientior, Innoc. III. id dixisse in casu, qui frequenter accidere solet, ut unus sponsorum, v.g. mulier, cupiat sibi fidem servari: sed vir omnibus modis renuat, cupiatque sponsaliorum remissionem fieri, quia abhorret à muliere: tunc sanè commonendus, & omnibus modis inducendus, ut praestitam fidem observet: sin autem bonus exitus non speretur, toleranda est remissio, & dissolutio, quae ex parte mulieris fit non mera voluntate, sed admixto inuoluntario: idque non sine peccato vitii, quod tamen permittitur, non approbando, sed tolerando, ut maiora incommoda vitentur.

Id nota, consuetudinem esse multarum Ecclesiarum, si sponsalia coram Parocho celebrata fuerint, ut eorum dissolutio non permittatur, nisi causam prius ad Episcopum delatam.

SECUNDO solvuntur sponsalia per ingressum Religionis secuta professione. Qui casus extra controversiam est. Cum enim sponsalia de praesente, seu matrimonium ratum ita solvatur, c. ex publico, de conuers. coniugat. multo magis sponsalia de futuro.

Sed dubium est, an solo in Religionem ingressu solvantur sponsalia ex parte sponsi alterius: ita ut is à promissione sua liber, aliud matrimonium spondere, & contrahere possit? Negat Duran. in 4. d. 27. q. 3. art. 3. Palud. ibid. q. 1. a. 3. casu 5. Couar. in epit. p. 1. c. 5. princ. n. 11. Armilla ver. sponsalia, n. 11. Sed contraria sententia est probabilior Syluest. ver. sponsalia, q. 10. casu 2. Sot. d. 27. q. 2. a. 5. ver. hoc tamen, Nau. c. 22. n. 26. in princip. Henric. lib. 11. c. 14. n. 3. Rodriq. t. 1. sum. c. 245. concl. 1. Sanchez lib. 1. disp. 42. n. 2. Vivaldi de sponsalibus, c. 5. num. 14. Coninck disp. 23. dub. 3. n. 22. Ratio est: Quia sponsus ingrediendo Religionem, ipso facto significat, se voluntatem mutasse, & sponsalibus renunciare. Accedit, quod specialis iste euentus sit, ad quem alter sponsus se obligare non praesumitur, ut tanto tempore probandae Religionis expectare, & postea sponsum accipere debeat, qui religiosum habitum exuerit, & mentis inconstantis indicia toties dederit. Sin verò sponsus in seculo expectare malit, & alter, non secuta professione, Religionem egrediatur, non dubito, tunc cogendum esse, ut datam olim sponsaliorum fidem praestet sponso volenti, & hucusque expectanti, sicut docent Petrus Ledesma q. 43. a. 3. dub. 2. Henric. Rodriq. & Coninck l. cc. contra Sanch. cit. disp. 42. n. 5.

Tertiò solvuntur penitus sponsalia, per votum Religionis ingrediendae, ac profitendae. Quae est certa sententia, apud Henric. lib. 11. c. 14. n. 4. Cum enim sponsus licitè, ac rectè Religionem quamcunque profiteri possit, uti ex communi docet Nau. c. 22. n. 27. §. decimò, Henric. lib. 11. c. 13. n. 3. sequitur, quod licitè etiam Religionem, relictis sponsalibus, vouere queat. Confirmatur: Sicuti se habet matrimonium ratum ad sponsalia, ita proportionaliter se habet professio ad votum profitendi: Ergo sicuti matrimonium ratum solvitur per professionem solemnem, cap. ex publico, de conuers. coniugat. sic etiam sponsalia solvuntur per votum profitendi solemne.

Limita cum Henric. cit. n. 3. lit. k. Nau. lib. 3. consil. 3. R. iii.

de voto, edit. 2. Lopez p. 1. instruct. c. 77. §. sed grauius, Azor. 1. lib. 11. cap. 21. quæst. 10. Sanchez disput. 44. Nisi sponsa, siue de futuro, siue de præsentē, grauem infamiam contractura sit; vt quia spe matrimonij cognita, & fortē grāuida facta est: eiusmodi enim casu votum Religionis ingrediendæ, aut profitendæ; vel perpetuæ continentię seruandæ, quatenus in sponsæ iniustum detrimentum cedit, Deo gratum, atque obligatorium non est.

Quinimō existimant Sanchez disput. 45. Less. lib. 2. c. 10. dub. 4. Coninck disput. 23. dub. 3. concl. 6. Chapeauille c. vltimo sustract. quæst. 17. Vasq. de restit. cap. 3. in fine; Etiam si votum Religionis, aut perpetuæ cōtinentię antecesserit, & sponsalia secuta fuerint: hæc potius in tali casu seruanda esse, quā votum. Quia votum cessat obligare, cū fortior impossibilis obligatio iustitiæ superuenit: at verō in casu, quo puella spe matrimonij corrupta est, grauiissima superuenit obligatio, ad damnum ipsi illatum cōpensandum: idque, vt ponimus, alia ratione compensari, & periculum grauis infamiæ tolli non potest, nisi eam in matrimonium ducendo: ergo id fieri debet, posthabito voto.

Hæc sententia speculatiuē probabilis est: sed contraria communis, & in praxi recepta, quam tradit Nau. lib. 4. consil. 1. Qui clerici, vel vouentes, edit. 2. Rodriq. to. 1. sum. c. 208. concl. 11. Cū enim per votum prius Deo ius requisitum sit, non potest vouens illud propria libertate tollere, maiorem cum altero obligationem contrahendo, aut statum voto contrarium suscipiendo; sed requiritur, vel Ecclesiasticus Præsul, tanquam Dei Vicarius, obligationem, causā cognitā, remittat, per dispensationem, quam etiam in hoc casu voto obligatus petere tenetur, vti docuit etiam Sanchez, lit. 1. disp. 56.

Denique hīc nota, quod is qui religionem ante, vel post sponsalia vouit, ac postea matrimonium contraxit, licitē vel illicitē, soluto matrimonio per mortem coniugis, ingredi tenetur, si adhuc idoneus sit. Quia vouens religionem suum votum implere tenetur, quatenus potest, absque alterius præiudicio, argument. c. placet, de conuers. coniugat.

QUARTO. Per simplex continentię votum sponsalia solui, docet S. Th. in 4. dist. 38. q. 1. 2. 3. quæst. 2. ad 3. Caiet. in sum. ver. periurium promissorium, §. intellige secundō, Sotus in 4. dist. 27. quæst. 2. a. 5. §. verūm, Henric. lib. 11. cap. 14. num. 4. & alij plures, arg. c. peruenit, 2. de iureiur. *Promissum non infringit, qui in melius commutat.* Et quia sponsalibus ea tacita conditio inesse censetur, nisi statum perfectiorem continentia amplecti voluerit.

Verūm contraria sententia est probabilior, quam docent Canonistæ in c. veniens, vbi Abb. num. 5. Qui Clerici, vel vouentes, Palud. in 4. d. 27. quæst. 1. casu 5. Sylu. ver. sponsalia, q. 7. & ver. matrimonium, 7. q. 5. d. 5. Nau. c. 22. num. 27. §. decimō. Philarchus tom. 1. de offic. sacerdotis, p. 2. lib. 2. c. 1. Sanchez lib. 1. disp. 46. Coninck cit. dub. 3. concl. 7. & colligitur ex cit. cap. veniens, vbi mulieri, quæ post sponsalia votum continentię edidit, & idcirco sponsus ad alias nuptias trāsijt, pœnitentia iniungitur; tum propter fidem violatam; tum propter votum, a quo cupiebat liberari, vt cū altero cōtrahere posset. Ratio est: Cū sponsus per sponsalia ius acquisitum sit, cui ille nunquā renuntiavit: non debet censi Deo grata promissio, quatenus cum alterius iniuria, & damno iuncta est: sicut si quis Deo voueat equum, quem antē promiserat, vel donarat Sempronio, non valet votum, quatenus iniuriosum Sempronio: quamuis eatenus valent ista vota, vt si obligatio ab homine remittatur, vel alia ratione, cesset, v. g. dissolutis sponsalibus, vel matrimonio, promissum Deo seruari debeat, argument. cit. cap. veniens, & c. quidam. c. placet, de conuers. coniug. ibi: *Licet votum eius usquequaque non tenuerit, eatenus tamen obligatorium fuit quatenus se poterat obligare*: idque ex communi docet Sanchez n. 15.

Respondeo ad fundamentum prioris sententiæ negari debet, talem conditionem sponsalibus inesse: cū ea ex nullo iure colligi possit, excepto si quis religiosum statum amplecti velit. Ad c. peruenit dicendum; Ibi sermonem esse de voto, quod iure optimo in melius commutatur: quia idem promissarius est, videlicet Deus: hīc autem loquimur de promissione homini facta.

Veruntamen cū prior sententia, ob grauium Doctorum auctoritatem, probabilis sit, in conscientia tutus erit, qui a sponsalibus, præsertim clam celebratis, syncero animo amplectendi statum perfectiorem continentię resiliit. Cū autem palam celebrata fuerunt, ferme accidit, vt sine sponsæ infamia, multorum querelis, acrix, non possit vouens propria auctoritate a sponsione recedere. Quod si ad forum externum talis causa deferatur, Ecclesiasticus Index sponsum, qui post sponsalia votum continentię se edidisse affirmat, compellere solet ad viam tutiorem; videlicet vt sponsaliorum fidem seruet, vel intra præfixum ei tempus Religionem ingrediat, sicuti notarunt Palud. Syluest. Azor locis citat. Quāuis etiam contentus Index esse possit sacri ordinis susceptione, sicuti fatetur Sylu. ver. sponsalia q. 7. & docent Sotus lib. 7. quæst. 1. a. 3. Henriquez citat. cap. 14. num. 4. Licet contrarium sentiat Palud. loco cit. Sanchez disp. 44.

His addendum est primō: Qui post sponsalia, infamia, aut nolente sponsa, sacrum ordinem suscepit, æquitatis ratione refarcire debet damna, quæ ob id sponsa incurrit, quia expensas in sponsalibus fecit, aut in præparatione ad nuptias &c. Idemque dicendum videtur, si sponsus Religionem ingredi, ac profiteri velit. Colligo id ex l. si pecuniam, ff. de condition. causa data &c. vbi dicitur: Si cui pecuniam dederis, vt Capuam iret, licet antequam is iret, integrum sit pœnitere, & pecuniam repetere, si tamen is expensas fecit, vel aliud damnum incurrit, indemnem seruandum esse. Sic etiam si quis cum muliere contraxerit, licet antequam sponsaliorum contractus per nuptias impletus est, iura licentiam dent sponso resiliendi per sacri ordinis susceptionem, aut Religionis professionem; interim tamen requirere videntur, vt pars altera indemnitis feruetur. Siquidem dispensationes, ac priuilegia (quale etiam censi debet ius illud sponso concessum) quatenus cum alterius personæ præiudicio iuncta sunt, strictæ interpretationis esse debent. Vide Molin. tom. 2. disput. 258. conclus. 3.

Addendum est secundō: Quod neque is, qui post sponsalia simplex continentię votum edidit: neque qui ante sponsalia, edito continentię voto, matrimonium postea contraxit, & nondum consumauit; obligatus est ad Religionis professionem. Quia hanc non vouit, continentiam autem, quam vouit, medio adeo difficili implere cogendus non videtur, arg. extrauag. antiquæ, de voto, iun. Glos. ver. renuere, & contra Sylu. ver. matrimonium, 7. q. 5. Nau. c. 12. man. n. 80. docent Sotus in 4. q. 38. q. 2. art. 1. Sanchez disput. 46. diff. 2. Less. lib. 2. c. 41. num. 52. Coninck citat. dub. 3. in fine. Debet tamen qui voto continentię obstrictus matrimonium licitē, vel illicitē contraxit a petitione debiti abstinere, priusquam ab Episcopo, vel priuilegiato super ea re dispensationem impetret, quæ in tali casu facili concedi debet, propter periculum incontinentię. Sin verō vouens dispensationem ante matrimonium non impetret, alter sponsus, intellecto eius voto continentię, resiliere poterit: cū conditio illa, vt coniunx eius coniugij debitum nunquam petat, grauis videri possit, sicuti notauit Henriquez cit. num. 4.

QUINTO, soluantur ex parte sponsalia per fornicationem vnius sponsi, vt alter ius recedendi habeat, iuxta c. quemadmodum, de iureiur. Vbi etiam rationes afferuntur: I. Quia sponsus ea conditione matrimonium promissit

missile censetur, si & alter contra fidem sponsaliorum non egerit. Nam alioquin fidem frangenti fides seruanda non est. II. Quæcunque causa ad diuortium sufficit, ea multò magis ad sponsalia soluenda: nam *turpius eicitur quam non admittitur hospes*. Sed fornicatio coniugis est iusta causa diuortij: Ergo & fornicatio alterius sponforum est iusta causa soluendi sponsalia.

Dixi autem sponsalia solui *ex parte*, innocentis videlicet; non autem nocentis, ne ex iniquitate sua commodù ferat. Quare sponsus fornicarius ad nuptias cõpelli potest, si alter velit: quia *quod in gratiam alicuius conceditur, non est in eius dispendium retorquendum*, reg. 61. in 6. & consentit l. quod fauore, C. de legibus.

Deinde debet tradita doctrina indifferenter intelligi tam de sponso, quam de sponsa: cum æquè fidem frangant fornicando, & se suspectos reddant, ne etiam post matrimonium violent: quamobrem in corporum coniunctione, vir & mulier ad paria iudicantur, Abb. in cit. c. quemadmodum, §. illud. n. 4.

11 Videntur tamen quedam discrimina inter sponsam, & sponsum non improbabiler assignari: Primum. Si sponsa oscula, vel similes tactus impudicos ab altero viro admittat, possunt rescindi sponsalia: quia censetur viuere impudicè, ut docet Couar. in epit. p. 2. cap. 7. §. 6. n. 3. à quo proinde vir meritò abhorrere incipit. Sed non vice versa, ob sola sponsi oscula, vel tactus impudicos alterius fecminæ, sponsa resilire potest; quia non propterea viro aliqua impudicitia infamia apud homines aspergi solet, sicut docet Sanch. disp. 55. n. 5. Coninck disp. 23. dub. 7. n. 36. ubi rectè id limitat, *nisi sint tactus frequentes, ut indicent propensum valde sponsi in alteram animum, ut meritò timeri possit, ne sponsam minus sit amaturus, aut fidem non seruaturus*.

Secundum. Si sponsa post sponsalia vim ab altero passa fuit, meritò repudiatur, sicut colligitur ex c. raptor, 27. quæst. 2. iun. Glof. ver. potuerit, atque ex communiore docet Syluest. ver. sponsalia, q. 10. casu 7. Couar. in epit. p. 1. cap. 5. princip. num. 2. Nauar. cap. 22. num. 27. ver. Nonò, Henric. lib. 11. cap. 14. num. 6. Sanchez. n. 7. Coninck num. 55. Ratio est: Quia sponsa notabiliter sit vilior, ut ab ea sponsus meritò abhorrere incipiat: ne & ipse infamiam seu dedecus subire debeat. At verò si aperte constet, sponsæ fornicationem sine omni culpa eius accidisse, v. g. in somno, probabiliter dicitur, sponsum resilire non posse: cum exinde sponsa tam magnum dedecus non contrahat, uti bene docet idem Sanchez num. 8.

12 Tertium. Si vterque sponsus post sponsalia fornicatus est, non compensatur delictum delicto; sed repudiare potest sponsus fornicariam sponsam, quamuis ipse quoque fornicatus fuerit: quia delicta pari turpitudine non censentur, sed foedior, ipsique sponso detestabilior est incontinentia fecminæ, quam viri, argument. l. etsi crimine, Cod. ad L. Iul. de adulterio, iun. Glof. lit. cap. & l. palam ff. de ritu nuptiarum: Et ita ex communi docet Henric. lib. 11. cap. 14. num. 6. Sanchez citat. disp. 55. in fine, Coninck citat. dub. 7. concl. 6. atque colligitur ex ijs, quæ in simili docent Couaruias in cap. Raimutus, princ. num. 15. Molin. tom. 1. tract. 2. disp. 176. Filiam luxuriosè viucentem ante xxv. ætatis annum exheredari non posse à matre, quæ in pari turpitudine est, l. in arenam, Cod. de inoffic. testament. sed à patre exheredari posse, etsi & is impudicè viuat: quia turpitudine vtriusque non censetur æqualis. Neque his obstat, quòd in c. intelleximus, de adulterijs dicitur, paria fornicationis delicta inter coniuges mutua compensatione tolli: Nam sponsaliorum solutio faciliùs permittitur, videl. ob quamuis notabilem rerum mutationem: matrimonium non item.

Quæres. Quid faciendum, si sponsalia publicè coram Parocho, & testibus celebrata fuerunt: crimen autem

sponsi, aut sponsæ occultum est, ut sine infamia reuelari non possit? Respondeo, & dico I. Sponsa priuatim monere debet sponsum, adhibitis etiam, si opus sit, parentibus eius, & cognatis, ut ipsam liberam pronuntiet à sponsalibus: & quidem publicè coram Parocho, ac testibus, ratione scandali vitandi; suppressa tamen causâ dissoluendi, qua de re Sanch. lib. 1. disp. 70.

Dico II. Si sponsus monitus nolit sponsalibus renuntiare, & sponsa moraliter certa sit de sponsi fornicatione; quia v. g. audiuit à teste oculato, omni exceptione maiore; propria auctoritate à sponsalibus resilire potest, quando putat, ob defectum plenæ probationis se in iudicio nihil obtenturam esse, ut docet idem Sanchez disp. 69. num. 7.

Dico III. Si crimen sponsi ad iudicium deferatur, & semiplenè, videl. per vnicum testem, probetur, ordinariè non poterit Iudex sponsalia dissolvere, uti bene tradit Sanchez disp. 71. n. 7. Quia vnus testis testimonium non sufficit, si agatur de alterius præiudicio, elicit, c. veniens de testibus. Dixi autem ordinariè: Si enim sponsa ita cõparata videatur, ut difficulter à seipsa consensum liberum in nuptias impetrare possit, ideòque infelices exitus, ac scandala timeantur: ad Iudicis officium pertinebit pro dissolutione sponsaliorum pronuntiare. Quia minus malum, quale est præiudicium aliquod sponsi non plene cõuicti, permitti debet, ut euitetur maius malum, quod ex coacto matrimonio timetur.

SEXTO. Si sponsus post sponsalia, non obtenta licentia sponsæ, in terras longinquas se transferat, ut breui tempore rediturus non videatur, acquirit sponsa liberam facultatem cum alio contrahendi. Ita habetur in cap. de illis, de sponsal. Ratio est: Quia sponsus tam longè discedens, iuri suo renuntiare censetur. Verum descendendo ad casus particulares, Dico I. Si sponsus ob causam necessariam diutius abesse cogatur, tum sponsa expectare debet, donec iustum eius impedimentum cesserit. Ita habetur in l. sæpe, ff. de sponsal. quæ constitutio, cum maximam æquitatem habeat, non videtur iure canonico correctâ, uti docet Syl. ver. sponsalia, q. 10. dicto 4. Couar. in epit. p. 1. c. 5. princ. n. 7. in fine, Henric. Canisius super c. de illis, de sponsal. Neque puto ab alijs negari, adhibita tamen duplici limitatione. Prima, nisi aliter conuentum sit, ut infra dicam. Secunda, nisi incontinentiæ periculum immineat, vel alia necessitas contrahendi matrimonium urgeat: tunc enim grauis mutatio superuenit, ad quam sponsa non censetur se obligare voluisse.

Dico II. Si sponsus ob causam voluntariam iustam, discesserit: tunc secundum ius ciuile biennio expectandus erit, si intra provinciam, triennio, si extra provinciam moretur, l. 2. Cod. de sponsal. & l. 2. C. de repudijs, sic enim has leges conciliant Glof. & DD. ibid. Couar. cit. n. 7. Anton. p. 3. tit. 1. c. 18. §. casu 2. Monachus de arbitr. qq. casu 455. n. 7. aliique communiter.

Sed quæstio est, vtrum hæc leges iure canonico correctæ sint? Affirmat Henric. lib. 11. c. 14. n. 5. Sanchez lib. 1. disp. 54. n. 6. Rodriq. t. 2. c. 245. cõcl. 4. ex c. de illis, de spõsal. Sed magis placet sententia negans, quæ est Syluest. cit. quæst. 10. casu 4. Henric. Canisius super cit. c. de illis. Cum enim leges illæ per se iustæ sint, seruari debent, quando aliud iure canonico discretè constitutum non reperitur. At verò ex cit. c. de illis, colligi non potest, Cæsareis legibus aliquam derogationem factam fuisse, ut ex seq. assert. patebit.

Hæc tamen limitatio adhibenda est, quòd Iudex Ecclesiasticus, inspecta qualitate personæ, aliisque circumstantijs, tempus moderari possit, & interim iubere ut sponso significetur, intra tale temporis spatium ipsi redeundum esse; alioquin sponsam ab ipso liberam fore. Ratio est: Quia in hoc differt Iudex Ecclesiasticus à seculari, sicuti & ius canonicum à ciuili: quòd ciuiles leges præcipuè ad publicâ politiâ attendant; canones verò ad

salutem animæ, & peccatum vitandum, sicuti notant DD. in reg. possessor, de reg. iuris in 6. Cum igitur interdum ob periculum incontinentiæ, vel similem causam expediat mulieri, ut tamdiu sponsum non expectet, illud Iudex arbitrari debet.

- 15 Dico III. Si sponsus in alienam terram domicilium mutaturus, se transferat, sponsa hoc ipso à sponsalibus liberatur. Quæ videtur esse decisio cit. c. de illis, sicuti notavit Abb. ibi, n. 2. Canisius §. huius decisionis, & colligitur ex textu: *De illis autem, qui præstito iuramento promittunt se aliquas mulieres ducturos, & postea, eis incognitis, dimittunt terram, se ad partes alias transferentes; hoc tibi volumus innotescere, quod liberum erit mulieribus ipsis ad alia se vota transferre: recepta tamen de periurio penitentiâ, si per eas steterit, quominus fuerit, matrimonium consummatum.* At verò dimittere terram, & ad alias partes se transferre, mutationem domicilij significare videtur, ut ipsemet etiam Sanch. indicat n. 12. Non ita verò qui negotij alicuius, vel studiorum causa loco discedit, animo reuertendi: is enim domicilium retinet, l. clam possidere, §. qui ad nundinas, ff. de acquir. vel amittenda possess. & l. 2. Cod. de incolis. Ratio autem illius constitutionis est, partim quòd ita discedens, ac domicilium relinquens, censeatur renuntiare sponsalibus: partim quòd sponsa de futuro virum alio commigrantem, vel vagabundum sequi non cogitur: cum ad hunc eventum se non obligare censeatur, sicuti docet Glos. recepta in cit. c. de illis.

Quæres: Cur dicatur in illo c. penitentiâ de periurio mulieribus suscipiendam esse; Respondeo; Id dici in casu, quo per eas steterat, ne matrimonium, tempore quo oportebat, contractum fuerit: tunc enim licet viro eam ob causam terram mutante, nihilominus liberentur, tamen aliquo modo causam periurij dedisse censentur.

- 16 SEPTIMO, solvuntur sponsalia, si terminus præfixus fuit ad obligationem finiendam; ita, ut nisi intra tale tempus nuptiæ sequantur, rescindi liceat. Ita colligitur ex c. sicut, de sponsal. vbi id docet Abb. n. 11. Nau. cap. 22. n. 27. ver. Septimò, Sanchez disp. 53. Coninck disput. 23. dub. 6.

Notant verò Abb. loco cit. Palud. in 4. distinct. 27. q. 1. a. 3. casu 4. Nauar. lib. 3. consil. 29. n. 4. de voto, edit. 2. Duobus modis terminum contractæ obligationi præfigi; primò, ad eam statuendam, vel exequendam; ut ab illo tempore debitor in mora soluendi existat, vel ad solutionem cogi possit. Ut si promittam me ad Kalendas equum tibi venditurum. Secundò, ad obligationem finiendam, ut elapso illo tempore, promissor ab obligatione liberetur: v.g. promisi me equum tibi commendaturum ad Pentecosten usque: si eo usque non petieris, extinguitur obligatio. Et ita intelligenda est tradita doctrina: Si promissisti puellæ nuptias, adiecta conditione, ad Pentecosten usque, tunc liberaris, si conditio antè impleta non fuerit. Secus est, si tempus Pentecosten adiectum fuit, ut nuptiæ tunc executioni mandari debeant; alioquin pars, per quam steterat, in culpabili mora esse censeatur. Ratio discriminis est: Quia si tempus adijciatur, causa obligationis statuendæ, duplex obligatio est: una nuptias v.g. celebrandi, altera tali tempore celebrandi: quare licet secunda obligatio violetur, manet tamen prior obligatio absoluta ac principalis, sicuti colligitur ex l. Celsus, §. 1. ff. de recept. qui arbitrium, & notat Abbas in c. cum dilecti, de dolo & contumacia, n. 12. Nau. lib. 2. consil. 11. de iureiur. edit. 2. Sin verò tempus adijciatur causa obligationis finiendæ, tunc unica obligatio est, eaque non absoluta, sed stricta certo tempori, quo transacto, cessare debet.

Dubium autem est, utrum lapsus termini, seu transactio temporis definiti ad nuptias; utrumque sponforum liberet obligatione: an tantum eum, per quem non ste-

rit, quominus nuptiæ celebratæ fuerint: altero, qui in mora fuit, obligationem retinente? Respondeo: Si vnus paratus fuit contrahere ante lapsum termini, alter verò non paratus, tum contractus claudicat, & manet obligatio tantum ex parte huius, per quem stetit, sicuti colligitur ex cap. sicut de sponsal. & docet Nauarrus cap. 22. numero 27. §. septimò, Sanchez disput. 53. num. 6. Exceptio autem, quam subiungit, *nisi is per quem stetit, culpa vacet*; non videtur vera. Quia nihil frequentius est, quam ut in contractibus conditio adijciatur, ut ad eum diem perfici debeat, alioquin rescindere liceat, etiam si neutrius culpa res impedita fuerit, sicuti colligitur ex l. si conuenerit, §. sed et si, ff. pro socio. Ratio verò est: Quia contractus ex conventionione legem accipiunt. Quare idem arbitrator sentiendum de contractu sponsaliorum: sicuti notavit Coninck citat. dub. 6. concl. 4. n. 47.

Neque obstat regula iuris 66. in 6. sumpta ex l. in iure civili, ff. eod. tit. *Cum non stat per eum, ad quem pertinet, quominus conditio impleatur, haberi debet perinde, ac si impleta esset.* Nam regula hæc locum habet in libertate promissa, in legatis, aliisque institutionibus, quibus fauore causæ, specialiter ita constitutum est; ideòque extendi non debet ad contractus, ob ea quæ notavit etiam Sanchez disp. 33. n. 21.

Neque obstat altera regula, quæ est 41. in 6. *Imputari non debet ei, per quem non stat, si non faciat, quod per eum fuerat faciendum.* Nam hæc regula intelligitur de pœna conuentionali; item de iuris, seu facultatis alicuius priuatione, quæ per legem decreta est, nisi aliquid intra tale tempus fiat: v.g. Parochus; si iusta causa impediatur, quominus ad ordinem presbyterij accedat, parochia non priuatur, cap. commissæ, §. 1. de elect. in 6. Ita tempus ad eligendum, agendum, &c. lege definitum non currit legitime impedito, cap. quia diuersitatem, de concess. præb. & l. 1. §. fin. Cod. de annali præscript. vbi dicunt Doctores, quòd non valenti agere præscriptio non currit. Quamobrem si ex verbis appareat, nuptiarum tempus in sponsalibus non ut puram conditionem adiectum fuisse: sed in pœnam eius, per quem steterit, ut alter idcirco rescindi possit; tum locus non erit dissolutioni, si culpa nulla interuenierit.

OCTAVO solvuntur sponsalia: si notabilis mutatio accidat, seu graue aliquid superueniat, quod si à principio extitisset, merito à sponsaliorum contractu absteruisset, sicuti ex communi docet Abbas in cap. quemadmodum, n. 10. de iureiur. & c. ultimo num. 2. de coniug. Leprosorum, Angelus verò sponsalia, numero 21. Syluest. quæst. 10. casu 17. Nauarrus cap. 22. n. 27. in fine, Henriquez lib. 11. cap. 14. numero 6. Sanchez disput. 57. & seqq. Coninck disput. 23. dub. 8. Et colligitur ex cit. cap. quemadmodum, & cit. c. 2. Ratio est: Quia intentio spondentis non præsumitur se extendisse ad talem casum valde difficilem, qui quemuis hominem prudentem à matrimonij promissione absterruisset. Porro ad cognoscendum, utrum promittentis intentio, saltem virtualis: ad talem casum se extenderit, necne; examinari debet sponsus, v.g. si eo tempore, quo sponsæ promiserat, illi aliquis proposuisset: Sed quid si tale postea eueniat? utrum responsurus fuisset, non esse sibi mentem ad hunc casum obligationem suam extendere. Cuius asseuerationi etiam in externo foro, præsertim iurato, credendum erit: si consideratis circumstantijs, & præcipue naturâ rei promissæ, probabilis ei fides haberi possit, sicuti docet Nauarrus cap. 18. Sanchez disput. 61. numero 6. Nam in his, quæ ad animum pertinent, uti sunt scientia, ignorantia, intentio &c. standum est cuiusque iuramento, cum alio modo probari non possint, sicuti notat Couaruias 1. resol. cap. 10. numero 1. §. tertio.

In specie verò mutationes notabiles, ob quas à sponsalibus discedi possit, à Doctoribus numerantur: Si sponsus, vel sponsa lepram, paraly sin, morbum gallicum, epilepticum, vel alium incurabilem contrahat: si oculi, nasi amissionem, vel similem grauem corporis deformitatem incurrat, præsertim sponsa. Item si alteruter sponsorum notabilem famæ, grauissimam bonorum iacturam patiatur; vel si graues inter sponso, aut eorum parentes, & consanguineos inimicitie incidant; quia v.g. altera pars omnino se opponit matrimonio: ita, vt ex eo infelices exitus timeantur. Præterea si sponsa dotem promissam afferre nequeat: aut sponsus domicilium mutare, vel vagari constituat cum incommodo sponsæ. Ratio est: Quod sponsalibus; seu nuptiarum promissionibus, quæ suapte natura & Ecclesiæ praxi magnam animi libertatem ac propititudinem postulant, ea tacita conditio inesse censetur, si res in eodem statu permaneant, seu notabilis rerum mutatio non incidat. Neque refert, etsi sponsalia iurata fuerint: quia iuramentum sortitur naturam, & conditiones actus, cui adiungitur, cit. c. quemadmodum, de iureiur. Vide etiam quæ dixi lib. 3. tract. 4. cap. 5. num. 5.

19 His adde: Tamen si tempore sponsaliorum extiterit talis causa, puta morbi contagiosi; aut incurabilis, æris alieni, infamiæ, violatæ pudicitie in sponsa, magnæ seditiæ, crebræ ebrietatis in sponso: quæ ab altero contrahente probabiliter ignorabatur; ea postea cognita, ius rescindendi sponsalia acquisitum esse. Cum enim sponsaliorum tempore defectus non apparebat, perinde erat, ac si non esset: Cum verò postea apparere incipit, perinde est, ac si de nouo existat: nam *paria censentur non esse, & non apparere*, argument. l. in fundi, ff. de contrah. emptione.

20 Veruntamen si sponsus, cognita causa à sponsalibus recedendi, nihilominus sponsam carnaliter cognoscat, censetur tacite renunciare iuri suo, atque sponsalia ratificare. Quamobrem etiam sponsa non nisi sub tali conditione in copulam consentire censenda est, ideoque non audiendus sponsus, si postea resiliere velit: sicuti neque coniunx, si cognito adulterio coniugis suæ, ad eam accedat, diuortium instituere permittitur.

Necesse tamen est, vt dixi, sponsum scire, sibi ius resiliendi competere: si enim nesciat non potest ei renunciare, aut sponsaliorum valorem ratificare velle: præterquam eo casu, si sponsus clarè significet, tali animo se ad sponsam accedere, vt tametsi ius soluendi sponsalia haberet, tamen ea rata esse vellet. Qua de re Sanchez disp. 66. Coninck disp. 23. dub. 10.

21 Nono soluuntur sponsalia per superuenientem affini-

tatem, spirituales cognationem, vel simile impedimentum dirimens, vt constat ex c. veniens, 1. & c. ex literis, de eo qui cognouit consanguin. & magis patebit infra par. 4. huius tract. c. 5.

DECIMO soluuntur per matrimonium cum altera iniuste contractum. Sed hoc casu quæstio est, si vxor, cum qua Titius contra fidem priorum sponsaliorum contraxit, moriatur: & prior sponsa in proposito suo permaneat, vtrum Titius illi obligatus adhuc sit? Affirmant Petrus Led. sma quæst. 43. a. 3. dub. 2. Coninck disput. 23. dub. 4. concl. 3. Sed contrarium est probabilius, quod docet Palud. in 4. distinct. 28. quæst. 1. art. 1. concl. 2. Henric. lib. 11. cap. 14. num. 2. Sanchez lib. 1. de matrimon. disp. 28. Nam obligatio semel extincta amplius non reuiuiscit, cap. quæris, de consecr. distinct. 4. l. qui res, §. aream, ff. de solut. sponsalia autem per matrimonium cum altera contractum soluuntur, cap. si inter, de sponsal. cap. 1. de sponsa duorum, cap. ultimo 27. quæstium 2. Ratio est, quia obligatio fortior superueniens extinguit obligationem præcedentem minus fortem, si obligationes eiusdem rationis ac ordinis sint. quod dicitur propter votum simplex religionis ingrediendæ, quod per subsequens matrimonium non dissoluitur, sed differtur: quia est diuersæ rationis. Confirmatur ex cap. 5. de regul. in 6. vbi ita habetur, *qui post votum à se de certa religione intranda emissum, religionem aliam & laxiorem ingreditur, & proficitur in ipsa, potest (voto non obstante priore, cui tanquam simplici per secundum solemne nescitur derogatum) manere licite in eadem. Pro voto tamen non impleto erit eidem penitentia imponenda.* Obligatus tamen est Titius ad compensandum damnum Caiæ, quod illi intulit violando sponsaliorum fidem. quod interdum alia ratione fieri non poterit, quam eandem in matrimonium ducendo, vt si eam violauerat. Et ita notauit Adrianus in 4. de matrimon. q. 2. in fine, Sanchez num. 5.

Ad extremum quæri potest, vtrum ad dissoluenda sponsalia propter vnam ex dictis causis, Iudicis Ecclesiastici auctoritate opus sit? Respondeo cum Nauar. cap. 22. num. 28. man. Syluest. ver. sponsalia, quæst. 11. Sanchez lib. 1. disp. 69. Coninck disp. 23. n. 70. Si causa dissoluedi moraliter certa sit, non opus est Iudicis auctoritate, nisi interdum ratione vitandi scandali, si sponsalia publica sint. Quamobrem in multis apud nos diocæsisibus obseruatur, vt non liceat sponsis à sponsalibus publicè notis recedere, nisi causa prius ad Ordinarium delata. Quam ipsam consuetudinem approbat S. Thom. in 4. distinct. 27. quæst. 2. art. 3. Richard. ibid. art. 3. q. 3. Palud. quæst. 1. in fine, S. Anton. p. 3. tit. 1. cap. 18. §. 1.

P A R S A L T E R A.

DE MATRIMONIO SECVNDVM SE.

CAP. I.

Quid, & quotuplex Matrimonium sit.

S V M M A R I V M.

- 1 Matrimonium definitur maris & femina coniunctio, indiuiduam vitam societatem retinens. Coniux potestatem, & ius reale habet in corpus coniugis; sed non propriè dominium.
- 2 Triplex est matrimonium: Legitimum, ratum, & consummatum.
- 3 B. Virgo Maria verum cum Iosepho matrimonium contraxit.
- 4 Si coniuges post legitimam in Religione professionem carnaliter copulantur, sacrilegium committunt: sed non fornicationem.

MATRIMONIUM à præcipuo fine, quæ est prolis generatio, nomen accepit: dictum est enim, ait Glos. instituit. de patr. potestate, lit. o. Quia mulier nubet, ut mater fiat. Dicitur ibidem, & in cap. illud. de præsumpt. Maris & feminae coniunctio, indiuiduam vitam societatem retinens. Videri potest S. Th. in 4. dist. 27. q. 1. a. 1.

Circa priorem definitionis particulam aduerte, ex doctrina S. Bonau. ead. d. 27. a. 1. q. 2. Matrimonium duobus modis accipi; Primò, pro actuali contractu, in quo legitimæ personæ, consensu verbis expresso, se vicissim obligant ad vitam societatem, ac generationis vsum. Secundò, & frequentius pro permanente, ac quasi perpetuo iugo viri & feminae. quo sensu, ait Gl. cit. idem esse matrimonium, quod coniugium. Quare sensus definitionis est, quod matrimonium sit perpetua, & indissolubilis coniunctio, seu mutua obligatio viri & feminae, orta ex consensu eorum verbis, aliisue signis expresso: sicut hoc ipsum significatur in Florent. Concil. Eugenij IV. decreto: *Causa efficiens matrimonij regulariter est mutus consensus per verba de presente expressus.*

Eiusdem coniugalis obligationis, ac mutui iuris, quod coniugi in coniugem competit, ad petendum & præstandum vsum corporis ob finem generationis, meminit etiam Apostolus 1. Corinth. 7. *Vxori vir debitum reddat: similiter autem & uxor viro.* Cuius rationem subiungit. *Mulier sui corporis potestatem non habet, sed vir. similiter autem & vir sui corporis potestatem non habet, sed mulier.* Vbi notandum est cum Less. lib. 2. c. 3. dub. 2. num. 7. hanc potestatem in corpus coniugis esse quidem ius in rem, sed non propriè dominium; ne fateri cogamur, alterum alterius mancipium seu seruum esse. Est igitur ius vtendi corpore coniugis ad opus generationis; ad eum modum, quo alicui ius vtendi alieno horto, aliena vacca ad certum finem concedi solet.

Posterior definitionis particula, *Indiuiduam vitam &c.* ostendit, matrimonio, maiorem, quam alijs omnibus humanis contractibus, firmitatem & indissolubilitatem competere. Nam alij omnes, etsi mutuo consensu constituti sint, eodem iterum dissolui possunt; matrimonium non item. Quem perpetuum, ac indissolubilem nexum partim suapte natura obtinet, ob commodum prolis ge-

nerandæ, meliusque educandæ; partim verò, & multò magis ex Dei primæua institutione, sacri & magni mysterij causa, sicuti constat ex Apost. cap. 5. ad Ephes.

Triplex est matrimonium; Legitimum, ratum, & consummatum. Legitimum dicitur, quod legitimo consensu inter personas non impeditas constitutum est: quale etiam inter infideles esse solet. Ratū includit in se legitimum; addit verò rationem sacramenti, per quam maiorem firmitatem & indissolubilitatem acquirit, sicuti tradit Innoc. III. in c. quantò, de diuortijs: *Etsi matrimonium verum inter infideles existat, non tamen est ratum*: quia potest dissolui, ait Gl. inter fideles autem verum & ratum existit: quia sacramentum fidei, quod semel est admissum, nunquam amittitur. Denique matrimonium consummatum dicitur, quod accedente reali corporis vsum, seu carnis copula, perficitur & completur. Sicuti enim emptio ac venditio licet mutuo consensu, exterius significato, hinc mercem, illinc pretium tradendi, essentialiter constituatur, tamen reali traditione consummatur, ac veluti integratur; ita etiam matrimonij essentia mutuo consensu constituitur, iuxta reg. 31. ff. *Nuptias non concubitus, sed consensus facit.* Et cap. 1. & 4. 27. q. 2. *Matrimonium non facit coitus, sed voluntas*: ipsa tamen carnis copulatione completur ac veluti integratur; & quidē non tantum in ratione contractus, sed etiam in ratione sacramenti, inter fideles, seu baptizatos; vt idcirco maiorem, ex diuina institutione, indissolubilitatem acquirat, sicuti infra explicabo, & docent S. Thom. in 4. d. 27. quæst. 1. art. 1. & d. 28. quæst. vn. art. 4. Bellarm. lib. 2. de Monachis, cap. 38. ad 1. Sanchez lib. 2. disput. 14. resp. ad 2.

Obijcies I. Beatissima virgo Maria cum Iosepho verum matrimonium contraxit, sicuti colligitur ex c. 1. Matth. *Noli timere accipere Mariam coniugem tuam.* Et Luc. 2. *Vt proficeretur cum desponsata sibi uxore pregnantem.* Et docent Theol. in 4. d. 29. & 30. S. Th. 3. p. q. 29. a. 2. Abb. in c. commissum, n. 2. de sponsal. Cum autem voto virginitatis, antea astricta fuerit, teste S. Aug. lib. de virginit. c. 4. non potuit in copulam carnalem consentire: nam ijs, quæ votum continentie ediderunt, non tantum nubere, sed etiam nubere velle, damnable est, ait S. Augustinus c. 8. de bono viduit. & similia referuntur c. vouentibus, d. 27. Quare hinc sequi videtur, quod essentia matrimonij non consistat in mutuo consensu verbis expresso, & hinc orta obligatione tradendi corpora ad vsum generationis.

Respondeo ex doctrina à Gratiano congeſta in c. beata, 27. q. 2. Beatam virginem consensisse in copulam carnis, quoad potestatem siue actum primum: non autem consensisse quoad actum secundum, seu actualem vsum eius potestatis. Etenim, licet quatenus erat ex parte contractus matrimonialis, quem verò cum Iosepho inierat, obligata fuerit ad reddendam debitum carnis, si ille exigeret; ex altera tamen parte certa Dei reuelatione cognouit, Iosephum huiusce debiti nunquam exacturum esse. Ideo enim ex Angelo prolis conceptionem annunciante interrogauit, Luc. cap. 1. *Quomodo fiet istud, quoniam virum non cognosco?* Quare castissima virgo à voti sui violatione securā, volente ac præcipiente Deo, in coniugium consensit; sed in actualem eius vsum simpliciter, ac directè non consensit. Qua de re vide Magistrum in 4. d. 30. ibid. S. Th. quæst. 2. art. 1. Scotum ibid. art. 2. Durand. quæst. 2. num. 8. Palud. quæst. 2. art. 2. Henric. Gandauensem

uensem quodlib. 9. q. 11. Vasq. 3. p. to. 2. disp. 12. c. 2. 6. 7. 8. Suar. 3. p. to. 2. disp. 7. l. 1.

Obijcies II. Si coniuges, post consummationem matrimonij, mutuo consensu Religionem profiteantur, perseuerat matrimonium, & tamen cessat mutua obligatio tradendi corporis ad vsum generationis. Respondeo, Vinculum istud siue obligationem permanere radicaliter, siue quoad actum primum: licet per accidens impeditum sit quoad actum secundum. Quare recte annotauit Agid. Coninck 3. p. tom. 2. disput. 24. dub. 1. Si coniuges post votum coniungerentur, non fore copulam fornicariam, sed tantum sacrilegam: item, si Summi Pontificis dispensatione, votis continentiae absoluantur, sine ulla noua pactione, matrimonio uti possent.

CAP. II.

De Matrimonio quatenus est sacramentum.

SUMMARIUM.

- 1 Matrimonium in lege noua inter fideles sacramentum est, à Christo institutum.
- 2 Ipsi coniuges sunt ministri huius sacramenti, & non Sacerdos.
- 3 Materia sacramenti matrimonij sunt corpora coniugum inuicem tradenda: forma vero sunt verba contrahentium coniugum.
- 4 Matrimonium non tantum est sacramentum cum sit, sed etiam factum manet.
- 5 Mutus & surdus à natiuitate, si rationis compos sit, à matrimonij sacramento prohiberi non potest: fatui autem, seu amentes admittendi non sunt.

ASSERTIO I. Matrimonium in lege noua inter fideles, seu baptizatos sacramentum est, à Christo institutum. Ita docent Scolaſtici in 4. d. 26. & definiuit Trident. sess. 24. can. 1. Dixi in lege noua: Etsi enim negari non possit, quin matrimonium, ex prima sui institutione, per formationem vnius viraginis Eue, ex corpore Adami, cui à Deo desponsata erat, figura fuerit, & sacrum signum Verbi incarnati, ipsique desponsatae Ecclesiae vnus, sanctae, uti colligitur ex c. gaudemus, de diuortijs; non tamen fuit signum efficax, ex opere operato sanctificantem gratiam conferens, sicuti in noua lege. Nam gratia & veritas per Iesum Christum facta est, Ioan. 1. Lex autem vetus nihil ad perfectum adduxit: sed erat introductio melioris spei, Heb. 7. umbra futurorum, Colos. 2. egena, & infirma elementa continens, Gal. 4.

Secundò dixi, inter fideles. Quod etiam annotauit S. August. lib. de fide & operibus, cap. 7. In ciuitate Domini, in monte sancto eius, in Ecclesia nuptiarum non solum vinculum sed etiam sacramentum commendatur. Similia habet de bono coniugij, c. 24. Nam qui fidem in Baptismo professi non sunt, nullius omnino sacramenti capaces esse possunt.

Ex quo vterius sequitur; si baptizatus cum catechumena, ex Papae dispensatione, matrimonium contrahat, neutra parte sacramentum fore, ut rectè docet Angles cultus, Henriquez lib. 11. cap. 2. in fine, contra Sotum in 4. dist. 26. q. 2. a. 3. in fine. Cum enim contractus matrimonij inter virum & uxorem vnus sit, & sacramentum vnicum, significans vnā coniunctionem Christi cum Ecclesia: sequitur, vtramque personam sacramenti capacem esse oportere: quemadmodum & vtraque persona ad contrahendum habilis esse debet.

Probatur assertio primò ex Apostolo ad Ephes. 5. vbi de matrimonio inquit: *Sacramentum hoc magnum est: ego autem dico, in Christo & in Ecclesia.* Quare paulò ante dixerat: *Viri diligite uxores, sicuti & Christus dilexit Ecclesiam: & seipsum tradidit pro ea, ut illam sanctificaret.* Cum igitur Deus instituerit, ut per matrimonium, propter mutuam coniugum dilectionem, significaretur spiritualis vnio atque dilectio, quæ est inter Christum & Ecclesiam: conuenienter sequitur, eum etiam instituisse; ut matrimonium contrahentibus spiritualis gratia conferretur, sine qua recta ac debita animorum coniunctio consistere nequit. Quare Apostolus 1. ad Timoth. 2. de muliere loquitur: *Saluabitur per filiorum generationem, si permanserit in fide, dilectione erga maritum; & sanctificatione, cum sobrietate, seu continentia coniugali.* Quando enim ait, si permanserit, videtur ut certum supponere, eiusmodo gratias, virtute matrimonij, diuinitus acceptas esse.

Probatur secundò: Nam Christus Matth. 5. & 19. matrimonium ad primariam originem reuocans, vnus cum vna perpetuum, & indissolubile corporum atque animorum vinculum præcepit: esset autem hoc iugum in noua lege persistendi cum coniuge, etiam sterili, morbida & c. valde graue: nisi idem Christus Dominus gratiæ promissionem annexisset ad onera matrimonij sustinenda, mutuum amorem fouendum, concupiscentiæ fomitem extinguendum, liberos in cultu Dei educandos & c.

Tertiò probatur ex Apostolo, qui 1. ad Corinth. 7. permittit in certo casu dissolutionem matrimonij fidelis cum infideli, ut videbimus cap. sequent. Sed fidelibus ita loquitur: *Iis qui matrimonio iuncti sunt, præcipio non ego, sed Dominus; uxorem à viro non discedere, (sine iusta causa) quod si discesserit (ex quacunque causa) manere innuptam, aut viro suo reconciliari.* Huius verò discriminis non alia ratio afferri potest, nisi quòd matrimonium fidelium, ratione sacramenti, maiorem ex Christi institutione firmitatem obtinet. Vide S. Thomam in 4. d. 20. quæst. 2. art. 3.

Denique probatur testimonijs antiquorum Patrum: S. Ambrosius lib. 1. de Abraham, c. 7. *Cognoscimus, veluti præfulem, custodemque coniugij esse Deum, qui non patitur alienum torum pollui: Et si qui fecerit, peccare eum in Deum, cuius legem violat, gratiam soluat. Et ideo quia in Deum peccat, sacramenti cælestis amittit consortium, excidendo scilicet à gratia, quæ per hoc sacramentum specialiter datur ad fidem matrimonij seruandam.* Quamobrem etiam Siricius Papa in epist. 1. ad Himerium, cap. 4. dixit, coniugalis fidei violationem, apud fideles cuiusdam sacrilegij instar esse. Et Innocent. I. epist. 9. ad Probum ait: *Illud esse coniugium verum ac legitimum, quod gratia diuina fundatum est.*

S. Augustinus lib. de bono coniugij, cap. 18. In nostra quippe nuptijs plus valet sanctitas sacramenti, quam sanctitas vteri. Et cap. 24. Bonum nuptiarum per omnes gentes, atque omnes homines in causa generandi est, & in fide castitatis. Quòd autem ad populum Dei pertinet, etiam in sanctitate sacramenti: per quam nefas est, etiam repudio intercedente, alteri nubere, dum vir eius uiuit, nec ea re non subsequente propter quam sumi, soluitur vinculum nuptiale, nisi morte coniugis. Quemadmodum si fiat ordinatio cleri ad plebem congregandam, etiam si plebis congregatio non subsequatur, manet tamen in illis ordinatis sacramentum ordinationis. Vbi vides matrimonij sacramentum cum sacramento ordinis conferri.

Et lib. 1. de nuptijs cap. 10. comparans cum sacramento Baptismi, ita scribit: *Cuius sacramenti observatio tanta est in ciuitate Dei nostri, in monte sancto eius: hoc est, in Ecclesia Christi quibusque fidelibus coniugatis, qui sine dubio membra sunt Christi, ut cum filiorum procreandorum causa, vel*

nubant femina, vel ducantur uxores, nec sterilem coniugem fas sit relinquere, ut alia fecunda ducatur. Et paulo post: Manet autem vinculum coniugale in adulteris, aut separatibus se, ad noxam criminis, non ad vinculum fœderis: sicuti apostata anima veluti de coniugio Christi recedens, etiam fide perdit, sacramentum fidei non amittit, quod lauacro generationis accepit.

Cyrillus Alexandrinus lib. 2. in Ioan. c. 22. significat Christum præsencia sua benedixisse nuptijs, & gratiam illis præparasse sanctificantem: Oportebat cerè, qui totam naturam hominis ad melius restaurabat, non solum natis iam hominibus benedicere: verum etiam nascituris gratiam præparare, & aditum illorum in hanc vitam, & auctoritate miraculi, & præsencia sua sanctum efficere. Præterea in doloribus parere filios ad mulierem propter peccatum dictum fuit: quomodo igitur aliter hæc depellenda maledictio erat, ne condemnata nuptiarum sanctimonia videretur, quam Saluatoris præsencia? qui cum sit verum gaudium, priscum nuptiarum mœorem præsencia sui depulit: non enim omnis creatura in Christo est, præterierique vetera, ut Paulus ait, & omnia facta sunt nova.

Assertio II. Ipsi coniuges sunt huius sacramenti ministri. Est communis sententia apud Sotum in 4. d. 26. q. 2. a. 3. ver. Hanc autem, Vinaldum de matrim. sacram. de ministro, c. 1. Bellarm. lib. 1. de matrim. c. 6. Sanchez lib. 2. disp. 6. contra Melchiorum Canum lib. 8. de locis Theologicis, c. 5. ubi ait; Ministrum sacramenti oportere esse personam sacram, Probatur assertio: Minister cuiusque sacramenti dicitur is, qui verborum formam profert, quibus sacramentum conficitur: verba autem, quibus matrimonij sacramentum perficitur, coniuges profert: siue immediatè ac per seipsos: siue mediatè per procuratorem, nuntium, epistolam. Ergo ipsi coniuges sunt inter se huius sacramenti ministri.

Confirmatur: Nam quod Sacerdos non sit huius sacramenti minister ex eo manifestum est, quia ante Concilium Tridentinum ad matrimonij constitutionem Sacerdos omnino non requirebatur.

Porro notandum hæc est, rationem sacramenti adeo esse ex Christi institutione annexam contractui matrimonij inter fideles seu baptisatos, ut ab eo separari non possit: quare quicumque ex baptisatis verè matrimonium contrahere volunt, etiam virtualiter sacramentum accipere intendunt. Contra verò, si nollent absolutè loquendo sacramentum recipere, consequens esset, ut neque matrimonium contrahere intenderent: ideoque contractus irritus esset, uti Sanchez notauit lib. 2. disp. 10. n. 6. Dico si absolutè nollent, propter hæreticos, qui nolunt suscipere sacramentum, ex hypothesi erroris speculatiui, quia falsò existimant non esse sacramentum: interrim tamen volentes matrimonium contrahere sicuti fideles solent, & in Ecclesia Christi consuetum est.

Assertio III. Circa materiam & formam huius sacramenti, cum sint variaz Doctorum sententia, expeditissima mihi videtur Palud. in 4. d. 26. q. 4. a. 3. ad 2. Adrian. in 4. de matrim. q. 1. S. Anton. p. 3. tit. 1. cap. 2. Per. Soto lect. 4. de matrim. Couar. in epit. p. 2. c. 1. §. vn. n. 8. Materiam huius sacramenti esse coniugum corpora mutuo tradenda: Formam verò esse verba coniugum contrahentium. Probatur primò: Cuiusque contractus materia dicitur ea res, quæ in commutationem venit, siue de qua contractus instituitur; v. g. merx & precium materia venditionis: atqui matrimonij contractus est de corporibus viri ac feminae inter se tradendis: ergo hæc sunt materia contractus matrimonij. Secundò: Negari non potest, quin coniuges mutua vnione copulati sint externum sacram symbolum spiritualis perpetuæ coniunctionis inter Christum & Ecclesiam: Ergo sunt pars sacramenti, & quidem materialis, siue subiecta. Verba autem, quibus hæc ipsa maris ac feminae voluntaria coniunctio expressè significatur, sunt pars sacramenti formalis.

Obijcies I. Coniugum corpora sunt materia circa quam sacramenti matrimonij: Ergo non sunt materia, ex qua sacramentum componitur. Confirmatur: Absurdum est dicere, quod materia sit pars alicuius contractus, v. g. merx sit pars emptionis. Ergo neque corpora sunt pars matrimonij. Resp. Concesso antecedente, negandam esse consequ. Siquidem corpora coniugum, superueniente ipsis verborum conuentione, mox esse incipiunt, atque permanent sacrum materiale symbolum. Exemplum simile habes in artefactis: Nam lignum, quod est materia circa quam artis fabrilis, inductâ formâ, mox incipit esse, ac permanet materia ex qua.

Pro cuius rei pleniori intellectu, notandum est ex Bellarmino lib. 1. de matrim. c. 6. Sanchez lib. 2. disp. 5. num. 7. Rebello p. 1. lib. 2. de matrim. quæst. 4. Quod matrimonium non tantum sit sacramentum, cum sit, sicut Baptismus, Confirmatio, &c. quæ consistunt in actione successiva, & transeunte: sed etiam factum permanet, quemadmodum sacramentum S. Eucharistiæ. Nam sicut peracta verborum consecratione circa materiam panis, ipsæ species manent externum sacrum symbolum internæ spiritualis refectionis, ideoque pars sacramenti materialis: sic etiam peracta verborum conuentione circa corpora coniugum, ipsi coniuges inter se in perpetuum copulati, manent externum spirituale symbolum perpetuæ coniunctionis Christi cum Ecclesia.

Quapropter, sicuti sacramento Eucharistiæ, quatenus est in fieri, non solemus assignare materiam compositionis, sed quatenus est in facto esse, dicimus materiam eius esse species, quæ virtute consecrationis, tanquam forme sacramenti, permanent, & Christum in se continent, sicuti explicauit Gregorius Valent. tom. 4. disp. 6. quæst. 6. p. 1. §. neque verò ideo. Ita etiam opus non est sacramento matrimonij, quatenus est in fieri, assignare materiam compositionis: sed solum, quatenus est in facto esse: dicimus eius materiam esse corpora coniugum: siquidem ea ex vi mutua verborum conuentionis, existunt sacrum symbolum coniunctionis Christi cum Ecclesia.

Ex quo patet responsio ad confirmationem obiectionis: Non enim dicimus, corpora coniugum esse partem contractus matrimonij: sed esse partem sacramenti, non quatenus est in fieri, sed quatenus est in facto esse.

Obijcies II. Materia sacramenti debet esse distincta tum à suscipiente, tum à ministrante: sed personæ contrahentes suscipiunt matrimonij sacramentum, & inter se ministrant. Ergo materia matrimonij non sunt personæ contrahentes. Respondeo ex doctrina Petri Soti cit. lect. 4. Sicuti in alijs saltem plerisque sacramentis Minister re ipsa distingui debet à suscipientibus; in matrimonio re ipsa non distinguitur, ut ex secunda assert. constat: ita fieri etiam potest, ut licet in alijs sacramentis materia distinguatur à suscipiente & ministrante; in matrimonio verò non omnino distinguatur. Dico igitur, Cōiuges esse ministros sacramenti, quatenus verbis expressis inter se dant corporum potestatem; suscipientes verò, quatenus corporum potestatem inter se accipiunt; materiam denique esse eorundem coniugum corpora inter se tradenda. Cum enim sacramentum matrimonij in contractu naturali fundatum sit, mirum non est multa peculiariter habere, quæ in alijs sacramentis simili modo non reperiuntur.

Porro multi Doctores matrimonio, quatenus est in fieri, materiam & formam assignare conantur, ex quibus ratio sacramenti moraliter componi censeatur. Eorumque aliqui, ut Nauarrus cap. 22. num. 20. Valentia disp. 10. quæst. 1. p. 6. aiunt, materiam esse contrahentium consensum; formam verò esse verba, quibus consensus exprimitur. Cui tamen sententiæ obstat, quod in sacramentis materia, vel saltem pars materiæ per se sensibilis esse debet: mutus autem consensus per se nullo modo sensibilis est. Alij, inter quos Viæ. de matrim. num.

num. 247. Henriquez lib. 11. cap. 2. numero 5. Philiar. t. 1. p. 2. lib. 2. cap. 2. aiunt, verba, quæ à priore contrahentium proferuntur, esse materiam; quæ autem à posteriore, esse formam. Sed obstat, quod materia sacramenti casualis esset, atque mutabilis: imò etiam fieri posset, ut si contrahentes simul consensum suum exprimant, nulla rectè designaretur materia, & forma. Alij denique, ut Sotus in 4. d. 26. quæst. 2. art. 3. Bellarminus citat. c. 6. Rodriquez tom. 1. summa, cap. 216. concl. 3. Sanchez lib. 2. disput. 6. Coninck disput. 24. dub. 3. Suarez 3. p. tom. 3. disput. 2. l. 1. assert. 3. dicunt; verba contrahentium esse sibi mutuo materiam & formam: quæ enim matrimonij contractum inchoant, offerunt, materiam rationem obtinent: quæ verò eundem acceptant, perficiunt, complent, formæ rationem habent. Quorum sententia mihi non displicet: quamvis putem, necessarium non esse sacramento matrimonij, dum est in fieri, assignari materiam ex qua, seu compositionis, si tamen assignare velimus iste vltimus modus prioribus preferendus est.

Ex dictis colligitur primò; Mutum & surdum, etiam à natiuitate, prohiberi non posse à matrimonio, si rationis compos sit, ut intelligat quid agat, sicuti habetur in c. cum apud, de sponsal. ubi ratio adiungitur: *Quia quod verbis non potest, signis declarare valet.* Rectè tamen monet Sanchez lib. 1. disput. 8. diffic. 2. si simul etiam cæcus sit, matrimonium contrahere non posse, nisi antequam cæcus factus fuit, nouerit, quid esset matrimonium.

Secundò colligitur; Fatuos seu amentes, qui non intelligunt quid agant, & consequenter libero consensu carent, non esse habiles ad contrahendum matrimonium: nisi lucida interualla rationis habeant. Quamuis etiam tunc à matrimonio contrahendo arcendi erunt, si periculum sit, ne furoris tempore prolem conceptam, vel natam enecent, de quo videri potest Sanchez lib. 1. disp. 8. diffic. 3.

CAP. III.

De Matrimonio infidelium, quorum vnus, vel vterque ad fidem conuertitur.

SUMMARIVM.

1. Hodie in Ecclesia non permittitur cohabitatio coniugis ad fidem conuersi cum altero coniuge, persistente in infidelitate.
2. Non ideo statim matrimonij vinculum soluitur, quod vnus ad fidem Christi conuertitur, & alter conuertit, aut sine contumelia Creatoris cohabitare recusat.
3. Si infidelis sponte recedat, vel sine iniuria & contumelia Creatoris cohabitare non vult; alter ad fidem conuersus alias nuptias contrahere iure suo potest, quibus prius matrimonium penitus dissoluitur.
4. Si infidelis cum fidei coniuge cohabitare cupiat sine Fidei contumelia, quamvis Ecclesia non permittat: hoc casu prius Sedes Apostolica consulenda erit, quam fidei permittatur transitus ad aliud matrimonium.
5. Si alter coniugum in apostasiam labatur, neque nocenti, neque innocenti unquam licitum est aliud matrimonium contrahere.
6. Si ambo coniuges infideles fidem Christi & Baptismum suscipiant, eorum matrimonium efficitur ratum & indissolubile.

DE eo loquitur Apostolus 1. Corinth. 7. Si quis frater uxorem habet infidelem, & hæc consentit habitare cum illo, non dimittat eam: Et si qua mulier fidelis habet virum infidelem, & hic consentit habitare cum illa, non dimittat virum. Et infra, Quod si infidelis discedit, discedat: non enim seruituti subiectus est frater, aut soror in huiusmodi.

Assertio I. Licet in primitiua Ecclesia ob fidem propagandam consultius visum sit Apostolo, ut coniunx ad fidem conuersus cohabitaret cum coniuge infideli, si is sine Creatoris contumelia, & inductione ad peccatum cohabitare vellet: postea tamen crescente Fide, & numero fidelium, visum fuit Ecclesiæ, ad cauendâ peruersionis pericula; aliâque incommoda, vniuersim prohibere cohabitationem coniugis fidelis cum infideli: si is ad fidem pariter se conuertere recuset, uti constat ex cap. Iudæi, cap. sæpe, 28. quæst. 1. Quare testantur Doctores (ut videre est apud Rebellum lib. 3. de matrim. quæst. 10. l. 1.) cum Romæ Iudæus, vel Iudæa ad fidem Christianam conuertitur, quadraginta dies assignari eius coniugi ad deliberandum: ijs elapsis, si conuersionem respuat, etsi absque Fidei iniuria cohabitare vellet, separationem institui, quoad torum & cohabitationem.

Assertio II. Instituto diuortio, quoad torum & cohabitationem, eo quod alter coniunx ad fidem se pariter conuertere, & fortasse etiam sine Fidei contumelia cohabitare recuset: non ideo statim soluitur matrimonium quoad vinculum. Hæc est communis Doctorum sententia, ut videre est apud Rebel. l. Sotum in 4. d. 39. quæst. vn. a. 4. Nauarrum lib. 3. consil. 1. de conuers. infidelium, edit. 2. Valentiam tom. 4. disput. 10. quæst. 1. p. 7. Henriquez lib. 11. cap. 8. numero 4. Sanchez lib. 7. disput. 75. numero 4. Probatum ex cap. gaudemus, de diuortijs, ubi definitur, Si marito ad fidem conuerso, postea etiam vxor conuertatur, cogendum esse virum, qui ad alias nuptias non transeat, recipere uxorem suam: non posset autem cogi, si matrimonij vinculum antè solutum fuisset.

Corollarium I. Si vxor v. g. infidelis, marito ad fidem conuerso, alias nuptias celebravit; ille autem postea ad infidelitatem reuertatur; restituenda est ipsi vxor sua, si aliam post Baptismum non duxit. Quia alterum matrimonium, nondum soluto priore, ab vxore inualidè contractum est: propterea quod facultas soluendi matrimonium per transitum ad alias nuptias, à Christo concessa sit in gratiam coniugis fidelis; non etiam infidelis, uti refertur in cap. vlt. 28. quæst. 2. & docet Richardus in 4. d. 39. art. 1. quæst. 3. ad 2. Nauarrus lib. 3. consil. 3. de conuers. infidelium, edit. 2. Sanchez cit. disput. 75. numero 6. Quamuis hoc casu dispensatio fieri potest: cum matrimonium in infidelitate contractum perfectam sacramenti rationem non participet, uti Nau. ibid. notauit.

Corollarium II. Si vxor infidelis, à marito ad fidem conuerso separata, cum alio fornicetur; postea ipsa quoque conuertatur; tamen hoc casu vir eam repellere non prohibeatur, propter violatam coniugij fidem, iuxta c. gaudemus; de diuortijs, tamen neuter ad alias nuptias transire potest, uti docet Abulensis lib. 1. Regum, c. 8. quæst. 55.

Corollarium III. Si vxor infidelis, post conuersionem mariti, ad alias nuptias transeat, ipso in fide persistente, & ad alias nuptias non transeunte: accidat verò postea, ut & ipsa mulier ad fidem conuertatur, debet illa, deserto posteriore marito, adhærere priori: nisi Papa ipsis volentibus dispenset, quod facere potest: cum eorum matrimonium, quamuis olim consummatum in infidelitate, non tamen fuerit ratum & indissolubile, sicuti resoluit Nauarrus lib. 3. consilio 3. de conuers. coniugat. edit. 2.

Assertio III. Si coniuge vno ad fidem conuerso, alter sponte recedat, vel nolit cohabitare sine Fidei contumelia, peruersionis periculo & c. permissum est coniugi fidei aliud matrimonium contrahere cum fidei, per quod prius penitus dissoluatur. Ita habetur in cap. quando, de diuortijs, ubi Innocentius III. respondit, Si alter infidelium coniugum ad fidem Catholicam conuertatur,

altero vel nullo modo, vel nō sine blasphemia diuini nominis, vel ut eum pertrahat ad mortale peccatum, et cohabitare volente, qui relinquitur, ad secunda si valuerit, vota transibit: & in hoc casu intelligimus, quod ait Apostolus: Si infidelis discedit, discedat: &c. Et canonem in quo dicitur; Contumelia Creatoris soluit ius matrimonij, circa eum qui relinquitur. Quæ verba sumpta sunt ex auctore Comment. apud Ambrosium in epist. 1. cap. 7. ad Corinth. relato in cap. vlt. 28. quæst. 2. videri potest S. Thomas in 4. distin. 39. quæst. vn. art. 3.

4. Assertio IV. Cū hodierno die prohibitum sit cohabitare fidelem cum coniuge infideli, propter periculum peruersionis; ideo probabile est, coniugem ex infidelitate ad Catholicam Fidem conuersum, posse transire ad alias nuptias; quamuis alter coniunx in infidelitate persistens pacifice, & sine iniuria cohabitare veller. Ita docet Sotus in 4. d. 39. quæst. vn. a. 4. Veracrux p. 2. speculi, a. 29. prope finem, Henriquez lib. 11. cap. 8. num. 4. Sa ver. matrimonium, de impedimentis matrimonij, num. 8. Sanchez lib. 7. disput. 74. num. 9. Rodriq. t. 1. sum. c. 230. in fine, contra Gratianum super cit. cap. vlt. 28. q. 1. S. Bonau. in 4. d. 39. art. 2. q. 1. S. Thom. ibid. quæst. vn. a. 3. Richar. a. 2. q. 2. Nauar. c. 22. num. 49. Valent. to. 4. disp. 10. quæst. 1. p. 7. Tolet. lib. 7. cap. 7. Nam ratio, cur Apostolus, tanquam Christi interpres, in Fidei fauorem, coniugi conuersæ permittat aliud matrimonium contrahere, si alter coniunx infidelis sine iniuria cohabitare nolit, hæc ab ipso Apostolo redditur: ne coniunx fidelis seruituti subiectus sit, si à coniugio non sine incontinentiæ periculo abstinere debeat: hæc autem ratio recentiore iure Ecclesiastico omnem cohabitationem fidelis cum infideli prohibente, locum etiam habet, quotiescunque coniunx infidelis post conuenientem admonitionem ad Fidem se conuertere recusat. Quamquam ob auctoritatem D. D. contrariæ sententiæ, longè tutius erit in hoc casu Summum Pontificem consulere, atque dispensationem petere: idque etiam in praxi obseruari, testatur Veracrux cit. loco.

5. Assertio V. Inito matrimonio inter coniuges fideles, licet eorum alter postea in apostasiam labatur, ideoque separandi sint; nullo tamen casu permittitur innocentibus, ac fideli aliud matrimonium contrahere. Ita definitur in cit. c. quando: & ratio affertur: Quia matrimonium inter fideles est ratum, ac indissolubile, propter rationem sacramenti.

6. His duo addenda sunt: I. Si coniuges infideles ad Fidem conuertantur ac baptisentur, eorum matrimonium, quod ante ratum omnino non erat, efficitur ratum, & omnimodè insolubile, ac proinde sacramentum. Quæ est communior Doctorum sententia, Capreoli in 4. d. 26. quæst. vn. a. 3. ad 5. Ioan. Eckij hom. 73. de sacram. Bellarm. lib. 1. de matrim. cap. 5. Henriq. lib. 11. cap. 8. n. 1. in fine, Sanch. lib. 2. disp. 9. quibus contradicit Coninck disp. 24. dub. 2. concl. 7. & alij apud Petrum de Ledsma de matrim. q. 59. a. 2. dub. 3. Ratio est: Quia hoc ipso, quod post Baptismum consentiunt inter se cohabitare, eumque consensum signo quocunque declarant, contractum antecedentem matrimonij confirmant & ratificant; ipsique modò incipiunt esse sacrum symbolum coniunctionis Christi cum Ecclesia. Neque tamen assentior Thomæ Sanchez dicenti, eo ipso quod baptisantur, consentire eos in matrimonium, ut sit insolubile, signetque Ecclesia cum Christo unionem. Hoc enim vniuersim verum non est: quia potest coniunx baptisari cum proposito discedendi à coniuge suo fideli per dispensationem Summi Pontificis.

II. Si infideles matrimonium contraxerunt cum impedimento v.g. consanguinitatis, aut affinitatis, iure tantum Ecclesiastico dirimente, verū ac ratum censi debet post eorum ad Fidem conuersionem: quia in infidelitate contrahentes canonicis constitutionibus non obstin-

gebantur, citat. cap. gaudemus; de diuortijs; scilicet verò est, si impedimentum matrimonij ex iure naturali fuit, v.g. Si pater filiam, vel frater sororem duxerant.

CAP. IV.

De Matrimonio clandestino.

SUMMARIUM.

1. Matrimonium clandestinum olim seuerè prohibitum, tamen validum erat: nunc autem ipso iure irritum est.
2. Ecclesia potest formam contractus matrimonij prescribere: quam non seruata, irritum sit.
3. Parochus, aliisque Ordinarius matrimonio assistens debet esse proprius vel utriusque, vel saltem alterius sponsorum. Et potest etiam extraparochiam validè assistere.
4. Parochus matrimonio assistere potest, etsi sacerdos non sit: sed alteri quam sacerdoti assistenti facultatem committere nequit.
5. Parochus matrimonio validè assistit, licet excommunicatus non toleratus sit, modò titulum, ac possessionem parochia retineat.
6. Præsentia testium debet esse moralis, ut intelligant quod agitur. Sed necesse non est ad matrimonij contractum, ut habeant qualitates quæ in alijs causis civilibus aut criminalibus requiruntur.
7. Decretum Concilij Tridentini requirentis parochi, ac testium præsentiam, non obligat in locis, ubi ea constitutio nunquam promulgata, aut recepta est.
8. Sacerdos Catholicus non prohibetur assistere matrimonij hæreticorum, quos in sua parochia habet.
9. Ante matrimonium trina denuntiationes publicæ fieri debent: quæ tamen ad substantiam contractus haud pertinent, quasi ipsæ intermissis irritus existeret.
10. Denuntiationes in utriusque sponsa parochia fieri deberent: quamuis id non ubique obseruatur.
11. Denuntiationes ob iustam causam interdum remitti debent; vel una sola pro trina fieri.
12. Nulla culpa est, per se loquendo, matrimonium ante benedictionem consummare.
13. Prima nuptia, secundam antiquissimam Ecclesia consuetudinem, benedici debent.
14. Clandestina sponsalia omni iura valida, & obligatoria sunt: & Parochi præsentia nequaquam requiritur.
15. Si sponsi in solemnibus sponsaliorum contractu utantur verbis de præsentia, non debet idcirco matrimonium ratum censi.
16. Ob intermissas matrimonij denuntiationes canonica poena incurritur.

CLANDESTINUM matrimonium dicitur, quod sine Parocho, aliisque testibus, omiſſis etiam publicacionibus, celebratur. Illud iure antiquo validum quidem, sed seuerè prohibitum erat; propter multa damna, & peccata, quæ plerumque ex eo, Veneris potius, quam Dei causa contrahi solito, (vt ait Syn. Colon. p. 7. cap. 43.) oriebantur, & videri potest epist. 1. Euaristi Papæ, Tertullianus in libro de pudicitia, cap. 4. vbi improbat occultas sponſorum coniunctiones, id est, non prius apud Ecclesiam professas. Et lib. de monogam. cap. 11. ait, quod Presbyteri, & Diaconi coniungunt sponſos in Ecclesia. Et lib. 2. ad uxorem in fine: Vnde sufficiam ad enarrandam felicitatem eius matrimonij, quod Ecclesia conciliat, & confirmat obligatio, videlicet Missæ sacrificium, & obsequium Angeli (id est, Sacerdotes) renuntiant. Plura apud Gratianum c. 1. 3. & tota causa 30. q. 5.

Spectato tamen ipſo iure naturali, & diuino, per se illicitum non est clandestinum matrimonium; sed solum per accidens propter scandala, occasiones peccandi, quæ tamen interdum abesse & vitari possunt, vt notauit Cætan. t. 1. opusc. tract. 12. de matrim. q. 2. Sotus in 4. d. 28. q. 1. a. 2. concl. 1. Quare etiam S. Thom. in 4. d. 28. q. vn. 1. 3.

a. 3. ad. 3. non dixit, matrimonium clandestinum secundum se malum esse; sed speciem mali habere ut rectissime ab Ecclesia prohibitum sit. Infideles autem clam contrahentes, cum Ecclesiasticis legibus non astringantur, de peccato damnari non possunt, per se loquendo, sicuti notavit Petrus Ledesma de matrim. quæst. 45. art. 5. Coninck disp. 27. dub. 1. n. 5. contra Sanchez lib. 3. disp. 3. num. 8. & 9.

Iure autem nouo Concilij Tridentini sess. 24. cap. 1. de reform. matrim. ita decretum est: *Qui aliter, quam præsentente Parocho, vel alio Sacerdote, de ipsius Parochi seu Ordinarij licentia, & duobus, vel tribus testibus, matrimonium contrahere attentabunt, eos sancta Synodus ad sic contrahendum omnino inhabiles reddit: & huiusmodi contractus irritos & nullos esse decernit, prout eos præsentis decreto irritos facit & annullat.* Circa quam Constitutionem notandum est primo: Cum quævis Respublica, ob iustam, & publicam causam, certum personarum genus, v. g. pupillos, prodigos ad contrahendum inhabiles reddere, & contractus aliquos, vel ultimas voluntates certa solemnitate de iustis ipso iure infirmare possit, sequitur, quod etiam Respubl. Ecclesiastica, quæ matrimonij contractum, propter annexam rationem sacramenti, suæ iurisdictionis reseruauit, propter publicam animarum utilitatem poterit eos, qui clam & sine præscripta solemnitate matrimonium contrahere attentant, ad ita contrahendum inhabiles reddere: siue quod eodem recidit, eiusmodi clandestinum matrimonium prorsus infirmare.

Quare nullius momenti est obiectio hæc: Ecclesia non potest mutare, aut infirmare sacramenta: neque materiam, vel formam sacramentorum, quippe quæ à Christo instituta sunt: quare cum semper ab initio Ecclesiæ matrimonium clandestinum pro sacramento habitum sit, non potuit Trident. Concil. efficere, ut sacramentum non esset. Resp. ex doctrina Durandi in 4. dist. 29. q. 2. n. 7. & 8. Palud. d. 26. q. 4. a. 3. ad 4. Adriani de sacram. matrim. quæst. 1. §. Ad rationes: Ecclesia non potest sacramenta, eorumque substantialem materiam, aut formam à Christo instituta mutare, aut infirmare, *per se ac directe*, concedo, *indirecte*, & *per accidens* nego. Per se, ac directe Ecclesia mutaret rationem, & institutionem sacramenti, si efficere posset, ut materia v. g. quæ antè legitima erat, postea, sine sui mutatione, illegitima & insufficientes esset, quod Ecclesia efficere nequit. Indirecte autem, & per accidens mutat, vel potius impedit sacramentum, si immutet, vel destruat ipsam materiam, in qua sacramentum fundatur. Quemadmodum si quis vinum physicè corruptat, v. g. multam aquam, vel acetum infundendo, ut iam non sit materia sacræ Eucharistiæ: ita etiam Ecclesia mutauit, & infirmauit contractum naturalem matrimonij clandestini, & consequenter rationem sacramenti abstulit; quippe quod ex Christi institutione, in legitima viri ac feminae coniunctione, seu contractu fundatur.

Notandum est secundo: Parochus matrimonio assistens debet esse proprius vel vtriusque, vel saltem alterius sponsum. Quæ de re videri potest Sanchez lib. 3. de matrim. disput. 19. iuncta disput. 25. numero 14. ubi docet, si vnus sponsum vagus sit, posse eius matrimonio quemcumque Parochum interesse: quia vago sponsum quisque Parochus censetur esse proprius, in loco ubi ille pro tempore existit.

Quod verum est, si loquamur de matrimonij valore. At verò licite non potest Parochus quilibet vagorum matrimonij assistere, nisi prius ab Ordinario licentiam obtinuerit, ob Trid. Constit. sess. 14. cap. 6. ubi *Parochis præcipitur, ne vagorum matrimonij interfint, nisi prius diligentem inquisitionem fecerit, & re ad Ordinarium delata, ab eo licentiam id faciendi obtinuerint.*

Id porro in dubium reuocatur: Necessène sit matrimonio interesse Parochum eius parochiæ, in qua nuptiæ

celebrantur; An verò valitum etiam sit matrimonium si cum ciue v. g. Augustana ciuis Monachiensis, præsentente Parocho Monachensi matrimonium contrahat. Augustæ, vel Ratisbonæ? Negat Nauar. cap. 25. in fine, & clarius lib. 4. consil. 4. & consil. 14. de clandest. desponsat. edit. 2. Sed rectius affirmat Henric. lib. 11. cap. 3. numero 2. Rodriq. tom. 1. cap. 219. conclus. Sanchez citat. disput. 19. numero 11. Nam lex correctoria strictè interpretationis esse debet: Tridentina autem constitutio correctoria est iuris antiqui: Ergo non extendenda, sed potius strictè interpretanda est, salua proprietate verborum, quæ hîc seruatur: quandoquidem Concilium tantum requirit proprii Parochi præsentiam, quæ in hoc casu etiam extra eius parochiam bene consistit, cum non agatur de exercenda iurisdictione contentiosa. Peccat tamen Parochus, si aliena parochia sponsum suum solemniter ac publicè assistat.

His adde primò: Parochum matrimonio assistere posse, tamen si Sacerdos non sit, licet alteri, quam Sacerdoti, assistendi licentiam dare nequeat. Ita Nauar. lib. 4. consil. 6. & 9. de clandest. desponsat. edit. 2. Henriquez lib. 11. c. 3. num. 5. Petrus Ledesma quæst. 45. de matrim. a. 5. pun. 3. §. tertium dubium est. Sanchez lib. 3. disput. 20. num. 3. & 10. Probatur ex verbis Concilij: *Qui aliter, quam præsentente Parocho, vel alio Sacerdote, de ipsius Parochi licentia &c.* Sensus est: quod matrimonium contrahi debeat coram Parocho, vel alio quodam licentiam à Parocho, vel Ordinario habente, dummodo is Sacerdos sit. Accedit, quod tamen si *non alius* eiusdem qualitatis personam hîc referret; dici tamen posset, idè Concilium ita locutū fuisse, quia communiter Parochi Sacerdotes esse solent: quemadmodum etiam in c. omnis, de pœnit. & remiss. requiritur licentia Sacerdotis proprii, ut aliquis alteri Sacerdoti confiteri possit: & tamen DD. communiter aiunt, talem licentiam à quocumque Parocho, vel proprio Pastore, etsi Sacerdos non sit, dari posse, uti notavit Sanchez citat. disput. 20. num. 3. Sotus in 4. distinct. 18. quæst. 4. art. 3. & in simili Suarez p. 3. t. 3. disput. 72. t. 2. col. 3.

Adde secundo: Validum esse matrimonium, etsi Parochus assistens sit administratione interdictus, suspensus, vel excommunicatus, non toleratus: modò non sit actualiter depositus, sed titulum ac possessionem beneficii retineat. Ita docent Petrus Ledesma citat. quæst. 45. a. 5. pun. 3. dub. 3. ver. vltimò sequitur. Henriquez lib. 11. cap. 3. n. 4. & 5. Rodriquez tom. 1. c. 219. conclus. 10. Sanchez lib. 3. disp. 21. num. 4. Coninck disput. 27. dub. 7. conclus. 7. Ratio est: Quia assistere matrimonio non est actus iurisdictionis, vel administrationis; cum etiam ab inuito, seu coacto validè præstari possit: sed est actus testimonij, ex iuris dispositione ad matrimonij substantiam requisitus. Accedit, quod verba correctoria Concilij Tridentini strictè interpretanda sunt, resecta verborum proprietate, *Qui aliter, quam præsentente Parocho &c.* Quamdiu igitur verus Parochus manet, assistere, & matrimonio auctoritatem præbere, saltem validè, poterit.

Credo tamen, quod excommunicatus, aut suspensus, si toleratus non est, alteri Sacerdoti licentiam assistendi nec licitè, nec validè committat. Quæ est sententia Ledesma loco cit. dub. 4. Coninck conclus. 8. contra Henric. 11. c. 3. n. 5. in comment. lit. q. Sanchez cit. disp. 21. num. 7. Quia dare alteri licentiam, quæ is alioquin non qualificatus, idoneus reddatur ad actus legitimum valorem, videtur esse exercitium iurisdictionis, sicuti notavit Nauar. consil. 14. de clandest. desponsat. n. 6. ad 3. edit. 2. ubi ait, dare licentiam assistendi matrimonio esse actum iurisdictionis voluntariæ. Cōtrà verò, si ipse Parochus excommunicatus non sit, potest substituere alium Sacerdotem excommunicatum, quamuis non toleratum, saltem validè: quin & licitè in casu necessitatis, si Parochus v. g.

tempore pestis assistere non possit, neque alium Sacerdotem substituere, quam notorium Clerici percussorem, sicut notat Chapeauille c. 6. q. 3.

Adde tertio: Præter Parochum, etiam proprium Episcopum, vel alium Episcopali iurisdictione præditum, eiusque in spiritualibus Vicarium generalem; item Legatum Sedis Apostolicæ in provincia, ad quam destinatus est, ac denique in omnium fidelium matrimonijs Summ. Pontificem assistere, vel assistendi licentiam dare posse: siquidem hi omnes nomine ordinarij Pastoris veniunt. Quibus addi debet Capitulum vacante Sede: cum succedat in iurisdictionem Episcopi, ut colligitur ex c. cum olim, de maiorit. & obed. & dixi lib. 1. tract. 4. cap. 7. numero 12.

- 6 Notandum est tertio, Præsentia testium, uti & ipsius Parochi, debet esse moralis; ut intelligant quod agitur; ideoque testificari possint, matrimonium utriusque consensu celebratum esse, argument. l. 209. ff. de verb. signif. *Coram Titio aliquid facere iussus, non videtur presente eo fecisse, nisi is intelligat. Itaque si furiosus, aut insanus sit, vel dormiens, non videtur coram eo fecisse.* Idemque sentiendum de illo, qui præsens corpore est, sed animo nihil omnino aduertens, sicuti docet Sanchez lib. 3. disput. 39. num. 5. Non tamè requiritur primò, ut Parochus alique testes ad id vocati seu rogati sint, sed sufficit, si casu interueniant matrimonij contractui, argument. l. 11. ff. de testibus: *Ad fidem rei gestæ faciendam etiam non rogatus testis intelligitur.* Et citat. loco 209. *Scire autem testis, non etiam velle debet: nam & inuito eo rectè fit, quod iussu est.* Et ita ex communi Nauarrus consil. 11. de clandestina desponsat. edit. 2.

Esset tamen graue peccatum, Parochum, quippe qui personam Ecclesiæ repræsentat, vi adigere, aut dolo inducere, ut matrimonio intersit: excepto raro casu necessitatis, si is sine iusta causa renuat, & ad Superiorem recursus non sit, tunc actu aliquo, sine mendacio, induci posset, uti notauit Coninck disput. 27. dub. 4. in fine.

Secundò necesse non est, testes habere eas qualitates, quæ in causis tunc civilibus, tunc criminalibus iure ordinario requiruntur: & nihil interest, si sint impuberes, fœminæ, infames, excommunicati, infideles, parentes, liberi, serui &c. sicuti docet Henric. cit. cap. 3. num. 9. Rodriq. cit. cap. 219. concl. 18. Petr. Ledes. cit. q. 45. a. 5. p. 3. post dub. 4. Veracrux in appendice speculi, dub. 7. Sanchez lib. 3. disput. 41. numero 5. Coninck disput. 27. dub. 4. conclus. 2. Nam Trident. constitutio veteris iuris correctoria extendi non debet, præsertim cum procedat contra valorem matrimonij, cuius causa fauorabilis est, c. ult. de sentent. & re iudicata: Sicuti eadem ratione in Fidei fauorem eiusmodi testes admitti solent, c. in Fidei, de hæret. in 6.

Accedit primò, quod testes alioquin inhabiles, seu exceptione remobiles, validè tamen adhibeantur ut instrumentarij, ad rei gestæ probationem, ex partium consensu, sicuti notat Glos. in Auth. de testib. §. neque igitur, ver. & supplicijs, Sanchez loco c. Coninck. num. 4. Quin etiam ad actus iudiciales validè adhibentur, si à Iudice, vel parte aduersa non repellantur, sicuti colligitur ex c. 1. de except. in 6.

Accedit secundò: Quod auctoritas Parochi suppleat aliorum testium defectum, arg. c. cum esses, de testament. Præsertim si Parochus testium nomina, diemque, ac locum contracti matrimonij in libro descripsit, sicuti ei iubetur in Tridentin. decreto de reformat. matrimonij c. 1. sessione 24.

Atque hæ rationes etiam ostendunt, si de matrimonij valore postea lis in iudicio oriatur, ordinariè sufficere tales testes ad fidem rei gestæ faciendam, sicuti notauit Sanchez citat. disput. 41. numero 6. licet aliter sentire videatur Couarr. in epit. p. 2. cap. 8. §. 12. numero 17.

Quartò notandum; Decretum Concil. Trident. requirentis ad matrimonij valorem proprij Parochi, ac testium præsentia, non se extendere ad ea loca, seu Catholicorum, seu hereticorum, in quibus nunquam promulgatum, nedum receptum fuit, sicuti apertè colligitur ex sess. 24. cap. 1. de reformat. matrim. ubi dicitur, ut decretum in vna quaque parochia suum robur post triginta dies habere incipiat à die prima publicationis. Quare Catholici validè matrimonium contrahunt v. g. in Saxonia coram Prædicante. Sed etsi in aliqua ciuitate decretum promulgatum fuerit, modò tamen expulsis Catholicis Sacerdotibus, non adsint proprij Pastores; validè, sicut priùs, coram Prædicante, vel sine Prædicante matrimonia contrahi potuerunt. Cum enim his locis tali rerum statu, decretum Trident. seruari non possit, non est existimandum, libertatem matrimonij validè contrahendi impeditam esse, sicuti Cardinalis Bellarminus respondet apud Chapeauille c. 6. q. 15.

Denique licet in ciuitatibus Germaniæ, quibus Lutherani cum Catholicis permixti viuunt, v. g. Augustani ciues re vera in spiritualibus subsint Episcopo suo, imò etià Parocho Augustano: tamen existimandum haud est, Summ. Pontificum voluntatem esse, ut Trident. decretum se extendat ad matrimonia illorum, sine legitimo Pastore celebrata: nè multa incommoda oriantur, si eorum filij legitimè nati non sint, neque capaces officiorum, dignitatum, sacrorum ordinum.

Illud hæc quæri potest: Vtrum Sacerdos Catholicus assistere possit matrimonijs hæreticorum, quos in sua Parochia habet. qui casus in Germania frequens est. Respondeo: Non apparere rationem, cur assistere prohibeatur. Non enim propter vitandam communicationem: quia hæretici post Concilium Constantiense nec in sacris, nec politicis negotijs vitandi sunt, nisi denuntientur, sicuti constat ex dictis lib. 1. tract. 2. p. 2. c. 4. Neque propter reuerentiæ sacramenti, quod hæretici indignè suscipiunt: quia Parochus, seu Sacerdos assistens matrimonio non est minister eius, sed tantum testis. Neque id infrequens est, ut Sacerdos assistat matrimonio aliquorum, qui notoriè peccatores sunt: quando non patiuntur sibi persuaderi, ut ad sacramentum dignè suscipiendum se disponant.

Eodem cap. 1. de reformat. matrimonij, sancta synodus præcipit, ut in posterum, antequam matrimonium contrahatur, ter à proprio contrahentium Parocho, tribus continuis diebus festiuis, in Ecclesia, inter Missarum sollemnia publice denuntietur, inter quas matrimonium sit contrahendum: quibus denuntiationibus factis si nullum legitimum opponatur impedimentum, ad celebrationem matrimonij in facie Ecclesiæ procedatur: ubi Parochus, viro & muliere interrogatis, & eorum mutuo consensu intellecto, vel dicat: Ego vos in matrimonium coniungo in nomine Patris, & Filij, & Spiritus sancti; vel alijs veratur verbis, iuxta consuetum vniuscuiusque Provincie ritum.

Circa quæ verba notandum est primò: Licet Concilium Tridentinum in hærendo vestigijs Concilij Lateranensis sub Innocent. III. quod refertur in cap. ultimo, de clandest. desponsat. præceperit, fieri trinas denuntiationes, quæ proinde absque crimine mortali omitti non posse videntur; cum materia præcepti grauis sit: nullò tamen verbo significatur, denuntiationes illas ad matrimonij substantiam pertinere, ita ut si omittantur, irritum matrimonium censeretur, sicuti ex communi notauit Sanch. lib. 3. disp. 5. n. 3.

Notandum secundò; Etsi valde probabile sit, Concilij Lateranensis in citat. cap. ultimo de clandest. desponsat. & Concil. Tridentini in citat. cap. 1. de reformat. matrimonij intentionem fuisse, quod denuntiationes ab utriusque contrahentium Parochis fieri debeant, si illi ad diuersas parochias spectent, ut impedimenta, si quæ fortè subsint, ex utraque parte detegi possint, si-

cuti docet Henriquez lib. 11. cap. 7. numer. 1. Rodriguez cap. 217. conclus. 6. Sanchez lib. 3. disput. 6. num. 4. Coninck dub. 5. conclus. 2. contra Anton. Cucum lib. 5. Institut. tit. 11. numero 29. tamen damnari non debet consuetudo, quæ adhuc hodie in quibusdam Ecclesijs viget, vt denuntiationes fiant duntaxat in Parochia vnus sponsi, in qua nuptiæ celebrandæ sunt: quantum enim in his, quæ ex iure positio proueniunt, præsertim si non satis declarata & inter Doctores dubia sint, consuetudo valeat, satis dixi lib. 1. tr. 4. cap. vltimo, n. 12.

Notandum tertio; cum Trident. Concilium tribus continuis diebus festis in Ecclesia inter Missarum solemnias denuntiationes fieri præcipit, id solum spectare videtur, vt coram populi frequentia fiant: quare nihil refert, licet extra Ecclesiam, vel die non festo, si concio frequens habeatur, à Parocho, vel eius iussu ab alio Prædicatore matrimonium denuntietur, secundum Sanchez disp. 6. num. 9. Qui etiam notat num. 8. oportere aliquot, saltem duorum dierum, interuallum inter vnâ & alteram denuntiationem intercedere, sicuti decretum fuit in Concil. Colon. sub Adolpho Archiepisc. cap. 32. & Concil. Moguntino sub Sebastiano Archiepisc. cap. 38. à quibus nihil diuersum constituit Trident. Concilium; addit verò, vt denuntiationes non diu differantur, sed festis mutuo succedentibus, modo non continuatis diebus, absoluantur, sicuti etiam notauit Coninck dub. 5. n. 47. obseruari tamen potest hac in re cuiusque Ecclesiæ consuetudo.

Notandum quarto: Episcopus iusta de causa denuntiationes remittere potest, v. g. si magnates contrahant, quorum coniugia ignota esse non solent: si ob senium, status disparitatem denuntiationes cum pudore sponsum, vel familiæ iunctæ essent, sicuti docet Sotus in 4. d. 28. q. 1. a. 2. §. de bannis, Nauar. cap. 22. num. 70. Sanchez lib. 3. disp. 9. num. 3. Interdum remittere etiam debet, si ex publicatione probabiliter timeatur scandalum publicum, infamia, corporis vel animi damnum, puta ne fortè consanguinei matrimonium malitiosè impediunt, sponsæ sterilitatem beneficio afferant: item ne concubinari, qui publicè existimantur coniuges legitimi, vnâ cum prole infamiam contrahant. Interdum verò Episcopus permittere potest, & exigente necessitate etiam debet, vt vnâ denuntiatio pro tribus fiat: si videlicet propter malignam contradictionem aliquorum, vel propter alterius sponsum inconstantiam, vel ob periculum incontinentiæ, imminente v. g. tempore Aduentus, vel Quadragesimæ, nuptiæ diutius differri nō possint. Quare Concilium Episcopi prudentiæ relinquit, vt in casu, quo timetur matrimonium malitiosè impedi posse (& eadē est ratio de alijs similibus) vel vnâ denuntiationem protina fieri iubeat, vel omnes, iuxta exigentiam causæ remittat.

His adde primò: Si ad Episcopum accedi non possit, & periculum in mora sit, etiam Parochum denuntiationes remittere posse, ac debere: seu, vt alijs verbis dicam, Parochum oportet in tali casu sponsum matrimonio iungere, sine denuntiationibus, vel vnâ tantum factâ pro trina, sicuti ex communi docent Sotus cit. a. 2. conclus. 3. Henriquez lib. 11. cap. 5. num. 5. Rodriguez cap. 217. conclus. 1. Sanchez lib. 3. disput. 10. num. 27. Coninck citat. dub. 5. num. 52. Quamuis enim Parocho non competat ius dispensandi in denuntiationibus, nisi ex delegatione Episcopi, sicuti notant Doctores communiter apud Sanchez disput. 7. quæst. 2. & 3. Pertinet tamen ad illum in casu necessitatis declarare, legem de præmittendis denuntiationibus per episcopiam cessare: cuius exemplum manifestum est, si quis morti vicinus cum concubina contrahere velit, vt securiore animo decedat, proles legitimetur, &c.

Adde secundò: Si denuntiationes ante nuptias factæ

non fuerint, post nuptias ante consummationem matrimonij faciendas esse, monet Tridentin. in cit. c. 1. vt si fortasse impedimentum dirimens subsit, ante copulam fornicariam delegatur: nisi Episcopo consultius videatur eas omnino intermitteri.

Præterea eadem sancta Trident. Synodus hortatur coniuges, vt ante benedictionem sacerdotalem à proprio Parocho, vel altero de eiusdem, vel Ordinarij licentia, collatam, in eadem domo non habitent, nec matrimonium consumment. Cum autem hæc vocula *hortatur* consilium potius, quam præceptum significet, ideo probabilis censeri potest sententia Nauarri cap. 22. num. 83. §. de benedictione nuptiali, Veracruz appendice speculi, dub. 11. conclus. 7. nullam culpam esse, per se loquendo, si coniuges ante benedictionem matrimonium consumment: licet Caietan. tom. 1. opus. tract. 13. q. 1. & alij Doctores in ea re peccatum, saltem veniale, agnoscant. Quare de Sanchez lib. 3. disp. 12.

Porro solemnitas nuptiarum benedictio primis nuptijs ex antiquissima traditione adhiberi debet, sicuti videre licet apud Euaristum Papam epist. 1. Tertull. lib. 2. ad uxorem, in fine, Siricius Papam epist. 1. ad Himerium cap. 4. & 9. Concil. Carthagin. 4. canon. 13. S. Ambrosium epist. 70. ad Vigilium, paulo post princip. Isidorus lib. 2. de eccles. offic. cap. 19. Nicolaum I. Papam respons. ad Bulgaros, cap. 3. Verum nuptijs secundis benedictio adhibenda non est; propter rationem, quæ affertur in cap. 3. de secun. nupt. quia benedictio alicui rei semel collata, iterari non debet. Consuetudo tamen iam obtinuit, vt nuptiæ virginis, seu primò nubentis cum vtrâque benedicantur, sicuti notat Glos. in cit. c. 3. Supplem. S. Thom. quæst. 63. a. 2. ad 2. Couarruias in epit. p. 2. c. 8. §. 11. numero 2. Coninck cit. disput. 27. dub. 8. conclus. 2. Quin vltius etiam consuetudinem extensam esse, vt quotiescunque alter coniugum, etiam vir benedictionem non recepit, nuptiæ eius benedicantur, testatur Henric. cap. 2. numero 3. Nauarrus c. 22. num. 38. Sanchez lib. 7. disput. 82. num. 22. propter constitut. Ioan. xxii. cuius etiam meminit Couarruias cit. num. 2. Quare rectè ait Sa ver. benedictio, num. 2. *seruandam esse consuetudinem regionis.*

Superest, vt aliquid dicamus de clandestinis sponsalibus in futurum: videlicet ea omni iure valida esse, cum Tridentinum Concilium in ijs nihil innouarit: quamuis ad fidem sponsalibus in externo foro faciendam testes adhibere consuetum sit. Imò in Germania nostra valde vsitatum est, quamuis minimè necessarium, vt præter alios testes, etiam Parochus ad maiorem solemnitatem, ac fidem adhibeatur. Sed monendi sunt homines rudes, ob talem desponsationem de futuro non esse matrimonium inter eos contractum, vt sciant fornicationem mortalem fore, si carnaliter coniunguntur ante nuptias, idèque non permittendum vt post talem desponsationem ad eandem domum commigrent.

De eo dubitari potest, si sponsi in tali solemnibus sponsalium contractu, vulgo *Handtsbrauch*, vtantur verbis de presente, *Accipio te in meam*, vtum matrimonium ratum censeri debeat, vt sine mortali culpa consummari possit? Responsio est negatiua; Primò, Quia præsumi non debet, sponsum voluisse, nondum præmissis denuntiationibus, matrimonium cum graui seu mortali scelere contrahere. Quare licet vt si sint verbis de presente, videntur tamen voluisse sponsalia contrahere, sicuti alij solent, licet alijs verbis externis vsi fuerint. Nam verba intelligi debent secundum naturam contractus, qui instituitur; & intelligentia verborum ex causis est sumenda dicendi: quia non sermoni res, sed sermo rei subiectus est, id est, inseruiens, cap. intelligentia, de verborum signific. Idque notauit Nauarrus cap. 22. num. 79. Secundò Tamen ponamus, sponsum expressam intentionem fuisse matrimonium contrahendi, non tamen id esse:

cere potuerunt, si hanc suam voluntatem Parocho, & reliquis testibus non significarunt: suppono enim eos existimasse non matrimonij, sed sponsaliorum tantum contractui se interesse: ideoque quod tunc inter sponfos ageretur, ignorasse. Sin verò statuamus, eos probè sciuisse, quid agere intenderent sponfi, tunc dubitari non potest, esse matrimonium validum, quamvis illicitè contractum, ideoque & pœnis quibusdam canonicis subiectum, iuxta c. vlt. de clandest. desponsat.

16 Pœnæ autem hæ sunt: Prima. Cum alioquin proles nata ex matrimonio cum occulto impedimento, bona fide alterius saltem coniugis, in facie Ecclesiæ celebrato, ex iuris dispositione ac privilegio legitima censeatur, cap. cum inter, c. ex tenore, Qui filij sint legitimi, si tamen publicæ matrimonij denuntiationes non sine crimine intermissæ fuerunt, tali privilegio proles priuatur, iuxta cit. cap. vltim. Quamvis enim ibi tantum mentio fiat de impedimento gradus prohibiti, videtur tamen id exempli causa dictum, constitutio autem generalis esse, sicuti & ratio, quæ apponitur; *quia tales expertes scientia, vel saltem affectores ignorantie videantur*, Quæ ratio constitutionis in alijs quoque impedimentis locum habet, saltem ijs, quæ per denuntiationem suapte natura detegi possunt. Secus enim dicendum videtur de alijs, v.g. si matrimonium irritum sit propter occultum defectum consensus in altero contrahente. tunc propter omissionem denuntiationum non impediri prolis legitimationem, si alteruter coniux bona fide egit, probabiliter docet Sanchez lib. 3. disp. 42. n. 5. et si contrarium sentiat Coninck disp. 27. dub. 9. num. 77. propterea quod in citat. cap. cum inter, & c. ex tenore, privilegium legitimationis proli concessum sit duntaxat in casu matrimonij celebrati in facie Ecclesiæ: non item, si clandestinè contractus fuit. Quamquam neque in hoc ipso DD. consentiunt, utrum tale matrimonium, quod cum Parocho & testibus non præmissis denuntiationibus celebratum fuit, censeri debeat clandestinè & non in facie Ecclesiæ celebratum, uti videtur est apud Sanchez lib. 3. disp. 1. n. 6.

Sed & hoc incertum est, quod idem Sanch. tradit lib. 3. disp. 43. n. 4. cum Syluest. ver. filius, quæst. 8. Si matrimonium temere omiſſis denuntiationibus contractum postea promulgetur, & ab Ecclesia approbetur, prolem non priuari privilegio, legitimationis argument. c. Quod nobis, Qui filij sunt legitimi, & cap. 2. de sponsal. Veruntamen his canonibus non agitur de casu matrimonij invalidè contracti ob impedimentum dirimens: at verò decisio cap. vltim. de clandestin. de spons. generalis est, nullamque exceptionem afferens: quare etiam in dicto casu locum habere videtur, uti tradit Gloſ. in cit. c. quod nobis, ver. fuerint, Abbas ibid. n. 5. Armilla ver. filius, n. 14. Coninck disp. 27. dub. 9. n. 79.

Altera pœna. Si quis alioquin intra gradum prohibitum ignoratè contraxit præmissis denuntiationibus, alijsque adhibitis solemnitatibus, facile, detecto postea impedimento, dispensationem à Papa obtinere potest. Sin verò dictas solemnitates in contrahendo matrimonio neglexerit, spe cōsequendæ dispensationis in pœnā criminis carere debet: quia dignus non est, ut Ecclesiæ benignitatem facile experiatur, cuius salubria præcepta temere contempsit. Ita Trident. sess. 24. c. 5. de reform. matrim. Existimat autem Sanchez lib. 3. disp. 42. n. 7. hanc constitutionem intelligendam de omnibus impedimentis, saltem ijs, quæ per promulgationem matrimonij detegi possent: quasi impedimentum gradus, tanquam frequentius contingens, exemplariter positum sit; ratio autem constitutionis generaliter locum habeat, ne Ecclesiæ benignitatem experiatur, qui eius præcepta temere contempsit.

Porro effectus huius pœnalis constitutionis sunt: I. Quod Papa sine gravi causa cum talibus contra ihibitionem Concilij generalis dispensare non soleat, imò neque licitè possit, sicuti docet Sanchez disp. 45. num. 3.

Nam sicuti omnis Reipublicæ Princeps legum salubrium custos esse debet, non violator, aut dissipator: ita multò magis Ecclesiæ pastor Sum. Pontifex. II. Qui petit dispensationem super gradu prohibito, alioue simili matrimonij impedimento debet in postulatione exprimere, se, non præmissis denuntiationibus temerè contraxisse: quia hæc circumstantia reddit dispensationem longe difficiliorem, iuxta ea quæ dixi lib. 1. tract. 4. cap. 22. q. 3. III. Qui habent privilegium dispensandi in aliquo gradu consanguinitatis, vel affinitatis post nuptias bona fide contractas, non possunt dispensare, si nuptiæ celebratæ fuerunt, temere omiſſis denuntiationibus, uti notavit Coninck disp. 27. dub. 9. n. 81.

CAP. V.

De Matrimonio coacto.

SUMMARIUM.

1. Matrimonium gravi metu, ad id iniuste incusso, celebratum, iure Ecclesiastico irritum est: Nec refert hoc loco, utrum metus ab ipso contrahente, an ab alia persona incussus sit.
2. Metus reverentia non censetur esse iustus, & sufficiens ad infirmandum matrimonium: nisi aliā iuncta sint, v.g. patris suavitia, mina.
3. In dubio, utrum metus gravis in matrimonij contractu intervenit, pro parte negativa, ad hocque pro valore matrimonij indicari debet: eademque ratio est de Religionis professione.

ASSERTIO I. Matrimonium contractum ex gravi, & ad id iniuste incusso metu, Ecclesiastico iure irritum est. Sumitur ex cap. cum locum, cap. veniens, 2. c. consultationi, de sponsal. c. 2. de eo qui duxit & c. ubi significatur, matrimonium gravi eiusmodi metu extortum, et si iuratum sit, nullius tamen roboris esse. Videri potest S. Thom. in 4. distinct. 29. quæst. vn. a. 3. ibid. S. Bonau. art. vn. q. 1. Richar. a. 2. quæst. 3. Durand. quæst. 2. Palud. q. 1. a. 3. Maior q. 1. Ratio huius assertionis, & Ecclesiasticæ constitutionis peti debet ex discrimine inter matrimonium, & alios contractus, quod hi, si causa metus iniusti celebrati sunt, postea per exceptionem, vel Iudicis sententiam rescindi possunt, at verò matrimonium si semel per mutuū consensum validè contractum sit, præsertim si etiā consummatum, rescindi nunquam potest; ob sui indissolubilitatem: ergo necesse erat, ut ab initio, ipsa iuris constitutione, vis iniusta matrimonio impedimentum, valoris afferret. Plura vide apud Sanchez lib. 4. disput. 12. numero 18. ubi monet numero 20. idem sentiendum esse, si quis indefinītè cogatur ad ducendam unam ex pluribus v.g. filiabus Titij. Et num. 20. non tantum matrimonium gravi metu extortum irritum esse: sed etiam accessoria matrimonij, qualia sunt constitutio procuratoris ad contrahendum, dotis promissio & c. sicuti notavit etiam Iureconf. L. si mulier, §. si dos, ff. Quod metus causa, Abbas c. 2. num. 10. de his quæ vi, & c.

Primò autem dixi: Metum, quo matrimonium ipso iure infirmatur, debere esse *gravem*, qui etiā dicitur cadens in virum constantem, cit. c. veniens, & c. cum locum. Nam leuem metum iura estimare non solent, sicuti constat ex l. nec timorem, ff. de eo quod metus causa, c. cum dilectus, de his quæ vi: quia alioquin plurimæ dispositiones & contractus in controuersia vocarentur cum levis metus facile intervenire, vel quasi interuenerit, allegari, probarique possit. Idemque similiter dicendum de professione Religionis, uti constat ex c. penult. de ijs quæ vi, & est cōmunis sententia Scholasticorum in 4. d. 19. & aliorū apud Sanchez lib. 4. disp. 17. contra Nau. c. 22. man. n. 51. & lib. 1. consil. 10. n. 4. & 6. de his quæ vi, edit. 2. ubi ait,

ait, quemuis metu etiam leuem, modò sit causa sine qua non, corā Deo sufficere ad infirmandū matrimonium, vel Religionis professionem. Quod etiā docuit Rodriq. t. 2. sum. c. 8. concl. 9. & Paulus Comitulus lib. 1. moral. q. 11.

Secundò dixi: Necessè esse, vt metu iniuste incussus sit. Vbitria annotanda: Primum Metus, vt matrimonium infirmet, debet esse per se, ac directè incussus ad extorquendum consensum: secus est, si passus aliam aliquam iniuriam, aut vim, sponte eligat matrimonium, tanquam medium ad se liberandum: vt si iniuste in carcere cōclusus, vel iniusto bello pressus, ad se liberandum matrimonium contrahat cum filia Iudicis, ad conciliandum eius animū; omni iure validum est: quia metu iniuste incussus non est per se, ac directè causa matrimonij: sed solū per accidens, quatenus ipsemet iniuriam passus, ad se liberandum tale remedium deligit: quod iura ipsi haud adimere debuerunt. Qua de re videri potest Sotus in 4. d. 29. q. 1. a. 3. ver. Regula autem generalis.

Alterum. Nihil hīc refert, vtrum metu incussus sit ab altero contrahente, an ab alia persona: quia iura non in odium metum incutientis, sed in fauorem libertatis matrimonij metu impedimentum statuerunt, vt apertè colligitur ex cit. c. veniens, & docet Glos. communiter recepta in c. 2. ver. coactos, de ijs quæ vi.

Id verò dubium est: Si ipsemet contrahens metum grauem, & iniustum incussit, vtrum contractus habeat vim sponsaliorum, in fauorem innocentis: ita vt huic ius competat cogendi alterum ad seruanda promissa? Ita affirmat Nau. c. 22. n. 33. & 51. Henriq. lib. 11. c. 10. n. 5. Coninck disp. 28. dub. 1. n. 7. Quæ sententia probabilis est. Verū si teneamus, quod docui lib. 3. tract. 4. c. 6. num. 3. Sponsalia metu graui celebrata ipso iure irrita esse, dicendum est cum Sanchez lib. 4. c. 15. n. 5. Eum, qui metu graui alterum coegit ad matrimonium, ante Iudicis sententiam nō obligari ad illud ratificandū, arbitrio metum passi; modò pro damno, ea occasione illato alio modo satisfieri possit. Ratio est: Quia contractus onerosus & reciprocus non potest claudicare, seu ex vna tantū parte obligare, si ex altera parte obligatio nulla subsistat: secus est in cōtractibus, qui ipso iure irriti non sunt, quamuis rescindendi: hi enim possunt claudicare, id est, ex vna tantū parte obligationem habere efficacem: ex altera verò inefficacem, quia per exceptionem elidi potest.

Tertium. Metus grauis, quā Matrimonij valor infirmatur, debet esse iniustus, iuxta c. consultationi, c. cum locum, de sponsal. Si enim iuste incutiat a lege, vel Iudice præcipiente, v.g. virginis stupratori vt eam ducat, matrimonium tali metu minimè infirmatur, vt constat ex c. ex literis, 2. de sponsal. & argum. l. 3. §. sed vim, & l. si mulier, ff. de eo quod metu causa. Eademque ratio est, si metu iustus ab homine priuato incutiat: puta, si pater stupratori filię suæ accusationem minetur, nisi eam ducat, sicuti notauit Conar. in epit. p. 2. cap. 3. §. 4. n. 25. Sanchez lib. 4. disp. 8. n. 9. & disp. 13. n. 3. Rebel. lib. 2. de matrimon. q. 11. f. 2. Coninck disp. 28. dub. 1. n. 15. vbi rectè aduertunt: Si antecedens culpa v.g. commissi homicidij, furti, per se non requirat consensum in matrimonium, tanquam penam delicti, aut damni compensationem; tunc Iudicem, vel hominem priuatum iniuriam facturum esse tum delinquenti, tum ipsi sacramento matrimonij, si ita minetur; v.g. Ego te ita meritiū occidam; Ego te ita meritiū accusabo; nisi hanc duxeris: quare matrimonium tali metu contractum irritum censi debet, sicuti colligitur ex cit. c. veniens, de sponsal. Aliud verò dicendum, si ipsemet Reus, sui liberandi causa tale medium sponte eligat, & Iudicis v.g. filiam in matrimonium ducere velit, vt supra dictum est, & fusè explicatur à Sanchez lib. 4. disp. 12. Eademque de matrimonio spirituali, id est, Religionis professione tradit Abb. c. sicuti nobis, n. 5. de Regular.

Sed dubitatur de metu reuerentiæ, quam inferior suo

Superiori, vel patri, aut alteri qui loco patris est, debet, vtrum iustus, & inconstantem virum cadens censendus sit; ideòque si volente, vel iubente tali persona, cui aliquis ob reuerentiam contradicere ausus non est, in matrimonium consentiat, irritum censi debeat? Eademque ratio est de professione Religionis: quia matrimonium carnale & spirituale æquiparantur. In qua quæstione affirmantem partem tenuit Nau. lib. 1. consil. 9. & 10. de ijs quæ vi. edit. 2. & in man. c. 22. n. 51. Rodriq. tom. 2. sum. c. 8. concl. 10. Sed contraria est probabilior Abb. in c. cum virum, n. 8. de Regular. & c. vlt. n. 7. Qui clerici vel vouentes, Henriq. lib. 11. c. 9. n. 5. Sanchez lib. 4. disp. 6. q. 1. & 2. Less. lib. 2. c. 17. n. 35. Coninck cit. disp. 28. dub. 2. Metum reuerentialem per se non censi iustum, aut sufficientem ad infirmandum matrimonium, vel Religionis professionem; sed interdum per accidens, si cum voluntate & imperio patris, Prælati &c. coniuncta sit seuitia, aut minæ, quas ille etiā executurus putatur. Idemq; dicendū, si timeatur grauis, & diu duratura indignatio patris, vel alterius personæ, à qua hominis vitæ, & fortuna, spectatis circumstantijs, plurimum dependet. Et ita docent Abb. c. ex literis, n. 3. de desponsat. impuber. Less. lo. cit. Sanchez n. 14. Coninck cit. n. 35.

Simili quoque ratione sentiendum, quòd preces, quamuis importunæ ac sæpius repetitæ, non incutiant metum iustum, qui sufficiens sit ad infirmandum matrimonium; nisi cum ijs iuncta sit reuerentia personæ rogantis, & instantis, seu metu reuerentialis, adeòque duæ impulsiones concurrant, videlicet hominis auctoritas, & precum importunitas. Exemplum est: Si princeps cui reuerentia debetur, non semel, sed sæpe instanter roget, aut iubeat matrimonium, cui, spectatis personarum circumstantijs, difficilimum sit tam moleste instanti contradicere, vt notauit Sanchez lib. 4. disp. 7. num. 7. Coninck, & Less. ll. cc.

Porro, si omnibus diligenter consideratis, dubium sit, vtrum metu iniuste ad matrimonium contrahendum incussus, grauis censendus sit, necne, ideòque vtrum matrimonium irritum, an validum existat, arbitror pro valore matrimonij iudicandum. Quia licet maximopere curandum sit, vt matrimonium in perpetua coniunctione consistens, libera voluntate contrahatur; ideòque sponsalia, si quocunque etiam leuiore metu per vim extrinsecam iniuste incusso, celebrata sint, facile dissolui possint, seu propria metum patientis opposita exceptione, seu Iudicis implorata auctoritate, sicuti docet Sanchez lib. 4. disp. 19. num. 4. & seqq. postquam tamen semel matrimonium contractum est, potius est, vt validum, quam vt inualidum iudicetur; cum matrimonij causa fauorabilis sit: idque partim propter honorem, ac reuerentiam sacramenti, arg. c. licet, 2. de testibus, ibi Tolera-bilis est aliquos contra statuta hominum dimittere copulatos, quam coniunctos legitime cōtra statuta Domini separare; partim quia Reipublicæ & proles educandæ interest, vt matrimonia non soluantur, nisi eorum infirmitas, seu impedimentum dirimens appareat. Quare etiam Nauar. lib. 3. consil. vltimo n. 1. de conuers. coniug. edit. 2. ait, Tutius esse in dubio credere matrimonij valorem. Accedit, quòd postquam contractus celebratus est, possessio, seu potius presumptio stet pro eius valore; nisi contrarium ostendatur, vt notauit etiam Sanchez lib. 7. de matrim. disp. 37. n. 14.

Tertio dixi in assertionem, Matrimonium iure Ecclesiastico irritum esse. Et si enim idem iure Cæsareo decretum videatur l. nec filium, Cod. de ritu nuptiarum; (& tradunt Baldus & Glos. in l. si pater, ff. de ritu nuptiarum, quamuis ex eo textu potius contrarium colligatur) tamè effectus iste irritationis matrimonij, soli Ecclesiastico iuri tribuitur: quippe cuius nunc proprium est matrimonij dirimentia impedimenta statuere. Cæterum si matrimonium graui metu cogente contrahatur inter fideles, qui neque Cæsareis legibus subiecti sint, validum censi debet; quippe

cum consensus metum patientis, licet inuoluntarium mixtum habeat, absolute tamen voluntarius & liber consensus sit, sicuti dixi lib. I. tract. I. cap. 6. n. 7. Idemque mihi respondisse videtur Celsus in cit. l. si patre.

CAP. VI.

De Matrimonio simulato.

S V M M A R I V M.

- 1 Si unus contrahentium animum simulatum habeat, omni iure irritum est matrimonium: sed deceptor damnum iniuste illatum compensare debet.
- 2 Quibusdam casibus deceptor non obligatur ad verum matrimonium contrahendum: sed aliam puella compensationem facere potest.
- 3 Coniugi affirmanti, quamvis iurato, se fide contraxisse, fides habenda non est, donec clare id demonstret: Neque iuranti creditur aduersus ea quae antea asseuerauit.

ASSERTIO. Si unus contrahentium simulatum animum habeat, matrimonium omni iure irritum est. Ita habetur in c. tua nos, de sponsal. Ratio est: Quia sine vero consensu non subsistit contractus matrimonij, cap. sufficiat, 27. quæst. 2. c. cum locum, de sponsal. Simulatus autem consensus non est verus consensus. Ergo &c. Verum deceptor graue peccatum committit, tum sacrilegij contra reuerentiam sacramenti: tum iniustitiae seu iniuriae, quam alteri bona fide contrahenti infert: ea que de causa obligatus manet ad compensandum damnum, quod inde coniugi putativae accidit. quæ compensatio plerumque alia ratione secundum æqualitatem fieri non potest, quam ut, deposita simulatione, vero apud animum elicitio consensu matrimonium ratificet. Dico apud animum; quia in tali casu si matrimonium, Religiosis professio, contractus sponsaliorum, aut alius quicumque irritus est ob defectum interni consensus, ratificatur eo solo, quod consensus accedit; dummodo alter contrahens actu, vel virtute consensum retineat. Quae de re Sanchez lib. 2. disp. 32.

Sunt verò aliqui casus numerati à Syl. ver. luxuria, q. 5. Ledesma 3. p. q. 45. a. 4. Henriquez lib. II. c. II. Vasquez de restit. cap. 3. §. I. dub. 6. quibus deceptor ad matrimonium non obligatur; sed alio modo damnum illatum resarcire potest: I. Si decepta pro virgine se falso iactant. Nam deceptio deceptione tollitur, ac veluti compensatur. II. Si ex tali matrimonio scandala, & infelices exitus timeantur. III. Si deceptor longe eminentiore statu positus sit, dummodo spe matrimonij copula non intercefferit, ut supra dixi p. I. cap. I. n. II. IV. Si decepta, cognita deceptione, aliam damni compensationem sponte recipiat. V. Si deceptor aliud postea matrimonium vero consensu contraxit.

Porro coniugi affirmanti, quamvis iurato, se consensu simulato contraxisse, praesertim iure nouo coram Parocho & testibus, alter coniunx fidem habere non tenetur; imò neque potest, eo fine, ut à vineulo coniugij liber presumatur, & ad aliud matrimonium transire liceat, arg. c. per tuas, de Probat. ubi dicitur, neque iuranti credendum esse aduersus ea quae antea asseueravit: Cum nimis indignum sit, (iuxta legitimas sanctiones, l. generaliter, C. de non numerata pecunia) ut quod sua quisque voce dilucide protestatus est in eundem proprio valeat testimonio infirmare: donec deceptor lux deceptionis clarissima indicia edat, quæ Ecclesiasticus Iudex sufficere arbitretur, ad fidem contrariam dictis prioribus habendam. Quae de re videri potest Richar. in 4. d. 27. a. 10. q. 4. Adrian. de sacram. matrim. q. 2. §. Hic oportet. Idemque eadem ratione sentiendum de voto, & quavis promissione expressa, eius verbis standum esse licet promissor postea dicat, se fide promississe: quia praesumi debet idem fuisse in corde, quod erat in ore,

iuxta l. Labeo, ff. de suppellectile legata, ibi Non arbitror quemquam dicere, quod non sit. Alia verò ratio est in foro penitentiae: Est enim discrimen hoc, quod ut S. Thomas ait quodlibet. I. art. 12. In foro iudiciali creditur homini contra se, sed non pro se simpliciter asserenti: in foro autem penitentiae creditur homini pro se, & contra se.

Sed difficultas est, si prioris matrimonij simulator, non expectata Ecclesiae sententia; relicta putativa vxore aliam valide ducat, Ecclesia autem, quæ fictionem alleganti fidem facile adhibere non debet, propositis censuris; ad prius matrimonium compellat, quid ei agendum sit? Respondeo. Si nulla ratione effugere possit, quominus; deserta posteriore legitima vxore, priori putativae adhaereat; potest quidem illi aliquamdiu cohabitare, ut Ecclesiae praecepto satisfaciatur: potius tamen excommunicationis sententiam, secundum externum forum, humiliter sustinere debet, quam ut in copulam consentiat: cum id verum adulterium esset, per se, atque intrinsece malum: quod proinde Ecclesiae Praelatus neque iubet, neque iubere potest, arg. c. inquisitioni, de sent. excommun. & docet Supplem. S. Th. q. 45. a. 4. ibid. Ledesma dub. 2.

CAP. VII.

De Matrimonio conditionali.

S V M M A R I V M.

- 1 Matrimonium contractum sub conditione relata in praesens, vel praeteritum, statim valet si conditio est, non valet autem, si conditio non est.
- 2 Probabile est, quod matrimonium contractum sub conditione honestate relata in futurum, ea eveniente, perficiatur, absque nouo contrahentium consensu.
- 3 Necessè est ad matrimonij valorem, ut Parochus actus testes sciant conditionis appositum eventum.
- 4 Per se loquendo, non peccant consanguinei, vel aliter impediti, si matrimonium verbis de futuro spondeant sub conditione dispensationis Papalis: Et oritur inde vera obligatio sponsaliorum sub conditione.
- 5 Si impediti spondeant verbum de praesente sub conditione relata in futurum dispensationem Papae, ea impetrata, non videtur matrimonium consistere absque nouo consensu coram Parocho & testibus expresso.
- 6 Si quis cum duobus contraxit sponsalia sub conditione in futurum, potior habenda est ratio prioris de sponsationis, ut: quandoque eius conditio emerit, illi standum sit.
- 7 Si quis matrimonium cum duobus contraxit sub conditione in futurum, illud validum est cuius conditio prius impletur.
- 8 Matrimonium contractum sub conditione, quae eius substantiae, vel substantiali proprietati repugnat, ipso iure irritum est.
- 9 Irritum est matrimonium si contrahatur cum pacto, ut eius usum exigere non liceat, aut potenti reddere obligatus non sit.
- 10 Condicio adiecta contractus suspendit eius valorem: sed non modus adiectus.
- 11 Condicio impossibilis adiecta contractui statim eum vitiat: at modus impossibilis non vitiat, sed pro non adiecto habetur: praeterquam si repugnet substantiae contractus.
- 12 In dubio num conditio impossibilis, sed non repugnans substantiae matrimonij, apposta fuerit tanquam proprie dicta & suspensiva conditio: an vero tanquam modus non suspensivus, hoc praesertim praesumi debet, ob fauorem matrimonij.

ASSERTIO I. Matrimonium contractum sub conditione relata in praesens, vel praeteritum; v. g. Contraho tecum, si filia Titij es, si virgo es, si navis advenit: si pater mortuus est: statim valet, si conditio vera est: & non valet, si conditio falsa est. Ita docet S. Thom. in 4. d. 29. q. vn. a. 3. q. 3. S. Bonau. d. 18. a. vn. quæst. 3. & sumitur ex l. cum ad praesens, ff. de rebus creditis, l. institutis, ff. de condit. institutionum, §. conditiones. Instit. de verb. obligat. Ratio est: Quia contrahens quilibet ex convenientium voluntate legem & condi-

conditionem accipit: si igitur ea sit contrahentium voluntas, ut si hoc non existat, stipulatio rata sit; si hoc non existat, stipulatio irrita existat; ita statim, sicut inter se conuenerunt. Quare in cit. l. institutio dicitur, *Quod nulla sit conditio, quæ in præteritum confertur, vel in præsens*: Idque propterea, quia non suspendit actum, sed facit ut statim valeat, vel non valeat.

Neque verò interest, etsi contrahentes ignorent positam conditionem esse, uti ex communi notauit Sotus in 4. d. 29. quæst. 2. a. 1. concl. 2. & expressè habetur in cit. l. cum ad præsens: *Stipulatio tenet, quamuis tenere contrahentes conditionem ignorent*. Si v. g. ita conueniatur, *Si pater tuus adhuc uiuit, equus tibi ab isto tempore donatus sit*: vel *tu uxor mea sis*, quis non ualeat, contractum secundum contrahentium voluntatem ratum esse oportere, si conditio in se uera est: etsi contrahentes ueritatem adhuc ignorent. Quamuis contrarium sentiat Coninck disput. 29. dub. 1. n. 6.

2 Assertio II. Matrimonium contractum sub conditione honesta, relata in futurum: v. g. *accipio te si pater tuus consenserit, si mille in dotem dederit*: suspenditur usque ad conditionis euentum; ea uero eueniente, probabilius est, statim perfici matrimonium sine nouo contrahentium consensu. Circa quam assertionem imprimis aduerte: Eam simili ratione locum habere posse in matrimonio spirituali, quæ est religiosa professio, sicuti docet Sanchez lib. 5. moral. cap. 14. num. 88. Non item in electione aut assumptione ad episcopatum: Nam electionis uota seu suffragia conditionata pro iuribus habenda esse, dicitur in cap. 2. de elect. in 6. & notauit Abbas c. super eo, n. 6. de condit. appositis.

Nunc probatur prior pars assertionis ex cit. c. super eo, ubi apertè habetur. Ratio est: Quia conditio propriè dicta, & in futurum collata, suspendit actum, cui apponitur, iuxta c. de illis, & cit. c. super eo, de condit. appositis, l. si ita stipulatus, ff. de uerborum obligat. Quod tamen intelligi debet, si conditio apponatur in ipso contractu: sin uero contractus semel absoluto consensu perfectus sit, conditio deinde illi apponi non potest, iuxta l. 4. Cod. de donat. *Perfecta donatio conditiones postea non accipit*. Quamuis uero aliæ stipulationes, & contractus absolute initi, postea noua stipulatione, uel contractu per mutuum consensum sub conditione infirmari possint, v. g. nisi hoc fiat, aut nisi hoc feceris, ut donatio, uenditio rescindi queat: secus tamen est in matrimonio, quod semel validum, nulla uoluntate contraria dissoluitur, sicuti notauit Sanchez lib. 5. disp. 6. n. 4.

Posterior pars assertionis est communis Canonistarum, in c. 1. c. super eo, ubi Glossa, Innocent. & Hostiensis, Abb. num. 7. de condit. appositis, Nauarrus c. 22. n. 63. & consil. 1. de condit. appositis, edit. 2. Antonius Cucus lib. 5. institut. tit. 11. n. 55. Ex Theologis sequitur eandem Paludan. in 4. d. 29. quæst. 2. art. 5. prope finem, concl. 8. Petrus Sot. lect. 3. de matrimo. 8. quartò denique, Sanchez lib. 5. disp. 8. num. 5. Coninck disp. 29. dub. 1. concl. 3. & probabilem fatetur Petrus Ledesma quæst. 47. art. 5. dub. 7. concl. 1. Ratio est: Quia contractus, celebratus sub conditione honesta pendente in futurum, eâ impletâ, purificatur, ac perficitur, sicuti habetur in l. potior, ff. qui potiores in pignore: *Cum semel conditio extitit, perinde habetur, ac si illo tempore, quo stipulatio interposita est, sine conditione facta esset*. Et l. hæc uenditio, ff. de contrahend. empr. *Conditionales uenditiones tunc perficiuntur, cum impleta fuerit conditio*. Confirmatur: Sicuti se habet consensus de futuro ad contractum sponsaliorum, ita se habet consensus de præsentem ad contractum matrimonij: Atqui omnes fatentur, & constat ex c. vn. de sponsal. in 6. consensum de futuro conditionalem, v. g. *accipiam te, si pater mille in dotem dederit*, eueniente conditione, sine alio nouo consensu, purificari, & effici sponsalia absoluta: Ergo etiam fateri debemus, consensum de præ-

sente conditionalem, *Accipio te nunc in meam, si pater mille dederit*, eueniente conditione transire in matrimonium purum, & absolutum.

Vbi diligenter aduertendum est discrimen inter conditionalem stipulationem de futuro, & conditionalem stipulationem de præsentem: v. g. *donabo tibi hunc equum, si id feceris*, uel *si id factum fuerit*. Et, *Dono tibi hunc equum, ut tuus sis, si hoc feceris*, uel *si id factum fuerit*. Nam secundum priorem stipulationem donatio impleta conditione non est perfecta: sed opus est noua actuali donatione: at uero secundum posteriorem stipulationem implera conditione, perfecta est donatio, ad eam ut rei donatæ, si donatio tradita fuerit, dominium etiam acquiratur. Sic etiam diuersi sunt hi contractus: *Accipiam te, si pater dotem talem dederit*. Et, *Accipio te nunc, ut uxor mea sis, si pater talem dotem dederit*. Nam secundum priorem modum conditione impleta, oritur obligatio contrahendi matrimonium: iuxta posteriorem uero contractus matrimonij est perfectus.

Contrariam sententiam docuit S. Thomas in 4. dist. 29. quæst. vn. a. 3. quæstion. 3. quem plerique Theologi sequuntur apud Sanchez disp. 8. num. 3. ex Canonistis Couarru. in epit. p. 2. cap. 3. in princ. numer. 5. Gutierrez lib. 1. canon. qq. cap. 22. num. 21. Matrimonium initum sub conditione relata in futurum, ea eueniente non confirmari, nisi nouus, isque absolutus consensus à contrahentibus exprimitur. Ex quo inferunt; Si Titius, qui sub tali conditione matrimonium contraxerat cum Caia, post conditionis euentum absolute contrahat cum Sempronia: licet mortaliter peccet violando fidem prioris sponsonis, ualere tamen hoc posterius, non prius matrimonium: cuius planè oppositum secundum priorem sententiam dicendum est. Probari autem solet posterior sententia ex c. super eo, de condit. appos. ubi proposita quæstione: *Utrum is, qui in quadam mulierem consensit sub conditione, si pater consensum præbeat: ad consummandum, seu perficiendum matrimonium compellendus sit?* Respondit Papa Urbanus III. *Nisi uoluntas patris postea intercedat, nequaquam cogendum esse ad matrimonium contrahendum*. Ex quo per sensum contrarium inferre licet, si uoluntas patris postea intercedat, cogendum esse ad matrimonium contrahendum: ideòque ipso conditionis euentu contractum absolutum non esse. Secundò probant ratione. Nam ad sacramentum matrimonij ex Christi institutione requiritur consensus perfectus & absolutus, isque externo signo declaratus: talis autem consensus non habetur ante euentum conditionis, ut per se patet: neque habetur post euentum, quia conditio eueniens non parit consensum, cum fieri possit, ut contrahens tunc dormiat, nihilque de hac re cogitet, ideòque nec consentiat.

Confirmatur ex eo: Quod tunc signum etiam visibile desit, quo consensus absolutus alteri contrahenti, Patrocho item, ac testibus declaratur.

Ad c. super eo respondetur: Urbanum nihil aliud definire uoluisse, quàm adolescentem ita contrahentem cogendum non esse ad matrimonium, si conditio non eueniat: uerum autem, & quo modo compellendus sit, si conditio non eueniat, nihil omnino respondisse. Nam responsionis suæ rationem unicam reddidit Pontifex, quia consensus, qui in alienum arbitrium in futurum confertur, non soleat esse absolutus, sed suspensus, ac dependens à conditionis euentu. Quamuis enim uerba præsentem consensum ipsâ loquendi formâ præ se ferant, *accipio te, si pater consentiat*, tamen re uera consensum conditionatum habent. Fortasse autem adolescens ille ante euentum conditionis uoluntatem mutauit: quo casu, licet postea conditio impleatur, matrimonium per se non purificatur: nihilominus adolescens cogendus erit ad matrimonium contrahendum, ut supra etiam de sponsalibus dixi.

Porro rectè admonet Urbanus Papa veram interim esse Alexandri III. responsionem in c. de illis, eodem tit. Si in eiusmodi casu, ante conditionis euentum, sponsi absoluto consensu de præsenti contrahant, vel carnaliter coniungantur, statim matrimonium ratum esse: quia censentur recessisse à conditione antea in futurum relata, sicuti etiam habet in cap. per tuas, de condit. ap-
pos.

Ad rationem respondeo; CHRISTVS Dominus matrimonij contractum ad sacramenti dignitatem eleuauit, non mutasse eius naturam: quare sicuti in alijs contractibus, ipsisque sponsalibus, sic etiam in matrimonio, si conditionalis consensus vsque ad conditionis euentum continetur, seu non reuocetur, ipsa eueniente purus & absolutus efficitur morali rerum estimatione. Profectò si infideles inter se matrimonium contrahant sub conditione honesta pendente in futurum, vix negari potest, quin ea eueniente purificetur: Ergo idem dicendum de matrimonio fidelium. Cum nullum in hac re probabile discrimen afferri possit inter matrimonium, & alios contractus: neque inter matrimonium fidelium, & infidelium.

Ad confirmationem, respondeo; Ipsum externum euentum conditionis suapte natura sufficiens signum esse purificati consensus, quando ab initio clarè, & expressè conuentum erat, vt cum primum talis conditio eueniret, mox ratum matrimonium esset: manet enim conuentio ista verbis præteritis expressa, saltem moraliter, si contrahentes à priori voluntate non recesserunt.

Neque refert, etsi contrahentes nesciant conditionem euenisse, & consequenter matrimonium firmum esse; quod verissimum esse in hac sententia ait Sanchez citat. disput. 8. numer. 6. & colligitur ex ijs, quæ supra dixi. Accedit; quòd similia cernere licet, si Caius Procuratori suo in mandatis det, vt suo nomine cum filia Titij contrahat, si is mille in dotem dare sponderit; postea exposito mandato, atque impleta conditione coram Parocho, ac testibus, si interea qui mandarat voluntatem non mutauit, ratum censetur matrimonium à Procuratore initum: licet eo tempore Principalis absolutum consensum non habeat, imò neque habere possit, cum nesciat vtrum conditio impleta sit, necne. Quod etiam fieri potest sine Procuratore, si mulier per literas virum in matrimonium petijt, isque literas remittat, quibus consensum suum reciprocè declaret, se eam recipere, si pater talem dotem det; postea impleta conditione, lectisque literis coram Parocho, & testibus, fieri potest, vt matrimonium perficiatur, etiam ignorante eo, qui literas sub conditione destinarat.

Sunt autem hîc aliqua dubia soluenda: Vnum est. Vtrum iure nouo Concilij Tridentin. necesse sit ad matrimonij valorem, vt Parochus & testes, non tantum intersint contractui celebrato sub conditione in futurum: sed etiam ipsi euentui, siue impletioni conditionis? Sanchez lib. 5. disp. 8. numer. 24. negat hoc posterius necessarium esse: Primò: Quia neque in matrimonio per Procuratorem contrahendo requiritur, vt Parochus, ac testes literas mandati cognoscant: cum tamen tale matrimonium non minus à mandato procuratorio pendeat quàm matrimonium conditionale ab euentu conditionis. Secundò: Quia necesse non est, vt Parochus & testes videant literas dispensationis inter consanguineos, vel affines: neque vt videant literas natalitias ad cognoscendum, num adolescens contrahere volens pubertatem affectus sit necne: cum tamen etiam ab his, videlicet legitima dispensatione, ætate &c. valor matrimonij dependeat.

Sed contraria sententia est probabilior Petr. Ledesma cit. quæst. 47. a. 5. dub. 7. conclus. 3. vbi ait, esse certam & communem sententiam, quam etiam secutus est Coninck cit. dub. 1. conclus. 4. Nam Parochus, alique te-

stes à Concilio Tridentin. requiruntur, vt intelligant matrimonium verè, & substantialiter contractum esse; de eoque in foro externo ad multa vitanda incommoda testificari possint. Nisi autem intersint euentui, siue impletioni conditionis, nesciunt vtrum matrimonium verè, & substantialiter contractum sit, neque de eo in foro externo testificari possunt, sed tantum de contractu inchoato, & adhuc in futurum pendente, ac solubili. Ergo &c. Et quod dico de conditione relata in futurum, similiter intelligi debet de conditione collata in præsens, vel præteritum. Sufficit autem, si ipsi contrahentes coram Parocho, & testibus postea affirmant conditionem, quam contractui apposuerant, esse impletam: nam hoc ipso censentur purificare contractum, vt Coninck notauit numero 17. Ad 1. Sanchij argumentum respondeo; contrarium esse longè probabilius; videlicet necessarium esse, vt Parochus & testes, seu ex literis, seu alijs sufficientibus indiis cognoscant mandatum Procuratoris: cum alioquin nec intelligant, nec in foro externo testari possint matrimonium inter coniuges contractum esse, sicuti docet idem Coninck disput. 24. dub. 9. num. 79. Ad II. respondeo, Satis esse, si Parochus & testes intelligant, matrem & fœminam vera voluntate, quam vel suis verbis, vel per literas, aut Procuratorem manifestarunt, matrimonium contraxisse: non autem opus esse, vt etiam intelligant eos validè contraxisse, siue nullo defectu occulto impeditos fuisse: id enim à Tridentino haud requiritur.

Alterum dubium: Si qui iure impediti matrimonium contrahere, inter se fidem dent sub conditione dispensationis Papalis, vtrum obligationem aliquam contrahant ante, vel post dispensationem? Negant vllam obligationem contrahi Abbas in cit. cap. super eo, numer. 8. Victoria de matrim. numer. 260. §. quæritur vtrum. Additio Nauar. lib. 4. consil. 3. de consanguin. & affinit. edit. 2. Sotus distinct. 29. quæst. 2. a. 1. concl. 3. Veracrux 1. p. speculi, a. 19. Henriquez lib. 12. cap. 10. num. 4. lit. q. argument. I. inter stipulantem, §. sacramenta, & I. continuus, §. cum quis, ff. de verborum significatione. quibus significatur; Si stipulatione promissa sit res sacra, vel liber homo, vel similis res iure alienari prohibita; quamuis appositâ conditione in illud tempus, quo contingeret rem profanam fieri, aut hominem seruituti subiectum, vel rem alienari permissam ob iuris immutationem; nullius roboris esse stipulationem: quia ea duntaxat, quæ natura sua possibilia sunt, deducuntur in obligationem.

Respondeo tamen & dico I. Per se loquendo; non peccant consanguinei, vel aliter impediti, si matrimonium spondeant sub conditione Papalis dispensationis; dummodo impedimentum sit iuris humani, vt in eo dispensari possit. Ita Adrianus in 4. de matrim. sacrament. quæst. 3. dub. 10. Couarruias in epit. p. 2. cap. 3. princ. numer. 7. Sanchez lib. 5. disp. 5. num. 16. contra Sotum cit. a. 1. post tertiam conclus. §. sed arguis. Nam talis promissio versatur circa rem licitam, videlicet contrahendum matrimonium post datam dispensationem. Quare regulam tradunt Doctores, vt videre est apud Abbat. c. de vxore, numer. 3. de sepult. Quòd paria sunt aliquid disponi in tempore habili, vel in tempore inhabili, si effectus conferatur in tempore habile. Et vice versa: Sicuti non licet disponere in tempore inhabili, ita neque tempore habili, si effectus conferatur in tempore inhabile.

Dixi autem, per se loquendo: at verò per accidens talis desponsatio inter impeditos illicita fieri potest, seu ratione scandali, si nesciatur qua conditione inter se promiserint; vel ratione damni v.g. alicuius infamix, quam sponsi passuri erunt, si à Papa dispensatio ipsis non concedatur.

Dico II. Ex eiusmodi reciproca promissione oritur vera obligatio sponsaliorum sub conditione, quam proinde sponsus expectare, eaque eueniente, id est, im-

trata dispensatione, nuptias contrahere tenetur, si alter etiam in fide data persistat. Ita docent Covarruvias & Adrianus II. cc. Petrus Ledesma quæst. 47. art. 5. dub. 2. conclus. 3. Sanchez lib. 5. disput. 5. numero 12. Coninck disput. 29. dub. 1. concl. contra Victor. Sotum, & alios supra cit. Sed probatur ex antecedente assertionem: Cum enim obiectum huius mutue promissionis sit honestum, & iure non reprobatum, non est ratio, cur non oriatur obligatio, & quidem ex iustitia: ad eum modum quo etiam Episcopus obligatur voto transundi ad Religionem edito sub conditione si Papa dispensaverit, seu licentiam dederit. Quare sicut in hoc casu Episcopus vi voti sui tenetur petere dispensationem, ita & sponsus ille, ad quem id maxime pertinere videtur, plerumque tacite se obligat ad dispensationem petendam, uti notavit Armilla ver. sponsalia, n. 11 Sanchez disput. 5. q. 9. num. 36. Nauar. lib. 4. consil. 5. de consang. edit. 2. licet aliter sentiat edit. 1. consil. 25. de sponsal. quem sequitur Coninck, disp. 29. dub. 2. n. 35. Ratio vero doctrinæ est: Quia qui promittit finem, is censetur etiam promittere media, sine quibus finis obtineri non potest: Et qui ex aliqua constitutione, vel conventionem obligatur ad faciendum, obligatur etiam ad curandum ut actus valeat, sicuti docet Nauar. cit. consil. 5. n. 7. Sumptus tamen dispensationis impetrandæ utrique sponso communes esse convenit: cum utriusque negotium agatur.

Dico III. Si impediti matrimonium contrahere spondeant verbis de præsentem, tamen sub conditione relata in futuram dispensationem Papalem, ea impetrata, probabilius est solum sponsalia purificari; matrimonium autem per novum consensum coram Parocho, & testibus expressum. Ita docet Covar. citat. p. 2. princip. n. 7. in fine. Prior pars probatur: Nam desponsatio facta verbis de præsentem sub conditione possibili in futurum relata habet saltem vim desponsationis conditionalis de futuro: Ergo sicuti sponsalia de futuro sub conditione desponsationis Papalis, ea eueniente purificantur, ita etiam desponsatio sub eadem conditione facta verbis de præsentem.

Posterior vero pars est ferme communis, teste Nauar. lib. 4. consil. 14. de sponsal. edit. 2. adeo ut Sotus dicat esse certum, & Victoria contrarium esse intollerabilem errorem. Sed ego dixi esse probabilior, uti etiam eam appellat Petrus Ledesma; quia contrarium docet Sanchez disput. 8. quæst. 2. Coninck cit. dub. 1. conclus. 5. Moneor autem contra eos: Quod nunquam præsumendum sit voluntatem dispensantis Pontificis esse, ut matrimonium præterito tempore contractum valeat; sed ut post collatam dispensationem, præmissis denuntiationibus, in facie Ecclesiæ contrahere liceat, sicuti aperte ex Bullis Pontificiis colligitur.

Ad fundamentum Victoris, Soti &c. initio huius dubij allatum, respondeo; Iure optimo statutum fuisse, ut promissio concepta sub conditione tristis, inhumani, vel insoliti, atque extraordinarij euentus, cuiusmodi est, ut res sacra profanetur, liber homo servituti subijciatur, lex communis Reipubl. utilis à Principe abrogetur &c. tanquam impossibilis, seu bonis moribus repugnans censetur. Talis autem non est promissio sub conditione dispensationis, quæ à principe potest, ac solet fieri. Quamobrem Covar. testatur in epit. p. 2. cap. 8. §. 5. n. 17. communem esse DD. sententiam, quod spurius hæres institui possit sub conditione si Princeps eum legitimerit. Et Sanchez lib. 5. disput. 5. num. 19. validam esse conditionem institutioni, vel legato adiectam, si legatarius, vel institutus consanguineam ducat cum dispensatione Papæ.

Tertium dubium. Si titius sponsalia, vel matrimonium sub conditione contraxit cum duabus, utrius fides habenda sit? Respondeo, & dico I. Qui cum duabus contraxit sponsalia sub conditione relata in futurum euentum, etsi conditio desponsationis posterioris prius

eueniat, non tamen contractus absolutus & perfectus censeri debet: sed prior desponsatio, cui per posteriorem præiudicium afferri non potuit in suo robore permanebit; ita ut quodcumque conditio ei appositae euenierit, ipsi standum sit. Quia quod semel placuit, amplius displicere non potest, reg. 21. in 6. Consequenter posterior desponsatio, neque licite, neque valide fieri potuit, nisi in eum euentum, si contingat priorem desponsationem dissolui. Ita docet Coninck disp. 29. dub. 1. n. 20. contra Sanchez lib. 5. disp. 8. n. 18.

Dico II. Si quis matrimonium cum duabus contrahat, sub conditione in futurum, illud validum est: cuius conditio prius impletur. Ita Coninck loco cit. Est enim discrimen inter sponsalia & matrimonium, quod illa non ita pendeant à continuatione voluntatis: quia quantumvis aliquis iniuste consensum reuocet, nihilominus obligatus erit conditione eueniente. At vero matrimonium eueniente conditione perfici non potest, nisi consensus reuocatus fuerat, siue simpliciter & omnimodè, siue ex parte; ita videl. ut si posterioris matrimonij conditio prius eueniat, velit id ratum, ac firmum esse, non obstante promissione priore. Etsi enim hoc iniquum est, tamen validum: quandoquidem matrimonium purè contractum, vel euentu conditionis purificatum præiudicat primo matrimonio, cuius conditio adhuc pendet, uti docet Abb. c. super eo, num. 7. & c. per tuas, de condit. apposit.

Dico III. Si conditiones utriusque matrimonij simul eueniant, neutrum validum erit. Quia incertitudo viriat matrimonium, c. ex literis, 2. de sponsal. & docet Sanchez lib. 5. disp. 8. q. 3. n. 15.

Assertio III. Matrimonium contractum sub conditione, quæ eius substantiæ vel substantiali proprietati repugnat, ipso iure irritum est. Ita habetur in cap. ultimo de condit. appos. Si conditiones contra substantiam matrimonij inferantur, puta si alter dicat alteri, contraho tecum, si generationem proles euites, vel donec inueniam digniorem, aut si pro quaestu adulterandam te tradas, matrimonialis contractus, quantumcunque sit fauorabilis, caret effectu.

Pro huius intellectu notandum est ex S. Thom. in 4. distinct. 31. quæst. 1. art. 3. Coniugij fidem, perpetuitatem, ac proles generationem, educationemque (de quibus par. seq. agam) duobus modis considerari posse, vel secundum actum, seu executionem; & sic ad substantiam matrimonij non spectant. Vel secundum radicem, seu principium, quod est mutua obligatio seruandi fidem, societatemque perpetuam in ordine ad proles generationem &c. Et hæc ipsa substantia matrimonij, si accipiatur pro mutua permanente obligatione, seu coniugio, ut explicavi supra cap. 1. numero 1. Sin verò matrimonium accipiatur pro actuali contractu essentia eius consistit in consensu: dictæ autem obligationes, fides, inquam, perpetuitas, & proles, censentur veluti proprietates, seu effectus permanentes.

Corollarium I. Valide contrahitur matrimonium cum intentione adulterandi, à coniuge sine iusta causa se separandi, item proles generationem impediendi, vel genitricem necandi. Sed non valide contrahitur matrimonium, si talia in pactum deducantur, quæ substantiali obligationi status matrimonij directe aduersantur, idcircoque eam elidunt, & infirmant.

Quo loco quæstio resolui potest: Nam Calvinistæ aliqui persuasi, ob coniugis adulterium alteri coniugij competere matrimonij dissoluendi, contrahunt ea ipsa intentione, si vxor v.g. fidem matrimonij violauerit, ut liceat marito ea repudiata aliam ducere. Veruntamen, quia hæc iniqua & impia intentio in pactum matrimonij non deducitur, dicendum illud nihilominus validum, atque indissolubile esse.

Corollarium II. Valet matrimonium, si quis con-

trahat cum intentione eò nunquam vtendi, petendo, aut reddendo, sicuti constat ex ijs quæ suprà dixi citat. cap. 1. Non tamen valet matrimonium, si conditio siue pactum adijciatur, quo ius seu potestas matrimonij impeditur: v.g. *Accipio te ea lege, vt in perpetua continentia viuamus, vel Religionem profiteamur.* Item: *Accipio te ea lege, vt nunquam à me coniugij debitum petas, vel vt tibi exigenti reddere non tenear.* Quæ est sententia S. Thom. in 4. distinct. 28. quæst. vii. art. 4. ad 3. ibid. S. Bonau. quæst. vlt. Richar. art. 2. quæst. 4. ad 3. Adriani in 4. de matrimon. sacrament. vbi de consensu conditionato, numero 7. Nauar. lib. 3. consil. 11. de voto, edit. 2. Sanchez lib. 5. disput. 10. Nam matrimonij substantia quàm maximè consistit in iure vtendi & obligatione præstandi corpus coniugi: tale autem ius & obligatio tollitur dictis seu pactis conditionibus.

Contrarium tamen sentit Palud. in 4. distinct. 30. quæst. 2. art. 1. conclus. 2. Rebellus p. 2. lib. 2. de matrimonio, quæst. 10. numero 19. Coninck disput. 24. dub. 4. numero 43. Valide contrahi matrimonium cum conditione honesta, videlicet vt neuter ab altero carnalem copulam petat: sed continentiam perpetuam feruent, vel Religionem ingrediantur. Ratio eorum est: Quia essentia matrimonij consistit in mutuo dominio vnius in alterius corpus ad generationis vsù: cū tali autem dominio consistere potest obligatio, non vtendi corpore ad hunc finem. Idque confirmatur primò: Quia coniuges, permanente substantiali vinculo possunt à se abdicare ius petendi, per votum perpetuæ continentie mutuo consensu editum. Confirmatur secundò: Matrimonij absolute & substantialiter contracto coniuges non sunt absolute obligati ad vsum coniugij reddendum; sed sub conditione, si Religionem ingredi nolint. Ergo ius vtendi matrimonio, obligatioque reddendi non est substantia illius.

Respondeo ad rationem; Licet in quibusdam rebus, puta mobilibus, separari possit dominium directum à iure vtendi, fruendi, tamen hinc nihil simile accidit: sed ius reale, quod per matrimonij contractum acquiritur, aliud non est, quàm ius vtendi corpore coniugis ad vsum generationis.

Ad primam confirmat. respondeo; Id commune esse contractui, vt apponi non possit in ipso contractui aliquid eius substantiæ, seu naturæ repugnans; licet postea apponi possit, per modum noui contractus priori ex parte repugnantis, vti docet Sanchez lib. 5. disput. 19. numero 5. & 12. Ita matrimonio licet à principio apponi nequeat conditio eius substantiæ repugnans, potest tamen postea apponi per nouam mutuam pactio- nem continendi ad tempus, vel in perpetuum, permanente interim vinculo matrimonij quoad alia, v.g. mutuam cohabitationem, prolis educationem, fidem seruandam, vt cum alia persona carnalis copula non habeatur.

Ad alteram confirmationem respondeo: Id esse commune omnibus contractibus, vt quamuis absolute instituti censeantur, habeant tamen annexas conditiones, quæ de iure insunt. Quare dici solet, quod conditio, quæ de iure inest, apposita contractui non suspendat eum, nec faciat conditionalem, l. conditiones, l. aliquando, ff. de condit. & demonstrat. Quia perinde est, siue tales conditiones opponantur, siue non, cū semper intelligantur: vti videre est in sponsalibus, quæ sunt absoluta promissio nuptiarum; & tamen habent tacitam conditionem nisi ad perfectionem statum Religionis transire placuerit. Sic etiam in matrimonio absolute contrahitur obligatio carnalis coniunctionis, non obstantibus conditionibus, quæ de iure insunt; puta nisi Religionem profiteri maluerit; nisi fidem datam adulterio violatis, &c.

Contra idem Corollarium sentit Syluest. ver. matrimonium, 4. quæst. 7. non vitari matrimonium, et si ab initio in pactum deducatur, vt coniux debitum nunquam exigit: quia nunquam petere, inquit, non derogat fidei coniugali, neque est contra bonum prolis: sed petenti non reddere. Sed responderetur: Ad substantiam matrimonij omnino pertinere mutuum obligationem corporum, generationis causa: si autem vnus coniugum priuatur iure petendi, consequenter alter non obligatur ad reddendum; ideoque non contrahitur mutua corporum obligatio ad liberos generandos. Dico igitur ad argumentum Syluestri; Nunquam petere non esse contra fidem matrimonij, & bonum prolis: sed obligare se ad nunquam petendum: quod proinde fieri non potest.

Secundò pro ead. assert. tertià notandum est: Conditionem, cum qua contractus, vel dispositio aliqua fit, interdum esse propriè dictam, cuius ea natura est, vt suspendat actum, faciâtque aliter non valere nisi dependenter à conditione, iuxta l. si ita stipulatus, ff. de verborum obligationibus. Quapropter si alicui fundus legetur sub conditione, si navis ex India venerit, & non impleta conditione legatarius moriatur, corrumpit legatum, l. à testatore, l. legata, ff. de condit. & demonstrat. l. vn. §. si autem sub conditione, Cod. de caduc. tollendis. Interdum verò conditio in futurum collata, latè ac impropiè accipitur, vt idem sit, quod modus adiectus contractui, quem tamen non suspendit; sed vim suam & valorem habet contractus, etiam antequam modus adimpletur; ita vt res legata, vel donata sub tali modo ante eius impletionem ad hæredes transmittatur, sicuti habetur in citat. l. à testatore, iuncta Gloss. ver. conditio, & docet Gomez lib. 1. resol. cap. 12. numero 71. Si tamen modus tempore debito non impleatur, interdum reuocari potest, quod sub tali modo promissum, vel concessum est: quam obrem cauendum est, fore vt modus impleatur, l. si tibi legatum, ff. de legat. 3. Exempla sunt: *Lego Titio centum, ita tamen vt mihi sepulchrum ædificet: Dono tibi 100. vt tamen Baptismum suscipias.*

Aliud porro discrimen est inter conditionem propriè dictam, & modum vel grauamen adiectum dispositioni, quod conditio propriè dicta, si impossibilis sit secundum naturam, vel bonos mores, statim ab initio vitiat contractus inter viuos: *Dono tibi equum, si calum digito tetigeris*, l. impossibilis, ff. de verb. obligat. l. non solum, ff. de action. & obligat. §. si impossibilis, ff. de inutil. stipulat. Quia in ea re, dicitur in citat. l. non solum, quæ ex duorum plurimùm consensu agitur, omnium voluptas spectetur: quorum proculdubio in eiusmodi actu talis cogitatio est, vt nihil agi existiment adposita ea conditione, quam sciunt esse impossibilem. At verò modus impossibilis, siue secundum naturam, siue secundum mores, si adijciatur contractui, non vitiat illum, sed pro non adiecto habetur: *Dono tibi equum vt calum digito tangas; vel vt hereticus fias*, sicuti ex communi sententia docent Mol. citat. disput. 208. §. modus impossibilis, Sanchez lib. 5. disput. 19. numero 7. Quia modus dispositionem cui adijcitur non suspendit, sed validum esse supponit. Quare vt cognoscamus, vtrum v.g. donator conditionem, *si hoc fiat*, vel *dummodo hoc fiat*, tanquam suspensiuam; an verò vt modum adiecerit, attendendum est, vtrum voluerit donationem non antè ratam esse, quàm conditio impleta sit: an verò vt statim valeat donatio, sed donatarius obligatus, seu grauatus maneat ad aliquid postea faciendum.

Porro à dicta regula, quod conditio non suspensiuam, seu modus, si impossibilis est secundum naturam, vel mores, pro non adiecto habendus sit, limitari debet iuxta citat. cap. vlt. Nisi eiusmodi turpis, & impossibilis modus

inodus repugnet substantiæ matrimonij alteriusve contractus. Exempla, *Contraho tecum, si generationem prolis evites: vel donec inveniā aliam ditiores, aut si pro quæstū adulterandam te tradas.* Hæ enim verborum formulæ indicant non conditionem propriè dictam, & suspensivam, sed potiùs modum, quem contrahens post matrimonij contractum observari velit, sicuti rectè annotatum reperio à Mol. disput. 208. §. modus per particulam. Nihilominus tali adiecto modo matrimonium, quantumvis alioquin favorabile sit, vitari respondit Gregor. ix. Ratio verò est: Quòd id commune sit omnibus contractibus, quippe dum contrahens inter ipsum contrahendum vult alterum obligari ad quippiam repugnans ipsi substantiæ contractus, satis significat non habere se voluntatem verè celebrandi talem contractum: sine voluntate autem contractus non efficitur. Verùm alias condiciones licet turpes, & impossibiles sint, modò non repugnantes substantiæ matrimonij, v.g. *accipio te ea lege, ut cælum digito attingas, montem aureum des; ut patrem interficias,* ob matrimonij favorem, pro non adiectis haberi, ait idem Gregor. ix. in citat. cap. ultimo. Eandemque decisionem in sponsalibus locum habere, docent Doctores communiter apud Sanchez lib. 5. disput. 17. Quemadmodum idipsum etiam in ultimis voluntatibus constitutum legimus, l. quæ sub conditione, l. condiciones quæ, l. condiciones contra, ff. de condic. & demonstr. l. continuus, §. cum quis, ff. de verb. obligat. §. impossibilis, Institur. de hæredibus instituen. Atque hæc mihi videtur expeditissima interpre-

tatio, & concordia verborum citat. cap. ult. de condit. apposit. quam legere etiam potes apud Rebel. libro 2. de matrimo. quæstion. 10. §. 4. alias verò interpretationes habet Sanchez lib. 5. disp. 3.

Solùm obijci potest: Cùm suprà dictum sit, id commune esse omnibus contractibus, ut conditio non suspensiva, siue modus impossibilis, si non repugnet substantiæ contractui, pro non adiecto habeatur: cur idipsum observandum esse dicatur ob matrimonij favorem? Respondeo, favorem in eo consistere, quòd in dubio, num conditio turpis, aut impossibilis, v.g. *si patrem interficias,* adiecta fuerit tanquam suspensiva interim matrimonij, an verò tanquam modus non suspensivus: id posterius præsumi debeat, ut proinde matrimonium statim validum censeatur, conditio autem tanquam adiecta non sit. Sin verò constet, non habuisse aliquem voluntatem contrahendi absolute, sed solùm sub conditione impossibili, tum cedit præsumptio veritati: cùm Ecclesia consensum ad matrimonij substantiam requisitum supplere nequaquam possit. Aliæ fortasse ratio est de ultimis voluntatibus, quas ad vitandas lites executioni mandari voluerunt legislatores, si sub impossibili quacunque conditione conceptæ sunt: Quamvis neque in hoc Doctores conveniant, si verè impossibilis conditio adiecta sit, ita ut potiùs appareat testatorem non habuisse animum instituendi, vel legandi; utrum in isto casu non corrumpere debeat institutio, vel legatum, sicuti vult §. Impossibilis, Instit. de hæred. instituen. & aliqui apud Mol. to. 2. tract. 2. disp. 206.

P A R S T E R T I A . D E B O N I S M A T R I M O N I I .

ET SI matrimonij contractus, eiusque usus per se licitus, atque honestus sit; quippe à Deo institutus, cui etiam *benedixit* Gen. 1. *Crescite, & multiplicamini;* tamen per accidens, ob depravatam hominis naturam ex lapsu in peccatum, quædam incommoda, ac detrimenta habet: I. Quod coniugalis copula secundum speciem naturæ, conuenit cum opere fornicationis turpi, ac fœdo, sicuti notatur in supplemento S. Thom. 3. p. quæst. 49. art. 1. II. Quod propter concupiscentiæ ardorem, & immoderatam voluptatem, hominis ratio absorbetur in opere coniugij, teste Aristot. 7. Eth. cap. 11. III. Quod veluti speciem seruitutis perpetuæ secum affert, à qua homo suapte natura abhorret, libertatis amans, vt Apost. significat 1. ad Corinth. 7. *Alligatus est uxori, sollicitus est quæ sunt mundi; quomodo placeat uxori, &c. Tribulationem carnis habebunt eiusmodi.* Eapropter Theologi in 4. distinct. 31. vbi S. Thomas quæst. 1. & 2. S. Bonau. ibid. art. 1. Richar. a. 1. & 3. tria bona in coniugio obseruarunt, quibus triplex illud malum, seu incommodum excusetur, ac veluti compensetur: Fidem, Prolem, & Sacramentum: sumptâ doctrinâ ex S. August. de bono coniugij, c. 24. & lib. 9. super Genesin ad liter. cap. 7. vbi hæc bona explicans, ait: *In fide attenditur, ne præter vinculum coniugale cum altero concubatur: In prole, vt amanter suscipiatur, benignè nutriatur, religiose educetur: In sacramento, vt coniugium non separetur, & dimissus, aut dimissa, ne causa quidem prolis, alteri coniungatur.*

C A P. I.

De debiti coniugalis redditione.

S V M M A R I V M.

- 1 Coniunx coniugi debitum coniugale serio, ac rationabiliter petenti, sub culpa mortali reddere tenetur.
In Ecclesia, siue loco sacro coniugij actum exercere, sacrilegi crimen est, excepto necessitatis casu.
Confessarius interdum coniuges interrogare debet, an coniugali debito satisfacere parati fuerint.
- 2 Coniunx contra iustitiam delinquit, si ieiunijs, alijsque carnis afflictionibus notabiliter se impotentem reddas ad usum coniugalem.
- 3 Coniugi adultero, si eius adulterium cognitum est, iuste coniugij debitum negatur.
- 4 Si coniunx adulter, dum eius adulterium cognitum non est, debitum exigere non prohibetur.
- 5 Si debitum reddituro graue salutis corporalis periculum timeatur, iusta est causa denegandi.
- 6 Si coniunx leprosus fiat, alter coniunx sanus non omnino liberatur obligatione debiti: exceptis quibusdam casibus.
- 7 Si ex usu coniugali probabile periculum mortis proli conceptæ timeatur, iusta est causa negandi.
- 8 Si causa nocuentis, quod proli inferetur, temporalis sit, plerumque culpa venialis est, sine necessitate coniugij actum exercere.
- 9 Coniugi petenti in ebrietas, aut amentia, siue peccato negari potest, cum non rationabili modo petat.
- 10 Qui ante nuptias votum continentiam ediderat, coniugij debitum à coniuge petere non potest ante dispensationem, quamuis reddere teneatur.
- 11 Qui post matrimonium, ante eius consummationem, continentiam simpliciter vovit, nec petere, nec reddere potest: sed Reli-

gionem ingredi debet: nisi iuris ignarus voverit.

- 12 Si coniunx cum consensu coniugis continentiam absolute voverit, à coniugij actu abstinere debet tam reddendo, quam petendo: sin vero absque consensu votum edidit, seruare illud debet quatenus potest.
- 13 Incestus commissus cum consanguineo, vel consanguinea coniuge intra primum, vel secundum gradum, impedit, quominus incestuosus matrimonio uti possit petendo. Idque locum habet, etsi incestus occultus sit.
- 14 Ceteri casus sunt, quibus priuatio debiti coniugalis propter incestum non incurritur.
- 15 Episcopus super petendo debito cum coniuge incestuoso dispensare potest.
- 16 Nimia multiplicatio prolis ordinariè non excusat à redditione debiti coniugalis, nisi accedat mutuum pactum.
- 17 Si culpa coniuncta petitioni coniugalis debiti proueniat ex circumstantia tenente se ex parte solius petentis, licitum est ei reddere. Sin autem ex circumstantia tenente se ex parte actus coniugalis reddere illicitum est.
- 18 Si exigere debitum sit culpa tantum venialis, reddere nulla culpa est.



Hæc obligatio pertinet ad bonum fidei coniugalis, secundum quàm coniuges inter se coniugij usum præstare debent, teste Apost. 1. ad Corinth. 7. *Uxori vir debitum reddat: similiter autem & uxor viro.* Idque siue expressè petatur, siue tacite, vt cum uxor præ verecundia verbis expressis petere non audet, vt explicat S. Thomas in 4. distinct. 32. quæst. vn. art. 2. quæstion. 1. Richardus ibid. a. 1. quæst. 2. Durandus quæst. 1. art. 1. S. Anton. p. 3. tit. 1. cap. 20. §. 6. Nauarrus cap. 16. numero 26. Et est hæc obligatio reddendi sub peccato mortali; quippe circa rem grauem, si alter serio, instanter, & rationabiliter petat: vt proinde Confessarius interdum coniuges de præstatione huius debiti commonefacere debeat.

Dixi

Dixi autem *sifario*, & *instante* exigatur: nam tergiversatione aliqua, aut precibus petentem auertere, si id non valde ægrè laturus videatur, nulla, vel levis est iniuria, vti notauit Sanchez lib. 9. disput. 2. numero 10. vbi rectè tamen monet, etsi coniunx non tanto rigore debitum coniugij exigere intendat, vt mortalis ei iniuria inferatur negando; interdum tamen peccatum mortale fore, saltem contra charitatem, si ex priuatione vsus coniugalis periculum incontinentiæ incurrat. Secundo dixi, *si rationabiliter exigatur*; videlicet tempore, loco opportuno: non item si nimis frequentè, & importunè petatur, sicuti Gl. notauit in c. quoniam, d. 31. ver. opportuno, Rodriq. to. 1. sum. c. 243. concl. 1. Aut si in loco non decente, puta in Ecclesia, vbi sine sacrilegio coniugalis actus exerceri non potest, excepto necessitatis casu, si videlicet coniuges diuturno tempore inclusi in sacro loco ob humanam fragilitatem, in periculo incontinentiæ versentur, sicuti notauit Syl. ver. debitum, q. 3. Less. lib. 4. c. 3. dub. 12.

Denique si coniunx cupiat actum coniugalem exercere, non seruatō situ ordinario, seruatō tamen naturali vase; distinguendum est, vtum id fiat ob causam necessitatis, tunc quia culpa nulla in petente est, obligatio reddendi incumbit. An, verò sine iusta causa tali modo actus coniugalis exigatur, neq; tunc in reddente culpa aliqua erit, si modèstè monendo, aut rogando coniunx coniugem auertere non possit, propter regulam, quam infra tradam n. 18. Si exigere debitum sit culpa tantum venialis, reddere nullam culpam esse: At verò coniuges non peccant mortaliter, si intra vas naturale modo, aut situ indebito coniugij actum exercere aggrediantur, nisi probabile pollutionis periculum timeatur. Nam, hoc supposito, non peccatur in substantia actus coniugalis, sed tantum in modo accidentali. Qua de re dixi etiam l. 3. f. 4. n. 14. in fine.

2. Porro ex dicta obligatione debiti coniugalis reddendi sequitur primò, Si maritus crebrò seipsū polluat, animaduertens eā re notabiliter impotentem se reddi ad vsū coniugalem, peccare contra iustitiam, vt hanc circūstantiam, in sacra Cōfessione explicare debeat, sicuti notauit Sanch. lib. 9. disp. 3. n. 3. Secundò: Si coniunx immoderata ieiunia, vigilias, labores imprudenter assumat, animaduertens se notabiliter impotentē reddi ad satisfaciendū coniugi, considerata eius complexione, peccat contra iustitiam ex genere suo mortaliter, sicuti docent Palud. in 4. d. 32. q. 1. a. 2. concl. 3. S. Anton. p. 3. tit. 1. c. 10. §. 10. Syl. ver. debitum, q. 1. Sanch. n. 4. Ordinariè tamen non tenetur cōiunx abstinere à moderatis ieiunijs, vigilijs & c. etsi animaduertat, se aliquantulū debiliore reddi: quare neq; hæc est sufficiens causa soluēdi ieiunij ab Ecclesia præcepti, nisi maritus animaduertat vxori incontinentiæ periculum imminere, nisi potentiorē se efficiat, vti notauit Sanch. n. 6. & 10.

3. Sunt verò casus aliqui à DD. numerati, quibus coniunx dicta obligatione coniugalis debiti liberatur: I. Si vnus coniugū adulterium cōmisit, alter obligatione, seu debito coniugali liberatur, sicuti colligitur ex cap. 5. & 19. Matth. Non quòd vsus coniugalis post adulterium, per se loquendo, illicitus sit petenti, aut reddenti, sed quòd coniunx innocens coniugi adultero iustè negare possit, quia frangenti fidem, fides meritò non seruatur.

4. Interim valde probabile est, quòd docet Caiet. t. 1. tr. 31. opusc. 17. respons. 4. Sotus in 4. d. 36 q. vn. a. 4. Petr. Sotus lect. 16. de matrim. Sanch. lib. 1. disp. 68. n. 4. Coninck disp. 23. dub. 12. n. 87. contra Nau. c. 22. n. 23. Alph. Castro lib. 2. de lege pœnali, c. 4. in fine, Henric. lib. 17. c. 8. n. 2. in comment. lit. b. Adulterium coniugij vsum petere posse, non tantum vt licitum (sicuti omnes fatentur) sed etiam vt iure debitum, si alter propter ignorantiam nihil excipiat. Quòd enim coniunx propter adulterium priuetur iure petendi debitum, pœna quadam est, ad quam adulter seipsum condēnare non debet, nemine

agente, aut excipiente: præsertim cū coniunx à debiti petitione abstinere plerumque non possit, quin criminis cōmissi suspicio, aliæue incōmoda oritura sint. Videri potest Petr. Ledesma quæst. 62. a. 1. dub. 1. concl. 2. Adde, quòd coniunx innocens talem pœnam inferre non possit debitum petenti, per oppositam adulterij exceptionem, denegando: nisi crimē tali pœna dignū non leuibz indicijs cognouerit, sicuti Sanch. notauit n. 5. Coninck n. 89. Ex quo denique sequitur, quòd coniunx adulter si animaduertat coniugem adulterium: ipsius certò cognitum non habere, cum compellere possit ad debitum reddendum: secus, si certò cognitum ille habeat, quamuis fortasse in foro externo probare nequeat, sicuti docet idem Sanchez lib. 10. disput. 10. numero 8.

Alter casus. Si reddenti timeatur graue periculum salutis corporalis: vt si petens peste laboret, vel petat ab eo, qui febri hectica tenetur. Ita S. Th. cōmuniter receptus in 4. d. 32. q. vn. a. 1. ibid. Durand. q. 1. num. 8. Sotus q. vn. a. 1. cōcl. 2. Abb. in c. 2. de coniug. leproforum, Caiet. ver. matrimon. c. ult. §. primus est. Petr. Ledesma q. 64. art. 1. circa concl. 2. diff. 2. Petrus Sotus lect. 16. de matrim. Syl. ver. debitum, q. 1. Sa num. 15. Sanchez lib. 9. disput. 24. num. 17. Rodriq. tom. 1. cap. 243. conclus. 1. Ratio est: Quia coniuges in matrimonij contractu corporum potestatem inter se dant salua suarum personarum incolumitate: siue, vt alijs verbis dicam, propagationi speciei inferuire, promittunt, salua incolumitate indiuiduorum. Quinimò, cū corporum suorum dominium non habeant, ideo nec possunt eorum vsum cum tanto periculo mortis, aut grauis infirmitatis alteri permittere: quare peccat, si in tali periculo, seu proprio, seu alterius, coniugis, absque rationabili causa, actum coniugij exerceant, etiā reddendo. Secus, si causa rationabilis necessitatis honestet, vt si periculū infectionis propter cōiugis leprā, vel morbum gallicum, diuturnum sit: nam valde difficile quibusdam accidit in perpetua lucta contra motus carnales perseuerare. qua de re Sanch. lib. 7. disp. 102. n. 11.

Quapropter non desunt DD. vt Ledesma cit. q. 64. a. 1. circa 2. concl. diff. 2. concl. 3. Rodriq. cit. c. 243. concl. 2. existimantes, in tali casu, quò coniugi v. g. leproso probabile imminet incontinentiæ periculum, nisi coniugio vtatur, saltem charitatis lege obligari alterum coniugem ad reddendum cum propriæ contagionis periculo. Sed magis placet sententia Maioris in 4. distinct. 32. q. 1. art. 1. contra 3. concl. Sanch. cit. disp. 24. n. 12. etsi cōiunx sanus cum propriæ infectionis periculo actum coniugij laudabiliter exerceat: non tamen ad id obligari: quia nemo tenetur sui corporis vitam, vel incolumitatem propriam hominis peccato vitando exponere: cū is in necessitate simpliciter positus non sit, sed alia cōcupiscentiæ remedia adhibere possit.

Verum ijs quæ dicta sunt ob stare videtur, quòd Alexander III. respondit in c. 2. de coniugio leproforum, Si virum, vel uxorem leprosum fieri contingerit, & infirmus à sano debitum exigat, generali præcepto Apostoli quod exigitur est soluendum. Sed respondent DD. communiter apud Syl. ver. debitum, q. 1. §. secunda, Sanchez cit. disp. 24. n. 17. Pontificem ita respondisse, ex præsumptione, quòd cōiugi propinquum contagionis periculum plerumq; non imminet, ex accessu ad cōiugem leprosum, nisi etiam diuturna cohabitatio in eodem lecto, vel domo accesserit, ad quam proinde cohabitationem coniunx sanus cōgendus non est, sicuti notat Gl. in c. 1. ver. ministrent, eod. tit. S. Th. in 4. dist. 32. q. vn. art. 1. S. Bonau. ibid. art. 2. quæst. 1. Scotus ante §. Ad argumenta. Richar. art. 4. q. 2. Durandus quæst. 1. art. 2. Debet tamen coniunx sanus leproso cōiugi debitum interdum reddere, & alia obsequia præstare, atque idcirco non procul ab illo discedere, vti notauit Syl. ver. lepra, quæst. 3. Excipe I. Nisi coniunx eprosus iure suo in hac re cedat. II. Nisi coniunx sanus lepra maximum horrorem sentiat, quem superare

quasi impossibile ipsi sit, vti notat ibidem Syl. & Abb. in cit. c. 2. num. 5. Sanch. num. 21. III. Nisi vxor vltima & perfecta specie lepræ, quæ leonina dicitur, infecta sit, vti docet Palud. d. 32. quæst. 1. art. 2. ibid. Maior quæst. 1. contra 3. concl. vbi notat, viro ex congressu cum muliere leprosa maius periculum imminere, quàm vice versa. IV. Nisi loci consuetudo talem, præsertim frequentiore, accessum ad leproso, propter contagionis publicæ periculum, prohibeat.

Porrò si loci consuetudo permittat, atque consentiat coniunx sanus perpetuò cohabitare leprolo, id non tantum licitum, sed etiam commendabile est, per se loquendo, vti colligitur ex c. 1. de cohabit. leprotorum. Quare si quis sponte contraxit cum persona, quam sciuit lepra, vel simili morbo contagioso laborare, exceptionem postea debitum reddendi, aut non cohabitandi opponere non potest; sicuti neque is, qui sciens vitium mercis, nihilominus emit, sicuti docet idem Sanchez num. 22. Eademque ratione, si mulier v.g. sciens se ob propriam indispositionem non posse generationi seruire sine corporis sui incommodo, tenebitur postea eo posthabito (nisi grauissimum sit ad quod se obligare non potuit) marito coniugale debitum reddere: cum alioquin grauiter eum decepisset, sicuti notauit Coninck t. 2. disp. 31. dub. 7. num. 86.

Huc etiam spectat, si mulier Medicorum iudicio, vel antecedentis partus experientia, in probabili mortis periculo constituta sit, si prolem concipiat, & pariat. Quo casu difficultas se offert, vtrum licitum sit vxori pharmacum accipere impediens prolis conceptionem, quo coniugij debitum marito reddere possit, immunis à periculo mortis, quod alioquin timere debet. Ad hoc ex communi Doctorum sententia apud Sanchez lib. 9. de matrim. disp. 20. num. 8. & 10. respondendum est, nullo casu licitum esse potionem medicam seu pharmaco conceptionem ac generationem prolis impedire. Nam id directè repugnat principali ac ferme vnicò fini matrimonij, cuius tanta in lege noua sanctitas, & veneratio. Quamobrem in cap. vlt. de condit. appositis inter condiciones de iure impossibiles hæc numeratur: *Si generationem prolis enites*. Quod si in aliquo casu talis impediendæ conceptionis licentia mulieribus daretur, mirè eâ abuterentur, cum magno humanæ generationis detrimento: quod signum est, id à natura hominum, omniumque animalium valde alienum esse; prolis, inquam, conceptionem impedire. Quemadmodum ob similem rationem DD. communiter dicunt, nullo casu licitum esse, seminis effusionem, seu pollutionem procurare.

Cur autem fœtum nondum animatum, si ex eo matris periculum mortis imminet, medicamentis expellere liceat, secundum probabilem plurium sententiã, non alia causa reddi potest, quàm ea, quia fœtus est actualis veluti aggressor, & proxima ac directã causa mortis maternæ: ergo ius habet mater se defendendi seu vitam suam liberandi, eiiciens, seu repellendo fœtum. At verò fœtus nondum in rerum natura existens vim nullam infert, contra quam naturali iure & propensione se defendere liceat. Simile est: Si infans, aut alius homo innocens in viaiaceat, mihi que impedimento sit, quominus vitam ab hoste liberare possim, nisi eum conteram & occidam, id mihi licitum est; quia principaliter ac directè intendo vitæ meæ liberationem, per accidens autem, & indirectè permitto potius, quàm efficio eius occisionem. At verò si mihi significaretur, infantem illum eo consilio in via ponendum fore, vt mihi fugienti & vitam liberare volenti impedimento sit, non erit mihi licitum directè, & ex proposito ad eius occisionem aggredi; quando nondum ullam vim infert. Alia verò ratio est de inimico, aut hoste, insidias iniustas parante aut meditante, illum enim præueniendo occidere licet, per se loquendo.

Tertius casus. Si exinde, quod vxor, v.g. prægnans

viro debitum reddat, probabile mortis periculum proli conceptæ timeatur, nec petere, nec reddere licitum est, vt per se patet. Cæterum si fœmina experta sit, se prolem viuam edere nunquàm posse, probabile est quod docent Sanchez lib. 7. disput. 102. num. 8. Coninck lo. cit. nihilominus petere posse, ac reddere. Quia melius videtur esse puero, vt existat priuatus visione Dei, ob culpam originalem, quàm vt omninò non existat, vti colligitur ex S. August. lib. 5. contra Iulianum, cap. 8. Quare eius mors permitti poterit. Sin verò proli nascituræ non mors, sed morbi contagio timeatur, tunc similiter distinguendum; vtrum causa vnde morbi contagio proli timetur, perpetua sit, v.g. lepra: tunc petere licitum, & reddere necessarium est. Quia ex vna parte ius matrimonij id exigit, ne perpetua, vel valde diuturna continentia in coniugio seruanda sit, ex altera verò parte melius est proli, vt infirma nascatur, quàm vt omnino non nascatur. de quo vide Sanchez cit. disput. 24. n. 25. Vel causa nocuimenti temporalis est, & non diu duratura; tunc plerumque peccatum est petere, saltem veniale, si periculum, quod proli, vel coniugi timetur, notabile non sit: vel indecentia non grauis; qualis est v.g. menstrui fluxus, tempus purificationis post partum. Quibus casibus arbitratur Sanchez lib. 9. disp. 21. & 22. coniugi petenti alteram non tantum reddere posse, sed etiam debere: quo intelligo, si ille ægrè nimis laturus sit, ac proinde maius malum sequuturum existimetur, nisi reddatur. Vide de his Palud. in 4. d. 32. q. 1. 2. 3.

Quartus casus: Petenti in ebrietate, furore, amentia, negari potest: cum non rationabili, & humano modo petat: quod, vt probabilissimum, docet Victoria de matrim. num. 289. Sotus in 4. d. 34. q. vn. art. 4. Sa ver. de bitum, num. 16. Sanchez disp. 23. num. 10. contra Syl. ver. debitum, q. 1. §. secunda, in fine. Nauar. cap. 16. n. 27. Veracruz p. 1. speculi, a. 41. §. hic circa. Idque maximè locum habere debet, si vxor, quæ fœcunda esse putatur, in amentiam, vel furem incidit; quia periculum est ne fœtum animatum in vtero enecet: qua de re Ledesma q. 58. a. 3. dub. 2. conclus. 3. Sanchez cit. disp. 23. numero 8. Quamobrem si vterque coniunx in amentiam incidat, separandi sunt, donec ad mentem redeant, teste Ledesma concl. 1. Sanchez n. 5.

Quintus casus. Votum continentie à coniuge editum. Qua de re ita distinguendum est: Vel votum continentie perpetuæ editum fuit ante contractum matrimonij, vel post. Si antè, obligat vouentem, quatenus potest: videlicet, vt constante matrimonio coniugij debitum non petat: licet petenti reddere teneatur. Ratio est: Quia ad petendum debitum coniunx non obligatur, sed solum ad reddendum, cap. si dicat, 33. q. 5. cap. quidam, de conuers. coniugat. Soluta verò matrimonio continentia seruanda erit: adeò, vt tametsi vouens dispensationem obtinuerit ad debitum petendum, non ideò tamen soluto matrimonio ad alias nuptias transire possit, sine expressa Summi Pontificis in ea re dispensatione. Deinde si accidat coniugem durante matrimonio in adulterium labi, debet innocens suum votum perfectè seruare, cum sine iniuria coniugis possit, abstinendo etiam à redditione, vti ex communi docet Less. lib. 2. c. 41. n. 55.

Si autem post nuptias continentie votum editum est, iterum distingue: Vel enim coniunx solum vouit se debitum non exacturum, & obligatur voto, cum illud in potestate ipsius sit, vti habetur in cit. c. quidam, mortuo autem coniuge, non prohibetur aliud matrimonium contrahere cum simili obligatione nunquàm petendi, nisi votum non petendi restrinxerit ad præsentis matrimonij statum. Vel simpliciter, & absolute continentiam vouit: Idque vel ante consummationem matrimonij, sciens se aliter votum exoluere non posse, quàm Religionem ingrediendo, tunc ad id se obligasse censetur. Qui enim promittit finem, implicite etiam promittit executionem

tionem medijs vnici, si illud necessarium esse intelligat: vnicum autem medium exequendi votum continentiae simpliciter dictae habet coniunx, vt ante consummationem matrimonij Religionem ingrediatur: ergo vouendo absolutam continentiam ad id se obligasse censetur. Secus verò dicendum, si id in mentem ipsi non venerit, vel non intellexerit, vti notauit Coninck disp. 34. dub. 5. concl. 3. & colligitur ex extrauag. Antiquae, de voto.

- 12 Vel coniunx continentiam absolute vouit post matrimonij consummationem: tunc iterum distinguendum est: vtrum cum consensu alterius coniugis, an sine consensu: Si cum consensu coniugis, iure suo renuntiare volentis, omnimodè obligatur voto, vt neque petere, neque reddere licite possit, sicuti dixi lib. 4. tract. 4. c. 7. n. 15. Quamobrem à coniugis toro se separare debet, & soluto matrimonio à secundis nuptijs abstinere: Sin verò nesciente, aut non consentiente coniuge continentiam absolute vouit, praesumendum est, voluisse se obligare in quantum potuit, videlicet vt nunquam peteret, quamuis reddere teneatur: deinde si à redditione debiti liberari contingat, v.g. per adulterium coniugis, multoque magis per mortem eius, vt in continentia perpetua maneat, vti annotauit Lessius libro 2. cap. 41. dub. 6. numero 52. Coninck disput. 34. dub. 6. conclus. 2. numero 42.

Id solum hic moneo, quod coniunx, qui ante matrimonium continentiam vouit, vel post matrimonium debitum se nunquam exacturum, plerumque debeat alteri coniugi votum indicare, ne suspicionem odij, vel superbiae concipiat, sicuti notauit Coninck dub. 6. numero 48. Quod si nihilominus votum valde onerosum sit alteri coniugi, puta quia vxor praerecundia petere non audet, quando vir voto obstrictus nunquam petit: vel si alteruter coniunx, qui vouendi licentiam absolute concessit, iam poenitens concessionis, grauibz stimulis carnis agitur, non sine incontinentiae periculo; his casibus voti obligatio cessat, quatenus maioris boni impedimentum esse censetur, secundum probabilem sententiam multorum Doctorum apud Sanchez lib. 9. disput. 7. num. 3. & seqq. Quamuis contrarium sentiat Coninck dub. 6. num. 47. Fateor autem, longè tutius esse in his casibus, & interdum necessarium, vt dispensatio super voto petatur ab eo, qui tali dispensandi facultate praeditus est, ne in coniugio cum periculo animae, vel perpetua inquietudine viuere necesse sit.

- 13 Sextus casus. Si coniunx iure petendi debiti priuatus sit, ob incestum commissum cum coniugis consanguinea in gradu primo, vel secundo, innocens liberatur obligatione reddendi. Ita docent Henricus quodlib. 5. quaest. 40. Syluest. ver. luxuria, quaest. 4. dicto 4. Victoria num. 290. Petrus Ledesma quaest. 55. a. 6. dub. vltimo, §. His non obstantibus sit conclusio, Sanchez libro 9. disp. 6. num. 8. alique communiter. Nam vbi cessat ius petendi, cessat etiam obligatio reddendi: Coniunx autem incestuosus, in poenam criminis, amittit ius petendi debitum, c. transmissa, c. Tuæ fraternitatis, de eo qui cognouit &c. c. si quis viduam, & seqq. 3. q. 7.

- 14 Sant verò casus aliqui, quibus priuatio iuris petendi debiti propter incestum non incurritur. Primò, Si ignorantia à malitia incestus excusat; quia coniunx ignorat esse consanguineum, vel consanguineam coniugis ad quam accedit, vti colligitur ex cap. 1. eodem tit. & docet Palud. in 4. distin. 34. quaest. 1. a. 2. Victoria citat. numero 290. Sotus in 4. dist. 37. q. vn. a. 2. Rodriq. p. 2. cap. 243. concl. 11. Sanchez lib. 7. disp. 15. num. 9. & lib. 9. disp. 32. num. 47.

Secundò, Si per violentiam coniunx cognoscatur à consanguineo coniugis, iuxta cap. directionem, eodem tit. & notauit Sotus l. cap. Ratio harum duarum exceptionum est: Quia priuatio iuris petendi debiti Eccle-

siastico iure constituta est in poenam incestuosi: Ergo vbi incestus crimen non est, poena hæc locum non habet. Imò probabile est, quod & Sotus indicat loco cit. à canonica hac poena excusari coniugem, si graui metu, v.g. mortis, adactus in crimen incestus consentiat: quam pietate plenam sententiam esse, ait Sanchez, quamuis contrarium amplexus lib. 9. disp. 31. n. 4.

Tertiò, Postquam incestuosus dispensationem super petendo debito impetrauit, ius exigendi debiti plenè recuperat, sicuti notat idem Sanchez lib. 9. disp. 6. num. 10. Potest autem talem dispensationem iure ordinatio, saltem per consuetudinem acquisito, conferre Episcopus, sicuti docent Syluest. ver. luxuria, quaest. 4. dicto 5. Sotus cit. quaest. 37. a. 1. in fine, & art. 2. Rodriguez c. 242. conclus. 2. Sanchez lib. 8. disp. 12. num. 4. Valentia to. 4. disp. 10. q. 5. p. 5. in fine, Henric. lib. 12. c. 2. n. 9. Sa ver. debitum, n. 13.

Quartò docent DD. plerique, Sotus, citat. art. 2. Gutierrez cit. cap. 23. num. 9. Petrus Ledesma cit. quaest. 55. a. 6. Sanchez lib. 9. disp. 7. num. 1. Ne matrimonium coniugi, propter contractam affinitatem mariti, nunquā petentis debitum, onerosum fiat, aut ne in periculum incontinentiae labatur: posse incestuosum in gratia coniugis, insinuare se ad petendum debitum, quoties id necessarium esse prudenter iudicauerit. Quod etiam in vxore post crimen incestus, praesertim occulte commissum, locum habere potest, ne si nunquam petat causam male de ipsa suspicandi praebet. Et hæc quidem facilius in eiusmodi impedimento permitti possunt, quippe introducto legibus Ecclesiasticis, quæ non tanta seueritate obligant: nihilominus tutius semper est, quamprimum fieri potest, dispensationem petere.

Quintò excipit Angelus ver. incestus, num. 4. Sa ver. matrimonij impedimenta dirimentia, num. 7. Si crimen incestus occultum maneat. Sed hæc exceptio nullo iure probatur, & si vera esset, valde rarò huic impedimento inter coniuges locus foret: cum incestus plerumque occultus sit: quare contrarium sentit Gl. c. qui dormierit, ver. neutram, 32. q. 7. Castro lib. 2. de lege poenali, c. 5. §. rursus, quinto argum. Gutierrez lib. 1. canon. qq. cap. 23. num. 8. Sanchez lib. 7. disput. 15. num. 13. Quare neque Iudicis sententia requiritur, teste eodem Castro, Caiet. t. 1. tr. 31. opusc. 17. respons. 4. Sanchez lib. 9. disp. 30.

Porro alter coniunx qui innocens est, ab incestuoso sicuti prius debitum petere non prohibetur: Quia nemo iure suo sine culpa priuari debet. sicuti dicitur in c. discretio, de eo qui cognouit &c. Et clarè habetur in c. tuæ fraternitatis, eod. tit. Affinitas post matrimonium iniquè contracta illi nocere non debet, quia iniquitatis particeps non existit. Ex quo probabilissimè contra alios infert Sanchez lib. 9. disput. 6. num. 12. non peccare coniugem innocentem, si incestuoso petenti debitum reddat: cum enim ius coniugale plenissimè possideat, potest eo vti seu petendo, seu reddendo, perinde ac si nulla affinitas subesset: ne ex aliena culpa innocens grauetur. Eademque est ratio, si coniunx voto continentiae obstrictus debitum petat, vt mox iterum dicam.

Septimus casus afferri potest. Ne proles multiplicetur, quam parentes difficilè alere possint: quando quidem in alijs etiam debitis excusat magna soluendi incommoditas, vel difficultas. Quæ ratio mouit Sotum in 4. d. 32. q. vn. a. 1. Rodriq. cit. c. 243. concl. 1. Sa ver. debitum, num. 18. vt docerent, cessante incontinentiae periculo, non esse peccatum mortale ea de causa negare: imò Petr. Ledesma q. 64. a. 1. in fine, Sanchez lib. 9. disp. 25. nullam culpam agnoscunt.

Mihi dicendum videtur primò: Validum esse pactum continendi ea de causa initum, quin & licitum, quamdiu incontinentiae periculum non imminet, vti docet Palud. in 4. d. 31. q. 3. a. 2. casu 5. Anton. p. 3. tit. 1. cap.

20. §. 6. Nauar. cap. 16. num. 33. Sanchez citat. disput. 25. num. 1. Dicendum secundo: Secluso pacto ordinariè videtur esse peccatum mortale, ob eam causam coniugi petenti negare. In qua sententia videtur esse Angelus ver. debitum, §. 15. Syl. q. 8. Nau. c. 16. n. 25; & alij communiter cum absolute aiunt, multitudinem prolis non excusare à redditione debiti. Ad fundamentum contrariæ sent. respondetur; Prolem ex matrimonio suscipiendam, esse magnum bonum, cuius gratia omne incommodum coniugibus perferendum, prima coniugij stipulatione susceptum, constanter tolerari debet. Confirmatur: Nam ex vna parte multiplicatio prolis spectat ad præcipuum finem matrimonij, ex altera parte melius est proli, vt viuat inops, quam vt omnino non viuat. Dixi autem ordinariè, Quia fateor si eo loco res sita sit, vt ob nouæ prolis generationem parentes, vel proles ad extremam penuriam redigendi sint, debitum negari posse: quod tamen ijs, qui inter Christianos viuunt, raro eueniet: cum in piorum hominum, multoque magis Dei auxilio, qui cæli volatilia pascit, Matth. 6. confidere oporteat.

Cum ex dictis manifestum sit, non semper cum vnus coniunx illicitè petit, alterum etiam illicitè reddere; quæri potest, quibus id regulis dignosci possit? De qua re videri potest Petr. Sotus lect. 16. Sanchez lib. 9. disp. 6. Coninck disp. 34. dub. 4. Nos duabus regulis contenti erimus: Prima. Si culpa petitioni coniuncta provenit ex circumstantia tenente se ex parte solius petentis, licitum est ei reddere, v. g. marito incestuoso, vel voto castitatis obstricto. Quamuis, si facile fieri possit, interdum monere oportet coniugem suæ non petendi obligationis. Et debet ampliari regula: Quod coniunx in tali casu illicitè petenti coniugi etiam reddere teneatur, nisi ille iure petendi priuatus sit. Quæ limitatio ponitur propter impedimentum incestus, item propter adulterium. Si enim incestuosus, vel adulter, qui etiam voto castitatis obstrictus est, debitum petat, ipsi negari potest; imò verò frequentius in tali casu ex charitatis lege negare debet. Alia verò, vt dixi, ratio est in casu, quo coniunx ius petendi integrum seruat, & solum contra virtutem Religionis v. g. peccat; vt si voto continentix absque coniugis consensu se astringerat; tunc reddendi necessitas incumbit, si instanter petatur.

Secunda regula, Si culpa petitioni annexa provenit ex circumstantia tenente se à parte actus coniugalis; tunc ordinariè, ac per se loquendo, etiam reddere erit illicitum. Exempla sunt: Si coniunx coniugij debitum petat in loco sacro; cum periculo abortus, vel alio nocumento prolis, vel ipsorum coniugum. Dixi autem ordinariè; Quia necessitas interdum excusat à culpa, vel vtrumque tam petentem, quam reddentem, v. g. in loco sacro, iuxta ea, quæ supra dixi num. 1. vel solum reddentem, si difficultas negandi marito instanter exigenti magna videatur, vt idcirco nocumentum, quod non ita graue est permit-
ti possit.

Quamobrem Petr. Sotus cit. lect. 16. Sanchez cit. disp. 6. n. 6. hanc etiam regulam colligunt: Si exigere debitum est solum culpa venialis, reddere nulla culpa est: quia ordinariè adest causa excusans, v. g. ne vxor marito petenti displiceat, & odium, vel rixam commoueat. Quare in tali casu plerumque etiam obligatur ad reddendum, vt docent Sotus & Sanchez ll. cc. & consentit Nau. cap. 16. num. 32.

CAP. II.

De mutua coniugum cohabitatione.

SUMMARIUM.

- 1 Maritus est caput vxoris, ac familia, quibus proinde imperare potest, qua ad conuenientem domus administrationem spectant.
- 2 Maritus vxorem & familiam alere debet; atque in illius defectu eius pater subuenire tenetur.
- 3 Vir domicilium suo arbitratu eligit, ac mutat: vxor autem sequi debet, si sine magno incommodo suo possit.
- 4 Coniunx coniugem exultantem, si nihil contra fidem matrimonij peccauit, sequi debet: nisi moralis impotentia, seu difficultas excuset.
- 5 Coniunx coniugem ab alia persona retentum vendicare sibi potest.
- 6 Marito concessum est vxorem delinquentem moderate castigare, spectatis circumstantiis persona &c.
- 7 Paterfamilias habet ius delicta domesticorum leuiter puniendi.
- 8 Carcerem priuatum constituere sub capitis pœna prohibitum est Casareo iure: non prohibetur tamen paterfamilias in casu aliquis delicti filium, vel seruum ad breue tempus includere, etiam punitiōis causa.
- 9 In punitiōe domesticorum tria concurrere debent: causa puniendi, conditio persona punibilis, recta intentio punientis.
- 10 Frater, alique propinqui, licet natu maiores, non habent ius puniendi consanguineos; nisi illorum iuri ac potestati commissi sint.
- 11 Quod vxor laboribus suis, v. g. nendo, lucratur, sibi acquirit, nisi indotata nupserit, vel nisi ex materia à marito subministrata aliquid conficiat, tunc opus ad maritum spectabit.

Hæc est altera coniugum obligatio, ad bonum matrimonialis fidei spectans, videl. vt cohabitent, mutua obsequia præstent, in administranda re familiari, educanda prole, vt constat ex ipsa matrimonij natura, & primæua institutione, explicata Gen. 2. Matth. 5. Ad quæ proinde præstanda cogi possunt tum ab Ecclesiastico Iudice, tum à seculari, iuxta c. literas, de restit. spoliatorum, & notauit Gl. in c. non est, ver. vxores, de sponsalibus.

Porro cum vir sit caput vxoris ac familiae, secundum Apostolum ad Ephes. 5. 1. ad Corinth. 11. & c. hæc imago, 33. quæst. 5. quædam corollaria inferuntur: Primum. Quod vxor mariti præceptis, in ijs quæ ad conuenientem familiæ administrationem pertinent, obedire in conscientia tenetur. Quæ de re Nauarrus cap. 14. man. numero 20. qui rectè etiam admonet num. seq. peccare patrem familias, si vxorem, liberos, famulos, totamque familiam à peccatis cohibere, & scandala inter ipsos impedire, quatenus in ipso est, negligat: cum ipsi talis cura proximè incumbat. Videri etiam potest S. Anton. p. 2. tit. 5. c. 9. §. 2. Maior in 4. d. 26. q. 3. §. In hac materia, ubi hortatur mulieres, vt in vestium, & similibus sumptuum moderatione yris iusta præcipientibus obtemperantes sint.

Alterum. Quod maritus vxorem, & familiam alere debet. Nam ob hanc etiam causam dotem accipit, l. dotis fructus, ff. de iure dotium, l. pro oneribus, C. eod. Si autem pauperem, & indotatam duxit, sibi imputet, nihilominus enim alere tenetur, sicuti docent Innocentius & alij in c. per vestras, de donat. inter virum & vxorem, Gaill. lib. 2. obser. 87. num. 1. Sanchez lib. 4. disp. 26. num. 1. Veruntamen indotata vxor magis obligata est ad laborandum, quam si attulisset dotem sufficientem, ex qua ali posset, spectato statu & conditione personæ, loci consuetudine, vt notat Abb. cit. c. literas, num. 28. Sin verò dos marito expressè, vel tacitè promissa, sed non soluta fuerit, licet is vxori nihilominus cohabitare, & coniugij debitum reddere teneatur, vt resoluit Sanchez lib. 9. disp. 5. num. 17 non tamen eam alere obligatus est, nisi

inops sit, & à parentibus ali non possit, cum etiam, vice versa, vxor diues marito inopi alimenta præstare cogatur.

Præterea vxorem à marito sine necessaria causa recedentem, seu diuertentem maritus alere non tenetur, quamuis dotem ab ea acceperit. Qui enim non facit quod debet, non recipit quod oportet, arg. l. si ea, C. de condit. insertis. Vxoris autem officium est, vt maneat in viri consortio, & obsequio, cit. cap. hæc imago: quare si id præstare nolit, merito ei alimenta subtrahuntur, sicuti docet Sanchez lib. 9. disput. 4. num. 20. Secus est, si ob viri sæuitiam, aliamue eius culpam recesserit; item si ob aliam causam discedere compulsa: v.g. ob maritiamentiam, morbum contagiosum, vel etiam ob proprium delictum in exilium acta: In eiusmodi casibus maritum ad alimenta ipsi præstanda obligari, rectè contra quosdam docet Sanchez n. 23. Quandoquidem in talicetiam separatione nulla vxoris culpa, aut temeritas, sed necessitas apparet; licet per accidens causa per delictum data fuerit, vt postea iterum dicam.

His adde primò; Quòd indefectum mariti, ad vxorem, & familiam alendam obligati, pater eiusdem succurrere, & alimenta necessaria ministrare debet, vti docet idem Sanchez lib. 4. disp. 26. num. 21. arg. l. si quis à liberis, §. si vel patens, ff. de liberis agnosc. iun. Gl. ver. cætera.

Adde secundò: Si vxor ob culpam suam, puta adulterij, reiecta à marito per diuortium, bona aliunde non habeat ad sui sustentationem; tunc ad Iudicem pertinebit ei à marito necessaria obtinere; si dotem mulieris in delicti pœnam lucrari velit. Quæ de re Molina tr. 3. disp. 90. n. 7.

Tertium corollarium. Quòd vir domicilium suo arbitratu eligit, ac mutat, vxor autem eum sequi debet, iuxta c. vnaquæque 13. q. 2. *Vnaquæque mulier sequatur virum suum siue in vita, siue in morte.* Et ex communi docet Syl. ver. vxor, quæst. 8. Nau. cap. 14. num. 20. Rodriq. t. 1. cap. 15. conclus. 2. Sanchez lib. 1. disput. 41. num. 1. Quæ causa est, cur vxor acquirat forum mariti sui, l. cum quædam, ff. de iurisdic. omnium Iudicium: Item quòd dos non exigatur in loco contractus, sed domicilij, quod maritus tunc habuit, l. exigere, ff. de iudicijs.

Sed limitari debet primò: Si in pactis matrimonialibus certus locus habitationi constitutus fuit, non potest deinde maritus discedere, nisi causa de nouo superueniens, & antè non præuisa id exigat. Secundò; si sine magno incommodo corporis, aut animi vxor maritum sequi non possit, sicuti docet Nau. lo. cit. Sanchez l. cap. n. 3. Sa ver. matrimonium, num. 28. & indicat Sotus in 4. d. 35. q. vn. a. 1. ver. de alio verò argumento. Multòque minus vxor tenetur virum, etiam iuxta de causa v.g. voti sui exequendi peregrinantem, aut ad bellum proficiscentem sequi cum magno suo incommodo: secus, si facile possit. tunc enim ius matrimonij id postulat, sicuti docet Abb. cap. quod super, num. 8. devoto, Couar. in epit. p. 2. cap. 7. initio, num. 7. Sanchez cit. disp. 41. num. 7. 8. & 10. vel nisi mulier sciens tali viro nupserit, ideòque tacitè se ad id obligari: tunc comitari debet, si sine animæ periculo possit, teste Abb. in cap. 1. de coniug. leproforum, numero 8. Syluest. Couar. Sanchez ll. cc.

Quartum Corollarium. Licet vir & vxor in eo iure quasi pares sint, quòd neuter absque consensu alterius ad longum tempus discedere debeat, vti constat ex natura contractus matrimonialis, & significatur in cap. 1. de coniug. leproforum ibi: *Cum vir & vxor vna caro sint, non debet alter sine altero diutius esse;* præterquam si causa necessaria diuturnam absentiam postulet; vt si Princeps maritum ad bellum euocet, vel ratio gubernandæ, & alendæ familiæ eum peregrinari cogat: Attamen in hoc maritus superior est vxore, quòd ille arbitratu suo etiam vxore inuita, breuè peregrinationem instituere

possit; sed non, vice versa, vxor, si necessitas non exigat, absque viri consensu peregrinari, sicuti ex communi notauit Sanchez lib. 9. disp. 4. num. 15. Egidius tom. 2. disp. 34. dub. 2. in fine. Pari ratione, licet vir arbitratu suo domicilium eligere possit, & vxorem cogere vt sequatur; non tamen ita vxor, sed solum si causa necessaria domicilij mutationem exigat, sicuti notauit Sanchez in fine cit. disp. 41.

Quamobrem sequamur valde probabilem, magisque receptam sententiam Glos. in cap. 1. Qui matrimonium accusare possunt: Quòd vxor maritum relegatum sequi teneatur, non obstante, quòd is culpa sua ad tale necessitatem reductus sit, dummodo contra fidem matrimonij non deliquerit: quemadmodum & seruus seruitutis iure domini exulantis infortunium sequi cogitur: Idem omnino, secundum hanc sententiam, dicendum esse videtur de exulante vxore, quòd vir eam sequi teneatur, si sine magno incommodo suo possit: cum vir & vxor, quòd attinet ad obligationem cohabitandi, & mutuo adherendi pares existant, argumen. l. si cum dotem, §. si maritus, ff. soluto matrimonio, ibi: *Quid enim tam humanum est, quàm fortuitis casibus mulieris maritum, vel vxorem viri participem esse?* Fateor tamen, frequentius occurrere posse causam, ob quam tale vxoris infortunium maritus sequi non teneatur.

Simili quoque ratione, sicuti vir vxorem ab alio tentam vindicare potest, adiecta causâ iuris, quo in potestate illius est, siue ad ipsum pertinens, ita etiam, vice versa, vxor maritum sibi vèdicare potest, adiecta causâ iuris tum diuini, tum canonici, quo potestatem in corpus viri obtinet ad mutuam cohabitationem &c. sicuti docet Abb. in c. illud quoque, num. 10. de præsumpt. & Sanchez lib. 9. disp. 4. n. 9.

Corollarium V. Quòd marito concessum est vxorem delinquentem castigare, l. rei iudicatæ, ff. soluto matrimonio &c. debet tamen esse castigatio moderatâ magis, quàm ea quæ est mancipiorum; quin & liberorum. Etsi enim vxor viro subdita sit, est tamen interim socia, & adiutrix domesticæ administrationis: ideòque quodammodo par. Neque refert, etsi vxor grauiter deliquerit, quia acris castigatio, si eam delicti grauitas postulet, Iudici relinquenda est, cuius est iuridicam, & delicto condignam pœnam inferre, vt mox amplius explicabo.

Quæri enim hoc loco vniuersim potest: Quousque se extendat ius patrisfamilias ad puniendâ delicta domesticorum. Pro solutione supponendum: Quòd punire, seu corrigere alterum per modum vindictæ actus iurisdictionis est, ad potestatem superiorem pertinens, comparatione subditorum. Talis autem potestas iurisdictionis exinde quasi naturaliter promanat, quòd plures homines in vnâ societatem, vel familiam cœunt; non enim posset talis societas diu conseruari, nisi esset in ea potestas coercendi; & puniendi singulos tanquam membra totius corporis, si à rectitudine honestatis declinent.

Hoc posito, Respondeo, & dico I. Paterfamilias habet ius delicta domesticorum moderatè, ac leniter puniendi. Ita colligitur ex l. vn. C. de emend. seruorum, & l. vn. C. de emendat. propinq. l. aut facta, ver. causa, ff. de pœnis, & docet S. Tho. 2. 2. quæst. 65. a. 2. Abb. cap. cum contingat, num. 20. de foro compet. Sanchez lib. 10. disp. 18. num. 16. Pet. Nau. lib. 2. de restit. cap. 3. num. 459. Mol. tr. 3. de iust. disput. 2. & alij communiter. Ratio est: Quia potestas coercendi, ac puniendi, prouenit ex conditione Communitatis: quare cum ciuitas, vel similis Resp. sit perfecta communitas; ideo qui præstunt ciuitati habent perfectam potestatem coercendi, & inferendi pœnas graues, & irreparabiles, vt mutilationis, mortis. At verò familia domus est communitas imperfecta; quare qui præest familiæ, videlicet paterfam. & participatiuè etiam materfamilias habens

potestatem coercendi, & pœnas inferendi domesticis tantum modo leues: cuiusmodi est v.g. subtractio cibi, verberatio aliqua, spectata personæ qualitate. Ita S. Th. cit. a. 2. ad 1.

Pro pleniori autem intellectu aliqua notanda sunt: I. Hoc ius coercendi, quod habet paterfam. non tantum est ad emendationem delinquentis; (nam alioquin sequeretur, quod delinquente iam emendato non esset licitum eum castigare) sed est etiam ad veram punitionem criminis, quatenus potestas æconomica patrisfam. se extendit, sicuti bene docet Petr. Nau. n. 462. contra Sorum lib. 5. de iust. q. 2. a. 2.

II. Cum congregatio familiæ subordinata sit toti congregationi ciuitatis, aut Reipub. cuius illa pars est: consequenter etiam potestas patrisfamilias subiecta sit publicæ potestati: ideo considerare oportet, quantam potestatem publicus Magistratus vel lege, vel consuetudine ciuibus permittat puniendi suos domesticos: tantam enim, & non maiorem in eos exercere possunt, dummodo delicta exigant. Et verò iure imperij, earumque gentium quæ in hac re Romano iure vtuntur, non est concessa potestas patrisfamilias, nisi inferendi pœnas leues, & reparabiles: pœna autem atrox, qualem grauius delicta exigunt, publico Magistratui reservari solet. Cuiusmodi pœnæ etiam sunt exilij, carceris, adeò vt in l. vn. C. de priuatis carceribus, sub capitis pœna prohibitum reperiatur, ne quisquam, seu domi, seu in agro, privati carceris custodiam habeat. Quare etiam S. Tho. ait cit. quæst. 65. art. 3. ad 3. *Simpliciter aliquem includere, vel ligare, ad eum solum pertinet, qui habet disponere vniuersaliter de actibus & vita alterius;* id est ad publicas potestates, sicuti explicat Mol. citat. disput. 2. numero 17.

Dicit autem, *simpliciter*. Nam per accidens, quatenus necesse est ad impediendum malum aliquod, etiam non subditus ad tempus includi, vel ligari posset, donec remedium aliud afferretur. Deinde monet Molina, dictam prohibitionem intelligendam esse de carcere perfecto, & ordinario. Nam apud plerasque gentes concessum est patrisfamilias, vt in casu alicuius delicti filium, vel seruum ad breue tempus includere, vel alio vinculo, etiam punitionis causa constringere possit, vti etiam ex communi annotauit Prosper Farinacius in praxi criminali lib. 1. tit. 4. q. 27. n. 25. qui hanc materiam plenè persequitur.

III. In punitione domesticorum, vt iusta & legitima sit, tria concurrere debent; Videlicet causa puniendi, conditio personæ punibilis, recta intentio punientis. Quod ad causam attinet siue delictum, necesse est, vt pœna (cuius inferendæ potestatem habet paterfamilias) commensuretur delicto, illudque non excedat. Sin verò ponamus delictum esse atrox, puta adulterium, furtum rei notabilis, cuiusmodi punire ad publicam tantum potestatem pertinet, non prohibetur quidem paterfamilias illud castigare, sed leuiter, & intra limites potestatis suæ, vt interim magistratui ius publicè puniendi integrum maneat, si ad eius tribunal deferatur. Vide de hac re Victoriam relect. de potest. ciuili, in fine.

Quod ad alterum attinet, sunt quædam personæ domesticæ, obsequijs dominorum addictæ, quas propter status libertatem, & ætatis maturitatem non decet, nec consuetum est verberare: sicuti nec mechanici, qui pro constituta mercede laborant, à magistris suis verberari se, & vt seruos tractari patiuntur, sicuti notauit Mol. loco cit. n. 19.

Quod ad tertium attinet, requiritur, vt percussio fiat non ex odio, sed ex charitate erga delinquentem, vt emendetur, vel ex zelo iustitiæ, quia dignus est tali pœna aliorum domesticorum exemplum. Quamobrem etiam ita contra puniendum concitari potest, dummodo moderata sit: ex cessus autem censeretur peccatum veniale, per se loquendo. Quod si inflictio pœnæ ad neu-

trum finem necessaria videatur, videl. nec ad delinquentis emendationem, nec vt alij in officio retineantur; præstabit tunc misericordia vti, & pœnam remittere, sicuti Mol. notauit n. 15.

Dico II. Frater, & alij propinqui, quamuis natu maiores sint, non habent potestatem coercendi consanguineos, per modum pœnæ, seu vindictæ. Ita ex communi Pet. Nauar. citat. cap. 3. numero 465. Ratio est: Quia talis potestas puniendi propria est superioris erga subditos: consanguinei autem minores ætate, vel sexu, non sunt subditi maioribus. Excepto, si eorum curæ, vel potestati seu expresse seu tacite commissi sint: vt si puer, vel adolescens in domo & familia fratris ætate maioris, vel patris sui habitet, vti colligitur ex citat. tit. Cod. de emendat. propinquorum, §. Quod si atrocitas, ver. domesticæ emendationis. Verum per modum correctionis ad cauenda damna vel delinquenti, vel familiæ impendentia, nihil prohibet, quominus frater v.g. sororem moribus leuem, etiam suæ curæ specialiter non commissam, coerceat, vel castiget, sicuti annotauit Petr. Nau. num. 465.

RESTAT QUÆSTIO, Vtrum vxor ad laborandum marito obligetur? Respondeo ex doctrina Glos. in l. si cut, ff. de operis libertor. Abb. in c. literas, numero 27. de restitut. spoliatorum, Angeli ver. vxor, §. 2. Gabr. in 4. d. 15. q. 3. a. 3. dub. 12. Sanchez lib. 6. disp. 6. n. 14. Vel loquimur de laboribus ad gubernationem & sustentationem familiæ spectantibus, coquendo, lauando &c. In his spectanda est tum regionis cōsuetudo, tum conditio & status vxoris: Vtrum ea plebea sit; talis enim ad eiusmodi labores obligatur, sicuti colligitur ex l. si cut patronus, ff. de bonis libertorum. An verò nobilis existat, vt eam eiusmodi seruales labores dedeant. Adde ex l. sed si vir, ff. de donat. inter virum & vxorem, si vxor ex materia, v.g. lana viri, vestimentum aliquod suis, vel ancillarum operis confecerit, opus confectum ad maritum pertinere.

Vel loquimur de laboribus ad lucrum referendum, v.g. nendo: Tunc distingue, vtrum vxor dotem sufficientem marito attulerit, an non. Primo casu, non potest cogi ad operandum marito habenti sufficientes facultates ad familiam alendam, Quia hoc casu maritus vxorem ex allata dote alere tenetur, iuxta l. si cum dote, §. si autem, ff. soluto matrimonio, & l. 2. Cod. de iure dotium. Quamobrem si quid vxor in hoc casu lucratur, ad ipsam pertinere debet. Sin verò vxor marito dotem sufficientem non attulit, cogi potest à marito ad laborandum & lucrandum ipsi, saltem per subtractionem alimentorum; quo ipso etiam modo pater liberos compellere potest ad labores non indecentes, argument. l. si quis à liberis. §. Idem iudex, ff. de liberis agnoscendis.

CAP. III.

De fide tori seruanda.

SUMMARIVM.

1. Coniugi non licet ad alias nuptias transire, priusquam certum nummum, aliamque moralem certitudinem acceperis de morte coniugis.

2. Propter probabilem, non certam credendi causam quod coniunx mori iussit, non est alteri coniugi, saltem in externo foro permissum, vt aliud matrimonium contrahat.

Hæc est tertia obligatio ad bonum fidei coniugalis pertinens, vt coniunx ad aliam personam copulandi causa non accedat, quamdiu coniunx eius viuit. Hoc enim est adulterij crimen, de quo dixi lib. 3. tract. 3. de iust.

iust. p. 3. c. 1. Hic verò quæstio tractanda occurrit; Quam exploratus esse debeat coniugis absentis obitus, vt alteri ad alias nuptias accedere permittendum sit. Extat responsio Clem. III. c. in præsentia, de sponsal. de mulieribus, quæ viros in causa captiuitatis, vel peregrinationis vltra septennium absentes præstolata, post diligentem inquisitionem ob carnis fragilitatem alteri nubere volunt: Ne permittas eas contrahere donec certum nuntium recipiant de morte virorum. Et Alexandri III. in c. dominus, de secundis nuptijs: Super matrimonijs, quæ quidam nondum habita obuentis coniugis certitudine, contraxerunt, id vobis respondemus, vt nullus amodo ad secundas nuptias migrare præsumat, donec ei constet, quod ab hac vita migraverit coniunx eius. Ratio est: Quia quamdiu non habetur moralis certitudo, sed dubium aliquod manet de coniugis morte, periculum est, ne secundum matrimonium inualide contrahatur, & fornicariè consummetur, ergo tutior interim pars tenenda, & à nuptijs abstinendum est.

Quærent autem Doctores primò: Vtrum sufficiat testis, qui iuratus deponat de morte coniugis? Affirmat Abb. in citat. cap. in præsentia, num. 6. contra Bartol. in l. 2. §. si dubitetur, ff. Quemadmodum testamenta aperiantur.

Quærent secundò: Vtrum communis, & constans fama de morte coniugis sufficere debeat? Affirmat Clarus lib. 5. sentent. 5. fornicatio, num. 31. ver. Sed pone. contra Abb. citat. num. 6. Veracru p. 1. speculi, art. 42. conclus. 2.

Sed facilis ad hæc ex dictis est responsio; Requiritur certitudinem moralem, qualis ordinariè non habetur per vnus testimonium; multò minùs per famam, si sola sit: secùs, si quæ singula non sufficiunt, simul concurrant; vel aliæ etiam coniecturæ, seu adminicula credendi adsint, puta si vir senex fuit, vel in acie confixit, & diu expectatus non redijt, atque insuper oculatus testis adest, vel publica fama de eius morte testificans: hoc casu, si exactior certitudo, pleniorue probatio haberi non possit, sufficere debet valde probabilis præsumptio: cum & hæc moralem dubitationem excludere soleat, sicut colligitur ex c. quoniam, §. Porro: Si autè de carnali coniugio sit agendum, tamdiu alteruter coniugum expectetur, donec de ipsius obitu verisimiliter præsumatur, vbi id docet Glof. ver. præsumatur, S. Anton. p. 3. tit. 1. c. 9. prope finem, Nauar. cap. 22. numero 53. & lib. 4. consil. 1. de secund. nuptijs, edit. 2. Sylvest. ver. matrimonium, 8. quæst. 13. dicto 4. Sanchez lib. 2. disput. 46. quæst. 2. Philarchus t. 1. p. 2. lib. 2. cap. 9. Rodriquez p. 1. summæ, cap. 233. conclus. 2. vbi monet, post Gutierrez lib. 1. pract. qq. q. 8. in fine: Si coniunx de morte coniugis iudicio viri prudentis censeatur habere moralem certitudinem, seu valde probabilem præsumptionem, qualem iura requirunt, opus non esse, vt ab Ordinario licentia petatur, contrahendi alias nuptias; ideòque Parochum absque tali licentia matrimonio assistere posse; quamuis longè tutius sit rem ad Ordinarium deferre; imò id necessarium esse arbitror, quoties rationabiliter dubitatur, an certitudo, vel præsumptio de obitu coniugis sufficiens sit, necne. Quare etiam Abb. in citat. n. 6. denique ait: In summa hanc materiam relinquerem arbitrio iudicantis, vt diligenter omnibus ponderatis consideret, vtum de morte sit facta certificatio.

Ad extremum quæri potest: Si neque testis, neque fama adsit affirmans de morte coniugis; adsint tamen alia magna indicia, seu coniecturæ non existere amplius in viuis. Exemplum habes: Quidam in amentiam, ac furorē actus, aliquoties sibi ipsi necem inferre attentauit; postea vinculis constrictus fuit, ex quibus denique erupit: quò autem peruenerit, licet diu diligenter quæsitus, nulla relatione sciri potest, atque ab eo tempo-

re octo, vel decem anni intercesserunt, vtum relicta eius mulieri ad alias nuptias transire licitum sit?

In primis suppono: Consideratis omnibus, haberi in hoc casu indicia sufficientia ad gignendam verisimilem persuasionem, opinionemque de morte mariti: non tamen sufficientia ad gignendam certitudinem etiam moralem, cum fieri possit, hominem in sanum, & à vinculis, quibus ante tenebatur, nimis abhorrentem, in longissimas partes fugisse, atque ibi incognitum, vel nouis vineulis constrictum latitare.

Igitur difficultas in eo versatur, vtum propter verisimilem præsumptionem, & probabilem credendi causam, intercessisse mortem prioris mariti, mulieri confessum sit ad secundas nuptias transire? Respondeo, & dico I. Valde probabilis est sententia Rosellæ ver. impedimentum, imped. 12. S. Anton. 3. p. tit. 1. cap. 9. in fine, Sylvest. ver. matrimonium, 8. quæst. 13. dicto 2. & 4. Philiar. de offic. Sacer. tom. 1. p. 2. lib. 2. cap. 9. Quòd mulier in tali casu nihil peccaret, si cum eiusmodi valde probabili persuasionem, ac præsumptionem, atque iustissimam credendi causam, quòd prior maritus mortuus sit, adeoque bona fide, si nemo se illi opponeret, ad secundas nuptias transiret. Quamobrem Confessarius in conscientia foro id p. permittit: & Iudex in foro externo, si post celebratas nuptias causam intelligeret, neque mulierem punire, neque à secundo viro separare deberet, donec cognitum esset priorem maritum adhuc viuere. Idque apertè sumitur ex cap. cum per bellicam, 33. quæst. 1. Ratio vero est: Quia in moralibus, in quibus plerumque certitudo omnino haberi non potest, homini ad instituendas actiones suas sufficere debet probabilissima, licet non omnino certa opinio, seu præsumptio.

Dico II. Iudex Ecclesiasticus in tali casu indiciorum, & probabilis præsumptionis, non autem indubitata certitudinis de morte coniugis, licentiam & potestatem dare non potest ad secundas nuptias transeundi. Primò: Quia hæc est sententia Doctorum communissima, & pene omnium, vt videre est apud Sanchez lib. 2. de matrim. disp. 46. q. 1. Consequenter hæc est Consistoriorum praxis: cum à sententia receptissima, præsertim in causa tam ardua, qualis matrimonialis est, in iudicando recedendum non sit.

Secundò: Quia sacri canones hanc partem negantem sufficienter tradiderunt, videlicet c. dominus de secundis nuptijs, & c. in præsentia, de sponsalibus. Vtroque enim loco præcipitur Ordinario, vt ad secundas nuptias mulieres transire non permittat, nisi constet, seu certitudo habeatur de morte maritorum. Vbi autem, nec testimonium vllum de ipsa morte, neque etiam indicia indubitata mortis proferri possunt, non adest certitudo.

Tertio: Si permissum esset in Ecclesijs ob probabilem præsumptionem de morte coniugis, alteri licentiam dare secundarum nuptiarum: facile foret eiusmodi licentiam extendere, vt Iudici videatur præsumptio iusta, ac probabilis, vbi non est: quòd in magnam sacramenti irreuerentiam, matrimoniorum confusionem, & Ecclesiæ scandalum cedere posset. Ideòque existimandum est, Summos Pontifices in citatis sacris canonibus præcipere voluisse Iudicibus Ecclesiasticis, quòd in tali casu, in quo de maximo præiudicio prioris matrimonij agitur, præsumptio esse debeat ipso iure firmata, priorem coniugem adhuc viuere, donec hæc præsumptio certis contrarijs testimonijs, aut probationibus infirmaretur.

Quartò, Iudex, præsertim Ecclesiasticus, bonum publicum Ecclesiæ, & reuerentiam sacramentorum præferre debet priuato commodo. Si autem in tali casu licentia secundi matrimonij denegatur, solum timeri potest

periculum incontinentiæ, quod tamen mulier cum Dei gratia vitare potest. Si autem licentia concedatur, & publica Ecclesiæ approbatio, maius imminet periculum publici scandali, sacramenti irreuerentiæ &c. si forte prior maritus adhuc viuat.

Solum contra hæc obi ci posse videtur c. quoniam, §. porro, vt lite non contestata &c. Si de carnali coniugio sit agendum, tamdiu alteruter coniugum expectetur, donec de ipsius obitu verisimiliter presumatur. Ergo sufficit verisimilis præsumptio, vt iudex alterum matrimonium permittere possit.

Ad id optimè respondet Abb. Panormit. in cit. §. porro, num. 12. Huius c. casum esse longè diuersum à nostro. Nam Innoc. III. Papa in illo c. quoniam, hoc respondit: Si causa, siue lis in iudicium deueniat, num matrimonium verum sit, quia allegatur v. g. impedimentum dirimens, testes prius recipiendos non esse, neque ulterius procedendum, quàm lis contestata sit: excepto, si reus malitiosè lateat, vel legitimè citatus comparere nolit. Sin verò legitimè absens sit, & facillè venire, aut citari non possit, tunc expectandum esse donec verisimilis præsumptio habeatur de morte illius dubij coniugis. Quare mirum non est, quòd in hoc casu non requiratur omnimoda certitudo mortis, cum non agatur de maximo præiudicio, sicut in citat. cap. in præsentia, sed tantùm de hoc præiudicio, vt testes recipiantur, & iuxta allegata & probata ad definitiuam sententiam procedatur, in absentia partis.

Ad extremum id certum esse debet, & expressè definitur in c. 1. & seqq. 34. q. 1. & ab Innoc. 1. epist. 9. ad Probum, si post secundas nuptias, quamuis bona fide, & sine dolo celebratas, prior maritus reuertatur, dissoluta posteriore putatio matrimonio, restituendam ipsi fore vxorem suam.

CAP. IV.

De bono prolis.

S V M M A R I V M.

1. Prolis generatio est præcipuus finis actus coniugalis, nisi per accidens, videl. propter sterilitatem, aut senectutem, desperetur prolis.
2. Licitum est coniugio vti ob vitandam incontinentiam, non tantùm in coniuge, sed etiam in seipso.
3. Solius corporalis sanitatis causa coniugio vti, videtur esse culpa venialis.
4. Propter voluptatem, tanquam finem operationis, coniugio vti, est veniale peccatum.

X EXTRA controuersiam est, quòd prolis generatio præcipuus finis sit actus coniugalis, quem proinde coniuges excludere nunquam debent; sed implicite saltem, ac virtualiter intendere: Nisi per accidens ob senectutem, vel sterilitatem desperetur proles: ideòque intendi non possit, cum nemo operans intendat ad id, quod fieri non posse arbitratur.

Quæstio autem est, vtrum coniuges etiam propter alios fines actum coniugij exercere possint; puta vt incontinentiæ periculum effugiant, vt corporis sanitatem seruent, voluptatem capiant.

2. Assertio I. Licitum est coniugio vti ob vitandam incontinentiam, non tantùm in coniuge, sed etiam in seipso. Ita contra S. Thom. in 4. distinct. 31. quæst. 2. a. 2. ad 2. S. Bonau. ibid. art. 2. quæst. 2. docet Durandus ead. dist. 31. quæst. 4. Palud. q. 2. a. 3. Maior quæst. vn. conclus. 4. Caiet. ver. matrimonium, cap. de matrimonij peccatis, Nauar. c. 16. num. 32. Michael Medina de sa-

crorum hominum continentia, lib. 3. cap. 13. Philarchus t. 1. de offic. Sacerdotis, p. 2. lib. 4. cap. 19. Egidius Coninck t. 2. disp. 34. dub. 7. concl. 1. Sa ver. debitum, num. 5. Nam matrimonium post lapsum hominis in peccatum, à Deo ordinatum est, vt in remedium concupiscentiæ sit; sicuti Apostolus indicat 1. Corinth. 7. Propter fornicationem vitandam, unusquisque suam vxorem habeat. Et paulò post, Reuertimini in idipsum, ne tentet vos Satanas, propter incontinentiam vestram. Nec refert, quòd postea subiungat: Hæc autem dico secundum indulgentiam, non secundum imperium. Non enim ita loquitur quàm minus malum permittat, vt maius malum vitetur; sed quia minus bonum coniugij indulgeat, eò quòd maius bonum continentia in præcepto non sit, & multis difficile accidat, sicuti explicat Med. cit. loco.

Neque placet limitatio, quam adhibent Palud. in 4. distinct. 31. quæst. 2. a. 2. S. Anton. 3. p. tit. 1. cap. 20. §. 11. Veracruz p. 3. speculi, a. 16. conclus. 1. prope finem, Sanchez lib. 9. disp. 9. n. 4. Matrimonij vsum petere causa incontinentiæ vitandæ, tunc solum licitum esse: si alia remedia carnis coercendæ coniungi non sufficere videantur. Cui enim semper necesse sit noua remedia præferre, quòd & hoc medium coniugalis vsus bonum est, ad eum etiam finem à Deo ordinatum, ab Apostolo commendatum? Profectò valde anxij reddentur coniuges, præsertim qui sine spe prolis copulantur, si examinare debeant, num alijs modis, v. g. ieiunijs alijsue carnis afflictionibus incontinentiæ suæ mederi possint. Vide Ioan. Maiorem cit. concl. 4.

Assertio II. Solius corporalis sanitatis causa coniugio vti probabile est esse culpam venialem. Ita S. Thom. in 4. dist. 31. q. 2. a. 2. ad 4. supplem. S. Thom. quæst. 49. a. 5. ad 4. Palud. quæst. 3. a. 3. Anton. cit. §. 11. P. Ledesma q. 49. a. 5. dub. 4. Veracruz cit. a. 16. cõcl. 2. Henric. lib. 11. c. 15. num. 5. Nam hæc est sanctorum hominum persuasio, carnalem commixtionem non vacare culpa, & deformitate, nisi vel bono fidei coniugalis, cum videlicet petenti ex iustitia debitum reddere necesse est, vel bono prolis generandæ, adde tu, continentia coniugalis seruandæ cohonestetur.

Dixi autem solius: Quia fatentur Doctores, nullam culpam esse, si coniugij vsus principaliter referatur ad prolis generationem, vel, eâ desparatâ, ad incontinentiam vitandam, secundario verò, & concomitanter ad bonum corporalis sanitatis, aliũque honestum finem. Verùm si proles desperata sit & nullum periculum incontinentiæ vigeat, tunc existimant plerique, vsum coniugij non vacare culpa in petente, secus in reddente. Quamquam, vt verum fatear, hæc sententia demonstrari non potest, ideòque contrarium non improbabiler docent Maior d. 32. quæst. vn. §. his præmissis, conclus. 5. Sa & Coninck l. cc. alijque apud Veracruz citat. conclus. 2. in fine. Cùm enim matrimonium præcipuè institutum sit ad propagationem speciei: videtur etiam secundario institutum esse ad conseruationem indiuidui: quandoquidem species, nisi saluis indiuiduis, propagari non potest. Id verò pro certo tenendum est, si aliud seruandæ sanitatis medium non suppetat, quod raro fit, tum nihil culpe esse, ob hunc solum finem coniugio vti, sicuti docet Henriquez cit. n. 5. Sanchez lib. 9. disp. 10. n. 3. contra Ledesmam cit. q. 49. a. 5. dub. 4. post conclus. 2.

Assertio III. Propter voluptatem, tanquam finem operationis, coniugio vti peccatum veniale est. Ita S. August. lib. de bono coniugij, cap. 6. Coniugalis concubitus generandi causa, non habet culpam; concupiscentia verò satianda, tamen cum coniuge, venialem. Et consentiunt S. Scholastici in 4. distinct. 31. vbi S. Thom. quæst. 2. art. 3. S. Bonau. art. 2. quæst. 3. & alij apud Sanchez lib. 9. disp. 11. n. 4. contra Maiorem loco cit. conclus. 7. Ratio est: Quia non bonum delectabile, quod est naturæ sensitiue congruum,

gruum, sed bonū honestum, quod naturæ rationali consonū est, humanarum actionum finis esse debet. Et cum voluptas à natura indita sit gratia operationis naturalis acuendæ, promptiorisque efficiendæ, profectò cum naturali rerum ordine pugnat, qui operationem ad voluptatem refert: id est, ideo operatur, v.g. cibum, potum, somnum &c. capit, vt voluptate fruatur. Veruntamen admittere, & amplecti voluptatem in ijs operationibus, quibus eam natura adiunxit, tanquam interuenientem ad proprios fines, non est dissonum rectæ rationi. Quamquam, vt rectè notauit Franciscus Arias tr. 2. de mortificatione sui, cap. 2. 2. *Seruus Dei laudatissimè faciet, si toto pectore desideret, si possibile foret omnem delectationem abesse à cibo, & alijs eiusmodi.*

CAP. V.

De filiis legitimis, & illegitimis, ac horum legitimatione.

S V M M A R I V M.

- 1 Inter legitimè natos alij verè tales sunt, alij secundùm iuris benignam dispositionem. Qui suscepti sunt ex matrimonio non vero, tamen bona fide, saltem alterius coniugis, in facie Ecclesiæ celebrato, pro legitimis habentur.
- 2 Conceptos illegitimè matrimonium subsequens purgat, si parentes conceptionis tempore, vel secundùm quosdam, tempore natiuitatis ad contrahendum inhabiles non fuerant.
- 3 Filij illegitimi alij naturales sunt, alij non naturales. Inter quos canonico iure hoc discrimen est, quod illi suscepti sint à parentibus, inter quos tempore conceptionis (vel secundùm quosdam, tempore natiuitatis) matrimonium consistere poterat, alij verò non naturales ex coitu damnato suscepti fuerint.
- 4 Iure canonico omnibus illegitimè natis etiam spuris, ex damnato coitu ortis, parentes necessaria alimenta præbere debent. Licet Casareo iure aliud decretum reperitur.
- 5 Cura alendi prolem legitimam ad patrem pertinet: sed illegitimam primo triennio mater, postea pater alere debet.
- 6 Si mater ad paupertatem, vel infirmitatem, puero lactando vacare non possit, aut si nobilis sit, cui secundùm morem patria dedecori vertitur prolem lactare, patris impensis nutrix adhiberi debet.
- 7 In defectum patris, aliorumque ascendentium per lineam paternam, mater aliique per lineam eius ascendentes prolem inopem alere coguntur.
- 8 Alimenta ea, quæ absolutè necessaria sunt ad vitam, parentes filijs suis quibuscunque, & quantumuis sceleratis naturali iure debent.
- 9 Filij naturales, si nec proles legitima adsit, nec uxor superstes, succedunt, patri suo ab intestato in duabus uncias, & una cum illis mater.
- 10 Testamento, vel donatione concessum est patri legitimam prolem habenti, naturalibus filijs, una cum eorum matre, unciam tantum hereditatis relinquere: si mater absq; liberis superstes sit, semunciam. Sin liberi legitimi non extent, etiam ex asse filij heredes institui possunt.
- 11 Matri, spectato iure communi Casareo, naturales liberi una cum legitimis tam ab intestato, quàm ex testamento succedere solent, excepto feudorum iure.
- 12 Etiam nothi, seu vulgo concepti, matri & parentibus maternis, nisi ea illustris sit, una cum legitimis succedunt, secundùm ius commune Casareum: ad patris verò successionem non admittuntur.
- 13 Qui ex damnato coitu orti sunt, ascendentibus suis nec ex testamento, nec ab intestato succedere possunt: sed nec ascendentes ad eiusmodi filiorum successionem admittuntur.
- 14 Fratres illegitimi, si uterini sint eorumque filij & nepotes consanguinitatis iure inter se succedunt: Sed fratres non uterini nullum ius agnationis inter se habere censentur.
- 15 Potest tamen frater fratrem illegitimum, etiam spurium, heredem instituere: sicuti & alij eius cognati, præter ascendentes.
- 16 Duplex est legitimitas, seu natalium restitutio, una ad Ecclesiastica iura, & altera ad civilia.

- 17 Legitimitas ad feudum, vel priorum liberorum, item spuriorum, odiosa est, & non facile concedi solita.
- 18 Spuriorum non est proprie dicta legitimitas, sed potius dispensatio quadam.
- 19 Episcopi communi iure dispensare possunt cum illegitimè natis ad ordines minores tantum, & simplicia beneficia.
- 20 Qui habet potestatem legitimandi: censetur etiam habere potestatem dispensandi cum illegitimo, in ordine ad certum effectum, sed non vice versa.
- 21 Religiosi natalium defectu laborantes ipso iure dispensati esse censentur ad ordines sacros.
- 22 In dubio quisque censeri debet legitimè natus.
- 23 Si post nuptias contractas exacto mense septimo, nondum aduentante fine mensis undecimi, proles nascatur, pro legitima haberi potest.

FILII, & filia vel legitimi sunt, vel illegitimi. Legitimi sunt primò, Qui ex vero matrimonio suscepti sunt. Secundò, Qui suscepti sunt ex matrimonio non vero, attamen in facie Ecclesiæ celebrato, & bona fide, saltem vnus coniugis, consummato. Et si enim post illorum conceptionem matrimonij impedimentum detegatur, pro legitimis tamen, benigna iuris dispositione, habentur: dummodo bona fide, saltem alterius parentis, concepti sint, quamuis post litis contestationem super impedimento matrimonij, sed ante Iudicis sententiam, vti constat ex cap. 2. c. ex tenore, Qui filij sint legitimi. Vbi etiam notant Doctores in dubio ob fauorem liberorum præsumendum esse, quod bona parentum fide ex putatio matrimonio concepti fuerint.

Tertiò, Qui ex personis solutis fornicariè, & illegitimè concepti erant, matrimonio postea inter illas contracto legitimantur, sicuti constat ex l. cum quis, ff. de naturalibus liberis, Auth. Quibus modis naturales efficiuntur sui, collat. 6. & Instit. de nuptiis, §. ult. & tit. 4. decret. Qui filij sint legitimi, c. 1. & c. tanta, eod. tit. vbi dicitur: *Tanta est vis matrimonij, vt qui antea illegitimè sunt geniti, post contractum matrimonium legitimi habeantur*, quod Gl. ibi & Abb. num. 4. & 7. dicunt intelligendum esse quoad omnia, vt nimirum in hæreditate, feudo, primogenitura, non minùs, quàm alij legitimi, succedere; itémque ad ordines, beneficia, dignitates Ecclesiasticas, etiam Episcopales, absque alia dispensatione, promoueri possint, quia benigna iuris dispositione, ac veluti fictione, matrimonium subsequens trahitur retrò ad tempus conceptionis liberorum. Quare dici solet, quod matrimonium subsequens omnia antecedentia purgat. Necesse tamen est, vt parentes eo tempore quo proles suscepta est, ad contrahendum legitimum inter se matrimonij habiles, seu nullo impedimento astricti fuerint; alioquin proles subsequente matrimonio non legitimabitur, sicuti habetur in cit. c. tanta.

Dubium verò est, vtrum satis sit alterutro tempore, videlicet conceptæ, vel natæ prolis, parentes ad matrimonium habiles fuisse? Circa quam quæstionem certum esse debet, satis esse tempore conceptionis impedimentum nullum existere, licet tempore natiuitatis existat: Vt si proles suscepta sit inter personas solutas, sed nata eo tempore, cum mater eius cum alio viro contraxit, si postea eo mortuo secundas nuptias ineat cum viro illo ex quo proles olim concepta erat, legitimabitur, vti docent Abb. cit. c. tanta, n. 3. Couar. in epit. p. 2. c. 8. §. 2. n. 18. Suar. t. 5. disp. 50. §. 1. n. 4. Ratio est: Quia iura solùm prohibent prole legitimari, si ex coitu dånabili, puta inter personas cōtrahere impeditas suscepta sit: talis autem proles non est suscepta ex coitu dånabili. Ergo &c.

Incertum vero est, si vice versa, parentes tempore natæ, non item conceptæ prolis ad contrahendum inter se habiles fuerint, vtrum secuto postea legitimo matrimonio, legitimetur? Exempli causa: Si aliquis ex coniugata conceptus fuit, natus autem post mortem mariti, vel conceptus ex Clerico sacris ordinibus

initiato, natus vero post dispensationem Sum. Pontificis.

Quod talis sequente matrimonio legitimeur, affirmant Couar. in epit. p. 2. c. 8. §. 2. n. 2. Molina to. 1. tr. 2. disp. 172. Andr. Fachin. lib. 3. controuerf. c. 50. Vasq. tr. de testam. c. 5. n. 27. quæ sententia fauorabilis, & ob D.D. auctoritatem probabilis est. Sed contraria iuri cõformior, quam docet Syl. ver. filij, q. 8. in medio, Suar. de censuris, disp. 50. f. 1. Quia leges solum attendunt ad copulam, quæ si habita est inter personas impeditas, nolunt eam purgari subsequente matrimonio, sicuti colligitur ex cit. c. tanta, *Si vir vinente uxore aliam cognouerit, & ex ea prolem suscepit, licet post mortem uxoris eandem duxerit, nihilominus spurius erit filius.* Quibus verbis nihil etiam distinguitur, utrũ mulier sciuerit virum, quo cum copulata est, coniugatum esse, an verò ignorauerit: ut proinde etiam hoc casu spurium nasci, & sequente matrimonio non legitimiari, probabilius videatur, sicuti ex communiore docent Couar. n. 20. Andr. Fachin. lib. 3. controuer. iuris, cap. 55. Suarez cit. f. 1. num. 5. & 11. contra Gl. in cit. cap. tanta, ver. aliam.

3 Filij illegitimi alij naturales sunt, & alij non naturales, qui à quibusdam spurij vocantur. Naturales canonico iure ij omnes censentur, qui suscepti sunt à parentibus, inter quos matrimonium tempore conceptionis (vel natiuitatis, secundum probabile quorundam sententiam) absque impedimento iuris dirimente consistere poterat. Non naturales autem, atque spurij canonico iure ij solum dicuntur, qui suscepti sunt ex parentibus, inter quos matrimonium dicto tempore consistere non poterat: quare ijdem ex damnato coitu nati dicuntur. Sic ex communi docent Couar. cit. c. 8. §. 5. n. 1. Mol. t. 1. tract. 2. disp. 165. Suar. cit. disp. 50. sect. 2.

At verò secundum ius Cæsareum alia illegitimorum est distinctio. Diuiduntur enim primò in naturales, & non naturales: sed naturales ij solum censentur, qui nati erant ex concubina vnica domi retenta, cum qua matrimonium contrahi potuisset, Authent. Quibus modis naturales efficiuntur, §. si quis autem defunctus. Non naturales verò, si cum eorum matre matrimonium contrahi non potuisset, nati ex coitu damnato censentur, reliqui autem nothi dicebantur, qui à naturalibus, seu ex cõcubina domi retenta natis, etiam hodie differunt, quòd illorum naturalium pater certus præsumitur donec contrarium ostendatur, nothorum verò incertus, quousque probationibus demonstretur: quamobrem hi spurij, seu vulgò concepti appellati solent.

Aliud porro discrimen est inter ius Cæsareum, & canonicum, quo illud hodie correctum est. Nam iure Cæsareo patri interdictum erat alimenta præstare spurij, seu ex coitu damnato ortis, Authent. Quibus modis naturales & c. §. penult. Authent. ex complexu, Cod. de incestis nuptijs, Authent. licet, Cod. de naturalibus liberis. Iure autem canonico quibuscunque illegitimè natis parentes alimenta moderata præbere debent, iuxta c. cum haberet, de eo qui duxit in matrimonium quam polluerat adulterio, in fine: *Solicitudinis tue intererit, ut uterque parentum liberis suis: secundum quod eis suppetunt facultates, necessaria submitret.*

5 Sunt verò hic aliqua annotanda. Primum ex Gl. cõmuniter recepta in cit. c. cum haberet, ver. secundum facultates, Abb. ibid. n. 8. & Gl. in l. nec filium, ver. trimo petenti, Cod. de patria potestate; Curam alendi prolem priusmo triennio ad matrem spectare, postea verò ad patrem. Quod verum est, si loquamur de prole illegitima; Sin verò de natis ex legitimo matrimonio, absolute dicendum est, obligationem alendi pertinere ad patrem: cum ob eam rem dotem accipiat, ut onera matrimonij sustineat, familiamque alat, sicuti notauit Ioan. Faber cit. Institut. de iure natur. gent. & ciuili: Præterquam quòd mater proprio lacte natos suos nutrire debet. Quòd si mater in

6 filium maiores expensas faciat, à patre repetere potest, nisi inops sit, l. si quis à liberis, §. si mater, ff. de liber. agnosc. Sicuti & vice versa, si mater ob paupertatem, infirmitatem, & c. puero lactando vacare non possit, patris impendiis nutrix alia adhiberi debet. Idemq; obseruari solet, si mater nobilis sit, cui secundum patris consuetudinem, dedecori vertitur proprium lactare filium. De qua re vide Abb. in c. 2. de cõuers. infidel. n. 4. Couar. cit. c. 8. §. 6. n. 19. & 20. Molinam disp. 168. §. mater, & disp. 228. §. secundum: Sunt autem alimenta ita debita propriis filiis, ut ad ea parentes omni iure compelli possint, adeò ut ipsi alimenta detrahare aliud non sit, quam enecare, ait Abb. ibid. num. 5.

Alterum. In defectum patris, si is videlicet pauper sit, 7 vel mortuus bona non reliquit, auus paternus prolem alere cogitur: in defectu verò ascendentium paternorum, hæc obligatio ad matrem deuoluitur, uti colligitur ex l. si quis à liberis, §. utrum autem, ff. de liber. agnosc. & Authent. si pater, C. de diuortio, in fine, & docent Angelus, Syluest. Armilla, ver. alimenta: matre autem deficiente, subuenire debet auus, alique ascendentes materni, iuxta l. penult. ff. eod. Quæ tamen intelligi debent, si filius indigeat: sin verò aliunde sufficientem sustentationem habeat, vel laborando honestè acquirere possit, spectata qualitate personæ, ac status sui, non tenentur parentes eum alere, iuxta l. si quis à liberis, §. denique idem, ff. eod. Contra verò etiam ipsi liberi tum legitimi, tum illegitimi ascendentes suos inopes alere obligati sunt, cit. l. si quis à liberis, princ. & explicat Couar. cit. §. 6. Mol. cit. disp. 168.

Tertium. Nomine alimentorum comprehenditur victus, vestitus, habitatio, & cetera, quæ ad corporis sustentationem necessaria sunt, iuxta l. alimentis, ff. de alim. & cibis, legat. & l. verbo cibus, ff. de verbor. signif. Sed debet intelligi de sustentatione competente, ac honesta, qualem vir bonus (id est, Iudex in foro externo; in interno foro quilibet prudens Christianus) arbitrabitur secundum facultatem patris, & liberorum statum; uti colligitur ex cit. c. cum haberet. Ex quo textu rectè infert. Abb. in cit. tanta, n. 13. Qui filij sint legitimi, & communiter obseruatum esse testatur Gaill. lib. 2. obseruat. 89. quòd pater filio spurio rectè donet, aut testamento relinquat, quod sit instar alimentorum; sicuti & filia dotem competentem eodem iure dare non prohibetur.

Sed sciri debet; Alimenta duobus modis æstimari posse, primò quatenus necessaria præcisè ad vitam sustentandam. Secundò, quatenus requiruntur ad honestam sustentationem vitæ, secundum qualitatē personæ. Atque hoc posteriore modo accipi debet; cum dicitur, patrem canonico iure obligari ad præstanda alimenta omnibus liberis suis, etiam illegitimis: quamuis alimentorum quantitas quæ illegitimis debetur, tantò magis decrescat, 8 quanto eorum conditio ex natiuitate vilior est. Iure autem Cæsareo talia cõgrua alimenta olim negari debebāt spurij siue ex coitu damnato conceptis, non item alimentata, quæ ad vitam necessaria sunt, & stricto naturali iure omnibus debentur liberis, quippe quorum natura communis est, idèò quæ nulla lege, vel consuetudine contrarium introduci potest.

Ex quo etiam infertur; Si filius, vel filia crimen admitterit, ob quod iure exheredari possit, etiam alimenta ipsi denegari posse, non ea quæ ad vitam necessaria sunt; sed quæ ad congruitatem vitæ, teste Couar. cit. p. 2. epit. c. 8. §. 6. n. 17. licet aliter sentiat Vasq. de testamen. c. 5. n. 132. nihil repugnare, quin filius post pueritiam ob crimen priuetur omnibus alimentis, etiam necessariis, excepto casu necessitatis extremæ.

9 Inter filios illegitimos naturales, & non naturales discrimen est, quòd ad ius successionis attinet. Nam naturales non extatibus liberis legitimis, vel per subsequens matrimonium legitimatis, succedunt patri ab intestato in duabus vnciis hæreditatis: & vnà cum illis mater, æquali portione;

portione, si legitima vxor superstes non sit. Extantibus autem legitimis liberis, omnino excluduntur à paterna hæreditate. Idemque est, si vxor legitima superstes sit: quandoquidem ex successione illegitimi iustum maritorem capere posset: quare datis alimentis competentibus filio illegitimo, hæreditas in hoc casu ad ascendentes, vel alios consanguineos deuoluitur.

10 Testamento verò, vel donatione concessum est patri liberos legitimos habenti, naturalibus, vñ cum matre eorum, vnicam vñciam relinquere: sin verò mater absque liberis superstes sit, semiunciam, si plus acceperint, ad restitutionem hæredibus faciendam ipso iure obligantur. Si autem liberi legitimi non extent, permissum est patri illegitimos naturales ex asse hæredes instituere; vel quomodo ei placuerit, bona sua eis donare dummodo ascendentes, si supersint, legitima non priuentur. Habentur hæc in Auth. Quibus modis naturales efficiuntur sui, & Auth. licet, Cod. de naturalibus liberis, & videri potest Mol. tom. 1. tr. 2. disputat. 169.

11 At verò matri; spectato iure communi Casareo, naturales tam ab intestato, quàm ex testamento vñ cum legitimis succedere solent; l. si qua illustris, C. ad senatuscons. Orficianum. & Instit. eod. §. nouissimè: Excepto tamen feudorum iure, ad quæ illegitimi non admittuntur, lib. 2. feudorum, tit. Si de feudo defuncti fuerit controuersia, §. naturales. Atque hæc de successione liberorum naturalium.

12 Quod verò ad non naturales attinet, eorum, secundum ius Casareum, alij sunt nothi, seu vulgò concepti, ij spectato communi iure, matri, & alijs parentibus maternis, vñ cum legitimis succedunt, l. 2. & 8. ff. vn. de cognati. Nisi mater illustris sit: ab eius enim hæreditate, si libetij legitimi adsint, spurij, seu vulgò quæsi excluduntur, cit. l. si qua illustris. Ad successionem verò patris eiusmodi illegitimi non admittuntur: cum eum vel omnino non, vel saltem honestè demonstrare non possint.

13 Alij verò sunt non naturales, qui ex coitu damnato orti sunt; ij omnis successionis in bonis paternis, ac maternis, aliorumque ascenduntium, tam ab intestato, quàm ex testamento, fidei commissaria substitutione &c. incapaces sunt: sicuti & vice versa, parentes succedere non possunt in bonis eiusmodi filij spurij, vti colligitur ex Auth. ex complexu, C. de incestis nuptijs, & citat. Auth. Quibus modis naturales, cap. vlt. & ex communi docet Gl. citat. §. nouissimè, Abb. citat. cap. tanta, numero 1. Nauar. lib. 3. consil. 2. de success. ab intestato, edit. 2. Mynsinger cent. 1. obseru. 35. Couar. citat. cap. 8. §. 5. Mol. tom. 1. tr. 2. disput. 167. concl. 4.

Alij verò præter ascendentes, spurium, etsi ex damnato coitu ortus sit, hæredem instituere non prohibentur, vti notauit Gl. in cit. cap. vlt. Auth. Quibus modis naturales, Abb. in citat. cap. cum haberet, Mol. cit. disput. 167. conclus. 10. Quinetiam auus, deficiente prole legitima, nepotem, legitimum, aut naturalem ex spurio filio natum instituere potest, modò id non faciat intuitu patris, sicuti ex communi notat Couar. citat. cap. 8. §. 5. num. 19. Mol. concl. 9. Gaill. cit. obseruatione 88. numero 15. Clarus §. testamentum, quæst. 32. Deinde si testator bona relinquat executori, grauando eum, vt inter pauperes distribuat, potest executor etiam dare filijs spurij testatoris, si pauperes sint, sicuti docet Mynsinger cit. loco.

14 Porro fratres illegitimi, etiam vulgò concepti (imò secundum quosdam etiam concepti ex coitu secundum leges punibili) si vterini, siue ex eadem matre nati sunt, eorundemque filij, ac nepotes inter se consanguinitatis iure succedunt, l. hac parte, l. si spurij, ff. de cognati. Sed fratres non vterini ab inte-

stato inter se non succedunt. Ratio est: Quod in illegitimè natis censeatur, esse ius cognationis ex parte matris; non item agnationis ex parte patris. Neque refert, etsi filius à Principe legitimatus sit. Quia intelligitur, in ordine ad succedendum patri, non item alijs consanguineis, iuxta Auth. Quibus modis naturales &c. §. filium verò, & videri potest Couar. p. 2. epit. cap. 8. §. 5. numero vlt. Potest tamen frater fratrem illegitimum, etiam spurium, hæredem testamento instituere, vti constat ex citat. §. filium verò, & docet Gl. vlt. citat. Auth. Molina disput. 167. conclus. 12.

Habent autem hæc omnia locum etiam in conscientia foro, aded vt si filius naturalis, aut spurius aliquid ex hæreditate accipiat, cuius secundum leges incapax est, restituere teneatur, vti bene docent Couar. cit. c. 5. n. 11. Molin. disp. 169. concl. 1. Vasq. tract. de testam. c. 5. n. 100. contra Sorum lib. 4. de iustit. q. 5. a. rea ratione nitentem, quod lex pœnalis non obliget in conscientia ante executionem. Sed responderetur, hoc verum tantum esse de lege proprie pœnali, qua aliquis iure sibi iam acquisito spoliatur in criminis pœnam, non autem, si quis ob iustam causam incapax fiat dominij, seu iuris cuiuscunque acquirendi. Interim hæres legitimus non prohibetur spurij aliquid sponte concedere: quia tunc non iure hæreditatis, sed gratuita donationis accipiunt.

Legitimatio, siue naturalium restitutio fieri solet per rescriptum Principis, vel alterius personæ à Principe potestate habentis. Ea duplex est: Vna ad Ecclesiastica iura, ordines, beneficia: quam solus Papa, tanquam supremus in Ecclesia Princeps, cuiusque voluerit illegitimo, iure proprio & ordinario, conferre potest. Ad ciuilia verò iura & officia non solet Summus Pontifex legitimare alterius Principis temporali iurisdictioni subiectos: nisi fortè indirectè, ac casualiter, si quando grauis causa Christianæ Reipub. ita exigat, sicuti habetur in c. per venerabilem, Qui filij sint legitimi, & ex communi docet Couar. cit. c. 8. §. 8. n. 20. & 45.

Altera igitur est legitimatio ad ciuilia iura, puta hæreditatum successiones, officia, ac dignitates: quam quilibet Princeps in temporalibus; aut Republ. libera subditis suis, etiam proprijs liberis, quin & Clericorum filijs, etiam si ipsi quoque Clerici sint, arbitratu suo conferre potest, sicuti ex communi docet Abb. in cit. c. per venerabilem, n. 13. Couar. in epit. p. 2. cap. 8. §. 8. num. 48. Mol. tom. 1. tr. 2. disp. 173. Vasq. de testamen. c. 5. n. 54.

Porro eiusmodi generali legitimatione ciuili consequitur filius illegitimè natus, vt instar legitimorum succedat in hæreditate parentum, & consanguineorum aliorum, non item in paterna nobilitate; in feudo, primo genitura, nisi speciatim expressum fuerit, teste Couar. in epit. p. 2. c. 8. §. 8. n. 4. Quia in generali concessione non veniunt ea, quæ quis non esset verisimiliter in specie concessurus, reg. 81. in 6. Quare neque data alicui potestate legitimandi, censeretur debet concessum, vt ad feuda, vel vt proprios liberos legitimare possit, sicuti docet idem Couar. cit. §. 8. n. 28. & 50. Mol. disp. 173. §. obseruandum. Neque item vt spurios, seu ex damnato coitu ortos legitimare possit. Quinimo talium, qui ex parentibus orti sunt, quorum coniunctio humana lege permitti non poterat, non est proprie legitimatio, seu restitutio natiuitatis legitimæ, quæ intercedere non poterat; sed potius dispensatio, quæuis ea plenissime data sit. Quæ de re Couar. cit. §. 8. n. 16. Vasq. cit. c. 5. n. 48.

Simili ratione per legitimationem à Summo Pontifice absolute collatam, habilis quis efficitur ad sacros ordines, & beneficia, etiam curata, sicuti colligitur ex c. 1. de filijs presbyt. in 6. & docet Vgof. de irregular. c. 44. §. 4. Henric. lib. 8. c. 9. n. 10. Mol. disp. 173. ver. legitimatus à Sum. Pontifice, non tamen ad dignitatem Episcopalem vel Cardinalitiam, secundum Simonem Matolum lib. 1.

de irregul. c. 9. quamvis contrarium sentiat Suarez disp. 30. §. 5. n. 10.

- Notandum verò est, præter legitimatorem absolutè dictam, seu ad Ecclesiastica, seu ad civilia; aliam esse secundum quid, seu ad certum effectum, quæ potius dispensatio quædam est, v.g. super impedimento irregularitatis: cuiusmodi dispensationem Episcopi communi iure illegitimis concedere possunt ad minores duntaxat ordines, & simplicia beneficia, cit. c. 1. de filiis Presbyt. in 6. licet super defectu natalium absolutè dispensare non possint. Et si enim prædictis facultate legitimandi, censetur etiam prædictis facultate dispensandi; non tamen vice versa, uti ex communiore tradit Couar. cit. c. 8. §. 8. numero 26. Mol. citat. disput. 173. ver. observandum est. Qui enim potest quod maius est, potest etiam quod minus est, si id in maiore contineatur. Deinde dispensatus ad ordines, non eo ipso etiam ad beneficia dispensatus censetur: quia ad disparata non sit bonæ illatio, præsertim in materia strictæ interpretationis, uti notat Couar. Clem. si furiosus, p. 1. princ. corol. 5. Auila p. 7. de censur. disput. 3. dub. 6. Religiosi vero natalium defectu laborantes ipso iure dispensati censentur ad sacros ordines, sicuti colligunt DD. ex c. 1. extrâ, de filiis Presbyterorum, ver. nisi aut Monachi fiant, non item ad dignitates, & prælaturas, uti Vgol. notavit, cit. c. 44. §. 5. Sylvest. ver. legitimus, quæst. 1. Nau. cap. 27. n. 201. Auila lo. cit. notan. 5. Molina disp. 173. prope finem.
- Denique sciendum est, quod in dubio quisque censeri debet legitime natus, & non illegitimè; tametsi temporis ordinarij, videlicet novem, aut decem lunarium mensium spatium, quod à conceptione usque ad natiuitatem plerumque intercedere solet, non nihil restringere, vel ampliare oporteat ad legitimam natiuitatem defendendam. Quia, uti Aristoteles testis est lib. 7. de animal. cap. 4. non vnum, sed multiplex pariendi tempus homini naturâ datum est. Nam & septimo mense, & octavo, & nono parere potest, quod plurimum decimo: nonnullæ etiam mulieres undecimum attingunt. Quare ita resoluit Ioach. Mynfinger cent. 6. obser. 40. Si post contractas nuptias ante septimum mensem partus nascatur, non legitimum censeri, argumen. l. septimo, ff. de statu hominum. Rursus si post mortem aut post diuortium exacto mense decimo, non initio mensis undecimi, sed sub finem illius, aut postea proles nascatur, non legitimam censeri, neque ad defuncti hæreditatem admittendam esse. Si autem intra dicta temporum intervalla proles edatur (nisi aliud quippiam obstat) pro legitima habendam fore. Ita colligitur ex l. Gallus, ff. de liberis, & posthumis, l. intestato, §. post decem, ff. de suis, & legitim. hæredibus, Gellio lib. 3. Noct. Atticarum, cap. 16.

CAP. VI.

De bono Sacramenti.

SUMMARIUM.

1. Matrimonium non est ita insolubile, ut eius dissolutio, naturali iuri propriè repugnet. Deus olim dispensavit cum Iudeis, ut ob rationabilem causam licitum esset coniugis repudium.
2. Matrimonium præsertim consummatum, ex prima Dei institutione insolubiliter habet, sacri mysterij causa.
3. Matrimonium ratum, & non consummatum per Religionis professionem omnino dissolvitur: in quo Ecclesia auctoritate, quæ per traditionem accepta est.
4. Auctoritate Papæ matrimonium ratum ob causam gravissimam solvi potest.
5. Nomen iuri æquiuocum est, quia interdum pro lege accipitur, interdum pro potestate, seu facultate aliquid agendi.

6. Nuptia secunda, tertia, quarta, &c. cum veteri, cum nova lege concessa sunt.

Concubina Patriarcharum dicebantur, non quod legitima uxores non essent, sed quia non cum legalibus instrumentis acceptæ erant in communionem bonorum &c.

7. Coniugium unius viri cum pluribus simul uxoribus, non ita naturali iuri repugnat, ut nulla ratione, v.g. Dei dispensatione coonestari possit.

8. Polygamia, seu matrimonium cum pluribus uxoribus est contra primam eius à Deo factam institutionem.

9. Polygamia plurium virorum ad unam uxorem maiorem deformitatem præ se fert, quàm unius viri ad plures uxores.

10. Pœna civiles, quæ directe, ac principaliter in odium secundarum nuptiarum statuta erant, canonico iure sublata sunt, quæ vero directe, ac principaliter in favorem liberorum prioris matrimonij decreta, in suo vigore manent.

11. Probabile est, quod Constitutiones ista locum non habeant in marito ad secundas nuptias transiente. Sed neque in uxore secundò nubente locum habere videntur ante iudicij sententiam.

PER bonum sacramenti intelligi debet indissolubilis nexus coniugum, ut neuter ab altero separari, vel alteri personæ coniungi debeat, sicuti docet S. Aug. lib. 9. super Genes. ad lit. c. 7. lib. 1. de nuptijs & concupisc. c. 10. & lib. de bono coniugij, cap. 14. Magister, & alij Scholastici in 4. d. 33. Supplem. S. Thom. quæst. 49. Eiusmodi enim indissolubilitas ex Dei institutione profecta, sacra significatione, siue mysterio non vacat, ut mox dicam.

Est enim PRIMA QVÆSTIO. An, & quo iure matrimonium indissolubile existat? Respondeo, & dico I. Matrimonium non est ita indissolubile, ut eius dissolutio propriè repugnet naturali iuri. De hac assert. videri potest S. Thom. in 4. d. 33. q. 2. a. 1. Bellarminus lib. 1. de matrim. c. 4. Sanchez lib. 2. disput. 13. Egid. t. 2. disp. 26. dub. 2. Probatur primò: Nam quibus causis res constituitur, eisdem etiam dissolvitur, c. omnis, 27. q. 2. Et, obligationes, quæ mutuo consensu contrahuntur, contraria voluntate dissolvuntur, §. ult. Instit. Quibus modis tollitur obligatio, Nihilque tam naturale est, quàm eo genere quidquam dissolvere; quo colligatum est, reg. 35. ff. Neque vlla ratio affertur, cur non etiam matrimonij contractus, iure naturali præcisè, spectato, per mutuum iustum consensum dissolvi possit; nisi quod talis dissolutio primario fini matrimonij, quæ est proles generatio, & educatio, repugnare videatur. Verùm hac ratione non ostenditur matrimonij solutionem per se, & intrinsecè malam esse, sed solum ratione adiuncti, quod sæpius abest, ut si proles perfectè educata sit, atque ob vxoris senium, sterilitatem, nulla spes generandæ proles super sit. quo casu matrimonij dissolutio magis confert ad proles generationem cum altero coniuge, quàm ut repugnet.

Probatur secundò: Nam Deus, absolutâ potentiâ in lege propriè naturali dispensare non potest, uti docet S. Thom. communiter receptus 1. 2. q. 94. a. 5. & q. 100. a. 8. Si enim lex naturalis est, sequitur ex naturalibus, & per se notis principijs: quæ cum immutabilia sint stantibus rerum naturis, etiam quod ex eis deducitur secundum se immutabile esse constat. Atqui Deus olim dispensavit cum Iudeis, ut ob rationabilem causam, licitum esset repudium coniugis, seu dissolutio matrimonij quoad vinculum, uti apertè colligitur ex cap. 24. Deuteron. & docent multi DD. apud Sanchez lib. 10. disp. 1. numero 7. Quamvis aliqui contrarium sentiant cum Magistro in 4. d. 33. quem ibi sequitur S. Bonau. art. 3. quæst. 1. Richard. licet dubius, art. 3. quæst. 1. A Moyse permissum, id est, non punitum fuisse repudium vxoris, tanquam minus malum, ad vitandum maius, videlicet vxoricidium.

Adde, quod hæc diuortij consuetudo postea etiam ad gentes defluxit, uti constat ex l. 1. 1. & ult. ff. diuortijs, & videri potest Couar. in epit. p. 2. cap. 7. §. 3. nat. Maior in 4. d. 32. q. 2. Neque est improbable, quod docet Veracru p. 2. specul. c. 13. ante Christi aduentum etiam Gentilibus

Gentilibus permittente Deo repudium licuisse, eoque matrimonium verè dissolutum fuisse. Ergo dissolutio matrimonij per se atque intrinsecè naturali iuri non repugnat.

Dico II. Matrimonium, præsertim consummatum, ex primæ Dei institutione, ideòque quasi naturali seu congenito sibi iure, indissolubile est, sacri mysterij causa. Ita S. Aug. lib. 1. de nupt. & concupisc. c. 10. & lib. de bono coniugali, c. 7. & docent Scholastici in 4. d. 33. vbi S. Th. q. 2. S. Bonau. a. 3. Sumitur ex c. 2. Gen. vbi Adam hoc indissolubile vinculum cum vxore vna per diuinam inspirationem, agnouit: *Hoc nunc os ex ossibus meis: propter hoc relinquet homo patrem, & matrem, & adhærebit vxori suæ, & erunt duo in carne vna.* Quem locum Christus apud S. Th. Matth. c. 19. interpretatus est, eo fine, vt matrimonium à prima sui institutione indissolubile, atque deinceps ita seruandum ostenderet: *Itaque, ait, iam non sunt duo, sed vna caro. Quod ergo Deus coniunxit homo non separet.* Et infra: *Moses ad duriciam cordis vestri,* seu ob pronitatem populi Iudaici ad peccandum, ex Dei voluntate permisit vobis dimittere vxores vestras: *ab initio autem non fuit sic.* Ita verò primitus à Deo institutum fuisse, magni sacramenti causa, propter futuram Verbi diuini incarnationem; eandemque ab Adamo prophetico spiritu reuelatam esse, significat Apost. ad Ephes. 5. & docet S. Augustinus lib. 9. super Gen. ad literam, c. 19. & alij Patres apud Suar. 3. p. 10. r. q. 1. a. 3. Quamobrem leges, quæ in tit. Cod. Iustin. tit. de repudijs, & tit. de diuortijs, repudia permittunt, legi Christianæ penitus repugnant.

Porrò licet matrimonium ex ipso met mutuo consensu, ac pactione indissolubilitatem quandam super alios contractus obtineat, maiorem tamen firmitatem per actuale eius vsum, consummationemque acquirit. Cuius ratio est: Quia vti habetur in c. debitum, de bigamis, & tradit S. Th. in 4. d. 27. q. 1. a. 3. q. 2. ad 1. Richar. d. 26. a. 4. q. 3. & d. 27. a. 2. q. 2. Palud. q. 2. a. 2. matrimonium mutuo consensu ratum significat coniunctionem Christi cum Ecclesia per dilectionem charitatis: matrimonium verò carnali copula consummatum significat coniunctionem Christi cum Ecclesia per carnis assumptionem. Cum autem maior & firmior sit, coniunctio secundum carnem assumptionem, quippenunquam quæ ex Dei ordinatione, perpetua & soluenda est, & non tam firma coniunctio per charitatem, quippe quæ mortali peccato soluitur, & aufertur, saltem à singulis Ecclesiæ membris peccantibus, inde hoc discrimen oritur, quod matrimonium inter fideles consummatum perfectam rationem sacramenti obtinens, nullo vnquam casu dirimatur quoad vinculum, sicuti habetur c. 2. de conuers. coniug. c. quanto, de diuortijs, & satis colligitur ex c. 19. Matth. vbi de matrimonio consummato sermonem esse, ex supra dictis constat. Vide Bellarm. lib. 1. de matrim. c. 19. Ratum vero matrimonium & nōdum consummatum solemnī Religionis approbatæ professione penitus dissoluitur, vt alteri coniugi permittum sit ad alias nuptias transire, sicuti habetur in c. desponsatam, c. decreta legalia, 27. q. 2. extrauag. antiquæ, de voto, & c. 2. c. ex publico, c. ex parte, 2. de conuers. coniug. & definit. Trid. sess. 24. de matrim. can. 6.

Quamuis autem plerique Doctores apud Sanch. lib. 2. de matrim. disp. 19. existiment, hanc matrimonij dissolutionem per Religionis professionem, ex iure naturali, vel saltem diuina Christi traditione, ac priuilegio proficisci; mihi tamen placet sententia Henrici Gandauensis quod lib. 5. q. 35. Medina lib. 3. de sacror. hominum continentia, c. 86. & seqq. Less. lib. 2. c. 41. dub. 8. n. 69. Agid. r. 2. disp. 26. dub. 3. concl. 4. sola Ecclesiæ auctoritate, quam per antiquissimam traditionem accepimus, introductum esse, vt per vota solemnī Religionis soluat matrimonium ratum. Si enim matrimonium iure naturali, aut diuino per vota solemnī solueretur, id ipsum etiam fieret per vota simplicia: quandoquidem votorum solemnitas,

& à simplicibus discriminatio solo Ecclesiastico iure introducta est, vt patet ex c. vn. de voto in 6. Atqui per vota simplicia hodie non soluitur matrimonium ratum, vt constat ex cit. extrauag. antiquæ. Fortasse autem olim ita soluebatur, sicuti aliqui colligunt ex facto S. Theclæ, S. Cæciliæ, & S. Alexij, de quibus Bellar. lib. 2. de Monach. c. 38. Sanch. lib. 2. disp. 18. Ergo id non ad ius diuinum, quod immutabile & constans est, sed ad Ecclesiæ auctoritatem referri debet.

Eapropter in c. ex publico, de conuersione coniugati, secundum cōmunem Doctorum interpretationem, præcipitur Iudici, vt coniugi, de Religionis ingressu ante matrimonij consummationem deliberanti, bimestre spatium definiat, intra quod vel propositum Religionis exequatur, vel coniugi suo debitum reddat. Circa quam cōstitutionem aliqua notanda sunt, I. Licet ob auctoritatem DD. apud Sanch. lib. 2. disp. 24. q. 5. satis probabile sit, coniugem, etiam si Religionem ingredi nolit, posse tamen intra bimestre spatium coniugi debitum negare; contrarium tamen est probabilius, quod docet Nauar. c. 16. n. 27. Angelus ver. debitum, n. 14. Agid. disp. 26. dub. 4. concl. 2. Quia potestas coniugi per matrimonij contractum in corpus coniugis acquisita restringi non debet, nisi quatenus talis restrictio legitimo iure fundata est: atqui sacri canones nusquam restringunt, neque rationabiliter possunt restringere coniugi ius & potestatem exigendi carnalem copulam, nisi in casu, quo alter coniunx Religionem ingredi cogitat. Ergo, &c.

II. Et si coniunx post tempus bimestre, vel aliud Iudicis arbitratu definitum, teneatur coniugi exigenti coniugale debitum reddere, si tamen quamuis iniuste negato debito, & nondum consummato matrimonio, ad Religionem transeat, reuocari non potest, sicuti notauit Gl. cit. c. ex publico, ver. intra duorum, Syl. ver. votum, 5. q. 3. dicto 1. Sanch. cit. disp. 24. n. 27.

III. Dicta facultas ingrediendi Religionem ante matrimonij consummationem, intelligitur ad Nouitiatum, in quo integro anno persistendum est probationis causa, vel etiam diutius vsque ad expletum annum xvi. ætatis, iuxta Trident. sess. 25. c. 15. de Regul. & docet Nau. lib. 3. consil. 1. de conuers. coniugati. edit. 2. Henrici lib. 12. c. 5. n. 8. Sanchez citat. disput. 24. n. 4. Agid. citat. dub. 4. concl. 3.

IV. Si intra tempus à iure, vel à Iudice definitum ad deliberandum de Religionis ingressu, maritus coniugem deliberantem per vim opprimat, matrimonium indissolubile redditur quoad vinculum, quippe per veram, vt ponimus, copulam consummatum. Nihilominus tamen in hoc casu probabile est, vxorem ingredi, & inter viduas, & coniugatas profiteri posse, nisi exinde proli incommodum timeatur, sicuti docent DD. apud Abb. in cap. 2. de conuers. coniugati. in fine, & sequitur Syl. cit. q. 3. & ver. diuortium, q. 5. P. Ledesma de matrim. q. 61. a. 1. Rodriq. t. 1. sum. c. 239. concl. 2. Sanchez disput. 22. num. 6. Agid. concl. 7. Quia nemo sine culpa iure suo priuari debet, c. discretionem, de eo qui cognouit consanguineam: Vxor autem eo bimestri spatio per canonis beneficium libera à reddendo debito, habebat ius & facultatem Religionem ingrediendi: Ergo hoc iure & facultate per iniuriam mariti priuari non debet; ne is ex iniquitate sua commodum ferat, ipsique proprius dolus patrocinetur. Quamuis non pauci Doctores apud Sanchez numero 5. contrariam sententiam amplexi sint.

Porrò controuersum est, vtum matrimonium ratum, ob aliam quoque causam grauissimam, per Ecclesiæ, seu summi Pontificis auctoritatem solui possit: ita vt utrique patri libertas relinquatur aliud matrimonium contrahendi. Multi Doctores negant, quorum Catalogum reperies apud Sanchez lib. 2. disputat. 14. Probant primò: Matrimonium ex lege diuina indisso-

lubile est: Pontifex autem non potest dispensare in lege diuina, c. sunt quidam, & sequent: 25. q. 1. Quamobrem ipsemet Christus Matth. 19. de matrim. dixit: *Quod Deus coniunxit, homo non separet*. Secundò Ecclesia, vel eius caput Sum. Pontifex non potest mutare sacramenta: Matrimonium autem ex Christi institutione sacramentum est. Ergo non potest Ecclesie auctoritate solui ac mutari. Tertio; Matrimonium ratum non nisi accidentaliter differt à consummato: Si ergò Ecclesie auctoritate solui potest matrimonium ratum, videtur etiam, solui posse consummatum: consequens autem est falsum.

4 Verum contraria sententia est vera, quã docent Canonistę in cit. c. ex publico, Caiet. t. 1. opuscul. tr. 28. de matrim. quęst. vnic. Syl. ver. diuortium, quęst. 4. Nauarrus cap. 22. numer. 21. Medina lib. 5. de sacrorum hominum continentia, cap. 88. Henriquez lib. 11. c. 8. num. 11. Bellarm. lib. 2. de Monach. c. 38. Sanchez cit. disput. 14. num. 3. Egid. disput. 26. dub. 3. concl. 1. Probatur ex praxi: Nam sæpius auctoritate Sum. Pontificis matrimonium ratum dicto modo dissolutum fuisse, testantur Caiet. Nau. Henriquez post S. Anton. 3. p. tit. 1. cap. 21. §. 3. Idque etiam inde confirmatur. Nam Summus Pontifex ob grauem causam soluere potest vinculum professionis religiosę, secundum doctrinam Gl. c. cum ad monasterium, §. ult. de statu Monachorum, Henric. Gandauensem quodlibet. 5. quęst. 28. Palud. in 4. dist. 38. quęst. 4. a. 1. Caiet. 2. 2. quęst. 88. a. 11. Viualdum in candelabro de matrimonio, vbi de impedimento voti, n. 20. Ergò etiam matrimonium ratum, probatur consequentia ex illo vulgato: *Si possum vincere vincentem te, possum etiam vincere te*: Igitur si auctoritate Ecclesie solui potest, & quasi euinci vinculum religiosę professionis, per quod soluitur, & quasi euincitur matrimonium ratum, sequitur eadem Pontificis auctoritate matrimonium ratum dissolui posse.

Neque refert, siue dicas, hanc dissoluendi vim religiosę professioni ex iure diuino; siue dicas, ex iure Ecclesiastico competere. Si enim prius, apparet maximum esse vinculum religiosę professionis, vt si huius ex iusta causa dissoluendi à Christo potestas Ecclesie concessa est, fateri debeamus, etiam ad minus vinculum matrimonij rati dissoluendum Ecclesie potestatem concessam esse. Sin verò posterius, quod suprà à nobis ostensum fuit, tunc eadem ratione, qua per Ecclesie auctoritatem vniuersim constitutum introductumque fuit, vt per vota Religionis solemnia, quippe quibus homo arctissime cum Deo, & Religione coniungitur, matrimonium antè celebratum, sed non consummatum dissolueretur; ita etiam dicimus, per Ecclesie, seu Sum. Pontificis auctoritatem, ob aliam grauem causam, & publicam vtilitatem decerni posse, vt vinculum matrimonij rati ante eius consummationem dissoluatur.

Ad primum argument. respon. Matrimonio cum suapte natura, tum ex Dei institutione maiorem indissolubilitatem inesse, postquam per eius consummationem vir & femina veluti vna caro facta est: quare etiam Christus apud Matth. cap. 19. verba illa, *Quod Deus coniunxit, homo non separet*, de eodem consummato matrimonio subiunxit. Verum quidem est, matrimonium etiam ratum secundum primæuam Dei institutionem, indissolubilem, seu indiuiduam societatem continere, ita vt mutua ipsorum coniugum voluntate dissolui nunquam possit, quamuis auctoritate Ecclesie, seu Sum. Pontificis possit.

5 Neque verò per hanc dissolutionem soluitur, aut laxatur lex diuina, nec propriè hinc aliqua dispensatio legis accidit. Pro cuius intellectu aduerte: Quemadmodum in voto, ac iuramento proximè, ac directè remittitur ius Deo acquisitum, seu soluitur vinculum obligationis erga Deum, per commissionem Ecclesie, cuiusque Sum. Pastori factam: *Quidquid solueris super terram, erit*

solum & in cælis, Matth. 16. Indirectè verò & consequenter aufertur lex diuina de voto obseruando, quippe quæ eo ipso desinit, quòd vinculum voti legitima potestate ablatum est. Ita similiter lex diuina iubet vinculum matrimonij, etiam nondum consummati, perpetuò consistere, præterquam si Ecclesie dissoluentis auctoritas accedat: ea autem accedente, directè quidem soluitur vinculum matrimonij, sed lex diuina tantum indirectè, & per accidens amouetur, quando apponitur conditio per quam lex diuina obligare iam desinit.

Ad secundum respon. cum Sanchez citat. disp. 14. ad 5. Pontificia auctoritate non mutari essentiam, & institutionem sacramenti, sed fieri, vt per auctoritatem Ecclesie dissoluto contractu, in quo ratio sacramenti fundatur, vir & mulier desinant esse sacrum symbolum.

Ad tertium resp. Consummationem matrimonij esse quandam integram eius perfectionem, quæ etiam secundum Christi institutionem sacri mysterij causâ maiorem indissolubilitatem tribuit: quare non sequitur, si matrimonium ratum solui possit, etiam consummatum posse.

QVÆSTIO SECUNDA. An, & quo iure polygamia 6 prohibita sit? Respondeo, & dico I. Coniugium alterum, tertium, quartum &c. contrahere post mortem prioris coniugis, licitum est, tum veteri, tum Evangelica lege. Est assertio de Fide, contra Montanum, & Cataphrygas, qui secundas nuptias fornicationem dixerunt, teste S. August. lib. de hæresibus cap. 26. Quibus etiam Tertullianus adhæsit, vt apparèt ex lib. eius de monogamia, & testatur S. August. cap. 86. Item contra Novatianos, qui se Catharos appellabant, teste Conc. Nicæno can. 8. August. cap. 38. Quam heresim refutat Apostolus ad Rom. 7. & 1. ad Corinth. 7. *Si dormierit vir eius, libera est: cui vult nubar*, in quæ verba vide S. Aug. lib. de bono viduitatis, c. 12.

Dico II. Coniugium vnius viri cum pluribus simul 7 vxoribus voluntariè desponsatis, non ita naturali iuri repugnat, vt tanquam intrinsecè malum, sicuti periurium, blasphemia &c. nullo casu cohonestari possit. Ita docet S. Aug. lib. 16. de ciuit. c. 38. & lib. 22. contra Faustum, c. 47. Abulensis in c. 19. Matth. q. 30. S. Thom. in 4. a. 1. q. 1. Palud. q. 1. a. 1. Michael Medina lib. 4. de sacrorum hominum continentia, controu. 1. c. 9. Veracrux p. 2. spec. a. 15. concl. 1. & Martin. Becanus in analog. veter. ac noui testam. cap. 21. conclus. 2. & 3. Egid. disp. 26. dub. 2. Quamuis aliqui apud Bellarm. lib. 1. de Matrimon. cap. 10. Sanchez lib. 7. disp. 80. contrarium sentiant. Ratio verò assertionis est: Quia talis polygamia ex proprio obiecto malitiam non habet, sed solum ex adiunctis incommodis, quæ in certis casibus abesse, vel alijs maioribus incommodis compensari possunt. Accedit, quòd quæ intrinsecè, ac necessaria mala, & iuri naturali aduersantia sunt, à Deo concedi nunquam possunt. Constat autem, olim Deum concessisse Patriarchis, vt plures simul vxores licitè accipere possent. Ergo talis polygamia non ita propriè iuri naturali aduersatur. Causa autem, cur Deus olim polygamiam concesserit, partim vtilitatis erat, vt genus Abrahę tantò amplius multiplicaretur, partim sacri mysterij, ad significandum duas Ecclesias Dei, Synagogam scilicet Iudeorum, ac Gentium fecundatam multitudinem, sicuti Apost. ad Galat. 4. explicat, ex c. 21. Genes. de Sara, & Agar, & videri potest Couar. in epit. p. 2. c. 7. §. 3. num. 1. vbi ostendit, eandem consuetudinem plures vxores ducendi postea ad Gentiles quosdam defluxisse, vt manifestum est ex cap. 26. & 28. Gen. & annotauit etiam S. August. 11. suprà citatis.

Neq; obstat, quòd in Scriptura concubinae appellantur, vt mulieres ille, quæ præter præcipuam viro adhærebant, vt videre est Gen. c. 25. Non enim ita appellabantur, quasi vxores

vxores legitimæ non essent; sed quia non cum legalibus instrumentis acceptæ in bonorum communionem, vt familiæ gubernatrices, eorūque filij paternorum bonorum hæredes esse possent, sed solum in societatem torij, sicuti colligitur ex cit. c. 25. Gen. & talis concubinæ, quæ tamen vera vxor erat, mentio etiam fit in l. si vicinis, C. de nuptijs, Conc. Tolet. r. can. 17. relato in c. 4. d. 34. vbi videri potest Gl. Gregoriana, Maior in 4. d. 33. q. 1. contra r. concl. ver. Tertio arguitur, Greg. Tholos. lib. 10. syntag. c. 1. n. 16. Bellarm. lib. 1. de matrim. c. 11. Adde etiam, quod interdum non vna sola, sed plures, vt dominæ cum legalibus instrumentis accipiebantur, vt Rachel & Lya, Gen. 29.

8 Dico III. Polygamia, seu matrimonium cum pluribus vxoribus est contra primæuam eius institutionem à Deo factam, Gen. 2. *Quamobrem relinquet homo patrem suum, & matrem, & adhærebit vxori suæ; & erunt duo in carne vna.* Si autem vir vnus duas vxores habeat, non erunt duo in vna carne; sed potius diuisio in plures carnes, sicuti annotauit Innoc. III. in c. gaudeamus, de diuortijs. Quamobrem Christus Matt. 19. & Marci 10. matrimonium in lege Euangelica, secundum primæuam Dei institutionem celebrandam esse ostendens, inquit, adulterium esse, si quis dimissa vxore, (multoque magis si reuera) aliam ducat: vt hinc manifestò appareat, pluralitatem vxorum diuinæ legi, & institutioni repugnare, ideoque illicitam, ac nefariam esse, nisi quatenus per Dei voluntatē concessa erat Patriarchis, & antiquioribus Iudæis, postea verò circa Christi aduentum penitus talis concessio sublata fuit; vt exinde rectè Innocent. in cit. c. gaudeamus responderit, Gentilem polygamum ad Christianam Fidem conuersum, compellendum esse, vt primæ vxori, alterâ relicta, adhæreat.

9 Dico IV. Polygamia plurium virorum ad vnam vxorē in primis est contra primæuam matrimonij institutionem, deinde spectata naturā, ac sine matrimonij, maiorem etiam deformitatem præ se fert, & incōmoda annexa habet, quàm altera polygamia; quamuis nōn ita, vt Deus absoluta sua potestate eam concedere non posset. Ita contra multos Doctores sentit Maior in 4. dist. 33. q. 1. in 1. argument. contra r. conclus. Petrus Ledesma quæst. 65. a. 2. dub. 2. conclus. 2. Sanchez cit. disput. 80. numer. 15. Agid. Coninck cit. disp. 26. dub. 2. conclus. 5. Sciendum enim est, quod etiam alibi annotauit: Quasdam hominis actiones ab obiecto suo ita accipere malitiam, vt ea separabilis non sit, v.g. Deum odisse, blasphemare, mentiri: quasdam verò actiones malas esse, & repugnantes iuri naturali, quæ tamen cohonestari possunt, si talium exercendarum actionum ius conferatur ab eo, qui potestatem habet. Sic v.g. furtum siue acceptio rei alienæ, quæ per se mala censetur, si fiat domino inuito, statim cohonestatur, si is consentiat. Et occisio innocentis, quæ per se mala reputatur, eo ipso cohonestatur, si Deus Dominus humanæ vitæ, consentiat, seu iubeat: Sic etiam polygamia omnis, præsertim ea quæ est plurium virorum cum vna fœmina, ideo vel maxime iuri naturali repugnat, quia Deus, qui solus humanorum corporum dominium retinet, non aliter concessit corporum potestatem ad vsum generationis; nisi per vinculum indissolubile vnus cum vna. Quare si aliter fiat, repugnant homines non tantum iuri diuino; sed etiam naturali: sin autem Deus licentiam det, tunc neutri repugnatur. Ex quo etiam intelligitur, quod Deus polygamiam permittendo non propriè in ea dispenset, sed afferat conditionem per quam illicita esse desinat, ad eum modum, sicuti si iubeat innocentem occidi, vel rem alienam à suo domino auferri.

10 QVÆSTIO TERTIA. Vtrum pœnæ iure civili statuta ad secundas nuptias transeunti, canonico iure sublata sint? Respondeo, & dico I. Pœnæ, quæ directè, ac principaliter in odium secundarum nuptiarum civili iure

re statuta erant, penitus sublata censi debent. Hæc est communis sententia apud Sanchez lib. 7. de matrimon. disput. 87. num. 23. ex c. ult. de secundis nuptijs, vbi ratio indicatur, quia hæ pœnæ à secundis nuptijs arcentes, repugnant libertati matrimonij à Christo permisso, secundum Apostoli doctrinam ad Rom. 7. 1. ad Corinth. 7. Tales pœnæ sunt: I. Vt mulier intra annum luctus (numerandum à die obitus mariti) nubens, efficiatur infamis, l. 1. Cod. de secun. nupt. II. Vt posteriori marito non possit donare, aut testamento relinquere, vltra tertiam partem, cit. l. 1. III. Vt nihil à marito per donationem, aut vltimam voluntatem lucrari possit, & ferme etiam aliarum successionum incapax sit, sicuti legere licet in cit. l. 1. Vide etiam l. si qua mulier, Cod. ad S. C. Tertullian.

His adde, quod dictas pœnas incurrat etiam mulier, si intra annum viduitatis fornicata sit, sicuti constat ex Auth. de restitut. & ea quæ parit, &c. prope finem. Neque quoad hoc, cum iustè sint, canonico iure correctas esse, ex communi testatur Sanchez cit. lib. 7. q. 90. num. 1.

Dico II. Pœnæ, quæ ad alias nuptias transeuntibus civili iure directè, ac principaliter in fauorem liberorum prioris matrimonij decretae sunt, in suo vigore permanent. Est cōmunis apud eundem Sanch. q. 88. n. 39. contra Abb. in c. Ecclesia, num. 15. & in repetit. numero 20. de constitut. Ratio est: Quia non sunt propriæ pœnæ, sed potius prouisiones, ac fauores liberorum: nec simpliciter à secundis nuptijs retrahunt, sed sub conditione, si coniunx bonis occasione prioris matrimonij prouenientibus, potiri velit.

Tales pœnæ, seu potius prouisiones sunt: I. Coniunx transeundo ad secundas nuptias amittit proprietatem bonorum prouenientium à coniuge defuncto; vt proinde ea neque alienare, neque vltima voluntate cuiquam relinquere possit; sed filijs prioris matrimonij ex æquo inter ipsos diuidenda, relinquere cogatur. Ita habetur l. fœminæ, l. Generaliter, l. Hac edictali, Cod. de secun. nuptijs, & Authent. de nuptijs, §. si verò expectet. & §. Sed quod sancitum est; collat. 4. II. Coniunx ad secundas nuptias transiens, non potest suo coniugi donatione, aut vltimæ voluntatis dispositione, plus relinquere, quàm vlli liberorum prioris matrimonij, cit. l. Hac edictali. III. Mater transiens ad secundas nuptias, priuatur tutela liberorum ex priore matrimonio susceptorum. Auth. Sacramentum, Cod. Quando mulier tutelæ officio fungi potest. Quia suspicio est malè administraturam esse, propter affectum erga nouum maritum, & ex eo suscipiendam prolem. IV. Si mater ad secundas nuptias transeat, meretur vt educatione liberorum prioris matrimonij priuetur, l. 1. Cod. Vbi pupilli educari debent. V. Si mulier hæres ab intestato extitit alicui liberorum ex priore matrimonio, non acquirit plenum dominium, sed solum vusufructum bonorum, quatenus ea ex paterna substantia proueniunt; quare ea alienare, vel per vltimam voluntatem alteri relinquere omnino prohibetur: sed alijs eiusdem matrimonij liberis referuantur, si superstites sint: attamen, ex testamento, filij, imò etiam ab intestato, si alius filius, aut filia non superstit, pleno iure succedere potest. Ita habetur in cit. l. fœminæ, §. illud etiam addimus, & Auth. ex testamento, C. de secundis nuptijs.

Porro, cum in his constitutionibus solum mentio fiat matris ad secundas nuptias transeuntis; meritò dubitatur, an hæc multa similiter locum habere debeat in marito alteram vxorem ducente? Quamuis autem communis sententia affirmet apud Andr. Gaill. lib. 2. obseruat. 98. aliqui tamen non improbabiler negant, inter quos Andr. Fachinus lib. 3. controu. c. 64. Quia si Imperator etiam patrem sua illa constitutione comprehendere voluisset, id expressisset; sicuti expressit in casu

generaliter, C. de secund. nupt. & Auth. de secundis nuptijs, §. Si verò expectet; ut quæ vel vxor ex bonis mariti; vel vice versa, maritus ex bonis vxoris dissoluto matrimonio consecutus est eiusdem matrimonij liberis referuare cogatur. Præsertim cum ratio disparitatis affignari possit; quia alioquin maritus plerumque nihil omnino ex demortui filij hereditate consequeretur: quandoquidem usufructus bonorum iam antè ad ipsum pertinebat. Igitur, quod attinet ad maritum, videtur standum esse constitut. Auth. de non eligendo secundò nubentes, §. cum igitur.

Dico III. Constitutiones istæ, de quibus in secunda assert. dixi, non videntur in conscientia obligare ante Iudicis sententiam. Ratio est: Quia tamen, quatenus ad liberorum promissionem spectant, fauorabiles sint, tamen comparatione ipsius transeuntis ad nuptias secundas, exolæ sunt, & quodammodo pœnales, seu ad similitudinem pœnalarum latæ, sicuti colligitur ex cit. Auth. de nuptijs, §. Sin verò expectet ibi; Et hæc communis viri, & mulieris mûlta sit posita. Ad mûltam autem nemo obligatur ante Iudicis sententiam.

Confirmatur primò: Quia est communis sententia apud Sanchez quæst. 89. num. 43. Andr. Gaill. cit. obseruat. 98. num. 19. contra Sarmientum lib. 1. sect. c. 4. Fachin. lib. 3. controu. c. 65. Dictis constitutionibus locum non esse, si coniunx ante mortem suam, vel liberi ex eo suscepti in secundas nuptias consentiant. Quid autem si nolint consentire? cum tamen secundum Christianum, & diuinam legem, matrimonium impedire non possint: quandoquidem viduus, aut vidua lege soluti, sui que in hac re arbitrij sunt. Profectò in hoc casu perinde in conscientia foro esse debet, ac si coniunx, vel liberi consensum præstitissent.

Confirmatur Secundò: Quia sententia, quam assert. præced. docui, licet communis sit, tamen non est certa, & contraria Abb. & aliorum probabilis. Quia leges illæ, quamuis fauorem filiorum contineant, quasi illæ tamen nituntur odio secundarum nuptiarum, quasi illæ minùs honestæ sint, & iunctæ cum aliqua iniuria erga priorem maritum, impietatem erga liberos, sicuti constat ex Auth. de nuptijs, §. si autem tutelam, & Auth. de non eligendo secundò nubentes, in princip. & §. de nuptijs, §. venient autem. Quamobrem etiam pœnæ, ac mûltæ appellantur.

Hinc resolues; Si vir susceptis ex primo matrimonio liberis, defuncta vxore diuite, aliam pauperem duxit, licet iure ciuili prohibeatur, illi plus, quam vnliberorum suorum relinquere, attamen coram Deo nihil peccaturum, si supra id, quod lege concessum est, moderatam quippiam mulieri clanculum donet, quò post mortem suam se honestè alere possit. Cum enim id extraneo cuius donare, aut legare possit absque peccato; cur non etiam vxori indigenti, & de se, ac liberis suis bene meritis? Fateor quidem, quòd liberi (secundum communem sententiam priore assert. traditam) per beneficium legis ciuilis, dictam donationem excedentem, rescindere possint; priusquam tamen rescindatur, puto eam consistere, ut naturalem effectum pariat, transferendi domini rei donatæ in vxorem, secundum iustam donatoris defuncti voluntatem.

CAP. VII.

De diuortio.

SUMMARIUM.

- 1 Diuortium quoad torum mutuo interdum consensu fieri potest: causa pietatis, vel alia honesta. Sancti patres exempla memorant coniugum fideliæ, mutuo consensu continentiam vouentium.
- 2 Coniunx Religionem ingredi potest, cum consensu alterius coniugis simul ingredientis, vel in seculo edito continentia voto permanentis: modò tunc eius ætatis sit, ut extra probabile incontinentia periculum versetur: Idemque dicendum est, si maritus sacrum Ordinem suscepturus sit.
- 3 Ad Episcopum pertinet dispicere, utrum vxor in hoc casu extra incontinentia periculum existat; quare conuenit ab eo licentiam petere: quamuis etiam sine petita licentia professio valitura sit.
- 4 Si coniunx absque coniugis consensu Religionem profiteatur professio irrita est. Quare reuocari, imò sponte egredi potest, tamen post mortem coniugi ad alias nuptias transire prohibetur.
- 5 Si coniugatus cum consensu alterius coniugis, nec Religionem ingrediens, nec in seculo votum continentia edentis, profiteatur, officio Ordinarij reuocari potest ad vxori debitum reddendum, ea autem mortua ad Monasterium redire cogitur, quia professio valida fuit. num. 5.
- 6 Si coniunx licentiam ingrediendi Religionem coniugi liberè concessit, censetur se obligasse ad perpetuam continentiam, imò et ad Religionis ingressum, si iuuenis, aut de incontinentia suspectus sit. Necesse tamen est, quòd fuerit conscius iuris ita disponentis, quòd de vxore in dubio non præsumitur.
- 7 Si unus coniugum adulterium commiserit, alter eo ipso acquirit ius instituendi diuortij quoad torum, & cohabitationem, remanente tamen substantiali vinculo. Nomine adulterij hoc loco accipi debet omni consummatus concubitus cum altero supposito.
- 8 Maritus, & vxor in iure diuortij, propter adulterium instituendi, æquales sunt.
- 9 Separatio coniugum quoad habitationem propter commissum adulterium Ecclesia sententiam requirit, nisi causa notoria sit, vel maritus alio prætextu se separare possit, ita ut scandalum euitetur.
- 10 Si coniunx in causa non notoria à coniuge sine iudicio Ecclesia repulsus sit, ante omnia eum Iudex eius officium imploratur, in pristinum statum restituere debet, & postea causam diuortij cognoscere, compulso altero ad probationes proferendas.
- 11 Si coniunx repulsus fuerit prætextu impedimenti dirimentis, v.g. ob consanguinitatem, petita restitutione, si probationes incontinenti afferantur, restituendus est quoad omnia alia, excepto toro, idque propter periculum fornicationis, si fortè impedimentum subsistat.
- 12 Coniunx innocens post coniugis perspectum adulterium Religionem profiteri, vel sacrum ordinem accipere non prohibetur. Si coniunx adulter semel, aut iterum monueris alterum coniugem, ut post suam emendationem recipiatur, non exauditis Religionem ingredi, ac profiteri, vel sacros Ordines accipere potest.
- 13 Certi casus sunt, in quibus coniugi diuortium non permittitur propter coniugis adulterium: videl. si graui metu compulsus in adulterium consensit: si per ignorantiam ad non suam accessit: si etiam alter coniunx criminis particeps fuit, vel etiam ipse fornicatus.
- 14 Si post vnus vel vtriusque adulterium coniuges reconciliati sint, censetur ius matrimonij restitutum, perinde ac si crimen nullum antecessisset: quare si alter iterum coniunx postea fornicatur, alter acquirit ius diuortij. Si post sententiam diuortij Iudicis auctoritate factam, etiam alter coniunx adulterium committat, non obligatur ad recipiendum coniugem, nisi Iudex ex officio compellat ad occurrendum probabili pecculo incontinentia.
- 15 Coniunx à coniuge adultero separare se potest, sed non debet ex necessitate præcepti per se, & ordinariè loquendo, nisi id necessarium sit ad procurandam emendationem coniugis, vel ad scandalum vitandum, ne maritus crimini vxoris separelabanti indulgere videatur.
- 16 Coniunx innocens post restitutum diuortium coniugem emendatum reuocare iure suo potest, sed ad id non obligatur.
- 17 Alia causa instituendi diuortij sunt: Lapsus in hæresin: Grane periculum

periculum anima, aut corporis, quod ex cohabitatione coniugis timeretur: Graues, & frequentes discordia, quibus innocentis cohabitatio nimis molesta, ac intollerabilis redditur, quod Iudicis arbitrio committimus.

18 Si causa diuortij propter graue periculum corporis, aut anima notoria sit, propria auctoritate separatio fieri potest, per se loquendo: interim tutius est, imò ratione scandali vitandi plerumque necessarium, vt Iudicis Ecclesiastici officium imploretrur, nisi periculum in mora sit.

19 Facto diuortio inter coniuges, liberi ordinariè manere debent penes innocentem, expensis patris, si is diuortio causam dedit: Sin contrà, apud patrem, expensis matris locupleis, saltem post Iudicis sententiam.

DIUORTIVM duobus modis accipitur: Primo pro separatione coniugum dissoluto eorum matrimonio quoad vinculum, vt videre est tit. ff. & C. de diuortijs. Secundo pro separatione coniugum duntaxat quoad torum, vel etiam habitationem. Hoc posteriore modo acceptum diuortium duobus titulis institui potest. Quorum primus est mutuo consensus ob maiorem vitæ perfectionem, aliamue honestam causam. Idque varijs modis fieri potest: I. Si vt melius Deo seruiant coniuges, vel ne proles eorum supra facultates multiplicetur, mutuo consensu in perpetuum, vel ad tempus toro separentur, nullo edito voto. Quæ coniugum conuersio (si ex causa iusta, & non ex odio, vel ira fiat) licita est; quamdiu incontinentiæ periculum alteri non imminet, sicut colligitur ex Apoll. 1. ad Corinth. 7. Nolite fraudare inuicem, nisi ex consensu ad tempus, vt vacetis orationi: & iterum reuertimini in idipsum, ne tentet vos Satanas, propter incontinentiam vestram.

II. Si mutuo consensu, ambo coniuges continentiam voueant. cuius rei commendata exempla multa reperies apud Patres Basil. in regulis fusiùs disputatis, interrogat. 12. Hilarius Arelatensem in epist. ad S. August. quæ habetur tom. eius 7. S. Paulinum lib. 4. epist. 3. ad Aprum, S. August. epist. 199. ad Eeditiam, & in lib. de bono coniugali, cap. ult. Theodoretum lib. 4. hist. c. 1. Greg. 1. lib. 9. indict. 4. epist. 39. Gregor. Turonensem, de gloria Martyrum, cap. 32. Pelagium, seu Gelasium Papam in c. de Syracusanis, d. 28. Quamuis propter incontinentiæ periculum consilium non est coniugibus continentiam vouere; nisi præmissa matura deliberatione, & longa experientia, quod faciliè continentibus ambo esse possint: atque post editum votum toro eos separari oportet.

III. Si uterque coniunx mutuo consensu Religionem ingrediatur, vel vno ingrediente, aut marito sacrum ordinem cum consensu vxoris suscipiente, alter quoque perpetuam cōtinentiam promittat, vt habetur in Concil. Agathensi, cap. 16. & in cap. 1. c. coniugatus, c. vxoratus, de conuers. coniugat. & colligitur ex verbis Christi Matth. 19. Omnis qui reliquerit domum, vel fratres, aut sorores, aut patrem, aut matrem, uxorem &c. centuplum accipiet. Eodemque modo Apostolos, qui ante vxorati fuerant, relictis vxoribus, Christo adhæsisse, & Euangelium prædicasse, inter alios testatur S. Hieron. epist. 50. ad Pamachium contra Iouinianum, & lib. 1. aduersus Iouinianum: Habuerunt quidem Apostoli uxores, sed quas eo tempore acceperant, quo Euangelium nesciebant. Qui assumpti postea in apostolatum, relinquunt officium coniugale.

Sunt verò hoc loco aliqua aduertenda: Primum. Non sufficit solus consensus coniugis, vt alteri licitum sit Religionem ingredi; sed requiritur, vt vel ambo ingrediantur, vel is, qui in seculo mansurus, & votum perpetuæ continentiæ editurus est, ea ætate sit, vt extra probabile periculum incontinentiæ esse videatur. Ita habetur in c. cum sis, & c. ad Apostolicæ, de conuers. coniugato. Idemque eadem ratione dicendum, si vir sacrum ordinem suscipere velit, sicuti apertè habetur cit. cap. 16. Concil. Agathensis, quod refertur in c. Episcopus, dist. 77. & ex communiore docet Abb. in cit. coniugatus, n.

4. de conuers. coniug. Syluest. ver. diuortium, quæst. 17. dicto 2. Nauar. cap. 22. man. num. 52. & lib. 3. consil. 13. de conuers. coniugatorum, edit. 2. Sanchez lib. 7. disp. 39. n. 6. Coning. disp. 35. dub. 6. concl. 4.

Potro dispicere, vtum vxor, quæ edito voto in seculo mansura est, extra incontinentiæ periculum existat, ad Episcopum pertinet: idèoque conuenit vt ab eo licentia petatur, sicuti colligitur ex c. si vir & vxor, 27. quæst. 2. & notauit Glos. in cap. 1. de conuers. coniugat. ver. reuocari. Vide etiam Glos. & Abb. in c. vxoratus, num. 7. eod. tit. vbi notant, licentiam Episcopi postulandam quidem esse, sed ad substantiam, & valorem professionis non requiri. Imò Sanchez lib. 7. disput. 32. num. 3. arbitrat, eam non ex præcepti necessitate, sed tantum ex consilio, & ad maiorem securitatem exigi. Contrarium verò docet Richar. in 4. dist. 32. a. 2. quæst. 3. Glos. in cit. cap. 1. de conuers. coniugat. ver. reuocari. idque in praxi obseruari solet.

Alterum aduertendum. Si coniunx sine consensu alterius coniugis, Religionem professus est, professio irrita est, sicuti expressè habetur in c. quidam, de conuers. coniugat. Idemque dicendum, si graui, & iniusto metu, aut dolo consensus à coniuge extortus fuit, vt colligitur ex cap. veniens, & c. accedens, eod. tit. & ex communi docet Sanchez lib. 7. disp. 35. Ex quo sequitur, talem ita inualidè professum ab altero coniuge ex Monasterio reuocari posse: imò valdè probabile est, quod coniunx ita professus propria auctoritate exire, & se coniugi suo restituere possit; imò debeat, sicuti colligitur ex S. August. epist. 45. ad Armentarium, & Riparium, relato in c. vna sola, 33. quæst. 5. vbi id Glos. notauit, ver. corrigenda. Quinetiam post mortem coniugis, si inualidè professus professionem suam neque expressè, neque tacitè ratificauit, egredi posse, contra Palud. in 4. distinct. 25. q. 3. d. 2. Nauar. lib. 3. consil. 5. num. 2. de conuers. coniugat. edit. 2. & alios, sentiunt DD. non pauci apud Sanchez lib. 7. disp. 34. & 35. argument. cit. c. quidam, vbi proposito casu de quodam, qui inuita vxore Religionem professus, & ideo ex Religione reuocatus fuerat, vtum soluto matrimonio per mortem coniugis, cogatur reuerti ad Monasterium, an verò vxorem aliam ducere possit: Respondit Alexander III. Non obligari ad reditum, cum professio irrita fuerit; propterea quod corpus tunc obligatum vxori, non potuerit vlla promissione obligare Monasterio, vt docet etiam Gregor. I. relatus in c. Agathosa, 27. quæst. 2. & videri potest Sanchez cit. disput. 34. numero 10. vbi benè notat; Sicuti si coniugatus verbis de præsentē obliget se alteri mulieri ad perpetuam vitæ societatem, nulla inde obligatio, ne sponsaliorum quidem, oritur; ita similiter si coniugatus inuita vxore obliget se per professionem Religionis ad perpetuam obedientiam & nulla inde erga Religionem, ne simplicis quidem voti obligatio contrahitur.

Additur verò in cit. c. quidam, quod talis inuita vxore inualidè professus, illa mortua, alias nuptias contrahere non possit. Ratio est: Quia præsumptio est, quod vouēs se voluerit obligare modo eo, quo potuit, secundum illud vulgatum apud Abb. cit. c. quidam, num. 3. Si non valet, quod ago, volo vt valeat, sicuti valere potest: at verò maritus inuita vxore ad duo se obligare potest, & vt coniugij debitum non petat, & vt post mortem vxoris continentiam seruet: quare cum hæc duo in professione religiosa, quippe ad omnem continentiam se extendentes, tanquam pars in toto includantur, ideo præsumptio iuris est, quod saltem hæc duo promittere voluerit maritus, si professio eius non valeret. Quæ tamen præsumptio in conscientia foro veritati cedere debet, si animus vouendi continentiam non erat, nisi dependentè à professionis valore.

Tertium aduertendum. Quotiescunque coniugatus, consensiente altero coniuge, quamuis illicitè Religio-

nem professus est, valet professio, iuxta cit. c. ad apostolicam, & c. ex parte i. de conuers. coniugat. Ex quo talis decisio colligitur: Licet maritus cum spontaneo vxoris consensu, nisi & ipsa conuertatur, vel in seculo, si senex sit, votum continentiae edat, de iure Monasterium ingredi non possit, ideoque etiam post professionem Ecclesiastici Iudicis officio reuocari queat, ad debitum vxori reddendum, si ea in seculo relicta continentiae votum neque expresse, neque tacite edidit, attamen mortua vxore, maritus aliam vxorem ducere nequaquam potest, sed statim ad Monasterium suum, tanquam verus professus, reuerti cogitur. Videri potest Dutand. in 4. d. 32. q. 2. Abb. in c. r. n. 8. de conuers. coniugat. Nau. lib. 3. consil. 14. eod. tit. edit. 2. Syl. ver. matrimonium, 8. q. 12. dicto 4. Sotus in 3. dist. 27. q. 1. a. 4. prope finem, Sanchez lib. 7. disput. 33. q. vlt. vbi notant; Si coniunx licentiam ingrediendi alteri sponte concesserit, quod praesumendum sit voluisse se obligasse ad perpetuam continentiam, imò & ad Religionis ingressum, si iuuenis, aut de incontinentia suspectus sit, ideoque ad satisfaciendum voto suo compellendum esse, iuxta c. qui vxorem, 33. q. 5. sumpto ex Concil. Rhemensi: *Qui vxorem suam velare permiserit, aliam non accipiat priore mortua; sed similiter conuertatur.* Quam tamen praesumptionem Abb. in cit. c. 1. Sanchez lib. 7. disput. 33. num. 14. in dubio recte dicunt intelligendam de solo marito: nam vxor in dubio potius praesumitur ignara iuris, requirentis in licentiam dante, vt similiter continentiam voueat, vel si iuuenis, aut aliter suspecta sit, Religionem profiteatur: quamobrem censeri non potest tacite ad tale onus se obligare voluisse, nisi prius ostendatur fuisse huius iuris consciam. Et quae dixi de professione, similiter locum habere videntur in sacri ordinis susceptione, vt docet Nauar. loco cit. Sanchez lib. 7. disput. 38. & 39. eo excepto quod specialiter decretum est, vt coniugatus ad Episcopalem dignitatem non assumatur, nisi vxor Religionem ingredi consentiat, c. sanè, de conuers. coniugat. & in Concil. Trullano canon. 48. idque docet Glos. in cit. c. sanè, ver. sacrum velamen. Abb. num. 2. rationem afferens: *Quia alioquin vxor remanens in seculo saepe mulieribus associata Episcopum visitaret, & ab eo impetraret gratias, ad ditandos parentes, aliosque consanguineos.* Idemque tenet Syl. ver. matrimonium 8. quaest. 12. dicto 4. Armilla ver. diuortium, num. 11. Sanchez lib. 7. disput. 41. contra Additionem ad cit. cap. sanè, Sotus cit. a. 4. in fine, existimantes, si vxor promouendi ad episcopatum vetula sit, in seculo relinqui posse.

Alter titulus, seu causa, ob quam diuortium inter coniuges institui potest, est crimen; in primis adulterium, quippe quod per se, ac directe fidei coniugali repugnat, cuius causa coniunx adulteri iure coniugalis debiti exigendi priuatur, ideoque alter, qui innocens separationem, seu diuortium omni iure instituere potest: siquidem frustra sibi fidem quis postulat seruari ab eo qui fidem à se praestitam seruare recusat. Quae causa est, cur Christus Matth. cap. 5. & 19. hanc solam diuortij causam permittit: *Dico autem vobis, quia quicumque dimiserit vxorem suam, nisi ob fornicationem, id est, excepta fornicationis causa, mæchatur, seu facit eam mæchari, dum sine iusta causa mæchandi periculo exponit.* Ratio verò est: Quia solum adulterium, seu fornicatio coniugis per se repugnat contractui matrimoniali, alterumque coniugem in perpetuum liberat à fide coniugali; ita vt neq; temporis decursu per praescriptionem iuri illi derogetur, nisi tacita condonatio accedat, sicut colligitur ex cap. admonere, 33. q. 2. Alia verò crimina, ob quae infra dicam coniugem repelli posse, per accidens se habent ad matrimonij substantialem obligationem: quare ijs cessantibus recipi debet coniunx, vt postea dicam. Idque discrimen notauit Bellarm. lib. 1. de matrim. c. 14. respons. ad 2.

Porro hic aliqua addenda sunt: Primum, Diuor-

tium, quod causa adulterij coniunx innocens instituere potest, intelligi debet non quoad vinculum; sed solum quoad torum & habitationem, sicut explicat S. Hieron. in citat. cap. 19. S. Matth. & in epist. ad Amandum, S. August. in lib. 2. de adult. coniugijs, c. 9. in lib. contra Adimantum, c. 3. & term. 25. & 26. de sermone Domini in monte, Innoc. 1. epist. ad Exuperium, c. 6. Alexander III. c. ex parte; de sponsal. Conc. Eliberinum, cap. 9. Trident. sessione 24. de matrim. canon. 7. idque satis colligitur tum ex Ecclesiae praxi, tum ex verbis Christi, qui & apud Matth. locis citat. & apud Marcum cap. 10. Lucam cap. 16. indistinctè, adeoque vniuersim dixit, *quod omnis qui dimittit vxorem suam, & alteram ducit, mæchatur, & qui dimissam à viro ducit, mæchatur.* Et Apost. 1. ad Corinth. 7. *Is autem qui matrimonio iuncti sunt, praecipio non ego, sed Dominus, vxorem à viro non discedere, abique iusta causa: Quod si discesserit, ex causa iusta, manere inuptam, aut viro suo reconciliari.* Vide eundem Apostolum ad Rom. 7. S. Aug. cit. lib. 1. de adult. coniugijs, cap. 3. & 4. Bellarm. 1. de matrim. cap. 16. Sanchez lib. 10. disp. 2.

Secundum: Nomen fornicationis, ac mæchiae, ob quam innocenti ius diuortij competit, latè accipi debet, vt comprehendat omnem concubitum consummatum cum altero supposito, qualis etiam sodomia est, ac bestialitas, sicuti ex communiore annotauit Abb. in cap. maritus, de adult. num. 3. Sanchez lib. 10. disput. 4. num. 3. Quia iustum diuortium oritur ex eo, quod coniunx carnem suam in alteram diuisit, contra naturam pacti matrimonialis explicatam Gen. 2. *Erunt duo in carne una.* Idque notauit S. Hieron. cap. 19. Matth. relatus in c. dixit Dominus, 32. quaest. 1. Talis autem diuisio fit per fornicationem, sodomiam, & bestialitatem completam; non item per incompletam sine seminis effusione, multò minus per tactus impudicos, aut per peccatum molitiei, vt videre est apud Sanch. cit. disp. 4. num. 10. Mol. tract. 3. disp. 95. n. 8.

Tertium. In iure hoc diuortij instituendi coniuges aequales sunt, vt non minùs vxor ob adulterium mariti, quam maritus ob adulterium vxoris diuertere, seu separari possit, sicuti colligitur ex c. idololatria, 28. quaest. 1. & docet S. Tho. in 4. distinct. 35. quaest. vn. a. 4. & alij communiter apud Sanchez disput. 3. conclus. 2. Ratio est: Quia ius diuortij oritur ex violatione fidei coniugalis, ad quam coniuges aequali iure obligantur.

Quartum. Cum primum coniunx innocens de coniugis adulterio certitudinem, saltem moralem acquisiuit; ius habet se separandi, etiam propria auctoritate; & consequenter alimenta, & dotem negandi, nisi quatenus ratio scandali obstat. Ita docet Abb. in c. tua fraternitas, num. 2. & c. vlt. de adulterijs, Sotus in 4. dist. 36. quaest. vn. a. 3. Syluest. ver. diuortium, quaest. 8. Armilla num. 7. Sa num. 1. Coninx disp. 358. dub. 11. Sanchez lib. 10. disp. 8. num. 22. & disp. 12. num. 5. argument. c. dixit Dominus, 21. quaest. 2. ver. libere. Ratio est: Quia ius naturale ac diuinum ob causam adulterij diuortium fieri permittit: Et verò separatio quoad torum, & debiti negationem, plerumque absque scandalo fieri potest, propria auctoritate: non item quoad habitationem; cum talis separatio in publicam notitiam venire soleat. Quamobrem Ecclesiae tunc iudicio opus est, vt docent Scholastici in 4. distinct. 35. vbi S. Thom. q. vn. a. 3. S. Bonau. 2. vn. quaest. 3. Richar. a. 1. quaest. 3. Gratianus super c. siue, 33. quaest. 2. Excepto, si etiam crimen adulterij publicè notum sit, vt nulla tergiversatione celari possit, sicuti docet Abb. in c. constitutus, num. 4. de conuers. coniugat. & c. gaudemus, num. 5. eod. tit. Syluest. cit. q. 8. Henricus Camilius in c. significasti, de diuortijs, Sanchez disput. 12. numero 25. quamuis non pauci contrarium sentiant apud Couaruiam in epit. p. 2. cap. 7. §. 1. num. 14. argument. c. literas, de restitut. spoliatorum, & c.

&c. porro, de diuortijs. quitamen casus diuersus, & specialis est, vt dissolutio matrimonij quoad vinculum, ob impedimentum dirimens, quamuis notorium videatur, numquam sine Ecclesie iudicio permittatur: idque propter errandi periculum in causa tam ardua.

Præterea si maritus certus de vxoris adulterio, quod tamen in foro externo probare nequeat, eam absque scandalo deferere possit, prætextu peregrinationis longinquæ, sed sine redeundi proposito, non prohibetur id agere, sicuti docet Sotus cit. a. 3. ad finem, Sa cit. n. 1. Henriquez lib. 11. cap. 17. n. 2. Sanch. cit. disp. 12. n. 32. Coninck cit. dub. 1. concl. 3.

10 Porro, si vxor v.g. in causa non notoria à marito sine iudicio Ecclesie repulsa sit, ante omnia eam Iudex ab vxore imploratus, in pristinum statum restituere debet; & postea causam diuortij cognoscere, compulso marito ad probationes suas proferendum, sicuti constat ex c. in conuestione, de restitut. spoliatorum, iun. Glos. ver. non debet. Secus autem est, si causa diuortij, puta adulterium, notoria sit, seu per euidentiā facti, seu per confessionem Rei. Nam hoc casu repulsa vxor non restituitur, vti habetur in c. significasti, de diuortijs: Ratio est: Quia petenti restitutionem obstat exceptio de notorio defectu iuris, seu proprietatis, vti notat Abbas in c. intelleximus, de adulter. & c. porro, numero 9. de diuortijs. Si autem coniunx propria temeritate à coniuge recesserit, & postea penitens reuertatur, & ab altero coniuge non recipiatur: vel si maritus vxorem temere à se repellat, postea verò repetat, eaque redire nolet, utroque casu posterior mora damnosa est, l. illud, ff. de periculo, & commodo rei venditæ; quare iure habitationis spoliatus censetur is coniunx, qui paratus cohabitare ab altero non recipitur, sicuti docent Gl. in c. significasti, ver. materiam, ibid. Abb. n. 7. de diuortijs, Gl. in c. literas, ver. diuerit, ibid. Abb. num. 9. de restitut. spoliatorum, Lancelotus Instit. iuris canonici, de diuortijs, §. ergo nisi legitima, Sanch. cit. disp. 12. n. 16. & 17.

Præterea licet coniunx propria auctoritate coniugem ob adulterij suspicionem à se repellens, incontinenti probationes coram Iudice afferat, ordinariè tamen audiri non debet, sed prius restitutio fieri quoad omnia, sicuti rectè contra quosdam docent Couar. in epit. p. 2. c. 7. §. 5. num. 16. Sanchez num. 22. Quia supra cit. c. literas (quod in contrarium afferri solet) potius sententiam nostram confirmat: dicitur enim ibi, si vxor à marito discesserit, prætextu impedimenti dirimentis ob consanguinitatem, petita postea restitutione, si vxor incontinenti probationes afferat, restituendam esse prius quoad omnia alia, excepto toro, seu commixtione carnali, videlicet propter periculum fornicationis, si fortè impedimentum sublit. Ergo cessante tali periculo, sicut cessat in causa diuortij, propter adulterium, restitutio plenè fieri debet, sicuti optimè notauit Gl. in citat. cap. literas, ver. incontinenti. Abb. ibid. num. 5. Verum interim est, quod maritus v.g. sciens coniugis suæ adulterium, licet sufficienter probare nequeat, per se loquendo, vxori debitum reddere non teneatur, esto Iudex illi sub excommunicatione mandet. Nam præceptum Ecclesie in falsa præsumptione fundatum non obligat in conscientia: quia præsumptio cedit veritati, vti docet Palud. in 4. d. 27. q. 4. art. 2. ver. tertius modus, Sotus d. 36. q. vn. a. 3. Veracruy 3. p. speculi, art. 5. concl. 4. Castro lib. 2. de lege pœnali, c. 4. Sanch. cit. disp. 12. num. 6. Coninck cit. dub. 1. concl. 3. ver. Nec his obstat, & colligitur ex cit. c. literas, de restit. spoliatorum. Dixi autem, per se loquendo: Quia ne iudicium Ecclesie contemnere videatur condemnatus, obedire debet, quatenus scandali vitandæ necessitas postulat. Vide quæ dixi lib. 1. tract. 4. §. p. 1. c. 6. n. 3.

12 Quintum. Cognito diuortio, innocens non tantum diuertere potest, sed etiam assumpto statu Religionis, vel ordinis facti, in perpetuum se obligare ad

continentiam; vt neque ipsi recedere, neque à coniuge adultero reuocari vnquam possit. Quare in hoc casu etiam coniunx alter statum Religionis assumere non prohibetur, vti docet ex communi Syluest. ver. diuortium, quæst. 10. Armilla num. 8. Sanchez disput. 10. num. 6. Si autem innocens statum non mutauit, non potest coniunx adulter absque expressa, aut tacita licentia coniugis innocentis, ad Religionem transire, aut sacrum ordinem suscipere; quamuis diuortium cum Ecclesie iudicio institutum sit: quandoquidem sententia diuortij nihil incommodi innocenti afferre debet, quominus coniugem adulterum reuocare, ipsique reconciliari possit, si ita ipsi lubitum sit, vti indicat Syluest. l. cit. & expressè docet S. Anton. p. 3. tit. 1. c. 21. §. 6. Sanchez cit. lib. 10. disp. 10. num. 12. contra Henriquez lib. 11. cap. 17. num. 6. lit. x. Si tamen innocens semel atque iterum monitus, vt adulterum coniugem post emendationem recipiat, id facere nolit, potest adulter Religionem ingredi, ac profiteri, iuxta c. gaudeamus, de conuers. coniugat. Et posse etiam in hoc casu maritum emendatum ad sacros ordines promoueri, ait Sanch. n. 16. Qui rectè etiam monet num. 15. casu, quo alter coniunx, instituto diuortio propter adulterium, Religionem ingreditur, vel ordinem sacrum suscipit, necesse non esse, vt etiam alter coniunx Religionem profiteatur, vel in seculo continentiam voueat. Quia iura id requirentia loquuntur in casu, quo matrimonium integrum, & illæsum perseuerat, non in casu perpetui diuortij, vti etiam notauit Sotus in 4. dist. 36. q. vn. a. 5. ad 3.

Certi casus sunt, in quibus coniugi diuortium non permittitur, propter fornicationem coniugis. I. Si vim passa fuit, animo non consentiente; cum hoc non sit adulterium formaliter, iuxta verba S. August. lib. 1. de ciuit. cap. 18. *Duo fuerunt, & adulterium vnus admittit*: refertur in c. proposito, 32. q. 5. Quod verò Abb. volum. 1. consil. 4. num. 3. Syluest. ver. adulterium, quæst. vlt. Armilla num. 7. existimant; idem dicendum esse, si alteruter coniunx graui seu iusto metu compulsum in adulterium consenserit, non posse ab altero diuortium institui, id ab aliis communiter rejicitur, sicuti videre est apud S. Anton. p. 3. tit. 1. c. 21. §. 6. Palud. d. 35. quæst. 1. a. 2. casu 5. Couar. in epit. p. 1. c. 5. in princ. num. 3. Sotum d. 36. q. vn. a. 1. Sanchez disp. 5. num. 16. Coninck disp. 35. dub. 2. Quia id verè ac formaliter adulterium est, iniuriosum alteri coniugi, quippe cum ex natura coniugalis fidei potius mortem oppetere debeat, quàm in stuprum consentire, teste S. August. cit. c. 18. & refertur cap. ita, 32. q. 5.

II. Si coniunx bona fide ad alterum accessit: vt quia inuincibili ignorantia maritum suum esse credidit: quomodo Iacob Lian cognouit, Gen. 29. Aut si vxor maritum vita defunctum esse probabiliter persuasa, ad alias nuptias transiit, c. cum per bellicam, 34. q. 2. & docet S. Bonau. in 4. d. 35. a. 1. q. 1. Idemq; est, si in hoc casu cum aliquo fornicetur, quia vacat culpa adulterij formalis, quod solum causa iusta diuortij est, sicuti notauit Sanch. disp. 5. h. 12.

Neque obstat responsio Innoc. III. in c. gaudeamus, de diuort. Si Gentilis iuxta ritum gentis suæ legitimam vxorem repudauerit, quæ deinde alteri nuptetur, ac posteaambo ad fidem conuertantur, maritus dimissor non poterit obicere fornicationem dimissæ, pro eo quod bona fide secundum consuetudinem gentis, alteri nupsit post repudium; nisi alias fuerit fornicata. Intelligi enim debet hæc exceptio de fornicatione ante repudium. Videri potest Mol. tr. 3. disp. 96.

III. Si alter etiam coniunx eiusdem criminis particeps est, vt si in adulterium illius expressè, vel tacitè consentiat, c. discretionem, de eo qui cognouit consanguineam &c. vel & ipse fornicatus sit, diuortium deinde instituere haud potest, vti habetur in c. significasti, de

diuortijs, c. intelleximus, & c. vlt. de adulterijs, & tradit S. Aug. lib. 1. de serm. Domini in monte, c. 28. relatus in c. 1. 32. q. 6. *Nihil iniquius, quam fornicationis causa dimittere uxorem si & ipse conuincitur fornicari. Occurrit enim illud, In quo alterum iudicas, teipsum condemnas: eadem enim agis, quae iudicas.* Rom. 2. Quare in hoc calu paria delicta pari veluti compensatione tolluntur.

Nec refert, quod vnus prius altero adulterium commisit, vel vnus sapius altero; vel vnus publicè seu notoriè, & alter occultè: cum vterque nocens sit. De quo vide Abb. in c. ad hæc, num. 3. vt lite contestata & c. Nauar. in man. c. 22. num. 23. & lib. 4. consil. 1. & 2. de diuort. edit. 2. Mol. tr. 3. disp. 95. Sanchez lib. 10. disput. 6. & disput. 8. n. 30. qui tamen rectè monet, n. 46. Martum adulterium nihilominus posse criminaliter accusare uxorem de adulterio ad vindictam publicam, quia in ordine ad accusationem criminalem delicta paria non compensantur; præsertim cum leges permittant marito uxorem de adulterio criminaliter accusare, sed non vice versa vxori maritum suum, l. 1. C. Ad L. Iulian. de adulterijs.

14. Cæterum si post vnus, vel vtriusque adulterium coniuges reconciliati sint, censetur ius matrimonij restitutum, perinde ac si crimen nullum antecessisset: quare si alteruter coniunx postea fornicetur, alter acquirit ius diuortij, sicuti ex communi docent Sotus cit. d. 36. q. vn. a. 1. Petr. Ledesma q. 64. a. 1. dub. 2. Mol. cit. disp. 95. num. 10. Sanchez disp. 7. num. 1. Coninck disp. 35. dub. 2. num. 17. Sed etsi reconciliatio mutuo consensu facta non fuit, si tamen post vtriusque coniugis fornicationem, vnus emendatus, de emendatione pariter facienda admonit alterum coniugem; is verò ea non acceptata, denuo fornicetur, emendatus ius acquirit instituendi diuortij, sicuti docent Syluest. ver. matrimonium 9. quæst. 6. in fine, Sanchez & Coninck ll. cc. Cum enim alter, cui offertur reconciliatio, eam in hoc casu acceptare teneatur, ideo, quatenus est in fauorem offerentis, censeri debet reconciliatio facta: vt prius commissum adulterium ipsi amplius obesse non debeat.

Deinde si sententia diuortij, ob adulterium coniugis transijt in rem iudicatâ, ideoque innocens plenè absolutus est societate tori, ac habitationis; valde probabile est, etsi postea adulterium committat, non obligari ad recipiendum coniugem, priusquam Iudex ex officio compellat ad occurrendum probabili periculo incontinentiæ, vti docet S. Thom. in 4. d. 35. q. vn. a. 6. ad 4. Sotus ibid. q. vn. a. 6. ad 3. Abb. in c. tua fraternitas, n. 4. de adulter. Henric. lib. 11. c. 17. num. 3. Sa ver. diuortium, num. 2. Sanchez cit. lib. 10. disp. 9. num. 30. contra Glos. in c. ex literis, de diuortijs, ver. ab inuicem separati, Palud. d. 35. q. 2. a. 2. Anton. 3. p. tit. 1. cap. 21. §. 6. Nau. cit. consil. 1. num. 2. Petrum Sotum de matrim. lect. 12. paulò ante finem, Mol. cit. disp. 95. num. 5. Gressis p. 2. decis. lib. 1. c. 12. num. 73. casu 3. Coninck cit. dub. 2. num. 13. argumen. cit. cap. ex literis, vbi vir, qui post diuortium aliam duxerat, restitui iubetur priori vxori. Sed facilis responsio est: Non fuisse diuortij sententiam iudicialiter latam: cum dicatur, priuatim illis fuisse iniunctum, vt inter se separati continentiam seruent. Illud tamen fateri oportet, coniugē accusatum ciuilitè de adulterio ad diuortium instituendum, posse etiam post litem contestatam opponere exceptionem de lapsu alterius coniugis; imò coniugem, qui similiter fornicatus est, non posse bonæ conscientia diuortium instituere, esto crimen eius occultum, & alterius notorium sit, modò etiam alter se emendare paratus existat.

Porro notandum, quod duplex est criminis adulterij condonatio, sicuti notauit Sanchez lib. 10. disp. 14. Vna expressa quæ verbis fit: altera tacita quæ fit re, & facto, si videlicet maritus post cognitum vxoris adulterium cum ea commisceatur, vel existente adulterio no-

torio, cum facillè possit, ab ea se non separet, domi retentam familiariter tractet, præsumitur tunc condonare iniuriam, seu iuri diuortij renunciare. Si tamen re ipsa abfuit voluntas remittendi iniuriam, nihilominus in conscientia foro diuortium instituere poterit, sicuti contra quosdam docent Sanchez citat. disp. 14. num. 21. Sa ver. diuortium, n. 7. licet in externo foro non audiatur, propter iuris amissi præsumptionem.

Sed quæres primò: Vtrum coniunx in conscientia obligetur, cognito adulterio coniugis, diuortium instituere, vel alimenta adulteræ denegare? Responsio est negativa secundum mentem S. Augusti, lib. 1. de sermone Domini in monte c. 27. relato in c. idololatria, 28. quæst. 1. ibi, *Permisi Dominus, non iussit.* Idemque colligitur ex c. quemadmodum, §. vlt. de iureiur. & tradit Nau. c. diuortium, d. 1. de pœnit. n. 8.

Excipe primò, Si ob scandalum vitandum, id necessarium esse videatur, ne maritus, si vxor sæpius relabatur, eius crimini indulgere videatur, iuxta c. si vir. de adulter. & docet S. Tho. in 4. d. 35. quæst. vn. a. 2. S. Bonau. ibid. a. vn. quæst. 2. Nauar. c. 16. man. c. 28. & cap. 22. num. 2. Gregor. de Valentia r. 4. disp. 10. quæst. 6. p. 2. Sanchez. lib. 10. disp. 13. qui tamen rectè monet num. 25. & Coninck disp. 35. dub. 3. num. 20. præceptum dimittendi uxorem propter scandalum raro obligare; cum id plerumque alijs modis tolli possit, si explicet maritus, inquit Palud. cit. d. 35. quæst. 2. a. 3. concl. 4. *quod non foueat illam in crimine, sed iuxta se retineat, vt cohibeat à peccato. Quod si nihilominus aliquis scandalizatur, scandalum est ex malitia, quod contemnitur.*

Excipe secundò: Nisi id medium necessarium esse videatur ad abstrahendam uxorem ab adulterio, in quo perseverabit, si ex domo eiiciatur, alimentis ei denegatis, arg. c. si quis crudelis, 32. q. 1. & c. non omnis, §. quæst. arg. c. si quis crudelis, 32. q. 1. & c. non omnis, §. quæst. 5. quod sumptum est ex Greg. I. epist. 48. ad Vincentium: *Melius est cum seueritate diligere, quam cum lenitate decipere: melius est esurienti panis tollitur, si de cibo securus iustitiam negligat, quam esurienti panis frangatur, vt iniustitia seductus acquiescat.* Idque notauit Abb. in cit. c. si vir.

Quæres secundò: Facto diuortio propter adulterium, si coniunx adulter emendatus sit vtrum possit, aut etiam debeat reuocari? Respondeo, & dico I. Etiam si diuortium Iudicis interueniente auctoritate institutum sit, nihilominus coniunx innocens adulterum coniugem reuocare, eique reconciliari potest; modò neuter coniugum statum mutarit. Ratio est: Quia per Iudicis sententiam innocens suo iure priuari non debet: cum alioquin exceptio rei iudicatæ proficeret Reo, contra quem lata fuit. quod iniquissimum esse, ait Iulianus l. euidenter, ff. de except. rei iudicatæ.

Dico II. Innocens ordinariè non obligatur ad coniugem adulterum, etiam si emendatus sit, recipiendum, quandoquidem frangendo semel matrimonij fidem, priuatus est iure exigendi coniugij debitum. Dixi autem ordinariè: Nam interdum ex honestate, imò etiam ex charitatis lege, si coniunx emendatus in incontinentiæ periculo versetur, nisi in matrimonium recipiatur, recipiendus erit, vti colligitur ex citat. cap. si vir, de adulterijs.

Nunc demum dicendum est de alijs causis, ob quas diuortium per accidens institui potest. Nota, quod dico per accidens: quia alix causæ præter adulterium, non proueniunt ex violata fide matrimonij: quamobrem talibus causis cessantibus coniunx recipi debet, at verò adulterij crimen perpetui diuortij causam præbet. Prima harum causarum per accidens est, lapsus in hæresin, cap. idololatria, cap. non solum 28. q. 1. cap. vlt. de conuers. coniug. c. 2. c. de illa, c. quanto, de diuortijs, conuenienter Apostolo ad Titum 3. *Hæreticum hominem post unam & secundam correptionem denota.* Qualis admonitio, seu correptio etiam in hoc casu præmittenda est; & ante diuortium

tium non faciendum, quam criminofus pertinax appareat, ficuti conftat ex cit. cap. non folum. Verum cognita obftinatione in hærefi, vel apoftafia, etiam propria auctoritate alteri coniugi fe feparare fas eft; imò naturali, ac diuino iure ad id obligatur, fi ex cohabitatione peruerfionis periculum fibi, vel liberis fuis imminere perfpiciat. Id verò intereft, vtrum diuortium propria auctoritate, an verò cum Ecclefie auctoritate & iudicio inftituatur, quòd in priore cafu Catholicus coniugem refipifcentem, feu ab hærefi reuertentem mox recipere cogitur. In posteriore verò femel ob hærefin condemnatum coniugem, etiam refipifcentem recipere non tenetur. Quod difcrimen aperte traditur ab Alexandro III. in cit. ci. de illa, de diuortijs: Et confirmatur ex eo, quòd Ecclefia in pœnam hærefis priuare poffit alijs iuribus; feu dominijs, ficuti conftat ex cap. vltim. de hæret. in 6. Ergo etiam iure illo, quod habet in corpus coniugis.

Contrariam tamen fententiam tenent Gl. in cit. cap. de illa, ver. compellendam, & cit. c. vlt. ver. iudicio Ecclefie, Rodriq. t. 1. c. 230. concl. 2. & alij apud Sanchez difp. 15. n. 18. Coniugem innocentem, nifi Religionem ingredi velit, obligatum effe, vt hæreticum etiam condemnatum poft pœnitentiam recipiat. Mouentur tum auctoritate Innoc. III. in cit. c. vlt. de conueff. coniug. tum verbis Chrifti, quòd propter folam fornicationem coniugem dimittere licitum fit, videl. abfolutè & in perpetuum. Sed refpòdeo cum Sanch. lo. cit. Coninck difp. 35. dub. 4. n. 24. Refponfum c. vlt. magis fauere noftre fententiae: ibi enim dicitur, quòd mulier, quæ iudicio Ecclefie à viro propter infidelitatem feparata fuerat, fi is ad fidem reuertatur, etià nolente ipfo religionem ingredi poffit: id autè non rectè diceretur, fi propter Ecclefie fententiã in perpetuũ à viro libera effet. Ad verba Chrifti rectè refpòdet Gutierrez l. 1. can. qq. c. 24. n. 20. Coninck l. c. ob folã fornicationem coniugem dimitti poffe dimiffione quoad torum abfoluta, & in perpetuum, quã coniunx per fe ipfum inftituere queat, ex natura & legibus matrimonialis contractus. Addetamen, quòd Ecclefia, fi id neceffarium iudicet ad occurrendum periculo animæ, præcipere poffit Catholico, vt coniugem hæreticum ad Fidem conuerfum in matrimonium recipiat; tum propter auctoritatem Doctorum apud Sanch. n. 18. tum quia Ecclefia in tali cafu ad salutem animæ multum pertinente, nunquam ita hæreticum damnare cenfetur, quin poftea, fi feruè refipifcat, eundem reftituere poffit, dummodo res integra fit, & innocens ftatum non mutarit Religionem ingrediendo, vel facrum ordinem fufcipiendo.

Altera caufa eft: Si coniunx coniugi, fine graui periculo animæ cohabitare non poffit, licitè ab eo diuertet, quamdiu tale periculum durat, imò ad hoc obligatur, fi alijs remedijs periculo occurrere fe poffe non confidat. Quæ eft communis fententia fumpta ex c. idololatria, 28. quæft. 1. & verbis Chrifti Matt. 5. Si oculus tuus dexter scandalizat te, erue eum, & projice ab te. In quem locum vide interpretationem S. Hieron. Confirmatur. Cum licitum fit à leprofo coniugio recedere, fi infectionis periculum coniugi fano imminere videatur, vt fuprà dictum c. 1. num. 6. quantò magis ob periculum animæ impendens? puta fi maritus vxorem ad fodomiticum concubitum, vel leno ad adulteria, vel latro ad latrocinia pertrahere directè, vel indirectè conatur. de quo vide Nauar. cap. 22. num. 22. §. tertio. Item fi coniunx veneficijs, feu magijs deditus fit, vt propter Dæmonis societatem cohabitatio eius periculo fivæ animæ, fivæ corporis, vacare non videatur, ficuti notat Coninck citat. dub. 4. n. 23. Sanchez lib. 10. difputat. 18. n. 22.

Adde ex S. Thoma in 4. d. 39. quæft. vn. art. 6. in fine corporis, Sylueft. ver. matrimonium, 9. quæft. vlt. Sanchez difput. 17. num. 4. Poffe coniugem, præfertim maritum, qui eft caput vxoris, caufa emendandi ipfam, graui fcelere implicatam, ab ea ad tempus recedere, fi

hoc medium ad emendationem opportunum videatur: quod etiam vice verfa ad maritum emendandum quandoque locum habere poffit.

Tertia caufa eft. Si coniunx coniugi fine graui periculo corporis cohabitare non poffit. Huc pertinent infidie, quas coniunx alterius vitæ machinatur, vel alia magna coniugis fœuitia, feu ex ira & furore, feu ex crebra ebrietate, feu ingenij, aut morum afperitate proueniens; vt fine probabili periculo grauis damni, ipfi cohabitari non poffit, ficuti colligitur ex c. literas, de reftitut. fpoliatorum; vbi habetur mulierem à viro diuertentem, eidem ante omnia reftituendam effe, nifi tanta fit viri fœuitia, vt mulieri trepidanti, non poffit fufficiens fe curitas prouideri: quo cafu non folum non debet ei reftitui, fed ab eo potius amoueri. Similia habentur in c. extransmiffa, eod. tit.

Oportet autem effe graue malum in futurum impendens, & probabiliter inenitabile alteri coniugi, vt diuertere ipfi liceat. Primò dico, Graue malum, cuius videlicet metus, ac trepidatio iufta fit, & meritò hominem prudentem ac discretum, confiderata perfonnæ ipsius qualitate, moueat, ficuti etiam docet Coninck cit. dub. 4. in princ. Eiusmodi malum non tantum eft mortis, aut mutilationis membrorum, fed etiam grauium, feu atrocium verberum, qualia maritus vxori etiam delinquenti potestatem non habet inferendi, ficuti fuprà dixi cap. 2. num. 7. & notat Sanchez lib. 10. difp. 18. n. 5. vbi generatim tradit; Metum iuftum cenferi, tametfi aliquis culpã fuã occasionem dederit, dummodo ille, qui metum infert, ius non habeat terrendi, aut puniendi, ficuti conftat ex l. nec timorem, ff. de eo quod metus caufa & c.

Præterea ait Henriquez lib. 11. c. 17. num. 7. Sanchez cit. difp. 18. num. 11. Graues, & frequentes difcordias, quibus cohabitatio nimis molefta redditur coniugi innocenti, fufficientem caufam diuortio præbere: cum graue malum reputetur, perpetuo offenfum habere eum quocum viuere femper cogaris, & ex quo res tuæ pendeant, ficuti tradit idem Sanchez lib. 4. difp. 6. num. 14. Neque refert in his cafibus, vtrum malum ab ipfo coniuge timeatur, an verò à parentibus eius, dummodo coniunx fine culpa non fit, vt quia malum, cum poffit, remouere intermittit, v.g. à parentibus recedendo, ficuti notat idem Sanch. n. 23. & colligitur ex cit. c. extransmiffa.

Secundò dixi, infuturum impendens. Non enim fufficit ad diuortium, femel, aut etiam iterum vxorem v.g. à marito præter confuetudinem ira ingenti commoto acriter nimis verberatam effe: nifi probabilis timor fit, eiusmodi malum fæpius in pofterum patiendum effe.

Tertiò dixi, Probabiliter inenitabile. Ante omnia enim providendum eft, vtrum cautio, eaque fufficiens dari poffit de malo in pofterum non inferendo: tunc enim diuortij locus non erit, ficuti conftat ex cit. c. literas, & c. extransmiffa. Sufficiens autem cautio cenfetur, per quam boni viri arbitrio fatis confultum eft incolumitati alterius: qualis cautio plerumque eft fideiufforia, aut pignoratitia, interdum verò optima eft iuratoria, fi vir probus iuramenti religionem quàm maximè reuererè exiftimetur, vti notauit Gutierrez lib. 1. canonic. qq. c. 24. n. 3. Sanch. n. 41.

Porro ex dictis idem Gutierrez cit. cap. 24. num. 5. Sanchez. n. 30. praxin colligunt in Confiftorijs obseruari rectè folitam: Petito diuortio, propter mariti fœuitiam, Iudex petit informationem per teftes, qui de fœuitia depo- nant: & habita informatione fufficiente, interlocutoriam fententiam pronuntiat, vt vxor in loco tuto ftatuatur, fubminiftratis ei à viro alimentis, donec lis decidatur, iuxta cap. extransmiffa, de reftitut. fpoliatorum: denique arbitrio eius committitur, vtrum præftita fufficiente cautione, fe curitati mulieris

prospici possit, an verò tutum satis non sit, sed diuortii institui debeat. Etenim hæc tota res Iudicis examini, atq; arbitrio committitur vtrum malum, quod in posterum timetur graue sit, & inuitabile, vt supra dixi, & singulariter annotauit Abb. in cap. literas, numero 7. de restit. spoliatorum, Gutierrez citat. cap. 24. numero 10.

Ad extremum tria aduertenda supersunt: I. Multum in hac causa referre, vtrum malum, quod coniunx ex cohabitatione accipit, culpa alterius coniugis eueniat, necne. Si enim sine eius culpa accidit, debet esse longè grauissimum, vt separatio seu diuortium concedatur. Exempli causa: Si coniunx in amentiam incidat, licet molestum sit ei cohabitare, tamen molestia hæc toleranda est: *Quid enim, tam humanum est, quam fortuitis casibus mulieris maritum, vel uxorem mariti participem esse?* l. cum dotem, §. si maritus, ff. soluto matrimonio &c. idque ex communi docet Nau. c. diuortium, d. 1. de pœnit. n. 7. & in man. c. 22. num. 22. §. quintò: Sin verò talis furor sit, vt periculum vitæ alteri timeatur diuortium institui debet, sicuti monet Sæ ver. diuortium, n. 8. Sanchez cit. disp. 18. n. 18.

18 II. Licet, per se loquendo, si causa diuortij propter graue periculum corporis, aut animæ, notoria sit, propria auctoritate separatio fieri possit; tamen longè tutius est, imò ratione scandali vitandi plerumque necessarium, vt Iudicis Ecclesiastici officium imploretur: nisi periculum in mora sit. Qua de re vide Gutierrez cit. c. 24. n. 8. Sanchez cit. disp. 18. n. 3.

19 III. Iurè nouo Auth. si pater, Cod. diuortio facto &c.

si diuortium inter coniuges factum sit, liberi manere debent penes partem innocentem, expensis patris, si is diuortio causam dederat: sin contrà, apud patrem, expensis matris locupletis, saltem post Iudicis sententiam: quandoquidem in hoc casu non consentiunt Doctores, si mater diuortio causam præbuit, patris, an matris expensis proles ali debeat, si vterque idoneus sit: communior tamen sententia est, quòd mater ad id compelli debeat, sicuti videre est apud Syluest. ver. filij, quæst. 21. Gutierrez citat. cap. 24. num. 19. Sanchez lib. 10. disput. 20.

Porro, quòd dixi prolem facto diuortio, coniugi innocenti, siue qui causam diuortio non præstitit, relinquendam esse, tres limitationes patitur: Prima, si infidelis sit, tunc in fauorem fidei tradenda est alteri coniugi fidei, c. vlt. de conuers. infidelium, idque notauit Syl. l. c.

Secunda, Licet vir diuortio causam præbuerit, si tamen mulier ad secundas nuptias transeat, proles educanda ipsi non relinquitur, vt colligitur ex Auth. si pater, C. diuortio facto &c.

Tertia, si mater, quæ causam diuortio dederat, locuples sit, pater autem minùs idoneus, proles relinquatur apud matrem, sicuti habetur in cit. Auth. si pater, & expressè in Auth. Vt liceat matri & auia, §. illud, collat. 8. Similiterque haud dubiè dicendum, si pater, qui causam diuortio dederat, locuples sit, mater autem pauper, prolem patri relinquendam esse, vt notauit Sanchez num. 4.

PARS QUARTA

DE MATRIMONII IMPEDIMENTIS,

TVM DIRIMENTIBVS, TVM impedientibus tantum.

CAP. I.

De impedimentis matrimonij in genere.

SUMMARIUM.

- 1 Impedimenta matrimonij alia sunt impedientia tantum, alia verò dirimentia.
- 2 Ecclesia potestatem statuendi impedimenta matrimonij Christianis Principibus interdixit, sibi que propriam reseruant, sicuti & alias matrimoniales causas.
- 3 Fidelis subiecti Principibus Ethnicis non videntur astringi impedimentis matrimonij, secundum leges illorum ciuiles.
- 4 Impedimenta matrimonij non nisi vniuersalibus Ecclesia legibus discerni possunt.
- 5 Matrimonium cum impedimento dirimente scienter contrahere, est peccatum mortale, nisi grauis metus cogat ita celebrare.
- 6 Si impedimentum matrimonij Ecclesiastica lege statutum est ob indecentiam copula in ordine ad virtutem v.g. Religionis, aut pietatis, tum carnalis conditio cum eiusmodi persona specialem malitiam continet.



MPEDIMENTA matrimonij duplicis generis sunt, teste S. Th. in 4. d. 34. q. vn. a. 1. Alia quæ matrimonium illicitum reddunt, sed validum relinquunt: alia verò, quæ non tantum illicitum, sed etiam irritum matrimonium efficiunt. Illa vocari solent impedimenta *impedientia tantum*, hæc vero impedimenta *dirimentia*, non eo sensu, quasi matrimonium ratum dirimant, sed quia impediunt ne ratum fiat.

Est autem QVÆSTIO PRIMÆ. Ad quam potestatem pertineat, talia impedimenta matrimonij introducere? Respondeo, & dico I. Spectata rei natura, & seclusis Ecclesiasticis constitutionibus, omnis Magistratus secularis, qui absolutam potestatem habet ferendi leges ad subditos suos, potest eisdem impedimenta matrimonij tum dirimentia, tum impedientia tantum ob iustam causam decernere. Ita S. Th. in 4. d. 34. q. vn. a. 1. ad 4. Victoria relect. de matrim. p. 2. n. 12. Petr. Edesma q. 50. a. 1. dub. 1. Sotus d. 39. q. vn. a. 1. solut. ad 3. Petr. Sot. de sacram. matrim. lect. 4. prope finē, Sanch. lib. 7. disp. 3. Coninck disp. 30. dub. 1. concl. 1. cōtra Richar. in 4. d. 42. a. 2. q. 2. in corp. & alios: Quia matrimonium humanus contractus est, in naturæ officium, & ad propagationem Communitatis institutum: quare perinde vt alij contractus subiaceret dispositioni Magistratus, quatenus necessarium, vel expediens iudicatur ad bonum cuiusq; Reipublicæ, vt personæ aliquæ inter

Xij

qui actus agentium non operantur ultra eorum intentionem. Non ita verò se res habet in ministratone sacramenti Baptismi, Confirmationis &c. in quibus error circa personam, (si videlicet existimes suscipiendum esse Petrum, cum sit Ioannes;) sacramentum non vitiat: quia virtualis ministrantis intentio esse debet baptisandi, confirmandi hominem presentem, ac capacem, quicumque ille sit, sicuti dixi suprà tr. 1. cap. 4. num. 6.

Ampliari autem assertio debet, ut nihil intersit, utrum sit error antecedens siue causa operis, quia si non errasses in personā, nolisses contrahere, an verò error concomitans, & non causa operis, quando ita habitualiter animo affectus fuisti, ut etsi non errasses, sed scivisses esse aliam, quam putabas, tamen cum ea contrahere voluisses. Ratio est: Quia uterque error aufert actualem consensum, & tantum differunt, quod prior facit inipoluntarium, posterior autem actum non voluntarium esse. Cæterum, si errans actualiter intendat contrahere cum proposita muliere, quæcunque illa sit, validum erit matrimonium, sicuti & valida emptio, si falsò existimans esse Bucephalum, velit tamen emere propositum sibi equum, quicumque sit, sicuti notavit Nauarrus cap. 22. man. num. 32. Coninck disput. 31. dub. 1. n. 9. in fine. Nam eiusmodi error speculatiuus tantum censetur, non practicus, quippe haud vitians obiectum substantiale actus voluntarij.

2 Assertio II. Error circa qualitatem personæ, tametsi proveniat ex dolo alterius contrahentis, & det causam contractui, nullo modo infirmat matrimonium. Est communis doctrina Scholasticorum in 4. d. 30. vbi Richardus a. 1. quæst. 2. Durandus quæst. 1. Palud. d. 34. quæst. 1. art. 3. conclus. 3. argument. cap. cum in Apostolica, de sponsal. Ratio est: Quia matrimonium, si substantialiter consistat, non potest infirmari aut rescindi, exceptis casibus quos Ecclesiæ praxis permittit, cum errore autem circa qualitatem vel motiū extrinsecum contractus substantialiter subsistit, puta si quis contrahat cum Caia simulante se sanam, cum leprosa sit, aut simulante se virginem cum corrupta sit: quandoquidem talis error non tollit voluntarium absolutum ac simpliciter. Sequitur ergo, quod tale matrimonium omnimodè subsistat, cum nullus canon Ecclesiasticus extet quo infirmetur. Confirmatur doctrina ex l. Alioquin, ff. de contrah. emptione: *Quod si ego me virginem emere putarē, cum esset mulier, id est corrupta, ait Glos. valebit emptio: in sexu enim non est erratum.* Verum est, quod talis emptio ob dolum rescindi potest, sed matrimonium semel validum rescindi ita non potest.

Limitari autem debet assertio primò: Nisi contrahens actualem voluntatem habeat non accipiendi mulierem hanc in uxorem, nisi sana sit, aut virgo. Secundò limitari debet, Nisi error qualitatis etiam in errorem substantiæ, siue personæ redundet: si videlicet aliquis existimet se cum alia personā contrahere, non ea, quam exterius accipit, ideòque neque consentiat cum hac cōtrahere: quia non cognoscentis, aut errantis non est cōsensus. Id verò tunc evenire solet, si per qualitatem vnam, vel plures certa persona describatur, animòque designetur, quæ visu alioquin ignota est, ut si consentias animo ad accipiendam eam, quæ inter filias Sempronij primogenita est, offeratur autem postea Caia, quæ primogenitam se mentitur, non valet matrimonium, tametsi ponamus, primogenitam antè mortuam esse. Secundus est, si Caia hæc visu prius nota, & ad matrimonium determinata fuisset, tametsi postea simulet se primogenitam, cum non sit, valebit tamen matrimonium, nisi actualis intentio fuisset, saltem animo retenta, non accipiendam, nisi primogenita sit, ut supra dictum, & videri potest S. Thom. in 4. distinct. 30. quæst. 1. a. 2. ad 5. Syl. ver. matrimonium, 8. q. 1. Angel. eod. 3. imped. 4.

Quæret aliquis: Cur Ecclesiastico iure irritum sit matrimonium graui iniusto cogente metu celebratum, non item quod ob dolum: cum tamen utrumque inuoluntarium admixtum habeat, iniuriāque contineat. Arbitror hanc rationem esse, Quia utrum vis iniusta grauis interuenerit, plerumque coram Ecclesia demonstrari potest: at verò dolum ferme occultus est: quare ne multa matrimonia dubium valorem haberent, expediebat ea Ecclesiastico iure non infirmari, quando spectato naturali iure subsistendi vim obtinent.

Assertio III. Id speciale est, quod error circa qualitatem seruilis conditionis, si alter contrahentium ingenuus vel liber est, matrimonium irritum reddit. Ita habetur in c. 2. & vlt. de coniug. seruorum, & docet S. Thom. in 4. d. 36. q. vn. a. 1. ibid. S. Bonau. a. 2. quæst. 2. Richar. a. 1. & 2. Durand. quæst. 1. Quia conuenit, ut matrimonium contrahentes æqualem corporum suorum potestatem inter se conferant ad generationis finem &c. Liber autem homo plenam corporis sui potestatem alteri dat, obligans etiam se ad indiuiduam vitæ societatem: at verò seruus, seu mancipium vicissim corporis sui plenam & liberam potestatem dare non potest, neque ad indiuiduam societatem vitæ se obligare, quandoquidem in domini sui potestate constitutus ab eo vendi, in terras longinquas ablegari, domesticis negotijs diu noctūque occupari iure potest, non obstante matrimonij vinculo, sicuti constat ex c. 1. eodem tit. Veruntamen si homo ingenuus, vel liber, sciens alterius, quocum contrahit, conditionem seruilem, eam sponte remittat, constabit matrimonium, iuxta cit. cap. vlt. non minùs, quam si seruus cum serua coniugium ineat.

Porrò controuersia est inter Doctores, Vtrum error conditionis seruilis naturali iuri matrimonium vitiet, an solum Ecclesiastico? Priorem partem tenet Syl. uest. ver. matrimonium, 6. quæst. 1. Angles in floribus 4. sent. p. 1. super d. 36. quæst. de errore conditionis, a. 1. dub. 1. Secundum quam sententiam dicendum, matrimonium inter infideles contractum, ex errore conditionis seruilis irritum pronuntiarì posse, ut omni iure liceat decepto, cum errorem cognouerit, ad alias nuptias transire. Quæ sententia probabilis est, sicuti fatetur Sanchez lib. 7. disp. 19. numero 15, Quia sacris canonibus non videtur id impedimentum de nouo introductum esse, sed quod antea semper receptum erat, approbatum fuisse, ut non sine verisimilitudine dici possit, errore isto seruilis conditionis iure gentium matrimonium infirmari.

Scio contrariam sententiam inter Doctores magis receptam esse apud Sanchez citat. disput. 19. numero 16. quod solo iure Ecclesiastico, licet antiquissimo, id impedimentum introductum sit: quandoquidem non obstante hoc errore, vtrinque traditur absolute potestas corporum, etsi per accidens impedita, ratione seruilis conditionis: sicuti si sanus cum leprosa per errorem contrahat, valet matrimonium, licet non minùs à coniugij vsu impediendus sit, quam si cum mancipio contrahat. Sed responderi potest, non esse simile: quandoquidem seruitutis quidam status est, stabilem obligationem continens, quæ obligationi matrimoniali suapte natura non parum detrahit: ut saltem Gentium iure conuenientissime introduci potuerit, per errorem eiusmodi status siue conditionis seruili matrimoniali vitari. Non ita verò se res habet in ignorantia alterius qualitatis, quæ stabilem obligationem vsui coniugali repugnantem non adfert, sed tantum per accidens impedit: tali enim errore, cum varius ac multiplex esse possit, non expedit matrimonia passim vitari, ut supra dictum est. Cæterum, si Dominus seruum aut seruam in matrimonium det homini libero nescienti seruilem illius conditionem, vel

vel sciens eos cum tali errore contrahere, de industria tacerit, tunc mancipium hoc ipso libertatem consequitur, fauore matrimonij, vt validum existat; sicuti legimus in Authent. de nuptijs, §. Si verò decretum, collat. 4. & Auth. ad hoc, C. de latina libertate.

- 4 Alioquin verò, si mancipium seu cum altero mancipio, seu cum libero homine matrimonium contrahere velit, à domino impediri non potest, quamuis debita & cōsuetaservitia serui, postquā matrimonio copulati sunt, non minùs quàm antea, propriis dominis exhibere tenentur, vt habetur c. 1. de coniug. seruorum, vbi id docet Abb. num. 6. Maior in 4. distinct. 30. quæst. 1. §. dubitatur, Nauar. cap. 22. numero 34. Henriquez lib. 11. cap. 10. numero 4. lit. f. Coninck disput. 31. dub. 2. conclus. 4. qui notant: Si dominus in matrimonium serui consentiat, implicite sibi obligationem imponere: quominus seruum à coniugij vsu sine grauissima necessitate omnino abstrahere, aut impedire possit; alioquin verò aduersus iusticiam non peccaturum, etsi seruum in remotissimis terris ab vxore abstractum vendat: cum iure suo vtatur, licet contrarium sentiat Sanchez disput. 22. numero 12. Id verò certum est, peccare dominum contra charitatis legem, si coniuges probabili incontinentiæ periculo exponat: quare iudicis Ecclesiastici officio interdici illi poterit, ne ita vendat, vel aliis modis seruum coniugatum impediatur, vt nunquam, aut vix vnquam vxori cohabitare possit. Cæterum si coniugatus, vxore non consentiente, se alteri vendat, tunc minùs iuri coniugali, iam antè vxori acquisito, dominus præiudicare poterit.

Ad extremum nota; Licet coloni originarij, & ascriptitij, de quibus mentio est in cap. 2. de Iudæis, quibusdam locis, etiam Germaniæ nostræ, adeo dominis terræ obligati sint, vt recedere illis non liceat, nisi remissione gratis facta, aut pretio remissionis persoluto, insuper omnium prædiorum redditus, demptis tantum expensis, & necessario victu, dominis suis inferre debeant, ideoque similitudinem quandam cum seruis gerere videantur, reipsa tamen serui non sunt, sed liberi homines censentur, cit. loco definimus, lib. 11. Cod. de agricolis & censitis, & citat. cap. 2. Quamobrem à legitimis actibus, puta testimonio ferendo, non repelluntur, sicuti notat Glos. numero citat. cap. 2. verbo sint liberi, ibid. Abb. & in c. indicatum de immunit. Eccles. num. 1. Quare quæ hoc cap. de seruis dicta sunt, pleraque in eiusmodi originarijs locum habere non possunt.

CAP. III.

De impedimento voti.

S V M M A R I V M.

- 1 Votum solenne professionis in Religione approbata non tantum soluit matrimonium ratum, sed etiam dirimit contrahendum.
- 2 Vota simplicia in Societate Iesu matrimonium contrahendum dirimunt, sed antea contractum ac ratum non solvunt.
- 3 Votum continentia, quod sacro ordini annexum est, matrimonium ratum non soluit; impedit tamen, ac dirimit contrahendum.
- 4 Clerici in sacris, & Religiosi, si matrimonium contrahere præsumant, censuras ipso facto incurrunt.
- 5 Votum simplex continentia in seculo, est impedimentum impediens tantum, non dirimens, excepto unico casu, si vxor edito continentia voto licentiam marito dederat sacros ordines suscipiendi.

- 6 Qui cum voto simplici continentia matrimonium contraxit, ante impetratam dispensationem coniugij debitum petere prohibetur.

ASSERTIO I. Votum solenne professionis in Religione approbata non tantum matrimonium ratum nondum consummatum soluit, vt supra dictum est p. 3. cap. 6. sed etiam impedit, ac dirimit contrahendum, sicuti constat ex c. meminimus, cap. rursus, cap. insinuante, Qui clerici vel vouentes, Conc. Chalcedon, can. 16. Concil. Carthag. 4. can. vlt. Tolet. 1. can. 16. Tolet. 4. cap. 51. Concil. Martisconensi c. 12. Turonico 2. cap. 16. Triburiensi can. 23. S. Basilio in lib. de vera virginitate, & in proemio Constit. monastic. Innoc. 1. epist. 2. ad Victricium, c. 12. S. Hier. lib. 1. contra Iovinian. cap. 7. S. August. in psal. 83. Chrysost. epist. 6. ad Theodor. Monachum, quibus locis Patres huiusmodi nuptias, quas Monachi, aut Sanctimonialia contraxerint, incestas atque adulteras appellant. Quamobrem rectè statuit Imperat. Iovinian. in l. 5. C. de episc. & Cleric. Si quis non dicam. rapere, sed attentare tantum, iungendū matrimonij causa, sacratissimas virgines ausus fuerit, capitali poena feriatur. Ratio est: Quia placuit Ecclesiæ eos, qui vitæ perfectioris statu suscepto, stabili obligatione se Deo, & Ecclesiæ consecrant, inhabiles efficere ad statum matrimonij, religiosæ eiusmodi obligationi valde repugnantem.

Quamobrem Gregor. XIII. in Bulla Ascendente Domino decreuit, vt etiam vota simplicia in Religione Societatis Iesu, quibus veri religiosi constituuntur, matrimonium contrahendum dirimerent, quamuis antea contractum non dissoluant, vt bene docent Vasquez t. 2. disput. 165. cap. 10. Sanchez lib. 5. moral. c. 1. num. 29.

ASSERTIO II. Votum solenne continentia, quod ex constitutione Ecclesiæ sacro ordini annexum est, licet matrimonium ratum, & nondum consummatum non soluat, impedit tamen & dirimit contrahendum. Prior pars habetur in extrauag. antiquæ, Ioannis XXII. de voto, vbi additur: Si maritus ante matrimonij consummationem, sacrum ordinem accipiat, absque coniugis licentia, & non sicuti sacris canonibus definitum est, irregularem fieri, atque monendum, non verò cogendum, vt Religionem profiteatur: si nolit, vxori repetenti restituendum esse, vt matrimonium cum ea consummer, reddendo debitum, sed non exigendo, sicuti Gl. ibi notat, vt consummare. Ratio verò discriminis est, cur Ecclesiæ velit, per professionem Religionis matrimonium ratum dirimi, non item per susceptionem ordinis: Quia per professionem censetur fieri perfectissima traditio sui ipsius, & reciproca obligatio cum Religione, ideoque mors quædam spiritualis, ac veluti alterum spirituale matrimonium, cui merito prius secundum carnem initum cedere debeat. Cuiusmodi perfecta traditio in susceptione sacri ordinis non reperitur.

Posterior pars habetur in cap. nullus Missam, & c. præter hoc, d. 32. cap. 1. & 4. de cleric. coniug. cap. 1. 2. & c. insinuante, Qui clerici vel vouentes, cap. vn. de voto, in 6. in Trident. sess. 24. de matrim. can. 9. & docet S. Thom. in 4. d. 37. quæst. vn. 2. 1. ibid. S. Bonau. art. vn. quæst. 2. & 3. Idque etiam in Orientalibus Ecclesijs obseruatum fuisse, vt matrimonium Sacerdotum non tantum prohibitum, sed etiam irritum censeretur, testis est Azor t. 1. lib. 13. cap. 12. quæst. 5. & cap. 14. quæst. 7. Sanchez lib. 7. disput. 28. num. 3.

His adde primò; Quod excommunicationem ipso facto incurrant Religiosi vtriusque sexus, & Clerici in sa-

cris constituti, qui matrimonium contrahere præsumant: & quicumque cum Monialibus contrahere non verentur, Clem. I. de consang. & affinit.

4 Adde secundò; Si Clericus in sacris de facto matrimonium contrahere præsumat, esse suspensum ab ordine, quamvis Episcopus cum eo post peractam pœnitentiam dispensare possit, si bigamus factus non est, iuxta c. 1. Qui clerici vel vouentes, & docet Abb. c. 2. eod. tit. in fine, & clarè habetur in cap. sanè, 2. de Cleric. coniugatis.

5 Assertio III. Votum simplex continentie extra Religionem editum, impedit quidem quominus matrimonium licitè contrahatur, non tamen illud dirimit; multò minus antea contractum & ratum dissolvit. Ita habetur in c. meminimus, c. consuluit, cap. rursus, Qui Clerici, vel vouentes, & c. vn. de voto in 6. Ratio est: Quia per tale votum homo in facie Ecclesiæ non censetur mutare statum; cum nullam promissionem acceptante Ecclesia edat, sicuti notauit Sanchez lib. 7. disputat. 11. numero 4.

Vnus tamen casus communiter excipitur: Si vxor in seculo continentiam vouens, marito licentiam dedit sacros ordines suscipiendi, eo defuncto, ne validè quidem ad secundas nuptias transire potest, sicuti constat ex c. quia sunt, quod est Greg. I. lib. 11. epist. 59. vbi id notat Gloss. ver. fuisse, & c. seq. d. 28. & c. ieriatim, d. 32. & docet Abb. c. constitutus, num. 6. de conuers. coniugat. Paludan. in 4. d. 38. quæst. 2. a. 5. Azor tom. 1. lib. 13. cap. 14. quæst. 11. Sanchez lib. 7. disput. 40. contra Sotum lib. 7. de iust. quæst. 5. art. 3. solut. secundum.

6 Ad extremum nota: Licet is, qui cum voto simplicis continentie matrimonium contraxit, à petitione debiti impeditus sit ante impetratam dispensationem, non ita verò qui post votum Religionem ingrediendi ac profitendi matrimonium contraxit ac consummauit: talis enim neque petere, neque reddere prohibetur; cum nondum habeat votum castitatis, sed votum de vouenda castitate solemniter, à cuius voti expletionem impeditus est, donec matrimonium solvatur, vti ex communi docet Nau. lib. 3. consil. 17. de voto, edit. 2. Sanch. libro 9. disp. 33. n. 14.

CAP. IV.

De impedimento consanguinitatis.

SVMMARIVM.

- 1 Consanguinitas est vinculum personarum, quæ ab eodem, eoque propinquo stipite, per carnalem generationem descendunt.
- 2 Omnes agnati etiam cognati sunt, sed non vice versa.
- 3 Triplex est linea consanguinitatis, Descendentium, Ascendentium, Transuersa.
- 4 Transuersa linea duplex est, æqualis, & inæqualis.
- 5 Consanguinitas hodie intra quartum gradum linea transuersa tam æqualis, quam inæqualis, matrimonium contrahendum impedit, ac dirimit.

ANTE omnia dicendum est, quid sit consanguinitas, quid cognatio, agnatio, linea, & gradus consanguinitatis. Consanguinitas definitur: Vinculum personarum, quæ ab eodem, eoque propinquo stipite, per carnalem generationem descendunt. Explicatur: Omnes Gentes agnoscunt, vinculum aliquod ac veluti naturalem obligationem animorum, iunctam cum similitudine corporum, inter eas personas intercedere, quæ ab

eodem stipite seu progenitore, eoque propinquo oriuntur: vnde & propinquitas sanguinis dicta est. Qui verò à communi stipite remoto descendunt, consanguinei vocari non solent: alioquin omnes homines inter se consanguinei erunt, quippe ab eodem parente Noë & Adamo descendentes. Ratio huius rei est: Quia virtus generatiua propensa quidem est ad generandum simile sui; verum quo magis à communi stipite, seu generante per succedentes generationes, quibusdam quasi gradibus, progressio fit, eò magis similitudo seu proportio sanguinis minuitur.

Obijcies: Adam & filius eius Sem verè consanguinei erant, cum tamen ab vno stipite per carnalem generationem non descenderint. Respondeo primò; Ob id Couar. in epit. p. 2. c. 6. §. 6. num. 1. definitioni addidisse hæc verba, *vel quarum personarum vna ab altera descendit*. Respondeo secundò: Definitionem nostram à Doctoribus tradi solitam esse, quatenus per eam explicatur consanguinitas, sicuti hodie in vsu est.

2 Cognatio & agnatio differunt, sicuti genus & species. Nami cognati, siue quod idem est consanguinei, non omnes agnati dicuntur; sed ij tantum, qui per virilis sexus cognationem iuncti sunt, & idcirco idem nomen, eandemque familiam sequuntur, siue mares sint, siue feminae, videlicet Titius & filij eius, filiarque, & germani fratres eius, fratrumque filij, ac filiar agnati vocantur. Vide l. 18. ff. de gradibus.

3 Linea consanguinitatis definitur: *Ordinata connexio personarum, consanguinitatem inter se habentium*. Triplex est, vna secundum habitudinem principij ad eos qui inde deriuantur, & dicitur *linea descendendum*. Altera secundum habitudinem eorum qui deriuantur, ad principium suum; liberorum, inquam, ad parentem, & dicitur *linea ascendendum*. Tertia *linea transuersa*, quæ est habitudo eorum, quorum neuter, aut nullus ab altero, sed vterque, aut omnes ab eodem principio descendunt.

Gradus consanguinitatis definitur: *Distantia vnius personæ ab altera in eadem linea, siue scala consanguinitatis*. Finguntur enim gradus hi ad similitudinem scalarum, quas ita ingredimur, vt à gradu in gradum proximum, qui ex illo quasi nascitur, transeamus.

Pro linea descendente, & ascendente vnica regula tam canonico, quam ciuili iure recepta traditur: *Tot sunt gradus in linea descendente, vel ascendente, quot personæ, vnâ demptâ*. Quare pater & filius primo gradu iuncti sunt, auus & nepos secundo gradu, proauus & pronepos tertio gradu, abauus & abnepos quarto gradu, & sic deinceps.

4 Transuersa linea duplex est; vna æqualis, quæ est inter personas à communi stipite æqualiter distantes, videlicet inter fratres ac sorores, inter patruales & consobrinos, & inter horum filios, ac nepotes. Pro hac secundum canonici iuris constitutionem hæc regula recepta est: *In linea transuersa æquali, quot gradibus personæ singulæ à communi stipite distant, totidem inter se distant*. Quare cum fratres & sorores vno tantum gradu à suo patre vel matre distent in linea recta, sequitur vno etiam gradu inter se distare in linea transuersa. Patruales verò & consobrini sunt in secundo gradu lineæ transuersæ: quia in linea recta duobus gradibus à communi eorum stipite, auo & auia distant. Deinde filij & filiar patruelium ac consobrinarum tertio gradu iuncti sunt, quia in linea recta tribus gradibus distant à proauo vel proauia, communi ipsorum stipite. Nepotes autem patruelium & consobrinarum quarto gradu inuicem iuncti sunt, quia in linea recta à communi stipite, suo abauo vel abauia, quatuor gradibus remoti sunt.


Alteræ est linea transuersa inæqualis inter personas inæqualiter distantes à communi stipite: Videlicet inter patruum

patruum vel amitam, & fratris filios: inter magnum patruum vel magnam amitam, & fratris eorum nepotes: inter magnum propatruum vel magnam proamitam, & fratris eorum pronepotes; qui omnes inter se agnati sunt. Et similis ratio est de reliquis cognatis, videlicet auunculo & matertera, magno auunculo & magna matertera, magno proauunculo & magna promatertera, cum sororum filiis, nepotibus ac pronepotibus. Pro hac linea secundum canonici iuris dispositionem, hæc regula recepta est: *In linea transversa inæquali quorundam gradibus quæ remotior persona est à communi stipite distat, totidem gradibus ipse persona inter se distat.* Quare patruus vel amita in secundo cognationis gradu est cum liberis fratris sui, & auunculus vel matertera in secundo cognationis gradu cum liberis sororis suæ, quia nepotes hi duobus gradibus in linea recta distant ab auo suo, cuius filius fuit eorum patruus, aut filia amita, vel ab auia sua, cuius filius fuit auunculus, & filia matertera. Magnus verò patruus, magna amita, magnus auunculus, magna matertera tertio gradu coniuncti sunt

nepotibus sui fratris & sororis, quia pronepotes hi tribus gradibus in recta linea distant à suo proauo, vel proauia, quorum filij magnus patruus, magnus auunculus, filia verò magna amita, & magna matertera fuerunt. Patruelis quoque cum filio alterius patruelis tertio gradu iunctus est, quia filius patruelis tertio gradu distat à suo proauo, cuius nepos est patruelis. Denique magnus proauus quarto gradu iungitur sui fratris pronepoti, quia abnepos iste quarto gradu in linea recta distat à suo abauo, cuius filius est magnus propatruus. Et similis ratio est de magna proamita, magno proauunculo, magna promatertera.

His explicatis dicendum: Quod consanguinitas hodie intra quartum gradum lineæ transversæ tam æqualis, quàm inæqualis, matrimonium contrahendum impedit, ac dirimit, sicuti habetur in c. non debet, de consanguin. & affinit. Iure autem antiquo ad septimum vsque gradum impedimentum hoc extendebatur, c. 1. & seqq. 35. q. 3. c. ad sedem, q. 5.

Schema Consanguinitatis.



Consanguinitatis schema hoc extensum tantum est ad gradus quatuor, videlicet intra quos secundum ius canonicum est impedimentum dirimens; adeo, ut hypotheticus ille, seu mas sit, seu femina, cum nulla harum personarum nuptias contrahere possit, prohibente consanguinitatis iure.

CAP. V.

De impedimento affinitatis.

SUMMARIUM.

- 1 Affinitas est propinquitas personarum ex carnali copula proveniens.
- 2 Affinitas, quæ ex legitimo toro est, intra quartum gradum matrimonium impedit, ac dirimit; quæ vero ex toro illegitimo provenit, duntaxat intra gradum secundum.
- 3 Affinitas orta ex toro incestu cum consanguinea coniugis intra secundum gradum impedit à debiti coniugalis petitione.
- 4 Affinitas quæ per accidens est inter personas, quarum neutra per copulam carnalem affinitatis per se causam præbuit, nullum matrimonium impedimentum præstat.
- 5 Gradus affinitatis, per se ac propriè dicta, desumi debet ex arbore consanguinitatis proprii coniugis.

AFFINITAS definitur apud Covar. in epit. p. 2. c. 6. §. 7. Propinquitas personarum ex copula carnali proveniens. Et apud Navar. c. 22. n. 42. Propinquitas duarum personarum, quarum una cum consanguinea alterius copulam habuit. Duplex est affinitas; una quæ ex legitimo toro originem trahit; altera quæ ex illegitimo toro, puta fornicatione, adulterio, stupro. Neque inter est, utrum carnalis copula fiat cum volente, an ignorante, ebria, coacta, dummodo per emissionem feminis in naturale vas mulieris, sicuti docent DD. in c. fraternitati, de eo qui cognovit, &c. Cum enim vir & mulier per huiusmodi coniunctionem efficiantur veluti una caro, idque non tantum in legitimo coniugio, sicuti Christus ait Matth. 5. *Erunt duo in carne una*; sed etiam in fornicatione, sicuti Apostolus ait 1. ad Corinth. 6. *Qui adheret meretrici, unum corpus efficiuntur*, hinc sequitur, quod si Titius & Caia carnaliter coniungantur, omnes consanguinei Titij, secundum eundem gradum, quo consanguinei ipsius sunt, fiant etiam affines Caiæ, & omnes consanguinei Caiæ fiant affines Titij.

His explicatis, est assertio I. Affinitas, quæ ex legitimo toro est, intra quartum gradum matrimonium impedit, ac dirimit, sicuti habetur in cit. cap. non debet, de consang. & affinit. Sensus est: Quod Titius matrimonium nec licitè, nec validè contrahat cum Caiæ defunctæ uxoris suæ consanguineis intra quartum gradum, neque Caia cum consanguineis defuncti mariti Titij, etiam intra quartum gradum.

Assertio II. Affinitas, quæ ex illegitimo toro est, impedit ac dirimit matrimonium duntaxat intra secundum gradum, post novam Trident. constitutionem sess. 24. c. 4. de reform. matrimonij. Sensus assertionis est: Si Titius fornicatur cum Caia, inhabilis fit ad matrimonium contrahendum cum Caiæ sorore, patruele, consobrina, matertera.

Assertio III. Affinitas, quam conjugatus contrahit cum coniuge, si cum eiusdem consanguinea intra secundum gradum incestum committat, impedit eum, quominus coniugij debitum petere ipsi liceat, quamvis innocentij coniugi reddere teneatur.

Pro intellectu huius assertionis nota I. Hæc debiti petendi privatio oritur ex contracta affinitate cum coniuge, sicuti colligitur ex c. 1. iuncto c. discretionem, de eo qui cognovit consanguineam uxoris suæ. Quare si coniunx cum proprio consanguineo incestum commisit, non idcirco iure debiti petendi privatus est: cum nullam exinde affinitatem cum altero coniuge contraxerit, sicuti ex communi notavit Sanchez lib. 9. disput. 27. num. 7.

II. Nihil refert ad hanc pœnam incurrendam, utrum incestus occultè commissus sit, an verò publicè innotue-

rit: cum utroque casu affinitas contrahatur cum coniuge, quæ sola causa est, cur incestuosus à petitione debiti prohibeatur. Idque notavit Glos. c. qui dormierit, ver. neutram, 32. q. 7. Sotus in 4. d. 32. quæst. vn. a. 2. concl. 2. Gutierrez lib. 1. canon. qq. c. 23. num. 8. contra Angelum, ver. incestus, §. 4. Sylvest. ver. luxuria, quæst. 4. dicto 2. existimantes, nisi constet de incestu, non contrahi hanc pœnam, quia ita docuerit Abb. in c. literis, de præsumpt. numero 2. quæ tamen doctrina apud Abb. non reperitur, sicuti etiam Gutierrez annotavit.

III. Coniunx contrahit hoc ex affinitate impedimentum si innocens sit, puta quia ipsemet voluntariè incestum commisit, vel ut ab altero coniuge committeretur, consensit, sicuti docent S. Bon. in 4. d. 34. a. 3. q. 2. Syl. cit. q. 4. dicto 3. Sanch. cit. disp. 27. n. 3. Secus si innocens, ut si v. g. uxor per vim oppressa sit à consanguineo marito, sicuti constat ex cit. c. 1. & cit. c. discretionem, ubi, cum suo iure non debeat sine culpa privari. Vbi Glos. ver. officere notat, affinitatem hanc non ex rei natura asserre impedimentum vsui coniugali, sed solum in pœnam delinquentis, per Ecclesiasticam constitutionem. Alioquin verò spectatà sola rei naturâ, matrimonium legitime constitutum, retractari non debet, licet casus postea eveniat, à quo non potuit inchoari, reg. 73. in 6.

IV. Postquam Concilium Trident. impedimentum affinitatis ex copula fornicaria restrinxit ad gradum secundum, eadem restrictio obtinere debet, quod attinet ad pœnam privationis debiti propter incestum cum consanguineis coniugis, sicuti docet additio Navar. lib. 4. consil. 6. de consang. & affinit. edit. 2. Rodriguez t. 1. sum. cap. 243. Glos. 12. Henriquez lib. 11. cap. 15. numero 11. Sa. ver. debitum n. 13. Sanchez cit. disp. 27. n. 14. contra Angles in 4. p. 1. de matrim. q. de impedimen. affinit. a. 1. ante difficult. 1. Nam pœna illa incurritur propter crimen incestus: qui autem hodie fornicatur cum consanguinea uxoris suæ ultra secundum gradum, non committit crimen incestus, sed tantum simplicem fornicationem, si viduus sit, adulterium verò, si conjugatus: quare circumstantiam hanc affinitatis in Confessione explicare non tenetur, uti docet Gutierrez lib. 1. canon. c. 23. num. 3. Sanchez lib. 7. disput. 67. num. 8. quandoquidem incestus non dicitur nisi earum personarum carnalis copula, inter quas matrimonium consistere nequit, uti colligitur ex tit. C. de incestis, & inutilibus nuptijs.

Porrò sciendum est, aliud genus affinitatis esse per accidens, quod matrimonio nullum impedimentum præstat, uti habetur in c. non debet, de consang. & affinit. Interuenit autem inter personas, quarum neutra per copulam carnalem affinitatis per se causam præbuit, ac proinde affinitas talis etiam inter virgines seu personas omnis copulæ carnalis expertes consistere potest. Exempli causa: Si Titius & Caia carnaliter copulentur, ratione huius copulæ, adeoque per accidens consanguineus Titij contrahit affinitatem cum consanguinea ipsius Caiæ: quæ tamen affinitas matrimonium inter ipsos nec impedit, nec dirimit. Quamobrem nihil obstat, quominus duo vnus familiæ fratres matrimonium contrahant cum duabus alterius familiæ sororibus, uti habetur in c. super his, eod. tit. Et potest aliquis successivè plures uxores accipere, quarum mariti fratres germanerant: v. g. Galla & Cæcilia nupsere duobus fratribus; poterit Sempronius Gallam viduam effectam ducere, eaque mortua, viduam Cæciliam. Deinde pater sponsæ ducere non prohibetur matrem, vel filiam sponsæ: similiter ducere aliquis potest matrem, vel filiam vitrici, aut noueræ suæ.

Præterea, si Caia habeat fratrem Sempronium, cui nupta est Placidia, Titius verò ducat Caiam; tunc contrahit Titius affinitatē propriè ac per se cum Sempronio, per

accidens verò cum Placidia.

Denique erant duo fratres, Julius & Augustus, ille duxit Caiam, hic Semproniam: mortuo Julio, Titius duxit Caiam viduam, hac verò mortua, mortuo item Augusto, non prohibetur Titius secundas nuptias celebrare cum relicta Sempronia: quia Titius & Sempronia per accidens tantum affines sunt, ratione defunctorum priorum coniugum Augusti & Caiæ, qui per se ac propriè affines erant: siquidem Augustus erat frater Iulij, cuius coniunx fuit Caia. Plures eiusmodi casus affinitatis per accidens occurrere possunt, pro quibus cognoscendis hæc regula notari potest ex Nau. lib. 4. consil. 3. de consang. & affinit. edit. 2. Si neque vir carnaliter cognouit consanguineam mulieris, cum qua ille nuptias contrahere cupit, neque mulier carnaliter cognouit consanguineum viri, tunc si quæ inter eos affinitas, ea per accidens tantum est, matrimonij contractum non impediens.

Quæres. Quia ratione deprehendi possint gradus affinitatis eius, quæ per se est, ad intelligendum, vtrum matrimonio impedimentum afferant. Respondeo: Ex inspecta arbore consanguinitatis, quam supra posui. Nam affinitas illa oritur ex carnali copula viri cum muliere, ita ut quot gradibus consanguinitatis personæ iunctæ sunt viro, totidem etiam gradibus affinitatis iungantur mulieri, & similiter quot gradibus consanguinitatis personæ iunctæ sunt mulieri, totidem etiam gradibus affinitatis iungantur viro. Quare si vir personas sibi affinitate per se iunctas cognoscere velit, mulieris cum qua copulatus est, arborem consanguinitatis inspicere debet: nam nullam ex consanguineis eius intra quartum gradum (si copula coniugalis fuit) aut intra secundum gradum (si copula fornicaria fuit) in matrimonium ducere potest. Simili ratione mulier, si personas affinitate sibi per se coniunctas deprehendere velit, arborem consanguinitatis viri, quocum copulata est, inspicat: nam nullum ex consanguineis eius intra quartum, aut secundum gradum, iuxta dictam distinctionem, in matrimonium accipere potest, absque legitima dispensatione.

Quamuis autem hæc omnia difficilem intellectum non habeant, quia tamen aliqui, etiam viri alioquin docti, in cognoscendis matrimonij impedimentis ex consanguinitate vel affinitate, sæpe multum laborant, ideo pro faciliore captu hanc praxin subnectere libet. Si vir & mulier inter se matrimonio iungi volentes, timeant, ne impedimento seu consanguinitatis, seu affinitatis teneantur: Imprimis inquiratur, vtrum inter eos sanguinis coniunctio intersedat, ob id *Blutfreundschaft* sene: Si affirmant, tunc inspicenda erit arbor consanguinitatis, & considerandum vtrum à communi stipite æqualiter distent, an inæqualiter. Si æqualiter, siue vnam, siue alteram personam compara cum suo stipite, & inspicere quotnam gradibus ab eo distet, totidem enim distabit à personâ illa, quam in matrimonium accipere vult. Sin verò inæqualiter distent à stipite, & quot gradibus ab eo distat, totidem gradibus personæ contrahere volentes distabunt: qui gradus si sint quatuor, aut pauciores, adest impedimentum, ut sine dispensatione Sum. Pontificis coniungi non possint: sin verò pluribus, quam quatuor gradibus distent, nullum est impedimentum consanguinitatis.

Quod si verò dictæ personæ vir & mulier respondeant, non esse inter ipsos sanguinis coniunctionem, sed tantum affinitatem, *ein Schwägerschaft*, (loquor autem de affinitate contracta ex copula coniugali, non illegitima ac fornicaria) hoc casu quæritur, vtrum dictæ personæ antea matrimonio iunctæ fuerint: si enim neutra harum personarum coniugata fuerat, sed primas nuptias contrahere velint, certum esse debet nullum inter eas affinitatis impedimentum esse. Sin verò respondeant, alte-

ram vel vtramque personam antea matrimonio iunctas fuisse, tunc inspicatur matrimonium istud ex quo affinitas inter Iacobum & Annam, qui modò coniungi desiderant, orta sit: quia v.g. Iacobus dicit, se habuisse uxorem Vrsulam, cui Anna coniuncta fuerit, *sie sene ihr Befreundin gerveesen*. Tunc demum consideretur, vtrum inter Annam & Vrsulam fuerit coniunctio sanguinis intra quatuor gradus: nam in eadem distantia graduum erit impedimentum affinitatis inter Iacobum & Annam, ut proinde sine Sum. Pontificis auctoritate coniungi non possint. Sin verò inter Annam & Vrsulam nulla fuit sanguinis coniunctio, tunc dicta affinitas nihil omnino impedit, quominus Iacobus Annam in uxorem ducere possit.

Quod si demum affinitas inter Iacobum & Annam ex copula illegitima orta sit, quia v.g. Iacobus cognouit Vrsulam consanguineam Annæ, tunc videatur, in quoto gradu Anna sit consanguinea Vrsulæ: si in primo vel secundo gradu, quia videlicet est filia, soror, aut consobrina, adest impedimentum affinitatis inter Iacobum & Annam. Sin verò Anna consanguinea sit Vrsulæ in tertio, vel vltiore gradu, non est impedimentum affinitatis, impediens matrimonium inter Iacobum & Annam.

CAP. VI.

Quousque Sum. Pontifex dispensare possit in impedimentis consanguinitatis & affinitatis.

SUMMARIUM.

1. Naturali iure irritum, & consequenter indispensabile est matrimonium in primo gradu consanguinitatis linea recta, excepto casu publica extrema necessitatis.
2. Probabilius videtur, matrimonium in secundo, & vltiore etiam gradu linea recta naturali iure irritum esse.
3. Naturali iure illicitum saltem, (non omnino irritum est matrimonium in primo gradu linea transuersa) excluso tamen necessitatis casu.
4. Matrimonium in secundo gradu linea transuersa ob rationabilem causam cohonestari, & publica auctoritate permitti potest.
5. Probabilius est, matrimonium in primo gradu affinitatis linea recta esse naturali iure irritum, excepto necessitatis casu.
6. Ex copula fornicaria secundum ius natura citur aliqua affinitas, sed non dirimens matrimonij: quare Sum. Pontifex in omni impedimento affinitatis ex copula fornicaria dispensare potest.
7. Matrimonium in primo gradu affinitatis linea transuersa ob rationabilem causam cohonestari, & publica auctoritate permitti potest.
8. Summus Pontifex in omnibus gradibus consanguinitatis ultra primum, & in omnibus omnino gradibus affinitatis transuersa linea dispensare potest.
9. Difficilior est dispensatio, si distantia graduum inæqualis sit.
10. Difficilius dispensari solet super impedimentis consanguinitatis, quam affinitatis.

Hæc res inde dependet, ut prius intelligamus, quanam gradus consanguinitatis & affinitatis iure naturali matrimonium dirimant: siquidem in illis Sum. Pontifex dispensare nequit; cum in ius naturale dispensatio non cadat. Sin verò gradus consanguinitatis matrimonio secundum ius naturale non præbeant impedimentum, sequitur, Ecclesiæ auctoritate approbati posse: quandoquidem legibus Moisaicis iudicialibus in libro Leuitico hac de re latis non obligamur. Post Christi verò aduentum nullæ de nouo leges diuinæ positæ sunt, nisi circa Fidem & sacramenta, ut inter alios notauit Veracrux p. 1. specul. a. 43. concl. 6.

Assertio

Assertio I. Naturali iure irritum, & consequenter indispensable est matrimonium in primo gradu consanguinitatis lineæ rectæ, videlicet inter patrem, & filiam, matrem & filium. Nam omnes gentes liberaliter educatæ à tali coniugio tanquam inhonesto ac turpi abhorrent, ut videre est apud Sanchez lib. 7. disp. 51. n. 7. Bellarm. lib. de matrim. c. 27. propterea quod proles naturali iure magnam reuerentiam ac submissionem debet parenti suo: per carnalem autem copulam æquaretur parenti, quasi una caro cum ipso effecta, non sine debita reuerentiæ ac submissionis filialis iactura. Quæ ratio non tantum ostendit, tale matrimonium illicitum, verum etiam inualidum esse. Cum enim homo homini corporis sui potestatem validè tradere non possit, nisi quatenus Deus naturæ auctor, & primus matrimonij institutor permittit, eo ipso indicio, quod tale matrimonium turpe ac scdum est, colligitur, eius contrahendi Deum potestatem non concessisse. Accedit, quod nemo contractum validè se obligare possit ad actionem re ipsa illicitam & peccato obnoxiam: matrimonium autem est contractus, quo ius & potestas traditur copulæ carnalis: ergo si hæc in se turpis ac peccato obnoxia sit, matrimonium validum esse non potest.

Neque obstat, quod objicit Coninck disp. 32. dub. 1. n. 5. Obligatum simplici castitatis voto illicitè matrimonium contrahere; attamen validè. Respondeo enim; Ideo tale matrimonium validum esse, quia copula inter tales personas secundum se turpis, & illicita non est, sed tantum per accidens ratione voti: id autem non obstat, quo minus se inuicem ex iustitiæ virtute obligare possint per realem matrimonij traditionem. Quemadmodum hoc ipsum in alijs contractibus euenit, ut si promiserim alicui equum me donaturum, postea verò alteri non simpliciter promittam, sed re ipsa tradam, posteriori ius & dominium acquiratur: quia fortius ius habet per traditionem completum.

At verò copula inter primi gradus consanguineos semper turpitudinem in se habet, unico casu excepto: ut proinde talis copulæ promissio valida seu obligatoria esse non possit.

Veruntamen tale matrimonium non ita à natura abhorrens est, ut non vno saltem casu publicæ necessitatis cohonestari possit, si videlicet, hominibus omnibus alijs sublatis, talis copulatio ad conservandum genus humanum necessaria esset, qua ratione S. Chrysostomus homil. 44. in Gen. Ambros. lib. 1. de Abraham, cap. 6. à crimine incestus excusat filias Loth, ratas nullum alium virum præter patrem ex incendio superesse, Genes. c. 19. Cum enim ius reuerentiæ debitum parenti priuatum sit, meritò cedit publicæ necessitatis bono; ideoque Deus, ipso naturali lumine dictante, in tali casu facultatem coniugalis inuendi fœderis inter patrem & filiam concedere censeretur, uti docent Sotus in 4. d. 40. disp. vn. a. 3. Angles in 4. p. 1. de impedim. cōsang. a. 3. §. tunc illas ducere, Veracruz p. 1. speculi a. 43. ante 2. concl. Bellar. cit. cap. 28. Sanchez lib. 7. disp. 51. n. 10. contra Caiet. 2. 2. q. 154. a. 9. solut. ad 3. Petr. de Ledesma q. 54. a. 3. diffic. 1. concl. 3. Coninck disp. 32. dub. 1. n. 14.

Assertio II. Probabilius est, matrimonium etiam in secundo, vel vltiore gradu lineæ rectæ ipso naturali iure irritum esse, puta aui cum nepte sua, proau cum pronepte &c. Ita Doctores pleriq; apud Sanchez disp. 51. q. 2. Ratio est: Quia nepotes non minùs per se dependent ab auo, tanquam principio generationis suæ, quàm à proprio parente, cum causa causæ sit etiam causa causati: consequenter nepotes aui suis, aliisque maioribus descendentibus non minorem reuerentiam & filialem submissionem (cui vsum coniugalem aduersari diximus) naturali iure debent, quàm proximis parentibus. Quamobrem omnes bene institutæ gentes eiusmodi matrimonium tanquam sceleratum abominatæ sunt, sicuti constat

ex l. nuptiæ, ff. de ritu nuptiarum: Nuptiæ consistere non possunt inter eas personas, quæ in numero parentum, liberorum uel sunt, siue proximi, siue vltioris sint, usque in infinitum. Et l. vlt. ff. eod. Iure gentium incestum committit, qui ex gradu ascendente, vel descendente uxorem duxerit. Quamuis cōtrarium cum quibusdam amplexus est Sanchez cit. quæst. 2. & vlt. ex quo inferit num. 21. infideles matrimonio iunctos cum quocunque ascendente, demptis patre & matre, dummodo non contra leges & consuetudines suas contraxerint, conuersos ad fidem separandos non esse. Sed contraria, ut dixi, sententia probabilior, & communior est.

Assertio III. Probabilius quoque est naturali iure irritum esse matrimonium in primo gradu consanguinitatis lineæ transversæ, videlicet inter fratres & sorores. Quæ est communior Doctorum sententia apud Couar. in epit. p. 2. c. 6. §. 10. num. 15. Sanchez disp. 52. num. 11. Bellarmin. c. 28. Valent. t. 4. disp. 10. quæst. 5. p. 3. vbi de impedim. cognationis, §. Controuersia autem. Quia pleræque etiam gentes tale matrimonium detestatae sunt; teste Aristot. lib. 2. Politic. cap. 2. Quamobrem Abraham Genes. 12. satis putauit suspicionem coniugij à se remotum iri apud Aegyptios, si diceretur Sara eius soror esse. Nam inter frares & sorores ob sanguinis coniunctionem est quidam naturalis pudor ac reuerentia, cui valdè aduersatur actus coniugalis, turpitudinem alterius reuelans. Accedit, eos ab incunabulis simul habitantes, valde ad concubitus inflammandos fore, nisi coniugia sibi à naturæ auctore interdicta esse persuasum haberent. Dempto tamè casu necessitatis, si alij præter fratres & sorores ad humani generis propagationem superessent. Idque indicat S. Augustinus lib. 15. de ciuitate c. 16. vbi tradit, matrimonia inter fratres & sorores solo mundi exordio licita fuisse, humani generis propagandi necessitate compellente.

Veruntamen improbabilis non est sententia aliorum apud Sanchez cit. disp. 52. numero 10. quos sequitur Coninck cit. disput. 32. dub. 1. conclus. 4. in fine: Licet eiusmodi matrimonium secundum ius naturæ, seculoso casu dictæ necessitatis, indecens & illicitum appareat, non tamen ita, ut eodem etiam iure irritum existat. Cum enim à primordio humani generis talia connubia fierent, facillè accidere potuit, ut eiusmodi consuetudo apud quasdam gentes, etiam propagata posteritate, permaneret, & credibile est, Deum talia matrimonia tanquam valida permisisse, nisi positio aliquo iure, propter naturalem, quam præ se ferunt, indecentiam, irrita pronunciata essent: sicuti de Iudæorum legibus constat ex Levit. c. 18. de Romanorum ex tit. ff. de ritu nuptiarum, & §. inter eas, Instit. de nuptijs.

Ex qua probabili doctrina inferunt Veracruz. 2. p. spec. a. 22. conclus. 2. Sanchez cit. disp. 52. num. 12. Si ex gentibus, quibus est consuetudo talia matrimonia in primo gradu lineæ transversæ celebrandi, (ut de quibusdam in prouincia Peruana refertur) ad fidem Catholicam conuertantur, non esse à tali coniugio separandos. Verùm in hac re admodum graui consultius arbitror, Sum. Pontificem consulere, ideo vel maxime, quia multi existimant, Innoc. III. in c. gaudemus, de diuortijs voluisse, coniunctos in primo gradu consanguinitatis etiam lineæ transversæ separandos esse. Vide Sotum in 4. d. 40. q. vn. a. 4.

Assertio IV. Matrimonium in secundo gradu consanguinitatis lineæ transversæ, indecens quidè esse videtur, si passim sine urgente causa instituat: sed non ita, ut etiam iuri naturali irritum existat, aut ut ob rationabilem causam, præsertim publicæ accedente auctoritate, cohonestari non possit. Hæc est communior Doctorum sententia apud Nauar. c. 22. num. 84. Valentiam tom. 4. disput. 10. quæst. 5. p. 3. ver. In alijs autem gradibus, Bellarminum c. 27. Sanchez disp. 52. num. 6. Colligitur verò

ex Leuit. c. 18. ubi generatim dicitur: *Omnis homo ad proximum sanguinis sui non accedat, utrenelet turpitudinem eius.* Ratio ergo huius prohibitionis fuit moralis, quia turpe plerumque est cum cognata matrimonium contrahere: siquidem ipsa natura dicitur reuerentiam quandam ipsi debere, quacum pugnat copula carnalis, inquit Bellarminus cit. c. 27. resp. ad 1. arg. Eatenus tamen præcepta illa iudicialia fuerunt, quatenus quædam matrimonia etiam in secundo gradu consanguinitatis, videlicet inter nepotem & amitam, vel materteram, tanquam omnimodè illicita, atque irrita prohibebantur: cum tamen secundum ius naturæ talia non essent. Quandoquidem ex eiusmodi matrimonio nati sunt Moyses & Aaron, sicuti ex c. 6. Exodi ostendit Bellarm. c. 27. §. Tertium exemplum: Nachor quoque antea duxerat Melcham filiam Aram fratris sui, Gen. 11. Et Abraham duxit Sarah filiam fratris sui Aram, teste S. Augustino lib. 16. de ciuit. c. 12 & 19. Et in c. gaudent, de diuortijs respondit Innoc. III. Paganos, qui in secundo, aut tertio gradu coniunctas sibi vxores duxerant, si ad Fidem conuertantur, separandos non esse, cum secundum gentis suæ consuetudinem licet, multoq; magis validè contraxerint, quippe canonicis constitutionibus non obligati. Quæ responsione vt certum supponit, impedimentum in secundo gradu consanguinitatis aut affinitatis matrimonium infirmans, sola Ecclesiastica sanctione fundatum esse: quia ipsa de causa Trident. Concil. sess. 24. can. 3. de sacramento matrimonij, anathema dicitur, qui negant, Ecclesiam in nonnullis gradibus prohibitis in Leuitico dispensare posse.

Neque is obstat cap. literas, de restit. spoliatorum, §. Opinioni, ubi Innoc. III. ait, In gradibus diuina lege prohibitis dispensari non posse. Non enim id intelligendum est, sicuti Glos. explicat, de gradibus prohibitis lege veteri in Leuitico, alioquin sibi contrarius esset Innocentius in cit. c. gaudent, sicuti rectè notauit Sotus in 4. d. 40. q. vn. a. 4. ad finem. Sed intelligit de gradibus prohibitis lege diuina naturali, videlicet inter patrem & filiam, matrem & filium, & iuxta probabiliorē etiam sententiam, inter fratres & sorores. Et si enim certum non sit, hoc matrimonium esse irritum iure naturali, quia tamen id valde probabile est, non solet Ecclesia illud dispensatiuè vnquam permittere.

5 Assertio V. Probabilius est, matrimonium in primo gradu affinitatis lineæ rectæ esse iure naturali irritum, puta inter vitricum & priuignam, nouercam & priuignum, focerum & nurum, locrum & generum. Excepto tamen casu necessitatis, si tale matrimonium ad humani generis propagationem necessarium foret. Ita docent multi Doctores apud Sanchez lib. 7. disputat. 66. quamuis ipse cum alijs non paucis contrarium sentiat. Probat ex eo: Quod omnes gentes benè institutæ talia quoque matrimonia abominatæ sunt, sicuti colligitur ex l. si adulterium, ff. ad l. Iuliam de adulter. l. vlt. §. nouerca, ff. de conditione sine causa, & cap. 2. Amos, ubi Deus inter alia scelera exprobrat Israeli, quod filius & pater eius ierunt ad puellam constuprandam, eaque re violasse nomen sanctum Dei, reddendo illud detestabile gentibus, quæ videlicet talem copulā pro detestabili haberent. Item ex Apostolo 1. ad Corint. 5. *Audistis inter vos fornicatio, & talis fornicatio, qualis nec inter gentes, ita vt vxorem patris sui aliquis habeat.* Neque enim Apostolus id scelus exaggerare videtur propter illatam iniuriam patri (si ille adhuc in viuis fuerat) sed propter insolitæ fornicationis atque libidinis turpitudinem.

Confirmatur ex seuerissima pœna, qua Deus Leuit. 20. tale scelus prohibuit, vt facile appareat iuri naturæ repugnans esse, *Qui supra vxorem suam, duxerit matrem eius, scelus operatus est: viuis ardebit cum eis, nec permanebit tantum nefas in medio vestri.* Ratio verò est: Quia vir & mulier per coniunctionem carnalem fiunt veluti vna ca-

ro. Ex quo sequitur primò, quod patrem ferè reuerentiam quā vir patri suo, etiā vxor viri seu nurus socero exhibere debet: & quam reuerentiam filius patri, etiam vxori eius seu nouercæ suæ debet, & sic de alijs. Quæ ratio sumpta est ex S. August. lib. 22. contra Faustum, c. 61. relato in c. si vir, 35. quæst. 3. *Si vir & vxor non duo, sed vna caro sunt: non aliter est nurus deputanda, quàm filia.* Secundò sequitur, quod sit etiam contra reuerentiam patri debitam, commisceri cum vxore eius, quamuis demortui; quippe cum qua ipse vna quasi caro factus est. Quæ ratio sumitur ex Leuit. cap. 18. *Turpitudinem matris tuæ, & vxoris patris tui non cooperies: turpitudinem enim patris tui est.*

Atque hæ rationes probare videntur, spectato iure naturali, oriri affinitatem quandam ex copula etiam fornicaria; vt proinde, secluso iure Ecclesiastico, indecens esse videatur, concubinam patris sui in vxorem accipere: quod etiam prohibitum reperitur ab Alexandro Imperatore in l. liberi, C. de nuptijs. Atque ita docet S. Thom. in 4. d. 41. quæst. vn. a. 1. quæst. 3. ad 1. Veractius p. 1. spec. 2. 47. conclus. 2. Rebellus lib. 3. de matrim. quæst. 15. conclus. 2. Coninck disp. 32. dub. 4. conclus. 1. contra Nauar. lib. 4. consil. 12. de consang. Henric. lib. 12. c. 1. num. 2. & c. 3. n. 4. Sanchez lib. 7. disp. 65. num. 10. qui negantes, spectato iure naturali, vllam affinitatem ex copula fornicaria contrahi, consequenter inferunt, si quis in infidelitate fornicatus fuit cum Caia, postea baptisatum non prohiberi, quominus in vxorem ducere possit filiam, vel sororem eiusdem Caiæ. Sed contrarium puto esse verum, quod tradit Veractius p. 1. speculi, a. 50. conclus. 3. Coninck dub. 4. in fine.

Veruntamen, si ante susceptum Baptismum aliquis duxit filiā, matrem, vel sororem mulieris, quā fornicariè cognouerat, postea baptisatus separari non debet, si tale matrimonium secundum gentis suæ consuetudinē pro irritum censeri non solet. Ita monēt Rebellus cit. conclus. 2. Coninck paulò antè citatus. Ratio est: Quia secundum ius gentiū, ac naturale, ex copula illicita oritur quidē aliqua affinitas, sed non tam perfecta, sicuti ex copula cōiugali; neq; tanta, vt matrimonio impedimentum præstet, quominus validè, & ob iustā causam etiam licitè contrahatur.

7 Assertio VI. Matrimonium in primo gradu affinitatis lineæ transuersæ, licet indecens esse videatur gentium & naturali iure, non ita tamen, vt etiam irritum existat, aut ex rationabili causa, præsertim publica accedente auctoritate, cohonestari non possit. Hæc est communis sententia apud Victor. relect. de Matrim. p. 2. num. 6. Bellarm. c. 28. Sanchez lib. 7. disp. 66. num. 11. Prima pars colligitur ex Leuit. cap. 18. *Turpitudinem vxoris fratris tui non reuelabis, quia turpitudinem fratris tui est: quasi diceretur, vxorem fratris esse quasi vnā carnem cum fratre, ideoque propter coniunctionem, ac reuerentiam erga fratrem, decens non esse copulari cū vxore eius, etiam demortui.*

Altera pars probatur. Nam Iacob patriarcha duas sorores duxit, Rachel & Lian, Genes. 29. Et Iudas filio secundò genito dedit vxorem primogeniti sine liberis defuncti, Genes. 38. Imò postea cap. 25. Denter. vniuersum præceptum fuit Israelitis, si fratrum vnus sine liberis decessisset, vt alter relictam eius vxorem accipiat, ex eaque suscitaret semen fratris sui. Præterea Innocentius III. in c. vlt. de diuortijs, ijs, qui in infidelitate secundum gentis suæ consuetudinem contraxerant cum vxore fratris sine liberis defuncti, permittit, vt ad Fidem conuersi matrimonio vti possunt. Atque vt matrimonia in hoc gradu affinitatis lineæ transuersæ contraherentur, non semel à Sede Apostolica ob causam grauem cum principibus viris dispensatum fuisse, constat.

8 His ita explicatis, colligitur primò: Quod Summus Pontifex in omnibus gradibus consanguinitatis lineæ transuersæ, excepto primo gradu, dispensare possit, ac proinde etiam soleat. Quamuis Tridentin. Concil. sess.

seff. 24. cap. 5. de reformat. matrimonij velit, vt in secundo gradu nunquam dispensetur, nisi inter magnos Principes, & ob publicam causam. Vbi nomine magnorum Principum ait Sanchez lib. 8. disp. 19. numero 3. intelligi magnates, seu magnos nobiles, qui sunt in aliquo potentatu seu baronia. Verum, hoc non obstante, Sum. Pontifex, ex benignitate sua, ob causam vrgentem, etiam priuatam, dispensare interdum solet cum personis inferioris conditionis, teste Nauar. lib. 4. consil. 13. de consanguin. & affinit. edit. 2. Rodriquez t. 1. sum. cap. 237. conclus. 2. Henriquez lib. 12. cap. 3. numer. 9. Sanchez cit. disp. 19. num. 4. qui etiam alias causas recensent, quæ apud ipsos videri possunt, & apud Couar. in epit. p. 2. c. 6. §. 9. & 10. Coninck disp. 33. dub. 3.

Colligitur secundò: Quòd Summus Pontifex dispensare possit in omnibus gradibus affinitatis lineæ transuersæ, v. g. vt quis ducat defunctæ vxoris sororem, materteram, vel consobrinam. Si autem affinitas ex fornicaria copula orta fuit, videtur dispensari posse etiam in primo gradu lineæ rectæ, videlicet vt quis ob causam vrgentem ducat filiam mulieris à se cognitæ, sicuti docet Rebellus cit. q. 15. concl. 2.

Colligitur tertio: Difficiliorem esse dispensationem, si distantia graduum consanguinitatis, vel affinitatis in lineæ transuersa sit inæqualis, maximè si distantia vnius partis sit primi gradus à stipite; vt proinde hoc ipso casu explicanda sit talis propinquitas, puta si vir ducere velit filiam aui, aut proauis sui, vel defunctæ vxoris suæ, vel mulier nubere velit filio aui, aut proauis sui, vel defuncti mariti sui: cum Pius V. in Bulla, quæ incipit, *Ascendens per quandam*, edita anno 1566. die 26. Augusti, declararit, non esse mentem Pontificis in tali graduum propinquitate dispensare, nisi exprimatur. Quæ de re vide Couar. p. 2. cap. 6. §. 10. numero 26. Sanchez lib. 8. disp. 24. numero 25. Coninck disp. 33. dub. 6. numero 72.

His adde. Si graduum inæqualitas inde oriatur, quòd fœmina, quæ in matrimonium ducenda est, propinquior sit stipiti; vt si sit amita, vel matertera viri; hunc etiam modum propinquitatis, saltem in consanguinitate, explicandum esse: quia difficiliorem reddi dispensationem: cum turpius videatur esse matrimonium, si fœmina, cui nepos ex fratre, vel sorore reuerentiam deberet, ratione coniugij eidem nepoti suo subiecta esse debeat, sicuti notant Sanchez cit. disp. 24. n. 12.

Colligitur quartò: Difficiliorem esse dispensationem super impedimento consanguinitatis, quàm super impedimento affinitatis in simili gradu, sicuti ex communi notat Rodriquez p. 1. sum. cap. 237. conclus. 3. Ratio est: Quòd maior sit coniunctio inter consanguineos, quàm inter affines: nam affinitas oritur ex eo, quòd vir & mulier veluti vna caro per copulam efficiuntur, ideòque omnes consanguinei vnius, sunt in eodem gradu affines alterius coniugum. Ex quo apparet, coniunctionem consanguinitatis esse priorem, magis per se, & tanquam mensuram affinitatis. Neque his obstat, quòd in c. æqualiter, 35. q. 3. & c. 1. de consanguinitate & affinitate habetur, *æquè abstinendum esse à consanguineis vxoris, sicuti à propriis*: Id enim non de æqualitate omnimoda, sed similitudinaria intelligi debet, quia similiter prohibitum est intra certos gradus contrahere cum consanguineis coniugis, vti cum propriis.

CAP. VII.

De impedimento cognationis legalis.

SUMMARIUM.

1. *Adoptio duplex est, vna perfecta, quæ & arrogatio dicitur, altera simplex adoptio.*
2. *Adoptio legalis, saltem perfecta, est matrimonij impedimentum dirimens, civili iure constitutum, & canonico approbatum.*
3. *Triplex est species seu modus impedimenti proueniens ex adoptione legali.*

LEGALIS cognatio est propinquitas personarum ex adoptione proueniens. Adoptio verò est extraneæ personæ in filium aut filiam, nepotem aut neptem legitima assumptio. *Persona extranea* hic dicitur, quæ non est ex descendibus; siue alioquin sit adoptantis consanguinea, siue non. *Legitima verò assumptio* dicitur, quia legibus civilibus constituta, & canonicis approbata est: quare necesse est, vt in legali adoptione, & inde orta cognatione seruata sint conditiones, quæ iure civili præstribuntur, videlicet, vt adoptans sit masculus, sui iuris, maior xxv. annis, ad liberos gignendos naturaliter non impotens, vt persona extranea cum adoptatur præsens sit adoptanti, & adoptionem consentiens; denique vt saltem octodecim annis minor sit suo adoptante, ideòque illum pro patre, spectata etiam ætatis ratione, habere possit: cum hæc liberorum adoptio ad similitudinem carnalium introducta fuerit. Vide tit. ff. & Institut. de adoptionibus, Scholasticos in 4. d. 42. Syluest. ver. adoptio, q. 2. & 3. Sanchez lib. 7. disp. 63. n. 3. Mol. to. 2. disp. 227.

Duplex est adoptio: Vna perfecta; in qua Principis rescripto, persona extranea, sui iuris existens, in alterius veluti patriam potestatem, familiamque transfertur, vt instat legitimorum natorum esse incipiat. Alio nomine dici solet *arrogatio*: quia in ea rogari solet adoptans, num velit adoptandum filium sibi legitimum fore, similiter & adoptatus, an id fieri consentiat, sicuti constat ex l. 2. ff. de adoptionib. & notat Gl. Inst. eod. §. 1. ver. interrogatio. Altera est adoptio imperfecta, seu simplex, per quã extranea persona in parētis sui potestate existens, ab alio in filiū vel filiam asciscitur, vt tamen naturalis patris vel aui potestate non egrediatur, neq; patri adoptiuo ex testamento necessario succedere debeat, (sicuti arrogatus in quarta bonorum parte) sed tantum ius succedendi ab intestato habeat, §. Sed hodie, iuncto §. item, Institut. eod. tit.

His explicatis: Nemo dubitat, quin adoptio perfecta, siue arrogatio sit impedimentum dirimens matrimonij. Ita enim constat ex l. adoptiuus, l. per adoptionem, & l. quin etiam, ff. de ritu nuptiarum, c. ita diligere, cap. per adoptionem, 30. q. 3. & c. vn. de adoptione legali.

Est autem triplex modus huius impedimenti, vti docent Scholastici in 4. d. 42. vbi S. Thom. q. 2. a. 3. Richard. art. 2. quæst. 2. & Syluest. ver. matrimonium, 8. quæst. 8. dicto 1. Prima in lineæ legali recta inter adoptantem & descendentes adoptati, si in eius potestate existant. Altera in lineæ transuersa inter adoptantem & legitimos natos, ac nepotes adoptantis. Dico autem natos legitimos, vt primò excludam illegitimos. Cum enim hi non censentur esse in potestate patris sui, iuxta §. vlt. Institut. de nuptiis, non oritur cum illis cognatio legalis, sicuti neque cum emancipatis, quæ est probabilior sententia Nauar. cap. 22. num. 45. Couar. in epit. p. 2. cap. 6. §. 5. Armillæ ver. matrimonium, numero 18. Henriquez lib. 12. cap. 12. num. 3. Sanchez disp. 63. num. 30. Coninck disp. 32. dub. 3. num. 43. Secundò, vt excludam liberos adoptiuos: quia fratres & sorores adoptiuui, si ex diuersa familia sint, inter se contrahere nullo iu-

re prohibentur, sicuti ex communi testantur Couar. Henriquez, Sanchez II. cc. Tertia est per modum affinitatis inter adoptatum & uxorem adoptantis, inter adoptantem & uxorem adoptati, sicuti constat ex l. adoptiuus, ff. de ritu nuptiarum. At vero inter adoptantem & filij adoptiui parentes nulla legalis cognatio interuenit, ut docet S. Thom. in 4. d. 42. q. 2. a. 3. ad 1. Syl. ver. matrimonium, 8. q. 8. dicto 2. Nau. cit. num. 45. Sanchez num. 26.

Est porro discrimen inter dictas species cognationis legalis, quod prima & tertia, etiam dissoluta adoptione per mortem adoptantis, vel emancipationem adoptati, matrimonium dirimat, sicuti constat cit. l. adoptiuus, cit. l. quin etiam, & §. Ergo non omnes, Instit. de nuptijs. Non item secunda; sed quamdiu adoptatus in potestate adoptantis manet, sicuti constat ex l. per adoptionem, ff. eod. Instit. de nuptijs, §. inter eas, c. per adoptionem, 30. q. 3. & cap. vn. de cognat. legali. Quare facilis est modus efficiendi, ut filius adoptatus cum filia carnali adoptantis contrahere possit, si eorum alteruter secundum formam ciuiliū legum emancipetur.

Dubium vero est, an etiam simplex adoptio impedimentum matrimonio præstet? Ita affirmant Hostiensis, & Abb. in cap. vn. de cognat. spirit. Scot. in 4. d. 42. q. vn. post principium, Richardus a. 2. quæst. 2. ad 2. Sed alij valde probabiliter negant, inter quos Syluest. cit. q. 8. dicto 4. Petr. Ledesma, quæst. 47. a. 2. conclus. 2. Sanchez cit. disp. 63. num. 9. Ratio est: Quia impedimentum cognationis legalis introductum est ob similitudinem, quam filij adoptiui gerunt cum legitimè natis: eiusmodi autem filiationis similitudinem illi propriè non gerunt, qui ex imperfecta adoptione sunt, quandoquidem in familiam & potestatem patris adoptiui non adsciscuntur. Confirmatur primò: Quia iura passim significant impedimentum cognationis legalis tale esse, ut dirimat matrimonium inter adoptiuum, & natos legitimè adoptatis: quod locum habere non potest, si adoptio simplex sit: cum per eam filius adoptiuus non transeat in potestatem adoptantis. Confirmatur secundò: Quia talia impedimenta in dubio potius restringi, quam extendi debent.

CAP. VIII.

De impedimento cognationis spiritualis.

S V M M A R I V M.

- 1 Cognationis spiritualis matrimonium dirimentis olim tres species erant, paternitas, compaternitas, & fraternitas. Iure autem nouo, sublata fraternitas, reliqua due in vigore manent, sed ad uxorem non transfunduntur.
- 2 Infidelis baptizans, etsi postea ad Fidem conuertatur & Baptismum suscipiat, non contrahit cognationem spirituales.
- 3 Si homo fidelis filium infidelis à sancto fonte suscipiat, & infidelis postea conuertatur, ac baptizetur, oritur spiritualis compaternitas inter patrum & parentem proli baptizata.
- 4 Legatus, qui nomine alterius tenet infantem, verò patrinus non est, nec spirituales cognationem contrahit.
- 5 Qui autem legatum seu procuratorem mittit ad suscipiendam baptismum, vel confirmatum, videtur spirituales cognationem contrahere.
- 6 Si sponsus de futura prole ex sponsa susceptam baptizet propter necessitatem, soluuntur sponsalia, ratione superuenientis cognationis spiritualis. Similiter si sponsus patrinus sit: verum in tali casu requiritur, ut sciat esse prolem sponsa sua.
- 7 Si maritus cogente necessitate propriam prolem baptizet, vel ut patrinus suscipiat, nullum impedimentum contrahit.
- 8 Si parens sine cogente necessitate prolem propriam baptizet, vel in Baptismo aut Confirmatione teneat, grauiter peccat: sed non

est certum, quod à conjugalis debiti petitione propterea impeditus sit.

9 Si Sacerdos cum filia Confessionis fornicetur, videtur esse circumstantia necessaria in sacra Confessione explicanda.

COGNATIO spiritualis est propinquitas, secundum iuris canonici dispositionem, orta ex administratione, vel susceptione sacramenti Baptismi, vel Confirmationis. Nam sicuti per naturalem generationem homo formatur & nascitur, postea vero roboratur corporaliter, ita per sacramentum Baptismi homo reformatur ac renascitur, & per Confirmationis sacramentum roboratur spiritualiter: quamobrem etiam in spirituali regeneratione intelliguntur esse parentes spirituales, videlicet qui sacramentum ministrant, & patrinus, quibus cum secundum Ecclesiasticam traditionem, magna reuerentia debeat, ideo antiquitus in Ecclesia institutum & obseruatum fuit, ut hæc spiritualis cognatio, perinde ac carnalis, impedimentum esset matrimonij dirimens, sicuti constat ex c. si quis filiastrum, c. de eo, 30. q. 1. cap. i. c. veniens, de cognat. spirituali, c. i. eod. tit. in 6.

Cognationis spiritualis matrimonium impediens ac dirimens iure antiquo tres species erant, sicuti habetur in cit. cap. i. in 6. videlicet paternitas, inter baptizantem, confirmantem, & patrinus ex vna parte, & baptizatum, vel confirmatum ex altera parte. Compaternitas, inter baptizantem, confirmantem, patrinus ex vna parte, & parentes baptizati, vel confirmati ex altera parte: & transfundebatur vtrique cognatio à viro ad uxorem, ita ut si conjugatus aliquam personam baptizaret, confirmaret, vel patrinus esset, vxor eius similem cognationem cum eisdem personis, baptizato videlicet vel confirmato, & parentibus eorum contraheret: eo quod vna caſo cum viro suo reputatur, vti habetur in c. Martinus, de cognat. spirituali. Denique fraternitas inter filios carnales baptizantis, confirmantis, patrinorum ex vna parte; & ipsum baptizatum vel confirmatum ex altera parte. Sed iure nouo Concilij Tridentini sess. 24. cap. 2. de reformat. matrim. sublata spirituali cognatione fraternitatis, due tantum nunc sunt species cognationis spiritualis, paternitas, & compaternitas: earumque neutra ad uxores transfunditur. Quamobrem Titius hodie non prohibetur sui baptizantis, confirmantis, aut patrinus filiam, vel relictam vxorem ducere, sicuti & pater Titij eandem relictam viduam iure nouo ducere potest.

QUÆSTIO PRIMA. Vtrum non baptizatus, si v. g. in casu necessitatis aliquem baptizet, spiritualis cognationis capax sit? Responſio est negatiua; tum quia non baptizatus, quamuis catechumenus sit, Ecclesiasticis sanctionibus non obligatur: tum quia in Christo spiritualiter per sacramentum Baptismi non genitus, neque cognationem spirituales contrahere posse censetur. Quæ est communis sententia Doctorum in 4. d. 42. vbi S. Thom. quæst. 1. art. 3. ad 3. Richard. art. 1. quæst. 3. Durand. quæst. 1. num. 9. Sotus quæst. 1. a. 3. ver. perplexior, contra Gl. c. in baptismate, d. 4. de consecr. ver. suscipere, Angelum ver. matrimonium, 3. impedim. 7. num. 10.

Ex quo inferitur primò: Si infidelis, qui puellam v. g. baptizauit, postea ad Fidem Christi conuertatur, ac baptizetur, non contrahit cognationem esse spirituales, neque impeditum iri, quominus dictam puellam, aut etiam matrem vxorem ducat, vti rectè docent Sanchez lib. 7. disp. 60. num. 11. Coninex disp. 32. dub. 2. n. 25. contra Henric. lib. 12. c. 3. n. 4. & c. n. n. 2. Ratio est: Quia fundamentum, ex quo proximè talis cognatio oriri deberet, videlicet Baptismus præteritus, non amplius existit: quare licet iam sit capacitas in subiecto, non tamen conſurgit cognatio: quemadmodum neque relationes,

tionem, ad quarum similitudinem hæc spiritualis cognatio explicari debet, consurgere possunt, nisi existente eo in quo fundantur.

Inferitur secundò: Si infidelis baptiset, vel è fonte Baptismatis suscipiat filium hominis infidelis, nullam cum hoc cognationem contrahere, sicuti rectè notarunt Duran. & Sotus ll. suprà cit. Ledesma q. 57. a. 3. in fine, Rodriq. t. i. sum. c. 226. concl. ult. Sanch. cit. disp. 60. n. 14. contra Syl. ver. matrimonium, 8. q. 7. dicto 12. Henric. cit. c. 11. n. 3. in fine. Quia etiam spiritualis cognatio debet esse inter duos terminos, quorum uterq; capax huius relationis sit: cum igitur non baptisatus nequeat esse compater siue cognatus spiritualiter, neque etiam fidelis, eius filium baptisans, cognatus ei censerì potest.

Veruntamen in hoc casu si parens prolis baptisatæ postea sacramentum Baptismi suscipiat, ex eo tempore censetur spiritualement cognationem contraxisse, per quã impeditur à nuptijs cum persona baptisante, confirmante, patris filia suæ, uti docent Sylvest. cit. q. 7. dicto 12. Coninck cit. dub. 2. n. 27. contra Duran. Sotum ll. cc. Sanch. cit. disp. 60. n. 15. Quemadmodum etiam olim filij baptisantis, etsi postea geniti, mox ut Baptismum susceperunt, spiritualement & ipsi cognationem contrahebant, uti colligitur ex cap. 1. de cognat. spirit. in 6. & notat Abbas in c. 1. extr. eod. Ratio est: Quia secundum iuris dispensationem, spiritualis cognatio immediatè quidem contrahitur tantum inter baptisatũ & baptisantem; mediatè verò ac consequenter redundat (spectato iure antiquo) in carnales filios baptisantis, & iure etiam nouo in carnales parentes baptisati, cum primum illi huius cognationis capaces sunt. Quæ ipsa causa est, quòd longè difficilius, imò verò nunquam Pontificia dispensatio fieri soleat in spirituali cognatione paternitatis, uti notauit Coninck disp. 33. dub. 6. n. 79.

QVÆSTIO SECUNDA. Si quis per alium, tanquam legatum suum, aliquem in Baptismo, vel Confirmatione suscipiat, uter eorum spiritualement cognationem contrahat? Respondeo, & dico, Legatum in hoc casu non contrahere: cum non suo, sed alieno nomine teneat; idèoque patrinus non sit, sed loco patris fungens. Ita Syl. ver. matrimonium, 8. q. 7. dicto 15. Sa de matrim. impedimentis, n. 5. ver. cum quis per procuratorem, Couar. in epit. p. 2. c. 6. §. 4. n. 7. in fine, Henric. lib. 12. c. 11. in fine, Sanch. disp. 59. n. 12. contra Sotum in 4. d. 42. q. 1. a. 2. prope finem, Rodriq. to. i. sum. c. 226. Tolet. lib. 7. c. 8. num. 6.

Exinde non improbabiler colligit Sa l. cit. virum loco mulieris, & mulierem loco viri tenere posse, citatque declarationem Cardinalium. Sed Cardinales super Trid. sess. 24. c. 2. de reformat. matrim. apud Petrum Marzylam contrarium significant: quare in hac re locorum consuetudo attendenda est.

Dico II. Ipse principalis, qui legatum seu procuratorem mittit, cognationem spiritualement contrahere videtur. Ita Cardinales super cit. cap. 2. Abh. in c. veniens n. 4. de cognat. spirit. Sa cit. n. 5. Philiar. de offic. Sacerdotis, to. 1. p. 2. lib. 2. cap. 11. Coninck disp. 32. dub. 2. n. 40. contra Couar. p. 2. epit. c. 6. §. 4. n. 6. Nau. consil. 6. de cognat. spirit. edit. 2. Sanch. lib. 7. disp. 59. num. 4. & alios. Ratio est: Quia is, cuius nomine alter è sacro fonte suscipit, verè patrinus efficitur, consequenter cognationem contrahit. Cõsequencia hæc videtur nota ex sacris canonibus, quibus vnuerfim significatur à patris contrahi spiritualement cognationem. Antecedens verò probatur tum ex communi fidelium persuasione; tum ex eo, quòd Ecclesia non permetteret Baptismum sine vero patris administratione.

Neque obstat primò, Quòd iura cognationem spiritualement interdum fundare videantur super actu personali tenentis, aut suscipientis, ut videre est causa 30. q. 1. Describunt enim susceptionis munus, sicuti ordinariè præ-

stari solet: & fortè olim non ita vsitatum erat per legatum patris munus obire: Ceterum qui facit per alium, perinde est, ac si faciat per seipsum, reg. 72. in 6. vbi notant Doctores, sicuti & in l. 1. §. vltus, ff. de Procurator. Quòd omnis actus per procuratorem præstari possit, nisi expressè prohibeatur. Contraria tamen sententia Sylvest. citat. quæst. 7. dicto 14. & 15. Henriquez, Sanchez ll. cc. & aliorum apud ipsos, quòd nec mandans, nec mandatarius seu legatus spiritualement cognationem, ac matrimonij impedimentum contrahat, probabilis est; saltem propter auctoritatem Doctorum: præsertim cum in casu qualitercunque dubio, & in canonibus non satis expresso circa matrimonij impedimentum, non irrationabiliter in partem negatiuam inclinare liceat.

QVÆSTIO TERTIA. Vtrum baptisans, aut suscipiens prolem in necessitate, quia alius nemo adest, aliquam cognationem & coniugij impedimentum contrahat? Respondeo & dico I. De baptisante affirmandum est, quòd contrahat impedimentum matrimonij: de patris autem, siue suscipiente, vide quæ dixi suprà tr. 2. de Baptismo, c. 9. n. 5.

Corollarium. Si sponsus prolem ex sponsa susceptam baptiset propter necessitatem mortis instantis, soluuntur sponsalia, ratione superuenientis impedimenti, sicuti rectè respondit Nau. 16. man. n. 34. & cap. 22. n. 40. & lib. 4. consil. 5. de cognat. spirit. edit. 2. Idq; verum est, etsi baptisans nesciat suæ sponsæ prolem esse; quia nihilominus verè baptisans est, ut potè habens intentionem Ecclesiæ conformem, baptisandi hunc hominem, quicumq; sit. Alià verò ratio est de patris: licet enim sponsus scienter leuans è sacro fonte prolem sponsæ suæ, cum ea matrimonium ante dispensationem contrahere non possit, sicuti habetur in c. veniens, l. 1. Gl. ver. antequam, de cognat. spirit. secus tamen esse videtur, si nesciat esse filium sponsæ, sed arbitretur esse alium infantem, sicuti docet Abbas in c. 2. de cognat. spirit. n. 4. Sanchez lib. 7. disp. 58. n. 7. vbi aiunt, ad hanc cognationem requiri scientiam & animum: quorum utrumq; hic desideratur. Patrinus enim determinatam intentionem habet, suscipiendi & spondendi pro eo homine, quem animo suo concipit: quare error circa personam efficit, ut verè patrinus non fiat, idèoque nec cognationem contrahat.

Dico II. Si cõiunx prole cõiugis suæ baptiset, vel in sacramento Baptismi, aut Confirmationis tanquã patrinus suscipiat ob necessitatem, nullum impedimentum contrahit. Sumitur ex c. ad limina, 30. q. 1. vbi ratio redditur, quia inculpabile iudicandum, ad quòd necessitas inuitat. Quauis autem textus iste solum loquatur de baptisante in casu necessitatis, communis tamen est sententia Doctorum apud Sanchez lib. 9. disp. 26. n. 3. idem sentiendum esse, si parens prolem coniugis suscipiat, quando alius patrinus haberi nequit: etsi contrariũ scripserit Henric. lib. 11. c. 15. n. 11. Sed probatur: Nã impedimentum petendi debiti à sacris canonibus statutum est in pœnam delicti: parens autem nihil delinquit, si filij sui patrinus existat, eo casu quo alius adesse nequit, sicuti docet S. Th. 3. p. q. 6. a. 8. ad 2. Sicuti generatio spiritualis, inquit, alia est à carnali, ita aliud debet esse pater spiritualis à patre carnali, nisi necessitas aliud exigat.

Si causam quæras, cur sponsus de futuro propter necessitatem baptisans ex sponsa susceptam prolem, impedimentum contrahat, quominus ante Papæ dispensationem cum ea nuptias contrahere liceat; maritus autem si ob eandem necessitatem prolem suam baptiset, non incurrat impedimentum petendi debiti? Respondeo causam hanc esse; quia marito post nuptias acquisitum est ius petendi debiti, idèoque priuatio huius iuris censetur pœna: nemo autem puniri debet, nisi culpa ancefferit, c. discretionem, de eo qui duxit &c. Inter solutos autem seu nōdum matrimonio iunctos non censetur pœna, sed moralis inhabilitas ad

matrimonium, ex canonici iuris constitutione: qualis inhabilitas etiam sine culpa contrahi possit.

- 8 Dico III. Si parens extra casum necessitatis prolem ex coniuge susceptam à sacro fonte, vel in Confirmatione suscipiat, non tantum grauius peccat, sed etiam propter spirituales cum coniuge cognationem, incurrere videtur impedimentum debiti petendi, licet coniugi innocenti reddere teneatur. Est communis assertio, cuius priorē partem docet Suarez p. 3. q. 67. a. 8. Nau. c. 16. num. 34. & c. 22. num. 9. Sanchez cit. disp. 26. num. 5. vbi aiunt, esse mortale, quia seuerè id prohibetur in d. 1. & 2. causa 30. q. 1. Quamquam pœna, quæ olim decreta erat, vt coniuges ob eam causam separentur, postea sublata sit, in c. si vir, de cognat. spirituali.

Alterā verò pars nullo iure satis expresso, sed solo Doctorum consensu nititur, sicuti annotauit Suarez cit. a. 8. Sanchez cit. disp. 26. num. 7. Quamuis Glos. in c. si vir, de cognat. spirit. ver. debitum subtrahere, contrarium teneat, cuius sententiam sequi videtur Duran. in 4. d. 42. q. 1. a. 3. n. 11. in fine, & expressè Coninck disp. 34. dub. 8. n. 69. argumen. cit. c. si vir, & c. de eo, 30. q. 1. quorum sententia probabilis est, nullum omnino coniugalis vsus impedimentum hodie oriri.

Illud verò certum est & apertè responsum ab Alex. III. in cit. c. si vir. Si coniunx ex ignorantia iuris, aut facti prolem coniugis baptiset, aut teneat, nullo petendi debiti impedimento affici, vt docent Nau. c. 16. num. 34. Suar. cit. a. 8. §. maius verò dubium, Rodriq. t. 1. sum. c. 243. cōclus. 10. Sanch. lib. 9. disp. 32. n. 48. & 49. Cum enim prohibitio illa in solo Ecclesiastico iure fundata sit, ideo qui eam ignorat, sicuti excusatur à culpa, ita etiam ab annexa pœna. Quamobrem Sanch. non improbabiler ait, idem sentiendum esse de pœna priuationis debiti ob crimen incestus, si quis cum ignorantia seu facti, seu iuris, quia nescit v. g. fornicationem cum consanguinea vxoris intra quartum gradum per legem Ecclesiasticam crimine incestus notari, adulterium committat: cum enim talis non peccet crimine incestus, neque pœnam ob tale crimen decretam incurrere eum oportet, vt etiam colligitur ex doctrina Henrici lib. 2. c. 18. in fine.

- 9 **QUESTIO QUARTA.** Vtrum Sacerdos spirituales cognationem contrahat cum suis confitentibus? Videtur enim esse affirmandum propter verba Symmachi Papæ in c. omnes, 30. q. 1. Omnes, quos in penitentia accipimus, ita filij nostri sunt, sicuti quos vel nobis suscipientibus, vel trina immersionis vocabulo mergentibus, vnda sacri Baptismatis regenerauit. Et c. vlt. refertur ex Cælestino Papa: Non debet Episcopus, vel Presbyter commisceri cum mulieribus quæ ei suæ fuerint confessa peccata: si forte, quod absit, hoc contigerit, sic peniteat, quomodo de filia spirituali. Sed contrarium est certum ex c. vlt. de cognat. spirit. in 6. vbi habetur, ex collatione aliorum sacramentorum, præter Baptismum & Confirmationem, spirituales cognationem non oriri. Veruntamen ex suprâ citatis auctoritatibus probabilissimè colligitur, esse circumstantiam sacrilegij necessariò in Confessione exprimendam, si Sacerdos cum filia Confessionis fornicatus sit, sicuti docet Armilla ver. circumstantia, num. 12. Viualdus in candelabro, de Confess. vbi de circumstant. peccatorum, num. 20. Sanch. lib. 7. disp. 55. n. 4. Coninck disp. 32. dub. 2. n. 23. & consentit S. Th. 2. 2. q. 154. art. 10. ad 2. vbi id vocat spirituale stuprum. Licet talem circumstantiam confitendam non esse, dicat Sa ver. Confessio, num. 25. & dubitat Petrus Ledesma q. 56. a. 2. dub. vlt.

CAP. IX.

De impedimento publicæ honestatis.

SUMMARIUM.

- 1 Cum consanguineis sponse quamvis carnaliter non cognita, hodie intra primum tantaxat gradum nuptia celebrari valide non possunt, propter publicam honestatem.
- 2 Si sponsalia de futuro ex quacunque causa irrita sint, nullum ex iis impedimentum publicæ honestatis oritur.
- 3 Impedimentum honestatis ex sponsalibus valide ortum permanet, tametsi illa postea soluantur.
- 4 Ex sponsalibus conditionatis, pendente conditione, non oritur impedimentum.
- 5 Ex sponsalibus de presente etiam hodie oritur impedimentum vsque ad gradum quartum, etiam si illa irrita fuerint, modo non ex defectu consensus; aut ob publicam honestatis impedimentum.
- 6 Si quis ex duobus sororibus vnā absolute sibi desponsarit in futurum, cum altera deinde carnaliter copuletur, neutram in uxorem ducere potest.

IMPEDIMENTVM hoc provenit ex quadam quasi affinitate cum consanguineis sponſi, canonico iure introductum, ob publicam honestatem morum, sicuti constat ex ciuuenis, c. sponſam, de sponſal. & c. si quis vxorem, c. si quis desponsauerit, 27. quæst. 2. Et extendebatur olim vsque ad quartum gradum, vt matrimonium irritum esset, quod sponſus seu de futuro, seu de presente, contrahere attentaret cum sponſæ seu viuentis, seu demortuæ, licet nunquam carnaliter cognita, filia nepote, pronepte, abnepte; item cum illius sorore, patruale, filia, aut nepte patruelis &c.

Præterea, iure antiquo c. vii. de sponſal. in 6. non tantum ex validis, sed etiam quacunque de causa (præterquam ex defectu consensus) inualidis sponsalibus impedimentum oriebatur. Quæ correctæ sunt per Trident. sess. 24. cap. 3. de reform. matrimon. Primò, vt publicæ honestatis impedimentum ortum ex sponsalibus de futuro non nisi ad primum gradum se extendat; ac proinde sponsus iam non prohibeatur ducere consanguineas sponſæ, præter matrē, filias & sorores eius; & sponſa vicissim non prohibeatur nubere consanguineis sponſi, præter patrem, filios, & fratres eius. Secundò vt quacunque de causa sponsalia de futuro valore suo carent, quia v. g. cū consanguinea, Moniali &c. contracta sunt, nullum ex iis publicæ honestatis impedimentum oriatur, sicuti docet Nauar. c. 22. num. 57. Veracruz p. 1. speculi, a. 25. Coninck disp. 32. dub. 5. num. 69. licet aliter Sanchez lib. 7. disp. 68. Henriquez lib. 12. c. 10. num. 2. Quamquam, si sponsalia irrita sint, ob solum interni consensus defectum, tunc in externo foro valida, & consequenter impedimentum publicæ honestatis producentia censentur, si defectus probari non possit.

Quædam his addenda sunt: I. Hoc impedimentum perpetuum esse, vt etiam solutis sponsalibus maneat, sicuti constat ex suprâ cit. c. Si quis uxorem desponsauerit, vel subarrhauerit, quamquam postmodum præueniente die mortis eius, nequierit eam ducere in uxorem, tamen nulli de consanguinitate eius, licet accipere eam in coniugio. Et c. sequ. Si quis desponsauerit uxorem, vel subarrhauerit, & siue præueniente die mortis, siue irruentibus alijs causis minimè eam cognouerit, neque eius superstes frater, neque ullus de consanguinitate eius (quod nunc intellige intra primum gradum) eandem sibi tollat in uxorem ullo unquam tempore. Quare audiendus non est Sa ver. matrimonium, vbi de impedimenti, numer. 12. ait, Si sponsalia communi sponſorum voluntate soluantur, cessare impedimentum: cui repugnat

repugnat etiam c. accessit, de desponsat. impuberum, in quo respondetur: Si puella impubes, ante desponsationem annum septimum compleuerat, licet postea adepta pubertate resiliuerit, ideoque sponsalia soluta fuerint, nihilominus publicæ honestatis impedimentum permanere.

Secundum. Si Sempronius sponsalia contraxerit cum Titia, & postea contra fidem priorum sponsaliorum cum consanguinea eius Caia; tunc imprimis distinguendum est, utrum priora sponsalia fuerint pura, an conditionata. Si fuerint pura, certum est sponsalia, vel matrimonium postea contra eum cum Caia fore irritum, propter publicæ honestatis iustitiam: nihilominus potest, ac debet Sempronius ducere Titiam, non obstante posteriore desponsatione, si copula nulla intercessit cum Caia. Ratio huius est: Quia posterior desponsatio irrita fuit à sponsalibus: ergo non est æquum fieri veluti quandam actionem, id est, priora sponsalia vicissim à posterioribus irritari, ut habentur hæc omnia in c. vn. de sponsal. in 6. Sin verò sponsalia cum Titia Sempronius contraxit sub conditione pendente in futurum, ac postea Caia ante euentum conditionis, quem expectare debuerat, absolute promissit: tunc neq; ex primis, neq; ex secundis sponsalibus impedimentum matrimonij dirimens contrahet.

4 Non enim ex primis, quominus saltē validē secundā ducere possit, quia ex sponsalibus conditionatis ante euentum conditionis non oritur impedimentum: Non item ex secundis, saltem spectato iure nouo. Trid. propterea quod ea contra fidem priorum sponsaliorum iniuste contracta, ipso iure irrita fuerint: ex sponsalibus autem irritis non contrahitur impedimentum honestatis, sicuti notauit Sanchez lib. 7. disp. 69. n. 3. Sin verò ponamus, Sempronium Caia promittere matrimonium sub conditione expressa, vel tacita, si conditio priorum sponsaliorum non eueniat, tunc ea non eueniente, purificantur posteriora sponsalia cum Caia, ut deinde ne validē quidem Sempronius ducere possit Titiam, propter publicæ honestatis impedimentum.

5 Tertium. Ex matrimonio rato, & nondum consummato, etiam hodie oritur impedimentum publicæ honestatis vsq; ad gradum quartum, etiam si illud irritum fuerit ex quacunque causa, duabus exceptis. I. Si irritum fuit ob defectum consensus. II. Si irritum fuit ob impedimentum publicæ honestatis: nam matrimonium contractum cum sorore, matre, vel filia sponsa non habet vim quasi reciprocæ dissoluendi præcedentia sponsalia, ut supra dixi ex cit. c. vn.

Hæc verò omnia sumuntur ex motu proprio Pij V. in c. i. de sponsal. in quo declarauit, Decretum Tridentinum in sess. 24. c. 3. de matrimon. duntaxat intelligendum esse de sponsalibus in futurum, non autem de matrimonio contracto, sed in hoc durare adhuc impedimentum in omnibus casibus & gradibus, quibus de iure veteri introductum erat. Vide Nau. lib. 4. consil. n. n. 4. de sponsal. edit. 2. Sanchez lib. 7. disp. 70. n. 5.

6 Pro praxi resoluntur hi casus: Primus. Si Sempronius absolute sibi disponserit Titiam, & postea carnaliter copuletur cum sorore eius Caia, neutram in uxorem accipere potest: Non enim Titiam, ob impedimentum affinitatis; non Caia, ob impedimentum publicæ honestatis, ortum ex sponsalibus purè & absolute contractis cum Titia.

Secundus. Caius fornicatus erat cum Titia, postea desponsauit sibi sororem eius Semproniam, neutram uxorem habere potest: Non primam, quia impedit publica honestas; non secundam, quia impedit contracta affinitas.

Tertius casus. Iulius sponsalia contraxit cum Ioanna: hanc postea duxit Augustus, frater Iulij, sed matrimonium non consummauit, etsi hoc casu Iulius non teneatur nuptias celebrare cum Ioanna, quippe quæ fidem sponsalio-

rum violarat: si tamen eam ducere velit, non prohibetur: quia iura nolunt, ut si sponsalia præcedentia post eius matrimonium infirmarunt, ab eodem vicissim infirmantur; ne inter duas desponsationes detur quasi mutua reactio, à qua & natura abhorret.

CAP. X.

De impedimento criminis.

SUMMARIUM.

- 1 Machinatio mortis coniugi facta cum proposito alterius determinati contrahendi matrimonij, est impedimentum dirimens.
- 2 Si uterque, qui post mortem coniugis contrahere matrimonium desiderant, ad eadem illius cooperantur, aliud non requiritur ad contrahendum impedimentum, nisi ut mors sequatur: sin verò alter tantum homicidij reus fuit requiritur etiam ut adulterium interueniat.
- 3 Si adulteri viuentis altero coniuge matrimonium contrahant, vel de contrahendo inter se spondeant, oritur inter ipsos impedimentum dirimens.
- 4 Ad hoc impedimentum ex crimine adulterij cum promissione matrimonij contrahendum, plures conditiones requiruntur.
- 5 Dispositum de uno correlativo, censetur etiam dispositum de altero, si equalis comparationis sint, & disparitatis ratio nulla appareat.
- 6 Si infidelis ope mulieris Christiana maritum eius occiderit, ac ad fidem conuertatur, non potest mulierem illam uxorem ducere.
- 7 Irrita sunt sponsalia que viuentis adhuc coniuge cum alia persona contrahuntur.

DVo sunt crimina, quæ matrimonium subsequens per Ecclesiastici iuris constitutionem dirimunt. Primum est, Machinatio mortis facta coniugi, cum proposito alterius determinati matrimonij contrahendi, si quis viuentis, 31. q. 1. c. 1. de conuers. infidelium, c. significauit, c. super hoc, c. significasti, de eo qui duxit in matrimonium, & docet S. Tho. in 4. d. 37. q. vn. Neque refert primò, Maritumne, an vxor sit, cui machinatio mortis tali consilio facta est, uti aperte constat ex cit. c. super hoc, & c. significasti, iuncto c. 1. de conuers. infidelium, & videri potest Sanchez lib. 7. disp. 78. n. 8.

Neque refert secundò: Vtrum machinatio mortis physice fiat, an solum moraliter per iussionem, consilium, sicuti colligitur ex cit. c. si quis viuentis, & c. 1. de conuers. infidelium. Necesse tamen est, ut mors non tantum attentata sit, sed executioni mandata: quia verba legis poenalis cum effectu intelligenda sunt, iuxta c. relatum, de Clericis non residentibus, & notat Gl. communiter recepta in supra cit. c. 1. ver. procurauerint, ubi ait, requiri affectum cum opere subsequuto. Verum si quis eadem coniugis, suo nomine patratam, postea ratam habeat, probabilius est impedimentum non incurri, sicuti docet Glos. fin. in cit. cap. 1. ibid. Abbas num. vlt. & alij communiter apud Sanchez. cit. disp. 78. n. 6. Coninck disp. 31. dub. 5. num. 50. Henric. lib. 12. c. 14. num. 2. in comment. lit. q. Quod enim sola ratihabitione hoc impedimentum incurratur, nullo iure expressum est, quare editum de matrimonio non contrahendo, cum prohibitorium sit, ad eum casum extendi non debet, iuxta c. cum apud, de sponsal. ubi etiam regula traditur: Quicumque non prohibetur, per consequentiam admittitur. Et Glos. ibid. Concessum intelligitur, quod prohibitum non est. Aliam rationem vide apud Abb. l. c.

Porro si uterque eorum, qui occiso coniuge, matrimonio coniungi desiderant, in eadem eius conspirarunt, tunc aliud non requiritur ad contrahendum impedimentum, nisi ut cædes re ipsa sequatur, sicuti colligitur ex supra cit. cap. 1. Sin verò alteruter tantum homicidij reus sit, v. g. maritus uxorem occidat, nesciente, vel contradicente puella, quacum matrimonium contrahere deside-

rat, tunc impedimentum inter eos non oritur, nisi etiam adulterium præcesserit, ut colligitur ex cit. c. si quis vi- uente, c. i. c. super hoc, ubi id notat Abbas in 4. de eo qui duxit in matrimonium, & docent Nauar. c. 22. num. 46. Sa de matrim. impedimentis, n. 7. Sanch. disp. 78. n. 9. Co- ninck disp. 31. dub. 5. n. 33. Valentia to. 4. disp. 10. q. 5. p. 3. ubi de impedimento criminis.

Id verò in omni casu ad hoc criminis impedimentum iura citata exigunt, ut ambæ personæ inter se contrahe- re volentes, iniuriôsæ fuerint coniugi occiso. Ex quo in- ferunt Sa, Coninck, Sanchez, non oriri impedimentum, si puella v. g. quæ coniugato commiscetur, nesciat eum coniugatum esse. Imò Sanch. n. 12. non improbabiler addit, idem dicendum esse, tametsi in hoc casu puella coniugata sit: quia iura, quibus hoc impedimentum statuitur, faciunt mentionem adulterij, quod ex vtraque parte tendit in iniuriam cōiugis, præbens etiam occasio- nem mortis ei machinandæ: quare etiam requiritur in hoc casu, ut adulterium antecedit coniugis interfectio- nem.

Secundò infertur: Si Titius suasu Caiæ occidat vxor- tem suam, ut ducere possit aliam quamcunque, aut de- terminatè Semproniam sceleris inficiam, quod non im- pediatur, quominus ducere deinde possit vxorem etiam ipsam Caiam, aut Semproniam, modò cum neutra ea- rum ante mortem coniugis mœchatus fuerit, uti Co- ninck notauit n. 55. in fine.

Tertiò infert Nau. lib. 4. consil. 1. de eo qui duxit, edit. 1. Si adulterialio in fine, quàm ut matrimonium inter se contrahant, coniugem alterum trucidant, v. g. ne eos in adulterio deprehensos accusare possit, non esse impe- ditos, quominus postea inter se nuptias celebrent.

Alterum crimen matrimonij dirimens est adulterium: Si adulterij, durante legitimo matrimonio, licet non con- summato, inter se de facto matrimonium contrahere aggrediantur, vel promissionem faciant de contrahendo post mortem coniugis. Ita habetur in cap. relatum, 31. quæst. 1. cap. 1. & 2. cap. cum haberet, & cap. ult. de eo qui duxit & c. Ratio huius impedimenti est: Ne ob factam promissionem, & spem alterius matrimonij con- trahendi, capteret occasio alterius coniugis occidendi.

Ex quo rectè inferunt Sotus in 4. d. 37. q. vn. a. 4. Syl- uest. ver. matrimonium, 8. q. 9. dicto 5. Sanchez disp. 79. num. 5. Coninck cit. dub. 5. n. 60. Si fides data fuit sub prio- re coniugio, adulterium verò commissum sub altero po- steriore, nullum oriri impedimentum, quominus mor- tua secunda coniuge, adulter ducere possit adulteram cui olim promiserat: Quandoquidem hæc promissio & spes contrahendi extincta fuerat per matrimonium po- sterius. Quin etiam si adulterium sub priore coniugio commissum est, fides verò data sub posteriore, non contrahi matrimonij impedimentum, docent Sanchez & Coninck ll. cc. arg. cit. c. significasti, & c. ult. de eo qui duxit & c. ex quibus hæc prima conditio ad impe- dimentum hoc contrahendum colligitur, Vt viuente eodem coniuge fides data, & adulterium commissum sit.

Alterà conditio est: Vt ex vtriusque parte adulterium formaliter committatur, secus est, si puella v. g. nesciat eum, quocum contrahit ac copulatur, coniugatum esse, sicuti constat ex c. 1. de eo qui duxit, & explicat Richar. in 4. d. 35. a. 3. q. 4.

Tertia conditio, Vt copula perfecta interueniat, cum immissione seminis intra vas, sicuti docet Sanch. lib. 7. disp. 79. n. 44.

Quarta conditio: Vt promissio matrimonij seriò & ex animo fiat, non fictè, cum alioquin non censeatur pro- missio. Quæ est probabilis sententia Henriq. lib. 12. c. 14. n. 3. in fine, Sa cit. num. 7. licet contrarium sentiat Vera- erux p. 1. speculi, a. 34. concl. 9. Sanchez lib. 7. disp. 79. n. 10. Coninck cit. dub. 5. n. 57.

Quinta conditio: Vt promissio exterius facta ab altero acceptata sit: cum alioquin non habeat rationem pacti ac promissionis. Quinimò non est improbabile, quod tradit Henriq. lib. 12. c. 14. n. 3. & significat Gl. in cit. c. si- gnificasti, de eo qui duxit & c. Bellarm. lib. 1. de matrim. cap. 22. casu secundo: Requiritur promissionem mutuam, neque satis esse, virum v. g. promittere puellæ promissio- nem expressè, aut tacitè acceptanti, nisi ipsa etiam vi- cissim se obliget. Cum enim iura ad hoc criminis impe- dimentum requirant, ut matrimonium viuente coniuge cum altero de facto contrahatur, vel saltem fides detur de contrahendo, videntur eodem modo id intelligere, quo aliàs desponsatio de præsentè, vel de futuro fieri so- let, videlicet reciprocè, sicuti etiam annotasse videtur Syluest. ver. matrimonium, 8. q. 9. dicto 4. Vgol. de sa- cram. tract. de matrimonio, c. 19. n. 8. licet contrarium sentiat Sotus cit. d. 37. q. vn. a. 4. §. secundus casus, Angles in 4. sent. p. 1. ubi de matrim. impedimentis, q. d. diuor- tio ob adulterium, a. 3. Sanchez lib. 7. disp. 79. n. 20. & alij plerique, arg. cit. c. significasti, ubi sufficere indica- tur, si maritus viuente vxore alteri puellæ fidem dedit de matrimonio contrahendo. Quamuis sequendo priorem sententiam, responderi potest: Sermonè esse de data fide sponsaliorum, quæ mutuam promissionem continent.

Sexta conditio esse videtur: Vt promissio sit pura, aut saltem ante mortem coniugis purificata: cum alioquin non sit simpliciter facta promissio, quippe adhuc suspen- sa, & pendens à futuro euentu. Ita valde probabiliter do- cet Coninck n. 59. contra Nauar. lib. 4. consil. 2. de eo qui duxit & c. Rodriq. p. 1. sum. c. 229. concl. 5. Sanchez cit. disp. 79. n. 11. existimantes, ex promissione etiam con- ditionali oriri impedimentum, si conditio non deficiat ante adulterium: cum etiam ex tali promissione con- cepta spe ineundi matrimonij, occasio præbeatur mor- tem coniugi machinandi. Sed respondetur: In pœnalibus verba legis, seruata verborum proprietate, strictè inter- pretanda esse, & non ob similitudinem rationis exten- denda. Atqui verba hæc, *Si fides matrimonij contrahendi da- ta sit*, seruata proprietate verborum, rectè accipiuntur de fide, seu promissione pura & absoluta: ergo non de- bet ob rationis similitudinem extensio fieri ad promissio- nem conditionalem.

Accedit, quod neque ratio omnino similis sit. Nam Ec- clesiam aiunt Doctores ad statuendum hoc impedimen- tum inductam fuisse, ne ansa capiatur occidendi coniugem: quæ ratio non ita locum habet, si promissio facta fuit sub conditione contingente, quæ æquè euenire po- test, & non potest, cum exinde non tam certa spes con- trahendi matrimonij concipi possit. Quæ eadem ratione colligitur, non oriri impedimentum, si adulteri non ab- solute inter se promiserant, sed sub tali formula, *Non ducam aliam nisi te*. Nam sensus verborum videtur esse conditionalis, si aliquam duxero, promitto me ducturum te. quæ de re supra dixi p. 1. c. 1.

His tria adde: I. Licet iniuriis, quibus hoc criminis impedimentum decernitur, modò de vxore, modò de marito adultero & fidem dante, sermo sit, vtriusque ta- mē similis ratio est. Quia dispositum, quamuis odio sum ac pœnale de vno correlatiuo, censetur etiam dispositū de altero, si æqualis comparationis sit, & disparitatis nulla ratio probabiliter afferri possit, sicuti notat Abb. in c. quia Clerici, n. 7. de iure patronat. & Legistæ in l. ult. Cod. de indicta viduitate.

II. Licet infideles, seu non baptisati Ecclesiasticis his impedimentis non astringantur, si tamen vnus ex adulte- ris promittentibus inter se matrimonium fidelis seu bap- tismus sit contrahitis impedimentum, ne mortuo cō- iuge, cum altera persona postea baptisata nuptias cele- brare queat, ut colligitur ex c. 1. de conuers. infidelium, ubi dicitur, si Saracenus ope mulieris Christianæ maritum illius interfecit, non posse deinde ad fidem conuersum mulierem

mulierem illam uxorem habere. Nam mulier ob Ecclesiasticam constitutionem impedita est cum tali viro contrahere: ergo per accidens & consequenter ipse etiam vir cum muliere contrahere impeditur. Existimat tamen Sanch. cit. disp. 79. n. 43. non improbabiler, si alterutrum eorum, quæ ad hoc impedimentum requiruntur, videlicet promissio, vel adulterium vtriusque Baptismum antecessit, impedimentum non contrahi: vt si infidelis, viuente uxore sua, promisit mulieri infideli matrimonium, & postea ambo ad Fidem conuersi adulterium committant. Cum enim facinus commissum ante Baptismum ab Ecclesia non puniatur, perinde censi debet ac si non accidisset, quod attinet ad impedimentum criminis inturrendum, licet Veracruz p. 1. spec. art. 34. post. 4. dub. concl. a. contrarium sentiat.

7 III. Promissio, pactum, seu sponsalia contracta cum aliqua persona de ineundo matrimonio post mortem coniugis, bonis moribus repugnant, quippe quibus occasio capi potest vitæ coniugis insidiandi, sicuti docent Abb. in c. ult. num. 2. de eo qui duxit & c. Lancellotus in instit. iuris canonici, lib. 2. de diuortijs, §. cum ea autem, Sanchez cit. disp. 70. n. 40. arg. cit. c. ult. & l. ult. ff. de pactis. Qua simili ratione prohibitum est, ne beneficium Ecclesiasticum alicui promitti, aut conferri possit, antequam vacet, cap. 2. de concess. præbendæ. Quamobrem tales promissiones, aut sponsalia ipso iure irrita censi debent, vt ex ijs nulla obligatio oriatur.

CAP. XI.

De impedimento impotentia.

SUMMARIUM.

- 1 Impotentia perpetua ad copulam perfectam naturali iure matrimonium subsequens dirimit.
- 2 Si mulier, quæ cum perpetua impotentia contraxit, postea per miraculum sanetur, nihilominus irritum matrimonium censi debet.
- 3 Eunuchi, & spadones qui utroque teste carent, ad matrimonium contrahendum inhabiles sunt.
- 4 Si impotentia post nuptias superuenit matrimonium non dirimit: quare oscula & tactus ad ostendendum affectum conjugalem conceduntur, modò absit pollutionis periculum.
- 5 In dubio, utrum impotentia perpetua sit, ad experiendum triennij spatium canonico iure conceditur.
- 6 Constitutus in mortis periculo matrimonium contrahere potest.
- 7 Si potentia generandi vi morbi, aut senio simpliciter destructa, vel exhausta sit, censetur impotentia perpetua matrimonij dirimens.

IMPOTENTIA alia est ad prolem generandam, quæ sterilitas dicitur, & hæc, si sola sit, nullum matrimonium impedimentum adfert. Alia verò est impotentia ad copulam carnalem, de qua hæc assertio sit. Impotentia perpetua ad copulam perfectam dirimit matrimonium subsequens. Ita habetur in lib. 4. decret. de frigidis, & docet S. Th. in 4. d. 34. quæst. 1. a. 2. ibid. S. Bonau. a. 2. q. 2. Dura. q. 2. Ratio est: Quia contractus matrimonij essentialiter includit obligationem dandi inter se corpus ad copulationem carnalem: Impossibile autem nulla obligatio est, reg. 145. ff. Et, Inhabilis ad soluendum, est etiam inhabilis ad promittendum. Quæ ratio ostendit, quod talis coeundi impotentia non solum Ecclesiastico, sed etiam naturali iure matrimonio impedimentum præbet: item, quod etsi maximè velint impotentes, vel potens cum impotente matrimonium contrahere, tamen id efficere non possint: quamuis contrarium senserit Maior in 4. d. 34. q. 1.

Nota autem primò, quo dixi *impotentia perpetua*, qualis est quæ neque arte medica, neque consuetis Ecclesiæ exorcismis tolli potest, etsi tolli possit cum periculo vitæ, aut grauissimi morbi, impossibilis censetur curatio: similiter si per illicitam incantationem, quia quod iure non possumus, id absolute non posse censemur. Deniq; etsi per miraculum tolli possit, nihilominus, moraliter rem æstimando, impossibilis est curatio. Verum sanatio per consuetos Ecclesiæ exorcismos, licet supernaturalis sit, non tamen in hoc euentu miraculosa reputatur: quandoquidem veluti ordinariè prouenit.

Corollarium I. Si Medicorum iudicio mulier propter arctitudinem v. g. censeatur impotentia perpetua laborare, esto per incisionem periculosam fortasse tolli possit, quam etiam mulier sufferre parata sit, matrimonium cum ea contractum irritum est, consequenter vir, non expectato incisionis euentu, separationem petere, atque ad alias nuptias transire potest, vt docet Sanchez lib. 7. disp. 93. n. 20.

Corollarium II. Si mulier, quæ cum perpetua impotentia contraxit, postea per miraculum sanetur, nihilominus irritum matrimonium censi debet: neque conualescet, nisi vir nouo edito consensu accipere illam decernat. Alia ratio, si mulier veneficijs reddita impotens, per ordinarios Ecclesiæ exorcismos postea curetur. Nam hoc ipso apparebit impotentiam fuisse tantum temporalem, seu ordinario medio curabilem, ideòque matrimonium ab initio constituisse, vt colligitur ex cap. ult. 33. q. 1. & c. fraternitatis, de frigidis, vbi Abb. n. 6.

Secundò nota, Quod dixi, *ad copulam perpetuam*, id est, quæ sit cum omissione veri seminis in vas muliebre. Ex quo sequitur primò; Eunuchos, & spadones, qui utroque teste carent, ad matrimonium contrahendum inhabiles esse, quia vero semine destituti sunt, sicuti constat ex motu proprio Sixti V. apud Gutierrez lib. 1. canon. qq. c. 16. Sanchez lib. 7. disp. 92. n. 17. Verum, si post contractum matrimonium aliquis eunuchus factus sit, copulam imperfectam cum missione non veri seminis exercere non prohibetur, sicuti docet Tolet. lib. 7. c. 16. num. 4. Sanchez disp. 102. num. 6. Quia licet tales matrimonium contrahere nequeant, contracto tamen vt eis licet, quatenus id fieri potest.

Sequitur secundò: Non tantum eum qui absolute & respectu omnium impotens est, impediri à contrahendo matrimonio: sed etiam eum qui impotens est respectu certæ personæ, quacum actum copulæ perfectæ exercere nunquam possit, siue id fiat ex incantatione magica, siue ex naturali improportione inter hunc virum & hanc feminam. Licet enim talis impotentia respectiua non impediat ab omni matrimonio, impedit tamen cum ea persona, respectu cuius est, sine spe ordinariæ curationis.

Nota tertio, quod in assertionem dixi, dirimi *matrimonium subsequens*: Nam quod semel ratum fuit, licet nunquam consummatum matrimonium, nulla superueniente impotentia dirimitur, sicuti constat ex c. hi qui, 32. quæst. 7. & docent DD. in 4. d. 34. vbi S. Bon. a. 2. quæst. 2. Scot. q. vn. ver. contrarium videtur, Richar. q. 3. a. 2. & alij apud Sanch. lib. 7. disp. 102. num. 3. contra Gratianum causa 33. q. 1. Neque obstat c. Quod proposuisti, 32. q. 7. Ne enim absurdum, sed sacris canonibus convenientem doctrinam contineat, dici debet, sermonem ibi esse de muliere, quæ perpetua impotentia ante nuptias contracta laborabat, hoc casu consiliū dari marito vt in continentia viuat, sed ad eam non obligari, modò non omne subsidium deneget mulieri, quæ bona fide ipsi nupsit, cui ex charitatis saltem lege obligatus est.

Porrò in dubio utrum impotentia antecesserit matrimonium, an verò subsecuta sit, vera pars præferenda, Doctores non consentiunt. Est autem valde probabile, quod ex communiore docet Abb. in cap. fraternitatis

n. 6. de frigidis, & c. literæ, n. 3. eod. tit. præsumi posse, quod impotentia antecesserit, si nunquam copula haberi potuerit, & nullis indicijis ostendi queat, quo tempore contracta sit impotentia.

4 His adde. Inter coniuges, quibus impotentia post nuptias aduenit, oscula & tactus ad declarandum affectum coniugalem, vel sedandam concupiscentiam licite exerceri posse, si pollutionis periculum absit, sicuti docet Sanch. lib. 9. disp. 17. num. 21. Quin etiam ad carnalem copulam conari ipsis concessum est, quamdiu probabilis spes superest ipsam aliquando perficiendi, licet præter intentionem pollutio contingat, uti notant Caiet. 2. 2. q. 154. a. 1. circa solut. ad 4. §. Ad secundum verò casum. Nau. c. 22. n. 60. & in c. consideret, d. 5. de pœnit. n. 48. Rodriq. p. 1. c. 243. concl. 9. Henriq. lib. 1. c. 15. num. 4. in comment. lit. N. Sanchez cit. disp. 7. num. 22. arg. c. laudabilem, de frigidis. Sin verò desperatum sit, posse aliquando copulam perfectam inter coniuges obtineri cum missione seminis in vas, tum abstinere tenentur, propter pollutionem vitandam.

Alia verò ratio est, si impotentia antecessit, iuxta doctrinam Palud. in 4. d. 34. prope finem, & aliorum: Si enim constet medicorum v. g. vel stetricum iudicio, matrimonium cum vnius vel vtriusque impotentia perpetua contractum, ideòque irritum esse, statim separandi sunt: saltem quoad torum; nam si fraternæ societatis vinculo contracti inter se viuere & cohabitare consentiant, abstinentes omni carnis commixtione, tactibus impudicis & c. id eis omnino permissum est, iuxta c. laudabilem, & c. consultationi, de frigidis: Quin etiam consultum, nisi periculum incontinentiæ timeatur ei, qui, vel quæ absolute potens est.

5 Sin autem non satis constet, vtrum impotentia perpetua, an verò temporalis sit, tunc ad experiendum triennij spatium eis conceditur in cit. c. laudabilem, ut interim conari eis licitum sit ad copulam, etsi per accidens pollutio eueniat. Elapso autem triennio, nullaque secuta emendatione, toro separari debent permissa licentia coniugi qui potens est ad alias nuptias transeundi, vel vtriusque coniugum, si vtrumque erga alias personas potentem esse ostendi, vel præsumi possit. Ad hæc tamen opus est Ecclesiæ auctoritate, tum propter scandalum vitandum, tum propter erroris periculum: quare etiam, si opus videatur, periti medici adhibendi erunt.

Quod si verò in tali separatione, & noui matrimonij permissione error commissus postea detegatur, quia coniuges re vera ad inuicem potentes erant, ideòque matrimonium validum existeret, tunc posterius putatitium dissolui, & prius reintegrari debet, uti monet S. Th. in 4. d. 34. q. vn. a. 2. Præterquam quod coniunx innocens fornicarij coniugis, qui cum absolute impotens iudicatus esset, alteri se non sine scelere copulauit, cohabitationem & congressum iure respuere possit, sicuti habetur in cit. c. fraternitatis, vbi notat Abb. n. 7. Sanch. disp. 93. n. 12. Non propterea statim, quod ab alio viro post matrimonij separationem cognosci potuit, præsumendum esse prius matrimonium ratum & malè separatum fuisse: cum ob disparitatem virorum potuerit esse vera impotentia respectu prioris, non item posterioris.

6 Ad extremum queri solet: Vtrum constitutus in mortis periculo matrimonium contrahere possit? Responso est affirmatiua ex omnium Doctorum sententia, uti testatur Couar. in epit. p. 2. c. 8. §. 2. n. 10. Sanch. disp. 105. n. 3. Et probatur ex Ecclesiæ consuetudine, secundum quam morituros suauione interdum adducimus, ut concubinas, quibus diu adhæserant, in vxores accipiant: partim, ut affectus eorum impudicus in coniugalem commutetur, partim ut iam concepta aut nata ex ipsis proles legitime- tur. Ratio verò est: Quia, ut ponimus, infirmus morti propinquus, habet potentiam actus coniugalis exercendi, licet per accidens impeditam, quominus ob mor-

bi vehementiam, & mortis aduentum, in actum deduci possit. Quod si verò accadat ipsam generandi potentiam vi morbi secundum se destructam esse, tunc impotens homo censeretur debet matrimonij contrahendi. Ex quo etiã apparet ratio; cur veneficio ligatus, si ordinarijs Ecclesiæ exorcismis iuuari non possit, impotens censeatur; non item qui vi morbi per accidens impeditus est à generationis actu exercendo; siquidem etiam veneficium directè, ac per se tendit ad hominis potentiam generandilicandam, saltem in ordine ad personam determinatam cum qua contrahere vult.

Confirmatur doctrina ex eo, quia morti propinquus potest inire matrimonium spirituale per professionem Religionis, iuxta c. sicuti tenor, de Regul. Ergo & matrimonium carnale. Neque obstat, quod in mortis articulo contrahens non habeat propositum actus coniugalis exercendi. Nam tantum abest, ut eiusmodi propositum requiratur, ut etiam contraria voluntas, videlicet nunquam exercendi actum coniugalem, non infirmet matrimonium, sicuti patet in matrimonio Beatiss. Virginis, item in ijs qui contrahunt cum proposito Religionem post nuptias ingrediendi, modò tale propositum in pactum non deducatur. Ordinariè tamen, & nisi graues causæ vrgeant, matrimonium mortuis permittendum non est, sed eo tempore ad mortem bene obeundam disponendi.

Porro rectè admonet Coninck disp. 31. dub. 7. n. 88. Si potentia generandi vi morbi, secundum se ac simpliciter destructa esset, ut nulla humana arte restaurari posset, etsi hominem diutius viuere contingat, (quod in dubio præsumi non debet) tunc matrimonium validè contrahi non posse. Idemque sentiendum de viris senibus, quorum vires adeò exhaustæ sunt, ut nullo humano remedio iuuari possint ad copulam perficiendam: cum nihil referat seu ex natura, seu ex alia extrinseca causa impotentia irreparabilis oriatur, sicuti docet DD. apud Rich. in 4. d. 34. a. 2. q. 1. ad 2. & expressè Scot. ibid. q. vn. solut. 2. Sotus q. vn. a. 2. concl. 3. Ledesma q. 58. a. 1. dub. 4. concl. 3. Sanch. lib. 7. disp. 92. n. 24. & alij pleriq; contra Nau. lib. 4. consil. 4. num. 15. & 18. de sponsal. impuber. edit. 2. Rodriq. to. 1. sum. c. 235. concl.

Quod si maritus ob senium simpliciter, ac perpetuò destitutus sit potentia seminandi intra vas, constat ex dictis, oscula & tactus ipsi licitos esse citra pollutionis periculum: illicitam autem copulam, cum periculo sui polluenti. Sin verò aliqua spes adsit intra vas perficiendi opus coniugale, licet rarissimè, & vix vnquam contingat, concessam coniugibus esse copulam, quamuis cum pollutionis periculo, ait Sanchez cit. disput. 17. numero 23.

CAP. XII.

De impedimento ætatis.

SUMMARY.

- 1 Masculus ante annum expletum XIV. puella ante XII. canonica iure inhabiles sunt ad matrimonium, nisi certis indicijis constet ante eam ætatem puberes factos esse.
- 2 Si post legitimam ætatem masculus, vel femina nondum pubertate consecuti sint, validè quidem matrimonium contrahere censentur, sed expectandum est usque ad tempus perfectæ ætatis: ut experiri liceat, num verè potentes sint.
- 3 Si masculus, vel femina ante ætatem pubertatis legitimam in carnis delicto deprehendantur, præsumptio esse solet, quod delictum non perfecerit.

ECCESTASTICI iuris constitutione c. continebatur, c. attestaciones, & c. vlt. de desponsat. impuberū, masculus ante completum decimum quartum ætatis annum; femina

fœmina verò ante completum duodecimum, ad contrahendum matrimonium inhabiles censentur, nisi ob urgentissimam causam dispensatio fiat, iuxta c. vbi, eod. tit. & docet S. Tho. in 4. d. 36. q. vn. a. 5. Ratio est, Quod Ecclesia pro inconueniente habeat, vt matrimonium contrahatur ab ijs, qui nondum pubertatem & generandi potentiam assecuti sunt: pubertatis autem ea plerumque ætate, quam diximus, tum masculis; tum fœminis contingit: Ergo ea ætate, & non antè matrimonium contrahere possunt. Quamquam, seclusa Ecclesiastica lege, & spectato iure naturæ, impuberes, si rationis vsum assecuti sint, matrimonium validè contrahunt: cum eorum impotentia non perpetua, sed temporalis sit, quin & naturalis. Quamobrem Sum. Pontifex non minùs in hoc, quàm in alijs canonicis impedimentis dispensare absolutè potest, quamuis non facilè soleat, vt matrimonium inter impuberes, vsum tamen rationis consecutos, contrahatur. de quo vide Nau. lib. 4. consil. 4. & 5. de despons. impuber. edit. 2. Sanch. lib. 7. disp. 104. n. 11.

Porro, si certis indicijs ostendatur, puerum, aut puellam, ante dictam ætatem, non tantum rationis discretionem, sed & pubertatem siue carnalis copulæ potentiam assecutos fuisse, à matrimonio repellendi non sunt: cum in eis malitia ætatem suppleat, sicuti dicitur in c. de illis, 2. & cap. vlt. eod. tit. & videri potest Ioan. Maior in 4. d. 28. q. 2. contra 3. concl. Couar. in epit. p. 2. cap. 5. num. 6. post S. Gregor. I. lib. 4. Dialog. c. 19. vbi narrat, quod puer nouem annorum nutricem suam imprægnarit. Sin verò contra accidat, vt post legitimam ætatem, videl. masculus post xiv. fœmina post annum xii. matrimonium contrahentes, ad eius vsum ob naturæ imbecillitatem inhabiles reperiantur, tunc plenæ pubertatis ætas expectanda est, quæ masculo obuenire censetur anno xviii. iuxta l. adrogato, ff. de adoptionibus, & §. minorem, Instit. eod. In fœmina autem decimo quarto anno, arg. l. Mela, ff. de alimentis legatis. Et ab eo tempore conceditur spatium triennij ad experiendum, vtrum impotentia perpetua sit, necne, sicuti ex probabiliori docent Sanch. lib. 7. disp. 104. n. 18. & disp. 110. n. 8. Coninx disp. 31. dub. 7. n. 84.

His adde I. Consultum non esse, vt in tenera, & adhuc infirma ætate coniuges copulentur, eò quod proles infirma nasci, & matres iuenculæ in partu periclitari solent. II. Si mas ante decimum quartum, fœmella ante duodecimum ætatis annum in carnis delicto comprehendatur, puta adulterio, incestu, sodomia, præsumptione iuris ac de iure esse, quod in ea ætate delictum non perfecerit, sicuti constat ex l. si minor, ff. ad l. Iul. de adult. & c. 1. de delictis puerorum. Si tamen certis indicijs constet, quod malitia & coeundi potentia ætatem suppleat, puniri poterit, tamen mitius, quam sit pœna ordinaria. de quo videri potest Mol. tr. 3. disp. 36. n. 5. Couar. lo. cit. & quæ dixi lib. 1. tract. 4. c. 10. n. 5.

CAP. XIII.

De impedimento raptus.

SUMMARIUM.

1. Raptus puella committitur, si ea de loco in locum causa libidinis exercenda, vel matrimonij contrahendi, per vim iniustam abducatur.
2. Duplex est species raptus: vel enim vis iniusta inferatur puella, vel parentibus, aut tutoribus in quorum potestate puella est, licet consentiant in raptum.
3. Si puella volens ex domo patris, vel tutoris nascentis, aut si antecedente tractatu matrimonij, vel sponsaliorum abducatur puella, non est propriè raptus.
4. Inter raptorem & raptam, quamdiu in potestate raptoris est, matrimonium, aut sponsalia validè non contrahuntur.

5. Probabile est impedimentum raptus locum duntaxat habere, si vis iniusta puella ipsi inferatur ad matrimonium cum ea contrahendum.

RAPTUS puellæ, siue ea soluta sit, siue coniugata, aut vidua, tunc committitur, si ea de loco in alium locum causa libidinis exercendæ, vel matrimonij contrahendi, per vim iniustam abducitur. Quod crimen morte punitur, si rapta mulier honesta fuit, l. vn. C. de raptu virginum, iuncta Auth. de raptu mulierum, quæ raptoribus nubunt.

Duplex est species raptus, vti sumitur ex c. l. ex illa, & c. seq. 36. q. 1. & docet S. Tho. 2. 2. q. 154. a. 7. Mol. tr. 3. disp. 105. Sanch. lib. 7. disp. 12. I. Si vis iniusta exercetur in ipsa puellam, quæ inuita & repugnans abducitur. II. Si vis iniusta committatur erga parentes, vel tutores, sub quorû cura & potestate puella existit; quamuis ipsa in abductionem consentiat, sicuti constat ex c. raptoribus, 36. q. 1. & ex communi tradit Abb. in c. cum causam de raptor. n. 4. Verum, si inscijs parentibus, vel tutoribus puella volens ex domo sua abducatur, licet iniuria illis inferatur, non tamen propriè vis: quare non est propriè raptus, quia raptus, sicuti & rapina, violentiam continet, vti ex communi docet Nau. lib. 5. consil. 3. n. 1. de raptor. edit. 2. Sanch. n. 36. & disp. 13. n. 13. Veracrux in appendice ad speculum, de impedimento raptus.

Præterea si tractatus de matrimonio legitimè contrahendo, vel sponsalia antecesserunt, atque idcirco puella consentiens de domo patris, vel tutoris, quamuis ipso reclamante, abducta est, non esse propriè raptum, neq; matrimonio impedimentum præbere, respondit Alexan. III. in c. cum causam, de raptoribus, nihil obstantè quod iure ciuili aliter statutum sit, cit. l. vn. C. de raptor. virginum: quare in eodem foro, abducenti puellam ex domo patris, vel tutoris, in cuius potestate erat, pœna decerni potest, propter iniuriam ipsis illatam, vti notat Molina tract. 3. disp. 105. n. 11.

His explicatis, sciendum est: Quod Concilium Trid. sess. 24. c. 6. de reform. matrim. decreuit, inter raptorem & raptam, quamdiu ipsa in potestate raptoris manserit, nullum matrimonium consistere posse. Quod si rapta à raptore separata, & in loco tuto ac libero constituta, illum in virum habere cõsenserit, tunc eam raptor in vxorem ducere possit. nihilominus raptor ipse, & omnes illi consilium, auxilium, & fauorè præbentes, ipso iure excommunicati sint, ac perpetuò infames: Clerici verò de proprio gradu decident. Teneatur præterea raptor mulierem raptam, siue eam in vxorẽ duxerit, siue non duxerit, decenter, arbitrio Iudicis, dotare: Quare hæc pœna non obligat, nisi post iudicis sententiam. Idemque sentiendum, ait Sanch. disp. 13. n. 1. de pœna infamiz, ac depositionis.

Videntur autem hæc pœnz & inhabilitates incurrere propter omnem raptum propriè dictum, cuius species supra numeratz sunt: quandoquidem Trident. generaliter loquitur, Inter raptorem & raptam &c. idq; annotauit Veracrux in appendice ad speculum, de impedimento raptus. Quamuis Sanch. cit. disp. 13. n. 3. Coninx cit. disp. 31. dub. 4. in fine, non improbabiler existiment, Trident. Concilio solum eam raptus speciem puniri, per quam vis inferatur puellæ, cum intentio fuerit: per illud decretum succurrere libertati matrimonij, ne id mulier inuita contrahere cogatur: licet alij communiter cõtrarium sentiant. Nau. lib. 5. consil. 2. de raptoribus, Henric. lib. 12. c. 14. n. 4. Rodrig. p. 1. sum. c. 232. concl. 1. Sa ver. matrimonium, n. 9.

Eodem porro fundamento idem Sanch. cit. disp. 13. n. 4. existimat, decreto illo Tridentino solum comprehendit raptum, qui sit causa contrahendi matrimonij; non itè ob exercendam libidinem. Idemq; sentit Rodrig. to. 1. sum. c. 213. n. 7. & probabile censet Coninx lo. cit. atque Cardinales eodem cap. 6. ita censuerunt apud Marzylam, licet Sa ver. matrimonium, n. 9. contrarium dixerit.

His adde ex Nau. lib. 5. consil. 4. de raptor. edit. 2. Sanchez lib. 7. disp. 13. n. 17. Molin. tract. 3. disp. 105. n. 22. & alijs communiter: Quod neq; spōsalia inter raptorem & raptā, dum in domo raptoris manet, validè contrahi possint. Quia prohibito, & cassato matrimonio, consequenter etiam censentur prohibita, & cassata sponsalia præambula, si eadem vtriusque prohibitionis causa sit: videlicet defectus plenæ libertatis.

CAP. XIV.

De impedimento ex cultus, siue Religionis disparitate.

S V M M A R I V M.

1. Matrimonium hominis baptisati cum non baptisato, etiam Catechumeno, Ecclesiastico iure irritum est.
2. Matrimonium hominis Catholici cum hæretico validum quidem, sed plerumque mortaliter illicitum est.
3. Impium, & irritum est pactum additum matrimonio Catholici cum hæretico, ut liberorum alij patrem fidelem, alij verò matrem hæreticam sequantur.
4. Si impedimentum dirimens matrimonij notorium est, vel in notitiam Ecclesiæ venturum, eo sublato, oportet Parochum & testis iterum adhibere ad validandum matrimonium; secus, si impedimentum omninò occultum sit.
5. Matrimonium irritum, reddi validum potest quocunque coniugum consensu, verbis, aut factis declarato, modo eius impedimentum cognitum habeant.

ASSERTIO I. Matrimonium hominis baptisati cum non baptisato, etiam Catechumeno, Ecclesiastico iure irritum est. Ita colligitur ex c. caue, 28. q. 1. Si Christiana sit, id est catechisata sit, ait Glos. non est satis, nisi ambo initiati sint sacramento Baptismatis. Et hanc esse communem sententiam Doctorum, atq; Ecclesiæ praxin, testatur Couar. in epit. p. 2. c. 6. §. vlt. Bellarm. de matrim. c. 23. Henriq. lib. 12. c. 13. n. 3. Sanch. lib. 7. disp. 71. Tolet. lib. 7. c. 11.

ASSERTIO II. Matrimonium hominis Catholici cū hæretico validum quidem, sed mortaliter illicitum est. Quæ est communis sententia Doctorum apud S. Tho. in 4. d. 39. q. 1. a. 1. Rich. a. 1. q. 1. Duran. q. 1. ad 2. Couar. cit. §. vlt. n. 5. Sanch. disp. 72. contra Gl. in c. vlt. ver. contra substantiam, de condit. appositis. Prior pars colligitur ex c. decrevit, de hæret. in 6. & ratio reddi potest: Quia matrimonium cum hæretico, qui rite baptisatus est, veri sacramenti rationem habet, ergo non decuit ita infirmari, sicuti matrimonium cum infideli, licet contrarium senserit Iacob. Simanca de Cathol. instit. tit. 40. n. 19. Posterior pars sumitur ex Concil. Chalcedon. can. 14. Eliber. c. 16. Laodicen. can. 10. & 31. Carthag. 3. c. 12. Agathic. 67.

Sed limitatur primò: Nisi hæreticus promittat, se post nuptias Fidem Catholicam suscepturum, & causa subest, cur nuptiæ absolutioni ab hæresi antependantur. Ita Nicol. Serarius de coniugio Catholicorum cum hæreticis c. 2. Sa de matrim. impedimentis n. 8. vbi ait: *Mortale est cum hæretico contrahere, nisi spes certa conversionis esset.* Et colligi videtur ex cit. can. 14. Chalced. Concil. Non oportet cum hominibus hæreticis miscere connubia, & vel filios, vel filias dare, sed potius accipere, si tamen profiteantur Christianos se esse futuros, & Catholicos. Confirmatur. Quia licet in lege veteri Exodi c. 34. & Deuter. 7. cautum fuerit, ne Iudeorum quispiam uxorem acciperet ex gentilitate, quia auerterent corda ipsorum, ut sequantur Deos alienos, sicuti exemplo ostendit Salomon Rex: Nihilominus Mahalon, & postea Booz Davidis proavus in uxorem duxit Ruth Moabitidem, & Salmon Raab meretricem, sicuti constat ex cap. 1. Matth. propterea quod Iudaismus suscipere paratæ essent.

Secundò limitat Azort. lib. 8. c. n. q. 5. Sanch. cit. disp.

72. n. 5. Addit. in Sa. cit. n. 8. In Germania, aliisque septentrionalibus partibus, quibus Catholici mixti cum hæreticis communi iure viuunt, consuetudinem obtinuisse, ut connubia inter se inire possint, si coniugi, qui Catholicus est, liberum permittatur sine periculo peruersionis in Fide orthodoxa persistere. Quæ limitatio admitti potest, si in aliquo casu morali euidencia constet, nullum esse periculū scandali, peruersionis, aliorumque incommodorum, quæ cum tali matrimonio plerumque iuncta sunt. Sin verò dubium, utrū eiusmodi mala sequi possint, ad Sum. Pontificē, vel etiā Episcopū in Germania nostra, pertinebit rem examinare, & contrahendi matrimonij licentiam dare. Enimverò experti sumus ex matrimonio hominis Catholici cum hæretico tam multa sequi solita incommoda spiritualia, tum ipsi coniugi Catholico, tum liberis ac Christianæ Reipubl. ut naturali plerumq; legi charitatis &c. repugnet, ac proinde tunc neq; Sum. Pontifex id dispensatiōe permittere possit, præterquam si in aliquo casu probabilis spes sit ex eiusmodi matrimonio longè maioris spiritualis fructus secuturi, ob quem incommoda illa tanquam minora, permitti possint. quod tamē perrarum est, ut ostendit Serarius l. c. & videri etiam potest Mart. Becanus in 2. 2. c. 9. q. 5. dub. 4. resp. 3.

Illud porro apud omnes in confesso est, si matrimonio Catholici cū hæretico pactū adiiciatur, ut liberorū alij, puta masculi patrē fidelem, fœminæ verò matrē hæreticā sequantur, impium & irritum esse: quandoquidem ad vtrumq; pertinet cura liberorū suos omnes in vera Fide, ac Religione educandi.

Alia tria matrimonij dirimentia sunt: Vis grauis, & iniusta, clandestina desponsatio de præsentē, de quibus dixi suprā p. 2. c. 5. Ac denique ligamen seu vinculum vnus legitimū matrimonij, quo durante aliud validè contrahi nunquam potest, ut ex suprā dictis constat.

Vna quæstio restat: Si matrimonium, quod ob aliquod impedimentum irritum erat (v. g. propter defectum ætatis, vel quia metu iniusto extortum, vel intra quartū gradum consanguinitatis, aut affinitatis contractum) postea secuta ætate, deposito metu, vel impetrata dispensatione revalidandum sit, quomodo id fieri debeat, & an necesse sit Parochum & testes de nouo adhiberi? Respondeo, & dico I. Si impedimentum in facie Ecclesiæ publicum seu notorium fuit, necesse est Parochum & testes iterum adhibere, & coram ipsis matrimonium celebrare. Idēque faciendū, si periculum sit, ne in foro externo, vel in facie Ecclesiæ impedimentū aliquando innotescat, uti Rodriq. notauit p. 1. casuum, c. 220. concl. 2. Sanch. lib. 2. de matrim. disp. 37. n. 11. Item, licet solus Parochus, vel testes requisiti impedimentū extra Cōfessionem cognitum habuerint: quia non poterant talibus auctoritatem, vel testimonium matrimonij præbere, quod sciebant esse nullum, sicuti notauit Sanch. n. 10. Henriq. lib. 12. c. 3. n. 7. Pet. Ledesma q. 47. a. 3. dub. vlt.

Dico II. Si impedimentū omninò occultū sit, necesse non est Parochū & testes iterū adhibere: sed ipsi coniuges prioris impedimenti conscij, inter se per consensum, verbis, vel facto declaratū, matrimonium validū efficere possunt. Ita docet Nau. c. 22. n. 70. & lib. 4. consil. 14. in fine, Pet. Ledesma q. 45. a. 5. dub. penult. Philarchus t. 1. de offic. Sacerdotis, p. 2. lib. 2. c. 13. Rodriq. cit. concl. 2. Sanchez cit. disput. 37. num. 3. Henriq. citat. cap. 3. n. 6. Cū enim ratio quæ mouit Concil. Trid. ad cassanda matrimonia clandestina, ut impedirentur grauiā peccata & incommoda, quæ ex ijs oriri plerūq; solerent, in dicto casu penitus cessent: quia potius ē cōtrario incommoda, & scandala non exigua sequeretur, si matrimonia, quæ publicè pro validis habebantur, iterum coram Parocho & testibus celebrare oportere: meritò colligimus, Trident. decreto, quatenus tum prohibitorium, tum cassatorium est matrimonij clandestini, casum illum quo matrimonium occultè inualidum reuelari debet, nequaquam comprehendī. Sed

Sed nota quod in assertionem dixi coniuges matrimonio validum efficere posse, *verbis, aut facto*; ideoque qualicumque signo declarante mutuum consensum, ut si carnaliter copulantur, vel maritali affectu colubant, arg. c. ad id, c. is qui, de sponsal. & c. insuper, Qui matrimonium accusare possunt, ubi id notat Abb. num. 2. Sotus in 4. d. 35. q. vn. a. 2. ver. sed est præterea, Couar. p. 2. c. 4. princ. n. 5. Henric. lib. 11. c. 9. in fine, Sanch. lib. 2. disp. 36. n. 7.

Secundo nota, quod dixi: Si coniuges impedimenti *consci sunt*. Nam si ignorent matrimonium in quo versantur inualidum esse, non possunt velle, ut validetur: cum error voluntarium tollat, sicuti ex communi Nau. in man. c. 22. n. 47. & consil. 12. de sponsal. edit. 2. arg. c. veniens, iuncta Gl. De eo qui duxit in matrim. quam poluit &c. Qua etiam ratione docet idem Nau. c. 12. n. 71. Rodriq. p. 2. c. 99. concl. 7. Sanch. lib. 1. disp. 16. n. 7. Ut quis votum, quod inualide conceptum est, denuo ratificet aut confirmet, necesse esse, ut eius inualiditatem cognitam habeat. Si enim nesciat, aut de valore eius dubitet, non censetur habere absolutam voluntatem se obligandi, sed renouandi, aut confirmandi obligationem antè existentem. Nisi constet animum vouentis fuisse, quod promittere & obligari velit quamvis prior promissio & obligatio irrita fuisset. Similiter se res habet in casu matrimonij validandi: Si enim maritus v.g. occultè impetrata dispensatione super impedimento, non putet expedire, ut vxor resciat, potest eam, oblata opportuna occasione, interrogare, an tali ipsum amore prosequatur, utiam etiam consentiat in maritum accipere, perinde ac si omnino ab eo libera esset, iuxta probabilior sententiam Caiet. t. 1. opus. tr. 12. de matrim. q. 2. Soti in 4. d. 28. q. 1. a. 1. concl. 3. casu 1. Veracrux p. 1. speculi, a. 44. concl. 3. Henric. lib. 11. cap. 3. n. 6. Sanch. lib. 2. disp. 36. concl. 2. contra Nau. c. 22. n. 47. Philarchum t. 1. p. 2. lib. 2. c. 13. ubi aiunt, necessarium esse ut cōsciūs impedimenti saltem generatim indicet ignoranti, *Suspicio ex causa aliqua non valuisse inter nos matrimonium, ideo rogo te ad pacandam conscientiam meam, ut quatenus opus est, denuo in matrimonium consentiamus.* qui modus si sine graui incommodo adhiberi possit, haud dubiè securior est: cum alioquin non facile ab ignorante eliciatur consensus de præsentē efficac; sed solum quod vellet de nouo matrimonium contrahere, nisi antea contractum esset; cuiusmodi tamen consensus non sufficit, ut rectè notauit Sanchez cit. disput. 36. concl. 2. Illud tamen rectè monet Rich. in 4. d. 29. q. 2. a. 1. Veracrux p. 1. speculi, a. 29. in fine, Sanch. lib. 2. disp. 32. n. 11. Si matrimonium irritum fuit, quia alter sponzorū internum consensum verè non præbuit, sed simulauit, aliud non requirit ad validandum matrimonium, nisi ut consensum internè suppleat. Siquidem id solum deest, quod in hoc casu ad matrimonij valorem iure naturali & diuino requiritur: neque Ecclesiastica constitutiones aliud exigere possunt. Ergo si id suppleatur, sufficit.

CAP. XV.

De impedimentis non dirimentibus.

SUMMARIUM.

1. Impedimenta matrimonij non dirimentia sunt: Interdictum seu inhibitiō Ordinarij, tempus feriarum, cognatio spiritalis contrahenda ex catechismo baptisandi, certa crimina, votum continentia, vel Religionis ingrediende, & sponsalia cum priore contracta.
2. Impedimenta ex catechismo, & criminibus, quæ antiqui canonibus, instituta fuerunt, hodie ferme abolita sunt.

INTER impedimenta, quibus matrimonium illicitum, non tamen irritum redditur, primum locum te-

net *interdictum Ecclesie*. Si videlicet Ordinarius pastor certis personis, ob iustam causam, v.g. ut de obiecti impedimenti veritate cognoscatur, matrimonium interim interdicit, sicuti constat ex c. penul. de sponsa duorum, ubi dicitur, pendente litē de matrimonij valore, interdicens, ne interim aliud matrimonium contrahatur, & ex c. ult. de clandestina desponsat. ubi Parochis præcipitur, si probabilis coniectura impedimenti apparuerit, contractus matrimonij ab eis *interdicatur expresse, donec quid fieri debeat super eo, manifestis constiterit documentis.* Verum, licet Parochi in tali casu matrimonium inhibere possint, non tamen de eius impedimento cognoscere: cum tractatio causarum matrimonialium ad Iudicem Ecclesiasticum pertineat, qui est Episcopus, vel similis Prælati exemptus, cuiusue Vicarius, aut delegatus, iuxta c. accedentibus, de excess. Prælat. & c. i. de consang. & affinit. iun. Gl. ver. potestatem, & Abb. n. 12.

Alterum locum tenet *tempus feriarum*, videlicet ab Auentu Domini vsque in diem Epiphaniæ, & à Feria quarta Cinerum vsque in octauam Paschatis inclusiue, quibus temporibus nuptiæ solemnes ab Ecclesia interduntur, ut videre est in Trid. sess. 24. c. 10. de reform. matrim. Vbi notandum est: Non prohiberi ipsum matrimonij contractum, præmissis etiam denuntiationibus, in dictis temporibus celebrari, si nuptialis benedictio, & solemnitas tractu sponſæ cum signis lætitiæ &c. intermittatur, sicuti colligitur ex cit. Trid. & c. Capellanus, de ferijs, ubi dicitur, Romanæ Ecclesiæ consuetudinem esse, *ut quocumque tempore matrimonium contrahatur*, & notat ibi Gl. ver. quocumq; Abb. n. 4. Caiet. ver. nuptiarum peccata, Bellarm. lib. 1. c. 31. §. in altero more, Sa ver. matrimonij impedimenta non dirimentia, n. 2. Sanch. lib. 7. disp. 7. n. 12. Coninck disp. 30. dub. 3. Attendenda tamen est Ecclesiæ consuetudo, quæ apud nos est, ut Parochus his temporibus matrimonio, intermissa vel in aliud tempus dilata benedictione, non assistat, nisi necessitas urgeat: ut si miles in periculo mortis constitutus, vel statim discessurus concubinam ducere velit, eique ad spiritualem salutem matrimonium expedire videatur: quamvis etiam hoc casu mos est, ut, si fieri possit ab Ordinario licentia petatur, sicuti indicat etiam Ioan. Chapeauille, c. 6. q. 9. in fine.

Tertium locum tenet cognatio spiritalis, quæ secundum iuris canonici constitutionem, c. 2. de cognat. spirit. in 6. contrahitur ab eo, qui in catechismo pro persona baptisanda Sacerdoti interroganti respondet: contrahit enim impedimentum, quominus cum tali persona matrimonium licite contrahere possit: quamvis ita contractum valeat, si verus patrinus non sit, qui in catechismo tenet, quia puer domi v.g. ob necessitatem baptisatus fuerat, & solum cæremoniæ in Ecclesia adhiberi debent. Cæterum valde probabile est, quod docet Sanch. lib. 7. disp. 10. impedimentum hoc omnino sublatum esse, per Trid. Conc. sess. 24. c. 2. de reform. matrim. ubi decernitur, ut omni impedimento sublato, spiritalis cognatio tantum contrahatur inter baptisatum eiusq; patrem, & matrem ex vna parte: & baptisatam & susceptores de Baptismo ex altera parte. Qui autem tantummodo in catechismo tenet, nec baptisans, nec de Baptismo suscipiens est. Ergo spiritualem cognationem non contrahit.

Quartum locum tenent crimina quædam, ob quæ quasi poenitentia loco, abstinencia à coniugio antiquis canonibus decreta erat. I. est, vxoricidium, c. admonere, 33. q. 2. II. Presbyterici diuini, c. qui Presbyteri, de poenit. & remiss. III. Matrimonium cum Moniali scienter initum, c. hi ergo, 27. q. 1. IV. Si quis propriam prolem de sacro fonte suscepit, in fraudem vltus coniugalē, c. de eo, 30. q. 1. V. Qui ob peccatum publicam poenitentiam peragere debuit, c. de his, 33. q. 2. VI. Raptus sponſæ aliene, c. statutum, 27. q. 2. VII. Incestus cum consanguineis coniugis, aut sponſæ adhuc viuētis, c. 1. 2. & c. transmissæ, de eo qui cognouit & c. fal-

tem intra secundum gradū, post Trid. Constit. sess. 24. c. 4. de reform. matrim. Dixi *viuentis*, non item demortue, iuxta probabilem sententiam Soti in 4. d. 37. q. vn. art. 1. Henriq. lib. 12. c. 2. n. 1. Sa ver. matrim. impedimenta non dirimentia, n. 7. contra Sanch. lib. 7. disp. 15. n. 12. Quia Ecclesia hoc impedimentum introduxit in pœnam criminis, quo per incestum cum consanguinea impeditur vsus coniugalis cum legitima coniuge: quæ ratio cessat, postquam ea defuncta est.

Ex quo etiam intelligitur, cur iura hoc impedimentum solum decernant propter incestum commissum cum consanguineis coniugis, aut sponsæ, quod extendi non debet ad incestum cum propriis consanguineis: tum quia est decretum prohibitorium ac pœnale, ideoque non extendendum ultra casum expressum: tum quia non eadem ratio in utroque incestu reperitur, quia incestus cum consanguineis vxoris magis matrimonio repugnat, quippe ipse vsus impediens, sicuti docet S. Tho. in 4. d. 34. q. vn. a. 5. solut. ad arg. ibid. Rich. a. 5. q. 2. ad 1. S. Ant. 3. p. tit. 1. c. 16. §. 4. Henriq. n. 4. Sanch. cit. disp. 15. n. 16. contra Angelum ver. incestus, n. 5. Nau. c. 22. n. 74. Illud tamen specialiter statutum videtur in c. si quis cum matre, 33. q. 2. vt qui cum matre & filia fornicatus fuerit, à coniugio deinceps absteat, sicuti notauit Sanchez numero 7.

Veruntamen Sotus cit. q. vn. a. 2. prope finem, Corduba lib. 1. quæstionarij, q. 12. dicto 3. Veracrux p. 1. spec. a. 27. concl. 2. Nau. c. 22. n. 75. & lib. 4. consil. 9. n. 5. de consang. edit. 2. Sanch. lib. 7. disp. 17. n. 8. Henriq. lib. 12. c. 2. Agid. Coninck disp. 30. dub. 3. num. 25. testantur, hæc impedimenta criminum per diuturnam consuetudinem penitus esse sublata, adeo vt Nauar. dicat, se non memi-

nisse tota ætate sua super tali impedimento dispensationem petitam fuisse. Quamobrem, licet Confessarius pœnitenti incestuoso, vxoricidæ &c. suadere possit, vt in delicti pœnam deinceps ab alio matrimonio abstineat, sicuti antiquis canonibus pœnitentialibus decretum erat; si tamen pœnitens nolit, cogi non debet: sed neque ei suaderit, si ob iuuentutem, vel aliam causam incontinentiæ periculo expositus esse videatur. Quod si verò aliquis securius esse putet dispensationem petere propter crimen impediens matrimonij secundum iura antiqua, eam Episcopus conferre poterit, sicuti ex communi docet Nau. cit. consil. 9. n. 5.

Quintum locum tenent sponsalia: ea enim legitime contracta, nisi iusta de causa dissoluantur, impedimento sunt, quominus licite matrimonium cum alia contrahatur.

Vltimum locum tenet votum simplex castitatis, vel Religionis amplectendæ, aut matrimonij non ineundi: nam cum tali voto illicitè, quamuis validè, matrimonium contrahitur, sicuti constat ex dictis hoc tract. cod. p. 4. c. 3. n. 6.

Denique memoriæ iuuandæ causa pro impedimentis matrimonij dirimentibus hi versus retinendi sunt:

Error, Religio, triplex Cognatio, Crimen, Cultus disparitas, Vis, Ordo, Ligamen, Honestas, Raptus, Clandestina fides, Expers coeundi, Aetas, Affinis, soluant connubia cuncta.

Pro impedimentis verò non dirimentibus iste versus:

Interdictio, Dies, Crimen, Sponsalia, Votum.

Atque hic finis est totius operis, ad gloriam Dei optimi: quo volente, & adiuuante cœpi, ac finiui: ipsi sit sempiterna laus, & gratiarum actio. AMEN.

FINIS.



MORALIS
THEOLOGIÆ
REPERTORIUM
SEV
COMPENDIOSA RERVM
IN EA CONTENTARVM,
SECUNDVM ORDINEM
ALPHABETI DESCRIPTIO.
FACTA AB
AVCTORE OPERIS,
IN
LECTORIS GRATIAM.




LVTETIÆ PARISIORVM,
Sumptibus PETRI BILLAINE, viâ Iacobæâ, sub
signo bonæ Fidei.

M. DC. XXVII.

BENEVOLO

LECTORI AVCTOR S.D.

 Vm opus, labórque meus prælo ferme liberatus esset, duo adhuc, Lectori beneuole, à te desiderari posse cogitabam. Vnum, vt doctrinas omnes, præsertim morales, toto volumine sparsas, indicatis locis facile reperire possit. Alterum, vt quæ ex Ecclesiæ praxi, Doctorum consensu, ac proprijs rationibus fusiùs à me explicata fuerunt, compendio quodam asserta proponantur. Vtrique desiderio tuo, eadem hac opera, me satisfacturum existimo. Quod si assecutus fuero, diuino Numini gratia agam, mihi que gratulabor. A te autem, bene Lector, id vnum obnixè rogo, quicumque es, hunc librum lecturus, vt Deum pro me ores.



MORALIS

THEOLOGICÆ

REPERTORIUM.

Abbas.



ABBATES alij seculares, & alij regulares sunt: item alij infulati, alij qui pastorale tantum pedum gerunt. lib. 5. tr. 9. c. 13. §. vn. n. 14.

Abbatess proximum post Episcopum dignitatis locum tenent in Concilijs, Processionibus. ibid.

Ad Abbatis creationem tria concurrunt; Electio, Confirmatio, Benedictio. Ibid. n. 15.

Abbas eligi debet, qui in Ordine expressè professus sit; qui X X V. ætatis annum attigerit; qui sacerdos sit, vel intra annum sacerdos futurus. eod. num.

Abbas confirmatus, aut benedictus, licet ad episcopatum eligi possit, tamen transire illi non licet, absque Superioris licentia. n. 16.

Benedictio Abbatis ab Episcopo fit, assistentibus duobus Abbatibus. Verum consuetudo permittit, ut à tribus Abbatibus benedictio conferatur. n. 17.

Benedictio Abbatis potius ad solemnitatem spectat, quam ad substantiam; adeò, ut quibusdam casibus etiam sine accepta benedictione, quæ ordinis sunt, exercere possit. eod. num.

Abbas nomine Conuentus non comprehenditur in odiosis. ibid. n. 18.

Abbatissa.

Abbatissa iurisdictionem spirituales propriè non habent; sed usum quandam iurisdictionis sibi commissum. l. 1. tr. 5. p. 1. c. 3. n. 3. & 4.

Abbatissa ex privilegio, Sedis Apostolicæ conferre possunt beneficia, & instituere Clericos in Ecclesijs ad Monasterium suum pertinentibus. eod. num. 4.

Abbatissa, secundum quosdam, censuræ suspensionis capax est; cum sit Ecclesiastica persona, habens iurisdictionem aliquam ex commissione. l. 1. tr. 5. p. 3. c. 1. n. 1. & c. 2. n. 2.

Abbatissa eligi non potest, nisi quadragesimum, aut in quibusdam casibus, trigessimum annum compleverit. l. 4. tr. 2. c. 14. n. 1. §. quod verò.

Abbatissæ post confirmationem benedici debent, ubi talis consuetudo viget. l. 5. tr. 9. c. 13. §. vn. n. 17.

Abortus.

Qui malitiosè impedit, ne fœtus humanus concipiat, aut conceptus animetur, mortaliter delinquit. l. 3. t. 3. p. 3. c. 4. n. 2. q. 2.

Qui mulieri abortum procurat si fœtus animatus fuit, verè homicida, atque irregularis existit. n. 3.

Si certum sit, fœtum in vtero animatum non esse, facilius permittitur, ob matris vitam seruandam, eum expellere, etiam directa intentione; cum fœtus sit veluti aggressor matris. n. 4.

Medicinas, quæ directè tendunt ad fœtum iam animati occisionem, puta venenum, dilacerationem &c. adhibere nunquam licitum est: at verò medicinas per se ac directè ordinatas ad matris sanitatem, v. g. venæ sectionem pharmacum ventris purgatiuum adhibere licet, si alioquin mater moritura sit; quamuis timeatur per accidens abortum secuturum esse. ibid. §. sin autem.

Si tamen existimetur, prolem animatam, non adhibito medicamento, in lucem edendam, & baptizandam fore, permittenda est mors matris. ibid.

Abstinentia.

Regula & mensura cibi, potus, ac somni capiendi, continetur corporis, ac vitæ tuendæ necessitate. l. 3. f. 4. num. 1.

Acceptio personarum.

Peccatum acceptionis personæ in eo consistit, quod aliquis in iure dicendo, vel in bonorum communium, aut honorum distributione, non attendit ad causam, sed conditionem personæ ad rem non pertinentem. l. 4. tr. 1. c. 15. n. 6.

Peccatum acceptionis personæ non committitur, nisi antecedat aliquod debitum iustitiæ. ibid.

Acceptilatio.

Est imaginaria quædam solutio, per quam obligatio ex stipulatione orta tollitur. l. 3. tr. 4. c. 3. n. 2. §. Inter.

Acedia.

Acedia est tristitia de bono diuino, à nobis participando cum labore, & difficultate. lib. 2. t. 3. c. 9. n. 1.

Est ex genere peccatorum mortalium, quippe repugnans charitati, ac amicitia Dei. n. 2.

Acedia est vnum ex vitijs capitalibus. n. 3.

Expellitur acedia non cedendo, sed resistendo. n. 4.

Actio.

Actio est ius persequendi, seu petendi aliquid, quod ipsi debitum est. l. 3. t. 4. c. 1. n. 2.

Actio alia realis est, quæ & vindictio rei dicitur, alia verò personalis. l. 1. t. 1. c. 5. n. 1.

Actio realis varijs modis competere potest, videlicet ratione dominij directi, aut dominij vtilis, vel quasi dominij; aut ratione seruitutis, pignoris seu hypothecæ constitutæ. ibid.

Actor.

Qui in ciuilibus actor, in criminalibus accusator dici solet. l. 3. t. 6. c. 3. n. 1. & 2.

Libellus Actoris syllogismum iuridicum continere debet. *ibid.*

Actor, itémque Reus in iudicio contumaciter non comparens, parti læsæ ad expensas, & damna refarcienda condemnandus est. *ibid.*

Accusatori onus probandi incumbit, non item denuntiatori. n. 4.

Si accusator in probatione deficiat, & calumniator appareat, pœna talionis plectitur: quæ tamen hodie ferme desijt & arbitraria imponi solet. *Ibid.*

De crimine pernicioso, si alia ratione impediri non possit, accusare, vel denunciare quisque obligatus est. num. 6.

Iudex ad se delatam accusationem ordinariè admittere cogitur. n. 7.

Quod Clericus actor coram seculari Iudice in eodem iudicio reconueniri possit, canonico iure receptum non videtur. l. 3. t. 6. c. 1. n. 2.

Si vtraque actio, ciuilis, & criminalis, ad pœnam seu vindictam tendit, vnâ intentatâ, altera tollitur, secus, si ad diuersa tendunt. *ibid.* n. 4.

Actus humanus, liber.

Illæ hominis actiones propriè humanæ dicuntur quæ propter finem fiunt ex deliberatione rationis. lib. 1. t. 2. c. 2. n. 7.

Intentio est motus rationalis appetitus in finem, per media assequendum. *cod.* cap. 2. n. 1.

Bruta propter finem agunt, non ex intentione. *Ibid.*

Deliberatio rationis oritur ex indifferentia rerum intellectui in hac vita propositarum. *ibid.* n. 2.

Voluntas libere eligit, vel respuit id, quod intellectus facta consultatione, iudicatur. n. 3.

Duplex est libertas; Vna secundum exercitium, altera secundum specificationem. n. 4.

Libero contradictoriè opponitur non liberum; contrariè autem, necessarium naturæ. n. 5.

Sola voluntas formaliter libera est à necessitate naturæ: intellectus autem est radix libertatis. n. 6.

Actus humani partim sunt elicit à voluntate; partim imperati. n. 8.

Intellectus per se, & secluso actu voluntatis, non est capax peccati, aut meriti; similiter nec appetitus sensitiuus. n. 8.

Primus actus intellectus in quouis negotio non est propriè humanus, seu moralis; sed naturalis, ideòque peccati, aut meriti incapax. n. 10.

Actus intellectus, & actus voluntatis sunt inter se partim priores, partim posteriores, n. 11.

Licet intellectus in actibus suis per se liber non sit, multum tamen pendet à libera motione voluntatis: num. 12.

Morale per se primò conuenit actibus humanis ex deliberatione rationis procedentibus. c. 7. n. 1.

Diuiditur in bonum morale, seu honestum; & malum morale, seu inhonestum. *ibid.* n. 2.

Bonum honestum dicitur, quod substantiæ rationali liberæ per se decens est; inhonestum verò quod eandem dedecet. *ibid.*

Actus morales bonitatis, vel malitiæ speciem accipiunt à reali obiecto suo; consequenter bonitas, vel malitia in obiecto reperitur fundamentaliter, in actione formaliter. n. 3.

Actus alij per se, & præcisè ex obiecto mali sunt; alij verò propter legis positivæ prohibitionem. n. 4.

Actus morales alij internè consummantur, alij verò in externam operationem transeunt. n. 5.

Externæ moralis operatio obiectiue quidem prior est actu interno; sed vt exercita ab actu interno posterior tanquam participans bonitatem, vel malitiam ab interno actu. *ibid.*

Actus internus & actus externus in genere moris non

faciunt numerum. n. 6.

Actus internus voluntatis efficax, si opere non completur, quia deest operandi facultas, habet quidem omnem substantialem bonitatem, vel malitiam, sed non accidentalem: quandoquidem, externa executione materialiter perficitur. n. 7.

Actionum humanarum circumstantiæ.

Circumstantiæ sunt particulares humanarum actionum in genere moris accidentales conditiones. lib. 1. tr. 2. c. 8. n. 1.

Earum duo sunt genera, quædam accidentaliter tantum aggravantes, vel minucentes, quædam verò nouam speciem afferentes. *ibid.*

Circumstantiæ afferentes nouam speciem subdiuiduntur, quod quædam actioni retinenti propriam speciem ex obiecto alteram adiungunt: quædam speciem actionis mutant siue ad aliam transferunt. numero 2.

Circumstantiæ humanarum actionum septem numerentur, Quis, Quid, Vbi, Quibus auxilijs, Cur, Quomodo, Quando. *cod.* tr. 2. c. 9. n. 1.

Peccata tantò grauiora sunt, quantò sanctior, aut sublimior persona, quæ peccat, si cum plena deliberatione agat. n. 2.

Grauior est iniuria, quæ fit homini innocenti, sancto. *ibid.*

Peccata externa in loco sacro commissa, continent peccatum irreligiositatis, plerumque veniale: tunc autem mortale, si actus valde turpis sit, vel ad Ecclesia specialiter prohibitus, ob reuerentiam loci sacri; vt fornicatio, furtum. n. 3.

Peccata commissa in die festo, non continent peculiarem speciem irreligiositatis; nisi fiant ex directa intentione inhonorandi sacrum tempus. *ibid.* n. 2.

Circumstantia propter quid, siue finis, omnium præcipua est: quia finis est principale voluntatis motiuum. n. 4.

Idem finis, qui in operantis intentione principale obiectum est, ideòque actui interno speciem malitiæ conferens, est tamen circumstantia actionis, quæ propter eum finem fit: vt si quis furetur fornicandi causa. *Ibid.*

Duplex tamen est finis actionis; vnus ipsius operis, siue obiecto intrinsecus, ideòque actioni propriam speciem conferens: vt si pauperi tribuas, miseriæ eius subleuandæ causa. Alius est finis operantis, seu extrinsecus vt si eleemosynam des vanæ gloriæ causâ. Et iste finis est circumstantia actionis. *Ibid.* §. Vbi notandum.

Circumstantia finis boni nouam bonitatis speciem affert actionis ex obiecto bonæ: vt si ieiunes causa satisfaciendi Deo pro peccatis. n. 5. casu primo.

Circumstantia finis mali omnino destruit, & malam efficit actionem, quæ ex obiecto bona esset: vt si eleemosynam des vanæ gloriæ causa. n. 6.

Circumstantia finis boni tribuit actioni ex obiecto indifferenti primam, & vnicam bonitatis speciem similiter circumstantia finis mali vnicam speciem malitiæ: Vt si ambules fornicandi causa, opus intemperantiæ exerces. *ibid.*

Circumstantia finis boni nihil tribuit actui ex obiecto malo, sed relinquit simpliciter malum. Quod enim in se malum est, nulla bona intentione cohonestatur. num. 7.

Vt actio moraliter bona sit, necesse est cum obiectum, tum finem & cæteras circumstantias, bona esse. Nam bonum ex integra causa malum ex quouis defectu. *ibid.*

Circumstantia finis mali confert actui ex obiecto malo nouam malitiam, seu specie distinctam, vt videre est in furto fornicandi causa; vel solo numero distinctam, vt videre est in furante instrumenta, quibus vtatur ad

furandum pecunias. n. 8.

Actus impudicos qui per se ad fornicationem referuntur tanquam inchoationes, non est necesse in Confessione explicare, explicato actu principali fornicationis. Imò aliqui idem censent de actibus impudicis qui sequuntur. *ibid.*

Omnes actiones, quæ secundum speciem ex obiecto indifferentes sunt, per circumstantias, præsertim finem, moraliter bonæ vel malæ existunt: quamobrem nulla datur actio moralis, & perfectè libera, quæ in indiuiduo indifferens sit. *lib. 1. tract. 2. c. 8. n. 3.*

Multæ tamen actiones ab homine exercentur solum ex motiuo alicuius commoditatis, vel utilitatis, cum nihil aduertat, aut cogitet de alio superiore fine honestatis, propter quem agere deberet. Tum verò actio moraliter nec bona, nec mala est: cum non fiat secundum deliberationem rationis superioris. *eod. n. 3. in fine, & eod. lib. 1. tr. 3. c. 5. n. 13.*

Consensus voluntatis moraliter bonus, vel malus debet esse rationis superioris: quæ à S. August. viro comparatur; & non tantum inferioris, quæ mulieri assimilatur. *eod. n. 13.*

Homo nunquam peccat, nisi actualiter aduertat ad moralem malitiam operis, vel omissionis; aut saltem ad periculum malitiæ. *ibid.*

Circumstantiæ omnes morales quæ speciem mutant, vel nouam speciem adferunt, in Confessione explicari debent. *tr. 2. c. 10. n. 1.*

Circumstantias, quæ intra eandem speciem peccati grauitatem notabiliter augent, explicandas non esse, est communior Doctorum sententia. *n. 1.*

Excipienda tamen hinc est circumstantia Quid, seu circa quid, si attingat quantitatem, ac veluti integritatem obiecti: substantialis: v. g. quod decem milia furatus sis; quod incestum in primo consanguinitatis gradu commiseris, quod totam domus familiam, tanto hominum numero constantem, occidere proposueris. *n. 3.*

Circumstantia relapsus non est necessario explicanda. *n. 4.*

Neque circumstantia duplicis præcepti, si v. g. violasti ieiunium Vigiliæ, cadentis in Quatuor tempora. *Ibid.*

Neque circumstantia violati duplicis voti castitatis. Si videlicet Religiosus, idemque Sacerdos fornicatus sit; necesse non est dicere circumstantiam sacerdotij: non sufficit tamen hoc casu confiteri se Sacerdotem esse, tacita professione: quia grauior est fornicatio Religiosi, quàm Sacerdotis. *eod. num. 4. exemplo tertio.*

Circumstantiæ peccati minuentes eam tantum explicari debent, quæ peccati malitiam vel omnino tollunt, vel ex mortali faciunt veniale. *n. 5.*

Adoratio.

Adoratio, & omnis latriæ cultus principaliter est in mente; secundario in actione externa. *lib. 4. tract. 10. c. 2. n. 3.*

Externa signa cultus quædam propriè instituta sunt ad Deum colendum; quædam verò indifferentia sunt ad latriam, & dulan. *ibid. n. 4.*

Christi, & Sanctorum imagines, ac reliquiæ coluntur tantum respectiue, cum ordine ad prototypum. *l. 4. t. 7. c. 5. n. 9.*

Imagines Christi, & Sanctorum concomitanter & per accidens, vna cum prototypo, colimus; ita vt imagines ipsæ secundum se adorationem, & cultum non terminent. *ibid. n. 10.*

Sacram Eucharistiam propriè, ac per se latriam colimus cum Eucharistia præter species, quæ inanimata accidentia sunt, Christum ipsum verum Deum, & hominem, in se contineat. *n. 11.*

Sanguis Christi, si in aliqua ecclesia asseruatur, vel è

sacra hostia fluens apparet, non est adorandus cultu latriæ absoluto; sed solum respectiue. *n. 13.*

Adulterium.

Adultera plerumque non tenetur manifestare prolem esse spuriam, quæ publicè legitima censetur. *l. 3. t. 3. p. 3. c. 14. n. 1.*

Si adulter sibi persuadeat, vel meritò persuadere debeat, prolem ex se genitam esse, debet compensare damnum patri putatio, & liberis legitimis quatenus id fieri potest. *ibid. n. 2.*

In dubio, vtrum proles ex adulterio genita sit, adulter obligandus videtur ad restitutionem, saltem secundum dubij proportionem. *n. 3.*

Iniquæ sunt leges ciuiles, si adulteros à priuato, puta patre, marito, occidi permittant approbatiue; iustæ autem, si permittant solum negatiue, quia talem homicidam ob iustum eius dolorem non puniunt. *eod. p. 3. c. 2. n. 4.*

Aduocatus.

Aduocatus causæ probabilis patrociniū licitè suscipit & si contrariam probabiliorem iudicet. *l. 1. tr. 1. c. 5. n. 17.*

Aduocatus contra iustitiam peccat, obligationemque damni compensandi contrahi, si causæ iniustæ patrociniū suscipiat; vel si à patrocinando non desistat, cum primum iniustam esse deprehendit. *ibid. n. 18.*

Aduocatus qui probabili ignorantia facti laborans, causæ iniquæ patrociniū suscepit, postea errore detecto, salariū nihilominus petere potest. Sed parti aduersariæ in eadem causæ patrociniū præstare non expedit; & plerumque licitum non est. *n. 19.*

Aduocatus, itemque Iudex, & Consiliarij, si intellexerunt, quod pars altera litigantium iniquam causam foueat, non possunt esse auctores transactionis. *n. 20.*

Aduocatus à Iudice compelli potest, vt personæ, quæ se ipsam satis defendere non potest, patrociniū suscipiat. *l. 3. tr. 4. c. 26. n. 9.*

Aduocatus salariū iustè accipit, nisi pauperes clientes sint in graui, vel extrema necessitate constituti, quibus ex misericordiæ lege gratis subueniendum est. *ibid. n. 10. & lib. 2. tr. 3. c. 7. n. 5.*

Clericus in sacris, & beneficiatus, in causæ ciuili, si aliena sit, procurator, vel aduocatus esse non potest: potest autem esse aduocatus in causis Ecclesiasticis, vel coram Iudice Ecclesiastico. *lib. 3. t. 4. c. 26. n. 11.*

Ædificatio.

Qui in solo suo ex aliena materia ædificat, dominus fit ædificij: quia quod solo inædificatur, solo cedit. *l. 3. t. 1. c. 11. dicto 5.*

Siquis in alieno solo suam materiā ædificarit, illius ædificium est, cuius & solum: si tamen ædificans bona fide egit, repetitionem habet. *ibid.*

Cuiuslibet communi iure concessum est, in fundo suo ædificare, & ædificium altius tollere, ac fenestras in eo aperire. *l. 3. t. 4. c. 17. n. 34. §. Alter casus.*

Priuatus tamen publica auctoritate prohiberi potest, ne ædes suas altius tollat, vel fenestras in muro suo aperiat, si exinde videri possint personæ religiosæ intra proprias ædes habitantes: dummodo ex tali seruitute ædium dominus magnum detrimentum non capturus sit; vel, si quod est, iustè ipsi compensandum sit. *ibid.*

Emulatio.

Ex emulatione agere censetur, qui id agit, vt alteri noceat, cum sibi nihil profit: quare erga ipsum actio de dolo competit. *l. 3. tr. 2. c. 7. assert. 2. §. verum, & tr. 4. c. 17. n. 34. casu. 2.*

Ætas.

Cum in iure requiritur, vt aliquis sit in anno v. g. vicesimo ætatis, sufficit inchoatum esse. Cum autem requiritur, vt sit annorum viginti, debent esse completi. *l. 5. tr. 9. c. 7. n. 1. §. Succedentibus.*

Ætate minor dicitur, qui legitimam ætatem non compleuit. *l. 3. t. 4. c. 11. n. 1.*

Vide ver. Minor.

Alienatio prohibita, vel non prohibita.

Bona Ecclesiastica immobilia, & mobilia pretiosa, quæ seruari possunt, absque iuxta causa, certaque solemnitate alienari prohibentur. l. 3. t. 4. c. 10. n. 1.

Nomine alienationis prohibita in hac materia Ecclesiis fauorabili, comprehenditur etiam locatio in tempus longum, census perpetui, pignoris, vel hypothecæ specialis constitutio. ibid. n. 2.

Causæ, ob quas Ecclesiasticorum bonorum alienatio fieri possit, sunt: Necessitas, maior utilitas, pietas, rei alienandæ incommoditas. n. 3.

Solemnitas ad alienationem requisita in his consistit: Ut precedat tractatus cum capitulo: Ut accedat consensus Capituli: Ut interueniat auctoritas Prælati, cui Ecclesia subest. n. 4.

Res, quæ ab antiquo in feudum, vel emphyteusim concedi solita est, potest sine solemnitatibus à Prælato iterum concedi, si Ecclesiæ expediat. Ibid. n. 2. §. Deinde.

Rei Ecclesiasticæ alienatio contra iuris terminos facta, irrita est: adeo, ut non tantum Capitulum, sed etiam Prælati Ecclesiæ rem à se alienatam reuocare possit, allegans propriam turpitudinem. n. 4. §. Quod si.

Sacra vasa frangere, & pretium erogare ad subleuandam necessitatem pauperum, innocentium captiuorum &c. licitum est, si aliena bona non suppetant. n. 3.

Prælati, sine consensu Capituli, Ecclesiæ præiudicare non potest in rebus quaritis; sed in acquirendis. ibid. n. 6.

Non satis constat, vtrum Prælati sine consensu Capituli renuntiare possit hereditati, vel legato rei immobilis, aut mobilis pretiosæ. n. 7.

Quædam licet alienari validè non possint, tamen vsu capi possunt. n. 8.

Si Prælati iurauit, se non alienaturum bona Ecclesiæ intelligitur iuramentum de alienatione illicita, quæ sine iusta causa, & præter iuris formam instituitur: si tamen iurauit, non alienaturum inconsulto Papa, extenditur iuramentum ad omnem alienationem, excepto necessitatis casu vel si alienatio rei modicæ sit. n. 9.

Prohibita alienatione rei, plerumque censetur exceptus esse casus necessitatis. l. 3. tr. 4. c. 4. n. 7. §. Illud.

Si quid datum, vel donatum alicui sit, ea lege, ut alienare non liceat: illo Religionem ingrediente, transit in Monasterium: quia hæc est alienatio naturalis acquisitionis, & accessoria ad personam. l. 3. tr. 4. c. 23. n. 15. §. Quin imò.

Prælati, qui iurauit se bona Ecclesiæ non alienaturum Papa inconsulto, prohibetur etiam locare ad tempus longum. eod. tr. 4. c. 10. n. 10.

Papa non potest pro arbitratu, & sine iusta causa, res Ecclesiæ alienare. n. 11.

Contra eos, qui illegitimè Ecclesiastica bona alienant, pœnæ canonice decretæ sunt. n. 12.

Pauli I I. Constitutio, ut locatio rei Ecclesiasticæ etiam non ad longum tempus, sed ultra triennium, inualida & pœnis subiecta sit non ubiq; recepta est. n. 5.

Beneficiatus prædia Ecclesiastica, quorum redditus in propriam utilitatem percipit, ad tempus longum, sed non ultra vitam suam, locare potest non adhibito consensu Superioris. eod. num.

Bona pupilli, & Minoris immobilia, & mobilia pretiosa, quæ seruari possunt, absque Iudicis decreto validè non alienantur. eod. tract. 4. c. 9. n. 8. §. Limita tertiò.

Quæ in fraudem alienata sunt titulo gratuito, ea à creditoribus intra annum repeti possunt, & si donatarius fraudis ignarus fuerit. Sin verò titulo oneroso, rescindi alienatio non potest, si facta fuerit ignoranti. l. 3. tr. 4. c. 17. n. 29.

Si donatarius probè sciat donationem fieri cum in iusto damno creditorum, videtur in conscientia obliga-

tus ad restituendum; tametsi non repetatur. n. 30. Vide plura l. 3. tr. 2. c. 11. n. 7. & seqq.

Alimenta.

Alimentorum nomine comprehenditur victus, vestitus, habitatio, & cætera, quæ ad corporis sustentationem necessaria sunt. l. 5. c. 10. parte 3. c. 5. n. 7.

Alimenta duplicis modi sunt; alia quæ absolutè necessaria ad vitam sustentandam, alia verò quæ requiruntur ad honestam sustentationem vitæ secundum qualitatem personæ. Ibid.

Altare.

Altare in quo Sacrificium peragitur lapideum esse debet, & ab Episcopo consecratum. l. 5. t. 5. c. 6. n. 1.

Summus Pontifex Sacerdoti simplici committere potest facultatem altare; consecrandi. Ibid. n. 2.

Duplex est altare; vnum mobile seu portatile, alterum fixum, seu stabile: quare hoc consecrationem amittit per amotionem à structura; non item altare per amotionem à ligno execratur. n. 3.

Tam portatile, quam fixum altare consecrationem amittit per notabilem fractionem. quæ censeris soluet, si in nulla altaris parte calix cum patena consistere possit. Idemque sentiendum de alijs rebus benedictis, videl. calice, sacris vestibus. n. 4.

Valde conueniens, licet non simpliciter necessarium, est, ut in quolibet altari sacra reliquiæ sint. n. 8.

Si altaris sigillum, seu locus, in quo sacra reliquiæ sunt, notabiliter frangatur, altare iterum consecrari solet. n. 9.

Altare, item calix, patena, corporale polluantur per humani seminis, aut sanguinis effusionem, ut reconciliari debeant. n. 10.

Ambitio.

Est inordinata honoris appetitio, quæ pluribus modis contingit. l. 3. sect. 3. n. 11.

Apostasia.

Triplex est apostasia; à Fide, ab obedientia, ab Ordine sacro, vel Religione. l. 2. tr. 1. c. 16. n. 1.

Apostasia differt ab hæresi, sicut maius à minore, extensius à minus extenso. ibid. n. 2.

Pœnas Apostatis à Fide decretas, hæretici quoque incurrunt, non vice versa. n. 3.

Apostasia ab obedientia, si latè accipiat in omni peccato mortali reperitur; strictius verò si quis iustis præceptis Prælati obedire penitus recuset. ibid. n. 1.

Apostasia ab Ordine est, si Clericus in sacris ad statum coniugij, vel laicæ conuersationis, dimisso habitu, propria temeritate se transferat. eod. n.

Apostata à sacro Ordine ipso iure infamis est: & si monitus se non correxerit, deponendus. ibid.

Apostasia à Religione est criminosa, & mortifera recessio ab Ordinis instituto sine reuertendi proposito; etsi habitum Religiosus non exuat: Sin reuertendi animum retineat, fugitiuus est, non apostata. eod. n. 1.

Apostata, aut fugitiuus, si habitum penitus abiecit, excommunicationem incurrit. ibid.

Qui Apostatam recipit, occultat, aut defendit, ipso facto excommunicationem contrahit. ibid.

Qui ab Ordine, quem professus est, sine licentia Prælati ad aliam laxiorem Religionem transit, excommunicationem contrahit, sed apostata non est. Ibid.

Ad Prælatum Ordinis principaliter pertinet, fugitiuos, & Apostatas, tanquam personaliter obligatos, inquirere, ac reducere; Episcopis verò, & alijs Ordinarijs committere id potest, si coram auxilium Prælati implorent, aut in reductione negligentes sint; vel denique, si apostatæ, aut fugitiui cum scandalo in diocesi delinquant. l. 4. tr. 5. c. 13. n. 7.

Si fugitiuus, aut apostata incorrigibilis videatur, vel sine scandalo, aut Ordinis graui detrimento capi, reduci, aut recipi non possit, liberatur Ordo obligatione. eod. n. 7.

Appellatio.

Appellatio, cum sit remedium innocentiae, non ad defensionem iniquitatis instituta est. l. 3. tr. 6. c. 6. n. 1.

Ab arbitris appellari non potest, si partium consensu electi fuerunt; neque à Summo Principe. ibid. n. 2.

Duplex est appellatio; iudicialis, & extra iudicialis. num. 3.

Appellatio intra decem dies à lata sententia, vel alio grauamine fieri debet. n. 4.

Appellatio, si rationabili causa nititur, producit effectum tum suspensiuum, tum deuolutiuum. n. 5.

Litterae appellationis, quae vulgò *apostoli* dicuntur, vel sunt dimissoriae, vel refutatoriae, vel reuerentiales. n. 6.

Tempus totum exercendae, ac finiendae appellationis annus est: Sin causa impediendi incidit, biennium. num. 7.

Iniuste appellans, ad expensas litis, & alia damna Aduersario refarcienda obligatur. n. 8.

Iudex suspectus canonico iure recusari potest: ac peti, ut arbitri partium consensu statuatur. n. 9.

Regularibus denegatur appellatio nisi manifestum sit, eos à Prælatiis suis grauari. n. 10.

Qui iurauit se parituum mandatis Ecclesiae, eo non obstante, à lata sententia appellare potest. l. 4. tr. 3. c. 9. n. 2. exemplo 7.

Arbiter.

Arbiter differt ab arbitratore, quod ille veluti iudex sit: sed arbitrator amicabilis compositor. l. 4. tr. 5. c. 11. n. 6.

Arbitria ad formam iudiciorum redacta sunt. l. 3. tr. 6. c. 2. n. 10.

In causa Ecclesiastica laicus vnà cum Clerico arbiter constitui potest: sed non iudex. eod. lib. & tr. c. 1. n. 3.

Archidiaconus.

Archidiacono subsunt Archipresbyter, Primicerius, Custos Ecclesiae. l. 4. tr. 2. c. 4. n. 4. §. officium.

Vide verbo Vicarius generalis.

Archiepiscopus, Metropolitanus.

Metropolitanus, postquam à Sede Apostolica pallium accepit, Archiepiscopus appellatur. l. 1. tr. 4. c. 7. n. 7.

Metropolitanus est ordinarius Superior Coepiscoporum prouinciae, tamen in causis criminalibus, quae depositionem merentur, contra aliquem eorum procedere non debet, sine Sedis Apostolicae auctoritate. Ibid.

Metropolitanus in subditos Coepiscoporum nullam ordinariè iurisdictionem obtinet, nisi ad ipsum ab Episcopo suo appellarint. n. 8.

Metropolitanus, antequam pallium à Sede Apostolica accepit, quae sunt ordinis episcopalis, exercere ipsemet non debet. ibid. n. 8.

Archiepiscopus in prouinciali Synodo inter Episcopos praesidet, sicut Decanus in Capitulo. ibid.

Prouincialia decreta immutare non potest, cum sit inferior Synodo, à qua etiam iudicari potest. ibid.

Archiepiscopus, dum prouinciam visitat, Prouincialium Confessiones audire potest, iubere item crucem ante se ferri, & populo benedicere, Indulgentias dare. ibid.

Pallium Archiepiscopale est singulare priuilegium personae, ut eo in certis festis vtatur, & cum eo mortuus sepeliatur. ibid.

Archipresbyter.

Idem est, qui Decanus Presbyteris praefectus: tamen sine iurisdictione in foro externo. l. 4. tr. 2. c. 4. num. 4. §. officium.

Argumentatio.

Argumentum à speciali expresso ad alia excludenda, quod appellare solent *argumentum à sensu contrario*, in moralibus validum est. l. 1. tr. 4. c. 18. num. 9. ante ver. Deinde.

Arrha.

Qui ad contractus firmitatem arrham dedit, & postea non implet, amittit, quod dederat. Sin verò alter con-

trahens à contractu resiliat, duplum restituere cogitur. l. 5. tr. 10. parte 1. c. 1. n. 9.

Astutia.

Astutia est, quae proposito fine verò, aut apparente, excogitat, & decernit media non conuenientia, sed fallacia, & fucata: eius veluti executio est dolus, ac fraus. l. 3. sect. 2. n. 6.

Dolus & fraus differunt, quod fraus propriè fiat tantum per facta: dolus per verba, & facta ibid.

Astutia aliàs duplicitas cordis dicitur: quia vir astutus non simplici tramite, sed ambages ad alterius circumuentionem aggreditur. ibid.

Astuti, ac dolosi homines impiè agunt, & à Deo deferuntur. ibid.

Veteres dolum etiam bonum dicebant, pro solertia, maximè si aduersus hostem aliquis machinetur. l. 4. tr. 3. c. 13. n. 11.

Auaritia.

Est peccatum ex genere suo veniale tantum: per accidens autem mortale fieri potest. l. 3. f. 3. n. 14. §. Magnificentiae

Audacia.

Est vitium Fortitudinis virtuti oppositum, per excessum fiducia videl. temeritas in aggrediendis periculis quando, vbi, quomodo non oportet. l. 3. sect. 3. n. 8.

B.

Bannitus, siue proscriptus.

Proscriptum per publicam mortis sententiam cuius è populo occidere concessum est. lib. 3. tract. 3. parte 3. cap. 2. num. 2.

Fas non est proscripto se defendere contra iustum aggressorem, eum occidendo, vel mutilando. ibid. n. 3.

Extra territorium proscribentis fas non est proscriptum occidere. ibid.

Parentes, liberi, vxor, &c. proscriptum alere debent tantum abest, ut occidere possint, nisi actualis Reip. hostis sit. eod. c. 2. n. 2.

Baptismus.

Baptismus est sacramentum regenerationis, per aquam in verbo. l. 5. tr. 2. c. 1. n. 1.

Baptismi sacramentum Christus ante passionem suam instituit. ibid. c. 2. n. 1.

Apostoli ante passionem Domini Baptismum Christi acceperunt. ibid. n. 2.

Inter Baptismum Christi, & baptismum Ioannis magnum discrimen est. ibid. n. 3.

Baptismus Ioannis homines sua vi non sanctificabat: quare baptizati à Ioanne iterum Christi Baptismate baptizari debebant. ibid. n. 4.

Baptismi materia.

Materia remota sacramenti Baptismi est aqua simplex, seu elementaris; propinqua autem est ablutio per aquam. c. 3. n. 1.

Glacies non resoluta non est idonea materia Baptismi. Ibidem.

Infans in vtero baptizari potest, si eius corpus aqua perfundatur, adiecta verborum forma. n. 2.

Certum est, Baptismum valere, si caput, pectus, vel scapuli aqua abluantur: de ceteris verò corporis partibus, ut manu, pede, &c. dubium est. n. 3.

Non pertinet ad substantiam Baptismi, vtrum conferratur per aspersionem seu affusionem aquae; an verò per corporis immersionem, vnam, vel trinam: sed cuiusque Ecclesiae consuetudo in ea re sequenda est. n. 4.

Si Minister prolem in puteum conijciat, cum adiecta verborum forma, animo baptizandi pariter & occidendi: quamuis grauiter peccet, tamen Baptismus validus esse videtur. n. 5.

Baptismi forma.

Forma Baptismi in Ecclesiis Occidentalibus est: *Ego te baptizo: In nomine Patris, & Filij, & Spiritus sancti.*

Amen. l. 5. tr. 2. c. 4. n. 1.

Ad substantiam formæ pertinet, ut tum in actus baptizandi, tum persona baptizanda, tum unitas trium personarum in diuinis significetur. Ibid. n. 2.

Ad valorem Baptismi non sufficit SS. Trinitatis implicita nominatio: sed requiritur expressa. n. 3.

Dubium est, an valeat Baptismus collatus in nomine Genitoris, Geniti, & Procedentis ab utroque: n. 4.

Ad essentiam formæ spectat, ut vocabulum *IN NOMINE* exprimatur. n. 5.

Accidentales mutationes formæ Baptismi administrationem illicitam reddunt, excepto necessitatis casu. n. 6.

Baptismi unitas.

Duplex est unitas Baptismi: specifica, & numerica. c. 5. n. 1.

Triplex Baptisma distingui solet: fluminis, sanguinis, flaminis: sed duo posteriora non sunt sacramenta. n. 2.

Si dubium rationabile, seu iuris, seu facti, sit de valore collati Baptismi, repeti debet sub conditione. n. 3.

Sufficit vnus oculati & minimè suspecti testis affirmatio de collato Baptismo. eod. n. 5. Dixi.

Quibusdam locis non improbanda consuetudo est, ut omnes infantes, quos obstetrices propter necessitatem se baptizasse aiunt, sub conditione iterum baptizentur. Ibid. 5. Quodd verò.

Facilius sub conditione repetitur Baptismus in infante, quàm in adulto. n. 4.

Baptismi suscipiens.

Omnis homo viator est capax Baptismi subiectum. c. 6. num. 1.

Vt Baptismus validè suscipiatur, sufficit, & requiritur aliquis consensus in adulto, saltem interpretatiuus. n. 2.

Qui Baptismum voluntariè suscipit, quamuis admixto inuoluntario ob metum, sacramenti characterem, & obligationem accipit. Ibid.

Ad valorem Baptismi non requiritur Fides, aut alia bona susipientis dispositio; quamuis requiratur ad vltimum sacramenti effectum, qui est gratia sanctificans. n. 3.

Vt Baptismus rectè, ac fructuosè suscipiatur, requiritur in peccatore aliqua pœnitentia, saltem attritionis, ex motiuo supernaturali suscepta. n. 4.

A baptizando peccatum confessio exigi non debet. Ibid.

Baptismalis gratia, remoto obice indispositiois, ex opere operato homini baptizato prouenit. n. 5.

Extra casum martyrij, Baptismus reipsa susceptus est simpliciter necessarius paruulis ad salutem: adultis verò sufficit, si in voto saltem implicitè susceptus sit. n. 6.

Baptismus adultis ad salutem necessarius est ex diuini præcepti obligatione. n. 7.

Baptismatis sacramentum non diu differendum, sed cum primum commodè potest, suscipi debet. n. 8.

Quodd olim multi in Christum credentes Baptismum vsque ad ætatem maturiorem, vel mortis periculum soliti essent differre, Patres reprehenderunt. Ibid. Nec obstat.

Olim certa tempora destinata erant, videl. Vigilia Paschatis, ac Pentecostes, quibus solis Baptismus conferebatur extra mortis periculum. Ibid. 5. Adde.

Extra necessitatis casum non debet Baptismus sine solemnitatibus conferri; tametsi vnum, aut alterum mensẽ expectandum sit, v. g. dum patrini adueniunt. n. 9.

Liberi inuitis infidelibus parentibus, in quorum potestate sunt, validè quidem, sed non licitè baptizantur: exceptis casibus, videl. Si infans perpetuò amens sit in certo mortis mox euenturæ periculo constitutus, vel si ab infidelibus abstractus ipsis non possit vel non debeat restitui. n. 10.

Si alter parens filium baptizari velit altero parente infideli reluctantẽ, præferenda est voluntas iusta iniusta. Ibid. 5. Tertiò.

Etiamsi parentes infideles consentiant, eorum paruulis baptizandi non sunt, si illis restitui debeant. Ibid. 5. Quamobrem.

Si infideles iusto titulo in Christianorum seruitutem redacti sint, eorum liberos abstrahere & Baptismo abluere licitum est. Ibid. 5. Porro.

Inuitis etiam parentibus hæreticis, licitum est illorum liberos Catholico ritu baptizare. n. 11.

Si parentes hæretici ad Catholicum Ministrum filios baptizandos deferant, baptizari interdum possunt, tametsi ipsis restituendi sint. n. 12.

Vtrum, & quo modo baptizandum sit monstrum, de quo dubitatur, sitne homo, an bestia; vel sitne vnus, an duo homines, varia consideratio est, vti videre licet. num. 13.

Baptismi Minister.

Quis homo ratione præditus Baptismum validè ministrare potest, quamuis non licitè: nisi id ipsi ab Ecclesia ratione ordinationis suæ commissum sit. lib. 5. tr. 2. c. 7. n. 1.

Episcopis, & Presbyteris ex vi ordinationis competere potest ordinarium baptizandi officium. Ibid. n. 2.

Diaconi ex commissione Sacerdotis solemniter baptizare possunt: non autem Clerici inferiores. n. 3.

Si præsentẽ Sacerdote alius inferior Clericus baptizet etiam in casu necessitatis, mortaliter peccat: Idemque dicendum, si præsentẽ fidei seu baptizato infidelis vel non baptizatus ad baptizandum aggrediatur. n. 4.

Si præsentẽ Diacono alius Clericus inferior in casu necessitatis baptizare aggrediatur, peccat. sed non mortaliter. Ibid.

Minister Baptismi debet esse vnus: quare si alius materiam adhibeat, alius formam proferat, nihil efficitur. num. 5.

Vnus Minister plures homines validè baptizat: sed non plures Ministri eundem hominem baptizare possunt si concurrant ut causæ partiales: seu ita, ut vnus ab altero dependeat. n. 7.

Baptismi ceremonie.

Ceremoniæ aliæ antecedunt collationem Baptismi, aliæ comitantur, & aliæ sequuntur. c. 8. n. 6.

Exorcismi ante Baptismum adhibentur, ut hominum Diabolus infestare desinat. n. 8.

Si propter casum necessitatis ceremoniæ in priuato Baptismo omissæ fuerint, postea in Ecclesia suppleri debent idque etiam de exorcismis intelligi debet. n. 10.

Bellum.

Differunt bellum, seditio, ac rixa: quodd bellum sit multitudinis contra extraneos: seditio multitudinis, contra multitudinem eiusdem Communitatis: rixa paucorum, vel singulorum contra paucos aut singulos. l. 2. tr. 3. c. 12. n. 1.

Bellum aliud est iustum, & aliud iniustum. Bellum iustum duplex est, defensiuum, & offensiuum. Ibid. n. 2.

Ad belli offensiuu honestatem tres conditiones requiruntur: Legitima auctoritas, causa iusta, & recta intentio. n. 3.

Bellum offensiuum propria auctoritate gerere ad eum duntaxat Magistratum pertinet, qui Superiorem nullum agnoscit. n. 4.

Qui in Imperio sine consensu & auctoritate Imperatoris bellum offensiuum suscipiunt, prædones & latrunculi censentur. Sed & conuenticula ac confederationis sine Imperatoris auctoritate, prohibentur. Ibid.

Causa iusta belli semper est iniuria accepta, eaque grauis, quam tollere, vel pro ea satisfacere pars aduersa recusat. n. 5.

Bellare non voluntatis, sed necessitatis est. Ibid. Particulares iustæ belli suscipiendi causæ plures esse possunt. Ibid.

Causa pelli parti aduersa prius proponi debet, quàm

bellum instituat. Quod si competentem satisfactionem offerre parata sit, acceptari debet, bellumque intermittere, aut coëptum reuocari. Ibid. assert. 4.

Plerumque illicitum est infideles, Iudæos, aut Turcas in belli societatem contra Christianos adsciscere: propter scandalum, & alia inde oritura incommoda. num. 6.

Exorto inter Principes dubio de iure proprietatis, potior est causa possessoris bonæ fidei. Sin longè probabilius iudicetur ad alterum rem pertinere, tunc possessor in transactionem, vel bonorum virorum arbitrium consentire debet: alioquin bellum contra eum geri potest, si partes contententes Iudicem superiorem non habeant. l. 1. t. 1. c. 5. n. 25.

Sin neuter contententium rem bona fide possideat, tunc alter alterum cogere potest, ut per arbitros, vel iustam diuisionem, transactionemve, controuersiam componi patiat. Ibid. n. 26.

Per accidens, videlicet ob ignoracionem, fieri potest, ut bellum ex utraque parte formaliter iustum sit. num. 27.

Qui in aliquo regno subditi sunt, si de aliqua re contentant, debent stare sententiâ Regis: ideoque ordinariè inter tales iustum bellum geri non potest. n. 28.

Subditi in dubio de iustitia belli, pro Principe ad bellum eos vocante, præsumere, eique parere possunt: Sed extranei ac voluntarij milites iustitiam causæ magis examinare tenentur. l. 2. t. 3. c. 12. n. 8.

Milites parati quemcunque sequi vocantem ad bellum, seu iustum sit, seu iniustum, modò stipendium det, à Confessario absolui non possunt. eod. n. 9. Illud.

Si pro utraque parte bellantium præsumi possit, quodd iure præciè probabili nitantur, damnari non possunt milites, si de iustitia belli dubitantes seu huic seu alteri parti militem. Ibid. assert. 6.

Milites hosti damna inferre possunt, secundum iustam Ducis supremi voluntatem, expressam vel tacitam. n. 9.

Bellum paruis principiis ortum in immensum excrecere quandoque potest. eod. n. 9.

In bello iusto insidiis uti licitum est, modò mendacium absit. n. 10.

Innocentes per se & ex intentione occidere nunquam licet: sed interdum per accidens eorum mors permittitur, si ita concessum sit ad victoriam & pacem obtinendam. n. 11.

Innocentes, si sint membra Reip. nocentis, bonis aut libertate spoliare concessum est. n. 12.

Ut tota Communitas deliquisse censeatur, necesse est, ut potior eius pars, quæ ad decernendum aliquid sufficiat, delictum fieri collegialiter statuerit, vel impedire neglexerit. eod. n. 9. Porro.

Milites in terra hostili etiam innocentes subditos spoliare possunt, si id necessarium sit ad finem belli. n. 13.

Belli Dux generalem vrbis direptionem permittere non debet, sine causa necessitatis, aut magnæ utilitatis. Ibid. quæst. 4.

Mobilia ab hostibus accepta, gentium iure militum capientium fiunt: immobilia si occupentur ad supremum belli Ducem spectant, quatenus iustam compensationem, aut pro illata iniuria satisfactionem non excedunt. num. 14.

Si ab hostibus, contra quos iustum bellum geritur, abstrahantur mobilia, quæ ipsi ab aliis iniuste ceperant, Casareo iure ipsorum abstrahentium efficiuntur. Ibid. dicto. 3.

Bello iusto captis vitam condonare æquum est: nisi de crimine v. g. perduellionis specialiter conuicti sint. eod. c. 12. n. 7.

Ordinarium est, ut Communitas ob delictum mitius puniatur, iis exceptis, qui auctores, vel executores fuerunt. Ibid.

Capti etiam in bello iusto ex parte capientium, cessante scandalo, & speciali manendi pollicitatione, fugere possunt: capti autem in bello iusto ex parte capientium, non solum fugere, sed etiam bona hostium secum auferre in compensationem damni, aut iniuriæ illatæ. num. 16.

In bello plurima ingentia peccata committi solent. num. 18.

Milites ratione stipendij ex iustitia obligati sunt, ut Duci obtemperent, in acie & pugna consistant, & non facile fugiant: Ut stationem seruent, arcem commissam defendant, quamdiu spes defendendi superest: Ut sine Ducis consensu à castris non discedant &c. eod. num. 9. Denique.

Si milites in solutione stipendij imminutionem, aut dilationem patiantur, non ideo ipsis licet subditos, aut accolæ innocentes spoliare, excepta necessitate valde graui. Ibid. 9. Sed et si.

Clericis iure Ecclesiastico prohibitum est propria manu pugnare: excipiuntur autem, qui in minoribus tantum sunt, & Ecclesiasticum beneficium non habent. n. 19.

Clerici, qui spiritualis auxilij causa, bello interfunt, spoliis iure non minus, quam alij milites, gaudent; num. 20.

Benedictio, Consecratio.

Duplex est benedictio: publica & priuata: hæc à quouis fidei fieri potest, illa ab Ecclesiâ Sacerdotibus. Ad Diaconum autem non pertinet solemniter benedicere. l. 5. tr. 9. c. 13. n. 1.

Ad maiorem, seu sanctiorem pertinet alteri benedictionem priuatam impertiri. eod. n. 1.

Semper in Ecclesiâ viguit consuetudo crucis figuram formandi. n. 2.

Benedictionum effectus non est ex opere operato infallibilis: sed per modum deprecationis maximam nomine Ecclesiæ impetrandi vim habent. n. 3.

Benedictiones Ecclesiasticæ aliæ sunt personarum, & aliæ rerum inanimatarum. n. 4.

Rerum inanimatarum benedictio, aut consecratio omnibus diebus fieri potest, etiam non festis. Sed consecratio Virginum fieri debet in festis solemnioribus, & Dominicis diebus. Episcopi quoque tantum diebus Dominicis consecrantur: quod & in Abbatibus obseruatur. eod. n. 4. 9. Altera.

Benedictiones aliæ sunt constitutiue, quibus res sacræ fiunt, ut aquæ, olei, vestium: Ecclesiæ item, alteris, & vasorum consecratio: Aliæ verò benedictiones inuocatiue tantum quibus res sacræ non constituuntur, nec à profanis vrbibus secernuntur: quomodo benedicuntur cibi, domus, nauis &c. Ibid. 9. Altera diuisio.

Quod Ecclesiastica benedictione sacrum effectum est, non potest, vel saltem non solet vnquam ad vsus profanos adhiberi, extra grauissimam necessitatem. n. 5.

Partes auulsæ à re consecrata, destructa eius formâ, saltem cum Prælati licentia ad vsus profanos adhiberi possunt. n. 6.

Si ob causam vrgentem Ecclesiâ, vel monasterium destruat, lapides & ligna rudia ad vsus profanos applicari possunt: at verò sacræ statuae, & imagines in alio templo locari debent, atque in loco dirutæ Ecclesiæ crux erigi. Ibid.

Agnos cereos solus Pontifex consecrare solet, pridie Dominica in Albis. n. 7.

De Ecclesiarum, & altarium consecratione, atque vntione frequens mentio est apud sanctos Patres. n. 8.

Benedictiones Episcopales requirunt, ut Episcopis consecratus sit: potest tamen Papa dispensare, ut etiam à Sacerdote simplici fiant. n. 9.

Abbates quidam insignibus Pontificalibus vtentes, sacros calices consecrant, immemorialis consuetudinis allegatione. Ibid.

Vestes, & paramenta sacra altaris à simplici Sacerdote benedici non possunt, sine privilegio Sedis Apostolicæ: sed Abbates qui Pontificalia exercent talia benedicere solent. n. 10.

Benedictiones, quæ nec iure, nec consuetudine Episcopis reservatæ sunt, à Presbyteris fieri possunt: sed nunquam à Diacono. n. 11.

Benedictio aquæ, in Ecclesiâ antiquâ vñtatissima, non vna, sed multiplex est. n. 12.

Si aqua, vel oleum non benedictum infundatur benedicto, totum benedictum erit: modò id quod additur, non sit in quantitate notabiliter excedente. n. 13.

Eulogiæ dicebantur olim panes benedicti: quarum eulogiarum aliæ publicæ erant, & aliæ priuatæ. l. 4. tr. 6. c. 7. num. 3.

Beneficium Ecclesiasticum.

Ecclesiasticum beneficium est ius perpetuum recipiendi redditus ex bonis Ecclesiæ, ratione spiritualis officij, Ecclesiastica auctoritate constitutum. lib. 4. tr. 2. cap. 1. num. 1.

In beneficio Ecclesiastico duo continentur: quorum vnum est ius spirituale, & alterum ius reddituum temporale. ibid. n. 3.

Beneficium Ecclesiasticum non potest licitè sine institutione canonica obtineri. n. 3.

Beneficium aliud seculare est, & aliud regulare. c. 4. n. 1.

Omne beneficium censetur esse seculare, nisi constet, vel probetur regulare. Ibid.

Beneficium aliud est duplex, & aliud simplex. Inter beneficia duplicia quædam sunt maiora, vt Papatus, Episcopatus, Cardinalatus: quædam media, vt reliquæ dignitates personatus, & officia: denique quædam absolute parochialia dicuntur. n. 4.

Alia diuisio beneficij est in titolare, & manuale. n. 5.

Capellaniæ aliæ sunt temporales, & non collatiuæ, aliæ propriè spirituales, & collatiuæ. n. 6.

Beneficia alia compatibilia sunt, & alia incompatibilia. c. 8. n. 1.

Plura beneficia, quorum vnum ad honestam sustentationem sufficit, naturali iuri repugnant: nisi talis pluralitas causa iusta cohonestetur. ibid. n. 2.

Iusta causæ pluralitatis beneficiorum sunt necessitas Ecclesiæ, utilitas Ecclesiæ euident meritorum prærogatiua. ibid.

Specialiter prohibitum est, ne quis plura beneficia curata, vel plures dignitates, aut personatus obtineat: & altero obtento, prius ipso iure vacat: Sin autem retinere contenderit altero quoque priuandus est. n. 3.

Si Episcopo existenti in possessione episcopatus beneficium conferatur, collatio irrita est. n. 4.

Acceptans Vicariatum Episcopi non perdit dignitatem, aut beneficium curatum ante habitum: quia Vicarius ad nutum Episcopi amoueri potest. ibid. Aduertendo quarto.

Duo beneficia vniforma sub eodem tecto nemo obtinere potest: & vacat primum adeptione secundi. n. 5.

Duo beneficia simplicia, quorum ambo personalem perpetuam residentiam postulant, obtinere aliquis non potest. n. 6.

Plura beneficia compatibilia vnusquisque habere potest, quatenus ad honestam sustentationem requiruntur. num. 7.

Duo altaria, quibus vnus Capellanus satisfacere potest, eidem rectè conferuntur, vbi Ecclesiæ consuetudo id permittit. ibid. §. probabile.

Duo beneficia regularia eidem conferri non possunt. num. 8.

In pluralitate beneficiorum incompatibilium iure ordinario Papa dispensat, non etiam Episcopus: nisi incompatibilitas solum sit ex iure diocesano. num. 9.

Nulla consuetudine introduci potest, vt plures ciui-

dem Ecclesiæ dignitates, personatus, canonicatus eidem conferantur. n. 10.

In pluralitate quorundam beneficiorum, alioquin communi iure incompatibilium, vim aliquam habere potest consuetudo immemorialis. n. 11.

Obtinens plura beneficia residentiam postulantia in digniore residere debet. n. 12.

Beneficiorum vnio.

Vnio beneficiorum, quæ auctoritate Prælati Ecclesiastici fit, alia perpetua est, & alia temporalis, seu ad vitam beneficiati. l. 4. tr. 2. c. 9 n. 1.

Vnio ad vitam odiosa est: quare eam Episcopus facere non potest in beneficijs incompatilibus. ibid.

Vnio perpetua operatur quasi extinctionem beneficij accessorij: quare in impetratione, principalis tantum beneficij mentio facienda est: Et in omnibus attenditur natura, qualitas, vacatio beneficij principalis. n. 2.

Beneficium minus dignum vnire oportet magis digno. Ibid. Corollario. 3.

Episcopus ob iustam causam vnire potest beneficia suæ diocesis, quæ nec exempta, nec Papæ specialiter ac perpetuo reservata sunt. n. 3.

Quin & omnino extinguere iustam ob causam talia beneficia, & vnum in duo diuidere Episcopus, vel similis Prælati non prohibetur. Ibid.

Si collatio beneficij ad Papam deuoluta sit, nihilominus ab Episcopo vnio fieri potest. ibid. §. alia.

Vnio beneficiorum generaliter reservatorum Papæ v. g. secundum menses alternos, Episcopo non prohibetur; modo non fiat in fraudem. ibid.

Beneficia specialiter affecta Episcopus vnire non potest, exceptis quibusdam casibus, de quibus Trident. sess. 21. c. 5. sess. 23. c. 18. & sess. 24. c. 15. de reformatione. ibid. n. 4.

Ecclesiæ parochiales Monasterijs, & dignitatibus, vel præbendis Ecclesiæ Cathedralis, aut Collegiatæ vniri non possunt. Si tamen talis vnio à tempore immemoriali constitit, in dubium reuocari non debet: quamobrem cessat in tali beneficio vnio mensis Pontificius. n. 5.

Capitulum, vacante sede, beneficia vnire potest in casibus concessis; ita tamen vt iuri Episcopali non præiudicetur. ibid. §. Tertio.

Episcopus, vel Capitulum beneficia suæ mensæ directè, ac principaliter vnire non potest absque Papæ consensu. n. 6.

Si tamen Canonorum præbendæ nimis tenues sint, ad earum augmentum simplicium beneficiorum vnio fieri potest. ibid.

Legatus à latere vnire potest beneficia suæ Prouinciæ, sicuti Episcopus: modo ea re iuri Episcopali in alijs non derogetur. ibid. §. Quarto.

Qui beneficia conferre potest, non illico etiam vnire: quia maior est potestas vniendi, quàm conferendi. n. 7.

Causæ vnionis faciendæ sunt: euident necessitas, vel utilitas Ecclesiæ. n. 8.

Forma & solemnitas ad vnionem requisita est: vt antecedit cognitio causæ: vocentur ij, quorum interest: adhibeatur Capituli consensus, spectato communi iure num. 9.

Si Capitulum, vel ij quorum interest, sine iusta causâ vnioni contradicant, à Papa compelli possunt: & interdum, si causa necessitatis notoria sit, illis etiam inuitis Episcopus vnire non prohibetur. eod. n. in fine.

Beneficiorum collator.

Beneficia Ecclesiastica alia electiua sunt, alia patronata; & alia liberè collatiua. c. 10. n. 1.

Omnis collatio vacantis beneficij fieri debet: & gratiæ expectatiuæ inferioribus Papa collatoribus prohibitæ sunt: quæ tamen prohibitio non vbique recepta est. Ibid. not. secundo.

Beneficium, in cuius colorata possessione alius existit,

non censetur conferri, nisi prius de iure possessionis cognoscatur. Ibid. not. 3.

Papa tribus potissimum modis beneficia confert: I. Iure præuentionis. II. Iure concursus. III. Iure deuolutionis. n. 2.

Papa concurrat cum quolibet Ordinario in potestate conferendi beneficia: quare inter ipsum, & reliquos Ordinarios locus datur præuentioni. Ibid. §. secundò.

Per concordata Germaniæ beneficiorum non patronatorum collatio alternis mensibus ad Papam spectat. n. 3.

Si post tres menses à die nota vacationis in loco beneficii, nulla dispositio, vel gratia Papalis appareat, ad collationem Ordinarius procedere potest. Ibid.

Episcopus, vel simili potestate præditus ordinarius collator est beneficiorum suæ diocesis; sed cum consensu Capituli spectato communi iure. Quemadmodum etiam susceptio Monachi ad Abbatem spectat, cum consensu Conuentus: quamuis legitima consuetudine aliud introduci possit. n. 4.

Capitulum, vacante Sede, non confert beneficia libera, quorum collatio ad Episcopum propriè spectat; instituit tamen præsentatos à Patronis, confirmat electos, recipit resignationes causa permutationis, vnit beneficia, postulante causa. n. 5.

Legatus à latere concurrat cum Ordinario in collatione beneficiorum: quare datur locus præuentioni. n. 7.

Legatus à latere confert beneficia vacantia, etsi sint de iure patronatus Ecclesiastici; non item quæ sunt iuris patronatus laicorum; nisi ad Episcopum deuoluta fuerint. Conferre etiam potest beneficia, quæ ad Papam deuoluta, sed eidem non reseruata sunt. Ibid.

Beneficiorum reseruatio, deuolutio.

Beneficium reseruatum dicitur, cuius collationem Superior, videlicet Papa, propriam sibi vendicat, vt ab alijs Ordinarijs conferri non possit. l. 4. tr. 2. c. 11. n. 1.

Papæ reseruata beneficia sunt: I. Dignitates in Ecclesijs maximæ post Episcopatum: quales apud nos sunt Præposituræ. II. Beneficia quæ vacans per promotionem ad alterum, cuius collatio ad Papam spectat. III. Beneficia Cardinalium, Curialium, & Familiarium Papæ. IV. Quæ vacant per obitum Legatorum Cursum, & ad Curiam accedentium, vel recedentium. V. Quæ vacant per depositionem, priuationem, translationem, auctoritate Summi Pontificis factam. eod. n. 1.

Reseruatio beneficiorum in mensibus alternis est Papæ personalis; ita, vt mortuo Pontifice, dum Sedes Apostolica vacat Ordinarius omnibus mensibus conferre possit. eod. n. 1. in fine.

Reseruatio ista Papalis locum tantum habet in beneficijs perpetuis, non autem manualibus. ibid.

Reseruaciones Papales locum non habent in beneficijs, quæ sunt iuris patronatus laicorum ex fundatione, constructione, dotatione. Papa enim non censetur huic iuri laicorum præiudicare, nisi exprimat. n. 2.

Sub reseruacione Papali non comprehenduntur beneficia resignata causa permutationis; cum non propriè vacent. Imò aliqui putant neque ea reseruari, quæ vacant causa resignationis. ibid.

Imperator Romanus ex antiquissima consuetudine in qualibet Ecclesia preces primarias afferre potest. n. 3.

Si Collator beneficium scienter conferat indigno; vel si Electores scienter eligant indignum, collatio, vel electio irrita est; & collator, vel electores priuantur ea vice potestate conferendi, eligendi: & deuoluitur potestas ad alium, plerumque proximum Superiorem. n. 4.

Si Ecclesiæ Cathedralis Canonici Episcopum indignum scienter elegerunt, collatio deuoluitur ad Papam; nisi pars Canonicorum, licet minor, contradicat, tunc penes ipsos pauciores remanet eligendi. n. 5.

In inferioribus Ecclesijs quibus eligendi, vel confirmandi potestas ad Capitulum pertinet, deuolutio fit ad

Episcopum, propter negligentiam, aut delictum Capituli. Idemque dicendum, si inferior Prælatus negligat, aut delinquat quòd si etiam Episcopus deficiat, fit deuolutio gradatim, videlicet ad Metropolitanum; ab hoc ad Papam. Ibid.

Si Episcopus negligentiam, vel delictum committat in conferendis beneficijs, quæ ad ipsum spectant iure proprio. & non deuoluto, ius collationis ad Capitulum deuoluitur. Ibid. §. sin autem.

In expeditione eorum, quæ ad Prælatum spectant iure deuoluto, non perinde, ac in alijs, Capituli consilium, vel consensum requirere tenetur. ibid.

Beneficiorum requisitæ qualitates.

Ad omnia beneficia simplicia, secundum ius Tridentinum, requiritur ætas inchoata quatuordecim annorum; ad curata verò maiore ætate opus est. l. 4. tr. 2. cap. 14. num. 1.

Irrita est præsentatio alicuius ad beneficium absolute facta, si præsentatus eo tempore, quo Episcopo exhibetur, laicus sit. eod. n. 1. in fine.

Quædam beneficia sacerdotalia sunt; quædam diaconalia: idque vel actu, vel aptitudine. n. 2.

Iure communi necesse non est ordinem requisitum ad beneficium actu habere: sed satis est, si instituendus intra annum suscepturus sit. ibid.

Si fundator solum requirat certum Missarum numerum, & non vt ipsemet Capellanus sacrificet; nihil obstat quominus alicui conferatur, qui per Vicarium satisfaciatur. ibid. in fine.

Si fundator de beneficio expressè nihil disponat, relinquit illud dispositioni Ordinarij. ibid.

Instituendus ad beneficium ex legitimo matrimonio natus esse debet: vel saltem ab eo qui Ecclesiasticam potestatem habet, legitime dispensatus, aut legitimatus. n. 3.

Episcopus cum quouis illegitimo dispensare potest ad Ordines minores, & beneficium simplex; cui sacer Ordo annexus non est. ibid.

Illegitimus, dispensatus absolute ad beneficia, non ideo censetur habilis ad curata, & ad dignitates, & Ecclesiæ Cathedralis Canoniceatum. Neque dispensatus ad beneficia quæcunque, dispensatus etiam censetur ad Prælaturam, nisi exprimatur. n. 4.

Filius illegitimus in eadem Ecclesia, vbi eius pater beneficium obtinet, vel obtinuit, institui, aut ex officio ministrare non potest: sed ex deuotione celebrare in tali Ecclesia non prohibetur. n. 5.

Filius legitime natus non potest patri suo in eodem beneficio immediate succedere. Idemque dicendum videtur de nepote comparatione aui sui. n. 6.

Pater nullo iure prohibetur filio legitimo, aut illegitimo: mediatè, vel immediate succedere. Sed non potest obtinere beneficium in Ecclesia, in qua filius illegitimus minister, vel beneficiatus est. ibid.

Necesse non est, vt qui beneficium Ecclesiasticum accipit, propositum omnino absolutum habeat in statu clericali permanendi. n. 9.

Qui beneficium curatum accepit, cui obligatio sacri Ordinis annexa est, debet habere propositum (saltem conditionale, nisi aliqua rerum mutatio interuenierit) intra tempus iure requisitum se habilem efficiendi: alioquin peccat mortaliter, licet ad fructuum restitutionem non teneatur. n. 11.

Qui simplex beneficium, cui nullus sacer ordo annexus est, eo animo accipit, vt fructus aliquamdiu lucretur, postea ad statum secularem rediturus, peccat quidem sed non mortaliter, per se loquendo. n. 12.

In promouendo ad beneficium requiritur morum probitas, & literarum scientia, pro qualitate, & conditione beneficii. eod. c. 14. n. 8.

Mortale peccatum est Ecclesiasticum beneficium indigno conferre, si dignus haberi potest. eod. t. c. 15. n. 1.

Inualidè promissus in conscientia obligatus est, beneficium resignare, nisi dispensationem, vel tituli reualidationem impetret ab eo, qui potestatem habet. n. 2.

Si Episcopus potestate præditus dispense in defectu, non ideo semper titulus reualidatur; nisi defectus occultus fuerit. Ibid.

Inualidè promissus, donec ei titulus reualidatur, administratione beneficii abstinere debet, ne vitium intrusionis incurrat. Postquam verò titulus reualidatus est, recuperat fructus, si secundum Ecclesiæ morem, vacantis beneficii fructus ad successorem pertineant; n. 3.

Inualidè promissus, si beneficium spatio triennij, cum bona fide, & titulo colorato pacificè possedit, postea tutus etiam in conscientia est. n. 4.

Triennalis possessio prodest possessori, si vitiosum beneficii titulum habeat per ignorantiam facti, non iuris; si eo ignorante simonia ab altero commissæ est. n. 5.

Beneficium conferre digno, prætermisso digniore, nisi causa subsit, est peccatum, licet non mortale in beneficiis simplicibus, & administrationem non habentibus. num. 6. & n. 8. q. 1.

Patronus laicus satisfacit muneri suo, si dignum præsentet: sed Ecclesiastico patrono, siue Prælato, ex officio incumbit Ecclesiæ prospicere, & redditus beneficiorum bene dispensare. n. 7.

Beneficia quibus modis vacent.

Ecclesiastica beneficia vacant per mortem naturalem beneficiati, si ius in re, & quasi dominium beneficii habuerat. l. 4. tr. 2. c. 17. n. 1.

Vacant item ex iuris dispositione ita decernentis, ut statim ab altero impetrare possint: ut puta, si beneficiatus Episcopatum aliudve incompatible beneficium accepit, aut si matrimonium contraxit, aut Religionem professus est. Ibid. §. Secundò.

Deinde vacat beneficium per liberam beneficiati renuntiationem factam coram Superiore id acceptante. n. 3.

Non omnis, qui ad beneficia instituere, is etiam destituere, aut resignationes accipere potest. Ibid.

Quare si alicui commissæ sit facultas conferendi beneficia, non ideo etiam censetur commissæ potestas resignationes accipiendi. n. 4.

Per renuntiationem non minus vacat beneficium, quam per mortem beneficiati: adeò, ut si ei, qui renuntiavit, postea beneficium iterum conferatur, vltimum locum tenere debeat. cod. n. 4. §. Nota.

Episcopus electus, nondum confirmatus, & quicumque ius plenum in beneficio nondum obtinet, renunciare potest, etsi Superioris auctoritas non accedat. Quare tali casu non censetur beneficium de nouo vacare; cum collatio effectum non habuerit. Ibid.

Duplex est renuntiatio; expressa, & tacita. Expressa aut fit purè, aut conditionatè: Conditionata vel fit in gratiam certæ personæ, vel causâ permutationis. n. 5.

Resignationes beneficiorum coram Episcopo purè fieri debent, & non cum conditione, ut certæ personæ conferantur: nam tales renuntiationes in fauorem alterius, solus Papa acceptat, vbi Constit. Pij V. recepta est. num. 6.

Beneficiatus tamen suum beneficium simpliciter resignare potest in manibus Episcopi, addita deprecatione, ut certæ personæ conferatur. Ibid. §. Quæ verò.

Resignationem beneficiorum causa permutationis factam Episcopus, vel similis Prælatus, admittere potest, ob causam publicæ utilitatis: quin imò interdum proprio motu instituere, vocatis iis, quorum interest. cod. num. 6. §. Altera.

Qui beneficia permutant, ius proprium, reale, & pacificum in iis habere debent. n. 7.

Criminosus, aut irregularis ante sententiam priuationis validè beneficium suum resignat. n. 8.

Parochus, diaconus ante finem anni, quos sacerdos or-

dinari debet, beneficium permutare potest; non item anno finito: sicut nec is, qui alterum beneficium incompatible obtinuit. eod. n. 8. §. hoc adde.

Si infirmus beneficium resignet, & intra dies viginti vita decedat, non censetur vacare per resignationem, sed per mortem beneficiati. n. 9.

Si beneficiatus matrimonium validè contrahat, vacat ipso iure eius beneficium. Sin verò inualidè, per Iudicis sententiam priuandus est, nisi cum eo dispense. l. 4. c. 14. n. 7.

Per Religionis professionem ipso iure vacare incipiunt omnia beneficia ante habita. Nouitio autem pro tempore durantis Nouitiatus, constituto Vicario beneficia seruari debent. ibid. n. 8.

Blasphemia.
Est maledictio, seu contumelia in Deum: formaliter ac directè opponitur laudi Dei. l. 4. tr. 10. c. 6. n. 1.

Blasphemia, sicuti & periurium, hæresis, in intellectu consistunt; exterioribus autem verbis, aliisque signis manifestantur. Quare non potest esse actuale peccatum hæresis blasphemia &c. nisi intellectus actu, aut virtute aduertat ad verba, quæ ore pronuntiantur. n. 2.

In ebrietate homo propriè non blasphemat; cum mente & intellectu captus sit. n. 3.

Nèque verba blasphemia, quæ ex impetu prauæ consuetudinis proferuntur, veræ blasphemia rationem habent. Ibid.

Peccatum blasphemia diuersum est ab infidelitatis peccato, quamuis frequenter ex eo originem trahat, sicuti & ex aliis peccatis, quæ contra Deum committuntur: qualia sunt desperatio, odium Dei, &c. n. 4.

Desperatio non tantum est radix blasphemia; sed etiam cum homo in verba desperationis prorumpit, actu ipso blasphemat. Ibid. §. Secundò.

Peccatum tentationis Dei interdum blasphemia rationem habet. n. 5.

Blasphemia alia est cum directâ intentione inhonorandi Deum; alia cum indirectâ, ac virtuali, si homo scienter, ac seriò proferat verba diuini honoris diminutionem continentia: vtraque verè blasphemia est, licet illa grauior. n. 6.

Blasphemia item alia est simplex, & alia hæreticalis. n. 7.

Qui in ira contra hominem, aut iumentum sacra verba falsitatem non continentia irreligiosè profert, propriè non blasphemat. n. 8.

Blasphemia interdum fit cum iuramento peruerso, interdum sine eo. n. 9.

Blasphemia in Sanctos, quæ tales sunt, in Deum redundat; quare eiusdem rationis est cum blasphemia in Deum. Eademque ratio est, si quis vituperium dicat in Sacramenta Dei, vel alias res sacras. n. 10.

Blasphemia differunt in grauitate contumelia, ideoque modus blasphemandi in sacra Confessione inquirendus est: Item an directam intentionem penitens habuerit inhonorandi Deum; & quam ratione motus sit, ut Deo optimo contumeliam inferre voluerit. n. 12.

C

Cæremonia sacra.

Cæremonia, si latè accipiatur, est omnis actus hominis externus, ad Deum colendum accommodatus: ut genuflexio; crucis formatio &c. strictè autem cæremoniae dicuntur, quæ publicam in fidei populo institutionem, ac consuetudinem habent, & sacri quidam ritus sunt. l. 5. tract. 2. c. 8. princip.

Cæremoniae sacrae apud Christianum populum vscitate partim à Christo institutæ sunt (videlicet quæ ad sacrificij, & Sacramentorum substantiam spectant) partim verò ab Ecclesia institutionem legitimam habent. Ibid. n. 1.

Cæremoniae sacrae magnam in Ecclesia Catholica utilitatem habent: quia sicuti ex interna fide, & affectione colendi Deum proficiscuntur ita eandem mirè excitant, & augent. n. 2.

Ex caeremoniis sacris, Myfteriorum Christi intelligentiam populus percipit: quare Parochi earum vim, & significationem scire, ac fidelibus exponere debent. *ibid.* §. Accedit.

Caeremoniae in Ecclesia congruenter institutae magnum indicium praebent verae Religionis; Hereticorum autem proprium est sacras caeremonias contemnere, & abolere. n. 3.

Caeremonias, & ritus ab Ecclesia institutos omittere, aut mutare in Sacramentorum administratione, Sacrificio est peccatum contra Religionis virtutem, ex genere suo mortale. Quamvis ob paruitatem materiae veniale esse possit n. 4.

Caeremoniae, quae legitimam originem vel auctoritatem non habent, si fieri possit, tollendae sunt. n. 5.

Multum interest ad Ecclesiae Catholicae unitatem ritus Ecclesiasticos praesertim in Sacrificio, & Sacramentorum administratione, eosdem ubique seruari, ideoque Ecclesiae principali Romanae reliquas Ecclesias conformari. *ib.*

Cambium.

Est permutatio pecuniarum inter se; contractus absolute licitus, sed propter lucri & quaestus immodicam cupiditatem, plures iniustitias frequenter coniunctas habet. lib. 3. tr. 4. c. 19. n. 1.

Cambium aliud est, quod *mutuum* dicitur seu *manuale*; quia de manu ad manum permutando pecunias, plerumque grandiores cum minutioribus, perficitur: aliud vero est cambium *locale* seu *per literas*. n. 2.

Plures tituli sunt, cur campfor in cambio minuto plus accipere possit, quam dedit; videl. locatio operae, & obsequij, quod praestat congregando omnis generis pecunias; item lucri, vel commodi cessantis. n. 3.

Pecunia duplicem usum habet; vnum principalem, vt tanquam pretium rerum emptionibus seruiat; alterum secundarium, vt vnum pecuniae genus cum altero commutetur. n. 4.

Si cambia, quae suapte natura iusta sunt, sub graui poena v. g. confiscationis bonorum prohibeantur, videri possunt merè poenales, vt proinde transgredientes mortalis peccati dampnandi non sint; nisi cambia instituantur cum graui Reipubl. detrimento, videl. ad externos meliores monetas transferendo. *ibid.* §. Quare.

Iniquissima cambia fuerunt, quae superioribus annis in Germania à multis exercebantur. *ibid.* §. Loquor.

Si famulus pecuniis domini sui proprio nomine cambiando lucretur, lucrum sibi acquirit; licet teneatur de lucro cessante, & damno, si quod contra domini voluntatem cambiando inferat. n. 5.

Si dominus velit, vt pecuniae in eadem specie creditoribus obueniant, tum peccat famulus, & iniuriam infert creditoribus cum restituendi obligatione, si eas negotiando, vel combiendo cum minutioribus commutet. *ibid.* dicto. 2.

Si dominus putetur contentus esse, vt famulus talem rationem lucrandi instituat, nihil ille delinquit; etsi commutatio pecuniarum contra voluntatem creditorum accidat, & causa sit lucri ipsis cessantis. dicto 3.

Titulus iustus in cambio locali plus accipiendi, quam dandi, praecipuus est locatae operae ad pecuniam formaliter, aut virtualiter transferendam in locum, ad quem campfarius vult: quare quò longior distantia est, & periculosa via, eò maius auctarium accipi potest. n. 6.

Si nuntium conduxisti, vt equum Augustam duceret, licet ei commodissimum sit proficisci, qui alioquin etiam conducto equo profectus esset, nihilominus pro locata opera pretium accipere potest: ita etiam se res habet in cambio locali. *ibid.* §. Præterea.

Tabellarius conductus à Titio, vt Augustam eat, si postea etiam ab alio rei ignaro conducatur, vt idem iter in gratiam eius conficiat, dampnari facile non potest, etsi ab utroque integram mercedem accipiat. n. 7.

Auctarium cambij, quod à mercatoribus secundum temporis expectandi proportionem exigitur, probabili-

ter defendi potest. n. 9.

Cambia sicca dicuntur, quibus nullus iustus lucrandi titulus subest. n. 10.

Canonicus.

Secundum Trident. Concil. sess. 24. c. 12. de reformat. nemo ad canonicatum, vel dignitatem in Ecclesia admitti deberet, nisi eo ordine insignitus sit, quem beneficium postulat. l. 4. tr. 2. c. 14. n. 1. §. Porro.

Ad canonicatum non habentem annexum ordinem sacrum, videl. in Ecclesia Collegiata sufficit aetas XIV. annorum; sicuti ad alia simplicia beneficia. Sed interim, dum Subdiaconi ordinantur, vocem in Capitulo non habent. *ibid.*

Sola praebenda Canonicum non facit, sed potius collatio iuris spiritualis ab eo, qui potestatem habet: quare fieri potest, vt propter solum ius canonicae aliquis suffragium in Capitulo habeat; quamvis talis non proprie censetur habere beneficium, si nullos redditus accipiat. lib. 4. tract. 2. cap. 1. num. 3.

Receptus in Canonicum cum promissione praebendae, eandem exigere potest, cum occasio se obtulerit: quia Canonico de iure praebenda debetur. Si tamen post eius receptionem, alius ex mandato Papae cum gratia expectatiua receptus fuerit, hic illi praferendus est. cod. tr. 2. c. 10. n. 2.

Episcopus, & Canonici efficiunt vnum corpus; cuius ille caput est, hi membra. lib. 1. tr. 4. c. 7. n. 9.

Si numerus Canoniconum, Monachorum, aut Monialium alicubi determinatus non est, tot institui, vel suscipi debent, quot ex Ecclesiae redditibus commodè sustentari possunt, spectatis etiam alijs oneribus, & impendijs. lib. 4. tr. 2. cap. 16. n. 1.

Si numerus Canoniconum statuto determinatus est, non debet is ob modicum reddituum augmentum augeri, sed redditus accrescunt reliquis Canonicis. n. 3.

Si Ecclesiae redditus multum augeantur, etiam Canoniconum, vel Monachorum numerus augeri debet; & vice versa, si nimis decrescant, vt non sufficiant tanto numero sustentando, immiui possunt, non obstante confirmatione Papae. *ibid.*

Si numerus Canoniconum determinatus non sit, non vacat Canonicatus alicuius morte: neque refert, etsi longo tempore consuetudo fuerit tot Canonicos suscipiendi, si ex libera voluntate prouenit. n. 5.

Si Capitulum supra numerum decretum aliquem Canonicum creet, censetur renuntiare statuto; nisi id agat dispensatiue ex gratia speciali, vt sit supernumerarius, vel nisi aliquem recipiat in Canonicum sine praebenda. eod. num. in fine.

Capitulum.

Capitulum, Episcopo viuente, & iurisdictionem tenente, nihil statuere, vel nouare potest, absque eius voluntate, & approbatione: exceptis causis exiguis, & ad Capitulum proprie spectantibus. l. 1. tr. 4. c. 7. n. 10.

Sed neque Episcopus communi iure, & contraria consuetudine seclusa, sine consilio Capituli statuere debet, quae maioris momenti sunt. Si tamen sine iusta causa Capitulum consensum neget, ratum nihilominus erit, quod Episcopus decreuerit; cum iura non tam consensum, quam consilium Capituli requirant. *ibid.* n. 9.

In iis causis, quae ad Capitulum etiam attinent, vel in eius damnum cedere possunt, consensus Capitularium omnino requiritur. eod. n. in fine.

Si Episcopus, alijsue Ecclesiae Praelatus male administrat, Capitulum, seu Conuentus contra illum agere potest, & res male alienatas reuocare. eod. c. 7. n. 10.

Ad statuta capitularia sufficit consensus maioris partis, si ratio necessitatis, vel magnae utilitatis urgeat: alioquin verò quod omnes tangit, ab omnibus approbari debet. eod. n. in fine.

In statutis diocesalibus plus auctoritatis Episcopus

habet, quàm Capitulum: nam ille legislator est, hi tanquam consiliarij, vel consortes. *ibid.*

Capitulum, ipsèque Decanus communi iure nullam iurisdictionem in causis civilibus, & criminalibus habet in singulos Canonicos, & Ecclesiæ Ministros, sed interdum consuetudine comparatam, & præscriptam. n. 11.

Capitulum, Sede vacante, exercet omnem iurisdictionem episcopalem, cum voluntariâ, tum contentiosam. n. 12.

Capitulum, Sede vacante, condere potest statuta, quas *Recapitulationes* vocant, & vim legis obtinent si illi canonibus non repugnent. *ibid.*

Beneficia, quæ patronata non sunt, Capitulum, vacante Sede, conferre non potest: Sed potest concedere in commendam ad sex menses, & si interim Episcopus non eligatur, & confirmetur, tempus prorogare. n. 13.

Si collatio libera beneficij ad Episcopum, & Capitulum communiter pertineat Sede vacante conferri potest. *ibid.*

Capitulum non succedit in iurisdictione Episcopo delegata, quia censetur electa industria personæ: succedit tamen in iurisdictione, quæ ipsi iure ordinario, ratione Prælatuæ commissa est, v. g. in commissione facta in Concil. Trident. sess. 24. c. 6.

Bona immobilia Ecclesiæ Cathedralis, & mobilia pretiosa, si seruando seruari possunt, vacante Sede alienari non debent, sed nec causa iudicialis agitari, nec præscriptio contra Ecclesiam interim procedere potest. num. 15.

Non prohibetur tamen Capitulum, quominus alienationes ab inferiore Ecclesia faciendas, Sede vacante confirmare possit. eod. n. in fine.

Contractus, & alienationes à Capitulo extra necessitatis casum, & extra Papæ auctoritatem institutas, Episcopus postea confirmatus infirmare potest, sed & confirmare, si Ecclesiæ viles videatur. *ibid.* 9. Bona immobilia.

Capitulum alienationem à Prælato sine consensu suo factam, postea, si velit, approbare, & ratificare potest. *ibid.*

Infra annum à die Sedis vacantis, Capitulum ordinandi licentiam, aut literas dimissorias dare non potest, præterquam ei, qui Ecclesiastici beneficij recepti, aut recipiendi occasione arctatus est, secundum nouam constitutionem Trident. sess. 7. c. 10. de reform. n. 16.

Capitulum, vacante Sede, merè voluntarias gratias, siue donationes sine debito necessitatis conferre, aut fructus, & commoda Episcopatus distrahere non debet. num. 17.

Capitulum suspensionem ab officijs & beneficijs incurrit, si bona Prælati defuncti occupet, aut diripiat. l. 1. t. 5. p. 3. c. 2. n. 3.

Cardinalis Romana Sedis.

Romanæ Ecclesiæ Cardinales ordinariam, & quasi episcopalem iurisdictionem obtinent in Ecclesia sui tituli. l. 1. t. 4. c. 7. n. 24.

Ex præscripta consuetudine Cardinales ordinariam iurisdictionem exercent in familiares suos; vt proinde hi cum licentia Cardinalis cuique Confessario exposito confiteri possint. *ibid.*

Cardinales in Ecclesiam vniuersalem nullam iurisdictionem habent, etiam vacante Sede Papali. n. 25.

Ex Papæ commissione Cardinales emergentibus dubij circumorum reformationem, & in iudicialibus litibus Concilia, & Pontificia iura interpretantur. n. 16.

Casus reseruatus.

Casum, seu grauiorum criminum reseruatio prouenit ex inferiorum animarum Pastorum à Superioribus dependentia. l. 5. tr. 6. c. 12. n. 1.

Papa nullum peccatum reseruare sibi solet nisi propter annexam censuram excommunicationis. n. 2.

Si aliquis commisit peccatum v. g. contentum in Bulla Censuræ, sed ob ignorantiam non crassam à censura Papali excusatus fuit, quia de ea nihil audiuit, ab inferiore Confessario absolui potest. *ibid.*

Sola mortalia, eaque tantum externa, & opere consummata peccata reseruari solent. n. 3.

Homicidium voluntarium etiam oculum communi Ecclesiarum consuetudine Episcopis reseruatur. Quæ verò alia peccata in qualibet diocesis reseruata sint, ex loci consuetudine, & diocesali constitutione petendum est. num. 4.

In pluribus diocesibus reseruata esse solent Crimen incendiarij, & præstitum auxilium: Sacrilegium, quo sacer locus violatur furto, sanguine, aut semine, per fornicationem, vel voluntariam pollutionem: Perurium, aut falsum testimonium in iudicio: Falsificatio literarum: Sortilegium, seu magiæ exercitium; dummodo crimen graue sit: Deniq; adulterium notorium, & omnia eo maiora. *ibid.*

Grauis & insolita casuum multorum reseruatio in diocesi, etsi illicita sit, tamen à Parochis obseruanda est, donec tollatur. n. 5.

Prælati regularibus certus modus præscriptus est à Clemente VIII. Papa reseruandi peccata. n. 6.

Si Prælatus expedire iudicet, vt ipsemet casum reseruatum cognoscat, & pœnitens extra Confessionem explicare nolit, ordinariè integrâ omnium peccatorum Confessionem audire debet. Interdum tamen ob moralem impossibilitatem, sufficit solum casum reseruatum audire, & ab eo directè absolvere, à reliquis autem peccatis indirectè; cum onere, vt reliqua inferiori Sacerdoti explicentur. num. 8.

Si postea Sacerdoti inferiori Confessio fiat, satis est explicare non reseruata, tacitis iis, à quibus Prælatus directè antè absoluerat. *ibid.*

Si Confessarius peccatum aliquod confitentis intelligat esse Superiorem reseruatum, ordinariè eum absolvere non potest, sed ad Superiorem mittere debet; vel ipsemet absoluedi potestatem petere. n. 9.

Propter aliquam tamen necessitatem licitum est Sacerdoti absolvere à peccatis, quorum vnum aut plura reseruata esse scit, imposito onere pœnitenti, vt reseruata sola Superiorem explicentur; vel absoluedi potestas ab eodem petatur. n. 10.

Si pœnitens ad Confessionem attulit peccatum reseruatum, non habens annexam excommunicationem, à quo putauit se legitimè absolui posse, plerumque absoluedus est, cum dicto onere: modò præter reseruatum aliud peccatum absolutioni directè subiiciatur. num. 11. dicto. 3.

Si autem peccatum reseruatum excommunicationem annexam habeat, non debet Sacerdos inferior hominem absolvere. Nihilominus absolutio valida erit, si detur homini excommunicationem inculpatè ignoranti, vel Sacramentum Pœnitentiæ bona fide petenti; tametsi excommunicationis censura non tollatur. n. 11. & 12.

Qui communicandi necessitate constrictus, Superiorem tunc accedere non potest, vt à peccato reseruato absoluetur; obligatus non est, vt inferiori confiteatur, si scandalum cesset, & communicaturus existimet se contritum esse: quia nemo, per se loquendo, idem peccatum bis confiteri tenetur. eod. n. 11.

Per accidens, si videl. pœnitens alia non reseruata habeat, vnà cum iis etiam reseruata confiteri debet, vt Confessarius pœnitentis statum integre cognoscat. *ibid.*

In mortis articulo, seu periculo, omnis Sacerdos, etiam excommunicatus, & hæreticus, à quibuscunque peccatis absolvere potest. n. 13.

Sed & ab omnibus censuris, iis videl. quæ Sacramentorum susceptioni, & Ecclesiastica sepultura obstant, Sacerdos quicunque, in mortis articulo absoluedi potestatem habet, tametsi Sacramentum Pœnitentiæ non conferatur, v. g. amenti. Tales censuræ sunt excommunicatio, & personale interdictum; non itera suspensio, & irregularitas. *ibid.*

Neceſſe eſt, vt mortis periculum, in quo omnis Sacerdos à peccatis, & cenſuris abſoluere poteſt, propinquum, & non improbabile ſit; quamvis propria ſponte ſuſceptum, v. g. in bello iuſto, maris longa, aut periculosa nauigatione, in qua copia Sacerdotis non erit. *ibid.* §. His adde.

Mulier primò paritura, vel quæ antè difficiles partus experta erat, in probabili periculo mortis conſtituta cenſeri poteſt; vt à quolibet Sacerdote abſolui poſſit. *ibid.*

Si Confeſſarius iuriſdictione præditus adſit, vel vocari poſſit, Sacerdos ſimplex, ſeu iuriſdictione carens ius abſoluendi non habet in mortis articulo. n. 14.

Similiter Parochus in mortis articulo abſoluere non poteſt à reſeruatis Epifcopo, ſi is adſit, aut facile accerſiri poſſit. Niſi alia ſit conſuetudo diœceſis, qualis facile introducitur in diœceſibus amplis, in quibus plerumque Epifcopus multùm diſtat. *eod.* n. 14. §. deinde.

Qui propter mortis periculum à peccato reſeruato abſolutus eſt, is ceſſante periculo, Superiori ſe ſiſtere non debet: niſi fuerit annexa excommunication; tunc comparere debet, non vt iterum abſoluatur, ſed vt mandatum illius accipiat de ſatisfaciendo &c. n. 15.

Conſultius eſt, in mortis articulo ſeu periculo conſiteri priuilegiatis, qui poteſtatem à Papa delegatam habent abſoluendi à cenſuris reſeruatis, ſine onere poſtea ſe ſiſtendi. *ibid.*

Qui habet facultatem generaliter delegatam abſoluendi ſubditos à caſibus reſeruatis, poteſt eam alteri Sacerdoti committere ad abſoluendum ipſummet, cui talis facultas commiſſa eſt. *lib.* 5. *tr.* 6. c. 10. n. 17.

Cautio.

Cautio fide iuſſoria, vel pigneratitia, ſi exhiberi non poſſit à Reo, iuratoria plerumque ſufficiet. *l.* 1. t. 5. p. 2. c. 6. n. 8.

Cenſura Eccleſiaſtica.

Eſt pœna ſpiritalis, per quam homini delinquenti, ac contumaci, per Eccleſiaſticam poteſtatem quorundam ſpiritalium bonorum vſus auferitur, donec à contumacia recedat. *l.* 1. t. 5. p. 1. c. 1. princip.

Bona ſpiritalia quædam ſunt propria, quibus nemo inuitus ſpoliatur: vt dona gratiæ, virtutes, earumque opera bona: quædam verò ſunt communia, quibus homo in pœnam priuari poteſt, quoad vſum actiuum, vel paſſiuum, videl. Sacrificij, ſacramentorum, Eccleſiæ ſuffragiorum, & ſatisfactionum &c. n. 2.

Cenſura eſt pœna medicinalis: quare ferri non poteſt ob peccatum merè præteritum, & emendatum, & cumprium Reus à contumacia receſſerit, per abſolutionem tolli debet. *ibid.* §. Nota tertio, & cap. 5. n. 1. & 2.

Depoſitio, degradatio, irregularitas, non ſunt propriè cenſuræ; cum ſine ſpe reſtitutionis ordinariæ homini inferantur, ſæpe propter peccatum merè præteritum: quare nec per abſolutionem tolluntur, ſed per diſpenſationem ſeu relaxationem legis, aut ſententiæ. *ibid.*

Cenſuræ ipſo interdum iure contrahuntur ante omnem Iudicis declarationem: ſed depoſitio, degradatio, & ceſſatio à diuinis, cum ſint pœnæ grauiffimæ, non incurruntur ante Iudicis ſententiam. Irregularitas tamen ipſo facto incurritur in caſibus iure decretis; cum non tam pœna ſit, quàm inhabilitas ad altaris miniſterium. *eod.* c. 1. in fine.

Tantum tres ſunt cenſuræ ſpecies: Excommunicatio, Spenſio, Interdictum. c. 2. n. 1.

Facultas alicui delegata abſoluendi à cenſuris non extenditur ad irregularitates, quæ per diſpenſationem tolluntur. *ibid.*

Cenſura alia eſt à iure lata, & alia ab homine: inter quas diſcrimen eſt, quòd hæc extinguitur morte, aut depoſitione ferentis illa non item n. 2.

Cenſura quæ ab homine eſt, ſubdiuiditur in eam, quæ alicui nominatim infligitur; & in eam quæ per genera-

lem ſententiam fertur. *ibid.*

Iterum diuiditur cenſura, quòd alia ſit lata ſententiæ, ſeu à iure, ſeu ab homine: alia verò ſit ſententiæ ferendæ. In dubio autem, ſi nimirum verba ambigua ſint, pars benignior præferenda eſt, vt ferendæ, non latæ ſententiæ cenſeatur. n. 3.

Omnis; & ſolus Prælatus Eccleſiaſticus cenſuras ferre poteſt in ſubditos, eamque facultatem alteri Clerico delegare. c. 3. n. 1.

Laicis, & Clericis coniugatis, dum in coniugio viuunt, itemque bigamis committi non poteſt facultas cenſuras ferendi, niſi ex plenitudine poteſtatis Papalis. num. 2.

Fæminæ: quamvis ſanctimoniales ſint, & Abbatiffæ, cenſuras propriè ferre non poſſunt. n. 3.

Cenſura ligari poteſt homo baptizatus, doli capax, qui Eccleſiaſticum Superiorem habet. c. 4. n. 1.

Mortuus propriè, ac directè excommunicari non poteſt, ſed impropriè, ac indirectè, ſi ita exigente crimine, in quo deceſſit, ad aliorum terrorem præcipiatur fidelibus, vt abſtineant ab Eccleſiaſtica eius ſepultura, & Sacrificijs. n. 2.

Furiſus qui ante furorem contumaciter peccauit, poteſt incurrere excommunicationem iuris: Sed ab homine excommunicari non debet, quin potiùs abſolui, ſi amentia perpetua iudicetur. n. 3.

Summus Pontifex cenſuram nullam incurrere poteſt. num. 4.

Peregrini non obligantur cenſuris locorum, generali ſententia, aut ſtatuto decretis. n. 5.

Subditus contra proprium ſtatutum diœceſis ſuæ agens extra diœceſin, vel in loco diœceſis exempto, cenſuram non incurrit. n. 6.

Subditus extra diœceſin exiſtens, cenſurà ligari poteſt per ſententiam particularem Prælati ſui. n. 7.

Si ſubditus commiſſo delicto fugiat, etiam abſens per nuntium, vel literas citari poteſt, iſque comparere debet: & ſi contumax ſit, excommunicari poteſt. Idemque dicendum, ſi ſubditus ratione domicilij, alibi deliquit, & à Iudice delicti præuentus non fuit. *Ibid.* confirmat. 2.

Excommunicatio maior, & ferme etiam aliæ cenſuræ ferri non poſſunt, niſi ob mortale peccatum inobedientiæ, ac contumaciæ. Quare quotieſcunque aliquis ob ignorantiam, vel animi paſſionem, à grauitate culpæ mortalis excuſatur, ab excommunicatione etiam, graui ſuſpenſione, vel interdicto excuſari debet. c. 5. n. 1. aſſert. 2.

Cenſura non incurritur ob peccatum, quòd iuri tantum naturali, aut diuino repugnat, ſed requiritur præceptum Eccleſiæ, quòd Reus contumaciter ſpernat, ſaltem interpretatiuo contemptu. *ibid.* in fine, & n. 2.

Excommunicatio, & aliæ cenſuræ infligendæ non ſunt, niſi præcedente canonica monitione: Et requiritur trina, interpoſito aliquorum, ſaltem duorum, aut trium dierum interuallo. Quanquam etiam vnica monitio pro trina fieri poteſt, præfixo eo temporis ſpatio, quòd trinae ſufficiat. n. 4.

Si criminis, aut malis impendentis periculum, factiue neceſſitas dilationem non patitur, Iudex ſtatim rem aggredi, cenſuram v. g. excommunicationis comminari, & contra inobedientem proferre poteſt. *ibid.* §. His addendum.

Canonica monitio ad Reum perſonaliter fieri debet, niſi malitioſè latitet, tunc ſatis eſt citationem fieri ad eius domum, vel eccleſiæ valuas, vt ad notiſiam hominis deuenire queat; poſtea etiam abſens, excommunicari poteſt. *ibid.*

Si per latam ſententiam ipſo iure vel ab homine aliquid in futurum fieri prohibitum eſt ſub pœna excommunicationis, aut ſuſpenſionis, alia inſuper monitiq

non requiritur : sed ipso facto, seu criminis admissione censura contrahitur. Si tamen à Iudice declarandus, vel denuntiandus sit, prius citari debet, datà ei copià defensionis. num. 5.

Si à iure decreta est censura sententiæ ferendæ, infligi non debet Reo, etiam conuicto, aut manifesto, nisi præcedente canonica monitione; adeò, vt si Reus citatus abfistere velit, excommunicari non possit. n. 6.

Si censura ipso facto contracta, à Iudice tantum declaranda, aut denuntianda sit, interdum citatio Rei intermitteri potest, quando crimen notorium existit, vt appareat nullam defensionem competere posse. Ibid. §. Et hæc adeò.

Ignorantia (si crassa non sit, nec affectata) tum iuris, tum facti: etiam concomitans, à censura excusat. n. 7.

Qui scit opus prohibitum esse, nescit tamen annexam censuram, eam haud incurrit: secus est in irregularitate. num. 8.

Si censura lata sit contra eos, qui scienter, temere, vel cum præsumptione quippiam fecerint, non comprehendit facientem cum ignorantia, quamuis crassa, aut supina. Sed affectata ignorantia non excusat, cum malitiam directam, & dolum contineat. eod. n. 8. in fine.

Qui ex graui metu Ecclesiæ legem, aut præceptum transgreditur, censuram euitat, licet quandoque à culpa mortali non excusetur: vt si quis ob mortis merum, matrimonium contrahat, & consummet. n. 9.

Censura interdum iniuste fertur, tamen validè: vt si accidentaliter forma procedendi prætermittatur, v. g. trina monitio. Interdum verò censura non tantum iniusta, sed etiam inualida est: idque vel ob defectum ferentis, si iurisdictione careat, vel impeditam, aut suspensam habeat: Vel ob defectum causæ: Vel denique, si substantialis ordo iudicij prætermittatur, v. g. Reus non citetur: aut si nulla monitio antecesserit. c. 6. n. 1. & seqq.

Censura lata post appellationem legitimam, vel cum alio substantiali defectu, timenda non est, nec obseruanda, per se loquendo: sed interdum ob scandalum vitandum. num. 2.

Postquam censura in aliquem validè lata est, eius effectus per sequentem appellationem non suspenditur: quare nihilominus denuntiari potest, qui v. g. excommunicatus fuit. Nisi Iudex ordinarius, ad quem à delegato appellatum fuit, appellationem admiserit: tunc enim iurisdictionem eius causæ ad se reuocare censetur. Ibid. §. Verum.

Si causa ferendi censuram re ipsa non subsistat, quamuis secundum allegationes externi fori appareat, non obligat in conscientia: debet tamen obseruari, quatenus necesse est ad publicam disciplinam, & Iudicis auctoritatem tuendam. n. 3.

Qui talem censuram coram aliis, qui innocentiam perspectam non habent, v. g. celebrando, violat, quamuis peccet, tamen irregularitatem non incurrit. Ibid. §. Desecundo, & coroll. 1.

Si eiusmodi excommunicato propter allegationes falsas beneficium Ecclesiasticum conferatur, collatio in se valida est: tamen in externo foro à Iudice rescindi vel irrita declarari potest. eod. n. 3. coroll. 2.

Si talis re ipsa innocens, sed publicè condemnatus, cum scandalo, & apparente contemptu celebret ac monitus desistere nolit, verè excommunicari potest, propter contumaciam. Ibid. coroll. 1. addit. 2.

Vnicus casus est, quo censura irrita est, nisi trina monitio antecesserit: videl. si Episcopus iis inferat, qui cum excommunicatis participant ea participatione, quæ communi iure minorem tantum excommunicationem inducit. n. 4. in fine.

Censura absolutione tollitur.

Censura propriè dicta alio modo non tollitur, quam per legitimam absolutionem. eod. tr. 5. p. 1. c. 7. n. 1.

Censura, & quæuis pœna, per legitimam Iudicis sententiam inflicta, transit in rem iudicatam: quare non finitur morte illius, aut dispositione: multò minus, quæ à iure imposita est; ab auctore illius dependet, sicut nec ipsum ius, seu statutum. Ibid.

Sed neque per mortem eius, in quem censura v. g. excommunicationis lata est, ea omnino extincta censetur: cum etiam mortuus Ecclesiæ suffragijs, & sepultura sacra carere debeat. Ibid.

Censura in aliquem, saltem validè, ferri potest sub conditione, vt cum primum satisfecerit, ipso facto liber sit, & absolutus. Non solet tamen ita ferri: sed vt post transactum tempus absolutio fieri possit.

A censura lata per sententiam particularem is tantum absoluit, qui eam tulit, vel eius Superior, Successor, aut specialiter delegatus. n. 2.

Si Superior censuram ferentis ex certa scientia eam ad se reuocet, sibi que proprium faciat, inferior absolvere deinde non potest: quo modo incendiarios, si nominatim excommunicati & publicati fuerint, pro absolutionis beneficio ad Sedem Apostolicam mittendos esse, dicitur in c. tua, de sentent. excommunicat. Ibid.

Summus Pontifex omnes Christianos censura ligatos; Prælatus Ordinis omnes Regulares ab inferioribus Prælatis ligatos absolvere potest, v. g. Prouincialis, quos Guardianus excommunicauit. At verò Archiepiscopus ligatos censura Episcopi absolvere non potest, nisi ad ipsum appellatum sit: & tunc vocatis partibus, ac cognita causâ. Ibid. §. De Superiore.

Episcopus Regulares excommunicatos à proprio Prælato, ob causam pertinentem ad Regularem disciplinam, absolvere non potest. Si tamen exempti Regulares non sint, ad Episcopum à sententia iniusta appellare possunt. Ibid.

Episcopus inferioris Prælati, cui ratione beneficij sui iurisdictione competit, sententiam relaxare non debet: nisi cum conscientia illius, & congrua satisfactione Reo imposita. Si aliter absolutio fiat, rata quidem erit, sed illicita. Ibid. §. Deinde.

Quicumque iure ordinario, vel ex priuilegio absolvere potest à censura iuris, is etiam absolvere potest à censura per sententiam generalem lata. n. 3.

Qui alicubi censuram iuris, aut sententiæ generalis contraxit, ac postea domicilium transtulit potest ab altero Ordinario absolui. Ibid.

Qui Episcopo subditus ratione domicilij, vel commissi delicti, ab illo particulatim excommunicatus fuit: & postea aliò proficiscitur, vel Religionem ingreditur, non potest deinde ab altero Episcopo, vel Prælato absolutionem consequi. Nam præuentus à Iudice, forum ipsius in ea causa declinare non potest. n. 4.

Potestas absoluendi à censuris interdum delegatur personæ particulari, & quandoque etiam respectu certæ causæ: interdum verò vniuersim Episcopis, Ordini Regularium &c. n. 5.

Generali Sedis Apostolicæ concessione absoluendi à quibuscunque censuris iuris, haud dubiè etiam comprehenduntur censura, quas Episcopi diœcesano statuto, vel sententia generali reseruant. Ibid.

Si in bulla nihil exprimatur, facultas absoluendi à censuris absolutè concessa, accipi debet de vtroque foro. Interdum verò ex circumstantijs & materia subiecta intelligitur, non fuisse mentem Pontificis præiudicare foro externo: sed dedisse facultatem in fauorem animarum: vt cum Confessarijs à censuris absoluendi potestas delegatur. n. 6.

Absolutio à censuris in foro conscientie dicitur, non quòd fieri debeat in secreta Confessione, sed quòd fiat sine strepitu iudicij, & sine derogatione iuris alterius: ac denique duntaxat, vt anima eorum Deo absoluta sit, eod. num. 6. in fine.

Absolutio data alicui in foro conscientiae tantum, non prodest homini in foro externo, nisi Iudex eam ultro acceptare velit. Quae eadem etiam locum habent in dispensationibus concessis pro foro conscientiae tantum. num. 7.

Si censura v. g. excommunicationis occulta fuit, non prohibetur, qui ab ea in foro conscientiae absolutus est, etiam publice celebrare: quod si excommunicatio eius postea innotescat, puniri quidem propter crimen potest, sed non ut irregularis condemnari, si de absolutione fidem facere possit. eod. num. 7. dicto. 2.

Priuegiatus absque Ordinarij consensu absoluere facile non debet à censuris notoriis, si eae ad forum iudiciale deductae, aut probabiliter deducendae sunt: quia absolutus in conscientiae foro; non ita efficaciter postea ad praestandam satisfactionem urgeri potest. Ibid.

Absolutio à censura interdum confertur *ad cautelam*, & interdum *ad reincidentiam*. n. 8.

Et si nulla suspicio contracta censurae adsit, praemittitur interdum absolutio ad cautelam, videl. ante absolutionem sacramentalem, ante Ordinis, beneficij Ecclesiastici, vel priuegij alicuius collationem. Ibid.

Frequenter absolutio ad cautelam tribuitur duntaxat ad effectum aliquem consequendum; v. g. ut dispensatio, vel alia gratia valeat, aut ut testimonium alicuius recipi possit. Ibid. §. Porro.

Census.

Duplex est census: vnus reueruatiuus, cum quis fundum pleno dominij iure in alium transfert, reueruata sibi pensione annua ex fundo: alter consignatiuus, cum quis contractu donationis, venditionis, aut permutationis, alteri constituit ius in re sua (id est censum designantis) redditus annuos percipiendi. lib. 3. tr. 4. c. 18. n. 1.

Census consignatiuus diuiditur in realem, ac personalem, in fructuarium, & pecuniarium; in perpetuum, ac temporalem: in redimibilem, ac irredimibilem. n. 2.

Census realis tam perpetuus, quam temporalis, etiam vitalitius, ab omnibus approbatur. n. 3.

Pereunte re, super qua census locatus est, etiam census corrumpit: quare consultum est, censum super vno, aut pluribus fundis securis collocare. n. 4.

Census realis, quamuis constitutus sit cum pacto redimendi, tam ex parte emptoris, quam venditoris, probabiliter defenditur. n. 5.

Aequum est, ut in censu vtrunque redimibili maius pretium soluatur, quam in censu redimibili ex parte solius venditoris. n. 6.

Quia sub censu vtrunque redimibili intentio usuraria facile latere potest, ideo tanquam contractus usurarius prohibitus est tum Pontificiis constitutionibus, tum Carolina. Sed id intelligi debet secundum praesumptionem fori externi: praeterquam quod illae constitutiones multis Germaniae locis receptae non sunt: quatenus ea prohibent, quae iuri naturali non aduersantur. Ibid.

Census personalis tam irredimibilis, quam redimibilis ex parte solius venditoris, suapte naturalis licitus est. n. 7.

Census item personalis ex vtraque parte redimibili probabiliter defenditur: quamuis periculo intentionis usurariae non caret. n. 8.

Census institui potest data facultate redimendi ad certum tempus; vel non ante tempus designatum. n. 9.

Census vtrunque redimibilis, adiecto etiam pacto assecurationis, absolute loquendo, damnari non potest: quamuis periculo usurariae intentionis non vacat. n. 10.

Passim in Germania à viris etiam probis instituitur census cum pacto assecurationis, & neutra pars contrahentium de damno queritur: imò multi testantur, hunc contractum sine magna negotiationum iactura tolli non posse. n. 12.

Inter hypothecam, & censualem rei obligationem discrimen est. n. 13.

Licet homines rudes minus intelligant, cur vltima forma suo tempore repetendam, pensiones annuas percipere possint; excusantur tamen, quia aliorum prudentium exemplum secuti, nihil illicitè accipere proponunt. ibid. §. Alterum.

Vsura est, si census cum pacto assecurationis constituitur, vel continetur cum persona nullos redditus habente. n. 14.

Contractus censualis Germanicus à mutuo manifestè distinguitur: quod ille certum fundamentum requirat, ex quo redditus annui proueniant: Sed contractus mutui cum quacunque persona institui potest, sine ordine ad aliquod fundamentum. Cum igitur censualis contractus mutuum non sit, non potest esse usurarius. ibid.

Pretium iustum census est, quod lex, vel consuetudo, aut in certo casu iusta Principis voluntas taxauit. Sin taxatum non est, quod aequitatis ratio dicat. ibid.

Cessatio à diuinis.

Non est censura, nec proprie poena: sed simplex prohibitio diuinorum officiorum, in signum mœoris, propter grauissimam iniuriam Ecclesiae illatam. l. 1. tract. 5. p. 4. c. 6. n. 1.

Clericus violans cessationem à diuinis per exercitium ordinis, non efficitur irregularis. n. 2.

Quatuor festiuitatibus, exceptis in c. alma, de sentent. excommunic. in 6. locus esse etiam videtur tempore cessationis, sicuti in interdicto. n. 3.

Tempore cessationis pure videtur omnibus tum Clericis, tum laicis concessa sepultura in loco sacro, modò fiat sine officio funebri. n. 4.

Qui episcopalem iurisdictionem obtinet, & sede vacante Capitulum, cessationem à diuinis ponere potest, sicuti & interdictum. n. 5.

* Causa, propter quam cessatio indici potest, debet esse delictum grauissimum, publicum, & contumaciter perseverans aduersus commune bonum Ecclesiae. ibid. in fine.

Cessio bonorum.

Debitor, qui debitis soluendis impar bonis cedit, id est, creditoribus sua bona relinquit, secundum debitorum qualitatem ac proportionem diuidenda, non ideo reliquo debito liberatur, sed tam in externo, quam interno foro compelli potest ad laborandum, & acquirendum, quo satisfacere possit. l. 3. tr. 2. c. 12. n. 5.

Licet debitor ex contractu, vel quasi contractu post soluendi moram postulante creditore in carcerem conjici, & detineri possit, donec satisfaciatur, vel cautionem praestet, tamen per cessionem bonorum id beneficij consequitur, ut incarcerationi non possit, vel carceratus liberari debeat. ibid.

Ordinarius id est, ut pro causa pecuniaria seu pro ciuili debito capere, vel incarceratione debitorem non liceat, modò cautionem exhibere possit: & nisi de fuga suspectus sit: vel nisi fisci debitor existat. ibid.

Si debitor postquam bonis cessit, aliquid adquisierit, non amplius, quam in quantum facere potest, conueniri debet, seruatis ei alimentis competentibus. §. alterum.

In conscientiae foro aere alieno grauatus, etiam ante bonorum cessionem, vel cum bonis cedit, seruare potest ea, quae ad sustentationem necessaria sunt, spectata conditione status iuste acquisiti. ibid.

Clericus eo priuegio gaudet, ut etiam sine cessione bonorum in carcerem ob debita detrudi non possit, neque amplius, quam commodè facere potest, id est, relictis alimentis necessariis condemnari. Nisi se satisfacturum recuset, vel de fuga suspectus sit. ibid. §. porro.

In debitis ex delictis v. g. ex furto, rapina cessio bonorum concedenda non est, quin potius in his debitis locum habet illud: qui non habet in aere, luat in corpore. ibid.

Charitas.

Charitas Teologica est virtus perfectissima, ac veluti forma aliarum, & regina. l. 2. tr. 3. c. 1. n. 1.

Vt aliarum virtutum opera in homine iusto meritoria sint augmenti gratia & gloria aeternae, requiritur praeuius actus seu imperium Charitatis. n. 2.

Gratia sanctificans & habitus Charitatis infusae secundum probabilem sententiam sunt vna qualitas realiter. n. 3.

Ad meritum singulorum bonorum operum non sufficit, si homo iustus initio diei omnia generatim Deo offerat. n. 5.

Dantur actus in indiuiduo indifferantes secundum rationem meriti, ac demeriti. n. 4.

Duo sunt praecepta Charitatis: vnum de Deo, alterum de proximo diligendo. c. 2. n. 1.

Praeceptum dilectionis Dei primum ac maximum est: quia Charitas omnibus facultatibus, ac virtutibus imperans earum actionem in Deum refert: vt qui Charitatem habent, legem vniuersam impleat. n. 2.

Iubemur Deum super omnia diligere secundum maiorem aestimationem, non actus intensiorem. n. 3.

Nefas est Deum diligere propter mercedem vitae aeternae tanquam finem principalem: sed causa adminiculans & impellens ad diligendum potest esse spes praemij, sicuti & timor poenae. n. 4.

Praeceptum dilectionis Dei licet à nobis secundum omnem perfectionem impleri nequeat, potest tamen eo modo, sicuti ad viatorem pertinet. n. 5.

Praeceptum negatiuum de non odiendo Deo semper obligat, sed affirmatiuum diligendi certis temporibus: quorum praecipuum est, cum primum homo vsum rationis adeptus Deum tanquam vltimum finem super naturalem per Fidem sufficienter cognouit, longam moram trahere non debet, quin eum voluntate acceptet, & omnia opera in eum referat. n. 6.

Parentes, Parochi, Confessarij, pueros ac rudes homines admonere debent, vt cogitent, à quo creati & cur in Mundo positi sint: nimirum vt Deo omnium auctori feruiant, ad ipsum tanquam finem vltimum actionibus suis tendant, cui in perpetuum vniti esse debeant. ibid. §. intelligitur.

Praeceptum de proximo diligendo dicitur secundum & affine primo: vtpote ex quo consecutione quadam oritur, cum diuina bonitas sit causa, & ratio diligendi proximum propter Deum. n. 7.

Nomine proximi intelligitur is, quem per Fidem cognoscimus diuinorum bonorum participem, videl. Angelos, Beatos, viatores, animas in purgatorio. ibid.

Quod iubemur proximum diligere sicut nos ipsos, intelligi non debet secundum aequalitatem, sed secundum similitudinem. ibid.

Praecepta Charitatis, cum sint prima practica omnibus nota principia, ideo in Decalogo expresse posita non sunt: virtualiter continentur. n. 8.

Non omnia quae ex Charitate diligenda sunt, aequè diligenda, sed cum ordine. c. 3. n. 1.

Quatuor ex Charitate diligenda sunt hoc ordine: Primum est, supra nos, Deus: Alterum sumus nos ipsi: Tertium est iuxta nos proximus: Quartum est infra nos corpus hominis. ibid.

Tria sunt bonorum genera, quae vel nobis ipsis, vel alteri velle possumus. Primum continet spiritualia bona, gloriam, gratiam & virtutes: Alterum bona corporalia vitam & sanitatem corporis: Tertium bona externa famem, honorem ac diuitias. ibid. §. Quod ad alterum.

Propriae animae salus nulli alteri bono creato post haberi potest. n. 2.

Proximo in extrema spirituali necessitate versanti succurrendum est, cum certo propriae vitae periculo. n. 3.

Pastores animarum etiam in graui spirituali periculo

constituis succurrere tenentur, posthabito proprio periculo corporali. ibid. §. His adde.

Propriam vitam pro aliena exponere ordinariè licitum non est, sed pro salute personae publicae, sicuti & pro ipsa Repub. multoque magis pro Fide Catholica propriam vitam exponere, laudabile, & interdum necessarium est. n. 4. §. Dixi.

Ad impediendam spiritualem damnationem iniusti aggressoris, quem occidere possis, tolerare mortem propriam, abundantioris Charitatis opus est. ibid.

Vitam hominis innocentis praeferre oportet vitae nocentis, cetera paria sint. n. 5.

Ea dilectione, quam comitatur gaudium in bono posseto, item honor, & reuerentia, magis diligendi sunt, qui meliores, Deoque similiores. Ea verò dilectione, qua desideramus bonum, & quam comitatur misericordia & beneficentia, ij magis diligendi, qui nobis coniunctiores existunt. ibid. coroll. 5.

Si cetera paria sint, primò omnium quisque opitulari debet uxori suae; secundo filiis; tertio parentibus, magis patri, quam matri. Imò in casu extremae necessitatis parentibus, à quibus viuendi principium accepimus, ante omnes alios succurrendum esse probabiliter dicitur. n. 6.

Insigni amico, aut benefactori potius subueniendum esse, quam consanguineo non valde propinquo, vel non bene merito, verisimile est. Sed & fratribus spiritualibus magis etiam in temporalibus subueniendum videtur, quam cognatis non valde propinquis. ibid.

In spiritualibus auxilijs eorum maior habenda ratio est, qui nobis secundum spiritum filij, patres, aut fratres censentur: quamuis non nemo probabiliter dicat etiam in his parentes carnales praefereandos esse. coroll. 7.

Primus, ac praecipuus actus Charitatis est dilectio, cui in executione respondet beneficentia. c. 5. n. 1.

Ex Charitatis dilectione sequuntur gaudium, pax: quae tamen in hac vita imperfecta sunt, in altera perficientur. ibid. n. 1. & 2.

Charitatum subsidium.

Episcopi, & alij similes Praelati à Clero subsidium Charitatum petere possunt ob causam necessitatis, aut magnae utilitatis publicae. l. 3. tr. 3. p. 1. c. 3. n. 9.

Si dubium sit inter Episcopum & Clerum de causae aequitate, recurrendum est ad Superiorem: vel arbitri partium consensu statuendi. ibid. coroll. 2.

Cum subsidium istud charitatum sit (propter unionem Charitatis inter Episcopum & Clerum) peti debet moderatum. coroll. 3.

Si Clerici iuste petatum subsidium conferre recusent, compelli possunt, etiam sub excommunicationis censura. num. 10.

Subsidium Charitatum est onus adherens clericis in ordine ad ecclesiasticos redditus: quare soli beneficiati praestare coguntur. n. 11.

Capitula Collegiata, etiam Ecclesiarum Cathedralium, subsidium conferre debent. n. 12.

Monasteria Regularium non obligantur ad subsidium dioecetano Episcopo praestandum, nisi ratione Ecclesiarum, vel capellarum, habentium populum, seu curam plebis. n. 13.

Episcopus subsidium Charitatum remittere alicui non potest in perpetuum, sed vt semel, vel iterum non praestetur. n. 14.

Immunitas à praestando subsidio per praescriptionem temporis immemorialis, cum bona fide acquiri potest: praesertim si titulus praesumptus, puta farsa accepti privilegij exemptionis comitetur. n. 15.

Clericus.

Clerici dicuntur, quia de sorte Domini sunt: quippe ad diuinum cultum specialiter dedicati, quare, perfectiorem in Ecclesia statum profitentur, & tenent. l. 5. tr. 9. c. 1. n. 1.

In casu dubio, si materia fauorabilis sit, nomine populi venit etiam Clerus, & nomine Cleri etiam Episcopus, ac Religiosi, non item in materia odiosa. l. 5. t. 7. c. 3. num. 6.

Clerici in communi vitæ societate degentes sunt & ipsi ciues, ac membra Reipub. vbi sedem fixam habent. l. 1. tr. 4. c. 13. n. 1. in fine.

Clerici obligantur secundum vim directiuam secularium Principum legibus, quæ ad Reipub. bonam gubernationem pertinent, neque scilicet canonibus, aut Ecclesiastico statui repugnant eod. n. 1. princip.

Non videntur tamen Clerici ciuilibus legibus obligari directè, & ex virtute ipsarum, sed solum indirectè: quia id naturalis æquitas postulat, vt pax communis inter ciues seruari possit. n. 6.

Ecclesia reprobatur ea secularium statuta, quibus de rebus, vel personis Ecclesiasticis directè decernitur præcipiendo, vetando: licet Ecclesiæ fauor seu patrociniū continere videantur. eod. c. n. 2.

Neque de bonis patrimonialibus Clericorum speciatim aliquid ciuili lege præcipiente, vel prohibente statui potest: secus est, si dispositio ciuilis præceptiua non sit, sed permissiua, & priuilegiatiua. n. 3.

Clerici delinquentes aduersus communem ciuitatis legem: pœnam merentur ab Ecclesiastico Magistratu inferendam: siue eandem quæ ciuili lege decreta est, siue aliam arbitriam. n. 4.

Leges ciuiles prohibentes, aut infirmantes contractum obligant Clericos, si pœnales non sint. Quatenus autem pœnales, v. g. confiscationis bonorum, non obligant Clericos: sed ad arbitrium Ecclesiastici Iudicis spectat pœnam inferre. num. 5.

Clericorum continentia.

Sacerdotes, & alij Ministri sacri non lege diuina, sed partim proprio voto, partim Ecclesiastica lege ad perpetuam continentiam obligantur. l. 5. tr. 9. c. 11. n. 1.

Calibatus seu continentia Sacerdotum ex Apostolica constitutione prouenit. n. 3.

Plures iustæ causæ sunt, cur Sacerdotes, & Ecclesiæ Ministri continentes esse debeant. n. 4.

In nulla Catholica Ecclesia vnquam permissum fuit, vt Presbyter, aut Episcopus vxorem duceret. n. 5.

Introducta ab Orientalibus consuetudo, vt Presbyteri vxoribus, quas antè duxerant, vt possent extra tempora ministerij sui: neque rationi neque sacris canonibus consentanea est. n. 9.

Falsum est, in Concilio primo Nicæno coniugij vsum Sacerdotibus permissum fuisse, n. 8.

Presbyteri, & Episcopi coniugati lecto, & cella separati ab vxoribus in continentia viuere debebant, secundum canones antiquos. n. 6.

Episcopæ, Presbyteræ, Diaconissæ olim à maritis suis dicebantur, à quorum tamen coniugali consortio abstinebant. n. 7.

Si Pontifex sine iusta causa dispenset cum initiato sacris ordinibus, vt vxorem ducere possit, dispensatio irrita est, quamuis matrimonium ita celebratum valeat. eod. c. 11. n. 2.

Si Clericus beneficiatus matrimonium validè contrahat, ipso iure amittit beneficia: quippe quorum coniugatus incapax est. l. 4. tr. 2. c. 14. n. 7.

Clericus, qui cum vnicâ, eâque virgine contraxit, si in coniugio permanens alicui Ecclesiæ seruiat, habitum, & tonsuram Clericalem deferat, priuilegio tum Canonis, tum fori Ecclesiastici gaudet. Verum ad beneficia, sacros ordines, & administrationes Ecclesiasticas admitti non debet, atque Ecclesiastica iurisdictionis perinde ac laicus incapax est. eod. n. 7. & l. 1. tr. 5. p. 1. c. 3. n. 2.

Clericus fornicarius, aut concubinaris quamuis notorius, ipso iure non est suspensus, sed aliter puniri potest, ac debet. l. 5. tr. 9. c. 11. n. 19.

Clerici percussor.

Quicumque in Clericum, vel Monachum manus violentas iniecerit, excommunicationem incurrit, & nullus Episcoporum, nisi mortis urgente periculo, absoluerit eum potest. l. 1. tr. 5. p. 2. c. 5. n. 3.

Nullus prima tonsura initiatus, vel in minoribus constitutus canonis, & fori priuilegio gaudet, nisi vel Ecclesiasticum beneficium habeat, vel habitum, vel tonsuram Clericalem deferens, alicui Ecclesiæ ex mandato Episcopi seruiat; vel in aliqua schola, cum licentia Episcopi, quasi in via ad maiores ordines versetur. eod. n. 3. §. Tertiò.

Priuilegium fori difficilius amittitur, quàm priuilegium canonis. ibid.

Clerici etiam in maioribus, qui dimisso habitu, & tonsura, negotijs secularibus se immiscent, si tertiò ab Episcopo moniti emendare se contempserint, canonis priuilegium amittunt. Si verò dimisso habitu Clericali, seditioni, vel latrocinij, vel iniquis bellis se immisceant, etiam ante monitionem priuilegio canonis priuantur. n. 3. §. Quarto.

Clerici exercentes publicè officium lanionis, aut cautionis, si coniugati sint, vel habitum Clericalem dimiserint, atque ter moniti ab Episcopo non destiterint, priuantur omni Clericali priuilegio. §. Quintò.

Clericus, qui per annum exerceat artem ignominiosam ludionis, mimi, aut parasiti, ipso iure perdit omnia Clericalia priuilegia; quin etiam ante annum, si post trinam Episcopi monitionem non resipiscat. §. Sextò.

Nomine Monachi gaudens priuilegio canonis, comprehenduntur omnes vtriusque sexus Religiosi: Et eorum Conuersi, ac Conuersæ: quamuis in quibusdam Religionibus propriè dictam professionem non emittunt modo habitu mutato se Religionis deuoueant: Denique & Nouitij Religiosorum. n. 4.

Ad excommunicationem canonis incurrendam requiritur, vt & animi affectus, seu internum lædendi propositum, ac peccatum mortale; & vt externa iniuria, seu violentia grauis sit, in corporis, vel saltem honoris læsione. num. 5.

Licet Clericus in sui percussione consentiat, sit tamen ea Ordini Clericali ignominiosa sit, excommunicatio contrahitur; cum canon præcipue in fauorem Ordinis Clericalis promulgatus sit. Quinimo plerique putant, excommunicationem à Clerico incurri si seipsum per malitiam vulneret. eod. n. 6. in fine.

Excommunicatio canonis speciali constitutione extenditur etiam ad mandantem, consulentem, vel non impediendum, qui ex officio impedire deberet. n. 6.

Qui mandatum Clerici verberandi occidendi, ante operis executionem reuocauit, immunis est à pœna excommunicationis, & irregularitate; licet mandatarius nihilominus exequatur. n. 7.

Sed & de consulente probabiliter dicitur, si consilium datum reuocauit, & alia omnia egit, quæ potuit ad effectum impediendum, eo nihilominus secuto pœnas iuris euadere. eod. n. 7. §. De mandante, & §. seq.

Qui volens percutere Clericum Ioannem, ab eo aberrat, & casu, seu præter intentionem percutit alium Clericum proximè astantem, excommunicationem non contrahit: Secus est, si quis sciens percutiat Clericum, quem existimat esse Iacobum, cum sit Ioannes. n. 8.

Si pueri Clerici pugnis rixentur, ex rei qualitate, & circumstantiis iudicandum est, vtrum iniuria percussoris ad mortale peccatum pertingat, & idcirco excommunicatio contrahatur. ibid. excusat. 2.

Qui ob defensionem sui, vel alieni corporis, famæ, bonorum, pudicitie, Clericum aggressorem detinet, vel percutit, excommunicationem non incurrit. ibid. excusat. 3.

Qui in Clericum cum vxore, matre sorore vel propria

filia impudicè agentem, manus violentas incontinenti iniecerit, canonis excommunicationem non incurrit; quamvis peccet. Sin autem post interuallum temporis, quò iustus dolor sedari potuit, hominem percutiat, aut occidat, censuram non effugiet. excus. 4.

Prælatus, & Præceptor si disciplinæ causa Clericum percutiat, à censura canonis immunis est; modò percussio non sit valde indecens, aut notabilis excessus. excus. 5.

Patri laico permissum non videtur castigare Clericum in maioribus constitutum. Idemq; arbitror dicendum de Magistro laico comparatione discipuli in sacris constituti. Quamvis hæ persone facilius à mortali peccato, & consequenter ab excommunicatione excusari possunt; quòd difficilè interdum se cohibeant, quin grauius, aut sapius delinquentem filium, discipulum etiam verberare castigent. n. 9.

Episcopus non per se, sed per alium Clericum, vel, vbi consuetudo permittit, per laicum Clericos castigare potest. Sed Abbas per seipsum, non per alium, disciplinæ causa Religiosum percutere debet; nisi necessitas aliud exigat. Consuetudine tamen ferme obtentum est, vt liceat id agere per alium Religiosum, quamvis laicus sit, seu Conuersus. Imò pueros, ac Nouitios, & Clericos in minoribus etiam per laicum secularem castigare licet. ibid. §. porro.

Clerici, & Monachi facinorosi ex mandato Prælati Ecclesiastici à laicis capi possunt. Et in Gallia, aliisque locis consuetudo est, vt Clerici ita commeriti per laicos torqueantur, ac verberentur. ibid.

Præfectus nauis, & qui ab illo potestatem habet, verbaliter degradatum, & ad triremes damnatum, perinde vt alios remigantes, percutere potest, ex voluntate Prælatorum. ibid.

Ab excommunicatione contracta ob leuem Clerici, vel Monachi percussione Episcopi ordinario iure absolueri possunt. Sed etsi grauis si percussio dummodo non enormis, in quibusdam casibus Episcopo, & Prælato Ordinis communi iure potestas absoluendi concessa est. num. 10.

Qui ante Religionis ingressum canonis excommunicationem contraxit, postea Nouitius, vel Religiosus factus, à Prælato Ordinis absolui potest; nisi percussio fuerit enormis. Multi verò Regularium Prælati Papali privilegio obtinuerunt, vt etiam si excessus enormis fuerit, suos absolueri possint. ibid. §. Caterum.

Clericorum, ac Monachorum tonsura.

Tonsura Clericalis antiquissimam ab Apostolis originem habet. l. 5. tr. 9. c. 12. n. 1.

Tonsura Clericorum, ac Monachorum olim non nouacula, sed forcipe fieri debebat; neque licitum erat illis comam nutrire. Nunc verò Ecclesiarum consuetudo attendenda est. n. 2.

Neglectus tonsuræ, & habitus in Clerico seculari non est peccatum mortale, si absit contumacia, contemptus, & non nimis, ac inusitatus neglectus sit. n. 3.

Codicillus.

Codicillus dicitur, quasi paruus codex vltinam voluntatem continens, sine hæredis directæ institutione. l. 3. tr. 5. c. 8. n. 1.

Est quasi imperfectum testamentum; quia aliam solemnitatem non requirit, nisi quinque testes, etiamsi non rogati, ac sceminae sint. ibid.

Codicillo hæreditas nec dari, nec adimi potest: quin potius codicillus fundatur super hæredis institutione, aut ab intestato venientis successione; cui in codicillo aliquid commendatur exequendum, vel alteri dandum. ibid.

Codicillus duos, vel plures quis facere potest; modò contrarij non sint: alioquin prior à posteriore reuocatus esse censetur. n. 2.

Codicillus fieri potest vel sine testamento; vel cum testamento, ita vt ex testamento pendeat, tanquam ali-

quod accessorium à principali. n. 3.

Si nullum testamentum factum sit, codicillus quasi testamenti loco est, obligans hæredem ab intestato venientem, etiam posthumum. ibid.

Clausula codicillaris testamentis adijci solet: Si non valeat dispositio vt testamentum solemne, valere debet vt codicillus, cuius clausulæ expressè, vel virtualiter adiectæ plures effectus, & commoda sunt. n. 4.

Codicillus fieri potest vel in scriptis, vel nuncupatiue. num. 5.

Columbarium.

Columbaria licita sunt, si leges, & consuetudines loci obseruentur. l. 4. tr. 1. c. 5. n. 17.

Postquam columbæ ad columbarium redeundi consuetudinem amiserunt, & in naturalem libertatem se receptum, fiunt primò occupantis. ibid. §. Caterum.

Arte, vel fraude alienas columbas attrahere ad columbarium suum furti species est, ad restitutionem obligans. ibid.

Commodatum.

Est rei alicuius ad solum vsum gratuita concessio. l. 3. tr. 4. c. 14. n. 1.

Quæ vsum statim absumentur, vt pecunia, vinum &c. commodari non possunt; nisi fortè ad pompam, & ostentationem. ibid.

Commodatum differt à mutuo, vtpote in quo rei dominium transfertur; in commodato autem solus vsum, dominio ac possessione rei penes commodantem permanente. ibid. §. Ad solum vsum.

Commodatum gratuitum esse debet: sin merces interueniat, transit in locationis contractum. ibid. §. Gratuita.

Commodatarius quamvis etiam leuissimam, culpam præstare debet, si in ipsius tantum gratiam commodatum fuit.

Casus autem fortuitus commodantis damno accidit; nisi commodatarius culpâ suâ causam dederit, v. g. in mora restituendi existens. n. 5.

Si res duobus commodata, aut locata fuit, ille solus damnum præstabit, cuius dolo, aut culpa periit. Si neuter culpa caruit, vterque in solidum obligatur: Sed postquam vnus totum dedit, ab altero dimidium repetet. ibid.

Si quæ ex pacto se obligarint ad casum fortuitum rei commodatæ, locatæ, vel depositæ: re pereunte, singuli tantum pro parte tenentur: nisi expressè conuentum sit, vt in solidum obligentur. ibid.

Commodatarius à commodante repetere potest impensas maiores, & extraordinarias, quas circa rem commodatam sine culpa sua facere debuit, v. g. in equi curationem. Modica autem impendia, sicuti & cibariorum, ad commodatarium spectant. ibid. §. Interdum.

Res commodata ante tempus expressè, vel tacitè definitum, reuocari non potest, nisi præter opinionem graue aliquid eueniat. n. 3.

Si in domo commodatarij, depositarij &c. incendium orietur, ratio dicat, vt quæ pretiosiora sunt, seu propria, seu aliena, periculo præ alijs eripiat. l. 3. t. 4. c. 7. n. 7.

Si commodatarius, vti debet, aliena pretiosiora præferendo, propriorum iacturam fecit, nihil à commodante exigere posse videtur. Sed alia ratio est de conductore, depositario, caupone: hi compensationem damni iure exigent. ibid. n. 7.

Si commodatarius eripiendo propria magis pretiosa, deserat aliena sibi commodata, nihil restituere debet: cum omni culpa immunis sit, quia id diligentissimi cuiusque officium, & consilium esset, pretiosa præferendi minus pretiosis. ibid. dicto. 4.

Si res commodatæ, & res propria equalis pretij sint, & has liberet commodatarius, illis derelictis, videtur ad compensationem damni obligatus: quia in pari causa conuenit potius commodatarium, in cuius solius gratiam contractus institutus fuit, ex fortuito casu dam-

num sustinere. dicto. 5.

Compensatio.

Est debiti & crediti inter se contributio : Et parum interest, soluerit ne aliquis, an compensauerit; cum compensatio veluti solutio quædam sit. l. 3. tr. 2. c. 9. n. 9.

Compensatio præcipue locum habet in rebus, quæ in suo genere functionem recipiunt; vt vnum pro altero solui possit: item si debita sint eiusdem rationis, & indeterminata: Sin autem rerum determinatarum, tunc locum habet saltem detentio rei, donec alter soluat, quod liquiddo debet. ibid.

In conscientia foro, sit quod mihi ex quacunque causa, etiam depositi, liquiddo debetur, alio modo consequi non possim, extra, vel intra iudicium; tum ius naturæ, ac Gentium permittit, vt compensatione, vel saltem retentione rei cuiusque mihi debita prospicere possim, donec satisfiat. ibid. n. 10. & tr. 3. p. 1. c. 1. n. 9.

Si debitum incertum sit, propria auctoritate accipi sine iniuria non potest: quia in dubio melior est conditio possidentis. eod. n. 9.

Si alio conuenientiore modo aliquis debitum suum consequi possit, peccat quidem occulta compensatione vtendo; sed non propriè furtum committit. ibid.

Compensatio in eadem specie, vel eodem genere fieri debet: nec enim potest pro empto, & non tradito Bucephalo accipi Xanthus; aut pro debito oleo, frumentum. Si autem in eadem specie, aut genere fieri nequeat compensatio, licebit quandoque in conscientia foro alia accipere, aut retinere, seruata æqualitate; v. g. pro debito equo pecunias, quanti is æstimatur. ibid.

Famuli occulta compensatione vti possunt, si liquiddo constet de inæqualitate stipendij, comparatione laborum suorum. Idemque dicendum, si manifestum sit, quod dominus famulis, & famulabus non præbeat victum sufficientem, considerato eorum labore, & loci consuetudine; atque alia ratione quod sibi debitum est consequi nequeant. n. 10.

Varia tamen causa esse possunt, cur Principum, & nobilium personarum Officialibus minus stipendium solvatur: videl. quia expressè, vel tacitè promittunt, se alijs modis remuneraturos esse: aut quia plures reperiuntur, qui eodem stipendio officium suscepturi sunt, vt proinde ob multitudinem se offerentium, opera veluti vilescat. ibid.

Concilium.

Concilia alia generalia, alia verò particularia sunt. Concilium generale dicitur, quod Sum. Pontificis auctoritate congregatum est, vniuersi Christiani orbis Episcopis conuenientibus. l. 1. tr. 4. c. 6. n. 9.

Particularia Concilia alia sunt Nationalia, quæ conuocatis eiusdem nationis Episcopis à Primate indicuntur; alia Prouincialia, quæ in prouincia conuocatis Coepiscopis à Metropolitano celebrantur; alia Diocesalia, quæ auctoritate Episcopi conuocatis Prælati, & Parochis instituuntur; ad quas Synodos Prælati etiam exempti, qui generalibus Capitulis non subiiciuntur, accedere debent. c. 7. n. 1.

Ad particularium Conciliorum auctoritatem in diocesi, prouincia, vel natione obtinendam, consensus vel approbatio Papæ non requiritur. Sed generalis Concilij auctoritas omnino à Sum. Pontificis consensu, & approbatione dependet. Quamobrem semper soliti sunt PP. Conciliorum Oecumenicorum gesta ad Romanum Pontificem mittere, & confirmationem petere. cit. c. 6. n. 6. & c. 7. n. 2.

Si Papa alicuius particularis Concilij canonem pro tota Ecclesia approbet, inferior Papæ non potest in canone dispensare, vel abrogare. Secus, si approbatio fuit tantum accidentalit, ad maiorem securitatem, ne ab aliquo statutum oppugnari possit. eod. n. 2.

Ad Sum. Pontificem propriè pertinet Concilium ge-

nerale indicere, ac congregare: vt pote qui omnium nationum Episcopis cum auctoritate imperare potest. l. 2. tr. 1. c. 7. n. 5.

Constat ex traditione, & praxi Ecclesiæ, generalia omnia Concilia Romani Pontificis auctoritate habita, conclusa & confirmata fuisse. ibid.

Imperator Romanus Concilium Episcoporum non vt auctor congregarat, sed prius à Romano Pontifice monitus, ac rogatus, vt tanquam Ecclesiæ vniuersæ patronus suam quoque ad Synodi locum euocandi, ac deducendi Episcopo, opem, præfidiæque conferret. num. 6.

In generali Concilio soli Episcopi proprio, & ordinario sententiam decisiuam dicunt, tanquam Iudices: cum enim fideles omnes ad Concilia venire possibile, aut conueniens non sit, eorum capita vicem omnium repræsentant. l. 1. tr. 4. c. 6. n. 11.

Ex priuilegio, & consuetudine etiam aliæ Ecclesiasticæ personæ, vt Rom. Ecclesiæ Cardinales, Abbates, & Ordinum Generales decisiuam in Concilijs sententiam dicere possunt. Ibid. 5. Dixi autem.

Laici, quamuis Imperatoria, aut Regia potestate fulgeant, in Concilijs ius nullum dicendi, aut decidendi habent. l. 2. tract. 1. c. 7. n. 6.

Papa in propria persona Concilijs extra Urbem inter esse non solet. l. tr. 1. 4. c. 6. n. 9.

Quod in generali Concilio, tanquam ad Fidem, vel bonos mores pertinens, definitum est, errori, aut falsitati subiectum esse non potest. Quare PP. decreta Conciliorum, tanquam à Spiritu sancto inspirata, pro indubitatis semper habenda esse dixerunt. l. 2. tract. 1. c. 2. n. 4. & c. 7. n. 4.

Concubinarius.

Concubinarius domi concubinam alens ordinariè absolui non debet, nisi promittat eam quamprimum eiecturum. l. 5. tract. 6. c. 4. n. 9.

Sacerdos publicus concubinarius post vitæ emendationem publicè notam celebrare non prohibetur, cum hodiè suspensionem non incurrat. l. 1. tract. 5. p. 5. c. 4. num. 11.

Fideles non prohibentur Missam audire publici concubinarij, si denunciatus non sit, tanquam in sacris vitandus. ibid.

Concupiscentia.

Nomine Concupiscentiæ intelligitur passio prosequentis bonum delectabile, cuiusmodi est amor, desiderium, spes, ira. l. 1. tr. 2. c. 5. princip.

Passio concupiscentiæ alia antecedens est, quæ naturaliter exurgens omnem voluntatis deliberationem præuenit, ac proinde peccati, ac meriti capax non est: alia autem est passio consequens, quæ voluntatis arbitrio excitatur, vt ad promptiorem operationem inseruiat. num. 1.

Passio consequens voluntarium, seu libertatem actionis non minuit, sed potius est signum vehementis voluntarij. num. 2.

Passio antecedens non facit quidem actum inuoluntarium, minuit tamen eius voluntarium seu libertatem. Imò interdum penitus tollit, si nimis vehemens sit, vt intellectum omnino perturbet. n. 3.

Confessio publica, & secreta.

Duplex est peccatorum confessio, & ex omologesis: vna publica, quæ in grauioribus, & cum Ecclesiæ scandalo iunctis criminibus olim imponebatur: alia verò secreta, & sacramentalis, quæ in interiore Pœnitentiæ foro instituitur. l. 5. tr. 6. c. 7. n. 1.

Reconciliatio, seu absolutio sacramentalis nullo vnquam tempore lapsis, ac verè pœnitentibus in Ecclesia Catholica negata fuit. Sed publica & solemnis pœnitentium cum manuum impositione reconciliatio, pro temporum, & locorum varietate, mutata fuit. ibid. 5. Tertium.

Nomine Pœnitentiæ danda Patres sacramentum Pœnitentiæ plerumque intellexerunt. n. 4.

Sacra communio tempore Cornelij & Cypriani gravissimè lapsis, etiam mortis tempore in criminis pœnam negabatur. Nunc autem canonica regula obtinet, vt, cui morienti absolutio à peccatis conceditur, neque viaticum negari debeat. n. 3.

Pœnitentes publici non tantum in mortis periculo, sed etiam Feria. V. ante Pascha ad sacram Eucharistiam præmissa sacramentali Confessione admitterebantur. num. 5.

Pœnitentia publica Clericis non imponebatur; imò per publicam pœnitentiam aliquis ad Clericalem statum ineptus reddebatur. n. 6.

Confessio sacramentalis.

Omnium mortalium peccatorum Confessio sacramentalis Sacerdoti facienda diuino iure necessaria est lapsis post Baptismum. l. 5. tract. 6. c. 5. n. 1.

PP. antiqui testantur, Apostolos, eorumque in Sacerdotio successores potestatem à Christo accepisse, vt tanquam constituti Iudices fidelium peccata remittant. num. 2.

Testantur etiam PP. ad peccatorum remissionem à Sacerdote obtinendam necessarium esse, vt pœnitens peccata omnia mortalia etiam occulta confiteatur. n. 3.

Præceptum Confessionis non statim obligat, cum quis in peccatum mortale lapsus est. n. 4.

In mortis articulo, vel probabili periculo lapsis incumbit præceptum diuinum sacramentalis Confessionis, ad absolutionem à Sacerdote impetrandam. n. 6.

Medici corporum, cum ad infirmos vocantur, qui morte periclitantur, hortari eos debent, vt medicos aduocent animarum, ibid.

Præceptum Ecclesiasticum de annua Confessione omnis ætatis fideles, etiam pueros, obligat, si in mortale lapsi sint. n. 6.

Vtrum pueri confitentes sacramentalis absolutionis capaces sint, Confessarius non ex sola ætate iudicare debet, sed magis ex ingenij, & educationis qualitate. num. 7.

Non sufficit puerum deliberatè commisisse peccatum, quod confiteretur, vt absolui possit; sed examinari debet, an de eo doleat ex motiuo non merè humano, sed super naturali per Fidem cognito. cod. n.

Si de pueri capacitate dubium sit, absolui potest sub conditione, saltem animo retenta: imò in mortis articulo absolui debet. ibid.

Annua Confessionis instituendæ computatio fieri debet à Paschate ad Pascha; ita, vt, qui post Confessionem Paschalem in mortale lapsus est, eius Confessionem ad sequens Pascha differre possit, non amplius. num. 8.

Qui in Paschate confessus non fuit, postea cumpri-mum potest, confiteri debet. Quod si præuideat, in Paschate à sacra Confessione se impeditum iri, anticipare tenetur. n. 9.

Qui post Pascha, v. g. in Pentecoste, sacramentaliter confessus est, si sequente Paschate à sacra Communionem accipiendâ impediatur, non tenetur confiteri; cum annua Confessionis præcepto iam satisfecerit. n. 10.

Qui de peccatis fictè, seu absque doloris requisite confitetur, non satisfacit Ecclesiæ præcepto. n. 11.

Nullum præceptum est, ne Ecclesiasticum quidem, quod fideles omnes ad venialium peccatorum Confessionem obligat. n. 12.

Et si consultiſſimum sit fidelibus, si Paschali tempore peccati mortalis conscij non sint, venialia confiteri, tamen ad id non obligantur. Consuetudo autem Ecclesiasticum est, vt fideles omnes ante Paschalem Communionem Sacerdoti se sistant, cuiusque examini se subdant. ibid. in coroll.

Ecclesia potest, & re ipsa solet v. g. Regularibus præcipere, vt sacramentum Pœnitentiæ percipiant, tametsi venialia tantum habeant. n. 13.

Episcopi præcipere possunt Ecclesiæ Ministris, vt quolibet saltem mense sacramentalem peccatorum Confessionem instituant. n. 14.

Si confitens venialia peccata tantum habeat, debet vnum, aut plura in specie explicare. n. 15.

Consultum non est, omnia venialia secundum speciem, & numerum sollicitè colligere ad Confessionem; cum potius de verò dolore, & emendationis proposito sollicitos nos esse oporteat. n. 16.

Sacramentalis Confessio absolutè, & secundum substantiam spectata, consistere potest in quouis signo propriæ accusationis de peccato, in ordine ad Sacerdotis absolutionem accipiendam. Ecclesiæ tamen traditio, & consuetudo declarat, faciendam esse Confessionem vocis sermone, si pœnitens loqui possit. eodem. tract. c. 6. num. 2. & 3.

Si in raro casu puella v. g. præ maxima verecundia peccatum ore explicare non valeat, potest prudens Confessarius Confessionem præsentis in scripto accipere, eamque absolueri. ibid.

Si ægrotus per gutturis angorem confiteri quidem voce possit, sed vix ac ægrè, compellendus non est, si peccata scribere facillè possit, & offerre. ibid.

Si Confessarius animaduertat se subito obsurdescere, vt pœnitentem, qui ex scripto peccata legit, percipere nequeat, nisi etiam astantes audiant; hoc casu scriptum à confitente ablatum legere, & postea absolueri potest. ibid.

Qui perpetuò mutus est, & scribere nescit, peccata sua nutibus, quatenus potest, confiteri debet. Qui autem sperat locutionis vsum se breui tempore recuperaturum, interim excusatus esse videtur. n. 4.

Peregrinus Ecclesiastico præcepto non obligatur ad confitendum per interpretem, si aliter intelligi non possit: sed in mortis articulo constitutum, & de vera contritione dubitantem lex charitatis erga se: & pœnitentiæ erga Deum obligare videtur ad confitendum per interpretem, saltem ea peccata, quæ sine maiore infamia potest. num. 5.

In tali casu, qui etiam tempore communis naufragij accidere potest, non sufficit ad absolutionem accipiendam generalia signa doloris edere, si sine magna difficultate, quamuis audientibus alijs, speciale peccatum exprimi possit. ibid.

Integritas Confessionis sacramentalis, id est, vt omnia mortalia, etiam occulta, explicentur, ex iure diuino est, quamuis ad necessitatem, siue ad essentiam Sacramenti directè non spectet. eod. tr. 6. c. 8. n. 1.

In Confessione peccatorum requiritur integritas formalis, vt aliquis omnia mortalia, quatenus potest, ac debet, secundum speciem, & numerum, confiteatur: non semper autem requiritur integritas materialis: cum varijs causis accidere possit, vt non omnia mortalia, quorum conscientia est, explicari queant. n. 2. & 3.

Qui ob moralem impossibilitatem mortale peccatum in sacra Confessione non explicauit, debet id cessante impedimento explicare. n. 2.

Subito obmutescens, aut in phrenesin lapsus, in mortis articulo absolui debet, si sacramentalem absolutionem signo aliquo doloris eum petiuisse constet, licet nullum peccatum in specie explicare possit. n. 4.

Diligens conscientie examinatio ante sacram Confessionem requiritur: quanta autem diligentia opus sit, moraliter, consideratis circumstantijs, æstimandum est. num. 5.

Si hegligentia discutiendi conscientiam levis sit, non impedit fructum Sacramenti: secus, si crassa & mortalis. ibid.

Minore conscientia discussione indigent, qui frequenter, quam qui raro confitentur: item qui multis negotijs, aut commercijs implicati sunt, quam ij, qui vitam quietam agunt. *ibid.*

Homines rudes abhibere non possunt exactam sui discussionem: quare examine Confessarij iuandi sunt. *ibid.*

Inculcata, aut saltem mortaliter non culpabilis obliuio peccatorum mortalium facilius accidit circa ea peccata, quae per ignorantiam crassam commissa fuerunt. num. 6.

Qui non in specie, sed solum in genere recordatur se mortaliter peccasse, hoc ipsum in Confessione explicare debet. num. 7.

Si homines rudes à Confessario examinati, nullum ne veniale quidem peccatum in specie explicent, à Confessario absolui non debent. Quare aperte illis dicat, absolutionem non dari, sed conscientiae suae relinquere, cum materiam Sacramenti quantumvis examinati edicere nolint. num. 8.

Si poenitens inchoatam Confessionem coram Sacerdote perficere non possit, interdum absolui debet, videlicet si homo mutus, surdus, ignoti idiomatis, non omnia explicare possit: Si poenitens inter confitendum in phrenesin, incidat, vel periculum sit, ne mox moriatur. num. 9.

Tempore instantis naufragij, aut praelij periculosi, sufficit aliqua peccata audire: quo casu fas etiam est plurium Confessiones simul excipere, & absoluere. num. 10.

Si necessitas urgeat confitendi parochi, cui sine graui periculo animae, corporis, aut fortunarum, proprio, vel alieno, peccatum aliquod significari nequeat, eo praetermisso, satis est reliqua explicare, remanente obligatione, vt postea cessante impedimento clauibus directe subiiciatur. n. 11.

Non opus tamen est statim confiteri, cum impedimentum cessauit, vel memoria peccati, quod poenitens oblitus erat, reuocata est: sed potest ad alterum Pascha differri. n. 13. in fine.

Peccatum ordinariè explicandum est in Confessione, non obstante, quod complex à proprio Sacerdote agnoscendus sit, nisi quis facile, petita etiam licentia, alieno confiteri possit. n. 12.

Si Confessarius animaduertat, poenitentem paratum esse ad nominandum complicem circa tale peccatum, quod sine complicitis agnitione intelligi potest, prohibere illum debet. n. 13.

Si complex correptione indigeat, praestat plerumque vt non Confessarius, sed alia persona idonea corripiat. Si talis non adsit, petat Confessarius à poenitente, vt extra Confessionem de alieno peccato ipsi loquatur, in ordine ad correctionem fraternam. *ibid.*

Praecipue cauere debet Confessarius, ne facile fidem habeat forminis accusantibus maritos suos. *ibid.*

Qui duos Confessarios habet, quorum vni mortalia, alteri venialia confitentur, non peccat contra sacrae Confessionis integritatem. Plerumque tamen id non vacat aliqua de ordinatione. n. 14.

Imprudenter agunt Confessarij, si reprehendant poenitentes suos, quod semel, aut iterum Confessionale eorum declinarint, cum id poenitentibus interdum expediat ad maiorem libertatem in Confessione retinendam. *ibid.*

Qui de industria Confessarios imperitos adeunt, aut quibus signoti sunt nullum constanter retinentes, interdum se periculo exponunt facile labendi in mortalia, & ea nunquam efficaciter emendandi. *ibid.*

Mentiri ex proposito circa materiam mortalem, & Confessionem necessariam, est peccatum mortale, alias tantum veniale. n. 15.

Confessio interdum inualida est, vel ob defectum poenitentis, si requisito dolore careat, vel temere, aut per crassam negligentiam omittat peccatum mortale; vel ob defectum Confessarij, si iurisdictione careat, vel impediam habeat per suspensionem ab officio, aut excommunicationem, &c. c. 9. n. 1. & 4. §. Secundò.

Si Confessio ob substantialem defectum irrita fuit, necessario secundum speciem, & numerum peccatorum repetenda est. n. 1.

Sacramentum poenitentiae non potest esse validum, & informe. *ibid.*

Qui ob ignorantiam non mortaliter culpabilem peccatum confiteri omisit, non tenetur postea integram Confessionem repetere, secus, si ignorantia mortalis fuit num. 4.

Si Confessarius ob distractionem, vel somnum, peccatum aliquod mortale non intellexit, videtur nihilominus conferri absolutio. Si tamen poenitens id postea resciat, debet iterum peccatum illud clauibus subiicere; num. 5.

Si Confessio, quae ob defectum poenitentis, aut Confessarij inualida fuerat, denuo instituitur apud eundem Confessarium, non est necessarium peccata secundum speciem, & numerum repetere: modo Confessarius statum poenitentis adhuc recordetur, vt conuenientem illi poenitentiam imperare possit. n. 6.

Homo rudis, qui ob ignorantiam non crassam peccata solum genericè, vel tantum specificè, & non sigillatim confessus est, quia à Parocho nunquam instructus erat, validè absolutus esse videtur, si de peccatis ex motiui supernaturali doluit. Postea verò cognita obligatione sua, debet peccata omnia sigillatim explicare, sed quatenus id moraliter fieri potest, spectata hominis ruditate, aliisque circumstantijs: vt quia Confessarius aliorum confitentium multitudine premitur. *ibid.* n. 4.

Confessarij iurisdictio.

Solus Sacerdos est Minister Sacramenti poenitentiae: requiritur autem in eo iurisdictio. l. 5. tract. 6. c. 10. num. 1.

Sacerdotes in ordinatione accipiunt potestatem absoluendi à peccatis remotam tantum, & indeterminatam, quae in actum exire non potest, nisi postquam iurisdictione erga fideles collata fuerit. Sicuti si aliquis Doctor Iuris creetur, non potest iudicare, aut publice docere, nisi alicubi iurisdictionem, vel cathedram consecutus sit. *ibid.* assert. 2.

Quod aliqui dicunt, absente Sacerdote, in mortis articulo cuius alteri etiam laico confitendum esse, id non intelligitur in ordine ad absolutionem sacramentalem, sed tanquam vtile medium ad excitandam contritionem. Quare id in praepcepto non est. *ibid.* in coroll.

In tribus casibus omnis Sacerdos à peccatis absolue potest, I. Si Confessio sit tantum de venialibus. II. Si Confessio sit de mortalibus, à quibus poenitens antè absolutus fuerat. III. In mortis articulo ab omnibus peccatis. n. 2.

Iurisdictione in Poenitentiae foro alia ordinaria est, & alia delegata. Ordinariam imprimis habet Papa, eiusque summus Poenitentiarius in omnes Christi fideles, deinde Episcopus, & similes Praelati, eorumque Vicarij generales in subditos dioecesanos: denique Parochus, vel perpetuus parochiae Vicarius in parochianos. n. 3.

Reges, & Duces seu consuetudine praescripta, seu Pontificio diplomate ferme obtinuerunt licentiam, quemlibet approbatum Confessarium eligendi. *ibid.*

Episcopis, & alijs exemptis Praelatis ipso iure concessum est, quemvis prouidum & discretum Confessarium eligendi. Sed & Parochi, aliique Sacerdotes seculares secundum Ecclesiarum consuetudinem cuius approbato, & exposito confitentur. n. 4.

Iurisdictioni Ordinariorum, videl. Episcopi, & Paro-

chialiquis subijcitur, non tantum constituendo in diocesi, vel parochia domicilium; sed etiam quasi domicilium. Eademque ratio est de aliorum Sacramentorum (excepto Ordinis) administratione: item de iure assistendi matrimonio, dispensandi in votis, sacra sepultura; quod etiam quasi incolis, videl. scholaribus, militibus praesidiariis, famulis conferri possint. n. 5.

Ad domicilium, vel quasi domicilium, eiusque ratione diocesin, vel parochiam acquirendam, cum animus requiritur, tum factum. n. 6.

Qui in duabus parochiis domicilium habet, in quibus diuisis anni temporibus habitat, in alterutra mauult parochia Sacramenta accipere potest. Quod tamen verum non est, si in vnum locum ad tempus breue, recreationis v. g. causa, secedat. eod. n.

Vagabundus confiteri potest cuius parochia, alteriue exposito Sacerdoti, vbi pro tempore versatur. n. 7.

Peregrinus dum a parochia sua absens est, alteri exposito Sacerdoti confiteri potest, ob tacitam Ordinarij voluntatem, consuetudine confirmatam. Si tamen in parochiam reuertatur, testimonium annuae Confessionis, & Communionis Parochia postulanti exhibere debet. n. 9.

Peregrinus iudicatur, & absoluitur in Pœnitentia foro, etiam, quoad peccata reservata, secundum consuetudinem loci eius, in quo se iudicio submittit. n. 10.

Quicumque ordinariam iurisdictionem habet, alteri Sacerdoti a peccatis absoluendi potestatem delegare potest: in quo delegandi iure Superior non dependet ab inferiore; puta Papa ab Episcopo, quominus ipso etiam inuito ab omnibus casibus episcopalibus absoluendi potestatem Sacerdoti delegare possit. n. 11.

Qui habet tantum delegatam potestatem Confessiones audiendi, alteri sub delegare non potest; nisi etiam hæc potestas ipsi concessa fuerit. n. 12.

Si alicui demandata sit vniuersitas causarum ratione officij sui, vt perpetua, & quasi ordinaria potestas sit, subdelegare potest in certo casu, aut erga certam personam. Exempli causa: Si Parochianus a Parochia, vel Regularis a Guardiano petat, vt plenam, quam ipse habet, absoluendi potestatem etiam a casibus reservatis Cooperatori, vel Monasterij, Confessario concedat. Nisi privilegium videatur esse personale, ob hominis industriam datum. n. 12. in fine.

Is, cui Vicaria commissa est loco Parochi absentis, saltem in particulari casu subdelegare potest. n. 13.

Si Vicarius alicuius parochia officium suum solus explere non possit, concessum illi est præsumpta voluntate delegantis, vt exercitium aliquod iurisdictionis aut officij pastoralis etiam generatim alicui committat. ibid.

Si alicui ratione officij sui delegata sit potestas absoluendi subditos omnes, aut dispensandi cum Communitate, atque ipsemet in talem casum incidat, Confessario suo cum eadem auctoritate committere potest facultatem absoluendi, aut dispensandi secum. n. 17.

+ Confessarij Ordinum Mendicantium omnes Christi fideles, a quibuscunque peccatis, sententiis, censuris, ac pœnis Ecclesiasticis Apostolica Sedis privilegio absolueri possunt, iis exceptis, quæ in Bulla Cœnæ Domini continentur. n. 18.

Privilegio isto non conceditur facultas tollendi irregularitates: at tamen auferendi suspensiones, & interdicta iuris, quæ tanquam puræ pœnæ ob delictum præteritum, ad certum tempus, vel in perpetuum, inflictæ sunt. qualis est v. g. pœna depositionis lata a Pio V. in exercentes sodomiam. ibid.

Confessarij Ordinum Mendicantium accipiunt iurisdictionem in foro pœnitentiæ a Sum. Pontifice, accedente Prælatorum suorum consensu, & expositione, non autem per Episcopi approbationem. n. 19.

Dicta potestas absoluendi fideles a peccatis a Sum. Pontifice conceditur Ordini, quam proinde Prælati commit-

tere possunt Regularibus suis Sacerdotibus, quos idoneos iudicant, eandemque iterum auferre, tametsi ab Episcopo approbati fuerint. ibid.

Si Prælati Regularis Confessario interdicit, ne Confessiones audiat, non ideo statim existimandus est iurisdictionem auferre velle, nisi ex circumstantiis, aut ex causa prohibendi aliud colligatur: vt si hominem ob inscientiam suspendit, vel deposuit. ibid. §. Ex quo sequitur.

Religiosi extra Ordinem suum ordinariè confiteri non possunt, & in ipso Ordine non alteri, quam Superiori iis designarunt. n. 20.

Probabile est, quod Confessarij Ordinum Mendicantium a censuris in foro conscientia fideles absolueri possint, tametsi eorum Confessiones non audiant. Idemque multo magis locum habet in dispensationibus super irregularitate, voto, iuramento, petitione debiti coniugalit. num. 21.

Facultas audiendi Confessiones, aut absoluendi a casibus reservatis, mortuo concedente, non extinguitur. Sicuti nec facultas alicui concessa eligendi Confessarium, cum sit gratia, & privilegium. n. 22. & 23.

Confessarij approbatio.

Iure nouo Tridentino, approbatio Sacerdotum requiritur ad audiendas Confessiones secularium, etiam Sacerdotum: non item regularium personarum. eod. tr. 6. c. 11. num. 1.

Si Prælati Ordinis facultatem det Regulari confitendi Sacerdoti cuicumque voluerit, potest is eligere etiam ab Episcopo non approbatum. ibid. in coroll.

Qui beneficium curatum obtinuit, eo ipso ad Confessiones audiendas approbatus esse censetur. ibid.

Etiam Doctores, & Licentiati in Theologia, aut iure Canonico, ab Episcopis approbationem ad Confessiones audiendas petere debent. n. 2.

Episcopus peccat, si Sacerdoti idoneo approbationem sine iusta causa neget. n. 3.

Non pauci Doctores existimant, Regulares Mendicantes, si ab Episcopis repellantur, quando manifestè idonei sunt, nihilominus ad secularium Confessiones audiendas exponi posse. n. 4.

Approbatio Sacerdoti semel collata, ob iustam causam ab Episcopo reuocari potest. n. 6. +

Approbatio Sacerdotis differt a delegatione iurisdictionis ad audiendas Confessiones. Et interdum quidem simul conferuntur: interdum verò iurdictio alicui demandatur v. g. a Parochia, ante approbationem Episcopi, sed dependentur ab illa: denique interdum committitur iurdictio post approbationem, quo modo Parochi v. g. Sacerdotes ab Episcopo approbatos Confessionibus audiendis exponunt. n. 7.

Approbatus ab vno Ordinario, si ad aliam diocesin veniat, alia approbatione indiget: ita, vt si aliter exponatur, absolutiones eius irritæ sint, si Episcopus nolit Sacerdotes ante nouam approbationem exponi. n. 8.

Si alicuius diocesis Episcopus contentus sit, vt qui aliunde accedunt Sacerdotes, exponi possint, modò approbationis ab aliquo Episcopo sibi collatæ testimonium exhibeant, id sufficere debet. ibid.

Spectatio communi iure, eius Episcopi approbatio requiritur, in cuius diocesi Confessiones audiendæ sunt. num. 9.

Confessarij officium, & obligatio.

Grauius peccat Sacerdos, qui requisita scientia non instructus, munus Confessarij suscipit, vel exercet. eod. tr. 6. c. 13. n. 1.

Curatis Confessariis, seu animarum Pastoribus magna obligatio incumbit, vt scientia, & bonæ vitæ exemplo commissam sibi plebem spiritualiter pascant, & perire non sinant. eod. n. 1. aduertendo 3.

Sacerdos curatus debet subditorum Confessiones excipere, quotiescunque ij iustam confitendi causam habent.

condemna.

bent & opportuno tempore ac loco petunt. n. 2.

Si Sacerdos curatus præsumere possit, subditum iustam causam haberi confitendi alieno Sacerdoti, debet ipsi petenti licentiam dare: Sin autem Curatus licentiam, quamvis malè, neget, non videtur valida Confessio alteri facta. n. 3.

Tametsi Parochus mortuus, vel peregre profectus sit, non ideo permissum est subditis ad alienum Confessarium accedere, sed expectare debent, donec redeat, vel Episcopus alium substituat, ibid. §. Quarto.

Tempore pestis grassantis Confessarius cautiones adhibere debet, ut ipse non inficiatur, & occumbat, sed pluribus prodesse possit. n. 4.

Tempore pestis grassantis; item ante conflictum cum hoste satis est interdum vnum, vel alterum peccatum singulorum pœnitentium etiam coram alijs explicatum intellexisse, ut absolutio conferri possit: interdum verò necesse est plures simul absolueri, quod etiam tempore naufragij accidere potest. ibid.

Confessarius pœnitentem ignorantia crassa & mortaliter culpabili laborantem monere debet; secus, si inuincibili, aut saltem non mortaliter culpabili ignorantia laboret, & ex admonitione fructus non speretur. num. 5.

Impedimentum occultum diremens plerumque significandum est sponso in Confessione, si nuptiæ nondum celebratæ sunt; modò fructus aliquis secuturus putetur. num. 6.

Quotiescumque pœnitens dubitans de matrimonij valore, iure exigendi debiti &c. ex Confessario quærit, necesse est veritatem palam edicere. ibid.

Si Confessarius, consideratis circumstantijs, arbitretur pœnitentem integre confiteri, non debet eum interrogationibus fatigare. Sin verò putet eum non integre confiteri, aut de eo dubitet, prudenter & cautè interrogationes formare oportet. n. 7.

In interrogationibus formandis consultum est generaliora præmittere: præsertim circa vitia carnis cautè interrogandi sunt pœnitentes. n. 8.

Confessarius pœnitentem, dum peccata sua recenset, facile interpellare non debet. n. 9.

Confessarius nunquam absolueri potest eum quem putat dispositum non esse, aut non integre, quatenus ei possibile, confessum esse; sed interdum dimittere debet, ut melius se præparet: plerumque autem expedit in ipsa Confessione interrogationibus, & admonitionibus hominem iuuare, aut dispositum reddere. n. 10.

Confessarius obligatur ex dolo, & culpa lata; sed magis pœnitenti, quàm alteri personæ. lib. 3. t. 4. c. 7. n. 5 §. Et quod.

Confessionis Sigillum.

Sigillum Confessionis est obligatio strictissima in omni casu obligans ad secreta tenenda ea, quæ dicta sunt, in ordine ad Sacramentalem absolutionem. eod. tr. 6. c. 14. n. 1.

Sigillum Sacramentale prouenit ex Christi institutione, quam per traditionem accepimus. n. 2.

Confessarius non obstante Confessione potest ea notitia uti, quam aliunde accepit. n. 3.

Sub sigillum Confessionis cadunt non tantum peccata confitentis, sed etiam complicitis; item peccatorum circumstantiæ, quas taceri pœnitentis interest. n. 4.

Sub sigillum Confessionis cadunt peccata omnia, non tantum præterita, sed etiam positum non abstinendi in futurum. n. 5.

Sigillum Confessionis violat Confessarius, si generatim dicat, Titium confessum esse peccatum mortale, casum reservatum; aut si peccatum veniale in specie reuelet. n. 6.

Si Confessarius duorum fratrum v. g. Confessiones excipere solitus, vnum eorum commendet, quòd exigua peccata ad Confessionem afferat, periculum quandoq; incurrit violandi sigilli, ob indirectam reprehensionem

alterius. n. 7.

Confitentibus, tamen si ob indispositionem absoluti non sunt, Confessarius testimonium dare debet factæ Confessionis. n. 8.

Confessarius de peccatis ex sacramentali Confessione acceptis neque cum ijs loqui potest, qui ea antè cognita habent. n. 9.

Expedit ut Confessarius nunquam etiam generatim, ac nullà nominatà personà loquatur de peccatis cognitis in Confessione, nisi necessitas postulet. n. 10.

Confessarius interdum generatim monere potest, ut caueatur, vigiletur: sed maxima adhibita cautione, ut possibile non sit confitentem in suspicionem venire. n. 11.

Confessarius interrogatus iurare etiam potest, se nihil scire de peccato, intellige ut priuatum hominem, cui edicere liceat. n. 12.

Si Confessarius proprium peccatum confiteri non possit, nisi violando sigillum Confessionis, debet illud reticere. n. 13.

Vnicus casus est, quo obligatio sigilli Sacramentalis cessat, si pœnitens licentiam dedit loquendi de peccato suo. n. 14.

Si error in foro Pœnitentiæ commissus fuerit, qui postea corrigendus sit, debet pœnitens postea licentiam dare de peccato loquendi: sin dare nolit, nihilominus Confessarius errorem corrigere poterit. n. 15.

Si pœnitens licentiam loquendi de peccatis suis intra Confessionem dederit, reuocare deinde potest. n. 16.

Præter Confessarium, ad quem sigillum Confessionis principaliter spectat, etiam aliæ personæ obligantur ad tacendum, ad quas Sacramentalis Confessio immediatè, vel mediatè peruenit, v. g. astantes, interpretes, ij quibus Confessarius peccatum manifestauit, &c. n. 17.

Si Confessarius cum licentia pœnitentis peccatum alteri manifestauit, non videtur iste obligatus sacramentali sigillo; nisi talis manifestatio facta sit ex causa pertinente ad sacramentalem Confessionem vel absolutionem. n. 18.

Qui scriptam Confessionem reperit, non videtur sacramenti sigillo astrictus, sed arctissimo secreto; ita tamen, ut in casu extremæ necessitatis reuelare possit. n. 19.

Si schedula repertor moraliter certus sit, non nisi leuia & non infamantia peccata in ea contineri, idòque ex curiositate legat, vel lecta euulguet, videtur venialiter tantum peccare, ob materiæ paruitatem. ibid.

Pœnitens non obligatur sigillo sacræ Confessionis ad tacenda ea, quæ à Confessario dicuntur, sed interdum lege naturalis secreti. n. 20.

Et si nunquam liceat alteri significare peccatum ex sola Confessione cognitum, accidere tamen potest, ut liceat facto aliquo significare ijs, qui peccatum antè cognitum habent, eius Confessionem factam esse, ut si pluribus conspirantibus in Parochi eadem, vnus eorum pœnitens propositi, confiteatur, hoc casu Parochus fugere non prohibetur. n. 21.

Confessarius notitia, quam ex sola Confessione hausit, uti non potest in externa gubernatione, Sacramentorum ministracione &c. n. 22.

Forum Sacramentalis pœnitentiæ omnino segregatum est à foro iurisdictionis, & gubernationis externæ. num. 23.

Si complex peccati Confessario licentiam dedit, tunc potest alterum complicem speciatim examinare: alioquin plerumque tantum generatim, & sicuti alias eiusdem conditionis personas interrogare debet. n. 24.

Confessarius credere debet pœnitenti, si neget se crimen aliquod commississe, nisi euidenter sciat eum mentiri. n. 25.

Confirmationis Sacramentum.

Confirmatio est verum nouæ legis Sacramentum à Christo institutum. l. 5. tr. 3. c. 1. n. 1.

Sacramentum Confirmationis tanquam stabilis cæremonia semper in Ecclesia usurpatum fuit. n. 2.

Materia remota huius Sacramenti est Chrismata ex oleo & balsamo confectum, atque ab Episcopo benedictum: quæ omnia ad Sacramenti essentiam spectant. c. 2. n. 1.

Probabilius est, quod Papa Sacerdoti simplici potestatem Chrismatis consecrandi dare non possit. num. 3.

Materia proxima huius sacramenti est unctio Chrismatis in fronte facta manu Episcopi in crucis figuram, quæ omnia ad essentiam spectare videntur. n. 4.

Credibilius est Apostolos semper confirmasse baptizatos per Chrismatis unctionem, & hanc ipsam vocari manus impositionem. n. 5.

Forma Sacramenti est, Signo te signo crucis & confirmo te chrismate salutis, in nomine Patris &c. c. 3. num. 1.

Antiqui Patre formas Sacramentorum in arcano tenebant, ne infidelibus irridendæ proderentur. n. 3.

Effectus Sacramenti est augmentum gratiæ sanctificantis; insuper actualis gratiæ auxilium ad fidem Christi constanter profitendam. cap. 4. n. 1.

Conuenit ut adulti ante susceptionem Confirmationis de peccatis sacramentaliter confiteatur: quare Episcopi confirmandos itemque ordinandos ad id exhortari debet, vel etiam præcipere, si Ecclesiæ consuetudo ita exigat. n. 2.

Subiectum capax huius sacramenti est omnis & solus homo baptizatus. c. 5. n. 1.

Olim infantibus quoque statim post Baptismum sacramentum Confirmationis conferebatur, nunc autem in plerisque Ecclesijs non confertur ante rationis usum, qui circa septennium ferme contingit. n. 2.

Interdum etiam ante septennium pueri & puellæ confirmari possunt, videlicet si usum rationis ante consequantur; Si diu non futura sit occasio Sacramenti suscipiendi: in periculo mortis existant, & Sacramentum opportunè consequi possint; Si diocesis consuetudo sit, ut ante eam ætatem confirmentur. eod. num. 2. §. sufficit.

Post septennium si puer rationis usum habeat, non expedit Sacramentum differre, quia dignius suscipitur ab innocente: ipsumque Sacramentum remedij loco est, ut homo à grauioribus lapsibus custodiantur. ibid.

Qui usum rationis semel assecutus, postea in amentiam incidit, confirmari debet; nisi constet in statu mortalis peccati fuisse, cum in amentiam laberetur, vel nisi spes sit usum rationis recuperandum esse. n. 3.

Nihil obstat, quod minus etiam ijs, qui perpetuò amentes sunt, Sacramentum hoc conferatur: licet multis Ecclesijs tales non confirmentur. ibid. Dicto. 2.

Morituri etiam pueri rectissimè confirmentur; cum sint capaces & digni, & nisi confirmentur detrimentum spiritualis perfectionis pariantur: dummodo Episcopo vacet ad morituros accedere. ibid. q. 3.

Hodie non extat præceptum obligans sub peccato ad suscipiendum Confirmationis Sacramentum, si scandalum & contemptus absit. n. 4.

Hodie cum Episcopus Sacramentum hoc ministraturus est, admonetur populus non strictè imposito præcepto, ut qui confirmati non sunt, ad confirmandum accedant vel adducantur. ibid. in fine.

Minister ordinarius huius sacramenti solus Episcopus est: quamuis Papa ex plenitudine potestatis Sacerdoti simplici committere possit. c. 6. n. 1.

Ad legitimam huius Sacramenti ministrationem iurisdictio etiam requiritur: quare Episcopus non nisi eos qui spiritualiter ipsi subditi sunt confirmare debet, nisi habeatur licentia, saltem rationabiliter præsumpta alterius Ordinarij. n. 2.

Si confirmante Episcopo in propria diocesi accurrant etiam accollæ ex aliena, licet confirmantur ob præsumptionem gratum id fore alteri Episcopo. Ibid.

Episcopus grauius peccat, si longo tempore Confirmationis Sacramentum conferre intermittat. n. 3.

Coniugalis actus.

Generatio prolis est præcipuus finis actus coniugalis; nisi per accidens, videlicet propter sterilitatem, aut senectutem, proles disperetur. lib. 5. tr. 10. p. 3. c. 4. n. 1.

Licetum est coniugio uti ad vitandam incontinentiam, non tantum in coniuge, sed etiam in se ipso. num. 2.

Solius corporalis sanitatis causa coniugio uti videtur esse culpa venialis. n. 3.

Etiam si proles desperata sit, & nullum periculum incontinentiæ urgeat, non videtur esse illicitum coniugio uti propter sanitatem, etiam petendo. ibid.

Propter voluptatem, tanquam finem operationis, coniugio uti, est peccatum veniale. Sed admittere voluptatem in ijs operationibus, quibus eam natura adiunxit ad proprios fines, non est alienum à recta ratione. eod. n. 4. in fine.

Coniunx coniugi debitum coniugale serio, ac rationabiliter petenti sub culpa mortali reddere tenetur. eadem. p. 3. c. 1. n. 1.

Confessarius interdum coniuges interrogare debet, an coniugali debito satisfacere parati fuerint. ibid.

In Ecclesia, siue loco sacro coniugi actum exercere sacrilegij crimen est, excepto necessitatis casu. Ibid.

Coniunx contra iustitiam delinquit, si ieiunijs, alijsque carnis afflictionibus notabiliter se impotentem reddat ad usum coniugalem. n. 2.

Coniugi adultero, si eius adulterium cognitum est, iustè coniugij debitum negatur. n. 3.

Coniunx adulter, dum eius adulterium ignotum est, debitum exigere non prohibetur. n. 4.

Si debitum reddituro graue periculum salutis corporalis timeatur, iusta est causa denegandi. n. 5.

Si coniunx leprosus fiat, alter coniunx sanus non omnino liberatur obligatione debiti, si sine maxima difficultate reddere possit, nisi loci consuetudo talem præsertim frequentem accessum ad leprosos propter publicæ contagionis periculum prohibeat. n. 6.

Si ex usu coniugali probabile mortis periculum proli conceptæ timeatur, iusta est causa negandi. n. 7.

Si causa nocuamenti, quod proli inferetur, temporalis sit, plerumque culpa venialis est sine necessitate coniugij actum exercere. n. 8.

Coniugi petenti inebrietas, aut amentia, sine peccato negari potest, cum non rationabili modo petat. num. 9.

Qui ante nuptias votum continentiae ediderat, coniugij debitum à coniuge petere non potest ante dispensationem factam ab Episcopo, aut priuilegiato; reddere tamen tenetur. n. 10.

Qui post matrimonium, ante eius consummationem, continentiam simpliciter vouit, nec petere, nec reddere potest, sed Religionem ingredi debet, nisi iuris ignarus vouerit. n. 11.

Si coniunx cum consensu coniugis continentiam absolute vouit, à coniugij actu abstinere debet, tam reddendo, quam petendo. Sin verò absque consensu votum edidit, seruire illud debet, quatenus potest. num. 12.

Coniunx qui ante matrimonium continentiam vouit, vel post matrimonium debitum se non exacturum, plerumque iudicare debet coniugi votum, ne suspicionem odij concipiat. Quod si tale votum, magnam difficultatem afferat alteri coniugi, interdum cessabit eius obligatio. Longè autem tutius est, in tali casu dispensationem petere. ibid. §. Id solum.

Incestus commissus cum consanguineo, vel consanguinea coniugis intra primum, vel secundum gradum, impedit, quominus incestuosus matrimonio uti possit petendo: idque locum habet, etsi incestus occultus sit. n. 13.

Certi casus sunt, quibus priuatio debiti coniugalis propter incestum non incurritur: ut si ignorantia excu-

fauit, vel violentia illata fuit. n. 14.

Episcopus super petendo debito cum coniuge inces-
tuofo dispensare potest. n. 15.

Nimia multiplicatio prolis ordinariè non excusat à
redditione debiti coniugalis, nisi mutuum pactum acce-
dat. n. 16.

Si culpa coniuncta petitioni coniugalis debiti proue-
niat ex circumstantia tenente se ex parte solius petentis,
licitum est reddere: sin autem ex circumstantia tenente se
ex parte actus coniugalis, reddere illicitum est. n. 17.

Si exigere debitum sit culpa venialis, reddere nulla cul-
pa est. n. 18.

Conscientia.

Est actus intellectus practici, iudicantis aliquid hic, &
nunc agendum esse, vel fuisse, tanquam bonum hone-
stum; vel fugiendum esse, aut fuisse, tanquam inhone-
stum. Vel sic: Conscientia est iudicium rationis practicae
circa particularia per ratiocinationem deductum ex prin-
cipijs vniuersalibus contentis in synteresi. l. 1. t. 1. c. 2. n. 1.

Conscientia partim se extendit ad opera nostra prete-
rita, ea accusando tanquam malè facta; aut commendando
tanquam rectè facta: partim verò se extendit ad ope-
ra futura, dictando vtrum agenda, vel omittenda sint.
num. 2.

Conscientia de agendis est actus elicitus à virtute pru-
dentiae. n. 3.

Conscientia alia est vera, recta; & alia falsa, errans, quæ
tamen improprie conscientiae nomen meretur. c. 3. n. 1.

Conscientia erronea interdum inuincibilis est, & inter-
dum vincibilis. n. 2.

Conscientia alia est consulens seu suadens aliquid agen-
dum, vel omittendum, alia autem est præcipiens. n. 3.

Conscientia recta præcipiendo, vel prohibendo vo-
luntatem obligat, vt peccet, nisi illam sequatur. cap. 4.
num. 1.

Voluntas peccat, quotiescunque agit contra conscien-
tiam erroneam præcipientem aut prohibentem. num. 2.

Operans contra conscientiam errantem ea specie pec-
cati, & contra eam virtutem delinquit, sicuti intellectus
iudicat. ibid. in corollario.

Conscientia inuincibiliter errans obligat voluntatem ad
sequendum: errans autem vincibiliter obligat tantum ad
non repugnandum, dum ea perseverat. n. 3.

Errans vincibiliter non est simpliciter perplexus, aut
constitutus in absoluta peccandi necessitate, cum possit
ac debeat deponere errorem. n. 4.

Si aliquis eo perplexitatis deueniat, vt vtrumque op-
positorum existimet esse peccatum, eoque errore nec per
se, nec per alium explicare se possit, eligere debet quod
minus malum apparet. Quod si neque hoc ipsum arbitra-
ri possit, non peccabit quicquid egerit, quia nemo neces-
sitate peccat. ibid. §. Quod si.

Scrupulus non est conscientia appellanda, cum non sit
iudicium, sed vana apprehensio, & hinc ortus timor
peccatum alicubi esse, vbi non est. eod. tract. 1. c. 3. n. 4.
& c. 6. n. 1.

Indicium hominis scrupulosi est, si contra sapientium,
imò etiam proprium iudicium tale quippiam agere pec-
catum esse, nihilominus inquietus sit. eod. n. 1.

Scrupulosi plerumque in aliena causa iudicant sine for-
midine, hominèque absoluunt: at verò si idem casus
ipsis eueniat, statim formidant peccatum inesse. ibid.

Contra scrupulos operari licitum, atque consultum
est. n. 2.

Scrupulorum plura remedia sunt. eod. c. 6. n. 2.

Consuetudo.

Est ius quoddam moribus constitutum, quod pro lege
fufcipitur, cum deficit lex. l. 1. tr. 4. c. 24. n. 1.

Ad ius consuetudinis introducendum quatuor requi-
runtur: I. est actus liberè à populo frequentatus. II.
Temporis diuturnitas. III. Scientia, & tacitus con-

sensus potentis legem condere. IV. Vt frequentetur
actus tanquam ex obligatione. n. 2.

Si populus legem condere non possit, tum neque ius
consuetudinis introducere potest, nisi accedat approba-
tio, siue consensus Superioris, saltem tacitus: vt si longo
tèpore toleret, cum prohibere possit. ib. in 3. requisito.

Triplex est consuetudo: Vna secundum legem altera
præter legem, quæ & iuris constitutiuæ dicitur, tertia
contra legem, quæ iuris abrogatoria dicitur. n. 3.

Consuetudo contra legem, quæ & desuetudo dicitur,
vt legem vincat, & abroget, rationabilis esse debet, ac le-
gitimè præscripta. n. 4.

Ea consuetudo irrationabilis est, quæ vel iuri naturali, aut
diuino aduersatur, vel iure canonico reprobatur, vel pec-
candi licentiam aut occasionem præbet, vel alia ratione
communi vtilitati perniciosa est. ibid.

Qui legem condere non possunt, interdum tamen le-
gem per diuturnam contrariam consuetudinem abolere,
seu aduersus eam præscribere possunt. n. 5.

Ad præscribendum contra legem civilem ordinariè
decennium requiritur, aduersus Ecclesiasticam 40. anno-
rum spatium. n. 6.

Si lex resistat consuetudini introducendæ, non potest
ea prauallere, nisi immemorialis sit. n. 7.

Si lex non prohibeat tantum, sed etiam reprobet con-
suetudinem tanquam irrationabilem, intelligitur quo-
que de immemoriali. n. 8.

Regula illa, *Quasibilia privilegio, sunt etiam quasibilia
per consuetudinem, saltem immemoriamalem*, locum non habet,
si consuetudo vt irrationabilis damnata sit. n. 9.

Consuetudo aduersus legem procedere potest legisla-
tore ignorante. n. 10.

Ad præscribendum contra legem, seu introducendam
consuetudinem aduersus legem bona fides requiritur.
num. 11.

Et si primi temere legem Reip. vtilem transgredientes
præscriptionem inchoare non potuerint, eorum tamen
successores, dum bona fide vestigijs antecessorum infi-
stunt, præscriptionem contra legem incipere, ac perfec-
ere possunt. ibid.

Consuetudo etiam in sacramentalibus, v. g. vt nuptiæ
secundè benedicantur, aduersus ius commune introduci
potest, si in sacris canonibus reprobata non sit. n. 12.

Impedimentum matrimonij dirimens per desuetudinem
tolli potest, non autem nouum impedimentum per con-
suetudinem introduci, ignorante Papa. n. 13.

Consuetudo cœpta, & nondum consummata vnico
actu contrario interruptitur. n. 14.

Vt lex contraria consuetudine abrogetur, non sufficit
merus eius non vsus, quia occasio seruandi non incidit,
sed requiritur non vsus legis contrarius, id est, casum le-
gis aliquoties accidisse, & contra eam publicè factita-
tum fuisse. ibid.

Consuetudo abrogatiua legis species quedam est præ-
scriptionis. n. 15.

Contentio.

Definitur impugnatio veritatis cum confidentia cla-
moris. l. 2. tr. 3. c. 11. n. 2.

Veritas vel oppugnatur formali intentione, vel inten-
tione virtuali, si quis doctrinam oppugnet non curans,
siue vera sit, siue falsa. Et eadem ratio est de eo, qui ve-
ritatem oppugnat per culpabilem ignorantiam: quo mo-
do plerique hæretici dogmata Catholica impugnare so-
lent. ibid.

Contentio seu veritatis oppugnatio directè, vel indi-
rectè voluntaria, est ex genere suo peccatum mortale op-
positum paci, ac charitati. ibid.

Oppugnatio falsitatis, quæ ex objecto laudabilis est,
interdum vitatur inordinato modo clamoris, gestuum;
item ex circumstantijs personarum, loci, temporis non
congruentibus. n. 3.

Disputatio de rebus Fidei interdum illicita est, siue ex parte disputantis, si non sit satis doctus, & in Scriptura, ac Fidei controuersijs versatus; siue ex parte eorum, coram quibus disputatur, si sint homines simplices, indocti, & in Fide inconstantes. *ibid.*

Optimus cum hæreticis disputandi modus est, si doctrinæ illorum inconstancia, contrarietates, mendacia, crebræ falsationes ostendantur, & tanquam Rei conuincantur. *ibid.* §. Cæterum.

Contritio, attritio, Pœnitentiæ actus.

Pœnitentia tum præteritæ vitæ detestationem, animique dolorem, tum nouæ vitæ inchoationem continet. l. 5. t. 6. c. 1. num. 1.

Pœnitentiæ virtus definitur detestatio ac dolor animi de peccato, quatenus est offensa Dei, intentione eam abolendi, ac compensandi num. 2.

Pœnitentiæ virtus est pars quædam iustitiæ erga Deum. num. 3.

Duplex est pœnitentiæ actus; vnus perfectus, qui dicitur contritio; & alter imperfectus, qui attritio in scholis appellari solet. num. 4.

Veræ contritionis actus tum à charitate, tum à pœnitentiæ virtute procedit; cum sit dolor animi de peccato, tanquam summo malo abolendo, quatenus Deo super omnia diligendo repugnat. num. 4. & 5.

Pœnitentiæ virtus extendit se etiam ad abolendam pœnam peccatis debitam, adeoque ad satisfactoria opera Deo exhibenda. num. 5.

Contritio, propter inclusum dilectionis actum, in omni lege fuit congrua dispositio per Christi merita consequendi iustificationem num. 6.

In vera contritione continetur propositum saltem implicitum seruandi mandata Dei. num. 8.

Per actum pœnitentiæ perfectum deletur quidem reatus culpæ, & qui inde consequens erat, reatus pœnæ æternæ, si culpa mortalis fuerat; remanet tamen plerumque reatus aliquis pœnæ temporalis. *ibid.* §. Sextum.

Qui verè contritus est, is saltem implicite paratus esse debet quoduis aliud malum potius perferre, quàm contra Deum peccare. num. 7.

Attritio seu imperfectus dolor de peccatis, vt homini utilis sit ad salutem, debet prouenire ex motiuo non merè humano, ac naturali, (quale est quòd peccatum honestati morali repugnet, infamiam, vel pœnam conciliet) sed ex motiuo supernaturali; vt quia pœnam æternam meretur &c. num. 9.

Attritio cum Sacramento Baptismi, vel Pœnitentiæ, in lege noua sufficit ad hominis adulti iustificationem. Sed ante legem gratiæ nemo adultus à peccato mortali liberari, & iustificari poterat sine vera contritione, charitatem Dei includente. eodem tract. 6. cap. 2. num. 2.

Ad consequendam iustificationem in Sacramento Baptismi sufficere videtur attritio virtualis, si homo peccatorum suorum tunc memor non sit. num. 3.

Pœnitentia in omni lege necessaria fuit hominibus lapsis, tum necessitate mediæ ad salutem, tum etiam necessitate præcepti diuini; ita, vt ob eius transgressionem nouum impœnitentiæ peccatum incurrant. cod. c. 2. n. 1. & 4.

Contumelia.

Est iniusta honoris imminutio, scienter facta: requirit enim scientiam, & dolum; cum sit vilipensio quædam, l. 3. tract. 3. p. 2. c. 6. num. 1.

Ad contumeliam sufficit propositum virtuale, quæ dicitur intentio operis, si quis scienter talem actionem exercent, ex qua alterius honor suapte natura minuitur. *ibid.*

Ebriosus contumeliam inferre non potest. *ibid.* & l. 4. c. 10. c. 6. num. 3.

Non tantum presens, sed etiam absens cum honorari, cum contumelia affici potest. num. 1.

Iniuria siue contumelia alia atrox est, & alia leuis *ibid.* §. Notanda.

Contumelia tribus modis accidit: verbo, scripto, & facto. num. 2.

Ioci causa, & ad conuenientem animi recreationem, leuem alicui defectum obijcere, vrbauitatis est: nisi periculum sit hominem contristandi, vel ad iram concitandi. *ibid.*

Obiurgatio per conuiuium raro adhiberi debet correctionis causa: præsertim à Prælati Ecclesiasticis, & præceptoribus regularibus. *ibid.* §. Præterea.

Conuiuium inferenti non licet referre: secuti nec percutientem repercutere, vindictæ causa: secus si fiat cum moderamine inculpatæ defensionis. *Ibid.* §. Porro.

Libello famoso grauis pœna iure decreta est: nisi crimen publicum sit, quod puniri Reip. interest. n. 3.

Magnum peccatum est, si hominem derideas ob virtutis exercitium. *ibid.* §. duo.

Irisio parentum graue peccatum est, quod Deus grauius punit. num. 4.

Iniuriam interdum patimur directe, & per nos ipsos, interdum verò indirecte, in alijs personis ad nos pertinentibus. num. 5.

Defuncti quoque cadaueri, funeri, sepulchro, imagini, sicuti honor, ita & contumelia irrogari potest, quam actione prosequi ad heredem illius spectat. *ibid.*

Iniuriarum duplex actio est: vna ciuilis, ad pœnam applicandam actori, & altera criminalis, ad pœnam publicam: Et vtrà quis malit experiri potest, sed vnâ institutâ, altera tollitur. *ibid.*

Actio iniuriarum pœnalis est, nec ad hæredes transigente litis contestationem: in quo differt ab actione merè ciuili, ad illati damni compensationem spectans, *ibid.* §. Secundum.

Si iniuriam passus etiam imposterum mali quippiam ab Aduersario timeat, implorare potest Iudicis officium, quo compellatur ille cautionem præstare de non offendendo, vel securitatis causa in carcerem detrudatur. *ibid.* §. quartum.

Actio iniuriarum tollitur morte offendentis, vel offensi, eiusdemque remissione; item præscriptione. num. 7.

Qui alteri subitus est, filius familias, vxor, Religiosus, non potest inuito illo, ad quem iniuria indirecte redundat actionem remittere. Pater vero reclamante etiam filio, & Conuentus reclamante Religioso, cui iniuria facta est, condonare non prohibetur. *ibid.* §. Cæterum.

Et si aliquis iniuriarum egit ciuilitate, vel criminaliter, vel iniuriam condonauit, vel si tempus agendi, videlicet anni spatium, elapsum est, nihilominus tam ipse, quam eius heredes actionem merè ciuilem intra triginta annos ad damni illati compensationem instituere possunt.

Correctio fraterna.

Est actus misericordiæ spiritualis, quo per conuenientem sermonem proximum à malo peccati ad bonum honestatis conuertere nitimur. l. 2. tr. 3. c. 7. n. 1.

De ea extat præceptum Domini. cuius obligatio suo pte genere est sub mortali: sepe numero autem omisio correctionis venialis efficitur, seu propter indispotionem eius, qui corripere deberet, seu propter materię seu peccati emendandi paruitatem. n. 2. & 3.

Præceptum corripiendi non obligat, Si credas fratrem iam emendasse, vel mox per se emendaturum esse delictum, aut saltem non repetiturum: Si alius ad sit equè idoneus, qui emendaturus existimatur: Si spes fructus ex correctione non affulgeat: Si locus, tempus, alięque circumstantię ad corripiendum opportunę non sint. cod. n. 2. §. Corripe.

Probabilius est, obligationem nobis incumbere sub peccato veniali ad corrigenda peccata, etiam leuia pro-

ximorum, si facillimè possimus. n. 3. dicto 3.

Corripiendi officium iustorum magis proprium est. Sed neque peccator omnino obligatione liber est: quamquam non superbe obiurgando, sed congemiscendo, propriamque culpam fatendo id agere debet. ibid. in fin.

Culpa, casus fortuitus.

Casus est rei inopinata euentus, qui neque à diligentissimo caueri potest, aut debet. l. 3. tr. 4. c. 7. n. 2.

Culpa est discessus ab eo, quod bonum, ac debitum est, hominisque diligentia præstari potest. ibid.

Culpa diuiditur in latam, leuem, ad leuissimam. cod. n. 2. §. Diuiditur.

Culpa alia dicitur merè civilis, quod est peccatum contra artem, industriam, sæpe inuoluntarium, & coram Deo excusatum: alia autem est culpa Theologica, quod est peccatum contra mores, & legem Dei. ibid. §. Quædam.

Culpa lata in delictis dolo non æquiparatur, sicuti in contractibus. l. 3. tr. 3. p. 3 c. 4. n. 1. §. Qui per culpam.

D.

Damnum.

Damnificatio duplex est, vna lucrosa, & altera non lucrosa. lib. 3. tr. 3. p. 1. c. 6. n. 1.

Damnificatio interdum absque culpa fit, vt si infans, vel furiosus damnum det: aut si iusta causa adsit, v. g. si domus vicini igne correpta destruat, etiam ea parte, qua nondum correpta est, ad ignem arcendum. Quibus casibus nulla refarciendi obligatio est. ibid.

Si domus vicina destruat, neignis damnum accolis inferat, ab omnibus communiter secundum æquitatem præstandum est: sicuti etiam de iactu mercium statutum. ibid.

Qui nullo pacto præcedente, damnum dedit absque culpa Theologica, in conscientia foro ad nullam restitutionem obligatur: secus in foro externo, vbi actio datur ex lege Aquilia. n. 2.

Si mancipium, vel bestia damnum intulit absque Domini culpa, præstare is non tenetur, ante Iudicis sententiam. ibid.

Qui damnum alteri intulit per culpam venialem, quia animo præcipitavit: is, secluso pacto, damnum refarcire debet non integrum, sed secundum proportionem culpæ. num. 4.

Qui damnum infert certo restituendi proposito, minus delinquit: imò, si causa subsit, fieri interdum potest, vt omni culpa vacet. ibid.

Debitor.

Debitor ex contractu soluere debet tempore, de quo inter partes conuentum est: tamen si creditor tunc non exigit. l. 3. tr. 2. c. 10. n. 1.

Debitor ex delicto, ob iniustam læsionem, aut rei alienæ detentionem, cumprimumpotest, restituere tenetur. num. 2.

Quæ iniuste accepta sunt, sumptibus eius qui accepit, ad Dominum deferenda sunt, vt is omnino indemnus seruetur. num. 3.

Debita ex contractu eo loco solui debent, de quo inter partes expressè, vel tacitè conuentum fuit. n. 5.

In censu reali solutionem pensionis fieri conuenit, vbi res frugifera sita est. In personali censu, vbi persona obligata domicilium habet: nisi consuetudine aliud obseruetur. cod. n. 5. §. alij.

Si creditor oblatum sibi debitum recipere nolit, consultum est apud iudicem deponi. n. 6.

Debita ex contractu incerta, id est, quorum creditor ignoratur, vel conueniri non potest, à debitore licitè retinentur, cod. tract. 2. c. 9. n. 1.

Debita incerta, prouenientia ex delicto, pauperibus, vel Ecclesiæ restitui debent. n. 2.

Qui sine causa excusante, alteri iniuste v. g. pugnatura pecuniam mutuo dat, vel ex contractu debitam sine ne-

cessitate restituit, contra iustitiam peccat, n. 7.

Soluens creditori sui creditoris obligatione liberatur. num. 8.

Si chirographum seu instrumentum debiti penes debitorem reperiatur, præsumptio est factæ solutionis. n. 10. §. Sed quid.

Debitor restituere non cogitur cum grauiore damno sibi, vel alteri inferendo, quam astimari possit commodum restitutionis: vt si maiores expensas facturum sit in re transmittenda, quàm valeat. cod. tr. 2. c. 12. n. 1.

Debitor non liberatur: obligatione restituendi, quia maius lucrum ipsi cessabit, quàm commodum creditori ex restitutione obuenerit. num. 8.

In pari causa potior est conditio creditoris, quàm debitoris: excepta necessitate extrema, in qua melior est conditio possidentis. num. 2.

Qui ex furto vsuris, &c. debitor est, si ei cui restituendum esset, tantundem donet, immemor sui debiti, non videtur obligatione liberari. n. 9.

Si debitor ex delicto, v. g. fur, rem restituendam committat Confessario, is verò defraudet, aut fugiat, non liberatur primus debitor. n. 10.

Ære alieno grauatus, si manendo in seculo debita se soluturum existimet, non potest creditoribus inuitis Religionem ingredi, quamuis eam vouerit, n. 6.

Si debitis obstrictus contra creditorum voluntatem Religionem professus est, adhuc obligatus manet, aded, vt interdum egredi teneatur: sicuti & filius, qui patrem graui inopia pressum, cum iuuare debuisset, ingrediendo Religionem deseruit, n. 7.

Si debita omnia ob debitoris impotentiam restitui non possunt, quæ certa sunt, præferenda incertis. Nisi res aliena in specie extet apud iniquum possessorem: ea enim pauperibus restitui debet, si proprio domino non possit, cod. tract. c. 11. n. 1.

Qui accepit facultatem vendendi, non ideo emptori fidem habere potest de pretij solutione, n. 2.

Impensa funeris, & Medicorum honoraria ante alia defuncti debita solui debent, n. 3.

Creditorum hypothecarij præferuntur iis, qui solam debitoris personam obligatam habent, n. 4.

Inter hypothecarios creditores, qui priores hypothecas habent, aliis anteponuntur: exceptis casibus iure expressis. n. 5.

Si creditoribus merè personalibus, nullumque iuris priuilegium habentibus plenè satisfieri non possit, soluendum est secundum proportionem debitorum; siue ex contractu, siue ex delicto proueniant, nulla etiam habita ratione prioritatis, aut posteritatis. n. 6.

Si vnus creditorum ante alios, quamuis priuilegiatos, sed nullam hypothecam potiore habentes, debitum suum exigit; ei solui potest, antequam bona Iudicis auctoritate occupantur. Idemque dicendum, si vnus creditorum graui inopia prematur. n. 7.

Debitor non censetur alienasse in fraudem creditorum, si ob id facultates eius diminutæ non sint; vel si aliquid comparatum, quod necessarium sit ad conseruationem vitæ, honoris, status iuste acquisiti. n. 8.

Qui ære alieno grauatus hereditatem sibi delatam repudiat, non censetur id agere in fraudem creditorum: sed in conscientia foro videtur aduersus iustitiam delinquere, si alioquin soluendo impotens sit. l. 3. tr. 5. c. 6. n. 6.

Vxor, & filij à marito debitis grauato accipere possunt alimenta, seu sustentationem necessariam, absque restituendi obligatione: quamuis maritus ob hanc causam familiæ alendæ, noua debita contraxerit. n. 9.

Decima.

Speciato communi iure canonico, ex omnibus licitè acquisitis decima pars Ecclesiæ Ministris debetur. l. 4. tr. 6. c. 1. n. 1.

Absque temeritate negari non potest, decimarum præ-

stationem Ecclesiæ Ministris fieri solitam, à prima Ecclesià hucusque inter Christianos vſitatam fuisse. n. 2.

Decimæ aliæ prædiales sunt, aliæ personales, & aliæ mixtæ. n. 3.

Decimæ prædiales, ac mixtæ integræ solui debent, non deductis impendiis : sed lucrum industriæ intelligi non potest, nisi deductis impensis. n. 4.

Decimæ aliæ Ecclesiasticæ sunt, & aliæ laicales. n. 5.

In dubio decimæ censi debent non laicales, sed Ecclesiasticæ. n. 6.

Decimæ materialiter, & secundum substantiam de iure naturali, ac diuino sunt ; formaliter verò & secundum determinationem de iure Ecclesiastico. eod. tr. c. 2. n. 1.

Præceptum de decimis in veteri lege iudiciale potius fuit, quàm cæremoniale. n. 2.

Cæremoniales veteris testamenti leges non solum abolitæ, sed etiam earum obseruatio Christianis interdicta est. eod. n.

Decimæ ex lege iustitiæ Parochis præstandæ sunt à fidei populo. n. 3.

Parochus actione ex canone decimas petere potest à quouis earum possessore. n. 4.

Ecclesià, siue Parochus aduersus fructuum non decimarum destructorem actionem instituere potest. n. 5.

Colonus partiarius decimas dare debet, proportionem fructuum, qui ipsi manent, ratione culturæ. n. 6.

Omnes, & solæ personæ, quæ in spiritualibus subditæ, è manu Sacerdotis Sacramenta suscipere debent, ad præstandas decimas personali debito obligantur. eod. tract. c. 3. num. 1.

Clerici seculares non curati ex propriis noualibus decimas soluere debent. n. 2.

Clerici ex Ecclesiasticis redditibus nullas decimas persolunt. n. 3.

Religiosi, spectato communi iure, ad præstationem decimarum per se, ac personaliter obligantur : sed per priuilegia exempti sunt. Quare hodie ex noualibus suis decimas nullas dare debent : sicuti nec leprosi in communi viuentes. n. 4.

Nouale dicitur prædium de nouo cultum, cùm antè non coleretur, ideòque nullum, aut modicum fructum ferret. eod. n.

Ad decimas ex reali obligatione, omnes cuiusunque conditionis personæ obligantur : etiam ipsa interdum parochia, si dotationis, aut legati nomine possideant prædia ad alias parochias pertinentia. n. 5.

Qui graui paupertate premuntur, ita vt solutis decimis necessaria non habeant ad se, suosque alendos, interim à decimis immunes esse debent. n. 6.

Decimæ personales, vbi in vſu sunt, præstari debent Ecclesiæ parochiali, ad quam quinque fidelium spectat. eod. tract. c. 4. n. 1.

Decimæ prædiales soluendæ sunt Ecclesiæ parochiali, intra cuius terminos prædia sita sunt. n. 2.

Parochus communi iure aduersus quemlibet possessorem iuris decimandi intentionem fundatam habet. n. 3.

Decimæ debentur Ecclesiæ matri, non filiali. n. 4.

Decimæ mixtæ ex fructibus, & foetu pecorum, debentur parochiæ, intra cuius terminos pecora pascuntur. n. 5.

Quarta pars decimarum communi iure Episcopo debetur, quamuis id multis locis non seruetur. n. 6.

Certi tamen casus sunt, quibus adhuc hodie integræ decimæ ad Episcopum pertinent. eod. n.

Decimæ prædiales debentur, cum primum fructus solo separati, & collecti sunt. c. 5. n. 1.

Ipsemet parochus decimas prædiales ad horreum suum deferre debet, nisi aliter consuetudine loci obseruetur. num. 2.

Domini, vel villici prædiorum frumentum, aliòsque fructus non antea in horrea sua condere debent, quàm Parochos monuerint, vt ipsi, vel Procuratores eorum

fructuum collectioni assistant. Ibidem. §. Insuper.

Personales decimæ ex lucris, vbi ex in vſu sunt, commodissimè soluuntur elapsis annis singulis, sicuti alij census & tributa pendi solent. ibid. assert. 3.

Parochus recusantem soluere decimas non potest Ecclesià prohibere, sed debet causam ad Ordinarium loci deferre. n. 3.

Prælati subditos compellere debent ad solutionem decimarum, nisi propter scandalum ad tempus dissimulandum esse videatur. n. 4.

Ius decimarum ab Ecclesiasticis personis per transactionem, compromissum, aut permutationem, cum Ordinarij auctoritate, acquiri potest. eod. tr. c. 6. n. 1.

Ius decimarum, quatenus in spirituali titulo fundatum est, vendi, aut permutari cum re temporali non potest. num. 2.

Utilitas decimarum, quæ est ad fructus percipiendos, spectatà rei naturâ, vendi, laicis concedi, aut locari potest. n. 3.

Episcopi post Concilium Lateranense decimas personis laicis in perpetuum feudum dare non potuerunt. n. 6.

Si Laicus decimas tanquam in feudum concessas à tempore immemoriali possideat, in dubio præsumitur ante Conc. Lateranense acquisiuisse. n. 5.

Nihil obstat, quominus Prælati laicis decimas ad tempus concedant, cum debita solemnitate, & ob iustam causam. n. eod.

Decimæ in feudum legitimo iure concessæ, possunt iterum concedi. n. 6.

Contra proprium Parochum ius decimarum ab Ecclesiasticis personis cum titulo præscribitur annis 40. sine titulo autem, tempore immemoriali. n. 7.

Laici non possunt per præscriptionem acquirere decimas, nisi ea fundata sit in opinione, aut præsumptione alicuius legitimæ concessionis. n. 8.

Immunitas à soluendis decimis, cum titulo, & bona fide, 40. annis præscribi potest ; sine titulo autem requiritur tempus immemoriale. n. 9.

Consuetudo populi aduersus legem decimarum sine titulo, & Summi Pontificis consensu præualere non potest, nisi tempore immemoriali. n. 10.

Delectatio Morosa.

Duplex est voluntatis affectus, vnus efficax, qui dicitur propositum, alter simplex complacentia, sine exquendi voluntate. lib. 1. tr. 3. c. 6. n. 1.

Aliud est delectari de re cogitata, aliud verò delectari de ipsa suscepta cogitatione : hæc enim per se mala non est, licet circa rem secundum se malam, v. g. fornicationem, occupetur. n. 2.

Aliud est delectari de opere malo ; & aliud delectari de modo operandi malè. n. 3.

Omnis delectatio directè voluntaria de opere secundum se malo, similiter mala est. n. 4.

Delectatio voluntaria circa malum, morosa vocali solet ; non quòd moram temporis requirat, sed quia, post rationis animaduersionem, voluntas in ea acceptanda persistit, quod instante fieri potest. n. 5.

Si quis sine causa, aut necessitate actionem exercet, ex qua intelligit delectationem carnis naturaliter orituram, tamen sine directà intentione, & sine periculo consentiendi, is peccat tantum venialiter : Sin verò causam iustam habet talem actionem exercendi, nihil peccat, permittendo carnis motionem exinde oriri. n. 6.

Si homo turpis obiecti cogitationem, & hinc ortam sensitivam delectationem repellere intermitat ; quòd placeat illi res cogitata, & hinc ortus motus in parte sensitiva ; committit peccatum mortale delectationis morosa. Sin verò ideo expellere negligat, quia confidit de constantia partis superioris, non inclinata ad consentium, probabile est non peccare eum mortaliter. n. 7.

Vt tamen dicta sententia etiam practice probabilis sit,

requiritur, vt voluntas omittens carnalem delectationem, animum ad alia conuertendo, depellere, interim formalis displicentiae actum exerceat. n. 8.

Oblectari iis absolute, & secundum se, quae ideo tantum mala sunt, quia lege positua, aut voluntario voto prohibita, non est mortale peccatum delectationis morosa. n. 9.

Non est mortale peccatum opus prohibitum desiderare, vel in eo delectati, sub conditione si prohibitum non esset; modò opposita conditio auferat operis malitiam. num. 10.

Sin apposita conditio operis malitiam non aufert, mortale peccatum est, opus ex se mortale sub eiusmodi conditione desiderare, aut eo voluntariè oblectari: v. g. N. si infamiam timerem, vellem adulterari. n. 11.

Coniunx mortaliter non peccat, si de maritali copule coniuge absente cogitans, in re cogitata delectetur. n. 12.

Vidua mortaliter peccat, si voluntariè consentiat in motum delectationis sensitua, quae ex recordatione praeteritae copulae maritalis exurgit. n. 13.

Coniunx probabiliter excusatur à peccato mortali, si voluntariè delectetur in commotione sensitua, orta ex imaginatione coniugis absentis. n. 14.

Qui simpliciter, ac praecise se oblectat cogitatione mulieris, etsi illa consanguinea sit, vel Deo sacrata, committit vnum simplex peccatum mortale contra temperantiam: secus, si desideret, vel proponat cum tali fornicari: quare tunc circumstantiam personae in Confessione explicare debet. n. 15.

Denuntiatio charitativa.

Duplex est denuntiatio: Vna iudicialis, & altera Evangelica, seu charitativa: cuius species quaedam sunt denuntiatio canonica, & regularis. lib. 3. tr. 3. p. 2. c. 4. n. 1.

Crimen fratris occultum charitatiue denuntiatur Praelato, interdum vt ex persona singularis ad paternè corrigendum idonea: interdum verò denuntiatur illi etiam vt est persona publica: quamuis non principaliter ad vindictam, per quam Communitati satisfiat (sic enim ad iudicalem denuntiationem spectaret) sed ad emendationem criminosi, quae interdum per publicam confusione procuratur. n. 2.

Crimina notoria statim ad Praelatum deferri possunt, nulla alia monitione praecedente. n. 3.

Crimina perniciofa, non merè praeterita, licet occulta sint, plerumque statim Praelato denuntiari possunt; vt cateat, impediat. n. 4.

Si crimen occultum, quod nec tibi, nec alteri perniciosum, sed peccantibus tantum noxium est, per te solus emendare potes, tunc peccas contra ordinem à Christo traditum, si Praelato statim denunties. n. 5.

In bene institutis Religionibus crimina occulta frequentius absque praemissa secreta monitione ad Praelatum tanquam patrem deferri possunt eod. n. 5.

Qui crimen occultum per se emendare non potest, plerumque Praelato tanquam patri ad secretam emendatione denuntiare potius debet, quam aliis ignorantibus. n. 6.

Crimen occultum, non perniciosum, Praelato tanquam publica personae ad euulgationem denuntiari non potest: nisi secreta monitio, imò & testium inductio antecesserit: modò tamen profutura putetur. n. 7.

Si crimen merè praeteritum & non iterum committendum sit, opus non est testes adducere: adhibent enim testes tanquam observatores criminis; vt si opus sit, delinquens postea conuincatur coram Praelato tanquam publica persona. ibid.

Prius Praelato, quàm aliis peccatum occultum reuelari potest, quatenus est persona singularis; non autem quatenus est persona publica, seu caput Ecclesiae, tunc si per priuatas personas emendari possit, publicari non debet. ibid. §. colligitur tertio.

Defectus tamen leues & non infamantes secundum

consuetudinem Religiosorum publice denuntiari possunt, non praemissa priuata monitione. ibid.

Si denuntiatio ob aliquam causam illicita sit, vtpote contra charitatem, vel ordinem à Christo traditum, non debet fieri, etiamsi Praelatus iubeat. n. 8.

Delicta occulta filiorum ac famulorum, à quocunque deprehensa sint; plerumque statim denuntiari possunt patrifam. vt salubriter corrigantur. Eademque ratio est de delictis occultis puerorum, in ordine ad Ludimagistrum. n. 11.

Per se loquendo, concessum est patrifam. delicta domesticorum occulta, etiam graua, quorum punitione ad ipsum spectat matrifam. reuelare, ad salubrem correptionem: & vice versa, materfamilias marito denuntiare potest; sicuti & Praefectus superior Ludimagistro, ac vice versa. ibid. dicto 3.

Paterfam. Ordinis Praelatus, Ludimagister indices constituere possunt, qui subditorum errata obseruent, & ad ipsos deferant: neque debent Paterfamilias, Ludimagister, quin & Ordinis Praelatus in puniendis criminibus iuris processum seruare n. 11. in fine, & n. 12.

Praelatus non debet crimen occultum charitatiue denuntiatum alijs manifestare, si solus emendare possit: Sin autem non possit, manifestare licet duobus, vel pluribus, quatenus necesse est ad criminis emendationem, vel vt tertiae personae, aut bono communi prouisum sit. lib. 3. tract. 6. c. 3. n. 5. discrim. quarto.

Praelatus denuntiatorem manifestare nullo modo debet, nisi necessitas postulet ad finem correctionis obtinendum: tunc verò deferens consentire tenetur; aut si nolit, ipso etiam inuito reuelari poterit. ibid. discrimine tertio.

Praelatus criminis denuntiati notitia in gubernatione vti potest, quatenus licet, sine secreti violatione, & citra denuntiati infamiam discrim. quarto §. Porro.

Denuntiatio canonica ad quoduis peccatum mortale tollendum institui potest. l. 3. tract. 4. c. 2. in fine.

Denuntiatio iudicialis.

Denuntiatio iudicialis eo tendit, vt per publicam vindictam Communitati laesa satisfiat. Est ergo actus iustitiae vindicativae. lib. 3. tr. 6. c. 3. n. 5.

Denuntiatori onus probandi criminis non incūbit, sed solum iudicia aperiendi, quibus Iudex ex officio moueri possit ad vltiorem inquisitionem: in quo differt à denuntiante charitatiue, qui crimen, quod vidit, Praelato denuntiare potest, etsi iudicijs ostendere nequeat, modò putet fidem aliquam sibi habendam fore. ibid.

Qui iudicialiter denuntiat, nomen suum inscribere debet, & vocatus coram Iudice comparere, ad publicam testimonij depositionem; non item, qui charitatiue denuntiavit. ibid. discrim. tertio.

Hoc interst inter denuntiationem iudicalem, & Evangelicam; quod illi locus esse possit, etiamsi crimen merè praeteritum sit: Evangelicae autem seu charitativae non item, nisi etiam in posterum malum criminis committendi, seu in eo persistendi timeatur. l. 3. t. 3. p. 2. c. 4. n. 13. §. Corollarium.

Si quis crimen occultum fratris in externo foro punibile, quod probare, vel iudicijs ostendere potest, iudiciali denuntiatione prodit, antequam secreto monuit, is nihil contra iustitiam peccat; sed interdum contra charitatem. ibid. n. 13.

Denuntiationes de crimine occulto, non praemissa monitione secreta, olim in Ecclesiastico foro repellbantur, hodieque repelli possunt, si sint contra personas graues in dignitate constitutas. n. 14.

Depositio, Degradatio.

Depositio, latè sumpta, est remotio personae à munere, aut dignitate ob defectum eius; strictè autem est canonica poena, per quam persona Ecclesiastica ab ordine, iurisdictione, vel beneficio in perpetuum, & sine spe reuisionis amouetur. l. 1. t. 5. p. 3. c. 5. n. 1.

Depositio aufert ipsum ius radicale, seu titulum beneficii, aut iurisdictionis, in quo differt à pœna suspensionis. n. 2.

Crimen, ob quod Clericus deponendus sit, debet esse enorme, siue vnum ex maximis, secundum Iudicis arbitrium. *ibid.*

Notorius concubinitus, seu fornicatio, si post monitiones continetur, est sufficiens depositionis causa *ibid.*

Per simplicem seu absolutam depositionem non auferuntur priuilegia fori, & canonis, sicuti per degradationem. n. 3.

Depositum, aut suspensum à beneficijs Ecclesia alere debet, ne mendicare cogatur, cum cleri opprobrio. *ibid.*

Contra Clericum depositum, & propter contumaciam excommunicatum, quamuis incorrigibilem, Iudex secularis extra necessitatis casum procedere non debet, ante actualem Ecclesie traditionem *ibid.* §. Caterum.

Degradatio est pœna Ecclesiastica, qua Clericus ab omni officio, ac beneficio depositus, Clericorum insuper priuilegijs, ac veluti gradu & statu suo per solemnem sententiam in perpetuum exiit: in quo differt à depositione simplici, per quam priuilegia canonis, & fori non auferuntur. *ibid.* §. Venio.

Degradatio alia est verbalis seu sententialis; sed respectiua, quia ordinatur ad Reum postea actualiter, & solemniter degradandum, ac Iudici seculari tradendum. Alia verò est degradatio realis, seu actualis, & sollemnium. n. 4.

Realis seu sententialis degradatio non nisi ab Episcopo consecrato fieri debet. n. 5.

Realis degradatio fieri debet præsente Iudice seculari, cui denuntiatur, vt Reum in suam iurisdictionem recipiat; ad dita deprecatione efficaci, vt citra mortis periculum sententiam moderari velit. *ibid.* §. Debet.

Crimen, ob quod Clericus degradandus & seculari Iudici tradendus est, debet esse nimis enorme & Reipub. valde perniciosum; vt Ecclesia non videatur habere pœnam condignam, quam Reo ipsamet infligat. n. 6.

Depositum.

In deposito dolus, non culpa, nisi quæ secundum præsumptionem dolo æquiparatur, præstanda venit. lib. 3. sect. 5. tr. 4. c. 25. n. 1.

Si quis deposito seipsum obtulit, etiam de culpa, saltem leui, & lata, tenebitur. *ibid.*

Contractus depositi magnam fidem requirit: vt etiam furi rem apud te depositam restituere debeas, si sine Domini detrimento possis. n. 2.

Depositarius absque consensu domini, expresso, aut tacito, re deposita vti prohibetur. n. 3.

Si aliquis pecuniam numeratam, non clausam, nec obfignatam alterius custodiæ committat, censetur ipsi mutuo dare: quamobrem periculum casus fortuiti eidem incumbet. *ibid.*

Depositarij possunt esse omnes, qui iudicij discretionem habent, tum mas, tum fœmina. n. 5.

Ecclesia, aut Monasterium non obligatur, si depositum dolo beneficiati, Religiosi, aut Prælati perijt, vel absumptum fuit, nisi Capitulum consenserit in depositi suspensionem, vel nisi aliquid in vtilitatem eius versum sit. n. 6.

Sequester species quædam depositi est; eaque duplex, voluntaria, ac necessaria. n. 7.

Desperatio.

Desperatio opponitur virtuti Spei secundum defectum: cum quis desperat se remissionem peccatorum, & gloriam æternam consecuturum esse. lib. 2. tr. 2. c. 2. n. 3. §. secundum.

Desperatio est peccatum inter alia maximè periculosum. *ibid.*

Desperatio si non ex infidelitate, saltem ex Fidei infirmitate proficiscitur: quare animus hominis desperantis ante omnia in Fide confirmandus, erigendusque est, ad

considerandam misericordiam, & dilectionem Dei. n. 4. §. interim.

Detractio.

Detractio famæ iniusta, vel sit directè vel indirectè. lib. 3. tr. 3. parte 2. c. 3. n. 1.

Detractio est peccatum ex genere suo mortale, leuius homicidio, & grauius furto. n. 2.

Detractio sæpe est peccatum tantum veniale, vel ob materia leuitatem, vel ob imperfectionem actus. n. 3.

Detractio vulgare vitium est, sed valde noxium: seminat enim odia, dissensiones, lites. *ibid.*

Detractio alia est formalis, siue ex proposito nocendi; alia verò materialis: Item alia est, per quam crimen falsum alicui imponitur, alia, per quam crimen verum, sed occultum proditur. n. 4.

Crimen alterius occultum manifestare, non semper est illicitum; sed quibusdam casibus concessum: videl. vt consilium, vel auxilium capias à viro prudente: Vel si opus sit ad impediendum maius damnum Communitatis, personæ priuatæ, ipsiusve criminosi: Vel si quis dignitatem, beneficium, aut officium postulet, ad quod iure inhabilis est. n. 5.

Crimen alterius graue etiam vni homini prudenti ac graui sine causa manifestare, videtur esse mortale. n. 6.

Si ita narretur crimen ex relatione aliorum, vt credibile sit audientes non credituros, non est periculum peccati mortalis. n. 7.

Crimen in loco, vbi notorium est notitia facti, alijs ignorantibus manifestare non est illicitum. n. 8.

Qui crimen falsum scienter alicui imposuit, is dictum suum retractare debet: interdum tamen satis erit, si infamator dicat, se deceptum fuisse, aliter rem comperisse. lib. 3. tr. 3. p. 2. c. 7. n. 1.

Qui probabili errore ductus alterum falsò infamauit, aut denuntiavit, re postea intellecta retractare tenetur; quamuis huius obligatio non tanta sit, quanta eius, qui per iniuriam formalem infamauit. *ibid.* §. hoc moneo.

Qui falsum contra aliquem testimonium scienter dixit, ex quo illi mors timeatur, obligatur ad retractandum cum æquali mortis periculo, secus, si ex probabili, aut mortaliter non culpabili ignorantia fecit. *ibid.*

Qui crimen verum, sed occultum iniuste prodidit, is conceptam criminis opinionem abolere tenetur, quatenus potest sine mendacio. n. 2.

Si quis criminis conceptam opinionem in specie auferre non possit, debet infamato aliam æquiualem compensationem famæ facere, videl. ob alias eius dotes laudando, &c. *ibid.*

Qui famam iniuste ablatam nec directè, nec indirectè restituere potest, omnino liberari videtur, vt non debeat pecunia satisfacere, ante Iudicis sententiam. n. 3.

Dictum illud: *Qui restituere non potest, quatenus debet, is restituere debet, quatenus potest*; intelligi debet de rebus eiusdem ordinis, vt inter se commutationem recipiant. *ibid.* §. contrariam.

Si ex infamia alteri à te aspersa aliud damnum pretio æstimabile ipsi secutum est, debes integre satisfacere; transitque hæc actio ad hæredes, & contra hæredes: In quo differt hæc obligatio resarciendi damna ab altera obligatione restituendi famam, vel hominem, quæ purè personalis est, nec infamatoris personam transgreditur. n. 4.

Obligatio restituendi famam extinguitur per spontaneam condonationem; vel si infamia homini aspersa penitus deleta sit. n. 5.

Si ille, quem tu infamasti, vicissim te infamauit, famamque restituere nolit, probabile est, compensationi locum esse ob regulam: Quod non cogeris ius suum alteri reddere, si ille recuset tibi reddere tuum. *ibid.*

Dies.

Dies vel accipitur vt naturalis, vel vt artificialis. lib.

4. tract. 1. cap. 3. num. 1.

Dies naturalis viginti quatuor horas toto anno æquales in se continens, à noctis medio incipit. *ibid.*

Dies artificialis duodecim horas ab ortu solis vsque in occasum continet, quæ pro temporum varietate longiores, aut breuiores sunt. *ibid.*

Dignitas, Personatus, Officium.

Dignitas est præminencia ferme cum iurisdictione fori exterioris. Talia beneficia obtinent Abbates, & alij Prælati: item Archidiaconus, seu generalis Vicarius. lib. 4. tr. 2. cap. 4. n. 4. §. Alia.

Personatus est præminencia in Ecclesia sine iurisdictione externa: quamvis dignitas & personatus interdum pro eodem accipiuntur. *ibid.* §. Personatus.

Officium dicitur administratio, sine iurisdictione fori externi: cuiusmodi habet custos, Thesaurarius, Primicerius, qui Diaconis præfectus est. *ibid.* §. Officium.

Discordia.

Discordia est dissensio voluntatum circa bonum, quod ex charitate velle debemus. lib. 2. tr. 3. c. 11. n. 1.

Discordia circa malum laudabilis est. Qua ratione parentibus, cognatis, &c. obediendum non est, cum à bono honestatis impedire volunt. *ibid.*

Non est discordiæ peccatum, si nolis cum altero consentire in bono, ad quod non obligaris. *ibid.*

Dispensatio.

Est legis relaxatio, publica auctoritate facta: quare actus est iurisdictionis voluntariæ. lib. 1. tr. 4. c. 22. n. 1.

Superior licentiam dans aliquid agendi, non dispensat in lege; sed efficit, vt subditus lege non obligetur. *ibid.* §. Tertio.

In legem diuinam non cadit dispensatio: sed interdum interpretio locum habet, legem diuinam, ob causam, aut circumstantias, cessare. *ibid.* §. Secundo distinguitur.

Dispensandi potestas alia est ordinaria, alia delegata num. 2.

Papa in omni Ecclesiastico iure tum vniuersali, tum particulari dispensare potest. n. 3.

Episcopus in lege vniuersali Ecclesiæ iure ordinario dispensare nequit: quia inferior non dispensat in lege Superioris: Excepto casu necessitatis, si ad Sum. Pontificem non sit facilis accessus. Verum in impedimento dirimente matrimonij illegitimè contracti Episcopus nunquam dispensat. n. 4.

In materia leui, aut frequenter occurrente, v. g. circa festa, ieiunia, ad Episcopum pertinet ob causam dispensare. *ibid.* except. 4.

Dispensandi potestas interdum delegatur à iure, quæ si in perpetuum fiat, ratione officij, aut dignitatis, transit in ordinariam: interdum verò delegatur ab homine. num. 6.

Quæ ab homine est dispensandi potestas, vel datur per modum puræ commissionis, seu mandati; vel per modum gratiæ: Et hæc si absolutè collata fuit, non expirat morte concedentis. *cod.* n. 6.

Dispensatio interdum expressè fit per verba: interdum tacitè per factum, quo dispensandi facultas significatur: vt si Prælati subditum, quem irregularem esse scit, ad ordines mittat, &c. n. 7.

Dispensatio iusta est, quæ cum causæ cognitione fit: & hæc interdum debita; interdum permissa, ob misericordiam, pietatem. n. 10.

Si inferior sine iusta causa in lege superioris dispenset, irrita est dispensatio. n. 11.

Peccatum est ex genere suo mortale dispensare in lege Superioris, vel talem dispensationem petere, aut concessa vti. n. 12.

Si Prælati inferior probabiliter arbitretur iustam adesse dispensandi causam, quamvis eum errare contingat, valet dispensatio, ob præsumptam voluntatem Superioris: in cuius iure dispensatur: Idemque locum habet in

dispensatione in votis, iuramentis, & in concessione indulgentiarum. *ibid.*

Si superior in lege propria dispenset absque iusta causa valet dispensatio: quamvis ipse, & qui talem dispensationem petit, eaque data vtitur, saltem venialiter peccent. num. 13.

Si causa dispensandi tempore datarum literarum adfuit; non item, cum à Commissario dispensatio facienda est, non potest eam executioni mandare. n. 14.

Et si tempore exequendæ dispensationis causa subsistat, tamen non substitit tempore datarum, quia postulatio subreptitia erat, non potest dispensationem exequi Commissarius. *ibid.*

Si causa dispensandi subsistat, cum dispensatio facta ab Ordinario, vel Commissario intrinsecum effectum consecuta est, nihil interest, etsi postea causa cesset. n. 15.

Prælati in lege propria dispensans, commutationem aliquam adiungere potest. n. 28.

Episcopus in lege vniuersali, v. g. ieiuniorum, cum aliquo dispensans, eleemosynam imperare potest in opus pietatis; non per modum compensationis, aut stipendij sibi obuenientis. n. 29.

Si Prælati, v. g. in lege ieiunij dispenset cum Communitate, cuius caput existit, indirectè seipsum etiam obligatione soluit. n. 30.

Si Prælati sine iusta causa secum ipse dispenset, dispensatio nulla est. n. 31.

In casu, quo Prælati cum subdito in lege dispensare posset, seipsum etiam liberum censere potest. n. 32.

Prælati, dispensandi potestate præditi, Confessario suo committere potest, vt secum, causâ cognitâ, dispenset: Idemque locum habet in absolutione à peccatis. num. 33.

Dispensatio super irregularitatibus.

Solus Papa proprio, & ordinario iure, in irregularitatibus dispensat. l. i. t. 5. p. 5. c. 9. n. 1.

Quamvis in omnibus irregularitatibus Papa dispensare possit, in aliquibus tamen raro solet: videl. in bigamia, præsertim vera; in homicidio voluntario, si notorium sit; in corporis defectu, si valde deformis sit. n. 2.

Licet Episcopus dispensare non possit, tamen ad ipsum pertinet iudicare, vtum deformitas, v. g. oculi albugo, grauis sit, & irregularitatem inducens. Facilius autem permittet, vt aliquis in ordine iam suscepto ministret, quam vt de nouo ordinetur. n. 3.

Episcopi dispensare possunt in irregularitatibus prouenientibus ex crimine occulto, id est, non notorio, aut famoso. n. 4.

Non possunt Episcopi dispensare, quamdiu crimen sub foro contentioso versatur: finito autem iudicio, si vel Reus absolutus sit, vel occultè punitus, ac toleratus, videtur eis concessa dispensatio. n. 5.

Per professionem in Religione non tolluntur irregularitates, præter eam, quæ ex defectu natalium. n. 6.

Nomine homicidij indispensabilis, seu, cuius irregularitas soli Papæ reservata est, intelligitur tantum homicidium directè voluntarium; idque iniustum. lib. 3. tr. 3. p. 3. c. 12. n. 4.

Probabile est, Episcopum dispensare posse in irregularitate ex mutilatione illicita, si occulta sit, item in homicidio facto causa defensionis, cum excessu moderationis, & in homicidio indirectè voluntario. n. 2.

Cum homicida indirectè voluntario, quamvis notorio, dispensare Episcopus potest ad ordines minores accipiendos. n. 3.

Episcopus per facultatem in Tridentino concessam, dispensare non potest super irregularitate oblenitatis defectum, cum Iudice, Accusatore, milite, &c.

Prælati Ordinum Mendicantium amplam potestatem habent dispensandi cum suis super irregularitatibus. lib. 1. tr. 5. p. 5. c. 9. n. 7.

Non possunt tamen Ordinum Prælati cum suis dispensare in bigamia vera, vel interpretatiua; secus dicendum de similitudinaria, quæ indispensabilis non est. *ibid.*

Episcopus, aut Ordinis Prælatus priuilegiatus dispensare potest cum Sacerdote Regulari in corporis deformitate, v. g. pedis claudicatione, aut priuatione, si in tali casu Papa dispensare soleat. *ibid.* §. denique.

Si in priuilegio dispensandi super irregularitate excipiat homicidium voluntarium, intelligi debet de directè voluto, & iniusto; etiamsi occultum sit: Si autem excipiat natalium defectus intelligitur etiam de occulto. eodem §.

Irregularitas non ligat hominem cum graui periculo vitæ, aut famæ: quare homicida occultus, v. g. celebrare potest, quoties absoluta necessitas postulat, ad vitandam infamiam, &c. donec dispensatio impetretur. lib. 3. tr. 3. p. 3. c. 12. n. 6.

Dispensatio in votis, & iuramentis.

Si Prælatus Ecclesiasticus in voto, vel iuramento sine causa iusta dispenset, irrita est dispensatio: quia potestas dispensandi in iure Superioris, Dei nimirum, data est in ædificationem, non destructionem. lib. 4. t. 4. c. 8. n. 4.

Episcopi iure Ordinario dispensare cum subditis suis possunt in voto ac iuramento, sicuti & à peccatis absolueri; nisi Papæ reseruata sint: quia talis facultas ob casuum frequentiam Episcopis necessaria est. lib. 1. tr. 4. c. 22. n. 5.

Parochis iure ordinario non conceditur dispensandi potestas; sed interdum ex priuilegio, vel consuetudine, introducta ratione necessitatis in casibus frequenter occurrentibus. *ibid.*

Archiepiscopus dispensare potest in votis Suffraganeorum; sed non cum subditis eorundem, nisi per viam appellationis aditus fuerit. lib. 4. tr. 4. c. 8. n. 7.

Quinque vota seu communi iure, seu consuetudine Sum. Pontificis dispensationi reseruantur: videl. Continentiæ perpetuæ, Religionis, Romanæ, Hierosolymitanæ, & Compstellanæ peregrinationis. Quare generali priuilegio dispensandi in omnibus votis hæc non comprehensa censetur. *ibid.* §. Porro.

Ob causam necessitatis, & difficultatem adeundi Papam, Episcopus dispensare potest in voto reseruato Papæ: sed dispensatio Episcopi in voto v. g. continentie non amplius se extendit, quam necessitas postulat, vt videl. liceat matrimonium contrahere, vel contracto uti, sed extra illud continentia seruanda sit. eod. cap. 8. n. 16.

Vota quædam reseruatis similia sunt, sed re ipsa non reseruata Papæ: videlicet votum seruandi castitatem ad certum tempus, votum castitatis coniugalis, votum non petendi debitum coniugij, votum vxorem non ducendi, votum non fornicandi, sacri ordinis suscipiendi, Religionem strictiorem ingrediendi. n. 8.

Votum pœnale, v. g. si fornicatus fuero, voueo in pœnam me Religionem ingressurum, neque post culpam admissam reseruatum est, ex quorundam probabili sententia. n. 9.

Votum conditionatum, v. g. si ex morbo conualuero, voueo me Religiosum fore, reseruatum non est ante conditionem impletam; postea verò videtur reseruatum. num. 10.

Votum castitatis, vel Religionis ingrediendæ, si metu iniusto, eoque leui extortum fuerit, sub Episcopi dispensationem cadit. n. 11.

Votum alternatiuum, cuius altera tantum pars reseruata, reseruatum non est, nisi postea vouens ad partem reseruatam, cum voluntate obligationis se determinarit. n. 12.

Postquam Sum. Pontifex votum reseruatum in aliud commutauit, Episcopus exigente causa dispensare non prohibetur. n. 13.

Reseruatio votorum strictæ interpretationis esse debet, atque in casu dubio non asserenda. n. 14.

Si coniunx, cum consensu coniugis, continentiam perpetuam absolute voverit, reseruatum hoc votum censi debet. n. 15.

Si Sum. Pontifex in voto continentie cum aliquo absolute, & illimitate dispensauit, intelligitur ad omne legitimum matrimonium, ita, vt si matrimonium, quod cum puella contrahere volebat, impeditum fuerit, aliam ducere possit. Secus, si gratia dispensationis data fuit respectiue, seu in ordine ad certum matrimonium, ob specialem causam. l. 1. tr. 4. c. 22. n. 16. in fine.

In voto Religionis, quamuis strictioris, dispensari potest cum ingredientibus in Societatem Iesu; ita tamen, vt, si iterum eos egredi contingat, redeat obligatio voti. l. 4. t. 4. c. 8. n. 30.

Quicumque habet potestatem dispensandi, aut commutandi vota, potest tali facultate uti, tametsi vota iurata sint. l. 4. t. 3. c. 11. n. 3.

Prælati Ecclesiæ, sicuti in votis ita & in iuramentis pijs, seu in Dei honorem conceptis ordinariam dispensandi potestatem habent: quia vota, & iuramenta pia in iure æquiparantur. n. 4.

Iuramenta continentie perpetuæ, Religionis, alteriusve materiæ reseruata, si pœnalia, aut conditionata sint, perinde vt vota eiusdem conditionis, ab Episcopo relaxari possunt. *ibid.*

Iuramentum promissorium erga hominem ordinariè relaxari non potest, absque consensu eius, cui præstitum est. num. 5.

Iuramentum in hominis vtilitatem principaliter editum, si non est propriè confirmatorium promissionis, sed per se stans, episcopali, vel quasi episcopali auctoritate relaxari potest. n. 6.

Priuilegia dispensandi, aut commutandi vota, & iuramenta dari solent sine præiudicio tertij, quod intelligitur, postquam illi per acceptance[m] ius acquisitum est. num. 7.

Qui habent priuilegium dispensandi, vel commutandi vota, possunt etiam commutare iuramenta pia, quæ sine promissione in Dei honorem principaliter concepta sunt: non autem possunt vi eius priuilegij, relaxare iuramenta directè in hominis vtilitatem edita, quamuis acceptata non fuerint. n. 8.

Priuilegia Regularium Mendicantium quod possint dispensare, & commutare vota, & iuramenta etiam Episcopo reseruata, intelligi debent de ijs votis, aut casibus, qui ordinario iure Episcopo competunt, non item de ijs, qui per se Papales sunt, & per accidens ob vrgentem necessitatem ad Episcopum deuoluuntur. lib. 4. tr. 4. c. 8. n. 17. obseru. 4.

Distributiones quotidiane.

Sunt portiones Ecclesiasticorum reddituum, quotidie distribui solitæ ijs beneficiatis, qui statis horis diuino officio intersunt. lib. 4. tr. 2. c. 7. princip.

Honestum, & iuri consonum est, vt pro omnibus canonici officij horis distributiones statuatur: quamuis id non vbique obseruetur. n. 1.

Distributiones presentibus tantum debentur, ijs exceptis, quos vel infirmitas, vel iusta corporalis necessitas excusat. n. 2.

Beneficiati ob iustam causam absentes extra locum beneficij, non accipiunt distributiones: si autem in loco beneficij commorantes, ab officio absint, propter Ecclesiæ vtilitatem, vel corporalem infirmitatem, recipiunt. n. 3.

Qui in Ecclesia duplici beneficio fungitur, videl. Præpositi, & Canonici, equum videtur, vt duplicem distributionem accipiat. n. 4.

Distributiones, quas Canonici ob absentiam amittunt, alijs presentibus accrescere debent. n. 5.

Vbi consuetudo retinetur, vt Canonici ipsimet in choro cantent, non possunt, saltem integras distributiones accipere, si presentes cantare negligant. n. 6.

Si Canonicus à choro frequenter, & quasi consuetudine absit, vel cum officij in Ecclesia peragendi iactura, mortaliter peccare censetur. n. 7.

Diuortium.

Diuortium duobus modis accipitur; vel pro separatione coniugum cum dissolutione matrimonij quo ad vinculum, sicuti in iure civili titulo de diuortijs videre est: vel pro separatione coniugum duntaxat quoad torum, aut etiam habitationem. l. 5. tr. 10. p. 3. c. 7. princ.

Diuortium quoad torum mutuo interdum consensu fieri potest, causâ pietatis, vel alia honesta. ibid. n. 1. ●

Sancti Patres exempla memorant coniugum fidelium mutuo consensu continentiam vouentium. ibid.

Coniunx Religionem ingredi potest cum consensu alterius coniugis simul ingredientis, vel in seculo edito continentia voto permanentis, modò tunc eius aetatis sit, vt extra probabile incontinentia periculum versetur. Idemque dicendum est, si maritus sacrum Ordinem suscepturus sit. n. 2.

Ad Episcopum pertinet dispicere, vtrum vxor in hoc casu extra incontinentia periculum existat: quare conuenit ab eo licentiam petere, quamuis etiam sine petita licentia professio valitura sit. n. 3.

Si coniunx absque coniugis consensu Religionem profiteatur, professio irrita est. Quare reuocari, imò sponte egredi potest; tamen post mortem coniugis ad alias nuptias transire prohibetur. n. 4.

Si coniugatus cum consensu alterius coniugis, nec Religionem ingredientis, nec in seculo votum continentia edentis, profiteatur, officio Ordinarij reuocari potest ad vxori debitum reddendum; eâ autem mortuâ, ad Monasterium redire cogitur; quia professio valida fuerat. num. 5.

Si coniunx licentiam ingrediendi Religionem coniugi liberè concessit, censetur se obligasse ad perpetuam continentiam; imò & ad Religionis ingressum, si iuuenis aut de incontinentia suspectus sit. Necesse tamen est, fuisse conscium iuris ita disponentis: quod de vxore in dubio non præsumitur. n. 6.

Id speciale est, quodd coniugatus ad Episcopalem dignitatem non assumatur, nisi vxor Religionem ingredi consentiat. ibid.

Si vnus coniugum adulterium commisit, alter eo ipso acquiritur institutiendi diuortij, quoad torum & cohabitationem, remanente tamen substantiali vinculo. n. 7.

Nomine adulterij hoc loco accipi debet omnis consummatus concubitus cum altero supposito. ibid.

Maritus & vxor in iure diuortij propter adulterium institutiendi æquales sunt. n. 8.

Separatio coniugum quoad habitationem propter commissum adulterium, Ecclesiæ sententiam requirit; nisi causa notoria sit, vel maritus alio prætextu se separare possit, ita vt scandalum euitetur. n. 9.

Si coniunx in causa non notoria à coniuge sine iudicio Ecclesiæ repulsus sit, ante omnia eum Iudex, cuius officium imploratur, in pristinum statum restituere debet, ac postea causam diuortij cognoscere, compulso altero ad probationes proferendas. n. 10.

Si coniunx repulsus fuerit prætextu impedimenti dirimentis, v. g. ob consanguinitatem, petita restitutione, si probationes incontinenti afferantur, restituendus est quoad omnia alia, excepto toro, idque propter periculum fornicationis, si fortè impedimentum subsit. n. 11.

Coniunx innocens post coniugis perspectum adulterium Religionem profiteri, vel sacrum ordinem accipere non prohibetur. n. 12.

Si coniunx adulter semel, aut iterum monuerit alterum coniugem, vt post suam emendationem recipiatur, non exauditur Religionem ingredi, ac profiteri, vel sacros Ordines accipere potest. ibid.

Certi casus sunt, in quibus coniugi diuortium non

permittitur propter coniugis adulterium; videl. si graui metu compulsus in adulterium consensit: si per ignorantiam ad non suam accessit: Si etiam alter coniunx criminis particeps fuit, vel etiam ipse fornicatus. n. 13.

Si post vnus, vel vtriusque adulterium, coniuges reconciliati sint, censetur ius matrimonij restitutum, perinde ac si crimen nullum antecessisset: quare si alteruter coniunx postea fornicetur, alter acquirit ius diuortij. num. 14.

Si post sententiam diuortij Iudicis auctoritate factam, etiam alter coniunx adulterium committat, non obligatur ad recipiendum coniugem: nisi Iudex ex officio compellat, ad occurrendum probabili periculo incontinentia. Ibid. §. Deinde.

Coniunx à coniuge adultero separare se potest, sed non debet ex necessitate præcepti, per se, & ordinariè loquendo, nisi id necessarium sit ad procurandam emendationem coniugis, vel ad scandalum vitandum, ne maritus crimini vxoris sæpe relabentis indulgere videatur. num. 15.

Coniunx innocens post institutum diuortium coniugem emendatum reuocare iure suo potest, sed ad id non obligatur. n. 16.

Aliæ causæ instituendi diuortij sunt: lapsus in hæresin: graue periculum animæ, aut corporis, quod ex cohabitatione coniugis timetur: grauès & frequentes discordiæ, quibus cohabitatio coniugi innocenti nimis molesta, ac intolerabilis redditur. n. 17.

Si causa diuortij propter graue periculum corporis, aut animæ, notoria sit, propria auctoritate separatio fieri potest, per se loquendo: interim tutius est, imò ratione scandali vitandi plerumque necessarium, vt Iudicis Ecclesiastici officium imploretur, nisi periculum in mora sit. n. 18.

Facto diuortio inter coniuges, liberi ordinariè manere debent penes innocentem, expensis patris, si is diuortio causam dedit: Sin contra, apud patrem, expensis matris locupletis, saltem post Iudicis sententiam. n. 19.

Si coniunx, qui diuortio causam dedit, fidelis sit, alter autem infidelis, proles relinquatur fidei, ob fauorem fidei. ibid.

Licet vir diuortio causam præbuerit, si tamen mulier ad secundas nuptias transeat, proles ipsi educanda non relinquatur. ibid.

Domicilium.

Domicilium habere censetur, qui habitationem fixam statuerunt, quasi domicilium qui habitationem ad tempus non admodum breue, negotij causa. lib. 5. tr. 6. c. 10. n. 5.

Ad domicilium, vel quasi domicilium, cuiusque ratione diocæsin, vel Parochiam acquirendam, cum animus requiritur, tum factum. Animus consistit in proposito voluntatis permanendi: Factum consistit in actuali habitatione: cum primum enim aliquis peruenit ad locum animo permanendi, incola est, & iurisdictioni subiectus. num. 6.

Non requiritur ad domicilium, vt quis diu inhabitet; sed satis est, si animum constanter inhabitandi habeat, donec aliud eum auocet. lib. 5. t. 9. c. 9. n. 10.

Filius manens cum patre, sortitur domicilium patris; neque illud discessu suo amittit, si animum ad patrem reuertendi seruet, & alibi domicilium non fixerit. Potest enim etiam filiusfam. domicilium statuere, si pubes est; non item, si impubes. eod. c. 9. n. 11.

Constituto domicilio habitationis, non ideo amittitur domicilium originis. Verum in acquirenda iurisdictionis subiectione non habetur ratio originis, sed potius domicilij habitationis, quod principalius censetur. n. 12.

In Clerico beneficiato idem est domicilium habitationis, quod beneficij residentiam postulantis. Sin autem ibi non resideat, non potest conueniri in loco beneficijs

præterquam in causis pertinentibus ad beneficium. idem.

Dominium.

Dominium aliud est iurisdictionis, & aliud proprietatis, idque definitur, ius perfectè disponendi de re, nisi lege quis prohibeatur. lib. 3. t. 1. c. 5. n. 2.

Homo totius spectabilis mundi dominus propriè dici non potest; cum cæli, astra, nubes &c. eius imperio; ac libertati subiecta non sint. n. 4.

Christus, quia homo, plenam potestatem, & dominium super res omnes creatas à Patre cælesti accepit. Quamvis per hoc dominium Christi vniuersale nihil decedat dominio particulari aliorum hominum. ibid. §. Porro.

Diuisio rerum gentium iure introducta est, cum iure primæuo ac naturali communis esset rerum possessio, ac dominium. n. 5.

Ad acquisitionem dominij ordinariè duo requiruntur titulus, & apprehensio. n. 7.

Titulus acquirendi domini alius est verus, & alius bona fide præsumptus, qui vsucapioni locum præbet: at verò si quis absque titulo cum vero, tum rationabiliter præsumpto rem possideat, tanquam suam, malæ fidei possessor dicitur. ibid.

Quibusdam casibus solus titulus sine traditione, vel apprehensione, sufficit ad acquirendum dominium; non item ad possessionem. n. 8.

Quod per alluuiorem fundo Titij adiicitur ipsius fit; secus, si per vim fluminis repentina adiectio fiat. eod. cap. 5. num. 20.

Rerum dominium acquiritur nobis per specificationem, accessionem, confusionem, commixtionem, ædificationem, implantationem, scriptionem, pictionem. n. 21.

Sicuti ædificia solo cedunt, ita multò magis plantæ, & arbores. Quare qui alienam plantam in suo solo posuerit, eaque radices egerit, ipsius fit planta, cuius & solum est. E contrario, si quis suam plantam in Titij solum transtulerit, ad ipsum pertinebit, postquam radices egerit: quamvis æstimatio plantæ, atque impensi laboris merces repeti possit, præsertim si bona fide actum. ibidem. dicto 6.

Si arbor prope confinium posita, in duorum dominorum fundos radices egerit, communis erit. Sin autem in vnius fundo posita fuit, ipsius arbor est, in cuius fundo plantata. Sed impendentes ramos succidi debent, si fundo vicino officiant. ibid. in coroll.

Quæ in mare iacta sunt ob naufragij periculum, vel incendio erepta, ea propriis dominis restitui debent postulata laboris, & industriæ compensatione. n. 22.

Si ligna cædua, vel pascua priuata sint, vel ad dominum particularem spectantia, nemo alius absque furti crimine illis frui potest: Eademque ratio est de viuarijs, & piscinis. eod. cap. 5. n. 18. §. Si autem.

In dubio ius pascendi censetur pertinere ad communitatem, non ad dominum ciuitatis: quia nomine iurisdictionis non comprehenditur ius pascendi. Potest tamen dominus pascuis publicis uti, sicuti alij è Communitate; nisi aliud propter consuetudinem, vel antecedens pactum, obseruari debeat. ibid.

Si ciues, siue incolæ in communibus locis ligna cædant, contra Magistratus prohibitionem, obligantur ac pœnam deprehenfi; non item ad restitutionem, nisi graue damnum dederint. eod. n. 18.

Oppidani tam à culpa mortali, quam à restituendi onere per tacitum plerumque consensum, vel consuetudinem excusantur, qui cum oppida, & syluas vicinas habeant, vicissim cædere solent, cum obligatione multæ soluendæ, si deprehendantur; modò extraordinarium damnum non inferant. ibid.

Donatio inter viuos.

Duplex est donatio inter viuos; vna verbalis, quæ licet rei dominium non transferat, parit tamen obligationem, & actionem personalem, etiam in externo ciuili

foro. Altera verò est donatio realis & perfecta, in qua res donata etiam traditur, vt statim, accipientis fiat. l. 3. t. 4. c. 12. n. 2.

Si alicui personæ, cui bonorum administratio competit, prohibitum sit donare, ea prohibitione non censentur comprehensæ donationes remuneratoriæ. Quam orbem Ecclesia, vel Minor restitutionem in integrum petere nequit ob donationem remuneratariam, vel aliam similem, quæ honestè intermittere non potuit. eodem. c. 12. n. 10.

Donatio simplex, & merè liberalis facta coniugi à coniuge non statim firma, & irreuocabilis est; sed morte donantis confirmatur. n. 11.

Quibusdam casibus statim valida est donatio facta coniugi à coniuge; videlicet inter coniuges Principes, vel si donans ex donatione pauperior non fiat, vt si maritus vxori donet, quod prodigere decreuerat, item si ex donatione donatarius non fiat ditior, vt si locus sepulturæ donetur, aut si vxor marito donet causa honoris, vel dignitatis adipiscendæ. Eod. num. 11. §. Eadem verò.

Licet simplex, ac merè liberalis donatio inter coniuges ante mortem donantis ordinariè rata non sit, ideòque ex hac parte ad naturam vltimæ voluntatis accedat, adeò, vt & Falcidia ex ea detrahi possit, hæc tamen locum non habent in donatione remuneratoria, cum non sit propriè, & simpliciter donatio, sed debiti retributio: vt si nobilis vxor marito ægro aut seni diuturna obsequia præstitit. Ibid. §. Illud.

Simili modo donatio simplex, facta filiofam. à patre, ante mortem reuocari potest. n. 12.

Sin autem donatio fiat ob causam, videlicet in beneficij remunerationem, ad nuptias, aut filia in dotem, item ad Religionis ingressum, ad captiuitatis redemptionem, ad sacros Ordines, statim valida est. Ibid. Notando primo.

Donatio, quæ liberis fit à matre, auia, vel auo materno, valida est, sicuti & illa, quæ à patre fit filio emancipato. Ibid.

Donatio simplex facta filio emancipato, post mortem illius ad diuisionem hæreditatis conferenda est: Sin autem facta fuerit filio in potestate, ordinariè conferenda non est: quia censetur à patre vt præcipuum aliquod filio relictum. n. 13. Dicto. 2.

Quæ pater filio donauit ob causam, puta propter nuptias, vel in dotem aut ad Religionis ingressum, &c. illo mortuo conferri debent: alia ratio est de donatis ad militiam, aut Principis palatium, hæc enim inter castrensia bona numerantur, ideòque non conferuntur. Ibid. §. Dico 3. & n. 14.

Sed neque conferenda sunt, quæ pater filio ad studia litterarum mittit, aut quæ ipsi sponte, ac liberaliter donat ad instituendam peregrinationem, redimendam captiuitatem, aut multam, item quæ largitus est filio ad honestam recreationem, discendam artem, ad conuiuium doctorale, ad primitias, comparandum sibi beneficium aut dignitatem. Eod. n. 14. §. Neque.

Si pater expressit, vt quæ filio studiorum causa transmissit, in cumulum hæreditatis conferrentur, vel in portione legitima numerarentur, deducenda nihilominus sunt necessaria alimenta, quæ ipsi, etiam in domo paterna degenti, naturali iure debita sunt. Ibidem.

Donatio facta vltra solidos quingentos iure Cæsareo non subsistit, exceptis quibusdam casibus. n. 15.

Donatio omnium bonorum tum præsentium, tum futurorum, irrita est, nisi facta fuerit Ecclesiæ, vel pauperibus. n. 16.

Donatio legitimè perfecta ob magnam donatarij ingratitude reuocari potest, etsi iuramento firmata fuerit, nisi etiam ipsi reuocandi licentiæ iuramento renuntiatum sit. num. 17. §. Porro

Querimonia ista contra ingratum personalis est, ut ad successores donantis non transeat ante litis contestationem; vel nisi ille agere impeditus fuerit, aut commissam ingratitudinem ignorauerit. Sed neque à donatore contra hæredes donatarij hæc actio moueri potest, cum ex delicto descendat. *ibid.* §. Non potest.

Donatio facta Ecclesiæ reuocari non potest propter ingratitudinem Prælati, aut Capituli; quia censetur facta non intuitu personarum, sed ex pietate erga Deum. *eod.* num. 17. in fine.

Donatio liberis inofficiosa reuocari potest, licet iuramento confirmata sit. Quin & parentibus ius competit instituendi querelam contra inofficiosam donationem liberorum. num. 18.

Iusta causa reuocandi donationem magnæ partis bonorum est inopinata susceptio prolis. num. 19.

Interdum æquitas postulat, ut etiam Ecclesiæ factam donationem Prælati ob hanc causam remittat. num. 20.

Renuntiatio hæreditatis nondum aditæ, quamuis delatæ, natiuitate liberorum non reuocatur; sicuti nec donatio facta inter coniuges ad eiusmodi renuntiationem extenditur. num. 21.

Donatio mortis causa.

Mortis causa donatio est, cum quis habere se mauult, quam cum cui donat; magisque cum cui donat, quam hæredem suum. l. 3. t. 4. c. 12. n. 3.

Conuenit hæc donatio partim cum pactis, videlicet secundum formam constitutionis: opus enim est, ut donatarius donationem acceptet per se, vel per alium, cui pro altero stipulari concessum est: partim verò videl. secundum effectus, conuenit cum vltimis voluntatibus, præsertim legato; ut etiam ante mortem reuocari possit, & post mortem Falcidia deduci &c. num. 4.

Si nemine acceptante donatio mortis causa fiat in testamento, vel codicillo, censi debet legatum. *ibid.*

Donatio mortis causa à testamento, & hæreditatis aditione omnino independens, ipsa donantis morte confirmatur. *ibid.* §. differt.

Ad solemnitatem, & valorem huius donationis, sicuti ad vltimas voluntates, saltem quinque testes requiruntur. *ibid.* §. Id verò.

Donatio mortis causa duobus modis fieri potest; primò ob timorem periculi imminentis, adeoque sub conditione, si ex hoc periculo non euasero: Secundò fieri solet in euentum mortis absolutè, si videlicet tunc nullum mortis periculum timeatur; vel etsi timeatur, non tamen illud sit causa finalis donandi, sed tantum impulsiva. *ibid.* §. Donatio.

Si tali pacto mortis causa donetur, ut donatio irrevocabilis sit, censetur donatio inter vivos, ut proinde inter coniuges fieri non possit. *ibid.* §. Porro.

In dubio potius præsumendum est, donationem fuisse inter vivos, quam mortis causa factam; & ad contrarij probationem, ostendi debet, donationem seu expressè, seu præsumptiue factam esse cum dependentia à morte donatoris. num. 5.

Multum refert ad donationem tum inter vivos, tum mortis causa adiuuandam, si res donata donatario statim tradatur, ita ut accipientis fiat. Expedi etiam, ut donationi testes adhibeantur; saltem duo, si donatio inter vivos, seu absolutè facta sit, quamuis à moriente: atque hi testes requiruntur tantum per accidens, ne res donata in foro externo ab hæredibus euinci possit. *ibid.* §. Ex dictis.

Dos, parapherna, donatio propter nuptias.

Dos definitur, quod ab vxore, vel alio, eius nomine, marito datur, ad onera matrimonij sustinenda. l. 3. tract. 4. c. 13. num. 1.

Dos, quatenus à patre filia datur ex lucratiuo titulo provenit: Sed comparatione mariti, fortitur rationem contractus reciproci. *ibid.*

Dos sine matrimonio esse, aut intelligi non potest.

Ibid. in Coroll. 1.

Maritus dotis dominium non habet; sed plenam administrationem, & fructus eius, perinde ac si dominus sit. num. 2.

Si dos consistat in pecunia, vel alijs rebus usu absumptibilibus; aut si res dotales marito æstimatæ tradantur; ita, ut æstimatio donationem efficiat; his casibus periculum rerum dotalium ad maritum, tanquam verum dominum spectat: alioquin verò maritus non tenetur nisi ex dolo, & culpa saltem leui. *eod.* n. 2. §. Duobus.

Duplex est dos. Vna profectitia à parente per virilem sexum ascendente, & filium in potestate habente: alia verò aduentitia, seu aliunde adueniens. n. 3.

Pater compelli potest Iudicis officio, vel liberos elocet; & dotem competentem assignet: idque verum est, etsi filia cum patris consensu nubens, propria aduentitia bona habeat. num. 3. & 4.

Si pater penes se habens bona aduentitia, dotem filia vel donationem propter nuptias filio constituat, in dubio præsumitur ex proprijs dedisse. Secus est, si alius bonorum administrator, imò etiam auus paternus dotem, vel donationem constituat. *eod.* n. 4.

Si filia cum patris consensu in matrimonium collocata fuerit, nulla facta dotis mentione, nihilominus eam dotare debet. Eademque ratione, si mulier diues sine expressione dotis ducta sit, tacitè censetur dos promissa, pro conditione & dignitate viri. *Ibid.* §. Secundò.

Licet filia inconsulto, aut inuito patre, nupserit viro digno, nihilominus pater dotem dare debet: nisi municipali statuto aliter decretum sit, vel nisi (secundum quosdam) filia ex aduentitijs bonis dotata sit. *Ibid.* §. Tertio.

Si filia (præsertim minor viginti quinque annis, vel antequam pater in culpabili mora eam elocandi fuit) absque eius licentia nupserit viro indigno moribus, aut genere, cogi non potest pater ad plene dotandum, sed tantum ad necessaria alimenta præstanda. §. Id verò.

Pater obligatus etiam est dotem constituere filia Monasterium ingredienti: quia causa Religionis fauorabilior etiam est matrimonio carnali. *Ibid.* §. Quarto.

Dos ex facultatibus patris constituenda est deducto ære alieno, adeò, ut post patris mortem restituenda sit, quatenus in præiudicium creditorum, vel aliorum liberorum data fuerat. §. Porro.

Mater, imò etiam frater, si diues sit, in defectum aliorum, filia, aut sorori inopi dotem dare cogitur, sicuti & alimenta: nam dos succedit loco alimentorum. n. 5.

Dos profectitia soluto matrimonio reuertitur ad dantem, qui est pater, aut auus filiam in potestate habens: Sed dos aduentitia manet mulieri, eiusve proximo hæredi. num. 6.

Si loci statuto, aut consuetudine receptum sit, ut liberi in matrimonium elocati patria potestate egrediantur, dos, vel donatio propter nuptias ad patrem non reuertitur. *Ibid.* §. Ex hoc.

Maritus mortua vxore dotem aduentitiam lucratur duobus casibus: Primus. Si pactum intercessit de dote lucranda. Secundus. Si vxor intestata decedat deficientibus liberis, & propinquis. *Ibid.* §. Duobus.

Constante matrimonio maritus dotem aduentitiam lucratur ob adulterium vxoris, vxor quoque donationem propter nuptias, propter adulterium mariti. Id verò intelligitur post Iudicis sententiam, cum sit pœna. n. 7.

Si adultera liberos habeat, ad ipsos dotis proprietates pertinet post mortem matris. *Ibid.*

Si maritus ad inopiam vergat, ut dos periclitari incipiat, neque alia cautio sufficiat, repeti poterit, ut vel vxor eam administret, vel tuto aliquo loco, v. g. apud mercatorem collocetur. *Ibid.* §. Præter.

Si scâdâlum tesseret, vxor marito prodigo dotem clanculum substrahere non prohibetur, ita tamen, ut otiosa

non maneat, sed exposita, lucrum afferat, ad familiam alendam. *ibid.*

Si maritus dotem, vel partem eius, aut matrimonij communia lucra prodigè absumpsit, vxori damnum iniustum infert: ad cuius compensationem ipse, & hæredes eius tenentur. *ibid.* §. Sin verò.

Vxor habet tacitam hypothecam in bonis mariti, donec ei dos restituatur. *num.* 8.

Parapherna dicuntur reliqua omnia vxoris bona, præter dotem, in quorum administratione, & fructibus maritus vxore nolente se immiscere nequaquam debet. *n.* 9.

Donatio propter nuptias ad similitudinem dotis constituitur, vt mulieri dos securior maneat, si maritus bona possideat, quæ illi pro dote specialiter obligata sint. *n.* 10.

Si pactum intercessit de dote lucranda post mortem vxoris, intelligitur id etiam de lucranda donatione hac post mortem mariti. §. Accedit.

Iure Casareo communi inter dotem & donationem propter nuptias æqualitas seruanda est: quod tamen hodie ferme non obseruatur; cum sæpe nulla constituatur donatio propter nuptias, aut non æqualis doti, sed minor, aut maior, vel sub alia forma. *ibid.*

Quibusdam locis constituitur sponsæ arrha, id est, donatio facta in remunerationem dotis, virginitatis. Quæ donatio post mortem mariti ad vxorem spectat: sin ante maritum moriatur, ius habet de ea disponendi, sicuti de dote aduentitia. *num.* 11.

Dubium, opinio.

Dubium aliud iuris est, & aliud facti. *l. 1. tr. 1. c. 5. n. 2.*

Dubium iuris aliud est speculatiuum, aliud practicum; & hoc vel generale seu abstractum, vel propriè seu proximè practicum. *ibid.*

Agere, vel omittere aliquid cum dubio propriè practico, semper est peccatum: requiritur enim ad rectè ac prudenter operandum iudicium practicum moraliter certum quæ est conscientia, prudentiæ actus. *n.* 3. & 4.

Ex duabus oppositis opinionibus versantibus circa actionem humanam, an ea licita sit, quisque in praxi sequi potest, quam maluerit. *num.* 7.

Vir doctus alteri consulenti suadere potest secundum probabilem aliorum Doctorum sententiam, etsi eam ipsemet falsam iudicet. *num.* 9.

Confessarius absolueret poenitentem, qui secundum probabilem Doctorum opinionem operari vult, quamuis ipsemet Confessarius iudicet doctrinam secundum se falsam esse. *num.* 10.

Superiori præcipienti secundum opinionem probabilem subditus obedire tenetur, etiam contra propriam probabiliorem. *num.* 11.

In dubio, an Prælatus iuste præcipiat, debet subditus obedire; nisi exinde graue commodum timeatur, non item si præceptum negligatur. *num.* 12.

Doctrina illa, quod liceat quamuis probabilem sententiam in agendo sequi, accommodanda non est ad quæstiones merè speculatiuas. *num.* 13.

Si quæstio sit de valore Baptismi, alteriusve Sacramenti, plerumque non licet administrare secundum probabilem, tamen incertam sententiam: sufficit tamen magna probabilitas, quæ ferme sit moralis certitudo. *num.* 13. & 14.

Dubium facti potius speculatiuum est, quàm practicum, v. g. an is, qui sacerdotium desiderat, XXIV. ætatis annum compleuerit. *cod. c. 34. n. 29.*

Factum in dubio plerumque non præsumitur, sed ostendi debet. *num.* 30.

Factum in dubio præsumitur, si illud de iure faciendum erat: v. g. si constet alienationem factam esse, præsumptio est necessariam solemnitatem interuenisse. *ibid.*

In dubio, an aliquis votum ediderit, aut homini promiserit, non debet censi obligatus. Sin verò constet promissionem factam esse; sed dubitetur, an ei satisfac-

etum, stat præsumptio pro obligatione. *n.* 31.

Si probabilis sit, ideòque opinetur aliquis se votum executum esse, aut canonicæ orationis pensum persoluisse, videtur esse immunis obligatione. *ibid.*

In dubio non præsumitur aliquid actum v. g. donatum, legatum esse: si autem constet actum esse, præsumptio est pro valore eius. *num.* 32.

Qui dubitat, vtrum annum vicesimum primum compleuerit, non tenetur interim ieiunare. *n.* 33.

Si dubium sit, vtrum pubes fuerit adolescens, cum votum edidit, à patre, vel tutore irritari potest. *n.* 34.

Dubitans, vtrum vicesimum quartum ætatis annum compleuerit, à sacro presbyteratus ordine interim abstinere debet. *num.* 35.

Dubitans, an dies ieiunij transacta, seu noctis medium sit, non potest carnibus vesci: Dubitans verò, vtrum sequens ieiunij dies cœpta sit, pergere potest vescendo, donec certior fiat: Et quod talis, non obstante hoc dubio, postera die licitè communicet, aut sacrificet, improbabile non est. *n.* 36.

Qui dubitat, vtrum peccatum mortale confessus fuerit, debet illud confiteri: dubitans verò, an mortaliter peccauerit, videtur obligatus ad confitendum, sub dubio. *num.* 37.

In dubio, vtrum excommunicatio, aliæve censura contracta sit, benignior pars præferenda. Sin verò constet censuram contractam esse, in dubio non præsumitur absolutionem datam fuisse. *num.* 38.

In dubio iuris nemo censi debet irregularis; sed neque in dubio facti, excepta irregularitate ex homicidio iniusto. *num.* 39.

Qui rationabiliter opinatur, quamuis non sine formidine oppositi, se hominem non occidisse, mortaliter non peccasse, aut peccatum confessum esse, practice securus esse potest. *num.* 40.

Puer Baptismum petens, de quo dubitatur, an vsum rationis habeat, baptizari debet reluctantibus parentibus infidelibus, si periculum in mora sit. Sed & vice versa, si parens talem puerum Baptismo offerat, ipse verò reluctetur. *num.* 41.

Interdum ex diuersis principijs pro vtraque dubiæ quæstionis parte rationes probabiles occurrunt, vt discerni nequeat, quarum maius momentum sit. *n.* 42.

Duellum.

Est pugna singularis ex condicito. Si ad demonstrandam veritatem, & testimonium innocentiae instituitur, inter purgationes vulgares numeratur, & damnatur canonico iure. *l. 3. t. 3. p. 3. c. 5. principio.*

Licet non est Iudici duellum imperare Reis: sed quandoque licitum his est in tali necessitatis casu acceptare. *n. 1. dub. 2.*

Ad liberandam vitam ex certo periculo, quandoque fas est cum iniquo accusatore duellum instituere; seu offerendo, seu oblatum acceptando; non ita verò pro defensione honoris, ac bonorum fortunæ. *n.* 2.

In bello seu offensiuo, seu defensiuo, plerumque licitum non est duellum cum hoste instituere; seu totius belli causam ad paucorem certamen reuocare: nisi id necessarium esse videatur, aut valde vtile ad ignominiam auertendam, ad militum animos confirmandos, hostium verò debilitandos, denique ad pacem constituendam. *num.* 3.

In eiusmodi duello, quod communi vtriusque exercitus, vel Ducum consensu instituitur, semper intelligitur pactum esse annexum, vt neutrius factionis militi succumbenti à circumstantibus succurratur. *ibid.* casu tertio.

In alijs priuatis duellis, si ex vtraque pugnantium parte illicita sint, circumstantes ex charitatis lege diuincere tenentur, si possint. Sin autem ex parte tantum vnus illicitum duellum est, circumstantes innocenti, si succumbat; succurrere debent; tamen si conditio posita

fuerit, vt neutri succurreretur. *ibid.* §. Alia.

Prouocato ad duellum plerumque non est licitum comparere. Sed in quibusdam raris casibus damnari non potest: videl. Si miles in exercitu, vir equestris in aula regia, officio, dignitate excidere debeat, ob ignauie, ac timiditatis notam, nisi identidem prouocanti se sistat. Vel si quis ab iniustis conuitijs, ac subeundo dedecore aliter se liberare nequeat, nisi cum prouocante congregiatur. l. 3. t. 3. p. 3. c. 3. num. 3.

Pro defendendo honore mundano non est licitum vitam corporis probabili periculo exponere: Et vulgi error est, pro honore seruando moriendum esse; cum honor, qui est ab hominibus, minus bonum sit, quam corporis vita. *ibid.*

Qui ex condicto in duellum descendit, & vulnus, vel mortem alteri infert, ad nullam restitutionem obligatur vulnerato, vel hæredibus eius faciendam. Idemque sentiendum de ijs, qui ludo periculoso, v. g. hastiludio congregiuntur; modo leges ludi obseruentur. *eod.* t. 3. p. 3. c. 6. n. 5. princ. & in fine.

Pœna excommunicationis decreta est contra duello congregientes, & eorundem paternos, auxilliatos, spectatores. Verum in his regionibus excommunicatio hæc, quoad priuata, seu non solemnia duella, in obseruatione non est. *cit.* c. 5. num. 4.

E

Ebrietas.

Est excessus in potu, causa voluptatis, donec vsus rationis adimatur: si deliberatè fiat, est peccatum mortale. lib. 3. sect. 4. num. 4.

Inebriare se non causa voluptatis, sed valetudinis recuperandæ, si in raro aliquo casu necessarium medium esse censeatur, non videtur esse illicitum. n. 5.

Sed & id probabile est, licitum esse inebriari mortis vitandæ causa, quam tibi aliquis per violentiam minatur, nisi propinanti respondeas; si scandalum absit. *ibid.* §. Ex qua.

Si absit periculum amittendi vsum rationis, bibendi modum excedere veniale peccatum est. *ibid.* §. Deinde.

Alterum prouocare; seu inducere ad ebrietatem illicitam est peccatum ex genere suo mortale: neque excusatur ille, qui alterum ad ebrietatem prouocat, vt grauius eius peccatum certò alioquin committendum cuitetur. num. 6.

Ecclesia.

Est fidelium visibilis congregatio: quare hæretici etiam occulti in Ecclesia non sunt, neque Schismatici externi. lib. 2. tract. 3. c. 11. n. 6.

Neque Cathecumeni, quamuis credentes, propriè in Ecclesia sunt, sed tantum voto ac desiderio. lib. 5. tract. 5. c. 2. n. 8.

Ecclesia iure minoris natu semper illeſa seruat. lib. 3. tract. 4. c. 11. n. 3.

Ecclesiastica bona.

In primitiua Ecclesia fideles prædia sua vendebant, eorumque pretia Apostolis afferebant, postea verò visum fuit expedire, vt Ecclesia bona etiam immobilia possideret, ex quibus redditus annuos ad sustentationem Ministrorum &c. acciperet. lib. 4. tract. 2. c. 2. n. 1.

Quadripartita est Ecclesiasticorum prouentuum diuisio, secundum canones antiquos. *ibid.* n. 3.

Bona Ecclesiastica immobilia sunt vniuersitatis; administratores autem sunt Episcopi, aliique Prælati ordinarij. *cod.* tr. c. 1. n. 2.

Bona Clericorum alia sunt patrimonialia, alia quasi patrimonialia, & alia Ecclesiastica. c. 3. n. 1.

Bona, seu redditus Ecclesiastici, quatenus beneficiatis secularibus ad honestam sustentationem necessarij sunt, pleno dominij iure ad ipsos pertinent. *ibid.* n. 2.

Beneficiati reddituum Ecclesiasticorum domini sunt non omnino absolutè, sed cum annexo onere, vt quæ

superflua sunt; pauperibus, vel in aliū vsum pium erogare ex iustitia obligati sunt. n. 3.

Beneficiatus ex redditibus Ecclesiasticis filios suos, etiam spurios, alere tenetur, si indigeant, & ipse patrimonialia bona non habeat. n. 4.

Beneficiatus licet patrimonialia bona habeat, potest ex bonis Ecclesiasticis filio, vel cognato indigenti subministrare sumptus ad studia literarum. n. 5.

Clerici testari de redditibus Ecclesiasticis etiam ad pias causas communi iure prohibentur. n. 6.

Consuetudo vt Clerici de bonis Ecclesiasticis testentur ad causas profanas, non videtur esse iusta, neque à Prælati Ecclesiasticis approbata, sed tantum tolerata. Aliud verò sentiendum de consuetudine testandi ad causas pias. n. 7.

Beneficiatus nec merus vsuarius est, nec propriè vsufructuarius, comparatione bonorum stabilium, ex quibus redditus percipit. num. 8.

Donarij, legatarij, & hæredes non possunt accipere aut retinere, quod ipsis ex Ecclesiasticis superfluis redditibus relinquitur, nisi pauperes sint. n. 9.

Regulares beneficiati plenam suorum reddituum administrationem habent, à SS. canonibus concessam. n. 11.

Si Ecclesiæ Prælatus donationem aliquam, vel elemosynam facturus sit, ex bonis Ecclesiasticis, quæ sint communia collegialiter, requiritur consensus maioris partis Capituli. Sin verò donaturus sit bona communia particulariter, seu quæ ad communem massam non pertinent, sed inter singulos distribuenda sunt, requiritur consensus omnium. l. 3. t. 4. c. 12. n. 11. §. Alterum.

Episcopus non potest redditus vnius ecclesiæ pro fabrica deputatos, quatenus abundantiores videntur, ad alterius pauperioris ecclesiæ subsidium transferre: quia res legata, vel donata ad vnum vsum, non potest ad alterum transferri, nisi auctoritate Principis. Excipitur tamen, si magna, & manifesta abundantia reddituum vnius ecclesiæ sit; alterius autem ecclesiæ grauis necessitas, cui ex lege charitatis subueniendum sit. lib. 4. tr. 2. c. 13. n. 16.

Ecclesia pupillo comparatur, cum seipsam defendere non possit. Quare sicut tutor non potest alteri bona pupilli donare cum detrimento eius, ita nec ecclesiarum tutor, seu administrator Episcopus, vel alius Prælatus. *ibid.*

Ecclesia sacer locus.

De ecclesiarum consecratione, seu dedicatione, ad quam plures Episcopi conuenire solebant, frequens mentio est apud SS. Patres, & Scriptores antiquos. lib. 5. tr. 9. c. 13. n. 8.

Scriptura in marmore, vel vnus testis fidem facit de ecclesiæ consecratione. lib. 5. t. 2. c. 5. n. 3. §. Dixi.

Ecclesia ab Episcopo excommunicato, etiam hæretico, validè consecratur; vt reconciliatione nulla indigeat. lib. 5. t. 5. c. 5. n. 9.

Satis est ecclesiam benedictam esse, atque Episcopi auctoritate ad officia publica deputatam, vt sacris locis annumeretur. *cod.* c. 5. n. 1.

Ecclesia quinque modis violatur, vt in ea Missam celebrare non liceat; videl. iniuriosa sanguinis effusione, iniurioso homicidio, illicita humani seminis effusione, excommunicati non tolerati, vel denique non baptizati hominis sepultura. n. 7.

Factum, per quod ecclesiæ, vel altaris violatio inducitur, publicum seu notorium esse debet. n. 8.

Sacristia, & camera, quæ sunt pro custodia vasorum, & vestium, non videntur violari, sicuti ecclesiæ. n. 10.

Violata ecclesiæ, etiam cœmeterium violatum esse censetur, sed non vice versa. n. 11.

In materia fauorabili nomine ecclesiæ etiam cœmeterium comprehendi solet. lib. 5. t. 7. c. 3. n. 4.

Si ecclesiæ consecrata violetur, solus Episcopus eam reconciliat; benedictam verò, vel ad publica officia auctoritate Episcopi deputatam etiam simplex Sacerdos

Idemque sentiendum est de cœmiterio. Decens tamen est, ut prius Episcopo res significetur, quam ecclesiam, Præbyter reconciliet, si extra Missæ sacrificium violetur. l. 5. t. 5. c. 5. num. 12.

In praxi obseruatur, ut, nisi locus consecratus, vel auctoritate Episcopi benedictus fuerit, nunquam violari censeatur, ut reconciliatione indigeat. cod. c. 5. n. 2.

Ecclesia polluta non reconciliatur per solum Missæ sacrificium, quod bona fide in ea celebratur. n. 13.

Si Catholici ecclesiam recipiant, in qua hæreticorum exercitia viguerunt, opus non est eam solemniter ab Episcopo reconciliari: sed sufficit aqua benedicta aspergere. num. 14.

Religiosis Mendicantibus à Sede Apostolica concessa est facultas ecclesias consecratas, si pollutæ fuerint, reconciliandi aqua ab Episcopo benedicta: & ut possint solemniter benedicere ecclesias suas, & cœmiteria, si Episcopi nolint, aut negligant. num. 12.

Interdum ecclesia consecrata consecrationem omnino amittit, ut iterum consecrari debeat, videl. si eius parietes secundum maiorem partem destructi, aut absumpti sint. Sed benedictio templi, aut cœmiterij non amittitur destructis parietibus; cum ea solo inhærere censeatur. n. 15.

Si Ecclesia diruta sit sine spe reedificationis, amittit priuilegia loco sacro concessa. ibid.

Veruntamen si ecclesia in alium locum sub eodem Patrono auctoritate Prælati transferatur, vnâ etiam indulgentiæ eius, & priuilegia omnia transferuntur. l. 5. t. 7. c. 8. num. 5.

Si minor pars Ecclesiæ corruat, aut destruat, non amittitur eius consecratio; & pars, quæ adijcitur ipsa accessione consecrationem à toto corpore acquirere censetur. Idemque sentiendum, si ecclesia ampliatur: quare tali casu sufficit, partem adiectam aqua benedicta aspergere. cod. num. 15.

Ecclesia successiuè reparata non est iterum consecranda, quia moraliter eadem censetur. Si tamen animo omnes, aut pene omnes parietes reparandi, adeoque quasi nouam ecclesiam ædificandi, vnus murus post alium quasi continuatis operis deijciatur & reperetur, probabile est, Ecclesiam iterum consecrandam esse. num. 16. §. Hæc posterior.

Pollutâ ecclesiâ polluntur etiam altaria, omnia, quæ in ea fixa sunt: sed ecclesiâ execratâ, non ideo etiam altaria execrantur. num. 7.

Ecclesia execratur, si eius parietes incendio ita absumantur, ut omnis crusta, vel secundum maiorem partem auferatur; licet parietes non corruant. Quia consecratio potissimum consistit in exterioribus crustis. cod. c. n. 15.

Si crusta omnis, vel maior eius pars renouandæ ecclesiæ causa successiuè auferatur, consecrationem idcirco ecclesia non amittit. ibid.

Electio Ecclesiastica.

Electio est alicuius personæ ad Ecclesiæ vacantis pastoralis dignitatem canonica vocatio. lib. 4. tract. 2. c. 12. num. 1.

Beneficia propriè electiua dicuntur Prælati, seu in quibus aliquis instituitur, ut sit caput Collegij, & quasi ipotus Ecclesiæ secularis, vel regularis. Sed latè beneficium electiuum appellatur omne illud, ad quod alicuius tribuitur per suffragia, & alterius confirmationem quo modo in quibusdam, etiam Cathedralibus Ecclesijs, Decanatus electiuum beneficium est. eodem. cap. 12. num. 1.

Electio non tribuit electo ius in re, & quasi dominium beneficii, ad quod electus est, sed tantum ius ad rem: quare opus est. Superioris confirmatione, per quam plenum ius acquiritur. num. 2.

Si electus ante confirmationem moriatur, beneficium vacare censetur per mortem prioris Prælati. ibid.

Si electus ante confirmationem beneficii administrationem usurpet, priuatur iure suo. Sed neque confirmatus, dum alius in possessione est, administrare debet. ibid. §. Secundò.

Prælati à Papa confirmandi, aut consecrandi, si antea Ecclesiam administrent, fructuum perceptione priuantur: & qui eiusmodi Prælati obediunt, à beneficijs suspenduntur. ibid.

Beneficia Prælati electi non vacant, nisi post confirmationem, imò etiam consecrationem, vel saltem post lapsum tempus trimestre. ibid. §. Tertiò.

Percussor Episcopi electi non incurrit excommunicationem Bullæ Cænæ; sed nec confirmati, ante eius consecrationem. ibid. §. Quartò.

Electio iure communi ad Collegium spectat, ex consuetudine interdum ad alios. num. 3.

Sufficit electorem esse in quasi possessione iuris eligendi, licet postea ab eo euincatur. ibid.

Qui à pacifico possessore electus est, præfertur alteri electo à proprietatem habente. ibid.

Quidam eligendi potestate ob crimen, vel censuram priuati sunt. ibid. dicto. 4.

In Ecclesijs regularibus, qui professi non sunt, & Laiici conuersi electioni interesse non debent. ibid.

Omnes, qui ius eligendi habent, ad electionem vocandi sunt. num. 4.

Absens iuste impeditus procuratorem constituere potest, qui tamen è Capitulo sit. ibid. dicto 4.

Nisi electus intra spatium mensis electioni sibi significata consentiat, postea ius consentiendi non habet. ibid. dicto 5.

Electus intra trimestre spatium confirmationem petere debet; alioquin electio cessat. num. 5.

Tres sunt modi, seu formæ eligendi. I. Per scrutinium. II. Per compromissum. III. Quasi per diuinam inspirationem. num. 6.

Beneficiati Episcopo inferiores ad Episcopatum eligi non prohibentur: sed Episcopus ad alium episcopatum postulari debet. num. 9.

Et si decens sit, aliquem capitulariter eligi, qui de gremio Ecclesiæ sit idoneus, si tamen Capitulares huic iuri renuntiare volentes alium sponte eligant, electio rata est. ibid.

Si Religiosus ad Ecclesiam secularem eligatur, acceptare non potest electionem, sine consensu Prælati, qui tamen consensum præstare debet, si Ecclesiæ utilitas postulet. Postquam verò Religiosus ad Prælatum, vel beneficium parochiale translatus fuit, ad aliam Ecclesiam promoueri poterit, sine consensu Prælati regularis. ibid.

Regularis ex vno Monasterio eligi potest in Prælatum alterius Monasterij; si eiusdem Ordinis sit; non item, si diuersi Ordinis; nisi Prælatum episcopalis sit. cod. num. 9. §. His quædam.

Si Canonici ad beneficium residentiam requirens eligant aliquem, qui simile beneficium antè obtinet, distingue, utrum id sciant, tunc censentur contenti esse, ut post dispensationem beneficium absens retineat: Si tamen dignius sit beneficium, ad quod eligunt, censentur sub condicione eligere, si prioris residentiam dimittat. An verò ignorent, rum resilire possunt, nisi electus suum beneficium resignare, vel in eo non residendi dispensationem impetrare velit. lib. 4. tract. 2. cap. 8. in fine.

Electio Prælati patronus, præsertim laicus, interesse non debet: vel et si ex speciali consuetudine, aut fundationis lege interfit, libertatem tamen eligentium impedire non potest, neque ius suffragij sibi arrogare. l. 4. tract. 2. c. 13. n. 8. §. Cæterum.

In fundatione conditio apponi potest de consensu Patroni requirendo. Verum patrono laico solus Papa ca-

lem facultatem concedit. *ibid.*

Post factam prælati electionem nihil prohibet patroni consensum requirere; quem tamen is negare non potest, nisi iustam causam habeat, videl. si electum idoneum non esse ostendat. *ibid.* §. Post factam.

Si secularis potestas cum auctoritate se immisceat electioni Ecclesiasticæ, dicitur ea facta per abusum secularis potestatis; ac pœnas canonicas adiunctas habet. l. 4. t. 9. c. 9. num. 2. §. Duodecimò.

Eleemosyna.

Est opus, quo datur aliquid indigenti ex commiseratione, propter Deum. lib. 2. tract. 3. c. 6. num. 3.

Magistratus ob iustas causas peregrinos mendicantes ciuitate expellere potest. *ibid.* §. Notat.

Eleemosynæ præceptum oritur vel ex parte dantis, si habeat bona superflua; vel ex parte accipientis, si in necessitate extrema, aut graui positus sit. n. 4.

Extremam necessitatem naturæ patientibus plerumque subueniendum est ex ijs, quæ statui conseruando necessaria sunt. Constitutis autem in graui necessitate succurrendum esse videtur, saltem cum modico status detrimento. eod. num. 4.

Diues contra iustitiam peccat, si pauperi in extrema famis necessitate non subueniat sed mori sinat. l. 1. tr. 2. c. 3. n. 8. & l. 3. tract. 3. c. 1. num. 7. in fine.

Et si diues homini extrema patienti iniuriam inferat, si necessaria neget, cum ipsi naturali iure debeantur, transactâ tamen illa necessitate debitum hoc extinguitur, vt restitui nihil debeat. eod. n. 7. aduert. 3.

Frequens non est, vt homines seculares plura in bonis habeant, quàm ad statum eorum necessarium sit. l. 2. t. 3. c. 6. num. 4. in fine.

Nemo tenetur magnam pecuniæ summam dare pauperi ad emendam necessariam medicinam, quæ valde magni pretij sit: cum nec ipse infirmus, si pecunias haberet, talem medicinam sibi comparere deberet; quia sufficit adhibere remedia communia. l. 2. t. 3. c. 6. n. 4. §. Dixi.

Ex ijs quæ absolutè superflua sunt, præceptum est diuitibus, vt eleemosynam dent, si graues pauperum necessitates cognôrint. n. 5.

Probabilius est, quòd ex superfluis bonis eleemosyna danda sit communem inopiam patientibus: quamquam hæc obligatio censenda non est sub mortali. n. 5.

Qui mutuo, aut venditione succurrere potest necessitati proximi, non tenetur donare, præsertim notabilem quantitatem. num. 6.

Illicite acquisita, si proprio domino restitui debet, alijs in eleemosynam dari non possunt: secus est, si quæ male, aut turpiter acquisita tamen in acquirentis dominium transierunt. num. 7.

Vxor eleemosynas, aliàsque donationes arbitrato suo facere potest de bonis paraphernis; non item de dote, alijsque familiæ bonis, sine licentia mariti: Excepto, si maritus absens sit, prodigus, aut mente captus; vel opum abundantia, pauperum grauis necessitas, aliæve iusta causa postulet, & maritus ob auaritiam, vel imprudentiam intermittat. lib. 3. tract. 4. c. 12. n. 6.

Probabile est, quòd vxor, etiam marito inuito, moderatas eleemosynas facere possit; præsertim si bona in coniugio acquisita secundum morem regionis communia sint: cum ipsa non sit veluti ancilla, sed socia domesticæ administrationis. *ibid.*

Prælati Ordinum regularium ex bonis Monasterij eleemosynas, & donationes remuneratorias facere possunt, & sape debent, secundum facultates Monasterij, cui præsent. eod. c. 12. n. 9. §. Quidam.

Oeconomi regulares, & Procuratores eleemosynas, aliàsve donationes facere possunt, secundum limites suæ cõmissionis, seu secundum Superiorum voluntatem expressam, aut rationabiliter præsumptam. n. 10. §. Tertio.

Religiosi nullam administrationem bonorum habentes, nullas eleemosynas dare possunt, sine licentia Prælati excepto casu necessitatis extremæ, si pauper fame alioquin moriturus sit. *ibid.* §. Denique.

Si Religiosus cum legitima licentia extra Monasterium degat, v. g. in peregrinatione, aut in studio literarum, potest moderatas eleemosynas facere, sicuti alij eiusdem Ordinis & conditionis solent. *ibid.* §. Alij.

Si Religioso certa quantitas ad sustentationem assignata sit, quod parcius viuendo seruauit, ex præsumpta Superioris voluntate, in eleemosynas expendere potest. *ibid.*

Emphyteusis.

Emphyteuses concedi solent, vt prædia magis fecunda reddantur. lib. 3. tract. 4. c. 23. n. 1.

In emphyteusi ius domini vtilis transfertur, in eoque à locatione distinguitur. num. 2.

In dubio, num. sit contractus censualis, an emphyteuticus, præsumitur talis, qualis in eo loco vsitator est. num. 3.

Laudemium ad substantiam emphyteutici contractus necessariò non requiritur. n. 4.

Emphyteusis alia est Ecclesiastica, & alio laica, seu communis. num. 5.

Ad emphyteuticum contractum scriptura requiri solet. num. 6.

Emphyteuta domino exigenti instrumentum, seu titulum emphyteuseos, ipsaque prædia emphyteutica, & fines eorum exhibere cogitur. *ibid.*

Impendia, quæ ad fundi conseruationem, & fructuum collectionem spectant, emphyteuta præstare debet. num. 7.

Si emphyteuta tribus annis continuis in emphyteusi laica; duobus verò annis in Ecclesiastica, pensionem integram non soluat, ipso iure cadit in pœnam commissi. num. 8.

In emphyteusi, præsertim Ecclesiastica, si post elapsum biennium mox oblatis pensionibus emphyteuta moram purget, liberatur pœna commissi. *ibid.* §. Quintò.

Si dominus omisit voluntatem suam declarare, cum faciliè ei licuerit, non potest deinde successor caducitatis pœnam exequi. Sed neque contra hæredem emphyteutæ, aut vasalli condemnatio fieri potest, si contra delinquentem scienter intermissa fuit. *ibid.* §. Quartò.

Probabile est, dominum in casu notorio canonis non soluti propria auctoritate rem emphyteuticam occupare posse. *ibid.*

Si dominus post causam caducitatis, insequentis temporis pensiones receperit, præsumitur ius reuocandi condonare: sicuti & dominus, si à vasallo post incursum caducitatem sine protestatione seruitia solita recipiat. *ibid.* §. Sextò.

Ecclesia expellens emphyteutam post incursum caducitatem, nihilominus pensiones exigere potest: sed in priuata emphyteusi dominus censetur remittere, si nihil protestetur. eod. n. 8. in fine.

Emphyteuta si domino non requisito rem emphyteuticam alienet per venditionem &c. ipso iure ea priuatur: quare duorum interim mensium spatium domino conceditur, intra quod si fundi possessionem emptori emphyteuta tradat sine domini consensu, pœna commissi incurrit. num. 9.

Si dominus à nouo emphyteuta, qui sine consensu suo in possessionem missus est, pensionem accipiat, censetur alienationem ratam habere. *ibid.* limit. 2.

Potest tamen emphyteuta fundum oppignerare, ad vitam suam locare, censum, vel seruitutem in illo, etiam irrequisito domino, constituere. n. 10.

Titulo lucratiuo non prohibetur emphyteuta fundum emphyteuticum in alterum transferre, saluo tamen iure proprietarij. n. 11.

Emphyteusis alia est simpliciter hereditaria, alia mixte hereditaria, alia simpliciter ex pacto, & providentia. num. 12.

Emphyteusis alicui absolute concessa pro se, & filijs suis, etiam feminas comprehendit. n. 13.

Si emphyteusis alicui concessa sit pro se, & heredibus aut successoribus suis, hereditaria censi debet; ut etiam ad extraneas transire possit: quamquam in Ecclesiastica emphyteusi nomine heredum intelligi solent descendentes. ibid. dicto 3.

Emphyteusis, etsi absolute hereditaria sit, tamen in personam potentiores transferri nequit. n. 14.

Cum bona ob crimen confiscantur, licet fiscus succedat in emphyteusi hereditaria, si priuata sit: cogi tamen potest fiscus, ut intra annum alteri vendat. ibid. in Corollario.

Emphyteusis hereditaria Ecclesie legari, vel cum hereditate relinqui potest, ita tamen, ut intra annum vendi debeat. ibid.

Si emphyteuta Religionem profiteatur, quae capax sit immobilium bonorum, emphyteusis hereditaria ad Monasterium transit. Sed ea vendi debet, saltem post mortem Professi, vel aliter prouideri de laudemij solutione, ne domini directi conditio deterior fiat. Sin autem emphyteusis sit ex providentia, utilitas eius, dum Religiosus viuit ad Monasterium spectat, postea succedit ille, qui ex inuestitura vocatur, alioquin ad dominum redit. ibid. &c. 24. n. 10.

Pater vni filiorum donare, vel praelegare potest emphyteusin, si hereditaria sit: sin vero ex pacto & providentia, non potest in prauiudicium aliorum liberorum, nisi sit emphyteusis noua, siue primitus acquisita. n. 16.

Si tempus iuris emphyteutici ad hominis vitam, ad duas, vel tres generationes concessi finitum sit, non tenetur dominus, secundum iuris rigorem, agnatum proximum, quantumvis idoneus sit, inuestire. n. 17.

Laudemium ex venditione feudi emphyteutici vsufructuario, non proprietario debetur, v. g. patri, non filio, ex bonis aduentitijs eius. n. 18.

Si emphyteuta fundo emphyteutico priuatus est ob canonem non solum, meliorationes a domino petere non potest. ibid. quaest. 5.

Si emphyteuta sine culpa sua fundum emphyteuticum amittat, repetere potest meliorationes eas tantum, ad quas ratione contractus emphyteutici non tenebatur: ut si nouum aedificium extruxerit. n. 19.

Emptio, & Venditio.

Contractu emptionis ac venditionis, cum uno seu pecunia, de nouo introductus est; cum antea res alia inter se permutari solerent. lib. 3. tr. 4. c. 17. n. 1.

Contractus iste, quia pretium interuenit, emptio; quia vero merx, venditio dicitur. n. 2.

Duplex est rerum venalium pretium; vnum legitimum, & alterum naturale: illud in indiuisibili consistit; hoc vero vulgare est, & latitudinem habet: quare triplex statuitur: Supremum, mediocre, infimum. n. 3. & 4.

Tempore sterilitatis non potest solis agricolis pretium frumenti taxari, alijs mercibus non taxatis. n. 4.

In pretio emptionis ac venditionis, quod liceat contrahentibus se circumuenire I. C. dictum est. 5.

In externo foro contrahentibus non succurritur, nisi ultra dimidium iusti laesi sint: sed in conscientiae foro omnis contrahentium notabilis laesio ad aequalitatem reducenda est. n. 5. & 6.

Si emptio v. g. rei Ecclesiasticae, vel ad Minorem spectantis iusto pretio peracta est, praetermissa iuris solemnitate, in conscientia tutus est emptor, donec Iudicis rescindentis auctoritas accedat. Idemque sentiendum de electione, & similibus actibus. l. 1. tr. 4. c. 10. n. 9.

Si contrahentes sciunt iustum mercis pretium, & nulli, aut fraude interueniente supra, aut infra limites iusti

pretij emant, aut vendant, praesumitur donatio: quod etiam de alijs onerosis contractibus dici debet. lib. 3. tr. 4. c. 17. n. 6.

Sicuti in decepto venditore, ita etiam in decepto emptore dimidium iusti in foro externo aestimari debet. num. 7.

Rescisso contractu propter laesionem immodicam fructus temporis intermedij ad emptorem, utpote dominum, spectare aequum est. n. 8.

Iustum mercis pretium est, quod loci consuetudo approbat, secundum communem hominum aestimationem. n. 9.

Qui frumentum v. g. pretio consueto vendit, sciens breui superuenturam copiam, nihil peccat: similiter, qui intellexit locationum pretia minuenda esse ob aulae recessum; vel Magistrum certum genus monetarum interdicitur, si pecunias expendat, vel domum consueto pretio locet. ibid.

Magistratus tamen, & Assessores iniuste agunt, si eiusmodi decretum ante promulgationem alicui prodant, vel ipsi eius scientia utantur cum aliorum damno. ibid.

Causae, ob quas pretia rerum augentur vel minuuntur, sunt penuria vel abundantia mercium; emptorum vel venditorum paucitas, aut multitudo, item pecuniae abundantia, item modus v. g. vendendi sub hasta, si emptor a venditore rogetur &c. n. 10.

Merx multum distans a loco, in quo venditur, tanto minoris aestimari solet. lib. 3. tr. 4. c. 19. n. 8.

Nemo suum commodum emere cogitur. eod. tr. 4. c. 17. n. 10.

Dominium mercis, quamvis tradita, non ante acquiritur emptori, quam is pretium soluerit, vel ipsi fides de solutione habita sit. n. 11.

In dubio censetur venditor fidem habere emptori de pretij solutione. ibid.

Res in specie emptae, si ante traditionem absque venditoris culpa pereat, emptoris damnum est, secus, si res indeterminata, seu in genere emptae fuit. n. 12.

Si venditio facta est ad futuram mensurationem, aut numerationem, periculum rei interim ad venditorem spectat. num. 13.

Si vinum, mel, ouium grex, vel aliud simile non ad numerum, mensuram, sed ad corpus venditum fuerit, neque actum ut degustaretur, emptor periculum praestabit. Idemque dicendum, si certus terminus mensurationi, aut numerationi praefixus fuerit, post culpabilem moram emptoris, ad ipsum periculum pertinet. ibid.

Venditor mercis vitium occultum significare tenetur, alioquin rescindi potest contractus, si dolus causam contrahendi dedit. n. 14.

De vitio per se manifesto emptorem monere necesse non est, nisi inuincibili ignorantia laborare videatur. Ibid. §. Ceterum.

Si merx vitiosa aliqualem usum habet ad eum finem, ob quem emitur, interdum necesse non est vitium occultum manifestare: plerumque tamen de pretio aliquid ob hanc causam remittendum erit. n. 15.

Plerumque peccant Oenopolae, si vino aquam admisceant. eod. num. 15. §. In specie.

Actio quanto minoris, in conscientiae foro etiam ultra anni spatium durat, ad petendum pretium iustum. n. 16.

Peracta venditione partium consensu, fructus omnes pendentes, cum maturi, tum immaturi, ad emptorem spectare debent censentur enim pars fundi. n. 17.

Vendito equo, censentur etiam vendita necessaria ornamenta: vendita autem domo, etiam serae, clauis, & similia emptori cedunt. ibid.

Ager pluri aestimatur ante messem, quam post messem. ibid. coroll. 1.

Si domus vendatur, quae alteri elocata est, pensio pertinet ad venditorem & emptorem proportionem temporis

antecedentis & consequentis. coroll. 3.

Peracta venditione, etiam fructus producendi, seu postea exhorti ad emptorem spectare debent; etiamsi pretium solutum non sit. n. 18.

Vsura pretij non soluti exigi possunt, si compensatoria sint, secus, si lucratoria. n. 9.

Res qualibet ei perit, aut fructificat, cui in specie debita est. eod. n. 19. in fine.

Si venditio ita fiat, ut periculum rei venditæ, interim donec pretium soluitur, ad venditorem pertineat, tunc fructuum æstimationem is exigere poterit. n. 20.

Venditor emptori obligatus est de mercis euictione. num. 21.

Si res aliena emptori ignoranti vendita fuerit, valet contractus, & dominium pretij venditori acquiritur. ibid. §. Est autem.

Qui alienis numis aliquid mercatur, dominium mercis acquirit: numi tamen venditori non acquiruntur, nisi cum proprijs ita miscuerit, ut discerni non possint. Semper autem fur tenetur, si numi alieni euincantur à venditore. eod. n. 2. in fine.

Qui à fure emente pecunias furtivas bona fide accepit, easque cum proprijs commiscuit, ad nullam restitutionem domino pecuniarum obligatur. n. 23.

Bona fidei emptor si postea intelligat rem furtivam esse, domino suo restituere debet, non furi. n. 24.

Qui rem furtivam, quam à fure emit, alteri bona fide vendit, postea comparenti domino restituere nihil debet: secus, si res furtiva illi donata erat. n. 25.

Licetum est res furtivas modico pretio redimere, ea intentione, ut dominis suis restituantur. n. 26.

Qui scit rem alienam esse, vendere eam non debet; si vero dubitat, post diligentem inquisitionem vendere non prohibetur, monito prius emptore de euictionis periculo. num. 27.

Si res duobus vendita, vni, quamvis posteriori, tradita sit, dominium huic acquiritur. Sed excipiuntur Ecclesiæ, & civitates, quibus per solam conventionem absque traditione dominium rei comparatur. n. 28.

Res sacra, homo liber (extra necessitatis casum) item publicum forum, theatrum vendi non possunt. n. 31.

Seipsum aliquis in necessitate vendere non prohibetur, cum homo libertatis suæ dominus sit. ibid.

Res sacra, quæ ratione materiae pretio æstimabiles; vendi vel oppignerari possunt ob piam necessitatis causam. Sed alienatio fieri debet alteri Ecclesiæ; nisi sacra vasa conflata, aut profanata sint; tum etiam laico alienatio fieri potest. ibid.

Ea quæ sunt in spe, ut lucra, item iura & actiones recte venduntur. n. 32.

Actio cedi, aut vendi non potest potentiori, ratione officij, seu potestatis exercendæ in debitorem: secus est, si emptor potentior sit ratione alterius qualitatatis; præterquam, si appareata actionem ea intentione translatam esse, ut alter potentiorum aduersarium habeat. Ibid. §. Excipitur.

Probabile est, quod ius, seu chirographum ad accipiendum sequente anno centum, minore nunc pretio emi possit, puta nonaginta. n. 33.

Debitum, quod difficilem solutionem habet, tanto minus valet. ibid.

Qui sua indultia alienum debitum facile consequi potest, quod is, cui debetur, difficile impetrabit, pretio minore emere non prohibetur; modo difficultas solutionis non ipsius culpa proveniat. eod. n. in fine.

Nemo inuitus rem suam vendere cogitur: exceptis casibus publicæ necessitatis, aut publici fauoris, ut si fundus personæ priuatæ necessarius sit ad constructionem, vel ampliationem civitatis, viæ publicæ, Principis palatij, templi, monasterij, Hospitalis &c. n. 34.

Si ædes priuatæ non simpliciter necessariae, tamen val-

de viles sint ad Religiosorum, vel Clericorum plurium habitationem, cum bono publico iunctam, subditi cogi possunt à Principe, saltem si ex tali venditione nullum, aut modicum detrimentum patientur. ibid. §. Testantur.

Si dominus loci nimia sævitia utatur in subditos, & monitus non absistat, à Magistratu compelli potest ad vendendum dominium, vel omnino iurisdictione privari. ibid. casu tertio.

Si aliquis in loco communi ecclesiam ædificare velit, socius ad partem suam iusto pretio vendendam cogi potest, Religionis favore. Casu quarto.

In casu communis inopiæ, qui frumento, & similibus rebus abundant, cogi possunt, ut ciuibus seu indigenis vendant, non exteris: item ut emptores non plus coequant, quam ad familiæ sustentationem indigent: cuiusmodi legibus etiam personæ Ecclesiasticæ se conformare debent. eod. n. 34. vers. Adde secundò.

Venditoribus à Magistratu pretium rerum ad victum necessariorum taxari potest, non ita verò, si res non necessariæ venales exponantur, ut gemmæ &c. eod. n. 34.

Episcopus.

Episcoporum Ecclesiastica iurisdictione, quoad substantiam, est diuina institutione est; quoad modum verò, & ordinem institutionis, à Summo Pontifice pendet. lib. 1. tr. 4. c. 7. n. 3.

Ad Romanum Pontificem pertinet Episcopos electos confirmare, eorum iurisdictionem tum locorum spatijs, tum causarum qualitate definire, eisdem iustas ob causas deponere. n. 5.

Episcopi non succedunt Apostolis in apostolatu, sed in sacerdotali ordinis dignitate. ibid. obiectione. 1.

Dictum Canonistarum: *Quod potest Papa in Ecclesia tota, id potest Episcopus in sua diocesi*, intelligitur cum dependentia à Sum. Pontifice, & exceptis causis maioribus, quæ soli Papæ referuntur: v. g. dispensatio in impedimentis matrimonij, deposito, vel translatio Episcopi, diocesium diuisio, mutatio, ibid. §. Ex his omnibus.

Ad Episcopum spectat ob iustam causam disponere de beneficijs ad suam diocesim pertinentibus: modo nihil contra canones agat, neque fundatorum voluntati sine causa necessitatis derogat. Quare Episcopus ex ecclesia parochiali facere potest Collegiatam, diuini cultus augendi causa: Ecclesiam parochialem ob plebis multitudinem diuidere: Ob reddituum tenuitatem vnum beneficium alteri vnire, vel omnino suppressere. lib. 4. tr. 2. c. 13. n. 11. q. 5.

Hodie secundum stylum curiæ non permittitur Episcopis, ut beneficia pensionibus grauent. Quare in tali casu tum plebs, tum patronus Ecclesiæ se opponere possunt ne id fiat sine Sedis Apostolicæ auctoritate. ibid.

Episcopi non possunt statuere contra leges, vel consuetudines Ecclesiæ vniuersales; tamen si secularibus Ducibus sæpe concessum sit contra legem Imperatoriam decernere. Ibid.

Episcopi non possunt statuere, aut privilegiare cum præiudicio iuris aliorum: quia solius supremi Principis est, postulante causa publica, vni auferre, & alteri dare. ibid.

Episcopus non potest facere statutum in præiudicium iuris Ecclesiarum inferiorum, nisi causa maxima, eaque publica urgeat, tum consentire debent inferiores Rectores, aut, ijs etiam nolentibus; procedi poterit. ibid.

Ordinatio Episcoporum olim ad testimonium populi, electionem Cleri, à prouinciæ Episcopis, cum auctoritate Metropolitani siue Primatis, fieri debebat. Nihilominus mos antiquus fuit, ut ad Rom. Pontificem referretur, quinam etiam in Oriente Episcopi canonicè electi essent, ut electio confirmaretur. ibid. obiectione. 2.

Episcopatum, aliāve Prælaturam appetere principaliter propter Dei honorem, atque salutem animarum, secundario verò propter temporalia bona, non est illicitum.

tum, si debita conditiones adsint. lib. 4. tr. 2. c. 15. n. 10.

Episcopatum solus Papa imperare alicui potest. Id vero frequens est, ut Episcopum vnius Ecclesie cogat ad acceptandum, alterius Ecclesie Episcopatum, propter publicam vtilitatem: imò Episcopatus vatare videtur per translationem à Papa decretam, & confirmatam, ante translati acceptationem. ibid. n. 11.

Licet alioquin qui ad Prælaturam habilis est, si renitatur, à Superiore suo cogi possit; tamen Prælatus Ordinis Religioso præcipere non potest, ut Episcopatum, aliamve Prælaturam extra Ordinem acceptet. ibid. dicto 2.

Episcopus eligi non potest, nisi trigessimus ætatis annum compleuerit: quia etiam Christus post exactum annum XXX. prædicare cœpit. lib. 5. tr. 9. c. 7. n. 1.

Episcopus, vel similis persona publica contumeliam, vel infamiam iniuste illatam se defendendo repellere debet, propter Communitatis bonum. lib. 3. tr. 3. p. 3. c. 3. in fine.

Sine Episcopi consensu Ecclesie subiectæ statuerere non possunt in rebus alicuius momenti; sed tantum in causis exiguis. lib. 1. t. 4. c. 7. n. 10.

Olim vsitatum erat, ut Episcopi in ciuilibus fidelium controuersijs iudicium ferrent. lib. 1. tr. 5. p. 5. c. 8. n. 6.

Eremitæ.

Eremitæ illi soli, qui edito voto paupertatis, vel alia suscepta obligatione, Ordini vel Ecclesie alicui speciatim additi sunt, inter personas Ecclesiasticas numerari, earumque priuilegijs gaudere debent. lib. 1. tr. 5. p. 2. c. 5. n. 4. dub. 2.

Eucharistia.

Est propriè Sacramentum, ad cuius constitutionem pertinent tum species sensibiles, tum corpus & sanguis Christi, quæ sub speciebus continentur, tanquam spirituale animæ nutrimentum. lib. 5. tr. 4. c. 1. n. 1.

Transmutationis seu conuerthionis panis ac vini in verum corpus, & sanguinem Christi, frequens est mentio apud SS. Patres. n. 2.

Eucharistia sub speciebus panis, ac vini, ex vnicum, integrum, ac perfectum Sacramentum; idque pluribus rationibus. n. 5.

Eucharistiæ Sacramentum omnium excellentissimum est. num. 3.

Eucharistiæ Sacramentum varijs nominibus appellari solet. n. 6.

Eucharistiæ materia.

Materia & forma aliter se habent in hoc Sacramento, ac in alijs, quæ esse successiuum habent. eod. tract. 4. c. 1. num. 4.

Materia, ex qua Sacramenti Eucharistiæ, est panis, & vinum. c. 2. n. 1.

Panis triticeus esse debet necessitate Sacramenti: Sed nomen tritici latè accipitur, ut omne genus frumenti comprehendat, quod ad conficiendum panem pro hominis victu communiter adhibetur. n. 2.

Oriza, auena, milium, hordeum non sunt materia huius Sacramenti. n. 3.

Panis ex triticea farina, & aqua elementari mixtus, & igne tostus esse debet: quare nec farina lacte, melle, oleo, aqua rosacea, vel simili liquore subacta & testa, nec massa farinacea cruda, vel oleo, aut butyro frixa, vel aqua elixa huius Sacramenti materia est. ibid. assert. 3.

Ut panis azymus sit, non est de necessitate Sacramenti; quamuis id conuenientius sit: cum etiam Christus in azymo consecrârit. n. 4.

Vinum, quod est materia Calicis, de vitæ esse debet, necessitate Sacramenti. n. 5.

Nec agresta, nec acetum validè consecratur: nec vna matura; cum potus non sit. ibid.

Mustum, seu vinum recens expressum validè consecratur, sed non licitè. n. 6.

In vino congelato non licitè, tamen validè consecra-

tur; nisi spissa admodum fuerit congelatio, quæ tamen brevi tempore vix accidit. eod. n. aduert. 4.

Si contingat vinum consecratum in calice congelari, debet liquefieri, & sumi: sin ante consecrationem, post oblationem congeletur; & facta resolutione accidentium mutatio non appareat, consultius est consecrare, quàm mutare. ibid. §. Cæterum.

Admixtio aquæ ad vinum non est de necessitate Sacramenti, sed præcepti semper in Ecclesia obseruati, atque obligantis sub mortali. n. 7.

Qui cum aqua fiat in calicem infusa, vtrum in sanguinem Christi conuertatur, magna etiam olim dubitatio fuit. n. 8.

Aqua, nisi valde copiosa affusa fuerit, ut quantitatè vinum superet, vnâ cum vino in Christi sanguinem conuertatur. n. 9.

Non est sollicitè curandum, ut aqua valde modica, vel vna guttula affundatur, sed plures guttæ affundi possunt; imò etiam octaua, vel decima pars proportionalis. ibid. §. Addo.

Materia consecranda debet Sacerdoti moraliter præsens esse. Quare dicunt, materiam non consecrari, si à tergo sit Sacerdotis, vel post interiectum parietem, sub mappa, vel corporali latens, aut magno intervallo distans. num. 10.

Nec magnitudo, nec paruitas materiæ obstat, per se loquendo quominus validè consecratur: sin materia tam parua sit, ut hamano visu percipi nequeat, ideòque non demonstrari, consecrationis incapax est. n. 11.

Ad valorem consecrationis requiritur, ut Sacerdos materiam consecrandam determinatè cognoscat, & intendat: quare irrita erit consecratio, si Sacerdos velit consecrare partem aliquam materiæ indeterminatè, v. g. quinque ex præsentibus octo hostijs. n. 12.

Sacerdos censetur habere intentionem consecrandi, quæ sit Ecclesiastica consuetudini conformis. n. 13.

Si Sacerdos pro vna duas hostias iunctas posuit, & consecrauit, vtraque consecrata est, & sumenda. Quod si id aduertat ante consecrationem postquam obtulit, seponat alteram, & Missâ finitâ ut eulogiam sumat, vel alteri det. ibid.

Si quis in scio, seu non aduertente Sacerdote, formulas in alteri ponat, non consecrabuntur; cum nec actualis, nec virtualis intentio adsit. eod. num. 13. §. Neque his casibus.

Ante Offertorium hostiæ adesse debent, ut licitè postea consecrentur. ibid. eod. §.

Si Sacerdos, antequam ad sacrificandum egreditur, de hostijs consecrandis admoneatur, easque consecrare velit, postea verò obliuiscatur, nihilominus consecratæ censeri debent. ibid. eod. §.

Totum, quod in calice per modum continui est, consecratur. n. 14.

Consultum est, ut Sacerdos ante oblationem omnes guttas adherentes abstergere curet; deinde offerat, & consecret, secundum communem Ecclesie intentionem, cui suam conformari semper velit. ibid. §. Quod porro

Eucharistiæ Forma.

Forma substantialis verborum, quibus Christi corpus conficitur, hæc est: *Hoc est corpus meum.* Et quibus Calix consecratur: *Hic est sanguis meus.* c. 3. n. 1.

Virtute verborum, per omnipotentiam Dei, substantialis conuersio fit panis in Christi corpus, & vini in sanguinem: quæ conuersio in eo consistit, quod in locum substantiæ, v. g. panis accidentia hætenus sustentantis, nunc autem omnino desinentis, succedat corpus Christi, itidem sustentans accidentia panis, non ut formas sibi inhærentes, sed altiore, tamen propriè dicto sustentationis modo. n. 2.

Verba consecrationis substantialia Sacerdos non materialiter tantum, sed etiam significatiuè proferat, reliqua

autem verba tantum materialiter, ac historicè. n. 3.

Eucharistia suscipiens.

Tres sunt manducationes, seu modi sumendi s. Eucharistiam: vna Sacramentalis tantum; alia spiritualis tantum; tertia spiritualis, & sacramentalis simul, per quam vna cum Sacramento accipitur effectus eius, quæ est gratia sanctificans. c. 4. n. 1.

Et si hoc Sacramentum per se institutum sit pro fidelibus viuis seu iustis, per accidens tamen ob inculpatam ignorantiam peccati mortalis potest etiam peccatorem iustificare. eod. n. in fine.

Olim etiam infantibus s. Eucharistia dabatur: nunc autem dari non solet ante sufficientem rationis discretionem. n. 2.

Pueri, ac puellæ prius ad sacram Confessionem, quam ad sacram Communionem admittendi sunt. n. 3.

Certa ætas definiri non potest, in qua Eucharistia ministrari debeat: sed prudentium parentum, multo magis Confessariorum iudicio id relinquitur. Nam alij citius videl. circa annum novum, aut decimum; alij serius, circa annum decimum quartum, sufficientem rationis usum, & spiritualium rerum intelligentiam assequuntur. eod. n. 5. Porro.

Pueri, propter animi leuitatem, ferme non tam frequenter ad s. Synaxin admittendi sunt, quam adulti Interdum verò proba institutio compensat teneræ ætatis imbecillitatem. ibid. 5. Denique.

Qui post rationis usum in amentiam inciderunt, ijs in mortis duntaxat articulo s. Eucharistia danda est, si capaces esse videantur. n. 4.

Qui debilem & imperfectum rationis usum habent, rarius, quam alij, communicandi sunt, minimum tamen in Paschate, & multo magis in mortis articulo, modò eum rationis usum obtineant, ut sacramentaliter absolui, & inter cibum spiritualem ac profanum discernere possint. eod. n. dicto 3.

Surdus & mutus à natiuitate, si rationis usu polleant, s. Eucharistia, & alia sacramenta negari non debent. n. 5.

Energumenis Eucharistia danda est, si absque irreuerentia sumere possint, & non propter scelera in Diaboli potestatem venerint. n. 6.

Frequens s. Eucharistiæ sumptio commendabilis est, & olim valde vsitatum erat, ut quotidie sumeretur. cap. 5. num. 7.

Melius est ex deuotione Eucharistiam sumere, quam ob humilitatem & reuerentiam sacramenti abstinere: quia prior actus Amoris est, alter timoris: Amor autem timori præualeat. ibid.

Per accidens ob vitæ huius impedimenta, & distractiones, raro hodie inter laicos reperiuntur, qui ad s. Eucharistiam sæpius, quam octauo quoque die, cum debita reuerentia, & animæ fructu, aliorumque ædificatione accedat: quibus autem in particulari toties communicare expediat, Confessarius dijudicabit. ibid. 5. At verò.

Ecclesia non permittit, ut aliquis intra eundem diem bis communicetur. n. 5.

Peccata venialia, licet effectum Eucharistiæ, quæ est gratia sanctificans, non impediunt, faciunt tamen, ut Sacramentum minus reuerenter suscipiatur, præsertim si actualia sint. c. 6. n. 1.

Ad augmentum gratiæ in suscipiente iusto alia actualis dispositio necessariò non requiritur, nisi ut Eucharistia voluntariè suscipiatur, tanquam spiritualis cibus animæ. num. 2.

Cum peccato veniali actuali communicare, venialis irreuerentia est. n. 3.

Qui cum conscientia peccati mortalis s. Eucharistiam accipit, graue sacrilegium committit. n. 4.

Communicaturus, si mortalis peccatis conscius est, sacramentaliter confiteri debet, si id fieri possit. n. 4.

Vrgente necessitate sacrificandi, aut communicandi,

si copia confessarij non sit, post contritionem de peccato mortali, communicare licet. n. 5. 5. Tertium.

Si Sacerdos in altari recordetur peccati mortalis, opus non est accersere Confessarium; sed elicitæ contritionis, & postea confitendi proposito, sacrificium perfici potest: excepto, si in publico Missæ officio inter cationem, vel concionem Sacerdos facillè confiteri possit. ibid. 5. Contrarium.

Satius est die festo Missam intermittere, quam non præmissa Confessione, sed sola contritione de peccato mortali, sacrificare; nisi alia necessitas cogat. n. 6.

Sacerdos, qui ob necessitatem sine præuia Confessione celebravit, quam primum postea confiteri debet, si peccatum mortale habuerat. n. 7.

Peccatori publico, seu publicè, seu priuatim petenti neganda Eucharistia est. Idemque dicendum, si peccator emendatus est, eius tamen emendatio publicè ignota sit, & criminis infamia perseveret. Talis tamen post sacramentalem absolutionem interdum in capella priuata communicari potest. n. 8.

Interdum rationem scandali vitandi necesse est, ut qui frequenter, & publicè lapsus est, aliquo tempore abstinere à sacra Eucharistia, donec plenè satisfecisse visus sit. ibid. 5. Adde secundò.

Propter publica etiam, & vehementia criminis indicia Eucharistia negari debet, donec infamia laborans se purgavit. 5. Adde tertio.

Ad sacram Eucharistiam sumendam in criminis purificationem, Reus suspectus cogi non debet. n. 9.

Peccatori occulto s. Eucharistia negari potest, si priuatim petat; non item si publicè. n. 10.

Ad mortem damnatis Christianis s. Eucharistia per modum viatici administrari debet. n. 13.

Canonica regula est: *Cui poenitentia conceditur, neque viaticum negari debet.* Ibidem.

Decens est, ut Reis sacra Eucharistia pridie supplicij, vel saltem horis aliquot ante mortem præbeatur, nondum publicatâ damnationis sententia. Ibid.

Corporalis immunditia per se non impedit à digna susceptione Eucharistiæ; sed interdum per accidens. n. 14.

Mulieri menstruata consultum est, ob reuerentiam sacramenti, sacram Communionem differre, si commodè fieri possit. Nullius tamen culpæ damnanda est, si cum fluxu menstrui accedat. ibid. 5. Sed obseruandum.

Pollutionem passus, quamuis culpa sua, post poenitentiam communicare potest: consultum tamen est, ob humilitatem abstinere: quod interdum Confessarius præcipere potest, ut homo grauitatem peccati magis agnoscat. num. 15.

Si post pollutionem, etiam inuoluntariam, malignus effectus commotæ carnis, aut animi perturbati maneat, consultum est eo die abstinere; nisi necessitas communicandi cogat, aut si putetur Dæmonis fraude id agi, ut homo à sacra Eucharistia auertatur, tunc accedendum est adhibita preparatione. ibid. 5. Cæterum.

Mulier non obstante quòd communicare velit, marito debitum coniugij exigenti reddere debet: Si tamen non frequenter mulier communicet, sed in præcipuis festiuitatibus, rogare maritum potest, ut abstineat, sin autem ille constanter petat, reddi debet, & nihilominus sacra Eucharistia accipi potest, nisi animi indispositio prohibere videatur. num. 16.

Sacram Eucharistiam à i. i. sumendam esse, Apostolica constitutio, & traditio est. num. 17.

Ieiunium, quod Communicaturo præcipitur, perfectum & naturale esse debet. num. 18.

Si medicum quid cum salua per guttur casu traijciatur, non impedit sacram Communionem. num. 19.

Qui proximè ante medium noctis carnauit in Dominica, incidente in vigiliam Natiuitatis Domini, potest statim post medium noctis sacrificare, & communicare, &

rectè dispositus sit. eod. n. 19. §. sciendum est.

Certi casus sunt, quibus licitum est sacram Eucharistiam sumi à non ieiunis. n. 20.

Et si Eucharistia ob mortis periculum sumpta sit à non ieiuno, potest iterum ita accipi, saltem post sex, vel septem dierum intervallum. Quinimo si aliquis assuetus sit frequenter communicare, ac propter deuotionem difficile abstineat, permitti potest, vt altero statim die iterum communicet non ieiunus: dummodo mortis periculum instare videatur. ibid. §. Adde primò.

Non est licitum Sacerdoti post sumptum cibum sacrificare, vt sacram hostiam habeat ad moriturum communicandum. n. 21.

Etiam post acceptam ablutionem licitum est Sacerdoti reliquias hostiarum à se consecratarum in altari absumere. Idque intelligendum est etiam de grandioribus, vel integris formulis, si facile seruari non possint. n. 22.

Si Sacerdos ante consecrationem recordetur se ieiunum non esse, aut in excommunicatione, plerumque consultius est progredi, si publicè celebret: Sin verò priuatim, recedere debet, si sine graui nota possit. n. 21.

Post sumptam sacram Eucharistiam decens est aliquamdiu à cibo, & potu abstinere; sed non præcepto. num. 23.

Indecens est post sumptam sacram Eucharistiam statim exspuere; tamen paruo interposito tempore licitum est, præsertim si ex necessitate fiat: plus verò periculi est, si sputum ex pectore proueniat, quàm si ex capite descendat. eod. n. 23.

Eucharistia sumenda necessitas, & obligatio.

Sumptio ss. Eucharistiæ, propriè loquendo, non est necessaria hominibus necessitate mediæ salutem. cap. 5. num. 1.

Sumptio sacræ Eucharistiæ fidelibus adultis necessaria est necessitate præcepti diuini, non tantum in mortis articulo, sed sapius in vita. n. 2.

Parochis curandum est, vt semper in sacrario, clau obserato, pro infirmis conseruentur hostiæ consecratæ in pixide munda, operculo bene clausa, & velo cooperta: quas hostias ne vetustate corrumpantur, ante alias distribui, vel ab ipso Sacerdote in Missa post suum oblatum, ante ablutionem sumi, & alias nouiter consecratas substitui subinde oportet. ibid. §. Altera pars.

Frequentius accidit, vt Eucharistia ad infirmos deferenda sit, quàm extrema-vnctio. n. 3.

Parochi aduigilare debent, an aliqui in mortis periculo constituti sint, vt matutè, & de die sacram Viaticum afferant. n. 6.

Si homo paucis diebus antè, quàm in mortis periculum incidit, communicarit, non tenetur iterum communicare; secus, si longiore tempore. n. 4.

Qui semel in mortis periculo Eucharistiam per modum viatici accepit, non tenetur iterum accipere, dum idem periculum perseverat. eod. n. 4. in fine.

Ex Ecclesiæ præcepto fideles obligantur ad Eucharistiam in Paschate sumendam: Sin verò tunc non accipiant, debent postea, cum primum commodè possunt, communicare. n. 8.

Qui prouidet, se in Paschate à sacra Synaxi impeditum iri non tenetur præuenire, si intra eum annum semel communicarat. n. 9.

Pœnæ canonice decretæ ijs, qui annuam Confessionem, vel Paschalem Communionem omittunt, vt ab Ecclesia arceantur, & mortui Ecclesiastica sepultura priuentur, non sunt sententiæ latæ, sed ferendæ. Quare Parochi non facile eas inferre debent, nisi prius monito, & iubente Ordinario. n. 10.

Eucharistia sumenda ritus.

Nullum Christi præceptum extat sacram Eucharistiam extra Sacrificium sumendi sub vtraque specie; cum essen-

mentum est; in vna specie consistere possit. n. 11. & 12.

Sacra Communio sub vna panis specie in veteri etiam Ecclesia vsitata erat. n. 13.

Manichæi olim à Calice abstinebant, quòd vinum dicerent esse abominale: quem errorem Patres reprehenderunt. n. 12. ad 5. & 6. argumentum.

In veteri Ecclesia consuetudo erat Eucharistiam in Ecclesia à Sacerdote acceptam domum ferendi, & sumendi: qui tamen mos postea sublatus fuit. n. 14.

Clericum Communio olim appellata erat, quæ intra altaris cancellos fiebat, laicorum verò, quæ extra cancellos. num. 15.

In veteri Ecclesia indubitatum erat, sacram Eucharistiam consecratione effici, extra vsum permanere, asseruandam & adorandam esse. n. 16.

Eucharistia Minister.

Ordinaria potestas ministrandi S. Eucharistiam ex Christi institutione solis Sacerdotibus competit. c. 7. n. 1.

Diaconi ex commissione Sacerdotis sacram calicem olim dispensarunt, & nunc quoque potestas dispensandi sacram Christi corpus in casu necessitatis committi eis potest. n. 2.

Dispensatio S. Eucharistiæ requirit in Ministro iurisdictionem ordinariam, vel delegatam, vt licitè fiat. n. 3.

In casu necessitatis, quo infirmus morti propinquus communicandus est, si proprius Sacerdos Communionem afferre non possit, nolit etiam per iniquitatem alteri committere, tum quilibet Sacerdos, eoque absente Diaconus deferre potest. n. 2. in fine.

Irregularitatem incurrit Sacerdote inferior, si sacram Communionem sine legitima licentia dispense. n. 3. §. porro.

Regulares excommunicationem Papæ reseruatam incurrunt, si sacramentum Eucharistiæ, vel Extreme-vnctionis sine Parochorum speciali licentia, eorum subditis ministrare, vel matrimonia solemniter benedicere præsumant. ibid.

Regulares Mendicantes vi priuilegij sui non possunt Viaticum Parochianis dare in mortis articulo. ibid. §. Priuilegium.

Regulares Mendicantes in templis suis etiam Paschali tempore ministrare Eucharistiam possunt fidelibus: qui in parochia præcepto Ecclesiæ de Paschali Communionem aliàs satisfacere parati sunt. n. 4.

Nemo sibi ipsi S. Eucharistiam ministrare debet, extra necessitatis casum. n. 5.

Si aliquis seu clericus, seu laicus, in mortis articulo Ministrum idoneum non habeat, à quo S. Eucharistiam summat, seipsum communicare potest, si scandalum absit. ibid. §. Altera.

Sacerdos infirmus deferente Diacono sacram ciborium (quando Sacerdos alius non adest) proprijs, si possit, manibus hostiam accipere, & ori applicare debet. ibid.

Sacerdos sacrificare impeditus etiam extra mortis periculum, si rationabilis causa suadeat, & scandalum cesset, absente Sacerdote sacram hostiam ex sacrario accipere, & seipsum communicare potest, secundum probabilem quorundam doctrinam. ibid. §. Addunt.

Si morituro alijs sacramentis destituto S. Eucharistiæ sumptio ad salutem valde necessaria videatur, nullusque Sacerdos, aut Diaconus haberi possit, qui deferat, non est improbabile, neque ab Ecclesiæ veteris consuetudine alienum, si alius Clericus inferior, vel eo absente laicus deferat, modò scandalum absit. ibid. §. Denique.

Eunuchus.

Qui seipsum castrat, aut castrari curat, mortaliter peccat, & irregulari efficitur. lib. 3. tr. 3. par. 3. c. 1. n. 1.

Peccant parentes, qui filios, quamuis consentientes castrare audent, vt Ecclesiæ cantu, vtilis sint. num. 2. §. Illud.

Qui genitalibus sine culpa propria priuatus est, irregu-

laritatem timere non debet. lib. 1. tr. 5. p. 5. c. 7. n. 5.

Eunuchi, qui utroque teste carent, ad matrimonium contrahendum inhabiles sunt. lib. 5. tract. 10. p. 4. cap. 11. num. 3.

Exceptio.

Est actionis exclusio, non inficiando eius intentionem seu fuit damentum, sed opponendo aliquid, ob quod sine vel efficacia sua priuatur. lib. 3. tr. 1. c. 8. n. 1.

Duplex est exceptio: Una peremptoria, per quam actio simpliciter & perpetuo excluditur. Altera autem dilatoria, per quam actio excluditur ratione loci, vel personae: qualis est exceptio declinatoria fori. n. 2.

Exceptionem à Reo oppositam interdum Actor contraria exceptione retundit, quae dicitur replicatio: & hanc iterum Reus exceptione impugnat, quae duplicatio appellatur: & sic triplicationes, quadruplicationes dari possunt. eod. c. 8. n. in fine.

Excommunication.

Excommunicationis nomen, si absolute proferatur, accipi solet pro maiore, qua aliquis propter contumaciam ab Ecclesiae communione simpliciter separatur. lib. 1. tr. 5. p. 2. c. 1. n. 1.

Triplex est fidelium communio; Merè interna, merè externa, & mixta. n. 2.

Ecclesia neminem priuare potest communione fidelium merè interna, quae est per Fidem, ac Charitatem. num. 3.

Ecclesia excommunicatum non priuat fructu orationum, & satisfactionum, quas fideles proprio nomine, & priuata intentione ipsi applicant: quare Sacerdos pro excommunicato, etiam vitando, non prohibetur orare in memento, & offerre Sacrificium, ut priuata persona. n. 4.

Ecclesia per excommunicationem priuat hominem communibus suffragiis, usu sacramentorum, & fidelium conuictu. n. 5.

Excommunicatio est poena, qua nulla maior in Ecclesia est. n. 6.

Communitas collectivè excommunicari non potest. ibid. §. Quae ipsa.

Anathema ab excommunicatione essentialiter non differt. num. 7.

Excommunicato sacramenta suscipere non licet: valde tamen ea suscipit, excepta Pœnitentia. c. 2. n. 1.

Si excommunicatus bona fide peccatorum Confessionem instituat, videl. in casu necessitatis, aut probabilis ignorantiae, nihil obstat, quominus verè absoluat à peccatis; remanente excommunicatione; si Superiori reservata, vel Confessarius errans prius à peccatis, quam à censura absoluat. ibid.

Excommunicatus, per quem stat quominus absolvatur, videtur peccare contra Ecclesiae præceptum, quando in Paschate se disponere negligit ad percipienda sacramenta pœnitentiae, & Eucharistiae. n. 3.

Excommunicatus, licet emendatus sit, quamdiu tamen absolutionem non accepit, non videtur Ecclesiae suffragiis gaudere. n. 4.

Excommunicato interdictus est usus actiuus seu administratio sacramentorum: valet tamen sacramentum ab excommunicato ministratum, excepta absolutione sacramentali, cum ad eam iurisdictio requiratur, qua excommunicatus non toleratus caret. n. 5.

Excommunicato prohibitum est diuina officia celebrare, ipsique interesse. n. 6.

Quod si sacrificio Missae interesse præsumat, monendus est, ut discedat; si nolit, expelli debet opera laicorum, si ij non adsint, nec vocari possint, etiam à Clericis. ibid.

Excommunicatus inter orandum officium non debet dicere: Dominus vobiscum; sed solo eius, Domine exaudi orationem meam. ibid. §. Notant.

Excommunicatus inhabilis est ad beneficia Ecclesiastica: quare electio eius, præsentatio, institutio irrita est,

quamvis excommunicationem suam ille ignoret. n. 7.

Excommunicatus incapax etiam ex pensionis Ecclesiasticae. num. 8.

Excommunicatus ipso facto non excidit titulo, ac possessione beneficii ante acquisiti: Si tamen per annum in excommunicatione inforDESCAT, priuari potest. ibid. q. 2.

Si excommunicatus in contumacia, vel mora petendae absolutionis persistens, officium nec per se, nec per alium obeat, fructus beneficii percipere nequit: sin autem officium præstet, quamvis peccet, tamen probabile est, quod fructus in conscientiae foro retinere possit. n. 9.

Si excommunicatus à contumacia recessit, & per eum non stat, quominus absolvatur, fructus beneficii interim percipit: licet officium non præstet, quia non potest sicuti & beneficiarius infirmus percipit fructus, esto culpa sua causam infirmitati præbuerit. n. 10.

Ad beneficium legitime electus, si postea in excommunicationem lapsus est, non potest illud durante excommunicatione acceptare. n. 11.

Rescriptum Sedis Apostolicae ab excommunicato impetratum non valet: quare inferi solet absolutio ad cautelam, duntaxat ad effectum rescripti consequendum. num. 12.

Excommunicatus non toleratus omni exercitio Ecclesiasticae iurisdictionis caret: quare nec eligere potest, nec præsentare. n. 13.

Electio Summi Pontificis ob nullam Cardinalium excommunicationem, suspensionem, vel interdictum, infirmari potest. ibid. aduert. 2.

Excommunicatio hominem priuat communicatione forensi. Si tamen Actor, Aduocatus, aut Testis in iudicio neque à Iudice, neque per Aduersarij exceptionem repellantur, eorum acta valent: secus est de Iudice non tolerato, cum iurisdictione priuatus sit. n. 14.

Neque Tabellionis excommunicati, & vitandi instrumentum authenticum censi potest. n. 15.

Excommunicato prohibita est omnis politica fidelium communicatio; præterquam in casibus iure, aut necessitatis ratione exceptis. n. 16.

Excommunicatio non obstat, quominus contracta debita solui, vel exigi possint. n. 17.

Si excommunicatus anno integro in excommunicatione pertinaciter perseueret, de hæresi suspectus redditur. n. 18.

Si excommunicatus ante absolutionem moriatur, sepultura Ecclesiastica priuatur: Si tamen ante mortem pœnitentiae signum edidit, neque per eum stetit, quominus absolueretur, etiam post mortem absolui potest, eo fine, ut Ecclesiae suffragiis, & sacra sepultura fruatur. num. 19.

Qui propria temeritate defunctorum corpora interdicti tempore, vel excommunicatos, aut nominatim interdictos, vel usurarios manifestos in loco sacro sepelire præsumunt, ipso iure excommunicationem incurrunt. ibid. §. Porro.

Excommunicatus vitandus, aut non vitandus.

Qui excommunicato communicat in crimine criminoso, similiter excommunicationem incurrat. c. 3. n. 1.

Cum excommunicato communicare in rebus sacris est peccatum mortale, nisi materiae paruitas excuset. n. 2.

Communicare cum excommunicato in rebus politicis plerumque est peccatum tantum veniale. n. 3.

Qui cum excommunicato communicat in rebus sacris, aut politicis, minorem excommunicationem incurrat. num. 4.

Excommunicatio minor per se solum priuat usu sacramentorum passiuo: peccat tamen saltem venialiter, qui in excommunicatione sine necessitate sacramentum ministrat. ibid. §. Atque hic.

Si in minore excommunicatione constitutus ad beneficium Ecclesiasticum se eligi patiatur, electio infirmata est. n. 5.

Hodie excommunicati, nisi denunciati sint, aut notorij Clericorum percussores, à fidelibus vitandi non sunt, seu in sacris, seu politicis in negotijs. c. 4. n. 1.

Ad hoc, vt percussor Clerici vitandus sit, requiritur notorium facti, adeò in publico manifesti, vt nulla tergiversatione celari, aut excusari possit: si videl. constet, quòd percussio Clerici notoriè facta sit, atque ita malitiosè, vt nulla probabili ratione à peccato mortali, & annexa censura canonis excusari queat. n. 2.

Qui in vno loco ob excommunicationem denunciatus est, alibi, vbi eius excommunicatio ignota, vitandus est occultè non publicè. Sed Clerici percussor in loco, vbi id ignotum, neque in occulto vitari debet. n. 3.

Fideles si velint, abstinere possunt à communione excommunicati non vitandi, cuius excommunicatio publicè non est, vel sufficienter probari potest. n. 4.

Communis est doctrina, quòd fideles peccent, si sine ulla causa necessitatis, aut maioris utilitatis excommunicatum toleratum inducant ad sacrificandum, vel sacramenta ministranda, si alius minister haberi possit. Contraria tamen sententia probabilis est; cum fidelibus ipsis plena cum talibus excommunicatis facultas data fuerit. num. 5.

Et si ipsi excommunicati tolerati se ingerere non debeant communioni fidelium, præsertim in sacris; tamen licitè requisiti, aut rogati parere possunt. n. 6.

Excommunicatus non vitandus seu toleratus validè absoluit à peccatis, & exercet actus iurisdictionis voluntariæ, non item coactivæ. n. 7.

Probabile est, quòd hodie liceat publicè orare, & sacrificare pro excommunicatis toleratis, etiam hæreticis: modò horum nomina in Missa non exprimantur, contra Ecclesiæ morem, aut cum scandalo. n. 8.

Excommunicatis toleratis præcisè ob censuram sacra sepultura negari non debet; sin verò constet, vel præsumi possit, eos in peccato mortali decessisse, v. g. in hæresi, sepeliri non debent in loco sacro; si tamen sepeliantur, locus non violatur. n. 9. q. 2.

Absolutio ab Excommunicatione.

Excommunicationes iuris aliæ sunt, quarum absolutionem reservat sibi Auctor, videl. Papa, Episcopus &c. aliæ sunt excommunicationes non reservatæ, à quibus Parochus etiam, & quilibet expositus Sacerdos absolvere potest. lib. 1. t. 5. p. 2. c. 5. n. 1.

Inter excommunicationes reservatas Papæ, præcipuæ sunt Bullares, quæ quotannis in die Cænæ Domini renovantur. n. 2.

A casibus Bullæ Cænæ, & annexa excommunicatione nemo, quamvis episcopali, aut maiore dignitate præditus, absolvere potest, præter Sum. Pontificem, cuiusve specialiter delegatum. ibid.

Pluribus locis, præsertim ab Vrbe remotioribus, Episcopi absoluunt à casibus occultis Bullæ Cænæ, etiam ab hæresi; quin & ab hæresi manifesta, propter frequentiam casuum in septentrionalibus regionibus, & difficultatem adeundi Papam. ibid.

In Privilegio absoluendi ab omnibus censuris, aut excommunicationibus non censentur comprehensæ Bullares nisi exprimantur: Et in generali facultate absoluendi à censuris Bullæ non censentur comprehensæ absolutio ad hæresi, nisi speciatim explicetur. eod. num. 2. notando 4.

Qui absque legitima potestate, & probabili excusatione, à censura Bullæ absolvere præsumperit, excommunicationem non reservatam incurrit. notando 3.

Parochi potestatem absoluendi ab excommunicatione non reservata non habent ex officio tanquam ordinariam vt eam per se atque directè, sicuti Episcopi, delegare possint, sed tantum indirectè, quatenus alicui Sacerdoti approbato committunt facultatem Confessiones audiendi. c. 6. n. 1.

Ab excommunicatione iuris, quam Auctor sibi reservavit; item ab ea, quæ alicui nominatim siue per particularem Iudicis sententiam inflicta est, nullus inferior sine facta commissione absolvere potest. ibid. dicto 2.

In mortis tamen articulo quivis Sacerdos ab omni excommunicatione, quantumcunque reservata, intra, vel extra sacramentalem Confessionem, absolvere potest. num. 2.

Inferioribus Clericis commissæ non est potestas absoluendi ab excommunicatione in articulo mortis. ibid. §. Porro.

Casus Papæ reservatus propter excommunicationem superueniente impedimento legitimo fit episcopalis. n. 3.

Si impedimentum adeundi Pontificem temporale sit, absolutus, eo cessante, Apostolico conspectui se præsentare tenetur; alioquin in eandem excommunicationem reincidit. n. 4.

In articulo mortis Sacerdos expositus absolvere potest à casu Papali; licet Episcopus adiri queat: excepto, si specialis commissio facta reperiatur, v. g. absoluendi percussores Clericorum. n. 5.

Probabile est, impeditum ire Romam absolui posse ab Episcopo, licet ad Legatum Papæ, vel Privilegiatum se conferre possit. n. 6.

Ad essentiam absolutionis ab excommunicatione pertinet, vt externo aliquo signo manifestetur: quamvis verba absolutè non requirantur. n. 7.

Forma consueta absoluendi ab excommunicatione talis est: *Absolvo te à vinculo excommunicationis, quam incurristi propter crimen (hæresis, percussione sacrilegæ) & restitua te sacramentis Ecclesiæ, ac fidelium communioni, in nomine Patris, & Filij, & spiritus sancti, Amen.* In publica verò & solemniori absolutione præmittitur psalmus pœnitentialis, & aliæ caeremoniæ adhibentur. ibid.

Ante absolutionem ab excommunicatione exigenda est satisfactio parti læsæ, & iuramentum parendi Ecclesiæ, si crimen enorme fuerit; quamvis si hæc, vti debent, à Reo non exigantur, nihilominus absolutio valeat. n. 8.

Absolutio ab excommunicatione, aliæve censura etiam absenti dari potest: quare Prælati Ordinum in Capitulis generalibus absolutionem etiam ad absentes extendunt. num. 9.

Si confessarius absoluendi facultate præditus oblitus sit aliquem ab excommunicatione, aliæve censura absolvere, si hominem accersere non possit, absenti absolutionem dare potest. Sed alia ratio est de absolutione sacramentali. ibid. §. Exinde.

Absolutio ab excommunicatione, aliæve censura etiam inuito, & nondum emendato, saltem validè, conferri potest, nisi qui absolutioni reluctatur, persistat in crimine, cui excommunicatio ipso iure continuè annexa est. ibid. dicto 6.

Irrita est absolutio ab excommunicatione &c. quæ fictione dolosa, aut per vim ac metum iniustum impetrata est, & ita extorquens excommunicationi de nouo subijcitur. n. 9. dicto 7.

Excommunicatus iterum ob aliam causam excommunicari potest, consequenter etiam absolui potest ab vna excommunicatione, altera remanente. n. 10.

Confessarius Privilegiatus à Papa, si generatim absoluat à vinculo excommunicationis &c. aufert omnes excommunicationes etiam eorum peccatorum, quæ pœnitens per obliuionem non crassam confiteri omittit, vel quibus nescit ipse, aut Confessarius censuram annexam esse. ibid.

Expensæ.

Expensæ aliæ sunt necessariae, aliæ viles, aliæ ad voluptatem spectantes. lib. 3. tract. 2. cap. 4. num. 4. ver. Porro.

Fructus, & lucra non intelliguntur, nisi deductis expensis. ibid.

Exorcismus.

Exorcismus.

Est sermo increpationis contra immundum spiritum in Catechumenis, Energumenis &c. ad fugandum per virtutem Crucifixi. lib. 5. tr. 9. cap. 14. n. 1.

Exorcismi in veteri etiam Ecclesia vſitatissimi fuerunt. num. 2.

Secundum Romanę Ecclesię consuetudinem nulla oratio *Per eum, qui venturus est*, concluditur, nisi sit exorcismus: mirę enim Dæmon concutitur recordatione iudicii extremi. *ibid.*

Res etiam inanimatę quodammodo adiurari possunt: tales sunt exorcismi tempeſtatum, contra locustas, vermes &c. quales etiam in veteri Ecclesia vſitati erant. n. 3.

Trina Dæmonis exufflatio, & exorcismi, cum crucis signationibus, seu adultus, seu paruulus baptizandus sit, secundum antiquum Ecclesię morem à Sacerdote adhibentur. lib. 5. t. 2. c. 8. n. 7. cærimon. 4.

Ratio exorcismi Catechumenorum est, non quia Diabolus in baptizandorum corporibus tanquam obsessis habitat; nec quia homo secundum naturam malus sit; sed quia ex lapsu primorum parentum originem peccati & iustitię priuationem trahat, atque ideo Diaboli infestationibus magis obnoxius sit. *ibid.* n. 8.

Consuetissimi exorcismi sunt ad pellendum Dæmonem ex Energumenis, in quem etiam finem Clerici exorcistę in Ecclesia ordinantur. lib. 5. tr. 9. c. 14. n. 4.

Olim non tantum ordinati Clerici, sed etiam alij Christiani ex corporibus obsessorum Dæmones in Christi Fide eijcere soliti sunt. *ibid.*

Frequens in Ecclesia vſus exorcismorum est ad soluendas pręstigias, & varias molestias, quibus seu corpora hominum, seu eorum habitationes &c. malitia Dæmonis, & veneficorum infestantur: ad quos exorcismos Minister pręparatus accedere debet, & armis spiritualibus munitus. *ibid.*

Exorcismos non quoslibet, sed approbatos ab Ecclesia vſurpare oportet. n. 6.

Dæmon non per modum obsecrationis, sed per imperium expellendus est exorcismis. *ibid.*

F.

Falsi crimen.

Ad crimen falsi tria requiruntur: veritatis immutatio, dolus operantis, damnum alterius notabile. lib. 3. tr. 3. p. 1. c. 4. n. 1.

Crimen falsi varijs modis committitur; monetam publicam adulterando, testamentum, aliudve instrumentum immutando, supprimendo, lacerando, signum adulterinum faciendo; alienum chirographum imitando, falsis ponderibus, mensuris vtendo, alienum partum supponendo, falsum testimonium dicendo, Iudicem corrumpendo, parti aduersarię causam prodendo &c. n. 2.

Qui literas priuatas dolose aperit, non videtur puniendus pœna falsi, sed alia arbitraria, nisi aduersario eas ostendat: Sin autem iusta sit aperiendi causa, videl. iure belli, aut necessarię defensionis contra inimicum, reprehendi non potest. *ibid.* §. Tertiõ.

Falsificans literas Papales incurrit excommunicationem Papę reservatam. *ibid.* §. Octauõ.

Non est licitum amisso instrumento legitimo aliud simile confingere. n. 3.

Literas laceratas, & in publicum abiectas quilibet colligere, & legere, earumque notitia in suum commodum vti potest. n. 4.

Fama, honor, laus.

Fama est frequens ac vulgaris de re aliqua opinio & sermo; strictę tamen accipitur pro bonę existimatione de alterius excellentia. lib. 3. tr. 3. p. 2. c. 1. n. 1.

Honor est testificatio alienę excellentię animo conceptrę: quę testificatio erga homines non nisi per externa signa verborum, aut factorum fit. *ibid.* n. 2.

Honoris affinis est laus, differunt tamen, quia laus in

solis verborum signis consistit; honor etiam in alijs, vt capitis inclinatione, genuflexione, statutz positione. *Ibidem.*

Familia.

Familia domus non est perfecta communitas, sed subordinata & dependens à Republica seu ciuitatis Communitate, à qua & potestatem suam accipit. lib. 1. tract. 4. cap. 8. num. 7. In fine, & lib. 5. tract. 10. p. 3. c. 2. n. 7.

Qui familię pręest, videl. paterfamilias, & participatiuē materfamilias, habent potestatem intra limites facultatis suę, domesticis, pręsertim liberis, & mancipijs pręcipiendi, quę iusta sunt; etiam sub peccato mortali, si materię talis obligationis capax sit. Idemque dicendum de Ludimagistro comparatione discipulorum sibi subiectorum. cit. c. 8. n. 7. In fine.

Pręcepta parentum &c. frequentius sub culpa obligant, quàm leges, seu statuta domestica: hæc enim plerumque tantum sub pœna obligare censentur. *ibid.*

Paterfamilias potestatem habet coercendi, & pœnas inferendi domesticis tantummodo leues; cuiusmodi est v. g. subtractio cibi, verberatio aliqua, spectata qualitate personę. cit. tr. 10. p. 3. c. 2. n. 7.

Cum vir sit caput vxoris, ac familię, ideo vxor pręceptis mariti in ijs, quę ad conuenientem familię administrationem spectant, obedire in conscientia tenetur. eod. cap. 2. num. 1.

Peccat paterfam. si vxorem, liberos, famulos, totamque familiam à peccatis cohibere, & scandala inter ipsos, quantum in eo est, impedire negligat. *ibid.*

Marito concessum est vxorem delinquentem moderate castigare, spectatis circumstantijs personę: acris autem castigatio vxoris, vel liberorum, si eam delicti grauitas postulat, Iudici relinquenda est. n. 6.

In punitione domesticorum, vt iusta sit, tria concurrere debent: causa puniendi, conditio personę punibilis, recta intentio punientis. n. 9.

Concessum est patrifam. vt in casu alicuius delicti filium, vel seruum ad breue tempus includat, vel alio vinculo, etiam punitionis causa, constringat. Non enim iste priuatus carcer censi debet, quem constituere sub capitis pœna Casareo iure prohibitum est. n. 8.

Frater, alięque propinqui, licet natu maiores, ius non habent puniendi consanguineos; nisi illorum iuri ac potestati commissi sint. n. 10.

Verum per modum correctionis ad cauenda damna delinquenti, vel familię imminetia, potest frater v. g. sororem moribus leuem, etiam suę cure specialiter non commissam, coercere, vel castigare. *ibid.*

Quędam personę domesticę sunt, quas propter status libertatem, & etatis maturitatem, non decet, nec consuetum est verberare: sicuti nec mechanici, qui pro mercede laborant, à Magistris suis verberari se patiuntur. n. 9. §. Quod ad alterum.

Maritus vxorem, & familiam alere debet: nam ideo etiam dotem accipit. Quod si pauperem, & indotatam duxit, sibi imputet; nihilominus enim alere debet. eod. cap. 2. n. 2.

Si dos marito expresse, vel tacite promissa, soluta non fuerit, licet is vxori cohabitare debeat, non tamen eam alere tenetur, nisi inops sit, & à parentibus alij non possit: cum etiam, vice versa, vxor diues marito inopi alimenta pręstare cogatur. *ibid.*

Vxorem à marito sine causa necessaria recedentem seu diuertentem maritus alere non tenetur: quamuis dotem acceperit: secus est, si ob viri sauitiam, vel ob aliam causam iustam, discedere compulsus fuerit. *ibid.*

Si vxor ob culpam, puta adulterij, à marito reiecta, non habeat bona ad sustentationem necessaria, Iudex ei à marito obtinere debet, si is vxoris dotem lucrari velit. *ibid.* §. Adde secundõ.

In defectum mariti ad vxorem, & familiam alendam

obligat, eiusdem pater succurrere, & alimenta præbere debet. §. Adde primò.

Maritus domicilium arbitratu suo eligit, ac mutat; vxor autem sequi debet: quare vxor acquirit forum mariti. num. 3.

Si in pactis matrimonialibus certus locus constitutus fuit, non potest maritus discedere; nisi causa de nouo superueniens, & antè non prouisa postulet. ibid. limit. 1.

Si vxor sine magno incommodo corporis, aut animi, maritum sequi non possit, v. g. peregrinantem, ad bellum proficiscentem, non obligatur: si tamen mulier sciens tali viro nupserit, comitari debet; modò sine animæ periculo possit. limit. 2.

Maritus suo arbitratu, etiam inuita vxore, peregrinationem breuem (non longam) instituere potest; non item vxor sine viri consensu, nisi necessitas postulet. num. 3. coroll. 4.

Vxor maritum relegatum sequi tenetur, etsi is culpa sua ad hanc necessitatem adactus sit; modo contra fidem matrimonij non peccarit. Idèmq; sentiendum videtur de exulante vxore, quòd vir eam sequi debeat, si sine graui incommodo possit. n. 4.

Coniunx coniugem ab alia persona retentum vindicare sibi potest, adiecta causa iuris diuini, & canonici, quo potestatem habet in corpus illius. n. 5.

Quod vxor laboribus suis v. g. nendo lucratur, sibi acquirit, cum ad operandum marito obligata non sit, si dotem sufficientem attulit. Si tamen ex materia à marito data opus conficiat, id ad maritum spectabit. n. 11.

Pater familias ex lege iustitiæ non cogitur famulo agrotanti, & non præstanti ea, ad quæ conductus est, præbere expensas maiores, v. g. in medicos, & chirurgos, sed tantum tenues, & alimenta. Multò minus salarium pro eo tempore soluere cogitur, nisi loci consuetudine receptum sit, vt nihil propter infirmitatem de annua mercede detrudere liceat. lib. 3. t. 4. c. 28. n. 3.

Quæ in curationem famuli domi agrotantis liberali affectione paterfam. impendit, de constituta mercede postea detrudere non potest. ibid.

Si herus pius ac benignus sit, non facile solet de mercede annua famuli detrudere, si egritudo eius breui tempore duret. l. 5. tract. 5. c. 3. n. 7.

Licet omnes famuli ac domestici ex lege charitatis furta impedire debeant, si sine graui incommodo suo possint, ex iustitia tamen ferme is solum obligatur, qui curam penus gerit. Probabiliter tamen dicitur, omnibus famulis, hoc ipso quòd domestici sunt, custodiam domus aliquo modo incumbere, saltem vt ab extraneorum iniuria defendant. l. 2. tr. 2. c. 5. n. 7. §. Ex quo.

Famuli mercede conducti non ad pugnandum, sed ad alia obsequia, si negligat dominum defendere, vel à morte liberare, propriè non peccant contra iustitiam: quare non tenentur pœna homicidij, sed alia arbitraria, licet grauiore, quàm si alius, cum potuisset iniustam occisionem impedire, neglexisset. Multi tamen conductitij famuli sunt, quorum opera eo fine conducitur, vt dominum contra iniquos defendant. l. 3. tract. 3. p. 3. cap. 3. num. 5.

Festum, Dies Dominica.

Tertium Decalogi præceptum partim morale & ex naturali lege descendens est, partim verò cæremoniale, quatenus certum tempus, videl. integra dies sabbathi, in eo designatur. lib. 4. tract. 7. c. 1. n. 1.

Vnius diei integri ex quauis hebdomadè designatio, tantum naturali æquitati valde consona, mox Apostolorum tempore recepta fuit, nisi quòd sublato Sabbato, Dominica dies instituta sit, in memoriam mundi eo die creati, quin & recreati per Christum Solis die natum, & resurgentem. ibid. §. Porro.

Inter Dominicas dies aliarum prototypon est Dominica resurrectionis, quæ quotannis celebrari debet in prima

die hebdomadis post decimam quartam Lunam primi mensis. ibid. §. Inter.

Pascha celebrari non potest ante diem XXII. Martij, nec post diem XXV. Aprilis. n. 2.

Præter Dominicam diem, aliæ sunt pari veneratione obseruandæ festiuitates Dei, Christi Domini, & Sanctorum eius, partim Pontificia & vniuersali lege, partim diocesalibus statutis introductæ. n. 3.

Episcopus specialia festa instituturus non tantum Cleri, sed etiam populi consensum, spectato communi iure requirere debet. Si tamen populus iustam causam contradicendi non habeat, eo etiam inuito festum institui potest. ibid.

Per diuturnam consuetudinem populi celebrantis quotannis cum Episcopi expresso, vel tacito consensu, festum aliquod tãquam ex obligatione, lex particularis introduci potest. l. 1. tract. 4. c. 24. num. 2. & lib. 4. tract. 7. c. 1. num. 3.

Postquam festum particulari statuto, vel consuetudine introductum est, non potest à populo abrogari; sed ab Episcopo, etiam abnucente populo. eod. n. 3. in fine.

Episcopus festa particularia abrogare potest, sed ita videatur secundum diei dimidium, vt matutino tantum tempore vacatio sit: quo etiam modo festa constitui possunt. ibid. num. 4.

Dies festi, quos Episcopus seruandos præceperit, ab exemptis omnibus, etiam Regularibus, seruari debent: secus verò dicendum videtur de festis, quæ populus vult, & Episcopus approbauit. n. 5.

Observatio Festi à medio noctis vsque ad alterius noctis medium protenditur. eod. tract. 7. c. 2. n. 1.

Vbi consuetudo vigeret festa inchoandi à vespere tantum ex obligatione, non libera deuotione, adueniente altera vespere laborare concessum est. ibid.

Sola opera seruilia, id est, quæ corporis commoditati inferuentia tanquam ignobilia per seruos exerceri solita sunt, festis diebus prohibentur. n. 2.

Quædam seruilia opera propter necessitatem permixta sunt, vt cibos coquere. ibid.

Scribere, transcribere non sunt opera seruilia: Idèmq; probabiliter dicitur de pictura, si sine magno apparatu fiat; & de typographis characteres ordinantibus.

Saltem ipsi in ea persuasione sunt, quòd post peractam rem diuinam, quæ præcedentibus diebus neglexerint, compensare liceat. Ipsa verò librorum impressio seruale opus est. num. 3. in fine.

Opus, quod suapte natura liberale est, vt studere, docere, scribere, &c. non sit seruale, atque illicitum die festo, quia propter lucrum, aut mercedem exercetur. n. 4.

Iter facere pedibus, equo, curru, naui, non numeratur inter opera seruilia. n. 5.

Plaustra, currus, aut mulos onustos agere, seruale opus est: quare non licet die festo inchoare; inchoatum verò fas est continuare, si commodè abrumpi non possit. ibid.

Venari, aucupari, itèmq; bellare per consuetudinem videntur liberalia opera effecta. n. 6.

Mercatus quoque, licet opus seruale non sit, festo die prohibetur. Sed permittitur distractio rerum ad victum quotidianum necessarium. Et quibusdā locis nundinæ solemnes in festo dedicationis celebrantur; quales consuetudines moderari conuenit, vt nundinationes antè rem diuinam peractam non fiant. ibid. dicto 8.

Actus forensis iudicij in diebus festis prohibentur: exceptis causis necessitatis, ac pietatis. n. 7.

Actus iudiciales, si die festo instituantur, ipso iure irriti sunt, nec partes contententes huic constitutioni renuntiare possunt. ibid.

Extraiudiciales actus, vt amicabile compositio, iuramenti non iudicialis interpositio, Doctoris inauguratio, die festo non prohibentur. n. 8.

Ex communicationem in aliquem ferre non videtur esse prohibitum in festo die, multò magis absolutio à cenfura, & alij actus iurisdictionis voluntariæ fieri possunt. n. 7. §. Secundò.

Preceptum de obseruatione festi abstinendo à feruilibus operibus sub peccato mortali obligat, tamen ob materiæ leuitatem veniale fieri potest: sin autem necessitas concurrat, omni culpa vacat, vt cum famuli, & ancillæ pauperes festo die vestes reficiunt. cod. tract. 7. c. 4. n. 1.

Non tantum necessitas à precepto excusat, eaque vel publica, vt reficiendi pontes, fontes, parandi aliqua ad communem festiuitatem, vel priuata, vt si agricollæ propter superuenturam pluuiam fœnum congregant &c. Sed etiam pietas, & religio in Deum, vt si altaria ornanda, vel alia ad festiuitatem paranda sint, item misericordiæ in proximum, si vestes conficiendæ, insignia pingenda pro funere. num. 2.

Quædam opera propter aliqualem necessitatem consuetudo tolerata excusat, vt quoddam artifices aliqui quibusdam locis ad vesperam materiam præparant pro labore diei sequentis. ibid. §. Ad pietatem.

Si excusationis causa manifesta sit, opus non est petere licentiam à Superiore: sin verò causa dubia, vel non satis sufficiens videatur, vt per se excusationem præbeat. Episcopus, eoque absente Parochus dispensare potest. Ad Confessarium verò pertinebit interdum declarare tantum, vtum causa excusationis sufficiat, sine alia dispensatione. ibid. §. Porro.

Operarij ex locis Catholicis egredi non possunt ab loca hereticorum, in quibus ob diuersitatem Calendarij festa non seruantur, nisi Episcopus expresse, vel tacite consentiat. l. 1. tract. 4. c. 11. n. 9.

Feudum.

Est concessio, seu donatio rei immobilis (puta ciuitatis, pagi agri &c.) secundum vtile dominum, pro fidelitate, & obsequio personali, quod vasallus domino exhibere debet. lib. 3. tract. 4. c. 24. n. 1.

Feudum magis etiam, quam emphyteusis, alienari prohibitum est, absque domini consensu. n. 3.

Consuetudo tamen permittit, vt liceat vasallo in scio domino pascua, & terras incultas in tempus etiam longum locare, seu in emphyteusin dare, seruitutem in re feudali constituere, fructus & commoditatem alienare, imò etiam alium vasallum sub infeudare, tamen sine domini præiudicio, & non ultra vitam concedentis. ibid.

Duplex est feudum; nouum, & antiquum. Deinde aliud est feudum hæreditarium; aliud verò gentilitium, seu ex pacto & prouidentia. n. 4.

Appellatione liberorum in materia feudali veniunt tantum mascululi, non item fœminæ; nisi specialis earum mentio fiat. ibid.

De feudo nouo, seu quod primò alicui acquisitum, cum domini consensu disponere potest vasallus, non requisita voluntate agnatorum. n. 5.

De feudo propriè hæreditario tam nouo, quàm antiquo, vasallus arbitrato suo, perinde ac de bonis proprijs, disponere potest. n. 6.

De feudo antiquo, quod cum pacto & prouidentia concessum est (sicuti feuda plerumque concedi solent) non potest vasallus, etiam cum domini consensu, disponere, nisi proximi agnati renuntiatio accedat. n. 7.

Bona feudalia ex prouidentia, sicuti & emphyteutica, non veniunt in confiscationem bonorum: nam bona, quæ ad extraneos non deferuntur, ob crimen non confiscantur. n. 8.

Bona feudalia ex pacto & prouidentia omnino separata sunt ab hæreditarijs: quare filio in legitimam computari non debent, & proximus agnatus etiam repudiata hæreditate in tali feudo succedere potest. Ibid. corollar. 2.

In generali bonorum obligatione, aut hypotheca non

veniunt bona feudalia. Sed fructus eius anni, quo vasallus moritur, creditoribus debentur: quod etiam in Ecclesiastico beneficio Clerici debitoris locum habet. ibid.

Qui iuramento renuntiavit hæreditati paternæ, in feudo succedere potest: seclis, si omnibus paternis bonis renuntiavit. ibid. corollar. 3.

Vasallus, eiusque successor, cum inuestitur, iuramentum fidelitatis præstare debet, & iterum, si dominus moriatur, petitâ inuestiturâ fidelitatem iurare. num. 9. §. Secundò.

In quibusdam feudis vasallus in recognitionem domini directi pensionem realem præstat, non tantum cum inuestitur, sed etiam cum mortuo domino alius succedit. In quo discrepat ab emphyteuta, qui laudemium in inuestitura tantum pendit. ibid.

In feudo deficiente linea descendente succedunt agnati laterales in infinitum: quare dicunt, vltimum agnatum primi acquirentis successorem esse, cti feudum per mille manus transierit. n. 10.

Feudi capaces non sunt Clerici in sacris, & Monachi, nisi feudum sit Francum, seu liberum ab obsequio, aut nisi loci consuetudo permittat, vt obsequium per aliam personam præstetur. ibid. §. Quarto.

Clerici, & Monachi capaces sunt feudi, in quo realis pensio præstatur: sed hoc non est propriè dictum feudum. ibid.

A successione feudi excluduntur filij illegitimi omnes, nisi expressa mentio fiat, vt feudi etiam capaces sint: sed legitimati per subsequens matrimonium admittuntur. n. 11.

Beneficium feudi à vasallo aufertur ob magnæ ingratitude causam. num. 12.

Si feudum amissum sit propter feloniam seu peccatum aduersus dominum, non deferitur agnatis, sed ipsi domino. Sin verò aliud crimen fuerit, feudum ad agnatos pertinet. ibid. §. Porro.

Si inter vasallum vel agnatos eius, & dominum controuersia sit super feudo, iudicare debent Pares Curia. Sin autem inter vasallos ipsos controuersia existat, dominus est iudex competens. ibid. in fine.

Fides diuina.

Sola Fides diuina infallibilem certitudinem habet, quia nititur auctoritate Dei reuelantis, qui suapte natura non falli potest, ob illimitatam scientiam, nec fallere, ob infinitam bonitatem. lib. 2. tract. 1. c. 1. n. 1. & 4.

Credimus Deum, credimus Deo, & credimus in Deum. ibid. num. 5.

Materiale obiectum Fidei, quod terminationis appellant, est Verbum Dei obscure propositum; subiectum verò attributionis est Deus. c. 2. n. 1.

Verbum Dei aliud est, quod per seipsum immediatè reuelat; aliud verò, quod per interpositam personam tantum legatum suum. n. 2.

Verbum Dei aliud est scriptum, aliud non scriptum, seu traditum. n. 3.

Sub verbo Dei publicam auctoritatem habente etiam Ecclesiæ definitiones comprehenduntur. n. 4.

In decretis Ecclesiæ sola sententia definitiua dogmatis infallibilem veritatem habet; non item disputationes præmitti solitæ, neque rationes, quibus definitio probatur. cod. n. 4. discrim. 3.

Ratio formalis Fidei diuinæ est auctoritas Dei obscure reuelantis: id est, propositionibus Fidei non alium assensum præbemus, nisi quatenus à summa veritate reuelatæ sunt. c. 3. n. 1.

Fides consistere potest cum euidentiâ Dei attestantis, & reuelantis; non item cum euidentiâ rei reuelatæ. num. 2.

Fidei diuinæ assensus in nobis, secundum ordinariam Dei legem, extrinsecis adminiculis indiget, quæ veræ Fidei notæ dici solent. num. 3.

Hæretici nihil magis oderunt audire, quàm de veræ

Fidei, atque Ecclesiæ notis, prouocantes ad Scripturam; de qua tamen, eiusque intelligentia tota controuersia est. cod. n. 3. §. Quæ sanè.

Intellectus viatoris in eliciendo assensu Fidei diuinæ quàm maximè pendet ab auxilio Spiritus sancti. n. 4.

Licet Fides sit virtus intellectualis, tamen necessariò requirit piam affectionem liberæ voluntatis, mouentis intellectum ad essendiendum obscuris propositionibus. Quæ causa est, quòd Fides certitudinis assensionem firmissimam habens, facilius tamen abijci possit, quàm scientia. ibid. coroll. 1.

Extrínseca indicia, & motiua Fidei diuinæ possunt esse formalia principia fidei humanæ & acquisitæ; aded, vt illis homo permotus arcana mysteria credat, destitutus Fide supernaturali, ac iustificante; vt in hæreticis apparet. ibid. coroll. 3.

Interna sancti Spiritus illustratio ordinariè non est nobis sufficiens argumentum cognoscendi, aut probandi veram Fidem. n. 5.

Vtrum Fides discursiua sit, Doctores non consentiunt: Id verò certum esse videtur, non circa omnia obiecta discursiuam esse: imò omnibus propositionibus sine discursu assentiri eam posse, probabilius est. cap. 4. num. 1. & seqq.

Probabile est, quòd Fides diuina discursiuos assensus eliciat circa obiecta sua, quæ mediata sunt, seu quæ in aliud, tanquam medium & principium formale, resolui possunt. num. 4.

Conclusio, quæ ex duabus propositionibus Fidei diuinæ inferitur, Fidei est: secùs, si vna earum naturaliter euident. n. 4. §. Cæterum.

Omnès Fidei actus eiusdem speciei seu essentiæ sunt. ibid. §. Secundò.

Resolutio Fidei, si propriè loquendum, fit in formale principium, tanquam medium assentiendi. c. 5. n. 1.

Fides diuina, per se loquendo, resoluenda non est, in auctoritatem Ecclesiæ; quatenus ea Spiritu sancto regitur; sed in veracitatem Dei reuelantis. Ecclesiæ autem definitiones fidelibus esse debent, vt norma discernendi credenda à non credendis. n. 2. & 3.

Fides acquisita per humana motiua, secundum ordinariam Dei legem; est prærequisitum quoddam ad Fidei diuinæ assensum. n. 4.

Inter credenda absolutè primum, ac præcipuum est, quòd Deus sit. c. 60. n. 1.

Inter Fidei articulos, quos discursiuè & vt conclusiones credimus, non est aliquis ordo per se necessarius; conuenientior tamen ordo proponendi, ac credendi est ille, qui in Symbolo Apostolico continetur. n. 2.

Hæretici cum ex eorum concessis conuincendi sunt, tum maximè per traditionem, & consensum Ecclesiæ. num. 2. & 3.

Quatuor in Ecclesia Fidei Symbola extant Apostolicum, Nicænum, Constantinopolitanum, Athanasianum. c. 7. n. 8. §. Secundò.

Symbolum Fidei quatuordecim articulis constat, quorum septem ad Diuinitatem pertinent, alij septem Christi incarnati opera explicant. n. 9.

Fidei diuina necessitas.

Alia medijs est, & alia necessitas præcepti. c. 8. n. 2.

Explicita supernaturalis cognitio Dei vnius est medium ad salutem omnibus adultis necessarium. n. 3.

Post lapsum humani generis fides actualis in Christum Redemptorem, saltem implicita, adultis necessarium medium ad salutem semper fuit. n. 4.

Post Euangelij promulgationem explicita Fides in Christum, & SS. Trinitatem, necessaria est, saltem necessitate præcepti. n. 5.

Hominibus præceptum diuinum impositum semper fuit supernaturali Fide credendi vnum Deum, & Christum Saluatorem, secundum modum reuelationis, aut

prædicationis ipsi factæ. c. 9. n. 1.

Quantò homines remotiores fuerunt à tempore Christi, tantò difficilius, & obscurius mysteria Fidei Christianæ communiter crediderunt. Credibile tamen est, nullo tempore defuisse viros præclaros seu Maiores Ecclesiæ, qui explicitè mysteria crediderunt, sacrificijs figurarunt, & sub vmbris annuntiârunt: ex quo constans semper fama & persuasio de venturo mundi redemptore emanauit. ibid. assert. 2.

In lege Euangelij adultis omnibus ex præcepto necessaria est explicita Fides articulorum, qui in vulgato Symbolo continentur, saltem secundum ipsorum substantiam. num. 2.

In omni hominum statu necessitate præcepti ea cognosci, vel credi debent, quæ vel Fidei exercendæ, vel piè viuendi causa ad salutem requiruntur. n. 3.

Extat Ecclesiasticum præceptum obligans, saltem sub veniali, discendi orationem Dominicam, Salutationem Angelicam, & Symbolum Apostolorum. Quare parentes talia liberos suos edocere, & Parochi plebem sui commissam in doctrina Christiana erudire debent. n. 4.

Præceptum negatiuum non dissentendi Fidei mysterijs semper obligat: sed requiritur, vt eorum credibilitas sufficienter homini proposita sit. c. 10. num. 1. & 2.

Affirmatiuum præceptum acceptandi veram Fidem non semper obligat; sed in certis casibus, quorum præcipuus est, cum primum hominis rationis vsum affecuto mysteria Fidei sufficienter proposita sunt, cum credendi obligatione; non debet tunc longiorem moram trahere, quin assentiatur. num. 2.

Si sectarij dubitare incipiant, obligati sunt veritatem Fidei diligenter inquirere, facta vtrunque collatione argumentorum: quòd si postea Religio nostra ob notas seu argumenta, quibus eam Deus ornauit, credibilior appareat, obligati sunt ad eam amplectendam. cod. n. 2. & 3.

Impossibile est intellectum retinere fidem, aut opinionem, quæ ipsi post diligentem inquisitionem minùs verisimilis apparet, quàm eius opposita. n. 3. §. Sed hæc.

Fidei externa confessio.

Nullo casu licitum est externa voce, aliòve signo veram Fidem negare, aut falsam profiteri. c. 11. n. 1.

Priuatim hominem sciscitantem ex me, num Catholicus sim, repellere possum dicendo. Quid sua interest? sed non possum ficto animo negare, me Catholicum, aut Christianum esse. n. 3.

Ob grauem necessitatis causam, licitum est fideli se vestire Iudaico, aut Gentiliū more, vt incognitus periculum aliquod effugiat. n. 4.

Christiani in mari nauigantes Turcarum signis vti possunt, ne à Turcis capiantur: Item milites Christiani habitu, ac sermone Turcarum, vt hac ratione incogniti hostem incautum inuadant, & opprimant. Nec refert, etsi in vexillis Mahometis, aut Matris imaginem ferant; cum & hæc, tanquam fabulosa, ornatus causa adhiberi soleant. ibid. §. Simili.

Fas non est occultis Catholicis inter hæreticos Cœnam sumere, ob metum v. g. pœnarum: quia id per circumstantias determinatur ad professionem Religionis hæreticæ. ibid. §. Præterea.

Licitum est apud hæreticos die interdicto carnes comedere; ne, si Catholicus agnoscat, graue periculum incurrat; cum lex Ecclesiastica tali casu non obliget. Sed solius irrisionis metus plerumque non est sufficiens excusandi causa. n. 5.

Non peccat Catholicus, si hæreticorum concionem adeat, ob iustam causam, v. g. vt dominum comitetur, errores Ministri notet ad confutationem. Ibid. §. Denique.

Magistratui hæretico in odium Religionis Catholicæ præcipienti, vt subditi Catholici conuentus, seu conciones hæreticas accedant, obedire nefas est. n. 6.

Ante prouisionem beneficij curati, vel canonicatus in

Ecclesia Cathedrali Fidei professionem facere oportet; quæ etiam facienda est ab ijs, qui cathedram, vel gradum Doctoris in Academia accipiunt. n. 7.

Fides publica, & priuata.

Hosti, quamvis iniuste vexanti, aut bellum gerenti seruanda est publica Fides, id est, quæ à publico Magistratu datur. Idque ob publicam necessitatem Gentium iure introductum est; cum alioquin pax nulla, aut societas inter humanum genus consistere posset. Intelligitur autem, dummodo fœdus ex obiecto malum non sit. lib. 2. tr. 3. c. 12. n. 15.

Licet fœdera priuata ob vim iniustam à Superiore secundum æquitatem rescindi possint, non tamen publica fœdera. ibid. §. Neque verò.

Si fœdus priuatum, seu quod priuati pepigerunt cum altero priuato, vel cum Republica, cedat in proprii Principis, aut Communitatis perniciem, rescindi potest: secus, si in publicam perniciem non cedat: vt si Tyranno reditum iuratus promissisti, fides seruanda erit. ibid. §. Deinde.

Si fœdus publicum inter partes Catholicorum initum, successu temporis cedat in magnum Ecclesiæ detrimentum, Summus Pontifex ex plenitudine potestatis suæ, fœdus indirectè rescindere potest: siquidem ipsi Catholici Principes non aliter sua fœdera constituere censentur, nisi vt salua interim sit Ecclesiæ Christi incolumitas. ibid. dicto 2.

Si Rex Christianus cum infidelibus publicum fœdus ineat, nulla omnino ratione à Sum. Pontifice relaxari potest. ibid. dicto 3.

Sed neque si Catholici cum hæreticis publicum fœdus constituent, per auctoritatem Pontificiam solui, aut relaxari potest. ibid. dicto 4.

Falsum est, quod Calvinistæ nobis imputant, quasi doceamus, fidem hæreticis seruandam non esse: cum contrarium apertè profiteamur, fidem publicam hæreticis datam inuiolabiliter sine vlllo absolutionis remedio seruandam, quamdiu ipsi seruare parati sunt. ibid. §. Verum.

Fideiussor.

Fideiussor est, qui de alterius obligatione interposita propriæ fidei & obligationis cautione, securitatem præstat. lib. 3. tr. 4. c. 29. princip.

Obligatio fideiussoris accessoria est, ideoque supponit aliam obligationem, saltem naturalem. ibid. n. 1.

Qui pro Religioso fideiubet, censetur ad id se obligare, quod Prælatus, & Capitulum rem ratam habebunt. num. 2.

Fideiussori debitor principalis alium fideiussorem constituere potest qui priorem indemnem seruet. ibid.

Fideiussor intensius obligari potest, quam principalis, non autem extensius. n. 3.

Fideiussores alij in iudicio accipiuntur, alij extra iudicium: deinde alij simpliciter dicti fideiussores sunt, alij verò indemnitis. n. 4.

Licet fideiussor simpliciter se obligarit, tamen opponere potest exceptionem ordinis, vt prius excutatur principalis debitor, si præsens sit, nisi ille renuntiari huic beneficio; vel nisi consuetudine loci aliud obseruetur. ibid. §. Præterea.

Si mulier fideiusserit, S. C. Velleiano defenditur, quominus obligationem contrahat: Si tamen per errorem soluat, creditor interim retinere potest, donec à muliere repetatur. Qui enim tutus est exceptione fauorabili ac perpetua, condicere potest, quod quocunque errore soluit. n. 5.

Si mulier pro fideiussione pretium accepit, S. C. auxilio defendere se non potest. ibid. §. Præterea.

Praxis fermè obtinet, vt mulier publico instrumento fideiubens, exceptioni S. C. validè renuntiet, si ex certa cognitione, v. g. à Notario satis instructa, id agat. n. 6.

Clericis in damnum proprium fideiubere potest; sed non in præiudicium Ecclesiæ suæ. n. 7.

Clericus ex fideiussione non tenetur, nisi quatenus commodè soluere potest; ita vt non egeat. ibid.

Si Religiosus, absque licentia Prælati & Capituli fideiusserit, Monasterium non obligatur. Prælatus tamen in re modica fideiubere potest, sine consensu Capituli expresso. ibid.

Si plures fideiussores sint, omnes ad soluendum idonei, legis beneficio vt possunt, vt non nisi secundum portiones teneantur. n. 8.

Si fideiussor pro principali debitore debitum soluit, cogere potest creditorem, vt cedat sibi omnem actionem, quam contra eundem debitorem habet. Sed & actione mandati agere potest aduersus eundem debitorem, vt omne damnum & interesse ipsi compensetur. ibid. §. Præterea.

Fideiussor etiam in conscientiæ foro obligatus est debitum soluere in defectum principalis debitoris, cuius obligationem in suam fidem recepit. ibid. §. ad extremum.

Certi casus sunt, quibus fideiussor obligatione liberatur. num. 9.

Filiusfamilias.

Filiusfamilias dicuntur non solum filius, & filia, sed etiam ex his nati nepotes, & neptes &c. quamdiu sub patris, vel aui paterni, potestate existunt, licet viginti quinque annis maiores sint. lib. 3. tr. 4. c. 8. princip.

In materia fauorabili, & nemine præiudicante nomine filiorum etiam nepotes comprehenduntur. Plerumque tamen, & secundum vsitatam acceptionem, nomine filiorum etiam filia veniunt; sed non nepotes. Quod si materia odiosa sit, vt strictam interpretationem mereatur, nomen masculinum *filij* non censetur comprehendere filias, nisi identitas rationis id persuadeat. l. 1. t. 4. c. 18. n. 8. & l. 4. t. 2. c. 14. n. 5. & 6.

Filiusfamilias quadruplex peculium est: Castrense quasi castrense, aduentum, & profectitium. n. 1.

Licet per filij Clericatum, item per professionem seu filij, seu patris in Religione, patria potestas soluator, tamen bona aduentitia manent in priore statu penes patrem, vel eo profitente penes Monasterium. n. 2.

Quibusdam locis consuetum est, vt post contractum matrimonium à filio, aut filia, potestas patria adeò soluator, vt omnium bonorum administratio, & vsusfructus ad filium, vel filiam transferetur. Quare simili ratione bona aduentitia post professionem filij, aut filia Monasterio pleno iure assignari debent. ibid.

Certi casus sunt, quibus aduentitiorum bonorum vsusfructus ad filium spectat: videlicet si ipsi à patre remissus, si vnà cum patre successit in hæreditate fratris, si pater sine causa iusta diuortium instituit, si filius hæreditatem vel donum accepit patre contradicente, si quid ea lege datum, vt vsusfructus ad filium pertineat: quam tamen conditionem mater, vel auia legitimæ portioni adijcere non potest. n. 3.

Filiusfamilias impubes, ne patre quidem auctore, vlllo ex contractu ciuilitè obligatur, attamen naturaliter, si pubertati proximus sit. n. 4.

Filiusfamilias pubes ex omni contractu etiam sine patris auctoritate tam ciuilitè, quam naturaliter obligatur. num. 5.

Si filiusfamilias ex bonis aduentitijs, quorum administratio, & vsusfructus penes patrum est, contra eiusdem voluntatem donet, vel ludendo eliaue ratione alienet, donatio infirma est, quippe à patre reuocabilis; interim verò filiusfamilias personaliter obligatus manet de cunctione. eod. num. 5. & lib. 3. tract. 4. cap. 12. num. 7. dicto 2.

Et si alienatione bonorum aduentitiorum damnum patri inferatur, raro tamen præsumendum est tam seque-

tum in filium existere, vt eius compensationem sibi fieri postulet. Quare neque is in conscientia restituere obligatus est, cui aliquid à filiofam. ex bonis aduentitijs contra patris voluntatem donatione, ludo &c. datum fuit, nisi pater repetat. *ibid.*

Donatio, aut quævis alienatio bonorum profectitiorum, filijsfam. facta absque patris consensu, saltem tacito, omni iure irrita est. *ibid.* dicto 3.

Si parens filio ad Academiam, vel Principis aulam sumptus necessarios mittat, censetur illi permittere, vt excentum, v. g. aureis quinque ad honestas animi recreationes expendat: neque verò peccabit aduersus iustitiam, si hanc ipsam pecuniam malè absumat: cum pater tunc inuitus non sit quoad rem insumptam, sed quoad modum infumendi. *ibid.*

Et si filius plus iusto contra patris voluntatem expendit ex bonis profectitijs, sæpe tamen præsumendum non est, quod parens restitutionem postulet, nisi magnus impendiorum excessus in notabile reliquorum liberorum grauamen cedat. *ibid.* §. Addit secundò.

Tunc excessus notabilis æstimari debet, ideoque ad hæreditatis diuisionem necessariò conferendus, si prudentis viri arbitrio sumptus superent alimenta, quantumuis largiora, quæ pater vni filio præ alijs liberis donare iure potest. *ibid.*

Si pater filio versanti v. g. in studio literarum certam pecuniæ summam tanquam competentia alimenta definiat, quidquid deinde propria parsimonia ex victu, aut vestitu sibi ipsi subtrahit, arbitrato suo donare, vel aliter alienare potest; nisi constet, aliam esse patris voluntatem. *ibid.* §. Tertio.

Pater filium propria bona aduentitia vel castrensia habentem alere non tenetur. *cit.* tr. 4. c. 8. n. 5. q. 1. dicto 1. & c. 12. n. 14.

Lucra filijsfam. quæ ex artificio eius proueniunt, inter aduentitia bona numerantur, quæ proinde post patris mortem præcipua habere debet. Si tamen filius, v. g. opificis patri operam præstet, nullo seu expressè, seu tacitè petito salario, censetur id patri remittere, pietatis, ac gratitudinis causa. *eod.* n. 5.

Si filiusfam. ex bonis paternis nomine patris lucretur, v. g. filius mercatoris, salarium, vel partem lucri vix honestè petere potest. Sin autem filius ex re patris non frugifera suo periculo negotietur, cum proposito restituendi, lucrum ad filium pertinebit. n. 6.

Pater prohibere non potest, quominus filiusfam. ex domo paterna discedat, artis discendæ causa, nisi pater inops sit, vt filium lex pietatis obliget ad operam ipsi præstandam. n. 7.

Patria potestas in filium septem ferme modis soluitur. num. 8.

Filij legitimi & illegitimi.

Inter legitime natos alij verè tales sunt, alij secundum benignam iuris dispositionem. *lib.* 5. tr. 10. p. 3. c. 5. n. 1.

Qui suscepti sunt ex matrimonio non vero, tamen bona fide, saltem alterius coniugis, in facie Ecclesiæ celebrato pro legitimis habentur. *ibid.*

Conceptos illegitimè matrimonium subsequens purgat, si conceptionis tempore, vel secundum quosdam, tempore natiuitatis ad contrahendum habiles fuerant. num. 2.

Filij illegitimi alij naturales sunt, alij non naturales: inter quos canonico iure hoc discrimen est, quod illi suscepti sint à parentibus, inter quos tempore conceptionis (vel secundum quosdam tempore natiuitatis) matrimonium consistere poterat: alij verò non naturales, si ex coitu damnato suscepti fuerint. n. 3.

Iure canonico omnibus illegitimè natis, etiam spurij, seu ex damnato coitu ortis parentes alimenta necessaria præbere debent: licet Cæsareo iure aliud decretum fuerit. num. 4.

Cura alendi prolem legitimam ad patrem pertinet; sed illegitimam primo triennio mater, postea pater alere debet. n. 5.

Alimenta ea, quæ absolute necessaria sunt ad vitam, parentes filijs suis quibuscunque, & quantumuis sceleratis, naturali iure debent. n. 8.

In defectum patris, aliorumque ascendentium per lineam paternam mater, aliique per lineam eius ascendentes prolem inopem alere coguntur. n. 7.

Mater, & auia præbentes alimenta filio, aut nepoti, si nihil protestentur, neque contrarium ex coniecturis colligi possit, censentur affectu materno præstitisse, absque repetendi proposito. *lib.* 3. tr. 4. c. 28. n. 5.

Si mater, vel auia bona liberorum penes se habeat, ex illis suppeditare censetur. *ibid.*

Vitricus priuigno non censetur alimenta donare, sed animo repetendi dare; nisi ille inops sit, vel in seruitio vitrici existens. *ibid.*

Si mater ob paupertatem, vel infirmitatem legitimæ proli vacare non possit; vel si nobilis sit, cui secundum morem patriæ dedecori vertatur, patris impendijs nutrix adhiberi debet. *cit.* *lib.* 5. tr. 10. p. 3. c. 5. n. 6.

Filij naturales, si nec proles legitima adsit, neque vxor superstes, succedunt patri suo ab intestato in duabus vncijs, & vnà cum illis mater. n. 9.

Testamento, vel donatione concessum est patri legitimam prolem habenti naturalibus filijs vnà cum eorum matre vnciam tantum hæreditatis relinquere: sin mater absque liberis superstes sit, semiunciam. Sin autem liberi legitimi non extent, etiam exasse naturales filij hæredes institui possunt. n. 10.

Matri spectato iure communi Cæsareo, naturales liberi vnà cum legitimis tam ab intestato, quam ex testamento succedere solent: excepto feudorum iure. n. 11.

Etiam nothi seu vulgò concepti matri & parentibus maternis, nisi ea illustis sit, vnà cum legitimis succedunt communi Cæsareo iure: ad patris verò successionem non admittuntur. n. 12.

Qui ex damnato coitu orti sunt, ascendentibus suis nec ab intestato, nec ex testamento succedere possunt: sed neque ascendentes ad talium filiorum successionem admittuntur. n. 13.

Fratres illegitimi, si vterini sint, eorumque filij, ac nepotes consanguinitatis iure inter se succedunt: sed fratres non vterini nullum ius agnationis inter se habere censentur. num. 14.

Potest tamen frater fratrem illegitimum etiam spurium hæredem instituere, sicuti & alij cognati, præter ascendentes. num. 15.

Legitimatio, seu natalium restitutio duplex est: vna ad Ecclesiastica iura, & altera ad ciuilia. n. 16.

Legitimatio ad feuda, & liberorum propriorum, item spuriorum odiosa est, & non facile concedi solita. num. 17.

Spuriorum non est propriæ dicta legitimatio, sed potius dispensatio quædam. n. 18.

Per legitimationem à Summo Pontifice absolute factam habilis quis efficitur ad sacros ordines, & beneficia etiam curata; non tamen ad dignitatem episcopalem, vel cardinalitiam, nisi exprimatur. *ibid.*

Episcopi communi iure dispensare possunt cum illegitimè natis ad ordines minores tantum, & beneficia simplicia. num. 19.

Qui habet potestatem legitimandi, censetur etiam habere potestatem dispensandi cum illegitimo in ordine ad certum effectum, sed non vice versa. n. 20.

Religiosi natalium defectu laborantes ipso iure dispensati esse censentur ad ordines sacros. n. 21.

In dubio quisque censeri debet legitime natus. n. 22.

Si post nuptias exacto mense septimo, & nondum aduentante fine mensis vndecimi proles nascatur, prolegi-

tima haberi potest. num. 23.

Licetum est interdum filios illegitimos, præsertim spurios, exponere, quando ita necessarium ad occultandum crimen, & grauem vitandam infamiam; adhibita tamen cautione, ne proles frigore &c. pereat. lib. 3. tr. 3. p. 3. c. 14. num. 4.

Vix potest accidere casus, vt prolem exponere liceat propter parentum inopiam, quia illam alere non possunt. Nam inter homines, qui prolem suscepturi sperantur ex misericordia, erunt aliqui qui parentibus subsidium præstabunt, ad alendam prolem præsertim legitimam. ibid. dicto 2.

Si proles exponenda sit, consultum est, vt prius baptizetur, appositâ schedulâ de Baptismo testante. ibid. dicto 1.

Si orphanotrophion, in quo proles spuria suscipitur, diues non sit, tum pater, & in eius defectum mater, si diuites sint, compensationem aliquam facere tenentur; quatenus sine famæ periculo possunt. dicto 3.

Si parentes sine infamatione curam fidei expositi habere, eique sustentationem ministrare indigenti possint, postquam ex infantia excessit, ad id obligantur. num. 4. dicto 4.

Fraternitates.

Fraternitates piæ, quæ ex personis laicis sociatæ sunt, simpliciter quidem subsunt Magistratui seculari: secundum qui verò, videlicet quoad actus Ecclesiasticos, puta ordinem seruandam in processionibus, in comitanda S. Eucharistia Episcopo subijciuntur. l. 3. f. 5. c. 5. num. 1. §. Tertio.

Fructus.

Fructus alij sunt rei, alij verò meræ industriæ. l. 3. tr. 2. c. 3. num. 2.

Fructus rei alij sunt purè naturales, quos natura producit, nullo, aut vix hominis labore seu industria concurrente: vt animalium fœtus, arborum poma &c. alij autem sunt mixti, ad quorum productionem tam hominis industria, quàm natura operatur, vt segetes &c. Huc referuntur pretia domorum, prædiorum, locatorum, qui fructus ciuiles dicuntur. ibid. §. Fructus.

Præterea fructus rei (quos omnes Theologi naturales vocant) alij sunt percipiendi, pendentes; alij verò à solo separati, percepti. ibid. §. Ad extremum.

Fructus, vel potius lucra, quæ meræ industriæ sunt, ad bonæ fidei, imò etiam malæ fidei possessorem pleno iure spectant. Quare si fur pecuniam furtiuam negotiationi exponat, lucrum eius est. num. 3.

Fructus percipiendi, v. g. segetes agro adhærentes, ad rei dominum spectant: censentur enim pars rei frugiferæ. num. 4.

Fructus omnes rei, seu merè naturales sint, seu mixti, qui à bonæ fidei possessore ex re aliena percepti, & adhuc extantes sunt, domino restitui debent, deductis expensis, & æstimatione laboris. num. 5.

Qui torquem aureum à non domino emptum, aut furto ablatum elocauit, locationis pretium vero domino restituere obligatus est. Quemadmodum etiam possessor iniquus ad ius locationis pretium restituere domino debet, nihil obstante, quod fortasse dominus ædes non elocasset. num. 6.

Si bonæ fidei possessor fructus rei seu merè naturales, seu mixtos & industriales absumpsit, tenetur restituere, quatenus ex ijs locupletior factus est. n. 7.

Malæ fidei possessor omne rei augmentum, & fructus omnes vnà cum re restituere debet, deductis impendijs, & æstimatione laboris. c. 4. n. 4.

Fructus non intelliguntur, nisi deductis impendijs: hæc enim ante omnia restitui debent ei, qui fecit. ibid. §. Porro, & l. 4. tract. 2. c. 3. n. 10.

Soluto matrimonio, fructus ex fundo dotali, vt eius elocati pretium debentur marito secundum rationem

temporis antecedentis; quo mulieri in matrimonio fuit. Idemque simili ratione dicendum est, quod fructus pendentes tempore mortis, aut renuntiationis beneficiati partim ad ipsum, partim ad successorem spectare debeant, pro rata parte anni. cod. n. 10.

Stipendiarius, & quicumque pro opere, aut labore præstando salarium annuum habet, id ei, vel hæredibus eius debetur secundum proportionem temporis anni, quo officium præstitit. ibid. in fine.

Furtum.

Est contrectatio fraudulosa, lucri faciendi causa, alicuius rei, vel eius vsus, possessionisve. Breuius sic definitur: acceptio rei alienæ, occulta, & fraudulosa. lib. 3. t. 3. p. 1. c. 1. in princip.

Si commodatarius, Depositarius, Qui pignus accepit, contra rationem conuentionis re commutata, deposita, pignore vtantur, quasi furtum committunt. Sed & is, Commodatarius, Creditorem &c. priuat vsu, possessione, custodia rei commodatæ, pignoris &c. ibid.

In externo foro ad crimen furti requiritur & affectus furandi, & vt dominus inuitus sit rem sibi auferri. ibid.

Furtum diuiditur in simplex, ac qualificatum: item in manifestum, & non manifestum. n. 2.

Fur alius diurnus est, & alius nocturnus. ibid. §. Præterea.

Furem nec diurnum, nec nocturnum occidere fas est, si eum absque periculo capere, aut res tuas ab eo liberare possis. lib. 3. t. 3. p. 3. c. 3. n. 4.

An furtum mortale sit, ex obiecto prudentis viri arbitrio æstimandum est, non solum ex quantitate rei ablata, sed etiam ex circumstantiis personæ, cui ablata est. cit. c. 1. num. 3.

Duo vel tres ducati à quocunque auferantur, etiam valde potente, mortale peccatum constituere videntur. ibid. dicto 3.

Mortale peccatum committi potest, etiam rem modicam auferendo, si exinde graue damnum, vel iactura lucri cessantis eueniat. ibid. §. Tria.

Si pœnitens confiteatur, modicum quid furatum se esse, interdum à Confessario examinari debet, an fortè non defuerit animus plura furripiendi. Namin conscientie foro non id quod furto ablatum, sed mens furandi attenditur. ibid. §. Alterum.

Licet verè furtum sit, si liberi, vel mancipia patrifamilias inuito auferant; tamen actio furti pœnalis, & famosa contra eos non conceditur: nec coniugi aduersus coniugem ob matrimonij honorem. Sed neque contra alios domesticos patrifam. actio furti permittitur, si furta modica sint: potest tamen his casibus Iudicis officium implorare ad rei ablata restitutionem. n. 4.

Plerumque maior quantitas requiritur ad constituendum mortale, si vxor, liberi, alique domestici furentur, præsertim esculenta, & poculenta, quæ ipsimet absumant. Eademque ratio est de Religiosis talia domi furantibus. ibid. num. 5. & lib. 4. tract. 5. cap. 7. num. 4. §. Atque hæc.

Si domestici sine magna difficultate ablata restituere non possint præcipiat illis Confessarius, vt extraordinarijs officijs, & obsequijs, quatenus fieri potest, compensare studeant. cod. n. 5. in fine.

Qui repetitis vicibus modicum quid furatur, denique mortaliter peccare potest. Maiore autem opus est quantitate ad peccatum mortale, si modica furta diuersis fiant, quàm si eidem. Deinde si fiant animo ditescendi, seu congregandi etiam à pluribus prædam iniquam, grauius peccatum est, quàm si sine tali proposito furta modica fiant. num. 6.

Qui sapius, etiam post pœnitentiam, furando ab eodem homine denique peruenit ad damnum valde notabile, mortalem culpam incurrit. ibid. aduert. 2. in fine.

Siue ab vno, siue à pluribus fureris, maiore opus est

quantitate ad peccatum mortale, si furta modica per maiora temporum intervalla fiant. *ibid.* aduert. 3.

Qui furatur cum certo restituendi proposito, plerumque mortaliter non peccat. *aduert.* 4.

Qui extrema, aut quasi extrema necessitate coactus, rem aliquam domino invito accipit ad utendum, absumendum, quatenus indiget, is non furatur, nec peccat: sed nec restituere quicquam debet, si ad meliorem fortunam deveniat. *eodem. cap. 1. num. 1. §. per vocem, & num. 7.*

In casu, quo extremè laboranti nemo dare vult, quiuis alius, si ex proprio subuenire nequit, aliena accipere potest, quibus misero subueniatur. *eod. n. 7. §. Alterum.*

Qui in gravi necessitate positus, à diuite, præsertim antè rogato, aufert ea, quibus indiget, non facile peccati mortalis damnari debet. *n. 8.*

Licet ob necessitatem gravem fas non sit rem alienam auferre; tamen rei iam habitæ restitutionem differre, ob similem necessitatem, licitum esse videtur; cum ea re parum creditori adimatur: quod enim differtur, non auferitur. *eod. n. 8. in fine.*

Pœna furto decreta vel civilis est in duplum, aut quadruplum, vel criminalis, quæ olim arbitraria erat, hodie verò ob tertium furtum materiæ notabilis suspendium inferri solet. *num. 11.*

Iusta esse potest constitutio, vel consuetudo, quæ pro vno furto simplici magnæ quantitatis pœnam mortis, vel mutilationis decernit: multò verò magis, si sit furtum sacrilegum, vel aliter qualificatum. *eod. n. in fine.*

G.

Gratia.

Gratia alia est, quæ est debito Ecclesiasticæ potestatis procedit in beneficijs, dispensationibus &c. alia verò merè gratuita concessio. *lib. 3. t. 4. c. 1. n. 6.*

Gratia dispensationis, aut concessionis beneficij Ecclesiastici, alia est facta seu expedita ex parte concedentis; alia verò est facienda seu expedienda à Commissario: hæc expirat morte concedentis, re integra, illa non expirat, et si ante acceptationem moriatur, qui concesserat, quod est speciale in prouisionibus ex officio fieri solitis, & in alijs merè gratuitis concessionibus locum non habet. *ibid. & lib. 1. t. 4. c. 23. n. 38.*

Si tamen facultas v. g. à peccatis absoluendi, in votis dispensandi principaliter data fuerit in fauorem eius cui committitur, non censetur expirare morte concedentis. *eod. num. 18.*

Rescripta Principum alia sunt gratiæ, & alia iustitiæ: inter quæ hoc præcipuum discrimen est, quòd rescriptum gratiæ (cuius species est dispensatio) obtentum per subreptionem ipso iure irritum sit, rescriptum autem ad lites non antè irritum censeatur, quàm ab aduersario oppugnatum fuerit. *lib. 1. t. 4. c. 22. n. 17.*

Taciturnitas qualitatis, cuius expressionem ius, vel stylus Curia specialiter requirit, gratiæ rescriptum subreptitium reddit; esto Princeps etiam expressè illa gratiâ concessurus fuisset. *n. 18.*

Rescripta gratiæ subreptitia censentur, quæ per taciturnitatem veri, per se & intrinsecè ad rem pertinentis, obtenta sunt, si Princeps ea veritate expressa non concessisset, vel saltem tali modo non concessisset. *n. 19.*

Dissimulatio veritatis, quamuis intrinsecè pertinentis ad rem postulatam, non vitiat gratiam v. g. dispensationis, si præsumptio esse possit, etiam intellecta tali veritate Superiorem dispensaturum fuisse. *n. 20.*

Si qualitas dissimulata in postulatione extrinsecè tantum se habeat ad rem postulatam, non ideo dispensatio, vel alia gratia subreptitia censetur, tametsi Superior eâ circumstantiâ cognita non dispensasset. *n. 21.*

Expressio falsi si fuit causa finalis concedendi, vitiat gratiam, non item si fuit causa tantum impulsiva. *n. 22.*

Si vna tantum causa obtinendæ dispensationis, alte-

riusve gratiæ, eaque falsa à supplicante allata fuerit, subreptitia gratia censeri debet. Et similiter, si duæ narratæ fuerunt, quarum altera tantum vera erat, sed insufficiens ad iustam concessionem, aut dispensationem. *n. 23.*

Expressio falsi vitiat gratiam, v. g. dispensationis, si Principi causa finalis fuit dispensandi tali modo. *n. 24.*

Si gratia concessa duas partes inter se diuisibiles contineat, vnâ ob supreptionem vitiata, altera pars, cuius causa verè subsistebat, ipso iure non vitatur. *n. 25.*

Si causa dispensandi tempore datarum literarum adfuit, non item cum à Commissario dispensatio facienda est, non potest eam executioni mandare: quia cessante finali causa mandati, cessat mandatum, si res integra sit. *eod. c. 22. n. 14.*

Et si tempore exequendæ dispensationis causa subsistat, si tamen non substitit tempore datarum, quia postulatio subreptitia erat, non potest dispensationem exequi Commissarius. *eod. n. 14. dicto 2.*

Si causa dispensandi subsidat, cum dispensatio facta ab Ordinario, vel Commissario intrinsecum effectum consecuta fuit, nihil interest, et si postea causa cesset. *n. 15.*

Gratiæ & dispensationes, quæ tractum successuum habent, cessante causa finali, pariter cessant: vt si Papa infirmum, cuius valetudo desperata sit, ieiunij lege liberet, illè autem præter opinionem integre conualescat. *num. 16.*

Error qualitatis, adiectæ per modum demonstrationis, non vitiat gratiam dispensationis, si de rei substantia constet: v. g. *Confero tibi beneficium simplex huius Ecclesiæ, quod patronum Titium habet*; cum tamen alium Patronum habeat. Sed error in qualitate pertinente ad rei substantiam, dispositionem irritam reddit. *eod. c. 22. n. 26.*

Gula.

Est inordinatus appetitus, vel vfus ciborum, voluptatis causa. *lib. 3. sect. 4. n. 2.*

Gulæ vitium quinque modis committitur: si plus iusto comedas, vel ante tempus, vel voraciter, vel cibos nimis exquisitos, vel nimis exquisitè paratos. *ibid.*

Et si vitium gulæ inter capitalia numeretur, quia aliorum peccatorum origo esse solet; per se tamen, & absolute veniale tantum est; per accidens quandoque mortale. *ibid. §. Porro.*

Carne humana vesci, extra casum necessitatis extremæ, est peccatum mortale. *n. 3.*

Etiam extra casum extremæ necessitatis licitum est ad morbum depellendum vti medicamentis ex humana carne confectis; aut lacte fæmineo, quod phyticis prodesse aiunt; aut effuso hominis cruore, quem caduco morbo laborantes hauriunt. *eod. n. 3. §. Porro.*

H.

Hæreditas, Hæres.

Tum singuli homines, tum etiam Communitates hæredes institui possunt, nisi lege prohibeantur. *lib. 3. tr. 5. c. 5. num. 1.*

Religiosi professi Ordinum, quibus permixtum est bona immobilia in communi possidere, hæredes institui possunt; succedit autem eorum nomine Monasterium. *num. 2.*

Collegia, & Domus Societatis Iesv ratione alicuius Professi, aut vota formata habentis, succedere non possunt, siue ex testamento, siue ab intestato. *n. 3.*

Monasteria Ordinis Minorum capacia non sunt vllius hæreditatis, imò nec eorum Ecclesiæ, secundum probabiliorem sententiam. *n. 4.*

Societatis Iesv Collegia, & Domus hæreditates accipere possunt: modò non deferantur contemplatione suorum Professorum, seu ex testamento, seu ab intestato. Alia verò ratio est de legatis, quæ etiam contemplatione Professum delata, sicuti & donata, Societas accipere potest. *num. 4. & 5.*

Per professionem Religiosi omnia eius bona, & iura,

excepta portione legitima descendantibus vel ascendentibus debita, in Monasterium transeunt, si bonorum immobilium capax sit. n. 6.

Hæreditas alia delata tantum est alia verò adita seu voluntariè acceptata, ita ut dominium etiam ante rerum hæreditarium apprehensionem hæredi acquiratur. cod. t. 5. c. 7. n. 12.

Monasterium ratione Monachi sui hæreditatem delatam adire potest etiam ipso inuito, vel ante aditionem mortuo. lib. 3. t. 5. c. 5. n. 4.

Religiosus ad Episcopatum translatus hæreditariæ successione capax est: sed bonorum tantum administrationem habet, non dominium. n. 8.

Hæres alius est ex testamento, & alius ab intestato: ille vel est vniuersalis, siue ex assè, vel particularis: & tunc vel in parte hæreditatis aliquota, v. g. triente, vel in re certa, & hic legatarius potius censetur. ibid. n. 9.

Hæredes ex testamento alij sunt necessarij, videlicet descendentes & ascendentes, quibus saltem portio legitima debetur, quæ est triens hæreditatis: nisi plures sint quàm quatuor liberi tunc est semis. Alij verò hæredes non necessarij dicuntur. n. 10.

Si filius descendentes non habeat, iuri legitimè renuntiare potest; secus est, si descendentes ex ipso habeat. ibid. §. Hæredes.

Si vnus ex liberis defunctus nepotes reliquit, ij patris loco succedunt, adeoque non in capita, sed in stirpem. Ib.

Portio legitima necessarijs hæredibus relinqui debet titulo honorabili institutionis, & sine vilo grauamine, modo, conditione; alioquin pro non appositis habentur. Ibid. §. Ascendentium.

Si alicui descendenti, aut ascendenti portio legitima non relinquatur, competit ei actiò, vel ad petendum complementum, aliquid relictum fuerat; vel ad rescindendum testamentum tanquam ipso iure nullum, si nihil iure institutionis relictum, neque causa idonea exheredationis inserta, & probata fuit. n. 11.

Etiam ob posthumi præteritionem, vel exheredationem, testamentum rumpitur. n. 12.

Et si secundum ius ciuile parentes liberis singulis non nisi certam portionem debeant relinquere, peccant tamen plerumque, si sine iusta causa inter liberos successione inæqualitatem constituent. n. 13.

Ius naturæ postulare videtur, ut pater filijs testamento relinquat, quatenus ad vitæ sustentationem indigent, etiam ultra legitimam ciuili iure debitam. Et ferme eadem ratio est de liberis comparatione parentum indigentium. n. 16.

Liberi naturales respectu patris non sunt hæredes necessarij; at verò matris respectu sunt. n. 14.

Frater & soror testatoris, si præteriti sint, testamentum infirmare non possunt, nisi persona infamis instituta fuerit. n. 15.

Filia inconsultis, aut inuitis parentibus nubens, ob id exheredari non potest, spectato communi Cæsareo iure. Per consuetudinem tamen, vel statum talis exheredandi potestas constitui potest, in casu quo liberi grauiter delinquant absque consilio vel consensu contrahendo. lib. 5. tr. 10. p. 1. c. 1. n. 15.

Liberi legitimi ante omnes alios succedunt parenti ab intestato, & in demortuorum locum nepotes. lib. 3. tr. 5. c. 6. n. 1.

Deficientibus descendantibus veniunt pater & mater defuncti, & in illis locum auus & auia. n. 2.

Si defunctus bona seu à patre, seu à matre profecta reliquit, in illi auus paternus, in his maternus præferendus videtur. ibid. §. Si tamen.

Si vna cum patre, aut matre, vel his deficientibus, cum auo vel auia adsint fratres, aut sorores ex vtraque parte coniuncti, succedunt omnes in capita, siue æqualiter. ibid.

Fratres & sorores ex vtraque parte coniuncti præferuntur ijs, qui vna tantum parte coniuncti sunt. n. 3.

Si vnus ex fratribus vel sororibus vtrinque coniunctis mortuus liberos reliquerit, succedunt hi loco parentis sui in stirpes: Sin autem fratres omnes & sorores mortui, tum eorum liberi (exclusis patruis ex vna parte coniunctis) in capita, adeoque æquis portionibus succedere debent. ibid.

Deficientibus fratribus & sororibus, eorumque liberis legitimis, veniunt fratres & sorores vna tantum parte coniuncti; ita ut qui ex parte matris coniuncti sunt, in bonis à patre prouenientibus, qui autem ex te matris coniuncti, in bonis à matre profectis, in reliquis autem æqualiter omnes succedant. cod. n. 3. §. Quarto.

Deficientibus consanguineis intra decem gradus, succedit coniunx defuncti, nisi inter eos fuerit diuortium: Sin autem nec coniunx succedat, pertinet hæreditas ad fiscum. n. 4.

Hæres alius est suus, alius non suus. Hæres suus dicitur proximus descendens in potestate defuncti mortis tempore existens, cuius hoc proprium est, ut hæreditatis dominium etiam ante eius aditionem acquirat; quia prorsus vna persona cum defuncto censetur. Alij verò hæredes non sui hæreditatis dominium antè non acquirunt, quàm eam adeant seu voluntatè acceptent. n. 5.

Hæres hæreditatem acceptando omnia in se debita & onera realia defuncti transfert. Si tamen intra 30. dies inuentarium confecerit, duplici beneficio gaudet: Primum. Ut defuncti creditoribus supra vires hæreditatis obligatus non sit. Quod tamen etiam sine inuentarij confectio- ne, in foro conscientie locum habere, probabile est. Alterum. Quod deductis expensis fuerit, & solutis debitis, quartam partem restantis hæreditatis obtinere debeat, beneficio legis Falcidie. n. 7.

Hæreditatis renuntiatio.

Renuntiatio hæreditatis futuræ nullius roboris est, nisi iuramento firmata sit; vel nisi quis in ipsa factione testamenti liberè in sui præteritionem consentiat. lib. 3. tr. 5. c. 7. n. 1.

Si hæres necessarius, puta filius à patre integram portionem accepit, quæ ipsi iure debetur, reliquæ hæreditati validè renuntiat. Si tamen bona patris postea augeantur, legitimam portionem eius filius exigit. cod. num. 1. except. 2.

Renuntiatio hæreditatis strictæ interpretationis esse debet. Quare nihil obstante, quod filius cum iuramento hæreditati renuntiavit, succedere potest, si à patre hæres instituitur. n. 2.

Si filius renuntiavit in fauorem fratris, eo mortuo ante patrem, in paterna hæreditate succedere potest: imò institui debet, quia causa renuntiationis cessauit. ibid.

Filius qui iuratus renuntiavit hæreditati paternæ, nihilominus succedere potest in ijs bonis, quæ pater ad secundas nuptias transiens liberis ex priore matrimonio susceptis, ob ciuilem constitutionem ac fauorem, relinquere cogitur. ibid.

Omne pactum, vel donatio de alterius viuientis hæreditate irrita est: Nisi fiat in fauorem alicuius Communitatis v. g. Conuentus regularis: aut nisi ob necessitatem, quia secundum Ordinis constitutiones, de omnibus iuribus acquisitis, & acquirendis aliquis disponere debeat. num. 3.

Si consensus eius, de cuius hæreditate agitur, paciscentibus accedat, isque usque ad mortem in ea voluntate perseveret, morte confirmabitur pactum. ibid. limit. 1.

Renuntiatio, vel pactum quodlibet circa hæreditatem personæ incertæ iure subsistit v. g. *Si quæ, mihi dum vixero, hæreditas obuenerit tua esto.* ibid. limit. 2.

Renuntiatio hæreditatis, & quæuis obligatio, quamuis iurata, irrita est, quæ sit ab ingredientibus Religionem nisi fiat cum requisita forma in Trident. sess. 25. cap. 16.

de Regularibus. n. 4.

Tridentina hæc constitutio locum non habet in renuntiationibus, aliisve dispositionibus, quibus, absolute loquendo, nulla obligatio imponitur renuntianti, disponenti: sicuti accidit in ultimis voluntatibus, quippe cum usque ad professionem reuocabiles sint. Ex quo sequitur, valere testamentum conditum à Nouitio, neque rumpi secuta professione, etiam si Monasterium institutum fuerit. num. 5.

Decreto illo Trident. non comprehenditur donatio modica, quæ Monasterio, vel certæ personæ in ingressu fit: quia cessat ratio, quæ mouit ad donationes, aliisve dispositiones irritas declarandum, ne Nouitius exeundi libertate priuetur, si maiorem partem substantiæ Monasterium possideat. ibid. dicto 3.

Renuntiatio beneficii Ecclesiastici ante duos menses professioni proximos fieri non potest. In Societate autem I E S V non vacant beneficia Nouitiorum durante biennio probationis: eo autem expleto, statim resignari debent. n. 6.

Tridentina Constitutio irritas reddens renuntiationes locum etiam habet in ijs, quæ fiunt ante ingressum seu assumptionem habitus religiosi, tamen causâ ingrediendi. Quamuis sententia opposita etiam probabilis sit. n. 7.

Irrita est renuntiatio, aut donatio bonorum acquisitorum, tametsi facta sit sub conditione regressus, seu recuperationis, si professio non sequatur. n. 8.

Renuntiationes à Candidatis Societatis I E S V factæ cum conditione regressus, omnino repugnant Constitutionibus eiusdem Societatis. n. 9.

Si renuntiatio, vel donatio bonorum post primum annum Nouitiatus, vel post edita vota simplicia in Societ. I E S V, facta fuerit in fauorem Collegij eiusdem Societatis; & postea contingat eum, qui renuntiaret, dimitti, nihil ipsi ordinariè restituendum est. n. 10.

Locum etiam habere videtur Trident. Constitutio, si Societatis nostræ Candidati donationes, vel renuntiationes bonorum faciant aliter, quàm eiusdem Societatis Constitutiones requirunt. n. 11.

Licet secundum subtilitatem ciuili iuris ignorans sibi delatam hæreditatem esse, cum moriens non transmittat, tamen valde probabile est, si quis alteri donet hæreditatem, quæcunque ipsi commoda, seu delata sit, seu ante mortem naturalem, aut spiritualem deferenda, talem donationem validam fore, maxime si fiat in fauorem causæ piæ. num. 13.

Professurus in Religione Mendicantium pacisci potest cum patre, ut veluti in præmium renuntiationis paternæ hæreditatis aliquid det ad piam causam, quam filius ipse designat. n. 14.

Non potest aliquis donare hæreditatem obuenteram post mortem suam, aut Religionis professionem, quia viventis non est hæreditas. n. 15.

Si tamen pater mortuus sit relicto bonorum usufructu uxori, dum ea viuit, non prohibetur filius ante professionem disponere de parte hæreditatis paternæ: cum disponat de iure sibi iam acquisito secundum proprietatem. ibid. §. Veruntamen.

Hæresis, Hæreticus.

Hæresis est error contra veritatem Fidei, iunctus cum pertinacia in eo, qui fidem suscepit. lib. 2. tr. 1. c. 13. n. 1.

Catechumenus credens, si Fidem abijciat, non propriè dicitur hæreticus, cum nec propriè in corpore Ecclesiæ fuerit, quare neque Ecclesiasticis hæreticorum pœnis obligatur. ibid.

Qui ignorat, quamuis crassa & mortaliter culpabili ignorantia opinionem suam Ecclesiæ Catholicæ repugnare, is pertinax non est, ideòque nec hæreticus. Sæctarij autem, qui per ignorantiam crassam Ecclesiæ Catholicæ repugnant, inter veros, & formales hæreticos numerari debent. n. 2. ver. Denique, & ver. Verum.

Omnes hæretici Ecclesiæ vniuersali, cuius caput Romanus Pontifex est, se opponunt, illiusque infallibilem auctoritatem in proponendis Fidei dogmatibus negant. n. 3.

Hæreticorum mos est, sprete auctoritate Maiorum, ad Scripturas prouocare. l. 2. t. 3. c. 11. n. 3.

Libertas religionis, siue exercitium hæresis hæreticis permissum, aut promissum, maximum Reipubl. malum est. l. 2. t. 1. c. 17. n. 4.

Qui à secta Lutheri, Caluini, quam professi sunt, recedere cupiunt, si probabili, vel saltem mortaliter non culpabili ignorantia laborasse videantur, à locorum Parochis absolui possunt, cum materiales tantum, non formales hæretici fuerint. Sed Ecclesiarum consuetudo ferme requirit, ut etiam tales ad illos mittantur, qui ab hæresi absolueri possunt, vel Episcopi, aut Vicarij eius iudicio relinquuntur. eod. tr. 1. c. 13. n. 4.

Reuertentes ad Fidem Catholicam, prius sufficienter instruendi sunt in publicis concionibus, catechismis, & priuatis congressibus, exacta etiam coram testibus Fidei professione, quàm ad sacram Confessionem, & Synaxin admittantur. ibid. §. Nota.

Qui circa Fidei articulum seu propositionem deliberatè dubitat, is hæreticus est, cum virtualiter iudicet; eam incertam veritatem habere. n. 5.

Qui inter hæreticos nati & educati, orthodoxam Religionem ignorant, his interim debitare licet, donec instruantur, ut argumenta nostræ Fidei rectè apprehendant. ibid. §. Excipiendi.

Ij, quibus hæreticæ, aut blasphemæ cogitationes subinde occurrunt, si seridè eas detestentur, & protestationem faciant nunquam consensuros esse, non culpæ rei sunt, sed magis merendi occasionem habent. In quibusdam tamen hominibus tales tentationes Deus permittit propter vitam eorum sceleratam, præsertim impuritatis vitium: quibus suadendum, ut se corrigant, tum Fidem ipsorum, & in Deum fiduciam constantiorem fore. ibid. §. Id obiter.

Qui diuinæ reuelationi priuatim sibi factæ pertinaciter dissentit, habens sufficientia indicia reuelationem à Reo prouenire, is essentialiter ab hæretico non differt; quamuis propriè hæreticus dici non possit, ideòque nec hæreticorum pœnis subiectus sit. n. 6.

Qui agnoscit v. g. Christum verum hominem esse, negat tamen propositionem Theologicam, v. g. quod Christus videndi naturalem facultatem habeat, is hæreticus non est. n. 7.

Hæretici formales, si hæresin externo actu prodant, excommunicationem Papæ reseruatam in Bulla Cænæ Domini incurrunt. c. 14. n. 1.

Si internus hæreticus exterius dicat se hæresin Lutheri aliquando sectatum esse, vel habere propositum amplectendi, non ideo excommunicationem incurrit, cum præsentem hæresin suam non exprimat. ibid. §. Secundò.

Qui hæresin, quam animo conceptam gerit, in somno, vel ebrietate profert, excommunicationem propterea non incurrit. n. 2.

Neque qui consilij, aut instructionis capiendæ causâ hæresin suam alteri manifestat, ob id excommunicationem contrahit, cum talis manifestatio mortaliter mala non sit. n. 3.

Si hæreticus opere, vel omissione operis, (v. g. abstinendo à sacra Synaxi, Missæ auditione) spectatis circumstantijs, suam hæresin sufficienter profiteri censeatur, excommunicationem incurrit. n. 4.

Hæreticorum credentes, fautores, ac receptatores eandem excommunicationem Bullæ Cænæ Domini contrahunt. n. 5.

Fautores, & receptatores excommunicationem non incurrun, nisi exinde malus effectus consequatur, videlicet ut hæreticus Iudicis manus euadat, hæresis eius magis diffundatur &c. Sin autem recepta forta-

lem euentum fecuturum prouidit, etsi non fecerit formali intentione ut eueniat, excommunicationis censuram contrahit. Eod. num. 5. §. Tercio loco, & §. Id verò.

Homicidium, mutilatio.

Seipsum sine causa necessitatis mutilare, aut castrare, est iniuria aduersus Deum. lib. 3. tr. 3. p. 3. c. 1. n. 1.

Maioris mali vitandi causa licitum est seipsum mutilare. num. 2.

Peccant parentes, si filios, quamuis consentientes ut Ecclesiae cantu utiles sint, castrare audeant. ibid. §. Illud.

Seipsum occidere nunquam licet, nisi Deus ita iubeat. num. 3.

Licitum est ex alto loco desilire cum certo mortis periculo, ut quis horrendam incendij deflagrationem effugiat. eod. n. 3. In fine.

Similiratione milites se in mare quandoque abijciunt, naue incensa, ut hostis crudelitatem effugiant. ibid.

Ad mortem se offerre, & ab alio inferendam permittere, non semper illicitum est. n. 4.

Si Tyrannus ciuitatem oppressurus sit, nisi innocens aliquis supplicio tradatur, debetis ob seruandam Remp. hosti se dedere; idque ei à Magistratu præcipi potest: Si obedire recuset, nocens iam esse incipit. ibid. §. Ex inde.

Propriam vitam plerumque liberare non tenemur per medium valde difficile, aut insolitum, v. g. pedum sectionem, pretiosissimum medicamentum &c. ibid. §. Resoluitur.

Corporis voluntaria castigatio debet esse moderata. num. 5.

Qui seipsum voluntariè interimit, in loco sacro sepeliri non debet; nisi ante mortem signa contritionis eum edidisse constet. n. 8.

In dubio, utrum aliquis seipsum occiderit, an verò ab altero occisus, vel casu præcipitatus sit, præsumi non debet delictum; præsertim tam atrox, & à natura alienum. Si autem constet, quòd homo seipsum occiderit, præsumitur deliberatè egisse; nisi graues contrariæ coniecturæ adsint, propter antecedentem melancholiæ morbum, amentiam &c. ibid. §. Veruntamen.

Iure Cæsareo ijs, qui mortem sibi consciuerunt metu futurae sententiæ ob crimen delatum, pœna confiscationis bonorum infertur, non autem alijs, qui ob aliam causam seipsum peremerunt. ibid. §. Denique.

Magistratus ius habet occidendi subditos, in iustam criminum vindictam: Item exponendi eos mortis periculo, quatenus id necessarium videtur ad Rempub. defendendam. eod. tr. 3. p. 3. c. 2. n. 1.

Actualem sui aggressorem, occidere volentem, quilibet præuenire, & occidere potest, cum moderamine inculpatae tutelæ. c. 3. n. 1.

Vir nobilis & militaris, licet fuga declinare possit impetum aggressoris, plerumque tamen non obligatur. num. 2.

Persona v. g. Ecclesiastica, quam fugere potius oportet, si non fugiat, sed aggressori resistat, sui que defendendi causa eundem mutilet &c. ad compensationem damni non obligatur. ibid. §. Oportet.

Non solum pro defensione vitæ, aut honoris; sed etiam facultatum, quæ non modici momenti sunt, & alia ratione liberari non possunt, concessum est aggressorem, vel raptorem mutilare, interficere. n. 4.

Licet post acceptum vulnus, alapam, aliâve contumeliâ, cessante periculo vltioris plagæ, vel ignominia, aduersarium percutere plerumque nefas sit, tunc tamen licitum est, si vir strenuus seu militaris alia ratione à se dedecus remouere non possit, quàm incontinenti re-percutiendo. n. 3. §. Denique.

Si quis ius habeat aggressorem, vel raptorem defensionis causa occidendi, etiam alijs concessum est vim passio opem ferre: quin interdum obligatio incumbit seu ex

charitatis, seu iustitiæ lege. n. 5.

Homicidium aliud est casuale, & aliud voluntarium. Et hoc vel est directè volitum, quod dicitur homicidium ex proposito, vel est volitum indirectè, ac interpretatiuè, interueniente culpa, non dolo. eod. c. 3. n. 5.

Homicidium dolosum, seu ex proposito, si simplex sit, punitur iure Cæsareo capitis amputatione: sed nobiliores in insulam deportantur. At verò homicidium qualificatum, videl. parricidium, item occisio coniugis, fratris, sororis, alteriusve valde propinqui, grauius puniri solet, secundum facti qualitatem, & circumstantias. cap. 4. num. 1.

Homicidium voluntarium aggrauatur ex modo occidendi: ut si quis est insidijs occidat, aut veneno, vel si ab altero pretio conductus hominem interficiat. ibid. §. Præterea.

Qui per culpam, & non ex proposito hominem interimit, Iudicis arbitrio puniendus est, secundum proportionem culpæ. §. Qui per culpam.

Homicidium in ebrietate interdum omni culpa vacat; interdum verò indirectè voluntarium est, ideòque culpabile, minus tamen, quàm si directè volitum esset. n. 2.

Suadens, aut mandans homicidium iniustum fieri, crimine & pœnis patrati homicidij tenetur. n. 5.

Si affirmanti tui gratia se hominem necaturum, credas id ad ipso futurum esse, neque contradicas & impedis, cum possis, tacitè consentire, ac mandare censeris. ibid. Dicto 3.

Qui homicidium suo nomine patratum postea ratum habet, licet excommunicationem, & alias pœnas iuris incurrat, non tamen irregularitatem, neque damni refarciendi obligationem contrahit. n. 6.

Qui hominis necem, cum facile posset, impedire negligit, irregularitatem, & obligationem damni compensandi non contrahit; nisi ex iustitia obligatus fuerit ad defendendum. n. 7.

Qui sciens tractatum, vel conspiracyonem aduersus Principem, non reuelet ad impediendum, capitali pœna plecti potest. n. 8.

Si Iudex, vel Gubernator innocentem occidi, Medicus, Chirurgus infirmum ex morbo decedere permittantur, cum faciliè impedire possent, homicidij rei sunt & irregulares. Idemque sentiendum videtur de liberis comparatione parentum, & de parentibus comparatione liberorum. eod. n. 8. in fine.

Contra iniquum aggressorem, mutilatorem, occisorem dux actiones institui possunt; Vna ad compensationem illati damni, secundum commutatiuæ iustitiæ æqualitatem: Altera ad satisfactionem pro iniuria, quæ secundum iustitiam vindicatiuam ab offenso æstimatur, & à Iudice decernitur, pensata qualitate facti, & circumstantijs personarum: præterquam quòd etiam criminaliter agi possit ad pœnam publicam. cap. 6. princ.

In æstimationem damni, quod iniuste vulnerans refarcire tenetur, imprimis veniunt impendia facta in Medicos, Chirugos, deinde operæ, quibus homo caruit, vel cariturus est. n. 1.

Pro cicatricis deformitate, membri, ipsiusque vitæ iactura, compensatio nulla fieri debet, ante Iudicis condemnationem. n. 2.

Homicida ex iustitia non obligatur, ut pro anima defuncti sacrificia, preces, elemosynas Deo offerat: quamuis Confessarius plerumque talia loco pœnitentiæ homicidæ imperare debet. ibid. §. Deinde.

Homicida damnum compensare debet, quod exinde prouenit occisi parentibus, liberis, vxori. Sed quod familiaribus, & clientibus per accidens prouenit, non videtur ex iustitiæ lege compensandum esse. n. 3.

Neque compensari debet damnum, quod alicui, tertio euenit, cui per errorem homicidij crimen imputatum fuit: quamuis homicida id prauiderit; dummodo per

se non intenderit, neque sua aliqua actione, v. g. vtendo, illius ense, causam falsæ suspicionis præbuerit. eod. n. §. Eademque.

Creditoribus illatum damnum homicida ex iustitia refarcire debet. Verum id in praxi non obseruatur. n. 4.

Etsi ille, qui alterum iniuste inuadit, illatum damnum refarcire cogatur, non tamen etiam inuasus, quamuis plura vulnera inflixerit, modò inculpatæ tutelæ moderationem non excefferit. n. 5. §. Colliges.

Qui ob acceptam iniuriam iusto dolore, aut ira affectus vulnerauit, vel occidit, v. g. maritus deprehensum in adulterio, potest denegare restitutionem damnorum: donec ad Iudicem delatâ causâ cognoscatur, vtrum in pœnam delicti, & iniuriæ compensationem, restitutio remittenda sit, necne. eod. n. 5. §. Excipe.

Hora Canonica.

Canonica horæ dicuntur publicæ, ac statæ preces, horis diurnis & nocturnis, ex sacrorum canonum decreto, ab Ecclesiasticis personis nomine Ecclesiæ ad Deum persoluendæ. lib. 4. t. 1. c. 2. n. 1. §. Canonica.

Officium Ecclesiasticum diuitur in diurnum, & nocturnum. Diuini officij multis olim Ecclesijs septem partes, seu horæ distinguebantur; secundum Romanum verò morem, sex tantum: Vt proinde totius officij septem horæ censeantur. n. 2.

Non obstat, quominus in priuata oratione, ad imitationem moris antiqui, preces nocturnas à laudibus matutinis separemus: In publico autem choro cuiusque Ecclesiæ consuetudo seruari debet. Ibid. §. At verò.

Si dies naturalis in quatuor partes æquales secetur, quatuor emergunt præcipua orandi tempora; Matutinum, Meridianum seu propriè Diurnum, Vespertinum & Nocturnum. c. 3. n. 2.

Officij propriè diurni tres partes numerari solent, Tertia, Sexta, & Nona. Quamuis interdum Tertia matutino officio, Nona autem vespertino tribuatur. n. 3. & c. 6. In fine.

Orationis hora sacra incipit post expletam profanam; v. g. hora sacra Tertia post exactam tertiam diei artificialis; & Sexta hora sacra post exactam meridiem. eod. cap. 3. num. 4.

Officium matutinum duas partes in se complectitur; Laudes, & horam Primam. Illi proportionem quadam respondet officium Vespertinum, duas item partes continens, Vesperas, & Completorium. n. 6.

Consultum est in priuata Officij recitatione publici chori tempora obseruare. Sed nihil etiam obstat, quominus aliquis primæ institutioni ac temporum assignationi conformare se possit. n. 7.

Statorum temporum metas sine causa iusta notabiliter transgredi, vel horarum ordinem immutare, peccatum veniale est. Sed modica, & non in consuetudinem temporis mutatio omni culpa vacat. Eod. n. 7. In fine, & n. 8.

Qui intra diem naturalem officium eius culpate, vel inculpate intermisit, altero die supplemere non cogitur. num. 9.

Hoc etiam in primis Vesperis festi locum habet, vt qui in vigilia recitare intermisit, altero die seu in festo dicere obligatus non sit. Ibid. §. Excipiunt.

Obligatio Canonici officij ex triplici capite oritur: I. ex professione Religionis additæ choro. II. Ex sacri Ordinis susceptione. III. Ex beneficio Ecclesiastico. cap. 4. Principio.

Canonici Officij obligatio aliter Capitulo Religiosi Ordinis incumbit, & aliter singulis. n. 1.

Consuetudo interpretatur, quòd omnes, ac singuli Religiosi Professi exceptis laicis, seu Conuersis, ad canonicum Officium, intra, vel extra chorum, persoluendum sub mortali peccato obligentur. n. 2.

Probabile est, quòd Religiosus per sententiam eiectus, si clericus in minoribus tantum est, obligatione recitandi

Officij immunis sit. Sed apostata, & fugitiuus obligati manent, quin & damnatus ad triremes, si officio suo satisfacere possit. eod. n. 2. §. Adde secundò.

Si Religiosus dispensatus sit, vt perpetuò extra monasterium degat, probabile est, exemplum esse à choro monachali, & quæ inde nascitur, obligatione orandi Officij, si in minoribus tantum est. ibid. §. His adde.

Clerici omnes in sacris, etsi beneficiati non sint, ad canonicas horas vniuersali Ecclesiarum consuetudine sub peccato mortali obligantur. n. 4.

Clerici in minoribus iure communi non obligantur ad certas preces: Attamen per diuturnam diocesis consuetudinem, veluti sub præcepto acceptam, & obseruatam, nihil prohibet eos obligari. n. 5.

Beneficiati omnes ad officium canonicarum precum sub mortali peccato obligantur; & ita quidem, vt si post sex menses à beneficio obtento recitare intermittant, ad fructuum etiam restitutionem obligentur. lib. 4. tr. 2. c. 5. num. 1.

Hæc fructuum restitutio fieri debet non precisè pro rata omissionis officij, ac temporis, sed quatenus redditus beneficiarij dantur propter officium canonicum, non item propter alias obligationes. n. 2.

Fieri potest, vt alia ministeria Parochi in Sacramento ministeratione, sacrificijs, publicis concionibus, tam multa, & grauiasint, vt prudentis viri arbitrio sextuplo superent onus Officij Canonici priuatim persoluendi. Ibidem.

Si Parochus, vel Capellanus valde exiguos redditus habeat, qui vix æquent, aut non superent iustum stipendium, quod ipsi propter alia officia debetur, probabile est, ad nullam restitutionem eum obligari, ob intermissum officium. Quamuis interim talis mortaliter peccet; & à Confessario, si propria patrimonialia bona habeat, pœnitentiæ loco elemosinæ imperari debeant. ibid.

Qui imperio ac minis parentum cogitur ad acceptandum beneficium, recitare tenentur, si redditus ex beneficio ipsi percipiant: sin autem pater redditus auferat, filius liber est, ac patri restituendi obligatio incumbit. eod. c. 5. q. 1.

Solus titulus beneficii Ecclesiastici non inducit obligationem recitandi, sed requiritur etiam possessio. n. 3.

Si beneficiatus sine culpa sua nullos redditus accipiat, nec postea accepturus sit, ad recitandum non obligatur. num. 4.

Defendi potest aliquarum Ecclesiarum consuetudo, secundum quam Canonici anno primo, aut secundo ad recitandum non obligantur: quia fructibus carent, qui alijs antiquioribus Canonicijs accrescunt, vel ipsis post mortem seruantur ad funeris impendia, & debita soluenda. Eod. n. 4.

Iusta esse potest consuetudo, beneficia valde tenuia conferendi, sine canonicarum precum obligatione. n. 5.

Præstimoniam ea, quæ in titulum perpetuum dantur, & verè Ecclesiastica beneficia sunt, ad Canonicum officium obligant: Sed non ea præstimoniam, quæ Clericis dantur vt stipendia, dum in literarum studijs versantur, vel donec beneficium acquirant. n. 6.

Commenda duplex est; perpetua, & temporalis. Illa ad orandum obligat, cum habeat vim & effectum tituli, idèque æquiparetur beneficio. Hæc autem non obligat, si non in personæ, sed Ecclesiæ vtilitatem constituta sit. num. 7.

Vicarij alij sunt perpetui, & alij temporales, illi ad recitandas horas obligantur, quia sunt veri beneficiati: hi autem ratione vicariæ ad orandum non obligantur, cum titulum beneficii non habeant, sed solam administrationem & custodiam ad tempus. n. 8.

Si Vicario tota administratio beneficii cum auctoritate Episcopi, quamuis ad tempus, vel cum potestate amouendi committatur, ea tacita conditione ac pacto committitur

mitti censetur, ut omnia officia præstet, si Principalis, cuius Vicarium agit, Officium non persolvat. Ibid. §. Temporales.

Coadiutor beneficiati ratione huius muneris præcisè ad canonicas horas non astringitur, tametsi aliqua portio ex redditibus beneficii ipsi propter labores suos obveniat. Sed excipiendi sunt Coadiutores illi, qui ut perpetui, cum pleno iure administrandi, & futura successione, à Papa constituuntur, ob beneficiati infirmitatem. n. 9.

Officium tum publicè in choro, tum privatim extra chorum, dici debet secundum ritum Breuiarii Romani reformati. l. 4. t. 1. c. 5. n. 1.

In quibus Ecclesijs, vel Monasteriis antiquus & proprius Breuiarii usus adhuc retinetur, decet Clericos harum Ecclesiarum etiam in privata recitatione cum ritum tenere. num. 2.

Probabile tamen est, secluso scandalo, cuius extra chorum licitum esse, posthabito suæ Ecclesiæ Proprio, Romanum Breuiarium recitare. Ibid.

Clericus beneficiatus, dum ab Ecclesia absens est, vel in alia diœcesi habitat, debet potius recitare officium diœcesis, in qua beneficium obtinet. n. 5.

Si Clericus in alia diœcesi beneficiatus, aut professus, hospitetur v. g. Augustæ, ubi festum proprium S. Valerici, celebratur, potest se conformare in officio, sed ad id non obligatur. Eodem numero 3. §. Quæres.

Qui antiquum suæ Ecclesiæ ritum orandi servant, debent recitare psalmos penitenciales, officium defunctorum &c. sicuti secundum receptam consuetudinem in eorum Breuiario annotatur. n. 4.

Peccatum veniale tantum est, officium sine necessaria causa mutare, v. g. dicere de Sancto, cum debeat dici de Feria. Si tamen officium longius in multo brevius commutetur per fraudem, aut si quis frequenter vel perpetuò mutet, videtur mortale peccatum esse. Ibid. Assert. 4.

Qui aliud officium æquivalens pro eo, quod in Breuiario assignatur, recitavit, non obligatur ad repetendum, præsertim si per errorem mutatio facta fuit. num. 5.

Ecclesiæ, quæ ritum Breuiarii Romani receperunt, possunt tamen officium Canonicum de Sanctis suis, idque cum Octava (si Patroni sint) recitare. n. 6.

Eiusmodi officium proprium Sancti secundum ritum Breuiarii Romani dici debet: Lectiones tamen accommodatæ deligi possunt, quæ in Breuiario communi non continentur. Neque opus esse videtur, ut Lectiones à Sede Apostolica approbentur, si omni suspitione falsi carentes, antehac in Ecclesia recitari consueverunt. Sin autem Lectiones de Sancto nouiter introducantur, opus est approbatione Romana. Eod. n. 6. dicto 2.

Illud permissum non videtur, ut in festo alicuius Sancti, v. g. Iacobi Apostoli, cuius officium in ipso Romano Breuiario describitur, aliæ lectiones retineantur in Ecclesia, quæ Breuiarium Romanum accepit. n. 6. Dicto III.

Horæ singulæ officij continuè recitari debent, nisi causa incidens interruptionem postulet. Neque opus est, postea quæ dicta fuerunt repetere, licet consultus sit repetitionem facere ab initio nocturni, vel psalmi interrupti, si interruptio magna, licet iusta, fuerit. n. 7.

Si Clericus tardè ad chorum veniat, horam iam cœptam, cum alijs cantando pergere potest; & postea, quæ omissa sunt, complere: imò probabile est, nihil suppleendum, si non multum in choro processum fuerat ante eius aduentum. Ibid. §. Adde primò.

Clericus supplere non debet, quæ cantare, & audire neglexit, dum librum parauit, altari thurificauit &c. sicuti etiam qui Missæ inseruiunt, interesse censentur, dum paranda re necessaria occupantur. Ibid. §. Simile.

Si quis dum matutinum recitat, non habeat sermones

ad manum, vel eos ratione itineris legere non possit, ob necessitatis causam, potest se exolvere penso canonico, & sermones differre. Ibid. §. Adde secundò.

Modus orandi cum socio vno, vel pluribus, etiam in privata recitatione commendatur. n. 8.

Etiam ea, quæ ratione voti, aut penitentiae iniunctæ recitari debent, cum socio dici possunt. Ibid. §. Adde tertio.

Qui sine vlla attentione horarium officium recitat, non videtur satisfacere Ecclesiæ præcepto, ideòque mortaliter talem peccare probabilius est, quamvis ad restitutionem fructuum obligandus non sit. n. 10.

Causæ excusantes ab officio canonico sunt: Naturalis obliuio, grauis infirmitas, necessaria occupatio cum recitatione horarum moraliter non consistens, vel alia impotentia. c. 6. n. 1.

Si certus sis, quòd vnam horam v. g. Nonam, aut Vesperas, commodè recitare possis, etsi reliquum diei officium non possis, ad illud obligaris. n. 2.

Qui beneficium, vel ordines sacros suscipit, recitandi ignarus, debet socium sibi adiungere, à quo discat, & officio præstando idoneus reddatur, si proprio Marte non possit. Ibid.

Qui officium horarium ipsemet persolvere non potest, non tenetur alteri demandare, nec loco eius orationis aliud præstare. n. 3.

Qui sacrum ordinem Subdiaconatus accipit, eo die obligatur non ad integrum officium, sed ad eas horas, quæ correspondent tempori, ex quo obligationem recitandi suscepit, videlicet ut incipiat à Nona. n. 3. §. Dubitatur quartò.

I.

Ieiunium.

Ieiunium aliud est naturæ, aliud virtutis, & aliud Ecclesiasticum. l. 4. t. 8. c. 1. n. 1.

Ad ieiunium Ecclesiasticum tria requiruntur: I. Ciborum delectus, seu abstinencia à carnibus &c. II. Abstinencia ab altera refectione. III. Certum refectionis tempus, videlicet cœna sit. n. 2.

Comestio ouorum, & lacticiniorum in sola Quadragesima, non item alijs ieiuniorum diebus prohibetur, spectato communi iure, Quibusdam autem locis etiam in Quadragesima propter consuetudinem ijs vesci licet. num. 3.

Olim in Quadragesima, præsertim in hebdomada sancta, strictior abstinencia seruabatur, quàm nunc in more sit. n. 4.

Pinguedo lardi in locis, quibus ouis & butyro vesci licet, non tam seuerè diebus ieiuniorum prohibetur, sicuti caro. Quare ancillis, quæ in usu herarum lardum porcinum, aut anserum pinguedinem diebus ieiuniorum loco butyri adhibent, ob aliquam necessitatem, permitti potest, ut & coquant, & comedant. n. 5.

Refectio vnica in die ieiunij moraliter continuata esse debet, potest tamen ob causam interrompi, ac diuidi. Quare si sufficienter refectus à cœna surrexisti, animo non reuertendi, probabilius est, quòd non liceat iterum accumbere, & comedere. n. 6.

Lectores, & ministri mensæ in Monasterijs, & Collegijs excusantur, si prius aliquid comedant. Ibidem. §. Tertium.

Vini potio cum pauxillo panis, item confecta, si per modum medicinæ sumantur, ieiunium non violant. num. 7.

Tempus cœnandi diebus ieiuniorum olim erat vespera, vel hora nona, nunc verò anticipatum est ad meridiem, vel horam, aut quibusdam locis sequi horam ante meridiem. n. 8.

Collatiuncula nocturna per consuetudinem introducta, debet esse modica sumptio ciborum leuiorum, puta fructuum, herbarum, iuncto pane. n. 9.

Iusculum; aut placentas in nocturna in ieiunij cœnula comedere, non videtur licitum esse. *ibid.*

Quantitas cœnulae secundum personarum, & regionum constitutionem metienda est. §. Quod attinet.

Collatiunculam circa meridiem accipere, cœnâ in noctem translata, videtur esse culpa venialis; nisi aliqua causa postulet. n. 10.

Qui refectiorem, seu cœnam multum sine causa anticipat, venialiter tantum peccat; sed olim talis anticipatio grauius prohibita erat. n. 11.

Quoties aliquis in die ieiunij carnes comedit, toties mortaliter peccat. n. 12.

Qui ieiunium altera plena refectiione violauit, eo die solutus est, ut etiam tertiam refectiorem accipere possit, absque noua Ecclesiastica legis transgressiione. n. 13.

Qui manè ieiunaculum sum sit, iusta, vel iniusta de causa, debet eo die, quatenus potest, ieiunare. n. 14.

Ieiunium Quadragesimæ ab Apostolis institutum, semper in Ecclesijs, quamuis variè, obseruatum fuit. cap. 2. num. 1.

Sabbatho ieiunare plerisque occidentalibus Ecclesijs etiam olim vsitatum erat. Sed Orientales Sabbathum ut festum colebant, ideoque non iniunabant. n. 2.

Credibile est, olim in omnibus Ecclesijs bis in hebdomada ieiunatum fuisse; in Oriente Feria quarta, & sexta; in Occidente Feria sexta, & Sabbatho. n. 3.

Ieiunia Quatuor temporum antiquissimam institutionem habent. n. 4.

A Paschate vique ad Pentecosten ieiunia secundum antiquissimam traditionem cessant; attamen prohibitum non est ijs etiam diebus ieiunare. n. 5.

Quadam peruelegia festiuitatum cum ieiunio celebrantur. n. 6.

Statio, ieiunium, vigilia interdum promiscuè à Scriptoribus vsurpantur; licet re ipsa differant. n. 7.

Olim etiam Aduentus Domini cum ieiunio celebrari solebat. eod. n. 7. §. Præterea.

Abstinentia à carnibus in diebus Rogationum in consilio est, non in præcepto. n. 8.

Dominico die ieiunare hodie prohibitum non est. num. 9.

In die Natalis Domini incidente in Feriam sextam non est prohibitum fidelibus à carnibus abstinere, ob deuotionem: quin imò Regularibus illis, qui ad perpetuam carnis abstinentiam obligantur, eo etiam die necessario abstinendum est. *ibid.* §. Veruntamen.

Pueri & puellæ ante completum ætatis annum XXI. ieiunij lege non obligantur. c. 3. n. 1.

Probabilius est, senectutis certum tempus constitutum non esse, sed prudentis arbitrio definiendum, quando corporis vires ob ætatem deficient, ut ieiunij lege homo liberari censeatur. n. 2.

Illud omnino improbabile est, quod aliqui omnes fœminas quinquagenarias ieiunij lege liberant. *ibid.* §. Illud.

Sed & id improbabile videtur, quod aliqui docent, eum, qui vouit se ieiunaturum certis diebus hebdomadae, vel anni per vitam suam decursum, liberari hoc ipso, quod ad annum sexagesimum ætatis peruenerit. *ibid.* §. Sed &.

Licet adolecentes ex lege Ecclesiastica ante completum tertium septennium ad ieiunia non obligentur, tamen proprio voto astringi solent, v. g. in Ordine S. Francisci ad obseruanda certarum dierum ieiunia. *ibid.*

Ægroti, conualescentes, pauperes, laborantes &c. à ieiunij lege excusantur. n. 3.

Ad hanc causam excusationis non interest, utrum labor directè sit corporis, an animi, si cum ieiunio facillè non consistat. Quare etiam Concionatores, & Professores interdum à ieiunio excusantur. *ibid.* Causa 4.

Tonsores, sartores, pictores ex hoc capite non excusantur, sed sæpe ex alijs causis: ut quia vnicam plenam

refectionem non habent. *ibid.*

Lex ieiunij cessat, si consistere non possit cum opere præstantiore, aut maioris momenti. n. 4.

Opus ieiunij præsertim præcepti plerumque melius est, quam peregrinatio. Si tamen peregrinatio ad locum pium videatur esse valde utilis ad cultum diuinum, quæ differri facillè non possit, neque cum ea ieiunium tolerari, tum iusta erit excusationis causa. n. 5.

Peregrinatio longinquo pietatis causa institui potest, non obstante, quod dies ieiunij per accidens incidet, in quo propter corporis defatigationem bis refici debeas. eod. num. 5.

Quamuis illicitum sit, non necessaria corporis exercitia, v. g. pilæ lusum instituere, cum proposito idcirco ieiunium soluendi, postquam tamen corpus defatigasti, ita ut ieiunium perferre nequeas, sufficientem causam excusationis habes. *ibid.* §. His quædam.

Tametsi nulla iusta excusatio re ipsa subsit, si tamen bona fide & probabili ratione subesse existimes, & idcirco non ieiunes, vel consuetam quantitatem cœnula nocturnæ excedas, non es culpæ saltem grauis condemnandus. num. 6.

Qui rationem aliquam afferunt, quæ ipsis iusta apparet, cur in Quadragesima bis tantum, vel ter per hebdomadam ieiunent, non nimis à Confessario virgendi sunt, ne fortè si ipsis contradicat, nunquam ieiunent. *Ibidem.*

Lex ieiunij Quadragesimalis ita omnibus seculis, & nationibus apud Christianos frequentata est, ut irrationalis censi possit consuetudo eius abrogatoria in totum, vel in partem. n. 7.

Facilius accedit excusatio ab ea præcepti paret, quæ alteram refectiorem in die ieiunij prohibet, quam ab ea quæ carnis esum vetat. n. 8.

Episcopi ob publicam causam ieiunium in aliam diem transferre non prohibentur. n. 9.

Ignorantia, Error.

Ignorantia variè diuiditur: I. Quod alia est priuationis; alia prauæ dispositionis, siue error positius. II. Quod alia est ignorantia iuris, & alia ignorantia facti. III. Alia ignorantia est causa operis, quia si ea abesset, opus non fieret; alia non est causa operis, sed concumitans. IIII. Ignorantia alia est antecedens, quæ & inuincibilis ac inuoluntaria dicitur, quia omnem liberæ voluntatis actum præuenit; vel est consequens, vincibilis voluntaria. lib. 1. t. 2. c. 4. n. 1. & seqq.

Ignorantia vincibilis alia est affectata, cum quis data opera ignorare vult, & non inquirere veritatem, alia vero est indirectè volita, & hæc vel est crassa siue supina, vel est leuis. num. 5.

Ignorantia inuincibilis tam iuris, quam facti omnino à culpa excusat. Quod etiam pertinet inconsideratio seu obliuio: nisi enim operans aduertat ad rationem honestatis, vel inhonestatis, moraliter non peccat. n. 6.

Si operans indistinctè iudicauit esse peccatum, quod re ipsa nullum, aut veniale tantum est, non est præsumendus mortaliter peccasse; nisi venerit illi in mentem dubitare, vel suspicari de malitia mortali. n. 7.

Etiam concumitans ignorantia, si inuincibilis sit, à culpa excusat. Neque enim obstat, quod homo ita habitu affectus sit, ut, si animum auerteret, operis malitiam approbaret: quia Deus non imputat homini peccata, quæ faceret, si hoc, vel illud in mentem ei veniret: sed diuinæ gratiæ adscribendum est, quod animo non incidat. num. 8.

Ignorantia vincibilis non excusat opus à culpa, facit tamen esse leuiorem, quam si scienter patratum fuisset. num. 9.

Ignorantia vincibilis earum rerum, quarum cognitio per se in præcepto, est speciale peccatum, v. g. negligentia in rebus Fidei discendis. Non autem speciale pecca-

tum est, si cognitio rerum per accidens tantum requiratur in ordine ad opus, quod præcipitur, aut prohibetur. num. 10.

Probabilis seu iusta ignorantia legis excusat non solum à culpa, sed etiam à pœna. lib. 1. tr. 4. c. 20. n. 1.

Ignorantia crassa seu supina cum à peccato mortali non excuset, non liberat à pœna legis, etiam graui. Si tamen pœna decreta sit scienter, aut temere peccantibus, non comprehenduntur delinquentes ex ignorantia, nisi affectata sit. n. 2.

Ignorantia vincibilis non crassa excusat à pœna ordinaria graui. Quare Iudex in tali casu aut veniam delicti dare, aut aliam pœnam mitiorem imponere debet. n. 3.

Qui præuaricatur legem, quam latam esse non ignorat, licet ignoret annexam pœnam, nihilominus efficitur reus pœna. n. 6.

Id. verò speciale est, vt tamen aliquis sciat opus prohibitum esse, etiam Ecclesiastica lege, si tamen ignoret ignorantiam non crassam censuram prohibitioni annexam esse, eam haud incurrat. Quod tamen in irregularitate locum non habet; cum ad eam non requiratur contumacia, sicuti ad censuram. lib. 1. tr. 5. p. 1. c. 5. n. 8.

Vt aliquis propter ignorantiam crassam censeatur incurrisse censuram, necesse est, vt de ea cogitationem, vel suspicionem habuerit, & nihilominus sine adhibita veritatis indagatione opus prohibitum exequatur, non sine contumacia virtuali. eod. n. 8. §. Porro.

Si censura lata sit contra eos qui scienter, temerariè, cum præsumptione peccauerint, contrahitur etiam ab ijs, qui cum ignorantia affectata delinquant; non item, si ignorantia affectata non sit, quamuis crassa siue supina, ibid. §. Multò.

Ignorantia facti excusat, non iuris: quia ius finitum est, quod comprehendere potest; facta autem varia & infinita, quæ etiam prudentissimos fallunt. lib. 1. tr. 4. cap. 20. num. 7.

Potest tamen dari etiam inuincibilis ignorantia iuris communis: sed ea in dubio non præsumitur; nisi in quibusdam personis, puta milite, minore XXV. annis. ibid.

Ignorantia iuris excusat in damnis, & suum petenti nihil nocet; non autem excusat in commodis, & acquirere volentem nihil adiuvat. Facti autem ignorantia, nisi crassa sit; tam in commodis, quam damnis excusat. ibid. §. Debet.

Error circa rei substantiam, siue obiectum substantiale, omnem contractum naturali iure irritum reddit: vt si emas vitrum pro gemina; aut dones Petro, quem putas esse Ioannem. Sin autem emas à Petro, quem Ioannem esse putas, plerumque pertinet ad accidentalem circumstantiam, quæ contractum non vitiat. lib. 3. t. 4. c. 5. n. 1.

Error circa obiecti qualitatem, licet dolo alterius contrahentis ingeneratus, si tamen concomitans tantum sit, non reddit contractum irritum, aut irritandum: vt si emas vinum Austriacum, ratus esse Rhenantum, quod tamen emisisses, etsi non ignorasses: interim verò actio competit, vt solvatur tibi, quanti interest dolum adhibitum non fuisse. num. 2.

Error circa obiecti qualitatem non proueniens ex dolo contrahentis, etsi sit causa operis, non tamen infirmat contractum. Præterquam si intentio conditionalis sit non aliter promittere, aut contrahere, nisi existente tali circumstantia, quam falsò inesse existimas: v. g. si vouisti peregrinationem ad limina Apostolorum, ratus esse iter bidui, cum sit decem dierum. n. 3.

Si error versetur circa circumstantiam valde immutantem obiecti, & nimis excedentem promittentis existimationem, censeari potest promissio non simpliciter facta, sed sub virtuali conditione existimata circumstantia. ibid.

Idem quoque dicendum, si error versetur circa qualitatem, aut circumstantiam, quæ sit principale motiuum,

& causa finalis promittendi, aut contrahendi: v. g. dotio tibi, quia consanguineus meus es: quare hoc casu donatio non subsistit, si consanguineus non sit. ibid. §. 2.

Si causa donandi falsò existimata, sit tantum impulsiva, ac secundaria, nihilominus subsistit donatio; nec reuocari potest, causà non secutà: v. g. si puellæ dones non sub conditione nuptiarum, sed absolute, quamuis cum proposito consiliandi eius animum, quia putas in matrimonium consensuram. n. 4.

Si eleemosyna data sit homini hæretico, simulanti se Catholicum, subsistit donatio; quia principaliter facta censetur intuitu paupertatis, ex motiuo misericordiæ. Sed etsi paupertas quoque simulata fuerit, fieri tamen potest, vt valeat donatio, tanquam data ob honorem Dei &c. ibid. §. Hinc resolvitur.

Etsi error, vel dolo dans causam contractui proueniat ab altero contrahente, non sine iniuria, valet tamen contractus mero iure: quamuis rescindi possit, ac debeat, si deceptus velit, & contractus solubilis sit. n. 6.

Tamen si verò qui dolo circumuentus fuit nihil excipiat, quia nescit se deceptum esse, nihilominus deceptor in conscientia obligatus est ad damnum refarciendum: nisi præsumere possit, talem restitutionem remitti. Qualis præsumptio fieri interdum potest ab eo, qui eleemosynam per simulationem acquisiuit; item à famulis, qui per ementita seruitia à Magistratibus dona acquirunt, præsertim si hi munifici ac liberales sint. eod. num. 6. §. Ad alterum.

Immunitas Ecclesiastica.

Est ius, quo loca, res, vel personæ Ecclesiasticæ à communibus oneribus liberæ sunt. Quare triplex immunitas est, localis, realis, & personalis. lib. 4. tr. 9. c. 1.

Particularis Ecclesiæ, aut Ecclesiasticæ personæ nomine immunitatis Ecclesiasticæ non comprehenduntur; sed solum exemptiones illæ, quæ toti statui Clericorum, vel omnibus locis, aut rebus Deo dicatis communes sunt. eod. c. 1. ver. Data opera.

Causæ omnes spirituales secundum propriam institutionem à secularium Iudicum potestate liberæ sunt. cap. 2. num. 1.

Causæ spirituales censeantur, quæ ad Dei cultum, vel spiritualem animæ salutem directè spectant. n. 2.

In causis merè ciuilibus Iudex Ecclesiasticus ordinariè se non immiscet: quia potestas, & iurisdictio Ecclesiastica discreta est à iurisdictione ciuili. n. 3.

Crimina alia sunt merè Ecclesiastica, alia merè ciuilia & alia mixta. n. 4.

Crimina mixti fori censeantur sponsaliorum violatio adulterium, vsura, blasphemia, periurium, sortilegium sacrilegium, in quibus vnus Iudex non præiudicat alteri quominus & ipse in suo foro cognoscere, ac punire possit. num. 5. & 6.

Crimen interdum mixti fori censeatur secundum ordinem ad diuersos effectus. E. C. Si quis seipsum interfecisset dicatur, causa hæc à Iudice seculari cognoscitur in ordine ad confiscationem bonorum, secundum consuetudinem regionis; ab Ecclesiastico verò in ordine ad negandam sacram sepulturam. n. 7.

Æquitas & mutua concordia postulat, vt Iudex secularis & Ecclesiasticus se inuicem adiuuent. ibid.

Si circa crimen mixti fori quæstio iuris incidat v. g. an contractus sit vsurarius; vtrum magis naturalis, an superstitiosa; vtrum sponsalia, vel matrimonium valeat; solius Ecclesiastici Iudicis est eam definire. n. 8.

Si quæstio spiritualis incidat coram Iudice seculari, superfedere is debet causam principali, donec incidens coram Iudice Ecclesiastico terminetur. n. 9.

Si quæstio facti incidat super vsura; periurio &c. Iudex secularis in foro suo inter laicos cognoscere potest. num. 10.

Si lis sit de rebus Ecclesiasticis, puta beneficio, iure de-

cimarum, iure patronatus, Iudex secularis, ne in possessio-
rio quidem iudicio, competens esse potest. n. 11.

Causa proprietatis, & causa possessionis, quoad iudi-
ciali cognitionem, connexæ sunt, & diuidi non de-
bent. num. 12.

Si quaestio non sit de possessione iuridica, sed sola factio
laici turbantis, vel pellentis Clericum è possessione bene-
ficij, aut iuris decimarum, Iudex secularis cognoscere
non prohibetur contra laicum. n. 13.

Si laico ab Ecclesia decimæ in feudum concessæ sint,
non ideo consequens est, concessum etiam esse ius iudi-
candi de talibus decimis. n. 14.

Orta controuersia inter Clericum & laicum de deci-
mis, sintne clericales, an laicales, ad Ecclesiasticum Iudi-
cem pertinet cognoscere, ac iudicare. n. 5.

Mota quaestione de iurisdictione inter Iudicem Eccle-
siasticum, & secularem, decet magis ad Ecclesiasticum
cognitionem pertinere. eod. tr. 9. c. 7. n. 6.

Quæ Iustinianus Imperator de Ecclesiasticis causis, ac
personis decreuit, nullam vim obtinent. eod. tr. 9. cap.
4. num. 2.

Clerici in omnibus causis criminalibus plenissimum
priuilegium exemptionis à foro secularium obtinent.
eod. c. 4. n. 1.

Necessitas publici, vel priuati incommodi auertendi
non tribuit seculari Magistratui iurisdictionem in Cleri-
cos; sed ius duntaxat defensionis naturalis. n. 3.

Ob defectum iustitiæ, seu negligentiam Ordinariorum
Clerici ad seculare tribunal trahi non possunt. Quia ma-
ior minoris, & non minor maioris Iudicis negligentiam,
ac defectum supplere debet. n. 4.

Laici Clericis gradu inferiores, eisdemque sæpe infesti
sunt. eod. tr. 9. c. 8. n. 3.

Ecclesiastici Iudices contra subditos suos tunc seculare
brachium inuocare possunt, si ordinarium iuris reme-
dium ipsis deficiat. c. 4. n. 5.

Clericus in flagranti crimine deprehensus, aut sus-
pectus de proposito patrandi, à seculari potestate capi po-
test, vt Iudici Ecclesiastico tradatur. n. 6.

Iudex secularis Clericos arma contra publicam prohi-
bitionem in plateis gastantes non ita priuare potest, vt eo-
rum restitutionem deneget: nisi Prælatorum Ecclesiasti-
corum consensus accedat. n. 7.

Clericus debitor, si fugam meditetur, interim à Iudice
seculari, aut creditore capi potest, vt Iudici suo sistatur,
& ad solutionem, eiusve cautionem compellatur. n. 8.

Clericus à Iudice seculari ad testificandum cogi non
potest. Quibusdam tamen locis consuetudo est, vt Cleri-
ci seculares à Iudice, vel à partibus rogati, ad testifican-
dum, præsertim in causis ciuilibus, vltro accedant, non
petitâ licentiâ Episcopi. n. 9.

Iudices seculares contra concubinas Clericorum pro-
cedere solent: sed id agere debent non usurpata iurisdic-
tione in personas Clericorum. n. 11. aduert. 1. & 2.

Qui post crimen commissum Clericus, vel Religiosus
factus est, à seculari Magistratu iudicari non potest, nisi
causa præuenta fuerit. n. 12.

Clericus ad statum laicalem transiens, iudicari potest
à Iudice Ecclesiastico propter crimina in clericatu com-
missa. num. 14.

Religionis Nouitius ob crimen in Monasterio commis-
sum, à seculari Iudice, neque postquam ad seculum redijt,
iudicari, ac puniri potest. c. 7. n. 5.

Clerici in causis etiam ciuilibus à seculari Magistratu
exempti sunt. c. 5. n. 1.

Si bona per accidens subijciantur Magistratui, propter
subiectionem personæ, tunc liberatâ, aut exemptâ per-
sonâ, consequenter etiam bona eximuntur iurisdictione.
eod. c. 5. n. 1. & c. 4. n. 13.

Si bona, quæ à Clericis possidentur, comparatione
laicæ potestatis obligationem habent per se, sibi que pro-

priam, v. g. ratione feudi, aut emphyteuseos, tum eo re-
spectu iurisdictioni laicorum subijciunt. c. 5. n. 2. & 3.

Bona immobilia Ecclesiæ à laicis donari possunt cum
reseruatione iurisdictionis comparatione eorundem bo-
norum. num. 4.

Actor Clericus forum Rei laici sequi debet. num. 5.

Priuilegium fori trahit secum exemptionem à tributis.
cap. 7. n. 3.

Bona Ecclesiarum cum ad speciale dominium Dei per-
tinere censentur, à secularium Magistratum exactione
libera esse debent. c. 6. n. 1.

Simili libertate gaudere debent vasa, & ornamenta sa-
cra, etiam si in priuato oratorio sub particulari alicuius
dominio existant. ibid.

Non est æquum, vt bona Ecclesiæ à duplici Magistratu,
Ecclesiastico & seculari, exactionibus grauari possint.
num. 2.

Inter onera merè realia, quæ etiam ad Ecclesiam, &
quemcunque possessorem transeunt, numerari non de-
bent indictiones seu tributa ordinaria Principum; cum
ea imponantur ratione subiectionis personarum. num.
3. & 4.

Clerici ab angarijs, & similibus muneribus, quæ sub-
ditis à seculari Magistratu indicuntur, liberi esse debent
num. 6.

Ad necessitatem aliquam tollendam, quæ ad ipsos et-
iam Clericos directè pertinet, non minus, quàm laici
concurrere, & contribuere debent. n. 7.

In magna necessitate, si ciuitas aliter defendi non pos-
sit, etiam Clerici ad vigilias obligantur, naturali iure.
ibid. §. Verum.

Si alicubi aquarum inundatio, aut vermium morsus
deuastet prædia, etiam Ecclesiæ & Ecclesiastici possessio-
res, vnâ cum laicis, contribuere debent. Idemque dicen-
dum, si vicini omnes contribuant ad sternendam lapidi-
bus viam, atque etiam Ecclesiastici domos ibi habeant.
ibid. §. Vide.

Bona Clericorum, non tantum quæ ex clericali titulo
acquisita, à secularium Principum exactione libera sunt,
sed etiam patrimonialia: præterquam si Clerici negotia-
tionem ipsis prohibitam exercent. n. 8. & 9.

Priuilegia, quæ principaliter data sunt ob fauorem
bonorum Ecclesiasticorum, non competunt Clericis re-
spectu bonorum priuatorum: cuiusmodi est priuile-
gium restitutionis in integrum, item vt non tempore or-
dinario, sed quadraginta annis vsucapio immobilium
perficiatur. At verò priuilegia, quæ data sunt principa-
liter personis siue statui Ecclesiastico, accessorie verò re-
bus, ea locum etiam habent in bonis Clericorum pro-
prijs. num. 10.

Regulares vtriusque sexus, eorumque Conuersi at-
que Nouitij Ecclesiastica immunitate gaudent. c. 7. n. 1.

Clerici in minoribus exemptionis priuilegio gaudent,
si haberant conditiones requisitas à Trid. sess. 23. c. 6. de
reform. n. 2.

Clericus in minoribus fori priuilegium amittit, si ton-
suram, & habitum omnino dimiserit. Si tamen postea sine
fraude ac dolo resumat, recuperat priuilegium. Sin au-
tem Clericus beneficiatus habitum, & tonsuram non de-
ferat, fori priuilegium non amittit, donec ab Episco-
po monitus incorrigibilem se præbeat. Imò Clerici in sa-
cris non antè priuilegium amittunt, quàm eo per senten-
tiam priuentur. n. 3. & n. 4. §. Ad extremum.

Clerici coniugati, qui cum vna, eaque virgine contra-
xerunt, si tonsuram, & vestes clericales deferentes, Eccle-
siæ seruiant, canonis priuilegium, & exemptionem fori
in causis criminalibus retinent. n. 4.

Et si Clericus coniugatus negotiationem aliquam, quæ
indecent non sit, exercent, priuilegia fori, & canonis re-
tinere debet. eod. n. 4. §. Adde.

Exemptio Ecclesiasticorum à seculari Magistratum

quoad personas, tum quoad bona ipsorum, à diuino iure proficiscitur. c. 8. n. 1.

In veteri lege Sacerdotes, & Leuitæ exempti erant à iurisdictione, & tributis aliarum tribuum. n. 2.

Summus Pontifex, & Concilium generale ob iustam causam seculari Magistratui aliquam iurisdictionem, vel exactionem in Clericos committere, aut permittere possunt. n. 4.

Ecclesiastica immunitas duobus modis violari potest; vel solo facto, vel præsentata potestate seu iurisdictione, qui modus violationis longè grauior est. c. 9. n. 1.

Plures sunt speciales modi, quibus Ecclesiastica immunitas violatur. n. 2.

Statuta secularium interdum directè derogant Ecclesiasticæ immunitati, interdum verò indirectè. n. 3.

Ecclesiastica immunitas per solam consuetudinem, quamuis immemoriam tolli, aut minui non potest. cap. 10. num. 1.

Si semper constans fama ac traditio fuit de accepto priuilegio Apostolico ad exercendam iurisdictionem aliquam in Clericos, tunc locus esse potest præscriptioni per tempus immemoriam, si bona fides concurrat. num. 2.

Exemptionem Clericorum conseruare, eamque læsam redintegrare, ad clauem supremæ Ecclesiasticæ iurisdictionis pertinet. n. 3.

Immunitas, siue asyllum loci sacri.

Legibus cum ciuilibus, tum canonicis asyllum seu ius immunitatis Reis ad Ecclesiam confugientibus constitutum est. lib. 4. tr. 9. c. 3. n. 1.

Non solum templa, & sacella, quæ Episcopi auctoritate consecrata, vel benedicta, aut alia ratione, v. g. crucis erectione, deputata sunt ad publicum Sacrificij, & Sacramentorum vsum, sed etiam alia loca religiosa, vt Hospitale Episcopi auctoritate fundatum Monasterium; quin & Episcopi palatium Ecclesiastica immunitate gaudent. num. 2.

Immunitas hæc etiam in cœmeterijs locum habet, item in omnibus Ecclesiæ habitaculis, puta sacristia, porticu, atrio, quolibet modo Ecclesiæ adhærentibus: quia quæ locis religiosis adhærent, religiosa sunt. eod. num. 2. extens. 3. & 4.

Ecclesiæ immunitate defenditur, qui ad eam clausam confugiens, ansum, vel vestes portarum manu apprehendit: item, si in superiore parte fabricæ, vel in turri, vel etiam supra tectum Ecclesiæ existat. Quare apparet, immunitatem hanc, quippe Ecclesiæ fauorabilem, latius extendi, quam illius violationem. n. 3.

Probabile, ac decens est, vt Reus confugiens ad Sacerdotem sacram Eucharistiam manibus ferentem, ab Ecclesia defendatur. n. 4.

Non tantum Reus criminis, sed etiam Reus debiti, siue qui ob ciuilia debita, ad Ecclesiam confugit, immunitate gaudere debet, vt extrahi non possit, quod tamen multis locis in debitore ad Ecclesiam confugiente non obseruatur, præsertim si per fraudem absconsis, vel secum delatis bonis, in Ecclesiam se recipiat. n. 5.

Nemo criminis ad Ecclesiam confugiens extrahi debet, nisi in casibus iure, vel consuetudine legitima exceptis. num. 6.

Si crimen, idque graue in ipsa Ecclesia committatur, indignus est, qui à loco sacro defendatur, cui irreuerentiam intulit. ibid.

Qui prope Ecclesiam fiduciâ immunitatis consequendæ deliquit, non ideo priuilegio isto spoliandus est. n. 7.

Publicus latro, vel agrorum depopulator, hæreticus, & qui per insidias hominem incidit, immunitate loci sacri non gaudent: secus dicendum de ijs, qui sine insidijs ex proposito ad hominis cædem aggrediuntur. n. 8.

Non tantum qui hominem ex insidijs occidit, sed etiam qui occidi mandat, iure immunitatis priuantur: modò

cædes reipsa sequatur: nam sola aggressio, aut vulneratio non videtur sufficiens, vt Reus ad Ecclesiam confugiens extrahi possit. n. 9.

Qui per assassinos (infideles ex Syria, arbitantes fas esse, quoscunque Regis sui inimicos ipso iubente necare) homicidium patrari mandauit, etiam effectu non secuto immunitatis iure olim priuatus esse censebatur. ibid.

Omnes fideles, etiam excommunicati, non item infideles, hac immunitate gaudere possunt. n. 10.

Clerici qui exemptionis priuilegio gaudent, confugientes ad Ecclesiam propter delictum, ab Ecclesiastico suo Iudice extrahi possunt. n. 11.

Si infidelis reus ad Ecclesiam confugiens sacrum Baptisma non simulatè petere videatur, defendendus est. num. 12.

Prohiberi non potest, quominus victus, ac vestitus ad Reum in Ecclesiam deferantur. Potest tamen Iudex custodiam Ecclesiam apponere, ne Reus libere aufugiat. Non potest tamen à Iudice, vel apparitoribus capi, aut extrahi, si vestes solas, pedem, vel manum extra Ecclesiam posuit, capite, & alijs præcipuis membris intra Ecclesiam existentibus. n. 13.

Iudex secularis Reum extra casus iure, vel legitima consuetudine exceptos, è loco sacro extrahens, sacrilegium committit, ipsique Ecclesiasticus Iudex resistere potest, præsertim censuris. n. 14.

Processus Iudicij contra Reum illegitimè extractum ipso iure irritus est. n. 14.

Inanis gloria.

Est inordinatus appetitus humanæ existimationis ac laudis: ex genere suo peccatum veniale, per accidens sæpe mortale. lib. 3. sect. 3. num. 12.

Indulgentia.

Indulgentia est pœnæ temporalis Deo debitæ remissio, extra Sacramentum, per applicationem satisfactionis Christi, & Sanctorum. lib. 5. t. 7. c. 1. n. 1.

Iustus in hac vita non solum pro suis, sed etiam pro aliorum iustorum peccatis, ob charitatis vnionem, per Christi merita satisfacere potest. n. 2.

Satisfactiones Sanctorum abundantes concurrunt ad indulgentiam seu remissionem culpæ temporalis per modum causæ particularis, & proximæ, at verò satisfactiones Christi per modum causæ vniuersalis, & primariæ. num. 3.

Concessio indulgentiarum est actus Ecclesiasticæ voluntariæ iurisdictionis: quare ad illam non requiritur certus ordo, sed potestas iurisdictionis. n. 4.

Indulgentiæ non nisi subditis conceduntur: exempti tamen participes se reddere possunt indulgentiarum Episcopaliū: Et vnus Episcopus subditis suis facultatem dare potest lucranti indulgentiam Episcopi alterius. num. 5.

Indulgentia, cum sit beneficium Principis, nemini præiudicans, latè interpretandum est: modò constet de potestate, & sufficiente causa concedendi. n. 6.

Indulgentia seu remissio pœnæ à Sacerdote iniunctæ primis Christianorum seculis visitata fuit. c. 2. n. 1.

Indulgentia seu remissio pœnæ iniunctæ non tantum est in ordine ad Ecclesiam, sed etiam vt Deo satisfactum sit. num. 2.

Indulgentia vel est totalis seu plenaria, vel est partialis cuius species quædam sunt carena, quadragesima. cap. 3. num. 1.

Cum indulgentia vnus anni v. g. aut septennis conceditur, sensus est, remitti tantam pœnam peccatis debitam, quanta deberetur per pœnitentiam vnus anni, vel septem annorum, secundum canones pro peccatis impositam. ibid.

Diuiditur etiam indulgentia in personalem, & realem in perpetuam, ac temporalem. n. 2. In fine.

Olim indulgentiæ ferme tantum concedebantur, de

Pœnitentijs iniunctis, nunc verò etiam de non iniunctis concedi solent. n. 2.

Si indulgentia localis concessa est cum determinatione temporis, v. g. diei, tum qui sæpius in die Ecclesiam visitat, semel tantum lucratur indulgentiam: secus, si absque determinatione indulgentia concessa est Ecclesiam visitantibus. n. 3.

Nomine Ecclesiæ, cui indulgentia conceditur lucranda à visitantibus, etiam adiunctum cœmiterium intelligi oportet. n. 4.

Loco diruto sine spe reedificandi, vel in alium locum sub eodem patrono, & cum omnibus privilegijs transferendi, pereunt concessæ indulgentiæ locales. n. 5.

Summus Pontifex potestate à Christo accepta, alij verò inferiores Episcopi ex concessione Summi Pontificis indulgentias largiuntur. c. 4. n. 1.

Episcopi communi iure vnius anni indulgentiam dare possunt pro die anniuersariæ dedicationis templi, aliàs verò ob iustam causam dierum quadraginta. n. 2.

Si Episcopus ultra limites potestatis suæ indulgentiam concedat, irrita est concessio, quoad excessum. eod. n. 2. notando 3.

Episcopi viuus tantum, non etiam defunctis indulgentias dare possunt. notando 4.

Cardinales, Legati Apostolici, & alij Prælati qui Episcopi non sunt, tametsi non iure ordinario, tamen ex commissione Pontificis generali, aut speciali, indulgentias interdum dare possunt. n. 3.

Facultas indulgentias dandi etiam per consuetudinem acquiri posse videtur, sicuti etiam iurisdicctio in foro pœnitentiæ à peccatis absoluendi cum bona fide vsucapi potest. num. 4.

Per communicationem bonorum operum ac meritum factam personis, ac si membra essent alicuius Religionis, proximè ac directè non applicantur satisfactiones subditorum; sed fructus iste communicationis præcipuè prouenit per modum impetrationis. n. 5.

Si Religiosus contra præceptum Prælati fructum boni operis alteri applicat, licet malè faciat, tamen eius applicatio valet. num. 6.

Non tantum vt licitè, sed etiam vt validè indulgentia concedatur, pia & rationabilis causa requiritur. c. 5. num. 1.

Fieri solet, vt alij plus de indigentia v. g. plenaria consequantur, quia plus deuotionis, & conatus adhibent. num. 2.

Tametsi accadat, indulgentiæ concessionem propter defectum causæ irritam esse, aliæ tamen per accidens adiunctæ facultates, absoluendi à casibus reseruatis, & censuris, dispensandi in votis &c. subsistere possunt. num. 3.

Indulgentiæ propriè tantum dantur Christianis baptizatis: est tamen probabile, prodesse etiam Catechumenis per modum suffragij. c. 6. n. 1.

Cum homo indulgentiam consecuturus est, in Dei gratia esse debet. n. 2.

Nisi opus præscriptum impleatur, indulgentia obtineri non potest. n. 3.

Ad lucrandam indulgentiam non requiritur actualis intentio; sed sufficit habitualis, seu interpretatiua, si videl. re ipsa præstes, quod requiritur; etsi ignores, vel oblitus sis indulgentiam concessam esse. n. 5.

Vna oratione non potest aliquis plurium numismatum similes indulgentias lucrari. n. 6.

Si indulgentia concessa sit verè pœnitentibus ac confessis, non requiritur ad eam lucrandam sacramentalis Confessio, si quis mortale peccatum non habeat: sin verò habeat, non sufficit ei contritio. n. 7.

Certum est, quòd Sum Pontifex animabus in purgatorio detentis indulgentias impartiri possit. c. 7. n. 1.

Indulgentia concessa viuus non potest defunctis appli-

cari, nisi in concessione id expressum fuerit. n. 2.

Summus Pontifex defunctis indulgentias dat per modum suffragij, non per modum iudiciariæ absolutionis, Quare probabile videtur, non ita certò & infallibiliter indulgentiam prodesse defunctis sicuti viuus. n. 3.

Credibile est, quòd Deus facilius acceptet indulgentias oblatas pro ijs defunctis, qui ex hac vita decesserunt, magis digni tali condonatione. n. 4.

Infamia.

Infamia est duplex; Vna iuris, & altera facti. Illa interdum oritur ex delicto proprio, cui iuris constitutione infamiæ pœna constituta est, seu ipso facto incurrèda, seu à Iudice decernenda. Interdum oritur ex delicto parentum; aut ex vili conditione, seu statu personæ. lib. 1. tr. 5. p. 5. c. 4. n. 1.

Qui ciuili iure infames habentur, etiam canonica tales censentur, nisi infamia ciuili iure introducta per canonicum sublata sit. n. 2.

Infamiam iuris auctoritatiuè abolere, ad Principem spectat, comparatione subditorum suorum. n. 3.

Infamia facti oritur non tantum ex euidentia criminis infamantis, sed etiam ex vulgata opinione de commisso tali crimine: dummodo rumor seu fama non ex leuiculis hominibus originem traxerit. n. 4.

Infamia tum iuris, tum facti, à dignitatibus & honoribus repellit. Imò infamia facti priuat etiam dignitate acquisita: sed requiritur Iudicis sententia. n. 5.

Electio, vel collatio beneficij facta infami, ipso iure irrita est. Si tamen infamia est tantum facti, electus, vel prouisus beneficium in foro conscientiae retinere potest, si per vitæ emendationem, infamiam abolere velit. num. 6.

Infidelitas.

Infidelitas alia est materialis, alia formalis: illa peccatum non est, sed magis pœna peccati, si quis vel de vera Fide nihil audiuit, vel etsi audiuit, argumenta veritatis non perspexit. Hæc verò formaliter, & contrariè Fide diuinæ opponitur; si quis post perspecta argumenta veritatis, pertinaciter se opponat. lib. 2. t. 1. c. 12. n. 1.

Inter infidelitatem materiale & omnino inculpata, atque infidelitatem formalem, est infidelitas mediæ, videl. ignorantia, vel error in rebus Fidei culpabilis, sed sine pertinacia: puta si Catholicus ex vincibili ignorantia aliquid doceat, vel sentiat veræ Fidei repugnans; paratus tamen corrigi, si contra Ecclesiæ definitionem esse sciatur. eod. c. 12. n. 3.

Infidelitatis peccatum grauius est ijs peccatis, quæ ad mores pertinent. n. 2.

Infidelitatis tres species sunt, paganismus, Iudaismus, apostasia, ac hæresis. n. 1. §. Altera.

Communicatio familiaris cum infidelibus, præsertim Iudeis, canonico iure prohibita est, excepto necessitatis casu. eod. t. 1. c. 17. n. 1.

Pagani, & Iudæi ad Fidem Christi amplectendam cogi non possunt. Alia verò ratio est de apostatis, & hereticis, cum Ecclesia in eos iurisdictionem retineat. n. 2.

Fas non est Gentiles externos bello prosequi, propter idololatriam, & similia peccata, quæ ipsis Christianis, vel alijs innocentibus iniuriosa non sunt. n. 3.

Qui autem Christiano Magistratui subditi sunt infideles, ij cogi possunt ad naturæ legem seruandam. ibid.

Ritus Gentilium, sicuti & hereticorum exercitia in terris Catholicorum toleranda non sunt, nisi id necessarium videatur ad maius malum vitandum, vel maius bonum, videl. ipsorum infidelium certam conuersionem promouendam. num. 14.

Iudæi in Christianorum terris habitatio, & rituum Iudaicorum exercitium permitti potest, non item, vt synagogas nouas ædificent, aut libros edant, quibus Christianam Fidem oppugnent. n. 5.

Iudæorum causæ ciuiles decidi debent apud Iudicem

Christianum, secundum legem ipsorum: Si autem casus lege Mosaiica definitus non est, aut si Iudæus cum Christiano litigat, controuersia dirimitur secundum ius regni. ibid. in coroll.

Permitti non debet, ut Pagani, vel Iudæi acquirant ius domini, vel iurisdictionis infideles: quod autem antea acquisierunt dominium, non amittunt, si eorum subditi Christiani fiant; nisi quod infideles subiecti Christiano Principi priuari possunt dominio in seruos suos, si hi ad Fidem Christianam transeant. n. 6.

Qui infidelibus arma, & similia subsidia contra Christianos subministrant, excommunicationem incurrunt. lib. 1. tr. 4. c. 21. n. 4. In fine.

Inimicus

Inimici, quatenus proximi nostri sunt, ex charitate diligendi debent: quamuis ut peccatores detestari eos conuenit. lib. 2. tr. 3. c. 4. n. 1.

Inimicis nostris præstare tenemur beneficia generalia, seu quæ communiter omnibus eiusdem status ac conditionis personis præstare solemus; non item specialia. num. 2.

Per accidens, siue ob accidentarias circumstantias, euenire potest, ut specialia inimico beneuolentiæ signa exhibere debeas: I. Ratione scandalum vitandi, ne maius hominis odium, vel iram concites. II. Si salutatione v. g. animum inimici tibi, ac Deo facile conciliaturum arbitretis. III. Si ad depellendum odium, quod aduersus hominem geris, necessarium esse existimes, specialia amoris effecta exhibere. IIII. Inimicum salutantem vicissim salutare necesse est, & veniam petenti tribuere; aliaque tunc amoris indicia exhibere, quæ similitudinem depositam esse ostendant. eod. n. 2. §. Dixi autem.

Seposita speciali necessitate, Christianæ virtutis opus in consilio positum est, specialibus beneficiis inimicum sibi conciliare: nisi inimicus ita animo comparatus esse videatur, ut singulari beneuolentia affectus deterior fiat. eod. n. 2. assert. 3.

Qui iniuriam passus fuit, actionem iniuriarum cum ciuilem, tum criminalem aduersus inimicum instituere potest, non ex odio; sed illam, ut damnum illatum compensetur, vel pro iniuria satisfiat; hanc verò publicæ iustitiæ amore, ne crimina cum Reipubl. incommodo impunita maneant. §. Deinde.

Superior subditum peccantem correctionis causa etiam communibus signis amoris priuare potest. n. 2. in fine, & num. 5.

Interdictum.

Est censura priuans participatione sacramentorum, diuinorum officiorum, & Ecclesiasticæ sepulturæ. lib. 1. tr. 5. p. 4. c. 1. n. 1.

Interdictum diuitur in locale, ac personale: vtrumque subdiuitur in generale, ac parziale. n. 2.

Interdum locale grauius est, quam personale. n. 3.

Alia diuisio interdicti est in totale, & parziale: cuius species quædam est, cum quis ingressu Ecclesiæ prohibetur. n. 4.

Non omnia Sacramenta, sed quæ non ita necessaria sunt, in interdicto prohibentur. c. 2. n. 1.

Diuina officia omnia in interdicto prohibentur, sed hodie secundum limitationem c. alma, de sentent. excommun. in 6. num. 2.

In loco interdicto nulli fideles sepeliri possunt, exceptis Clericis, seu Ecclesiasticis personis, si personaliter interdictæ non fuerunt: neque interdictum illicitæ diuini officij celebratione violarunt. n. 3.

Personaliter interdictos in loco sacro sepelire licet, si denunciati non fuerunt. n. 4.

Clericus violans interdictum personale, aut locale, mortaliter peccat. c. 3. n. 1.

Laici non seruantes interdictum locale, saltem venialiter peccant. n. 2.

Pœnæ contra interdicti violatores communi iure decretæ sunt. n. 3.

Interdicto Clero non censetur interdictus populus, nec vice versa. Neque interdicto Clero, censentur comprehensi Religiosi, nisi ex materia, & causa ferendi interdictum, aliisque circumstantijs contrarium appareat. cap. 4. num. 3.

Ut interdictum in determinatam personam ferri possit, videtur requiri culpa mortalis. Ut autem interdictum locale, vel generalem Communitatem feratur, requiritur peccatum valde graue, contumaciter commissum à Capite, vel membris præcipuis eius Communitatis. n. 4.

Interdictum, sicuti & suspensio, interdum fertur ut pura pœna, propter peccatum merè præteritum; interdum autem ut propriè dicta censura, ob præsentem contumaciam. c. 5. n. 1.

Per priuilegium absoluendi ab omnibus censuris, intelligitur etiam concessa potestas absoluendi ab interdicto personali speciali; non item tollendi interdictum locale, aut personale Communitatis. n. 2.

Omnes expositi Confessarij absoluere possunt ab interdicto personali speciali, si reseruatum non sit. n. 3.

Destructa Ecclesia, aut ciuitate interdicta, non tollitur interdictum, sed adhæret solo. n. 4.

Inuenta, Thesaurus.

Quæ nunquam dominum habuerunt, ut insula mari nata, gemmæ, lapilli in maris littore, primo inuentori, & occupatori cedunt. Venæ tamen metallica, & lapidicines, quæ in proprio fundo natæ sunt, ad fundi dominum spectant, tectus speciali consuetudine, aut lege. lib. 3. tr. 1. c. 5. n. 21. q. 13.

Quæ in mare iacta ob naufragij periculum, vel incendio erepta sunt, ea proprijs dominis restitui debent, postulata laboris, & industriæ compensatione. n. 22.

Thesaurus est vetus depositio pecuniæ, vel similis rei, ut de eius depositione, & dominio nulla cognitio, seu memoria extet. num. 23.

Thesaurus in proprio fundo, vel in loco publico reperiendus, ad inuentorem spectat, nisi arte magica quæ situs fuerit: tunc in criminis pœnam Iudex fisco adiudicabit.

Sin autem in alieno fundo casu inuentus sit (v. g. à mercenario conducto, ut in terra tua fodiat, alia quam thesauri quærendi causâ) partim ad inuentorem, partim ad fundi dominum pertinet. Quæ constitutio cum iusta sit, etiam in conscientia obligare videtur ante Iudicis sententiam. ibid.

Si de industria, & non sine iniuria aliqua, in fundo alieno sine domini consensu thesaurum inuenisti, secundum ius Casareum totus ad dominum spectat. Id verò aliqui existimant pœnale esse, & non obligare ante condemnationem quoad dimidiam thesauri intenti partem. ibid.

Si sciens in alieno agro thesaurum reconditum esse, eum emas, perinde ac si nihil reconditum sit, venditori ignorantem iniuriam non facis, dominiumque eruti postea thesauri tibi comparas. §. Quod si.

Si quis aurum in terræ superficie, vel in angulo aliquo domus reperiatur, quamuis dudum ibi positum videatur, non est propriè thesaurus; ideoque ad inuentorem spectabit, si dominus, vel heredes eius ignorentur. §. Insuper.

Si incolæ metu belli nuper desobedientes pecuniam eam deferant, eruta non debet censi thesaurus: quare vel proprio domino restitui debet; aut si iustum bellum geritur, militi inuentori præde instar cedit. ibid.

Si quis alteri vestem v. g. vendat, nesciens in ea aurum repositum latere, venditor postea reperiens aurum, non efficitur eius dominus sed restituere cogitur. Quinimo etsi triennio cum bona fide vestem possederit, nesciens aurum absconditum esse, dici non potest, cum præscriptione comparasse dominium auri: nam qui nescit, non

præscribit; consequenter nec vſucapit. *ibid.* §. Præterea.

Probabile est, ſi theſaurus reperiatur in loco publico, id eſt, ad nullius ſpeciale dominium pertinente, totum pertinere ad inuentorem. *ibid.* §. Alterum.

Res inuentas v. g. loculum plenum pecunijs, quarum dominus poſt ſufficientem inquisitionem ignoratur, inuentor retinere, ad demum abſumere poteſt ſecundum probabilem ſententiam. n. 24.

Si poſt alienationem, vel abſumptionem rei inuentæ bona fide factam, dominus compareat, nihil ipſi reſtitui debet, niſi quatenus inuentor locupletior inde factus eſt. Sed neque pauperes, ſi in ipſos rei inuentæ diſtributio facta fuit, aliquid reſtituere debent, niſi res in ſpecie extet, vel ex ea locupletiores facti ſint, dominiuſque repetat. *ibid.* §. Inter has.

Inuentor rei alienæ nihil à domino, cui reſtituere cogitur, ratione inuentionis exigere poteſt, ſed ſolam compensationem laboris, & expenſarum, quas fecit, rem ad dominum deferendo. lib. 3. tr. 4. c. 28. n. 2.

Inuentor rei alienæ, ſi neſciens ad quem pertineat, eam per negligentiam, etiam craſſam, tamen ſine dolo, amittat, ad nullam reſtitutionem domino poſtea repetenti obligatus eſſe videtur. lib. 3. tr. 2. c. 4. n. 3.

Inuidia.

Eſt triſtitia de bono alieno, quatenus inuidentiſ malum exiſtimatur, videlicet excellentiam ipſius diminuens. lib. 2. tr. 3. c. 10. n. 1.

Opponitur Charitati, cuius actus eſt gaudere de bono proximi: quare ex genere ſuo peccatum mortale eſt. *ibidem.*

Affectiones quædam ſimiles inuidiæ, tamen interdum bonæ ſunt, vt ſcelus, indignatio &c. n. 2.

De proſperitate proximi triſtari licet, non quatenus ipſi commoda eſt, ſed quatenus nobis noxia. Item de infortunio hominis, v. g. parentis morte gaudere aliqua ratione malum non eſt, videl. quatenus filio hæreditatem adfert. num. 3.

Multò magis gaudere licet de morte patris, quatenus ex Dei voluntate euenit. Nam omnis voluntas noſtra bona eſt, quæ verſatur circa obiectum diuinæ voluntatis, ſub eadem ratione, qua id Deus vult, & non vult. n. 4.

Irregularitas.

Irregularitas non eſt cenſura, ſed canonicum impedimentum, quominus aliquis ordines ſuſcipere, aut ſuſceptis vti poſſit. Ex quo apparet, non tantum in Clericos, ſed etiam in laicos cadere irregularitatem. lib. 1. tr. 5. p. 5. c. 1. n. 1.

Quæcunque ſacra munera laico competere poſſunt, v. g. in Eccleſia canere, ſacrificanti miniſtrare, ea etiam Clericus irregularis obire poteſt. n. 2.

Irregularis omnes actus iuriſdictionis validè exercere poteſt, quamvis illos non licitè, qui actum ordinis requirunt, vti eſt abſolutio à peccatis. *ibid.* coroll. 2.

Probabile eſt, quòd collatio beneficii facta irregulari non ſit ipſo iure irrita, ſed infirmenda. n. 3.

Irregularitas diuiditur in eam, quæ ob culpam, puta propriam ac mortalem contrahitur, & in eam, quæ ob alium defectum. n. 4.

Irregularitas ſolo iure Eccleſiaſtico, eoque non particulari, ſed vniuerſali decerni poteſt. n. 5.

Irregularitas non agnoſcitur, niſi de ea ius expreſſum, vel generalis Eccleſiarum conſuetudo habeatur. n. 6.

Irregularitas alia eſt totalis, & propriè dicta, quæ omni ordine ſuſcipiendo, & ſuſcepti exercitio priuat: alia verò eſt partialis, quæ aliquo tantum ordine, vel ſolo aſcenſu ad ſuperiorem ordinem priuat. n. 7.

Irregularitas ob nullum crimen occultum incurritur, excepto homicidio, & violatione cenſuræ. c. 4. n. 9.

Irregularitates, & cenſuræ, licet iure ſatis expreſſæ non ſint, poſſunt tamen per generalem Eccleſiæ conſuetudinem conſenſu Doctorum introductam, vim obtinere,

eod. lib. 1. tr. 5. p. 5. c. 6. n. 5. In fine.

Canones non infligunt notam irregularitatis propter officium debitum ex lege. Charitatis, alteriùſve virtutis. lib. 3. tr. 3. p. 3. c. 7. n. 6.

Irregularitas hominem non ligat cum graui periculo vitæ, aut famæ. ead. p. 3. c. 12. n. 6.

Irregularitas ex abuſu Baptiſmi.

Qui alterum abſolutè rebaptizat, & qui baptizanti miniſtrat, irregularis efficitur, ſi culpa notoria ſit, & craſſa ignorantia à mortali non excuſet. l. 1. t. 5. p. 5. c. 2. n. 1.

Eſt tamen hæc irregularitas tantum partialis, vt impediatur, quominus Clericus ad altiorem ordinem aſcendere poſſit. *ibid.*

Qui ſe abſolutè rebaptizari ſinit, ſimpliciter irregularis efficitur, modò in ea re mortaliter peccarit. n. 2.

Qui ab hæretico ſe baptizari ſinit, irregularis ſit; niſi ignorantia, vel neceſſitas excuſet. n. 3.

Qui in ægritudine ob mortis periculum baptizatus eſt, ordinari non debet. n. 4.

Neophytos, ſeu recens ad Fidem conuerſos citò ordinare non oportet. n. 5.

Propter iteratam ſuſceptionem ſacramenti Confirmationis, vel Ordinis, non incurritur irregularitas; cum ea iure expreſſa non ſit. n. 6.

Irregularitas ex Ordinis abuſu.

Qui furtiue ordinatus eſt, videl. ignorante Epifcopo per dolum ſe ingerens, irregularis efficitur. c. 3. n. 1.

Clericus ſolemniter miniſtrans in ordine, quem non habet, irregularitatem contrahit; ſi ignorantia eum à mortali non excuſet. n. 2.

Quibuſdam Eccleſijs præſertim Regularium conſuetum eſt, vt Clerici in Minoribus ſuperpelliceo, vel Dalmatica induti cantent Epistolam, Euangelium, aut Paſſionem Domini. Sed calicem ſacrum ad altare porrigere non debent. eod. n. 2. §. Quæres.

Si laicus ſolemniter exerceat actum ordinis clericalis proprium, v. g. baptizet, tametiſ grauius delinquat, tamen irregularitatem incurſſe non videtur. n. 3.

Multò minus irregularitatem contrahet laicus, vel Clericus, ſi tanquam Diaconus ſit, cum manipulo, & ſtola prædicare in Eccleſia malè præſumat; cum non exerceat actum ordinis. *ibid.* §. Multò.

Clerici, etiam non Diaconi, ſi in Theologia eruditi ſint, ad prædicandum in Eccleſia à Parochis conſtitui poſſunt; niſi diœceſis conſuetudo aliud poſtulet. Sed Trident. Concilium ait, tales priùs ab Epifcopo examinari, & approbari debere, quàm ad munus prædicandi exponantur. *ibid.*

Clericus ſuſpenſus ab ordine, ſi ad ſuperiorem ordinem aſcendat, non videtur irregularitatem incurſſe. n. 5.

Irregularitas ex infamia.

Infamia tam iuris, quàm facti, irregularitatem homini inducit. c. 4. n. 8.

Infamia iuris non tollitur per pœnitentiam; ſed infamia facti, ita, vt Sacerdos publicus concubiniarius poſt vitæ emendationem publicè notam celebrare non prohibeatur. n. 10. & 11.

Hæreſis & apoſtaſia, ſi notoria ſit, facit irregularem, vt talis etiam emendatus, & abſolutus ordinari non debeat. Quibuſdam tamen regionibus, quibus hæretici infames non cenſentur, ſi ad Fidem Catholicam reuerſi ſint, ab Epifcopis ordinantur. n. 12.

Irregularitas ex defectu natalium.

Illegitimè nati omnes irregulares ſunt, tametiſ defectus occultus ſit. c. 5. n. 1.

Probabile eſt, quòd Epifcopus diſpenſare poſſit cum illegitimo occulto: Sed oppoſitum iuri conformius eſt. num. 2.

Natus ex coniugato poſt legitimam eius in ſacris ordinationem, vel in Religionem profeſſionem; licet pro legitimo habendus ſit, tamen ſine diſpenſatione ordinari

non debet. num. 3.

Cum expositis, quorum parentes ignorantur, Episcopus dispensare potest, ut in sacris ordinentur. n. 4.

Irregularitas ex bigamia.

Est ob defectum Sacramenti; quia matrimonium cum altera vxore non perfectam significat coniunctionem Christi cum Ecclesia, quippe qui vnicam sibi copulauit. cap. 6. n. 1.

Bigamia vera, & propriè dicta est, si quis cum duabus legitimis vxoribus matrimonium consummauit. n. 2.

Qui viduam, vel ab altero corruptam in matrimonium accepit, post consummationem interpretatiuè bigamus est. n. 3.

Qui mulierem duxit, à seipso, & non ab alio ante matrimonium cognitam, bigamiæ irregularitatem timere non debet. ibid. §. Tertio.

Qui ad propriam vxorem accessit, postquam ab altero cognita est, bigamus censetur: quomobrem ordinari non potest. num. 4.

Clericus in sacris, qui antè fuerat coniugatus, si in clericali vxorem inualidè ducat, & cognoscat, efficitur irregularis, tanquam sit bigamus. n. 5.

Si laicus post primum matrimonium aliam mulierem, seu viuente priore, seu mortua seriò ducat, irregularitatem incurrere videtur, post consummationem eod. num. 5. In fine.

Si Religiosus professus, vel Clericus in sacris vxorem ducat, irregularitatem contrahit post consummationem, quamuis dispensabilem ab Episcopo. n. 6.

Episcopus cum bigamo vero, aut interpretatiuo dispensare non potest ad ordines seu maiores, seu minores accipiendos. n. 7.

Bigamia per Baptismum non tollitur: quia Baptismus culpas tollit morales, non legales defectus. Quare nec infamia civilis Baptismo aboletur: sed infamia facti etiam ea, quæ ex iniusto homicidio contracta auferri videtur. n. 8. & 9.

Irregularitas ex homicidio & mutilatione.

Ad hanc irregularitatem culpa non requiritur: sed sufficit occidendi, vel mutilandi voluntas actualis, aut virtualis; modò effectus sequatur, & necessitas non computetur. l. 3. t. 3. p. 3. c. 7. n. 1.

Iudex, accessor, accusator, denunciator, testis, tabellio, qui torquendo exprimit confessionem Rei: qui dictat, scribit, signat, publicat literas condemnationis ad mortem; item sententiæ executor, & cooperatores eius, irregularitatem contrahunt, ob perfectæ lenitatis defectum. ibidem.

Irregularis etiam efficitur, qui criminofum Iudici tradit, si postea iusto supplicio afficiatur. ibid.

Ad irregularitatem ex hoc capite incurrendam requiritur, ut cooperatio ad mortem, vel mutilationem notabilis sit, & non admodum remota. n. 2.

Si Episcopi, & similes Prælati temporalem etiam iurisdictionem obtineant, tum leges aduersus malefactores condere, Iudices creare, iisque causas criminales committere non prohibentur. n. 4.

Si Clericus iurisperitus etiam in particulati de aliquo Reo interrogatus, an liceat, vel deceat eum accusare, aut condemnare, ius generatim explicet, irregularitatem non incurrit, secuta condemnatione. Quin imò Confessarius Iudici absolutiorem negare poterit, nisi officio satisfacere, & Reum noxium Reipubl. morti adiudicare velit. eod. n. 4. §. Insuper.

Qui in persona, vel rebus suis, aut suorum iniuriam persequitur, absque irregularitatis periculo malefactorem Magistratui denunciare, & ciuilitè contra ipsum agere potest, cum expressa protestatione, quod sanguinis vindictam non intendat. n. 5.

Qui in bello offensus propria manu occidit, vel mutilat, irregularis efficitur. c. 8. n. 1.

Qui bello iusto interfunt, opemque adferunt, si neminem propria manu mutilent, vel occidant, irregularitatem non contrahunt. Secus est in bello iniusto, in quo ob vnus hominis occasionem, vel mutilationem, omnes, qui auxilium attulerunt, irregulares efficiuntur. n. 2.

Qui ob necessariam corporis sui defensionem occidit, vel mutilat hominem, irregularis non fit. c. 9. n. 1.

Si Clericus, vel laicus ob necessariam Reipubl. vel hominis innocentis defensionem ex obligatione charitatis pugnet, atque aliquem occidat, irregularitatem non contrahit. n. 2.

Qui iniquum aggressorem ob famam, aut bonorum defensionem mutilat, vel occidit, irregularis efficitur, propter mansuetudinis defectum. n. 3.

Ob homicidium merè fortuitum non incurritur irregularitas, siue aliquis operam dederit rei licitæ, siue illicitæ. cap. 10. num. 1.

Adulter irregularis efficitur, si occasione adulterij homicidium secutum fuerit, modò ille tale periculum præuiderit. num. 2.

Clericus in sacris irregularis efficitur, si exercendo artem chirurgicam per incisionem, vel aduersionem, quamuis omni adhibita diligentia, hominem occidat, vel mutilet. num. 3.

Ad contrahendam irregularitatem ex homicidio indirectè voluntario, requiritur culpa mortalis, si quis operam dederit rei licitæ; sin verò rei illicitæ, sufficere videtur culpa venialis. num. 4.

Si vulneratus vulnere non lethali, tamen mortuus est ob Chirurgi penuriam, aut imperitiam, iniquè vulnerans irregularis efficitur. num. 5.

Homicidium, & mutilatio seu membri abscissio in iure aequiparantur. c. 11. n. 1.

Qui alteri aurem, nasum, aut digitum vnum ex maiorem imputauit, irregularitatem incurrere videtur: licet aliqui contrarium non sine probabilitate doceant. n. 2.

Sacerdos, qui occultum homicidium commisit, operam dare debet, ut quàm fieri potest, citissimè à Papa dispensationem impetret: Interim verò post peractam penitentiam celebrare poterit, quoties absoluta necessitas postulat ad vitandam infamiam, aliudue graue periculum. lib. 3. tr. 3. p. 3. c. 12. n. 6.

Irregularitas ex corporis vitio.

Omnis defectus corporis, qui vel congruum exercitium impedit, vel notabilem deformitatem adfert, irregularitatem inducit. lib. 1. tr. 5. p. 5. c. 7. n. 1.

Irregularis est, cui aures, vel nares abscissæ sunt; nisi aurium deformitas capillatura tegi possit. ibid.

Irregularis est nanus, qui ita statura paruus est, ut brachia attollere non possit, quatenus necesse est ad alteris ministerium. ibid.

Hermaphroditus irregularis est, cum sit monstrum: quod si ad femininum sexum magis accedat, Characteris etiam incapax est. ibid.

Vnius oculi, etiam sinistri priuatio, sine notabili deformitate irregularem non efficit. n. 2.

Cum lunaticis, arreptitijs &c. si plenè conualuisse videantur, Episcopus dispensare potest, ut in suscepto ordine ministrare, aut celebrare ipsis liceat: imò etiam, ut ad altiore ordinem ascendant. n. 3.

Sacerdos, qui in lepram incidit, si priuatim sine scandalo celebrare possit, prohiberi non debet: Sicuti & Epilepticus, si rarò cadat, & spumas non euomat, priuatim celebrare potest, adiuncto ei socio Sacerdote. eod. n. 3.

Claudus irregularis non est, nisi magna gressus deformitas sit. n. 4.

Qui sibi ipsi membrum, vel partem membri per iniquitatem amputat, vel amputari iubet, irregularis efficitur. num. 5.

In dubio, an defectus corporis notabilis sit, & irregularitatem inducens, ad Ordinarium pertinet iudicare. n. 6.

Irregularitas ex obligatione serui.

Seruus seu mancipium sine domini consensu ordinari non potest, alioquin à domino vindicari, ac repeti poterit, ead. p. 5. c. 8. n. 1.

Neque coloni originarij, qui non tantum ratione personarum, sed etiam personaliter obligati sunt, ordinari debent, priusquam à suo domino liberi existant. num. 2.

Sed & quicumque secularis muneris obligatione astringi sunt, prius se expedire debent, redditis etiam rationibus, quam in Clerum assumantur. n. 3.

Iubileum.

Annus Iubilei nunc XXV. quoque anno institui solet, in quo omnes aliae plenariae indulgentiae extra Urbem suspensae sunt. l. 5. t. 7. c. 8. n. 1.

Finito anno Iubilei indulgentiae plenariae eius Urbem vim suam recuperant. n. 2.

Suspensio plenariorum indulgentiarum intelligitur quoad omnes viuos, etiam in mortis articulo constitutos: sed non quoad defunctos, quominus eis prosint indulgentiae plenariae per modum suffragij concessae. num. 3.

In anno Iubilei suspensione etiam sunt aliae facultates v. g. absoluerendi; sed ex tantum, quae à Sede Apostolica datae sunt in ordine ad plenarias indulgentias consequendas. n. 4.

Aliquae plenissimae indulgentiae instar Iubilei cum gratijs, & facultatibus annexis, à Sede Apostolica vniuerso Christiano orbi interdum concedi solent. n. 5.

Indulgentiam instar Iubilei lucrari potest, qui in Sabbatho vel Feria sexta antecedente primam Dominicam de peccatis confitetur. n. 6.

Ad lucrandam indulgentiam Iubilei nihil referre videtur, utrum quis sacram Confessionem anteponat, vel postponat alijs in Bulla praescriptis operibus. n. 7.

Indulgentiam Iubilei tantum semel aliquis intra quindecim dies consequi potest, cum sit indulgentia non perpetua; sed ad tempus determinata. n. 8.

Si quis bona fide à peccatis reseruatis absolutus fuerit, animo lucrandi indulgentiam Iubilei, rata est absolutio, etsi ille postea animum mutet. n. 9.

Qui vna hebdomade praestat opera, sed sacramenta Poenitentiae, & Eucharistiae altera hebdomade perficit, videtur lucrari indulgentiam, si id faciat ob iustam causam, aut necessitatem. n. 10.

Credibile est, quod ciuis peregrinaturus opera iniuncta etiam in alia diocesi perficere possit, ad indulgentiam Iubilei lucrandam. n. 11.

Senes, & adolescentes alioquin excusati à ieiunij lege, tamen ieiunare debent, si indulgentiam Iubilei lucraturi sint. n. 12.

Indulgentia Iubilei ita hodie concedi solet, ut per opera v. g. ieiunia alioquin sub praecipuum cadentia satisfieri possint. n. 13.

Iudicium temerarium, suspicio, Dubitatio.

Dubitatio, suspicio itemque iudicium aliud est prudens, quod sufficientibus indicijs nititur, aliud verò imprudens seu temerarium, quod sufficientibus indicijs nihil non est. l. 3. t. 3. p. 2. c. 2. n. 2.

Suspicio alia est levis, alia verò grauis seu vehemens, quae plus assensus, & parum dubitationis habet, alia denique suspicio violenta, quae & praesumptio dicitur, excludens quasi omnem dubitationem, ac formidinem oppositi. n. 1. notan. 2.

Maiora indicia requiruntur ad ferendam contra aliquem sententiam in externo publico iudicio, quam interno cuiusque hominis: atque in ipso foro externo maiora indicia seu probationes exiguntur ad criminis condemnationem, quam ad ciuilem causae definitionem. n. 2. §. Adde.

Tentationes peccatorum in intellectu consistentium, quales etiam est temerarij iudicij, frequentius homini occurrunt, propterea quod intellectus à propositis sibi ob-

iectis naturaliter moueatur, voluntas autem difficile illum impediat, aut aliud applicet. n. 3. coroll. 2.

Suspiciari, vel iudicare de proximo, vbi sufficientia indicia se produnt, nec Charitati, nec iustitiae repugnat. num. 4.

Temere iudicare proximum, est peccatum contra iustitiam suo pte genere mortale. n. 5.

Temere de proximo suspicari, vel de eius probitate dubitare, est ex genere suo peccatum tantum veniale. n. 6.

Dubia in meliorem partem interpretanda sunt. n. 7.

Qui semel malus est, semper praesumitur esse malus: quia mutatio est quid facti: quare in dubio non praesumitur, donec de emendatione appareat. n. 8.

Iudex, Iudicium publicum.

Iudicium diuiditur in Ecclesiasticum, & seculare; in petitorium, & possorium; in ordinarium, & extraordinarium seu summarium. lib. 3. tr. 6. c. 1. n. 1.

Iudex alius est ordinarius, qui tanquam ex officio vniuersitati causarum praest, siue proprio iure, si supremus Iudex sit; siue ex principis beneficio, si subordinatus. Alius verò est Iudex delegatus, cui vices suas Ordinarius commisit; seu ad vniuersitatem causarum, seu ad causam specialem. eod. t. 6. c. 2. n. 1.

Qui merè delegatus Iudex est, alteri causam subdelegare nequit, nisi sit delegatus Principis summi. ibid.

Ante vicesimum aetatis annum completum nec arbiter constitui, nec Iudex delegari potest, nisi à Principe, aut si partes consentiant. ibid.

In causis ciuilibus Iudex non procedit, nisi postulatus; in criminalibus verò etiam ex officio, seu per viam inquisitionis. n. 2.

Ad officium Iudicis pertinet, lites diminuere, & partes ad concordiam reuocare. ibid.

Triplex est inquisitio, quam Iudex, vel praelatus visitans instituere potest, generalis, specialis; & mixta. num. 3.

De persona speciatim inquisitio fieri non debet ad puniendum, nisi infamia, vel indicia criminis praecedant. Secus est, si inquisitio fiat propter praelaturam, vel ordines alicui conferendos, vel matrimonij impedimentum detegendum. eod. n. 3. §. Altera.

Etiā Iudex crimen hominis oculis suis deprehenderit, non potest tamen contra eum procedere, nisi prius informationem acceperit de indicijs, aut infamia: Quia non potest idem esse Iudex, & accusator. ibid. §. Tertia.

Si Iudex ad punienda crimina ex officio procedat, boni publici causa, tunc vicem accusatoris supplere debet publica infamia, quae & clamorosa populi insinuatio dicitur. §. Quamobrem.

Sola fama non probat, sed criminis indicium Iudici praebet, maxime si à viris honestis ortum habuit. n. 4.

Iudices, praesertim seculares, saepe procedunt contra criminis nulla praecedente infamia, ex alijs indicijs criminis, v. g. denuntiatione Officialis, hominis fuga, extra iudiciali confessione criminis. ibid.

Indicia alia leuia sunt, alia grauiora, alia denique quae violentam praesumptionem, ac moralem certitudinem pariunt. n. 5.

Praesumptio alia hominis est, & alia Iuris, & haec interdum iuris ac de iure: cuius haec conditio est, ut contra eam, ob ipsam iuris dispositionem, admitti non debeat probatio in contrarium: quamquam si contraria veritas aperte nota sit, praesumptio cedit. ibid.

Ex vna parte tantò maiora indicia ad inquirendum de persona requiruntur, quantò ea dignior est, & quantò crimen maius, maiorque hominis infamatio futura. Ex altera verò parte tantò leuiora indicia interdum sufficiunt, quantò perniciosius crimen est, etiam in futurum impendens, ut publica latrocinia, haeresis, proditio &c. num. 4.

Leuiora indicia, ceteris paribus, sufficiunt ad informa-

tionem vltiorem capiendam, & interdum Reum citandum, arrestandum, incarcerandum; grauiora autem requiruntur ad Reum iudicialiter examinandum, torquendum; vrgentissima demum ad ferendam sententiam definitiuam in causa ciuili; quin & criminali, saltem ad pœnam extraordinariam statuendam. *ibid.* aduert. 3.

In criminibus suapte natura occultis, vt plenior probatio haberi nequeat, interdum sufficiunt vrgentissima indicia, quæ apertam præsumptionem faciant. *ibid.*

Si Iudex videat crimen probari non posse, maturè desistere debet, ne frustra hominis famam laceret. *ibid.*

Licet indicia seorsim sumpta non sufficiant, tamen iuncta cum alijs, quibus adiuvatur, sufficere possunt ad indicendam v. g. probationem plenam. *ibid.* aduert. 4.

In causis ciuilibus, & minoribus criminalibus semper Iudex sententiam ferre debet secundum publicas allegationes, si eas falsitatis arguere non possit. At vero in criminalibus, quibus pœna mortis, vel membrorum mutilatio imponenda est, Iudex non potest secundum publicas probationes hominem condemnare, quem priuatâ notitiâ innocentem scit. n. 8.

Sententia iustè lata ordinariè non retractatur, propter instrumenta postea reperta: secus, si iniustè, seu contra leges lata fuit. n. 9.

Si Iudex dolo, vel magna imperitiâ sententiam iniustam tulit, litem suam facere censetur, & de damno tenetur. num. 10.

Si Iudex alioquin ad tale minus idoneus, propter obliuionem ex humana fragilitate inter iudicandum errat, in conscientie foro non obligatur ad restitutionem; cum iniuriam formalem non intulerit: debet tamen sententiam reuocare, si sine graui incommodo possit. eod. num. 10. dicto 3.

Nemo in causa propria iudex esse potest, exceptis quibusdam casibus. n. 11.

Si causa notoria sit, quod Iudex ratione publici officij iniuriam passus fuerit, potest Reum incontinenti punire vt iurisdictio, & publica potestas sua defensa permittat. *ibid.* Exceptione 2.

Si inuentus à Iudice, forum ipsius in eadem causam resignare non potest. lib. 1. t. 4. c. 7. n. 4.

Orto dubio, num causa ad hoc forum pertineat, potest id Iudex cognoscere, & postea causæ principalis processum adoriri. citat. tr. 6. c. 2. n. 12.

Si Iudex à patre contendente tanquam suspectus recusatur, iustitiam huius recusatationis cognoscere non potest, sed causâ supersedendum erit. eod. n. 12. In fine.

Si Iudex in exequenda causa, proferenda sententia negligens sit, grauius peccat, & non solum parti læsæ officium eius requirenti compensare tenetur; sed interdum etiam Communitati, seu Fisco. lib. 3. tr. 2. c. 5. num. 7. §. Secundò.

Iudices inferiores secundum leges, non secundum æquum & bonum, sicut ipsis videtur, iudicare debent; cum inter ius, & æquitatem interposita interpretatio soli Principi reseruata sit. lib. 3. tr. 3. p. 1. c. 5. n. 31.

Iudex sententiam ferre debet secundum opinionem de iure probabiliorē; & falsum est, quod aliqui dicunt, satisfacere eum conscientie suæ, si causam adiudicet parti probabiliter se defendenti; quamuis altera æquè probabiliter, aut etiam probabilius. lib. 1. t. 1. c. 5. n. 16.

Si Iudex casum controuersum in iure decilum non habeat, à similibus argumentum ducere, & ita ius dicere debet. lib. 1. tr. 4. c. 18. n. 11.

Si post causæ diutius dilata accuratam discussionem, neutra pars superare videatur, ad superiorem Iudicem lis ableganda est, vel arbitri statuendi, vel compositio suadenda; imò quandoque imperanda est; vel denique vni dimidium, alteri alterum dimidium iuris, ac rei, de qualis est, adiudicandum. cit. c. 5. §. Quæres.

Si à litigatoribus, eorumve aduocatis minus dictum

fuerit, Iudex supplere potest, & preferre, quod sciatiuri publico conuenire. *ibid.* §. Porro.

Probabilior causa censeri debet: I. Cui lex assistit. II. Quam loci consuetudo tuetur. III. Quam Doctores communiter sequuntur. IIIL. Quam firmiores rationes stabiliunt. V. Si reliqua paria sint, præferenda est opinio benignior. *ibid.*

Licet Iudex à partibus munera liberalia accipiens non raro grauius peccet, seu scandalî causa, seu ob periculum pertutendi iustitiam; acceptorum tamen dominium comparat, spectatò naturali iure. lib. 3. tract. 4. cap. 4. num. 10.

Etsi lex positua munerum acceptionem prohibeat, non tamen accipiens ante sententiam Iudicis ad restitutionem obligatur, nisi lex exprimat, vt non illicita tantum, sed etiam inualida acceptio sit. *ibid.* §. Quin etsi.

Si Iudex, aliùsve Officialis, quæ iusta sunt, neget, v. g. instrumento sigillum apponere, nisi donum ipsi offeratur, iniusta hæc extorsio est, quando publicum stipendium habens, nec iure, nec consuetudine permissa, aliquid vt debitum sibi exigere potest. *ibid.* §. Sin verò.

Si plures simul delinquant, omnes ab eodem Iudex iudicari debent. lib. 4. tr. 9. c. 4. n. 10.

Iurisdictio.

Est facultas alicuius habentis publicam auctoritatem, & eminentiam super alios ad eorum regimen, & gubernationem. lib. 1. t. 4. c. 5. n. 1.

Iurisdictio alia ab Ecclesiastica, & alia ciuilis: Iterum alia est contentiosa, ad quam pertinet leges condere, præcipere, punire: quare proprium tribunal postulat. Alia verò est voluntaria iurisdictio, ad quam pertinet legitimare, dispensare, beneficia, & officia conferre, Sacramenta ministrare. n. 2. & 3.

Nemo sortitur forum, nisi ratione domicilij, aut habitationis; vel ratione delicti, vel ratione contractus, vel ratione rei, seu possessionis sitæ in territorio, vel denique interdum ratione originis. lib. 1. tr. 4. c. 12. n. 7.

Iurisdictio Ecclesiastica indiuidua est, vt non possit simul duobus competere, nisi vnus alteri subordinatus sit. lib. 1. t. 4. c. 7. In fine.

Iurisdictio in mortuos nulla esse potest. lib. 1. tr. 5. p. 1. c. 4. n. 2.

Iurisdictio contentiosa etiam in inuitos exercetur, voluntaria autem non nisi volentibus confertur: quia beneficium non datur inuito. lib. 1. t. 4. c. 5. n. 4.

Iurisdictio voluntaria extra proprium territorium valde, & plerumque etiam licitè exercetur, dispensando v. g. cum subditis in votis, iuramentis, assistendo eorum matrimonijs, absoluendo à censuris, peccatis. Sed contentiosa iurisdictio extra territorium exerceri non potest, sine consensu Iudicis proprii, ipsarumque partium litigantium. *ibid.*

Parochus in aliena parochia subditorum suorum nuptias benedicere non debet, neque Episcopus in aliena diocesi ordines, aut sacramentum Confirmationis conferre, sed in Pontificalibus extra diocesan sacrificare non prohibetur. n. 5.

Iurisdictio iterum diuiditur in imperium, ac simplicem iurisdictionem. Imperium aliud est merum, & aliud mixtum: atque vtriusque plures gradus distingui solent. n. 7. & seqq.

In generali meri, aut mixti imperij concessione à Principe alicui factâ, non censentur ea comprehensa quæ primi gradus, adeoque propria supremæ potestatis esse solent. n. 10.

Aliqua eorum, quæ ad primum gradum imperij spectant, & Regalia dicuntur, vt potestas monetam cudendi, tributa imperandi, vectigalia, angarias imponendi &c. inferioribus Ducibus ab Imperatore in feudum concedi solent. n. 9.

Generalibus Sedis Apostolicæ Legatis, item Episco-

Pis, & Prælati similem episcopali iurisdictionem habentibus, competunt ea omnia, quæ sunt meri, aut mixti imperij Ecclesiastici, dempto primo gradu. n. 11.

Præterea diuitur iurisdictione in ordinariam, quæ ab aliquo ex proprio officio exercetur, & in delegatam, quam aliquis ex commissione sibi facta exercet. eod. c. 5. n. 2.

Iurisdictioni ordinariæ æquiparatur, quæ alicui in perpetuum commissæ est, ratione dignitatis, aut officij sui: qualis v. g. est potestas dispensandi in irregularitatibus ex occulto delicto Episcopis concessa. lib. 5. tr. 6. c. 18. n. 2. §. Duobus.

Delegatus subdelegare non potest, nisi hæc ipsa subdelegandi potestas ei concessa sit. Excipitur autem delegatus Principis, qui causam sibi demandatam, cum partium consensu, alteri subdelegare non prohibetur: nisi personæ industria speciatim delecta esse videatur, ut fieri solet in causis grauib, puta matrimonialibus. eod. n. 12. except. 1.

Delegatio alicuius potestatis duobus modis fieri potest: Vel per modum puræ commissionis, aut mandati, in fauorem certæ causæ, personæ: cuiusmodi facultas expirat mortuo, aut deposito delegante, præterquam si delegatio potius à dignitate, quam persona particulari profecta sit. Altera autem sit per modum gratiæ in fauorem delegati, quæ si absolutè conferatur, non expirat morte concedentis. lib. 1. t. 4. c. 22. n. 6.

Delegatio facultatis, v. g. Confessiones audiendi, duobus modis alicui fieri potest, expressè, vel tacitè. Expressa delegatio verbis fieri solet: quamuis certa verborum formula non requiratur. Tacita autem delegatio fit re, aut facto voluntatem delegantis significante. ibid. n. 7.

Ad tacitam commissionem facultatis omnino necessaria est scientia eius, quod agitur: qui enim nescit, utique non consentit. Quare rati habitio, quæ dicitur de præterito, nullo modo sufficit ad conferendam potestatem, aut valorem actui illi, ad quem actualis voluntas conferentis requiritur. Exempli causa, si Sacerdos in necessitate aliqua Confessiones audiat, quem si Ordinarius sciret, haud dubiè consentiret: quia tamen nescit, & non consentit, absolutiones irritæ sunt. eod. c. 22, n. 8. & lib. 5. t. 6. c. 10. n. 12.

Error communis cum titulo præsumpto ius facit, iurisdictionemque tribuit, etsi occultum subsit impedimentum ex iurepositiuo proueniens. Quare si Ordinarius, v. g. Parochus, Sacerdotem non approbatum, qui publicè approbatus existimatur, Confessionibus audiendis exponat, validæ erunt absolutiones, secus est, si seipsum intrudat, vel ab aliquo non Ordinario exponatur. eod. c. 22. num. 9.

Si Sacerdos alicubi excommunicatus, & denunciatus, ex eo loco in alium remotum se transferat, ubi eius impedimentum ignoratur, ibique parochiale beneficium Episcopi auctoritate accipiat, eius absolutiones validæ erunt. eod. n. 9. in coroll.

Si Parochus Diaconum, qui publicè existimatur Sacerdos, mittat ad assistendum matrimonio benedicendum aquam, aut nuptias, licet mortaliter peccet, acta tamen Diaconi valida erunt. Si autem Diaconum exponat ad Confessiones audiendas, absolutio haud dubiè irrita est. ibid. §. Dictum est.

Iuramentum.

Est inuocatio diuini nominis, in testimonium alicuius rei. lib. 4. tr. 3. c. 1. n. 1.

Iuramentum, cum sit actus latræ, per solum verum Deum fieri potest: quia solius Dei infallibile testimonium est, quippe qui nec falli potest, nec fallere. eod. num. 1. & 2.

Quod per falsum Deum iuramentum fit, per se loquendo, obligatorium non est. n. 2.

Ad iurandum animus siue intentio requiritur: imò solo animo iurari potest, absque externo signo. n. 3.

Ad rationem iuramenti requiritur, inuocationem diuini testimonij contineat, & non meram assertionem. Quare si quis modo, sensuque enuntiativo dicat: *Coram Deo ita est, Deus scit me verum dicere*, iuramentum non profert. num. 4.

Hæc loquendi forma, *Deus mihi testis est*, frequentius ut iuramentum accipitur. eod. n. 4. §. Veruntamen.

Inuocatio diuini testimonij tum explicitè fieri potest, tum implicitè, v. g. per creaturas iurando. Est autem tantò decentius iuramentum per creaturam, quantò illa sanctior, aut excellentior. n. 5. & 6.

Cum in sacris canonibus prohibetur iuramentum per creaturam, intelligitur de Gentilium iuramentis per Iouem, Solem. n. 7.

Verba illa, *Auff mein aydt*, plerumque iuramenti formam continet. c. 2. n. 1.

Fides à Sacerdotibus interponi solita per sanctam eorum consecrationem, non est propriè iuramentum; sicuti nec fides à viris principibus interposita: sed in externo foro ut iuramenta accipiuntur, ita & obseruari iubentur. num. 2.

Homagium, quod vasalli domino suo præstare debent, est propriè iuramentum. n. 3.

Verba hæc in veritate, in conscientia mea, non videntur habere vim iuramenti; nisi quis iurare velit per conscientiam, sicuti per animam, iuramento execrationis, aut iurare per conscientiam, quatenus est participatio quædam diuinæ mentis, ac veritatis. n. 4.

Iuramentum si debito modo fiat, est actus virtutis Religionis. c. 3. n. 1.

Iuramentum religiosum tres comites habere debet, veritatem, iustitiam, & iudicium. n. 3.

Quod Christus docuit non iurare omnino, (id est nullo modo, seu nulla iurandi forma) intelligi debet absque necessitate, aut rationabili causa. n. 2.

Nulli minùs creditur, quàm ei qui frequenter iurat: ei autem faciliè fides habetur, qui verum loqui, & nunquam iurare consuevit. ibid.

Iuramentum aliud est voluntarium, aliud autem necessarium; videl. quod à lege, aut Superiore defertur, ad litem finiendam, ad criminis purgationem, ad Fidei professionem, ad obedientiam, vel subiectionem. cap. 4. num. 1.

Iuramentum item aliud iudiciale est, idque subdiuiditur in necessarium, quod à Iudice parti defertur, & voluntarium, quod à parte defertur parti. Aliud autem est iuramentum extra iudicium. ibid. §. Altera.

Præterea iuramentum aut est reale, aut verbale tantum, aut mixtum ex utroque, videl. quod præter verba corporalem etiam actionem continet, v. g. tactum sceptri, aut libri Euangeliorum, ad maiorem reuerentiam, ac timorem diuini Numinis. n. 2.

Corporale iuramentum ex eiusmodi circumstantijs acquirit, ut eius obligatio grauior censeatur, & violatio maiorem poenam mereatur. ibid. §. Eiusmodi.

Interdum iuramentum fit per simplicem diuini Numinis contestationem; interdum verò per execrationem. num. 8.

Præcipua iuramenti diuisio est in assertorium, quo confirmatur dictum de præsentī, vel præterito, & iuramentum promissorium, quo confirmatur dictum de opere futuro. n. 4.

In iuramento promissorio includitur etiam assertorium. Qui enim iurat se aliquid facturum, imprimis per Dei auctoritatem asserit, se voluntatem faciendi habere, deinde Deum ut testem, vel potius fideiussorem adducit, quod opus re ipsa faciendum sit. eod. n. 4. §. Præterea.

Qui ut testes innocentiae alicuius producantur, ij tantum iurant de credulitate, existimare se hominem innocentem esse, præterquam si negatiua restricta sit ad certum tempus, aut locum: sic enim absolutè iurare possunt, Titium

Titium tali loco, & tempore hominem non occidisse. Ibidem.

Qui veritatem speculatiuam, aut futurum naturalem euentum (v. g. masculam prolem nascituram esse) iuramento confirmat, is videtur, profiteri certam talium cognitionem. Quare eiusmodi iuramenta saepe temeraria sunt. Qui autem alienum factum contingens (v. g. Titium vrbe abiturum) iuramento affirmat, is asserere videtur, se saltem probabiliter conceptam opinionem habere. n. 4. & 5.

Iuramentum de opere futuro interdum est nudum, ac per se stans; vt videre licet in eo, qui subdito delinquenti poenam iuratus minatur: Interdum verò est confirmatorium promissionis. n. 5.

Iuramentum confirmatorium promissionis erga Deum est votum iuratum, cuius prauaricatio duas diuersæ speciei malitias contra Religionis virtutem habet.

Iuramentum autem confirmatorium erga hominem est pactum iuratum, duplicem obligationem continens, videl. Iustitiæ & Religionis: Deniq; potest esse iuramentum confirmatorium promissionis factæ Deo & homini, in quo tres obligationes continentur; vt videre licet in voto iurato dandi eleemosynam pauperi promissionem acceptanti. n. 6.

Iuramenti iudicialis plures species sunt, videl. iuramentum calumnia; iuramentum in litem, iuramentum litis decisium. c. 5. n. 1.

Iuramentum litis decisium aliud est necessarium, quod in causa dubia ob inopiam plenæ probationis à Iudice deferretur; siue ex officio, siue ad instantiam partis. Aliud verò est voluntarium, quod à parte parti deferretur, idque simpliciter recusari potest, si tamen sponte suscipiatur, parit exceptionem Reo iuranti, Actori autem tribuit actionem. cod. c. 5. n. 2.

A Iudice delatum iuramentum recusare potest Actor si intentionem suam plenè probauit; Reo autem, si rem cognitam non habeat, aut eius probabilem obliuionem alleget. cod. n. 2.

Iuramentum à Iudice delatum non obstat, quominus propter instrumenta de nouo reperta sententia retractari possit. Sed aliud dicendum de iuramento à parte delato: cum enim speciem veluti transactionis habeat, confert ad plenam litis decisionem; nisi talis causa sit, in qua periculum animæ vertitur, non remissibile partium consensu. eodem num. 2. §. Porro.

In conscientia foro quotiescunque veritas aliter, quàm in iudicio iuratum fuit, manifestè apparet, ea præualere debet. Ibid.

Iuramentum necessarium in causa dubia propter inopiam probationis Iudex plerumque deferre debet Actori, in probationis supplementum; non autem Reo ad innocentia ostensionem. n. 3.

Iuramentum purgationis Reo præsumptione aliqua, etiam citra semiplenam probationem, grauato, in omnibus causis, etiam arduis, cum civilibus, tum criminalibus, deferri potest. cod. num. 3. §. Porro.

Ad Iudicis prudentis arbitrium pertinet, vt consideratis causæ & personarum circumstantijs iuramentum interdum Actori in supplementum probationis deferat, si videl. causa non ardua, aut famosa sit; sed agatur v. g. de pecunario debito, non magni momenti. Ibid. dicto 2.

Iuramentum de patrandò opere malo obligationem nullam parit: quia iuramentum institutum non est, vt sit vinculum iniquitatis. c. 6. n. 1.

Accidit interdum, vt quis illicitè iuret, v. g. prodigam donationem se facturum, & tamen iuramento obligetur. num. 2.

Iuramentum de opere indifferente, nisi ex fine ac circumstantijs cohesionetur, nullam vim obligandi habet: vt si iures te ardes hominis non ingressurum. Si tamen id ad finem bonum referatur, vel ad proximi vtilitatem,

efficitur obiectum capax iuramenti promissorii. num. 3.

Iuramentum de re illicita, tamen si mutata circumstantia licita fiat, non ideo conualescit: v. g. qui contra fidem primorum sponsaliorum secunda sponsalia iuratus contraxit, priore sponsa ante nuptias mortua, cogendus non est ad seruanda sponsalia secunda, cum ab initio irrita fuerint. n. 4.

Qui voto castitatis obstrictus, postea sponsalia, quamuis iuratus, contraxit, post obtentam dispensationem in voto, cogendus non est ad seruanda sponsalia, quæ ab initio nulla erant. Nam iuramentum, sicuti & votum, emissum tempore inhabili, non obligat tempore habili. Ibid.

Iuramentum diuini duntaxat honoris intuitu conceptum de opere minus bono, vel ab initio nullum est, vel arbitrato vouentis in aliud opus melius commutari potest: vt si iurasti, te vxorem ducturum; vel hac hora oraturum, postea autem intelligis gratius Deo futurum, si ægroto opem feras. n. 5.

Iuramentum, quod in gratiam vel vtilitatem hominis, alteriusve Communitatis editum esse de opere honesto, semper obligat; neque in aliud, quamuis melius opus, arbitrato iurantis commutari potest. Qua de re regula traditur quòd *iuramentum homini præstitum seruari debet, si sine peccato seruari possit*. n. 6.

Omne tamen promissorium iuramentum hac tacita conditione editur, nisi is, in cuius gratiam iuratur, remittat, vel pro eo opus aliud acceptet. Ibidem §. Addidi.

Alumni Collegij Anglicani Romæ, qui iuramentum præstant se post studia absoluta in Angliam ituros, Fidei Catholicæ propagandæ causa, non possunt absque dispensatione Religionem ingredi, in qua voto suo satisfacere nequeant. Ibid. §. Exinde.

Iuramentum de faciendo in alterius gratiam opere à legibus prohibito, vel infirmato, obligationem parit, saltem sub Religionis virtute, si legis prohibitio, vel infirmatio non obliget sub culpa. n. 7.

Quotiescunque lex civilis, vel alia quæcunque sub peccato obligat, ne tale opus fiat, vel promittatur, tunc iuramentum de eo faciendo irritum est. n. 8.

Leges prohibentes, vel infirmantes promissionem, seu pactionem, quarum finis proximus est, commodum paciscentium, non solent eos obligare sub culpa: talia sunt privilegia concessa ætate minoribus, filiis familias. At verò leges prohibentes pactionem, aut actionem, cuius finis proximus est bonum Reipubl. v. g. quibus Clericorum immunitas conseruatur, ea sub peccato obligare solent, ideòque ne iuramento quidem eliduntur: quia iuri publico priuatorum pactis, etiam iuratis, renuntiari non potest. n. 7.

Qui iurauit alteri vsuras se soluturum, ex religionis virtute obligatur. Qua de re regula traditur, quòd *iuramentum obligat, etsi contineat turpitudinem tenentem se ex parte recipientis, non item iurantis*. c. 7. n. 1.

Etsi mutuarius promittendo vsuras peccet, si nulla necessitate ad mutuum inducat vsurarum promissionem, tamen iuramento obligatur: quia licet promissio, & iuramentum illicitum fuerit, non tamen de re illicita, quæ est solutio vsurarum promissarum. Ibid. §. Addendum.

Qui iurauit latroni iniquè exigenti pecunias se soluturum, iuramentum seruare debet, nisi ipsi relaxetur. num. 2.

Iuramentum, præsertim quod vi iniusta extortum, non ad aliud obligat, quàm secundum strictam interpretationem in promisso continetur. n. 2.

Qui iurauit se in carcere iniustum rediturum, obligatur iuramento etiam cum vitæ periculo. n. 3.

Etsi Princeps Catholicus peccet, si absque maxima necessitate hæreticis publicum exercitium in prouincia

sua permittat, aut promittat, posteaquam tamen publica, & iuramento confirmata fide pollicitus fuit, seruire omni modo debet. Nam quæ non ita intrinsecè mala sunt, quin causa aliqua cohonestari queant (qualia sunt permissio exercitij hæretici, redditus ad Tyrannum, pecuniarum profusio) eâ ipsâ interdum circumstantiâ cohonestentur, quod cum iuramenti obligatione promissa fuerint. eod. num. 3. in fine.

Matrimonium ex graui metu celebratum accedente iuramento non confirmatur, sed irritum manet: quia iuramentum sortitur naturam actus, cui apponitur. n. 4.

Error, vel dolus, quamuis antecedens sit & causa iurandi, si tamen versetur circa accidentalem conditionem rei promissæ, non infirmat obligationem iuramenti. quamuis eiusmodi dolus iniustus, sicuti & metus, si causam iurandi præbuit, faciliorem iuramenti relaxationem meretur. num. 5.

Pacta, & contractus alioquin civili iure irriti interdum accessione iuramenti confirmantur. Sic enim pactum nudum confirmatur: sic contractus Minoris sine tutoris auctoritate institutus: sic donatio facta filio emancipato, aut coniugi; vel alia quæuis ultra quingentos solidos. c. 8. num. 1.

Si promissio vel pactum ex parte exigentis, vel acceptantis turpidinem contineat, appolito iuramento non confirmatur. Quare si vsurario vsuram iuratus promissisti, obligaris quidem ex religionis virtute, sed non secundum iustitiam efficaciter: quare à Iudice compellendus non es ad solutionem, sed potius liberandus: idque in odium iniusti exactoris, ne ex iniquitate commodum ferat. num. 2. & 3.

Postquam legitimus Magistratus, seu Ecclesiasticus, seu civilis, iudicauit promissionem iuratum rescindendam esse, cessat etiam obligatio erga Deum: quia promissorium iuramentum tacitam conditionem habet, nisi promissio à promissario remittatur, aut à Iudice rescindatur. Ibid. in coroll. 1.

Iura civilia aded interdum contractui resistunt, & ne accessione quidem iuramenti vim obligandi acquirant, uti videre licet in pacto successionis futuræ, aut si quis durante matrimonio iuratus alteri puellæ promissit. n. 4.

Actus gestus contra antecedens non agendi iuramentum, validus est, si is pendeat ex mera facultate agentis: ut si quis iurauerit, se procuratorem non reuocaturum, testamentum non mutaturum. num. 5.

Si iurasti te votum non editurum inconsulto Confessario, & postea nihilominus voues, quamuis temere, tamen obligaris voto. ibidem exemplo 4.

Si Capitulum statutum iuramento firmavit de non augendo numero Canonicorum, & postea supra eum numerum nouum Canonicum instituat, valida est institutio. exemplo 6.

Iuramentum in dubio strictè interpretandum est: v. g. iuramentum de seruandis statutis, intelligitur tantum de editis, non de imposterum edendis. cap. 9. num. 9.

Iuramentum præstitum circa materiam iuris, interpretandum est secundum limites iuris: v. g. iuramentum Episcopi de non alienandis bonis Ecclesiæ, intelligitur de alienatione illicita: & iuramentum non dandi priuilegia sine consensu Capituli, intelligi debet de concessione priuilegiorum illicita, seu quam Episcopus secundum canones absque consensu Capituli facere non potest. num. 2.

Iuramentum seruandi statuta alicuius Communitatis, intelligitur secundum differentiam statutorum, intentionem legislatoris, & loci consuetudinem, communemque interpretationem. eodem numero 2. exemplo 2.

Iuramentum de seruando secreto intelligitur quatenus materia secretum postulat. exemplo 5.

Iuramentum extendi non debet ultra intentionem iurantis verisimiliter præsumendam: v. g. si iuraueris, te alte-

ri pariturum in omnibus, interpretari oportet, nisi illicita, aut valde ardua, & à statu tuo abhorrentia imperet. num. 3.

In omni iuramento promissorio tacite conditiones subintelliguntur I. Si potero. II. Saluo iure Superioris. III. nisi is, cui iuratum, obligationem remittat. IV. Si res notabilem mutationem non accipiant. num. 4.

Homo promissorem, etiam iuratum, liberare potest, si promissio principaliter in eius honorem facta fuit: Secus, si principaliter in Dei honorem. num. 5.

Iuramentum assumit naturam & conditiones promissionis, cui adijcitur: v. g. qui iurauit se debitum soluturum, is postea ob iustam causam compensatione uti potest cum alio simili, eoque liquido debito. n. 6. & exemplo 3.

Iuramentum reciproce promissioni aut contractui adiectum, eam tacitam conditionem habet, si alter quoque promissus steterit. At verò non seruanti fidem fides seruanda non est. Exemplo 4.

Iuramentum per Procuratorem fieri potest: sed requiritur mandatum speciale in causa speciali. cap. 10. num. 1.

Si iuramento Procuratoris falsitas subsit, Principalis ipse, cuius mandato, & in cuius animo Procurator iurauit, periurij crimine notabitur. Ibid. §. Ex quo sequitur.

Ex iuramento confirmatorio promissionis ab aliquo acceptatæ in foro externo actio conceditur: secus, si sit iuramentum per se stans: ut si quis nemine acceptante iurauit se Ecclesiam ædificaturum; quamuis talis iurans Iudicis Ecclesiastici officio compelli possit ad seruandum iuramentum: quod etiam is in cuius vtilitatem iuratum fuit, eiusque hæres implorare potest. num. 2.

Obligatio, quæ est iuramenti propria ex virtute Religionis, propriè afficit solum iurantem. num. 3.

Et si quis pro se, & successoribus suis iurauerit, non obligantur tamen successores ex vi iuramenti, sed tantum ex vi pacti, si nulla interuenit turpitudine ex parte iuratum promissionem exigentis. Ibid. illatione 2.

Hæres vasalli, cum inuestitur, nouum fidelitatis iuramentum præstare cogitur; quia ex antecessorum suorum homagio non obligatur. illatione 4.

Si iuramentum non sit confirmatorium promissionis, sed per se stans, nulla ex eo obligatio ad hæredem transit: ut si iurasti te vsuras soluturum, pecunias latroni daturum, vel datas non repiturum. Cæterum si iuramentum editum sit sine turpitudine alterius, in cuius gratiam iuratum, Iudicis officium implorari potest, ut compellar heredem iuramento reali satisfacere, ad exonerandam conscientiam defuncti. n. 4.

Obligatio iuramenti propriè promissorii transit ad heredes, aut successores eius, cui iuratum, licet id expressum non fuerit: quia plerumque tam heredibus nostris, quam nobismetipsis cauere volumus. num. 5.

Iuramentum ex parte iurantis personale est, sed respectu eius, cui iuratur, reale, id est transitorium cum re, puta dignitate, hæreditate, dummodo iuramentum præstitum sit Prælato v. g. ratione officij, ac dignitatis suæ eod. num. 5.

Deus secundum quandam metaphoram in Scriptura sacra iurasse memoratur. c. 12. n. 1.

Omnis creatura intellectualis, ipsèque Christus Dominus, quæ homo, propriè iurare potest. n. 2.

Iuramentum impuberis, item periuri, in iudicio non recipitur. num. 3.

Sacerdotes non nisi graui de causa iurare coguntur, videl. ad purgationem sui, vel alterius innocentiam ostendendam, item pro Fide, pro obedientia, pro pace, pro indemnitate Ecclesiæ, pro absolutione ab excommunicatione. num. 4.

Clericus iurare non debet in manu laici exigentis iuramentum coactiuum. Alioquin vero non prohibetur clericus etiam sacerdos, propter aliquam necessi-

tatem prestare iuramentum voluntarium coram laico. num. 5.

Laici ob suspicionem peccatis, & ad defensionem ciuitatis, possunt à Clericis, & Religiosis exigere iuramentum, cum non sit coactiuum simpliciter, sed ex hypothesi, si ciuitatem ingredi velint. Quamuis magis decet eos non corporali tactu, aut manu euatione iurare, instar laicorum, sed interrogari tantum, & fidem eorum postulari per sanctam consecrationem. Ibidem.

Iuramenta eodem modo, sicuti vota, per dominatiuum potestatem irrita reddi possunt à patre, tutore, Ordinis Prelato, &c. c. 11. n. 1.

Iuramentum etiam homini prestitum irritari potest, si versetur circa materiam alterius, dispositioni subiectam, aut circa promissionem, quæ dominatiue potestati patris tutoris, Prelati, mariti &c. subiecta est. num. 2.

Sum. Pontifex suo arbitratu irritare potest omnia iuramenta à Clericis edita circa beneficia Ecclesiastica: cum in ijs plenissimam potestatem habeat. Ibidem.

Directa relaxatio iuramentorum, quæ fit per modum absolutionis, aut dispensationis, ad ecclesiasticos tantum Prelatos pertinet: indirecta verò etiam laicæ potestati competere potest. n. 9.

Si is, cui iuratum est, propter vim, fraudem, vel aliam causam pertinentem ad Reipubl. bonum cogi potest ad relaxandam obligationem iuramenti, tunc illo etiam inuito, eius legitimus Iudex relaxationem facere potest. Nam in tali casu factum Iudicis, censetur esse factum partis. Sed opus est partis citatione. eod. num. 9.

Civilis potestas videtur posse efficere, ad improbortum hominum fraudes impediendas, ne ex contractu aliquo v. g. tutoris cum pupillo, etiam accedente iuramento, obligatio, vel solutio sequatur. eod. num. 9. in fine.

Causa iuramenti per se spiritualis est: si tamen super contractu inter laicos interpositum sit, ad eius observationem cum Ecclesiasticus, tum laicus Iudex compellere potest. n. 10.

Ius naturale, gentium, civile

Ius siue lex naturalis, immutabilis est: Quare definitur ab Aristotele, quæ ybique eandem vim habet, non quia ita visum fuit. l. 1. tr. 4. c. 8. n. 7.

Ius gentium appellatur, quo omnes ferme gentes vtuntur: vt sedium occupatio, ædificatio, munitio, bella, captiuitates, seruitutes, postliminia, fœdera, paces, induciæ, Legatorum non violandorum religio, &c. Ibid. §. Ius gentium.

Quædam sub gentium iure comprehenduntur, quæ facultatem potius significant quippiam agendi omnium gentium concessione: vt vim vi repellere, hostium iniurias vlscisci, ac bello prosequi, eos captos seruare. Quare à quibusdam appellantur iura non præceptiua, sed permissiua. Ibid. §. Ex parte.

Ius civile propriè, & strictè dicitur, quod quisque populus sibi vt proprium constituit, cum enim gentium iuri aliquid additur, vel detrahitur, ius proprium, seu civile efficitur. eodem n. 7. §. Iureconfulti.

Ius Canonicum

Ius commune canonicum, seu Ecclesiasticum, quatenus in scholis traditur, quinque partes complectitur: Decretum Gratiani, Quinque libros Decretalium, Sextum Decretalium, & Extrauagantes constitutiones. l. 1. tr. 4. c. 6. n. 11.

Opus gratiani habentis à nullo Pontifice approbatum est: quamobrem quæ in eo adducuntur capitula, singula ad suam originem reuocanda sunt, vt appareat quantam auctoritatem mercantur. n. 12.

Diligenter distiguendum est inter decreta Fidei, & Ecclesiastica decreta morum, quæ sunt propriè dictæ leges. Nam canones Fidei ita ineffabilem veritatem habent, vt nullo vnquam tempore mutari, aut reuocari possint. Sed decreta siue canones morum pro temporum varietate

abrogari, vel defuétudine aboleri nihil prohibet. n. 14.

Mira est conspiratio inter ius civile, & canonicum, & multa Sum. Pontificum decreta ex ciuilibus legibus pœne ad verbum desumpta sunt. Quamobrem nemo se Canonistâ, vel Casistam profiteri potest, nisi ciuiliū etiam legum aliqualem cognitionem habeat, præsertim cum leges ciuiles, si iustæ sint, in conscientia etiam obligent. eod. tract. 4. c. 8. n. 9.

Religiosis prohibitum non est, sed potius comendatum, intra claustrum leges ciuiles inspicere, eorumque intellectum addiscere, quatenus necessarium videtur ad sacros canones intelligendos, ac docendos, & occurrentes conscientie casus dissoluendos. eod. n. 9. in fine.

Si lex canonica contraria sit legi ciuili circa materiam Ecclesiasticam, ciuilis sublata esse censetur. Sin verò circa aliam materiam, vtrique in suo foro seruanda est. eod. c. 8. num. 8.

Si in aliqua causa canones nihil decernant, tunc secundum leges proprias Regni in foro Ecclesiastico iudicari debet, nisi alia sit Consistorij consuetudo. eod. tract. 4. c. 13. num. 7.

Ius, Iustum Iusticia

Ius, siue iustum, interdum accipitur, vt idem sit quod æqualitas alteri debita: & hoc iustitiæ particularis, ad propriè dictæ obiectum est. l. 3. f. 5. tr. 1. c. 1. n. 1.

Iusticia moderatur hominis actiones in ordine ad alterum: sed Temperantia & Fortitudo in ordine ad ipsum operantem. n. 12.

Iustitia quædam generalis dicitur, quæ circa omnia virtutum opera ob Reipubl. felicitatem versatur, alio nomine Iusticia legalis appellatur. c. 2. n. 1.

Opera virtutum, quatenus per ea diuinæ legi, ac voluntati conformamur, iustitiæ in sacris literis frequenter appellantur. n. 2.

Iustitia particularis definitur: Constans, & perpetua voluntas, ius suum cuique tribuendi. c. 3. princip.

Ad proprietatem iustitiæ particularis tria omnino necessaria sunt: I. Vt sit ad alterum simpliciter. II. Vt versetur circa debitum. III. Vt reddat ad æqualitatem. ibid. num. 1.

Inter patrem & filium, inter dominum & seruum, inter maritum & uxorem, non est iustum simpliciter, sed secundum quid, videl. paternum, herile, æconomicum. num. 12.

Iustum tamen æconomicum magis ad proprietatem iusti accedit, quàm herile, ac paternum: quia vxor marito ferme æqualis est, quippe in familiæ administratione eius socia, in iure autem coniugij omnino par. ibid.

Iustum paternum non deficit in ratione debiti, imò maius debitum, arctiorque obligatio est pietatis siue iustitiæ patris erga filium, & vice versa, quàm sit iustitiæ ciuilis, Quare grauius etiam delinquit filius, si in parentem impius, & contumeliosus sit, quàm si in alium ciuem iniurius. eod. n. 2. §. Ad traditam.

Neque Religio erga Deum propriè dicta iustitia est, cum non sit propriè ad alterum: sumus enim opus, & possessio Dei, & æquiualens ipsi reddere nequimus. num. 3.

Inter patrem & filium, inter maritum & uxorem, inter dominum & seruum, quod attinet ad bona ipsorum propria, videtur esse iustitia propriè dicta. n. 4.

Licet filius, si patrem in bonis temporalibus defraudet contra iustitiam simpliciter dictam delinquat, tamen, ceteris paribus, non est tam graue & tam perfectum peccatum iniustitiæ, quàm si alteri quippiam auferret: idque propter arctissimam tum naturalem, tum legalem coniunctionem, ita vt bona patris aliquo modo ad filium spectare censeantur, & vice versa. ibid. §. Porro.

Due sunt species iustitiæ particularis: Vna commutatiua, quæ propriè est ad alterum, seu distinctam personam. Altera iustitia distributiva, quæ non est omnino ad alterum, sed totius ad partem. Quare apparet hanc diuisio-

nem esse in species analogas. c. 4. num. 1.

Iustitia commutativa respicit ius strictum, siue propriè dictum debitum: Distributiva autem ius, aut debitum latè acceptum. Magis enim proprium ius quisque habet ad pretendum sibi debitum ex contractu, quam habeat aliquis qui in Republ. dignior est, ad pretendam dignitatem, vel beneficium. *ibid.* §. Secundo.

Iustitia commutativa constituit perfectam seu arithmeticam æqualitatem; distributiva verò geometricam seu proportionalem. num. 2.

Iustitiæ simpliciter dictæ, ac commutativæ, duplices sunt commutationes, & inde ortæ obligationes: aliæ voluntariæ, quæ mutuo paciscentium consensu constituuntur, aliæ inuoluntariæ, quæ oriuntur ex delictis, quibus alteri damnum iniustum aufertur, videl. furto, detractio-
ne, homicidio. *ibid.* §. Iustitiæ.

Est & alia iustitia, quæ vindicativa dicitur, sed plurimum recedit à veræ iustitiæ proprietate. n. 3.

Ius Patronatus.

Est ius nominandi, seu præsentandi aliquem instituendum ad beneficium Ecclesiasticum vacans: alias ius aduocationis dicitur. l. 4. tr. 2. c. 13. princ.

Ius patronatus ex tribus causis acquiritur; videl. Ecclesiæ fundatione, edificatione, & dotatione. n. 1.

Qui ecclesiam construit, videtur etiam se obligare ad dotandam, si nemo alius dotet. Nam ecclesia sine dote consecrari non debet: alioquin Episcopus eam dotare deberet in patroni defectum, si absque detrimento Ecclesiæ possit. *ibid.*

Patronus ecclesiæ tum vnus esse potest, tum etiam plures; si videl. alius fundauit, alius ædificauit, alius dotauit: vel si plures concurrant ad fundandam, construendam; dotandam; licet inæqualiter. num. 2.

Patronus effici etiam potest, qui post ecclesiæ consecrationem ei dotem assignat. Sed necesse est, vt qui vel ab initio, vel postea aliquid confert, id faciat animo construendi, aut dotandi: Sin autem præcisè vt donet, beneficiat, ecclesiæ benefactor est, non patronus. num. 3.

Si ecclesia omnino destructione ortum habuit; & qui illam reædificat, efficitur nouus patronus. *ibid.*

Duplex est ius patronatus; ecclesiasticum, & laicum: discrimen est, quod si in patronatu laico intra quatuor menses à die vacationis cognita patronus neminem præsentet, collatio beneficii libera efficitur: at verò in ecclesiastico patronatu sex menses conceduntur. n. 4.

Si duo sint patroni vnus Clericus, alter laicus, tum laicus gaudet priuilegio Clerici, ob societatem. *ibid.*

Iuri patronatus laici ex fundatione, constructione, vel dotatione Papa non ita derogare censetur per vnionem aut reservationem, sicuti iuri patronatus Ecclesiastici. Sed etsi expresse addatur *ad quoscunque etiam laicos præsentationis beneficium pertineat*, non tamen comprehenditur ius patronatus Regum, Ducum, Marchionum, nisi exprimantur. n. 5.

Patronatu laico, qui competit ex priuilegio, aut consuetudine præscripta non minùs, quàm Ecclesiastico per concessionem, vel reservationem absolutè factam derogatum censetur. *ibid.*

Legatus à latere conferre potest beneficium etiam sine consensu patroni habentis patronatum Ecclesiasticum; non ita tamen derogare potest iuri patronatus laici. *ibid.* discrim. 3.

In patronatu laico patronus variare potest, id est, postquam præsentauit vnum, præsentare etiam alterum: quo casu etiam Episcopus præferre potest, quem magis idoneum iudicauerit. Sed in patronatu Ecclesiastico, qui primus præsentatus est, institui debet. *ibid.* discrim. 4.

Præsentato in tali casu ius competit ad pretendum beneficium, ita vt agere possit contra Episcopum nolentem instituere; vel contra intrusum, vt inde remoueatur. *ibid.*

Si patronus Ecclesiasticus indignum præsentet, priuatur ea vice præsentandi iure: sed laicus patronus alium præsentare debet. n. 7.

Patrono quatuor iura competunt: Instituendos ad beneficia vacantia Episcopo præsentare: Honorem præcipuum in sessionibus, processionibus &c. obtinere: Alimenta in casu inopiæ ab Ecclesia recipere: Ecclesiam defendere, eiusque sollicitudinem genere. n. 8.

Patronus Ecclesiæ seruitium, seu onus imponere non potest contra sanctorum canonum decreta: si tamen conditio aliqua honesta ante fundationem acceptata fuerat, ea seruari debet. Quare Panormitan. respondit; quod habens ius patronatus, in eius recognitionem à Presbytero exigere non possit certos cereos; quia tempore fundationis conuentum non fuerat. n. 9.

Patronus curam gerere debet, vt officia diuina celebrentur, secundum fundationis statutum, & vt bona Ecclesiæ ad alienos vsus non conuertantur, aut à Ministro siue Sacerdote dilapidentur; alioquin honesta cum monitione compescere, vel Episcopo denunciare debet: denique, vt ædes sacræ conseruentur, reparentur, *cod.* n. 9. §. Quarto.

Ad reparationem Ecclesiæ indigentis Ministri contribuere debent, si redditus superfluos habeant; alioquin Parochiani. Eademque ratione hi adigi possunt ad subueniendum, si Parochus commode viuere non possit ex Ecclesiæ redditibus, & Patronus redditus augere nollit, neque alia ratione, v. g. per Ecclesiarum vnionem, facile subueniri queat. num. 10.

Patronus Ecclesiasticus rationem administrationis rerum temporalium exigere potest: at verò laicus patronus nullam administrationem, vel iurisdictionem vindicare sibi debet. Sicuti neque in civilibus ius protectionis, & aduocatiæ extendit se ad iurisdictionem, aut collectionem erga loci incolas; sed solum ad protectionem, & tutelam. num. 11.

Episcopus extra casum necessitatis non potest disponere circa beneficia cum præiudicio iuris patronatus; secùs, si patroni nihil intersit. num. 12.

Patronus non potest impedire magnam Ecclesiæ utilitatem; cum ius patronatus ipsi non absoluto debito, sed ex gratia, seu gratitudine concessum sit. *ibid.*

Episcopus non potest sine consensu patroni Ecclesiam parochialem conuertere in Collegiatam, quia ille amitteret ius præsentandi, licet alia iura retineret. Quod si ob causam necessitatis talis mutatio facienda sit, nihil obstat, quin patronus etiam præsentationem Rectoris retineat. *ibid.* coroll. 1.

Episcopus non potest vnire beneficium patronatum sine consensu patroni. coroll. 2.

Institutus non potest beneficio in fauorem alterius renunciare; neque illud permutare absque patroni consensu, excepto casu necessitatis, aut magnæ utilitatæ Ecclesiæ, in quo patronus consentire tenetur. coroll. 3.

Episcopus pensionem temporariam, & ad successores non transeuntem beneficio imponere, aut fructus beneficii alteri pio vsui ad certum tempus applicare potest, sine consensu patroni laici. Tutius tamen est, quin & honestius, vt patroni consensus requiratur: alioquin enim, si subtractio fructuum sine iusta causa fiat, eam impugnare poterit. *cod.* corollar. 3. iuncto §. Hæc tamen.

Fundationes, & quæuis vltimæ dispositiones, si iustæ, ac rationabiles sint, mutari non possunt sine Principis consensu, qui in spiritualibus est Papa. n. 13.

Si dubium sit de voluntate defuncti, ad Episcopum loci pertinet, eam interpretari. Deinde si voluntas defuncti irrationabilis sit, potest Episcopus se opponere, vt executio non ita, sed aliter fiat, *ibid.* notando 1.

Probabile est, quod Episcopus pro vna, vel altera vice, mutationem aliquam in beneficio, aut fundatione ob causam rationabilem dispensatiuè facere possit. notando 3.

Patronus, eiusve hæres, seu successor iuri patronatus renuntiare, & collationem beneficij liberam efficere non prohibetur. n. 14.

Eadem ratione patronus remittere potest conditiones, quæ contra, vel præter ius commune in suum fauorem constitutæ fuerunt. Sed & nouæ conditiones Ecclesiæ vtilis cum Episcopi consensu à patrono, eiusque hærede adijci possunt. ibid. dicto 3.

Conditiones, quas fundator ob cultum diuinum, vel ob sui memoriam, honorem, & commodum familiæ obseruari voluit, neque cum consensu Episcopi omnino tollere potest, extra casum magnæ necessitatis, aut vtilitati Ecclesiæ. dicto 4.

Hæres, vel successor, ipsæque Episcopus sine grauissima causa auferre non possunt insignia, aut sepulchrum fundatoris, quæ posita sunt in capella, vel ecclesia, quam construxit, vel dotauit. ibidem. §. Ex his resolues.

Sepulchra, & insignia eorum benefactorum, qui capellam extruxerunt, sine magna necessitatis ratione tolli non debent, tametsi familia extincta sit. num. 15.

Si fundator conditionem apposuit, aliquem ex familia, aut gente ad beneficium præsentandum, instituendumque esse; si idoneus adsit, non potest alius promoueri. ibid. §. Resolues secundò.

Si fundatio requirit, vt in certo loco, vel altari Sacrificium offeratur, non potest ad alium locum transferri: nihil tamen obstat semel, aut iterum alibi sacrificari, si patronus velit, vel causa rationabilis postulet. n. 16. §. Resolues quartò.

Nec Episcopus, nec patronus numerum Missarum, aut præbendarum minuere, aut residentiam personalem tollere potest, præterquam ob causam necessitatis. §. Resolues quintò.

Interpretari voluntatem fundatoris defuncti, vel pro vna vice ob causam rationabilem & ecclesiæ vtilem dispensare, ad Episcopum cum hæredis consensu pertinet. num. 17.

Cauendum tamen est, ne dispensatio fiat cum præiudicio personæ tertiæ: quia solius supremi Principis est, ob causam auferre vni, & alteri dare. ibid. & num. 13. notan. 2.

Ius patronatus tum masculo, tum fœminæ, puberi & impuberi, competere potest. n. 18.

Si ius patronatus annexum sit bonis & malis, ad maritum pertinet presentatio. ibid. §. Duo.

Ad presentationem factam à Minore necessariò non requiritur. Curatoris auctoritas; sed de pupillo paulò alia ratio est. ibid.

Si lis alicui mota sit de possessione iuris patronatus, interim presentatio ab eo admittenda non est: Sin autem possessori bonæ fidei de proprietate iuris lis mota fuerit, presentatio admittitur, sed presentatus lite pendente institui non debet. Si tamen ante litis contestationem presentatio facta fuit, institutio faciendæ est, eaque omni iure rata erit, etsi postea appareat patronatum iure proprietatis ad alium pertinuisse. n. 19.

Ius patronatus quatuor modis transferri potest: Hæreditaria successione, donatione, permutatione, venditione, aut alia translatione vniuersitatis. n. 20.

Si duobus existentibus patronis vnus ius suum alteri cõdonet, non videtur requiri consensus Episcopi. ibid. §. Illud.

Neque requiritur Episcopi consensus, si quis ius patronatus alicui Ecclesiæ, Monasterio, vel alteri loco pio donare velit. Sin autem ad aliam personam, vel Communitatem ius patronatus donatione, vel permutatione per se transferendum sit, opus est, vt consensus Episcopi, saltem post factam conuentionem, accedat. ibid. §. Donatione, & §. Permutatione.

Licet ius patronatus per se vendi, aut cum re temporali

permurari nequeat, tamen per accidens transferri potest vnà cum vniuersitate, quæ alicui venditur, donatur, legatur, in feudum datur: modò in venditione, aliæve commutatione rerum temporalium, quibus ius patronatus annexum est, ipsius nulla ratio habeatur in æstimatione. Etenim rem aliquam, propter annexum ius patronatus maiore pretio vendere, simoniacum est. num. 21.

Neque per fundi oppignerationem, neque per locationem eius ad breue tempus, annexum ius patronatus acquiritur: potest tamen debitor creditori fundum hypothecæ nomine possidenti committere, vt suo nomine presentationem faciat. eod. n. 21. in fine.

L

Legatus Sedis Apostolicæ.

Est ordinarius Iudex in Prouincia, ad quam destinatus est, quare delegandi potestatem habet, eiusque potestas morte Papæ legantis non expirat. l. 1. tract. 4. c. 7. n. 21.

Legatus aliquanto maiorem in prouincia potestatem habet, quàm Episcopus, aut Archiepiscopus; quippe quorum ordinarius Iudex est: causæ tamen Episcoporum grauiores Sum. Pontifici reseruantur. ibid.

Causas diocesanorū Legatus suscipere non debet, nisi ad ipsum per appellationem deuoluantur; vel Episcopus eas intra biennium à die motæ litis definire negligat. Ibid. & tr. 5. p. 1. c. 7. n. 2. §. De superiore.

Triplex est Legatus Sedis Apostolicæ: vnus à latere, qui à die discessus ab Vrbe, vsque ad diem reditus absolueret potest omnes percussores Clericorum. Alius est Legatus non à latere, qui solos prouinciales, dum in prouincia morantur, à censura canonis absoluit. Alius denique Legatus natus dicitur, cui ratione particularis Ecclesiæ talis dignitas competit. eodem. tract. 4. c. 7. num. 21.

Legati à latere hæc etiam propria sunt: Quòd beneficia Ecclesiastica conferre possit; & quòd in exemptos prouinciæ iurisdictionem exercere, Episcoporum & Abbatum exemptorum electionem confirmare. Verum quæ ad primum gradum imperij pertinent, & Papæ specialiter reseruantur, vt Episcoporum translatio, diocesium vnio, aut diuisio, dispensationes in impedimentis matrimonij, communi iure Legato à latere non competunt; sed interdum ex speciali concessione. eod. num. 22.

Nuntij Apostolici, & quouis alij delegati Papæ in causa ipsis commissæ superiores sunt alijs Ordinarijs: cùm representent personam Papæ. n. 23.

Dum delegatus Papæ visitat, non potest Ordinarius loci id munus obire. ibid.

Legatum.

Legatum seu fidei commissum in particulari est donatio quedam à defuncto relicta, & ab hærede præstanda. l. 3. tract. 5. c. 10. num. 1.

Qui testari, ij etiam legare, & qui hæredes institui, ijs etiam legata relinqui possunt. n. 2.

Licet Fratres Minores hæredes institui nequeant, tamen legata per modum eleemosynæ ijsdem relinqui possunt; modò id non fiat in magna quantitate, vt veluti hæreditas sub legati nomine dari videatur. n. 3.

Fratribus Minoribus nec habitatio seiuncta ab eorum Monasterio; nec reditus annuus perpetuus, vel ad tempus longum pro victu, ac vestitu. eorum legari potest. Interim non obstat, quin annuus reditus legetur pro ornamentis ecclesiæ, pro vino, frumento ad Sacrificium quotidianum, item pro coemendis libris necessarijs. n. 4.

Verisimilius est, quòd anniuersaria perpetua, quibus hæredes grauantur ad eleemosynam præbendam Fratribus, repugnent eorum paupertati; cùm re vera sit reditus annuus pro victu, & vestitu. eod. n. 4. §. Secundò.

Rem immobilem Fratribus Minoribus absolute legari nihil prohibet; cùm eam vendere possint, & debeant. Hortum verò legatū ad Fratrum recreationē, vel quotidiana olera decerpenda necessariū, possidere possunt. n. 5.

Domui professe Societatis Iesu tum hereditas, tum legata relinqui possunt, ita tamen, ut si in ijs bona stabilia contineantur, vsui Domus non necessaria, ea vendi debeant. n. 6.

Res non tantum testatoris propria, sed etiam aliena legari potest, modo non sit ipsius legatarij. n. 7.

Si debitor creditori legauerit, censetur, reliquisse in compensationem debiti, si ex iuris necessitate debebat: secus, si ex voluntario contractu. n. 8.

Debita v. g. ex furto plerumque differri non debent, ut testamento relinquuntur: praterquam si iusta causa, vel necessitas excuset, quominus ipsemet debitor, dum in viuis est, satisfacere queat. n. 9.

Legata interdum pure fiunt, interdum in diem, interdum sub conditione. n. 10.

Conditio in futurum alia est potestatiua, cuius euentus, moraliter loquendo, ex sola voluntate eius pendet, cui imponitur, alia vero est casualis, alia denique mixta: quibus omnibus hoc commune est, ut si ante impletam conditionem legatarius moriatur, explet legatum, nec ad heredes transmittatur, si relictum fuerat principaliter intuitu personae, secus, si intuitu animae, seu pie cause, vel intuitu dignitatis. n. 11.

Si quis Episcopo aliquid legauit fauore personae, quia erat eius propinquus, eo mortuo, antequam dies legati cedat, expirat legatum, sin autem relictum fuit fauore Ecclesiae, successori debetur, postquam dies legati cessit, vel conditio euenit: ibid.

Si legatum fuerit pro Ecclesia in aliquo loco edificanda, & ibi edificari non possit, alio loco edificanda est, cum consensu Episcopi, & executoris testamenti. ibid.

Legatum vel hereditas relicta sub conditione nuptiarum, non debetur, nisi nuptiae sequantur. Si tamen persona, cui relictum, Religionem ingrediatur, videtur ei dandum esse secundum benignam interpretationem voluntatis testatoris. n. 12.

Si legatum, vel hereditas relicta sit sub conditione directe auocante à Religioso statu, tanquam inutilis rejicitur, seu pro non adiecta habetur. Secus est, si conditio indirecte tantum, & per accidens à Religione auocet, per se autem ac directe ad matrimonij contractum respiciat. Potest enim testator iustam legandi causam habere pro liberorum educatione, & familiae sustentatione: quemadmodum etiam feuda, praesertim maiora, eam conditionem habent, ut Clerici, & Monachi capaces non sint. eod. n. 12. & n. 14. §. Secundò.

Iusta censetur esse conditio legato, vel heredis institutioni adiecta, si cum certa persona matrimonium contractum fuerit. n. 13.

Si tamen persona, qua cum contrahendum, indigna sit, vel si per eam stet, quominus nuptiae celebrentur, vel si ante nuptias moriatur, legatarius consequi debet legatum: quia id speciale est in conditione mixta pendente à duorum voluntate, ut si ex defectu tantum alterius omitatur, pro impleta haberi debeat. n. 13.

Conditio legato, vel heredis institutioni adiecta, si matrimonium omnino non contrahatur, tanquam bonis moribus repugnans rejicitur: nisi vidua sit, cui ita relinquatur, vel nisi conditio adiecta sit fauore status religiosi, aut sacerdotalis. n. 14.

Si virgini legatum sit sub conditione permanendi in statu continentiae, seu non nubendi, alioquin legatum transferatur ad causam piam, valebit dispositio. ibid. limitat. 3.

Conditio adiecta legato, ut matrimonium non contrahatur, nisi accedente alterius consensu, tanquam inutilis rejicitur. Secus est, si requirendum sit consilium duntaxat: quia hic libertatem non tollit, cum consilium petere quidem, sed non sequi necesse sit. ibid. §. Ex eadem.

Si coniunx coniugi promiserit, se post mortem eius

alteras nuptias non contracturum, obligatur promissione, sed plerumque non sub peccato mortali, nisi iurauerit, vel nisi liberorum multum interfit alias nuptias non contrahi. n. 15.

Lex.

Lex duplex est, naturalis, & positiua: naturalis alia non est, quam recta hominis conscientia: positiua lex est, quae ex rerum natura necessario non prouenit, sed à Magistratus libera positione. Ea diuiditur in diuinam, & humanam. lib. 1. t. 4. c. 1. n. 1.

Leges diuinae positiuae in noua lege non sunt aliae, nisi circa Fidem, Sacramenta, & Sacrificium: ibid.

Ceremoniales veteris testamenti leges non solum abolitae, sed etiam earum obseruatio Christianis interdicta est. lib. 4. t. 6. c. 2. n. 2.

Lex definitur: Recta agendorum ratio, à publica potestate Communitati denuntiata, cum voluntate eam perpetuo obligandi. cit. lib. 1. t. 4. c. 1. n. 2.

Ad constitutionem legis tria concurrunt: Iudicium practicum de agendo, voluntas obligandi, imperij denuntiatio. n. 3.

Tametsi subditi sciant Superiorem iudicare consultum, ut aliquid ab ipsis agatur, idemque velle, aut optare, si tamen voluntatem obligandi externo precepto non intimet, non oritur obligatio exequendi. Interim consilij est, quodcumque signum iustae voluntatis Praelati instar precepti habere. ibid.

Lex debet esse honesta, iusta, possibilis, utilis pro communi utilitate lata, denique constans, ac perpetua. n. 4.

Lex siue statutum perpetuo manet, ob continuam successionem Communitatis, neque extinguitur, nisi à legislatore, eiusve successore reuocetur, vel desuetudine abrogetur, in quo differt lex à praeco, seu mandato tendente ad personas singulas, cum quibus plerumque extinguitur, imò etiam per mortem praecipientis. n. 5. §. Hinc verò.

Lex publice in curia Principis promulgata, quatenus est ex sua parte, statim habet essentialem vim obligandi omnes subditos; licet secundum actum non astringat inuincibiliter ignorantes. c. 2. n. 1.

Ad substantiam legis non requiritur scriptura; sed potest etiam voce, vel alio signo denuntiata esse. n. 2.

Legislator interdum tempus adiicit, ex quo lex obligare incipiat, v. g. elapso mense post promulgationem. num. 3.

Si legislator nullum tempus adiiciat, discrimen est inter legem Imperatoriam, & Pontificiam, quod illa vim obligandi non habeat ante elapsum tempus bimestre post promulgationem in singulis prouincijs: sed Pontificia simul ac in Romana Curia promulgata est, in toto Christiano orbe vim obligandi habet, quatenus est ex parte legis. num. 14.

Cur dioecanos absentes lex Romae promulgata non statim obliget, id non prouenit ex defectu legis, sed aliquis conditionis accidentalis, puta quia illam ignorant. num. 5.

Elapsis duobus mensibus post promulgationem legis Caesaris factam in Metropoli prouincia, ignorantia probabilis non praesumitur, sed ab allegante probari debet. num. 6.

Lex substantiam promulgatione accipit, neque intrinsece pendet à populi acceptione: accidentaliter tamen perficitur & confirmatur communi acceptione, & vsu. cap. 3. num. 1.

Episcopis, praesertim Metropolitanis, ex officio incumbit, nouas Pontificias constitutiones in vsu deducere, saltem postquam ex Curia Romana authentice ipsis transmissae fuerunt. n. 2.

Dioecanus nec de peccato damnari, nec puniri potest, si legem Pontificiam in dioecesi sua non promulgatam, neque vsu receptam ipse quoque non seruet. n. 3.

Si lex legitimè promulgata à maiore populi parte sub rationalibus causis prætextu non recipiatur, currit contra eam præscriptio, quæ saltem decem annorum spatio absoluitur. n. 4.

Plus temporis, videl. quadraginta annorum spatium, requiritur ab abolenda via præscriptionis legem Ecclesiasticam receptam, minus autem tempus videl. decennium sufficit ad præscribendum contra legem non receptam. ibid.

In dubio num lex recepta sit, stat præsumptio pro lege; cum lex debuerit recipi. n. 6.

In legum obseruatione quilibet conformari debet illi Communitati, cuius proxima pars est. n. 5.

Fieri potest, vt lex secundum vnam sui partem, vel secundum vnum genus hominum in obseruatione sit, secundum alterum non sit. ibid.

Si noua constitutio prouinciæ non conueniat, legislatori supplicari potest, atque interim, dum responsum expectatur, eius executio differri. n. 7.

Legislator.

Lex & legislatrix potestas alia Ecclesiastica est, & alia civilis. Differunt inter se tum ratione originis, tum ratione finis. lib. 1. t. 4. c. 6. n. 1.

Civilis potestas subordinata esse debet Ecclesiasticæ potestati ratione finis, sicuti corpus animæ naturalia supernaturalibus, temporalia æternis subordinata sunt. num. 2.

Potestas Ecclesiasticorum Præfulum ad aliorum Regnorum iura, & causas civiles directæ, & ordinaria via se non extendit. ibid. §. Caterum.

In defectum Iudicis secularis, si is iustitiam administrare nolit, Ecclesiasticus Iudex inter Christianos adiri potest. Præterea si civiles leges peccata foueant, & animarum saluti repugnent, ad Ecclesiasticam potestatem pertinet prohibere. ibid.

Legum ferendarum potestas ex ipsa natura & conditione hominum in Societatem conspirantium necessariò oritur: quare Deum auctorem habet. c. 8. n. 1.

Triplex est forma Reipubl. Democrazia, Aristocrazia, Monarchia. n. 2.

Leges ferre possunt imprimis Reipubl. liberæ, deinde cuiusque Reipubl. supremum caput: Imperator, Rex, & qui ab istis potestatem acceperunt. n. 3.

Communitates in Reipubl. approbatae v. g. Mechanicorum, statuta intra limites suos condere possunt, quæ tamen à proprietate publicarum legum nonnihil deficiunt, sicuti & statuta domestica à patrefamilias posita. num. 6.

Legislator alijs est absolutus, videl. Papa, Imperator, Rex, Episcopi, Duces Imperij: quamuis horum aliqui in ferendis legibus certarum personarum consilium adhibere debent. Alius verò est legislator dependens, qui solus legem condere non potest, sed cum alijs, inter quos primas tenet. c. 9. n. 1.

Princeps, seu legislator absolutus suis legibus non obligatur in coactiua, sed in directiua, quæ obligatio radicaliter ex naturali iure, proximè autem ex ipsa positiua lege descendit. n. 2. & 3.

Si Magistratus aliquis statutum fecit, vt v. g. debitores ante quinquennium debita soluere non teneantur, tum etiam qui Magistratui debet, eodem contra ipsum iure vti potest. eod. n. 3. §. Tertium.

Legis materia, & effectus.

Legislator cum civilis, tum Ecclesiasticus subditos obligare potest in conscientia, siue sub peccato. lib. 1. tr. 4. cap. 14. n. 1.

Vt lex sub peccato mortali obliget, requiritur, & intentio legislatoris, & materiæ grauitas, seu capacitas. num. 2.

Legislator circa materiam alioquin grauem potest non nisi leuem obligationem imponere velle, videl. sub cul-

pa veniali. ibid.

Materia legis, quæ secundum se levis est, grauis effici potest, post Iudicis, vel Prælati admonitionem, præsertim repetitam. ibid.

Interdum materia, quæ secundum se levis est, tamen relata ad Communitatem, & publicam pacem, grauis obligationis capax esse potest. n. 3.

Ex verbis, quibus legislator vsus est, colligi debet, qualem obligandi intentionem habuerit: inspicienda etiam est consuetudo, & proberum hominum persuasio, quæ est optima legum interpretis. n. 4.

Lege humana, etiam civili, præcipi possunt non tantum opera iustitiæ, sed etiam aliarum virtutum moralium, iisque contraria prohiberi. Sed non omnes virtutum actiones præcipi possunt; neque omnia peccata, etiam externa, à Magistratu prohiberi, sed quædam interdum permitti debent, vt grauiora vitentur. cod. tr. 4. cap. 4. num. 1. & 2.

Quædam leges, sine præcepta secundum substantiam sunt iuris naturalis, aut diuini, secundum determinationem verò sunt iuris humani. Ita videre est in Confessione annua, Communione Paschali &c. n. 3.

Legislator legitima sua intentione, seu motiuo efficere potest, vt opus aliquod fiat medium siue materia alicuius virtutis conueniens, aut necessaria. n. 4.

Lege, aut præcepto humano per se præcipi, aut prohiberi non possunt actus morè interni. n. 5.

Crimen externum, quamuis per accidens occultum sit, v. g. occultum homicidium, Ecclesiastica lege puniri potest. eod. n. 5. In fine.

Qui opus præceptum, quatenus ex obiecto bonum est, implet, quamuis mala intentione, is legem humanam non violat: quare dicere solent, quòd intentio, ac finis præcepti non cadat sub præceptum. n. 6.

Interdum accidit, vt Ecclesiasticus legislator, præsertim statuendo censuram, aliquid prohibeat adiuncta conditione actus interni, v. g. *Qui ex odio tale quid fecerit*, tali casu conditio restringit pœnam, seu censuram iuris, vt in conscientia non incurratur, nisi ex tali affectu peccetur. ibid.

Qui opus præceptum secundum substantiam præstat, v. g. die festo Missam attentè audit, tamen tunc nolit præceptum implere, re vera tamen satisfacit. n. 7.

Actus interni ab humana potestate præcipi, vel prohiberi possunt concomitanter, quatenus requiruntur ad moralem substantiam actuum externorum. Sic enim dolor de peccatis præcipitur, annua Confessio imperatur. n. 8. & 13.

Si ebrius, dormiens, aut mentis inops dicat horas canonicas, non satisfacit præcepto, sed debet iterum recitare, si ad mentem redeat. Eademque ratio est, si quis simpliciter inuitus seu coactus Missæ in die festo intersit. num. 9.

Si aliquis in somno, mentis impotentia, vel per vim adactus decimas Parocho soluat, materialiter & in effectum satisfactum est legi, vt opus non sit alias decimas dare. num. 10.

Qui opus sub censura Ecclesiastica prohibitum omnino inuitus intermittit, pœnam legis, aut præcepti euitat. Qui autem opus sub censura præceptum coactus facit, tunc pœnam contrahit, si, spectata Ecclesiæ intentione, ad eius executionem actio voluntaria intrinsecè requiratur. num. 11.

Qui ob metum opus præceptum exequitur, satisfacit: v. g. puer, qui à Pædagogo verberum metu adactus Missam attentè audit. Sed et si expressam habeat intentionem non audiendi, si Pædagogus abesset, nihilominus implet opus præceptum, vt aliam Missam audire non teneatur; peccat tamen secundum affectum internum peccato commissionis. n. 12.

Legislator aut Prælatus non potest subditos obligare

ad habendam intentionem, aliamve internam dispositionem, quæ operi non intrinseca, & substantialis sit, v. g. ut ieiunia peragant in statu gratiæ, ut Sacrificia offerant ad particularem intentionem. Prælati tamen regularibus paulò maior potestas in suos competit, ratione voti religiosæ obedientiæ. n. 13. §. Non poterit.

In ijs quæ pertinent ad naturam corporis conseruandam, & propagandam, homo sui iuris esse debet, ac soli Deo subiectus. Quæ causa est, quod serui dominis, filij parentibus obedire non teneantur in matrimonio contrahendo, aut virginitate seruanda. n. 14.

Leges positivæ ordinariè non obligant cum periculo mortis, mutilationis, grauis infamiæ, aut bonorum magnæ iacturæ. cit. tr. 4. c. 14. n. 5.

Etsi Deus, ipseque Christus absoluta, & illimitata potestate præditus, ad legum suarum obseruationem cum quouis periculo homines astringere possit, ordinariè tamen, ac per se loquendo, non tanta seueritate diuinæ leges positæ sunt, ne in veteri quidem Testamento de Sabbatho, abstinencia à sanguine &c. Multò minus in nouo Testamento de suscipiendis Sacramentis. ibid. §. Atque hîc.

Interdum etiam humana potestas præcipere, vel prohibere aliquid potest cum periculo mortis &c. Si videlicet ex obseruatione legis, aut præcepti maius Reipubl. commodum speretur, vel ex neglectu maius incommodum timeatur, quàm æstimari debeat priuatum periculum mortis &c. n. 6.

Si legis positivæ transgressio cessura est in contemptum potestatis legislatrici, aut in Fidei, ac Religionis Christianæ detrimentum, tunc ipsa etiam naturæ lex obligat ad obseruationem, quamuis cum vitæ dispendio. num. 7.

Sacrificare sine sacris vestibus licitum est ad grauissimum periculum mortis vitandum, modò id non cedat in contemptum Religionis Catholicæ. n. 9.

Lex Carthusianorum de carniū abstinencia semper obligat: excepto casu, si nullo alio cibo præter carnes suppetente, lex naturalis dicet vitam præsentī alimento seruandam esse. n. 11.

Obligatio legis non se extendit ad actus præteritos, sed solum ad futuros. Quatenus verò lex declaratoria est, etiam ad casus præteritos se extendit. n. 12.

Lex nouam pœnam delictis statuens, aut certam formam actibus præscribens, & infirmans, nisi aliter fiant, ordinariè non ad præterita, sed ad futura tantum extenditur. ibid.

Lex pœnalis.

Lex vel est absolutè obligatoria sine adiectione pœnæ, vel est merè pœnalis sine obligatione sub culpa, vel denique est mixta, quæ tum sub culpa, tum sub pœna obligat. lib. 1. tr. 4. c. 15. n. 1.

Lex quæ à principio lata est, ut tam sub culpa, quàm sub pœna obliget, potest per consuetudinem fieri merè pœnalis. lib. 1. tr. 4. c. 24. n. 2. Illat. 2.

Omnis lex propriè dicta præceptum continet obligans in conscientia. Quare lex purè pœnalis non videtur esse propriè lex, sed potius ordinatio, monitio. Remotè tamen continet obligationem in conscientia, videlicet ad pœnam acceptandam, si subdito legem transgredienti per Superioris præceptum imponatur. cit. cap. 15. cod. num. 1.

Pœna interdum propriè, & strictè accipitur, quatenus est correlatiuum peccati, seu culpe propriè dictæ, interdum verò accipitur latè pro quocunque incommodo, quod alicui iustè infligitur, quamuis non præcedente eius peccato, seu culpa coram Deo; sed alio defectu, seu culpa civili, regulari, domestica. num. 1. §. Obijciat, & num. 2.

Ex grauitate adiectæ pœnæ mortis, mutilationis, exilij &c. coniectura sumitur de mente legislatoris sub culpa

mortali obligare volentis. n. 2. §. Lex pœnalis.

Leges pœnales non ita interpretandæ sunt, quasi earum transgressores in conscientia obligentur ad pœnam per seipsum soluendam, seu actiue exequendam. n. 3.

Qui commisit crimen cui lege lata bonorum confiscatio decreta est, v. g. crimen læsæ Majestatis; hæresis &c. ante Iudicis sententiam licitè, ac validè bona sua alienat: ea tamen conditione, ut si deinde sententia feratur, quamuis post mortem criminosis, omnia bona, quæ à deo commissi criminis alienata sunt, fiscus reuocare possit. num. 4.

Debet tamen fiscus emptori pretium restituere, si extet, vel quatenus criminosis, cui fiscus succedit, ditior exinde factus fuit. ibid.

Leges pœnales interdum ipso facto, & ante Iudicis sententiam, efficiunt criminosis inhabilem ad acquirendum, vtendum, uti videre est in Ecclesiasticis censuris, irregularitate, canonicis impedimentis matrimonij, priuatione fructuum ob neglectum officium canonicum &c. num. 5.

Non facillè tamen reperietur lex tanta seueritate obligans, ut criminosis ante Iudicis sententiam, positivam pœnalem actionem exercere cogatur, abdicando se dominio, ac titulo acquisito. Tametsi enim lex pœnalis ipso facto decernat priuationem rei suæ, non tamen criminosis ad executionem obligatur ante sententiam Iudicis. num. 6.

Reus tenetur per seipsum exequi pœnam honestam, & non nimis acerbam, v. g. ut in carcerem, aut exilium eat, ac maneat, posteaquam per Iudicis sententiam condemnatus est. n. 7.

Damnatus ad multam pecuniariam expectare potest, donec ea exigatur, nisi Iudex expressè iusserit, ut pecunia sine alia admonitione afferatur. Idemque obseruari solet in pœna conuentionali. ibid.

Iudex interdum condemnat Reum ad agendum, videlicet in mitioribus pœnis; interdum verò ad patiendum, videlicet pœnas grauiiores mortis, verberationis publicæ, & infamis. cod. n. 7. assert. 4.

Per sententiam condemnatus, ut venenum ebibat, parere non tenetur; imò nec posse videtur. n. 8.

Damnatus ad mortem inediā perferendam, non tenetur cibum clam sibi sub ministratum recusare; quamuis possit, ob iustitiæ amorem. n. 9.

Ante Iudicis sententiam semper licitum est Reo fugere; nisi promiserit, vel iurauerit se permanurum. n. 10.

Etiam post latam sententiam de pœna grauissima mortis, mutilationis &c. sustinenda Reus fugere potest: Quin & in eum finem vincula, & compedes rumpere. cod. n. 10. dicto 2.

Aliqui non improbabiler hanc fugiendi licentiam ad perpetuos carceres, ad triremes, & ad seruitutem extendunt; nisi obstat iuramenti, aut voti religio, vel specialis permanendi promissio. ibid. §. Neque desunt.

Quibus casibus Reo fugere, & idcirco compedes, & carceres effringere permillum est, alijs quoque consilium, vel instrumenta subministrare licet, non tamen ad violandam custodiam principaliter cooperari. ibid. dicto 3.

Reus mortis, etsi fugere possit, non tamen tenetur: Quin & Iudici seipsum listere potest, ad iustam pœnam patiendam. num. 11.

Lex prohibet, aut infirmans contractus, & Testamenta.

Legislator supremus potestatem habet ex iusta causa personas aliquas ad contrahendum, testandum inhabiles reddere. Item contractui, vel testamento certam formam præscribere, quæ ad eorum substantiam pertinere debeat. lib. 1. t. 4. c. 16. n. 1.

Interdum lex contractui nec resistit, nec assistit, uti videre est in pacto nudo, ex quo civili iure actio non nascitur. num. 2.

Interdum lex contractum prohibet, sed non infirmat,

nec à Iudice infirmandum decernit : nam multa fieri prohibentur, quæ si fuerint facta, obtinet firmitatem. n. 3.

Si lex Ecclesiastica simpliciter aliquid prohibeat, nulla facta mentione infirmandi, non censetur infirmare. Secus est dicendum de lege Imperiali. ibid. §. Quærent.

Interdum lex contractum, aliūve actum licet per se ipsum non infirmet, tamen à Iudice infirmandum decernit. num. 4.

Interdum lex contractum, testamentum &c. ipso facto & ante omnem aliam sententiam irritum reddit, & consequenter Iudici iubet, vt per sententiam ita declaret. num. 5.

Talis infirmatio contractus, alteriusve actus, suapte natura subsistentis plerumque intelligitur tantum civiliter, vt interim maneat obligatio naturalis per se sufficiens ad transferendum dominium, aliūque effectus : vti videre licet in prohibito ludo alearum, alienatione fundi dotalis, donatione vltra 100. solidos, infirmatione testamenti non solemnitis &c. ibid. §. Est autem.

Interdum lex plenissime infirmat, seu irritat actum, v. g. matrimonium clandestinum, vt nullus inde effectus, aut obligatio, ne in conscientie quidem foro oriatur. num. 6.

Si legislator cum actum instituit, vel eius exercendi potestatem primitus confert, formam vel conditionem apponat, cum qua exerceri debeat, censetur forma substantialis, Sin autem legislator formam procedendi præcipiat obseruari ab ijs, qui iam antea actus secundum substantiam exercendi potestatem habuerunt, forma accidentalis censi debet. n. 7.

Sed etsi legislator exprimat, vt tali formâ non obseruatâ actus in utilis sit, plerumque tamen ita intelligi debet, vt requiratur Iudicis sententia irritantis actum. num. 8.

Lex etiam Ecclesiastica, si sit irritans alicuius actus iure naturali, & diuino, alioquin subsistentis, plerumque censi non debet effectum sortiri, priusquam in diuina promulgata sit. cod. tr. c. 2. n. 7.

Id proprium est legum irritantium actus ob defectum solemnitis, quod postquam sufficienter promulgatae sunt, effectum irritationis consequantur etiam erga ignorantes. Exempli causa, qui ob vincibilem ignorantiam clandestinum matrimonium contraxit, aut cum affine sua, à culpa quidem immunis est, sed matrimonij contractus non valet. ibid.

Legum interpretatio, & epikeia.

Interpretatio legis alia necessaria est, alia tantum doctrinalis : Illa vel est generalis, siue erga omnes subditos, cuiusmodi interpretatio ad legislatorem seu Principem pertinet : vel est particularis, quæ ad inferiorem Iudicem spectat. l. 1. tr. 4. c. 18. n. 1.

In dubio præsumptio esse debet pro lege communi : quod verò à communi iure deficit, aut exorbitat, strictè interpretandum est. n. 2.

Correctio legum, quantum fieri potest, vitari debet. ibid.

Lex limitatoria certum casum à communi lege excipiens confirmat potius eam in reliquis. Quare dici solet, quòd exceptio à regula firmat regulam in alijs. cod. n. 2. in fine.

Lex pœnalis, & alia odiosa strictam interpretationem postulant. num. 3.

Verba legis pœnalis intelligenda sunt cum effectu. ibid.

In legum interpretatione potius ad hærendum est menti legislatoris, quam verbis, quibus vsus est. num. 4.

In dubio verba legis, alteriusve dispositionis, accipi debent secundum communem acceptionem, quæ etiam proprietati præferenda est. n. 5.

Propria verborum interpretatio eligenda potius est, quam impropria, nisi ad hanc recurrere necessitas cogat. num. 6.

Lex generaliter, vel indefinitè loquens, omnia significa-

ta propria comprehendere censetur : nam enunciatio in definita in communi locutione æquiualeat vniuersali. num. 7.

In materia fauorabili, & nemini præiudicante, nisi quid obstat, vltra communem, & visitatam verbi acceptionem interpretatio fieri potest. n. 8.

Interdum lex vltra verborum significationem ob rationis identitatem extenditur ad alios casus, & personas, si præsumi possit legislatoris mentem fuisse eos etiam comprehendere : quòd maximè locum habet in lege fauorabili. At verò in lege odiosa talis extensio ob similitudinem rationis fieri non potest, nisi necessitas cogat ad seruandam iustitiam legis. num. 9.

Statutum de vno correlatorum, censetur etiam statutum de altero : & quando duo in iure æquiparantur, quòd de vno statuitur, de altero etiam statutum censetur, si nulla ratio diuersitatis afferri possit. num. 10. & s. t. 10. p. 4. c. 10. num. 5.

In ijs, quæ inter se subordinata sunt, cui concessum quòd est plus, censetur etiam concessum, quòd est minus : v. g. qui testamentum facere potest, multò magis codicillum cod. num. 10. in fine.

Lex interpretans non minùs obligat, quam interpretata. supra cit. c. 18. num. 11.

Æquum & bonum opponitur stricto iuri, verborum proprietati tenaciter adherenti eodem tract. 4. c. 19. num. 1.

Æquum & bonum, siue epikeia, est emendatio iusti legitimi : dictat enim aliquem casum à lege propter æquitatem excipiendum esse, qui alioquin verbis vniuersalibus legis comprehenderetur. n. 2.

In legibus obligantibus potius, quam irritantibus epikeia locus est. ibid. §. Porro.

Si manifestum sit casum aliquem ob speciales circumstantias à lege generali excipi oportere, talis interpretatio à quolibet fieri potest. n. 3.

• Si concurrant duæ leges, siue præcepta, quæ simul seruari non possunt, posthaberi debet minus ibid.

In dubio, ytrum lex in particulari casu per epikeiam cesset, Princeps consuli debet. num. 4.

Qui excusatur ab eo, quòd in præcepto accidentale est, debet tamen obseruare principale, si possit : v. g. qui ob negotium in die ieiunij prandium anticipare cogitur, nihilominus ieiunium seruare debet, si possit. num. 5.

Si præceptum sit de re indiuidua, qui excusatur à parte eius substantiali, excusatur à toto v. g. qui vouit se Vesperas, vel Rosarium recitaturum, & non potest dicere totum, excusatur etiam à parte, nisi pars præcepti quæ seruari non potest, exigua sit ; qua ratione qui ieiunij legem perferre nequit, nili mane ientaculum capiat, de cætero, si certus sit se ieiunare posse, obligatur. n. 6.

Si præceptum sit de re diuidua, qui excusatur ab vna eius parte, debet nihilominus alteram seruare : v. g. Clericus, qui ob causam iustam impeditur à recitandis matutinis, nihilominus recitare debet horas paruas, & Vesperas si possit. n. 7.

Si certus sis adesse impedimentum excusans à maiore parte canonici officij, aut quadagesimalis ieiunij, dubites autem quoties in hebdomade ieiunare, aut quantam officij partem sine corporis latione persolvere possis, tunc epikeia dictabit te obligatione omnino solui ; cum alioquin scrupulorum, & anxietatis materiam oriri perfacile esset. Ibid.

Legis abrogatio derogatio.

Legi derogatur, cum pars eius detrahitur ; abrogatur verò, cum prorsus tollitur. l. 1. tr. 4. c. 21. n. 1.

Posterior Principis constitutio derogat, vel abrogat priorem, quatenus ei contraria est ; licet verbis expressis nulla eius mentio fiat. Sed excipiuntur decreta Concilij generalis, quibus posteriore contraria lege ac privilegio non derogatur sine expressa clausula derogatoria. n. 2.

Cessante vniuersum totali causa legis, per seipsum cessat lex. Sin autem ratio legis in particulari homine, cesset negatiue tantum, non ideo deficit lex; sed opus est, vt cesset contrariè, videl. per impedimentum, vel moralem. impossibilitatem seruandæ legis. n. 3.

Si lex plures partes habeat inter se separabiles cessante ratione vnius tantum partis, perseverat lex secundum alteram partem. Ibid. assert. 3.

Lex in præsumptione fundata cessat obligare, si de contraria veritate constet; cedit enim præsumptio veritati. n. 4.

Ea autem lex in præsumptione fundari dicitur, cuius formale motum, & intrinseca obiecti conditio est præsumptio alicuius rei. Quamobrem Iudici præcipitur, vt in omnibus occurrentibus casibus ex tali præsumptione, quam ipsa lex facit, sententiam fera. Ibidem.

Libri hæretici, alique prohiberi.

Qui librum hæretici de religione tractantem sine Apostolicæ Sedis auctoritate scienter legit, excommunicationem Bullæ Cœne incurrit. l. 2. tr. 1. c. 15. n. 1.

Censuram excommunicationis non incurrit, qui hæreses Scriptoris hæretici in libro auctoris Catholici ad verbum incertas, quamuis praua incertatione, legit. ib.

Neque libri Catholicorum, quibus breuis scolis hæreticorum inserta sunt, hac censura comprehenduntur. num. 2.

Qui vnam hæretici epistolam, vel concionem de religionis materia scriptam scienter legit, videtur incurrere censuram excommunicationis; licet aliquid negent. n. 3.

Libri hæreticorum historici, poetici, iuridici medici, etsi obiter hæresin admixtam habeant his regionibus non prohibentur. n. 4.

Paruitas materiæ, puta si quis paucos versus legat in libro hæretici de religione scripto, ab excommunicatione excuiat. n. 5.

Fieri potest, vt aliquis vir prudens, ac doctus in Germaniam nihil peccet, si locum aliquem contradictionis in hæretici auctore quærat, certo sperans, eo exhibitio alterum ad Fidem Catholicam perducendum fore: tunc enim lex naturalis charitatis vincere debet Ecclesiasticam. Ibid.

Excommunicationem incurrit, si quis procemium tantum, vel Epistolam ad lectionem, vel annexum indicem sufficiente quantitate legat. Ibid. §. Denique.

Qui alteri, v.g. famulo suo, librum hæreticum legendum tradit, vt ex eius ore audiat, excommunicationem Bullæ incurrit. n. 6.

Qui alteri librum hæreticum tradit, vel eius lectionem suadet, mandat, non tamen vt ipsi auscultet, & quasi per ipsum legat, excommunicationem non incurrit. Ibid. §. Secunda.

Si tamen ex eiusmodi suasionem, vel mandato malignus effectus hæresis sequatur, contrahetur excommunicatio, quatenus ea in fautores hæreticorum decreta est. Ibid.

Qui librum hæretici de religione tractantem retinet, imprimit, aut quomodolibet defendit, eandem excommunicationem Bullæ Cœne incurrit. n. 7.

Non incurrit excommunicationem, qui librum breui tempore retinet; cum ob materiæ leuitatem mortaliter non peccet: multò minùs incurrit, qui quamuis tempore longiore retinet, donec tempus opportunum offeratur tradendi Inquisitori, aut Theologo. Ibid.

Bibliopola, & bibliopecti cauere debent, ne retinendo libros hæreticos ad vendendum, vel compingendum, excommunicationem contrahant. Ibid.

Index librorum prohibitorum duas classes continet. In prima continentur auctores hæretici, aut suspecti de hæresi; quorum omnes libri editi, aut edendi prohibentur: In altera ponuntur libri, qui doctrinam non sanam, aut suspectam continere existimantur, tametsi à Catholicis auctoribus prodierint. n. 8.

Libri primæ classis prohibentur sub excommunicatione Papæ reservata: sed libri secundæ classis sub excommunicatione non reservata. Verum quod atinet ad prohibitionem librorum secundæ classis, ea apud nos in Germania non omnino recepta est. Ibid. §. Inter has.

Libri cuiuscunque auctoris res obscenas ex professo tractantes penitus prohibentur, ijs exceptis, qui ab Ethnicis v.g. Poëtis conscripta sunt: Sed pueris non sunt prælegendi, nisi expurgati. Ibid. annotat. 2.

Libri omnes, & scripta magica penitus reijciuntur, quamuis ob lectionem tum horum, tum obscenorum, & similium librorum excommunicatio non contrahatur; sed peccatum mortale, si materiæ grauitas adsit. annotat. 3.

Sacra biblia vulgari idiomate legere his regionibus populo non est prohibitum. Sed versio Germanica Lutheri, & aliorum hæreticorum prorsus interdicta; imò etiam versiones hæreticorum latinæ præsertim noui Testamenti. Ibid. annotat. 4.

Hæreticorum libros, & alios noxios, ac vanos publice comburendi antiquissimus in Ecclesia Catholica mos est. n. 9.

Sacrorum librorum traditores olim dicti erant, qui cruciatum metu eos Gentilium Magistratui tradebant. eod. n. in fine.

Locatio, conductio.

Est contractus, quo res alteri vtenda, vel seruenda conceditur, certa pensione conductæ. l. 3. tr. 4. c. 22. n. 1.

Locatio, & conductio cum emptione, & venditione affinitatem quandam habet, & ferme eiusdem iuris regulis constituitur; differunt tamen, quia emptio, & venditio tendit ad dominij translationem, locatio solum ad vsus vel fructus concessionem. Deinde si res vendita ante traditionem sine culpa venditoris pereat, emptor nihilominus pretium soluere debet. Sin autem res locata ante traditionem intereat, conductor tamen liberatur. §. Hinc etiam.

Conductor rem sibi locatam alteri aequè idoneo ad eundem vsus locare non prohibetur. n. 2.

Si impedimentum accidit ex parte rei conductæ, liberatur conductor à soluenda pensione, secundum proportionem temporis, quo vt, frui non poterit: Sin verò ex parte conductoris impedimentum incidit, non ita liberatio contingit. n. 3.

Etiā in locationis contractu locator de euictione tenetur. Ibid. dicto 3.

Expensas in rem conductam, quæ duraturæ sunt, item tributa, & onera publica præstare ad locatorem, seu dominium spectat: & interim, dum expensæ necessariae, vel vtilis conductori non soluuntur, rem conductam retinere potest. n. 4.

Conductor dolum, & culpam, etiam leuem, non item leuissimam, multò minus casum fortuitum præstare cogitur; nisi aliter conuentum sit, vel nisi culpa sua causam fortuiti casus prauenerit, videl. in mora restituendi existens. Ibid. q. 4.

Consuetudo interpretatur, vt si valde pretiosa locata sit v.g. vasa aurea, argentea, conductor etiam leuissimam culpam præstare debet. Ibid.

Conductor, vel custos, v.g. pecorum ostendere debet rem sibi commissam perisse, & quidem sine culpa sua, nisi graues coniecturæ assint, pro hominis innocentia, vel nisi consuetum sit eiusmodi res perire, & quidem sine culpa conductoris, aut custodis. n. 5.

Incendium culpa inhabitantium accidisse in dubio præsumitur: non tamen semper patris familias, sed sæpe famulorum culpâ, quam dominus præstare non cogitur. num. 6.

Propter modicum infortunium nihil colono de pensione remittitur. Secus si magna, & plus, quam tolerabilis clades facta sit; neque antecedentium, vel subsequen-

etiam annorum fertilitate compensari videatur. Verum colono partiaro ob anni sterilitatem nihil condonatur. num. 7.

Colono emphyteutico, qui magna pensionem soluit, equitatis ratione remissio aliqua facienda est propter cladem immodicam. Secus, si pensio comparatione fructuum modica est, & solum ferme in recognitionem dominij, nisi fundus omnino perierit, vel in hostium potestatem deuenerit, sine spe breui tempore recuperandi. Ib. §. Adijciamus.

Si pluribus annis ob cæli clementiam vberiores fructus ex fundo proueniant, colono emphyteutico pensio augeri potest: Secus, si id fiat ob coloni industriam. n. 8.

Si quis conduxerat molendinum, & postea alia vicina destruantur, augeri ipsi potest pensio. Ibidem.

Locator conductorem durante tempore conductionis expellere non potest, nisi in casibus iure expressis. n. 9.

Successor vniuersalis, siue heres, non item particularis, puta emptor, donatarius, legatarius locationis contractu stare tenetur. num. 10.

Si tamen locatio facta fuerit ad tempus longum, vt transeat in emphyteuticum, quo dominium vtile transfertur, non potest colonus à successore particulari expelli. eod. n. 10. in fine.

Ludus, Sponsio.

Ludus alearum, id est, qui magis fortuna, quam arte regitur, licet suapte natura contractus licitus sit, tamen per accidens adiuncta mala habet; quare humana lege prohibitus est, præsertim Clericis. l. 3. tr. 4. c. 21. n. 1.

Clerici aleis, vel chartis ludentes mortalis peccati damnari non debent, nisi frequenter, aut publicè cum populi scandalo ludant. Sin autem priuatim, & sine scandalo ex bonis patrimonialibus, aut etiam ex beneficiorum redditibus, sed in quantitate modica, spectato statu suo, ludant, sine officiorum suorum neglectu, excusati interdum possunt à peccato. n. 1. in fine & n. 2.

Qui credità pecunià lusit, ac perdidit, soluere non tenetur, spectato iure communi Cæsareo, si tamen nihil excipiens soluat, dominium pecuniæ solutæ in lucrantem transfert. eod. n. 2.

Quibusdam locis in foro externo non conceditur actio ad recuperandum id, quod ludo perditum est, nisi magnæ quantitatis sit. Tunc verò si lex Cæsarea in vigore non sit ad lusu perditum recuperandum, in conscientia obligatus esse videtur ad soluendum, qui data fide solutionis faciendæ lusit, ac perdidit. n. 3.

Si tanta alicui sit ludendi peritia, vt quasi certus sit se lucraturum, iniquus efficitur ludus, nisi alter expressè, vel virtualiter in hanc inæqualitatem consentiat. Ibid. §. Porro.

In sponsonibus vero qui propria persuasione sine alterius dolo decipitur, sibi ipsi imputare debet, cum spondens hoc ipsum profiteri censeatur, se rem cognitam habere. num. 4.

Qui propria bona non habet, vt ad lucrandum, ita etiam ad perdendum in ludo inhabilis est, videl. Religiosus, aut filius familias ex bonis profectitijs à patre. Quare qui ab eiusmodi personis lucratur, quatenus ipsis ludendo perdere concessum non est, ad restitutionem obligatur. num. 5.

Filius, aut Religiosus vna pecuniæ depositione plus lucrari non potest, quam perdere, sed pluribus iactibus potest. num. 6.

Pupillus, & Minor, licet ludendo perdere nequeant, quominus contra lucrantem excipere, aut per rei datæ repetitionem solum recuperare possint, tamen lucrari honesto ludo non impediuntur, cum naturalis in ipsis quoque obligatio subsistat. Si tamen minor natu ad ludendum accesserit animo non soluendi, aut solum ad recuperandi, videtur obligatus esse ad restitutionem lucri. Ib. ver. Alia ratio est.

Olla fortunæ contractus licitus est, & reuocari potest ad emptionem, ac venditionem. n. 7.

Luxuria peccatum.

Luxuria castitatis virtuti opponitur, & est inordinatus appetitus, vel vsus venereorum. Dupliciter hoc peccatum contingit. I. Secundum substantiam actus, & sic est mortale, II. Quoadmodum, & circumstantiam recidentalem, qua ratione in coniugio peccari potest, plerumque venialiter tantum. l. 3. sect. 4. n. 9. §. Castitati, & l. 5. tr. ult. p. 3. c. 1. n. 1.

Luxuriæ sex species numerantur: simplex fornicatio, adulterium, incestus, struprum, raptus, vitium contra naturam, quibus septima species addi potest, concubitus sacrilegis. cit. n. 9. §. Castitati.

Simplex fornicatio, & impudicitia inter personas legitimo fœdere non coniunctas est ex genere suo peccatum mortale num. 10.

Licet peccata circa Veneream delectationem sepe venialia sint ob imperfectionem voluntarij, tamen non datur in hoc genere peccatum veniale ob materiæ paruitatem. l. 4. t. 5. c. 8. n. 2.

Si coniuges post votum continentiae coniungantur, non est copula fornicaria, sed tantum sacrilegia. l. 5. t. 10. p. 2. c. 1. n. 4.

Si masculus, vel femina ante pubertatis ætatem legitimam in carnis delicto deprehendantur, præsumptio esse solet, quod delictum non perfecerit. l. 5. t. 10. p. 4. c. 13. num. 3.

Oscula, & amplexus, si fiant non causa delectationis venereæ, sed vt signa amicitiae, v. g. secundum patriæ consuetudinem, culpa vacant. Similiter si placeat tactus corporis ob solam proportionem, seu connaturalitatem cum organo tactus, peccatum non est, per se loquendo: quia tactus reiblandæ, sicuti & visus rei pulchræ, organa sensuum naturaliter delectant. Denique si oscula & amplexus profiscantur ex loco, aut animi leuitate, non causa delectationis venereæ, culpam tantum venialem habent, per se loquendo. Ibid. supra cit. n. 10. §. Quædam.

Oscula, amplexus, & tactus inter sponsores de futuro videntur excusari à peccato mortali, si absit periculum pollutionis, & consensus in copulam, neque per se siue ex obiecto turpes sint. n. 11.

Tactus inter coniuges, si fiant solius voluptatis causa, & non in ordine ad copulam coniugalem, culpa non vacant: sed venialem non excedunt, per se loquendo. n. 12.

Impudici tactus pertinent interdum ad peccatum molitici, vel adulterij, &c. pro diuersitate personæ, cum qua exercentur. n. 13.

Se ipsum contrectare, aut confricare, causa delectationis venereæ, si fiat cum plena deliberatione, est peccatum mortale: sed non omnis pruritus etiam circa partes venendas, venereus est: nec omnis extinctio eius per frictionem luxuriosa delectatio censeri debet. Ibid.

Turpilookium, turpis cantio, literæ amatoriae, si venereæ voluptatis gratia instituantur inter personas omnino solutas, mortalia peccata sunt: Sin ex animi leuitate, & curiositate, venialia tantum, per se loquendo, sed per accidens sepe mortalia. Ibid. addendo 5.

Mortaliter peccare censendi sunt, qui turpes libros, cantilenas, aut comædias scribunt, vel publicè exhibent: Item qui turpes imagines pingunt, ac publicè proponunt: cum hæc vix fieri possint sine aliquorum spirituali iactura Ibidem.

Delectatio quæ capitur ex aspectu corporis, facilius à peccato excusatur, quam delectatio ex tactu. num. 14.

Directè & efficaciter intendere, vel procurare pollutionem, seu seminis humani effusionem in se, vel in alio, semper est peccatum mortale contra naturam, quacunque id causa, aut fine fiat. n. 15.

Qui causam pollutioni per accidens præbet, non peccat mortaliter, imò nec venialiter peccat, si actio, ex qua

pollutio oritura putatur, per se honesta sit, & finis eius honestus. n. 16.

Pollutionem naturaliter prouenientem v. g. in somnis permittere, non est peccatum. n. 17.

Pollutionis nomine non comprehenditur stillicidium, seu fluxus humoris, qui semen humanum non est, quamuis cum eo similitudinem gerat. n. 18.

Voluntaria pollutio etiam inter coniuges est peccatum mortale. n. 19.

M.

Maledictio.

Maledicere est malum alicui dicere, quod elicitiue ad intellectum pertinet, non ad voluntatem: verum cum maledictio fiat per modum imprecandi, v. g. fulmine, laqueo pereas, aliud non est, quam expressio voluntatis auersæ ab altero: quare maledictio est actus ab odio imperatus. l. 2. t. 3. c. 8. n. 6.

Homini bus malis seu peccatoribus interdum licitum est maledicere ex odio abominationis, v. g. latroni, qui Reip. noxius est, vt laqueo suspendatur. n. 7.

Proximo sine iusta causa maledicere charitati repugnat, interdum etiam iustitiæ, si contumeliam contineat, quas rationes seu species peccatorum in Confessione perpendere oportet: interdum enim ambæ reperiuntur in maledictione, vt si quis ex odio maledicat homini in faciem: interdum verò peccatur tantum contra charitatem, vt si quis serid maledicat absenti sine vlla honoris, aut bonæ existimationis detractio: interdum autem committitur peccatum contumeliæ, non item peccatum odij contra charitatem, si quis alicui in faciem maledicat non ex animo, quasi ita euenire optet. n. 8.

Tantò grauior contumelia, vel impietas est, quanto excellentior persona, vel à nobis magis reuerenda cui maledicitur v. g. pater, vel qui loco patris esse debet. Ibidem.

Accidit interdum, vt verba maledictionis erga hominem nec charitati, nec iustitiæ notabiliter repugnent, sed ferme tantum mansuetudini, ac patientiæ; ideoque culpam venialem non excedant; vt si parens filio malum imprecetur; non ex animo & serid, ac sine notabili immi-
nutione honoris. §. Denique.

Si quis creaturis in hoc mundo existentibus rationalibus, vel irrationalibus maledicat, quatenus creaturæ Dei sunt, adeoque cum habitudine ad Deum, is blasphematur; sed talis intentio in dubio præsumenda non est. l. 4. t. 10. c. 6. n. 10. §. Imò etiam.

Creaturis irrationalibus absolute maledicere, est actus saltem otiosus, præterquam quod inordinatus affectus iræ, ac impatientiæ admisceri soleat. Quòd si quis maledicat creaturis istis, quatenus spectant ad hominis dominium, aut possessionem, tum ab odio imperari solet. eod. c. 6. n. 11.

Mos antiquus est per rhetoricam exaggerationem ad significandam animi mœstitiā, maledicere irrationalibus creaturis: quo modo Dauid maledixit montibus Gelboe, in quibus Saul & Ionathas occubuerunt: & Iob ac Ieremias maledixerunt dici, in qua nati fuerunt. ibid. §. 2.

Mandatum.

Mandatum est officium ab eo qui gratis suscepit exequendum: gratuitum enim mandatum esse debet: sin vero merces interueniat, in locationem transit. l. 3. t. 4. c. 26. n. 1.

Licet mandans post præstitum sibi officium ex gratitudine obligatus maneat ad remunerandum, tamen id strictè debitum non est: quare nec occultæ compensationi in hoc casu locus esse potest, Verum Procuratori, sic vti & Aduocato, quos constat laborem suum gratis non præstare, ad Iudicem pertinet iustum salarium decernere, si ipsis constitutum non fuerat. eod. n. 1.

Inter mandantem & mandatariū conuentio interuenire debet, saltem tacita. Si enim videas, in tui gratiam ali-

quid ab altero fieri, nec prohibeas, tacitè mandare cense-
ris. Ibid. §. Inter.

Mandatarius mandatum fideliter & integre exequi debet: alioquin famæ periculum sustinebit, si de dolo conuictus, & damnatus fuerit; ex culpa tamen, nisi lata sit, non obligatur, si mandati executio gratis fiat. Ibidem.

Mandans ratum habere debet, quod nomine eius gestum est à mandatario; nisi fines mandati excesserit: nam gesta contra, vel præter formam mandati irrita sunt. n. 2.

Qui mandat centum aureis enim, mandare etiam intelligitur, vt, si fieri possit, etiam minoris ematur: quare nisi dominus contentus esse videatur, vt mandatarius, vel famulus sibi retineat, quantò minoris emptum fuit, domino restitui debet. Et similis ratio est de venditione, si plures res vendi potuit. Ibidem.

Si mandans v. g. Clerici occisionem postea reuocet mandatum, sed reuocatio ad mandatarium non perueniat, nihilominus excommunicationem incurrit, ac damni refarciendi obligationem. Secus est, si mandatarius verè ac serid factam cognouit, & nihilominus occidit, tunc enim censeretur non potest hæc executio mandati, sed proprio nomine commissum homicidium. l. 1. tr. 5. p. 2. c. 5. num. 7.

De consilio aiunt aliam rationem esse, nam si semel persuasisti Titio, vt occideret, etsi postea consilium reuoces, nihilominus secuti homicidij causa censeberis. Quare licet pœnas iuris, v. g. excommunicationem euites, non tamen irregularitatem, & restituendi damni obligationem. Quamuis probabiliter dici potest, si suaor propositas ante rationes serid, & efficaciter retractauit, quantum potuit, etiam ab irregularitate, & restitutione immunem fore. Ibid. §. At verò.

Mandans mandatarium indemnem seruare debet, vt omnes expensas ipsi restituat, quin & fortuitum damnum quod occasione mandati passus est, eidem refarciat, ne ipsi officium damnosum sit. Alia ratio est, si merces vel salarium interueniat: quare si famuli, & milites stipendiarij aliquid in prosecutione amittant v. g. pecuniam, ensẽ, à dominis exigere non possunt. cit. l. 3. tr. 4. c. 26. n. 3.

Vt obligatio & actio mandati oriatur, debet esse de re honesta, licita: nam rei turpis nullum mandatum est. n. 4.

In externo foro à pœna excusantur personæ alterius potestati subditæ, si eius mandato leuia delicta commiserint, sed non in grauibus delictis, v. g. furto notabili, aut homicidio: quamuis & in his interdum mitior pœna decernitur, si propter metum aliqualis obediendi necessitas compulerat. Ibidem.

Mandatum aliud generale est, aliud speciale: Generale tamen mandatum non se extendit ad ea, quæ speciale mandatum exigere videntur, videlicet ad alienationem, transactionem, oppignerationem, iuramenti delationem, præterquam si mandatum generale fiat cum potestate plena ac libera: nam tale mandatum æquiparatur mandatis specialibus. Veruntamen ex vi talis mandati donari non potest, nisi talis facultas specificè exprimat. n. 5.

Syndici & Administratores ciuitatum alienare, & transfigere possunt: quia generale mandatum à lege habent cum libera potestate. ibid.

Literæ *credentiæ*, in quibus generatim cõtinetur, vt plena fides habeatur offerenti, non obligant scribentem, nisi si des literis habenda magis specificata sit, v. g. *fidem ei habebis in omnibus, meo periculo*. §. Huc etiam.

Mandatum expirat I. per reuocationem, si res integra sit. II. per renuntiationem, si ea tempestiue fiat. III. expirat plerumque per mortem mandantis, si res integra sit, IV. per mortem mandatarij, præsertim re adhuc integra, interdum autem etiam si negotium cœptum fuerit reuocabitur mandatum, si personæ industriæ specialiter electa erat. num. 6.

Si tibi mandatum fuerit, vt puellæ dotem traderes, exequi debes etiam post mortem mandantis, ob specia-

lem dotis fauorem: quare idem quoque existimandum est de mandato ad causas pias, v. g. si elemosynario data sit pecunia inter pauperes distribuenda, dandam etiam esse post mortem mandatis. eod. n. 6. §. Tertiò.

Si is, qui in alterius potestate est, seruus, filius, Religiosus ex voluntate & iussu seu expresso, seu tacito contrahat, tum aduersus dominum, patrem, Prælatum acquiratur actio ex iussu; siue specialiter iussum fuerit in aliquo genere contractus, siue generaliter, *quod uoles cum seruo meo negotium gere periculo meo.* eod. t. 4. cap. 27. n. 1.

Huc spectat etiam actio exercitatoria, & institoria. Nam si quis maritimæ, vel terrestri negotiationi alium præposuit, censetur ratum habere velle, quicquid in tali negotio gestum fuerit; modò fines, & forma consueta negotij obseruentur. Imò latius id extenditur, ut cuiusque negotio, vel officio aliquis alterum præposuerit, actio competat aduersus præponentem, tanquam ex iussu generali. num. 2.

Si seruus, vel similis persona quæ necessariò paret, negotio, vel officio alicui præposita fuerit, oritur actio veluti ex iussu: Sin verò alia libera persona, oritur actio ex mandato. Discrimen autem est, quòd qui cum mandatario contraxit, contra ipsum quoque actionem directam instituere possit; & similiter aduersus institorem, vel negotiationis præpositum, si homo sui iuris est; secus, si in potestate constitutus. n. 3.

Si personæ in potestate alicuius positæ sine eius iussu expresso, & tacito contraxerunt, absolute loquendo, non obligatur, Prælatus v. g. ex contractu Religiosi, pater ex contractu filij, dominus ex contractu serui; sed solum, quatenus in rem eius aliquid versum, esse demonstrari potest. Ibid.

Tunc aliquid dicitur in rem alicuius versum, si quid ipsi vtiliter comparatum, vel in quoscunque sumptus necessarios, aut viles expensum; non item, si ad meram voluptatem, nisi dominus in id consenserit. n. 4. casu IV.

Certi casus sunt, quibus Monasterium obligatur, ex contractu, aut delicto Religiosi sui. I. Si Religiosus communicato consilio cum Prælato, & Capitulo deliquit: nam delictum Prælati, & Capituli nocet Ecclesiæ. II. Si Religiosus administrationi præpositus aliquid egit, aut contraxit, secundum limites commissionis, & officij. III. Si Religiosus cum licentia Prælati extra Monasterium degens, sumptus faciat, vel pecunias mutuo accipiat, secundum quantitatem ipsi destinatam: nam ita etiam de filio familias statutum est. n. 4.

Si famulus vinum v. g. pecuniâ numeratâ à domino emere iussus, impetrata ab ænopola fide de solutione, pecuniam à domino traditam intercipiat, contra eundem dominum nec ex iussu, nec de in rem eius versio actio competere potest. n. 6.

Non dicitur aliquid versum in rem seu vtilitatem alterius, quando tantundem erogauit, quantum accepit. eod. num. 6.

Æquum, non est, ut vel crudelitas creditoris domino obstat, vel calliditas serui noceat: quare curiosus creditor esse debet, quòd vertatur id, quod seruo datum fuit, nisi sufficiens mandatum exhibuerit. Ibid.

Constitutus ad recipiendam pecuniam nihil præiudicat domino, si confiteatur pecuniam se recepisse; cum non ad confitendum, sed tantum ad recipiendum constitutus esse censetur: mandatum autem non extenditur ultra comprehensam in eo. Ibid. §. Sed neque.

In quocunque mandato generaliter dato semper præsumitur mandatum id quod est de consuetudine mandantis. Ibid. §. Alia quidem.

Actio quod iussu, seu exercitatoria, institoria, longe commodior est, quàm actio in rem versa: quia per hanc actionem plus non consequetur actor, quàm ostenderit, re ipsa in alterius vtilitatem versum fuisse. eod. num. 6.

in fine

Martyrium,

Martyrium est excellentissimus fortitudinis actus: nam Martyr propter seruandum bonum veritatis Fidei ipsam vitam profundere non perhorrescit. l. 3. sect. 3. n. 2.

Non sunt propriè & perfectè martyres, qui in vincula coniecti, multa patiuntur, nisi eam mortem perferant: sed tales Confessores dici solent. n. 3.

Hæretici martyres esse non possunt: si enim occiduntur propter Fidem, quam profitentur, cum ea Christi non sit, sed ipsorum propria, & humana, sequitur eos non occidi propter Fidei supernaturalis veritatem. Ibid. §. Sequitur II.

Paruuli baptismo sanguinis speciali Dei priuilegio saluantur, sine propria voluntate. n. 4.

Ad martyrium requiritur, ut mors alicui inferatur, odio Fidei, seu doctrinæ Christianæ, & ut homo, si adultus sit, mortem voluntariè acceptet, propter Fidei veritatem tuendam. n. 3.

Si quis dormiens occidatur in odium Fidei Christianæ, cum antea nihil cogitaret, ideoque nec consenserit in mortem, martyr censi non debet. Secus, si in vincula coniectus statuit apud se mortem fortiter pro Fide tuenda perferre, ac postea in somnis occidatur. n. 4. §. Quod verò.

Martyres non sunt, qui pro Fide contra hæreticos pugnando occiduntur, quia non voluntate, sed potius necessitate mortem oppetunt, nec Christi cum mansuetudine patientis similitudinem gerunt. eod. n. 4. §. Secundò.

Qui ob motiutum honestatis moralis mortem subiit martyr non est, sed requiritur causa pia, quæ per Fidem supernaturalem cognita est. n. 5.

Causa veri martyrij est, non solum si quis mortem patienter oppetat propter Euangelicæ veritatis prædicationem, aut confessionem verbalem, sed etiam propter cuiusque virtutis opus secundum Euangelicam doctrinam non omittendum, aut mali peccatum non committendum. l. 3. t. 3. p. 3. c. 1. n. 6.

Apud infideles, aut hæreticos Euangelium prædicare, sacrificare, à carnibus abstinere &c. cum probabili periculo mortis, ex qua non magnus Ecclesiæ fructus speratur, non fortitudinis, sed potius temeritatis opus est: quare in delaus martyrij acquiri non potest, nisi inuincibilis ignorantia hominem excuset. Ibidem.

Tametsi ipsi infideles Christianum persequantur, & ad necem quarant, interdum expedit magis fugere, ut diutius viuendo pluribus aliquis prodesse possit. Ibid.

Martyrium instar Baptismi fluminis omnem culpam, & pœnam delet, sed non absque imperio & motione charitatis in homine adulto, supra cit. l. 3. n. 6.

Licet baptismus sanguinis in se includat baptismum fluminis seu dilectionis, tamen ab eodem distingui solet, propter peculiare excellentias, quas habet: I. In baptismo sanguinis valde copiosa gratia infunditur, propter excellentissimæ charitatis actum. II. Baptismus sanguinis omnem etiam venialem culpam delet, propter virtutem regnantiam erga peccata omnia (nisi mens actualiter alicui inhaereat,) pœnamque omnem peccatis debitam extinguit. n. 7.

Martyrium quadam ratione etiam superat baptismum fluminis: quia non tantum peccata penitus tollit, sed etiam possibilitatem peccati aufert, hominemque actualiter introducit in vitam beatam. Præterea in se continet veram, & realem imitationem passionis Dominicæ, ex qua omnis vis nostræ salutis promanat: cum baptismus fluminis contineat representationem figuralem. Ibid. §. Superat.

Martyribus propter excellentissimæ fortitudinis actum, speciale præmium in cælo datur, quæ aureola dici solet. Verum sicuti hæc accidentaliter gloria in cælo supponit gloriam essentialem, in eaque fundatur, ita etiam meritum gloriæ illius accidentaliter supponit meritum principale charitatis, in eoque fundatur. Ibidem.

Matrimonium.

Definitur, maris & foeminae coniunctio, indiuiduam vitæ societatem retinens. l. 5. t. 10. p. 2. c. 1. n. 1.

Etsi omnes alij contractus sicuti mutuo consensu constituti sunt, ita etiam dissolui possint, matrimonium tamen partim suapte natura, ob commodum prolis generandæ, & educandæ; partim verò, & multò magis, ex Dei primæua institutione, sacri mysterij causa, indissolubilem nexum habet. Ibidem §. Posterior 1. & l. 3. tr. 4. c. 5. n. 5. §. Denique.

Coniunx potestatem & ius reale habet in corpus coniugis; sed non propriè dominium. eod. n. 1. §. Eiusdem.

Triplex est matrimonium: I. Legitimum, quod legitimo consensu inter personas non impeditas celebratum, etiam inter infideles esse potest. II. Ratum, quod in se includit legitimum, sed addit rationem sacramenti, & maioris firmitatis inter Christianos. III. Matrimonium consummatum, quod accedente carnis copula, magis perficitur, & completur. n. 2.

Beata Virgo Maria verum cum Iosepho matrimonium contraxit. n. 3.

Matrimonium in lege noua inter fideles sacramentum est, à Christo institutum. c. 2. n. 1.

Matrimonium non tantum sacramentum est, sed etiam officium naturæ, atque contractus naturalis. l. 4. tr. 10. c. ult. n. 34.

Si baptizatus cum catechumena ex Papæ dispensatione matrimonium contrahat, ex neutra parte Sacramentum erit. cit. cap. 2. n. 1. §. Ex quo.

Ipsi coniuges ministri sunt huius sacramenti, & non Sacerdos. n. 2.

Hæretici qui rite baptizati sunt, tamen si nolint contrahendo matrimonium Sacramentum accipere, ex hypothese erroris speculatiui, quia putant, non esse Sacramentum; re ipsa tamen sacramentum suspiciunt, quando volunt contrahere, sicuti fideles solent, & in Ecclesia Christi consuetum est. eod. n. 2. §. Porro.

Materia sacramenti matrimonij sunt corpora coniugum inuicem tradenda; forma autem sunt verba coniugum contrahentium. n. 3.

Matrimonium non tantum est sacramentum, cum sit; sed etiam factum manet. n. 3.

Mutus & surdus à Natiuitate, si rationis compos sit, à matrimonij sacramento prohiberi non potest: fatui autem seu amentes admittendi non sunt. n. 5.

Secundum consuetudinem Ecclesiæ, quæ nunc viget, non permittitur cohabitatio coniugis ad Fidem conuersi cum altero coniuge, qui infidelitate persistit. cap. 3. num. 1.

Non ideo statim matrimonij vinculum soluitur, quia vnus ad Fidem Christi conuertitur, alter autem conuersti, aut sine contumelia Creatoris cohabitare recusat. n. 2.

Si vxor infidelis post conuersionem mariti ad alias nuptias transeat, marito aliud matrimonium non contrahente, accidat verò postea, ut etiam ipsa mulier ad Fidem conuertatur debet illa deserto marito posteriore adherere priori, nisi Papa ipsis volentibus dispenset. coroll. 3.

Si coniunx infidelis à coniuge ad Fidem Christi conuerso sponte recedat, vel sine contumelia Creatoris cohabitare nolit, alter ad alias nuptias accedere iure potest, quibus prius matrimonium penitus soluitur. n. 3.

Si infidelis cum coniuge ad Fidem conuerso cohabitare velit sine contumelia Fidei, quamuis id Ecclesia non permittat; Sedes Apostolica prius consulenda erit, quam fidei ad aliud matrimonium transitus permittatur. n. 4.

Si alter coniugum baptizatorum in apostasiam labatur, neque nocenti, neque innocenti aliud matrimonium contrahere concessum est. n. 5.

Si ambo coniuges infideles Fidem Christi & baptismum suscipiant, eorum matrimonium efficitur sacramentum, ideoque ratum & indissolubile. n. 6.

Si infideles matrimonium contraxerunt cum impedimento, quod iure tantum Ecclesiastico dirimens est, post eorum conuersionem separandi non sunt: secus est, si impedimentum matrimonij ex iure naturali fuit, ut si pater filiam, aut frater sororem duxit. eod. n. 6. addit. 2.

Matrimonium clandestinum, id est, sine Parocho aliisque testibus celebratum, olim seuerè prohibitum erat, nunc verò etiam irritum est. c. 4. n. 1.

Ecclesia potest formam contractui matrimonij præscribere, qua non seruata, irritum sit. n. 2.

Parochus aliisque Ordinarius matrimonio assistens debet esse proprius, vel vtriusque, vel saltem alterius sponsum, & potest etiam extra parochiam validè assistere. n. 3.

Parochus matrimonio assistere potest, etsi nondum sacerdos sit: sed alteri, quam sacerdoti, assistendi facultatem committere nequit. n. 4.

Parochus matrimonio validè assistit, licet excommunicatus non toleratus sit, modò titulum ac possessionem Parochiæ retineat. n. 5.

Præsentia Parochi aliorumque testium debet esse moralis, ut intelligant quod agitur: sed necesse non est ad matrimonij contractum, ut habeant qualitates, quæ in aliis causis civilibus, aut criminalibus requiruntur. n. 6.

Simili ratione si de matrimonij valore lis in iudicio oriatur, ordinariè sufficiunt qualescunque testes ad fidem faciendam, etsi sint impuberes, foeminae, infames, infideles, parentes, liberi, serui. Ibid. §. Secundò.

Decretum Concilij Tridentini, requirentis Parochi, ac testium præsentiam, non obligat in locis, ubi ea constitutio nunquam promulgata, aut recepta est. n. 7.

Sacerdos Catholicus non prohibetur assistere matrimonijs hæreticorum, quos in sua parochia habet. n. 8.

Ante matrimonium trinæ denuntiationes publicè fieri debent, quæ tamen ad substantiam contractus non pertinent, quasi ijs intermissis irritus existat. n. 9.

Denuntiationes in vtriusque sponsæ parochia fieri debent, quamuis id non ubique obseruatur. n. 10.

Denuntiationes ob iustam causam interdum remitti debent, vel vna sola pro trina fieri, talis autem remissio ad Episcopum spectat, nisi periculum in mora sit, ut Episcopi consensus expectari nequeat, v. g. si quis morti vicinus cum concubina contrahere velit. n. 11.

Si fideles cognitione moraliter certa deprehenderunt occultum matrimonij impedimentum, v. g. ex crimine incestus ortum, post Ecclesiæ promulgatum præceptum, denuntiare illud tenentur; excepto, si sperent, priuata monitione malum emendari posse, aut si putent, ex tali denuntiatione maius aliquod malum, aut scandalum orturum esse. lib. 3. t. 3. p. 2. c. 4. n. 8. In fine.

Ad obijciendum impedimentum matrimonio nondum contracto vnus idonei ac iurati testis depositio sufficit, etiam si is ipsemet denunciator sit, propriam turpitudinem allegans: si v. g. sponsi frater, aut patruelis dicat, se cum sponsa fornicatum esse. n. 9.

Interrogatus de occulto matrimonij impedimento, aut de contracta irregularitate, debet abstinere à sacramento Matrimonij, Ordinis, vel defectum manifestare, tamen si occultus sit: cum non agatur hic ad vindictam publicam, sed ad peccatum impediendum, & honorem sacramenti seruandum. n. 10.

Si tamen dispensatio super impedimento, aut defectu occultè impetrata sit, ac proinde ratio interrogandi ob peccatum vitandum cesset, necesse non erit confiteri, nisi Ordinarius iuridicè interroget, præcedente infamia, & indicij sufficientibus: quandoquidem dispensatio, quæ occultè seu pro foro conscientia tantum impetratur, in iudiciali foro nihil adiuuat. Ibid.

Si Parochus probabiliter cognouit subesse impedimentum, quamuis occultum, modò non ex sacra Confessione cognouit, non debet sponso coniungere, sed rem ad Episcopum deferre, si illos priuata monitione, à contrahendo

abstinere nequeat. Et debent hæc intelligi de omni matrimonij impedimento, etiam impediante tantum eodem. *sum. 10. in fine. & lib. 5. t. 4. c. 6. n. 11.*

Nulla culpa est, per se loquendo, matrimonium consummare ante benedictionem. *l. 5. t. 10. p. 2. c. 4. n. 12.*

Primæ nuptiæ secundum antiquissimam Ecclesiæ consuetudinem benedici debent: secundis autem nuptijs benedictio adhibenda non est; propterea quod postquam benedictio alicui rei semel collata fuit, repeti non soleat. Consuetudo tamen iam obtinuit, ut nuptiæ virginis, seu primò nubentis cum viduo benedicantur; imò quibusdam locis, quotiescunq; alter coniunx, etiam vir, benedictionem non recepit, nuptiæ eius benedici solent. *n. 13.*

Sponsalia clandestina omni iure valida & obligatoria sunt, atque Parochi præsentia ad sponsaliorum valorem nequaquam requiruntur. *n. 14.*

Si Parochus sponsalibus de futuro interfit, interdum expedit monere homines simplices, non esse inter eos contractum matrimonium, ut sciant fornicationem mortalem fore, si carnaliter coniungantur ante nuptias. Quare permittendum non est, ut post talem desponsationem ad eandem domum commigrent. *Ibidem.*

Si sponsi contrahentes sponsalia de futuro coram Parocho, utantur verbis de præsentem, non debet idcirco matrimonium ratum censeretur, cum Parochus, & testes præsentiam suam non exhibuerint tanquam matrimoniali contractui, quippe quod nec dum denuntiatum fuit. *n. 15.*

Ob intermissas matrimonij denuntiationes canonice pœnæ incurruntur. *n. 16.*

Matrimonium graui metu, ad iniuste incusso, celebratum, iure Ecclesiastico irritum est. Nec refert hoc loco, utrum metus ab ipso contrahente, an ab alia persona incussus fuerit. *c. 5. n. 1. & 2.*

Si aliquis iniuriam, aut vim passus sponte eligat matrimonium, tanquam medium ad se liberandum, ut si in carcere iniuste detentus matrimonium contrahere velit cum filia Iudicis, ad conciliandum eius animum, omni iure validum existit. *cit. n. 1. §. Secundò.*

Si metus iuste incutitur, seu à lege, aut Iudice, seu ab homine priuato, v. g. si pater stupratori filiae accusationem minetur, nisi eam ducat, validum erit matrimonium. *n. 2. §. Tertium.*

Si tamen antecedens culpa per se non requirat consensum in matrimonium, tanquam pœnam delicti, aut damni compensationem, iniuria inferitur delinquenti, si ad matrimonium cogatur, idè irritum censeretur debet, si ob talem metum, qui in virum constantem cadat, matrimonium contrahat. *Ibid.*

Metus reuerentiæ non censetur esse iustus, & sufficiens, ad infirmandum matrimonium, nisi alia adiuncta sint. v. g. patris seruitia, minæ. *n. 3.*

Similiter preces, quamvis importunæ, & sæpius repetitæ sint, non sufficiunt ad infirmandum matrimonium, nisi iunctus sit metus reuerentialis, adeoque duæ impulsiones concurrant, videlicet hominis auctoritas, & precum importunitas. *§. Simili.*

In dubio, utrum metus grauis in matrimonij contractu interuenerit, pro parte negatiua, adeoque pro valore matrimonij iudicari debet. Eademque ratio est de Religionis professione. *n. 4.*

Si matrimonium graui metu cogente contrahatur inter infideles, validum censeretur debet, quia consensus absolute non defuit, licet cum inuoluntario mixtus sit, præsertim si infideles iure Casareo, non utantur, si quidem etiam illo iure matrimonium ob grauem metum infirmari videtur. *cod. n. 4. in fine.*

Si vnus contrahentium animum simularum habeat, omni iure irritum est matrimonium, sed deceptor damnum iniuste illatum compensare debet, quæ compensatio plerumque ita fieri debet, ut, deposita simulatione, vero apud animum elicitò consensu matrimonium ratificet: quod

in hoc casu ad ratificationem sufficit, modò alter contrahens actu, vel virtute consensum retineat. *c. 6. n. 1.*

Quibusdam casibus deceptor non obligatur ad verum matrimonium, sed aliam puellæ compensationem facere potest: I. Si decepta pro virgine se falsò iactauit, nam deceptio deceptione tollitur. II. Si ex tali matrimonio scandala, & infelices exitus timeantur. III. Si deceptor longè eminentiore statu positus sit, dummodo spe matrimonij copula non intercesserit. IV. Si decepta cognita deceptione, aliam damni compensationem sponte recipiat. V. Si deceptor aliud postea matrim. vero consensu contraxit. *c. 6. n. 2. ver. Sunt verò.*

Coniugi affirmanti, quamvis iurato, se fictè contraxisse, fides habenda non est, donec clarè id demonstret: neque enim iuranti creditur aduersus ea, quæ antea asserauit. *n. 3. ver. Porro.*

Matrimonium contractum sub conditione relata in præsens, vel præteritum, statim valet, si conditio est, non valet autem, si conditio non est. *c. 7. n. 1.*

Probabile est, quod matrimonium contractum sub conditione honesta, relata in futurum, ea eueniente, perficiatur, absque nouo contrahentium consensu. *n. 2.*

Per se loquendo, non peccant consanguinei, vel aliter impediti, si matrimonium verbis de futuro spondeant sub conditione dispensationis Papalis: & oritur inde vera obligatio sponsaliorum sub conditione. *n. 4.*

Si impediti spondeant verbis de præsentem sub conditione relata in futuram dispensationem Papæ, eà impetratà, non videtur matrimonium consistere, absque nouo consensu coram Parocho, & testibus expresso. *n. 5.*

Si quis matrimonium cum duabus contraxit sub conditione in futurum, illud validum est, cuius conditio prius impletur. *n. 7.*

Matrimonium contractum sub conditione, quæ eius substantiæ, vel substantiali proprietati, repugnat, ipso iure irritum est. *n. 8.*

Validè contrahitur matrimonium cum intentione adulterium committendi, aut à coniuge sine iusta causa se separandi: Non autem validè contrahitur matrimonium, si talia in pactum deducantur. *Ibid. Coroll. 1.*

Valet matrimonium, si quis contrahat cum intentione eo nunquam videnti petendo, aut reddendo, non autem valet, si conditio seu pactum adijciatur, quo ius matrimonij impeditur: v. g. accipio te ea lege, ut in perpetua continentia viuamus, ut nunquam à me coniugi debitum exigas, ut tibi exigenti reddere non tenear. *n. 9.*

Conditio impossibilis adiecta contractui statim eum vitiat, at modus impossibilis non vitiat, sed pro non adiecto habetur, præterquam si repugnet substantiæ contractus. *n. 11.*

In dubio num conditio impossibilis, sed non repugnans substantiæ matrimonij (v. g. ut cælum digito tangas, ut hæretica fias) apposita fuerit tanquam propriè dicta & suspensiuua conditio, an verò tanquam modus non suspensiuus, hoc posterius præsumi debet, ob matrimonij fauorem. *n. 12.*

Coniugi non licet ad alias nuptias transire, priusquam certum nuntium, aliâque moralem certitudinem de morte coniugis acceperit. *cod. t. 10. p. 3. c. 3. n. 1.*

Propter probabilem, non certam credendi causam, quod coniunx mortuus sit, non est alteri coniugi, saltem in externo foro, permittendum, ut aliud matrimonium contrahat. *n. 2.*

Dubitans de matrimonij contrahendi valore (quia v. g. certum nuntium de morte coniugis non accepit abstinere cogitur: Sin autem contrahat, stante tali dubio, coniugij debitum petere non potest: sed alteri bona fide contrahenti reddere tenetur. *l. 1. tr. 1. c. 5. n. 25.*

Si post matrimonium bona fide contractum superuenit dubium de illius valore, idque post diligentem veritatis indagationem depelli non potest, licitum est debi-

tum petere, reddere autem necessarium. n. 26.

Qui defectum matrimonij, quamvis bona fide contracti, manifestò deprehendit, omnino abstinere cogitur à reddendo, & petendo. Ibid.

Matrimonium non est ita insolubile, ut eius solutio naturali iuri propriè repugnet: quare Deus olim dispensavit cum Iudæis, ut ob rationabilem causam licitum esset coniugis repudium; eaque diuortij consuetudo postea etiam ad Gentiles defluxit. c. 6. n. 1.

Matrimonium, presertim consummatum, ex prima Dei institutione indissolubilitatē habet, sacri mysterij causa. n. 2.

Matrimonium ratum & non consummatum per professionem Religionis omnino dissolvitur; idque Ecclesiæ auctoritate, quam per traditionem accepimus. n. 2.

Post matrimonij contractum coniugi bimestre spatium conceditur, ut deliberet, utrum Religionem ingredi velit; postea verò, si ingressus non fuerit, coniugij debitum reddere debet coniugi exigenti. eodem num. 3.

5. Ea propter.

Auctoritate summi Pontificis ob grauissimam causam matrimonium ratum solui potest; non per propriè dictam dispensationem, sed per remissionem iuris ex commissione ipsi facta à Christo: *Quidquid solueris super terram* &c. n. 4. & 5.

Nuptiæ secundæ, tertiæ, quartæ &c. tum veteri, tum noua lege concessæ sunt. n. 6.

Coniugium vnus viri cum pluribus simul vxoribus non ita naturali iuri repugnat, ut nulla ratione, v. g. Dei dispensatione, cohonestari possit. n. 7. & 8.

Concubinæ Patriarcharum dicebantur, non quòd vxores legitimæ non essent, sed quia non cum legalibus instrumentis acceptæ erant in communionē bonorū eod. n. 7.

Pœnæ ciuiles, quæ directè ac principaliter in odium secundarum nuptiarum statutæ erant, canonico iure sublatae sunt; quæ verò directè, ac principaliter in fauorem liberorum prioris matrimonij decretae in suo vigore manent. n. 10.

Probabile est, quòd constitutiones istæ locum non habeant in marito ad secundas nuptias transeunte; sed tantum in vxore. Quin neque in vxore locum habere videntur ante Iudicis sententiam: videl. si vir susceptis ex primo matrimonio liberis defuncta vxore diuite, aliam pauperem duxit, licet iure ciuili prohibeatur plus ei, quam vni liberorum suorum relinquere, tamen coram Deo nihil peccabit, si supra id quod lege concessum est moderatum quippiam mulieri clanculum donet, sicut & extraneo cuius donare, aut legare posset. n. 11.

Si coniunx coniugi promiserat, se post mortem eius alias nuptias non contracturum, obligatur promissione: sed plerumque non sub peccato mortali, nisi iurauerit, vel nisi liberorum multum interfit, alias nuptias non contrahi. l. 3. t. 5. c. 10. n. 15.

Matrimonij impedimenta.

Impedimenta matrimonij duplicis generis sunt: alia impediencia tantum, id est, quæ matrimonium illicitum reddunt, sed validum relinquunt: alia autem dirimentia, quæ non tantum illicitum, sed etiam irritum efficiunt. l. 5. t. 10. p. 4. c. 1. n. 1.

Ecclesia potestatem statuendi impedimenta matrimonij Christianis Principibus respectu fidelium interdixit, sibi que propriam reseruauit; sicuti & alias causas matrimoniales, quia ita decuit, cum contractus matrimonij ad sacramenti dignitatem eleuatus fuerit. n. 2.

Interim nihil obstat, quominus adhuc hodie Principes tam Christiani, quam ethnici leges ferre queant pro matrimonij subditorum infidelium, iisque certa impedimenta statuere. Ibid.

Fideles subiecti Principibus ethnicis non videntur astringi impedimentis matrimonij, secundum leges illorum ciuiliū. n. 3.

Impedimenta matrimonij non nisi vniuersalibus cano-

nibus à Summo Pontifice, aut generali Concilio decerni possunt. num. 4.

Matrimonium cum impedimento dirimente scienter contrahere, est peccatum mortale, nisi grauis metus cogat. n. 5.

Si impedimentum matrimonij Ecclesiastica lege statutum sit ob indecentiam copulæ in ordine ad virtutem Religionis, aut pietatis, tum carnalis coniunctio cum eiusmodi persona specialem malitiam continet. num. 6.

Impedimentum erroris.

Error personæ contractum matrimonij naturali iure irritum reddit, siue sit antecedens & causa operis, siue concomitans. c. 2. n. 1.

Error qualitatis, etsi ex dolo alterius contrahentis proveniat, & det causam contrahendi, matrimonium non infirmat: nisi contrahens actualem voluntatem habeat non accipiendi mulierem hanc in vxorem, nisi v. g. sana sit, cuiusmodi tamen intentionem aliquem habuisse nunquam præsumitur. num. 2.

Interdum error qualitatis in errorem substantiæ seu personæ redundat, si nimirum aliquis existimet se cum alia persona contrahere, non ea quam exterius accipit, idèoque nec consentiat cum hac contrahere: quia errantis non est consensus. ibid. limit. 2.

Error circa qualitatem conditionis seruilis, si alter contrahentium ingenuus est, matrimonium irritum reddit, non tantum iure Ecclesiastico, sed probabiliter etiam gentium iure. n. 3.

Si dominus mancipium in matrimonium det homini libero, nescienti seruilem illius conditionem, vel si sciens eos cum tali errore contrahere, de industria tacerit, tum mancipium hoc ipso libertatem consequetur, ob fauorem matrimonij, ut validum existat. ibid.

Impedimentum voti.

Votum solemne professionis in Religione approbata, non tantum soluit matrimonium ratum, sed etiam impedit, ac dirimit contrahendum, idque Ecclesiastico iure. c. 3. num. 1.

Vota simplicia in Societate I E S V matrimonium contrahendum dirimunt, sed antea contractum ac ratum non soluunt. num. 2.

Votum continentiae, quod sacro Ordini annexum est, matrimonium ratum non soluit, impedit tamen ac dirimit contrahendum. n. 3.

Clerici in sacris & Religiosi, si matrimonium contrahere præsumant, ipso facto censuras incurrunt. num. 4.

Votum simplex continentiae in seculo est impedimentum impediens, non dirimens, excepto vnico casu, si vxor edito continentiae voto, licentiam marito dederat sacros Ordines suscipiendi. n. 5.

Qui cum voto simplicis continentiae matrimonium contraxit, ante impetratam dispensationem ab Episcopo, vel Priuilegiato, coniugij debitum petere prohibetur: non item à petitione debiti impeditur, qui post votum Religionem profitendi contractum matrimonium consummauit. num. 6.

Impedimentum consanguinitatis, & affinitatis.

Consanguinitas est vinculum personarum, quæ ab eod. eoque propinquo stipite per carnalē generationē descendunt. c. 4.

Omnes agnati etiā cognati sunt, sed non vice versa. n. 2.

Triplex est linea consanguinitatis: descendentium ascendentium, transuersa. n. 3.

Transuersa linea duplex est, æqualis, & inæqualis. n. 4.

Pro linea descendente, & ascendente vnica regula est: Tot sunt gradus in linea descendente, vel ascendente, quot personæ, vnâ demptâ. Pro linea transuersa æquali hæc regula est:

Quot gradibus in linea æquali personæ singulæ distant a communi stipite, totidem inter se distant. Pro linea transuersa inæquali, hæc regula: Quot gradibus in linea in æquali remotior persona à communi stipite distat, totidem gradibus iuxta personæ inter distant. n. 3. & 4.

Consanguinitas hodie iura quartum gradum lineæ

transuersa tam æqualis, quam in æqualis matrimonium contrahendum impedit, ac dirimit. num. 5.

Affinitas est propinquitas duarum personarum, quarum una cum alterius consanguinea copulam carnalem habuit, & est duplex: Una quæ ex legitimo loco originem trahit, altera quæ ex illegitimo. c. 5. n. 1.

Affinitas quæ ex legitimo toro est, intra quartum gradum matrimonium impedit, ac dirimit: quæ verò ex toro illegitimo prouenit, duntaxat intra gradum secundum. n. 2.

Affinitas orta ex crimine incestus cum consanguinea coniugis intra secundum gradum, impedit à debiti coniugalis petitione. num. 3.

Affinitas quæ per accidens est inter personas, quarum neutra per copulam carnalem affinitati causam præbuit, nullum matrimonio impedimentum præstat. num. 4.

Gradus affinitatis per se ac proprie dictæ desumi debet ex arbore consanguinitatis proprii coniugis. num. 5.

Naturali iure irritum, & consequenter indispensabile est matrimonium in primo gradu consanguinitatis lineæ rectæ, excepto casu publicæ necessitatis. c. 6. n. 1.

Probabilius videtur matrimonium in secundo, & vltiore gradu lineæ rectæ, naturali iure irritum ac indispensabile esse. num. 2.

Naturali iure illicitum, saltem, si non omnino irritum, est matrimonium in primo gradu lineæ transuersæ, videlicet inter fratres & sorores, excepto tamen necessitatis casu. num. 3.

Matrimonium in secundo gradu lineæ transuersæ ob rationabilem causam coheretari, & publica auctoritate permitti potest. n. 4.

Probabilius est, matrimonium in primo gradu affinitatis lineæ rectæ, v. g. inter vitricum, & priuignam naturali iure irritum esse, excepto casu necessitatis. n. 5.

Ex copula fornicaria secundum ius naturæ oritur aliqua affinitas, sed non dirimens matrimonij: quare Summus Pontifex in omni impedimento affinitatis ex copula fornicaria dispensare potest. num. 6.

Matrimonium in primo gradu affinitatis lineæ transuersæ ob rationabilem causam coheretari & publica auctoritate permitti potest, vt videl. aliquis post mortem uxoris sororem eius ducat. num. 7.

Summus Pontifex in omnibus gradibus consanguinitatis vltra primum, & in omnibus omnino gradibus affinitatis lineæ transuersæ dispensare potest. num. 8.

Difficilior solet esse dispensatio, si distantia graduum in linea transuersa inæqualis sit, maxime si distantia vnius partis sit primi gradus à stipite: quare talis propinquitas explicanda est in supplicatione, v. g. si quis ducere velit filiam aui sui, aut defunctæ uxoris suæ. num. 9.

Difficilius dispensatur super impedimentis consanguinitatis, quam affinitatis. num. 10.

Impedimentum cognationis legalis.

Legalis cognatio est propinquitas personarum ex adoptione proueniens. Adoptio verò est extraneæ personæ (id est quæ ex descenditibus non est) in filium, aut filiam, nepotem, aut neptem legitima assumptio. c. 7. princ.

Adoptio duplex est; una perfecta, quæ & arrogatio dicitur, altera imperfecta, seu simplex adoptio. num. 1.

Adoptio legalis, saltem perfecta (si videlicet persona extraneæ sui iuris existens in alterius patriam potestatem instar legitimi nati transferatur) est matrimonij impedimentum dirimens, iure ciuili constitutum, & canonico approbatum. num. 2.

Triplex est species impedimenti ex adoptione legali: I. in linea legali recta inter adoptantem, & descendentes adoptati, si in eius potestate sint. II. in linea transuersa inter adoptatum & legitimos natos ac nepotes adoptantis. III. per modum affinitatis inter adoptatum & uxorem adoptantis, inter adoptantem & uxorem adoptati. num. 3.

Impedimentum cognationis spiritualis.

Cognatio spiritualis est propinquitas secundum canonici dispositionem, orta ex administratione vel susceptione sacramenti Baptismi, vel Confirmationis. c. 8. princ.

Cognationis spiritualis dirimentis matrimonium olim tres species erant: paternitas, compaternitas, & fraternitas: iure autem nouo, sublata fraternitate, reliquæ duæ in vigore manent, sed ad uxorem non transfundantur. n. 1.

Infidelis baptizans, etsi postea ad Fidem Christi conuertatur, & Baptismum suscipiat, non contrahit spiritualement cognationem. h. 2.

Si homo fidelis filium infidelis è sancto fonte suscipiat, & infidelis postea conuertatur, ac baptizetur, oritur spiritualis compaternitas inter patrinum & parentem proli baptizata. n. 3.

Legatus qui nomine alterius tenet infantem, verè patrinus non est, nec spiritualement cognationem contrahit. Qui autem legatum, seu procuratorem mittit ad suscipiendum baptizatum, vel confirmatum, videtur contrahere cognationem. n. 4. & 5.

Si sponsus de futuro prolem ex sponsa susceptam baptizet propter necessitatem, soluuntur sponsalia, ratione superuenientis cognationis spiritualis, & similiter si sponsus patrinus sit. Verum in tali casu requiritur, vt sciat esse prolem sponsæ suæ. n. 6.

Si maritus cogente necessitate prolem propriam baptizet, vel vt patrinus suscipiat, nullum impedimentum contrahit. num. 7.

Si parens sine cogente necessitate prolem propriam baptizet, vel in Baptismo, aut Confirmatione teneat, grauius peccat: Sed non est certum, quod à coniugalis debiti petitione propterea impeditus sit. n. 8.

Si Sacerdos cum filia Confessionis fornicetur, non contrahit quidem cognationem spiritualement, sed videtur hæc esse circumstantia necessario in Confessione explicanda. num. 9.

Impedimentum publicæ honestatis.

Impedimentum hoc prouenit ex quadam quasi affinitate cum consanguineis sponsi, canonico iure introductum, ob publicam honestatem morum: sed iure nouo Tridentino impedimentum istud duntaxat est intra primum gradum, si sermo sit de sponsalibus in futurum. c. 9. princ.

Si sponsalia de futuro ex quacunque causa irrita sint, nullum ex ijs impedimentum publicæ honestatis oritur. n. 2.

Impedimentum honestatis ex sponsalibus validis ortum permanet, tametsi illa postea soluantur. num. 3.

Ex sponsalibus conditionatis pendente conditione non oritur impedimentum. num. 4.

Ex sponsalibus de præsentem etiam hodie oritur impedimentum vsque ad gradum quartum, etiam si illa irrita fuerint; modò non ex defectu consensus, aut ob publicæ honestatis impedimentum. num. 5.

Si quis ex duabus sororibus vnam absolutè sibi desponsarit in futurum, cum altera deinde carnaliter copuletur, neutram in uxorem ducere potest: non enim priorem, ob impedimentum affinitatis: non item posteriorem, ob impedimentum publicæ honestatis. num. 6.

Impedimentum criminis.

Machinatio mortis coniugi facta cum proposito alterius determinati contrahendi matrimonij, est impedimentum dirimens. c. 10. n. 1.

Si vterque, qui post mortem coniugis matrimonium contrahere desiderant, ad eadem illius cooperantur, aliud non requiritur ad contrahendum impedimentum, nisi vt mors sequatur. Sin verò alter tantum homicidij reus fuit, requiritur etiam, vt adulterium interueniat. num. 2.

Si adulteri viuente altero coniuge matrimonium contrahant, vel de contrahendo inter se spondeant, oritur inter ipsos impedimentum dirimens. n. 3.

Ad hoc impedimentum contrahendum plures requiruntur conditiones: I. vt data fides & adulterium sub eodem

matrimonio interuenerint. II. vt adulterij peccatum ex utraque parte formaliter fiat. III. vt copula perfecta sit. IIII. vt promissio matrimonij serio fiat. V. vt promissio acceptata sit: imò aliqui probabiliter existimant, requiri promissionem mutuam. VI. vt fuerit promissio pura, vel saltem ante coniugis mortem purificata. n. 4.

Si infidelis ope mulieris Christianæ maritum eius occiderit, ac deinde ad Fidem Christianam conuertatur, non potest mulierem illam vxorem ducere. n. 6.

Impedimentum impotentia.

Impotentia alia est ad prolem generandam, quæ sterilitas dicitur: & hæc, si sola sit, nullum matrimonio impedimentum affert: alia verò est impotentia ad copulam perfectam, quæ, si perpetua sit, naturali iure dirimit matrimonium subsequens. c. 11. n. 1.

Si mulier, quæ cum perpetua impotentia contraxit, postea per miraculum sanetur, nihilominus irritum matrimonium censi debet: neque conualecet, nisi vir nouo consensu accipere illam decernat. Sed alia ratio est, si mulier veneficio impotens reddita, per Ecclesiæ exorcismos postea curetur: eo ipso enim apparebit, impotentiam tantum temporalem fuisse, & medio ordinario curabilem. n. 2.

Non tantum qui absolute impotens est, impedimentum matrimonij habet, sed etiam qui impotens respectu certæ personæ; siue id fiat ex magica incantatione, siue ex naturali constitutione. n. 3.

Quod semel ratum fuit matrimonium, nulla superueniente impotentia dirimitur. In dubio autem utrum impotentia antecesserit matrimonium, an verò subsequuta sit, præsumitur eam antecessisse, si nunquam copula haberi potuit, & nullis indiis ostendit queat, quo tempore impotentia contracta fuerit. eod. n. 3. §. Nota tertio.

Si impotentia post nuptias superuenit, matrimonium non dirimit: quare oscula & tactus ad ostendendum affectum conjugalem conceduntur; modò absit pollutionis periculum. n. 4.

In dubio, utrum impotentia perpetua sit, an temporalis, ad experiendum triennij spatium conceditur, canonico iure. n. 5.

Constitutus in mortis periculo matrimonium contrahere potest. num. 6.

Si potentia generandi vi morbi, aut senio simpliciter destructa, vel exhausta sit, censetur esse impotentia perpetua matrimonij dirimens. num. 7.

Impedimentum ætatis.

Masculus ante expletum XIV. puella ante XII. canonico iure inhabiles sunt ad matrimonium, nisi certis indiis constet, ante eam ætatem puberes factos esse. cap. 12. num. 1.

Si post legitimam ætatem masculus, vel femina nondum pubertatem consecuti sint, valide quidem matrimonium contrahere censentur: sed expectandum est usque ad tempus ætatis perfectæ, vel expirari liceat, num vere potentes sint. num. 2.

Impedimentum raptus.

Raptus puellæ committitur, si ea de loco in locum libidinis exercendæ causa, vel matrimonij contrahendi, per vim iniustam abducatur. quod crimen morte punitur, si rapta mulier honesta fuerit. c. 13. num. 1.

Duplex est species raptus: vel enim vis iniusta infertur puellæ, vel parentibus, aut tutoribus, in quorum potestate puella est, licet consentiens in raptum. num. 2.

Si puella volens ex domo patris, vel tutoris nescientis; aut si antecedente tractatu matrimonij, vel sponsaliorum abducatur puella, non est propriè raptus. num. 3.

Inter raptorem & raptam, quamdiu in potestate raptoris est, matrimonium aut sponsalia valide non contrahuntur: probabile autem est, impedimentum hoc duntaxat incutiri, si vis iniusta seu raptus propriè dictus ipsi puellæ inferatur ad matrimonium cum eo contrahendum. n. 5.

Impedimentum ex cultus disparitate.

Matrimonium hominis baptizati cum non baptizato, etiam catechumeno, Ecclesiastico iure irritum est. c. 14. num. 1.

Matrimonium hominis Catholici cum heretico validum quidem, sed plerumque mortaliter illicitum est, nisi hereticus promittat se post nuptias Fidem Catholicam suscepturum, & causa postulet, cur nuptiæ absolutioni ab heresi anteponantur. n. 2.

Impium, & irritum est pactum additum matrimonio Catholici cum heretica, vt liberorum alij patrem fidelem, alij verò matrem hereticam sequantur. n. 3.

Episcopus dispensare potest in impedimento matrimonij alioquin dispensabili, si cum defectu occulto in facie Ecclesiæ saltem cum alterius bona fide celebratum fuit, & ad Pontificem facilis accessus esse non possit, separatio autem sine maximo incommodo fieri nequeat. At verò si nondum contractum matrimonium sit, Episcopi dispensare non solent. l. 1. t. 4. c. 22. num. 4.

Impedimenta non dirimentia.

Hæc matrimonij impedimenta sunt: Interdictum seu inhibitiō Ordinarij; tempus feriarum; cognatio spiritalis, contracta ex Catechismo baptizandi, certa crimina, votum continentia, vel Religionis ingrediendæ, denique sponsalia cum priore contracta. c. 15. n. 1.

Impedimenta ex Catechismo & criminibus, quæ antiquis canonibus instituta fuerunt, hodie ferme abolita sunt. num. 2.

Tempore interdicti, videlicet ab Aduentu Domini usque in diem Epiphaniæ, & à feria quarta Cinerum usque in Octauam Paschalis inclusiue, potest matrimonij contractus, etiam præmissis denuntiationibus, cessatio sponsalium cum signis lætitiæ intermittantur. num. 1. §. Alterum.

Attendenda tamen consuetudo Ecclesiarum, quæ apud nos est, vt parochus his temporibus, intermissa, vel in aliud tempus dilata benedictione, non assistat, nisi necessitas urgeat, & tunc etiam, si fieri possit, Ordinarius prius consulatur. ibid.

Medicus, Chirurgus.

Medicus in curando infirmo sequi debet sententias certas, & secutas, relictis incertis, ac dubijs. l. 1. t. 1. c. 5. num. 15.

Si moriturus homo sit, nisi ei adhibeatur medicamentum, non vacans periculo accelerandæ mortis, iunctum tamen cum probabili spe conferendæ sanitatis, adhiberi potest eod. num. 15. §. Sed questio est.

Si medicus, vel chirurgus hominem sanare volens interficiat, vel mutilat, per crassam negligentiam vel imperitiam, irregularitatem contrahit, non item, si negligentia levis sit. l. 3. t. 3. p. 3. c. 10. n. 4. exemp. 4.

Medicis præcipitur, vt cum eos ad infirmos vocari contigerit, ipsos ante omnia moneant, atque inducant, vt Medicos aduocent animarum. l. 5. tr. 6. c. 5. n. 5.

Mendacium.

Mendacium aliud non est, quàm dictum contra mentem, si nimirum aliquid affirmes, quod existimas non esse, vel neges, quod existimas esse, idque fallendi gratia. l. 4. t. 3. c. 13. n. 1.

Non omnis qui falsum dicit, mentitur, neque omnis qui mentitur, re ipsa falsum dicit: quia culpa mentientis est in enunciando animo suo, fallendi cupiditas. n. 2.

Qui absque debita consideratione falsum dicit sine fallendi proposito, peccat contra veritatis virtutem, sed propriè non mentitur. n. 13.

Mendacium non tantum verbis, sed etiam alijs signis, & actionibus animi interpretibus fieri potest. n. 3.

Mendacium est triplex, perniciosum, officiosum, & iocosum. n. 4.

Amendatio excludendæ sunt locutiones tropicæ & figuratæ, videl. ironiæ, hyperbolæ, fabulæ, & parabolæ: quia verum sensum continent, quem loquens exprimere

intendit, quamvis interdum animaduertat eum ab audiente non statim apprehendi, sed alium falsum sensum, opinionemque concipi. quod ipse quidem non intendit, sed permittit eod. n. 4. §. Deinde.

Amendacio excuduntur etiam ioci, qui ita proferantur, ut facile sit intelligere, falsum esse, quod exterius enunciat: deest enim animus fallendi, licet fortasse audiens propter simplicitatem suam serio accepturus sit. num. 3. in fine.

comparatio Amphibologia seu orationes ambiguae mendacia non sunt, quando enuncians eum sensum, qui verus est animo intendit, tametsi intelligat audientem alterum sensum qui falsus est accepturus esse: hanc enim deceptionem enunciatione sua efficere non intendit, quamvis permittat. num. 5.

Si signum seu vocis, seu facti per se, aut per circumstantias determinatum sit ad vnum, eumque falsum sensum, non est locus æquiuocationi, sed est verum mendacium. Nam ubi est determinatio externe significationis ad vnum, ibi non est sensus ambiguus, consequenter si homo aliter in mente esse cognoscat, quam foris significat, propriè mentitur. n. 6. & 12. in fine.

Inuitatem non est apud homines prudentes, præsertim cum interrogatur de rebus, quas edicere nolunt, aut non possunt, ut non integrum animi sensum externo sermone exprimant, sed partem implicitè significant, ita ut audiens saltem confusè, id facile advertere possit. Sic. v. g. alicui malitiosè interroganti quæ edicere non oportet, Principis Consiliarius sine mendacio interdum respondebit, *Nescio*, intelligendo, ut reuelet. l. 4. tract. 3. c. 13. n. 7.

Si restrictio mentis omnino aliena sit à loquentium consuetudine, & in externa locutione nec explicitè, nec implicitè significetur, à mendacio excusari non potest, quando animo fallendi sit: quare si tale perniciosum mendacium sit, oriatur exinde restitutionis obligatio: ut si viatori querenti, an in silua latro sit, respondeas *non est latro in silua* sub intelligendo, non comedere eum in silua. eod. num. 7. & 12.

Omne mendacium per se, & intrinsecè malum, nullòque casu licitum est. Idque intelligi debet non tantum de emendacio oris, sed etiam de mendacio facti, quæ est simulatio. Nam simulatio, & omne mendacium est falsi, ideoque repugnat præcepto negatiuo iuris naturalis, *Ne falsum dicas*, siue, ne alteri falsum ingenerare velis. Dissimulatio autem est veri: non semper autem obligati sumus ad verum manifestandum: quàm obrem dissimulatio, & vocis ambiguitas licita esse potest. num. 8. & 10. & l. 2. t. 1. c. 11. n. 2. in fine.

Olim non ita cognitum erat omne mendacium, simulationemque peccatum esse, nullaque necessitatis ratione cohonestari posse. cit. c. 13. num. 9.

Veritatem verbi æquiuocatione, aut facti dissimulatione alterum celare, non est per se malum, sed interdum licitum, si ob iustam causam fiat. num. 10.

Æquiuoca locutio, aut dissimulatio veritatis, si iusta ratio non nitatur, licet mendacium non sit tamen culpa non vacat, & dolus malus censetur. num. 11.

Calliditas hæc in sermonis ambiguitate, animique duplicitas, propria hominum non bonorum ac prudentium, sed peruerforum, humanæ societati noxia est, ut à talium hominum consortio, ac familiaritate merito caueamus. num. 12.

Qui pecuniam mutuò datam fideliter soluit, is postea in iudicio conuentus, si aliæ probationes defint, iuratus dicere potest, se hunc mutui contractum non instituisse, intellige tali modo obligationis, ut bis soluere debeat, Nisi interrogatio magis determinetur, utrum nullum unquam modo mutuam pecuniam à Titio acceperis: tu autem respondeas nullo modo, aut ratione te accepisse, mendacium erit, tametsi mente aliquid reticeas, quod exte-

rius nec explicitè, nec implicitè proditur. c. 14. n. 8. princ.

Qui sub iuramento interrogatur, utrum veniat ex loco, qui falsò existimatur peste infectus, iurare potest, se inde non venire, intelligendo ex loco, qualis existimatur. Quod autem multi addunt, etsi locus infectus sit, si tamen celeriter transiens certò credat se peste infectum non esse, eum posse se non transisse, id difficultatem habet: quia interrogatio absolutè formari solet, utrum quis quomodocunque transierit, cum facile sit, præsertim si aer infectus, etiam non aduertentem pestilentia in corpore, aut vestibus corripere: profecto in externo foro talis ut periurus non immeritò punietur. eod. n. 8. casu 3.

Qui de aliquo facto tanquam reus criminis interrogatur, si ob circumstantiam ab omni culpa immunis sit, potest iuratus negare se id fecisse, intelligendo eo modo ac fine, quo à Iudice interrogatur. Exemplum habes in eo, qui hominem per inculpatam ignorantiam pro fera occidit. casu 4.

Reus de occulto crimine præter iuris ordinem interrogatus, negare potest se fecisse, intelligendo tale crimen, quod in iudicium venire debeat: si tamen Iudex Reum determinatiùs constringat, ut iuratus dicat, nullane ratione ac modo crimen commiserit, etiam occultissimum, & nullo modo probabile, tum mendacium ac periurium, committere Reus, si neget crimen tale se commisisse. §. Hæ recentiorum.

Si aliquis à te pecunias mutuò petat, aut libros commodat, tu autem neges te habere, intra mentem intelligendo, *quod tibi dare obligatus sim*, mendacium committis, non æquiuocationem: quia verba per omnes circumstantias determinantur ad significandum te non habere, quod possis gratis mutuare, aut commodate. Simile mendacium est, si latroni pecunias iuratus promittas te daturum, intra mentem retinendo, *si tamen tibi ex iustitia debeam*. ibid. §. At verò.

Licet interrogatus iniuste non semper teneatur respondere ad intentionem interrogantis, sed possit secretum per ambiguitatem sermonis quandoque celare, debet tamen verbis significantibus uti, quæ in aliquo sensu apud vulgus, vel apud Sapientes vera sint, aliàs mentitur, quod nunquam licet. ibid.

Meritum.

Nullum opus hominis iusti ex condigno meritorium est augmenti gratiæ, ac vitæ æternæ, sine præuio actu seu imperio charitatis. l. 2. t. 3. c. 1. n. 2.

Dantur actus in diuino indifferentes etiam in homine iusto, secundum meritum ac demeritum vitæ æternæ. n. 4.

Non sufficit homini iusto ad promerendum singulis actionibus bonis augmentum gratiæ ac gloriæ æternæ, quòd initio diei, aut hebdomadis omnia generatim Deo offerat: sed necesse est, ut propositum hoc efficax sit, id est, verè causa operum subsequentiū existat. n. 5.

Metus.

Metu fieri dicitur, quod quis mali declinandi causa facit, alioquin non facturus. l. 1. t. 2. c. 6. n. 2.

Metus alius est, qui ab intrinseco pontificis dicitur, cum ad auerendum malum maius aliquis ultro eligit medium, à quo alioquin abhorret. Alius verò est metus, qui ab extrinseca persona directè incurritur ad extorquendum alicuius rei consensum. Et iste metus subdividitur I. Quòd alius sit iuste incussus, & alius iniuste II. Quòd alius sit cadens in virum constantem, qui etiam dicitur grauis, probabilis; alius verò cadens in virum inconstantem, levis, vanus metus. n. 3. & 4.

In ordine ad euitandam culpam metus etiam mortis, aut alterius grauissimi mali, non censetur iustus, aut cadens in virum constantem, si ob eum aliquis in peccatum, quamvis minimum, consentiat: sed in ordine ad euitandam obligationem ex promissione, aut contractu, censetur metus cadens in virum constantem. num. 4.

Si qui ex metu graui, v. g. iniuste mortis, matrimonio-

nium contrahat, & consummet, irritum censei debet, dummodo præsens, & nondum depositus metus sit causa consensus in matrimonium & copulam: consequenter mortaliter peccabit, quippe consentiens in copulam fornicariam, nisi ignorantia excuset. num. 5.

Metus mortis, mutilationis, corporis cruciatus, seruitutis, exilij, captiuitatis, diuturni carceris, grauis infamie, stupri, iniuste excommunicationis, amissionis omnium bonorum, aut magnæ partis, communiter censei iustus ac probabilis. Sed Iudex, diligenter consideratis circumstantijs, & inprimis personæ qualitate, videl. sexu, ætate &c. arbitrari debet, quænam alia graua mala sint, quorum iustus, ac probabilis sit. eod. num. 5. §. Porro.

Quod metu sit, simpliciter voluntarium est, inuoluntarium autem secundum quid: quæ dici solet mixtum ex voluntario, & inuoluntario. n. 7.

Metus, licet voluntarium non tollat, minuit tamen, consequenter etiam culpam, & poenam ibid. in fine.

Vis & coactio propriè ac simpliciter dicta, si membris exterioribus inferatur, tollit omne voluntarium, omnemque culpam: quare Patres dixerunt, violentia stupri animum nequaquam maculari. num. 6.

Permissiones & contractus iniusti ex metu, qui ab intrinseco prouenit, omni iure valent, v. g. si Religionem profiteri sponte eligas, vt mortis tibi decretum supplicium, vel maris naufragium effugas. l. 3. tract. 4. cap. 6. n. 1.

Permissiones & contractus directè extorti per metum grauem prouenientem ab extrinseco, licet valeant iure naturali, & mero iure civili, cum consensus absolutus non desit, tamen secundum æquitatem arbitrio metum passi rescindi possunt. num. 2.

Tamet si metus iniustus à tertia persona incussus sit absque iniuria alterius contrahentis, per Iudicis officium succurritur: antequam tamen actio intentetur, & Iudex contractum rescindat, non obligaturis, qui bona fide cum metum passo contraxit. eod. n. 2. §. Hoc tamen.

Matrimonium, & sponsalia, item Religionis professio, & votum profitendi, vel Religionem ingrediendi, per metum grauem infirmantur secundum Ecclesiastici iuris constitutionem: vtrum verò alia simplicia vota ob grauem metum ipso iure irrita sint, non satis constat. num. 3.

Metus levis iniuste incussus, & qui dici solet reuerentialis, si efficiat inuoluntarium mixtum, sufficientem causam præbet conscientie foro, atque etiam implorato Iudicis officio, rescidendi contractus, dummodo solubiles sint: quod dicitur propter matrimonium, & professionem Religionis, quæ duo ob metum directè & iniuste incussum ipso iure irrita sunt, si sit cadens in virum constantem, non item si levis metus. num. 4.

Si Caia sponsalia celebret cum Titio ideo solum, quia ob naturalem verecundiam patri cum auctoritate petenti contradicere non est ausa, resilere potest. Simile est, si filia ob similem metum reuerentiæ, renuntiet hereditati paternæ, contenta dote; retractari enim potest renuntiatio. Aut si filij, vel vsor simili metu promiserint soluere debita patris, vel mariti, ne morituum molestia afficiant, poterunt opponere metus exceptionem. ibid. assert. 4. §. Exempla.

Si creditor desperans integrum suum debitum propter debitoris iniquitatem se consecuturum esse, partem debiti remittat, in conscientia non est tutus debitor. ibid. Exemplo 4.

Etiam precum importunitas, si inuoluntarium mixtum efficiat, facultatem præbet actum, vel contractum rescidendi: vt si moriturus aliquem propter importunitatem precum heredem instituat. Pleumque tamen accidit, vt testator nihilominus absolute velit dispositionem suam validam esse, quo casu tamen institutus peccabit molestiam inferendo, tamen rem sibi relictam accipere, & retinere potest, secundum defuncti voluntatem, donec per Iudicis sententiam testamentum rescindatur. num. 5.

Qui importunitate precum efficiente inuoluntarium mixtum ad ludendum tractus fuit, non tenetur soluere: si tamen solutum fuerit, non videtur alter obligatus ad restituendum, quia causa iniusta huius damni extitit præterquam si ille qui perdidit restitutionem remittat. eod. n. 5. Exemplo 3.

Si Religiosus diuturna sollicitatione, querelis, murmure, aliquid tandem à Prælato impetret, ideo dante, vt hominis importunitate se liberet, non est ille tutus in conscientia, sed paupertatis violator. Idemque sentiendum, si subditus causas fingat, ob quas illi concedatur, vel aliquid taceat intrinsece ad rem pertinens, quod si exprimeretur, Prælatus licentiam non daret. Exemplo. 4.

Misericordia.

Est virtus charitati affinis, quippe ex qua proximè nascitur: illi secundum excessum opponitur nimia cordis molities, siue indulgentia, secundum defectum verò cordis durities, atque crudelitas. l. 2. t. 3. c. 6. n. 1.

Misericordia est de aliena miseria, aliquo modo inuoluntaria, quæ vt propria æstimatur, patienti autem indecens. num. 2.

Christo Domino, & Martyribus eius meritò compatimur: quia licet passionis fructum sponte ac libenter amplexi sint, tamen repugnantiam & tristitiam propter dolores expertinam miseriam quatenus malum quoddam est, vnusquisque naturaliter abhorret. eod. n. 2. requisito. 2.

Missæ auditio.

Præcepto audiendæ Missæ diebus Dominicis, ac festis, fideles sub peccato mortali obligantur, postquam ad rationis usum peruenerunt. l. 4. tract. 7. c. 3. num. 1. & c. 4. num. 2.

Ad Missam audiendam secundum præceptum Ecclesiæ requiritur moralis ac pia præsentia, vt & corpore aliquis præsens sit, & animi attentionem habeat: quamuis aliqui aliter sentiant. c. 3. n. 2.

Absolute necessarium non est, vt sacrificantem aliquis videat, vel audiat: sufficit, si ita moraliter præsens sit, vt ex signis quibusdam colligere possit, quid à sacrificante agatur. ibid. §. Tria.

Licet reprehendendi sint, non tamen statim peccati mortalis damnandi, aulici, & mercatores, qui inter Missarum solemniam modo attendunt, modò confabulantur. ibid. §. Secundum.

Nihil refert, vtrum aliquis sub Missa oret preces voluntarias, an eas quibus alioquin obligatur, v. g. canonicum officium. §. Tertium.

Missæ integra audienda est, saltem vsque ad Sacerdotis benedictionem: qui autem partem Missæ non notabilem negligit, peccat tantum venialiter: fortasse autem dici potest, non esse culpæ mortalis damnandum eum, qui ab Offertorio vsque ad benedictionem Sacerdotis interest. n. 3.

Qui à duobus Sacerdotibus dimidia Missarum successiue audit, peccat saltem venialiter, nisi impeditus sit, minus Missam ab eodem audiat. n. 4.

Qui die festo ad vnicam eius loci Missam venit; eum præfatio cæpta est, debet quod reliquum est Missæ audire: quia qui secundarium in præcepto seruare non potest, debet tamen seruare principale, si possit. Sin autem circa præfationem discedere aliquis debeat, & quod principale Sacrificij est, negligere, non peccabit, etsi totam Missam intermittat. l. 1. t. 4. c. 19. n. 5.

Causæ excusantes à præcepto Missæ audiendæ sunt: I. Impotentia spiritualis, si v. g. in excommunicatione sis. II. Impotentia corporalis, si Missam audire non possis sine magna difficultate, aut iactura bonorum corporis, vel fortune. III. Rationabilis consuetudo, scientibus Prælati introducta: qualis quibusdam locis est in vidua maritum defunctum lugente. IV. Si Sacerdos à quo Missam audire debeat, notorie excommunicatus, vel concubinarus sit: potest enim aliquis à Sacrificio eius abstinere, licet non debeat ante denunciationem. cap. 4. n. 3.

Si famulus frequenter & quasi ordinariè sine iustæ necessitatis causa impediatur à Missa audienda, oportet eum oblata opportunitate ministerium relinquere, & alteri domino operam locare. Eadèque ratio est, si opifices à Magistris suis in vigilijs & Sabbathis post noctis medium laborare cogantur: Si id fiat ob necessitatem haud dubiè parere possunt; si absque necessitate, aut iusta causa, interdum obedire poterunt, odij, vel contentionis vitanda gratia: sin autem frequenter, & per consuetudinem; dominum, vel magistrum deferere debent, si alium acquirere possint. *cod. n. 3.*

Qui Missa in die festo non interfuit, ad alias preces domi fundendas Ecclesiastico præcepto non obligantur. *num. 5.*

Molendinum.

In publicis fluminibus non est licitum ædificare molendinum, aut aliud ædificium; sicuti neque in via, aut alio loco publico ædificare fas est, absque Principis consensu: at verò in priuatis, aut proprijs fluminibus cuilibet permissum est, molendinum construere, vel ædificare. *l. 3. t. 1. c. 5. n. 19.*

Si per nouum molendinum priori & antiquiori auferatur commodum naturale, ac necessarium molendi, quod est aqua, nefas est construere, cum aliorum iniuria. Verum incommodum illud quod ex noui molendini constructione sequetur, vt ad alia pauciores frumenta deferant, in æstimatione esse non debet; imò expedit plerumque Reip. plura molendina esse. *ibid. §. Sed limitari.*

Licet regionis alicuius consuetudo sit, ne nouum molendinum cum aliorum damno ædificetur, potest tamen quilibet in solo suo extruere molendinum pro proprio tantum frumento molendo, deriuata etiam aqua ex proprio flumine: at verò ex publico deriuare non potest sine Principis licentia. *ibid. §. Limita.*

Existente consuetudine non ædificandi nouum molendinum cum alterius præiudicio, nihilominus potest pristinum transferri in locum fluminis commodiorem: quod tamen verum non est, si nouis riuis diriuatis cum varijs aquarum dilapsibus, in aliorum magnum præiudicium molendinum extruatur, ita vt noua forma molendini merito censeatur. *ibid.*

Moneta.

Numus publica lege constitutus fuit, vt rerum omnium, quibus indigemus æstimatio esset. *l. 3. tract. 3. p. 1. c. 5. num. 1.*

Numus vt legitimus ac iustus sit, requirit materiam, & pondus metalli, sicuti signum ipsi impressum indicat. *num. 2.*

Numi valor & æstimatio alia intrinseca ac veluti substantialis est, alia verò extrinseca & impositia, quæ vt vera ac iusta sit, intrinsecè correspondere debet. *n. 3.*

Tria ad iustitiam cusa monete requiruntur: legitima cudendi auctoritas, materiæ bonitas seu integritas, iustum materiæ pondus, sicuti impressum signum demonstrat. *num. 4.*

Ius monetam cudendi inter Regalia numeratur: quare illud tanquam speciale priuilegium Ducibus, Comitibus, Ciuitatibus ab Imperatore concessum vendi, vel aliter alienari non potest. Vfus tamen & commoditas ad tempus alteri elocari poterit: Eadèque ratio est de iure vectigalium. *n. 6.*

Princeps mutationem monetarum facere non potest absque consensu Communitatis, vel saltem potioris eius partis, excepto casu publicæ, ac manifesta necessitatis. *num. 7.*

Ingentia incommoda ex monetarum præsertim intrinseca mutatione prouenire solent, vt consideratis omnibus plerumque etiam ipsum Reip. caput plus inde damni accipiat, quamuis vna aliqua ratione in ipsius commodum mutatio cessura videatur. *n. 8.*

Grauius peccat Princeps seu Magistratus si ob com-

modum suum & absque publica necessitate monetarum mutationem introducat. *n. 9.*

Mutatio pecuniæ alia intrinseca tantum est; alia tantum extrinseca: alia tum intrinseca, tum extrinseca. *n. 10.*

Si mutatio monetarum facta est in bonitate intrinseca videlicet, in materia & pondere, attendendum est ad tempus contractus non solutionis; id est, debita pecuniaria soluenda sunt secundum bonitatem monetarum, quam habuerunt tempore contractus, non solutionis. *n. 19.*

Promittens, aut legans pecunias censetur intelligere de talibus, quales visitatæ sunt tempore dispositionis aut promissionis. *num. 20.*

Si valor monetarum extrinsecus crescat in manu depositarij, administratoris, aut cuiuscunque possessoris ordinariè tale augmentum non ad ipsum, sed ad dominum pecuniarum spectat. *n. 18.*

Si intrinseca imminutio monetarum, & consequenter extrinseca auctio aliarum bonarum pecuniarum, modica sit, eius mutationis consideratio nulla esse debet: secus, si immodica, & valde notabilis. *n. 22.*

Si monete species certo numero in pactionem, vel promissionem deducatur, superueniens eius mutatio extrinseca creditoris commodo, vel incommodo accedit. *num. 13.*

Qui certam speciem, vel materiam pecuniæ promittit, aliam quamuis extrinsecè æquiualentem, creditori inuito soluere non potest, nisi promissa pecuniæ species perierit, aut acquiri nequeat, aut nisi ostendatur, nihil interesse creditoris, num in hac, an altera moneta debitum recipiat. *n. 14.*

Si nulla facta designatione speciei, aut facta quidem, sed numero incerto, quantitas pecuniaria in obligationem deducatur, & postea extrinseca monetarum mutatio fiat, ea commodo, vel incommodo debitoris accedit: quia tantò pauciores, vel plures numos soluere cogetur. *num. 15.*

Extrinseci seu impositiij valoris mutatio in solutionibus debitorum antiquorum attendenda non est his casibus: I. Si auctio, vel diminutio extrinseca facta est non per legitimam potestatem. II. Si mutatio valoris constituta est publica quidem lege, sed non vt stabiliter ac perpetuò duratura. III. Si notabilis auctio extrinseca monetarum introducta est propter intrinsecam diminutionem, seu deprauationem aliarum minorum pecuniarum, præsertim si auctio enormis, & non duratura sit. *num. 16. & 25.*

Magnus seu immodicus extrinsecæ taxationis excessus supra iustum, valorem intrinsecum monetarum, tanquam stabiliter duraturus constitui non potest lege stabili, sed temporis tantum diuturnitate ac perpetuitate introduci. *num. 17. & 24.*

Si moneta mutata sit tam intrinseca bonitate, quam extrinsecæ valore, tum alia pecuniæ species efficitur, quamuis nomine conueniens: quare noui numi pro veteribus qui in obligationem venerunt, solui non debent. *n. 12.*

Crimen falsi admittit, qui monetam cudit tali potestate non præditus, vel qui de publica moneta detrahit abscindendo, radendo. *eodem. cap. 5. num. 5.*

Qui adulterina materiæ numos, puta stanneos, plumbeos tingunt, vt appareant aurei, argentei, falsi crimen committunt. *cod. n. 5. casu 4.*

Simili crimine notantur, qui falsas monetas videlicet stanneas, plumbeas pro argenteis scienter expendunt, nihil est ante quod antea etiam ab alijs decepti fuerint. *casu 5.*

Moniales & claustra.

Mulieres sanctimoniales priuatim suas exhortari possunt, & tanquam filialibus benedicere, item in matutinis, suis Euangelium legere. *l. 1. tract. 5. pag. 1. cap. 3. num. 1. in fine.*

Expedit Monasteria monialium sufficientes redditus

habere, vt cum secularibus communicandi occasio præcidatur. Quare facile cohonestatur consuetudo in susceptione earum dotem moderatam exigendi. l. 4. tract. 10. c. ult. num. 39.

Monialibus omnibus perpetua clausura præcepta est, etiam ijs, que eam expresse professæ non fuerunt. Quare ad eam obseruandam à Prælati compelli possunt. l. 4. tract. 5. c. 9. n. 13. Corol. 1.

Clausura Monialibus omnibus seuerissimè præcipitur; nisi ob causam necessariam licentia ab Ordinaria obtenta fuerit. l. 4. tr. 5. c. 12. n. 1.

Ingressus intra claustra Monialium sub excommunicatione prohibitus est: præterquam si ob causam necessitatis licentia ab Ordinario in scriptis obtenta sit. n. 2.

Constitutiones de clausura Monialium, & prohibito ingressu intra septa Monasterij Monialium, non vbi que quoad omnem modum receptæ sunt. n. 3.

De ingressu mulierum intra claustra virorum regularium, non ita constat sub peccato mortali, & excommunicationis censura prohibitum esse. n. 4.

Certi casus sunt, quibus mulieres ad regularium virorum habitationes sine scandalo, & peccato admittuntur. num. 5.

Mutuum.

Mutuum est traditio rei, sub eodem genere functionem recipientis, vt statim accipientis fiat, & postea tantundem eiusdem generis, ac qualitatis restituatur. l. 3. t. 4. c. 18. num. 1.

Si frumenti scapham mutuo accepi, satisfaciam restituendo simile frumentum in eadem quantitate, tametsi eius valor diminitus sit. ibid. §. Quod dicitur.

Si mutuo reddendo certum tempus præscriptum fuerit, & mutuarius in mora culpabili extiterit, omne damnum, & lucrum cessans compensare debet. Sin autem nullo definito tempore mutuatum fuit, solutio fieri debet cum primum mutuator postulauerit; modò non statim postulet, sine cogente necessitate. num. 2. §. Si mutuo.

Filius familias pecunias mutuas accipiendo iure Cæsareo non obligatur ob S. C. Macedonianum. Si tamen filius, eiusve fideiussor non opposita exceptione re ipsa soluat, solum repetere non potest: quia hoc S. C. non principaliter ob fauorem personarum, sed magis in odium fœneratorum introductum fuit. n. 3.

Licet mulier renuntiare possit beneficio S. C. Velleiani, quod in eius gratiam constitutum fuit; tamen filius familias exceptioni S. C. Macedoniani renuntiare nequit. ibidem.

Si ex pecunia mutuo accepta filius familias, aut pater eius ditior factus fuerit, eatenus naturali iure ad restitutionem in conscientie foro obligatur. ibid. §. Cæterum.

Vt exceptio S. C. Filiofamilias in animæ iudicio profit, necesse est, vt mutuator seu fœnerator in culpa aliqua fuerit: secùs dicendum, si nihil contra legem peccauit, quia probabiliter credidit filium familias non esse; aut si mutauit ad sumptus necessarios, vt pater rationabiliter contentus esse debeat. n. 5.

Si administrator, vel curator alicuius personæ, aut loci fauorabilis pecuniam mutuo accepit, mutuans ostendere debet pecunias in vtilitatem eius personæ, aut loci versam fuisse. n. 6.

Si constet, aut ostendatur administratorem, v. g. ciuitatis, vel alium quemuis mandatarium plenam facultatem habuisse mutuo accipiendi, tum probari non debet, in vtilitatem ciuitatis, v. g. versum fuisse. n. 7.

Si mutuum datum fuerit Ecclesiæ, quamuis interueniente auctoritate Prælati, si tamen ac debiti solutionem necesse sit bona Ecclesiæ immobilia, vel mobilia pretiosa alienare, necesse erit ostendere, pecuniam mutuo datam in Ecclesiæ vtilitatem conuersam fuisse: quin etiam si Capituli consensus accesserit, opus tamen est, vt euidens

vtilitas, aut necessitas alienationem postularit. n. 7.

Si Prælati, qui mutuum acceperat, mortuus sit, cum creditor ab Ecclesiâ repetit, saltem hoc ostendere debet, quòd Ecclesiâ indiguerit pecunia, adeoque prudenter egerit, pecuniam nomine Ecclesiæ mutuo accipiendo: quare dici solet, quòd Prælati debita antecessoris soluerentur, quæ pro necessitate Ecclesiæ contracta sunt. eod. n. 7. §. Cæterum.

Qui spe mutui accipiendi chirographum dedit, intra biennium opponere potest exceptionem non numeratæ pecuniæ. n. 8.

Iure Cæsareo prohibitum est, ne pecuniæ publicæ titulo mutui, alteriusve contractus exponantur, vel accipiantur: pendet tamen id ex voluntate Magistratus, qui interdum tacite consentit, vt pecuniæ ab Officialibus ad lucrum exponantur, idque in partem quasi stipendij computetur: modò fiat sine damno subditorum, aliorumve, quibus statis temporibus pecuniæ distribuendæ sunt. l. 3. t. 4. c. 25. n. 4.

Tametsi Magistratus prohibeat, ne pecuniæ publicæ in mutuum, censum, cambium &c. alijs tradantur, aut frumentum ex horreo publico sine iussu Magistratus extrahatur, si tamen certum sit, neque Magistratum, neque alios exinde damnum accepturos, probabile est, non posse Officiale culpæ mortalis damnari. eod. n. 4. dicto. 2.

Id vero certum est, quod in tali casu lucrum ex negotiatione, cambio, censu &c. non ad Magistratum, sed ad Officiale ipsum pertineat; modò is proprio nomine, ac periculo pecunias exposuerit: secùs enim est, si pecunia cum Domini periculo exposita fuerit, tunc ad eundem etiam lucrum spectare æquum est. dicto. 3.

Cum plerumque tales Officialium negotiationes, factæ contra Magistratus voluntatem, in Principis, aut Communitatis detrimentum cedant, ideo quibusdam locis, si deprehendantur grauiter puniri, & officio amoueri solent: Primò; Quia contractare alienam pecuniam, eiusque vsum domino prohibente sibi vendicare, furti species quedam censetur. Secundò; Quia sæpe contingit, vt merces maiore pretio emi debeant, propter odium minutiorum ac deteriorum monetarum, quas Officiales in ærarium Principis inferunt: ac per se turpe est, si ex alicuius Magnatis Camera semper, aut plerumque proueniant deteriores monete. eod. n. 4. §. Aliæ item, & eod. tract. 4. c. 19. num. 5. Aduerto tamen.

N

Nauta, Caupo, Stabularius.

Lege ciuili statutum est, vt nauta, caupo, & stabularius teneantur de damno qualicunque eorum culpa, etiam leuissima, in rebus custodiae suæ commissis eueniente: sed in conscientie foro probabile est, eos non obligari ad culpam leuissimam præstandam ante Iudicis condemnationem: quippe quæ ob fraudis præsumptionem fieri solet. l. 3. tr. 4. c. 25. n. 1. §. Illud verò.

Si aliquis ratione officij vel conditionis suæ rerum depositarum custodiam profiteatur: vt caupo, stabularius, nauta; sufficit eo vidente, ac tacente res in domum eius deponi. Ibid. §. Quedam.

Si cista deposita fuit apud cauponem, & postea aliquid amissum esse queratur is, qui deposuit, ipsi obligatio incumbit probandi talem rem in cista fuisse. Secùs est, si cista cauponi tradita ab eodem restituatur, amoris seris; aut sigillis, ita vt appareat, vel præsumptio sit de dolo cauponis. Ibid. & l. 4. tr. 3. c. 5. n. 1. §. Alterum.

Si quis ex iustitia teneatur impedire hominis mortem, v. g. nauta naufragium, & cum facile possit, nullum omnino impediendi conatum adhibeat, dolus non omnino abesse censetur; vt equiparari possit homicidio directæ voluntario. l. 3. tr. 3. p. 3. c. 4. n. 1.

Negotiatio, Monopolium.

Negotiatio dicitur, cum merces ex proposito emuntur, vt postea carius distrahatur, lucri causa. l. 3. tr. 4. c. 17. n. 37.

Negotiatio per se mala non est, sepè autem per accidens ob hominum cupiditatem ac malitiam, peccati causa existit. n. 38.

Negotiatio propriè dicta, videl. si res emptæ, non immutata, postea carius vendantur, personis Ecclesiasticis sub mortali peccato prohibita est: excepto tamen necessitatis casu, si alio modo vitam sustentare nequeant. n. 39.

Si monasterio propria prædia ad alendos Fratres non sufficiant propter necessitatem, fas est conducere aliena, & inde perceptos fructus absumere, aut vendere. Ibidem.

Impropriè dicta negotiatio, quæ est rerum in melius mutatarum, ordinariè etiam prohibita est Clericis, ac Religiosis, licet non tam seuerè, sicuti negotiatio propriè dicta. n. 40.

Si Clerici, vel Religiosi negotiationem instituant, non minùs, quàm alij negotiatores tributum, aut vectigal pendere debent. Ibid.

Concessum est Clericis, & Religiosis, vt emptæ pecoræ, & in proprijs prædijs nutrita vendant, vel ex proprijs agrorum fructibus confectam cereuisciam, ex proprijs vineis expressum vinum diuendant. Sed non debent in propria domo, aut Monasterio tabernam constituere ad potitandum. Ibid. §. Excipitur.

Si Clerici, vel Religiosi negotiationem etiam propriè dictam per alteram personam exercent, iure societatis, vel conductæ operæ, non possunt grauis peccati condemnari, Quamuis etiam iste negotiandi modus per alium statui Ecclesiastico non conueniat, nisi debitis circumstantijs, puta necessitate rei familiaris, aut consuetudine regionis cohonestetur. ibid. §. Præterea.

Qui coemptione, v. g. frumenti, inopiam & caritatem inducunt, contra iustitiam peccant, & tanquam Reipubl. perniciosi legibus, ac pœnis coerceri possunt, cogendo etiam ipsos in annonæ charitate viliori pretio diuendere. eod. n. 4. §. Porro, & n. 41.

Monopolia illicita sunt, nisi ob iustam causam publica auctoritate permittantur. c. 42.

Magistratus monopolæ pretium taxare debet, præsertim in mercibus necessarijs: at verò in his quæ ad luxum & voluptatem spectant, facilius permittitur præstantibus artificibus arbitraria estimatio. Ibid.

Mercatores contra iustitiam peccare videntur, si inter se conueniant, vt non nisi summo pretio aliquod mercis genus diuendant. Eadèque ratio est, si emptores inter se conueniant, vt nullus emat supra pretium infirmum. num. 43.

Negotiorum, gestor.

Qui absentis negotia gerenda vt iliter suscepit, is actionem gestorum acquirit. l. 3. tr. 4. c. 28. num. 1.

Hæc actio competit, tametsi negotij euentus infelix fuerit; modò negotij gestor prudenter egerit, vt si equum Titij de manu militis, tanquam illius negotium gesturus, exiguo pretio redimas; sed mox equus fortuito casu pereat. Ibid.

Negotiorum gestor rationem administrationis reddere debet, & si quid eius culpa, etiam leui, neglectum est, rescire. Si tamen negotium desertum, & à nullo alio suscipiendum erat, suscipiens tenetur tantum de dolo, & culpa lata: è contrario verò ad exactissimam diligentiam obligabitur, si alius negotium diligentius administratus fuisset. Ibid. §. Sed vice versa.

Si quis nomine absentis nouum negotium, quod ille nunquam agere consueuerat, aggressus sit, v. g. negotiationem aliquam, tum etiam fortuitum casum præstare debet. Ibid.

Si fideiussor pro principali debitum soluit, quia rogatus fuit, habet actionem ex mandato. Sin autem sponte accessit ad fideiubendum, habet actionem negotiorum gestorum. Ibid.

O.

Odium.

Duplex est odium: Vnum persone, quod & Odium

inimicitia dicitur: Alterum qualitatis; aliàs odium abominationis vocatur. l. 2. t. 3. c. 8. n. 1.

Odium inimicitia tum erga Deum, tum erga proximum est peccatum mortale ex genere suo, quippe charitatis virtuti directè oppositum. n. 2.

Odium inimicitia erga Deum est omnium peccatorum grauissimum. n. 3.

Odium Dei in omni peccato mortali virtualiter continetur. Ibid.

Odium peccatum inter capitalia non numeratur, cum sit potius complementum peruersionis. n. 4.

Odium abominationis erga Deum semper malum est, non item odium abominationis erga hominem. n. 5.

Oratio.

Est actus rationis practicæ desiderium animi coram Deo explicantis, vt aliquid ab ipso impetretur. Quare elicitiue est ab intellectu, supposito actu voluntatis mouentis. l. 4. tr. 1. c. 1. n. 1.

Oratio ad Deum homini viatori necessaria est tum necessitate medijs ad salutem, tum necessitate præcepti diuini, ac naturalis. n. 2.

Oratio est vnum ex præcipuis medijs, quo secundum Dei prouidentiam consequi debemus bona spiritualia, & æterna, ad quæ prædestinati sumus. Ibidem, & num. 10. in fine.

Tempora, quibus præceptum orandi per se, & ex Religionis virtute obligat, determinari non possunt; necesse tamen est, vt nimis diu ab oratione desistamus. num. 3.

Per accidens plures orandi obligationes occurrere possunt, videl. si grauis tentatio superanda sit: Si eximium, & ad salutem necessarium à Deo beneficium consequendum, v. g. illuminatio in Fide: In mortis propriè periculo: Si Communitas in magna necessitate constituta sit. Ibid. §. Per accidens.

Peccatores bene orare possunt, & orando impetrare num. 4.

Anima in purgatorio Deum orant non tantum pro se ipsis, sed etiam pro nobis in terra existentibus: quia licet non sint in statu merendi, possunt tamen aliquid humiliter à Deo petendo impetrare. n. 5.

Sonètos in cælo pro nobis orare certum est: quare consuetudo Ecclesiæ semper fuit, Sanctorum apud Deum patrocinium inuocandi. n. 6.

Christus vt homo, etiam nunc in cælis orat Patrem suum cælestem pro nobis. Sed quia peracto Redemptionis negotio nihil iam noui à Deo patre postulat, ideo tum ob hanc causam, tum ob periculum erroris apud homines rudes, Ecclesia fundere non solet preces ad Christum, vt oret pro nobis tanquam homo, & mediator; sed vt miseretur nostri, vt tribuat nobis, tanquam Deus, eodem n. 6. dicto. 4.

Pro Beatis in cælo ferme non oramus, sed potius vt ipsi pro nobis Deum orent. Nihil tamen obstat, quominus Sanctis gloriæ accidentaliter augmentum desideramus, atque à Deo petamus. eod. n. 6. in fine, & l. 5. tr. 5. c. 2. n. 3.

Pro animabus in purgatorio, & omnibus hominibus viatoribus rectè Deum oramus: imò interdum ad orandum, pro quibusdam obligati sumus. n. 7.

Quotiescunque pro Communitate aliqua sub generali ratione Deum oramus, nefas est aliquem in particulari, v. g. inimicum, aut alium quamuis obstinatissimum peccatorem, excludere. Ibid. dicto. 4.

Quæ bona hominis absolutè sunt, ea sicuti desiderari, ita & per orationem à Deo absolutè peti possunt. Talia sunt imprimis spiritualia bona, quibus homo malè vt non potest, per se loquendo: Deinde verò etiam scientiæ, artes; item corporis vita, sanitas, & membrorum integritas, quibus homo malè etiam vti potest: cum etiam hæc naturales hominis perfectiones sint, secundum rectam rationem appetibiles. n. 8.

Quæ indifferentia sunt, id est, per se non habentia rationem appetibilis secundum rectam rationem, sed solum uti sunt utilia ad aliud hominis bonum comparandum, ea non nisi sub conditione à Deo petere oportet, si, & quatenus ad animæ salutem nobis expediunt diuitiæ, honor, gloria, potestas inter homines. n. 7. q. 4. & n. 8. dicto. 4.

Oratio Dominica omnium sanctarum orationum veluti exemplar, aut compendium quoddam est. num. 8. §. Confirmatur.

Licitum est interdum ob bonum finem petere sibi temporalia mala, puta corporis mortem, ægrotudinem, dolorem &c. sub conditione expressa, aut tacita, si secundum Dei providentiam nobis ad salutem expediant. n. 8. dicto. 3.

Rem malam, seu auxilium ad peccandum à Deo petere est peccatum mortale; rem autem indifferentem absque ulteriori honesto fine, v. g. lucrum: ex ludo à Deo petere est peccatum quidem est, sed non semper mortale. num. 9.

Oratio infallibilem ex Christi promissione impetrandi vim habet, modo adsint conditiones requisite, ut petamus necessaria, seu utilia ad salutem, pie, ac perseveranter. num. 10.

Promissio Christi: *Quidquid petieritis Patrem in nomine meo*, &c. extendit se etiam ad orationes pro alijs fufas; ideo tamen difficiliorem impetrationem censetur habere oratio pro altero, quam pro se, quia ut Deus conferat donum, quod petitur, debet homo esse dispositus ad recipiendum: quæ dispositio in libera potestate orantis est, si pro se petat, non item se pro alio. Ibid. conditione. 3.

Confessarij, & Concionatores non debent terrere peccatores, quasi omnia eorum bona opera, & orationes apud Deum inutiles sint: quia licet nihil ex condigno mereantur, nec vim satisfaciendi pro peccatis habeant, tamen utilia sunt per modum impetrationis, si ex fide, ac spe in Deum procedant. eod. n. 10. §. Maximè.

Ad omnem orationem necessaria est attentio: Ea in oratione vocali triplex distingui solet: Vna superficialis attentio, quæ est ad verba, ut rectè & integre proferantur. Altera literalis ad verborum sensum, seu intelligentiam. Tertia spiritualis ad Deum. lib. 4. tract. 1. cap. 5. n. 9.

Attentio literalis, per quam verus verborum sensus percipitur, eique affectus accommodatur, reliquis quidem perfectior est, non tamen necessaria, aut in præcepto posita, cum sufficiat literæ superficiali intendere, an imolaudandi Deum. Ibid. §. Altera.

Spiritualis attentio interdum accipitur facta, si dum lingua verba proferit, spiritus pia meditatione sacri mysterij, vel circa rei postulantis proponendam necessitatem occupetur. Interdum verò hæc accipitur, quatenus ad cuiusque orationis essentiam intrinsecè requiritur, cum oratio sit elevatio mentis in Deum. eod. n. 9. §. Tertiò.

Si oratio in aliquo casu sub obligationem cadat præcepti diuini, tum nullam attentionem, seu mentis elevationem erga Deum adhibere est peccatum mortale. Ibid. §. Nunc dicendum.

Non attendere, sed voluntariè distrahì in oratione, quæ sub nullum præceptum cadit, est peccatum cuiusdam irreuerentiæ contra Religionis virtutem, sed non mortale, si contemptus absit. Ibid. §. Secundò.

Certum non est, utrum sit peccatum mortale orationes ab Ecclesia præceptas, v. g. officium Canonicum, recitare sine vlla attentione, sine intentione mentis in Deum est tamen probabilior pars affirmatiua. n. 10.

Duplex est attentio mentis in oratione: Vna actualis, quæ initio cuiusque orationis necessariò requiritur, ut v. g. qui Breuiarium orandi causa in manus accipit Deum laudare, colere, vel officio suo, & Ecclesiæ præcepto satisfacere velit. Altera verò est attentio seu elevatio mentis in Deum virtualis, quæ virtute prioris propositi nunquam reuocati in verborum continua pronuntiatione persistat, etsi mens ob innatam fragilitatem ad aliena cogi-

tanda deflectat. n. 11.

Accidit quibusdam, ut distractio omnino inuoluntaria vno, vel altero psalmo perseveret, sine culpa: qua distractione animaduersa satius est nihil repetere, sed solum ab impertinente distractione abstinere, Deoque animum intendere. eod. n. 11. in fine.

Actiones aliquæ sunt cum oratione incompatibiles v. g. scribere: aliquæ verò sunt cum oratione suapte natura compatibiles, v. g. se vestire, caput lavare: & tales sine culpa inter orandum exercere possunt, si interim mens Deo intenta sit. n. 12.

Videtur tamen indecens esse, & culpa veniali non vacare, si Clericus publicis Ecclesiæ orationibus, videl. officium canonicum inter profanos labores, seu actiones persolvat, nisi id fiat ob aliquam necessitatem, & in modica orationis parte, atque cum cura debitam attentionem adhibendi. Ibidem.

Ordinatio Sacramentum.

Inter Clericos quidam nullum gradum officij, aut potestatis Ecclesiæ obtinent, sed solum tonsurati sunt, & consecrati, ac deputati, ut ad gradum aliquem ascendere possint, alij verò gradum habent traditæ potestatis ac ministerij ad sacrosanctum Missæ sacrificium: & hi propriè Ordines, id est, gradus Ecclesiastici ministerij dicuntur. l. 5. tit. 9. c. 1. §. Porro.

Ordinatio Clerici non est mera deputatio personæ ad Ecclesiasticum officium, sed est stabilis, & non iterabilis consecratio. n. 2.

Hæretici nostri cum legitimis Episcopis careant, nullos Sacerdotes, aut Clericos ordinare possunt. n. 3.

Sacra ordinatio est verè, & propriè dictum legis nouæ Sacramentum, quod etiam Patres antiqui testantur c. 2. num. 2.

Septem tantum sunt ordines, quorum aliqui sacri dicuntur, quibus videl. votum continentiae annexum est, alij non sacri, siue minores ordines. cap. 3. n. 1. & 2.

Prima tonsura ordo non est, sed fundamentum ordinationis. n. 3.

Sacerdotum ordo bipartitus est, Episcoporum & Presbyterorum. n. 4.

Episcopi semper superant Presbyteros ordinis potestate, non item iurisdictione. n. 5.

Episcopatus includit in se ordinem Presbyteratus: quæ causa est, cur tanquam distinctus ordo numerari non soleat. n. 6.

Certa Fide tenendum est, ordinationem Presbyteri sacramentum esse. c. 4. n. 1.

Potestas absolvendi à peccatis necessariò supponit potestatem conficiendi sacramentum Eucharistiæ, sed non vice versa. n. 2.

Certum esse debet, quod Episcopatus sit verè sacramentum, quamvis non omnino distinctum à Presbyteratu. n. 3.

De diaconatu quoque dubitari non debet, quin sacramentum sit: sed de subdiaconatu, & quatuor minoribus minus certum est, quamvis probabile, omnia sacramenta esse. n. 4.

Sacramenta ordinis tametsi specie vltima non conveniant, habent tamen unitatem ordinis ad eundem finem principalem, quod est sacrificium Missæ. n. 5.

Impositio manuum est cæremonia substantialiter requisita ad ordinationem Episcopi, Presbyteri, & Diaconi. cap. 5. n. 1.

Manus impositio confirmatoria, & ordinatoria repeti non possunt: alia verò manuum impositiones repeti possunt. eod. l. 5. t. 3. c. 4. n. 3.

Ordinatio Presbyteri duabus partialibus ordinationibus perficitur: Prioris ordinationis materia est traditio calicis cum vino & patenæ cum pane: Forma autem est: *Accipe potestatem offerendi sacrificium Deo*, Posterioris ordinationis materia est impositio manuum facta ab Episcopo,

po, Forma autem: *Accipe Spiritum sanctum, quorum remis-
seris peccata.* &c. cit. tr. 9. c. 5. n. 2.

Materia ordinationis Diaconi est impositio ma-
nuum Episcopi cum traditione alicuius rei, per quam po-
testas, & officium eius significatur. Forma autem sunt
verba, quæ cum eiusmodi materiali symbolo proferuntur.
cod. n. 2. assert. 3.

Propria materia ordinationis Subdiaconi est traditio
calicis vacui cum patena superposita: Forma autem sunt
verba Episcopi, quibus traditum ipsi ministerium signi-
ficatur. Et simili modo alij inferiores ordines conferun-
tur per rerum administraria propria pertinentium assi-
gnationem. num. 3.

Physicus materiae contractus non est necessarius ad sub-
stantiam, & valorem sacramenti Ordinationis; sed suffi-
cit moralis. Interim tamen curandum est ordinandis, vt
re ipsa tangant materiam porrectam, dum Episcopus ver-
ba profert. 9. Restat dubium, & n. 4.

Subiectum ordinationis capax est mas baptizatus, non
fœmina. Quare Papa dispensare non potest, vt mulier
prima tonsura initiatur, cum ea sit deputatio personæ ad
Ecclesiasticos ordines. c. 6. n. 1. & 2.

Mulieres Diaconissæ in veteri Ecclesia ordinabantur
non ad ministerium Ecclesiasticum, sed ad ostium templi,
per quod mulieribus ingressus patuit. n. 3.

Qui graui iniusto metu adactus sacrum ordinem susci-
pit, characterem habet, sed ad continentiam non obli-
gatur, per se loquendo. l. 4. t. 5. c. 5. n. 10.

Paruuli ante vsum rationis validè quidem, sed non li-
citè ordinantur. cit. t. 9. c. 6. n. 4.

Ordo superior non includit essentialiter ordinem infe-
riorem, excepto Episcopatu, qui requirit Presbyteratum.
Quare si quis per saltum Presbyter v. g. ordinatus fuit,
cum Diaconus, vel subdiaconus non esset, is non ite-
rum ordinatur, sed ordo prætermisus tantummodo ei
confertur. n. 5.

Prima tonsura quouis die conferri potest: ordines au-
tem minores, etiam extra generales ordinationes quouis
Dominico die, aut festo conferre licet, modò non multi
ordinentur. c. 8. n. 1.

Quibusdam locis consuetudo est, vt ordines minores in
vespera Feria VI. vel etiam in Feria IV. Quatuor tem-
porum conferantur. Ibidem.

Subdiaconatum, & alios ordines maiores extra Qua-
tuor tempora, & duo Sabbata Passionis, & resurrectio-
nis Christi conferre illicitum est. Sed Regulares aliqui
Apostolicum priuilegium habent, vt extra tempora ordi-
nari possint. n. 2.

Duo sacri ordines eadem ordinatione conferri eidem
non possunt. n. 5.

Episcopo permissum est ob causam rationabilem ieiunio
sabbathi continuato sacrorum ordinum collationem
ad manè Dominicæ sequentis differre. n. 5.

Qui in sabbatho Presbyter ordinatus fuit, insequente
manè Episcopus ordinari potest, etiam ieiunio non con-
tinuato. n. 6.

Quibusdam in locis consuetudo est, vt quatuor mino-
res, & subdiaconatum eidem simul conferre liceat. n. 7.

Minister ordinarius sacramenti ordinationis solus Epi-
scopus est: sed ordinum minorum collatio etiam Pres-
byteris à Sum. Pontifice committitur, videl. Romanæ
Sedis Cardinalibus: Item Abbatibus, si Sacerdotes sint,
& ius baculi ac mitræ habeant, talis facultas communi
iure concessa est. c. 9. n. 1.

Abbates non nisi Regularibus suis primam tonsuram,
& ordines minores conferre possunt: quo tamen nomi-
ne etiam Nouitij comprehendi videntur. Ibid. & n. 1.

Abbas prius ab Episcopo benedictus esse debet (ordi-
nariè loquendo) quàm tonsuram, & ordines minores
côferat. Si autem in collatione ordinum limites commis-
sionis suæ excedat, videtur irrita esse ordinatio. n. 3. & 7.

Episcopus excommunicatus, degradatus, hæreticus

validè ordines confert, sicuti & Ecclesiarum, vasorum,
altarium, virginum consecrationes à tali Episcopo validè
sunt, vt repetere nihil opus sit. n. 5. & 6.

Non satis constat, vtrum potestas ordinandi Dia-
conos, & Subdiaconos simplici Sacerdoti committi possit
à Sum. Pontifice: certum autem esse videtur, potesta-
tem Sacerdotes ordinandi committi non posse. n. 4.

Qui per saltum Episcopus creatus est, omnes ordines
conferre potest, modò sit Presbyter ordinatus. n. 8.

Episcopi licitè ordinare non possunt, nisi subditos
suos, vel alienos cum licentia Ordinarij. n. 9.

Prælati exemptis Ordinum competit facultas Regu-
laribus suis literas dimissorias danti, vt à quouis Catholi-
co Episcopo ordinari possint. eod. n. 9.

Triplex est Episcopus ordinationis: Vnus originis, alter
domicilij, tertius beneficij Ecclesiastici. n. 10.

Si adolescens in vna dœcesi natus sit, & postea cum
patre in aliam dœcesin migrarit, atque ab eodem deinde
studiorum causa ad Academiam missus sit, in arbitrio ip-
sius positum est ordines petere ab Episcopo originis, vel
ab Episcopo domicilij paterni: quamuis id non vbique
obseruetur. n. 11.

Nemo sine titulo sustentationis ad ordinem sacrum
promoueri debet; alioquin Episcopus illi prouidere cogi-
tur: nec pasci potest, sub pœna suspensionis, vt talis
prouisio non exigatur. cod. l. 5. tr. 9. c. 10. n. 5. & l. 4. tr.
2. c. 2. n. 2.

Si Clerici ex patrimonialibus bonis sufficientem su-
stentationem habeant, etiam sine vilo sustentationis titu-
lo ordinari possunt. eod. n. 2.

Religiosi, etiam Societatis Iesu licet sole mniter non
professi, sine alio sustentationis titulo ordinari debent.
cit. c. 10. n. 6.

Qui cum titulo sustentationis ficto ordinationem im-
petrat, suspensionem ab ordine incurrit. n. 7.

Beneficium ad cuius titulum aliquis ordinatus fuit, re-
signari validè non potest, nisi aliunde habeatur sufficiens
sustentatio. n. 8.

Qui ordinantur ab Episcopo non habente legitimam
executionem ordinis conferendi, suspensionem, seu po-
tius irregularitatem contrahunt. eod. c. 10. n. 1.

Qui extra tempora, vel ante legitimam ætatem, vel si-
ne literis dimissorijs sacrum ordinem accipiunt, suspensi
sunt: requiritur autem ad incurrendam hanc suspensio-
nem dolus, aut culpa crassa in ordinato. n. 2.

Qui ante ætatem legitimam ornari se fecit, licet postea
à suspensionis censura absoluator, non potest tamen in
ordine ministrare sine dispensatione Papali, priusquam
ætatem legitimam consecutus fuerit. n. 3.

Episcopus, qui scienter alienum subditum ordinat, per
annum à collatione ordinum suspenditur. n. 4.

Qui per saltum se ordinari fecit, suspensus est ab exer-
cizio ordinis ita suscepti. n. 9.

Qui vno die duos ordines sacros accepit, suspensionem
incurrisse censetur. n. 10.

Episcopus in aliena dœcesi sine licentia Ordinarij epis-
copalia exercens, suspensionem incurrit. n. 11.

Qui post nuptias, ante matrimonij consummationem,
sacrum ordinem aliter suscipit, quàm sacri canones per-
mittunt, veluti irregularis efficitur. n. 12.

Qui in excommunicatione sacrum ordinem suscepit,
suspensionem similem irregularitati incurrit. n. 13.

Si solus Episcopus occultam alicuius regularitatem
cognitam habet idque probare non potest, ordinationem
homini petenti denegare nequit. l. 5. t. 4. c. 6. num. 12.

Ornatus corporis.

Excessus in corporis ornatu, considerata qualitate per-
sonæ, loci &c. ad insolentiam, & luxum pertinet: id ta-
men, per se loquendo, veniale tantum peccatum est, si-
cuti & excessus in apparatu conuiuiorum, & edificiorum,
& similibus. l. 2. tr. 3. c. 13. n. 11.

Corporis cultus luxuriæ incitamentum esse solet, qua-

re dissuaderi debet, præsertim adolescentibus, qui ea re emolliuntur, & à bonis artibus, ac virtutibus retrahuntur; ut non raro exinde mortalis peccati periculum immineat. Ibid. circumstant. 3.

Si mulier fucis, ac pigmentis utatur ad pulchritudinem mentiendam, peccatum tantum veniale est, per se loquendo. Ibid. circumstant. 5.

Cultus muliebris viros ad lasciviam prouocat: Si tamen mulieres non intendunt alicuius turpem amorem prouocare, non debet id ipsis imputari ad peccatum mortale; cum sit potius scandalum acceptum, quam datum. circumstant. 6.

Si ornatus muliebris sit admodum turpis, & directe ad libidinem prouocatiuus: Item, si quis consuetudinem introducat alicuius vestimenti, cuius occasione probabile sit multos scandalum passuros esse, peccatum mortale committitur. ibid.

Virum vestimento muliebri uti, aut sceminam virili, per se non est peccatum; sed causa iusta cohonestari potest; v. g. in comedijs, vel ad sui occultationem: si autem ex leuitate fiat, est peccatum, sed tantum veniale. ibid. in fine.

P.

Pactum, contractus.

Pactum est duorum, vel plurium consensus in idem. Effectus eius est obligatio, cui ex altera parte respondet actio, seu ius petendi. l. 3. tr. 4. c. 1. & 2.

Promissio, nisi acceptata sit, ac veluti formata alterius partis indicato consensu, obligationem nullam parit: exceptis casibus iure expressis. n. 3.

Non permittitur, ut quis pro altero pacisci, seu stipulari possit; nisi sit persona subiecta, puta filius pro patre, seruus pro domino, Regularis pro Prælato, aut Monasterio. Idemque plerique docent de publico Tabellione, stipulante pro altero in publica scriptura, vel coram Iudice. Tunc autem positum erit in arbitrio domini, patris, Capituli, promissionem suo nomine acceptatam postea, vel ratam habere, vel respuere. n. 4.

Qui aliorum administratores sunt, videl. tutor pro pupillo, curator pro Minore, prodigo, amente; parochus, vel Rector pro Ecclesia; aut causis pijs stipulari possunt. Ibid. §. Denique.

Si donator missus nuntio ad donandum, antequam donatio acceptetur, & viuis excedat, expirat ius acceptandi, & res donationi destinata ad hæredes donatoris spectat. n. 5.

Pactum aliud est nudum, quod in civili foro actionem non parit, sed exceptionem, aliud vero est pactum vestitum, ex quo civilis etiam actio nascitur. c. 2. n. 1.

In conscientia foro ex omni etiam nuda conventionione acceptata obligatio oritur, siue ex iustitia, siue ex fidelitatis virtute. Id vero pendet ex intentione promittentis, utrum obligationem ex iustitia, quæ ex genere suo sub mortali est, contrahere voluerit, an vero tantum obligationem fidelitatis, quæ, per se loquendo, levis est, & sub peccato solum veniali. eod. n. 1. §. Explicatur, & eod. t. 4. c. 12. n. 1.

Ex circumstantijs adiunctis, si videl. chirographum, aut testes adhibiti, vel manus stipulatio intercessit, conjectura sumi potest, intentionem promittentis fuisse ex iustitia se obligare. eod. c. 12. n. 1. §. Porro.

In foro canonico actio conceditur ex pacto simplici, saltem si cum expressione causæ initum fuit. eod. tract. 4. c. 2. num. 3.

Pacta seu conventiones varijs modis confirmantur, ut ex ijs etiam civilis obligatio, & actio oriatur. ibidem num. 2.

Si pactum iuramento confirmatum sit, civili iure actionem parit. Ibid. §. 6.

Contractus, si latè accipiatur, idem est, quod pactum: Sin strictè, idem est, quod pactum onerosum seu reciprocum, quod ex utraque paciscentium parte obligationem continet. cap. 3. n. 1.

Contractuum alij solo consensu perficiuntur, ut emptio & venditio, alij re, ut mutuum, commodatum, depositum: alij scriptura, v. g. emphyteuticus contractus alij denique verborum solemnitate quæ verborum obligatio olim dicebatur, nunc autem ferme abolita est. n. 2.

Quod purè & simpliciter promissum est, statim peti debet, saltem post breuem dierum moram, viri boni arbitrio: quod verò in diem certum promissum fuit, id solui non debet, antequam dies transactus sit. c. 4. num. 1.

Dies incertus interdum promissioni adiicitur causa obligationis suspendendæ, ut sit veluti conditio: v. g. *Cum naues ex India appulerint*. interdum verò adiicitur causa solutionis differendæ, v. g. *cum pater meus morietur*: quare quod tali modo legatum fuerit, ad hæredes transmittitur. n. 2.

Conditio de præsentē, vel præterito, si vera est, confirmat promissionis obligationem, sin falsa est, statim infirmat: at verò conditio de futuro possibilis promissioni adiecta eius obligationem suspendit. n. 3. & 5.

Pactum conditionale mortuo paciscente, seu promissario ad hæredes eius transmittitur: sed legatum sub conditione, si ea pendente legatarius moriatur, peritus expirat. Ibid. §. Nota.

Conditio de futuro impossibilis siue secundum naturam, siue secundum mores, reddit contractum, seu promissionem irritam. Quia impossibili nulla obligatio est. n. 4.

Modus promissioni adiectus, v. g. *promitto, dono, ut Romam eas, ut sepulchrum adifices*, licet illam non suspendat, tamen promissario vicissim obligationem adfert, implendi modum. Quare quod ita promissum, legatumue est, statim peti potest: sed promissarius, vel legatarius satisfacere debet de implendo modo. n. 6.

Si modus adiectus promissioni, vel legato fuit ut causa finalis, ac principalis, reuocari potest, non impleto modo; quia sensus est, *dono, aut lego tibi centum, ea lege, ut Romam eas, Alioquin retinere non possis*: Sin autem non fuit causa principalis, reuocari propterea donatio, vel legatum non potest: sed compellitur donatarius, vel legatarius ad seruandum modum, vel præstandum quanti interest non seruari. Ibid. §. Questio.

Ut modus seu grauamen promissioni accessorium censeatur, debet incontinenti, veluti vna pactione adijci, si enim promissio, vel donatio perfecte ac simpliciter facta fuerit, modum aut conditionem amplius non recipit, donatario inuito. Ibid. §. Quod ad.

Si modus adiectus impossibilis sit de iure, aut de facto, v. g. *dono tibi, ut à Religione Catholica desicias, ut celum digito tangas*, valet promissio, legatum, vel donatum, & modus pro non adiecto habetur. Ibidem.

Donatio facta Ecclesiæ sub conditione suspendente, ea non impleta corrumpitur: sed donatio facta sub modo, eo non impleto reuocari non potest, nisi id expressum sit. num. 7.

Et si expressum fuerit, ut, si modus non seruetur, (v. g. fundus Ecclesiæ donatus, & alienari prohibitus alienetur) donatio reuocari debeat, non nocet tamen Ecclesiæ, si solus Prælatus sine consensu Capituli modum donationis transgrediatur: quia Prælatus Ecclesiæ nocere non potest in iure acquisito, etsi nocere possit in iure acquirendo. Ibid. §. Cæterum.

Quod promissum est meretrici ob fornicationem, vel sicario ob eadem faciendam, patrato opere ex iustitia debitum est. n. 8.

Si cum Iudice pactus fueris, ut non sine periculo suo in tui gratiam suscepto iniquam sententiam ferat, non est improbabile, quod post latam sententiam datum fuerit, in conscientia foro retineri posse. Ibi. §. Præterea.

Si alicui pecuniam promiseris, ne te accuset de crimine patrando, turpis quidem est pactio, sed postquam crimen patratum fuit, utrinque obligatio oritur in conscientia foro. Ibid. §. Denique.

Latro se obligans, quod imposterum nihil damni in-

iustitillaturus sit, nouam obligationem ex iustitia contrahit, pro qua pretium saltem validè accipere potest. lib. 4. t. 10. c. ult. n. 8.

In externo tamen foro eiusmodi sceleratorum hominum actiones non admittuntur: imò datum ob turpem causam non tantum ab accipiente, sed etiam ab hærede eius aufertur. cit. l. 3. t. 4. c. 4. n. 8. §. Denique.

Sed & regula illa, *si turpitudinis sit tam ex parte dantis, quam accipientis restitutio Ecclesiae, vel pauperibus fieri debet*, ad forum externum, non internum conscientiae spectat. cit. c. ult. n. 18.

Pro eo, quod iam antè ex iustitia debitum est, pretium seu merces accipi non potest: v. g. si latroni dies, ne iniquè occidat, vel Iudici iustum salarium habenti, ut iustè iudicet, vel executionem iniquè non differat. cit. c. 4. n. 9.

Licet Iudex, Tabellio &c. sufficiens salarium habeant, cessante tamen scandalo, & prohibitione legis positum, accipere aliquid possunt, tanquam pretium laboris, ac diligentiae extraordinariae; modò id non fiat cum aliorum damno, qua etiam ratione artium Professor, nihil in publica praedicatione praetermittens, si priuatim aliquos erudiat, mercedem accipere potest. §. Deinde.

Pro opere debito ex sola charitatis lege, si pretio aestimabile sit, aliquid exigi potest, saltem validè: ut si cum paupere, cui in graui necessitate gratis succurrere debes, pactum reciprocum ineas. n. 11.

Si tibi liberaliter promittatur, vel donetur sub boni operis conditione, causa, modo, v. g. ut ab homicidio abstineas, Missam audias, valet pactio, aut donatio: quia sicuti precibus, aut nimis, ita & promissis ac muneribus, fas est alterum inducere ad bonum, vel abducere à malo. eod. n. 11. §. Ceterum.

Permissio facti alieni inutilis est: attamen promissor alieni facti in dubio praesumitur promittere curaturam se, ut ab altero fiat; quod etiam ciuili iure obseruatur, si promissioni iuramentum adhaesit. n. 12.

Contractuum alij instituuntur in gratiam vnius contrahentium, vel dantis, ut videre est in deposito, vel accipientis, ut videre est in donatione, commodato, precario: alij verò instituuntur in gratiam vtriusque contrahentium, ut venditio, locatio, societas, pignus, dos. eod. tr. 4. c. 7. n. 1.

Si res certa, siue in specie debita casu pereat, aut deterior fiat, creditoris damnum est: v. g. cum primum emptio & venditio contracta est, periculum rei venditae ad emptorem spectat, licet merx ipsi tradita non fuerit. n. 3.

Regula illa, *si res casu pereat, domino suo perit*, in ijs tantummodo contractibus locum habet, qui ad rei dominium transferendum non tendunt, videlicet in deposito, commodato, pignore. ibid.

Si res perijt, quia debitor in mora culpabili soluendi fuit, damnum praestare debet: secus, si legitime impeditus fuerat, quominus tempore constituto solueret: quod etiam in poena conuentionali obseruari potest, ut debitor à poena immunis sit, si culpa caruit. ibid. except. 7.

Si quippiam indeterminatè, siue in genere debeatur (v. g. si bouem dare promissisti) etsi vnum, vel alterum eius generis pereat, non tamen liberatur debitor. n. 4.

Si mutuarius pecuniam debitam per fidelem (v. g. exstimabatur) nuntium transmittat, & ille in via fugiat, aut spoliatur, ipsius debitoris detrimentum est, nisi creditor nuntium ipsum designaret, aut destinaret, non tantum ad monendum debitorem, sed etiam ad debitum recipiendum, vel transferendum. ibid. in coroll.

Si contractus institutus fuit in gratiam solius accipientis, omnis etiam leuissima culpa praestanda est: si autem in gratiam solius dantis, dolus, non item culpa ciuilis: si denique in gratiam vtriusque, culpa lata, & leuis praestari debet. n. 5.

Culpa lata seu crassa negligentia, si Theologica, & verè peccatum sit, æquiparatur dolo; v. g. si depositarius per

crassam negligentiam rem depositam destruat, vel amittat, damnum reſarcire debet, quippe cuius causa virtualiter voluntaria extitit. ibid. assert. 4.

Si Medicus, Iudex, aut alius ex officio obligatus mercedem accipiat, obligatur ex quasi contractu ad restitutionem damni euientis per negligentiam seu culpam, etiam leuem, quod tamen accipiendum videtur de culpa non merè ciuili, sed Theologica. ibid. §. & Quod dixi.

Si Iudex, Medicus, Confessarius in alterius tantum gratiam sine suo commodo officium exerceat, non tenetur nisi de culpa crassa: excepto, si seipsum sponte ingrat, & prae alijs solertè iactet, tum censetur se obligare ad praestandum culpam etiam leuem. n. 6.

Contractus, siue promissiones gratuita puta donandi, mutuo dandi &c. facili rerum mutatione soluuntur. Idèrque dici potest de voto simplici. Quae de re traditur regula: Promissio gratuita definit obligare, si, re adhuc integra, siue nondum per traditionem completa, notabilis mutatio accadat. eod. l. 3. t. 4. c. 5. n. 5.

Non tam facile dissoluuntur reciproci contractus, etsi traditione nondum completi sint. Nemo enim v. g. vendentium consentiet, ut, si absque culpa sua mutatio superueniat, vel emptor aliquo errore teneatur, venditio irrita sit, vel reuocari possit. ibid. §. difficile.

Sponsalia, licet inter reciprocos contractus numerentur, tamen parem ferme cum gratuitis dissolutionis facilitatem subeunt: quia expedit, ea magna animi libertate contrahi, ne ex futuro matrimonio infelices exitus oriantur. ibid. §. Excipiuntur.

Contractus, & testamenta interpretationem, ac valorem accipiunt secundum leges loci, in quo fiunt. lib. 1. t. 4. c. 12. n. 5.

Papa, siue Pontifex Romanus.

Est totius Christiani populi pastor, omnium Ecclesiarum caput, & Episcopus Episcoporum, ex Christi institutione. lib. 1. t. 4. c. 6. n. 3.

Sanctus Petrus, cui Romanus Pontifex in cura Ecclesiae vniuersae succedit, etiam ipsis reliquis Apostolis à Christo praepositus fuit. n. 4.

Potestas S. Petro Apostolo collata super Ecclesiam Christi, non fuit tantum perfectè vniuersalis, sed etiam ordinaria, siue perpetuè in successoribus duratura. n. 5.

Nunc solus Papa iurisdictionem ad remittenda peccata &c. diuino iure in sui ordinatione accipit, reliqui autem Episcopi, & Praelati iure Ecclesiastico à Papa, qui proinde licet omnem iurisdictionem negare nequeat, tamen limitatam conferre potest, vel respectu personarum, vel respectu peccatorum. lib. 5. t. 6. c. 12. n. 1.

Suprema iurdictio Papae non confertur à Cardinalibus per electionem; sed postquam ij personam designauerunt, à Christo prouenit vi promissionis factae S. Petro. Matth. 6. cit. lib. 1. t. 4. c. 6. n. 6.

Summus Pontifex ab Ecclesia iudicari non potest, nisi in causa haereticis. n. 7.

Sedes Romanorum Pontificum per antonomasiam Apostolica appellatur; non tantum, quia in ea Principi Apostolorum succeditur, sed quia cum simili auctoritate Apostolica & vniuersalis gubernationis succeditur. At verò aliarum Ecclesiarum Episcopi successerunt Apostolis in episcopatu particulari, non in Apostolatu, seu vniuersali iurisdictione erga fideles omnes. n. 8.

Romanus Pontifex non vult appellari Episcopus Oecumenicus, seu vniuersalis (quasi alij praeter ipsum Episcopi non sint) sed vniuersae Ecclesiae Episcopus, & Pastor. eod. n. 8. §. nota.

In primitiua Ecclesia tres tantum habebantur sedes Patriarchales, quae à S. Petro tanquam communi omnium Ecclesiarum Patre fundatae, & institutae erant: Romana, Alexandrina, Antiochena. eod. tr. 4. c. 7. n. 4.

Patres in Concilio sexto Carthaginensi appellationem ad Sedem Apostolicam absolute non negarunt, sed

modum suscipiendi appellationem tantum improbarunt. ibid. n. 6.

Certa Fide constat, quod Summus Pontifex cum generali Episcoporum Concilio tanquam ad Fidem, vel bonos mores pertinens definiuit, falsitati subiectum esse non posse. l. 2. t. 1. c. 7. n. 4.

Probat illud est, (quamuis non omnino certum) quod Summus Pontifex, ob Dei prouidentiam, errare non possit in decretis Fidei vniuersalibus, aut in decretis morum, versantibus circa res ad salutem necessarias, seu quæ per se bonæ, aut malæ sunt, etsi sine Episcoporum Concilio decernat. eod. c. 7. n. 2.

Interim nihil obstat, quin Pontifex leges condere, aliæue statuere possit, quæ per se quidem siue ex obiecto malæ non sunt, tamen propter circumstantias minus Ecclesiæ expediunt, ut si in censuris ferendis nimis seuerus, indulgentius, aut dispensationibus nimis facilis sit. eodem. n. 2. §. 2.

Summus Pontifex, etiam ut publica persona, errare potest indiudicandis particularibus questionibus, quæ plerumque de facto sunt. n. 3.

Nullam promissionem, aut certitudinem habemus, quod Summus Pontifex quoad suam personam in hæresin, etiam notoriam, incidere non possit, ob quam dignus sit, ut ab Ecclesia deponatur, vel potius ut præcise declaretur. Ceterum, etsi ponamus, Pontificem, ut priuata persona est, hæreticum fieri, adeoque definire esse verum Ecclesiæ membrum, tamen quamdiu ab Ecclesia toleratur, omnia eius decreta vim & auctoritatem Pontificiam habent. eod. c. 7. n. 1. assert. 2.

Patrinus.

Patrinus dicitur quasi spiritualis pater nutritius, ac pædagogus hominis baptizandi qui eum ob solemnem ipsonem suam, accedente etiam Ecclesiæ præcepto, in Christiana Fide, cum necesse fuerit, instruere, præsertim Symbolum, & orationem Dominicam edocere obligatus est. l. 5. t. 2. c. 9. n. 1.

Hodie tamen patrini plerumque obligatione instruendi liberati sunt: cum pueri à parentibus, & ludimagistris in Fide instrui soleant. Ibid.

Ad munus patrini tria necessariò requiruntur, usus rationis, sacramentum, & intentio. n. 2.

Religiosi patrini esse non debent, nisi ad Episcopatum translati sint. n. 3.

Patrinus vnus esse debet, isque mas, si puer baptizandus est, aut fœmina, si puella baptizanda: vel summum duo, mas & fœmina. Attamen si plures tanquam patrini admittantur, credibile est, omnes cognationem spiritualem contrahere. n. 4.

In priuato Baptismo, qui necessitatis tempore confertur, opus non est patrino: Si tamen quispiam ex proposito hoc munus tunc obeat, spiritualement cognationem contrahit. n. 5.

Improbari non potest consuetudo, secundum quam quibuldam locis Catholici patrini existunt filijs hæreticorum, baptizante illos Ministro hæretico in forma SS. Trinitatis. n. 6.

Hæreticus ordinariè, & sine graui causa ac necessitate, non potest admitti ut patrinus. n. 7.

Patrinus in Confirmatione alius esse debet à patrino Baptismi. c. 7. n. 1.

A patrino Confirmationis instruendi obligatio non contrahitur: cum id iure statutum non reperiatur. Ibid.

Peccatum.

Peccatum definitur, dictum, factum, vel concupitum, contra legem Dei æternam. l. 1. tr. 3. c. 1. n. 2.

Peccatum aliud est commissionis, & aliud omissionis. Commissionis peccatum nihil aliud est, quam actus humanus malus. Est autem actus humanus, quia voluntarius & liber, malus autem, quia non conformis suæ regulæ, quæ est lex Dei æterna, homini per lumen rationis ma-

nifestata. n. 3. & c. 4. n. 1.

Peccatum omissionis in eo consistit, quod homo libertate præditus non operans est, cum secundum legis præscriptum operari deberet. cit. c. 1. n. 4.

Quædam prohibita sunt naturali lege, quia mala, quædam autem mala sunt, quia prohibita lege positiua: Omnium tamen præuaricatio denique repugnat legi æternæ, quippe à qua omnis præcipiendi, ac prohibendi potestas etiam ad homines deriuatur. n. 5.

Vnitas & diuersitas specifica peccatorum, quatenus præceptis positiuis repugnant, optimè desumitur penes vnitatem, & diuersitatem formalem præceptorum. Sed vnitas & diuersitas specifica peccatorum, quæ, & quatenus naturali legi aduersantur, proximè ac formaliter sumitur ex rectitudine virtutis oppositæ, remotè autem & fundamentaliter ex obiecto. eod. tr. 3. c. 2. n. 1. & 2.

Illæ peccata specie differunt, quæ vel diuersis virtutibus aduersantur, ut furtum, & blasphemia, vel quæ eidem virtuti, sed diuersa ratione repugnant, ut periurium, & voti præuaricatio. eod. n. 2. coroll. 1.

Plures sunt peccatorum, quam virtutum species, quia contra vnus virtutis integritatem, varij repugnantes defectus committi possunt. n. 3.

Inter peccata specie diuersa, quæ quibus grauiora sint, ex obiecto præcipue cognoscendum est: quare peccata, quæ in Deum directè tendunt, ut Dei odium, blasphemia, omnium deterrima sunt. Inter peccata contra proximum grauius est homicidium furto & detractione, quia maius est bonum vitæ externis bonis. n. 4.

Numerica distinctio obiecti, si tantum materialis sit, ut si vnico actu plures homines occidere intendas, non facit plura numero peccata. Secus, si obiecti multiplicatio sit formalis, siue in ordine ad diuersos actus: ut si proponas furari hodie decem, & cras viginti, vel proponas hodie furari clauem, ut postea fureris pecunias. c. 3. n. 2.

Peccata quæ animo perficiuntur, ut hæresis odium Dei, vel proximi, sola interruptione, ac repetitione multiplicantur. Plerumque tamen possibile non est internorum horum peccatorum numerum inire, sed sufficit in Confessione moram temporis explicare, quo v. g. in inimicitia persististi: quo modo etiam meretrix confiteri potest, se tanto tempore in statu meretricio permanisse, & quibusuis, etiam coniugatis, sacratis personis, copiam corporis fecisse. n. 3.

Peccata, quæ externo opere perficiuntur, non censentur multiplicari per repetitionem propositi circa idem obiectum, quandiu efficacia propositi in libero aliquo effectu perduraret: uti videre est in eo, qui animo furandi egreditur, & in via malem propositum, quod moraliter nunquam interruptum est, sæpius repetit. n. 4.

Qui eodem commotionis impetu alterum sæpius percussit, vel repetita contumelia affecit, semel tantum peccasse censetur: secus, si per intervalla ad celebrandum, vel conuiuiandum accessit, aut si in eadem contentione diuersæ rationis contumelias irrogauit. n. 5.

Si actio cum impletionem præcepti impossibilis, causa omissionis culpabilis existat, tunc ipsa quoque actio peccatum est, quamuis non distinctum à peccato omissionis, sicuti videre est in eo, qui tempore Missæ audiendæ foris spatatur, vel aucupatur. c. 4. n. 2. & 4.

Quod si aliquis ad talem actionem, v. g. aucupium, cuius causa Missam festo die negligit, tam inordinatum affectum gerat, ut propter eam quamuis Dei legem transgredi paratus sit, nouum peccatum aduersus Dei charitatem committit. eod. n. 4.

Peccatum aliud specialiter contra Deum est, aliud contra ipsum peccantem, & aliud contra proximum. num. 5.

Peccata alia spiritualia, & alia carnalia dicuntur. n. 6.

Peccatum aliud est cordis, aliud oris, & aliud operis. num. 7.

Diuisio maximè celebris peccati est in mortale, ac veniale. c. 5. n. 1.

Peccata mortalia ex obiecto, siue ex genere sunt, quæ in Dei iniuriam directè tendunt, vel cum proximi iniuria, aut ipsius operantis graui incommodo, contra naturæ ordinem iuncta sunt: videlicet peccata contra virtutes Theologicas, contra Religionem, Iustitiam, proximi Charitatem; denique quæ ad luxuriam spectant. eod. n. 1.

Peccatum mortale & veniale, quasi infinitè, distant: quare ex venialibus quantumuis multiplicatis non efficitur mortale. n. 3.

Peccata venialia sunt vel ex genere suo, vel ex materiæ leuitate, vel ex imperfectione actus seu humanæ delibationis. n. 4.

Et si peccata venialia sunt contra legem Dei, non tamen sunt contra finem legis, quæ est charitas & amicitia cum Deo. Vel dic, venialia non esse contra legem Dei præcipuam, & quæ simpliciter necessaria sit ad salutem. num. 2.

Cum aliquid per se malum non est, sed indifferens, excessus in eius appetitione, vsuue est tantum peccatum veniale. n. 5.

In peccatis quibusdam aduersus Deum, qualia sunt odium, infidelitas, periurium assertorium non reperiuntur veniale ob materiæ leuitatem. n. 6.

Peccata in Spiritum sanctum sex numerantur Desperatio, præsumptio, impenitentia, obstinatio, impugnatio veritatis agnitæ, & fraternæ charitatis inuidia. His tamen addi debet odium Dei, quod grauissimum peccatum in Spiritum sanctum est. l. 2. t. 2. c. 2. n. 3.

Peccata in Spiritum sanctum ideo sic appellantur, quia Spiritui sancto aditum præcludunt: dum media aut dispositiones, puta spem, timorem, dolorem à se remouent, sine quibus secundum ordinariam legem Spiritus sanctus peccatores non iustificat: quamobrem eiusmodi peccata irremissibilia dicuntur, quod difficilis & rata sit eorum remissio, licet non absolute impossibilis. ibid.

Si quis violet partem præcepti, ea non omnino absolute, sed cum comparatione ad totum, cuius pars est, prudentis viri arbitrio spectanda est, vt intelligatur, num sufficiens materia sit peccati mortalis. n. 10.

Si plurium transgressionum parua materiæ nec secundum se, nec secundum effectum moraliter coalescant, nunquam efficitur mortale peccatum: sin autem coalescant, tunc vltimæ transgressionis, v. g. vltimi furti materia, licet secundum se parua sit, tamen propter connectionem cum antecedentibus grandis reputatur, & sufficiens obiectum mortalis peccati. n. 7.

Quædam hominis actiones deformitatem inseparabiliter annexam habent, vt mendacium, periurium: quædam verò actiones, licet absolute consideratæ inordinationem aliquam habeant, tamen certis circumstantijs cohonestari possunt, vt hominem occidere, rem alienam auferre. l. 4. t. 2. c. 8. princ.

Peccata alia sunt ex ignorantia, vincibili nimirum, sed non affectata; alia verò sunt ex naturæ infirmitate siue animi passione; alia denique ex malitia. cit. l. 1. t. 3. c. 7. num. 1.

Motus appetitus sensitiui circa malum interdum omnem rationis deliberationem præuenit: quare dici solet motus primò primus, expers omnis peccati. eod. tract. 3. c. 5. num. 11.

Motus appetitus sensitiui, qui dicuntur secundo primi, sequuntur deliberationem rationis imperfectam, ideoque venialem culpam continent. n. 12.

Est quoddam peccatum ex contemptu, si ideo legem, aut præceptum violes, quia non vis esse subiectus legi, aut potestati legis latrici. c. 7. n. 2.

Contemptus continet peccatum specialis inobedientiæ: quare qui legem, aut præceptum ita transgreditur, debet circumstantiam contemptus in Confessione expli-

care. num. 3.

Omnis inobedientia ex contemptu formali est peccatum mortale. n. 4.

Etiam ea quæ solum in consilio sunt, vt sacramentum Extreme vnctionis, aque benedictæ asperersionem ex formali contemptu negligere, est peccatum mortale. n. 5.

Contemptus materialis siue ipsius operis, puta si quis regulam, aut præceptum transgrediatur, quia parui momenti aestimat, est tantum venialis culpa. n. 6.

Frequens relapsus seu consuetudo peccandi propriè non continet contemptum, sed solum interpretatiue, secundum præsumptionem fori externi. n. 7.

Peccatorum remissio, iustificatio.

Extra sacramenti susceptionem, ad hominis adulti iustificationem requiritur contritio, siue dolor animi de peccato, quatenus id Deo super omnia diligendo aduersatur. c. 5. t. 6. c. 2. princ. & n. 1.

Ad veram contritionem, ac iustificationis dispositionem non requiritur certus intensiois gradus: neque absolute necessarium est, de vno peccato mortali magis conteri, quam de alio. eod. t. 6. c. 4. n. 1.

Ad veram contritionem, per quam peccator iustificatur, mora temporis non requiritur. n. 2.

Vnus simplex contritionis dolor de omnibus peccatis mortalibus, generali ratione apprehensus, ad iustificationem, extra, vel intra sacramentum, per se loquendo, sufficit. n. 3.

Nullum, etiam veniale peccatum, in hac vita à Deo homini remittitur absque penitentia, saltem virtuali. eod. c. 4. n. 12.

Vera conditione omnia peccata mortalia delentur, sed non semper omnia venialia. n. 13.

Sola attritio in homine iusto non videtur esse sufficiens dispositio ad remissionem peccatorum venialium, extra sacramentum. n. 14.

Peccatum veniale nunquam remittitur, nisi simul gratia sanctificans infundatur. n. 15.

Peccatum veniale ei, qui simul habet originale, vel actuale mortale, nunquam sine eo remittitur. n. 16.

Sacramentalia, videl. aqua benedicta, agni cerei &c. non habent vim per se ac immediate remittendi peccata venialia; sed tantum remotè, quatenus per Ecclesiæ preces impetrant nobis à Deo auxilia gratiæ præuenientis, & excitantis. n. 17.

Ad venialium quoque peccatorum remissionem, otra, & intra sacramentum, requiritur propositum, saltem virtuale, ea imposterum vitandi. n. 18.

Multiplex discrimen est inter propositum requisitum ad remissionem peccati mortalis, & propositum requisitum ad remissionem peccati venialis. n. 19.

Vnum peccatum veniale remitti potest, altero veniali remanente actualiter, vel habitualiter: at verò vt peccatum mortale remittatur, altero manente secundum actum, aut habitum, id fieri nequit. n. 20.

Per penitentiam peccata non sopiuntur, sed penitus extinguuntur. At verò bonorū operum merita, quæ in statu peccati veluti sopita erant, per penitentiam reuiuiscunt. n. 21.

Pensio.

Est pars aliqua beneficialium reddituum, ad tempus aliqui legitima auctoritate constituta. l. 4. tract. 2. c. 18. n. 1.

Pensio mortis pensionarij finitur, sicuti vsusfructus mortis vsusfructuarij. Veruntamen Papa ex plenitudine potestatis constituere potest, vt pensio præter suam naturam perpetua sit, & de vno ad alterum transferatur. ibidem.

Duplex est pensio: vna laica seu temporalis, quæ ob causam aliquam temporalem constituta laico etiam competere potest, v. g. cantori ædituo, aut Ecclesiæ patrono: altera est clericalis, quæ in solos Clericos cadit. Hæc iterum duplex est: vel simpliciter spiritalis, quia ob spirituale ministerium datur v. g. Coadiutori, vel Cooperatori; vel mixta, quæ in clericali statu fundata, non

propter spirituale ministerium, sed ob aliam causam confertur, v. g. Parocho seni, aut quia aliquis lite beneficia cedit. n. 2.

Pensio clericalis magnam cum beneficio Ecclesiastico similitudinem gerit. ibid. §. Porro.

Ob causam specialem etiam Episcopus pensionem designare potest, v. g. ob senium resignantis, ob causam concordie: cuiusmodi pensio usque ad mortem pensionarii durare solet, ita, ut interim successor in beneficio obligationem retineat. n. 3.

Episcopus cum Capitulo ob causam necessitatis, vel magnæ utilitatis, fructus ex beneficio abundantiore subtrahere, & ad Ecclesiæ fabricam, Religiosorum sustentationem, vel solutionem debitorum, Ecclesiæ applicare potest. n. 4.

Episcopus pensionis designationem, aut fructuum subtractionem facere debet ante beneficii collationem: & postquam causa subtractionis cessauit, iterum beneficium sine diminutione conferre oportet. n. 5.

Pensio non nisi moderata constitui debet, quæ plerumque est tertia pars fructuum. n. 6.

Speciato communi iure, pensionarius obligatur ad subsidium charitativum, & similia onera realia, secundum proportionem fructuum, quos recipit. Quamvis ferre consuetum est, ut pensiones liberæ designentur. n. 7.

Peregrinus, Vagabundus.

Lex territorij non obligat ciues, cum absentes seu peregrinantes sunt. Nam hoc discrimen est, inter legem, & præceptum aut sententiam hominis, quod lex locum seu territorium afficiat, sed præceptum & sententia proximè in personas subditas tendant, earumque ossibus cohereant, quocumque terrarum discesserint. l. 1. t. 4. c. 11. num. 1.

Praelati Regularium, cum iurisdictionem in suos habeant non ratione territorij, sed ratione obligationis personalis, ex voto obedientie illos tum præceptis, tum statutis ubique terrarum obligare possunt. n. 2.

Statutum obligare potest subditos absentes, si principaliter latum sit in causa pertinente ad territorium statuentis, v. g. ut omnes Clerici certo anni tempore ad Synodum, vel Canonici ad Capitulum veniant. Quo modo valet etiam statutum, ne extra territorium mercatura exerceatur. n. 3.

Peregrini, dum per regnum Castellæ transeunt, possunt incolarum more intestinis animalium vesci in die Sabbathi. n. 4.

Statutum diocesis non obligat subditos existentes in loco exempto: quia locus intra diocesim exemptus æquiparatur loco sito extra diocesim. n. 5.

Incola ciuitatis, in qua dies festus celebratur, si manè egressurus, & peruenturus sit ad oppidum ubi non celebratur, debet prius Missam audire. n. 6.

Discessurus ex loco ubi ieiunium non seruatur, potest ibidem comedere, etiam carnes, licet eodem die peruenturus sit ad proprium territorium, ubi lex ieiunij obligat: & potest domi iterum comedere, sed à carnibus abstinere debet. num. 7.

Qui noctu peruenit ad locum ubi non ieiunatur, potest ibi carnibus vesci, etsi in proprio territorio, unde illo die exierat, lex ieiunij obliget: quare antequam manè exiit, potuit prandere, sed non carnes comedere. ibidem.

Verum in his videtur habenda esse ratio temporis potioris, secundum quod ex loco in locum proficiscens commoraturus est: quare si manè prima diei hora aliquis egressurus est ex oppido, ubi non ieiunatur, & altera hora peruenturus ad proprium oppidum, ubi ieiunium seruatur, non potuit ientaculum sumere, præsertim cum carnibus. ibid.

Qui ex Episcopatu, in quo verus Calendarium obseruatur. Quadragesimæ tempore venit ad aliam diocesim quando ieiunium ferme absolutum est, non tenetur am-

plius, quam illi quibuscum viuit, ieiunium prorogare. num. 8.

Si peregrinus Catholicus in terras hæreticorum veniat, ieiunia & festa obseruare debet secundum Calendarium nouum, atque suæ diocesis, Romanæque Ecclesiæ consuetudinem, si sine magna difficultate seruare possit. eod. n. 8. §. Loquor.

Incolæ tamen Catholici, qui in hæreticorum terris versantur, v. g. Vlmæ ad communem pacem seruandam ex præsumpto consensu Praelatorum, Festa, & ieiunia celebrare possunt secundum Calendarium vetus, quibus deinde peregrini Catholici, dum inter eos morantur, se licite conformant. ibid.

Operarij ex locis Catholicis egredi non possunt ad loca hæreticorum, in quibus ob diuersitatem Calendarij festa non seruantur, nisi Episcopus ex causa iusta expressè, vel tacitè dispenset. n. 9.

Si sponsi sine iusta causa, adeoque in fraudem legis egrediantur ad contrahendum matrimonium sine Parocho, & testibus, in loco, ubi Tridentina constitutio recepta non est, peccant quidem, sed matrimonium eorum validum esse videtur. n. 10.

Peregrini si causa inhabitandi ad tempus longum venerint, seu quasi domicilium in alieno oppido figant, omnibus eius legibus obligantur. eod. l. 1. tract. 4. c. 12. num. Primò.

Non tantum ij qui tempore non breui, videlicet amplius medium annum in oppido morari cogitant, quasi incolæ censentur, & iurisdictioni subiiciuntur, sed etiam qui aliquando breuiore tempore, sed certo permanendi proposito, negotij, aut negotiationis causa domicilium, officinam, vel tabernam fixerunt, aut conduxerunt. ibid. §. Quares.

Princeps non obligatur statutis municipalibus ciuitatis, aut prouinciæ, ad quam aduenit, quamuis longo tempore moraturus sit, sed fixam sedem ibi non habeat, sicuti nec Legatus in prouincia diocesalibus legibus astringitur. n. 2.

Aduenæ & peregrini licet in loco diu moraturi non sint, obligantur tamen legibus communibus, quæ in ipsorum patria speciali priuilegio, vel consuetudine non obseruantur: v. g. ciuis Mediolanensis profectus ad limina Apostolorum, primis quatuor Quadragesimæ diebus à carnibus abstinere debet. n. 3.

Peregrini, dum in aliena terra hospitantur, non obligantur legibus, & consuetudinibus eius loci proprijs: v. g. peregrinus Augustæ in die S. Vdalrici non tenetur Missam audire, etsi totum eum diem mansurus sit. n. 4.

Sacerdos Græcus transiens per Ecclesiam Latinam, potest in azymo consecrare, vel in fermentato, sicuti maluerit. Similiter etiam Sacerdos Latinus, si transeat per Ecclesiam Græcorum. n. 6.

Probabile est, quod neque vagabundi, id est, qui nullibi domicilium fixum habent, legibus & consuetudinibus locorum proprijs obligentur, per quæ transeunt, aut in quibus hospitantur. n. 7.

Vagabundus ubique fortitur forum: quare confiteri potest cuius Parocho, alterive exposito eius loci, in quo pro tempore versatur. Quemadmodum, etiam in externo foro quilibet Iudex Reum vagabundum capere, & ob delicta etiam alibi commissa punire potest; præterquam si à Iudice delicti petatur. l. 5. t. 6. c. 10. n. 7.

Vagabundorum matrimonijs Parochus assistere non debet, nisi prius diligente inquisitione facta, & re ad Ordinarium delata. ibid. n. 8.

Peregrinus & vagabundus iudicantur, & absoluuntur in Pœnitentiæ foro, etiam quoad reseruata peccata, secundum consuetudines loci eius, in quo se iudicio submitunt. eod. c. 10. n. 10.

Perignantes, dum à parochia absunt, ex tacita voluntate Ordinariorum, per consuetudinem firmata, à quo-

uis exposito Sacerdote sacramenta Pœnitentiæ, & Eucharistiæ, etiam tempore Paschali, accipere possunt, si ad propriam parochiam facili accedere nequeant. Sed reuersi ad parochiam testimonium annuæ Confessionis & Communionis Parocho postulanti exhibere debent. num. 9.

Cum Christiani inter Turcas peregrinari permittuntur, ex pacto cum ipsis inito, si quid palam, vel clam ab illis auferant, furti vel rapinæ crimen committunt, cum restituendi obligatione. l. 2. t. 3. c. 12. n. 17.

Si Turcæ à Christianis inter ipsos peregrinantibus per iniustitiam aliquid extorserunt, v. g. pretium redemptionis, vel tributum, ob permissam ipsis peregrinationem, licet tantumdem ipsis auferent, si clam, & sine vilo scandalo id fieri possit. ibid.

Si Turcæ per terras Christianorum peregrinentur cum consensu Principum, ut fieri solet tempore induciarum, aut pacis, nefas est quiddam ipsis damni inferre. At verò tempore belli, nullaque promissa securitate, possunt bonis spoliari, in captiuitatem trahi &c. non solum à Principe bellum contra eos gerente, sed etiam à quouis eius subdito, ex præsumpta Principis voluntate. ibid. dicto. 4.

Periurium

Periurium strictè sumptum est mendacium, vel falsitas iuramento confirmata. Latè autem accipitur pro omni iuramento illicito, seu irreligioso. l. 4. tract. 3. c. 14. num. 1.

Triplex est periurium, seu iuramentum peruersum: Vnum propriè dictum, quod veritate destituitur: idque diuiditur in assertorium, ac promissorium: quamuis etiam promissorium à proprietate periurij deficiat. Alterum est, quod iustitia caret: videlicet si quis rem illicitam se facturum iuret. Tertium, quod iudicio vacat videl. si quis sine iusta causa, ac temere iuret. Et hæc duo posteriora impropriè, ac quodammodo periuria sunt. ibid. §. inter dum,

Secundo præcepto Decalogi, *Non assumes nomen Dei in vanum*, prohibetur omne periurium: sed principaliter id, quod veritate destituitur; alia verò secundariò. ibid. in Corollario.

Omne periurium assertorium est peccatum mortale, si cum plena deliberatione fiat. n. 2.

Iuramentum incautum, id est, prolatum sine debita consideratione, verumne sit, quod iuratur, est peccatum graue, vel leue, secundum proportionem defectus debite considerationis. Non autem est propriè periurium; cum non contineat in se mendacium. n. 3. & 4.

In iuramento assertorio maior, vel minor certitudo requiritur, pro diuersitate rerum iuramento assertarum. n. 5.

Si testis de ipso facto alterius in iudicio iuratus deponat, requiritur certa cognitio, quæ habetur per visum: secus, si solum testetur de fama. ibid.

Non omne promissorium periurium est peccatum mortale; sed ob leuitatem materiæ veniale fieri potest. n. 6.

Iuramentum amphybologicum licet propriè periurium non sit; imò culpa omni vacet, si iusta ita iurandi causa adsit, est tamen illicitum, & quodammodo periurium, si sine iusta necessitate fiat. n. 7.

Iuramentum, qui deest iustitia, si sit assertorium tantum, videtur esse peccatum veniale: ut si occultum proximi peccatum iuramento affirmes. Sin verò promissorium de patrandò opere mortaliter malo, mortale peccatum est: v. g. si iures te hominem occisurum esse, at verò de re venialiter mala, continet tantum venialem irreuerentiam: ut si iures, te puerum non ita omnino meritum castigaturum. n. 9.

Iuramentum de re indifferente, aut repugnante Evangelicis consilijs, ut si iures, te Religiosum non futurum, non ieiunaturum, per se loquendo, est peccatum veniale, ob iustitiæ defectum. n. 10.

Iuramentum cui Iudicis discretio deest, quia sine necessitatis ratione sit, non excedit culpam venialem: mo-

dò iurans cautionem adhibeat, ut quod iuramento affirmat, falsum non sit. n. 11.

Mala consuetudo faciliè ad quoduis dictum iurandi, collocat hominem in probabili periculo multorum falsorum iuramentorum. ibid.

Periurium propriè dictum præsertim assertorium, admodum graue peccatum est, tamen à Magistratu non pœna corporali, sed alia arbitraria punitur, quia Deum potius ultorem habere debet, in cuius iniuriam directè tendit; sicuti & blasphemia &c. eod. num. 11. §. Denique, & num. 12.

Homines aliqui plebeij non satis distinguunt inter iuramentum falsum, blasphemiam, & maledictionem. n. 13.

Pignus, Hypotheca.

Nomen pignoris ferme rebus mobilibus, hypotheca immobilibus tribuitur: sed possunt etiam pro eisdem accipi. l. 3. t. 4. c. 30. n. 1.

Pignus siue hypotheca diuiditur in Prætorium, conuentionale, & legitimum. n. 2.

Prætorium seu iudiciale pignus est, quod Iudicis auctoritate constituitur, mittendo creditorem in possessionem bonorum debitoris contumacis; vel mittendo Actorem in possessionem bonorum, ut ipsi cautum sit, si videlicet Reus in iudicium vocatus non compareat. eod. num. 2.

Conuentionale pignus est, quod partes contrahentes expresse constituunt, vel rei interuentu, vel solo consensu. ibid. §. Conuentionale.

Duplex est pignus seu hypotheca conuentionalis: Vna generalis bonorum omnium præsentium & futurorum, quæ tamen non censentur comprehensa, quæ in specie non faciliè obligantur, videlicet res ad quotidianum vsum necessaria: Altera hypotheca particularis, id est, vnius, vel plurium rerum in specie obligatio. n. 3.

Legitimum pignus siue hypotheca est, quæ legis dispositione constituitur: quare etiam tacita vocatur, & distinguui debet in generalem, ac specialem. ibid. §. Legitimum.

Legitimam hypothecam habet I. Fiscus in bonis cuiuscunque debitoris sui. II. Bona omnia tutoris, vel curatoris, sicuti & administratoris Ecclesiæ, vel Hospitalis tacite obligata sunt pro administratione. III. Liberi habent tacitam hypothecam in bonis patris pro administratione aduentitiorum. IV. Vxor habet tacitam hypothecam in bonis mariti pro dotis restitutione, adeò ut eo mortuo bonis in domo relictis interim iure retentionis insistere possit. V. Res empta ex pecunia pupilli obligata ipsi est, donec pretium accipiat. VI. Quæ à conductore in prædium vrbanum illata sunt, obligata censentur pro pensionem, & damno rei. eod. n. 3.

Quæcunque res emi, vendique possunt, eæ etiam pignori obligari, & vice versa, quæ res absolute, & propter seipsas vendi prohibentur; earum etiam oppignatio prohibita est: quamobrem nomine alienationis in materia fauorabili etiam oppignatio comprehenditur, cum ea sit dispositio quædam ad alienationem, imò imperfecta quædam alienatio. n. 4.

Qui rem in pignus accepit, alteri oppignere potest, & durat secunda oppignatio, donec extinguatur prima: nam resoluta iure dantis, resoluitur etiam ius accipientis. n. 2. §. Non prohibetur, & n. 5.

Pœna legis commissoria, (si videlicet debitum certo tempore solutum non sit, ut pignus creditoris existat, vel eidem venditum sit, in secundum, aut solutum datum) iure tam ciuili, quam canonico reprobatur. n. 6.

Iustum est pactum, si ad certum diem solutio facta non fuerit, ut pignus creditori iusto pretio vendi debeat. Item si debitor in mora soluendi existat, ut pignus statim vendere liceat, atque inde detractò debito reliquum debitori restituatur. n. 6.

Et si nihil conuentum fuit de pignore distrahendo, ta-

men distrahi potest biennio post moram, & interpellationem debitoris. Quin etsi conuentum fuerit, vt pignus distrahere non liceat, postquam tamen ter denunciatum est debitori, vt soluat, bienniumque interim elapsum, pignus distrahere concessum est. ibid.

Fructus ex pignore perceptos creditor in partem exonerandæ fortis computare debet. Si tamen necessariarum atque vtilium expensarum compensationem in fructibus non percepit, eas repetere potest, & interim donec solvantur pignus retinere. n. 7.

Debitor rem quam vni oppignerauit, alteri vendere non prohibetur, emptori tamen de euictione tenetur. num. 8.

Oppignerato fundo, vel alia re frugifera, etiam fructus oppignerati censentur, quia censentur pars fundi. n. 9.

Pœna.

Pœna alia est legalis, alia conuentionalis, & alia iudicialis: inter quas hoc discrimen est, quod pœna legalis strictiorem interpretationem habeat, quam conuentionalis, & iudicialis. lib. 3. t. 4. c. 16. n. 12.

Si pœna conuentionalis modica adiecta sit, soluenda à debitore, nisi ad certum diem satisfecerit, ea in conscientia foro solui debet, si à creditore exigatur, modò debitor culpa non caruerit. lib. 3. t. 4. c. 30. n. 6. §. Denique.

Pœnitentia Sacramentum.

Pœnitentia est Sacramentum nouæ legis, à Christo institutum. Ioan. 20. l. 5. tr. 6. c. 3. n. 1.

Sacramentum Pœnitentiæ post Baptismum lapsis in peccatum mortale necessarium medium est ad salutem: quare à Patribus appellatur altera post Baptismum tabula, naufragis à Deo præparata. n. 2. & 3.

Sicuti non baptizatis ad iustificationem sufficit votum Baptismi, ita etiam lapsis sufficit votum Sacramenti Pœnitentiæ, ita tamen, vt si postea Sacramentum re ipsa suscipi possit, præceptum suscipiendi incumbat. n. 4.

Materia remota, circa quam Sacramentum Pœnitentiæ versatur, est orane peccatum actuale hominis baptizati, etiam id à quo aliquis semel absolutus fuit: liquidem Ecclesiæ praxis ostendit, repetitam seu generalem peccatorum Confessionem rectè institui posse. n. 5. & n. 8. §. Porro.

Mortalia peccata sunt materia Sacramenti necessaria, venialia autem, & ea mortalia, à quibus absolutio directè iam accepta est, sunt materia non necessaria, sed idonea. cod. num. 5.

Operam dare debet pœnitens, vt non sola peccata dubia, sed aliquod peccatum certum, saltem veniale, ad Confessionem afferat. Sin autem Confessarius non certam, sed tantum dubiam absolutionis materiam elicere possit, interdum, & quidem frequentius, spectatis circumstantijs, hominem sub conditione tacita absolueret potest, interdum autem, si nulla necessitas appareat, absolutione omnino superfedere. ibid. §. Pro praxi.

Materia propinqua, ex qua Sacramentum Pœnitentiæ constituitur, sunt actus pœnitentis, contritio, confessio, satisfactio: Forma autem huius Sacramenti est, *Ego te absoluo à peccatis tuis.* n. 7.

Inuocatio SS. Trinitatis, & signum crucis secundum Ecclesiæ consuetudinem adiungitur, sed & manus impressio, vel eleuatio, capitisque denudatio inter absolvendum omitti non debent, vbi hæc in obseruatione sunt. num. 8.

Forma huius Sacramenti necessariò & essentialiter in verbis consistit, neque alijs signis, puta nutu, aut scriptura exprimi potest. cod. n. 8. assert. 6.

Multò minùs valida est absolutio collata absenti per nuncium, aut per epistolam: quare breuiter dici potest, quod absolutio Sacramentalis necessariò fiat verbis vocabulis, præsentem eo, qui absoluitur, quamuis fortasse tunc mentis impos sit. n. 9.

Ad valorem Sacramenti Pœnitentiæ requiritur, vt do-

lor internus aliquo modo antecedit Confessionem peccati. lib. 5. t. 6. c. 4. n. 4.

Ad Sacramentum Pœnitentiæ non sufficit dolere te, quod non satis doleas. n. 5.

Ex vero dolore de peccatis, sequi solet propositum imposterum ea vitandi: idque Confessarij exigere debent, vt aliter pœnitentem absolueret nolint, nisi propositum habeat, deinceps ab omnibus mortalibus abstinendi. n. 6.

Et debet tale propositum efficax esse, vt dum talis dispositio, siue voluntatis propositum durat, re ipsa moueatur homo ad peccatorum occasiones tollendas &c. n. 7.

Accidit interdum, vt quis verum propositum habeat abstinendi à peccato, & tamen existimet, non omnino se vitaturum. n. 8.

Occasiones, & pericula peccatorum propinqua amouere pœnitens plerumque obligatus est, non item pericula remota. n. 9.

Qui sapius eandem peccati speciem ad confessionem affert, iterum absolvendus est, si nouum emendationis propositum ostendat, quod aliquibus signis Confessarius cognoscere poterit. n. 10.

Si pœnitens post duas, aut tres Confessiones eandem peccati speciem eodem, vel maiore numero afferat, & nullus emendationis conatus antecessisse videatur, differenda est absolutio, præscripto aliquo temporis spatio intra quod pœnitens se emendare debeat, & postea redire, Excepto, si pœnitens in præsentem Confessione specialia, qualia ante non solebat, doloris signa ostendat. n. 10. §. Veruntamen.

In tali casu difficilius absolutio dari debet, si crimina publica sint, v. g. frequentes blasphemiae, ebrietates, & post repetitam Confessionem, aut sacram synaxin emendatio non appareat. ibid. §. Secundò.

Possessio, Possessor.

Possessio est detentio rei corporalis, corporis, animi, iurisque adminiculo. l. 3. t. 1. c. 7. n. 1.

Rerum incorporalium seu iurium non propriè possessio, sed quasi possessio esse dicitur. ibid. §. Dicitur.

Possessio acquiritur per rei apprehensionem veram aut fictam. n. 2.

Qui rem vt conductam, depositam, commodatam, vel pignoris loco penes se habet, non est possessor eius, cum non vt suam, sed vt alienam, seu non suo, sed alieno nomine teneat. n. 3.

Ad possessionem acquirendam corpus & animus requiritur; sed ad retinendam plerumque sufficit solo animo, seu ciuilitè tantum possidere. n. 4.

Possessio interdum est solius facti, interdum etiam iuris. ibid. §. Denique.

Iudicium siue lis iudiciaria interdum instituitur de possessione, & interdum de proprietate rei. n. 5.

Possessor intentionem suam fundatam habet, & onus probandi actori seu petitori incumbit, nisi ius commune actori resistat. n. 6.

Si tamen possessio, cui iura resistunt, v. g. quod aliena Ecclesia decimas possideat, titulo etiam adiunctur, eo casu possessio tribuit præsumptionem veritatis, ac iustitiæ; licet de modo & qualitate non satis constet. Idemque dicendum si possessio immemorialis sit, quamuis titulus exhiberi iam non possit. n. 6.

Remedia quædam possessoria æquitate Prætoria introducta fuerunt. n. 7.

Qui ciuilem rei possessionem retinet, eam ab iniusto inuasore, aut spoliatore etiam vi adhibita, quatenus necesse est, defendere potest: interdum tamen ratione scandalii aut grauioris damni secuturi contra charitatis legem peccabit, qui contra iniquum inuasorem, vel ob ius alicuius seruitutis vel hospitis denegatum, propria auctoritate vim intulerit, si via iudicij, vel alio modo mitiore possessionem iuris sui se recuperaturum existimet. n. 8.

Qui alienam possessionem, vel Ecclesiasticum benefi-

cium per vim inuadit, eo ipso in pœnam priuatur iure, si quod habet n. 9.

Si iura possessi non resistent, plerumque ex vno actu exercitæ iurisdictionis, præsumptio fit de tota iurisdictione eidem competente: v. g. si Episcopus in aliqua parochia actum iurisdictionis exercere solitus sit, exinde coniectura fit, parochiam ad ipsius diœcesin spectare. l. 3. t. 1. c. 8. num. 6.

Bonæ fidei possessor, postquam intellexit rem alienam esse, non plus restituere debet, quam possidet. l. 3. t. 2. c. 3. n. 1.

Qui bona fide siue per ignorantiam excusantem illum à culpa Theologica contractum celebravit, quem postea usurarium esse intelligit, non plus restituere debet, quam exinde ditior factus est. eod. n. 1. §. Denique.

Malæ fidei possessor est, qui iniuste possidet, sciens, vel per crassam negligentiam scire intermittens, ius sibi non competere. eod. tr. 2. c. 4. n. 1.

Si res apud malæ fidei possessorem casu fortuito perijt, alioquin etiam peritura apud dominum, nihil restituere cogitur: secus est, si iniquus possessor eam dolo absumpsit, vel per crassam seu mortalem negligentiam perdidit: nam exinde restituendi obligationem contrahit, quæ ubi semel contracta est, propter accidentalem euentum non extinguitur. n. 2.

Malæ fidei possessor restituere debet omnia meliora menta rei intrinseca, deductis tamen expensis non tantum necessarijs, sed etiam vtilibus. n. 4.

Si res intrinsecè aucta siue melior effecta apud malæ fidei possessorem, postea decreuit, restituere is rem debet, secundum valorem status optimi; excepto, si etiam apud dominum similiter deterior facta esset, etsi ab iniquo possessore in statu optimo restituta fuisset. num. 5.

Si res in manu iniqui possessoris extrinseca æstimatione aucta, & tunc carius vendita fuit (v. g. furtium frumentum) satisficit creditori, si ipsi res similis restituatur, vel pretium eius, secundum taxationem temporis, in quo restitutio fit. n. 6.

Id perpetuum est, quod malæ fidei possessor lucrum omne cessans, & damnum emergens domino restituere cogatur: quare hoc præcipuum discrimen est inter possessorem bonæ fidei, & possessorem malæ fidei, quod in illo attendatur, quid, aut quantum possideat: tantundem enim, & non plus restituere cogitur. Sed in restitutione faciendâ à malæ fidei possessore attenditur ad omne lucrum cessans, & damnum domino emergens. num. 7.

Præscriptio, vsucapio.

Præscriptio definitur: Exceptio peremptoria, ex tempore legibus definito substantiam capiens. Vsucapio verò definitur: Adiectio dominij per continuationem temporis lege definiti: quare, si propriè loquendum sit, præscriptio est quasi fructus seu effectus vsucapionis. Etenim ob bonum publicum constitutum est, vt longa & pacifica rei possessione, cum bona fide, dominium acquiratur, idèoque pristinum dominum per exceptionem tanti temporis repellere liceat. l. 3. t. 1. c. 8. n. 3.

Bonæ fidei possessor post legitimi temporis decursum, plenum rei dominium, etiam in conscientie foro acquirit; esto rei dominus pristinus ob inuincibilem ignorantiam rem suam non repetierit. n. 4.

Ad præscribendum seu vsucapiendum imprimis requiritur possessio, eaque ciuilis: sola autem naturalis detentio non sufficit. n. 5.

Non plus aliquis per vsucapionem acquirere potest, quam possidet. n. 6.

Subditus, dum se subditum profitetur, præscribere non potest aduersus ea, quæ potestati gubernatrici intrinseca, & necessaria sunt: potest tamen aliquis temporis diuturnitate contra Superiorem præscribere immunitatem, qua desinat esse subditus. ibid.

Nihil obstat, quominus subditus partem aliquam iurif-

dictionis contra Superiorem præscribat, v. g. Capitulum vt in prima instantia Canonicos, & Officiales suos iudicet: sed requiritur ad hoc possessio temporis immemorialis, vel quadraginta annorum, cum titulo colorato: quando quidem præsumptio iuris est pro Episcopo. eod. n. 6. §. Inferitur secundò.

Incapax possidendi est etiam incapax præscribendi: quamobrem iura Ecclesiastica, v. g. decimæ clericales, iurisdicção in Clericos, eorumve bona, nullo etiam immemoriali tempore à laicis vsucapi possunt, absque titulo præsumptio factæ comissionis, aut accepti priuilegij. num. 7.

Quod aliqui dicunt, ipsam consuetudinem, aut possessionem immemoriam loco tituli esse, id verum duntaxat est, si aliquis sine titulo, aut priuilegio speciali capax sit possidendi, ac præscribendi. ibid. in Corollario.

Per actus liberos non inducitur præscriptio, id est, dum aliquis libere, & non velut ex obligatione aliquid tibi præstat, non potest præscribere, cum non sis in possessione iuris erga ipsum. n. 8.

Valallus, vel subditus nunquam contra dominum præscribit immunitatem à seruitijs, v. g. angarijs, nisi interpellatus negauerit ea præstare: vel nisi re ipsa pro exemplo se gerat, aut publicè habeatur. ibid.

Dictum illud, *In actibus voluntarijs non procedit præscriptio*, locum non habet, si quis agere, vel exigere temporis diuturnitate intermittat: nam alioquin contra actiones nunquam præscribi posset. n. 9. §. At verò.

Si colonus tempore longissimo canonem non soluerit, existens in possessione immunitatis absolutè, contra dominum præscribere potest. Sin autem colonus se emphyteuticum, atque ad canonem obligatum profiteatur, aut publicè pro tali habeatur, etsi canon, aut laudemium longo tempore non exigatur non extinguitur ius emphyteuticum. eod. n. 9. princip.

Malæ fidei possessor nullo vnquam tempore præscribit. num. 10.

Cum errore facti vsucapio procedit, sed non cum errore iuris, quamuis inuincibilis sit: præterquam si sit ignorantia aut error iuris dubij, aut si ignorantia iuris ciuilitè inculcata censeatur, puta in Milite, Minore XXV. annis aut rustico non habente copiam consultoris. n. 11.

Obligationes, quæ non sunt ad agendum, sed patiendum, præscriptione temporis legitimi extinguuntur per solam Actoris negligentiam, seu cessationem, etsi debitor obligationem suam non ignoret. Exemplum habes in legibus pœnalibus, in rusticis seruitutibus, & probabiliter etiam in actione hypothecaria. n. 12.

Cum titulo, videlicet præsumpto, facilius præscribitur, quàm sine titulo. Nam res mobiles triennio vsucapiuntur cum titulo, & bona fide, sine titulo autem triginta anni requiruntur. n. 13.

Res immobiles cum titulo inter presentes spatio decennij vsucapiuntur, inter absentes viginti annis: si tamen res immobilis à malæ fidei possessore, videl. fure, aut raptore ad te translata fuerit, ante annos XXX. vsucapi non potest. ibid. dicto 3.

Vsucapio immobilium aduersus Ecclesiam Romanam centum annis perficitur; aduersus inferiorem Ecclesiam, Monasterium, vel Hospitale, XL. annis, spectato communi iure. ibid. §. Tertio.

Bona legata, donata, vendita ciuitatibus, & quæ ad coronam Regni, vel Prouinciæ spectant, centum annis vsucapiuntur. §. Quinto.

Res immobiles sine titulo vsucapiuntur tempore longissimo, nisi ius commune possessori resistat, aut vehemens suspicio sit possessionem mala fide, vel ex iuris errore acquisitam esse, tunc tempus immemoriale requiritur, modò capacitas sit in vsucapiente. n. 14.

Qui possessionem temporis immemorialis ostendere potest, non tenetur titululum allegare, quamuis plerum-

que expediat vna cum possessione titulum allegasse, tametsi plenè probari nequeat. n. 15.

Si præscriptio iuris v. g. emphyteutici, vel iuris patronatus tendat contra Ecclesiam, tunc XL. annorum, & interdum temporis immemorialis possessio requiritur: si verò contra priuatam personam, quando videlicet non quaritur, vtrum Ecclesia patronata sit, necne, sed vter duorum patronus eius existat, præscribitur tempore ordinario. cod. n. 15. dicto. 5.

Triennio possidens beneficium Ecclesiasticum cum bona fide ius in eo acquirit. n. 16.

Debita omnia aduersus actiones cum bona fide præscribuntur saltem longissimo tempore, videlicet XXX. annis. Sed excipitur actio hypothecaria, quæ XL. annis tollitur, si ipsemet debitor, eiusve hæres possessor sit. cod. num. 16. dicto 7.

Omnis accusatio de crimine annis XX. tollitur per præscriptionem: in quibusdam tamen criminibus sufficit quinquennium, vt in adulterio. dicto. 8.

Ad probandam possessionem continuam sufficit plerumque ostendere principium possessionis, exinde enim præsumptio fit, continuatam fuisse, si adhuc in possessione persistas. §. Porro.

Successor in possessione numerare etiam potest tempus antecessoris sui, si is bona fide possedit: secus, si mala fide. num. 17.

Mala fides antecessoris nocet Successori vniuersali, siue hæredi, quominus vsucapere possit, nisi fortè tempore longissimo. n. 18.

Vsucapio semel cæpta interdum currere definit (v. g. si tempore belli ius non dicatur, si Ecclesia Rectore careat, aut habeat inutilem ad agendum) postea iterum processura. n. 19.

Qui rem legitimè vsucepit, etsi ob iuris ignorantiam postea nihil excipiens restituat, repetere potest tanquam omni iure indebitam. n. 23.

Primitiæ, oblationes.

Primitiarum ex terræ frugibus Sacerdotibus offerendarum antiquissimus in Ecclesia vsus est: quamvis hodie pluribus locis in desuetudinem venerit. lib. 4. tract. 6. c. 7. num. 1.

Oblationum, & eulogiarum varia genera sunt. num. 2. & 3.

Consuetudo offerendi ad altare sub sacrificio Missæ antiquam originem habet. n. 4.

Nullum extat præceptum Ecclesiasticum de oblationibus in ecclesia faciendis: potest tamen longa consuetudine talis obligatio introduci. num. 5. & l. 4. tract. 10. c. vlt. num. 16.

Offerentes in Ecclesia debent esse Christiani, ab Ecclesia non præcisi seu excommunicati. n. 6.

Fœminæ ad altare sub Missæ sacrificio admitti possunt, sed non intra cancellos, vbi Clerici stant. n. 7.

Oblationes non faciendæ, neque accipiendæ sunt ex ijs, quæ iniuste acquisita, & restitutioni obnoxia sunt. num. 8.

Quorundam criminoforum oblationes recipere sacris canonibus prohibitum reperitur. n. 9.

Priuegium.

Priuegium est priuata lex, in alicuius fauorem data. l. 1. t. 4. c. 23. n. 1.

Priuegium aliud est reale, & aliud personale. n. 2.

Priuegium personale triplex est, singulariter personale, communiter personale, ac mixtum. n. 3.

Priuegium personale personam sequitur: sed reale priuegium adheret rei, cuius respectu datum est. n. 4.

Priuegia, quæ Communitati conceduntur, transeunt ad eorum successores. cod. n. 4.

In priuegio Communitati v. g. Regularium concessio, Missam celebrandi de speciali Sancto, aut Beato, considerandum est, vtrum tendat principaliter ad personas,

vt proinde eo vbique vti possint, at verò directè ac principaliter ad locum dirigatur, vt etiam alijs Sacerdotibus ibi celebrare liceat. ibidem. §. Aliud exemplum.

Priuegium aliud est contrarius, ideòque strictè interpretationis: aliud vltra ius, quod cum sit gratia, seu beneficium, latam interpretationem meretur. num. 5. §. Aliud.

Priuegia quæ non vni personæ, sed toti Communitati v. g. Clericorum, aut Religiosorum, concessa sunt æquantur legibus communibus, ideòque latam interpretationem habent. ibid. §. Dixi.

Si priuegium quamuis contra ius commune motu proprio Principis concessum sit, amplam etiam interpretationem meretur, cum proprium Principis beneficium sit excerta scientia datum. ibid.

Priuegia Episcopis concessa v. g. de eligendo confessore, de viua tunc portatilis, competunt electis & confirmatis, etiam ante consecrationem. l. 1. t. 5. pag. 3. c. 2. num. 2.

Si beneficium Principis in alterius præiudicium tendat, vel scandali occasionem præbeat, eatenus odiosum est, & strictè interpretandum. n. 6.

Princeps suo priuegio non præsumitur derogare speciali conuentioni, quæ inter partes intercessit. ibid.

Si in priuegio vnum concessum sit, censentur etiam alia concessa, sine quibus illud commodè obtineri, vel exerceri non potest. §. Porro, & n. 7. except. 2.

Interpretatio priuegij in dubio facienda est secundum communem, & viuatam, vel propriam verborum acceptionem: nam priuegia non plus operantur, quam verbis exprimunt. n. 7.

Priuegium non debet priuegiato onerosum esse quare multi docent, quod exempti non obstant exemptionis priuegio, cum Prælati sui consensu subijcere se possint ordinario, dispensationem petendo in votis, iuramentis, absolutionem à censuris &c. eodem. num. 7. §. Denique.

Priuegium ita interpretari oportet, vt aliquid opereatur, & non sit superuacaneum. Interdum tamen quod iure communi concessum est, impetrari solet ad maiorem securitatem, omnemque tollendam dubitationem: quia plus valet specialis cautio, quam generalis. ibid. except. 3.

Priuegium, quod motu proprio confertur, fauorabilius esse cenietur, & excludens præsumptionem subreptionis: quod verò ad instantiam partis priuegium datur, magis odiosum est. n. 8.

Priuegium motu proprio concessum, ordinariè effectum ante non fortitur, quam priuegiato innotuit. num. 9.

Priuegium ante acceptionem reuocari potest, si ex mera liberalitate promanauit, secus, si ex debito officio conferentis ibid.

Priuegium, quod in gratiam petentis per literas, vel procuratorem conceditur, statim suum effectum fortitur, quamuis ignorante eo, qui postulauit. n. 10.

Quedam priuegia ex mera gratia dantur, quædam verò ob antecedentia merita, vel cum imposito futuro onere. num. 13.

Quicumque legem condere, is etiam priuegium dare potest, & vice versa. n. 14.

Priuegia dari possunt non tantum ijs, qui absolute subditi sunt, sed etiam alijs. n. 15.

Is, cui Ordinarius concessit priuegium legendi libros prohibitos, vt eo potest etiam extra dioccesin conferentis; cum priuegium datum sit personæ. n. 16.

Priuegium duobus modis confirmari solet, vel ex certa scientia, vel in forma communi. eodem n. 16. quest. 4.

Priuegium finitur elapso tempore, cessante causa finali, vel conditione, sub qua concessum fuit. n. 17.

Si princeps priuegium dederit sub hac verborum forma, dum voluero, quoad beneplacitum meum, eo mortuo ex-

pirat, non item, si dixerit *donec renouauiro, dum aliud decreuero*. Neque si dicatur, *quamdiu Sedi placuerit*, quia potestas Sedis ad successorem transit. ibid.

Priuegium extinguitur, si per rerum mutationem iniquum, aut noxium Communitati fiat, vel si in ipso priuegiato maius detrimentum cedere incipiat. n. 19.

Extinguitur etiam priuegium per renuntiationem priuegiati, si in eius solius fauorem concessum fuerat. Sin autem principaliter in fauorem Ecclesiæ, aut Communitatis, tum personæ priuatae ne iuramento quidem renuntiare possunt, v. g. Clerici priuegio canonis, aut fori. num. 20.

Sed neque Capitulum renuntiare potest iuri, aut priuegio acquisito, si Ecclesiæ utile, aut honorificum sit: Et si Capitulum contra constitutionem aut priuegium faceret, vnus solus se opponere posset, imò si omnes contra facerent, Superior, videl. Episcopus, posset, & deberet impedire, quatenus in damnum Ecclesiæ cedit. ibid.

Exempti non possunt renuntiare priuegio exemptionis, quia id cederet in præiudicium Principis, v. g. Papæ. ibid. §. His adde.

Priuegia, quæ alijs onerosa sunt, amittuntur per non usum spatio decennij inter præsentēs, viginti verò annis inter absentes, si tamen vtendi occasio sit: vt si habeas priuegium exigendi decimas, aut visitandi Monasteria exempta, & longo tempore non vtaris. n. 21.

Priuegia affirmatiua per merum non usum non amittuntur, si vtendi occasio non sit: vt si quis habeat iurisdictionem sanguinis, & longissimo tempore nullum malefactorē ceperit. ibid.

Quæ absolute gratiæ sunt, in nullius grauamen cedentes, v. g. sacrificandi ante auroram, absoluedi à casibus reservatis, per solum non usum non amittuntur. n. 22.

Priuegia quæ alijs onerosa sunt, vt exemptio à decimis à iurisdictione Ordinarij, per actum contrarium seu contrauentionem duobus modis amittuntur, vel via præscriptionis post exercitum actum contrarium, vel via tacitæ renuntiationis: præsumitur enim in foro externo iuri suo renuntiare, qui sine necessitate contrarium actum exercet, v. g. si emptus Ordinarij iudicio se sistit. n. 23.

Priuegia, & dispensationes, quæ tractum successuum habent, cessante causa finali, pariter cessant v. g. si Papa cum infirmo, cuius valetudo desperata, videtur absolute dispense in lege ieiunij, ille autem præter opinionem vires integre reciperet, tenebitur postea legem cum alijs obseruare. l. 1. tr. 5. c. 22. n. 16.

Priuegia, quæ ad operandum aliquid præter ius commune subditis merè gratiosè data sunt, à concedente, eiusve successore reuocari possunt. n. 25.

Quæ non subditis priuegia concessa sunt post acceptationem reuocari non possunt, quia transferunt in patrum: talia sunt priuegia quæ Imperatores, & alij Principes Ecclesiæ concesserunt. ibid. §. Dixi.

Sed neque priuegia absque urgente causa reuocari possunt, quæ subditis data sunt in remunerationem meritorum, aut cum grauamine in futurum: item, si cum absoluta donatione, aut translatione iuris data sint, v. g. ius vectigalis, iurisdictione in prima instantia &c. ibid.

Reuocatio priuegij alia est expressa, & alia tacita, Expressa vel fit in specie, vel per clausuram generalem, non obstantibus &c. qua tamen non censentur reuocata priuegia contenta in corpore iuris, nisi eorum quoque derogatoria clausula addatur. n. 26.

Sed neque priuegia in corpore iuris non contenta per generalem illam clausulam reuocantur, si insertum sit, quodd subblata censeri non debeant, nisi specialis eorum mentio fiat, reuocata tamen censentur per plenissimam derogationem, non obstantibus quibuscunque priuegijs, quacunque verborum forma conceptis, eod. n. 26. §. Deinde.

Tacita reuocatio priuegij fit per actum Principis contrarium, modò præsumi possit cum recordari concessi

priuegij. num. 27.

Per legem vniuersalem non derogatur priuegijs in corpore iuris non contentis, nisi eorum mentio specialis fiat: quia Princeps iura communia in pectore suo gerit, sed specialia probabiliter ignorat. Ibid. reg. 1.

Priuegium prius concessum non tollitur per posterius, nisi eius mentio specialis fiat. Si tamen prius priuegium generale sit, posterius autem speciale, priori derogatum videtur: quia generi per speciem derogatur, siue ea antecedat, siue sequatur. reg. 2. & §. Limita.

Reuocatio priuegij, alteriusve facultatis non antè vim obtinet, quàm priuegiato, aut delegato innotescat. num. 28.

Probationes. Probationes in causa civili variæ sunt; videl. per testes, per instrumenta, aut libros antiquos, per famam, indicia l. 3. t. 6. c. 4. non voluit &c.

Probatione nulla opus est, si de veritate constet: & est magna hæc, etiam Aduocatorum quorundam deceptio, qui putant debitorem obligatione soluendi liberum esse, si de eo debitum demonstrari non possit. l. 3. tom. 5. cap. 1. num. 5.

Instrumentorum duplex genus est; vnum publicum, quod publica Tabellionis manu legitime confectum est: aliud verò priuatum, videl. scriptura à priuato homine confecta, cuius ea conditio est, vt si sola sit, & testium subscriptione non munita, contra auctorem suum probet, non item pro ipso n. 28.

Ordinarie cogi aliquis non potest, vt propria instrumenta Actori edat: Secus, si sint instrumenta communia, vel si certum sit, aliquem v. g. emphyteutam esse tunc cogi potest à domino, vt instrumentum emphyteuseos edat. Præterea si contra possidentem iuris præsumptio sit, v. g. si quis ius præsentandi sibi vendicat in Ecclesia Collegiata, literas foundationis, quas penes se habet, Episcopo exhibere debet. eodem. num. 2. & lib. 3. tom. 1. c. 8. num. 15. §. Vnde.

Confessio partis omnes coniecturas, omnèque genus probationum superat. l. 3. tr. 5. c. 9. n. 6.

Si verba vltimæ voluntatis ambigua sint, sed intentio, testatoris duobus testibus probari possit ex verbis extra testamentum prolatis secundum eam iudicari debet. Ibid.

Acta iudicij apud Iudicem conscripta à duobus testibus, qui publici Notarij fidem supplere possunt, publicam fidem merentur. Sed & consuetudo obtinuit, vt protocolia à Notario, vel simili persona in publicis actibus scripta sine alia obfignatione, vel subscriptione, fidem faciant, si nulla fraudis suspicio sit, & non agatur de rebus magni momenti. cit. n. 2.

Libri censuales, & aliæ antiquæ scripturæ fidem publicam facere debent, si nulla fraudis suspicio siue coniectura sit. Ibid.

Æquum est, vt rationibus mercatorum saltem in minoribus debitis fides habeatur, etiam pro ipsis, sicuti contra ipsos creditur, sed opus est Iudicis arbitrio, vtrum fraus subesse possit. §. Scriptura.

Procurator. Procurator dicitur, qui aliena negotia mandatu domini administrat: nam procuratoris officium species quædam mandati est. l. 3. t. 4. c. 26. n. 6. §. Procurator.

Procurator alius est specialis, & alius generalis: item alius est ad lites siue iudicia, & alius ad alia negotia tractanda. num. 7.

Procurator, sicuti & quilibet alius mandatarius, aut delegatus, literas & formam mandati vel commissionis suæ exhibere cogitur, vt appareat quousque se eius potestas extendat. Verum persona coniuncta admittitur sine mandato ad agendum pro altero, modò caueat illum ratum habiturum. ibid.

Licet Procurator ad negotia post XVII. ætatis annum rectè constituatur, ad iudicia tamen nisi maior XXV.

annis deputari non potest. Simili modo minor XXV. annis in iudicio stare non potest, siue ut actor, siue ut reus, absque tutore, aut curatore: sed neque filius-familias sine patris assensu. Ibid. §. Procurator.

Procurator ad iudicia de culpa etiam leui, vt fortè etiam leuissima tenetur: Sed Procurator ad negotia, sicuti & alius mandatarus, plerumque tantum de culpa lata, nisi negotij qualitas exactam diligentiam requirat. eod. n. 7. §. Tertium.

Procurator ad lites differt ab Aduocato, quia cum illo contrahitur, & mandati actio in eundem competit, quamobrem maior ætas ad hoc munus requiritur. Aduocatus verò obligatione mandati non constringitur, sed clienti in iudicio presenti, & pro se etiam agenti patrocinium præstat. eod. n. 7. §. Procurator, & n. 8.

Procurator nemo esse cogitur, sed Aduocatus ad defendendas personas miserabiles à Iudice compelli potest. num. 9.

Tam Procurator, quam Aduocatus salarium iuste accipit, nisi pauperes clientes sint, in graui necessitate constituti. eod. num. 9.

Irritum est pactum, quod dicitur *de quota litis*, id est, vt certa pars eius, quod ex lite prouenturum est, Procuratori, vel Aduocato cedat. Existimant tamen aliqui, sine peccato conueniri posse, vt certum pramium præter stipendium detur, si victoria proueniat, modò id moderatum sit, & lege speciali non prohibitum. n. 10.

Clericus in sacris, & beneficiatus in causa civili, si alienasit, procurator, vel aduocatus esse nequit; potest autem esse aduocatus in causis Ecclesiasticis, vel coram Iudice Ecclesiastico. n. 11.

Procuratori similis est Syndicus, sed differunt, quia procurator instituitur à proprio domino, Syndicus verò siue defensor ab Vniuersitate, eiusue administratore, v. g. Episcopo, aut Monasterij Prælo. n. 13.

Procurator, vel mandatarus interdum sibi ipsi actionem, obligationemque acquirit, interdum verò domino suo seu principali. n. 14.

Prudentia:

Quatuor sunt cardinales virtutes: Prudentia, Fortitudo, Temperantia, Iustitia. l. 3. sect. 2. n. 1.

Prudentia est virtus intellectualis, ideòque moralium actionum non elicitua, sed directiua. Ex quo sequitur, eam esse ducem, & reginam aliarum moralium virtutum sine qua nulla earum consistere possit. n. 2.

Prudentia tres actus habet, *lene consultare*, cui opponitur inconsideratio, & præcipitatio mentis, *recte indicare*, cui opponitur mentis inconstantia, & *præcipere executionem*, cui specialiter aduersatur negligentia, & socordia in operando. n. 3.

Prudentia alia est monastica, & alia gubernatrix, quæ subdiuiditur in oeconomicam, & civilem seu iurisprudentiam. n. 4.

Præterea alia est prudentia perfecta, & simpliciter dicta, quæ proposito vero sine totius verè deliberat, iudicat, & præcipit, quæ ad hunc finem accommodatè agenda sint, alia verò est prudentia imperfecta, & secundum quid, quæ proposito sine speciali, consentaneè ad illum deliberat, iudicat, & præcipit; quo modo dicitur prudens mercator, cum interim possit esse malus homo. Qui autem simpliciter prudens, idem & bonus homo est. n. 5.

Sicuti prudentia in se quidem virtus specialis est, ratio autem & veluti forma aliarum moralium virtutum; ita etiam imprudentia in se speciale vitium intellectus est, at tamen causa influens in omnia vitia moralia: quandoquidem nullum peccatum moris committi potest sine iudicio rationis, dictante agendum, quod agere non oportet; vel non agendum, quod agere oporteret. n. 7.

Species imprudentiæ, quæ secundum defectum sunt, videl. præcipitatio, negligentia, in genere moris eam solum peccati rationem habent, quod efficacem causam, vel

saltem periculum præbent malæ electionis, operationisve. Sed neque illæ species imprudentiæ, quæ sunt secundum excessum, videl. prudentia carnis, & astutia, rationem moralis peccati in Confessione explicandi habent, quatenus præcisè sunt vitia intellectus, sed quatenus causam vel periculum præbent, prauæ electionis, cum qua vnum in genere moris peccatum constituunt. Ibid. in Corollario.

Pupillus, Minor.

Pupillus (id est masculus vsque ad completum annum XIV. puella vsque ad completum XII.) postquam ex patris potestate per mortem eius excessit, cogitur habere tutorem, cuius præcipuum munus est personam pupilli tueri, vt pie ac honestè educetur, instruat. lib. 3. tr. 4. c. 9. n. 1.

Puberi ante completum XXV. annum curator non datur inuito: si tamen is curatorem suscepit, cogitur esse sub illo, vsque ad legitimam ætatem completam, similiter si à patre testamento curator datus fuit. n. 2.

Furiosis, ac prodigis, sicut & mente captis, surdis simul ac mutis, & qui perpetuo morbo laborant, quia rebus suis præesse non possunt, curatores dandi sunt. Ibid. Differentia 2.

Minores, præsertim si puberes sint, inuitis etiam tutoribus, vel curatoribus, facere possunt eleemosynas, & alias donationes, ac sumptus moderatos, secundum statum, & facultates suas. Sed etsi modum in ea re excesserunt, contra tutorum, vel curatorum voluntatem, raro tamen mortaliter peccant, & quæ donata sunt, restitui non debent, donec repetantur. l. 3. tr. 4. c. 12. n. 8.

Ipsi etiam tutores, ac curatores ex bonis pupillorum, atque Minorum pro facultate patrimonij, & dignitate natalium eorum, eleemosynas & donationes remuneratorias facere non prohibentur. Ibid.

Pupillus pubertati proximus, itemque Minor contrahens cum tutoris, aut curatoris consensu, tam civiliter, quam naturaliter obligatur. n. 5.

Pupillus, & minor XXV. annis curatorum habens, sine auctoritate eius non obligatur civiliter, interim tamen alterum ætate maiorem efficaciter obligat, si contractu stare velit. n. 6.

Obligatur tamen pupillus, aut Minor, quatenus ex contractu completior factus est, vel si dolo illius res perijt, modò pupillus infantie proximus non sit. Ibidem §. Ceterum.

Ætate minor Religionem professurus omnia bona sua absque tutoris auctoritate alienare, vel cui libet donare potest, sine beneficio restitutionis in integrum: quia censetur mori. Ibid. §. Tertio.

Si pupillus pubertati propinquus, vel Minor absque tutoris auctoritate contrahat, saltem naturaliter seu in foro conscientie obligatur, ad eum effectum, vt si nihil excipiendo debitum solvatur, à creditore retinere possit. n. 7.

Si pupillus cum ipso tutore contrahat, ne naturaliter quidem obligatur: si tamen plures tutores sint, potest vni tutori pupillus obligari alterius auctoritate accedente. n. 8. limit. 2.

Si pupillus, vel Minor absque Iudicis decreto quamuis auctore tutore promittat, vel alienet bona immobilia, aut mobilia quæ seruando seruari possunt, ne naturaliter quidem obligatus esse videtur, quia iura civilia resistunt nisi iuramentum accesserit. eod. n. 8. in fine.

Si pupillus, vel Minor solvatur quod sine tutoris vel curatoris auctoritate promisit, tanquam civiliter indebitum repetere potest. n. 9. §. Tertius.

Quod pupillus, vel Minor curatorem habens ludendo perdidit, soluere non tenetur, nisi iurarit: si tamen soluat, ab altero retineri potest, dum repetatur. n. 10.

Si pupillus, vel Minor quod indebitè soluit aliter recuperare non possit, per compensationem aliquam prospicere sibi non prohibetur. n. 11.

Rapina, vis iniusta.

Rapina est acceptio rei alienæ per vim. Iureconsulti tamen volunt rapinam esse tantum rei mobilis, ut distinguatur à prædone, qui etiam immobilium bonorum est. l. 3. t. 3. p. 1. c. 2. n. 1.

Rapina hanc specialem malitiam habet, quod per eam domino videnti, & rem suam seruare volenti violentia, adeoque specialis iniuria & contemptus inferatur. Quæ ipsa causa est, cur rapina à furto specie distinguatur. ibid. & n. 3. §. Aliter.

Fieri potest, ut à persona illustri rem exiguam per vim auferens venialiter tantum delinquas in genere furti, mortaliter autem in genere contumeliæ. Sed & vice versa fieri potest, ut venialiter tantum pecces in genere realis contumeliæ, si violentia comparatione personæ cui inferitur, notabilis non sit, mortaliter autem in genere furti, si res non modica sit. eod. §. aliter.

Ad rapinam pertinet, si quis ab altero quippiam per metum iniustum extorqueat, quod crimen concussionis appellatur. n. 4.

Vis iniusta alia publica est, & alia priuata. Vis publica dicitur, quæ cum armis palam inferitur, vis autem priuata, quæ sine armis. eod. c. 2. n. 2.

De vi publica tenentur, qui ex incendio aliquid rapuerit, præter ligna & similia, qui puerum vel foeminam stuprauerit, qui hominem dolo malo incluserit, aut fecerit, quominus sepeliatur, qui impederit quominus iudicia exerceantur, Publicanus, si nouum vectigal seu plus, quam debeatur, tributum nomine exigat. eod. n. 2.

Religio, Religiosus.

Satus Religionis definitur: Fidelium ad Christianæ charitatis perfectionem tendentium, editis votis perpetuæ paupertatis, castitatis, ac obedientiæ, stabilis in communi viuendi modus, ab Ecclesia approbatus. l. 4. t. 5. c. 1. princ.

Status Religionis perfectionis est, non eo sensu, quod omnes Religiosi perfecti esse debeant, sed ad perfectionem tendere. Ibid. n. 1.

Tria sunt substantialia vota Religiosi status: Paupertatis, Castitatis, & Obedientiæ. n. 2.

Ordo religiosus à Summo Pontifice approbatus esse debet. num. 3.

Ad essentiam status Religiosi non requiritur, ut vota solemnia sint: qui enim in Societate Iesv tria simplicia vota ediderunt, veri Religiosi sunt. n. 4.

Qui in Ordinibus militaribus castitatem non absolutam, sed tantum coniugalem vouent, propriè Religiosi non sunt. Sed milites S. Ioannis Hierosolymitani, eorumque similes veram Religionem profitentur, cum tria substantialia vota habeant. n. 6.

Irrita est professio, aut susceptio Religionis, si addatur conditio statui Religioso repugnans, v. g. ut liceat retinere bona impediens à Prælato voluntate. n. 6.

Religiosi non sunt, qui editis votis perpetuæ castitatis, ac paupertatis, obedientiam vouent præstandam Episcopo, aut Confessario. n. 7.

Fratrum Conuersorum, qui in quibusdam Mendicantium Ordinibus Tertiarij vocantur plura genera sunt: alij enim sunt Fratres laici, & verè Religiosi communem cum alijs regulam profitentes, alij autem sunt, qui mutato seculari habitu distincto à ceterorum Religiosorum habitu assumpto Ecclesiæ, vel Monasterio se deuouerunt edito voto saltem continentiæ, sed Regulam Ordinis non profitentes. Denique alij sunt oblato, qui nulla facta mutatione habitus, nec emisso voto continentiæ, aut Obedientiæ in domibus suis manent, sua bona Religioni dicantes, & hi non sunt propriè personæ Ecclesiasticæ sicut priores. l. 4. tr. 5. p. 2. c. 5. n. 4.

Summus Pontifex etiam in solemnibus votis Religiosis dispensare potest, ut aliquis Religiosus esse desinat.

Dispensare tamen non potest, ut aliquis manens Religiosus, substantialibus votis Religionis non teneatur. cit. l. 4. t. 5. c. 1. n. 8.

Status Religionis mox à tempore Apostolorum coepit, hucusque semper durauit, & auctus est. c. 2. n. 1.

Non licebat Monachis vitam eremiticam colere, nisi prius in cœnobio exercitati, virtutem suam probassent. num. 2.

Quatuor sunt regulæ S. Basilij, S. Augustini, S. Benedicti, & S. Francisci, sub quibus omnes Religiosi viuunt, præter Carthusianos, & Societatem Iesv qui Ordines propria statuta habent. n. 3.

Omnis variorum Ordinum Religiosorum diuersitas accidentaliter tantum est: quia omnes varijs medijs ad eundem finem Christianæ perfectionis tendunt, quæ est charitas & coniunctio cum Deo. cap. 3. numero 1.

Triplex est vita: contemplatiua, actiua, & mixta, inter quas contemplatiua superat actiuam, mixta autem reliquis perfectior est. n. 2.

Cuiuscunque Religionis perfectio attendenda est tum ex fine eius proprio, tum ex medijs, quæ ad hunc ipsum finem, & tria substantialia vota implenda, ac denique charitatis perfectionem consequendam conuenienter adhibet. n. 3.

Professio in Religione alia expressa est, & alia tacita, quæ pluribus modis fieri potest. cap. 5. num. 1.

Ad professionem in Religione tria necessaria requiruntur: I. Qualitas seu aptitudo personæ vouentis, II. Consensus & acceptatio eius, ad quem pertinet aliquem Religioni incorporare. III. Ut professio sponte fiat, non cogente graui metu. n. 3.

Sicuti matrimonium carnale, ita etiam Religionis assumptio ob nullum errorem qualitatis, seu accidentariæ conditionis irritum redditur: v. g. si quis simulet se sanum, cum leprosus sit, aut simulet se legitimum, cum illegitimus sit: præterquam si habeatur constitutio Papalis, quæ professionem irritam decernat. n. 4.

Ad professionem admittere debet Ordinis Prælatus, Capituli siue Fratrum non tantum requisito consilio, sed etiam expectato consensu, saltem maioris, aut principalioris partis, secundum cuiusque Ordinis institutum. Consuetudo tamen legitime præscripta soli Prælato suscipiendi potestatem conferre potest. n. 5.

Metus grauis & iniustus ipso iure professionem religiosam irritam reddit: ut si nouitius incarceratus fuit, vel alimenta ei subtracta, quia in professionem consentire noluit, nam carcer, & ieiunium tormenta sunt ad cogendum idonea. n. 6.

Metus reuetentialis, si solus sit, non sufficit ad infirmam professionem: secus, si illa concurrant, videlicet precum, aut imperij sæpius repetiti importunitas, grauis offensio, aut diu duratura indignatio consanguineorum, adiunctæ minæ nihil amplius subsidij præbendum fore. eod. n. 6. §. His adde.

Post quinquennium à die professionis non auditur Religiosus in externo foro, si dicat professionem suam ob metum, vel aliud impedimentum irritam fuisse. n. 7.

Licet alicuius professio ipso iure irrita fuerit, tamen subsequente expressa, vel tacita ratificatione conualecit. Necesse tamen est ad tacitam ratificationem, ut aliquis sciat professionem irritam fuisse. n. 8. & 9.

Religiosus promotus ad Cardinalatam, vel Episcopatum, obstrictus manet essentialibus votis: suæ Religionis licet quoad aliquos effectus paupertatis, & obedientiæ exemptus censeatur. supra cit. c. 1. n. 9.

Si talis Episcopatu renuntiavit, vel ob culpam depositus fuit absque degradatione, non videtur esse obligatus ut ad Monasterium, & regularem obseruantiam reuertatur, nisi Papa imperet. Ibid.

Religiosus factus Episcopus, vel Cardinalis, saltem ex morali honestatis obligatione præscripta regula ser-

uare debet, quæ cum munere ac dignitate sua consistere possunt. n. 10.

Religiosus ad secularem parochiam promotus Religionis suæ habitum deferre & alia præscripta regulæ, quatenus cum munere, & laboribus eius consistere possunt observare debet, etiam sub culpæ obligatione, si regula Ordinis ita præcipiat. n. 11.

Religiosus dum parochiam secularem administrat, in plerisque Episcopo diocesis subijcitur. Verum in ijs, quæ ad regulam Ordinis spectant, v. g. ut habitum gesser, videtur subiectus manere Abbati, vel Præposito Monasterij. n. 12.

Professus vnus Ordinis ad alium strictiorem, petita, licet non concessa Prælati sui licentia, transire potest, modo id non ex temeritate fiat, sed sincero proposito vitæ melioris sectandæ. cod. l. 4. t. 5. c. 6. n. 9.

Ad æqualem, vel laxiorem Ordinem transire non licet, nisi vel Papa, vel ob iustam causam Episcopus, aut Prælatus Ordinis exemptus cum Capituli consensu, dispensatiue licentiam tribuat. Ibid.

Professi Ordinum Mendicantium, si ad non Mendicantes cum auctoritate Sum. Pontificis, vel licita dispensatione Prælati Ordinis, transeant, neque vocem in Capitulo habere, neque administrationes, prioratus, & officia consequi possunt. cod. n. 9 §. Præterea.

Eiusmodi votorum commutationes, vel transitus ab vna in alteram Religionem, non nisi ob magnam utilitatem, aut necessitatem fieri oportet. §. His quædam.

In transitu ad Religionem strictiorem attendi debet ad maiorem severitatem externam, præsertim circa silentium ac solitudinem. n. 10.

Austeritas Ordinis attendenda non est secundum institutum regulæ, sed secundum observationem præsentem.

Quare Religiosus professus regulam strictiorem, si in Ordine regula non seruetur, transire potest ad aliam Religionem laxiorem, ita ut considerato præsentem statu, ducat vitam strictiorem. Nisi spes sit futura reformationis in priore Ordine, aut nisi in provincia Monasterium eiusdem Ordinis sit, in quo regula seruetur, & ad quod transire possit. cod. n. 10.

Canonici regulares transire possunt ad Monachos; non vice versa. n. 11.

Qui proposito vitæ austerioris, aut ex iusta dispensatione ad aliam Religionem transire cupit, & non recipitur, vel receptus ante professionem egreditur, ad suum Ordinem reuerti, ac recipi debet. Ibid. addendo 6.

Transitus ad aliud Monasterium duobus modis fieri potest. I. Ad morandum in illo ad tempus, quo casu obligatio alendi incumbit priori Monasterio, sicuti & quæ sita à religioso ad idem Monasterium spectant. II. Ut fiat filius posterioris Monasterij, & desinat esse prioris; tunc obligatio alendi pertinet ad secundum Monasterium, sicuti & quæ sita. cod. t. 5. c. 13. n. 10.

Religiosus edendo substantialia vota plenam omnium peccatorum remissionem consequitur; & certius quidem, ac perfectius, quam per plenariam indulgentiam. Valde autem probabile est, etiam per renouationem votorum religiosorum, idem beneficium obtineri posse. cod. l. 4. t. 5. c. 10. n. 1. & 2.

Per religionis professionem omnia alia vota, & iuramenta pia ipso iure expirant. n. 3.

Illegitimi, etiam spurij, si religionem professi sint (sicuti profiteri possunt, communi iure, & seclusa speciali Ordinis constitutione) absque alia dispensatione Ordines suscipere possunt; sed ad Prælaturam, & dignitates promoueri non debent. n. 4.

Licet alia irregularitates per religionis susceptionem non tollantur, facilius tamen dispensatio super irregularitate Religiosis conferri solet. Ibid. §. Denique.

Susceptio status religionis legales maculas auferre censetur, ita ut damnatus de crimine v. g. furti, aut perurij

post religionis susceptionem, actum legitimum in iudicio exercere possit. n. 5.

Per professionem, & quæcunque etiam simplicia vota religionis, patria potestas soluitur: sed dimissus ex Societate Iesu post vota simplicia edita recedit in patris potestatem, nisi in maioribus ordinibus sit. Ibid. §. Prærogatiua V.

Professio, vel assumptio religionis tollit ingratitudinis notam, ob quam hæres necessarius alioquin exheredari posset. n. 6.

Religiosus in iudicio nec ut Actor, nec ut reus stare potest, sine licentia Prælati; nisi beneficiatus sit cum libera administratione, vel nisi à Prælato absens sit, ut licentiam facile petere non possit, & rationabiliter existimet concedendam esse. cod. l. 4. t. 5. c. 11. n. 1.

Si religiosus obligationem contraxerat, antequam Ordinem ingressus esset, ea non eximitur per ingressum, aut professionem: quare hoc casu libellus Actoris contra Monachum formandus est, quamuis executio sententiæ fieri debeat in bonis Monasterij, quatenus ex patrimonio Monachi acquisiuit. cod. n. 1.

Monasterium non obligatur ex delicto Religiosi, sicuti nec dominus ex serui delicto. cod. n. 1. in fine.

Si religiosus absque Prælati licentia in testamento ad causas profanas, aut in iudicio testimonium interponat, male agit: sed interpositio testimonij valet. n. 3.

Religiosus non potest esse aduocatus, vel procurator in iudicio, nisi cum licentia Prælati, & Monasterij utilitate: at verò consilium dare voce, aut scripto, quid in causa qualibet secundum iura agendum, aut respondendum sit, prohibitum non est Religiosis; cum id non sit aduocare, aut procuratorem agere. cod. c. 11. n. 2.

Religiosus munus Tabellionis suscipere, vel obire non potest: quare si in seculo tali munere functus fuerat, deponere illud debet. n. 4.

Religiosus nec iudex esse potest, nec assessor Iudicis, nisi in causa spectante ad utilitatem Monasterij, & tunc cum Prælati consensu. n. 5.

Licet religiosus ordinariè esse non possit arbiter, potest tamen esse arbitrator: quia arbitratoris munus ad pacem, & pietatem principaliter refertur; sed arbitrium instar iudicij est: quare si fiat à Religioso sine auctoritate Prælati, irritum censetur, sicuti & leui arbitrium. n. 6.

Religiosus, qui Prælatus non est, constitui non potest delegatus ad exequendas literas Sum. Pontifici, aut Legati eius; nisi ex certa scientia Papæ. n. 7.

Prælati Ordinum constitui possunt Iudices conseruatores, seu miserabilium personarum defensores. cod. nura. 7.

Inter Religiosos soli Prælati, id est, qui saltem in eodem Monasterio superiorem alium non habent, in dignitate constituti esse censentur. Ibid.

Prælatus Ordinis quas facultates subditis suis concedere potest, eisdem uti ipsi met non prohibetur, nisi ei à Superiore interdictum, vel aliud statuto Ordinis decretum sit. l. 3. t. 5. c. 11. n. 4.

Prælatus Ordinis superior in omnes subditos Prælati inferioris iurisdictionem habet: quare Prouincialis v. g. absolueri potest cum, quem Prior, vel Guardianus excommunicauit; sicuti & causam ab inferiore Prælato inchoatam ad se aduocare non prohibetur. lib. 1. t. 5. p. 1. c. 7. n. 2. §. De Superiore.

In quavis religione approbata potestas est condendi statuta perpetua, quæ Ordini, ac regulæ conformia sunt, vel quæ ad Ordinis, ac regulæ conseruationem, aut reformationem temporis progressu necessaria videntur, tametsi in regula, quam regulares promiserunt, expressè non contineantur. lib. 1. tract. 4. cap. 7. num. 27.

Talis potestas statuta condendi est vel penes supremum Ordinis Prælatum, vel penes Congregationem seu Capitulum generale, aut Prouinciale, iuxta cuiusque Ordinis

nis regulam, aut consuetudinem. Ibid.

Prælati Ordinum alij exempti sunt à iurisdictione Episcoporum, v. g. Prælati Mendicantium, qui proinde Sum. Pontifici immediatè subiecti, quasi episcopalem in suos Regulares iurisdictionem habent. Alij autem sunt Prælati non exempti, qui tamen nihilominus ordinarij Iudices sunt suorum Regularium, saltem in causis spectantibus ad regularia statuta, & disciplinam. Quare illos ob delicta punire, incarcerare, excommunicare possunt; Episcopus a in tali causa se immiscere non debet, nisi ob negligentiam Prælati regularis, vel si Religiosus à Prælato multum distet. n. 28.

In causis criminalibus, præsertim maioribus, & depositionem merentibus, Regularium non exemptorum Iudex ordinarius est Episcopus. At verò de criminibus minoribus iudicare Prælati Ordinum permissum est, non priuatiuè, sed cumlatiuè, vt læsus ius erit. I habeat Regularem coram Episcopo accusandi: qua tamen in re consuetudo attendenda est, quæ iurisdictionem dat, & aufert. n. 29.

Ecclesias vritas Monasterijs Regularium exemptorum, si populum habeant in spiritualibus Episcopo subiectum, idem Episcopus visitare potest, non item alias Ecclesias, quæ propriè ad Regulares spectant. n. 30.

Religiosa paupertas.

Ratione voti paupertatis obligatur Religiosus, ne quid proprium habere possit. l. 4. t. 5. c. 7. n. 1.

Nomine proprietatis veniunt bona pecuniaria seu pretio aestimabilia: horum enim omnium proprietatem seu liberam de ijs disponendi facultatem in perpetuum se abdicat Religiosus per paupertatis votum, adeò vt omnis dispositio, aut alienatio sine Prælati consensu illicita, & inualida sit. Ibid.

Religiosus retinet dominium honoris, ac famæ suæ, capax etiam est iuris eligendi, præsentandi ad beneficia regularia. n. 2.

Scholastici, & Coadiutores temporales, qui in Societate Iesv simplicia vota edunt, retinere & acquirere possunt dominium rerum radicale, priuati tamen sunt iure actuali de ijs suo arbitratu disponendi: si tamen re ipsa inter viuos, aut mortis causa de bonis suis disponant absque consensu Superiorum, videtur valida esse dispositio, licet ipsi peccent contra paupertatis votum. n. 3.

Sine consensu Prælati expresso, aut presunto, Religiosus nullam rem pretio aestimabilem accipere, retinere, absumere potest. n. 4.

Si Prælatus Regulari donet, vel ad alio donatas res aliquas permittat, v. g. imagunculas, rosaria, nuniismata benedicta sciens subditum non indigere ijs omnibus ad proprium vsum, tacitè censetur, spectata rerum qualitate, facultatem dare alijs donandi. eod. n. 5. Hoc modo.

Sufficit etiam consensus Prælati presumptus, quando videlicet iustam ob causam mihi periuadeo, si Prælatus sciret me talem rem accipere, absumere, expendere, contentum fore. Ibid. §. sufficit.

Et si tantum comestibilia Religiosus absque licentia Prælati accipiat, & absumat, contra paupertatem peccat, imò etiam furtum committit, si ex bonis communibus Monasterij, aut Collegij vsurpentur: verum maior quantitas horum esculentorum requiritur ad constituendum mortale, quam in alijs rebus. §. Atque hæc.

Religiosus votum paupertatis violat, si pecuniam sibi transmissam v. g. ad victum, vestitum, aut libros emendos, ille ludendo, donando, aut rebus inutilibus comparandis absumat. Eademque ratio est, si esculenta, vel poculenta, quæ v. g. in mensa singulis apponuntur, contra Prælati voluntatem secum auferat, vel alteri largiatur. eod. n. 4. §. Tertiò.

Si Religiosus parcis viuendo aliquid reseruet, non sibi acquirit, sed Monasterio manet. Facilius tamen presumi potest, Prælatum rationabiliter contentum esse, vt id

pauperibus v. g. consanguineis donetur. n. 5.

Religiosus contra votum paupertatis delinquit, si res ipsi ad vsum concessas destruat per culpam crassam, quæ dolo equiparatur. n. 6.

Peccare censetur Religiosus contra paupertatem, si aliqua abscondat, ne Prælatus ipsum habere sciat, aut reuocare possit. n. 8.

Administratores & Oeconomi Religionis plus dare non possunt, quam Ordinis regula, consuetudo, vel Superioris voluntas permittit. n. 9.

Prælati regulares aduersus paupertatis votum, & contra iustitiam delinquant, si bona Conuentus aliter expendant, aut donent, quam Ordinis regula, vel consuetudo permittit. n. 10.

Quanta materia requiratur, vt præuaricatio voti paupertatis mortalis sit, ita definiti solet, sicuti in furto. n. 11.

Religiosi peculium habere possunt secundum possessionem, & administrationem, dependentem à Prælati voluntate. n. 12.

Tridentinum Concilium videtur prohibuisse, ne Religioso designentur redditus stabiles instar peculij, quamuis dependentis à Prælati voluntate. Sed aliqui De fores existimant, id Concilio Trident. non aduersari: quare talis consuetudo, vbi adhuc viget in Monasterijs, præsertim Monialium, absolutè damnari non debet: sed valde consultum est eam tollere & corrigere, non autem permittendum, vt imposterum sine vrgentissima causa introducatur. n. 13.

Prælatus Religioso licentiam dare non potest res absumendi in vsum vanos, aut illicitos, sed tantum expendendi ad vtilitatem Monasterij publicam, vel priuatam. Quod si Religiosus cum Prælati licentia rem malè detineat, vel alienet in vsum non concessum, peccat contra paupertatis votum, non tamen incurrit pœnas iuris, sicuti nec Prælatus incurrit, si inutiliter aliqua expendat, aut superflua retineat. n. 14. & n. 15. §. Tertium.

Etiam Abbatisa Monialibus sibi subditis licentiam dare potest accipiendi, retinendi, expendendi, quæ iusta sunt; quandoquidem ad ipsam libera bonorum Monasterij administratio pertinet. n. 15.

Si Religiosus rem aliquam donatam absolutè acceperit in fauorem alterius, non interueniente licentia Prælati, contra paupertatis votum delinquit. Secus, si tantum se habeat vt intercessor, internuncius, eleemosynarius; ita vt ius omne ac dominium penes dantem remaneat, donec executio donationis seu eleemosynæ illius nomine facta fuerit. n. 16.

Prælatus Religioso vsum alicuius rei tanquam irreuocabilem concedere non potest: adeò, vt tamen si promittat non reuocaturum, nihilominus absque iniuria reuocare possit. n. 19.

Si Monacho hereditas, aut legatum relinquatur ea lege, vt ab ipsum, non ad Monasterium pertineat, explicari debet, vt ad Monachum pertineat cum consensu Prælati: quare si Prælatus consensum neget, corrumpit legatum, vel institutio. n. 20.

Si testator expresserit, non aliter se relinquere Monacho, nisi vt habeat rem independentem à Prælati consensu irritum est legatum: in dubio autem præsumendum non est id adiectum fuisse, vt conditionem propriè dictam; sed vt modum, qui si impossibilis sit, pro non adiecto habetur. n. 21.

Pœnæ Religioso proprietario canonico iure decretæ sunt: I. Si absque pœnitentia mortuus fuerit, vt in loco sacro non sepeliatur. II. Vt ad agendam pœnitentiam in carcerem detrudatur. III. Vt biennio voce actiua, & passiua priuatus existat. n. 22.

Si Regularis cum legitima licentia beneficium Ecclesiasticum seculare, aut regulare possideat, competit ei administratio reddituum, quos ad sui decentem sustentationem, & causas pias applicare potest: Quod reliquum au-

tem est pertinet ad Ecclesiam, vel beneficium, cui seruiuit. n. 12. §. Interdum, & n. 17.

Quæ Religiosus beneficiarius extra Monasterium aliunde acquirit, videl. ex eleemosynis, hæreditate, legato, propria arte, aut ex constituta ipsi pensione, ea Monasterio saltem post mortem illius acquiruntur: nisi alicubi consuetudo sit, vt etiam talia Ecclesiæ cui seruiuit, vel Apostolicæ Cameræ acquirantur. n. 8.

Ecclesiæ Consuetudo obtinet, vt Regulares promoti ad Cardinalatum, Episcopatum etiam titularem, vel ad aliam Ecclesiasticam dignitatem, (præsertim quæ habeat corpus bonorum separatam à corpore bonorum Ecclesiæ) omnino ab ordine suo exempti censeantur; vt quidquid quouis modo acquirant, ad ipsorum Ecclesiam, beneficium, vel Cameram Apostolicam pertinere debeat. eod. n. 18.

Religiosa Castitas, & Obedientia.

Si Religiosus contra castitatem peccet, duo peccata committit; vnum luxuriæ, alterum sacrilegij. l. 4. tract. 5. cap. 8. n. 1.

Si Prælatus iuste aliquid præcipiat Religioso cum voluntate eum obligandi, contra obedientiæ votum peccat ille, nisi obediat. c. 9. n. 1.

Obedientia Prælato vouetur iuxta cuiusque Ordinis institutum, regulas, ac constitutiones, quæ in diuersis Religionibus diuersæ sunt. Id verò vniuersim dici potest, quod Prælati sub culpa præcipere non possint, nisi ea, quæ ad regulam Ordinis directe, vel indirecte spectant. num. 2.

Si Prælatus Regulari præcipiat vt Episcopatum acceptet, vel aliud per quod ab eius obedientia & iurisdictione eximitur, non tenetur obedire. Simile est, si austeriorem viuendi rationem præcipiat, quam regula, eiusque professio non requirit, nisi id fiat ob iustam pœnam commissi criminis. Ibid.

Obedientia alia est indiscreta, alia imperfecta, & alia perfecta. Ibid.

Non semper Prælati Ordinum præcipere solent sub obligatione culpæ. Et quidem in Societate Iesu præceptum Superioris nunquam sub culpa obligat, nisi addatur in virtute S. Obedientiæ, vel in nomine Domini nostri Iesu Christi. n. 3.

Religiosi non exempti Episcopo iusta præcipienti, quæ ad Ecclesiasticam disciplinam spectant, sicuti & alij Clerici obedire tenentur; non tamen obligatione voti; nisi personæ religiosæ obedientiam in manibus Episcopi tanquam proprii Prælati emiserint, vti quædam moniales solent. eod. n. 3. aduert. 3.

Regulares Summo Pontifici tanquam supremo omnium Ordinum Generali ex Obedientiæ voto obedire debent in ijs præceptis, quæ sunt secundum regulam, aut conformia regulæ, si Pontifex voluntatem habeat sub culpa obligandi. Ibid.

Probabile est, Prælatus Ordinis ratione voti obedienti in omnibus quæ iusta sunt, etiam actus internos præcipere possit; licet consuetum non sit, neque consultum, vt talia sub peccato præcipiantur. n. 4.

Quæ ex genere suo indifferentia sunt, à Prælato bono sine, v. g. ad mortificandam propriam voluntatem, ac sensum, præcipi possunt. n. 5.

Si Ordinis regula obliget sub peccato, eius transgressio videtur esse contra votum, ideoque sacrilega. n. 6.

Si Ordinis regula sub culpa non obliget, eius transgressor non peccat contra obedientiæ votum: nihilominus potest Superior propter regulæ transgressionem pœnam imperare, cum obligatione eam suscipiendi ex obedientiæ voto: quantum non semper ita obligare solet. n. 7.

Religiosus in Ordine Prædicatorum, aut Societatis Iesu transgrediens regulam v. g. silentij, bono aliquo sine seu motiuo, non peccat, licet pœnam regularem, si inferatur, suscipere paratus esse debeat. n. 8.

Sin autem regulam violet ob torporem, aut libidinem, peccat saltem venialiter, imò mortaliter, si frequenter transgrediendo religiosam disciplinam grauiter perturbet, vel in eo se statu constituat, vt expellendus sit. n. 9.

Si Religiosus nullum omnino perfectionis religiosæ studium adhibeat, sed omnia monita ac regulas negligat, eò quod sub peccato mortali ad eas non obligetur, talis homo mortaliter peccabit: quia intolerabilem se reddet, vt expelli debeat. eod. c. 9. in fine.

Regulares professi non tenentur acceptare nouam regulam, seu arctionem viuendi modum, quem nec explicite, nec implicite professi fuerunt. n. 10.

Possunt tamen Capitulares nouum statutum facere præter regulam antiquam, ita vt ipsi in tale statutum libere consentientes obligentur, & alij quoque postea professionem edituri, quibus regula immutata, & aucta proponitur, vt eam profiteantur. Sed alij prius professi, qui non consenserunt, obligati non censentur. eod. n. 10.

Si strictior obseruatio necessarium medium videatur ad substantialium votorum in tali Ordine obseruationem, Regularibus auctoritate Prælatorum imponi potest, tametsi eam expresse non vouerint. n. 11.

Prælati Ordinum exempti, cum quasi Episcopalem iurisdictionem in suos habeant, constitutiones facere possunt seu soli, seu cum Capitulo, quæ ad regularem disciplinam, & pietatem augendam necessaria, aut valde utiles videntur: quales etiam Episcopi Clericis, & Regularibus si subiectis ferre queunt: cum & Prælati non exempti iurisdictionem aliquam in rebus non grauibz statuendi per consuetudinem comparare sibi possunt. n. 12. & n. 13. Coroll. 2. & 3.

Si appareat, regulæ ac disciplinæ temporis diuturnitate collapsæ reformationem necessarium medium fore ad Ordinis conseruationem, Prælatus cum Capitulo, & multò magis Sum. Pontifex professos omnes ad acceptandam reformationem compellere potest. n. 13.

Religionem vouentes, ingredientis Nouitij.

Qui generatim vouit, se Religionem ingressurum, debet moralem diligentiam adhibere, vt in aliquo Ordine suscipiatur: Sin autem in sua prouincia, aut regno non suscipiatur, spes tamen sit alibi susceptum iri, ex circumstantijs personæ vouentis &c. colligendum est, vtrum tantum etiam ad alias terras, se conferendi obligationem suscipere intenderit. l. 4. t. 5. c. 6. n. 1.

Sub generali voto Religionem ingrediendi non videtur comprehendi Religio non claustralis Equitum militarium: neque dispensatus ad suscipiendum aliam Religionem etiam laxiorem, transire potest ad non claustralem. n. 2.

Qui certam Religionem vouit, & si in vno Monasterio repulsam ferat, debet alia Monasteria eiusdem Ordinis adire, si spes sit susceptum iri; secus est, si ingressum certi Monasterij ex causa speciali vouerit. n. 3.

Qui Religionem vouit, is peccat contra votum, si postea ad eius executionem se impotentem reddat, v. g. æs alienum ingens contrahendo. Ibid. §. His quædam.

Et si vouens semel repulsam passus fuerit, videtur nihilominus obligatus ad ingrediendum, si Religiosi postea mutata voluntate eum recipere velint. n. 4.

Qui Religionem absolute vouit, is non tenetur, nec licite potest ingredi Ordinem, cuius disciplina regularis collapsa est. n. 5.

Qui vouit se professurum in Religione strictiore, peccat tum ingrediendo, tum proferendo Religionem laxiorem, sine dispensatione, sed professio valida est. n. 6.

Votum ingrediendi, & experiendi Religionem strictiorem, quisque commutare potest in votum proficendi, ac perseverandi in Religione laxiore. n. 7.

Qui vouit se ingressurum Religionem strictiorem, ordinariè peccat ingrediendo laxiorem, sine obligatione in ea perseverandi, nisi ordo laxior facultatem dispensandi habeat. n. 8.

Qui Religionem absolute vovit, nisi de alia intentione eius constet, cenferi debet solum ingressum, & probationem promississe, si tamen sine causa rationabili egrediat, censetur contra votum peccare mortaliter. n. 12.

Qui vovit, se in Religione professurum, excundiliberate priuatus est; vel, si exeat, debet iterum ingredi, si sublato impedimento in hoc, vel alio Ordine suscipiendus sit. n. 13.

Qui simul continentiam, vel Religionem vovit, si nec ex verbis, nec ex circumstantiis colligere possit, vtrum continentiam per se, an cum dependentia Religionis promittere voluerit, benigniorem partem præferre potest; aded, vt si voto Religionis solutus fuerit, omnino liberatus censeatur. n. 14.

Qui post editum votum Religionis ingrediendæ, aut profitendæ, episcopatum suscepit, est voti transgressor, & episcopatum, quatenus ex sua parte est, resignare debet. n. 15.

Si parentes ingressum Religionis impedire velint, ijs etiam inconsultis, aut inuitis, ingredi, ac profiteri fas est. eod. t. s. c. 4. n. 1.

Si parentes graui inopia premantur, interim filius Religionis ingressum differre debet, dum ipsis subueniatur: Sin autem editis iam votis Religiosus factus sit, non potest egredi ad subueniendum abique Prælati licentia, nisi inopia extrema sit. eod. n. 1. q. 2.

Fratrum, & sororum grauior necessitas esse debet, vt propter illam Religionis ingressum, aut professionem diu differre, vel intermittere oporteat. Ibid. dicto 2.

Ipsi parentes arctius, quam filij, obligati sunt, vt non prius Religionem ingrediantur, quam ipsis, quæ necessaria sunt ad sustentationem, piæque educationem, prouiderint, dicto 3.

Ære alieno grauatus, si manendo in seculo debita se solutum existimet, non potest creditoribus inuitis Religionem ingredi, quamuis eam vouerit. lib. 3. tract. 2. cap. 12. num. 6.

Tamen si votum Religionis antecessit, & debita postea contracta sunt, non potest illud executioni mandari, priusquam debita soluta sint: sicuti si post tale votum grauis parentum necessitas superueniat, eod. num. Corollario 1.

Si debitis obstrictus contra creditorum voluntatem Religionem professus est, adhuc obligatus manet, aded vt interdum egredi teneatur: sicuti & filius, qui patrem graui inopia pressum, cum iuuare debuisset, ingrediendo Religionem deseruit. n. 7.

In donatione, aut renuntiatione bonorum intuitu Religionis ingrediendæ, aut profitendæ, nulla omnino iuris ciuilis solemnitas requiritur. Pari quoque ratione Religiosi Mendicantes, quibus bona immobilia possidere non licet, ea sibi donata vendere possunt, nulla iuris solemnitate interueniente. l. 3. t. 4. c. 9. n. 7.

Licet Nouitij Ordinis regulâ sub culpa non obligentur, tamen iustis præceptis, & quibusdam statutis conuenienter eorum statui à Prælato impositis, obligari possunt; maxime si Prælati Ordinum exempti sint. lib. 4. tr. s. c. 4. n. 3.

Nouitij priuilegijs fori, & canonis gaudent, atque Prælati Ordinis iurisdictioni cum voluntariæ, tum contentiosæ subduntur. n. 4.

Licet casus, qui in Religionibus reseruati sunt, plerumque ad Nouitios se non extendant, tamen nihil obstat, quin Ordinum Prælati casus quosdam etiam respectu Nouitiorum sibi reseruare possint, & soleant. eod. num. 4. Coroll. 4.

Nouitius Ordines accipere potest ab Episcopo diocesis, in qua Monasterium situm est. Nec dubitari debet; quin etiam sacris ordinibus Nouitius initiari possit. n. 5.

Si Nouitius ab Ordine recedat, non est obligatus ad expensas soluendas Monasterio, aut Domui probationis. n. 6.

Religione eiekti, fugitiui.

Religiosi professi ob iustas causas à Religione per sententiam eijci possunt, videl. si in graui, vel pernicioso crimine existentes notoriè incorrigibiles appareant: Si ob criminis infamiam sine graui Ordinis detrimento tolerari non possint: Si grauem, ac moraliter intolerabilem defectum in sui admissione per fraudem reticuerunt. lib. 4. t. s. c. 13. n. 1.

Religiosus eiektus rerum quas acquirit, non dominium, sed vsum tantum, & administrationem habet. num. 2.

Si Religiosus eiektus alicui Ecclesiæ seruiat, bona ab ipso acquisita ad eandem spectare debent: sin autem nulli Ecclesiæ seruiat, siue beneficiatus non sit, tunc bona eius à Papa, vel Episcopo tanquam vacantia sint, post mortem vindicari possunt. n. 3.

Alia ratio est de fugitiuo, & apostata, quos vt seruos Monasterium vindicare, & reducere potest: quare horum bona ad Monasterium spectare debent, si capax sit, ijs exceptis, quæ ex beneficio Ecclesiastico acquisita sunt. eod. n. 3. §. Alia.

Eiektus per sententiam non est omnino liberatus obedientiæ voto, Prælati Ordinis præstandæ, licet eius executio magna ex parte cesset, donec in Ordinem recipiatur. n. 4.

Probabile est, quodd eiektus per sententiam in perpetuum, interim dum recipitur, monasticis obseruationibus liber sit: debet tamen secundum sacros canones habitum suæ Religionis deferre, nisi, vt plerumque fieri solet, in criminis pœnam eo etiam spoliatus sit. n. 5.

Eiektus ob crimen debet se corrigere, ac redire; præsertim si ab Ordine repetatur, accedente etiam auctoritate Episcopi, sub cuius iurisdictione viuit. n. 6.

Prælati Ordinum apostatas, & eiektos suos non semper reducere, aut redeuntis recipere tenentur; præsertim si incorrigibiles videantur, vel si sine scandalo, aut Ordinis detrimento recipi nequeant. n. 7.

Eiekti si in suo Ordine non recipiantur, tutò in seculo manere possunt; nisi malint alium Ordinem, quamuis laxiorem, ingredi. n. 8.

Prælati Ordinum interdum ob causam iustam eijciunt professum tali pacto, vt aliam Religionem profiteatur: quam conditionem si professus acceptauit, implere tenetur, vel regressum ad suam Religionem impetrare. num. 9.

Religiosus professus in vno Monasterio ob causam iustam cogi potest, vt transferat se ad aliud Monasterium eiusdem Ordinis; modò Monasteria sint sub eodem Capite, puta Generali Ordinis. n. 10.

Represalia.

Dictæ sunt, quasi iteratæ prehensiones, siue oppignerationes bonorum. Nam Princeps, vel Respublica subditis damnum iniustum passis potestatem facit inuadendi terram eorum, qui damnum intulerunt, & occupandi bona incolarum, etiam innocentium, donec iusta compensatio fiat: modò prius Communitas, vel qui Communitati præest, admonitus compensationem facere, vel imperare neglexerit. lib. 2. tract. 3. cap. 12. num. 13. §. Atque huc.

Represalia species quædam belli sunt, quare sine necessitate non concedendæ, cum occasionem præbeant rapinarum: insuper ne contra personas Ecclesiasticas, vel bona earum concedantur, aut extendantur, sub censuris prohibitum est. ibid. §. Sunt autem,

Rescriptum.

Rescripta Principum alia sunt gratiæ, & alia iustitiæ siue ad lites. lib. 1. t. 4. c. 22. n. 17.

Taciturnitas qualitatis, cuius expressionem ius, vel stylus Curie specialiter requirit, gratiæ rescriptum suppetitium reddit; esto Princeps etiam expressa illa qualitate concessurus fuisset. n. 18.

Epistola, siue rescripta Principum, legum seu decretorum vim obtinent, ut quod vni Ecclesiae v. g. Papa respondit, in altera quoque Ecclesia ad controuersiae decisionem cum auctoritate allegari possit, praesertim, ubi decretalis epistola in corpus iuris redacta, publicam auctoritatem meruit. l. 1. t. 4. c. 6. n. 13.

Si tamen Papae, vel Imperatoris responsum ex speciali causa, persona, loco, tempore prodierit, ad alias causas transferri non potest. ibid.

Residentia.

Dicitur assiduitas commorationis in loco beneficii, causa seruitij Ecclesiastici personaliter praestandi. l. 4. t. 2. c. 6. princip.

Si Clericus in loco beneficii commoretur quidem, sed officium nunquam praestat, censendus non est residere. num. 1.

Inspectato communi iure, omnia beneficia ad residentiam obligant: consuetudo tamen obtinuit, ut in simplicibus quibusdam beneficiis non resideatur. n. 2.

In quibusdam nostrae Germaniae Ecclesiis mos est, ut medio tantum anno, vel tribus tantum mensibus Canonici residere cogantur. ibid. §. De obtinentibus.

In multis Ecclesiis Canonici residere simpliciter non tenentur, sed sub conditione si fructus percipere velint: interim vero licet non resideant, suffragium electionis tam actiuum, quam passiuum obtinent. ibidem. §. Porro.

Obligatio residendi in beneficiis curatis est de iure diuino, quamvis ea propter circumstantias cessare possit. n. 3.

Causae à residentia excusantes sunt: Christiana charitas, vrgens necessitas, debita obedientia, & euident Ecclesiae, aut Reip. utilitas. n. 4.

Occupatus in seruitio Papae, quia seruit Ecclesiae vniuersali habetur pro residente in beneficio Ecclesiae particularis. Ceterum ut Curati à suis Ecclesiis absentes, Romae longo tempore iure detineri possint, requiritur insuper, ut id Ecclesiae necessitas, vel maior utilitas coheresceat. num. 5.

Non est iusta excusatio à residentia, quod Episcopus sit Romae Cardinalis, quando tale officium ab alio in Curia praestari potest. Exceptis Episcopatibus Romae vicinis, quos facile est in Vrbe residentibus administrare. ibidem.

Episcopus dispensare potest cum promotis ad Ecclesias parochiales, ut vsque ad septennium, quo in studiis morari possint, ad sacerdotium non promoueantur; modo intra annum post adeptam parochiam subdiaconi fiant: interim vero Ecclesiae eorum per Vicarium administrari debent. cod. n. 5. §. Ad quartum.

Beneficiatis permissum est, ut quinquenni spatio Theologiae operam dare; eandem vero quandiu voluerint, docere abentes possint, absque reddituum priuatione. Quod plerique etiam ad studium iuris canonici extendunt. ibid.

Duo Canonici in seruitio Episcopi occupati pro residentibus habentur. n. 6.

Episcopis in Trident. Concilio permittitur, ut in anno duorum, vel trium mensium spatio; Parochis vero, ut bi-mestri tantum spatio ab Ecclesiis abesse possint, sine gregis commissi detrimento. Vtrum autem opus eis sit Episcopi licentia, ex diocesis cuiusque consuetudine petendum est. n. 7.

Restitutio.

Est damni iniuste dati, secundum arithmeticae aequalitatem restauratio. l. 3. t. 2. c. 1. n. 1.

Duplex est iniuria, materialis, & formalis: quare duae etiam restituendi radices, vna ex parte rei acceptae possessae, altera ex parte iniustae acceptionis seu lationis. Ex priore capite tantum restitui debet, quantum possidetur, vel possessor locupletior ex re factus est: Ex posteriore vero capite tantum restituendum est, quantum damni illatum. num. 2.

Pro sola iniuria, si nullum damnum pretio aestimabile datum sit, restitutio facienda non est. n. 3.

Restitutio solius iustitiae commutativae actus est. n. 4.

Restituere iniuste ablata, est necessarium ad salutem, necessitate praeccepti. c. 2. n. 1.

Praecceptum restituendi licet externa forma affirmatiuum sit, includit tamen in se negatiuum, non detinendi rem alienam: quae causa est, cur praecceptum hoc semper obliget, ut tanto magis peccatum augeatur, quanto diutius restitutio sine iusta causa differtur. n. 2. & 3.

Vnicum est peccatum retentionis, & non restitutionis, quia opponitur vnico praeccepto iniuste non retinendi, & consequenter non restituendi. n. 3.

Praeter damni iniusti executores, etiam concausae eius ad restitutionem obligantur. c. 5. n. 1.

Qui expresse, vel tacite mandat damnum inferri, de eo tenetur. n. 2.

Rati habitio damni illati mandato comparatur in ordine ad poenas iuris, non autem in ordine ad restituendi obligationem. n. 3.

Male consulens damnum inferri, damnificato obligatur etiam ex culpa, saltem crassa: ei vero, qui consilium sequitur non obligatur consulens, nisi dololum fuerit, excepto, si ratione status, vel muneris, maiorem, quam alij, perniciam profiteatur, tum obligabitur etiam ex culpa. num. 4.

Non raro accidit, ut ipse executor iuris imperitus, & suorum, v. g. Consiliorum, auctoritatem merito secutus, omni culpa vacet, idcircoque ad restitutionem ex capite iniustae lationis non teneatur, sed soli suatores. num. 3. §. Nomine.

Qui alterum certo proposito determinatum ad damnum inferendum hortatu suo magis adhuc confirmauit, non obligatur damnificato: si tamen causa fuit, ut maius damnum inferretur, tenetur de excessu. n. 5.

Qui materialiter tantum, non vere causaliter ad damnum cooperatur, restituere non debet. Exemplum habes in ancilla, quae dominae vocanti obsequium praestat in asportanda cista furtiua, quam sine cuiusquam subsidio auferret tamen, & furaretur. ibid. §. Multo.

Consentientes, fautores, receptatores, si causa, vel concausa damni existant, ad restitutionem obligantur. num. 6.

Si videas, maiorem partem Assessorum, vel Canonicorum iniquum ante te suffragium dedisse, ut licet tu suffragium neget, nihil tamen profecturus sis, neque damnum impediturus, peccabis quidem suffragando, sed ad compensationem damni non teneberis; cum eius causa non fueris. Si tamen speres, te contradicendo alijs persuadere posse, ut iniquam sententiam renocent, ex iustitia obligatus es: alioquin teneris de damno secuto, tanquam mutus, seu non obstant. ibid. §. Ceterum.

Qui sciens rem furtiuam esse, à fure emit, ac seruat, numeratur inter receptatores furti, de quibus lex ait, quod non minus delinquant, quam aggressores. ibid. §. Nomine.

Qui materialiter tantum ad damnum iniustum cooperantur, à restitutione immunes sunt, v. g. vsurarij famulus, qui pecunias iussu domini numerat. ibidem §. Verum tamen.

Damno non obstantes, non manifestantes &c. tunc solum ad restitutionem obligantur, si ratione pacti, vel officij, adeoque ex iustitia impedire debeant. n. 7.

Si Iudex in imponenda poena seu multa negligens sit, aut si telonarius iustum vectigal non exigat, item si custodes vinearum per negligentiam damnum inferri patiantur, vel à deprehensis in furto multam secundum loci consuetudinem exigere intermittant, ad restitutionem obligantur. cod. n. 7. Corollar. 2. & 3.

Si Iudex crimina inquirere, aut Custos Reum insequi, & deprehendere ad multae solutionem intermittat, aut

Procurator fiscalis causam contra Reum in iudicio negligentius agat, non videntur obligari ad restitutionem mulctarum: quia ipsorum officium propriè, ac directè non est fiscum, vel dominum mulctis ditare, sed vineam custodire, & damna auertere, quorum etiam restitutionem facere debent, si per incuriam eorum eueniant. *cod. §. Tertio.*

Qui donum à fure accipit, ne clamet, aut ne indicet, non tenetur ad restitutionem, nisi sua pollicitatione furem animosiores reddiderit. *n. 8.*

Si plures damnificantes sine conspiratione concurrant ad damnum inferendum, singuli non plus obligantur, quam ipsimet intulerunt. *c. 6. n. 1.*

Si in rixa subito exorta plures aduersarium impugnent, ille solus de homicidio tenetur, qui vulnus lethale inflixit, non item alij, qui percusserunt. *ibid. §. Resoluitur.*

Mandans damnum dari ante alios, etiam ipsum executorem, ad restitutionem obligatur: si autem nemo damnum inferre mandauit, executor damni ante alias concausas restituere cogitur. *n. 2.*

Concausæ damni dati obligantur tantum in defectum principalis: quare si is restituat, vel restitutio ei condonetur, concausæ penitus liberantur. *n. 3.*

Si vna ex concausis restitutionem fecit, ius & actionem acquirit aduersus principalem, atque in eiusdem defectum, aduersus concausas pro rata. *ibid.*

Inter ipsas concausas prius obligari videntur, quæ positivè cooperantur, v. g. consulendo, quàm quæ negativè, non obstando, tacendo. *n. 4.*

Si plures conspirarunt ad damnum inferendum, v. g. milites ad iniustè bellandum, singuli obligantur in solidum, saltem in defectum aliorum. *n. 5.*

Qui alterum impediuit à consecutione rei ex iustitia debitæ, tenetur ad restitutionem: secus, si ex libera voluntate conferenda erat. Exempli causa, Si absque vi, fraude testatori persuadeam, ut non illi, cui propoluerat, sed alteri, vel mihi donet, aut leget, aduersus iustitiam non delinquo. *c. 7. n. 1.*

Qui Ecclesiastici beneficij collatorem iam determinatum ad conferendum Titio precibus, aut suasionè abducit, ut sibi, vel alteri, quamvis minus digno, conferatur, non videtur obligatus ad restitutionem faciendam Titio. *num. 2.*

Qui per vim aut fraudem impedit, quominus alter beneficium, legatum, vel donum gratuitum consequatur ad damni compensationem obligatur. *n. 3.*

Reus, & testis, si iuridicè interrogati veritatem celantes, causa existant, quominus mulcta à Iudice imponatur non sunt ad restitutionem obligati: secus esse videtur, si poena ob commissum crimen ipso iure contracta sit. *n. 4.*

Qui alterum exemplo suo, aut suasionè in peccatum induxit, ex iustitia non obligatur ad eius emendationem. *c. 8. num. 1.*

Qui suo consilio alterum, licet Novitium, à Religione abduxit, sine vi, fraude, &c., nullam restitutionem obligatur. *num. 2.*

Qui Religiosum à Religione, seu statu suasionè, aliave cooperatione attraxit, tenetur religioso Ordini ad restitutionem, quatenus eam facere potest: quare persuadere debet apostata, ut fugituo, ut redeat, sin minus, curare tenetur, ut alius æquè idoneus ingrediatur: ipsemet autem ingredi ex iustitia legem nunquam obligatur. *n. 3.*

Debita incerta provenientia ex delicto, pauperibus, vel Ecclesiæ restitui debent: Idemque dicendum, si de minus, vel creditor sciatur quidem, sed ei sine graviore damno restitui non possit. *c. 9. n. 2.*

Bonorum certorum restitutio ordinariè facienda est possessori iusto, à quo accepta sunt, vel quibus damnum illatum. *n. 3.*

Bona Ecclesiæ non Prælato dissipatori, sed Capitulo restitui debent, & quæ filio familias, vel pupillo ablata

sunt, eorum patri, tutori, bonorum administrationem habentibus restituenda sunt, alioquin qui pupillo soluit sine tutoris auctoritate, is probare debet in utilitatem pupilli pecuniam v. g. versam fuisse. *n. 4.*

Spolia, quæ fur, aut prædo depoluit, in conscientia foro non ipsis, sed potius eorum domino restitui debent. *num. 5.*

Si restitutio cessura sit in graue detrimentum seu ipsius, cui fieri debet, seu alterius personæ, aut Communitatis, interim differenda erit. *n. 6.*

Qui sine iusta causa excusante alteri iniustè v. g. pugnaturo pecuniam mutuo dat, vel ex contractu debitam, absque necessitate restituit, aduersus iustitiam delinquit, consequenter ad compensationem damni obligatur, saltem in defectum principalis damnificantis. *num. 7.*

Quod restituendum est ratione iniustæ acceptionis, detentionis, id debitor proprijs sumptibus ad eum locum deferre debet, ubi creditor habiturus fuisset; nisi ei res ablata, aut destructa fuisset. Sed bonæ fidei possessor satisfacit, si restituat in loco, ubi rem possidet. *cod. tract. 2. c. 19. num. 4.*

Debitor restituere non cogitur cum graviore damno sibi, vel alteri inferendo, quàm aestimari possit commodum restitutionis: ut si creditor multum distet, & ideo plures faciendæ sint expensæ, quàm debitum valeat, vel si debitor solvere non possit, nisi domum vendat multo minoris, adeoque cum maiore detrimento suo, quàm debitum valeat, tali casu solutio differri potest. *cap. 12. n. 1.*

Non solum extrema necessitas, sed etiam grauis, quando si debitor restituat, vitam difficulter sustinebit, vel statu suo iustè & non per rapinas, aut vfuras acquisito excidet, facultatem præbet saltem differendi restitutionem, aut per partes restituendi; idque etiam in externo foro obseruatur circa illustres aut magnæ auctoritatis personas. *cod. n. 1. §. Deinde.*

In pari causa, aut necessitate potior est conditio creditoris, quàm debitoris, excepta necessitate extrema, in qua melior est conditio possidentis. *n. 2.*

Non tenetur aliquis restitutionem facere cum detrimento famæ, aut status iustè acquisiti, etiam si debita ex delicto sint, præsertim incerta. *n. 3.*

Qui pauperibus restituere tenetur, potest sibi ipsi applicare, si verè pauper est. *ibid.*

Circa restitutionem bonorum incertorum ex delicto cum Summo Pontifice compositio fieri potest. *num. 4.*

Debitor non liberatur obligatione restituendi, quia maius lucrum ipsi cessabit, quàm commodum creditori ex restitutione obueniet. *n. 8.*

Qui ex furto, vfuris &c. debitor est, si ei, cui restituendum esset, tantundem donet immemor sui debiti, non videtur obligatione liberari. *n. 9.*

Si debitor ex delicto v. g. fur rem restituendam committat Confessario, is verò defraudet, aut fugiat, non liberatur primus debitor. *n. 10.*

Restitutio in integrum.

Prætor hominibus in contractu, vel alia actione legis, cognitâ causâ tubuenit, restituendo eos in integrum: cuiusmodi beneficium non conceditur, si aliud remedium suppetat actum rescindendi: deinde si læsio, spectatis circumstantijs, modica sit, extraordinario huic auxilio locus esse non solet. *lib. 3. tract. 4. cap. 11. Principio.*

Beneficium restitutionis in integrum competit Minoribus XXV. annis si ex contractu, aut quasi contractu læsi sint. *cod. c. 11. n. 1.*

Si Minor antequam contraxit, veniam ætatis impetrauit, tanquam ætate Maior reputatur; ideoque restitutionis beneficio non gaudet: deinde si Maior factus post exactum XXV. annum ratificet ea, quæ in minore ætate cum tutoris, vel curatoris consensu egit, restitutionis petendæ beneficium amittit. *cod. n. 1.*

Minor, itemque Ecclesia non tantum in damno emer-

gente restituuntur, sed etiam in lucro cessante: ut si hæreditatem minus lucrosam adierunt, vel hæreditatem sibi vtilem repudiarunt. n. 2.

Facilius tamen conceditur restitutio propter damnum, quam restitutio propter lucrum cessans: illaque magis privilegiata est, pleniusque fieri solet. ibidem.

Si ecclesia de lucro cessante agat aduersus alteram Ecclesiam, cui lucrum illud acquisitum iam est, præfertur altera Ecclesia, quippe in possessione existens, & certans de iure acquisito non perdendo. ibid.

Minor in delictis non restituitur, si dolo commissa sunt, secus, si per culpam. Quod, si Maior crimen in iudicio confessus fuerit, cum sola indicia, aut semiplena probatio adessent, aduersus propriam confessionem tanquam læsus in integrum restitui debet. eod. num. 2. §. Verum.

Ecclesia iure Minoris fungitur in restitutionis beneficio, nomine autem Ecclesiæ omnia pia loca comprehenduntur. n. 3. & l. 3. t. 1. c. 8. n. 21.

Quadriennium continuum hodie conceditur ad petendam restitutionem in integrum: idque tempus in restitutione Minoris inchoatur post exactum XXV. ætatis annum; in restitutione verò Ecclesiæ incipit à tempore factæ, aut apparentis læsionis. cit. c. 11. n. 4.

Iusta interdum causa postulat, ut etiam post elapsam quadriennij tempus Ecclesia, vel Resp. in integrum restituatur: quia fauor publicus, quæ causa est restituendi Communitatem, semper manet. eod. n. 4. & num. 5. addit. 1.

Minoribus, qui ob ætatis imbecillitatem restituuntur postquam maiores facti sunt, non amplius subuenitur, quam intra quadriennium, nisi vel militiam interim exerceant, vel alio legitimo impedimento detenti sint, ob quod Prætor etiam natu Maioribus causa cognita subuenit. eod. n. 5.

Quadriennium non currit durante vita Prælati, qui male administravit, fuitque causa læsionis: sed eius successor potest petere restitutionem post mortem antecessoris intra quatuor annos. n. 4. causa 2.

Si Minor contractum iuramento firmavit, non datur ei restitutio: Sin autem Prælatus iuravit, se contractum seruaturum, non ideo Ecclesiæ præiudicatur. §. Exinde.

Respublica Minorum etiam iure gaudet, ideoque auxilium restitutionis implorare potest, & extenditur id I. ad Principem tanquam Caput Reip. II. ad vniuersitatem studiosorum. III. ad vicos Communitatem habentes. num. 5.

Etiam maiores natu interdum restituuntur, si præter læsionem iusta causa postulare videatur: videl. si læsus aliquis fuerit per id tempus, quo Reip. causa aberat, aut in captiuitate constitutus, aut propter ignorantiam iuris valde obscuri. Et conceditur hæc restitutio quadriennio continuo à die cessantis impedimenti. num. 6. & eod. l. 3. t. 1. c. 8. num. 22.

Si vnus certet de lucro capiando, alter autem de damno vitando, tum error iuris obscuri excusationem tribuit, ut læso per in integrum restitutionem succurratur. ibid.

Ecclesiæ, & Minori grauius læso, Iudex ex officio succurrere debet per in integrum restitutionem: at verò natu maiori succurritur, potius ad instantiam partis. ibid. n. 6. addit. 2.

Rescisso contractu emptionis, ac venditionis per in integrum restitutionem, pretium emptori restituendum est, vnà cum melioramentis. Fructus quoque interim percepti ad emptorem tanquam dominum pertinere debent. num. 7.

Si Res Minorum, aut Ecclesiæ temporis diuturnitate vsucapta fuerint, conceditur illis beneficium restitutionis in integrum continuo quadriennio. lib. 3. tract. 1. c. 8. num. 20.

Retractus gentilitius

Est ius alicuius gentis, aut ciuitatis statuto, vel consuetudine concessum proximo venditoris consanguineo, intra certum tempus rescindendi, & eodem pretio oblato venditionem rei immobilis ad se reuocandi. l. 3. t. 4. c. 17. n. 15.

Si consanguinei, post legitimam eis factam denuntiationem, emere intermittant, elapso bimestri spatio alteri vendi potest. Sin autem sine denuntiatione seu monitione venditio facta fuerit, ius habet consanguineus proximus intra diem & annum retrahendi. ibid. §. 2.

Consanguineus retrahens præstare debet omnes expensas, quas emptor ratione contractus fecit. Quare cautela est, ut volens uti beneficio retractus quamprimum denuntiet emptori, ne vltos in re vendita sumptus faciat, quia retractui subiecta sit. ibid. §. 4.

Ius istud reale imitatur actionem realem, ut aduersus quemcunque possessorem institui possit. n. 36.

Necesse est, ut proximus consanguineus sibi retrahat, non in utilitatem alterius, & in fraudem emptoris, aliorumque consanguineorum. Vtrum verò extraneo ius retractus cedi, aut vendi possit, si alius consanguineus non adsit qui retrahere velit, aut possit, regionis consuetudo attendenda est. ibid. §. Vltimum.

Reus.

Reus aliud est debiti ciuilis, & alius reus delicti. l. 3. t. 6. c. 5. num. 1.

Reus à competente Iudice legitime interrogatus in iudicio, veritatem edicere obligatus est. n. 2.

Confessarius Reum, qui conuinci non potest, non nimis urgere debet ad confitendum crimen morte, vel mutilatione dignum. n. 3.

Reus post latam à Iudice sententiam non tenetur fateri crimen, quod antea falsò negarat: quia finito iudicio, finitur etiam obligatio rei. ibid. §. Illud.

Reus à Iudice contra iuris ordinem examinatus, non tenetur crimen fateri. Idemque dicendum, si rationabiliter dubitet: quia propter Iudex Reo aperire debet causæ statum, testes de infamia, & alia contra eum indicia, ut ipsi appareat, num legitime examinetur. n. 4.

Lex charitatis postulat, ut qui crimen suum negat, vel celat, quatenus possibile est, denuntiantis famæ consulat, intra, & extra iudicium, dicendo v. g. cum malè informatum fuisse. ibid. §. Veruntamen.

Iudex Reum infamatum, vel conuictum de vno crimine, examinare non debet de alijs criminibus, quæ nec suapte natura, nec indicijs connexa sunt. n. 5.

Iudices deprehensum in vno crimine, præsertim in furto, mox solent examinare de alijs alibi commissis furtis, quorum nulla indicia habent: sed id non est secundum iura; præterquam si quis infamatus sit de crimine sæpius commissio, ut famosus latro, famosus fur. ibidem §. Non ignoro.

Si indicia v. g. ad capturam Rei sufficientia non fuerint, totus etiam reliquus iudicij processus corrumpitur. n. 6.

Si Reus crimen in iudicio, cuiusque indicia ostendat, sine alijs testimoniis. ibid. n. 7.

Iudex Reum de crimine non potest interrogare de socijs nulla indiciorum, captione, aut infamia laborantibus, nisi crimen exceptum sit, vel perniciosum in futurum. n. 8.

Tortura non adhibetur Reo, nisi in grauibz criminibus, si graui indicia adsint, sed non sufficientia ad probationem plenam. n. 9.

Reus semel tortus iterum torquendus non est, nisi nouum indicium accedit: quia per torturam toleratam infirmantur priora indicia, excepto, si commissi criminis indicia grauissima sint, ut vehementem præsumptionem pariunt crimen malitiosè negari, tunc tortura sæpius adhiberi potest. n. 10.

Si reus crimen, quod in tortura confessus erat, postmodum in loco iudicii renocet, rursus torturae subijci potest: quia retractatio confessionis infirmat torturam. Verum si tertio ita tortus, & confessus, tertio retractet, ordinariè absolvendus est, nisi maxima praesumptio sit Reum malitiosè agere. *ibid.*

Iudex non debet ita torquere Reum, ut moraliter ei impossibile sit, crimen non confiteri: tantò tamen gravius torquere potest, quantò grauiora indicia habentur. *num. 11.*

Certae personae sunt, quas torquere non licet. *n. 12.*

Si Reus confessionem per mendacium simulationem dolumve Iudicis extortam postea retractet non potest ex ea condemnari. *n. 13.*

Reus qui crimen morte dignum ob tormentorum metum falsò sibi affinxit, retractare tenetur, si spes sit mortis supplicium ea ratione effugiturum esse. Opposita tamen sententia ob Doctorum quorundam auctoritatem in praxi probabilis est. *n. 24.*

Saluus conductus, siue publica fides & securitas eundi, ac redeundi, duobus modis Reo dari potest, vel in forma iuris communis, vel in forma iuris specialis. *n. 14.*

Reus ordinariè puniri debet in loco ubi deliquit: quare si alibi capiatur remitti debet ad Iudicem delicti, si Iudices sint sub eodem principatu. Verum secundum consuetudinem Germaniae, nulla fit remissio ad Iudicem delicti; nisi Iudex captiuitatis propter amicitiam, vel vicinitatem remittere velit. *n. 15.*

Si Reus, qui alibi deliquit, postea reperiatur, & capiatur in loco originis, aut domicilij, spectato etiam communi iure, ibidem iudicari, & puniri potest. *Ibid. limit. 3.*

Iudex domicilij, saltem spectata Germaniae consuetudine potentior esse solet, quàm Iudex originis: quia ille etiam absentes incolas citare potest; at verò iste in originarios domicilium alibi habentes iurisdictionem non exercet, nisi dum in loco originis commorantur. Quia in re aequiparatur Iudici delicti, & Iudici contractus. *n. 16.*

Rex.

Utrum Reges, & Principes supremi libera voluntate, an solùm in comitijs Regni, & cum consilio, aut consensu Procerum, leges ferre possint, id pendet ferme ex prima Institutione regni. *l. 1. t. 4. c. 8. n. 3. §. Secundò.*

Rex non potest in praedictum regni iurisdictionem, aliàue bona eius, quae alicuius momenti sint, alienare: quia bona regni sunt potius dignitatis, quàm propria Regis: quamobrem mortuo Rege non diuiditur regnum, aut Ducatus inter filios defuncti. *n. 5.*

Licet ordinariè nobilitas & dignitas vxoris in maritum non redundet; sicuti vice versa dignitas mariti in vxorem, itamen id peculiare est, quòd maxima dignitas vxoris, videlicet Regnum, vel Ducatum hereditario iure possidentis, in maritum inferiore aliquo gradu positum quoddammodo deriuatur, ut & ipse Regis, vel Ducis nomen vxoris participatione sortiri possit. *n. 4.*

In hoc ipso casu Regni, aut Ducatus administratio penes Reginam, vel Ducissam manet, propter quam si femina & ipsa in Regnum, vel Provinciam sponte consentiat, ut ad maritum deuoluatur. *n. 5.*

Si Regna, aut Ducissa alicui priuato, v. g. militi in matrimonium iungatur, ad maritum pertinebit gubernatio domestica, ipsi usque vxoris custodia: sed vxor, quatenus Regina, aut Ducissa, superior erit marito suo, quoad publicam gubernationem. *§. Quapropter.*

§.

Sacramentum.

Inter varias Sacramenti acceptiones una est valde vsitata, pro caeremonia hominem sacrantem, adeoque pro signo rei sacrae & occultae non cuiuscumque, sed per quam homo sacatur, & initiatur Deo. *lib. 5. t. 1. c. 1.*

Sacramentum definitur; signum visibile inuisibilis gratiae, ad populum Deo sanctificandum, diuinitus institutum. *cap. Secundò. num. Primò.*

Ad rationem Sacramenti pertinet, ut stabilem institutionem, ac vsum habeat. *n. 2.*

Sacramenta nouae legis, non tantum gratiae significatiua, sed etiam operatiua sunt: in quo differunt à veteribus sacramentis, quae gratiam sanctificantem figurabant, & significabant tantum. *c. 3. n. 1. & n. 6. In fine.*

Post lapsum hominis institui oportebat sacramenta, non antè: & verò pro paruulorum sanctificatione, etiam ante circumcisionem aliquòd à Deo remedium institutum erat. *n. 4.*

Post legem etiam circumcisionis credibile est certam aliquam caeremoniam fuisse pro foemelis, & masculis ante circumcisionem morituris. *n. 4.*

Circumcisio non conferebat gratiam sanctificantem ex opere operato, sed ex fide in Christum, attamen ut ordinarium remedium à Deo institutum. *n. 5.*

Valde probabile est, quòd sacramenta nouae legis ad hominis sanctificationem concurrant non ut causa physica, sed tantum morales. *n. 6.*

In sacramentis nouae legis non tantum sensibilis materia, sed etiam verborum forma requiritur. *cap. 4. num. 1. & 2.*

In sacramentis, saltem ijs quae in vsum seu actione transiente consistunt, duplex materia reperitur, remota, & propinqua. *n. 2.*

Sacramenta quae in vsum consistunt, ex re siue sensibili actione, atque verbis, veluti ex materia & forma essentialiter componuntur. *n. 3.*

Inter materiam & formam, v. g. aquae affusionem & verborum prolationem, tanta coniunctio esse debet, ut, spectata cuiusque Sacramenti natura, forma verborum habitudinem determinationis retineat ad materiam, seu, symbolum subiectum. *ibid. §. Si quas.*

Mutatio materiae, aut formae sacramenti alia substantialis est, & alia accidentalis. *n. 4.*

Antiqui Patres formas sacramentorum infidelibus prodicabant. *l. 5. t. 3. c. 3. n. 3.*

Formam sacramentorum Patres quandoque precem mysticam appellant. *l. 5. t. 8. c. 3. n. 2.*

Error priuatus Ministri, v. g. haeretici, non obstat valori sacramenti, modò veram materiam & formam adhibeat, cum intentione, saltem implicita, faciendi quod Christus instituit, vel quod vera Ecclesia facere intendit. *cit. t. 1. c. 4. n. 5.*

Si Minister existimet esse puerum, cum sit puella, quam v. g. baptizat, vel esse Titium quem ordinat, cum sit Caius, validum est sacramentum. *num. 6.*

Solus Deus primarius auctor, & institutor est sacramentorum nouae legis: Christus autem, quia homo, duobus modis eorum auctor, & institutor dici potest, nimirum, quia eam nobis institutionem ex condigno promeruit, & quia cum potestate excellentiae promulgauit. *c. 5. n. 1.*

Potestas instituendi sacramenta ministerialiter, puro homini à Deo communicari potest, sed non tam excellentet, ut Christo competeat. *n. 2.*

Omnia nouae legis sacramenta à Christo immediatè instituta fuerunt. *n. 3.*

Solus Deus ut causa simpliciter principalis interiores sacramentorum effectus operatur, sed Christus homo, ut causa principalis meritoria. *n. 4.*

Humanitas Christi operatur interiores sacramentorum effectus, tanquam instrumentum coniunctum diuinitati. *num. 5.*

Fides, aut probitas Ministri non requiritur ad sacramenti valorem. *n. 6.*

Mortaliter peccat Minister, si in statu peccati mortalis ministret sacramentum, ad cuius ministrationem ordinatus est. *n. 7.*

Idem quoque sentiendum de Sacerdote baptizante non solemniter in casu necessitatis, & de Diacono, si ex commissione Sacerdotis baptizet, vel sacramentum Eucharistiam porrigat in statu peccati mortalis. *n. 8.*

Si laicus, vel alius Clericus præter Sacerdotem in casu necessitatis baptizet cum conscientia peccati mortalis, non videtur plus, quam venialiter peccare. n. 9.

Probabile est, Diaconum non peccare mortaliter, si in statu peccati mortalis in Missæ officio ministret, nisi id frequenter seu per consuetudinem fiat. n. 10.

Intentio alia est actualis, alia virtualis, & alia habitualis seu interpretatiua: actualis, sicuti & virtualis, vel explicita est, vel implicita. n. 11.

Ad necessitatem sacramenti requiritur formalis intentio Ministri, saltem implicita: nec sufficit habitualis in causa, aut merè interpretatiua. n. 12.

Ad sacramenti valorem necessaria est intentio absoluta; ideòque nihil efficitur, si Minister v. g. baptizet sub conditione pendente in futurum. n. 13.

Aliud est sacramentum, & aliud res seu effectus sacramenti. c. 6. n. 1.

Quidam sacramenta viuorum sunt, & quidam mortuorum: verum illa, licet per se instituta sint tantum ad augmentum gratiæ, tamen per accidens interdum peccatorem iustificanti, si cum attritione bona fide suscipiat. num. 2.

Præter effectum gratiæ sanctificantis, in singulis sacramentis conferuntur specialia actualia auxilia gratiæ. n. 3.

Ad valorem sacramenti in adultis requiritur suscipiendi propria voluntas, saltem interpretatiua. n. 4.

Sacramenta æqualem gratiam conferunt omnibus suscipientibus, si æqualiter dispositi sint, secus si inæqualiter. num. 6.

Septem sunt nouæ legis propriè dicta sacramenta, à Christo instituta. c. 8. n. 1. & 3.

Frequentissima apud Patres antiquos mentio est eorum præcipue sacramentorum, quibus homo simpliciter perficitur, Deòque iniungitur, qualia sunt Baptismus, Confirmatio, Eucharistia, sacra Ordinatio: quamuis etiam aliorum sacramentorum non rara mentio fiat. n. 2.

Omnia sacramenta cum salutari crucis signo administrari solent eod. l. 5. t. 6. c. 3. n. 8.

Materiæ sacramentorum, quibus Christus ipsemet usus fuit in institutione, benedicti non solent, sicuti illæ, quibus Christus usus non est. tr. 3. c. 2. n. 2.

Parocho tempore pestis obligatio incumbit permanendi, & sacramenta populo ministrandi. Sed etiam, cum Ordinarij consensu, alteri idoneo officium suum committat, aut resignet, tamen animo saltem, & prouidentia præsens esse debet, vt nihil necessarij ad salutem ouibus desit. l. 1. t. 3. c. 3. n. 3. 9. His adde.

Parochus, si solus sit, non facile ministrare debet cum vitæ suæ periculo sacramenta, quæ non admodum necessaria sunt, vel secundum se, vt Extrema vinctio, vel respectu personarum, quarum bonum statum probabiliter cognitum habet, quia nuper earum Confessiones excepit. ibid. §. Cauere.

Etiam Parochus ex decimis sufficientem sustentationem habeat, nihilominus propter consuetudinem præscriptam accipere aliquid potest à fidelibus pro sacramentorum ministr. ratione, aliisque officijs diuinis. l. 4. tract. 10. cap. vlt. n. 16.

Sacramenti character.

Characteris seu signi spiritualis animæ suscipientis sacramentum impressi, frequens est mentio apud Patres antiquos. l. 5. t. 1. c. 7. n. 1.

Tria sunt sacramenta, quibus indelebilis character animæ imprimatur, ideòque repeti non possunt: Baptismus, Confirmatio, & Ordo. num. Secundò, & tract. 3. cap. 4. num. 2.

Character partim ad primam speciem qualitatis pertinet, quatenus est bene afficiens subiectum, partim verò ad secundam speciem, quatenus hominem idoneum reddit ad sacramenta suscipienda, & alijs tradenda. cit. c. 7. num. 3.

Effectus gratiæ in sacramentis non iterabilibus, si propter suscipientis indispositionem impeditus fuit, remoto obice statim confertur n. 4.

Credibile est, etiam post acceptum sacramentum Extremæ vinctiois, Matrimonij, & Eucharistiæ nondum absumptis speciebus, remoto obice gratiam conferri. n. 5.

Sacrificium Missæ.

Sacrificium definitur: oblatio Deo facta, per immutationem alicuius rei sensibilis, in signum supremi super res omnes dominij, ex publica, & legitima institutione. l. 5. t. 5. c. 1. num. 1.

Christus in sacrificio Missæ est principalis offerens & res oblata, Sacerdos autem offerens ministerialis. eod. num. 1.

Sacerdos in Missa totius etiam Ecclesiæ vicarius est, & legatus ad Deum. n. 2.

Ex sacrificio Missæ duplex fructus seu effectus prouenit, vnus est ex opere operato, alter per modum impetrationis num. 3.

Sacrificium Missæ verè propitiatorium est, ex opere operato conferens remissionem peccatorum. n. 4.

Huius sacrificij præcipuus fructus est satisfactionis pro peccatis eorum, quibus applicatur: quamuis id nesciant, modò capaces sint. n. 5.

Sacrificium Missæ vtile est ad delenda peccata venialia in ijs, qui pro se offerunt, aut offerri postulant. n. 6.

Probabile est, sacrificium nouæ legis habere infallibilem effectum gratiæ praueniens, & excitans peccatores ad penitentiam, iustos autem, pro quibus offertur, ad maiorem perfectionem. n. 7.

Per sacrificium Missæ varia dona & beneficia Dei impetrari possunt. n. 8.

Sacrificium Missæ ex opere operato habet effectum satisfactionis pro peccatis finitum, tam intensiuè, quam extensiuè. n. 9.

Sacrificium, quoad impetrationem beneficiorum, habet aliquo modo virtutem infinitam syncategorematicè, quia augetur pro multitudine offerentium, aut concurrentium. n. 11.

Etiam Sacerdos pro certa persona sacrificium Missæ offerre debeat, tamen non prohibetur in *Memento* sacrificium pro se, & alijs personis priuata deuotione, & petitione offerre. eod. n. 11.

Vna, eademque oratio plus impetrat alicui, si pro eo solo fiat, quam si pro pluribus. n. 10.

Missæ mali Sacerdotis æquè vtilis est, quoad fructum eius principalem, qui est ex opere operato, non item, quoad vim impetrandi ex propria persona. n. 12.

Sacerdos, qui à pluribus sufficientem stipem accepit, non satisfacit pro omnibus vnā Missā dicendo: secus, si stipendium sufficiens non fuit. n. 13.

Si Sacerdos stipendium accipiat pro Missa celebranda, debet vel ipse celebrare, vel si alterum substituere velit, totum ei stipendium relinquere: nisi alter Sacerdos partem stipendij ponte condonet; aut si præsumptio sit non fieri contra voluntatem dantis, si pars stipendi retineatur. n. 14.

Sacerdos qui stipendium accepit, plerumque Missam celebrare debet eam, & in eo altari, sicut offerens petiuit: quare Missam votiuam, vel pro defunctis dicere licet, tamen secundum ordinationem Missalis de festo simplici, vel semi duplici dici deberet. num. 15.

Etiam in Dominica die, aut festo duplici, si funus ad ecclesiam deferatur, atque vnus Sacerdos adsit, potest is pro defunctis celebrare, propter rationabilem diæcesis consuetudinem. Alioquin verò, si funus celebritas non requirat, rectius faciet Sacerdos his diebus, si seruata Ecclesiæ intentione, Missam dicat secundum ritum præscriptum. n. 16.

Multarum Ecclesiarum consuetudo permittit, vt præter vnā Missam principalem, quæ dicitur de festo

currente altera dicatur votiva, vel pro defunctis. *ibid.* §. Adde secundò.

Licet nemo statuto, aut fundatione obligari possit, vt quotidie celebret de B. Virgine, potest tamen constitui, vt in tali altari, vel ecclesia quotidie sacrificium fiat de B. Virgine, aut pro defunctis. *ibid.*

Sacrificium nouæ legis latreuticum est, eucharisticum, impetratorium, & propitiatorium. c. 2. n. 1.

Sacrificium nouæ legis omni veteris legis sacrificia præstantiore virtute continet. n. 2.

Sacerdos in Missa triplicem quasi personam sustinet, Christi, Ecclesiæ, & priuati offerentis. n. 3.

Pro Sanctis, siue Beatis in cælo offertur sacrificium Missæ, quatenus est laudis, & gratiarum actionis. n. 4.

Sacrificium Missæ rectè & salubriter offertur pro animabus defunctorum. n. 5.

Pro omnibus viuentibus hominibus sacrificium Missæ vtiliter offerri potest, quatenus Sacerdos Christi personam repræsentat: quamuis non idem omnibus fructus proueniat. n. 6.

Quatenus Sacerdos personam Christi gerit, etiam pro excommunicatis non toleratis sacrificat, applicando eis fructum impetrationis, vel etiam satisfactionis, si capaces sint. num. 7.

Pro Catechumenis viuis, ac defunctis sacrificium offerri potest, vt ipsis prosit, saltem per modum impetrationis. n. 8.

Pro infidelibus Iudæis, ac paganis sacrificium rectè offertur, quatenus est impetratorium, vt ad Fidem veram conuertantur. n. 9.

Missæ olim distinguebatur in duas partes: quarum vna Catechumenorum dicebatur, & altera fidelium. n. 10.

Fructus ex opere operato in sacrificio Missæ illi prouenit, cui Minister intendit, si capax sit. n. 11.

Sacerdos fructum sacrificij, qui ex opere operato est, ante, vel in ipsa consecratione alicui applicare debet, saltem virtuali intentione. Nam sacrificans solet, & censetur habere tacitam voluntatem, vt si obliuiscatur alicui applicare, aut si is, cui applicat, incapax sit, tum fructus proueniat ijs, quibus specialiter obligatus est, aut denique sibi ipsi eod. n. 11. §. Colligitur II. & n. 12.

Fructus Sacrificij non potest alicui valide applicari sub conditione in futurum contingente: v. g. *Offero pro illo qui primus mihi stipem dederit*, aut *qui primus ex hac Communitate mortuus fuerit*. n. 13.

Neque est recta intentio applicandi Sacrificij fructum illi homini, quem Deus scit primum ex hac Communitate à viuis excessurum esse. n. 4.

Mos celebrandi *Requiem* pro viuis non videtur esse commendabilis. n. 15.

Sacerdos in persona Ecclesiæ præcipuè offert & supplicat Deo pro membris Ecclesiæ, secundariò etiam pro alijs. n. 16.

Sacerdos, vt priuata persona, videlicet in *Memento* fructum tum satisfactionis, tum interpretationis ex opere operato prouenturum, cuiusque homini capaci applicare potest, quauis excommunicatus non toleratus sit. n. 17.

Fructus aliquis Sacrificij, quatenus in Christi persona offertur, ipsi offerenti proprius est, alteri non applicabilis. num. 18.

Sacerdos etiam animarum curam non habeat, mortaliter peccare videtur, nisi aliquoties in anno sacrificet. c. 3. n. 1.

Sacerdos curatus per se, vel per alium omnibus illis diebus celebrare obligatus est, quibus plebs ipsi subdita ex præcepto Missam audire tenetur. num. 2.

Decens omnino est, vt Parochi, qui vberiores redditus habent, aliquoties in hebdomada sacrificent: qua in re Ecclesiæ consuetudo attendi debet. eod. n. 2. additione 2.

Ad munus Episcopi pertinet providere, vt in ciuitatibus, ac oppidis, in quibus populus frequentior est, vno, aut pluribus locis quotidianum Sacrificium celebretur. *ibidem.*

Consultum est Sacerdotibus, vt quotidie sacrificent. num. 8.

Porochus ex iustitia non videtur esse obligatus ad Sacrificium offerendum pro parochianis suis, sed æquitatis quadam ratione & charitatis dictamine. num. 3.

Si parochianus offerat stipem pro Sacrificio eius diei, quo scit Parochum sacrificare obligatum esse alia intentione, contentus esse censetur applicatione secundaria. num. 4.

Capellanus ex iustitia obligatur ad eum Missarum numerum, quem litteræ fundationis requirunt. n. 6.

Refert, vtrum obligatio Sacrificij quotidiani loco, an personæ à fundatore imposita fuerit. Nam in priore casu Capellanus operam dare debet, vt in designato altari quotidie sacrificium fiat à se, vel ab alio; altero autem casu intelligitur, vt Capellanus omnibus diebus celebrare teneatur, quatenus potest, salua honestate ac deuotione. *ibidem.*

Si iustum impedimentum, v. g. infirmitas breui tempore duratura sit, non videtur obligatus Capellanus, vt alium sacrificantem substituatur. n. 7.

In Ecclesijs Cathedralibus, Collegiatis, & Conuentualibus quotidie Sacrificium celebrari debet. n. 5.

Numerum Missarum, vel Anniversariorum minuere propter causam necessitatis ad Episcopum, & Ordinum Prælatos in suis Capitulis pertinet, ex Trident. commissione. *ibid.* §. Addunt.

Communi iure licitum non est sacrificare ante auroram, neque post meridiem. c. 4. n. 1. & 3. assert. 3.

In die Natalis Domini non tantum vnâ, sed etiam alteram & tertiam Missam ante auroram celebrari posse, probabile est. n. 2.

Episcopus ob causam dispensare potest, vt ante auroram, vel post meridiem sacrificare liceat. n. 3.

Ob causam necessitatis licitum est post meridiem Missam inchoare, etiam non petita licentiâ Episcopi. n. 4.

Non est peccatum mortale celebrare Missam ante dictas preces matutinas: quod si causa ita celebrandi postulet, nullum peccatum est. n. 5.

Eodem die non est licitum bis sacrificare, exceptis quibusdam casibus. n. 6.

Mysterium est, quòd in die Natalis Domini tres Missas dicere liceat. *Ibid.*

Feria sexta hebdomadæ sanctæ Sacrificium Missæ in Ecclesiâ non celebratur. n. 7.

In Sabbatho sancto plerique Sacerdotes abstinentiâ celebratione priuata. n. 8.

Feria V. hebdomadæ sanctæ licitum est Sacerdotibus celebrare. n. 9.

In Missa adhibendus est minister, saltem vnus (si de priuata Missa sermo sit) qui totius populi nomine sacrificanti respondeat, vinum & aquam porrigat, & debet is esse mas, non mulier. Interim nihil obstat, quominus fœmine, præsertim sanctimoniales, ex loco remoto Sacerdoti respondeant. eod. t. 5. c. 6. n. 13.

In quibusdam locis apud nos consuetudo viget, quæ ab Episcopis toleratur, vt Sacerdotes, præsertim in pagis, sine Ministro respondente celebrent. *Ibid.*

Dum Missa celebratur, super altari esse debet Crucifixus; quod præceptum perinde obligat, sicuti alia de cæremonijs Missæ seruandis; quamuis ob materiæ paruitatem sub veniali tantum: quali etiam obligatione preces à Sacerdote inter induendum dicendæ sunt. n. 12. in fine.

Sacerdos in Missa non debet populum benedicere, si celebret coram Romanæ Sedis Cardinale, vel coram Episcopo, nisi is annuat, siue licentiâ det. n. 18.

Nunquam licitum est directâ intentione accedere ad consecrandum solum panem, sine consecratione vini. c. 7. num. 1.

Sacrificium cœptum interrompere, aut imperfectum relinquere non est licitum, exceptis quibusdam casibus. num. 2.

Si Sacerdos post consecrationem aduertat aquam pro vino appositam fuisse; potest occultè aliud vinum apponere; & consecrare, sine consecratione panis. n. 3.

Non est improbable, quòd noui Sacerdotes cum Episcopo verba consecrationis materialiter tantum proferrant. Sed consultiſſimum ipsis est, vt proferre velint secundum Ecclesiæ intentionem, seu voluntatem. l. 5. tr. 2. c. 7. n. 6.

Sacrilegium.

Dicitur rei sacræ violatio: Eius tres species sunt: I. contra personas sacras. II. contra loca sacra. III. contra alias res sacras, seu Deo dicatas. lib. 4. t. 10. cap. 7. num. 1. & 2.

Res sacra propriè tantum censetur, quæ publico ritu, aut institutione ad Dei cultum deputata est. eod. n. 2.

Sacrilegium contra personas sacras quatuor modis committitur: I. Inferendo manus violentas in Clericum, vel Religiosum. II. Personas Ecclesiasticas subiiciendo iudicio fori secularis. III. Ab eisdem tributum exigendo, contra Ecclesiasticam immunitatem. IV. Luxuriosè violando corpus personæ Deo sacratæ. n. 3.

Si Clericus in sacris, vel Religiosus fornicetur, multiplex peccatum committit. n. 4.

Sacrilegium aduersus locum sacrum accidit: I. violando loci sacri immunitatem. II. polluendo Ecclesiam, vel cœmeterium. III. exercendo profanam actionem, quæ reuerentiæ loci sacri repugnat, cuius modi sunt iudicij secularis exercitium; item negotiationes, conuiuia. n. 8.

Non omnis locus sacer, aut pius ecclesia dici potest: verum Ecclesiarum priuilegia ferme etiam ad alia loca sacra, videl. Monasteria, & Zenedochia, quæ publica Episcopii auctoritate instituta sunt, extendi solent. n. 6.

Indigna tractatio sacræ Eucharistiæ omnia sacrilegia grauitate superat. n. 11.

Sacrilegium quod committitur indigna tractatione rerum sacrarum, varios gradus habet, secundum varietatem ipsarum rerum. n. 13.

Sacrilegij crimen est, si sacramenta indignè administrantur, vel suscipiantur: si sacra scriptura peruertatur, sacra vasa ad vsus profanos adhibeantur. eod. num. 13. §. In Tertio.

Necesse non est ad sacrilegij crimen, vt quis directam intentionem habeat res sacras inhonorandi, sed ipsa indigna earum vsurpatio, aut tractatio, quamuis ob alium finem seu vtilitatem fiat, debitæ rebus sacris reuerentiæ repugnat. Hoc tamen discrimen est, quòd inhonoratio ex proposito semper sit mortalis, sed inhonoratio per intentionem virtualem possit esse venialis, cum ob actus imperfectionem, tum ob materiæ leuitatem. §. Neque verò.

Multa sacrilegia committi possunt circa res sacras non decenter tractandas, seruandas. n. 14.

Qui legata pia, vel alia Ecclesiastica iura, aut bona peruertunt, sacrilegium committunt. n. 15.

Furtum sacrilegium committitur vel auferendo rem sacram de loco sacro, vel non sacram de sacro, vel sacram de non sacro. n. 16.

Qui calicem sacrum è loco non sacro furripit, propriè dictum sacrilegium committit. n. 17.

Qui crumenam v. g. alicui in ecclesia abscindit, videtur esse fur sacrilegus, licet in externo foro non ita puniatur. num. 18.

Qui furtum sacrilegium cum violenta effractione committit, ipso iure excommunicatus est. Idemque sententiam de incendiarijs ecclesiarum. n. 19.

Sanctum cultus, canonizatio, sacræ imagines, & reliquiæ.

Oratio, quam ad Beatos in cœlo fundimus, non est actus elicitus à virtute Religionis seu latriæ, sed est inferioris cultus, quæ dulcia dicitur. Est tamen oratio erga Sanctos actus imperatus à virtute Religionis, nisi malis ita loqui, esse actum siue re, siue virtute duplicem, qui

quatenus ad DEVM, & Christum filium eius dirigitur, latriæ est, quatenus verò ad Sanctum spectat, dulcia. l. 4. t. 1. c. 1. n. 1. in corollario.

Vnus est Mediator principalis inter DEVM & homines, Christus Saluator, alij autem Sancti secundarij apud Deum intercessores sunt, per ipsum Christum. Ibid. in obiectione 1.

Angeli boni, perinde vt alij Beati in cœlo, ab antiquis Christianis inuocari soliti sunt, tanquam nostri apud Deum & Christum Patroni, ac rerum humanarum constituti Præsides, & Tutores. Ibid. §. Porro.

Canonizatio Sanctorum ad Summum Pontificem extra, vel intra Concilium, propriè spectat. l. 4. t. 7. cap. 5. num. 1.

Olim sine solemnī canonizatione Sancti quidam post felicem eorum obitum, communi Episcoporum, & populorum consensu, approbante etiam Ecclesia Romana, publicè colebantur. Ibidem.

In noua lege Deum siue sacrosanctam Trinitatem, atque Angelos forma corporea, sicuti in sacra Scriptura hominibus præsentatos legimus, depingere licitum est, quamuis olim Iudæis ad idololatriam pronis id prohibitum fuerit. num. 2.

Catholica Fide certum est, Christi Domini, B. Virginis, & aliorum Sanctorum imagines rectè depingi tum memoriæ, tum venerationis causa. n. 3.

Olim in Eliberino Concilio iustas ob causas prohibitum erat, ne Christi, & Sanctorum imagines in parietibus seu muris Ecclesiarum pingerentur. n. 4.

Libri, qui vulgò Carolini dicuntur, non Caroli Magni sunt, sed ab Iconomachis hæreticis scripti, & à Carolo ad Hadrianum Pontificem missi. num. 7.

In Concilio Francofordiensi tempore Caroli magni habito, nihil omnino contra septimam Synodum de imaginibus adorandis decretum fuit. n. 5.

Eli Philī vnus ex hæreticis Caluinistis præfatione sua in libros Carolinos multis imposuit. n. 6.

Quamuis probabile sit, tamen non est certum, in Concilio Francofordiensi aliquid pro imaginum cultu contra Iconomachorum errorem statutum fuisse. n. 8.

Sacræ reliquiæ tantò præstantiores censendæ sunt, quantò propinquius ad Sanctum spectabant. n. 12.

Ad publicum reliquiarum Sanctorum cultum opus est, vt antecedit earum publica approbatio: ad priuatum verò cultum sufficit vnus hominis fide digni testimonium. n. 15. & 16.

Homines piè defuncti, si canonizati non sint, coli non possunt solemniter ac publicè, attamen priuatim. Dicitur autem cultus publicus, non qui coram alijs exhibetur, sed qui nomine totius Ecclesiæ, & tanquam ab Ecclesia institutus. n. 14.

Licet concessum non sit publicum festum, aut ieiunium in memorium Sancti non canonizati instituere, aut celebrare, tamen priuatim in eius obitus die seruilibus operibus abstinere, aut ieiunare, vel Sanctum in patrocinium inuocare, aut reliquias, vel imaginem eius in priuato altari collocare, prohibitum non est. Ibid. §. Tertio.

Sanctorum corpora perpetuæ sepulture tradita, sine Prælatorum licentia erui, & transferri non debent. n. 17.

Sacræ reliquiæ ad turpem quæstum exponendæ non sunt, neque facillè extra capsam ostendendæ. n. 19.

Tum laici, tum Clerici sacras reliquias decenter inclusas deuotionis causa secum habere, ac circumferre non prohibentur. n. 18.

Sacras reliquias cum reuerentia tangere laicis non est illicitum, sed publice in templo, & processione, sacrarum reliquiarum thecas gestare, ad sacros tantum Clericos spectare videtur. l. 5. t. 5. c. 6. n. 21.

Satisfactio, penitentia, impositio.

Satisfactio aliud non est, quàm iniuriæ compensatio: quare differt à restitutione, quæ est damni dati restauratio.

tiol. tr. 5. c. 15. n. 11.

Peccatis nostris Deo nullum propriè damnum inferimus, attamen iniuriam irrogamus, qua propter pro offensa satisfacere debemus. *ibid.*

Pro culpa mortali, & correspondente pœna Deo satisfacere non possumus ex condigno, sed tantùm ex cōgruo. n. 2.

Patres omnes operibus bonis iustorum tribuunt virtutem satisfaciendi pro peccatis, ex Christi meritis: sed No- uatores hæretici constanter se huic veritati opponunt. *ib.*

Homines iusti in hac vita pro pœna temporali in purgatorio luenda ex condigno per Christi merita satisfacere possunt. Sed post hanc vitam animæ in purgatorio non sunt in statu satisfaciendi, sed potiùs satispatiendi. n. 3.

Sacerdos pœnitenti sacramentalem pœnitentiam impere debet, partim in vindictam peccatorum, partim ad remedium animæ. n. 4.

Lapsus in peccatum graue, seu mortale, olim frequenter à Confessario interdicebatur sacra Communio donec per iniuncta bona opera satisfecissent. n. 5.

Pœnitens obligatur ad acceptandam pœnitentiam, si iusta est: si tamen nimis grauis illi videatur, potest se alterius Confessarii iudicio subijcere. n. 6.

Obligatio implendi pœnitentiam iniunctam ob peccata venialia, item ob mortalia, à quibus absolutio etiam antè accepta fuerat, non est sub peccato mortali. n. 7.

Pœnitentia rectiùs è Sacerdote imponitur ad sacramentalem absolutionem, cum sit pars sacramenti materialis. n. 8.

Opera, quæ in pœnitentiam iniunguntur, debent esse aliquo modo pœnalia, seu afflictiua: quare plerumque conuenit esse externa opera, qualia sunt oratio vocalis, ieiunium, elemosyna. n. 9.

Magis conuenit, vt opera bona, quæ pœnitenti imponuntur, sint supererogationis: quamuis interdum non abs re faciet Confessarius, si homini præcipiat opera alioquin præcepta. n. 10.

Si pœnitens allata probabili causa de grauitate pœnitentiæ conqueratur, Confessarius plerumque moderari eam, vel aliam leuiorem decernere debet: monendus tamen est pœnitens, pœnitentiam non esse commensuratam delictis; quare ipsemet exerceat opera bona in satisfactionem pro peccatis. n. 11.

Cauere debet Confessarius, ne incongruas pœnitentias imponat, v. g. pauperi elemosynas, operijs vel debilibus personis ieiunia, mulieribus longas peregrinationes. *ibid.* §. Caueat.

Pœnitenti faciliè permittendum non est, vt voueat, vel iuret se in posterum non admissurum tale peccatum. *Ibid.*

Si magna pœnitentis contritio appareat, minor pœnitentia imperanda est: item tempore Iubilei, vel alterius indulgentiæ plenariæ, tunc enim non cogitur pœnitens nisi leuiorem pœnitentiam acceptare, quæ se habeat per modum medicinæ ad tollendas peccatorum reliquias. n. 12.

Infirmis, siue morituris plerumq; aliquis saltem bonus motus in Deum pœnitentiæ loco imperari potest. n. 13.

Opus iniunctum in Confessione habet vim ex opere operato delendi pœnam temporalem peccatis debitam, iuxta Christi institutionem. n. 14.

Qui opus pœnitentiæ in statu peccati mortalis implet, satisfacit quidem præcepto, sed fructum satisfactionis tunc non consequitur: quare videtur peccare, saltem venialiter, obicem ponendo, quominus effectum tunc consequatur. n. 15.

Pœnitentia imperata, & acceptata ob causam mutari potest ab eodem Confessario, vel altero. Nec est omnino improbable, id fieri posse, tametsi peccata non repetantur. n. 16.

Qui impotens factus est pœnitentiæ exequendæ, omnino liberatus est. n. 17.

Scandalum.

Est dictum, vel factum minùs rectum, præbens alteri occasionem ruinæ spiritualis. l. 2. t. 3. c. 13. n. 1.

Licet operatio, vel omissio in se non mala speciem mali gerat, vt alicui occasio lapsus esse possit, tamen si eam, quantum in te est, remoueas, edocendo cur iustam agendi, vel omittendi causam habeat, aliquando cessat esse scandalum datum, & fit merè acceptum. *ibid.* obseru. 2.

Duplex est scandalum; vnum per se, siue datum, alterum per accidens, siue merè acceptum: Illud vel est propriè actiuum seu inductiuum ad peccatum consilio, iussu. Alterum est impropriè inductiuum, videl. obiectiuè tantum, vel materialiter. n. 2.

Scandalum per accidens seu merè acceptum est, cum & præter operantis intentionem, & præter naturam operis, alter ex eo peccandi occasionem accipit: Diuiditur in scandalum pusillorum, & in scandalum Pharisaorum. *cod.* n. 2. §. Scandalum.

Nullò casu licitum est, alterum iussu, vel consilio inducere ad id, quod ab eo sine peccato fieri nequit. n. 3.

Ad peccatum materialiter tantum cooperari licitum est, si certæ conditiones adsint: I. Vt cooperatio secundum se moraliter bona, vel saltem indifferens sit. II. Vt bono fine seu motiuo alicuius virtutis fiat. III. Vt proximi peccatum impedire non possis, vel saltem non debeas. Sic v. g. sponsus Catholicus licitè ministrat sacramentum matrimonij sponsæ hæreticæ. n. 4.

Cooperatio materialis ad peccatum quantum remotior est, tanto faciliùs ob causam rationabilem permitti potest: v. g. fundere campanam, aut characteres æneos cuilibet concessum est, et si his aliqui abusuri sint ad hæresin propagandam: sed longè grauior causa, atque necessitas requiritur, vt alicui liceat pulsare campanam v. g. qua hæreticorum concio congregetur. n. 5.

Christianis captiuis concessum esse videtur in Turcarum, vel hæreticorum triribus contra Catholicos remigare, vel propugnacula ædificare, item sarcinas, machinas, & arma ad bellum necessaria afferre: si tamen eo loco res sita sit, vt auxilium negantes magno periculo Christianos eriperent, vel victoriam ipsis conferrent, tum lege charitatis obligantur ad bonum Reip. Christianæ propriæ vitæ anteponendum. *cod.* n. 5. §. Vltimè.

Incolæ prouinciæ, quam tyrannus expulso legitimo Principe iniuste occupauit, possunt inter iniquos possessores manere, eòq; cogente imperio excubijs, fossione, aut contributione iuuare, idque ex præsumpto etiam legitimi Principis consensu. §. Secundò.

Fas est patrifamilias famulo, vel filio, quem de furtis suspectum habet, pecuniam apponere, vt eum deprehensum emendet, vel malo grauiori occurrat. §. Tertiò.

Fas non est famulo, aut cauponi in ciuitate Catholica, die interdicto carnes coquere hæretico postulanti, nisi grauis necessitas minarum v. g. vrgeat, & absit scandalum, atque periculum alterius maioris mali. §. Quartò.

Fas non est Pharmacopola venenum vendere quibusuis postulantibus, sed ijs tantum, quos verisimile est ad alium humanum vsum, v. g. medicinæ aut colorum confectio- nem, vsuros esse: Sin verò venenum sit, quod alijs vñibus non inferuiat, eius venditio interdicta est. §. Quintò.

Non est permittendum famulo, vt meretricem, quamuis ante conductam, è domo eius euocet, vel literas ad turpia concitantes deferat: sed materialia & remota ministeria præstare potest, v. g. per ianuam intrmittere, facem præferre. §. Sextò.

Qui alterum iussu, consilio, motiuo, exemplo ad peccandum mouet, licet ruinam eius directè non intendat, peccat tamen speciali, peccato scandali aduersus charitatem, & misericordiam. §. Porro.

In sacra Confessione exprimenda est species peccati mortalis, ad quod exemplo, suasionem, aut iussu alterum induxisti, insuper exprimendus numerus personarum, quas in tale peccatum traxisti, vel probabiliter trahere potuisti. n. 6.

Non semper peccatum scandali committitur, si quis cor

tam alijs peccet; sed tunc solum, quando probabile periculum cognoscitur alterum commouendi ad peccatum. Ibid. Obseruando II.

Si aliquis sceminam precibus, vel suasionem alioquin non paratam induxit ad fornicationem, talis circumstantia in Confessione aperienda esse videtur. ibid. §. Denique.

Si quis materialiter, praesertim propinque ad damnum iniustum alteri cooperatus fuit, v. g. ense, vel pecunias suppeditando, iusta necessitate non compulsus, ad restitutionem damni obligatur. Idemque est, si quis ense alterius usus fuerit ad occidendum, cum probabiliter animaduerteter innocentem ex conditione ipsius operis in suspicionem criminis venturum. n. 6. in fine.

Minus peccatum suadere non licet, ut vitetur maius, v. g. adulterium, ne fiat uxoricidium. Si tamen peccatum minus formaliter, aut virtualiter, inclusum sit in maiore peccato, quod alter perpetrare certo decreuit, suaderi potest, quatenus minus peccatum est, ut saltem abducatur a parte peccati, cum a toto auerti non possit: v. g. Qui innocentem occidere vult, ei suaderi potest, ut saltem pugnis contentus sit; & volenti adulterium committere, ut potius cum soluta fornicetur. n. 7.

Sed cautio adhiberi debet, ut nullum damnum tertiae personae inferatur: exempli causa volenti adulterium committere suadere non licet, ut cum certa persona fornicetur. Ibid. §. Debet.

Scandalum passuum seu merè acceptum ex nostra operatione permittere, possumus, si rationabilem operandi causam habeamus, imò interdum permittere debemus. n. 8.

Licetum est ob causam necessitatis, vel utilitatis a Parocho excommunicato tolerato, vel concubinario petere sacramenti ministrationem, non item si nulla ratio cogat, quia alius Sacerdos haberi potest, qui decenter id peracturus sit. eod. n. 8.

Scandalum ex malitia seu Pharisaicum minus curandum est, quam si ex infirmitate, vel ignorantia proueniat. Verum scandalum ex ignorantia post debitam instructionem fieri solet Pharisaicum. §. Est verò hic.

Prælati Ecclesiae interdum debet exactionem debitorum differre, ob scandalum infirmorum, non ita verò propter scandalum ex malitia. n. 9.

Mulier aliquanto tempore domi se continere debet, & diè etiam festo semel, aut iterum (non longo tempore) a Missae auditione abstinere, si sciat ex aspectu suo certum adolescentem ex infirmitate scandalum passurum esse. n. 10.

Schisma.

Schismatis peccatum committitur, cum aliquis se segregat ab unitate Ecclesiae, prout ea est corpus mysticum, ex diuersorum statuum fidelibus, tanquam membris inter se, & cum vno Capite Christo, eiusque in terris Vicario connexis. l. 2. t. 3. cap. 11. num. 4. Versu, Schismatis peccatum.

Duplex est modus Schismatis: Primus, si quis se separet à visibili Ecclesiae capite, debitam ei, quā talis est, obedientiam, ac subiectionem negando. Secundus, si quis se separet à reliquis fidelibus in Religionis cultu, Sacramentis &c. atque seorsim agat, tanquam Ecclesiae membrum non sit. Ibid. §. Duplex.

Schisma vel est purum, charitati & paci oppositum, vel cum haeresi iunctum, si videlicet aliquis pertinaci animo neget Papam esse totius Ecclesiae Caput, & Pastorem, vel neget Ecclesiae sanctae communionem, & ob id se segreget. num. 5.

Haeresis peccatum in mente perficitur, & exterius solum significatur: at verò schisma opere externo consummatur. ibid. §. Ex quo obiter.

Omnis haereticus etiam schismaticus est, non vice versa. Verum schismatici non diu puri manent, sed nisi resipiscant, in haeresin cadere solent. Coroll. I.

Haeretici occulti verè ab Ecclesia segregati sunt, licet exterius Ecclesiae membra esse videantur: Sed schismatici

merè interni, & sola voluntate membra Ecclesiae manent, cum & fidem internam retineant, & externa specie ab Ecclesia non segregati sint. Verum tales propriè schismatici dici non possunt. n. 6.

Qui ab Episcopo suo, vel Ecclesia particulari se segregat, volens tamen esse subiectus Summo Pontifici, & cum alijs membris Ecclesiae vniuersalis communicare, secundum quid & improprie schismaticus est, ideoque canonicis poenis non subiectus. §. Dubitari.

Schismatici in Bulla Coenae Domini excommunicati sunt, & in habiles reddituri ad beneficia Ecclesiastica, etiam post schismatis abiurationem, nisi cum illis dispensetur. num. 7.

Secretum.

Qui secretum expressa, aut tacita conventionem reticendi sibi commissum reuelat, is contra fidelitatem, atque iustitiam peccat, non minus, quam si in depositi contractu fidem violet. l. 3. t. 3. p. 2. c. 5. n. 1.

Tacita secreti seruandi conventionem obligantur primò, Principum Conciliarij, ac belli Duces, quibus Reip. vel exercitus concilia committuntur. Secundò, Medicus, & Aduocatus, quibus auxilij capiendi causa secreta reuelantur. Tertio, viri docti qui talem peritiam profitentur, ut ipsis causae concilij arcana aperiantur. Quarto, versimiliter etiam amici, & propinqui, quibus iure amicitiae, aut propinquitatis secreta manifestantur. Ibid.

Secretum tibi commissum reuelare potes, si necesse sit ad auertendum damnum Reip. personae innocentis, vel tuum ipsius graue periculum. n. 2.

Si Titius homicida lateat, & pro eo innocens Caius sine fraude Titij in quaestionem adductus sit, non oportet Caij liberandi gratia crimen occultum Titij prodere: cum nec ipse Titius, qui secretum tibi commisit, se cum aequali periculo prodere teneatur ad impediendam mortem Caij, cuius causam non praebuit, nisi indirectè, & per accidens. ibid. §. Loquor.

Si tamen Titius fuga sibi consulere possit, tum deberet prodito suo facinore, etiam cum famae aliquali iactura, liberare Caium: sin ille id facere recuset, licebit tibi, eo de fuga prius mōito, reuelare secretum, Caij liberandi causa. Ibidem.

Secreta Reip. vel exercitus, quorum reuelatio in magnam perniciem cedet, etiam ob quauis tormenta, vel mortis periculum reuelare nefas est. n. 3.

Si expressè promissisti, te secretum seruaturum etiam cum vitae periculo, aliqui putant te obligari: quamuis id in dubium vocari potest. Id verò certum est, si non agatur de maximo incommodo secretum committentis, nullam oriri obligationem id seruandi cum propriae vitae discrimine. n. 4.

Qui per vim, aut fraudem secreti cognitionem affecutus est, prodere non potest ad vitandum qualescumque corporis sui periculum, si ex euulgatione aequale periculum imminet illi alteri. n. 5.

Sepultura sacra, portio canonica.

Locus sepulturae Ecclesiasticae est Ecclesia, & cœmeterium. l. 3. t. 5. c. 12. n. 1.

Incumbit praeceptum misericordiae sepeliendi fidelium corpora, si nemo alius, adsit, qui id officium praestet. num. 2.

Ius sepulturae communi lege competit Ecclesijs parochialibus, ex priuilegio verò etiam Religiosis, imprimis Ordinis Praedicatorum, & Minorum, deinde etiam alijs. n. 3.

Episcopus ob causam, cum consensu Capituli, ius sepeliendi Ecclesiae non parochiali concedere potest. ibid.

Religiosis, & Clericis seuerè prohibitum est, ne quemquam ad vouendum, aut iurandum iudicant, ut potius in ipsorum Ecclesia, quam alibi sepulturam eligat. num. 4.

Puberes, qui liberum arbitrium habent, sepulturam extra parochiam eligere possunt. n. 5.

Pater filio impuberi, & in patris defectum etiam mater, sepulturam eligere potest. Ibid.

Religiosi ius sepulturæ eligendæ non habent, nisi à Monasterijs, vel Collegijs multum distiti decedant, No-uitij autem sepulturam arbitrato suo eligere possunt. num. 6.

Prælati Ordinum qui Superiorem in Ordine non habent, sepultura etiam extra Monasterium deligere concessum est. n. 7.

Qui nulla electâ sepulturâ decessit, sepeliendus est in propria parochia; nisi habeat sepulchrum Maiorum. Idemque sentiendum de Scholaribus, & similibus, qui quasi domicilium in loco habent. n. 8.

Si quippiam sepulturam sibi in Ecclesia, aut capella construxerunt, non licet eo, vel hæredibus eius inuitis alium eo loco sepelire: quia talia sepulchra instar hospitij esse censentur. Verum postquam tota progenies benefactoris extincta est, multi censent, vsum capellarum, & sepulturæ alijs concedi posse. l. 4. tract. 2. cap. 13. num. 15. §. Porro.

Vxor si sepulturam non elegit, cum marito sepeliri debet; nisi alia loci consuetudo sit. Quod si plures maritos habuit, cum ultimo, cuius domicilium retinet, & honorem, tumulanda est. cit. c. 12. n. 8. dicto 3.

Famuli Religiosorum intra Monasterium, vel Collegium morientes, in illorum Ecclesijs sepeliri possunt. num. 9.

Omnes fideles in loco sacro sepeliendi sunt, nisi constet, eos decessisse impœnitentes, vel nisi ob canonicam pœnam, vel censuram prohibeantur. n. 10.

Etiam damnati ad mortem, si pœnitentes decesserunt, in loco sacro sepeliri possunt: sed interdum in criminis pœnam, & ob aliorum exemplum, sacrâ sepulturâ priuantur. cod. n. 10.

Ob nulla debita ciuilia corpus defuncti sepultura prohiberi potest, neque licet creditoribus vllam actionem, vel molestiam exhibere hæredi, aut executori testamentario nouem diebus post obitum defuncti. Ibid.

Hæretici in loco sacro sepeliendi non sunt, neque pagani, & Iudæi, quibus annumerantur infantes mortui ante Baptismum. §. Sepeliendi.

Catechumeni in loco sacro sepeliendi non sunt. n. 11.

Sepultura sacra arcendus est, qui seipsum occidit. Qui semel in anno proprio Sacerdoti confiteri, & in Paschate Eucharistiam accipere notoriè intermisit, modò huius intermissionis nulla probabilis causa afferri possit: item manifestus raptor, seu violator Ecclesiæ, & Religiosus propriarius: Denique omnis peccator mortalis ac notorius, si eum absque pœnitentia decessisse præsumi debeat. cod. n. 11. & 12.

Si aliquis in ipso facinore, quod nullo modo excusari potest à mortali occisus deprehendatur, non censetur contritus decessisse: si tamen post crimen patratum signum aliquod pietatis edidit, vt si in Ecclesia orasse visus est, videtur in loco sacro sepeliendus esse, nisi sit inter criminosos specialiter exceptos, in quibus certior coniectura antecedentis pœnitentiæ postulatur. cod. n. 12.

Si quis contra canones in loco sacro sepultus fuerit, licet exhumari debeat, si ossa eius discerni possint, Ecclesia tamen reconcilianda non est, nisi sepultus fuerit excommunicatus denunciatus, aut infidelis, quo casu etiam parietes radi debent. Ibid. §. Porro.

Qui excommunicatum non denuntiatum in loco sacro sepeliunt, non incurrunt censuram excommunicationis, nec locus sacer violatur: imò probabile est, quodd excommunicatis etiam notorijs, sed nondum denunciatis, si pie mortuos fuisse præsumi possit, sacram sepulturam concedere fas sit. l. 1. t. 5. p. 2. c. 4. n. 9.

Si hæreticus ante mortem manifesta signa dedit conuersionis licet ab hæresi absolutus non sit, potest in loco sacro sepeliri: quamuis ad vitandum scandalum, & alia incommoda oporteat prius Episcopum admonere, qui, si velit, etiam post mortem hominem ab excommunicatione absolueret potest. lib. 1. tract. 5. p. 2. cap. 4. num. 9. q. 2. In Corollario.

Si quis in crimine hæresis notoriè decedat, sacra sepultura prohiberi debet, non ob censuram precisè, sed ob peccatum mortale, in quo sine pœnitentia decessit. Ibid. §. Nota.

In quibusdam Germaniæ locis, quibus cum Catholicis Lutherani permixti viuunt, permitti solet, vt hi in locis sacris sepeliantur à ministris suis. Si tamen possibile esset, talis consuetudo tolli deberet, & curandum, vt Catholici separatim sepulturæ locum retinerent. Ibid.

Id minus dubitationis habet, quodd Lutheranorum supra cognati, & amici Catholici comitari solent, cum id necessitudinis causa fiat, & potius ad politicam communicationem spectet. §. Id verò.

Si corpus defuncti in Ecclesia, ad quam iure non pertinebat, sepultum fuerit, exhumari, & alteri Ecclesiæ inferri debet, cum omnibus oblationibus, si petantur. Suprà. cit. c. 12. n. 12. §. Similiter.

Portio canonica duplex est: Vna Episcopalis, quæ debetur Episcopo ex legatis, & funeralibus oblationibus: Sed multis locis omnino in desuetudinem venit. Altera est portio parochialis, quæ Ecclesiæ parochiali, in qua aliquis de iure sepeliendus esset, debetur ex legatis, & oblationibus funeris, factis Ecclesiæ illi, in qua sepultura electa est, licet ea alioquin exempta sit, & hæc portio etiam varia est in varijs diocesis, imò per consuetudinem omnino aboleri potest. n. 13.

Seruitus.

Triplex est seruitus: vna merè personalis, quæ à persona personæ debetur, videlicet ius, quod dominus habent mancipio. Altera est seruitus mixta, quæ à re personæ debetur, & ex triplex: vsusfructus, & vsus habitatio. Tertia est seruitus merè realis, quæ à re rei debetur, & diuiditur in vrbānam ac rusticā. lib. 3. tract. 1. cap. 9. num. 1.

Seruitus personæ tribus modis constitui potest, vel enim nascuntur serui, vel fiunt iure gentium per captiuitatem, vel iure ciuili per emptionem. cod. tract. 1. cap. 5. num. 9.

Partus sequitur ventrem seu conditionem matris, adeò, vt non considerato statu patris, ex seruâ seruus, ex libera liber nascatur: sin autem mater seruā non sit, proles legitimè nata sequitur nobilitatem & familiam patris. Ibidem.

Ob fauorem libertatis statutum est, vt siue mater solo tempore conceptionis, siue tempore natiuitatis, siue intermedio libera, aut libertati donata fuerit, proles ingenua nascatur. Ibid.

Quicquid seruus acquirit, domino suo acquirit, nisi quippiam ipsi ea conditione datum fuerit, vt proprium eius esset. Sed & ipse dominus, si aliquid tali pacto donet seruo, vel aliter cum illo paciscatur, in conscientie foro obseruare tenetur. n. 10.

Serui fugere possunt à dominis suis, si in periculo animæ apud ipsos versentur, neque reuerti debent, dum periculum tale durat. n. 11.

Per consuetudinem temporis diuturnitate stabilitam inter Christianos receptum est, vt si ipsi inter se bellum gerant, capti capientium serui non efficiantur. §. Alten. & l. 2. t. 3. c. 12. n. 16.

Homo liber vendi non potest; nisi quodd pater filium, aut filiam in sua potestate constitutam ob grauissimam necessitatem vendere possit. Si tamen pater postea ad meliorem fortunam reueniat, cogitur filium redimere: quin

& seipsum aliquis in necessitate vendere non prohibetur. l. 3. t. 4. c. 17. n. 31.

Alius titulus est, quo dominium in hominem acquiri potest, videlicet per sententiam Magistratus, qua aliquis ob delictum in servitutem alterius redigitur. l. 3. t. 1. c. 5. n. 9. In fine.

Seruus à domino prohiberi non potest, quominus matrimonium contrahat: sed debita servitia dominus nihilominus exigendi ius habet. lib. 5. tract. 10. p. 4. cap. 2. num. 4.

Coloni originarii, & ascriptitij non sunt propriè serui, sed magis liberi homines. eod. c. 2. n. 5.

Ius servitutis aduersus personam nullo tempore vsucapi potest: servitus autem mixta cum bona fide, & titulo, decem annis inter presentes, viginti inter absentes, sine titulo autem XXX. annorum spatio per prescriptionem comparatur. eod. l. 3. t. 1. c. 9. n. 1.

Servitutes reales urbanæ dicuntur, quæ ædificijs, & annexis hortis, atque arcibus inhaerent. Diuiduntur in affirmatiuas, & negatiuas. Affirmatiuæ sunt v. g. vt ædium mearum stillicidium recipias, vt ex domo mea in domum tuam transitus sit. Negatiuæ sunt, ne ædes tuas attollere possis, vel ædificando luminibus meis officere. num. 2.

Secundum servitutem per pactum, aut prescriptionem constituta, cuius liberum est ædes suas altius tollere, nisi certus modus ædificandi statuto definitus sit. Cuius etiam liberum in patere suo, non alieno, fenestram facere, aut quidvis construere, nisi id faciat ad æmulationem, vel defectum vicini. quod in dubio non præsumitur, quando quis iure suo utitur. eod. n. 2.

Servitutes rusticæ dicuntur, quæ agris & pratis inhaerent, item pecorum stabulis, quæ à domibus seiuncta sunt: talis servitus est, vt per agrum tuum transire, iumenta, vel currus agere liceat, quæ dici solent iter, actus, via. eod. n. 2. In fine.

Servitus tum urbana, tum rustica, diuidi solet in continuam, & discontinuam: continua servitus est, quæ, quatenus est ex se, continuum actum siue vsum habet, vel re ipsa, vel animi præparatione: vt servitus aquæ ductus, tigni suscipiendi, stillicidij admittendi. Discontinua vero servitus est, quæ ab hominum actione pendet, v. g. iter, actus, aquæ haustus, arenæ fossio: quidam annuerant pactum pecorum, & ius venandi in alieno fundo. n. 3.

Servitus realis, si continua, vel quasi continua sit, præcibitur cum bona fide decem annis inter presentes, viginti inter absentes. Neque requiritur titulus, attamen scientia & patientia domini liberè permittentis aliquem tali iure in præiudicium suum uti. num. 4.

Necesse tamen est ad possessionem iuris, seu servitutis in re aliena acquirendam, vt ex circumstantijs appareat, quoddam alter non ex mera gratia aliquid fieri patiatur, sed quasi ita debitum sit: nam per actus gratuitæ voluntatis non inducitur possessio iuris, consequenter nec prescriptio. Ibidem.

In dubio ex diuturna & ordinaria v. g. quotannis recurrente præstatione rei, præsumitur obligatio & debitum. Ibidem.

Servitus affirmatiua, si discontinua sit, cum titulo præcibitur tempore ordinario, sine titulo autem tempore immemoriali, cum bona fide. n. 5.

Iura personalia, v. g. confirmandi Prælatus, collectam exigendi ab extraneis, comparantur per prescriptionem temporis ordinarij, videlicet XL. annis contra Ecclesiam, contra alium X. vel XX. annis cum titulo; XXX. autem sine titulo. eod. n. 5. §. Id verò.

Servitutes reales negatiuæ eodem tempore vsucapiuntur, quo affirmatiuæ. Id solum peculiare est, quoddam possessio servitutis negatiuæ non ante acquiritur, quam dominus in re sua aliquid agere conetur, v. g. fenestram in pa-

riete suo aperire, & ego illum bona fide impediam, illæque acquiescat. Eademque ratio est de alijs iuribus in negatione consistentibus, v. g. vt aliquis ad electionem non admittatur, in tali loco non venietur, piscetur. n. 6.

Si aliquis ad electionem, aut præsentationem admittatur, quasi ius habeat, ex eo tempore incipit possidere v. g. ius suffragij: quare talis possessio per vnicum actum cum bona fide, & alterius scientia, ac patientia, acquiri potest. Ibid.

Si tu sciente Titio, ac patiente, ad Ecclesiasticum beneficium Clericum bona fide præsentasti, XXX. annorum spatio contra Titium præscribere potes: Sin autem Titio patrono absente, ac nesciente præsentasti, non ideo existis in possessione sufficiente ad inchoandam prescriptionem, eod quoddam Titius ciuilitè adhuc possidere censetur: quare hoc casu opus erit tempore immemoriali. Ibid. in Coroll.

Vsfructus, & servitutes rusticæ per solum non vsum tolluntur, non item servitutes urbanæ: sed necesse est contrarium servituti actum bona fide exerceri: v. g. si ædes tuæ immissi tigni servitutem debeant, & ego tignum eximero, non ante amitto ius meum, quam tu foramen obturaueris, & per tempus constitutum ita habueris. num. 7.

Probabilius est, contra ius venditori absolutè, & in perpetuum concessum redimendi rem venditam XXX. annis non præscribi, nisi venditor redimere volens bona fide repulsus fuerit. Ibid.

Si ius servitutis quotidianum vsum non habeat, sed vt aquam v. g. ex fundo alieno certis mensibus, vel tantum æstate ducere possis, tunc tempus duplicatum, videlicet XX. annorum inter presentes requiritur ad hoc, vt tali iure per non vsum eius via prescriptionis spoliæris. Secundo.

Simonia.

Simonia à Simone Mago heretico appellata fuit: tamen sine heresi in praua voluntatis affectione consistere potest. l. 4. t. 10. c. 8. n. 1.

Simonia est studiosa voluntas emendi, aut vendendi aliquid spirituale, vel spirituali annexum. n. 2.

Simonia est species quedam sacrilegij iuri naturali repugnans, supposita fide, & reuelatione spiritualium donorum: quatenus res sacra ita vilis reputatur, vt veluti venalis proponatur. n. 4.

Peccatum simoniæ veniale fieri non potest ob materiæ leuitatem, sed solum ob actus imperfectionem, propter ignorantiam. Ibid. §. Addit.

Simonia interdum etiam iustitiæ repugnat ex parte vendentis, si in compensationem rei, quatenus præcisè spiritualis est, temporale aliquid accipiat. n. 5.

Simonia alia est ex iure naturali, alia ex Ecclesiastica tantum constitutione: & hæc simonia licet sit peccatum irreligiositatis, tamen non est propriè simonia. eod. cap. 8. n. 61. & 66.

Officia quedam Ecclesiæ quatenus circa res temporales sint, Ecclesiastico iure vendi prohibentur. Secularia autem officia vendere, licet per se iniustum non sit, tamen minus consultum est, & Reipubl. plerumque perniciosum. n. 62. & 63.

Papa simoniam incurrere potest, præsertim contra ius naturale, ac diuinum. n. 64.

Officiales in Curia Romana non minus, quàm aliorum Ministri, simoniam committere possunt, si pro data, aut promissa pecunia aliquid spirituale impetrent, quatenus pro labore accidentaliter coniuncto aliquid sine vitio simoniæ accipi possit. n. 65.

Simonia alia mentalis est, alia conuentionalis, & alia, realis. Mentalis simonia dicitur, quæ in externum quiddam opus transit, sed simoniaca affectio & intentio animo inclusa manet, & foris nec per se, nec per adiuncta apparet. Conuentionalis simonia dicitur, quæ in pactio-

nem expresse, vel tacite transit, sed reali traditione non consummatur, sicuti simonia quæ realis dicitur. n. 67.

Simonia conuentionalis est veluti media inter mentalem & realem: nam mentali superaddit externam pactiōnem expressam, vel virtualem, realis autem simonia conuentionali superaddit executionem seu traditionem rei, idque vel ex vtraque parte, quæ simpliciter realis dicitur, vel ex parte vnius tantum contrahentium, quæ est simonia mixta. eodem num. 67. §. Ex quibus.

Simonia pretium.

Sicuti verbum emendi ac vendendi in definitione simoniæ latè accipi debet, vt comprehendat omnem commutationem, seu contractum reciprocum ita & nomen pretij latè accipiendum est, vt comprehendat omnem rem temporalem æstimabilem, aut vtilem, quæ vicissim seu reciproce pro re spirituali datur, vel accipitur. eod. cap. vlt. §. II. in principio.

Pretium simoniæ diuidi solet in munus à manu, munus à lingua & munus ab obsequio: vbi nomen *munus* non ita accipiendum est, vt significet donum gratuitum, sed potius debitum iustitiæ commutatiuæ, adeoque grauamen aliquod ac onus. n. 25.

Per munus à manu intelligitur quæcunque res pretio æstimabilis, item debiti remissi, solutionis dilatio, mutui datio &c. Per munus à lingua intelligitur laus, adulatio, preces pro aliquo interponendæ, ex vi pacti expressi, vel taciti, vt res spiritualis vicissim conferatur. Per munus ab obsequio intelliguntur quæcunque seruitia præstata, vel præstanda sub obligatione conferendi rem spiritua-lem. num. 25. & 26.

Si pactum nec expresse, nec implicite interueniat, non est simonia precibus, obsequijs, muneribus hominem commouere ad dandum aliquod spirituale v. g. Ecclesiasticum beneficium, quamuis sepe periculo non vacet. eod. num. 26. §. Verum.

Neque simoniacum est conferre rem spiritua-lem, v. g. beneficium, propter amicitiam, consanguinitatem, aut actua-lem iniuriam tollendam: secus est, si ab eo qui molestus est, exigatur promissio imposterum nullam molestiam, aut vexationem inferendi. n. 27. & 28.

Per se loquendo, non videtur esse simoniacum conferre Ecclesiasticum beneficium debitori iniustam moram trahenti, sub conditione præsentis vexationis statim amouendæ. Idemque est in contractu mutui: quamuis in talibus affectio vsuraria, aut simoniaca facile admisceri potest, & plerumque id scandalo non vacat. n. 29.

Speculatà rei naturà, non est simoniacum rem spiritua-lem in pro spirituali commutare, v. g. sacras reliquias pro reliquijs. n. 7.

Neque simonia est, rem temporalem remunerationis causa offerre, aut dare ei, qui spirituale exhibet: sed propter periculum talia interdum Ecclesiastico iure prohibentur. n. 8.

Si antidotalis remuneratio pro exhibita re spirituali in obligationem pacti deducatur, simonia committitur. num. 9.

Qui beneficium Ecclesiasticum alicui confert, aut qui pecunias mutuo dat, generaliter monere potest, vt gratum se exhibeat is, cui datur: sed nulla noua pretio æstimabilis obligatio imponi debet. num. 10.

Simonia non est, promittere, aut donare alteri rem temporalem sub conditione, aut modo, vt ab illo opus spirituale præstetur, non tamen per modum retributionis, aut commutationis: sic v. g. parentes filijs munera promittunt, si sacramenta frequentauerint. n. 11.

Caueri tamen debet, ne conditio sit de dando, aut faciendo aliquid in vtilitatem dantis, vel promittentis, sed neque alterius personæ, cuius ille quali vicem subeat: nam sic conditio re ipsa transiret in commutationem, & quidem simoniacam, si versetur circa opus spirituale pro re temporali: v. g. si mihi, vel amico meo sacras

reliquias dederis, dabo tibi decem aureos. numero 11. §. Neque.

Speculatà rei natura, non est simoniacum, præstare alteri officium spirituale, v. g. sacras reliquias exhibere principaliter propter speratam eleemosynam. Simile est, si Clericus propter distributiones tanquam finem principalem in ecclesiam veniat: quamuis hæc ordinatio voluntatis operantis spirituale principaliter propter finem lucri temporalis, culpa venialis existat. num. 12.

Clerici ministrantes fidelibus spiritualia ab ijs temporalia accipiunt, vt iustum ac debitum vitæ stipendium, & non vt meram eleemosynam. num. 13. & 14.

De stipendio sibi debito Clericus pacisci potest, modò absit exactio speciem auaritiæ, aut simoniæ præferens. num. 15.

Speciale id est in Societate I E S V, quòd pro officijs ad proximum erudiendum, vel spiritualiter adiuuandum exercitis nullum temporale stipendium, vel eleemosynam seu in communi, seu in particulari accipere possit. n. 17. & seqq.

Si Minister in casu necessitatis sacramentum ministrare non velit, nisi oblata ipsi pecunia, non est illicitum dare ad redimendam iniustam vexationem, numero 21.

Qui in beneficio Ecclesiastico ius acquisitum habet, altera persona quacunque eum iniuste vexante, vexationem hanc pecunià redimere non prohibetur: Sin verò ius plenè acquisitum non habeat, simoniam saltem iuris positiui committere censetur, offerendo pecuniam tali personæ, quæ per se, ac directè eius promotionem impedire vult. n. 22.

Simoniacum non est, neque illicitum, offerre pecuniam electoribus, ne exequantur propositum eligendi personam indignam. n. 23.

Non est simoniacum in absolutione, vel dispensatione exigere pecuniam, non vt pretium pro collata facultate, sed vt pœnam seu mulctam. n. 24.

Res spiritualis, quæ materia simoniæ est.

Doctrinam seu instructionem scientiarum, etiam Theologiæ, pro mercede locare, & quasi vendere, non est simoniacum; nec illicitum, per se loquendo. eod. t. c. vlt. num. 30.

Pro Doctoratu, & collata licentia docendi in Theologia &c. sine labe simoniæ aliquid tanquam pretium exigi potest. n. 31.

Pro officio prædicationis, aut exhortationis spiritualis aliquid accipere vt pretium operis, simonia est. numero 32.

Ludimagistri tamen pro puerorum instructione, & catechismo ediscendo salarium accipere possunt. Ibid. §. Loquor.

Gratiæ gratis datæ, vt sanitatis, prophetiæ, item gratiæ sanctificans, & sacramenta nouæ legis atque sacramentalia omnia propriè sunt materia simoniæ. n. 33.

Vendere sacram Eucharistiam, præsertim infideli, aut venefico, grauissimum scelus est. n. 35.

Pro iure sepulturæ aliquid accipi potest, si sponte offeratur, item vigore consuetudinis. n. 36.

Materialia ecclesiæ, item obligatio certum locum tenendi in ecclesia ad sepeliendum, vel ad sedendum, præterea æstimabilia sunt, & vendi possunt. n. 37.

Officia diuina, & qualibet orationes, etiam priuata, siue vitio simoniæ non possunt venire in commutationem pro re temporali. n. 38.

Cùm pauperibus pecunia datur ea lege, vt orent secundum intentionem dantis, interpretandum id est per modum stipendij ac sustentationis. Ibidem §. Quod verò.

In susceptione Monialium aliquid recipi potest tanquam dos ad personæ sustentationem necessaria: alioquin verò pro susceptione ad statum religiosum quip-

piam accipere simoniacum est, nisi sponte ac liberaliter offeratur. n. 39.

Omnis actus iurisdictionis Ecclesiasticæ, v. g. conferre beneficium, ad id eligere, præsentare, dispensare absolue- re, materia simoniæ est. n. 40.

Labor corporis qui in spiritualibus officijs per se exer- cendus est, secundum specificam rationem æstimari non potest, sed qui per accidens coniuncti sunt labores, mo- lestiæ, impensæ, eæ in compensationem venire possunt. num. 41.

Pro ministerio sacro non datur propriè pretium operis, alioquin tanto plus deberetur, quanto dignus ministe- rium est: sed datur stipendium pro sustentatione personæ operantis. n. 30. & 42.

Omissio iurisdictionis spiritualis, seu Ecclesiasticæ po- testatis, tunc materia simoniæ est, quando ob illam omis- sionem homo auctoritatiuè obligatur, aut detinetur. num. 43.

Simonia in beneficijs Ecclesiasticis.

Hæc simonia in beneficijs videtur esse contra ius diui- num. n. 44.

Proventus beneficiorum Summus Pontifex à titulo spi- rituali per plenitudinem potestatis suæ separare potest, & vendere sine vitio simoniæ. n. 45.

Annatam seu fructus primi anni ex beneficio, spectato iure communi, solus Pontifex sibi deposcere potest: sed per consuetudinem etiam Episcopi quibusdam locis pri- morum fructuum nomine aliquid à primotis postulant. num. 46.

Pensiones illæ, quæ propriè clericales seu Ecclesiasticæ sunt absque vitio simoniæ emi, aut vendi non possunt. num. 47.

Pensiones mixtæ, id est quæ Clericorum propriæ sunt, non tamen ob sacrum ministerium designate, sed v. g. ob litis compositionem, Parochi senium, emi non possunt quamvis redimi possint. n. 48.

Non est simoniacum, Vicario minuire onus reddituum dandorum principali, cum pacto voluntariè ab ipso ac- ceptando, vt in ingressu annatam soluat. n. 49.

Permutatio beneficiorum Ecclesiasticorum si propria pactione fiat abque Episcopi auctoritate, irrita est, & si- moniaca, ob Ecclesiastici iuris prohibitionem: partes tamen non prohibentur prius tractatum instituere de permutatione, quæ Ordinarij auctoritate perfici debeat. num. 50.

Omnis commutatio rei spiritualis cum altero spiritua- li habente annexum temporale simoniaca censetur Ec- clesiastico iure: quia semper periculum & suspicio est, ne id fiat intuitu rei temporalis, adeoque per rem tempora- lem comparetur ius spirituale. n. 51.

Episcopus approbare potest permutationem beneficij cum pensione clericali, non quidem ordinariè, sed in ca- su speciali alicuius necessitatis. n. 52.

Expensæ, quæ de iure faciendæ sunt in permutatione beneficiorum, propria auctoritate in pactum deduci pos- sunt, sed non aliæ. n. 53.

In permutatione beneficiorum inæqualitas fructuum impositione annuæ pensionis compensari potest interue- niente auctoritate Papæ, non item Episcopi, excepto ca- su extraordinariæ necessitatis. n. 54.

Ortalite beneficiaria possunt eam partes amicabiliter inter se componere, non autem propriè transigere: in alijs tamen rebus spiritualibus præter beneficia, nihil im- pedit transactionem fieri inter partes, tamen sine inter- uentu rei temporalis. n. 56. 57.

Omnis pactio in Ecclesiasticis beneficijs, quæ propria auctoritate fit, tanquam simoniaca damnatur. n. 58.

Episcopus, & Iudex delegatus parti litiganti per mo- dum transactionis adiudicare potest pensionem annuam in compensationem expensarum, vel ad vitæ necessariam sustentationem. n. 59.

Ius patronatus spectato etiam iure diuino videtur esse materia simoniæ. n. 60.

Simoniæ pœnæ, & restituendi obligatio.

Pœnæ simoniacis decreta intelligendæ sunt duntaxat, si simonia ex vtraque parte per traditionem completa sit, quia pœnæ, præsertim graues, strictæ interpretationis ef- se debent, ideoque de actu omnino completo. num. 68.

Simoniacè prouisus seu beneficium assecutus si post temporis interuallum pretium numerauit, non videtur obligatus ad restitutionem fructuum antè perceptorum, neque ad resignationem alterius beneficij, quod in dicta simonia nondum omnino completa, & consequenter ex- communicatione actualiter non ligatus, acceperat. eod. n. 68. in fine.

Nulla simonia iuris pœnam ipso facto inducit, nisi ea quæ est in Religionis ingressu, ordine, ac beneficio eccle- siastico. num. 69.

Rarè propter datum aliquid in ingressu Religionis, etiam virorem, simoniæ vitium incurritur, & non nisi se- cuta professione. n. 70.

Propter simoniacam collationem & susceptionem Or- dinum, etiam primæ tonsuræ, incurruntur censuræ ex- communicationis, & suspensionis, quæ Sedi Apostolicæ referuantur. num. 71.

Propter simoniam realem, & completam in beneficio Ecclesiastico contrahitur etiam excommunicatio Papæ reservata, & electio, presentatio, confirmatio, institutio irrita est, nihil obstante quod electus, prouisus &c. id ignorauerit, excepto si in fraudem pecunia data fuerit, vel si ille expresse contradixerit. n. 72.

Simoniacè electus, aut prouisus inhabilis efficitur, quo- minus per dispensationem Episcopi idem beneficium consequi possit. 73.

Beneficium simoniacè obtinens alijs beneficijs iure non priuatur, neque inhabilis fieri videtur ad alia obti- nenda ante Iudicis sententiam. n. 74.

Qui simoniacè vendit, ac tradit rem spirituales, in qua nullum temporale ius, vel commodum habet, acceptum pretium restituere debet danti: quia sicut in vsura non est titulus transferendi dominium, ita nec in simoniaca pa- ctione. n. 79. & 80.

Qui simoniacè, vendit rem spirituales, in qua tempo- rale ius siue commodum habet, is pretium, spectato natu- rali iure, retinere potest ante condemnationem: quare qui ius patronatus simoniacè vendit, non obligatur ad re- stitutionem pretij. n. 82. & 83.

Qui ob electionem, aut promotionem ad beneficium simoniacè quippiam accepit, satisfacit, si danti restituat. num. 84.

Vtrum restituto pretio simoniacè dato etiam res spiri- tualis vicissim reddi debeat, varia consideratio est. num. 85.

Simonia confidentialis.

Simonia confidentialis à Summis Pontificibus damna- ta est contra eos, qui Ecclesiasticum beneficium alicui procurant, cum certa confidentia, id est, expresso vel ta- cito pacto, vt is cui procuratur, elapso aliquo tempore, ei qui procurauerat, vel alteri resignet, aut pensionem vel fructus ex eo præster. num. 75.

Simoniæ confidentiali plures pœnæ canonicæ decreta sunt. n. 76.

Beneficium simoniacè renuntians non perdit illud ipso iure, cum renuntiatio sit irrita. n. 77.

Mediator simoniacus non incurrit censuram, nisi simo- nia, etiam confidentialis, opere completa fuerit. n. 78.

Societatis contractus.

Est conuentio plurium ad commune lucrum, & dam- num, pro portione rerum contributorum. l. 3. tract. 4. c. 20. num. 1.

Famulis conductitijs plerumque minus stipendij loco designatur, quàm si aliquis tanquam socius negotiationis asciscatur. eod. n. 1.

Licet spectato contractu societatis secundum se, periculum sortis ad eum spectet qui contulit, tamen nihil prohibet, pactum assecurationis adiungi, ita ut periculum alter in se suscipiat, modò hoc grauamen ipsi compensetur. num. 2.

Societas interdum tali modo instituitur, ut vnus sociorum pecunias tantum, alter verò laborem & industriam conferat: tum verò prudentis viri iudicio estimandum est, quantum momenti ad lucrum acquirendum habeant, hinc quidem collata fors, illinc verò collata industria. num. 3.

Etiā pecora quandoque dantur in societatem cum pacto assecurationis, ut eorum casus fortuitus pastori incumbat, modò illi hoc onus compensetur, minorem fructuum portionem exigendo, quam alioquin exigi posset. num. 4. §. Vtcrius.

Iste contractus usurarius præsumitur, si Titius tibi tradat centum vaccas æstimatas, tali pacto, ut liceat tibi eas distrahere, absumere arbitrato tuo, post triennium verò, quomodocunque res eueniat, similes vaccas, earumve æstimationem reddere cogaris, atque interea quotannis pensionem soluere. eod. n. 4. in fine.

Impendia, quæ socius occasione societatis fecit, à reliquis socijs secundum proportionem rependi debent, v. g. quæ in itinere expendit, aut si in latrones incidit, & proprium damnum passus est, modò id factum fuerit causa societatis, & sine dolo, aut culpa, etiā leui illius. n. 5.

Si impendia ad mercium v. g. conseruationem ex communibus bonis societatis non suppetant, lex iustitiæ postulare videtur, ut socius negotiator ex proprijs bonis mutuo det, postea à socijs recepturus. ibidem. Dubio II.

Socius ratione societatis conuentus non ampliùs obligatur, quam commodè facere potest, habita ratione ne egeat, nisi dolo egerit quominus integrè satisfacere possit: præterea cauere debet socius, se integrè satisfacturum, cum ad meliorem fortunam venerit. num. 6.

Si aliqui cōueniendus aut condemnadus sit in id quod facere potest, intelligitur hoc non deducto ære alieno, excepto donatore, qui si rem donatam nondum tradidit, in quantum facere potest, condemnatur, deducto ære alieno. Cum enim ex mera liberalitate debitor sit, benignus cum eo agitur, quam cum alijs. ibidem.

Societatis contractus soluitur I. cessante negotio, aut pereunte re, in qua societas fundatur. II. elapso tempore, ad quod societas inita est, nisi socij in communione persistere velint. III. morte vnus sociorum soluitur societas etiā inter alios socios, nisi aliter cautum fuerit. IV. renuntiatione expressa, aut tacita. V. publicatione, aut cessione bonorum vnus ex socijs. num. 7.

Ad hæredem adeò non transit societas, ut neque pacifici ab initio possimus, quòd hæres succedere debeat. Idque propter vitandas lites, quas bonorum societas parere solet. ibid.

Sorres.

Aliqui existimant, Apostolos orbem terrarum ad Euangelium prædicandum sortibus diuidisse. Et S. Augustinus ait, tempore pestis sortibus dirimendum esse, quis ex Sacerdotibus periculum subiturus sit. l. 4. tract. 10. cap. 3. num. 8.

Si plures morte digni sint, ob commissum crimen, neque expediat omnes puniri, sorte definiri potest, quis ex illis occidendus sit. quod in militia receptum est. Simili certo periculo communis naufragij impendente, nisi aliqui nauigantium eiiciantur in mare, ex communi consensu sorte dirimi potest, quinam exilire debeant. Quòd si aliquis iustæ huic pactioni consentire nolit, tunc eo etiā inuito Nauarchus, vel alij sortiri possunt, & sortis euentum exequi. eod. num. 8.

Iure canonico prohibita est omnis electio, & cōpromissio ad officia, vel beneficia Ecclesiastica, quæ sortibus uti: eaque rescindi debet, imò ipso iure irrita est saltem

ea electio, per fortes, quæ sit ad pastorale officium, ac dignitatem. num. 9.

Si dubitetur, vter duorum verè electus sit ad Romanum Pontificatum, talis discordia sortibus componi posse videtur. ibid.

Spes Theologica.

Spes Theologica, sicuti & Fides, in viatore tantum locum habent, non in comprehensore. l. 2. t. 2. c. 1. n. 1.

Spes Theologica, quatenus consideratur in ordine ad omnes eius actus, pro materiali obiecto habet omne bonum, quòd supernaturali lumine nobis diuinitus prouenire cognoscimus: pro formali verò obiecto habet summam Dei erga nos bonitatem ac benignitatem. n. 2.

Inter idem ac Spem Theologicam magna analogia seu proportio est. Quatenus Spes Theologica strictè accipitur in ordine ad actum sperandi propriè dictum, formale illius obiectum *sub quo* est, summa Dei promittentis fidelitas. n. 3. & 4.

Rectè docuit S. Thomas, obiectum formale Spei strictè sumptæ (videl. quatenus definitur, expectatio certa beatitudinis, ex Dei gratia, & nostris meritis) esse diuinum nobis promissum auxilium. n. 5. & 6.

Gratia Dei principalior causa sperandi est, quam nostra merita, cum ea ipsa sint ex Dei gratia. n. 7.

Certitudo Spei, siue infallibilis expectatio promissæ beatitudinis, non est absoluta, sed conditionalis, si iustè certauero, & vsque ad finem perseuerauero. quod cum Dei auxilio mihi promisso præstare possum. n. 8.

Datur tamen in hominibus pijs moralis certitudo Spei anxietatem excludens. n. 9.

Præceptum Spei non omni tempore, sed certis casibus obligat, sicuti & præceptum Fidei exercendæ. c. 2. n. 1.

Spei secundum excessum aduersantur peccata præsumptionis. Est autem præsumptio vna ex speciebus peccatorum in Spiritum sanctum, quæ irremissibilia dicuntur. num. 2. & 3.

Virtuti Spei secundum defectum opponitur desperatio. eod. n. 3. §. Secundum.

Amisssa Fide per Apostasiam, vel heresin, amittitur etiā Spes: non autem amisssa Spe semper perditur Fides. Interim negari non potest, quin desperatio; si non ex infidelitate, saltem ex aliqua Fidei infirmitate proficiscatur: quamobrem animus hominis desperare volentis ante omnia in Fide confirmandus est, erigendusque ad considerandam misericordiam & dilectionem Dei erga nos. num. 4.

Peccata tum præsumptionis, tum desperationis non possunt esse venialia ex obiecto, siue ob materiæ paruitatem. n. 5.

Sodomia.

Qui crimen Sodomie exercent, seu frequentant, ipso iure incurrunt priuationem officij, ac beneficiorum, quin & degradari debent. l. 1. t. 5. p. 3. c. 5. n. 2. & 6.

Sponsalia.

Alia de præsentè sunt, videl. matrimonium ratum, & alia de futuro, quæ definiuntur: mentio, ac repromissio futurarum nuptiarum. l. 5. t. 10. p. 1. c. 1. n. 1.

Nomine sponsum plerumque intelligi solent, qui matrimonium non contraxerunt, sed promiserunt: nomine autem vxoris & mariti intelliguntur, qui matrimonium contraxerunt, ita tamen, ut in materia fauorabili comprehendantur etiā sponsi de præsentè, nondum consummato matrimonio non item in materia odiosa, nisi ex adiunctis aliud colligatur. ibid.

Sponsalia numerantur inter contractus, qui vltro citroque obligationem pariunt: quare si Titius animo contrahendi sponsalia promittat nuptias Caiæ, hæc autem promissionem acceptet, sine repromittendi proposito, nec Titius, nec Caiæ ad nuptias obligantur in conscientia foro. num. 2.

Si tamen aliquis absoluta, & gratuita promissione se obliget mulieri ad ducendam ipsam, cum ipsa voluerit, &

mulier promissionem acceptet, nihil vicissim promittens, solus vir obligabitur. ibidem. §. Dixi.

Si quis promittat puellæ, se aliam non dicturum, nisi ipsam, non est hac obligatio sponsaliorum: oritur tamen conditionalis obligatio, ut si aliquam ducturus sit, hanc ducat, modò ipsa voluerit. ibid. Corol. 2.

Sponsaliorum contractus quamvis priuatum, & sine testium solemnitate peractus sit, sub peccato mortali obligat promittentes. n. 3.

Iudex Ecclesiasticus à sponsalibus absque iusta causa recedere volentem altero sponso inuito, post canonicam monitionem, etiam censuris ad nuptias compellere potest, ac debet, nisi infelices exitus ex matrimonio secuturi videantur. n. 4.

Posteriora sponsalia contra priorum sponsaliorum fidem inita, tamen si iurata sint, valorem nullum habent: Sed matrimonium post sponsalia cum altera contractum, quamvis iniustum, tamen validum est. n. 5.

Si ex violatione priorum sponsaliorum exiguum incommodum futurum sit, ut quia clam celebrata sunt; contra verò grauis infamia timeatur secundæ sponsæ, quæ priorum sponsaliorum ignara in copulam consensit spe matrimonij, præsertim si etiam prolem concepit; tali casu Iudex interdum stabit pro sponsalibus secundis: imò etiam in foro conscientiæ, si causa manifesta sit, ante sententiam Iudicis secunda duci poterit. eod. n. 5. §. Tertia.

Interdum per accidens, quia priora sponsalia sine testibus celebrata fuerunt, & alia probatione destituuntur, seruanda erunt posteriora sponsalia, coram parocho, aliisve testibus celebrata. ibid. §. Secunda.

Fornicatio sponsæ cum altero viro soluto adulterij crimen non continet, & fortasse nec mortalem malitiam sub genere iniustitiæ, sed tantum sub genere luxuriæ. num. 6.

Contractus sponsaliorum magnam animi libertatem, & spontaneum consensum requirit. n. 7.

Pœna adiecta ei qui à sponsalibus recesserit, soluenda non est, si sponsus iustam resiliendi causam habeat: secus esse videtur, si sine iusta causa recesserit. n. 8.

Pactum lucrativum sponso, adiectum ab altero contrahente, si cum ipso matrimonium contraxerit, v. g. *si tibi nupsero, decem dare spondes*: tanquam iure inualidum rescinditur, ne matrimonia turpi quæstu comparata censcantur. num. 9.

Qui simulato animo matrimonium promisit, per se loquendo non obligatur ad nuptias: debet tamen puellæ deceptæ, si damnum passa fuit, secundum iustitiæ æqualitatem facere compensationem. n. 10.

Qui ficta nuptiarum promissione puellam in copulam induxi, debet illam ducere; nisi tales circumstantiæ fuerint, ut mulier deceptionem aduertere debuerit. num. 11.

Si fictus matrimonij promissor deprehendat mulierem virginem non esse, quæ virgo credebatur, non obligatur ad nuptias, aut aliam faciendam compensationem, per se loquendo. eod. n. 11. §. Notant.

Liberi à parentibus neque ad contrahendum matrimonium cogi, neque à contrahendo impediri possunt: cum in ijs quæ ad naturam corporis conseruandam, ac propagandam spectant, homo sui iuris esse debeat, ac soli Deo subiectus. n. 12. & l. i. t. 4. c. 4. n. 14.

Si filius aut filia præsens sit, cum pater, vel simili auctoritate præditus eam viro spondet, & omni secluso metu, non contradicat, in externo foro censetur consensisse, nisi contrarium ostendat. Sed in conscientiæ foro creditur asseueranti, sibi non fuisse animum contrahendi. cit. n. 12. aduertendo I.

Liberi peccant, si parentibus inscijs, aut non consultis matrimonium spondeant, vel contrahant: nihilominus verò obligantur, nec à parentibus impediri possunt, quominus promissum matrimonium contrahant; præterquam in casu, quo scandala, & infelices exitus secuturi putantur; ut tale matrimonium etiam Iudex dissolvere debeat. n. 14.

Canonico iure cum mas, tum femina ante expletum ætatis septennium ad sponsalia inhabiles censentur: quod si certis indicijs ostendatur, defunctum ætatis malitia, & præcoci ingenio suppleri, valida erunt: sicuti & vice versa, inualida censentur, quæ post legitimam ætatem septennij celebrata sunt, si rationis discretionem tunc abfuisse ostendatur. n. 16.

Sponsalia, quæ ob rationis defunctum irrita erant, superueniente rationis discretionem per ratificationem expressam, vel tacitam, conualescunt. ibid. §. Tria.

Sponsalia ab vno, vel vtroque impubere contracta, partim rata sunt, partim suspensa: rata sunt, quia & impedimentum publicæ honestatis inducunt, & durante minore ea ætate resilire non possunt: non rata autem, sed suspensa sunt, quia cum primum impubes factus est pubes, vel resilire, vel sponsalia ratificare debet, seu expressè tacitè: pubes autem, qui cum impubere contraxit, contractu stare debet, si alter velit. num. 17.

Si impubes pubertati propinquus sponsalia iuramento confirmarit, resilire amplius non potest. ibidem.

Si impuberes matrimonium contrahere intendentes, utantur verbis de præsentem, licet ob ætatis, & maturitatis defectum matrimonium non sit, censentur tamen sponsalia de futuro, qualia impuberes contrahere possunt. cit. num. 17. aduertendo 3.

Matrimonium clandestinè contractum post Concilium Trid. videtur habere vim sponsaliorum de futuro. num. 18.

Sponsalia mutuo contrahentium consensu dissolui possunt, quamvis iurata fuerint. Quarundam tamen Ecclesiarum consuetudo est, si sponsalia coram Parocho celebrata fuerunt, ut eorum dissolutio non permittatur, nisi causa prius ad Episcopum delata. c. 2. num. 1. & 23.

Sponsalia soluuntur per Religionis ingressum, secuta professione. num. 2.

Si vnus sponsorum Religionem ingrediatur, censetur renuntiare sponsalibus, ut alteri statim resilire liceat: sin autem expectare malit, egressus ex nouitiatu sponsionem seruare debet. num. 3.

Sponsalia per votum ingrediendæ ac profitendæ Religionis penitus soluuntur; nisi sponsa siue de futuro, siue de præsentem, grauem infamiam passura sit, ut appareat votum, quatenus in iniustum damnum cedit, Deo gratum non esse, nec obligatorium. n. 4.

Post votum Religionis ingrediendæ sponsalia validè celebrari non possunt: cum Deo prius ius acquisitum in hominem transferri non possit. n. 5.

Sponsalia legitimè contracta non videntur dirimi per subsequens continentiam votum simplex; cum tale votum Deo gratum non sit, quod in hominis iniuriam cedit. num. 6.

Nihilominus tutus esse videtur in conscientia qui à sponsalibus præsertim clam celebratis, sincero animo amplectandi statum perfectiorem continentiam resiliere: idque propter auctoritatem Doctorum sic opinantium. num. 7.

In foro autem externo talis compellitur ad viam tutiorem, ut vel sponsæ fidem seruet, vel Religionem ingrediatur: quanquam etiam permitti potest, ut sacrum Ordinem suscipiat. eod. n. 7.

Qui post contracta sponsalia inscia, vel inuita sponsa, Religionem ingreditur, vel sacrum ordinem suscipit, obligatus esse videtur ad resarcienda illi damna, quæ ob eam causam passa fuit v. g. in nuptiarum præparatione. num. 8.

Qui post sponsalia simplex continentiam votum edidit; aut qui ante sponsalia edito continentiam voto matrimonium postea contraxit, & consummauit, licet possit Religionem egredi, tamen non obligatur. ibid. §. Addendum.

Qui voto continentiam obstrictus matrimonium licet,

vel illicitè contraxit, à petitione debiti abstinere cogitur, priusquam ab Episcopo, vel privilegiato dispensationem impetret, quæ in hoc casu propter periculum incontinentiæ facile conceditur. n. 9.

Si sponsus, vel sponsa fornicationem committat, alter sponsus resilire potest. n. 10.

Si sponsa oscula, vel similes tactus impudicos ab altero viro admittat, aut sibi vim passa fuerit, iustè censetur hæ causæ illam repudiandi. n. 11.

Si uterque sponсорum fornicatus fuerit, non compensatur delictum delicto: quia turpior censetur esse fornicatio sponsæ, quàm sponsi. n. 12.

Si crimen sponsi aut sponsæ occultum sit, vt sine infamia non reuelari, nec in iudicio ostendi possit, priuatim moneri debet, vt sponsalibus renuntiet: si nolit, etiam propria auctoritate resilire licebit, modò is, qui resilire vult, moralem certitudinem habeat; vt quia intellexit à teste oculato, omni exceptione maiore. ibid. Quæres.

Si sponsus post sponsalia in longinquas terras abeat, vt breui tempore redditurus non censetur, sponsa liberatur obligatione: nisi ob causam necessariam discesserit, nullumque sponsæ incontinentiæ periculum, neque alia matrimonij contrahendi necessitas incumbat. n. 13.

Si sponsus ob causam voluntariam iustam discessit, bennio expectandus est, si intra prouinciâ, triennio, si extra prouinciâ moratur, veruntamen Ecclesiasticus Iudex tempus moderari potest, si sponsæ periculum incontinentiæ imminere intelligat. n. 14.

Si sponsus in alienam terram domicilium mutaturus se transferat, sponsa hoc ipso à sponsalibus liberatur. numero 15.

Sponsalia soluuntur, si elapsus sit terminus temporis, qui statutus erat ad obligationem finiendam, ita, vt nisi intra tale tempus nuptiæ celebrentur, resilire liceat. n. 16.

Si vnus sponсорum paratus fuit nuptias ante terminam elapsam celebrare, alter verò non paratus, tunc contractus sponsaliorum claudicat, & manet obligatio tantum ex parte eius per quem stetit. n. 17.

Si notabilis mutatio accadat, seu graue aliquid superueniat, quod à principio existens merito à sponsaliorum contractu absterruisset, iustam dat soluendi sponsalia causam. n. 18.

Tametsi tempore sponsaliorum extiterit causa soluendi sponsalia (v. g. morbus contagiosus, vel incurabilis, æs alienum, infamia, violata pudicitia in sponsa, magnæ sæuitiæ, crebra ebrietas in sponso) quæ probabiliter ignorabatur, eâ postea cognitâ, ius resiliendi manet. n. 19.

Si sponsus post cognitam causam resiliendi sponsam carnaliter cognoscat, censetur sponsalia ratificare n. 20.

Sponsalia etiam soluuntur per superuenientem affinitatem, spirituales cognationem, aut aliud impedimentum dirimens. n. 21.

Si vxor, cum qua Titius contra Fidem primorum sponsaliorum, contraxit, moriatur, & prior sponsa in proposito suo permaneat, non videtur Titius obligatus ad eam ducendam: cum obligatio semel extincta non reuiuiscat. numero 22.

In donatione facta inter sponсos cum conditione à nuptijs pendente, æquiparatur illi donationi, quæ inter coniuges fit, & ante mortem donantis non confirmatur, valet tamen donatio quæ sponsæ simpliciter fit; tametsi eodem die nuptiæ secuturæ sint. l. 3. tract. 4. cap. 12. num. 11. §. Porro.

Ipsa iure irrita sponsalia censerentur, quæ viuente adhuc coniuge cum alia persona contrahuntur. l. 5. t. 10. p. 4. c. 10. n. 7.

Stuprum.

Stuprum propriè virginum est illicita defloratio. Diuiditur in illud, quod per violentiam infertur, & in illud quod volenti ac consentienti: idque vel plena libertate, vel accedente fraude, metu. lib. 3. t. 3. p. 3. c. 13. in princ.

Stuprum non continet speciem peccati à simplici fornicatione distinctam, si absit dolus & ius. n. 1.

Stuprator virginis libere consentientis ad nullam damni restitutionem in conscientiæ foro obligatur, nisi cum facinus occultum esset stuprator puellam non sine iniuria infamaret, tum damnum inde secutum filiæ, & parenti eius rescire tenebitur. n. 2.

Stuprator puellæ per vim debet eam dotare, aut in vxorem ducere, & cum in alternatiuis debitoris electio sit, plerumque sufficiet dotare, nisi eam sub pollicitatione matrimonij vera aut ficta ad stupri consensum induxerit numero 3.

Si puella occultè stuprata nullum aliud damnum passa fuit, non videtur ille qui stuprauit, ad aliquam damni compensationem, ante Iudicis sententiam obligandus. n. 4.

Superstitio.

Superstitio est cultus falsi, sicuti Religio veri: falsitas autem vel est ex parte obiecti, quia non verus Deus collitur, sed falsus, vel est ex parte cultus, seu modi colendi verum Deum. l. 4. t. 10. c. 1. Principio.

Si error sit ex parte modi, vel est cultus falsus, vel superfluous. Falsus cultus iterum distinguitur: vel enim est cum ordine ad rem significatam, à qua discordat significatio cultus, vt si quis hodie Deum colere præsumat caremonia agni Paschalis, per quam futura Christi Passio significatur: vel falsitas est ex parte colentis tantum, vt si quis Deum colat tanquam publicus Minister, cum ab Ecclesia commissionem non habeat, vel talem non habeat. n. 2. & 4.

Ad hanc speciem superstitionis spectat, alienas reliquias pro reliquijs Sanctorum proponere, falsa miracula prædicare, vel scriptis mandare, anathemata offerre vt signa miraculorum, quæ non contigerunt: Et sunt hæ falsitates perniciosæ, ac mortales, ob quas minor fides alijs veris reliquijs & miraculis habetur. n. 3.

Superfluous cultus in eo consistit, quod aliquis Deum colere aggrediatur eo modo, vel caremonia, quæ nec ad Dei gloriam nec ad Spiritus deuotionem inferuit: idque vel quia ritus secundum se inanis est, vt orandi ante solis ortum, certo numero, situ, colore cereorum, vel quia est contra ordinationem Ecclesiæ, v. g. in Missa plures formale cruces, quàm Ordinatum est. Et talis cultus superfluous si contemptus, & scandalum absit, culpa tantum venialis est. num. 5.

Cantus in Ecclesia grauis, ac modestus esse debet: & in ea re grauius peccari potest. ibid.

Superstitionis secundum falsitatem ex parte obiecti tres species sunt: idololatria, diuinatio, & vana obseruatio. eod. c. 1. n. 1.

Idololatria dicitur seruitus, quæ soli Deo debetur, alicui creaturæ exhibita. c. 2. n. 2.

Idololatria alia perfecta est, alia imperfecta, alia verò tantum externa & simulata. n. 5.

Idolum est simulacrum falsum, seu rei non existentis species: quare differt ab imagine, quæ est vera rei similitudo, seu representatio. eod. c. 2. n. 1.

Diuinatio est significatio occultorum ex pacto expresso, vel implicito cum dæmone. c. 3. n. 1.

Si quis à diabolo expresse, vel implicitè petat alicuius rei, quàm ille naturaliter scire non potest, v. g. actionis libere futuræ, aut internæ cogitationis certam cognitionem, grauius quidem peccat, & ad idololatriam propinquius accedit, tamen negari non debet, quin etiam cognitionem alterius rei à diabolo petere, quàm ille naturali facultate comprehendere potest, sit verè peccatum superstitionis, ex genere suo mortale: v. g. si quis ope dæmonis scire cupiat occultum furti auctorem. n. 2.

Qui vanis & superstitionis signis fidem habet, non iuuatur protestatione, quod cum Dæmone societatem nullam inire velit, cum protestatio eius facto contraria sit. n. 3.

Diuinatio per pactum cum diabolo expressum maiorem deformitatem habet, & magis ad idololatriam acce-

reditatem repudiavit: alia verò legata pendent ab hereditatis aditione. n. 9.

Testamentum alioquin minus solemne, quod ob piam causam conditum est, valet etiam quoad legata non pia, secundariò inserta: contra autem, licet testamentum, vel alia voluntas minus solemnis sit, & quoad alia nullius momenti, firmà tamen est, quod attinet ad relicta causis pijs numero 10.

Testamentum, quod à patre, matre, aliòve ascendente inter liberos conditum est, ratum censi debet, licet imperfectum, & iuris solemnitate destitutum sit. num. 11.

Licet extrinseca testamenti imperfectio, ob legalium solemnitatum defectum (vt puta si septem testes rogati, masculi, simul collecti &c. desiderentur) testamentum inter liberos non vitiet, secus tamen est, si imperfectio testamenti intrinseca sit, videlicet si testator ceptum testamentum non perfecit, irrita tunc est dispositio. Idemque dicendum, si vnus ex liberis prateritus, vel si vltima voluntas solo nutu significata fuit: talis dispositio, licet ad causam piam valeat, non tamen inter liberos. n. 12.

In testamento scripto inter liberos requiritur, vt & tempus conditi testamenti, & nomina filiorum, & portiones, in quibus instituti sunt, manu parentis exprimantur: testium tamen solemnitas non requiritur, modò testatoris manus cognoscatur. n. 13.

Testamentum, quod miles in bellica expeditione sine iuris solemnitate condidit, firmum est, etiam post missionem, si ille intra annum moriatur. n. 14.

Testamentum coram Principe oblato libello conditum, vel coram Iudice publicè insinuatum, aliam testium &c. solemnitatem non requirit. n. 15.

Hominibus rusticis sufficiunt quinque testes, si plures in loco, vbi testamentum condere volunt, habere nequeant. n. 16.

Aequum est, vt si alicubi tempore pestis plures testes aduocari non possint, duorum presentia ad valorem testamenti sufficiat, licet spectato iuris rigore aliud dicendum sit. num. 17.

In terris Summo Pontifici subiectis valet testamentum coram Parocho, & duobus, vel tribus alijs testibus conditum. n. 18.

Civilium legistorum, vltimas minus solemnes voluntates cassantium, intentio fuisse videtur, illis resistere civiliter tantum, relicta interim obligatione naturali, quamvis inefficaci, quippe quæ per exceptionem civilis constitutionis elidi possit. lib. 1. tr. 4. c. 17. n. 1.

Iudex in externo foro hereditatem adiudicare debet heredi ab intestato, cumque liberum pronunciare à soluendis legatis, ex testamento minus solemni, licet certum sit aliam fuisse testatoris voluntatem. n. 2.

Neque in conscientiarum foro hæres ab intestato soluere tenetur legata ex testamento imperfecto, ijs semper exceptis, quæ ad pias causas sunt. Etenim forum externum, si iustum est, non repugnat foro conscientiarum. n. 3.

Si hæres in testamento non solemni institutus, vel legatarius rem sibi relictam sine vi, fraude nactus est, ius retinendi habet, donec civili conditione indebiti ab ipso repetatur. n. 4.

Si hæredis fidei defunctus commiserat, vt aliquam rem alteri tradat, absque alia solemnitate obligationem contrahit. n. 5.

Idem homo vnus testamenti tanquàm minus solemnis cassationem petere, & postea ex alio minus solemni hereditatem, vel legatum capere non prohibetur, si nihil contra ipsum opponatur. n. 6.

Hæres institutus in testamento minus solemni non potest occulta compensatione uti, si hereditas in externo foro heredi ab intestato adiudicata est. n. 7.

Omnibus hominibus libera est de bonis suis testandi facultas, nisi iure prohibeantur. c. 3. n. 1.

Testari prohibentur surdus simul & mutus à natura,

prodigus, seruus, vsurarius manifestus, filiusfamilias de bonis aduentitijs, impubes, captiuus apud hostes: huius tamen testamentum iure postliminij conualefcit, si ad suos redierit. n. 2.

Filiusfamilias patre consentiente de bonis aduentitijs ad pias causas testari potest, imò etiam ad causas profanas mortis causa donare. eod. n. 2. casu 5.

Damnatis ad mortem permittitur ferme testandi libertas, eò quòd publicatio bonorum hodie non ita visitata sit, sicuti olim. casu 8.

Religionem professus testari non potest: si tamen ante Religionis ingressum, vel nouitatus tempore testamentum condidit, per professionem non rumpitur, sed magis confirmatur: Monasterium tamen interim bonis fruetur, donec professus moriatur. n. 3.

Religiosus cui peculium concessum fuit, cum Prælati consensu mortis causa donare potest, licet testari, vel codicillum facere non possit. n. 4.

Religiosis Ordinum militarium testandi facultas ad causas pias concessa est, quæ frequenter etiam à Summo Pontifice conceditur alijs Religiosis, si extra claustrum Ecclesiasticum beneficium, præsertim Episcopatum, vel Cardinalatum obtineant, aut alia ratione extra claustrum viuunt, & alantur bonis sua industria comparatis. n. 5. ad secundum.

Nouitij Religionum nullo iure testari prohibentur, numero 6.

Si nouitius de bonis suis nihil disponens professionem edat, succedit Monasterium. Si tamen descendentes, vel ascendentes habeat, ipsis portio legitima statim conferenda debetur. n. 7.

Potest tamen, si velit, seu ante, seu post professionem, bona sua inter liberos diuidere, dummodo Monasterio virilem etiam partem tribuat, siquidem Monasterium hoc casu veluti pro filio, & hæredesuo reputatur. eodem numero 7.

Quod si inæqualis diuisio inter liberos instituat, tantum Monasterio relinquendum est, quantum illi cui plus datum. num. 7.

Pater Religionem professus tutorem liberis dare non potest, cum eos in potestate iam non habeat: si tamen tutor legitimus non adsit, Iudex secundum æquitatem approbabit tutorem à patre designatum. n. 8.

Probatilius est, quòd portio legitima statim à tempore professionis paternæ filiis debeatur. Quòd si contrarium aliquis sentiat, fateri tamen debet, Monasterium suscipere, in se obligationem patris ad alimenta præbenda filiis, etiam illegitimis. Ibid. addendo 3.

Simili ratione si filius Religionem profiteatur, legitimam portionem parentibus relinquere debet: si tamen inter ascendentes filius disponere velit, id ante professionem facere debet. Addendo 4.

Si aliquis hæres, vel legatarius institutus fuerit ante professionem, sed hereditas delata sit, vel legatum cesserit post professionem, acquiritur Monasterio. Secus est, si hereditas iure sanguinis Monacho ab intestato proueniat: tunc enim portio legitima ascendenti, vel descendenti danda erit, eò quòd veluti ante professionem bona acquisita censeantur. n. 9.

Nemo, per se loquendo, obligatus est ad testamentum condendum, sed interdum per accidens, ne alioquin lites, aliæ in commoda oriantur. n. 10.

Recta ratio, & proborum Christianorum exempla suadent, vt fideles proportionem facultatum suarum, ad pias causas aliquid relinquunt pro anima sua, ad quod etiam adhortandi sunt. Ibid.

Sed etsi testator prolem numerosam habeat, expedit tamen plerumque, ad piam causam legando Christum Dominum filiis cohæredem instituere, vt hac veluti liberorum commendatione, eorundem tutor, & contra omnes insidias protector existat. c. 5. n. 17.

Si bona

Si bona liberis ad sustentationem honestam omnino necessaria videantur, ea legatis etiam pijs minuenda non sunt. Non debet tamen hec liberorum necessitas testatori cordato, atque in Deum confidenti maior apparere, quam re ipsa sit, quominus saltem aliquam partem pauperibus pro anima sua relinquat. Ibid.

Ius nature postulare videtur, ut testator vxori suæ, item fratribus, & sororibus aliquid relinquere cogatur, si indigentes sint, & tali legato seu relicto digni Dicto 4.

Si fratres, sorores, aliique cognati indigentes non sint, expedit ei qui necessarijs hæredibus orbatuſ est, ut propriam animam hæredem instituat, seu bona pauperibus aliisque causis pijs applicet. eod. n. 17. Dicto 5.

Si vxor, cognati, & amici querelas ac murmura sparsuri existimentur, quando nihil illis relinquitur, interdum hæc negligi possunt, interdum autem cauere consultius est; ita, ut legatis honorentur, hæreditate ipsa pauperibus, & alijs causis pijs relicta. Ibid.

Expediſ magis diuitibus, ut bona quibus abundant tempore vitæ suæ in causas pijs erogent, quam ut testamento relinquunt post mortem distribuenda. n. 18.

Expediſ testamentum condere, non circa mortis agonem, sed dum ratio & sensus vigent. n. 19.

Plerumque non expedit, ut Confessarij, præsertim Religiosi, confectioni testamenti intersint, aut in particulari suadeant, quibus relinqui debeat: sed præstat, in genere tantum commendare pijs dispositiones, nisi testator consilium petenseriam in specie dirigendus sit. n. 20.

Testamentum reuocari potest vel per factum testatoris contrarium. videlicet si scriptum testamentum laceret, hæredis nomen deleat, sigilla de industria auferat, vel per aliud testamentum legitime conditum. Sed etſi postea accidat, hæredem posterius institutum hæreditatem non adire, prius tamen testamentum irritum manet. c. 4. numero 1.

Prius testamentum legitimum per alterum minus solemne non rumpitur, nisi in casibus exceptis, aut priuilegiatis. n. 2.

Si duo proferantur testamenta eodem die confecta, ex collatione vnus ad alterum coniiciendum erit, vtrum eorum prius conditum sit: alioquin vtrumque propter incertitudinem cassabitur, nisi in altero causa pia scripta reperiat, vel hæres ab intestato succedens. eod. n. 2. §. Ad extremum.

Prius testamentum continens clausulam derogatoriam posterioris, non censetur reuocatum, nisi in posteriore testamento eiusdem clausulæ mentio fiat. n. 3.

Testamentarius executor.

Si nullus à testatore executor nominatus est, ad hæredem executio spectat: nisi quod in quibusdam casibus executio spectat: nisi quod in quibusdam casibus executio ad Episcopum pertinet, communi iure. l. 3. t. 5. c. 11. n. 1.

Qui executor à testatore nominatus est, non cogitur hoc munus suscipere: priuandus tamen est commodo, quod ex dispositione testatoris ipsi prouenturum esset. Eademque ratio est, si tutor nominatus tutelam suscipere recuset. n. 2.

Executores testamenti à testatore constitui possunt vnus, vel plures siue ex hæredibus, siue ex alijs, non tantum masculi, sed etiam femina: non tantum laici, sed & Clerici, ac Religiosi. cit. n. 1. dicto 2.

Fratres Minores executores testamentorum esse non possunt, alij verò Religiosi non nisi cum licentia Prælati: Sed in Societate Iesv requiritur ad hoc dispensatio Præpositi Generalis. n. 3.

Ipsimet Ordinum Prælati executores testamentorum esse non prohibentur: similiter Regulares, si extra obedientiam adualem viuunt, Ecclesiæ seculari addicti. n. 4.

Si Religiosi claustrales testamenti executores fuerint, locorum Ordinarijs rationem reddere debent: à quibus etiam puniri possunt, si in executionis officio deliquisse

reperiantur, quamuis alioquin à iurisdictione illorum exempti sint. Ibid. §. Porro.

Si Religiosus contra canonum decreta executor testamentarius sit, acta eius nihilominus valent: sicuti & miles procurator in iudicio esse non debet, si tamen non repellatur, acta eius valida sunt. n. 5.

Clericus, vel Religiosus testamenti executor legatum inter pauperes, vel ad pijs causas distribuendum Monasterio, vel Ecclesiæ suæ applicare potest. n. 6.

Executor legatum pauperibus relicto sibi ipsi applicare non potest, tametsi pauper sit: potest tamen tribuere consanguineis, etiam proprijs filijs, si verè indigentes sint. n. 6. & 7.

Legata ad causas pijs ob incertitudinem loci, vel ecclesiæ, caduca non fiunt: sed plerumque ab executoribus dari debent ecclesiæ, vel Xenodochio pauperiori. n. 8.

Si aliquid absolute, & sine expressione loci pauperibus, vel ecclesiæ ædificandæ legatum fuit, executio fieri debet in loco, vbi testator domicilium habuit, nisi peregrinus sit, ut domicilium eius ignoretur, vel multum distet: tum dabitur pauperibus loci, in quo mortuus est, arbitrio Episcopi, si alius à defuncto executor designatus non est eodem n. 8. §. simili modo.

Si eleemosyna relicta fuerit distribuenda inter pauperes bonæ honestæ famæ, intelligitur de ijs, qui nulla infamia laborant: quare occultum crimen alicuius prodi non posset ad amouendum illum à petenda eleemosyna. Simile est, si dos virgini legata sit, & alicuius occultam fornicationem cognoris, non poteris eam prodere. l. 3. t. 3. p. 2. c. 3. n. 5. §. Sed statuamus.

Si quippiam absolute relicto est pro pauperum alimentis, in arbitrio executorum, vel, si nulli executores constituti sunt, in arbitrio Episcopi esse videtur distribuere in eos qui verè pauperes sunt. Nomine autem pauperum intelligi debent, qui victum incertum habent ex eleemosynis fidelium, non autem ea Xenodochia vel monasteria, quæ ex fidelium eleemosynis collectum annum victum sufficientem obtinent, supra cit. n. 8. §. Præterea.

Si indeterminatè legata sit res à natura terminos non habens, sed ex arte, industria hominis, sufficit dare, quod in eo genere pretij nimini est: nisi coniectura sumi possit, aliud testatorem voluisse. Idque etiam in legatis pijs locum habere, improbable non est. n. 9.

Legata pia, si ad vsum à testatore destinatum applicari nequeant, ad alium pium vsum adhiberi debent. n. 10.

Legata ad alium vsum contra, aut præter defuncti voluntatem applicari non possunt, nisi per dispensationem Summi Pontificis ex iusta causa. Interdum tamen ad Episcopum, atque hæredem, vel executores, pertinet interpretari, non alienum fore à voluntate defuncti, si mutatio fiat. n. 11.

Hæres, aliique executores, si negligent, aut longo tempore differant soluere legata, præsertim pia, grauiter peccare censendi sunt. n. 12.

Hæredem, vel executorem negligentem, si laicus sit, vterque Iudex Ecclesiasticus, & secularis, compellere potest ad exequendas vltimas voluntates defunctorum. n. 13.

Si quis sine testamento decessit, nullo, vel incognito relicto hærede, qui secundum leges ab intestato succedat, tunc eius bona ad filium deuoluuntur, præterquam si peregrinus, seu hospes, cuius hæredes ignorantur, alicubi intestatus moriatur: nam huius bona ita vacantia ab Episcopo loci in pijs causas erogari debent. l. 3. tr. 1. c. 5. n. 24.

Testamentaria substitutio, seu fidei commissum.

Substituere est in locum hæredis alium statuere: quod dupliciter fieri potest, directe ac indirecte. 3. l. t. 5. c. 9. n. 1.

Hæres fideicommissio grauatus quartam Trebellianicam deducere potest, nisi fideicommissum sit respectu causæ piæ. n. 2.

Testator prohibere potest, ne Trebellianica à fideicommissio detrahatur, licet etiam potest, ne Falcidia à legatis

detrahatur. Nam Falcidia & Trebellianica æquiparantur. eodem num. 2.

Præter quatuor substitutiones, videl: vulgarem, pupilarem, exemplarem, fideicommissariam; sunt aliæ duæ mixtæ. n. 3.

Hæres fideicommisso grauatus, si sine liberis decesserit, profitendo Religionem hæreditatem Monasterio acquirit, nisi aliam testatoris voluntatem fuisse expressè, vel ex coniecturis appareat. Quamvis etiam hoc casu Monasterium fideicommisso frui possit, dum professus viuit, nisi evidens adsit coniectura, noluisse testatorem, vt ad Monasterium deueniat, sed semper penes familiam maneat. num. 7.

Si obligatus hæreditatem alteri restituere, relegetur, eiusque bona publicentur, fiscus in fideicommisso succedit, dum ille naturaliter viuit, præterquam si testator prohibuerit, ne bona fideicommissi extra familiam maneant. Ibid. §. Confirmatur.

In donatione quoque inter viuos veluti fideicommissum interuenire potest, videlicet, si quis rem alteri donet, ea lege, vt post transactum tempus, vel conditione aliqua eueniente alteri tradat: quo casu res vinculata esse dicitur, quia alienari non potest, nisi vel ipsi donator, dum res adhuc integra est, vel ille in cuius fauorem dispositio facta est, adiectum grauamen reuocet. n. 4.

Testes.

In omni causa Ecclesiastica & seculari, civili & criminali ad plenam contra alterum probationem præter actorem vel accusatorem requiruntur, ac sufficiunt duo testes, si idonei sint, & omni exceptione maiores. l. 3. t. 5. c. 2. n. 4. & eod. l. 3. t. 6. c. 4. n. 3.

Testes aliquando requiruntur ad solemnitatem & substantiam, vt in testamentis, interdum verò requiruntur tantum ad rei gestæ fidem faciendam: quare si alicui veritas nota sit, v. g. mutuum sibi datum fuisse, non debet requirere testes. l. 3. t. 5. c. 2. n. 3. corol. 2.

Laicorum testimonium contra Clericum in criminalibus communiter non admittitur, vt sufficiens ad probationem plenam, nisi crimen exceptum sit, vel aliter probari non possit, quia v. g. in villa commissum coram solis laicis, cit. c. 4. n. 3. §. His adde.

Testis debet esse distinctus ab accusatore, imò etiam à denunciatore. Verum in quibusdam casibus, vt quibus agitur de peccato impediendo, v. g. ne matrimonium cum impedimento contrahatur, denunciator in testem etiam admittitur: item in causis leuibus creditur denuntianti Officiali, sicuti alij testi. Ibidem.

Testes debent esse omni exceptione maiores. In primis autem à testando repellitur inimicus eius, contra quem agitur: imò etiam in criminibus exceptis, v. g. heresi, læsæ maiestatis crimine, &c. in quibus alioquin inhabiles admittuntur, inimicus repellitur, si inimicitia grauis sit. numero 4.

Repelluntur etiam consanguinei, & affines eius, pro quo testimonium dandum est, verum in civilibus causis, si non arduæ, & multum præiudicantes sint, tales personæ admittuntur. Ibid. §. Secundò.

Domestici eius, qui testes producere debet, in causis cum civilibus, tum criminalibus non admittuntur, nisi in defectum, si veritas aliter cognosci nequeat, v. g. in causa adulterij. Dicuntur autem domestici alicuius vxor, filij, serui, quin & liberti, famuli conductitij, & alij familiares; saltem si eis aliquo modo imperare possimus. §. Tertiò.

A testando repelluntur infames infamia iuris: quia testimonium iudiciale inter actus legitimos numeratur, à quibus infames arcentur. Sed neque infames infamia facti ad testificandum in causa criminali, aut ardua ordinariè recipiuntur, sed interdum in defectum aliorum testium. Verum in causa civili non ardua laborans infamia facti admittitur, quamuis minor ei fides habeatur. Ibid. §. 4.

Persona vilis & inops, si de ea Iudicis arbitrio suspicio

sit, quòd pecunia corrumpi potuerit, ad testificandum non admittitur. §. Quintò.

Pagani, Iudæi, & à Fide Apostata contra Christianum testificari non permittuntur. §. Sextò.

Socius criminis ad testificandum non adhibetur, nisi in criminibus exceptis, & talibus, quæ sine socio non admittuntur, tunc eius testimonium fidem facit, sicut alterius hominis vilis, infamis aut suspecti. §. Septimò.

In causa propria, videl. cuius emolumentum, vel damnum ad aliquem suo nomine spectat, nemo vt testis admittitur: Prælatus autem & Clerici in causa Ecclesiæ suæ non prohibentur esse testes, quia non censentur moueri commodo proprio. §. Decimò.

In causis præsertim civilibus si Reus nihil excipiat, non obstat, quin Iudex interdum Actoris familiares seu domesticos ad deponendum testimonium recipiat. Ibid.

Testes debent esse iurati: alioquin ijs non creditur in præiudicium alterius; nisi ille cuius interest, iuramentum sponte remittat. Ibidem, n. 5.

Testes debent deponere de sensu, videl. se vidisse Titium occidentem, audiuisse blasphemantem. Si enim deponant de auditu, ideòque non de ipso crimine, sed de fama criminis, licet duo, pluresue sint, non ostendunt facinus commissum esse, sed tantum eius indicium afferunt, quod interdum sufficit ad probationem semiplenam. Ibid.

Testes debent testari de eodem facto in particulari: sin autem testentur de diuersis actibus, diuerso tempore commissis, dicuntur testes singulares, quorum testimonium plenam criminis probationem non facit, sed magnam præsumptionem, quæ sufficiat ad torturam, & interdum ad penam extraordinariam inferendam, eod. n. 5. §. Interim.

In civilibus causis testes deponentes de pluribus factis particularibus, ad vnum finem tendentibus sufficere possunt ad plenam probationem: vt si in controuersia de possessione iuris decimandi vnus deponat de tritico, & alius de hordeo viso à se decimari. Idque etiam in criminali causa quandoque locum habere potest. Ibidem.

Dictum vnus testis idonei sapere dat iustam & probabilem credendi causam; quamuis non afferat credendi necessitatem. eod. n. 5. qv. 3.

In quibusdam causis non iudicialibus, nec præiudicantibus alteri, item in ijs quibus agitur de impediendo peccato v. g. in denuntiatione impedimenti matrimonij, inhabilitatis ad ordines, & Ecclesiastica beneficia, admittitur testimonium vnus. Sin autem ius alicui acquisitum sit, v. g. matrimonium contractum, vel electio, aut collatio beneficij facta, tunc ad rescindendum, aut irritum declarandum, opus est probatione plena. n. 6.

Vnus testis de visu omni exceptione maior ordinariè in externo foro facit probationem semiplenam, quæ in criminalibus ad torturam sufficit. n. 7.

Si vnus testis deponat non de ipso crimine, sed de indicio criminis, efficitur probatio semiplena solius indicij; nisi plures testes singulares de diuersis indicijs, iisque propinquis testentur, tum efficere poterunt probationem semiplenam ipsius criminis, eod. n. 7.

Testis à competente Iudice legitime interrogatus veritatem fateri obligatus est. n. 8.

Si testis legitime examinatus tergiversari, variare, & veritatem per malitiam celare videatur, interdum torqueri potest. §. His adde.

Si crimen occultum sit, ita vt nulla publica de eo indicia adsint, non tenetur aliquis testificari. n. 9.

Si quis crimen merè præteritum alteri sub sigillo secreti reuelauit, probabilius est, non posse eius reuelationem à Iudice impetrari. eod. n. 9. casu 3.

Si quis noticiam delicti, alteriusue secreti per iniuriam acceperit, v. g. literas aperiendo, vel hominem per vim cogendo ad reuelandum, tunc ne Iudici quidem interroganti prodi potest. casu 4.

Si ex testificatione tibi, vel tuis notabile damnum in-

pendeat, non teneris testari, nisi citimen Reip. perniciosum sit, & alia ratione impediri non possit. casu. 6.

Parentes contraliberos, & liberi contra parentes in testimonium non vocantur, exceptis criminibus valde atrocibus, si alij testes haberi non possint: Sed nec frater contra fratrem, gener aduersus socerum, aut socer aduersus generum ordinariè cogi possunt ad testificandum, nisi in criminibus exceptis, & interdum in subsidium. n. 10.

Personæ exemptæ aut privilegiatæ non coguntur esse testes, volentes tamen admittuntur: deinde in aliorum testimonium defectum etiam tales personæ testificari debent. Clerici tamen coram suo Iudice, & non nisi eo consentiente, coram seculari, præsertim in causis criminalibus. ibid.

Si testis, aut denunciator testimonium suum reuocet, probabilem erroris sui rationem adferens, audiri debet. lib. 3. tr. 6. c. 5. n. 21.

Iudex plerumque æstimare non debet reuocationem denuntiationis post latam sententiam condemnatoriam denuntiantis, et si is mortui proximus reuocet. ibid. n. 22.

Timor.

Timor Dei alius filialis est, & Charitatis actus, si quis peccatum committere vereatur, qui à Deo summo bono repugnat. Alius verò est timor seruilis, si quis peccatum patrare timeat, quia reatum pænæ à Reo infligendæ secum adfert. lib. 5. tr. 4. c. 10. n. 10.

Seruilis timor gehennæ, si sit motiuum principale observationis legum, ita, vt si gehenna non esset, peccare velles, malus ac vitiosus est. Sin verò timor gehennæ non sit causa principaliter finalis, sed secundaria, seu impulsiva tantum, bonus est, quamuis imperfectus. eod. n. 10. & lib. 1. tr. 2. c. 6. n. 9.

Si quis à peccato pattando se contineat timore pænæ ab hominibus infligendæ, mundanus timor dicitur, & est secundum se indifferens, si non sit causa principalis observationis legum, sed tantum secundaria. cit. n. 10.

Timiditas Fortitudinis virtuti opposita, est peccatum duntaxat veniale per se loquendo, per accidens interdum mortale. lib. 3. f. 3. n. 8.

Transactio.

Est de re dubia & controuersa non gratuita pæctio. l. 3. tr. 4. c. 31. n. 1.

Transactio differt à pæcto seu remissione gratuita, quæ etiam amicabilis compositio dicitur: nam qui ita paciscitur, rem liberaliter donat, seu remittit. l. 4. tr. 10. cap. ult. n. 55.

Si pars transigens sciat nullum sibi in reius competere, tam in conscientia, quam externo foro, transactio irrita est, vel saltem doli mali exceptione rescindenda. Sin post transactionem bona fide factam instrumenta & probationes reperiantur, vitari aut rescindi non potest supra cit. num. 1.

Qui in transactione bona fide facta immodicè læsus est, rescissionem petere non potest, nisi læsio sit valde enormis, ita vt præsumi possit dolum interuenisse. num. 2.

Transactio inter partes sine metu ac dolo facta, parit exceptionem litis finitæ, perinde ac si res in iudicio decisa sit. Ibid.

Qui alienare rem prohibentur, ij nec transigere, aut compromittere circa eam possunt. n. 3.

Si tamen prælatus, aut quilibet administrator ita transactione peragat, vt non sit periculum rei alienandæ, sed potius acquirendæ, subsistere potest transactio, etiam circa rem immobilem, aut mobilem pretiosam, quæ seruando seruari possit, v. g. si transactio ita instituat, vt res maneat Ecclesiæ, vel pupillo, & causa finiendæ litis pecunia tradatur. n. 4.

In casu necessitatis bona alienari prohibita per transactionem, aut compositionem in alium transferri possunt, præsertim cum Principis consensu. Ibidem. §. Denique.

Transigere in crimine publico, cui sanguinis pœna imponi solet, prohibitum non est, in alijs verò criminibus

cum accusatore transigens pro confesso habetur, excepto crimine falsi. n. 5.

Non valet transactio facta sine Iudice de relictis in testamento, nisi inspectis verbis testatoris. n. 6.

Transactio super alimentis in futurum debitis ex vltima voluntate, si sine Iudicis auctoritate fiat, irrita est, nisi ita instituat, vt per eam conditio alimentarij melior fiat, aut nisi transactio iuramento confirmetur. eod. num. 6. §. Quarto.

Si transactio circa vnā, vel plures res particulatim fiat, non extenditur ad alias eiusdem causæ controuersias non contentas, nisi connexæ sint. n. 7.

Licet transactio generalibus verbis concepta videatur, restringitur tamen ad rem seu causam, de qua inter partes actum erat: imò in omni dispositione clausula generalis refertur ad ea de quibus tractatus præcessit. num. 8. §. Limitatur.

Valde consultum est Christianis, vt orta inter eos controuersia transactioni, vel amicabili compositioni, aut arbitrum iudicio causam committant potius, quam vt iudicaria lite se fatiguent. §. ad extremum.

Iudex in causa valde dubia transactionē partibus suadere debet: sed ad eam compellere non potest, nisi sit Iudex supremus, qui in tali causa liberam disponendi facultatem habet, v. g. Papa in beneficijs Ecclesiasticis, vel si partes diu litigauerunt, quia causa valde dubia est, vt difficile sit eam definire. n. 9.

Si diuisio hæreditatis v. g. inter fratres instituenda sit, ad maiorem natu pertinet ex æquo diuidere, ad minorem eligere. n. 10.

Tributum.

Tributum latè acceptum significat omne id, quod Principi, vel Reip. penditur, ad onera communia sustinenda, qua acceptione etiam vectigal comprehendit, & pedagium. Sin autem strictè accipiat, est pensio, quæ subditis imponitur Magistratui soluenda, vt dignitatem & onera Reip. sustinere possit. l. 3. tr. 3. §. 1. c. 3. princ. & num. 1.

Duplex est tributum, vnum, quod singulis capitibus, siue personis imponitur, non facultatum proportionē, sed ferme tantum in recognitionem dominij, idque capitatio dici solet: alterum est tributum, quod secundum propriam facultatem æstimationem à subditis soluitur, idque diuiditur in ordinarium, quod certam quotannis recurrentem ex communi lege præstationem habet, & in extraordinarium, quod propter superuenientem causam seu necessitatem imperatur, & dicitur collecta. eod. n. 1.

Ad iustitiam tributi, aut vectigalis tria requiruntur: legitima imponentis auctoritas, causa iusta, modis impositionis, vt secundum cuiusque facultates fiat. num. 2.

Etiam in ijs rebus quæ ad necessarium familiæ vsum inuoluntur, vectigal statui potest, vbi consuetudo obtinuit. n. 3.

Tributum, & vectigal directè tantum à subditis exiguntur, indirectè verò, & per accidens etiam ab extraneis. n. 4.

Quædam tributa sunt, quæ fundis tanquam reales obligationes adherent, ideoque ad quamvis possessorem, etiam non subditum transeunt. eod. n. 4. & lib. 4. tract. 9. c. 6. n. 5. §. Porro, & n. 6.

Si tributum iustum existimetur, solui debet, tametsi Officialis per errorem, vel similem causam non exigat: secus est, si iniustum esse existimetur, vel si de eius iustitia non immeritò dubitetur, vt quia est nouiter impositum, & de eius auctoritate, titulo, aut iustitia causæ non satis constat, tum subter fugere licitum est, modo absit scandalum, mendacium, ac periurium. cit. c. 3. n. 5.

Officiales iussi exigere tributum, de quo dubitatur an iustum sit, parere non prohibentur, sed Consiliarij impositionem, vel autionem tributi, aut vectigalis suadere non possunt, nisi eius iustitiam affirmatiuè cognoscant. n. 6.

Officiales cum pauperibus quandoque dissimulare possunt. n. 7.

Si Princeps, vel Magistratus populum tributo iniusto grauet, restituendi obligationem contrahit. n. 8.

Tutor, Curator.

Triplex est tutela; testamentaria, legitima, & dativa. Qui in testamento à patre tutores dati sunt, reliquis præferuntur: Sin testamento nullus tutor assignatus est, accersendi sunt proximi agnati, aut cognati, tanquam tutores legitimi: denique si nec legitimus idoneus adsit, à Iudice tutor pupillo dandus est. l. 3. t. 4. c. 9. n. 3.

Si mortuo patre supersit avus ex linea virili, qui demortuum in potestate habuerat, & consequenter etiam eius liberos, alio ipsius tutore opus non est. Ibid. §. Denique.

Non tantum pater, sed etiam extraneus quilibet, qui impuberem heredem instituit, tutorem ei dare potest: debet tamen is cum inquisitione confirmari, eodem numero 3. princ.

Matri, & avix paternæ ante omnes agnatos & cognatos ius tutelæ permittitur, si recipere velit. Repellitur tamen primò, si ad secundas nuptias transeat, secundò, si luxuriosam vitam ducat, quæ etiam causæ sunt, cur matri pupilli educatio negari possit. Ibid. §. Porro.

Tutores, & curatores etiam inuiti esse coguntur: quia est vnum ex publicis muneribus, à quibus lex ordinariè neminem immunem esse vult. Verum iustæ causæ allegatione apud Magistratum onus tutelæ declinare concessum est. eod. n. 3. §. Tutores.

Clerici cogi non possunt ad suscipiendam tutelam, præterquam personarum miserabilium: si aliæ personæ idoneæ non reperiantur: Sed à Religiosis omnino alienum est tutelæ munus. n. 4.

Si Clerici velint tutelam legitimam tanquam proximi cognati suscipere, non prohibentur. eod. n. 4.

Tutor pupillo datur usque ad tempus pubertatis. Si tamen tutor rationes tutelæ non offerat, nec pubes factus contradicat, officium administrationis ille retinet. n. 2.

Minor natus in iudicio seu Actor, seu ut Reus sine tutore, aut curatore non admittitur, præterquam in causis spiritualibus, puta Ecclesiastici beneficii, matrimonij, & his annexorum. eod. n. 2. differentia 2.

Tutor, sicuti & curator, cum primum Iudicis auctoritate interueniente bonorum administrationem suscepit, inuentarium conficere debet, deinde operam dare ut ex bonis immobilibus fructus proueniant, pecunia quoque in annuos redditus conuertatur: alioquin restituere cogetur, quod ab eo non sine culpa neglectum fuit. eod. num. 2. §. Tutor.

Tam tutor, quàm curator bona administrare debent tali cura, qualem diligens paterfamilias proprijs bonis adhibere solet. eod. c. 9. n. 1.

Ut tutor, aut curator omnem à se fraudis suspicionem amoveat, consultum ei est, ut propinquorum consilio in bonorum administratione utatur. n. 2.

Pro cura seu administratione prohibitum est tutori salarium accipere, nisi ei à Iudice constitutum sit. Ibid.

Tutor & curator ob legum constitutionem in fauorem illorum factam, quasi ex contractu obligantur, ut culpam etiam seu negligentiam leuem præstare teneantur, non minus, quàm voluntarij negotiorum gestores. l. 3. t. 4. c. 7. n. 5. in fine.

V.

Vasa, & vestes sacra.

In altari, dum Missæ sacrificium peragitur, debet esse linteum, seu mappa linea extensa super mensam altaris, deinde altera mappa seu palla linæ, quam decet quidem, sed necesse non est duplicatam esse: quare satis est, si sit vna mappa continua, sed duplicata, quæ corporali subiecta sit. l. 5. t. 5. c. 6. n. 10. assert. 2.

Palla quæ calici superponitur, ipsamque corporale be-

nedicta esse debent ab Episcopo, vel alio habente Sedis Apostolicæ privilegium. n. 11.

Reliquas etiam mappas quæ corporali subiectæ sunt, debet esse benedictas: Et ita consuetum est, quamuis absolute non necessarium. Quare si celebrato Missam mappa benedicta præstò non sit, fas erit alia munda lintea corporali substernere, quæ deinde sicuti prius, vñibus profanis applicari possunt. eod. n. 11. in fine.

Purificatorium ex lino factum, & benedictum esse oportet. n. 12. ornam. 6.

Calix, & patena ex materia aurea, argentea, vel, si paupertas postulet, saltem stannea esse debet, non item ex ligno, lapide, ferro, ære, aurichalco, vitro. n. 12.

Calix, & patena non debent fieri ex plumbo Verum pedem calicis nihil prohibet ex cuprò, aut plumbo confectum esse. eod. n. 12. §. Sed dubium.

Si quis Ecclesiæ calicem legauerit, interpretari oportet de calice argenteo: quia præsumitur legatus calix, qui ad cultum diuinum magis idoneus est, ob reuerentiam sacramenti: nisi fortè in Ecclesia, ad quam legatum fuit, præsertim ab homine paupere, vel rusticano, stannei calices esse soleant. l. 4. t. 4. c. 3. n. 4. §. Loquimur.

Calix & patena ab Episcopo consecrata esse debent, & chrismate vñcto. Abbates verò aliqui ex consuetudine immemoriali eadem potestate gaudent supra cit. c. 6. n. 12. §. Debent.

Vestes & paramenta sacra altaris à simplici sacerdote benedici non possunt, sine privilegio sedis Apostolicæ. Sed Abbates qui pontificalia exercent, talia benedicere solent, etiam corporalia. lib. 5. tr. 9. c. 13. n. 10.

Sacræ vestes integræ, & mundæ esse debent: quod multò magis sentiendum de calice, patena, corporali, purificatorio, quippe quæ proximè corpus, aut sanguinem Christi contingunt: quare plures arbitrantur, peccatum mortale esse, in vestibus, aut vasis valde immundis celebrare, supra cit. c. 6. n. 15.

Episcopus, vel Ordinis Prælati ob causam infirmitatis licentiam dare potest sacrificandi capite operto amictu, vel pileolo, præteritum usque ad consecrationem: imò si causa ita celebrandi manifesta sit, & scandalum absit, non est opus Episcopi dispensatione. n. 16.

In casu quo manipulus, vel stola haberi non potest, manipulus pro stola, vel stola pro manipulo inferuire, & accommodari potest, cum tandem benedictionem habeant. Quamobrem si ex stola manipulus conficiatur, opus non est noua benedictione. n. 17.

Licet non magna necessitas urgeat, celebrari potest sine crucifixo, vel cum vna mappa benedicta. eod. n. 17.

Licet communi Ecclesiarum consuetudine receptum sit, ut lumen sit geminum, & incera, ob causam tamen, etiam non valde grauem, celebrari potest cum vno cerco, vel ligne ardente in oleo, modò scandalum absit. eod. n. 17. in fine.

Sacra vasa, videlicet calix, patena, corporale, ciborium, dum in ijs continetur corpus, vel sanguis Christi, à nemine præter Sacerdotem sine graui culpa tangi possunt. n. 18. q. 2.

Sacra vasa, si vacua sint, item quæ consecrata, & chrismate vñcta, ut altare, cereos agnos, fas non est laicis, & Sanctimonialibus attingere. Cuius tamen rei transgressio, si contemptus absit, culpa tantum venialis est, imò si rationabilis causa suadeat, nulla culpa erit. n. 19.

Corporalia, & purificatoria, antequam laicis dentur, à Diacono in pelui ad id preparata lauari, & aqua lotionis in sacrarium effundi debent. Quod de prima saltem ablutione accipiendum est, vbi consuetudo viget, ut scemina, præsertim sacrata corporalia & purificatoria à Ministro leuiter lota iterum lauent, & perficiant. §. Propter.

Corporalia, & purificatoria post lotionem, antequam ad Sacrificium denuo abluantur, etiam à laicis, sicuti alia

palla benedicta, cum reuerentia tangi possunt. eod. n. 19.
§. His adde.

Consuetudo Ecclesiarum est, ut nemo, qui saltem subdiaconus non sit, sacra vasa contingat, nisi causa aliqua suadeat. Ordines verò Medicantium priuilegium Sedis Apostolicæ habent, ut omnes eorum Regulares, dum suorum Superiorum voluntate in proprijs ecclesijs sacristæ officio funguntur, omnia paramenta, sacra vasa, & corporalia reuerenter tangere, ac lauare possint. eod. n. 19. Dicto 3.

Alias vestes, & pallas benedictas, quæ nec immediate corpus & sanguinem contingunt, nec sacro chrysmate unctæ sunt, cum reuerentia tangere omnibus, etiam laicis, concessum est. Sed ad vsus profanos adhiberi non debent, licet vetustate absumpta, vel lacerata sint, quin potius igni absumenda. n. 20.

Valde decens est, & pluribus locis vsitatum, ut pyxides, & ciboria, in quibus sacrum chrisma, vel hostiæ consecratae asseruari solent, prius benedicantur, quam ad eum vsus admodum sacrum adhibeantur. Veruntamen, tametsi pyxides, item lunula, quæ sacrem Eucharistiam immediate contingit, benedicta sint, quia tamen chrysmate non unctæ, ideo priusquam ad sacrum corporis contactum adhibentur, tam à laicis, quam Clericis tangi possunt. numero 22.

Venatio.

Feræ animantes sub nullius dominio sunt: ideo primò acquirenti naturali iure acquiritur. l. 3. t. 1. c. 5. n. 12.

Si fera vulnus acceperit, ut certò constet, percussoris manus effugere non posse, eidem tradenda est: Sin autem dubium sit, inter vtrumque diuidenda, secundum dubij proportionem. Ibid. §. Illud.

Si vnus aui laqueum tetendit, alter extraxit, ei danda videtur, qui laqueum posuit, quando certò eam capturus fuisset, nisi alter extraxisset. Ibid. §. Simile dubium.

Si princeps ius venandi in locis publicis iusto aliquo titulo proprium sibi vendicet, alijs meritò interdicat. Sed venatores ob primam decreti prauatlicationem corporali pœna afficere non potest. n. 13.

Iniquus venator captarum ferarum dominium sibi acquirit, licet de damno illato in conscientia foro teneatur. num. 14.

Venatio Clericis prohibita est, præsertim quæ cum armis, & tumultu instituitur. n. 15.

Si princeps lege lata subditis venationem prohibeat, nulla interueniente pactione, aut renuntiatione ipsorum, obligatus est ad damna cauenda, & illata ipsis resarcienda: secus, si per liberum populi consensum, vel simili titulo iusto Princeps ius venandi, ut proprium acquisiuit. n. 16.

Semper tamen princeps in conscientia obligatus est ad cauenda damna immodica incolarum, quando videl. consideratis omnibus circumstantijs, & habita boni publici ratione non tanti æstimanda est Principis recreatio, quam ex multiplicatione ferarum capit, ut propter eam permitendum sit damnum multorum subditorum. eod. n. 16.
§. Quæresecundò.

Veneficia, Sage.

Plures scemina, quam viri veneficij obstricta sunt. lib. 3. tr. 6. c. 5. n. 17.

Sagas ad veram pœnitentiam conuertere difficile, sed non impossibile est. n. 18.

Confessarius agendo cum sagis à Iudice captis, aut condemnatis, magna prudentia uti, & multa efficacia media adhibere debet. Ibid. n. 19.

Sagæ tenentur eiusdem criminis reos, quos nouerunt, Iudici prodere. n. 20.

Confessarius frustra plerumque laborabit, si post sagæ supplicium Iudici significet, eam reuocasse denuntiationes. n. 23.

Eti Confessarius ex sacramentali Confessione colligat mulierem metu tormentorum crimen confessam re ipsa innocentem esse, tamen Iudicem de ea re monere non ex-

pedit. numero 25.

Iudex mulieres de maleficio suspectas capere, & torquere debet, secundum indiciorum gratitatem. n. 26.

In criminibus exceptis tametsi Reus confessus non sit, damnari potest, propter multiplicatas denuntiationes personarum infamium: sed id locum habere non videtur in condemnatione sagarum, cum denuntiantes non sint testes eiusdem criminis in particulari. n. 27.

Consuetudo apud Christianos est, ut venefici, & similes Rei ad ignem damnati, non lenta morte crucientur, nisi impenitentes decedant. n. 28.

Licet ordinariè crimina, eorumque pœna morte extinguantur, id tamen locum non habet in exceptis, cuiusmodi est crimen hæresis, & quod illi æquiparatur, crimen veneficij: In eiusmodi Reus conuictus, aut confessus etiam post mortem damnari potest. n. 29.

Saga in carcere prius mortua, quam crimen confessa, vel de eo conuicta sit, si nihil aliud obstat, in loco sacro sepeliri debet. n. 30.

Sagæ quæ de crimine nec conuictæ, nec confessæ sunt, post mortem publica sententia infamari non debent. numero 31.

Sacra Eucharistia, & sacra sepultura sagis negari non possunt, si iudicio adhuc pendente in carcere decedant. num. 32.

Sacra Eucharistia ad sagas, & alias eiusmodi personas cum minore solemnitate deferenda est. n. 33.

Vicarius.

Vicarius Generalis Episcopi ex eodem, cuius vicem gerit, tribunali iurisdictionem ordinariam exercet in diocesanos: quare ab illo ad Episcopum appellari non potest, quia appellatio est ad Iudicem diuersum. l. 1. tr. 4. cap. 7. numero 18.

Officium Vicarij generalis non multum discrepat ab officio Archidiacono. Ibidem.

Mortuo, vel deposito Episcopo iurdictio Vicarij generalis expirat: per excommunicationem verò Episcopi, etiam Vicarij iurdictio suspenditur, tametsi causa cœpta sit: in quo differt à Iudice delegato, cuius potestas ob mortem, vel excommunicationem delegantis non cessat quoad negotia cœpta. n. 19.

Iurdictio Vicarij generalis communi iure, & nisi maiorem potestatem Episcopus conferat, non se extendit ad meras & voluntarias gratias, cuiusmodi sunt collatio beneficiorum, dispensatio in irregularitatibus, denuntiationibus matrimonij &c. eod. n. 19. §. Porro.

Officium Viceprioris, Vicequardiani, quin & quorundam Vicariorum forensium, mortuo, vel deposito principali non expirat. Quia ordinariam iurisdictionem habent. num. 20.

Vicarius Generalis licet beneficia Ecclesiastica conferre non possit, sine speciali concessione, sicut nec præsentare ad beneficium, cuius patronus Episcopus est, potest tamen præsentatos instituere, electos confirmare, cum hi actus necessitatis, ac iustitiæ sint. l. 4. t. 2. c. 10. n. 6.

Similiratione potest Vicarius conferre beneficia vacantia ex causa permutationis, si habeat ab Episcopo facultatem recipiendi resignationes. Ibidem.

Virginitas.

Est perfectissima castitas, continens firmum propositum integritatis, ac puritatis perpetuò conseruanda, gratia honestatis. l. 3. sect. 4. n. 7.

Virgo alia integra est sola carne, alia integra est sola mente, alia denique tam carne, quam mente. n. 8.

Quæ animo corrupta, sed carne integra est, virginitatem per pœnitentiam recuperare potest, atque inter sacras virgines velari. Ibid. §. Virgo.

Virgo animo integra, sed violata post stuprum, virginitatis laudem retinet, sed à volo consecrationis abstinere debet, & ad prælaturam non ascendere. cit. n. 8.

Probabile est, quod mulier voluntariè polluta post

pœnitentiam inter virgines consecrari, ac velari possit. Ibid. dicto II.

Si mulier, quæ occultè, vel per vim corrupta est absque sui infamatione à sacro virginitatis velo abstinere nequeat, Episcopus eam consecrare potest, vsurpando vocem virginitatis, pro voce castitatis. n. 9.

Confessarius mulieri, quæ occultè fornicata, aut vim passa est, dicere debet, (præsertim dubitanti, & quærenti) si Monasterium ingredi velit, quoddà velo consecrationis abstinere debeat, si consuetudo ibi vigeat virgines profefas consecrandi. cit. n. 9. § Ex dictis.

Virtus.

Virtus hominis dicitur ea dispositio, qua & ipse bonus, & propria eius operatio bona efficitur. l. 3. s. 1. n. 1.

Virtutes aliæ intellectuales sunt, & aliæ morales. n. 2.

Virtus moralis est habitus electivus secundum medietatem, quatenus prudens definierit. n. 3.

Virtute nemo abuti potest, sed arte abuti quisque potest. num. 2. in fine.

Virtus in medio consistit, vitia autem ad extrema tendunt: quare maior vitiorum, quam virtutum numerus est. num. 4.

Vnctio.

Extrema vnctio est novæ legis sacramentum, à Christo institutum, & à S. Iacobo Apostolo promulgatum. lib. 5. tr. 8. c. 1. n. 1.

Sacramentum Extremæ vnctionis est consummationum Pœnitentiæ, ideòque credibile est, hæc duo sacramenta simul instituta fuisse. n. 2.

Patres de Sacramento Extremæ vnctionis testimonia præbent. n. 3.

Materia remota Extremæ vnctionis est oleum oliuarum, quod ab Episcopo benedictum esse debet. c. 2. n. 1.

Oleum extremæ vnctionis debet esse simplex, non mixtum balsamo: quod si mixto oleo, seu chrismate conferatur hoc sacramentum, incertum est, an valeat, tamen nihil reperti debet. n. 2.

Tria olea sacra in Cœna Domini Presbytero dantur, oleum Catechumenorum, oleum infirmorum, & chrisma. n. 3.

Oleum vetus superueniente nouo post Cœnam Domini, in lampadibus ecclesiæ ante Venerabile sacramentum ponendum, & comburendum est. n. 4.

Materia proxima huius sacramenti est vnctio saltem quinque sensuum, facta manu Sacerdotis. Pedum verò & renum vnctiones non sunt de essentia sacramenti. n. 5.

Si infirmus manibus careat, vngenda est caro propinqua. num. 6.

Sacramenta omnia cum sanctæ crucis figura ministrari solent. num. 7.

Forma Extremæ vnctionis deprecatoria esse debet. c. 3. num. 1.

Non pertinet ad essentiam huius sacramenti, vt verborum forma ad singulos sensus repetatur: quare in necessitatis casu brevior forma vsurpari potest. n. 3.

Subiectum capax huius sacramenti est solus homo baptizatus, qui rationis vsum adeptus est, & ex morbo vita periclitatur. c. 4. n. 1.

Pueris Extrema vnctio dari potest, etiam antequam ad S. Eucharistiam admittuntur. n. 2.

Morituris, si in phrenesin, aut amentiam inciderint, Extrema vnctio danda est, si antè Christianè vixerunt, secus, si in peccato mortali notoriè constituti erant. n. 3.

Expedi dare Extremam vnctionem, cum periculum mortis ex infirmitate probabile est. n. 4.

Extrema vnctio iterum conferri potest, si infirmus postquam ravaluisse videbatur, in periculum mortis recidat. numero 5.

Sacramentum Extremæ vnctionis principaliter institutum est contra peccatorum reliquias, minus principaliter ad sanita em corporis, si anima expediat, conferendam. cap. 5. numero 1.

Peccatori, quem Sacerdos existimat attritum fuisse, antequam in phrenesin incidit, Extremam vnctionem ministrare potest. num. 2.

Extrema vnctio est sacramentum totius vitæ consummationum. n. 3.

Effectus gratiæ sacramentalis confertur, cum sacramentum essentialiter constitutum est. n. 4.

Sacramentum Extremæ vnctionis non videtur consistere, & effectum operari, donec omnes quinque sensus vncti sunt. n. 5.

Solus Sacerdos potest esse Extremæ vnctionis Minister. c. 6. n. 1.

Extremam vnctionem extra necessitatis casum licitè non administrat Sacerdos, si nec Pastor sit, neque à Pastore, seu, Ordinario licentiam habeat. n. 2.

In casu necessitatis plures Ministri esse possunt, quorum vnus vnus, alter alterum sensum sinui vnguant. n. 3.

Nullum præceptum extat sacram vnctionem accipiendi, cum ad salutem necessarium non sit. c. 7. n. 1.

Propter contemptum, vel scandalum securum, fieri potest, vt peccatum mortale sit, Extremam vnctionem intermittere. n. 2.

Parochus ratione officij sui sub peccato mortali obligatur ad ministrandum Extremæ vnctionis sacramentum petentibus. n. 3.

Si periculum in mora sit, statim ad ipsas vnctiones, quippe sacramento essentielles, accedendum est. c. 8. n. 1.

In dubio, numadhuc vivat qui vngendus est, sub conditione sacramentum ministrari potest. n. 2.

Sacerdotes infra palmam, vel in exteriore manus parte vngi solent. n. 3.

Nihil obstat, sacrum Viaticum dari etiam post acceptam Extremam vnctionem. n. 4.

Vnctio Sacerdotum est accidentalis quædam cæremonia, eaque antiquissima. lib. 5. tr. 9. c. 12. n. 4.

Voluntarium.

Voluntarium interdum latè accipitur, vt idem sit quod spontaneum, & omnibus cognoscentibus substantijs competit, interdum verè propriè, & vltariùs pro eo, quod à voluntate, seu intellectualis substantiæ appetitu est, idque diuiditur in necessarium, ac liberum. l. 1. t. 2. c. 3. n. 1.

Voluntarium diuiditur I. in elicium, & imperatum. II. in id, quod est à voluntate propria, & quod est voluntarium voluntate aliena. III. diuiditur in voluntarium expressum, ac tacitum. IV. in voluntarium actum, & voluntarium virtute. V. in id, quod directè, ac per se voluntarium est, & quod indirectè, siue in alio. eod. n. 1. & seqq.

Tacens consentire videtur, si agatur de eius commodo, secus, si de incommodo. n. 3.

Tacens consentire censetur, si consentire nolens contradicere debeat. §. Secunda.

Reus à Iudice legitime iussus ad ea quæ obijciuntur respondere, si taceat, fateri præsumitur. Ibidem.

Prelati scientia, & patientia consensus aestimatur, si contradicendo absque scandalo, alteriusue mali periculo impedire possit, non item, si facillè impedire non possit. §. 3.

Vt actio virtute voluntaria dicatur, debet initio imperata fuisse ab interno actu liberæ voluntatis, cuiusque imperio, & motionis vi hucusque durare. n. 4.

Si homo voluntariè exerceat actionem, ex qua prouidet securum effectum, etsi cum directè non intendat, tamen indirectè voluntarius censetur. n. 5.

Vt effectus ex operatione tanquam causa secutus, voluntarius censetur, necesse est operantem aduertisse ad periculum, seu probabilitatem securi effectus: nam si nullam de effectu cogitationem suscepit, neque in seipso neque in causa sua voluntarius censetur, quippe nullo modo prouisus, sed ex naturali inaduertentia proueniens. §. Circa hanc.

Homo tunc solum peccat, cum causam mali effectus voluntariè præbet, non autem peccat, cum posita causâ,

effectum eius impedire amplius non potest. cit. n. 5. & 6.

Si quis secuturum effectum impedire non velit, quem potest, ac debet impedire, indirectè voluntarius ei censetur. n. 7.

Qui consultò prætermittit, aduersus eam virtutem peccat, ex cuius præcepto impedire obligatus est. n. 8.

Quod est indirectè voluntarium, minus propriè, ac perfectè voluntarium est, consequenter si circa obiectum malum versetur, minus culpabile est, quàm si formaliter, directè, ac per se volitum esset. eodem numero 8. in fine.

Qui Christianam perfectionem sectantur, quàm maxime cauere debent, vt nullum peccatum plena voluntate, seu animi deliberatione committant. l. 4. t. 4. c. 2. n. 2.

Ex diuersis causis voluntas de eodem obiecto materiali gaudere, & tristari potest. lib. 2. tr. 3. c. 10. n. 3. & 4.

Omnis nostra voluntas recta est, quæ & quatenus diuinæ voluntati conformatur. eod. n. in fine.

Votum.

Est promissio deliberatè Deo facta, de meliore bono. lib. 4. t. 4. c. 1. n. 1.

Qui vouet animo se obligandi Deo, quamuis non exequendi, verè obligatur. n. 2.

Fieri potest, vt aliquis peccarit temere vouendo, v. g. abstinentiam à vinò, tamen voto obligetur. Ibidem §. Obijciat.

Tantum voluntarium requiritur ad voti obligationem, quantum ad mortaliter peccandum. n. 3.

Ad votum non sufficit voluntas indirecta in causa sua, sufficit tamen voluntas virtualiter permanens in effectu. num. 4.

Votum editum ex ignorantia, aut errore tollente voluntarium nullius roboris est. n. 5.

Votum propriè loquendo soli Deo editur. n. 6.

Quod voto promittitur, debet esse in potestate vouentis. c. 2. n. 1.

Irritum est votum nunquam ne venialiter quidem peccandi: valet tamen votum nullum peccatum cum plena deliberatione committendi. n. 2.

Si pars voti impossibilis sit, quæ in sensu composito seu dependenter à toto promissa fuit, corrumpit totum votum: secus est, si partes plures in sensu diuiso promissæ fuerint, tunc pars vna possibilis propter alteram impossibilem non vitatur. n. 3.

Si quis plura vota, eaque impossibilia edidit, seruare debet quod dignius est, alioquin prius præfertur posteriori. n. 4.

Qui vouit, aut iurauit se non editurum vota sine Confessarij consilio, si postea non adhibito consilio aliquid voueat, nihilominus eo voto obligatur. n. 5.

Opus quod voto promittitur, debet esse moraliter bonum, rem autem malam Deo promittere peccatum est, num. 6.

Finis paruus tenens se ex parte rei promissæ vitiat votum, secus, si teneat se ex parte vouentis. n. 7.

Si quis ad impetrandam à Deo rem illicitam, vel in gratiarum actionem pro re illicita acquisita opus eleemosynæ v. g. voueat, irritum est votum. eodem numero 7. §. Sin autem.

Valet votum dandi eleemosynam, si ex fornicatione, vel adulterio prolem susceperis, aut si in duello illicito superatus non fueris. ibid. §. Præterea.

Opus secundum se indifferens non potest esse materia voti, nisi sine bono cohonestetur. n. 8.

Opera præcepta materia voti esse possunt. n. 9.

Votum rei secundum se bonæ propter finem merè indifferentem inualidè concipitur. n. 10.

Materia voti debet esse opus melius, quàm sit eius opuspositum. n. 11.

Matrimonium ordinariè non potest esse voti materia, sed in certis tantum casibus. n. 12.

Plerumque illicitum est, matrimonium eo animo contrahere, vt postea deserta, ac decepta coniuge, Religionem quis ingrediatur, aut profiteatur. n. 13.

Validum est votum non acceptandi Episcopatum, nisi necessitas cogat. n. 14.

Quod quis voto promissit, præstare obligatus est. Imò etiam in externo Ecclesiastico foro vouens ad executionem compelli potest. c. 3. n. 1.

Transgressio voti ex genere suo mortalis, rationæ materiæ parue venialis efficitur. n. 2.

Votum in dubio interpretandum est secundum naturam, & conditiones rei promissæ. n. 3.

In dubio votum interpretandum est, quatenus minorem obligationem affert. n. 4.

Votum sine temporis determinatione editum executioni mandari debet, cum primum commodè potest. numero 5.

Obligatio voti personalis est, & ad aliam personam non transit. n. 6.

Si Communitas votum Deo edidit, posteri eorum non obligantur ex Religionis virtute. ibid. Corol. 1.

Factum alienum voueri non potest, sed intentio vouentis esse censetur, curaturum se, vt alius faciat. n. 7.

Vouens se ieiunaturum, non satisfacit, si alteri persuasum deat vt pro ipso ieiunet. n. 8.

Si vouens impotens fiat implendi voti sui, non debet aliam personam substituere. n. 9.

Triplex est votum, personale, reale, & mixtum. n. 10.

In voto mixto ex reali & personali, attendi debet, quidnam principaliter promittere animus fuerit: nam accessorium trahitur à principali. n. 11.

Ad vouentis heredem, post aditam hereditatem transit obligatio votorum realium, non item personalium. n. 12.

Hæres non tenetur vota, & legata pia præstare ultra vires hereditatis, imò neque cum diminutione legitime necessarij hæredibus debite. n. 13.

Vota mixta non tenetur hæres implere, nisi, quod in eis reale est, per se, ac dependenter à personali obligatione, defunctus promiserit. n. 14.

Qui vouit se quotidie recitaturum Pater, & Ave, ita vt oratio cuiusque diei onus sit, etsi toto anno intermittat, peccat multoties venialiter, sed nunquam mortaliter. l. 1. tr. 3. c. 5. n. 8.

In voto reali, puta quotidie dandi paruum eleemosynam pauperibus, censetur vouens se obligare, si vno, aut pluribus diebus intermittat, postea compensaturum: quare in talis voti obligatione mortaliter peccari potest. ibid. num. 9.

Melius, magisque meritorium est opus ex voto, quàm sine voto. cit. lib. 4. tr. 4. c. 4. n. 1.

Necessitas implendi voti non minuit voluntatis libertatem. num. 2.

Pœnitentia voti editi, si efficax non sit, nihil culpæ habet. num. 3.

Omnis homo viator, si rationis vsum habet, validè vouere potest. c. 7. n. 1.

Vota ante septimum ætatis annum concepta, irrita censentur, nisi probabilissimè coniecturæ suadeant, sufficientem rationis vsum in tenera illa ætate non defuisse. ibid. Ecclesia in quibusdam votis certam formam, seu conditionem requirit, qua non obseruata, irrita sunt. num. 2.

Votum pœnale, & conditionale.

Votum pœnale dicitur, cum quis minimè affectus est ad rem quam in pœnam vouet, sed idè eam promittit, si crimen commiserit, vt retrahatur à crimine. c. 5. num. 1.

Si opus principale illicitum, vel impossibile fiat, aut eius præstandi obligatio per dispensationem tollatur, cadit etiam obligatio pœnæ. n. 2.

Ignorantia, vel obliuio excusans à culpa, itidem excusat ab annexa pœna. n. 3.

Votum, si in posterum blasphemiam dixerò, dabo in

eleemosynam vnum aureum, plerumque intelligitur toties, quoties peccatum commissum fuerit. n. 4.

Votum conditionatum imperfectam & suspensam obligationem continet. c. 6. n. 1.

Promissiones, & vota, postquam valide edita sunt, conditiones non recipiunt. ibid. §. Demum.

Non peccat vouens, si oppositam conditionem euitet, vel impediatur, ne voti obligationem contrahat. Nisi lege aut præcepto obligatus sit ad conditionem seruandam, tunc peccabit contra Religionis virtutem, nisi seruauerit. num. 2.

Qui aliquid Deo vouet, vel homini promittit sub conditione consensus paterni, statim obligatur, si pater consensum præbeat, licet postea dissentiat. Contrà, statim, obligatione liberatur, si pater dissentiat, licet postea consentiat. num. 3.

Etiā si aliquis dolo efficiat, vt apposita voto conditio non impleatur, obligationem subterfugere videtur. numero 4.

Voti irritatio.

Vota quædam non omnino firma sunt, sed irrita reddi possunt, quatenus cedunt in præiudicium potestatis alienæ. l. 4. t. 6. c. 7. n. 3.

Religiosus, & impubes magis subsunt, ille Prælatus, hic pater, vel tutoris potestati, quam vxor marito, filiusfam. pubes patri &c. n. 4.

Actiones Religiosi, quæ secundum se bonæ sunt, partim absolute voueri possunt; partim verò non sine dependentia à consensu Prælati. n. 5.

Prælatus Ordinis omnia vota Regularium irritare potest, excepto eo, quod est transeundi ad Ordinem strictiorem, vel quod ipsa Ordinis institutio postulat. n. 6.

Vota Religiosi circa actiones bonas, & absolute non prohibitas, sed solum ne sine Prælati licentia perficiantur, tacite in se hanc quoque conditionem continent, si Superior consenserit, siue licentiam dederit, quam proinde petere tenetur: sed non videtur necessarium, vt Prælato significet se vouisse opus, cuius licentiam petit. cit. num. 6. assert. 4.

Si Religiosus opus pium vouit, quod sine Prælati licentia exequi non potest, debet eam petere: sed non videtur necesse, vt votum suum explicet. n. 7.

Summus Pontifex vota Regularium directe infirmare potest, secularium non item. num. 8.

Prælatus Ordinis vota Nouitiorum simpliciter ac directe irritare non potest: quamuis dispensare possit, si à iurisdictione Episcopi exemptus est. num. 9.

Vota impuberis omnia pater directe irritare potest, & in eius defectum avus paternus, & mater, imò etiam Ludimagister, secundum quosdam. n. 10.

Vota ab impubere edita, etiam post pubertatem, à patre irritari possunt, si ea pubes factus non confirmauit: idemque sentiendum de tutore. n. 11.

Maritus non omnia vxoris vota, sed ea tantum rescindere potest, quæ, & quatenus iuri suo præiudicium adferunt: similiter & vxor vota mariti. n. 12.

Pater non omnia vota filij puberis irrita reddere potest, sed ea tantum, quæ patriæ potestati præiudicium adferunt. num. 13.

Etsi Superior licentiam dedit, nihilominus votum rescindere potest, multò magis successor. n. 14.

Votum continentie, cum coniugis consensu approbatum editum, irritum deinde reddi non potest. n. 15.

Votum vxoris de non petendo coniugij debito, à marito nequit rescindi, quamuis sine eius consensu editum sit. num. 16.

Votum impuberis, etsi à patre, vel tutore approbatum sit, nihilominus reuocari, & rescindi potest. n. 17.

Si Superior sine iusta causa votum subditi irritum pronuntiet, peccat venialiter: similiter, si datam licentiam voti exequendi reuocet. n. 18.

Vota quæ directe & absolute irrita facta sunt, non reuincunt sublato statu subiectionis: secus si tantum indirecte & per accidens rescissa sunt. n. 19.

Voti extinctio, relaxatio.

Votum extinguitur, si tempus elapsum sit, quod vouens determinauit, causa obligationis restringendæ, finiendæ: vt si vouisti te ieiunaturum pridie Natiuitatis B. Virginis, eoque die intermisisti, postea voto solutus es: secus dicendum, si tempus definitum fuit, causa obligationis confirmandæ, vt ultra id executionem differre non liceat: si v. g. vouisti intra mensem Religionem te ingressurum esse. l. 4. tr. 4. c. 8. n. 1.

Cessante causa finali, ac principali, cessat obligatio voti: vt si vouisti te peregrinaturum pro impetranda valetudine filij, is verò ante institutam peregrinationem moriatur. n. 2.

Votum extinguitur ob mutationem materiæ, si ex possibili fiat impossibilis, vel ex licita illicita, vel ex bona indifferens, maiorisue boni impediens. n. 3.

Votum conceptum de re impossibili, aut illicita non obligat, etiam si postea possibilis, aut licita fiat. ibid.

Votum extinguitur, si notabilis postea mutatio accadat, vt præsumi possit vouentis intentionem ad eiusmodi euentum seu casum specialem se non extendisse. ibid. §. 4.

Si voueris templum te ædificaturum, ac postea in paupertatem incidas, cessat pro eo tempore obligatio voti: Sin autem ad meliorem fortunam peruenias, voto iterum obligaris. §. Oportet.

Dispensatio in votis vt valida sit, causam iustam requirit: in quo differt à voti irritatione, quæ illicita quidem est, tamen non inualida, si absque causa iusta fiat. numero 4.

Si votum subditi v. g. Religiosi à Prælato superiore confirmatum fuerit, non potest deinde inferior & subordinatus Prælatus illud irritare, potest tamen ex iusta causa dispensare. ibid.

Causæ dispensandi in votis oriuntur, vel ex imperfectioe actus, vel ex materia, aut executionis eius difficultate, vel ex necessitate, aut vtilitate, præsertim publica. n. 5.

In dispensatione super voto tria præcipue attendenda sunt: quid liceat secundum æquitatem, quid deceat secundum honestatem, quid expediat secundum vtilitatem. eodem num. 5. in fine.

Episcopus, & Prælatus exemptus in omnibus votis subditorum dispensare potest, præter quinque Summo Pontifici specialiter reseruata. n. 6.

In votis reseruatis Episcopus dispensare potest, quando est impedimentum adeundi Summum Pontificem, & necessitas cogit mutare dispensationem super voto. Verum talis dispensatio non amplius se extendit, quam necessitas postulat: v. g. si Episcopus in voto continentie cum aliquo dispensauit, vt matrimonium contrahere liceat, talis nihilominus contra votum peccabit, si extra matrimonium fornicetur, vel, eo soluto, ad aliud sine noua Pontificis dispensatione transeat. n. 16.

Episcopus ob casum necessitatis dispensare potest, tamen Legatus Pontificius in prouincia sit. Si tamen adsit, qui speciale priuilegium, aut commissionem habet dispensandi in votis reseruatis, aut lege Pontificia, vel absoluedi à censuris, seu casibus Papalibus, multorum est sententia, Episcopum dispensare, vel absolueri non posse. num. 17.

Per commutationem voti obligatio non tollitur, sed ad aliam materiam transfertur. n. 18.

Vouens propria auctoritate votum commutare potest in opus melius, non item in æquale, sed necessaria, tunc est auctoritas Prælati, aut Priuilegiati. n. 19.

In vota, quibus homo Religiosus efficitur, omnia vota simplicia commutantur. ibid. §. Sed hinc.

Qui habet priuilegium dispensandi in votis, aut iuramentis, ea etiam commutare potest. n. 20.

Privilegia commutandi, vel dispensandi in votis intelliguntur sine præiudicio tertij. n. 21.

Ante voti acceptationem factam à certa persona, aut Ecclesia, non censetur ei ius acquisitum: quare sine iniuria aut præiudicio dispensari, vel in aliud commutari potest. ibid.

Vt voti commutatio in opus æquale, aut minus, licita ac valida sit, necessario aliqua causa requiritur. n. 22.

Commutatio in opus æquale, aut ferme æquale, facili de causa ab habente potestatem fieri potest, ad petitionem vouentis. num. 23.

Qui habet privilegium vota commutandi tantum, debet commutare in opus æquale, moraliter rem æstimando. num. 24.

Vota realia ferme convenientius in onera realia, personalia autem vota in personalia onera commutantur. n. 25.

Votum tum pœnale, tum absolutum, etiam post eius transgressionem, vel contractam pœnam, commutari potest. num. 26.

Qui habet privilegium, seu delegatam facultatem dispensandi, vel commutandi vota fidelium, non potest talem facultatem alteri sub delegare. Potest tamen Confessarius privilegiatus dicere: *Commuto tibi hoc votum in opera, quæ virille doctus tui designaverit, cuius sententia te stare volo.* numero 27.

Post factam commutationem voti in arbitrio vouentis positum est vel votum exequi, vel opus illud, in quod commutatio facta fuit, vel denique ab alio potestatem habente novam commutationem petere. eod. numero 27. addendo 3.

Si opus, in quod commutatio facta est, postea inutile, vel impossibile fiat, quamvis non sine vouentis culpa, omnino is liberatur, neque cogitur votum suum implere, quippe quod per legitimam commutationem extinctum est. num. 28.

Qui vouerat peregrinationem, idque votum postea in Religionis professionem commutavit, si postea è Religione ejiciatur, non tenetur peregrinationem perficere. numero 29.

Per vota simplicia in Societate Iesu edita, priora in seculo emissa, ante professionem suspensa manent, non pœnitentia extincta. num. 30.

Vsura.

Vsura est lucrum ex mutuo: quare ubi mutuum non reperitur, vsuræ locus non est. l. 3. tr. 4. c. 16. n. 1.

Lucrum usurarium est, quicquid temporale, ac pretio æstimabile ultra sortem mutuo datam accipitur, quasi ratione mutui ex iustitia debitura sit. n. 2.

Vsura est, si alicui mutues cum pacto, ut remittat tibi obligationem restituendi ipsi famam, quam iniuste laeseras, vel ut mutuatarius actione iniuriarum abstinere obligatus sit. §. Quamobrem, & §. Simili.

Vsura non est, nullo mutuo alteri v. g. pecuniam, nisi is vicissim mutuo det frumentum. Sed vsura est, dare alicui mutuo, obligatione ipsi imposita, ut & ipse futuro tempore mutuo, aliudve officium præstare debeat. numero 3.

Contractus iste conductionis est, non usurarius, si mercator indigenti mutuo pecunias nolit, sed conducatur operas eius ad futuram messem mercede pecuniaria nunc anticipata. eod. num. §. Porro.

Nihil prohibet, quominus contractui mutui in futurum instituendo accidentaria gravamina vicissim adijciantur, modò ea utrinque æqualia sunt: v. g. obligo me ad mutuum tibi pecunias, si vicissim te obliges ad emendum à me merces. ibid. dicto 3.

Vsurarius non est, qui ob speratam remunerationem mutuo dat, aliàs non daturus, nisi id speraret. Sed obligatio remunerandi in pactum iustitiæ propter mutuum deduci haud potest. num. 4.

Vsura alia est realis, in qua lucrum ex mutuo in pactum

deducitur expressè, vel tacitè, alia autem est mentalis, si mutuans in pactum non deducat, speret tamen lucrum sibi offerendum esse, tanquam ratione mutui debitum sit. num. 5.

Iterum diuiditur vsura, quod alia est aperta, quæ in mutuo expresso fundatur, alia verò palliata alterius contractus nomine, ac specie veluti pallio occultatur: ut si mercator ob dilatam solutionem pretij mercem carius distrahat: aut si emptor ob anticipatam pretij solutionem mercem minoris emat. eod. n. 5.

Si deponas apud alterum pecuniam data ipsi facultate utendi, eo pacto, ut propterea obligatus sit pretium aliquod solvere, non est contractus depositi, sed palliata vsura. ibid. exemplo 3.

Omnis vsura illicita est non solum Ecclesiastico iure, sed etiam diuino, ac naturali. num. 6.

Vsurarius non comparat dominium rerum per vsuram acceptarum. num. 7.

Christiani Principes Iudæis subditis suis prohibere debent vsuras: interdum tamen maioris mali vitandi causa non immeritò permittuntur. Tunc verò aduersus iustitiæ legem haud dubiè peccabit Magistratus, si vsuras ipsis permittant cum obligatione magni tributi soluendi, cum idcirco vsurarij vsuras augere, & pauperes magis opprimere cogantur. eod. n. 7. Corol. 2.

Mutuo alij iusti tituli adijci possunt, quibus ultra sortem aliquid accipere licitum sit: videl. lucri cessantis, damni emergentis pœnæ conventionalis &c. n. 8.

Si mercator pecunias voluisset negotiationi exponere, ideo verò abstinuerit, quia sciuit multos mutuo petituos non est improbabile, etiam hoc casu compensationem lucri cessantis postulari posse. §. Addunt.

Pro sola carentia pecuniæ, siue mera obligatione non repetendi v. g. ad annum nullum auctarium exigi potest. §. Ceterum.

Etiam ob periculum probabile sortis amittendæ aliquid iuste exigi potest. n. 9.

Necesse tamen est, ut lucrum cessans damnum emergens, vel sortis periculum in pactum deducatur, expressè, aut tacitè. num. 10.

Qui in Italia dicitur *mons pietatis* ab vsuræ iniquitate defenditur. num. 11.

Ista pactio iusta est: dabo tibi mutuos mille aureos, priuando me commodo, quod ex ijs percipere volebam, ut in eius compensationem tu tenearis pro me creditori meo vsuras solvere. eod. n. 11. §. Quarto.

Si mutuans nauigaturo periculum sortis in se suscipiat, ratione huius grauaminis, aliquid in conscientiæ foro accipere potest, nihil obstante c. nauiganti de vsuris. n. 13.

Licitum est mutuo frumentum in autumno, ut restituatur tempore verno si æquale dubium sit, plùsne, an minus tunc valiturum sit. Secus, si quasi certum sit, eius pretium auctius fore: nisi in hoc casu ratio lucri cessantis excuset. num. 14.

Si moraliter certum sit, valorem monetæ extrinsecum secundum se auctum iri, non est licitum in censu redimibili pacisci, ut pretium emptionis eadem monetæ specie restituatur: secus autem est, si valor monetarum per accidens augeatur, propter intrinsecam diminutionem minorum pecuniarum. n. 15.

Si mercator mercem, quam pretio summo vendidit, postea pretio minore redimat, interdum ab vsura excusari potest. n. 16.

Contractus antichriscos secundum se illicitus, accessorijs titulis cohonestari potest. n. 17.

Venditio cum pacto redemptionis licita est: & potest pretium emptionis minui, vel augeri, propter obligationem impositam redimendi, aut reuendendi. n. 18.

Maritus donec ei des solvatur, fructus ex pignore finis diminutione percipere potest. n. 19.

Proprietarius ex oppignarato sibi secundo, vel emphyteusi,

fructus absque sortis ex operatione percipit. n. 20.

Pœnæ usurarij canonico, & civili iure decretæ sunt. n. 21.

Vsusfructus, Vsus, Habitatio.

Vsusfructus est ius vtendi, ac fruendi re aliena, salua eius substantia. l. 3. t. 1. c. n. 1.

Vsusfructuarius differt ab vsuario, quod ille fructus omnes ex re frugifera percipere possit, etiam pensiones ex ædificijs, areis, venationum quoque, ac piscationum proventus, non item vsuarius. n. 2. & n. 6. §. Vsus.

Vsusfructus propriè non constituitur in rebus, quæ vsu absumuntur, videlicet in pecunia, frumento, vino. numero 3.

Vsusfructuarius non potest vsufructum in alterum sine domini consensu transferre. At verò commoditatem, seu vtilitatem rei alteri cedere, vel locare non prohibetur, sed non ultra vitam ipsius vsufructuarij. n. 4.

Impensæ, quæ ratione fructuum percipiendorum fieri debent, collectæ, item tributa, & similes reales præstationes vsufructuario incumbunt. cod. num. 4. §. Porro.

Morte ipsius vsufructuarij naturali, aut civili, extinguatur vsufructus; cum sit ius personale num. 5. §. Quarto.

Si Communitati relictus sit vsufructus, centum annis durare debet: quia hic finis est vitæ hominis longæ. Ibid.

Si vsufructuarius Religionem profiteatur, bonorum immobilium, ac reddituum capacem, vsufructus ad Monasterium deuoluitur: Sin autem profiteatur Religionem

incapacem stabilium reddituum, vsufructus cum proprietate consolidatur. n. 6.

Religiosus ante professionem in ordine incapaci testari non potest de vsufructu, cum eius professione ad proprietarium redeat, sicuti nec testari potest de legato annuo quod in singulos annos cedere debet: potest tamen testari de eo legato, quod iam cessit, sine ipsi pleno iure acquisitum fuit. ibid. in Corol.

Vsus propriè dictus in ijs tantum rebus locum habet, quæ vsu non absumuntur, non item in pecunia, poculentis, esculentis &c. At verò vsus imperfectus, & dependens à domini libera voluntate etiam in rebus vsu absumptibilibus, separatus ab earum dominio, constitui potest. cit. n. 6. in fine, & n. 7.

Religiosi in particulari nullum dominium habent, sed merum vsum librorum, vestium &c. cumque imperfectum, & dependentem à Prælato, qui sine iniuria quamcumque eiusmodi rem ab ipsis repetere, vel auferre potest. Sed Fratres Minores etiam in communi talem paupertatem profitentur: cit. n. 7. in fine.

Ius habitandi plus aliquid est, quàm merus vsus ædium. Nam habitatori ius competit edes alteri locandi, pretiumque locationis accipiendi, quod tamen mero vsuario permillum non est, sed solum vt ipse cum familia sua inhabitare possit. num. 8.





INDEX RERVM, QVÆ IN REPERTORIO, IPSOQVE OPERE CONTINENTVR.



A **B** **A** **S** col. 1. Repert. & verb. benedi-
ctio col. 14. & verb. ordinat. Sacra-
mentum. col. 229. & verb. vasa col.
263. 264.
Abbatissa. col. 1. & verb. Religiosa pau-
pertas. col. 217. 218.
Abortus col. 2. & l. 3. Oper. t. 3. p. 3. c.
4. n. 2. q. 2.
Abraman peccârit Saram dicendo sororem suam. l. 2. t. 3.
c. 13. n. 8. & l. 4. t. 3. c. 13. n. 10.
Absolutio à censura, v. censura absolutione tollitur. col.
27. & 28.
Absolutione à suspensione, v. suspensio. col. 252.
Absolutio ab interdicto, v. interdictum col. 126. in fine.
Absolutio à peccatis v. Confessio sacramentalis col. 39.
40. v. Confessarii iurisdicção col. 42. & seqq. v. pœni-
tentia sacramentum col. 203.
Absolutio in foro conscientia tantum, v. censura absolu-
tione tollitur, col. 27. & 28.
Absolutio à casibus referuatis, v. casus referuatus, col. 23.
& 24.
Abstinencia, col. 2.
Acceptio personarum, ead. col.
Acceptilatio, col. 2.
Acedia, ead. col.
Actio, ead. col.
Actionum humanarum circumstantia: col. 4.
Actio ex iussa, de in rem verso; item exercitatoria, insti-
toria, v. mandatum, col. 159. 160.
Actor, accusator, col. 2. & 3.
Actus humanus, col. 3.
Adiuratio, v. Exorcismus, col. 89.
Adoptio, arrogatio v. matrim. impedimenta; vbi de co-
gnat. legali, col. 169.
Adoratio, col. 5.
Adulterium, col. 6.
Aduocatus, ead. col. & v. procurator, col. 210.
Ædificatio, col. 8.
Æmulatio, ead. col.
Æquiuiocatio, v. mendacium, col. 172. 173. v. periurium;
col. 201. & l. 3. Op. t. 6. c. 5. n. 13.
Ætas, col. 6.
Affinitas v. matrim. impedimenta, vbi de impedim. affi-
nitatis, col. 168. 169.
Agni Dei, v. benedictio, col. 14.
Alienatio prohibita, vel non prohibita, col. 7. & v. Capi-

tulum, col. 22. & 23.
Alienatio in fraudem creditorum, v. debitor, col. 49. &
50. & lib. 3. Oper. t. 4. c. 17. §. 4.
Alimenta col. 8. & v. familia, col. 90. & v. filij legitimi, il-
legitimi, col. 99. 100.
Altare col. 8. & v. benedictio, col. 14. ex l. 5. t. 9. c. 13.
Ambitio, col. 8.
Angaria, seu vehiculares præstationes. l. 4. t. 9. c. 6. n. 5.
& 6.
Angeli ab hominibus inuocandi sunt, vt Deum orent pro
ipsis, v. Sanctorum cultus, n. 235. 236. Forma corporea
depingi possunt. ibid.
Annata, seu fructus primi anni. l. 4. t. 10. c. vlt. n. 46.
Antechriseos contractus, l. 3. tr. 4. c. 16. q. 6.
Apostasia, col. 8.
Appellatio col. 9. & v. Censura Ecclesiastica, col. 25.
Arbiter, col. 9.
Archidiaconus, ead. col.
Archiepiscopus, ead. col.
Archipresbyter, ead. col.
Argumentatio, ead. col.
Artha col. 9. & l. 3. t. 4. c. 13. n. 11.
Assasinus v. immunitas, siue asylum, col. 121.
Astrologia v. superstitio, col. 250. 251. ex l. 4. t. 10. c. 3.
n. 5.
Astutia, col. 10.
Auaritia, ead. col.
Audacia, ead. col.
B **A** **N** **N** **I** **T** **V** **S**, col. 10.
Baptismus, col. 10. 11. 12.
Bellum, col. 12. & 13.
Benedictio, col. 14.
Beneficentia l. 2. Op. t. 3. c. 5.
Beneficium Ecclesiasticum, col. 15.
Beneficiorum pluralitas, ibid.
Beneficiorum vnio, col. 16.
Beneficiorum collatio, ead. col. & 17.
Beneficiorum referuatio, deuolutio, col. 17. 18.
Beneficia quomodo vacent, col. 19.
Beneficiorum requisita qualitates, col. 18.
Beneficiorum permutatio, v. simonia in benefic. Ecclesia-
sticis, col. 247.
Beneficiatus Regularis, v. religiosa paupertas, col. 217.
218.
Quale peccatum sit ad beneficia Ecclesiastica indignos
promouere, v. Beneficiator, qualitates, col. 18.

INDEX.

Bigamus v. irregularitas ex bigamia, col. 129.
 Blasphemia, col. 20. & l. 1. Op. t. 2. c. 3. n. 6.
 CÆREMONIÆ sacræ, col. 20.
 Calix v. vasa sacra, col. 263. 264.
 Cambium, col. 21.
 Canonica portio v. sepultura, col. 240. 241.
 Canonicus, col. 22.
 Canonizatio Sanctorum ver. Sanctorum cultus, col. 235. 236.
 Cantusin Ecclesia l. 4. Op. tr. 10. c. 1. n. 5.
 Capellanus v. Sacrificium Missæ, col. 232. & l. 4. Op. tr. 2. c. 4. n. 6. & c. 8. n. 6. & 7.
 Capitulum, col. 22. & 23.
 Captian fugere possint, v. lex pœnalis, col. 151. 152. & l. 2. Op. t. 3. c. 12. n. 16.
 Carcer priuatus, v. familia, col. 90.
 Cardinalis, col. 23.
 Castitatis virtus, l. 1. Op. sect. 3. n. 6.
 Castigatio corporis l. 1. t. 3. p. 3. c. 1.
 Casus reservatus, col. 23. & 24.
 Cathecumenus an sit in Ecclesia, v. Ecclesia, col. 69.
 An in sacro loco sepeliendus, v. sepultura, col. 240. 241.
 An ei pro sit sacrificium Missæ, v. sacrific. Missæ, col. 232.
 Catechumeni alij competentes dicebantur, & alij audientes, l. 5. Oper. t. 5. c. 8. num. 7. & v. Sacrificium Missæ, col. 232.
 Caupo, v. Nauta, col. 184.
 Cautio, col. 25.
 Censura Ecclesiastica, col. 25. & seqq.
 Censura absolutione tollitur, 27. & 28.
 Census, col. 29. & 30.
 Cessatio à diuinis, col. 30.
 Cessio bonorum col. 30.
 Character, v. Sacramenti character, col. 231.
 Caritas, col. 31. & 32.
 Charitativum subsidium, col. 32.
 Chirurgus, v. Medicus, col. 172.
 Chrysma, v. Confirmationis sacramentum, col. 42. & 43.
 Circumstantiæ, v. actionum humanarum circumstantiæ, col. 4.
 Citatio Rei, l. 3. tr. 6. c. 3. n. 2.
 Clausura Religiosorum, v. Moniales, col. 182.
 Clericus, col. 32.
 Clericorum continentia, col. 33.
 Clericorum immunitas, v. immunitas Ecclesiastica, col. 118. & seqq.
 Clericus an testari possit de redditibus Ecclesiasticis, v. Ecclesiastica bona, col. 69.
 Clerico stipendium debitum pro spiritali seruitio, v. simoniæ pretium, col. 245. 246.
 Clerici percussor, col. 34. 35.
 Clericorum castigatio, eod verb. col. 35.
 Clericorum tonsura, col. 35.
 Coadiutor, v. Horæ canonicæ, col. 111.
 Codicillus, col. 35.
 Cœmeterium, v. Ecclesia seu locus sacer, col. 70. 71. & ver. sacrilegium, col. 235. & verb. sepultura, col. 240. 241.
 Cognatio spiritalis, v. impedim. matrimonij, vbi de cognat. spiritali, col. 170.
 Coloni, originarij, ascriptitij, v. seruitus, col. 242. 243.
 Columbarium, col. 36.
 Commenda, v. Horæ canonicæ, col. 111.
 Commodatum, col. 36.
 Communio sacra, verb. Eucharistiæ suscipiens, col. 79. 80.
 Commutatio votorum, v. votum, col. 269. 270.
 Compensatio, col. 37.
 Compromissum, l. 4. t. 2. c. 12. n. 6. & 7.
 Concilium, col. 37.

Concubinarius, col. 38.
 Concubinarij Missa an audiri possit, l. 4. t. 7. c. 4. n. 4.
 Concubinarij non sunt suspensi ipso iure, l. 5. t. 9. c. 11. num. 10.
 Concupiscentia, col. 38.
 Condicio modus, v. pactum, col. 191. v. matrim. col. 163. & v. legatum, col. 146. 147.
 Confessio publica, & secreta, col. 38. & 39.
 Confessio sacramentalis, col. 39. & 40. 41.
 Confessarij iurisdictio, col. 42. 43.
 Confessariorum approbatio, col. 44.
 Confessarij officium, & obligatio, col. 44. 45.
 Confessionis sigillum, col. 41. & 42.
 Confirmationis sacramentum, col. 42. 43.
 Confiscatio bonorum, v. lex pœnalis, col. 151. 152.
 Coniugalis actus, col. 44.
 Coniugum vota, v. votum, col. 269.
 Coniugum professio religiosa, v. diuortium, col. 61.
 Coniugum mutua obligatio, v. familia, col. 90.
 Consanguinitas, v. matrimon. impedim. vbi de impedim. consanguinitatis, col. 168.
 Conscientia, col. 45.
 Consecratio, v. benedictio, col. 14. & v. Ecclesia, sacer locus, col. 70. 71. & v. vasa, & vestes sacræ, col. 263. 264.
 Consecratio virginum, v. virginitas, col. 266.
 Consensus, & ratihabitio, v. voluntarium, col. 268. & l. 5. t. 6. c. 10. n. 15. & 16.
 Qui actum ratificat, scire debet eum irritum fuisse, l. 4. Op. t. 5. c. 5. n. 9. & 10.
 Conseruator iudex constitui potest Prælati Regularis, l. 4. Op. t. 5. c. 11. n. 7.
 Consilium, v. mandatum, col. 159. & ver. restitutio, 223.
 Consuetudo, col. 45. & 46.
 Contemptus, inobedientia, v. peccatum, col. 195. & v. religiosa obedientia, col. 219. 220.
 Contentio, col. 46.
 Contractus, v. pactum, col. 191.
 Contractus lege prohibitus, v. lex prohibens, vel infirmans contractus, col. 152.
 Contrahens obligatur secundum naturam, & condiciones contractus, nisi aliud exprimatur, l. 3. Op. t. 3. p. 1. c. 5. n. 27. & seqq.
 Contractus à viris probis & doctis celebrari solitus in dubio censetur iustus, l. 3. Op. t. 4. c. 17. n. 12.
 Contractus cum errore initus, v. ignorantia, col. 116.
 Contritio, attritio, col. 47. & v. peccatorum remissio, col. 198. v. pœnitentiæ sacramentum, col. 203.
 Contumelia, col. 47. 48.
 Conuentus, quoad numerum Conuentualium, v. Canonicus, col. 22. ex lib. 4. Op. tr. 2. c. 16.
 Conuentus Regularium deficiens, quomodo reformatus sit, lib. 4. Op. t. 2. c. 14. n. 3.
 Conuitium, v. contumelia, 47.
 Corporalia, v. vasa, & vestes sacræ, col. 263. 264.
 Corpore vitiatus, v. irregularitas ex corporis defectu, col. 130.
 Correctio fraterna, col. 48.
 Creditor, v. debitor, col. 49.
 Crimina alia Ecclesiastica, alia similia, alia mixta, v. immunitas Ecclesiastica, col. 118.
 Crimina publica, & priuata, lib. 3. Oper. tract. 4. c. ult. num. 5.
 Crimina morte extinguuntur, lib. 3. Oper. tract. 6. c. 5. num. 29.
 Culpa, casus fortuitus, col. 49.
 Curiositas, lib. 3. Op. f. 4. n. 24.
 Custodes, v. restitutio, col. 223. & v. locatio, n. 156.
 DAMNUM, col. 49.
 Debitor, col. 49. 50. & v. restitutio, col. 223.

Debitum

INDEX.

Debitum coniugale, v. coniugalisaetus, col. 44.
 Decima, col. 50. 51. 52.
 Delectatio morosa, col. 56.
 Delegatus, v. Confessarij iurisdictio, col. 42. 43. & v. iurisdictio, col. 134.
 Denuntiatio charitatiua, col. 57.
 Denuntiatio iudicialis, col. 58.
 Denuntiationes matrimonij, v. matrimonium, col. 163. & seqq.
 Depositio, degradatio, col. 58. & 59.
 Depositum, col. 55.
 Desperatio, col. 55.
 Detractio, col. 56.
 Diaconus, v. ordinat. sacramentum, col. 188. & v. sacramentum, col. 229.
 Diaconissae mulieres, lib. 5. Op. tr. 9. c. 6. n. 3.
 Dies, col. 56. 57.
 Dignitas personatus officium, 56.
 Dispensatio in legibus, v. dispensatio, col. 56. & v. gratia, col. 103. 104.
 Dispensatio super irregularitatibus, & suspensionibus, col. 57. & v. suspensio, col. 252. 253.
 Dispensatio in votis, & iuramentis, col. 59. 60.
 Disputatio, v. contentio, col. 46.
 Distributiones quotidianae, col. 60.
 Diuinitio, v. superstitio, col. 250. 251.
 Diuortium, col. 61. 62.
 Dolus, v. astutia, col. 10. & l. 3. t. 4. c. 7. n. 2.
 Domesticus, lib. 3. Op. t. 6. c. 4. n. 4. §. Quarto.
 Domicilium, col. 62.
 Dominica dies, v. festum, col. 91.
 Dominium, col. 63.
 Donatio inter viuos, col. 63. 64.
 Donatio mortis causa, col. 65.
 Donatio propter nuptias, v. dos, col. 65.
 Dos, parapherna, col. 65. 66.
 Dubium, opinio, col. 67. 68.
 Duellum, col. 68. 69.
 Dulia, v. Sanctorum cultus, col. 235. 236. & ver. adoratio, col. 5.
 EBRIETAS, col. 69.
 Ecclesia, col. 69.
 Ecclesiae definitiones, l. 2. Op. t. 1. c. 2. n. 4. & c. 5. n. 3.
 Ecclesiastica bona, col. 69. 70. & v. immunitas Ecclesiastica, col. 118.
 Ecclesia, sacer locus, col. 70. & verb. benedictio, col. 14.
 Ecclesiae pollutio, reconciliatio, execratio, cit. col. 70. 71.
 Electio Ecclesiastica, col. 71. 72.
 Eleemosyna, col. 73.
 Emphyteusis, col. 74. 75.
 Emptio, & venditio, col. 75. 76. 77.
 Emptionis redemptio, l. 3. Op. t. 4. c. 16. n. 18.
 Epikeia, v. legum interpretatio, col. 153. 154.
 Episcopus, col. 78.
 Eremita, col. 79.
 Error, v. ignorantia, col. 116.
 Eucharistiae sacramentum, col. 79.
 Eucharistiae sumenda necessitas & obligatio, col. 83.
 Eucharistiae sumenda ritus, 83. 84.
 Eucharistiae minister, col. 84.
 Eucharistiae cultu latriae colenda, v. adoratio, col. 5. & lib. 5. Oper. t. 4. c. 5. n. 16.
 Eucharistia energumenis danda est, l. 5. Op. t. 4. c. 4. n. 6.
 Eucharistiae materia, col. 79.
 Eucharistiae forma, col. 80.
 Eucharistiae suscipiens, col. 81. 82.
 Euictio, l. 3. Oper. t. 4. c. 17. §. 3.
 Eunuchus, col. 84.
 Eutrapelia, l. 3. f. 4. n. 26.
 Exceptio, col. 85.

Exceptio non numerata pecuniae, l. 3. Oper. t. 4. c. 15. n. 8.
 Excommunicatio, col. 85. 86.
 Excommunicatus vitandus, aut non vitandus, col. 86. 87.
 Excommunicatio ob Clerici percussione, v. Clerici percussor, col. 34. 35.
 Absolutio ab Excommunicatione, col. 87. 88.
 Exempti Praelati, v. Religiosa obedientia, col. 219. 220. & l. 1. t. 4. c. 7. §. 8.
 Exhereditatio, praeteritio, v. hereditas, col. 104.
 Exorcismi, col. 89.
 Expensae, col. 88.
 Expositi filij, v. filij, col. 99.
 FALSUM crimen, col. 89.
 Fama, honor, laus, ead. col.
 Falcidia, Trebellianica, l. 3. t. 5. c. 9. n. 2. & v. testamenti substitutio, col. 259. 260.
 Familia, col. 90. & seqq.
 Familiam an alere debeat, qui debitis obstrictus est, l. 3. Op. t. 2. c. 11. n. 8. & 9.
 Famulus, v. familia, col. 90. v. mandatum, col. 159. 160. v. cambium, col. 21. v. mutuum, col. 183. 184.
 Festum, col. 91. & seqq.
 Feudum, col. 93. 94.
 Fides diuina, col. 94. & seqq.
 Fidei diuinæ necessitas, col. 95.
 Fidei externa confessio, col. 96.
 Fides publica, & priuata, col. 97. & v. iuramentum, col. 135.
 Fideicommissum, l. 3. Op. t. 5. c. 9.
 Fideiussor, col. 97. 98.
 Filiusfamilias, col. 98.
 Filij legitimi, & illegitimi, col. 99. 100.
 Filij an succedere possint patri in beneficijs, aut cum eo beneficia obtinere in eadem Ecclesia, l. 4. Oper. t. 2. c. 14. n. 5. & seqq.
 Finis, v. act. hum. circumstantiae, col. 4.
 Fortitudinis virtus, l. 3. Op. f. 3.
 Fornicatio, v. luxuria, col. 201.
 Fratritates, col. 101.
 Fraus, v. astutia, col. 10.
 Fructus, col. 101.
 Furtum, col. 102.
 Furtum sacrilegium, v. sacrilegium, col. 194.
 GABELLA, v. tributum, col. 332.
 Gratia, col. 103. 104. & v. priuilegium, col. 207. 208.
 Gula, col. 104.
 HAERETAS, Haeres, col. 104. & seqq.
 Hereditatis renuntiatio, col. 106. & seqq.
 Haeresis, haeticus, col. 107. 108.
 Haeticorum credentes, fautores, v. haeticus, col. 107.
 Haeticorum libri, v. libri haetici, col. 155.
 Haetici an post conuersionem ordinari possint, l. 1. t. 5. p. 5. c. 4. n. 12.
 Haeticorum sepultura, v. sepultura, col. 204.
 Hermaphroditus l. 1. Op. t. 4. c. 24. n. 14.
 Homagium l. 4. Oper. t. 3. c. 2. num. 3. & l. 3. Op. t. 4. c. 24. num. 9.
 Homicidium, col. 109. & seqq.
 Homicidium in ebrietate, l. 1. Op. t. 2. c. 3. n. 5. & l. 3. t. 3. p. 3. c. 4. n. 2.
 Honorem & laudem appetere an liceat l. 3. Oper. f. 3. n. 12. & 13.
 Horae canonicae, col. 111. & seqq.
 Hospitale, l. 4. t. 10. c. 7. n. 5.
 Hypotheca, v. pignus, col. 202.
 IEIUNIUM, col. 114. & seqq.
 Ignorantia, col. 116. & seqq. & v. Censura Ecclesiastica, col. 25.
 Illegitimus, v. filij, col. 99. 100.

INDEX.

- Illegitimi irregulares sunt, l. 1. t. 5. p. 5. c. 5.
 Imagines Sanctorum, v. adoratio, col. 5. & v. Sanctorum cultus, col. 235. 236.
 Immunitas Ecclesiastica, col. 118. & seqq.
 Immunitas seu asylum loci sacri, col. 121. & seqq.
 Imperium merum, & mixtum, col.
 Impudicitia v. luxuria, col. 158.
 Inanis gloria, col. 122.
 Incendiarius, l. 4. t. 10. c. 7. n. 19.
 Incestus, col.
 Inconstantia mentis, lib. 3. f. 2. n. 3. & f. 3. n. 16.
 Indicia, v. iudex, v. Reus, col. 228.
 Indulgentia, col. 122.
 Infamia, col. 124.
 Infamia an Baptismo tollatur, l. 1. Op. t. 5. c. 6. n. 9.
 Infantes, & amentes nullis legibus obligantur; ideo ipsi carnes die interdicto dari possunt, l. 1. Op. t. 4. c. 10.
 Infidelitas, col. 124.
 Infidelium matrimonium v. matrimonium, col. 163.
 Inimicus, col. 125.
 Iniuria, iniuriarum actio, v. contumelia, col. 47. 48.
 Inquisitio v. iudex, col. 132.
 Instrumenta, v. probationes, col. 210.
 Intentio finis, l. 1. t. 2. c. 2.
 Intentio ministrantis sacramentum v. Sacramentum, col. 229.
 Interdictum, col. 125. 126.
 Interdictum Ecclesie v. matrim. impedim. non dirimentia, col. 172.
 Interpretatio, v. legum interpretatio, col. 153. 154. & v. iuramentum, col. 135.
 Intrusus, l. 4. t. 2. c. 15. n. 3.
 Inuenta, col. 126. 127.
 Inuentarium, l. 3. t. 5. c. 6. n. 7.
 Inuidia, col. 127.
 Irregularitas, col. 127. & seqq.
 Irregularitas ex abusu Baptismi, col. 128.
 Irregularitas ex ordinis abusu, ead. col.
 Irregularitas ex infamia, col. 128.
 Irregularitas ex natalium defectu, col. ead.
 Irregularitas ex bigamia, 129.
 Irregularitas ex homicidio, & mutilatione, col. 129. 130.
 Irregularitas ex corporis vitio, col. 130.
 Irregularitas ex obligatione seruili, col. 131.
 Irrisio v. contumelia, col. 47. 48.
 Iubileum, col. 131.
 Iudaei v. infidelitas, col. 124.
 Iudicium temerarium, suspicio, dubitatio, col. 131.
 Iudex, iudicium publicum, col. 132. & seqq.
 Iurisdictio, col. 134. & seqq.
 Iuramentum, col. 135. & seqq.
 Iuramenti irritatio, relaxatio, v. iuramentum, col. 135.
 Ius naturale, gentium, & ciuile, col. 141.
 Ius canonicum, col. 141. 142.
 Ius, iustum, iustitia, col. 142.
 Ius patronatus, col. 143. & seqq.
 L A R D O an diebus ieiuniorum vesci liceat, l. 4. Oper. t. 8. c. 1. num. 5.
 Latria, v. adoratio, col. 5.
 Laudemium, v. emphyteusis, col. 74. 75. ex l. 3. Op. t. 4. c. 23. n. 4. & 18.
 Legatus Sedis Apostolicæ, col. 146.
 Legatum, col. 146. 147.
 Legata pia, aut pauperibus relicta, v. testamentarius executor, col. 257. 258.
 Legitima portio hereditatis necessarijs hæredibus debita, v. hereditas, col. 104.
 Legitimatjo seu natalium restitutio, v. filij, col. 99. 100.
 Lex, col. 148. & seqq.
 Legislator, col. 149.
 Legis materia, & effectus, 149. 150.
 Lex poenalis, col. 151. 152.
 Lex prohibens contractus, & testamenta, col. 152. 153.
 Legis abrogatio, derogatio, col. 154.
 Legum interpretatio, & Epikeia, 153. 154.
 Libellus actoris, v. actor, col. 2. 3.
 Liberum, libertas, v. actus humanus, col. 3. ex l. 1. Oper. t. 2. c. 2.
 Libri hæretici, alijque prohibiti, col. 155. & seqq.
 Libri canonici, & apocryphi, l. 3. Op. t. 1. c. 7. n. 7.
 Ligna cædua, pascua, v. dominium, col. 63.
 Litis contestatio, l. 3. Op. t. 6. c. 3. n. 3.
 Locatio, conductio, col. 156.
 Ludus, col. 157.
 Luxuriæ peccatum, col. 158. & l. 4. Op. t. 5. c. 8.
 M A G I A, maleficium, v. superstitio, col. 250. ex l. 4. Op. t. 10. c. 4.
 Magnanimitas, pusillanimitas, l. 3. Op. f. 3. n. 13. 14.
 Maledictio, col. 159.
 Mandatum, col. 159. 160. & seqq.
 Mandans damnum fieri v. restitutio, 223.
 Martyrium, col. 162.
 Martyrium an in præcepto sit, l. 3. Op. t. 3. p. 3. c. 1. n. 7.
 Matrimonium, col. 163. & seqq.
 Matrimonium infidelium, eod. verb. col. 164.
 Matrimonij denuntiationes, ibid.
 Matrimonium metu cogente initum, col. 165. & v. metus, col. 174. 175.
 Matrimonium simulatum, col. 165. 166.
 Matrimonium conditionatum, col. 166.
 Matrimonium quomodo indissolubile sit, col. 167.
 Matrimonij impedimenta, col. 167.
 Impedimentum erroris, col. 168.
 Impedimentum voti, ead. col.
 Impedimentum consanguinitatis, & affinitatis 168. & seqq.
 Impedimentum cognationis legalis, col. 169.
 Impedimentum cognationis spiritualis, 170.
 Impedimentum publicæ honestatis, col. 170.
 Impedimentum criminis, col. ead.
 Impedimentum impotentia, col. 171.
 Impedimenta ætatis, raptus, ex cultus disparitate, col. 171. 172.
 Matrimonij impedimenta non dirimentia, col. 172.
 Medicus, chirurgus. 172.
 Mendacium. 172. 173.
 Mendicantes regulares quatenus vi priuilegij Apostolici in ecclesijs suis sacram Eucharistiam fidelibus ministrare possint v. Eucharistiæ Minister, col. 84.
 Eorundem priuilegium absoluedi omnes fideles à quibuscunque peccatis, & censuris iuris, l. 5. Oper. t. 6. c. 10. q. 3.
 Meritum, col. 174.
 Metus col. 174. 175.
 Metu facta professio Religionis, aut sacri ordinis susceptio, l. 4. Op. t. 5. c. 5. n. 6.
 Milites, eisque debita stipendia, v. bellum, col. 12. & 13. & l. 2. t. 3. c. 12. n. 18.
 Militis testamentum, l. 3. t. 5. c. 2. n. 14.
 Minor v. pupillus, col. 210.
 Misericordia, col. 176.
 Missa v. Sacrificium Missæ, col. 232.
 Missæ auditio, col. 176.
 Miracula & signa an petere à Deo liceat, l. 4. t. 10. c. 5.
 Modestia, & immodestia, l. 3. Op. f. 4. n. 25.
 Molendinum, col. 181.
 Mollities. v. luxuria, col. 158.
 Moneta. col. 181. 182.
 Moniales, col. 182.
 Monopolium v. negotiatio, col. 184. 185.

INDEX.

Mora culpabilis quæ sit l. 3. Op. t. 4. c. 7. n. 3. except. 2.
 Morale v. actus humanus, col. 210.
 In mortis articulo quinam ab excommunicatione absol-
 uere possint, v. absolutio ab excommunicatione. col.
 27. 28.
 In mortis articulo omnes Sacerdotes à peccatis absolueri
 possunt, v. casus reservatus, col. 23. 24.
 Motus appetitionis l. 1. Op. t. 2. c. 5. n. 11. & 12.
 Mutilatio, v. homicidium, col. 109. v. irregularitas ex ho-
 micidio & mutilatione, col. 129. 130.
 Mutus & surdus à natiuitate ad sacramenta admittendus
 est. lib. 5. Oper. t. 4. c. 4. n. 5. & t. 10. p. 2. c. 2. in fine.
 Mutuum, col. 183. 184.
 N A V T A col. 184.
 Negotiatio col. 184. 185.
 Negotiorum gestor col. 185.
 Neophytus cito ordinari non debet, l. 1. t. 5. p. 5. c. 2. n. 5.
 Notorium iuris, & facti, l. 1. Op. t. 5. p. 2. c. 4. n. 2. & l. 3.
 t. 3. p. 2. c. 3. q. 3.
 Nouitij, v. Religionem vouentes, col. 220. 221. & l. 1. Op.
 t. 5. p. 2. c. 5. n. 4. & l. 4. t. 5. c. 4.
 Nouitij an testari possint, v. testamentum, col. 255. 256.
 ex l. 3. t. 5. c. 3. n. 6. & 7.
 Nuptiæ secundæ, polygamia, v. matrimonium, col. 163. &
 seqq.
 Nuptiarum benedictio, v. matrimonium, col. 163. &
 seqq.
 Nuptiarum secundarum pœnæ secundum ius canonicum
 abrogatæ sunt, l. 5. Oper. t. 10. p. 3. c. 6. q. 3.
 O B E D I E N T I A, v. Religiosa castitas, & obedientia, col.
 219. 220.
 Oblationes, v. primitiæ, col. 207.
 Obseruationes vanæ, v. superstitio, col. 250. 251.
 Occisio sui, l. 3. t. 3. p. 3. c. 1. n. 3. & 8.
 Odium col. 185. 186.
 Officia an vendi possint, v. Simonia, col. 244.
 Officiales ex culpa & negligentia obligantur, v. restitutio,
 col. 223. ex l. 3. t. 2. c. 5. n. 7.
 Officiales quomodo se gerere debeant in tributorum exa-
 ctione, l. 3. Op. t. 3. p. 1. c. 3. n. 6. & 7.
 Officiales an munera accipere possint, & salaria extraor-
 dinaria, l. 3. t. 4. c. 4. n. 9.
 Officiales an pecunias dominorum permutando lucrari si-
 bi possint, v. cambium, col. 21. ex l. 3. t. 4. c. 19. n. 5.
 Officiales vtrum pecunias Principum contractu mutui
 aut censuali exponere possint, v. mutuum, col. 183. 184.
 Officiales & Duces in exercitu quibus modis peccare pos-
 sint, l. 2. t. 3. c. 12. n. 18. §. Peccatum Ducum, & §. Alij.
 Opinio quæ sit probabilis, tuta; quæ probabilior; quæ im-
 probabilis, l. 1. Op. t. 5. §. 2. & §. 3. n. 16. & in Repert.
 v. dubium, col. 67. 68.
 Oratio, col. 186. 187.
 Oratoria, l. 4. Op. t. 10. c. 7. & l. 5. t. 5. c. 5. n. 2.
 Ordinationis Sacramentum, 188.
 Ordo Minorum, Cappucinatorum. An hæreditatum, & le-
 gatorum capaces sint, v. hæreditas, col. 104. & v. lega-
 tum, col. 146. 147.
 Ornatus corporis, 192. 193.
 Paupertas eorum, v. vsusfructus, vsus, col. 275. 276.
 P A C T V M, col. 191. & seqq.
 Pallæ, v. vasa, & vestes sacræ, col. 262. 263.
 Pallium Archiepiscopale, v. Archiepiscopus, col. 9.
 Papa, seu Pontifex Romanus, col. 194. 195. & v. Conci-
 lium, col. 37.
 Parapherna, v. dos, col. 65. 66.
 Parentes, v. familia, col. 90.
 An cogere possint ad matrimonium, l. 5. Oper. t. 10. p. 1.
 c. 1. n. 12.
 An impedire possint à Religionis ingressu, l. 4. t. 5. c. 4.
 n. 1.

Parochus scientia, & bonæ vitæ exemplo ornatus esse de-
 bet, v. Confessarij officium, col. 44. 45.
 Parochus an dispensare possit in legibus ieiunij, & simili-
 bus, l. 1. t. 4. c. 22. n. 5.
 Parochus quatenus absolueri possit ab excommunicatione,
 l. 1. Op. t. 5. p. 2. c. 6.
 Parochus plebem sibi commissam in Christiana Fide eru-
 dire debet: quamobrem oportet eum versatum esse in
 Catechismis, & similibus libris, quibus sacræ cæremoni-
 æ explicantur, & doctrina Christiana traditur, lib. 2.
 Oper. t. 1. c. 9. n. 4. & l. 5. t. 2. c. 8. n. 2. & in Repert.
 v. Charitas, col. 31. 32.
 Parochi, alique Sacerdotes quid suadere debeant homi-
 ni testamentum facturo, l. 3. Op. t. 5. c. 5. q. 3.
 Parochus, qui canonicum officium neglexit, quantam
 partem reddituum restituere debeat, l. 4. t. 2. c. 5. n. 2.
 Parochus quid iuris habeat in decimis, col. 68. 69.
 Parochus quomodo se gerere debeat circa administratio-
 nem Sacramentorum tempore pestis, v. Sacramentum,
 col. 229. ex l. 2. Op. t. 3. c. 3. n. 3. & v. Confessarij Offi-
 cium, col. 44. 45. ex l. 5. t. 6. c. 13.
 Parochus quomodo patrilinos ad Baptismum admittere de-
 beat, l. 5. t. 2. c. 9. n. 4.
 Parochus aduigilare debet, an aliqui in mortis periculo
 constituti sint, vt maturè, & de die sacrum viaticum af-
 feratur, l. 5. t. 4. c. 4. n. 6.
 Parochus & alij Sacerdotes an peccatoribus sacram Eu-
 charistiam negare debeant, l. 3. t. 4. c. 6. n. 8.
 Parochus quam obligationem habeat sacrificandi, lib. 5. t.
 5. c. 3.
 Parochi obligatio circa audiendas confessiones subdito-
 rum, v. Confessarij officium, col. 44. 45.
 Parochus quid possit in casibus reservatis, maximè in mor-
 tis articulo, v. casus reservatus, col. 23. 24.
 Parochus cautus esse debet circa Confessionis sigillum, v.
 Confessionis sigillum, col. 41. 42.
 Parochus quales pœnitentias confitentibus imponere de-
 beat, l. 5. t. 6. c. 15.
 Parochus obligatus est ad ministrandum Extremæ vinctio-
 nis sacramentum, l. 5. t. 8. c. 6. n. 3.
 Parochus quomodo se gerere debeat circa matrimonij de-
 nuntiantes, v. matrimonium, col. 163. & v. matrim. im-
 pedimenta non dirimentia, col. 172.
 Parochus matrimonio assistere quomodo debeat, v. matri-
 monium, col. 163.
 Parochus vagabundorum matrimonijs facile assistere non
 debet, v. peregrinus, col. 199.
 Parochus sacrilegia committere potest circa irreuerentem
 tractationem, vel neglectum rerum sacrarum, l. 3. t. 10.
 c. 7. n. 14.
 Parricidium, l. 3. t. 3. p. 3. c. 4. n. 1. §. Loquor.
 Patientia, l. 3. f. 3. n. 15.
 Patria potestas, v. filiusfamilias, col. 98.
 Patriarchales Ecclesiæ, l. 1. Oper. t. 4. c. 7. n. 4.
 Patrilus, col. 195. & v. matrim. impedimenta, in cognat.
 spiritali, col. 170.
 Patronus, præsentatio, v. ius patronus, col. 143. & seqq.
 Peccatum, col. 195. & seqq.
 Peccatorum remissio, & iustificatio, col. 198.
 Ad peccatum qualis animaduersio mali requiratur, verb.
 ignorantia, col. 116. & l. 1. Op. t. 2. c. 5. n. 13.
 Peculium, v. filiusfamilias, col. 98.
 Peculium Religiosi v. Religiosa paupertas, col. 217. 218.
 Pensio, col. 198. 199.
 Peregrinus, col. 199. seqq. & l. 1. Op. t. 5. p. 1. c. 4.
 Peregrinus quoad absolutionem sacramentalem, v. Con-
 fessio, col. 38. 39. & v. Confessarij iurisdictio, col. 42. 43.
 Periurium, col. 201.
 Permissio mali, l. 1. Op. t. 2. c. 3. n. 8. §. Obijciat.
 Permissio mali alia negatiua, & alia approbatiua, l. 3. Op.
 N ij

INDEX.

t. 3. p. 3. c. 2. n. 4.
 Perplexus, v. conscientia, col. 45.
 Pertinacia, l. 3. f. 3. n. 16. & l. 2. t. 1. c. 13. n. 1.
 Petitorium, possessorium iudicium, lib. 3. t. 1. c. 7. n. 5. & seqq.
 Pignus, col. 202.
 Pœna, col. 203.
 Pœnitentiæ sacramentum, col. 203.
 Pollutio, v. luxuria, col. 158. & v. Eucharistiæ suscipiens, col. 81. 82.
 Possessio, possessor, col. 204. & v. fructus, col. 101.
 Postliminij ius, l. 2. Op. t. 3. c. 12. n. 14. & lib. 3. t. 5. c. 3. num. 2.
 Postulatio quomodo differat ab electione, l. 4. t. 2. c. 12. n. 8. & seqq.
 Præscriptio, v. usucapio, col. 205. 206.
 Præscriptio in seruitutibus, col. 303. 304.
 Præscriptio contra legem, v. consuetudo, col. 45. 46. & l. 1. Op. t. 4. c. 24. n. 15.
 Præceptum, v. lex, & v. legis materia, col. 148. 149. & l. 1. Op. t. 4. c. 1. §. Hinc ergo.
 Præceptum affirmatiuum, & negatiuum, l. 1. t. 3. c. 1. n. 6.
 Excusatio à præcepto, v. legum interpretatio, col. 153. 154.
 Præscriptio in iure decimarum, v. decimæ, col. 50. 51. Vide, l. 4. Op. t. 6. c. 8. & seqq.
 Præsumptionis peccatum, lib. 2. tr. 2. c. 2. n. 3. & lib. 3. f. 3. n. 10.
 Precarium quid sit, l. 3. t. 4. c. 14. n. 4. & seqq.
 Primitiæ, col. 207.
 Privilegium, col. 207. & seqq.
 Privilegium fori, & canonis, v. Clerici percussor, col. 34. 35. & v. immunitas Ecclesiastica, col. 118.
 Probationes, col. 210.
 Procurator, col. 210.
 Prudentia, col. 211.
 Pupillus, col. 210.
 Pueri rationis vsum affectuti communibus legibus obligantur, & irregularitatem incurrere possunt; sed gravissimis pœnis excommunicationis, &c. non obligantur, præsertim si infantia proximi sint, l. 1. t. 4. c. 10.
 Quando confirmandi sint, ver. confirmat. sacramentum, col. 42. 43.
 Quando ad sacram Confessionem adducendi sint, v. Confessio sacramentalis, col. 39. 40.
 Quando ad sacram Eucharistiam, verb. Eucharistiæ suscipiens, col. 81. 82.
 Quando Extrema vinctio pueris danda sit, lib. 5. tr. 8. c. 4. n. 2.
 Purgationes canonicæ, l. 4. t. 10. c. 5. n. 4.
 QVADRAGESIMA, v. ieiunium, col. 114.
 RAPINA, col. 213.
 Raptus v. matrimonij impedimentum, vbi de impedim. raptus, col. 171. 172.
 Religio, Religiosus, col. 213. 214. 215.
 Religiosa professio, eod. verb. col. 214. 215.
 Religiosa paupertas, col. 217. 218.
 Religiosa castitas, & obedientia, col. 219. 220.
 Religionem vouentes, ingredientiæ, col. 220. 221.
 Religionem eiecti, fugitivi, col. 222.
 Religiosi translati ad prælaturam, aut curam animarum, electio Ecclesiastica, col. 171. 172. & v. Religio, col. 213. 214. v. Religiosa paupertas, col. 217. 218.
 Debitis obstrictus an Religionem ingredi possit; atq; ingressus ad quid obligetur, v. debitor, col. 49. 50. & v. Religionem vouentes, col. 220. 221.
 Vtrum Religiosus egredi debeat ad subueniendum parenti inopi, v. Religionem vouentes, col. ead.
 Ex contractu, vel delicto Religiosi an Monasterium obligetur, v. mandatum, col. 159. & v. Religio, col. 213. 214. v. depositum, col. 55.

Reliquiæ sacræ, v. Sanctorum cultus, col. 235. 236.
 Represaliæ, col. 222.
 Rescriptum, ead. col. & 223.
 Residentia, col. 223.
 Restitutio, col. 223. & seqq. & v. debitor, col. 49. 50.
 Restitutio famæ, & honoris v. detractio, col. 56.
 Restitutio in integrum, 226. 227.
 Retractus gentilitius, col. 228.
 Reus, col. 228. & seqq. & v. lex pœnalis, col. 151. v. veneficæ, col. 265.
 Reus an fugere possit v. lex pœnalis, col. 151. & v. bellum col. 12. 13. ex l. 2. Op. t. 3. c. 12. n. 16.
 Reus ad mortem damnandis, vel damnatis an sacra Eucharistia, & sepultura Ecclesiastica danda sit, l. 3. Op. t. 6. c. 5. n. 30. & seqq. & l. 5. t. 4. c. 6. n. 13.
 An lento igne cremari possint ob crimen v. g. veneficij, eod. c. 5. n. 30.
 Rex, regina, col. 229.
 Rogationum dies, l. 4. t. 8. c. 2. n. 8.
 SACERDOTIS cum Episcopo comparatio, l. 5. t. 9. c. 3. & v. ordinationis sacramentum, col. 188.
 Sacerdos sacrificans v. sacrificium Missæ, col. 232. & seqq. & v. Eucharistiæ materia, col. 79.
 Sacramentum, col. 229. & seqq.
 Sacramenti character, 231.
 Sacramentorum administratio, & susceptio quale voluntarium requirant, l. 1. t. 2. c. 3. n. 4.
 Sacramentalia v. peccatorum remissio, col. 198. & v. cæremoniæ, col. 20.
 Sacramenta Veteris legis, l. 5. t. 1. c. 3.
 Sacrificium Missæ, col. 232. & seqq.
 Sacrilegium, col. 235.
 Saluus conductus v. Reus, col. 228.
 Sanctorum cultus, canonizatio, imagines, reliquiæ, col. 235. 236. & seqq.
 Satisfactio, penitentia impositio, 236. 237.
 Scandalum, col. 237. 238. 239.
 Schisma, col. 239.
 Scrupulus, scrupulosus, v. conscientia, col. 45.
 Secretum, col. 240.
 Sepultura sacra, col. 240. 241.
 Sequester, v. depositum, col. 55.
 Seruitus, col. 242. 243.
 Simonia, col. 244.
 Simonia in Ecclesiasticis beneficijs, col. 247.
 Simonia pretium, 245. 246.
 Res spiritualis, quæ materia Simonia est, 246.
 Simonia pœnæ, & restituendi obligatio, col. 248.
 Simonia Confidentia, col. 248.
 Simulatio v. mendacium, col. 172. 173.
 Simulatio in fide & Religione, l. 2. t. 1. c. 11.
 Societatis contractus, col. 248. 249.
 Societas Iesu. Cur Rectores, & Præpositi Societatis Iesu deposita non suscipiant, l. 3. Op. t. 4. c. 25. n. 6.
 Collegia, Domus Societatis Iesu an hæreditatum, & legatorum capaces sint, v. hæreditas, col. 104. & seqq. & v. legatum, col. 146. 147.
 Renuntiationes bonorum an etiam prohibita sint Societatis Iesu Candidatis, ac Nouitijs, l. 3. t. 5. c. 7.
 An Religiosi Societatis Iesu executores testamentarij esse possint, v. testamentarius executor, col. 257. 258.
 Societas Iesus pro spiritualibus officijs, quæ proximis præstantur, nihil temporale accipere potest, v. Simonia, col. 244.
 Qui in Societate Iesu post biennium probationis simplicia vota ediderunt, vtrum retinere & acquirere possint dominium rerum, l. 4. t. 5. c. 7. n. 3.
 Religiosi Societatis Iesu, & Ordinis Prædicatorum an peccent, regulas transgrediendo, eod. t. 5. c. 9. num. 8. & seqq.

INDEX.

Per vota simplicia in Societate Iesu alia prius edita vota ipso iure non extinguuntur, sed suspenduntur, l. 4. t. 4. c. 8. n. 30.

In voto Religionis quamvis strictioris dispensari potest cum ingredientibus in Societatem Iesu, eod. n. 30.

Vota simplicia in Societate Iesu dirimunt matrimonium contrahendum; sed antè contractum & non consummatum non dissolunt, sicuti professio solemnns, l. 4. t. 5. c. 1. n. 4.

Somnium v. superstitio, col. 250. 251.

Sortes, col. 249. & superstitio, col. 250. 251.

Sodomia, col. 250.

Spes Theologica, col. 250.

Sponsalia, col. 250. & seqq. & v. matrimonium, col. 163. & seqq.

Sponsus continentiae voto obstrictus, v. sponsalia, col. 250.

Spositiones, v. ludus, col. 157.

Spontaneum, v. voluntarium, col. 268. & l. 1. Op. t. 2. c. 1.

Stuprum, & col. 249. 250.

Superbia, l. 3. f. 4. n. 23.

Superstitio, col. 250. 251.

Suspensio, col. 252. 253.

Suspensiones propter illegitimam ordinationem, aut ordinis executionem, v. Ordinationis sacramentum, col. 188.

Symbolum, & articuli fidei, v. Fides diuina, col. 94. ex l. 2. Oper. t. 1. c. 6. & c. 7. n. 8. & 9. & v. Fidei diuinæ necessitas, col. 95.

Synteresis, l. 1. t. 1. c. 1.

TABELLARIUS, ver. cambium, col. 21. ex l. 3. Op. t. 4. c. 19. n. 7.

Tabellio, col. 253. 254. & seq.

Temperantiæ virtus, l. 3. f. 4.

Tentatio alia est seductionis, & alia probationis, l. 4. t. 10. c. 5. n. 1.

Peccatum tentationis Dei, eod. c. 5.

Tertiarij Ordinum religiosorum, l. 1. t. 5. p. 2. c. 5. n. 4.

Testamentum, col. 255. 256.

Testamenti solemnitas, l. 3. Op. t. 5. c. 1. & v. Lex prohibens, vel infirmans, col. 152. 153.

Testamentum ad pias causas, & alia priuilegiata, eod. v.

Testamentarius executor, col. 257. 258.

Testamentaria substitutio, col. 259. 260.

Testes, col. 260. & seqq.

Testium solemnitas in testamenti confectioe, l. 3. Op. t. 5. c. 1.

Thesaurus v. inuenta, col. 126. 127.

Timor, col. 261.

Titulus mensæ, seu sustentationis Clericorum, l. 4. t. 2. c. 2. & l. 5. t. 9. c. 10.

Tortura, v. Reus, col. 228.

Traditiones, seu verborum non scriptum, l. 2. Op. t. 1. c. 2.

Quomodo ex traditionibus hæretici conuincendi sint, eod. t. 1. c. 6. n. 3.

Traditiones pharisaicæ, l. 1. t. 4. c. 9. n. 3.

Transactio, col. 261. 262.

Transitus à Religione ad aliam Regionem, v. Religio, col. 213. & seqq.

Tributum, col. 262. & v. immunitas Ecclesiastica, col. 118.

Turcæ. Quid contra eos agere, vel moliri possint Christiani, v. peregrinus, col. 199.

Tutor, curator, col. 263.

Tutores Clerici esse non debent, l. 4. t. 9. c. 5. n. 5.

Tyranno præcipienti, aut ius dicenti an subditi parere possint, ac debeant, l. 2. Op. t. 3. c. 13. n. 5. §. Secundò, & num. 7.

VAGABUNDUS, v. peregrinus, col. 199. & seqq.

Vasa, & vestes sacræ, col. 263. 264.

Vasorum & vestium sacrarum benedictio, v. benedictio, col. 14.

Venatio, col. 265.

Veneficæ, sagæ, col. 265.

Vicarius col. 266. & v. Confessarij iurisdictio, col. 42. 43. & l. 4. Op. t. 2. c. 5. n. 8.

Vigilia, & statio, l. 4. t. 8. c. 2. n. 6. & 7.

Virginitas, col. 266.

Virtus, col. 267.

Vltimæ voluntatis interpretatio, mutatio, v. ius patronatus, col. 143. & v. testamentarius executor, col. 257. 258.

Vnctio, col. 267.

Voluntarium, 268.

Votum, col. 269. 270.

Votum pœnale, & conditionale, 270.

Voti irritatio, 271.

Voti extinctio & relaxatio, 272.

Votum Religionis ingrediendæ, profitendæ, v. Religionem vouentes, col. 220. 221.

Prauaricatio voti castitatis in Sacerdote, vel Religioso, quale peccatum sit, v. Actionum humanarum circumstantiæ, col. 4.

Vsura, col. 273. 274.

Vsuræ compensatoriæ, & lucratiuæ, l. 3. Op. t. 4. c. 17. num. 19.

Vsufuctus, vsus, habitatio, col. 275. 276. & seqq.

DEO, OPT. MAX. HONOR, LAUS,
& gloria sempiterna, AMEN.

FINIS.

A 067/129




UNIVERSIDAD DE SEVILLA



600149889



i 23772/16



67

129

+ colorchecker CLASSIC



+
calibrite

100 90 80 70 60 50 40 30 20 10 0 mm